





5

L 242.





CE  
E


650

Title page  
designed  
by P. P. Rubens

Fine copy

No 488







CRVX  
TRIVMPHANS  
ET  
GLORIOSA  
A  
IACOBO BOSIO  
DESCRIPTA.



C R V X

TRIUMPHANS

ET

GLORIOSA

A

IACOBO BOSIO

DESCRIPTA.





CRVX  
TRIVMPHANS  
ET  
GLORIOSA,

A IACOBO BOSIO descripta


LIBRIS SEX;

*Ad sacrae et profanae historiae lucem,  
et Christianae pietatis augmentum,  
vtilissimis.*

ANTVERPIAE,  
EX OFFICINA PLANTINIANA.  
Apud Balthasarem et Ioannem Moretos.  
M.DC.XVII.



THE  
CHURCH  
OF  
ST. MARY  
AT  
ST. MARY'S





IESV CHRISTO  
DOMINO DEO  
CREATORI  
ET

SALVATORI NOSTRO

IACOBVS BOSIVS *genuflexus, & humi prouolutus, omnem  
laudem, honorem, gloriam, & imperium in æternum dicit.*



<sup>Balaam</sup>  
EATVS vir, inquit  
Regius Psaltes, cuius <sup>Pfalm. 39.</sup>  
est nomen Domini  
spes eius, & non re-  
spexit in vanitates &  
insanias falsas. O vti-  
nam, Domine, hanc  
planè diuinam vo-  
cem auribus cordis

maturiùs percepissem; nec tui pænè oblitus, & à  
vijs tuis abductus, mundi vanitates & falsas prorsus  
insanias ad hanc vsque extremam & senio con-  
fectam ætatem miser secutus essem: quarum ina-  
ni spe ac dolosa illecebrarum captione delusus, eò  
tandem, veluti Sirenum cantu, deductus sum; vbi  
annorum ac bonorum ferè omnium facta iactura,



æterni naufragij (quod absit) discrimen imminere  
 mihi prospicio, ni vel serò tandem resipiscam. Sed  
 Thren. 3. misericordia tua, Domine, quia adhuc non sumus  
 consumpti. Speciali enim gratiæ tuæ munere, ad-  
 monitionem illam tuam auribus meis nunc perfo-  
 nantem, & me ipsum præcipuè alloquentem au-  
 Psalm. 93. dio, atque animo complector: *Intelligite insipientes in po-  
 pulo, & stulti aliquando sapite.* Qua tandem aliquando  
 expergefactus & excitatus, his omnibus nuntium  
 remittens, breue hoc quod mihi superest iter, ad Te  
 Iob 14. omnino dirigendum censui. Tu verò, qui omnes  
 præteritos gressus meos dinumerasti, parce, obse-  
 cro, peccatis meis; & erranti benignam misericor-  
 dia tuæ porrigens dexteram, dirige in conspectu  
 Psalm. 5. tuo viam meam. Ego enim in firmissimæ huius  
 voluntatis meæ testimonium & pignus, de TRIVM-  
 PHANTE ET GLORIOSA TVA CRUCE  
 Tractatum hunc, iam antea à me Italico idiomate  
 editum, & homini dicatum; eundem nunc Lati-  
 num, &, ni fallor, meliorem effectum, Tibi bono-  
 rum omnium Effectori & Largitori, Deo optimo  
 Psalm. 129. maximo, apud quem infinita est misericordia, co-  
 piofa redemptio, bonorúmque operum omnium  
 Apoc. 22. tutissima retributio; Tibi, inquam, qui citò venies,  
 & merces tua tecum est, reddere vnicuique secun-  
 dùm opera sua; qualiscumque ille sit, ante thronum  
 excelsæ gloriæ ac Maiestatis tuæ humiliter prouo-  
 lutus, sincero & integerrimo cordis affectu de-  
 dico,



dico, confecro, ac sanctè deuoueo. Nulli enim decentiùs iustiùsque,quàm Tibi ipsi,de sancta Cruce Tractatus dicandus erat, qui Crucem ipsam, iam ante mundi constitutionem, tamquam Imperatorium thronum, ac Regium trophæum delegisti, in qua Tu Imperator & Rex noster, Regnum & potestatem Tibi in ea, secundum humanitatem, in cælo & in terra acquirereres; hostes prosterneres, mundum Deo Patri reconciliares, cælestiaque si-  
Coloff.1.  
mul ac terrestria vno fœdere coniungeres, pactum confirmares, chirographum damnationis nostræ  
Coloff.2.  
deletes,& mortis vincula dissolueres: quique ipsam tam mirificè dilexisti, & honorasti, vt non proprijs humeris tantum deferre dignatus sis, sed à cunctis etiam electis tuis ferendam statueris, & neminem, qui illam non amanter tulerit, tui discipulum esse  
Lucæ 14.  
posse declaraueris. Ne dedigneris igitur misericors Pater, & clementissime Domine, Deus Creator meus, Redemptor meus, & virtus salutis meæ, hoc exiguum immensi mei erga te officij ac debiti muneris argumentum clementer ac benignè suscipere. Nosti enim Tu, cui omne cor patet, & omnis voluntas loquitur, me pro exigui talenti à te mihi concrediti fœnore, longè locupletiores censum & vectigal diuinæ Maiestati tuæ pendere semper optasse; sed ingenioli mei agellus angustus, pro sterilitate sua, vberiora hætenus promere nequiuit; vberimam sanè laudum & gratiarum mes-



sem, post manipulum hunc, Tibi quandoque laturus, si me, ut spero atque confido, non tamquam  
Matth. 25. torpentem ac nequam seruum damnaueris, & in  
tenebras exteriores eijciendum edixeris, sed inter  
bonos ac fideles seruos (ut obsecro) in gaudium  
tuum clementer ingredi iusseris. Ibi enim in æter-  
num laudem dicam Tibi, qui es gloriosus & bene-  
dictus in sæcula. Amen.



GENE-





# GENEROSIS, PIIS, CATHOLICISQVE LECTORIBVS.

Breuis & compendiaria rerum prænotio, quæ hoc Tra-  
ctatu continentur: de Operis titulo, de diuisione &  
ordine, deque Auctoris ipsius intentione.



**Q**UOD nostro hoc in Codice pertractatur, nobi-  
lissimi ornatissimiq; Lectores, illud ipsum est,  
quod ad Corinthios iam scribens inquit Aposto-  
lus: Nos autem prædicamus vobis Chri- 2. Cor. 1.  
stum crucifixum, Iudæis quidem scan-  
dalum, Gentibus autem stultitiam. Vtq;  
id exprimatur apertius, nullum aliud huius ar-  
gumentum est Operis, quàm declaratio ac pia meditatio altissimi  
admirabilisq; mysterij, per quod Deus optimus maximus, iam ab  
ipso rerum initio, præter omnis creati intellectus captum, redemptio-  
nem nostram per passionem, Crucem & mortem Domini nostri  
Iesu Christi operari statuerat. Quod quidem imperscrutabile sa-  
cramentum, cum à primis ipsis sæculis, in omnibus generationibus  
(ut idem subdit Apostolus) absconditum extitisset; demum cum in- Coloss. 1.  
finita Dei bonitati & misericordia fuit placitum, mundo patefa-  
ctum est, & per sanctos Apostolos Gentibus prædicatum.

Operis autem huiusce titulus est: DE TRIUMPHANTE ET  
GLORIOSA CRUCE LIBRI SEX. A prima enim Crucis  
origine auspicantes, & quàm horribilis, probrosa, infamisq; olim  
apud homines fuerit edocentes, agimus postea de honore, de triumpho  
\* 5 & glo-



& gloria, quam adeptæ est, postquam redemptionis nostræ effecta est instrumentum, per quod Christus Dominus, suis nostrisque denictis atque prostratis hostibus, immortalem gloriam & caelestem triumphum reuexit.

Vniuersa hæc sublimis materia hoc ordine pertractatur. In primo libro ostenditur quid sit Crux: quomodo à priscis Græcis atque Latinis sit appellata: quot Crucium forma ac species antiquitus extiterint; & de singulis quibusque singillatim agitur: in qua Crucis specie ac forma Saluator noster crucifixus fuerit: ex quonam ligno Crux sancta constructa. Quam antiquus mos fuerit homines in Crucem agendi, atque necandi: quando introductus: apud quas nationes præcipue usu receptus. De Regibus, ac magnis Principibus quibusdam, qui in Crucem sunt acti. Quidnam causa esse potuerit, quod Christo Domino nostro Crucem potius, quam aliud mortis genus elegisse placuerit, ut in ea Redemptionis nostræ mysterium perageret. Agitur de Crucis Titulo: de triginta Argenteis, quibus Dominus noster venundatus est; & de singulis Passionis eius insignioribus instrumentis, deque eorum significationibus mysteriis refertissimis.

In secundo autem libro ostenditur, Deum optimum maximum, ante omnia secula, mundum seruare & humanum genus per Crucis instrumentum redimere cum decreuisset, illud iam ab initio, in rerum creatione, innuisse; ipsiusque Crucis clara, manifesta, & visibilia signa in calis, in homine, in animalibus, in plantis, in herbis, in floribus, in ceterisque aliis creaturis constituisse.

Intertio agitur de omnibus Crucis figuris & significationibus, quæ veteris & noui Testamenti sacris paginis continentur; cum expositionibus ac declarationibus, quas sancti Patres sacrique Doctores Ecclesiastici his addiderunt.

In quarto, prophetia, vaticinia, & oracula, quibus Crux sancta à Prophetis in sacris Scripturis prænuntiata, & à Sibyllis apud Gentiles mirabiliter prædicta est, una cum sanctorum Patrum testimoniis, auctoritatibus, & expositionibus, referuntur.

In quinto tractatur de origine idololatriæ, quæ in Aegypto exorta, per ceteras mundi prouincias sese diffuderat: de fabulosa & vana Aegyptiorum Theologia: de diuersis brutis animalibus, aliisque monstrosis chimæis, quas stolidè nimis & impie adorabant: de Crucis imaginibus atque figuris, quas ad Gentilium intellectus aperiendos, mentesque eorum subleuandas ad redemptionis nostræ mysteria agnoscenda, quæ per Crucem ipsam peragenda erant, forsitan permisit Deus,



Deus, ut in Aegyptiorum symbolis, & idolorum simulacris mirabiliter insculperentur ac celarentur: de impia idololatria Aegyptiaca euerfione: de Crucis imaginibus & figuris, quae in Serapidis templi demolitione detecta apparuerunt. Demumq; ostenditur, ac probatur, priscos Ethnicos, non intelligentes quid agerent, Crucis imaginem in multis adhibuisse.

In sexto ostenditur, post Christi Domini nostri passionem, mortem, & resurrectionem, Crucis infamiam & ignominiam in honorem, gloriam, & triumphum, atque in summam venerationem fuisse commutatam. Agitur de peruetusto ac pio more, quem prisci Christi fideles primitivae Ecclesiae inuexerant, signo Crucis se consignandi; proditurq; cur id facerent, & à quo id ipsum didicerint. Ostenditur Crucis signi virtus atque potentia, non sanctorum Patrum auctoritatibus tantum, sed infinitis propemodum miraculis comprobata. Differitur de antiqua Christianorum consuetudine, Cruces praestas ligneas vel lapideas in titulum defigendi, quibus Ecclesias aliq; pia loca exadificanda statuissent; ex qua Titulorum vocabulum & origo defluxit, quibus ad hanc usque diem sancta Romana Ecclesia Cardinales Illustrissimi insigniri ac denominari solent. Probatur, priscos Christianos, ob humilitatem & modestiam, annulos ferreos in digitis deferre consuevisse, in quibus Crucis signum erat insculptum; hisq; miracula perpetrasse. Tractatur de Crucibus coronatis, & gemmatis, quas sculpere ac pingere solebant; doceturque quanam ratione id facerent. De Crucis signo, quod magno Constantino Imperatori in caelo apparuit: de labaro, & ceteris signis militaribus, quae ad Crucis formam adaptari iussit; & de victorijs, quas eiusdem Crucis signi virtute adeptus est. De varijs Crucis apparitionibus, quae in caelo atque in mundo diuersis temporibus conspectae sunt, ac de rerum euentibus, quos praesignificauere. De Cruce à sancta Helena reperta. Probatur Crucem adorandam esse, doceturque quomodo, & quonam cultu sit adoranda: ac demum sanctorum Patrum auctoritate probatur, sanctam Crucem in nouissimis vniuersalis Iudicij diebus, stellis lucidiorem, soléque ac luna fulgentiorem in caelo apparituram.

Et hac quidem ad ea innuenda, quae praesenti hoc Tractatu continentur, maiore qua fieri potuit breuitate, haecenus dixisse sufficiat. Cuius rei clariorem praenotionem nanciscetur Lector ex Capitulorum tabula, & longè maiorem etiam ex Indice generali, Deo annuente, in calce operis adiiciendo.

Huius



Huius autem exantlandi laboris, sanè Auctoris nulla alia mens fuit (benignissimi Lectores) quàm ut exile talentum sibi à Deo optimo maximo concreditum, sincero charitatis affectu in hoc impenderet, ut aliquid delectationis ac spiritualis emolumenti proximo afferret; his verò præsertim, qui non inimici, sed amici Crucis Christi, passionis Christo amarissima, nobis autem dulcissima, mysteriorum contemplatione præcipuè delectantur; ut dum hîc legendo, excelsas admirabilitates perspiciant, quas pro salute nostra Deus per Crucem operari dignatus est, maiore pietatis ac dilectionis affectu in sanctam Crucem ipsam accendantur, ita ut Crucem suam singuli hilariter amplectentes, illamq; per asperum & arduum huius humana peregrinationis iter constanti animo deferentes, de virtute in virtutem progrediantur, donec divina eos deducente gratia, eò tandem perveniant, ubi videbitur Deus deorum in Sion.

Psal. 83.

Neque opus hoc superfluum censendum, aut minus gratè excipiendum erit, cò quòd aliqui doctrina insignes Viri de eadem re iam ante nos scripserint; præsertim verò doctissimus Lipsius, & post eum, copiosè sanè atque ornatè, Jacobus Gretserus è Societate IESU. Etenim Reipublica & populo haudquaquam ingratum esse deberet, absumpsisse nimirum quempiam omnes facultates suas in pomario aliquo parando, non nouo prorsus & inusitato cultura genere, sed aliqua tantum ex parte immutato; nempe florum aliquot amoenissimorum lectissimorumq; adiunctione, peregrinarum arborum atque frugiferarum satione & consitione locupletato, quòd omni hominum generi perpetuò pateret. Mihi verò mens ac desiderium inest, omnes pro Viribus iuvandi, eos præsertim, quibus ingens adeò librorum copia non suppetit. Neque tamen scientia eminentiores, ac Bibliothecis ditiores Viri pedem etiam in hoc incultum Viridarium nostrum inferre dedignentur. Nobiles enim & magnos viros oblectandi ac recreandi animi gratia ambulantes, pauperculi hominis cuiuspiam hortulum fortè ingredi, ibiq; non solum incundos ac suaves flores, sed perutiles etiam, & excellenti gustui eorum gratissimos fructus, præter spem quandoque decerpere contingit.

Quòd si quispiam fuerit, cui Liber hic noster nimius videatur, is remedio illo uti poterit, quod Martialis docuit: qui cum suorum Epigrammatum omni lepore affluentium Librum decimum aliquantisper auctum denuò editurus esset, quasi in ipsius Libri persona sobrios ac deliciores Lectores allocutus, qui prolixioribus  
lectioni-



lectionibus stomachum sibi praeaurari vererentur, inquit:

Si nimius videor, seraque coronide longus

Esse Liber: legito pauca, Libellus ero.

Martialis  
Epigram.  
lib. 10. in  
princip.

Valete, felicemq; vitam ducite, generosi Lectores: & si quis vestrum (quod ego sanè inter faustos ac fortunatos euentus meos deputauerim) ex harum lucubrationum mearum lectione aliquod solatium ac spirituale emolumentum perceperit; Deo optimo maximo, à quo omne datum optimum, & omne donum perfectum desursum est, non autem ab imperitia mea, debitas laudes & gratiarum actiones referat; ac mercedis meae loco, illum pro peccatorum meorum venia deprecetur. Amen.

De OPERIS huius Latina versione & stylo,  
ad pium itidem Lectorem, Auctoris contestatio.



VM superioribus annis hunc de Triumphante & Gloriosa Cruce Tractatum Italico idiomate edidissem, protinus à nonnullis doctrina & pietate insignibus viris, ex diuersis Christiani orbis partibus per epistolas urgeri cæpi, ut eundem in Latinum sermonem conuerterem; quò pijs etiam Christi fidelibus extra Italiam degentibus vsui esse posset. Quamobrem licet in hac iam annis confecta & afflicta ætate, quæ si non velocem propinquam certè tabernaculi mei depositionem denuntiat, onus hoc iure optimo detrectare potuissem; tamen ne in his quæ ad proximos iuandos Christiani muneris sunt, etiam usque in senectam & senium deessem, provinciam hanc, quamquam viribus meis imparem, libens suscepi, ut Apostolicis monitionibus, Dum tempus habemus, operemur bonum ad Galat. 6. omnes, maximè autem ad domesticos fidei, obtemperarem. Itaque Christiane Lector, quicumque felici sorte tua Romana Ecclesiæ Catholica communionem habes, laborem hunc, quem tua causa sincero corde subiimus, benigno & grato animo complectere; humileq; dicendi genus ne spernito: sed in his lucubrationibus, animæ potiùs emolumentum, ad quod mens nostra dirigitur, quàm styli ornamentum perquirito. Etenim Codex hic noster, qui sanctorum Ecclesiæ Patrum sententiis totus est refertissimus, nullo sanè alio quàm Ecclesiastico stylo, atque ipsorum Patrum loquendi genere conscribendus erat. Namq; ipsius diui Hieronymi documentum in hoc potissimum



In Quæstio-  
nibus ad  
Damasum,  
Quæst. 2. in  
fine Tom. 3.

*mum secuti sumus, ad institutum hoc sic scribentis : De Scripturis*  
differentem non decet Aristotelis argumenta conqui-  
rere, nec ex flumine Tulliano eloquentiæ ducendus est  
riuulus : nec aures Quintiliani flosculis, & scholari de-  
clamatione mulcendæ. Pedestris, & quotidianæ similis,  
& nullam lucubrationem redolens oratio necessaria est,  
quæ rem explicet, sensum edisserat, obscura manifestet;  
non quæ verborum compositione frondescat. Sint alij  
diserti; laudentur, vt volunt, & inflatis buccis spuman-  
tia verba trutinent : mihi sufficiat sic loqui, vt intelligar;  
vt de Scripturis loquens & disputans, Scripturarum  
imiter simplicitatem. *Hæc ille. Tu verò si quid in his scriptioni-*  
*bus nostris inuenies, quod politiore sermonis elegantia dici potuisse*  
*tibi videatur, omnia æqui boniq; consulens, illius Sapientis senten-*  
tia *ingiter memor esto: Qui tantum verba sectatur, nihil ha-*  
bebit; qui autem possessor est mentis, diligit animam  
suam, & custos prudentiæ inueniet bona. *Deus autem om-*  
*nipotens det tibi vt p̄e semper viuas, atque vt plenum dierum, dies*  
*tandem vna suscipiat, dies inquam illa melior in atrijs Domini su-*  
*per millia.*

Prouerb. 19




IACO-












IACOBIBOSII  
DE  
TRIVMPHANTE  
ET  
GLORIOSA  
CRUCE  
LIBER PRIMVS.

CAPVT PRIMVM.

*Propositio, Innocatio, Narrationisq; initium.*

C



TATVI equidem mecum de eo mihi scribendum, quod  
inter omnia Dei opera admiranda, & quibus merito ob-  
stupescimus, fuit, est, atque in æternum erit ab intelle-  
ctuum cunctorum, spirituumq; cælestium, terrestrium,  
& infernorum captu remotum, & admirandum: quod  
cæli mirantur, quod reueretur terra, & perhorrescit infer-  
nus: quod instaurauit Angelos, seruauit homines, &  
dæmones conculcauit. De illa nimirum triumphante

*Propositio.*

& gloriosa Cruce, quæ perfidis quidem Iudæis fuit scandalum, Gentibus au-  
tem stultitia: sed quæ veris Christi fidelibus procul dubio certissima erit salus,  
vera corona, & sempiterna gloria. Et quamquam animosus hic conatus meus,  
pro ingenioli mei tenuitate, arduam nimis, perdifficilem, ac propriis viribus  
imparem prouinciam, audacter admodum ac temerè fortasse suscepisse videa-

D tur: pietas tamen mouet me, desiderium excitat, amor vrget, cogit impellitque  
officium, vt manum calamo admouens, scribere audeam; atque scribendo, in  
immensum illud admirandarum, suspiciendarum, & planè inexplicabilium  
rerum audacter ingrediar pelagus, quas Deus optimus maximus, mirabilis in  
cunctis actibus suis, & sanctus in omnibus operibus suis, per hoc sacrosan-  
ctum ac mysteriis refertissimum Crucis signum operari dignatus est. At quo-  
nam pacto ego paruus homuncio, ac potius vilis vermiculus, ignorantia ne-  
bulis & inscitia crassiore offusus caligine, peccatorumque tenebris obcæcatus,  
hisce meis profanis manibus, impurisque labiis, sine cælesti præsidio, ac sine  
præcipua ope diuina, tam sancta, tam sublimia, tamque digna scribere vel at-  
tingere potero? *Væ mihi, quia vir pollutus labiis ego sum.*

*Isaia 6.*

A

Ad



*Inuocatio.*

Ad te igitur humi prouolutus, cor meum erigo, & brachia mea in Crucis formam expandens, ad te deuotissimè confugio, Dei optimi maximi summam infinitamque Sapientiam, incarnatum Verbum, totiusque misericordiae fontem; qui solus nostros miseratus errores, solusque miserrimas hominum miserrimas paternis visceribus condolens, pro tui excelsi, profundi, & incomprehensibilis dispensatione consilij redimere voluisti hominem per lignum, qui per lignum in grauissimam tui offensam miserabiliter incurrerat; & qui pro nobis sponte mori volens in Cruce, Crucis opprobrium in honorem, eiusdemque Crucis infamiam & ignominiam in gloriam mirabiliter conuertisti. Transfer, ah, obsecro, tenebras meas in lucem, crimen in gratiam, ignorationem in sapientiam, vitium in virtutem. Atque ut priscis illis temporibus, sancto ac dilecto illi Propheta tuo, vnum è sanctis Seraphim volantem misisti, qui carbonem, siue ignitam petram ex altari forcipibus sumens, & os eius attingens, propriam ab eo abstulit iniquitatem, & ipse peccata omnia expiauit: sic oro suppliciter, ut à me quoque omnem iniquitatem auferas, meque item omni crimine exuere digneris: & per Spiritus sancti tui ignitum calculum, ab altari gratiae tuae desumptum, forcipe, quae duplicis ferri instrumentum est, da mihi vtriusque Testamenti spiritualem intelligentiam, atque talem tantamque virtutem & gratiam, ut decenter & rectè ea perscribere valeam, quae ad tui nominis laudem & gloriam, & ad sanctae Crucis honorem, dignè referantur; atque ad salutem animae meae, & omnium fidelium tuorum utiliter proficiant; eorumque in primis, qui librum hunc meum recta intentione, ac sincero corde perlegerint: atque enixè & humiliter precor, ut in eos amplam tuae benedictionis gratiam, tuique sancti Spiritus copiosam & affluentem virtutem infundere & conferre digneris. Amen.

*Narratio  
de infelici  
primorum  
parentum  
& totius  
humani ge-  
neris lapsu.*

Cum tortuosus ac nequissimus ille serpens antiquus, qui liuore tabescens, feliciore status conditionem homini inuidebat, iniquis ac falsis suasionibus suis primos parentes nostros seduxisset, subdolè ac dolosè eos ad inobedientiam alliciens & inducens, versuteque eis suadens ut de vetito arboris fructu comederent; atque ob id diuinam contra eos extimulasset iustitiam; quae illos propter eam iustae quidem, sed durae & horribili mortis sententiae, cum omnium posteritate subiecerat: cumque misera atque infelix hominum natura eo pacto cerneret se acerbissimam mortis damnationem incurrisset; à Paradiso expulsam, & quod horribilius erat, in Dei omnipotentis grauissimam indignationem incidisse; exulemque in hac miseriarum & lacrymarum valle relegatam ac deportatam; candida quoque innocentiae & originalis iustitiae veste exutam; atque virtutum potentiis viribusque pænè omnibus debilitatam & eneruatam: cum denique propter commissi peccati fomitem, quasi corrupta, scædeque stuprata & adulterata sponsa quaedam, iam vitiis esset assueta, atque ad patrati sceleris obscœnitatem & concupiscentiam procliuior: facile admodum fuit, ut idem insidiosus & improbus inimicus, eam sic malè affectam, de flagitio in flagitium, ac de graui peccato in grauiora scelera impelleret; imò in vastissimum ac profundum vitiorum & scelerum quoddam præcipitaret atque mergeret pelagus. Hinc in orbe terrarum passim pullulauere & insurrexere fratricidia, homicidia, stupra, adulteria, rapinae, furta, sacrilegia, odia, rancores, persecutiones, falsitates, insidiae, fraudes, ceteraque iniquitates & abominationes, quibus pro infelicitate ac miseria nostra mundus scatet; iuxta quod iam Propheta dixerat:

*Osee 4.*

*Maledictum, & mendacium, & homicidium, & furtum, & adulterium inunda-  
runt, & sanguis sanguinem tetigit.*

*Summa  
diaboli in-  
solentia.*

Neque verò tot fraudibus, totque tyrannicis victoriis expletus insolens ac feralis



A feralis hostis, sibi integrè satisfactum putauerat; sed quasi victor ac triumphator tyrannus, qui deuictis subactisque populis, eorum supremum exitium meditaretur, & absolute ad omnia, pro ipsius libidine, propriæ ambitioni ac superbiæ per omne nefas subiicienda aspiraret; ex innumerabilium peccatorum, quæ ipse in orbem terrarum inuexerat, graueolentia, fœtore, ac fœditate spurcissima, velut immensum quemdam fumum, siue obscuram nebulam excitaue-  
 rat, quæ mundi huius domum vniuersam replens, habitantibus intrinsecus, in-  
 tuendi Conditorem, aspectum liberum non dabat. Quin etiam eiusdem fumi  
 caligine hominum intellectus obcæcati, veram lucem; veramque agnitionem  
 Dei, & Creatoris nostri amiserant notitiam: sicque in scelestissimam idolola-  
 triæ impietatem sensum prolapsi ceciderant; ac demum tantæ cæcitatatis sese ob-  
 ruerant tenebris, vt manuum suarum opera atque sculptilia dementissimè ado-  
 rarent. Quam quidem vesanam socordiam, ac portentosa deliramenta, his  
 B mœstissimis verbis lamentabatur Propheta: *Et repleta est terra idolis; opus ma-*  
*nuum suarum adorauerunt, quod fecerunt digiti eorum.*

S. Petrus  
Apost. a-  
pud S. Cle-  
mēt. Rom.  
Recognit.  
lib. 1.  
Hominum  
cæcitas atq;  
impietas:

Isaia 8.

Quamobrem cum tantas abominationes nausasset Deus, cumque sui ipsius  
 notitiam hominibus, præterquam paucis quibusdam electis suis, subtraxisset,  
 & iustissimæ iræ suæ furori habenas laxasset; seuerissima & horribilia indigna-  
 tionis suæ in orbem terrarum iminiserat supplicia: atque in hominum pec-  
 cata adeò seuerè animaduertere cœperat, vt exinde ultionum Deus diceretur;  
 quemadmodum Psalmista eum palàm vocauerat, dicens: *Deus ultionum Do-*  
*minus, Deus ultionum liberè egit.* Quod & Propheta ille pariter his verbis innue-  
 rat: *Deus emulatur, & vlciscens Dominus, vlciscens Dominus, & habens furorem;*  
*vlciscens Dominus in hostes suos, & irascens ipse inimicis suis.* & paulò inferiùs sub-

à Deo vin-  
dice puni-  
ta:

Psalm. 93.

iunxerat, dicens: *Ante faciem indignationis eius quis stabit, & quis resistet in ira fu-*  
*roris eius?* Atque inter ceteras diuinæ ultionis animaduersiones, quibus homi-

Nahum 1.

C num peccata & delicta plectebantur, præcipuum & frequentissimum erat Cru-  
 cis supplicium: sic diuina permittente ac disponente iustitia, vt quemadmo-  
 dum homo in ligno peccauerat, ita & in ligno delictorum suorum pœnam  
 exolueret. Quare hinc factum est, vt priscis ac peruetustis illis temporibus, infi-  
 nita pænè hominum multitudo, ligni & Crucis supplicio, diro sanè atrocissi-  
 moque mortis genere, affecta fuerit. Quamobrem Crux ipsa tantum horroris  
 atque abominationis contraxerat, vt apud illustriores celebrioresque orbis to-  
 tius nationes, nullum mortis instrumentum aut vilius, aut abiectius, aut tur-  
 pius, aut ignominiosius, vel infame magis inueniri posse crederetur; vt magis  
 distinctè inferiùs suo loco dicemus.

atque in-  
primis sup-  
plicio Cru-  
cis.

## CAPVT II.

D *Quid Crux: quomodo ab antiquis, tum Græcis tum Latinis, ap-  
 pellata. Quot forma Crucis fuerint, & ad quot species redu-  
 cantur.*

Vox ista siue dictio *Crux*, sic à Latinis appellata, vt appositè doctissimus  
 Lipsius in libello suo de Cruce animaduertenter, apud ipsos duplici si-  
 gnificatione capi solebat; laxa scilicet, & adstricta. Largè enim sumpta, innue-  
 re volebant omnem angorem ac tormentum, & omne quo affligimur, torque-  
 mur, & cruciamur; atque ipsum interitum: vt apud Plautum, Terentium, &  
 ceteros Comicos passim est videre. Strictè verò & vsitata significatione, per di-  
 ctionem hanc, *Crux*, intelligebant, vt nos etiam vulgò receptissima consuetu-

Duplex  
Crucis si-  
gnificatio  
Latinis.



*Crux à  
cruciatu  
dicta.*

*Tractat. in  
Ios. 36. c. 8.*

*In Matthæi  
cap. 10.  
Gabalum  
appellata.*

*Infelix ar-  
bor, lignū,  
stipes*

*Patibulū.*

*Græcis cru-  
cis & cruci-  
atio.*

*In Odyss. 3.*

*Varia Cru-  
cis forma.*

*Crux sim-  
plex.*

*In Cruce  
affixio.*

*Lib. 3. Ele-  
gia 21.*

*Saturni sa-  
cerdotes à  
Tiberio ar-  
boribus af-  
fixi.*

*In Apolog.  
aduersus  
Gêtes, c. 9.*

*Diuin. in-  
stit. lib. 1.  
c. 21.*

dine præcipuè intelligimus, instrumentum illud, quo homines morte afficie-  
bantur in ligno. Quod Crux fortasse dicebatur, à nimia cruciatus ac tormenti  
acerbitate, qua miseri & infelices damnati, teterrimo illo supplicio torqueban-  
tur; in quo tarda morte, ac planè cum sensu efflabant animam: & de quo sic  
diuus Augustinus: *Denique ubi dolores acerrimi exagitant, cruciatus vocatur, à  
Cruce nominatus: pendentes enim in ligno crucifixi, clavis ad lignum pedibus manibusq;  
confixi, producta morte necabantur.* & sanctus Anselmus: *Crux à cruciatu corporis  
nomen accepit.* Hanc vetustiores Latini alio nomine dixerunt *Gabalum*; vt præci-  
puè notari licet eo loco, quem ex Varrone citat Nonius: *Nos Barbari, quòd no-  
centes in Gabalum suffigimus homines; vos non Barbari noxios absoluitis.* Dixerunt  
& aliter, *infelicem arborem, infelix lignum, infelicem stipitem, & infamem stipitem*; vt  
ex Tito Livio, ex Cicerone, ex Seneca, aliisque Latinis auctoribus colligere licet.

Demum verò, vt magis atrox mortis instrumentum, maiusque patibulum  
quod reperiri posset, per antonomasiam vocauere *Patibulum*. Sic Cicero, sic  
Tacitus, sic Plautus, alique auctores complures. Inter quos Sallustius (vt No-  
nius refert) hoc dixerat: *Patibulo eminus affigebatur.* Græci autem Crucem duo-  
bus nominibus passim appellare solebant, videlicet *σταυρός* & *σπύλον*. sed pri-  
mo frequentius. Quæ tamen nomina, propriè non nisi stipitem singularem  
significant, siue acutum lignum, vel erectum, ac terræ infixum palum; cui  
affigi vel suspendi consueuerant, qui Crucis afficiebantur supplicio, vt Eusta-  
thius in Homerum declarauit.

Varia diuersasque Crucium formas, suggerente diabolo, hominum crudeli-  
tas, in ipsorum proprium ludibrium, durum cruciatum, & atrocissimum interi-  
tum adinuenit exercitque. Quæ tamen omnes ad hanc primam generalém-  
que diuisionem (vt eundem doctissimum Lipsium sequamur) videntur redu-  
ci posse; videlicet: Cruces omnes aut *simplices*, aut *compositæ* fuerunt. Simples  
verò Cruces, illas appellamus, quæ antiquitus frequenter in promptu erant;  
cùm vno simplici, erecto, & humi infixo ligno homines necabantur. Quæ Cru-  
cis forma antiquior fortasse fuerat, & primitus introducta: à qua rudi atque  
informi, ad alias politiores & affabrè factas postea deuentum est. Sed hæc quo-  
que duplex erat. Nam alia ad *affixionem*, alia ad *infixionem* inferuiebant. Ad af-  
fixionem erat, cùm homo affigebatur Cruci; ad infixionem verò, cùm illa ho-  
mini infigebatur. Affigere quandoque solebant homines, manus pedesque eo-  
rum alligantes funibus: quandoque verò clavis terebrantes; idque palis terræ  
infixis, seu stipitibus, vel illos ipsis configentes arboribus, quibus in hunc fre-  
quenter abutebantur vsum, præsertim cùm ingens hominum numerus cruci-  
figendus esset, ne tot palis siue stipitibus humi figendis fatigarentur. Quod  
innuere voluit Propertius, cùm dixit:

*Arboreaſque Cruces Simis, & non hoſpita Graiis  
Saxa, & curuatas in ſua fata trabes.*

Arboribus autem loco Crucium abusus est Tiberius; cùm Prouinciam Afri-  
cam Proconsulari imperio obtinens, maleficos Saturni sacerdotes, qui immani  
crudelitate pueros idolo illi palàm sacrificabant, iussit eiſdem arboribus cruci-  
figi, quæ illius vani ac mendacis dei templum adumbrabant. Cuius facinoris  
his verbis meminit Tertullianus: *Infantes penes Africam Saturno immolabantur  
palàm, vsque ad Proconsulatum Tiberij, qui eosdem sacerdotes, in eiſdem arboribus tem-  
pli ſui obumbratricibus ſclerum, votiuis crucibus exposuit.* Quòd Carthagenſibus  
immanissimus mos eſſet humanas victimas impiè nimis, ac planè execrabiliter  
idolis, Saturno autem præcipuè, sacrificandi, Lactantius Firmianus Pescennij  
Festi auctoritate ſuffultus, amplam fidem aſtruit his verbis: *Pescennius Feſtus in  
libro*



A libro Historiarum per satyram refert, Carthaginienses Saturno humanas hostias solitos immolare: & cum victi essent ab Agathocle Siculorum Rege, iratum sibi Deum putauisse: itaque ut diligentius piaculum soluerent, ducentos nobilium filios immolasse.

Arboribus quoque pro Crucibus, sanctos Martyres quamplurimos suffixos fuisse constat: inter quos primas sibi iure optimo vindicet fortissimus Christi Martyr Paphnutius: qui dum in Ægypti solitudine sanctam atque ab hominibus remotam vitam duceret, cum intellexisset, multos Christianos quotidie ob fidei confessionem carceribus mancipari; diuino concitatus Spiritu, sponte se coram Præside constituit: ac liberè se Christianum esse contestans, primum catenis vinctus, deinde equuleo diu tortus, demumque Diocletiano Imperatori, vnà cum plurimis aliis Christianis transmissus, ipse palmæ arbori configitur, ceteri ferro obtruncantur. Quorum in Romano Martyrologio his verbis fit commemoratio: *Ipse palmæ affigitur, ceteri autem ferro necantur*. Ad arborem pariter alligatus, crucifixus est sanctus Papa, siue Papus Martyr; in cuius passionis memoriam atque honorem, Deus eandem arborem, quæ prius sterilis erat, fructuosam reddidit. De eodem etiam in Romano Martyrologio fit mentio: *Deinde arbori alligatus, migrans ad Dominum, eandem arborem ex sterili reddidit fructuosam*. Aguntque de eo Græci pariter in Menologio, vbi complures alij eiusdem Martyris cruciatus narrantur. Sed inter ceterorum sanctorum Martyrum multitudinem, qui simili mortis genere pro Christo necati sunt, de his duobus obiter meminisse sufficiat, dum de crucifixione ad arbores egimus, quæ apud veteres erat in vsu. Idque tantum dixisse satis sit de prima illa simplici Crucium forma, ad quas homines affigi consueuerant.

Reliquum nunc est, ut de secunda illa simplici pariter agamus, quæ hominum corporibus infigebatur: quæ quidem erat palus erectus, & acutus, qui per obscœna hominis nudi violenter adactus, ac per dorsi spinam penetrans, emergebat denique per os miserrimi ac planè infelicitis illius hominis, quem dira & crudelis fors ad tam immane atque horribile supplicium destinabat. Eodem pænè truculentissimo mortis genere, quo Turcæ hodie in damnatos suos animaduertere solent: quod apud nos Italos dicitur *impalare*. Cuius Crucium speciei siue formæ obiter meminit Seneca, in libello suo de Consolatione ad Martiam, his verbis: *Alij per obscœna stipitem egerunt*. atque alibi latius ac lucidiùs hoc modo: *Cogita hoc loco carcerem, & cruce, & equuleos, & vncum, & adactum per medium hominem, qui per os emergat, stipitem*. Sic itaque veluti in veribus asfandos hædos, erecto humique infixo stipite, morte extinguendos, ac putredine absumendos relinquebant. Hæc ab Antiquis Crux *acuta* dicebatur, ut ex verbis Mæcenatis, quæ refert Seneca, clarè colligitur: qui turpi admodum, & viro forti prius indigna voce, dicere solebat: Non renuere se manibus, pedibus, coxendicibusque truncari, aut quibuscumque doloribus subiici, ac demum acuta infigi Cruce, dummodò inter mala illa spiritus retineretur, vitaque prorogaretur. Cuius Mæcenatis carmina, inter eiusdem Senecæ opera, volenti cuique videre liceat, sic à Mureto correctæ:

Debilem facito manu,  
Debilem facito pede, coxa;  
Tuber adstrue gibberum,  
Lubricos quate dentes:  
Vita dum superest, benè est.  
Hanc mihi, vel acutam,  
Si das, sustineo Crucem.

Et hæc quidem de primo membro generalis Crucium diuisionis, quam superius

Martyres  
arboribus  
affixi.

S. Paphnu-  
tius.

xxiv. Se-  
ptembris.

S. Papus.

xvi. Mar-  
tij.


In Cruce  
infixio.

Turcis vfi-  
tata.

Crux acu-  
ta.

Seneca  
epist. 101.



perius proposuimus, haecenus potissimum dixisse sufficiat. Agemus nunc de A  
*Crux com-* Crucibus *compositis*, quæ manibus construebantur; idque duplici è ligno, ut  
*posita.* patet ex lectione libri Iosue, ex Hebraico in Græcum per Septuaginta interpre-  
 res traducta: nam ubi in vulgata editione est *Lignum*, & in Chaldaeo Paraphra-  
 ste *Crux*, ipsi verterunt *ξύλον διδυμον*, id est *duplex lignum*, siue *duo ligna*, quibus  
 vera Crux formabatur, in qua brachia etiam explicabantur. De qua Origenes  
 In Iesu Na- hoc modo: *Post omnia autem etiam Rex Hay in ligno gemino dicitur esse suspensus.*  
 ue cap. 8. Compactæ istæ & ex duobus lignis compositæ Cruces, variis diuersisque con-  
 Homilia 8. stabant formis: quas tamen ad triplicem speciem reducere possumus. Quarum  
*Crux de-* prima illa est, quam Latini *Decussatam* Crucem appellabant. Hæc quidem duo-  
*cussata.* bus rectis & æqualibus in medio connexis erat compacta lignis, quæ inter se  
 obliquabantur, in eorumque extremitatibus dilatabantur; ad formam litteræ X.  
*Crux com-* Secunda verò est, quam *Commisam* Crucem dicebant; constabatque ex erecto ac  
*missa.* longo ligno altero, cui breuius alterum supernè, & in ipso capite, ex transuerso B  
 committebatur; ita ut ex primo illo erecto nihil superius extaret superemine-  
 retve: referebaturque ad amissam formam nostræ litteræ T. Tertiā autem, *Im-*  
*Crux im-* missam Crucem appellabant, quæ formabatur ex ligno altero erecto, cui alterum  
*missa.* transuersum iniungebatur atque immittebatur; ita ut ex primo illo erecto li-  
 gno pars aliqua supra transuersum emineret: ea compage videlicet, ut quem-  
 admodum commissa Crux ternos tantum angulos siue fines habebat, sic in ista  
 essent quaterni. Et ut paucis absoluamus; Crux ista constructa erat ad eam for-  
 mam, quam hodie picturæ pariter & sculpturæ oculis nostris passim ingerunt;  
 quamque nos Christi fideles, tamquam nostræ redemptionis instrumentum,  
 & Christi crucifixi imaginem, veneramur; ac quatenus honor ad Christum  
 ipsum refertur, piissime adoramus, nempe forma tali . De qua trina Cru-  
 cium forma & specie, atque de earum singulis, singillatim & seorsum agemus.

## CAP. V. T. II.

## De Cruce decussata.

*Decussata* **D**ECUSSATA Crux, sic appellata est à Latina dictione *Decussis*, quæ de-  
*unde dicta.* cem significat; à qua verbum *Decusso*, *decussas*, quod propriè est in duas  
 partes scindere, & ad *Decussis* figuram redigere. Ut putat per demonstrationis  
 modum: si duæ ducantur lineæ, quarum altera à Septentrionis dextera exten-  
*Eius for-* sa, ad Austri sinistram terminetur; altera verò à sinistra Septentrionis; ad dex-  
*ma.* teram Austri pertingat plagam; ut in centum quo sese inuicem coniungentes,  
 atque oblique interfecantes, ad formam litteræ X reducantur, ut docuit Plinius;  
 cum dixit: *Ducantur deinde duæ aliæ lineæ in decussis oblique; ita ut à Septentrionis*  
*Libro 18.* *dextera lauaque, ad Austri dexteram leuamque descendant, & omnes currant per eum-*  
*cap. 34.* *dem umbilicum.* Quamobrem cum diuus Hieronymus ageret de benedictio-  
 ne, quam filiis Iosue dederat Iacob Patriarcha; qui ut primogeniti iura trans-  
*A Iacob fi-* ferret in Ephraim, secundo loco genitum, brachia sua in Crucis figuram con-  
*liis Iosue* formauerat; dexteramque suam super caput eius qui stabat ad sinistram exten-  
*benedicente,* derat) hoc decussationis vocabulo usus est, dicens: *Sed in mysterio Crucis, decussa-*  
*adūbrata.* *tis manibus, qui stabat ad sinistram Iacob, dextera manus suscepit benedictionem.* Vete-  
*In Ierem.* res autem, ut & nos quoque, hæc figura numerum denarium significabant;  
*cap. 31.* quia ex duobus quinariis simul iunctis conformatur, ut experimento videre  
*Numerus* licet. Nam si figuram hanc per medium seces, duæ litteræ V relinquentur; ex  
*denarius* quarum qualibet figura quinarius numerus comonstratur. Quocirca non  
*hac Crucis* nisi  
*figura ex-*  
*pressus.*



A nisi solidæ admodum rationi Veteres innixi, hisce duobus coniunctis figuris numerum hunc significandum demonstrandumque censuere denarium. Quandoquidem omnes numeri, quibus denarius ipse conflatur, si simul in vnam colligantur summam, vtrò per se ipsos in duos quinariorum diuiduntur, vt hîc videre licet.

1
2
3
4
5
6
7
8
9
10
55

Littera X  
mysteris  
plena.

Mysteriis sanè quamplurimis referta, immò mysteriis omnium refertissima est hæc littera X. Nam, vt sanctus Isidorus ait, ipsa sui figura Crucem repræsentat, & numero decem signat. Namque in ordine Alphabeti nostri vigesima prima littera est; significatione verò est denarius. Quocirca Dei vnitatem in essentia, & Trinitatem in Personis, nobis mysticè demonstrat. Numerus enim vigesimus primus in seipsum collectus, nihil aliud est quàm ternarius. Etenim si duæ hæc figuræ 2. & 1. quibus numerus iste componitur, in summam vnam colligantur, in tres rediguntur; denarius autem in

B vnitatem redit. Quamobrem Plato censuit, denarium numerum ea potissimum ratione perfectum esse, quòd ab vnitatem suam sumens exordium, tot simplicibus, coaceruatisque monadibus construitur, donec decade completa, in ipsam denuò, à qua processit, refluat vnitatem. Hinc recentiores Arithmetici, denarium numerum efformare volentes, sola vnitatem, adiecto circulo, hoc pacto demonstrare solent, 10. Qua quidem figura aperte innuitur, numerum hunc non minùs quàm vnitatem circularem esse. Quandoquidem coaceruatus, atque in seipsum strictè coagmentatus, quasi per circulum ad vnitatem redit, à qua principium suum suamque traxerat originem. Quemadmodum verò denarius numerus denuò in vnitatem refluit, à qua processit; sic omne fluens reuertitur ad id, à quo sui fluxus principium obtinuit. Sic aqua ad mare currit, à quo traxit originem: corpus ad terram, de qua formatum est, reuertitur: tempus ad eandem redit, à qua fluxit, æternitatem: anima ad Deum, à quo creata est, regreditur. Omnia denique creata, in nihilum reuerterentur, perinde ac de nihilo creata sunt; nisi à diuino æternoque Verbo, in quo vniuersa sunt condita, sustentarentur conseruarenturque. At, vt de hac re summam dicam; nescio quid diuini huic denario numero inesse videtur. Nam sicut denarius ab vnitatem incipiens, in ipsam vnitatem desinit; sic omnia à Deo principium obtinent, & in Deo ipso finem habent. Quamobrem vltra denarium dari non potest numerus. Sanè cum denarius non minùs quàm vnitatem ipsa Deo sit consecratus; hinc est, quòd veteri Lege decimas omnium, non secùs ac primitias, Deus ipse sibi offerri præceperat, dicens: *Decimas & primitias non tardabis offerre*. Et hoc quidem, vt primitiæ tamquam numerorum principium, & decimæ tamquam finis eorum, illi redderentur, qui rerum omnium principium & finis est.

Denarius  
numerus  
perfectissimus.

Decima &  
primitia  
Deo sacræ.  
Exodi 22.

Sed vt ad litteram ipsam X reuertamur, illa (vt paucis rem perstringamus) D nihil aliud est, quàm quattuor lineæ, quæ à centro siue à puncto vno egressæ, in quattuor partes extenduntur: vel quattuor lineæ sunt, quæ ex quattuor diuersis partibus exeunt, in centrum vnum ductæ, inuicem connectuntur. Qua in re duo planè altissima reuelantur mysteria. Quorum primum illud est, Veteres non sine diuino afflatu hisce quattuor lineis denarium numerum significare voluisse; quandoquidem id quod denarius est actu, idem & quaternarius est potentia: quaternario enim denarius virtualiter & essentialiter continetur. Quoniam si omnes numeros, qui quaternario continentur, singillatim, atque simul computauerimus, inueniemus profectò illos conficere denarium. Qui numerus, vt superius iam innuimus, immensitatis omnium numerorum perfectio ac terminus est: circa quem omnes per gyrum vertuntur atque terminantur

Alia mysteria litteræ X.



numeri. Quapropter optima sanè ratione inducti Græci Philosophi, quaterna- A  
rium *ὑποτελεσμετικόν*, id est, perficientem dixerunt.

Secundum verò, atque aliud mysterium illud est, quòd quemadmodum de-  
narius ab unitate fluens, in eandem unitatem refluit; atque ut quattuor istæ li-  
neæ à quattuor diuersis partibus deductæ, in vnum centrum coeunt; sic per  
hanc mysteriis refertissimam figuram X nobis innui videtur, Christum Do-  
minum nostrum per sanctæ Crucis suæ instrumentum, ad sui gregis unitatem  
reducturum fuisse Gentes, quæ velut errantia pecora per quattuor mundi par-  
tes in erroribus peccatorum, ac diaboli captiuitate longius aberrantes, misera-  
biliter vagabantur. Quod præclare quidem, licet nesciens quid diceret, in Con-  
cilio Scribarum & Phariseorum pronuntiauerat Caiphas, cum dixit: *Expedi-  
t vobis, ut vnus moriatur homo pro populo, & non tota gens pereat.* Quorum verbo-  
rum admirandum planè mysterium ut nobis exponeret ac declararet Euange-  
lista sanctus, doceretque quonam pacto homo ille impurus tanta prædicere po- B  
tuerit, inquit: *Hoc autem à semetipso non dixit: sed cum esset Pontifex anni illius,  
prophetauit, quia Iesus moriturus erat pro Gente, & non tantum pro Gente, sed ut fi-  
lios Dei, qui erant dispersi, congregaret in vnum.*

Ea est aliquorum sententia, ut huic Decussatæ Cruci textus ille Platonis in  
Timæo applicari debeat, ubi inquit: *Εὐχάσεν αὐτὸν ἐν τῇ παντί.* id est: *Decussauit  
eum in vniuerso.* Cuius textus totam clausulam Marsilius Ficinus sic vertit: *Tunc  
seriem hanc vniuersam in longum secuit, & vna duas fecit, mediâque mediæ in spe-  
ciem X Græcæ litteræ commendauit.* At Cicero in Tractatu suo de Vniuersitate,  
iam pridem ante eum eandem sic interpretatus fuerat: *Hanc igitur omnem con-  
iunctionem duplicem in longitudinem diffidit, mediæque accommodans, mediâ quasi de-  
cussauit.* Sanctus verò Iustinus Martyr inter ceteros asserit, hoc loco Platonem  
physica & naturali ratione de Dei Filio loquētem, supradicta verba de eo scri-  
pisse, postquam legerat figuratum & symbolicum illud Moyſis facinus, quo C  
æneum serpentem exaltauit in deserto. Sed quia clarè id percipere non poterat,  
nec intellexerat, illud Crucis esse figuram, sed quamdam decussationem tan-  
tummodò, cuius formam X littera repræsentat; neque solo humano captu suo  
attingere valens diuinæ virtutis mysterium, quod in figura illa latebat, pro-  
pterea dixit: *Decussauit eum in vniuerso.* Verba autem eiusdem sancti Iustini, ex  
Græco in Latinum conuersa, hæc sunt: *Et quod in Timæo Plato physica naturalique  
ratione de Filio Dei dixit, cum ait: Decussauit eum in vniuerso.* Narrata verò sum-  
matim exaltatione Serpentis à Moyſe facta, ut diximus, in deserto, hæc subiun-  
git: *Ad hunc etiam videlicet modum, hisce lectis, scripsit Plato. Verum quòd non certò  
nosset neque intelligeret Crucis esse figuram, sed decussationis formam, quæ litteram X  
refert, intelligentia complecteretur, eam quæ secundum Principem Deum est virtutem,  
decussatam in vniuerso dixit.*

S. Iustinus  
Apolog. 2.  
pro Chri-  
stianis, ad  
Antoninū  
Pium Imp.

In ea An-  
dreas Apo-  
stolus mar-  
tyrium pas-  
sus:

Est Chry-  
sologus ar-  
bori affixū  
sentiat.

Hæc decussata Crux, *Andreana*, siue Crux sancti *Andree* vulgò passim appel- D  
latur; quòd constans & sermone omnium celebris fama sit, eundem Aposto-  
lum, in Cruce ad hanc figuram efformata, pro Christi Domini fide subiisse  
martyrium. Quamquam non desint qui scripserint, non in Cruce huius for-  
mæ, sed in quadam arbore eum fuisse crucifixum. Inter quos S. Petrus Chryso-  
logus in fine cuiusdam sermonis sui, qui in ordine est cxxxiii. de eodem hæc  
protulit verba: *Petrus namque Crucem, arborem conscendit Andreas.* Quod, ut Ba-  
ronius in suis ad Romanum Martyrologium Notis animaduertit, videtur de-  
sumpsisse ex quodam Commétariolo Hippolyti Martyris Græcè manuscripto,  
quod extat in Bibliotheca Cardinalis Sirleti, quæ hodie est penes heredes Illu-  
strissimi quondam Cardinalis Ascanij Columnæ. In quo Commétariolo verba  
hæc



- A hæc Græca quidem ibi, sed hoc modo in Latinum conuersa leguntur : *Andreas crucifixus est Patris in Achaia, ad arborem oliuæ reclusus*. Verùm ea mihi inest sententia, Romani videlicet Martyrologij auctoritatem maioris ponderis esse debere; vbi dicitur, beatissimum Apostolum in Cruce sublatum fuisse; in qua pendens, biduo superuixit, prædicans ac docens populum. Quod certè ei opinioni, quam iam omnes panè communiter imbiberunt, magis congruit. Cui & illud etiam magis consentaneum est, quod legitur in libro, qui sub nomine Abdias Babylo-  
 nici circumfertur : vbi pari modo asseritur eum in Crucem actum esse; in qua, iubente Egea Proconsule, non clauis manibus pedibusve infixis, sed funibus substrictum fuisse, vt diutius in eadem Cruce torqueretur. Cuius libri hæc sunt verba : *Et hæc dicens, beatissimus Apostolus Andreas expoliatus se, tradidit ministris, qui ligantes manus & pedes eius, secundum quod eis fuerat præceptum, suspenderunt eum in Cruce*. Sed & hoc etiam apertiùs asseritur in passione eiusdem sancti  
 B Apostoli, à Presbyteris ac Diaconis Ecclesiarum Achaiaë conscripta, quam Li-  
 pomanus Episcopus ac Laurentius Surius referunt in Sanctorum ab eis collectis Vitis, sub die xxx. Nouembris. Quorum verba, quæ ad institutum hoc attinent, hæc sunt : *Et hæc dicens, expoliavit se, & vestimenta sua tradidit carnificibus, qui accedentes leuauerunt eum in Cruce; & extendentes funibus totum corpus eius (sicut eis iussum fuerat) suspenderunt*. Et hæc quidem de Decussata Cruce hætenus.

Abdias Ba-  
 bylonicus  
 Apostolica  
 historia  
 lib. 3.

## CAPVT IV.

## De Commissa Cruce.

- C COMMISSA Crux, vt superiùs diximus, figuram litteræ T repræsentabat, quæ vitæ, felicitatis, & salutis signum ac symbolum erat. Quamobrem  
 C veteris militiæ Notarij siue Scribæ apud antiquos Ethnicos, penes quos erat al-  
 bum, cui nomina eorum qui militiæ nomen dederant, inscribi solebant; qui-  
 bus id curæ demandatum erat, vt viuorum ac mortuorum sedulam inirent ra-  
 tionem, qua in promptu esset scire quot superstites milites essent, quotque in  
 bello cecidissent; in ipso margine, è regione, atque in capite nominis cuiusque  
 viuentis militis, litteram T annotare consueuerant. Ad caput verò cuiusque de-  
 mortui, Θ litteram adscribebant : cuius figura, quasi telò quodam per medium  
 transfixa demonstratur; nempe à signo mortis, quam Græci Θάνατον appellant.  
 Quocircà admonere volens Persius, vitium in nobis penitus extinguere debe-  
 re, dixit :

Commissa  
 Crux figu-  
 ra litteræ T  
 represen-  
 tat, quæ vi-  
 ta & salu-  
 tis symbo-  
 lum.

Θ mortis  
 nota.

*Et potis es nigrum vitio præfigere Theta.*

Satyra 4.

- D Vitale hoc & veræ salutis signum T illud est, quo magnus atque misericors  
 Deus, ab ipso rerum exordio nobis innuere voluit, se quandoque mandaturum  
 esse, vt eodem frons illorum signaretur, quos pro pietatis ac misericordiæ suæ  
 munificentia, donoque gratuito, à furore iustæ iræ ac diuinæ ultionis suæ serua-  
 tos & liberos esse vellet. Quod altissimum planè mysterium Ezechieli Prophe-  
 tæ præcipuè tunc monstratum est, cum sex illos homines videret, qui ad Iero-  
 solymæ ciuitatis populum interficiendum missi fuerant : in quorum medio  
 vnus erat lineis indutus, & scriptoris atramentarium ad renes eius; cui Deus in-  
 iunxerat, vt transiens per mediam ciuitatem in medio Ierusalem, signaret Tau  
 super frontes virorum gementium & dolentium super cunctis abominationi-  
 bus, quæ fiebant in ea. Ceteris verò qui cum illo erant, mandauerat, vt sequen-  
 tes eum, omnes percuterent atque interficerent, nulla prorsus siue senum siue  
 iuuenum, siue feminarum aut masculorum habita ratione; districtè tamen eis  
 inter-

Frontes  
 saluando-  
 rum salu-  
 tari signo  
 Tau Deus  
 insigniri  
 iussit.



interdicens, ne quemquam occiderent quem Tau signatum vidissent; ut in A  
 Ezech.c.9. ipsius Prophetæ textu latius continetur, cuius hæc sunt verba: *Transi per mediam  
 ciuitatem in medio Ierusalem, & signa Tau super frontes virorum gementium & dolen-  
 tium super cunctis abominationibus, quæ sunt in medio eius. Et illis dixit, audiente me:  
 Transite per ciuitatem sequentes eum, & percutite. Non parcat oculus vester, neque mi-  
 sereamini. Senem, adolescentem, & virginem, paruulum, & mulieres interficite, vsque  
 ad internecionem. Omnem autem super quem videritis Tau, ne occidatis, & à Sanctua-  
 rio meo incipite.*

*Iudæorum  
 de eo opinio.*

Iudæi autumant, Deum inscribi fecisse signum Tau frontibus illorum, qui  
 ex horribili strage atque internecione illa euasuri erant, ut ostenderet eos solos  
 ex vniuerso populo illo, ab eadem publica calamitate meritò seruandos ac libe-  
 randos esse, quia soli diuinam eius legem obseruassent: quandoquidem littera  
 Tau prima est, qua dictio ista תורה Thora scribitur, quæ diuinam legem signi-  
 ficat. Et quoniam littera Tau omnium Hebraicarum litterarum vltima est, B  
 atque Hebraici Alphabeti finis & complementum; ideò Iudæi ipsi putabant,  
 voluisse Deum hac figura insigniri eos, qui omnem diuinæ legis voluntatem,  
 quantum fert humana fragilitas, adamussim implessent; quippe omnia diuina  
 mandata, à prima vsque ad vltimam litteram, exactissimè obseruassent. Quam-  
 obrem de hac re ita diuus Hieronymus: *Siue ut Hebræi autumant, quia lex apud  
 eos appellatur תורה, quæ hac in principio nominis sui littera scribitur, illi hoc accepere si-  
 gnaculum, qui legis præcepta compleuerant.*

*In Ezech.  
 c.9.*

*Christiano-  
 rum sen-  
 tentia.*

At nos dicimus, Deum optimum maximum, visione hac, quam Prophetæ  
 ostenderat, mysticè innuere voluisse, neminem ab interfectione magna, à mor-  
 te scilicet æterna, vel ab ira tremenda quæ in die Iudicij hominum scelera acer-  
 rimè vindicabit, seruandum, ni signo Tau, id est, Cruce Christi Domini sancta,  
 consignatus fuerit; si Crucis, passionisque & mortis Christi fidem interiùs im-  
 pressam non habuerit; si exterius in fronte, quæ interioris fidei, interioris chari- C  
 tatis, internæque constantiæ index & argumentum est, Christi Crucem scul-  
 ptam non præferat, illamque liberè & palàm non confiteatur & prædicet: ac  
 denique, si omnem spem salutis & gloriæ suæ, Crucem esse non putans, illum  
 vestigiis assequi non adnitatur, qui ad sequendum se milites suos cohortans di-  
 xit: *Qui vult venire post me, abneget semetipsum, & tollat Crucem suam, & sequatur  
 me.* Quibus profectò verbis, monitos nos esse voluit, neminem cum Christo  
 æternam vitam ingredi posse, qui priùs per tribulationum semitam in hoc  
 mundo, vestigia illius non presserit, qui viam nos docuit; Crucemque humeris,  
 manibus, ore, & corde non tulerit.

*Matth. 16.*

*Aduersus  
 Marcionē,  
 lib. 3. c. 22.*

*Esdras He-  
 braorum  
 characteres  
 innotuit,  
 ne iisdem  
 quibus Sa-  
 maritani  
 vterentur.*

Quòd signum Tau pro Cruce sit accipiendum, omnes ferè Doctores Eccle-  
 siastici testantur. Quocircà Tertullianus inquit: *Ipsa enim littera Græcorum Tau,  
 nostra autem T species Crucis.* Quin etiam illud sciendum est, ut diuus Hierony-  
 mus locis pluribus admonet, Hebræos, antequam in Babylonicam seruitutem D  
 captiui adducerentur, habuisse litterarum characteres, ab his quibus hodie vtun-  
 tur, forma atque figura valdè dissimiles. Habebant enim tunc adhuc, simulque  
 cum Samaritanis iisdem characteribus utebantur, quos ab ipso Moyse accepe-  
 rant. Verùm Esdras, Hebræis ipsis postliminio reuersis, ea potissimum ratione  
 novos characteres dedit: ut quemadmodum diuino cultu dispari, disparibusq;  
 moribus à Samaritanis viuebant; sic dissimilibus quoque in scribendo litteris  
 & characteribus vterentur, ab illis qui infideles, idololatræ, & Hebraici nomi-  
 nis hostes habebantur. Quamobrem vetustiores illi characteres diutius apud  
 eosdem remansere Samaritanos, quibus adhuc vsque ad sancti Hieronymi  
 tempora utebantur. Idcirco testatur ipse inter characteres illos, qui apud Sama-  
 ritanos,



A ritanos, ipsis etiam temporibus suis, erant in usu; Tau litteram, Crucis formam & imaginem retulisse. Sic enim inquit: *Et ut ad nostra veniamus, antiquis Hebraeorum litteris, quibus usque hodie Samaritani utuntur, extrema Tau littera Crucis habet similitudinem, quæ Christianorum frontibus pingitur, & frequenti manus inscriptione signatur.* Cuius quidem mutationis Hebraicorum characterum formæ, quam fecerat Esdras, ac de Crucis figura, id est Græcæ litteræ X, quam antiqua littera Tau referebat, ipsi etiam Rabbinus Hebræi fidem faciunt, ac inter eos præcipue Rabbinus Azarias in suo Abecedario.

In Ezech.  
c. 9.  
Vetus Hebraeorum  
Tau Crucis formam  
referbat.

Quod signum Tau, quo in fronte ab Angelo signati fuerant hi qui seruandi erant, & de quo mentionem facit Ezechiel, Crucis fuerit signum, diuus etiam Cyprianus his verbis affirmat: *Quod in hoc signo Crucis, salus sit omnibus qui in frontibus notentur, apud Ezechielem dicit Deus.* Apertius autem id quoque dixit Origenes; cuius verba Latinitati reddita, hæc sunt: *Deinde in Ezechiele Propheta, cum omnes qui missus fuerat Angelus occidisset, & interfectio cœpisset à Sanctis, illi tantummodo sospites reseruantur, quos Tau littera, id est Crucis pictura signauerat.* Sic paucis quidem, sed clarè, idem pariter affirmat sanctus Isidorus, cum ait: *Tau littera, speciem Crucis demonstrat.*

Testim. aduersus Iudæos, lib. 2. cap. 22.  
Origenes in Homilia de Epiphania Domini.

Quin & litteram T speciem esse Crucis, ipsi etiam Ethnici notauere scriptores: inter quos Lucianus, in paruo illo Tractatu suo, cui titulus est *Δύο Φωνήων*, id est *Iudicium Vocalium*, fingit in iudicium aliquando vocatam litteram hanc Tau à Sigma: cumque ambæ coram Iudicibus constitutæ essent, atque in contentionem ac disceptationem venissent, grauissimam & atrocissimam ipsi Tau à Sigma esse intentatam querelam, illudque furti ac rapinæ insimulatum; utpote quod aliena dolosè inuadens atque surripuens, litteram ipsam Sigma à compluribus dictionibus violenter expulisset; & loco illius, ipsum Tau nullo voto legitimo, nulloque intercedente decreto, temerè se ingessisse & intrusisse.

C Quocircà æquum videri sibi ut tanti furti ac latrocinij meritas pœnas daret, in comet patibulo, cuius ipsum formam & figuram referebat; id est, in Cruce. Sic enim ille: *Plorant homines atque vices dolent, atque ipsum Cadmum execrantur, quod Tau in litterarum genus induxerit. Aiunt enim Tyrannos, eius litteræ corpus secutos, atque figuram imitatos, postea simili figura ligna fabricasse, in quibus homines suspendant: atque ex hoc huic tam perniciosæ fabricæ pessimum nomen obuuisse. Propter ista omnia, quot mortibus ipsum Tau dignum iudicatis? Ego quidem existimo, merito hoc solum ad supplicium ipsius Tau relinqui, ut pœnam in sua illa figura sustineat, quod Crux ab eo fabricata est, & ab eo nomen illi homines imposuerint.* Hæc Lucianus. Pro Tau Virgilius etiam Crucem intellexit; quod his versibus suis, licet subobscurè aliquantulum, expressit, Crucem ipsam Tau Gallicum appellans:

Tau specie esse Crucis, etiam Gentiles agnoscere.

D *Corinthiorum amator iste verborum,  
Iste, iste Rhetor: namque quatenus totus  
Thucydides Tyrannus Atticæ febris  
Tau Gallicum spinæ ipsemet malè illisit,  
Ista omnia, ista verba miscuit fratri.*

Tau Gallicum.  
In Catalect. ad Tuccam.

Quamobrem cum Ioannes Goropius Becanus rationem diligenter inquireret, cur Virgilius Crucem ipsam Tau Gallicum, quàm Tau Græcum, vel etiam Tau Hebraicum appellare maluerit; testatur, rerum antiquissimarum maiorem cognitionem, quàm nemo alius Latinorum auctorum, habuisse Virgilium: quippe qui non solum diligentissimè euoluerat atque peruestigauerat omnia quæ de scientiarum principiis, de quæ antiquitatum notabilibus monumentis, prisca tum Græci tum Latini Auctores scripta reliquerant; verum etiam in rerum sacrarum ac reconditarum illarum notitiam & cognitionem penetraue-

Hieroglyphicorum lib. 16.



trauerat, quæ his tantummodò, qui solemnibus cæremoniis illis initiabantur, A  
atque ad illarum professionem peculiari ritu admittebantur, cognita erant.  
Quocircà cùm pleraque Vaticinia, quæ Sibyllæ scripserant, furripuisset; ea ipsa  
sibi adsciuit, atque inter opera sua publicauit. Quare putare se dicit idem Becanus,  
intellexisse Virgilium à quopiam illorum sacerdotum qui Druides appellabantur,  
vel fortè aliunde habuisse notitiam, illos characteres scilicet, illasque litterarum  
figuras, inter quas erat Tau, priùs apud Gallos quàm apud Græcos in usu fuisse;  
ideoque Tau Gallicum, Crucem ipsam appellare voluisse. Addit prætereà, credere se,  
Virgilium Crucem Tau Gallicum ea potissimùm ratione appellasse, quòd natione Gallus  
existens, primam litterarum inuentionem Gal-  
lis ipsis adscribere voluerit, qui à Comero Gallo originem ducere gloriabantur.

In Gallicis  
lib. 5.

Verùm de re hac verba concludens, ait, Crucem iure optimo Tau Gallicum appellari  
posse; quandoquidem Galli, populos placentes & grates significant: B  
cùm nulla res alia sit, quæ homines magis Deo placentes ac gratos reddere possit,  
quàm Crux ipsa: quæ cognomen istud non tantùm à Gentibus illis obtinuit,  
qui Galli vocantur; sed generaliter à populis omnibus, qui Deo placentes  
& grati sunt. At Cælius Rhodiginus tradit, Crucem ideò Tau Gallicum appellatam  
esse, quia Galli Crucem ipsam ad Tau formam construere solebant: atque hinc  
factum esse dicit, cur apud plerosque celebres Auctores ipsum Tau pro Cruce  
ponatur.

Tau Græcis  
tercentum.

Scribit sanctus Augustinus, litteram Tau apud Græcos significasse tercentum:  
ideoque intelligens atque præuidens hoc mysterium Gedeon, cùm inuasurus  
esset Madianitas, exquisitissimo militum delectu primùm habito, pro  
conflictu ac prælio illo trecentos viros tantummodò sibi adsciuisse; vt innueret,  
mundum non in viribus numerosæ multitudinis, ab impetu atque oppressione  
ne immanium hostium, sed per Crucis sacramentum, liberandum esse: Præuidit,  
inquit, mysterium sanctus Gedeon: denique elegit trecentos viros ad prælium, vt  
ostenderet, non in numero multitudinis, sed in sacramento Crucis, mundum ab incurso C

Gedeon cum  
trecentos  
viros ad-  
uersus Ma-  
dianitas de-  
legerit.  
In Sermo-  
ne Feria 2.  
post Do-  
minicam  
Passionis.

ostenderet, non in numero multitudinis, sed in sacramento Crucis, mundum ab incurso  
grauium hostium liberandum. Trecenti enim in Græca Tau, similitudinem Crucis ostendunt.  
Idem quoque scripsit sanctus Paulinus Nolanus Episcopus; asserens, Christum non in  
multitudine copiarum, aut legionum robore debellasse prostrauisseque aduersarios  
Principes, dæmones scilicet, Principes ac rectores tenebrarum; sed in sacramento  
Crucis, cuius figura trecentorum numero per Tau Græcam litteram repræsentatur  
exprimiturque: Sicut ille (inquit sanctus Paulinus) non multitudine, nec virtute legionum,  
sed iam tunc in sacramento Crucis, cuius figura per litteram Græcam Tau numero  
trecentorum exprimitur, aduersarios Principes debellauit.

Ad Sulpitium  
Seuerum, ep. 2.

Cruz ista ad formam litteræ T compacta, duobus componebatur lignis; altero  
erecto, altero verò transversali; quæ in tres fines siue extremitates terminantia  
extendebantur. Quo profectò innui videbatur, secundam sanctissimæ Trinitatis  
personam, quæ per erectum significabatur lignum, assumpturam esse  
humanam naturam, transversali ligno denotatam: atque in hoc sacro ac  
profus admirabili trium acuminum triumque capitum instrumento exaltata, redemptionis  
nostræ mysterium operari debebat; subiiciens ac subiugans excel-  
sæ Maiestati diuini imperij sui tria illa Regna, quæ innuere voluit Apostolus,  
cùm dixit: In nomine Iesu omne genu flectatur, caelestium, terrestrium, & infernorum.

Crucis ad  
litteræ T  
formam  
compacta  
mysteria.

Ad Philip.  
cap. 2.

Quæ omnia quia Christus Dominus deuicturus erat, propterea mortem, mortisque  
instrumentum tanto mysterio aptissimum, sibi delegit. Nam in sacro hoc  
instrumento altius subleuatus atque exaltatus, aëreas potestates vicit, & expoliauit;  
extendensque hinc inde tota die manus suas ad populum non credentem,



A tem, & contradicentem sibi, terrenorum hominum iniquitates ac peccata destruxit. Ea verò Crucis extremitate, quæ humi erat infixa, debellauit & expoliavit infernum.

Erat etiam admirabile instrumentum istud, duobus lignis compactum, quæ in tres extremitates terminabantur; ut inde aliud mundo altissimum ostenderetur mysterium. Etenim per duo hæc ligna, duo illi mystici signabantur dies; de quibus Dominus ipse noster intelligere voluit, cum dixit: *Hodie & cras signa facio*. Quorum dierum primo, naturalis legis tempus denotauit, quod ab ipsius mundi exordio ad Moysis usque tempora fluxit; quo tot signa in Ægypto, tantaque in deserto facta fuere prodigia. Secundo verò, tempus legis scriptæ designatum esse voluit; quod ad sui ipsius aduentum usque, ex quo lex per eum Moyse data est, perdurauit, in quo per Eliam, per Elisæum, perque ceteros Prophetas eorum successores multa signa, multaque patrata fuere miracula.

B Demum verò idem ipse Dominus subiunxit, dicens: *Et tertia die consummor*. Qua sanè tertia die, tempus felicissimi ac beatissimi aduentus sui innuere voluit, in quo omnia quæ de ipso scripta & prophetata fuerant, consummari atque impleri debebant. In quo insuper per sanctissimæ Humanitatis suæ exaltationem, in sacro hoc & mysteriis refertissimo instrumento, inque duplici hoc, atque ternario ligno, redemptionem nostram operari debebat. Quod iam inde à seculis quamplurimis antea, Spiritus sanctus Osee Prophetæ reuelauerat. Quamobrem inquit: *Viuificabit nos Dominus post duos dies, in die tertia suscitabit nos*. Ex quibus profectò verbis, cum in ternario numero, principium, medium, finemque contineri constet; clarè perspicitur, per tertiam diem, intelligere voluisse Prophetam, beatissimam illam temporum plenitudinem, in qua æternum diuinumque Verbum, virginali carne suscepta, atque amoris nostri gratia, humanitate assumpta, eademque in sanctæ Crucis ligno exaltata, euersam atque prostratam naturam nostram reparando ac restaurando erexit.

Hoc idem præsignificauit etiam magnus ille Prophetæ Moyses, cum dixit, Deum tertia die in locum vnum simul congregasse omnes aquas, quæ erant sub firmamento. Etenim post primam diem legis naturalis, secundamque legis scriptæ; in tertia denique Euangelicæ legis & gratiæ, nos Gentiles, qui tamquam dilabentes aque super terram dispersi eramus, in congregationem vnā, id est, fidei vnitatem per sanctæ Crucis mysterium, & per Euangelij rete piscarium, in vnum congregati atque aggregati sumus. Ternis cuspidibus, ternisque finibus hæc T figura extenditur ac terminatur: cuius dictio & nomen Tau, ternis quoque characteribus conscribitur; quo sanè triplicem Crucem illam significat, quam in nobis ferre debemus. Quarum prima, Crux animæ appellatur, quæ est timor Dei. quoniam scriptum est: *Timor Dei configit animam, ut non respiciat ad dexteram, neque ad sinistram*. Secunda, Crux carnis dicitur; & est mem-

*Triplex nobis Crux subeunda; anima, carnis, & spiritus.*

D brorum nostrorum mortificatio. Tertia verò, Crux spiritus appellatur; estque charitas illa qua Christum Dominum ardentem amare debemus; ita ut in Cruce ipsi semper inseparabili vnitatem coniungamur; ut cum Apostolo dicere possimus: *Christo confixi sumus. Quis nos separabit à charitate Christi?*

Galat. 2.  
Rom. 8.  
*Tres Crucis extremitates.*  
S. Chrysost. in Symbol. Apost. Hec milia 2.

Magnum planè sacramentum dicit sanctus Ioannes Chrysostomus, hac figura celatur. Nam ternis acuminibus, ternisque extremitatibus suis, magnam altitudinem, magnam latitudinem, magnamque Crucis profunditatem significat. Magna, inquit, erat Crucis altitudo; ut Christus inde clamaret ac diceret: *Pater ignosce illis, quia nesciunt quid faciunt*. Magna erat latitudo; quoniam maiorem charitatem nemo habere potest, quam ut animam suam ponat pro amicis suis. Magnaque erat profunditas, ut Ecclesia sancta ad Deum ipsum clamare

B

posset:



*Littera  
Tau fulcri  
debilium  
formam re-  
fert.*

*Cruce Chri-  
sti, verum  
infirmis  
humana  
fulcrum.*

*In ligno,  
quo diabo-  
lus vicit, a  
Deo vinci-  
tur.*

*Tau quod-  
libet etiam  
signum He-  
braeis.*

*In Ezech.  
cap. 9.*

posset: *De profundis clamaui ad te Domine, Domine exaudi vocem meam.* Neque fa- A  
nè minore animaduersione aut consideratione dignum illud est; intueri scili-  
cet nos, litteram hanc T fulcri illius siue baculi formam atque imaginem refer-  
re, quem manci, debiles, atque infirmi sub axillis deferentes, illius adminiculo  
suffulti, sustentantur. Quod, vt Ioannes Goropius testatur, Cimbrica voce Crux  
dicitur. In Hetruria, Gruccia; at in plerisque locis Italiae, Crocia appellatur. ex  
cuius baculi denominatione atque officio, aperte intelligere & clare perspicere  
possumus, Crucem illud verum fulcimentum esse, quod debilem, mancam, ca-  
ducam atque prostratam naturam nostram erigere ac subleuare debebat: ip-  
samque illam procul dubio esse solidum ac securum sustentaculum, firmum  
atque robustissimum baculum, cui fragilitas nostra, ne cadat, nè in æternum  
præcipitium ruat, indefinenter & assidue inniti debet. Hic insuper baculus ille  
est, quo antiquus hostis primum parentem nostrum Adam proditoriè inua-  
sum, atque enormiter verberatum, omni existimatione, omni honore, atque B  
omni prorsus gloria expoliauerat: cùmque in peccati prolapsionem impulsif-  
set, candida innocentiae veste, originali iustitia atque diuina gratia cum or-  
bauerat.

At iustus & misericors Deus, tantam iniuriam, tantamque ignominiam di-  
lectæ creaturæ suæ iniquissimè irrogatam, inultam, ac sine iusta & congrua ani-  
maduersione relinquere nolens; id fecit, quod huius sæculi Magnates plerum-  
que facere consuevere: qui si fortè aliquem ex consanguineis, vel dilectum  
quempiam famulum, baculo proditoriè percussum, ac per summam contume-  
liam enormissimè tractatum viderint; eandem ignominiam sibi illatam fe-  
rentes, vt sibi ipsis integrè satisfiat, illum ipsum baculum, quo eorum consan-  
guineus vel seruus verberatus fuerat, ad manus suas habere nituntur, cùmque  
penes se ad tempus opportunum studiosè seruantes, eodem postea occasione C  
oblata iniquum percussorem illum reperiunt, iniuriæ quam alteri iniuste  
ac temerè irrogauerat, iustissimam mulctam exigunt. Ligno sanè diabolus, pri-  
mos parentes nostros insidiis ac dolis circumuentos, in extremum exitium im-  
pulerat. At Dei optimi maximi incomprehensibili dispensatione, ligno ipse  
quoque castigatus atque deuictus est. In cuius præexcelsi facinoris, atque admi-  
randi mysterij memoriam, Ecclesia sancta inexplebili superabundans gaudio,  
& quod in Saluatoris nostri æternam gloriam vertit, canit nunc sæpè, sem-  
perque hoc elogium lætissimè concinet: *Et qui in ligno vincebat, in ligno quoque  
vinceretur, per Christum Dominum nostrum.*

Sciendum tamen est vocem hanc Tau, Hebraica quidem lingua, non vlti-  
mam tantum Hebraici Alphabeti significare litteram; verum etiam quodli-  
bet aliud signum. Quamobrem Septuaginta Interpretes, ac post eos Aquila &  
Symmachus, textum Ezechielis supradictum interpretantes, pro dictione Tau,  
dixere Signum. Theodotion verò, pro vltima Alphabeti Hebraici id intellexit. D  
Idcirco cùm ipse etiam textum eundem traduceret; pro vocabulo signum, vt  
Septuaginta Interpretes, Aquila Symmachusque interpretati fuerant, eandem  
Hebraicam dictionem in Tau ipse posuit: vt ostenderet, sicut diuus testatur  
Hieronymus, homines illos qui hoc Tau signati fuerant, perfectam habuisse  
scientiam: Pro signo (inquit Hieronymus) quod Septuaginta, Aquila & Symma-  
chus translulerunt, Theodotio ipsum verbum Hebraicum posuit in Tau, quæ extrema est  
apud Hebræos viginti & duarum litterarum; vt perfectam in viris gementibus &  
dolentibus scientiam demonstraret. Atque hinc profectò perfidi ac peruicacissimi  
Iudæi, ne pertinacis perfidiæ conuincantur, contendunt, signum illud, Dei  
mandato, frontibus virorum illorum, de quibus Propheta loquitur, ab Angelo  
impressum,



**A** impressum, nequaquam fuisse litteram Tau, sed quoddam aliud signum: asserentes, in ipso textu Ezechielis positam non esse figuram siue characterem litteræ Tau simpliciter & solùm, hoc modo videlicet scriptum n, sed integram dictionem in Tau. At mirandum sanè non est, si infelix eorum periticia sub vanæ umbræ huius cæcitæ delitescere gestiat; quandoquidem iam à Prophetis prænuntiatum fuerat, illos in admirandi huius signi sacramentum, in quo hominum vita instauranda atque stabilienda erat, credituros non esse. Quamobrem magnus illis prædixerat Moyses, propter eorum perfidiam, à terra, quam Deus ipsis daturus erat, quandoque expellendos: ob eamque causam fore, vt per orbem vniuersum disperderentur: atque oculorum aciem tanta caligine eis perstringendam & occæcandam esse, vt videntes vitam suam (Christum scilicet Dominum nostrum) pendentem in ligno, illi non crederent. Quocirca Tertullianus inquit: *Huius autem signi sacramentum variis modis prædicatum est, in quo vita hominibus præstruebatur, in quod Iudæi non essent credituri. Sicut Moyses ante nuntiabat in Exodo dicens: Eijciemini de terra, in quam introibitis, & in nationibus illis non eritis in requiem. Et non erit stabilitas vestigio pedis tui; & dabit tibi Deus cor tadians, & tabescentem animam, & oculos deficientes, vt non videant; & erit vita tua pendens in ligno ante oculos tuos, & non credes vitæ tue.*

*Iudæorum  
Crucis si-  
gnum reij-  
cientium  
perfidia &  
cæcitas.*

*Aduersus  
Iudæos,  
cap. 11.  
\* Lapsus me-  
moriam Ter-  
tulliani, quia  
non in Exo-  
do, sed in  
Deuterono-  
mio cap. 28.  
hæc verba  
habentur.*

*Signi Cru-  
cis virtu-  
tes.*

Hoc illud signum est immaculati Agni, quem Hebræi in Ægypto immola-uerant; cuius sanguine foribus domorum obsignatis, ab occisione percutientis Angeli in Ægyptiorum primogenitos perpetrata, seruati sunt. Quo felici & sacrosancto signo, quicumque frontem & cor consignatum feret, ab æterna se internecione seruandum sciat; atque euasurum ex rapacibus ac diuis manibus percutientis angeli satanæ: qui cum sit, & tunc præcipuè erit diuinæ iustitiæ minister, percutiens angelus iure dici potest. Atque hoc illud est Dei viui signum, de quo Archipropheta & sanctæ Catholicæ Ecclesiæ magnus Cancellarius, in magna illa visione sua, clamantem Angelum audiuit, monentemque quattuor Angelos illos, quibus nocendi terræ ac mari potestas data fuerat, ne alicui nocerent, donec hoc beato signo seruos magni Dei in frontibus eorum signassent; dicens: *Nolite nocere terræ & mari, neque arboribus, quoadusque signemus seruos Dei nostri in frontibus eorum.* Signum sanè certissimæ victoriæ atque triumpho; quo quicumque ritè ac legitimè consignatus erit, inimicorum omnium visibilibus atque inuisibilibus impetus omnes retundet, irruptiones omnes reprimet, armaque eorum offensiva omnia elidet, obteret, perfringet; vt neque peccatum, neque mors, neque diabolus, neque infernus ipse in eum præualere possit. Signum hoc (inquit diuus Hieronymus) Christus Dominus noster, cum ad Patrem ascenderet, nobis reliquit, illudque frontibus nostris impressit; vt liberè dicere possimus: *Signatum est super nos lumen vultus tui Domine.*

*Apocal.  
cap. 7.*

*In Isaiam,  
cap. 60.*

*Psal. 4.*

**D** apud antiquos Ægyptios tantæ existimationis ac venerationis esset, vt inter hieroglyphicas siue sacras litteras, præcipua quadam ac magna significatione religiosissimum haberetur; atque si in eorum peruetustis antiquitatibus, tot locis impressum ac passim insculptum id adhuc nobis videre liceat, vt suo loco dicemus.

*In maximo  
olimpetio  
apud Æ-  
gyptios.*



## CAPVT V.

## De Cruce immissa.

Cruce im-  
missa for-  
ma.

Vnitatem,  
quaterna-  
riū, & de-  
narium in  
se continet.

Vnitas Deū  
significat.

Pimandri  
cap. 4.


Quaterna-  
rius iusti-  
tia & vir-  
tutum om-  
nium sym-  
bolum.  
Denarius  
numerus  
est perfe-  
ctionis.  
Gregor.  
Moralium  
lib. 1. cap. 6.  
Deus per  
Cruce ma-  
xima que-  
que opera-  
tur.  
Quater-  
narij &  
denarij my-  
steria.

**I**MMISSA Crux denique duobus lignis erat compacta : quorum alterum, vt superius diximus, rectum erat; alterum verò recta linea primum intersecans, è transuerso distendebatur : ea sanè constructione atque compage alterum in alterum immissum, vt quattuor rectorum laterum figuram referrent: quæ quattuor rectis construebatur lineis, quæ ab vno eodemque centro egredientes, in quattuor diuersas partes, altera ab altera æqualiter distante, in suos fines terminabantur; hac forma videlicet ✚, figura planè tali, quæ pro ipsius dignitate atque excellentia à nullo satis laudari potest : vtpote quæ omnem dicendi facultatem excedit; quæque altiores admirabilitates, profundioraque in B se continet mysteria, quàm humanus intellectus vllus capere possit; quamque humana lingua hucusque potuerit, aut in futurum possit exprimere. Continet namque illa in se vnitatem, quaternarium, & denarium; numeros, quibus rerum omnium origo, operatio, atque perfectio comprehenditur. Vnitatem profectò habet in centro, quaternarium in corpore & extremitate, denariumque in essentia continet. Vnitas autem Deum significat; quoniam, vt Mercurius Trismegistus asserit, vnitas rerum omnium principium, radix, & origo est: principium namque in se, & omnem numerum continet, ipsa verò à nullo continetur: numeros omnes generat, & à nullo generatur. Omne quod crescit in numeris, virtute vnitatis augetur: omne verò quod deest, ab ipsa numeri imbecillitate procedit, cum vnitatem ulterius capere non possit. Proprietates peculiare sanè, quæ omnes Deo admirabiliter conueniunt. Quamobrem ipse idem Trismegistus, Tatius filio suo scribens de vnitatis materia, sic concludit: C *Hec tibi, ô Tati, pro viribus imago Dei subscripta sit: quam si diligenter consideraues, oculisque internis prænoueris, crede mihi, fili, ascensum ad excelsa comperies; quin etiam imago ipsa te perducet.*

Quaternarius autem, præter quòd compositus, efficiens atque operatiuus est omnium virtutum quæ numeris continentur; vnde ab antiquis Philosophis, vt superius diximus, ὁποτελεσµατικός dictus fuit; est etiam æqualitatis, iustitiæ, atque virtutum omnium symbolum. Denarius verò, vt à nobis etiam dictum est, numerus perfectionis æstimatur, qui Diuinitatis in se plurimum continet. Ideoq; sanctus Gregorius inquit: *Denario autem numero summa perfectionis exprimitur.* Quamobrem ex numeris, quos Crux sancta in se continet ac repræsentat, non aliter ac si numeri ipsi loquerentur, perspicuè nobis demonstratur, Crucem ipsam, sacrosanctum instrumentum esse, per quod Deo optimo maximo placitum est, iugiterque nunc etiam placet, actiones virtutesque omni prorsus stu- D pore atque altissima admiratione plenissimas operari; quibus ipsius æquitas, iustitia, misericordia, omnipotentia, atque perfectio ex parte detegatur & cognoscatur. Quaternarius insuper omnium numerorum in se continet potentiam; quandoquidem vt superius docuimus, denarium in se virtualiter complectitur, imò essentialiter ipsum generat. Ex quo factum est, vt Pythagorici denarium ipsum primam quadraturam appellauerint. Quaternarius verò, cum denarium generet, consequenter etiam omnes numeros vsque ad infiniti immensitatem procreat. Nam quemadmodum 1. 2. 3. 4. decem faciunt; sic 10. 20. 30. 40. centum conflant; quod est denarij quadratura. Atque simili hinc quaternaria progressionem, ex 100. 200. 300. & 400. millenarius generatur, qui est æternitatis cubus.



**A** cubus : figura vndeque quadrata , & sanctæ Crucis imago, in qua eiusdem quaternariæ extensionis virtute , ad millenarij denarium pertingimus ; ex quo numeri ipsi ad denarium , atque ad vnitatem denique regredientes , figuram vndeque quadratam , atque sanctæ Crucis imaginem formant, vt hîc videre licet.



Per quam mysteriis affluentem figuram, Dei infinitæ misericordiæ placitum fuit ad veritatem ipsam & ad effectum id denique perducere, quod iam antea tot transactis sæculis promiserat, quando dixit: *Ego Dominus faciens misericordiam in mil-* Exodi 20.  
**B** *lia, iis qui diligunt me, & custodiunt præcepta mea.* Sed animaduertentes nos hanc æternitatem, infinitum hoc, & hunc regressum ad denarium & ad vnitatem ipsam, qui ex quaternario numero atque ex hac admiranda figura nascitur; dicimus insuper, quaternarium numerum continere in se speciem corporeæ atque incorporeæ naturæ: in se ipso enim primum par, primumq; impar complectitur: quandoquidem, vt Plato asseruit, vnitas & dualitas non sunt numeri, sed numerorum principia. Cùm ergo quaternarius corporeæ atque incorporeæ naturæ speciem ac figuram repræsentet; naturam quoque Diuinam & humanam consequenter demonstrare potest. Quamobrem ex eo quod annuntiat atque demonstrant numeri, fortasse non incongruè dici posset, quod æternum diuinumque Verbum incarnatum, Christus Dominus, Diuinæ naturæ natura humana assumpta, vndeque Deus verus homo factus, in hac quadrata figura, atque in hoc sanctæ Crucis quadrato ligno, ex quo numerorum æternitas atque infinitas generatur, cum eorum infallibili ad vnitatem regressu, humanum genus corporea & incorporea natura compositum redempturus erat; illud ab æterna morte ad æternam vitam reducens ac restituens, transferensque illud à finito ad infinitum, à mortalitate ad immortalitatem, à fluxa ac transitoria huius sæculi vanitate ad stabilem & permanentem Paradisi æternitatem; atque ad seipsum, qui in essentia simplicissima vnitas est, eiusdemque beata & prima origo, illud sibi denuò coniuncturus.

Mysterium hoc altissimum expendens Augustinus, ex quattuor litteris illis quæ in scripture nominis primi parentis nostri Adam ingrediuntur, quibus Græco idiomate quattuor mundi describuntur plagæ, magno planè illo atque diuino ingenio suo altissimum quemdam animi sensum elicuit, & explicauit: qui nostræ intentioni, atque his quæ superius diximus, non parum luminis & claritatis affert. Etenim quasi Adam ipse, ante lapsum, perimagna statua, siue Mysteriū in quattuor litteris nominis Adæ.  
**D** pulcherrimum quoddam simulacrum esset; dum peccauit, (inquit) pulchrum atque illustre simulacrum illud proruit, prolapsoque, & in minutissima frustra confrecto, in eius semine per orbem vniuersum, illius sese sparsim diffusere fragmenta. Sed misericordia Domini frustra & fragmenta ipsa vndeque collecta, atque igne excessiuæ charitatis in fornace suæ immensæ pietatis conflata, lignoque sanctæ Crucis liquata, reformauit, redintegravit; atque in fidei Qui peccado lapsus, & confrectus,  
 vnitatem, in sanctam vnā Ecclesiam, pulchriorem atque digniorem statuam mirabiliter reduxit. Verba autem ipsius Augustini hæc sunt: *Adam orbem terrarum significat, secundum Græcam linguam. quattuor enim litteræ sunt, A, D, A, & M. Sicut autem Græci loquuntur, quattuor orbis partes has in capite litteras habent. ἀνατολήν dicunt Orientem, δυσμὴν Occidentem, ἀρκτον Aquilonem, μεσημέριαν Meridiem:* ligno Crucis est reparatus. In Psal. 95. similia serè dixit etiam Tractatu in Ioā. 9. & 10.  
B 3 habes



habes ADAM. Ipse ergo Adam toto orbe terrarum sparsus est. In uno loco fuit, & cecidit; & quodammodo comminutus, impleuit orbem terrarum. Sed misericordia Domini undique collegit fracturas, & conflauit igne charitatis; & fecit vnum quod fractum erat. Novit illud facere Artifex ille: nemo desperet. Multum quidem est; sed qui sit Artifex, cogitate. Ille refecit, qui fecit: ille reformauit, qui formauit.

Catecheti-  
ca Oratio-  
ne, c. 132.

Isaie 11.

Eadem tamen panem iam ante ipsum Augustinum scripserat sanctus Cyprianus, siue quicumque alius antiquissimus auctor illius Tractatus, cui titulus est, De montibus Sina & Sion, aduersus Iudæos; qui inter ipsius Cypriani opera est impressus. Idem quoque, licet aliquantulum subobscurius, innuere voluit sanctus Gregorius Nyssenus, cum inquit: *Hoc per Crucem docemur, cum eius quadrifariam figura sit diuisa: adeo ut ex medio, quatenus sibi ipsi coniungitur, numerentur quattuor proiectiones. Quoniam qui in ea fuit extensus, tempore mortis susceptæ dispensationis, qui sibi vniuersum colligat, concinnat, & adaptat, is diuersas rerum naturas ad vnam per se cogit conspirationem & harmoniam.* Quasi diceret, quod B Christus Dominus noster in quadrato Crucis instrumento moriens, è quattuor mundi regionibus, ad semetipsum quasi veritatis centrum, vitæque, & omnium virtutum, ac totius boni fontem, traxit omnes electos, qui in diuersis idololatriæ ac peccatorum erroribus erant immergi; Prophetæ dicto illo ad facti veritatem tunc perducto: *Et leuabit signum in nationes, & congregabit profugos Israel, & dispersos Iuda colliget à quattuor plagis terre.*

Crucis im-  
missæ duo-  
bus lignis  
structura,  
Angelicam  
atque hu-  
manam na-  
turas in-  
staurandas  
significat.

Hæc immissa Crux, de qua nunc nobis est sermo, duobus lignis passim constructi solebat, quorum alteri, quod humi infixum erat, cælumque versus rectè erigebatur, incisione facta, alterum immittebatur & intrudebatur: ea compositione videlicet ligna huiusmodi coaptando, ut secundum hoc, primum illud è transuerso directè interfecaret. Hæc sanctæ constructio atque figura denotare poterat, duas naturas, Angelicam scilicet atque humanam, hoc instrumento, cui quàm plurima insunt mysteria, instaurandas esse. Nam rectum lignum illud, quod firmiter terræ infixum, cælum versus erigebatur, naturam designabat Angelicam: quæ licet in prælio illo, quod factum est in cælo, firma stabilisque permanferit, neque in defectionem sit vniuersa prolapsa; magna tamen in ea tunc incisio, atque adeo abscissio & imminutio facta est, cum iniquus ac scelestissimus Lucifer, detestabilis superbix suæ ac diabolicæ ambitionis causa, ipse cum magno illo apostatarum ac desertorum Angelorum numero inde deturbatus, atque in infernum præcipitatus fuit. A qua profectò ruina, cælestis militia certo quodam modo instauranda erat: eo videlicet pacto, ut pro perditis ac rebellantibus prauorum Angelorum agminibus, iustorum atque sanctorum hominum societatem acquireret. At transuersale lignum illud in Cruce, quod prolapsum totaliter ostendebatur, nullam rectitudinem ad cælum habens, naturam significabat humanam; quæ ob Protoplastorum reatum, in Dei optimi maximi indignationem, in originalis peccati culpam, & in mortis D sententiam corruerat.

Dux igitur naturæ istæ, impij ac flagitiosissimi Luciferi culpa sic deformatæ ac malè mulctatæ, à summo illo Architecto Deo, per passionem & mortem Unigeniti Domini nostri Iesu Christi, reformatæ atque instauratæ sunt. Et quemadmodum duobus ex lignis Crux vna materialis est constructa, cuius recti ac maioris ligni incisio, ex transuersali illo itidem ligno suppleta atque impleta est; ipsique Cruci Christus Dominus ad tempus hîc coniunctus ac confixus stetit: ita duabus ex naturis istis, vna spiritualis Crux coaceruabitur; in qua Angelorum illa abscissio atque imminutio totidem beatis ac sanctis hominibus supplebitur & implebitur. Qua ratione, altera alteri supplementum atque pulchri-



A pulchritudinem afferente, Christus Dominus, humanæ naturæ tamquam carissimæ atque apprimè dilectæ sponsæ suæ, in vinculo charitatis ac dilectionis, in Paradiso in æternum coniunctus erit.

Quadratam hanc admirandamque huius sanctæ Crucis figuram delineauit, atque verbis mysteriorum altissimorum copia refertis descripsit Apostolus, cum ad Ephesios scribens, inquit: *Huius rei gratia, flecto genua mea ad Patrem Domini nostri Iesu Christi, ex quo omnis paternitas in cælis & in terra nominatur, ut det vobis secundum diuitias gloriæ suæ, virtute corroborari per Spiritum eius in interiorem hominem, Christum habitare per fidem in cordibus vestris: in charitate radicati & fundati, ut possitis comprehendere cum omnibus Sanctis, quæ sit latitudo, & longitudo, & sublimitas, & profundum.* Super quibus verbis diuinus Gregorius Nyssenus asserit, non frustra, nec sine magno mysterio, diuinum illum Apostoli oculum, qui raptus est in cælum, Crucis figuram hoc modo excogitasse; sed inde aperte ostendisse, se, omnibus ignorantia squamis ab oculis mentis suæ excussis, ipsam rerum veritatem clarè perspexisse. Quandoquidem ex figura hac quattuor cornibus è medio prouenientibus descripta, nouit declarari potentiam & prouidentiam illius, qui pependit in ea; & propterea partes illius singulas propriis nominibus appellauit. Partem enim illam Crucis (inquit) quæ à medio deorsum vergit, profundum vocauit: eam verò quæ sursum extollitur, sublimitatem dixit: at duas illas quæ vtriusque transuersæ protenduntur, latitudinem & longitudinem. Potes igitur (subiungit Gregorius) ex his quæ dicta sunt, in animo tuo de Deo cogitans, intueri. Cælum enim suspice, & partes infimas animo complectere: extremosque ac summos orbis terminos cogitatione comprehendere; atque considera, quænam potentia, tamquam vniuersitatis vinculum hæc omnia deuinciat, atque contineat: videbisque sponte sua in ea diuinæ potentia contemplatione, Crucis figuram exprimi in animo ac mente tua; à superis ad infera, ab extremis ad extrema protentam, atque descriptam. Hæc Nyssenus.

C At Ioannes Damascenus, paucioribus quidem eundem pænè animi sensum ita expressit: *Virtus siquidem Dei, inquit, est verbum Crucis: aut quia potentia Dei, id est, contra mortem victoria, per ipsum nobis manifestata est; aut quia quemadmodum quattuor extrema Crucis per medium centrum continentur & constringuntur, sic per Dei virtutem altitudo & profunditas, longitudo & latitudo, id est, omnis visibilis & inuisibilis creatura, continetur.* Sanctus Augustinus pariter verba Apostoli supradicta ad Crucem Christi sanctam refert; asserens, illam in transuersali ligno, in quo Crucifixi extenduntur brachia, latam esse, ac significare opera bona, quæ in latitudine charitatis fiunt: longam à transuersali ligno ad terram vsque, vbi pedes inferius configuntur; signareque perseverantiam in temporis longitudine, vsque in finem: altam esse in summitate illa, quæ à transuersali ligno sursum extollitur; qua supernus & altus finis denotatur, ad quem bona opera diriguntur ac referuntur: quandoquidem omnia quæ in charitatis latitudine atque in temporis longitudine benè ac perseveranter fiunt, propter altitudinem diuinæ retributionis peragi debent: illam denique profundam esse in ea parte, quæ humi infigitur; quæ licet videri nequeat, omnis tamen eius apparentia atque eminentia inde confurgit; non secus ac bona nostra omnia à profunditate gratiæ Dei, quæ nec comprehendere nec æstimare potest, vniuersa procedunt.

D At hæc Rupertus Abbas, Augustinum imitatus, dixit, Christum Dominum ipsa Crucis figura, in qua pependit, primas portas salutis, quam operabatur, significasse; fidem videlicet, spem, charitatem, atque perseverantiam. Nam Crux, inquit, habet longitudinem, latitudinem, altitudinem, & profunditatem, partem illam infimam & acutam quæ humi infigitur: longitudinem habet à

*Crucis huius figura ab Apostolo descripta.*  
Ad Ephesios cap. 3.

*Verba Apostoli explicata à D. Gregorio Nysseno.*

*In Christi resurrectione, Oratione 1.*

*à Ioanne Damasceno: Fidei orthodoxæ lib. 4. à sancto Augustino: In Ioan. Tract. 118.*

*à Ruperto Abbate. De Diuinis officiis, libro 6. c. 9.*



terra usque ad brachia : latitudo in transversali ligno consistit , in quo brachia **A**  
 extenduntur : altitudo verò à brachiis sursum ostenditur in eo ligno , cui caput  
 adhæret . Quibus quattuor extremitatibus , virtutes supradictæ denotantur .  
 Profunditas enim fidem significat , quæ ex Dei voluntate & vocatione , in imo  
 cordis primitus , tamquam ædificij fundamentum collocatur : longitudo perse-  
 uerantiam innuit : altitudo spem illam signat , quam in cælestibus repositam  
 habemus : latitudo verò charitatem repræsentat . Saluator noster igitur in pa-  
 tibili atque supplicij sui figura , primos salutis nostræ aditus nobis prædicabat .  
 Hæc ille .

De Resur-  
 rectione  
 Domini,  
 Serm. 1.  
 Psa D. Ber-  
 nardi me-  
 ditatio.

Deuotus verò Bernardus asserit , Christum Dominum , quattuor virtutum  
 gemmis planè insignibus , quattuor sanctissimæ Crucis suæ cornua exornasse .  
 Nam pendens , inquit , in Cruce , patientiam exercuit , humilitatem commenda-  
 uit , obedientiam adimpleuit , charitatemque integrè perfecit ; quæ quidem in  
 Crucis eminentiori loco stetit : obedientia ad dexteram , patientia ad sinistram , **B**  
 humilitas verò , quæ virtutum est radix , stetit in profundo . His sanè gemmis  
 (subdit ille ) Crucis trophæum Christus locupletavit : dum ad Iudæorum bla-  
 sphemias fuit humilis , patiens ad vulnera , cum interiùs à linguis pungeretur ,  
 exteriusq; confingeretur clavis . Perfectam charitatem ostendit , ponens animam  
 suam pro amicis suis . Absolutissimamque obedientiam executus est , quando  
 inclinato capite emisit spiritum , factus obediens usque ad mortem . Et hæc de  
 speciebus ac formis omnium Crucium hæctenus .

#### CAPVT VI.

*In qua Crucis specie ac forma Saluator noster crucifixus fuerit:  
 & ex quo ligno Crux eius sanctissima constructa.*

**C**VM superioribus capitibus satis abundè ( ni fallor ) de diuersis Crucium  
 speciebus , quæ fuerant in usu , à nobis tractatum sit ; reliquum nunc est vi-  
 dere , in qua supradictarum Crucium specie & forma Dominus ac Saluator no-  
 ster crucifixus fuerit ; nec non ex quo ligno Crux eius sancta constructa . Circa  
 quas materias aliqui forsitan non satis solido innixi fundamento , & curiosè ma-  
 gis quàm vtiliter , longis sese quæstionibus implicuere . Quamobrem easdem  
 nos magis sobriè pertractantes , maiori breuitate nos ipsos ex iisdem explicare  
 curabimus . At sanè quod ad primum attinet , ea est nonnullorum sententia , vt  
 Crucem illam in qua mortem subire voluit is qui morte sua nobis vitam con-  
 tulit , ad formam atque figuram Tau omnino constructam fuisse contendunt .  
 Hanc verò opinionem satis tutò adhærere putant iis beati Hieronymi verbis  
 iam superiùs recitatis , quibus ipse testatur litteram Tau , quæ ipsis adhuc tem-  
 poribus suis apud Samaritanos erat in usu , Crucis formam præferre : asseren-  
 tes insuper ad ipsorum sententiæ corroborationem , eandem T figuram , in per-  
 uetustis Ægyptiorum Hieroglyphicis , haud semel perspicui inculptam ; vt infe-  
 riùs suo loco fusiùs dicturi sumus . Atque hi non tantum eiusdem se esse senten-  
 tiæ profitentur , sed eandem tam contentiosè ac pertinaciter defendunt , vt te-  
 meritatem atq; perfidiam putent , si quis diuersam habere se opinionem , osten-  
 dere velit . Inter quos Ioannes Goropius Becanus , circa id tam feruenter exan-  
 descit , vt demum in hæc verba prorumpat : *Qualis enim fuerit Crucis forma , ip-  
 sum Tau demonstrat , toties in hieroglyphicis repertum , vt impudentis peruicacia dici de-  
 beret , si quis de ea ampliùs dubitaret , aut aliam nobis obtruderet formam.*

Crucē Chri-  
 sti nonnulli  
 ad formam  
 litteræ T  
 constructam  
 fuisse con-  
 tendunt.

Gallicorum  
 lib. 5.

Hanc quoque sententiam Ruffinus Aquileiensis tenuisse videtur : referens  
 enim



**A** enim verba illa Apostoli ad Ephesios, quæ superiori capite citauimus, quæque omnes ferè Patres Ecclesiastici ad Christi Crucem referunt; ipse quidem (nisi tamen id non aduertens fecerit) verba eadem mutilans, membrum vnum abscindit à Cruce, dum illam ita fingit atque describit, vt ternis extremitatibus, ternisque brachiis tantummodò terminetur; altitudine nempe, latitudine, & profunditate. Sic enim, inquit, docet Paulus Apostolus, illuminatos debere esse oculos cordis nostri ad intelligendum, quæ sit altitudo, latitudo, & profundum. Altitudo ergo, & latitudo, & profundum, descriptio Crucis est: cuius eam partem quæ in terra defixa est, profundum appellauit; altitudinem verò, illam quæ in aëre porrecta sublimis erigitur; latitudinem quoque, illam quæ distenta in dexteram laeuamque protenditur. Quibus sanè verbis illud aduertendum est, eum vbique longitudinem tacuisse. Quòd si improuidè omisit, (vt Lipsius innuit) culpa; at si de industria eiecit, crimen fuit, quod tamen non præsumendum.

In exposi-  
tione Sym-  
boli.

Alij qua-  
drata Cru-  
cis figuram  
asserunt;  
quæ quat-  
tor extre-  
mitatibus  
constet.  
Titulus  
Crucis in  
ligno oblon-  
go, quatuor  
extremita-  
tis vicem  
supplet.


Merman-  
nius de san-  
cta Cruce,  
c. 14.

Libro 8.  
cap. 29.

Cruce al-  
tior atro-  
ciori delicto  
erigi solita.  
Esther c. 5.  
& 7.

**B** Alij verò constantissimè defendunt, Crucem Christi non ad formam Tau, sed quadrata figura, quaternorum nempe brachiorum, quaternarumque extremitatum, fuisse constructam. Disceptatio atq; contentio (mea quidem sententia) parui admodum momenti. Nam vt idem quoque Lipsius prudenter animaduertit, si ipsi Tau titulum supernè addideris, Crux quaternis istis finibus terminabitur; præsertim verò si Titulum ipsum oblongo quodam ligno ad columnæ formam, atque dealbatum, vt ab omnibus clarè prospici posset, super Crucem ipsam adaptatum fuisse constet, vt Arnoldus Mermannius in suo de sancta Cruce Tractatu innuit, his verbis: Nam tres Cruces promiscuè inuenta sunt, & Tabula alba instar columnæ, in qua variis litteris scriptus erat Titulus, quem condidit Pilatus. Quo casu Crux sancta eius formæ atque figuræ extitisset; quæ imagine hac graphicè delineata demonstratur, si modò Auctori isti credendum est, imò verò ipsi Nicephoro Callisto, quem idem Mermannius in hoc secutus est. Dum enim idem Nicephorus agit de Crucis atque ipsius Tituli inuentio-

**C** ne, quem Helena sancta repererat, ait: Tres sparsim disiectæ Cruces; & Tabula præterea alba inuenta, in qua diuersis litteris Pilatus Regem Iudeorum scripserat, eaq; supra caput Christi collocata, in morem columnæ, Crucifixum illum Iudeorum Regem esse promulgat. Quæ Crucis forma & figura, nutu quasi demonstrata atq; descripta videtur in Tractatu siue Sermonem illo De montibus Sina & Sion, qui diuo Cypriano tribuitur, qui sic ait: Pontius Pilatus, impulsamente à Deo, accepit tabulam, & Titulum scripsit tribus linguis, Hebraicè, Græcè, & Latine: IESVS NAZARENVS REX IUDÆORVM. & in capite ligni, clavis tabulam, cum nomine Regis Iudeorum, confixit.



**D** Et quidem veritati admodum consentaneum esse videtur, iussisse Pilatum, Christi Crucis Titulum oblongo ligno quopiam supra Crucem eminenti ac dealbato collocari; ea non tantum causa, vt ab omnibus commodè prospici ac perlegi posset, sed quia id moris erat antiquis, cum hominem, qui pro suæ ipsius personæ conditione, vel pro delicti atrocitate valde insignis esset, Crucis patibulo plectere decreuissent, altiore atque vltra consuetum eminentiorem Crucem ei statuere. Quem morem secutus Aman, Crucem illam quinquaginta cubi-



*Quadrata* cubitorum Mardochæo præparari fecerat, in qua ipsemet postea iusto Dei iudicio appensus tuit. At Crucem Domini sanctam, forma quadratam fuisse, id est, quæ quadrifariam determinaretur finibus, videtur esse omnium patrum sacrorum Doctorum sententia. Inter quos diuus Hieronymus inquit: *Ipsa species Crucis, quid est nisi forma quadrata mundi? Oriens de vertice fulgens: Arcton dextra tenet, Auster in leua consistit, Occidens sub plantis firmatur.* Venerabilis autem Beda asseruit, quadratam Crucis formam significare Christi fidei Regnum, per orbem vniuersum dilatandum ac propagandum; iuxta quod peruectis his carminibus continetur:

*Respice distinctis quadratum partibus orbem,  
Vt Regnum fidei cuncta tenere probes.*

In Homilia  
in Feria 2.  
post 3. Do-  
minicam  
Quadrage-  
sime  
Tom. 7.

Quinque  
Crucis  
summitates  
S. Irenæo.

Libro 2.  
cap. 42.

Quæ quin-  
ta summi-  
tas.  
Tabella  
suppeda-  
nea.

De gloria  
Martyrii,  
cap. 6.

Tabella cui  
crucifixus  
insidet.

In Dialogo  
cum Try-  
phone Iu-  
dæo.

Cur forma  
Crucis  
Christi  
quadrata.

Alibi verò de eadem Crucis ipsius quadrata forma agens, asseruit Apostolum, dum verba illa pronuntiaret, *In nomine Iesu omne genu flectatur, celestium, terre- strium, & infernorum*, Crucis triumphum explicasse, cuius summitas ad cælum B tendit, unum penetrat infernum, brachia verò terram operiunt: *Hoc est enim* (inquit) *quod eiusdem Crucis cacumina ad celos tendunt, ima penetrant inferos, cornua ter- ram tegant.* Sanctus autem Irenæus, dum Crucem describeret, non tantum ostendit quadratæ formæ illam fuisse, id est, quod quaternis terminaretur finibus; verum scribit quinque cuspides siue summitates habuisse; duas videlicet in longitudine, duas in latitudine, vnam verò in medio, qua crucifixi corpus sustentabatur, inquit: *Ipse habitus Crucis fines & summitates habet quinque; duos in lon- gitudine, & duos in latitudine, & vnum in medio, ubi requiescit qui clavis configitur.*

Quæ verba nonnullis dubitandi ac disceptandi præbuere materiam, quoniam Crucis loco quinta summitas hæc, quam sanctus & antiquus scriptor iste addit Cruci. Quidam enim autumant fuisse tabellam quamdam directo Crucis ligno impactam, quam Latini *suppedaneam tabellam* vocant, qua super crucifixi pedes sustentabantur, atque infligebantur, ut is qui Cruci affixus erat quasi stare videretur. Quam sententiam inter ceteros, sanctus Gregorius Turonensis est secutus; ideoque inquit: *In stipite erecto foramen factum, manifestum est. Pes quoque paruule tabule in hoc foramen insertus est: super hanc verò tabulam, tamquam stantis hominis sacræ affixæ sunt plantæ.* Alij autem eandem tabellulam non sub pedibus, sed sub sessu collocari solitam volunt; ut totum crucifixi corpus sustinere posset. Quod cum verbis sancti Irenæi magis concordare videtur atque congruere. Nam si sub crucifixi plantis illam collocare vellemus, nullo pacto in Crucis medio immissam fuisse dicere possemus; neque tam commodè totum corpus crucifixi fulcire posset. Cui sententiæ non parum auctoritatis atque fauoris afferunt verba sancti Iustini Martyris; ex quibus clarè conicitur, eos qui Crucis patibulo affixi erant, eidem tabulæ insidere: quæ verba Latinitati reddita, hæc sunt: *Et quod medio fixum est lignum, ut cornu, & ipsum eminet, in quo ve- huntur & insident, qui Crucis supplicium subeunt.* D

Opinio hæc præterea, quod Christi Crux quaternis brachiis siue extremitatibus terminaretur, ab ipsa etiam sancta Ecclesia Catholica passim recepta videtur. Quandoquidem nulla alia, præterquam hac Crucis forma vti solet: estque rationi ac vero simili admodum innixa. Nam cum Christus Dominus, pro vniuersi orbis redemptione mori voluerit; verisimile profectò est hoc mysteriis refertissimum mortis instrumentum sibi delegisse, quod quattuor extremitatibus suis quattuor mundi plagas designat atque amplectitur. Et quidem rationi valde consentaneum est credere, Crucem sanctam Christi, quadrata fuisse figura; cum quattuor brachiis, quattuor illa insigniora, quæ hominibus contulit, clarè signentur beneficia. Superiori enim acumine, cælum nobis referasse; infe-



A inferiori infernum destruxisse, dextero brachio gratiam attulisse, sinistro verò peccatorum remissionem fecisse demonstrat. Quod animaduertens Ludolphus Carthusianus, inquit: *In quattuor etiam brachis Crucis notantur quattuor Crucis beneficia. Signat enim pars superiorianua celi apertionem, inferior inferni destructionem, à dextris gratiæ collationem, à sinistris peccatorum remissionem.*

De Vita  
Christi,  
parte 2.  
c. 63.

At controuersiam hanc circa sanctæ Christi Crucis formam, qua plerique magnis conatibus prolixisque disceptationibus enixi sunt, vt ostenderent an eadem Crux ternis quaternisve constaret brachiis, sanctissimus Pater Innocentius Papa III. in eo Sermone quem in principio Lateranensis Concilij habuit, paucissimis soluit atque dirimit, asserens, Crucem sanctam habuisse formam litteræ T, antequam Pilatus Christo Domino crucifixo, eidem Titulum adderet; innuens, illam ex tunc cœpisse quaternis constare brachiis. inquit enim: *T est vltima littera Hebraici Alphabeti, exponens formam Crucis, qualis erat, antequam Domino crucifixo Pilatus Titulum superponeret.* Et hæc quidem quoad Crucis formam, in qua Redemptor noster mori voluit, ne Lectorem tædiosè remoremur, breuiter dixisse sufficiat.

Eadem ab  
Innocen-  
tius III. as-  
serta.

Reliquum nunc est, vt ostendamus ex quo ligno eadem Crux sancta constructa fuerit. Nam cum de forma à nobis tractatum sit, rationi consonum videtur, vt de materia etiam agamus. Circa quam plerique etiam (nullo tamen solidi innixi fundamento) conati sunt, vt ostenderent ex diuersis compactam lignis. Inter quos quidam asseruerunt, ex duobus; aliqui ex tribus, vtpote, robore, olea, atque palma: alij verò etiam ex quattuor. Quocirca in Glossa hoc dicitur: *Fertur etiam Crux quattuor genera lignorum habuisse, scilicet cedrum in stipite, palmam in palo per longum, cupressum in ligno ex transuerso, oliuam in tabula super Crucem, loco quarti brachij. Et datur versus:*

Ex quo li-  
gno Crux  
Christi.

Plerique è  
non vno li-  
gno compa-  
ctam voluit.

Glossa in  
Clement. I.  
De summa  
Trinitate,  
& in verbo  
Cruci.

Isaia 60.

*Ligna Crucis, palma, cedrus, cupressus, oliua.*

C Alij verò autumant, Isaiam Prophetam innuere voluisse ligna, quibus Crux sancta construenda esset, cum dixit: *Gloria Libani ad te veniet, abies, & buxus, & pinus simul ad ornandum locum sanctificationis meæ, & locum pedum meorum glorificabo.* Et quamuis de lignis illis Propheta intelligere voluerit, quæ tempore Salomonis à monte Libano, pro ædificatione Templi Domini Ierosolytam aduecta fuerant: ipsi nihilo minus putant, Prophetam ipsum innuere etiam voluisse, Crucem sanctam ex lignis huiusmodi construendam. Quare Ioannes Chrysostomus hanc secutus sententiam, inquit: *Isaias etiam vnde essent, & qualia Crucis ligna, exponit his verbis: In cupresso, picea, & cedro simul, locum sanctum celebrate.*

De adora-  
tione pre-  
tiosæ Cru-  
cis.

Venerabilis autem Beda ostendit se eam firmiter tenere sententiam, Crucem scilicet Domini nostri Iesu Christi quattuor his compactam fuisse lignis, nempe cupresso, cedro, pino, ac buxo. At buxo quidem Titulum tantummodò conditum autumat; reliqua verò Crucis membra tribus lignis prædictis constru-

D eta. Quamobrem ea de re sic absolutè atque expeditè locutus est: *Crux Domini de quattuor lignis facta est, quæ vocantur cupressus, cedrus, pinus, & buxus. Sed buxus non fuit in Cruce, nisi Tabula de illo ligno supra frontem Christi fuit, in qua conscripserunt Iudei Titulum: HIC EST REX IUDÆORVM.* Alij verò Crucem eandem ex cedro, palma, cupresso, & olea constructam volunt. Quod ego tamen eos dixisse puto, vt ingenij fecunditatem ostenderent; aut forsitan (quod sanè magis credendum est) pietatis impulsu, id allegoricè asserere voluerint, vt ex natura atque proprietate lignorum huiusmodi, quibus Crucem sanctam compactam demonstrant, similitudines virtutum & operationum earum traherent atque deducerent, quas Christus, dum penderet in ea, peregit: scilicet vt ex quercu inuictam eius innuerent fortitudinem, qua mortem, diabolum, ceterosque

In Colle-  
ctan. &  
Flor. de  
Cruce Do-  
mini.



rosque inimicos nostros deuicit. Ex olea verò, vt infinitam eius misericordiam, A incomprehensibilemque signarent charitatem, quam ostendit, dum Animam suam non tantum pro amicis suis posuit, verum pro his etiam qui ipsum in infinitum læserant. Ex cedro autem, vt odorem illum suauitatis significarent, quo in sacrificium gratum, seipsum obtulit æterno Patri. Nam ligna hæc, præter incorruptibilitatis prærogatiuam, quam à natura ipsa sortita sunt, odoris grati etiam esse constat. Vnde Hieronymus: *Cedrus autem, & cyparissus, & myrtus, odoris optimi sunt, & imputribiles*. Ex palma denique, vt alluderent ad victoriam atque triumphum, quem idem Dominus reuexit, postquam debellato antiquo hoste illo armato, qui atrium suum in pace custodire solebat, domoque eius perfossa atque direpta, à mortuis resurrexit; spoliisque gloriosis ac sanctis onustus, victor ac triumphator ad cælos ascendit.

In Isaiam,  
cap. 41.

Nec non vt ex lignorum prædictorum natura atque proprietate moraliter insinuarent vtilitatem ac fructus, quos Christi fideles ex sacrae arboris huius ra- B mis feliciter decerpunt. Vtpote ex quercu fortitudinem in tribulationibus, in aduersitatibus, ac mundi huius persecutionibus: ex olea pietatem, & in pauperes atque afflictos misericordiam: è cedro, in bonis operibus perseuerantiam; & ex cupresso carnis mortificationem. Quod innuere voluit sanctus Anastasius cognomento Synaita, Patriarcha Antiochenus, & Christi martyr, qui vnus ex his fuit, qui in eam iuere sententiam, vt Christi Crux tribus ex diuersis lignis compacta fuerit; cum dixit: *Nonnulli autem tamquam in nemoribus & hortis fructum ferentes, veluti in trium arborum ligno, subinclinatam habebunt Crucem, quam amplectantur, quæ germinauit ex tribus lignis, benè coloratum producentes fructum, animæ sanctificationem, Christum inuocantem, qui in Crucis ex tribus arboribus confecta ligno recubuerat, & obdormiuerat.*

Anagorica-  
rum contem-  
plationum,  
in hexame-  
ron lib. 5.

At quidam magnæ auctoritatis scriptores, quibus cordi fuit hanc diligentius atque subtilius indagare veritatem, firmiter asserunt, vanitati prorsus adscriben- C dum, si quis Crucem sanctam tot variis lignis constructam fuisse dicat. Quandoquidem etsi concedere vellemus, diuersis compactam lignis; maiorem tamen materie diuersitatem, quam duorum tantummodò lignorum, alteram videlicet in ipsa erecta trabe, alteram verò in transversali ligno, admittere non poterat. Quamobrem eorum ea est sententia, non ex duobus, sed vnico tantum ligno, totam fuisse constructam; idque ex quercu. Quod sanè tribus argumentis suffulciunt. Primò quidem, Quia longo rerum usu atq; experientia edocti homines, qui solerti consideratione perscrutati sunt ligni sanctæ Crucis fragmenta, quæ Romæ aliisque diuersis Christiani orbis locis asseruantur, constanter asserunt, illa prorsus quercum referre. Secundò, Quia in Iudæa ipsa, tum antiquitus, tum hodie etiam quamplurimæ quercuum nascuntur arbores. Tertiò verò, Quia querneum lignum, robustissimum est, atque ad excipiendos tenaciterque retinendos clauos, nec non ad onus sustinendum, aptissimum iudicatur.

Alij ex v-  
nica quercu  
constructam sen-  
tiunt.

Gallicorū  
lib. 5.

E qua Ro-  
mani confi-  
cere Cruces  
solent.

Quibus argumentis Ioannes Goropius Becanus quartum addit, dicens, quòd, quemadmodum carnifices, qui Christum crucifixerant, ministri Romanorum erant, atque Romæ illuc cum Iudææ Præsidente transmissi; sic quoque censendum, eos in Crucis Christi Domini constructione, eadem ligni specie vsos, qua Romæ etiam in similibus vti consueuerant. At verò Cruces Romæ ex robore confici solere, argumentum idem Becanus deducit ex Plutarchi verbis, in Coriolani vita, vbi furcam, qua Romani seruos suos castigare atque adeò infames reddere consueuerant, vt deinceps per opprobrium furciferi vocarentur, illam curru partem siue lignum illud esse definit, cui temo immittitur: quod in Longobardiæ partibus vulgò *Braccioli*, Romæ verò *Cosciali* appellatur. Cumque

D



A Cumque huiusmodi lignum totius currus pondus secum attrahat, quàm firmissimum atque robustissimum esse oportet, & propterea ex quercu fieri solebat. Consuevisse autem Romanos, Cruces ex quercu construere, quam ipsi *Robur* appellabant, clarè etiam colligi potest ex Siliij Italici carminibus; qui in Poëmate suo de Bello Punico secundo ait:

Lib. I.

Ore excellentem, & spectatum fortibus ausis,  
Antiqua de stirpe Tagum, superumque hominumque  
Immemor, erecto suffixum robore, mæstis  
Ostentabat ouans populus, sine funere Regem.

pauloque inferius:

Quem postquam diro suspensum robore vidit.

Porro Crucem Christi sanctissimam, vnica ligni specie, non diuersis constructam, eandemque ex quercu fuisse, idem Ioannes Goropius non minùs piè quàm ingeniosè demonstrare enixus est, his verbis: *Quando in Paradiso terrestri* Gallic. lib. 5.  
B lignum vitæ, veluti certum quoddam arboris genus commemoratur, & id ad materiam Crucis refertur; non videor mihi veritati consona dicturus, nisi ex vno arboris genere Crucem constituisse dicam, ad quod ea quæ de arbore vitæ in Paradiso plantata dicuntur, pertinere intelligantur. Pace igitur aliorum, qui nullo solidæ rationis fundamento, varia ligna ad Crucem construendam congesserunt, mihi fas sit dicere, quercum generatim pro glandifera arbore acceptam, vitæ arborem in Paradiso fuisse, & eam nube alæ Cherubicæ tantisper custoditam, dum tempore suo, vitæ fructum ferret, Iesum Christum crucifixum. Hinc Arca fœderis, alis etiam Cherubim tegebatur; quo intelligeretur, omnia sacra legis Mosaicæ ad lignum vitæ referri; nec ante vitæ fructum ab hominibus degustari posse, quàm Deus ipse Cherubim remoueret, omnemque cærimoniarum vmbra Verbi incarnati luce discuteret atque profligaret. Verùm non antè Cherubicæ alæ, fœderis Tabernaculum tegere desierunt, quàm Deo placuisset flammeum gladium conuertere in filium suum; ac deinde eum recondere, ac ostendere iram in misericordiam transisse, verèque gladium esse versatilem. Hæc ille. Qui vt ostenderet, cur quercum, arborem vitæ in Paradiso plantatam dixisset, subiungit:

Dum queritur, cur Ioui quercus potius, quàm quæuis alia arbor sit consecrata; responderi à pluribus audimus, id ea fieri de causa, quòd hic primus fuerit homini cibus. At id absurdissimum esse, si simpliciter citra tropum omnem capiatur; propterea quòd homines quouis pecore statuat obtusiores, & minùs sensibus ad nutritionem datis instructos, quàm vel asini sint vel mures. Dicam ergo, primum ipsi hominis alimentum ab omnibus antiquis magno consensu acceptum referri; propterea quòd quercus symbolum esset Crucis, quæ vt è quercu fieret, ante omnia secula fuit prædestinatum. Sicut ergo ante secula vocati sumus ad vitam; ita ante secula, prima homini esca prædestinata fuit ea quæ vitam in Cruce hominibus esset datura, cuius tesseram glandes ferebant. Primum igitur hominis pabulum glans, non illam quidem vitam dans perituram, sed eam, quam in cælesti Paradiso sumus victuri. Vt igitur quercus in Paradiso terrestri lignum vitæ dicebatur, quia ex eius materia lignum vitæ erat. construendum; ita glans cælestis panis, quem Crux erat latura, symbolum habebat, & idcirco primum hominis alimentum vocabatur. Quamobrem meritò Ioui consecrata, quòd Deus optimus maximus vitæ dator, magnum suum consilium per hanc esset executurus, omnibus mortalibus in hac arbore à morte liberatis, & in meliorem suauioremq; vitam, quàm anteaquam mortui essent, fuissent, restitutis.

Quamobrem (pergit idem Becanus) apud Romanos diuino instinctu est statutum, vt corona quærnea ei daretur, qui ciuem Romanum seruasset, atque id quidem magna religione. Indicabat hic ritus tam sollicita veneratione perpetuò obseruatus, fore aliquando, vt Populus Romanus, vitam suam quercus beneficio tueretur; nec alio modo saluus esse

C

posset,



posset, quàm si quercus ei vitam attulisset. Quod in agonio accidit Martiali, in quo præ- A  
lio Agnus morte sua in altari Crucis occidit draconem, perpetuum non Romani tantum ci-  
uis, sed totius etiam humani generis hostem. Qua in victoria id seruatum, quod in quer-  
na corona danda, lex iubeat; ut nimirum Cuius seruatus, hostis occisus esset. Ut autem  
Ciuica corona aptissima fuit veræ Ciuicæ conseruationis nota, per Christum in quercu  
perficienda; ita glans symbolum fuit elegantissimum illius panis, qui primus hominum  
cibus esset; non ille quidem ad vitam hanc caducam, exiguo tempore propagandam, sed ad  
vitam in Regno Dei & Agni sempiterna letitia propagandam, robur daturus. Quis post-  
hac non pluri faciat, quàm hætenus fecerit, eos Romanorum nummos, quibus querna  
corona sinuosis foliis & glandibus insignis delineatur, addita inscriptione, O B C I-  
V E S S E R V A T O S? Hæc omnia pia quidem, ac planè Christiana mente Be-  
canus. At quoniam solido fundamento innitantur, id Lectoris iudicium esto.

Abraham  
sub quercu  
tamquam  
sub Crucis  
imagine se-  
denti filium  
Isaac Deus  
promisit.

Crucem præterea querno ligno construendam, Deus ipse optimus maximus  
innuisse videtur Abrahamo, quando ei apparuit, dum in meridie ad vmbra B  
federet sub quercu, in valle Mambre; quo loco filium masculum Isaac illi da-  
turum promiserat, & quod in semine suo benedicerentur omnes gentes. Nam  
omnium sponsionum suarum fidelissimus trapezita (ut ita dicam) atque exa-  
ctissimus persolutor Deus, voluit postea hoc certissimum atque firmissimum  
promissum suum absolui, & ad effectum omnino perducere in eodem ligno, sub  
quo id Abrahamo sponderat, dum ad vmbra sub quercu federet: hoc qui-  
dem apertissime innuens, quercum illam scilicet, vmbra atque figuram esse  
veri ac sacratissimi illius querni ligni, quo sponsionis suæ, ac benedictionis no-  
stræ instrumentum construendum statuerat. Et quainquam in sacro Textu, iux-  
ta vulgatam Latinam editionem, expressè non dicatur Abrahamum tunc sub  
quercu quieuisse, cum Deus hanc illi præstiterat sponsionem, sed sub arbore  
tantummodo; in Septuaginta tamen Interpretum versione, Deum illi ad quer-  
cum apparuisse apertè traditur. Nam illorum verba Latinitati reddita hæc C  
sunt: *Habitabat Abram iuxta quercum Mambre, quæ erat in Hebron: & apparuit  
illi Dominus ad quercum Mambre, sedenti in ostio tabernaculi sui in meridie.* Sic etiam  
eumdem Textum Origenes exposuit: *Visus est, inquit, Deus ad Abraham,  
cum sederet ad ostium tabernaculi sui, ad quercum Mambre.* Sic Ioannes Chryso-  
stomus pariter legit: *Apparuit autem ei Deus apud quercum Mambre, sedente ipso ad  
ianuas tabernaculi sui, in meridie.* Sic denique Augustinus: *Hoc responsio promissionis  
accepto, migravit Abraham, & mansit in alio eiusdem terræ loco, id est, iuxta quer-  
cum, quæ erat in Chebron.* Sanctam insuper Christi Domini Crucem ex quer-  
cu fuisse, innuit, inò apertè asserit sanctus Cyprianus, siue quiuus alius Auctor  
Hymni illius de Paschate Domini, qui inter opera eius est impressus his car-  
minibus:

*Est locus ex omni medium quem credimus orbe,  
Golgotha Iudæi patrio cognomine dicunt:  
Hic ego, de sterili succiso robore lignum  
Plantatum, memini fructus genuisse salubres:  
Non tamen hos illis qui se posuere colonos  
Præbuit; externi fructus habuere beatos.*

Euidens argumentum præterea de eiusdem sanctæ Crucis ligno, quod quer-  
num fuerit, elici posse videtur ex quercu, sub qua Debhora Rebeckæ nutrix tu-  
mulata fuit. Nam quercus illa, Crucis figura extitit. Quemadmodum enim ea-  
dem arbor *Quercus fletus* est appellata; sic Christi Crux incredulis Iudæis per-  
petuum fletum excitauit; de quo sanctus Eucherius: *Quercus verò, sub qua Deb-  
hora sepulta esse pronuntiatur, Crux intelligenda est Domini: quæ ab hoc, Quercus est  
appel-*

Genes. 35.  
Debhora  
sub quercu,  
velut sub  
Cruce se-  
pulta.  
In Genes.  
lib. 3. c. 11.

D



**A** appellata fletus, quia in ea suspensa est vita, quæ Iudæis incredulis perpetuum intulit luctum. Simile argumentum etiam deduci posse videtur ex quercu illa, cui Absalon filius David capillis suspensus, tribus lanceis ibi confossus est. Nam hæc quoque Crucis extitit figura, ut fusiùs suo loco dicemus. At controuersiam hanc dirimere, ac definitiuam proferre sententiam pro parte illa, quæ Crucem sanctam querno ligno constructam sustinet, videntur verba illa Isaïæ Prophetæ, qui dixit: *Longè faciet Dominus homines: & multiplicabitur quæ derelicta fuerat in medio terræ, & adhuc in ea decimatio, & conuertetur: & erit in ostensionem, sicut te-  
rebinthus, & quercus, quæ expandit ramos suos. Semen sanctum erit, quod steterit in ea.* Prædicat enim ibi Propheta, partem vnā nimirum Hebraici populi obdurescentem, & peruicacem, in incredulitate ac perfidia sua pertinaciter permanentem: alteram verò ad Christi Domini fidem conuertendam: Iudæos à Romanis decimandos, ac destruendos; seruandas tamen aliquas eiusdem populi reliquias, quæ sub ramis Crucis quernæ tandem confugientes, salutem consequentur: atque eidem Cruci deinceps coniunctæ permanentes, semen sanctum & benedictum fient. Denique præter auctoritates, rationesque, quas pro eius sententiæ cōfirmatione adduximus, quæ Crucem Domini ex quercu constructam contendit, argumentum aliquod trahi posse videtur ex argenteo numismate quodam Augusti Cæsaris iussu, paulò ante vel forsitan sub ipso natiuitatis Christi felicissimo tempore cuso, cui Ciuica corona insculpta est, quernis frondibus contexta, glandibusque ditata, ut hîc graphicè delineata conspicitur; in cuius medio, **SALVS GENERIS HVMANI** inscribitur.



Quercus  
Absalonis,  
Crucis fi-  
gura.  
Crucem ex  
quercu stantem  
etiam Isaïas  
innuere vi-  
detur.  
Isaïæ 6.

Nummus  
Cæsaris  
Augusti  
cum corona  
ex quercu,  
& inscri-  
ptione quæ  
ad Crucem  
facit.

Quasi innuere vellet, iam tunc cessisse diem beatissimæ illius temporum plenitudinis, in qua diuinum Verbum, & desideratus cunctis gentibus, carnem sumpturus, & in querno ligno, id est, in Cruce sancta, humani generis salutem operaturus erat. Atque sub ipsius Augusti felici Imperio nasciturus inuictissimus fortissimusque ab æterna morte Liberator ille, ille verus ciuium Saluator, verus inquam ille vitæ conseruator ac dator, cui Ciuica corona meritò debebatur; non ea tantum ratione, quod vnius ciuis vitam seruauerit, verum quod ab æterna morte liberauerit, veramque vniuerso humano generi salutem attulerit. Quod numisma à me hîc Romæ visum est in quorundam nobilium amicorum meorum manibus, quos antiquitatum monumenta delectant. Atque in quodam libro impressum conspicitur, cui titulus est, *Discorso della Religione antica de Romani*, à Guiljelmo Choul nobili Lugdunensi conscripto, fol. 108. De cuius numismatis veritate ac sinceritate nullo pacto dubitandum. Etenim testatur Plinius, Agrippam ab Augusto Rostrata donatum corona, ipsum verò Augustum Ciuicam ab humano genere recepisse; his sanè verbis ad inscriptionem illam alludens, quam numismati supradicto, in Ciuicæ coronæ medio, idem Augustus imprimi mandauerat: inquit enim: *Dedit hanc Augustus coronam Agrippæ, sed Ciuicam à genere humano accepit ipse.*

Lib. 16.  
cap. 4.

At obiici hîc forsitan posset à quopiam, argumentum istud, applicationemque hanc nostram aliquantulum extortam, atque (ut ita dicam) machinis funibusque pertractam: cum verisimile non sit, Augustum, utpote Ethnicum, sancta hac atque diuina adspiratione afflatum, imò in hoc numino cudendo, longè



alterius mentis fuisse videatur. Quandoquidem numismatis huius occasione A  
atque inscriptione superbè nimis innuere potius voluerit, semetipsum humani  
generis salutem extitisse; quòd cruentissima bella, ciuiliùmque dissensionum  
flammas illas, quibus post Iulij Cæsaris patris sui necem vniuersus orbis con-  
flagrabat, sedasset ac restinxisset; ob idque Ciuicam coronam ab humano ge-  
nere meritò sibi deberi: cum tot Romanos ciues, in suo ac Marci Antonij at-  
que Lepidi Triumuiratu, diris atque horrendis proscriptionibus necandos &  
obtruncandos à morte seruasset.

Cui obiectioni sanè respondere æquum est, quòd etsi numismatis huius cu-  
sione, ea quæ superius dicta sunt, forsitan innuere ac significare voluerit; Deo  
optimo maximo nihilominus placuisse, vt is qui orbis Imperator erat, præter  
mentis suæ consilium, nesciens etiam prædiceret, veram humani generis salu-  
tem, Christum Dominum in mundum hunc suis ipsius temporibus ventu-  
rum. At hæc hætenus tandem, ac forsitan fusiùs etiam quàm par erat, pro sco- B  
po nostro circa formam atque materiam, ex qua Crux sancta constructa fue-  
rat, dicta sint. Nam hîc contentiosè ac pertinaciter defendere voluisse, eam ex  
vna potius quàm ex alia ligni specie conditam, leuis admodum atque exigui  
momenti (mea sententia) est disceptatio. Et quamquam opinio illa, quæ ex  
queru constructam putat, vero simili admodum innitatur, nullam tamen hu-  
ius rei firmam noticiam reuerà haberi posse existimo.

## CAPVT VII.

*Quàm antiquus fuerit mos crucifigendi homines: quando intro-  
ductus: apud quas nationes vñ receptus, ac de quibusdam Re-  
gibus, magnis Principibus, alijsq; viris illustribus, qui in Cru- C  
cem sunt acti.*

Crucifigen-  
di mos an-  
tiquissimus.

Assyriis  
olim in vsu.

Pharnum  
Media Re-  
gem Ninus  
primus As-  
syriorum in  
Crucem  
egit.  
Antiquit.  
lib. 2. c. 1.

Crux He-  
brais in  
vsu.

ANTIQUISSIMAM sanè ac peruetustam fuisse inuenio hanc humani-  
tatis expertem ac diram Crucis patibulo affigendi, ibique necandi homi-  
nes consuetudinem: & quidein adeò antiquam, vt statim cum ipsamet Regum,  
Principum, ac tyrannorum in populos potentia & iurisdictione, nata atque in-  
troducenda videatur. Quandoquidem iam tunc ab ipsius Nini primi Assyriorum  
Regis temporibus, quibus (vt Eusebius norat in Chronicis, Regni eius videli-  
cet anno quadagesimo tertio, natus fuerat Abrahamus) hoc atrox ac teterri-  
mum supplicium in vsu erat. Nam cum Ninus ipse valido comparato exercitu,  
Mediam inuasisset, vt illius prouinciæ potiretur; Pharnus eiusdem Rex altero  
instructus exercitu, sese illius viribus opposuit. At prælio commisso, Pharnus  
victus & captus, cum viuus vñ cum vxore ac septem filiis in Nini manus de- D  
uenisset; eo iubente, crudeliter in Crucem est actus. Quod facinus Diodorus  
Siculus, Latinitati redditus, sic tradit: *In Mediam deinde auctis viribus transgressus  
Ninus, cum ei Pharnus Rex cum exercitu occurrisset, prælio victum, cumque vxore &  
septem filiis captum, Cruci affixit.* Hanc verò efferatam consuetudinem non tan-  
tùm apud Assyrios, verùm etiam apud Hebræos, Palæstinos, Ægyptios, Persas,  
Scythas, Sauromatas, Græcos, Carthaginenses, Romanos, & vt vno verbo di-  
cam, apud omnes ferè antiquiores illustrioresque totius orbis nationes in vsu  
fuisse constat.

Apud Hebræos quidem iam à Moyſis tempore vsu receptam, Sacræ pro-  
dunt litteræ. Cum enim Deus, vt Numerorum libro habetur, Israëlitis vehe-  
menter



A menter succenseret: & ob id non tantum, quod cum scortis Moab corpora miscuerant; verum etiam, quod Hebræorum iuuentus, Ethnicis mulieribus illis allicientibus, ad profana idolorum sacrificia accedens, ex carnibus immolatorum comederat, idolaque illa impiè adorauerat; præcepit Deus ipse Moyse, ut cunctis populi Principibus captis, eos Crucibus suspenderet: *Tolle, inquit, cum eos Principes populi, & suspende eos contra solem in patibulis.* Moyse verò vita perfuncto, magnus ille Dux Iosue, vrbe Hai expugnata, Regem eius prælio victum & captum, in Crucem egit: corpus autem illius, cum usque ad Solis occasum in ligno eminens pependisset, deponi, & in ipsius vrbis introitu sepulturæ mandari iussit; cui Hebræi magnum acervum lapidum congeslere.

*Principes  
Hebræorum  
idololatrias  
Moyse  
crucifixit.  
Num. 25.*

*Regem vr-  
bis Hai,  
Iosue.  
Iosue c. 8.*

*Item quin-  
que alios  
Reges.*

Præterea verò cum quinque Reges simul conspirassent, Rex scilicet Ierusalem, Rex Hebron, Rex Ierimot, Rex Lachis, & Rex Eglon; atque ex singulis eorum copiis vnum præualidum instruxissent exercitum, coniunctisque aciebus castra mouissent, ut Gabaonitarum ciuitatem caperent, captamque euerterent, quod cum Israëlitis fœdus percussissent; Iosue repente eos adortus, fudit, ac profligauit. At prælio confecto, cum quinque illi Reges in spelæo quodam, vbi se ex fuga receperant atque abdiderant, deprehensi essent; Iosue eos sibi sisti imperauit: accersitisque exercitus sui Principibus mandauit, ut in eorumdem Regum ceruices pedibus insilirent. Cumque superba eorum colla hoc pacto pedibus calcassent, manu sua illos interfecit, interfectosque quinque Crucibus suspendi iussit.

Cum autem post multos transactos annos, Iudææ Prouincia ob aëris siccitatem quamdam, atque agrorum sterilitatem, quæ trium annorum spatio durauerat, maxima rei frumentariæ caritate affligeretur, & in summa annonæ versaretur inopia, quæ multos quotidie fame necabat; Dauid, qui populum Dei tum temporis moderabatur, Deum rogauit, ut causam ei revelare dignaretur, ob quam supplicium illud in populum suum immisisset. Cui respondit Deus, se fame illa populum plectere, expiandi peccati gratia, quod Saul Rex prædecessor eius commiserat, cum Gabaonitas interfecisset, contra pactum & iusiurandum, quo Iosue ac populus Israëliticus eos in fidem receperant. Quamobrem accersitos Gabaonitas, Dauid sciscitatus est, quas pœnas ab eo atque ab Israëlítico populo expeterent, quibus satis sibi ipsis factum esse putarent, pro illius expiatione peccati, ac pro acceptæ iniuriæ vindicta. At illi in ea petitione pertinaciter institerunt, dari sibi in potestatem septem viros ex filiis ac nepotibus Saulis, quos Crucibus suffigerent. Itaque Dauid illis tradi iussit duos naturales filios, quos Saul ipse Rex ex Respha eius concubina susceperat; aliosque quinque filios Michol eiusdem Saulis filiae, quos illa (ut libro secundo Regum traditur) Hadrieli filio Berzellai de Molathi pepererat: qui quidem septem adulescentes à Gabaonitis in monte quodam crucifixi sunt. Huius verò facti anno-

*Septem vi-  
ros ex filiis  
& nepoti-  
bus Saulis,  
Gabaonitis.*

D tatione planè digni in eodem sacro textu hisce verbis proditur ad posteros memoria: *Tulit itaque Rex duos filios Respha filiae Aia, quos peperit Sauli, Armoni & Miphiboseth; & quinque filios Michol filiae Saul, quos genuerat Hadrieli filio Berzellai, qui fuit de Molathi, & dedit eos in manus Gabaonitarum, qui crucifixerunt eos in monte coram Domino.* Hæc ibi. At diuus Hieronymus hosce filios Michol, non naturales, sed adoptiuos testatur, utpote quos Merob, soror eius, ab Hadriele filio Berzellai eius marito susceperat: Michol enim Saulis filiam nequaquam Hadrielis vxorem fuisse, sed Merob, quæ ex eodem Hadriele quinque hos filios susceperat, quos Michol Dauidis vxor sibi postea in filios adoptauerat, proptereaque ipsius Michol filios nuncupari.

*2. Reg. 21.*

*In Quæst.  
Hebraicis,  
in 2. Reg.  
c. 21.*

Ut autem summatim dicam, immanem ac ferum hunc crucifigendi morem



Antiq. Iu-  
daic. lib. 1.  
cap. 22.  
Oclingen-  
tos Hebraos  
Alexander  
Hircani fi-  
lius.

apud Hebræos frequentissimum fuisse constat. Tradit enim Flavius Iosephus, A  
in Antiquitatum Iudaicarum historia, Alexandrum Hircani filium Hebræo-  
rum Regem, cum inimico animo iis grauiter infensus esset, quod ab eo sæpius  
defecissent, atque aduersus eum arma sumpserint; Betoma ciuitate expugnata,  
ingenti numero ex insignioribus capto, Ierosolymamque perducto, dum in  
concubinarum conuiuio ad inensam accumberet, in eminentissima palatij ip-  
sius parte, quâ prospectus vndeque commodus erat, ad octingentorum nu-  
merum Crucibus suffigi iussisse; vxoresque ac liberos miserrimorum illorum,  
in conspectu iugulari adhuc viuentium: hoc pacto sanè, iniuriarum, quibus in  
grauissimam indignationem eum concitauerant, dirissimas tetrerrimasque ab  
eis poenas exigens. Cuius barbari facinoris ergo, Thracidæ cognomentum apud  
Iudæos adeptus est.

Crux Pa-  
lestinis in  
usu.

Saulem e-  
iusque filios  
crucifixe-  
runt.

Antiquit.  
Iud. lib. 6.  
cap. 15.

Idem verò Crucis supplicium, non minùs quàm apud Hebræos, à Palæsti-  
nis finitimis populis, quos sacra eloquia Philisthæos vocant, adhibitum fuisse B  
constat. Hi enim cum de Iudæis insignem illam in montibus Gelboë victo-  
riam reportassent, in qua Rex ipse Saul cum tribus filiis, nempe Ionatha, Abi-  
nadab, atque Melchisua, ceciderant, abscissis capitibus Regiis, corpora eorum  
in Cruces egerunt iuxta Bethsanæ ciuitatis mœnia, quæ nunc Scythopolis di-  
citur; eorundemque arma, veluti trophæa, in templo Astaroth idoli suspende-  
runt. Cuius historiæ idem etiam Iosephus, Latinitati redditus, his meminit:  
*Die verò quæ praliū consecuta est, dum caesorum cadauera spoliant, inciderunt in Sauli  
filiorumque eius corpora, quibus exutis, capita etiam præciderunt; & dimissis in hoc per  
totam regionem suam certis hominibus, hostes cecidisse nuntiauerunt. Quorum arma in  
templo Astaraes dedicauerunt. Porro corpora eorum circa mœnia vrbs Bethsanæ, quæ  
nunc est Scythopolis, Crucibus affixerunt.*

Genes. c. 40  
Crux Æ-  
gyptiis in  
usu.

Pistorem  
suum Pha-  
rao Ægy-  
ptiorum  
Rex cru-  
cifixit.

Inarum  
Libyæ Re-  
gem, Æ-  
gypti Ar-  
taxerxes.  
De bello  
Pelopône-  
siaco, lib. 1.  
Cleomenem

Crucifixionem quoque apud antiquos Ægyptios usu receptam, ex sacræ Ge-  
nesis scriptura clarè comprobatur. Litteris namque ibi memoriæ proditum est, C  
Iosephum Iacobi Patriarchæ filium, in Ægypto carceribus detentum, pincernæ  
atque pistoris Pharaonis Regis, somnij interpretatione exposita, prædixisse, pin-  
cernam quidem post triduum in Regis gratiam & officij exercitium restituend-  
um ac reintegrandum; pistorem verò Cruci suffigendum, ibique carnes eius  
à rapacibus alitibus dilaniandas atque deuorandas. At huius crucifigendi apud  
Ægyptios receptæ consuetudinis, non hoc vnum tantum ad posterorum me-  
moriæ, sed quamplurima sunt monumenta transmissa. Legimus enim, Ina-  
rum Libyæ Regem plerasque Ægypti ciuitates variis negotiationibus & polli-  
citationibus ad defectionem contra Artaxerxem Regem sollicitasse, & in socie-  
tatem suam pellexisse; fœdereque cum Atheniensibus percusso, coniunctis ar-  
mis, totius illius Prouinciæ dominio potitum. Artaxerxes verò, Megabarum  
quemdam Persam Zopyri filium, præualido instructum exercitu, illuc profi-  
cisci iussit; qui sex annorum spatio ibi prosperis successibus belligerans, Re- D  
gnum illud denique recuperauit; atque Atheniensibus multis cladibus attritis,  
& inde expulsis, in Artaxerxis potestatem redegit. Inarum verò Libyæ Regem,  
in quem bellorum ac reuolutionum illarum omnium culpa reiciebatur, dolis  
interceptum, sibi que per proditionem traditum, Crucis supplicio affecit. Huius  
autem historiæ Thucydides Latinus effectus, his meminit: *Inarus tamen Libyo-  
rum Rex, harum omnium in Ægypto rerum auctor, per proditionem captus, in Cru-  
cem actus est.*

Spartano-  
rum Regē,  
Ptolemæus  
Ægyptio-  
rum.

In Ægypto pariter Cleomenes Spartanorum Rex post mortem Cruci suffi-  
xus est. Prælio enim ab Antigono Macedonum Rege deuictus, in Ægyptum  
se se ex fuga receperat, à Ptolemæo Rege perbenignè susceptus. At Ptolemæo  
ipso



A ipso non multo post vita perfuncto, Regnoque Ægypti ad filium eius ex successione delato, Cleomenes à maleuolis quibusdam apud eum insinulatus, in suspicionisque crimen vocatus, atque in carcerem coniectus, cum omnino sibi moriendum esse non dubitaret, mortem sibi consciuit, eo modo, quem in eius vita Plutarchus tradit. Quod ubi immani effeminatoque iuueni Ptolemæo renuntiatum esset, Cleomenis corpus pelle nudatum, in Crucem suspendi iussit.

Verum non viros tantum, sed mulieres etiam crucibus suffigere ac necare Ægyptios consuevisse inuenimus. Defuncto enim eodem impio parricida Ptolemæo eiusdem Prouinciæ Rege, qui parentes fratremque regnandi causa interfecerat, unde Philopater ironice cognomento dictus (quo eius teterrima perstringebantur scelera ab omni humanitate ac pietate aliena, qua parentes summa veneratione habendos natura ipsa docet & iubet) Agathoclea eius impudentissima concubina, ob cuius amorem scelestissimus idem Philopater Eurydicem quoque sororem suam & coniugem necauerat, quemadmodum dum ipse viueret Ptolemæus, omnia pro suo arbitrio moderabatur, & vnà cum Euanthe matre, & Agathocle fratre, multa quotidie scelera perpetrabat; sic & post illius mortem ab ipsa diu occultatam, & Regiam gazam direptam, Regnum ipsum, in quo quinquennis Regis filius successerat, inito cum perditissimis clandestino fœdere, occupare conatur. At nefario facinore cognito, populus in eos concitatus, Agathoclem concubinæ fratrem & ciuitatis Præfectum occidit; ipsamque Agathocleam & matrem interceptas, vt Eurydicis Reginae mortem vlcisceretur, Crucibus affixit. De quo Iustinus Historicus hoc modo: *Cum interim relicto quinquenni ex Eurydice sorore filio, Rex moritur: sed mors eius, dum pecuniam Regiam mulieres rapiunt, & Imperium inita cum perditissimis societate occupare conantur, diu occultata fuit. Re tamen cognita, concursu multitudinis Agathocles occiditur; & mulieres in ultionem Eurydicis, patibulis suffiguntur.*

*Etiam femina ab Ægyptiis crucifixa:*

*Agathoclea cum matre Euanthe.*

*Lib. 30.*

C At cum in consuetudinis crucifigendi etiam mulieres sermonem inciderimus, quoddam facinus hîc prætereundum non censeo, licet non in Ægypto, sed in ipsa vrbe Roma contigerit; quod non vnâ tantum mulierem, sed & ipsos Isidis sacerdotes crucibus suffigendi causam dedit. Ex cuius narratione successus patebit sanè, quàm facile nequissimus hostis antiquus, sub Religionis prætextu, miseros tunc Gentiles, iuxta peruersæ voluntatis suæ desiderium, in omnem enormitatis fœditatem ac graue peccatum pelliceret. Erat Romæ, Tiberij Imperatoris temporibus, honestissima matrona, nomine Paulina, Saturnini viri illustis vxor. Huius, quæ pulcherrima erat, feruentissimo amore captus Decius Mundus, iuuenis quidam equestris ordinis; cum variis modis tentata mulieris pudicitia, nullo pacto ab honestatis proposito dimouere posset, amoris impotentia victus, viuendi atque ardendi simul finem facere inediâ decreuit. Hunc miserata patris sui liberta quædam nomine Ida bono animo esse iubet; spondens se operam sedulo daturam, vt quod ardentissimo flagrabat desiderio, consequeretur. Sciebat enim liberta, Paulinam præcipuo quodam Religionis affectu Isidi esse deuotam, frequenterque eius Deæ templum adire solitam. Egit igitur cum Ædituis, quos ingenti pecuniarum summa corruerat, vt Paulinæ insinuarent, Anubem Deum, mulieris forma ac pulchritudine captum, eius concubitum ardentissimè percupere. Illa verò summo se inde honore dignatam putans, omnia fide pura ad maritum detulit: qui cum vxoris fidem ac pudicitiam apud se cognitam atque probatam haberet, eidem facile concessit, vt nocte quadam in templo Isidis pernoctaret. Quò cum scelestissimi sacerdotes iuuenem clam introduxissent, per integram noctem, ad libitum, adamata muliere potitus est; nequaquam reluctante Paulina, existimante se in

*Paulina honestissima matrona miserabilis lapsus*



complexum Anubidis esse. Verum triduo post, forte fortuna Decius Paulinae A  
obuiam factus, irrisa & subsannata muliere, rem totam detexit; significauitque  
se ea demum (et si prater voluntatem eius) potitum, dum in Isidis templo in  
Dei Anubidis amplexibus se fuisse crederet. Quo audito, simplex ac misera,  
primò quidem prae admiratione nimia, ingenti stupore oppressa, quasi mente  
abalienata conticere; deinde verò incredibili consternata dolore, vestes con-  
scindere, crinesque manibus discerpere, euellere, ac domum sese concita proripere,  
rem totam ad maritum deferre: qui apud Imperatorem grauissima inter-  
posita querela, in tantum scelus atque flagitium iure agi vrgentissimè flagita-  
uit. Tiberius verò, rei veritate comperta, Aedituos illos, vnaque cum iis Idam  
libertam eiusdem sceleris magistram, Crucibus suffigi, temploque Isidis à fun-  
damentis euerso, simulacrum eius in profluentem Tiberim proici iussit: De-  
cium verò mitiore poena, exilij videlicet, plectendum sancit, crimen eius in  
cupidinis impotentiam referens. Cuius facinoris historiam Flavius Iosephus in B  
Iudaicis Antiquitatibus fusiùs prosequitur, atque his verbis Latinitati redditis  
complectitur: *Tiberius postquam accuratissima inquisitione didicit omnia, sacrificos il-  
los impostores in Crucem egit, vnaque Idam inuentricem huius sceleris, cuius praecipua  
opera fuit in corrumpenda pudicitia mulieris; dirutoque templo, statuam Isidis iussit mer-  
gi in Tiberim.*

*Ida liberta  
& Aedi-  
tuorum Isi-  
dis crucifi-  
xione à Ti-  
berio vin-  
dicatus.*

Lib. 18.  
cap. 4.

*Christiana  
mulieres ab  
Ethnicis  
crucifixae:*

*S. Eulalia  
virgo,*

Quam barbaram crucifigendi mulieres consuetudinem, Ethnici diabolica  
crudelitate saepè postea contra Christianos exercuerunt, Crucibus suffigentes  
plerasque generosas, ac virtutibus insignes mulieres, quae admirabili sanè con-  
stantia, atque virili animi fortitudine, hoc teterrimum atrocissimumque mor-  
tis genus, pro Christi fide pertulerunt. Inter quas beatissima virgo & martyr  
Eulalia, dignissima profectò censenda est, quae à nobis & à quocumque Chri-  
stiano scriptore perpetuis laudibus atque aeterno honore celebretur: quae Dio-  
cletiani Imperatoris temporibus, postquam in Barcinonensi ciuitate equu-  
leum, vngulas, flammās, aliaque diuersa tormentorum genera incredibili ani-  
mi fortitudine sustinuisset, in Crucem denique acta est. Cuius in Romano  
Martyrologio sub die duodecima Februarij his verbis praecipua mentio habe-  
tur: *Barcinonae in Hispania, sancta Eulalia virginis, quae tempore Diocletiani Impera-  
toris, equuleum, vngulas, flammāsque perpeffa, demum Cruci affixa, gloriosam martyrij  
coronam accepit.* De qua Beda etiam, Vsuardus, Ado, & plerique alij Latinorum,  
commemorationem faciunt.

*S. Iulia  
virgo.*

Nec minori sanè laudum praconio digna pariter censenda est gloriosa mar-  
tyr Iulia virgo Carthaginensis: quae capta à Vandalis Carthagine, circa nostrae  
salutis annum quadringentesimum trigessimum nonum, tamquam manci-  
pium vendita, & in seruitutem adducta, cum naui quadam vnà cum domino  
suo ad Corsicam insulam applicuisset, vellentque infideles inibi habitantes, ad  
sacrificandum idolis eam violenter impellere; impietatem illam constantissi-  
mè detestata, immani crudelitate Cruci suffixa est. Cuius passionis in eodem  
Romano Martyrologio sub die vigesima secunda Maij his verbis habetur  
mentio: *In Corsica, sancta Iulia virginis, quae Crucis supplicio coronata est.* Atque de  
eadem sub eodem quoque die commemorationem faciunt Vsuardus & Ado:  
Beda verò sub eiusdem mensis vigesimo primo. Petrus quoque Natalis Episco-  
pus illius historiam prosequitur, in Sanctorum Catalogo. Aliae atque aliae  
quamplurimae praeterea gloriosae mulieres, pro Christi amore, admirabilique  
diuinæ potentiae impulsae virtute, quae infirma mundi saepè eligit, vt fortia  
quaeque confundat; generoso planè & inuicto animo, sub fragili ac delicato  
muliebris sexus cortice, dirissimum hoc atque atrocissimum supplicium intrepide

D



**A**pidè pertulerunt; vt ex Martyrologiorum prædictorum lectione, aliorumque librorum quàm plurium, quibus Sanctorum res gestæ continentur, videre licet. Sed iam tempus est, vt ad narrationem nostram reuertamur.

Apud Persas pariter horrenda hæc & dira mortis species frequentissima fuit. *Persis item*  
Cuius rei, præter id quod in libro Esther litteris mandatum legimus, de elato ac *Cruce in*  
superbo Aman, in Crucem illam quinquaginta cubitorum, quam Mardocheo *usu.*  
præparari fecerat, iussu Assueri Persarum Regis suffixo; deque decem filiis eius, qui omnes in Crucem pariter acti sunt; multa alia notatu digna, antiquarum historiarum monumentis memoriæ prodita inuenimus exempla. Inter quæ admirandum planè, & extra expectationem omnem videri debet illud Poly- *Polycratis*  
cratis Samiorum Principis, qui in rebus agendis omnibus fortunam sibi iun- *Samiorum*  
ctam habere visus est. Is anulum quemdam in mare proiecit, cui pretiosissi- *Principis*  
mus Smaragdus inclusus erat, quo obsignandis epistolis utebatur; cælaturæ pla- *nimia felicitas:*

**B**nè antiquitate, & excellentia præstantissimus, ideoque super omnes gemmas summo planè ab eo in pretio habitus. Quod idem Polycrates fecerat, Amasis Ægypti Regis, veteris amicitiae atque hospitalitatis necessitudine sibi deuinctissimi, consilium secutus; suadente eo videlicet, vt re aliqua, quæ charissima esset, abdicaret sese, cuius abdicationis priuationisque amaritudine, nimiam illam ac planè portentosam successuum suorum felicitatem temperaret. Quinta vero vel sexta die à gemmæ illius demersione, piscator ad eum venit, qui insigni quodam pisce eum donauit, in cuius visceribus idem annulus inuentus est.

Quo audito, Amasis Rex, statim caduceatorem Samum consultò misit, qui *Amasis Æ-*  
ipsum amicitiae & hospitalitatis iure, quod cum Polycrate contraxerat, publicè *gyptiorum*  
ac solemniter abdicaret; testatus existimare se fieri non posse, vt bonum ac feli- *Regi de in-*  
cem exitum sortiretur is, cui in toto vitæ curriculo omnia prosperè atque felici- *felici exitu*  
ter contigissent: atque idcirco misisse se, qui amicitiam atque hospitalitatem *suspectae*

**C**eandem nomine suo publicè missam faceret; ne, si intimi amici & hospitis sui vita finè terminaretur infami, hæc duo sibi postea vno eodemque tempore subeunda essent incommoda, in animi incertorem scilicet & ignominiae notam incurrendi. Quibus sanè vaticinatus est. Nam cum Polycrates ipse ingentis pecuniae congerendæ auidissimus esset, quippe qui ad totius Ioniae omniumque insularum illius maris dominium sibi adiciendum, animum applicuerat; amicorum omnium, atque ipsiusmet filiae spreto consilio, nimia cupiditate impulsus, ad \* Orætem Sardiorum vrbis Præfectum omnino se conferre voluit: qui cum morte pessima eum perdere statuisset, quo ipsum tutius ac saluis omnibus comprehenderet, eo dolo ac fallacia ad se attraxit, quod Cambyxis Persarum Regis pecunias in potestatem ei daturum se sponderat. At statim cum Magnesium appulit, eiusdem Orætis iussu in Crucem actus est.

\* Orontes  
Cicero, &  
Valerius  
Maximus.

Cruis sup-  
plicio fini-  
ta.

**D**re ipsa comprobatum est, pleneque ad veritatis exitum perductum ipsius Polycratis filiae somnium, quæ paulò antè per quietem videre sibi visa erat, patrem sublimè elatum, à Ioue lauari, & à Sole perungi. Nam cadaver eius in præalta Cruce suffixum, à Ioue quidem, dum plueret, lauabatur: à Sole autem vngi videbatur, dum ipsius corporis abdomen, Solis calore liquatum, per membra difflueret. Quam historiam Herodotus Halicarnassæus, Latinitati redditus, his verbis prosequitur: *Vbi Magnesium peruenit Polycrates, tetra morte est affectus, indigna, aut persona sua, aut suis cogitationibus. Nam Orætes eum, quod indignum relatu est, Cruci affixit. Polycrates ergo suspensus, omnem filiae visionem exsoluit: nam ab Ioue quidem, cum plueret, lauabatur; à Sole autem, exundante è membris abdomine, vngebatur.* Cuius somnij Tertullianus, in tractatu suo de Anima, obiter his paucissi-

In Thalia,  
siue lib. 3.

mis



De Ani-  
ma, c. 47.

mis meminit: *Vt cum Polyerati Samio filia Crucem prospicit, de Solis vngvine, & A  
de lauro lous.*

Leonides  
Lacedæ-  
monia Rex  
à Xerxe  
Persarum  
Rege cruci-  
fixus.

Tanto Rege præterea, tantaque bellica virtute indignum censendum est lu-  
dibrium & ignominia, qua Xerxes Persarum Rex Leonidæ Lacedæmoniorum  
Regis ac Ducis strenuissimi corpus affect. Nam cum is ad Thermopylas mon-  
tem, qui Græciam totam, non secus ac dirimit Italiam Apenninus, contra Per-  
sas pro patria fortiter pugnans occubisset: Xerxem acerbam in iracundiam  
inflammaverat, ob ingentem ac planè horribilem copiarum suarum ab ipso  
Leonide atque Spartanis in eo conflictu editam stragem, in qua plerique Persa-  
rum nobilissimi atque illustrissimi desiderati sunt; inter quos duo ipsius Xer-  
xis fratres, duoque Darij filij. Quamobrem prælio commisso, cum inter caeso-  
rum cadauera corpus eiusdem Leonidæ repertum esset, Xerxes ira percitus, ni-  
miusque indignatione accensus, generosæ planè consuetudinis Persarum obli-  
tus, qua ipsi viros militari disciplina excellentes, ac bellica gloria insignes, sum-  
mis honoribus prosequi solebant, capite truncari, truncumque in Crucem sus-  
pendi iussit. Cuius indigni facinoris idem etiam Herodotus sic meminit: *Hæc*  
*Xerxes locutus, inter caesos transiit, vbi erat Leonides: quem cum audisset Lacedæmonia-*  
*rum Regem, eundemque Ducem esse, iussit abscisso capite in Crucem tolli.*

In Polym-  
nia, sueli-  
bro 7.  
Scythia  
Crux in  
vfu.

Neque sanè minus quam alibi, mos ille suffigendi Crucibus homines, apud  
Scythas ac Sauromatas per familiaris probari videtur. Litteris enim proditum  
est, Cyrum Persarum Regem, prævalido instructum exercitu, Scythiam inua-  
sisse, ut illius provincie potiretur imperio; à Scytharum verò, siue, ut alij vo-  
lunt, Amazonum Regina, prælio victum & captum, in Crucem actum. Diodo-  
rus enim Siculus de eo sic tradit: *Cyrum quidem Persarum Regem, cum ingenti exer-*  
*citu Scythiam ingressum, Scytharum Regina prælio superatum, captumque, Cruci affixit.*  
Herodotus autem longè aliter Cyri ipsius mortem prodit: scribit enim, Cyrum  
eundem, prælio quodam aduersus Massagetas decertantem, occubuisse. Cuius  
corpus Tomyris populorum illorum Regina, cum inter caesorum cadauera  
perquisitum inuenisset, abscisso capite, in vtreum humano cruore repletum de-  
misit: ut cruore saturaretur is, quem sanguine quandoque saturatum iri iam in-  
terminata fuerat.

Antiquit.  
lib. 3.

In Euter-  
pe, siue li-  
bro 2. circa  
finem.

Græci:

Græci præterea, non secus ac nationes aliæ, hoc atroci ac diro supplicio ute-  
bantur; vt ex eorum historiarum monumentis clarè elicitur. Cum enim Xan-  
tippos Atheniensium Dux, Artaytem Xerxis prætorem, & Æoliæ tyrannum,  
qui Protefilai sepulcrum templumque, in quo ingentes thesauri adseruaban-  
tur reconditi, fraudulenter spoliauerat, fugientem comprehendisset: licet ille ei-  
dem templo, pro pecuniis quas inde sustulerat, centum talenta, ac pro ipsius &  
filij sui, qui vnà cum eo captus fuerat, redemptione, ducenta alia pendere veller,  
Cruci nihilominus suffigi iussit, filiumque ante pendentis atque adhuc viu-  
entis patris oculos, lapidibus obrui. Hoc sanè, patrati sacrilegij vlciscendi punien-  
diq; causa, de vtroque supplicium sumpsit. Quod facinus, ipse Herodotus in  
Calliope sua, circa finem prosequitur: vbi id accuratius legenti patebit.

Macedo-  
nibus:

Macedones item crucifixionem vsu recepisse constat. Cuius rei testis locu-  
plentissimus est Iustinus historicus. Tradit enim, Olympiam Philippum Macedo-  
num Regis vxorem, ac Magni Alexandri matrem, indignatam quòd idem  
Philippus eam repudiasset, ducta pro ea in vxorem Cleopatra Attali sorore; in  
Epirum recepisse se, vt apud Alexandrum Epirotarum Regem fratrem suum  
vitam ageret. At vbi accepisset eundem Philippum à Pausania nobilissimo iu-  
uene Macedone, ex Orestium familia, interemptum, interfecitoremque Pausa-  
niam in Crucem actum; quasi ad mariti funus exequiasque cohonestandas, eò  
statim

D



A statim aduolauit. Atque eadem ipsa aduentus sui nocte, in Cruce pendentis Paulania capiti auream coronam imposuit: quasi quodam modo illi honorem gratiasque retulisset, quod maritum sibi infensum atque inimicum obtruncasset. Huius præterea consuetudinis apud Macedonas crucifigendi homines, Alexander Magnus eius filius, teterrimum ac planè plusquam barbarum specimen quandoque dedit. Cum enim Tyri urbem, longa obsidione cinctam, oppugnatamque, tandem cepisset; indignatus, quod ciues illi diutius ac pertinacissimè resistissent, pueris ac mulieribus in seruitutem redactis, ad duo milia florentium iuuenum, quos viuos ceperat, Crucibus suffigi iussit. Cuius immanis facinoris historiam Diodorus Siculus in gestis ipsius Alexandri prosequitur.

De gestis  
Alexandri,  
anno quarto.

Carthaginiensibus.

Verùm Carthaginenses forsitan immoderatè, atque inurbanè magis quàm ceteræ nationes aliæ, hoc teterrimo utebantur supplicio. Quandoquidem nulla B prorsus aut nobilitatis aut meritum habita ratione, horrenda hac & ignominiosa morte, quam plures fama insignes atque illustres necauere viros. Quin etiam Valerius Maximus certè testatur, Carthaginenses ipsos adeò violentos ac retricos fuisse; vt Duces & exercituum suorum Imperatores, bella prauo consilio gerentes, Crucis affigerent, etiam si prosperi euentus subsecuti essent: quod benè gesserant, Deorum auxilio; quod verò malè commiserant, ipsorum culpa imputantes. Cuius asperi ac planè duri Carthaginensium moris, Titus Liuius libro quarto Decadis octauæ, & Plutarchus in Timoleonis vita, meminerunt.

Lib. 2. de  
Militari  
Disciplina.  
Qui Duces  
prauo consilio bellantes crucifigere.

Erant autem Carthaginenses aduersus Imperatores suos adeò crudeles atque proterui, vt Machæum Ducem cum exercitu ipsius à Carthagine exulare iussissent; cuius Imperatoris auspiciis, Siciliæ partem domuerant, magnaque rebus eorum facta erat accessio: non aliam sanè ob causam, nisi quod in eadem Sicilia insula bellum gerens, aliquos sinistros incurfus (vt bellorum fert casus) perpeffus fuerat; quodque in Sardinia graui prælio victus, magnam exercitus partem amiserat. Quamobrem eundem Ducem cum eius exercitu in tantam desperationem adduxerant, vt cum nullius gratiæ ab eodem rigidissimo Senatu consequendæ spes esset, ipsam urbem Carthaginem obsidendam statuerit, Deos hominesque testatus se non damni alicuius eidem Reipublicæ inferendi causa, aut eandem subiugandi, venisse; sed vt sibi ipsi, totque honestis militibus, ac benemerentibus ciuibus propriam patriam recuperaret. Dum autem in longum protraheretur obsidio, Cartalo eiusdem Machæi Ducis exulis filius, à Tyro reuersus, quò ab ipsa Carthaginensium Republica legatus missus fuerat, ad Herculi ferendas ac persoluendas decimas spoliolum eorum, quæ sub ipsiusmet Ducis Machæi auspicio ab hostibus reportauerant; dum per patris castra transiret, ab eo accersitus antequam urbem ingrederetur, superbus atque ingratus filius ad illum non tantum ire noluit, sed ipsum sibi ne aspiciendum

D quidem duxit; seque publicæ prius religionis officia executurum, quàm priuatæ pietatis, respondit. Quod etsi pater agrè ferret, grauissima indignatione in eum concitatus; non tamen illi violentas manus inferre, ne religionem violaret, ausus est. Verùm paucis diebus exactis, cum de itineris sui negotiis Cartalo ad Senatum retulisset, legationemque suam penitus absoluisset; permissione ab ipso Senatu populoque Carthaginensi impetrata, vrbe egressus, ad patrem, qui circa Carthaginis mœnia castra posuerat, recta contendit; seseque in eius conspectum, purpura indutum, ac sacerdotij infulis ornatum præsentauit. Quo conspecto Machæus, non tantum se ab eo spreto reputauit, cum accersitus ad ipsum venire noluisset; verum etiam existimauit, eum de calamitatibus & miseriis patriis, ac de ipsius patris duro exilio triumphum quodammodo ducere voluisse,



Cartalo à  
patre Ma-  
cheo in Cru-  
cem affixus.

Lib. 18. in  
fine.

Anno Prin-  
ceps à Car-  
thaginensi-  
bus crucifi-  
xus:

Lib. 21.

Item Bo-  
milcar Im-  
perator.

Lib. 22.

Romanis  
Cruce vfi-  
tata, ab ipso  
Romæ ortu.

voluisse, cum in illa luctuosa patris ærumna, adeo splendide ornatus, ac superbis A  
vestibus indutus, ad ipsum tunc venisset. Quare tanta ira percitus in eum ex-  
canduit, ut ipsum ita splendide ornatum & coronatum, in altissimam Crucem  
in conspectu vrbis crudeliter affigi iusserit; sic eum affatus: Quandoquidem  
tu in patre nihil nisi exulis nomen agnoscis, ego quoque Imperatorem me ma-  
gis quam patrem ostendam; statuamque te in memorabile atque æternum eun-  
ctis filiis exemplum, ne quis eorum posthac infelicibus miseriis patrum illudat,  
neve eos irrideat. Quod quidem immane atque truculentissimum facinus, Iu-  
stinus historicus luculenter prosequitur.

Magnam præterea barbaræ truculentiae testificationem præbuere Cartha-  
ginenses aduersus Annonem potentissimum Principem, atque adeo prædiui-  
tem, ut eius redditus, ipsius Reipublicæ vires superarent. Is enim cum ad eius-  
dem Reipublicæ inuadendum imperium animum intendisset, viginti millium  
seruorum auxilio, quos ad arma vocauerat, munitissimum castellum occupa- B  
uit: dumque Africanos populos finitimos, ac Mauritaniae Reges, ad arma ca-  
pessenda, atque Carthaginensium iugum excutiendum adhortaretur sollicita-  
retque, ab iisdem Carthaginensibus capitur; qui cum eum virgis diu cecidif-  
sent, oculos ei eruerunt, cruraque & brachia confregerunt; ac demum cum  
astante vniuerso populo, longo ac teterrimo ludibrio, morte crudelissima ma-  
ctassent, mortuum in Cruce confixerunt. Quam historiam idem Iustinus litte-  
ris cominendatam, sic definit: *Virgisque casus, effossis oculis, & manibus cruri-  
busque fractis, velut à singulis membris poena exigenterentur, in conspectu populi occiditur:  
corpus verberibus lacerum, in Cruce figitur.*

Bomilcarem quoque Imperatorem suum iisdem Carthaginenses in Crucem  
egerunt; suspicati, vel forsitan quod solido indicio deprehendissent, eundem  
cum vniuerso exercitu transiturum ad Agathoclem Syracusarum Regem, qui  
paulò antè eosdem graui sanè & cruento prælio deuicerat, atque ipsos in sum- C  
mam rerum desperationem adduxerat. Quo indicio Bomilcar delatus, capi-  
tur, atque in medio foro Cruci suffigitur, vbi Imperij dignitatem à sua Repu-  
blica paulò antè adeptus fuerat. Verum omnem ille insimulationem constanti  
ac perpetua inficiatione refellens, teterrimumque supplicium illud intrepido  
animo perferens, dum in Cruce penderet eminens, quasi ex alto quodam tribu-  
nali concionabundus, ciuium suorum tetricam crudelitatem increpabat; obie-  
ctans illis nunc Annonem falsa affectati Regni inuidia circumuentum, & hor-  
renda morte trucidatum, nunc Gisgonis innocentis exilium, nunc verò in  
Amilcarem patrum suum tacita & mendicata falsò suffragia, quibus eius ma-  
chinati essent interitum; ac demum, quod ipsummet iniusta ea atque atrocissi-  
ma morte damnassent, qui Agathoclem Regem socium illis facere, quam ho-  
stem maluerit. Quæ cum in maxima & frequentissima populi concione voci-  
feratus esset, expirauit. Hæc quoque idem Iustinus tradit, cuius verba, quæ ad D  
rem nostram pertinent, hæc sunt: *Ob quam noxam Bomilcar in medio foro à Pænis  
patibulo suffixus est: ut idem locus monumentum suppliciorum eius esset, qui ornamen-  
tum antea fuerat honorum. Sed Bomilcar magno animo crudelitatem ciuium tulit, adeo  
ut de summa Cruce, veluti de tribunali, in Pænorum scelera concionaretur.*

Romani ipsi quoque, non minùs forsitan quam nationes aliæ, licet maiore  
aliqua personarum ac delictorum habita ratione, horribili hoc Crucis supplicio  
vtebantur, non solum in maiori Imperij culmine, verum etiam iam inde ab  
ipsius nascentis ac gloriosæ Romæ primis germinibus pullulantibus, primisque  
floribus erumpentibus. Etenim, ut ex Titi Liuij historia elicitur, multo antè  
quam Horatius, Tulli Hostilij tempore, post deuictos & interemptos Curia-  
tios,



A tios, propriam sororem occidisset, utpote quæ præ nimio, quo vnum ex Curia-  
tiis eisdem sibi sponsum designatum prosequeretur amore, importuno fletu  
atque eiulatu publicam turbabat lætitiā, fraternamque victoriā obscura-  
bat; iam vsu recepta erat Duumviralis illa lex, contra perduelliones, id est con-  
tra eos, qui tamquam hostes publici, publica morte plectebantur. Cuius legis  
horribile planè atque tremendum hoc erat decretum: *Duumviri perduellionem*  
*iudicent. Si à Duumviris prouocarit, prouocatione certato. Si vincent, caput obnubito,*  
*infelici arbori restè suspendito.* Iuxta cuius legis sanctionem, iam Horatio prepara-  
ta Crux erat, in eaque suspensus proculdubio fuisset, nisi Romanus populus, ad  
quem à Duumvirorum sententia prouocauerat, lacrymas senis atque orbat  
patris miseratus, intrepidamque virtutem atque animi fortitudinem ipsius iu-  
uenis Horatij admiratus, ab indigna illa & ignominiosa morte eum absoluisse,  
liberumque esse iussisset. Cuius legis meminit etiam Cicero in Oratione pro

*Perduellio-  
nes Crucis  
supplicio  
puniti.*  
Titus Li-  
uius Deca-  
dis primæ  
libro 1.

B Caio Rabirio, licet auctorem legis eiusdem Tarquinium Superbum fuisse dicat;  
forsitan ut eandem magis odiosam redderet. Et quamquam ex Titi Liuij ver-  
bis coniici videatur, legem illam damnaſſe reos, fune ad collum iniecta, furca  
suspendendos ac strangulandos (ferè ut hodie est vsus) potius quam Cruci suffi-  
gendos; cum ipse dicat: *Restè suspendito.* & paulò inferius: *Acceſſerat liſtor, inij-*  
*ciebatque laqueum.* Cicero nihilominus aperte innuit, supplicium tunc vsu rece-  
ptum, Crucem fuisse; sic enim inquit: *Quid enim optari poteſt, quod ego malle,*  
*quàm me in Conſulatu meo, carnificem de foro, Crucem de campo ſuſtulſſe?*

In Oratione  
pro Caio  
Rabirio,  
perduellio-  
nis reo.

Infinita pænè suppetunt exempla, quibus probari poteſt, Romanos etiam  
Crucis supplicium inferre ſolitos, tam ſub Regibus, quàm tempore Reipubli-  
cæ, atque Imperatorum. At breuitati conſulentes, ceteris omnibus prætermiſ-  
ſis, ſatis nobis factum eſſe putamus, ſi ſummatim hîc horribiles aliquas animad-  
uerſiones atque ſupplicia, quæ de perfidis Iudæis à Romanis Ducibus ſumpta  
fuère, retulerimus. Et primò quidem, cum Antigonus Aſſamoneus Iudæorum  
C Rex vltimus, Parthorum fauore ſuffultus, Hircano expulſo, regnum occupaf-  
ſet; demum ipſe quoque, expugnata Ieroſolyma à Caio Soſio Syriæ Præſide, vi-  
ctus & captus, trigefimo quinto circiter anno ante Chriſtum natum, ad Mar-  
cum Antonium, qui Orientis tunc moderabatur Imperium, victus & capti-  
uus perductus, iuſſu illius (ut Dio Romanarum hiftoriarum libro 49. tradit)  
virgis cæſus, Cruci ſuffixus, ac demum capite truncatus eſt. Quocircà, ut accura-  
tè Cardinalis Baronius Annalium tomo primo animaduertit, cum Regium  
ſceptrum tribui Iudæ ereptum fuiſſet, nil aliud fanè ſupererat, niſi ut iuxta an-  
tiquas prophetias veniret is, qui cælitus delapſus regnaret in Iſraël, Gentes re-  
geret, Regnumque Iudaicum, quod actò in Crucem Antigono extinctum  
fuerat, per Crucem quam ſubiturus erat, reſtitueret, atque amplioribus limiti-  
bus longè lateque propagaret.

*Antigonus  
Iudæorum  
Rex à  
Marco An-  
tonio Cruci  
affixus.*

D Deinde verò cum Archelaus, poſt mortem Herodis patris ſui, Romam ve-  
niſſet, ut ab Auguſto titulum ac dignitatem Regis Iudæorum obtineret; magni  
tumultus ac ſeditiones Ieroſolymis commotæ ſunt: quas tamen Varus, qui tunc  
Præſidis Syriæ fungebatur officio, nonnullis ex primariis eorum motuum au-  
ctoribus morte damnatis, ſedauit atque compescuit. Verùm eodem Antio-  
chiam reuerſo, Ieroſolymis relicto Sabino Cæſaris Procuratore, legione vna mi-  
litum tantummodò ſuffulto; is avaritia nimia concitatus, variis exactionibus  
adeò exagitare cœperat Iudæos, ut ſeditione in eum commota, captis armis,  
apertam à Romanis defectionem fecerint: cumque ob Pentecoſtes ſolemnita-  
tem, infinita pænè Hebræorum multitudo Ieroſolymam confluxiſſet, Sabinum  
cum legione illa Regio palatio incluſum obſederunt. Quocircà cum ille ſum-



mo se in discrimine constitutum cerneret, magna celeritate de periculo suo ac A Romanæ legionis, Varum certiozem fecit, instantissimè obtestatus, vt sibi subsidio accurreret. Quamobrem confestim ille exercitum Antiochiâ mouens, Ierosolymam magnis itineribus properauit. Quare eo statim apparente, Hebræi Sabinum obsidentes, perterriti aufugerunt. At Varus, defectionis illius noxa Iudaico populo condonata, in auctores eius tantummodò animaduertendum sibi in animo esse declarauit. Parte igitur exercitus per Prouinciæ illius ciuitates & loca ad hunc finem distributa, diligentique inquisitione auctores defectionis eiusdem perquisitos & captos, ad duo millia Crucibus affigi iussit. Huius autem historiæ Flavius Iosephus est auctor, qui ex Græco in Latinum translatus, hæc habet: *Tum Varus, dimissâ per totam regionem parte exercitus, perquirebat defectionis auctores; & indicio repertos, alios vi fontes puniunt, nonnullos dimisit incolumes, ætque sunt in Cruces ea de causa circiter duo millia.*

*Iudeorum  
duo ferè  
millia à Va-  
ro Præside:*

*Iudaic. An-  
tiq. lib. 17.  
cap. 12.*

Anno verò septuagesimo secundo à natiuitate Domini nostri Iesu Christi B vertente, cum iam statutum tempus adesset, quo Iudæi iniquitatum ac scelerum suorum debitum persoluerent, atque iniustissimæ mortis, qua mundi Saluatorem affecerant, meritis debitasque pœnas penderent; obsidente Tito Vespasiani Imperatoris filio Ierosolymorum ciuitatem, dira atque intoleranda fames, qua miseri obsessi torquebantur ac necabantur, quam plurimos eorum eò impellebat, vt occultam ex vrbe meditentur ac maturarent fugam; spe concepta, eo pacto salutem sibi parare posse. Verum à peruigilantibus militibus, quos Titus vndeque circa mœnia in excubiis disposuerat, omnes intercipiebantur; atque in ipsius vrbis conspectu Crucibus palàm suffigebantur. At famis illius horrenda crudelitas, adeò illos premebat vrgebatque, vt eo non obstante, egredi à ciuitate non desisterent; spe aliqua salutis semper in fuga retenta. Quocirca ad quingentorum ac sexcentorum numerum, quotidie à Romanis capiebantur, omnesque Crucibus affigebantur. Itaque crucifixorum numerus, C in tam horribilem immensitatem excreuerat, vt circum mœnia Ierusalem, densissima infeliciū ac miserabilium arborum silua nata videretur; vt iam neque locus neque spatium superesset vbi Cruces terræ infigi possent. Romani verò milites, qui Iudæos propter improbam eorum pertinaciam ferali odio prosequerentur, longam ac molestam illam pertæsi obsidionem, per ludibrium & ignominiam variis modis eos Crucibus suffigebant. Resque ad id demum redacta erat (vt idem Iosephus tradit) vt præ infinita ferè multitudine miserrimorum hominum, qui comprehendebantur, iam solum Crucibus, Crucisque corporibus deficerent: *Milites autem diuersis modis suffigebant, ira, & odio, & ludibrij causa: & propter multitudinem quam cepissent, iam spatium Crucibus deerat, & corporibus Cruces.* hæc ille.

*Eorundem  
infinitus  
numerus à  
Tito Impe-  
ratore.*

*De bello  
Iudaico,  
lib 6. c. 12.*

*Iustitiæ di-  
uina monu-  
mentum,  
vt Cruce  
plecteren-  
tur qui Sal-  
uatorem cru-  
cifixerant.*

*Multa  
SS. Mar-  
tyrum mil-  
lia Cruci  
affixa.*

Diuinæ iustitiæ sanè monumentum admirabile, permittente eadem atque volente iustitia, vt tot hominum millia illius perfidæ ac scelestissimæ sobolis eo D supplicio plecterentur, quo ipsi verum Messiam iniquissimè expetiuerunt damnamum. Quemadmodum & è contra (licet pro fine longè diuerso atque dissimili, nempe pro ipsius gloria & honore, pro sanctæ fidei testimonio ac propagatione; vt inæstimabili thesauro suam ditaret Ecclesiam, atque vt sanctos homines pretiosissimis ac sublimissimis coronis redimitos, æternisque honoribus decorandos, in Paradiso susciperet) permisit etiam, vt tot sanctorum Martyrum millia, ab impiis Ethnicis, & immanissimis infidelibus, Crucibus affixi fuerint. Cuius rei notatione plusquam dignissimum monumentum illud est, quod in Romano Martyrologio sub die vigesima secunda Iunij litteris commendatum legitur: de illis nimirum decem millibus gloriosis Militibus, ac sanctis Martyribus,



Aribus, qui in monte Ararath Ægypti pro Christi fide in Cruces acti sunt. Quorum admirandam historiam Petrus Natalis Episcopus in sanctorum Catalogo prosequitur, eademque in antiquissimo codice manuscripto, siue Sanctorali, vel Passionario ecclesiæ sanctæ Cæcilie vrbis Romæ, luculenter habetur descripta: atque de eadem Beda, Mombritius, Maurolycus, & Græci in Menologio sub eadem die meminerunt. In qua numerosa sanctorum Martyrum multitudine, tunc præcipuè admirandum apparuit consilium magni Dei, mirabilis in Sanctis suis, cui placitum fuit, vt tot Sanctorum millia simul vno tempore, atque eodem mortis genere Saluatori nostro gratum sacrificium offerrent ac redderent, quod ille iam sibi, super ligneo sanctæ Crucis altari, pro nobis omnibus in odorem suauitatis obtulerat.

## CAPVT VIII.

**B** *Licet Hebræi, non secus ac Gentiles, Crucis supplicium adhiberent; hoc tamen inter eos erat discrimen, quod Gentiles mortua corpora, absque sepultura, putredine absumenda in Crucibus relinquebant: Hebræi vero, eo ipso die, quo Crucibus suffixa, sepultura tradebant; & quare hoc facere consueuerant.*

**C**RVCFIXIONEM antiquis temporibus, non minùs apud Hebræos, quàm apud Gentiles indifferenter vsu receptam, superiori capite ostendimus. Verùm Hebræi ipsi infelices ac miseros teterrimo illo damnatos atque affectos supplicio, hoc humanitatis ac pietatis prosequerantur officio, vt postquam exspirassent, eos è Crucibus deponentes, eadem ipsa die, qua suffixi fuerant, sepulturæ mandarent. Quanam ratione autem id facere consueuissent, statim dicemus. At Gentiles, barbarum planè ac longè truculentiorẽ secuti morem, huiusmodi corpora, iisdem in Crucibus corrumpenda relinquebant; non solaribus radiis, ventis, & imbribus tantùm exposita, verùm & rapacium volucrum voracitati, dentibusque immanium ferarum dilanianda & discerpenda; donec ossa pelle & carnibus nudata, neruorumque ac iuncturarum compagibus dissolutis sensim delapsa, omnia in terram conciderent. Cuius inhumanæ atque efferatæ consuetudinis ex ipsius sacræ Paginæ monumentis satis clarum argumentum colligere possumus. Nam cum Saulis Iudæorum Regis ac trium filiorum corpora, prope mœnia ciuitatis Bethsan, vt superius diximus, Crucibus suspensa fuissent, decreuissentque Palæstini, quos Philisthæos sacra Scriptura vocat, patriam barbariem sequentes, Crucibus corrumpenda relinquere; im-  
**D** perterriti quidam ac robustissimi iuvenes Hebræi, ex terra Iabes Galaad, eadem corpora, intempesta nocte è Crucibus deposita abstulerunt, & iuxta antiquum Iudæorum morem sepulturæ tradiderunt.

*In Crucibus putrefactio Gentilibus vsuata.*

2. Reg. c. 21

*Sacra littera eandem testantur:*

Idem etiam colligitur ex eo Gabaonitarum facinore, qui cum Crucibus suffixissent septem filios illos, atque eiusdem Saulis nepotes, quos Dauid in eorum potestatem tradi iusserat; prout etiam diximus, non tantùm illorum corpora è Crucibus non deposuere ac sepeliuere demortua, verùm antiquum suum morem secuti, vt Amorrhæi atque Gentiles, eadem Crucibus suspensa reliquerant. Quocirca Respha olim Saulis concubina, & mater duorum miserorum adolescentium, ex iis qui Crucibus affixi fuerant, die noctuque ibi iuxta Cruces in excubiis stetit, ne volucres aut feræ eorum cadauera discerperent: donec

2. Reg. c. 21



Et passim  
ipiorum  
Gentilium  
libri.  
Epist. 17.

filiorum corpora sepeliri iussit. Verùm eiusdem Gentilium immanissimæ con- A  
suetudinis, ipsi eorum Auctores omnino apertam testificationem reddunt.  
Neque aliud sanè innuere voluit Horatius, cùm dixit:

*Non hominem occidi. Non pasces in Cruce coruos.*

Ad eandem quoque consuetudinem probandam, faciunt illa Iuuenalis carmi-  
na, quibus prodit, consueuisse vulturem ad putrida aduolare cadauera; partemq;  
belluarum aut canum qui in campestribus putrescunt, aut hominum eorum  
quorum corpora Crucibus suspensa relictæ sunt, paruis vulturibus, qui è nido  
adhuc euolare non possunt, deferre solitum: quæ quidem hæc sunt:

Satyræ 14.

*Vultur iumento, & canibus, Crucibusque relictis*

*Ad fœtus properat, partemque cadaueris offert.*

Insigne  
Theodori  
Cyrenai  
dictum.

Consueuisse autem antiquos Gentiles crucifixorum cadauera absque sepultu-  
ra, Crucibus putrefacienda relinquere, clarè item patet ex verbis quæ Theodo-  
rus Cyreniacus dixisse fertur Lysimacho Pergami Regi, Crucem ei quandoque B  
interminanti. Cui ille respondit, vt horribilibus minis illis delicatos ac purpu-  
ratos aulicos suos perterrefaceret: sua enim parum referre, an corpus suum terra  
conditum, an sublimè elatum putresceret. Quæ verba refert Cicero, imperter-  
ritam constantiam, & animi magnitudinem illius Philosophi admiratus: in-

Tusculana-  
rū Quæst.  
lib. 1.

quit enim: *Quid Cyrenæum Theodorum Philosophum non ignobilem, nonne miramur?*  
*Cui cùm Lysimachus Rex Crucem minaretur, Istis quæso, inquit, ista horribilia minita-*  
*re purpuratis tuis: Theodori quidem nihil interest, humine an sublimè putrescat.*

Polycratis  
corpus in  
Cruce cor-  
ruptum.

At huius antiqui & humanitatis expertis Gentilium moris, euidentius mo-  
numentum nullum illo Polycratis Samiorum Principis inueniri potest, cuius  
iam superiùs meminimus. Nam eo ab Orcete in Crucem acto, ipsius cadauer  
Cruci affixum, in præalto Micalensi monte relictum fuit; vbi imbribus madi-  
dum, ac solaribus radiis excoctum, totum putre absumptum est. Cuius memo-  
randi planè ac diri spectaculi præcipuum quoddam monumentum memoriæ C  
prodit Valerius Maximus, hoc modo: *Sed hunc, inquit, felicitatis semper plenis ve-*  
*lis prosperum cursum tenere non potuit. Comprehensum enim Orontes Darij Regis Præ-*  
*fectus, in excelsissimo Micalensis montis vertice Cruci affixit: è qua putres eius artus,*  
*& tabido cruore manantia membra, atque illam leuam, cui Neptunus annulum piscato-*  
*ris manu restituerat, situ marcidam, Samos, amara seruitute aliquandiu pressa, liberis ac*  
*lætis oculis aspexit.* Hæc ille.

Auiliij  
Flacci crn-  
delitas.

Hoc itidem ex Philonis Iudæi scriptis euidenter colligitur. Is enim Auiliij  
Flacci Ægypti Præsidis crudelitatem describens, tradit, cùm moris esset Augu-  
storum natalitiis solemnibus appropinquantibus, damnatorum cadauera Cru-  
cibus affixa deponere, eademque propriis cognatis reddere sepelienda; cùm  
æquum esset, Principum natalitia ipsis etiam mortuis aliquod afferre solatium,  
is idem Flaccus è contra, non illa tantùm iam confixa deponi non permittebat,  
sed & alia insuper iisdem lætis diebus suffigi iubebat. Atque crucifixorum D

Custodia  
ad Cruces,  
ne corpora  
tollerentur.

corpora Gentiles ipsi non sepulturæ quidem tradi sinebant, sed circa Cruces  
militum excubias plerumque deputare consueuerant, ne à cognatis aut amicis  
clàm surrepta sepelirentur. Vtraque verò harum consuetudinum his apertissi-  
mè probatur, quæ Plutarchus scribit in Cleomenis Spartanorum Regis vita,  
qui ab impio & immani Ptolemæo Ægypti Rege, post mortem pelle nudatus,  
atque in Crucem actus, vt superiùs diximus: dum corpus eius penderet suffi-  
xum, milites qui ad Crucem excubabant, post aliquot ab eius crucifixione dies  
retulerunt, quemdam se immanem serpentem vidisse, qui crucifixi Regis cor-  
pori circumplicatus, faciem eius velabat, ne rapacium alitum quispiam ad car-  
nes eius depascendas appropinquaret.

Plutarch. in  
Cleomenis  
vita.

Huic



- A** Huic diro ludibrio, huic atroci ac plus quàm barbaræ immanitati obnoxia fuere corpora quamplurimum fortissimorum Martyrum, pro sancta Christi fide ab eisdem Gentilibus in Crucem acta: qui non satis sibi ipsis factum esse putabant, quòd illos hoc truculentissimo mortis genere necauissent; sed & corpora eorum demortua, sepulturæ honore carentia, pro coruorum, vulturum, & aliorum rapacium volucrum esca, Crucibus affixa permanere volebant. Quod ab impiis & iniquissimis Iudicibus, sæpè in sententiis, quas aduersus illos ferebant, expressè sancitum erat, vt videre est in actis sanctorum Martyrum Claudij, Asterij, & Neonis, trium videlicet adolescentium fratrum, qui Diocletiani Imperatoris temporibus, ab ipsamet ipsorum nouerca, Lysie Ciliciæ Præsidi, quòd Christiani essent, proditi; diuersis tormentorum generibus diuexati, vt Christi fidem abnegarent; cùm in eadem nihilominus semper firmiores constantioresque persisterent, Crucis patibulo tandem damnati sunt: hoc addito
- B** decreto, vt corpora eorum volucris dilaceranda, Crucibus affixa relinquerentur. Verba autem ipsius in eos latæ sententiæ, hæc sunt: *Sub cura Eulalijs Commensariensis & Archelai spiculatoris, foris ante atrium, hi tres fratres, vt digni sunt, Cruci affigantur, & corpora eorum auiibus laceranda relinquantur.* Quorum beatissimorum Martyrum acta, ex antiquissimis manuscriptis codicibus excerpta, refert Surius, sub die vigesima tertia Augusti, in Sanctorum vitis, tomo quarto. Ex quorum puritate styli, ex Præsidis interrogationibus, atque ipsorum sanctorum Martyrum responsionibus, clarè perpenditur, illa planè vera & germana acta esse, à publicis Notariis actuariis excepta, atque à sanctæ Ecclesiæ Protonotariis collecta. Horum namque sanctorum quoque Martyrum commemorationem faciunt Martyrologium Romanum sub eadem die, Ado Episcopus, Petrus Natalis in Sanctorum Catalogo, & alij plerique. Nec eorundem Sanctorum corpora tantum, verum & plurimorum aliorum Martyrum à teterrimis Ethnicis pari modo, pro rapacium volucrum esca, Crucibus affixa, relicta fuerunt.
- C** Quod sanè innuere voluit Prudentius, cùm sanctorum Hippolyti ac sociorum passionem describens, asserit, quòd Iudex causæ illius, postquam diuersorum tormentorum vi frustrà conatus esset efficere, vt Sancti præfati idola adorarent, defatigatis tandem ministris, ira atque furore percitus, iussit, vt torquendi eos finem facientes, interficerent. Aliorum quidem capitibus abscissis, aliis verò in Crucem actis, vt oculos volucrum rostris discerpandos offerrent:

*Inde furens Quæstor ait: Iam tortor ab vincto*

*Desine; si vana est quæstio, morte agito.*

*Huic abscinde caput, Crux istum tollat in auras,*

*Viuenteisque oculos offerat alitibus.*

*Περὶ σταύρου, id est, Decoronis; in passione S. Hippolyti Mart. Iudæi corpora in Crucibus mortua sepelire, vt Legi diuina satisfacerent: Deut. 21. Aduers. Iudæos, c. 10.*

*Quæ in honorem Iesæ Christi crucifigenda sunt.*

- Iudæi verò contrà: nam licet non minore quidem immanitate homines Crucibus suffigerent; hoc tamen, vt iam superius diximus, humanitatis illos prosequerentur officio, vt sepulturæ non priuarent honore. Sepeliebant enim eos eadem ipsa die, qua Crucibus suspenderant. Quod ab his factum erat, non quòd ceteris nationibus mitiores aut humaniores essent; sed quia id expressè lege eorum cautum erat, vt Deuteronomij sacris proditum est litteris; cuius textus verba Tertullianus sic interpretatus est: *Si autem fuerit in aliquo delicto, ita vt iudicium mortis sit, & morietur, & suspendetis eum in ligno. Sed & sepultura sepelietis eum ipsa die.* Nostra autem vulgata editione id etiam fusiùs & apertius explicatur. Nec enim sine altissima diuini consilij dispensatione Iudæis expressa lege iniunctum fuerat, vt Cruci affixos sepulturæ omnino traderent. Nam cùm ab æterno ipso rerum initio, in sanctissimæ Trinitatis consistorio sancitum atque statutum esset, vt Diuinum Verbum, carne assumpta, sacrosanctaque huma-



nitare ligno Crucis extensa, ibidem per diram ac teterrimam mortem (ô magni A Dei mysterium, cunctis Angelicis atque humanis intellectibus imperscrutabile ac planè admirandum) humani generis restaurationem ac redemptionem operaretur, sacratissimum corpus suum ipse profectò sepeliri voluit: vt quemadmodum morte sua animabus nostris æternam vitam dederat, ita etiam & sepultura, corpora nostra viuificaret; vt electi, redemptionis fructu, anima & corpore in Paradiso æternaliter fruerentur. Quod idem Prudentius innuere voluit, quando hac firma & stabili spe suffultus, Christianus sanè Poëta, sic Christiane canendo dixit:

*Ubi sepelitur, in passione S. Romani Martyris.*

*Hinc nos & ipsum non perire credimus  
Corpus, sepulcro quod vorandum traditur:  
Quia Christus in se mortuum corpus Cruce  
Secum excitatum, vexit ad solium Patris,  
Viamque cunctis ad resurgendum dedit.*

B

Et certè quidem infinitæ Dei optimi maximi bonitati ac magnitudini consentaneum & condecens videbatur; quippe qui in omnibus operibus suis perfectissimus, omniumque virtutum numeris absolutissimus est; cum hominem diabolica fraude prolapsus, Christi morte instaurandum & viuificandum suscepisset, eundem interius exteriusque, in anima videlicet atque in corpore, restitueret ac redintegraret in vitam: quandoquidem propter peccatum, anima & corpore corruptus ac deprauatus, æterna morte damnatus erat.

## CAPVT IX.

*Crucis supplicium, omnium quæ ferri possent truculentissimum habebatur: ab antiquis verò, & præcipuè Romanis, infame reputatum; ideoque apud eos plerumque ultima erat in seruos & latrones animaduersio. Hebraei autem id Dei maledictionem esse censebant.*

*Crux summum supplicium.*

*Habetur hodie in Digesto nouo, titulo De pœnis, l. Capitalium, num. 28.*

**C**RUX priscis sanè temporibus inter omnia mortis genera, quæ aut inferri consueuerant aut poterant, atrocissimum & crudelissimum, ac turpitudinis & infamiæ nota fœdissimum censebatur. Quamobrem Calistratus Iureconsultus, Crucem summum supplicium appellauit: adeoque pœnam hanc acerbitatis crudelitatisque refertissimam æstimauit, vt gradus pœnarum capitalium recensurus, Crucem ipsam in gradu primo collocarit; ratus id supplicium, cruciatus atrocitate, ipsi etiam viui corporis cremationi anteferendum. Quocirca in sexto Cognitionum libro, ait: *Capitalium pœnarum fere isti sunt gradus: summum supplicium videtur esse ad Crucem damnatio: item viui crematio: item capitis amputatio.* Quod quidem eum dixisse puto, non antiquitatem tantummodò spectantem (Crucis enim supplicium erat inter alia omnia, quæ tunc vsus receperat, antiquissimum) sed & infamiæ ac turpitudinis notæ, quam inferebat, rationem habentem; deinde verò pœnæ acerbitatem expendentem, ac demum teterrimam illam, & planè cum sensu & cruciatu nimio in longum prolata tam mortem, qua infelices ad Crucem damnati necabantur, perhorrescenti consideratione præponderantem. Quare Cicero suis in Caium Verrem Actionibus, vehementi oratione, grauissimam in eum iecit querelam; quòd contra leges ac patriæ consuetudinem, quemdam Romanum ciuem, Gaium Consanum nomine, in Crucem egisset. Quo loco Crucem crudelissimum ac teterrimum appellat-

D



- A pellauit supplicium; inquit enim: *Apud te nomen ciuitatis ne tantum quidem ualuisse, ut dilationem aliquam Crucis, ut crudelissimi teterrimique supplicij aliquam paruam moram saltem posset afferre?* Deinde uero grauioribus insimulationibus immanitatem illius perstringens, addit: quod cum iustitiæ ministri, quos Marmertinos appellant, more atque instituto suo, Crucem fixissent post urbem Messaniam, in via Pompeia; illam Verres nihilominus deplantari, atque per irrisionem & ignominiam, quod infelix & ærumnosus Gaius ille Italum se ac Romanum ciuem esse dixisset, in ea parte quæ ad fretum spectat, figi iussit; ut ex Crucis eminentia, dum penderet in ea, Italiam cernere, ac domum suam quodammodo prospicere posset; atque ut Italia ipsa è regione vicissim, alumnum suum Crucis patibulo suspensum videret. Cui quidem Cruci eo loco Cicero tria epitheta tribuit; eam uidelicet seruitutis supplicium, supplicium extremum, ac summum supplicium appellans: *Italia autem alumnum suum, seruitutis extremum summumque supplicio affectum videret.* Nonnus uero Panoplitæ Ægyptius Poëta eloquentissimus, qui sanctum Ioannem Euangelistam, ab eo virginem Theologum dictum, heroicis carminibus interpretatus est, Crucem appellauit *ἐλέγχου πύλον*, id est, *damnatissimum quoddam fatum*. Sanctus Anselmus mortem Crucis inter omnia mortium genera atrocissimum fuisse testatur, cum inter omnia moriendi genera, peior mors reperiri non posset. Sic enim inquit: *Illa enim morte peius nihil fuit inter omnia genera mortium.* Rationem uero afferens, cur adeò aspera atque crudelis censeretur, subdit; quod pendentes in Crucis patibulo, clauis manibus pedibusque ligno confixis, producta morte necabantur. Nam qui crucifixus erat, non illico occidebatur; sed diu in Cruce permissus erat viuere; non quidem ut longior ei vita prorogaretur, sed ut prolixior mortem inferrent, ne dolor citius finiretur.

Cicero A-  
ctione 7.  
in Caium  
Verrem.

Supplicium  
seruitutis.  
Cicero  
ibid.

In Ioan.  
c. 19.

In Epist. ad  
Philip. c. 2.

- C Crucis autem supplicium olim infame ac ignominiosum fuisse, ipsi etiam Christiani scriptores, sacrique Ecclesiastici testantur Doctores: ideoque Lactantius Firmianus sic tradit: *Cur si Deus fuit, & mori voluit, non saltem aliquo honesto mortis genere affectus est? Cur potissimum Cruce? Cur infami genere supplicij, quod etiam homine libero quamuis nocente videatur indignum?* Hæc ille. Sanctus uero Ioannes Chrysostomus Crucem apud cunctas nationes probri atque infamiæ signum fuisse his verbis aperte prodit: *Cruce dedecoris fuerat signum, & apud omnes gentes ignominia & infamia putabatur.* Sanctus autem Athanasius testatur, Christum Dominum illam in Cruce subiisse ac sustinuisse mortem, quam ipsi truculentissimi inimici eius, omnium turpissimam, atque ab omnibus summo conatu totisque nisibus abhorrendam ac fugiendam esse putauerant. At diuus Augustinus inter omnia mortium genera, nullum planè magis abominandum aut formidandum ipsa Cruce his verbis affirmat: *Nihil enim erat inter omnia genera mortis, illo genere execrabilius aut formidolosius.* Sanctus Gregorius Nyssenus innuit homines antiquis temporibus autumasse, nullam ipsa Cruce ignominiosiore mortem reperiri posse; ideoque Latinitati redditus inquit: *Quæ enim mors est ignominiosior ea, quæ per Crucem sustinetur?* Ignominiosam sanè existimantam Crucem Theophylactus quoque, & ipse Latinus effectus, id ipsum affirmat his verbis: *Tollat Crucem suam, hoc est, ignominiosam mortem; ignominiosa enim videbatur Crux.*

Supplicium  
infame.  
De vera  
Sapientia,  
lib. 4. c. 26.

In Sermo-  
ne de la-  
trone.  
S. Athana-  
s. de incar-  
nat. Verbi  
Dei.  
S. Augusti-  
nus in libro  
quæst. 83.  
quæst. 25.  
S. Gregor.  
Nyssenus  
in orat. ca-  
techetica.  
Theophy-  
lactus in  
Marci Eu-  
angel. c. 8.

Supplicium  
libero ho-  
mine indi-  
gnum; ma-  
ximè apud  
Romanos.

Erat autem ipsum Crucis supplicium apud Romanos præcipuè adeò vile & ignominiosum reputatum, ut non solum iniquitatem ac scelus capitali animaduersione dignum censerent, Romanum ciuem quempiam in Crucem agere; sed & incongruum atque indignum existimarent, liberum hominem hoc mortis genere damnari. Quocirca Cicero prædicti Caii Verris temerarium atque



In Verrem, *inmane delictum vehementiore stylo exaggerans, inquit: In Crucem tu agere* A  
 Act. 7. *ausus es quempiam, qui se ciuem Romanum esse diceret? & paulò post subdit: Faci-*  
*nus est vinciri ciuem Romanum, scelus verberari, propè parricidium necari: quid di-*  
*cam in Crucem tollere?* Quamobrem Romani seruos suos tantummodò vilissi-

*Qui in ser-* mo hoc supplicio plerumque punire consueuerant. Nam hoc infelix homi-  
*nos eo usi* num genus apud eos sic contemptui habebatur, vt à quamplurimis homines  
*sunt, & sa-* ferè non esse putarentur; ita vt sæpè crudeles atque inhumani quidam domi-  
*pè abusi.* ni cerebrosi ac pænè dementes, cuiuscumque etiam errati leuissimi ac minimi  
 delicti causa, miserrimos & ærumnolos seruos, non secùs ac bruta, in Crucem  
 agerent. Quod sanè innuere voluit Horatius, illorum insaniam & crudelitatem  
 his carminibus perstringens:

Serm. lib. 1. *Siquis eum seruum, patinam qui tollere iussus,*  
 Satyr. 3. *Semesos pisces tepidumque ligurierit ius,*  
*In Cruce suffigat; Labeone insanius, inter*  
*Sanos dicatur.* B

Quam humanitatis expertem atque immanissimam barbariem cùm Iuena-  
 lis corripere, & comiter carpere vellet, simulque iuuenes monitos esse, quàm in  
 ducenda vxore circumspectos & cautos esse oporteat; in Satyris suis importu-  
 nam ac morosam quãdam vxorem introducit, quæ peculiari quod in seruum  
 conceperat odio, atque improbo quodam animi motu concitata, maritum im-  
 pellere studet, vt misellum illum in Crucem agat. Cui ille respondens, dignam  
 planè, non aureis characteribus tantùm conscribendam, sed & cunctorum  
 Principum & Christianorum Iudicium cordibus insculpendam sententiam  
 protulit, dicens, nullam moram nullamque procrastinationem, vbi de morte  
 hominis agatur, longam esse:

Satyra 6. *Pone Crucem seruo. Meruit quo crimine seruus*  
*Supplicium? quis testis adest? quis detulit? Audi,*  
*Nulla vmquam de morte hominis cunctatio longa est.*  
*O demens, ita seruus homo est? Nil fecerit esto;*  
*Hoc volo, sic iubeo, sit pro ratione voluntas.* C

Non consueuere tamen graues ac rationi atque consilio innitentes viri, tam  
 immani seruos suos necare supplicio, nisi delicto aliquo enormi atque atroci de-  
 latos; quorum pleraque Iustus Lipsius in suo de sancta Cruce Tractatu colle-  
 git ac retulit. Ad quem doctum ac planè curiosum libellum, quemcumque stu-  
 diosum & ea sciendi percupidum ablegamus; dum nos mente alia, alioque  
 consilio perducti, diuersum terentes iter, instituti nostri metam ac scopum per-  
 tingere festinamus. Crux igitur apud Romanos, proprium ac præcipuum ser-  
 uorum fuit supplicium. Quod sanè innuere voluit Plautus, dum in sua Militis  
 gloriosi Comœdia, seruum illum nomine Sceledrum iocosè dicentem fingit,  
 certissimè scire se, Crucem sibi futuram sepulchrum, quandoquidem pater ip- D  
 sius, auus, proauus, atque abauus eidem suffixi fuerant:

In Milite  
 glorioso,  
 Actu 2. *— Noli minitari; scio Crucem*  
*Futuram mihi sepulchrum. Ibi enim maiores mei siti,*  
*Pater, auus, proauus, abauus.*

Idem etiam colligitur ex his quæ Herodianus prodidit; cuius verba Latinitati  
 tradita hæc sunt: *Sycophantæ aut serui, quicumque dominos detulerant, in Crucem*  
 Lib. 5. *sunt acti.* Scribit Paulus Orosius, Romæ seditione commota, ac Tiberij Gracchi  
 Lib. 5. c. 9. morte secuta, grauem illam seruilem belli contagionem, ac pestem Sicilia exor-  
 tam esse, quæ multis infecit atque exagitauit prouincias. Quo tempore Min-  
 turnæ quadringenti ac quinquaginta serui Crucibus affixi sunt. Titus etiam  
 Liuius,



A Liuius, magnæ historiæ suæ locis quamplurimis, clarè possessionem Crucis patibuli, quam Romæ serui obtinebant, ostendit: atque ibi præsertim, vbi illorum viginti quinque seruorum meminit, qui in campo Martio inuicem conspirantes, Crucibus omnes confixi sunt. Decad. 3.  
lib. 2.

Huc illud etiam pertinet, quod Suetonius Tranquillus refert de scelestissimo & impio Caio Caligula, qui regnandi inexhausta cupiditate raptus, ac moræ impatiens, cum Tiberium agentem animam vidisset, vt mortem illi acceleraret, caueretque ne fortè conualesceret, puluinari ori superposito, propriisque manibus guttur perstringens, extinxit. Et quia fidus quidam eiusdem libertus, cominifiratione victus, ac præ inhumani illius horribilis & impij sceleris atrocitate, dolore nimio transfixus, exclamauit; illum statim Cruci configi iussit. Docuit Augustus etiam terribili sanè, & ad posterorum memoriam transmittendo facinoris monumento, Crucem apud Romanos seruorum præcipuum fuisse supplicium; cum in Sicilia, deuicto Lepido, viginti millia militum, qui aduersus eum stipendia meruerant, ex albo deleuit, & militiæ cingulo exauكتورauit: ac triginta millia seruorum, qui eiusdem belli occasione, sumptis armis, à dominorum potestate discesserant, propriis dominis plectendos restituit: sex vero eorum circiter millia, quorum domini non apparebant, Crucibus suspendi iussit. Cuius rei, Dio Romanarum historiarum libro quarto, magisque peculiariter Paulus Orosius, his verbis meminit: *Sed Caesar animo ingens, viginti millia militum exauكتورauit, triginta millia seruorum dominis restituit; sex millia, quorum domini non extabant, in Crucem egit.* In Caligula.  
Caligulae immanitas in Tiberiū, eiusque libertum.  
Sex millia seruorum ab Augusto crucifixa.  
Lib. 6. c. 18.  
in fine.

Adeò autem Crux apud Romanos proprium ac præcipuum seruorum censetur patibulum; vt vulgò passim *seruile supplicium* appellaretur. Cuius rei infinita ferè scriptorum illorum exempla atque auctoritates nobis quidem suppeterent: at breuitatis ergò duæ nunc Cornelij Taciti pro tempore sufficiant. Crux seruile supplicium proprie dicta.

C Quarum prima illa sit fugitiui serui illius, nomine Getæ, qui se Camerinum Scribonianum simulabat, violentorumque & immanium Neronianorum temporum metu in Istria occultatum: at cum sibi non satis constaret, neque de se ipso solidam rationem redderet; ad Vitellium pertractus, interrogatusque quisnam hominum esset, postquam nulla dictis fides, à proprio domino recognitus, in Crucem actus est. Cuius supplicium, breuissimè pro more suo, ita tradit Tacitus: *Sumptum de eo supplicium in seruilem modum.* Secunda verò ipsius Taciti auctoritas de Asiatico Vitellij liberto, illa esto; qui auctoritate atque potentia, quam sibi apud Imperatorem vsurpauerat, abutens, Cruci pariter suffixus, acerba illa atque horribili morte, temeritatis ac superbiæ suæ meritas poenas dedit. Sic enim de vitæ eius exitu idem tradit: *Asiaticus enim is libertus, malam potentiam seruili supplicio expiauit.* Quoniam verò, duabus his Taciti auctoritatibus non obstantibus, dubitari adhuc posse videtur, an seruile supplicium, Hist. lib. 2.

D de quo loquitur, verè Crucis fuerit, cum ipse ibi id expressè non promat; iis propterea alia duo diuersorum auctorum addemus testimonia, quibus non illa tantum omnis ambigendi ratio tollitur, verum etiam apertè probatur, Imperatores, siue tyrannos Romanorum aliquos, nimia seueritate acerbos, naturali que superbia inflatos, non seruos tantum, sed liberas etiam quandoque personas in Crucem agere consueuisse. Hist. lib. 4.

Inter quos Opilius Macrinus Imperator, siue tyrannus, nimium planè rigida atque crudeli iustitia, delinquentes milites suos passim in Crucem tolli iubebat; hac aspera & tetrica seueritate, natalium suorum humilitati & abiectioni nubem obducere, atque auctoritatem afferre se ratus. Cuius acerbioris Iulius Capitolinus his meminit: *Nam in Crucem milites tulit, & seruilibus suppliciis semper* Macrinus Imp. milites delinquentes crucifixit.  
In Opilio Macrino.  
per



*per affecit.* Huius quoque asperæ seueritatis ac truculentiae monumentum nota- A  
tu dignum Auidius Cassius dedit, dum ad Danubij ripam castra haberet.  
Nam cum auxiliaria militum manus, tria millia Sarmatarum, nullis dispositis  
excubiis, negligentius agere percepisset; Centurionibus suis hortantibus & im-  
pellentibus, Sarmatas illos repente inuasit, concidit, ac trucidauit. Reuertenti-  
bus autem victricibus signis, ingentiue præda onustis, cum horum Centurio-  
nes hilares ac lætabundi sese Cassio præsentassent, sperantes ab eo magnam  
laudem ac præmium consecuturos, quod tam parua militum manu tot ho-  
stium turmas obtruncassent; ille contra eos capi ac Crucibus configi iussit, as-  
ferens exemplum non extare, ut milites inscio Imperatore hostes inuaderent;  
atque euenire potuisse, ut sub illa apparente Sarmatarum negligentia atque so-  
cordia, abstrusæ laterent insidia, quibus in fraudem ac discrimen aliquod pel-  
licerentur, quo Romani Imperij maiestas & reuerentia læderetur. Quam aspe-  
ram nimis ac diram executionem, Vulcatius Gallicanus, his verbis instituto B  
nostro planè inseruientibus complectitur: *Et cum præda ingenti ad eum redissent, sperantibus Centurionibus premium, quod parua manu tantum hostium, segnius agentibus Tribunis & ignorantibus, occidissent; rari eos iussit, & in Crucem tolli, seruiliue supplicio affici.*

*Auidius  
Cassius Cen-  
turiones,  
quod inuis-  
su suo pu-  
gnassent,  
et si victo-  
res.*

*In Auidio  
Cassio.*

*Enormia  
liberorum  
hominum  
delicta, Cru-  
ce quando-  
que à Ro-  
manis pun-  
nita:*

*Patrie pro-  
ditio:*

*Lib. 2. c. 7.*

*Furtum ac  
latrocinium.*

*Epist. 7.*

*In Satyrico.  
Lib. 3. de  
asino.*

*Lucius  
Florus  
lib. 3. c. 19.*

Consuevere quandoque Romani etiam Crucis supplicio in liberis personis aliqua atrocissima atque enormia punire delicta; non superbiæ quidem spiritu concitati, sed ut seueram illam iustitiæ animaduersionem, populorum statuerent in exemplum & frænum, ne deinceps in huiusmodi prolaberentur excessum. Quod fanè & ipsum maiorem Scipionem Africanum fecisse constat: qui etsi benignissimus esset, quandoque tamen, ut Valerius Maximus animaduertit, aliquid acerbitalis atque amaritudinis à crudelitate, licet ab insita sibi clementia alienissima, mutuo accipiendum sibi necessariò putauit, quò labentem militarem firmaret disciplinam. Magna enim ab eo deuicta Carthagine, cum C  
transfugas omnes qui ab eius exercitu ad Carthaginenses confugerant, in suam potestatem tradi imperasset, multò seuerius in Romanos ipsos, quàm in Latinos animaduertendum censuit. Romanos enim ut hostes, ac propriæ patriæ proditores, Crucibus suffigi; Latinos verò, ut perfidos atque infidos socios, capite plecti iussit: De hoc enim sic tradit idem Valerius: *Nihil mitius superiore Africano: is tamen ad firmandam disciplinam militarem, aliquid ab alienissima crudelitate sibi amaritudinis mutuandum existimauit. Siquidem deuicta Carthagine, cum omnes qui ex nostris exercitibus ad Pœnos transferant, in suam potestatem redegisset; grauius in Romanos quàm in Latinos transfugas animaduertit. Hos enim, tamquam patriæ fugitiuos, Crucibus affixit, illos tamquam perfidos socios, securi percussit.*

Inter cetera autem delicta, quæ Romani in liberas etiam personas Crucis supplicio punire solebant, furtum ac latrocinium peculiare erat. De quo ita Seneca: *Sed latrocinium fecit aliquis, quid ergo meruit? ut suspendatur; id est, in Cru-* D  
*ce. Quod quidem clariùs sic expressit Petronius: Imperator Prouinciæ iussit latrones Crucibus affigi.* Idem etiam patet ex Apuleij verbis, ubi ait: *Latronem istum, miserorum pignorum meorum peremptorem, Cruci affigatis.* Lucius autem Florus memoriæ prodidit, in Sicilia ingentem latronum simul coaceruatam manum ad tantam potentiam deuenisse, ut Manlij, Lentuli, Pisonis, & aliorum Prætorum Romanorum castra expugnauerint: demum verò à Publio Rupilio apud Ennam ciuitatem obsessos, magno eorum numero ibi fame consumpto, ceteros omnes captos, & in Cruces actos fuisse. Tandem Publio Rupilio Imperatore, supplicium de eis sumptum est. Hic enim victos, & apud Ennam nouissimè obsessos, cum fame quasi pestilentia consumpsisset, reliquias latronum compedibus catenisque reliquit, Cruci-



A *Crucibusque puniuit*. Hæc Florus. At hi ferè omnes seruilis conditionis erant.

Seuerissimus quoque latronum iudex & vindex Alexander Mammæus Imperator extitit; quando quidem quotidianorum delictorum reos illos appellans, acerbissimè ac grauissimè damnare atque punire consueuerat, affirmans hos solos Reipublicæ hostes publicos censendos. Cùm autem ciuis quidam sordidæ vitæ & aliquando furtorum reus, licet aliàs honesta ortus familia, magna contentione, ac per ambitionem nimiam, amicis Regibus quibusdam intercedentibus, Alexandrum ipsum importunis supplicationibus obsecraret, vt in militiam adscriberetur; importunitate eius ac Regum illorum feruida intercessione victus Imperator, eum admitti iussit. At paucis diebus transactis, denuò in furto deprehensus, causæque eius cognitione iisdem Regibus delegata, probato delicto ac relatione facta, Imperator ab eis sciscitatus, quoniam apud eos plecterentur fures supplicio; respondentibusque illis furum pœnam in suis regnis Crucem esse, statim iuxta eorum responsum in Crucem illum tolli imperauit.

*Alexander Seuerus, seuerissimus furum vindex.*

B Quam executionem, scripto consignans Lampridius, his verbis absoluit: *Et cùm quæreretur à Regibus, quid apud eos paterentur fures, illi responderunt, Crucem.*

*In Alexandro Seuero,*

*Ad eorum responsum, in Crucem sublatu est.* Quamobrem non est, quòd miremur, si Pilatus, tamquam Romani Imperij minister, hanc Romanorum in latronibus Crucis supplicio plectendis consuetudinem secutus, Crucibus configi iussit duos latrones illos, in quorum medio mundi Saluator horrendum hoc & planè probrosum supplicium pro peccatis nostris subire dignatus est. At hoc quidem, quoad ignominiam atque abominationem, qua Crux ipsa antiquis temporibus apud Gentiles notabatur, dixisse sufficiat.

*Pilatus, Romanorum more, duos latrones crucifixit.*

C Hebræi autem non tantùm æquè ac Gentiles, Crucem ipsam mortem eam esse censebant, qua nulla magis crudeli atque infami homines affici possent; sed & eam ipsa super summopere abominabantur, ac perhorrescebant; firmiter existimantes, teterrimum illud supplicium, illamque mortem horribilem Dei maledictionem esse: idque non opinione tantùm passim recepta, & maiorum suorum traditione firmiter credebant, sed quia in Moyse lege sic præcisè expressum ac declaratum erat. Cuius legis verba ex Hebraico idiomate Latinitati red-

*Crucē Hebræi, vt Dei maledictionem, abhorrebant.*

dita, iuxta vulgatam nostram editionem sic sonant: *Quia maledictus à Deo est, qui pendet in ligno.* Quæ verba Paulus etiam Apostolus in sua ad Galatas refert Epistola; eademque quamplurimi sacri Doctores repetunt. Quamobrem Trypho Iudæus, in Dialogo siue disceptatione, quam sanctus Iustinus Martyr cum eo habuit, de huius mortis execratione verba hæc effutiuit: *Iste autem vester, qui dicitur Christus, adeò inhonoratus & inglorius fuit, vt in extremam legis Dei inciderit execrationem.* Nam in Crucem est actus, in priori humili habitu & statu exinanitionis, & forma serui. Et post multa subiungit: *Patienim illum, & tamquam ouem duci scimus: an autem in Crucem etiam actus, & tam fœdè ignominiosèque supplicio per legem maledictionis diris deuoto mortuus sit, nobis ostende.* Nos etenim, ne in cogitationem quidem indignitatis huius venire possumus.

*Deuteron. cap. 21.*

*S. Iustinus in Dialogo cum Tryphone Iudæo.*

D Sanctus autem Ioannes Chrysostomus, vt ostenderet quàm Crux ipsa antiquis temporibus probro atque horrore apud omnes esset; postquam omnia pænè tormentorum & horribilium instrumentorum genera, quibus carnifices miserabilium damnatorum corpora torquebant, recensuit, hæc insuper adiecit: *Quale autem symbolum mortis Crucis? signum erat mortis maledictæ, mortis omnium diffamatissimæ. Hoc enim solum mortis genus maledictioni obnoxium fuit. Vt exempli gratia quid dicam, qui olim peccabant, comburebantur, lapidabantur, & aliis modis vitam finiebant, vt supplicij tantum. Crucifixus autem, & ligno suspensus, non solum hæc ferebat, vt graue aliquod supplicium, cui adiudicatus erat, sed vt maledictum quoddam.*

*Aduersus Gentes demonstrat. Quòd Christus sit Deus.*

Verùm



Comment.  
lib. 2. in Ep.  
ad Gal. c. 3.

Peccatum,  
eiusq. mors  
maledicta,  
non ipsa  
Cruce.

Contra A-  
daman.  
tunc Ma-  
nichæi di-  
scipulum,  
c. 2.  
Rupertus  
Abbas in  
cap. Ionæ  
Prophetæ,  
lib. 2.

Christus ob  
peccata om-  
nium no-  
strum à  
Deo male-  
dictus.

S. Hiero-  
nymus, si-  
ue Beda in  
Iob c. 3. 8.

Verum diuus Hieronymus, postquam varias translationes, nempe Septua- **A**  
ginta Interpretum, Aquila, Symmachi, Theodotionis, & aliorum induxisset,  
super verbis illis, *Quia maledictus à Deo est, qui pendet in ligno*; asseruit Iudæum il-  
lum, qui in Hebraicis Scripturis ipsum aliqua ex parte instituerat, affirmasse,  
textum illum etiam ita legi posse: *Quia contumeliosè Deus suspensus est*. Deinde  
verò commentationis suæ filum super verbis prædictis continuans, subdit, pri-  
mum quidem considerandum esse, quòd non quicumque in ligno pependerit,  
maledictus sit apud Deum; sed qui peccauisset, & propter delictum & scelus  
suum morti adiudicatus atque in Crucem sublatus esset; non ideò maledictus,  
quia Cruci confixus, sed quia in reatum talem prolapsus esset, quo meritò cru-  
cifixus. Peccatum ergo, morsque ab ipso peccato generata, non autem Cruci af-  
fixio, maledicta erat. Christus Dominus sanè qui peccatum non fecit, in Cru-  
cem sublatus, profectò culpa sua maledici non meruit; verum mors, quam pro  
nobis pertulit, perferendoque extinxit, à Moyse maledicta appellata est: ideo- **B**  
que de hoc ita diuus Augustinus: *Non ergo Dominus per linguam Moysis famuli  
Dei, sed mors ipsa meruit maledictum, quam Dominus noster suscipiendo euacuauit.*

Durè valde sonat (inquit Rupertus Abbas) enuntiatio maledicti, ut Chri-  
stus, qui benedictus venit in nomine Domini, maledictus dicatur. Sed si verba  
legis ritè perpendas, in qua dicitur, *Maledictus à Deo, qui pependerit in ligno*; ma-  
gnam sanè suauitatem in verbo aspero latere inuenies. Quandoquidem longè  
aliud est maledictum esse à Deo, & aliud est maledictum à peccato suo. Qui-  
cumque enim damnatione maledicti sunt, non à Deo sunt maledicti, licet Deus  
ipse aliquando maledictos esse pronuntiauerit: utpote Cain, cui dixit: *Nunc  
igitur maledictus eris super terram*. sed non dixit: Maledictus es à me, sicut ego te  
maledico. Talium namque maledictio, peccatum ipsorum est. Peccatum au-  
tem non est à Deo. Vnus ergo & solus Dominus noster Iesus Christus, maledi-  
ctus à Deo fuit; quia maledicta, id est peccata omnium nostrum ipse portauit: **C**  
idque Dei voluntate fecit. *Dominus enim* (inquit Isaias) *posuit in eo iniquitates om-  
nium nostrorum*. Quocircà iure dixit Apostolus, quòd Christus Dominus pro  
peccatis nostris in Cruce moriens, à legis maledictione nos liberauit, factus ipse  
pro nobis maledictus: *Christus* (inquit) *nos redemit de maledictio legis, factus pro no-  
bis maledictum*. Diuus autem Hieronymus, siue ut alij potius autumant, Beda,  
clariùs explicans, cur ac quomodo Christus pro nobis maledictus fuisse dicatur,  
sic tradit: *Maledictum quippe hominis in se suscipiendo, id est, eam, quæ ex sententia Dei  
venerat, mortem, ut maledictum, suspendit in ligno. Et inde est, quòd pro nobis Christus  
factus est maledictum*. At quonam modo, & quando idem Dominus benedictus  
noster maledictionem hanc in summam verterit benedictionem; diuina Ma-  
iestate eius annuente atque donante, suo loco dicemus.

## CAPVT X.

**Q**ua ratio sit, qua cum Crux adeò horribilis ac dira mortis instru- **D**  
mentum fuerit, probrosum planè & infame; Saluatori tamen  
Christo Domino placuerit, inter cetera omnia mortium gene-  
ra, hoc potissimum, non autem aliud eligere, in quo redemptionis  
nostræ operaretur mysterium.

**S**ATI S abundè, ac forsitan super id etiam quod necessarium erat, præceden-  
ti capite Crucis opprobrium & ignominiam ostendimus ac probauimus.  
Nunc autem sanè mihi videor naturali desiderio quodam, ac necessaria conse-  
quentia



A quentia quadam, in hac planè admiranda materia allici atque pertrahi ad considerandum, ac pia quadam meditatione contemplandum, quidnam causæ esse potuerit, cur cum tam diræ atq; probrosæ mortis instrumentum fuerit Crux, ut superius dictum est; infinitæ nihilominus Christi Domini sapientiæ voluntariè placuerit, hoc potius, quàm aliud genus mortis eligere, in quo humani generis redemptio perficeretur. Et quamquam hoc altissimum mysterium, in immensa & profunda diuini consilij abyssu, atque in ipsa inaccessibili altitudine scientiæ ac sapientiæ Dei, cuius iudicia sunt incomprehensibilia, & viæ inuestigabiles, ita celatum & altè repositum sit, ut non tantum cuiusque humani, verum etiam angelici intellectus captum excedat; atque ideò non temeritati tantum adscribi posset, si quis veram atque præcipuam huius rei causam afferre posse præsumeret; sed neque fas esset, per contentionem ac puram curiositatem id in disceptationem trahere: attamen adeò liberalis ac munificus est Deus, ut

*Cur Christus Crucē redemptionis humanæ instrumentum elegerit.*

B non mediocrem aut obscurum verisimilis lucis radium quandoque infundere non dedignetur his, qui verè humiliter ac puro corde mentes ad contemplationem excelsitatis mirabilium eius erigunt; ut pro illius gloria, & pro sua ipsorum consolatione, ac proximi vtilitate, huius altissimi arcani profunditatem, aliqua ex parte prospicere ac perferutari valeant. Quocirca variæ atque diuersæ feruntur rationes, quas antiqui & recentiores sacri Doctores pia sanè inuestigatione speculati sunt, quibus fieri potuit, ut Pater æternus inter omnia mortuum instrumenta, Crucem potissimum elegerit, in qua vnigenitus eius Christus Dominus acerbam & crudelem mortem sustinens, prolapsam atque prostratam humanam naturam tam sublimi & inæstimabili pretio redimeret.

C Prima igitur ratio, sacrorum Doctorum indagine inuestigata, illa esse videtur, ut quemadmodum ligni occasione natum erat peccatum, sic etiam diuinæ iustitiæ placitum fuerat, ut per lignum deleretur. Et sicut per lignum venerat damnatio, sic per lignum quoque veniret redemptio. Et ut nequissimus & virulentus serpens antiquus, qui callida versutia hominem seduxerat & occiderat, suadens ut de vetito gustaret ligno; sic & ipse in ligno, iusta & admirabili Dei dispensatione, ab homine alio superaretur. Quocirca diuus Anselmus: *Et ut diabolus, qui per gustum ligni quem suaserat, hominem vicerat; ita & per passionem ligni, quam intulit, ab homine vinceretur.* Quam rationem omnes pænè Patres communiter amplexati sunt; & iure quidem. Nam rationi consentaneum videtur, diuinam planè voluisse iustitiam, ut versutus hostis, arte qua hominem iam supplantauerat, eadem ipse quoque delusus prosterneretur; & ut mortifer anguis inde medicinam afferret, vnde iam venenum attulerat. Quamobrem scripto prodidere quidam, Deo optimo maximo adeò displicuisse damnum inæstinabile, quod per lignum dæmon intulerat; ut grauem illam acceptam iniuriam obseruans, & ipsum quoque lignum notans, ex tunc decreuerit ut lignum aliud damna illa persolueret; ut appositè Fortunatus Episcopus, pio eximioque illo Hymno suo expressit, quem sancta sæpè concinit Ecclesia:

*Prima ratio, ut peccatum ex ligno ortū, per lignum deleatur.*

*In libro Cur Deus homo, cap. 3.*

*De parentis protoplasti*

*Hoc opus nostræ salutis*

*Fraude\* factor condolens,*

*Ordo depoposcerat,*

*Quando pomi noxialis*

*Multiformis proditoris*

*\*Morsu in mortem corruit;*

*Ars ut artem falleret,*

*Ipse lignum tunc notauit,*

*Et medelam ferret inde,*

*Damna ligni ut solueret.*

*Hostis unde læserat.*

*\*al. facta*

*\*al. Morsu morsu corruit;*

Grauiissima sanè atque inæstimabilia fuere damna, quæ impius ac scelestissimus dæmon per arborem vetitam intulerat; quæ postea per arborem concessam, id est Crucem, plenissimè persoluta & instaurata fuere. Damnum sanè

E

primum



primum attulit ipsi Deo (vt quidam magnus asserit Doctor) auferens ei contra A eius præceptum, fructum, quem in arbore illa sibi ipsi reseruauerat. Cuius damni peccatum remissum non fuerat, nec remittendum erat, donec restitueretur ablatum. Quod sanè tunc cumulatissimè ac superabundanter restitutum fuit, quando Virginalis vteri Fructus, sanctæ Crucis arbori confixus est. Secundo homini quoque, sed longè maius intulit damnum, cum dolo malo eius factum fuerit, vt homo ipse, non terrestrem tantum, sed cælestem quoque Paradisum amiserit; qui datus ei fuisset, si non peccasset antequam moreretur, de terrestri ad cælestem illum transferendo. Qui cælestis Paradisus hominì postea datus fuit in arbore concessa, id est in sancta Cruce: & omnium sanè primo, non iusto aut perfecto hominì cuiquam datus est; sed latroni, qui propter ipsius scelera & peccata morti adiudicatus erat, & quidem sine mora, atque etiam non petenti elargitus. Nihil enim aliud à Christo Domino petierat, nisi vt sui meminisset. Quod non sine ingenti mysterio factum. Paradisus namque latroni da- B tus est, vt iusti solidiori innitantur spei, & vt peccatores non desperent, ac diuinæ misericordiæ numquam diffidant: & quidem non petenti datus, vt ad illum petendum nos prouocaremur. Per arborem vetitam igitur, terrestri Paradiso, atque diuina gratia priuati fuimus; at per arborem concessam, id est, Crucem, cælestis Paradisus nobis donatus est, ac Dei consortio dignati sumus. Quare felicissimo latroni illi Dominus dixit: *Hodie mecum eris in Paradiso.*

In cuius altissimi mysterij monumentum, primitiuæ Ecclesiæ Christi fide- les pingere & effingere consueuerant Pastorem ouem portantem, inter duas arbores constitutum; hoc sanè emblemate sacro innuere volentes, Christum Dominum verum ac summum Pastorem, vetitæ arboris occasione, dilectam ouem suam, humanam animam, videlicet, amisisse; atque per arborem concessam, sanctam Crucem scilicet, ad gregem suum reportasse. Quod Hieroglyphicum, nunc etiam in sanctorum Martyrum cœmeteriis, quæ sub terra effossa, extra C vrbs Romæ mœnia adhuc extant, locisque quamplurimis pictum conspici- tur. Ad quod alludens sancta Dei Ecclesia, nunc etiam canit: *Per lignum serui facti sumus, & per sanctam Crucem liberati sumus.* De duabus hisce arboribus, sanctus Gregorius Nazianzenus, Latinus effectus, inquit: *Ad vitæ lignum, unde excideramus, per ignominie lignum reuocati sumus.* Diuus etiam Ambrosius sermonem suum ad id quoque dirigens, paucissimisque verbis multa complexus, inquit: *Mors per arborem, vita per Crucem.* Quod admirandum planè In Oratio- ne de seip- so, ad Ari- nos. In Luca Euang. c. 4. Cant. 8. mysterium Spiritus sanctus etiam tot anteaetis sæculis innuerat, cum in Spon- si persona dixerat: *Sub arbore malo suscitavi te, ibi corrupta est mater tua, ibi violata est genitrix tua.*

Quemadmodum igitur per fructum, quem ex arbore vetita Adamus iniquè excerpserat, humanum genus in ruinam corruerat; ita & per benedictum Virginei vteri Fructum, quem ex sanctæ Crucis arbore concessa per fidem sanctè D colligimus, ac per sancta Sacramenta ex hac sacratissima Arbore emanantia, humanum genus redemptum & instauratum fuit. Atque hoc admirabili modo, diuinæ iustitiæ cumulatissimè satisfactum est; dum quod primus Adam ex arbore iniquè abstulerat, à secundo Adamo Christo Domino, arbori restitu- tum fuit; quando volens ac libens Cruci sese affigi permisit. Quamobrem in eius persona meritò dixit Propheta: *Quæ non rapui, tunc exsoluebam.* Et hæc qui- dem hætenus quoad primam causam, quæ de Christi morte in Crucis patibu- lo excogitari potest. Pro cuius periodo, ac piorum Lectorum oblectatione, Pa- storis ouem humeris portantis, inter duas arbores constituti, imaginem, quæ vt diximus, in sacris cœmeteriis conspicitur, hoc loco addere placuit: qua antiqui Christi

Sacræ pri- mitiuæ Ec- clesiæ em- blema, Pa- stor ouem- suam por- tans in- ter binas arbores.

Psal. 68.



A Christi fideles, illud se credere ac firmiter tenere indicabant; vnam videlicet ex potioribus rationibus, qua Christus Dominus ac Saluator noster in Crucem mori statuerit, illam esse, vt in hac arbore sacratissima id recuperaretur, quod in Adami arbore iam miserabiliter perierat.



Secūda ratio, vt Adami inobedientiam Christi obedientia superaret.

B Secunda verò ratio, quæ de Saluatoris nostri morte in Crucis patibulo assignari posset, illa est, quòd Deus optimus maximus curare ac liberare volens hominem à morbo letifero, imò ab ipsa morte, in quam propter peccatum prolapsus erat, eruere; id planè ef-

fecit quod periti Medici facere consueuerunt, qui infirmitatibus passim medentur contrariis pharmacis; calidos scilicet morbos frigidis, frigidos verò calidis curantes antidotis, vt appositè diuus Gregorius docuit, cum inquit: *Nam sicut arte medica, calida frigidis, frigida calidis curantur, ita Dominus noster contraria opposuit medicamenta peccatis.*

Homil. 32.  
in Euang.

C Primus pater noster Adam peccando, enormissimam inobedientiam commiserat, mandatum Domini Dei & Creatoris sui transgrediens, cui ipse præ ceteris creaturis omnibus obtemperare tenebatur. Hæc igitur tam immanis inobedientia nullum sanè magis proprium, aut proportionem sibi comparandum oppositum habebat, quàm Christi obedientiam: qui licet summus vniuersorum Dominus esset, atque ab omni subiectione liber; propria tamen electione, ac propter nimiam charitatem suam, obediens fieri voluit vsque ad mortem: mortem autem talem, quæ ipsius Adami inobedientiæ actu ex opposito repugnaret, & omnem confunderet inobedientiam. Nam quemadmodum Protoplastorum inobedientia, ad tanti facinoris excessum deuenerat, vt contra diuinum præceptum, ad vetitam arborem manus extendere non erubuerit, neque expauerit; sic Christi Domini obedientia, ob charitatis excessum eò peruenit, vt manus suas in arbore Crucis extenderit. Ex quo illud exortum ac secutum est, quod Apostolus dixit: *Sicut enim per inobedientiam vnius hominis, peccatores constituti sunt multi; ita & per vnius obedientiam, iusti constituentur multi.* Oportebat namque, (inquit sanctus Anselmus) vt sicut per hominis inobedientiam, mors in humanum genus intrauerat, ita per hominis obedientiam vita restitueretur. Sacrarum Christi Domini manuum (inquit diuus Augustinus) in ligno Crucis extensio, & reuerenda confixio condemnabat Adæ & Eux manus, ad interdictum ligni cibum ingemiscenda sæculi transgressione porrectas. Leuauit pro nobis Dominus Deus noster manus in Cruce, (repetit idem sanctus alibi) vt manus nostræ extendantur in bona opera. Ecce leuauit ille manus, & obtulit pro nobis sacrificium Deo seipsum; & per illud sacrificium deleta sunt omnia peccata nostra. Leuemus & nos manus nostras ad Deum in prece, & non confundentur manus nostræ leuatae ad Deum, si exerceantur in bonis operibus. Hæc Augustinus: cuius consilium secuti, si manus nostras sic leuauerimus; maiore planè fiducia firmam spem concipere fas erit, iustas petitiones nostras à Deo consequendi. Sicque corde puro, & conscientia bona, simul cum Regio Propheta latè dicere poterimus: *Sic benedicam te in vita mea, &*

Rom. 5.

In libro  
cur Deus  
homo.

In Appen-  
dice de di-  
uersis, Ser-  
mone 4.  
In Psal. 62.

D in nomine tuo leuabo manus meas.

Psal. 62.



Christi ma-  
nuum in  
Cruce ex-  
tensio, He-  
braeorum &  
Gentilium  
coniunctio-  
ne denotat.  
S. Athanas.  
De incarn.  
Verbi Dei.  
Ioan. 12.

De vocat.  
Gentium  
lib. 1. c. 3.

In Luca  
Euag. c. 23.

Carmin. Vir-  
ginitatis.

Tertia ra-  
tio, ut Chri-  
stus male-  
dictionem  
in Cruce  
patiens, be-  
nedictionem  
nobis mere-  
retur.  
Galat. c. 3.

De incar-  
nat. Verbi  
Dei.

De vera sa-  
pietia lib. 4.  
c. 26.

Quarta ra-  
tio ex La-  
ctantio, eaq;  
triplex:

Christus Dominus fuit angularis lapis ille, qui duos parietes inter se adeò se-  
paratos atque disiunctos, populos videlicet Hebræum ac Gentilem, simul con-  
iuncturus erat. Vnde Athanasius inquit: *Porro si mors Domini nostri Iesu Christi,*  
*redemptio est omnium, ac morte eius intermedius ille paries maceriae soluitur, conficiturq;*  
*Vocatio Gentium: quomodo nos aduocasset, nisi crucifixus esset? In sola enim Cruce mors*  
*extensis porrectisque manibus toleratur. Ideò quoque par erat, ut Dominus hoc modo*  
*mortem sustineret, manusque eius extenderentur; ut hac quidem veterem populum, illa*  
*verò Gentiles attraheret, & ambos in se coniungeret. Id enim ipse dixit, indicans qua*  
*morte omnes redempturus esset: Cum exaltatus fuero (inquit) omnes ad me traham.*

Quæ verba diligenter expendens Prosper in Tractatu suo De vocatione Gen-  
tium, eius est sententiæ, his planè nobis vniuersalem Gentium conuersionem  
promissam fuisse: *Nonne (inquit) vniuersarum Gentium videtur promissa conuersio?*

Sanctus autem Ambrosius in Luca Euangelium scribens, de Christi Domi-  
ni manuum extensione in Cruce, appositè planè inquit: *Et ut non sibi soli, sed*  
*omnibus vinceret, manus in Cruce extendit, quò omnia ad se traheret, ut nodo exuta, iu-*  
*go fidei suspensa, caelestibus ea quæ prius erant terrena, sociaret.* Quocircà diuus Gre-  
gorius Nazianzenus, causam ipse quoque contemplatus, cur benedictus Salua-  
tor noster in horribili ea quam pro nobis pertulit morte, aperta extensaque bra-  
chia in Cruce tenere voluerit, summi videlicet sui erga nos amoris signum, quo  
ostenderet, velle se ab extremis mundi partibus electos suos benignè attrahere  
ad gremium sanctæ Ecclesiæ, quam pretioso sanguine ab omni ruga deterfit,  
auferens è medio delictum, quod nobis cælum occluserat; his carminibus suis,  
Latinitati redditis, piè canendo dixit:

*Quin etiam expandens sacrati corporis artus*

*In fines orbis, mortale ex finibus orbis*

*Collegit genus, atque hominem contraxit in vnum,*

*Et medius magnæ posuit Deitatis in vlnis,*

*Expurgans sædas agnino sanguine sordes,*

*Ac scelus è medio tollens, quod clauserat astra.*

Tertiam verò causam, illam planè fuisse dicere poterimus, quam morti eius  
assignat Apostolus, quamque iam superiori capite retulimus: videlicet, quòd  
cum Dominus ipse omnes infirmitates, omniaque maledicta nostra in se susci-  
pere atque portare statuisset, à legis maledictionibus liberos nos esse volens, ac  
semetipsum maledictum pro nobis constituens, ut benedictio, quam Deus  
olim Abrahæ futuram in Gentibus promiserat, super nos descenderet; conse-  
quenter necessarium erat, ut in Cruce moreretur, cum nullum aliud mortis ge-  
nus, hoc excepto, memoriæ proditum sit reperiri, quod maledictum declara-  
tum fuerit. Quocircà sanctus Athanasius de hac Christi mortis causa sic argu-  
mentatus est: *Nam si ideò venerat, ut nostra piacula execrationesque portaret; quomo-*  
*do alia ratione execratio, aut piaculum fuisset, nisi execrabilem mortem in se recepisset?*  
*Est autem hoc ipsum Crux, quemadmodum scriptum est: Execrabilis quicumque in li-*  
*gno pendet.*

Pro quarta autem causa addere hoc loco possumus, id quod Lactantius Fir-  
mianus tradit, qui pia ipse quoque inuestigatione perquirens, cur vnigenitus  
Dei Filius Crucem potius quàm aliud mortis genus eligere voluerit, quæ adeò  
reputabatur infamis, ut quocumque libero homine, quantumuis etiam scelesto,  
eiusmodi mors censeretur indigna; huius occulti ac planè admirabilis diuini  
consilij tres rationes affert. Primam quidem, Cum Christus, inquit, humilis in  
hunc mundum venisset, ut humiles, infimos, atque abiectos subleuaret, atque  
in vniuersum omnibus spem salutis afferret, ideò eadem ipsa quoque morte  
affici



Affici necessariò debebat, qua infimi & abiecti plecti consueuerant, ita vt nullus adeò vilis ac despicibilis reperiretur, qui eum imitari non posset. Secunda verò est, vt corpus eius quod die tertia resurrecturum erat, integrum & immutilatum conseruaretur; qua in re sanè factum fuisse constat, vt cum carnifices eum iam mortuum viderent, necessarium non putauerint crura eius suffringere, vt mos eorum ferebat, sed tantummodò latus eius perforauerint: sicque corpus integrum, Crucis patibulo detractum est, & sepulcro diligenter inclusum. At hoc loco rationem quamdam subinfert idem Firmianus, mea quidem sententia, non satis diligenter examinatum, ac diuinæ Saluatoris nostri omnipotentiae incongruentem. Dicit enim, hæc omnia facta fuisse, ne læsum ac diminutum corpus eius ad resurgendum inhabile redderetur; quasi Christo Domino difficile fuisset corpus suum à mortuis excitare, si membro aliquo truncatum fuisset. Quamobrem longè magis consideratè, in hoc Tertullianus scripsisse videtur.

Is enim de resurrectione agens, affirmavit omnipotenti Deo nequaquam factum difficile, imò nullius esse negotij, defuncta corpora nostra reuocare ad vitam; etiamsi in infinita pænè frustra minutatim concisa atque discerpta; etiamsi igne cremata, eorumque cineres in aërem sparsi, ventorum vi circumflati ac dissipati, aut quamuis etiam à piscibus, à feris, à volucribus dilacerata, vorata, atque egesta fuissent: non secus ac semen & granum in terra proiectum, quamuis pessumdatum, quamuis obrutum, quamuis sarculis & aratro sepultum, ac demum ipsa humo sit putrefactum; ad destinatum tempus suum nihilominus vegetissimum resurgit. Quare his carminibus inquit:

*Si quem fortè rogis aboleuit flamma sepultum,  
Aut aliquem cecis disiecerit æquor in vndis,  
Si cuiusque fame satiarent viscera pisces,  
Aut fixere fera crudelia funera membris,  
Alitibus iacuit raptato corpore sanguis;  
Ultima non Domino rapient sua munera magno.  
Apparere Deo viuos de morte necesse est,  
Resumptisque suis homines adstare figuris:  
Arida sic vacuis redduntur semina terris,  
Et pemptus fixis putrescunt mortua sulcis;  
Nōne animantur, & hinc reparatis culmus aristas,  
Atque iterum viuus flauescunt fortia granis,  
Consurguntque nouæ vario cum scenore messes?*

At diuus Athanasius contemplatus & ipse, quidnam causæ esse potuerit, cur Dominus noster Iesus Christus in morte sua permittere noluerit, vt sacratissimum corpus suum mutilaretur; solidiorem planè, ac verisimiliorem huic rei causam assignat, dicens, noluisse decapitari, vt sanctus Ioannes Baptista; neque

D ferra per medium secari, vt Isaias Propheta; sed voluisse corpus suum integrum sine vlla mutilatione conseruari; vt omnis ansa siue prætextus subtraheretur his, qui sanctam eius Ecclesiam in diuersas partes scindere gestiunt. Tertia verò Firmiani ratio illa est, cuius superius capite sexto meminimus; nempe quia illum exaltari oportebat, vt passio ac mors eius cunctis gentibus nota esset atque conspicua. Nam quoniam is qui Crucis patibulo suspenditur, conspicuus est omnibus, & ceteris altior; idcirco pro Christi morte Crux potius quam vllum aliud mortis instrumentum electa est, vt significaret illum tam conspicuum atque sublimem futurum, vt cunctæ nationes ex vniuersi orbis partibus ad sanctam eius fidem amplexandam concurrerent. Ad hoc enim Christus (subdit ille) brachia sua in Cruce extendit, orbem quodammodò dimensus; vt iam ex

*Vi humili-  
bus Chri-  
stus ipse  
humilimus  
præter:  
Vi Christi  
corpus in-  
tegrum ser-  
uaretur:*

De iudicio  
Domini,  
cap. 5.

De incar-  
nat. Verbi  
Dei.

*Vi Christi  
in Cruce  
exaltati  
passio &  
mors om-  
nibus con-  
spicua esset.*



tunc ostenderet, ab ortu solis vsque ad occasum, ingentem populum ex omni- A  
bus linguis & tribubus congregatum, sub alas suas esse venturum, signumque  
sacrum illud sanctæ Crucis frontibus hominum susceptum iri. Et paulò supe-  
rius idem Firmianus, pia meditatione causam contemplatus, cur Saluator no-  
ster in Cruce ac passione sua acetum & fel gustare voluerit, huius abstrusi my-  
sterij pulchram planè rationem reddit. Affirmat enim Christum in passione  
sua, aceti potum & fellis cibum gustare voluisse, vt intelligeremus, magnas  
acerbitates atque amaritudines in hoc mundo ab electis ac sectatoribus suis  
degustandas ac diglutiendas esse.

*Acetum & fel cur Saluator in Cruce gustauerit.*  
Quinta causa, qua Christus Dominus crucifigi voluit, inter ceteras illa esse  
potest, perpulchra planè, quam affert diuus Augustinus, siue quiuis alius au-  
ctor Sermonis illius, qui in Appendice De diuersis, tomi Decimi operum suo-  
rum, sub numero 59. impressus est: *Legimus enim* (inquit) *in Euangelio, quòd Pha-*  
*risæi voluerunt eum præcipitare de monte. At ille transiens, per medium illorum ibat.* B  
*Alibi quoque legimus, quòd Iudæi tulerunt lapides, vt iacerent in eum: ipse verò abscon-*  
*dit se, & exiit de templo. Quare noluit Dominus præcipitari, vel lapidari, aut etiam*  
*gladio truncari? Vtique causa nostræ salutis hoc fecit. Noluit ergo lapidari, aut etiam gla-*  
*dio percuti; quia videlicet nos semper nobiscum lapides aut ferrum ferre non possumus,*  
*quibus defendamur. Elegit ergo Crucem, quæ leui motu manus exprimitur; quæ & con-*  
*tra inimici versutias munimur.*

*Sexta ratio, vt nullum quamuis acerbissimæ mortis genus Christi exemplo metuere-  
mus.*  
Sextò Christus Dominus mortem Crucis eligere voluit, quæ omnium hor-  
ribilior ac truculentior existimabatur, ea potissimum de causa, quam ipsemet  
Augustinus alibi prodit his verbis: *Sapientia Dei hominem, ad exemplum, quo rectè*  
*viueremus, suscepit. Pertinet autem ad vitam rectam, ea quæ non sunt metuenda, non*  
*metuere: mors autem metuenda non est. Oportuit ergo id ipsum illius hominis, quem*  
*Dei sapientia suscepit, morte monstrari. Sunt autem homines, qui quamuis mortem ipsam*  
*non timeant, genus tamen aliquod ipsius mortis horrescunt. Nihilominus autem, vt ipsa* C  
*mors metuenda non est, ita etiam nullum genus mortis benè & rectè viuenti homini me-*  
*tuendum est. Nihilominus igitur hoc quoque illius hominis Cruce ostendendum fuit.*  
*Nihil enim erat inter omnia genera mortis, illo genere execrabilius & formidolosius. &*  
*alibi subiunxit, Christum Dominum extremum ac pessimum mortis genus*  
*elegisse, ne aliquod genus mortis sancti Martyres formidarent. Quoniam verò*  
*(inquit) omnis Christi actio, nostra fuit instructio; propterea doctrinam nobis*  
*ostendit in homine, exemplum verò patientiæ demonstrauit in Cruce. Ibi fuit*  
*opus, quia crucifixus: exemplum operis, Crux; præmium operis, resurrectio.*  
*Ostendit nobis in Cruce, quid tolerare; ostendit in resurrectione, quid sperare*  
*debeamus. Ac prorsus tamquam agonotheta summus, dixit: Fac hoc, & tolle.*  
*Fac opus, & accipe præmium: certa in agone, & coronaberis. Quod autem est*  
*opus? obedientia. Quod est præmium? resurrectio sine morte. Quare (subin-*  
*fert) addidi sine morte? quia Lazarus surrexit, & mortuus est. Christus autem* D  
*resurrexit, & numquam amplius moriturus est; iuxta quod dixit Apostolus:*

Rom. 6. *Mors illi vltra non dominabitur.*

*Septima ratio ex Augustino, eaque triplex:*  
Septima autem causa illa esse poterit, quam idem sanctus Augustinus affert,  
siue quicumque alius auctor eiusdem Sermonis 59. quem in Appendice De di-  
uersis, operum suorum Tomo decimo impressum iam superius retulimus; vbi  
diligenti inuestigatione perquirens quid Crux significet, & quam ratione  
hoc mortis genus potius, quam quodcumque aliud pro Saluatoris morte ele-  
ctum sit, huius admirandæ Dei dispensationis tres causas reddit. Primò (inquit)  
vt Christus pro reatu mundi redemptio daretur, & vt antiquus hostis, quasi pi-  
scis hamo Crucis caperetur; ita vt quos absorbuerat, euomeret, non potentia  
victus,



**A** victus, sed iustitia. Secundò, vt Christus veram vitæ regulam præberet hominibus. Ad hoc enim ascendit in Crucem, vt nobis passionis & resurrectionis daret exemplum. Tertiò verò mortem Crucis subire voluit, quæ stultitia gentibus erat; vt superba & inflata sæculi superbia, per Crucis stultam (vt mundus putauerat) prædicationem, humiliata corrueret: & vt eadem sæculi sapientia sciret & intelligeret, res Dei, quæ stultæ videntur, cunctis hominibus sapientiores esse; quemadmodum dixit Apostolus: *Quod stultum est Dei, sapientius est hominibus.*

*Vi Christum passionis & resurrectionis præberet exemplum. Ut sæculi superbia per Crucis humilitatem corrueret. 1. Cor. 1. Octava ratio, quia Christus non suo sed truculentissimi hostis arbitrio pati voluit. S. Athanas. De incarnatione Verbi Dei.*

Pro octaua autem causa Christi mortis in Cruce prætermitti non potest, quin hoc loco pia illa sancti Athanasij consideratio referatur, qui asserit Saluatorem nostrum noluisse à semetipso genus mortis sibi deligere; sed eam perpeti maluisse, quam truculentissimi inimici ei infligere voluerunt: vt mundo ostenderet, omnē & quodcumque mortis genus quod inferre voluissent, se demoliri posse: non secus ac generosus athleta, qui animo & corporis robore præstans, non ipse quidem sibi aduersarios deligit, ne aliis timiditatis suspicionem præbeat, sed spectatorū arbitrio & electioni hoc ipsum permittit; vt humi prostrato quocumque antagonista, quem casu vel aliorum electione obuium habuerit, ipse omnium robustissimus habeatur. Ita quoque Dominus Iesus, non ipse corpori suo mortem excogitauit, aut delegit; sed voluntariè illam subire voluit, quam aduersarij eius omnium crudelissimam atque turpissimam existimaauerunt. Ex quo mirum sanè quoddam & inexpectatum euenit; vt genus mortis videlicet, quod illi pro sua opinione vt omnium ignominiosissimum intulere, illud in denictæ mortis trophæum conuersum sit. Si Christus Dominus mortis speciem sibi delegisset; mundus vtique dixisset, eum non in omne mortis genus, sed in eam dumtaxat, quam ipse excogitasset, absolutam potestatem habuisse: atque in denullo forsitan negotio hæresis, seu falsa opinio quædam exoriri potuisset, virtutem excitandi corpus suum à quocumque alio mortis genere ipsi non inesse. Verum enimverò, cum illam eandemque crudeliorem & horribiliorem mortem, quam impij ac scelesti inimici excogitare potuerunt, deicerit atque prostrauerit, perspicuum & clarissimum remanet, eum à quacumque alia morte multo facilius absque dubio resurgere potuisse. Atque hoc sanè per consequens pacto inficias iri non potest, nec vquam poterit, eum mortis & vitæ absolutam potestatem ac supremum imperium habere, imò ipsum ipsissimam (vt aiunt) esse vitam.

**C** Nona causa præterea, cur Christus Saluator noster in Cruce mori voluerit, illa est, quam idem diuus Athanasius prodidit, asserens Christum Dominum ad id præcipuè in terram venisse, vt diabolum humani generis antiquum hostem prosterneret, atque à mundo expelleret; qui vnà cum nequissimis ac desertoribus Angelis suis, postquam è cælo præcipitatus fuit, per hunc imum aërem vagans, præstigias inanesque species effingens, & vanis illusionibus & iniquis tentationibus homines decipiens atque diuexans, varia impedimenta & obstacula continuò molitur, atque opponit his qui mente ac spiritu sursum tendere nituntur. De quo Apostolus: *Secundum Principem potestatis aëris huius, spiritus qui nunc operatur in filios diffidentie.* Cumque Dominus Iesus venerit, vt eundem diabolum præcipitaret, aëremque purificaret, & viam ad cælum nobis aperiret atque muniret, idque per mortem fieri oporteret: quam alia morte illud opportuniùs aut commodiùs fieri poterat, quam ea quæ in aëre toleratur; id est in Cruce? Solus enim ille in aëre moritur, qui in Cruce vitam finit. Quocirca non sine magna ratione eam Dominus sustinuit. Nam ita sublimatus, aërem ab omni diaboli, ceterorumque dæmonum sectatorum eius, turbatione & in-

*Nona ratio, vt Christus in aërem eleuatus, diabolum per aëra vagantem prosterneret; & viam ad cælum nobis muniret. Ephes. 2.*



Isa. 10. festatione purgavit: ut meritò ipse Apostolis suis dixerit: *Videbam satanam A*  
*sicut fulgur de celo cadentem*. Morte sua in aëra eleuatus Dominus insuper, no-  
 uum nobis iter ad cælum aperuit. Quod sanè iam in spiritu præuidens Regius  
 Psal. 23. Psaltes, ita præcinuit: *Attollite portas principes vestras: & eleuamini portæ eter-*  
*nales*. Nihil profectò ille, in cuius persona hæc verba prolata sunt, opus habebat  
 S. Athanas. refectione portarum; utpote omnium Creator & Dominus, cui nihil prorsus  
 de incar- clausum esse poterat: sed nos eramus, quibus ea refectione necessaria fuit. Nos in-  
 nat. Verbi quam illi, quos ipse corpore suo in sublime attollebat. Nam quemadmodum  
 Dei. pro omnibus seipsum morti obtulit, ita quoque per illud, viam ad cælos com-  
 monstrauit & aperuit. Rectè igitur atque decenter mors eius in Cruce peracta  
 est: ac probabilibus iustisque rationibus constar, salutem omnium non aliter  
 quàm per Crucem impetrari debuisse. Hæc autem omnia ex ipso Athanasio  
 compendiosè decerpimus.

Decima Decimò in Crucis patibulo Dominus noster mortem obire voluit, ut eo co- B  
 ratio, ut co- piosior ac superabundantior esset satisfactio, quo mortis species ignominiosior  
 piosior esset fuit atque acerbior; utque tali pacto, charitas Dei & Saluatoris nostri in homi-  
 satisfactio nes clariùs elucesceret, atque ut nostra in Deum solidiùs firmaretur fiducia.  
 quò mors acerbior. Nam dum pia meditatione consideramus, Dei Filium æterni Patris voluntate  
 ignominiosum adeò atque crudele supplicium pro nobis sustinuisse; euidenter  
 perspicimus, ipsius Dei optimi maximi charitatem in nos ac dilectionem im-  
 mensam existere; proindeque ipsius benignitati ac misericordiæ numquam  
 diffidendum nobis esse, etiam post sæpiùs patrata atque iterata delicta: verissi-  
 mumque illud esse cognouimus, quod Regius Propheta intonuit: *Apud Domi-*  
 Psal. 129. *num misericordia, & copiosa apud eum redemptio*. Atque ut è contrà ex ipsa acerbita-  
 te supplicij, non diuinæ tantum pietatis & misericordiæ abundantiam intelli-  
 gamus; verum etiam quanta sit ipsius Dei iustitiæ seueritas, coniecere possimus,  
 cum talem ac tantam pro hominum peccatis satisfactionem exigere voluerit. C  
 Ac demum, ut pro salute nostra id intelligentes, peccatum magis abominemur  
 ac detestemur, atque ut cautiùs illud fugere discamus.

Vndecima Vndecimò, conueniens planè ac necessarium fuit, Christum Dominum  
 ratio, ut mortem in Crucis supplicio obiisse; ut quò mortis genus illud pro mundi exi-  
 quò mortis stimatione turpius fuit, eò magis Dei potentia & Saluatoris nostri mortis effi-  
 genus tur- cacitas mundo innotesceret: dum is, qui tam ignominiosam mortem pertulit,  
 pius est ho- vniuersum ad se orbem attraxit, contradictionibus & oppositionibus, quibus  
 minibus, eò mundus ei repugnauit ac restitit, non obstantibus. Quod innuere volens Apo-  
 magis Sal- stolus, inquit: *Quod infirmum est Dei, fortius est hominibus*. Atque hinc sanè fa-  
 natoris po- ctum est, ut Iudæorum malitia atque conatus expectatione sua frustratus ac de-  
 tentia & lus remanserit. Nam ea via, qua se Christi nomen obliterare & tenebris ob-  
 gloria ap- ruere arbitrabantur; per eandem hanc ipsam, Deus illud gloriosius, & cunctis  
 pareret. gentibus venerabilius esse voluit. Christi igitur mors in Crucis patibulo conue-  
 1. Cor. 1. nientissima extitit, ut diabolus prosterneretur, erigerentur fideles, & confunde- D  
 rentur Hebræi.

Duodecima Duodecimò, Saluatoris nostri mortem Crucis, congruentissimam om-  
 ratio, ut nino fuisse patet. Nam cum Dei offensio, in quam primi Parentes nostri in-  
 grauissi- currebant, grauissima fuerit; vice etiam versa, iuri consonum erat, satisfac-  
 tionem fore maximam. Quocirca pro tantæ culpæ expiatione, mors Cru-  
 cis electa est; quæ, ut sæpè iam diximus, omnium grauissima & acerbissima  
 censetur. Et talem sanè eam omnino fuisse oportuit, quandoquidem *peffi-*  
 mam mortem (inquit sanctus Anselmus) *Saluator elegit, ut omnem mortem nostram*  
 In Epist. ad occideret.  
 Philip. c. 2.

Decimo-



A Decimotertiò, conueniens per omnia fuit Christi Domini in Crucem eleuatio, qua se ipsum obtulit gratum sacrificium Deo. Nam quæ Deo offerebantur, in altum extolli atque eleuari consueuerunt.

Decimoquartò, crucifigi, atque à terra in Crucem extolli voluit Dominus; vt doceret nos, desideria nostra è terra euelli, sursum erigi, & ad se ipsum eleuari debere.

Decimoquintò, mori voluit Dominus, manibus pedibusque clauis Cruci confixis; vt disceremus, dum anima nostra in hoc tenebroso carcere detinetur, dumque in hoc mortali corpore versamur & viuimus, cum ipso nos ita commori debere, vt carnem nostram clauis timoris Dei crucifigamus; neque vllò vniquam pacto ab ipso patiamur auelli, vt carnales concupiscentias nostras, vanas ac fallaces huius sæculi sequamur illecebras.

B Decimasextam, & hætenus quidem finalem causam mortis Domini nostri in Crucis patibulo, illam fuisse dicemus, quia Crux aptissimum ac planè idoneum instrumentum fuit, quo mortis Christi vniuersalis virtus & efficacia signaretur. Ligno enim Crucis transversali innuebatur, diuinam mortis eius virtutem & efficaciam latissimè per orbem vniuersum sese extendere debere. Erecta verò trabe, quæ extremitate altera ad cælum eleuatur, altera terram penetrat, docemur, Saluatoris nostri mortis virtutem non hominibus tantum viuus ac mortuis, sed & ipsis quoque cælestibus spiritibus profuisse, dum nouam ipsis sanctorum hominum societatem ac supplementum attulit: per Christum enim & per sanctam eius Crucem, instaurata fuere omnia, quæ sunt in cælo & in terra, vt testatur Apostolus: qui alibi hoc quoque subtexuit: *Complacuit Deo, per eum reconciliari omnia in ipso, pacificans per sanguinem Crucis eius, sine quæ in terris, siue quæ in cælis sunt.*

C Infinitæ propemodum essent causæ, ac mysteriis refertissimæ rationes, quæ pia speculatione super hac planè admirabili materia contemplari, & scripto mandari possent. Verum ne caput hoc in prolixitatem nimiam extendatur, hæc pauca, quæ diximus, sufficiant, quæ Spiritus sancti lumine illustrante ac suggerente gratia, piorum Lectorum & contemplantium intellectus sic aperire poterunt, vt per semetipsos, causas ac rationes quamplurimas alias, altiores forsitan atque sublimiores, magno cum spirituali solatio ac profectu, speculari & contemplari valeant, ad illius laudem & gloriam, qui pro nimia sua erga nos charitate ac dilectione, vt nos ab æterna morte eriperet, in hoc teterrimo ac formidabili Crucis supplicio mortem obire voluit: qui in æternum sit benedictus, & in sæculum sæculi. Amen.

## CAPVT XI.

## De sanctæ Christi Crucis Titulo.

D CVM ea omnia quæ de sancta Cruce, ac circumstantiis eius, Spiritus sanctus diuino nobis afflatu suo suggerere voluit, præcedentibus capitibus tractauerimus; congruum planè & consentaneum videtur, vt de eius Titulo nunc agamus: quandoquidem Titulum ipsum, eiusdem sanctæ Crucis partem fuisse, aliquorum est sententia. Mos apud antiquos frequentissimus erat, cum rerum capitalium damnatus quispiam ad supplicium trahendus esset, delictum eius & causam, qua morti adiudicatus fuerat, parua tabellæ inscribere. Quæ tabella à Latinis *Titulus* appellabatur; eandemque Græci quoque, Latina voce quandoque vsurpata, vocabant *Τίτλος*. Quamobrem celebris ille Ægyptius



In Ioan.  
cap. 19.

*Damnatis  
anteferri  
solet, vel  
apponi:*

prius Poëta, cum sancti Ioannis textum in Græcum conuerteret, sic inquit: *A*  
*Γράμμα, ὅπερ καλέουσι λατρίδι τίτλον ἰωάν.* Id est, *Scriptum, quod Latina lingua titulum ap-*

*pellant.* At in diui Matthæi textu Græco, benè & signanter vocatur *αἵτια*: qua  
voce causa, materia, & titulus exprimi possunt. Atque hunc titulum in ipsa  
damnatorum deductione, quandoque anteferre, quandoque verò personis eo-  
rum, aut loco supplicij appendere, siue apponere; interdum autem vtrumque  
facere antiqui consueuerant. De præferendi more, luculentissimum testimo-  
nium ex eo Suetonij Tranquilli loco proditur, quem Brissonius, Lipsius, Baro-  
nius, ac Gretserus citant: vbi de seruo illo agitur, qui cum argenteam laminam  
detraxisset è lectis, qui in eo erant triclinio, vbi Caius Caligula Imperator so-  
lemne quoddam conuiuium dabat; manibus amputatis, eisdemque illius mi-  
felli collo appensis, eum per conuiuantium mensas circumduci iussit, præce-  
dente antè eum Titulo, qui tantè in eum animaduersionis causam proderet. Ro-

In Caligu-  
læ vita, c. 32

*ma* (inquit Suetonius) *publico epulo seruum, ob detractam lectis argenteam laminam, B*  
*carnifici confestim tradidit, vt manibus abscissis, atque ante pectus à collo pendentibus,*

*precedente Titulo, qui causam pœnæ indicaret, per cœtus epulantium circumduceretur.*  
Eiusdem etiam consuetudinis notatu dignum illud est, quod apud Eusebium  
Cæsariensem narratur in ea epistola, quam priisci Christiani, qui erant in Gal-  
liis, ad fratres in Asia atque in Phrygia commorantes dederant; exponentes iis  
truculentissima martyria, atque horribiles cruciatus, quos Sancti in ea patie-  
bantur prouincia: quo loco, dum sancti Attali Martyris passio describitur, hæc  
verba produntur: *Ac cum undique per amphitheatrum circumduceretur, Tabula, in*  
*qua Latinis litteris hæc inerat inscriptio, HIC EST ATTALVS CHRISTIA-*  
*NVS, precedente.*

Euseb. Ec-  
cles. Hist.  
lib. 5. cap. 1.

De consuetudine autem apponendi siue appendendi eundem titulum ipsis

In Domi-  
tiani vita,  
cap. 10.

damnatorum personis, euident etiam comprobatio ab eodem Suetonio elici-  
tur in Domitiani Imperatoris vita; vbi sic tradit: *Patrem familias, quod Thracem C*  
*Myrmilloni parem, munerario imparem dixerat, detractum è spectaculis, in arenam ca-*

*Item loco  
supplicij  
atque ipsi  
Cruci affi-  
gi.*

Libro 54.

more verò affigendi ipsum Titulum loco supplicij, & præcipuè (quod nostri in-  
stituti est) ipsi Cruci, perspicuus est ille Dionis locus, à Lipsio citatus & explana-  
tus; vbi agitur de seruo illo, quem dominus eius Cruci affigi iussit, cum Titulo  
siue Tabella, in qua mortis eius causa inscripta erat. Verba autem Dionis Latini-  
tati reddita hæc sunt: *Cum litteris, siue Titulo, que causam mortis aperirent.* Atque  
consuetudinis eiusdem fit etiam commemoratio in Romano & Vsuardi Mar-  
tyrologio, sub die vigesima Ianuarij; vbi dum de sancti Sebastiani martyrio  
agitur, hæc habentur verba: *Ibidem ad Catacumbas, sancti Sebastiani Martyris, qui*  
*Diocletiano Imperatore, cum haberet Principatum primæ cohortis, sub Titulo Christiani-*  
*tatis iussus est ligari in medio campo, & sagittari à militibus.* Quo loco notandum  
est, verba illa, *Sub Titulo Christianitatis*, non ita intelligenda esse, quasi innuere ve-  
lint, sub prætextu vel causa quòd beatissimus Martyr ille Christianus fuerit, vt  
quidam antiquitatis ignari autumant; sed sub Tabella, quæ loco supplicij affi-  
gebatur. Cuius antiquissimi moris, Christiane Lector, ex Actis sanctorum Mar-  
tyrum, & ex Baronij Martyrologio, plenior non tantum notionem conse-  
quæris; verum etiam perdisces, solum Christianitatis nomen, id est solam atte-  
stationem qua quis Christianus esse deprehenderetur, notorium delictum, ac  
mortis animaduersione dignum, absque alia culpa, per illa tempora censum  
fuisse. Quod breuissimè innuit etiam Tertullianus, impiam illam Ethnicorum  
immanitatem his verbis perstringens: *Denique quid in Tabella recitatis illum*  
*Christianum?* Atque de eodem fit etiam mentio, in passione sancti Cypriani.

In Apolo-  
getico ad-  
uersus Gæ-  
tes, cap. 2.

Vtraque



A Vtraque autem consuetudo, id est præferendi ante damnatos Tabellam, in qua sententia & causa damnationis eorum ad mortem inscripta erat, & affigendi titulum supplicij loco, adhuc etiam viget apud Barbaros infideles in noni Orbis (ut ita dicam) regionibus, quæ nostris temporibus detectæ sunt. Et præfertim in magna Iaponis Insula, ut aperte constat ex Relatione martyrij sex Christianorum Patrum Ordinis sancti Francisci, ex his quos Discalceatos vocant; & viginti Christi fidelium Iaponensium, qui pro sancta Christi fide Crucibus confixi fuerunt, in eiusdem Iaponensis Insulæ ciuitate Nangasacki, die quinta Februarij anni M. D. XCVII. Cum enim supradicti sex beati Patres, & viginti illi Christiani Iaponenses, post damnationem à carcere extracti essent, ut è Meaco ad ciuitatem Nangasacki deducerentur crucifigendi; Reuerendus frater Ioannes de sancta Maria Prouincialis Discalceatorum, in sancti Iosephi Prouincia, eiusdem Relationis scriptor, quæ anno Domini M. D. XCVII. Romæ typis madata, & Philippo Tertio Hispaniarum Regi Catholico dicata fuit, in suo Castellano idiomate verba hæc profert: *Amaneciendoles el felicissimo dia, en que auian de començar su pelea y desafío con el demonio los animosos Canalleros de la Cruz, fueron sacados à la verguença, repartidos en siete carretas, en que como en carros triunfales yuan antes del primero encuentro, triunfando ya del enemigo: y delante, la sententia, como estandarte y blason de su gloriosa victoria, escrita en vna tabla, leuantada en alto, en vna hasta, de suerte que todos la pudiesen ver y leer.* hoc est: Cum felicissimus eis illuxisset dies, quo fortissimi Crucis Equites atque athletæ certamen ac pro- uocationem suam cum diabolo inire debebant; ad ignominiam extracti, septem plaustris partiti atque impositi, quibus tamquam triumphalibus curribus, ante primum incursum ibant, iam de truculentissimo hostet triumphum ducentes; quos anteibat, ac velut eorum gloriosæ victoriæ vexillum, præferebatur damnationis sententia, in tabula quadam inscripta, & præaltæ hastæ cuspidi appensa, ut eam videre ac perlegere omnibus fas esset. Eorum verò crucifixione descripta, eiusdem Relationis auctor hæc verba subtexit: *Iunto à las Cruces, estava la sententia, que el Emperador auia dada, que declaraua la causa por que morian; y en cada vna puesto el nombre del Crucificado, por el orden siguiente.* Id est: Prope Cruces stabat sententia, quam Imperator tulerat; in qua mortis eorum declarabatur causa: atque in qualibet Cruce, nomen ipsius qui crucifixus erat, ordine sequenti appositum. Atque hoc pacto prosequitur singulos titulos singillatim describens, quos singulis Crucibus barbari illi affixerant. Qui, ut summam dicam, omnes ferè huic similes erant: *Leon Carazuma predicador de la ley de Christo:* id est, Leo Carazuma Christi legis prædicator.

D Ex quo firmissimum argumentum elicitur, diabolum generalissimum omnium infidelium magistrum esse: quandoquidem ab ipso tantum, nec aliunde idololatræ illi, qui huius hemisphærij rerum notionem vllam forsitan numquam habuerant, perdiscere poterant, Christianos non tantum persequi, occidere, atque in Crucem agere; verum etiam credere, Christi solam prædicationem, capitale delictum, ac titulum morte dignum esse notoriè: quemadmodum ipse idemmet totius nequitiae magister iam antiquis Ethnicis suaserat, ut tot sanctos Martyres, tantummodò quod Christiani essent, trucidarent, ac truculentissimè Crucibus suffigerent. Eodem planè pacto, quo Iudaicam perfidiam iam concitauerat, atque impulerat ad instigandum, ac rabidis clamoribus expostulandum, ut gloriosus Martyrum Rex Christus Dominus crucifigeretur.

Cuius quidem sanctæ Crucis sacratissimus ac triumphalis Titulus, quædam ligni tabella fuit, in qua hæcerat inscriptio: IESVS NAZARENVS REX IUDÆORVM: tribus scilicet distinctis, vna super aliam superpositis lineis. Quarum

Barbari  
noni Orbis  
etiam nunc  
vtrumque  
cum morem  
seruant.

Titulus  
Crucis  
Christi.



Quarum prima atque superior Hebraicis constabat characteribus, secunda A  
Græcis, tertia verò, quæ ipsius Crucifixi Domini nostri personæ erat vicinior, ac  
per consequens digniori constituta loco, Latinis litteris cælata fuerat. Quod san-  
nè licet rationabiliter credendum sit, ipsius Pilati iussu factum, quò Romanam  
linguam, vt par erat, honoraret; non tamen sine cælesti instinctu peractum cre-  
diderim. Id enim indubitanter præsignauerat, Latinam Ecclesiam, illam futu-  
ram, quæ Christo magis proxima atque coniuncta perpetuò remansura esset;  
Hebraicam verò Synagogam, cui ab initio ipsius Dei fauor tot gratiarum cum-  
mulis aspirare solebat, ingratitude atque perfidia sua sic exigente, ab ipso  
Domino Salvatore, maiore longinquitate remotam esse debere. Quod sanè Spi-  
ritus sanctus ipse, iam per Prophetam his verbis innuerat: *Et mouebo omnes gen-  
tes, & venient ad Desideratum cunctis Gentibus, & implebo domum istam gloria.* Et  
post hæc subiungit: *Magna erit gloria domus istius, plusquam prima, dicit Dominus  
Deus exercituum.*

Aggæi 2.  
A sancta  
Helena re-  
pertus.

Sozome-  
nus lib. 2.  
cap. 1.

Roma in-  
ade S. Cru-  
cis in Ieru-  
salem repo-  
situs.  
Sacri Ti-  
tuli pars in  
arcu eius-  
dem adis à  
Valentiniano  
Imp. occul-  
tata; & post  
aliquot sa-  
cula denuò  
inuenta.

Repertus fuit sacratissimus hic Titulus, & hoc planè cæleste pignus, primò B  
quidem à sancta Helena, Magni Constantini Imperatoris matre, eo in antro,  
quo Christi Domini nostri sepulcrum effossum erat, tunc cum sanctam Cru-  
cem quoq; repererat; anno videlicet salutis nostræ CCC. XXVI. vt suo loco dice-  
mus; inuentusq; ibi seorsum est, in eiusdem antri angulo quodam, ab ipsa Cru-  
ce separatus atque disiunctus, vt Sozomenus testatur his verbis: *In altera autem  
parte eiusdem loci, tres inuenta sunt Cruces: & aliud ligniculum separatim, quod tabu-  
læ gessit similitudinem, verbis & litteris non Hebraicis solum, verum etiam Græcis &  
Latinis inscriptum, quæ verba ac litteræ non aliud complectebantur, quam I E S V M  
N A Z A R E N V M R E G E M I V D A E O R V M.* Quem quidem Titulum cum  
Romam detulisset, in Ecclesia sanctæ Crucis in Ierusalem, quam Imperator su-  
pradictus & ipsa in honorem sanctæ Crucis Christi ab ea inuenta ædificaue-  
rant, postea reposuit.

Eius verò Tituli pars, vt Onuphrius Panuinus refert, à Placidio Valentinia- C  
no Imperatore, in maiore arcu eiusdem Ecclesiæ deinde inclusa, postquam ibi  
per annos circiter mille & centum occulta remansisset; demum sic permitten-  
te Deo, Innocentij Papæ Octauī temporibus quasi per miraculum apparuit;  
eo modo, qui in Bulla Alexandri Papæ Sexti sub die vigesima nona Iulij an-  
ni M. CCCC. XCVI. expedita recensetur. Qui Pontifex in huius cælestis thesauri  
inventionis memoriam, plenariam Indulgentiam, & omnium peccatorum re-  
missionem cunctis vtriusq; sexus Christi fidelibus in perpetuum concessit, qui  
pœnitentes & confessi, eandem Ecclesiam sanctæ Crucis in Ierusalem in vltima  
Dominica Ianuarij visitarent, vt tradit idem Panuinus in suo De septem Vrbis  
Romæ Ecclesiis: atque vt eadem Tituli inuentio fusiùs narratur in antiquo re-  
rum Romanæ Vrbis Diario, à Lælio Petronio, Paulo de Magistris, & Stephano  
Infessura conscripto; quod manuscriptum habetur in Bibliotheca Fuluij Ar- D  
changelī Balneoregiensis, summæ probitatis viri, ac rerum antiquarum studio-  
sissimi; vbi hæc habentur: *Die prima mensis Februarij anni M. CCCC. XCII. vene-  
runt noua de partibus Africanis; dictumq; fuit qualiter Rex Hispaniæ habuit victoriam  
de Granata, ipsamque cepit, & dominatus est; & eam fuisse captam, pactis omnibus &  
fæderibus: nam diu antè oppresserat eam. Quibus autem pactionibus, non benè scitur.  
Eadem die miraculum in vrbe fuit. Nam cum Dominus Petrus Gondisalus de Mendo-  
za, Cardinalis sanctæ Crucis, de sua impensa faceret incrustare & dealbare dictam Ec-  
clesiam; quando operarij tetigerunt summitatem arcus existentis in medio Ecclesiæ, iux-  
ta tectum, vbi adhuc sunt duæ parue columnæ, sentierunt ibi certum vacuum; cumque  
aperuissent, inuenerunt vnā paruā fenestram, in qua erat vna capsula plumbea, duo-  
rum*



**A**rum palmorum, benè clausa, & super eam erat lapis quidam quadrangulus marmoreus, ubi erant sculptæ istæ litteræ, videlicet: HIC EST TITVLVS VERAE CRVCIS. In qua capsula reperta fuit quedam parua tabula, longitudinis vnus palmi cum dimidio; quæ ab vno latere erat cõmesa, & vetustate corrosa; ibique erant cauata, ac deinde colore rubro tinctæ, infra scriptæ litteræ, siue verba: IESVS NAZARENVS REX IVDÆORVM. sed illud IVDÆORVM non erat perfectum, quia illud RV M, non nisi vsque ad R inclusivè remanserat, & illud V M ceciderat, ut dixi, quia erat tabula ab ea parte corrosa, & vetustate deficit. Et primus versus erat scriptus litteris Latinis, secundus verò litteris Græcis, & tertius litteris Hebraicis. Ad quem locum quasi tota vrbs accessit: & Papa Innocentius etiam post triduum vidit eam; iussitque permanere in dicta capsula cum quadam lamina vitrea, super altare, in festiuitate dictæ ecclesiæ. Et est omnium æstimatione, illa tabula, quam Pilatus posuit in Cruce super caput Saluatoris nostri Iesu Christi; posita ibi per sanctam Helenam matrem Constantini, tempore quo fuit dicta ecclesiæ fabricata. Hæc Diarium illud. Cuius verba

**B** nihil penitus immutata, hîc retulisse placuit. duabus enim rationibus, plurimum notatu digna esse animaduerti; tum quia exactissimè describunt, & nobis quodammodò ante oculos ponunt statum ac formam, quam sacratissimus hic Titulus, cum repertus fuerat, obtinebat; tum etiam quia monitos nos faciunt, litteras non tantum in ligno eiusdem Tituli incisas, verum etiam rubeo colore tinctas fuisse. Quocirca sciendum est, frequentissimum fuisse apud antiquos, ea quæ spectabiliora & maioris æstimationis esse vellent, rubeo colore inficere. Quod iam inde à Troiano bello licet colligere ex Homero, qui naues illas inter ceteras decantat, quæ erant rubeo colore conspersæ. Atque hinc inoleuerat vsus, librorum titulos, quo augustiores redderentur, minio conscribere. Quod innuens Ouidius, inquit:

*Nec Titulus minio, nec cedro charta notetur.*

**C** Quin etiam non librorum ac legum titulos tantum rubro conscribere antiqui consueuerant, verum etiam sepulcrorum epitaphia. Quod apertè innuit Plinius, affirmans minium in voluminibus conscribendis adhibitum, idque litterarum characteres spectabiliores reddere; siue in auro, siue in marmore, vel etiam sepulcris ipsis inscribantur. Quod planè ipsos antiquos fecisse constat, ut idem Plinius testatur; quia minium apud eos, ac præsertim Romanos, non maximè tantum, sed etiam sacræ auctoritatis erat. Quamobrem solemnioribus diebus instantibus, signi Iouis faciem minio tingere consueuerant; quemadmodum & eodem etiam minio, triumphantium vultus inficiebant. Ac propterea minio tinctus Camillus triumphauit. Æthiopes quoque eorum idolorum statuas, quæ maiore veneratione colebant, minio tingere solebant, existimantes eo modo augustiorem ea referre maiestatem. Verum sepulcrorum epitaphia minio inscribere, priscis temporibus, non Ethnicorum tantum, sed etiam ipsorum Christianorum moris erat; ut videre hodie quoque fas est in sanctorum Martyrum cæmeteriis extra Romanæ vrbis incenia, sub terra effossis; ubi lapidibus his qui ad sepulcrorum ora cæmentò impositi sunt; defunctorum nomina, rubro colore inscripta, locis quamplurimis conspiciuntur.

Ac proinde in Christi Domini Crucis Titulo litteræ rubeo colore tinctæ fuerant, non eo tantum quòd titulo tunc morituri hominis essent incisæ; verum cælesti dispensatione, ut excelsa conditio ac diuinitas herois, imò ut veriùs dicam, veri Dei & hominis, qui crucifigebatur, innueretur: ac præterea, ut litteræ ipsæ magis conspicuæ redderentur; quo è minus atque commodius perlegi possent. Quocirca non omnino à vero abesse illud quoque crediderim; ut

*Littera sacratissimi Tituli rubeo colore tincta.*

*Tituli librorum minio conscribi solent: In princip. lib. Trist. Et sepulcrorum epitaphia.*

*Lib. 3. c. 7.*

*Item Iouis idoli facies; & triumphantium vultus.*

*Nec Gentilium modò, sed & Christianorum epitaphia.*



*Areola sacri Tituli dealbata.* quemadmodum eiusdem Tituli litteræ rubeo colore erant infectæ, sic eius A quoque areolam dealbatam fuisse; vt Nicephorus Callistus, & post eum Arnoldus Mermannius in suo De sancta Cruce libello tradidere, vt iam superius diximus. Etenim & hoc ipsum Romani facere consueuerant, qui inf-

*Cruce à Romanis dealbata in maiorem rei ignominiam.*

gnioribus delinquentibus quibusdam non solito altiore tantum statuebant Crucem, verum in ipsorum reorum conditionis ac dignitatis irrisionem atque ignominiam, dealbari insuper mandabant. Quod sanè à Galba Imperatore factum quandoque legimus. Is enim cum tutor quidam veneno necasset pupillum, cui iure substitutionis ex testamento successurus erat; atque ob atrocissimum facinus Cruci damnatus, cum ab eo suppliciter expeteret, vt Crucis acerbitem atque ignominiam in aliud mitius & honestius mortis genus sibi commutaret, Romanum se ciuem contestans, ac ciuilem immunitatis consuetudinem implorans; Galba eidem mutari Crucem, atque in altiore ac dealbatam, pro ipsius personæ & vrbauitatis reuerentia, tolli iussit. De quo Suetonius Tranquillus in ipsius Galbæ vita: *Et tutorem, quod pupillum, cui substitutus heres erat, veneno necasset, Cruce affecit. Implorantiq; leges, & Ciuem Romanum se testificantem, mutari, multoque præter ceteras altiore, & dealbatam statui Crucem iussit.* B

*In Galbæ vita, cap. 9.*

*De vera sapient. lib. 4. cap. 16.*

Cum autem Dominus noster Iesus Christus, quod se Regem dixisset, irrisorie ac per summum ludibrium purpura indutus, ac spinis coronatus fuerit; consequenter etiam non à verisimili omnino abhorre censendum est, id quod Nicephorus supradictus, & ab ipso mutuatus Arnoldus Mermannius asseruit, sacratissimum Christi Domini Titulum dealbatum, præalto quodam & eminenti ligno, ad columnæ formam, Cruci superimpositum fuisse. Quod sanè non sine ingenti mysterio Deus fieri permisit. Eo enim id aperte signabatur, quod Lactantius Firmianus appositè planè his verbis expressit: *Nam quoniam is (inquit) qui patibulo suspenditur, & conspicuus est omnibus, & ceteris altior, Crux potius electa est, qua significaret illum tam conspicuum, tamque sublimem futurum, vt ad eum cognoscendum, pariterque & colendum, cunctæ nationes ex omni orbe concurrerent.* C

Verum sacratissimus hic Titulus, his quidem temporibus, neque ruboris neque albedinis præ se fert tincturam; nullumque alium, quam vetustissimi ligni colorem refert. Quo existimandum censeo, tincturas illas præ vetustate nimia, & frequenti contrectatione, euanuisse. Omnino autem atque præcisè eius est formæ ac mensuræ, qua constat hic verus ac germanus typus, quem in Saluatoris nostri honorem, atque in piorum Lectorum gratiam, hic addidimus.


*Sacri Tituli partes ad varias Christiani orbis regiones olim transmissæ.*

Ex cuius typi forma atque mensura euidenter perspicitur, sacratissimam hanc Tabellam sectione diuisam fuisse, ad alias Christiani orbis partes portionum ipsius transmittendarum gratia. Quandoquidem hæc fortasse non D nisi tertia est pars totius sanctæ Crucis integri Tituli; vt ex litterarum characteribus ibi deficientibus, aperte coniici potest. Quamobrem sanè non est, cur Calvinus, ceterique hæretici, sacrarum Reliquiarum impij contemptores & hostes, vel minimum quidem vmbra & caliginis offudisse, aut in dubium reuocasse putent sinceritatem, & veram essentiam huius pretiosi ac sacratissimi pignoris, quod hic Romæ tenemus, certissimum Christi triumphi, eiusque Crucis viuificæ testimonium, dum asserunt Titulum sanctæ Crucis Tolosæ, aliisque Christianitatis ciuitatibus reperiri. Nam id optimè congruere posse concedimus, partes eius scilicet, quæ hic defunt, illic asseruari.

Pars



PARS SVPERIOR TITVLI CRVCIS DOMINI NOSTRI IESV CHRISTI



QVI ROMÆ ASSERVATVR IN ECCLESIA SANCTÆ CRVCIS IN IERVSALEM.



Proponit diuus Ambrosius duas quæstiunculas circa materiam hanc, quam A  
præfenti capite tractauimus. quarum prima illa est, Cur scriptus fuerit Titulus,  
& Christi Cruci superpositus? altera verò, Quare idem Titulus, supra, & non  
infra Crucem collocatus? atque ambabus suauissimo eruditionis ac senten-  
tiarum lepore, respondet: *Scribitur autem Titulus, inquit, etiam secundum Ioannem,*  
Ambros. in Lucæ Euangel. c. 23. *& super Crucem ponitur: ut affixo Cruci chirographo, quod erat contrarium nobis,*  
*sententia vetusta cessaret: non infra Crucem, quia principium super humerum eius.*  
Cur scri- *Principium autem quid est, nisi sempiterna virtus eius atque diuinitas? Vnde, & ipse*  
ptus Titu- *interrogatus, Tu quis es? respondit: Principium, qui & loquor vobis. Merito supra*  
lus, & Chri- *Crucem Titulus, quia non humani corporis, sed diuina potestatis est regnum, quod habet*  
sti Cruci *Christus.*  
superposi-  
tus.

Venerabilis autem Beda, sanctum Ambrosium imitatus, duas similes ipse  
quoque quæstiones mouet, hisque scitè admodum respondet. Quarum prima  
illa est, Cur Titulus, qui testabatur Christum Regem esse, superiori Crucis lo- B  
co, non autem inferiori appositus? secunda verò, Quidnam rei sit, quòd Titu-  
lus idem Hebraicis, Græcis, atque Latinis litteris conscriptus fuerit? *Pulchrè, in-*  
quit, *Titulus, qui Christum Regem testetur, non infra, sed supra Crucem ponitur: quia*  
Beda in *licet in Cruce pro nobis, hominis infirmitate dolebat; super Crucem tamen Regis maiesta-*  
Lucæ Euā- *te fulgebat: qui aptè etiam, quia Rex simul & Sacerdos est, cum eximiam Patri suæ car-*  
gel. cap. 23. *nis hostiam in altari Crucis offerret, Regis quoque, qua præditus erat Titulo dignita-*  
Cur supra, *tem prætendit: ut cunctis legere, hoc est, audire & credere volentibus innotescat,*  
& non in- *quia suum per Crucem non perdidit, sed confirmari potius & corroborari Impe-*  
fra Cru- *rium. Vnde & Apostolus cum ignominiam Crucis descripsisset, adiunxit: Propter*  
cæ posuit. *quod & Deus exaltauit illum, & donauit illi nomen, quod est super omne nomen.*  
*Nam quòd hoc nomen Hebræè, Græcè, & Latine scriptum erat; hoc est quod*  
Cur He- *idem Apostolus subsecutus adnectit: Et omnis lingua confiteatur, quia Iesus Christus*  
braicè, Gra- *in gloria est Dei Patris. Quantum verò ad litteram, hæ tres lingue ibi præ ceteris emi-*  
cè, & Lati- *nebant. Hebræa propter Iudeos in Lege gloriantes, Græca propter Gentium sapientes,*  
ne scriptus. *Latina propter Romanos, multis ac penè omnibus iam tunc Gentibus imperantes. Velint*  
*nolint ergo Iudæi, omne mundi Regnum, omnis mundana sapientia, omnia diuinæ Legis sa-*  
*cramenta testantur, quia Iesus Rex Iudeorum est, hoc est, Imperator credentium, &*  
*confitentium Deum.*

Sanctus etiam Ioannes Chrysostomus super verbis illis, *Et scripsit Titulum*  
Homil. 84. *Pilatus*, cuidam tacitæ interrogationi respondens, duas rationes affert, quibus  
in Ioan. adductus Pilatus, in Christi Crucis Titulo verba illa inscribenda decreuerit,  
Cur verba *REX IUDAEORVM.* Et primò quidem hoc scripsit, inquit, Pilatus, ut Chri-  
illa, REX *stum excusaret. Nam cum inter duos latrones crucifigendus esset, nullo nego-*  
IUDAEO- *tio fieri poterat, ut plebs, quæ ingenti numero per solemnes illos Paschales dies*  
RVM, Pila- *Ierosolymam conuenerat, eum quoque facinorosum ac latronem esse existi-*  
tus Titulo *masset. Quocirca ut calumniantium ora obstrueret, ne quis tam turpem mor-*  
inscripte- *tis notam ei inurere posset, mortis eius causam Titulo exprimere decreuit. Se-*  
rit. *cundò verò hoc fecit, inquit, Pilatus, ut Iudæos vlcisceretur, quorum perfidiæ*  
*& insolenti peruicaciæ grauiter succensuerat: & propterea in eorum ignomi-*  
*niam, tribus linguis Regem Iudeorum scripsit; ut impia immanitas, ac barba-*  
*ra planè truculentia, qua Regem suum in Crucem egissent, vniuerso terrarum*  
*orbi innotesceret; verè opinatus, tam ignominiosam ac turpem Regis eorum*  
*mortem, populo illi summo esse dedecori. Quod sanè ipsi quoque animaduer-*  
*terant, cum dixissent: Noli scribere Rex Iudeorum, sed quia ipse dixit: Ego sum Rex*  
*Iudeorum. Quibus ille respondit: Quod scripsi, scripsi. Sicque litteras illas Titulo*  
*tamquam trophæo quodam insculpsit; clara quadam voce & Christi victo-*  
*riam*



A riam & Regnum professus; quamuis non perfectè. Hæc omnia ex sancto illo Patre secundum sensum decerpimus.

Verior autem atque solidior causa sic Christi titulum inscribendi Pilato fuit, improba, & ab omnibus decantata illa priuati status ratio, iustitiæ pro eorum iniquitate (vt putant) anteferenda. Nam cum Iudæi Christum rerum nouarum, seditionis, & affectati Regni insimulassent; quod apparenter in Cæsaris præiudicium vergere videbatur, ad quem Regni illius temporale dominium pertinebat, licet reuerà, optimè sibi conscius esset, id nihil omnino Cæsaris interesse, cum Dominus ei dixisset, Regnum suum ex hoc mundo non esse: tamen quia furentes Hebræi insolenter & importuniùs instabant, dicentes; *Si hunc dimittis, non es amicus Cæsaris: omnis enim, qui se Regem facit, contradicit Cæsari*; eximere se ipsum voluit ab omni scelestorum illorum, quæ ad Imperatorem deferri posset, querela, quòd viuum & impunitum dimisisset hominem sibi delatum, qui populos illos ad defectionem excitaret, ac seipsum Iudæorum Regem constituere moliretur. Quocircà voluntati eorum satisfacere volens, capitalem contra eum tulit sententiam, & Crucis morte damnauit. Quandoquidem etiam iuxta Romanarum legum sanctiones, seditionum auctores, ad Crucem, vel ad bestias, pro personarum conditione, damnabantur. Vnde Paulus antiquus & celebris Iureconsultus, quarto Sententiarum libro sic tradit: *Auctores seditionis & tumultus, populo concitato, pro qualitate dignitatis, aut in Crucem tolluntur, aut bestiis obijciuntur, aut in Insulam deportantur.*

Quamobrem Pilatus Titulo inscripsit: IESVS NAZARENVS REX IVDÆORVM: quo, verbis paucissimis, Christi nomen, & patriam, causamque mortis eius expressit. Nomen eius IESVS, patria NAZARENVS, & mortis causa REX IVDÆORVM. Quasi diceret: Hic iactauit se Regem Iudæorum esse, contra Romanum Imperatorem, Iudææ legitimum Regem ac Dominum; & propterea in Crucem est actus. Hæc impij Iudicis Pilati mens fuit, atque peruersa sui status ratio. Verum longè diuersum fuit immaculati Agni illius consilium, qui in ara Crucis pro nobis oblatu est; qui que illum Spiritus sui afflatu ad eundem Titulum ita inscribendum impulerat: in quo altiora sanè ac sublimiora signantur mysteria, quàm ipse mente conceperat; vt appositè cecinit Prudentius:

*Pilatus iubet ignorans, Tu, scribe, triplicis  
Dirige versiculis, quæ sit suffixa potestas:  
Fronte Crucis Titulus sit triplex triplice lingua.  
Agnoscat Iudæa legens, & Græcia norit:  
Vt venerata Deum præcenseat aurea Roma.*

*Sacra Tituli, præter Pilati mentem, mysteria.*

*In Apothecæ aduersus Iudæos.*

At mysterium, quod verbis Tituli Crucis Christi continetur, multò apertiùs expressit, ac profundius penetrauit Sedulius. inquit enim:

D *Scribitur & Titulus, Hic est Rex Iudæorum;  
Quod nihil à Deitate vacet: nam calitus actum,  
Hoc Hebræa refert, hoc Græca Latinaque lingua,  
Hoc docet vna fides, vnum ter dicere Regem.*

*Lib. 4. operis Paschalis.*

Verum sanctus Augustinus, diuino planè ingenio suo, altissimum quoddam mysterium, circa hunc Pilati actum speculatur; quod mirabiliter his verbis prodit & explicat: *Hinc & Pilatus, inquit, nonnulla vtique aura veritatis afflatus est, quando in eius passione Titulum scripsit, Rex Iudæorum, quem Iudæi conati sunt mendosi emendare. Quibus ille respondit: Quod scripsi, scripsi. quia prædictum erat in Psalmo: Tituli inscriptionem ne corrumpas. Aduertamus itaque magnum hoc & mirabile Sacramentum. Magi ex Gentibus erant, ipse etiam Pilatus ex Gentibus: illi stellam*

*De Tempore, in festo Epiphaniæ Domini, & per Octauam, Serm. 3. c. 2. tom. 10*



viderunt in cælo, ille Titulum fixit in ligno: vtrique tamen non Regem Gentium, sed Iudæorum, vel querebant, vel agnoscebant. Iudæi verò ipsi nec stellam secuti sunt, nec in Titulo consenserunt. Jam igitur præsignabatur, quod postea ipse Dominus dixit: Multi ab Oriente & Occidente venient, & recumbent cum Abraham, & Isaac, & Iacob in Regno calorum. Filij autem Regni ibunt in tenebras exteriores. Nam Magi ab Oriente, Pilatus ab Occidente venerat. Vnde illi Orienti, hoc est, nascenti, ille autem Occidenti, hoc est, morienti attestabantur Regi Iudæorum, ut cum Abraham, & Isaac, & Iacob, ex quibus Iudæi ducebant originem, recumberent in Regno calorum; nec ex eis propagati per carnem, sed eis inserti per fidem; ut ille, de quo Apostolus loquitur, oliuæ inferendus, iam præmonstraretur oleaster. Propterea quippe non Rex Gentium, sed Iudæorum ab eisdem Gentibus querebatur, vel agnoscebatur: quia oleaster ad oliuam, non ad oleastrum oliuæ veniebat. Rami tamen frangendi, hoc est infideles Iudæi, & Magis inquirentibus, ubi Christus nasceretur, in Bethlehem Iudæe respondebant: & Pilato exprobrante, quod Regem suum crucifigi vellent, pertinacissimè sæniebant. Itaque Magi adorauerunt, Iudæis ostendentibus locum Christi nascentis, quia in Scriptura, quam Iudæi acceperunt, Christum cognoscimus. Pilatus ex Gentibus manus lauit, Iudæis mortem Christi petentibus, quia sanguine, quem Iudæi fuderunt, nostra peccata diluimus. Hæc omnia Augustinus, Ecclesiæ Catholicæ lumen clarissimum; qui pro nobis semper intercedat ad Dominum nostrum Iesum Christum, cui laus & gloria in sæcula sæculorum, Amen.

## CAPVT XII.

*De triginta argenteis, quibus Christus Dominus noster venundatus est.*

**P**OST QUAM de sancta Cruce, ac de Titulo eius, satis abundè superius à nobis actum est; rationi consonum nunc videtur, ut de ceteris Christi Domini passionis ac mortis insignioribus instrumentis aliquid etiam dicatur. Verum enimverò, quia amarissimæ passionis eius, non levis quidem pars, sed grauis vehementer ac dura nimis fuit proditio impij ac scelestissimi Iudæ Iscariotis, iam ab ipso in numerum duodecim intimorum ac dilectorum discipulorum adsciti, Quæstoris ac domesticarum rerum dispensatoris; qui infami obcæcatus auaritia, & instigante diabolo, Principibus sacerdotum perfidis atq; feralibus inimicis eum prodiderat, ac triginta argenteis vendiderat; cumque proditio illa, passionis eius quasi præludium quoddam & introductio fuerit, idcirco de triginta argenteis, quibus venundatus est, primùm agemus. Variæ ac diuersæ eorum fuere sententiæ, qui diligenti peruestigatione enixi sunt, ut perquirent ac scirent, cuiusnam generis ac speciei hi nummi argentei essent, & ad quantam summam pretium illud ascenderit, quo idem nefandissimus proditor allectus, infami pactione illa conuenit, ut Dominum suum in manus Principum Sacerdotum traderet; quibus ipse dixit: *Quid vultis mihi dare, & ego eum vobis tradam? At illi constituerunt ei triginta argenteos.* Super quibus verbis scribens sanctus Hieronymus, eius est sententiæ, infelicem Iudam videlicet, damnum & iacturam, quam se passum putabat pro vnguento illo, quod mulier Euangelica super Christi caput fuderat, dum Bethaniæ in domo Simonis leprosi discumbebat, Magistri sui pretio compensare, ac sibi satisfieri voluisse; quod quidem vnguentum trecentis denariis venundari posse discipuli aestimauerant: *Infelix Iudas, inquit, damnum, quod ex effusione vnguenti fecisse credebat, vult Magistri pretio compensare.* Quocircà putauere aliqui, vnumquemque argenteum num-

Matth. 26.

In Matth.  
cap. 20.



- A nummum eiusmodi, consuetum decem denariorum pretium habuisse; ita ut omnes simul ad trecentorum denariorum summam ascenderent, qua vnguentum illud iam à discipulis æstimatum fuerat. Alij verò censuere, quemlibet argenteorum prædictorum nihil pluris omnino consueto denario valuisse: ac propterea scelestissimum Iudam, quem decimam partem pecuniarum sibi creditarum furari solitum tradunt, hoc vilissimo contentum fuisse pretio, ut decimam partem sibi compensaret, quam surripuisset ex illis trecentis denariis, quibus vnguentum illud venumdari potuisset; cum triginta illi argentei nummi, quos à Iudæis receperat, trecentorum illorum denariorum exactè decima pars fuerint. Verùm animaduertendum est, Euangelistam non eos denarios, sed argenteos appellasse: quo fit, ut opiniones istæ à Cornelio Iansenio Gandauen-  
Varia de pretio argentei opinionones.  
 In Concordia Euang. cap. 128.  
 Episcopo, Commentariorum suorum libro in Euangelicam Concordiam, meritò reprobentur. Testatur enim, dictionem hanc *argenteos*, substantiuè acceptam, de omni nummo argenteo dici: & propterea probabile non esse, nummos, de quibus hîc mentio habetur, fuisse denarios, sed siclos, qui & ipsi argentea fuere numismata: familiareque admodum Hebræis esse pro argenteis intelligere siclos; cum Latina hæc dictio Argentei, Hebræis sit Cese-ph, quod argentum significat. Atque ad huius sententiæ suæ probationem, sacrum ibi textum adducit, libro secundo Regum, capite decimo octauo; vbi Ioab iuuenem illum qui ei nuntiauerat vidisse se Absalonem quercu capillis appensum, sic affatur: *Si vidisti, quare non confodisti eum cum terra? & ego dedissem tibi decem argenti siclos, & vnum balteum? Qui dixit ad Ioab: Si appenderes in manibus meis mille argenteos, nequaquam mitterem manum meam in filium Regis.* Quo quidem textu clarè perspicitur, pro argenteis siclos, & pro siclis argenteos intelligi: Septuaginta enim vtrumque hunc locum exponentes vtroque habent *σίκλος ἀργυρίου*, id est, *siclos argenti*. Et Flavius Iosephus, hanc Absalonis historiam & ipse prosecutus, vtroque siclos argenti scripsit: sic enim Latinitati traditus, inquit: *Quod animaduersum quidam è militibus Davidis indicauit Ioabo; eoque quinquaginta siclos promittente, si illum confoderet, respondit: Nec si duo millia daturus esses, facerem hoc domini mei filio.*

*Iansenius siclum fuisse asserit.*

2. Reg. 18.

Antiquit. Iudaicarum lib. 7. c. 9.

*Duplex siclus; alter Sanctuarij, alter communis.*

- D *Siclus autem, id est, stater, habet drachmas quattuor. Drachmæ autem octo, Latinam unciam faciunt.* Idem etiam scribit Iosephus, inquiens: *Siclus nummi genus est apud Hebræos, quales sunt tetradrachmi Attici.* At de secundo, id est, de communi siclo agens sanctus Epiphanius, ita scribit: *Siclus, qui & quadrans dicitur, quarta pars est uncie, dimidium stateris, habens drachmas duas; uncia enim erant octo drachmæ.* Et Marianus Victorius Reatinus, in Indice, quem ad diui Hieronymi opera addidit, de primo siclo pariter agens, affirmat, quattuor argenti drachmas habuisse; & tanti ad vnguem tunc pensum, quanti Romæ nunc quattuor ex his argenteis nummis, quos Paulos seu Iulios vocant: testaturque vnum ex his antiquissimum eiusdem omnino ponderis penes se habere, cui ex parte altera insculptum est vas illud, quod Hebræi Gomer appellabant, in quo Manna as-

In Ezech. cap. 4.

Antiq. Iudaic. lib. 3.

cap. 9.

In libello De mensuris & ponderibus.



seruabatur; ex altera verò virga Aaron. Atque alteri quidem lateri Samaritanorum litteris, quæ eadem erant quibus Hebræi antiquitus utebantur, inscriptum erat: IERUSALEM SANCTA, alteri verò SICLVS ISRAEL. A

Antonius autem Augustinus, Tarraconensis Archiepiscopus, in libro suorum Discursuum super antiquorum numismata, quem Hispanico idiomate conscripsit; ipse quoque de eodem siclo hæc verba facit, quæ Latinitati reddimus: Siclus, inquit, quem ego primarium numisma ciuitatis Ierosolymæ fuisse puto, quod nummi genus est? Ex altera parte vas quoddam habet ad calicis similitudinem, ex altera verò tres flores, siue auellanas, atque inscriptionem quarundam antiquarum litterarum; quæ, vt doctissimorum virorum relatione accepi, ex his sunt quibus Samaritani utebantur: & vt Rabbini quidam Gerundensi ciuitate oriundus tradit, ex altero latere dicunt IERUSALEM CIVITAS SANCTA, altero autem SICLVS SANCTVARI. Auellannarum ramus virgam Aaronis significat; calix verò, vas illud Mannæ, quæ B  
 ▼nà cum eadem Aaronis virga, & Legis tabulis, in fœderis Arca, in Sancto Sanctorum asseruabatur. Ex his autem vnum penes me habeo, quattuor drachmarum ponderis. Hæc ille: qui insuper ibi prodit eiusdem sicli imaginem, quam nobis etiam in studiosorum gratiam hîc addere placuit:

*Sicli Sanctuarij imago.*



*Quantum nefaria proditoris pretium: Judas acceperit.*

Quamobrem si triginta argentei illi, proditori Iudæ traditi, primæ speciei sicli fuerunt, id est sicli Sanctuarij; Saluatoris nostri venditionis pretium, ad duodecim scutorum huius Romanæ monetæ summam exactè ascendisset. Sicq; idem Iansenius se credidisse ostendit. nam ex his quæ superius dixerat argumentatur, Christum Dominum nostrum venditum fuisse pretio quindecim florenorum argenti, monetæ Belgicæ, qui idiomate illo *Daelders* appellantur, quibus eadem ferè summa conflatur. At si secundæ speciei sicli fuerunt; idem pretium, non nisi ad dimidiatam summam prædictam ascendisset, id est, ad sex scutos, decem Iuliorum pro singulis. Verùm enim verò rationi prorsus repugnans id videtur, vt credat quis, scelestissimum Iudam adeò vili pretio induci potuisse, vt pientissimum atque dulcissimum Dominum suum proderet: tutiusque ac certius videtur, id præsumi atque firmiter teneri, vt longè maiore summa ac pecuniarum quantitate pellectus, infami auaritia pertrahente, in impiissimum illud facinus sit prolapsus: maximè verò cùm factu impossibile fuerit, vt sex aut duodecim scutorum pretio, Principes sacerdotum emere potuerint, prout eadem pecunia, quam Iudas pœnitentia ductus in templum proiecerat, reuerà emerunt agrum in sepulturam Peregrinorum; agrumque eius amplitudinis præsertim & capacitatis, quò inferri possent cadauera Peregrinorum qui Ierosolymis decedebant, cùm quamplurimi in eam urbem tunc confluerent: & quod magis planè refert, tam prope eiusdem sanctæ Ciuitatis mœnia, vbi territoria non nisi grandi pecunia vendebantur. Erat enim ager ille, qui propter Christi passionem ac mortem acerbissimam, Haceldama, id est ager sanguinis postea appellatus est, ad radices montis Sion, versus Meridionalem plagam situs; & consequenter vrbi ipsi vicinior, quàm prædium vllum aliud esse posset; vt apertissimè colligitur ex eo quod scriptum est in illius parui Tractatus principio, cuius inscriptio est, *De locis Hebraicis, in Actis Apostolorum*, qui diuo Hieronymo tribuitur: vbi asseritur, quòd ad vsque ipsius Hieronymi tempora, siue cuiuslibet alterius, qui eiusdem doctissimi opusculi auctor fuerit, cum in C  
D  
 locum

*Ager eo emptus in sepulturam peregrinorum, haud exiguum fuisse indicat.*



**A** locum efferri consueuerant pauperum cadauera, qui Ierosolymis moriebantur. Quandoquidem tunc adhuc vigeat introducta consuetudo, ibidem sepeliendi pauperes & peregrinos, ex quo Principes sacerdotum agrum illum eodem pretio emerant, quod Iudæ iam destinatum ac persolutum fuerat. Sic enim libellus ille habet: *Haceldama ager sanguinis: qui hodie quoque monstratur in Ælia ad Australem plagam montis Sion: & hætenus iuxta Iudæorum consilium, mortuos ignobiles, alios terra tegit, alios sub diuo putrefacit.* Hæc ibi.

Quod si Abraham iam ab Ephron filio Seor Heti, in prouincia Chanaan Genes. 23. agri iugerum comparauit, quo dilectam vxorem Saraim sepeliret, quadringentorum siclorum argenti pretio; quos Septuaginta Interpretes didrachma appellauere, id est duarum drachmarum singulos, qui octuaginta scutorum huius Romanæ monetæ summam conflarent; illudque magis gratuito, quam pretio obtinuerat: quanto maiore pecuniarum summa opus fuisse putandum est, in **B** emptione agri eius amplitudinis & capacitatis, quæ non ad vnius tantum familiarum mortuos condendos, sed ad omnes peregrinos, qui Ierosolymis vita fungerentur, satis esset? atque non remoto quidem aut longinquo coemptus loco, verum in ipsius regis ciuitatis propinquioribus suburbanis? Quamobrem illud longè magis quadrare, rationique & verosimili inniti videtur, quod super id appositè scripsit Cardinalis Baronius, qui solida planè ratione innixus, existimauit, eorundem triginta argenteorum rationem habendam esse, iuxta distinctionem eam, quam tradit Elias Leuita Iudæus in libro suo, cuius est titulus Annalium tom. I. anno Christi 34.

**T I S E B I.** Is enim (inquit Baronius) maiorum suorum diligenti obseruatione didicisse testatur; quod vox ista *Argenteus*, si posita reperiatur in Pentateucho, *Selagh*, id est, siclum vnum significat; si verò reperiatur in Prophetis, *Litrin*, nempe libram signat: sin autem in Hagiographis, eadem dictione exprimitur *Cantarim*, quod talentum dicimus, siue cantarum. Quam distinctionem ex Rab- Varia argentei in Sacris litteris significatio.

**C** binorum aliorum auctoritate recitat ac probat etiam Arias Montanus, in Dictionario suo Syrochaldaico, in verbo *Cheseph*. Quocirca cum sanctus Mattheus Euangelista, de triginta hisce argenteis agens, Prophetiam de ea re prædictionem afferat, inquiens: *Tunc impletum est, quod dictum est per Ieremiam Prophetam, dicentem: Et acceperunt triginta argenteos, pretium appetiati, quem appetiauerunt à filiis Israël: & dederunt eos in agrum figuli:* sanè necessario dicendum est, Euangelistam tacitè innuere voluisse, eorundem triginta argenteorum eam rationem habendam esse, quam Prophetæ passim habere consueuerant; eosque pro triginta libris argenti computandos; quæ trecentorum scutorum huius Romanæ monetæ ad minus conflarent numerum. Cuius summæ auiditate atque helluatione infamis proditor ac latro Iudas illectus, execrabilem atque horribilem prodicionem, quam diximus, orsus & machinatus est, atque ad finem perduxit. Matthæi c. 27.

**D** Iam verò, cum eorum triginta argenteorum veram rationem ac pretium in lucem prodiderimus, perfacile planè erit, omnem conciliare disceptationem & controuersiam, circa eorundem nummorum genus, speciem, ac formam hætenus ortam, & quæ in futurum oriri poterit. Quandoquidem credibile admodum est, in insigni ea pecuniarum summa, quam triginta argenti libræ conflare possunt, diuersas numismatum interfuisse species, non siclorum tantum, quæ Argentei quos Iudas accepit, pro argenti libris computandi. ipsius ciuitatis Ierusalem propria erat moneta; verum & aliorum Principatum, præsertim verò Rhodianæ Reipublicæ, cuius longè lateque tunc diffundebatur potentia; & cuius monetæ in Iudæa ipsa, & per vniuersum Romanum Imperium, tamquam amicorum numismata, passim expendebantur: erantque eiusdem typi, cusionis, ac formæ, vt sunt ea numismata, quæ Romæ in Ecclesiis sanctæ Nec vnius speciei omnes fuere, nec à solis Iudæis cusi.



*Admirabi-  
lis Rhodi  
Colossus.  
Vide Hi-  
storiam no-  
stram illu-  
strissimæ  
Religionis  
Ierosoly-  
mitanæ.*

*Rhodiana  
Reip. nu-  
mismata.*

sanctæ Crucis in Ierusalem, & sancti Ioannis decollati, ostenduntur : quibus ab altero latere imberbis iuuenis cuiusdam facies insculpta est, promissa cæsarie, radiisque redimita; quam celeberrimi illius Solis Colossi effigiem esse volunt, olim Rhodi ab excellentissimo artifice Charete Lyndio, Lysippi discipulo, ex ære, ac septuaginta cubitorum altitudine fabricatam, qui inter septem orbis miracula adnumeratus est, ut nos alibi fusiùs tradidimus. Ex altero verò prædictorum Rhodianorum numismatum latere cusus est flos quidam, ad eorum panem similitudinem, quos vulgò Campanellas vocant; siue veriùs Rosa sit, non in totum adhuc expansa foliis; quibusdam Græcis insculptis litteris, quæ ΠΟΛΙΩΝ exprimunt. Cuius ve-



B

Aliud simile numisma Melitæ penes sacram Religionem & illustrissimam Militiam sancti Ioannis Ierosolymitani reperitur, ibidem summa veneratione, vnâ cum plurimis aliis sanctissimis, quas secum è Ierosolymis attulerat, asseruatum Reliquiis : quod quidem in omnibus simile est his quæ Romæ visuntur; eo diutaxat excepto, quòd ex altero latere caput ibidem cusum nullis radiis est redimitum, ex altero verò nullæ insculptæ sunt litteræ. Ex quibus numinis aliquos argenteos penes me habeo, in ipsius typi impressione fusos, à Ioanne Othone Bosio fratre meo, eiusdem sacre Religionis Vice-cancellario, ad me transmissos, quos magna veneratione custodio; nummorumque, quos Romæ Iulios vocant, vnius & semis argenti pondus habent. Alius quoque similis (ut accepi) Parisiis ostenditur, in Ecclesia sancti Ioannis Laterani, quæ eiusdem sacre Religionis & illustrissimæ Militiæ est Præceptorum : cuius Budæus in libro suo De asse, his verbis meminit : Trīginta argenteos, quo præ-

*Budæus De  
asse, lib. 5.*

tio Iudas sceleratissimus perfidiam indicare sustinuit, Iudeis licentibus, non triginta denarios fuisse propterea arbitror, quòd ubique argenteos legi, numquam denarios, idest Græcè argyria, non denaria. Scio hodie in æde diui Ioannis Lateranensis, Parisiis, ostendi argenteum vnum, qui ex illis esse dicatur, quos Iudas in templum abiecit, characterem diuersum à denario habentem. Habet enim effigiem hominis non luscæ, eminente altera mala, ut Romana numismata visuntur, sed aduersam, & integram : & à tergo flosculum, vtrunque nullo indice. Pondus, ut conijcere licet (non enim attrectatur, sed trans vitrum cernitur) didrachmus esse potest, si satis memini. Quibus verbis apertè coniicitur, nummum illum, qui Parisiis in Ecclesia sancti Ioannis Lateranensis ostenditur, per omnia similem esse illi, qui Melitæ, ut diximus, à sacra Religione, & illustrissima Militia sancti Ioannis Ierosolymitani asseruatur, cuius imago est huiusmodi.



D

*Nummo-  
rum, qui  
Romæ &  
Melitæ  
asseruan-  
tur, eximia  
virtus.*

Nulli dubium esse debet, nummos istos ex illis fuisse, quibus Dominus noster Iesus Christus venditus fuit. Nam præter ea quæ superius diximus, quibus intellectui cuiuscumque scrupulosi ac nimium curiosi hominis satisfieri penitus potest, clementissimo Saluatori nostro in passionis suæ memoriam placitum est iisdem sacris nummis virtutem eam infundere, qua electi ac pij fideles plurima atque ingentia beneficia obtineant, ut experimento comprobatur ex his qui Romæ, atque ex eo longè euidentius qui Melitæ asseruatur. Cuius quotannis plurimas impressiones effingunt ex candida cera Paschali, quæ in die Sab-

bati



**A** bati maioris Hebdomadæ, inter Missæ solemnia, magna pietate sacris Militibus, Religiosis, ac populo distribui solent; qui summa veneratione à fidelibus asseruantur. Quandoquidem in maris tempestatibus leniendis, aliisque humanis periculis ac discriminibus auertendis, sæpius vtiliter probati sunt: quod in historia nostra sacræ Religionis, & illustrissimæ Militiæ sancti Ioannis Ierosolymitani fusiùs prosecuti sumus.

Parte 3.  
lib. 19.

**B** præfiguratam fuisse Christi Domini venditionem in Iosepho Iacobi Patriarchæ filio, qui à propriis fratribus venumdatus est, Beda venerabilis his verbis tradit: *De cisterna quoque eleuatus, inquit, Ismaelitis, id est, Gentibus, venditur. Et Christus, posteaquam egrederetur de Inferno, ab omnibus Gentibus fidei commercio comparatur. Ille per Iudæ consilium, triginta distrabitur, & hic per consilium Iudæ Ischariot, triginta argenteis venumdatur.* Hæc ille. Verùm in antiquis sacrisque paginis non præfiguratum tantùm, sed etiam apertis verbis pænè prædictum inuenimus, Christum Dominum ab vno ex familiaribus ac domesticis eius dolosè tradendum, ac vendendum esse. Quocirca Ruffinus Aquileiensis ait: *Edocemur in Euangelio, quòd Iudas vnus de amicis & conuiuiis Christi tradiderit eum. Audi hoc quomodo pronuntietur in Psalmis: Qui manducauit, inquit, panes meos, ampliauit aduersum me supplantationem. & alibi: Amici, inquit, mei, & proximi mei aduersum me appropinquauerunt, & steterunt. & iterum: Molliti sunt sermones eius super oleum, & ipsi erunt iacula. Vis audire quomodo molliti sunt? Venit, inquit, Iudas ad Jesum, & dixit ei: Ave Rabbi, & osculatus est eum. Per molle igitur osculi blandimentum, execrabile iaculum prodicionis infixit. Vnde Dominus ad eum dixit: Iuda, osculo Filium hominis tradis? Triginta argenteis audis eum appretiatum esse, cupiditate proditoris. Audi de hoc Prophetica Vocem: & dixi, inquit, ad eos: Si bonum est in conspectu vestro, date mercedem meam, aut abnuite. & post hæc: Et accepi, inquit, triginta argenteos, & misi eos in domum Domini conflatorium. nonne hoc est, quod in Euangelio scribitur: Quia Iudas pœnitentia ductus, reportauit pecuniam, & proiecit eam in templo, & discessit? Benè autem mercedem suam dixit; velut imputantis & exprobrantis affectu: etenim tam multa bona opera apud eos egerat, cecos illuminauerat, claudis pedes, paralyticis gressum, mortuis quoque reddiderat vitam. Pro his igitur omnibus bonis, mercedem ei restituuunt mortem, triginta argenteorum æstimatione pensatam.* Hæc Ruffinus.

Saluatoris  
venditio in  
Iosepho Pa-  
triarcha  
præsignata.  
Beda in  
Genes. c. 36  
tom. 4.  
Eademque  
in Sacris  
luteris a-  
pertius  
prædicta.  
Comment.  
in Symbol.  
Psalm. 40.  
Psalm. 37.  
Psalm. 54.  
Matth. 26.

Lucæ 22.  
Zachar. 11.

**D** Quòd Christus Dominus proditus ac venditus fuerit, quodque de pretio eius ager in sepulturam peregrinorum emptus sit; hoc (inquit Cornelius Ianfenius) non sine ingenti mysterio, ad Christi gloriam faciente, est perpetratum. Per hoc enim significatum est, morte Christi comparatam veram quietem his, qui hîc velut aduenæ & peregrini degunt, ius ciuitatis supernæ Ierusalem consecuti. Deinde quòd pretium illud, tamquam profanum à Iudæis æstimatum, non cesserit in sacerdotij & templi Iudaici vsum, sed potius ad vsum pauperum & peregrinorum; significauit sanguinem Christi potissimum peregrinis & aduenis Gentibus profuturum, pereuntibus in sua impietate, propter incredulitatem, Iudæis. Consilio autem inito Iudæi (inquit diuus Hieronymus) propositoque quid de pecuniis, quas Iudas in templum proiecerat, facere deberent; emerunt ex illis agrum figuli, in sepulturam peregrinorum. Illi quidem fecerunt alia voluntate, vt æternum impietatis suæ relinquerent ex agri illius emptione monumentum. Ceterum nos, qui peregrini eramus à Lege & Prophetis, praua eorum consilia suscepimus in salutem, & in pretio sanguinis eius requiescimus. Figuli autem ager appellatur, quia figulus noster est Christus.

In Cõcord.  
Euangel.  
cap. 140.  
Agri in se-  
pulturam  
peregrino-  
rum pretio  
prodicionis  
empti my-  
sterium.

In Matth.  
cap. 27.

*Dum pretium sanguinis, ait diuus Ambrosius, à Iudæorum gazophylaciis separatur, & ager figuli ea, qua venditur Christus, comparatur pecunia, dum is locus humanis peregrin-*

In Lucæ  
Euangel.  
c. 22. tom. 3



Gen. 2.

peregrinorum reliquiis dicatur, & prophetia impletur oraculum, & surgentis Ecclesie A  
mysterium reuelatur. Ager enim secundum diuina praecepta, mundus hic omnis est: figulus  
autem ille, qui nos formauit è limo, de quo habes in Veteri Testamento: Quia finxit Deus  
hominem de limo terræ: formandi per naturam, reformandi per gratiam, habens pro suo  
arbitrio potestatem. Nam et si propriis vitiis corruamus, per illius tamen misericordiam  
resumpto mentis spiritu, secundum Ieremie oracula, reformamur. Pretium quoque san-  
guinis est pretium Dominicae passionis. Ergo pretio sanguinis emitur mundus à Christo.  
Venit enim, ut saluetur mundus per ipsum: in quo iuxta ut opus Auctoris, & ius est.  
Venit ergo ut consepultos per Baptismum, & commortuos Christo, ad perpetuitatis  
gratiam reseruaret. Sed non passim omnibus ad sepeliendum est locus. Nam et si omnes  
mundus includat, non omnes reseruat. Et si communis habitatio, tamen legitima sepultu-  
ra est eorum scilicet, qui nunc sunt per fidem domestici Dei, sed fuerunt in Lege peregrini.

Ephes. 2.

Qui sunt isti, nisi de quibus dicitur: Memores estote, quod aliquando vos Gentes, qui  
eratis in carne, alienati à conuersatione Israël, & peregrini promissionis Testamentorum. B  
Sed hi nunc iam non sunt aduenæ atque peregrini, quoniam ciues Sanctorum esse, fidei iu-  
re meruerunt. Hæc Ambrosius.

Cur pretiū  
illud in ga-  
zophylaciū  
non sit illa-  
tum.

In Matth.  
cap. 26.

De gloria  
& honore  
Filij homi-  
nis, tom. 3.

Verum, quod pecuniæ, quibus Christus Dominus venditus fuit, non perue-  
nerint in gazophylacium, siue ærarium, quod Corbona dicebatur, ubi obla-  
tiones asseruabantur, quæ templo Ierosolymorum offerri consueuerant, inter  
Sacerdotes postea distribuendæ; hoc sanè præcipua Dei optimi maximi vo-  
luntate factum est. Quandoquidem gazophylacium ipsum, & templum, ce-  
teræque insignes prærogatiuæ omnes, quas impij ac perfidi illi ex Dei præcipua  
in eos munificentia obtinebant, merito ab iis auferendæ erant. Quamobrem  
Rupertus Abbas inquit, emisit ludæos ex pecuniis illis terræ iugerum, quod  
ager sanguinis postea appellandus esset; hoc illis in præsagium infauitissimum,  
nobis verò in bonum cessisse. Nam ager sanguinis illis tota est Christi Ecclesia,  
quæ sanguinem illum vsque hodie fidelissimè bibit, clamantem ad Deum, ad- C  
uersus maledictos illos, instar sanguinis Abel iusti, de quo Dominus ad Cain  
dixit: Vox sanguinis fratris tui clamat ad me de terra: nunc igitur maledictus eris su-  
per terram, quæ aperuit os suum, & suscepit sanguinem fratris tui de manu tua. Verum  
quis hoc nesciat, quonam pacto nos peregrini in agro huiusmodi sepulti simus?  
Quicumque baptizati sumus, inquit Apostolus, in Christo Iesu, in morte ipsius  
baptizati sumus. Consepulti enim sumus per Baptismum in mortem cum ipso;  
cui nomini sanctissimo, æternus honor sit, & benedictio, laus, gratiarum actio,  
& gloria, per infinita sæculorum sæcula. Amen.

## CAPVT XIII.

De Columna, ad quam Christus Dominus flagellis cæsus fuit.

Crucifixio-  
nem flagel-  
latio, more  
& lege Ro-  
manorum,  
anticinit.

D  
EGIMVS superius detriginta argenteis, quibus Christus Dominus vendi-  
tus fuit, impij ac scelestissimi ludæ iniquitatis gratia; cuius proditio, ut  
diximus, introductio quædam atque initium passionis eius extitit. Verum quia  
flagellatio crucifixionem ut plurimum anteire solebat; ideò de columna, ad  
quam idem Dominus ac Saluator noster flagellis cæsus fuit, præsentī hoc capite  
tractabimus. Peruetus, & planè recepta consuetudo, apud plerasque orbis natio-  
nes fuit fustigandi eos, qui rerum capitalium iudicio ad Crucem damnati es-  
sent, antequam Crucibus suffigerentur. Quod auctoritatibus quamplurimis  
Lipsius comprobat: idque à Romanis præcipuè, non consuetudine tantum, sed  
expressæ legis sanctione inuiolabiliter obseruatum. Quamobrem cum diuus  
Hiero-



A Hieronymus verba illa Euangelistæ Matthæi exponeret, *Iesum autem flagellatum tradidit ut crucifigeretur*; inquit: *Sed sciendum est, Romanis eum legibus ministrasse, quibus sancitum est, ut qui crucifigitur, prius flagellis verberetur.* In Matth. cap. 27.

Erat autem Romanorum lex, de qua Hieronymus hoc loco meminit, ea quæ Duumvirorum contra perduelliones appellabatur, id est aduersus eos, qui tamquam hostes publici publica morte plectendi essent; de qua superius capite septimo mentionem fecimus; cuius horribile ac tremendum decretum Titus Liuius his verbis refert: *Duumviri perduellionem iudicent. si à Duumviris prouocarit, prouocatione certato. Si vincent, caput obnubito, infelici arbori suspendito: Verberato vel intra pomerium, vel extra pomerium.* Decad. prima, lib. 1.

Tria fustigationum genera apud Romanos erant in usu. Quorum primum fustuarium erat, secundum virgæ, tertium verò flagellatio. Fustuarium autem, quod Græci *ξύλοκοπία* vocauere, duplici more, tum ad vltimum supplicium, tum ad castigationem adhibebant. Modus quidem ad vltimum supplicium irrogandi, à Iacobo Gretsero libro suo De sancta Cruce describitur, à Polybio desumptus. Erat autem huiusmodi: Cum miles quispiam ad supplicium illud damnatus esset, Tribunus fustem capiens, condemnatum leuiter tangebatur; quo factò, omnes qui in castris aderant, fustibus aut lapidibus eum ita impetentes percutiebant, ut plerosque ibi in ipsis castris occiderent. Quòd si quis eorum fortè euaderet, non tamen saluus erat, nec viuere poterat; quandoquidem in patriam ei non dabatur reditus, nec cuiquam in domum aut sub tectum eum recipere fas erat: ideoque omnino ei moriendum erat, quem ea calamitas attigisset. Verùm cum fustuarium non ad mortem, sed ad castigationem inferebant, vitium bacillis, aut aliis fustibus verberabant. Vitis autem honoratior, ideoque in ciues tantum usurpata. Quocirca Liuius minoris Scipionis Africani ad Numantiam res gestas memoriæ prodens, inquit: *Quem militem extra ordinem deprehendisset, si Romanus esset, vitibus; si extraneus, fustibus cecidit.* Triplex fustigationis genus apud Romanos. Libro 57. epitom.

Secundum fustigationis genus, à Romanis in miseros morti adiudicatos adhiberi consuetum, virgæ erant; quæ ipsis baculis seu fustibus inhonestiores habebantur, imò & acerbiores. Inhonestissima verò omnium & acerbissima flagellatio; ideoque in seruos tantum usurpata. Quamobrem Macer, seu Marcus Iureconsultus: *Ex quibus, inquit, causis liber fustibus caditur, ex his seruum flagellis cedi, & domino reddi iubetur.* Quo sanè maiore admiratione dignior Christi Domini humilitas ac patientia comprobatur: qui, ut personam serui, quam assumpserat, in omnibus exhiberet, nosque ab æterna seruitute, & à damnatione perpetua liberaret; in acerbissima sua passione, tamquam seruus etiam flagellari voluit. Flagella autem, quibus miseri serui ac damnati cædebantur, funibus fieri consueuerant; eaque exasperabant aliquando ossiculis, insitisque talis, & taxillis, seu stellulis, calcarium instar. Quandoque verò ex corij corrigiis siue loris fiebant, hisque præsertim Christus Dominus noster flagellatus fuisse videtur; ut ex Nonni Græco illo carmine colligitur, quod à Lipsio sic interpretatum est: Flagellatio inhonestissima, & propria seruorum. Macer lib. 2 De publicis Iudiciis. Habetur in Digesto nouo, L. In seruum. tit. De pœnis. Qualibus flagellis Christus cæsus. Nonnus in Ioan. c. 19.

*Horribili Christi corpus rubescit habena.*

Idque magis authenticè & clariùs comprobatur ex his quæ Theophylactus scripsit, qui Latinitati redditus, inquit: *Tandem succumbens Pilatus voluntati eorum, flagellauit Dominum, hoc est, cecidit eum loris.* Flagellis cædi consueuerant morte damnati, quandoque antequam ad supplicium deducerentur, in publicis carceribus, vel in ipso palatio Prætorio, ut Christus Dominus iubente Pilato cæsus est: aliquando in ipsa deductione: aliquando verò in eodem loco, vbi vltimo afficiendi erant supplicio. Cum in supplicij loco eos verberabant, ad



palum humi infixum alligare consueuerant; vt ex historiarum monumentis A  
 Titi Liuij & Sallustij, ex Cæsaris commētariis & Ciceronis scriptis, locis quam-  
 plurimis elicitur, præsertim verò vbi inquit: *Nomine sceleris coniurationisque dam-*  
*nati, ad supplicium traditi, ad palum alligati.* Verùm cùm in ædibus publicorum  
 carcerum, vel in palatio Prætorio eos fustigabant, columnæ deuinciebant:  
 sicque in Ierosolymorum palatio Prætorio ad columnam alligatus Christus,  
 flagellatus est. Quòd etsi de columna huiusmodi Euangelistæ nullam mentio-  
 nem fecerint, in dubium tamen nullo pacto reuocari debet: non modò, quòd  
 in Prætorij aulis & cameris palus figi non poterat, sed etiam quia grauissimis  
 auctoritatibus probatur, antiquorum mos ad columnas alligandi eos quos fla-  
 gellis cædendos ac torquendos decreuissent. Idque frequenter ab Ethnicis in  
 sanctos Christi Martyres vsurpatum comperimus. Cuius rei luculentissimum  
 apud Eusebium prodit testimonium Phileas Thmuitensis Episcopus, dum lu-  
 dibria atque tormenta, quæ Christi fideles suis quidem temporibus Alexan- B  
 driæ sustinebant, litteris referret, inquit: *Alij vultu alterius in alterum obuerso*  
*ligati, & columnis, pedibus non ad terram demissis, appensi.* Quæ verba sic etiam re-  
 fert Nicephorus: *Alij porro ad columnas, vultu ad eas conuerso, ita alligati erant, vt*  
*pedibus non insisterent.* Quam efferatam planè immanitatem sanctus etiam Gre-  
 gorius Nazianzenus impio Iuliano Apostatæ exprobrat, asserens, quòd propter  
 illius impietatem temporibus suis columnæ cernebantur tinctæ & aspersæ san-  
 guine fidelium ac sanctorum, qui ad illas alligati virgis cædebantur: *Columnas,*  
*inquit, cruoris plenas, piorum manibus atque complexu, dum virgis conciderentur, per*  
*orbem cinctas.* Nec parui fanè momenti ad rem hanc Prudentij auctoritas esse  
 videtur, qui apertè tradit, Christum Dominum columnæ deuinctum, seruilem  
 in modum flagellis cæsum; sic enim metro testatus est:

In Enchi-  
 ridio.

*Vinctus in his Dominus stetit ædibus, atque columna*  
*Annexus, tergum dedit vt seruile flagellis.*

S. Hieron.  
 in epita-  
 phio Pau-  
 læ, epist. 27.  
 cap. 4.

Verùm his omnibus diui Hieronymi auctoritas, meo quidem iudicio, præ-  
 ponderat. Testatur enim ipse, sua adhuc ætate Ierosolymis ostendi colum-  
 nam quamdam, templi porticum sustententem, Domini nostri Iesu Christi  
 sanguine tinctam, ad quam pertractus, alligatus, & flagellatus fuit: *Ostendeba-*  
*tur, inquit, illi columna, Ecclesiæ porticum sustinens, infecta cruore Domini, ad quam*  
*vinctus ducitur, & flagellatur.* Ad quod prædictus etiam alludens Prudentius,  
 sic cecinit:

Prudent.  
 loco citato.

*Perstat adhuc, templumque gerit veneranda columna.*

In libello  
 De locis  
 sanctis.

At in peruetusto libello illo, cui titulus est *De locis sanctis*, à Beda in compen-  
 dium redactò, asseritur; columnam illam eiusdem Bedæ temporibus perstare  
 in templi medio, quod à sancta Helena in monte Sion ædificatum fuerat. *Sed*  
*& columna marmorea, inquit, in medio stat ecclesiæ, cui adherens Dominus flagellatus*  
*est.* Eiusdem etiam columnæ meminit Nicephorus, dum Ecclesias ceteraque  
 pia ædificia recolit, ab eadem sancta Helena Ierosolymis aliisque Iudææ lo-  
 cis constructa: *In eo, inquit, templo marmorea quoque columna fuit, ad quam, cùm*  
*flagellis caderetur, alligatus est Seruator.* De hac itidem columna sanctus Grego-  
 rius Turonensis hoc notatu dignum memoriæ prodidit: *Ad hanc verò colum-*  
*nam, inquit, multi fide pleni accedentes, corrigias textiles faciunt, eamque circumdant;*  
*quam rursum pro benedictione recipiunt, diuersis infirmitatibus profuturas.*

Nicephor.  
 Callistus,  
 lib. 3. c. 30.  
 S. Gregor.  
 Turonensis,  
 de gloria  
 Martyrū,  
 lib. 1. c. 7.

Qualis &  
 quanta sit  
 sacratissi-  
 ma hæc co-  
 lumna.

Quibus auctoritatibus decepti quidam, non animo tantum falsam opinio-  
 nem imbiberunt, quin etiam scripto affirmauere, columnam, quæ hîc Romæ  
 religiosissimo diuæ Prædix asseruatur templo, columnæ illius partem extitisse,  
 de qua sanctus Hieronymus ceterique præfati meminere auctores; hoc ( vt

ego



A ego quidem reor) argumento elusi, quòd cum illa tantæ altitudinis ac magnitudinis esset, vt porticum Ecclesiæ eius amplitudinis & magnificentiæ sustineret, qualis illa montis Sion extiterat; hæc autem, quæ hîc Romæ est, cum brevis sit ac depressa; rationi consonum videri, hanc eandem illius figmentum esse. Inter ceteros autem hoc errore deceptos, Ludolphus Carthusianus deprehenditur, qui pio illo de vita Christi libro, de hac columna disserens, sic tradit: *Cuius* De vita Christi, parte 2. cap. 62.  
*columnæ aliqua pars ostenditur Romæ, in Ecclesia sanctæ Praxedis. Maior autem pars fertur esse in ecclesia montis Sion, in loco ubi prænuntiatur Euangelium.* Idem etiam Annalium Spiræ auctor his verbis affirmat: *Pars aliqua de columna flagellationis Christi in Cathedrali beatæ Mariæ Deiparæ Virginis templo, in summa ara, cum multorum Christi comitum sanctorum Reliquiis reposita colitur. Ostenditur & alia huius columnæ pars Romæ in ecclesia sanctæ Praxedis. Maior verò pars Ierosolymis fertur esse in ecclesia montis Sion.* Aliosque plurimos patet cum his in hoc hallucinari. Nam

B sacratissima columna hæc, quæ Romæ in prædicto sanctæ Praxedis templo extat, nullo pacto censenda est pars illius de qua sanctus Hieronymus, ac ceteri quos retulimus, agunt. Integra enim planè esse comprobatur; atque est illa ipsa, quæ in Ierosolymorum palatio Prætorio, quo Iudææ Præsides, ac Pilatus præcipuè degebat, continuoque fixa atque immobilis, data opera ibi locata persistebat, & appellabatur columna Prætoria, ad quam alligari ac verberari consueverant, qui rerum capitalium iudicio damnati, vel ultimo afficiendi erant supplicio, vel pro delictorum castigatione, fustuario in diem passim adiudicabantur. Est autem hæc ipsa marmorea, albis nigrisque elegantissimè conspersa maculis, non maioris quàm trium vel circiter palmorum altitudinis: huius omnino formæ atque mensuræ consultò fabrefacta, ne si altior esset,

C minis impedimento esset, quò minùs commodè damnatos tam à posteriori, quàm ab anteriori parte flagris cedere possent. Infixus autem erat eiusdem columnæ summo vertici ferreus annulus, cui damnatorum alligabantur manus; dumque eos verberarent, circum eandem columnam citatis gressibus impellebant: eodem prorsus modo ac forma, qua Saluatoris nostri ad eandem columnam flagellatio, pictoris penicillo ad viuum est expressa: cuius imaginem graphice delineatam, in piorum Lectorum gratiam hîc subiiciendam duximus.



A Ioanne  
Cardinale  
Columna  
Romana  
adnecta.

Columnam hanc sanctissimam Ioannes Cardinalis Columna, qui eandem sanctæ Praxedis ecclesiam tunc in Titulum obtinebat, Romam aduexit; ibique collo-



collocari fecit, postquam Ierosolymis & à Syria reuersus esset: quò ab Honorio A Papa III. ablegatus fuerat, vt Christianorum exercitui ad Terræ sanctæ recuperationem destinato assisteret, circa ducentessimum & vigesimum tertium supra millesimum nostræ salutis annum: vt appositè, inscriptione, supra maiorem speculam, qua in sanctum sacellum, vbi sacratissima eadem asseruatur columna, est prospectus, his verbis annotatum legimus: *Columna, quæ in hac sancta Capella reconditur, huic depictæ omnino similis, non ea est quæ templi porticum sustinebat, ad quam Dominus noster Iesus Christus in suæ passionis nocte alligatus, illusus, & verberatus fuit; sed ea est, quæ in Pilati Prætorio pro fustigationis supplicio aderat, ad quam Dominus noster Iesus Christus, iubente Pilato, flagellatus est. Integra enim est; nec maior erat, ne posterior flagellandi hominis pars ab altiori columna tegeretur. Quam Ioannes Cardinalis Columna Legatus Apostolicus in partibus Orientalibus, sub Honorio Tertio, circa annum Domini M. CC. XXIII. huc asportauit.*

Sacratissimæ huius columnæ, Ierosolymis ad urbem transportatæ Raphaël B Volaterranus meminit, de Principibus Columnensibus, & præcipuè de prædicto Ioanne Cardinale, his verbis agens: *Is Cardinalis sanctæ Prædixedis, inquit, ac Legatus in expeditione Ierosolymitana fuit. Anno M. CC. XX. martyrium ferè passus. nam inter duos postes à Barbaris hostibus inclusus, iam iam secandus erat, nisi illos, diuina providentia, eius constantia fideque permotos, pœnituisse. Reuertens verò, columnam, cui Christus alligatus ad plagas fuerat, secum attulit, quæ nunc apud eadem sanctæ Prædixedis visitur.*

De hac eadem Onuphrius Panuinus etiam agit, suo de septem vrbis Ecclesiis Tractatu: dum sacratissimas reliquias recolit, quæ in religiosissimo diuæ Prædixedis templo asseruantur, his verbis: *In eodem proximo oratorio sancti Zenonis, extat columna, ad quam Dominus noster Iesus Christus tempore suæ passionis alligatus fuisse dicitur, & verberatus. Quam ante annos CCCL. Ioannes Columna Presbyter Cardinalis huius Tituli, sub Honorio Tertio, Orientis Legatus, ex Ierosolymis Romam C attulit, & in eo oratorio locauit: super quam collocata sunt corpora sanctorum Valentinii & Zenonis.*

In vita Ioannis Card. Columnæ.

Saluator noster flagellis bis cæsus.

Agunt de ea pariter Alfonsus Ciacon, suo de Vita & gestis summorum Pontificum & Cardinalium libro, aliique non pauci. Quamobrem ex clara notitia, quam de duabus hisce columnis habemus, argumentari licet, veritati inniti opinionem, quam aliqui animo imbiberunt, Christum Dominum nostrum flagellis bis fuisse cæsum. Quod sanè non complures tantum nostrorum temporum Doctores affirmant; verum & ipse quoque sanctus Ioannes Chrysostomus apertè asseruit. Nam textum sancti Matthæi exponens, ac verba præsertim illa, quibus Euangelista sanctus refert, Pilatum perfidorum Iudæorum importunitate fatigatum, Barabbam homicidam ac latronem dimisisse; Christumque Dominum flagellis cæsum, crucifigendum illis tradidisse: *Tunc dimisit illis Barabbam, Iesum autem flagellatum tradidit, vt crucifigeretur: idem sanctus D Chrysostomus, verba hæc profert: Cur autem, inquit, flagellauit, & postmodum dimisit? Quibus planè patet, Chrysostomum censuisse, Pilatum iam semel Christum flagellis cecidisse, antequam militibus crucifigendum traderet.*

Et post cetera sancti Matthæi verba, quibus passionis Domini sacram historiam profecutus, addit; quòd Christo Domino tradito à Pilato, vt iuxta Iudæorum desiderium crucifigeretur; milites eum rapientes, atque in Prætorium intröducentes, congregauerunt ad illum vniuersam cohortem: ibique eum vestimentis expoliantes, chlamyde purpurea induerunt, ac spinea corona ipsius caput redimitum, arundine percutiebant, quo spinarum aculeis asperius pungeretur; & genu flectentes, vt Regem per ludibrium adorabant, aliisque iniuriis pænè



A pænè infinitis ac probris afficiebant, idem sanctus Chrysostomus hæc insuper adnectit: *Conuitiabantur milites, inquit, ac insultabant, vel Iudæis gratificantes, vel suis deprauatis vtentes moribus. Multigenis autem contumeliis ipsum afficiebant. Nam in diuinum caput illud modò quidem colaphos impingebant, modò autem spinea corona debonestabant, modò verò arundine percutiebant viri execrabiles atque scelesti. Et non caput dumtaxat, sed & vniuersum corpus illud sanctissimum contumeliis est affectum. Nam facies quidem sputis oppletur, maxilla palmis tunduntur, & reliquum corpus flagellis atteritur.* Quibus profectò verbis manifestè patet, sanctū Ioannem Chrysostomum eius quoque opinionis fuisse, atque apertè innuisse, Christum Dominum bis flagellatum fuisse: semel nempe antequam morti adiudicatus esset, atque iterum postquam Iudæorum furore ac immanitate impellente, Pilatus Crucis in eum lata sententia, militibus illum tradidit crucifigendum. *Traditus est itaque Iesus militibus verberandus, inquit sanctus Hieronymus, & illud sacratissimum corpus, pedusque Dei capax, flagella secuerunt. Hoc autem factum est, vt, quia scriptum erat, Multa flagella peccatorum; illo flagellato, nos à verberibus liberaremur: dicente Scriptura ad virum iustum: Flagellum non appropinquabit tabernaculo tuo.*

In Marth.  
cap. 27.

In Matth.  
cap. 27.

In iuste fla-  
gellatus, vs  
nos à flagel-  
lis libera-  
ret.

In Ioan.  
Euangel.  
lib. 12. c. 15.

Flagellatus iniuste fuit Saluator noster, inquit sanctus Cyrillus; vel, vt alij potius autumant, Iodocus Clithoueus; vt à vulneribus, quæ iure peccatis nostris perpeffi sumus, nos liberaret. Alapis cæsus, & illusor, vt illud satanæ nos ludere possimus, & præuaricationis peccatum fugiamus. Omnia enim propter nos, & pro nobis Christus suscepit, quæ repulsiuas vires habuerunt: quibus ea repulsa sunt, quæ nobis meritò præuaricationis crimine acciderunt. Et quemadmodum mors Christi, qui morti non subiiciebatur, ad destruendam omnium mortem suffecit; sic intelligere & credere oportet, flagella & dedecora Dominum pertulisse, vt à talibus nos eriperet; quandoquidem scriptum est: *Ipsius linore sanati sumus.* Hæc ille.

Isaia 53.

C Quamplurimis sanè veteris Testamenti historiarum monumentis, Christi Domini flagellationem præfiguratam constat; præsertim verò his flagellationibus, quas Iob patientissimus sustinuit; qui in multis Saluatoris nostri figuram præ se tulit; vt diuus Hieronymus, siue potius, vt aliis magis placet, Beda, dum eiusdem sancti Iob librum exponit, crebrò testatur, inquit: *Sic vbi per totum hunc librum, sanctum Iob, figuram habuisse Saluatoris prospeximus, donante gratia eius, vt nobis largiri dignatus est, exposuimus.* Et post pauca subiungit: *Figuram ergo sanctus Iob manifestè habuit Saluatoris.* Iterumque non multò post repetit: *Per multa ergo sanctus Iob, Domini nostri passionem quoque & patientiam figurauit.*

Christi fla-  
gellatio, in  
Iob flagello-  
rum patienti-  
ssimo præ-  
figurata:  
S. Hiero-  
nymus, si-  
ue veriùs  
Beda, in  
Iob, c. 42.

Præfigurata itidem fuit Christi ad columnam adstrictio & flagellatio in Achior Ammonitarum Principis ac Ducis persona; qui ab Holofernibus ad arborem alligatus est, ex Ludolphi Carthusiani sententia. Quandoquidem vt Achior ille à militibus Holofernibus ad arborem alligatus fuerat, sic Christus à Pilati militibus ad columnam alligatus est. Achior, inquit, pro veritate, quam protulit, vinctus; & Christus pro veritate, quam prædicauerat, flagellatus. Achior alligatus, quia quæ Holoferni placita erant, dicere noluerat, & Christus flagellatus, quia Iudæos ingenti cum eorum amaritudine ac molestia increpabat. Achior vinctus, quia Dei gloriam magnificabat; & Christus alligatus, ac flagellis cæsus, quia Patris sui nomen manifestabat.

In Achior  
ad arborem  
ab Holo-  
fernibus mili-  
tibus alli-  
gato:  
Ludolphus  
Carthusia-  
nus, de vita  
Christi,  
parte 2.  
cap. 62.

Præfigurata insuper fuit Christi flagellatio in Ieremiæ Prophetæ persona. Nam, vt idem Ieremias à Phassur Principe Sacerdotum flagris cæsus fuit, quia habitatoribus Ierusalem minitatus, terrorem incusserat; seueras Dei ultiones, quibus in ciuitatem illam animaduertere statuisset, eis denuntians: sic etiam Christus Dominus, quia Iudæos increpans, eos à Deo castigandos atque obiur-

In Ieremia  
à Phassur  
Principe  
Sacerdotum  
flagris ca-  
so.



gandos prædixerat, & quòd de ciuitate illa lapis super lapidem remansurus non A  
 esset, crudeliter flagellatus est. At non flagellatione tantum Christi typum Iere-  
 mias præseculit, verum ipsemet spiritu præuidit, atque apertè prædixerat pro-  
 bra ac ludibria, quæ Saluator noster, etiam præter flagella ipsa, perpassurus erat.  
 Quocircà in eiusdem persona sic locutus est: *Factus sum in derisum tota die, om-  
 nes subsannabant me.* Porro eadem opprobria atque ludibria, quæ Dominus no-  
 ster sustinuit, ipse quoque Regius Propheta spiritu prospexerat ac pronuntia-  
 uerat, inquiens: *Omnes videntes me, deriserunt me, locuti sunt labiis, & mouerunt ca-  
 pita sua.* Neque eas sanè iniurias & ignominias, quas Christus passurus erat, idem  
 Rex & Propheta Dauid in genere tantum prædixit, sed etiam locis quampluri-  
 mis apertè pronuntiauerat, flagellis cædendum esse. Quamobrem Spiritus san-  
 cti lumine perfusus, in eiusdem Saluatoris nostri persona hæc protulit: *Supra  
 dorsum meum fabricauerunt peccatores.* & alibi postea: *Congregata sunt super me fla-  
 gella* atque alio loco subnectit: *Ego in flagella paratus sum.* Atque iterum repetit: B  
*Et fui flagellatus tota die.* Fuit etiam Christi Domini flagellatio ab Isaia Prophe-  
 ta clarè admodum ac mirabiliter prædicta; præsertim verò cum lingua eius,  
 Spiritu sancto dictante, hæc protulit verba: *Dorsum suum dedit ad flagella, &  
 maxillas suas ad alapas.* Et non à Prophetis sanctis tantum, verum etiam à Sibyl-  
 lis ipsis, Christi Domini flagellationem mirabiliter & clarè pronuntiatam fuisse  
 constat. Quocircà Lactantius Firmianus de hoc sic tradit: *Hæc autem sic futura  
 fuisse, & Prophetarum vocibus, & Sibyllinis carminibus denuntiatur est.* Apud Isaiam  
 scriptum inuenitur: *Non sum contumax, neque contradico: dorsum meum posui ad fla-  
 gella, & maxillas meas ad palmas: faciem autem meam non auerti à seditate sputorum.*  
 & postea hæc subdit: *Sibylla quoque eadem futura monstrauit.* Adicitque ibi quat-  
 tuor carmina Sibyllæ cuiusdam, quæ hæc admirabiliter planè prænuntiauerat.  
 Quæ quidem carmina à Marco Musuro De verbo ad verbum sic in Latinum  
 conuersa fuere: *In manus iniquorum & infidelium postea veniet: Dabunt ei alapas  
 manibus incestis, & faucibus immundis expuent saluas virulentas. Dabit autem in  
 verbera simpliciter innocens tunc dorsum.* Et hæc quidem de columna, & de Christi  
 Domini nostri flagellatione hæctenus dixisse sufficiat: cuius dulce nomen atq;  
 sanctissimum omnes creaturæ laudent & benedicant in æternum. Amen.

## CAPVT XIII.

*De spinea corona, qua Dominus noster Iesus Christus fuit redi-  
 mitus: de purpurea chlamyde, qua indutus; ac de arundine ma-  
 nibus eius immissa, qua diuinum caput percutiebant.*

Cum iniquus atque iniustus iudex Pilatus, ad perfidorum Iudæorum fera- D  
 les iras in Iesum Regem Saluatoremque nostrum leniendas, illum fustua-  
 rio subiiciendum decreuisset (vt præcedenti capite docuimus) impij & efferati  
 eiusdem Præsidis milites & ministri eum rapientes, atque in atrium siue in in-  
 teriorem palatij Prætorij partem deducentes, ibi ab vniuersa cohorte circum-  
 datum, propriisq; vestimentis exutum, purpurea chlamyde induerunt. Tumque  
 ex aculeatis ac pungentissimis sentibus coronam complicantes, capiti eius im-  
 posuerunt, & crudeliter confixerunt. At arundine quasi Regio quodam scepro  
 manibus immissa, ante ipsum se inclinantes, & ad terram vsque genua flecten-  
 tes, eum deridentes adorabant, & tamquam Regem Iudæorum ludificantes  
 consalutabant. Deinde verò in faciem eius expuentes, atque arundinem fre-  
 quenter



- A** quenter è manibus euellentes, caput spinis circumseptum, eadem immaniter percutiebant, quò spinarum aculei acerbius eum pungerent. Sic enim sacra Euangelica tradit historia: *Tunc milites Præsidis, suscipientes Iesum in Prætorio, congregauerunt ad eum vniuersam cohortem, & exuentes eum, chlamydam coccineam circumdederunt ei: & plectentes coronam de spinis, posuerunt super caput eius, & arundinem in dextera eius: & genu flexo ante eum, illudebant ei, dicentes: Ave Rex Iudæorum. Et expuentes in eum, acceperunt arundinem, & percutiebant caput eius.* Quorum horribilium actorum mysterium, tria nobis præcipue suggerit expendenda. Et quidem primò, quid gestus isti, quos impij atque scelesti Pilati fecere ministri, signauerint: secundo, ex qua materia corona illa Christi capiti imposita fuerit contexta: tertio, quid ipsa corona, quid chlamys purpurea, quidque arundo significationis habuerint. Et sanè quoad primum, licet ea dæmone instigante peregerint, omnia tamen ex Dei voluntate, ac libera illius permissione, qui probra hæc voluntariè pro nobis sustinere voluit, perpetrarunt. Neque actum, aut gestum prorsus vllum, non nisi signantissimum, ac mysteriis referatissimum ab eis factum fuisse constat. Flectebant scelesti ante Christum genua, postquam Regalibus, sed ridiculis insignibus eum inaugurauerant, vt superius diximus: & quamquam id per ludibrium, & vt Iudæis applauderent facere viderentur, ad eam alludentes, quam contra ipsum intentauerant, accusationem, quòd se Filium Dei iactaret, ac Regium sibi titulum arrogasset; in mysterio ac re ipsa tamen, vt Deum adorabant, & tamquam Regem consalutabant. Adorabant eum, inquit Beda, quasi falsò se Deum esse dixisset; salutabantque, velut fallaciter quoque se Regem appellasset: ludificantes genuflectebant, ac deridentes, Iudæorum Regem saluere iuebant. At nihilominus colludentes ac deridentes, quod meritò faciendum erat, & quod piè postea factum est, atque in æternum fiet, innuebant, ac nolentes verum dicebant.
- C** Tertullianus innuit, Christi coronationem ex sentibus, eiusque ludicram, vt diximus, in Regem inaugurationem, Hebraici populi instigatione, nequaquam factam; sed Romanorum militum fuisse commentum; quippe qui frequenti oculorum consuetudine, his spectaculis, his cærimoniis atque insignibus assueuerant, quibus noui Reges à populo Romano, tunc rerum domino, inaugurabantur: *Illam, inquit, impietatis contumeliosæ coronam, populus non consciuit: Romanorum militum commentum fuit, ex usu rei secularis.* Et iure quidem Tertullianus hoc arbitratus est. Nullum enim pænè milites illi per ludibrium prætermisere gestum circa Christum, ex his quos Senatus Populusque Romanus facere consueuerat, cùm nouum Regem quempiam declarabat. Quandoquidem conuocato ab Imperatore, siue ab alio Magistratu, cui id facere ius fasque esset, vniuerso exercitu, seu populo, ad actum illum conspiciendum; summis laudibus illius virtutes ac merita, quem ad tantæ dignitatis celsitudinem promouendum statuisset, per concionem celebrabat. Et postquam magnificis ac solemnibus verbis Regem appellasset, purpura vestiebat. Deinde verò sumptuosa sella curuli sedere iusso, aurèam coronam capiti imponebat, sceptrum eburneum porrigebat; ac demum aurea patera, quibusdam splendidissimis vestibus, atque aliis pretiosis muneribus, donabat. Quas cærimonias Titus Liuius breuiter describit, dum Maioris Scipionis Africani res gestas prosequitur: cùm post superbam Carthaginem domitam, bello victum & captum Syphacem, urbemque Cirtam expugnatam, vt iuuenem Masanissam super Sophronisbæ inhibitis atque interdictis solaretur nuptiis, & vt eum cohonestaret, & officiorum quæ populo Romano per illa bella fideliter præstiterat, aliquam gratiam referret, solemniter Numidarum Regem appellauit atque inaugurauit, inquiens: *Postero die, vt*

Matthæi  
cap. 27.

Pilati ministrorum  
ludicri actus  
mysterio haud  
carent.

In Marci  
Euangel.  
cap. 15.

Christi coronatio  
Romanorum  
militum  
commentum.

De Corona  
militis, c. 9.

Solemnis  
S. P. Q. Ro-  
mani in  
Rege declarando  
ritus.

Decadis 3.  
lib. 10.



præsenti motu auerteret animum eius, in tribunal ascendit, & concionem aduocari iussit. **A**  
Ibi Masanissam primum Regem appellatum, eximisque ornatum laudibus, aurea corona,  
aurea patera, sella curuli, & scipione eburneo, toga picta, & palmata tunica donat.

In Christo  
coronando  
obseruatus.

Chlamys  
purpurea  
Regum &  
Imp. ad  
bella profi-  
cientium  
indumen-  
tum.

Metamor-  
phos. lib. 14

Libro 20.  
cap. 29. &  
ultimo.

Pro Caio  
Rab. Posth.

Sic præcipue ferè, & non aliter, Pilati milites ac ministri, licet mente peruer-  
sa, & planè quid agerent non intelligentes, quasi Christum Dominum Regem  
Iudæorum ac Regem Regum, vt reuera est, declarare atque inaugurare vellent;  
vniuersa cohorte ad illud admirabile spectaculum intuendum accita, propriis  
vestibus expoliatum, chlamyde purpurea induerunt. Erat chlamys militaris  
amictus quidam, à quibusdam etiam paludamentum appellatum; quod Ro-  
mani Reges & Imperatores induere consueuerant, cum proficiscerentur ad bel-  
lum; ac præsertim cum hostes prælio aggressuri essent; eratque coloris purpu-  
rei. de quo Ouidius:

*Purpureum chlamydis pennæ traxere colorem.*

Quòd chlamys esset purpurea, quodque eam Reges & Imperatores induere **B**  
consueuissent, ex Eutropij verbis aperte probatur; qui de Diocletiano Impera-  
tore, deque ornatu & vestibus illius agens, inquit: *Nam prius Imperij insigne, in  
chlamyde purpurea tantum erat, reliquaque communia.* Idem etiam ex Cicerone col-  
ligitur, qui de Lucij Scipionis statua ad institutum quoddam suum inquit: *Lu-  
cij Scipionis, qui bellum in Asia gessit, Antiochumque deuicit; non solum cum chlamyde,  
sed etiam cum crepidis, in Capitolio statuam videtis.* Porro eandem chlamydem  
induisse Reges, Imperatores, aliosque magnos Duces, iam inde à Troiani belli  
temporibus, ac præsertim cum prælium ingressuri essent, fidem his carminibus  
Virgilius astruit:

Aeneidos  
lib. 8.

*Inde alij Troia procures: ipse agmine Pallas*

*In medio, chlamyde, & pictis conspectus in armis.*

Christo pro-  
inde Regi  
induenda,  
aduersus  
mortem,  
mundum,  
carnem, &  
diabolum  
præliaturo.

Corona non  
tantum Re-  
gibus, sed  
& Deo di-  
cari solet.

Antiq. Iud.  
lib. 13. c. vl-  
timo.

Quamobrem non est quòd miremur, si inuictus Dux, Rex, & Imperator no-  
ster Christus Iesus, atrox atque horribile prælium illud ingressurus, quo morte **C**  
sua mortem, mundum, carnem, ac diabolum, truculentissimos hostes nostros  
deuicit atque prostrauit, purpuream ipse quoque chlamydem induerit.

Cum autem milites hoc pacto, Regio amictu eum superuestitissent, coronam  
capiti imposuerunt. Quo quidem horrendo facinore mysticè declarauerunt, &  
re ipsa ostenderunt, ipsum verum Regem, ac verum Deum esse. Veteres enim  
non Reges tantum corona cohonestabant, sed & coronas ipsi quoque Deo of-  
ferre ac dicare consueuerant. Quocirca Caius Sosius Syriae Præses, post expu-  
gnatam & captam Ierosolymorum urbem, auream coronam Deo in Salomonis  
templo obtulit dicauitque. Quo peracto, inde discessit, secumque Antigonum  
Assamoneum vltimum Iudæorum Regem captum ac vinctum pertrahens,  
Marco Antonio obtulit. Quod Flavius Iosephus his verbis testatur: *Sosius au-  
tem, consecrata Deo corona aurea, profectus est Ierosolymis, Antigonum vinctum ducens  
ad Antonium.*

Decadis 1.  
lib. 3.

Cuius consuetudinis, antiquarum historiarum monumentis, non pauca  
produntur testimonia. Præsertim verò à Liuiò, qui scripto commendatum reli-  
quit, Latinos & Hernicos finitimos populos, Oratores Romam delegasse, vt de  
patrum ac plebis gratularentur concordia; eosdemque Oratores auream coronam  
detulisse, ac Ioui Capitolino dicasse: asserens, coronam illam parui ponderis ex-  
stitisse, quòd tunc in populis illis opulentæ non aderant diuitiæ, Religionemque  
ab eis magis piè quàm magnificè coli & exerceri: *Inter hæc, inquit, ab Latinis &  
Hernicis, Legati gratulatum de concordia Patrum ac plebis, Romam venerunt, donumque  
ob eam, Ioui optimo maximo, coronam auream in Capitolio tulere; parui ponderis, prout  
res haud opulentæ erant: celebrabanturque religiones piè magis, quàm magnificè.*

Idem



À Idem quoque Carthaginenses fecêre: qui, vt idem Liuius tradit, cùm accepissent à Romanis Samnites bello deuictos; oratores de ea victoria gratulatum ablegarunt, hisque auream dedêre coronam, Romam deferendam, quæ in Iouis Capitolini cella dicaretur: *Carthaginenses quoque*, inquit, *Legatos Romam misere*, Decad. 1. *cum coronæ aureæ dono, quæ in Capitolio, in Iouis cella poneretur. Fuit pondo xxv.* Dein- lib. 7.

de verò, cùm Romanorum arma atque potentia, non in Italiam tantum, sed etiam in cunctas vniuersi pænè orbis prouincias extenderentur; insigniores ac potentiores Asiæ ciuitates, Legatos Romam cum donis ac muneribus miserunt, vt cum Romano populo fœdus ac pacem inirent. Inter quos, Alabaden- ses Oratores ad Senatum retulerunt, ciuitatem suam templum in honorem vr- bis Romæ ædificasse, anniuersariaque certamina ac ludos ad ipsius Romanæ vr- bis, tamquam deæ, honorem & gloriam instituisse; atque coronam auream Ioui donandam, secum detulisse, quæ templo eius in Capitolio dicaretur. Per- Decad. 5. *lib. 3.*

B multa autem his similia antiquitatis monumenta inuenire est apud eundem Liuium, & alios veteres Historicos, quæ breuitati consulentes, prætermittimus; cùm hæc satis superque ad probandum sufficiant, coronas antiquitus non Re- gibus tantum, sed etiam ipsi Deo offerri solitas; consequenterque Pilati milites ac ministros Christum Dominum corona redimientes, licet id ironicè ac per ludibrium fecerint, illum tamen mysticè verum esse Regem, verumque Deum declarasse.

Cùm autem milites præfati spineam coronam Saluatoris nostri imposuissent capiti; ne insigne aliquod veri Regis, summi que moderatoris ei deesset, arundi- nem manibus tradidêre; Regij eburnei instar sceptri, quod iidem Romani, amicis Regibus, quos ipsi inaugurauerant vel declarauerant, tradere siue trans- mittere solebant. Non enim tantum re ipsa, sed verbis etiam, vt verum Deum, ac verum Regem adorauerunt, & consalutarunt, dicentes: *Aue Rex Iudeorum.* *Sacra ar- do, Regij in- star sceptri.*

C Hæc vox, & dictio, *Aue*, proprium ac præcipuum verbum erat, quo Reges & Imperatores, ceterique Magnates, & insigniores viri, summo præsertim manè salutabantur. Vnde ad hoc appositè Martialis ait: *Aue*, Re- ges & Ma- gnates sa- lutandi for- mula.

*Discurris tota vagus urbe, nec vlla cathedra est,*

*Cui non manè feras irrequietus* AVE.

Epigram. lib. 4. ad Afrum.

Tradit Lampridius, Alexandrum Seuerum Imperatorem ita passim ab omni- bus nomine proprio salutatum, *Aue Alexander.* In Alexan- dro.

Et hoc quidem breuitatis causa, circa ea, quæ impij Pilati milites ac ministri in Saluatorem nostrum ingessêre ludibria, hætenus dixisse sufficiat. Reliquum nunc est nobis inspicere, ex qua materia corona, qua ab eisdem redimitus est, contexta fuerit. Circa quod graues auctores quidam opinati sunt, eandem sa- cratissimam coronam, ex iuncis marinis cuspidatissimis ac pungentissimis fuisse contextam. Inter quos sanctus Bonauentura, cùm verba illa diui Ioannis ex- poneret: *Et milites plectentes coronam de spinis*, hoc adiecit. *Id est, de iuncis marinis acutis & pungentius ad modum spinarum.* *Sacratissi- mam coro- nâ quidam ex iuncis marinis cõ- textam as- serunt.*

D acutis & pungentius ad modum spinarum. Et sanctus Anselmus de eadem pariter agens corona, asserit ipsam hodie penes Francorum Regem asseruari; atque ex sentibus nequaquam fuisse contextam, sed ex iuncis marinis, quibus acutiores cuspides, quàm spinis ipsis insunt: *Hanc coronam*, inquit, *habet Rex Franciæ. Hæc corona non fuit de spinis, sed de iuncis marinis, qui habent acutiores aculeos, quàm vera spinæ.* In Dial. de Pass. Do- mini. In eandem sententiam Ludolphus quoque Carthusianus iuisse videtur. Nam verba prædicta sancti Euangelistæ ipse etiam exponens, & *plectentes coronam de spinis*, asserit, Pilati milites complicantes & contextentes, fertum ad in- star coronæ spineæ construxisse; id est, ex iuncis marinis spinosis, acutos acu- leos habentibus. Pauloque inferius subdit, quòd ij qui eiusdem coronæ spinas sedulò

S. Bonauët. in Ioan. cap. 19.

In Dial. de Pass. Do- mini.



Ludolph.  
Carthusiæ  
Vita Christi,  
parte 2.  
cap. 62.

Annal. to-  
mo 1. anno  
Christi 34.

*Alij veris-  
simus ex  
spinis.*

*Sacra spine  
eius longissi-  
ma tempore  
arefactæ, se-  
pè tamen  
miraculo  
floruerunt.*  
S. Gregor.  
Turon. De  
glor. Mart.  
lib. 1. c. 7.

Ad Philip-  
pens. c. 3.

Les gran-  
des Chro-  
niques &  
Annales de  
France de  
Nicole Gil-  
les, du grâ  
Roy Char-  
le-magne.

sedulò contemplati sunt, testentur ex iuncis marinis esse. Quandoquidem iunci A  
marini ipsi, inquit, non minùs solidas acutæque cuspides ac pungentes aculeos,  
quàm spinæ ipsæ habere probantur, ut etiam calceati hominis pedes desuper  
ambulantibus vulnerentur: unde Poëta dixit: *Et acuta cuspidè iunci*. Hanc eam-  
dem opinionem sanctus Gregorius Turonensis, Hugo Cardinalis, & alij per-  
multi tenuisse videntur. Atque inter eos præsertim Gulielmus Durantus Mi-  
matensis Episcopus, qui Rationalis diuinorum Officiorum libro sexto, capite  
De Parasceue, testatur, sacratissimam hanc coronam, in Regis Francorum the-  
sauris vidisse; affirmans eam, suo quidem iudicio, ex iuncis marinis esse. Verùm  
hæc opinio à recentioribus plerisque reicitur; & præsertim à Cardinale Baro-  
nio, qui contendit, nullo pacto eos audiendos esse, qui asseruerunt, Domini co-  
ronam ex iuncis marinis fuisse contextam. Etenim ex sanctorum Euangelista-  
rum Ioannis & Lucae verbis planè constat, eam ex spinis fuisse compactam;  
cùm ipsi apertè sic loquantur: *Plectentes coronam de spinis*. longè enim, inquit, B  
iunci marini à spinis distant. Nam marinus iuncus nullam prorsus spinam in  
culmo siue in ramis continet; sed cuspides eius tantùm in spinas erumpunt.  
Cùm præter hæc etiam, Pilati milites, marinos iuncos sic ad manus habere po-  
tuisset, quibus coronam illam repertè texerent, difficile admodum videtur, cùm  
ipsi tunc Ierosolymis essent, quæ magnis iueneribus à mari distant. Unde ma-  
gis verisimile est, eandem coronam ex sentibus potiùs, qui circum ipsius ciui-  
tatis mœnia nascebantur, repertè discerptis, extemplo complicatam. Quod san-  
nè non ratio tantùm suadet, sed ipsa quoque experientia docet. Nam ex eius-  
dem coronæ spinis, quæ ad hanc usque diem asseruantur, planè dignoscitur, eas  
esse aculeatis dimetis ac pungentibus vepribus euulsas: nullamque prorsus cum  
iunco marino similitudinem habuisse. Et sanè hac vnica ratione, Baronij sen-  
tentia comprobatur; quia iuncus marinus propriè non floreat. At spinæ sac-  
ratissimæ Christi coronæ licet longissima tot seculorum reuolutione profus  
arefactæ sint; admirabili tamen Dei voluntate suos naturales flores sapiùs per C  
miraculum fuderunt. Quod sanctus Gregorius Turonensis his verbis innuit:  
*Ferunt etiam, inquit, ipsas coronæ sentes quasi virides apparere: quæ tamen si videantur  
aruisse folijs, quotidie tamen reuiuiscere virtute diuina.* Et in Franciæ Annalibus Ni-  
colai Gilles à Regiis Secretis intimi legitur, quòd Carolo Magno Imperatori ex  
Ierosolymis redeunti Constantinus Constantinopolitanus Imperator, perimul-  
tas sanctas Reliquias dono dedit, & inter eas præcipuè quasdam sacratissimæ  
Christi coronæ spinas, quæ ibidem coram ipso mirabiliter statim floruerunt.  
Cuius auctoris verba, ut in ipso Annalium codice leguntur, Gallico idiomate,  
ad solidiorem huius miraculi fidem astruendam, in piorum Lectorum gratiam,  
& ad hæreticorum nostri temporis, sanctorum Reliquiarum irrisorum corre-  
ctionem (corum videlicet, qui corrigibiles fuerint) incorrigibilium verò, qui  
terrena sapiunt, confusionem, & ad Christi Domini pro nobis passi ac sentibus D  
redimiti gloriam, hoc loco transferre placuit. Ipsa autem eadem hæc sunt: *Au re-  
tour de Ierusalem, ledit Charles-magne passa par Constantinople, & luy fist ledit Con-  
stantin Empereur offrir de grands presens & tresors d'or, d'argent, & de pierres pre-  
cieuses. Mais ledit Charles-magne qui auoit empris ledit voyage pour l'honneur de nostre  
Seigneur Iesu Christ, ne voulut auoir de son trauail & labour nulle remuneration tem-  
porelle, & n'en voulut riens prendre: mais il demanda audit Empereur aucunes Reli-  
ques de la passion de Iesu Christ, & de ses Saincts. A ceste cause, ledit Empereur de Con-  
stantinople luy donna vng des Clous, de quoy nostre Seigneur Iesus Christ fut crucifié:  
des espines de sa couronne, laquelle en sa presence florist miraculeusement, & grande par-  
tie du fust de la vraye Croix. id est: Redeunti ex Ierosolymis Carolo magno Im-  
pera-*



A peratori, & Constantinopolim transeunti, dictus Constantinus Imperator, ingentia munera, & auri argentique, & gemmarum thesauros obtulit. Verum Caroli Magni pietas, Praeauri & gemmis sacras Reliquias eligens. idem Carolus Magnus, qui iter illud pro Domini nostri Iesu Christi honore arripuerat, nullam sudoris ac laboris sui temporalem retributionem habere voluit, nihilque prorsus ex his accipere; sed ab eodem Imperatore aliquas Iesu Christi passionis ac Sanctorum eius efflagitavit Reliquias. Quamobrem idem Constantinopolitanus Imperator ei dono dedit vnum ex clavis, quibus Dominus noster Iesus Christus Cruci affixus fuit, quasdam spinas coronae ipsius, quae coram eo mirifice floruerunt, & magnam partem stipitis verae Crucis.

Neque id sanè vllò pacto nouum est cunctis nobilibus viris, Christi quae fidelibus Equitibus, qui rerum sacrae Religionis atque illustrissimae Militiae sancti Ioannis Ierosolymitani aliquam habent notitiam. Nam inter ceteras complures sacras venerandasque Reliquias, quas secum Ierosolymis attulerat, vnam *Memorable sacra spina singulis annis Feria sexta in Parasceue florescit* Christi coronae spinis habet, quae annis singulis Veneris sancto die, quem Parasceuen dicimus, florescere consueuerat; & quolibet anno semper flores suos fundere perseverauit, praeterquam paucis dumtaxat annis, quibus florere destitit; hominum fortasse huius nequissimi ac iniuriosissimi corrupti saeculi grauissimis peccatis id exigentibus. Consueuerat eadem sancta spina suos paulatim aperire flores ab aurora, ac sese floridissimam cunctisque floribus suis parentibus ostendere, circa horam nonam diei Parasceues, eodem temporis puncto, quo Saluator noster expirauit. Verum anno M. CCCC. LVII. temporibus Fratris Iacobi de Milli Magni Magistri, dum super altare sacelli Magistralis in Insula Rhodi posita esset, per trium horarum spatium, consuetum tempus anteuertens floruit, floresque suos effudit coram Magno Magistro, ac Consilij Proceribus, compluribusque sacris militibus, & populo qui eo confluxerat. In cuius miraculi perpetuum fidei monumentum idem Magnus Magister authenticas litteras, quas Bullas vocant, expediri iussit; quae ad hanc usque diem in eiusdem Religionis Cancellaria Melitae inter publicarum scripturarum monumenta redactae atque conscriptae reperiuntur, in Registro Bullarum eiusdem anni M. CCCC. LVII. folio M. LXXXII. Quas Bullas, ex Latino in Italicum idioma conuersas, in nostra eiusdem sacrae Religionis & illustrissimae Militiae Historia retulimus. *Parte 2. lib. 7.*

Iussit praeterea idem Magnus Magister, pro sacratissima Coronae spinæ uerentia & honore, singulis annis, die vndecima Augusti, in eiusdem Religionis Conuentuali Ecclesia, festum solemne, sub semiduplici Officio celebrari: quod quidem Generalis Capituli auctoritate, praecipuo statuto, ac lege perpetua postea sancitum est, ut in veterum stabilimentorum eiusdem Religionis codice, quae sancta confirmauit & approbauit Sedes Apostolica, Fratris Petri de Aubusson Cardinalis & Magni Magistri temporibus, aperte conspicitur. Cuius legis siue statuti tenor talis est: *Decens & decorum est, Reliquias, quae passionis Christi Dei & hominum mediatoris, Saluatoris & Redemptoris nostri assiduum recordationem praeseferunt, honorare, & omni cultu prosequi. Idecirco sancimus, quod festum semiduplum anno quolibet tertio Idus Augusti celebretur in reuerentia sanctae Coronae spinæ, qua Dominus noster Iesus Christus in sua passione, quam pro nobis subiit, affectus est. Cuius sanctae Coronae spinam vnam, quae pretiosissimum caput punxit, & ex eius vulnere, sacratissimo sanguine vultum tinxit, in Archiuo & penetralibus oratorij Magistralis reclusam habemus: quae quotannis die Veneris sancta, qua passio recolitur, ab aurora florere incipit, & ad nonam horam, qua Saluator expirauit, floridissima conspicitur, demumque arescit: cunctis quoque Christi fidelibus monumentum sacratissime passionis existit.*

Patet



Patet igitur, solidissimæ veritati inniti, Saluatoris nostri coronam ex veris A  
 spinis, non autem ex iuncis marinis contextam fuisse: at quam spinarum spe-  
 cie constiterit, præcipuè est inspiciendum. Putant aliqui eandem coronam ex  
 quadam spinarum specie fuisse contextam, quæ Berberis siue Crespinus appel-  
 latur; ab aliquibus verò Spina sancta, cuius ingens copia in monte Oliuarum  
 nasci fertur; sentesque acutissimos producit, qui terni ex vnico ipsius rubi erum-  
 punt articulo. Ex qua spinarum trina connexionem, aliqui pia speculatione signa-  
 ri putant, vnam ex sanctissimæ Trinitatis Personis hac spinarum specie coro-  
 natam fuisse. Alij verò autumant, sacratissimam Christi coronam ex quo-  
 dam alio sentium genere fuisse contextam, quod Græci *Ράμνος*, Latini autem  
 Rhamnum vocant; de quo ita Plinius: *Inter genera ruborum, Ράμνος appellatur*  
*à Græcis, candidior & fructuosior. Is floret, ramos spargens rectis aculeis, non vt ceteri*  
*aduncis, foliis maioribus.* Huius autem spinarum generis Psalmographus etiam  
 meminit Psalmo 57. in cuius expositione Augustinus de eodem fusiùs agit; & B  
 Hieronymus super eodem Psalmo de ipso rhamno sic tradit: *Rhamnus*, inquit,  
*sentium genus est asperrimum aculeis, & flore gratissimum. Vnde intelligitur duplam ha-*  
*bere virtutem, vltionis, & bonorum retributionis. Id est, iustis floret ad ornatum, pec-*  
*catoribus præbet spinas ad configendum.* Quod idem planè effecit efficietque sa-  
 cratissima sentium corona, qua Christus Dominus est redimitus. Sanctæ enim  
 Ecclesiæ Catholicæ fuit & erit vera corona, verus ornatus, veraque gloria: ingra-  
 tæ verò ac perfidæ Hebræorum Synagogæ acutissima & pungentissima quæ-  
 dam spina fuit, quæ eam non tantum transfixit, sed transuerberauit, ac meritò  
 extinxit. Eritque eadem sacratissima corona iustis quidem ac veris fidelibus  
 in Christum credentibus tota planè suavis, fragrans, & florida, propter æternæ  
 beatitudinis gaudium, exultationem, & gloriam, quam in Paradiso obtine-  
 bunt, in ærumnarum, pressurarum, atque pœnarum spineæ coronæ retributio-  
 nem, qua pro Christi amore, & ad illius imitationem, in hoc sæculo redimiti C  
 fuerunt: infidelibus autem & peccatoribus erit pungens castigatio, ac seuerissi-  
 ma quædam in eos animaduersio, qua in æternum letaliter transfigentur. Vnde  
 Clemens Alexandrinus ad hoc appositè sic: *Hæc corona*, inquit, *est flos eorum,*  
*qui crediderunt in eum, qui fuit glorificatus; cruentat autem & castigat eos, qui*  
*non crediderunt.*

Lib. 24.  
cap. 14.

S. Hieron.  
in Psal. 57.

Pædagogi  
lib. 2. c. 8.

Ex rham-  
no textam  
fuisse, pro-  
babilior  
multorum  
est senten-  
tia.

Lib. 5. c. 9.

Credibile igitur & verisimile admodum videtur, Christi Domini coronam  
 ex hoc sentium genere fuisse contextam, non tantum ob mysterium ac planè  
 proportionatam significationem illam, quam sanctus Hieronymus ei tribuit;  
 verum etiam quia rhamnus ipse admodum flexibilis est, & acutis pungenti-  
 busque spinis vndequaue munitus; adeoque ad incuruationem & complica-  
 tionem aptus, vt nullo negotio ex eo parius circulus siue spinosa corona texi  
 possit; qualis illa fuit, qua scelesti Pilati milites, mundi Redemptoris caput cin-  
 xerunt, & crudeliter pupugerunt: nec non quia in ingenti alborum atque fra-  
 grantium florum quantitate fundenda, secundissimus est. Nam etsi sacratissi-  
 mæ Christi coronæ sentes præter naturam, cælesti quidem miraculo, licet aridi  
 sint, sæpè nihilominus floruere; rationabiliter tamen credendum est, eosdem  
 tunc per Dei voluntatem fuisse flores, quos, cum adhuc virides essent, naturali-  
 ter germinare consueuerant. Quod autem multi hanc sequantur sententiam,  
 Christi Domini coronam scilicet ex hoc spinarum genere contextam fuisse,  
 Cælius Rhodiginus apertissimè testatur, dicens: *Phileteris planta est spinosior,*  
*quam Rhamnum dicunt, superius nomen Lydis frequens ac Mysis. Sunt qui ex hoc im-*  
*pactam Christi coronam velint.*

Petrus verò Bellonius in suis Observationibus asserit, quod cum se ipsum  
 certio-

A

B

C

D



A certiore facere cuperet, ex quonam spinarum genere contexta fuerit corona, quæ Christi Domini nostri capiti est impacta, sedula animaduersione contemplatus est omnes spinarum species, quæ circum Ierosolimam nascuntur. Cumque nullius alterius sentium generis maiorem copiam, quam rhamni, ibi nasci compererit; autumat eandem coronam ex hac veprium specie fuisse contextam. Testatur enim non inuenisse aliud sentium genus in his confinibus gigni, quam rhamni, præter paucas aliquas senticosas cappares. In qua quidem sententia eò magis se confirmari ostendit, quòd rhamnus in Italia, vulgo Spina sancta dicitur, præsertim verò in Maceratae ac Pisauri confinibus, ubi sepes ex his vepribus ut plurimum construuntur; ut etiam in Ierosolymorum agris prætenso visuntur. Accedit, inquit, quòd veteres auctores Arabes fruticem, quo contexta fuit corona, *Alhansegi* vocant, quod Latini interpretes coronam spineam verterunt.

*Rhamnus  
vulgo di-  
ctus Spina  
sancta.*

B Putabant veteres Ethnici, rhamno admirandam vim & efficacitatem à natura insitam aduersus incantationes, fascinationes, ac veneficia. Quamobrem Dioscorides eum describens, inquit: *Fama est, ramos rhamni valuis fenestrisque impositos, veneficia depellere.* Cælius autem Rhodiginus asserit, Græcos Poëtas rhamnum ἀλεξίερων appellasse; non modò quia reptilium morsus alleuet, verum etiam quia aduersus phantasmata sit amuletum præstantissimum. Quo argumento iidem veteres Ethnici in conuiujs, quæ in consanguineorum funeralibus exhibere consueuerant, parentalibus scilicet, rhamnum ante fores appendere solebant. De quo Græcus ille Poëta:

*Eidem insi-  
tam aduer-  
sus venefi-  
cia virtu-  
tem Genti-  
les credide-  
re.*

— Α'λεξίερων φύε ράμνον :

Euphorion.

*Proigne rhamnum, malorum depulsorem.*

Verum hæc de rhamno veterum opinio, excellentissimæ eius dignitatis diuinæque virtutis fuit quodammodò prænuntia, quam adepturus erat rhamnus, quo Redemptoris nostri coronam contexere, postquam sacratissimo & innocentissimo sanguine eius consecratus fuit. Nam iure planè optimo dici potest, eum reptilium atque serpentum morsus reuera nunc alleuare, & perfanare. Quicumque enim pro Christi amore, & ad imitationem eius, hoc rhamno libens coronatur, id est, huius sæculi vexationum spinas patienter tolerat; is procul dubio ab omni serpentum morfu conualecet, id est, ab omni peccato mundabitur. Peccata namque infernalium serpentum ictus dici possunt, quæ animam letaliter transuerberant. Qui verò ad caput sacratissimum, his sentibus redimitum, piè confugit, ac sese ei integra fide committit; nullum horribile eum perterrefaciet phantasma, nullaque prorsus dæmonica faller illusio.

*Quam re-  
ipsa sacer  
hic rham-  
nus adeptus  
est.*

Est enim rhamnus ille verus malorum depulsor, non corporalium malorum tantum, sed & spiritualium atque æternorum. Neque sine huius altissimi mysterij tacita præfiguratione, Sacris litteris proditum est, plantas omnes atque arbusculas Regnum suum atque Imperium rhamno detulisse; ut Iudicum libro legitur. Sic enim ibi: *Dixerunt omnia ligna ad rhamnum, Veni, & impera super nos. Quæ respondit eis: Si verè me Regem vobis constitutis, venite, & sub umbra mea requiescite: si autem non vultis, egrediatur ignis de rhamno, & deuoret cedros Libani.* Et meritò quidem Regnum atque Imperium in omnes plantas rhamno corona dignissimo debebatur, quo Rex ipse Regum coronandus erat. Quocirca inuitabat tunc quidem, atque nunc etiam inuitat & allicit fideles omnes, ut in umbra eius requiescant. Quasi dicat: Venite omnes sub caput vestrum, quod aculeatis sentibus meis coronatum cernitis. Veram quietem tranquillamque requiem hinc animabus vestris quærite; non sub vana atque fallaci huius mundi voluptatum atque illecebrarum umbra. Par enim est, ut subditi sub

*Cui meritò  
proinde Im-  
perium om-  
nes plantas  
detulisse,  
Sacratestā-  
tur litteræ.  
Iudic. c. 9.*

H

Rege



De sancta  
Cruce, lib. I  
cap. 12.

Lucæ 12.

Matth. 25.

In Matth.  
c. 27.

*Mystica  
chlamydis  
purpurea,  
coronæ spi-  
neæ, & arū-  
dinis signi-  
ficatio.*

Psalm. 117.  
De Vita  
Christi,  
part. 2. c. 62  
Isaiæ 63.

Rege sint, qualiscumque is sit, seu lenis seu asper, non supra Regem. Si autem A sub vmbra mea, inquit rhamnus, requiescere non vultis: *Egrediatur ignis de rhamno, & deuoret cedros Libani.* Quantus eorum numerus, inquit Gretserus, qui cum sub corona Domini ex senticoso rhamno contexta requiescere nolissent, consumpti sunt, & in fumum abierunt; superbi, elati, & inimici Crucis Christi, quibus vt Crux, ita corona ex rhamno scandalum & stultitia fuit? Et quanta vicissim eorum multitudo, qui senticorum aculeis non absteriti, ad rhamnum sacratissimo Christi capiti impactum, atque ad Regem suum spinis coronatum confugerunt, ibique stationem iucundissimam etiam inter medios vepres repperunt? Ardens atque suavis charitatis ignis ex hoc rhamno, id est ex Christo sentibus redimito, egreditur; quo corda inflammantur piorum atque fidelium, qui cedri Libani dici quodammodo possunt, propter meritorum altitudinem, bonorumque operum fragrantiam. Vnde Rex ipse noster, antequam spinis coronatus esset, ad hoc alludens inquit: *Ignem veni mittere in terram; & quid volo, nisi vt accendatur?* Ignis verò iustitiæ ardens atque terribilis ex eodem rhamno egreditur, qui deuorat & absomit cedros Libani; id est infideles, propter eorum duritiam atque perfidiam: hæreticos ob elationem & arrogantiam, qua altum sapere præsumunt: ambitiosos autem ac superbos, propter altas & vanas Chimeras, inexplibilemque huius mundi caducarum dignitatum cupiditatem. Qui ignis profecto eos tunc maximè consumet, cum audient illud: *Ite maledicti in ignem æternum.*

Nunc autem, cum explicauerimus, quid actus ille, quem in Saluatoris nostri coronatione ministri Pilati fecerunt, & quam ex materia corona spinea nexa fuerit; superest, vt ostendamus, quid purpureum vestimentum, quo iidem milites eum vestierant, quid ipsa spinea corona capiti eius impacta, quidque arundo manibus tradita, & qua diuinum eius percutiebant caput, significauerint. Super quibus Theophylactus asserit, chlamydem coccineam, siue purpuream vestem, naturam nostram significasse, quæ cum sanguinaria esset, & cædis rea, Dominus noster eam suscepit, & induens sanctificauit: coronam autem ex sentibus, peccata nostra signasse, ex curis ac sollicitudinibus huius sæculi prouenientia; quæ idem Dominus noster, Deitate sua, quæ per caput designatur, consumit, & in nihilum redigit: arundinem verò, infirmæ ac fragilis carnis nostræ symbolum esse, quam ipsemet Dominus induit. In cuius persona Regius Propheta dixit: *Dextera Domini exaltauit me.* Purpurea vestis, inquit Ludolphus Carthusianus, Christi carnem signabat, flagellis ac passionibus obnoxiam, quæ tota sanguine aspersa & tincta erat. Quam vestem Isaias his verbis innuerat: *Quare rubrum est indumentum tuum, & vestimentum, sicut calcantium in torculari?* Quæ verba, secundum Glossæ expositionem, interrogatio quædam fuere, quam Angeli Christo Dominò fecerant obstupescences, cum vidissent corpus illius, quod ex immaculato Virginis vtero tantum candorem traxerat, post passionem eius adeò purpureum, ac totum sanguinis rubore perfusum. Cui interrogationi ipsemet ita respondit: *Torcular calcavi solus.* Quasi diceret: Ego solus Crucis pondus, flagellorum acerbitem, tormentorumque & passionis acerbitem pertuli, quibus quasi sub torculari quodam pressus atque contusus fui; vnde corpus meum pro mundi salute, proprio cruore totum respersum defero. Præsignificauit etiam eadem vestis purpurea, sanctorum Martyrum passiones, quas pro Christi amore perpassuri erant. In cuius rei symbolum & venerationem, sancta Dei Ecclesia, in Principibus & Cardinalibus suis, purpuram induit. Quod etiam facit, cum sanctorum Martyrum victorias ac triumphos recolens, ouans & lætabunda dies festos agit.

Spinea



- A** Spinea autem corona, quam Christus Dominus in acerbissima passione capiti suo impactam deferre voluit, peccata nostra signavit, quæ ipse, qui Caput nostrum est, detulit: pro quibus & homo fieri dignatus est. Communis enim omnium pænè Patrum est sententia, pro sentibus, peccata signari; præcipuum huius significationis argumentum deducendum ex verbis illis, quæ Deus ipse Adamo post peccatum eius dixit: *Maledicta terra in opere tuo, spinas & tribulos germinabit tibi.* Quasi diceret: Terra carnis tuæ, multa vitia & peccata producere non desinet, quæ pungentium spinarum instar, conscientiam tuam affidue pungent, propriamque animam transigent. Vnde Origenes inquit: *In spinea illa corona, suscepit spinas peccatorum nostrorum, intextas in capite suo.* Et venerabilis Beda subiungit: *In corona verò, quam portabat, spinea, nostrorum susceptio peccatorum, pro qua mortalis fieri dignatus est, ostenditur: iuxta illud quod Præcursor ipsius testimonium ei perhibens ait: Ecce Agnus Dei, ecce qui tollit peccata mundi.* Namque spinas in significatione peccatorum poni solere, testatur ipse Dominus, qui Protoplasto in peccatum prolapsus dicebat: *Terra tua spinas & tribulos germinabit tibi.* Quod est aperte dicere: *Conscientia tua punitiones tibi & aculeos vitiorum procreare non desistet.*
- Quod spinea corona, Christi capiti impacta, peccata significauerit, quæ terra carnis nostræ germinat, quorum virulentam letalemque punitionem, Dominus ipse diuini capitis sui tolerantia, & sanctæ Crucis virtute retudit ac mortificauit, Tertullianus testatur, inquiens: *Quale, oro te, sertum pro utroque sexu Christus subiit? Ex spinis opinor, & tribulis, in figura delictorum, quæ nobis protulit terra carnis; abstulit autem virtus Crucis omnes aculeos mortis in Dominici capitis tolerantia retundens.* Et deuotus Bernardus, ut innueret etiam spinas significare peccata, inquit: *Est ergo lilium sponsus, sed non lilium inter spinas; quoniam non habet spinas, qui peccatum non fecit.* Magnus quoque Pater Innocentius Papa III. aperte ostendere volens, spinas in Scripturis pro peccatis sæpè accipi, ait: *Spinæ quæ perimunt, sunt culpæ mortales, & heretica prauitates: de illis dicitur: Spinæ & tribuli nascentur in manus temulenti.* Cum autem constet, spinas peccata signare; planè fatendum est, non sine ingenti mysterio Christum Dominum spinis coronatum fuisse. Nam cum ipse venerit ut peccata è mundo tolleret, necessarium quoque erat, ut terræ maledictiones purgaret, quæ propter primi parentis nostri lapsum, sententiam maledictionis & præuaricationis incurrerat, dicente Domino: *Maledicta terra in opere tuo, spinas & tribulos germinabit tibi.* Et propterea Christus sentibus coronatus est, ut illam primæuam condemnationis sententiam dissolueret.
- Spinea corona præterea Gentium populos, atque inter eos, nos ipsos præcipue significauerat, qui prius tamquam infructuosa arbuscula, ob primi parentis nostri peccatum, à vinea ac possessione Domini seclusi & seiuncti, quasi sterilia & infructuosa dumeta, omni bonorum operum fructu expoliati eramus. Nunc verò introducti sumus per aditum sanctæ Ecclesiæ, quæ per sancta Sacramenta Christi mystico corpori nos inserit & coniungit; atque circum caput eius, quod ipse Christus est, tamquam corona congregat & connectit, ut Clemens Alexandrinus his verbis: *Dominici enim corona nos propheticè significabat, qui fuimus aliquando infrugiferi, qui circa illum positi fuimus per Ecclesiam, cuius ipse est caput.*
- Audiui aliquos, inquit sanctus Cyrillus Alexandrinus, siue, ut aliis magis placet, Iodocus, quibus valde placebat, per spinarum coronam, multitudinem sculptilia colentium significari, quæ per fidem in diadema Christi suscepta est. Spinæ namque steriles sunt, non secus ac Gentes, quæ nullum pietatis fructum producebant, tantumque ignis nutrimentum erant, ut agrorum steriles spinæ. Quem animi sensum, non ab re forsitan existimari legisse eum apud Lactan-

Spinea corona peccatorum nostrorum spinas signavit:

In Matth. Tractat. 31.

Homilia in Feria 3. Palmarum.

Decorona mil. c. 14.

In Cant. Serm. 71.

In 2. Psal. Pœnitent.

Ruffinus Aquileiensis in Symboli expofit.

Item Gentiles, steriles bonorum operum.

Pædag. lib. 2 c. 8.

In Ioan. libro 12. c. 15



De vera  
Sapientia,  
lib. 4. c. 26.

tium Firmianum, qui longè ante ipsum Cyrillum Magno Constantino Imperatori, Christianæ fidei mysteriis iam initiato scribens, ait: *Corona spinea capiti eius imposita, id declarabat, fore ut diuinam sibi plebem de nocentibus congregaret. Corona enim dicitur, circumstans in orbem populus. Nos autem, qui ante cognitionem Dei fuimus iniusti, spinæ, id est mali & nocentes eramus; ignorantes quid esset bonum, & à iustitiæ notione atque operibus alieni, omnia scelere ac libidine polluebamus. Electi ergo ex dumis & sentibus, sanctum Dei caput cingimus; quia conuocati ab ipso, & circumfusi vndique ad eum, magistro ac doctori Deo assistimus; Regemque illum mundi, & omnium viventium Dominum coronamus.*

Pædagogi  
lib. 2. c. 8.

Aliud præterea mysterium animaduersione planè dignissimum, quod ad spineam coronam attinet, speculatus est & explicauit Clemens Alexandrinus. Quoniam cum Deus per æternum diuinumque Verbum suum incipere vellet legem hominibus imponere, ac Moyse suam omnipotentiam patefacere, sese in figura ignis ostendit, qui in medio rubi seu senticosi dumeti ardebat. Postquam autem idem Verbum diuinam legem suam ferre, & cum hominibus visibiliter versari desiit, ut vnde descenderat, reuerteretur; rursum spinis mysticè coronatum videri voluit, ut veteris descensus & visionis suæ initium hoc modo instauraret. Vnde quemadmodum ineffabile Verbum illud, cum primitus è cælo defiliit, in medio rubi spinis circumdatum mundo sese ostendit: sic illud ipsum, cum ad cælos denuò conscendere statuisset, spinis iterum redimitum videri se fecit; ut ostenderet, omnia esse vnius potentiæ, cum sit vnus & Pater, qui vnus est, Filius, principium & finis sæculi. Quemadmodum ipsemet de se ipso in Apocalypsi prolocutus est: *Ego sum A & Ω, principium & finis*. Quamobrem non sine ingenti mysterio, corona redimitus fuit; corona enim circularis est, principio ac fine carens.

Apocal.  
cap. 1.

Cur spinis  
coronari  
Saluator  
noster vo-  
luerit.

Et ut summam dicam, Redemptor noster spinis coronari voluit, ut nobis aliqua vtilia præberet documenta, quæ ad æternam salutem nos dirigendo atque ducendo iuuarent. Primum verò corona sua Dominus innuere voluit, quale diadema, quale sertum, & quale capitis ornamentum in fidelibus ac sequacibus suis ipse cupiat. Non illud sanè, quod veteribus Ethnicis frequentissimum erat, qui in conuiujs & festis, floribus ac rosis coronari consueuerant; ut in nostra Equitis Ierosolymitani corona fusè admodum ostendimus. Quocirca stolidi illi & vani huius sæculi amatores, cum huius mortalis vitæ breuitatem animaduernerent, luxui ac mundi voluptatibus se tradentes, dicebant: *Coronemus nos rosis, antequam marcescant.*

Sapient. 2.

Iosephus  
Antiquit.  
Iudaicarū  
lib. 8. c. 2.

Neque illud planè vanum atque ridiculum capitis ornamentum à nobis expetit Dominus, quod delicati & effeminati Salomonis Regis aulici vsurpauerant, qui cultam promissamque capitis cæsariem auri ramentis quotidie spargebant, ut, cum ad Solem procederent, capilli eorum mirabiliter refulgerent. At sentibus coronari voluit Dominus, ut doceret nos, opus esse ei qui illum sequi voluerit, ut huius sæculi delicias, vanasque ac transitorias voluptates deferens, per senticosam tribulationum & calamitatum viam incedat, cum sub spinoso & vepribus circumdato capite, membra delicata esse non liceat. Quamobrem religiosi Sacerdotes, Monachi, & qui sæculo renuntiasse expressè proficetur, capillos abradentes, coronam capitibus deferunt, in probrorum, ignominiarum, ac spinarum coronæ memoriam, quam Christus Dominus, amoris causa erga nos sui detulit, atque sustinuit. De quo sic venerabilis Beda: *Nos (inquit) passionis Dominicæ signum in capite gerimus. Neque verò ob id tantum in coronam attondemur, quia Petrus ita attonsus est; sed quia Petrus in memoriam Dominicæ passionis ita attonsus est: idcirco & nos, qui per eandem passionem saluari desideramus, ipsius passio-*

In Histor.  
Ang. lib. 5.  
cap. 22.



A *passionis signum, cum illo, in vertice, summa videlicet corporis nostri parte, gestamus.*

Secundò Dominus noster spinis coronari voluit, vt nos continuam peccatorum nostrorum recordationem mente deferamus, atque vt eorum recordationes, tamquam tot sentium aculei, animum nostrum pœnitentiæ & contritionis dolore transfigant; perinde atque peccatorum ipse nostrorum spinas circum caput suum sacratissimum tulit, quæ acerbissimè eum pupugerunt.

Tertiò spineam coronam ipse portare voluit, vt & nos etiam ad sui imitationem, senticosa corona circumdari studeamus; reformatum atque austerum quoddam (vt ita dicam) viuendi institutum amplectentes; quo carnem nostram vigiliis, ieiuniis, abstinentiis, pœnitentiâ, & conscientiæ puritate maceremus: quæ omnia propter austeritatem & asperitatem, carni & corpori nostro tot spinæ esse videntur.

Quartò ipse Dominus spinis coronari voluit, vt doceret nos, qualem tolerantiam, & qualem fortitudinem in tentationibus perferendis, ac viriliter reiiciendis, habere oporteat. Quandoquidem tentationes, quæ nos oppugnant, quasi spinæ quædam sunt, quæ mentis nostræ caput molestè pungunt atque transfigunt. At verò tentationis cuiuslibet spina, quam homo constanter reiecerit, ei vertitur in coronam. Quot igitur tentationum spinas in hoc mundo retundimus ac superamus, tot pretiosas gemmas coronæ nostræ coaceruamus.

Quintò ac postremò Christus Dominus spinarum coronam in capite portauit, vt pœnitentiæ coronam innueret, quam fideles & electi eius in capite, id est, in mente iugiter deferre debent. Quæ quidem corona tribus insignioribus spinis contexta est; videlicet contritione, confessione, & satisfactione. Quarum prima oportet cor nostrum propter vanas cogitationes pungi, secunda os propter vana atque otiosa verba perstringi, atque tertia manum pungi propter iniquas operationes. Prima igitur pungat nos dolore, quem de commissis peccatis intrinsecus sentire debemus. Secunda pungat nos erubescencia & pudore, quem in sceditate scelerum nostrorum confitenda sentimus. Tertia denique pungat nos difficultate ac perdifficili labore, quem in debita satisfactione adimplenda, etiam contra proprium sensum perferre debemus. De hac corona agens magnus Pater Innocentius Tertius, inquit: *Corona spinea, ipsa quidem est pœnitentia, circumponenda capiti, id est menti. De qua dicit Psalmista: Conuersus sum in arumna mea, dum configitur spina. Hæc corona, de tribus spinis completitur, scilicet contritione, confessione, & satisfactione. Prima pungit cor, propter vanam cogitationem. Secunda pungit os, propter vanam locutionem. Tertia pungit manum, propter iniquam operationem. Prima pungit per dolorem, secunda per pudorem, tertia per laborem.*

De vno  
Martyre,  
Sermones.

Immisertunt impij tandem Pilati milites Christi Domini manibus arundinem, dexteram illam hoc ludibrio dehonestantes, quæ cælum ac terram regit: inani hoc & vacuo sceptro innuere volentes, ipsum Dominum sibi Regis titulum arundini prorsus similem vsurpasse, vanum scilicet, leuem, ac Regno vacuum: non animaduertentes, dixisse illum, Regnum suum ex hoc mundo non esse, sed in mundo alio existere, id est in æternitatis mundo, vbi firmum ac stabile Regnum est. Ex quo, vt Ludolphus Carthusianus tradit, vtile quoddam documentum elicere possumus; nos scilicet per nos ipsos infirmos, fragiles, & omni bono vacuos esse; imò ad omne scelus perpetrandum flexibiles ac procliues, ad omnem diaboli tentationem incuruandos, atque ab omni vexationum & mundi persecutionum vento prosterternendos, nisi dextera Dei nos manu tenens fulciret atque firmaret: non secus atque arundo ipsa fragilis, vacua, & flexibilis est: sed Christi manu apprehensa firmatur. Idcirco in passione sua arundinem in dextera tenere voluit, vt per hoc ostenderet, à se nos vacuos, fra-

De Vita  
Christi,  
parte 2.  
cap. 62.

Cur Chri-  
stus arun-  
dinem ma-  
nu tenere  
voluerit.



In Matth.  
cap. 27.

giles, & infirmos manu teneri, ac potentissimæ dexteræ suæ munificentia nos A corroborari, confirmari, atque omni bono repleti. Tenere insuper voluit Christus Dominus noster, dum illuderetur, arundinem siue calamum in manu, inquit diuus Hieronymus, qui scribendi instrumentum est, vt Iudæorum iniquitatem & sacrilegium scriberet ac notaret.

De passio-  
ne & Cru-  
ce Domini.

At sanctus Athanasius arundini, quæ Christi Domini manibus est tradita, magis seriam significationem tribuit: Instigauit diabolus, inquit, Pilati milites, vt arundinem Christi manibus immitterent; nesciens iniquus ac stolidus ille, quod contra se ipsum sagittam acueret; quodque fortissimi atque inuicti hostis sui manibus gladium, quo ipse transfuerberandus erat, porrigebat. *Atque hinc rursum ist (vt ipsius Athanasij verba huc transferamus) quod arundinem accepit, cum illi à diabolo porrigeretur, ignaro quod contra se ipsum gladium acueret. Dicitur enim arundo serpentibus letalis esse, atque inde potissimum interfici. Et post pauca subiungit: Quale quid David in Goliath designauit, qui sumpto aduersarij gladio, & B ipso illius caput præcidit. Idem quoque Seruator fecit, sumens arundinem ab illis, vt nos non solum liberaret à versutia serpentis, sed vt illum serpentem tolleret, & mortuum exhiberet.*

De Vita  
Christi,  
parte 2.  
cap. 62.

Vt triplici-  
ter Pilati  
milites Sal-  
uatorem il-  
luserunt,  
ita sæpè ani-  
mā nostram  
tripliciter  
diabolus  
ludificat.

Et vt summam rem totam perstringamus, tribus instrumentis vsi sunt Pilati milites, vt Christum irriderent; purpurea chlamyde, corona spinea, & arundine vacua. Chlamyde corpori, coronā capiti, & arundine quasi manibus sceptro. Litteraliter hæc sunt tria Regalia insignia, inquit Ludolphus Carthusianus, quæ contumeliosè ac per ludibrium Domino fuerunt impensa; vt innuerent atque ostenderent eum læsæ Maiestatis reum, quippe qui Regnum sibi usurpare voluisset, nec obtinere potuisset. Moraliter autem vtilem etiam quamdam significationem habent. Nam quemadmodum Christus Dominus tripliciter illus fuit, sic tripliciter quoque anima nostra frequenter à diabolo ludificatur, & per peccatum capitur. Primò quidem per ambitionem ac dignitatum C huius mundi inordinatam cupiditatem, quæ per chlamydem purpuream signantur, quæ Regum & potentium huius sæculi indumentum est. Secundò, per diuitiarum affluentia auiditatem, quæ per coronam spineam notatur: nam mundi huius temporales diuitiæ, ipso Domino teste, spinis assimilantur; quia curis ac sollicitudinibus plenæ sunt. Tertiò, per mundanæ scientiæ ac sapientiæ vanitatem, quæ per arundinem significatur, quæ exterius quidem pulchra, sed interiùs vento plena est. Mundana enim sapientia, cui inflati homines confidunt, & qua impius quisque non ad Dei laudem, sed ad sui ipsius ostentationem & inanem gloriam vitur, quasi leuis, vacuus, atque confractus arundineus baculus esse deprehenditur.

Christi tot  
ludibria &  
contumelias  
sustinentis  
patientia  
in Rege Da-  
uid præfi-  
gurata:

Præfigurata fuere probra, ludibria, & contumeliæ, quas Christus Dominus passurus erat, admirabilisque eius patientia, in Rege ipso David, cum tot iniurias ac probra ab insolente ac defectore Semei adeo patienter sustinuit. Nam D quemadmodum Semei lapides & lutum in David proiecerat, ita Hebræorum Synagoga alapas, sputum, & spinas in Christum iniecit: & quemadmodum Semei probrosis etiam verbis ipsum David proscidit, virum sanguinum & virum Belial illum appellans; ita Synagoga Christum conuitiis etiam infectata est, illum seductorem, maleficum, & dæmonium habentem vocans. Vtque Abisai, Semei, cum Regem suum iniuriis lacefferet, interficere voluit, sed David id non permisit; sic non tolerauit Christus, vt Petrus, ac ceteri discipuli, Hebræorum Principum & Sacerdotum milites ac ministros occiderent, cum ad ipsum capiendum in hortum perrexerunt.

Præsignata pari modo fuere Christi Domini opprobria atque ludibria, in Orato-



A Oratoribus illis, quos Dauid Rex ad Hanonem Ammonitarum Regem miserat, qui eos tam ignominiosè dehonestavit. Nam quemadmodum Dauid nuntios & Oratores suos barbaro eidem Regi direxerat, pacis cum eo firmandæ gratia; ipse verò vestes eorum medias usque ad nates præcidit, & dimidiam partem barbæ abrasit: ita cùm Deus optimus maximus Unigenitum suum Christum Dominum in hunc mundum direxisset, ut pacem inter se ipsum & humanum genus firmaret; Hebræorum Synagoga, propriis vestibus expoliatum dehonestavit, ac fœdis & spurcissimis sputis barbam eius inquinavit.

Item in Oratoribus, ab eodem Dauid Rege ad Hanonem missis.

Præfigurata præsertim fuit Christi Domini corona illa senticosa, in ariete, quem Abraham capite & cornibus vepribus implicitum vidit; postquam brachium eius ab Angelo retentum fuerat, ita ut legitimum ac dilectum filium suum Isaac sacrificare non potuerit, ut Deo obtemperaturus statuerat. Qui quidem aries sentibus hærens, pro Isaac postea sacrificatus, præsignificavit, Christum Dominum nostrum spinis coronandum, ac super sanctæ Crucis ara pro humani generis redemptione sacrificandum. Et quemadmodum aries ille matatus est, Isaac ab omni læsione soluto; ita Christi Domini humanitas sola passa & mortua est, diuinitate eius ab omni passionum perturbatione prorsus aliena & semper libera remanente.

Spinea Christi corona in ariete quem Abraham vepribus implicitum vidit, præsignata:

Fuit etiam supradicta spinea corona præfigurata in rubo illo, quem Moyses, dum oues Iethro sacerdotis Madian soceri sui pasceret, ad radices montis Horeb, flamma quidem comburi, sed non absumi prospexerat. Nam ignis ille vepribus undique circumseptus, Christum Dominum significavit, verum charitatis ignem; ignem inquam, qui omnem culpam, omneque peccatum dissipat & consumit; sicut scriptum est, *Deus noster ignis consumens est*; qui pro nobis miseris peccatoribus spinis coronandus erat.

In rubo, quem Moyses ad radices montis Horeb conspexit: Deut. 4.

Præsignificata est etiam eadem sacratissima spinea corona in fœderis Arca, siue in Arca Testamenti, in Mensa, & in Altari; quæ omnia Deus Moyse construenda mandauerat, præcipiens ei, ut unicuique eorum coronam imponeret. Signata etiam & præfigurata fuit in magno illo æreo vase, circulari forma, sacerdotum Mari appellato, Salomonis iussu in usus templi Dei fabrefacto, quod ornamentis atque sculpturis coronæ instar circumdatum erat. Nam quattuor materialia opera hæc coronis redimita, Christi Domini caput sacratissimum spinea corona circumdandum præsignabant. Quandoquidem ipse est novi Testamenti Arca mystica, quæ diuinæ Maiestatis arcanum, velo carnis operum in se continet. Ipse est illa propositionis Mensa, super qua verus vitæ panis collocatur; id est, sacratissimum ipsius Corpus, quod sub panis ac vini specie in conspectu Dei altissimi quotidie offertur. De qua Mensa ita Regius Propheta: *Parasti in conspectu meo mensam, aduersus eos qui tribulant me*. Ipse etiam est spirituale Altare illud, super quo vota & preces nostræ offeruntur. Nam per ipsum à Deo optimo maximo acceptantur & admittuntur. Denique verò ipse est Mare illud Sacerdotum æneum, in quo illi, & nos ipsi, omnes sordes nostras ablui-mus atque detergimus. Ipse namque est misericordiæ fons affluentissimus, imò mare immensum, & vastissimum quoddam gratiarum pelagus, in quo per peccatorum ac sordium nostrarum ablutionem purgamur. De quo scriptum est: *Apud Dominum misericordia, & copiosa apud eum redemptio*.

In Arca fœderis, Mensa propositionis, Altari, & Mari sacerdotum:

Psal. 22.

Psal. 129.

Præsignificatum quoque fuit sacrum ac diuinum coronæ spineæ mysterium, qua Saluator noster redimitus est, Isaïæ Prophetæ verbis illis, quibus in persona eius sic locutus est: *Induit me vestimentis salutis, & indumento iustitiæ circumdedit me, quasi sponsum decoratum corona*. Super quibus verbis inquit sanctus Hieronymus, quod ubi in Isaïæ Prophetæ textu, iuxta vulgatam editionem

Itē ab Isaia alijsq; Prophetis prædicta. Ita 61.



nostram dicitur : *Quasi sponsum decoratum corona* : Aquila vertit *ἡ ἐκ τῶν ὀφθαλμῶν* *φάω*, id est, *Sacerdotij portans coronam*. Ex quo sanctæ Ecclesiæ Prælati adinoneri possunt, quòd quemadmodum Christus Dominus noster, æternus & verus summus Sacerdos, non rosarum, sed pungentium spinarum coronam in capite detulit ; sic ipsos quoque delicatos & molles esse non decet : sed per pœnitentiam, vitam ducere debent asperam atque pungentem, per intrinsicam compunctionem, & continuum dolorem peccatorum suorum, ac populi suæ curæ crediti atque commissi ; quibus in quantum fas est, obuiare tenentur. Quæ quidem omnes senticosæ coronæ Domini nostri Iesu Christi figuræ, pulchrè admodum, atque appositè hoc Hymno signantur :

*Sacræ Christi celebremus*

*Coronæ solemnia :*

*Et ipsius reuocemus*

*Ad mentem præconia :*

*Vt impleta comprobemus*

*Legis vaticinia.*

*Inter vepres demonstratur*

*Veruex hærens cornibus,*

*In quo Christus figuratur*

*Coronandus sentibus.*

*Deus viuit : immolatur*

*Homo pro hominibus.*

*Sina rubus inflammatur,*

*Nec tamen comburitur.*

*Ignis spinis coronatur,*

*Quo culpa consumitur.*

*Nec læditur, sed sacratur*

*Spina, dum sic tangitur.*

*Arcam, Mensam, & Altare*

*Sertum ambit aureum.*

*Et sculptura cingit Mare*

*Sacerdotum aneum.*

*Quæ nunc Christi signant clarè*

*Diadema spineum.*

*Sponsum serto decoratum*

*Isaias meminit.*

*Ad videndum coronatum*

*Inuitans Rex cecinit.*

*Hoc Sibylla coronatum*

*Serto Vates cecinit.*

Fuit etiam eadem corona spinea, quam Dominus noster Iesus Christus capite tulit, plurimis sæculis antea à Spiritu sancto prædicta ; vt præfato Hymno breuissimè innuitur. Nam cum Pater æternus Synagogæ & ciuitatis Ierusalem iniquitatem atque ingratitudinem quasi miratus, iniuriam & ignominiam vni-  
C  
geniti Filij sui, qua spinis ibidem coronatus est, doleret, in Canticis inquit : Egre-  
dimini filiæ Ierusalem, & videte coronam, qua coronauit eum mater sua.

Isaias quoque Propheta, eandem spineam coronam innuens, quam Hebræorum impia Synagoga Christi capiti imposuit, sub ingrata vineæ cuiusdam allegoria ait : Expectaui, vt facerèt vuas, fecit autem spinas. Quocirca Ruffinus Aquileiensis ad hoc appositè inquit : *Imposita ei scribitur corona spinea. Audi de hoc in Canticis canticorum, super iniquitatem Ierusalem, mirantis de iniuria Filij, Dei Patris vocem dicentis : Exite, & videte filiæ Ierusalem coronam, qua coronauit eum mater sua.*

*Sed & de spinis alius Propheta commemorat : Et expectaui vt faceret vuam, fecit autem spinas ; & non iustitiam, sed clamorem.* Idemque Isaias, de eadem Christi corona agens, tribulationis coronam eam appellauit, dicens : *Coronans coronabit te tribulatione. Quasi pilam mittet te in terram latam & spatiosam. Ibi morieris, & ibi erit currus gloriæ tuæ.* Quasi diceret : Mittet te Pater æternus in latam & spatiosam huius mundi terram ; vbi ingrata & perfida Synagoga, dum te vt verum suum Messiam deberet agnoscere, & verum Deum adorare, auroque & gemmis vt suum legitimum Regem coronare, tribulatione te, id est vepribus coronabit. Ibi in sanctæ Crucis ligno morieris, quæ verus triumphalis currus gloriæ tuæ existet. Eandem quoque spineam coronam prophetauit Ezechiel, cum dixit : *Corona tua circumligata sit tibi.* De eadem locutus est etiam patientissimus Iob, Spiritus sancti illuminatione prospiciens, Saluatoris nostri caput ea circumdandum ac perstringendum. Vnde quasi in persona ipsius inquit : *Tenuit cerui-*

Cantic. 3.

Ruffinus  
Aquileien-  
sis, in expo-  
sit. Symbo-  
li.

Isaias 5.

Isaiæ 22.

Ezech. 24.

Iob 16.



**A** ceruicem meam, & confregit me. Et non à Prophetis tantum, sed à Sibyllis quoque eadem spinea corona mirabiliter & aperte admodum prænuntiata fuit, quod in Hymno supradicto pariter innuitur. Quocirca Erythræa iam dixerat: *Atque coronam de spinis tulerit.* Sed & alia, quam Lactantius Firmianus citat, veluti perfidæ Hebræorum Synagogæ exprobrare vellet cæcitatem & inscitiam, qua verum Deum suum agnoscere nesciuit, ingritudinemque & crudelitatem qua eum persecuta est, inquit: *Ipsa stulta Deum tuum non cognouisti, sed de spinis coronasti corona.*

*Ab ipsis etiā Sibyllis prænuntiata. Sibyl. oraculorum lib. 1. circa finem.*

*Lactant. De diuinis institut. lib. 4. c. 18.*

Crudelissimam sanè ac supra modum intolerabilem tormenti ac doloris acerbiter eam fuisse reor, qua Saluator noster ob hanc coronam affectus est. Etenim ex eo quod de ea sacri scripsere Doctores, & ex eo quod Bononiensis Archiepiscopus, sacram sindonem siue sanctissimum sudarium (quod penes serenissimum Sabaudia Ducem asseruatur) piè ac diligenter intuitus & contemplatus, elicit, conicitur, eandem spineam coronam non simplicem fuisse circulum, siue sertum è sentibus contextum; sed cuiusdam pilei formam reddidisse, quod totum caput sacratissimum complexum, locis penè infinitis pupugit atque perstrinxit. Sic etiam sanctus Vincentius affirmat, asserens sacratissimam spineam coronam instar pilei fuisse compactam, quæ locis duobus super septuaginta caput Domini crudeliter punxit: *Et capiti eius*, inquit, *imposuerunt coronam, quæ eum in capite in septuaginta duobus locis crudeliter vulnerauit. Nam erat ad modum pilei.* Deuotus verò Bernardus asseruit, coronam illam mille locis pretiosissimum ac pulcherrimum Christi Domini caput vulnerando pupugisse: *Sed ipsa etiam eius corona*, inquit, *cruciatus est illi, & mille puncturis speciosum caput eius diuulnerauit.* Idem etiam sanctus Anselmus testatur his verbis: *Mille puncturis speciosum eius verticem diuulnerat.* Atque eò planè atrocius ac truciùs coronæ tormentum fuisse credendum est, quò prolixius fuit ceteris quæ in passione tota perpeffus est. Nam postquam capiti eius impacta fuit, numquam detracta, nisi è cruce deposito corpore eius, ac tradito sepulturæ. Quod piè obseruauit Origenes, inquiens: *De chlamyde scriptum est, quoniam denuò spoliauerunt eum chlamydem coccineam. De corona autem spinea nihil tale Euangelistæ scripserunt. Propterea quòd & nos querere voluerunt exitum rei, de corona spinea semel imposita, & numquam detracta.*

*Instar pilei compacta, locis penè infinitis caput Domini pungebatur.*

*S. Vincent. Serm. in die Paræceue.*

*S. Bernard. Serm. De Passi. Domini.*

*S. Anselm. Speculo Euangel. Serm. c. 12.*

*Origenes in Matth. Tractat. 35.*

Quamobrem piè meditari fas est, quale & quantum fuerit tormentum illud quod dulcissimus Dominus noster pertulit, dum tam diu acutissimos illos veprium aculeos capiti gestauit infixos; atque præsertim postquam arundineis percussionebus & contusionebus impressi sunt, adeoque crudeliter vulnerauerunt, vt frontem, oculos, genas, os & barbam eius totam tepido sanguine consperferint. Quæ pœna atque tormentum eò erat molestius, quò ne Cruci quidem ipsi, caput suum sine summi cruciatus atque doloris incremento poterat adinouere. Itaque iure in hac acerbitate suam ipsiusmet vicem dolens, dixerat: *Filius autem hominis non habet ubi caput suum reclinet.* Et nihilo minus sic ardens erat immodicæ charitatis ignis ille, quo illius pectus sacratissimum accensæ instar fornacis, pro summo salutis nostræ desiderio æstuabat; vt perinde ac nihil acerbos dolores sentiret suos, nullo crueiatu magis angi videretur, quàm quòd eius humanitatem, quæ omnium nostrorum animas tunc temporis repræsentabat, cum omnia peccata nostra super eam essent posita, adeò seuerè cerneret castigari, vt ab ipso Deo derelicta fuisse videretur. Quod attentius mente animoque perpendens sanctus Cyprianus, inquit: *Consideraui Domine opera tua, & ex paui. Clauis sacros pedes terebrantibus, fossisq; manibus, de vulnerum anxietate non loqueris, de spinis sacrum caput pungentibus non queris: sat agis, vt innotescat posteris, quare derelictus à Deo videaris, expositus cõtumeliis, & Iudæorū ludibriis.*

*Matth. 8.*

*De passione Christi.*

Domine



Domine mi igitur Iesu Christe, qui pro nobis miseris, spinis coronari voluisti; oro te, atque intimis præcordiis suppliciter deprecor, vt summi beneficii gratiæque loco nobis tribuere digneris veræ pœnitentiæ & contritionis pungentes spinas, quibus adeò efficaciter ac dignè compungamur, vt benignitatis & misericordiæ tuæ dono gratuito mereamur à te in cælis per æterna sæcula coronari. Amen.

## CAPVT XV.

*De clauis, quibus Dominus noster Iesus Christus cruci confixus est.*

**C**UM impij iam atque scelesti Pilati milites, opprobriis ludicris saturati essent, quibus benedictus ac sanctus mundi Saluator pro salute nostra permisit se esse ludibrio: cumque illum insignibus Regalibus ridiculè exornassent, sentibus coronassent, ludificassent, iniuriosè tractassent, vt præcedenti capite ostendimus; super Caluariæ montem deduxerunt, ibique inter duos latrones crucifixerunt; id est, manibus pedibusque, clauis mallei ictibus transfossis, duro Crucis ligno confixere: terribili ac truculentissimæ consuetudini in hoc morem gerentes, quæ tunc non à Romanis & Græcis tantum, verum à cunctis pœnè etiam nationibus retinebatur; vt clauis videlicet Crucis affigerentur ij, qui horribili planè morte illa damnati essent. Ad quod diuus Augustinus alludens, inquit: *Nisi enim clauis fixus esset, crucifixus non esset*. Cuius consuetudinis apud complures veteres auctores habetur mentio. Quamobrem hoc modo Seneca: *Cum refrigere se crucibus conentur, in quas vnusquisque vestrum clauos suos ipse adigit*. Et Lactantius Firmianus peruetustum quoddam Apollinis refert oraculum, cuius tamen fides penes auctorem sit; quod de morte illa, quam Saluator subiturus erat, hoc dixisse testatur:

*Clauis crucifigendi mos olim frequens:*  
In Psal. 68.

*De vita beata, c. 19.*

*Diuin. institut. lib. 4. c. 13.*

*Funibus adstringendi, rarus.*

*Clauisque & palis mortem exantlauit acerbam.*

Eandemque consuetudinem doctissimus Lipsius, Artemidori, Vlpiani, Strabonis, Plauti, & aliorum complurium grauissimorum scriptorum auctoritate suffultus, authenticè comprobat. Quorum verba, breuitatis causa, hîc non ducimus referenda: cum necessarium meo quidem iudicio haudquaquam sit, maiora moliri, ad tam clarum atque notorium morem attestandum. Consueuerant quandoque tamen Veteres, licet rariùs, funibus manus pedesque Crucibus alligare atque astringere, quos eadem morte afficere statuissent. Quocirca Ausonius Cupidinem suum Crucis affixum describens, ornatè quidem, sed Ethnicè magis quàm Christianè cecinit:

*Eligitur mæsto myrtus notissima luco,  
Inuidiosa Deum pœnis. Cruciauerat illic,  
Spreta olim, memorem Veneris Proserpina Adonum.  
Huius in excelsis suspensum stipite Amorem,  
Deuinctum post terga manus, substrictaque plantis  
Vincula mærentem, nullo moderamine pœnæ  
Adfigunt.*

At non commiseratione aut pietate profectò commoti, eo pacto illos alligabant, quò leuiore cruciatu afficerent; verum potiùs, vt prolixiorē pœnam sustinerent. Quamobrem iniquus atque impius Egeas Proconsul iusserat beatissimi Andreæ Apostoli manus ac pedes Crucis astringi funibus; vt martyrium eius prolixius, ac mors acerbior esset. Vnde ita in Cruce suspensus, duobus diebus vitam produxit, prædicans, ac docens populum, vt superiùs capite tertio demon-

*S. Andreas Apost. funibus Crucis alligatus.*



A demonstrauimus. Quæ quidem barbara consuetudo ansam præbuit quibusdam hæreticis (quorum dæmonicum institutum est contradicendi, vel potius, vt rabidi solent canes, oblatrandi ad ea omnia, quantumuis indubitata atque certissima, quæ sancta Dei Catholica amplexatur & proficitur Ecclesia) in dubitationem reuocandi, vtrum Christus Dominus clauis vel funibus potius Cruci affixus & astrictus fuerit. Quorum improba & virulenta propositio, scandalosaque & vana impactio, perinde atque atra nebula solis radiis euanescentes, ipsius sancti Euangelij luce dissipatur.

Nam cum Saluatori nostro placitum fuerit, ad ipsius gloriam ac triumphum, atque vt ab Ecclesia sua omnem incredulitatem, hæsitacionem, siue etiam hæresim, quæ circa hoc oriri posset, auferret, cicatrices vulnerum, quæ clauis manibus pedibusque, & lancea lateri suo inflixerat, retinere; his stemmatibus insignitus, discipulis suis sæpius apparuit. Quamobrem in diui Ioannis Euangelio  
B legimus, gloriosum Apostolum Thomam (qui incredulitate magis, quam credulitate Magdalena, nobis profuit) residem se ostendisse in credendo, Dominum Iesum Christum reuera à mortuis resurrexisse, atque dixisse: *Nisi videro in* Ioan. 20.  
*manibus eius fixuram clauorum, & mittam digitum meum in locum clauorum, & mittam manum meam in latus eius, non credam.* At octo postea diebus exinde transactis, cum Christus Dominus ianuis clausis ingressus esset domum, vbi discipuli eius propter metum Iudæorum erant congregati, ibique cum eis & ipse Thomas adesset; Dominus ei dixit: *Infer digitum tuum huc, & vide manus meas: & affer manum tuam, & mitte in latus meum: & noli esse incredulus, sed fidelis.*

In sancti verò Lucæ textu legitur, quod, dum iidem discipuli de Christi Domini resurrectione adhuc hæsitantes, anxij & ambigui simul essent, ipse repente eis apparuerit, & manus pedesque ostenderit: cuius quidem sacri textus hæc sunt verba: *Dum autem hæc loquuntur, stetit Iesus in medio eorum, & dixit eis: Pax* Luc. 24.  
*vobis, ego sum, nolite timere. Conturbati verò & conterriti, existimabant se spiritum videre. Et dixit eis: Quid turbati estis, & cogitationes ascendunt in corda vestra? Videte manus meas, & pedes, quia ego ipse sum. Palpate, & videte, quia spiritus carnem & ossa non habet, sicut me videtis habere. Et cum hoc dixisset, ostendit eis manus & pedes.*

His addantur Regij Prophetæ verba, qui Spiritus sancti lumine illustratus, perinde ac si mundi Redemptorem corporeis oculis in Cruce pendentem conspexisset, manibus pedibusque clauorum cuspide perfossis, lignoque confixis, quasi in eius persona dixit: *Foderunt manus meas, & pedes meos.* Super quibus Psal. 21.  
verbis sanctus Iustinus Martyr inquit: *Quando enim crucifixerunt eum, clauis infixis manus pedesque eius foderunt.* Et diuus Hieronymus super eisdem verbis ait: In Dial. cū Tryph.  
*Foderunt, clauos fixerunt.* Et Nonnus Paraphrasi sua in Ioannem, aperte etiam ostendit, Christum Dominum clauis ferreis, manibus pedibusque confossis, Cruci affixum, inquit;

D *Καὶ πρὸς τὴν παλάμησι σιδήρεα κέντρα κοιλίων.* Nonnus in Ioan. c. 19.  
*Et in pedibus & manibus ferreos aculeos habens.*

Quapropter ipso quidem Sole clarius est, Christum Dominum non funibus, sed clauis manibus pedibusque perfossis, Cruci affixum fuisse. Quot autem reuera clauis ipsi fuerint, in magna Patrum disceptatione versatur. Eorum enim quidam tres tantummodò, alij verò quattuor fuisse contendunt. Inter eos autem, qui eam opinionem concepisse animo videntur, Christum scilicet tribus clauis tantum Cruci affixum, sanctus Gregorius Nazianzenus fuit, siue vt aliis videtur magis, Apollinaris Laodicens. Is enim in sua Tragœdia, siue Tragico-  
De tribus quidam asserunt:  
mœdia, cui titulus est, *Christus patiens*, Crucem sanctam appellauit *Τεῖσινλον ξύλον*, id est, trium clauorum lignum. Quamobrem in eadem Tragœdia, quæ inter  
cetera



cetera eiusdem sancti Gregorij Nazianzeni opera, Latinitati reddita, est im- A  
pressa, fingit virum optimum Iosephum ab Arimathia, postquam sepulturae  
tradendi Redemptoris nostri corpus facultatem à Pilato impetrasset, eodemque  
è Cruce deposito, Nicodemum ceterosque sanctos commilitones suos, qui bea-  
to ac pio illi officio praesentes aderant, alliciendo, ut ipsum in sacratissimo cor-  
pore ad sepulcrum deferendo adiuuarent, ita dixisse:

*Vos me sequimini, deferamus gnauius  
Onus beatum, mille post preces mihi  
Vix impetratum, Principis dono; tribus  
Quod habeo clavis edita fixum Cruce,  
Nudumque.*

Meditat.  
vitae Chri-  
sti.

Hanc opinionem sanctus quoque Bonauentura amplexatus est. Nam eum-  
dem diuum Gregorium Nazianzenum, siue Apollinarem Laodicensem, in B  
hoc forsitan secutus, inquit: *Illi tres clavi sustinent totius corporis pondus*. Imò  
communi hominum consensu videtur recepta esse à Christiano orbe vniuerso;  
etenim nunc Crucifixi imagines pænè omnes passim, tribus cum clavis effor-  
mantur: licet non abs re forsitan dici posset, id ad gratiorem prospectum intro-  
ductum fuisse; cum minùs sit visu horribile, Crucifixi pedes, quorum alter alteri  
sit superpositus, vno, quàm duobus clavis seiunctim transossos conspiciere.

Alij quat-  
tuor fuisse  
volunt:

In Serm.  
de Passione  
Christi.

Verùm sanctus Gregorius Turonensis, Innocentius III. summus Pontifex,  
atque alij complures, Dominum nostrum quattuor clavis reuerà Cruci con-  
fixum volunt. Cuius sententiæ sanctus Cyprianus quoque videtur fuisse, qui de  
eo agens, inquit: *Clavis sacros pedes terebrantibus*. Vbi notandum est, eum dixisse,  
clavis, in plurali numero, & non clauo in singulari; hoc pacto innuentem, Chri-  
sti Domini pedes duobus, non vno clauo Cruci confixos fuisse. Quamobrem  
Iacobus Pamelius in suis ad eundem diui Cypriani textum Annotationibus,  
appositè inquit: *Fuit igitur auctor in ea sententia, quòd non unico, sed duobus clavis,* C  
*pedes Christi terebrati fuerint. Et certè confirmatur id ipsum vetustissimis picturis qui-*  
*busdam*. Et sanctus Gregorius Turonensis testatur, clauos, quibus Redemptor

De gloria  
Marr. lib. 2.  
cap. 6.

noster Cruci affixus est, quattuor fuisse; quorum duobus manus, duobus pedes  
eiusdem fuisse confixos: *Clauorum ergo Dominicorum gratia, inquit, quòd quattuor  
fuerint, hæc est ratio: duo sunt affixi in palmis, & duo in plantis*. Innocentius quoque  
Papa III. idem affirmans, Christi nempe clauos fuisse quattuor, quibus manus  
ac pedes eius Cruci confixi fuerunt, sic tradit: *Fuerunt & clavi quattuor, quibus  
manus confixæ sunt, & pedes affixi sunt*. Et paulò inferiùs, ad eosdem quattuor cla-  
uos alludens, iisdemque Christiani hominis opera applicando, subnectit: *In his  
duobus lignis duos pedes & duas manus quattuor clavis debet configere Christianus*.

Toletus, in  
Ioan. c. 19.  
Annot. 14.  
Guil. Lind.  
Panopliæ  
lib. 14. c. 47  
Lipsius de  
Cruce lib. 2.  
c. 9.

Quorū sen-  
tentiam re-  
velationes  
S. Brigittæ  
à sancta Se-  
de Apostoli-  
ca approba-  
ta confir-  
mant;

Cui opinioni alij subscripsere recentiores, atque inter alios Cardinalis Toletus,  
& Guilielmus Lindanus Episcopus, qui in sua Panoplia inquit: *Christum Do-* D  
*minum vna nostri causa crucifixum, non tribus fuisse clavis fixum, ut hodie vulgò habent  
imagines, sed quattuor verius crediderim; non ex vetustissimis tantum Louanij, Pari-  
siis, & per Germaniam imaginibus, sed tabellis etiam antiquissimis, in Græcia pridem  
fabrefactis*. Quamobrem circa hanc discrepantiam nil aliud affirmare queo,  
quàm quòd Lipsius prudenter dixit: *In dissensu Patrum, non est meum arbitrari*.  
Verùm his non obstantibus, controuersia hæc reuelationibus sanctæ Brigittæ  
prorsus dirimi atque amputari videtur. Quæ quidem magnæ auctoritatis sunt,  
cùm à sancta Sede Apostolica approbatæ atque receptæ fuerint; non tantum,  
quòd Bonifacius Papa Nonus in eiusdem sanctæ canonizationis diplomate de  
eisdem honestissimam mentionem facit; quæ Bulla & Canonizatio post schi-  
smatis extinctionem à Martino Papa Quinto postmodum confirmata est; verùm  
etiam



A etiam quia Reuelationes ipsæ in Concilio Constantiensi, accedente voto Cardinalis de Turre cremata, Iudice fidei ad hoc præcipuè deputato, examinatae atque approbatæ fuere. Nam sancta eadem mulier Reuelationum suarum locis plurimis attestatur sibi reuelatum fuisse, pedes Domini nostri Iesu Christi duobus clavis Cruci affixos fuisse. Quin ibi etiam modum describit, quo sacratissimi iidem pedes crucifixi fuerunt. inquit enim: *Deinde dextrum pedem crucifixerunt, & super hunc sinistram, duobus clavis; ita ut omnes nervi & venæ tenderentur & rumparentur.* Et in alia Reuelatione, de eodem agens, subdit: *Et pedes similiter ad foramina sua distenduntur, cancellatique, & quasi infra à tibiis distincti, duobus clavis ad Crucis stipitem per solidum os, sicut & manus erant, configuntur.* Et alibi subiungit: *Pedes deorsum tracti, & duobus clavis perfossi, non habebant aliud sustentaculum, nisi clauos.* Quod præterea contra eorum opinionem facere videtur, qui asseruerunt, subtus pedes Domini in Cruce pro sustentaculo positam fuisse tabulam quamdam, quæ suppedanea tabella à Latinis dicitur, de qua iam superius egimus: cum ibidem in textu sanctæ Brigittæ aperte dicatur, sacratissimos Christi pedes, nullum aliud sustentaculum habuisse, quàm clauos ipsos, quibus Cruci erant affixi.

Reuelat. lib. 1. c. 10.

Lib. 4. c. 70

In Reuelat. extra-uag. c. 51.

Quibus Reuelationibus, & cui opinioni, non leue testimonium, & non parum fidei atque auctoritatis afferunt multiplices Christi peruetustæ imagines, quæ quattuor clavis Cruci affixæ conspiciuntur, non tantum Louanij quidem ac Parisiis, & in Germania, ut Lindanus asserit; siue etiam Treueris, ut scribit Gretserus; verum & in Italia nostra, ut videre est in illa antiquissima Lucensis crucifixi imagine; in ea quæ asseruatur Siroli, prope Anconam, ubi olim Numana erat ciuitas: & quod magis refert, in sanctorum Martyrum cœmeteriis, quæ extra Romanæ urbis mœnia sub terra effossæ sunt imagines, iam inde à primitiua Ecclesiæ temporibus hoc modo pictæ conspiciuntur. Ex quibus planè coniici videtur, antiquos illos Christi fideles huic opinioni firmiter adhæsisse. Quin etiam non defuere, quibus illa insedit opinio, clauos scilicet, quibus Christus Dominus Cruci confixus fuit, non quattuor tantum, sed octo etiam esse potuisse. Quorum opinandi motus, ex verbis illis Plauti originem fortasse trahere potuit; quibus coniici videtur, consueuisse quandoque Veteres, octo clavis Cruci homines configere, duobus videlicet pro singulis manibus ac pedibus, quo Cruci firmiùs affixi consisterent. Quæ quidem verba hæc sunt:

Itæ peruetustæ Christi crucifixi imagines.

Nonnulli etiam octo fuisse opinantur.

*Ego dabo ei talentum, primus qui in Crucem excurrerit.*

In Mostell. Act. 2.

*Sed ea lege, ut affigantur bis pedes, bis brachia.*

Cui opinationi eò firmiùs adhærescere sibi posse videntur, cum sanctæ Ecclesiæ veterum monumentorum lectione sciatur, quosdam sanctos Christi Martyres longè maiore clauorum numero crucifixos fuisse. Ut sanctus Agricola præsertim Cruci confixus est, de quo in Romano Martyrologio hæc: *Agricolam verò, plurimis clavis Cruci affigentes, interemerunt.* Ac de quo sanctus Ambrosius hoc modo: *Nos legimus Martyris clauos, & multos quidem; & plura fuerunt vulnera, quàm membra.* Atque ut in eodem Martyrologio de sancto Philomeno Martyre recitatur, qui in Aureliani Imperatoris persecutione, cum igni priùs semiustulatus fuisset, manibus pedibusque, ac demum capite clavis confixo, gloriosam martyrij palmam est adeptus. Verum apertissima res est, Christi Domini clauos supra quattuor reuera non fuisse; quamuis plures etiam in variis Christiani orbis Ecclesiis reperiri dicantur. Nemo enim auctoritate grauis, & Catholicus Auctor unquam scripsit, plures quam quattuor extitisse. Quamobrem iure Cardinalis Baronius inquit: *Quòd verò clavi, quibus suffixus est Christus, plures diuersis in locis hodie reperiri dicantur; nihil est quòd pluribus*

Martyres quidā pluribus clavis crucifixi.

Die 4. Nouemb. Ambrosius in exhortat. ad Virg. Die 29. Nouemb.

Annal. tomo 4. anno Christi 326



At quat-  
tuor ad  
summum  
Christus:  
et si plures  
in diuersis  
orbis Chri-  
stiani Ec-  
clesiis asser-  
uari vi-  
deantur.

quàm tribus, vel ad summum quattuor, Christi manus & pedes confixos putemus. A

At non prætereà ob id in minimo quidem imminuenda est auctoritas atque religio, clavis his qui in diuersis Christiani orbis Ecclesiis, tamquam Christi passionis clavi, magna veneratione ac pietate asseruantur. Etenim perbellè fieri potest, vt hi partes sint ipsorum clauorum, quibus Dominus noster suffixus est. Veteres enim & verè pij Christi fideles illi ad eò auidi & percupidi erant particulam aliquam instrumentorum passionis Redemptoris nostri obtinendi, vt si quando singularis gratiæ dono frustulum aliquod eorum consequi potuissent, id tamquam inestimabilem thesaurum aliquem in patriam lætissimi deferrent. Et nihil est, quòd nobis scrupulum aut dubium afferat, si clavi illi, qui in diuersis Ecclesiis tamquam Christi passionis Reliquiæ ostenduntur, integri fortè videantur. Nam quicumque Christi clauorum particulam aliquam assecutus esset, ferro illo sacratissimo aliud ferrum addens, integros clauos pro sua pietate sibi fabrefieri curabat, persuasissimum apud semetipsum habens, virtutem scilicet illius veri Christi clavi particulæ in nouos clauos fabrefactos transfundi. B

Aliqui verò, qui ex Christi Domini clavis, germanis quidem ipsis, particulam nullam assequi poterant, alios eiusdem formæ similitudinis atque mensuræ sibi fabrefieri nitebantur, & pro ipsorum spiritali solatio asseruabant: vt cum iuxta vota prototypum assequi nequiuissent, typo saltem, seu forma fruerentur. Itaque hoc pacto, non Christi clavi, sed eorum potius imagines multiplicatæ dici possunt. Fortasse etiam accidit, vt in aliqua Christianitatis Ecclesia reperiretur clauus aliquis ex his quibus Christi Domini Crux sancta compacta fuit; & vt, deperditis antiquioribus, rem testantibus monumentis, hodie pro his veneratione, quibus Christi membra Cruci fuerunt infixæ. Fieri etiam id potest, quod Cardinalis Baronius congruè animaduertit, vt in aliqua Ecclesia clauus aliquis inter sacras Reliquias asseruatur, quo mystica membra Christi, nempe Martyr quispiam sanctus confixus fuerit, idemque vnus ex ipsis Christi passio- C

Sacri clau-  
i, quibus  
Dominus ac  
Redemptor  
noster Iesus  
Christus Cruci  
suffixus est,  
à fidelibus  
Catholicis  
venerantur  
& adorantur:  
quippe qui  
Domino  
ipsi, magis  
etiam quàm  
sancta Crux,  
coniuncti fu-  
ere; cum non  
pellem tan-  
tum, & sacra-  
tissimi corpo-  
ris Christi  
superficiem,  
vt Crux ipsa,  
tetigerint, sed  
etiam carnem  
eius sanctissi-  
mam penetra-  
uerint. Quamobrem  
Rusticus, sanctæ  
Romanæ Eccle-  
siæ Diaconus,  
merito inquit:  
*Nec non & clauos,  
quibus confixus  
est, & lignum  
venerabilis  
Crucis omnis  
per totum  
mundum Eccle-  
sia absque  
vlla contra-  
dictione  
adorat.* Ego amo,  
& veneror,  
inquit Ioannes  
Chrysostomus,  
sacros clauos,  
membrorumque  
foramina saluto,  
arundinem,  
lanceam, &  
spongiam su-  
D

Rusticus  
contra A-  
cephalos.  
Chrysost.  
de Crucis  
venerat.  
media heb-  
dom. Ieiun.  
Tom. I. ho-  
mil. in fine.  
S. Io. Da-  
mascen. de  
Imaginib.  
orat. 3.  
Metap. De  
vita & dor-  
mit. S. MA-  
RIÆ, apud  
Sur. tom. 4.  
di. xv. Aug.

sancti clavi, quibus Dominus ac Redemptor noster Iesus Christus Cruci suffixus est, à fidelibus Catholicis venerantur & adorantur: quippe qui Domino ipsi, magis etiam quàm sancta Crux, coniuncti fuere; cum non pellem tantum, & sacratissimi corporis Christi superficiem, vt Crux ipsa, tetigerint, sed etiam carnem eius sanctissimam penetrauerint. Quamobrem Rusticus, sanctæ Romanæ Ecclesiæ Diaconus, meritò inquit: *Nec non & clauos, quibus confixus est, & lignum venerabilis Crucis omnis per totum mundum Ecclesia absque vlla contradictione adorat.* Ego amo, & veneror, inquit Ioannes Chrysostomus, sacros clauos, membrorumque foramina saluto, arundinem, lanceam, & spongiam su- D  
spicio: pro Regia corona coronam ex spinis ad caput accommodo. Nos veneratione, & adoramus, subdit Ioannes Damascenus, sanctæ Crucis lignum, clauos, spongiam, arundinem, lanceam; sacramque illam & salutarem vestem, tunicam, linteum, fascias, &c. Hæc & huiusmodi similia ego quidem reueror & adoro, non propter eorum naturam, sed quia diuini operis receptacula fuere; hisque ministris, & in ipsis salutem nostram operari Deo placitum est. Eoque maiore planè veneratione ij clavi sacratissimi digni sunt, quòd beatissima Christi Mater ac semper Virgo MARIA, Redemptore nostro è Cruce deposito, eos tamquam humanæ salutis pignora charissima, ac gemmas pretiosissimas, sacratissimo suo in sinu reposuit; vt Simeon Metaphrastes his verbis testa-  
tur:



A tur: *Quin etiam, in eo à Cruce deponendo, maternis manibus inseruit, & clauos qui extrahebantur, suo sinu accepit.* Quamobrem non inconsultò, sed magna planè ratione, vt Molanus refert, ab Innocentio Papa Sexto, ad Caroli Quarti Imperatoris supplicationem, anno salutis nostræ M. CCC. LIII. sancitum est, vt Feria sexta post Octauam Paschatis, lanceæ & sacratissimorum Christi clauorum festum celebraretur.


Molan. ad  
Vsuuarii  
Martyrol.  
Festum sa-  
cratissimis  
clauis sa-  
crum.

Hos venerandos sacrosque clauos Helena sancta Constantini Imperatoris mater reperit, anno reparatæ salutis labente trecentesimo vigesimo sexto, ipso eodemque tempore, quo Deo optimo maximo volente, singularis gratiæ & beneficij loco, ipsiusque ac totius populi Christiani solatio, sanctam quoque & veram inuenerat Crucem, in qua diuinum humanatum Verbum, horribili planè ac truculentissima morte, pro humani generis redemptione carnem suam in sacrificium æterno Patri obtulit: illosque reperit in eodem antro, quo sacratissimum Christi sepulcrum excisum fuerat; vt Socrates Historicus, & Nicephorus Callistus, in sua Ecclesiastica tradunt Historia. Nec sanè mirandum est, eosdem sacros clauos in antro Dominici sepulcri repertos fuisse. Nam apud Hebræos non tantum expresse vetitum erat, damnatorum corpora vnà cum ceteris defunctis, publicis sepulcris inferri, quæ seorsum priuato aliquo monumento inuiolabili sanctione humanda erant: verum vsu frequentissimo receptum erat vnà cum ipsorum damnatorum cadaueribus, sepeliendi etiam instrumenta, quæ eorum morti inseruierant, vtputa Cruces, clauos, lanceas, gladios, seu lapides, & his similia; iuxta mortis speciem, qua affecti fuerant. Sic enim memoriæ proditum est in compendio Talmud, quod Alphesi appellatur; & ita scripsere Rabbini Iacob Turim & Moyse Ægyptius. quod & Annalibus suis Cardinalis Baronius accuratè notauit, dum sedula indagine peruestigaret, quidnam causæ esse potuerit, quòd Christus Dominus in sepulcro nouo sepultus sit, in quo nondum aliquis positus fuerat.

S. Helena  
in antro sa-  
cri sepulcri  
eos reperit.  
Socrates  
lib. 1. c. 11.  
Nicephor.  
lib. 8. c. 29.  
Nam He-  
bræi, vnà  
cum corpo-  
re damna-  
ti, etiã sup-  
plicij instru-  
menta con-  
debant.  
Tomo 1.  
anno Chri-  
sti xxxiii.

Sacrorum clauorum vnus ad hunc vsque diem Romæ conspicitur, magna veneratione ac reuerentia asseruatus, in Ecclesia sanctæ Crucis in Ierusalem, vbi ab eadem Helena sancta, vnà cum aliis insignibus Reliquiis repositus fuerat, vt superius ostendimus. Estque præcisè eius formæ atque mensuræ, quæ in germano ac naturali eius typo hîc graphicè delineato conspicitur; quem in piorum Lectorum gratiam, & spirituale solatium, hoc loco addere placuit.

Verus sa-  
cratissimi  
clauus typus.



Notandum autem est, hunc clauum sacratissimum retusum, & cuspidem truncatum esse, vt superius posito typo videre est; tertia ferè parte hastæ, siue longitudinis suæ, acumen versus, ei deficiente: quæ ibidem addita est ad clauus longitudinem tantummodò demonstrandam. Quæ cuspidem ab eadem Helena, siue à magno Constantino Imperatore, vel à quopiam alio supremo Principe, alicui magno viro, aut insigni Ecclesiæ cuiuspiam, donata forsitan esse potuit; vel potius de ea id factum, quod paulò inferius dicturi sumus. Consideranda prætereà



S Brigitta  
Reuelat.  
lib. 2. c. 21.

est etiam longitudo eius; propter id, quod in sanctæ Brigittæ Reuelationibus A scriptum legimus. Ibi enim dicitur, clauos eos, quibus Dominus noster Iesus Christus Cruci confixus est, longos adeo fuisse, ut ultra Crucis stipitem protenderentur: *Qui quidem clauis longè ultra Crucis stipitem protendebantur.* hæc ibi.

E duobus  
sacris cla-  
uis sibi ga-  
leam & equo  
suo frænum  
Constanti-  
nus Imp.  
adaptari  
iussit:  
Soc. lib. 1.  
c. 13.

Quid verò de ceteris sacris clauis à sancta Helena repertis factum fuerit, ex Historicis supradictis, itemque ex Sozomeno, Theodoretis, & ex sancti Ambrosij scriptis clarè colligitur. Memoria enim prodit Socrates, eandem sanctam Helenam duos clauos, quibus Saluatoris nostri manus suffixæ fuerant, Constantino filio suo transmisisse, qui ex eorum altero frænum equo suo fabrefieri mandauit, alterumque in galeam sibi adaptari iussit, quibus postea in bello atque in præliis præcipuè utebatur: *Quinetiam (inquit) & clauos, quibus Christi manus Cruci affixæ erant, Constantinus affecutus (istos enim mater in Seruatoris monumento reperiens, ad eum miserat) in fræna curat & galeam fabricandos, illisque in bello gerendo utitur.*

Zach. 14.  
Sozome-  
nus lib. 2.  
cap. 1.

Tunc quidem iuxta multorum scriptorum sacrorumque Doctorum sententiam (licet à sancto Hieronymo id non satis probetur) veritate comprobatum fuit Zachariæ Prophetæ vaticinium, qui de sacro hoc fræno hæc prædixisse videtur: *In illa die erit, quod super frænum equi est, sanctum Domino.* Quamobrem Sozomenus de eisdem sacris clauis agens, inquit: *Quod ad clauos attinet, quibus corpus Christi confixum erat, memorant, Imperatorem ex illis sibi confecisse galeam, & frænum equi, ut scriptum est à Zacharia Propheta: & à quo prædictum, quod in tempore isto, illud, quod sit in frænum equi (his enim ferè verbis utitur Propheta) sanctum esset Domino omnipotenti.* Ista quidem, ut olim præcognita à sanctis Prophetis, præuisaque fuere, sic postea factis planè admirabilibus tum confirmata, cum Deo tempus visum est eiusmodi rebus opportunum. Neque certè tantopere mirandum est, præsertim cum ipsi Gentiles ingenue fateantur, hoc esse Sibyllæ carmen:

*O lignum felix, in quo Deus ipse pependit.*

Nicephor.  
Callistus  
lib. 8. c. 29.  
Vel ipsa  
Helena eius  
mater fa-  
brefieri cu-  
rauit.

Id etiam quod ad sacros clauos & ad Zachariæ prophetiam attinet, refert Nicephorus his verbis: *Misit illa etiam, scilicet Helena sancta, ad eum, id est Constantinum filium, ex sacris clauis quosdam, quos tum ad monumentum repperat: illis porro corpus Christi transfixum fuerat. Quorum altero illi sibi fertur galeam instruxisse, alterum equi frænis inseruisse, ut in certaminibus tutus à vulneribus illa susque maneret, & sic tempore suo prophetia Zachariæ impleretur, Erit, dicentis, in fræno equi sanctum Domino omnipotenti.* Eadem tradit etiam Theodoretus, in nullo prorsus à supradictis Historicis discrepans; in eo dumtaxat, quod asserit eandem Helenam ipsam fuisse, quæ cum iuxta desiderium suum Crucem sanctam clauosque prædictos reperisset, partem illorum in Imperatoris galeam artificiosè inferendam curauit; filij eius capiti hoc pacto consulens, quò inimicorum tela ab eo longius arcerentur. Alteramque eorundem clauorum partem fræno equi eius commisceri iussit, tum ut Imperatorem ab omni discrimine tutum redderet, D

Theodore-  
tus Histor.  
Eccl. lib. 1.  
cap. 18.

tum etiam ut antiquum vaticinium adimpleret. *Itaque Imperatoris mater, cum id, quod in optatis ad hunc modum didicisset, clauorum partem in Imperatoris galeam artificiosè includendam curauit, quò capiti filij consuleret, & hostium tela depellerentur: partem equi illius fræno admiscuit, quò tum Imperatorem tutum ac securum redderet, tum veterem prophetiam explere posset.* Nam olim prædixerat Zacharias Propheta: *Quod est in fræno equi, erit sanctum Domino omnipotenti.*

In funebri  
oratione  
Theodosij  
Imp.

Quibus sanè verbis itidem concordat, quod de eodem scripsit sanctus Ambrosius: *Quæsiuit Helena sancta, inquit, clauos quibus crucifixus est Dominus, & inuenit. De vno clauo frænos fieri præcepit, de altero diadema intexuit. Vnum ad decorem, alterum ad deuotionem vertit. Misit itaque filio suo Constantino diadema gemmis insigni-* tum,



**A** tum, quas pretiosior ferro innexas Crucis redemptionis diuinæ gemma connecleret. Misit & frænum. Viroque usus est Constantinus, & fidem transmisit ad posteros Reges. Principium itaque credentium Imperatorum, sanctum est, quod super frænum: ex illo fides, ut persecutio cessaret, deuotio succederet. Sapienter Helena egit, quæ Crucem in capite Regum leuauit & locauit, ut Crux Christi in Regibus adoretur. Non insolentia ista, sed pietas est, cum defertur sacræ Redemptioni. Bonus itaque clauus Romani Imperatoris, qui totum regit orbem, ac vestit Principum frontem; ut sint prædicatores, qui persecutores esse consueuerunt. Rectè in capite clauus, ut ubi sensus est, ibi præsidium. In vertice corona, in manibus habena: corona de Cruce, ut fides luceat: habena quoque de Cruce, ut potestas regat, sitque iusta moderatio, non iniusta præceptio.

Et paulò inferius, quasi in persona perfidorum Iudæorum Christi hostium loquens, adiecit: Ecce, inquit, & clauus in honore est: & quem ad mortem impressimus, remedium salutis est; atque inuisibili quadam potestate, demones torquet. Ferro pedum eius Reges inclinantur, & reuerenter adorant. Clauum Crucis eius, diademati suo deuotissimè præferunt Imperatores. Sed quero quare sanctum super frænum, nisi ut Imperatorum insolentiam refrænaret, comprimeret licentiam tyrannorum, qui quasi equi adhinirent, quòdliceret adulteria impunè committere? Et postremò orationem suam colligens Ambrosius, subdit: Quid ergo aliud egit Helena operatio, ut fræna dirigeret; nisi ut omnibus Imperatoribus sancto dicere Spiritu videretur: Nolite fieri sicut equus & mulus? & velut fræno & chamo maxillas constringere velle videretur eorum, qui se non agnoscunt Reges esse, ut in spiritu lenitatis ac dilectionis populos curæ suæ commissos regant, quasi effrænatae belluæ illos tyrannicè diuexant. Hæc Ambrosius.

Ruffinus verò Aquileiensis eadem quæ de Christi clauis diximus, etiam affirmat; sed testatur eandem Helenam Constantino Imperatori filio suo eos detulisse, qui ex eis fræna construi, galeamque sibi instrui iussit, quibus vteretur in bello. Videturque idem Ruffinus innuere, Constantinum ex clauis eisdem non vnum tantum, sed plura fræna construxisse; sic enim inquit: Clauos quoque, quibus corpus Dominicum fuerat affixum, portat ad filium. Ex quibus ille frænos composuit, quibus vteretur ad bellum. Et ex aliis galeam nihilominus, belli vsibus aptam, fertur armasse.

Histor. Ec-  
cles. lib. 2.  
cap. 8.

At sanctus Gregorius Turonensis, qui, ut superius diximus, testatus est Christum Dominum quattuor clauis suffixum; tradit Helenam, post clauos reperi-  
**C** tos, duobus ex eis Imperatoris æqui frænum obuallasse; ut si aduersæ hostium acies Imperatori obsistere vellent, clauorum prædictorum virtute facilius profligarentur: Speciosi autem, inquit, omni-  
**D** que metallo nobiliores Dominicæ Crucis clauis, qui beata membra tenuerunt, ab Helena Regina, post ipsius sacræ Crucis inuentionem, reperi sunt. Et de duobus quidem frænum Imperatoris muniuit, quo facilius, si aduersæ gentes resistissent Principi, hac virtute fugarentur. Affirmans & ipse Zachariam Prophetam de hoc Constantini fræno ex Christi clauis fabrefacto intellexisse, cum eo modo quo superius diximus, prophetauit. Tertium verò clauum in Adriaticum mare, iubente sancta Helena proiectum fuisse testatur; quia mare illud eo tempore magnis fluctibus concitabatur: vnde tam frequentia ibi contingebant naufragia atque hominum submersiones, ut mare id ipsum Nauigantium vorago passim diceretur: Tunc provida Regina, addit idem Gregorius, condolens excidia miserorum, vnum ex quattuor clauis deponi iubet in pelagus; confisa de Domini misericordia, quòd seuas fluctuum commotiones facile posset opprimere. Quo facto, redditur mare quietum, tranquillaque deinceps nauigantibus flabra præstantur. Vnde vsque hodie nautæ sanctificatum mare venerantur; cum ingressi fuerint, ieiuniis, orationibusque, & psallentio vacant. Verum enimuero non nisi solidæ ac planè

De gloria  
Mart. lib. 1.  
cap. 6.

Mare A-  
driaticum  
sacro clauo  
immerso  
placatur.



verisimili innixus rationi, Iacobus Gretserus prudenter autumat, sacratissimum A clauum illum immersum forsitan potius quam demersum esse potuisse; cum durum planè ac pænè incredibile videatur, Helenam tanto thesauro atque spiri- tuali solatio seipsam & alios in perpetuum orbatos esse voluisse.

Quartum verò clauum (subiungit idem sanctus Gregorius) asserunt in capi- te statuæ Constantini fuisse defixum. Quod & Zonaras, tertio Annalium suo- rum tomo, ad posterorum memoriam transmisit. Mihi verò ea insedit senten- tia, quod idem quoque Gretserus annotauit, in hoc credendum potius anti- quioribus pluribusque Auctoribus, quos superius citauimus; præcipue verò ipsi sancto Ambrosio, qui vnà cum historicis prædictis affirmat, clauum, de quo agimus, Constantini Imperatoris galeæ insertum fuisse. Quòd si capiti statuæ eiusdem Imperatoris, coronâ siue galea coronata aliqua imposita sit; ad simili- tudinem illius potius, quam Constantinus deferebat, sculptam fuisse, non sine ratione credi debet. In qua quidem Imperatoris galea, mihi quoque optima ra- B tione persuadeo, non totum integrum clauum, sed cuspidem ipsius tantummo- dò clauī, qui hîc Romæ in Ecclesia sanctæ Crucis in Ierusalem ostenditur, im- missam fuisse.

Refert deinde idem Gregorius Turonensis aliud clauorum Christi miracu- lum, illius scilicet, vel illorum, qui in equi Constantini fræno adaptati fuerant, his verbis: *Magnam asserunt virtutem esse huius fræni, quod ambigi nequaquam po- test. Quod Iustinus Imperator publicè expertus est, ac suis omnibus patefecit. Illusus enim à quodam mago, propter pecuniam, emissas sibi à demonis umbra intolerabiles per dua- rum curricula noctium sustinuit insidias: sed cùm tertia nocte frænum capiti collocasset, locum insidiandi inimicus ultra non habuit: repertumque auctorem insidiarum, gladio perculit.* Quidam scriptores opinantur, sacratissimum clauum, quo frænum prædictum fabrefactum fuerat, illum ipsum esse, qui hodie in Mediolanensi maiore Basilica, quam per antonomasiam Domum appellant, asseruatur. Inter C quos Iacobus Philippus Bergomensis, in suo Chronicorum supplemento, de eo sic tradit: *Helena itaque, ibidem edificato templo, inde Constantinopolim ad filium abiit, & clauos, quibus Christi corpus conclauatum fuerat, secum detulit, quorum vnum Con- stantinus ipse in frænum equi transtulit, quo in prælio tantummodo utebatur; quod modò in Mediolanensi Domicilio, maximo in pretio colitur.*

Præsignificati fuerunt clauī Domini nostri, verbis illis, quibus fortissimus Samson Dalilæ concubinæ suæ respondit, cùm vbi roboris ipsius virtus con- sisteret, sibi patefieri importuniùs instaret: *Si septem crines, inquit, capitis mei cum licio plexueris, & clauum his circumligatum terræ fixeris, infirmus ero.* Pro quorum verborum intelligentia, sciendum est, nomen Dalila pauperculam significare, & hoc quidem loco pro Hebræorum Synagoga accipiendum: quæ paupercula certè dici potest, cùm sit omnibus diuitiis legis ac Prophetarum spoliata; qua- rum gratiâ adeò elata atque superba efferebatur, vt iactaret se habitare in So- D rech, quo nomine electa & optima signatur. Animaduertendum quoque est, se- ptenarium numerum pro vniuersitate accipi atque intelligi consueuisse; ac pro capillis peccata sæpè capi ac declarari. Et propterea in Silua Allegoriarum de eisdem sic dicitur: *Hos capillos denudat Dominus, cùm in publico iudicio condemnat peccata.* Quamobrem Samson, qui in hoc Christi figuram præferbat, quasi in persona ipsius, Dalilam, id est, Hebræorum Synagogam allocutus, inquit: *Si se- ptem capillos capitis licio plexueris, id est, si totius humani generis peccata, quæ eter- nus Pater capiti meo imposuit, textrinæ Crucis ligneo licio extenderis, & clauum his circumligatum terræ fixeris, id est, si clauis carnem meam terebraueris, Cru- ciq; confixeris, infirmus vsque ad mortem ero, pro vniuersali hominum salute.* Quo-

S. Gregor.  
Turon. lo-  
co citato.  
Sacri clauī  
à quodam  
mago, pro-  
pter pecu-  
niam, em-  
issas sibi  
à demonis  
umbra in-  
tolerabiles  
per dua-  
rum curri-  
cula nocti-  
um susti-  
nuit insi-  
dias: sed  
cùm tertia  
nocte fræ-  
num capi-  
ti colloca-  
set, locum  
insidiandi  
inimicus  
ultra non  
habuit: re-  
pertumque  
auctorem  
insidiarum,  
gladio per-  
culit.

In supple-  
mento Chro-  
nicorum  
lib. 9.

Clauī Do-  
mini nostri  
in verbis  
Samsonis  
ad Dalila  
præsigni-  
ficati:  
Iudic. c. 16.



**A** Quocircà sicut Samson, licet capillis eo pacto alligatus humique confixus, viriliter nihilominus surrexit, neque à Philisthæis capi aut retineri potuit: sic Christus Dominus, licet clavis Cruci confixus ac mortuus sepultus fuisset, gloriosè nihilominus surrexit, nec à morte aut ab inferno capi aut retineri potuit. Quamobrem Rupertus Abbas appositè ad hoc inquit: *Peccata septem Nazarei capillis cum licio plexis, clauoque circumligatis, rectè signantur. Quia videlicet nostra, id est, omnium qui in Christo credimus peccata, capiti eius admota, licioque tele Evangelicæ complexa, clavisque Crucis publica confessione circumnixa sunt. Igitur omnia quidem Nazareus Filius Dei in corpore suo pertulit peccata mundi, & pro omnibus usque ad mortem infirmatus est, pro conditione carnis; sed ex virtute Dei, cuncta superando, ab inferno teneri non potuit, & in sepulcro corruptionem non vidit.*

In Iudic.  
lib. 1. c. 12.

Christum Dominum clavis manibus pedibusque configendum, iam multis antea sæculis Spiritus sanctus per os Regij Prophetæ apertè innuerat; cum in  
**B** eiusdem Domini persona prælocutus, dixerat: *Foderunt manus meas & pedes meos.* Verùm id non tantum innuerat, sed etiam in spiritu ostenderat ille alius Propheta, qui quasi vehementer obstupescens, vidisse quodammodo se vnigenitum Dei Filium, incarnatum Verbum, manibus ac pedibus vulneratum, ingenti admiratione correptus, eum interrogauerat in hunc modum: *Quid sunt plagæ istæ in medio manuum tuarum?* Cui ipse respondens, ait: *His plagatus sum in domo eorum, qui diligebant me.* Quasi diceret: Æternus Pater, & Spiritus sanctus, qui in essentiæ vnitate, in diuinitatis æqualitate, & in amoris puritate, ut ego illis, sic ipsi mecum coniuncti sunt, in æternitatis domo vnà mecum decreuere, ut pro humani generis salute his plagis affligerer. Quo charitatis excessu obstupescerent homines, in me respicient, quem clavis transfixum, Cruci suffixerunt. Quocircà idem Propheta alibi in eiusdem Saluatoris nostri persona prælocutus, inquit: *Et aspicient in me, quem confixerunt.* Quasi diceret: In vniuerso terrarum orbe semper aderunt homines, qui in me respicientes, agnoscent ac fatebuntur, me pro peccatis suis clavis transfixum, Cruci suffixum, ac mortuum fuisse.

Psal. 21.  
A Davide  
& Zacharia  
Prophe-  
tis prædici.

Zachar. 13.

**C** Video equidem, Domine mi, fateor, agnosco, firmiterque credo, te Creatorem & vniuersorum Regem, pro me abiectissimo ac vilissimo vermiculo, indigno, ingrato, & inter peccatores omnes scelestissimo atque impurissimo, trulentissimis clavis transfixum, in Cruce mori voluisse. Punge, ah obsecro, & exstimula cor meum, vera præteritarum offensionum mearum poenitentia. Transfige clavis timoris tui carnes meas, quoniam à iudiciis tuis timui. Confirma deliberationem meam fixis clavis firmissimæ voluntatis te numquam amplius offendendi. Insece atque infige animæ meæ solidos ac tenacissimos clauos stabilitatis & firmitatis in tua sancta fide Catholica, atque in tuæ ineffabilis bonitatis dilectione; ita ut in illa mihi numquam titubare aut vacillare contingat:  
**D** nec inde vlllo vnquam tempore seiungar. Sit gratia tua, Domine, firmus clauus, & fluctuantis nauiculæ huius vitæ meæ tutissimum gubernaculum; ne in profundo tribulationum & calamitatum importuosi & scopulosi maris huius sæculi submergatur; neve, dum secundis flabris assentatricium aurarum & fallacium prosperitatum vela turgescunt, sui ipsius iacturam faciat; sed manus tuæ sanctissimæ auxilio deducta, ineffabilisque misericordiæ tuæ dono, in tutissimum denique atque optatissimum salutis portum ex alto inuehi mereatur, ubi tu cum Patre & Spiritu sancto in perpetua atque æterna felicitate viuis & regnas per infinita sæcula sæculorum. Amen.

Oratio ad  
Christum  
clavis trans-  
fixum.



*De sponsa, qua Dominus noster pendens in Cruce potatus est.*

**D**VM benignissimus ac dulcissimus Dominus & Saluator noster Iesus Christus, pendens in Cruce, abundantissime atque profuse pro nobis ingratissimis, indignis, ac miseris peccatoribus, proprium effundebat sanguinem pretiosissimum; quem aspera crudelissimorum clauorum vulnera ab ipso corporis pondere conscissa ac dilatata, quasi perennes fontes profundeabant; ab anhe-  
*Christi sitis*  
*ardentissi-*  
*ma, in ani-*  
*ma & in*  
*corpore.*  
 la atque ardentissima siti, in anima & in corpore, sese impetuum sensit. In corpore quidem, propter angorem ac laborem nimium quem pertulerat, propter ingentem sanguinis vim quam effundebat, ac propter acerbos ac letales dolores quos patiebatur. Quibus profecto causis, omnia eius viscera & praeordia ita inflammabantur, dum radicale humidum absumeretur, ut efficerent ac redderent illum interius exsiccatum atque ambustum, propter intolerabilem sitim, qua praeter ceteros immanissimos cruciatus, molestissime torquebatur. In anima autem, ardentiore ac magis ignita siti dissolui plane videbatur, propter ardentissimum desiderium humanae salutis, quo aestuabat. Quamobrem cum dies ille ad nonam horam productus esset, alta voce clamans, dixit: *Sitio*. Quod verbum perpendens Ludolphus Carthusianus, sancti Bernardi verba referens, inquit: *Sitio, ait Christus, non Doleo. O Domine, quid sitis? Fidem vestram, salutem vestram, gaudium vestrum: plus animarum, quam corporis mei cruciatus me tenent; et si non mei, saltem vestri miseremini.* Et deinde subiicit: *O Domine Iesu, coronam sustines, de tua Cruce & vulneribus tuis taces: & pro sola siti clamas, dicens: Sitio. Quid ergo sitis? Certè solam redemptionem hominis, & gaudium humanae salutis.*

Ludolph.  
Carthuf. de  
Vita Christi,  
part. 2.  
cap. 63.

Magnae profecto consolationis, cunctis sanctae Ecclesiae Catholicae fidelibus esse debet hoc verbum *Sitio*, quod protulit Dominus ille, qui vult omnes homines saluos fieri. Eo enim apertissime ostendit flagrantissimum salutis nostrae, quo tenetur, desiderium: cum vehemens cupiditas, & ardens desiderium aliquod, nullo alio dicendi genere commodius quam hoc ipso sitiendi verbo exprimi potuerit. Quapropter cum Regius Propheta flagrantissimum promere vellet desiderium, quo ipsius anima Deo se coniungendi tenebatur, alio sane modo nullo id apertius patefacere potuit, quam sitibundi cerui cuiusdam comparatione, qui anhelans ad fontem viuum aliquem, ut bibat, pertingere cupiat, inquit: *Quemadmodum desiderat ceruus ad fontes aquarum, ita desiderat anima mea ad te Deus. Sitiuit anima mea ad Deum fontem viuum.* Quod autem ardens desiderium aliquod dicatur sitis, imò quod desiderium ipsum sitis animae sit, Augustinus testatur, dicens: *Omnis, qui sibi vult aliquid praestari, in ardore est desiderij. Ipsum desiderium sitis est anima.* Quapropter cum ipsemet exprimere etiam vellet ardens desiderium, quo anima sua tenebatur se à mundi huius ærumnis & calamitatibus eximendi, ut summo bono, quod Deus ipse est, quam primum frueretur; hoc ipso sitis vocabulo id ostendere enisus est. Itaque cum alibi eiusdem sitibundi cerui ab ipso Davide comparisonem mutuatus esset, verba sua ad Deum ipsum fontem viuum dirigens, inquit: *O fons vitae, vena aquarum viventium, quando veniam ad aquas dulcedinis tuae? De terra deserta, inuisa, & iniquosa, ut videam virtutem tuam, & gloriam tuam, & satiem ex aquis misericordiae tuae sitim meam? Sitio Domine. Fons vitae, satia me: sitio Domine, sitio te Deum viuum. O quando veniam, & apparebo Domine ante faciem tuam? Putasne videbo diem illum, diem inquam iucunditatis & letitiae, diem, quam fecit Dominus, ut exultemus, & lætemur*

*Verbo Sitio*  
*flagrantis-*  
*simum hu-*  
*mana salu-*  
*is deside-*  
*rium suum*  
*indicanit.*

Psal. 41.

In Psal. 62.

Soliloq.  
cap. 35.  
Tom. 9.

B

C

D



- A** *temur in ea?* Hæc Augustinus, siue quicumque auctor illius libelli piis affectibus refertissimi, cui Soliloquiorum animæ ad Deum titulus est. Ex quibus verbis aperte probatur, sitim animæ nihil aliud esse quàm ingens & ardens aliquod desiderium: consequenter verò sitim ipsam, qua Christus Dominusangebatur, cum pendens in Cruce, in mortis agone, *Sitio* declamavit, flagrantissimum reuerà humanæ salutis desiderium fuisse, quod tunc maximè ostendere voluit. At cæcutientes & perfidi Iudæi, cum de siti corporali tantummodò intellexissent, arrepta spongia aceto turgida, arundinisque acumini superposita, ori sacratissimo admouerunt; cum iam priusquam eum Cruci suffixissent, ut sanctus Euangelista Matthæus refert, iterum vinum felle mistum, vel ut sanctus Marcus scripsit, vinum myrrhatum ei propinare voluissent: quod tamen cum gustasset, bibere noluit. Quod sanè non sine ingenti mysterio factum credimus. Nam quòd Christus postquam vinum felle mistum degustasset, quod impij Iudæi propinauerant, bibere noluerit; id Hebræorum Synagogæ, ac populi Israelitici reprobationem designauit: qui antea à Deo optimo maximo adeò diligebatur, ut vinea Domini Sabaoth appellaretur. Id enim Isaias testatur, cum inquit: *Vinea enim Domini Sabaoth, domus Israël est.* Quæ tamen vinea adeò improba & ingrata extitit, ut acerbas labruscas non tantum pro dulcibus vuis protulerit, quas ab ea iure Dominus expectabat; verum tandem etiam pro dulci vino amarum fel ei propinauit, id est, amarissima ac truculentissima morte eum affecit. Cuius amaritudinem pro nostra quidem salute degustare dignatus est; dum morte in Cruce capta, anima eius benedicta, ab ipsius corpore sacratissimo triduo seiuncta est. Attamen amarissimam atque sæuissimam portionem illam bibere noluit. Nam à mortuis, numquam ampliùs moriturus, resurrexit; iuxta quod inquit Apostolus: *Christus resurgens ex mortuis, iam non moritur, mors illi ultra non dominabitur.* Quare Rupertus Abbas ait: *Per hoc autem, quòd oblatum sibi vinum felle mistum, cum gustasset, noluit bibere, reprobationem significat vineæ suæ, scilicet Gentis Iudaicæ.*
- Tunc autem verba Ieremiæ Prophetæ sunt adimpleta, qui Ierosolymorum ciuitatem, siue Hebræorum Synagogam, quasi in Saluatoris nostri persona prælocutus, dixit: *Ego plantaui te vineam electam, omne semen verum. Quomodo ergo conuersa es mihi in prauum, vinea aliena?* Quæ quidem verba ad institutum certè nostrum appositè sanctus Hieronymus pertrahens, inquit: *Et dederunt ei vinum bibere cum felle mistum. Deus loquitur ad Ierusalem: Ego te plantaui vineam veram: quomodo facta es mihi in amaritudinem vitis aliena? Amara vitis amarum vinum facit, quod propinat Domino Iesu, ut impleatur quod scriptum est: Dederunt in escam meam fel, & in siti mea potauerunt me aceto. Quod autem dicitur: Et cum gustasset, noluit bibere: hoc indicat, quòd gustauerit quidem pro nobis mortis amaritudinem, sed tertia die resurrexit.* Sanctus Ioannes Euangelista memoriæ prodidit, quòd ibi iuxta Crucem in monte Caluario præparatum stabat vas aceto plenum; cumque Dominus clamasset, *Sitio*, Iudæi aceto eodem spongiam replentes, eamque herbæ cuiusdam, quam hyssopum appellant, circumponentes, ori eius admouerunt: *Vas ergo, inquit, positum erat aceto plenum. Illi autem spongiam aceto plenum hyssopo circumponentes, obtulerunt ori eius.* id est, arundinis acumini imponentes, ut sanctus Marcus scripsit, ori eius applicuerunt; quandoquidem propter Crucis altitudinem manu ad id pertingere nequibant. Quæ omnia magnis planè mysteriis altisque significationibus referta fuerunt. Quamobrem diuus Augustinus: *Vidit Dominus, quia consummata sunt omnia quæ oportebat ut fierent, antequam acciperet acetum & traderet spiritum. Atque ut hoc etiam consummaretur, quod Scriptura prædixerat; Et in siti mea potauerunt me aceto: Sitio, inquit, tamquam diceret: Hoc minus fecistis,*

*Vinum felle mistum, à Christo cum gustasset repudiatum, populi Israelitici reprobationem designat. Isaiæ 5.*

Rom. 7.

In Ioan. cap. 19. & De diuin. offic. c. 10.

Ierem. 2.

In Matth. cap. 27.

Ioan. 19.

Marci 15.

In Ioan. Tractat. 119 Idè etiam refert Beda in Marci cap. 15.



*Hyssopus Christi humilitatem significat. Plal. 50.* fecistis, date quod estis. Iudæi quippe ipsi erant acetum, degenerantes à vino Patriarcharum & Prophetarum: & tamquam de pleno vase, de iniquitate mundi huius impleti, cor habentes velut spongiam, cauernosis quodammodo atque tortuosis latibulis fraudulentum. Hyssopum autem, cui circumposuerunt spongiam aceto plenam, quoniam herba est humilis, & pectus purgat; ipsius Christi humilitatem congruenter accipimus, quam circumdederunt, & se circumuenisse putauerunt. Vnde est illud in Psalmo: Asperges me Domine hyssopo, & mundabor. Christi namque humilitate mundamur; quia nisi humiliasset semetipsum, factus obediens vsque ad mortem Crucis, non utique sanguis eius in peccatorum remissionem, hoc est, in nostram mundationem fuisset effusus. Per arundinem verò Scriptura significabatur, quæ implebatur hoc facto. Sicut enim lingua dicitur vel Græca, vel Latina, vel alia qualibet, sonum significans, qui linguâ promitur; sic arundo dici potest littera, quæ arundine scribitur. Hæc Augustinus.

*In Psal. 50.* Per hyssopum autem, Christi Domini humilitatem signari, omnes pænè sacri Doctores testantur. Quapropter idem sanctus Augustinus de eadem herba *B* alibi differens, de ea sic tradit: Hyssopum herbam nouimus humilem, sed medicinalem, saxo herere radicibus: Christi humilitatem significat. Idem etiam testatur sanctus Hieronymus. Diuus verò Gregorius Magnus id itidem affirmans, de eadem *In Psalmos Pœnitentiales.* herba sic prodit: Hyssopus est herba humilis, saxo quidem adharens, & parum utilitatis in seipsa sui facie ostendens; quæ tamen pulmonis inflationem deprimit, & virtutis suæ acrimoniam, si conteratur, ostendit. Quid ergo per hyssopum nisi Christi humilitas designatur? ipsa enim est, quæ omnem in nobis reprimit contumaciam, sicut illa pulmone inflato exhibet medicinam.

*In quartum Psalm. Pœnit.* Innocentius autem Papa Tertius, ceterorum quoque sacrorum Doctorum opinionem secutus, cum de eadem herba hyssopo ageret, inquit: Hyssopus est herba humilis, sed medicinalis, quæ figit radicem in petra, & valet ad purgandum pulmonem. Hæc humilitatem significat, quæ figit in humili Christo radicem; purgatque inflationem pulmonis, id est, tumorem mentis depellit. Et postea subnectit: Tu ergo Domine asperges me hyssopo, id est, per virtutem humilitatis, rore gratiæ me perfundes, & mundabor à sordibus vitiorum. Impij igitur Iudæi, improbitate atque perfidia obcæcati, non intelligentes, veri Messiae & mundi Redemptoris sitim de sua ipsoꝝ salute extirpsisse; acetum, quod vinum vetus est deprauatum, ei propinarunt. Qua in re non odij tantum ac peruersæ in Christum voluntatis iniquitatem aperte prodiderunt, verum etiam manifestum dedere præsagium, quod in pertinacia, & in veteri Adamo morituri essent. Vnde appositè Augustinus: *In Psal. 68.* De Cruce cum diceret, Sitio, fidem illorum quærebat, pro quibus dixerat: Pater ignosce illis, quia nesciunt quid faciunt: sed illi homines, quid propinarunt sitienti? Acetum: acetum enim vinum vetus dicitur. Merito de vetere homine propinarunt, quia noui esse noluerunt.

*Pia de verbo CONSUMMATUM EST.* Vbi verò Saluator noster acetum, quod Iudæi ei propinauerant, gustasset, dixit, Consummatum est. Consummare est omnes numeros in vnam summam reducere, id est, omnia facta atque perpeffa summam perstringere. Quamobrem, postquam Christus Dominus omnes pœnas, omnia ludibria, omnesque cruciatus perpeffus esset, quos in passione sua passurum se esse sciebat ac volebat; cum nihil aliud prorsus quàm mors ipsa sibi sustinenda superesset, antequam spiritum emitteret, omnia quæ pro nobis miseris in hoc mundo sustinuerat, in mentem sibi ipse reuocans, omniaque in vnum colligens & coaceruans, atque in vnam summam cumulumque perstringens, æterno Patri obtulit, dicens, Consummatum est. Quasi diceret: Consummata atque impleta sunt Prophetarum vaticinia, sacrificiorum figuræ, pœnarum acerbitates, culparumque animaduersiones. Consummatum est opus obedientiæ, quod assumpseram.



A ram. Consummata est tota passionis meae operatio, tibi que Pater aeternae pro humani generis salute illam offero; ut haec passionis meae consummatio, omnibus credentibus in me, ac praecipis meis obtemperantibus, aeternae vitae salutisque sit causa. Ad quod alludens Apostolus, inquit: *Et consummatus factus est* Hebr. 5.  
*omnibus obtemperantibus sibi, causa salutis aeternae.*

Demum verò cum Saluator noster dixisset, *Consummatum est*; inclinato capite emisit spiritum: videlicet, auctoritate propria, non praeter eius voluntatem, non inuitus, non repugnans; sed quando voluit, sponte beatissimam animam suam extra corpus emisit, à nemine impulsus aut coactus: planè in hoc euidenter ostendens, se non tantum voluntariè ac libentissimo animo pro redemptione nostra mori; sed & vitam hanc, cum sibi placitum esset, dimittendi & resumendi absolutam habere potestatem, iuxta illud, quod ipsemet dixerat: *Ego pono animam meam, & iterum sumam eam. Nemo tollit eam à me, sed ego pono eam à me ipso. Potestatem habeo ponendi eam, & potestatem habeo iterum sumendi eam.* Christi mors omnino voluntaria. *Diuina potestatis indicium est*, inquit Hieronymus, *emittere spiritum, ut ipse quoque dixerat: Nemo potest tollere animam meam à me, sed ego pono eam à me ipso, & rursum accipiam eam. Quis ita dormit, quando voluerit*, infert Augustinus, *sicut Iesus mortuus est, quando voluit? Quis vestem ponit, quando voluerit, sicut se carne exiit, quando voluit? Quis ita cum voluerit, abit, quomodo cum voluit, obiit? Quanta speranda, vel timenda potestas est iudicantis, si tanta apparuit morientis?* In Ioan. Tractat. 119 in fine.

Quod Redemptor noster, statim post aceti & hyssopi delibationem, spiritum emisit, nonnullis materiam suspicandi videtur praebuisse, acetum herba illa eo pacto conditum, his qui in mortis agone constituti sunt, vitae adimendae vim habuisse; ideoque Christo Domino propinatum, quò citius moreretur. Quod his breuiter Theophylactus innuit: *At alij impietatem suorum morum declarantes, aceto eum potant, id quod condemnatis faciebant, quia hyssopum propter hoc caderat, ut letale.* Acetum cum hyssopo Christo à Iudeis propinatum, mortis acceleranda causa, quidam opinantur. Et sanctus Anselmus apertius tradit, acetum Christo Domino propinatum, ut citò expiraret: *Erat autem, inquit, vas positum aceto plenum, & currens unus, implens spongiam aceto, & circumponens hastae, dabat ei bibere, ut citius moreretur.* Theophyl. in Ioan. cap. 19. Anselmus in Dialog. de passione Domini.

Verum Ludolphus Carthusianus praecipua animaduersione id ponderat, instituisse Iudaeos videlicet, ut Christo Domino bis acetum propinarent, ut ex sancti Matthaei textu colligitur; semel ante, atque post crucifixionem iterum. Huiusque duplicis potationis, pro animi quidem sui sententia, rationem reddit hoc modo: *Et est ratio potationis, & ratio geminationis huius. Dicunt enim quidam, crucifixos citius mori, si aceto potentur. Et ideo potatus est iste, & non alij, ut citius moreretur. Et hoc vel instinctu Iudaeorum, qui captabant maxime mortem Christi, vel ex tadio militum, ut citius à custodia eius absoluerentur, quia tadebat eos ibi morari.* De vita Christi, parte 2. cap. 63.

At aliorum ea est sententia, acetum illud hyssopo conditum, Christo Domino no propinatum, non certè quò citius moreretur, quasi vicem ipsius miserentur; verum potius, ut diutius in Cruce torqueretur. Quae quidem opinio, verosimili admodum inniti videtur, ex Iudaeorum iniquitate & improbitate magna, atque odio implacabili, quod in Christum conceperant; quod sanè adeò virulentum atque peruersum erat, ut cruciatuum atque poenarum ipsius in Cruce prospectio illos summopere delectaret. Irridebant enim ac blasphemabant eum, mouentesque capita sua, ei dicebant: *Vah qui destruis templum Dei, & in triduo illud reaedificas. Salua te ipsum; si Filius Dei es, descende de Cruce.* Alij contra verius sentiunt. Principes verò Sacerdotum & Scribae illudentes ei, dicebant: *Alios saluos fecit, seipsum non potest saluum facere?* aliaque ironica & pungentia verba subiungebant, quae sacro in Euangelio referuntur. Ex quibus apertissimè colligitur, impios ac scelestissimos illos,

Matth. 27.  
Marci 15.  
Lucæ 23.



illos, ingenti voluptate perfusos, quod eum licet morientem, summis tamen A  
 cruciatibus atque acerbissimis doloribus torqueri & confici perspicerent. Ac  
 non verosimili tantum, sed naturali etiam vi opinio ista inniti comprobatur.  
 Etenim ex virtute, quæ aceto, hyssopo, & spongiæ, singulis quidem eorum præ-  
 cipue, sed omnibus simul efficacius à natura ipsa insita est sanguinem sistendi,  
 apertè nobis prodi ac demonstrari videtur, causam & finem, ad quem Christo  
 Domino in Cruce pendenti acetum hyssopo mistum propinatum est, illum  
 profectò non fuisse quò citius moreretur; verum potius ea de causa, ut eo sisten-  
 te sanguinem qui ex clauorum vulneribus profusus manabat, non tam citò  
 neque tam facilè moreretur, sed ut diutius acerbissimis cruciatibus, ac trucu-  
 lentissimis doloribus torqueretur. Imò, quod ibi iuxta Crucem de industria præpa-  
 ratum erat vas aceto plenum, vnà cum hyssopo, spongia & arundine; videtur  
 etiam ex eo euidenter elici, apud Hebræos impiam & crudelissimam consuetu-  
 dinem hanc, miserrimos crucifixos aceto, hyssopo, cum spongia potandi, passim B  
 receptam; non quidem ut maturius decederent, sed ut prolixius discutiarentur,  
 atque ut acerba & dira eorum pœna longiori tempore prorogaretur, ut accura-  
 tè admodum Cardinalis Baronius etiam annotauit, cum inquit: *Quorsum hæc*  
*omnia parata ex industria erant, nimirum vas aceto plenum, spongia, hyssopus, & arun-*  
*do? Certè hæc non casu in monte extra urbem posito sunt inuenta. Sed si consideremus*  
*attentiùs, quis esset horum singulorum vsus ac virtus; rem integram procul dubio intel-*  
*ligemus. Simulque esse commentum certò sciemus, quod aliqui dixerunt, ad acceleran-*  
*dam reorum mortem consueuisse Iudæos cruci affixis propinare acetum.*

Annal. To-  
mo 1. anno  
Christi 34.

Aceto, hyf-  
sopo, &  
spongia, san-  
guinem si-  
stendi vis  
insita.

Aceto autem sanguinem sistendi virtutem inesse, eandemque hyssopo &  
 spongiæ, maximè verò omnibus his simul commistis, insidere, locis quamplu-  
 rimis memoriæ prodidit Plinius, præsertim verò vigesimo tertio libro, & capite  
 primo suæ naturalis Historiæ; ubi testatur, acetum, in quo hyssopi fasciculus in-  
 fusus fuerit, vim quamdam sistendi sanguinem habere, si calidum spongiâ ap- C  
 plicetur vel propinetur. Eandem quoque virtutem sistendi sanguinem ipsi ace-  
 to potato, tribuit etiam Dioscorides; inquit enim: *Acetum erumpentem unde-*  
*cumque sanguinem potu sistit.* Quod verò vim eandem non sistendi sanguinem  
 tantum, sed etiam vulnera consolidandi, ipsa etiam spongia obtineat, sæpius  
 idem Plinius repetit his verbis: *Veteres spongia conglutinant vulnera.* Et paulò post  
 addit: *Spongiis vulnera vtilissimè fouentur.* Nec post multa, de eisdem spongiis  
 adhuc agens, subdit: *Ipsæ vulnerum inflammationibus imponuntur, nunc sicca, nunc*  
*aceto inspersæ.* Et demum sæpè dictarum spongiarum in materiam profecutus, in  
 hunc modum concludit: *Sanguinis profluvium sistunt, ex aceto, aut frigida.* Quibus  
 Plinij auctoritatibus, antiquorum vsus & consuetudo, quod diligenter etiam  
 Baronius animaduertit, optimè consentit. Nam cum gladiator aliquis vulnera  
 accepisset, spongas ei illicò subministrabant, quibus sibi sanguinem sisteret.  
 Quam consuetudinem Tertullianus, licet breuiter & subobscurè, ut assolet, his D  
 verbis innuere videtur: *Poterit & de misericordia moueri defixus in morsus ur-*  
*sorum, & de spongiis retiariorum.*

De specta-  
culis, c. 25.

Ex supradictis igitur satis apertè & euidenter conici videtur, non acceleran-  
 dæ quidem mortis causa miserrimis Cruci affixis acetum propinari solitum; sed  
 potius, ut diximus, ad sanguinem eorum sistendum, quò diutius discrucia-  
 rentur ac torquerentur. Quin etiam idem Baronius autumat, vas illud aceto ple-  
 num, vnà cum hyssopo, spongia & arundine præparatum, ibique de industria  
 in promptu haberi consuetum, non tantum ad propinandum iis qui Cruci-  
 bus suffigebantur, sed ut arundini affixam spongiam, aceto, hyssopi que succo  
 turgidam, vulneribus eorum adinouerent, quò sanguis profluens illicò siste-  
 retur:



A retur : huius rei non leuem coniecturam capiens, quòd sponsia sacratissima, qua Dominus potatus est, in Basilica Lateranensi Romæ ad hunc vsque diem summa cum veneratione asseruata, ruborem quemdam adhuc retinet, tamquam sanguine olim tincta fuisset. Ex quo argumentum ipse ducit, quòd sponsia illa, clauorum vulneribus prius admota, & sanguine turgida, postquam fuisset compressa, denuo que aceto & hyssopi succo madefacta, Christi ori sacratissimo, vt eam exfugeret, (prò scelus abominandum!) porrecta fuisset. Demumque idem Baronijs orationem colligens, atque concludens, ait: quòd etsi statim post acetum degustatum, Dominus dixit, *Consummatum est*; & inclinato capite tradidit spiritum; id tamen non idcirco euenit, quòd potus eiusmodi ex sui natura (vt nonnulli perperam dixerunt) mortem accelerandi vim aliquam haberet; sed potius Deo sic dispensante, ne diutius superuiuens, ad crurifragium reseruaretur. Cum de eo prophetice prædictum fuisset: *Os non comminuetis ex eo*. Imò

B quia crurifragium, maximum omnium cruciatuum ac pœnarum erat, quas Cruci affixi sustinerent; eiusdem Baronijs est sententia, non humanitatis quidem intuitu, sed ferali potius quadam sæuitia, consueuisse Iudæos, Cruci affixis, aceti, hyssopi, & sponsiæ applicare remedia: vt defluentem eorum sanguinem sistentes, diutius pœnis atque æumnis illis truculentissimis distinerentur; donec nocte appropinquante, crudelissimo crurifragio ante solis occasum (vt mos erat) demum necarentur.

Hæc sponsia sacratissima, Ierosolymis olim viscebatur in Domini calice asseruata, vt memoriæ proditum est libello illo peruetusto, cui titulus est, *De locis sanctis*, à venerabili Beda in compendium redacto; cuius hæc sunt verba: *In platea, quæ Martyrium & Golgotha continuat, exedra est, in qua calix Domini scrinio lo reconditus, per operculi foramen tangi solet, & osculari: qui argenteus calix, duas hinc & inde habens ansulas, sextarij Gallici mensuram capit; in quo est illa sponsia Dominici potus ministra.* Verum hæc sponsia sacratissima, nostris temporibus hæc Romæ in Lateranensi Basilica, vt superius diximus, summo honore asseruatur. Nec est cur scrupulum aut dubium nobis ingerat, quòd apud nonnullos Historicos legitur, sponsiam hanc, vnà cum alijs sacris Reliquiis, & Christi passionis instrumentis, à Balduino Constantinopolitano Imperatore, Venetorum Reipublicæ oppigneratam, & postea à Ludouico sancto Francorum Rege, eodem Balduino permittente, persoluto pignore, in Galliam translata, atque Lutetiæ Parisiorum in Regio sacello, quam sanctam Cappellam vocant, collocatam; cum facile dari possit, hanc Christi Domini sponsiam sacratissimam, in duo, vel etiam plura frustra diuisam fuisse; atq; illam Franciæ, partem istius esse.

Acetum verò, quod impij ac perfidi Iudæi Domino propinarunt; præter eas quas superius significationes diximus, legem etiam illorum signasse videtur, quæ post Christi mortem, quasi acetum, id est vinum vetustate euanescentes, atq; sapore & dulcedine deperdita, quoad litteram, inutilis & insipida potio sit effecta; ita vt bibi, id est obseruari amplius non debeat. Quocirca in Glossa ordinaria dicitur: *Acetum etiam figura est Legis, quæ quantum ad litteram, dulcorem vini amisit. Vnde & inepta facta est ad potum, nec amplius seruanda.* Asperam atque amaram aceti & fellis potionem, quam Hebræorum Synagoga, quasi vinea ingrata, plantatori, ac vero Domino suo Christo Iesu propinatura erat, magnus ille Propheta, magnusque Dux Moyse prædixerat, inquiens: *Vna eorum, vna fellicis, & botrus amarissimus.*

Eandem quoque amaram potionem verbis præsignauit etiam Ieremias Propheta; dum quasi in Christi persona, de eadem impia atque ingrata Synagoga conquestus, inquit: *Satiavit me amaritudinibus, inebriauit me absynthio.* Pro-

K

phetauit

De locis sanctis, cap. 2.

Sacratissima sponsia Romæ in Lateranensi Basilica asseruatur: eiusdemq; pars Parisiis in Regio sacello.

Acetum figura Legis, quæ quantum ad litteram, dulcorem vini amisit. Glossa ord. in Ruth c. 2.

Amara hæc Christi potio a Prophetis prædicta. Deut. 32.

Thren. 3.



phetavit Habacuc quoque, quod Hebræorum populus, iam Deo apprimè dilectus, Messia, vero amico suo, non fel tantum propinaturus esset, sed vestibibus eum expoliaturus, magnam quoque voluptatem capturus, cum nudum eum, ac summa ignominia affectum, in Cruce pendentem prospiceret. Videturque eidem populo interminatus esse calamitates, maledictiones, atque ruinas, quas propter nequissimum scelus illud, & propter Christi mortem passurus erat, cum dixit: *Ve qui potum dat amico suo, mittens fel suum, & inebrians, ut aspiciat nuditatem suam.*

Habac. 2.

Oratio ad  
Christum.  
aceto & fel.  
le potatum.

Dulcissime Domine Iesu Christe, Rex meus, Deus meus & Redemptor meus, qui pro anhela atque ardenti nostræ salutis siti, acetum & amatum fel pro nobis miseris degustasti; te suppliciter obsecro, (quod summæ gratiæ loco mihi concedere digneris) ut te semper sitiam vivum ac verum vitæ fontem, fontem omnis dulcedinis & gaudij, fontem veræ scientiæ atque certissimæ sapientiæ, fontem veri luminis & charitatis, torrentem omnium virtutum atque gratiarum affluentissimum; flumen quo civitatem Dei lætificas, quodque è cælesti ac sancto monte tuo in imam hanc miseriarum ac lacrymarum vallem illapsum, aridam ac maledictam terram nostram pretioso sanguine tuo irrigasti, benedictionibusque repleuisti: ac demum te immensum atque vastissimum misericordiæ pelagus ostendens, super omnes fideles tuos innumerabilium gratiarum profluvio diffunderis. Influe aquas fauoris tui in animam meam, ut non amplius terra sterilis & arida sit; sed tamquam hortus fertilissimus, bonorum operum fructus vberimos tibi prodat ac referat. Fac quæso, ut de te bibens, & in te me ipsum immergens, te semper amplius sitiam: atque ut amore tuo flagret & ardeat cor meum; ita ut corde te diligens, ore te laudans, & opere te subsequens, me ipsum totum in te transfundam atque immergam. Placeat tibi, ut ego quoque pro tui amore, huius sæculi calamitatum ac persecutionum acerbum acetum libenter degustem; ut sine molestia & nausea myrrhatum vinum mortificationis carnis ipse quoque bibam: ut magno stomacho amarulentum fel detractionum, iniuriarum & calumniarum diglutiam: ut denique in amaritudine compunctionis ac pœnitentiæ meæ, omne odium, angor animi, & omnis offensionum memoria obruatur ac deleatur. Concede, ut calicis tui amaritudinem & acerbicatem non perhorrescam, sed lato & intrepido corde eum sumens, ambabusque manibus complectens, pro salute mea hilariter ex eo bibam; ita ut sitiendi animæ meæ, amoris tui gratia, amara pro dulcibus semper probentur. O benignissime Domine, qui pro nobis miseris acerbis & amarulentis aceto degustato, *Consummatum est*, dixisti; innuens, gloriosum, benedictum ac sanctum redemptionis nostræ opus, quod infinitis laboribus & sudoribus cœperas, acerbissimis doloribus iam ad finem feliciter esse perductum. Benedictum propterea in æternum sit nomen sanctum tuum. Ea enim omnia consummasti, ut his adiuti, nos quoque optimo fine consummemur. Gratiam D  
ah (deprecor) mihi impertire, ut sancta tua impleam præcepta: atque ut in viis tuis, de virtute in virtutem gradiendo, sic proficiam, ut opus peregrinationis huius, quod hîc mihi commisisti, feliciter consummem; ita ut gratia tua donante atque ducente, ad videndum pertingam te verum omnis perfecti optimique operis consummatorem: utque æterna lætitia & exultatione perfusus, indefinenter concinere valeam: *Omnis consummationis vidi finem*, in sæcula sæculorum. Amen.



## CAPVT XVII.

*De lancea, qua Domini nostri Iesu Christi in Cruce pendentis  
latus perfossus est.*

**C**UM aduenisset hora illius diei, qui nobis semper felix & fortunatus illu-  
xit, quo diuino & incarnato Verbo propriam carnem suam in sacrificium  
æterno Patri, super sanctæ Crucis altare, in peccatorum nostrorum expiation-  
nem, & humani generis redemptionem offerre placuit, postquam alta voce  
proclamans, ardentem qua æstuabat nostræ salutis sitim palam protulisset,  
omniaque acerbissimæ & amarissimæ passionis suæ vaticinia atque mysteria  
consummata esse declarasset, vt præcedenti Capite demonstrauius; magna  
**B** voce clamans emisit spiritum, vt gloriosi Euangelicæ veritatis scriptores Mat-  
thæus & Marcus referunt. Verum non declarauerunt, neque scripto ad postero-  
rum memoriam transmiserunt, quid Saluator noster pendens in Cruce, è sacra-  
tissimo pectoris scrinio, sua illa voce deprompserit suprema: quod tamen pro  
nostro spirituali solatio atque doctrina sanctus Lucas litteris commendauit, in-  
quiens: *Et clamans voce magna Iesus, ait: Pater in manus tuas commendo spiritum* Lucæ 23.  
*meum; & hæc dicens, expirauit.* Super quibus verbis Origenes: *Magnam vocem cla-* In Matth.  
*mare, & sic emittere spiritum, quod est, in manus Domini commendare spiritum, aut in-* Tractat. 35  
*clinare caput, & tradere spiritum, non est nisi tantum Sanctorum, qui bonis operibus*  
*Deum sibi preparauerunt, sicut & Christus, vt possint exeuntes de mundo fiducialiter*  
*in manus Dei commendare vel tradere spiritum. Si ergo intelleximus, quid est inclinare*  
*caput, & tradere spiritum, festinemus vitam nostram seruare, vt in exitu nostro possi-*  
*mus & nos magnam vocem clamare, & sic emittere spiritum; aut inclinare caput, &*  
**C** *tradere spiritum, sicut Iesus, qui inclinauit caput, & quasi supra Patris gremium illud*  
*repausans, exiit; qui poterat illud in sinu suo fouere & confortare. Quod si vis audire,*  
*quid profuit Christo magnam vocem clamasse, & sic emisisse spiritum; id est, in manus*  
*Domini commendasse spiritum; audi quod dicit Propheta: Propter hoc enim non dere-*  
*liquit animam eius in inferno, nec dedit eum videre corruptionem. Si ergo & nos ita nos*  
*gesserimus, vt possimus commendare spiritus nostros in manus Dei, aut inclinare caput su-*  
*per gremium Dei, & sic tradere spiritum; sine dubio neque nostras animas derelinquet*  
*in inferno, nec dabit nos in corruptione in perpetuum manere. Sed qui illum post diem ter-*  
*tium reuocauit ab inferis, & nos reuocabit in tempore opportuno: & qui illi donauit, vt*  
*non videat caro eius corruptionem; nobis donabit, non quidem vt non videat caro no-*  
*stra corruptionem, sed vt liberetur à corruptione tempore opportuno. Hæc Origenes.*

Præterea secum ipse expendens atque perquirens, quidnam causæ esse potue-  
rit, quod Centurio, id est Dux militum eorum qui ad Christi pendentis in Cru-  
**D** ce custodiam deputati fuerant, statim vt eum expirasse vidit, exclamauit, di-  
cens: *Verè Filius Dei erat iste.* postquam huius rei causam in alia prodigia & mi-  
racula, quæ idem Centurio in illo temporis momento fieri perspexit, reiecisset;  
subnectit, consueuisse Romanos lanceis sub axillis percutere eos quos Cruci-  
bus suffixissent, quò celerius decederent. At cum Dominus noster Iesus Chri-  
stus eo modo percussus non fuisset, vt naturali æstimatione conici poterat, plu-  
ribus horis adhuc superuicturus erat: quod ceteris Cruci affixis plerumque con-  
tingere solebat, qui cum sub axillis percussi non essent, vt quandoque fiebat his  
qui atrociora scelera perpetrauerant, quò diutius cruciatibus torquerentur; non  
per totam diem illam ac sequentem noctem tantum, verum & per alteram  
etiam subsequenter diem superuiuere consueuerant. Cum igitur Christus Do-  
minus,



minus, post tres horas tantum ex eo tempore quo in Crucem actus fuerat, expirasset, contra perfidorum Iudæorum expectationem, qui prolixiori tormento eum torqueri voluissent; id magno prodigio adscriptum fuit, eaque inter ceteras causas præcipua forsitan esse potuit, qua idem Centurio permotus exclamavit, dicens: *Verè Filius Dei erat iste.*

Aut fortasse tam citò decessit Christus, subiungit idem Origenes, quia cum potestatem haberet ponendi animam suam, eam posuit quando sibi placuit: & ut summam dicam, magno miraculo adscriptum est, inquit, Christum Dominum post trium horarum curriculum tantum expirasse; quandoquidem pro more eorum, qui Crucibus affigebantur, & sub axillis non vulnerabantur, per duos dies forsitan adhuc superuicturus erat: ita ut videatur præcipuum donum Dei, & magnum beneficium extitisse, quod tam citò decesserit, idque merito orationis suæ potius, quam Crucis violentiæ adscribendum: *Miraculum enim erat, inquit, quoniam post tres horas receptus est, qui fortè biduum victurus erat in Cruce, secundum consuetudinem eorum, qui suspenduntur quidem, non autem percuntur: ut videretur beneficium Dei fuisse, quod exspiravit; & meritum orationis eius magis, quam violentia Crucis.*

Quod autem qui Crucibus affigebantur, nec sub axillis vulnerabantur, ut superius diximus, prolixè in Cruce pendentes, ac truculentissimis cruciatibus torti, diutius vitam protrahere consueuissent, fidem astruit gloriosi Apostoli Andreæ passionis hystoria: qui, ut alibi iam diximus, pendens in Cruce, ac docens populum, biduo superuixit. Quin etiam in sanctorum Martyrum Actibus complura eiusmodi comperiuntur monumenta: inter quæ insigne ac notatu dignum illud est, quod Romano in Martyrologio refertur de sancto Victore Amiternæ ciuitatis, quam recentiores Aquilam nuncupant, Episcopo; is enim capite ad terram verso Cruci suffixus, biduo superuixit. Quod magna planè admiratione dignum fuit, tamdiu vitam protrahere eum potuisse, in ea nimium crucifixione, & corporis positione, ad longum vitæ spatium nullo pacto accommodata. Sed longè maiore admiratione illud dignum prorsus censendum, quod in eodem Romano Martyrologio proditum est de sanctis Timotheo & Maura coniugibus, gloriosisque Martyribus, qui cum in Thebaide Ægypti Cruci affixi fuissent, nouem superuixerunt dies; in qua pendentes, se ipsos vicissim cohortantes, atque in sancta fide confirmantes, gloriosam martyrij coronam adepti sunt. Sic enim ex eodem Martyrologio: *In Thebaide, sanctorum Timothei & Mauræ coniugis, quos Arianus Præfectus, post multa tormenta, Cruci affigi iussit, in qua nouem diebus viui pendentes, ac seipsos in fide roborantes, martyrium consummarunt.*

Magno igitur prodigio ac miraculo adscriptum fuit, Christum Dominum nostrum tam citò expirasse. Quocircà cum vir ille optimus Iosephus ab Arimathia, Pilatum adiisset, petendi ab eo corporis gratia, quò sepulturæ traderet, D vehementer obstupuit, quod tam citò decessisset. Quod fortè etiam ideò factum est, ut alibi tradit Origenes, quia Christus spiritus sui è corpore emissionem maturare voluit, ut corpus suum integrum præseruaret, ne crura sibi suffrangerentur. Et fortassis ideò, inquit, maturauit egressum è corpore, ut conseruaret integrum, nec frangerentur eius crura. Quod diuus etiam Cyprianus innuit, dicens: *Nam & Crucifixus, prauento carnificis officio, spiritum spontè dimisit.* Idque, ut in figurato & immaculato Agno Christo Iesu, re ipsa, & facti veritate, obseruaretur ac perficeretur illud quod olim in figura, iubente Deo, apud Hebræos inuiolabili consuetudine receptum erat, ne agni illius, quem in Paschate comedebant, os vllum confringerent. Quamobrem cum sanctus Euangelista Ioannes rationem

Origenes,  
loco superius  
citato,  
paulò inferius.

Multi in  
Cruce bi-  
duo, & diu-  
tius super-  
uixere.

Rom. Mar-  
tyrolog. die  
5. Septeb.

Sub die  
3. Maij.

Citiùs Chri-  
stus mori  
voluit, ne  
crurifragium pate-  
retur.

Origenes  
contra Cel-  
sum, lib. 2.  
Cyprianus  
de Idol. va-  
nitate.



A nem redderet, cur Christo Domino crura non fuerint confracta, ut duobus latronibus factum est, meritò inquit, *Facta sunt enim hæc, ut Scriptura impleretur:*

*Os non comminuet is ex eo.*

Ioan. 19.

Exod. 12.

Numer. 9.

Consueuerant Hebræi Crucibus suffixis crura diffringere, ut acerbissimo & intolerabili illius fracturæ dolore confecti, eò citius decederent, & eodem die, quo erant in Crucem acti, sepulturæ demandarentur, ut Moysis lege expressè cautum erat: cuius legis verba, ut à Tertulliano interpretata fuere, superius octauo capite recensuimus. Verum carnifices, cum duorum latronum crura suffregissent; ut idem facerent, ad Christum accesserunt. At cum eum iam mortuum comperissent, superuacuum duxerunt, id laboris subire: ea igitur intacta & integra reliquerunt. Vnde Lactantius Firmianus: *Suffixus itaque Christus, cum spiritum deposuisset, necessarium carnifices non putauerunt ossa eius suffringere, sicut eorum mos ferebat.* Vbi notandum est, Firmianum cautè dixisse: *Sicut eorum*

*Crucisfractum adhibebant Hebræi, quò citius reus moreretur, eodem quo in Crucem actus die sepeliendus.*

Lactantius

Diuiinarum

Instit. c. 26.

B mos ferebat. Nam Hebræi, ne legis præceptum, quod superius innuimus, infringere, Crucibus affixorum crura diffringeabant, ut in tuto essent, quòd eodem die mortem obirent, atque ante Solis occasum eorum possent humare cadauera. Etenim illius fracturæ dolor adeò crudelis atque intolerabilis erat, ut miseris illis proculdubio vitam illicò adimeret, forsitan propter occultum & naturale vinculum, quo vitales spiritus genibus sunt alligati, ut tradit Plinius; cuius illa est opinio, inibi vitalitatem præsertim consistere. Ideò inquit, *In ipsa genu vtriusque commissura, dextera leuaque, à priore parte, gemina quædam buccarum inanitas inest; qua perfoffa, ceu iugulo, spiritus fugit.*

Nat. Hist.

lib. 11. c. 45.

Non erat tamen hæc feralis immanitas in miserrimos Cruci affixos alibi semper, præterquam apud Hebræos obseruata, & hoc quidem ob eam quam superius recensuimus causam. Nam apud ceteras populorum nationes, crucifragium erat quoddam peculiare supplicium, à crucifixione diuersum, atque seorsum reis infligi solitum; quod propter truculentissimam eius sæuitiam, fuit postea, ut dicemus, piè sublatum: quo etiam ut vili, & nimium atroci, Romani ipsi rarò aut numquam ferè præterquam in seruos utebantur. Etenim id supplicij genus inter cetera, apud eos seruile habebatur, quo misera & abiecta illa hominum conditio plecteretur. Quapropter hæc Plautus:

*Extra Iudæam, diuersum istud supplicium à crucifixione.*

*Romani eo in seruos vsi sunt.*

*In Asinaria, Actu 2. in fine.*

— Crura hercle diffringentur.

*Age impudice, ni istum impudicum percies.*

Et Seneca hunc morem puniendi miseros seruos, apertius prodit his verbis:

*Magnam rem sine dubio fecerimus, si seruulum infelicem in ergastulum miserimus: quid properamus verberare statim, crura protinus frangere?* Idem etiam ex Suetonio elicitur, qui supplicij huius, quo in seruos animaduertere solebant, locis pluribus meminit; præsertim verò in Augusti atque Tiberij Vitis; præter plures diuersorum scriptorum auctoritates, quas suis in Romanum Martyrologium Annota-

*De ira, libro 3.*

D tionibus citat Baronius, sub die quarta Maij. Fuit tamen hoc crudele supplicium quandoque liberis etiam hominibus inflictum, sed nimia plerumque crudelitate, ira & odio impellente. Cuius rei atrox quoddam & immane nimis monumentum, in Tractatu suo De crudelitate, ad posterorum memoriam Valerius Maximus prodidit de Lucio Sylla, qui Marco Mario Gratidiano Prætori crura diffringi, oculos erui, manus abscindi, & ut summatim dicam, totum corpus in frustra paulatim concidi iussit. Quam feralem, & ab omni prorsus humanitate alienam barbariem abhorrens ac nauseans, refert etiam Seneca in Tractatu suo de Ira; inquit enim: *Vtinam ista sæuitia intra peregrina mansisset exempla, nec in Romanos mores, cum aliis aduenticiis vitiis, & suppliciorum irarumque barbaria transisset! Marco Mario, cui vicatim populus statuas posuerat, cui thure*

*At Sylla in Marcum Marium crudeliter abusus:*

*Valerius Maxim. de crudelitate, lib. 9. c. 2. Seneca de Ira, lib. 3. cap. 13.*



vino populus Romanus supplicabat, Lucius Sylla perfringi crura, erui oculos, amputari manus iussit.

Feralis hæc immanitas crurium fracturæ, quam Latini *crurifragium* appellant; Græci verò *συνλονοτίαν*, sanctis quoque Christi Martyribus sæpè, ac locis diuersis inflicta fuit. Quamobrem recensurus Eusebius Cæsariensis varia ac truculentissima moriendi genera, quibus Christiani diuersis prouinciis Orientalibus in Maximini persecutione subiiciebantur, de his qui erant in Cappadocia sic tradit: *Martyres partim securibus percussi interierunt, sicut his qui erant in Arabia contigit; partim cruribus confractis diuexati, veluti his qui erant in Cappadocia contigit.* Quorum Sanctorum Romanum quoq; Martyrologium sub die XXIII. Maij his verbis meminit: *In Cappadocia commemoratio sanctorum Martyrum, qui in persecutione Maximini confractis cruribus necati sunt.* Hoc crudelissimo supplicio, pari modo in ciuitate Nicomediæ, Diocletiani Imperatoris temporibus, sanctus Hadrianus vnà cum aliis viginti tribus Christianis trucidatus est. Cuius passionis in eodem Martyrologio hæc habetur mentio: *Nicomediæ sancti Hadriani Martyris, cum aliis viginti tribus, qui omnes sub Diocletiano Imperatore martyrium crurifragio consummarunt.*

Crucibus autem affixis, dum adhuc pendentes viuerent, crura suffringi consueuerant, quibusdam magnis hastatis gladiis, id est, hastarum cuspidibus impactis, aut aliis quibusdam ferreis instrumentis, quæ Nonnus *πολύδορτα σίδηρα* appellat, id est, multorum dentium ferrum. Ceteris verò, qui in Crucem acti non erant, sed ad crudele crurifragij supplicium erant damnati, crura incudibus extensa, ingentibus malleis, aut ferreis vectibus crudelissimè diffringebant & obterebant, vt ex peruetustis sanctorum Martyrum Actibus elicitur; præsertim verò ex his quos Surius edidit, quibus sancti Hadriani martyrium describitur. Verùm hoc truculentissimum supplicium, vt nimis inhumanum & efferatum, à pio ac magno Constantino Imperatore vnà cum Crucis patibulo expressè postea vetitum atque sublatum fuit, vt Sextus Aurelius Victor testatur: *Denique Constantinus cunctos hostes, honore ac fortunis manentibus, texit recepitque; eò pius, vt etiam vetus teterrimumque supplicium patibulorum, & cruribus suffringendis, primus remouerit.*

Christo igitur Domino crura minimè confracta fuere, ex causis quas supra retulimus; verùm vnus ex militibus lancea latus eius percussit, & aperuit: forsitan experiendi causa, vt sanctus Cyrillus ait, an verè mortuus esset; vel vt Iudæis applauderet, vt inquit sanctus Ioannes Chrysostomus. Nos verò asseueranter dicimus, id Deo sic expressè dispensante factum fuisse. Etenim sacratissimi lateris illius apertione, verè in Christum credentibus æternæ vitæ aditum reserauit; cum ex cruore & aqua illa, quæ inde per miraculum effluerunt, sanctæ Ecclesiæ Sacramenta orta sint, sine quibus ad æternam vitam non datur ingressus. Quamobrem diuus Augustinus animaduertit, sanctum Euangelistam Ioannem circumspecto atque perpenso admodum verbo vsu, cum dixit: *Sed vnus militum lancea latus eius aperuit;* & non dixit: *Latus eius percussit, vulnerauit, aut simile aliud verbum;* sed præcisè, *Aperuit:* vt ostenderet illic quodammodò ostium vitæ apertum esse, vnde Ecclesiæ fluxere Sacramenta, sine quibus vitam, quæ vera vita est, ingredi nemo potest: *Vigilanti verbo,* inquit, *Euangelista vsus est, vt non diceret, Latus eius percussit, ac vulnerauit, aut quid aliud, sed, aperuit: vt illic quodammodò vitæ ostium panderetur, vnde Sacramenta Ecclesiæ manauerunt; sine quibus ad vitam, quæ vera vita est, non intratur.* & alibi subiunxit: *Tibi est ostium apertum, quando est latus eius lancea perforatum. Quid enim manauit recale, & intellige quâ possis intrare. De latere Domini pendentis & morientis in ligno, posteaquam est lancea perfo-*

Et tyranni  
in sanctos  
Martyres.

Ecclesiast.  
histor. lib. 8  
c. 24.

Die 8. Se-  
ptemb.

Modus frā-  
gendi cru-  
ra.

Surius To-  
mo 5. sub  
die 8. Se-  
ptemb.

Crurifra-  
gium vnà  
cum Crucis  
supplicio à  
Constanti-  
no imp. sub-  
latum.  
Victor in  
Constanti-  
no.

Christo læ-  
ceâ latus  
apertum.

Ex quo  
S. Eccle-  
siæ Sacra-  
menta ma-  
nauerunt.

In Ioan.  
Tractat.  
120.

In Sermo-  
ne 115. de  
diuersis, ca-  
pite 3. in fi-  
ne.



A perforatum, aqua sanguisque profluxit. In vno est mundatio tua, in altero redemptio tua.

Hoc barbaræ feritatis institutum lanceis impetendi ac transfigendi Crucibus affixos, iam à peruetustis temporibus frequenti in usu fuit; & propterea multi sancti Martyres, gloriosi Regis Martyrum Christi Domini exemplum secuti, hoc idem passi sunt: præsertim verò sancti fratres Marcus & Marcellianus, qui in persecutione Diocletiani Imperatoris ad palum alligati, eidemque clavis pedibus confixi, cum per integrum diem ac noctem in eo cruciatu perstitissent, psalmis & gratiarum actionibus semper Deum collaudantes, lanceis demum transfixi obierunt; quorum, in Romano Martyrologio his verbis fit commemoratio: *Romæ via Ardeatina, natalis sanctorum Martyrum Marci & Marcelliani fratrum, qui in persecutione Diocletiani, à Fabiano Iudice tenti, & ad stipitem alligati, in pedibus clauos acutos acceperunt. Cumque non cessassent laudare Christum, lanceis per latera transfixi, cum gloria martyrij, ad siderea Regna migrarunt.* De eis etiam Beda, Vsuarius, Ado, & alij meminerunt. Eorumque passio apud Suerium in Actibus sancti Sebastiani, sub die vigesima Ianuarij conscripta est.

*Sancti Martyres lanceis olim à Gentilibus transfixi.*

*Die 18. Iunij.*

At non priscis temporibus tantum, verum & æuo quoque nostro crudelis hæc barbaries, dæmone instigante, in nouo Orbe, & præsertim in Insula Iaponia contra Christianos exercetur, vt clarè patet ex Relatione passionis & mortis sex Religiosorum Patrum, Ordinis sancti Francisci, ex his quos Discalceatos vocant, qui pro sancta Christi fide vnà cum viginti sex Christi fidelibus Iaponensibus in ciuitate Nangasacki Crucibus affixi sunt, vt superius vndecimo capite retulimus. Qui quidem singuli, postquam in Crucem acti sunt, duos lanceæ ictus, alterum in dextero, alterum in sinistro acceperunt. Sic enim mortis eorumdem Sanctorum historiam depictam ego conspexi; pictura inculta quidem, in eadem Iaponensi Insula exarata, sed curiosis planè oculis inspicenda; quæ huc Romam delata, summoque Pontifici, vnà cum totius successus verissima relatione, oblata est. In qua, dum beati Patris Petri Baptistæ, gloriosæ illius cohortis & sodalitatis ducis & magistri, crucifixio narratur, hæc præcipua verba proferuntur: *Vind el riguroso golpe de la lança, y ricibiendole por el coraçon, con vn espantoso estremicimiento del cuerpo, y de la Cruz, al salir de la alma, pronunciò deuotissimamente el sieruo de Dios, las mismas palabras, que Christo en la Cruz embiando su diuino espíritu al eterno Padre: In manus tuas Domine commendo spiritum meum. En esto llegó el secundo golpe, y dandole por el otro lado, acabò de dispidirse el alma; dexando desamparado el santo cuerpo.* Id est, Irruit rigidus lanceæ ictus, & accipiens eum in corde, cum horribili quodam totius corporis & crucis tremore, in egressu animæ, Dei seruus magno pietatis affectu eadem verba protulit, quæ & Christus in Cruce, dum suum diuinum spiritum æterno Patri emitteret: *In manus tuas Domine commendo spiritum meum.* Interim secundo ictu lanceæ in alterum latus impetitus est, quo vinculis carnalibus anima demum expedita, sanctum corpus illud destitutum reliquit.

*Etiam nunc in nouo Orbe à Barbaris, & in primis Iaponis.*

D Hæsitauère nonnulli, an sinistrum vel dextrum potius Christi Domini latus lancea perfossum fuerit: nam rationes multæ hinc inde ad vtriusque opinionis fauorem videntur afferri ac pertrahi posse. Et primò quidem pro his qui sinistrum, non autem dextrum Domini latus lancea transfixum autumant, maxime ad rem facere existimatur id, quod Spiritus sanctus in persona sponsi Christi dixit: *Vulnerasti cor meum, soror mea sponsa.* Ille enim quasi Hebræorum synagogam allocutus, quam sororem appellauit propter carnis consanguinitatem, ex qua natus est, ei dixit: Tu vulnerasti cor meum, cuius in sinistro latere sedes est. Constituunt hi insuper opinionis suæ fundamentum in primæ matris nostræ Eux creationis figura. Nam quemadmodum dum dormiret Adam, ex

*Vtrū Christi latus lancea apertū, nō vna opinio est sententia. De sinistro latere opinantur argumenta.*



latere & costa eius, Eua formata est; sic dum Christus Dominus noster in Cruce **A**  
dormiret, ex latere eius sancta Mater nostra effluxit Ecclesia. Vnde Augustinus

In Psal. 126 inquit: *Cum dormiret Adam, costa illi detracta est, & Eua facta est. Sic & Deus cum dormiret in Cruce, latus eius lancea percussus est, & Sacramenta profluxerunt, unde facta est Ecclesia. Ecclesia enim coniux Domini facta est de latere, quomodo Eua illi facta est de latere. Sed quomodo illa non est facta nisi de latere dormientis, sic ista non est facta nisi de latere morientis.* Et propterea, ut figura in omnibus figurato respondeat, necesse est (inquiunt hi) Ecclesiam ex Christi sinistro latere quodammodo exiisse, cum

In Ioan.  
Tractat.  
120.

In Psal. 47. ex sinistro Adami latere, Eua efformata pro certo credatur. Mulier (inquit Ambrosius) latus est viri. Nam sicut Principis sequaces, & Comites, laterones ipsius vocantur, sic latus viri mulier est. Sicut enim, inquit, *Principis latera dicimus Stipantes eius, & Comites, sic & mulier latus est viri.* Atque hinc est, quod mulier à nonnullis Sinistra viri appellatur. Quamobrem cum illa Domini verba quidam interpretari vellent: *Cum facis eleemosynam, nesciat sinistra tua, quid faciat dextera tua;* sic nimis infulse illa exposuerunt, videlicet: *Nesciat sinistra tua, id est,* **B**

*nesciat vxor tua.* Quod meritò sanctus Augustinus irridens, ait: *Tertia solet esse carnalium opinio tam absurda & ridenda, ut nec eam commemorarem, nisi expertus essem, non paucos eo errore detineri, qui dicunt, sinistra nomine vxorem significari. Ut quoniam in re familiari tenaciores pecuniarum solent esse femina; lateat eas, cum aliquid misericorditer viri earum egenis impendunt, propter domesticas lites.*

De Sermo-  
ne Domi-  
ni in mon-  
te, lib. 2. c. 2

De S. Cru-  
ce, lib. 1.  
cap. 35.

Et quamquam non multum referat (ut piè ac prudenter Iacobus Gretserus) utrum arbitretur quis, sinistrum ne an dexterum Christi latus lancea apertum fuerit; dummodò vulnus hoc Redemptoris nostri piè veneretur, ostiumque reputet, per quod ad cor facilis aditus nobis patefactus sit: neque enim à Christi corde aberrabimus, siue à dextris, siue à sinistris ingrediendum putauerimus:

De dextro  
latere ve-  
rius senti-  
tium ratio-  
nes.

In Psalm.  
Qui habi-  
tat, Serm. 7

In Serm.  
De passio-  
ne Domi-  
ni.

his tamen non obstantibus, equidem omni dubio procul credendum puto, dextrum, non autem sinistrum Christi latus lancea apertum fuisse. Nam præter id quod omnes pænè Redemptoris nostri Cruci affixi peruetustæ imagines, in dextero, non autem in sinistro id lanceæ vulnus inflictum ostendunt, S. Bernardus aperte testatur, Christum pro nobis dextrum latus sibi perfodi & aperiri permisisse: *Et quidem Dominus meus Iesus, inquit, post cetera inestimabilis suæ erga me beneficia pietatis, etiam dextrum sibi propter me passus est latus fodi: quod videlicet non nisi de dextera mihi propinare vellet, non nisi in dextera locum parare refugij.* & alibi pari modo, dextrum Christi latus perfossum fuisse innuens, subiunxit: *Vulneret cor meum viuus & efficax sermo tuus penetrabilior omni lancea acutissima, pertingens usque ad diuisionem animæ meæ; & producens ex ea, tamquam de dextero latere meo, vice sanguinis & aquæ, amorem tuum Domine, & fratrum tuorum.* **C**

Idem etiam clarè elicitur ex eo quod scripsit diuus Augustinus; qui de salute boni latronis ad dexteram Redemptoris nostri Cruci affixi agens, inquit, credibile esse, eundem bonum latronem, cum iuxta Christi latus Cruci suffixus esset, aqua illa sanguine mista, quæ è latere eius profluxit, aspersum fuisse, atque ita sacratissimo illo Baptismate ablutum: *Creditur, inquit, aqua simul cum sanguine exiliente de latere Domini, iuxta confixum potuisse perfundi, atque huiusmodi sanctissimo Baptismate dilui.* **D**

Lib. 3. De  
anima, &  
eius origi-  
ne, cap. 9.

At omnem prorsus hæsitandi ac dubitandi materiam, quæ circa id oriri posset, dirimit & aufert sindon, siue sacratissimum linteum illud, populariter sanctum Sudarium appellatum, quo Christi Domini corpus sacratissimum inuolutum, sepulturæ traditum est; hodie penes serenissimum Sabaudia Ducem asseruatum, in quo sanguineis lineamentis, diuini illius Corporis imago impressa remansit; eadem prorsus forma atque figura, qua constabat, cum è Cruce depositum



A positum fuisset. Nam in eo clarè atque euidenter perspicitur, dextrum Christi Domini latus reuerà, non autem sinistrum lancea perfossum fuisse. Siquidem imago eidem linteo impressa, illius vulneris cicatricem in sinistro latere ostendit, typorum effectum prorsus imitata, qui quod in dextro habent, imprimunt in sinistro. Quod non sine mysterio, nec sine Domini misericordia factum est, qui in dextero latere vulnerari voluit; ut vulnus suum, corda fidelium, qui in eum piè respiciunt, ex directo transfigat, & piam plagam iniiciat.

Quin etiam certissimæ huius veritatis testimonium vllum reddi nequit maius eo, quod in sanctæ Brigittæ Reuelationibus legitur. Nam ibi litteris proditum est, Mariam Virgineam gloriosissimam ipsam, dum omnia singillatim quæ in Christi Domini passione acciderant, eidem sanctæ Brigittæ reuelaret, hæc præcisa verba dixisse: *Alij verò dicebant alia verba irrisoria, & sic stantibus turbis in circuitu, venit vnus accurrens, & infixit lanceam in eius latere dextro tam vehementer & validè, quòd quasi per aliam partem corporis lancea voluit pertransire. Quòd cum extraheretur lancea de corpore, statim abundanter exibat de vulnere illo cum impetu quasi quidam fluius sanguinis: ferrum verò lanceæ, & aliqua pars hastæ rubicunda exibat de corpore, & tincta sanguine.*

Reuelat.  
lib. 7. c. 15.

Quamobrem clarissimum est, Christi Domini dextrum latus lancea perfossum fuisse, non autem sinistrum, ut quidam perperam dixerunt. Neque id vllò pacto aduersatur his, quæ de hoc lanceæ vulnere Saluatori mundi infligendo, iam Spiritus sanctus innuerat: *Vulnerasti cor meum*: ut superius diximus. Quandoquidem in eisdem sanctæ Brigittæ Reuelationibus asseritur, lanceæ ictum prædictum tanto impetu ac robore Christo Domino illatum, ut lancea ipsa à dextera vsque ad sinistram corporis partem pertingens, cor eius hinc inde transfixerit. Quod quidem earumdem Reuelationum locis complurimis replicatur, & præsertim libro secundo, capite 21. vbi hæc verba produntur: *In corde punctus erat tam amarè & immisericorditer, quòd pungens non destitit, donec lancea attigit costam, & ambæ partes cordis essent in lancea.*

Reuelat.  
lib. 2. c. 21.  
Item lib. 1.  
c. 10. & libro 4. c. 70.

Sepulta fuerat lancea sacratissima, quæ latus Domini nostri aperuit, vnà cum ceteris passionis eius instrumentis, ut Hebræorum mos erat sepeliendi iuxta damnatorum cadauera, ea quæ eorum neois instrumenta fuerant, ut superius Capite decimo quinto diximus. Et quamquam sepulturæ sanctæ Crucis, clauorum, & tituli, complures auctores meminerint, ut loco superius citato ex parte aliqua scripsimus, & inferius scripturi sumus; nemo tamen lanceæ mentionem facit, præter vnum Andream Ierosolymitanum, Cretensium Archiepiscopum, qui hæc verba de ipsa ad posterorum memoriam prodidit: *Postquam enim post mortem in Cruce susceptam, vitæ & mortis Dominus post tres dies reuixit; inuidiæ stimulis puncti Iudei, & timore affecti, ne quid ex rebus illis sacrosanctis, quæ fuerunt in illa veneranda & beata passione, seruatum, Iudeos quidem vlscendi esset instrumentum, custodiendi autem eos qui crederent in Christum; ea defoderunt in intimis terræ finibus, illic deponentes in primis pretiosum thesaurum, Crucem inquam, & omnia quæ ad Crucem pertinent, nempe clauos & lanceam, & quem in Cruce Pilatus scripsit & affixit titulum.*

De pretiosa Crucis  
venerabili  
exaltatione, c. 5.

Reperta postea est hæc eadem lancea sacratissima à gloriosa Helena, magni Constantini Imperatoris matre, cum sanctam Crucem, titulum, & clauos inuenisset, ut superius diximus. Et in peruetusto libello illo, cui titulus est, *De locis sanctis*, à venerabili Beda in compendium redactò, legitur, lanceam hanc Ierosolymis, in porticu Templi sanctissimi Sepulcri, Cruce quadam lignea inclusam asseruari solitam ea veneratione, qua ibidem his verbis innuitur: *Lancea militis inserta habetur in Cruce lignea, in porticu martyrij, cuius hastile in duas inter-*

Sacratissima lancea, vnà cum Cruce, clauis, & titulo, à sancta Helena reperta.  
De locis sanctis, c. 2.

cisum



*D. nro An-  
tiochia per  
miraculum  
inuenta.*

*cisum partes, à tota veneratur ciuitate.* Deinde verò post longam annorum se- A  
riem, hæc ipsa lancea sacratissima Antiochiæ per miraculum reperta est, ver-  
tente nostræ salutis anno M. XCVIII. dum illa ciuitas arctissima obsidione op-  
pugnaretur à Corbagat, siue vt Historici nostri scribunt, Corbana, Persarum  
Regis copiarum Imperatore: qui cum validissimo Turcarum & aliorum bar-  
barorum exercitu mouisset è Perside, vt Antiochiæ subsidio esset, contra Got-  
thifredi Bulionis ceterorumque Principum Christianorum exercitum, qui ex  
Occidente, validissimis copiis instructi, ad Terræ sanctæ recuperationem profi-  
ciscebantur, illic adesse non potuit, nisi post eandem à nostris urbem expugna-  
tam. Verum ingenti exercitus sui multitudine confusus, illam obsidione valla-  
uit. Atque intra paucos dies, obsessos Christianos ad summam rerum omnium  
difficultatem, & annonæ caritatem reduxit. Dum verò nostri his coarctaren-  
tur angustiis, Presbyter quidam, Petrus nomine, natione Prouincialis, Massiliâ  
oriundus, Podiensem Episcopum, qui Legati Apostolici munere fungebatur, B  
& Tolosæ Comitem adiit, asserens beatum Andreæ Apostolum per quietem  
sibi apparuisse, ac ter quaterque eum monuisse, vt Principes Christianos, Antio-  
chiæ obsessos, commonefaceret de lancea, qua Dominicum latus in Cruce per-  
fossus fuerat, diligentissime perquirenda, quæ in Æde diui Petri eiusdem vr-  
bis altè obruta abditaque latitabat; certisque indiciis locum vbi reperiri posset,  
designasse: affirmans, eundem sanctum Apostolum multis comminationibus  
atque terroribus ad eam legationem ipsis deferendam impulsisse; quam tamen  
cum sibi timens diutius detrectasset, eò quod pauper & humilis nulliusque au-  
ctoritatis & æstimationis homo esset, vrgentissima demum eiusdem Apostoli  
iussione, mortem ipsi minitantis, si id differre diutius auderet, compulsus  
atque coactus prodidisse.

Podiensis autem Episcopus, & Tolosæ Comes, ceteris Principibus omnia  
quæ Massiliensis Presbyter dixerat secretius communicantes, eundem præsen- C  
tem constituunt, vt totam visionis seriem iisdem quoque Principibus, sicut &  
ipsis, ore proprio exponeret. Qui cum verbis eius fidem adhibuissent, ad Princi-  
pis Apostolorum Ecclesiam omnes simul confestim accessere; terraque eo lo-  
co, vbi Presbyter innuerat, refossa, ingenti omnium admiratione, lanceam,  
quam prædixerat, re vera inuenerunt. Qua eruta, multitudinis clamor in cælum  
sublatus est, approbationis religionisque plenus; & Deo optimo maximo lau-  
des atque ingentes gratiæ referebantur: & quasi felicissimum quoddam victo-  
riæ præsagium è cælo iis descendisset, ingenti latitia & certissimæ liberationis  
atque victoriæ spe omnes repleti sunt. Quamobrem triduo ieiunio indicto ac  
piissimè expleto, sacraque confessione peccatis expiatis, diuina Eucharistia refe-  
cti & communiti, vrbe explicatis vexillis egrediuntur, Podiensi Episcopo &  
Apostolico Legato sacram lanceam reuerenter manibus deferente: tantaque  
animi alacritate atque virtute inimicum exercitum adorti sunt, vt prælio com- D  
misso fregerint & fugarint, Barbaris supra centena millia, vt scripto quidam  
prodidère, desideratis. In quorum castris adeò ingens diuitiarum copia inuenta  
est, vt pretiosis opimisque spoliis omnes onusti Antiochiam sint reuersi. Vbi  
propter affluentissimam omnis generis commeatuum copiam, in eisdem ca-  
stris repertam, ex summa rei frumentariæ caritate, omniumque rerum inopia,  
admirabilis annonæ vilitas repente consecuta est.

Admirabilem hanc sacratissimæ lanceæ inuentionem, plerique eorum tem-  
porum Historici ad posterorum memoriam prodidère; atque inter ceteros præ-  
cipuè Gulielmus<sup>a</sup> Tyriensis Archiepiscopus, in sua De bello sacro Historia; Ro-  
bertus<sup>b</sup> Monachus, qui adfuit: Blondus<sup>c</sup>, Paulus Æmilius<sup>d</sup> Veronensis, sanctus  
Anto-

*Cuius be-  
neficio ipsa  
vrbs ab  
arctissima  
obsidione  
liberata.*

<sup>a</sup>Lib. 6. c. 14

<sup>b</sup>Lib. 7.

<sup>c</sup>A decl.

Rom. Imp.

Dec. 2. l. 4.

<sup>d</sup>De rebus

gest. Franc.

lib. 4.



**A** Antoninus<sup>a</sup> Florentiæ Archiepiscopus, Naucerus<sup>b</sup>, Platina<sup>c</sup>, atque alij complures. Delata deinde est eadem lancea sacratissima ad Constantinopolitani Imperatoris manus, qui ferri eius aciem, limâ sectam, Francorum Regi dono dedit, ut quidam memoriæ prodidère; & inter eos Gulielmus Caorsinus in Commensariis suis; licet in Imperatoris, qui donum hoc est elargitus, atque in Regis qui illud accepit, nomine, deceptus sit. Residuum postea eiusdem ferri sacratissimi, in Ecclesia sancti Ioannis de Petra Constantinopolitanæ ciuitatis, magna veneratione asseruatum est, donec vrbs ipsa, Christianorum peccatis sic exigentibus, in Mahumetis Secundi Turcarum Imperatoris potestatem deuenit, salutis nostræ anno M. CCCC. LIII. tunc enim sacrum ac pretiosum pignus hoc vnâ cum spongia, arundine, ac dextera sancti Ioannis Baptistæ manu, quæ mundi Redemptori Baptismum tribuere meruit, quæque in eadem Ecclesia custodiebatur, in victoris tyranni potestatem redactum est.

<sup>a</sup> De bello  
sa. c. 13 §. 5  
<sup>b</sup> Gener. 35.  
<sup>c</sup> In Vita Paschalis II.  
Constantinopoli ad  
Imp. delata est; qui  
eius custodiē  
Regi Frac.  
impertit.  
Deinde in  
Mahumetis II.  
Turcarum  
Imp. (vidē  
Constantinopoli) potestatem redacta, vnâ cum spongia, arundine, & dextera S. Io. Bap. manu.

**B** Nam cum idem Mahumetes non ignoraret, quanta gaza, quanta rerum eximiarum copia, quamque lauta & eleganti suppellectile eiusdem Imperatoriæ ciuitatis sacræ ædes essent refertæ; publico præconis edicto mortis pœnam exactissimè non parentibus interminatus, iussit omnes Ecclesiarum Reliquias & ornamenta, vnâ cum Imperatoris thesauro, sibi intacta inuiolabiliter reseruari. Quamobrem omnes confestim sanctorum Reliquiæ, omnes geminæ, aurum, argentum, omnisque pretiosus Ecclesiarum ornatus, vnâ cum tota suppellectile, aureis argenteisque vasis ac gemmis, in Imperatorio thesauro repertis, victori tyranno allata sunt; ac inter ea præcipuè sacratissimum lanceæ ferrum, cum ceteris sanctis quas recensuimus Reliquiis, quæ in magni Turcæ ærario diligenter postmodum asseruatæ sunt, donec vitâ perfunctus est idem superbissimus tyrannus, qui Dei iustissimi occulto iudicio, duo maxima Imperia, duodecim Regna, & innumerabiles pœnè ciuitates (ô memoriæ, prò dolor, profusis lacrymis deplorandam!) Christianis per summum scelus eripuit. Illi duo filij masculi superstites fuerunt, Baiaret scilicet & Iem, quem nostri Zizimum appellauère, qui de paterni Imperij successionem ac diuisionem disceptarunt atque belligerarunt. Zizinus deuictus, Regnoque pulsus, Rhodum, ad magnum Ierosolymitanæ militiæ Magistrum confugit. Baiaret verò rerum potitus, ut strenuissimi ac magnanimi Principis fratris Petri de Aubusson Magni Magistri gratiam iniret, atque ab ipso fratrem suum Zizimum diligenter custodiri impetraret, ne in patriam reuersus nouas res moliretur, dono ei transmisit venerabilem diui Ioannis Baptistæ dexteram, quæ ad hanc vsque diem à sacra & illustrissima Religione atque Militia sancti Ioannis Ierosolymitani, summa veneratione in Insula Melitæ asseruatur.

Dextra  
S. Io. Bapt.  
Magno Mil.  
litiæ Ierosolymitane  
Magistro  
a Baiaret  
Mahumetis F. dono  
transmissa.

Verum eiusdem deinde Magni Magistri opera, consilio, & gratia, idem Baiaret sacratissimum etiam lanceæ ferrum Innocentio Papæ Octauo dono transmisit; Oratore ad eundem Pontificem ad munus id præcipuè deferendum delegato, atque Romam à Priore Aluerniæ, fratre Guidone de Blanchefort, eiusdem Magni Magistri nepote, deducto, anno salutis nostræ vertente M. CCCC. XCII. ut in nostra eiusdem sacræ Religionis, & illustrissimæ Militiæ Historia, latius profecuti sumus. Urbem Romam idem Orator magno sanè luxu & apparatu est ingressus pridie Kalendas Iunij, quæ Ascensionis Domini nostri Iesu Christi dies sacer erat: cum Pontifex Maximus Cardinalem, Legati sui munere fungentem, sacratissimæ lanceæ obuiam processurum, Narniam vsque præmisisset. Atque ipsemet Pontifex sacro Cardinalium Collegio constipatus, toto Romano Clero processionaliter (ut aiunt) præcedente, ad portam Flaminiam eidem sacræ lanceæ obuiam prodiit, ac reuerenter eam suscepit, manibusque propriis

Et sacratissimū lanceæ ferrum  
Innocentio  
Papæ VIII.



Ex anti-  
quis Dia-  
riis Lælij  
Petronij,  
Pauli de  
Magistris,  
& Step-  
hani Infes-  
suræ, fol. 76.  
& 77.

priis usque ad Apostolorum Principis Basilicam detulit; cunctis vrbis viis, quæ A  
transeundum erat, aulæis ac peristromatibus vndeque circumstratis, vt in  
sanctissimi corporis Christi solemnibus die ornari consueuere. Cuius rei præcipua  
mentio habetur in antiquis Diariis rerum Vrbis Lælij Petronij, Pauli de Magi-  
stris, & Stephani Infesuræ, Romanorum ciuium, quorum id præcipuum insti-  
tutum erat, vt grauiora omnia suorum temporum annotarent, idque his qui-  
dem narratur verbis: *Vltima Maij, in die Ascensionis, anni M. CCCC. XCII. intrauit*  
*Vrbem Orator Magni Turci, qui donauit lanceam, vel ferrum lanceæ Longini, cum quo*  
*latus Domini nostri Iesu Christi fodit in Cruce. Et fuit receptum à Pontifice, & toto Clero*  
*proceßionaliter, ab Ecclesia sanctæ Mariæ de populo, usque ad sanctum Petrum. Et erat*  
*inclusum dictum ferrum in quodam tabernaculo pulcherrimo crystalli, cum pede, &*  
*aliis ornamentis puri auri. Et fuit res magnæ æstimationis. Et forma eius est hæc designata*  
*in propria forma ipsius. Et cuspis eius est apud Regem Franciæ, prout ipsemet Magnus*  
*Turca nuntiavit Papæ, per præfatum eius Oratorem.*

B  
Fuit idem ferrum sacratissimum ab eodem Pontifice in suum ipsius cubicu-  
lum, ad tempus asseruandum, delatum; ab ipso prius coram illo, in diui Petri  
Basilica, fufis de more precibus; & populo, qui frequentissimus eò confluerat,  
elargita cum ipso benedictione. Erat in animo Pontifici summo illud ferrum  
in eodem cubiculo asseruare, dum maturius determinaret, quo illud loco hono-  
rificentiùs collocaret: etenim agitabat animo sumptuosissimum sacellum in  
ipsa diui Petri Basilica construendum curare; vbi summa veneratione atque  
splendore, vt tanti tamque pretiosi pignoris dignitas postulabat, perpetuò dein-  
ceps asseruaretur. Et meritò quidem. Nam si sacri clauis, quibus Dominus ac  
Redemptor noster Iesus Christus Cruci confixus est, à pijs Christi fidelibus  
venerantur & adorantur; quippe qui Domino magis quam Crux ipsa fuere  
proximiores atque coniunctiores; qui non pellem tantum & corporis sacratis-  
sime superficiem, vt Crux, tetigerint, sed in carnem eius sanctissimam penetra- C  
rint; quanto maiore venerationis ac reuerentiæ cultu lanceam ipsam dignam  
esse putabimus, quæ non in Christi carnem tantum penetrauit, sed ipsum cor  
etiam (vt superius patuit) ex vtraque parte transfixit?

At verò, vt sæpè contingit, quod proponente homine, ac disponente Deo, co-  
gitationes & consilia nostra expectationi plerumque non respondeant; non  
multis transactis post diebus, Pontifex aduersa ac suprema valetudine decu-  
buit: qua demum ex humanis excessit, octauo Kalendas Augusti, eiusdem an-  
ni. Quare pium illud ipsius integerrimumque consilium exitu caruit. Statim  
enim vt compertum est infirmitate eius obitum indicari, sacrum Cardina-  
lium collegium, idem lanceæ ferrum, in sancti Petri Basilicam, magna vene-  
ratione ac reuerentia detulit; atque in ciborio, iuxta Portam sanctam tunc exi-  
stente, includendum curauit. Vbi summa veneratione, vnà cum Vultu san-  
cto, iugiter postea conseruatum est; donec impellente necessitate, vetus diui D  
Petri Basilica diruta est, quippe quæ præ vetustate nimia ruinam minabatur.  
Tunc enim eadem lancea sacratissima, vnà cum Vultu sancto, Pauli Quinti  
Pontificis optimi maximi temporibus, in nouam Basilicam est translata; vbi  
insignes planè ac sacratissimæ ambæ istæ Reliquiæ, magna pietate populo sæpè  
commonstrantur.

Atque de eiusdem lanceæ translatione, ab Innocentij Papæ Octauo cubicu-  
lo in sancti Petri Basilicam à Cardinalium Collegio eo tempore facta, in iis-  
dem quæ suprà retulimus Diariis, præcipua quoque his verbis habetur men-  
tio: *Die Lunæ, 16. mensis Iulij, sanctissimum ferrum, quo fuit D.N. perfossus, Cardinales*  
*& Collegium, de camera dicti Pontificis in Ecclesiam sancti Petri portauerunt; & loco*  
*vbi*




**A** ubi inclusum est sudarium, unà cum dicto sudario collocauerunt. Et factum fuit inuentarium bonorum Ecclesie. Innocentio igitur Papa Octauo vita perfuncto, corpus eius in diui Petri Basilica humatum est. Atque in pretiosi muneris memoriam, quo à magno Principe infideli, nostræque sanctæ fidei hoste, donatus fuerat, æneum summi illius Pontificis signum sepulturæ & monumento impositum est, eiusdem lanceæ ferri typum manu gestans; qui tamen typus postea perfractus est, neque aliud hodie ex eo in ipsius statux manu permanet, præter manubrij partem quamdam, vt patet oculis intuentis, cum hæc ipsa quoque statua in nouam Basilicam migrarit. Germanum autem ferri sanctæ lanceæ typum ex vero ac naturali eius prototypo, tam magnitudine, crassitie ac longitudine, quam forma & pondere, quem à Reuerendissimo Iulio Sanse-  
**B** donio nobili Senensi, ac Grosseti Episcopo, Prælato verè religioso & pio, mutuò acceperam, animo sanè liberrimo, in piorum Lectorum gratiam ac spirituale solatium, hîc addere placuit. Is verò prælongarum hastarum, quibus hodie Milites nostri vtuntur, quasque Sarissas olim, nunc autem Piccas vulgò appellant, penitus formam refert.

Narrat Tyriensis Archiepiscopus aliud insigne miraculum, quod huius lanceæ sacratissimæ occasione Dominus operari dignatus est. Nam posteaquam Antiochiæ reperta fuerat, & post adeptam à nostris eam, quam superius recensuimus, victoriam; cum inter Principes ac Proceres illos Christiani exercitus, magna æmulatio & inuidia coorta esset, ac penitus serperet; quidam familiaris & Capellanus Normannorum Comitis, Arnulphus nomine, vir litteratus quidem, sed quem morum peruersitas, ac disseminandi tumultus & scandala exagitabat auuiditas, crebris in populum atque exercitum diuulgare cœpit sermonibus, lanceæ ferrum illud in diui Petri Antiochena Basilica repertum, reuerà non illud verum ferrum lanceæ illius sacratissimæ existere, quæ Domini nostri latus in Cruce aperuit: verum inuentionem ferri huius, callidum atque astutum commentum quoddam Tolosani Comitis extitisse, eliciendi inde quæstus gratiâ; cum Presbyter ille, qui  
**C** inuentionis huius auctor fuerat, ipsius Comitis familiaris esset. Qui quidem sermones, magni susurri atque altercationis excitandæ seminarium extitere. Quare cunctus exercitus & populus in duas factiones diuisus, magnis disceptationibus implicabatur: altera ex duabus partibus constantissimè affirmante ac defendente, illam verè Christi lanceam esse, diuinoque afflante Spiritu reuelatam, ac pro illius obsessi populi solatio repertam; altera verò contrâ, commentitiâ fabulam, & callidum Tolosani Comitis consilium id extitisse, pertinaciter contendente. Quamobrem optimus ille Sacerdos, qui eiusdem lanceæ inue-

L

nien-



Germanus  
ferri san-  
ctæ lanceæ  
typus.

Belli sacri  
lib. 7. c. 18.

Sacratissi-  
ma lanceæ  
veritas in-  
signi mira-  
culo Antio-  
chiæ asser-  
ta.



niendæ auctor fuerat, incredibili animi mœrore angebatur ac dis cruciabatur; A  
sanctè affirmans, & iureiurando in animam suam sese deuinciens, nullam  
in eo negotio fraudem aut dolum intercessisse, sed pura reuelatione diui-  
na, lanceam eandem pro Christiani populi subsidio sibi commonstratam:  
atque vt sinceræ veritatis illius incredulis fidem astrueret, ignem se ingressu-  
rum pollicebatur. Die igitur Veneris, passionis Domini memoriæ sacro, in-  
genti lignorum strue eo iubente coaceruata, & igne succensa, cuius horribilis  
flammæ prospectus vel ipsis intuentibus terrorem incuteret, cum bonus ille Sa-  
cerdos, qui Presbyter Petrus Bartholomæi de Massilia appellabatur, accepta  
in manibus lancea (vniuerso circumstante populo atque exercitu, qui vt tre-  
mendum illud flammæ iudicium ac probationem conspiceret, incredibili aui-  
ditate & curiositate eò confluerat) postquam genuflexus aliquantisper orasset,  
signo Crucis se muniens, animosè atque intrepidè ingens & horribile incen-  
dium illud ingressus est: ex quo saluus & incolumis exiuit. Verùm plebs in- B  
genti illo miraculo obstupescens, admiratione ac religione percita, tanta auidi-  
tate eum tangendi, ac manus ipsius deosculandi, in illum indiscretè irruit, vt  
oppressus, ac totus contusus, paucis inde exactis diebus diem suum clausit  
extremum.

De rebus  
gestis Fræc.  
lib. 4.

Eiusdem miraculi alij etiam Historici meminerunt, & inter eos præsertim  
Paulus Æmilius Veronensis, his verbis: *Quin Massiliensis auctor sacrosanctæ lan-  
cæ effodiendæ, quia Comes Tolosatis erat, ad nouam inuidiam illi conflandam incusari  
cepit falsæ Religionis. Is vt se purgaret, adiudicium flammæ descendit. Et aderat dies  
passo Domino sanctus, circumfuso exercitu, sanctam lanceam nudus corpore manu ge-  
stans, per coaceruatorum latè lignorum struem ardentem, mediosque ignes, illesus euasit.  
Mox ad miraculum ruente turba oppressus periit.*

Non tota  
lancea, sed  
eius cuspis  
Venetis o-  
lim à Bal-  
duino Imp.  
oppignera-  
ta, & in  
Gallias  
translata.

Non est quòd circa huius lanceæ sacratissimæ germanam essentiam & sin-  
ceritatem scrupulum aut dubium aliquod nobis iniiciat id quod penes com- C  
plures Historicos legitur, Balduinum Secundum scilicet Constantinopolita-  
num Imperatorem graui pecuniarum inopia pressum, lanceæ ferrum, quo  
Domini nostri Iesu Christi latus perfossus est, vnà cum spinea corona, san-  
ctæque Crucis partem, & alias sanctas Reliquias, Venetis pignori dedisse:  
quas cum postea redimere nequiret, sanctum Ludouicum Francorum Re-  
gem, eodem Balduino permittente, proprio are, soluto pignore, omnes in Gal-  
lias deferri curasse; illasque in sancto ac Regio sacello, quod Lutetiæ Parisio-  
rum extruxerat, collocari iussisse. Nullus enim auctor reperitur, qui asserat,  
Balduinum totum sanctæ lanceæ ferrum oppignerasse. At non pauci econ-  
trà memoriæ prodidère, non totum quidem, sed partem eiusdem ferri sacra-  
tissimi tantummodò ab eodem Balduino pignori datam, & postea redem-  
ptam, atque in Gallias asportatam. Quamobrem aperte perspicitur, non to-  
tum sanctæ lanceæ ferrum, sed cuspidem eius tantum, quam hîc deficere vi- D  
demus, ab eodem Imperatore fortè oppigneratam, & ab eodem Rege san-  
cto Ludouico in Franciam delatam. Quod sanè cum eo optimè congruit,  
quod Turcarum Imperator Baiazetes Innocentio Papæ Octauo per Oratorem  
suum significauit, cuspidem scilicet huius sanctæ lanceæ penes Francorum  
Regem esse.

Lib. 13. an-  
no 1240.

Quòd autem ferri sanctæ lanceæ pars, & non totum, à Balduino Venetis  
oppignerata fuerit atque in Gallias translata, inter ceteros Iacobus Philippus  
Bergomensis in Chronicorum Supplemento expressè testatur his verbis: *Bal-  
duinus huius nominis Secundus, quintus ex Gallis Constantinopolitanus Imperator,  
hoc anno, mortuis prius Petro Antisidorense & Ioanne Imperatoribus, & ipse Græ-  
canum*



**A** canum Imperium suscipiens, imperavit annis viginti. Hic cum biennio Imperium tenuisset, ægreque se ab hostibus tueretur; ærarij inopia compulsus, Venetis proprium filium, ob æs mutuò acceptum, pignori dedit: partemque lanceæ, spongiamque eadem sub conditione tradidit. Quas postea Ludovicus Francorum Rex, cum ipse Balduinus redimere non posset, ab ipsis Venetis, Balduino permittente, redemit, & in Franciam perduxit.

Neque scrupulus aut dubitatio animo nobis iniicienda vlla est ex eo quod penes quosdam auctores legitur, sanctam lanceam in Rudolphi Burgundiæ Ducis manus devenisse, Henricumque Imperatorem huius nominis Primum, violenter quodammodo, ac magnorum munerum atque minarum vi, ab eodem extorsisse: quodque post eundem Henricum, in magni Othonis Imperatoris potestatem translata, ab eo postea Etelstano Angliæ Regi sit donata, anno nostræ salutis labente DCCCC. LXIII. Nam lancea hæc non illa fuit sacratissima, qua Christi latus perfossum est: sed magni Constantini Imperatoris lancea fuit; cuius ferrum, ut quidam tradiderunt, ad Crucis ferè imaginem fabrefactum fuit, quia frustum aliquod clauorum Christi admistum habuisse ferunt. De qua lancea Sigibertus in Chronico agens, sic tradit: Lanceam mirandi operis, & clavis Iesu Christi crucifixi sanctificatam, que dicitur primi & magni Constantini Imperatoris fuisse, donatam Rudolpho Regi Burgundionum & Italie à Samson Comite Rex Henricus precibus, minis & muneribus, addita etiam parte Prouinciæ Sueuorum, à Rudolpho Comite extorquet; & hanc ad insigne & tutamen Imperij posteris reliquit. De hac eadem lancea meminit etiam Otho Frisingensis; eamdem sacram lanceam appellans, his verbis: Lanceam quoque sacram, quam Reges nostri hætenus habent, ab Arnolfo Lugdunensi Gallie seu Burgundionum Rege, minis extorsit.

Genebrardus, lib. 4. Chrono- log. ex Ranulpho, libro 6.

Alia lancea Constantini, clavis Christi sanctificata.

Anno Domini 929.

Lib. 6. c. 18

**C** Verum auctor, qui sancti Gerardi Broniensis Abbatis vitam conscripsit, quam inter Sanctorum vitas edidit Surius, huius lanceæ successum clariùs ac fusiùs prosequitur. Nam dum Henrici Primi Imperatoris res gestas ad posterorum memoriam prodit, ac laudibus effert; hæc inter cetera notatu digna de eo tradit: Sed ut interim omittamus, inquit, complura ab illo prudenter & fortiter gesta; magnum & præclarum quiddam, quo totam, cui præerat, Austriam beavit, annotare visum est. Quod nimirum eiusmodi est, ut decessorum eius nullus tale quippiam fecisse legatur: nec ipse quidem, qui totum penè subegerat orbem, Carolus Magnus. Obtinuit enim lanceam magni Constantini, Helenæ Reginæ filij, inuentricis, ut legitur & creditur, salutariferi ligni. Ea autem lancea Crucis habuit effigiem, clavis, quod dictu quoque mirum videri queat, Dominico corpori affixis. Qua verò prudentia & solertia eam indeptus sit, & quanto eam venerationis studio prosecutus sit, cuiusdam Chronographi luculenta prodit oratio, quam ædificationis causa his inserere volumus: Henricus Rex, inquit, ut erat Deum timens, & amator Religionis Ecclesiasticæ, ubi percepit Rudolphum Burgundio-

Quam Henricus Primus Imperator à Rudolpho Burgundionum Rege maximo pretio impetravit.

Surius, tomo Quinto, die 3. Octob. eiusdem vitæ, cap. 15.

**D** num Regem habere tam celeste & inestimabile donum, quod idem Rudolphus pro summa amicitie munere à Samson Comite acceperat; missis ad eum Legatis, tentauit num oblati muneribus id ab illo impetrare, sibi que aduersus tum visibiles tum inuisos hostes arma inuictissima triumphumque perpetuum comparare posset. At Rudolpho Rege id se nulla vquam ratione cuiquam daturum asseuerante, modis omnibus Henricus Rex, quem muneribus emollire non posset, minis intentatis frangere conatus est, affirmans se omne eius Regnum ferro & flammis vastaturum. Sed quia id quod petebatur, munus huiusmodi erat, quo olim Deus terrena celestibus, utraque pacificans, coniunxit, Rudolphi Regis animus tandem diuinitus est emollitus; ita ut iusto Regi iusta petenti annueret. Quo autem amore donum hoc eximium Rex Henricus complexus sit, hoc ipso vel maximè declaratur; quod non modo auri argenti que muneribus Rudolphum Regem honorauit, verum etiam



*Et hostes, sacro hoc praeunte signo, sa-  
pius vicit.* Sueviae provinciae non minima donavit parte. Deus autem qui cordium inspector est, & A  
bonas muneratur voluntates, qua mercede huius rei causa pium Regem Henricum in  
aeterna vita affecerit, quibusdam indiciis etiam in hoc saeculo prodere voluit; quando  
hostes in ipsum incurrentes, hoc victorioso praeunte signo, semper terruit atque fuga-  
vit. Hæc ille.

*Itemque  
filius eius  
Otho.  
In Chroni-  
co, anno  
Dom. 942.*

Tali igitur occasione, taliq[ue] pacto, Henricus Rex lanceam illam obtinuit;  
quam moriturus postea, filio suo, non minore veneratione asseruandam reli-  
quit: cuius rei non pauca sanè victoriæ, quas eadem in bello prodeunte lancea  
adeptus est, plenam fidem astruunt. Atque inter ceteras, quas Otho Henrici Im-  
peratoris filius, hac eadem lancea consecutus est, victorias, vnam refert Sigiber-  
tus in Chronico, inquit: *Gislebertus, & Euerardus, cum Henrico fratre Impera-  
toris, iuxta Rhenum, contra Imperatorem bellum parantes, milites Imperatoris offen-  
dunt, & multi cum paucis congressione facta, interim in alio Rheni litore, ante clauos  
Domini lanceæ suæ infixos, in oratione prostrato, vici terga dederunt; Henrico in bra-  
chio insanabiliter vulnerato.*

In clatis igitur posita, & ad concordiam redacta est eorum auctorum re-  
pugnantia, qui errore ducti, & minùs diligenter, quàm par erat, animaduer-  
tentes, hanc Constantini lanceam, pro illa Domini sacratissima perperam ca-  
pientes, de ea variè scripserunt. Atque hoc etiam pacto hæreticorum profligata  
est prauitas & malitia, supplementumq[ue] ex parte aliqua allatum quorum-  
dam temporum nostrorum scriptorum incuriæ, licet tamen Catholici sint, qui  
huius lanceæ sacratissimæ, quam hîc Romæ tenemus, germanam genuinamq[ue]  
sinceritatem in dubitationem reuocare conati sunt. Quæ quidem (quod illo-  
rum inuita malitia, istorumq[ue] pace sit dictum) licet retusa videatur, in man-  
suetudinis & veræ charitatis significationem, qua sancta Sedes Apostolica, vt  
pia Mater pacifica, omnes nationes cunctosq[ue] populos in pacis vinculo, ac  
solius veritatis sanctæq[ue] doctrinæ lancea, non autem armorum cuspide & C  
violentia, ad desiderabile ac salutiferum sanctæ Ecclesiæ Catholicæ gremium  
perducere cupit illius gratia & virtute, qui secundum misericordiam suam ma-  
gnam hac eadem lancea pro nobis perfodi passus est; inuictum atque inexpu-  
gnabile telum semper erit, ad omnes visibiles & inuisibiles hostes deprimen-  
dos ac prosternendos.

*Lateris Re-  
demptoris  
nostri aper-  
tio, in ostio  
lateris Ar-  
cæ Noë pra-  
signata:  
In Ioannē,  
c. 19. Tra-  
ctatu 120.*

Lateris Domini & Redemptoris nostri apertio, præter eam quam superius  
explicauimus primi parentis nostri figuram, cum ei dormienti costa detracta  
fuit, ex qua prima mater nostra Eua est formata, præfigurata est etiam in ostio  
illo, in latere Arcæ Noë facto. Nam quemadmodum per ostium illud anima-  
lia, quæ à diluuiio seruanda erant, in Arcam ingressa sunt; sic per ostium Sacra-  
mentorum, quæ ex Christi lateris apertione fluxerunt, in Arcam sanctæ Eccle-  
siæ ingredi quemcumque necesse est, qui æternæ damnationis aquarum dilu-  
uio obrui nolit. Quapropter appositè ad hoc sanctus Augustinus: *Hoc prænuntia-  
bat, quod Noë in latere Arcæ ostium facere iussus est, quæ intrarent animalia, quæ non  
erant diluuiio peritura; quibus præfigurabatur Ecclesia.*

*Et à Pro-  
phetis præ-  
dicta.  
Psalm. 104.*

*Iob 16.*

Prædixerat iam Spiritus sanctus, per os Regij Prophetæ, Christi Domi-  
ni latus & cor lanceæ ferro transfodiendum & transfuerberandum, cum di-  
xit: *Ferrum pertransiit animam eius.* Id quoque prædixerat per os patientissi-  
mi Iob, qui, vt superius ostendimus, Christi typum in multis præ se tulit;  
tuncq[ue] potissimum, cum dixit: *Circumdedit me lanceis suis, conuulnerauit lum-  
bos meos, & non pepercit.* Atque id pari modo ab ipso Spiritu sancto, per  
os Isaïæ Prophetæ, prænuntiatum patet, sub allegoria & metaphora petra,  
quæ erat Christus; cum dixit Deum scissurum petram, ex qua aquæ deflue-  
rent:



**A** rent: Baptismi sacramentum signans, in quo mundi peccata diluenda erant: *Aquam, inquit, de petra produxit eis, & scidit petram, & fluxerunt aquae. Non* Isaia 48. in fine. *est pax impiis, dicit Dominus.* Super quibus verbis, hæc sanctus Hieronymus: *Non est, inquit, pax impiis, dicit Dominus: illis videlicet, qui in errore pristino* In Isaia cap. 48. *permanferunt, qui non meruerunt bibere de petra, cuius (ut nouè loquar) latus* *lancea vulneratum, aquis fluxit & sanguine; Baptismum nobis & martyrium de-* *dicans.*

Sanctus Cyprianus insuper eundem textum Isaia ad quoddam institu-  
tum suum pertrahens, verba ipsius Prophetæ tunc signanter ad effectum per-  
ducta testatur, cum Christi, qui petra est, latus ictu lanceæ in Cruce transfo-  
sum fuit: putatque, & quidem meritò, ibi innuisse Prophetam, Baptismi sa-  
cramentum, ex cuius aquis, si Iudæi quandoque sitierint, apud nos bibituros  
esse: *Item denuò præcinitur, inquit, & antè prædicitur Iudæos, si sitierint, & Chri-* S. Cyprian. in epist. ad Cæcilium. *stum quaesierint, apud nos esse potaturos, id est, Baptismi gratiam consecuturos. Si sitie-*  
**B** *rint, inquit, per deserta adducet illos; aquam de petra producet illis: findetur petra, &*  
*fluet aqua, & bibit plebs mea. Quod in Euangelio adimpletur, quando Christus, qui*  
*petra est, finditur ictu lanceæ in passione. Qui & admonens quid per Prophetam sit an-*  
*tè prædictum, clamat, & dicit: Si quis sitit, Veniat & bibat. Qui credit in me, sicut*  
*dicit Scriptura, flumina de ventre eius fluent aquæ viuae.*

Prædixit etiam idem Spiritus sanctus, lanceæ hoc, ceteraque clauorum vul-  
nera, quæ Christo Domino infligenda erant; dum sub eadem petra metapho-  
ra, quasi petra ipsa Christus, Catholicam Ecclesiam, dilectam & pulcherri-  
mam sponsam suam, quæ ex ipsius latere egressura erat, inuitaret atque allice-  
ret ad introeundum, & iugiter vero gratitudinis pietatisque & delectationis  
affectu in vulnere suorum fixuris inhabitandum, inquit: *Surge amica mea,* Cantic. 2. *speciosa mea, & veni: columba mea in foraminibus petra. Quæ verba sanctus Ber-*  
**C** *nardus exponens, inquit: Columba mea in foraminibus petra, quod in Christi vul-* Super Cā- tic. Ser. 61. *neribus tota deuotione versetur, & iugi meditatione demoretur in illis. & alibi ad id*  
*pariter alludens, subdit: Utinam ego talis merear esse columba, quæ in foraminibus pe-* Super Psal. Qui habi- tat. *tra habitat, & in foramine lateris dextri.*

In quo quidem foramine & ostio angusto, diuus Augustinus sincero pater-  
næ charitatis affectu, flagrantissimoque pietatis ardore, cunctos ad introeun-  
dum his verbis inuitat & allicit: *Venite, inquit, omnes, intrate omnes; est, quæ possi-* De tempo- re Barbari- co, cap. 8. *tis intrare, patet latus. Ostendit enim ille latro, quod debeant omnes intrare: neminem suo*  
*exemplo docuit desperare. Contendite, ait Dominus, intrare per angustam portam. Quid*  
*angustius illo foramine, quod unus ex militibus, percutiendo latus Crucifixi, aperuit?*  
*Et tamen per has angustias penè iam totus mundus intrauit. Et hæc de lancea, cete-*  
*risque Domini ac Redemptoris nostri Iesu Christi passionis instrumentis, atque*  
*de Crucis circumstantiis, tandem dixisse sufficiat.*

**D** Quamobrem laudes debitas, gratiarumque actiones ex toto animi affectu  
eidem Domino referens, qui pro sua ineffabili bonitate, & infinita miseri-  
cordia, proprium pro redemptione nostra effundens sanguinem, in eadem Cru-  
ce mori voluit; humiliter ad terram prouolutus, & ex intimis cordis mei visce-  
ribus ad ipsum suspirans, vnà cum glorioso martyre Cypriano, ad altissimam  
ac piissimam Maiestatem conuersus, dico: Tu Domine Sacerdos sancte, qui De passio- ne Christi in fine.  
in tempore iracundiæ factus es reconciliatio, qui te ipsum pro nobis mise- Oratio ad Christum passum.  
ris peccatoribus æterno Patri sacrificium oblaturus, in sancta tua Ecclesia Ca-  
tholica, pretiosissimi sanguinis tui permanentem plenitudinem reliquisti; &  
beneficium huius sancti liquoris in perpetuum tradidisti; nobisque inconsum-  
ptibiliter potum viuificum constituisti, Crucis signum, & mortificationis



exemplum. Tu consummatis omnibus, quæ de te scripta erant, vade ad Pa- A  
 trem, & trahen nos post te: & concede, vt in præfenti hac vita, sanctæ Crucis  
 tuæ, non quasi angariati, sed voluntarij & alacres efficiamur baiuli. Atque pro  
 tuo summæ gratiæ munere tribue nobis, vt cum omnibus Sanctis compre-  
 hendere possimus, quid latitudo, quid longitudo, quid sublimitas, & quid pro-  
 fundum huius sancti signi significet: ita vt eodem signo viuifico munitis &  
 armatis non noceat nobis neque mordeat coluber solitudinis, sed incolumes  
 per omnia sequamur te. Tecum in humilitate & cordis simplicitate paruuli si-  
 mus, tecum in sæcularibus desideriis & carnis affectibus circumcidamur, te-  
 cum baptizemur, tecum ieiunemus, tecum lotis pedibus, mundissimisque ma-  
 nibus Panem Angelorum in veræ charitatis & dilectionis vinculo edamus.  
 Tecum crucifixi, mundo viuamus. Tecum Spiritu sancto repleti, & corpore  
 & spiritu in æternum maneamus. Qui viuis, & iam vltra non morieris, in sæ-  
 cula sæculorum. Amen.





IACOBI BOSII  
DE  
TRIVMPHANTE  
ET  
GLORIOSA  
CRUCE  
LIBER SECVNDVS.

De sanctæ Crucis figuris & significationibus, quas Deus optimus maximus mundo, cælo, & quibusdam aliis creaturis impressit; admirabile Redemptionis nostræ  
C mysterium per illas præfigurans, & innuens id quod per sanctæ Crucis lignum operari statuerat.

CAPVT PRIMVM.

*Deum omnes pænè creaturas salutiferæ Crucis  
charactere insigniuisse.*



D

V M iam inde à principio in æternitate sua sine principio, Deus optimus maximus, mundum seruandum, genusque humanum admirabili sanctæ Crucis mysterio redimendum statuisset; quod opus sanè inter omnia excelsa & gloriosa opera sua incomprehensibile atque admirandum fuit; vbi primum pro sua infinita bonitate, rerum procreatione mediante, se ipsum creaturis suis communicare voluit, altissimum & planè admirandum hoc mysterium innuere ac præfigurare aggressus est, ita vt nulla pænè sit creatura visibilis, quæ sacro hoc signo, cælestique hoc charactere insignita non sit, vel quæ euidentem claramque eius significationem, præcipuum symbolum, vel idoneam quamdam non contineat figuram. Quamobrem, quicumque ad vniuersi ac rerum in eo creaturarum contemplationem sedula animaduersione oculum intenderit, clarè admodum perspiciet, non rationales, intel-



lectuales, & sensibiles creaturas tantum, verum etiam irrationales, non intellectuales atque insensibiles, hoc mysteriis refertissimum & admirandum Crucis continere ac præ se ferre sacramentum. Quod quidem licet ipsis etiam Angelis celatum fuerit, videtur tamen Deo optimo maximo placitum fuisse, id ipsum per ceteras creaturas hominibus innuere, in quorum peculiare beneficium celebrandum erat.

Quocirca cum præcedenti libro, diuino Spiritus sancti auxilio suffulti, de Cruce & circumstantiis eius, ea omnia tractauerimus, quæ infinitæ bonitati suæ nobis suggerere placuit; consequenter nunc nobis agendum erit de eiusdem sanctæ Crucis figuris, symbolis ac significationibus, atque in primis de his, quas infinita Creatoris sapientia in quibusdam ex insignioribus creaturis suis visibilibus imprimere voluit. In quibusdam inquam: quia si de omnibus, aut de earum maiori parte agere vellemus, in immensitatem propè infinitam, nostra hæc sese extendet disputatio. In paucis igitur quibusdam insignioribus & euidentioribus stylum nostrum coarctabimus. Nec sanè de figuris, Sophistica subtilitate, vel inani imaginatione conceptis, agendum puto: quod fecerunt quidam, quorum id instituti fuisse videtur, omnia (vt ita dicam) in Crucem agere; quique nos eò perducere conati sunt, vt iuxta eorum ingenium & impetum animi, Crucem in rebus omnibus imaginaria consideratione contempleremur, vel fingeremus; dum in modò quacumque ratione, in rebus ipsis singulis, quattuor accidentia siue qualitates excogitare, vel Crucem eandem in quattuor punctis nobis demonstrare possent: vt, exempli gratia, in Diuinitate ipsa facere ausi sunt; diuinitatis scilicet naturam, essentiam, atque substantiam in Crucis superiore parte collocantes, Patrem in dextera, Filium in sinistra, & Spiritum sanctum in inferiore statuantes: in Angelis, naturam ipsam Angelicam in Crucis sublimiore extremitate, primam Hierarchiam in dextera, secundam in sinistra, & tertiam in infima disponentes: in elementis, ignem in Crucis superiore cornu, aërem in dextero, aquam in sinistro, terramque in imo locantes: atque in ceteris rebus omnibus, simili considerationis indagine mentis aciem intendentes. Quorum tamen pios labores, non quidem arguendos, aut vlllo pacto incusandos existimo: quandoquidem, vt inquit Apostolus, *Alius iudicat diem inter diem, alius autem iudicat omnem diem. Vnusquisque in suo sensu abundet.* Eos enim omnes potius honorandos duco, qui suis studiis & lucubrationibus, acceptum talentum, in Dei honorem & proximi profectum, quo melius sciunt aut possunt, erogare satagunt: *Vnusquisque enim proprium donum habet à Deo. Alius quidem sic, alius verò sic.* Erit igitur sermo noster, de sanctæ Crucis figuris, non sola quidem mentis imaginatione conceptis; sed de veris, apparentibus, & visibilibus; vel saltem sanctorum Patrum auctoritate, vel aliorum grauium scriptorum approbatione suffultis.

## CAPVT II.

*De sanctæ Crucis signo atque figura, quam Deus in vniuerso mundi globo, ac decima sphaera, quam Primum mobile appellant, impressit & constituit.*

**M**VNDVS ipse in primis, qui per sanctæ Crucis mysterium reformatus, sanctificandus atque seruandus erat; iam inde ab ipsius creationis exordio, sacrosancto ac diuino caractere hoc consignatus est. Quapropter in huius admirandi sacramenti præsignificationem ac testimonium, illud ipsum sibi



A sibi ab initio impressum gessit, gerit, dumque permanebit, geret. Nam quattuor <sup>Mundus</sup> partibus suis, Oriente, Occidente, Septentrione, atque Meridie, sanctæ Crucis <sup>quattuor</sup> signum nobis manifestè designat. Quamobrem diuus Ambrosius inquit: <sup>suis parti-</sup> *Com- <sup>bus sanctæ</sup> *pactio ipsa, similitudo quædam est Dominicæ passionis. Cælum quoque ipsum huius signi* <sup>Crucis for-</sup> *figura dispositum est. Nam cum quattuor partibus, hoc est, Oriente, & Occidente, ac* <sup>mam ma-</sup> *Meridiano, & Septentrione distinguitur, quattuor quasi Crucis angulis continetur. Et* <sup>nifestè de-</sup> *signat.* Et sanctus Hieronymus, siue cuius alius auctor commentariorum eorum in diui <sup>Ambros.</sup> Marci Euangelium, quæ inter eius opera sunt impressa, paucis innuit quadra- <sup>de Cruce,</sup> tam Crucis formam nil aliud expressius, quàm quattuor mundi partes signa- <sup>Serm. 56.</sup> se; ad quas velut ad quattuor Crucis extremitates, passionis Christi virtus, re- <sup>tomo 5.</sup> demptionisq; salus, quæ in ea peracta est, pertingere debebat. *Ipsa, inquit, spe-* <sup>Hierony-</sup> *cies Crucis, quid est, nisi forma quadrata mundi?* Neque ad hoc instituti nostri sco- <sup>mus in</sup> *pum parum refert illa diui Gregorij Nysseni auctoritas, quam præcedentis Li-* <sup>Marcum,</sup> *bri capite quinto summam citauimus; cuius hæc ipsa, Latinitati reddita ver-* <sup>cap. 11.</sup> *ba sunt: Cælum, inquit, suscipe, & partes infimas animo complectere, extremosque ac* <sup>In Christi</sup> *summos orbis terminos cogitatione cemprehende; atque considera, quam potentia tam-* <sup>resurrect.</sup> *quam vniuersitatis vinculum, hæc omnia deuinciat atque contineat: Videbisque sponte* <sup>orat. 1.</sup> *sua, in ea diuinæ potentie contemplatione, Crucis figuram exprimi in animo ac mente tua,* *à supremis ad infera, ab extremis ad extrema protentam atque descriptam. Ac sanè id-* *circò antiquus ille Christianus Poëta, piè canendo, dixit:**

*Nè ve quis ignoret speciem Crucis esse colendam,  
Quæ Dominum portauit ouans ratione potenti,  
Quattuor inde plagas quadrati colligit orbis;  
Splendidus Auctoris de vertice fulget Eous,  
Occiduo sacra lambuntur sidere plantæ,  
Arcton dextra tenet, medium laua erigit axem.*

Sedulius,  
operis Pa-  
schalis li-  
bro 4.

*Cunctaque de membris viuit natura Creantis;  
Et Cruce complexum Christus regit undique mundum.*


C In cælis ipsis quoque Deus optimus maximus, multis variisque modis Crucis <sup>In cælis</sup> signum atque imaginem designauit & impressit. At ne prolixa nimium lectio- <sup>multa va-</sup> ne pios Lectores defatigemus, ceteris figuris prætermis- <sup>riaq; Cru-</sup> sis, de duabus tantum, <sup>cis imagi-</sup> vel ad summum tribus insignioribus ac manifestè magis apparentibus age- <sup>nes.</sup> mus. Variis igitur circulis posthabitis, quos in sphæra vniuersi excogitauere Philoso- phi atque Astronomi, vt puta de Coluris, de vtroque Tropico, atque de aliis, qui in eorum circumferentia in Crucis modum vicissim interfecantur; de sphæra decima, quam Primum mobile appellarunt, in primis erit nobis sermo. Ibi enim summus ille omnium Moderator & Rector, virtutem atque intelligen- tiam illam videtur statuissè, quæ non omnibus sphæris tantum, sed etiam ele- mentis ipsis, atque his omnibus, quæ hîc infra mouentur, motum impertitur.

D In hoc igitur cælo diuinitus excogitauerunt Astronomi Zodiaci circulum, duo- decim signis diuisum atque distinctum, quem Aristoteles Circulum obliquum appellauit: sub quo dum vertitur ac progreditur sol, per eam quam Ecclipticæ lineam vocant, (quæ circulum eundem per longitudinem in medio partitur) diuersitatem temporum, varietatem mensium, dierumque longitudinem ac breuitatem nobis affert: atque pro suo in eodem circulo accessu atque recessu, <sup>Meteor.</sup> vt idem testatur Aristoteles, generationes corruptionesque in his inferioribus <sup>lib. 1. c. 9.</sup> fiunt. In hoc ipso igitur circulo, per septenarij numeri virtutem, Crucis signum <sup>Atque in-</sup> mirabiliter formatur. Nam dum sol ipse per supradictum Zodiaci circulum <sup>primis in-</sup> progreditur, à primo videlicet puncto Arietis, vbi vernale Æquinoctium pro- <sup>Zodiaci</sup> creat; confestim vt ad septimum signum deuolutus est, ad primum scilicet pun- <sup>circulo.</sup> ctum



etum Libræ, ibi autumnale Æquinoctium producit. Cùm autem hæc duo puncta in eodem circulo ita constituta sint, ut è regione opposita, se mutuò per diametrum intueantur; projectione ab vno ad aliud extensa, recta linea, quasi Crucis trabs directa formatur. Deinde verò pergens sol ipse à primo puncto Cancræ, ubi æstiuum Solstitium gignit, vsque ad septimum signum, atque ad oppositum Capricorni punctum primum, ubi Brumam facit; ab altero ad alterum è regione oppositum punctum, alia recta linea, quasi Crucis transversale lignum protenditur. Ut in subiecto schemate clarè demonstratur.

Æquinoctium Vernale



Æquinoctium Autumnale

Quod cùm doctissimus Philo Iudæus sedulò contemplatus esset, ipsa veritate coactus dixit, quòd sol hoc cursu suo, hisque naturalibus effectibus, euentissimam diuinæ Maiestatis probationem in septenario numero nobis demonstret. Ac nisi eum Iudaica peruiacacia atque perfidia cohibuisset, diuinam sanè Crucis signi virtutem, quod eo modo formatur, apertè confessus esset. Quod tamen his subobscuris & clandestinis (ut ita dicam) verbis innuit: *Sol ipse diei dux*, inquit, *bina quotannis Æquinoctia faciens, Vere atque Autumno; Verum in Ariete, Autumnale in Libra; euentissimam probationem exhibet diuinæ Maiestatis in septenario.* Numerus septenarius, subnectit idem Philo Iudæus, sacratissimus est, ac mysteriis quamplurimis refertissimus; nec scio an illius naturam quis dignè laudare queat. Cùmque eundem numerum immobilem atque indiuisibilem demonstrasset; magni Dei imaginem quodammodò id ipsum esse testatur. Atque ad rem hanc testificandam comprobandamque, Philolai antiquissimi Philosophi auctoritatem affert, qui de Deo ipso appositè hoc videtur dixisse: *Est Auctor & Princeps rerum omnium Deus, semper vnus, stabilis, ipse sui similis, aliorum dissimilis.* Hæc Philo. Quamobrem non est sanè quòd miremur, si Deus optimus maximus septenario numero designatus, eiusdem numeri virtute Crucem sanctam in cælo figurari voluit; quo notaretur, mundum ipsum hoc sacrosancto signo quandoque ab eo seruandum esse.

Septenarius numerus præterea, ut complures sacri Doctores testantur, sæpè in diuinis Scripturis, pro rerum vniuersitate significanda, videtur fuisse usurpatus. Vnde sanctus Augustinus: *Multa huiusmodi in diuinis auctoritatibus reperiuntur, in quibus septenarius numerus pro cuiusque rei vniuersitate poni solet.* Venerabilis

De mundi  
opificio.

Numerus  
septenarius  
mysteriis  
refertissi-  
mus.

De Ciuit.  
Dei, lib. II.  
cap. 31.



A bilis autem Beda asserit, septenarium numerum iuxta Scripturarum auctori-  
tatem, plenitudinem quamdam sacri mysterij signare: *Nam septem, inquit, iuxta* In Iob, c. 1.  
*auctoritatem Scripturarum, plenitudinem quamdam sacri mysterij significat.* Neque ea  
tantum sanctorum Patrum est sententia, per septenarium numerum, rerum  
videlicet vniuersitates in genere, sed & ipsam electorum & sanctæ Ecclesiæ  
multitudinem præcipue designari. Quocirca sanctus Hieronymus, siue quiuis  
alius Auctor commentariorum in Marci Euangelium, inquit: *Septeno namque* In Marc.  
*numero, vniuersitas perfectorum signatur.* Atque alibi apertius seipsum declarans, cap. 21.  
testatur, eundem septenarium numerum non vniuersitatem tantum signare,  
sed etiam ad Ecclesiæ significationem potissimum assumi: ac propterea san-  
ctum Ioannem Euangelistam in Apocalypsi septem Ecclesiis scripsisse; hoc se-  
ptenario numero innuens, se ad vniuersam Ecclesiam scribere: *Propter ipsum nu-* De cele-  
*merum septenarium, inquit, quo vniuersitatis signatio sæpè figuratur; qui etiam ipsi Ec-* bratione  
*clesiæ tribuitur, propter instar vniuersitatis: ideo Ioannes Apostolus in Apocalypsi, ad se-* Paschæ.  
*ptem scribit Ecclesias.*

Septenario igitur numero, electorum & sanctæ Ecclesiæ vniuersitatem si-  
gnante, admirabile planè mysterium superiori schemate seu figura nobis pro-  
ditur. Id verò illud est, Deum optimum maximum, cursu atque effectibus, quos  
sol materialis iste in Zodiaci circulo operatur, id quod verus sol iustitiæ Chri-  
stus Dominus in huius mundi inferiore circulo operaturus erat, nobis innuere  
voluisse. Nam quemadmodum sol Zodiacum permeans, in Æquinoctiis atque  
Solstitiis, septenarij numeri virtute Crucis signum format; sic verus sol iusti- Septenarij  
tiæ Christus, factus homo, mundi huius Zodiacum perlustrans, septenarij nu- virtute  
meri virtute, id est, electorum vniuersitatis charitate atque salute compulsus, Crux con-  
in sanctæ Crucis ligno mori voluit. Vnde ex sacratissimo sanguine & aqua, quæ signata.  
è diuino eius latere profluxit, nata est Ecclesia Catholica, quæ sanctæ Crucis si-

C gnum non modò effingit atque designat, (quippe quæ sub hoc glorioso & inui-  
cto vexillo feliciter militat) sed etiam idem sanctæ Crucis signum fidelium &  
electorum suorum frontibus & cordibus imprimit; qui per sæculi huius tribu-  
lationes ac sollicitudines incedentes, Crucem omnes libenter perferunt, inui-  
ctum sui ipsorum Ducem alacri animo consecretantes, qui pro militibus suis di-  
xerat: *Qui vult venire post me, abneget semetipsum, & tollat Crucem suam, & sequa-* Matth. 16.  
*tur me.* Itaque septenarius numerus iste, hæcque militantis Ecclesiæ electa atque  
beata vniuersitas, per tribulationum, persecutionum, & molestiarum viam iu-  
giter sequetur eum, donec felix sabbatissimi æternæque requietis dies aduene-  
rit. Quod sanè Spiritus sanctus per os patientissimi Iob innuere voluit, cum di-  
xit: *In sex tribulationibus visitabo te, in septima autem non tanget te malum.* Quasi Iob 5.

D ærumnis refertissima, tentaberis; variisque difficultatibus, necessitatibus, atque Hic sena-  
afflictionibus implicaberis & exercitaberis: verum in septima, hoc est, in futu- rius tribu-  
ra vita, in qua beatus sabbatissimus, & iustorum expetita requies inuenitur, nulla lationum,  
prorsus tribulationum aut molestiarum recordatio animam tuam attinget. postea se-  
prenarius

Numerus septenarius, inquit sanctus Ioannes Chrysostomus, in diuina Scri-  
ptura pro multitudine sumitur, quod sæpè contingit; vtpotà in illo Annæ Sa-  
muelis matris cantico, vbi gratiarum actiones Deo referens, quod à sterilitatis  
infamia ipsam liberasset, filiumque sibi concessisset, prophetauit, dicens: *Quo-* 1. Reg. 2.  
*niam sterilis peperit septem, & quæ multos habebat filios, infirmata est.* Quo loco  
vox illa, septem, pro plurimis posita est. Quamobrem idem sanctus Pater In Gen.  
adiecit: *Primum quidem septenarius numerus de multitudine dicitur in diuina Scri-* cap. 4. Ho-  
*ptura:* mil. 19.



ptura : id quod sæpè in Scripturis occurrit , ut quòd sterilis peperit septem , & similia. A

De Ciuitate Dei, libro 17. c. 14. Diuus autem Augustinus asserit , Annam verbis illis , ac septenario numero , vniuersæ Ecclesiæ perfectionem prophetasse. Et hoc , inquit , velut quæreretur causa , cur factum sit , quia sterilis peperit septem , & multa in filiis infirmata est : hîc totum quod prophetabatur eluxit agnoscens numerum septenarium , quo est vniuersæ Ecclesiæ significata perfectio. Theodoretus verò affirmat , Annam Ecclesiæ fecunditatem prædixisse : quandoquidem sancta Ecclesia , quæ de Gentibus est congregata , cum iam olim sterilis esset , septem peperit ; id est , infinito pænè filiorum numero multiplicata est. Hebræorum verò Synagoga , quæ prius multorum filiorum prole erat fecunda , defecit . Ac multo plures mulieris sterilis atque desertæ filij extiterunt , quàm eius quæ virum habebat . Sic enim sterilis quidem , inquit , hoc est , Ecclesia ex Gentibus conflata , peperit septem : Synagoga verò , quæ antè multis filiis secunda erat , defecit . Et plures fuerunt mulieris desertæ , quàm illius quæ habebat virum.

In Cantico  
Annæ matris  
Samaelis.

In septenario,  
Trinitas simul  
Diuinitatis,  
& quaternarius  
elementorum.

In Psal. 6.

Septenarius iste  
etiam annorum  
climactericorum  
causa.

De Somno  
Scipionis.

Septenarius numerus præterea aliam planè diuinam excellentiam in se continet. Nam cum ex ternario ac quaternario componatur ; inuisibilis Artificis , visibilisque materiæ primarias substantias prodere & distinguere videtur. Ternario namque , Creatorem , propter Trinitatem ; quaternario verò , creaturam , propter quattuor elementa designat . Quocirca numerus iste sub breuitate sua rerum omnium causas & semina complectitur. Atque , quod maioris est apud homines momenti , septenarius idem numerus animæ corporisque vinculum continet . Animæ quidem , quæ propter ipsius quasi diuinitatem ac tres potentias suas , intellectum videlicet , memoriam & voluntatem , ad ternarium refertur . Corporis verò , quod propter quattuor elementa , quibus compactum est , quaternario adscribitur . Quod autem quaternarius ad corpus , ternarius verò ad animam referatur ; sacri Doctores luculentissimum produnt testimonium : atque inter eos præsertim diuus Augustinus locis quamplurimis , ac præcipuè C ubi inquit : Manifestum est autem , ad corpus quaternarium numerum pertinere , propter notissima elementa quattuor , quibus constat ; & quattuor qualitates , siccā , humidā , calidā , frigidā . Vnde quattuor etiam temporibus administratur , verno , æstate , autumnō , hieme . Hæc sunt notissima . Ad animam verò ternarium pertinere , potest intelligi ex eo quòd tripliciter Deum diligere iubemur , ex toto corde , ex tota anima , ex tota mente.

Cum igitur numerus septenarius ex quaternario atque ternario sit compactus , quorum alter ad corpus , alter verò ad animam referatur , manifestè patet , numerum hunc , animæ & corporis vinculum continere . Quamobrem non est profectò quod miremur , si ipse idem numerus , insita quadam & à Deo sibi attributa virtute , tantam in humanam vitam auctoritatem ac potestatem obtineat , ut anni eius , scalares , siue quod vulgò usurpatum est , climacterici appellentur ; quibus obseruatione atque experientia apertissimè docemur , hominis ætatem magnæ planè alterationi ac mutationi esse obnoxiam . Cuius admirandi profectò naturæ arcani multi quidem effectus ipsos tantummodò obseruantes ac referentes , scripsere : nullus autem adhuc , quem sciam , causas , vnde hoc accadat , clarè demonstrauit . Quarum vnā quidem hanc esse putō , videlicet , quòd septenario numero , ut dictum est , connexionem animæ & corporis continente , quotiescūque ista connexio per annorum curriculum tangitur , aut concutitur aut dissoluitur . Ad quod Cicero forsitan alludere voluit , cum dixit : Septenarius numerus rerum omnium serè nodus est.

Atque hinc etiam fieri fortasse potuit , quòd veteres Hebræi , diuturna obseruatione animaduertentes , maiorem hominum partem in ipsis annis climactericis

B

D



A ricis è vita decedere, mortuos suos septem diebus flere consueuerant, ad hanc admirabilem septenarij numeri vim alludentes. Quamobrem inquit Ecclesiasticus: *Luētus mortui, septem dies; fatui autem & impij, omnes dies vitæ illorum.* Verum diuus Augustinus asserit, septenarium numerum mortuis tamquam quiescentibus, meritò tribui consuetum; numerumque hunc, propter Sabbati sacramentum, quietis peculiare indicium esse: *Septenarius numerus,* inquit, *propter Sabbati sacramentum, præcipue quietis indicium est. Vnde meritò mortuis tamquam quiescentibus exhibetur.* Græci autem, Romani, ceterique veteres Gentiles, mortuos suos nouem dierum luctu deflere solebant. Ac pro his qui conditione ac meritis ceteros antecellerent, sacra Nouemdialia ritu solemniter celebrare consueuerant. Quapropter Homerus fingit Priamum Troianum Regem propterea ab Achille nouem dierum inducias efflagitasse, quibus interfecto Hectori filio iusta persolui possent. Sic enim Latinitati nunc reddi-

B tus canit:

*Si placet vt dignos nato impendamus honores;  
Flere nouem lucas per mitte domi Hectora nostræ,  
Ætheraque & miseris implere vlulatibus urbem.*

Homil.  
Iliad: 24.

Quod iidem Gentiles ea de causa facere consueuerant, quia anni nouenarij non minùs climacterici, quàm septenarij ipsi comperiuntur; propter quasdam qualitates ac prærogatiuas, quæ ipsi nouenario numero insunt, non minùs sanè mysteriis refertas, quàm quæ sunt septenarij. Et quidem præcipue, quia est ternarij cubus (ideoque numerus stabilis & immobilis) ac propter admirabiles alias qualitates quæ Deo ipsi tribuuntur, vt apertius infra demonstrabimus. Verum de his, si Deo optimo maximo concedente, vita comes erit, alio quopiam opusculo nostro forsitan fusiùs agemus. Hæc enim pauca obiter tetigimus, ad id nos pertrahente numero septenario, cuius virtute, Crucis signum in primo Mobili atque Zodiaco designatur. Quod nihilo tamen seciùs, non à septenario tantum, verum etiam à ternario, ac quaternario quoque figuratur. A ternario quidem, quia discedens sol à primo Arietis puncto, vbi, vt iam dictum est, Vernale Æquinoctium gignit; nonaginta graduum, id est, trium signorum in Zodiaco, triumque mensium tempore, spatium emensus, nobis hinc infra Ver producit. Deinde verò primum Cancræ punctum ingressus, nonaginta aliorum graduum, id est, trium aliorum signorum itinere confecto, trium pariter aliorum mensium spatio Æstatem absoluit. Hinc postea Libræ signum attingens, totidemque gradibus ac tribus signis itidem peruolutis, trium aliorum mensium decursu Autumnum expedit. Denique ad primum Capricorni punctum delatus, statim vt inde digressus, tantumdem Zodiaci spatium infatigabili conuersione perlustrauit, in tribus postremis signis, atque aliorum trium mensium curriculo Hiemem conficit, & annum absoluit. Quaternario verò, in primo Mobili atque in Zodiaco, Crucis signum vel imprimis designatur, eiusdemque sanctæ Crucis quattuor extremitates apertissime figurantur; vt demonstrationis gratia ostendemus. Vt puta in primo Arietis puncto, atque in Vernali Æquinoctio, Crucis excelsior extremitas excogitari potest. In primo puncto Cancræ (sicque in quarto signo) dextera extremitas. In primo puncto Libræ, quod ab ipso Cancro est quartum signum, inferior extremitas. Atque in primo Capricorni puncto, quod à Libra quartum quoque est signum, Crucis ipsius sinistra extremitas, optima sanè ac solida ratione constitui potest. Nam quattuor hæc puncta, quæ æqualiter inter se quartæ Zodiaci partis spatio exactissime distant, Crucem directè formant, solisque virtute quattuor anni tempora nobis produciunt; singula ad trium mensium spatium duratura, dum sol per

Ternario  
numero  
quomodo  
etiā Crux  
latenter si-  
gnata.

Quattuor  
puncta Zo-  
diaci in pri-  
mis formant  
Crucem.



tria Signiferi signa progreditur. Ex quo cum cuilibet ex quattuor anni temporibus, tria signa tribuantur; quattuor per tria deducta, duodecim conficiuntur signa: quorum dum sol ibi supernè emetitur iter, hinc inferiùs duodecim menses, sicque totus integer annus absoluitur. Admirandum planè mysterium, quod ut ego quidem cenleo, præcipua figura & euidentis demonstratio fuit eorum præclarorum facinorum, quæ verus sol iustitiæ Christus Saluator noster, Cruce sancta, hisque numeris pro salute nostra in mundo operaturus erat. Id enim aperitissimè demonstrat, Trinitatem sanctissimam ternario significatam numero (in quo sol quattuor anni tempora producit, quattuorque Crucis extremitates nobis mirabiliter designat) iam inde ab initio statuisse, ut verus sol iustitiæ Christus Dominus, mortem in ligno Crucis oppetens, humanum genus ab æterna damnatione seruaret; sanctisque Apostolis ministris, qui quasi tot signa in terrestri Zodiaco, vniuerso orbi Crucis prædicauere sacramentum, sanctam Ecclesiam ex quattuor extremis mundi partibus vocandam congregandamque decreuisse. Quamobrem ut sol materialis iste per duodecim Zodiaci signa ternatim progrediens, ex quattuor anni temporibus, annum ipsum ad vnitatem atque ad perfectum finem deducit: sic planè, ac non aliter, increatus sol iustitiæ, sanctorum Apostolorum suorum ministerio ex quattuor mundi partibus electos conuocans, eosque per Baptismum in nomine viuificæ Trinitatis, Patris, Filij, & Spiritus sancti, sanctificans; in fidei vnitatem, in vnamque Ecclesiam Catholicam & Apostolicam congregare & coadunare debebat, absolutissimè perficiens: quod idem ipse Saluator noster quandoque se facturum innuerat: A quattuor ventis congregandos electos.

Quod mysterium diuinitus planè sanctus Augustinus his verbis explicauit: In Psal. 86. *Partes enim mundi, inquit, quattuor sunt, Oriens, Occidens, Aquilo, & Meridies. Ab omnibus istis quattuor ventis, sicut dicit Dominus in Euangelio, à quattuor ventis se collecturum electos suos, ab omnibus istis quattuor ventis vocatur Ecclesia. Quomodo C vocatur? Vndique in Trinitate vocatur. Non vocatur nisi per Baptismum in nomine Patris, & Filij, & Spiritus sancti. Quattuor enim ter ducta, duodecim inueniuntur. Quamobrem non abs re Pythagorici Ioui duodecim laterum figuram assignabant; non tantum quod Iouis astrum naturalem conuersionem suam in cælo duodecim annorum spatio absoluit, sed ut eo pacto vniuersum rerum dominium innuerent, quod penes Iouem, quem ipsi errore ducti Deum maximum putabant, absolute existere arbitrabantur. Etenim duodenarius, numerus vniuersitatis censetur, numerusque is est, qui plenam consummatamque virtutem signat. Vnde Petrus Bungus inquit: *Plenæ consummatæque virtutis est duodenarius: recipit enim diuisiones (ex quibus consurgit) ordinatas, multiplicatione senarij per binarium, & binarij per senarium, & ternarij per quaternarium, & quaternarij per ternarium.* Et idcirco non sine mysterio Dominus noster Iesus Christus duodecim Apostolos elegit, ut per hunc perfectionis & vniuersitatis numerum, vniuersus terrarum orbis fidei lumen sanctamque suam reciperet doctrinam. Quod si etiam numeri huius virtutem ac perfectionem diligentiore consideratione contemplari velimus, comperiemus profectò, ipsum Deo esse conuenientissimum, quandoquidem in ternarium conuertitur. Nam si duas eas quibus consurgit & graphicè describitur figuras summatim colligemus, re ipsa in ternarium verti conspiciemus. Qui numerus planè sacratissimus est, rerumque omnium principium, medium, & finem continens: numerus, quo Deus optimus maximus, Pater, Filius, & Spiritus sanctus, in infinitum delectatur & gaudet. At de sanctæ Crucis figuris, quæ vniuersi mundi globo, ac primo mobili, ingenti diuinitatis mysterio descriptæ sunt, breuiter hactenus dixisse sufficiat.*

CAPVT

Zodiacus  
& sol, mysticus  
Christus cruci-  
fixus.

De numero  
duode-  
nario, in  
principio,  
fol. 386.

Perfectio  
numeri  
duodena-  
rij mystica.



A

## CAPVT III.

*De Crucis figuris, quas in octaua sphaera, siue firmamento, ceterisque inferioribus Planetarum sphaeris Deus impressit.*

**C**AELVM magis visibile, humanisque oculis magis apparens, omni dubio procul octaua sphaera est, quam Sacrae paginae firmamentum vocant. Quamobrem in visibili caelo non imaginariè tantum, sed visibiliter, apparentique ac stabili imagine & figura, salutaris viuificaque Crucis signum Deus magnus imprimere voluit; ut à caelorum ac terrae creationis exordio, usque ad mundi finem, ibi fixum & visibile permaneret, saeculis cunctis præterlabentibus, hominum obtutibus conspiciendum & contemplandum. Ad id sanè, ut & ante Christi Domini aduentum, indicium ac testimonium proderet illius præter cetera admirandi facinoris, quod hoc sacrosancto signo administro perpetraturus erat; & post Unigeniti sui ac Saluatoris nostri in Cruce passionem & mortem exantlatam, electi & fideles eius perpetuum salutis suae monumentum quoddam iugiter conspiciendum ante oculos haberent, quo diuinæ Maiestati, pro redemptionis nostrae incomparabili beneficio, assiduas gratiarum actiones redderent: tum ut infideles, qui errorum & ignorantiae tenebris obruuntur, dum oculorum ac mentis aciem intendunt, ac sacrosanctum Crucis signum, iam inde ab ipsius mundi exordio, à Deo optimo maximo inter astra collocatum vident, illius splendore illustrati, tantique mysterij admiratione excitati, erroris sui cæcitatem ac miseriam agnoscant, atque inscitiae noctem, incredulitatisque pertinaciam excutientes, infinitam bonitatem & misericordiam illius fateantur, qui pro nimia charitate, & immenso dilectionis affectu, quo nos prosecutus est, in Crucis ligno mortem oppetere voluit; ut iam inde à caelorum creationis initio præfiguratum ac præordinatum fuerat, ad hominum naturam quam condiderat, à diaboli tyrannide & ab æterna damnatione redimendam. Ita ut diuina gratia, huiusque caelestis signi admiratione allekti, ad sanctam fidem, ad sacrum Baptisma, atque ad sanctae Ecclesiae Catholicae gremium confugiant; non secus ac Magi, nouae stellae splendore pertracti, ab extremis Orientis partibus egressi, ad Regem Regum & mundi Saluatorem, tunc recens natum, agnoscendum atque adorandum perrexere. Admirandum Crucis signum, de quo nobis est sermo, Deus optimus maximus, in firmamento, iuxta Antarcticum Polum statuit. A nautis autem, corrupto vocabulo, Cruferum appellatum; quod nos Cruciferum dicere poterimus, alio nomine Australe plaustrum, siue Austri plaustrum nuncupatum. Quattuor sanè stellis lucidissimis formatum est, quæ circa Antartici Poli excubiarum circulum circumferuntur. Nec ab aliis præterquam ab his prospici possunt, qui versus Æquinoctialem nauigantes, ad vigesimum secundum Æquinoctij gradum saltem appulerunt; exactissimeque perstant; ut inferiori typo graphicè descripto conspiciuntur; iuxta eorum formam atque imaginem, quam Andreas Corsalius Florentinus Magno Iuliano Mediceo quadam epistola sua ex Cochinchinarum oppido, anno salutis nostrae M. D. xv. die sexta Ianuarij conscripta, transmisit. Quæ quidem, una cum prædictarum stellarum typo, impressa est primo nauigationum & itinerum Tomo, quæ Ioannes Baptista Ramusius collegit, eiusdemque exemplar ex Italico idiomate in Latinum conuersum tale est:

*Illustrissime Domine. Cum promissis, quæ Illustrissimæ Dominationi tuæ, istinc discens feceram, omnino deesse non possim; hoc breue rationarium tibi transmittendum*

*Crucis icon  
in astris  
perpetuò  
loquitur,  
tam fidelibus  
quàm  
infidelibus.*

*De astro  
Crufero seu  
Crucifero  
circa Polum  
Antarcticum  
singularia.*

*Epistola  
Corsaly ad  
Ducem Florentia ex  
India de  
eodem astro  
& aliis.*




statui, quò nostri ad Indias confecti itineris notitiam assequaris. Et quamquam non adeò A  
copiosum sit, vt ego quidem speraueram, atque etiam præoptaueram, (cuius rei causam in  
temporis breuitatem, ex quo adoras istas appulimus, reiciendum esse scias) volui tamen  
omnino illud ad te dare, ne meo deessem officio; cùm mihi spes firma sit, illud ipsum ea gra-  
ti animi alacritate abs te accipiendum, quam cordis mei affectus, mea que in te obseruantia  
postulat; cùm aliud tempus mihi dari cupiam, quo tibi in eo cumulatiùs satisfaciam.

Posteaquam Vlissiponâ discessimus, secundis semper ventis navigationem tenuimus,  
nullis aliis quàm Noti & Austri ventorum flabris vtentes. At Æquinoctialem lineam  
prætergressi, in triginta septem graduum altitudine huius alterius hemisphærij nos esse  
comperimus, contra Bonæ Spei promontorium, flatuosum planè ac frigidum Clima; his  
præsertim temporibus, quibus Sol Septemtrionalia signa peragrabat; noctemque quat-  
tuordecim horis constare probauimus. Hic admirandum stellarum ordinem prospexi-  
mus, quæ in hac cæli regione Aquilonari Polo nostro opposita circumferuntur. Vt autem  
scire possemus quonam loco Polus Antarcticus consisteret, per graduum altitudinem, die B  
quidem Solem obseruauimus, noctu verò per astrolabium comprobauimus. Id ipsum au-  
tem duæ mediocris amplitudinis manifestè produnt nubeculæ, quæ circa eundem nunc  
se se deprimentes, nunc verò erigentes circulari motu assiduè vertuntur, stella quadam in  
medio earum semper conspicua, quæ vnà cum ipsis  
circumfertur, vnde cum ferè gradibus ab ipso Po-  
lo distans. Super has, quas recensuimus stellas,

Crux illius  
astri planè  
admirabi-  
lis & pul-  
cherrima.

Crux quadam planè admirabilis apparet, in quin-  
que stellarum medio, quæ eum, vt plaustrum Po-  
lum nostrum Arcticum, circumdant, vnà cum aliis  
stellis, quæ Polum eundem Antarcticum circum-  
ambiant. Vertitur autem Crux eadem ab ipso Po-  
lo triginta ferè gradibus procul, conuersionemque  
suam viginti quattuor horarum spatio absoluit.  
Tantæ verò est pulchritudinis, vt nulli prorsus ali-  
j cælesti imagini comparandam putem. Quod faciliè  
concesseris, si typum eius inferiùs graphicè deli-  
neatum expendaris. Illustrissimæ Dominatio-  
nis tuæ studiosissimus Andreas Corsalius.



In Danie-  
lem Proph.  
Comment.  
lib. 4.

Huius admirandi Crucis signi, quod Deus optimus maximus inter stellas in  
firmamento constituit, vt superiùs ostendimus, præcipua etiam mentio habe-  
tur in secundo Indiarum Historiæ libro, Imperatori Carolo Quinto dicatæ. Et  
vt summatim rem expediam, omnes qui nauigatione ad Indos cursum tenuère,  
atque inde redierunt, luculentissimum huius rei testimonium produnt, indu-  
bitatamque fidem faciunt. Quod & Pererius Valentinus suis in Daniele Pro-  
phetam Commentariis his verbis testatur: Qui ad nos scripserunt vel etiam vene-  
runt ex regione Americana, quæ cælo Antartico subiecta est, affirmarunt, in cælo nec tot D  
cerni stellas quot in Arctico; easque minùs fulgere, aspectuque notabiles, præter vnā  
quamdam valdè illustrem siderum speciem & effigiem, quam Cruciferum appellant. Hoc  
sidus quattuor fulgentibus ex æquo ferè distantibus stellis, in similitudinem Crucis pul-  
cherrimè figuratum est. Hec ille. Quamobrem de eodem illud forsitan dici posset,  
quod Regius olim Propheta Spiritu sancto plenus intonuit: Cæli enarrant glo-  
riam Dei, & opera manuum eius annuntiat firmamentum. Quando enarrauerunt  
In Psal. 18. cæli gloriam Dei? inquit sanctus Augustinus. Tunc præfertim, cùm nato Do-  
mino noua illa stella numquam antea visa apparuit. Verùm si eiusdem beati  
Patris temporibus nouus orbis detectus fuisset, atque huius admirabilis Cru-  
cis signi, quod cælum illi prodit hemisphærio, notitiam assecutus esset; procul  
dubio



A dubio (in eo quidem iudicio) asseruisset, cælum in hoc videlicet euidentius ac longè maiore hominum admiratione Dei optimi maximi enarrare gloriam, vbi illud admirandum signum vniuerso terrarum orbi iugiter ostendit, in quo cum ipsius æterna gloria, cunctarumque creaturarum summa admiratione, miraculum omnium miraculorum maximum operari voluit. Iureque optimo dixisset, quòd firmamentum per hoc signum numquam annuntiare desistit admiranda illa opera, quibus cuncta obstupefcent sæcula, quæque manus Domini tunc fecerunt, cum ligno Crucis extensæ atque confixæ, humani generis redemptionem tam mirabiliter operatæ sunt. Reuerà enim asseuerare possumus, cælum enarrare gloriam Dei, firmamentumque opera manuum eius annuntiare, dum hoc sacrosancto Crucis signo administro, ad memoriam assidue reuocat immensum atque incomparabile beneficium, quo genus humanum Deo optimo maximo deuinctum est, dumque homines ad ipsius infinitam bonitatem & misericordiam collaudandam, extollendam atque glorificandam, assidue inuitat & allicit.

*Celi vel  
maximè  
apud Anti-  
podes enar-  
rant glo-  
riam Cru-  
cis.*

Quandoquidem hæc verè lingua & vox est, qua cæli enarrant gloriam Dei, & qua firmamentum opera manuum eius annuntiat. Vnde sanctus Ioannes Chrysostomus ad hoc appositè inquit: *Neque enim celi Deum per vocem aliquam emissam laudant, sed per eos quos aspectu suo ad laudandum Deum permouent; & tamen ipsi narrare gloriam Dei dicuntur.* De eodem Crucis signo, quod in firmamento quattuor fulgentissimis stellis formatum prope Antarcticum Polum prospicitur, Dantes etiam meminit; licet reuerà haud sciam, an æuo suo illius hemisphærij notionem vllam istud hoc nostrum adhuc assecutum fuerit; sic enim inquit:

*Io mi volsi à man destra, e posì mente  
All' altro Polo, e vidi quattro stelle,  
Non viste mai, fuor ch' à la prima gente.*

*In Purga-  
torij prin-  
cipio.*

C Diuus Augustinus asserit, cælum in nobis significare animam, terram autem corpus ipsum: *Cælum, inquit, in nobis anima est, terra in nobis corpus est.* Ideoque dici posset, Deum Crucis signum stellis designatum adeò rutilans ac visibile in cælo collocasse, non ob id tantum vt homines illud intuentes & contemplantes assiduam recordationem & monumentum quoddam ante oculos haberent ad infinitas gratias altissimæ Maiestati pro redemptionis incomparabili beneficio, vt diximus, persoluendas; verum etiam quòd scirent & intelligerent, se ad cælum, veram patriam nostram, nullo pacto reuerti posse, nisi in animarum cordiumque cælo Crucis signum insculptum & impressum assidue tulerint. Nobis enim non tantum necesse est, si Saluatorem nostrum in cælum sequi velimus, vt vnusquisque nostrum hilariter tollat, corporaliterque portet Crucem suam, mundi huius calamitates, tribulationes, atque pressuras patienter perferens, carnemque nostram abstinencia, ieiuniis, peregrinationibus, ciliciis, aliisque mortificationibus edomans, quæ animale corpus hoc castigant, & spiritui subiectum reddunt: quin etiam nobis quoque expedit, & necessarium est, vt Crucem ipsam animo & corde perferamus; vt proximi nostri afflictionum ac miseriarum nos misericordia tangat, atque adeò commoneat, vt pro nostra virium facultate necessitatibus atque indigentis eius spiritualibus & corporalibus opitulemur. De quibus duobus Crucis deferendæ modis sanctus Gregorius Magnus inquit: *Duobus etenim modis Crux tollitur, cum aut per abstinenciam afficitur corpus, aut per compassionem proximi affligitur animus. Pensemus qualiter utroque modo Paulus Crucem suam tulerat, qui dicebat: Castigo corpus meum, & in seruitutem redigo. Ecce in afflictione audiuius Crucem carnis; audiamus nunc in compassione*

*Crux fe-  
rèda etiam  
compatien-  
do Cruci  
proximi.*

*In Euang.  
Homil. 32.*



proximi Crucem mentis. Ait enim: Quis infirmatur, & ego non infirmor? Quis scandalizatur, & ego non vror? Perfectus quippe prædicator, ut exemplum daret abstinentiæ, Crucem portabat in corpore: & quia in se trahebat damna infirmitatis alienæ, Crucem portabat in mente.

*Triplex  
Crux Christi-  
anorum,  
maximè  
Prælati-  
orum.*

Tribus modis Crucem iugiter in anima ferre debet Christianus; præsertim verò is qui Princeps, Prælati, aut Iudex est. Primo quidem, ut proximo compatiatur. Secundo, ut nulli parcat labori, nullumque subterfugiat incommodum, quò officium munusque suum iuste ac fideliter præstet. Tertio verò, ut timorem Dei, iustique iudicii eius seueritatem cordi infixam assidue ferat. Quamobrem Missæ sacrificium Romanus Pontifex solemniter celebraturus, tres permagnas acus siue aureos clauiculus Pallio suo infixos defert. Vnum videlicet ante pectus, quo proximi compassio siue misericordia designatur, quam animo semper infixam habere debet: secundum super sinistrum humerum, quo officij & muneris sui onus grauissimum innuitur, quod cor eius assidue sollicitudinibus & curis transfigere debet: tertium verò post scapulas, ad iusti Dei iudicii terrorem alludens, quo semper absterrendus est. De quo Innocentius Papa Tertius, inquit: *Tres autem acus quæ Pallio insiguntur, ante pectus, super humerum, & post tergum, designant compassionem proximi, administrationem officij, distractionemque iudicii. Quarum prima pungit animum per dolorem, secunda per laborem, tertia per terrorem. Prima pungebat Apostolum cum dicebat: Quis infirmatur, & ego non infirmor? Quis scandalizatur, & ego non vror? Secunda est: Præter illa quæ extrinsecus sunt, instantia mea quotidiana, sollicitudo omnium Ecclesiarum. Tertia: Si iustus vix saluabitur, impius & peccator ubi parebunt?*

*Mysterio-  
rum Missæ  
lib. 1. c. 63.*

*Crux velut  
stimulus  
perpetuus  
ad virtutes.*

Quæ quidem licet de Romano Pontifice dicta sint, ad cuius sacrosancti & planè diuini muneris sublimitatem excelsam, omnium Ecclesiarum cunctorumque Christiani orbis populorum sollicitudo & cura pertinet; priuatæ tamen cuiuslibet Christiani conditioni aptari possunt. Etenim vnusquisque nostrum, pro status sui gradu, Crucem tribus hisce quos superius recensuimus modis, animæ & cordi iugiter impressam deferre tenetur: ut videlicet proximo compatiatur, & necessitatibus eius pro nostrarum virium facultate subueniamus; ut assidua cura & sollicitudo, velut stimulus quidam, cordibus nostris insideat, quæ noctes & dies nos excitet, & ad id cogitandum atque cauendum semper impellat; ne in his quæ muneris nostri sunt, siue committendo, siue omitendo, vel in minimo quidem vilo pacto delinquamus. Denique ut timor Dei eiusque iusti iudicii terror, animabus & cordibus nostris semper adhærescat infixus.

Hæ namque veræ rationes sunt atque indubitati modi Christum Ducem & Magistrum nostrum sequendi, & Crucis eius mysterium, & pondus post eum, ut docuit, deferendi. Ipsius enim cæli exemplum in hoc quidem imitabimur: ut quemadmodum illud, Crucis signum assidue sibi defert impressum; ita & nos Crucem ipsam animæ nostræ cælo semper infixam ita portemus, ut in huius vitæ prælio, inuincibili hoc & inexpugnabili telo armati, licet corpore inermes, inuisibiles hostes superare possimus, qui totis viribus iter nobis præcludere conantur, ne redire possimus ad cælum, quod illo ipso Crucis signo ad desiderabilem patriam nostram repetendam assidue nos allicit & inuitat. Omnino enim securi esse possumus, quòd si impenetrabili hoc thorace anima nostra induta fuerit, in periculosos ac terribili illo omnium horribilissimo certamine, inuidi ac nequissimi spiritus antiqui hostes nostri, nullo pacto ei obistere poterunt. Quin etiam pauentes ac tremebundi; magnaque confusione perfusi, terga dare expeditumque aditum eidem relinquere cogentur, quo ad excelsam ac triumphantem




A phantem Duce[m] nostrum, qui ibi sursum apertis vlnis nos auidè præstolatur, hilaris ac tuta euolare queat. Quod sanè sanctus Pater ille innuere voluit, cum piè canendo dixit:

*Nos Crucis inuicta signum & confessio munit,  
Armatique Deo mentem, non querimus arma  
Corporis: & quamquam membris videamur inermes;  
Arma tamen gerimus, quibus & sub pace serena  
Contra incorporeos animis decernimus hostes.*

S. Paulinus  
Nolanus,  
lib. 8. Ge-  
stor. S. Fe-  
licis mart.

Et hoc quidem satis abundè dixisse sufficiat de admirabili ac lucidissimo Cru-  
cis signo, quod Deus optimus maximus iam inde ab ipsius vniuersi creationis  
exordio, firmamento infixit; vt ibidem pro ipsius gloria vsque ad mundi fi-  
nem stabile atque visibile rutilo splendore perfulgeat. Reliquum nunc nobis  
est, vt de eiusdem sanctissimæ Crucis signo agamus, quod in inferioribus se-  
B ptem Planetarum sphaeris accidentaliter sæpè formatur. Quandoquidem Pla-  
netæ ipsi non in vno quidem certo cælorum loco semper immobiles consti-  
stunt, sed variis sphaerarum atque epicyclorum motibus delati, nunc in vna,  
nunc verò in alia ipsarum sphaerarum positione reperiuntur. Quamobrem, cum  
rerum cælestium peritis subit in mentem velle scire aut demonstrare in quam  
cæli regionem quilibet Planetarum sit delatus, certo quodam imaginario ipso-  
rum reti cælum metiti, duodecim regionibus siue domiciliis illud partiri con-  
sueuerunt. Inter quæ domicilia, quattuor præcipua atque insigniora sunt, ab  
ipsis cæli anguli siue cardines appellata; nempe Oriens, Occidens, atque ea, quæ  
in vtriusque hemisphaerii medio, su-  
pra videlicet atque infra terram con-  
stituuntur. Si autem contigerit, vt sæpè  
solet, quattuor Planetas ita constitutos  
C esse, vt vnusquisque eorum in vno ex  
quattuor prædictis cæli angulis repe-  
riatur, tunc recta linea per diametrum,  
ac per tetragonum aspectum, sese in-  
uicem intuentes, fulgoremque ac ra-  
diorum suorum virtutem directè alius  
contra alium proicientes ac iaculan-  
tes, Crucis signum euidenter formant  
atque designant, vt præsentis hoc sche-  
mate demonstratur.



*Cruz my-  
stica etiam  
in Planeta-  
rum aspe-  
ctibus.*

Quæ quidem figura iam per annorum millia ante Christi Domini aduen-  
tum, ab antiquioribus ac sapientioribus Ethnicorum Philosophis considerata,  
magno in pretio habita, & super omnes figuras efficacissima est iudicata. Ara-  
bes inter ceteros hanc ipsam omnibus aliis figuris anteferendam censebant, exi-  
stimantes huic eidem maiorem virtutem inesse, quàm cuicumque alteri figu-  
ræ, siue imagini, quæ cælorum virtute, seu stellarum influxu, pro humani gene-  
ris beneficio constitui siue formari possit. Quocirca Marsilius Ficinus testatur le-  
gisse se, quanti Arabes præfati mysteriis hanc refertissimam figuram pluribus  
de causis facerent. Præsertim verò, quia putabant, (vt hodie quoque rerum cæ-  
lestium materialium periti opinantur) stellas tunc maximè viribus pollere, cum  
quattuor cæli angulos siue cardines nanciscuntur. Tunc enim sic constitutæ ra-  
dios suos vicissim inter ipsas tali pacto proiciunt & iaculantur, vt Crucis ima-  
ginem effingant, efficacissimaque ac potentissima virtute in hæc inferiora in-  
fluant. Quamobrem asseuerabant veteres, Crucem figuram esse stellarum for-  
titudine



*Figura Crucis, stellarum summa vires.*  
 Marsilius Ficinus, De vita cælitus comparanda, libro 3. cap. 18. Tomo 1.

titudine designatam, & earundem virium esse receptaculum: ideoque inter **A**  
 imagines summam potestatem obtinere, cum Planetarum spiritus ac vires in se  
 suscipiat: *Antiquiores autem, inquit, quemadmodum in quodam Arabum collegio legi-*  
*mus, figuram Crucis cunctis anteponebant, quia corpora per virtutem agunt ad superfi-*  
*ciem iam diffusam. Prima verò superficies Cruce describitur. Sic enim in primis habet*  
*longitudinem atque latitudinem. Primaque hæc figura est, & omnium recta quàm maxi-*  
*mè, & quattuor rectos angulos continet. Effectus verò cælestium maximè per rectitu-*  
*dinem radiorum angulorumque resultant. Tunc enim stellæ magnopere sunt potentes,*  
*quando quattuor cæli tenent angulos, immò cardines; Orientis videlicet, Occidentisque,*  
*& medijs utrimque. Sic verò dispositæ, radios ita coniungunt in se inuicem, ut Crucem*  
*inde constituent. Crucem ergo veteres figuram esse dicebant, tum stellarum fortitudine*  
*factam, tum earundem fortitudinis susceptaculum: ideoque habere summam in imagini-*  
*buss potestatem, ac vires & spiritus suscipere Planetarum.*

*Miracula tamè Crucis non nisi per Christum.*

Hæc omnia de Crucis figura stellis formata Marsilius Ficinus asseruit, qui **B**  
 etiam subtexit, opinionem hanc ab Ægyptiis vel introductam, vel maximè  
 approbatam confirmatamque fuisse. Deinde verò non post multa Christianè  
 admodum subiunxit, putare se omne id quod de Crucis excellentia ante Chri-  
 sti Domini aduentum excogitatum est, non tam stellarum muneris & roboris  
 argumentum ac testimonium extitisse, quàm præsagium quoddam virtutis  
 eius, quam ab ipso Christo esset acceptura: Astrologos etiam qui statim post  
 Christum fuerunt, videntes à Christianis per Crucis signum tot admiranda fie-  
 ri, nescientes quidem, aut nolentes in Dominum Iesum tanta referre, in cælestia  
 corpora retulisse. Quamquam si rem ipsam totam diligentius inuestigare atque  
 expendere voluissent; didicissent utique, miracula per Crucem sine Iesu nomi-  
 ne minimè perfici posse.

*De Diui-  
 nat. mortis  
 & vitæ, to-  
 mo 2. fol.  
 348.*


Quo autem in pretio & veneratione, Ægyptij, Arabes, ceteræque antiquæ **C**  
 nationes illæ, per sæcula permulta, ante Christi Domini aduentum, Crucis si-  
 gnum & figuram apud semetipsas haberent, quantamque virtutem ac fortitu-  
 dinem eandem obtinere arbitrarentur, luculentissimum testimonium astruit  
 epistola illa, quam Petosiris summus Philosophus, reconditarumque naturæ  
 virtutum & arcanorum diligentissimus indagator, ad Necepsum Ægyptiorum  
 Regem dedit; cui etiam vnâ cum ipsa Epistola, quamdam Crucis imaginem &  
 figuram, circulo inclusam transmisit; asserens, quod si illa quorundam nume-  
 rorum calculo, certisque obseruationibus adhibitis (quæ in eadem Epistola con-  
 tinentur atque explanantur) vteretur, non tantum de infirmorum vita & morte  
 iudicium ferre, sed etiam quamplurima ad humanæ vitæ cautelam & utilita-  
 tem necessaria prædicere sciret & posset. Quam Epistolam ac figuram vene-  
 rabilis Beda in libello siue capite illo suo de Diuinatione mortis & vitæ, de-  
 scribit. Quod tamen reor, Venerabilem Bedam ibidem retulisse, ut se id om-  
 nino non ignorasse ostenderet; non autem quia huic rei fidem adhibendam **D**  
 vlllo pacto putaret: cum non modò absurdum, sed à veritate alienum cen-  
 sendum sit, vitam aut mortem hisce numeris præsciri ac prædici posse. At  
 hæc breuiter dixisse sufficiat de sanctæ Crucis signo, quod in Vniuerso, & in  
 cælis ipsis Deus optimus maximus, pro gloria sua, ac beneficio nostro impref-  
 sit atque constituit: cuius sanctum & benedictum nomen à nobis cunctisque  
 creaturis laudetur & glorificetur in sæcula sæculorum. Amen.



## CAPVT IV.

*De signo & figura Crucis, quam Deus effinxit in homine.*

**D**IXIMVS de Crucis signo, quod summus rerum omnium moderator & creator Deus in mundo & in cælo impressit: consequenter agemus nunc de eo, quod in paruo mundo, quem ipse semper in deliciis habuit, id est homine, insculpsit. Merito enim requiri videbatur, vt hoc salutari signo ceteris creaturis consignatis, eodem expressius & euidentius insigniretur homo, pro cuius præcipuo beneficio & salute, Crux ipsa formata est, & pro cuius amore & redemptione ille ipse mundi & Crucis formator in eadem Cruce mortem subire voluit. Sacrosancto igitur Crucis signo, nobiliore ac sublimiore corporis parte, id est, in fronte, homo signatus est. Nasi enim ipsius directio & longitudo vsque ad frontis summitatem, Crucis rectum lignum nobis repræsentat; eiusdem verò frontis latitudo cum superciliis ipsis hinc inde protensis, Crucis eiusdem transuersale lignum apertissimè designant. Quin etiam totum ipsius hominis corpus nihil planè aliud est, quàm verissima Crucis imago & figura. Nam si pedibus iunctis rectus steterit, brachiaque ex directo in transuersum extenderit, expressam ac naturalissimè efformatâ Crucis referet imaginem, vt hîc apertè conspicitur.



*Crucis figura maliformis in homine.*

Quamobrem solidæ rationi sanctus Iustinus martyr innixus asseruit, humanam figuram nulla alia re ab ipsis belluis differre, præterquam quòd erecta est, brachiorumque ac manuum extensionem habet, & in ipsa facie nasum à fronte protensum, quo & ipsis animantibus ceteris respiratio datur; nihilque aliud, quàm Crucis signum designare videtur. *At humana figura, inquit, non alia re à belluis differt, quàm quòd erecta sit, & manuum extensionem habeat, & in facie à fronte protensum nasum, per quem & respiratio animalibus est: neque aliud demonstrat, quàm signum hoc Crucis.* Diuus autem Ambrosius, siue vt alij autumant, sanctus Maximus Taurinensis, mysteriis refertissimam humanæ figure formam itidem contemplatus, asseruit, ipsum hominis gressum, cum brachia extendens manus in altum extulerit, Crucis formam effingere: atque hinc propterea nobis iniunctum fuisse, vt erectis expansisque manibus orationi intendentes, ipsorum quoque corporis membrorum coaptatione, Domini passionem fateamur: quia orationem nostram tunc citius exaudiri credendum est, cum corpus nostrum Christum, de quo mens loquitur, imitatur: *Ipsius etiam incessus hominis, inquit, cum manus leuauerit, Crucem pingit: atque ideo eleuatis manibus orare præcipimur, vt ipso quoque membrorum gestu passionem Domini fateamur. Tunc enim citius nostra exauditur oratio, cum Christum, quem mens loquitur, etiam corpus imitatur.* Hæc ille.

*In Apologia secunda.*

*Paulinus maximus orantes cur facilius exaudiamur. Serm. 56. tom. 5.*

Magnus autem Anastasius Synaita Antiochenus Patriarcha, admirabilem hanc



Anastaf.  
Synaita  
Anagog.  
contéplat.  
in Hexa-  
meron l. 4.

hanc humani corporis nostri constructionem contemplatus, hominem quatuor corporis sui extremitatibus, quattuor Crucis cornua præsignasse, eundemque ad Christi crucifixi imaginem formatum fuisse asseruit: *Similiter etiam homo, inquit, ad formam Crucis figuratam habens imaginem, ut qui factus sit ad imaginem Christi crucifixi, præfigurauit quattuor cornua Crucis.*

Quid discere possit  
Christianus seipsum  
contemplans  
in speculo.

In Psalm.  
Qui habitabat,  
Ser. 14.

Admirabile Crucis signum Deus optimus maximus, ut superius diximus, in cælo impressit, quod vniuersi facies & frons quodammodo dici potest; ut ab omnibus creaturis assidue laudaretur, quod per Crucem mundum sanctificauerit. Verum longè maiora mysteria meditatus, id quoque in faciebus nostris insculpsit, in fronte scilicet, quæ huius parui mundi, id est hominis, cælum est. Ad id sanè non tantum, ut homo genericè, id est, vniuersum humanum genus, perpetuum & indelebile monumentum quoddam ipsius Dei digito exaratum habeat ac deferat, (illius nimirum immensi & incomparabilis redemptionis suæ beneficii, quo diuinæ ipsius Maiestati in æternum deuinctum est, ut superiori quoque Capite diximus) verum etiam, ut cum vnusquisque nostrum vultum natiuitatis suæ in speculo contemplatur, & sacrum Crucis signum in fronte sua tam mirabiliter insculptum intuetur, statim obstupescat, erubescat, amore lique scat, lachrymisque se ipsum totum aspergat; atque adeò pio quodam animi affectu, in tepidum humorem extrinsecus diffundatur, dum animo & cogitatione expendit, adeò incomprehensibilem atque immensam extitisse charitatem & amorem, quo summus vniuersi Imperator & Monarcha homines à se procreatos profecutus fuerit, ut pro se ipso præcipuè homo fieri voluerit, atque ut eum à diaboli tyrannide, & ab æterna damnatione liberaret, Crucis mortem truculentissimam sponte subierit: ita ut quilibet Christi fidelis, dum hæc attenta consideratione complectitur, vnà cum deuoto Bernardo verè ac liberè dicere possit: *Christus totus mihi datus, totus in meos usus expensus.*

S. Bernard.  
in Serm. de  
Passione  
Domini.

Quamobrem meritò dici potest, somno verè immersum, atque adeò mortuum esse illius Christiani affectum, qui hæc mente perpendens, vero charitatis ac dilectionis ardore in Creatorem & Redemptorem suum non inflammetur, nec propensa animi gratitudine huic incomparabili beneficio respondeat, neque in gratiarum actiones, ac laudum præconia totus diffundatur. Siquidem propter nimiam charitatem, qua benignissimus ac sine fine misericors Deus vnumquemque nostrum dilexit (quod idem quoque sanctus Bernardus alibi subtexuit) ad redimendum seruum, nec Pater Filio, nec Filius sibi pepercit. O nimiam profectò charitatem, quæ mensuram omnem excedit, omnemque modum ac terminum transcendit & superat, atque adeò super rerum omnium vniuersitatem mirabiliter extollitur. *Propter nimiam quidem charitatem suam, inquit, qua dilexit nos Deus, ut seruum redimeret, nec Pater Filio, nec sibi Filius ipse pepercit. Verè nimiam, quia & mensuram excedit, & modum superat; planè supereminens vniuersis.*

Rom. 8.

Quamobrem sanctus Ambrosius inquit, meritò dixisse Apostolum, cum de hac verè nimia atque admiranda Dei erga nos charitate recogitaret; *Quis nos separabit à charitate Christi? tribulatio, an angustia, an fames, an nuditas, an periculum, an persecutio, an gladius?* Manifestum namque est (subiungit idem sanctus Ambrosius) omnia infortunia, omnes tribulationes, omnes calamitates & afflictiones, vel mortem ipsam, charitati, qua Christus Dominus nos profecutus est, nullo pacto æquiparari posse. Enimverò longè maiora constat ea esse quæ in nos contulit beneficia, quàm omnia quæ in mundo censentur aduersa. *Manifestum est, inquit, omnia exitia, tribulationes, pressuras, & mortem non posse conferri vel comparari charitati Christi, quam seminavit in nobis. Multò enim maiora eius beneficia habemus,*

In epist. ad  
Rom. c. 8.



**A** bemus, quàm hæc sunt omnia, quæ videntur aduersa. Si enim morimur pro illo, quod grauius videtur in his, & ille mortuus est pro nobis; sed ille, vt prodesset nobis: nostra autem mors non illi proficit, sed nobis. Temporalem enim vitam perdimus, vt nobis rependatur æterna. Et quid mirum, si serui moriantur pro bono Domino, quando Dominus mortuus est pro seruis malis?

Non sine causa, inquit sanctus Anselmus, Christus Dominus signum suum in fronte nobis insigi voluit, tamquam in sede pudoris, ne Christi opprobria Christianus erubescat; cum parum sit in corde habere Christum, & confiteri eum postea nolle, dum timeatur opprobrium. Quisquis enim salutem consequi cupit, fidem suam ore proprio proferre ac promere debet: quia ore confessio fit ad salutem; alioquin cordis credulitas salutem non confert, quamuis corde credatur ad iustitiam. Sed fides ore prolata verè ad salutem perducit: namque in libro Isaie proditum est, quod omnis qui credit in illum, id est, in Christum, non confundetur, id est, in die iudicii non erubescet. Hæc ille.

In Epist.  
ad Rom.  
cap. 10.

**B** Et Ecclesia id imitata quod Deus naturaliter impressit in homine, in Confirmationis sacramento Crucis signum in omnium Christi fidelium frontibus Chrismate exarare solet. Quo sanè mysterio ac sacrosancto signo anima nostra, quasi impenetrabili quodam munita clypeo, atque inexpugnabili obtecta galea, tantum diuinæ gratiæ incrementum, tantum fidei robur, tantamque confirmationem nanciscitur, vt Spiritus sancti virtute suffulta, non solum audeat Christum Dominum locis quibuscumque liberè confiteri, sed etiam contra diabolum & mundum, & omnes eius persecutiones, vsque ad sanguinis effusionem ac mortem ipsam intrepidè decertare non vereatur. Quocirca sanctus Augustinus asserit, illam eandem cui Christus Dominus suffixus est Crucem nos fronti insculptam deferre, vt ipsam apertè confiteamur & prædicemus; ita vt pro eadem audacter & fortiter pugnemus, atque adeò cum sese necessitas obtulerit, libenter quoque moriamur.

Crux in  
fronte, ne  
vnumquam  
erubescamus  
Crucem.

De tempo-  
re, Ser. 131.

**C** Ad quod alludens diuus etiam Cyprianus iam pridem dixerat: *Muniatur frons, vt signum Dei incolume seruetur.* Quasi diceret: Nos sanctæ Crucis signo in fronte munimur, vt anima nostra hac roborata lorica, Crucis & Christi passionis mysterium, quod per fidem in se suscepit, incorruptum atque inuiolatum seruet. Et sanctus Ambrosius appositè ad hoc institutum nostrum, illa Canticorum verba pertractans, *Pone me vt signaculum in cor tuum, vt sigillum in brachium tuum*, inquit: *Signaculum Christus in fronte est, signaculum in corde: in fronte, vt semper confiteamur; in corde, vt semper diligamus: signaculum in brachio, vt semper operemur.*

Epistola ad  
plebē Thi-  
bari consi-  
stentem.

De Isaac &  
anima c. 8.

Hoc est admirabile signum illud, quod super omnem potentiam quæ sub cælo est, diabolo adeò horrendum ac terribile esse probatur, vt cum id in aliquis Christi fidelis, quem vera fides armauerit, fronte insculptum tantummodo prospexerit, tanto horrore perfundatur, vt nullo pacto ante eum consistere; neque intuitus aciem in frontem eius dirigere audeat. Quamobrem sanctus Hieronymus, vt ad Christi Crucem hilariter deferendam nos cohortaretur & animaret, inquit: *Gaudentes hoc signum leuamus in humeris nostris, victoriarum vexilla portemus: immortale lauacrum portemus in frontibus. Cum hoc signum diabolus conspexerit in frontibus nostris, contremiscit. Qui aurea Capitolia non timent, Crucem timent. Qui contemnunt sceptræ Regalia, & purpuræ Caesarum & dapes, Christianorum sordes & ieiunia pertimescunt.* Origenes autem, vt ostenderet nihil aliud magis perhorrescere dæmones quàm Christi Crucem; atque vt proderet, quidnam causæ sit, vt cum illud frontibus nostris fideliter impressum conspexerint, illicò contremiscant; sic tradit: *Quid timent demones? quid tremunt? sine dubio Crucem Christi, in qua triumphati sunt principatus eorum & potestates.* Timor ergo

Serm. de  
Natiuitate  
Domini.

In Exodi  
c. 11. Ho-  
milia 6.



ergo & tremor cadent super eos, cum signum in nobis viderint Crucis fideliter fixum. A

In epist. ad  
Galatas,  
cap. 6.  
Circumci-  
sio in latenti  
carne,  
Crux in  
aperta frö-  
te.

Veteri Testamento Hebræos circumcidi Deus præceperat, ut hoc signo à Gentibus differret; quo ostenderetur, eosdem ex populo sibi dilecto existeret. At nouo Testamento, Dei fideles atque electi Crucis signum in frontibus inculptum præferunt, ut tales ab vniuerso terrarum orbe cognoscantur. Quamobrem sanctus Anselmus inquit: *In fronte credentium, Vbi sedes est verecundia, idcirco Crux insigitur, ut de nomine eius non erubescant. Signum veteris Testamenti circumciso est in latenti carne; signum novi Testamenti, Crux est in libera fronte. Ibi enim est occultatio, hic reuelatio. Illud est sub velamine, hoc in facie. Cum quis inde transit ad Christum, aufertur ei velamen, ut qui habebat in oculo circumcisionem, in fronte portet Crucem.* Hæc ille. Præcipuus ac naturalis instinctus quidam à Deo ac natura ipsa homini tributus est, licet Ethnicus & infidelis sit, ut in suis maioribus discriminibus atque periculis ad Crucis præsidium illico confugiat. Atque hinc fieri videmus, ut cum repentinum infortunium vel calamitas aliqua improvidas hominum mentes occupat, statim ad cælum in Crucis formam erigantur extendanturque brachia. Atque hinc veteres etiam Ethnici, cum orarent, eodem pari modo ac forma, brachia ad cælum expandebant. quod ab Ægyptiis præsertim præcipuo ritu obseruatum, ex antiquissimis obeliscis Ægyptiacis qui Romæ sunt, euidentissimè conuincitur. Quibus inter ceteras hieroglyphicas notas siue cælatas figuras, hominis cuiusdam imago, in orantis modum, brachiis expansis, ac sursum erectis, incisa conspicitur: eadem prorsus forma ac gestu, ut appposito typo demonstratur.



Quæ quidem imago in Constantij obelisco præsertim conspicitur, quem Ramises Ægyptiorum Rex excidi & construi mandauerat; qui hodie ante sancti Ioannis Lateranensis Palatium & Basilicam perstat, in ea obelisci eiusdem facie videlicet, quæ ad Hospitale vergit. Hæc ipsa itidem incisa conspicitur in Augusti obelisco, Semenefertei Ægypti Regis mandato olim exciso, multorumque artificum manu cælato, qui in platea Portæ Flaminie, quam De populo vocant, nunc erectus perstat; in ea ipsius obelisci facie, quæ ad monasterium sanctæ Mariæ de populo est prospectus. At non in orationis actu tantum brachia in Crucis formam antiqui erigere atque extendere consueuerant, verum etiam cum diis suis pro aliquo inexpectato vel percupidè exoptato, ac demum accepto beneficio, gratias referre vellent, cumque veniam, aut pacem, aut vitam suppliciter precarentur. De quibus ritibus & consuetudinibus, atque de earum qualibet peculiariter, auctoritate grauium Ethnicorum scriptorum afferri possent plurima testimonia. Verum pauca hæc pro tempore, exempli gratia, nunc sufficiant. Et primò, de erigendis extendendisque in infortunis & calamitatibus brachiis, Ouidius inquit:

Metamor-  
phos. lib. 3.

*Inde manus aliquis de spectus ad æthera tollens.*

De erigendis expandendisque in necessitatibus, atque vrgentissimis indigentis brachiis, sic idem Ouidius:

Ibidem.

*Ille etiam matri cum brachia tendere velle,*

Non



- A *Non habet infelix, quæ matri brachia tendat.*  
At de iisdem in oratione eleuandis & expandendis brachiis, Virgilius locis quamplurimis meminit; ac præsertim, ubi inquit:

*Et duplices cum voce manus ad sidera tendit.*

Aeneid.  
lib. 9.

- Idipsum Hebræi quoque facere consueuerant cum Deo orationes effunderent. Cuius consuetudinis tunc quidem receptissimæ, diuersas sacre Scripturæ auctoritates in medium afferendas in promptu habemus, vt, Dei optimi maximi accedente præsidio, inferius dicturi sumus, cum de Crucis figuris, quæ ex veteris Testamenti textu eliciuntur, erit nobis sermo. At longè maiore pietate, pro sanctæ Crucis & Christi Domini passionis reuerentia & recordatione, id prisca quoque Christiani facere consueuerant. Quem pium ac planè laudabilem morem ad posterorum memoriâ prodiit Tertullianus in suo aduersus Gentes Apologetico. Qui locus, aduersus nostrorum temporum hæreticos, sacrarum carimoniarum Ecclesiæ, præsertim in orationibus, impios irrisores ac detractores, notatu sanè dignus censendus est. Sic enim tradit: *Illuc suspicientes Christiani, manibus expansis, quia innocuis, capite nudo, quia non erubescimus; denique sine monitore, quia de pectore oramus; precantes sumus semper pro omnibus Imperatoribus.* Quæ quidem verba Franciscus Zephyrus eiusdem Tertulliani Commentator declarans & amplificans in sua ad eundem textum Paraphrasi, inquit: *Carimonia, ratioque Christianorum in fundendis precibus, talis quippe est, vt sola veritatem spectare videatur.* Non enim, inquit, *vt idololatra, summisso vultu, Christiani precamur Deum, sed in celum oculos aut mentemque conuertimus; non tenentes manibus aras, aut adductam togam; sed expansis brachiis & manibus, vt quæ innocentiam explicant: nec velato capite, sed nudo, quia liberi non erubescimus.* Denique dictatas à sacrificulo preces non concipimus, sed ex ipsa sede animi spiritusque nostri, cum suspiriis gemitibusque, non vnus aut alter ambiciosè, sed in vna veluti conspiratione, cætus omnis Christianorum, vota pro omnibus Imperatoribus exponimus.

Apologet.  
cap. 50.

Prisci Christi  
iani cur  
pansis ma-  
nibus &  
nudo capi-  
te orarent.

- C Verùm de ritu erigendi & extendendi brachia in Crucis formam, quem veteres Ethnici obseruabant, cum diis suis vanis atque mendacibus pro accepto aliquo ingenti & exoptato beneficio gratias agerent, ex his quæ hîc subiicimus, Virgilij carminibus, clarum proditur indicium:

*At pater Anchises oculos ad sidera letus  
Extulit, & celo palmas cum voce tetendit.*

Aeneid.  
lib. 1.

Eodem quoque modo, vt diximus, Gentiles manus suas expandebant & erigebant, cum veniam, aut pacem, aut vitam sibi donati suppliciter precarentur. Et primò quidem, quoad pacem expetendam efflagitandamque, idem Virgilius inquit:

*Tendentemque manus Priamum conspexit inermes.  
Oremus pacem, & dexteras tendamus inermes.*

Aeneid.  
lib. 1.  
Lib. 11.

- D De venia autem & vitæ deprecanda, Cæsar, dum victoriam, quam in Pharsalicis campis obtinuerat, ad posterorum memoriâ Commentariis suis proderet, de Pompeij militibus inquit: *Cæsar prima luce, omnes eos qui in montem consenderant, ex superioribus locis in planiciem descendere, atque arma proicere iussit: quod ubi sine recusatione fecerunt, passimque palmis, proiecti ad terram flentes, ab eo salutem petierunt, consolatus consurgere iussit.* Ad vnicum quoque Crucis refugium statim confugit homo, quantumvis barbarus & infidelis sit, cum in mare vel in aliquod rapidum ac profundum flumen repente deciderit, vel si necessitate ad id transnandandum impellatur. Confestim namq; expansis & extensis brachiis, iisdemque Crucis expressa & sæpè sæpius iterata forma, nauiter transnans, huius admirabilis

Lib. 1. belli  
ciuilis.

Crucis for-  
mâ Bar-  
bari etiam  
insecj.



bilis ac sacrosancti signi suffultus auxilio, summis conatibus incolumitatem si- A  
bi parare, atque in tutum se ipsum transferre conatur. Quod quidem Auctor

In Marc. opera typis cusa circumferuntur, innuere voluit cum dixit: *Homo natans per*  
Euāg. t. 15. *aquas, vel orans, forma Crucis vehitur.*

*Aqua mul-* Aqua in diuinis Scripturis ad diuersarum rerum significationem innuendam  
*plex in* assumi consuevit. Verum quod ad instituti nostri rationem attinet, sæpè pro tri-  
*Scripturis* bulationibus capi solet. Quocirca sanctus Gregorius: *Aquarum etiam nomine, non-*  
*significatio.* *numquam solent tribulationes designari; sicut per Psalmistam: Saluum me fac Deus,*  
Gregorius *quoniam intrauerunt aquæ vsque ad animam meam. Pro aquis submergentibus, in Scri-*  
Moral. li- *pturis, inquit Isidorus, ingentia sæpè mala grauißimæque calamitates, quæ nobis vitam*  
bro 19. c. 4. *auferunt, designantur.*  
In Psal. 68.

In Nahum *Aquæ multæ, scribit Theophylactus, pro tentationibus quandoque accipiuntur,*  
Proph. c. 1. *sicut loco illo: Verumtamen in diluuiio aquarum multarum, ad eum non appropinqua-* B  
*bunt. Tentationum enim inundatio, vt idem subiungit, quamuis multæ sint, & licet*  
*aliæ post alias ingruant, homini tamen iusto & sancto non appropinquabunt; ita nimi-*  
*rum, vt ei nocere possint.*

Aqua quandoque etiam facilitatem & procliuitatem quamdam ad pecca-  
tum significat; de qua Psalmista inquit: *Et intrabit sicut aqua in interiora eius.*  
Psal. 108. Quandoque etiam infernum ipsum innuit, in quem mali quasi plumbum de-  
mergentur. Vnde in Silua Allegoriarum dicitur: *Aquæ vehementes significant*  
*etiam infernum, in quem mali quasi plumbum demergentur.*

Quamobrem de reproborum submersione tunc intellexisse Spiritus sanctus  
videtur, cum per os Moysis, Pharaonis & Ægyptiorum in mari Rubro submer-  
Exod. 15. forū occasione sumpta, inquit: *Submersi sunt quasi plumbum in aquis vehementibus.*

Aquis igitur omnia quæ superius diximus designantibus, dicendum est,  
Deum ac naturam ipsam hominem docere voluisse, dum in aquis natans, pro- C  
priis brachiis Crucis formam & imaginem designat & exprimit, atq; per eam-  
dem sibi incolumitatem comparare nititur, nullum aliud remedium in hoc  
mundo homini præstò esse, quò à tribulationibus, à calamitatibus, à tentationi-  
bus, à peccatis, à morte, atq; ab inferno ipso sese liberare & eripere queat, quàm  
vt ad sanctæ Crucis vnicum præsidium ac tutissimum perfugium confugiat:  
& vt rem totam vno verbo dicamus, nullum aliud sub cælo hominibus datum  
esse remedium, quo in æternum saluari possint, quàm Domini nostri Iesu Chri-  
sti nomen, eiusque sanctæ Crucis mysterium. Quocirca gloriosus Apostolo-  
rum Princeps appositè prorsus inquit: *Nec enim aliud nomen est sub cælo datum ho-*  
Acl. 4. *minibus in quo oporteat nos saluos fieri.*

Verum vt materiam hanc totam summam perstringamus, sanctæ Crucis  
signum Deus optimus maximus in homine imprimere voluit, eundemque si-  
gno ipso non in facie atque in fronte tantum obsignare, sed etiam totum cor- D  
pus eius ea forma compactum esse statuit, vt nihil aliud quàm verissimam  
Crucis imaginem referat. Quod idcirco præsertim fecisse putarim, vt inexcusa-  
*Crucem* biles sint, qui hoc sacrosancto & vnico remedio, quod propriis ipsorum mem-  
*non vene-*bris impressum atque insculptum deferunt, miseri, cæci, & insani vti nolunt, nec  
*rantes, om-*se ipsos iuuare: qui Crucem sanctam, quam propriis brachiis naturaliter effi-  
*nes inexc-*ctam habent, non amplectuntur: qui Christi Domini fidem sanctam non reci-  
*fabiles.*piunt: qui in Crucis sanctissimæ mysterium credere renuunt. De quorum  
lachrymabili ac miserando exitu, deque horribili ac formidabili in eos animad-  
uersione, Spiritus sanctus, iuxta Septuaginta Interpretum versionem, hæc verba  
Malach. 4. per os Malachiæ prædixit: *Ecce dies Domini venit ardens velut clibanus: eritque*  
omnis



**A** omnis alienigena, & omnes iniqui stipula: & succendet illos adueniens dies, dicit Dominus. Super quibus verbis sanctus Cyprianus inquit: Succendi & cremari alienigenas præcinit Dominus, id est, alienos à diuino genere, & profanos, spiritualiter non renatos, nec Dei filios factos. Euadere enim eos solos posse, qui renati & signo Christi signati fuerint, alio in loco Deus loquitur; quando ad vastationem mundi, & interitum generis humani Angelos suos mittens grauius in ultimo comminatur, dicens: Vadite, & cædite, & nolite parcere oculis vestris: nolite misereri senioris, aut iuuenis, & virginis; & paruulos & mulieres interficite, ut deleantur: omnem autem, super quem signum scriptum est, ne tetigeritis. Quod autem sit hoc signum, & qua in parte corporis positum, manifestat alio in loco Deus, dicens: Transi per mediam Ierusalem, & notabis signum super frontes virorum qui ingemunt, & mærent ob iniquitates quæ fiunt in medio ipsorum. Et quod ad passionem & sanguinem Christi pertineat hoc signum, & ille saluus & incolumis reseruetur quisquis in hoc signo inuenitur, item Dei testimonio comprobatur, dicentis: Et erit sanguis in signo vobis super domos, in quibus vos eritis: & videbo sanguinem, & protegam vos, & non erit in vobis plaga diminutionis, cum percutiam terram Ægypti. Quod ante occiso Agno, præcedit in imagine, impletur in Christo, secuta postmodum veritate. Vt illic percussa Ægypto, Iudaicus populus euadere non nisi sanguine & signo Agni potuit, ita & cum vastari cæperit mundus & percuti, quisquis in sanguine & signo Christi inuentus fuerit solus euadet.

Ad Deme-  
trianum,  
circa si-  
nem.

Ezech. 9.

Exodi 12.

Solus tu-  
tus qui si-  
gno Christi  
& sanguine  
munitur.

Denique verò orationem suam idem sanctus Cyprianus colligens & concludens, cunctosque infideles ad Christi Domini fidem amplectendam, & viuifico sanctæ Crucis signo seipsos consignandos cohortans, adiecit: Respicite itaque, dum tempus est, ad veram & æternam salutem: & quia iam mundi finis in proximo est, ad Deum mentes vestras Dei timore conuercite. Deum vel serò querite, quia iam pridem per Prophetam Deus præmonens hortatur, & dicit: Querite Deum, & viuet anima vestra. Deum vel serò cognoscite, quia Christus adueniens hoc admonet & docet, dicens: Hæc est autem vita æterna, ut cognoscant te solum verum Deum, & quem misisti Iesum Christum. Credite illi, qui omnino non fallit. Credite illi, qui hæc omnia futura prædixit. Credite illi, qui credentibus premium vitæ æternæ dabit. Credite illi, qui incredulis æterna supplicia gehennæ ardoribus irrogabit. A quibus Saluatoris nostri infinita bonitas & misericordia, propter benedictum & sanctum nomen suum, ac per sanctæ Crucis mysterium nos liberare dignetur. Amen.

Amos 5.

Ioan. 17.

## CAPUT V.

*De Crucis signo, quod in quibusdam animalibus Deus collocauit.*

**C**um de eo sanctæ Crucis signo, quod Deo optimo maximo in homine rationali animali, omniumque animalium nobilissimo & excellentissimo, imprimere atque infigere placuit, præcedenti Capite disseruerimus; ab ordine ipso nunc, & à quadam congruenti ac pænè necessaria consequentia pertrahi videmur, ut de eodem sacrosancto & venerabili signo, quod pro gloria sua & utilitate nostra eidem adorando & admirabili rerum omnium formatori in quibusdam irrationalibus animalibus imprimere placuit, nunc agamus. In quibusdam inquam: nam ad vtiliorem ac magis necessariam materiam pertractandam stylum nostrum dirigentes, non ad pauca tantum, sed etiam ad paucissima quædam, ac forsitan ad duo eorundem animalium genera dumtaxat breuiter examinanda, sermo noster coarctabitur. Hæc namque ipsa ad nostram ac piorum Lectorum mentem excitandam satis abundè sufficere poterunt; ut ab his ipsis, qualis & quanta sit diuina bonitas atque clementia, ex parte aliqua



contemplari ac speculari possumus: etenim his etiam administris, quæ in homi- A  
nis usum & commodum creata sunt, ipsum eundem hominem ad salutis suæ  
signum recognoscendum & venerandum perducere voluit.

Inter cetera igitur animalia, in quibus sacrum Crucis signum considerari po-  
test, pro sancti Iustini Martyris honore ac reuerentia primum locum hîc obti-  
neat unicornis; quem alij, Græcum usurpantes vocabulum, monocerotem ap-  
pellant. Eidem enim Sancto insedit opinio, eiusdem animalis cornu sanctæ  
Crucis lignum quodammodo figurari. In Dialogo enim suo cum Tryphone  
Iudæo, verba illa exponens, quæ Moyses protulerat, dum Iosephi tribui bene-  
diceret, nempe: *Quasi primogeniti tauri pulchritudo eius: cornua monocerotis, cor-*  
*nua illius:* eadem ad Christi Domini, eiusque sanctæ Crucis significationem  
pertrahit & applicat, sic ex Græco Latinitati donatus, tradens: *Unicornis enim*  
*cornua, non alterius cuiuspiam rei aut figuræ aliquis dicere & demonstrare queat simi-*  
*lia esse, quam notæ eius quæ Crucem designat. Directum namque est vnum lignum, vn-*  
*de summa pars in cornu sustollitur cum lignum ei aliud adaptatur: & utrumque, ut*  
*cornua, unicornu adiunctæ summitates apparent: & quod in medio fixum est, ut cor-*  
*nu & ipsum eminet, in quo vehuntur & insident qui Crucis supplicium subeunt. Et*  
*cornu formam præ se fert istud ipsum quoque cum aliis cornibus conformatum & com-*  
*paetum lignum.* B

Deut. 33.  
Cornu mo-  
nocerotis  
D. Iustino  
symbolum  
Crucis, &  
quomodo.  
S. Iustinus  
Mart. in  
Dial. cum  
Tryphone.

Comparatio sanè atque figura, machinis ferè (ut ita dicam) pertracta, subob-  
scura & planè difficilis; quæ tamen, cum auctoritate grauis adeò, antiqui, &  
sancti Scriptoris subsistat, summopere æstimanda, ac magni profectò pendenda  
est. Quam ipse nihilominus ad Christum Dominum, eiusque sanctam Cru-  
cem signandam, satis commodè perducit. Nam cum Moyses in ipsa eadem be-  
nedictione hæc etiam verba insuper adiecerit: *In illis ventilabit gentes usque ad*  
*terminos terræ:* idem sanctus Iustinus testatur, eum verbis illis rem innuere vo-  
luisse, quæ nunc inter omnes gentes ad effectum perducta est. Per hoc enim C  
Crucis sacramentum, quamplurimi ex cunctis nationibus homines, cornibus  
petiti, à vanis simulacris & à dæmonum cultu ad sanctam fidem amplecten-  
dam pertracti sunt: *Cornibus enim petiti, inquit, hoc est transfixi, ex nationibus*  
*omnibus, per sacramentum istud ad veram Religionem conuersi sunt à vanis simulacris*  
*& dæmonum cultu homines.*

Subscribit  
Iustino Ter-  
tullianus,  
aduersus  
Iudæos,  
cap. 10.

Similia  
propè ad  
verbum  
idem re-  
plicat ad-  
uersus Mar-  
cionem, li-  
bro 3. c. 18

Verùm hæc eadem ipsa Moysis verba, hancque figuram ipsam multò cla-  
riùs ac faciliùs Tertullianus, contra naturalem suam breuiloquentiam, explicat,  
& ad Christi Domini eiusque sanctæ Crucis significationem pertrahit. Nam  
postquam prædicta Moysis verba recensuisset, videlicet, *Tauri decor eius, cor-*  
*nua unicornis cornua eius: in eius nationes ventilabit pariter ad summum usque terræ:*  
ipse illa deinde exponens, sic tradit: *Non utique rhinoceros destinabatur unicor-*  
*nis, vel minotaurus bicornis, sed Christus in illo significabatur: taurus ob utramque*  
*dispositionem; aliis ferus ut ludex, aliis mansuetus ut Saluator: cuius cornua essent*  
*Crucis extima. Nam & in antenna navis, quæ Crucis pars est, hoc extremitates eius*  
*cornua vocantur. Unicornis enim media stipitis palus. Hac denique virtute Crucis, &*  
*hoc more cornutus, vniuersas gentes & nunc ventilat per fidem, auferens à terra in ce-*  
*lum, & tunc ventilabit per iudicium, deiiciens de celo in terram.* Hæc Tertullianus.  
In Glossa ordinaria pari modo asseritur, cornua rhinocerotis, de quibus hoc  
loco Moyses locutus est, Crucis cornua signasse, in quibus Habacuc Propheta  
Christi fortitudinem occultandam prædixerat. Etenim pro carnis infirmitate,  
quasi aries per ludibrium spinis coronatus est: his namque cornibus sentibus  
hæsit. Verùm admirabili eius in passione tolerantia & fortitudine, unicornis  
iste, mortis, & illius qui mortis habebat imperium, victor & triumphator ex-  
titit:

A

B

C

D



A titit: *Cornua rhinocerotis*, inquit Glossa, *cornua Crucis significant*; de quibus Habacuc: *Ibi abscondita est fortitudo eius. Per infirmitatem namque carnis, quasi aries illorum spinis coronatur. His corribus hæsit; sed passionis incomparabili fortitudine, vnicornis extitit mortis victor, & eius qui habebat mortis imperium.* Habacuc cap. 3.

Putant aliqui, vnicornem illud animal esse, quod Aristoteles asinum Indicum appellat, cuius libro secundo suæ animalium Historiæ meminit his verbis: *At solipes, idemque vnicorne est, quamquam rarum, ut asinus Indicus: ille enim & vnicornis & solipes est; talum etiam asinus ille Indicus, solus in solipedum genere possidet.* At Plinius multò magis peculiariter, ac longè aliter, monocerotem ipsum describit hoc modo: *Asperrimam autem feram monocerotem, reliquo corpore equo similem, capite ceruo, pedibus elephanto, cauda apro, mugitu graui, vno cornu nigro media fronte cubitorum duorum eminente. Hanc feram viuam negant capi. Vnicornis igitur ipse, pro Plinij ipsius descriptione, iuxta imaginem, quæ præsentì hoc* Natural. hist. lib. 8. cap. 21.

B typo demonstratur, effingi potest.



Vnicornis in diuinis Scripturis ad Christi Domini significationem sæpè assumi consuevit. Quamobrem magnus ille sanctus Basilius, super vigesimi octauì Psalmi versiculo, *Et dilectus quemadmodum filius vnicornium*, sic tradit: *Vnicornis genitus Dei Filius, qui vitam dat mundo, ubi quidem offert victimam & oblationem seipsum Deo, pro peccatis nostris, & Agnus nominatur Dei, & ovis. Ecce enim, inquit, Agnus Dei. Et rursus: Tamquam ovis ad occisionem ductus est. Vbi verò vindicare oportet, & destruere potentiam humanum genus adorientem, efferatam quamdam agrestemque & asperam potestatem, tunc filius vnicornium appellatur. Est enim animal vnicornis, velut ex Iob didicimus, viribus inexpugnabile, hominibus non subiectum. Non* In Psal. 28. concione quinta. Isaia 53. Iob 39.



enim ligaueris ipsum, inquit, loro, neque dormiet in præsepi. Et multa de libertate animalis huius, & quod homini subditum non est, in illa Prophetia parte dicta sunt. Ac demum sermonem suum summam colligens, subdit: Cum cornu quamplurimis Scripturæ locis pro gloria capiatur, ut eo præsertim loco: *Et exaltauit cornu populi sui*; ut & ab illo: *Cornu eius exaltabitur in gloria*. vel quia cornu sæpè etiam pro potentia intelligitur, ut ibi: *Protektor meus, & cornu salutis meæ*. cumque Christus sit Dei potentia, propterea quasi cornu vnum, id est vnam Patris potentiam habens, vnicornis Filius appellatur. Etiam monoceros siue vnicornis, ut sanctus Hieronymus, imò verius Beda, ut doctiores communiter autumant, populi Gentilis imaginem præfigurauit. Quocircà & Crux Christi, cornu quod animal istud fronte media infixum habet, iure assimilata est: nam in fronte etiam populus Gentilis Crucis signo consignandus erat. Quin etiam eiusdem animalis cornu in diuinis quoque Scripturis sæpè pro antiqua & inueterata diaboli scelestissimorumque satellitum eius superbia capi solet. Vnde idem Be-

- In Iob c. 9. da venerabilis inquit: *Hic igitur monoceros populi Gentilis imaginem præfigurat: cuius etiam superbia significatur in cornu, sicut quibusdam peccatoribus & superbis à Deo dicitur per Prophetam: Dixi iniquis, Nolite iniquè agere; & delinquentibus, Nolite exaltare cornu. Nolite extollere in altum cornu vestrum. Quia veteriosa atque antiqua his, quos Deus increpat, superbia est.*
- Psal. 74. In cornibus vnicornium Regius quoque Propheta diabolicam superbiam intellexit, cum dixit: *Salua me ex ore leonis, & à cornibus vnicornium humilitatem meam.* Quæ verba sanctus Augustinus exponens, inquit: *Et à sublimitate superbiorum, se singulariter erigentium, saluam fac animam meam.* Et in secunda eiusdem Psalmi expositione adiecit, Regium Psalterium hoc loco nihil aliud quàm de superbis intelligere potuisse, quandoquidem humilitate sua in altera libræ lance contra eorundem superbiam quodammodo posita, eandem à Deo seruari efflagitat. De superbiorum arrogantia & elatione Propheta ille pariter intellexit, cum in eorum persona loquens, sub eadem cornuum metaphora inquit: *Numquid non in fortitudine nostra assumpsimus nobis cornua?* Superbiorum namque proprium est, felicitates, victorias, secundasque res omnes ad voluntatem eorum fluentes, propriæ industriæ & virtuti, non autem diuinæ gratiæ adscribere, contra id ipsum directè, quod iusti & humiles facere consueuerunt; qui in Domino gloriantes, omnia infinitæ bonitati diuinæque gratiæ ipsius, iustè planè ac sanctè, accepta referunt. Quamobrem sanctus Hieronymus de hoc quidem ita: *Ereæti in superbiam dicunt: Nónne in fortitudine nostra assumpsimus nobis cornua? Cum è regione iustus in Domino gloriatur, & dicat: In te inimicos ventilabimus cornu.*
- Amos 6. In Amos c. 6.

Cum autem vnicornis cornu diabolicam signet superbiam, meritò Christi Domini nostri Crux, (quæ eodem quoque cornu econtrà significata est) ea sola fuit, quæ propter profundissimam humilitatem illius qui pro salute nostra eam subiit, robur & virtutem obtinuit humiliandi, depressendi, pessumdandi que diaboli superbiam, qui propter eandem è cælo expulsus est. Superbia sanè omnium delictorum est maximum; de quo forsitan innuere voluit Propheta, cum dixit: *Et emundabor à delicto maximo.*

- In Psal. 118. circa finē. Quocircà appositè sanctus Augustinus, *Queritis*, inquit, *quàm magnum sit hoc delictum quod deiecit Angelum, quod ex Angelo fecit diabolum, eique in æternum interclusit Regnum celorum? Magnum hoc delictum est, & caput atque causa omnium delictorum. Scriptum est enim: Initium peccati omnis superbia. Et ne quasi leue aliquid contemnas, sedulò tibi considerandum est, quod propter hoc magnum superbiæ peccatum, Deus humilis venit. Hæc causa, hoc peccatum magnum, iste ingens morbus animarum omnipotentem Medicum de cælo deduxit, vsque ad formam serui humiliavit, contumeliis*
- Eccli. 10.

Cornu vnicornis in malum acceptionem nihilominus illustrat Crucem.

D



**A** melius egit, ligno suspendit : ut per salutem tantæ medicinæ, curetur hic tumor ; & iam tandem erubescat homo esse superbus, propter quem factus est humilis Deus.

Superbia, inquit idem sanctus Augustinus alibi, vitiorum omnium humano-  
rum causa est. Ad hanc conuincendam atque auferendam talis medicina cælitus venit; ad  
elatum hominem per superbiam, Deus humilis descendit per misericordiam. Hæc ille.  
Angelica, sed deprauata dæmonis natura, interiorē, id est, humanam naturam  
per peccati communicationem sibi subditam detinebat. Quamobrem Media-  
tor Dei & hominum, Angelis ipsis longè fortior, in hominum gratiam infir-  
mus factus est : vnde captiuatoris superbia per Redemptoris humilitatem de-  
structa fuit, ut is qui per Angelicam fortitudinem super filios hominum glo-  
riabatur, ab ipso Dei Filio, postquam humanam imbecillitatem assumpserat,  
vinceretur. Quorum spectandum duellum, & admirabile planè certamen,  
idem sanctus Augustinus, siue quicumque alius Auctor libelli illius, cui titulus  
**B** est, Exhortatio de salutaribus documentis, hoc pacto luculentissimè describit:

Per superbiam & cupiditatem diabolus dicit : In cælum ascendam. Christus cum humi-  
litate dicit : Humiliata est in terra anima mea. Diabolus per superbiam & cupiditatem  
dicit : Ero similis Altissimo. Christus per humilitatem, cum esset in forma Dei, exinaniuit  
semetipsum, factus obediens vsque ad mortem. Diabolus per superbiam & cupiditatem  
dicit : Super astra Dei exaltabo solium meum. Christus cum humilitate dicit : Discite à  
me, quia mitis sum, & humilis corde. Diabolus cupidus & superbus per Pharaonem lo-  
quitur, dicens : Nescio Dominum, & Israël non dimittam. Christus cum humilitate dicit :  
Si dixero, quia non noui eum, ero similis vobis mendax ; sed noui eum, & mandata eius  
seruo. Diabolus superbus & cupidus dicit : Mea sunt flumina, & ego feci ea. Christus  
cum humilitate dicit : Non possum à meipso facere quidquam, sed Pater meus in me ma-  
nens ipse facit opera. Diabolus superbus & cupidus dicit : Mea sunt omnia Regna mun-  
di, & gloria eorum, & cui volo do ea. Christus cum diues esset, pro nobis factus est pau-  
**C** per, ut eius inopia nos diuites redderemur. Diabolus superbus & cupidus dicit : Sicut  
colliguntur ova quæ derelicta sunt, sic vniuersam terram ego congregavi, & non fuit qui  
moueret pennam, & aperiret os atque ganniret. Christus cum humilitate dicit : Similis  
factus sum pellicano solitudinis ; vigilavi, & factus sum sicut passer solitarius in tecto.  
Diabolus per superbiam & cupiditatem dicit : Exsiccaui vestigio pedum meorum om-  
nes riuos aggerum. Christus cum humilitate dicit : Numquid non possum rogare Patrem  
meum, & exhibebit mihi plusquam duodecim legiones Angelorum ? Est ut ad vltimum  
concludam : diabolus cum ruina magna per superbiam & cupiditatem ad infernum præ-  
cipitatur : Christus cum humilitate ad cælos subleuatur. Superbia Angelicam gloriam è  
cælo deiecit : humilitas autem, infirmam imbecillitatem humanam ibidem conscendere fe-  
cit. Hæc ibi.

O sancta & venerabilis humilitas, tu Dei Filium è sinu æterni Patris in ca-  
stissimum beatissimæ virginis MARIAE vterum deduxisti. Tu eum vilibus  
**D** panniculis inuoluisti, ut virtutum ornamentis nos ipsos circumdaret. Tu eum  
in carne circumcidisti, ut nos mente circumcideret. Tu eundem in corpore fla-  
gellis crudelissimè cædi permisisti, ut nos à peccatorum flagellis liberaret. Tu  
spinis ipsum coronasti, ut nos suis cælestibus æternisque rosis coronaret. Tu in-  
firmum ac debilem illum reddidisti, qui verus omnium Medicus, omnia ver-  
bo suo sanat atque confirmat, ut nobis quoque ægris & infirmis, veram salutem  
impertiret. O sancta humilitas, quàm dissimilem te à superbia præbes ! Superbia  
Luciferum è cælo præcipitauit ; humilitas Dei Filium è cælo pertrahens, ut hu-  
manam carnem assumeret, effecit. Superbia è Paradiso Adamum expulit ; hu-  
militas latronem cælo inuexit. Superbia gigantum linguas diuisit ; humilitas  
linguas omnes quæ erant disperse congregauit. Superbia Nabuchodonosorem



Regem in belluam commutauit; humilitas Iosephum in Ægypto Principem A constituit. Superbia Pharaonem in mare submersit; humilitas Moysen exalta- uit; eundemque Israëliti populi ducem delegit.

Ex variis  
in Matth.  
locis, Ho-  
mil. 6. To-  
mo 2.

*Quomodo igitur superbia, inquit diuus Ioannes Chrysostomus, malorum om-  
nium arx erat & radix, omnisque fons nequitiae; remedium aegritudini Medicus noster  
preparans congruum, quasi validum quoddam tutumque fundamentum, hanc legem  
humilitatis iecit. Hac enim superposita firmitate, edificator omnia reliqua superponit.  
Hac autem sublata, licet ad caelos vsque perueniat operarius, omnia facile subruuntur, &  
in malum finem conuertuntur. Siue ieiunium, siue orationem, siue eleemosynam, siue conti-  
nentiam, siue quid aliud boni congregaueris, absque humilitate defluit, & omnia per-  
eunt. Quod & in Phariseo factum fuit: postquam peruenit ad ipsum verticem, omnibus  
amissis, descendit, quoniam bonorum matrem non habebat. Hac sanctus Chrysostó-  
mus. Eidem autem superbo & elato Phariseo, de quo ipse agit, illud profecto  
penè accidit, quod naui cuiusdam opulentissimis ac pretiosissimis mercibus onu- B  
stæ quandoque contingere solet, quæ in medio portu submergitur; quoniam  
humilitatis gubernaculo carebat. Nam sicut superbia, omnis nequitiae fons esse  
comprobatur; sic humilitas omnis sapientiae est principium. Superbiam, om-  
nium malorum radicem, Phariseus iste in corde suo plantauerat. Quocirca non  
est quod miremur, si omnes fructus operum eius exaruisse ac statim euanuisse  
constat. Sapiens enim appositè, superbiam omnis peccati originem dixit; vt  
ostenderet, eandem malorum omnium radicem ac fontem, cunctorum verò  
bonorum expultricem ac populatricem esse. Quamobrem cum callidus ac sce-  
lestissimus daemon non ignoraret, quantum robur, quantumque virus hoc im-  
probum semen, hæcque impia radix obtineat, quæ omnium bonorum operum  
fructus exsiccandi, atque adeò creaturam ipsam è cælo deturbandi vim habet;  
vt hominem in summum exitium, atque in mortem impelleret ac præcipitaret,  
hoc veneno usus est. Nam cum à tanta felicitate & gloria Adamum detrussit, per C  
summam fraudem atque fallaciam ipsum inducens, vt crederet se Deo similem  
futurum, superbiae tumore mentem eius inflauit; ac deinde cum veteroso ac  
mortifero hoc veneno illum consopitum diabolus reddidisset, magno impulsu,  
ex tanto culmine repentè præcipientem deturbauit.*

Vnicornis  
an in sinum  
virginis se  
abiciat.

Quocirca necesse fuit, vt Dei Filius, ad erigendum hominem, cornu super-  
biae à malo daemone prostratum & captum, humilitatem nostram indutus, &  
vsque ad Crucis mortem humiliatus, superbissimo hoste sanctissimæ Crucis  
sux cornibus deuicto, nos subleuaret, & ab eius tyrannide vindicaret. Quod sa-  
nè diuus Iustinus Martyr, Tertullianus, ceterique omnes, qui Christi Domini  
Crucem sanctam vnicornis cornu compararunt, innuere voluerunt. Venera-  
bilis Beda asserit, monocerotem animal esse castissimum, vnde non nisi ab  
adolescentibus quæ verè virgines sint, capi valet: ad quas ille sponte accedens,  
caputque in gremio earum reclinans, sopore corripitur: Vnicornis, inquit, animal D  
castissimum, vnde etiam non capitur nisi per veras virgines; quia ad eas venit, & caput  
in gremio earum ponit, & obdormit. Et dicitur habere mundissimum habitaculum.  
Verum id mihi Poëticae fictionis potius, quàm historicae veritatis speciem præ-  
se ferre videtur. Quamquam & Albertus Magnus, De animalibus libro 22. in  
vnicorne, affirmat, ab hoc animante virginem adamari; eaque re ipsum capi  
tamquam esca. Vero similis tamen solidiusque id equidem esse censeo, quod  
Plinius memoriae prodidit, cuius verba superius retulimus; feram hanc scilicet  
viuam capi non posse: quandoquidem locis quamplurimis cornua conspi-  
ciuntur, quæ dicuntur fuisse vnicornis, scriptorem tamen auctoritate grauem  
nullum me adhuc legisse memini, qui animal hoc viuum captum vidisse teste-  
tur.



A tur. At quamquam ea, quæ de monocerote ipso hucusque obiter diximus, satis sufficere videantur; in studiosorum Lectorum tamen gratiam hæc insuper addere placuit.

Ælianus Græcus Historicus animal hoc satis luculenter describit, cuius verba Latinitati reddita, hæc sunt: *Monoceros*, inquit, *in India quibusdam montibus inaccessibilibus reperitur, ad confirmatæ ætatis equum magnitudine comparatus; iubaque ac pilis fulvus est, pedibus celer, digitis ut elephantum indivisis: apri caudam habet. At inter supercilia cornu vnum, idemque nigrum, non læve, sed versuras quasdam naturales habens, quod desinit in acutissimum mucronem, omnibus aliis bestiis ad se accedentibus mansuetus; suo generi, siue mari, siue femina, semper pugnax.* Libet etiam in eorumdem studiosorum gratiam hoc loco adnectere, quæ de hoc animali Simon Maiolus Vulturariensis Episcopus, in libro suo, quem *Dies caniculares*, siue *Colloquia* nuncupavit, sedulo collegit. Qui cum ea, quæ veteres Scriptores de monocornu memoriæ prodiderunt, recensuisset; recentiorum postea de eodem animali litteris commendata monumenta profecuturus, inquit: *Vetustiores hæc quidem tradiderunt, at recentiores longè aliter habent. Paulus Iovius rerum curiosissimus indagator, Histor. libro decimo octavo, cum de ortu Nili loquatur, paulò post sic habet: Monoceros animal, vnicorne à nostris appellatum, pulli equini forma, colore cinereo, iubata ceruice, hircina barba, bicubitali cornu armatam frontem præfert; quod liuore candoreque eburneo, & pallidis distinctum spiris, ad obtundenda hebetandaque venena mirificam potestatem habere dicitur. Cornu enim immisso, & per lymphas circumducto, fontes expiare perhibent, ut salubriter bibat, si inde virulenta bestia præpotarint. Id viuo animali non detrahi, cum vllis insidiis intercipi nequeat, cornu tamen sponte decisum, in desertis reperiri, ut in ceruis accidere videmus, qui & senectæ vitis renouante natura, vetus cornu exuunt, venantibusque relinquunt. Hoc cornu Regis impositum mensis, toxica, si qua sint epulis indita, emissio statim admirabili sudore, conuiuiis prodere narrat. Ex his vidimus bicubitales, brachiali ferè crassitudine, primum Venetiis, quod postea Senatus Solimanno Turcarum Imperatori dono misit: alterum pari propè magnitudine, sed præcisa cuspidè, argenteæ basi insertum, quod Clemens Pontifex Massiliâ profectus, pro insigni munere ad Franciscum Regem detulit. Ceterum de vi tantæ dotis in hoc animante nihil plus affirmauerim, quàm quod euulgata fama credentibus suadet: cum antiquorum Auctorum nemo, quod legerim, præter vnum Ælium Græcum, quidquam de hac monocerotis admiranda potestate memoriæ prodiderit. Hætenus Iovius. Verum Nicolaus de Comitibus, Venetus, venenatis rebus remedio cornu istud esse memorat in prouincia Mangi Orientalis India. Ita ille in Itinerario*

*De monocerote varia ex variis.*

*Ælianus De animalium hist. lib. 16. c. 20*

*Maiolus Colloquio 7. de quibus.*

Aliis non paucis locis monocornu reperiri proditum est à nonnullis. Marcus enim Polus libro 2. cap. 43. apud Tartaros, in Regno Mien, in siluis monocerotes compertos esse memorat. Compertos quoque in Regno Guzerat, quod confine est Indico Regno Malabar, testatur libro 3. cap. 28. Præcipuè verò haberi in Regno Basma Iauæ maioris, tradit libro 3. cap. 12. frequentissimos esse autem in Regno Lambri eiusdem insulæ, meminit eodem libro 3. cap. 15. eorumque formam in hunc conscribit modum: Primum quidem monocerotes elephantis minores sunt, villo à bubalorum non dissimili: elephantinis pedibus, vnico in fronte cornu armati, quo neminem vnumquam ledunt. Est illis apri caput, semperque in terram prouum: inuolutabro luti, suum more, oblectatur, deformeque animal est. Cornu neminem prorsus petit, lingua tantum exerta, quæ pinnis armata est, ledit. Ac genibus obuia petit, & substrata premit; neque, uti fabula, est credendum, ait, quæ ignarum vulgus putat, à solis virginibus capi: falsum enim id omnino esse. Hæc ex illo capite 12. Ludouicus autem Barthema, qui & ipse Orientalem Indiam perlustravit, & Africanas oras etiam adnauigauit, simul & Persidem, meminit & monocerotis; sed villos eius sub fusco colore esse tradit: cornu longitudinem tricubitalem habere affirmat;

*cerui-*



ceruinum caput illi, breuibus ac perraris crinibus: cruribus ceruinis, quorum posteriora admodum villosa: ungula pedum caprina, paululum in summa anteriori parte diuisa. Mite animal videri, vidisseque duos testatur in Arabia, ex Æthiopia illò missos. Hæc ex illius Itinerario, cap. 17. Hæc ille.

Venerabilis autem Beda, quem superiùs citauimus, de animali hoc loquens asserit, monocerotem, utpote cornu vnum tantum habentem, vnicam ac solidam spem illam significare, cui Christianus firmiter inniti debet, demum post huius vitæ labores & æumnas, ad beatam ac felicem cælestis patriæ requiem perueniendi. Qua quidem spe firmiter munitus erat Propheta, cum dixit: *Vnam petij à Domino, & hanc requiram, vt inhabitem in domo Domini omnibus diebus vitæ meæ.* Id etiam sanctus Augustinus iampridem dixerat ante Bedam, qui alibi tradit monocerotem vnico cornu à natura armatum, pro vnitæ Ecclesiæ capi consueuisse: *Solet etiam vnicornis, inquit, quia vnum tantum habet cornu, pro vnitæ Ecclesiæ accipi.* Quamobrem hac etiam de causa sanctus Iustinus Martyr iure existimauit, huius animalis cornu Christi Crucem designare. Ab ipsa namque & per ipsam Ecclesiæ vnitas orta est. In qua Saluatoris nostri infinita bonitas nos confirmare, constabilire & conseruare dignetur, in fidei vnitæ, in spei soliditate, & in charitatis vinculo; vt in tentationum ac tribulationum certaminibus, quæ in hac militante sustinentur, viriliter decertantes, illius gratia benè iuuante, digni tandem efficiamur, qui æterna pace veraque felicitate in triumphante perfruamur: vbi ille ipse cum Patre, & Spiritu sancto, viuit & regnat, per infinita sæcula sæculorum. Amen.

Psal. 122.

S. August.

in Psal. 77.

Beda in

Psal. 91.

Vnum cor-

nu maxime

vnam Ec-

clesiam de-

signat.

## CAPVT VI.

*De admirandis animalibus quibusdam, in quorum dorso Crucis signum, & aliqua Christi sanguinis ac redemptionis nostræ mysteria mirabiliter sunt impressa.*

**I**NTER omnia animalia quæ ad meam ac forsitan aliorum hætenus peruenire notitiam, in quibus Deo optimo maximo sanctæ Crucis signum clarè ac notabiliter imprimere placuit, nullum, dempto homine (meo quidem iudicio) gloriari potest, sacrosanctum se characterem hunc in se ipso aut admirabilius, aut maioribus mysteriis obsignantius insculptum deferre, quàm illud, quod Diodorus Siculus scriptor auctoritate grauis, ac super quoscumque Græcos qui Historias conscripsere veridicus, non minùs admirabiliter, quàm diligenter, memoriæ commendauit. Admirabiliter inquam, si attenta animi contemplatione considerauerimus, Ethnicum scriptorem scilicet à vera Dei cognitione adeò remotum, eodem ferè tempore, quo Christus Dominus natus est, animal hoc descripsisse, quod Cruce non tantum signatum est, sed eo planè modo con-

signatum, vt Crucis admirabile mysterium digito quodammodò demonstret ac repræsentet; quod paulò post illius ab ipso Diodoro Siculo euulgatam descriptionem, ingenti omnium admiratione ac salute, in vniuerso terrarum orbe audiendum ac propediem manifestandum erat.

In Historiarum igitur suarum monumentis, ad posterorum memoriam idem Diodorus Siculus prodidit; temporibus suis à mercatore quodam aromatum, cui Iambulus nomen erat, natione Græco, admirabili quodam modo insulam non antea cognitam, in Australi Oceano detectam fuisse, in quam multa ingenti admiratione digna reperiri testatur. Ac præter cetera refert, eundem Iambulum



**A** lum affirmare solitum, in eadem insula quoddam animalium genus reperiri, non corporis quidem magnitudine, sed forma, natura, & virtute sanguinis præsertim admirabili. Sunt autem animalia hæc, inquit, corpore rotundo, testudinibus persimili, in quorum dorso duæ conspiciuntur lineæ, quæ per medium in Crucis formam intersecantur; in quarum cuiuslibet extremitate, oculus & auris manifestè cernitur; ita ut quattuor oculis videant, & totidem auribus audiant. Vnicum ventrem & intestinum habent, in quo comesus cibus traicitur, ad digestionemque transmittitur. Pedes eis complures circum corpus, quibus in diuersas partes pro instinctus voluntate feruntur. Horum animalium sanguis, subiungit, admirabili virtute pollere asseueratur. Omne enim corpus concisum atque truncatum, dum adhuc spirat, hoc tinctum sanguine, illicò connectitur, & simul cohærescit. Pari modo, si manus, vel quodcumque aliud membrum è corpore truncatum, hoc tinctum sanguine, viuo adhuc corpori, ac recenti vulnere applicetur; confestim cohæret, conglutinatur, in pristinamque salutem reintegratur. Ipsius autem Diodori verba, ad maiorem huius rei fidem astruendam, Latinitati donata, hîc subdere placuit: *Esse insuper animalia, ea in insula, inquit, magnitudine quidem parua, sed natura, ac sanguinis virtute admirabili. Corpore sunt rotundo, ac testudinibus simili; duabus lineis inuicem per medium transversis, in quarum vtriusque extremo est auris & oculus, ut quattuor oculis videant, & totidem audiant auribus. Vnicis ventre atque intestinis, in quæ comeſta confluunt. Pedes circum habet plures, quibus in vtramque partem ambulant. Huius bellue sanguis, mirabili asseritur virtute. Omne enim corpus concisum, dum spirat, hoc tinctum sanguine, è vestigio cohæret. Similiter & manus cæsa, reliquæque corporis, dum vita suppetit, partes, resarciuntur, si recenti adhuc applicentur vulnere. Quod quidem admirandum planè animalium corpus, iuxta Diodori Siculi descriptionem, in eam formam effingi potest, quæ hoc*

*Manifestissima nota Crucis in tuto animal.*

*Rerū Antiq. lib. 2. cap. 13.*

**B** centi vulnere applicetur; confestim cohæret, conglutinatur, in pristinamque salutem reintegratur. Ipsius autem Diodori verba, ad maiorem huius rei fidem astruendam, Latinitati donata, hîc subdere placuit: *Esse insuper animalia, ea in insula, inquit, magnitudine quidem parua, sed natura, ac sanguinis virtute admirabili. Corpore sunt rotundo, ac testudinibus simili; duabus lineis inuicem per medium transversis, in quarum vtriusque extremo est auris & oculus, ut quattuor oculis videant, & totidem audiant auribus. Vnicis ventre atque intestinis, in quæ comeſta confluunt. Pedes circum habet plures, quibus in vtramque partem ambulant. Huius bellue sanguis, mirabili asseritur virtute. Omne enim corpus concisum, dum spirat, hoc tinctum sanguine, è vestigio cohæret. Similiter & manus cæsa, reliquæque corporis, dum vita suppetit, partes, resarciuntur, si recenti adhuc applicentur vulnere. Quod quidem admirandum planè animalium corpus, iuxta Diodori Siculi descriptionem, in eam formam effingi potest, quæ hoc*

**C** rat, hoc tinctum sanguine, è vestigio cohæret. Similiter & manus cæsa, reliquæque corporis, dum vita suppetit, partes, resarciuntur, si recenti adhuc applicentur vulnere. Quod quidem admirandum planè animalium corpus, iuxta Diodori Siculi descriptionem, in eam formam effingi potest, quæ hoc



**D** typo demonstratur.

Huius animalis corpus, inquit Diodorus Siculus, forma est rotunda, & in qualibet Crucis extremitate, quam in dorso impressam defert, aurem & oculum habet. Qua quidem forma & figura, mens ac memoria nostra velut inani quadam ad meditandum ac recolendum perducitur, admirabile Crucis mysterium in vniuersa terræ rotunditate, & in omnibus quattuor orbis partibus, Oriente scilicet, Occidente, Septentrione, atque Meridie, audiendum & videndum esse. Auditum profectò est per Apostolorum vocem & prædicationem, qui per vniuersum terrarum orbem sanctum prædicauere Euangelium: de quorum prædicatione ac voce iam Regius Propheta prædixerat: *In omnem terram exiuit sonus eorum, & in fines orbis terræ verba eorum.* Visum autem est à Gentibus

*Psal. 18.*



tibus per fidem, cum statim post Euangelij sancti prædicationem, è vestigio in A  
Christum Dominum crediderunt, sanctamq; eius fidem amplexæ sunt. Quem  
prosperum planè atq; felicem progressum & exitum, iam Isaias Propheta adeò  
clare præviderat, & luculenter descripserat, tamquam ipse corporeis oculis  
Apostolos sanctos propriis pedibus orbem terrarum peragrantes, & Euange-  
lium sanctum prædicantes, Dei que pacem & salutem, quam Christus homini-  
bus attulerat, annuntiantes conspexisset; inquit: *Quàm pulchri super montes pe-  
des annuntiantis & prædicantis pacem: annuntiantis bonum, prædicantis salutem, di-  
centis Sion: Regnabit Deus tuus. Vox speculatorum tuorum leuauerunt vocem, simul  
laudabant: quia oculo ad oculum videbunt, cum conuerterit Dominus Sion. Gaudete,  
& laudate simul deserta Ierusalem; quia consolatus est Dominus populum suum, rede-  
mit Ierusalem. Parauit Dominus brachium sanctum suum in oculis omnium gentium.  
Et videbunt omnes fines terra salutare Dei nostri.*

Pedes enā-  
gelizantium  
in omnem  
terram ex-  
tenti.

Isaia 52.

Super quibus verbis sanctus Hieronymus testatur, Paulum Apostolum sen- B  
sum Hebraicæ veritatis secutum, verba prædicta Isaiæ Prophetæ plurali nume-  
ro expressisse, ad Romanos scribens; inquit enim: *Quàm speciosi pedes euangelizan-  
tium bona, euangelizantium pacem.* sanctos Apostolos innuere volens: *Paulus, in-  
quit, sequens sensum Hebraicæ veritatis, ponit in Epistola ad Romanos: Quàm speciosi  
pedes Euangelizantium bona, euangelizantium pacem: Apostolos intelligi volens, quo-  
rum Dominus lauit pedes, ut mundi & pulchri essent ad prædicandum, & in toto orbe  
discurrerent; breuique doctrina Christi implerent mundum.* Quod quidem myste-  
rium apertè significari videtur in pedibus his multis, quos animalia prædicta à  
Diodoro Siculo descripta, circa corpus suum habent, quibus in eam quam vo-  
luerint partem ambulant. Pedibus namque sancti Apostoli & Euangelistæ pro-  
priè designantur, qui pedes Domini appellantur; eò quòd per eorum prædica-  
tionem, ac sanctam Euangelicam historiam, Dominus ipse vniuersum terra-  
rum orbem peragrat. Quocircà diuus Augustinus: *Qui sunt pedes Domini? Apo- C  
stoli missi per totum orbem terrarum. Qui sunt pedes Domini? Omnes Euangelistæ, in  
quibus peragrat Dominus vniuersas gentes.*

In Psal. 90.

Isaia 35.

Lucæ 7.

In Isaia  
c. 35.

Auris illa, oculusque ille præterea, quem in singulis quattuor Crucis extremi-  
tatibus animalia prædicta habere dignoscuntur, ingens miraculum illud innue-  
re videtur, quod idem Isaias iam prædixerat, inquit: *Tunc aperientur oculi cæ-  
corum, & aures surdorum patebunt.* Quod licet in eo, quod ad miraculorum ma-  
gnitudinem spectat, ut sanctus Hieronymus testatur, tunc quidem impletum  
sit, cum Dominus discipulos illos sibi à sancto Ioanne Baptista delegatos allo-  
cutus, inquit: *Euntes renuntiate Ioanni quæ audistis, & vidistis: Quia cæci vident,  
claudi ambulant, leprosi mundantur, surdi audiunt, mortui resurgunt, pauperes euange-  
lizantur.* id quotidie tamen in Gentibus expleri conspiciamus, cum hi qui antea  
obscura adeò cæcitate obruebantur, ut impia prorsus adoratione in ligna & la-  
pides passim offenderent, veritatis nunc lumen aspiciunt; & qui diuinarum D  
Scripturarum verba surdis auribus audire nequibant, nunc Dei præceptorum  
auscultatione lætantur. *Quod quamquam signorum magnitudine,* inquit diuus Hie-  
ronymus, *completum sit, quando Dominus loquebatur discipulis Ioannis, qui ad eum  
missi fuerant: Euntes renuntiate Ioanni, quæ audistis & vidistis: cæci vident, claudi am-  
bulant, leprosi mundantur, surdi audiunt, mortui resurgunt, pauperes euangelizantur.  
tamen quotidie expletur in gentibus; quando qui prius cæci erant, & in ligna & in la-  
pides impingebant, veritatis lumen aspiciunt: & qui Scripturarum verba surdis auri-  
bus audire non poterant, nunc ad Dei præcepta lætantur.*

Tunc pariter, id est, post susceptam à Gentibus Christi Domini nostri fi-  
dem, aliud quoque eiusdem Prophetæ vaticinium ad veritatis effectum per-  
ductum



A ductum est, quo sic prædixerat: *Non caligabunt oculi videntium, & aures audientium diligenter auscultabunt.* Tunc enim credentium in Christum oculi, & eorum, qui sanctam eius fidem amplexati fuerant, & ad sacrum Baptisma conuolauerant, nulla prorsus caligine offusi sunt: neque eorum aures, qui Dei verbum libenter audientes sancto obtemperauere Euangelio, iam amplius surdæ in posterum extiterunt: eorumque intellectus, qui stupidi & obtusi antea videbantur, subtiliter & acutè veram scientiam intellexit. Balborum verò ac mutorum lingua, quæ Christi nomen pronuntiare antea nequibat, pleno atque aperto sermone Dominum confessa est.

Quatuor  
aures &  
quatuor o-  
culi huius  
animalis  
quid in-  
nuant.

Præterea aures & oculus, quæ in Crucis extremitatibus animalia de quibus agimus obtinent, sanctæ Ecclesiæ vocationem videntur in memoriam reuocare; quæ nullo sanè alio instrumento quàm oculorum & aurium, ad fidem, & ad Regis ac dilecti sponsi sui amorem allecta atque pertracta est.

B Quamobrem Spiritus sanctus Psalmistæ voce eam compellans, inquit: *Audi filia, & vide, & inclina aurem tuam: & obliuiscere populum tuum, & domum patris tui. Et concupiscet Rex decorem tuum.* Quasi diceret: Audi filia, dilecta que sponsa mea intellige, auremque tuam sancti Euangelij prædicationi inclina. Idololatriæ impietatem & iniquitatem, cuius cæcitatibus atque errorum tenebris obruta immergebaris, obliuiscere: vanitatem impij cultus, errores, peccata, cæcitatem, & tenebras, in quibus orta & educata eras, derelinque: ad veritatis claritatem veni, & ad sanctæ fidei lumen accede: Rex enim ac sponsus tuus Christus pulchritudinis ac decoris tui amore capietur.

Psal. 44.

Primo loco, sponsæ, id est Ecclesiæ sanctæ, dictum fuit: Audi; deinde, Vide. *Ventum est ad nos, inquit Augustinus, cum Euangelio, & prædicatum est nobis quod nondum videmus; & audiendo credimus, & credendo videbimus: sicut dicit idem Sponsus apud Prophetam: Populus quem non cognoui, seruiuit mihi, in obauditu auris obediuit mihi. Quid est in obauditu auris? Quia non vidit. Viderunt Iudei, & crucifixerunt. Non viderunt Gentes, & crediderunt. Veniat Regina de Gentibus, in vestitu deaurato, circumamicta varietate. Veniat à Gentibus, veniat circumamicta omnibus linguis, in vnitatem sapientiæ. Dicatur ei: Audi filia, & vide. Si non audieris, non videbis. Audi, ut munda cor fide, sicut Apostolus ait in Actibus Apostolorum: Fide mundans corda eorum. Ad hoc enim audimus, ut credamus, antequam videamus; ut credendo, cor mundemus, unde videre possimus. Audi, ut credas, munda cor fide. Et cum cor mundauero, respondet illa, quid videbo? Beati mundo corde, quia ipsi Deum videbunt.*

In Psal. 44.  
ferè circa  
finem.

Et alibi idem Augustinus de eisdem instrumentis adhuc agens, quibus sancta Ecclesia ad Christi fidem perducta est, de auribus scilicet & oculis; imò ut verius dicam, auditu & visu, dum versiculum illum Psalmi exponeret, *Sicut In Psal. 47. audiuius, sic vidimus, inquit: O beata Ecclesia, quodam tempore audisti, quodam tempore vidisti. Audiuit in promissionibus, videt in exhibitionibus. Audiuit in Prophetia, videt in Euangelio. Omnia enim quæ modò complentur, antea prophetata sunt. Erige oculos ergo, & diffunde per mundum, vide iam hereditatem vsque ad terminos orbis terræ. Vide iam impleri, quod dictum est: Adorabunt eum omnes Reges terræ, omnes Gentes seruiunt illi. Vide impletum esse quod dictum est: Exaltare super cælos Deus, & super omnem terram gloria tua. Et adorabunt in conspectu eius vniuersæ familie gentium. Et hæc videns, exclama cum gaudio: Sicut audiuius, ita & vidimus. Hæc Augustinus.*

Psal. 71.

Psal. 21.

Admirabilis deinde proprietas & virtus, quam animalium prædictorum à Diodoro Siculo descriptorum sanguis obtinet, vulnera consolidandi ac persanandi, corporibusque abscissa atque truncata membra connectendi & coagmentandi, pia vtilique consideratione ad recolendum nos prouocat, cælestem scilicet ac diuinam sacratissimi Christi sanguinis virtutem, qui tantam vim & effica-

Sanguis  
huius ani-  
malis, in-  
signis typus  
sanguinis  
Christi.



efficacitatem obtinuit, ut non tantum illud primæuum terribile ac letale vulnus, quod primi parentes nostri in transgressione acceperant, quodque illos unum cum vniuersa eorum posteritate ad temporalem atque æternam mortem miserabiliter pertrahebat, curauerit; sed etiam tot alias pænè innumerabiles sanauerit plagas, quibus miserum & infelix humanum genus, post lapsum omni prorsus alio remedio destitutum, mortaliter affectum decumbebat; quorum planè causa in omnem æternitatem mortuum fuisset, nisi illius miseratus Pater æternus (qui non mortem aut sanguinem, sed salutem eius auidè cupiebat) sanguinem, quem Unigenitus suus, inaudito charitatis & amoris excessu in tanti & omni prorsus spe destituti vulneris efficacissimum remedium in ara Crucis obtulit ac profudit, non recepisset; sciens profectò, veram illius salutem in pretiosissimo illo sanguine constitutam. Quocirca sanctus Bernardus inquit: *Non requisit Deus Pater sanguinem Filij; sed tamen acceptavit: quia salus erat in sanguine, si quidem pro qualitate vulneris, allata est medicina.*

Ad Innocentium Papam, epistola 190.

In Matth. cap. 1. Homil. 4.

Ad Adam Monachum, epist. 7.

De recta fide, ad Reginas, ex Epist. ad Hebræos.

In Epist. ad Corinth. 1. c. 12. Homil. 30.

Certissimum sanè pharmacum, atque saluberrima medicina, quæ omnem ægritudinem à curatione alienam sanat, omneque animæ letale vulnus consolidat, si vera applicetur fide. De qua sanctus Chrysostomus: *Pretiosus Christi sanguis, si cum fiducia sumatur, omnis hoc remedio morbus extinguitur.* Pretiosissimus Christi sanguis verè ille solus est, qui truncata atque abscissa membra corporibus denuò connectendi & conglutinandi admirabilem vim & efficacitatem obtinet. Quin etiam inter præstantiora & supernaturalia virtutum suarum opera, hoc vnum præcipuum est, quod sanguinem ille suum ad hunc finem peculiari voluntate profudit, ut membra sua, videlicet Dei electos antea per vniuersum terrarum orbem dispersos, in corpus vnum aggregaret. Vnde sanctus Bernardus: *Sanguis Christi effusus est pro dispersis filiis Dei, ut eos congregaret in vnum: & ideo iuste fremebat in dispersores. Odit nimirum dispersores, qui non nouit nisi colligere. Minatur autem se dispersores dispergere, qui pro dispersis colligendis effusus est.*

Nos quidem membra sumus, quæ propter infidelitatem & peccatum à viuo corpore olim non abscissa tantum, sed obtruncata & mortua iacebamus: verum pretiosissimi Christi sanguinis virtute, viuificata, & mystico eius corpori coniuncta fuimus. Nam quemadmodum ipse, pro excessiua atque immensa charitate sua, in omnium salutem proprium effudit sanguinem: sic meritò, expiandi & ab operibus mortuis liberandi eos qui credunt in illum, potestas eidem sanguini attributa est; ita ut iam non amplius mortua, sed viua & cooperantia membra, in vno corpore & in fidei vnitæ Deo seruiamus. Quod sanctus Cyrillus Alexandrinus innuere voluit, cum dixit: *Quoniam autem is qui ex Deo est, carne assumpta, posuit pro omnibus suum sanguinem; hac ratione & purgare potest credentes in ipsum, & à mortuis operibus liberare, & adducere ad obsequium Dei.*

Tanta est Christi sanguinis efficacitas & virtus, infirma truncata & penitus iam mortua membra corpori connectendi ac denuò conglutinandi, ut non eos tantum ex Hebræorum populo qui in illum credere voluerunt, quique infirma & mortificata membra propter peccata dici poterant; sed etiam Gentiles, qui propter idololatriam & infidelitatem truncata & omnino mortua membra erant, à viuo corpore penitus segregata, summaque longinquitate remota, persanauit, viuificauit, & in vno eodemque corpore admirabiliter coagmentauit. Quamobrem sanctus Ioannes Chrysostomus verba illa Apostoli ad Corinthios exponens, quibus ingens hoc mysterium innuerat, adiecit: *Et quid dico, inquit, Iudeos? Græcos enim seu Gentiles, qui tantum à nobis aberant, ad vnum planè corpus redegit.*

Quin etiam huius planè diuinæ & admirabilis virtutis, quæ Christi Domini sanguini



**A** sanguini inest, vniendi scilicet ac simul coniungendi, testimonium nullum perfectò aut maius aut verius quàm ipse idem in medium proferri potest, qui ore proprio dixit: *Qui manducat meam carnem, & bibit meum sanguinem, in me manet, & ego in illo.* Quasi diceret: Qui carnem meam manducauerit, & sanguinem meum biberit, adeò mecum vnitus atque coniunctus erit, vt ille in me permanens sit, & ego in illo. Quocirca sanctus Chrysostomus meritò testatus est, Christum Dominum hoc dixisse, vt ostenderet, tantam sanguinis sui vniendi & connectendi virtutem existere, vt cum illo qui ex eo bibit, vtrò sese coniungat & coagmentet. Vnde postquam Christi verba prædicta recensuisset, ipse postea hæc adiecit: *Hoc dicit, inquit, vt cum ipso se admisceri ostendat.* Et alibi appositè planè repetit dicens: *Ipse nos proprio sanguine pascit, & per omnia nos sibi coagmentat.* Et hoc quidem de Crucis signo, quod Deus optimus maximus pro ipsius gloria, & vtilitate nostra, in animalibus imprimere voluit, hætenus dicta sint.

In Ioannis  
c. 6. Homi-  
lia 46. &  
ad populū  
Antioche-  
num, Ho-  
mil. 59.

**B** Etenim ex duobus hisce, de quibus veluti exempli gratia breuiter egimus, curioso Lectori pia mentis contemplatione ac spiritali solatio, hoc idem sanctum Crucis signum in multis aliis animalibus, ac diuersis creaturis aliis, detegere & contemplari licebit; in arboribus scilicet, in plantis, atque in floribus.

Ad quod sane institutum, pro Saluatoris nostri gloria & honore, nullo pacto prætermitti potest, nec debet; quin hoc loco commemorationem faciamus, & ad piorum Lectorum notitiam, vel certè memoriam reuocemus, admirabilem Crucifixum illum, qui in Hispaniis, *el Crucifixo de la Cepa*, vulgò appellatur; quique magna pietate & veneratione asseruatur, sæpeque ingenti populorum concursu in Ecclesia Monasterij illius ostenditur, quod Hispanico idioma-  
*te, Santo Bendito el Real, Vallisoletanæ ciuitatis, dicitur.* Qui Crucifixus, perue-  
tusta & communiter recepta traditione constanter creditur ex vitis cuiusdam  
**C** radicis stipite admirabiliter natus esse: atque hinc sanè factum autumant, vt Crucifixus *de la Cepa* appellatus sit. Est autem hæc admirabilis Christi crucifixi imago eius prorsus materiæ & formæ, (sicut complures auctoritate graues viri, qui eam non tantum sæpius viderunt, sed propriis etiam manibus contrectauerunt, plenissimam mihi fidem astruunt) vt quicumque commodè eam intuetur ac contemplatur, statim sentiat, & pro comperto habeat, eam ex ligno vitis existere; nulla prorsus humana industria aut artificio constructam, sed eo modo per miraculum enatam, atque ab ipsa natura productam.

Crucifixus  
miraculo-  
sus ex vite  
natus in  
Hispania.

Eiusdem verò admirabilis Crucifixi altitudo vnà cum Cruce, vt ex multorum relatione accepimus, vnus palmi cum dimidio, vel circà esse potest. Et licet hæc imago ex radicibus vitis sit, ita vt diximus, nulla prorsus humana arte aut industria læuigata ac perpolita, ab ipsa natura simpliciter producta: habet tamen in capite promissam cæsariem, vt veteres passim deferre consueuerant; sub  
**D** axillis pilos, ac mento prominentem barbam, capillis ex eodem ligno tanta subtilitate mirabiliter constructis, vt planè naturales esse dixeris. Asseruntque, qui propius eam viderunt, ac diligenti consideratione contemplati sunt, nescio quid diuini in vultu, & maiestatem quamdam adeò venerabilem ac tremendam præ se ferre, vt timore & deuotione corda illicò repleat eorum, qui intuitus aciem in oculos eius intendere ausi fuerint. Naturæ partus planè admirabilis, in quo enixa videtur fuisse, vt in plantis quoque ipsis sui nostrique Domini passionis memoriam insculperet & conseruaret: nisi tamen id præcipuo miraculo adscribere velimus.

Primus omnium, qui admirandi ac sancti Crucifixi huius notitiam mihi prodidit, fuit Reuerendus Ioannes à Carthagera Ordinis Obseruantium sancti



Francisci, publicus sacrae Theologiae Professor, ac Romae generalis Lector in A Monasterio diui Petri in Monte aureo. Qui, dum his conscribendis intentus essem, librum illum edidit, cui titulus est, *Homiliae catholicae in vniuersa Christianae Religionis arcana*; anno Domini videlicet M. DC. IX. quem Paulo Quinto Summo Pontifici dicauit. Atque post ipsum eiusdem Crucifixi certiore ac longè plenior informationem accepi à duobus venerabilibus Monachis ipsius Regalis Monasterij sancti Benedicti, Vallisoletanae ciuitatis professis filiis, qui pro eiusdem Monasterij negotiis in Romana Curia hodie versantur, quique sepe saepius eundem percommode non solum viderunt & contemplati sunt, sed etiam se variis temporibus propriis manibus contrectasse testantur. Quorum alter Magister Laurentius de Ayala, alter verò Magister Gregorius de Criales, appellantur. A quibus tamen de eiusdem Crucifixi historia & inuentione nullam aliam notionem habere potui, praeterquam praefatum Magistrum Laurentium de Ayala testari, quandoque legisse in libro Benefactorum eiusdem Monasterij, praedictum admirabilem Crucifixum eidem Monasterio donatum à Don Sancio de Rojas Toletano Archiepiscopo, viro sanè in rebus agendis insigni, atque ab Historicis valdè celebrato: qui ab Antipapa Benedicto Decimotertio ab Episcopatu Palentiae ad Toletanum Archiepiscopatum translatus est, per mortem Don Petri de Luna, eiusdem Antipapae nepotis, anno Domini M. CCCC. XV. Atque vnicum hoc admirabile exemplum sufficere poterit ad ostendendum Crucis signum, quod in plantis ipsis imprimere atque insculpere Deo optimo maximo placuit. At tamen non in arboribus ac plantis tantum, sed etiam in floribus, fructibus, herbis, atque lapidibus, pro ipsius gloria, & pro salute nostra id ipsum inscribere atque insculpere voluit. Et quidem in floribus, vt demonstrationis gratia aliquid obiter dicamus, in papauere rubeo; in cuius medio, Crucis sanctae signum mirabiliter & affabrè descriptum est.

At non Crux tantum, sed permulta etiam Domini ac Redemptoris Iesu Christi passionis mysteria, in quibusdam floribus repraesentantur. Inter quos nullum prorsus florem admiratione digniorem conspectum fuisse, aut aliquando in futurum conspici posse putauerim, eo qui in Indiarum Peru Regionibus vniuersis, & in noua Hispania passim nascitur, quem Hispani patrio gentis idiomate, *la flor de las cinco llagas* appellant. Cuius typus graphice delineatus atque coloribus pictus, Romam primum delatus est, dum hæc conscriberem, à Reuerendo Emmanuele de Villegas, Ordinis Eremitarum diui Augustini, è ciuitate Mexico oriundo; in quo admirabili ac mysteriis refertissimo flore, videtur misericordiarum Deo, omnium rerum creatori optimo maximo, potissimum placuisse, euidentissimas imagines, clarsque significationes insigniorum mysteriorum vnigeniti Filij sui passionis insculpere atque formare, vt suo tempore idololatrarum populorum illorum institutioni & conuersioni essent.

Producitur flos iste à quadam siluestri planta, quæ passim & copiosè admodum in omnibus panè Regionum illarum campestribus aruis nascitur, *Grana-dillo* Hispanicè vulgo appellata, quæ altiùs admodum erigendi sese vim à natura non obtinet, nisi stipitis aut arboris cuiuspiam fulcimento innitatur; quocircà humi ferè extenditur & serpit: sed arbori aut stipiti cuiuspiam innixa, breuissimo temporis spatio fulcri sui cacumen ascendit, quod nostrarum vitium more quibusdam viticulis suis paulatim amplexatur. Insidet flos iste quinq; virentibus foliis, quæ pro veste quadam quodammodò ei inseruiunt, conuoluuli floris instar, quem vulgò Campanellam appellant, in quo flos ipse inest, ad rosarum ipsarum similitudinem quodammodò effectus; sed longè maior: cuius tamen folia rosarum nostrarum foliis multò arctiora existunt. In Regionibus autem Peru,

Hieronymus Zurrita, Annal. lib. 12. c. 49 par. 2 tomo 3.

Io. Mariana De rebus Hispan. lib. 20. c. 7.

*Flos quinque Christi vulnerum in Peru prorsus stupendus.*



- A** Peru omnes ferè flores isti coloris sunt spadicei seu fulvi, quem vulgus noster leonatum appellat. Sed in noua Hispania albi sunt, rubeis quibusdam maculis eleganter depicti; in quorum culmine quibusdam filis siue staminibus omnes circumdati sunt, laciniarum instar, sanguinei coloris; quasi ad virgas illas, quibus Dominus cæsus est, allusionem facere videantur. Ex rosæ huius medio granum quoddam erumpit, è cuius culmine, breuis quidam truncus, ad columnæ formam emergit, quæ illius imaginem & recordationem nobis ingerit, ad quam Dominus ac Saluator noster flagellis cæsus est. Ex cuius columnæ cacumine tres ramusculi ad speciem trianguli exeunt, qui clauorum imaginem omnino referunt, illorum, quibus mundi Redemptor Cruci suffixus est. Hi verò quibusdam aliis ramusculis circumdati sunt, qui ad corollæ formam, inuicem complicantur: coronamque illam omnino referunt, qua Dominus est coronatus. In eiusdem floris medio, circa granum illud de quo superius egimus, situs siue area quædam crocei coloris existit, eius amplitudinis, quam argenteus numinus, quem Iulium vocamus, posset obtegere; in qua quinque puncta, siue parua quædam maculæ sanguinei coloris conspiciuntur, quæ quinque illas insigniores plagas, quas Christus in Cruce accepit, apertissime innuunt. Atque hinc factum est, vt quinque plagarum flos vulgò appelletur. Granum illud in medio floris consistens, ex quo columna, clauus, atque corona, vt diximus, emergunt, procedente tempore, in fructum quemdam excrefcit, qui ab ipsius plantæ nomine, *Granadillo* appellatur. Fructu autem crescente, flos ipse paulatim euanescit, non secus ac mala apud nos Punica.

*O miraculum! simul hic & clauus sacri, columnæ, & coronæ spineæ.*

- C** Excrefcit granum hoc pænè ad anserini oui magnitudinem, & vltra; imò & ad mali Massilici ex mediocribus. Cum autem ad maturitatem peruenit, croceum colorem, viridis quibusdam maculis aspersum assumit: estque liquore quodam odoris suauissimi repletus, qui moschum & ambracam odores præstantissimos pænè spirat; & gustui delicatissimus est. Confracto enim vel conciso ipsius fructus cortice, in cacumine liquor eius quasi ouum quoddam sorbetur. Sorbitione autem eius stomachus corroboratur, digestioque adiuuatur, & est optimi ac salubris nutrimenti. Columnæ, coronæ, & clauorum color, claræ viriditatem quamdam præ se fert. Corona verò, velo siue pilo quodam subtilissimo violacei coloris tota circumtegitur. Planta ipsa valde diues & copiosa est frondibus; quæ sarissæ siue lanceæ ferreæ formam referunt, ad illud idem ferrum allusionem facientes, quo Redemptoris nostri latus perfossum est. Folia autem hæceadem, vt plurimum, fructus ipsius magnitudinem quadruplo excedunt; licet locis quibusdam in tantam magnitudinem non dilatentur.

- D** Habet flos iste proprietatem quamdam ab ipsa natura insitam, qua statim occidente sole, quinque frondibus illis, quibus insidet, includitur; ita vt dum sol hemisphærium hoc nostrum illustrat, ipsosque Antipodas in tenebris & ymbra noctis sedere patitur, nihil aliud ex flore ipso appareat, quàm viridis quidam calyx, siue intumescens alabastrus, nostrarum quæ sese adhuc non aperiunt rosarum instar. Verum exoriente sole, denuò referatur; non adeò tamen, vt (nisi digitis dilateretur) liberè discerni & considerari possint, quæ eidem mirabiliter includuntur mysteria; nam campanellæ formam, quam diximus, semper retinet. Verum nos præter ipsius naturam apertum, ad rosæ cuiuspiam quæ sese in totum expanderit formam, in piorum Lectorum gratiam delineandum curauimus; vt in ipso eodem flore, ipsius, ac nostri Creatoris excelsa & mirabilia commodè contemplari possint. Cui infinitæ sapientiæ, eo forsitan pacto abditum atque in vagina quadam inclusum hunc florem formare placuit; quò innueret, admirabile Crucis & passionis suæ mysterium, Regionum illarum idololatriæ



gentibus occultum futurum, usque ad tempus ab altissima Maiestate sua preor- A  
dinatum; iuxta illud quod Apostolus his verbis prodiderat, quæ in operis huius  
Coloss. 1. Prolegomenis citauimus; nempe: *Mysterium, quod absconditum fuit à sæculis &*  
*generationibus, nunc autem manifestatum est sanctis eius, quibus voluit Deus notas fa-*  
*cere diuitias gloriæ sacramenti huius in Gentibus.* Et vt summatim hanc descriptio-  
nem tandem perstringam, planta ipsa, flos, & fructus, de quo agimus, similis est  
graphidi huic, quæ ingenti sanè animi attentione & cura delineata est coram  
quamplurimis tum conditione tum auctoritate grauibus viris, Regionum illa-  
rum incolis, atque inde oriundis; iuxta adumbrationem ac typum, quem ipsi  
etiam manu sua propria exaratum prodidère. Est autem omnino talis.



Fateor equidem diu hæsitasse me, vtrum de admirabili hoc & mysteriis pla-  
nè refertissimo flore hoc in Tractatu agendum mihi esset; res enim adeò mon-  
strosa,



Astrofa, ut ita dicam, & extra omnes naturæ terminos efficta mihi videbatur, ut iure quodammodo vereri possem, ne apud auctoritate graues viros fidem inueniret, ac ne leuitatis & nimix credulitatis notam subirem: verum enimvero, tot tamque authenticæ, omni que prorsus exceptione maiores extiterunt relationes & cognitiones, quas demum nactus sum à multis viris omni fide dignissimis, qui ad hoc vniuersi terrarum orbis theatrum Romam ex nouo illo (ut ita dicam) mundo pro variis eorum negotiis appulerunt, ut omnem hæsitacionem & scrupulum ex animo tandem mihi euellerint.

Iam deuolutus erat annus M. DC. VIIII. ad decimum tertium Kalenda-  
rum Ianuarij diem, cum inter ceteros Romanam hanc Curiam ingressus est vir <sup>Testimonia</sup>  
quidam nobilitate insignis, Capitaneus Ioannes Oforius nomine, qui in Bogota <sup>supradicto-</sup>  
nouo Regni Granatæ multo pridem domicilium contraxerat. Is amplissimam <sup>rum, omni</sup>  
mihi fidem fecit, in vniuerso tractu Indiarum Peru, ex eo loco quo Beneçuolæ <sup>exceptione</sup>  
B gubernationem ingreditur vsque ad nouæ Granatæ Regnum, atque in toto ipso <sup>maiora.</sup>  
Regno, plantam istam floremque in campestribus aruis enasci, eiusdem formæ  
& figuræ, quæ præcedenti typo demonstratur; coloris quidem spadicei seu ful-  
ui, ut superius tradidimus. Affirmabatque, eundem florem in noua Hispania,  
atque in toto tractu Guatimalæ & Aguagachæ pariter reperiri, foliis tamen al-  
bis, & rubeis maculis depictis. Addebat etiam, sancteque asseuerabat, quod si  
eiusdem Rosæ folium, seu columna, siue etiam clauus perfringatur, liquor qui-  
dam sanguinei coloris inde statim effluit, ab his scilicet, qui fului sunt colo-  
ris; verum ex his quæ albæ sunt, quasi lac quidam sanguine aspersus egreditur.  
Romam deinde venerunt duo Religiosi ex Societate IESV, quorum alter Hi-  
spanico quo loquebatur idiomate, *el Hermano Iuan Martines* appellabatur, qui  
die XXIII. Aprilis anni M. DC. IX. in Domo professæ eiusdem Societatis, coram  
Gaspare Hurtado Martinel de Carate, Toletanæ Diocesis nobilitate insigni  
C viro, ac sacræ Theologiæ Doctore, Romæ nunc commorante, ac quamplurimis  
aliis nobilibus & conditione insignibus viris astantibus asseruit, se viginti duo-  
rum annorum spatio Indias incoluisse; testatusque est vidisse se florem hunc,  
qui *la flor de las cinco legas* appellatur, ea prorsus forma, quæ supraposito typo  
ostenditur, in toto nouo Regno Granatæ, atque in prouinciis his, quæ Tocai-  
me, Vage, Carthago, Vuga, Almager, Palto, & Quito appellantur: reperiri que  
pariter in Lima, in Guamanga, Cusco, & Iuli: sancteque affirmavit, eundem  
florem ac plantam ipsam à qua producit se vidisse in vniuerso earum Regio-  
num tractu, qui trecentarum supra mille leucarum itineris dimensione meti-  
tur, à Sancta Fide scilicet vsque ad vniuersam plagam *de los Andes*, atq; aliis Re-  
gionibus quamplurimis; testaturque sæpe sæpius se sua manu fructum huius-  
modi à propria planta decerpisse & comedisse. In reliquis etiam dictis suis  
consensit cum his, quæ de planta, flore, & fructu hoc superius dicta sunt.  
D Die verò decima sexta eiusdem mensis Aprilis, socius eius, cui *el Hermano Iuan*  
*Testado* nomen est, in eadem Domo professæ ipsius Societatis, postquam omnia  
confirmasset quæ socius eius dixerat, affirmavit mihi & fidem fecit, florem  
hunc ab ipsa natura formatum ea prorsus forma atque imagine quæ in supra-  
scripto typo delineata conspicitur, in ipso Viridario etiam existere, quod Patres  
eiusdem Societatis IESV in ciuitate Mexico possident; testaturque folia habere  
alba, rubeis maculis depicta. Non multis quidem diebus postea transactis, Ro-  
mam venerunt duo Religiosi ac venerabiles Patres, Ordinis sancti Dominici;  
quorum alter appellatur Magister Alphonsus de Armeria, Prouinciæ Mexica-  
næ in noua Hispania Definitor, alter verò Frater Hieronymus de Aguero, in ipsa  
ciuitate Lima natus, quæ totius Peru caput & metropolis est. Qui quidem se-



*Umbracula ex hoc flore in Peruvia suauissima.*

cunda Septembris die eiusdem anni M. DC. IX. in Hospitio Conuentus sanctæ A  
Mariæ supra Mineruam, Romæ, non amplissimam relationem tantum, & indubitata eiusdem floris mihi fidem astruxerunt; verum idem Pater ac Magister Alphonsus de Armeria, acerrimo planè ingenio vir, eundem florem calamo & atramento manu sua eleganter mihi delineauit. Frater verò Hieronymus de Agüero socius eius, manu ad pectus admota, testatus est, ciues Limæ in pomariis ac viridariis suis, ex planta hac, quam Granadillum appellant, amplissimas pergulas, atque umbracula conficere solitos, sub quibus ad æstiuos solis ardores deuitandos insident; sæpeque ibi magna animi oblectatione cœnare consueuerunt. Ipsius enim Granadilli fructus adeò suauem & iucundum odorem spirant, vt in quodam terrestri paradiso versari sibi videantur.

Omnes insignes viri isti, rerum harum authenticas testificationes manu propria subscriptas mihi tradiderunt, quas hoc loco addere decreueram, vt ex incorruptis & integris his testibus dictis nostris plenissima fides accederet: verum dum liber hic sub prælo moram traxit, flos noster Bononiæ impressus est: B  
vbi accepi permultos præstanti ingenio viros, in eundem florem, ac planè admiranda quæ repræsentat mysteria, varias compositiones atque eximia Poëmata edidisse. Præterea ex Hispaniis, ab ipsa Serenissimi Regis Catholici Curia, flos mihi transmissus est; vbi eodem anno M. DC. IX. pariter impressus fuit. Quamobrem cum publicus adeò iam effectus sit, ac apud graues viros satis auctoritatis iam sit nactus, non illas testificationes tantum hoc loco addendas superuacaneum censui, sed etiam veritus sum, ne tædium potius quam solatium Lectoribus afferrent. Et quibusdam quidem forsitan videbimur fusiùs quam necessitas exigebat, id prosecuti; verum enimuero in hoc statim excusari iure optimo prætendimus. Nam ipsius floris qualitas, singularitas, atque momentum, id omnino postulare videbatur.

*In fructibus quibusdā & Crucis & Crucifixi imago.*

*Antiq. lectionum tom. quinto, fol. 112.*

In fructibus quoque Crucis signum sacrosanctum Deo optimo maximo C  
imprimere placuit: vt de eo potissimum fructu inter ceteros dici posset, quem recentiores Græci *μῆλον τῆς παραδείσου*, id est, Paradisi pomum vocant; quod alij etiam Musas appellant; quorum in Cypri insulæ, Hierapolis, (quam nunc Aleppum vocant) Damasci, atque vniuersæ pænè Syriæ tractu, ingens copia nascitur; quorumque species cucumerum nostratum, quos Cedruolos vulgò appellant, formam & corpus imitatur. Qui cum ad maturitatem perueniunt, molles ac teneri, nostrarum ficuum instar, odoris suauissimi, & gustatus varij & gratissimi sunt; & concisi, vnde quaque Crucis signum apertissimè, vt accepi, ostendunt. Quin etiam non Crucem tantum, sed Crucifixi ipsius referunt imaginem. Si tamen fides adhibenda est his, quæ Henrici Canisij Antiquarum lectionum monumentis prodita sunt. Verum longè admirabilior est fructus quidam ferè similis, qui in Indiarum Peru tractu, in omnibus Regionibus calidis illius Pro-  
uinciæ nascitur: qui que in noua Hispania, in insula sancti Dominici, atque in D  
magnæ Canariæ insula, ac præsertim in Conuentu sancti Francisci gignitur. Producit autem fructus iste ab arbore quadam, quam Hispani Platanum appellant; quæ singulis annis plantari solet, & ad hominis altitudinem excrescit, parum plus minùsve, longis latisque admodum frondibus. Qui quidem fructus gustui est suauissimus. Cuius medulla concisa, non Crucis tantum signum, sed ipsius Crucifixi expressam prodit imaginem: cuius rei insignes viri prædicti, amplissimam mihi fidem astruxerunt, atque inter eos præsertim Reuerendus Frater Hieronymus de Agüero, & Capitaneus Ioannes de Osorio.

Verum quid enixè laboramus exempla ab extraneis Regionibus, atque ab ipsis etiam Antipodibus petere, quibus probemus Deo optimo maximo vniuer-



**A** vniuersorum Creatori pro sua gloria, & hominum salute, sacrosanctum Crucis signum in fructibus imprimere voluisse; cum hinc Romæ ac domi (vt ita dicam) eius rei clarissimum experimentum manifestò teneamus? Certè me ad hæc perscribenda incumbente, pridie Nonarum Augusti, in primis solemnibus Vesperis festi sanctæ MARIAE ad Nives anni M. DC. IX. domum meam accesserunt duo venerabiles Religiosi, reformati Ordinis sancti Bernardi, qui Congregationis beatæ MARIAE Iulienſis Ordinis Cisterciensis appellatur, qui nomine Reuerendi Fratris Don Philippi Malabailæ, nobilitate insignis iuuenis Pedemontani; qui iam decem vel duodecim superioribus annis eundem Ordinem professus, in eo sanctè admodum viuit; enixè efflagitarunt, ne gratarer ad eorum Conuentum apud sanctam Pudentianam huius Romanæ vrbis accedere: asseuerantes percipere eum rem mihi planè singularem & admirabilem ostendere, quam pro huius Tractatus nostri de triumphante & gloriosa Cruce compilatione, ad rem maximè facere putabat: sciebat enim me his lucubrationibus per id tempus operam dare. Rogatus verò illicò accessi: mecumque perrexerunt quattuor nobilitate insignes viri; nempe Frater Hieronymus Magona Pisanus, Ordinis sancti Ioannis Ierosolymitani Miles; Ioannes Laurentius Iannatius, Ill<sup>m</sup> Cardinalis Montelpari à Secretis; Abbas Iulianus Maruscelli Florentinus, & Americus de Gallo Pistoriensis, ac sacre Theologiæ Professor. Statim verò vt Conuentum ipsum appulimus, idem Don Philippus Malabaila, ac per plures alij Religiosi Patres qui aderant, permagnam cucurbitam nobis ostenderunt, quæ cum media cōscissa fuisset, Crucis signum naturaliter in se cælatur præbebat; pulchrè adeò expressum, vt quiuis etiam excellens pictor vix melius aut elegantius exarare potuisset. Atque vt sibi ipsis nobisque cumulatiùs satisfacerent, duas alias ab ipso cucurbitario absciderunt, paruam alteram, alteram medio-crem; quæ cum nobis inspectantibus incisæ essent, Crucis signum, cunctis admirantibus, vt supposito hoc typo fideliter delineatum est, in iis apparuit. Eratque Crucis signum ipsum, in minore præsertim cucurbita, adeò venustè delineatum, vt præ admiratione nimia, ingentem animi stuporem, spiritali gaudio admiſtum, cunctis incuſſerit. Atque in ipsa cucurbita longè gratior quàm in typo erat eius aspectus. Nam in alba eiusdem cucurbitæ medulla, Crux viridis apparebat, quæ religiosa quadam atque iucunda nos omnes admiratione perfudit. Et merito quidem notatum ac præcipuè obseruatum est, in quolibet ex quattuor Crucis angulis maioris cucurbitæ, quinque seminis animulas existere: quinque inquam præcisè, neque plures aut pauciores; quasi ad quinque insigniores plagas illas, quas Christus Dominus in Cruce accepit, allusionem facere vellent. Erant autem omnino, quales graphide hac demonstrantur.

*Quin & in cucurbitis quibusdam Roma Crucis deprehensa.*



Verum



Verum enimvero, admirabilis ac merito suspicienda hæc cucurbita, Crucis A  
 signum in floris sui medio excultum longè expressius prodit atque demon-  
 strat. Quod sanè non à venerabilibus supradicti Ordinis & Conuentus Patri-  
 bus tantum obseruatum fuit, sed & ego ipse hisce oculis sæpius inspexi, per-  
 pluresque nobilitate ac dignitate insignes viri magna admiratione contempla-  
 ti sunt. Cumque vnus ex floribus prædictis ab eisdem Patribus domum meam  
 missus esset; cum liber hic,  
 quem Italico idiomate con-  
 scripseram, typis iam im-  
 pressus esset; neque alius su-  
 peresset locus, vbi eiusdem  
 floris imago collocari pos-  
 set; ne pij Lectores eius fru-  
 strarentur aspectu, illam in  
 calce Indicis statuendam  
 censui. Nunc autem in lon-  
 gè decentiorem ac sibi ma-  
 gis conuenientiore locum  
 in eorundem piorum Le-  
 ctorum gratiam transferri  
 curauimus. Est autem eius-  
 modi.



At hoc tandem demonstrationis atque exempli gratia dixisse sufficiat, dum  
 ad grauiora, quæ nobis conscribenda supersunt (vt hoc opus pro Dei optimi  
 maximi gloria ad optatum finem perducere queat) stilus noster diuino sancti Spi-  
 ritus afflatu suffultus, turgidis velis, vt ita dicam, ac secunda aura dirigitur.

## CAPVT VII.

*Quòd litterarum characteribus, quibus dictio hæc Crux conscribi-  
 tur, non tantum Crux ipsa formatur, sed aperte etiam innui-  
 tur, Christum Dominum in Cruce sponte oppetere voluisse, vt  
 mundum redimeret.*

C  
**P**RIVS QVAM sanctus Isaias Propheta, admirabilia planè ea, quæ de veri  
 Messiae incarnatione, passione & morte, Spiritus sanctus ei reuelauerat, ex-  
 planare & aperire inciperet, sciens hæc ipsa peruiacibus Iudæis non probanda  
 solum, sed vt incredibilia prorsus, & tamquam paradoxa quædam respuenda,  
 dixit: *Quis credidit auditui nostro, & brachium Domini cui reuelatum est? Et ascendet* D  
*sicut virgultum coram eo, & sicut radix de terra sitiensi. Non est species, neque decor;*  
*& vidimus eum, & non erat aspectus: & desiderauimus eum de spectum, & nouis-*  
*simum virorum, virum dolorum, & scientem infirmitatem. Et quasi absconditus vultus*  
*eius & de spectus: vnde nec reputauimus eum. Quasi diceret: Quisnam hominum*  
*erit ille, qui his quæ à nobis modò auditurus est, fidem habendam censeat? Vni-*  
*genitum nimirum Dei Filium, diuinæ potentiae brachium & fortitudinem, per*  
*quem facta sunt omnia, carnem sumpturum, & tamquam virgultum quod-*  
*dam nasciturum? vel iuxta Symmachi interpretationem, tamquam ramum de*  
*terra sitiensi? vel sine via, vt Aquila traduxit, quo virginis priuilegium*  
*ostenderet; innuens, virgultum vel ramum hunc sanctum ac benedictum, sine*  
*virili*



A virili semine à terra, quæ antea erat sine via, id est, ab immaculata Virgine sacratissima producendum. De quo virgulto, siue ramo, idem Propheta alibi prius dixerat: *Egredietur virga de radice Iesse, & flos de radice eius ascendet.*

Isaia 11.

Quis unquam hæc audiens, crediturus sit, inquit ille, & brachium Domini cui reuelatum erit? cum humilis Dei Filius homo factus, venturus sit abiecta planè ac despicibili forma, vt teterrimum & superbissimum hostem humani generis diabolum prosteruat? Non erit in eo aspectus neque decor, dum sputis turpissimè illitus, alapis impetitus, alba veste per summum ludibrium indutus, spinea corona redimitus, ac denique Cruci confixus, inter scelestos atque ini-  
 quos reputabitur. Nos & omnes sancti Patres, cunctique Dei electi aduentum eius enixè desiderauimus. Verùm quia in forma humillima & abiectissima omnium formarum quæ in cunctis hominibus fuerit, apparebit; & quia vir  
 erit doloribus oppressus, qui experientia edoctus, quales & quantæ humanæ in-  
 firmitates & miseriæ sint, optimè norit, propter labores, ærumnas, passionem, Crucem, ac mortem pro nobis exantlandam; propterea diuinitatis eius vultus adeò delitescens atque absconditus erit, vt à cæcutientibus Hebræis nullo pacto sit cognoscendus, neque Dei Filius reputandus. Quare vt alibi dixi: *Verè tu*  
*es Deus absconditus.*

*Crux Iu-  
daicæ scan-  
dalum &  
Gentibus  
stultitia,  
sed pijs Dei  
vritus.*

Isaia 45.

Postea verò quàm sanctus ac magnus hic Propheta omnia pænè, quæ verus Messias passurus erat, mirificè prædixisset (quæ humanæ quidem existimationi & iudicio incredibilia videbantur,) cumque ipse certissimè sciret, & omnia prorsus sine fallacia futura; quasi ratione comprobare vellet, cur Christus Dominus tanta passurus esset, adiecit: *Verè languores nostros ipse tulit, & dolores no-*  
*stros ipse portauit. Et nos putauimus eum quasi leprosum, & percussum à Deo, & hu-*  
*miliatum. Ipse autem vulneratus est propter iniquitates nostras, attritus est propter sce-*  
*lera nostra. Disciplina pacis nostræ super eum, & eius liuore sanati sumus.* Reuera hæc  
 C omnia, inquit, verus Messias ac mundi Saluator patietur; non suos quidem, sed nostros languores sustinens; non suos, sed nostros patiens dolores. Nos verò reputabimus eum, (neque aliter reputandum existimabimus) tamquam leprosum ab ipso Deo percussum atque depressum; vt contaminatum esse, quicumque illum sequatur, censuerimus; non secus ac iuxta legem contaminatum constat eum qui leprosum attigerit. Illum igitur morte damnatum, extra vrbs portam eiiciemus; ibique in Crucem agemus: atque illudentes ei, legem nos in hoc obseruasse putabimus, quæ extra portam ciuitatis leprosum eiiciendū præcepit.

Isaia 53.

Cumque eum reipsa vitam in Cruce profundere videbimus, arbitrabitur Deum, horribili ac probrosa morte illa, pro peccatis eius eum deprimere ac plectere voluisse: ipse autem reuera pro peccatis nostris vulnerabitur, iuxta quod iam in eius persona Regius Propheta prædixerat: *Foderunt manus meas, & pedes*  
*meos: vt plagis suis vulneribus nostris medeatur.* Prætereà nostrorum scelerum  
 D causa totus erit flagellis attritus, verberibusque contusus, ac demum in Crucem actus, pro nobis maledictus fiet, vt nos ab æterna eripiat maledictione. Nam iuxta sanctionem legis, maledictus est quicumque pendet in ligno. Quocirca disciplina pacis nostræ erit super eum. Namque omnem animaduersionem ac pœnam à Deo in nos ob nostra scelera meritò adhibendam, ipse innocentissimus, pro feruidæ suæ charitatis immensitate, pro nobis sponte subibit: pacifi-  
 cans per sanguinem suum, quem in Cruce profundet, siue quæ in terris, siue quæ  
 in cælis sunt; cum ipse sit vera pax nostra, per quem Deo reconciliati erimus: atque per liuorem sacratissimi corporis eius, quod verberibus & flagellis tam durè & asperè concidetur, clauisque & lancea tam crudeliter transuerberabitur, nos ipsi corporis & animæ integram sanitatem nanciscemur.

Ad Co-  
loss. 1.  
Ephes. 2.


At



At verò, quia rationibus his omnibus non obstantibus, quibus sanctus Propheta causam apertè prodiderat, cur verus Messias tanta passurus esset, prospiciebat peruiacacissimos Iudæos verbis suis fidem non habituros, neque in Christum credituros; cùm fieri non posse arbitraturi essent, Verbum æternum, Domini brachium & fortitudinem, humanitatem esse assumpturum, atque in humana carne tot ærumnis & opprobriis subiiciendum; ne fortè putarent dicere illum voluisse, Christum vi compulsum aliqua, talia esse passurum, tacitæ objectioni respondens, atque apertius semetipsum declarans, adiecit: *Oblatus est, quia ipse voluit.* Quasi diceret: Absurdum ne vobis videatur, ea quæ superius dixi in fidem admittere; licet iure fieri non posse iudicetis, omnium robustorum fortissimum, Verbum æternum, quod illius brachium & fortitudo est à quo omnis fortitudo promanat, ad ea quæ dixi patienda posse compelli; quandoquidem non vlla vi prorsus coactus, sed vltro ac sponte sua in sacrificium illud admirabile, quod vobis innui, offeretur.

*Sacrificiū  
Crucis, sa-  
crificium  
spontanum.*

Hæc omnia, vt rem tandem summatim perstringamus, sanctus Propheta dicere voluit, vt propensam, definitam ac determinatam voluntatem ostenderet, quæ Verbo æterno iam inde ab initio infedit, pro nimia charitate & misericordia sua, ac pro immenso amore, humanam carnem induendi, nos seruandi, ac per mortem suam in Cruce mundum redimendi. Quæ quidem constans & libera voluntas licet pluribus ac diuersis sacræ Scripturæ locis apertè probari possit, mirabile tamen dictu iure mihi videtur, vel in ipso etiam Crucis nomine id non obscurè significari. Litterarum enim characteres, quibus dictio hæc CRUX exprimitur, non Crucem ipsam tantum formant; quod reipsa fieri perspicies, si C in superiore extremitate constituta, R in dextera, V in sinistra, & X in inferiore collocaueris; sed etiam liberam quoque Christi Domini voluntatem produnt per sanctam Crucem mundum redimendi, vt ex præsentī imagine coniici licet.



*In Isaiam,  
cap. 53.*

Quocirca diuus Hieronymus, vt hanc Christi Domini liberam & vltro susceptam voluntatem pro nobis Crucem sustinendi assereret, in Isaiam Prophetam scribens appositè sic tradit: *Non enim, inquit, necessitate Crucem, sed voluntate sustinuit, dicens in Euangelio: Calicem, quem mihi dedit Pater, non bibam illum? Et ad Petrum qui scandalizabatur ad Crucis nomen, quia non nouit mysterium, & humano pauore trepidabat: Vade retro me satana, scandalum es mihi, quia non sapis ea quæ Dei sunt, sed quæ hominum. Alioquin si non propria voluntate esset oblatus, qui indicare & prædicare poterat proditorem? & Apostolis loquebatur: Omnes vos in hac nocte in me scandalum sustinebitis. Poterat eos qui ad se missi fuerant declinare, quibus occurrit intrepidus, & vltro se obtulit, dicens: Quem queritis? qui statim ceciderunt retrorsum: vocem enim præsentis Dei ferre non poterant.*

*Tractatu  
in Ioan. xl.*

Sanctus etiam Augustinus, vt hanc eandem Christi Saluatoris nostri liberam voluntatem pro nobis patiendi ostenderet, inquit: *Vtique volens passus est, & si nollet, numquam pateretur: qui si nollet, nec nasceretur. si autem hoc solum vellet, vt nasceretur tantum, & non moreretur; & quidquid vellet, faceret: quia omnipotentis Patris Filius omnipotens est. Ex ipsis rebus probemus: quia cùm voluissent eum tenere, discessit ab eis, loquitur Euangelium: & cùm voluissent eum de vertice montis præcipitare, discessit ab eis illæsus. Et quando venerunt ad eum comprehendendum, iam vendi-*



**A** venditum à Iuda proditore, cum ille putaret in potestate se habere, tradere Magistrum suum & Dominum suum: & ibi ostendit Dominus voluntate se pati, non necessitate. Nam cum eum comprehendere Iudaei voluissent, dixit illis: Quem queritis? At illi dixerunt: Iesum Nazarenum. Et ille: Ego sum. Hac voce audita, redierunt retrò, & ceciderunt. In eo quòd eos respondens deiecit, ostendit potestatem; ut in eo quòd ab eis comprehensus est, ostenderet voluntatem. Ergo quòd passus est, misericordia fuit. Traditus est enim propter delicta nostra, & resurrexit propter iustificationem nostram. Audi verba ipsius: Potestatem habeo ponendi animam meam, & potestatem habeo iterum sumendi eam. Nemo tollet eam à me; sed ego pono illam à me ipso.

Rom. 4.

Ioan. 10.

Et alibi idem Pater, ut doceret omnia quæ Christus pro nobis passus est, propria voluntate & potestate, non autem necessitate aliqua coactum, passum fuisse; hæc appositè etiam adiecit: Dominus, inquit, secundum carnem & formam serui, quam suscipere dignatus est, & contumelias passus, & vincula, & flagella, & mortuus esse manifestatur: ut omnia veridicè veritas, & nihil falsò fecisse credatur: quia potestate ac voluntate Verbum caro factum est, & natus, & passus, & mortuus, & resurrexit, nulla sua necessitate, sed voluntate & potestate. Et paulò inferiùs subdit: Nos credimus, ut in Euangelio scriptum est, quia Christus voluit pati, & quando voluit passus est. Non enim quando voluerunt Iudaei, passionem ipsam fecerunt. Volebant quidem tenere eum, & occidere, & secundum voluntatem suam iam perfecerant scelus, quod conabantur, & iam rei erant immanissimi peccati; quia volebant, etiamsi nihil fecissent: tamen ille qui potestatem habuit ponendi animam suam, quando voluit eos facere permisit; qui legionibus Angelorum potuit iubere ut Iudaei perirent, vel vno verbo suo omnes interimere. Ac demum idem sanctus Augustinus, quasi pro huius materiæ conclusione alibi subiungit: Quemadmodum nos non voluntate morimur, sic & non voluntate nascimur. Ille autem voluntate, ut oportebat exhibuit, & tamen verissime exhibuit.

De unitate Trinitatis, cōtra Manichæos, cap. 26. tomo 6.

Ibid. c. 30.

Octuaginta trium Question. Quest. 80.

**C** Sanctus autem Ioannes Chrysostomus ex verbis illis, quibus Christus Dominus Discipulos suos aliquando dum Ierosolymam ascenderent, allocutus est, prædicans eis se tradendum in manus Principum sacerdotum, morte datum, in Gentium potestatem dandum ad illudendum, & flagellandum, & crucifigendum, sequè die tertia à mortuis resurrecturum; argumentatur, atque apertè probat Christum non necessitate coactum, sed propria electione ac libera voluntate sua passum; asserens illum, qui ea quæ sibi obuentura erant prædicere sciuit & potuit, eadem etiam, si voluisset, nullo negotio effugere atque vitare potuisse. sed spontè, inquit, illum pati omnino voluisse constat, qui locum ubi pateretur, ultro ascendit: Qui futura prædicere potuit, potuit & cauere. Ignaros aduersa præueniunt, non scientes. Pati voluit, qui spontè locum, ubi pateretur, ascendit. Mors inuitis imperat, volentibus seruit. Ergo quòd volens moritur, non casus est, sed potestas. Potestatem habeo, inquit, ponendi animam meam, & potestatem habeo sumendi eam. Nemo tollit eam à me; ubi animam ponendi potestas est & sumendi, ibi moriendi non est necessitas, sed voluntas. Nemo, inquit, tollit eam à me. Si nemo, utique nec mors. Denique nec mors tollere, nec infernus potuit hunc tenere, quo iubente, tremens etiam vindictas animas, quas tenebat, amisit. Hæc sanctus Chrysostomus.

In 5. feriâ Passionis, Serm. 5. tomo 3.

**D** Diuus autem Gregorius Magnus, ut hanc eandem Christi pro nobis patienti liberam voluntatem validissimis rationibus comprobata proderet, inquit: In carne veniens Dominus non culpam nostram ex vitio, non pœnam ex necessitate suscepit. Nulla enim labe peccati pollutus, reatus nostri teneri conditione non potuit: atque ideo mortem nostram, omni necessitate calcata, cum voluit, spontè suscepit. Nos omnes cum volumus, morimur: quia ad soluendæ pœnæ debitum, culpæ nostræ conditione coarctamur. Ille autem nulli admixtus est culpæ, nulli ex necessitate succubuit pœnæ: sed

Moralium lib. 24. c. 2.

P

quia



quia culpam nostram dominando subdidit, pœnam nostram miserando suscepit. Hæc ille. A

Deuotus verò Bernardus, pia mentis contemplatione expendens mysterium illud, cùm Virgo sacratissima post purificationis suæ dies, puerum Iesum in templo præsentauerit, offerens pro eo, iuxta Legis edictum, agnum anniculum, & pullum columbæ, vel duos turtures, aut duos pullos columbarum, inquit: Oblatio ista, fratres, satis delicata videtur, ubi tantum sistitur Domino, redimitur aui-  
 bus, & illicò reportatur. Veniet, quando non in templo offeretur, nec inter brachia Si-  
 meonis, sed extra ciuitatem, inter brachia Crucis. Veniet, quando non redimetur alieno,  
 sed alios redimet sanguine proprio: quia redemptionem eum misit Deus Pater populo  
 suo. Illud erit sacrificium vespertinum, istud est matutinum. Istud quidem iucundius,  
 sed illud plenius. Illud enim tempore natiuitatis, illud iam in plenitudine ætatis. De vtro-  
 que tamen potes accipere, quod Propheta prædixit: Oblatus est, quia ipse voluit. Nam &  
 modo oblatus est, non quia opus habuit, non quia sub Legis edicto fuit, sed quia voluit. Et  
 in Cruce nihilominus oblatus est, non quia meruit, non quia Iudeus præualuit, sed quia B  
 ipse voluit. Voluntariè sacrificabo tibi Domine, quia voluntariè oblatus es pro mea salu-  
 te, non pro tua necessitate. Sed quid, fratres, nos offerimus, aut quid retribuimus illi pro  
 omnibus quæ retribuit nobis? Ille pro nobis obtulit Hostiam pretiosorem quam habuit;  
 nimirum quæ pretiosior esse non potuit. Et nos ergo faciamus quod possumus, optimum  
 quod habemus offerentes illi, quod sumus, utique nosmetipsi. Ille seipsum obtulit; tu qui  
 es, qui te ipsum offerre cunctis? Quis mihi tribuat, ut oblationem meam dignetur  
 Maiestas tanta suscipere? Duo minuta habeo Domine, corpus & animam dico: vtinam  
 hæc tibi perfectè possim in sacrificium laudis offerre. Bonum enim mihi, longèque glorio-  
 sius atque vtilius est, vt tibi magis offerar, quàm deserar mihi ipsi. Nam ad me ipsum  
 anima mea turbatur; in te verò exultabit spiritus meus, si tibi veraciter offeratur. Fra-  
 tres, morituro Domino Iudeus mortuas hostias offerebat: sed iam nunc, Vivo ego, dicit  
 Dominus, nolo mortem peccatoris, sed magis vt conuertatur & viuat. Non vult Domi-  
 nus mortem meam; & non libenter offeram illi vitam meam? Hæc est enim hostia pla- C  
 cabilis, Deo placens hostia, hostia viua. Sed in oblatione illa Domini, tres fuisse legun-  
 tur: & in oblatione nostra, tria nihilominus à Domino requiruntur. Fuit in oblatione  
 illa Ioseph sponsus Matris Domini, cuius filius putabatur, fuit & ipsa Virgo Mater, &  
 Puer Iesus qui offerebatur. Sit ergo in oblatione nostra, constantia virilis: sit continentia  
 carnis: sit conscientia humilis: sit inquam in proposito perseuerandi animus virilis: sit in  
 continentia castitas virginalis: sit in conscientia simplicitas & humilitas puerilis. Amen.

In festo  
Purificat.  
B. Virginis  
de Puero,  
Maria, &  
Iosepho,  
Sermon. 3.

Isaia 3.

Ierem. 18.  
& 33.

Quid gra-  
tus homo  
vicissim  
crucifixo  
Domino  
offerat.

Domine Iesu Christe, firma spes ac stabilis fiducia nostra, qui cùm sis vni-  
 uersorum Dominus & Creator, pro mundi tamen redemptione, & pro pecca-  
 torum salute, naturam nostram assumere dignatus es: quique humanæ fragili-  
 tatis & miseriæ experientia ipsa conscius factus, in humana carne constitutus,  
 tot laboribus & ærumnis te ipsum voluntariè subiecisti, ac pro mirabili diuinæ  
 tuæ erga nos charitatis excessu, Crucis mortem spontè subire voluisti: quid nos  
 miseri pro tot excelsarum gratiarum, atque immensorum fauorum cumulo, ti- D  
 bi dignè offerre atque rependere poterimus? Ah omnipotentissime & clemen-  
 tissime Domine, humiliter supplico, vt summæ gratiæ dono concedere digne-  
 ris nobis miseris ac mendicis seruis tuis, qui inter tot peccatorum scelera, nil præ-  
 ter corda habemus, hæc eadem saltem tibi sincerè offeramus. Atque vt tribula-  
 tionum salutarem calicem, pro culparum nostrarum expiatione libenti animo  
 accipientes, earum indulgentiam & veniam abs te consequi mereamur. Adiuua  
 Domine imbecillitatem nostram, frigida corda refoue, blæsas balbasque lin-  
 guas solue; ita vt cunctis animarum nostrarum potentiis, totisque cordium no-  
 strorum visceribus te diligentes, dignè te laudemus; tibi benedicamus, gratia-  
 rumque actiones referamus pro infinitis beneficiis quibus humano generi no-  
 stro



Astro subuenire atque opitulari dignatus es. Signa, Redemptor & Saluator noster, sanctæ & viuificæ Crucis tuæ diuino charactere atque sigillo animas nostras, & eiusdem sanctæ Crucis virtute expurga, munda, fulci, & circummuni nos; vt antiqui veteratores hostes nostri nihil in nobis deprehendant, nihilque contra nos possint aut moliantur. Quin etiam vt tibi, ô Crucifixe sanctissime, in omnibus configurati in pœna, & in resurrectionis gloria consortes fieri mereamur. Amen.

## CAPVT VIII.

*Nihil panè serium, vel quod multum referat, nisi Crucis figura interueniente, ab homine perfici posse.*

B SALVTIS nostræ percupidum adeò sese in omni tempore Deus optimus & maximus ostendit, vt iam inde ab ipsius vniuersarum rerum creationis exordio, in rebus à se formatis atque dispositis, hominem Crucis formam atque imaginem præferentem, eandem semper ante oculos suos habere voluerit; vt salutis ille suæ signum agnoscens, ac debita veneratione prosequens, ad illam sese recto tramite dirigeret. Quin etiam res ipsas Deus ita disposuit, vt nihil ferè quod magni momenti sit, sine Crucis figuræ siue imaginis interuentu homo facere queat. De quo licet alij ante nos scripserint, non tamen de eodem aliquid etiam dicere prætermitemus; eorum partem aliquam hîc referentes, quæ sancti Patres ac sacri Doctores piè atque ingeniosè scripserunt: præsertim verò cum eiusmodi res sint, quæ doctis viris, licet sæpius etiam repetitè, displicere non possunt: qui verò hæc ipsa adhuc nusquam legerint, his magnum planè fructum ac spirituale solatium afferre poterunt.

C Sanctus ergo Iustinus Martyr ( vt ab antiquioribus Patribus incipiamus ) ad Gentiles pro Christianis scribens, sic tradit: *Considerate namque, inquit, vobiscum res in ordine cunctas, an absque forma ista Crucis administrare quidquam, aut commercium aliquod habere homines queant? Mare certè quidem non scinditur, nisi trophæum hoc, quod antenna siue velum vocatur, in navi integrum maneat. Terra absque hoc non aratur. Fossores autem opus non faciunt, neque itidem manuarij artifices, nisi figuram hanc habentibus instrumentis.* Quæ quidem verba sanctus Ambrosius, siue vt alij magis autumant, sanctus Maximus Taurinensis, quodammodò declarare voluisse videtur, cum dixit: *Grande est Crucis sacramentum: & si intelligimus, per hoc signum etiam mundus ipse saluatur.* Nam cum à nautis scinditur mare, prius ab ipsis arbor erigitur, velum distenditur, vt Cruce Domini facta, aquarum fluentia rumpantur, & hoc Dominico securi signo portum salutis petunt, periculum mortis euadunt. Figura enim sacramenti quædam est velum suspensum in arbore, quasi Christus sit exaltatus in Cruce. Atque ideò, confidentia de mysterio veniente, homines ventorum procellas negligunt, peregrinationis vota suscipiunt. Sicut autem Ecclesia sine Cruce stare non potest, ita & sine arbore navis infirma est. Statim enim diabolus inquietat, & illam ventus allidit: at vbi signum Crucis erigitur, statim & diaboli iniquitas repellitur, & ventorum procella sopitur. Sed & bonus agricola, cum parat terræ solum vertere, & vitæ alimenta perquirere; non nisi per signum Crucis id facere conatur. Dum enim aratro dentale subiicit, affigit aures, stiuam inserit, figuram Crucis imitatur. Compactio enim ipsa, similitudo quædam est Dominicæ passionis. Hoc igitur Dominico signo scinditur mare, terra colitur, cælum regitur, homines conseruantur. Hæc ille.

Verùm hæc eadem panè paucioribus verbis ad posterorum memoriam prodidit Marcus Minutius Felix, in suo Octauio, inquiens: *Signum sanè Crucis*

In Apologia 2. pro Christianis.

Mysterium Crucis in nautis antenna veteribus celebr.

De Cruce Christi, Serm. 56. Tomo 5.

Itemque in aratro.



naturaliter visimus in naui, cum velis tumentibus vehitur, cum expansis palmulis la-  
bitur; & cum erigitur iugum, Crucis signum est. Nec sanè minùs accuratè aut dili-  
genter id etiam considerauit, atque his verbis commendauit Origenes: *Anten-*  
nae nauium, inquit, velorum cornua, sub figura nostra Crucis volitant. Aues quoque  
ipsae, quando in sublimiora obuoluuntur, & pendent per aëra, extensis alis, imitantur  
Crucem. Aduertendum tamen, haesitauisse nonnullos, an Homilia siue Sermo,  
in quo verba praedicta referuntur, ipsius Origenis sit; quandoquidem eiusdem  
sermonis stylus Origenianae phrasidis genuinum sonum reddere non videtur.  
Quocirca inter diui Hieronymi opera impressus etiam reperitur; ut non eo  
eiusdem operum Tomo videre licet; sic enim incipit: *Hodie verus sol ortus est*  
*mundo. Hodie in tenebris saeculi lumen exortum est.* His addantur ea quae idem san-  
ctus Hieronymus, siue quicumque alius Auctor Commentariorum in diui  
Marci Euangelium, quae inter eius opera impressa circumferuntur, scripsit, in-  
quiens: *Aues quando volant ad aethera, formam Crucis assumunt. Nauis per maria an-*  
*tenna Crucis assimilata sufflatur.* Magnus verò Pater Anastasius Synaita, Patriarcha  
Antiochenus, asseruit, non volucres tantum dum per aërem volitant, sed pisces  
etiam natantes in aquis, formam Crucis assumere. Eius autem verba ex Graecis  
Latinitati reddita, haec sunt: *Et tamen nec pisces sunt priuati figura quaternarij, cum*  
*habeant figuram Crucis; sicut etiam volucres, cum quibus facti sunt. Ipsi enim duabus*  
*alis, & capite & cauda feruntur in aëre & aquis.*

Verum quid mirum est volucres in aëre Crucis imaginem referre atque ex-  
hibere dum per aërem volant, cum Christus ipse Dominus in Sacrarum littera-  
rum codicibus aui assimilatus sit? Haec enim sacra atque caelestis aui illa est,  
quae pro hominum salute è caelo in terram deuolans, ab impiis ac perfidis au-  
cupibus Hebraeis iniquè capta & occisa est. De qua innuere voluit Propheta,  
cum dixit: *Venatione ceperunt me, quasi auem, inimici mei gratis.* Super quibus ver-  
bis sanctus Hieronymus inquit: *Auis enim nomine, ipse Dominus significatur: qui*  
*licet in terra de Virgine matre sit editus, tamen caelestia doctrinam suam & exemplo semper*  
*petit, membraque sua fide & spe, quasi duabus alis, ad superna semper subleuat, dicens*  
*in Euangelio: Regnum meum non est de hoc mundo.* De aue hac ipsa patientissimus  
Iob intelligere voluit, cum dixit: *Semitam ignorauit auis, nec intuitus est oculus vul-*  
*turis.* Quem textum sanctus Gregorius exponens, sic tradit: *Quis hoc loco auis*  
*nomine, inquit, nisi ille signatur, qui corpus carneum quod assumpsit, ascendendo ad*  
*aethera librauit? Qui aptè etiam Vulturis appellatione exprimitur. Vultur quippe dum*  
*volat, si iacens cadauer conspicit, ad esum se cadaueris deponit. Et plerumque sic in morte*  
*capitur, dum ad mortuum animal de summis venit.* Rectè ergo Mediator Dei & homi-  
num, Redemptor noster, vulturis appellatione signatur, qui manens in altitudine Diuini-  
tatis suae, quasi quodam volatu sublimi, cadauer mortalitatis nostrae conspexit in infimis,  
& sese de caelestibus ad ima submisit. Fieri quippe propter nos homo dignatus est: &  
dum mortuum animal petiit, mortem apud nos, qui apud se erat immortalis, inuenit. Sed  
huius vulturis oculus fuit ipsa intentio nostrae resurrectionis: quia ipse ad triduum mor-  
tuus, ab aeterna nos morte liberauit. Haec D. Gregorius.

Auis quoque anima nostra appellari potest, quae à rerum terrenarum depref-  
sione & vilitate, atque à peccatorum sordibus sese expedire & soluere non po-  
test, nisi sinistra ala contemplationis super temporalium rerum vanitate & in-  
constantia, atque super retributionis aut poenae immensitate atque aeternitate  
prius extensa, dexteram demum alam quoque desiderij saluandi se non expan-  
derit; & nisi omnibus nervis, totisque viribus enitens, diuino fauore adiuta, &  
inuietæ Crucis signo protecta, in altum sese extulerit. Neque euadere poterit  
auis haec infinitos laqueos, quos in captionem eius vafri & iniqui venatores, id  
est



**A** est dæmones, ferales hostes, assidue struunt; nisi orationis & eleemosynæ alas expandens atque exercens, patientiaque ac bonis operibus adhibitis, Crucis Christi sese affigens, & velut avis quædam, expansis alis ad ipsius Crucis figuram & imaginem conformans, in altum se extulerit, ac per aërem volitans, à terrestribus & mundanis affectibus se explicuerit, atque omnino seiunxerit. Orationis igitur & charitatis alas assidue expansas teneat Christianus, ut cum Propheta ipse quoque dicere valeat: *Anima nostra sicut passer erepta est de laqueo venantium.* Psal. 123.

Neque est cur miremur, quod navis malus, atque antenna, quæ eidem ex transverso adaptatur, & cui velum suspenditur, Crucis formet imaginem: naui enim in Scripturis sacris plerumque comparatur Ecclesia, quæ per huius sæculi procellis ac tempestatibus agitatum mare nauigans, sanctæ Crucis malum in media sui parte fixum atque immobilem tenet; qui ab omni naufragio & submersione eam tutissimam reddit. Hoc vnicum illud lignum est, hæc sola navis illa, in qua mundi huius periculosum pelagus transfretandi (ut ad cælestem patriam nostram, à qua expulsi fuimus, demum appellere possimus) spes nobis esse potest. Longè ab illa patria, inquit sanctus Augustinus, *proiectus eras, & fluctibus huius sæculi interrupta est via; & quæ transeat ad patriam, non est, nisi ligno portæris.* In Ioan. Tract. 2.

Quod verò sit lignum illud, quo tam importuosum hoc mare nobis transfretandi facultas est, ut ad cælestem patriam nostram redire possimus, ipse idem paulò superius declarauerat, inquiens: *Nemo enim potest transire mare huius sæculi, nisi Cruce Christi portatus.*

Idem verò sanctus Augustinus, scribens in versiculum illum Psalm. 103. *Hoc mare magnum, & spatiosum manibus: illic reptilia, quorum non est numerus: animalia pusilla cum magnis, illic naues pertransibunt:* verba sua ad Christianum dirigens, qui sanctæ Ecclesiæ vectus naui huius vitæ periculosum pertransit equor, inquit: *Noli timere, noli terreri, desidera patriam, intellige peregrinationem. Illic naues commeabunt. Ecce in eo quod terrebat commeabunt. Naues natant, & non merguntur. Naues Ecclesias intelligimus, commeant inter tempestates, inter procellas tentationum, inter fluctus sæculi, inter animalia pusilla & magna. Gubernator est Christus in ligno Crucis suæ. Illic naues commeabunt. Non timeant naues, non valde attendant ubi natent, sed à quo gubernentur. Illic naues commeabunt. Quem commeatum reperient tristem, quando gubernatorem sentiunt Christum? Commeabunt securè, commeabunt perseueranter, venient ad finem debitum, perducentur ad terram quietis.* Hæc Augustinus.

Beatissimus autem Pontifex summus & Christi Martyr fortissimus, Clemens Romanus, de sancta Dei Ecclesia sub navis metaphora loquens, ait: *Restat igitur, ut hæc navis, cursu prospero, tuta possit portum desideratæ vrbis intrare. Deo itaque indefinenter supplicetur à cunctis de prosperitate ventorum; ut nauigantes, omnem tribulationem & omne periculum superent, tamquam in mare profundum mundi isti, & vitæ humanæ pelagus nauigantes, in quo esuriendum sit & sitiendum, nuditas quoque ferenda, morbi, etiam corporis & agritudines tolerande; insuper & hominum insidiis ac dolo sæpè laborandum.* Hactenus sanctus Clemens.

Diuus verò Pater Augustinus, sub naturalium apparatusum & instrumentorum metaphora nos hortatur ac docet, ut prompti ac parati simus ad nauem conscendendum, qua ad cælestem patriam nauigemus, sic tradens: *Præparemus sitarchias, apprehendamus & ascēdamus nauem fidei simul & Crucem; nec desit anchora spes nostræ salutis: extendamus funes, diuersas virtutes; vela charitatis colligamus, inuocemus ventum prosperum, Verbum Dei: exhauriamus sentinam à peccatis, per eleemosynas mundetur conscientia. Non impediatur huius nostri cursus nauigij, operemur manibus, ut possimus. Manibus suis sentinam exhauriebat qui dicebat: Manibus meis* De Cantico nouo, & de reditu ad cælestem patriam, ac vitæ periculis, c. 2. tom. 9. Psalm. 76.



coram eo nocte, & non sum deceptus. Non negligamus nostra peccata: minuta sunt, sed multa sunt. Fluctus vnus validus irruens obruit nauem, minaturque naufragium: humor autem per rimas influens, & in sentinam veniens, nisi subinde siccetur, hoc idem facit. Ergo exhauriatur sentina, non negligatur misericordia; quia eleemosyna à morte liberat, & ipsa purgat peccata. Adsit nostra tutela Christi gratia, celeuma nostrum dulce cantemus Alleluia, vt leti ac securi ingrediamur sempiternam ac felicissimam patriam. Non metuat anima mare hoc magnum, sæculum scilicet, cuius fluctus ac turbines sentimus inimicas sæculi potestates. In Deo sperantes multi iam Sancti hos fluctus spreuerunt; multi calcauerunt, multi super eius aquas ambulantes, securi ad patriam peruenierunt: sed exurgit ventus validus, & magna tempestas, sua cuiusque cupiditas. Titubat fides in mari: clamet in te Petrus, Domine pereo: dabit manum mergenti; nec sinet perire ille, qui propter nos dignatus est super aquas ambulare. Haftenus Augustinus.

Nauis item  
anima cuiusque  
fidelis in hoc  
pelago.

De vita  
Christi,  
part. I.  
cap. 69.

Nauis præterea non Ecclesiam tantum, sed cuiusque fidelis animam mysticè quoque significat, quæ à persecutionum minacibus ventis, à tentationum B vndis numquam quiescentibus, atque à persecutionum horribilibus fluctibus in huius sæculi turbinibus ac tempestatibus concitato mari assiduè agitur. Quocirca Ludolphus Carthusianus appositè ad hoc inquit: *Mysticè nauicula est Ecclesia, vel qualibet fidelis anima, quæ fluctibus persecutionum & tentationum sæculi, modò in hereticis, modò in tyrannis, modò in falsis fratribus tunditur & turbatur.* Hæc ille. Sanctus verò Augustinus, naui denique in mari fluctuanti, cor Christiani hominis, in quo fides titubet ac vacillet, comparauit. Quamobrem ad significationem hanc Apostolorum nauem pertraxit, cum ventorum vi agitata, & minacibus vndis impetita, timorem iis attulit ne mergerentur, dum in ea Christus dormiret, inquiens: *Nam & Dominus dormiebat in mari, & ideò fluctuabat nauis, quia dormiebat Iesus. Nam si illic vigilaret Iesus, non fluctuaret nauis. Nauis tua cor tuum. Si oblitus es fidem tuam, dormit Christus: observa naufragium. Verumtamen quod restat fac, vt si dormierit, excitetur. Dicas illi: Domine exurge, perimus; vt C increpet ventos, & fiat tranquillitas in corde tuo: recedent enim omnes tentationes, aut certè nihil valebunt, quando Christus, hoc est fides tua, vigilauerit in corde tuo.*

In Psal. 34.

Verum iam tempus est, vt cordis mei nauicula vela expandat, & calami stylique remigatione in magis altum atque profundum vehatur mare, vt secundo diuinæ gratiæ vento & Spiritus sancti afflatu perducta, hunc de sancta Cruce Tractatum ad finem optatum deferat: atque vt eiusdem sanctæ Crucis, & veræ pœnitentiæ naui iam vecti, ad verum salutis portum post fluctuantem & periculosam huius agitati & æstuantis maris nauigationem perueniamus. Tu verò Domine, qui sollicitis atque defessis discipulis tuis, dum ne mergerentur, timerent, ac squallore tremoreque panè confecti in remigiis concitandis defudarent, opportunè opem tulisti, pectoris mei agitatam ac turbine obsessam ingrediari nauiculam; ac tentationum laqueis dissolutis, tribulationum ventis sedatis, animi perturbationibus compressis, perpetuam tribuas tranquillitatem: D in ambiguis consilium, in persecutionibus auxilium, in tribulationibus solatium, in aduersitatibus fortitudinem, in tentationibus vniuersis virtutem, & gratiam tum mihi, tum cunctis tuis fidelibus impertias, vt cursum hunc in pace conficiamus, & ad te tutissimum veræ salutis æternæque quietis portum feliciter peruenire valeamus, qui es gloriosus & benedictus in sæcula sæculorum. Amen.



IACOBIBOSII  
DE  
TRIVMPHANTE  
ET  
GLORIOSA  
CRUCE  
LIBERTERTIVS.

Quo sanctæ Crucis figuræ & significationes, quæ veteris & noui Testamenti sacrarum Scripturarum paginis continentur, adiectis sanctorum Patrum expositionibus, explicantur.

CAPVT PRIMVM.

*De arbore Vitæ, & de flumine quod in terrestribus Paradisi medio emanabat.*



D

VM de sanctæ Crucis figuris & imaginibus, quas Deus optimus maximus, iam inde ab ipso vniuersarum rerum creationis initio, mundo, cælo, homini, quibusdamque aliis creaturis impressit, præcedenti libro tractauerimus, consequenter agemus de eiusdem sanctæ Crucis figuris, quæ sacris Scripturis continentur. Atque vt ordine concinnè disposito procedatur, ab ipsa sacra Genesi sumemus exordium; & per magni Moyſis Pentateuchum, ac libros Iudicum ac Regum Israël percurrentes, de prædictæ sanctæ Crucis clarioribus euidetioribusque figuris & significationibus, quæ ex eorumdem sacrorum Textuum lectione eliciuntur, breuiter mentionem faciemus; sanctorum Patrum auctoritates & sententias, quibus eas approbauerunt & confirmarunt, in medium adducentes; ceteris, quæ ad hunc sensum pertrahi possent, consultò prætermittis; non breuitatis tantum causa, sed ne hîc quidquam penitus addatur, quod sacrosanctæ huius materiæ gravitati & maiestati vel minima ex parte officere aut detrahare possit. At ne proluxa harum rerum



enarratione Lectorem defatigemus, eam per capita distribuentes explicabi- **A**  
mus, & in vnoquoque eorum duas vel tres figuras coniungemus, prout mate-  
riarum ipsarum prolixitas vel breuitas exigere videbitur. Erit sanè lectio (meo  
quidem ni fallor iudicio) vnicuique pio Lectori suavis & periucunda: atque his  
quibus multos euoluendi libros tempus aut commoditas non suppetit, non pa-  
rum utilis & opportuna: quandoquidem sine vllò ipsorum labore, aut tempo-  
ris iactura, inuenient hîc pænè quidquid sancti Patres & sacri Doctores circa  
hanc materiam scripto ad posterorum memoriam transmiserunt.

Prima igitur sanctæ Crucis figura ex sacre Genesios libro, lignum illud est,  
siue arbor vitæ, quam Deus optimus maximus in Paradisi medio ab ipsa terra  
progigni voluit; de qua, in eodem sacro textu, verba hæc litteris commendata  
sunt: *Produxitque Dominus de humo omne lignum pulchrum visu, & ad vescendum*  
*suaue: lignum etiam vitæ in medio Paradisi.* Quod quidem lignum siue vitæ arbo-  
rem, complures sancti Patres sacrique Doctores sanctæ Crucis Christi certissi- **B**  
mum symbolum & figuram fuisse autumant. Quamobrem sanctus Iustinus  
Martyr in Dialogo siue disputatione sua cum Tryphone Iudæo, inquit: *Quod*

*Arbor vitæ in Paradiso, typus Crucis Christi.* *autem ligni Crucis, postquam in eo affixus est iste, quem gloriosum denuò aduenturum*  
*esse Sanctæ ostendunt litteræ, symbolum atq; notam, lignum vitæ obtinuerit quod in Pa-*  
*radiso satum fuisse dictum est, eorumq; item quæ obuentura erant iustis omnibus, audite.*

Idem quoque innuere voluit Clemens Alexandrinus, vbi de corona agens,  
breuissimè pro more suo, coronam vitæ typum esse dixit, propter ligni substan-  
tiam; ad vitæ lignum procul dubiò alludens, quod in terrestri Paradisi medio  
plantatum erat. Quocircà Gentianus Heruetus eius commentator, ipsius Cle-  
mentis verba declarans, subdit: *Dicitur etiam Crux Christi lignum vitæ per quam*  
*Vita nostra, quæ per lignum perierat, per lignum est reparata, & in integrum restituta.*  
*Nam & si morte naturali moriamur, quæ est pæna peccati; tamen & hîc Deo viuimus*  
*per vnigeniti Filij mortem, ei vniti & reconciliati, quæ est vita animæ: & quæ à nobis* **C**  
*recedit vita corporis, in Christo est absconsa, qui est vita nostra: qui cum apparuerit,*  
*Vita nostra nobis reddita, cum eo apparebimus in gloria. Quamuis autem sit auctor vi-*  
*tæ Christus, atque adeò ipsa, ut ipse vocat, Vita, & per eius Crucem vita sit nobis re-*  
*stituta; ad vitam tamen æternam, absque fide in eum qui dat vitam, non deducemur.*  
*Quomodo enim lignum in Paradiso non fuisset causa mortis protoplasto, nisi credidisset*  
*serpenti, nempe cacadamoni, qui est auctor & peccati & mortis; ita Christus qui est*  
*auctor gratiæ & vitæ, non dat vitam, nisi ei, qui habuerit fidem Sacramentis obfigna-*  
*tam. Hæc ille.*

Venerabilis autem Beda, Commentariorum eorum libro in Iob quæ sancto  
Hieronymo à quibusdam perperam tribuuntur, hanc eandem figuram ipsam  
auctoritate sua comprobata volens, de eadem pauca hæc breuiter admodum  
dixit: *De ligno autem vitæ, id est Cruce, vel de Cruce dicitur.* Quibus verbis aperte **D**  
dignoscitur, eum opinioni huic adhæsisse, ac pro constanti firmiter tenuisse, li-  
gnum nempe vitæ sanctæ Crucis indubitata figuram & præsignificationem  
extitisse. Verùm sanctus Ioannes Damascenus de eadem figura apertius sic tra-  
dit: *Pretiosam Crucem præfigurauit vitæ lignum, quod in Paradiso plantatum est à*  
*Deo. Nam posteaquam per lignum mors, oportebat per lignum donari vitam & re-*  
*surrectionem.* Quamobrem sancta Dei Ecclesia quolibet anno, in sanctæ Crucis  
Exaltationis die, salutis nostræ Auctorem summis laudibus extollens, quòd ex-  
antlata morte Crucis, quæ in arbore vitæ iam in Paradisi medio plantata præ-  
figurabatur, mortem omnium superauerit; ingenti perfusa lætitia, sic de ea-  
dem sancta Cruce concinit: *Hæc est arbor dignissima, in Paradisi medio situata, in*  
*qua salutis auctor propria morte mortem omnium superauit.*

Sanctus



A Sanctus verò Cyrillus Alexandrinus, siue potius Iodocus Clithoueus, hanc sanctæ Crucis figuram itidem approbans, asseruit, sanctam Christi Crucem, lignum illud esse vitæ, quod sacra nobis Scriptura ad memoriam reuocat, in Paradisi medio plantatum fuisse; quandoquidem ex ipsa salutaris & viuifica nobis medicina profluxit: *Hæc enim Crux, inquit, est lignum vitæ, quod in medio Paradisi plantatum esse Scriptura commemorat: quia ab ipsa, viuifica nobis & vitalis medicina processit.* Hæc Iodocus. cui sententiæ subscribit etiam Innocentius Papa Tertius, dum de sancta Cruce loquens asserit, hanc esse vitæ lignum in Paradisi medio; & de qua Auctor libri Sapientiæ dixit: *Benedictum lignum, per quod fit iustitia. Hoc est lignum vitæ, inquit, in medio Paradisi; de quo Sapiens protestatur: Benedictum lignum per quod fit iustitia; quoniam regnavit à ligno Deus.*

In Ioan.  
lib. 8. c. 17.

Mysterio-  
rum Missæ,  
lib. 2. c. 17.

Sap. 14.

Theodoretus quoque rationem explicans, cur altera ex duabus illis celeberrimis arboribus, quæ erant in Paradiso, lignum vitæ, altera verò boni & mali scientiæ lignum appellaretur; aperte innuit arborem vitæ, sanctæ Crucis figuram & significationem extitisse, propter salutem & vitam quæ ex illa processit: *Quemadmodum enim lignum Crucis, inquit, salutare dicitur, propter salutem nascentem ex fide, quæ de eo est: sic & ista ligna sunt quidem planta à terra natæ, sed propter diuinam sententiam, alterum ex his lignum vitæ nominatum est, alterum verò, quia per ipsum sentiri cœpit peccatum, appellatum est lignum cognitium boni & mali.* Hæc Theodoretus.

Quæst. in  
Genes. 26.

Sanctus verò Episcopus Moses Bar-cepha libro Commentariorum suorum de Paradiso, post varias proditas rationes, cur vitæ arbor sic appellata fuisset, hoc demum adiecit: *Alij, inquit, Crucem Christi putant arborem vitæ dici, quia ex ea promanant omnia bona spiritalia, abolito peccato atque execratione.* Et sanctus Anastasius Synaita Patriarcha Antiochenus aperte ostendit, sanctam Christi Crucem vitæ lignum appellatam, asserens, hominem, corporis sui imaginem ad Crucis formam effectam habentem (utpote qui ad Christi Crucifixi imaginem formatus est) quattuor Crucis cornua præfigurasse, quæ vitæ quoque lignum dicitur. Et Cosmas Ierosolymitanus in pio quodam Hymno, quem in sanctæ Crucis Exaltationis die composuit, deuotionis feruore inflammatum, ad beatissimam Virginem sermonem suum conuertens, ait: *Mysticus es, ô Deipara, Paradisus, illaboratè germinans Christum, à quo Crucis vitæ fera in terra plantata est arbor, per quem nunc eleuatum adorantes ipsum, te magnificamus.* Et hæc quidem circa arborem vitæ breuiter dixisse sufficiat.

De Paradi-  
so, part. 2.  
cap. 6.

S. Anastas.  
Synaita A-  
nagogic.  
contempl.  
lib. 5.

Cosmas  
Ierosol. in  
Theognia  
Hymno 12.

Secunda sanctæ Crucis figura, sanguinisque pretiosissimi quem in eâ Christus Dominus noster profudit, quæ ex sacro Genesis textu educitur, fluuius ille fuit, qui è loco voluptatis & deliciarum profluebat ad terrestrem Paradisum irrigandum; qui in quattuor postea diuidebatur capita. De quo flumine in sacro eodem Libro, iuxta vulgatam editionem nostram, hoc litteris commendatum est: *Et fluuius egrediebatur de loco voluptatis ad irrigandum Paradisum, qui inde in quattuor capita diuiditur.* Fluuius ille à loco voluptatis egressus, iuxta sacrorum Doctorum sententiam Christus Dominus noster fuit, qui ab æterni Patris sinu exiens, è cælo ad terras descendit, ut terrestrem Paradisum, id est mundum, benedictionis redemptionisque & doctrinæ suæ gratia irrigaret. Cuius sanguis pretiosissimus in quattuor Crucis capita siue cornua, quasi aqua affluentissime effusus est, ita ut inde, quasi è quattuor fluminibus erumpens, vniuersi terrarum orbis partes, Orientem, Occidentem, Septentrionem, atque Meridiem, efficacissima sua virtute irrigauerit. Ita sanè, ut terra nostra, quæ olim diuinæ maledictioni subiaccens sterilissima erat, nihilque aliud, propter peccata, quàm spinas & tribulos germinabat, nunc per Christi sanguinem Deo reconciliata, atque iterum

Fluuius ir-  
rigans Pa-  
radisum,  
signat Chri-  
sti sangui-  
nè in Cruce  
effusum.



iterum benedicta, diuina elargiente gratia, adeo fecunda effecta sit, ut bonorum operum copiosos ac Deo gratissimos fructus ferat. Quocirca hinc factum est, ut ad hoc ipsum alludendo, in vetustioribus Romanæ vrbis Basilicarum turribus, præsertim verò in ipsa sancti Ioannis Lateranensis, & sancti Clementis, aliisque pluribus, opere musuo, diuersorum colorum lapillis compacta Crux ipsa conspiciatur; ex cuius infimo cornu quattuor erumpunt flumina, quæ terrestrem Paradisum, id est mundum, copiose atque secunde irrigant.

Fontem & fluuium hunc Christum, qui manifestus & patens mundo futurus erat, postquam exaltatus in Cruce pretiosum sanguinem suum largissime profudit, cuius virtute hominum peccata diluta, idololatria profligata, demonesque deuicti fuere, innuere voluit Propheta, cum dixit: *In illa die erit fons patens domui David, & habitantibus Ierusalem, in ablutionem peccatorum & menstruatæ. Et erit in die illa, dicit Dominus exercituum, disperdam nomina idolorum de terra, & non memorabuntur ultra, & pseudopphetas, & spiritum immundum auferam de terra.* Super quibus verbis sanctus Gregorius Magnus inquit: *Fons quippe occultus est Vnigenitus Patris inuisibilis Deus. Fons verò patens est idem Deus incarnatus. Qui fons patens, rectè domus David dicitur; quia ex David genere, noster ad nos Redemptor processit.*

De eodem fonte Christo Reginus Propheta tunc intellexit, cum sermonem suum ad Deum dirigens, inquit: *Quoniam apud te est fons vitæ.* Super quo Scripturæ loco Theodoretus asserit, Dauidem sanctissimæ Trinitatis mysterium clarissime nobis aperuisse, dum vnigenitum Dei Verbum vitæ fontem appellauit; qui apud Ieremiam hoc eodem nomine semetipsum nuncupauit, dicens: *Me dereliquerunt fontem aquæ vitæ, & abierunt, & effoderunt sibi cisternas dissipatas, quæ continere aquas non valent.* Christum Dominum nostrum fontem esse, etiam sanctus Ioannes Chrysostomus affirmat his verbis: *Christus enim fons est misericordiæ, sua fluentia semper humano generi profundens.* Hæc ille. Verum sanctus Hieronymus Christum Dominum non fontem simpliciter esse tradit, sed fontem à quo flumina largissime profluunt: *Flumina ipsa, inquit, de fonte Christi currunt. Ille fons est, nos flumina sumus, si tamen meremur esse flumina. Christus fons est, Sancti flumina sunt. Qui autem inferiores sunt, riuuli sunt, alij verò torrentes sunt. Qui sunt torrentes? Qui ad horam habent aquas, & tentatione veniente siccantur.*

Sanctus autem Ambrosius sacrum textum Genesis iuxta mysticum sensum exponens, ubi de terrestri Paradiso agitur, sic tradit: *Est ergo Paradisus terra quedam fertilis, hoc est, anima secunda in Eden plantata, hoc est, in voluptate quadam vel exercitata terra, in qua anima sit delectatio.* Erat fons, qui irrigaret Paradisum. *Quis fons, nisi Dominus Iesus Christus, fons vitæ æternæ sicut & Pater? Quia scriptum est: Quoniam apud te est fons vitæ. Et flumina de ventre eius fluent aquæ viuæ.* Hic fons irrigat Paradisum, hoc est virtutes animæ eminentissimo merito pullulantis. Sed quemadmodum fons dicitur Sapientia Dei (fons enim est, secundum Euangelium dicens, Si quis sitit, veniat ad me & bibat) sicut fons vitæ est sapientia, fons gratiæ spiritualis; ita fons virtutum est ceterarum, quæ nos ad æternæ cursum dirigunt vitæ. Ex hac igitur anima quæ culta est, non ex ea quæ inculta, fons iste procedit, ut irriget Paradisum, hoc est, quedam diuersarum fruteta virtutum, quarum sunt quattuor initia, in quæ sapientia ista diuiditur. *Quæ sunt quattuor initia virtutum, nisi vnum prudentiæ, aliud temperantiæ, tertium fortitudinis, quartum iustitiæ?*

Fons nobis Christus est, inquit sanctus Bernardus, in quo sordes nostras diluere possumus, sicut scriptum est: *Qui dilexit nos, & lauit nos à peccatis nostris in sanguine suo.* Et ab hoc fonte diuinissimo quattuor flumina scatent; flumen nimirum misericordiæ, flumen sapientiæ, flumen gratiæ, & flumen charitatis.

A mi-



**A** A misericordiae flumine, subdit idem, habemus aquam remissionis ad diluendas culpas: à fonte sapientiae, ad extinguendam sitim nostram, habemus aquas discretionis: habemus è fonte gratiae, ad irrigandas plantas bonorum operum, aquas deuotionis. Quæramus nunc ad decoquendos cibos calidas atque feruentes aquas zeli & æmulationis: quandoquidem hæ sunt, quæ condiunt & decoquunt affectiones nostras, & ebulliunt de fonte charitatis. Vnde Propheta:

*Concaluit cor meum intra me, & in meditatione mea exardescet ignis.*

Psalm. 38.

Idem verò Sanctus, prophetiam illam Isaie explicans: *Haurietis aquas in gaudio de fontibus Saluatoris*, inquit: Pro Paradiso quem perdidimus, restitutus est nobis Christus Saluator. Sicut ergo de vno fonte Paradisi deriuantur quattuor flumina ad irrigandum Paradisum, ita de pectoris eius arcano procedunt quattuor fontes, ex quibus hauriuntur quattuor aquarum genera, vnde tota per vniuersum mundum rigatur Ecclesia. Sunt autem quattuor fontes: Veritas, Sapientia, Virtus, & Charitas. Ex his ergo

**B** fontibus hauriuntur aquæ: ex singulis scilicet singule. Nam de fonte veritatis sumuntur aquæ iudiciorum: de fonte sapientiae, aquæ consiliorum: de fonte virtutis, aquæ præsidiorum: de fonte charitatis, aquæ desideriorum. In aquis iudiciorum cognoscimus quid liceat vel quid non liceat. In aquis consiliorum discernimus quid expediat vel quid non expediat. Et post pauca subdit: *Quid prodest nosse quid liceat & expediat (quod vtique docent iudicia atque consilia) si posse perfici minimè contingat?* Ideò post aquas iudiciorum & consiliorum, querende sunt aquæ præsidiorum. Rursum & posse quid valet, si horum omnium non sit finis charitas? Rectè itaque post iudicia, post consilia, post præsidia, hauriuntur de fonte charitatis desideria, vt videlicet, quidquid sapimus aut loquimur, quidquid operamur aut patimur, æternæ vitæ finis concludat. Hæc ille.

Isaie 12.

In paruis Sermonibus, Ser. 66

Quattuor capita fluminis Paradisi mystice explicata.

At diuus Ioannes Chrysostomus huic metaphora nostræ adhærescens, fluuium scilicet, terrestrem Paradisum irrigantem, qui in quattuor diuidebatur capita, sacratissimum Christi sanguinem in Cruce profusum significasse, (qui Paradisum, id est animam irrigat, virtutumque & bonorum operum eam fecundam reddit) ad populum Antiochenum de sanctissimo altaris Sacramento sermonem habens, de eodem pretiosissimo sanguine, sic inquit: *Hic sanguis floridam nobis reddit Regiam imaginem. Hic decus indelebile, hic animæ generositatem tabescere non permittit, eam irrigans iugiter & nutriens. Nam ex cibis quidem sanguis in nobis nascens, non statim hoc efficitur, sed aliud quiddam: huic autem non ita, sed statim animum irrigat, & magnam inducit quamdam virtutem. Hic mysticus sanguis, demones quidem expellit & procul esse facit: ad nos autem Angelos vocat, & Angelorum Dominum. Vbi namque Dominicum viderint sanguinem, demones quidem fugiunt, concurrunt autem Angeli. Hic sanguis effusus omnem terrarum ambitum abluit. Hic sanguis adyta mundaui, & sancta sanctorum. Si verò figura ipsius tantam habuit virtutem, & in Hebræorum templo, & in Aegypti medio, superliminaribus inunctis; multò magis Veritas. Hic sanguis aureum altare sanctificauit: sine hoc Pontifex adyta non audebat intrare. Hic sanguis Sacerdotes creabat, hic in figuris peccata purgabat. Si verò tantam habebat vim in figuris, si mors umbram perhorrebat; quomodo veritatem ipsam quæso non timuerit? Hic est salus animarum nostrarum; hoc abluitur anima, hoc adornatur, hoc inflammatur. Hic mentem nostram igne reddit splendidiorem; hic auro clariorem animam facit. Hic sanguis effusus est, & calum fecit accessibile. Ascendebat ex Paradiso fons, fluuios emittens sensibiles. Ex hac mensa fons ascendit, spirituales emittens fluuios. Apud hunc fontem plantæ; non infructuosæ salices, sed arbores ad ipsum calum peruenientes, fructum semper habentes maturum & immarcescibilem. Si quis æstuat, ad hunc veniat fontem & æstum refrigeret. Nam siccitates resoluit, & cuncta resouet inflammata, non à sole, sed iaculis ignitis: supernè enim principium habet, & inde radicem, vnde & deriuatur. Hic sanguis antea semper præfigurabatur in sacrificiis, & in iustorum cædibus.*

Homil. 61. ad populū Antiochenum.

Hic



*Hic terrarum orbis est pretium, hoc Christus emit Ecclesiam, hoc eam omnem adornauit. A*  
*Hæc omnia os illud aureum.*

Hic est sanguis ille, qui publicæ utilitatis ergo, & in redemptionis nostræ pretium in Cruce effusus, non demortui Domini nostri corporis tantum in sepulchro à corruptione præseruandi virtutem obtinuit, verum etiam pro ipso, & pro nobis omnibus resurrectionem de iure promeruit, & consecutus est. Quod quidem Regius Propheta, Spiritu sancto sibi reuelante, præuiderat; cum in  
 Psal. 29. ipsius Domini nostri persona prælocutus ait: *Quæ utilitas in sanguine meo, dum descendero in corruptionem?* id est, quem fructum sanguis meus in Cruce profusus hominibus attulisset, si humana caro mea, quam pro æterna vita aliis elargiendaiam assumpseram, morte interueniente, in sepulchrum descendens, corrupta atque in putredinem resoluta fuisset; & nisi die tertia à mortuis resurrexissem? Quasi diceret, Profectò nullam. Nam si ego non resurrexissem, nemo prorsus ad æternam quoque vitam proculdubio resurgeret.

At mi Domine ego planè scio, firmiterque credo, te pro inæstimabili utilitate summoque beneficio nostro pretiosum sanguinem tuum profudisse, te mortem pro nobis truculentissimam sustinuisse, & pro nobis resurrexisse: te inquam moriendo mortem nostram destruxisse, resurgendoque vitam nostram instaurasse. Quamobrem pro eiusdem sacratissimi sanguinis tui infinita meritum magnitudine, cuius virtute omnes infallibiliter resurgemus, te humiliter deprecor, ut resurgendo gratia tua donante, sic resurgamus, ut tecum per æterna sæcula vivere mereamur; ac post mortalis vitæ huius laboriosas ac lacrymosas æumnas, in æternis gaudiis tuis benignè suscepti, cum eodem sancto Propheta, & cum omnibus electis tuis hilariter concinentes, dicere possimus: Conuertisti planctum meum in gaudium mihi: conscidisti sacrum meum, & circumdedisti me lætitia: ut tibi cantet, & te laudet gloria mea, id est anima mea; ab omni compunctione & conscientie stimulo deinceps & in sempiternum æuum libera. Domine Deus meus, in æternum confitebor tibi, laudesque excelsæ maiestatis tuæ decantabo in sæcula sæculorum. Amen. B

## CAPVT II.

*De baculo, quo iustus Abel ab impio & crudeli fratre Cain occisus est: & de ligno, ex quo Arca Noë constructa fuit.*

**T**ERTIA sanctæ Crucis Christi figura, quæ ex sacro Genesis textu elicitur, fuit baculus ille, quo iustus Abel ab impio fratre suo Cain crudeliter occisus est. Cuius scelestissimi fratricidij in eodem sacro textu his verbis ad posterum commendata est memoria: *Dixitque Cain ad Abel fratrem suum: Egre diamur foras. Cumque essent in agro, consurrexit Cain aduersus fratrem suum Abel, & interfecit eum.* Verum quia ibi non exprimitur modus, neque instrumentum quo Abel interfectus fuit, hinc variæ atque diuersæ circa id sacrorum Doctorum insurrexerunt opiniones. Quidam namque eorum volunt, quod ligno, alij ferro, alij verò quod propriis manibus guttura elidens, impius ac pessimus ille eundem virum iustum interemerit. Et inter ceteros sanctus Ioannes Chrysostomus opinionem hanc se imbibisse ostendit, innocentem illum videlicet cultro siue gladio interfectum fuisse. Sic enim crudelissimum fratricidium illud detestatus, inquit: *Horrendum facinus, periculosi ausus, abominabile opus, incondonabile peccatum, efferata animæ sententia: Surrexit, inquit, contra Abel fratrem suum, & occidit illum. O abominabilem manum! ô dexteram miserabilem! Imò non manum oportet vocare* D

*Varia sententia veterum de instrumento necis Abel.*  
 In Gen. 4.



**A** Vocare abominabilem & miserabilem; sed mentem, cui membrum seruit. Dicamus ergo sic: O audacem mentem & abominabilem, & miserabilem! & quidquid dici potest, non satis dicetur. Quomodo non obtorpuit manus? Quomodo potuit tenere gladium, & infligere plagam? Hæc Chrysostomus. Sanctus quoque Isidorus Hispalensis eandem opinionem se tenuisse ostendit. Sic enim ille de vita & morte Sanctorum scribit: Abel filius Adam, & pastor ouium, in vita innocens, in morte patiens, post mortem non silens: in martyrio primus, in obedientia summus, in sacrificiis Deo placens, in meritis fratri displicens: quem Cain impius, & fratricida nouus, ira stimulante, inuidia innocuum, ferro mundum, sanguine immaculatum prostrauit; cum adhuc innocens ferrum, cruoris humani facinus non haberet.

Fortissimus verò Christi Martyr & Pontifex Cyprianus eius sententiæ fuit, innocentem nimirum Abel, à crudeli fratre Cain non ferro sed propriis manibus strangulatum occubuisse. Ita enim de eodem memorabili atque horribili

**B** facinore, poetice cecinit:

*Nec tamen his fractus, fratrem deducit ad arua;  
Atque ubi deprensus deserto in gramine vidit,  
Elidit geminis frangens pia guttura palmis.*

Carminem  
in Gen.

Sed veritati longè magis consentaneum esse videtur, Cain baculo potius quàm ense, vel cultro, aut strangulatione fratrem interemisse. In eo namque rerum principio, enses & cultros vsui adhuc sese non ingessisse crediderim: manibus verò guttura ei fregisse, difficile admodum videtur; Abel enim non adeò puerulus esse debebat, ut quoquomodo seipsum defendere nequisset, præsertim verò Scriptura attestante, eum pastorem ouium fuisse. Verum quouis modo Abel occisus fuerit; constat mortem eius, Christi Domini nostri passionis & Crucis indubitatam figuram extitisse. Quocirca in Silua Allegoriarum dicitur: Est autem Abel manifesta Christi figura, eiusque passionis. Nam cum est frater Cain, Christus est

Probabilissimum,  
Abel lignum  
à fratre  
trucidatum.

Abel typus Christi;  
Cain Iudeorum.

**C** frater Iudeorum, ex quorum est genere natus: ut ille iustus, ita Christus iustissimus, omnisque auctor iustitiæ. Ille pastor ouium Christus de se ait: Ego sum Pastor bonus. Illius munera grata fuere Deo; Christus suo munere genus humanum Deo reconciliauit. Ille obtulit oues; Christus seipsum, qui tamquam ouis ad occisionem ductus est, & quasi agnus coram tondente se obmutuit. Ille per inuidiam occisus est à fratre; Christus per inuidiam à fratre suo populo Iudeorum, qui dicebant: Quid facimus, quia hic homo multa signa facit? Ille occisus est in agro; Christus extra portam passus est, in monte Caluario. Et quemadmodum Abel plurimam aut vberiore hostiam obtulisse dicitur quàm Cain, ut ait Paulus; ita Christus vnica sui oblatione vberiore hostiam obtulit, quàm fuerint omnia veteris Legis sacrificia, quæ simul omnia iustificationem afferre non valuerunt.

Ioan. 10.

Rom. 11.

Quod Abelis mors Saluatoris nostri Iesu Christi passionem, Crucem, & mortem præfigurauerit, omnes ferè sacri Doctores testantur: quainobrem sanctus Gregorius magnus inter ceteros inquit: Nam Abel Redemptoris nostri passionem significans, agnum in sacrificio obtulit; de cuius passione Isaias ait: Sicut agnus coram tondente se obmutuit, & non aperuit os suum. & sanctus Isidorus adiecit: Abel pastor ouium Christi tenuit typum, qui erat venturus pastor, ponens animam suam pro ouibus suis, venturus rector fidelium populorum. Quod verò ad Cain attinet, ipsum videlicet Hebraici populi typum & figuram extitisse, iam pridem sanctus Ambrosius scriptis suis commendauerat, inquiens: Per Cain parricidialis populus intelligitur Iudeorum, qui Domini & auctoris sui, & secundum Mariæ Virginis partum fratris, ut ita dicam, sanguinem persecutus est. Hæc ille. Quin sanctus Augustinus vtrumque etiam affirmavit, nimirum Abel qui à Cain occisus est, Christi à Iudeis interfecti typum præ se tulisse; Cain verò qui illum interemit, Iudeos qui Dominum crucifixerunt, præfigurasse: Cain, inquit, inualecente inuidiæ vitio,

Moral. libro 29. capite 16.  
Allegor. ex Genesi 4.

De Abel & Cain, lib. 1. cap. 2.

Q

fratrem



De ciuitate fratrem insidiatus occidit: Cain autem significauit etiam Iudeos, à quibus Christus occi- A  
 Dei, lib. 15. sus est, pastor ouium hominum, quem pastor ouium pecorum præfigurauit Abel.

cap. 17.  
 Cōtra Fau-  
 stum Ma-  
 nich. lib. 12  
 cap. 9. 10.  
 & 11.

Et alibi idem Augustinus eidem figuræ insistens, Occiditur, inquit, Abel mi-  
 nor natu à fratre maiore natu. Occiditur Christus caput populi minoris natu, à populo Iu-  
 daeorum maiore natu. Ille in campo, iste in Caluarie loco. Interrogat Deus Cain, non tam-  
 quam ignarus, eum à quo discat, sed tamquam Iudex reum quem puniat, vbi sit frater  
 eius Respondit ille nescire se, nec eius esse custodem. Vsq̃ue adhuc quid nobis respondent  
 Iudei, cum eos Dei voce, hoc est, sanctarum Scripturarum voce interrogamus de Christo,  
 nisi nescire se Christum quem dicimus? Fallax enim Cain ignoratio, Iudeorum est falsa  
 negatio. Essent autem quodammodo Christi custodes, si Christianam fidem accipere, &  
 custodire voluissent. Nam qui custodit in corde suo Christum, non dicit quod Cain: Num-  
 quid ego custos sum fratris mei? Dicit Deus ad Cain: Quid fecisti? Vox sanguinis fra-  
 tris tui clamat ad me de terra. Sic arguit in Scripturis sanctis vox diuina Iudeos. Habet  
 enim magnam vocem Christi sanguis in terra, cum eo accepto, ab omnibus gentibus re- B  
 spondetur Amen. Hæc est clara vox sanguinis, quam sanguis ipse exprimit ex ore fidelium  
 eodem sanguine redemptorum. Dicit Deus ad Cain: Et nunc maledictus tu à terra, quæ  
 aperuit os suum accipere sanguinem fratris tui de manu tua, quoniam operaberis terram,  
 & non adiciet virtutem suam dare tibi: gemens & tremens eris in terra. Non dixit,  
 maledicta terra, sed, maledictus tu à terra, quæ aperuit os suum accipere sanguinem fra-  
 tris tui de manu tua. Maledictus est enim populus Iudaicus infidelis à terra, id est, ab  
 Ecclesia, quæ aperuit os suum confessione peccatorum, accipere sanguinem Christi, qui fu-  
 sus est in remissionem peccatorum, de manu persecutoris, nolentis esse sub gratia, sed sub  
 lege, vt esset ab Ecclesia maledictus, id est, vt eum intelligeret & ostenderet Ecclesia ma-  
 ledictum, dicente Apostolo: Quicumque enim ex operibus legis sunt, sub maledicto sunt  
 legis. Hæc Augustinus.

Galat. 3.

Hebr. 12.

Paulus Apostolus ad Hebræos scribens, & ad verba illa alludens quæ Deus C  
 Caino dixit: Sanguis fratris tui clamat ad me de terra; asserit Christi sanguinem mul-  
 to melius clamare, quam sanguinem Abel. Quibus verbis innuere voluit, sanguinem  
 Abel interempti Deo clamasse, vindictam contra fratricidam efflagitantem; sed  
 Christi sanguinem Deo Patri assidue clamare, pro nobis orantem. Ad quod  
 sanctus Ambrosius appositè: Beatus Paulus dicit, sanguinem Christi melius cla-  
 masse pro nobis, quam sanguinem Abel, qui ad accusandum fraternum scelus, de terra cla-  
 mauit. Christi enim sanguis ad interpellandum pro nobis de terra clamat ad Patrem.

In Epist. ad  
 Hebr. ca-  
 pite 6.

In Epist. ad  
 Hebr. c. 12

Isidorus autem clariùs verba supradicta Apostoli pariter exponens, inquit: Abel  
 adhuc mortuus loquebatur; sed Christi vox maiorem maiestatem, maioremque gloriam  
 obtinet. Sanguis Abel præterea è terra contra homicidam clamabat; sed Christi sanguis  
 Patri pro nobis verba pacis & salutis loquitur.

Item Arca  
 Noë ty-  
 pus Crucis  
 Christi e-  
 usque Ec-  
 clesie.

Quarta Crucis Domini nostri Iesu Christi figura, quæ sacro Genesis libro D  
 continetur, fuit Arca Noë, de qua Iustinus Martyr in Dialogo siue disputatio-  
 ne sua cum Tryphone Iudæo, sic ait: Christus cum primogenitus esset omnis creatu-  
 ra, & primogenitus ex mortuis, primitiæque dormientium, principium rursus alterius  
 generationis fuit, regenerati ab ipso per aquam & fidem, & lignum, quod mysterium  
 Crucis obtinet. Quomodo & Noë in ligno seruatus est vnà cum suis super aquis inue-  
 ctus. Cum ergo prophetia dicit: In Noë seruauit te: ad populum itidem fidelem & signa  
 hæc habentem loquitur. Nam virgam in manibus quoque tenens Moyses, per mare popu-  
 lum vestrum duxit. Vos autem opinamini ad genus tantummodò vestrum aut terram lo-  
 cutum esse. Omnem enim terram Sanctæ litteræ testantur diluuiò contextam fuisse, &  
 aquam supra montes omnes quindecim cubitos extitisse. Proinde apparet Deum non cum  
 terra, sed populo sibi obedienti locutum esse. Cui etiam requiem præparauit in Ierusa-  
 lem, prout per omnia diluuij symbola præmonstratum est. Dixi autem deinceps per  
 aquam



A *aquam & fidem, & lignum, eos qui se præparant, & pœnitentiam de peccatis agunt, effugituros esse futurum iudicium. Hæc Iustinus. Quæ quidem omnia ille magnus Pater Alcimus Auitus his quoque carminibus breuiter innuit:*

*Effugiet tunc ille malum, quicumque paratus  
Præduri validam edificarit tegminis arcam,  
Per lignum vitale Crucis seruatus ab undis.*

Lib. 4. de  
diluuiio  
mundi.

Quod Arca Noë fuerit figura probrosi olim, nunc verò adorandi Crucis ligni, in quo æterna & summa Dei incarnata sapientia Christus Dominus noster humanum genus à profundis atque letalibus aquis formidabilis diluuij (quod infernus est) mirabiliter seruare decreuerat; Spiritus sanctus per os Sapientis tunc etiam innuerat, cum dixit: *Propter quem, cum aqua deleret terram, sanauit iterum sa-* Sapiet. 10.  
*piencia per contemptibile lignum iustum gubernans.*

B Sanctus verò Ambrosius locis quamplurimis innuit, imò clarè ostendit, Ar-  
cam Noë Crucis Christi symbolum & figuram extitisse. Et primò quidem, vbi  
ait: *Prima disciplina pietatis, secundum Euangelium, quia per Crucem & sanguinem* In Lucæ  
*credimus Christo; cuius Abraham diem vidit, & gaudens est; cuius Noë gratiam in ty-* cap. 3.  
*po Arce figuratam spiritali cognitione præsensit.* Et alio quodam loco idem sanctus  
Pater, siue potius Prosper Aquitanicus, affirmat Arcam Noë Ecclesiam san-  
ctam significasse, lignum verò, quo eadem Arca constructa est, præfigurasse  
Crucem Domini; aquas verò diluuij sanctum Baptismum signasse, per quem  
iusti saluabuntur; inquiens: *In conseruatione autem Noë, filiorum eius, & nuruum,* De voca-  
*in quibus omnium gentium seminarium disponebatur, quanta diuinæ gratiæ opera reue-* tione Gen-  
*lata sint, sancta Scriptura manifestat; dum in illa mirandæ capacitatis Arca, uniuersi* tium, c. 4.  
*generis animalium quantum reparationi sat erat receptatrice, congregatura ad se omne*  
*hominum genus Ecclesia figuratur; dum per lignum & aquam, redemptio Crucis Chri-*  
*sti, & ablutio regenerationis aperitur; dum in iis qui ex illa mundi vastatione saluati*  
C *sunt, omnium gentium plenitudo benedicitur.*

Alibi verò ipsemet Ambrosius eandem figuram apertius explicans, inquit:  
*Volens Deus reparare quod deerat, diluuium fecit, & iustum Noë in Arcam iussit* De his qui  
*ascendere. Qui iam decedente diluuiio, coruum dimisit prius, qui non reuertitur: dimisit* mysteriis  
*columbam, quæ cum ramo oleæ legitur reuertisse. Vides aquam? vides lignum? colum-* initiantur,  
*bam aspicias, & dubitas de mysterio? Aqua est ergo, qua caro mergitur, vt omne ablua-* cap. 3.  
*tur peccatum: sepelitur illic omne vitium. Lignum est, in quo suffixus est Dominus Iesus*  
*cum pateretur pro nobis. Columba est, in cuius specie descendit Spiritus sanctus, sicut di-*  
*dicisti in nouo Testamento, qui tibi pacem animæ, tranquillitatemque mentis inspirat.*

Et vt summatim dicam, Arcam Noë Christi Crucis symbolum & figuram  
extitisse, omnes pænè sacri Doctores testantur. Quocirca Isidorus Hispalensis  
de eo sic tradit: *Quod verò Noë per aquam & lignum liberatur, lignum quippe &* Commēt.  
*aqua Crucem designant & Baptisma. Sicut enim ille cum suis per lignum & aquam* in Genes.  
D *saluatur, sic familia Christi per Baptismum & Crucis passionem sanatur. Hæc ille.* de Arca fi-  
Verum Cyrillus Alexandrinus, imò potius Iodocus Clithoueus, breuiter asseruit  
Crucem Christi sanctam, Arcam esse Noë, qua ab inundantibus vitiorum &  
peccatorum aquis seruamur: *Hæc Crux, inquit, est Arca Noë, per quam saluamur à*  
*diluuiio inundantis aque vitiorum.* ue Diluuiio  
mundi.

At non ab Arca Noë tantum euidentem Crucis figuram sancti Patres edu-  
cunt, verum etiam è numeris, è mensuris ac proportionibus, quibus Arca ipsa  
constructa fuit. Quamobrem Clemens Alexandrinus Origenis Præceptor in-  
quit: *Geometriæ testimonium sit tabernaculum quod construitur, & Arca quæ fabri-* Strōmatū  
*catur, quæ quibusdam proportionibus, quæ cum summa ratione procedunt, diuinis con-* lib. 6. c. 4.  
*struuntur inuentionibus, per donum intelligentiæ; quæ à sensibilibus ad ea quæ per spi-*



ciuntur intelligenda, vel potius ab iis ad sancta, & ad sancta sanctorum nos traducunt. **A** Ligna enim quadrata significant quadratam figuram quoquoersus peruasisse, securitatem & stabilitatem efficientem rectis angulis. Sunt autem qui trecentos cubitos longitudinis Arce, dicunt esse symbolum signi Domini.

In Genes.  
cap. 6. Ho-  
milia 2.  
Quod Apo-  
stolo pro-  
fundum  
Crucis, cur  
in Arca ty-  
po altum?

Verum Origenes, quemadmodum doctrina Magistrum suum longè vide-  
tur superasse, sic à mensuris, quas Arca Noë in longitudine, in altitudine, in  
profunditate, & in latitudine habebat, euidentissimum Crucis symbolum & fi-  
guram ad Apostoli imitationem elicuit, alium tamen sensum verè altum ac di-  
uinum eidem tribuens; sic enim tradit: *Apostolus in quodam loco, cum de mysterio*  
*Crucis sacratius loqueretur, ita ait: Ut sciatis quæ sit longitudo, & latitudo, & altitu-*  
*do, & profundum. Profundum autem & altitudo idem significant; nisi quod altitudo*  
*spatium de inferioribus videtur ad superiora metiri; profundum verò de superioribus*  
*incipere, & ad inferiora descendere. Consequenter igitur Spiritus Dei, & per Moysen*  
*& per Paulum, ingentium sacramentorum figuras enuntiat. Nam Paulus quoniam de* **B**  
*scensionis Christi mysterium prædicat, profundum nominauit, quasi de superioribus ad*  
*inferiora venientis: Moyses verò quia restitutionem designat eorum, qui per Christum*  
*de interitu & perditione sæculi, tamquam de nece diluuii, ex inferioribus ad superna &*  
*caelestia reuocantur, in mensura Arce non profundum memorat, sed altum, tamquam ubi*  
*de terrenis & humilibus ad caelestia & excelsa conscenditur. Hæc Origenes.*

De ciuita-  
te Dei, li-  
bro 15. ca-  
pite 26.

Diuus autem Augustinus non tantum probat, Noë & familiæ eius ac ani-  
malium, quæ in Arca seruata sunt, incolumitatem, Ecclesiæ Dei symbolum &  
figuram extitisse, quæ per lignum, in quo Christus Dominus noster pependit,  
saluanda erat; verum etiam mensuram ipsius Arce, humani corporis dimen-  
sioni æquiparat, in cuius forma atque substantia idem Dominus in mundum  
venit, inquit: *Imperat Deus Noë, vt Arcam faciat, in qua cum suis, id est vxore,*  
*filis, & nuribus, & cum animalibus, quæ ad illum ex Dei præcepto in Arcam ingressa*  
*sunt, liberarentur à diluuii vastitate. Proculdubio figura est peregrinantis in hoc sæculo* **C**  
*ciuitatis Dei, hoc est Ecclesiæ, quæ fit salua per lignum, in quo pependit Mediator Dei*  
*& hominum homo Christus Iesus. Nam & mensura ipsæ, longitudinis, altitudinis, la-*  
*titudinisque eius, significant corpus humanum, in cuius veritate ad homines prænutia-*  
*tus est venturus, & venit. Humani quippe corporis longitudo à vertice vsque ad vesti-*  
*gia, sexies tantum habet quàm latitudo, quæ est ab vno latere ad alterum latus: & de-*  
*cies tantum quàm altitudo, cuius altitudinis mensura est in latere, à dorso ad ventrem:*  
*velut si iacentem hominem metiaris supinum seu prorum, sexies tantum longus est à ca-*  
*pite ad pedes, quàm latus à dextera in sinistram, vel à sinistra in dexteram, & decies*  
*quàm altus à terra. Vnde facta est Arca trecentorum in longitudine cubitorum, & quin-*  
*quaginta in latitudine, & triginta in altitudine. Hactenus Augustinus.*

In Marci  
Euangel.  
Homil. 14.

Sanctus verò Ioannes Chrysostomus Arcam Noë non Crucis mysterij tan-  
tum signatricem ostendit, verum etiam ex numeris ac dimensionibus, quibus  
Arca ipsa constructa fuit, quædam alia prodit occulta & nobis proficua my- **D**  
steria, dicens: *Legimus in Genesi, quia illa Arca, quæ facta est à Noë, trecentorum cu-*  
*bitorum habuerit longitudinem, & quinquaginta latitudinis, & triginta in altum.*  
*Videte sacramenta numerorum. In quinquagenario numero pœnitentia demonstratur:*  
*siquidem quinquagesimo Psalmo Dauid Rex egit pœnitentiam. In trecentis verò nume-*  
*ris Crucis mysterium demonstratur. Diximus de Arca, de quinquagenario, de trecentis*  
*numeris; dicamus de triginta, quoniam ipsa Arca habebat altitudinis triginta cubitos,*  
*& in vnum consummabatur. Videte: quid dicitur? Primum agimus pœnitentiam in*  
*quinquaginta; deinde per pœnitentiam venimus ad Crucis mysterium: ad Crucis my-*  
*sterium venimus per perfectum Verbum, qui Christus est. Hæc ille.*

Vnde sanctus Isidorus de trecentis cubitis agens, quos Arca Noë habebat in  
longi-



A longitudine, hinc Crucis Symbolum & figuram elicit ex forma litteræ T, quæ trecentorum numerum apud Græcos exprimit, asserens in his trecentis cubitis signum ligni Passionis ostendi posse, quandoquidem ipsius litteræ T numerus signum Crucis demonstrat: *Potest quidem in his trecentis cubitis, inquit, signum ligni Passionis ostendi: ipsius enim litteræ T numerus, Crucis demonstrat signum; per quod socij Christi passionis effecti per Baptismum, longitudinem vitæ æternæ percipimus.* Hæc Isidorus. Rupertus autem Abbas ex octo personarum numero, quæ vnâ cum Noë in Arca seruatae sunt, pulchrum planè mysterium prodit, inquiens: *Ipse octonarius numerus animarum, quæ in Arca saluantur, perfectionem designat corporis Ecclesiæ, quod pereunte mundo infidelium per aquæ iudicium, quo nunc fideles ab infidelibus separantur, fide sua se saluat, & in ligno Crucis supernatat.*

In Genes.  
De Arca.De Diuini  
officii,  
lib. 8. c. 13.

B Domine igitur Deus Redemptor noster, vnica spes nostra, & vera salus animarum nostrarum, mirificæ gratiæ tuæ dono concede, vt dum in Arca Ecclesiæ sanctæ tuæ, infidi & periculosi huius sæculi maris minaces vndas percurrimus, nullus tentationis ventus, nulla vexationum tempestas, nullaque perturbationum procella à sanctæ Crucis tuæ arbore, quæ in huius felicissimæ nauis medio fixa est, euellendi aut semouendi nos vim obtineat: sed vt viua fide eidem semper firmiter adhærentes (gratia tua id nobis elargiente) tutum & desiderabilem cælestis patriæ portum tandem pertingere tuo præsidio valeamus; vbi tu cum Patre & Spiritu sancto viuis & regnas per infinita sæcula sæculorū. Amen.

## CAPVT III.

De vite, quam plantauit Noë; & de Crucis signo, quod Deus Abrahamo designauit ac præmonstrauit, cum ei iniunxit, vt terram in longitudine & latitudine sua perambularet.

C QUINTA Crucis figura quam sacer Genesios liber prodit, vitis illa fuit à Noë plantata, de qua ibidem ita scriptum est: *Cæpitque Noë vir agricola exercere terram, & plantauit vineam: bibensque inebriatus est, & nudatus est in tabernaculo suo.* Circa quam figuram sanctus Cyprianus hæc planè notatu digna, ad vtilitatem nostram, & ad posterorum memoriam litteris commendauit: *Inuenimus enim, inquit, & in Genesi, circa sacramentum Noë hoc idem præcurrisse, & figuram Dominice passionis illic extitisse; quod vinum bibit, quod inebriatus est, quod fuit recumbens nudus & patentibus femoribus: quod nuditas illa patris à medio filio denotata est, & foras nuntiata; à duobus verò, maiore & minore, contecta; & cetera, quæ necesse non est exequi; cum satis sit hoc solum complecti, quod Noë typum futurae veritatis ostendens, non aquam, sed vinum biberit, & sic imaginem Dominice passionis expresserit.* Hæc ille.

Ad Cæcilium, de sacramento  
Dominici  
Calicis,  
epist. 63.

D Verum totum hoc mysterium fusiùs atque apertiùs sanctus Hieronymus postea his verbis explicauit: *Post Diluuium mundi istius, inquit, bibit Noë, & inebriatus est in domo sua, & denudata sunt femora eius, & eius apparuit turpitudine. Et venit frater maior, & irrisit: frater autem minor textit.* Hoc totum dicitur de Salvatore, quoniam dicebat in Cruce passionis: *Pater, si possibile est, transeat à me calix iste.* Bibit & inebriatus est, & denudata sunt femora eius; & apparuit ignominia Crucis. Venit frater maior, populus Iudeorum, & irrisit, & minor populus de Gentibus textit ignominiam. Propterea maledictus Chanaam, seruus erit fratris sui. Ecce maledictio illa usque hodie perseuerat. Nos minor populus imperamus maiori populo Iudeorum. Sicut ergo Dominus in passione inebriatus est; sic & Sancti in ardore fidei quotidie inebriantur Spiritu.

Noë ebrius  
ex vite, &  
propter nuditatem  
visus, typus  
est Christi  
in Cruce  
suspensi.



ritu sancto. Tu qui die hesternum aurum colligebas, hodie proijcis, nonne apud ignotos vi- A  
deris insanus? Denique & Apostoli, quando Spiritus sanctus descenderat super eos, &  
impleuerat eos, & loquebantur variis linguis, propterea dicebantur musto pleni.

In Marci  
Euang.  
cap. 13.

Et alibi idem Hieronymus, siue quicumque alius auctor Commentariorum  
eorum in diui Marci Euangelium, quæ inter opera sua circumferuntur impres-  
sa, eandem Noë figuram Christo Domino nostro adscripsit, dum nudus in  
Cruce pendebat, quando sol tenebris offusus est, quasi tunc cælum obscuro pal-  
lio suo nuditatem eius pie tegere conaretur; dumque super Crucis ligno sangui-  
nem profunderet, tunc quasi ex vite Noë mustum proflueret; sic ait: *Facta hora  
sexta, tenebræ factæ sunt super totam terram. Hic adest Noë inebriatus ac nudatus, à cæ-  
lo & terra pallio tenebroso tectus, & ab homine irrisus. Hic stillauit sanguis de ligno.  
Hæc ille.*

In Quest.  
super Ge-  
nesim.

Et Venerabilis Beda in primis omnes mysterij huius vitis & ebrietatis Noë  
particulas, fusiùs quàm ceteri omnes ac magis appositè, Cruci & passioni Do- B  
mini Iesu Christi applicans, inquit: Jam verò illud, quod post Diluuium de vinea  
quam plantauit Noë, inebriatus est, & nudatus est in domo sua; cui non appareat Chri-  
sti esse figuram? qui inebriatus est, dum passus est; nudatus est, dum crucifixus est; in do-  
mo sua, id est in gente sua, & in domesticis sanguinis sui, utique Iudeis. Tunc enim nu-  
data est mortalitas carnis eius, quando nuditatem, id est passionem Christi videns Cham,  
derisit. Et Iudei Christi mortem videntes, subsannauerunt. Sem verò & Japhet, tam-  
quam duo populi ex circumcisione & preputio, credentes, cognita nuditate patris (qua  
significabatur passio Saluatoris) sumentes vestimentum posuerunt super dorsa sua, & in-  
trantes auersi, operuerunt nuditatem patris; nec viderunt quod verenda texerunt.  
Quodam enim modo passionem Christi velamento tegimus, id est, sacramento honora-  
mus, eiusque mysterij rationem reddentes, Iudeorum detractiōem operimus. Testimen-  
tum enim significat sacramentum, dorsa memoriam præteritorum; quia passionem trans-  
actam Christi celebrat Ecclesia, non adhuc prospectat futuram. Medius autem frater C.  
Cham, id est, impius populus Iudeorum (ideò medius, quia nec primatum Apostolorum  
tenuit, nec ultimus in gentibus credidit) vidit nuditatem patris, quia consensit in nece  
Domini Saluatoris. Post hæc nuntiavit foras fratribus. Per eum quippe manifestatum est,  
quod erat in Prophetis secretum; ideoque fit seruus fratrum suorum. Quid est enim aliud  
hodie gens ipsa, nisi quædam scriniaria Christianorum, baiulans Legem & Prophetas ad  
testimonium assertionis Ecclesiæ; ut nos honoremus per sacramentum, quod nuntiant  
illi per litteram? Hactenus Beda.

Gens Iudæa  
baiulatrix  
Legis, &  
sic famula  
Christiani-  
tatis.  
De ciuita-  
te Dei, li-  
bro 16. c. 2

Verum hæc pænè omnia, iam multo tempore ante illum sanctus Augusti-  
nus dixerat; quin etiam hæc insuper adiecerat: Christus, inquit, ipse est ille Noë,  
qui plantauit vineam, de qua dicit Propheta: Vineam Domini Sabaoth domus Israel est;  
& bibit de vino eius. Siue ille calix hic intelligatur de quo dicit: Potestis bibere cali-  
cem, quem ego bibiturus sum? & Pater, si fieri potest, transeat à me calix iste. Quo suam  
sine dubio significat passionem: siue, quia vinum fructus est vineæ, hoc potius illud signi- D  
ficatum est, quod ex ipsa vinea, hoc est, ex genere Israelitarum, carnem pro nobis & san-  
guinem, ut pati posset, assumpsit, & inebriatus est, id est, passus & nudatus. Ibi namque  
nudata est, id est, apparuit eius infirmitas, de qua dicit Apostolus: Et si crucifixus est ex  
infirmitate. Vnde idem dicit: Infirmitas Dei fortius est hominibus, & stultum Dei, sa-  
pientius est hominibus. Quod verò cum dictum esset, Et nudatus est, addidit Scriptura,  
In domo sua; eleganter ostendit, quod à suæ carnis gente, & domesticis sanguinis sui, uti-  
que Iudeis, fuerat Crucem mortemque passurus. Hanc passionem Christi, foris in sono  
tantum vocis reprobi annuntiant; non enim quod annuntiant intelligunt: probi autem  
in interiori homine habent tam grande mysterium, atque honorant intus corde infirmum  
& stultum Dei, quod fortius est & sapientius hominibus. Huius rei figura est, quod  
Cham

2. Cor. 13.

1. Cor. 1.




A Cham exiens nuntiavit foris: Sem verò & Iaphet, ut hoc velarent, id est, honorarent, ingressi sunt; hoc est, interius egerunt. Haecenus Augustinus.

Rupertus quoque Abbas non minus doctè quàm ornatè figuram hanc explicavit hoc modo: Noë (quod interpretatur requies) scilicet Dominus noster, cuius <sup>In Ioan. Euang. cap. 2.</sup> dum ingrem super nos tollimus, requiem animabus nostris invenimus: plantavit vineam; videlicet illam, quam de Ægypto transtulit, gentem Judaicam; bibensque ab ea vinum nimis amarum, imò acetum cum felle mistum; nudatus est in tabernaculo suo: scilicet in similitudinem hominum factus, verè passibilis; & habitu & veritate mortis inuentus ut homo. Quam eius infirmitatem despicit Cham (quod interpretatur callidior) id est contentiosus & impatiens, promptusque ad rixam hareticus; & quem passionis infirmitate hominem verum intelligit, dedignatur verum Deum confiteri. Propter quod, sicut Cham in filio suo Chanaam, sic & iste in posteritate, id est, in anima sua maledicitur. At verò Catholici viri, qui per Sem & Iaphet figurati sunt, eandem patris infirmitatem dignis sacramentis venerantur, scientes quia quod stultum est Dei, sapientius est hominibus; & quod infirmius est Dei, fortius est hominibus: & idcirco in regno Patris inclyti fiunt, & æternis mansionibus dilatantur. Sem enim inclytus, & Iaphet dilatatus interpretatur. Et quidem illi omnes, scilicet hæretici, cum istis in eadem Arca Ecclesiæ Baptismi aqua supernatauerunt, sed ab alienati sunt retrorsum, & à nobis exierunt, sed non erant ex nobis.

Sexta sanctæ Crucis Christi figura, quæ in sacro Genesis libro apertè & clarè admodum sese nobis prodit, illa est, quam Deus optimus maximus Abrahamo figuravit, atque descripsit, altissimis planè ac mysteriis refertissimis verbis; innuens hoc sacrosancto signo, atque admirabili instrumento, humanum genus saluare decrevisse: Leua, inquit, oculos tuos, & vide à loco, in quo nunc es, ad <sup>Genes. 13.</sup> Aquilonem, & Meridiem, & Orientem, & Occidentem; omnem terram quam conspicias, tibi dabo, & semini tuo usque in sempiternum, faciamque semen tuum sicut pulverem terræ. Si quis potest hominum numerare pulverem terræ, semen quoque tuum numerare poterit. Surge ergo, & perambula terram in longitudine & latitudine sua, quia tibi daturus sum eam. Quibus verbis Deus optimus maximus, non quattuor Crucis extremitates tantum Abrahamo designavit, cum ei dixit, ut oculos eleuans versus Aquilonem, & Meridiem, & Orientem Occidentemque prospiceret; sed voluit quòd ipsemet suis propriis gressibus formaret, suisque pedibus ipsis Crucis signum & intaginem delinearet atque imprimeret; dum ei iniunxit, ut terram perambulans, in longitudine ac latitudine sua metiretur; eandem ei se & semini suo in sempiternum daturum, & semen eius sicut pulverem terræ multiplicaturum, pollicitus. Quibus profecto sermonibus, velut pictura quadam delineavit Deus, & ante oculos ipsius Abrahami & cuiuscumque qui verba hæc diligenter expendere, sanctæ Crucis figuram atque imaginem posuit. Arbitrandum enim nobis est, Abrahamum cum hanc Diuinæ Maiestatis sponsonem accepit, in loco quopiam eminenti ac spatioso

D constituisse, vnde totum Horizontem, quasi integrum circulum vndequa; prospicere poterat. Dum verò ei Deus præcepit uturgeret, & à Septentrione ad Meridiem pergeret, terramque in longitudine sua metiretur; proculdubio rectam Crucis trabem ei designavit: rursusque dum eidem iniunxit, ut ab Oriente in Occidentem proficisceretur, transversale eiusdem Crucis lignum ei innuere voluit, formans quodammodò atque delineans ipsi Abrahamo sanctæ Crucis imaginem, huic ferè similem.



Q 4

Verum

Typus  
Crucis in  
quattuor  
mundi par-  
tibus Abra-  
he designa-  
tus.



Verum enimvero, quia veritate ipsa comprobatum non est, Deum vniuersæ A  
terræ dominium Abrahamo eiusque secundum carnem posteritati dedisse; cum  
palam sit, Regum Israelis ex semine eius descendentium dominium ultra Iu-  
dææ ac Palæstinæ confinia non extitisse; propterea clarissimum est, id num-  
quam adimpletum fuisse, nisi cum Christus in gloriosæ ac beatissimæ Virginis  
vtero incarnatus est. Tunc enim verè dici potest Abrahami semen (ex quo Vir-  
go sacratissima descendebat) dominium suum ab Oriente in Occidentem, & à  
Meridie in Aquilonem extendisse: non ex eo tantum, quod æternum Verbum  
incarnatum, Rex cæli & terræ, ex progenie illa secundum carnem descendere  
voluit; verum quia per Crucem, passionem, & mortem suam, ab ipsa tyranni-  
de ac durissima dæmonis seruitute mundum liberans, electos suos sub iurisdic-  
tionis sue, eternique & felicissimi dominij sui suavi iugo, à quattuor Orbis ter-  
rarum extremis partibus, ad fidei vnitatem redegit & congregauit, cælique he-  
redes demum constituit. Sicque intelligendum est, quod diuinus Psalter inquit: B

Psal. 71. *Et dominabitur à mari vsque ad mare, & à flumine vsque ad terminos orbis terræ; &  
quæ sequuntur. Quod in Salomone, cui Psalmus ille titulo directus est, num-  
quam adimpletum fuit; benè autem in Christo mystico Salomone, ac vero  
Rege pacifico. Quod optimè Augustinus in eiusdem Psalmi proœmio anim-*

In Psal. 71. *aduertit, dum ait: In Salomonem quidem Psalmi huius titulus prenotatur: sed hæc in  
eo dicuntur, quæ non possunt illi Salomoni Regi Israel secundum carnem, iuxta ea quæ de  
illo sancta Scriptura loquitur, conuenire; Domino autem Christo aptissimè possunt. Vnde*

Promissum *intelligitur etiam ipsum vocabulum Salomonis ad figuratam significationem adhibitum,  
Abraha ut in eo Christus accipiatur. Salomon quippe interpretatur pacificus: ac per hoc, tale vo-  
cabulum illi verissimè atque optimè congruit, per quem Mediatorem, ex inimicis, accepta  
non in Sa- cabulum illi remissione peccatorum, reconciliamur Deo. Etenim cum inimici essemus, reconciliati sumus  
lomone, sed in Christo Deo per mortem Filij eius. Idem ipse est ille pacificus, qui fecit vtraque vnum, & me-  
dium parietem maceræ soluens, inimicitias in carne sua, Legem mandatorum decretis  
demum im- pleum.*

Ioan. 14. *euangelizauit pacem his qui longè, & pacem his qui propè. Ipse in Euangelio dicit: Pa-  
cem relinquo vobis, pacem meam do vobis.*

Quod autem per longitudinem & latitudinem, in Scripturis sacris Crux  
sancta intelligi consueuerit, altissimis verbis innuerat Apostolus, cum totus de-  
siderio exardesceret, ut Ephesij sanctæ Crucis admirabile mysterium cogno-

Ad Ephes. *scerent, inquiens: Huius rei gratia flecto genua mea ad Patrem Domini nostri Iesu  
cap. 3. Christi, ex quo omnis paternitas in cælis & in terra nominatur; ut det vobis secundum  
diuitias gloriæ suæ, virtute corroborari per Spiritum eius in interiorem hominem, Christum  
habitare per fidem in cordibus vestris: in charitate radicati & fundati, ut possitis  
comprehendere cum omnibus Sanctis, quæ sit latitudo, & longitudo, & sublimitas, &  
profundum. Super quibus verbis sanctus Augustinus ait: His enim Apostoli verbis*

De verbis *Crux quodammodo nobis ante oculos constituta est. Habet enim latitudinem, in qua ma-  
Apostoli, nus figuntur: habet longitudinem, quod inde vsque ad terram ducitur lignum: habet &  
Serm. 7. altitudinem, quod ab ipso transuerso, in quo figuntur manus, excedit aliquantum, vbi ca-  
cap. 3. put crucifixi ponitur: habet & profundum, hoc est, quod in terra figitur & nō videtur.*

Deinde declarans, quid longitudo ista, quid latitudo, quid altitudo, & quid  
profunditas hæc iuxta mysticum sensum significet, alibi adiecit: Latitudo, in-  
quit, est in bonis operibus; longitudo in longanimitate & perseverantia bonorum ope-  
rum: altitudo in supernorum expectatione premiorum. Propter quam altitudinem tibi  
dicitur ut sursum cor habeas. Benè operare, & in bonis operibus perseuera; propter be-  
neficia Dei, terrena pro nihilo existimes: faciendo enim bona opera, quasi habuisti longi-  
tudinem; sed terrena conquirendo, non habuisti altitudinem. Adde profundum: gratia  
Dei

In festo  
omnium  
Sanctorum,  
Serm. 14.



A *Dei est in occulto voluntatis eius. Quis enim cognouit sensum Domini? aut quis consiliarius eius fuit? Et iudicia Dei abyssus multa.*

Tu igitur Domine Redemptor noster, cuius altissima iustitia, sicut montes Dei, impiis est incomprehensibilis; & cuius profundissima iudicia abyssus multa sunt (quorundam enim miseris, quosdam autem permittendo finis ut errorum ac peccatorum suorum tenebris immergantur) illumina corda nostra, multiplica super nos misericordiam tuam, & gratiæ tuæ dono nobis concede, ut in humanæ huius peregrinationis itinere, per quattuor sanctæ Crucis semitas, recto semper tramite ambulantes, in bonorum operum latitudine, in perseverantiæ longitudine, in spei altitudine, & in humilitatis profunditate, sic exerceamus nos, ut à misericordiæ tuæ dextera deducti, ad te fontem vitæ, & omnium bonorum originem demum peruenire valeamus; ibique in beatæ æternitatis tuæ iucunditate, & in perenni tuo cælorum regno, adoremus, laudemus ac

B magnificemus te, per infinita sæcula sæculorum. Amen.

## CAPVT IV.

*De Abrahami expeditione, qui trecentis decem & octo vernaculis suis ad arma excitatis, quattuor illos Reges, qui Sodomorum & Gomorrhæorum urbes diripuerant, aggressus debellavit; nepotemq; suum Lot in libertatem vindicavit. Et de vitulo, quem idem Abraham sub quercu, in valle Mambre, tribus his viris qui ei apparuerant, comedendum apposuit.*

C SEPTIMA sanctæ Crucis Christi Domini nostri figura, quæ in sacro Genesis textu nobis innuitur, expeditio siue bellicum illud facinus Abrahæ fuit, qui cum accepisset Lot nepotem suum captum, & unâ cum vxoribus ac filiis, vniuersaque familia & substantia eius, captiuum abduci à quattuor Regibus illis, qui quinque alios Reges prælio deuicerant, Sodomitasque & Gomorrhæos depopulati fuerant; numeratis trecentis decem & octo vernaculis suis ad arma pertractanda idoneis, quattuor Reges illos insecutus, intempestaque nocte repente adortus debellavit, & in fugam vertit, nepoteque suo Lot è vinculis & hostium manibus erepto, vniuersam familiam & substantiam eius recuperavit. Cuius notatu planè digni facinoris mentio his verbis in sacro eodem textu commendata est litteris: *Cum audisset Abram, captum videlicet Lot fratrem suum; Genes. 14. numeravit expeditos vernaculos suos trecentos decem & octo, & persecutus est eos usque Choba, quæ est ad leuam Damasci: reduxitque omnem substantiam, & Lot fratrem suum cum substantia illius; mulieres quoque & populum.* Cuius historiæ monumentum sacri Doctores ad Crucis figuram atque mysterium pertrahentes accomodant: littera namque Græca T, quæ, ut superius diximus, Crucis est imago, apud ipsos trecentum signat; litteræ autem *ιω* & *η* numerum decem & octo; & IESVS nomen salutare inchoant. super quibus Clemens Alexandrinus inquit: *Cum enim audisset Abraham abductum fuisse Lot captiuum, trecentis decem & octo vernaculis suis numeratis hostes aggressus, vicit maximum eorum numerum. Dicunt ergo Dominici quidem signi typum, quod ad figuram attinet, esse elementum quod significat trecentos: *ιω* autem & *η* significare nomen salutare. Significari ergo eos esse Abrahæ domesticos & coniunctos, quod ad salutem attinet, qui ad signum & nomen Domini confugerunt, & superasse eos, qui ipsos abducebant in captiuitatem, & plurimas gentes, quæ eos sequebantur. Quæ verba Gentianus Heruetus eius Commenta-*

*Trecentorum decem & octo exercitus Abrahæ, quomodo typus Crucis. Stromatū lib. 6. c. 4. prope fin.*



mentator clarè admodum exponit, dicens: T littera Græca trecentos significat; cuius **A** etiam figura Crucem, quæ est signum Domini, repræsentat:  $\iota\omega\kappa$  autem  $\epsilon\tau$   $\eta\tau\alpha$ , decem & octo significant, & nomen salutare, nempe Iesum Seruatorem nostrum. Hi ergo sunt Abrahæ domestici & ei coniuncti, qui ad salutem assequendam, ad signum Domini, nempe Crucem confugiunt, & salutare eius nomen. Hi eos superant, qui eos abducebant captiuos, nempe demones, quos etiam sequebatur magna multitudo infidelium. Hæc ille.

De Abrahâ  
lib. 1.  
cap. 14.

Sanctus autem Ambrosius diligenti animi speculatione perpendens sacratissimum mysterium, quod admirabili hoc Abrahami facinore includitur, de eodem sic tradit: Quid est, inquit, numeravit? Hoc est, elegit. Unde illud non solum ad scientiam Dei refertur, sed etiam ad gratiam iustorum, quod in Evangelio dixit Dominus Iesus: Et capilli capitis vestri omnes numerati sunt. Cognovit autem Dominus qui sunt ipsius: eos autem qui non sunt ipsius, non dignatur cognoscere. Numeravit autem trecentos decem & octo, ut scias non quantitatem numeri, sed meritum electionis expressum. Eos enim adsciuit, quos dignos numero fidelium iudicavit, qui in Domini nostri Iesu Christi passionem crederent. Trecentos enim T Græca littera significat. Decem & octo autem summam  $\iota\omega\kappa$  &  $\eta\tau\alpha$  exprimunt. Fidei ergo merito Abraham vicit, non populofo exercitu. Hæc Ambrosius, qui paulò inferius in eodem tractatu adhuc de eodem Abrahami insigni facinore, & de ipsa hac sanctæ Crucis figura differens, & circa eandem mysticis sensibus pia atque iucunda gravitate ludens, hæc adiecit:

De Abrahâ  
lib. 2.  
cap. 7.

Numeravit, inquit, Abraham trecentos decem & octo vernaculos suos, & percussit eos, & persecutus est usque Chobal, quæ est ad dexteram Damasci. Hic numerus vitalis est. In ipso enim vita, si credamus in passione, in nomine Domini Iesu: nam hæc est nominis interpretatio huius, quod diximus Chobal, id est vita. Ipsa ad dexteram Damasci pulchrè esse dicitur. Agni enim ad dexteram, hædi ad sinistram. Scit exercitata mens quos ad prælium sibi adhiberet, quibus armis instrueret, quibus ducat vexillis. Non aquilarum præfert imagines, nec dracones: sed in Cruce Christi, & in Iesu nomine progreditur ad prælium: hoc signo fortis, hoc vexillo fidelis. Alibi verò idem sanctus **C** Pater, ut ostenderet Gratiano Imperatori, oportere Principes victoriarum spem in Deo, in fide, in religione, atque in Ducis excellentia & bonitate magis, quam in militum numerositate & fortitudine collocare, scripto sic eum admonuit:

In Prologo  
primi libri  
ad Gratianum.

Nosti enim, inquit, fide magis Imperatoris, quam virtute militum queri solere victoriam. Nam & Abraham trecentos decem & octo duxit ad bellum, & ex innumeris trophæa hostibus reportavit: signoque Dominicæ Crucis & nominis, quinque Regum victoriarumque turmarum subacto robore, & ultus est proximum, & filium meruit, & triumphum. Deinde verò de Arij hæresiagens, quæ in Nicæno Concilio trecentorum decem & octo Patrum sententia damnata fuit, sacratissimum Crucis mysterium, & IESV nomen quod numero prædicto secretius includitur, reuelat: eidemque Imperatori scribens ait: Accepisti sancte Imperator, eos qui talia asserunt, iure damnatos, non humana industria, non compositione aliqua: sed trecenti decem & octo, ut supra dixi, Episcopi ad Concilium conuenerunt; ut in numero eorum, per **D** signum suæ passionis & nominis, Dominus Iesus suo probaret se adesse Concilio, Crux in trecentis, IESV nomen in decem & octo est sacerdotibus. Hactenus Ambrosius.

Itē hic numerus 318.  
sacer in  
Synodo Nicæna.  
De fide, ad  
Gratianum  
Imp. lib. 1.  
cap. 9.

Comment.  
in Genes.  
cap. 10.

At sanctus Isidorus, pro huius sacræ historiæ huiusque mysteriis refertissimæ figuræ expositione, non minùs utilem, quam diuersum quemdam mysticum sensum afferens, inquit: Deinde à quinque Regibus, qui Sodomis irruerant, captum Lot, Abraham liberat; habens secum in prælio trecentos decem & octo vernaculos. Sed quid hæc victoria Abraham de quinque Regibus indicabat, quos ille fidei Pater in prælio superavit, nisi quòd fides nostra, si confirmata sit in Spiritu principali, totidem corporis nostri sensus, verbo Dei subigit? Nam sicut ille de proximo in Regibus victor extitit: ita & fides nostra pro animæ victrix, de exteriori homine triumphabit. Quod verò

non



**A** non multitudine, nec virtute legionum, sed tantum trecentis decem & octo comitibus aduersarios Principes debellauit, iam tunc in sacramento Crucis (cuius figura per T litteram Græcam in numero trecentorum exprimitur) imaginabatur! quod nos Christi passio liberaret à dominatu quinque carnalium sensuum, qui nos antea vitiis captiuatos exsuperauerant. Hæc omnia Isidorus vtiliter planè atque moraliter. Verum animaduertendum est, non quinque, sed quattuor tantum fuisse Reges, quos persecutus Abraham debellauit. Sic enim præcisè in sacro textu litteris commendatum est: Quamobrem ipsius textus veritati adhærens Clemens Alexandrinus, inquit: Abraham itaque trecentos & octodecim suis famulis, quattuor Reges subegit, qui Lot captiuum abduxerant. Pædagog. lib. 3. c. 2.

Rupertus autem Abbas sancti Ambrosij verba, quæ superius recensuimus, amplificans, de hac sanctæ Crucis figura itidem agens sic tradit: Etenim quisquis vexillum Crucis erigit, & nomen Christi prædicat, sicque legitimè certans, fanaticum errorem, siue hæreticam barbariem expugnat, & exinde non quæ sua sunt querit, sed quæ Iesu Christi, ipse quodammodo est Abram, qui cum trecentis octodecim vernaculis suis quattuor Reges deuicit, & eos qui spoliauerant, spoliavit, atque propinquum liberavit, & hoc factò, ab homine siue per hominem ditari noluit, dicens Regi Sodomorum: Quia à filo subtegminis vsq; ad corrigiam caligæ, non accipiam ex omnibus quæ tua sunt. Siquidem numerus præscriptus totus sacer est; quo & sancta Nicæna Synodus, non humana industria, non compositione aliqua, sed diuina agente prouidentia, gausa est: in qua vastator Christianitatis Arrius superatus & damnatus fuit. Huius siquidem numeri illic insigne splenduit, id est, trecenti octodecim conuocati adfuerunt Episcopi, qui numerus (ut prædictum est) totus sacer est. Nempe si Nicænis, id est Græcis, uti numerando velis elementis, T trecentos, I & H explicant decem & octo; T Crucem, I & H cum supra ducta linea, nomen IESV significant; & nota, quia hîc nomen IESV genitiuo casu, non nominatiuo effertur; & idè hîc littera sigma non additur, sed cum IH, superposita lineâ scribitur, quibus numerus octodecim completur. Sanè T littera supertransuersa lineâ deest, quæ si adderetur, iam non Crucis species, sed ipsa Crux esset.

Octaua sanctæ Crucis figura, quæ in sacro Genesis textu, sub mystico sensu continetur, arbor illa quercus est, sub qua in Valle Mambre quiescens Abraham ad æstiuum calorem deuitandum, vitulum pinguem tribus viris illis qui ei apparuerant, & in quibus vnum adorauit, comedendum exhibuit. Quandoquidem ut vitulus ille sub arbore quercu occisus & comesus est, sic Christus Dominus super sanctæ Crucis lignum mactatus est & occisus fuit. Vitulus verè immaculatus, pinguis & tener. Sic enim in sacro Euangelio seipsum nuncupauit, sub istius figuræ allegoria, atque sub parabolæ illius velamine patris familiæ, nimirum illius, qui in errabundi & prodigi filij reditu saginatum & perpinguem vitulum occidi mandauit. Super cuius sacræ historiæ expositione, Origenes hæc inter cetera: Totum, inquit, quod agit mysticum, totum Sacramentis repletum. Apponitur vitulus, ecce aliud sacramentum. Vitulus ipse non est durus, sed bonus & tener. Et quid tam tenerum, quid tam bonum, quàm est ille, qui humiliavit se pro nobis vsque ad mortem, & animam suam posuit pro amicis suis? Vitulus est ille saginatus, quem pro recepto pœnitente filio iugulauit pater. Sic enim Deus dilexit mundum, ut Filium suum vnigenitum daret pro huius mundi vita. Hæc ille.

Sanctus autem Ioannes Chrysostomus filij prodigi parabolam exponens, iisdem pænè animi sensibus vtens, quas iam Origenes litteris mandauerat, sed figuram prædictam fusiùs explicans, ait: Addit & vitulum saginatum iugulandum in conuiuij exhibitione. Sine dubio Dominum nostrum Iesum Christum, quem dedit Pater in victimam pro salute nostra. Quem vitulum nominat, propter hostiam corporis immaculati: saginatum autem verè dixit, quia pinguis & optimus in tantum est, In Genes. c. 17. Homil. 4.  
In Lucæ cap. 15.  
vt



ut pro totius mundi salute sufficiens sit ad odorem suauitatis, & nidorem immolationis A ad Deum mittere, & pro omnibus exorare. Propter quod etiam mystica ratione dictum est, Patrem dare aliis immolandum hunc vitulum, ipsum verò gaudere & epulari in vitima vituli Dei. Sic enim, inquit, dilexit hunc mundum, ut Filium suum unicum pro salute eius daret. Non ergo ipse immolauit, sed alij immolandum tradidit. Permittente enim Patre, consentiens Filius ab hominibus crucifixus est. Ipse autem Pater, qui fide nostra pascitur, & Filij pro nobis sui immolatione letatur, gaudet in reditu Filij, & conuiuatur in vitulo: quia misericordie suae fructum immolatione Filij sui gaudens Creator, acquisitione populi credentis epulatur. Haecenus Chrysostomus.

De eodem verò vitulo ab ipso Abrahamo in conuiuium exhibito sub quercus arbore, quæ sanctæ Crucis arborem præsignabat, sanctus quoque Isidorus sic inquit: *Iste autem vitulus tener, saginatus, Domini nostri Iesu Christi est corpus. Hic est vitulus Domini, qui propter salutem credentium ad aram Crucis est immolatus. Hic est vitulus Dominici corporis, qui in Euangelio pro peccatore occiditur filio. Sub ar-* B

*bore autem tres vidisse, passionis Dominicæ erat signum, cuius credentes sunt prædicatores.* Eadem pænè de verbo ad verbum venerabilis Beda libro Quæstionum suarum in Genesim inscripsit. Et ut summam dicam, omnes ferè sacri Doctores hanc vituli figuram sub quercu in valle Mambre conuiuantibus ad vescendum exhibiti, ad Christi Domini humanitatis super Crucis arbore pro nobis occisi significationem deducunt. Pro cuius demum figuræ breui conclusione addemus hîc alterius cuiusdam sancti Patris verba, qui de Crucis mysterio ac

de visibili atque inuisibili luce sermonem habens, ait: *Hæc est illa lux, quæ in conualle Mambre Abraham diuinitus illustrauit, quando sub arbore Crucis tres vidit & unum adorauit: tanta videlicet diuini luminis illustratus claritate, ut quem trinum nouit in personis, unum adorauit in maiestate.*

Tu igitur lux inuisibilis, lux, quæ omnis lucis fons es & origo; lux, quæ in omnem diffusa lucem, cunctis lucibus lucem impertiris; lux, quæ lucem inaccessibleem inhabitans, omnem hominem venientem in hunc mundum illuminas; lux, quæ fidei patrem Abrahamum sic illustrasti, ut cum te trinum in personis conspexisset, incomprehensibilem tuæ unitatis essentiam adorarit; illustramina quæso sic oculos cordis mei, ut in infidelitatis & peccati letali somno numquam obdormiam. Mihi quæ gratiæ tuæ dono præcipuo misericorditer concede, ut figurati vituli tui, pro nobis in ligno Crucis oblatis, suauitate & pinguedine sic repleatur hîc anima mea, ut labijs exultationis atque lætitiæ inter sanctas electorum tuorum acies te semper in cælis laudet os meum. Amen.

## CAPVT V.

*De lignis, quæ Isaac Abrahami filius, dum ad sui ipsius sacrificium deduceretur, propriis humeris tulit: & de scala Iacob.* D

NONA sanctæ Christi Domini nostri Crucis figura in sacro Genesis textu, illa Isaac fuere ligna quæ humeris suis portauit, dum à patre suo Abrahamo sacrificandus deduceretur. Sic enim ille ligna sacrificij sui propriis humeris detulit; sic Christus Dominus, dum æterni Patris ac sua ipsius permissione pro nobis miseris peccatoribus, super Caluariæ montem crucifigendus ducetur, graue & arduum Crucis lignum, in quo pro salute nostra immolatus & martatus est, suis ipsius humeris tulit. De qua Crucis figura Clemens Alexandrinus sic tradit: *Ipse est Isaac, qui est typus & figura Domini. Puer quidem, ut filius Abrahæ, quemadmodum Christus Filius Dei: hostia autem sicut Dominus, sed non ob-*   
 *latus*

Comment.  
in Genes.  
cap. 14.

In Quæst.  
super Ge-  
nes. tom. 8.  
fol. 204.

Diuus Be-  
nengofus  
Abbas de  
mysterio  
ligni Do-  
minici, &  
de luce vi-  
sibili, & in-  
uisibili.

Genes. 22.

Pædagogi  
lib. 1. c. 5.



A *latus est ut Dominus; ligna solum sacrificij portavit Isaac, ut lignum Dominus. Mystice Isaac lignum autem risit, pradicens fore, ut Dominus nos risu impleret, qui sanguine Domini ab in-* <sup>portans ty-</sup>  
*teritu & corruptione redempti sumus. Solummodo autem iure Isaac non passus est, qui* <sup>pus Christi</sup>  
*primas passionis partes Verbo cesserit. Quin etiam significat Domini divinitatem, dum* <sup>Crucem</sup>  
*non fuit occisus: surrexit enim post iusta facta funeris IESVS; non passus, quemadmo-*  
*dum Isaac dimissus est e sacrificio. Idem pænè, sed paucioribus verbis, magnus Di-*  
*scipulus eius Origenes dixit, qui de apertissima hac passionis & Crucis Chri-*  
*sti figura hæc ad posterorum memoriam prodidit: Quod ipse, inquit, sibi li-* <sup>In Genes.</sup>  
*gna ad holocaustum portat Isaac, illa figura est, quod & Christus ipse sibi baiulat Cru-* <sup>c. 21. Ho-</sup>  
*cem: & tamen portare ligna ad holocaustum, sacerdotis officium est. Fit ergo ipse hostia* <sup>mil. 8.</sup>  
*& sacerdos.*

B *Tertullianus pariter consueta licet breuiloquentia sua usus, eadem ferè secu-*  
*tus asseruit his verbis: Itaque inprimis Isaac, cum à patre in hostiam deditus lignum* <sup>Aduersus</sup>  
*ipse sibi portavit, Christi exitum iam tunc denotabat in victimam concessi à Patre, & li-* <sup>Marcion.</sup>  
*gnum passionis sue baiulantis. Sic sanctus quoque Cyrillus Alexandrinus, siue Iô-* <sup>lib. 3. c. 18.</sup>  
*docus Clithoueus, inter ceteras Crucis figuras quas in medium adducit, de hac*  
*eadem clarissima Isaac mentionem habens, inquit: Hæc Crux designata fuit per li-* <sup>In Ioan.</sup>  
*gna quæ humeris suis tulit Isaac, cum immolandus erat in holocaustum: nam Christi* <sup>lib. 8. c. 17.</sup>  
*humeris Crux baiulata totius mundi in se tulit pretium. Nec minùs doctè Theophy-*  
*lactus in diui Ioannis Euangelium scribens, dum admirandum contemplare-*  
*tur mysterium, quo Christus suam ipsius Crucem tulit, illum Isaac in hoc com-*  
*parauit, qui pro suo ipsius sacrificio ligna detulit, inquiens: Portans autem IESVS*  
*Crucem suam, egreditur. Abominabile enim putabant omnino vellignum attingere. Et*  
*propterea condemnato & maledicto maledictum lignum imponunt. Vide autem & in*  
*veteri typo hoc factum. Isaac enim & illic ligna portans, vadit ut immoletur. Ita & hoc*  
*loco Dominus Crucem habens vadit, quasi miles arma gerit, quibus aduersarium pro-*  
*sternat. Huius Isaac pater est Abraham, pater multarum gentium, qui est Deus super* <sup>In Ioan.</sup>  
*omnia, qui & Iudeorum est Pater & Gentium; cuius voluntate & consilio Crucem* <sup>cap. 19.</sup>  
*Filius eius portat. Verumtamen in veteri, in sola voluntate patris res stabat; (figura*  
*enim erat.) hoc autem loco, opere completur; veritas enumerat. Fortassis sicut illic Isaac*  
*dimissus est, & agnus immolatus est; ita & hoc loco diuina natura impassibilis mansit:*  
*humana autem natura, quæ & Agnus dicitur, quia Adæ erratica ovis filius, immolatur.*  
*Hæc ille.*

D *Sanctus autem Ioannes Chrysostomus, postquam sacrificij Abrahami to-*  
*tam recensuit historiam, verba hæc ad institutum nostrum appositè subiunxit:*  
*Hæc autem omnia, inquit, figura fuerunt Crucis. Propterea & Christus Iudæis dice-* <sup>In Genes.</sup>  
*bat: Abraham pater vester exultauit, ut videret diem meum, & vidit, & gauisus est.* <sup>cap. 22.</sup>  
*Quomodo vidit, qui temporibus præcessit? Per figuram, per umbram. Sicut enim hic* <sup>Homil. 47.</sup>  
*ouis oblata est pro Isaac; ita & rationalis Agnus oblatus est pro mundo: oportebat enim* <sup>tom. 1.</sup>  
*in umbra describi & præsignari antea veritatem. Vide obsecro hic quomodo omnia per*  
*umbram præfigurata sunt. Unigenitus illic, & Unigenitus hic: dilectus illic & ger-*  
*manus, dilectus hic ac germanus. Hic enim est Filius meus dilectus, in quo mihi benè*  
*complacui. A Patre ille in holocaustum offertur, & hunc Pater exposuit. Et clamat Pau-*  
*lus, dicens: Qui sanè proprio Filio suo non pepercit sed pro nobis omnibus tradidit illum:*  
*quomodo non cum illo omnia nobis daturus est? Hucusque umbra, postea rerum veri-*  
*tas magna excellentia monstratur: Agnus enim hic rationalis pro toto mundo oblatus est,*  
*totum orbem terrarum purificauit, homines ab errore liberauit, & ad veritatem ad-*  
*duxit; terram calum fecit, non elementorum immutata natura, sed conuersatione celesti,*  
*hominibus super terram degentibus allata. Propter hunc omnis demonum cultus solutus*  
*est. Propter hunc non adorantur lapides & ligna ab hominibus; & antè insensata,*



insigniti ratione non procidunt; sed omnis abiit error, & veritatis lux orbem illustravit. Hucusque Chrysostomus. A

De Abra-  
ham, lib. 1.  
cap. 8.  
In Apoc.  
c. 6. tom. 3.  
Isaac im-  
molatio,  
profundus  
typus Cru-  
cis Christi.

Sanctus autem Ambrosius historię prædictæ sensum ac significationem ad Crucis mysterium deducens, ait: Ligna Isaac sibi vexit, Christus sibi patibulum Crucis portavit. Abraham comitabatur filium, Pater Christum. Et alibi figuram hanc in omni eius particula fusiùs explicans, adiecit: Ligna ergo Isaac portavit, quia peccata nostra Christus pertulit in corpore suo super lignum; ut peccatis mortui, iustitiæ vivamus: per manus verò Abrahæ, potestas Domini nostri Jesu Christi intelligitur. In eius namque potestate fuit ut moreretur, & ut non moreretur, si vellet; sicut ipse ait: Potestatem habeo ponendi animam meam, & potestatem habeo iterum sumendi eam. Per ignem autem passio, per gladium eius mors intelligitur. Cum venisset ad locum, edificavit altare, & de super ligna composuit. Cumque colligasset Isaac filium suum, posuit eum super struem lignorum. Per altare Crux intelligitur. Crucem ergo Filius Dei, in qua homo, quem assumpserat, ut immolaretur, edificavit; quia ipso permittente factum est. Super altare verò ligna composuit, & super ligna posuit Isaac filium suum colligatum. Illud namque quod suffocare volumus, nobismetipsis supponimus, ut pondere nostro suffocetur & pereat: similiter & Redemptor noster ligna, id est peccata nostra, in Cruce pendens sibi supposuit, ut pondere suo atque virtute peccata nostra suffocarentur ac delerentur. Vincula autem Isaac afflictionem Domini in Cruce designaverunt. Hactenus Ambrosius. B

De temp.  
Serm. 71.  
tom. 10.

Sanctus verò Augustinus pro admirabilis ac diuini ingenij sui more, hanc plenissimam sacramentis figuram pariter exponens, ait: Quod verò Isaac ipse sibi ad immolandum ligna detulit, & in hoc Christum Dominum figuravit, qui ad locum passionis Crucem suam ipse portavit. De quo mysterio multò antè dictum fuerat per Prophetam: Et erit, inquit, principatus eius super humerum eius. Tunc enim Christus principatum super humerum eius habuit, quando Crucem suam admirabili humilitate portavit. Non incongruè Crux Christi significat principatum. Nam per ipsam & diabolus vincitur, & totus mundus ad Christi notitiam vel gratiam reuocatur. Et paulò inferiùs de ariete illo agens, qui vepribus hærens Abrahamo monstratus est, ut illum loco filij sui Isaac immolaret, hæc addidit: Potest tamen, inquit, & de beato Isaac, & de illo ariete, etiam sic intelligi, ut in beato Isaac significata sit diuinitas, in ariete humanitas Christi. Et quia in passione non diuinitas crucifixa creditur, idè non Isaac, sed aries immolatur. Dei enim Filius vel vnigenitus offertur, & Virginis primogenitus immolatur. Audite aliud sacramentum fratres charissimi: Hieronymus Presbyter scripsit, ab antiquis & senioribus Judæis se certissimè cognouisse, quod ibi immolatus sit Isaac, ubi postea Christus crucifixus est. Et alibi idem magnus Pater, de ipsa hac eadem figura inquit: Cuius similitudinem referebat Abraham, nisi illius de quo dicit

De ciuitate  
Dei, lib. 16.  
cap. 32.

Apostolus; Qui proprio Filio non pepercit, sed pro nobis omnibus tradidit illum? Propterea & Isaac, sicut Dominus Crucem suam, ita sibi ligna ad victimæ locum, quibus fuerat imponendus, ipse portavit. Postremò quia Isaac occidi non oportebat, posteaquam est pater ferire prohibitus; quis erat ille aries, quo immolato, impletum est significatiuo sanguine sacrificium? Nempe quando eum vidit Abraham, cornibus in frutice tenebatur. Quis ergo illo figurabatur nisi Iesus Christus, antequam immolaretur, spinis Iudaicis coronatus? Et breuiùs alibi, eadem repetens, subiunxit: Quis alius in Isaac lignum sibi portabat ad victimam, nisi qui Crucem sibi ad passionem ipse portabat? Quis alius aries immolandus in vepre cornibus adhærebat, nisi qui Crucis patibulo pro nobis offerendus affigebatur, spinis primitus coronandus? Verum quia longum nimis esset huc omnia transferre, quæ idem Augustinus Ecclesiæ sanctæ lumen clarissimum de hac figura ad posterorum memoriam transmisit; sat erit nunc, pro dictorum eius conclusione, vnicam clausulam hîc referre ex his quæ litteris com-  
menda-

Côtra Fau-  
stum Ma-  
nichæum,  
lib. 12. c. 25  
tom. 6.



**A** mendauit dum Psalimum trigefimum exponeret, vbi ait: *Isaac tamquam filius vnicus dilectus, figuram habēs Filij Dei, portat ligna, quomodo Christus Crucem portauit.* In Psal. 30.

Nec minùs sanè diligens & curiosus in hac sanctæ Crucis Christi Domini nostri figura explicanda & exponenda diuus Hieronymus extitit, dicens: *Nam & Isaac in typo Christi fuit, quòd futura mortis ligna sibi ipse portauit.* Et alibi id etiam paucioribus repetens subtexuit: *Quòd Isaac in typo Domini Crucem suam ipse portauit.* In Osee cap. 11.

Deinde verò totam sacrificij Abrahami integram historiam fusiùs exponens ait: *Hic idem Dominus in nouissima mundi senescentis ætate, per figuram beati Abraham longæui patris offertur ad victimam; quo tempore, dum nouo sacrificio in vnici filij sui iugulum pius parricida confurgit, ex improviso aries oculis eius apparuit, sicut eloquitur sermo diuinus: Et vidit Abraham arietem inter vepres hærentem cornibus.* In Epist. ad Ephes. c. 1.

**B** *Inter vepres, inquit, requiramus quæ ista sit nouitas: id est, in multitudine circumstantium peccatorum. Hærentem cornibus, id est, ad Crucis cornua, clauorum confixione pendentem; sicut in alio loco legimus: Cornua in manibus eius sunt. Hoc ideò, quia venerandas manus eius patibuli brachia susceperunt. Inter spinas autem deputatus est, quando spineo seruo, innocentie & iustitie auctor illusit. Sed aliud introspicere debemus, quidnam sit quòd Isaac à patre altaribus admouetur, ac subito aries pro eo, non mutata, sed duplicata oblatione supponitur. Gemina hæc adoranda substantia Redemptoris ostenditur. Dei enim Vnigenitus offertur, & Virginis primogenitus immolatur.* De Resurrectione Domini, Serm. 29. Tom. 9.

Hæc autem sanctus Gregorius Papa, huic sanctæ Crucis figuræ suam pariter declarationem & expositionem afferens, non minùs doctè & altè quàm ceteri Patres pauca hæc protulit: *Quid, quòd Isaac ad immolandum ducitur, & ligna portat, aræ superimponitur, & viuit? nisi quòd Redemptor noster ad passionem ducitur, lignum sibi Crucis ipse portauit? & sic in sacrificio pro nobis ex humanitate est mortuus, vt tamen immortalis remaneret ex diuinitate?* In Ezech. lib. 1. Homil. 6.

**C** *Magnus autem sanctus Gregorius Papa, huic sanctæ Crucis figuræ suam pariter declarationem & expositionem afferens, non minùs doctè & altè quàm ceteri Patres pauca hæc protulit: Quid, quòd Isaac ad immolandum ducitur, & ligna portat, aræ superimponitur, & viuit? nisi quòd Redemptor noster ad passionem ducitur, lignum sibi Crucis ipse portauit? & sic in sacrificio pro nobis ex humanitate est mortuus, vt tamen immortalis remaneret ex diuinitate?* In Matth. cap. 1.

*Deus Isaac immolari præceperat, dixit: Exspectate hæc cum asino, donec reuertamur ad vos. Et tunc portauit Isaac ligna: Abraham verò gladium & ignem. Nec tamen immolatus est Isaac, sed aries hærens cornibus inter vepres. Abraham Deum Patrem figurat, qui Filium suum passioni tradidit: duo verò pueri, Judaicum populum in duo regna diuisum, id est, Regnum Iuda, & Regnum Israël; asinus stultitiam Iudeorum significat. Iudei cum asino expectant, quia adhuc in stultitia sua perseuerant. Aries, non Isaac immolatus est; quia carò Christi hærens cornibus Crucis inter vepres tribulationis, non Deitas, quæ per Isaac significatur, passa est: & hoc tertio die, id est, in tempore gratiæ. Isaac ligna portauit, & Christus Crucem suam tulit: Abraham verò ignem & gladium; quia in manu Dei erat gladius mortis Christi, & ignis persecutionum.* Quomodo Isaac typus Christi, & tamen pro eo immolatus aries?

**D** *Abraham verò ignem & gladium; quia in manu Dei erat gladius mortis Christi, & ignis persecutionum.*

Venerabilis etiam Beda ceteros Patres imitatus, quin etiam fusiùs ac magis præcipuè totam hanc historiam, & hanc sanctæ Crucis figuram exponens, ait: *Quis ergo in Abraham per illam immolationem figurabatur, nisi Pater excelsus? Quis in Isaac, nisi Christus? Nam sicut Abraham vnicum & dilectum filium Deo victimam obtulit; ita Dominus vnicum Filium suum pro nobis omnibus tradidit: & sicut Isaac ipse sibi ligna portabat, quibus erat imponendus, ita & Christus gestabat in humeris lignum Crucis, in quo erat crucifigendus. Duo autem serui illi dimissi, & non perducti ad locum sacrificij, Iudeos figurabant, qui cum seruiliter viuerent, & carnaliter saperent, non intelligebant humanitatem Christi, non intelligebant passionem eius; ideò non* In Questionibus super Gen. Tom. 8.



peruenerunt ad locum sacrificij. Deinde Isaac ligatis pedibus altari superponitur; & Dominus in ligno suspensus Cruci affigitur. Sed illud quod figuratum est in Isaac, transgressum est ad arietem. Cur? quia Christus ovis. Ipse enim filius, ipse agnus. Filius, quia natus; aries, quia immolatus. Sed quid est quod in vepribus hærebat aries ille? Crux cornua habet: sicut enim duo ligna, cum compaginantur in se, speciem Crucis reddunt; unde scriptum est de eo: Cornua in manibus eius sunt. Cornibus ergo hærens aries crucifixum Dominum significat. Vepres autem spinæ sunt: spinæ iniquos & peccatores significant, qui suspenderunt Dominum in Cruce. Inter spinas itaque peccatorum Iudæorum suspensus est Dominus, sicut per Jeremiam idem dicit: Spinis peccatorum suorum circumdedit me populus hic. Alij hunc arietem cornibus in vepribus obligatum, eundem Christum senserunt antequam immolaretur, spinis à Iudæis circumdatum.

Verum his omnibus, quæ pro huius sanctæ Crucis insignis figuræ declaratione & comprobatione hætenus diximus, longè admirabilius ac planè notatu dignius id censendum est, quod Petrus Galatinus se legisse testatur in priscorum Talmudistarum ac Rabbiorum Hebræorum sacrae Genesis expositione: qui & ipsi ante Christi aduentum cognouerunt, & fassi sunt, Isaac, dum immolandus duceretur, ligna propriis humeris portantem, significasse Messiam, qui Crucem suam suis humeris quandoque laturus erat. Sic enim inquit: *In Beresith etiam Ketanna, id est, in Expositione minori libri Genesis, hoc certè mirabile quod dicturus sum scribitur; super illud 22. cap. eiusdem libri dictum: Et accepit Abraham ligna holocausti, & posuit ea super Isaac filium suum. Sic enim ibi dicitur: Sicut in Ze, id est, iste, hoc est, Deus, qui baiulat Crucem suam super scapulam suam.*

Decima sanctæ Crucis figura, quæ sacrae Genesis historia continetur, scala illa fuit, quam Iacob Patriarcha in somnis vidit, cuius pars infima terram, summa cælum pertingebat, per quam Angeli ascendebant & descendebant; Dominus autem eidem scalæ innitebatur. de qua in eodem sacro textu hæc litteris consignata fuisse comperimus: *Igitur egressus Iacob de Bersabee, pergebat ad Haran. Cumque venisset ad quemdam locum, & vellet in eo requiescere post Solis occubitum, tulit de lapidibus qui iacebant, & supponens capiti suo, dormiuit in eodem loco. Viditque in somnis scalam stantem super terram, & cacumen illius tangens cælum. Angelos quoque Dei ascendentes & descendentes per eam, & Dominum innixum scalæ, dicentem sibi: Ego sum Dominus Deus Abraham patris tui, & Deus Isaac. Pro cuius visionis declaratione sanctus Augustinus inquit: Iacob ergo dormiebat, & Dominum in cacumen scalæ videbat incumbere. Quid est in scala incumbere, nisi in ligno pendere? Considerate fratres, quis in ligno Crucis pendens pro Iudæis orauerit, & agnosceris quis ad Iacob, scalæ incumbens, de cælo clamauerit. Sed quare hoc in itinere factum est, antequam Iacob uxorem acciperet? Quia & verus Iacob Dominus noster prius in scala, id est, in Cruce occubuit, & postea sibi Ecclesiam sociavit; dans ei in præsentem arrham sanguinis sui, daturus postmodum dotem sui Regni. Et paulò inferius, circa finem huius Sermonis subdit: Beatus Isaac mittens filium suum, typum Dei Patris habuit. Iacob, qui missus est, Christum Dominum designauit. Lapis, quem ad caput habuit, & oleo unxit, & ipse significauit Dominum Saluatorem. Scala vsque ad cælos attingens, Crucis figuram habuit. Dominus innixus scalæ, Christus crucifixus ostenditur.*

Et alibi idem Augustinus de ipsa hac mystica scala agens, docensque Christianum, quoniam pacto, per eiusdem scalæ gradus ad cælum ascendere possit ac debeat, sic tradit: *Crux virga est, & de ista virga quàm magna & mira fecit hic Architectus? Et arborem fecit Crucis, ubi ipse angularis pependit lapis; & scalas cæli, per quas hominem lapsum ad Patrem leuauit. Quale miraculum, fratres, huius Architecti, ut de virga faceret scalas; & tales, quarum caput in cælum poneret, & per eas ipse ascenderet & descenderet, & propter confirmationem ipse super eas incumberet.*

Ascende

Habac. c. 3.

Lib. 8. c. 17.

Etiam antiquis Rabbis Iudæorum notus hic typus Isaac.

Gen. 28.

Serm. 79. de temp. in Feria 5. post 2. Dominicam Quadrag. tom. 10.

Scala Iacob mysterio Crucis accommodata.

De Cataclysmo, c. 6. tom. 9.



**A** Ascende securus qui desideras cælum. Non te terreat earum nec angustia, nec longitudo, nec latitudo: nihil timeas; non nutant gradus eius, quos ille Architectus sic confirmavit, ut in eius ligno manus suas clavis affigi voluerit. Vide has scalas huius Architecti discipulum Apostolum Paulum & demonstrantem, & gradus quasi numerantem, & ascendentem, & quamplurimos inuitantem. Flecto, inquit, genua mea ad Patrem Domini nostri Iesu Christi, ut det vobis comprehendere cum omnibus Sanctis, quæ sit altitudo, & latitudo, longitudo, & profundum. Quattuor gradus posuit Crucis. Non ergo laboriosa sunt hæ scalæ. Quattuor gradus habent, & perducunt ad cælum. In altitudine Crucis caput positum est Crucifixi. Sursum cor habeat Christianus ad Dominum, quod interrogatus quotidie respondet; & ascendit vnum gradum. In latitudine Crucis manus affixe sunt Crucifixi. Perseuerent manus Christiani in operibus bonis; & secundum gradum ascendit. In longitudo Crucis corpus pependit Crucifixi. Castiget quis corpus suum observationibus, ieiuniis illud suspendat, ut seruituti animæ subiiciat; & tertium gradum ascendit. In profundo Crucis occultum est, quod non vides; sed inde exurgit hoc totum quod vides. Adsit fides Christiana; quod non potest comprehendere, credat cordē: altiora à se non quærat, spes eum nutriet; & tunc quartum gradum ascendit. Per hos gradus ascenderunt Sancti omnes, continentēs, coniugati, fideles; euaserunt ruinas mundi, migrauerunt ad loca tutissima, ubi iam nec barbaros timent, nec fragiles casus humanos exhorrent, nec corruptiones metuunt, nec ægritudines patiuntur, nec tribulationibus affliguntur, nec ipsam mortem timent; sed cum Deo de Deo viuunt. Hactenus Augustinus.

Sanctus verò Hieronymus hanc scalæ Iacob figuram ad Christi Crucis significationem pariter accommodans, ait: Ego puto Crucem Saluatoris istam esse In Psal. 91. scalam, quam vidit Iacob. In ista scala descendebant Angeli & conscendebant. In ista scala, hoc est in Cruce, descendebant Iudei, & conscendebant Gentiles. Et Cyrillus Alexandrinus, siue potius Iodocus Clithoueus, inter ceteras veteris Testamenti figuras, quas ad Christi Crucem signandam affert, de hac scala Iacob sic habet: In Ioan. lib. 8. c. 17. Hæc est scala Iacob à terra in cælum porrecta, cui Dominus innixus est, per quam nobis cælestia regna conscendere datur. Dono igitur cælestis gratiæ tuæ, Domine, nobis concede, ut scalæ sanctæ Crucis tuæ sic semper firmiter hæreamus, ut pro tui amore, mundi huius tribulationes, ærumnas, & persecutiones libenti animo perferentes, per huius sanctæ & admirabilis scalæ gradus de virtute in virtutem sic ascendamus, ut à benigna & omnipotenti manu gratiæ tuæ adiuti atque pertracti, peruenire demum valeamus ad videndum te Deum deorum in tua beata Sion, ubi cum Patre & Spiritu sancto viuis & regnas per infinita sæcula sæculorum. Amen.

## CAPVT VI.

**D** De baculo Patriarchæ Iacob: de annulo obsignatorio, quem Pharaon Iosepho dedit; & de prædicti Iacobi brachiorum decussatione, cum eiusdem Iosephi filiis benediceret.

**V**NDECIMA sanctæ Crucis figura ex sacro libro Genesis excerpta, baculus ille erit, quem Iacob Patriarcha in itinere manibus deferebat, cum Isaac Patris sui iussu è patria discedens, ad uxorem ducendam in Mesopotamiam tenderet. Cuius baculi fulcimento adiutus, Iordanem fluuium traiecit. Quo etiam baculo postea dirigebat oues soceri sui Laban quas pascebat. Et de Genes. 32. quo ipse ait: In baculo meo transui Iordanem istum. Quamobrem de eodem baculo breuissimè pro more suo agens Clemens Alexandrinus, & planè ni-



Paedagog.  
lib. 3. c. 10.

Obscura  
verba, sed  
qua eadem  
elegantior  
explicantur.

miūm subobscure, inquit: *Jacob autem pascebat oves Laban, quæ relictæ fuerant, regale habens signum, virgam styracinam, quæ per lignum meditabatur naturam mutare in melius.* Prægnantia sanè adeò & obscura verba, ut ipsius Clementis Commentator Gentianus Heruetus ingenuè fateatur, non intelligere se quid verbis illis Clemens dicere voluerit. Vnde in textus illius expositione inquit: *Quod autem dicit Clemens, Jacob pascebat relictas oves Laban, habentem virgam styracinam, quæ per lignum meditabatur naturam mutare in melius, ingenuè fateor me non intelligere, nisi accipiat allegoricè. Fortasse enim intelligit Jacob fuisse figuram Christi. Jacob pascebat oves, habebat virgam. Per virgam autem intelligit baculum, per baculum intelligitur Crux, quam portabat Christus, qui est Princeps pastorum. Ea est autem signum regale, & tamquam sceptrum Regis. Idem autem Christus est Rex & Princeps pastorum. Baculus ille Jacob, per lignum meditabatur mutare naturam in melius, cum oves albas mutat in oves varias, & diuersi coloris. Christus per sanctam Crucem suam quæ perierat restituit naturam, & omnia instaurauit tam in celo quàm in terra. Hactenus videtur satis procedere allegoria: sed cur virgam dicat styracinam, quam non legitur habuisse Jacob, nec legi, nec possum diuinare.* Hæc Gentianus Heruetus.

Quid baculus styracis Iacob, & quomodo is typus Crucis.

Verum enimverò, quia credendum est Clementem Alexandrinum, id sine ingenti mysterio, quod ad institutum nostrum valdè spectet, non dixisse, propterea necessarium est pro huius loci clara intelligentia, ut quid styrax sit, prius ostendamus. Styrax igitur arbor est, cydonio siue cotoneo malo ferè similis, fructu maiore quàm auellana, specie candidi pruni. Manat ex ea liquor eiusdem nominis, coloris flauis, sordidi, resinosi, albicantibus fragmentis, graui & perferant odore. Hodie officinæ storacem appellant. copiosè hæc arbor nascitur in monte Idæo, ut his carminibus innuit Virgilius:

In Ciri.

*Non styrace Idæo fragranti picta capillos,*

*Cognita non teneris pedibus Sicyonia seruans.*

Natural.  
Hist. lib. 12  
cap. 17.

Huius arboris lignum ad spiritus exhilarandos, animique mœsticiam expellendam, eius suauis & grati odoris fragrantia, in suis cubiculis veteres vrere consueuerant. Quin etiam necessitate magis impellente, illud concremabant, ut odorifero eius fumo serpentes abigerent. Quocirca Plinius: *Ex Syria reuehunt styracem, acris odore eius in focis abigentes suorum fastidium.* Et paulò inferius subdit: *Eundem ad serpentes fugandas vrunt, in odoriferis siluis frequentissimas.* Ingenti igitur mysterio, magnæque rationi innixus Clemens Alexandrinus asseruit, Jacob, dum oves pasceret Laban, virgam styracinam manibus gestasse; non ex eo tantum quòd id verisimile admodum videatur, cum styrax, ut Plinius testatur, in illis regionibus Syriæ & Mesopotamiæ nascatur, ubi tunc Jacob consistebat, verum etiam, quia virga siue baculus ille, Crucis Christi figuram clarè præ se ferebat. Styrax enim, ut diximus, lignum odoriferum est, & cum vritur, fumo suo serpentes expellit. Quamobrem pro virga siue baculo styracino, Clemens Alexandrinus sanctam Domini nostri Crucem innuere voluit. Ipsa enim odoriferi styracis baculus fuit, in quo seipsum æterno Patri pro nobis sacrificium in odorem suauitatis obtulit. Hic est odoratissimus ille styrax, qui pro serpentibus abigendis tunc crematus est, cum Christus verus amoris ignis, qui pro sua in nos immensa atque ardenti charitate adeò in nostræ salutis desiderium exarsit, ut totus denique conflagrans, in ligno Crucis mortem oppetens, sit absumptus. Cuius sanè diuini & admirandi sacrificij odorifera flamma, serpentes demones ab huius mundi silua expulsi sunt.

Quocirca apertè patet, Gentianum Heruetum sacræ Genesis textum à Septuaginta translatum non legisse. Etenim ibi expressè dicitur, quòd cupiens Iacob oves deinceps vario colore nasci, virgas styracinas in alueis canalium, ubi matres



A matres bibebant, immisit. Neque eundem Heruetum legisse puto illum sancti Ambrosij tractatum, in quo Patriarchæ Iacob vitam describens, asserit, potuisse eum in canalibus, ubi oues bibebant, styracinas, nucinas, & platani virgas; ibique altè explicat, quid virgæ illæ iuxta mysticum sensum præsignarent, dicens: *Quasi mercenarius ingreditur iustus, & rector est: qui sibi gregem multarum præstantissimarumque virtutum splendore fulgentem, Evangelicæ prædicationis mysterio colligebat; ut potaturis ouibus virgam styracinam, & nucinam, & de platano proponeret in canalibus: quò concupiscentes beatissimæ Trinitatis præfigurata mysteria, haudquaquam decolores fetus piæ mentis conceptione formarent. Bonæ oues, quæ bonorum partus operum fidei sacræ non degeneres ediderunt. Per styracem significatur incensum & sacrificium vespertinum, quod Deo Patri deferitur in Psalmo: per nucinam virgam sacerdotale Christo munus deferitur; hæc enim virga Aaron, quæ reposita floruit, qua sacerdotalis gratia sanctificationis emicuit: per platanum spiritalis fructus significatur vbertas, quia arbori huic vitis annectitur, ut eius leta consortio, in partus sese vberes fundat. Siquidem Dominicæ munera passionis, remissionemque omnium peccatorum, adiuncta Spiritus gratia dare consuevit. Nec etiam idem Heruetus vidisse existimandus est id, quod ad institutum hoc Beda testatum reliquit: inquit enim: Itaque Iacob nouam stropham commentus est, & contra naturam albi & nigri naturali arte pugnavit. Tres enim virgas, populeas, & amygdalinas, & mali granati, (quamquam Septuaginta styracinas, & nucinas, & plataninas habeant) ex parte decorticans varium virgarum fecit colorem, ut ubicumque in virga corticem reliquisset, antiquus permaneret color; ubi verò tulisset corticem, color candidus panderetur.*

De Iacob,  
& vita bea-  
ta, lib. 2.  
cap. 4.

In Qua-  
stionibus  
super Gen.  
tom. 8.

Hanc autem virgam Iacob sanctæ Crucis Christi figuram extitisse, idem Beda eodem loco paulò inferiùs testatur, dum verba illa eiusdem Iacob, *In baculo meo transiui Iordanem istum*, exponens inquit: *Christo conueniunt verba hæc, qui solus relictus in passione sua, in baculo, id est, in Cruce transiuit Iordanem istum, id est, flumen tribulationum mundi huius, & flumen rapidissimum passionis & mortis; cuius aquæ intrauerunt vsque ad animam eius. Hæc ille.*

Ibid.

Diuus autem Augustinus, iter illud quod in Mesopotamiam iniit Patriarcha Iacob ad uxorem ducendam, baculum manu gestans, itineri illi assimilans, quod Christus Dominus ad Caluariæ montem emensus est, Crucem sibi baiulans, ut sanguine suo sanctam Ecclesiam sponsam suam redimeret, itidem innuit baculum illum Iacob sanctæ Crucis figuram præ se tulisse. inquit enim: *Iacob ergo ad accipiendum uxorem exhibuit baculum; & Christus ad redimendam Ecclesiam, detulit Crucis lignum.*

De tempo-  
re Serm. 79

Duodecima sanctæ Crucis figura, quam sancti Doctores in sacro Genes textu diligenti ac pia animaduersione considerant, annulus ille obsignatorius est, quem Pharaon Ægypti Rex è digito suo extrahens, Iosephi magni Patriarchæ Iacob filij digito immisit; nomenque illius immutans, Zaphnath Paënah, id est mundi Saluatorem, Ægyptiaco idiomate illum appellauit; ut in eodem sacro textu his verbis proditum est: *Tulitque annulum de manu sua, & dedit eum in manu eius: vestiuitque eum stolam byssinam, & collo torquem auream circumposuit; vertitque nomen illius, & vocauit eum lingua Ægyptiaca Saluatorem mundi.* Super quibus verbis hæc Beda Venerabilis: *Nam Iesus, inquit, accepit quoque annulum, quo credentium salutis signo signantur animæ, & in frontibus & cordibus nostris per figuram Crucis, figura æterni Regis exprimitur.* Sanctus verò Ioannes Chrysostomus ad verba prædicta sacri textus alludens, inter cetera, quæ in sanctæ Crucis laudem aureo suo ac planè diuino eloquentiæ flumine testatus est, hæc habet: *Signaculum Crux appellata est, quòd testamenta & statuta diuina omnia, quæ accepimus, hoc quasi signo quodam Regio & annulo obsignamus.*

Annulus  
Ioseph, ty-  
pus Crucis  
Christi, &  
quare.

Genes. 41.

In Gen. 41.

Homilia  
de venera-  
tione Cru-  
cis.



Decima tertia sanctæ Crucis figura, in sacro Genesis textu ex mystico actu A illo trahitur, quem fecit Iacob Patriarcha, cum filiis Ioseph Ephraim & Manasse benediceret. Is enim cum maiorem benedictionem, & primogenituræ prærogatiuam in Ephraim transferre vellet, qui secundo loco genitus erat, quique ad sinistram suam positus fuerat; in transversum obliquatis decussatisque brachiis, manum dexteram super caput eiusdem Ephraim statuit, sinistramque super caput Manasse, qui primogenitus ad dexteram suam constitutus erat. Actio sanè sacratissimis referta mysteriis, quam Spiritus sanctus ei dictauerat. Quæ Christi Crux non tantum præfigurata fuit, sed etiam benedictio, & primogenituræ ius, quod per eiusdem sanctæ Crucis mysterium, & per Christi sanguinis pretiosissimi in ea profusi virtutem, à Iudæorum populo in Gentiles transferendum erat. Quamobrem Tertullianus de gratia illa agens, quæ per manuum impositionem, signo sanctæ Crucis adhibito, in sacramento Confirmationis confertur, id iam in Patriarchæ Iacob manuum decussatione præfiguratum fuisse asseruit. sic enim ait: *Sed est hoc quoque de veteri sacramento, quo nepotes* B *suos ex Ioseph Ephraim & Manasse Iacob capitibus impositis & intermutatis manibus benedixit; & quidem ita transversim obliquatis in se, ut Christum deformantes, iam tunc portenderent benedictionem in Christum futuram.* Quæ quidem verba per se aliquantulum subobscura, Iacobus Pamelius declarans adiecit, Tertullianum hoc loco ostendisse, Iacob Patriarchæ benedictionem, sacramenti Confirmationis figuram extitisse, in quo manus imponuntur, & Christi confertur benedictio, id est per signum Crucis.

De Baptismo, c. 8.  
Item Crux Christi in transuersione manuum Iacob præfigurata.

De pluribus & necessariis questionibus. 25.

In Ierem. cap. 31.

Orthodoxæ fidei libro 4. c. 12.

Hebr. 11.

Sanctus autem Athanasius illi quæstioni respondens, in qua proponitur quis in veteri Testamento primus fuerit qui viuificæ Crucis signum præfigurauerit, asserit Iacob fuisse, cum Iosephi filiis benedicens, manus decussauit: C *Quis, inquit, in veteri Testamento primus exhibuit typum Crucis viuificantis? Iacob, cum benedicens filiis Ioseph transponeret manus.* Diuus quoque Hieronymus hanc historiam benedictionis, quam Iosephi filiis idem Iacob Patriarcha impertitus est, ad institutum suum deducens, constanter asseuerat, eandem sanctæ Crucis Christi figuram præ se tulisse. Ephraim autem, inquit, in typo esse populi de Gentibus congregati, Scriptura testatur: *fuit enim posterior filius Ioseph, & surripuit primogenita Manasse, qui natura primogenitus erat. Sed in mysterio Crucis, decussatis manibus, qui stabat ad sinistram Iacob, dextera manus eius suscepit benedictionem: & qui steterat ad dexteram, sinistram benedictus, in secundum redactus est gradum.* Sanctus verò Ioannes Damascenus asseruit, Iacobum Patriarcham, Iosephi filiis cancellatis decussatisque manibus benedicientem, Crucis signum manifestè designasse: *Iacob, inquit, adorans summitatem virgæ, alternatis cancellatisque manibus filios Ioseph benedicens, signum Crucis manifestissime descripsit.* Pro quorum verborum Damasceni intelligentia dicimus, in sacra Genesi iuxta vulgatæ editionis nostræ textum, nullam fieri mentionem, quod Iacob summitatem virgæ illius adorauerit, quam Ioseph, tamquam Ægypti Præfectus, manu gestabat; sed hoc ibi literis tantum in fine capituli XLVII. commendatum esse, quod Iacob, postquam Ioseph iureiurando sibi pollicitus fuit corpus suum in terra Chanaan omnino sepulturæ se mandaturum, ad lectuli caput conuersus, Dominum adorauit: *Quo iurante, adorauit Israël Dominum, conuersus ad lectuli caput.* Verum Septuaginta pro verbo illo, *Ad lectuli caput*, virgam dixerunt. Atque hinc est, quod Apostolus ad Hebræos scribens, inquit: *Fide Iacob moriens, singulos filiorum Ioseph benedixit, & adorauit fastigium virgæ eius.* Ad quæ verba alludit Damascenus: cuius Commentator pro verborum ipsius clariore intelligentia hæc adiecit: *Eadem quoque Crux, inquit, designata fuit per summitatem virgæ Ioseph, quam adorauit Iacob.* Verum- tamen

D



**A** tamen non Virgam illam, quam manu gestabat Ioseph in signum potestatis tradita ei à Pharaone in tota terra Ægypti, adoravit Jacob simpliciter, & ad nihil aliud referens; sed in ea Crucem sanctam adoravit, cuius mysterium oculis internis & Spiritu sancto illustratis (et si corporales eius caligarent oculi) cognovit; Christumque per Ioseph sanctum Patriarcham non obscure designatum veneratus est, in Cruce (ut Spiritus revelatione didicerat) exaltandum. Porro sumptum est hoc exemplum de Jacob adorante fastigium virgæ, ex capite XI. Epistolæ beati Pauli ad Hebræos, dicentis: Fide Iacob moriens singulos filiorum Ioseph benedixit, & adoravit fastigium Virgæ eius, & id quidem postremum videtur esse depromptum ex XLVII. cap. Genesios, ubi dicit littera, quod adoravit Iſraël Dominum, conuersus ad lectuli caput. At quoniam in hac littera nostræ translationis apud Genesim, nulla fit mentio de adoratione summitatis virgæ, sed dumtaxat de conuersione ipsius Jacob cum adoraret Dominum ad lectuli caput (quod nonnulli idcirco factum existimant, quoniam id vocabulum, quod Hieronymus ad Hebraicam veritatem

**B** lectulum interpretatus est, Septuaginta Interpretes virgam traduxerunt) idcirco sacramentissima Crucis figura & typus etiam clarè expressus est in benedictione filiorum Ioseph, à Iacob facta manibus cancellatis: de qua mentio fit XLVIII. cap. Genesios. Nempe illa manuum cancellatarum positio & collatio, Cruciformis fuit: & Crucis figuram prætulit, cum dexteram manum superposuit Iacob capiti ipsius Ephraim ad sinistram constituti; & manum sinistram, vertici Manasse posuit ad dexteram ipsius Iacob. Vnde ex huiusmodi manuum translatione in transuersum, præsignificauit Iacob in spiritu (ut credibile est) formam Crucis; per quam Christus, ablata maledictione, nobis filiis suis, & in sortem filiorum Dei vocatis, benedictionem eternam largitus est, gratiarum incrementa distribuit, & largam miserationum suarum copiam in omnes effundit abundè. Hæc ille.

Quomodo  
nō pugnet  
textus Ge-  
nesis & ad  
Hebræos.

Hanc clarissimam sanctæ Crucis figuram, & hoc benedictionis & vocationis populi Gentilis altissimum mysterium, in filiorum Ioseph benedictione præfiguratum, Beda etiam doctè admodum explicauit, hoc modo: Cum benedicere vellet Iacob nepotes suos, posuit Ioseph Ephraim ad sinistram, Manassen autem ad dexteram illius constituit. At ille cancellatis manibus, Crucis mysterium præfigurans, translata in minorem dexteram, maiori sinistram figuraliter superposuit: sicque Crucis similitudo super capita eorum denotata, Iudæis scandalum, Christianis futuram gloriam præsignauit: senioremq; per Crucis mysterium, sinistrum factum de dextro, & iuniorem dextrum de sinistro: quia Iudæis in nostra deserta labentibus, nos illorum gloriam adepti sumus; taliq; sacramento, maiori populo Iudæorum præpositus est minor populus Gentium.

In quest.  
super Ge-  
nesim.

Nec minore sanè doctrina hanc ipsam figuram Rupertus Abbas exposuit his verbis: Sine dubio transpositio manuum Iacob, Crucis expressit figuram. Numquid in eo sic manus commutando, casus Crucem figurauit? Numquid non poterat eadem ratione data, Manassen ad sinistram, Ephraim verò ad dexteram suam posuisse? Poterat planè. Sed Propheta erat, & Prophetico spiritu sciebat quod per Crucem componenda esset benedictio, quam venturus Legislatores daret: vel quia in semine Abraham benedicerentur omnes Gentes. Qui enim postmodum de illo qui mittendus erat, & qui expectatio Gentium futurus erat, id est, de Christo, dixit; Lauabit in vino stolam suam, & in sanguine vuae pallium suum; nescire poterat quali torculari ipsa vua premenda, vel ipsum vinum foret extorquendum? Igitur tamquam Propheta simul & Patriarcha, quomodo verbis verum prophetare potuit dicendo; Et iste quidem erit in populos, & multiplicabitur, sed frater eius minor, maior erit illo; sic & manuum positione Crucem Christi præfigurare sciuit, per quam priori iunior, id est, Iudaico præferendus erat populus Gentilis. Et hæc quidem quo ad sanctæ Crucis Christi figuras, quæ ex sacro Genesios libro extrahuntur, satis dixisse sufficiat. Ageamus in sequentibus capitibus, de his quæ in Exodi libro perleguntur.

Comment.  
in Gene-  
sim lib. 9.  
cap. 24.



## CAPVT VII.

*De Rubo, quem ardere, sed non absumi Moyses conspexit; & de Virga, qua tot prodigia in Aegypto patrauit.*

**R**UBVS ille ardens & emicans, qui non comburebatur, à Moyse conspectus dum Iethro foci sui oues ad radices montis Oreb pasceret, prima erit sanctæ Crucis figura, quæ ex sacro Exodi textu depromitur. Pro cuius apertiore intelligentia sciendum est, Dei indignationem & iram, vt sacre Scripturæ locis quamplurimis comprobatur, igne sæpè describi. Vnde Propheta: *Indignatio eius effusa est, vt ignis.* Et ille alius subdit: *Ecce nomen Domini venit de longinquo; ardens furor eius, & grauis ad portandum. Labia eius repleta sunt indignatione, & lingua eius quasi ignis deuorans.* Peccata verò hominum rubo & spinis figurantur, vt B iam superius libro primo probauimus, dum de spinis, quibus Dominus ac Redemptor noster coronatus fuit, ageremus. Vltèrius illud quoque sciendum, communem omnium pænè Patruin esse sententiam, Deum, qui Moyse in rubo locutus est, Verbum æternum fuisse, quod humanam carnem assumpturum erat. Vnde hæc sanctus Ambrosius: *Non Pater in rubo, non Pater in eremo, sed Filius Moyse locutus est.*

Cum ignis igitur Dei indignationem & iram significet, rubusque siue spinæ, peccata; iniecisse se Verbum æternum in medio rubi ardentis, planè admirandam Crucis figuram fuisse censendum est. Christus enim Dominus, dum semetipsum inter iram Dei & hominum peccata posuit, cælestis Patris sui iram iustissimam placauit, pro peccatis nostris satisfaciens. Quamobrem, sicut Dei Verbum Moyse in rubo vocauit, eidem litteraliter dicens, descendisse se, vt populum suum à dira Pharaonis seruitute eriperet; sic etiam ab eodem rubo, quasi ex ipsa Cruce, mysticè ei innuere voluit, se è cælo in terram descendere statuisse, ibique in beatissimæ Virginis utero, humana carne assumpta, per eiusdem Crucis mysterium, quam ei figuratè tunc præsignabat, populum suum, id est omnes credentes in ipsum, à mystici Pharaonis infernalis, scilicet diaboli impia atque tyrannica seruitute liberare decreuerat. In cuius altissimi mysterij contemplatione non parua inprimis admiratione afficimur, quod auctoritate grauissimi Scriptores memoriæ prodiderint, rubo perimendi serpentes virtutem inesse. Quasi id nobis ad memoriam reuocet incomparabile beneficium illud, quod æternum Verbum pro immensa sua charitate & misericordia, in humanum genus conferre dignatus est, tunc quidem in rubo præsignatum, ac re ipsa postmodum in Crucis ligno effectum, quo nos ab æterna morte, cui per antiqui serpentis morsum damnati eramus, eripuit. Testatur enim Plinius, rubi florem, aut mora, aduersus hæmorrhoidis omnium serpentium sceleratissimi morsum, præstantissimum remedium. Et sanctus Ambrosius memoriæ prodidit, rubi frondes serpenti superiniectas ipsum perimere. *Rubi folia, inquit, superiecta serpenti, interimunt eum.*

Vocato Deus è rubo Moyse, iamque ad eundem rubum adrepenti, iniunxit, vt calceamenta solueret, dicens, terram eam, quam tunc pedibus calcabat, sanctam esse. Quibus verbis mysticè ei innuere voluit, vt omne odium, quod conceperat in populum Gentilem, qui per terram significabatur, deponeret; quandoquidem ipse dedita opera in mundum venire decreuerat, vt eundem Gentium populum à diaboli seruitute suo pretioso sanguine redimeret. Quamobrem sanctus Ambrosius: *Calceamenta, inquit, pedes muniunt, ne terram tangant:*

per

Nahum 1.  
Isaia 30.

Rubus ardens, ostensus Moyse quomodo præfiguret Crucem Christi.

Lib. 24.  
c. 13.

In Hexameron libro 3. c. 8. in fine.

Super Apocalyp. c. 6. tom. 9.



A Per terram verò Gentes designantur. Solue, inquit, calceamentum de pedibus tuis; id est aufer odium, & despectionem Gentium de corde tuo. Locus enim in quo stas, terra sancta est: id est, mundus, in quo habitas, meo sanguine redemptus est.

Vocauit Christus Dominus Moysen e rubo; ad id non tantum vt populi sui Ducem eum constitueret, sed vt Crucis & passionis suæ mysterium ei declararet, & vt idem Crucis ac perfectionis iter eum doceret, quod ipsemet post humanitatis assumptionem discipulos suos docere, & electis prædicare decreuerat; monens, vt si ipsum sequi vellent, seipsos abnegarent, id est, propriæ voluntati resisterent, omnibusque carnalibus affectibus renuntiantes, & Crucem suam fumentes ipsum sequerentur. Quod etsi in ipso executionis initio durum atque difficile videtur; his tamen qui saluari cupiunt, & Ducem nostrum sequi statuerunt, non graue admodum videbitur, mundi huius tribulationum & ærumnarum sentibus pungi, & sufferre aliquid pro nimio illo quod pro nobis pati dignatus est Saluator, qui nostri gratia pro nihilo duxit spinea corona pungi, clauis transfigi, ceterosque acerbissimæ & amarissimæ passionis suæ dolores atque angores libentissime perferre.

In cuius admirandi contemplatione mysterij, infructuosum non erit, piam Clementis Alexandrini iam alibi à nobis citatam considerationem, hoc loco repetere. Is enim inquit, admirandum ac notatu planè dignum illud esse, quod cum æternum Verbum Christus Dominus, vniuersi Creator & Dominus, Israëliticum populum liberare statuisset, legemque ei tradere, & potentiam suam Moysi detegere vellet, in ardenti rubo & inter spinas sese illi ostendit. Et postquam idem Verbum, humana carne circumdatum, admirabile opus suum, quo hominibus legem, documenta, ac diuina præcepta sua præscripsit, expleuisset, mundumque relinquere, & ad cælestem Patrem suum redire vellet, sentibus denuò circumdatum ac spinis redimitum sese ostendit. Quod iure profectò peractum est. Etenim ipse venerat vt nostra omnia in se peccata susciperet, quorum significatio per spinas præcipuè demonstratur.

Secunda sanctæ Crucis Christi figura, quæ ex sacro Exodi textu desumitur, virga illa est Moysis in serpentem versa, qua idem Moyses, & Aaron frater eius, tot prodigia in Ægypto atque miracula patrarunt. De qua, vt in eodem sacro textu litteris proditum est, Deus Moysi hæc dixit: *Quid est, quod tenes in manu tua? Respondit: Virga. Dixitque Dominus: Projice eam in terra. Proiecit, & versa est in colubrum, ita vt fugeret Moyses.* Super quibus verbis hæc sanctus Augustinus: *Virga illa, inquit, fratres charissimi, Crucis mysterium præferebat. Sicut enim per virgam Ægyptus decem plagis percutitur, ita & per Crucem totus mundus humiliatur & vincitur. Et sicut Pharaon & populus eius per virgæ sacramentum affligitur, vt ad seruendum Deo dimittat populum Iudeorum: ita & diabolus & Angeli eius per Crucis mysterium fatigantur & premuntur; vt à Dei seruitio reuocare non possint populum Christianum.*

Et alibi hæc de eadem Moysis virga adiecit: *Virga, inquit, per quam Ægyptus subiicitur, & Pharaon superatur, Crucis Christi imaginem præferebat, per quam mundus hic vincitur, & Princeps huius mundi, cum Principibus & Potestatibus triumphatur. Quod autem virga proicitur, & fit draco & serpens, & deuorat Ægyptiorum serpentes, serpens pro sapientia ponitur, sicut scriptum est: Estote prudentes sicut serpentes. Idcirco virga Moysis, id est Crux Christi, posteaquam ad terram descendit, id est, posteaquam ad credulitatem & fidem hominum venit, conuersa est in sapientiam & in tantam sapientiam, quæ nomen Ægyptiorum, id est, huius mundi sapientiam deuorat. Et iterum idem sanctæ Ecclesiæ lumen fulgentissimum de sacratissima Cruce Christi ait: Ipsa est illa virga Regni tui, Crux ipsa, inquam, qua virtus in infirmitate perficitur.*

Exod. 4.

De temp.  
Serm. 86.De temp.  
Serm. 87.

Virga versa in draconem profundam mysteria.

De Cataclysmo, tractatu 4. c. 5 tom. 9.



perficitur. Ipsa illa virga, Crux ipsa: illa virga quæ floruit ex radice Iesse. Ipsa illa virga, A quam portabat Moyses, quæ conuersa in serpentem, glutiit magorum serpentes. Doctrina Christi diffusa per omnes Gentes, hereticos superans dementes. In illo enim populo, fratres, in quo multa signa faciebat Moyses per virgam, exsurrexerunt magi Pharaonis, facientes & ipsi prodigia contra famulum Dei Moysen. Sed ad hoc quædam facere permis- si sunt, ut mirabilius vincerentur. Magi Pharaonis quid aliud significant, nisi omnes hereticos ministros diaboli, qui sub nomine Christi, deuorare cupiunt populum Christi? Scatent nunc hæreses in hanc terram tamquam serpentes magorum, quos deuorauit & deuorat ille serpens exaltatus in ligno. Hæc Augustinus.

In Que-  
stionibus  
super Exo-  
dum, c. 13.

Venerabilis autem Beda non minus viles quam delectabiles circa huius sanctæ Crucis figuræ mysticum sensum declarationes & expositiones afferens, de ea sic tradit: Proiecit deinde, inquit, Moyses virgam coram Pharaone, & serpens factus deuorauit serpentem Ægyptiorum: significans quod Verbum caro fieret, qui ser- pentis diri venena euacuaret per indulgentiam & remissionem peccatorum. Virga est B enim Verbum directum, regale, plenum potestatis, quod est insigne imperij. Virga serpens facta est: quoniam qui erat Filius Dei, ex Deo Patre natus, Filius hominis factus est, na- tus ex Virgine. Qui quasi serpens exaltatus in Cruce, medicinam vulneribus infudit hu- manis. vnde & ipse Dominus ait: Sicut Moyses exaltauit serpentem in deserto, ita exal- tari oportet Filium hominis. Virga enim Moysis in draconem conuersa, magorum absor- buit virgas: & Christus post gloriæ suæ dignitatem factus est obediens vsque ad mortem; & per ipsam mortem carnis, consumpsit aculeum mortis, attestante Propheta: Ero mors tua, o mors, morsus tuus ero inferne. Hactenus Beda.

Anagogic.  
contemp.  
in Hexa-  
meron li-  
bro 10.

Magnus verò Anastasius Synaita Antiochenus Patriarcha, hoc mysterium virgæ Moysis in serpentem versæ, mentis contemplatione perpendens, de eo- dem sic: Fortassis, inquit, Deus ad filios Israël monendos, & ad reuocandum eis in me- moriam ea quæ facta sunt in Paradiso, eis diuersa exhibuit prodigia per serpentem & lignum: nunc quidem virgam Moysis transmutans in serpentem, & deinde serpentem C in lignum mortificans: prius describens quod non oportebat obedire serpenti, ad lignum adorandum; vel quod per lignum Crucis perdet & morte afficiet Paradisi ligni consul- torem serpentem. Demum verò sanctus Macarius Ægyptiacus, ex effectibus illis, quos Moyses virga contra Ægyptios ad Hebræorum fauorem producere con- fucuerat, eorum similitudinem deducens, quæ in animarum nostrarum benefi- cium sancta Christi Crux contra dæmones operatur, hæc litteris commenda- uit: Virga Moysis duplicem gerebat imaginem. Nam hostibus occurrebat, ut serpens mor- dens & enecans; at Israëlitis erat vice baculi, quo nitebantur: sic etiam verum li- gnum Crucis, quod est Christus, hostium quidem spirituum nequitie mors est; anima- rum verò nostrarum baculus, tuta sedes, & vita, in qua conquiescunt. Siquidem antè fi- gura fuerunt & vmbra, quàm hæc res vere; quia cultus antiquus est vmbra & imago cultus presentis.

Homil. 47.  
in fine.

Tu igitur Christe, luminum omnium verum lumen, qui cælestis ac sanctæ D doctrinæ tuæ splendore tenebras è mundo depulisti, diuinisquæ actionibus tuis quasi solaribus radiis vniuersas vmbas expellens, humanis intellectibus velum abstulisti, verumquæ omnium figurarum sensum detexisti: singularis gratiæ dono nobis concede, ut sancta Crux tua, quæ olim sub Moysis virga mirabili- ter adumbrata fuit, hostibus nostris terribilis sit serpens, qui alarum suarum co- ruscatione in frontibus nostris, præcipientes eos in fugam vertat; nobisque sit fir- mus baculus, tutissimumquæ sustentaculum, cuius fulcimento ad laboriosi iti- neris huius metam feliciter peruenire valeamus; ut vnusquisque nostrum debi- tas tibi gratiarum & laudum actiones referens, tandem dicere queat: Virga tua, & baculus tuus ipsa me consolata sunt. Amen.

Psal. 22.



A

## CAPVT VIII.

*De Agno Paschali, quem assum igni, iubente Deo, comederunt Hebraei, cum ab Aegypti seruitute recessuri erant: & de Columna nubis in die, & ignis in nocte, qua eorum exercitum precedens ac protegens deducebat.*

**A**GNVS ille Paschalis, quem assum igni, ex Dei praecepto, comederunt Hebraei, cum ab Aegypti dura seruitute discessuri essent, tertia erit sanctae Crucis figura, quae ex sacro Exodi textu delibatur. De qua sic Iustinus Martyr: *Agnus namque assus*, inquit, *in figuram Cruci similem conformatus, ad ignem torretur: nam verum unum ab infimis partibus ad caput usque adactum praefigitur; & aliud rursum secundum scapulas, ad quod suspenduntur manus agni.* Ad quod alludens etiam beatissimus Martyr & Pontifex Cyprianus: *Finem*, inquit, *legalibus caerimoniis impositurus Dominus, parari sibi voluit Pascha; & ex consuetudine Legis ea queri, quae sollemnitas exigebat, agnum assum, panes azymos, & lactucas agrestes. Non oportet esse fermentarios novi Testamenti ministros, puras sincerisque mentes sanctum querit conuiuium.* In verum Crucis, boni odoris assatio, omnem excoquat carnalium sensuum cruditatem, & induret solidetque mentis affectus. Haec Cyprianus.

In Dial. cū Tryph. Iudæo. Agnus Paschalis assus, typus Christi Cruci affixi. S. Cyprian. de Cœna Domini.

Magnus autem Pater Augustinus, de hac sacrosancta Paschalis agni figura sic inquit: *Filij Israël acceperunt praeceptum Domini per Moysen, ut in occisione agni celebrarent Pascha: ex cuius sanguine postes domus suae unusquisque liniret, nec timerent angelum vastatorem, qui signum sanguinis agni occisi in suae fronte domus haberent.* Os, inquit, dictum est, non comminuetis ex eo; nec relinquetis quidquam in manè; cum picridis & azymis comedetis agnum. Fecerunt quod praeceptum est filij Israël. *Demonstra tu, Israël spiritualis, fili Abraham secundum fidem, non secundum carnem: demonstra tu quomodo celebras Pascha; habes Agnum occisum, demonstra: Ecce Agnus Dei, ecce qui tollit peccatum mundi.* Lini sanguine eius postes domus tuae; demonstra, & dic: *Ecce Crux sanguinis Christi in frontibus est pudoris nostri.* Dic cum Paulo: *Mihi absit gloriari, nisi in Cruce Domini nostri Iesu Christi.* Os non comminuetis ex eo, dictum est: impletum est hoc in ipsa Domini passione, ipsius sancti Agni immolatione, quando crucifixus cum duobus latronibus, in medio pendebat ipsa summa iustitia; liberans unum consistentem, alium puniens blasphemantem. Ita factae sunt tres Cruces, tres caussae. Unus latronum Christo insultabat; alter sua demerita confessus, Christi se misericordiae commendabat. Crux Christi in medio, non fuit supplicium, sed tribunal. Mox ut peregit omnia quae de se erant scripta, accepto felle & aceto, propter illud quod praedictum erat; Dederunt in escam meam fel, & in siti mea potauerunt me aceto; inclinato capite, tradidit spiritum.

De Cataclysmo, tractatu 4. c. 4. tom. 9.

**D**Venerunt milites, fregerunt crura latronibus in Cruce pendentibus: ad Iesum autem cum venissent, non fregerunt eius crura; ut impleretur, ait Euangelista, quod scriptum est: *Os non comminuetis ex eo.* Sed unus militum latus eius aperuit, & continuo exiit sanguis & aqua, quae sunt matris Ecclesiae gemina Sacramenta. Percussit latus lancea persecutor, & fudit pretium Redemptor. Hic sanguis inebriat mentem, ut amorem obliuiscatur mundi. Haec aqua mundat animam, ut corpus careat sordibus diaboli. Nec relinquetis ex eo quidquam usque manè. Hoc nunc agitur: comeditur enim agnus per noctem huius saeculi, ut cum manè illud venerit, quod vesperum non habebit, iam non offeratur sacrificium imaginis Agni, sed ipsum Agnum, quem quotidie immolamus, comedamus, & cuius sanguinem bibimus, inueniamus illic eum Sacerdotem perfectum, quem constat hic pro nostra salute occisum. Quae sunt haec picridae, olera amaritudinis, quae

S

comedit



comedit Israël spiritalis? nisi vox illa amara ad tempus sanctorum Martyrum, emissa A per sanctum Dauid, ac dicentem: Cibabis nos pane lacrymarum, & potum dabis nobis in lacrymis, in mensura. & per Apostolum Paulum: In omnibus tribulationem patimur, sed non angustiamur. Demonstra & azyma sancte Paule, ex Israëlita carnali spiritalis effectus: celebrasti enim Pascha cum populo veteri, & quemadmodum nouus populus figuras in veritatem verteret, tu docuisti, tu demonstraisti. Ostende ergo azyma, confectionem nouam. Non in fermento, inquit, veteri, neque in fermento malitiæ & nequitie, sed in azymis sinceritatis & veritatis. O Agne occise, ô Christe sancte pro nobis crucifixe, qui vt lapsa reparares, in Cruce pependisti. Hæc omnia Augustinus.

Hieronymus autem ipsam hanc quoque declarans figuram, clareque ostendens, quis pro agno illo, quem assum Israëlita comederunt, præsignaretur, inquit: Christus ille Agnus est, in cuius typo immolabatur agnus, cuius cruor linitus in postibus, exterminatorem fugabat Ægypti: qui non solum sanguine suo nos redemit, sed & lanis operuit, vt algentes infidelitate, sua veste calefaceret; & audiremus Apostolum nobis loquentem: Quotquot in Christo baptizati estis, Christum induistis. & alio in loco: Induimini Christo Iesu. Et alibi idem sanctus Hieronymus eidem demonstrationi adhuc infiltens, subdit: Quis sit agnus iste immaculatus, siue perfectus, & anniculus, plenius Isaias nos docet, dicens: Sicut ovis ad victimam ductus est, & sicut agnus in conspectu tondentis se sine voce, & non aperuit os suum. & Jeremias: Ego autem sicut agnus innocens ductus ad victimam non cognoui. & Ioannes Baptista: Ecce Agnus Dei, qui tollit peccata mundi. Iste est Agnus, qui immolatur in Ægypto, de cuius sanguine armantur postes fidelium, & exterminator excluditur. Anniculus autem, quia prædicauit annum Domini acceptabilem, & diem retributionis. Hæc Hieronymus. Cyrillus verò Alexandrinus, siue potius Iodocus, dum veteris Testamenti figuras, quæ sanctæ Cruci Christi accommodari possunt, recenset, inquit: Hæc Crux postibus & superliminaribus domorum Israëlitarum figurata describitur, quæ sanguine agni delibuta, exterminatorem primogenitorum Ægypti, ne ingrederetur, prohibuit. C Et Ioannes Damascenus id etiam breuissime innuens ait: Ipsa Crux est signaculum, vt non tangat nos exterminator, vt inquit Scriptura.

Demum verò Isidorus Hispalensis Episcopus, agni Paschalis immolationem ad Christi Domini nostri eiusque sanctæ Crucis significationem pariter accommodans, de hac figura sic tradit: Interea fit Pascha. In occisione agni occiditur Christus; de quo in Euangelio dicitur: Ecce Agnus Dei, ecce qui tollit peccata mundi. Vespere immolatur agnus: in vespera mundi passus est Dominus. Prohibentur enim, qui Pascha faciunt, ossa frangere. Non franguntur in Cruce ossa Domini, attestante Euangelista, qui ait: Os eius non comminuetis. Sanguine agni illiniuntur Israëlitarum postes, ne vastator angelus audeat inferre perniciem. Signantur signo Dominicæ passionis in frontibus fideles populi, ad tutelam salutis; vt hi soli ab interitu liberentur, qui cruore Dominicæ passionis, corde & fronte signati sunt: qui etiam ore loquuntur: Signatum est super nos lumen vultus tui Domine. Vnde & appellatur ipsa sollemnitatis Phase, D quod nos transitum possumus vocare; eò quod de peioribus ad meliora pergentes, tenebrosam Ægyptum derelinquamus. Quod autem ait de agni illius esu; Omnis alienigena non comedet ex eo, in vna domo comedetur, nec efferetis de carnibus eius foras; hoc de Christi corporis Sacramento, cuius agnus ille figuram obtinuit, propriè tenetur scriptum: cuius corpus & sanguis in vna domo, id est, in Ecclesia vesci præcipitur; nec efferri foras in plebibus, scilicet hæreticorum, quæ ab eadem Ecclesia Catholica vnitæ foris vagantur.

Quarta sanctæ Crucis figura quæ ex sacro Exodi textu decerpitur, columna illa est nubis in die, & ignis in nocte, quæ Israëliticum populum antecedens, dum ab Ægypto discedens ad promissionis terram progrediebatur, iter illi

osten-

In Isaiam  
cap. 53.  
tom. 4.

In Ezech.  
cap. 46.  
tom. 4.

In Ioan.  
lib. 8. c. 17.

Orthod. fi-  
dei lib. 4.  
cap. 12.

In Exod.  
de Pascha,  
cap. 15.



A ostendebat, ducatumque ac tutelam præstabat. Qua de columna hæc habet facer textus: *Dominus autem præcedebat eos ad ostendendam viam, per diem in colum-* Exod. 13.  
*na nubis, & per noctem in columna ignis; ut dux esset itineris utroque tempore. Num-*  
*quam defuit columna nubis per diem, neque columna ignis per noctem coram populo.*

Quam quidem columnam Clemens Alexandrinus (licet subobscurè ac breuiter, ut assolet) ad sanctæ Crucis significationem deducit: *Quin etiam, inquit, ignis* Stromat. lib. 1. c. 13.  
*ille, qui columna erat similis, & ignis qui ingrediebatur per loca inuia, & ad quæ non*  
*patebat aditus, est symbolum ac signum sanctæ Crucis, quæ transit per terram, & in cæ-* In colum-  
*lum rursus recurrit per lignum; per quem etiam datum est nobis videre per intelligen-* na nubis &  
*tiam. Quasi diceret, columnam illam ignis, quæ Israëliticum populum antece-* ignis quo-  
*debat, ignemque illum, quem Moyses in rubo conspexit, significasse lucem quæ* modo Cru-  
*de cælo descendit, id est Christum, qui de seipso dixit: Ego sum lux mundi. qui* cis myste-  
*denuò per Crucis lignum cælos conscendit. Cuius Crucis virtute nobis datum* ria?  
*est intelligibiliter videre. Nam per illam lucem, quæ à refulgente Crucis lumi-*  
*ne nobis in terra nascitur, mens nostra in cælum attollitur, atque intelligentes*  
*efficimur. Sanctus verò Gregorius Nazianzenus ad hanc figuram ipsam inten-*  
*tionem intendens, breuiter inquit: Ego autem relictis omnibus rebus, Crucem unam* De extern.  
*habeo, quæ tamquam clarissima quedam columna, vitæ meæ præluceat.* hominis v-  
 tilitate.

At sanctus Ioannes Chrysostomus eandem figuram clariùs atque vtiliùs explicans, & ad sanctam Domini nostri Iesu Christi Crucem accominodans, ait: *Semper Crucem habe ante oculos tuos radiantem, & purus à peccatis per id tempus* In Ioseph. de conti-  
*abibis. Nam sicut columna nubis figura nostræ Crucis, Hebræorum multitudinem prote-* nentia Serm.  
*gebat, ne quid mali ab Ægyptiis pateretur: ita & Crux ante oculos visa, omnem statim* circa finē,  
*abigit malam voluptatem. Hæc enim salus est animæ, fœdarumque concupiscentiarum sa-* tom. 1.  
*lubre antidotum. Hæc Chrysostomus. Quòd autem columna ignis, quæ noctu*

Israeliticum populum antecedebat cum Ægypto exiret, Christi Crucis figuram & symbolum præ se tulerit, firmissimum habetur testimonium ex sancta Dei Ecclesia, quæ quotannis in Sabbati sancti Officio, Paschalem cereum præaltæ columnæ impositum accendere consuevit, quinque thuris grana, in Crucis formam infigens ei. Dumque eadem grana cereo ipsi configuntur, Diaconus in solemnī Præfationis tono hæc verba canit: *In huius igitur noctis gratia, sus-*  
*cipe sancte Pater incensi huius sacrificium vespertinum, quod tibi in hac cerei oblatione*  
*solemni, per ministrorum manus, de operibus apum, sacrosancta reddit Ecclesia. Sed iam*  
*columnæ eius præconia nouimus, quam in honorem Dei rutilans ignis accendit. Quibus*  
*verbis sancta Ecclesia cereum Paschalem illum non tantum in columnæ igneæ*  
*illius memoriam, quæ Israëliticum populum Ægypto exeuntem noctu illumi-*  
*nabat, viamque monstrabat, se accendere innuit; verum etiam apertè nos do-*  
*cet, columnam illam, symbolum & figuram sanctæ Crucis extitisse, in qua*  
*Christus Dominus gratum sacrificium æterno Patri, in odorem suauitatis fe-*

D ipsum obtulit. Quamobrem quinque illa grana thuris in Crucis formam Diaconus cereo infigit, in quinque eorum vulnerum honorem, quæ Christus Dominus in Cruce accepit. Circa cuius Paschalis cerei benedictionis carimoniam, Gulielmus Durantus Mimatensis Episcopus, in suo Diuinorum officiorum Rationali hæc scribit: *In quibusdam Ecclesiis, illuminatio cerei vsque post ap-* Declarata  
*positionem incensi differtur. Infigit enim ipsi cereo Diaconus quinque grana thuris in* mysteria  
*modum Crucis, cum dicit: Suscipe sancte Pater huius incensi sacrificium vesperti-* cerei Pas-  
*num. Siquidem Passio Saluatoris re vera fuit sacrificium vespertinum Legis; iuxta il-* schalis.  
*lud: Eleuatio manuum mearum sacrificium vespertinum: quod fuit in vespere mun-*  
*di, id est, in sexta etate factum, & in vespere diei. Quæ grana thuris designant aro-*  
*mata, quæ mulieres emerunt, ut vngerent crucifixum.* Lib. 6. de  
 benedictio-  
 ne Cerei.



Magno igitur mysterio Christi passio & mors, sacrificium vespertinum à A Spiritu sancto appellata fuit. Nam cum ipse manus in Crucem extendit, tunc Deo oblatum est omnium sacrificiorum sacrificium, cuius umbra & figura fuerunt omnia, quæ ab initio mundi usque tunc immolata fuere sacrificia: tum etiam sacrificium hoc omnia veteris Legis sacrificia deduxit ad vespertinam, clarissimo & felicissimo gratiæ superueniente die: qua in æternum potiri pro diuina eius misericordia nobis ille concedat, qui per sanctam Crucem suam nobis illam dedit. Amen.

## CAPVT IX.

*De Moysis Virga, quæ Mare rubrum diuisit, vt Israëliticus populus, eo traiecto, Pharaonem & Aegyptios illusus effugeret; & de Ligno, quod amaras aquas in dulcedinem conuertit.* B

**C**UM Israëliticus populus ab Ægypto fugiens ad Maris rubri litus appu-  
lisset, sanctus & magnus eorum Dux Moyses, virga sua, Deo iubente,  
aquas percussit, quæ confestim hinc inde diuisæ, ingenti ac numerofo exercitu  
iter præbuere, vt sicco pede, ad vltiora litora traiceret; quo Pharaonis & Ægy-  
ptiorum tyrannicas manus tutus euaderet. Quod admirandum planè facinus,  
quinta erit sanctæ Crucis figura, quæ in sacro Exodi textu continetur. De qua  
Exod. 14. ibidem: *Tu autem eleua virgam tuam, & extende manum tuam super mare, & diuide  
illud, vt gradientur filij Israël in medio mari per siccum. Cumque extendisset Moyses  
manum super mare, abstulit illud Dominus, flante vento vehementi & vrente tota no-  
cte, & vertit in siccum: diuisaque est aqua. Et ingressi sunt filij Israël per medium sicc  
maris: erat enim aqua quasi murus à dextra eorum & leua, &c. Cumque extendisset  
Moyses manum contra mare, reuersum est primo diluculo ad priorem locum: fugienti-  
busque Ægyptiis occurrerunt aquæ, & inuoluit eos Dominus in medijs fluctibus.  
Reuersaque sunt aquæ, & operuerunt currus & equites cuncti exercitus Pharao-  
nis, qui sequentes ingressi fuerant mare: nec vnus quidem superfuit ex eis.*

Virga Moy- Moyses autem virgam, tunc præsertim cum Mare rubrum diuiderat, sanctæ  
sis diuidens Crucis Christi symbolum præ se tulisse, omnes ferè sacri Doctores testantur.  
Mare, va- Quamobrem Cyrillus Alexandrinus, siue Iodocus Clithoueus, in diui Ioannis  
rie signat Crucem. Euangelium scribens, & de veteris Testamenti figuris agens, quæ eidem sanctæ  
Lib. 8. c. 17. Cruci adaptari possunt, inquit: *Hæc Crux est Virga Moysaica, quæ Mare rubrum  
percutiens, diuisit aquas, & traducto Dei populo, Regem Ægypti cum toto equitatu sub-  
mersit. Idem quoque Ioannes Damascenus affirmat, dicens: Virga Moysaica in si-  
Orthodo- militudinem Crucis, mare percussit, & saluauit Israël; Pharaonem autem submersit.*  
xæ fidei, li- Idem quoque scripto commendatum reliquit sanctus Chrysostomus, qui ex-  
bro 1. c. 12. ponens quid sit virga illa virtutis, de qua intelligere voluit Regius Propheta, D  
In Psal. 109 cum dixit: *Virgam virtutis tuæ emittet Dominus ex Sion*, sic tradit: *Habuit etiam  
Homil. 10. Moyses virgam, sed cum ea suscepit Dei operationem, per quam operabatur in omnibus.  
mo 1. Et illa quidem diuisit fluuios, hæc autem fregit impietatem totius orbis terræ. Neque à  
vero aberraueris, si Crucem quoque Domini voces virgam virtutis. Hæc enim virga ma-  
re & terram conuertit, & magna potestate repleuit.*

De temp. Verum longè altiùs quàm ceteri omnes, vtilioribusque & moralioribus sen-  
Serm. 90. sibus diuus Augustinus hanc ipsam figuram explicat, & ad sanctam Domini  
In feria 5. Crucem his verbis accommodat: *Post hæc iubetur Moyses virga percutere mare.*  
post 3. Do- *In virga mysterium sanctæ Crucis agnoscite. Et verum est, fratres: attendite enim &  
minicam videte, quòd nisi Virga super mare eleuetur, populus Dei de Pharaonis potestate non  
Quadrag. tollitur:*



**A** tollitur. Sic est fratres charissimi: si sancta Crux eleuata non esset, Christianus populus in æternum perisset; eleuata verò virga, id est, Cruce erecta, cedit mare, cedunt & fluctus eius; hoc est, vincitur mundus, & mundi istius potestates. Cogitur ergo fluctus in cumulum, & vnda in semetipsa repressa curuatur. Soliditatem recipit liquor, & salum maris arefcit in puluerem. Bonitatem Creatoris intelligite. Si voluntati eius obtemperas, si legem ipsius seruaueris, ipsa tibi elementa etiam contra sui naturam seruire compellit. Oremus ergo, fratres dilectissimi, vt Dominus noster, quod de Ægyptiis fecit in Mari rubro, faciat in corde & in corpore nostro, vt det nobis virtutem & adiutorium Spiritus sancti, vt in nobis ipsis spirituales Ægyptios possimus extinguere. Extinguit namque spiritalem Ægyptium, qui non agit opera tenebrarum. Extinguit Ægyptium, qui non carnaliter, sed spiritualiter viuit. Extinguit Ægyptium, qui cogitationes sordidas & impuras vel depellit ex corde, vel omnino non recipit. Sicut & Apostolus dicit: Assumentes scutum fidei, in quo possimus omnia tela maligni ignita extinguere. Hoc ergo modo possumus hodie etiam Ægyptios videre mortuos iacentes ad litus, submergi quadrigas eorum & equos. Possumus etiam Pharaonem videre submergi, si tanta fide viuamus, vt Deus pacis conterat satanam sub pedibus nostris velociter.

Et alibi, supradicta pænè repetens, hæc insuper adiecit: Moyses figuram habuit Domini Christi, quoniam Dux fuit populi. In virga agnoscite Crucem, in Mari rubro agnoscite Baptismum Christi sanguine purpuratum; Regem Ægyptiorum, populosque eius, auctorem peccatorum diabolum cum omnibus ministris eius. Sawit diabolus, quando nos videt per aquam Baptismi à sua oppressione liberari. Exclamate ad Moysen vestrum Dominum Christum, vt virga Crucis percutiat mare Baptismi: reuertatur aqua, & operiat Ægyptios: vt quemadmodum nullus remansit Ægyptiorum, nihil remaneat etiam vestrorum peccatorum. Totum mundet, qui totum fecit: reparet perdita, qui creauit omnia integra. Extinguat Pharaonem diabolum mortis auctorem, & suum populum liberet per aquam salutarem.

**C** Eadem postea pænè, licet breuius, scripsit etiam Beda Augustinum imitatus: Percussit virga Moyses aquas, & transferunt filij Israël. Rubrum Mare significat Baptismum Christi sanguine consecratum: virga autem qua mare tangitur, Crux Christi est, quam per Baptismum accipimus. Consepulti enim sumus cum illo per Baptismum. Inimici sequentes cum Rege, qui à tergo moriuntur, præterita peccata sunt, quæ diluuntur: & diabolus in spirituali lauacro, id est Baptismo, suffocatur. Hanc figuram virgæ Moysis quæ rubrum Mare diuisit, ad Domini nostri Iesu Christi Crucis significationem, aliis planè vtilibus atque moralibus sensibus constipatam & exornatam pariter deduxit Arator sanctæ Romanæ Ecclesiæ Subdiaconus, cum hisce carminibus piè canendo, dixit:

Quàm benè vox Pauli cecinit, præcepta lauacri  
Permiscens antiqua nouis, nec epistola cessat  
Nec iterare docens: Patres Baptismate nostri  
In rubro fulsere Freto sub nomine Moysi  
Per Legem, cum Petra simul sequeretur euntes.  
Consule signa Maris, quæ mystica dona susurrant  
Temporibus ventura Crucis, cum sanguine IESVS  
Tinxit aquas, laterisque vno de vulnere fluxit.  
Quod vitæ tria dona daret, rubor Æquoris ille  
Causa futura fuit: sic Conditor abluit omnes,  
Sic emit, hic pretij color est in gurgite Ponti;  
Apparent que vado miracula debita ligno.

Cosmas autem Ierosolymitanus de hac eadem sanctæ Crucis figura agens, innuit, quod cum Moyses rubri Maris aquas virga sua diuidere vellet, Crucis



Opinio singularis de  
disiuncto Ma-  
ri rubro,  
sed pia.

In Theog.  
Hymn. 9.

signum super aquas expressit; videlicet, cum aquas ipsas diuidi voluit, ut iter A præberent, quo filij Israël sicco pede in alterum rubri Maris litus traicerent, lineam rectam fecit; cum autem aquas easdem denuò conglutinari, & ad locum suum reuerti mandauit, ut Pharaonem cum Ægyptiis suis obruerent, Crucis transuersalem lineam designauit. Sic autem ille: *Crucem figurans Moyses, in recto baculo rubrum Mare dissecuit Israël pedibus eunti; hoc autem conuersuè Pharaonem curribus pulsans vnuit, in latitudine describens inuincibile telum. Idèò Christo canamus Deo nostro, quoniam glorificatus est.*

Neque enim hoc sanctus iste Pater propria inuentione, aut animi sui motu dixit: quin etiam veteres Rabbinij Hebræi asseuerant, quod cum Moyses virga sua prodigia illa magna patraret, versus quattuor ventos illam mouens peruoluēbat: idque Isaac Abarbanel præcipuè testatur, sua in Pentateuchum expositione, folio 142. columna 4. dum de ciniphum plaga agit, quam Deus in Ægyptios immisit: sic enim textus eius ex Hebraico in Latinum conuersus B habet: *Ecce autem quod virga in manu eius erat, ad conuertendum illam versus quattuor ventos: nam ducebat ac retrahebat, eleuabat ac demittebat; scilicet ut plaga ista foret per omnem locum.* Hæc ille. Si igitur versus quattuor ventos virgam vertebat, necessariò Crucis signum eadem designabat; taliq̃ue signo sanctissimæ Crucis virtutem & mysterium, quod Christi temporibus postea publicandum ac perficiendum erat, innuebat. In cuius rei confirmationem ad institutum nostrum magnopere facere videntur ea, quæ in peruetusto quodam libro Hebraico idiomate conscripto, qui extat in Bibliotheca Vaticana, cuius titulus est *Ghemariot*, leguntur super verbis illis Exodi capite quarto, vbi Deus Moyse dixit: *Virgam quoque hanc sume in manu tua, in qua facturus es signa.* In quo quidem libro apertè dicitur, quod virga illa Messiam significabat; & signa quæ per eandem virgam fiebant, miracula præsignabant quæ diebus Messie fieri debebant. Cuius libri verba ex Hebraico in Latinum sermonem versa sunt huiusmodi: *Virgam C hanc capies in manu tua, cum qua facies signa. Accentus desuper ostendunt aliam virgam, quæ non est ista. Hic est Messias, qui vocatur: Virgam virtutis tuæ emittet Dominus ex Sion. Hoc significat virgam hanc, id est, Messiam; & ostendit futuram, dicens: Cum qua facies signa. Hæc dictio Signa, habet accentum supra: indicat autem miracula futura diebus Messie. Jsaïas cap. 33. Tunc aperientur oculi cæcorum, &c.*

Exod. 15.

Sexta sanctæ Crucis Christi Domini nostri figura, quæ sacro Exodi textu continetur, lignum illud est à Deo Moyse ostensum, ut in amaras Maræ aquas iniiceret; à quo in dulcedinem eam versæ sunt, ut sitibundi filij Israël ad satietatem bibere potuerint, ardentemque sitim illam, qua in deserto angebantur, restinxerint; de qua figura in eodem sacro textu hæc præcipuè dicuntur: *Tulit autem Moyses Israël de Mari rubro, & ingressi sunt in desertum Sur: ambulaueruntque tribus diebus per solitudinem, & non inuenerunt aquam. Et venerunt in Mara; nec poterant bibere aquas de Mara, eò quod essent amaræ; vnde & congruum nomen loco D imposuit, vocans illud Mara, id est, amaritudinem. Et murmurauit populus contra Moysen, dicens: Quid bibemus? At ille clamauit ad Dominum, qui ostendit ei lignum; quod cum misisset in aquas, in dulcedinem versæ sunt.*

Dialogo  
cum Try-  
phone Iu-  
dæo.

Quam quidem figuram Iustinus Martyr innuere voluit, dum in disceptatione sua cum Tryphone Iudæo, ingrati populi illius incredulitatem atque perfidiam carpens, ait: *Vobis alimonie causa, per Angelos, celestes panes, manna scilicet, pluit; ut ne penuriam comæatuum annonæ quæreretis: & quibus vnda Mara in dulcedinem est conuersa, & lignum eius qui crucifixus erat in serpentibus exhibitum est: Deo vobis ante tempora sua omnia mysteria singulari gratia sua ostendere occupante; erga quem ingrati semper fuisse coarguimini.* Verum hanc sanctæ Crucis figuram clariùs



A clariùs atque altiùs his verbis explicauit Origenes: Sicut lignum, inquit, quod mis- In Ierem. cap. 12. Homil. 8.  
sum est in amaram aquam, fecit dulcedinem; sic lignum passionis Christi missum in doctri-  
nam eius, fecit panem illum dulciorem. Ante enim quàm immitteretur lignum in panem  
eius, quando tantummodò panis erat, & non erat lignum, in vniuersa terra non exierat  
sonus eius. Postea verò quàm assumpsit fortitudinem per lignum, tunc in vniuersum or-  
bem passionis eius disseminatus est sermo. In cuius figura, & aqua in veteri Testamento  
ad tactum ligni dulcis effecta est.

Et alibi idem magnus expositor subiunxit, dicens: Putasne, habet aliquid ra- In Exodi cap. 15. Homil. 7. Lignū tol- lens ama- ritudinem in Mara, luculenta figura Cru- cis.  
tionis, quòd non antè in Elim ducitur populus, vbi erant duodecim fontes aquarum,  
quibus nihil amaritudinis inerat, imò potius vbi erat amœnitas plurima, ex densitate  
palmarum: sed primò ductus est ad aquas salsas & amaras, quibus per lignum monstra-  
tum à Domino dulcibus effectis, postea venit ad fontes? Si historiam solam sequamur,  
non multum nos edificat scire ad quem locum primò venerit, & ad quem secundò. Si ve-  
rò rimemur in his mysterium latens, inuenimus ordinem fidei. Primò enim ducitur popu-  
lus ad litteram Legis, ab hac littera Legis, donec permanet in amaritudine sua, recedere non  
potest. Cum verò per lignum vitæ, dulcis fuerit effecta, & intelligi Lex spiritaliter cœpe-  
rit, tunc de veteri Testamento transitur ad nouum, & venit ad duodecim Apostolicos  
fontes. Ibi etiam reperientur septuaginta palmeta. Non enim soli duodecim Apostoli fi-  
dem Christi prædicauerunt, sed & alij septuaginta missi ad prædicandum verbum Dei  
referuntur, per quos palmas victoriæ Christi mundus agnosceret. Non ergo sufficit po-  
pulo Dei aquam Merrhæ bibere, quamuis in dulcedinem versa sit; quamuis per lignum  
vitæ & mysterium Crucis omnis litteræ amaritudo depulsa sit: solum vetus Instrumen-  
tum non sufficit ad bibendum; sed veniendum est ad nouum Testamentum, de quo absque  
scrupulo bibitur, absque ulla difficultate potatur. Iudei etiam nunc apud Merrham  
sunt, etiam nunc assident ad aquas amaras. Nondum enim eis Deus ostendit lignum, per  
quod dulces fierent aquæ ipsorum. Etenim prædixit eis Propheta: Quia nisi credideritis, Isaia 7.  
neque intelligetis.

At longè breuius, vt assolet, figuram explicauit Tertullianus his verbis: Hoc  
lignum Crucis tunc in sacramento erat, quo Moyses aquam amaram indulcauit. Unde  
populus qui siti peribat in eremo bibendo reuixit: sicuti nos qui de sæculi calamitatibus  
extracti, in quo commorabamur siti pereuntes, id est verbo diuino pastinati, ligno pas-  
sionis Christi, aquam Baptismatis potantes, fide quæ est in eum reuiximus, à qua fide Is-  
raël excidit.

Sanctus verò Ioannes Chrysostomus breuiter quidem, sed longè clariùs eam-  
dem his verbis exposuit: Quin etiam Moyses, inquit, demisso ligno in Merrham, ama- De pretio- sa vitalisq. Crucis ve- natione, tom. 1.  
ras aquas dulces reddidit, in figuram Crucis Christi, qui mundum ex diaboli amarore  
dulcem fecit. Sanctus etiam Gregorius Nyssenus iter illud describens, quod  
Moysè ducente, filij Israël in desertum fecerunt, de amara aqua Maræ ab eo-  
dem Moysè per lignum in dulcedinem versa, sic ait: Iter post hæc Iudæi tribus De vita Moyfis.  
peregerunt diebus, castrametatique in quodam loco fuerunt, vbi aquam repperunt  
amaritudine nimia nequaquam potabilem: sed lignum à Moysè in aquam immissum, in  
dulcedinem amaritudinem eius conuertit. Huic historiæ res ipsa, quam spiritualibus ac-  
cidere Iudæis videmus, optimè congruit. Nam qui voluptatibus in Baptismo renuntia-  
uit, quibus in priori vita seruiebat, amarum atque arduum Christi iugum ei primò vi-  
detur; sed lignum quoddam immissum, id est, resurrectionis mysterium, quod per lignum,  
per Crucem videlicet Christi, qui in Cruce mortuus est, id inquam resurrectionis myste-  
rium toto corde admissum atque creditum, suauiore reddidit vitam, quæ secundum  
Christum est, omnibus quæ dulcedine sensum persundunt, spe futurorum iucundissimè  
conditam. Hæc ille.

Magnus verò pater sanctus Ambrosius longè clariùs, & meo quidem iudicio



Super A-  
pocalypsim  
c. 6. tom. 3.

magis appositè quàm prædicti, eandem figuram declarat: *Post transitum*, inquit, *Maris rubri*, venerunt in *Marath*, ubi aquas amaras inuenerunt, quas bibere non poterant. Et ostendit Dominus Moysi lignum, quod cum misisset in aquas, in dulcedinem versæ sunt. Per aquas amaras, lex Moysis designatur; per lignum autem, passionem Christi, eò quòd in ligno Crucis completa fuerit, debemus intelligere. Populus igitur qui ex *Aegypto* egressus est, aquas amaras inuenit, quia Legem acceperunt, quam implere non potuerunt. Sed Gentibus ad fidem Christi venientibus, amaritudo Legis per passionem & resurrectionem Christi in dulcedinem versa est, quæ ab eis spiritaliter, non carnaliter intellecta est.

Cōtra Fau-  
stū Ma-  
nichæum,  
lib. 12. ca-  
pite 30. to-  
mo 6.

Nec minùs doctè quàm Ambrosius filius eius spiritalis Augustinus eandem ad Christi Crucis significationem accommodans, ait: *Ducitur populus per desertum*. Baptizati omnes nondum perfruentes promissa patria, sed quod non vident, sperando, & per patientiam expectando, tamquam in deserto sunt. Et illic laboriosæ & periculosa tentationes, ne reuertantur corde in *Aegyptum*. Nec ibi tamen Christus deserit: nam & illa columna non recedit; & amara aqua ligno dulcescunt: quia inimici populi, signo Crucis honorificato mansuescunt; & duodecim fontes septuaginta palmæ arbores irrigantes, Apostolicam gratiam præfigurant, populos in septenario numero decuplato rigantem, ut per septiforme spiritus donum, Legis Decalogus impleatur. Et alibi idem Augustinus de ipsa hac figura agens, eandemque clariùs explicans, inquit: *Vt ergo bibi possit aqua amara*, ostendit Deus lignum, quod mittatur in eam, ut qui ex ea biberit, non moriatur, nec amaritudinem sentiat. Vnde constat, quòd si quis sine ligno vitæ, id est, sine mysterio Crucis, sine fide Christi, sine intelligentia spiritali bibere voluerit de Legis littera, per amaritudinem moriatur. Hæc sciens Paulus Apostolus dicebat: *Quia littera occidit*; hoc est apertè dicere, *Quia aqua amara occidit*, si non per spiritum in dulcedinem conuertatur. Lignum ergo in aquam mittitur, ut in dulcedinem commutetur. Verum est, fratres, tunc amaritudo ab aqua tollitur, quando Crucis lignum Baptismi sacramento coniungitur. Hæc Augustinus.

In Ezech.  
cap. 47.

Sanctus quoque Hieronymus breuiter quidem, sed clarè, hanc figuram ligni, quod amarā aquam Maræ in dulcedinem vertit, ad Crucis significationem, his verbis deducit: *Quæ aqua alio nomine vocatur Marath, hoc est amaritudo: in qua lignum Crucis mittitur, & amara vertuntur in dulcia.*

Commēt.  
in Exod.  
cap. 11.

Eandem non minùs sanctè quàm doctè Isidorus Hispalensis hoc pacto exponit: *Egressus*, inquit, *populus de Mari rubro*, occurrit *Eremus*, in qua tribus diebus ingredientibus, non habuerunt aquam, & peruenerunt ad fontem *Marath*, qui ex amaritudine nomen accepit. *Murmurat populus*, videns aquas, & potare non sustinens. *Mittit lignum Moyses in aquas*, & factæ sunt dulces. Intellige amaras aquas, occidentis litteræ & Legis habere figuram. Quibus si immittatur confessio Crucis, & passionis Dominicæ sacramentum iungatur, tunc efficitur aqua miræ suauitatis; & amaritudo litteræ vertitur in dulcedinem intelligentiæ spiritalis. Vnde & scriptum est: *Constituit Dominus populo suo legem & iudicia, & tentauit eum*. Alio quoque sensu, quòd aqua amara ligno in se suscepto, dulcescunt; indicio erat, amaritudinem Gentium per lignum Crucis Christi, in rorem dulcedinis quandoque esse vertendam. Sciendum verò iuxta superiorem sensum, quòd primùm ductus est *Israël* ad aquas falsas & amaras; & ligno monstrato à Domino dulcibus effectis, postea venit ad fontes. Primò enim ducitur populus *Israël* ad litteram Legis: in qua donec permanet, de amaritudine recedere non potest.

Quæst. in  
Exod. 26.

Theodoretus etiam hoc miraculum amararum aquarum Maræ, quæ per lignum immissum in dulcedinem versæ sunt, ad sanctæ Crucis figuram sic deducit: *Superfluum*, inquit, atque stultum est, querere quæ silentio tradita sunt. Nobis autem sufficit cognoscere, aquam, quæ prius erat amara, per lignum in dulcem mutatam esse qualitatem. Quæ res saluationem nostram præfigurat: Crucis enim salutare lignum,

Mare



A *Mare Gentium amarum, dulce reddidit.* Immerge igitur Domine præcipuo gratiæ tuæ dono, memoriæ & cordis nostri fonti, sanctæ Crucis & passionis tuæ lignum, ut peccatorum nostrorum amaræ aquæ in bonorum operum tibi placentium dulcedinem vertantur. Ut postquam huius sæculi amarum mare transiuerimus, ad æternorum gaudiorum dulcedinem tutè perueniamus in cælum, ubi cum omnibus Sanctis & electis tuis, te in æternum laudantes & benedicentes, iugiter dicere valeamus: Ecce in pace dulcis effecta est amaritudo mea amarissima. Amen.

## CAPVT X.

B *De Moysis Virga, qua Horeb petrâ percussâ, copiosa fluxerunt aquæ. De eodem Moysæ, qui extensis brachiis Deum precatus est. De nomine Dei tetragrammaton; & de Hebræorum summi Sacerdotis unctione.*

CUM ex deserto Sin filij Israël discessissent, tabernacula fixerunt, & castrametati sunt in loco, qui Raphidim appellatur, à monte Horeb non valdè distans; ubi cum non adessent aquæ, quibus potarentur, acriter murmurauerunt contra Moysen, qui, Deo iubente, petram Horeb virga percussit, & copiosa aquæ ex ea fluxerunt, quæ populi sitim ad satietatem usque restinxerunt. In quo planè admirando facinore, Moysis virga septimam sanctæ Crucis quæ ex sacro Exodi libro decerpitur exhibuit figuram. De qua in eodem sacro textu hæc comperimus: *Et ait Dominus ad Moysen: Antecede populum, & sume tecum* Exod. 17. *de senioribus Israël, & virgam, qua percussisti flumen, tolle in manu tua, & vade. Et ego stabo ibi coram te supra petram Horeb: percutiesque petram, & exibit ex ea aqua, ut bibat populus.* Quam figuram sanctus Augustinus mirabiliter ita exponit: *Dixit ergo ad Moysen Dominus: Tolle virgam, & percutite petram, ut educat populo* De temp. *aquam. Ecce est petra, & habet aquam: sed hæc petra nisi percussa fuerit, aquas omnino* Serm. 93. *non habet; percussa verò, fontes producit & flumina, sicut in Euangelio legimus: Qui* Virga per- *credit in me, flumina de ventre eius fluent aquæ viuæ. Percussus enim Christus in Cru-* cuitens pe- *ce, noui Testamenti fontes eduxit. Neesse enim erat, ut ille percuteretur. Nisi enim ille* trâ Horeb, *percussus fuisset, & de sacro eius latere sanguis & aqua manasset, vniuersus mundus* typus Cru- *sitim verbi Dei patiens interiisset. Et alibi idem magnus Pater hæc adiecit: Deni-* cis Christi. *que percussa est petra ligno, ut aqua flueret. Virga enim percussa est. Quare ligno, non* In lib. 50. *ferro? nisi quia Crux ad Christum accessit, ut nobis gratiam propinaret. Hæc ille.* Homiliarū, *Homil. 27.*

Verum sanctus Ioannes Chrysostomus longè breuius quidem, sed clarè admodum hanc ipsam figuram virgæ Moysis, qua petram percussit, ad sanctæ Crucis Christi significationem adduxit, dicens: *Moysis etiam virga, quæ silicem* De adora- *discebat, Crucem Christi significabat, qui corda voluntatemque hominum diuisit; Spi-* tione pre- *ritusque sancti manus in eis inseruit.* At Isidorus Augustini cogitationes panè imi- tiosæ Cru- *tatus, illasque amplificando, de hac sanctæ Crucis figura sic inquit: Post manna* cis Serm. *queritur populus ab ardore sitis, & fons de petra erupit. Eadem autem petra quæ per-* Commēt. *cussa aquam euomit, Christi figuram habuit: ad quem velut virga, lignum passionis ac-* in Exod. *cessit, ut emanaret credentibus gratia. Percussa enim petra, fons manauit. Percussus in* cap. 24. *Cruce Christus, sitientibus lauacri gratiam, & donum Spiritus sancti effudit. Petram enim istam, figuram habuisse Christi, probat Apostolus, cum dixit: Bibebant autem de spiritali consequente eos petra: petra autem erat Christus. Quod autem sitiens populus propter aquam murmurat aduersus Moysen, & propterea iubet Deus, ut ostendat eis petram de qua bibant; quid hoc significat, nisi quia si quis est qui legens Moysen, mur-* *murat*



*murat aduersus eum, & displicet ei Lex, quæ secundum litteram est scripta, ostendit eis A*  
*Moyſes petram, quæ est Christus, & adducit eum ad ipsam, ut inde bibat, & reficiat*  
*sitim suam? Idem quoque ceteros veteres Patres secutus Beda, paucis affirmavit:*  
*Dehinc petra percussa, inquit, aquam vomuit, quæ Christum significat. Percussus*  
*enim Christus in Cruce, sitientibus gratiæ lauacrum effudit.*

In Exod.  
exposit.  
cap. 17.

Octauam sanctæ Crucis Christi figuram, quæ ex sacra Exodi historia colli-  
 gitur, Moyſes ipse expressit & efformauit, dum Deum precatus, ut Iosue ac  
 populo suo contra Amalec victoriam tribueret, brachia aperta & sursum ex-  
 tensa tenebat; ut in eodem sacro textu hisce verbis scripto commendatum est:  
 Exod. 17. *Venit autem Amalec, & pugnavit contra Israël in Raphidim. Dixitque Moyſes ad Io-*  
*sue: Elige viros, & egressus pugna contra Amalec cras: ego stabo in vertice collis, ha-*  
*bens virgam Dei in manu mea. Fecit Iosue ut locutus erat Moyſes, & pugnavit con-*  
*tra Amalec: Moyſes autem & Aaron & Hur ascenderunt super verticem collis.*  
*Cumque leuaret Moyſes manus, vincebat Israël: sin autem paululum remisisset, supera-*  
*bat Amalec. Manus autem Moyſi erant graues: sumentes igitur lapidem, posuerunt sub-*  
*ter eum in quo sedit; Aaron autem & Hur sustentabant manus eius ex utraque parte.*  
*Et factum est ut manus illius non lassarentur vsque ad occasum solis. Fugauitque Iosue*  
*Amalec, & populum eius, in ore gladij.*

In Dial. cū  
Tryphone  
Iudæo,

De quo admirando facinore ac sanctæ Crucis indubitata figura Iustinus  
 Martyr differens, inquit: *Cum populus bellum gereret aduersus Amalec, & Naue*  
*filius Iesu nomine cognominatus, inter primos pugnaret, Moyſes ipse Deum orabat, mani-*  
*bis utrimque expansis: Hur autem & Aaron eas die toto sustinebant, ne ipso defatigato*  
*demitterentur. Nam si quidquam remittebatur de signo isto Crucem imitante, prout in*  
*Moyſe litteris est scriptum, populus vincebatur: sin in statu isto permanebant, Amalec*  
*superabatur. Et qui fortis erat, per Crucem fortis rem præclare gerebat. Non enim pro-*  
*pterea quod Moyſes ita orabat, populus in prælio superior erat; sed quod nomine Iesu in*  
*prima acie versante, ipse Crucis signum designabat. Et paulò inferius idem Sanctus C*  
*hæc adiecit: Duos aduentus Christi fore, figuratè sub Moyſe promulgatum antè dixi,*  
*per symbolum eorum qui in ieiunio offerebantur hircorum. Et rursum in eo quod Moyſes*  
*& Iesus fecerunt, idem hoc Christi mysterium per figuram est prænuntiatum. Horum*  
*enim alter manus expandens in colle, ad vespèram vsque mansit manibus sustentatis:*  
*quod nullius alterius rei, quàm Crucis notam designauit. Alter verò Iesu nomine cogno-*  
*minatus, aliis in pugna præit; vnde victoria Israël est parta. Hæc Iustinus.*

Moyſes ex-  
tensis ma-  
nibus vin-  
cens Ama-  
lec, typus  
est Christi  
crucifixi.

Aduersus  
Iudæos,  
cap. 10.

Pulcherrima sanè cogitatione inuestigauit Tertullianus, quidnam causæ  
 esse potuerit, cur dum Iesus Naue & Israeliticus populus contra Amalec præ-  
 liaretur, Moyſes eleuatis manibus apertisque brachiis in monte consideret, cum  
 rebus in tanto discrimine versantibus, genibus potius flexis, manibus pectora  
 tundentibus, vultuque humi prouoluto, præliatores potius oratione Deo com-  
 mendare debuisset. Et denique respondet id non alia ratione factum, nisi ut in-  
 nueretur, Crucis signum formamque necessariam quandoque futuram his, qui D  
 post Domini & Saluatoris nostri Iesu Christi passionem, contra diabolum præ-  
 liaturi essent. Jam verò, inquit, *Moyſes, quid utique tunc tantum, cum Iesus aduer-*  
*sus Amalec præliabatur, extensis manibus orabat residens, quando in rebus tam attoni-*  
*tis, magis utique genibus positus, & manibus cadentibus pectus, & facie humi voluta-*  
*ta, orationem commendare debuisset? Nisi quia illic ubi nomen Iesu dimicabat, dimica-*  
*turi quandoque aduersus diabolum, Crucis habitus quoque erat necessarius, per quam*  
*Iesus esset victoriam relaturus. Hæc Tertullianus.*

Orth. fidei,  
lib. 4. c. 12.

De vita  
Moyſis.

Ioannes autem Damascenus hanc Crucis figuram hoc pacto breuissimè ex-  
 plicauit: *Manus cruciformiter extensa Amalec repulerunt. Quibus verbis Grego-*  
 rius Nyſſenus, his suis, supplementum aliquod afferre videtur: *Quam quidem*  
 victo-



A *Victoriam*, inquit, *extensio manuum Moysis*, per quam *mysterium Crucis* figuratur, *præstitit*. Et sanctus Chrysostomus de eadem figura sermonem habens: *Quo-*  
*dam tempore*, inquit, *exteri quidam & peregrini populi, Israëlitis in ipsa solitudine bel-*  
*lum faciebant, nomine Amalecitæ. Moyses autem Iesum Naue filium, legatum sui exer-*  
*citus, & successorem in imperio designatum, armatum proficisci iubet: ipse interea in*  
*monte subsistens, manibus in cælum sublatiis. Factum est cum extenderet manus, vince-*  
*bat Israel, & cum dimitteret ingrauescentes ob magnitudinem corporis, vincebat Ama-*  
*lec. Quid hæc figura sibi vult? Judæus quidem metuens, ne ex hac imagine gloria Cru-*  
*cis elucescat, Nihil, inquit, eorum quæ abs te finguntur, hæc figura continet. Confirmatio*  
*illa manuum, orationis figura erat, non imaginis, quam tu animo & mente concipis. Quod*  
*si ita est, & victoria illa fructus precationis fuit, cur igitur historia illa victoriam ora-*  
*tionis non attribuit? Neque enim historia ita habet: Cum Moyses precabatur. Liqueat ergo*  
*illam victoriam non fuisse fructum vel premium orationis, sed imaginis & configura-*  
*tionis manuum. Quando enim Moyses demisit manus, vincebatur Israel: quando verò*  
*explicabat, vincebatur Amalec. Si enim victoria illa orationi adscribenda, dicendum*  
*fuiisset: Et quando Moyses precabatur, vincebat: sed, ut modo dixi, oratione interpo-*  
*sita, non illa quidem inutili, & quæ nihil ad rem faceret, sed tamen quæ Crucis imagini*  
*concederet, hæc figura & hoc signo victoriam illam describit. Quando enim Moyses ma-*  
*nus expandebat, vincebat Israel. Quid autem manus expansa? Finge apud animum*  
*tuum manus expansas, ut adorandæ Crucis splendorem imaginem perspicias. Sed de-*  
*fatigatus est, inquit Scriptura, Moyses; neque enim manus, tanta corporis mole delassa-*  
*tæ, seruandæ illi configurationi suppetebant. Quid ergo? Ne illo schemate disturbato, vi-*  
*ctoria quoque amitteretur, astabant Moysi Aaron & Or, & manus subleuabant; ne*  
*evanescente Crucis imagine & cessante, victoria quoque manibus excideret. Quare ve-*  
*rò omnino Aaron & Or manus suffulciunt? Aaron frater, Pontificis munere funge-*  
*batur: Or verò cognatus erat Regis. Itaque imaginem Crucis, sacerdotium & regnum,*  
*instar satellitij stipant, & tuentur. Hæc Chrysostomus.*

De serpente,  
 quæ Moy-  
 ses erexit  
 in solitudi-  
 ne, itemq;  
 de Trinita-  
 te, Orat. 2.  
 tomo 5.

Diuus quoque Gregorius Nazianzenus, licet obiter quidem, clarè nihilomi-  
 nus innuit elevationem illam manuum, illamque Moysis brachiorum exten-  
 sionem in oratione, sanctæ Crucis figuram extitisse; dicens: *Hæc si feceris, atque*  
*ita Aegypto excesseris, mihi crede, nobis columna tibi die ac nocte iter præmonstrabit,*  
*asperitas deserti mitescet, mare tibi scindetur, Pharaonis aquis obruetur, panis pluviæ in-*  
*star pluet, & petra scaturiet; Amalec opprimetur, non armis tantum, sed etiam expan-*  
*sis iustorum manibus, precationem simul atque insuperabile Crucis trophæum signanti-*  
*bus. Sanctus etiam Cyrillus Alexandrinus, siue Iodocus Clithoueus, declarauit*  
*manus Moysis in oratione extensas figuram habuisse sanctæ Crucis; qua, & ora-*  
*tionem simul, superbum Amalec præliorum peritissimum, & contra Israëliti-*  
*cum populum exercitum ductantem, superauit: Ipsius Crucis figuram, inquit,*  
*atque formam, manibus extensis referens Moyses, superbum Amalec pugnam scien-*  
*tem, atque in populum Dei ductantem exercitum, oratione ad Deum facta, vicit.*

Orat. 2. in  
 Pascha.

In Ioan.  
 Euang. li-  
 bro 8. c. 17.

Sanctus autem Cyprianus Africæ primas & Christi Martyr fortissimus, ex  
 perseverantia illa Moysis permanendi usque ad vesperam brachiis extensis,  
 manibusque ad cælum leuatis, non solum ansam arripuit huius figuræ myste-  
 rium explicandi, illamque ad sanctæ Crucis significationem deducendi; ve-  
 rum etiam ad martyrij patientiam & tolerantiam sanctos Martyres hortandi,  
 his verbis: *Quod exemplum perseverandi & permanendi designatur in Exodo, ubi*  
*Moyses ad superandum Amalec, qui figuram portabat diaboli, in signo & sacramento*  
*Crucis adleuabat supinas manus. Nec vincere aduersarium potuit, nisi postquam stabi-*  
*lis in signo, adleuatis iugiter manibus perseverauit. Et alibi, licet breuiter admodum,*  
*clare tamen asseruit, ab Iosue, per Crucis signum, quod Moyses brachiis figu-*  
*rabat*

De exhor-  
 tat. Marty-  
 rum.



rabat extensis, deuictum Amalec; sic enim inquit: Hoc signo Crucis & Amalec A  
 victus est ab Iesu per Moysen. Hæc Cyprianus.

Augustinus verò non vno quidem doctissimorum ac diuinorum operum  
 suorum loco, sed quamplurimis, hanc Crucis figuram altissimis sensibus, peru-  
 tilibusque documentis constipatam explicare pergit; ibi verò præsertim, vbi de  
 ca sic tradit: Sunt autem quidam, inquit, qui se putant ad contemplandum Deum, &  
 inherendum Deo, virtute propria posse purgari, quos ipsa superbia maximè maculat.  
 Nullum enim vitium est, cui magis diuina lege resistitur, & in quod magis accipiat do-  
 minandi ius ille superbissimus spiritus, ad ima mediator, ad summa interclusor, nisi occul-  
 tè insidians, alia via deuitetur, aut per populum deficientem; quod interpretatur Ama-  
 lec, apertè sauiens, & ad terram repromissionis repugnando transitum negans, per Cru-  
 cem Domini, quæ Moysis manibus extensis est præfigurata, superetur. Et alibi eandem

De Trini-  
 tate, lib. 4.  
 cap. 15. to-  
 mo 3.

De Ciuit.  
 Dei, lib. 10.  
 cap. 8.

De quinq.  
 hæresibus  
 contra Iu-  
 daeos.

Cōtra Fau-  
 stum Ma-  
 nichæum,  
 lib. 2. c. 30.

De temp.  
 Sermon. 93.  
 Singula de  
 Moyse, Io-  
 sue, & A-  
 males ele-  
 gantissimè  
 explicata.

paucioribus explicat: Obuios hostes, transitumque prohibentes atque præliantes, oran-  
 te Moyse, manibusque eius in figuram Crucis extensis, nullo Hebræorum cadente pro-  
 stratos. Et iterum Iudæorum perfidiam proscindens atque retundens, adiecit:  
 Nobiscum, inquit, est Moyses ille magnus amicus Dei, qui ut hostem vinceret prælian-  
 tem, manus ad cælum extendit, iam tunc figuram Crucis Christi ostendens. Et denuò  
 contra Faustum Manichæum scribens, ad institutum hoc appositè subdit: Et  
 hostis intercludere molitus viam, extensis Moysis manibus, signo Crucis Dominicæ  
 superatur.

Demum verò, idem magnus sanctæ Ecclesiæ Doctor, hæreticorumque du-  
 rissimus malleus Augustinus, magna populorum qui cum audiebant ædifica-  
 tione atque profectu, in suis ad plebem sermonibus; hac sanctæ Crucis figura  
 vtiliter vtens, de ea sic disseruit: Fecerunt ergo bellum filij Israel; & Moyses vocat  
 Iesum, & dicit ad eum: Elige tibi viros, & pugna contra Amalec. Vsq̃ue ad hunc lo-  
 cum beati huius nominis mentio, id est Iesus, nusquam facta est. Hic primum vocabuli  
 huius splendor obfulsit. Moyses vocat Iesum; Lex inuocat Christum. Elige, inquit, tibi vi-  
 ros potentes. Non poterat Moyses eligere viros potentes; Iesus solus est, qui potest viros  
 potentes eligere. Ipse utique, qui dixit Apostolis suis: Non vos me elegistis, sed ego elegi  
 vos. Ipse est, qui domum fortis intravit, & vasa eius diripuit. Moyses autem ascendit in  
 verticem collis. Et factum est, cum eleuaret manus Moyses, vincebat Israel. Aduerte  
 fratres: Moyses manus quidem leuat, non tamen extendit. Cui ergo seruabatur ut ma-  
 nus extenderet, nisi Domino nostro Iesu Christo, qui extentus in Cruce, vniuersum or-  
 bem complexus, brachia pietatis expandit? Moyses ergo leuauit manus, & licet non ex-  
 pandit, tamen ipsa eleuatione mysterium Crucis ostendit. Videte fratres, iam tunc per sa-  
 cramentum Crucis superatas esse aduersarias gentes. Et nos, fratres dilectissimi, si adiu-  
 uante Domino manus erigimus, diabolum superamus. In manibus opera debemus accipe-  
 re. Si ergo talia sunt opera tua, ut illa possis in altum in conspectu Domini leuare, potes  
 etiam & tu in teipso aduersarios tuos extinguere. Quis benè manus leuat, nisi qui assi-  
 duè victum ac vestitum pauperibus subministrat? Quis benè manus leuat? Ille utique  
 qui implet illud Apostoli: Eleuantes, inquit, puras manus sine ira & disceptatione.  
 Quia ergo quotidie nobis & vobis pugna imminet contra aduersarias potestates, si volu-  
 mus vincere, manus nostræ, id est, actus nostri, & conuersatio nostra non sit in terris: sed  
 sicut Apostolus dicit: Super terram ambulantes, conuersationem habeamus in cælo. Scri-  
 ptum est tamen, quia sicut vitulus ablingit in campis herbam viridem, ita populus Israel  
 ablinget populum Amalec super terram. Per quod indicari videtur quia populus Dei  
 non tam manu & armis, quàm voce pugnabat & lingua, id est, orationem ad Deum fun-  
 debat. Ergo & tu, si vis vincere, audi Apostolum dicentem: Orationi insistentes, & vi-  
 gilantes in ea. Hæc est Christiani pugna gloriosissima, non in suis viribus præsumere, sed  
 semper Dei auxilium implorare. Hactenus Augustinus.

Hiero-



**A** Hieronymus autem hanc ipsam figuram, breuiter tamen, interpretatus est hoc modo: *Moyſes aſcendit in montem, Jeſus contra Amalec militat, ad Crucis ſignum ſuperatur inimicus.* Et alibi hortaturus nos, vt à peccati ſomno ac morte expurgiſcamur, ſtrenueque contra hoſtem antiquum ſub inuicti Imperatoris Chriſti Domini noſtri ductu pugnemus, adiecit: *Legatus qui ad Gentes miſſus eſt, hæc loquitur: Surge qui dormis, & eleuare à mortuis, & illuminabit te Chriſtus.* Ac ne forſitan grauis nobis & inſolens pugna videatur; Me, inquit, habebitis primum in acie: ego ero ἀρχηγός, prælitorum, qui & Jeſu filio Naue gladium tenens apparui; & Amalec Crucis meæ vexillo, Moyſe pugnante, ſuperauit. Hæc Hieronymus. Sanctus verò Iſidorus, qui in allegoriis declarandis explicandiſque nulli ſecundus habendus eſt, hanc ſanctæ Crucis figuram interpretaturus, ſic ait: *Poſt hæc Moyſes aſcendit in montem, & Ioſue contra Amalec militat: tenet virgam Moyſes, brachiaque ſua in modum Crucis extendit: ſicque hoſtis, id eſt, diabolus viam cæleſtis patriæ intercludere moliens, ſigno Crucis Dominicæ ſuperatur.* Dum leuaret manus Moyſes, vincebat Iſrael; rursus ſi inclinaret, ſuperabat Amalec. Eleuantibus enim nobis actus noſtros in cælum, reſtores tenebrarum ſubiiciuntur: at contra, remiſſis orantes manibus, hoc eſt, terrenam conuerſationem ſectantes, hoſtis victor inſequitur. Demum verò, vt hanc figuram abſoluamus, in hymnis Coſinæ Ieroſolymitani hæc habentur: *Figuram olim Moyſes immaculatæ paſſionis in ſeipſo præmonſtrauit. Sacerdotum in medio exiſtens, Crucem autem figurans, extenſis trophæum pal- mis extulit, robur perdens Amalec.* Ideò Chriſto canamus Deo noſtro, quoniam glorificatus eſt.

S. Hieron.  
Fabiola,  
de 42. mā-  
ſionibus,  
māſione II.  
Idē in Ab-  
diam Pro-  
phetam c. I.

In Exod.  
cap. 25.

**B** *Figuram olim Moyſes immaculatæ paſſionis in ſeipſo præmonſtrauit. Sacerdotum in medio exiſtens, Crucem autem figurans, extenſis trophæum pal- mis extulit, robur perdens Amalec.* Ideò Chriſto canamus Deo noſtro, quoniam glorificatus eſt.

In Theo-  
gniam in  
Exaltat.  
S. Crucis,  
Hym. 9.

Nona ſanctæ Crucis figura, quam in ſacro Exodi textu Doctores ſacri ſpe- culantur, eſt ſacroſanctum & ineffabile nomen Dei tetragrammaton, id eſt, quattuor litterarum; quod parua auri lamina Moyſes cæleri fecit, vt Aaron fra- ter ſuus ſummus Sacerdos, ceterique ſucceſſores fronti alligatam deferrent, ſic **C** Deo expreſſè iubente, qui dixit illi: *Facies & laminam de auro puriſſimo, in qua ſculpes opere calatoris, ſanctum Domino.* Quam quidem Beda exponens, aſſerit no- men illud Domini ſacraſſimum, quod ſummus Sacerdos deferrebat, ſanctæ Crucis ſignum noſtræque profeſſionis fiduciam deſignare, quam nos Chriſti fideles fronti inſculptam gerimus, dicentes ſinguli cum Apoſtolo: *Mihi autem abſit gloriari, niſi in Cruce Domini noſtri Jeſu Chriſti.* Et paulò inferiùs: *Et benè, in- quit, quattuor litteris idem nomen Domini in fronte Pontificis erat ſcriptum: propter videlicet ſignificantiam totidem partium Dominicæ Crucis, quam in fronte portaturi eramus; hoc eſt, ſupremam, dexteram, leuam, & inſimam.* Hæc Beda. Beatus autem Petrus Damiani apertius atque etiam magis appoſitè eandem figuram expli- cans, de ea ſic tradit: *Signum ſalutis in fronte depingitur, vbi Sacerdos ſummus in Lege auri laminam in gloriam & decorem ponere videbatur: in qua lamina, gloriolum & in- effabile nomen Domini tetragrammaton videbatur inſculptum.* Quod nimirum quid **D** aliud, quàm Crucem videbatur exprimere Saluatoris? Sicut enim Crux quattuor habet cornua, ita & nomen illud quattuor litteris conſtat.

Nomen  
Dei tetra-  
grammaton  
in fronte  
Sacerdotis,  
item figura  
eſt Crucis.  
Exod. 28.

De Taber-  
naculo, &c.  
lib. 3. c. 7.  
tom. 4.

De ſancto  
Caffiano.

Exod. 30.

Decima ſanctæ Crucis figura, quæ ex ſacro Exodi textu colligitur, Vnctio fuit ſummi Hebræorum Sacerdotis; qui, Deo id expreſſè mandante, inungi con- ſueuerat. Dixerat enim Deus Moyſi: *Aaron & filios eius vngeſ, ſanctificabiſque eos, vt ſacerdotio fungantur mihi.* Vngebantur autem ſummi Sacerdotes oleo ſan- cto, cuius compoſitionem Deus ipſe Moyſen docuit; expreſſè vetans alium ho- minem eodem hoc ipſo oleo inungi, neque in vſus alios confici; ideoque dixit: *Hoc oleum vnctionis, ſanctum erit mihi in generationes veſtras. Caro hominis non vnge- tur ex eo, & iuxta compoſitionem eius non facietis aliud, quia ſanctificatum eſt, & ſan- ctum erit vobis. Homo quicumque tale compoſuerit, & dederit ex eo alieno, extermina-*

T bitur



bitur de populo suo. Præterea ostendens ac docens quomodo id oleum compo- A  
nendum esset, subdit: Sume tibi aromata, *stacten* & *onycha*, galbanum boni odoris,  
& thus lucidissimum. Aequalis ponderis erunt omnia: faciesque thymiama compositum  
opere vnguentarii mistum diligenter, & purum, & sanctificatione dignissimum. Cumque  
in tenuissimum pulverem vniuersa contuderis, pones ex eo coram tabernaculo testimo-  
nij, in quo loco apparebo tibi. Sanctum sanctorum erit vobis thymiama. Talem composi-  
tionem non facietis in vsus vestros, quia sanctum est Domino. Homo quicumque fecerit  
simile, vt odore illius perfruatur, peribit de populis suis. Vbi notandum, onychen esse  
paruum quoddam conchylum, quod in paludibus India nascitur, vbi nardus  
etiam gignitur, ex quo suauissimus odor afflatur, quia nardo vescitur. Latine  
onyx dicitur, quæ dictio ex Græco desumpta est, vnguem significans, quia  
conchylum hoc paruum est instar hominis vnguis.

Prædicto igitur oleo, quod Deus ipse dictauerat, summi Hebræorum Sacer-  
dotes ac Reges eorum perungi consueuerant. Verum licet eodem oleo summi B  
Sacerdotes Regesque vngerentur; & licet olei ipsius effusio in vertice capitis  
summi Sacerdotis ac Regis eadem esset, nullo prorsus habito discrimine; forma  
nihilominus atque figura vnctionis summi Sacerdotis à forma vnctionis Regis  
valde distabat. Vnctio enim Regis fiebat in forma Hebraicæ litteræ *צ* Caph, id  
est, circuli siue corone, quæ totum caput circumdabat. At summi Sacerdotis vn-  
ctio, Chi Græci *χ*, id est, Crucis formam referebat, vt veteres Hebræorum Rab-  
bini testantur. Quamobrem Rabbi Isaac Abarbanel sua in Pentateuchum ex-  
positione, super Exodi caput 30. folio 206. columna 4. de hac vnctione habet  
hæc quæ sequuntur verba, ex Hebraico in Latinum translata: *Principale, inquit,*  
*seu conclusio est, quod figura vnctionis in Sacerdote magno, non est eadem cum figura vn-*  
*ctionis Regum, cum tamen fuerit effusio olei eadem super vtrosque. Dicunt enim in Ghe-*  
*mara Doctores nostri: Quonam pacto vngebantur Reges? sicut species Nazaræorum.*  
*Sacerdotes verò, sicut forma Caph litteræ צ, vel sicut χ Græcum? Respondit ibi Rabbi C*  
*Menascia Bar Ghera: Sicut character χ Græci.*

Verum animaduertendum est, Rabbinum hunc hoc vitio planè increpan-  
do meritò notari: verba enim atque auctoritates veterum Doctorum non in-  
tegra, sed concisa recitare consuevit. Nam in Thalmud, & Tractatu Cheretor  
capite primo, verba illa à prædicto Rabbino citata sic habentur: *Quonam pacto*  
*vngebantur Reges? Respondit: Vngebantur veluti corona circum circa caput: Sacerdo-*  
*tes verò veluti χ; stillabatque oleum super caput Aaron, & hinc inde in quattuor partes*  
*descendebat, veluti quattuor pretiosæ guttæ. Iterum querit: Quid sibi vult Chi? Respon-*  
*dit Rabbi Menascia: Sicut figura Chi Græci χ. Sic enim ibi præcisè scriptum est; vbi*  
*Rabbi quoque Salomon idem affirmat; dicit enim: Sicut littera Græca, quæ for-*  
*matur hoc modo χ. Idem quoque dicitur in libro cui titulus est Menacot, capite*  
*octauo. Atque etiam in Raboth, id est, Glossa magna in Pentateuchum, Exodi*  
*capite 30. vbi agitur de vnctione summi Sacerdotis: idque litteris pariter com- D*  
*mendatum est in libro Auen Sciochu.*

Vnctio sum-  
mi Sacer-  
dotis fie-  
bat per mo-  
dum X.

Si vnctio igitur summi Sacerdotis fiebat in forma Chi Græci *χ*, vt Rabbinii  
isti testantur, atque vt re ipsa verum erat: per consequens necessarium est, perfi-  
dos recentiores ludæos fateri eandem in forma Crucis fieri; cuius quattuor ex-  
tremitates à quattuor illis olei guttis apertissimè figurabantur, quæ ab vncti Sa-  
cerdotis capite in quattuor partes defluebant. Quam Crucis formam littera  
Tau Hebraica referebat, antequam Esdras post transmigrationem Babylonis,  
litterarum characteres eis immutaret; vt alibi iam diximus, & vt Rabbi etiam  
Azarias testatur in suo Alphabeto antiquo. Vnctio autem summi Sacerdotis in  
Crucis forma, ea potissimum ratione fieri consueuerat, quod mystica eius cæri-  
monia



**A** monia innuere videbatur, venturum quandoque verum vinctum Christum Dominum nostrum, summum æternumque sacerdotem, qui in ara sanctæ Crucis seipsum æterno Patri oblaturus erat sacrificium; pacificans ei per proprium sanguinem omnia, quæ sursum sunt in cælo, & quæ in terra deorsum. Sacrificium Deo planè gratissimum: sacrificium omnium sacrificiorum: sacrificium, cuius non summorum sacerdotum Hebræorum sacrificia tantum, sed & cuncta, quæ à mundi exordio ad illud tempus Deo oblata fuere sacrificia, umbram atque figuram extitisse constat.

Ad quod appositè Augustinus: *Tunc ungebatur, inquit, Rex & Sacerdos. Duae* In Titulo  
Psalm. 26.  
*iste illo tempore vincta personæ. In duabus personis præfigurabatur futurus vnus Rex & Sacerdos, utroque munere vnus Christus; & idè Christus à chrismate. Non solum autem caput nostrum vinctum est, sed & corpus eius nos ipsi. Rex autem est, quia nos regit & ducit: Sacerdos, quia pro nobis interpellat. Et quidem solus ille Sacerdos talis extitit, ut ipse esset etiam sacrificium. Obtulit Deo non aliud quàm seipsum. Non enim inueniret præter se, mundissimam rationalem victimam, tamquam agnus immaculatus, suo sanguine suo redimens nos, concorporans nos sibi, faciens nos membra sua, ut in illo & nos Christi essemus. Idè ad omnes Christianos pertinet vinctio: prioribus autem veteris Testamenti temporibus, ad duas solas personas pertinebat. Inde autem apparet Christi corpus nos esse, quia omnes vngimur.*

**B** Et alibi ad institutum hoc ipsum subdit: *Reges autem ungebantur, & Sacerdo-* In Psal. 149  
*tes: ille verò vinctus est & Rex & Sacerdos. Rex pugnavit pro nobis, Sacerdos obtulit se pro nobis. Quando pugnavit pro nobis, quasi victus est, iure autem vicit: crucifixus est enim, & de Cruce sua, in qua erat fixus, diabolum occidit; & inde Rex noster. Vnde autem Sacerdos? Quia se pro nobis obtulit. Date Sacerdoti quod offerat. Quid inueniret homo quod daret? Mundam victimam. Quam victimam? Quid mundum potest offerre peccator? ò inique, ò impie, quidquid attuleris, immundum est, & aliquid mundum pro te offerendum est. Quære apud te quid offeras, non inuenies. Quære ex te quod offeras, non delectatur arietibus nec hircis nec tauris; omnia ipsius sunt, etsi non offeras. Offer ergo illi mundum sacrificium. Sed peccator es, impius es, sed conscientiam inquinatam habes. Poteris fortè aliquid mundum offerre purgatus: sed ut purgeris, aliquid pro te offerendum est. Quid ergo pro te oblaturus es, ut munderis? si mundatus es, poteris offerre quod mundum est. Offerat ergo seipsum mundus Sacerdos, & mundet; hoc est, quod fecit Christus. Nihil mundum inuenit in hominibus, quod offerret pro hominibus: seipsum obtulit mundam victimam, hostiam immaculatam. Felix victima, vera victima, munda victima, hostia immaculata. Non ergo hoc obtulit, quod nos illi dedimus: imò hoc obtulit, quod à nobis accepit, & mundum obtulit. Carnem enim à nobis accepit, hanc obtulit. Sed vnde illam accepit? De utero virginis Mariæ, ut mundam offerret pro immundis. Ipse Rex, ipse Sacerdos. Ipsi honor & gloria per æterna sæculorū secula. Amen.*

## **D** CAPVT XI.

*De decem Præceptis legalibus, quæ lapideis tabulis incisa, Deus Moyse dedit: de Arca testimonij: de Propitiatorio: de mensa: de candelabro: & de altari holocaustorum.*

**D** E C E M fuere legis Præcepta, quæ digito suo lapideis tabulis inscripta Deus Moyse tradidit; & ex numero hoc, vndecima sanctæ Crucis figura decerpitur, quæ Exodi historia continetur. Veteres enim cum denarium numerum significare vellent, eundem decussatæ Crucis signo demonstrabant. De quorum mandatorum traditione ac receptione hæc in textu sacro: *Fuit ergo ibi* Exod. 34.



Commēt.  
in Exod.  
cap. 38.

cum Domino Moyses quadraginta dies, & quadraginta noctes: panem non comedit, & A  
aquam non bibit; & scripsit in tabulis verba fœderis decem. Ad cuius figuræ expofi-  
tionem quod attinet, sic tradit sanctus Ifidorus: *Ascendit, inquit, itaque Moyses*  
*denuò in montem: iterumque dat ei Deus Legem in aliis tabulis adinstar priorum præci-*  
*sis. Sed quid significauerunt eadem Tabula, quas primùm à Domino Moyses accepit, &*  
*sine mora confregit? Tabulae illæ imaginem demonstrabant priscæ Legis, non post longum*  
*interuallum pro populi peccato cessantis. Aliæ verò adinstar priorum iteratò incisæ, noui*  
*Testamenti habuere figuram. Istæ non franguntur, vt ostenderetur noui Testamenti elo-*  
*quia permansura. Vnde & meritò decem verbis legenda signantur, vt per eundem nu-*  
*merum figura Crucis exprimeretur. Huius enim formæ in decus X, littera est: nam re-*  
*cto vno apice à summo vsque ad imum ducitur. Rursum alio non dispari per transuer-*  
*sa brachiorum componitur. Vnde & ipse ait: Non veni legem soluere, sed implere. Vtique*  
*per passionem Crucis, cuius imago fuit in Tabulis.*

Christus.  
crucifixus,  
præfigura-  
tus in tota  
fabrica ve-  
teris Taber-  
naculi.  
In Isaiam,  
lib. 12. c. 41.

Duodecima Crucis figura quæ ex sacro Exodi textu colligitur, nostris sese B  
obutibus exhibet in Arca testimonij, quam Deus mandauit Moyfi, vt ex ligno  
setim fieri curaret. Itidemque in Propitiatorio, in candelabro, & in altari, quod  
ex eodem ligno setim pariter constructum erat. Quod quidem lignum, vt  
diuus Hieronymus asserit, in deserto nascitur, albæ spinæ speciem referens.  
Quocircà suis in Isaiam Commentariis asserit, Arcam, omniaque Tabernaculi  
instrumenta ex ligno hoc fuisse constructa: *Est autem, inquit, genus arboris na-*  
*scentis in eremo, spinæ albæ habens similitudinem, vnde omnia ligna Arcæ & Taberna-*  
*culi facta sunt instrumenta, quæ appellantur setim. Omnia hæc aliaque instrumen-*  
*ta sacraque vtenilia, in interiori Tabernaculo asseruabantur reposita: de quo*

De excidio  
vrbis Ieros.  
lib. 5. c. 9.

Hegeſippus: *Duo, inquit, erant Tabernacula sacra, vnum interius, alterum exterius.*  
*In hoc semper introibant sacerdotes: in illud interius, quod Secundum appellabatur, se-*  
*mel introibat tantummodò Princeps sacerdotum, non sine sanguine, quem offerebat pro*  
*se & pro populi delicto. Hoc significante Spiritu sancto, venturum Iesum, qui verè solus C*  
*intraret interiora diuinorum penetralia sacramentorum, & arcana substantiæ celestis;*  
*qui nosset omnia, solus quoque Patri sanguine suo totum mundum reconciliaret, vt cale-*  
*stium & terrestrium miseretur. Denique posteaquam venit, pacificauit omnia per san-*  
*guinem Crucis suæ, quæ vel in celo vel in terra sunt. Intus thymiamaterium, intus men-*  
*sa, intus lucerna. Thymiamaterium, quòd ita ad Deum Patrem sicut incensum dirigatur*  
*maximi sacerdotis oratio: mensa, quòd in ea passio Christi sit, & mysteria Sacramento-*  
*rum; vnde & David dicit: Parasti in conspectu meo mensam. Cuius velut duodecim*  
*panes, duodecim Apostoli sint testes passionis eius, ac resurrectionis eius. Lucerna, quæ su-*  
*pra candelabrum ponitur, antè sub modio erat, id est, sub Legis mensura, nunc est sub gra-*  
*tiae plenitudine, heptamycho frequens lumen effundens, eò quòd Spiritus sanctus septem*  
*maximarum gratiarum virtutibus Dei templum illuminaret.*

Stromat.  
lib. 5. c. 3.

Candelabrum autem Crucis symbolum & figuram extitisse, non ex eo tan-  
tùm quòd brachia siue ramos habebat, qui hinc inde extendebantur, sed quia D  
lumine suo tabernaculum illuminabat, Clemens Alexandrinus testatur: *Habet,*  
*inquit, aliud quoque enigma aureum candelabrum signi Christi, non figurâ solâ, sed eo*  
*etiam quòd lucem immittat multifariam multisque modis in eos qui in ipsum credunt,*  
*sperant, & respiciunt. Sanctus etiam Augustinus innuit, idem candelabrum Cru-*

Epist. 209.  
1. Cor. 10.

cis symbolum & figuram habuisse, cùm dixit: *Dicebat Apostolus: Imitatores mei*  
*estote, sicut & ego Christi. Istud lumen illuminatū erat à lumine sempiterno ipso Domino*  
*nostro Iesu Christo, & in candelabro positum erat, quia in eius Cruce gloriabatur. vnde*  
*ait: Mihi absit gloriari, nisi in Cruce Domini nostri Iesu Christi. Præceperat Deus*  
*Moyſi, vt candelabrum ex auro purissimo construeret, quod talenti pondus ha-*  
*beret, dicens: Omne pondus candelabri cum vniuersis vasis suis habebit talentum auri*  
*purissi-*

Galat. 6.



**A** purissimi. Et alibi subditur: *Talentum auri appendebat candelabrum cum omnibus vas-  
sis suis.* Super quibus verbis Rupertus Abbas inquit: *Talentum maximum centum  
librarum est & viginti: magnum pondus, grande significat talentum mundi, quod ap-  
pensum in libra Crucis, appositam lancem prægrauando excussit, & peccata nostra in ma-  
re proiecit. Quod quia mundissimum aurum est, id est, quia Deus ab omni sorde mundis-  
simus Christus est, tota in pondere eius redemptio nostra peracta est. Et quia, cum perfe-  
ctus Deus & homo sit, passionum dolores pertulit, & sic ad resurrectionis gloriam per-  
uenit, rectè candelabrum ductile fuit. Quod verò altare ipsum etiam Crucis sym-  
bolum & figuram præ se tulerit, Augustinus pariter (siue ut alij autumant, Ioan-  
nes Chrysostomus) innuit, dicens: *Pascha nostrum pro nobis immolatus est Christus.*  
*Et ubi immolatus est? Dicit, In altitudine Crucis. Nouum est altare sacrificij huius, quo-  
niam immolatio noua & admirabilis est.**

Exod. 25.  
& 37.  
In Exod.  
lib. 4. c. 8.

De Cruce,  
& latrone,  
Serm. 49.  
tom. 20. in  
Appendice  
de diuersis.

**B** Tu igitur Hostia sacratissima cunctis spiritibus admirabilis & adoranda, quæ  
pro nobis miseris in ara Crucis offerri voluisti, gratiæ tuæ dono præcipuo nobis  
concede, ut nos vicissim grata memoriæ mente, gratiam quibus possumus  
dignis honoribus persoluentes, cor & animam tibi offeramus. Et ut sacrificium  
nostrum tibi gratum & acceptum sit, da nobis spiritum vera peccatorum pœ-  
nitentia contribulatum: cor compunctione contritum, & confessione humilia-  
tum. Cor enim contritum & humiliatum tu misericordiarum Deus non despi-  
cies. Dele iniquitates & peccata nostra, quibus in conspectu tuo malum facien-  
tes, in grauissimam tui offensionem incurrimus. Innoua in visceribus nostris  
rectum Spiritum sanctum tuum, qui à terrenarum rerum vilitate, & à peccato-  
rum fœditate nos erigens, ad cæleste desiderium erigat, in bonisq; operibus  
adiuando confoueat, ut spiritu principali confirmati, gratia tua donante, ad  
cælestem beatamq; Ierusalem peruenire mereamur, ubi laudes gloriasq;ue  
tuas concinamus in sæcula sæculorum. Amen.

## CAPVT XII.

*De tribus sanctæ Crucis Domini nostri Iesu Christi figuris, quæ sa-  
cro Leuitici textu continentur.*

**A**BSOLVTIS sanctæ Crucis figuris, quas Exodi sacra pandit historia, con-  
uertemur ad eas, quas nobis Leuitici sacer thesaurus promit. Quarum  
prima quæ ibi innuitur, vitulus ille est masculus & immaculatus, quem filij Is-  
raël ad Dominum sibi placandum offerebant. Quod quidem sacrificium quo-  
nam ritu offerendum esset, Deus ipse Moyse præcepit his verbis: *Loquere filiis Is-  
raël, & dices ad eos: Homo qui obtulerit ex vobis hostiam Domino de pecoribus, id est,  
de bobus & ouibus offerens victimas, si holocaustum fuerit eius oblatio, ac de armento,  
masculum immaculatum offeret ad ostium tabernaculi testimonij, ad placandum sibi Do-  
minum: ponetq;ue manum super caput hostiæ, & acceptabilis erit, atque in expiationem  
eius proficiens. Immolabitq;ue vitulum coram Domino, & offerent filij Aaron sacerdo-  
tis sanguinem eius, fundentes per altaris circuitum, quod est ante ostium tabernaculi.  
Detractaq;ue pelle hostiæ, artus in frustra concident; & subiicient in altari ignem, strue li-  
gnorum antè composita. Pro cuius figuræ expositione hæc appositè Origenes: Ad-  
dit, inquit, & ligna altari, quo ignis animetur, & ardeat is à quo non solum de corpora-  
libus virtutibus Christi, sed etiam de diuinitate eius sermo miscetur. De sursum enim est  
diuinitas Christi, quò ignis iste festinat. Conuenienter ergo omnia hæc, quæ in corpore à  
Saluatore gesta sunt, cælestis ignis absumpsit, & ad diuinitatis eius naturam cuncta re-  
stituit. Lignis tamen adhibitis, ignis iste succenditur. Usque ad lignum enim carnis passio  
fuit*

Leuit. 1.

Vitulus im-  
molatus  
quomodo  
præsignari  
Christum.  
Origenes  
in Leuit.  
c. 1. & 2.  
Homil. 1.



fuit Christi. Vbi autem suspensus in ligno est, dispensatio carnis finita est. Resurgens enim A  
à mortuis ascendit in cælum, quò iter eius natura ignis ostendit. Vnde & Apostolus dice-  
bat: Quia etsi cognouimus Christum secundum carnem, sed nunc iam non nouimus. Holo-  
caustum namque carnis eius per lignum Crucis oblatum, terrena celestibus & diuinis  
humana sociauit.

Comment.  
in Leuit.  
cap. I.

Sanctus verò Isidorus suis in Leuiticum Commentariis apertè ostendit, sa-  
crificium non tantum immaculati vituli, de quo nunc nobis est sermo; sed &  
omnia alia sacrificia, de quibus in hoc sacro Leuitici libro agitur, Crucis & pas-  
sionis Domini nostri Iesu Christi umbram & figuram habuisse. sic enim: Hostia-  
rum diuersitates exequitur sequens Leuitici liber, quarum typus imaginem passionis  
Christi præferebat. Nam postquam ipse oblatus est, omnes illæ hostiæ cessauerunt, quæ in  
typo vel umbra eiusdem præcesserant; præfigurantes illud sacrificium, quod unus &  
verus sacerdos obtulit Mediator Dei & hominum. Cuius sacrificij promissas figuras, in  
victimis animalium celebrare antè oportebat, propter emundationem futuram carnis & B  
sanguinis: per quam vnā victimam fieret remissio peccatorum de carne & sanguine  
contractorum, quæ regnum Dei non possidebunt, quia eadem substantia corporalis in cæ-  
lestem commutabitur qualitatem. Ipse enim in vitulo, propter virtutem Crucis offereba-  
tur: ipse in agno, propter innocentiam: in ariete, propter principatum: in hirco, propter si-  
militudinem carnis peccati, vt de peccato damnaret peccatum: in turture & columba,  
propter Deum & hominem; quia Mediator Dei & hominum, in duarum substantiarum  
coniunctione ostendebatur. Porro in similitudine conspersionis, credentium per aquam Ba-  
ptismatis collectam Ecclesiam (quæ corpus est Christi) perspicuè demonstrabat. Nos au-  
tem moraliter munus Deo offerimus vitulum, cum carnis superbiam vincimus; agnum,  
cum irrationabiles motus & insipientes corrigimus; hædum, dum lasciuiam supera-  
mus; columbam, dum simplicitatem mentis ostendimus; turturem, dum carnis serua-  
mus castitatem; panes azymos, dum non in fermento malitiæ, sed in azymis sinceritatis  
& veritatis ambulamus. C

Comment.  
in Leuitic.  
cap. 6.

Et paulò inferiùs eandem materiam prosecutus, adiecit: In exordio Leuitici,  
inquit, quattuor genera principalium oblationum describuntur, quæ in odorem suauita-  
tis Domino offerri iubentur: id est, primum, vitulum de armentis sine macula: secun-  
dum, agnum de ouibus: tertium, turturem & columbam: quartum, similitudinem con-  
spersam in azymo, oleo vinctam, in clibano coctam. Reliqua autem sacrificia pro qualita-  
tibus causarum, in persona populi offerebantur. Primum itaque sacrificium, id est, vitu-  
lus ex armentis, Christum demonstrat, ex Patriarcharum progenie descendentem. Hic  
aratro Crucis suæ terram carnis nostræ perdomuit, atque Spiritus sancti semine, virtu-  
tum fruge ditauit. Ipse vitulus sine macula est, quia sine peccato ad passionem ducitur.  
Offertur autem non in tabernaculo, sed ad ostium eius, quia extra portam passus est Chri-  
stus. Per filios autem Aaron sacerdotis offertur sanguis eius: quod de Anna & Caipha  
intelligitur, qui consilium facientes, effuderunt sanguinem Christi.

Leuitici 4.  
Strues li-  
gnorū ex-  
tra castra,  
figura Cru-  
cis Christi  
extra por-  
tam.

Secunda sanctæ Crucis figura quæ ex sacro Leuitici textu colligitur, ligno- D  
rum illa strues fuit, super qua extra castrorum portam caro & pellis vituli cre-  
mabatur, postquam ad ostium tabernaculi pro peccatis sacerdotis immolatus  
erat. Nam pellis & caro illa, Christi Domini nostri humanitatem præsignabat,  
quæ super sanctæ Crucis ligno extra Ierosolymorum ciuitatis portam crucifixæ  
est. De qua figura in eodem sacro textu hæc leguntur: Si Sacerdos qui vinctus est,  
peccauerit, delinquere faciens populum, offeret pro peccato suo vitulum immaculatum  
Domino, & adducet illum ad ostium tabernaculi testimonij coram Domino. Pellem verò  
& omnes carnes cum capite & pedibus, & intestinis, & fimo, & reliquo corpore ef-  
feret extra castra in locum mundum, vbi cineres effundi solent, incendetque ea super li-  
gnorum struem, quæ in loco effusorum cinerum cremabuntur. Quam figuram Apo-  
stolus



Astolus declarauit, cum ait: *Quorum enim animalium infertur sanguis pro peccato in* Hebr. 13. *sancta per Pontificem, horum corpora cremantur extra castra. Propter quod & Iesus, ut sanctificaret per suum sanguinem populum, extra portam passus est. Super quibus verbis hæc infert Rupertus Abbas: Dubium, inquit, esse non licet, quoniam illud, In Leuitic. quod corpus hostiæ iubetur extra castra cremari, hoc significet, quod Dominus Iesus ex- cap. 16. tra portam passus est; Apostolico affirmante testimonio. At illa semel extra portam cremata sunt, quando pellem nostræ mortalitatis atque corruptionis excoxit ignis passionis super struem lignorum, id est in patibulo Crucis; ac demum ipso resurgente à mortuis, id quod mortale erat, à vita absorptum est.*

Tertia Crucis figura quæ in Leuitici libro continetur, ritus siue cærimonia illa fuit, quæ Deo iubente usu recepta erat, cum leprosus quispiam mundabatur à lepra. Nam duos passeris viuos offerre tenebatur, quorum alter immolabatur, & sanguine eius septies aspergebatur is, qui à lepra mundabatur; aspersorio nempe hyssopi, cuius aspersorij manubrium ex ligno cedrino conficiendum erat, cui alligabatur hyssopus filo rubeo, cocco tincto. Quæ cærimonia magis distincte in eodem textu his verbis descripta est: *Hic est ritus leprosi, quando mun-* Leuit. 14. *datus est. Adducetur ad sacerdotem, qui egressus de castris, cum inuenerit lepram esse mundatam, præcipiet ei qui purificatur, ut offerat duos passeris viuos pro se, quos vesci licitum est, & lignum cedrinum, vermiculumque, & hyssopum: & unum ex passeribus immolari iubebit in vase fictili, super aquas viuentes: alium autem viuum cum ligno cedrino & cocco & hyssopo tinget in sanguine passeris immolati, quo asperget illum qui mundatus est, septies, ut iure purgetur. Et dimittet passerem viuum, ut in agrum auolet. Quem quidem textum Isidorus clarius declarans, asserit, dictionem illam, Duos passeris, iuxta Hebraicum sensum nomen esse genericum auium; & ideo Origenes duas gallinas dixit. Deinde verò expositionem suam idem clarius prosequens super verbum illud, Lignum cedrinum, subdit: Ex hyssopo fiebat aspersorium, C ligabaturque ad baculum cedrinum cum filo rubeo, quod appellat vermiculum, eò quod lana esset tincta in sanguine cuiusdam vermiculi, quod interpretes interdum vertunt coccum vermiculi.*

Quod quidem sacrificium ac cærimoniam Origenes ad sanctæ Crucis figuram deducit his verbis: *Nondum enim, inquit, eadem die is qui purgatur à lepra, di-* In Leuitic. *uino altari dignus efficitur. Propter quod mandat Legislator, ut eadem die qua purga-* c. 12. & 13. *tur, accipiantur duæ gallinæ ad purificationem eius. Puto autem quod & hic illius galli-* Homil. 8. *næ intellectus latenter habeatur, per quam purificatio efficitur peccatoris; de qua scri-* *ptum est: Quoties volui congregare filios tuos, sicut gallina congregat pullos suos sub alis, & noluiisti? Indiget tamen ut per lignum cedrinum purificetur is qui purificatur. Impos-* Mysteria *sibile namque est, sine ligno Crucis peccati lepram posse purgari; nisi adhibeatur & li-* mundatio- *gnum, in quo Saluator (sicut Apostolus Paulus dixit) exiit Principatus & Potestates, doctæ ac-* nis leprosi *triumphans eos in ligno. Jungitur tamen ad emundationem lepræ huius, etiam coccus tor-* commodat- *tus, sociatur & hyssopus. Coccus tortus figuram sacri sanguinis continet, qui de eius la-* ra Crucis. *tere per lanceæ vulnus exortus est. Et hyssopus. Hoc genus herbæ naturam habere Medi-* *ci ferunt, ut diluat & expurget, si quæ illa peccatori hominum sordes ex corruptione noxi-  
humoris insederint. Vnde & necessario in expurgatione peccatorum, huiusmodi grami-* *nis figura suscepta est. Coccus verò, quod sæpe sumptus sit ad salutis subsidia, in diuinis  
referri Voluminibus inuenimus; sicut in partu Thamar: Cum vnus, inquit, prior protu-* *lit manum. Accipiens autem obstetrix coccum, alligauit manum eius dicens: Hic exhibit  
prior. Sed & Rahab meretrix cum exploratores suscepisset, & pactum salutis acciperet,  
& illi, Pone, inquiunt, signum resticulam coccineam, & alligabis eam in fenestra ista,  
per quam deposuisti nos. Obserua tamen & illud, quod non ipse sacerdos immolare galli-* *nam dicitur: nondum enim dignus est hic qui fuit leprosus, ut ipse sacerdos pro eo im-*



molet : propter quod nec sanguis gallinae offertur ad altare ; sed dicit , quia occidetur gal- A  
lina in vasculo fictili , in quo vase aqua viua sit missa , vt & aqua adsumatur ad purifi-  
cationem , & compleatur plenitudo mysterij in aqua & sanguine , quod dicitur exisse de  
latere Saluatoris.

Asperge igitur Domine Deus noster & Redemptor noster me peccatorem  
indignum veræ atque humilis pœnitentiæ hyssopo , quæ me à prauis atque le-  
talibus peccatorum humoribus expurget , & mundabor à lepra iniquitatum ,  
quæ extra gratiæ tuæ castra , tamquam leprosum me miserum expellunt . Et  
quemadmodum pretioso sanguine tuo , & aqua Baptismatis abluisti me ; sic  
modò , cum plusquam antea mea grauissima culpa sum pollutus , præcipuo gra-  
tiæ tuæ dono mihi concede , vt in lacrymarum mearum fonte ex contritionis  
amaritudine manante , meipsum lauem , sordesque meas diluam ; ita vt vera con-  
fessione purgatus , atque integra satisfactione dealbatus , donante id gratia tua ,  
( quæ ex peccatoribus iustos facit ) anima mea iam tandem ante conspectum B  
tuum , super niuis albedinem candidata perueniat . Amen .

## CAPVT XIII.

*De Benedictione , quam veteres Hebræorum sacerdotes , Deo iubente , populo dabant ; & de ea , quam recentiores , illos imitati , dare se putant , Crucis signum in ea , nescientes quid faciant , in maiorem suam confusionem formantes .*

C  
**P**RAECEPERAT Deus per Moysen veteribus Hebræorum sacerdotibus , vt  
populo benedicerent ; ex cuius benedictionis forma , prima sanctæ Crucis  
figura decerpitur quæ sacro Numerorum textu continetur , circa quam Deus  
ipse sic Moysen allocutus est : *Loquere Aaron & filiis eius : Sic benedicetis filiis Is-*  
*raël , & dicetis eis : Benedicat tibi Dominus , & custodiat te . Ostendat Dominus fa-*  
*ciem suam tibi , & misereatur tui . Conuertat Dominus vultum suum ad te , & det tibi*  
*pacem . Inuocabunt nomen meum super filios Israël , & ego benedicam eis .* In quo no-  
tandum est , quod ybi in vulgata editione nostra dicitur , *Inuocabunt nomen meum*  
*super filios Israël* : Hebraica versio habet ; *Et ponent nomen meum super filios Israël* .  
Quamobrem antiqui Hebræorum putauere sacerdotes , id non tantum opus ef-  
se , quo in populi benedictione Deo exactè obtemperarent , vt Dei nomen super  
eum verbis imponerent , sed & ipsius etiam manus adaptatione , ea forma atque  
figura , eandem manum , dum populo benedicerent , conformatam & coapta-  
tam ostendentes & extendentes , vt aliquo modo nomen Dei , quod ore prome-  
bant , indicarent . Quod & hodie quoque perfidorum Iudeorum recentiores ob-  
seruant sacerdotes , qui veri tamen sacerdotes non sunt , arbitrati in hoc se vete-  
res Israëliti populi sacerdotes imitari ; Deo tamen id in ipsorum peruiacissi-  
mæ perfidiæ maiorem ignominiam & confusionem fieri permittente : quan-  
doquidem hoc pacto nescientes quid faciant , signo Crucis populo benedicunt ,  
vt inferius ostendemus .

*Benedictio  
fiebat inuo-  
cato , hoc  
est , de super  
expresso  
nomine Do-  
mini .*

D  
Quoniam verò antiqui sacerdotes , dum populo benedicerent , sanctum &  
ineffabile nomen Dei יהוה Iehoua promere consueuerant ; quod præter sacro-  
sancta & admirabilia ea quæ continet mysteria , ipsius etiam Dei vnitatem &  
Trinitatem significat , ob id , dum populo benedicerent , licet mysterium hoc  
non rectè intelligerent , tribus digitis tantummodò erectis , manus extendebant .  
Quo quidem gestu ac cærimonia , Dei vnitatem in essentia , & Trinitatem in  
perfo-



A personis, quæ sacratissimo eo nomine, quod ore promebant, continetur, proculdubio innuebant. De quo nomine Rabbi Moyſes Ægyptius agens, libro ſuo, cui titulus eſt More, Partis primæ capite ſexageſimo, aſſerit, omnia Creatoris nomina, quæ libris quibuſcumque comprehenduntur, ab effectibus deriuata eſſe, præter nomen vnum tantum, Iehoua, quod Creatoris altissimi nomen eſt proprium. Et propterea vocatur *Sem hammephoras*, id eſt, nomen expoſitum, ſiue declaratum; innuitque, nomen iſtud, demonſtratione ac ſignificatione perfecta & manifeſta, in qua neque æquiucatio, neque commiſtio vlla ſit, ſignificare ac demonſtrare ſemper ſolitum, nihilque eſſe in hoc nomine, quod Deo & creaturæ ſit commune. Cetera verò ipſius glorioſa nomina æquiucè & miſtè ſignificare; quia à ſimilibus hiſ quæ in nobis ſunt operibus manant.

B Quod autem nomen iſtud ſanctiſſimum, Dei vnitatem in eſſentia, & Trinitatem in perſonis, verè ac realiter contineat atque demonſtret; ex litteris ipſis quibus conſcribitur, apertè probatur. Quæ quidem litteræ, licet quattuor ſint, vnde non incongruè à Græcis Tetragrammaton appellatur; re ipſa tamen, tres tantummodò ſunt, id eſt, Iod, n̄ He, Vau. Verùm quia ſecunda littera He, in prædicto nomine bis ponitur, id eſt, in ſecundo & quarto loco; propterea quattuor eſſe videntur. Iſtæ igitur tres litteræ in ſolo & vnico nomine, ſolum & vnum Deum in perſonis tribus, admirabiliter demonſtrant. Prima namque ipſarum, id eſt, Iod, *principium* interpretatur; cùm ipſa eadem ceterarum omnium ſit principium, & ab eadem vnaquæque earum, quibus nomen hoc ſacratiffimum conſcribitur, ſumat originem: ipſa verò à nulla alia trahit initium. Quocirca Patri meritò tribuitur: qui cùm à nullo naſcatur, Filius verò ab ipſo generetur, & Spiritus ſanctus ab vtroque procedat, propterea principium ſine principio dicitur. Secunda autem littera n̄ He, quæ eſſe aut viuere ſignificat, Filio C propriè adſcribitur, per quem omnia quæ facta ſunt, eſſe cœperunt. De quo iam ſanctus Ioannes teſtimonium perhibuit, dicens: *Omnia per ipſum facta ſunt*, Ioan. 1. & *ſine ipſo factum eſt nihil. Quod factum eſt, in ipſo vita erat*. Denique verò tertia littera Vau, quæ ſignificat &, eſtque dictio copulatiua ſiue coniunctiua, Spiritum ſanctum optimè innuit, à Patre & à Filio æqualiter procedentem. Qui cùm ſit amor ipſe, quo Pater Filiusque viciffim diliguntur; propterea vtriuſque connexio & vinculum rectiſſimè nuncupatur. Secunda autem littera n̄ He, bis in eodem nomine ſanctiſſimo poſita eſt, ad duas naturas denotandas, quæ ſunt in ſecunda ſanctiſſimæ Trinitatis perſona; natura diuina ſcilicet, & natura humana.

Quamobrem non eſt quòd miremur, ſi Moyſes ex Dei præcepto ſacerdotes Hebræos docens benedictionis formam & verba quæ in ipſo actu effundendæ benedictionis in populum proferre deberent, tres benedictiones expreſſit, quas D ab vno ſolo Domino, eodemque in Deitate & eſſentia vnico, trino autem in perſonis, accepturi erant: attributa inſuper in eiſdem benedictionibus innuens, quæ vnicuique ex tribus ſanctiſſimæ Trinitatis perſonæ adſcribi ſolent, dicens: *Benedicat tibi Dominus, & cuſtodiat te. Oſtendat Dominus faciem ſuam tibi, & miſereatur tui. Conuertat Dominus vultum ſuum ad te, & det tibi pacem*. Quasi diceret: *Benedicat tibi Dominus, & cuſtodiat te*, potentia ſua; quæ Patri tribuitur. *Oſtendat Dominus faciem ſuam tibi, & miſereatur tui*: ſecundam innuens Trinitatis perſonam, quæ humanam faciem atque naturam aſſumptura; magnum diuinæ miſericordiæ exceſſum in Crucis ligno operatura erat; per quod reconciliati nos æterno Patri, ipſeque viciffim nobis placatus, quemadmodum aliàs Deus vltionum dicebatur, nunc miſericordiarum Deus appellari voluit.

Demum

*Iehoua  
quomodo  
Deū vnum  
& trinum  
innuat, do-  
ctiſſimè ex-  
plicatum.*

*Numer.  
c. 6. in fine.*



Demum verò Moyſes, iubente Deo, tertio ſubdit: *Conuertat Dominus vultum ſuum ad te, & det tibi pacem.* quod proprium eſt Spiritus ſancti diuinum atque præclarum facinus; ſine cuius amore & charitate, nulla pax haberi aut conſeruati poteſt.

\* Iſte liber Gale Razayà hodie non reperi-  
tur, quia in-  
litiſe à ſu-  
dæis ſuppi-  
mitur.  
Petrus Ga-  
latinus, li-  
bro 2. c. 10.  
Mira de  
nomine Dei  
tetragram-  
maton Ie-  
houa.

Quod verò in prædicto nomine Iehoua, Dei vnitas in eſſentia, & trinitas in perſonis includatur ac manifeſtè demonſtretur, præter rationes antedictas, quibus clariſſimè probatur, apertè id etiam faſſus eſt Rabbinus Haccados, quem Iudæi Rabenu Haccados, id eſt, Magiſtrum noſtrum ſanctum appellant; qui Antonino Romano Conſuli ſcribens, in prima petitione libri ſui, quem\* Gale Razayà, id eſt, Secretorum reuelationem appellat, verba hæc, à Petro Galatino ex Hebraico in Latinum conuerſa, proferit: *Postquam autem hoc tibi aperui, animaduerte nomen quattuor litterarum, prout ſcriptio eius eſt: ſic enim ſcribitur in lingua noſtra Hebraica יהוה ipſum Deum generantem ſignificare. Et quia non poteſt eſſe generans abſque generato, neceſſariò amor à generante in generatum, & e conuerſo pro-  
cedere debet. Quoniam ſi hoc non eſſet, non generaret; & ſi non procederet amor à gene-  
rante in generatum, diſtinguereturque generatus à generante, duæ ſubſtantie eſſent. Propterea nos volumus, generantem & generatum vnā eſſe ſubſtantiam. Idcirco neceſſe eſt, ex altero in alterum procedere amorem. Ea propter ex hoc Sem hammephoras deriuatum eſt nomen duodecim litterarum. Eſtque Pater, Filius, & Spiritus ſanctus: quæ in lingua noſtra Hebraica duodecim litteris ſcribuntur. אב כן ורוח הקדש.* Erat nomen iſtud ſacraſſimum apud Hebræos tanta veneratione excultum, vt nullo pacto id pronuntiare auderent. Sed quoties id ſcriptum reperirent, pro Iehoua proferebant Adonai, quod *Dominum* Latine ſonat. Sacerdotes tamen illud pronuntiabant, prout ſcriptum erat, dum in ſanctuario populo benedicebant. At extra illud, nec ipſis etiam id proferre licebat. Hæc carimonia & ritus iſte benedicendi populo cum nomine Dei quattuor litterarum tribus manuum digitis tantum erectis, ad Simeonis Iuſti uſque tempora perdurauit, qui Redemptorem noſtrum Ieſum Chriſtum vlnis ſuis ſuſcipere meruit, vt Petrus Galatinus, Rabbinus Moyſis Maimonis filij auctoritate ſuffultus teſtatur: *Hæc autem benedictio cum nomine Dei quattuor litterarum, quæ cum tribus digitis ambarum palmarum erectis, & duobus depreſſis fiebat, ad designandam diuinarum perſonarum Trinitatem, per ipſum nomen ſignificatam, in Simeone Iuſto, qui Chriſtum infantulum ſuſcepit in vlnis, penitus deſecit; vt Rabbi Moyſes Maimonis filius, in primo & ſexageſimo capitulo primæ partis libri More atteſtatur his verbis: Ex quo mortuus eſt Simeon Iuſtus, ceſſauerunt fratres eius, ſacerdotes ſcilicet, cum nomine Dei quattuor litterarum populo benedicere. Erant autem poſt ipſum, cum nomine duodecim litterarum benedicentes.*

Petrus Ga-  
latinus, li-  
bro 2. c. 10.

Et verè quidem ac rationi conſonum planè fuit, vt poſt Simeonem Iuſtum ceſſaret ritus & carimonia benedicendi populo cum nomine Dei quattuor litterarum, quod ſanctiſſimæ Trinitatis myſterium in ſeipſo implicite continebat; quia tunc aduenerat Meſſias, cui ſoli id explicite declarandi ac mundo manifeſtandi munus reſeruatum erat. Quocirca, quemadmodum uſque ad Simeonis tempora conſueuerant ſacerdotes populo benedicere prædicto quattuor litterarum nomine, & tribus manuum digitis tantum erectis, duobusque depreſſis; vt hoc pacto innuerent ſacraſſimum myſterium prædictum ad ea uſque tempora adhuc integre reuelatum ac declaratum non fuiſſe: ſic iure optimo, poſt veri Meſſiæ Chriſti Domini noſtri aduentum, Simeonis in ſacerdotio ſucceſſores benedictionem in populum effundere cœperunt cum nomine duodecim litterarum; quod Patris, & Filij, & Spiritus ſancti proprium nomen eſt, & cum omnibus manuum digitis erectis atque extenſis: vt hoc modo ſignificarent,



Arent, sanctissimæ Trinitatis mysterium mundo iam manifestum, & propalàm declaratum esse.

Quod autem nomen duodecim litterarum, verè Patris, & Filij, & Spiritus sancti nomen fuerit; præter eam quam superius auctoritatem adduximus, veritatis huius Hebræis fidem faciant ipsi litterarum suarum characteres. Nam tria nomina hæc, Pater, Filius, & Spiritus sanctus, in eorum idiomate, duodecim litteris conscribuntur, id est, אב Ab, quod Patrem significat, בן Ben, quod Filium, ורוח הקדש Veruah Accados, quod Spiritum sanctum: quæ omnia summam collecta, duodecim sunt litteræ; ut hîc videre licet, אב בן ורוח הקדש. Verùm aliquo post Domini ac Redemptoris nostri tempore transacto, Rabbini Hebræi, qui ad sanctam fidem conuerti noluerunt, & quibus potius in cæca peruicacia & voluntaria perfidia persistere placuit, cum prædictum benedicendi modum in nomine duodecim litterarum, qui sanctissimæ Trinitatis mysterium adeò propalàm innuebat, votis suis haudquaquam respondere perspicerent, nomine *Sciaddai* deinceps benedicendum esse statuerunt; antiquumque ritum reformantes, nouum modum pro animi proprio motu constituerunt, quo in posterum populo benedicendum esset.

Quamobrem in libro cuius titulus est *Sciulcham Haruch*, quem Rabbi Ioseph Carus composuit, folio 25. numero 128. in sacerdotum manuum elevationum iudiciis, quadraginta quinque proponuntur obseruanda in actu benedictionis ab eisdem sacerdotibus dandæ; inter quæ hæc ibi dicuntur: *Duodecima res hæc est: Erigere debent sacerdotes manus suas versus humeros proprios, manumque dexteram supra sinistram altius aliquantulum eleuabunt: & dum manus extendent, digitos eo pacto dispertient, ut inter eos quinque spatia constituent; id est, inter duos digitos medios, unum spatium; inter indicem & pollicem, aliud spatium; & inter utrumque pollicem, aliud spatium. Manus autem ita extendent, ut interior pars earum, id est vola, ad terram; exterior verò ad calum vergat.* Sicque reipsa hodie recentiores etiam, qui apud Iudæos sacerdotum funguntur officio, (licet re vera sacerdotes non sint) ordinationibus prædictis inhærendo, dum benedictionem effundunt, manus suas in hanc formam componunt.



D Verùm ut is qui in tenebris ambulat, cum à recta semita aberrauit, nunc huc nunc illuc inaniter peruagatur; sic cæci atque infelices Hebræi, qui à vera via & veritate procul abeunt, nullam prorsus in rebus suis stabilitatem aut firmitatem habere possunt. Vnde non defuerunt recentiores Rabbini, qui hanc ipsam formam & manuum positionem reformare, & in modum alium immutare conati sunt. Præcipuè verò inter eos Rabbi Bechaiai apud ipsos subtilis, verba prædicta sacri textus exponens; *Et ponent nomen meum super filios Israël*, asserit, hanc positionem nominis Dei super filios Israël, non solum ore, sed manu, hoc pacto fieri debere; videlicet nomen Dei *Sciaddai*, dextera manu, digitisq; formantibus, & brachio extenso; id est, pollice & indice, litteram ד Daleth configurantibus & exprimentibus; litteram ש Scin tribus digitis mediis;

Alia item  
mira de no-  
mine Dei  
duodecim  
litterarum.



mediis; Iod verò, quæ minima est, au-  
riculari. Qua manus positione, nomen  
Dei omnipotentis Sciaddai, in benedi-  
ctione, de qua agimus, optimè expres-  
sum ac figuratum iri asseueravit, hac  
forma.

Hæc idem Rabbinus dixit; subtiliter  
quærens, quoniam pacto prædicta nomi-  
nis Dei Sciaddai positio super filios Is-  
raël fieri debeat, verbum textus præfati,  
*Et ponent*, iuxta litteralem sensum dili-  
genter expendens. Quæ quidem exposi-  
tio valdè subtilis est, textuique ac sensui  
antedicto satis conformis. Verùm enim-  
verò, non perspiciunt neque animaduer-  
tunt miselli & infelices isti, quò maio-  
res tenebras veritati offundere nituntur,  
ipsam clarissimi solis instar splendio-  
rem elucere. Quandoquidem forma hac,  
& manuum coaptatione in tres cuspi-  
des & extremitates erectarum & exten-  
sæ sanctissimæ Trinitatis mysterium



Rabbini  
nescientes  
mysterio  
Trinitatis  
& Crucis  
famulan-  
tur.

S. Hieron.  
Marcellæ,  
epist. 136.  
tom. 3.

des & extremitates erectarum & exten-  
sarum, sanctissimæ Trinitatis mysterium euidentius quàm vnquam, non tan-  
tùm innuere pergunt, sed quod planè admirabilius censendum est, sanctæ Cru-  
cis figuram manifestè atque apertè repræsentant. Permittitque diuina iustitia,  
in peruicacissimæ perfidiæ eorum confusionem, tanta eos cæcitatibus atque amen-  
tiæ caligine obrui, vt nec hoc quidem animaduertant; cùm luce clarius sit,  
quòd siue ad vnum, siue ad alterum ex duobus hisce modis manus aptare ve-  
lint, dum in nomine sacratissimo Sciaddai benedicunt, non tantùm, vt iam di-  
ximus, sanctissimæ Trinitatis mysterium apertius quàm vnquam antea in-  
nuunt, signumque sanctæ Crucis clarissimè formant atque demonstrant, sed in  
mysterio etiam exprimunt redemptionem ac diuinam benedictionem illam,  
quam in eodem admirabili sanctæ Crucis instrumento credentibus & fide-  
libus suis verus Messias Christus Dominus noster operatus est, cui nomen hoc  
sanctum Sciaddai propriè conuenit. Nam licet omnia nomina quæ Deo dignè  
tribuuntur, Messias quoque ipsi pro eius diuinitate iure aptari possint; inter ce-  
tera tamen omnia, nomen Sciaddai magis propriè ei conuenire videtur, vt re  
ipsa ostendemus. Sanctus Hieronymus hoc nomen sanctum inter cetera Dei  
optimi maximi nomina referens, illud interpretans, inquit: *Saddai, quod Aquila  
interpretatur ἄλκιμος, quod nos robustum, & sufficientem ad omnia perpetranda accipe-  
re possumus.* At nominis eiusdem veram etymologiam, veramque significatio-  
nem tradit Rabbi Moyses Ben-Maimon, eo in libro quem Hebræi Morè Han-  
nebochim appellant, primæ partis cap. 43. in fine, verbis his ex Hebraico idio-  
mate in Latinum conuersis: *Nomen, inquit, שדי Sciaddai compositum est ex ver-  
bo די dai, quod est sufficit, & ex littera quæ Scin dicitur, verbum autem די dai sufficien-  
tiam significat. Porro littera ו quæ huic nomini Sciaddai præponitur, idem est, quod  
וַיַּאֲסֵר asser, id est qui. Quamobrem Sciaddai idem est quod asser dai, id est, qui sufficit,  
vel qui sufficiens est, vel qui sufficientia est.* Hæc ille.

Verum id nomen secundæ personæ sanctissimæ Trinitatis Christo Iesu, vero Mellisæ, vero Deo veroque homini magis propriè tribuitur, ut huius rei fidem attruunt verba Eliuh, quem diuus Hieronymus Balaam Prophetam siue



A ariolum fuisse autumat, qui cum Iob sermonem conferens, ut ostenderet se ab æterno Verbo, id est, ab ipso Christo, per quem facta sunt omnia, creatum fuisse, ait: *Spiritus Dei fecit me, & spiraculum Omnipotentis viuiificauit me.* Quæ verba secundum veram Hebraicam versionem ita sonant: *Et anima Sciaddai viuiificauit me.* id est, anima illius, qui ad omnia perficienda sufficiens est, me creauit & viuiificauit. Et quoniam nec Pater neque Spiritus sanctus animam habere dicuntur, sed solus Dei Vnigenitus, Patris virtus & sapientia animam illam habet, quam sibi coniunxit cum humanam assumpsit naturam; palam est, Eliuh siue Balaam de nullo alio quam de Christo intelligere voluisse, cum dixit: *Anima Sciaddai viuiificauit me.* Quasi diceret: *Anima illius qui ad cuncta creanda iam sufficiens fuit,* quique solus ad humanum genus redimendum atque saluandum sufficiens fuit, me viuiificauit; prout etiam viuificabit omnes, qui in Adami peccato mortui viua fide in ipsum credent.

B Quod autem nomen id sanctum Sciaddai, verè Messia Christo Domino propriè tribuatur, clarissimè etiam probatur ex primo versiculo Psalmi illius, qui in nostra Vulgata editione est nonagesimus, in Hebraica autem nonagesimus primus; cuius initium est: *Qui habitat in adiutorio Altissimi, in protectione Dei celi commorabitur.* quæ verba Hebræi sic legunt: *Habitans in velamento Altissimus, in vmbra Sciaddai morabitur.* Quasi apertè ita diceret: *Habitans Altissimus, id est, Verbum æternum, vnigenitus Dei Filius, in velo humanitatis & sacratissimi Corporis sui; idem Sciaddai, qui solus sufficiens est pro vniuerso humano genere ad satisfaciendum, nouem mensium spatio habitabit in vmbra, id est, in purissimæ & immaculatæ Virginis utero.* Quodque hoc in loco de Christo Domino Scriptura loquatur, Eusebius Cæsariensis super verbis eiusdem Psalmi affirmat, dicens: *Saluator & Dominus noster Iesus, qui Christus Dei est, dum quatenus homo factus est, consideratur, habitans dicitur in adiutorio Altissimi, ut pote cum in protectione Dei & Patris commoretur.*

C At quantum miseræ atque infelices benedictiones, quas hodie peruidaces & perfidi isti, qui inter Iudæos falsò se sacerdotes esse putant, in suos effundunt, Deo sint abominabiles, iam antiquis ac maioribus ipsorum, altissimæ Maiestatis nomine Malachias Propheta denuntiauerat atque prædixerat; inquit enim: *Et nunc ad vos mandatum hoc, o sacerdotes: Si nolueritis audire, & si nolueritis ponere super cor, ut detis gloriam nomini meo, ait Dominus exercituum: mittam in vos egestatem, & maledicam benedictionibus vestris, & maledicam illis; quoniam non posuistis super cor. Ecce ego proiciam vobis brachium, & dispergam super vultum vestrum stercus solemnitatum vestrarum.* Quibus in verbis illud notandum est, quod septuaginta Interpretes iuxta versionem quam sanctus Hieronymus prodit, pro eo quod in nostra Vulgata dicitur, *Ecce ego proiciam vobis brachium,* ipsi interpretati sunt, *Ecce ego separabo vobis humerum.* Quo loco idem Propheta apertè innuit, ingratham ac perfidam generationem istam, sacerdotij dignitate & honore à Deo priuandam. Humerus enim pars illa erat immolatorum animalium quæ ad sacerdotes spectabat.

Inaniter ergo & falsò miseri & infelices isti sacerdotis nomen & officium sibi arrogant. Grauiissimis enim peccatis atque perfidia ipsorum sic exigentibus, tanto honore meritò priuati sunt, Prophetiaque antedicta in totum adimpleta fuisse probatur. Iuxta cuius vaticinij præsagium nunc per orbem terrarum dispersi, cunctarum nationum serui, miseri & mendici oberrare conspiciuntur; furtis tantum modò & vsuris, aliisque sordidissimis artibus quæstum facientes; suntque opprobrio & abominationi cunctis populis, maledicente Deo eorum benedictionibus. Ita ut quemadmodum olim parentibus ipsorum minitatus

Iob 33.

De nomine  
Sciaddai,  
quod proprium est  
Messia.De Demō-  
stratione  
Euangelica  
li. 9. cap. 7.  
Benedictiones perfidorum Iudæorum  
Deo abominabiles.  
Malach. 2.



est, velle se in vultus eorum, ventriculos & stercorea proicere oblatores sibi animalium in sacrificiis, quæ summopere abominabatur; (non quidem quo ad ipsa, quæ propter figuram, quam præsignabant, non nisi gratissima ei esse poterant, sed propter Simoniacas prauitates, sacrilegia, & oppressiones, quas infami auaritia eos obcæcante, in eisdem patrabant) sic ipsius excelsa Maiestas nunc permittit, iusto suo sic disponente iudicio, vt benedictiones istorum qui in sacerdotio illorum successores esse se iactant, in maledictiones vertatur. Et quemadmodum eorum solemnitates ac supersticiosæ cærimonix, propter incredulitatem atque perfidiam in Dei Altissimi conspectu velut stercorea putent; ita & ipsi quoque mundo sint graueolentes & putidi, non secus ac si vultus stercoreibus aspersos perferrent. Quorum miserandæ obstinationis diuinæ bonitati tandem misereri placeat, vt veritatis lucem qui Christus est agnoscentes, à tantæ cæcitatæ tenebris liberentur. Amen.

## CAPVT XIII.

*De Racemo vna admirabilis magnitudinis, quem Hebræorum exploratores à Terra promissionis è vecte pendentem asportarunt: & de Aaronis Virga qua floruit.*

*Botrus  
vna ligno  
appensus,  
in signis ty-  
pus Christi  
crucifixi.*

*Numer.  
cap. 13.*

*Pædagog.  
li. 2. cap. 2.*

**C**UM Israëliticus populus in desertum Pharan peruenisset, præcepit Deus Moyfi, vt viros aliquos ex Principibus ad Terram promissionis recognoscendam & considerandam mitteret. Qui inde reuersi, vt ostenderent quanta esset Regionis illius fertilitas, vna racemum inde asportarunt tantæ magnitudinis, vt è vecte pendentem à duobus viris deferri necesse fuerit. Qui quidem botrus ligno appensus secunda erit Crucis & Christi Domini nostri crucifixionis figura, quæ in sacri Numerorum libri litteris obumbratur. vbi de ea sic: *Pergentesque usque ad torrentem botri, absciderunt palmitem cum vna sua, quam portauerunt in vecte duo viri.* Ad quam figuram alludit, licet paulò subobscurè, Clemens Alexandrinus his verbis: *Naturalis itaque & sobrius potus, sitientibus necessarius, est aqua. Eam ex prærupta petra manantem, veteribus Hebræis unicum ac simplicem temperantiæ potum suppeditauit Dominus. Oportebat autem eos, utpote errantes, esse maximè sobrios: postea sancta vitis botrum germinauit propheticum. Hoc signum est iis qui ad quietem ex errore insti tuti sunt; magnus botrus, nempe Verbum pro nobis expressum, cum sanguis vna, Verbum scilicet, aqua temperari voluerit. Sic etiam sanguis eius salute temperatur.*

Pro quorum verborum Clementis, quæ re vera aliquantulum subobscura sunt, clara intelligentia, Gentianus Heruetus Commentator eius hæc subdit: *Quod sit autem potus necessarius, inquit, probat ex eo, quod Dominus Hebræis in solitudine errantibus & sitientibus non alium suppeditauit potum, quam aquam ex petra manantem. Cur autem aqua eis esset bibenda, hanc affert rationem, quod cum errarent in desertis, & in maximis versarentur periculis, sobrios esse oporteret, & cauenda ab eis esset ebrietas. Post diurnos autem errores, & plurimos exantlatos labores, cum ad quietem, id est, ad Christum esset ventum (is enim est qui afflictis & laborantibus animis dat requiem) non fuit amplius bibenda pura & simplex aqua, sed vinum aqua temperatum, id est, Christi sanguis, qui ab ipso Christo, & ex ipso tamquam ex botro in Crucis torculari expressus, ab ipso in cæna fuit contemperatus; sumendus à fidelibus, non solum ad sitim sedandam, sed etiam ad propulsandos animi morbos, & ad expianda peccata. Ideo enim & in Cruce semel fuit expressus & fusus, & in sancta eius mensa & ara quotidie quidem, sed mysticè funditur. Hoc, nempe Christum, cuius sanguis in Cruce expressus, mysticè*



A mysticè in cœna funditur, significat ingens ille botrus, qui ab iis qui ad explorandam terram missi fuerant, ad ingressuros promissam Terram Israëlitas fuit delatus. Hunc botrum, nempe Christum, germinavit vitis sancta, id est, Ecclesia, quæ ab Abele ad nos usque est propagata. Propheticum autem botrum Christum vocavit Clemens, quod ab omnibus Prophetis is prædictus fuerit & prænuntiatus. Hæc ille.

Verum figuram hanc ipsam aliquanto clariùs, paucioribusque verbis sanctus Gregorius Nyssenus sic explicavit: Racemus enim ex ligno dependens, quisnam alius erit, quàm is, qui in novissimis sæculis ex ligno pependit? Cuius sanguis, potus factus est credentibus salutaris, Moyse id enigmaticè nobis prædicente: Sanguinem enim, inquit, vna bibebant vinum, quæ ex re salutaris Christi passio prænuntiatur. At diuus Ambrosius maiori priorum lectorum utilitate & genere dicendi, in quo omnes sententiarum allegantur lepores, eandem figuram interpretatus de ea sic tradit: Sicut botrus, inquit, redditurus vinum, prius in vinea quadam nature arte suspenditur; ita & Christus redditurus vinum spirituale martyrij, in Crucem quadam providentia divinitatis aptatur. Ipse planè botrus est, quem duo exploratores illi, hoc est, Iesus Naue, & Caleb filius Iephone, in phalanga ad filios Israël propriis humeris detulerunt. Quod quidem factum iam tunc præfigurabat aduentum Domini Salvatoris. Nam botrus in phalanga suspensus, in Cruce Christus appensus ostenditur. Duo autem in phalanga portantes vnam, duo populi demonstrantur; Christianus utique, & Iudæus. Et sicut mos est portantium, unus præcedens, alter subsequens: ita prior Iudæorum designatur populus, Christianorum secundus. Et sicut antecedens quod portat non videt, & retrorsum idem semper habens, quadam dorsi aversione contemnit; qui autem sequitur, semper id oculis perspicit, semper custodit obtutibus, semper corporis vicinitate potitur: ita ergo Iudæus & Christianus populus. Iudæus enim prior est, Christum in Lege portat, & retrorsum eum ponens, quadam dorsi aversione contemnit. Vnde ait Propheta: Obscurentur oculi eorum ne videant, & dorsum eorum semper incurva. Christianus verò sequens populus, Christum semper oculis aspicit, semper custodit obtutibus, & quadam graduum suorum vicinitate completitur. Et quantum eum ille populus pravo itinere post se relinquit, tanto eum iste directo cursu festinat attingere. Hæc Ambrosius.

Augustinus autem quasi magistrum secutus, iisdem sensibus mysticis iisdemque animi conceptionibus panè usus, eandem figuram exposuit his verbis: Dictus est enim Dominus botrus vna, quem ligno suspensum de Terra promissionis, qui præmissi erant à populo Israël, tamquam Crucifixum attulerunt. Et alibi utilioribus documentis eandem figuram fusiùs explicans subdit: Hæc vna in ligno suspensa, duorum deferitur obsequio: quæ nobis utique, sicut iam dictum est, duum Testamentorum representatur oraculis, quæ in ligno Crucis pependit, cuius vinum in pretium nostrum passionis expressione profluxit. Hanc vnam duo deferunt, inserto veste pendentem. Possunt isti duo etiam Christianum vel Iudaicum populum figurare. Isti ergo sunt duo, id est, Synagoga vel Ecclesiæ populi. Et quia prior fuit Iudæorum populus, præcedit Iudæus, sequitur Christianus. Salutem suam hic ante conspectum suum gerit, ille post dorsum: hic obsequium præfert, ille contemptum. Ideò de Iudæis Propheta testatur: Obscurentur oculi eorum, ne videant, & dorsum eorum semper incurva. Incedunt duo sub sacro fasce ordine suo; hic semper videt, ille semper relinquit. Iudæus autem proximum se æstimat, sed absentat. Christianus ergo presenti munere fruitur, Iudæus solo onere prægrauatur: quia Christus, sicut credenti salus, ita onus est non credenti. Iudæis enim ille specialiter annuntiatus (de quibus dictum est: In sua venit, & sui eum non receperunt) factus est eis lapis offensionis, & petra scandali; & quem Israël non cognovit, Gentium fides recepit. Et ideò post sequitur iste, sed spem suam sub oculis habens, antecedit, & proficit. Ille prior graditur, sed deserit, & recedit. Portat quidem Christum in Lege Iudæus, sed à gratia, quam in mysteriis portat, aversus est: quia

De Vita  
Moyfi.

Serm. 72.  
de Natali  
sancti Cy-  
priani.

In Psal. 8.

De tempo-  
re, Ser. 100.  
qui incipit:  
Modò cum  
divina le-  
ctio legere-  
tur. To. 10.



Portat  
Christum  
Indans,  
portat &  
Christia-  
nus, sed  
dispari  
fructu.

quem prædicatione suscepit electus, corde perdit incredulus: & quem vnus aspernatur A  
in Lege, alter miratur in corpore. Vnde amborum Dominus & Redemptor noster, ab hoc  
adorante gestatur, & ab illo se auersante suspenditur. Ac sic impletum est in Iudæis: Po-  
suerunt ad me dorso, & non facies suas. Et quia Christum Dominum, quem prior po-  
pulus Iudæorum & post dorsum reliquit & crucifixit, nos postea venientes adorare  
& portare meruimus, secundum illud quod Apostolus ait: Glorificate & portate Deum  
in corpore vestro; quantum possumus cum ipsius adiutorio laboremus, ne à cervicibus  
nostris tam sanctam sarcinam malis operibus deponamus. Sarcina enim Christi leuare  
consuevit, non premere. Sic & ipse in Euangelio dixit: Iugum meum suauis est, & onus  
meum leue. Si enim iugum Christi subdita & humili ceruice suscipimus, magis nos por-  
tat, quam à nobis portetur. Sicut enim iugum sæculi semper premit, ita iugum Christi  
leuare consuevit. Et quia omnis homo aut Christum portando erigitur, aut iugum sæculi  
sustinendo ad inferiora deprimitur; attendat vnusquisque conscientiam suam: & si de  
sanctis cogitationibus, & bonis operibus iugum Christi portare cognouerit, gaudeat, & B  
Deo gratias agat, & cum grandi solitudine vel timore perseuerare contendat: qui  
verò luxuriosis cogitationibus, & malis operibus durissimo huius mundi iugo se nimium  
grauari cognoscit, orationibus, ieiuniis, vel eleemosynis proijciat iugum diaboli; vt me-  
reatur excipere iugum Christi: & de omnibus malis actibus suis cum Propheta fideliter  
dicat: Dirumpamus vincula eorum, & proijciamus à nobis iugum ipsorum. Tunc enim  
de illa spiritali vna, de qua nobis vinum lætitiæ prælum Crucis expressit, cum secura  
conscientia bibere poterimus, si nos nec luxuria sordidauerit, nec iracundia combusserit,  
nec inflauerit superbia, nec auaritia obscurauerit, nec inuidia vipereo veneno percusserit.  
Omnia enim ista corde suo debet depellere, qui ad altare desiderat vel optat accedere. Et  
quia spiritalis vindemia, id est, Paschalis solemnitas imminet, in qua festiuitate botrus  
ille, de quo superius diximus, per iniuriam vel pondera Crucis expressus est; de tanta ac  
tali vna accepturi calicem salutaris, & vinum lætitiæ bibituri, exceptoria cordis vel pe-  
toris nostri, cum grandi nitore ac diligentia, ieiuniis, vigiliis, orationibus, eleemosynis, C  
& præcipue castitatis nitore mundemus: contra nullum hominem odium in corde ser-  
uantes; & non solum amicos, sed etiam inimicos & aduersarios diligentes, cum se-  
cura conscientia in oratione Dominica dicamus: Dimitte nobis debita nostra, sicut &  
nos dimittimus debitoribus nostris. Hæc omnia pro figuræ huius expositione  
Augustinus.

In Num.  
cap. II.

Et sanctus Isidorus in hanc ipsam quoque figuram scribens, ait: Ille autem  
botrus vna, quem in ligno de Terra repromissionis duo aduexere vectores, quid signifi-  
cat? Botrus dependens è ligno, vtique Christus est, ex ligno Crucis promissus Genti-  
bus, de terra Genitricis Mariæ secundum carnem terrenæ stirpis visceribus effusus.  
Duo baiuli, qui sub onere botri illius incedebant, populus est vterque. Cuius prior Ju-  
daicus cæcus & auersus, ignarus pendentis gratiæ, & pressus onere suspensi, cui subij-  
cietur iudicanti. Qui verò posterior veniebat, populi Gentium gerebat figuram, qui  
credens, & Christum ante oculos habens, semper eum portans videt; & quasi seruus D  
Dominum, & discipulus Magistrum sequitur, sicut ipse Dominus in Euangelio ait:  
Si quis vult venire post me, tollat crucem suam, & sequatur me. Hic est autem botrus,  
qui effusus in salutem nostram, vinum sanguinis sui, Crucis contritione profudit, atque  
expressum passionis suæ calicem Ecclesiæ propinavit.

Virga Aa-  
ron florens  
& fron-  
dens, Cru-  
cis fructi-  
fera imago.  
Num. 17.

Tertia sanctæ Crucis figura quæ in sacro Numerorum libro legentibus in-  
nuitur, fuit virga Aaron, quæ inter ceteras omnes duodecim tribuum Israëliti  
populi virgas, quamuis arida, miraculosè tamen floruit, cum ad populi illius  
murmurationem sedandam ostendere vellet Deus, quemnam in summum  
Sacerdotem elegisset, vt in eodem sacro textu hisce verbis ad Posterorum me-  
moriam proditum est: Et locutus est Dominus ad Moysen dicens: Loquere ad filios  
Israhel,



A *Israël, & accipe ab eis virgas singulas per cognationes suas, à cunctis Principibus tribuum virgas duodecim, & vniuscuiusque nomen superscribes virgæ suæ. nomen autem Aaron erit in tribu Leui, & vna virga cunctas seorsum familias continebit: ponesque eas in tabernaculo fœderis coram testimonio, vbi loquar ad te. Quem ex his elegero, germinabit virga eius: & cohibebo à me querimonias filiorum Israël, quibus contra vos murmurant. Locutusque est Moyses ad filios Israël: & dederunt ei omnes Principes virgas per singulas tribus: fueruntque virgæ duodecim absque virga Aaron. Quas cum posuisset Moyses coram Domino in tabernaculo testimonij: sequenti die regressus inuenit germinasse virgam Aaron in domo Leui: & turgentibus gemmis eruperant flores, qui, foliis dilatatis, in amygdalas deformati sunt.*

Quam quidem figuram Origenes explicans, ad sanctæ Crucis significationem accommodat his verbis: Omnis ergo Princeps tribuum habeat necesse est virgam suam. Sed vnus solus est (sicut Scriptura refert) Pontifex Aaron, cuius virga germinauit. Verum quoniam (vt sæpe ostendimus) verus Pontifex Christus est, ipse solus est, cuius virga Crucis non solum germinauit, sed & floruit, & omnes hos credentium populorum attulit fructus. Et post nonnulla idem Origenes hæc addidit: Verumtamen, inquit, de virgis, vt dicere cœperamus, vnum promisit Deus fructum in virga, & plures dedit. Sed attendite diligentius, si fortè possimus liberalitatem Dei largiorem etiam ipsis suis promissionibus edocere. Si fortè & ex his illam ineffabilem bonitatem Dei, quæ in Scripturæ littera semper tegitur, rimari atque inuestigare poterimus, cum largiorem in præstando quàm in promittendo videamus. Igitur sermo Scripturæ de qua nunc loquimur, ita habet: Et erit, inquit, homo quemcumque elegero, virga eius germinabit. Hoc est solum quod promisit Deus, vt virga eius quem elegerit, germinet. Vbi verò ad rem venit, vt quod promissum est, ostendatur impletum, non vnum illud quod promissum fuerat, effectum dicitur. Sed vide quanta addantur. ait enim: Et ecce germinauit virga Aaron in domo Leui. Est hoc vnum illud sine dubio, quod fuerat repromissum; sed adduntur & alia, & dicitur: Et produxit frondes, & protulit flores, & germinauit nuces. Cum ergo de solo germine fuisset promissum, vide quanta largitur Deus, vt non solum germen produxerit, sed & frondes: & non solum frondes, sed & flores: & germinauerit non solum flores, sed & fructus. Quid igitur est, quod ex his colligere & contemplari debeamus? Primò omnium, resurrectionis ex mortuis sacramentum. Virga enim arida germinat, cum corpus extinctum cœperit reuiuiscere. Quæ sunt autem quatuor ista, quæ resurgenti corpori præstabuntur? vt seminatum in corruptione, surgat in incorruptione; & seminatum in infirmitate, surgat in virtute; & seminatum in ignominia, surgat in gloria; & seminatum corpus animale, surgat corpus spiritale. Ista sunt quatuor, quæ virga aridi corporis nostri in resurrectione germinabit. Hactenus Origenes.

Diuus autem Augustinus figuram hanc virgæ Aaron ad sanctæ Crucis Christi significationem deducit hoc modo: Sicut enim virga Aaron germinauit in populo Iudæorum, ita Crux Christi floruit in populo Gentium. Et alibi de eadem figura fusiùs agens, subdit: Quòd ergo hæc virga nuces produxit, imago Domini corporis fuit. Nux enim trinam habet in suo corpore substantiæ vñionem, corium, testam, & nucleum. In corio caro, in testa ossa, in nucleo interior anima comparatur. In corio nuce, carnem significat Saluatoris, quæ habuit in se asperitatem vel amaritudinem passionis. In nucleo interiorem declarat dulcedinem Deitatis, quæ tribuit pastum, & luminis subministrat officium. In testa, lignum interserens Crucis; quod non discreuit id quod foris & intus fuit, sed quæ terrena & celestia fuerunt Mediatoris, ligni interpositione sociavit, dicente beato Apostolo: Quia ipse per sanguinem Crucis suæ pacificauit omnia quæ in celis sunt, & quæ in terris. Hæc ille.

At sanctus Isidorus eandem figuram virgæ Aaron breuiter admodum ad



In Exod.  
cap. 14.

In Nume-  
ros, Com-  
ment. li. 2.  
cap. 4.

Christi Domini, eiusque sanctæ Crucis significationem sic pertrahit: *Nec non etiam virgam Aaron, id est, eiusdem summi verique Pontificis nostri Iesu Christi salute vexillum, immortalis memoriæ semper viriditate frondens. Aliter virga Aaron, quæ antè fuit sicca, & post viridis, significat Dominum Iesum, prius siccum in passione, & post virentem in resurrectione.* Demum verò Rupertus Abbas in eandem figuram scribens, de ea sic tradit: *In illa, inquit, virga speciosæ novitatis, vetus Eue genus reuivuit. In illo flore quem peperit, carnis nostræ silua refloruit. In illa nuce quassa vel fracta per Crucis lignum, anima nostra nucleum vitæ inuenit: anima inquam nostra esuriens inde refecta est, vitamque recepit.* In qua vita, fac quæso, vt in æternum tecum viuere valeamus, ô Virga tu benedicta & sancta, quæ iam in Aaronis virga florueras. Virga virtutis Dei, quam ab excelsa Sion nobis Dominus emisit, dominare iam tandem, vt æquum est, in medio inimicorum tuorum; ita vt omnes infideles, hæretici, schismatici, vniuersæ nationes & populi ad sanctam tuam fidem Catholicam conuertantur; vt in fidei vnitæ, & puritate cordis, in terris à cunctis hominibus, sicut in cælo ab omnibus Angelis ac beatis Spiritibus, adoreris, magnificeris, & glorificeris in sæcula sæculorum. Amen.

## CAPVT XV.

*De Moysis Virga, qua bis percussa petra affluentissimas tandem emisit aquas; quibus suam populus restinxit sitim.*

Numer.  
cap. 20.

**A**D MIRABILE profectò illud magni Moysis facinus videtur extitisse, cum virga eius bis petra percussa, affluentissimæ inde manarunt contradictionis aquæ, quæ increduli ac rebellatoris populi Israëliti anhelam depulerunt sitim. In qua nouitate miraculi Crux sancta Domini nostri Iesu Christi eadem virga denuò præfigurata fuit. Eritque hæc quarta Crucis ipsius figura, quæ ex sacro Numerorum libro decerpitur. Cuius admirandi facti memoria in eodem textu sic litteris commendatur: *Veneruntque filij Israël, & omnis multitudo in desertum Sin, mense primo: & mansit populus in Cades. Cumque indigeret aqua populus, conuenerunt aduersum Moysen & Aaron: & versi in seditionem, dixerunt: Utinam periissemus, &c. Locutusque est Dominus ad Moysen, dicens: Tolle virgam, & congrega populum, tu & Aaron frater tuus; & loquimini ad petram coram eis, & illa dabit aquas. Cumque eduxeris aquam de petra, bibet omnis multitudo & iumenta eius. Tulit igitur Moyses virgam, quæ erat in conspectu Domini, sicut præceperat ei, congregata multitudo ante petram, dixitque eis: Audite rebelles & increduli: Num de petra hac vobis aquam poterimus eijcere? Cumque eleuasset Moyses manum, percutiens virga bis silicem, egressæ sunt aquæ largissimæ, ita vt populus biberet & iumenta.*

Quæstio-  
num super  
Numeros  
lib. 4. q. 35.  
In Euan-  
gelij Ioan-  
nis, Tra-  
ctatu 26.

Ibidem, in  
Tract. 28.

Quod planè admirandum facinus attenta mentis consideratione expendens diuus Augustinus, sanctæ Crucis Christi claram atque apertam figuram extitisse affirmat his verbis: *Quod virga petra percutitur, Crux Christi figuratur. Ligno enim accedente ad petram, gratia manauit. Et quod bis percutitur, euidentius significat Crucem. Duo quippe ligna sunt Crux. Et alibi, eadem ferè verba repetens, subdit: Percussa est petra de virga bis. Gemina percussio, duo ligna Crucis significat. Et iterum quodam alio in loco, spiritualement eam sitim, quam in hoc mundo Christianus habere debet, (quæ in Christo Domino tantum extingui potest) cum illa æquiparans qua Hebræi æstuarunt in deserto, inquit: *Sic enim agnoscamus, in eremo sumus. Quid est, In eremo? In deserto. Quare in deserto? Quia in isto mundo, vbi siti-**

tur



- A** tur in via inaquosa. Sed sitiamus, ut saturemur. Beati enim qui esuriunt & sitiunt iustitiam, quoniam ipsi saturabuntur. Et sitis nostra de petra impletur in eremo: petra enim erat Christus, & virgâ percussa est. Ut autem manaret, bis percussa est, quia duo ligna sunt Crucis. Deinde verò idem Augustinus, siue quicumq; alius Auctor Sermonis illius qui in Appendicem Tomi decimi operum suorum reiectus, septuagesimus quintus De diuersis numeratur, figuram hanc ipsam magis distinctè exponit hoc pacto: Eiusdem virtute sacramenti, Moyses in deserto bis silicem virga <sup>Virga bis percussit, & sitienti populo aquam de petra produxit. Bina quippe percussio, duorum percussit, & sitienti populo aquam de petra produxit. Bina quippe percussio, duorum</sup> lignorum figuratè intelligitur in Cruce facta compactio. Bis ergo petra percutitur, cum <sup>silicem, duo sunt ligna</sup> Christus (de quo dicit Apostolus, Petra autem erat Christus) in duobus lignis <sup>Crucis.</sup> Cru-  
cis extensus lancea perforatur. De hac petra aqua profluxit, cum sanguis redemptionis, & aqua Baptismatis, quibus in nouum hominem transformamur, de latere Christi manauit. Et denuò idem ipsemet Augustinus, materiam hanc pro-
- B** secutus, adiecit: Moyses, inquit, populi Iudeorum sub lege positi personam gerebat, <sup>Contra Faustum Manich. lib. 16. cap. 17. Tomo 6.</sup> eumque in Prophetica prænuntiatione figurabat. Sicut ergo Moyses petram virga percutiens, de Dei virtute dubitauit: ita ille populus, qui sub Lege per Moysen data tenebatur, Christum ligno Crucis affigens, eum virtutem Dei esse non credidit. Sed sicut percussa petra manauit aqua sitientibus; sic plaga Dominice passionis effecta est vita credentibus. Habemus enim de hac re præclarissimam & fidelissimam vocem Apostoli, cum inde loqueretur, dicentis: Petra autem erat Christus. Et quidem quæ diuus Augustinus multò priùs iam dixerat, eadem pænè de verbo ad verbum sanctus Ildorus suis in Numerorum librum Commentariis replicauit.

- Rupertus autem Abbas huic itidem sanctæ allegoriæ & mysticæ significationi petræ illius à Moysse percussæ, quæ Christum Dominum nostrum figurabat, insistens, modumque eiusdem petræ percussione expendens, quo sancta Crux eiusque acerbissima passio præfigurabatur, de ea sic tradit: Sciebant enim <sup>In Numeros Comment. li. 2. cap. 7.</sup> Iudæi, quòd Dominus in Spiritu Dei eijceret demonia, & tamen pessima laborum suorum distinctione dixerunt: In Beelzebub principe demoniorum eijcit demonia. Cum hoc furore increduli & turbidi percusserunt petram iustitiæ. Bis percusserunt: duobus enim lignis vnius Crucis Christum crucifixerunt; linguis suis, & manibus Gentilium. Hoc factò egressæ sunt aquæ largissimæ. Nil verius; passo namque Christo, fluxerunt aquæ Scripturarum, torrentes gratiarum Spiritus sancti inundauerunt. Et antea quidem Scripturæ legebantur, sed non intelligebantur.

- Sanctus quoque Seuerianus Gabalorum Episcopus, grauissimus & antiquissimus auctor, quem citat Ioannes Damascenus in Oratione tertia de Imaginibus, non tantum affirmat, petram à Moysis virga percussam sanctæ Crucis Christi figuram habuisse, verum modum ipsum etiam, quo percussa fuit, eiusdem Crucis imaginem extitisse. Bis enim eam Moyses percutiens, non illam, inquit, semper eodem modo percussit, sed ita, ut Crucis signum ea percussione formauerit; quò inanimata & insensibilis etiam natura, Crucis imaginem veneraretur & coleret. sic enim verba eius Latinitati donata sonant: Percussit Moyses petram semel atque iterum. Cur autem semel atque iterum? Si Dei virtuti paret, quid est opus secunda percussione? Si percutit sine virtute Dei, nec secunda, nec decima, nec centesima percussio rei sterili secundam naturam afferre queat. Si igitur planè est opus Dei, nec Crucis mysterium continet, satis est vnicus ictus, satis est nutus, satis est verbum. Verum ut Crucis imaginem designet, hoc agit. Percussit, inquit, semel & bis, non eodem modo, sed ita ut Crucis formam describeret: ut natura etiam inanimata, Crucis notam veneraretur.

Percute ergo mi Domine, sanctæ Crucis tuæ virga, atque passionis tuæ recordatione, cordium nostrorum petram durissimam; ut eorum in peccatis du-



ritia ac peruiacia emollita atque perfracta, compuncti & contriti, affluentissimas lacrymarum aquas effundamus, quibus animarum nostrarum in bene operando sterili siccitate irrigata, virtutum ac bonorum operum fructibus sint fecundæ; ut re vera dicere possimus: Percussisti petram, & fluxerunt aquæ, & torrentes inundauerunt. Nam si vera nos poenitentia compungente, lacrymarum aquæ ab oculis nostris effluent, gratiarum tuarum torrentes super nos proculdubio inundabunt. Amen.

Psal. 77.

## CAPVT XVI.

*De aneo Serpente, quem Moyses, Deo iubente, in deserto suspendit; in quem respicientes à serpentibus percussi sanabantur. Et de Hasta, qua Phinees sacerdos Zambrim cum Madianite transuerberauit.*

Numer. cap. 21.

**S**TATIM ac proteruus atque ingratus Israëliticus populus, Dei præcipua id donante gratia, Chananæum Regem Arad deuicit & interfecit, regni illius urbibus subuersis, profectus est de monte Hor, per viam quæ ducit ad Mare rubrum, ut circuiret terram Edom. Qua in via, abiecta plebs itineris laborem atque molestiam pertasa, contra Deum & Moysen murmurare coepit. Quamobrem iusta indignatione & graui offensa concitatus Deus, quosdā ignitos serpentes in eorum exercitum iminisit, quorum moribus ingens hominum multitudo impetita peribat. At populo errorem suum demum agnoscente, eiusque veniam & remedium per Moysen humiliter deprecate, præcepit Dominus Moysi, ut æneum serpentem conflaret, quem in altum suspenderet: in quem respicientes, qui à serpentibus mordebantur, sanitatem confestim recuperabant. Quod quidem mysteriis & miraculis refertissimum facinus, quinta erit sanctæ Crucis figura, quæ in sacra Numerorum historia clarissime refulget: in qua ingrati & queruli Hebræorum populi iniustæ lamentationes & querimonie his verbis recensentur: *Deest panis, non sunt aquæ: anima nostra iam nauseat super cibo isto leuissimo. Quamobrem misit Dominus in populum ignitos serpentes, ad quorum plagas & mortes plurimorum, venerunt ad Moysen, atque dixerunt: Peccauimus, quia locuti sumus contra Dominum & te: ora ut tollat à nobis serpentes. Orauitque Moyses pro populo, & locutus est Dominus ad eum: Fac serpentem aneum, & pone eum pro signo: qui percussus aspexerit eum, viuet. Fecit ergo Moyses serpentem aneum, & posuit eum pro signo. Quem cum percussi aspicerent, sanabantur.*

Serpens  
aneum figu-  
ra Cruci-  
fixi, ipso  
Christo tes-  
tante.

Non est nobis aliquo pacto laborandum, ut probemus, hoc prorsus admirandum facinus sacratissimumque mysterium, sanctæ Crucis Domini nostri eiusque passionis figuram extitisse, cum ipsemet id ore proprio declarauerit & affirmauerit, cum dixit: *Sicut Moyses exaltauit serpentem in deserto, ita exaltari oportet Filium hominis; ut omnis qui credit in ipsum, non pereat, sed habeat vitam eternam.* Verumtamen non inutile quidem tantum, sed valde etiam fructuosum fore putamus, si sanctorum Patrum sacrorumque Doctorum auctoritates & sententias hinc addiderimus, eorum qui in hoc sacrum ac planè suspiciendum mysterium scribentes, validissimis rationibus comprobant, id sanctæ Crucis euidentissimam umbram atque figuram extitisse. Eritque id non mediocris delectationis, & spiritalis solatij piis Lectoribus, dum hinc absque labore alio perquirendi ac euoluendi multos libros, ipsis legere licuerit pias considerationes, ac deuotas mentis speculationes, quas ad huius sacratissimæ figuræ declarationem iidem sancti Patres in suis voluminibus ad posterorum memoriam com-

men-



**A** mendarunt: dumque eiusdem figuræ mysticos sensus, ac perutilia documenta scrutari poterunt, quæ ad nostrum explicauere profectum.

In primis igitur sanctus Iustinus Martyr, clarissima hac Crucis figura ad Iudaicam perfidiam conuincendam perutiliter usus, in sua cum Tryphone Iudæo disceptatione siue dialogo, de ea sic: *Hac quoque, inquit, nota & signo Crucis Iſraëli, contra serpentes morsu perimentes, statua apparet esse facta, propter credentium salutem: quod iam inde ab eo tempore, per eum qui Crucis supplicium pertulit, serpenti mors præſagio sit denuntiata; salus autem his, qui ab ipso morsu læsi, ad eum confugiunt, à quo, Filius crucifixus, in mundum est missus. Non enim in serpentem nos credere per Moysen docuit spiritus Propheticus, quando illum à principio etiam maledictionis execratione à Deo mulctatum indicat. Et paullo post idem sanctus ad Iudæos ipsos sermonem dirigens, adiecit: Dicite, inquit, namque mihi, an non Deus is erat, qui per Moysen sanxit, ne qua omnino fieret vel imago vel similitudo, neque eorum quæ in*  
**B** *caelo sunt sursum, neque in terris deorsum? Atqui idem ipse in solitudine per Moysen fieri fecit æneum serpentem, eumque pro signo statuit, per quod seruabantur, qui serpentum morsu letaliter læsi fuerant; & extraculpam omnem est. Sacramentum namque arcanum per hunc, prout antea dixi, denuntiavit: quo serpentis quidem, qui etiam præuaricationis ab Adamo commissæ auctor fuerat, potestatem euersum iri significabatur, salus autem credentibus in istum, qui per signum id adumbrabatur, & in Cruce moriturus esse præmonstrabatur, à serpentis morſibus, qui sunt actiones prauæ, idolorum cultus, & aliæ iniquitates, promittebatur. Et ibidem post multa idem Martyr Iustinus disceptationem suam cum eodem Tryphone Iudæo prosecutus, hæc adiecit: Nam hoc pacto & Moyses contra legem per se latam fecisse iudicetur, qui constitutione proposita sanxerit, ne qua effigies & similitudo fieret, neque eorum quæ in caelo, neque eorum quæ in terra aut mari sunt; ipse tamen postea serpentem æneum fecerit, atque pro signo quodam statuerit; eos illum inspicere iubens, qui morsu à uuis serpentibus læsi fuerant: atqui illi eum intuentes, salui permanebant. Serpens uidelicet existimabitur populum seruasse, quem (sicut antea dixi) primitus Deus maledictioni subdiderat, & per ingentem, ut Iſaias clamat, gladium confecit? Et tam insipienter res istiusmodi, prout Rabbinii vestri docent, & non tamquam symbola excipiemus? Neque uerò ad imaginem etiam referemus Iesu crucifixi hoc signum, quando & Moyses per manus expassas, cum eo qui Iesu nomine cohonestatus fuit, uictoriam populo uestro conciliauit? Haftenus Iustinus.*

Sanctus uerò Cyrillus Alexandrinus, siue Iodocus Clithoueus, sanctæ Crucis Christi Domini nostri figuras annotans ac recensens, quæ ex veteris Testamenti paginis excerpuntur, de hac ipsa ænei serpentis figura præcipuè sic: *Denique, inquit, ipsa Crux lignum illud est, quo in deserto suspensus serpens æneus, omnibus ipsum insipientibus sanitatem à morsu serpentum reddidit. Nam quisquis oculos animi in Christum crucifixum conuerterit, ab omni vulnere peccati illicò curabitur. Per ipsam denique Crucem reddita est salus humano generi; facta est redemptio nostra & reconciliatio. Per ipsam allata est nostro medicina dolori; data est fortitudo & robur homini, ut hac lorica obtectus & galea, intrepidus ineat certamen cum hoste, quem Dominus noster Crucis salutiferæ beneficio foras eiecit, profligauit omnino, & penitus alligauit.*  
**D**

Verum sanctus Gregorius Nazianzenus, contra ceterorum Patrum sententiam æneum serpentem illum à Moysæ in deserto exaltatum, non solum Domini nostri Christi typum & figuram, sed antitypum & contrariam figuram extitisse asseruit: atque hanc animi sui sententiam hoc pacto probat: *At uerò, inquit, serpens æneus aduersus morsus serpentum suspenditur, non tam ut Christi pro nobis passi typus, uerum ut antitypus, atque eos, qui ipsum intuentur, saluos facit, dum non cum uiuere, sed mortuum esse, simulque subditas sibi copias enecare persuasum habent,*

In Ioan. 1.8.  
cap. 17.

Idem serpens quomodo Nazianzeno antitypus Christi? In Pascha oratione 2.



bent, deletum nimirum & extinctum, sicut merebatur. Et quod tandem illicongruens A  
epitaphium canemus? Vbi est mors stimulus tuus? vbi tua, inferne, victoria? Crux te pro-  
stravit, vitæ auctor tibi necem attulit. Exanimis es, mortuus, immobilis, iners, serpentis  
licet figuram serues, in sublimi loco ignominiosè pendens. Hæc magnus Theologus.

Super cuius verbis Nicetas Setronius eius Commentator pro eorum declara-  
tione hæc adiecit: Anei autem serpentis, inquit, historia scripta est in libro Numero-  
rum. Nam cum multi ex filiis Israël ob murmurationem à serpentibus ic̃ti perirent,  
tandem Moysis precibus mitigatus Deus, ad eum dixit: Fac tibi ipsi serpentem, & pone  
eum in signo, hoc est, in ligno: & quisquis percussus eum aspexerit, viuet. Illud porro, Fac  
tibi ipsi, hoc ostendit, quod quoniam ex his quæ fiebant, alia Dei ratione fiebant, alia  
ratione hominum: hoc loco, Tibi ipsi, ratione Moysis, & totius multitudinis eodem ge-  
nere oriundæ dictum est. Age iam quasi ex figura, ad nos veniamus. Deum enim ipsi  
quoque offendimus, atque adeò in spiritualium serpentum morsum incidimus, qui per  
omne peccati genus nos ferientes, morte afficiebant. Quonam autem modo salutem conse- B  
cuti sumus? Aspeximus etiam ipsi serpentem in ligno, hoc est Christum, ipsumque in-  
tuentes, atque in eum credentes, salutem nanciscimur. Verùm qua ratione Deus, qui na-  
turâ bonus est, serpens dicitur? Quoniam iuxta pos libera voluntate malos, per simili-  
tudinem carnis peccatum factus est, & cum iniquis reputatus est. Serpens igitur Chri-  
stus est, velut in similitudine peccati, quia homo factus est. Atque ob eam causam, ad  
eum qui purum hominem eum esse arbitrabatur, dicebat: Quid me dicis bonum? Enim-  
uerò serpens ille æneus, verè serpens non erat, sed figuram quidem serpentis habebat,  
venenum autem non habebat: eodem modo Christus, quatenus peccati venenum non  
habebat, non erat vnus è nobis, qui serpentis formam subijmus. Omne etenim peccatum  
serpens verè est, & qui ipsum admittit, serpens quoque ipse efficitur. Quin hac quoque  
caussa serpens, quem in Crucem Moyses sustulit, figuram Christi gerit. Quoniam quem-  
admodum corporeus serpens non solum venenum habet, per quod qui ab eo ic̃ti fuerint,  
extinguuntur, sed etiam vitæ pharmacum, quo accepto, qui percussi fuerunt, ad vitam C  
reuocantur: sic ex interempto Adamo homini medicamentum inuentum est, quod est  
Domini corpus, cuius vi omne peccati virus à credentibus aboletur.

At Theologus serpentem æneum, Christi typum haudquaquam esse censet (neque  
enim fas ac pium est, peruersum spiritum, Christi typum vocare) verùm antitypum, hoc  
est, contrariam figuram. Etenim serpens à principio homini exitium attulit, Christus  
autem postea salutem. Ille in errorem induxit, hic viam monstrauit. Illic serpens verus  
non erat, hic homo verus. Ad hæc ille eadem forma præditos serpentes interemit, at  
Christus congeneribus hominibus vitam affert. Præterea Christus saluos eos facit, qui  
credunt ipsum viuere, ac vitam esse credunt: at diabolus salutis causa his est, qui ipsum  
intuentur, si modò crediderint, non quòd ipse viuat, sed quòd per Crucem oppressus at-  
que extinctus sit; dumtaxat quantum ad tyrannidem; atque etiam subditis sibi defectri-  
cibus copiis interitum accersuit: nam Christus, obtruncato duce, illius quoque exercitum  
profligauit. Illud igitur notandum, quòd serpens hætenus Christi figuram gerebat, quòd D  
in ligno penderet; alijs autem omnibus rationibus figuræ contrarius, hoc est, figura non  
simpliciter, sed cum contrarietate, vt superius declaratum est. Quoniam igitur peruersus  
spiritus extinctus est, age ei congruum epitaphium contexamus, ac cum Osea dicamus:  
Vbi est mors stimulus tuus? vbi est, inferne, victoria tua? diabolus enim mortis minister  
est, mors autem orci ministra. Diabolus siquidem per peccatum sauciatos morti tradebat,  
mors autem interfectum ad orcum trans mittebat. At nunc Theologus inferni & mortis  
nomine, diabolum vocat, vt vtriusque causam. Aculeus autem illius peccatum est, ac  
voluptatis æstrum; victoria, fraus: quibus rebus nos sub imperium suum ac potestatem  
redigere Belial contendebat. Verùm vtrumque per Christum deletum est; peccatum enim  
non fecit, nec à tentatore delusus ac circumuentus est: quin potius tentator ipse Cruce  
Christi



A Christi conuulneratus est atque interfectus, quantum ad tyrannidem attinet; ac per æneum & inanimatum serpentem ignominia notatur. Ille enim in ligno confixus ac triumphatus, tentatorem præsignabat, qui per salutiferum & vitale Crucis lignum interemptus est. Atque ita serpentis formam retinet, ut tamen nihil eorum quæ serpentis sunt, agere valeat, saltem in Christo. In eo enim omnis draconis vis & facultas in irritum cessit. Hæc omnia diui Gregorij Nazianzeni textum interpretaturus Nicetas dixit. Quibus tamen verbis quidam modernus Doctor hoc iure quidem addendum censuit, serpentem æneum nimirum, à Moyse in deserto ligno exaltatum, Christi Domini figuram re vera gessisse, quantum ad id attinet, quod salutem afferebat his qui attentè eum suspiciebant.

Sanctus autem Seuerianus Gabalorum Episcopus, de hac eadem ænei serpentis figura itidem agens, se valdè admirari ostendit, Moysen hanc serpentis statuam conflasse, ut à populo conspiceretur ac suspiceretur, cum ipse iam, ne vlla imago fieret, expressè vetuisset. Et demum concludit, Moysen statuas fieri prohibuisse, ut populum ab idololatria, ad quam nimium propensus erat, auerteret: sed serpentem hunc æneum conflasse, quod ea quæ in Christo futura erant, innueret. Verba autem eiusdem Sancti, quæ à diuo Ioanne Damasceno citantur, ex Græco in Latinum conuersa, hæc sunt: *Quomodo inquit, imago excruciatissimi, populo in calamitate versanti & conflictato vitam attulit? Nonne credibilis erat, si dixisset: Si quis vestrum morsus fuerit, calum suspiciat, aut tabernaculum Dei, & salutem assequetur? Verum his ille posthabitis, Crucis tantum imaginem statuit. Cur autem hæc fecit Moyses, qui populo dixerat: Non facies tibi sculptile, neque conflatile, neque similitudinem ullam earum rerum quæ sunt in cælo sursum, aut in terra deorsum, aut in aquis sub terra? Sed quid ego hæc ad ingratum populum loquor? Dic, quæso, fidelissime Dei minister, quod aliis vetas, id ipse facis? quod præcipis euerti, id ipse constituis? Qui, Non facies, inquis, sculptile, quicquid, conflatum tum vitulum* *In Oratio- ne de Imaginibus.*  
*Rectè Moysen prohibuisse omne sculptile, & tamen erexisse serpentem.*  

C *comminuisti, serpentem ipse ex ære conficis? Eumque non clam, sed palam, & omnibus perspicuum statuis? At illa, inquit, mandavi, quod materiam impietatis exscinderem, & ab omni defectione atque idolorum cultu populum abducerem. Hunc autem serpentem vtiliter conflo, ut veritatem ipsam præsignificem. Et quemadmodum tabernaculum, & quæ in ipso sunt omnia, & Cherubim, similitudinem eorum quæ non videntur, ahibui in Sancta, ut figuram atque umbram futurorum ostenderem; sic & serpentem ad salutem populi confluui, ut eiusmodi experimento exercitatus, Crucis imaginem, & Seruatorem ac Redemptorem in ipsa pendentem præcognosceret. Hoc autem verissimum intelliges, amice, ex verbis Domini id ita confirmantis: Et sicut Moyses exaltauit serpentem in deserto, sic exaltari oportet Filium hominis, ut omnis qui credit in eum, non pereat, sed habeat vitam æternam. Hactenus Seuerianus Gabalorum Episcopus, quem citat, ut diximus, Ioannes Damascenus. Atque eadem pænè omnia factus Ioannes Chrysostomus, rationem redditurus cur serpens æneus Christi*  

D *Domini nostri figuram habuisse dicatur, inquit: Figura serpentis, fratres, imago est eius diuini consilij, quod in Cruce ad exitum deducendum fuit. Ut autem illa figura imaginem quidem & speciem serpentis representabat; sic & Seruator, Apostolo teste, in similitudine carnis peccati apparuit, cum tamen extra omne peccatum culpamque esset. Sicut & sanctus Isaias conuenienter beato Paulo loquens, ait: Qui peccatum non fecit, nec inuentus est dolus in ore eius. Itaque secundum Isaiam, imaginem vnā habes; sed & alteram accipe. Contuere veritatem per figuras quasdam elucentem. Serpentes quidem filios Israhel mordebant: populus in exitum quoddam inciderat: petit itaque Moyses supplex à Deo, ut medicinam aliquam salutare ostenderet: Deus verò famulo medicinam beneficam commonstrat, & ait: Æneum serpentem conficito, eumque ante tabernaculum testimonij erigito. Quid sibi vult hoc exemplar? Etenim alij erant serpen-* *De serpente, quem Moyses erexit in solitudine: itemque de Trinitate, Orat. 2. Tom. 5.*  
*tes*



tes, qui mordebant, alius etiam ille, qui pro his in crucem tollebatur. Quid innuit A  
 enigma? Quid præ se fert umbra illa mysterij? Quemadmodum enim ille figura aliorum  
 serpentium, ille qui nec momordit, nec etiam percussit, in crucem sublatus est: sic de-  
 lecta & scelera aliorum hominum innocens Iesus suo Crucis supplicio erat expiaturus.  
 Pro serpentibus qui mordebant, serpens innoxius cruci suffigitur: pro nobis morti  
 obnoxijis, nullo unquam scelere inquinatus ille integerrimus supplicio affectus est.  
 Quod quidem præclare, ut alia permulta, Jsaïas prædixit in hunc modum: Pro pecca-  
 tis populi venit ad mortem, & Dominus tradidit illum pro peccatis nostris. Deinde  
 verò idem sanctus Chrysostomus sermonem suum hoc loco concludens,  
 subdit: Quare verò cruci suffigitur serpens æneus? ut aboleantur & consenescant  
 vibices morsuum. Ergo aliud est quod in crucem tollitur, alia item quæ abolentur. Et  
 quid significationem veritatis animaduertis? An non tamquam sub involucri littera-  
 rum, vim diuini cuiusdam ordinis rerum futurarum perspicis? Sublatus est in crucem  
 æneus serpens, ait, ut abolerentur morsus draconum. Christus crucifixus est, ut de- B  
 monum facinora cessarent, & abolerentur. Enimverò alius est serpens ille qui erigitur,  
 alij qui abolentur dracones. Alius est in Cruce pendens Christus, & alij qui abolentur  
 demones. Et veluti illic simulacrum serpentis, qui coram apparebat, aboleuit morsus  
 serpentium: eodem modo etiam hinc mors Christi, mortem penitus sustulit, demonesque  
 profligauit. Itaque non immerito Seruator comparisonem sibi vendicans, dixit: Sicut  
 Moyses exaltauit serpentem in deserto, ita exaltari oportet Filium hominis; ut omnis  
 qui credit in ipsum, non pereat, sed habeat vitam æternam.

In Ioan.  
 cap. 3.  
 Hom. 26.

Alibi verò idem Chrysostomus de hac ipsa ænei serpentis figura hæc adie-  
 cit: Nam si ad ærei serpentis simulacrum aspicientes Iudæi morte liberabantur; quanto  
 maiori, qui in Crucifixum credunt, beneficio fruuntur? Neque enim quòd Crucifixus est,  
 idcirco eum imbecillitatis arguas, neque Iudæos superiores dixeris, sed quòd mundum  
 Deus amauit. Ideoque animale eius Templum crucifixum est, ut omnis qui credit in  
 ipsum, non pereat, sed habeat vitam æternam. Vides Crucis causam, & ex ea salutem? C  
 Vides ut figura veritati consentiat? Illic mortem fugerunt Iudæi, sed temporalem; hinc  
 sempiternam fideles. Illic ictus serpentum suspensus serpens sanauit, hinc incorporei ser-  
 pentis plagas Iesus crucifixus curauit. Illic corporeis oculis suspicientes, corporis salu-  
 tem; hinc incorporeis, omnium peccatorum remissionem consecuti sunt. Illic æs suspensum  
 erat in serpentis effigiem, hinc Dominicum corpus à Spiritu formatum. Serpens illic mor-  
 debat, & serpens sanabat: hinc mors perdidit, & mors saluum fecit. Ad hæc, qui in-  
 terimebat serpens, veneno sæuebat; qui liberabat, nullo. Sic & hinc: nam ea, quæ per-  
 debat mors, peccatum habebat, quemadmodum serpens, venenum; Domini autem mors  
 ab omni immunis erat peccato, ut æreus serpens veneno. Peccatum enim, inquit, non  
 fecit, nec inuentus est dolus in ore eius. Hoc est, quod significauit Paulus: Expolians  
 principatus & potestates, traduxit confidenter, palam triumphans illos in semetipso.  
 Quemadmodum enim fortis athleta hostem altè erectum prosternens, clariorem facit vi-  
 ctoriam; ita Christus toto orbe spectante, hostiles conatus euertit: & qui in solitudine D  
 vulneratos curauit, eos ab omnibus feris in Cruce suspensus tutatus est. Hactenus  
 Chrysostomus.

Sanctus autem Gregorius Nyssenus de eodem hoc Moylis admirando faci-  
 nore ipse quoque agens, apertè docet id sanctæ Crucis figuram extitisse. sic enim  
 tradidit: Serpentes quippe venenoso morsu homines inuadebant. At verò legislator,  
 serpentis specie, verorum serpentum vim expulit, ut clarè id exponamus. Vnum ergo  
 contra hos pestiferos cupiditatis morbos antidotum est mundities animi, pietatis myste-  
 rio celebrata. Caput autem omnium quæ in hoc Christianæ professionis credimus, est fir-  
 ma rectaque fide in passionem illius respicere, qui pro nobis passus est. Crux verò passio  
 eius fuit. Quare qui Crucem respicit, ut historia hortatur, ei venenum cupiditatum  
 obesse



- A obesse non potest. Crucem autem respicere, nil aliud est, quàm huic mundo quasi mortuos <sup>Quid sit</sup> & crucifixos nos præbeamus, fixos in virtute, immobiles in peccando; Dei, <sup>spirituali-</sup> <sup>ter respice-</sup> ut ait Psalmista, timore quasi clauo carnem nostram infigentes. Clauus autem qui carnem hanc <sup>re in ser-</sup> nostram retinet, continentia est. Quoniam igitur praua cupiditas mortiferos terrenis <sup>pentem sus-</sup> è rebus nobis serpentes immittit (quidquid enim ex praua cupiditate nascitur, serpens <sup>pensum?</sup> est) idcirco iam diu Lex antidotum nobis in ligno monstrauit. Id verò serpentis est simulacrum, non serpens, sicut & Paulus dicit, in similitudine carnis peccati: verus enim serpens peccatum est; & qui ad peccatum transfugit, serpentinam induit naturam. Ab hoc igitur peccato, & ab hac serpentina natura homo per illum liberatur, qui peccati speciem subiit, qui factus est secundum nos, qui peccando ad speciem serpentis conuersi sumus. Per eum igitur, ne morsus mortem inferant, factum est; ipsæ verò ferae non sunt destructæ: feras autem dico cupiditates ipsas prauas. Nam si prauè peccantium mors nullam habeat in illos vim qui Crucem respiciunt, carnis tamen aduersus
- B spiritum innata cupiditas non omnino destructa est: insurgunt enim & fidelibus sæpe numerò cupiditatis morsus, quos ad sublatum ligno respicientes repellunt, timore præcepti, quasi antidoto, vim veneni dissipantes. Quod autem mysterium Crucis, sublatione serpentis in deserto figurabatur, apertè nos docuit Veritas, cùm dicit: Et sicut Moyses exaltauit serpentem in deserto, sic Filium hominis exaltari oportet. Hæc Nyssenius.

- Verumtamen Tertullianus, ut Iudæorum perniciaciam atque perfidiam conuinceret, de hac sanctæ Crucis & passionis Christi admiranda figura sic agit: Moyses post interdictam omnis rei similitudinem, cur aneum serpentem ligno impositum pendentis habitu in spectaculum Israël salutare proposuit, eo tempore quo à serpentibus post idololatriam exterminabantur: nisi quòd hic Dominicam Crucem intendat, qua serpens diabolus publicabatur, & læso cuique ab eiusmodi colubris, id est angelis eius, à delictorum peccantia ad Christi Crucis sacramenta intento, salus efficiebatur. nam qui in illam tunc respiciebat, à morsu serpentum liberabatur. Hæc Tertulianus: qui & eadem verba repetiit aduersus Marcionem scribens. Quin & alibi adhuc contra eundem hæreticum, ad huius sacratissimæ figuræ explanationem, sic hisce carminibus concinens dixit:

Qua die, quòve loco cecidit clarissimus Adam,  
Hac eadem redeunte die, voluentibus annis,  
In stadio ligni, fortis congressus Athleta,  
Extenditque manus, pœnam & pro laude secutus  
Deiicit mortem, quia mortem sponte reliquit.  
Exiit exuias carnis, & debita mortis;  
Serpentis spoliū, deiicto Principe mundi  
Adfixit ligno, refugarum immane trophæum:  
In cuius signum Moyses suspenderat anguem;  
Et quotquot fuerant multis serpentibus iecti,  
Aspicerent ipsum fictum fixumque draconem.

- D Et sanctus Ambrosius, à nomine loci illius in quo Moyses exaltauit serpentem in deserto, probat, admirandum hoc facinus Christi Domini nostri eiusque sanctæ Crucis vmbra & figuram habuisse. Nam cùm locus ille, vbi filij Israël tunc in deserto castra locauerant, Salmona vocaretur, ipse ad hoc institutum hæc scripsit: Verum, inquit, quia Salmona interpretatur vmbra, factum istud mansioni rectè aptatur: serpens namque ligno suspensus, typus & vmbra Christi fuit, pro salute nostra in Cruce pendentis, sicut ipse exponit in Euangelio. Et alibi de eadem figura adhuc agens subdit: In figura aneus serpens tamquam confixus Crucis, quia verus serpens crucifigendus generi annuntiabatur humano, qui serpentis diaboli venena vacuaret, in figura maledictus, in veritate autem, qui totius mundi maledicta

Aduersus  
Iudæos  
cap. 10.

Aduersus  
Marcionē  
lib. 3. c. 18.

De concordia  
veteris & nouæ  
Legis,  
aduersus  
Marcionē,  
lib. 2. c. 4.

De 42. filiis  
Israel  
mansionibus,  
mansionibus,  
mansionibus,  
Tom. 1.

In Apol.  
David 1.  
c. 3. To. 1.



De Spiritu  
sancto,  
li 3 cap. 9.  
Tom. 4.

deleteret. Et denuò ad aliud mentis suæ institutum eandem explicans figuram, A  
de ea sic tradit : Et benè, inquit, Dominus æreo serpente suspensio, iussit curari vulne-  
ra sauciorum. Imago enim Crucis, æreus serpens est : quoniam etsi in carne sua suspen-  
sus est Christus, tamen & ipse crucifixus est mundo, & ipsi crucifixus est mundus.  
Mibi enim mundus crucifixus est, & ego mundo. Crucifixus est ergo in suis mundus  
illecebris ; & idè non verus, sed æreus suspensus est serpens : quia in veritate quidem  
corporis, sed sine veritate peccati suscepit Dominus speciem peccatoris ; ut per ludibrium  
infirmittatis humanæ, simulando serpentem depositis carnis exuviis, veri destrueret ser-  
pentis astutiam. Hactenus Ambrosius.

De verbis  
Apostoli,  
Serm. 14.  
cap. 11. in  
fine & 12.  
Tom. 10.

Augustinus autem hanc admirabilem figuram pariter exponens, Sicut Moy-  
ses, inquit, exaltauit serpentem in eremo, ut omnis à serpente percussus intueretur  
exaltatum, & sanaretur ; sic exaltari oportuit Filium hominis, ut omnis à serpente  
venenatus intueatur exaltatum, & sanetur. Adam primus accepit morsum serpentis  
cum veneno. Ergo natus in carne peccati, fit saluus in Christo per similitudinem carnis B  
peccati. Misit enim Deus Filium suum non in carne peccati, sed sicut sequitur, qui  
scripsit, In similitudinem carnis peccati ; quia non de complexu maritali, sed de utero  
virginali. Misit in similitudinem carnis peccati. Ut quid hoc ? Ut de peccato damna-  
ret peccatum in carne : de peccato peccatum, de serpente serpentem. Quis enim dubitet no-  
mine serpentis appellari peccatum ? Ergo de peccato peccatum, de serpente serpentem.  
Sed de similitudine ; quia in Christo nullum peccatum, sed sola similitudo carnis peccati.  
Idè exaltatus est serpens, sed æreus. Exaltata est similitudo carnis peccati, ut sanaretur  
origo peccati : quia misit Deus Filium suum in similitudinem carnis peccati, non in simi-  
litudinem carnis. Nam vera caro est, sed in similitudinem carnis peccati, quia mortalis  
caro sine ullo omnino peccato, ut de peccato propter similitudinem damna-  
ret peccatum in carne, propter veram iniquitatem. Vera iniquitas in Christo non fuit, sed mortalitas  
in illo fuit. Peccatum non suscepit, sed pœnam peccati suscepit. Suscipiendo sine culpa  
pœnam, & pœnam sanauit & culpam.

Serpens  
suspensus  
carens ve-  
neno, 17  
pus Chri-  
sti in simi-  
litudine  
carnis pec-  
cati.

De Tem-  
pore, Ser-  
mone 101.  
Qui inci-  
pit : In Le-  
ctione, qua  
nobis reci-  
tata est.

Et alibi de eodem hoc serpente æneo in deserto exaltato sermonem habens,  
subdit : Serpens iste, fratres dilectissimi, licet hoc satis mirum esse videatur, tamen fi-  
gurauit incarnationem Domini. Durum fortè alicui videri poterat ista significatio, nisi  
hoc ipse Dominus in Euangelio suo dixisset. sic enim ait : Sicut Moyses exaltauit ser-  
pentem in deserto, ita exaltari oportet Filium hominis. Suspensus est ergo tunc serpens  
æneus in conto, quia Christus suspendendus erat in ligno. Tunc enim quicumque fuisset  
à serpente percussus, serpentem æneum respiciebat, & sanabatur : nunc verò humanum  
genus, quod à spiritali serpente diabolo percussum fuerat, Christum credendo respicit, &  
sanatur. Quicumque percussus serpentem illum æneum non vidisset, moriebatur. Ita est,  
fratres, nisi quisque in Christo crediderit crucifixo, diaboli veneno premitur. Tunc enim  
vnusquisque respiciebat serpentem mortuum, ut posset euadere viuum ; nunc verò qui  
vult diaboli vitare venenum, Christum respiciat crucifixum.

Et quia mors à morsu nomen accepit, & generi humano morsus antiqui serpentis D  
acciderat, & mors nisi à morte superari non poterat, idè mortem Christus sustinuit, ut  
iniusta mors iustam vinceret mortem ; & liberaret reos iustè, dum pro eis occideba-  
tur iniustè. Quidquidem enim diabolus in Adam exercuerat, quasi iustè videbatur egisse  
in homine, qui se vnus arboris delectatione vendiderat. In Adam ergo, quasi in proprio  
seruo, iure sibi domino Dominium vendicauit : in Passione autem Christi, in quo pecca-  
ti maculam non inuenit, iniustè mala omnia perpetravit. Sic & ipse Dominus in Euange-  
lio dixit : Ecce venit Princeps huius mundi, & in me nihil inuenit. Quid est, Nihil inue-  
nit ? Nullum omnino peccatum. Et in Psalmis : Quæ non rapui, inquit, tunc exolvebam.  
Quod ergo iustè debebat Adam, Christus iniustè mortè suscipiendo persoluit. Ille expandit  
manum ad pomorum dulcedinem, iste ad Crucis amaritudinem. Ille arborem necis, iste sa-  
lutis



**A**lutis ostendit. Ille se contra Deum erexit, & cecidit; Christus se humiliavit, ut omnes erigeret. Adam mortem vniuersis intulit, & Christus vitam omnibus reparauit. Respicebat ergo vnusquisque serpentem aneum, & à venenatis serpentibus sanabatur. Serpens aneus in ligno positus, venena viuorum serpentium superauit; & Christus in pace suspensus & mortuus, antiqua diaboli venena restinxit, & omnes qui ab eo percussi fuerant liberauit.

Quare tamen serpens ille non de auro, non de argento, sed de aramento fuerit factus, videamus. Mihi videtur duas significationes habere posse: Vnam propter diuturnitatem, quia vasa aenea durare diutius solent. Aliam propter vocis claritatem; nam inter omnia metalla, vasa aerea maiorem tinnitum reddere & longius sonare solent. Doctrina non in vna tantum gente Iudaeorum innotescere, sed per vniuersum mundum claro salutiferae predicationis sono poterat peruenire. Ideo serpens ille aneus efficitur, ut doctrina Christi in vniuerso mundo clariùs predicetur; secundum quod de Apostolis scriptum est: In omnem terram exiuit sonus eorum, & in fines orbis terrae verba eorum. Et tamen, fratres, etiam secundum medicorum carnalium disciplinam, quibus de morte serpentis contra viuorum serpentium venena, salubria preparantur antidota, non est incongruum, ut mortuum debeat serpentem intendere, qui à viuorum serpentium venenis desiderat liberari. Hæc omnia ideo diximus, ut quoscumque serpentis, id est diaboli & angelorum eius, venena percusserint, ad Christum, qui in similitudine illius aenei in ligno suspensus est, fideliter aspiciant, ut cum beato Paulo Apostolo dicere possint: Mihi autem absit gloriari, nisi in Cruce Domini nostri Iesu Christi, per quem mihi mundus crucifixus est, & ego mundo.

Alio quoque in loco idem sanctæ Ecclesiæ clarum lumen de hac ipsa materia differens, adiecit: Quid autem, inquit, pependit in ligno, nisi peccatum veteris hominis, quod Dominus pro nobis in ipsa carnis mortalitate suscepit? Vnde nec erubuit nec timuit Apostolus dicere, peccatum eum fecisse pro nobis: addens, ut de peccato damnaret peccatum. Non enim & vetus homo noster simul crucifigeretur, sicut Apostolus alibi dicit, nisi in illa morte Domini, peccati nostri figura penderet, ut euacuaretur corpus peccati, ut ultra non seruiamus peccato. In eius peccati & mortis figura, etiam Moyses in eremo super lignum exaltauit serpentem. Persuasione quippe serpentis, homo in damnationem mortis cecidit. Itaque serpens ad significationem ipsius mortis conuenienter in ligno exaltatus est: in illa enim figura, mors Domini pendebat in ligno. Quis autem abhorreret, si diceretur, Maledictus serpens qui pendet in ligno? & tamen mortem carnis Domini præfigurans, serpens pendebat in ligno.

Et iterum idem veræ & Catholicæ doctrinæ fons inexhaustus, quadam alia sibi oblata occasione, de hac ipsa figura hæc subdit: Quid est exaltatus serpens, nisi mors Christi? eo significandi modo, quo per efficientiam, id quod efficitur, significatur? A serpente quippe mors venit, qui per peccatum, quo mori mereretur, homini persuasit. Dominus autem in carnem suam non peccatum transtulit, tamquam venenum serpentis, sed tamen transtulit mortem; ut esset in similitudine carnis peccati pœna sine culpa, vnde in carne peccati & culpa solueretur & pœna. Sicut ergo tunc qui conspiciebat exaltatum serpentem, & à veneno sanabatur, & à morte liberabatur; sic nunc, qui conformatur similitudini mortis Christi, per fidem Baptismumque eius, & à peccato per iustificationem, & à morte per resurrectionem liberatur. Hoc est enim quod ait: Ut omnis qui credit in eum, non pereat, sed habeat vitam æternam.

Demum verò de eadem materia differens, alibi ita subiunxit: Mordebantur homines, intuebantur, & sanabantur. Quid sunt serpentes mordentes? Peccata de mortalitate carnis. Quis est serpens exaltatus? Mors Domini in Cruce. Quia enim à serpente mors, per serpentis effigiem figurata est mors. Morsus serpentis letalis, mors Domini vitalis. Attenditur serpens, ut nihil valeat serpens. Quid est hoc? Attenditur mors, ut nihil

In expositione Epistolæ ad Galatas, Tom. 4.

De peccatorum meritis & remissione, contra Pelagianos, l. 1. cap. 32. Tomo 7. par. 2.

In Euangelium Iohannis, Tractatu 12. To. 9.



In Cruce  
vita mor-  
tua absor-  
psit moriē.

valeat mors. Sed cuius mors? Mors vitæ: si dici potest mors vitæ; immò quia dici potest, A  
mirabiliter dicitur. Sed numquid non erit dicendum, quod fuit faciendum? Ego dubitem  
dicere, quod Dominus pro me dignatus est facere? Nōne vita Christus? & tamen  
mortuus Christus. Sed in morte Christi mors mortua est, quia vita mortua occidit mor-  
tem. plenitudo vitæ deglutivit mortem. Absorpta est mors in Christi corpore. Sic & nos  
dicemus in resurrectione, quando iam triumphantes cantabimus: Vbi est mors contentio  
tua? Vbi est mors aculeus tuus? Interim modò, fratres, vt à peccato sanemur, Christum  
crucifixum intueamur: Quia sicut Moyses, inquit, exaltauit serpentem in eremo; ita ex-  
altari oportet Filium hominis, vt omnis qui credit in eum, non pereat, sed habeat vitam  
eternam. Quomodo qui intuebantur illum serpentem, non peribant morsibus serpentium;  
sic qui intuentur fide mortem Christi, sanantur à morsibus peccatorum. Hoc enim in-  
terest inter figuratam imaginem & rem ipsam: figura præstabat vitam temporalem;  
res ipsa, cuius illa figura erat, præstabat vitam eternam. Hactenus Augustinus.

In Num.  
cap. 20.

Isidorus autem Hispalensis Episcopus, huius sacratissimæ Crucis figuræ alta B  
mysteria ingenti admiratione suspiciens, hæc de ea litteris commendauit: Quid  
illud, inquit, significat, quòd morsus mortiferi serpentum, exaltato & respecto æneo ser-  
pente sanabantur; nisi quòd tunc in typo Saluatoris, qui ferum antiquumque serpentem in  
patibulo triumphauit, diaboli venena superantur; ita vt qui verè expresseque imaginem  
Filij Dei, passionemque eius conspexerit, seruetur? Hoc enim significant & verba ipsius  
Domini dicentis: Sicut exaltauit Moyses serpentem in deserto, sic oportet exaltari Filium  
hominis; vt omnis qui credit in eum, non pereat, sed habeat vitam eternam. Quod verò  
æneus est serpens, ipse Christus intimatur, qui ligno suspensus est: æs quippe metallis  
alijs durabilius esse solet. Et aptè æneus serpens ligno suspensus est, vt Dominus & in  
serpente mortuus, & in ære significaretur æternus: videlicet vt & indicaretur per hu-  
manitatem mortuus, & tamen esset quasi æneus per Diuinitatem. Pulchrè autem prima  
mansio Salmona interpretatur imaguncula: quia nimirum ibi imago expressa est Saluato-  
ris per serpentem æneum qui in ligno pependit. Pulchrè etiam & secunda Fenon inter- C  
pretatur os; quia posteaquam passionem Filij Dei cognoscimus, quod corde credimus, ore  
pronuntiamus; legentes illud Apostoli: Corde creditur ad iustitiam, ore autem confessio fit  
ad salutem.

Rom. 10.

Quæst. in  
lib. Numer.  
quæst. 39.

Theodoretus pariter, quid nam causæ fuerit inquirens, cur Deus voluerit  
vt serpentum morsus ab æneo serpente sanarentur, sic tradit: Istud etiam saluta-  
rem passionem præfiguratur: nam per serpentem natum est peccatum; vnde & maledictio-  
nem accepit à Deo omnium. Erat itaque serpens figura peccati atque maledictionis. Post-  
eaquam igitur Dominus Christus in similitudine carnis peccati apparuit, inquit diuinus  
Apostolus; corpus enim verè sumpsit, peccatum autem non fecit, nec inuentus est dolus in  
ore eius; præsignatur passio salutaris per serpentem æneum. Quemadmodum enim ser-  
pens æneus erat imago serpentum, non tamen illorum venenum gerebat: ita Filius vnige-  
nitus corpus quidem habebat humanum, sed peccatorum macula carebat. Et sicut à ser-  
pentibus morfi, serpentem intuentes sanabantur, ita qui vulnerati sunt à peccato, passioni D  
Saluatoris nostri sine vlla dubitatione credentes, mortem superant, & vitam eternam  
consequuntur.

In Homiliis  
æstualibus  
De Sanctis,  
in festo In-  
uentionis  
sanctæ Cru-  
cis, Tom. 7.

Nec Beda venerabilis huius sacræ figuræ mysterium silentio præterire vo-  
luit. sic enim & ipse: Exaltatio serpentis ænei, quem dum percussi aspicerent, sanaban-  
tur, passio nostri Redemptoris est in Cruce, in cuius solùm fide, regnum mortis & peccati  
superatur. Rectè etenim per serpentes peccata, quæ animam simul & corpus ad interi-  
um trahunt, exprimuntur: non solùm quia igniti, quia virulenti, quia ad perimendum  
sunt astuti; verùm etiam quia per serpentem primi parentes nostri ad peccandum persua-  
si, ac de immortalibus sunt peccando mortales effecti. Rectè per serpentem æneum Domi-  
nus ostenditur, qui venit in similitudine carnis peccati: quia sicut æneus serpens effigiem  
quidem



**A** quidem ignitis serpentibus similem, sed nullum prorsus in suis membris habuit ardorem veneni nocentis; quin potius percussos à serpētibus, sua exaltatione sanabat: sic nimirum, sic Redemptor humani generis non carnem peccati, sed similitudinem induit carnis peccati, in qua mortem Crucis patiēdo, credentes in se ab omni peccato, & ab ipsa etiam morte liberaret. Sicut ergo Moyses exaltauit serpentem in deserto, ita, inquit, oportet exaltari Filium hominis. Quia sicut illi qui exaltatum pro signo serpentem aneum aspiciēbant, sanabantur ad tempus à corporali morte, & plaga quam serpentium morsus intulerat; ita & qui mysterium Dominicae passionis credendo, confitendo, sinceriter imitando aspiciunt, saluantur in perpetuum ab omni morte, quam peccando in animo pariter & carne contraxerant. Vnde recte subiungitur: *Vt omnis qui credit in ipso, non pereat, sed habeat vitam æternam. Cuius quidem verbi patet sensus, quia qui credit in Christum, non solum perditionem euadit pœnarum, sed & vitam percipit æternam. Et homo inter figuram distat & veritatem, quia per illam vita protelabatur corporis, per hanc vita donatur sine fine mansura.* Haftenus Beda venerabilis.

Demum verò quidam alius Ecclesiasticus Pater figuram hanc sanctæ Crucis paucissimis quidem verbis optime declarat, dicens: *Suspensus serpens, mortis erat symbolum, cuius auctor & procurator serpens fuerat: at signum, in quo eleuatus est, Crucem denotabat: aspectus autem illorum qui percussi sunt, fidelium confessio est.*

Theophanes in Hom. in Dominica ante exaltationē Crucis.

Sexta & postrema sanctæ Crucis Domini figura ex sacro Numerorum libro collecta, hasta illa siue pugio fuit, quo Phinees sacerdos, Dei zelatus honorem, Zambrim Hebræum adolescentem transuerberauit; eum vnà cum inhonesta Cozbi Madianitide interficiens, dum in publicum populi scandalum ambo simul actualiter peccarent. Nam quemadmodum Sacerdos ille honoris Dei zelo percitus, hasta sua duos inhonestos ac libidinosos illos transfixit, qui peccantes, Dei grauissimam offensam in se ipsos non tantum concitabant, sed prauo ipsorum exemplo vniuersum populum ad idem peccatum alliciebant; sic Christus Dominus verus ac summus Sacerdos, sanctæ Crucis suæ hasta satanam ac nefarios angelos eius, qui vniuersum orbem terrarum ad peccandum, & ad graues iniurias Deo irrogandas impellebant, transfixit & occidit; potestatem atque tyrannidem eis adimens, ita vt neminem iam amplius cogere possint. Cuius memorandi facinoris monumentum in eodem sacro textu sic litteris commendatum constat: *Et ecce vnus de filiis Israhel intrauit coram fratribus suis ad scortum Madianitidem, vidente Moysē, & omni turba filiorum Israhel, qui flebant ante fores tabernaculi. Quod cum vidisset Phinees filius Eleazari, filij Aaron sacerdotis, surrexit de medio multitudinis, & arrepto pugione, ingressus est post virum Israhelitam in lupanar, & perfodit ambos simul, virum scilicet & mulierem, in locis genitalibus.*

Numer. cap. 25.

Quo loco animaduertendum est, quod licet in Vulgata editione nostra scriptum sit, pugionem eum arripuisse, aliæ tamen lectiones habent hastam; super quibus verbis hæc sanctus Isidorus: *Sed Phinees sacerdos, inquit, zelatus, vt Domini furorem placaret, Zambrim & scortum Madianitidem pugione transfigit: significans per Crucem Christi, non solum idololatriam, sed etiam omnem carnis affectum, vel concupiscentiam perimi sæculi; & tunc placari Deum, dum carnis extinguatur desiderium.* Atque hîc insignioribus sanctæ Crucis figuris finem imponemus, quæ expressis quattuor libris Pentateuchi Moysis excerpuntur: ceterarum autem quæ supersunt tractationem in Capita sequentia reijcimus, suffragante auxilio Domini nostri Iesu Christi; cui laus & gloria per infinita sæcula sæculorum. Amen.

In Numeros cap. 24. Pugio sacerdotis Phinees, quomodo typus Crucis.



## CAPVT XVII.

A

*De Funiculo purpureo, quem Raab meretrix Ierichuntina appendit in specula, per quam Israëliticos exploratores demiserat: pro signo, quo eiusdem ciuitatis direptionis & excidij die ipsa cum tota ipsius domo seruanda esset.*

**C**VM superioribus Capitibus de sanctæ Crucis figuris, quæ ex Pentateucho, id est, ex quinque libris magni Moyfis (Deuteronomio tamen prætermisso) decerpuntur, tractauerimus; reliquum est, vt de his agamus, quæ in Iosue & Iudicum libris continentur. Non tractationem tamen de omnibus spondemus; sed de apertioribus atque insignioribus dumtaxat, quæ sanctorum Patrum & sacrorum Doctorum auctoritate comprobari possunt. quod sanè in superioribus præstitimus. Demumque pro huius tertij libri conclusionem, quædam noui Testamenti superaddemus, quæ ijdem Patres sacrique Doctores ad sanctæ Crucis figuras & symbola pertrahunt.

*Funiculus  
coccineus  
suspensus à  
Raab, illu-  
stris figura  
Crucis.*

*In Dialogo  
cum Try-  
phone Iu-  
dæo.*

*Ipsa Raab,  
Ecclesia  
typus.*

*In Iesu Na-  
ue, cap. 2.  
Homilia 3.*

Prima igitur sanctæ Crucis Christi Domini ac Redemptoris nostri, & eius pretiosi in ea profusi sanguinis figura, quæ in sacro Iosue libro litteris obumbratur, funiculus ille purpureus fuit, quem Raab meretrix in ciuitate Iericho fenestram illi appendit & alligauit, per quam Israëliticos exploratores seruauerat, eos ex vrbs mœnibus demittens: vt resticula illa sibi esset in signum, se cum tota ipsius domo, in die quo eadem vrbs diripienda ac subuertenda erat, seruatum iri. De qua figura Iustinus Martyr sic ait: *Funiculi etiam coccinei symbolum, quod Ierichunte à Iesu Naue missi exploratores Raabi meretrici dederunt, alligari ad fenestram vnde eos dimiserat, vt hostium conspectum effugerent, iubentes, sanguinis & id Christi signum præ se tulit, per quem vetusti fornicatores, & iniqui homines ex Gentibus omnibus saluantur, remissionem peccatorum accipientes, & ulterius non peccantes.*

Origenes verò hanc eandem figuram exponens, meretricem illam Raab sanctæ Ecclesiæ symbolum fuisse ostendit; funiculumque ab ipsa fenestram appensum, sanctæ Crucis & pretiosissimi Christi sanguinis, per quem eadem Ecclesia saluata est, figuram habuisse demonstrat. Atque super id plura nobis perutilia afferens documenta, inquit: *Raab interpretatur latitudo. Quæ est ergo latitudo, nisi Ecclesia hæc Christi, quæ ex peccatoribus, velut ex meretricatione collecta est? & dicit: Angustus est mihi locus, fac mihi locum vbi habitem. Hos autem mihi quis enutrit? & iterum ad quam dicitur: Dilata pedes tuos, & extende tentoria tua. Ista ergo latitudo est, quæ suscepit exploratores Iesu. Sed hæc susceptos, eos in superioribus collocat, atque in editis & excelsis fidei constituit sacramentis. Nemo enim qui ab Iesu mittitur, inuēitur deorsum & humi iacens. Sed videamus quid egit cum exploratoribus ista sapiens meretrix. consilium eis dat mysticum & celeste, nihil habens terrenum. Per montana, inquit, abite. Nolite per valles incedere, humilia & deiecta refugite, quæ excelsa sunt & sublimia prædicare. Ipsa autem signum coccineum ponit in domo sua, per quod saluari de excidio debeat ciuitatis. Nullum aliud fuit signum, quod acciperet, nisi coccineum, quod sanguinis formam gerebat. Sciebat enim quia nulli esset salus, nisi in sanguine Christi. Datur etiam hoc mandatum huic, quæ quondam meretrix fuit: Omnes, inquit, qui inuenti fuerint in domo tua, saluabuntur. Qui autem exierint de domo, impunes sumus nos ab hoc iuramento tuo. Si quis ergo saluari vult, veniat in hanc domum huius, quæ quondam meretrix fuit. Etiam si de illo populo vult aliquis saluari, ad hanc domum veniat, vt salutem consequi possit. Ad hanc veniat domum, in qua Christi sanguis in signo redemptionis est. Nam*

apud



**A** apud illos qui dixerunt; Sanguis eius super filios nostros; Christi sanguis in condemnatione est. Positus enim fuerat Iesus in ruina & resurrectione multorum: & ideo contradicentibus signo eius, efficitur sanguis eius ad poenam, credentibus ad salutem. Nemo ergo sibi persuadeat, nemo semetipsum decipiat. Extra hanc domum, id est, extra Ecclesiam nemo saluatur. Nam si quis foras exierit, mortis suae ipse fit reus.

Sanctus autem Ambrosius de hac ipsa figura agens, ac super eius expositione altos & mysteriis refertissimos sensus declarans, atque utilia documenta prodens, sic tradit: Signa fidei atque vexilla Dominicae passionis attollens, coccum in fenestra ligavit, ut species cruoris mystici, quae mundum foret redemptura, vernaret.

De Fide ad  
Gratianū,  
li. 5. cap. 5.  
Tom. 4.

Ista foris Iesu nomen fuit praeliantibus ad victoriam, intus species Dominicae passionis periclitantibus ad salutem. Unde quia intellexit Raab caeleste mysterium, dicit Dominus in Psalmo: Memor ero Raab & Babylonis scientium me. Et alibi idem sanctus Ambrosius eidem Raab meretrici sanctae Ecclesiae figuram adscribit; funiculo

**B** autem purpureo, quem pro signo speculae domus suae appenderat, sanctae Crucis & Christi sanguinis in ea profusi praesignificationem tribuit, his verbis: Meretrix ista Ecclesiae typus est aliquando in Gentibus constituta, idolorum cultibus vitata, quam vanae superstitionis stupra polluerant, quam falsorum deorum adulteram fecerat multitudo; lascivosque ac turpes incompósitos motibus saltus, nemorum & lucorum inculta lustrabat, dedita luxuriae, pompae Gentilium mancipata. Hanc posteaquam Dominus noster Iesus Christus puro Baptismatis fonte perfudit, abluitionem & criminis accepit & nominis. Post meretricem fit virgo, quia vni se destinavit sponso. Nam & Raab illa meretrix Jerichuntis, quae speculatores Iesu Naue excepit hospitio, & quod signo cocci signata est, qui color figuram Christi sanguinis indicabat, & quod euerfionem ciuitatis euasit, Ecclesiae typum habuit, quae per sanguinem Christi, ruinam mundi istius secura non metuit.

De Salo-  
mone, li. 5.  
cap. 5.  
Tom. 2.

Verum diuus Augustinus totam hanc sanctae Crucis figuram, paucis quidem verbis, sed magno sensu turgentibus, explicat hoc pacto: Meretrix illa in Jericho, meretrix quae suscepit nuntios, & alia via eiecit, quae praesumpsit in promissione, quae timuit Deum, cui dictum est, ut per fenestram mitteret coccum, id est, ut in fronte haberet signum sanguinis Christi, saluata est ibi; & Ecclesiam Gentium significauit. Sic etiam hanc eandem figuram paucioribus verbis sanctus Hieronymus exposuit: & Raab meretrix, in typo Ecclesiae, resticulam mysterium sanguinis continentem, ut Jericho pereunte, domus eius saluaretur, appendit in fenestra.

In Psal. 86.

Ad Nepo-  
tianum  
cap. 3.

Nec minus decorè quam ornate eandem sic explicat Isidorus: Ex impiorum perditione, vnica domus Raab, tamquam vnica Ecclesia liberatur, munda à turpitudine fornicationis per fenestram confessionis, in sanguine remissionis. Ista enim meretrix in Jericho, tamquam in hoc saeculo moratur. Quae ut saluari possit, per fenestram domus suae, tamquam per os corporis sui coccum mittit; quod est sanguinis Christi signum, pro remissione peccatorum confiteri ad salutem. Qui inuenti sunt in domo illius, salui facti sunt ab interitu Urbis: & quicumque intra Ecclesiam reperiuntur, ipsi tantum saluantur. Extra hanc autem domum, id est, extra Ecclesiam, nemo saluatur. Et alibi idem Sanctus hanc eandem figuram paucioribus exponens, subiunxit: Raab figuram habet Ecclesiae, quae per coccum, id est, per passionis Dominicae signum, ab interitu mundum liberauit.

In Iosue,  
cap. 7.

In Allego-  
riis sacrae  
Scripturae.

His addatur venerabilis Beda, qui in Psalmum octuagesimum sextum scribens, de hac sanctae Crucis figura sic tradit: Intelligitur verò Raab, generalis fornicaria, id est, Gentilitas, quae in Iericho erat, quia solo terrenitatis defectui inhærebat: & superba erat, quia creaturam Creatori praeponēbat. Quisquis autem de gente illa legatos Iffraëlitici populi, id est, praedicatores veritatis accipit, & passionem Christi, quae per coccineum, id est, rubicundum funem designatur, de fenestra rationis suspendit,

In Psal. 86



id est, si rationabiliter eam credit, iste saluabitur, cum Jericho in aeternae destructionis ignem tradetur. A

In li. Iosue  
cap. 12.  
Tom. 1.

Demum verò Rupertus Abbas, de hac eadem sanctae Crucis Christi, & de ipsius in ea profusi sanguinis figura pariter differens, inquit: Signum istud, funiculus iste coccineus in fenestra ligandus, titulus est passionis Dominicae inter oculos Ecclesiae iugiter pingendus; coccineus inquam funiculus, sanguineum est Crucis signaculum, iugiter pingendum in fronte eius. Et paulò inferiùs subdit: Nunc interim patrem tuum ac matrem, fratresque, & omnem cognationem tuam congreges in domum tuam; ut sit domus tua per fidem una. Nam qui ostium domus tuae egressus fuerit; quicumque semetipsum ab unitate fidei praeiderit, haeresesque ac schismata fecerit; sanguis ipsius erit in caput eius, & nos erimus alieni. Igitur haec illa gloriosa sunt, quae dicta sunt de Civitate Dei, comprobante Iosue, id est Salvatore, dicta haec, atque dicente: Memor ero Raab & Babylonis scientium me: subauditur, ita ut dicam ego Iosue: Sola Raab meretrix vivat cum universis qui cum ea in domo sunt. Sed quinam sunt cognati illi, qui in domo ista sunt? Ecce, inquit, alienigenae, & Tyrus, & populus Aethiopum, hi fuerunt illic. Tyrus angustia interpretatur. Ergo quicumque à cultu Dei alieni, quicumque angustati à peccatis, quicumque Aethiopes, id est denigrati in vitiis, veniendo in unam domum cognati fiunt, & fratres sunt; omnes per unum salvantur funiculus coccineus, per Crucis & passionis Christi signaculum. Cui sit laus & gloria per infinita saecula saeculorum. Amen.

#### CAPUT XVIII.

##### De Ligno, in quo Rex Hai suspensus est.

In Iesu Na-  
ue cap. 8.  
Homil. 8.  
Rex Hai  
diabolus in  
geminio  
ligno à ve-  
ro Iosue  
triumpha-  
tus.

STRENUVS atque inuictus Iosue populi Dei Imperator, expugnata, direpta, igne succensa, ac solo æquata vrbe Hai, ciuibusque eius obtruncatis, cum Regem illius praelio captum sibi vivum praesentassent, praealto quodam ligno suspendi iussit. Quod quidem lignum secunda ac postrema sanctae Crucis nobis erit figura, quae ex libro Iosue decerpitur. Pro cuius intelligentia animaduertendum est, lignum illud iuxta septuaginta Interpretum versionem, geminum fuisse. Nam dictio illa, quam in Vulgata editione nostra legimus, lignum siue patibulum, quaeque iuxta Chaldaicam phrasim diceretur Crux, illi verterunt, ξύλον δίδυμον, id est, lignum geminum: super quibus verbis Origenes Pauli Apostoli auctoritate suffultus, inquit: Post omnia autem, etiam Rex Hai in ligno gemino dicitur esse suspensus. Hoc in ligno mysterium tegitur, quamplurimos latens. Sed orantibus vobis, tentabimus haec, non nostris opinionibus, sed divinae Scripturae testimoniis aperire. In superioribus diximus, Regem Hai diabolo posse conferri: hic quomodo in ligno gemino crucifixus sit, operae pretium est noscere. Crux Domini nostri Iesu Christi gemina fuit. Mirus tibi sermo fortasse, & novus videtur, quod dico, Crux gemina fuit; hoc est, gemina ratione constat & duplici. Quod visibiliter quidem Filius Dei in carne crucifixus est: invisibiliter verò in ea Cruce diabolus cum principatibus suis & potestatibus affixus est cruci. Non tibi hoc videbitur verum, si tibi horum testem produxero Apostolum Paulum? Audi ergo de his quid ipse pronuntiat. Quod erat, inquit, contrarium nobis, tulit illud de medio; affigens Crucis suae, exuens principatus & potestates traduxit, liberè triumphans eas in ligno Crucis. Ergo duplex ratio Dominicae Crucis: una illa, qua dicit Apostolus Petrus, quod Christus crucifixus nobis reliquit exemplum, & haec secunda, qua Crux illa trophaeum diaboli fuit, in quo crucifixus est & triumphatus. Ideo denique & Apostolus Paulus dicebat: Mihi absit gloriari, nisi in Cruce Domini mei Iesu Christi, per quem mihi mundus crucifixus est,

Galat. 6.



**A** est, & ego mundo. Vide quia & hic Paulus duplicem Crucis prodit rationem. Duo enim sibi contraria dicit esse crucifixa: se sanctum, & peccatorem mundum: ad illam formam sine dubio, quam superius diximus, Christi & diaboli. Nos enim mundo crucifigimur tunc, cum veniens princeps huius mundi in nobis non inuenit quidquam: & nobis mundus crucifigitur, cum peccati concupiscentias non recipimus.

Sanctus quoque Isidorus historiam hanc crucifixionis & mortis Regis Hai ad sanctæ Crucis Domini nostri Iesu Christi symbolum & figuram deducens, ait: Hereticorum auctor & peremptor Rex Hai, hoc est, diabolus, qui per illorum impietatem, fidelium quosdam euicerat, rursus superatus euincitur, atque à populo Dei <sup>In Iosue cap. 8.</sup> suspensus, ligni Crucis virtute necatur. Tu igitur inuicte & gloriose Redemptor noster, qui superbum hunc Regem Hai, id est, omnium peccatorum ac malorum aceruum & cumulura, in Crucem tuam meritò suspendisti; atque in eadem de ipso & omni eius impia tyrannide gloriosum triumphum duxisti: concede, vt in diuina protectione tua, ac sub alis misericordiæ tuæ iugiter permaneamus. Tu enim es altissimum refugium nostrum, vnicaque & firmissima spes nostra. Ideoque præcipuo gratiæ tuæ dono nobis tribue, vt per sancti ac tremendi nominis tui inuocationem, & per signum sanctæ Crucis, nos quoque de omnibus eius fallaciis & versutis insidiis clarum & victoriis insignem triumphum agere valeamus; ita vt ab assiduis & dolosis inuasionibus eius, atque ab innumeris huius sæculi periculis liberati, abs te demum suscipiamur, honoremur, & glorificemur in cælis. Amen.

## CAPVT XIX.

**C** De Clauo tabernaculi, quo Iahel Sisaræ Ducis exercitus Iabin Regis Chanaan cerebrum transfixit. De Quercu, sub qua Angelus Dei Gedeoni apparuit. De Virga, qua ille excutiebat triticum; ac de ea, qua idem Angelus carnes & azymos panes tetigit, quos Gedeon ipse ei obtulerat super petram, ex qua ignis erupit, qui carnes ac panes illos consumpsit.

**N**OVIT optimè potestque diuina iustitia tremendis planè atque admirabilibus modis humiliare ac plectere superbos, vt quamplurima in diuinis Scripturis obseruare possumus exempla. Inter quæ illud sanè admirandum fuit Sisaræ ductoris exercitus Iabin Regis Chanaan; qui cum per viginti annorum spatium ingenti superbia ac supercilio filios Israël tyrannide pressisset, à muliere demum prælio victus, ab alia itidem crudeliter interfectus est. Nam dum lassus ac mæstus post cladem, quam malè confecto prælio, à Debora & Barach acceperat, fugitiuus & latitans dormiret in tabernaculo Iahelis vxoris Haber, quæ amicabili vultu eum susceperat; arripiens illa clauum siue acutum palum tabernaculi, cuspidē illius ictu mallei per capitis tempus adacta, cerebrum ei transfixit; eo modo videlicet, qui in sacro textu his verbis ad posterorum memoriam proditur: Tulit itaque Iahel vxor Haber clauum tabernaculi, assumens pariter & malleum: & ingressa absconditè & cum silentio, posuit supra tempus capitis eius clauum, percussitque malleo, defixit in cerebrum vsque ad terram. Quod terribile planè ac mysteriis refertum facinus, prima erit sanctæ Crucis figura, quæ ex Iudicum sacra decerpitur historia; cuius expositionem aggressurus Origenes de ea sic tradit: Occurrit, inquit, fugienti Sisaræ mulier <sup>In Iudicā c. 4. Ho. 5.</sup> alienigena Iahel, quæ mulier prius eum eo amicitiarum fædus habuerat. Ad quam ille



ille cum declinasset latendi gratia, & aquam poposcit ut biberet, ab illa lacte potatus **A**  
 est. Et cum eum in latebris collocasset, ac pellibus adoperuisset, post hæc palum  
 malleo adactum per eius malas vel maxillas defixit. Et tunc occurrens insectanti Barach,  
 mortuum iam & prostratum ostendit Sisaram. Quid ergo nobis sacramenti, omnis iste  
 historiae textus ostendit? Jabel mulier alienigena, de qua Prophetia dixit, quod in manu  
 mulieris fiet victoria, figuram tenet Ecclesie, quæ ex alienigenis gentibus congregata est.  
 Interpretatur autem Jabel ascensio: quia reuera non est alia ascensio, qua ascendatur ad  
 calum, nisi per Ecclesiam multiformis sapientie Dei. Ipsa est ergo, quæ dum à corporali-  
 bus ad spiritualia, & à terrenis ascendit ad celestia, interfecit Sisaram, de quo iam supe-  
 rius diximus, quod carnalium vitiorum, & animalis vel stolidi hominis tenet figuram;  
 quia Sisara visio equi interpretatur. De quo Scriptura dicit: Nolite fieri sicut equus &  
 mulus, in quibus non est intellectus. Palo ergo eum interfecit, id est, ligni Crucis acumine  
 & virtute eum prosternit. Et non sine causa maxillam eius palo transfuerberasse de-  
 scribitur: illud enim os quod de carnalibus loquebatur, & illa doctrina quæ carnis glo- **B**  
 riam præferebat, quia in deliciis & voluptate viuendum sapientibus sæculi persuadebat,  
 & humanum genus luxuriæ adulatione deceperat; illud, inquam, os, ligno Crucis conso-  
 ditur & terebratur. Quia illam viam, quam Philosophia latam & spatiosam prædica-  
 uerat voluptatis, hanc Christus arctam & angustam nobis viam salutis ostendit. Sic ergo  
 Jabel, id est, Ecclesia, vitiorum principem Sisaram obtectum pellibus, id est, membrorum  
 mortificatione sopitum, æterno tradit somno. Occurrit tamen Jabel, id est Ecclesia, post  
 hoc & priori populo insectanti Sisaram: insectabatur enim Israël legem iustitiæ, sed in  
 legem non peruenit. Occurrit ergo Ecclesia etiam ipsi, & ostendit ei opus suum, ostendit  
 victoriam consummatam, atque in societatem eum prostrati hostis inuitat. Verum est  
 enim illud, quod Apostolus in nouissimo tempore dicit futurum: Quia cum plenitudo  
 Gentium subintroierit, tunc omnis Israël saluus fiet. Fit ergo quidem primatus in ma-  
 nu mulieris alienigenæ, non tamen excluditur à consortio gloriæ etiam Barach, qui prior  
 quidem cæperat, sed nouissimus peruenit ad finem. Immo dum ille peruenit, Jabel alieni- **C**  
 gena prætereuntem quodammodo victoriam rapit. Eadem forma præcessit etiam in Esau  
 & Iacob fratribus. Dum enim Esau sectatur agrestia, dum moratur in saltibus, præue-  
 niens Iacob, & mulieris consilijs, id est matris, compositos patri offerens cibos, benedictio-  
 nis primatus accepit. Sic & in Euangelio, pergente Domino ad filiam principis Synago-  
 gæ suscitandam, præueniens mulier quæ sanguinis fluxu laborabat, fideli tactu prior con-  
 sequitur sanitatem. Hucusque Origenes.

Verum diuus Augustinus paucissimis quidem, sed grauibz verbis figuram  
 ipsam exponit hoc modo: Quæ est ista mulier plena fiduciæ, hostis tempora ligno  
 transfigens, nisi fides Ecclesiæ, Cruce Christi regna diaboli perimens? Et sanctus Isido-  
 rus sacrarum Allegoriarum singularissimus expositor, de hac ipsa sanctæ Crucis  
 figura ipse quoque verba contexens, inquit: Jabel ista alienigena, in cuius manu vi-  
 ctoria facta est, figuram tenet Ecclesiæ ex Gentibus congregatæ. Jabel enim interpretatur  
 ascensio, quia per Ecclesiam ascenditur ad calum. Ista palo, id est clauo, Sisaram hostem **D**  
 interfecit; id est, ligni Crucis acumine & virtute diabolum interimit, quod Barach, id est,  
 prior populus, per Legis præcepta facere non potuit: sola enim ista, per lignum in quo spi-  
 ritualibus sacramentis credentium salus est, fidei hostem affligit: quem deinde mortuum  
 pellibus obteggit, id est, in clusum in carnalium cordibus derelinquit. Non enim latent mor-  
 tifera ipsius in corruptibilitate vitæ viuentibus & peccata mortalia perpetrantibus;  
 qui dum prauè viuentes segregantur à corpore Christi, efficiuntur membra diaboli. Et  
 alibi idem Sanctus huius figure Allegorias declarans, adiecit: Sisara, inquit, typus  
 diaboli fuit; Jabel autem, quæ de ligno tempora eius transfodit, Ecclesiæ typum expresse-  
 rit, quæ per vexillum Crucis diaboli imperium interfecit. Atque hæc eadem ferè de ver-  
 bo ad verbum Beda venerabilis suis operibus inseruit.

Quin-

In Sisara  
 caso à Ia-  
 bel, quomo-  
 do lateat  
 vis Crucis.

Cōtra Fau-  
 stum lib. 12.  
 cap. 32.  
 Tom. 6.

In Iudic.  
 cap. 2.

In Allegorijs  
 sacræ Scri-  
 pturæ.



**A** Quinetiam Rupertus Abbas huius sanctæ Crucis figuræ mysticos sensus doctè prorsus sic explicauit: *label mulier fortis accinxit fortitudine lumbos suos, & roborauit brachium suum: sinistram manum misit ad clauum, & dexteram ad fabrorum malleos.* Talis habitus corporis profectò figuram Crucis exprimit. *Clauus tabernaculi, ipsum est stigma passionis Christi. Clauum tulit, quæ iussa mortificare membra sua super terram, Cruem suam biulauit, crucifigens carnem suam cum vitijs & concupiscentijs: quod tunc valide fit, quando non pro vanitate humane laudis, sed pro gloria Dei assumitur afflictio carnis.* Non, inquam, in ambitione aure popularis, sed in timore Domini. Idcirco Psalmista postulat: *Confige timore tuo carnes meas.* Rectè igitur sinistram manum misit ad clauum, & dexteram ad fabrorum malleos. Sinistra inferius ad clauum, visibilis operatio penitentiae est in oculis hominum. Malleus in dextra desuper, timor Domini in intentione cordis est. Ita factum est, ut capiti eius desigeret clauum valide in cerebrum vsque ad terram. *Quare in capite quæsiuit vulneri locum? Videlicet, quia peccati caput est feriendum, ne postquam ventre irrepserit, difficilior pugna sit. Caput prima peccati suggestio est; venter autem, subsequens delectatio: porro consensus, cauda est. Unde ligetur animus, quemadmodum de Beemoth ad beatum Job dicitur: Stringit caudam suam quasi cedrus, id est, fortius tenet, quemcumque per consensum ligauerit diabolus. Igitur in capite queratur vulneri locus, id est, non expectata cauda consensus, immò delectationis ventre, prima suggestio clauo Dominicæ Crucis cum timoris Domini malleo transfigatur.*

Secunda sanctæ Crucis figura, quæ ex sacra Iudicum Israël historia colligitur, arbor illa quercus fuit, sub qua sedit Angelus Dei, cum Gedeoni apparuit. Quæ quidem triplex fuit. Non solum enim quercus prædicta sanctam Redemptoris nostri Crucem præfigurauit; sed & virga, qua idem Gedeon triticum excutiebat: nec non & virga illa, qua Angelus prædictus tetigerat carnem & azymum panem, quem Gedeon supra petram ei obtulerat, ex qua ignis eruperat, eiusdem sanctæ Crucis figuræ pariformiter exitere. Quamobrem de tribus hisce figuris diuus Pater Augustinus disserens, inquit: *Angelus ille, qui venit ad Gedeon, in typum Saluatoris accipitur. Arborem, sub qua stetit, & virgam, quam tenuit, Crucem significasse manifestum est. Petra illa, super quam Gedeon obtulit holocaustum, Christus erat. sic enim ait Apostolus: Petra autem erat Christus. Hædus ille, qui oblatus est, humanum genus peccatis obnoxium designauit. Quod Angelus virga sua tetigit petram, & exijt ignis, & consumpsit hædum illum; Crux tetigit Christum, & de petra, quæ erat Christus, ignis exijt charitatis, qui humani generis peccata consumpsit.*

Verum sanctus Isidorus, hanc figuratam Gedeonis historiam vnà cum mysticis significationibus suis fusiùs explicans, hæc de ea litteris commendauit: *Traditur, inquit, deinde populus Israël in manu Madian, pro cuius liberatione loquitur Angelus Domini ad Gedeon. Cuius gesta quid mysticè significant, demonstrandum est.*

**D** Gedeon namque, cum sub quercu tritici messem virga caderet, & à paleis frumenta excuteret, Angelum vidit, accipiens ab eo oraculum, ut à potestate hostium populum Dei in libertatem deduceret. Iste Gedeon figuram gestabat Christi, qui sub vmbra sanctæ Crucis, prædestinato incarnationis futuræ mysterio constitutus, rectitudine iudicij, quasi per virgam electionis, Sanctos à vitiorum paleis sequestrat. Hic ergo Gedeon cum audisset ab Angelo, quod deficientibus populorum millibus, in vno viro Dominus plebem suam ab hostibus liberaret, protinus hædum coxit: cuius carnes secundum præceptum Angeli, simul cum azyma super petram posuit, & ius carniū desuper effudit. Quæ dum Angelus virgæ cacumine tetigit, statim de petra ignis erupit, atque ita sacrificium quod offerebatur, absumptum est. Quo indicio declaratum videtur, quod petra illa typum habuerit corporis Christi, Paulo attestante: *Petra autem erat Christus.* Iam tunc igitur in mysterio

In lib Iudicum  
Comment lib. 1.  
cap. 7.

De tēpore  
Serm. 108.  
Virga Gedeonis &  
virga Angeli, virgaq;  
typus Crucis.

In lib. Iudicum, cap. 30



sterio declaratum est, quia Dominus Iesus in carne sua totius mundi peccata crucifixus aboleret. Nec solum delicta factorum, sed etiam cupiditates purgaret animarum. Caro enim hædi ad culpam facti refertur, ius ad illecebras cupiditatum, sicut scriptum est: Quia concupiuit populus cupiditatem pessimam, & dixerunt: Quis nos cibabit carne? Quod igitur extendit Angelus virgam, & tetigit petram, de qua ignis exiit, ostendit, quod caro Domini spiritu repleta diuino, peccata omnia conditionis humanæ exureret. Vnde & Dominus ait: Ignem veni mittere in terram.

Accende igitur, Domine mi, Spiritus sancti tui cælesti flamma frigidam ac duram cordis nostri petram, quæ diuino amore tuo, & vera in proximum dilectione conflagret; ita ut vitioso hædo peccati in nobis absumpto, bonorum ac sanctorum operum exercitio & desiderio ardeamus; & holocaustum nostrum tibi placens & gratum fiat: ut spiritus noster deinum hac mortali carne solutus, tamquam thus gratò tibi odore fragrans, per Angelorum manus offeratur conspectui tuo; ibique cum omnibus Sanctis & electis tuis te laudemus ac glorificemus in sæcula sæculorum. Amen.

## CAPVT XX.

*De trecentis Viris, quos Gedeon contra Madianitas secum ad prælium duxit, in cuius numeri mysterio, de hostibus victoriam reportauit: & de Tubis corneis, quibus clanguerunt, dum Madianitas inuaderent.*

**E**VIDENTER profectò & palàm, quantæ sit omnipotentia, tunc Dominus noster ostendit, experimento quæ ac re ipsa docuit, magnum se illum Deum exercituum esse, cui semper vincere tam in paucis quàm in multis, prorsus non est difficile; cum voluit, ut Gedeon iudex & Dux populi sui, trecentis his viris tantummodò, qui ad aquæ potum probati fuerant, Madianitarum numerosissimum ac potentissimum inuaderet & funderet exercitum; dicens ei: *In trecentis viris, qui lambuerunt aquas, liberabo vos, & tradam in manu tua Madian.* In quo admirabili facinore, id est, in trecentorum virorum illorum numero, quibus Gedeon Madianitas deuicit, tertia sanctæ Crucis consistit figura, quæ in sacro Iudicum libro consideratur. Græci enim, ut superius quarto huius Libri capite iam diximus, numerum hunc littera T designare consueuerant, quæ Crucis habet imaginem. Quamobrem diuus Augustinus hanc ipsam figuram declarans, de ea sic tradit: *Gedeon, inquit, fratres charissimi, typum gessit Domini Saluatoris. Et quia trecenti, secundum Græcorum computum, Crucem faciunt; ita tunc Gedeon trecentis viris, Iudeorum populum crudelissimis gentibus eripuit: quomodo postea Christus per mysterium Crucis totum genus humanum de potestate diaboli liberauit.*

De tēpore  
Serm. 108.  
Trecenti  
socij à Ge-  
deone in  
mysterio  
assumpti;  
utpote T  
littera 300.  
signat.  
Gregorius  
Moral. l. 3.  
cap. 17.

Eodem propè modo, sed aliquanto fusiùs, hanc figuram exposuit sanctus Gregorius his verbis: *Notandum verò est, quia iste trecentenarius numerus in Tau littera continetur, quæ Crucis speciem tenet: cui si super transversam lineam id quod Cruce eminet adderetur, non iam Crucis species, sed ipsa Crux esset. Quia ergo iste trecentorum numerus in Tau littera continetur, & per Tau litteram, sicut diximus, species Crucis ostenditur, non immeritò in his trecentis Gedeonem sequētibz illi designati sunt, quibus dictum est: Si quis vult post me venire, abneget semetipsum, & tollat Crucem suam, & sequatur me. Qui sequentes Dominum, tanto veriùs Crucem tollunt, quanto acriùs & se edomant, & erga proximos suos charitatis compassione cruciantur. Vnde*

Matth. 16.

& per



A & per Ezechielem prophetam dicitur: Signa Tau super frontem virorum gementium & Ezech. 9.  
dolentium. Vel certè in his trecentis, qui in Tau littera continentur, hoc exprimitur,  
quòd ferrum hostium, Crucis ligno superetur. Hoc totum diuus Gregorius: idip-  
sumque totum de verbo ad verbum ab Isidoro Hispalensi Episcopo, suis in  
Iudicum librum Commentariis, repetitum est. Qui quidem nihilominus alibi  
in hanc sententiam subiunxit: Gedeon, inquit, qui cum trecentis viris perrexit ad In Allego-  
riis sacrae  
Scripturae.  
praelium, typum Christi gestavit; qui in signo Crucis de mundo victoriam reportavit.  
Trecentorum enim numero, qui iuxta Tau litteram continetur, species Crucis ostendi-  
tur. Sic etiam Beda, sic Rupertus Abbas, sicque alij complures sacri Doctores  
repetunt & inculcant.

Quarta sanctæ Crucis Christi Domini nostri figura, quæ ex sacro Iudicum  
libro colligitur, tubis illis corneis innuitur, quibus clangentes trecenti illi viri  
Gedeonem sequentes, dum hostium exercitum aggrediebantur, ad earum so-  
nitum & clangorem Madianitæ sese verterunt in fugam, vt in eodem sacro  
B textu his verbis facti memoria proditur: Ingressus est Gedeon, & trecenti viri Iudic. 7.  
qui erant cum eo, in partem castrorum, incipientibus vigiliis noctis mediæ: & custodi-  
bus suscitatis, cœperunt buccinis clangere, & complodere inter se lagenas. Cumque per  
gyrum castrorum in tribus personarent locis, & hydrias confregissent, tenuerunt sinistris  
manibus lampades, & dextris sonantes tubas; clamaueruntque: Gladius Domini &  
Gedeonis: stantes singuli in loco suo per circuitum castrorum hostium. Omnia itaque ca-  
stra turbata sunt; & vociferantes vlulantesque fugerunt. Et nihilominus insiscebant  
trecenti viri buccinis personantes. Immisitque Dominus gladium in omnibus castris, &  
mutua se cæde truncabant fugientes.

Tubæ igitur istæ corneæ, quæ magno clangore obstrepentes, impios Ma- Item tuba  
cornea Ge-  
deonis, my-  
sterium  
Crucis.  
dianitas in fugam præcipientes egerunt, sanctæ Crucis Christi tenuere figuram;  
quæ sese in quattuor cornua siue fines determinans, terribili & admirabili famæ  
C & virtutis sonitu, impios ac scelestos Madianitas infernales, à quattuor mundi  
plagis in fugam vertit atque destruxit. Quocircà de eisdem sic tradit Origenes:  
Qui de celestibus loquitur, qui de spiritualibus disserit, qui mysteria Regni calorum re- In lib. Iu-  
dic. cap. 7.  
Homil. 9.  
uelat, ille buccina concinit: ille de tuba loquitur, qui de magnis & maximis loquitur,  
qui scientiam Christi humanis auribus pandit. Sed cur & cornea dicitur buccina? Quia  
& de Sancto dicitur: Cornu eius exaltabitur in gloria. Vnde & vniuscuiusque buccina  
dicitur cornea, in eo, quòd multiplicem scientiam Christi & Crucis eius, quæ in cornu  
designatur, disserit sacramenta. Cum hac ergo buccina militantes, & cum hac pugnan-  
tes, vincimus alienigenas, & hostes in fugam vertimus, etiamsi fuerit multitudo eo-  
rum sicut locustæ. Locustis enim comparata est demonum multitudo, quibus neque in  
cælo neque in terris est sedes. Præcedat ergo & nos hoc bello operum lux, scientiæ vir-  
tus, Diuini verbi prædicatio. Pugnemus & nos in hymnis & psalmis, & canticis spi-  
ritualibus concinentes & clamantes ad Deum, vt ab ipso victoriam consequi merea-  
D mur, in Christo Iesu Domino nostro, cui est gloria & imperium in sæcula sæculorum.  
Amen. Hactenus Origenes. Atque de his corneis tubis, quibus Crux Domini  
præsignata est, hactenus dixisse sufficiat.



*De Samfone, qui in itinere à leone quodam inuasus, eum propriis manibus discerpfit. Et de eodem, qui in templum Dagon à Philisthæis perductus, eiusdemq; duas columnas amplexatus, & quatiens, ac basibus euellens, totum ædificium illud euertit. Cuius ruinâ ipse cum hostibus oppressus, plures Philisthæos moriens interemit, quàm uiuens necauerat.*

*Samson  
discerpens  
leonem,  
typus Chri-  
sti diabo-  
lum exten-  
sis in Cruce  
manibus  
vincens.*

*Ex variis  
in Matth.  
locis, Ho-  
mil. 4.*

**F**ORTISSIMVS ille nazaræus Samson, cuius nomen Sol interpretatur, veri Solis iustitiæ Christi Domini in multis figuram præ se tulit. Tunc vero præsertim, cum in itinere à ferocissimo quodam leone inuasus, intrepidè illi B  
occurrent, faucibusque eum apprehendens, terribili & inmenso robore brachia extendens, propriis eum manibus discerpfit. Ex quo planè admirabili facinore, quinta sanctæ Crucis oritur figura, quæ in sacro Iudicum libro continetur. Nam quemadmodum Samson brachia aperiens & extendens, immanem leonem illum discerpfit & occidit; sic Christus Dominus brachia sua in Cruce extendens, crudelissimum leonem Luciferum, omnesque nequissimos satellites eius interfecit, expolians eos immani illa tyrannide, quam in mundum sibi usurpauerant. Quocircà diuus Ioannes Chrysostomus, *Samson*, inquit, *iter faciens leonem manibus enecauit. Et Dominus ac Saluator noster, per suscepti corporis sacramentum, leonem diabolum extensis in Cruce manibus interemit.*

*Iudic. 16.*

Sexta sanctæ Crucis figura quæ ex eodem Iudicum libro decerpitur, ipsemet Samson fuit: qui cum à Philisthæis in templū Dagon ipsorum idoli perductus esset, ut ei illuderent, & ex iocis eius voluptatem caperent, extendens ille brachia C  
sua ad duas columnas quibus templum illud innitebatur, manibusque eas fortiter quatiens, earum motu labefactatum ædificium destruxit; cuius ruina ipse oppressus, maiorem Philisthæorum numerum moriens extinxit, quàm uiuens necauerat. Cuius admirandi facinoris memoria in eodem sacro textu his verbis proditur: *Principes Philisthinorum conuenerunt in vnum, ut immolarent hostias magnificas Dagon deo suo, & epularentur, dicentes: Tradidit Deus noster inimicum nostrum Samson in manus nostras; letantesque per conuiuia, sumptis iam epulis, praeceperunt ut vocaretur Samson, & ante eos luderet. Qui adductus de carcere, ludebat ante eos; feceruntque eum stare inter duas columnas. Domus autem erat plena virorum ac mulierum: & erant ibi omnes principes Philisthinorū, ac de tecto & solario circiter tria millia utriusque sexus spectabant ludentem Samson. At ille apprehendens ambas columnas, quibus innitebatur domus, alteramque earum dextera, & alteram leua tenens, ait: Moriatur anima mea cum Philisthim. Concussisque fortiter columnis, cecidit domus super omnes principes, & ceteram multitudinem quæ ibi erat: multoque plures interfecit moriens, quàm antè viuus occiderat.* D

*De temp.  
Serm. 107.  
Mors Sam-  
sonis etiam  
in signis ty-  
pus mortis  
Christi.*

Hanc igitur sacram figuram exponens Augustinus, sic tradit: *Cecitas ergo Samson quam intulerant, cecitatem Iudæorum significabat. Christus autem à Iudæis & comprehensus est, & occisus. Adduxerunt ergo eum inimici, ut illuderent ei. Jam hic imaginem Crucis attendite: expansis enim manibus ad duas columnas, quasi ad duo ligna Crucis extendit; sed aduersarios suos interemptos oppressit, & illius passio, interfectio facta est persequentium. Et ideò Scriptura concludit: Plures mortuus occidit, quàm viuus occiderat. Nam hoc mysterium in Domino nostro Iesu Christo impletum est. Redemptionem nostram, quam ipse viuus minimè celebrauerat, mortuus consummauit.*

Et fan-



A Et sanctus Ioannes Chrysostomus ad hanc eandem sanctæ Crucis figuram sic alludit: *Postremò Samson moriens inimicos suos, concussis ædificiis, ruina comprimit: Dominus tunc cum mori dignatus est, non vna domo, sed omni mundo concusso, diabolum cum suis angelis vniuersis extinxit.* Oremus ergo Dominum, vt tantam nobis quoque fortitudinem impertiri dignetur, vt columnas templi huius cordis & conscientie nostræ, in quibus vitia diuersantur, concutientes, quasi noui Samsones, dum peccatis moriamur, inimicos nostros opprimamus. Amen.

Ex variis in  
Matth. lo-  
cis, Ho. 4.

## CAPVT XXII.

De Agno lactente, quem Samuel obtulit holocaustum Domino in Masphath. De Arbore mali punici, sub qua Saul Rex cum sexcentis viris sedebat in Gabaa. De primo Altari quod idem Rex Deo erexit; & de Cithara David, qua personante, spiritus malus, quo Saul diuexabatur, recedebat.

C MAGNAM sanè vim in conspectu Dei iustorum oratio semper obtinuit. Cuius rei infinita pænè exempla in diuinis Scripturis considerari possunt: inter quæ illud Samuelis valdè insigne fuit, cuius orationes vim habuerunt placandi iustissimam indignationem & iram, quam diuina Maiestas in Israëliticum populum conceperat propter impiam idololatriam, in quam sæpè prolabebatur: tunc verò præsertim, cum filiis Israël in Masphath congregatis, venientibusque Philisthæis vt eos inuaderent, Samuel obtulit agnum lactentem holocaustum Domino, precibusque pro ipsis effusis, exaudiuit Deus orationem eius, & populo suo victoriam concessit, vt in sacra Regum his verbis narratur historia: *Tulit autem Samuel agnum lactentem vnum, & obtulit illum holocaustum integrum Domino: & clamauit Samuel ad Dominum pro Israël, & exaudiuit eum Dominus. Factum est autem cum Samuel offerret holocaustum, Philisthæi inire prælium contra Israël: intonuit autem Dominus fragore magno in die illa super Philisthæi, & exterruit eos, & cæsi sunt à facie Israël.*

1. Regum  
cap. 7.

D Ex quo sacrificio prima sanctæ Crucis figura elicitur, quæ in sacra Regum historia continetur. Nonnulli enim ex sanctis Patribus, ac inter eos præcipuè Beda, huius sacrificij mysterium cum inde sequentibus exponens, ad Saluatoris nostri Crucis ac passionis significationem deducit: atque de eo sic tradit: *Tulit innocentem, quem pro salute mundi vnicum induerat hominem, & obtulit illum in altari Crucis holocaustum integrum Patri. Et benè holocaustum, id est, totum incensum, benè integrum obtulisse perhibetur, qui sine iniquitate conceptus, natus, & in carne moratus, totum quidquid per hominem gessit, igne Deo Spiritus sancti dignum reddidit.* Et orauit Dominus Patrem pro fidelibus suis, vt non deficeret fides eorum. Orauit & pro persequentibus se, vt ignosceretur eis tanta noxa perfidiæ, quam nescientes incurrerunt. Et exaudiuit eum Pater, hos in fide, quam pænè amiserant, confortando; illos ad fidem, quam penitus nescierant, vocando. Et factum est cum Dominus semetipsum offerret hostiam Deo in odorem suauitatis, persecutores eius, & in Cruce positum eum blasphemare vel deridere, & sepulto eidem viam resurrectionis obstruere moliri non desinerent; vt ipso quasi æterna morte damnato, omnem fidelibus eius spem salutis eriperent. Verùm terra mota, fissis cauitibus, monumentis apertis, & exurgentibus montibus, ceterisque caelestibus ad eius Crucem vel sepulturam clarescentibus signis, exterriti sunt hostes, & in diuersa fugati. Denique ad monumentum perterriti sunt custodes, & facti sunt velut mortui. Et omnis turba eorum, qui simul aderant

In Samuel-  
lem, Alle-  
goricæ ex-  
positionis  
li. 1. c. 12.  
Tom. 4.  
Agnus la-  
ctens Sa-  
muelis  
quomodo  
præfigura-  
rit Chri-  
stum cru-  
cifixum.



ad spectaculum Crucis, & videbant quæ fiebant, percutientes pectora sua, reuer-  
tebantur. A

Arbor ma-  
li punici,  
sub qua  
Saul Rex,  
Crucis  
Christi fi-  
gura.  
In Samue-  
lem, Alle-  
goricæ ex-  
positionis  
li. 2. cap. 8.  
Tom. 4.

Secunda sanctæ Crucis Christi Domini nostri figura ex libris Regum, arbor illa mali punici fuit, sub qua Saul Rex morabatur cum sexcentis viris, in extre-  
mis finibus Gabaa, dum Ionathas filius eius Philisthæos aggressurus perrexerat.  
Quam quidem arborem ad sanctæ Crucis similitudinem & figuram Beda ve-  
nerabilis deduxit his verbis: *Sub malo granato enim populus, qui potest dicere: Mihi  
autem absit gloriari, nisi in Cruce Domini nostri Iesu Christi. Fructus namque Crucis  
Dominico cruore rubicundus, instar mali granati, multa credentium grana, quasi vno  
charitatis & spei cortice circumuertit. Et paulò inferiùs subdit: Namque ad indi-  
cium quidem virtutis pertinet, quòd in Gabaa, id est, colle morabatur, quòd sub malo  
granato, quòd sexcentos habebat comites; ut enim suprà iam diximus, collis celsitudi-  
nem virtutum, mali granati tegmen protectionem Dominicæ Crucis, sexcentenarius mi-  
litum numerus perfectos spe & operatione demonstrat. Verùm quòd in extrema parte  
collis sedebat, quòd arbor cuius umbraculo tegebatur, in Magron, id est, in gutture sita  
erat, minùs perfectæ adhuc signa sunt mentis; hoc est, eius, quæ necdum plenè desiderata  
potuit mœnia subire virtutum. quæ Dominicæ passionis mysterium ore tenet, sed imi-  
tari necdum valet.* B

Item al-  
tare, quod  
idem Saul  
Domino  
erexit.  
In Samuele,  
Allegoricæ  
expositio-  
nis lib. 2.  
ca. 9. To. 4.

Tertia sanctæ Crucis figura ex sacra Regum Historia, altare illud primum  
est, quod Saul Rex Domino erexit. Quod altare sanctæ Crucis umbram & fi-  
guram habuisse Beda innuit; de eodem namque sic tradit: *Ædificauit altare,  
ut celebrato super illud holocausto, pro peccato quoque populi, quod temerè commiserat,  
interueniret. Ædificat magister quisque perfectus in audientium corde fidem Domini-  
cæ passionis, ubi in altare viuificæ Crucis sanguis ille pretiosus in remissionem fusus est  
peccatorum, manifestò cunctos informans exemplo; quia si Domini exitus mors, multo  
magis serui mortificare debent membra sua, quæ sunt super terram, fornicationem, im-  
munditiam, libidinem, concupiscentiam malam, & auaritiam, quæ est simulacrorum ser-  
uitus, & cetera talia, quæ opera carnis & sanguinis esse, nec fructui spiritus posse so-  
ciari, manifestissimè claret.* C

Et cithara  
quam Da-  
uid coram  
Saul per-  
cussit.  
1. Regum  
cap. 16.

Quarta Crucis figura ex libris Regum fuit cithara Dauid, quam coram Saul  
à nequissimo spiritu diuexato percutiens, eundem spiritum leniebat, ut ab illo  
recederet. Cuius citharæ, in eodem sacro textu, hæc scripto memoria prodi-  
tur: *Quandocumque spiritus Domini malus arripiebat Saul, Dauid tollebat citharam,  
& percutiebat manu sua; & refocillabatur Saul, & leuiùs habebat: recedebat enim ab  
eo spiritus malus.* Hanc ergo citharam sancti Patres sacrique Doctores, Crucis  
Christi umbram atque figuram fuisse contendunt. Quocircà sanctus Augusti-  
nus, siue quicumque alius Auctor Homiliarum earum in Apocalypsin, quæ  
habentur in Appendice Tomi noni operum suorum, de ea sic inquit: *Cithara,  
id est, chorda in ligno extensa, significat carnem Christi passioni coniunctam.* At sanctus  
Isidorus sese in hoc apertius declarauit; nam figuram hanc aptissimè prorsus  
exponens, inquit: *Dauid adhuc puer in cithara suauiter, imò fortiter canens, ma-  
lignum spiritum, qui operabatur in Saule, compescuit. Non quòd citharæ illius tanta  
virtus erat, sed figura Crucis Christi, quæ de ligno, & de extensione neruorum my-  
sticè, ipsa quæ passio cantabatur, iam tunc spiritum demonis comprimebat.* D

In Apoc.  
Homil. 4.  
Tom. 9.

Comment.  
in 1. Regum  
cap. 9.

In Samuele,  
Allegoricæ  
expositio-  
nis lib. 3.  
c. 1. To. 4.

Idem ferè, licet fusiùs aliquantulum, venerabilis Beda litteris commenda-  
tum reliquit; nam de hac Dauidis cithara sic tradit: *Neque enim putandum est;  
citharam illam Dauid, quamuis dulcissimè resonantem, tantæ potuisse virtutis existere,  
quæ spiritus pelleret immundos: sed figura sanctæ Crucis, & ipsa quæ canebatur passio  
Dominica, iam tunc diaboli refringebat audaciam: sicut & Ægypti vastator angelus, non  
propter sanguinis in foribus positi virtutem, sed quia idem sanguis typus fuit; locus  
quoque*



A quoque medijs liminis, superliminaris, & vtriusque postis, qui inunctus erat; ipsam salutiferæ Crucis figuram exprimebat; domos Hebræorum quas signatas vidit, illas transiit; diuino præmonstrante consilio, venturum eum in carne, qui suo nos sanguine per Crucem à morte liberaret.

Singulari ergo gratiæ tuæ dono nobis concede Domine Deus ac Redemptor noster, vt sanctæ Crucis tuæ citharam nos quoque læto animo portantes, bonorum operum harmonia sic coram te suauiter personemus & concinamus, vt victus atque confusus inimicus, cum omnibus iniquitatibus suis, à nobis velociter aufugiat; ita vt tibi liberè seruientes, corde, voce, & opere te laudare ac benedicere valeamus in sæcula sæculorum. Amen.

## CAPVT XXIII.

B De Baculo, quo armatus Dauid ad singulare certamen cum Philisthæo gigante descendit: & de Lancea, qua Saul Rex Dauidem ipsum in pariete configere nisus est.

C SANCTVS ille Rex & magnus Propheta Dauid, veri Regis & Saluatoris nostri Iesu Christi in multis figuram gessit: tunc verò præsertim, cum pastoralis baculo suo armatus, ad singulare certamen cum Allophylo gigante descendit. Ex quo præclaro facinore, quinta sanctæ Crucis elicitur figura, quæ in sacra Regum historia continetur. Quemadmodum enim innocens & humilis pastor ille, baculo & quinque lapidibus armatus, decertauit, vicit, & occidit immanem Gigantem illum, qui Dei populum iniurijs & ignominia laceffitum irridebat; sic innocens Pastor & Dominus noster Iesus Christus, sanctæ Crucis suæ baculo, & quinque lapidibus plagarum quas in ea suscepit; superbissimum & impium gigantem diabolum, humano generi exprobrantem, & ad æternum interitum pertrahentem vicit & occidit. Cuius planè admirabilis facti memoria in eodem sacro textu verbis hisce describitur: *Et tulit Dauid baculum suum, quem semper habebat in manibus; & elegit sibi quinque limpidissimos lapides de torrente, & misit eos in peram pastorem, quam habebat secum; & fundam manu tulit, & processit aduersum Philisthæum.* Quæ omnia diligenti consideratione expendens sanctus Ambrosius, inquit: Ipse etiam Dauid despectus ab Allophylo, quod aduersus armatum præliatorem cum virga & lapidibus processisset; retulit, non viribus se fretum esse, non armis, sed in nomine Domini confidentem, ad prælium esse progressum, vt laceffitæ plebis auferret opprobrium. Hic ergo iuuenis atque despectus, strauit Allophylum, potitusque victoria, in decem millibus, iuencularum psallentium testimonio, triumphauit. Gerebat enim typum eius, qui quasi despectus venturus erat in terras: & sine legato, sine adiutore, sine nuntio, totum populum mundi huius, Crucis suæ prælio liberaret. Hæc Ambrosius.

D Diuus verò Augustinus huius historiæ & sacre figuræ filium aliquanto magis ex longinquo deducens, altissimisque illam sensibus illustratam explicans, de ea sic tradit: Veniente, inquit, Dauid, vnus è fratribus increpauit eum dicens: *Quare dimisisti pauculas oues illas, & venisti ad prælium? Frater iste senior, qui Dauid typum Christi gerentem per malitiam increpauit, significauit populum Iudæorum; qui per inuidiam Christo Domino, qui pro salute humani generis venerat, detraxerunt, & multis frequenter iniurijs affecerunt.* Quare, inquit, dimisisti oues illas, & venisti ad prælium? Quasi non tibi videretur per os eius saluti hominum inuidens diabolus loqui; tamquam si diceret Christo: *Quare dimisisti nonaginta & nouem oues, quæ non errauerunt,*

1. Reg. 17.

In Psal. 118.  
Otona-  
rio 18.De tēpore  
Serm. 197.



runt, & venisti ut vnā requireres, quæ perierat, & eam de manu spiritalis Goliæ, id est, de potestate diaboli, per Crucis baculum liberatam, ad ouile proprium reuocares? **A**  
 Quare, inquit, dimisisti paucas oves illas? Malo quidem & superbo animo, sed tamen verum dicebat; quia Iesus, sicut iam dictum est, dimissurus erat nonaginta & nouem oves, ut quæreret vnā, & ad ouile proprium, id est, ad Angelorum consortium reuocaret. Et paulò inferius idem magnus Pater hæc adiecit: Venit ergo David, & inuenit Iudeorum populum in valle Terebinthi positum, ut contra Allophylos dimicaret, quia venturus erat verus David Christus, ut de conualle peccatorum siue lacrymarum humanum genus erigeret. Stabant autem in valle contra Allophylos. In valle erant, quia eos peccatorum pondus oppresserat. Stabant enim, & pugnare contra aduersarios non audebant. Quare non audebant? Quia David, qui typum Christi gerebat, nondum venerat. Verum est, fratres charissimi. Quis enim contra diabolum pugnare poterat, antequam Christus Dominus genus humanum de potestate diaboli liberaret? Dauid enim interpretatur manu fortis. Quid eo fortius, fratres, qui vniuersum mundum vicit, armatus non ferro, sed ligno? Stabant ergo filij Israël contra aduersarios quadraginta diebus. Quadraginta dies, propter quattuor tempora, & quattuor partes orbis terræ, vitam præsentem significant, in qua contra Goliath vel exercitum eius, id est, contra diabolum & angelos eius, Christianorum populus pugnare non desinit. Nec tamen vincere posset, nisi verus David Christus cum baculo, id est, cum Crucis mysterio descendisset. Ante aduentum enim Christi, fratres charissimi, solutus erat diabolum; veniens Christus fecit de eo, quod in Euangelio dictum est: Nemo potest intrare in domum fortis, & vasa eius diripere, nisi prius alligauerit fortem. Venit ergo Christus, & alligauit diabolum. Sed dicit aliquis: Si alligatus est, quare adhuc tantum præualet? Verum est, fratres charissimi, quia multum præualet, sed tepidis & negligentibus, & Deum in veritate non timentibus dominatur. Alligatus est enim tamquam innexus canis catenis, & neminem potest mordere, nisi eum qui se illi mortifera securitate coniunxerit.

Iam videte fratres, quam stultus est homo ille, quem canis in catena positus mordet. **C**  
 Tu te illi per voluptates & cupiditates sæculi noli coniungere, & ille ad te non præsumet accedere. Latrare potest, sollicitare potest, mordere omnino non potest, nisi volentem. Non enim cogendo, sed suadendo nocet; nec extorquet à nobis consensum, sed petit. Venit ergo David, & inuenit Iudeorum populum contra diabolum præliantem: & cum nullus esset qui præsumeret ad singulare certamen accedere, ille qui Christi figuram gerebat, processit ad prælium; tulit baculum in manu sua, & exiit contra Goliath. Et in illo quidem tunc figuratum est, quod in Domino Iesu Christo completum est. Venit enim verus David Christus, qui contra spiritalem Goliath, id est, contra diabolum pugnaturus, Crucem ipse portauit. Videte, fratres, ubi David Goliath percusserit; in fronte utique, ubi Crucis signaculum non habebat. Sicut enim baculus Crucis typum habuit, ita etiam & lapis ille, de quo percussus est, Christum Dominum figurabat. Ipse est enim lapis viuus, de quo scriptum est: Lapidem, quem reprobauerunt edificatores, hic factus est in caput anguli. Hactenus Augustinus. **D**

In Samue-  
lem, Alle-  
goricæ ex-  
positionis  
lib. 3. cap. 2  
Tom. 4.

Videamus nunc quid Beda venerabilis, pro huius figuræ sacratissimæ expositione, ad posterorum memoriam scripto commendauerit: Tulit, inquit, verus David Christus baculum, quem semper habebat in manibus, cum Crucis sue mysterio ad saluationem mundi profuturo. Et paulò inferius subdit: Et dixit Philistæus ad David: Numquid ego canis sum, quod tu venis ad me cum baculo? Siue potentiam Saluatoris, siue Crucis intelligas lignum, ad eundem sensum respicit. Negat se enim superbissimus hostis similem cani, id est immundum opere, & infirmitate contemptibilem; insuper & omnes, qui in mundi huius vitam transeunt, diris, insanis, furiosis, & latratibus persequentem & lacerantem morsibus; negat patientiā Saluatoris, negat superandum potentiā. At verò manu fortis ipse cum Crucis baculo veniens, videamus quid



**A** quid de occurrente aduersario censeat. Dicit enim Patri: Erue à fræmea animam meam, & de manu canis unicam meam. Hæc ille.

Demum verò Rupertus Abbas de hac eadem figura hæc verba contexuit: *In libros Regum comment. lib. 2. cap. 2.* Porro Philistæus, quem interfecit, contra quem solum solus prævaluit Dauid, ipsum significat diabolum, quem solus verus Dauid (Christus) superare potuit, quem per Crucem suam vicit, & suo sanguine triumphatum foras misit.

Sexta sanctæ Crucis figura in libris Regum, lancea illa fuit, qua Saul Rex Dauidem transuerberare, & in pariete configere nifus est: vt in eodem sacro textu huius facinoris memoria verbis hisce proditur: *Et factus est spiritus Domini malus in Saul. Sedebat autem in domo sua, & tenebat lanceam. Porro Dauid psallebat manu sua, nifusque est Saul configere Dauid lancea in pariete: & declinauit Dauid à facie Saul: lancea autem casso vulnere perlata est in parietem. Quam explicans sanctus Gregorius Nyssenus appositè dixit: Lancea illum percutit, (lancea autem lignum est ferro armatum) sed excipit illius loco murus lanceam. Per murum verò intelligimus terrenam ædificationem, qua corpus nobis innuitur, circa quod, lignum videmus Crucis, & ferrum. At Dauid ille à Domino vnctus & Rex à passione longè abest: Diuinitas enim Cruce & clauis non affigitur.* *1. Reg. 18. & 19. Lancea Saul percutit Dauidem, quomodo figura Crucis? Comment. in Psalm.*

Venerabilis autem Beda de hac Saulis lancea, & de cithara Dauid itidem inquit: *Potest specialiter cithara Dauid Crucem Domini, lancea Saul in pariete clauos Crucis, vel ipsam militis lanceam, qua latus eius apertum est, figuraliter ostendere.* *In Samuelē, Allegoricæ exposit. lib. 3. cap. 5.* Et Rupertus Abbas circa huius sacræ figuræ expositionem pariter insistens, hæc de ea litteris commendauit: *Amplius, inquit, dicere potuit verus Dauid: Cantauimus vobis, & plorare nos fecistis: lamentauimus vobis, & lancea nos cum pariete confixistis. Nam iste quidem in figura patiens, non confixus, fugiendo euasit: ille autem, cuius passiones præfigurantur, lancea clauisque confixus quidem est, sed resurgendo euasit.* *In li. bros Regum lib. 2. cap. 7.*

**C** Quod verò pro lancea, Christi Crux demum intelligi possit, sanctus quoque Ioannes Chrysostomus apertè innuit, cùm dixit: *Crucem tibi tamquam lanceam in manus tradidit; lanceam, quæ numquam flectitur: diabolus alligauit, & humi proiecit.* *In Psalm. 123. Homilia.*

**D** Tu ergo mi Domine, cuius corpus sacratissimum, velut terrenæ ædificationis murus, lancea in Cruce perfossum est, quæ nihilominus & lancea fuit, & baculus, quo tu verè manu fortis superbum & crudelem giganteum antiquum percutiens atque transuerberans, tamquam efferatum & rabidum canem prostrauisti, & è mundo quoad tyrannicum dominium eiecisti; tantam vim gratiæ tuæ dono nobis quoque concede, vt sacro eiusdem sanctæ Crucis roborati signo, omnes nefarios peccandi ardores, quos nobis suggerit, è cordibus nostris expellentes, omnes dæmoniacas tentationes eius vincere valeamus, ita vt acuminata hac lancea, & hoc duro ac terribili baculo armati, à latratibus ac morsibus eius tuti, intrepidè pertranseuntes, absque mortali offensione, ad humanæ huius peregrinationis finem peruenientes, feliciter pertingamus ad te; vt in illa immutabili æternitate quiescamus in te, qui es vera requies nostra, & beata pax nostra. Amen.

## CAPVT XXIV.

*De Quercu, cuius ramis Absalon capillis appensus remansit; & de Cathedra in qua Dauid Rex sedere consueuerat.*

**V**ERISSIMVM & memorabile diuinæ iustitiæ exemplar, contra ingratos ac scelestissimos filios qui proprios parentes malè accipiunt, & quod deterius



deterius est, diabolica quadam perfidia mortem eorum aucupantur; ingens A  
 quercus illa fuit, cuius frondosis ramis Absalon capillis appensus, ibi à Ioabo  
 exercitus Dauidis ductore tribus lanceis transfuerberatus est. In cuius arboris  
 significatione septima sanctæ Crucis Saluatoris nostri figura consistit ex libris  
 Regum. Quemadmodum enim Absalon, cum à patre impiè defecisset, iusto  
 Dei iudicio in peccatorum suorum grauem animaduersionem arbori illi ap-  
 pensus remansit, ibique tribus lanceis transfixus fuit: sic Christus Dominus  
 noster, qui omnes iniquitates nostrorum in se suscepit peccatorum, qui ab  
 æterno Patre nostro iniquissimè defecimus, admirabilis diuini consilij dispen-  
 satione, in delictorum nostrorum satisfactionem, Crucis ligno suspensus &  
 confixus, ibi lancea ipse quoque confossus est. Miserabilis autem infelicitis Ab-  
 salonis casus his verbis in sacra Historia proditur: *Accidit autem ut occurreret*  
*Absalon seruis Dauid, sedens mulo. Cumque ingressus fuisset mulus subter condensam*  
*quercum & magnam, adhæsit caput eius quercui. Et illo suspeso inter calum & ter-*  
*ram, mulus cui insederat, pertransiuit. Vidit autem hoc quispiam, & nuntiavit Ioab,*  
*dicens: Vidi Absalon pendere de quercu. Tulit autem Joab tres lanceas in manu sua, &*  
*infixit eas in corde Absalon.* B

*Absalon  
 quercui  
 appensus,  
 quomodo  
 typus Chri-  
 sti cruci-  
 fixi.*

2. Regum  
 cap. 18.

Lib. 2.  
 Deproui-  
 dentia Di-  
 uina.

De sancta  
 Cruce li. 1.  
 cap. 6.

Hæc igitur quercus, cui Absalon appensus remansit, sanctæ Crucis apertis-  
 sima extitit figura. Quamobrem Saluianus Massiliensis Episcopus, antiquus  
 Pater, de ea appositè sic tradit: *Cum fugasset Dauidem è Regno filius persecutor,*  
*iudex in breui Dominus vindicauit. Nec vindicauit tantum, sed cumulatiùs vindicauit,*  
*quàm ipse voluisset qui vindicabatur. Acto itaque in crucem non manufactam filio*  
*patricida, vindictam ei diuinitus attributam, sic nuntiatam refert sermo diuinus: Bò-*  
*num apporto nuntium.* De hac eadem Crucis figura Iacobus quoque Gretserus,  
 doctè ac piè hæc litteris commendauit: *Hæc quercus, inquit, plus probaret quàm*  
*aliæ: vera enim crux fuit, Crucisque Dominicæ manifesta figura: sicut & Absalon in*  
*illa pendens præfigurauit nostrum illum filium Dauid: in hoc dissimilis, quòd ille pepen-*  
*dit in cruce, patri honorem erepturus; hic Patri redditurus, personam nostram susti-*  
*nens, qui instar Absalonis, contra Regem regum Patrem nostrum rebelles insurrexe-*  
*ramus. Docuit & obseruauit hoc ante nos diuus Gregorius Nyssenus, qui explicans In-*  
*scriptionem tertij Psalmi, quæ est huiusmodi, Psalmus Dauid, cum fugeret à facie Ab-*  
*salon filij sui; ait, Absalonem, hoc est, malitiam, quando contra nos insurgit, opprimi*  
*posse tribus telis, seu lanceis, auxilio ligni illius, quod sibi malam illius & perniciosam*  
*comam alligat: subditque diuus Gregorius: Perspicuum verò tibi illud est per historiam*  
*ostensum ænigma, quale sit lignum illud, cui affixa est malitiæ coma; quam Apostolus Chi-*  
*rographum peccatorum vocat; prout ait: Et ipsum tulit de medio, affigens illud Cruci,*  
*hoc est, ligno. Quercus igitur illa, in qua malitia Absalonis pependit, figura fuit nostræ*  
*Crucis; in qua pependit ille, qui cum insons esset, nostri tamen causa, peccatum & ma-*  
*ledictum factus est.* C

2. Regum  
 cap. 23.  
 Dauid sa-  
 pientissi-  
 mus, & ta-  
 men ver-  
 miculus,  
 Christus  
 Dominus  
 crucifixus.

Psalm. 21.

Octaua sanctæ Crucis figura quæ Regum libris continetur, cathedra illa fuit, D  
 in qua Dauid Rex sedere consueuerat. De qua in textu sacro ita scriptum est:  
*Dauid sedens in cathedra sapientissimus Princeps inter tres, ipse est quasi tenerrimus*  
*ligni vermiculus, qui octingentos interfecit impetu vno.* Quibus verbis Spiritus san-  
 ctus sub Dauidis persona, innuere pergit verum Dauid manu fortem, Christum  
 Dominum nostrum, Regem regum, & Principem sapientissimum, æterni  
 Patris summam Sapientiam, qui propter nimiam charitatem suam factus ho-  
 mo, cunctisque sceleribus & peccatis nostris sibi assumptis, super Crucis ca-  
 thedram voluntariè sedere voluit; & pro suæ profundissimæ atque immensæ  
 humilitatis excessu, seipsum paruum vermiculum, per ipsius Dauid os nomi-  
 nauit, cum dixit: *Ego autem sum vermis, & non homo; opprobrium hominum, &*  
*abiectio*



**A** *abiectio plebis.* Qui quidem humillimus tamen vermiculus, impetu vno octingentos occidit, cum in Crucis lignum actus, sponteque spiritu emisso, daemonum vniuersitatem interemit; auferens eis potestatem & tyrannidem, quam in humanum genus sibi arrogauerant. Quod autem sancta Saluatoris nostri Crux cathedra dici possit, magni Patris Augustini auctoritate probatur; sic enim inquit: *Crux illa schola erat: ibi docuit Magister latronem. Lignum pendens, cathedra factum est docentis.* De Diuersis, Ser. 87.

Domine Iesu Christe, Deus noster & Redemptor noster, sanctæ Ecclesiæ tuæ Catholicæ laus & gloria, qui propter tuæ in nos charitatis excessum, in sancta atque tremenda Crucis cathedra sedere voluisti, ibique quasi vilis vermis, opprobrium hominum, & abiectio plebis, in perfidorum Iudæorum conspectu videri voluisti; humiliter te rogamus, ut acerbissimorum dolorum memor, quos in passione tua pro nobis miseris peccatoribus pertulisti, multiplices super nos misericordiam tuam: & quemadmodum speramus in te, sic diuini auxilij & benignæ protectionis tuæ omnipotens brachium extendens, ab omnibus angustiis & miseriis nostris nos liberare digneris per sanctam Crucem tuam, & per nomen sanctum tuum, quod est benedictum in sæcula sæculorum. Amen.

## CAPVT XXV.

*De Lignis, super quibus disputauit Salomon. De Ligno quo idem Rex Templi parietes operuit: & de duobus Lignis, quæ Sarephthana mulier colligere volebat.*

**C** *NONA* sanctæ Crucis Christi Domini nostri figura in sacris libris Regum considerata, in eo consistit, quod de Salomone scriptum est: qui, ut ibidem in sacro textu dicitur, super omnia ligna disputationem intendit. Quasi intellectus ipsius à Spiritu sancto excitatus, admirabile illud inuestigaret mysterium, quod Deus optimus maximus in ligno Crucis operaturus erat: *Et disputauit Rex Salomon super lignis, à cedro quæ est in Libano, vsque ad hyssopum quæ egreditur de pariete.* Quibus verbis, quoniam pacto Crux Christi Domini nostri innuatur & figuretur, clarè ac diuinitus sanctus Isidorus explicuit; de eo enim sic tradit: *Disputauit, inquit, Salomon à cedro vsque ad hyssopum. Cedri nomine celsitudo gloriæ in electis accipitur, sicut & Propheta testatur, dicens: Iustus ut palma florebit, & sicut cedrus quæ in Libano est, multiplicabitur. Hyssopus autem herba humilis est, saxo hærens, qua signatur humilitas Christi. Redemptor quippe noster à cedro vsque ad hyssopum disputauit: quia ab alta excellentia cælestis gloriæ, vsque ad carnis humilitatem descendendo peruenit. Siquidem & cedri nomine, prauorum superba elatio designatur; sicut per Dauid dicitur: Vox Domini confringentis cedros. A cedro itaque Christus vsque ad hyssopum disputauit; dum in Cruce pependit. Tunc enim in cedro, sæculi arrogantiam inclinauit, quando eam vsque ad hyssopi humilitatem, id est, vsque ad Crucis stultitiam ac contemptibilem fidem deduxit.* 3. Reg. cap. 4. Salomon de Lignis disputans, Crucis mysterium inuestigat. S. Isidorus Comment. in 3. Reg. cap. 3.

**D** Decima sanctæ Crucis figura ex Regum libris, lignum illud cedrinum fuit, quo Salomon Rex parietes templi, quod Deo optimo maximo ædificauerat, operuit ac vestiuit; ut in eadem sacra hisce verbis recitatur Historia: *Igitur ædificauit Salomon domum, & consummauit eam. Et ædificauit parietes domus intrinsecus templi parietibus cedrinis, à pavimento domus vsque ad summitatem parietum, & vsque ad laquearia: & operuit lignis cedrinis intrinsecus, & textit pavementum domus tabulis abiegnis.* Quem quidem actum, ligno scilicet parietes vestiendi, sanctæ Crucis præfixi- 3. Regum cap. 6.



Comment.  
in librum 3.  
Reg. cap. 2.

præfigurationem quamdam extitisse, sanctus Isidorus asseuerat, sic enim ait: **A**  
Porro quod parietes templi interius ligno teguntur, hoc ob mysterium Dominice Cru-  
cis imaginatum est; sub cuius tutela proteguntur omnes sancti, qui indurpta pacis per-  
seuerantia, tamquam lapides viui in structura Ecclesie, unitate fidei solidantur. Eadem-  
que verba refert etiam Beda suis in sacram Genesim Quæstionibus.

Item duo  
ligna vidua  
Sarephtha-  
na.

3. Reg. 17.

Vndecima sanctæ Crucis Redemptoris nostri figura quæ in Regum sacra  
historia continetur, duo illa ligna fuere, quæ colligere volebat vidua illa Sa-  
rephthana ex ciuitate Zarphath Sidoniæ finitima, cui Deus Eliam Prophetam  
pascendum direxerat, vt in sacra Historia litteris proditum est: *Factus est sermo*  
*Domini ad Eliam, dicens: Surge, & vade in Sarephtha Sidoniorum, & manebis ibi: præ-*  
*cepi enim mulieri viduæ, vt pascat te. Surrexit, & abiit in Sarephtha. Cumque venisset*  
*ad portam ciuitatis, apparuit ei mulier vidua colligens ligna: & vocauit eam, dixitque*  
*ei: Da mihi paululum aquæ in vase, vt bibam. Cumque illa pergeret vt afferret, clamauit*  
*post tergum eius, dicens: Affer mihi obsecro & buccellam panis in manu tua. Quæ respon-*  
*dit: Viuit Dominus Deus tuus, quia non habeo panem, nisi quantum pugillus capere po-*  
*test farina in hydria, & paululum olei in lecytho: en colligo duo ligna, vt ingrediar & fa-*  
*ciam illum mihi, & filio meo, vt comedamus & moriamur.* **B**

In libro 50.  
Homiliarū,  
Hom. 18.  
Contra  
Faustum  
Manichæū,  
lib. 12. c. 34

Duo ergo ligna illa, quæ prædicta vidua colligere volebat, sanctam Christi  
Domini nostri signauerunt & præfigurauerunt Crucem. quamobrem de eo  
ita diuus Augustinus: *Mulier illa, inquit, typum gerebat Ecclesie: & quia duo ligna*  
*Crucem faciunt, quærebat moritura, vnde semper esset victura. Et alibi subdit: Mit-*  
*titur Elias pascendus ad alienigenam viduam, quæ volebat duo ligno colligere, prius-*  
*quam moreretur. Non hîc solo ligni nomine, sed etiam numero lignorum, signum Crucis ex-*  
*primitur. Inde verò quodam alio in loco, huius historię mysterium & signifi-*  
*cationem diligentiori expendens examine, hæc adiecit: Quid fuit, inquit, quod*  
*nulla Iudeorum vidua beato Elie cibum meruit ministrare, sed ad viduam gentilem*  
*mittitur, vt ab ipsa pascatur? Vidua enim ista, ad quam Propheta mittitur, typum Ec-*  
*clesie gerebat; sicut & corui illi, qui Elie ministrauerant, figuram Gentium habuerunt.*  
*Venit ergo Elias ad viduam, quia Christus venturus erat ad Ecclesiam. Sed videamus,*  
*fratres dilectissimi, vbi beatus Elias viduam illam inuenit. Exierat enim, vt aqua se*  
*lauaret, & ligna colligeret. Quid enim aqua, & quid ligna significant, videamus. Satis*  
*enim ista duo Ecclesie & amica & necessaria esse cognoscimus, id est lignum & aquam.*  
*Denique sic scriptum est: Et erit tamquam lignum, quod plantatum est secus decursus*  
*aquarum. Nam in ligno, Crucis mysterium, in aqua ostenditur Baptismatis sacramen-*  
*tum. Exierat ergo vt colligeret duo ligna. Sic enim respondit beato Elie cum ab ea cibum*  
*peteret. Dixit enim: Viuit Dominus, quia non habeo nisi pugillum farine, & modicum*  
*olei in vase; & ecce ego exeo, vt colligam duo ligna, & faciam mihi cibum & filio meo;*  
*& manducabimus & moriemur. Sicut ergo supra dixi, vidua illa typum habebat*  
*Ecclesie; filius viduæ, figuram populi Christiani. Veniente ergo Elia, exiit vidua*  
*colligere duo ligna. Videte, fratres, quia non dixit tria, nec quattuor, nec vnum tantum-*  
*modo lignum, sed duo ligna colligere voluit: idè duo ligna colligebat, quia in typo Elie*  
*Christum excipiebat. Duo ligna colligere volebat, quia Crucis mysterium desiderabat*  
*agnoscere. Crux enim Domini Saluatoris, duobus lignis aptata est. Idè duo ligna colli-*  
*gebat vidua illa, quia in illum, qui in duobus lignis pependit, creditura erat Ecclesia.*  
*Dixit ergo vidua illa: Colligo duo ligna, vt faciam cibum mihi & filio meo, & mandu-*  
*cabimus & moriemur. Verum est, fratres dilectissimi, nemo in Christum crucifixum cre-*  
*dere merebitur, nisi hîc moriatur. Nam quicumq; corpus Christi digne manducare volue-*  
*rit, necesse est, vt moriatur præteritis, & viuatur futuris. Concede ergo nobis Domine*  
*Iesu Christe, vt gratia tua adiuti vitijs moriamur, & virtutibus viuamus: ita vt*  
*saeculo mortui, in caelo tecum viuere mereamur in saecula saeculorum. Amen,*

CA-



A

## CAPVT XXVI.

*De Curru igneo quo Elias Propheta in calum est translatus. Et de Elisei Baculo, quo Giezi Sunamitidis filium à mortuis excitare nisus est.*

- E**LIAS Propheta Christi Domini nostri admirabilem Ascensionem præfigurans, igneo curru in calum euectus est. Cuius euectus in sacro textu his verbis memoria proditur: *Cumque pergerent Elias & Eliseus simul, & incedentes sermocinarentur, ecce currus igneus, & equi ignei diuiserunt utrumque: & ascendit Elias per turbinem in calum, Eliseus autem videbat, & clamabat: Pater mi, Pater mi, currus Israel, & auriga eius.* Quod quidem hic retulisse volumus, quia in eo duodecima sanctæ Crucis figura consistit, quam in sacra Regum considerare licet historia. Complures enim Patres & sacri Doctores, currum illum Eliæ sanctæ Crucis symbolum & figuram habuisse profitentur. Quod Tertullianus procul dubio innuere voluit, dum de Cruce & de tormentis agens, quibus æuo suo Christi fideles ab Ethnicis afficiebantur, tormenta & Crucem illam, triumphalem currum nuncupauit, his verbis: *Hic est habitus victoriæ nostræ, hæc palmata vestis; tali curru triumphamus.* Verum gloriosus martyr Cyprianus, Crucem currum apertius appellauit; asserens, hanc currum esse, quo ex hoc mundo ad calum euehi nobis enitendum est: *Vt de hoc mundo, inquit, vehiculo Crucis euehamur ad calum.* Et sanctus Ambrosius Christi Domini nostri triumphum describens, quem deuictis hostibus nostris duxit, Crucem ipsam currum triumphalem appellauit; ait enim: *Nos autem, quoniam trophæum iam videmus, & quod currum suum triumphator ascendit, consideremus, quod non arborum truncis, non quadriugis plaustris manubias de mortali hoste quasitas, sed patibulo triumphali captiua de sæculo spolia suspendit.* Non hic gentes brachiis post terga reuinctis, nec excisarum urbium imagines, oppidorumque captorum simulacra cernimus (qualis humanorum solet esse species triumphorum) nec victoriæ terminos regionis sine distinctos; sed ouantes populos nationum, quesitos non ad supplicium, sed ad premium: reges liberis affectibus adorantes, voluntariis vrbes studiis deditas, & in melius reformatas imagines oppidorum; quas non fucus expresserit, sed deuotio colorarit: fidei arma, victoriarumque iura toto orbe currentia; captiuum principem mundi, & spiritalia nequitie, que sunt in celestibus, obedientia imperio vocis humanæ; subditas dominationes variarumque virtutum species, non sericis, sed moribus emicantes. Fulget castitas, fides splendet, & induta mortis exuijs deuotio fortitudinis iam resurgit. Vnius Dei triumphus fecit omnes propè iam homines triumphatores. Solet quoque precedere pompa victores. At verò currum Domini triumphalem præit bona pompa resurgentium defunctorum. Solet demum titulus, subiugarum gentium numerum designare. Scribitur autem & hic titulus. Sit in illis triumphis ordine quodam digesta miserabili, deuictarum præeuntium contumeliosa captiuitas nationum; hic redemptarum gentium vernet gratia. Hactenus Ambrosius.
- D** Porro ad probandum, Crucem currum appellari posse, carmina quoque illa Statij ad rem nonnihil facere videntur, quibus illud innuitur, quod qui curru vehitur, Cruci insidere dici potest:

*Hic quondam piger, axe vetulus uno,  
Nutabat, Cruce pendula viator;  
Rodebatque rotas maligna tellus.*

Statius 4.  
Silu. De  
via Domit.

Decima tertia sanctæ Crucis figura, quæ in Regum libris inserta est, baculus fuit Elisei Prophetæ, quo Giezi seruus eius, Sunamitidis mortuum filium excitare



4 Reg. 4.

excitare nifus est, cum ad eum effectum, ab ipso Propheta expressè missus esset; ut in ipsius sacrae historiae textu hisce verbis narratur: *Dixit Eliseus ad Giezi: Accinge lumbos tuos, & tolle baculum meum in manu tua, & vade. Si occurrerit tibi homo, non salutes eum; & si salutauerit te quispiam, non respondeas illi. Et pones baculum meum super faciem pueri, &c.* Giezi autem præcesserat ante eos, & posuerat baculum super faciem pueri, & non erat vox neque sensus. Reuersusque est in occursum eius, & nuntiauit ei, dicens: Non surrexit puer. Ingressus est ergo Eliseus domum; & ecce puer mortuus iacebat in lectulo eius. Ingressusque, clausit ostium super se, & super puerum, & orauit ad Dominum. Et ascendit, & incubuit super puerum: posuitque os suum super os eius, & oculos suos super oculos eius, & manus suas super manus eius: & incuruauit se super eum, & calefacta est caro pueri. At ille reuersus deambulauit in domo semel huc atque illuc: & ascendit, & incubuit super eum: & oscitauit puer septies, aperuitque oculos. At ille vocauit Giezi, & dixit ei: *Voca Sunamitidem hanc. Quae vocata, ingressa est ad eum. Qui ait: Tolle filium tuum. Venit illa, & corruit ad pedes eius, & adorauit super terram: tulitque filium suum, & egressa est.*

De tēpore  
Serm. 206.  
Baculus  
Elisei quo-  
modo ad-  
umbravit  
Crucem  
Christi.

Quod admirandum Elisei facinus explicans diuus Augustinus, de eo sic tradit: *Baculus sine Eliseo nihil valebat, quia Crux sine Christo nihil poterat. Venit ergo beatus Eliseus, & ascendit in coenaculum, quod venturus erat Christus, & ascensus Crucis patibulum. Inclinauit se Eliseus, ut puerum resuscitaret: humiliavit se Christus, ut mundum in peccatis iacentem erigeret. Misit Eliseus oculos super oculos, manus super manus. Videte, fratres, quantum se vir ille perfectæ ætatis contraxit, ut paruulo mortuo & iacenti congrueret. Quod enim Eliseus in puero præfigurauit, hoc in toto genere humano Christus impleuit. Audi Apostolum dicentem: Humiliauit semetipsum, factus obediens usque ad mortem. Quia paruuli eramus, paruulum se fecit: quia mortui iacebamus, pius se Medicus inclinauit. Quia & re vera, fratres, nemo potest iacentem erigere, si se noluerit inclinare. Quod autem puer oscitauit septies, septiformis gratia sancti Spiritus ostenditur, quæ humano generi, ut resuscitetur, in aduentu Christi tribuitur. De isto Spiritu dicit Apostolus: Si quis Spiritum Christi non habet, hic non est eius. Ipsum etiam Spiritum Dominus dedit Discipulis, quando insufflauit & dixit: Accipite Spiritum sanctum. Os autem quodammodo super eos posuit, quando insufflando, Spiritum dedit. Gratias ergo agamus piissimo Redemptori, qui nos nullis præcedentibus meritis suscitauit; & non solum de morte perpetua eripuit, sed etiam adiuvante gratia ipsius, si benè egerimus, æterna præmia repromisit.*

In bonis igitur operibus exercendis laboremus; non enim profectò in æternis elargiendis præmijs, quæ nobis promisit, vlllo pacto deerit benignus & magnificentissimus Dominus, qui & fidelis est in omnibus promissis suis, & sanctus in omnibus operibus suis. Qui est benedictus in sæcula sæculorum. Amen.

## CAPVT XXVII.

*De Ligno quo Eliseus Propheta supernatare fecit super aquas ferrum se curvis, quod in fluminemersum erat.*

**I**N rapidissimum & profundum mortis & æternæ damnationis flumen misera & infelix humana natura ceciderat, propter peccatum, quod primi parentes nostri in ligno vetito patrarant: & inde sine virtute ligni Crucis Saluatoris nostri nequibat emergere. In cuius præsignificatione Eliseus Propheta ligno natare fecit super aquas ferrum securis, quod in Iordanis flumenmersum erat. Ex cuius admirandi facinoris significatione, decima quarta & postrema figura sanctæ Crucis elicitur, quæ Regum libris continetur. His autem verbis miracu-



**A** miraculum hoc diuina pandit Historia : *Dixerunt autem filij Prophetarum ad Eliseum: Ecce locus, in quo habitamus coram te, angustus est nobis; eamus vsque ad Iordanem, & tollant singuli de silua materias singulas, vt edificemus nobis ibi locum ad habitandum. Qui dixit: Ite. Et ait vnus ex illis: Veni ergo & tu cum seruis tuis. Respondit: Ego veniam; & abiit cum eis. Cumque venissent ad Iordanem, cadebant ligna. Accidit autem, vt cum vnus materiam succidisset, caderet ferrum securis in aqua exclamauitque ille, & ait: Heu heu heu domine mi, & hoc ipsum mutuo acceperam. Dixit autem homo Dei: Vbi cecidit? At ille monstrauit ei locum. Præcidit ergo lignum, & misit illuc; natauitque ferrum. & ait: Tolle. Qui extendit manum, & tulit illud. Lignum ergo istud, quod ferrum natum fecit super aquas, iuxta sacrorum Doctorum sententiam, sanctæ Crucis Redemptoris nostri præsignauit lignum, quod duritiem & grauedinem humani generis, in profundum vitiorum & peccatorum gurgitem delapsi, erigendi & subleuandi vim obtinuit. Quamob-*

**B** rem de eodem sanctus Iustinus Martyr ita : *Lignum, inquit, vbi Eliseus in am-*  
*nem Iordanem proiecit, ferrum securis extulit, qua filij Prophetarum exiuerant, vt ligna*  
*caderent, ad structuram domus, vbi Legem & præcepta Dei commemorare atque me-*  
*ditari constituerant. Quemadmodum & nos grauissimis peccatis, quæ in nos admisimus,*  
*baptizatos atque submersos, per supplicium capitale Crucis in ligno, & per purifica-*  
*tionem aquæ, Christus noster redemit, & domum orationis & ad rationis effecit.*  
Hæc Iustinus.

In Dial.  
cū Tryph.  
Iudæo.

In Ligno  
quod fecit  
nature jeru-  
rum, ma-  
gnum mys-  
terium  
Crucis.

Nec sanè minùs altè & doctè figuram hanc quoque Tertullianus explicuit, dicens : *Cum filij Prophetarum super flumen Iordanem lignum securibus caderent, exiit ferrum, & mersum est in flumine. Atque ita Eliseo Propheta superueniente, petunt ab eo filij Prophetarum, vt ferrum flumini, quod mersum fuerat, erueret. Atque ita Eliseus accepto ligno, & misso in eum locum vbi mersum fuerat ferrum, statim supernatauit, & lignum mersum est, quod receperunt filij Prophetarum. Ex quo intellexerunt, quod Eliæ spiritus in eo sit representatus. Quid manifestius huius ligni sacramento? quod duritia huius seculi mersa in profundo erroris, & à ligno Christi, id est, passionis eius, in Baptismo liberatur; vt quod perierat olim per lignum in Adam, id restitueretur per lignum Christi?*

Aduersus  
Iudaos  
cap. 13.

Lignum autem, quod Eliseus in flumen iniecerat, ferrumque securis supernatare fecit, sanctæ Crucis figuram extitisse, multo apertius etiam sanctus Ambrosius ostendit. sic enim de eo tradit : *Inuocauit, inquit, Eliseus Domini nomen, & de aqua ferrum securis ascendit, quod demersum fuerat. Ecce aliud genus Baptismatis. Quare? Quia omnis homo ante Baptismum, quasi ferrum premitur atque demergitur: vbi baptizatus fuerit, non tamquam ferrum, sed tamquam iam leuior fructuosi ligni species leuatur. Ergo & hæc figura altera. Securis erat, qua cadebantur ligna. Cecidit manubrium de securi, hoc est ferrum demersum est. Filius Propheta nesciuit quid faceret, sed hoc solum sciuit, vt rogaret Eliseum Prophetam, & remedium postularet.*

De Sacra-  
mentis,  
li 2 cap. 4.  
Tom. 4.

**D** Tunc ille lignum misit, & ferrum leuatum est. Vides ergo, quod in Cruce Christi omnium hominum leuatur infirmitas? Hæc Ambrosius.

Diuus verò Augustinus de hoc admirabili sancti Elisei facinore sic inquit : *Sed nec Eliseus ligni huius mystici virtutem penitus ignorauit, qui securim de manubrio in gurgitem lapsam, misso in flumine ligno, de profundo euocauit: significans vtique, dura corda, & ferreas hominum ceruices, de profundo emersas errore, ligno Crucis esse in posterum subiungandas. O Crux, cuius tantus ac talis decerpitur fructus! At alibi idem sanctus Pater de hac mysteriis refertissima historia disserens, omnem eius significatum apertius ac fusiùs sic explicauit: Cum diuina lectio legeretur, fratres*

De temp.  
Serm. 111.

De temp.  
Serm. 210.



ciderat, clamauit ad beatum Eliseum: Heu domine mi, & ipsam mutuo suscepam! **A**  
 Post hæc in loco, ubi securis illa corruerat, beatus Eliseus misit lignum, & natauit ferrum. Eliseum, fratres dilectissimi, typum habuisse Domini Saluatoris, frequenter charitati vestre suggestimus. Sed & in puero, qui erat de filiis Prophetarum, cui securis de manu lapsa est, non incongruè Christus Dominus intelligitur. Securis illa, quæ cecidit, Adam, siue totum genus humanum significasse dicitur. Tenebat ergo filius Prophetarum securim in manu sua; & Dominus ac Saluator noster humanum genus, quod creauerat, in manu potentie sue. Sed quomodo securis illa de manu Propheta in profundum corruit, ita & genus humanum de manu Domini omnipotentis per superbiam se excussit, & cecidit in fluuium luxurie, vel omnium peccatorum gurgite se submersit. Securis illa in profundo iacebat, quia genus humanum in omnium criminum abyssum infelici ruina corruerat; sicut scriptum est: Infixus sum in limo profundi. Et iterum: Deueni in altitudinem maris, & tempestas demersit me. Fluuius enim ille ubi securis cecidit, significat, præterfluentem, & fugitiuam, & in abyssum descendantem voluptatem **B**  
 & luxuriam sæculi huius: fluuius enim à fluendo nomen accepit. Et quia omnes peccatores transitoriis voluptatibus inherentes, fluere dicuntur, ideò securis illa in fluuiio & in limo iacebat oppressa. Veniens ergo Eliseus, misit lignum, & natauit ferrum. Quid est lignum mittere, & ferrum in lucem producere; nisi patibulum Crucis ascendere, & de profundo inferni humanum genus erigere, ac de omnium peccatorum limo per Crucis mysterium liberare? Postquam verò natauit ferrum, misit manum Propheta, & recepit illud, & rediit ad viles vsus domini sui. Ita & de nobis factum est, dilectissimi fratres, qui de manu Domini superbiendo excideramus, per Crucis lignum iterum ad manum vel ad potestatem Domini redire meruimus. Et ne iterum superbiendo de manu Domini corruamus, & quia nullis precedentibus meritis de tenebris producti sumus ad lucem, de morte ad vitam reuocati, de multis erroribus in viam reducti; curramus dum lucem habemus, nec prætereuntia salutis tempora negligamus, nec nos delectet mundi huius malè dulcis & nimium periculosa letitia: ne iterum de operibus sanctis, & de **C**  
 iustitiæ via, quasi de manu Domini corruentes, ad luxuriosum mundi huius fluuium recurramus, & in omnium peccatorum limum infelici iterum ruina mergamur; sed audiamus Apostolum dicentem: Si consurrexistis cum Christo, quæ sursum sunt sapite, ubi Christus est in dextera Dei sedens: quæ sursum sunt querite. Quare dicit: Si resurrexistis? nisi quia cecideramus? Et alibi idem Apostolus: Surge qui dormis, & exurge à mortuis, & illuminabit te Christus. Quasi non tibi videtur ad securim in limo iacentem clamare? Surge, inquit, qui in profundo gurgite dormis, & per Crucis mysterium illuminabit te Christus. Et hæc de sanctæ Crucis figuris, quæ ex veteris Testamenti paginis decerpuntur, dixisse sufficiat. Ideò gratias referamus ei, qui per eandem sanctam Crucem nos redimere voluit, qui per mortem & sanctam Resurrectionem suam à morte perpetua ad æternam vitam nos reuocans, saluos fecit. Cui gloria sit & imperium per infinita sæcula sæculorum. Amen.

Coloss. 3.

Ephes. 5.

## CAPVT XXVIII.

*De quibusdam sanctæ Crucis figuris quæ nouo Testamento continentur.*

**D**E insignioribus sanctæ Crucis figuris, quæ in veteris Testamenti voluminibus diuinitus adumbrantur & innuuntur, hætenus egimus; transferentes in incultum ac sterilem huius nostri Tractatus agrum varios amœnos ac blandos flores pulcherrimorum sensuum altissimarumque animi conceptionum, quas sancti Patres ac sacri Doctores in amœnissimis ac fructuosis librorum



A librorum suorum viridariis, pro earumdem figurarum explicatione & declaratione seuerant atque plantarant; ex quibus pij ac studiosi lectores non iniucundos & inutiles fructus forsitan decerpere poterunt. Reliquum nunc est, vt de quibusdam aliis eiusdem sanctæ Crucis figuris agamus, quæ nouo Testamento continentur. Licet enim figuræ necessariæ non essent, postquam æternum Verbum mundo in carne apparuerat, quod illud figuratum est, in quo omnes figuræ terminauerunt; ipsi tamen placuit altissimum & admirabile Crucis mysterium, quo mundum redimere decreuerat, in sui ipsius etiam conspectu, dum cum hominibus versaretur, quibusdam actibus significare: quin etiam illud ipsemet verbis quibusdam id sonantibus innuere & præfigurare voluit.

Quamobrem figuras omnino cessasse dici non potest, donec ipsemet, dum in asperrimo Crucis penderet patibulo, paulò antequam spiritum emitteret, dixit: *Consummatum est.* significans, tunc re vera omnes figuras, omnes Prophetias, omnesque Scripturas quæ de ipso erant, impletas, & ad veritatis exitum perductas fuisse. Quocircà iure optimo sancti Patres non satis sibi in eo fecisse arbitrati sunt, quòd multa veteris Testamenti scripta ad sanctæ Crucis figuras & significationes deduxerint, sed & quædam etiam noui Testamenti ad eundem sensum perducere voluerunt, quò Crucis gloriam (vt Iacobus Gretserus prudenter asseruit) illustriorem redderent. Vnde, licet idem Pater in suo De sancta Cruce libro, ea quæ sacri Doctores in hanc scripsere sententiam, ante nos collegerit; eadem tamen hic inferere non omitemus; cum & huius tractatus nostri ordo id expostulet, & ne pij lectores, pro harum rerum studio, multorum librorum onere & impensa defatigentur.

Primò igitur Domino nostro Iesu Christo placuisse constat, vt in actibus & miraculis suis Crux sancta tunc præsertim innueretur ac præsignaretur, cum prope ciuitatem Naim ploranti ac incoerenti viduæ obuiam factus, quæ adolescentis & vnici filij sui perluctuosum funus prosequeretur, commiseratione motus, feretrumque defuncti tangens, eum à mortuis euocauit. Sancti enim Patres feretrum illud, sanctæ Crucis figuram extitisse assenerant. Quocircà diuus Ambrosius de eo sic tradit: *Mortuus in loculo, materialibus quattuor ad sepul-* In Lucæ  
*turam ferebatur elementis, sed spem resurgendi habebat, quia ferebatur in ligno. Quod* Euang. c. 7  
*et si nobis antè non proderat, tamen postquam Iesus id tetigit, proficere cœpit ad vitam:* Feretrum  
*vt esset indicio, salutem populo per Crucis patibulum refundendam. Audito igitur Dei* adolescen-  
*verbo, steterunt acerbi illi funeris portitores, qui corpus humanum letali fluxu natu-* gelio, diuo  
*ra materialis vrgebant. Quid enim aliud, nisi quasi in quodam feretro, hoc est supremi* Ambrosio  
*funeris instrumento, iacemus exanimis, cum vel ignis immodicæ cupiditatis exæstuat, si* Crux Chri-  
*vel frigidus humor exundat, vel pigra quadam terreni corporis habitudine vigor hebe-*  
*tatur animorum, vel concreta noster spiritus labe, pura lucis vacuus mentem alit.*

Secundò, sycomori arbor, in quam Zacchæus ascendit, præ ingenti illo quo Christum videndi tenebatur desiderio, Crucem sanctam designauit. Quapropter D. Pater Augustinus eleganter planè & appositè eamdem arborem ad sanctæ Crucis significationem pertrahit his verbis: *Noli te extollere, pusillus esto, Zacchæus esto. Sed dicturus es: Si Zacchæus fuero, præ turba nō potero videre Iesum. Noli esse tristis: ascende lignum, vbi pro te pependit Iesus, & videbis Iesum. Et quale genus ligni ascendit Zacchæus? Sycomorum. In regionibus nostris, aut omnino nusquam, aut rarò fortè alicubi nascitur. In illis autem partibus multum est huius generis ligni, & pomi. Sycomora dicuntur poma quædam ficis similia: sed tamen distant aliquid, quod possunt nosse qui viderunt, vel gustauerunt. Quantum tamen indicant interpretatione nominis, sycomora, fici fatuæ Latine interpretantur. Jam vide Zacchaum meum, vide illum, obsecro te, volentem in turba videre Iesum, & non valentem. Humilis enim erat, turba su-* De verbis  
Apostoli,  
serm. 8. c. 3  
Tom. 10.  
Sycomorus  
Zacchai  
etiam illu-  
stris typus  
Crucis.



perba erat: & ipsa turba ad videndum benè Dominum, sicut solet turba, seipsam impediebat. Ascendit à turba, & vidit Jesum, non impediēte turba. Turba enim dicit humilibus, humilitatis viam gradientibus, iniurias suas Deo dimittentibus, vindictam de inimicis non requirentibus; turba insultat & dicit: Indefense, qui te non potes vindicare. Turba impedit ne videatur Iesus: turba glorians & exultans quando se potuerit vindicare, impedit, ne videatur ille qui pendens ait: Pater ignosce illis, quia nesciunt quid faciunt. Hunc ergo volens videre Zaccheus, in quo figurabatur persona humilium, non attendit turbam impediētem; sed ascendit sycomorum, quasi satui pomi lignum. Nos enim, inquit Apostolus, prædicamus Christum crucifixum, Iudæis quidem scandalum (attende sycomorum) Gentibus autem stultitiam. Denique de Cruce Christi nobis insultant sapientes huius mundi, & dicunt: Quale cor habetis, qui Deum colitis crucifixum? Quale cor habemus? Non vtiq̃ vestrum. Sapientia huius mundi, stultitia est apud Deum. Non enim vestrum cor habemus; sed dicitis cor nostrum stultum. Dicite quod vultis: nos ascendamus sycomorum, & videamus Iesum. Idē enim vos Jesum videre non potestis, quia sycomorum ascendere erubescitis. Apprehendat Zaccheus sycomorum, ascendat humilis Crucem. Parum est, ascendat, ne de Cruce Christi erubescat: in fronte illam figat, vbi sedes pudoris est: ibi omnino, ibi in quo membro erubescitur, ibi figatur vnde non erubescitur. Puto quia tu irrides sycomorum, quia homo es: stultum autem Dei sapientius est quàm hominum. Et vidit Dominus ipsum Zacchaum. Visus est, & vidit; sed nisi visus esset, non videret. Quos enim prædestinavit, illos & vocavit.

Tertiò, quidam Patres Græci autumant, Christum Dominum Crucem suam tunc innuisse, cū vt ostenderet Dei verba atque promissa semper rata & firma esse, dixit: Amen quippe dico vobis, donec transeat calum & terra, Iota vnum aut vnus apex non præteribit à Lege, donec omnia fiant. Pro quorum verborum intelligentia meminisse debemus, Iotam nimirum Græcam esse litteram, nostræ I similem. Sciendum quoque est, verbum illud Apex apud veteres Ethnicos, plerumque virgam quamdam rectam significare, quam in pilei sui summo Flamen eorum sacerdos deferre solebat; in cuius extremo modica lana erat. Cuius virgæ siue apicis meminit Valerius Maximus, inquiens: *Sulpitio inter sacrificandum è capite apex prolapsus, eidem sacerdotium abstulit.* De eadem meminit etiam Virgilius, dum fingit super caput Ascanij filij Æneæ flammam quamdam conspectam fuisse, dicens:

De Reli-  
gione ob-  
servata li. I.  
cap. I.

Æneidos  
libro 2.

*Ecce levis summo de vertice visus Iuli  
Fundere lumen apex, tactuq̃ue innoxia molles  
Lambere flamma comas, & circum tempora pasci.*

Apicem quoque Latini appellare consueverant accentum vnum ex his, qui inter scribendum supra vocales litteras formari solent, ad demonstrandum verbum aliquod aut longum aut breue esse, vt apud Quinctilianum & alios est videre. Qui quidem accentus, vt summationem dicamus, nihil aliud est, quàm linea quædam transversalis. Hæc igitur littera Iota, & hic apex siue accentus simul iuncti, Crucis figuram exhibebant ac demonstrabant, vt aperte atque appositè sanctus Gregorius Nyssenus ostendit his verbis: *Idem, mea quidem sententia, significat etiam Iota illud, si cum apice coniunctum consideretur, quod & calo stabilius, & terra firmitus, & omnium rerum constitutione certius est. Calum enim & terra transibunt, & huius mundi figura præterit: Iota autem ex Lege, & apex vnus non præterit. Linea recta è sublimi in imum descendens, Iota dicitur; obliquè autem ad latera pertingens, apex nominatur. Id quod ab ipsis nauigantibus licet discere, qui lignum illud transversum malo adiacens, cui vela suspenduntur, Græcè eodem nomine, quo apicem nominant, nempe *ραξία*. Quamobrem diuina hæc Euangelij verba mihi videntur in Crucis figura, tamquam ænigmate & speculo quodam, illud ostendere, in quo omnia consti-*

Orat. I. in  
Christi re-  
surrectionē  
Elegans  
dissertatio  
de Iota &  
Apice Eu-  
angelicis  
non transi-  
turis.



**A** constiterunt, quod omnibus quæ in ipso continentur, stabilis est, atque æternum: cuius potentia cuncta moderatur. Proinde Dominus ait, oportere Filium hominis non simpliciter mori, sed crucifigi, ut Crux Deum gestans, aduersariis omnipotentem illius qui in ipsa penderet vim, quique omnia in omnibus est, figura sua patefaceret.

Ex quibus sanè verbis satis apertè percipitur, qualis eiusdem sancti Gregorij animi sensus fuerit, & quonam pacto velit, quòd Iota Græca apici coniuncta Crucem repræsentet: nam si litteræ Iota, siue nostræ I, addatur apex, non punctus vnus quidem tantum, sed linea transversalis, Crucis imaginem proculdubio hoc modo effinger, videlicet †. Quòd autem idem Nyssenus per apicem, non punctum, sed transversalem lineam intellexerit, nullus ambigendi locus remanet, cum ipse exemplum

**B** nauigantium inducat, qui nauis antennam Græco vocabulo *νεπαίων*, quasi cornutam appellant, utpote quæ duabus acutis extremitatibus terminatur. Quæ quidem antenna, cum malo appenditur, crucis cornua suis hinc inde cuspidibus repræsentat, ut hac nauis imagine demonstratur.



Per Iota autem & apicem, Christum Dominum nostrum sanctæ Crucis suæ mysterium innuere voluisse, sanctus etiam Chromatius Aquileiensis Episcopus, eiusdem diui Gregorij contemporaneus affirmat, dicens: *In Iota vel apice Legis, Crucis quoque sacramentum potest intelligi: quia Iota & apex quamdam in se imaginem Crucis ostendunt.*

**C** Quarto, consueuerunt sancti Patres, sacrique Doctores, ad sanctæ Crucis Domini nostri Christi figuram nauiculam illam deducere, quæ discipulos eius super mare ferebat; de qua in sacro Euangelio dicitur: *Nauicula autem in medio mari iactabatur fluctibus. Erat enim contrarius ventus.* Super quibus verbis appositè diuus Augustinus: *Opus est ergo, inquit, ut in naui simus, hoc est, ut ligno portemur, ut mare hoc transire valeamus. Hoc autem lignum, quo infirmitas nostra portatur, Crux est Domini, in qua signamur, & ab huius mundi submersionibus vindicamur.* Et paulò inferius subdit: *Fecerunt Iudei Domino quanta voluerunt, quia factus est obediens vsque ad mortem, mortem autem Crucis.* Postea verò surrexit à mortuis, ut pro discipulis in Ecclesia tamquam in naui constitutis, & fide Crucis suæ tamquam in ligno portatis, & tentationibus huius sæculi tamquam fluctibus maris periclitantibus, solus oraret. Pro naui autem Ecclesiam intelligi posse, sancti Ambrosij verba fidem adstruunt; de eo enim sic tradit: *Lignum, inquit, igitur illud Crucis, velut quedam nostræ nauis salutis, vectura nostra, non poena est.*

**D** Quintò & postremò, in hanc quoque sancti Patres sacrique Doctores eunt sententiam, Christum Dominum nostrum suam in Cruce exaltationem figuratè tunc innuere voluisse, cum dixit: *Neque accendunt lucernam, & ponunt eam sub modio, sed super candelabrum, ut luceat omnibus qui in domo sunt.* Pro candelabro namque Crucem sanctam intelligi posse, iam superius ostendimus, dum de eiusdem sanctæ Crucis figuris egimus, quæ in Exodi libro continentur; ubi Clementis Alexandrini auctoritate suffulti, aureum tabernaculi candelabrum,

In Matth.  
cap. 5.

Nauicula  
sacrae Cru-  
cis figura-  
Matth. 5.

De Diuer-  
sis ser. 22.

De Spiritu  
sancto li. 1.  
cap. 8.

Mat. 5.  
Marc. 4.  
Luc. 8. & 11

Sup. c. 11.  
huius lib. 3



Crucis præcipuam & manifestâ figuram extitisse probauimus : non forma eius quidē tantum, vt inquit Clemens, quæ brachia & ramos habebat, quæ hinc inde extendebantur; sed quia Crux ipsa, eiusdē candelabri instar, multifariâ multisq; modis eos illuminat, qui in Crucifixum credunt, sperant, atq; respiciunt. Ex quo argumentari licet, non illud aureum tabernaculi candelabrum solū, sed genericē omnia candelabra sanctæ Crucis habere figuram. Quamobrem Augustinus de Christo Domino differens, qui proprijs humeris suam ipsius Crucem tulit, dum ad Caluariæ montem deduceretur, ad prædicta sancti Euangelij verba allusionem faciens, inquit : *Ibat ergo ad locum vbi fuerat crucifigendus, portans Crucem suam Iesus. Grande spectaculum. Sed si spectet impietas, grande ludibrium: si pietas, grande mysterium. Si spectet impietas, grande ignominie documentum: si pietas, grande fidei monumentum. Si spectet impietas, videt Regem pro virga Regni, lignum sui portare supplicij: si pietas, videt Regem baiulantem lignum ad semetipsum figendum, quod fixurus fuerat etiam in frontibus Regum. In eo spernendus oculis impiorum, in quo erant gloriatura corda Sanctorum. Dicturo enim Paulo, Mihi absit gloriari, nisi in Cruce Domini nostri Iesu Christi, ipsam suam Crucem suo gestans humero commendabat: & lucernæ arsuræ, quæ sub modio ponenda non erat, candelabrum ferebat.*

In Euangel.  
Ioan. Tra-  
ctatu 117.

*Crux Christi, candelabrum Euangelicum.*

De diuersis  
Serm. 92.  
Eadem ferè  
in libro de  
quinque  
hæresibus.

Lib. Alle-  
goriarum  
in sacra 4.  
Euangel.

Et alibi idem Pater, verba prædicta Christi Domini explicans, & ad passionis eius mysterium deducens, Crucem sanctam candelabro apertè assimilauit. *Multum est ad te, quia infirmos oculos habes, intueri solem: lucernam vide: suis enim Discipulis dixit Dominus: Nemo accendit lucernam, & ponit eam sub modio, sed super candelabrum, vt luceat omnibus qui in domo sunt. Domus mundus est: candelabrum Christi Crux est: lucerna in candelabro lucens, Christus in Cruce pendens. Ad sanctam Crucem pariter verba prædicta Christi Domini nostri retulit sanctus Theophylactus Patriarcha Antiochenus, hoc modo: Lucerna verbum Dei est, modium autem lex, eò quòd in abdito loco fuerit: candelabrum verò, Crux Christi, quæ totum mundum fulgore sui luminis illustrauit.*

Candelabrum quoque Cruci concinno ac venusto dicendi genere æquiparauit sanctus Chromatius Romanus, Aquileiensis Episcopus, hisce paucis quidem sed significantibus verbis: *In ipso Crucis candelabro sol resplenduit.* quasi diceret: Verum candelabrum Crux sancta Christi Domini appellari potest; quandoquidem in ea non artificiale aut transitorium lumen quoddam, sed sol ipse resplenduit; nec sol iste materialis quidem, sed sol ille, qui soli lucem impertitur, verus quippe sol iustitiæ Christus Dominus noster, cui sit laus, honor, gloria, & imperium, per infinita sæcula sæculorum. Amen.





IACOBI BOSII  
DE  
TRIVMPHANTE  
ET  
GLORIOSA  
CRUCE  
LIBER QVARTVS.

Quo Prophetiæ, vaticinia, & oracula continentur, quibus Crux sancta à Prophetis in sacris Litteris prophetata, & à Sibyllis apud Gentiles prænuntiata fuit.

C

## CAPVT PRIMVM.

*Iacob Patriarcha, dum in mortis articulo Iudæ filio suo benediceret, CHRISTI Domini nostri Passionem, Crucem, mortem, & Resurrectionem diuinitus prophetauit.*



D

DEO misericordem se, benignum, & humanæ salutis auidum semper Deus optimus maximus ostendit, vt tunc etiam, cum magis laceffit, magisque humanorum scelerum turpitudine irritatus, diuinæ iustitiæ satisfaciens, alicuius asperioris supplicij interuentu, in homines nefarios seuerius animaduertere deliberauit, summa tamen sua misericordia retardatus, non id prius fuerit executus, quàm Prophetis amicis suis patefecerit, Deus summa hominibus supplicia per Prophetas prænuntiavit, ne inferre cogereetur.

hominibusque per ipsos manifestum apertumque reddiderit; vt hisce prædicationibus moniti, peccata relinquerent, & à prauis actionibus desisterent, pœnitentiaque & bonis operibus iustissimam ipsius indignationem placare studerent: atque ideò misericordia & venia digni, denuntiaturum supplicium, præstructamque in se ipsos animaduersionem effugerent & euitarent. Quod Propheta innuere voluit, cum dixit: *Non faciet Dominus verbum, nisi reuelauerit secretum suum ad seruos suos Prophetas.* Sic enim seruo suo Noë diluuium, quo terrarum orbem obruendum constituerat, prænuntiavit. Sic Abrahamo &

Amos 3.



Lot eius nepoti, ignem & sulphurem innuit, quibus quinque ciuitates obscœ-  
nitatum turpitudine infames obruere decreuerat. Sic Iosephum in Ægypto, ad  
somnia interpretandum, septem annis annonæ caritatem futuram prædo-  
cuit. Sic denique Ionæ Prophætæ Niniuitarum vrbs euersionem prædixit, vt  
audientes Niniuitæ supplicium quod suæ imminebat ciuitati, aut per pœni-  
tentiam illud euaderent, aut in peccatorum peruicacia persistentes, iustius  
plecterentur. Quod diligenti consideratione expendens diuus Hieronymus, in-  
quit: *Nota, quod clemens & benignus Deus semper futura prænuntiat, ne cogatur*  
*inferre supplicia.*

In Amos  
cap. 3.

*Sua item  
beneficia  
prædixit,  
vt maiori  
gratitudine  
homines  
amplecte-  
rentur.*

Similis quoque benignitas & misericordia adhibita est à Deo summo re-  
rum omnium effectore, cum humanas calamitates & ærumnas miseratus, di-  
lectos suos ijs eruere decreuit, quibus per Prophetas & electos seruos suos præ-  
dixit & explanauit ea, quæ ad ipsorum vtilitatem ac libertatem efficere con-  
stituerat. Sic enim filijs Israël per Moysen & Aaron fratrem eius exposuit, velle  
se admiranda quadam ratione ipsos è grauiissima Pharaonis & Ægyptiorum  
seruitute, in libertatem asserere: vt maiore religione, animique grati propen-  
sione, in diuinæ bonitatis & misericordiæ laudes & gratiarum actiones erum-  
perent, atque ad illud ipsum Dei Beneficium excipiendum libentius præpa-  
rarentur. Quod si Deo optimo maximo, ad suam gloriam, & ad homines iu-  
uandos, potiora sua facinora per Prophetas prænuntiari placuit; erat prorsus  
consentaneum, vt eadem quoque ratione Crucis mysterium exponi & aperiri  
iuberet, per quod genus humanum redimendum determinauerat. Quo pro-  
fectò facinore excelsius nullum, nullum admirabilius, nullum grauius vllò  
vinquam tempore Deus edidit aut patrauit. Neque enim in eo agebatur tan-  
tum de populo quodam præcipuo, tantummodò à famulatu corporeo ac tem-  
poribus præfinito, in libertatem vindicando; verum de acerbissimo æternæ  
durissimæque seruitutis iugo mystici Pharaonis, ac spiritualium Ægyptiorum,  
id est atrocissimi & inmanissimi tyranni satanæ, ac nequissimorum angelo-  
rum ipsius satellitum, humani generis vniuersi ceruicibus imposito, ab om-  
nium hominum animis & corporibus in perpetuum repellendo.

*Crucis be-  
neficium  
beneficiorū  
Dei omnium  
excellens-  
simum:*

*Ac proinde  
frequentius  
prænuntia-  
tum.*

Non est igitur cur miremur, quod omnes veteris Testamenti paginas vim-  
bris, figuris, significationibus, prophetijs atque oraculis refertissimas conspiciamus,  
quibus altissimum hoc & admirandum mysterium, sic Deo volente, ob-  
umbratum, præfiguratum, prophetatum, atque clarè etiam prædictum fuit.

Quare cum superiore libro de insignioribus sanctæ Crucis figuris, quæ ve-  
teri & nouo Testamento continentur, tractauerimus; agemus deinceps de  
præstantioribus & clarioribus eiusdem sanctæ Crucis prædictionibus & pro-  
phetijs, quæ in sacrarum Scripturarum voluminibus, tamquam blandi atque  
iucundi flores in amœnissimo viridario vernare conspiciuntur. Quibus ma-  
gnam eorum inferemus partem, quæ sancti Patres & sacri Doctores pro illo-  
rum expositione ac declaratione, ad posterorum institutionem, doctrinam,  
atque memoriam, litterarum monumentis consignata reliquerunt. Demum  
verò, vbi prophetias & sacra vaticinia fuerimus prosecuti, pro huius Quarti  
libri periodo addemus etiam Sibyllarum oracula, quibus eadem ipsa Crux  
sancta Ethnicis prædicta ac prænuntiata fuit. Nam cum Deus optimus maxi-  
mus pro sua immensa ac nimia charitate statuisset, vt vnigenitus Filius tam pro  
Gentilium quàm Hebræorum salute in Crucis ligno mortem oppeteret; quem-  
admodum mysterium hoc planè admirabile Hebræis ipsis per Prophetas præ-  
signari iussit, sic etiam Gentilibus per easdem Sibyllas voluit esse prænuntiatum.

Prima igitur sanctæ Crucis prophetia, quæ quasi nitidissima stella quadam  
in sa-



**A** in sacræ Scripturæ cælo, splendore suo ad se contuendam & contemplandam, tamquam antiquiorem, nos allicit atque impellit, illa est, quam magnus Patriarcha Iacob in die mortis suæ diuinitus protulit; dum filiis suis benedicens, futuraque eis prænuntians, penitus quidem Spiritu sancto repletus, sermonemque suum ad Iudam dirigens, ait: *Catulus leonis Juda. Ad prædam fili mi* Genes. 49. *ascendisti; requiescens accubuisti ut leo, & quasi leona. Quis suscitabit eum? Quibus sanè verbis sanctus & magnus ille Patriarcha Christi Domini nostri in Cruce exaltationem & mortem, sanctamque eius resurrectionem proculdubio prophetauit. Quamobrem diuus Ambrosius ipsa eadem verba commemorans, in hunc modum exponit: Ex germine fili mi ascendisti recumbens, dormuisti ut leo, ascendisti utique in Crucem, dormuisti utique in morte. Ascendisti, ecce Crux: dormuisti, ecce mors. Quid est enim Ascendisti, nisi quod scriptum est: Et crucifixerunt eum? Vnde & ipse ait: Sicut exaltauit Moyses serpentem in deserto, sic exaltari oportet Filium hominis: ut omnis qui credit in eum, non pereat, sed habeat vitam æternam.*

**B** *Quid est, Recumbens, nisi quod scriptum est: Et inclinato capite, tradidit spiritum? Cum ergo dixisset ibi, Ascendisti recumbens, illicò secutus est, Dormuisti ut leo. Dormuisti, inquit, ut leo; quia potestate mortuus est, non necessitate. Dixit enim, Potestatem habeo ponendi animam meam, & potestatem habeo iterum sumendi eam. Vbi autem dictum est, Dormuisti ut leo; subiungitur, Quis suscitabit eum? Dixit verò, Quis; non quia nullus, sed quia nemo hominum. Solus nisi Deus, qui eum suscitauit à mortuis, & donauit ei nomen, quod est super omne nomen. Suscitauit se & ipse. vnde ait: Soluite templum hoc, & in triduo excitabo illud.*

In cap. 31.  
Prou. c. 2.  
Propheta  
Iacob de  
Iuda ac-  
commodata  
Christi  
Cruci &  
morti.

Sermonem verò deinde suum prosecutus magnus Patriarcha Iacob, in Iudæ filij sui benedictione, quasi apertius declarare vellet, se de vero Messia Christo I E S V Rege ac Domino nostro loqui, qui pro nostra salute in mundum venturus erat, subiunxit: *Non auferetur sceptrum de Juda, & Dux de femore eius, donec veniat qui mittendus est; & ipse erit expectatio gentium* Quo loco animaduertendum est, quod textus Hebraicus legit: *Donec veniat SILO.* Et phrasis Chaldaica dicit, *Messias.* Quibus verbis idem Patriarcha nomen veri Messiae I E S V virtualiter & mirabiliter expressit. Si enim numeros omnes, qui in dictionem SILO ingrediuntur, in vnā summā coaceruauerimus, inueniemus profectò, eos exactissimè adæquari numeris quibus I E S V nomen benedictum & sanctum componitur, iuxta Alphabeti nostri scilicet numerorum supputationem, ut in hac tabella apertius demonstratur.

I	9	S	18
E	5	I	9
S	18	L	11
V	20	O	14
52		52	

Vide Petrum Galatinum, lib. 4. c. 4.

**D** Verum hoc recentiores ac pertinaces Hebræi forsitan irriserint, asserentes nullam inter Latinæ atque Hebraicæ linguæ numeros esse cognationem. Quod ipsis verum esse concedimus: sicut & verissimum quoque est, nullam inter sanctam fidem nostrā & eorum perfidiam intercedere necessitudinem: sed tamen iis respondemus, nomen hoc SILO non Hebraicis, sed Latinis litteris me hoc loco conscripsisse; quarum numeri cum benedicti & sancti nominis I E S V numeris, quod Latinis characteribus pariter scriptum est, optimè conueniunt. Quod nullo prorsus modo responderet, si duo hæc nomina Hebraicis apicibus exarentur. Quod ingenti sanè non caret mysterio: id enim significare videtur, quòd sancta & Catholica Latina Ecclesia, nomen hoc sanctissimum amplexata, in illudque firmiter credens, nullo vniquam tempore ab eo separari poterit. At cæca & peruicax Hebræorum Synagoga, in illud minimè credens, ab eodem penitus seiungenda erat.

His



His tamen non obstantibus, non solum probari potest, verum Messiae no- A  
men non aliud quam I E S V esse debuisse: sed, ut est in proverbio, manu etiam  
ipsa palpari, Iacobum Patriarcham, hac eadem prophetia ( dum dixit, *Donec*  
*Ex primis* *VENIAT SILO, ET IPSI gentes congregabuntur* ) nomen sacratissimum  
*litteris ha-* I E S V expressisse. Idque per ipsosmet legis eorum Doctores & Rabbinos pro-  
*rum qua-* babimus: & quod maiori admiratione dignum censendum est, per eos qui an-  
*tuor dictio-* te aduentum Christi Domini scripserunt: inter quos ille, quem ipsi Rabbenu  
*nium for-* Haccados, id est Magistrum nostrum sanctum appellant, in admirabili illo suo  
*matur no-* libro, cui titulus est G A L E R A Z A I A, id est Reuelator secretorum, ad Anto-  
*men IESV.* ninum Romanum Consulem scribens, & de veri Messiae nomine agens, hæc in-  
ter cetera à Spiritu sancto dictata verba protulit: *Quia Messias homines saluabit*  
*Vide Pe-* *vocabitur* יֵשׁוּעַ I E S V A H. *Gentes autem alterius nationis, quæ fidem eius sectabun-*  
*trum Ga-* *tur, vocabunt eum* I E S V M. Et propterea inuenies hoc nomen I E S V S designa-  
*latinum,* *tum in textu* Genesis cap. 49. *Non recedet sceptrum de Juda: in primis litteris horum* B  
*lib. 3. c. 18.* *verborum* יְהוֹשֻׁעַ יֵשׁוּעַ I A V O, S I L O, V E L O. Si enim acceperis primas litte-  
*Veteres* *ras harum dictionum, I E S V eadem litteræ conficiunt.* Hæc omnia Rabbini ille,  
*Rabbini* quem Iudæi Magistrum nostrum sanctum appellauere. Et verè quidem san-  
*eodem mo-* ctus; quandoquidem Spiritus sancti lumine illustratus, tot tantaque de Chri-  
*do prophe-* sto Domino prophetauit & scripsit, ut ipsius excelsa facinora vix apertius &  
*tiam illam* clarius conscribere potuisset, si ea corporeis oculis conspexisset. Quamobrem  
*interpre-* hinc sanè factum est, ut præfatus eius liber, recentium Rabbiorum Hebræo-  
*tati.* rum malitia, adeò exquisita diligentia subreptus & occultatus fuerit, ut hodie  
à nostris nusquam reperiri valeat; nullaque alia de eo superest memoria, præ-  
ter id quod Petrus Galatinus in suis iam operibus fideliter retulit; qui tamen  
iniquè ab eisdem mendacij insimulatur.

Neque eo contenti facinore, ut pertinacissimam suam tueantur perfidiam, C  
contra id quod veteres Talmudistæ scripsere, enixi sunt atque nituntur probare,  
dictione hac S I L O, Messiae non significari nomen; & hanc Iacobi Patriarchæ  
prophetiam iam multis sæculis ante Christi Domini aduentum completam  
fuisse, asserentes vocem hanc S I L O oppidi cuiusdam nomen proprium esse;  
prædictamque prophetiam tunc completam fuisse, cum Saul, qui erat ex tribu  
Beniamin, in Regem electus est, & vnctus in S I L O, vbi Tabernaculum &  
Arca Domini aderant; & consequenter ibidem quoque ipsa reperiebatur  
vnctio, qua Reges inungi consueuerant. Atque ita factum esse, ut sceptrum,  
quod dominium & primatum quoddam significat, quodque ad illa vsque tem-  
pora apud tribum Iudæ permanerat, tunc in tribum Beniamin translatum  
sit. Verum hoc, ut Nicolaus Lyranus diligenter animaduertit, ipsius sacræ Scri-  
pturæ textui apertissime aduersatur; quo luce clarius patet, iam ante ipsius Saulis  
electionem Arcam ex S I L O in Cariathiarim translata fuisse, ut libro primo  
capite septimo Regum est videre. Præterea verò post Saul, imò ipso adhuc vi- D  
uente atque regnante, à Samuele inunctus est David, qui fuit primus Rex de  
tribu Iudæ, ab ipsoque eiusdem tribus successionem suam duxere Reges.

Alij verò contendunt, prophetiam ipsam, de qua agimus, veritate compro-  
batam fuisse in electione Ieroboam, qui erat ex tribu Ephraim, cum decem  
tribus à Iudæ Regno amotæ sunt; propter superbum ac durum responsum,  
quod Roboam Salomonis filius populo dedit constituto ac præfixo die quo  
reuersurus erat populus, ut eum Regem sibi constitueret, vel ab eo recederet,  
iuxta gratum vel asperum responsum eius. & ita verba prophetiæ exponunt:  
Donec veniat SILO, id est donec in S I L O Ieroboam coronandus adueniat.  
Verum enimverò, expositio hæc facile conuincitur, ac per ipsum textum falsa  
depre-

*Somnia re-*  
*centium*  
*Rabbiorum*  
*varie con-*  
*futata.*



**A** deprehenditur. Nam ille populi conuentus non in Silo, sed in Sichem aduocatus est, vt tertio Regum libro, capite duodecimo scriptum est. Et quamuis decem tribus Israëliti populi à Iudæ Regno sese subtraxerint, non propterea tamen sceptrum & Regnum à domo Iudæ tunc ablatum est; imò per 492. annorum seriem, vel circa, in domo illa perseverando perstitit in multis Regibus, qui hereditario iure vsque ad Babylonicam captiuitatem sibi inuicem successerunt. Qui quidem soli verè & propriè Reges censendi & appellandi erant; quippe qui vnctione sacra, in ipsa Ierosolymorum vrbe Metropolitana, quæ Regni Iudæ caput erat, instituebantur; vbi Templum Domini aderat & Arca, & vbi omnia ad eandem vnctionem necessaria permanferant.

Sed quia vox ista **S I L O**, alio quoque sensu accepta, missionem quamdam etiam significat; propterea quidam alij recentiores ac pertinaces Rabbinus Hebræi animaduertentes, antè dictas duas expositiones vt falsas ipsius sacri textus auctoritate facillimè prosterni, ictum hunc subterfugere cupientes, vanitate alia sese circumtegere nituntur: asseruntque, prophetiam eandem tunc prædictionis suæ effectus habuisse, cum Nabuchodonosor Rex, Ierosolyma expugnata, Sedeciam Regem interfecit, in quo Iudæ Regnum defecit & extinctum est. & ita verba prophetiæ eiusdem exponunt: *Non auferetur sceptrum de Iuda, donec veniat qui mittendus est, id est Nabuchodonosor, qui propter Iudaici populi peccata missus est, vt Prouinciam illam euerteret, Regnumque illud extirparet.* At improba hæc atque versuta Glossa eorum nullo etiam negotio subuertitur. Etenim, vt ipse etiam Rabbi Salomon super locum hunc fatetur, licet Sedecias Rex occisus fuerit, non ob id tamen sceptrum à domo Iudæ tunc ablatum est: Nabuchodonosor enim non omnes Sanhedrin interfecit, qui Duces & Iudices ordinarij erant, sedentes in Consistorio Gozith, Iudæorumque causas iudicantes; quin etiam eorum complures in Babyloniā abducti fuere; vbi permittente Rege, Hebræorum litigia iudicio dirimebant. Quod autem iidem Sanhedrin reuera in Babyloniā descenderint, clarè probatur ex Cantorum expositione super illud: *Dilectus meus descendit in hortum suum ad areolam aromatum.* vbi phrasis Chaldaica, quam Iudæi Targum appellant, quæque adeò authentica apud eos habetur, vt nullus Rabbinorum ipsorum eidem contradicere ausus sit, sic habet: *Dominus seculi suscepit orationem eorum cum complacentia, descenditque in Babyloniā ad sapientes Sanhedrin, & dedit odorem populo suo.* Cum ergo Babylonicæ captiuitatis tempore Sanhedrin non defecerint, penes quos sceptrum & iudiciaria potestas remanserat, consequenter fatendum est, sceptrum ipsum tunc non defecisse; præsertim verò cum etiam post Babylonicam captiuitatem, vsque ad Herodis Ascalonitæ tempora, qui Iudæorum populum rexerunt, à tribu Iudæ descenderint. Zorobabel enim, qui in reditu ab ipsa captiuitate Hebræorum populi principatum obtinuit, eiusdem tribus fuit, vt penes Zachariam & Aggæum Prophetas legitur: ceterique omnes, qui vsque ad Machabæorum tempora, Iudaici populi gubernacula tenuerunt, ex tribu Iudæ duxerunt originem. Quinetiam Machabæi ipsi, qui vsque ad Herodem Ascalonitam Iudæorum principatum nacti sunt, pro descendantibus ab eadem tribu Iudæ communiter habebantur. Nam Regia tribus & sacerdotalis sese inuicem miscuerant.

**D** Quamobrem ex his apertè probatur, Iudaici populi sceptrum & dominium à tribu Iudæ numquam penitus amotum fuisse, donec Christus Dominus verus Messias aduenit, de quo in prædicta prophetia Patriarcha Iacob in nomine illo **S I L O** proculdubio intelligere voluit. Quod authenticè admodum probatur



batur per Targum, siue interpretationem Ierosolymitanam, quæ propter eius antiquitatem magnæ est apud Hebræos auctoritatis; vbi verba prædicta Patriarchæ Iacob Latinitati donata, sic sonant: *Non desinent Reges domus Iudæ, neque tardabunt Doctores Legis de filiis filiorum eius, vsque ad tempus, quo veniet Christus, cuius est Regnum, & cui seruitura sunt vniversa Regna terræ.* Id etiam apertius probabitur per Targum siue translationem Chaldaicam Rabbini Anzelos, cuius verba super hunc locum ex Hebraico in Latinum conuersa hæc sunt: *Non præteribit auctor vel factor potestatis, siue dominij Regij de domo Iudæ, & scriba de filiis filiorum eius, vsque in seculum, quousque veniat Messias.*

Quod autem præfata dictio SILO Messiam significet, clarè etiam probatur ab antiqua Beressith Rabba, in qua super hunc locum, *Donec veniat SILO, ista est Messias.* Et ad eum congregabunt se gentes, quia ipse iudicabit totum orbem. Et hoc est quod dictum est Michæ capite quarto: *Et iudicabit inter gentes, & arguet populos multos.* Et iterum Iffaiæ cap. 11. *Et iudicabit in iustitia pauperes, & arguet in equitate mansuetos terræ. Et percutiet terram virga oris sui, & in spiritu labiorum suorum interficiet impium.* Verùm quia recentiores & peruicaces Hebræi forsitan dicere possent, Si Iacob Patriarcha in hac ipsius prophætia de Messia intelligere voluit, quid est, quod apertè non dixit, *Donec veniat Messias*; non autem, *Donec veniat SILO*, quod est nomen ambiguum & commune, quodque pro multarum rerum significatione capi potest? Ad hoc quippe responderetur, id non sine ingenti mysterio sanctum ac magnum Patriarcham fecisse; vt optimè probat Petrus Galatinus. Per hanc enim dictionem & vocem SILO apertè innuere voluit, Messiam ex matre sine patre nasciturum, atque ex purissimis Virginis Matris sanguinibus absque hominis semine concipiendum. Quod Rabbi Daud Kimchi apertissimè testatur in libro suo, cui titulus est Sersallim; cuius verba ex Hebraico in Latinum sermonem translata hæc sunt: *Vocatur*

*Messias, Princeps, & Dominator. Mos enim dominantis est, vt sit virga in manu eius. Et quia virga disciplinæ plebis in manu ipsius erit; ideo Mehokec etiam dicitur, quod scribam significat. Porro donec veniat SILO, id est filius eius (feminini generis exponitur) & est prophetia de Messia.* Additque nomen hoc SILO, à dictione Silia deduci, quæ sacculum quemdam significat, in quo infans in vtero matris permanet; qui quidem in sacra Scriptura aliquando pro embryone in matrice sumitur. Ex quibus omnibus manifestè patet, contra Iudæorum nostri temporis perfidiam, iuxta priscorum Thalmudistarum expositiones, prophetiam hanc magni Patriarchæ Iacob, de nullo alio præterquam de vero Messia Christo Domino rectè intelligi posse; in cuius aduentu sceptrum Regni Iudæ, iuxta sacras prophetias, germanasque ac rectas veterum Doctorum expositiones, penitus defecturum erat. Deinde verò magnus Patriarcha Iacob prophetiam suam profecutus, vt apertius innueret, sanguinem, quem verus Messias Christus Dominus in Crucis ligno pro nobis miseris profundere debebat, ipsumque Dominum, redacturum & congregaturum per passionis & Crucis suæ virtutem Hebraicum & Gentilem populum in vnâ Ecclesiam & Fidei vnitatem, diuinitus subiunxit: *Ligans ad vineam pullum suum, & ad vitem, ô fili mi, asinam suam. Lauabit in vino stolam suam, & in sanguine vnae pallium suum.* Quasi diceret, Ligabit ad vitem, & ad Crucis lignum, pullum suum, id est populum Gentilem, qui erat tamquam pullus indomitus, & sine veræ Religionis lege; & asinam suam, id est Hebraicam Synagogam iam domitam, & ad onus Moysaica legis deferendum assuetam. Lauabit in vino stolam suam, id est, in proprio sanguine humanitatem diluet: & in sanguine vnae pallium suum, id est, sacro-

Petrus Galatinus,  
lib. 4. c. 4.  
circa finem.



**A** sacrosanctæ carnis suæ pallium totum sanguine aspergetur. Ad quorum verborum institutum appositè Iustinus Martyr: *Verbum istud, inquit, Ligans ad vitem pullum suum, & lavans in sanguine vult stolam suam; symbolum atque indicium fuit, ea quæ de Christo futura erant, quæque ab eo fieri debebant, designans: nam pullus asina in introitu quodam vici ad vitem alligatus stabat; quem sibi tum adducere familiares suos iussit, cum eo consensu Ierosolymam ingressus est: ubi maximum Iudeorum templum fuit, à vobis postea eversum. Et exinde, ut quod reliquum erat prophetiæ compleretur, in Crucem est actus: nam verbum, Lavans in sanguine vult stolam suam, passionem eius quam subiturus erat, prænuntiavit; per sanguinem lustrans atque purificans sibi credentes. Et hæc hæctenus circa hanc primam & verè admirabilem sanctæ Crucis prophetiam dicta sint.*

In Apologia 2. pro Christianis ad Antoninum Pium.

## CAPVT II.

**B** De sanctæ Crucis Prophetiis, quæ ex sacris Numerorum & Deuteronomij libris excerpuntur.

**P**RAENARRATÆ Iacobi Patriarchæ prophetiæ, in omnibus ferè, ut benè inquit Procopius, similis illa fuit Balaam; qui cum à Balach Moabitarum rege adductus esset, ut Israëlítico populo malediceret, inuitus, sic volente Deo, pro maledictione benedictionem in eum effudit. Atque in ea benedictione, lingua eius à Spiritu sancto mota, multa quæ futura erant, magni fanè momenti ac ponderis prædixit: præsertim verò Christi Domini natiuitatem, Crucem, mortem, & resurrectionem. Natiuitatem enim Christi prænuntiavit, cum dixit: *Orietur stella ex Jacob, & consurget homo de Israël, & percutiet duces Moab.* Quibus sanè verbis proculdubio prophetauit, ex stirpe & posteritate

In Glossa ordinaria.

Num. 14.

**C** Iacob secundum carnem, Christum Dominum, verum Deum, verumque hominem nasciturum. Pro stella nimirum diuinitatem, & pro dictione illa, homo, humanitatem eius innuens. Prædixitque eundem Dominum nostrum Cruce & morte sua, diaboli & nequissimorum angelorum satellitum eius, quos per duces Moab significatos esse voluit, potestatem & imperium eversurum; ut optimè annotauit Origenes his verbis: *Ordo prophetiæ hæc eadem consequenter ostendit, cum de Deitate quidem eius dicit: Orietur stella ex Jacob. De humana verò natura: Et exurget homo ex Israël; ut in utroque eo secundum Deitatem, & secundum humanitatem Christus prophetatus euidenter appareat.* Deinde verò super eiusdem prophetiæ verbis illis, *Et vastabit filios Moab*, idem Origenes adiecit, dicens: *Moab quidem gens est, cuius Principes non alios esse, quam spirituales nequitias, & principatus illos, aduersum quos nobis luctamen est, intelligimus. Hos ergo iste homo ex Israël vastauit, cum exiit principatus & potestates, affigens illos Cruci suæ.*

In Numer. cap. 24. Homil. 18. Prophetia Balaam de Christi natiuitate explicata.

**D** Prophetauit autem Balaam Christi Domini passionem & Crucem, tunc præcipuè, cum respondens Balach (qui de eo conquerebatur, quod pro maledictione benedictionem in Israëliticum populum effudisset) iuxta septuaginta Interpretum versionem sic ei dixit: *Non quasi homo Deus suspenditur, neque quasi filius hominis minas patitur.* Quæ verba gloriosus martyr & Pontifex Cyprianus in tractatu suo contra Iudæos, & Lactantius Firmianus in Diuinis institutionibus ad Christi Domini Crucis significationem & prædictionem adducunt. Prophetauit idem Balaam Crucem, mortem, & resurrectionem Christi, tunc præsertim etiam cum dixit: *Perforabunt sagittis. Accubans dormiuit ut leo, & quasi leona, quam suscitare nemo audebit.* Quasi diceret: Manus pedesque eius clauis perfodient. Quamobrem, inclinato capite dormiet ut leo, id est, spontè spiritum

Prophetia eiusdem de Christi Cruce.

S. Cyprianus aduersus Iudæos, libro 2. c. 20. Lactantius Firmianus Diuin. institut. lib. 4. cap. 18.



emittet: & nemo alius præter Deum à morte illum excitabit, non secùs ac leo. **A**  
 leunculum catulum suum à somno exsuscitare consuevit. Vnde super eisdem  
 sacri textus verbis Glossa interlinearis sic habet: *Etiam de passione Christi prophe-*  
 In Nume- *rat Balaam, cum in Cruce positus principatus & potestates triumphauit. Christus ca-*  
 tor. c. 24. *tulus leonis, cum scilicet surrexit à mortuis.* At non sine ingenti admiratione quis-  
 piam fortè quæsierit, quoniam pacto fieri potuerit, vt Balaam, cum non Pro-  
 pheta, sed ariolus esset, tam sancta atque sublimia prædixerit? præsertim cum  
 ars & professio eius esset malefaciendi & maledicendi, non autem benedicen-  
 di; vt de eo testatur Origenes his verbis: *Hic Balaam famosissimus erat in arte ma-*  
 In Nume- *gica, & in carminibus noxiis præpotens. Non enim habebat potestatem, vel artem ver-*  
 tor. c. 22. *borum ad benedicendum, sed habebat ad maledicendum: & ideo quasi expertus in tali-*  
 Hom. 13. *bus in opinione erat omnibus qui erant in Oriente.* Cui quidem considerationi, quæ  
 hos in admirationem traducit, præter id quod veritate ipsa suffragante respon-  
 deri potest, ita prophetasse Balaam, Deo sic expressè volente, non secùs ac præter **B**  
 naturam etiam ašina quoque eius locuta est; hoc etià superaddi potest; Prophe-  
 tia nimirum donum esse gratuitum, quod cum mortali peccato etiam habe-  
 ri potest: quocircà auditum & obseruatum quandoque est, non peccatores tan-  
 tum, sed & impuros atque scelestos homines prophetasse: ac proinde Origenes  
 dum de Caipha loqueretur, qui nesciens quid diceret, prophetauit Christum  
 moriturum, ne Gentes in æternum perirent, inquit: *Ex his quæ de Caipha scri-*  
 In Euang. *pta sunt, qui de Seruatore prophetauit, dicere possumus, animam quoque prauam sus-*  
 Ioannis. *cipere prophetandi munus.*

Id etiam sanctus Augustinus in eandem sententiam scribens animaduertit,  
 In Ioan. Eu. inquit: *Hic docemur etiam homines malos prophetiæ spiritu futura prædicere.* Et san-  
 ang. tract. 1. ctus Ambrosius super Apostoli verbis illis: *Et si habuero prophetiam, & nouerim*  
 1. Cor. 13. *mysteria omnia, & omnem scientiam: & si habuero omnem fidem, ita vt montes trans-*  
 feram, charitatem autem non habuero, nihil sum. Et si distribuero in cibos pauperum  
 omnes facultates meas, & si tradidero corpus meum ita vt ardeam, charitatem autem  
 In Ep. 1. ad non habuero, nihil mihi prodest. Verè, inquit Ambrosius, nihil prodest. Ad Dei enim  
 Cor. cap. 13. gloriam prophetatur, sicut dicit Dauid Propheta: *Non nobis Domine non nobis, sed no-*  
 mini tuo da gloriam: nam & Balaam prophetauit cum Propheta non esset, sed ariolus.  
 Et Caiphas prophetauit, non merito, sed dignitate ordinis sacerdotalis. Et Saul prophe-  
 tauit, cum iam inobedientiæ causa spiritu malo fuisset repletus. Diuus quoque Augu-  
 stinus, vt ostenderet à prophetia hominem non sanctificari, cum charitati iun-  
 cta non est, hominesque prauos ac reprobos aliquando etiam prophetasse, ait:  
 In Psal. 103. *Prophetia quale munus est? Prophetauit & Saul malus Rex, & tunc prophetauit, cum*  
 Dauid sanctum persequeretur. *Misit ad comprehendendum Dauid ministros suos.*  
 Dauid verò eo tempore inter Prophetas erat, ubi erat & sanctus Samuel. Impleti sunt  
 spiritu prophetiæ qui missi sunt, & prophetauerunt. Sed fortè illi bono animo venerant,  
 vel ob necessitatem officij sui, vel non facturi quod iussu est. Misit & alios. hoc & in **D**  
 eis factum est. Cum illi tardarent, venit ipse furens, anhelans cadem, sanguinem  
 sitiens innocentis sancti, cui etiam ingratus erat. Et ipse impletus est spiritu prophetan-  
 di, & prophetauit. Hæc omnia ad institutum hoc sancti Patres; ex quibus hæc  
 verissima conclusio pro dubij huius solutione capi potest: nempe, mirum non  
 esse si Balaam, quamuis magus & maleficus esset, tam alta nihilominus de  
 Christo Domino, de Cruce, de morte, ac de eius resurrectione prophetaue-  
 rit; cum etiam improbi atque scelesti homines quandoque, vt vidimus,  
 prophetauerint.

Prophetauit etiam magnus ille Moyse, quod Christus Dominus noster in  
 Deut. c. 28 Crucis ligno pendere debebat, Iudeique in ipsum credituri non erant; cum  
 inter



A inter ceteras maledictiones, quæ super eos, propter inobedientiam & ingrati-  
tudinem venturæ erant, prædixit, eos de promissionis terra eijciendos fore,  
exulesque & vagos per orbem terrarum disperdendos, & gentium seruitio  
mancipandos: quodque visuri quandoque essent suam ipsorum vitam, id est  
Christum Dominum nostrum, qui vera vita est, in Crucis ligno coram eis  
pendentem, & in eum credituri non erant. Quamobrem Tertullianus verba  
ipsius Moysis interpretans, addit: *Huius autem signi sacramentum varijs modis prædicatum est, in quo vita hominis præstruebatur, in quod Iudæi non essent credituri.* Aduersus Iudæos cap. 10.  
*Sicut Moyses antè nuntiabat, dicens: Eijciemini de terra, in quam introibitis, & in nationibus illis non eritis in requiem. Et non erit stabilitas vestigio pedis tui, & dabit tibi Deus cor tadians, & tabescentem animam, & oculos deficientes, vt non videant: & erit vita tua pendens in ligno ante oculos tuos, & non credes vitæ tuæ.* Prima prophetia Moysis de Cruce ex Deut. 28.

Et reuera de miserandis Iudæis hæc in Glossa ordinaria iure dicuntur: *Nihil peius inter maledicta, quæ Iudæis merito superbiæ acciderunt, quàm videre vitam, id est, Filium Dei pendentem, & non credere ei.* Glossa ordinaria in Deut. c. 28. Quod autem verba prædicta Moysis innuere voluerint, perfidos Iudæos proprijs oculis visuros esse vnigenitum Dei Filium in ligno Crucis pendentem, & in eum credituros non esse, in eadem Glossa super eisdem verbis affirmat Procopius hoc modo: *Traduci quoque hoc in Christum potest, qui dicit: Ego sum vita. quem cum è ligno pendere viderent, fide non receperunt.* Verùm id meliores & auctoritate insigniores etiam auctores testantur, inter quos martyr Irenæus: *Et rursus, inquit, significans quoniam qui ab initio condidit, & fecit eos Verbum, & in nouissimis temporibus redimens nos & viuificans, ostenditur pendens in ligno, & non credent ei.* Aduersus hæreses lib. 4. c. 23. *Ait enim: Et erit vita tua pendens ante oculos tuos, & non credes vitæ tuæ.* Et sanctus Athanasius, vt ostenderet Iudæorum in Christum Dominum incredulitatem & perfidiam, à Moyse iam prædictam & prophetatam, ait: *Primus enim Moyses ingenti voce iam id antèa denuntiavit, dicens: Vitam vestram suspensam ante oculos vestros videbitis, & non credetis.* De incarnatione Verbi Dei. Id etiam sanctus Ioannes Damascenus, & alij permulti sacri Doctores affirmant. Verùm quæ pro antedictæ magni Moysis prophetiæ approbatione & expositione hæcenus diximus, ne prolixitate nimia lectores defatigemus, satis superque sint.

Iterùm quoque sanctam Christi Domini Crucem Moyses prophetauit, cum iubente Deo montem Nebo conscensurus, vt promissionis terram inde prospiceret, postea moriturus; prius quàm ascenderet, filios Israël de tribu in tribum benedixit: dumque in Iosephi tribum benedictionem effunderet, hæc eidem inter cetera verba dixit: *Quasi primogeniti tauri pulchritudo eius, cornua rhinocerotis cornua illius. In ipsis ventilabit gentes usque ad terminos terræ.* Deut. 33. Quibus verbis Spiritus sanctus, qui in illo loquebatur, Christum Dominum ab ipso innui voluit, qui tauri primogenitus ille fuit, id est vitulus ille saginatus, quem in ipsius significationem & figuram, paterfamilias in reditu errantis prodigi filij mactauit: & postquam occisus fuit, tertia die resurrexit, & gloriosus apparuit. Altera prophetia Moysis ex Deut. 33. Qui est primogenitus mortuorum, & princeps Regum terræ: cuius rhinocerotis cornua, Crucis cornua significant; in quibus, vt inquit Propheta, abscondita stetit fortitudo eius. Nam per carnis infirmitatem, quasi aries inter spinas, & spinis coronatus, his cornibus appensus stetit. Sed per incomparabilem suam in passione fortitudinem, quasi rhinoceros, in mortis victor fuit, & euerfor illius qui mortis habebat imperium. Quod autem his verbis magnus Moyses Christum Dominum, sanctamque Crucem eius innuere voluerit, complures sacri Doctores affirmant. Quare sic diuus Augustinus: *Cum Moyses Ioseph benediceret, ait inter cetera: Primogenitus tauri pulchritudo eius: quod non ita legendum est, tamquam* Habacuc 3.



Aduersus  
Iudeos c. 10  
& contra  
Marcionem  
lib. 3. cap. 18

diceret, *Primogenitus tauri*; sed cum sit *primogenitus*, pulchritudo tauri est, propter *Crucis cornua*. De Domino intelligitur figuratum. Et Tertullianus super iisdem verbis appositè pariter in hunc modum: Non utique rhinoceros destinabatur *unicornis*, vel *minotaurus bicornis*, sed *Christus* in illo significabatur. Taurus ob utramque dispositionem; alijs ferus ut *ludex*, alijs mansuetus ut *Saluator*: cuius cornua essent *Crucis extrema*. Nam & in *antenna naui*, quæ *Crucis pars* est, hoc extremitates huius cornua vocantur: *unicornis* autem *media stipitis palus*. Hac denique virtute *Crucis*, & hoc more *cornutus*, *uniuersas gentes* & nunc *ventilat per fidem*, auferens à terra in celum; & tunc *ventilabit per iudicium*, deiciens de celo in terram. Quæ quidem Tertulliani verba iam superius, nempe libro secundo ad aliud institutum nostrum citata, hîc pro clara huius prophetiæ expositione necessario duximus repetenda.

Moysen autem hoc loco, pro rhinocerotis cornibus de Messia intellexisse, ipsi etiam veteres Hebræorum Rabbini animaduenerunt, & fassi sunt. Nam in *Psalmorum* expositione, quam *Midras Tehilim* vocant, super *Psalmum* qui incipit, *Bonum est confiteri Domino*; qui *Psalmus* in Hebraico textu est nonagesimus secundus, & in nostra *Vulgata* editione est nonagesimus primus; in eiusdem *Psalmi* versiculo, in quo dicitur: *Tu autem altissimus in æternum Domine*, & *exaltabitur, sicut unicornis cornu meum*: Rabbinus *Barachia* verba hæc ex Hebraico in Latinum conuersa sic habet: *In æternum manus tua Domine desuper exaltabitur, quasi monocerotis cornu meum*. Sicut enim *unicornis cornua* altiora sunt, quàm *cornua omnium bestiarum*, ipse quoque *ventilans est ad quattuor ventos celi*; sic *Messias filius David*, *ventilans erit ad omnem ventum*. Et idè dixit *Moses Deuteronomij cap. 33*. *Primogenitus bos eius: decor ei, & cornua monocerotis cornua eius: ipsis populos ventilabit simul*. Quibus verbis antiquus iste Doctor Hebræus non tantum ostendit Moysen hoc loco Messiam innuere voluisse, verum pænè etiam apertè dixit, quòd idem *Messias* quattuor sanctæ *Crucis* cornibus siue extremitatibus, *populos & electos suos à quattuor ventis*, id est à quattuor mundi regionibus, *ventilare, seligere, & congregare* debebat.

Quamobrem iure optimo sanctus Hieronymus, alijque sacri Doctores opinionem hanc animo se imbibisse ostendunt, ut quotiescumque Deus in *Psalmis* cornu salutis appellatur, ibidem sancta Christi Domini *Crux* præfignetur. In *Psalm. 91*. Et propterea idem Hieronymus sic ad institutum hoc appositè: *Dominus cornu dicitur his qui credunt in eum; & in cornibus Crucis sue ventilauit inimicos*. Alij, subdit, habebant plura cornua: ego verò unum cornu solum habeo: Mibi autem absit gloriari, nisi in *Cruce Domini*, per quem mihi mundus crucifixus est, & ego mundo. Hæc ille. Verum de hisce *Crucis* cornibus alibi, Deo iuuante, fusiùs agemus.

## CAPVT III.

## De sanctæ Crucis Prophetijs, quæ libris Regum &amp; Esdræ continentur.

Cum de insignioribus sanctæ *Crucis* prophetijs, quæ *Genesis*, *Numero-rum*, & *Deuteronomij* libris continentur, duobus præcedentibus Capitibus, ipsius sacri textus ordinem secuti, tractauerimus, consequenter agemus nunc de his, quæ ex *Regum* & *Esdræ* libris colliguntur. Prima igitur prophetia, cuius pertractatio hîc primo loco nobis in mentem subit, illa erit, quam *Prophetarum* *Propheta*, & *Sanctus Sanctorum Deus* ipse, ore proprio *Salomoni* protulit, cum post ædificatum ab eo templum & regale palatium, secundo  
ci ap-



- A** ei apparuit, eodem modo, quo eidem primitus apparuerat in Gabaon, dicens ei: *Exaudiui orationem tuam, & deprecationem tuam, quam deprecatus es coram me.* 3. Reg. 9. *Sanctificaui domum hanc quam edificasti, ut ponerem nomen meum ibi in sempiternum, & erunt oculi mei & cor meum ibi cunctis diebus. Tu quoque si ambulaueris coram me, sicut ambulauit pater tuus, in simplicitate cordis & in equitate, & feceris omnia quae praecepi tibi, & legitima mea, & iudicia mea seruaueris; ponam thronum Regni tui super Iſraël in sempiternum, sicut locutus sum Dauid patri tuo, dicens: Non auferetur vir de genere tuo, de solio Iſraël. Si autem auersione auersi fueritis vos & filij vestri, non sequentes me, nec custodientes mandata mea, & caerimonias meas quas proposui vobis, sed abieritis, & colueritis deos alienos, & adoraueritis eos; auferam Iſraël de superficie terrae, quam dedi eis; & templum quod sanctificaui nomini meo, proijciam à conspectu meo: eritque Iſraël in proverbium, & in fabulam cunctis populis; & domus hac erit in exemplum. Omnis qui transierit per eam, stupebit, & sibilabit, & dicet: Quare fecit Dominus sic terrae huic, & domui huic? Et respondebunt: Quia dereliquerunt Dominum Deum suum.*

Quae verba Lactantius Firmianus, lectione à Vulgata editione nostra admodum diuersa, ad sanctae Crucis significationem trahit; eandemque tamquam eiusdem sanctae Crucis admirabilem prophetiam, post alia ad hoc institutum, Dauidis prolata vaticinia refert; inquit enim: *Sed & Salomon filius eius, qui Ierosolymam condidit, eam ipsam perituram esse in ultionem sanctae Crucis prophetauit: Quod si auertimini à me, dicit Dominus, & non custodieritis veritatem meam, reijciam Iſraël à terra quam dedi illis; & domum hanc, quam edificauit illis in nomine meo, proijciam illam ex omnibus. Et erit Iſraël in perditionem, & in opprobrium populo; & domus hac erit deserta. Et omnis qui transierit per illam, admirabitur, & dicet: Propter quam rem fecit Dominus terrae huic & huic domui hac mala? Et dicent: Quia reliquerunt Dominum Deum suum, & persecuti sunt Regem suum dilectissimum Deo, & cruciauerunt illum humilitate magna; propter hoc importauit illis Deus mala hac.*

Institutio-  
num diui-  
narum lib. 4.  
cap. 18.

- C** Hanc autem prophetiam veritate exactissime fuisse comprobata, profecto *Iudei crucifixo-  
res  
Christi in-  
ste à Deo  
deserti &  
reprobati.* *miseri infelices ac peruiacissimi Hebraei vident, sentiunt, atque re ipsa experiuntur. Iam enim anni ferè 1540. transacti sunt, cum ab eorum olim Deo dilectâ, nunc euersâ ac solo æquatâ patriâ exules, & per orbem terrarum dispersi vagantur, & apud cunctas nationes serui, & vt vilissima mancipia, despectui atque ludibrio habentur: carent enim Regno, sacerdotio, sacrificio, templo, & ciuitate; omni spiritali ac temporali bono prorsus expoliati. Atque vt summam dicam, tamquam omnium panem hominum fax & foetor, cunctis abominationi & opprobrio sunt. Huius autem horribilis & iustissimæ in eos animaduersionis causa non solum in ipsa eadem prophetia apertè declaratur, vbi dicitur; Quia impiè persecuti sunt, & humilitate magna cruciauerunt, id est crucifixerunt Regem suum Deo dilectissimum, vnigenitum Dei Filium: verum id etiam quidam ex insignioribus Rabbini ipsorum palàm fassi sunt; atque inter eos præsertim Rabbi Moyses Ægyptius, qui eo in libro, cui titulus est Sophrin, id ipsum apertissime litteris commendauit: sic enim ille ex Hebraico in Latinum conuersus: *Iesus Nazarenus visus est esse Messias: & interfectus est à domo Iudicij: & fuit causa, vt Iſraël destrueretur gladio.**
- D**

Neque illud sanè inane argumentum valet, quo quidam ex recentioribus Hebraeis ad hoc respondere nituntur, nullo pacto verisimile esse, seuerissimam hanc animaduersionem, horribileque supplicium hoc, propter Christi mortem super eos cecidisse; cum eadem iam per quadraginta annos patrata fuerit, antequam Titus Vespasiani filius, tanta edita strage, ciuitate eorum expugnata, dirutoque templo, eos in seruitutem redegisset; ex eo colligere atque innuere



Valerius  
Maximus  
de neglecta  
Religione.

cupientes, quòd Deus hanc in eos animaduersionem tamdiu non distulisset; A  
cùm asserant, Hebræos non ob Christi mortem, sed propter suas ciuiles discor-  
dias, priuatasque similitates, ac propter defectionem à Romanis punitos fuisse.  
Quibus tergiuersationibus non id solùm respondere possumus, quod Ethnicus  
auctor ille moraliter iam dixerat; *Lento enim gradu ad vindictam sui diuina pro-*  
*cedit ira, tarditatemque supplicij grauitate compensat*: verùm etiam pia atque Chri-  
stiana consideratione addere, Deum optimum maximum, pro infinita pietate  
& misericordia sua, iustissimam animaduersionem illam quadraginta anno-  
rum spatio distulisse, vt eos ad pœnitentiam expectaret.

Vide Petri  
Galatinum,  
lib. 4. c. 24.  
in fin.

Quod aliqui etiam ex eorum Doctoribus, his nimirum vetustioribus Thal-  
mudistis, qui Christi Domini aduentum præcesserant, piè intellexerunt, &  
Spiritus sancti lumine illustrati, mirabiliter sanè prædixerunt. Quamobrem  
Rabbinus Haccados in libro suo, cui titulus est Galerazaia, petitione octaua in-  
quit: *Quadraginta annis post passionem suam Deus destructionem prorogabit, vt vi-* B  
*deat, an ad eum conuertantur.* Deinde verò vt causam ostenderet, cur multam &  
pœnam hanc Iudæis irrogandam, quadraginta annorum integro atque præ-  
ciso ad vnguem interuallo Deus distulerit, subiecit: *Accipiet autem Deus nume-*  
*rum quadragenarium, ratione illorum quadraginta dierum, quibus factus homo in pec-*  
*cato originali, in vtero matris ad membrorum compositionem moratur.* Et quia Rex  
Messias venturus est ad relaxandum hoc delictum, ad inferendasque animas in Para-  
disum, idè quadraginta annos expectabit, vnum annum pro vnoquoque die. Aliasque  
pulcherrimas ibi rationes subiunxit, quas breuitati consulentes prætermitti-  
mus; curiosus enim lector easdem apud Petrum Galatinum percommode vi-  
dere poterit.

Reprobatio  
Iudeorum  
longè antè  
prædicta  
ab Amos  
Propheta.  
Amos 2.

Quòd autem perfidi ac miseri Iudæi, seuerissima hac animaduersione, &  
tam longa captiuitate plectendi essent, pro horribili ac probrosa morte, qua sa-  
cratissimum Regem, verumque Messiam Christum Dominum affecerunt, C  
atque pro impio ac scelestissimo scelere quod patrarunt, venundantes eum,  
spondente Iuda proditore, ipsumque ab eodem vilissimo pretio, tamquam  
mactandum animal quoddam euentes, Amos etiam Propheta præuiderat,  
apertissimè eis prænuntians, quòd propter hoc scelus horribile, Deus ab hac  
tam longa & misera captiuitate eos erepturus non erat, nec illos in patriam re-  
ducturus, vt à præteritis calamitatibus reduxerat; ait enim: *Hæc dicit Dominus:*  
*Super tribus sceleribus Israël, & super quattuor non conuertam eum; pro eo quòd ven-*  
*diderit pro argento iustum, & pauperem pro calceamentis.* Quasi diceret: Super tri-  
bus maioribus sceleribus, quæ Israëliticus populus patrauit, iam placatus eis  
peperci, & à captiuitatibus, quibus propterea illos subieceram, eripui, atque in  
eorum patriam reduxi: veruntamen super hac quarta sceleris immanitate non  
reducam eos, quia Iustum iustorum paucissimis argenteis vendiderunt: paupe-  
remque, id est, Christum, vili adeò pretio emerunt, vt præ inæstimabilis atque D  
infiniti valoris eius comparatione, dici quodammodò possit, quod vili calcea-  
mentorum pari eum coëmerint.

Aðor. 7.

Pro iusto autem, Christum Dominum intelligi debere, quamplurimis au-  
toritatibus probari posset. Verùm nobis hîc gloriosi protomartyris Stephanî  
testimonium sufficiat, qui mox moriturus scelestissimis Hebræis hoc scelus ex-  
probrouit: cuius verba, hac potissimum die, quæ felicissimi ac cælestis natalis  
eius Octaua est, paulò antequam hæc scriberemus, Deo sic volente, in diuino  
Officio legimus & recitauimus: *Dura ceruice, & incircumcisis cordibus & auribus;*  
*vos semper Spiritui sancto resistitis, sicuti patres vestri, ita & vos. Quem Propheta-*  
*rum non sunt persecuti patres vestri? Et occiderunt eos, qui prænuntiabant de aduentu*  
Iusti,



**A** *Iusti, cuius vos nunc proditores & homicidæ fuistis.* Eundem verò Dominum Iesum pro paupere illo, quem Amos Propheta innuere voluit, pari modo intelligi debere, Psalmista locis quamplurimis confirmat, qui ad huius rei fidem adstruendam, in eius persona pauperem sese & medicum appellavit his verbis: *Ego sum pauper & dolens.* & iterum: *Ego verò egenus & pauper sum.* & alibi repetit: *Inops & pauper sum ego.* Et demum in alio quodam Psalmo subdit: *Pauper sum ego, & in laboribus à iuventute mea.* Et Zacharias Propheta quasi declarare vellet quisnam iustus & pauper ille fuerit, de quo iam Amos innuerat, eum digito ferè indicans, ait: *Ecce Rex veniet tibi iustus, & saluator, & pauper.* Psal. 39.  
68. 69. 85.  
87.  
Zach. 9.

Quattuor fuere scelera omnium atrocissima, quæ Israëlitis populus patrauit; & propter tria, per Amos Prophetam Deus innuit in captiuitates illum dedisse, & ab iisdem eum liberasse, in patriamque reduxisse; declarans quòd pro quarto, eum minimè erepturus, neque in patriam ampliùs reducturus erat.

**B** Quorum primum, inquit Petrus Galatinus, illud fuit, cùm Iosephum fratrem suum viginti argenteis vendiderunt: propter quod scelus decem supra ducentos captiuitatis annos in Ægypto sustinuerunt; quoad Ducibus Moyse & Iosue ad terram eorum Dominus reduxit. Secundum scelus fuit, cùm aureo vitulo sibi conflato, innumerabilium beneficiorum atque gratiarum, quas à Deo acceperant, oblit, illum ingratißimi adorauerunt, dicentes, Hi sunt dii tui ô Israël; scelestissimo huic facinori defectionem quoque addentes, quam fecerunt contra domum David, sub cuius nomine & figura Messias promissus fuerat; quam tamen despicientes, dixerunt: Non est nobis pars in David. quasi dicerent, se cum Christo partem habituros non esse: propter quod Dominus eos ab Assyriorum Rege abduci voluit in seruitutem. Tertium scelus fuit, cùm varia colentes idola, ipsis non solum bestias, sed proprios quoque filios, prò nefandum scelus! immolabant; atque adeò Prophetas, qui de hoc horribili scelere, ac de aliis vitiis & peccatis arguebant, crudelissimè mactabant. Propter quod à Rege Babylonis in seruitutem redacti, septuaginta annis exularunt. Ex vtraque autem harum seruitute eos eripuit & reduxit Dominus, Esdræ temporibus. Quartum verò omnium atrocissimum illud fuit, cùm Iustum, id est Messiam, argento vendiderunt, vel potius mercati sunt, & morti tradiderunt. Propter quod immanissimum ac prorsus horribile scelus à Romanis in seruitutem redacti fuere; & ab hac postrema captiuitate, dum tales fuerint, eos Dominus non reducet.

Sanctam quoque Christi Crucem magnus Sacerdos & Moysaicæ Legis scriptor Esdras prophetauit, dum in ipsius æterni Verbi ac summæ Dei sapientiæ persona, quæ humanam carnem induere statuerat, loquens, admirabilemque misericordiæ immensitatem illam innuens, quam in sua ipsius carne super sanctæ Crucis ligno præstare decreuerat, animas nostras ab æterna morte, & à pœnis inferni liberans, diuinitus dixit: *Manus meæ tegent te, ne filij tui gehennam videant.* Quasi diceret: Manus meæ, quæ in Cruce extensæ atque confixæ erunt, quasi alæ gallinæ caros pullos protegentis, vel piæ matris sinuosa vestis, filios vestros obtegent, ne videant, id est, ne patiantur pœnas inferni. Prophetauit pariter idem Esdras Crucem, sanctamque Christi Domini passionem, innuens, quòd redemptionem & salutem nostram in ea operaturus erat, cùm dixit: *Laudandus est Dominus, qui manus suas extendit; salutemque Ierosolymis spectantibus nobis dedit.* Quæ verba refert sanctus Ioannes Chrysostomus, & ad Crucis Domini significationem adducit, cùm inquit: *Deum esse Christum, qui in Cruce sublatu est, audi Esdram asserentem: Laudandus Dominus, qui manus suas extendit, salutemque Ierosolymis spectantibus nobis dedit.* Cruz Christi ab Esdra præannuntiata.  
4. Esdræ 2.  
S. Ioannes Chrysost. in pretio-  
sæ vitalisq;  
Crucis veneratione  
media hebdomada  
ieiuniorum,  
Serm. To. i.  
in fine.



Verum hæc Esdræ verba nec in Vulgata editione nostra, neque in ea Septuaginta interpretum versione quæ circumfertur, hodie reperiuntur. Quamobrem non iniuria suspicari possumus, eadem ex his esse, quæ à temerariis & iniquis Hebræorum Rabbiniis, post Christi Domini passionem ex eiusdem Septuaginta interpretum textu sublata fuerunt: cum enim per antedictam versionem aperte pateat, Christum Dominum nostrum verum esse Messiam in Lege promissum, propria eos obsecante perfidia, tam authenticam ac sanctam translationem non solum criminari ausi sunt, falsam, & locis quamplurimis erroribus scatentem impie asserentes; verum etiam ad id eos impellente diabolo, multa verba, imò & integras clausulas ex eodem textu per dolum abraferunt, penitusque sustulerunt, contra quas perfida eorum incredulitas, & inflexibilis peruicacia subterfugium non habebat, ut aperte sanctus Iustinus Martyr ostendit in sua cum Tryphone Iudæo disceptatione siue dialogo, sic contra illum:

*Iudæi  
multa de  
Christo &  
Biblis sa-  
cris sustu-  
lerunt.*

*In Dialogo  
cum Try-  
phone Iu-  
dæo.*

*Verum enim verò Magistris vestris fidem non habeo, qui non assentiuntur, bene interpretationem à Septuaginta, qui apud Ægyptiorum Regem Ptolomæum fuere, senioribus esse institutam; sed ipsi interpretari & exponere Scripturas contendunt. Ac quòd illi multos & integros prorsus locos illarum, ex translatione eorum qui cum Ptolomæo fuere seniorum sustulerint, in quibus clarè hunc ipsum Crucifixum Deum & hominem esse, eumque in Cruce pendere & mori prænuntiatum esse ostenditur. Deinde verò eodem Tryphone instante, loca quædam referens ex his quæ ex diuinis Scripturis ab eisdem Rabbiniis temerariè nimis deleta atque sublata fuere; inter cetera, vnum eiusdem Esdræ prodit, qui ad hoc institutum nostrum valdè pertinet. Quandoquidem in eo diuinitus etiam prædixit, Iudæos Christum verum Messiam in Crucis ligno suspensuros & perempturos, atque ob illorum incredulitatem in derisionem & opprobrium cunctarum gentium venturos esse: Ex verbis, inquit, quæ Esdras de Lege & constitutione Paschæ commemorauit, hunc locum abstulerunt: Et dixit Esdras populo: Hoc Pascha Saluator noster, & perfugium nostrum. Ac si in animum induxeritis, & in cor vestrum ascenderit quòd humiliaturi eum simus in ligno, & postea speraturi in eum, non desolabitur locus iste in omne tempus, dicit Dominus virtutum; si verò in eum non credideritis, neque audieritis annuntiationem eius, deridiculum eritis Gentibus.*

Hæceadem verba ipsumque hunc Esdræ locum citat etiam Lactantius Firmianus diuinarum Institutionum libro quarto capite octauo. Quamobrem nulli prorsus dubium esse debet, quin à scelestissimis Hebræorum Rabbiniis, ut sanctus Iustinus Martyr testatur, à septuaginta Interpretum textu sublatus fuerit. Vnde indubitanter quoque ac firmiter teneri potest, eos ab eodem textu locum illum ipsius Esdræ pariter deleuisse, quem diuus Ioannes Chrysostomus citat, & nos superius retulimus. Verum quid miramur perfidos & iniquos Hebræorum Rabbinos, qui post Redemptoris nostri aduentum, sacrarum Scripturarum expositionem temerè aggressi sunt, tamquam Crucis Christi hostes publicos, perurgente diabolo eorum perfidiæ fautore, ex imminensa ac fulgentissima sacræ Scripturæ luce, scintillas illas euellere atque extinguere enixos esse, quas promptiores aptioresque fore censuerant ad lumen posteris suis afferendum, ut ab infelicis ac miseræ cæcitatibus tenebris, quibus obruuntur, egredientes, ad sanctæ fidei lumen peruenire valuissent? si adhuc ante Christi Domini aduētum, sapientes & Legis scribæ illi, Esdræ successores, quos Hebræi Sophrim vocant, pro animi sui impetu atque auaritia, contra Moysis mandatum expressum, quamplurima sacræ Scripturæ verba, atque adeò integras etiam clausulas adulterare & immutare non dubitauerint? cuius temeritatis ab ipsomet Domino Salvatore nostro publicè redarguti sunt, cum sub specie zeli Legis Moysæ,



A saicæ, & Seniorum traditionum, ipsius discipulos iniquè criminari non erubuerant, quòd illotis manibus panem manducarent; quibus ipse respondit: *Quare vos transgredimini mandatum Dei propter traditionem vestram? Nam Deus dixit: Honora patrem & matrem. & Qui maledixerit patri vel matri, morte moriatur. Vos autem dicitis: Quicumque dixerit patri vel matri, Munus quodcumque est ex me, tibi proderit: & non honorificabit patrem suum, aut matrem suam: & irritum fecistis mandatum Dei propter traditionem vestram.* Matth. 15.

Quæ verba clarè admodum diuus Hieronymus interpretatur hoc modo: *Honor in Scripturis, non tantum salutationibus & officiis deferendis, quantum in eleemosynis ac munerum oblatione sentitur. Preceperat Dominus, vel imbecillitates, vel atates, vel penurias parentum considerans, vt filij honorarent, etiam in vitæ necessariis ministrandis, parentes suos. Hanc providentissimam Dei legem volentes Scribæ & Pharisei subvertere (vt impietatem sub nomine pietatis inducerent) docuerunt pessimos filios, vt si quis ea quæ parentibus offerenda sunt, Deo vouere voluerit, qui verus est Pater, oblatio Domini præponatur parentum muneribus; vel certè ipsi parentes, quæ Deo consecrata cernebant, ne sacrilegij crimen incurrerent, declinantes, egestate conficiebantur. Atque ita fiebat, vt oblatio liberorum, sub occasione templi & Dei in sacerdotum lucra cederet.* In Matth. cap. 15.

B Non est igitur cur miremur, quòd Hebræorum Rabbinii post Christi Domini veri Messiae passionem & mortem, temerario ac scelestissimo ausu Scripturas, vbi id tutò facere potuerunt, adulterauerint & immutauerint; cum iam ante aduentum & mortem eius, idem quoque, propria eos obcæcante auaritia, & impellente malitia, facere consueuerint. Verùm de hac ipsa eorum fraude, & Scripturarum deprauatione, alibi fusiùs, Deo adiuuante, dicturi sumus. Nobis verò hoc loco sufficiat, vnà cum sanctæ Catholicæ Ecclesiæ Christiana pietate enixè Deum opimum maximum precari, qui Iudaicam etiam perfidiam à misericordia sua non repellit, vt velamine è cordibus ipsorum ablato, tenebris tandem egressi, ad sanctæ fidei Catholicæ lucem venire mereantur, extra quam nullo pacto salutem assequi poterunt.

## CAPVT IV.

*De sanctæ Crucis Prophetiis, quæ in libro Iob continentur.*

I NSIGNIORIBVS sanctæ Crucis prophetiis, quæ sacris Regum & Esdræ libris includuntur, ea qua fieri potuit breuitate, præcedenti Capite explanatis, condecens nunc consequenter est, quòd cceptum atque concinnum ordinem sequamur, vt de his agamus, quæ libris Iob continentur. Verùm priusquam vltèriùs progrediamur, non abs re erit, si breuiter priùs dixerimus, ex qua regione ortum, & ex qua progenie originem Iob ipse duxerit: quibus virtutibus, & quibus moribus præditus: quantæ æstimationis atque auctoritatis liber hic eius omni tempore fuerit; & quanta veneratione ac deuotione prisci cum Hebræi tum Christiani librum eundem semper prosecuti sint. Et primò, quoad patriam attinet; in ipsiusmet libri initio breuiter innuitur, vbi dicitur: *Vir erat in terra Hus, nomine Iob.* Super quibus verbis tradit Origenes, quòd Ausitæ, & Minei, & Euchei, & Themanitæ, & ceteræ omnes finitimæ tribus erant ex prosapia & cognatione Esau filij Isaac, qui & Edom cognominatus est. Quocircà cunctæ nationes & tribus illæ ex nomine ipsius Idumæi vocitatae sunt. Nunc verò omnes vno nomine Arabes appellantur; subiungitque, non Idumæos tantum, qui ab Esau duxerunt originem, sed etiam Ammonitas, & Moa-

*De libro  
Iob prolixa  
& elegans  
dissertatio.*



Moabitas, omnes nunc pariter sub Arabum denominatione perfringi. Erat A igitur Iob habitator, & oriundus ex provincia Ausitide, quæ in Idumææ & Arabiæ finibus sita est.

De patientia Iob, Homilia 2.

Quod autem ad progeniem eius spectat, variæ sunt opiniones. Putauere quidam Iob illum fuisse Iobab filium Zaræ & Bosræ uxoris eius, qui post Balach filium Beor in provincia Edom regnavit, cuius Geneseos capite trigesimo sexto mentio habetur, eundemque Esau pronepotem fuisse. Hanc autem sententiam inter ceteros secutus est diuus Ioannes Chrysostomus, qui asserit Iob quintum post Abraham fuisse; ipsiusque generis stirpem ab ipso Abrahamo deducit, asserens Abrahamum genuisse Isaac, Isaac Esau, Esau Raguëlem, Raguëlem Zaram, Zaram autem ipsum Iob: cui opinioni Origenes etiam ante ipsum adhæsisse videtur, dum Iob generis originem ab Esau trahere testatur. Verum Hebræi non ab Abrahamo, sed à fratre eius Nachor Iob descendisse contendunt. Quorum sententiam sanctus etiam Hieronymus secutus est. Vnde in principio suæ in librum Iob expositionis, quam nonnulli tamen venerabili Bedæ tribuunt, inquit: *Huz & Buz filij fuerunt Nachor fratris Abrahæ, filij Melchæ sororis Saræ, de cuius stirpe Iob descendit; non sicut quidam falsò suspicantur de genere eum fuisse Esau.* Id etiam ipsemet Hieronymus affirmat suis in Genesim Quæstionibus, siue Hebraicis traditionibus.

Origen. in Iob lib. 1.

Qui verò mores, virtutes, & sanctitas ipsius Iob fuerit, ibidem in eiusdem libri sui initio breuiter innuitur, ubi dicitur: *Erat vir ille simplex & rectus, ac timens Deum, & recedens à malo.* Quibus verbis, licet digito quodammodo breuiter indicetur, quidquid de iusto, sancto, ac bono viro dici possit; Origenes nihilominus eadem verba exponens & amplificans, ait: *Homo vnus erat Iob ex omnibus hominibus, secundum corpus, secundum corruptionem: sed singularis erat præ omnibus hominibus, iuxta spiritus instantiam, & anime sinceritatem, atque iustitiæ perfectionem.* Homo quidam erat verè homo, utpote homo factus, ut homo permanens; utpote ad imaginem Dei creatus; & ad similitudinem iumentorum, ac bestiarum, atque reptilium non est immutatus, sicuti dicitur de aliquibus: *Homo cum in honore esset, non intellexit, comparatus est iumentis insipientibus, & similis factus est illis.* Homo quidam erat patientiæ exemplum, constantiæ testimonium, tolerantia indicium. Homo quidam erat, quem innumeri beatum dixerunt, quem præsentis timuerunt, quem absentes reueriti sunt, quem Angeli admirati sunt, quem ipse Dominus dilexit. Homo quidam erat, quem nequissimus amulatus est, cui aduersarius inuidebat, quem inimicus hominum diabolus apud Dominum reprehendebat. Homo quidam erat, qui versuti illius draconis caput conculcavit, qui sceleratum diabolum in fugam conuertit, qui in corpore incorporeum supplantauit. Homo, qui erat homo verè, tamquam constantissimus belligerator, tamquam singularis monomachus, tamquam constanter stans aduersus omnes diaboli exercitus, tamquam qui singulariter de omnibus demonum virtutibus victoriam sumpserit solus.

Quod si dixerit aliquis, inquit Origenes, Quomodo Iob iustus, sanctus ac pius esse potuit, dum inter populos ab Esau descendentes viueret, qui idololatres, impii, iniusti, infideles, obsceni, insatiabiles, rapaces, scelerati & improbi erant? his ego, ait, respondebo, talem Iob inter hos fuisse, qualis mox in principio fuit Abel innocens cum Cain iniusto: qualis Noë iustus inter gigantes illos sceleratos: sicut Melchisedech sacerdos Dei altissimi, in medio maledictorum Chanaanorum: sicut Abraham, qui credidit in medio Chaldaeorum idola colentium. Sicut ergo isti omnes, cum essent pii ac sancti, atque religiosi amici Dei, ex impiorum sunt generationibus procreati; ita admirabilis Iob, cum ex obsceni, inquit, atque insatiabilis Esau genere & cognatione prodierit, sanctus & iustus spontè



A spontè effectus est. Erat igitur tamquam rosa inter spinas, tamquam lilium inter tribulos, candidus ac rubeus; candidus fide ac sanctitate; rubeus velut rosa planè, quia sustinuit dolores ac passionès. Erat tamquam columba inter raptrices aquilas, tamquam agnus in medio luporum diripientium, tamquam stella in medio nubium teterrimarum. Iustus erat inter iniustos, sanctus inter profanos, mundus inter obscenos, pius inter impios, bonus inter malos: tamquam smaragdus in luto, tamquam margarita in arena. Cùm esset inter infideles, non habuit infidelitatem: cùm esset inter iniustos, non est commistus iniustitiis; sed permansit in medio impiorum, tamquam adamas immobilis, tamquam lucerna inextinguibilis, tamquam lumen quod non immutatur, & tamquam radius qui non occidit.

Erat homo iste sine querela, iustus in iudiciis, iustus in causis, iustus in legibus, iustus in ordinationibus. Nam cùm esset Dux ac Princeps provinciae suae, & leges sanxit, & iudicia iudicavit; omnia iustè disposuit & iudicavit, atque misericorditer definiuit: non reueritus personam, non accipiens munera, non ambulans post retributionem: non despiciens oppressum, non spernens viduam, non opprimens pupillum, non obliuiscens orphanum, neque conculcans pauperes, non exasperans afflictos, non contemnens abiectos, neque tyrannicè populos diuexans. Cùm ergo esset verus seruus Dei, qui summa est veritas, verax erat in omnibus, verax in ore, verax in corde, verax in cogitationibus, verax in responsionibus: verax in verbis, & verax in factis: verax cum hominibus, & verax cum Angelis; & quod est omnium maximum, verax in conspectu omnia videntis & inquirentis Dei. Verùm in tantarum virtutum suarum corona, veluti stellæ clarissimæ fulgebant fides, religio, pietas, Dei quæ amor & timor, sine quibus omnis sanctitas, omnis iustitia, & omne opus bonum eius inane atque infructuosum extitisset. Nam vt pro encomij huius periocha idem

C subdit Origenes: *Omniem sanctitatem, & omnem iustitiam quam fecerit, qui foris à vera Dei cultura atque vera fide est, gratis facit, in perditione facit; non prodest ei, non adiuuat eum in die iræ, & non liberabit eum in die interitus.* Iure igitur liber Iob, in quo fides, religio, iustitia, misericordia, patientia, fortitudo, & tanti viri constantia memoratur, summo in pretio & veneratione semper est habitus; non apud Christianos tantùm, sed etiam apud priscos Hebræos.

Nescitur an liber prædictus ab ipsomet Iob, vel ab amicis eius potius conscriptus fuerit; quod verisimilius & credibilius esse videtur. sic enim ibi ipsemet loquitur: *Quis mihi tribuat vt scribantur sermones mei? quis mihi det vt exarentur in libro, stylo ferreo?* siue vt Origenes legit: *Quis dabit, vt scribantur sermones, & ponantur in libro in perpetuum?* Fuit idem liber primitus à Moysè ex Syriaco in Hebraicum sermonem conuersus, vt testatur Origenes; vel ex Arabico, vt Iudæi asserunt: demum verò à sancto Hieronymo cum magno sanè Ecclesiæ Dei profectu atque emolumento, ex Hebræo primùm, deinde verò ex Græco, iuxta Septuaginta interpretum versionem, Latinus effectus est,

Narrat Origenes legisse se in antiquorum libris, quod cùm Moyses à Deo in Ægyptum missus fuisset, videns non posse consolari filios Israel de intolerabilibus afflictionibus & laboribus, quibus ab Ægyptiis diuexabantur, vt in tantis ærumnis positos aliquo pacto confirmaret, acerbissimos dolores Iob, & horribiles calamitates eius pro eorum solatio ipsis narrare cœperit, librumque tunc abs se in Hebraicum sermonem translatus dedit: vt per cognationes & tribus hæc legentes, vehementesque ac terribiles beati illius viri dolores & constantissimam tolerantiam audientes, sese inuicem consolarentur, & cum patientia atque gratiarum actione, mala & afflictiones illas, quibus premeban-

Iob Dux & Princeps provinciae suae iustissimus & piissimus.

In Iob li. 1.

Liber Iob translatus in Hebræum à Moysè consolationis suorum.



tur, æquo animo perferrent; & ut amplam retributionem, quam Deus Iob post tolerantiam & constantiam eius elargitus est, intelligentes, liberationem ipsi quoque sperarent, laborumque & ærumnarum suarum mercedem à Deo optimo maximo expectarent. Additque idem Origenes, huius rei, quam legerat atque audiuerat, apertum indicium & certissimum testimonium esse, quòd etiam adhuc usque ad tempus suum liber Iob eiusque tolerantia, his qui in dolore & luctu positi erant, legi consueuerat, quo ab angustiis ac doloribus leuantur, atque ad tribulationes æquo & ingenti animo perferendas hortarentur; addens eundem quoque librum Iob à Christianis in eorum Ecclesijs certis diebus sanctis legi solitum.

Hæc omnia, ac longè plura de beato & sancto Iob Origenes; quæ breuiter ac summam hoc loco retulisse placuit, ut non sit cur quis admiretur, quòd talis ac tantus vir, Spiritus sancti lumine illustratus, de Domini ac Redemptoris nostri Iesu Christi Cruce ac passione ea præuidere atque prædicere potuerit, quæ inferius dicturi sumus. Pro quorum apertiore intelligentia sciendum est, nomen Iob, dolentem & magnum significare; ipsumque in multis Christi Domini figuram obtinuisse, ut Origenes, sanctique Ambrosius, Augustinus, Hieronymus, ac ceteri pænè omnes Patres testantur. Quamobrem Hieronymus, siue Beda, ut Doctores communiter autumant, inquit: *Iob, qui dolens vel magnus interpretatur, figuram Christi portauit*. Primo igitur loco, Crucem sanctam beatus ipse Iob prophetauit, cum in Christi Domini persona locutus, ait: *Utinam appenderentur peccata mea, quibus iram merui, & calamitas, quam patior, in statera: quasi arena maris hæc grauior appareret*. Quibus verbis sacri Doctores eum sanctam Crucem Domini innuisse volunt: quæ illa statera fuit, qua Pater æternus, totius humani generis peccatis appensis, hisque cum Christi Domini truculentissimis doloribus & horribili morte perpenſis ac ponderatis, reperit hanc, respectu accerbitatis atque ipsius personæ meritorum, infinitè grauiorem fuisse omnibus peccatis atque sceleribus, quæ omnes homines simul à mundi origine ad illum usque diem patrauerant, & ad ipsius mundi finem committere possint. Quamobrem pro tantæ rei demonstratione, Spiritus sanctus totius arenæ maris per os Iob comparisonem assumpsit; quæ ut numeri est infiniti, ita & infiniti ponderis censi potest.

Et propterea Rupertus Abbas inter ceteros omnes Ecclesiasticos Patres appositè admodum ac doctè prophetiam hanc sic exposuit: *Quomodo calamitas humani generis peccatis eius grauior appareret, nisi ut plures fierent damnati, quàm rei? plures puniti, quàm auctores, siue heredes peccati? Hoc ergo mira & laudabili arte Spiritus sapientiæ agebat, in eo quòd Christus ad mortem tradebatur, qui peccatum non fecerat. Ibi erat Crux, statera Patris, habens disposita hinc in lance iudicij, peccata mundi; inde in lance misericordiæ, calamitatem generis humani. Vicit pondere calamitas in lance misericordiæ; lancemque sustollens iudicij, peccata decussit in profundum maris. Cur hoc? Videlicet quia plures erant damnati, quàm rei; plures inquam puniti, quàm merebantur puniri. Vnus abundabat in numero damnatorum, vnus superabat Christus, damnatus, non reus; punitus, & causam non habens cur puniretur. Huius dolentis passio, totius generis humani doloribus iustis, iniuste superaddita præponderauit quasi massa arenaria: grauiorq; fuit calamitas mundi, quàm eiusdem peccata: ac proinde misericorditer quidem nostra, id est, damnatorum suscepta est causa, sed iuste mutata, qua fueramus damnati, sententia.*

Secundò, sanctam Christi Crucem spiritu etiam prophetico beatus Iob innuit, cum dixit: *Pertransierunt quasi naues poma portantes*. Quasi diceret, Electos & Christi fideles, Cruce sancta, velut ligno siue naui quadam, procellis ac tempestatibus agitatum huius sæculi mare pertransientes, nihil aliud se-

Principio  
proemij  
in Iob.

Iob 6.

Prima pro-  
phetia Iob  
de mysterio  
Crucis, sub  
typo statera.

De operi-  
bus Spiritus  
sancti lib. 2.  
cap. 8. de  
Sapientia  
Tomo 1.

Iob 9.

cum



A cum ad æternitatis mundum, quàm poma & fructus bonorum operum suorum deferre. Quocirca sanctus Gregorius: *Tendentes, inquit, ad terminum, aura vitæ præsentis impellimur, mutabilitatis nostræ fluctu fatigamur. Sed quia per Crucis mysterium ad ingentia naturæ bona restringimur, quasi per lignum poma portamus.* Et in Glossa ordinaria super eisdem verbis Iob hæc habentur: *Fructus terræ per fluctus. Terra hominis paradisus est, in qua innocens permansisset; sed per culpam ad vndas mutabilitatis venit. Poma terræ, sermo mandati; possibilitas operis, intelligentia Dei: quæ quia in terra quietis noluit homo edere, per mare portat, & in tot tentationibus seruare conatur, non sine ligno, id est, sine Cruce, qua reformamur.* Eisdem etiam verbis beatus Iob admirabilem velocitatem, qua huius mortalis vitæ nostræ breuissimi ac fugacissimi dies pertranseunt, quin & potius euolant, innuere voluit: eosque propterea nauibus æquiparauit quæ pomis onustæ vndas fulcant, quarum nauæ remigatione approperant, non eo tantum desiderio impulsæ, vt ad optatum maturius enauigent portum, sed quia timent ne longiore mora in mari detentis poma sua putrescant. Est autem hic etiam Nicolai Lyrani animi sensus; ait enim: *Quasi naues poma portantes, quarum nauæ festinant, non solum propter desiderium portus, sed etiam ne poma propter moram in mari putrescant.*

Moralium  
lib. 9. c. 16.  
Secunda  
prophetia  
sub specie  
nauis por-  
tantis poma.  
Glossa or-  
dinaria in  
Iob cap. 9.

B Tertio, ad sanctam quoque Christi Domini Crucem, Spiritus sanctus per os eiusdem Iob alludere voluit, cum dixit: *Lampas contempta apud cogitationes diuitum; parata ad tempus statutum.* Christus enim Dominus noster lampas illa fuit, à Principibus, Pontificibus, Scribis & Phariseis, atque ab ipso Herode contempta ac spreta, quæ cælestis & sanctæ doctrinæ suæ splendore vniuersum terrarum orbem illustrauit, sanctæ fidei lumen, & veram Dei agnitionem hominibus afferens: ac demum in sanctæ Crucis ligno, nimix suæ charitatis igne conflagrans, mentium nostrarum tenebras illustrauit; quæque ad extremum atque statutum retributionis & iudicii tempus, parata erit reddere vnicuique iuxta opera sua. Vnde Gregorius: *Libet inter hæc ad Redemptoris vias, mentis oculos attollere, sensimque à membris ad caput peruenire. Ipse enim nobis lampas veraciter exitit, qui pro redemptione nostra in Cruce moriens, tenebrosis nostris mentibus lucem per lignum fudit.* Hac nos lampade Joannes illuminari conspexit, cum dicebat: *Erat lux vera, quæ illuminat omnem hominem. Quam tamen apud cogitationes diuitum contemptam vidit, cum paulò post subdit: In propria venit, & sui eum non receperunt.* Huius lampadis flammæ Herodes explorare voluit, cum eius miracula videre concupiuit; sicut scriptum est: *Erat enim ex multo tempore cupiens videre eum, eò quod audisset multa de illo, & sperabat signum aliquod videre ab eo fieri. Sed lampas hæc ante eius oculos nullo radio lucis emicuit; quia ei qui se non pie sed curiosè quasierat, nil de se mirabile ostendit: inquisitus quippe Redemptor tacuit, expectatus miracula exhibere contempsit; seseque apud se in occultis retinens, eos quos exteriora quærere comperit, ingratos foris reliquit; magis eligens apertè à superbientibus despici, quàm à non credentibus vacua voce laudari.* Vnde & protinus lampas ista contempta est, sicut illic subditur: *Spreuit autem illum Herodes cum exercitu suo, & illisit indutum veste alba.* Sed contempta lampas, quæ in terris irrisiones tolerat, de cælo lucidiùs per iudicium coruscat. Vnde hic aptè subiungitur: *Parata ad tempus statutum. De quo videlicet tempore per Psalmistam dicitur: Cum accepero tempus, ego iustitias indicabo.*

Iob 12.  
Tertio per  
lampadem  
Christus  
crucifixus  
ab eodẽ Iob  
adumbratus.

Moralium  
lib. 10. c. 17.

Ioan. 1.

Lucæ 23.

Psal. 74.

Iob 16.  
Quarta  
prophetia  
Iob de my-  
sterio Crucis

D Quartò, prophetauit Iob Christi Domini Crucem & passionem, cum in eiusdem Domini persona ait: *Hæc passus sum absque iniquitate, cum haberem mundas ad Deum preces.* Quibus sanè verbis nobis ostendere videtur Christum Dominum, manibus ligno Crucis affixis, æternum Patrem pro crucifixoribus orantem. Ipse enim solus est, qui verè dicere potuit, se sine vlla vniquam patrati facinoris & peccati culpa passum esse. Quamobrem idem ipse solus meritò



gloriari poterat, se mundas ad Deum preces effundere. Vnde super his hæc A  
idem sanctus Gregorius: *Absque iniquitate enim, inquit, manus sua pertulit, qui peccatum non fecit, nec inuentus est dolus in ore eius: & tamen dolorem Crucis pro nostra redemptione tolerauit. Qui solus præ omnibus mundas ad Deum preces habuit, quia & in ipso dolore passionis pro persecutoribus orauit, dicens: Pater, dimitte illis; non enim sciunt quid faciunt.*

Quinta  
prophetia.  
Iob 16.

Quintò, passionem & Crucem Domini ac Redemptoris nostri idem sanctus Iob prophetauit, cum Spiritus sanctus, qui in illo loquebatur, quasi in eiusdem Domini nostri persona, hæc sibi ut loqueretur, inspirauit: *Tenuit cervicem meam, confregit me, & posuit me sibi quasi in signum, circumdedit me lanceis suis, conuulnerauit lumbos meos.* Quasi eodem Spiritu sancto prædocente, Christum Dominum prospexerit, fune ad collum alligata ad mortem trahi, ligno Crucis affigi, eleuari, latusque eius lancea perfodi. Super quibus Iob verbis Beda venerabilis quasi in Christi Domini persona sic inquit: *Ego quidem habeo potestatem ponendi animam meam, & potestatem habeo iterum sumendi eam. Et ego dormiui, & soporatus sum. Diuinæ tamen dispensationis meæ permissu, tempore passionis, aduersarius meus tenuit me, & usque ad mortis dormitionem inclinauit me, & humiliavit me, quem iam verberibus & afflictione clauorum confregerat. Sicque hoc opere suo posuit me sibi in signum, quo se demetum esse cognosceret. Et cum sit passio Crucis meæ signum salutare credentibus, ad semetipsos damnandos ipsi aduersarii mei, ut inimici salutis suæ, illud contra se in titulum erexere victoriæ. Circumdedit me lanceis suis. In passione eius blasphemiarum lanceis circumdatus est, dum dicunt inimici Crucis Christi: Reus est mortis; itemque: Crucifige, crucifige! Et de quibus in Psalmo dictum est: Filij hominum, dentes eorum arma, & sagittæ, lingua eorum gladius acutus.* B

Psal. 56.

Sexta pro-  
phetia.  
Iob 16.

Sextò, Crucem quoque, passionem, & vulnera quæ Christus Dominus in eiusdem sanctæ Crucis ligno accepturus erat, Iob propheticè prædixit, dum quasi idem ipsemet Dominus loqueretur, inquit: *Conscidit me vulnere super vulnus: irruit in me quasi gigas.* Quibus sanè verbis Christum Dominum ostendere videtur, pelle & carnibus suis totis, truculentissimis verberibus, quibus ad columnam cæsus est, dilaceratum: deinde verò in Cruce suspensum, manibusque ac pedibus clauis perfossis, furibundo impetu à milite impetum, ac lancea transuerberatum. Quare in hanc sententiam idem venerabilis Beda subdit: *Nam ita factum manifestè in Euangelio legimus, ubi super vulnera Crucis, transfixione lanceæ, hostis eius lateris vulnus operatus est. Sic namque ut gigas, fortis videlicet & potens nimium, ad extinguendum illum, Crucis morte irruit super eum. Sanctus quoque Isidorus de Domini nostri Iesu Christi passione differens, admirabilem hanc beati Iob prophetiam, qua clauorum & lanceæ vulnera, quibus idem Dominus in Cruce perfodiendus erat, diuinitus præuiderat, in hunc modum refert: Sic prænuntiatum est ab ipso per Iob: Conscidit me vulnere super vulnus; id est vulnere lanceæ super vulnus clauorum. Vnde etiam Dauid: Super dolorem vulnerum meorum addiderunt.* C

In Iob lib. 1.  
cap. 16.

De passione  
Domini  
cap. 47.

Septima  
prophetia.

Septimò, Crucem & passionem Christi idem Iob his verbis etiam prophetauit: *Eleuasti me, & quasi super ventum ponens, elisisti me valdè.* Quasi Christus Dominus, æternum Patrem suum allocutus, diceret: Tu Pater, pro humani generis redemptione me acerbissimis verberibus cæsum, ac letalibus vulneribus confossum, in Crucem agi, atque in altum eleuari voluisti, nec non & corpus meum elidi, ac morte affici; ut moriens ego, morte mea mortem ipsam eliderem. Quocirca super verbis eisdem Beda: *Et in Psalmo similiter ait ad Patrem: Quia eleuans allisisti me, ut moriendo eliderem mortem.* D

In Iob lib. 2.  
cap. 14.  
Psal. 101.

Octauò, Crucem quoque sanctam Iob innuere voluit, ut idem Beda venerabilis



**A** rabilis autumat, cum dixit: Numquid alligabis rhinocerotam ad arandum loro tuo, aut Iob c. 39. confringet glebas vallium post te? Quæ verba mysteriis refertissima idem Beda Octava prophetia Iob de mysterio Crucis. exponens ait: Lorum hoc loco dictum, ipsam charitatem Christi, quæ est inter omnes Beda in Iob lib. 3. c. 8. virtutes præcipua, intelligere debemus: de qua, ad diligentes atque amantes Deum, ait Iob c. 39. Apostolus, Copulati in charitate. Cuius vinculis colligandos eos, Propheta olim prædixerat, dicens ad Deum: Labor Ægypti, & negotiatio Æthiopie & Sabaim: viri sublimes ad te transibunt, & tui erunt, & post te ambulabunt, vincenti manibus pergent. Et David, quemadmodum charitatis Dei vinculis per ministros verbi eius vincendi essent credentes, ita loquitur, dicens: Ad alligandos Reges eorum in compedibus, & nobiles eorum in manibus ferreis. Quorum vinculorum nominibus, charitatis Christi fortitudinem voluit demonstrare, qua etiam fortes & potentes in malo, ad amorem Domini constringantur. Hic ergo rhinoceros, id est populus quondam incircumcissus præputio, scilicet carnalium voluptatum, & infidelitate immundus, hoc loro charitatis Dei fortissimo alligatur; ita ut nulla eum creatura separare possit à Christo. Conscit in corpore suo glebas conuallium, duritiam peccatorum; & colit terram Dominicam secundum Apostolum, qui ait: Non estis vestri. Et ideo specialiter Domini est terra, in qua primitus sit omnium peccatorum quasi veprium spinarumque purgatio. Deinde aratro Crucis, quod est ligno & ferro Dominica passionis duritia cordis atteritur, & confringuntur vallium glebæ. Vallium nomine, humiliatos peccatis homines, atque in ima depresso significari existimo; sicut habemus in Psalmo: Ascensiones in corde suo disposuit in valle lacrymarum. Psal. 83.

Nono demum loco, in eiusdem beati ac sancti Iob libro, Crux Christi Domini innuitur ac prædicitur per ipsiusmet Dei os, cum eundem sanctum Iob Nona prophetia Iob c. 40. alloquens ait: In oculis eius quasi hamo capiet eum, & in sudibus perforabit nares eius. An extrahere poteris leuiathan hamo, & fune ligabis linguam eius? Numquid pones circulum in naribus eius, aut armilla perforabis maxillas eius? Pro quorum verborum intelligentia sciendum est, leuiathan appellari animal quoddam, siue draconem marinum immanis vastitatis, ipsumque hoc loco pro diabolo accipi, ut sanctus Gregorius alique multi Patres asseuerant. Quamobrem ut innueret Deus, Unigenitum suum incarnatum Verbum, Christum Dominum humanitatis suæ morte in ligno Crucis, incautum illum quandoque capturum & alligaturum esse, allegoricè ac metaphoricè hamo capiendum & alligandum, sudibusque nares illius perforandas esse dixit. Quibus verbis Crux sancta proculdubio designatur. Hamus enim quo piscatores piscibus insidiantur, manubrium siue ligneam sudem habet, nec non & filum, & vncum ferreum esca opertum. Per lignum ergo Crucem sanctam Deus innuere voluit; per vncum esca obtectum, vim diuinitatis Christi humana carne velatam; & per filum, sanctam eius prædicationem. Quibus instrumentis, virulentus ac truculentissimus serpens ille leuiathan, nil tale cogitans, improvidè captus & alligatus est. sic namque locum hunc intellexit atque exposuit magnus ille sanctus Antonius, ut in eius Vita refert Athanasius, his verbis: Hamo Crucis, ut draco In vita S. Antonij. aduncatus à Domino est, & capistro ligatus ut iumentum; & quasi mancipium fuditum, vinctus circulo, & armilla labia perforatus, nullum omnino fidelium deuorare permittitur.

Quod autem verbis prædictis Crux sancta innuatur atque signetur, etiam Beda testatur, cum inquit: Verba hæc Patris de Filio sunt: Pater inquit de Filio, In Iob li. 3. cap. 9. quod diabolus esset ab eo capiendus. In oculis ait, id est in ipso intelligentiæ lumine, ubi est visus sapientiæ naturæ rationalis: ibi inquam diuinâ Sapientiâ captus est, dum per calliditatem suam atque versutiam non videt cuius carnem morte apprehenderit deuorandam: & sudibus nares eius perforantur, id est furentem seuitiam, atque in Sanctorum



interitu mirè aëstibus anhelantem, Christus Dominus conterit & perturbat. Sanctos A  
verò propter lignum Crucis non absurdè hîc sudes intelligendos puto. sic utique humiliat & confringit Dominus inimicum, dum eum per eosdem Sanctos ligno Crucis suæ re-  
tundit. Hæc Beda. Sicque utinam, per sanctæ Crucis virtutem immanis super-  
biæ eius feritas, & calliditatis acumen semper obtundatur, ut ex Christi fideli-  
bus nemini unquam nocere possit. Amen.

## CAPUT V.

## De sanctæ Crucis Prophetiis, quæ libro Psalmorum continentur.

2. Tim. 3.  
S. August.  
In Prologo  
libri Psalmorum.

Hæc ea-  
dem ferè  
diuus Basi-  
lius in pri-  
mi Psalmi  
Homilia.

Liber Psalmorum  
thesaurus  
sapientie  
consumma-  
tissimus.

Argum.  
in Psalm.

Prima pro-  
phetia seu  
adumbra-  
tio Crucis  
ex Psalmo  
primo.

OMNIS Scriptura diuinitus inspirata (inquit Apostolus, idque sanctus B  
Augustinus repetit) utilis est ad docendum. Atque hac ipsa de causa sacra Scriptura Spiritus sancti afflatu conscripta est, ut ab ipsa, velut ex communi  
ni quodam sanitatis fonte, unusquisque nostrum suis propriis infirmitatibus  
atque passionibus congruentia haurire possit remedia. Alia namque sunt quæ  
Prophetæ tradunt, alia quæ docet historia. Legis quoque alia, & Prouerbiorum  
etiam alia est commonitio. Nec non & alia documenta sunt, quæ ex ceteris  
sacris Libris nobis præbentur. At Psalmorum liber, subdit idem diuus Augusti-  
nus, quæcumque utilia sunt ex omnibus continet: futura enim prædicit, vete-  
rum gesta commemorat, legem viuientibus tribuit, rerum gerendarum mo-  
dum statuit: docetque, quonam pacto homines in mundi huius rerum vicissi-  
tudine & commutatione sese gerere debeant; & qua tandem ratione iter suum  
dirigant, ut ad quietem, ad pacem, ad veram vitam, quæ Deus est, ad sum-  
mam nempe felicitatem & bonum valeant peruenire. Et ut breuiter dica-  
mus, communis quidam bonæ doctrinæ thesaurus est, aptè singulis neces-  
saria subministrans. Hinc enim omnis fidei confirmatio, omnis spei viuifi- C  
catio, omnis charitatis perfectio, omnis norma iustitiæ, omnis prudentiæ  
acquisitio, omnis temperantiæ ornamentum, omnis fortitudinis firmamen-  
tum, omnis patientiæ regula, omnis libidinis extinctio, omnis pudicitæ de-  
cor, omne incitamentum ad bonum, omnis cohibitio à malo, omnis vir-  
tutis amor, & omne vitij odium exhauritur. Hîc vera Dei adest scientia;  
Christique aduentus, passionis, Crucis, mortis, & resurrectionis prænun-  
tiatio. Hinc communis resurrectionis spes, suppliciorum metus, gloriæ pol-  
licitatio, mysteriorum reuelatio, & ut summatim dicam, quidquid boni  
dici potest, ex Psalmorum lectione ac studio comparatur. Consentaneum  
igitur est, ut cum de sanctæ Crucis Prophetiis, quæ superioribus libris iuxta sa-  
crorum Bibliorum ordinem continentur, hætenus tractauerimus, agamus  
nunc de his, quæ sacro Psalmorum libro siue Psalterio diuinitus includuntur.  
Etenim ille tamquam locupletissimum monile quoddam, gemmis hisce pre- D  
tiosissimis præ omnibus ceteris sacre Scripturæ libris est refertissimus. Vnde  
Theodoretus: *Psalterium passim Domini Christi cruciatum, reditumque in vitam  
vaticinatur.*

Primo igitur Psalmo, prima omnium sanctæ Crucis prophetiarum conti-  
netur quæ in Psalterio habentur, versiculi nimirum illius verbis: *Et erit tamquam  
lignum, quod plantatum est secus decursus aquarum.* Quasi Psalmista hoc loco dice-  
ret, sanctam Crucem lignum illud esse, quod iam præfiguratum est in arbo-  
re vitæ in paradiso terrestri plantata secus amœnum ac iucundum murmur  
aquarum, immensum gratiarum & misericordiarum mare præsignantium,  
quas Deus optimus in maximus in genus humanum conferre decreuerat per hoc  
sanctum



**A** lignum, quod vitam æternam his omnibus elargitur, qui viua fide illud amplectentes, illius fructus degustare voluerint. Ad quod alludens, ita sanctus Hilarius: *Illic enim plantatum hoc lignum est, quo latronem illum, se Dominum confitentem, Dominus (qui Sapientia est) introduxit, dicens: Amen amen dico tibi, hodie mecum eris in Paradiso. Huius quoque beati ligni non dedignatus est in se docere virtutem, cum pergens ad Crucem ait: Quia si in humido ligno hoc faciunt, in arido quid fiet?*

In Psal. 1.  
enarrat.

Secundò, Crux sancta prophetata atq; apertè demonstrata est in quarti Psal-  
mi versiculo illo: *Signatum est super nos lumen vultus tui Domine.* His enim ver-  
bis Psalmista alludere voluit ad sanctæ Crucis signum, quod prophetici spiri-  
tus lumine illustratus, in Confirmationis sacramento cuiuslibet Christi fidelis  
fronti imprimendum præuidit: quod sacrosanctum & venerabile signum  
tantam lætitiā & fortitudinem cordibus nostris confert, ut sanctam Christi  
fidem etiam in maioribus mortis periculis audacter confiteamur. Atque hoc  
idem signum fidelium cordibus in vniuersalis iudicii die lætitiā atq; fiduciam  
ingeret, & illos ab æternæ damnationis timore tutos reddet. In cuius rei figuram  
& præsignificationem, iam Deus apud Ezechielem præceperat signo Tau fron-  
tes eorum obsignari, qui flentes ac gementes erant super iniquitatibus, quæ tunc  
temporis patrabantur, ut superiùs iam non semel diximus. Vnde Hieronymus:  
*In cuius facie lumen Domini signatum est, iste reuelata facie gloriam Domini contempla-*  
*tur: tale signum in gementium frontibus in libro Ezechielis Prophetæ notari Domi-*  
*nus præcipit.* Alibi quoque idem diuus Hieronymus: *Ozias Rex, inquit, fuit vir iu-*  
*stus, & fecit rectum in conspectu Domini, ædificans templum, aqueductum fabricans,*  
*offerens vasa, & pro hoc meritò aduersarios superans, quodque maximum pietatis in-*  
*dicium est, habens multos in suo imperio Prophetas. Hic, quamdiu vixit Zacharias sa-*  
*cerdos cognomento Intelligens, placuit Deo, & cum omni veneratione delubrum ingres-*  
*sus est. Postquam verò Zacharias obiit, volens per se offerre donaria, sacerdotalem or-*  
*dinem non tam piè quàm audacter inuasit: & reclamantibus Levitis & Sacerdoti-*  
*bus ceteris; Nonne tu es Ozias Rex, & non sacerdos? audire noluit; statimque lepra*  
*perfusus in fronte est, iuxta Prophetæ vocem dicentis: Imple Domine facies eorum igno-*  
*minia. quam corporis partem sacerdos auri lamina protegebat; quam in Ezechiele Domi-*  
*nus iubet Tau litteræ impressione signari: de qua David exultauit, dicens: Signatum est*  
*super nos lumen vultus tui Domine, dedisti lætitiā in corde meo.*

Secunda  
prophetia  
de Cruce,  
ex Psal. 4.

In Psal. 4.

Ad Da-  
maum  
Epist. 143.  
Tom. 3.

Idem etiam sanctus Cyprianus martyr & Pontifex innuere voluit, cum in-  
quit: *Sic Ozias Rex, cum thuribulum ferens, contra Legem Dei sacrificium sibi vio-*  
*lenter assumens, resistente sibi Azaria sacerdote, obtemperare nollet & credere, diui-*  
*na indignatione confusus, & lepræ varietate in fronte maculatus est; ea parte corporis*  
*notatus offenso Domino, ubi signantur qui Dominum promerentur.* Quod autem  
eisdem Psalmi verbis innuatur sanctæ Crucis signum, quo Christi fideles in  
fronte signantur, apertè etiam sanctus Ambrosius affirmat: *Quod est ergo lumen*  
*signatum, nisi illius signaculi spiritualis, in quo credentes signati sunt? Sed longè aper-*  
*tius id etiam Cassiodorus asseuerat his verbis: Crux nobis impressa est, in signum*  
*Regis nostri, quæ est lumen vultus: quia in talibus radiat Deus.*

De vnitate  
Ecclesiæ  
Catholicæ.

De Spiri-  
tu sancto,  
lib. 4. c. 17.

In Glossa  
ordinaria.

Tertiò, Crux sancta verbis illis septimi Psalmi prophetata ac præsignata est,  
vbi dicitur: *Exurge Domine in ira tua, & exaltare in finibus inimicorum meorum.* Quasi sanctus Rex & Propheta David Spiritus sancti lumine illustratus, horri-  
bile facinus, & impiissimum scelus Iudæorum præuidens, quo verum Regem  
suum atque Messiam in Crucis ligno exaltaturi ac perempturi erant, eos ini-  
micos suos appellauit; iustissimam Dei iram innuens, quæ in eos ruitura erat,  
cum à Tito Vespasiani filio, in tanti sceleris tamque immanis crudelitatis ultio-

Tertia  
prophetia  
ex Psal. 7.



In Psal. 7. nem, deiectioni atque euerfi sunt. Vnde appositè Basilii: *Mysterium resurrectionis* A  
Homil. 2. iam agi optat Propheta, in ignominiam ipsorum, aut in Cruce exaltationem, quæ futura erat, postquam ad vltimum terminum malitia inimicorum exaltata esset.

Quarta  
Prophetia  
ex Psal. 16. Quartò, sanctus Rex Dauid brachiorum Christi Domini in Cruce extensionem prophetico spiritu innuit, cum in sanctæ Ecclesiæ & cuiuslibet fidelis persona, sub gallinæ metaphora, quæ alas suas extendens, dilectosque pullos sub eis, ne à rapacibus volucris rapiantur, protegit, Christi brachia in Cruce extensa alas appellauit; sic enim in Psalmo decimo sexto: *Sub vmbra alarum tuarum protege me à facie impiorum, qui me afflixerunt.* Ad quod appositè Ambrosius: In Psal. 118. *Dauid, inquit, in vmbra alarum Domini Iesu sperare se dicit. Zaccheus in arborem enarrat. sycomori ascendit, vt Christum videret. Nobis quoque expandit manus suas Iesus, vt octonar. 3. totum mundum adumbraret. Quomodo non sumus in vmbra, qui Crucis eius protegimur velamento? Quomodo non sumus in vmbra, quos crucifixus à malignitate seculi & corporis ardore defendit?* B

Quinta  
prophetia  
ex Psal. 19. Quintò, Crux sancta Christi verbis illis Psalmi decimi noni prophetata fuit: *Memor sit Dominus sacrificij tui, & holocaustum tuum pingue fiat.* Quæ verba Regius Propheta æterno Patri dixerit, statim cum prophetici spiritus lumine illustratus passionem & mortem præuidit, quam vnigenitus Filius eius in Crucis ligno pro peccatis nostris subiturus erat, suppliciter obsecrans eum, vt sacrosancti atque admirabilis sacrificij illius memor, ipsius gratia nobis misereri dignaretur; & vt holocaustum illud, in reatus nostri conciliationem, gratè susci-

In Psal. 19. peret. Vnde ad hoc Hieronymus: *Memor sit Dominus, inquit, sacrificij tui; hoc est, vt redimat per passionem suam. Quia Christus ipse est Rex, & Sacerdos, & Hostia; qui semetipsum obtulit in passione, qua pro nobis sanguinem suum fudit. Holocaustum tuum pingue fiat; id est, acceptabile sit Deo. Holocaustum est totum combustum, quia Christus cum corpore & anima ascendit in Crucem.* Et Rufinus Aquileiensis In Psal. 19. in Psalmum hunc scribens, super verbis eisdem inquit: *Memores nos faciat omnium iniuriarum & contumeliarum, quas pro nobis pertulisti: & Crucem, in qua totus oblatu es Deo, in letitiam resurrectionis conuertat. Holocaustum quidem eius pingue apparuit, quando in Cruce pendens, & se ipsum pro nobis Deo offerens, pinguedine charitatis plenus, pro suis persecutoribus exorauit, dicens: Pater ignosce illis, quia nesciunt, quid faciunt. O dulcis Domine, quàm pingue cor tuum fuit, quàm suauiter arsit, quàm mirabiliter pro nobis intus redolet?* C

Sexta pro-  
phetia ex  
Psal. 21. Sextò, Christi Domini nostri passio & mors in Crucis patibulo prophetata fuit in vigesimi primi Psalmi versiculo qui incipit: *Deus Deus meus respice in me, quare me dereliquisti?* Quo loco animaduertendum est, verba illa, *Respice in me*, quæ Vulgata nostra habet editio, in Hebraico textu non adesse, neque in diui Hieronymi versione; sed à Septuaginta interpretibus superaddita fuisse: sicque iuxta Hebraici textus veritatem ibi tantummodò dici: *Deus Deus meus, quare dereliquisti me?* sunt illa ipsa verba, quæ Christus Dominus, dum penderet in D

In Psal. 21. *simum. Quamobrem appositè sanctus Hieronymus: Hoc versiculo, inquit, Dominus in Cruce pendens vsus est. Ex quo animaduertimus, totum Psalmum à Domino in Cruce posito decantari.* Et Tertullianus testatur Psalmum hunc omnia Christi passionis continere mysteria. vnde contra Marcionem scribens, ait: *Ceterum, si adhuc quaris Dominicæ Crucis prædicationem, satis iam tibi potest facere vigesimus primus Psalmus, totam Christi continens passionem.* Diuus autem Augustinus de primo

Aduersus  
Marcionē  
lib. 3. c. 19.



A mo huius Psalmi versiculo pariter differens, inquit: *Issum versum primum in* In Psal. 21.  
*Cruce audiuius, ubi Dominus dixit: Eli, Eli, quod est, Deus, Deus meus: lamma sa-* exposit. 2.  
*baethani; quod est, quare me dereliquisti? Et paulò post subdit: Ipsum Verbum quod*  
*Deus erat, caro factum est, & habitavit in nobis. Et cum Verbum Deus factum esset*  
*caro, pendebat in Cruce, & dicebat: Deus meus, Deus meus, respice in me, quare me*  
*dereliquisti?*

Theodoretus verò ex eiusdem Psalmi titulo, qui ita se habet, videlicet, *In fi-*  
*nem pro susceptione matutina;* argumentatur & probat, Psalmum hunc Christi ad-  
 ventum, Crucem, & resurrectionem, nec non & vocationem Gentium, ac uni-  
 uersi orbis salutem prædicere: eiusdemque Psalmi inscriptionem, siue titulum,  
 hæc omnia apertè ostendere testatur. Nam de eo sic tradit: *Hic Psalmus Domini* In Psal. 21.  
*Christi Crucem, & resurrectionem, & Gentium vocationem, & totius orbis salutem*  
*prædicat. Inscriptio hoc demonstrat. Susceptio matutina, nostri Saluatoris est aduentus,*

B *qui instar auroræ, in tenebris sedentibus illuxit. Lux enim vera est Dominus: nascens*  
*autem lux diluculum efficit: qua exorta, soluantur tenebræ. In ipsum igitur dictatus est*  
*hic Psalmus: nam potius sacris Apostolis credendum est, & ipsi Saluatori, qui prin-*  
*cipio huius Psalmi clarè usus est, quam his qui aliter interpretari conantur: patibulo*  
*enim suffixus, in hanc vocem prorupit, ipsa Hebraica voce usus: Eli, Eli, lamma sabachthani.*

In primo autem prædicti Psalmi versiculo Domini nostri Crucem innui  
 ac præsignari, non tantum diuus Basiliius affirmat, verum etiam causam decla-  
 rat cur Dominus ipse verba illa dixerit; inquit enim: *Ligno Crucis suffixus Do-* Hæc Basilij  
*minus hac voce usus est dialecto Hebræa. Hæc autem dicit pro tota natura humana,* verba ha-  
*cuius est primitiæ. Quod & sequentibus verbis etiam fecisse constat, nimirum:* bentur in  
*Longè à salute mea, verba delictorum meorum. Quasi diceret: Ne respicias quæso* Glossa or-  
*fragilis humanæ naturæ delicta, sed salutem ei tribue, idque passionis meæ me-* dinaria.  
*ritorum intuitu.*

C Septimò, licet, ut iam prædiximus, totus hic Psalmus vigesimus primus de *Septima*  
 Domini nostri Iesu Christi Cruce, ac de passionis eius mysteriis loquatur, cru- *propheta,*  
 cifixio tamen, ac venerandarum manuum ipsius in Cruce suffixio decimo octa- *eaque aper-*  
 uo eiusdem Psalmi versiculo apertius præsignatur; ubi dicitur: *tissima, ex*  
*Foderunt manus* eod. Psal. 21  
*meas, & pedes meos, & dinumerauerunt omnia ossa mea.* Quod, ut Tertullianus asse-  
 rit, propria est Crucis atrocitas. Verum quia peruidaces ac perfidi Iudæi con-  
 tendunt, Psalmum hunc, non de Christo, sed de Dauid vel de alio quopiam  
 loqui; ad hoc Lactantius Firmianus optimè respondit his verbis: *Quæ utique* Diuin. In-  
*Propheta non de se locutus est. Fuit enim Rex, & numquam perpeffus illa: sed Spiritus* stit. De vera  
*Dei per eum loquebatur qui fuerat illa passurus, post annos mille & quinquaginta. Tot* sapientia &  
*enim colliguntur anni, à regno Dauid vsque ad Crucem Christi.* Religione  
 lib. 4. c. 18.

Quòd autem verbis prædictis de clauis, quibus Christi Domini manus &  
 pedes Cruci suffixi fuerunt, apertissimè habeatur sermo, sanctus Iustinus martyr

D affirmat inquiens: *Illud verò, Foderunt manus, & pedes meos, narratio est de clauis,* In Apol. 2.  
*manibus pedibusque eius in Cruce infixis.* Et alibi de hoc ipso loquens, non tantum *pro Chri-*  
 probat, hoc loco de clauis, quibus Dominus ac Redemptor noster Cruci af- *stianis, ad*  
 fixus est, sermonem institui; verum etiam falsam opinionem, vel, ut veriùs di- *Antoninū*  
 cam, peruidacissimam Hebræorum perfidiam reprobatur, qui contententes nullo *Pium.*  
 pacto admittere volunt, de Christo Domino in hoc Psalmo mentionem ha-  
 beri: in sua enim cum Tryphone Iudæo disceptatione, sic tradit: *Quando cruci-* In Dialogo  
*fixerunt, clauis infixis, manus pedesque eius foderunt. Et qui iam crucifixerant eum,* cū Trypho-  
*diuiserunt vestes eius inter se, aleam ludentes; ut iuxta sortis iactum, quisque quod* ne Iudæo.  
*eligere volebat, sumeret. Psalmum istum non in Christum conceptum esse ait, cæcutien-*  
*tes prorsus, neque intelligentes, neminem in gente vestra, qui vñquam Rex Christus, siue*



*Vinctus, sit dictus, manus & pedes, cum viueret, perfossus, neque per mysterium hoc mortuum, hoc est in Cruce suspensum esse, extra hunc Jesum.* A

De ciuitate Dei, lib. 17. cap. 17. Diuus quoque Augustinus, operum suorum non vno quidem, sed locis quamplurimis probat, Regium Prophetam hinc propriè intellexisse de clauis, quibus Dominus ac Redemptor noster Cruci suffixus est: præsertim verò ubi ipsa Dauid verba referens ait: *Foderunt manus meas, & pedes meos; dinumerauerunt omnia ossa mea: ipsi verò considerauerunt, & inspexerunt in me. Quibus utique verbis, in Cruce corpus significauit extensum, manibus pedibusque confixis, & clauorum transuerberatione confossis; eoque modo se spectaculum considerantibus præbuisse.*

In Psal. 21. expolit. 2. Et alibi ad hoc institutum ipsum subdit: *Foderunt manus meas, & pedes meos; dinumerauerunt omnia ossa mea. Quando pendens extensus erat in ligno. Non potuit melius describi extensio corporis in ligno, quam ut diceret: Dinumerauerunt omnia ossa mea. Ipsi verò considerauerunt, & non conspexerunt me. Considerauerunt, & non intellexerunt; conspexerunt, & non viderunt; usque ad carnem oculos, non usque ad Verbum cor habuerunt.* B

In Psal. 21. Sanctus verò Hieronymus verba eadem, *Foderunt manus meas & pedes meos, dinumerauerunt omnia ossa mea*, pariter exponens, apertè ostendit atque declarat, clauis ea fuisse perfossa; sic enim tradit: *Foderunt manus meas, & pedes meos. Præteritum pro Futuro ponitur. Foderunt, clauis fixerunt: & fructum magnum inueniunt; id est salutem Gentium. Et dinumerauerunt omnia ossa mea. In Cruce distenta conspexerunt membra sua.* Et Tertullianus eiusdem Psalmi verborumque prædictorum textum iuxta aliam litteram, sed ad eundem sensum sic legit: *Exterminauerunt manus meas, & pedes meos: dinumerauerunt omnia ossa mea. Ipsi autem contemplati sunt, & viderunt me; & in siti mea potauerunt me aceto.* Addens non hoc Dauid perpassum fuisse, ita ut de se ipso hæc dixisse quis suspicari possit; manusque ac pedes nulli perfodi consuetum esse, præterquam his qui ligno suspenduntur. quod & magnus Athanasius testatur, cum inquit: *Nullo genere mortis perfodiuntur manus & pedes, præterquam in Cruce.* C

De incarnatione Verbi Dei. Et sanctus Isidorus verba ipsa Dauid, de quibus nobis nunc est sermo, referens, diuique Augustini dicta secutus, hæc ad posterorum memoriam commendauit: *Quibus verbis in Cruce corpus extensum, manibus pedibusque confixis, & clauorum transuerberatione confossis. Quod Dauid passus non est, qui sine vlla corporis passione, legitur in pace quiescere. Sed hoc de Christi prædictum est passione, qui à populo Iudeorum clauis in ligno confixus est. Manus enim & pedes non confodiuntur, nisi eius qui ligno suspenditur.* Ruffinus autem Aquileiensis eundem quoque

In Psal. 21. comment. Psalmum exponit hoc modo: *Foderunt, id est, clauis fixerunt manus meas, & pedes meos: dinumerauerunt omnia ossa mea: extendendo me in Cruce, quasi dinumerabilia ea esse ostenderunt.* Verum Theodoretus, prophetiam hanc de Christi manibus & pedibus clauis perfossis, Crucisque ligno affixis, adeò euidenter & clarè loqui, asseueranter affirmat, ut hoc ipsis etiam pernicacissimis & nimium pertinacibus manifestum esse possit; sic enim tradit: *Et hoc manifestum est, & clarum etiam valde pertinacibus. Audiuimus enim in sacris Euangelis ipsum Dominum suis sanctis Discipulis dicentem: Videte manus meas, & pedes meos, quoniam ego ipse sum. Atque etiam Thomæ clauorum signa ostendit, & plagam telo illatam. Hoc autem: Dinumerauerunt omnia ossa mea, hoc significat, quoniam sic me distenderunt crucifigentes, ut facile foret cuilibet ossa enumerare. Venerabilis quoque Beda in Psalmum hunc scribens, quasi in Christi persona verba contexens ait: Vniuersus cœtus malignantium Iudeorum obsedit me in iudicio damnationis, ne euaderem. Et obsidentes, foderunt manus meas, & pedes meos, clauis in Cruce affixis. Et dinumerauerunt omnia ossa mea, id est, ita me in Cruce extenderunt, ut dinumerare possent omnia ossa mea.* D



**A** At peruicacissimi Iudæi animaduertentes, perfidiam contra hunc Scripturæ locum non habere perfugium, asserunt in Hebraico textu non legi *foderunt*, sed, *sicut leo*. Verum sciendum est, hanc esse vnam ex correctionibus, seu veriùs, corruptionibus illis, quas temerario ausu fecerunt Scribæ eorum, quos *Sophrim* appellant. Quæ deprauationes ab eorum Rabbiniis vocantur *Ticcum Sophrim*, id est emendationes seu correctiones Scribarum: quas, Iudæorum quidam adeò impudentes sunt, vt ab Esdra factas fuisse affirmare audeant. Sed hoc euidens atque impudens mendacium hinc facile conuincitur. Nam si ab Esdra factæ fuissent, vt ipsi falsò confingunt, non *Ticcum Sophrim*, sed *Ticcum Ezra* ab eisdem Rabbiniis proculdubiò vocarentur. Quòd autem verum sit, prædictos Scribas verbum hoc *foderunt* deprauasse, apertè fatetur Rabbi Moyses Hardasan suis in Genesim Commentariis; vbi inter cetera, hunc ipsum xxi. Psalmi versum citat, quem ita legit: *Circumdederunt me canes, synagoga, vel concilium malignantium obsederunt me*. Deinde verò Rabbiniis ipse subdit, dicens: *Remouerunt inde כרז caru, quod Foderunt significat, וכתבתי caari scripserunt; quod idem est, quod Sicut leo*. Et paulò post idem Rabbiniis addit; hinc Scribas eosdem magnæ synagogæ Sophrim viros, id est, Numeratores appellatos esse; quia omnes litteras quæ sunt in Lege numerauerunt, illasque considerauerunt ac declarauerunt.

*Quomodo Iudæi in a-  
pertissima  
luce volen-  
tes cacu-  
tiant.*

De quorum Scribarum ausu temerario, in sacrarum Scripturarum textu pro animi eorum impetu adulterando, Petrus Galatinus fusiùs agit; eorumque malitiam prodens, loca complura in medium adducit, quæ ab ipsis deprauata fuisse demonstrat. Quod sanè impij atque scelesti Scribæ illi contra Dei mandatum facere non verebantur, qui per os Moysis expressè vetuerat, ne à Lege & sacris Scripturis vel punctum quidem adimere vel addere auderent, dicens: *Non addetis ad verbum, quod vobis loquor, nec auferetis ex eo*. At Ieremias Prophe-  
**C** ta prædictorum *Sophrim* Legis Scribarum iniquitatem & malitiam prospiciens, qua sacras Scripturas deprauare consueuerant, acerbè id eis exprobrans, seuerissimè minitatur, captiuitatemque ac miseriam, in quam ruituri erant, interminatur hoc modo: *Quomodo dicitis, Sapientes nos sumus, & Lex Domini nobiscum est? Verè mendacium operatus est stylus mendax Scribarum. Confusi sunt sapientes, perterriti & capti sunt. Verbum enim Domini proiecerunt, & sapientia nulla est in eis*. Prætereà, licet nihil aliud adesset, quod ad prædictorum Scribarum falsitatem, ac loci huius deprauationem detegendam ac reprobendam faceret, litteræ tamen solus sensus nobis sufficeret, qui mutilus & dissonans manifestè apparet: sensus enim litteræ, siue textus eiusdem, iuxta eorum corruptionem, ita diceret: *Concilium malignantium obsedit me, quasi leo, manus meas & pedes meos*. Vbi quilibet vir iudicio pollens ac prudens expendere poterit, quid in hoc congruentiæ esse possit, vt leo manus & pedes cuiuspiam obsederit.

*Lib. i. cap. 8.*

*Deut. 4.*

*Ierem. 8.*

Octauò, sancta etiam Christi Domini Crux præsignata & prophetata fuit in eiusdem Psalmi vigesimo secundo versiculo, vbi dicitur: *Salua me ex ore leonis, & à cornibus vnicornium humilitatem meam*. Quibus verbis Iustinus Martyr sanctam Crucem innui putat; sic enim inquit: *Denuntiantis est, quamam passione & pœna, Crucis scilicet moriturus esset. Nam quòd omnium cornuum vnicornium cornu solum Crucis forma sit, antea vobis explicaui*. de quo nos etiam satis fusè superiùs. Verum Tertullianus hanc ipsam prophetiam apertiùs aliquantulum sic exposuit: *Et rursus, inquit, cum auxilium Patris implorat: Saluum, inquit, fac me ex ore leonis, vtique mortis: & de cornibus vnicornium humilitatem, de apicibus scilicet Crucis, vt supra ostendimus. Quam Crucem nec ipse Dauid passus est, nec vllus Rex Iudæorum; ne putes alterius alicuius prophetari passionem, quam eius qui solus à populo tam insigniter crucifixus est.*

*Ostana prophetia de Cruce ex Psal. 22. In Dialogo cum Tryphone Iudæo.*

*Cont. Mar-  
cionē lib. 3  
cap. 19.*

Nonò,



Nonò, Crux sancta Domini verbis quoque illis Psalmi vigesimi secundi præ-  
 Pfalm. 22. signata, & prophetico spi-itu prædicta est: *Virga tua, & baculus tuus ipsa me con-*  
 Nona pro solata sunt. Quasi Regius Psalter ibi dicere voluerit: Virga sanctæ Crucis, ô vni-  
 pheta ex genite Fili Dei, incarnatum Verbum, in qua redemptionem nostram operatu-  
 Psal. 22. rus es, ipsa me consolata est; non secus ac senes & imbecilles baculo fulciuntur.  
 Virga enim siue baculo eiusdem sanctæ Crucis tuæ, infirmitas atque imbecilli-  
 tas nostra, quasi senum & claudorum vacillatio roborata, ad rectum iter à quo  
 In Scholiis longè aberraueramus, reducta est. Vnde ad ea verba Basilii: *Virga etenim in-*  
 ad Psal. 22. *firmitatem meam corroborat, at hoc in viam rectam me dirigit: verum haud procul à*  
*scopo aberrauerit quis, si salutiferam Crucem hisce nominibus insigniuerit. Huius quippe*  
*signaculo & commemoratione ab hostibus liberati, in rectum tramitem reuocamur. At-*  
*que super eisdem, eadem ferè verba Theodoretus etiam replicauit.*

Decima verò sanctæ Crucis prophetia sacro Psalmorum libro inclusa, vt ma-  
 Decima gno illi Patri & Christi martyri Cypriano placet, in vigesimi tertij Psalmi ver-  
 prophetia bis illis consistit: *Quis ascendet in montem Domini, aut quis stabit in loco sancto eius?*  
 ex Psal. 23. *Innocens manibus, & mundo corde* Vult enim idem Sanctus, siue quicumque alius  
 Auctor tra- Auctor tractatus De montibus Sina & Sion, pro monte hoc  
 S. Cyprian. loco Crucem sanctam intelligi debere. Quasi Psalmista Saluatoris nostri pas-  
 siue qui- sionem & mortem prophetico spiritu præuidens, diceret: *Quis ascendet in mon-*  
 que alius tem Domini, id est, in Crucem sanctam? responderetque: *Innocens manibus,*  
 Auctor tra- *& mundo corde;* vnigenitus nimirum Dei Filius factus homo, qui manus suas  
 & tus De Crucis ligno clauis confixas extendens, solus inter omnes homines innocens  
 montibus manibus, & mundo corde dici potest; quippe qui peccatum non fecit, nec in-  
 Sina & Sion uentus est dolus in ore eius. Vnde ipse solus ab æterno Patre benedictionem &  
 misericordiam pro nobis omnibus accipere meruit. Quamobrem idem Cy-  
 prianus verba prædicta declarans, ait: Sic verò *Propheta declarat lignum passionis*  
 Dominica esse montem Sion sanctum, in spiritu ita dicens: *Quis ascendet in montem*  
 Domini, aut quis stabit in loco sancto eius? *Innocens manibus, dextera laeuæque exten-*  
 sis, clauis fixis, innocentiam demonstrans. Idò dicit: *Innocens manibus, & mundo cor-*  
 de, qui non accepit in vano animam suam, & non iurauit subdolè proximo suo: hic acci-  
 piet benedictionem à Domino, & misericordiam à Deo saluari suo. Omnis passio homi-  
 num in terram cadet; hæc sola passio Crucis stantem demonstrat. Vnde verum dicimus,  
 montem sanctum lignum esse passionis. Inde innocens manibus, & mundo corde; hoc dicto  
 Prophetico Iudeos redarguebat, qui Moysen præponunt Christo Domino illius: eò quòd  
 Moyses cum in montem Sina ascendisset, vt Legem Iudeis acciperet, innocens manibus,  
 & mundo corde non fuit; nec enim mundus corde, eò quòd Egyptium calce percussisset in  
 Ifaia 2. *Ægypto, & mortificauerit eum, & manibus suis eum in arena obruerit. Christus autem*  
*in montem sanctum ascendit lignum Regni sui, vt moreretur à Iudeis. Quamquam ipse*  
*aliquem hominum non mortificauerit, nisi solum diabolum, inimicum generis humani. Ex-*  
*inde in montem ascendit innocens, & mundus corde. Et idè Propheta dicit: Quis ascen-*  
*det in montem Domini, & quis stabit in loco sancto eius? Innocens manibus, & mundo*  
*corde. Et declarauit montem sanctum Sion esse sanctam Crucem, dicente æquè Propheta:*  
*De Sion exiit lex, & verbum Domini ab Ierusalem. Lex Christianorum Crux sancta*  
*Christo Filio Dei viui, dicente æquè Propheta: Lex tua in medio ventris tui. Percussus*  
*est in luteris ventre de lancea, sanguis & aqua mistus profusus fluebat, vnde Ecclesiam*  
*sanctam sibi fabricauit, in qua Legem passionis sue consecrabat.*

Vndecima Saluatoris nostri Iesu Christi crucifixionis prophetia, in vigesimi  
 septimi Psalmi verbis illis consistit: *Exaudi Domine vocem deprecationis meæ, dum*  
 ex Psal. 27. *oro ad te, dum extollo manus meas ad templum sanctum tuum.* Quasi sanctus ac Re-  
 gius Propheta ibi in Christi Domini persona loqueretur, dum pendens erat in  
 Cruce,



- A Cruce, æternumque Patrem oraret, dicens: Exaudi Domine orationem, quam ad te dirigo, dum extollo manus meas ligno Crucis confixas, pro his qui in me credent, qui templum sanctum tuum fient; unde in Glossa interlineari sic legitur: *Quia manus in Cruce extollo, non pro culpa, sed ut Ecclesiam constituam.* Quibus verbis innui videtur, Spiritum sanctum ibi in Christi persona locutum dixisse: Exaudi, ô Pater æterne, orationem meam, quia ad te extollo manus meas Cruci suffixas, non culpa mea, sed ut Ecclesiam constituam, quæ erit templum sanctum tuum. Cum forsitan Glossa ibi alluderet ad id, quod iam diuus Augustinus dixerat: *Dum extollo manus meas ad templum sanctum tuum; dum crucifigor ad eorum salutem, qui credentes fiunt templum sanctum tuum.* Idem quoque Hieronymus sentire videtur, verbis nimirum prædictis Saluatoris nostri crucifixionem innui ac præsignari. Nam locum hunc exponens, ait: *Exaudi vocem deprecationis meæ, dum oro ad te. Orauit Christus in Cruce pro toto mundo, & pro Iudeis, & pro Apostolis.* Dum extollo manus meas ad templum sanctum tuum. Extollo manus meas, id est, extendi eas in Cruce, ad templum sanctum tuum, id est, ad hoc extendi, ut templum tibi præparem, hoc est, corpus Ecclesiæ.
- B

Duodecima Domini ac Redemptoris nostri Iesu Christi passionis & Crucis prophetia in trigesimo septimi Psalmi verbis illis consistit: *Quoniam ego in flagella paratus sum.* nam ibi Dauid in Christi persona in passione constituti, locutus est: quasi diceret: Ego paratus ad flagella, ad crucifixionem, ad lanceæ ictum, & ad mortem ipsam sustinendam, ut humanum genus saluetur, pro cuius etiam salute carnem assumpsi. Unde verba hæc exponens idem Hieronymus, inquit: *Ego autem in flagella paratus sum. Præparo me ad sustinendam Crucem, lanceam, fel, acetum; ut per hanc mortem, meo sanguine redimam populum pereuntem: quia Christus ad hoc venit, ut passionem sustineret.*

- C Decimatertia S. Crucis Saluatoris nostri prophetia versu illo XLIII. Psalmi proditur: *In te inimicos nostros ventilabimus, & in nomine tuo spernemus insurgentes in nobis.* Vbi Psalmista innuere voluit Crucis signum; quo nosmetipsos confingentes, omnem diaboli tentationum importunum impetum à cordibus nostris repellimus. Quod & Theodoretus optime intellexit: nam Psalmi huius verba hæc exponens, ait: *Animalia cornuta, arma cornuta à natura acceperunt; nos verò cornua salutis, victriciaq; arma, ac tuum nomen habemus. Et hoc vtentes, hostes superabimus.*

- D Decima quarta Christi passionis atque probrosæ mortis eius in Cruce prophetia, eiusdem quadragesimi tertij Psalmi verbis illis proditur: *Tota die verecundia mea contra me est, & confusio faciei meæ cooperuit me.* Quo loco Prophetæ proculdubio alludere voluit ad ingentem pudorem & verecundiam, quam Redemptor noster perfusus est, cum semetipsum nudum in Crucis probroso ligno pendentem conspexit. Nam cum verissima esset & summa virginalis modestia, illud sanè vnum fuit ex grauioribus tormentis & cruciatibus, quos in acerbissima passione sua pertulit, quod nudus conspiciendus palam expositus esset. Quamobrem iure optimo dixit sanctus Ambrosius: *Quæ autem confusio Christi, nisi Crux, quod nudus pependit in ea? Et benè tota die, quia ex quo affixus est Cruci, usque ad horam nonam tenebræ factæ sunt; & post horam nonam, lux refulsit usque ad vespèram. Hic est dies primus. Et paulò post subdit: Siue ergo verecundiam Christi intelligere Crucem, quæ Iudeis videbatur esse confusio, qui insultabant ei, quasi erubesceret Christus in eo opere, in quo publicam operabatur salutem.*

Decima quinta Domini ac Redemptoris nostri Crucis & mortis prophetia, quadragesimi quarti Psalmi verbis hisce altè reposita est, nimirum: *Myrrha, & gutta, & casia à vestimentis tuis, à domibus eburneis, ex quibus delectauerunt te filia Regum in honore tuo.* Quam prophetiam per se subobscuram sanctus Basilus



Basilii in  
Psal. 44.  
Conc. II.

lius magnus declarat his verbis : *Descendens consequenter propheticus sermo, & A*  
omnia iuxta incarnationis dispensationē præexponens, per intuitum Spiritus reuelantis  
ipsi occulta peruenit ad passionem. Myrrha enim, inquit, & stacte, & casia à vesti-  
mentis tuis. Myrrha itaque quod sepulture sit signum, etiam Euangelista Ioannes nos  
docuit, ubi dicit, ipsum à Ioseph ab Arimathia sepultum esse cum myrrha, & aloë. Stacte  
verò etiam ipsa myrrhæ species est tenuissima: expresso enim aromate, quantum eius  
fluidum est, in stacten separatur; quod verò crassum remanet, myrrha appellatur.  
Itaque Christi fragrantia myrrham quidem spirat, propter passionem; stacten verò,  
propterea quod non immobilis, neque inefficax, & otiosus permansit tribus noctibus,  
sed descendit ad infernum, gratia dispensationis circa resurrectionem, ut vniuersa se  
ipso impleat; casiam verò spirat, quia casia cortex est tenuissimus, & odoratus, qui  
circum lignosum sarmentum obtenditur. Numquid igitur Crucis passionem in benefi-  
cium omnis creaturæ assumptam altè & sapienter per casia nomen Psalmus nobis insi-  
nuauit? Habes igitur myrrham propter sepulturam, stacten propter descensum ad infe-  
ros; (omnis enim stilla & gutta deorsum fertur) casiam propter carnis circa lignum  
mysterium ac dispensationem. Ex hac autem causa exhilarauerunt te, inquit, filie Re-  
gum in honore tuo. Filie verò Regum quænam fuerint alie, quàm generosa ac magna  
& reginae animæ? quæ propter descensum ad homines, agnito Christo, exhilarauerunt  
ipsum in honore, in vera fide, & perfectâ dilectione, glorificantes ipsius Deitatem.

Sed prophetiam hanc ipsam Theodoretus aliquantulum apertius declarauit  
In Psal. 44. in hunc modum: Myrrham verò nominat Crucem; ipsa enim mortuis potissimum  
affertur. Guttam autem & casiam, suauem odorem qui è Cruce exhalat. Domos ebur-  
neas, vel secundum Symmachum & Aquilam, templa eburnea, pulcherrimas &  
splendidas Ecclesias quas Principes & Reges ubique per orbem erexerunt. Predicit  
igitur corpus cruciatibus affectum fuisse, & odoris suauitate totum orbem impletum;  
adeò ut populi, qui olim errabant, templa ipsi erigant, quæ pulcherrimè elaborata erunt,  
& Regio ornamento micabunt.

Prophetia  
decima-  
sexta ex  
Psal. 50.

Decima sexta sanctæ Crucis prophetia ex sacro Psalmorum libro decerpitur  
verbis illis quinquagesimi Psalmi: *Asperges me Domine hyssopo, & mundabor; la-  
uabis me, & super niuem dealbabor.* Quasi sanctus & Regius Psalter David diceret:  
Quemadmodum prædecessores nostri filij Israël, hyssopo & sanguine agni do-  
morum suarum ostia aspergentes atque tingentes, ab Angeli percutientis mani-  
bus, & ab Ægyptiorum captiuitate liberati sunt; ita & Christi fideles, qui san-  
guine & hyssopo aspergentur, id est eo sanguine, quem Christus ipse in Crucis  
ligno profundet, aqua Baptismatis diluti, super niuem dealbabuntur, atque ab  
Angeli percutientis satanæ manibus liberati, à dæmonum seruitute eripientur.

<sup>a</sup>In Psal. 50.

argum.

<sup>b</sup>In Psal. 50.

Homilia.

<sup>c</sup>In Psal. 50.

interpret.

Sic enim prophetiam hanc Græcorum Patres eminentissimi, <sup>a</sup> Basilii, <sup>b</sup> Chryso-  
mus, ac <sup>c</sup> Theodoretus exponunt. Basilii enim ipse magnus, à quo ceterorum  
Patrum dicta parum differunt, Latinitati donatus sic inquit: *Per Baptismi mu-  
nus, idque solum, purgatio hæc perfici potest.* Quocirca, inquit, gratia opus habeo, quæ  
omnibus hominibus exhibetur. Hæc namque, & hæc quidem sola exactè me abluet, ni-  
uisque albedinem conferet. Hyssopi enim ad peccata expianda vim nullam esse, ex Moy-  
saicis caerimoniis manifestum est: quapropter hyssopus nil aliud quàm spiritualis rei ty-  
pus & umbra fuerit. Cum enim hyssopo sanguinem agni postibus & superliminibus  
ianuarum aspergerent, exterminatoris Angeli manus effugerunt. Quæ quidem caerimo-  
nia, salutiferæ Crucis & passionis Christi imaginem præse ferebat. Nam & hîc san-  
guis, & lignum salutare, & salus, quæ fide accedentibus gratuito confertur.

Prophetia

decima se-

ptima ex

Psal. 54.

Decima septima passionis & mortis, quam Christus Dominus in Cruce per-  
tulit, prophetia altè oblitescit ac tegitur sub quinquagesimi quarti Psalmi ver-  
bis illis: *Cor meum conturbatum est in me, & formido mortis cecidit super me.* Timor  
& tre-



- A** & tremor venerunt super me, & contexerunt me tenebrae. Quasi sanctus Rex ille & Propheta, prophetico spiritu illustratus, verum Regem Messiam & Saluatorem nostrum Iesum Christum prospiceret, in tremenda illa amarissima passionis eius nocte (in quantum homo erat) planè conturbatum atque perterritum, truculentissimorum cruciatuum ac diræ mortis contemplatione, quam tunc se passurum præsciebat; ad quam dum esset in horto, mentis aciem attentè dirigens, extremo animi angore confectus, viui sanguinis guttis vsque in terram decurrentibus, desudauit: & quasi præuideret eum, postquam ligno Crucis suffixus esset, tenebris contectum; dum sol Factoris sui passionem miseratus, obscuram sibi ipsi caliginem offundit, & tenebræ factæ sunt super vniuersam terram. Vnde prophetiam hanc Theodoretus explicans, inquit: *Mirum non est* In Psal. 54.
- B** *si David fugitans, à multisque hostibus persecutionem patiens, mortem timuerit, cum homo esset, & sub Lege viueret, & Euangelicam perfectionem à longè præuideret; etenim ipse Dominus Christus, licet sapius sacris Apostolis prædixisset, Crucemque significasset, cum vehementius obiurgasset diuinum Petrum, qui ne hoc accideret, precabatur, Crucis tempore exclamat: Nunc anima mea turbata est; & tantum mœrorem diuina natura permittit vt humanitas acciperet, vt sanguinis quidem stillicidio sudaret, & ab Angelo confirmaretur, & timorem vinceret: oportebat enim in hoc, vt natura demonstraretur, quæ cruciatus susciperet.* Hæc autem, ac pænè per eademmet verba, sanctus quoque Basilus dixit. S. Basilus in Glossa ordinaria, super eundem Psal.

Decima octaua sanctæ Crucis prophetia quæ ex Psalterio colligitur, quinquagesimi sexti Psalmi versiculo illo diuinitus includitur: *Exaltare super celos Deus, & in omni terra gloria tua.* Quæ quidem verba exponens Ruffinus Aquileiensis, ait: *Vidit Propheta in spiritu Dominum humiliatum, flagellatum, spinis coronatum, ligno suspensum: Iudeos scientes, illum verò tolerantem: illos exultantes, illum quasi victum.* Et post tantam humiliationem, cognouit eum resurrecturum; & omnia illa, quæ fecerunt Iudei scientes, facta esse inania: elatus gaudio, tamquam videret fieri, exclamat, & dicit: *Exaltare super celos Deus. Homo in cruce, Deus super celos. Remaneant in terra scientes; tu in cælo esto iudicans. Et in omni terra gloria tua. Domino enim residente in cælo ad dexteram Patris, ubiq; terrarū prædicata est gloria resurrectionis eius & Diuinitatis. Exaltatum in cælo Dominum non videmus, sed credimus. In omni autem terra gloriam eius non tantum credimus, sed etiam videmus.* Eadem verò, atq; adeò fusius etiam sanctus Augustinus dixit, eiusdem Ruffini contemporaneus. In Psal. 56.

Decima nona sanctæ Crucis prophetia, in Psalterio retegitur quinquagesimi noni Psalmi verbis illis: *Dedisti metuentibus te significationem, vt fugiant à facie arcus.* Quasi Propheta cum Christo Domino locutus, ei dixerit: Tu dedisti Domine fidelibus tuis, nomen sanctum tuum timentibus, signum, id est sanctæ Crucis tuæ vexillum; vt hilari animo te sequentes, in tribulationibus huius sæculi gratiarum actiones tibi referant: atque ita fugiant à facie arcus, id est à iusta ira indignationis tuæ, quæ in die Iudicii, velut ab arcu emissæ sagitta, impios peccatores configet: iuxta quod sanctus Augustinus hæc inquit: *Ergo de temporalibus tribulationibus gratias Deo agamus, quia dedit plebi suæ significationem vt fugiant à facie arcus: vt exercitati fideles eius in tribulationibus temporalibus, digni sint euadere damnationem ignis æterni.* Quòd autem Psalmista de sanctæ Crucis signo atq; vexillo, hoc loco intelligere voluerit, testimonium dat Glossa ordinaria, dicens: *Per hoc significatur vexillum Crucis, quod pro signo nobis datur, vt sequamur passiones Christi; quia etsi socij passionis, simul & resurrectionis erimus.* At id ipsum sancti etiam Basilij magni auctoritate magis comprobatur; sic enim in locum hunc scribens, inquit: *Moyse quidem postes Israëuitarum sanguine ouillo signauit: tu verò dedisti nobis significationem, ipsum immaculati Agni sanguinem, qui mactatus est pro* In Psal. 59. Conc. 14.



peccato mundi. Et Ezechiel in frontes facierum signum datum esse dicit: *Ite, inquit, à tergo ipsius, & percutite; ne parcite, neque misereamini, seniore & iuuenem, infantem, & virginem, & feminas occidite ad internecionem. Ad omnes verò, in quibus signum est, ne accedatis.*

Vigesima  
prophetia  
ex Psal. 62.

In Psal. 62.

Vigesima sanctæ Crucis Domini prophetia in sexagesimi secundi Psalmi verbis illis refulget: *Et in nomine tuo leuabo manus meas.* Quo loco Psalmista in Christi Domini Saluatoris nostri persona locutus, manuum eius eleuationem, quas in Crucem extulit, ut nos ab æterna damnatione subleuaret, proculdubio innuere voluit. Vnde sic ad eam Augustinus: *Leuauit Dominus Deus noster pro nobis manus in Cruce, & extensæ sunt manus eius pro nobis. Ideò extensæ sunt manus eius in Cruce, ut manus nostræ extendantur in bona opera: quia Crux ipsius misericordiam nobis præbuit. Ecce leuauit ille manus, & obtulit pro nobis sacrificium Deo seipsum; & per illud sacrificium deleta sunt omnia peccata nostra. Leuemus & nos manus nostras ad Deum in prece; & non confundentur manus nostræ leuatae ad Deum, si exerceantur in bonis operibus.* Ad quod sanè sanctus etiam Hieronymus alludere voluit, dum in Psalmum hunc ipsum scribens, inquit: *Perfecti operis bono à te sublimabor. Christus tota die expandit manus suas in Cruce ad populum non credentem, & contradicentem sibi.* Quasi diceret, quòd iuxta bonorum operum nostrorum promeritum mercedem consequemur, & à Deo exaltati erimus; non secus ac Christus Dominus propter obedientiæ, humilitatis, passionis & Crucis suæ meritum à Deo ipso exaltatus est; & dedit illi nomen, quod est super omne nomen; cui sanè nomini omne Angelorum & hominum, atque ipsorum etiam dæmonum genu curuatur & flectitur.

Vigesima  
prima pro-  
phetia ex  
Psal. 66.

Aduersus  
Iudæos  
cap. 13.

Vigesima  
secunda  
prophetia  
ex Psal. 67

In Psal. 67.

Vigesima prima sanctæ Crucis Prophetia quæ sacro Psalterio continetur, ex sexagesimi sexti Psalmi versiculo illo decerpitur: *Confiteantur tibi populi Deus, confiteantur tibi populi omnes, terra dedit fructum suum.* Vbi illud animaduertendum est, quòd ubi in Vulgata editione nostra dicitur, *Terra dedit fructum suum;* textus Hebraicus iuxta Hieronymi versionem habet: *Terra dedit germen suum.* & Tertullianus legit: *Et lignum attulit fructum suum.* Et propterea hanc ipsam prophetiam Iudæis incredulis exponēs, inquit: *Alibi Propheta ligni Crucis fructum prædicat, dicens: Terra dedit benedictiones suas. Vtique illa terra virgo, nondum pluuiis rigata, nec imbribus fecundata, ex qua homo tunc primum plasmatus est. Et lignum, inquit, attulit fructum suum. Non illud lignum in Paradiso, quod mortem dedit Protoplastis; sed lignum passionis Christi, vnde Vita pendens, à vobis credita non est.*

Vigesima secunda sanctæ Crucis prophetia in sacro Psalterio, sub litterali cortice mirabiliter refulget in sexagesimi septimi Psalmi versiculo: *Dixit Dominus: Ex Basan conuertam, conuertam in profundum maris, ut intingatur pes tuus in sanguine: lingua canum tuorum ex inimicis, ab ipso.* Quæ verba diuinè sanctus Hieronymus explicat cum inquit: *Basan, confusio interpretatur. De confusione igitur nos conuertit Deus: hoc autem ideò, quia Crucem sustinuit, & pes eius proprio cruore perfusus est, clamantibus contra eum Iudæis atque dicentibus: Crucifige, crucifige eum. Qui Iudæi stimulati fuerunt ab inimicis Christi, hoc est, à demonibus. Ut autem hoc totum fieret, ipsius Saluatoris voluntas fuit, qui hac passus est fieri. Vel de confusione huius sæculi conuertam humanum genus; hoc est, per passionem meam & Crucem, quam isti putant stultitiam & confusionem, conuertam Basan populum meum. Conuertam in profundum maris, id est, de profundis vitiis & peccatis sæculi istius, de commotione & fluctibus conuertam populum meum. Ut intingatur pes tuus in sanguine. Quoniam pes ipsius intinctus est in sanguine suo. Lingua canum tuorum ex inimicis, ab ipso. Canes dicit ipsos Iudæos, qui clamauerunt: Crucifige, crucifige eum; non habemus Regem nisi Cæsarem. Ex inimicis autem submissi à demonibus negare Saluatorem, & blasphemare eum.*

Vige-



- A Vigesima tertia sanctæ Crucis prophetia in sacro Psalmorum libro consi- *Vigesima tertia pro-*  
derata, vmbrosè velata, sub litterali cortice verborum illorum Psalmi sexagesi- *phetia ex*  
mi octavi oblitescit : *Infixus sum in limo profundi, & non est substantia. Veni in* *Psalm. 68.*  
*altitudinem maris, & tempestas demersit me. Laboravi clamans.* Quæ verba in Chri-  
sti Domini persona Propheta ipse locutus est, passionis dolores, nuditatem, cru-  
cifixionem, & mortem ipsius innuens. Pro quorum intelligentia meminisse  
debemus, hominem è limo formatum fuisse : quamobrem Redemptor noster  
humanitatem suam limum appellat; & non limum tantum, sed limum pro-  
fundi; ad vitiorum & peccatorum totius mundi profunditatem alludens, quæ  
in se ipsum susceperat, ut eorum culpam in ligno Crucis deleteret. Dicit ergo :  
*Infixus sum in limo profundi*, id est, in humanitate mea Cruci infixus fui. *Et non*  
*est substantia.* quasi summam dicat : In Crucem nudus actus sum; veni in al-  
titudinem Crucis, quæ iure optimo mare dici potest, propter cruciatus, & pœ-  
næ amaritudinem & immensitatem. *Et tempestas demersit me*, id est, mors glu-  
tiit ac deuoravit. *Laboravi clamans*, videlicet quando emisit spiritum. Vnde Ni-  
colaus Lyranus : *Laboravi clamans*, scilicet in Cruce, quando voce magna clamans  
*emisit spiritum.* Verum altæ huius & reuerà subobscuræ prophetiæ verba diuinè  
profec̃to declarauit sanctus Augustinus cum inquit : *Quid dicit limū? An non ipsos,* In Psalm. 98.  
*qui persecuti sunt? De limo enim factus est homo; sed isti cadendo à iustitia, limus profundi*  
*facti sunt. Quid est ergo, infixus sum? Numquid non sic hæsit Christus? An non verò hæ-*  
*sit? An non sic dictum est in libro Iob : Terra tradita est in manus impij? An non secun-*  
*dum corpus infixus est, quia teneri potuit, & ipsam crucifixionem habebat? Nisi enim*  
*clavis fixus esset, crucifixus non esset. Infixus sum in limo profundi, & non est sustan-*  
*tia : id est, ad paupertatem perueni. Nam hic dicit : Pauper & dolens ego sum. Dicit*  
*& Apostolus : Quoniam propter vos pauper factus est, cum esset diues, ut illius inopia* 2. Cor. 8.  
*vos ditaremini. Ergo paupertatem suam volens Dominus nobis commendare, fortasse*  
C *dixerit : Non est substantia. Ad summam enim paupertatem peruenit, quando formam*  
*serui induit. Diuitia eius quæ sunt? Qui cum in forma Dei esset, non rapinam arbitra-*  
*tus est esse æqualem Deo. Hæ magnæ incomparabilesque diuitiæ. Unde ergo ista pauper-*  
*tas? Quia semetipsum exinaniuit, formam serui accipiens, in similitudinem hominum*  
*factus, & habitu inuentus ut homo : humiliavit se, factus obediens vsque ad mortem,*  
*ut diceret : Introierunt aquæ vsque ad animam meam. Adde, super mortem. Quid*  
*amplius additurus es? Ignominiam Crucis. Ideò sequitur : Mortem autem Crucis. Magna*  
*paupertas : sed hinc erunt magnæ diuitiæ, quia sicut impleta est paupertas eius, ita &*  
*implebuntur diuitiæ nostræ de paupertate ipsius.*  
Vigesima quarta sanctæ Crucis prophetia proditur in eiusdem Psalmi sexa- *Vigesima*  
gesimi octavi versiculo illo : *Improperium expectauit cor meum, & miseriam. Et sus-* *quarta*  
*tinui qui simul contristaretur, & non fuit; & qui consolaretur, & non inueni. Et de-* *prophetia*  
*derunt in escam meam fel, & in siti mea potauerunt me aceto.* Quæ verba sanctus Hie- *ex Psalm. 68*  
ronymus explicans, ait : *Improperium passionis, & miseriam, id est, contumeliam* In Psalm. 68.  
*Crucis.* Et paulò post subdit : Hoc iam completum esse in Euangelio legimus, cum  
sitiente Domino in Cruce acetum felle mistum bibere porrexerunt. Diuus quoque Au-  
gustinus in Psalmum hunc scribens, inquit : *Opprobrium expectauit cor meum, &*  
*miseriam. sed miseriam cuius? expectauit enim miseriam, sed magis crucifigentium,*  
*magis persequentium : ut in illis esset miseria, in illo misericordia. Miseriam quip-*  
*pe illorum miserans, etiam pendens in Cruce, Pater, inquit, ignosce illis, quia nesciunt*  
*quid faciunt.*  
Vigesima quinta sanctæ Crucis prophetia satis clarè refulget in octuagesimi *Vigesima*  
quinti Psalmi versiculo illo : *Fac mecum signum in bonum, ut videant qui oderunt* *quinta pro-*  
*me, & confundantur.* Quasi diuinus Psalter in cuiuslibet Christi fidelis persona *phetia ex*  
Psal. 85.



loquens, Saluatorem nostrum deprecetur, vt dono gratiæ suæ nobis concedat, A  
vt sanctæ Crucis signo nos ipsos consignare valeamus; quod inimici nostri inui-  
sibiles intuentes confundantur, & confusione suffusi à nobis confestim euolent.

In Psal. 85. Quocircà sanctus Hieronymus prophetiam hanc exponens, dixit: *Muniar Cru-*  
*cis tue signo, quod videntes potestates aduersæ fugiant confuse, & discedant à me.* Hæc  
enim pro nostro populo Propheta rogat. Sed & nos precamur Domine, vt *Crucis tue*  
*signo tutati, atque eius præsidio custoditi, mereamur ab omnibus diaboli insidijs liberari.*

Vigesima sexta. sanctæ Crucis prophetia quæ sacro Psalmodum libro  
continetur, in octuagesimi septimi Psalmi verbis illis consistit: *Clamaui ad te*  
*Domine, tota die expandi ad te manus meas.* Quo loco patet, Prophetam ante ocu-  
los nostros Redemptorem nostrum quodammodo exhibere manibus extensis  
ac ligno Crucis confixis Patrem pro crucifixoribus suis deprecantem, ac paulò  
post magna voce clamantem, & emittentem spiritum. Vnde diuus Hieronymus

In Psal. 87. locum hunc explicans, inquit: *Clamaui ad te Domine, Eli, Eli, lamma sabaethani: tota* B  
*die expandi ad te manus meas extensus in Cruce.* Verum diuus Augustinus, licet  
pro constanti teneat verbis illis, *Clamaui ad te Domine*, Christi clamorem in  
Cruce omnino innuere voluisse Prophetam; subtiliter nihilominus inquirat,  
quonam pacto fieri possit, vt cum de Christi Domini crucifixione Psalmista  
hic loquatur, hæc etiam quæ sequuntur verba verificentur, nimirum, *Tota die*  
*expandi ad te manus meas*; quando quidem non per totam, sed per partem diei  
dumtaxat manibus extensis in Cruce permanit? sic enim ait: *Clamaui, inquit,*  
*ad te Domine.* Hoc enim apertissime fecit, cum penderet in ligno: sed quod sequitur,  
*Tota die expandi ad te manus meas*, quomodo oporteat accipi, merito queritur. Si enim  
in eo quod ait, *Expandi manus meas*, *Crucis patibulum intellexerimus*; quomodo in-  
tellecturi sumus, *Tota die*? Numquid tota die pependit in ligno, cum & nox ad totum  
diem pertineat? Si autem hoc loco diem voluit intelligi, qui præter noctem dies appellari  
solet, etiam talis diei, quando crucifixus est, iam pars prima & non parua transierat. Si C  
autem diem pro tempore positum velimus accipere, maxime quia hoc nomen genere femi-  
nino posuit, quod in Latino eloquio non nisi tempus significare solet; quamuis in Græco  
non ita sit, semper quippe in ealingua, dies feminino genere dicitur, & ideo nostros sic  
interpretari puto; arctius quæstio colligabitur. Quomodo enim toto tempore, si nec saltem  
vno toto die manus extendit in Cruce? Porro si totum pro parte accipiendum esse dica-  
mus, quia isto genere locutionis vti etiam sancta Scriptura consuevit; non mihi occurrit  
exemplum, totum pro parte etiam tunc posse accipi, quando ipsum verbum additur, &  
dicitur Totum. Nam & in eo, quod dixit Dominus in Euangelio: Sic erit & Filius homi-  
nis in corde terræ tribus diebus, & tribus noctibus: ideo totum pro parte non insolenter  
accipitur, quia non ait, totis tribus diebus, & totis tribus noctibus. Vnus quippe medius  
fuit totus dies, duorum autem partes, primi vltima, vltimi prima. Si autem non Cru-  
cem suam in hac prophetia Psalmi significauit his verbis, sed orationem, quam eum ex  
forma serui fudisse Deo Patri, Euangelio teste didicimus, vbi eum & longè ante passio- D  
nem, & sub die passionis, & in ipsa Cruce orasse meminimus: nusquam hoc eum tota die  
fecisse legimus. Proinde conuenienter per extensas manus tota die, continuationem bono-  
rum operum intelligere possumus, à quorum numquam intentione cessauit.

Crucis etiam prophetiam in eodem Psalmo idem Propheta replicauit, cum  
paulò post subdit: *Exaltatus autem humiliatus sum.* vbi in Christi Domini per-  
sona proculdubio locutus est. Quasi diceret: Postquam Cruci suffixus, & in ea  
exaltatus fui, & postquam spiritum emisi, ab ipsa Cruce depositus sepultus  
In Psal. 87. sum. Quocircà verba hæc exponens diuus Hieronymus inquit: *Exaltatus autem*  
*in Cruce, humiliatus sum in sepulchro.*

Vigesimalam septimam prophetiam sanctæ Crucis Christi inclytæque eius  
victoriæ



A victoriæ, quam morte sua intercedente de superbissimo mundi tyranno fata-  
na reportauit, octuagesimi octauæ Psalms verba illa declarant: *Tu humiliasti sicut* <sup>Vigesima  
septima  
prophetia.  
ex Psal. 88.</sup> *vulneratum, superbum.* Perinde ac si Propheta verba sua ad Redemptorem no-  
strum dirigens, diceret: Superbissimus Lucifer, qui in vniuersum humanum  
genus dominium ac tyrannidem sibi arrogauerat, Crucis tuæ clauis, & lateris  
tui lancea vulneratus ac debilitatus est: & in brachio virtutis omnipotentia  
tuæ, postquam brachia tua in Cruce extensa fuerunt, dæmones inimicos tuos  
dispersisti. Quapropter diuus Hieronymus prophetiam hanc exponens, in-  
quit: *Diabolus, qui clauis Crucis tuæ sauciatus, humiliatus est in spoliis.* Ad id fortè <sup>In Psal. 88.</sup>  
alludens quod de hac Christi victoria atque triumpho loquens Apostolus iam  
dixerat: *Expolians principatus & potestates, palam triumphans illos in semetipso.* <sup>Coloss. 2.</sup>

Vigesima octaua sanctæ Crucis prophetia in sacro Psalterio, ex octuagesimi  
noni Psalms verbis illis colligitur: *Et sit splendor Domini Dei nostri super nos.* In-  
telligens hoc loco Psalmista, pro splendore, diuinum ac cæleste sanctæ Crucis  
B signum. Quod alibi lumen vultus Domini appellauerat, cum dixit: *Signatum  
est super nos lumen vultus tui Domine.* Quamobrem prophetiam hanc sic explicat  
Hieronymus: *Dicit Apostolus ad Hebræos: Quoniam Dominus atque Saluator* <sup>In Psal. 89.</sup>  
*splendor sit gloriæ Patris: & sit splendor Domini Dei nostri super nos.* Hoc est quod  
dicitur & in alio loco: *Signatum est super nos lumen vultus tui Domine. Signum Crucis  
vexillum nostrum est.*

Vigesima nona sanctæ Crucis, Saluatorisque nostri brachiorum, quæ pro  
humani generis salute in eadem extensa fuere, prophetia in xc. Psalms ver-  
bis illis euidenter retegatur: *Scapulis suis obumbrabit tibi, & sub pennis eius spera-* <sup>Vigesima  
nona pro-  
phetia ex  
Psal. 90.</sup> *bis.* Quibus sanè videtur Psalmista prophetico spiritu illustratus, Saluatorem  
nostrum brachijs in Cruce extensis è longè prospiciens, beneuolentissimæ cui-  
dam gallinæ illum æquiparare voluisse, quæ alas extendens, dilectos suos sub  
C eis excipiat, vt ipsos à rapacium volucrum vnguibus protegat. Quod diuus  
Augustinus appositè explicauit, dum in Psalmum hunc scribens, ait: *Quia dicit,* <sup>In Psal. 90.</sup>  
*Sub alis eius sperabis, manifestum est, quia protectio alarum pansarum facit te esse inter  
scapulas Dei, vt hinc atque hinc ala Dei te ponant in medio. Et non timebis, ne quis  
tibi noceat; tantum tu noli inde recedere, quò nullus inimicus audet accedere. Si gallina  
protegit pullos suos sub alis suis; quanto magis tu sub alis Dei tutus eris, & aduersus  
diabolum & angelos eius, quæ aëreæ potestates tamquam accipitres circumuolitant,  
vt infirmum pullum auferant? Neque enim sine causa comparata est gallina ipsi Sapientiæ  
Dei. Nam Christus ipse Dominus noster & Saluator tamquam gallinam se dixit: Ieru-  
salem, Ierusalem, quoties volui colligere filios tuos tamquam gallina pullos suos sub alis,  
& noluit? Noluit illa Ierusalem, velimus nos. Illa rapta est ab aëreis potestatibus, fu-  
giens alas gallinæ, præsumens de viribus suis, cum esset infirma: nos confitentes infir-  
mitatem nostram, sub alas Dei fugiamus. Quòd autem Psalms nonagesimi versu-  
culo prædicto Crux sancta Saluatorisque nostri brachia in eadem extensa præ-*

D signata fuerint, apertè ostendit in hunc locum Hieronymus; ait enim: *Et sub* <sup>In Psal. 90.</sup>  
*pennis eius sperabis.* Aspiciens, inquit, manus eius crucifixas, et si serpens te momorderit,  
sanaberis. Licet ambules in deserto istius sæculi; si te percusserit scorpio, si te regulus, si  
aspis, si cetera venenata animalia, securus esto de sanitate. Serpens in eremo suspen-  
sus est.

Trigesima sanctæ Crucis prophetia, in sacro Psalterio nonagesimi primi <sup>Trigesima  
prophetia  
ex Psal. 91.</sup> Psalms verbis illis proditur: *Et exaltabitur sicut vnicornis cornu meum.* Quibus  
verbis Propheta innuere voluit, verum Messiam Christum Dominum in  
Crucis cornibus exaltandum. Quocircà diuus Hieronymus hunc locum ita  
exponit: *Tria immolabantur Domino in templo: immolabatur taurus, immolabatur* <sup>In Psal. 91.</sup>



aries, immolabatur hircus. Tria immolabantur, & vniuersa cornuta sunt. Nisi enim aliquis habuerit cornu, in quo inimicos ventilet, non est dignus immolari Deo: propterea & Dominus cornu dicitur, his qui credunt in eum. Et in cornibus Crucis sue ventilaui inimicos. Ibi confudit diabolum, & omnem eius exercitum. Christus quidem crucifixus erat in corpore: sed verè crucifigebat ibi daemones. Non fuit Crux, sed triumphus fuit, sed vexillum fuit. Propterea conscendit Crucem, vt nos de terra in altum tolleret: alij habeant plura cornua, ego vnum solum cornu habeo. Mihi autem absit gloriari nisi in Cruce Domini nostri Iesu Christi, per quem mihi mundus crucifixus est, & ego mundo. Hæc Hieronymus. At Crucem sanctam apud Prophetas sæpè pro cornibus intelligi consuetum esse, iam non vno tantum, sed quamplurimis locis, in superioribus diximus; & Deo fauente fusiùs & apertius in sequentibus ostendemus atque probabimus.

Trigesima  
prima  
prophetia  
ex Psal. 93.

Trigesimam verò primam sanctæ Crucis prophetiam nonagesimi tertij Psalmi verbis illis Psalmista protulit: *Exaltare qui iudicas terram, redde retributionem superbis.* Quasi sancto zelo, iustaque indignatione in superbos ac perfidos Iudæos accensus Propheta ob impia ludibria & horribiles immanitates, quibus verum Messiam, & vnigenitum Dei Filium scelestissimè affecerunt, ad eundem Dominum ac Redemptorem nostrum conuersus dicat: Tu Domine exaltare in Cruce, & tam impiè in terra iudicare; vt terram, id est homines, tu ipse postea iustè iudices; superbissimis nimirum Scribis & Pharisæis pro eorum impietate & iniustitia iustam animaduersionem retribuens. Vnde in hunc locum Beda: *Exaltare qui iudicas terram. Dixit qui liberè egit. Hanc autem libertatem eius impij homines, id est Iudæi, non tulerunt, quia contrarius erat operibus eorum: sed eum tenuerunt, flagellauerunt, spinea corona circumdederunt, in Crucem leuauerunt, & tandem occiderunt. Et ideo propheticus spiritus hoc præuidens, dixit: Exaltare, qui iudicas terram. quasi dicat: Morere Domine, vt exalteris; & exaltare, vt iudicatus à terra, iudices terram.*

In Psal. 93.

Porro hunc animi sensum, atque adeo eadem pænè verba Beda ipse ab Augustino desumpsit, qui sermonis sui exordium à primo versiculo huius Psalmi trahens, cuius initium est: *Deus vltionum Dominus, Deus vltionum liberè egit. Exaltare qui iudicas terram, redde retributionem superbis.* inquit: *Quia humilis venerat, & carne mortali indutus erat, & mori venerat, non facere quod peccatores, sed pati quod peccatores: quia propterea venerat, vt cum fidenter egisset, & illi ferre non possent fiduciam eius in verbo, quid fecerunt? Tenuerunt, flagellauerunt, illuserunt, colaphizauerunt, sputum illinierunt, spinis coronauerunt, in Cruce leuauerunt, postremò occiderunt. Sed quid sequitur quod fidenter egerit? Exaltare qui iudicas terram. Putas quia tenuerunt humilem, tenebunt excelsum? Putas quia iudicauerunt mortalem, nonne ab immortali iudicabuntur? quid ergo ait? Exaltare tu qui fidenter egisti, & fiduciam verbi tui non sunt passi iniqui, & putauerunt aliquid egisse, quia te comprehendentes crucifixerunt; qui te deberent fide comprehendere, comprehenderunt persecutione. Tu ergo qui fidenter egisti inter impios, & neminem timuisti, & quia passus es, exaltare, id est, exurge; vade in celum. Patiatur & Ecclesia patienter, quod passum est caput Ecclesiæ patienter.*

Trigesima  
secunda  
prophetia  
ex Psal. 95.

In Glossa  
ordinaria  
super  
Psal. 95.

Trigesima secunda sanctæ Crucis prophetia in sacro Psalterio nonagesimi quinti Psalmi verbis illis sese manifestè prodit: *Dicite in nationibus, quia Dominus regnavit à ligno.* Verum quia in nostræ Vulgatæ editionis textu tantummodò habetur: *Dicite in nationibus, quia Dominus regnavit;* ceteraque alia verba desunt; nempe, *à ligno;* id Nicolao Lirano non paruam admirationem incussit; & hæc quæ sequuntur verba in Glossa ordinaria conscribendi ansam dedit: *Augustinus & Cassiodorus hinc addunt, dicentes: Quia Dominus regnavit à ligno. Sed hæc additio, à ligno*



**A** ligno, non est in Hebræo, nec in Græco, nec in translatione Hieronymi; loquendo de translationibus eius quas vidi. Et ideo credo quod assumpsit de translatione Theodotionis, vel Symmachi, vel cuiusvis alterius; quia plures fecerunt diuersas translationes. Et quia Christus exaltationem regni meruit, per suam passionem in Cruce, secundum quod dicitur Philipp. cap. 2. Humiliauit semetipsum, factus obediens usque ad mortem, mortem autem Crucis: propter quod & Deus exaltauit illum. Ideo aliquis translatorum hoc addidit [à ligno] scilicet Crucis. Et secundum hoc dicitur in Hymno Ecclesiastico: Impleta sunt que concinit Dauid fidei carmine, dicens: In nationibus regnauit à ligno Deus. Et patet quod iste Hymnus procedit secundum opinionem Augustini dicentis, quod Dauid fecerit hunc Psalmum, & omnes alios.

Quibus sanè verbis idem Nicolaus Lyranus apertè ostendit, se neque Tertullianum, neque Iustinum Martyrem, auctores Augustino & Cassiodoro longè vetustiores, legisse: nam si eos peruoluisset, conceptam admirationem utique statim exuisset; quod verbum illud à ligno, vt ipse asserit, neque in Hebraico textu, neque in Græco, neque in Hieronymi versione inuenerit, suspicandique finem fecisset, vt ibi innuere videtur, id traductoris cuiuspiam, vel ipsius Augustini ex animi motu conceptam additionem fuisse: intellexisset namque, verbum illud ex his esse, quæ ab improbis Hebræorum Rabbiniis, ab his inquam, qui Crucis Christi inimici extiterunt, malitiosè ac fraudulenter nimis ab ipso sacro textu abraha atque sublata fuere. In ea enim disceptatione, quam idem sanctus Iustinus Martyr aduersus Tryphonem Iudæum intendit, inter cetera diuinæ Scripturæ loca, quæ ibi ostendit ac probat ab iisdem Rabbiniis mutilata fuisse, hunc vnum ex insignioribus esse constat. Hanc autem lectionem peruetustam ac germanam esse, neque traductoris cuiuspiam, siue ipsius Augustini additionem extitisse, locupletissimum testimonium ipsius Tertulliani verba faciunt. Sic enim aduersus Iudæos inquit: Age nunc si legisti penes Prophetam in Psalmis, Dominus regnauit à ligno; expecto quid intelligas, ne fortè lignarium aliquem Regem significari putetis, & non Christum, qui exinde à passione ligni superata morte regnauit. Et alibi, postquam verba prædicta replicauit, hæc insuper adiecit: Et si enim mors ab Adam regnauit usque ad Christum, cur Christus non regnasse dicatur à ligno, ex quo Crucis ligno mortuus, regnum mortis exclusit? Sanctus Cyprianus, qui & Augustino ipse quoque antiquior auctor est, prædicti Psalmi versiculum apertius etiam legit hoc modo: Annuntiate Regnum Dei in gentibus, quia Dominus regnauit à ligno.

Sed audiamus sanctum Ambrosium, qui dum attendere intendit, quam de causa in sacris Scripturis Præteritum pro Futuro tam frequenter capi soleat, inquit: Quia apud Deum, qui omnium præsciens est, nihil futurum est: ideo sic dicit quod futurum est nobis, quasi factum sit: nam in Apocalypsi Ioannis Apostoli dicitur: Agnus, qui occisus est à constitutione mundi. Quia enim aliter non fiet quàm scit Deus, factum dicitur; nobis enim fit, non Deo, quia apud Deum nihil est quod futurum dicatur. Et in Psalmo ait: Dominus regnauit à ligno. Non iure ergo Nicolaus Lyranus asseruit, Ecclesiasticum Hymnum prædictum Augustini opinioni tantum modò inniti. Nam sanctus Ambrosius qui fuit auctor eius, vel Sedulius, siue vt alij autumant, Theodolus, super certissimæ veritatis soliditate fundamenta eius locauit, sciensque & prudens eum composuit; & vt talis à sancta Ecclesia Catholica receptus est, & magna pietate concinitur. Neque enim diuus Augustinus eiusdem sanctæ Ecclesiæ lumen clarissimum, qui veritatis semper fuit solertissimus indagator, à diuinæ Scripturæ germana lectione vinquam recessisset.

Nec scio equidem vnde idem Lyranus expiscatus sit, beatum Augustinum certò affirmasse, omnes Psalmos à Dauide confectos fuisse. Nam licet in suo de

In Dialogo cum Tryphone Iudæo.

Aduersus Iudæos, cap. 10.

Cont. Marcionem, libro 3, c. 19.

S. Cyprian. siue quicunque alius antiquiss. auctor, De montib. Sina & Sion.

An omnes 150. Psalmi scripti sint ab ipso Dauide.



S. Augusti-  
nus in tit.  
primi Psal.  
exposit.  
Tom. 8.

Ciuitate Dei libro xvii. capite xiv. asserat, videri sibi credibilius existimare eos, A  
qui omnes illos centum quinquaginta Psalmos ipsius David operi tribuunt:  
quod diuus etiam Ioannes Chrysostomus, inter ceteros, in Psalmorum proce-  
mio fecisse videtur: ipse tamen Augustinus postea totius Psalterij expositionem  
serio aggressurus, contrariam plane sententiam tenuisse profitetur: nam sua in  
titulum primi Psalmi explicatione, testatur Dauidem ipsum nouem Psal-  
mos tantummodo ore proprio cecinisse; ceteros vero editos à quattuor Prin-  
cipibus illis, quos ipse elegerat, vt hymnos & laudes Deo canerent; videlicet,  
Asaph, Eman, Ethan, & Idithun. Cui sententiæ sanctum quoque Hierony-  
mum adhæsisse constat: scribens enim ad Cyprianum, decernit errare eos, qui  
omnes Psalmos Dauidis esse arbitrantur; & non eorum, quorum nominibus  
sunt inscripti. Sed quid ante ipsos testatus est etiam sanctus Athanasius? qui li-  
cet in sua Synopsi non omnes Psalmos qui in Psalterio continentur, à Dauide  
factos fuisse constanter affirmet; nihilominus dum in fine eiusdem Synopsi ag-  
git de his scripturis, quæ in sacrorum Bibliorum paginis commemorantur qui-  
dem, sed nusquam inueniuntur, tradit, Dauidem ipsum ad tria millia Psalmo-  
rum numerum scripsisse; è quibus tamen centum quinquaginta tantum ab  
amicis Ezechiae Regis selectos atque collectos; ceteros absconditos fuisse, ne ad  
manus omnium peruenirent. At huius tam nimiae Psalmorum constructionis,  
penes tanti Scriptoris auctoritatem sit fides.

Verum vt ad rectam itineris nostri, vnde digressi fuimus, semitam reuerta-  
mur, assero, Psalmistam nonagesimi quinti Psalmi antedicto versiculo Crucis  
Christi lignum proculdubio innuere voluisse. Quod etsi grauissimorum au-  
ctorum, quos in superioribus citauimus, auctoritate satis probetur, euidentius  
tamen per ipsiusmet sancti Augustini verba etiam comprobatur; qui, post-  
quam Psalmistæ sacri textus litteram, iuxta antiquam ac germanam traductio-  
nem retulit, nimirum: *Dicite in gentibus, quia Dominus regnavit à ligno*; vt osten-  
dat Psalmistam ipsum sanctæ Crucis Christi lignum hoc loco innuere voluisse, C  
subdit: *Quis est qui ligno pugnat? Christus de Cruce sua vicit Reges, & subiugatis eis, ipsam Crucem in fronte fixit: & gloriantur de illa, quia ibi est salus eorum.* Et  
inferius post nonnulla, Regum semper proposito insistens, hæc adiecit: *An forte hic obtinebunt Reges, & dicent se regnare à ligno, quia fustibus circumcellionum re-  
gnant? De Cruce Christi regna, si à ligno regnaturus es: nam lignum hoc tuum, ligneum  
te facit, lignum Christi per mare te traiecit.*

Trigesima  
tertia pro-  
phetia ex  
Psal. 95.

Trigesima tertia sanctæ Crucis prophetia in sacro Psalterio sub eiusdem  
nonagesimi quinti Psalmi verbis illis obumbratur: *Tunc exultabunt omnia ligna  
siluarum à facie Domini, quia venit.* Quasi figura illa hoc loco vsus Psalmista,  
quam Prosopopœiam Grammatici appellant, cum inusitato loquendi modo  
inanimata in colloquium inducuntur, diceret: *Tunc exultabunt omnia ligna  
siluarum, cum Dominum aduenisse viderint; & dicent: Letemur & exulemus,* D  
*quoniam ex nobis sumetur, & construetur sanctæ Crucis lignum, in quo cæ-  
lorum Rex carnem indutus, & factus homo, pro vniuersi orbis redemptione  
configetur. Vnde rationem expendens Euthymius, cur hoc loco Propheta di-  
xerit, Tunc exultabunt omnia ligna siluarum; respondet: Eò quod ex eis sumendum  
salutare Crucis lignum.*

In Glossa  
ordin.

Theodoretus autem verba prædicta fusiùs explicans iuxta Aquilæ versio-  
nem (quæ sic habet: *Tunc laudabunt omnia ligna nemoris*) inquit: *Tunc laudabunt  
omnia ligna nemoris: illa potissimum Deo afferent hymnum, quandoquidem ex ipsis  
salutare lignum fuit, in quo Saluatoris corpus suffixum fuit, per quod hominibus ger-  
minarunt bona. Sciendum est igitur, vt verisimile est, vaticinationis sermonem Prosopopœia*

In Psal. 95.  
interpret.



**A** popœia vsum esse. Quandoquidem & cœlum, & terra, & mare, & ager, & lignum, ratione & anima carent. Sed ij qui hisce locis sunt, Deo afferunt laudes. Insulares enim mare incolunt; terram verò ij, qui in continenti sunt; cœlum autem Angeli: qui verò vident nemora ab idolorum cultu libera, Deo gratias agunt. Eodem modo Vates filiorum Israël ex Ægypto iter edocens, rursus eadem figura vsus est: Mare vidit, & fugit; Jordanis conuersus est retrorsum. Montes exultauerunt vt arietes, & colles sicut agni ouium. Et interrogationem affert, & responsionem recipit, futurarum rerum letitiam per hæc ostendens.

Trigesima quarta Redemptoris nostri sanctæ Crucis prophetia in sacro Psalterio sub navis allegoria siue metaphora prolata est, centesimi sexti Psalmi verbis illis: *Qui descendunt mare in nauibus, facientes operationem in aquis multis; ipsi viderunt opera Domini, & mirabilia eius in profundo.* Quasi diceret: Qui sæculi huius importuosum mare enauigantes, in cordium suorum nauibus, Crucis Christi lignum pro malo spiritualiter erectum ac fixum deferunt, facientes operationem in aquis multis, id est, in multis mundi huius tribulationibus, bonorum operum exercitatione desudant; ipsi soli viderunt, ac rectè intellexerunt mirabilia, quæ fecit Dominus in profunda misericordiæ suæ abyssu, dum pro redemptione nostra, in sanctæ Crucis ligno mortem oppetere voluit: atque in futuro sæculo videbunt, atque incomprehensibilibus bonis illis perfruentur, quæ præparauit Deus diligentibus se. Quæ quidem reuerà mirabilia in profundo immensæ bonitatis & sapientiæ eius reposita dici possunt, cum ab omni humani intellectus captu sint remotissima. Ad quod appositè inquit Apostolus: *Oculus non vidit, nec auris audiuit, nec in cor hominis ascendit, quæ præparauit Deus iis qui diligunt illum.* 1. Cor. 2.

Quamobrem ad institutum hoc Ambrosius: *Benè autem nauigant, qui in nauibus Christi Crucem sicut arborem præferunt; atque inde explorant flabra ventorum, vt corpora sua dirigant ad sancti Spiritus gratiam, in ligno Domini tuti atque securi.* Nec permittunt naues suas vago fluctu errare per maria, sed ad portum salutis, & ad consummationem gratiæ, cursus sui directione contendunt, vt fida statione potiantur; quæ dissolutæ, cursus suos possint in resurrectione reparare, vbi naufragium timere non possunt.

Trigesima quinta sanctæ Crucis prophetia in libro Psalmorum colligitur à centesimi septimi Psalmi versiculo illo: *Deus locutus est in sancto suo: Exultabo, & diuidam Sichimam.* Quæ verba Hieronymus, Græcam versionem & Origenem præcipuè secutus, ita legit: *Deus locutus est in sancto suo: Exaltabor & diuidam Sichimam.* Quasi Psalmista in Christi Domini persona hoc loco dicat: Ego in ligno Crucis exaltabor, & diuidam opera; nouos operarios, id est, Gentiles in Ecclesiæ vineam meam introducens, qui tempore suo debitos mihi fructus reddant. Quocircà locum hunc idem sanctus Hieronymus sic exponit: *Deus locutus est in sancto suo, siue in templo, siue in vnoquoque Sanctorum, siue in Propheta. Auditur in Moysè, auditur in Apostolo: & veriùs dico, locutus est in Filio suo. Quid ergo locutus est? Hæc quæ sequuntur: Exaltabor, & diuidam Sicimam. Propterea, inquit, crucifigor, vt diuidam Sicimam. Sicima interpretatur in nostra lingua humeri. Humeri autem interpretantur opera. Sensus ergo iste est: Propterea crucifigor, vt opera mea diuidam Sanctis meis. Propterea crucifigor, vt iugum meum suaue, & onus meum leue imponam super ceruices hominum. Fecisti Domine quod pollicitus es; exaltatus es, & diuisisti Sicimam.* In Psal. 107.

Trigesima sexta sanctæ Crucis prophetia, vt Theodoretus placet, in sacro Psalterio ex centesimi octauo Psalmi primo versiculo decerpitur, qui incipit: *Deus laudem meam ne tacueris, quia os peccatoris, & os dolosi super me apertum est.* Trigesima sexta prophetia, ex Psal. 108.

Vult



Vult enim Theodoretus, ut per laudem hoc loco Crux intelligatur: eiusque est A  
sententiæ, ut Psalmista hinc in Christi Domini persona, in quantum homo erat, æternum Patrem deprecetur; deprecatusque mortem innuat, quam in Crucis ligno passurus erat, nec non & prodicionem, quam Iudas scelestissimus ei struxit, iniuriasque, & derisiones, atque ludibria, quibus à Iudæis affectus est.

In Psal. 108. Quapropter idem Theodoretus hunc Psalmum exponens ait: *Salutarem Crucem Iudæorumque furorem & Iudæ prodicionem hic Psalmus præcinit.* Deinde verò versiculi prædicti verba præcipue exponens, subdit: *Humano more hæc Dominus Christus asserit. Ut enim homo, precatur, mensuram humanæ naturæ impleat: ut autem Deus, precationem eorum qui sincere preces fundunt, admittit: laudem verò Crucem vocat. Etenim sacris in Euangelijs Crucem suam gloriam nominat. Venit enim, ait, hora ut glorificetur Filius hominis. Os quippe peccatoris, & os dolosi Iudam appellavit; quandoquidem iste prodicionis fœdera cum Iudæis occultè iniuit.*

Trigesima  
septima  
prophetia  
ex Psal. 109

Trigesimam septimam sanctæ Crucis prophetiam sacer Psalmorum liber B  
prodit, in centesimi noni Psalmi versiculo: *Virgam virtutis tuæ emittet Dominus ex Sion, dominare in medio inimicorum tuorum.* Quasi Regius Psalter his verbis innuere vellet, videre se in spiritu mundi Redemptorem Christum Dominum, æterni Patris decreto suaque voluntate, extra ciuitatem Sion, quæ est Ierusalem, emitti, ad Caluariæ montem crucifigendum deduci, suamque propriis humeris deferentem Crucem, quam virgam virtutis suæ David appellat: quia hac ipsa Christus Dominus vniuersum satanæ exercitum debellauit, expolians eum splendidioribus spolijs, & pretiosioribus prædis, quas iniuste rapuerat, tyrannidemque, quam in mundum sibi arrogauerat, ei auferens. Quod Theodoretus innuere voluit, dum sua in hunc Psalmum interpretatione ait: *Hæc autem salutaris Crucis virga, imperium declarat. Per illam enim, totam inimicorum aciem subegit. In Sione autem hæc fixa fuit.*

Trigesima  
octaua  
prophetia  
ex Psal. 115.

Trigesima octaua sanctæ Crucis prophetia in sacro Psalterio, centesimi deci- C  
mi quinti Psalmi verbis illis proditur: *Calicem salutaris accipiam, & nomen Domini inuocabo.* Qua locutione Crux sancta proculdubio prophetata ac præsignata fuit. Saluator namque noster hanc ipsam, calicem appellauit, cum discipulis suis dixit: *Potestis bibere calicem, quem ego bibiturus sum?* Eandemque iterum calicem vocauit, cum passionis suæ hora appropinquante, ad Patrem preces fundens ait: *Pater, si possibile est, transeat à me calix iste.* Et iterum cum Pontificis serui auriculam persanauit, ac Petro iniunxit ut gladium in vaginam reponeret, sic eum affatus inquit: *Calicem, quem dedit mihi Pater, non vis ut bibam illum?* Quamobrem Theodoretus, dum Psalmi huius interpretationem prosequitur, ait:

In Psal. 115

*Calicem Crucem solet nuncupare: Pater, inquit, si possibile est, transeat à me calix iste.*

Sanctus quoque Basiliius affirmat, Psalmistæ verbis prædictis sanctam Christi Crucem apertè prophetatam ac præsignatam esse; asseritque Christum Dominum, ad hæc ipsa verba alludentem, passionem & Crucem suam cali- D  
cem appellasse. sua enim in hunc Psalmum concione sic tradit: *Quapropter dicit: Calicem salutaris accipiam: hoc est, sitiens ad perfectionem per martyrium venio; supplicia quæ in certaminibus pro pietate obueniunt, requiem & refecionem animæ ac corporis, non dolores ducens. Me ipsum igitur, inquit, sacrificium offeram ac oblationem Domino, quoniam omnia minora duco, quam pro dignitate ipsius Benefactoris. Atque has meas promissiones paratus sum teste omni populo facere ac persolvere. Vota enim reddam coram omni populo ipsius. Deinde exhortatio sequitur ad auditores, ut ne formident mortem. Pretiosa, inquit, in conspectu Domini mors Sanctorum eius. Ne cunctemini, inquit, ad certamen pulchrum vos homines; ne formidatis mortem: non enim corruptio est, sed vitæ causa: non est interitus penitus, sed transitus ad honorem. Equidem apud*



- A apud homines opulentos, lapilli quidam floridis fulgentes coloribus, pretiosi appellari solent: reuerà autem pretiosa res est mors Sanctorum eius. Cum anima purgata per vitam, ab inquinamentis carnis libera, non habens maculam aut rugam, ex certaminibus pro pietate glorificata, & iustitiae corona redimita, ex omnibus his virtutis pulchritudine effulgens, adstiterit Domino & Iudici vniuersorum, speciositatem ex gratia, omni lapide pretioso magis coruscantem, adepta: quomodo non pretiosa eiusmodi hominis coram Domino mors? Ne igitur lugeamus ob exitus sanctorum virorum ex hac vita, sed magis ob natiuitates, & ad hanc vitam accessus. Nam ingressus in hunc mundum, per ignominiam est sordis & graueolentiae, & eorum quorum ne conspectum quidem facile ferat aliquis, qui nos in vita praecessit. Per talia enim carnalis natiuitatis accessus per naturae necessitatem constitutus est. Verum exitus, & hinc decessus, speciosus est & illustris: non omnium hominum, sed eorum qui sanctè & iustè vitam hanc transegerunt. Pretiosa igitur est mors, non pretiosa hominum natiuitas. Seminatur enim, inquit, in ignominia, surgit in gloria: seminatur in corruptione, resurgit in incorruptibilitate. Compara itaque mortem natiuitati, & desine lugere ob eum qui ex ignominia liberatus est. Hucusque Basilus.
- B

Trigesima nona sanctae Crucis prophetia in sacro Psalmorum libro, ex centesimi decimi septimi versiculo illo decerpitur: *Dextera Domini fecit virtutem, dextera Domini exaltauit me*. Pro quorum verborum intelligentia sciendum est, iustitiam & misericordiam, manus Dei optimi maximi mysticè appellari. Cum enim is aequè iustus atque misericors sit, binis hisce virtutibus, quasi duabus excelsae magnitudinis & omnipotentiae suae manibus, omnia admiranda ac praecelara facinora patrare consuevit. Verum quia crebrius saepiusque misericordia, quam iustitia uti solet; non secus ac homo frequentius dexteram quam sinistram manum exercet; hinc est quod misericordia, dextera Dei appellatur. Ergo Spiritus sanctus per os Psalmistae in Christi Domini persona, hoc loco nil aliud innuere voluit, quam admirandum illum misericordiae excessum, quem aeternus Pater fecit, cum ruinam nostram miseratus, vnigenitum Filium suum Cruci pro nobis suffigendum dedit. Tunc enim reuerà *dextera Domini*, id est misericordia eius, *fecit virtutem*, id est egregium facinus, hac virtute misericordiae adeò exundans, ut seipsam non tantum adequauerit, sed tota in semetipsam sese transfuderit. Quamobrem iure optimo Psalmista hanc ipsam per Antonomastiam, virtutem appellauit; quandoquidem inter cetera omnia eius admiranda atque praecelara facinora longè admodum excelluit. Ad quod forsitan alludens idem Psalmographus, alibi dixit: *Miserationes eius super omnia opera eius*. Verum ut declararet apertius quanam reuerà fuerit illa à Dei misericordia patrata virtus, de qua hoc loco subintelligi voluit, subdit: *Dextera Domini exaltauit me*. Quasi diceret: Domini misericordia causa fuit, ut ego in Crucis arbore exaltarer. Quin etiam non verbis praedictis tantum Crux sancta prophetata & praesignata est, sed tacitè atque ingenti planè mysterio ibi etiam innuuntur verba, quae Pilatus in eiusdem Crucis titulo inscripsit. Nam ubi Latina versio dicit: *Dextera*, Hebraicus textus habet *Femin*, *יְמִינִי*. Quae dictio, in idiomate illo quatuor litteris conscribitur, videlicet, Iod, Mem, Iod, Nun. Et ex eisdem litterarum characteribus originem sumunt verba illa, quae in titulo praedicto conscripta fuerunt. Ex littera namque Iod, principium sortitur *יֵשׁוּעַ* IESVAH, id est IESVS; ex Mem initium habet *מֶלֶךְ* MELECH, id est REX; ex Iod originem ducit *יְהוּדִים* IEHV DIM, id est IVDAEORVM; ex Nun, *נוֹצְרִי* NOZRI, id est NAZARENVS.

D

Quadragesima sanctae Crucis prophetia in sacro Psalterio, ut diuo Ambrosio placet, ex centesimi decimi octauo Psalmi verbis illis colligitur, quae sub octonario littere *ן* HE continentur: *Amputa opprobrium meum quod suspicatus sum*. *Quadragesima prophetia ex Psal. 118.*

Quae

Trigesima  
nona pro-  
phetia ex  
Psal. 117.

Misericor-  
dia & In-  
iustitia quasi  
Dei dextera  
& sinistra.

Psal. 114.



Quæ verba Hieronymus ex Hebraico textu ita conuertit : *Auerte opprobrium meum, quod reueritus sum.* Quo loco per verbum illud, *opprobrium*, vult Ambrosius Psalmistam Christi Crucem sanctam intellexisse ac præsignasse. Quocirca verba prædicta in hunc modum exponit : *Quamquam istud opprobrium Christi sit, quod non est verum opprobrium, sed gloria Dei. Crux enim Christi ludæis scandalum, Græcis stultitia. Illis ergo opprobrium, mihi virtus est, per quam aduersarium repello, sæculum vinco. Mihi sapientia, per quam insipientiæ laqueos euado. Hoc opprobrium thesauris Ægypti Moysès prætulit, maius æstimans Ægypti thesauris opprobrium Christi. Si opprobrium tuum gloria est, Domine Iesu, quanta est gloria tua? Tuæ igitur gloriæ participatione quid erimus, cuius sumus opprobrio gloriosi? Dorsum meum posui in flagella, maxillas meas in palmas. Os autem meum non auerti à confusione sputorum. Ecce opprobrium tuum Domine, in quo salus vniuersorum, in quo mundi redemptio : per quod opprobrium cœpimus non erubescere, qui erubescēbamur, non confundi, qui confundebamur. Denique scriptum est : Accedite ad eum, & illuminamini, & vultus vestri non erubescunt. Hoc opprobrium auferri à nobis nolumus, opprobrium Crucis Domini Iesu, quo nostra auferuntur opprobria. Sicut enim maledictum factus est, ut nostra maledicta deleat; homo factus est, ut hominis infirmitates leuaret; ita opprobrium factus est, ut omnium auferret opprobria.*

Quadragesima prima prophetia ex Psal. 118

Quadragesima nam primam sanctæ Crucis prophetiam sacro Psalmorum textu, centesimi decimi octauo Psalmi verba illa octonario tertiæ litteræ D Samech contenta demonstrant: *Confige timore tuo carnes meas.* Quæ quidem verba, iuxta Septuaginta interpretum versionem, ita sonant: *Confige clavis à timore tuo carnes meas.* Quam versionem Theodotio etiam, & cum eo Ambrosius, Augustinus, & alij secuti sunt. Aquila autem sic ea verba interpretatus est: *Clavis fixa est à pauore tuo caro mea.* Et sanctus Cyprianus eadem ita legit: *Confige clavis de metu tuo carnes meas.* Quæ tamen interpretationes ad vnum & eundem sensum tendunt. Quasi diceret Propheta (quippe qui in Christum venturum firmiter credebat, & qui prophetico spiritu illustratus, sanctam eius passionem & crucem prospiciebat:) *Confige, ô vere Rex Messias, ac mundi Saluator, timoris tui clavis carnes meas; meque tecum sanctæ Cruci firmiter infige, ita ut passionis ac mortis tuæ inceptorum, nec non & redemptionis tuæ, ego quoque (licet multorum sæculorum longinquitate seiungar) particeps efficiar.*

In Psal. 118. octonar. 15. Tom. 2.

Quod autem verbis prædictis Crux sancta prophetata fuerit, cuncti patres sacri Doctores testantur; atque inter ipsos præsertim sancti Cyprianus, Ambrosius, Augustinus, Hilarius, & alij complures. Quamobrem in eadem scribens Ambrosius, inquit: *Qui diligit Domini testimonia, configit clavis carnes suas; sciens quia vetus homo suus cum Christo confixus Cruci, luxuriam destruat carnis, ne cupiditates eius indomito feruore lasciuiant, ne radix auaritiæ serpentibus se fundat radicibus. Confige ergo clavis, & destrue fomenta peccati, moriatur in carne tua omnis illecebra delictorum; libertatem vagandi cupiditas voluptatum Cruci affixa non habeat. Est quidam clauus spiritalis, qui patibulo Crucis Dominicæ affigat has carnes. Et fortasse sunt carnes quedam animæ, sicut corpus est animæ. Carnes animæ sunt carnales cogitationes. Configat has carnes timor Domini & iudiciorum eius, & seruituti redigat. Quod si carnes istæ reijciunt clauos diuini timoris, haud dubiè dicitur: Non permanebit Spiritus meus in his hominibus, quoniam carnes sunt. Nisi igitur affigantur Cruci hæ carnes, & configantur clavis à timore Domini, non permanebit in his Spiritus Dei.*

Sicut enim, subdit idem Ambrosius, sunt aculei timoris, quibus compungimur, ita sunt clavi timoris quibus configimur. Qui compungitur, exercitatur: qui configitur, mortificatur, ut peccato deficiat, Deo viuat. Vi si iamus autem clauos spirituales esse, etiam stimuli spirituales sunt, de quibus scriptum est: *Durum tibi est aduersus stimulum calcitrare.*

Hoc



A Hoc stimulo Paulus stimulatus surrexit è terra, & se leuauit vt cõuersaretur in cælo. Confixus est clauis Apostolus Thomas, vt diceret: Nisi videro in manibus eius fixuras clauorũ, & mittam digitu in meum in locum clauorum. Clauis erant bonæ cupiditates; clauis erant, et si non perfectæ fidei dei, tamen fidei incrementa quærentis. His configitur clauis, qui Christo commoritur, vt cum Christo resurgat. His configitur clauis, qui mortificationem Domini Jesu in corpore suo portat. His clauis configitur, qui meretur audire dicentem Jesum: Pone me vt signaculum in cor tuum, vt sigillum in brachium tuum, quia valida est vt mors charitas, durus sicut inferi zelus. Infige ergo pectori tuo & cordi tuo hoc signaculum Crucifixi, infige & brachio tuo, vt opera tua peccato mortua sint. Nihil in his criminis reuiuiscat, nihil erroris resurgat. Fortasse hanc imagine in clauis non solum sunt clauis timoris, sed etiam charitatis affigunt; quia valida est vt mors charitas, durus sicut inferi & timoris & charitatis quibus configimur.

**B** omnia peccata mortificat. Charitas sicut mortis ictus interimit.

Denique morimur flagitiis atque peccato, dum Domini mandata diligimus. Charitas est Deus, charitas Dei Verbum, quod est validum, & acutius omni gladio acutissimo, usque ad divisionem animæ ac spiritus, artusque & intima penetrans medullarum. Est durus ergo zelus charitatis, qui non cedat inferis, cum pro Dei zelo unusquisque nec suis parcat. His clavis charitatis configatur anima nostra, ut & ipsa dicat: Quia vulnerata charitate ego sum. Habet ergo clauum suum charitas, habet gladium suum, quo anima vulneratur. Felix qui hoc gladio meruerit vulnerari. Hæc sunt vulnera, quæ osculis præferuntur. Vtiliora vulnera amici, quàm voluntaria oscula inimici. His nos vulneribus offeramus, quibus quicumque mortuus fuerit, mortem videre non potest. Talis eorum erat mors, qui Dominum sequebantur, de quibus dictum est: Sunt aliqui de istis adstantibus, qui non gustabunt mortem, donec videant Filium hominis venientem in Regno suo. Merito Petrus non timebat hanc mortem. Non timebat enim qui dicebat,

**C** Quia etsi oportuerit eum pro Christo mori, non eum relinqueret, aut negaret. Tollamus ergo Crucem Domini, quæ configat carnes nostras, peccatum destruat. Est timor qui configit carnes. Nisi, inquit, quis tulerit crucem suam & secutus me fuerit, non est me dignus. Ille enim dignus est, qui habet Christi timorem, ut crucifigat omne carnale peccatum. Hunc timorem sequitur charitas, quæ consépulta est cum Christo: non diuellatur à Christo, moriatur in Christo, attumuletur Christo, resurgat cum Christo. Hæc omnia appositè ad hoc institutum Ambrosius.

At diuus Augustinus non tantùm docet vnde Septuaginta interpretum translationis à nostra Vulgata editione in verbis prædictis varietas oriatur, verùm etiam apertè asserit, iisdem Crucem sanctam innui ac præsignari; inquit enim: *Confige clavis à timore tuo carnes meas: sic enim expressius interpretati sunt quidam nostri: quod Græcè vno verbo dici potuit, καθήλων, hoc alij confige dicere voluerunt, nec addiderunt, clavis; atque ita dum volunt vno verbo Græco vnum Lati-*

num interpretando reddere, sententiam minus explicauerunt. Quoniam quod est confige, non sonant clauis: καθήλων autem sine clauis intelligi non potest; nec nisi duobus verbis Latine dici potest, sicut dictum est confige clauis. Ubi quid vult intelligi, nisi quod ait Apostolus: Mihi autem absit gloriari, nisi in Cruce Domini nostri Iesu Christi, per quem mihi mundus crucifixus est, & ego mundo. & iterum: Christo, inquit, confixus sum Cruci.

In Pfal. 118  
côcione 25.

In Psal. 118  
sub litera  
Samech,  
in fine.



tio elocuta est. Quod enim nobiscum est, confige, illic καθήλων id significat, ut clavis se A  
configat. Moriendum ergo nobis est, & omnia carnis nostræ vitia configenda Cruci Do-  
mini sunt. Morimur enim secundum Apostolum cum Christo, & consepelimur in Bapti-  
smo. Et hoc Propheta quamquam in sua voluntate habeat, tamen, ut per Dei misericor-  
diam consequatur, postulat. Configi enim ex timore Dei carnes suas orat, quia iudicia  
sua metuat. Timet enim æterni iudicii sententiam, timet non cum Christo configi, &  
commori, & consepeliri, novum se hominem, nisi vetere cum vitiis & concupiscentiis  
exuto, intelligens non futurum.

Quadra-  
gesima se-  
cunda  
prophetia  
ex Psal. 118

Quadragesima secunda sanctæ Crucis Christi Domini prophetia in sacro  
Psalterio, centesimi decimi octavi eiusdem Psalmi verbis illis proditur, quæ sub  
octonario litteræ ψ Sin continentur: Pax multa diligentibus nomen tuum, & non  
est illis scandalum. Quasi diuinus Psalter hoc loco sermonem suum ad Dominum  
Redemptorem nostrum dirigens, ei diceret: Crux tua, ô vere Messia, Dei Fili  
vnigenite, & vniuersi Redemptor, multæ pacis & quietis causa erit his qui in B  
te credentes nomen tuum sanctum diligent, quibus non erit Crux ipsa tua ut  
iam perfidis Iudæis scandalum, gentibus autem stultitia. Quocirca diuus Am-  
brosius locum hunc exponens ait: Crux Christi Iudæis scandalum, Græcis stultitia  
est. Scandalum est perfido; quia dicit Iudæus: Ergo hic Deus est, qui homo visus est, qui  
ieiunauit? Hic Deus est, qui vapulauit? Hic Deus est, qui crucifixus est; qui de Cru-  
ce descendere, & se liberare non potuit? Denique hoc dicebant tempore Dominicæ pas-  
sionis: Descendat de Cruce, & credimus ei. Confidit in Deo, liberet eum nunc, si vult.  
Non te ista teneant, non te ista perturbent, non in animum tuum huiusmodi se inserant  
cogitationes. Vbi pax, & multa pax, ibi Crux Christi non opprobrio sed salutis est. Non  
fuit opprobrio Petro Crux Christi, qui tantum eius gloriæ dedit, ut inuersis Christum  
honoraret vestigiis, metuens ne si ea specie crucifixus esset qua Dominus, affectasse Do-  
mini gloriam videretur. Crux ergo opprobrium perfido, fideli autem gratia, fideli re-  
demptio, fideli resurrectio est. Quia pro nobis passus est Dominus, quia nos illo redemit C  
sanguine, illa ad Paradisum resurrectione reuocauit. Qui hæc credit, quomodo potest  
turbari, cui spes Regni celestis assurgit?

Quadra-  
gesima ter-  
tia prophe-  
tia ex  
Psal. 138.

Quadragesima tertia sanctæ Crucis prophetia in sacro Psalmorum libro cen-  
tesimi trigesimali octavi Psalmi verbis illis considerata est: Quò ibo à spiritu tuo,  
& quò à facie tua fugiam? Si ascendero in cælum, tu illic es: si descendero in infernum,  
ades: si sumpsero pennas meas diluculo, & habitauero in extremis maris. Quo loco,  
dum Propheta de Dei potentia locutus est, ostendens illam ab excelsiore cæli  
sublimitate profundum inferni penetrare, & ab ortu diei, id est, ab Oriente ad  
extremas partes maris, id est Occasus, pertingere; sanctam Crucem proculdu-  
biò innuit atque descripsit; cuius quatuor extremitatibus diuina potentia &  
misericordia, omnia quæ sunt in cælo, quæ sunt in terra, & quæ erant in infer-  
no, reconciliauit atque instaurauit. Crucis enim altitudo in cælum vsq; ad An-  
gelorum choros refarciendos, sese extulit; profunditas autem ad infernum ex-  
poliandum penetrauit abyssos: longitudo verò & latitudo eius, pro hominum  
redemptione ac salute ab Ortum vsque ad Occasum extensæ sunt. Quòd autem  
verbis prædictis, Crux sancta præsignata sit, altitudine nimirum ac profundi-  
tate eius, quasi recta trabe è cælo in infernum defixa; longitudine verò ac lati-  
tudine, quasi transversali ligno ab Oriente in Occidentem porrecto atque de-  
ducto; ingeniosè admodum atque apertè sanctus Gregorius Nyssenus docuit,  
cùm inquit: Figuram hanc Crucis magnus etiam David de se loquens expressit: Quò  
ibo, inquit, à spiritu tuo, & quò à facie tua fugiam? si ascendero in cælum (hæc est subli-  
mitas) tu illic es. Si descendero in infernum (hoc est profundum) ades. Si sumpsero pen-  
nas meas diluculo, id est, ad ortum solis (hæc est latitudo) & habitauero in extremis  
maris: D

In Christi  
Resurr.  
Orat. I.



**A** maris: sic Occasum appellat (hæc est longitudo.) Cernis quomodo Crucis figuram describat? Tu es, inquit, qui per omnia commeas, qui cuncta deuincis, qui in te ipso comprehendis vniuersa. Tu supra es, tu infra: in hac extrema parte manus est dextera tua, in illa sinistra. Idem quoque Theodoretus paucis his verbis innuit: Diluculum Orientis partes vocauit, extremas verò partis maris Occidentem; alto & profundo longitudinem & latitudinem apposuit.

Quadragesimam autem & quartam sanctæ Crucis prophetiam, apertè admodum Psalmographus pronuntiauit centesimi quadragesimi Psalmi verbis illis: *Elevatio manuum mearum sacrificium vespertinum.* Quasi Regius Propheta in Christi crucifixi persona hoc loco diceret: Manus meæ Cruci eleuatae atque confixæ sacrificium vespertinum sunt, quod pro hominum peccatis æterno Patri offero. Quamobrem sanctus Cyprianus aduersus Iudæos scribens, verba hæc tamquam veri Messæ Crucis & passionis apertissimam prædictionem, ab eorum cæcitate non perspectam, eis exprobrat; asserens sacrificium hoc vespertinum illud idem esse, de quo Sophonias etiam intellexit, cum dixit: *Metuite a facie Domini Dei, quoniam propè est dies eius: quia parauit Dominus sacrificium suum, sanctificauit electos suos.*

Quadragesima quarta prophetia ex Psal. 140.

Test. aduersus Iudæos, li. 2. cap. 20.

Sophon. 1.

Diuus verò Augustinus testatur, Regium Psalterium hoc loco de Christo Domino proculdubio locutum esse; qui reuerà ille fuit, qui in sancta Cruce sua, hora qua iam ad vesperam inclinabat dies, spiritum emisit, sacrificium æterno Patri se ipsum offerens: Hoc, inquit, de ipso capite solere dici, omnis Christianus agnoscit. *declinante enim die in vesperam, Dominus in Cruce animam deponit recepturus, non amisit inuitus. Sed tamen & ibi nos figurati sumus. Quid enim illius pendit in ligno, nisi quod de nobis accepit? & vnde fieri potest, vt aliquando Deus Pater dimittat & deserat vnicum Filium suum, qui vtiq; cum illo vnus Deus est? Et tamen nostram infirmitatem figens in Cruce, vbi vetus homo noster, sicut dicit Apostolus, confixus est Cruci cum illo, ex voce ipsius hominis clamauit: Deus meus, Deus meus, vt quid dereliquisti me? Illud est ergo sacrificium vespertinum, passio Christi, Crux Christi, oblatio victimæ salutaris, holocaustum acceptum Deo.*

In Psal. 140.

Idem paucioribus verbis sanctus Isidorus scripto commendauit, dicens: Sed & in Psalmis iterum, quia extendit manus suas in Cruce, sic dicit: *Elevatio manuum mearum sacrificium vespertinum; siue quod veniente quasi mundi vespera, siue quod declinante iam sole ad vesperam, Dominus in Cruce animam posuit, eleuans manus suas in idem Crucis lignum, atque offerens se ipsum Deo pro nobis sacrificium, vt per illud sacrificium deleantur peccata nostra.*

De passione Domini. nic. 15.

Quadragesima quinta sanctæ Crucis prophetia in sacro Psalterio quasi gemma refulgens sub litteræ velo, centesimi quadragesimi tertij Psalmi verbis illis transluceat: *Benedictus Dominus Deus meus, qui docet manus meas ad prælium, & digitos meos ad bellum.* Quem Psalmum ac verba secundum litteram David pro se ipso cecinit, tunc cum Philisthæum gigantem superauit: at secundum spiritum & mysticum sensum, in Christi Domini persona ea cecinit, præuidens illum ex semine suo venturum esse, ad debellandum & prosternendum figuratum gigantem, & superbissimum tyrannum illum, qui mundi dominium sibi arrogauerat. Tunc enim dici potest, Deum Redemptoris ac Domini nostri Iesu Christi manus ad bellum docuisse, cum manibus ac pedibus Crucis ligno clauis affixis, morte sua mortem ipsam deuicit, letalemque hostem satanam proculcauit, expolians eum dominatu atque tyrannide, quam in mundum vsurpauerat. Verbis autem prædictis præsignatum ac prophetatum fuisse certamen & prælium, quod Christus Dominus gessit, atque de mundo, de carne, ac de diabolo victoriam reportauit, dum manus suas Crucis ligno extensas atq;

Quadragesima quinta prophetia ex Psal. 143.



suffixas haberet, sancti Hilarij verba locupletissimum dant testimonium: sic **A**  
*In Psal. 143.* enim tradit: Si ob id, inquit, gratulationi interfecti Goliæ deputatur hic Psalmus, quia dictum est, Qui docet manus meas in bellum; accipiant exemplum hoc persona potius Domini conuenire. Nam in septimo decimo Psalmo, qui totus ex persona Domini consistit, id ipsum dictum ita meminimus: Qui docet manus meas in prælium, & posuit ut arcum æreum brachia mea. Et paulò infra: Manus igitur eius edoctæ ad bellum sunt, cum vicit sæculum. Ego enim, ait, vici mundum: cum extensus in Crucem inuictissimis armis ipsius passionis instruitur. Et posuit, inquit, ut arcum æreum brachia mea: cum de omnibus virtutibus ac potestatibus in ipso se trophæo gloriosa Crucis triumphat, & principatus & potestates duxit cum fiducia, triumphans in semetipso, cum dissidentia inter se cælestia & terrena pacificat. Et in ipso, inquit, reconciliari omnia in eum, pacificans per sanguinem Crucis suæ, siue quæ in terra sunt, siue quæ in cælis. Ad hoc igitur bellum manus eius edoctæ sunt, in quo arcus ærei certamine vincitur: dehonestatione potentes triumphantur, pace reconciliantur inimici. Sed post manuum bellum, succedit **B**  
 & digitorum prælium: omnis enim in eo habitus, & pugna passionis ostenditur. Manus enim extenduntur, & digiti configuntur in palmis: vetus scilicet chirographum secundum Apostolum delens, & affigens illud Cruci. Etiam illas partes manuum commemorat in prælio, cum quibus omnia veterum criminum peccata confixa sunt.

Verum Theodoretus hunc locum ingeniosè exponens, asserit Psalmographum verba antedicta in persona cuiuslibet etiam Christi fidelis cecinisse. Quandoquidem nos etiam vnà cum ipso Deo optimo maximo gratias agere possumus, dicentes: Benedictus Dominus Deus, qui docet manus meas ad prælium, & digitos meos ad bellum; dum posteaquam à diaboli tyrannide liberati sumus, manus nostræ ad bellum edoctæ sunt; cum eas in operibus iustitiæ, pietatis, & misericordiæ exercemus: digitiq; nostri prælio instruuntur, dum ipsis Crucis signum frontibus nostris imprimimus; quo insidiosus ac nefarius hostis victus atque confusus, statim in fugam præceps coniicitur; inquit **C**  
*In Psal. 143.* enim: Etiam nobis verba concinunt. Nam à diaboli tyrannide liberati, à Deo pugnare docti sumus; manibus quidem iustitiam operantes, & per digitos Crucis signum in frontibus imprimentes. Et nos cum eodem Crucis signo, in Domini nostri benedicto nomine, Capiti huic finem tandè imponemus; cum hætenus in nimiam sese prolixitatem extenderit: sed hoc pius ac benignus Lector æqui bonique consulat. nam materia quæ in eo continetur, diuidi nequiuit; quemadmodum etiam & Psalmorum liber ipse, à quo manat, diuisionem non recipit.

## CAPVT VI.

*De sanctæ Crucis Prophetiis, quæ Canticorum libro continentur.*

**C**VM de insignioribus sanctæ Crucis prophetiis, quæ sacro Psalmorum **D**  
 libro continentur, præcedenti Capite satis fusè tractauerimus (quorum Psalmorum pars quædam à sacro Rege ac Propheta Dauid edita fuit) rationi nunc & naturæ consona quadam id exigente consequentia, nobis agendum est de his, quas per os Salomonis filij eius Spiritui sancto proferre placuit. Quemadmodum enim is Regni amplitudinis heres fuit, ita ut felicitate, diuitiis, potentia, pace, maiestate, splendore, humanaq; ac temporali gloria patrem ipsum longè admodum antecelleret, ita prophetici etiam spiritus heres extitit, & tanto maiore fortasse Spiritus sancti gratia donatus, quanto maior fuit sapientia, qua speciali dono super omnes homines præcipuè à Deo ornatus est. Quamobrem diuus Ambrosius de eo loquens, meritò omnium hominum sapientissimum



A mum ac Prophetam illum appellauit. Et sanctus Augustinus testatur, Salomonem ipsum in libris suis etiam prophetasse; sic enim de eo inquit: *Prophetasse Salomon etiam ipse reperitur in suis libris; qui tres recepti sunt in auctoritatem canonicam, Prouerbia, Ecclesiastes, & Canticum canticorum.* Psellus verò apud Theodoretum de Salomone sic pariter locutus est: *Sapientissimus ille Propheta Salomon, Davidis filius ex ea quæ fuit Vrie, tria quedam in vita volumina conscripsit.*

De Ciuit.  
Dei lib. 17.  
cap. 20.

In Cantica  
Canticorū  
Præfat.

Salomon  
iuxta tria  
sua nomi-  
na, tres  
etiam li-  
bros con-  
scripsit.

Tria nomina Salomon sortitus est, vt inferiùs dicemus; & iuxta trium nominum suorum numerum, tres libros conscripsit: quorum primus ille est, quem Hebræi Mille, Græci Parabolas, & Latini Prouerbia appellant. Quandoquidem in eo, sub quadam comparatiua similitudine, verborum figuras, & veritatis imaginem ostendit; veri tamen intelligentiam Lectorum iudicio relinquens. Secundus verò liber ab Hebræis Coheleth, à Græcis Ecclesiastes, & à Latinis Concionator vocatur. In eo enim documenta atque consilia, veluti quædam spirituales conciones, non vni quidem homini, vt in Prouerbiis fit, sed ad omnes in vniuersum diriguntur: cum doceat omnia quæ hîc inferiùs in hoc mundo conspiciamus, vana, breuia, ac transitoria esse; & propterea indigna quæ ab aliquo magno animi studio expetantur. Tertius demum liber ab Hebræis Sir Hassim dicitur, quod Latina lingua, Cantica canticorum interpretatur. In quo quasi per epithalamium, id est, nuptiale quoddam carmen, Sponsi & Sponsæ, id est, Christi & Ecclesiæ coniunctionem mysticè canit. Per Antonomasiam autem Canticum canticorum dicitur; tamquam omnium canticorum dignissimum ac nobilissimum; cuius cantici intuitu cetera omnia edita sunt cantica: & quia cetera cantica, ad felicissimum canticum hoc, Christianam animam demum perducunt.

Disciplinarum autem genera tria in his tribus libris suis Salomon complexus est, quibus ad rerum scientiam pertingitur; id est, Ethicam, sic à Græcis nuncupatam, quam nos Moralem dicere possumus; Physicam, quam Naturalem vocabimus; & Theoricam, id est, Contemplatiuam. In Prouerbiis enim moralia docens, per communem quamdam loquendi consuetudinem, Lectorum mentes ad altiorum documentorum intelligentiam perducit. In Ecclesiaste verò, rerum naturas discutiens ac diligenter expendens, omnia quæ in mundo sunt, vana & caduca esse ostendit: ad hoc, vt Lectores eorum fragilitate ac vanitate deprehensa, ea despiciant, & mundo confestim nuntium remittere determinent. In Canticis canticorum demum, visibilia omnia supergressus, cælestia ac diuina contemplatus, sub sponsi ac sponsæ metaphora, Christi & Ecclesiæ vnitatem ostendit: animamque fidelem & piam ad Creatoris ac Redemptoris dilectionem excitans, docet quàm magna atque immensa sint, quæ ab eo accepit beneficia; quàm alta atque profunda sit ineffabilis benignitas, infinita bonitas, incredibilis misericordia, summa clementia, & inenarrabilis cha-

Suauissi-  
ma myste-  
ria recon-  
dita in  
Cantico  
canticorū.

D ritas Dei; qui cum sit rerum omnium Auctor, Factor, Creator, Rector, Imperator, Rex, Princeps, & Dominus, semper stabilis atque æternus, sibi sufficientissimus, nulliusque indigens, hominem tamen cœnosum ac luteum animal, mortale, corruptibile, ingratum atque inutile, tam mirificè dilexerit, intimisq; præcordiis amauerit: & vt eum ab æterna morte, atque à diaboli horribili seruitute eriperet, ipsemet homo factus sit, & pro eo mori voluerit, & vt eum liberum faceret, ipse se seruum constituerit: neque sibi satisfacisse arbitratus, quòd indignum atque ingratum seruum in libertatem vindicauerit, eundem sibi in filium adoptauerit: neque ibi suæ in eum beneficentiæ gradum sistens, eiusdem animam sibi sponsam effecerit, ipseque sponsus eius esse dignatus sit; innumerabilia monilia, & sponsalia dona ei tribuens, thalamum suum orna-



uerit, miseramque nuditatem eius vestierit, ac demum ipsemet eiusdem felici- A  
cis atque beatæ sponsæ vestis, cibus, panis, potus, via, porta, vita, lux, & re-  
surrectio effici voluerit. Iure igitur optimo liber iste Canticum canticorum ap-  
pellatus est. Maiorum enim diuinæ bonitatis beneficiorum agnitionem nos  
docens, secretioraq; ac magis recondita benignitatis & misericordiæ Dei opti-  
mi maximi erga nos reagens mysteria, ad eum laudandum ac benedicen-  
dum, desiderium nostrum excitat mouetque, vt latè canentes, debitas atque  
ingentes ei gratias referamus.

Tria nomina sapientissimus Rex iste, vt superius diximus, sortitus est; nimi-  
rum Salomon, Idida, & Coheleth, siue Ecclesiastes; & in omnibus hisce tribus  
nominibus Christi Domini typum atq; figuram gessit. Salomon enim pacifi-  
cus interpretatur: Christus namq; Rex ille pacificus verè fuit, de quo hodie san-  
cta Dei canit Ecclesia: *Rex pacificus magnificatus est, cuius vultum desiderat vniuersa* B  
*terra*. Et non solùm pacificus fuit, sed ad hoc venit in mundum, vt pacem fer-  
ret ac prædicaret; quemadmodum olim de eo Propheta prædixerat, cum inquit:

Psal. 84.

*Quoniam loquetur pacem in plebem suam.* Idida verò dilectus Domini declaratur:

Matth. 17.

dilectus autem Domini, meritò Christus fuit, de quo Pater æternus: *Hic est*  
*Filius meus dilectus*; & de quo Spiritus sanctus per eiusdem Salomonis os inquit:

Prou. 31.

*Quid dilecte mi? quid dilecte vteri mei? quid dilecte vtorum meorum?* Ecclesiastes  
pariter idem Dominus Iesus Christus fuit, qui è cælo in terram descendens,  
formamque serui indutus, sancta prædicatione sua congregauit Ecclesiam.

Quamobrem in hac sententia de eo loquens Origenes, ait: *Verus Ecclesiastes*  
C  
*Christus est, qui cum in forma Dei esset, semetipsum exinaniuit, formam serui accipiens,*  
*vt congregaret Ecclesiam.* Diuus autem Hieronymus paucis quidem, sed omni le-  
pore affluentibus verbis trium Salomonis nominum significationem promens,

S. Hieron.

Paulino

epist. 103.

ostendensque quid scripta eius contineant, inquit: *Salomon pacificus & amabilis* C  
*Domini, mores corrigit, naturam docet, Ecclesiam iungit & Christum, sanctarumque*  
*nuptiarum dulce canit epithalamium.* Non est igitur cur miremur, quòd idem Sa-  
lomon Christi Domini figuram tot modis portauerit, cum Spiritui sancto fue-  
rit placitum, tot sanctæ Crucis, passionis & mortis eius prophetias admirabi-  
lesque prædictiones per os eius proferre; præsertim verò in prædicto suo Can-  
ticorum libro, qui altissimorum mysteriorum totus est refertissimus. De cuius  
prophetiis ad institutum hoc nostrum spectantibus, hîc tantummodò tra-  
ctabimus, ceteras breuitatis causa prætermittentes, quæ in Prouerbiis & Ec-  
clesiaste forsitan contineri possent.

Cant. 1.

Primum

Mysterium

Crucis, In-

dais pu-

gnantibus

contra

sponsum.

Prima igitur sanctæ Crucis prophetia, quæ in sacro Canticorum libro rete-  
gitur sub velo litteralis corticis, splendide refulget in verbis illis: *Filij matris*  
*meæ pugnaverunt contra me: posuerunt me custodem in vineis.* Quasi hoc loco dice-  
ret Salomon, in veri Messie Christi, Regis & Saluatoris nostri persona: Filij  
matris meæ secundum carnem, id est, Hebraicæ synagogæ filij, Iudæorum po-  
pulus, pugnaverunt contra me, & persecuti sunt; eminentique Crucis ligno ex-  
tollentes, in duorum latronum medio, Hebræorum atque Gentilium populum  
significantium, tamquam custodem in vineis statuerunt: vt tamquam custos  
& vigil super eos excubarem, atque in eo omnem curam intenderem, vt ex duo-  
bus vnâ tantummodò vineam, id est, vnicam Ecclesiam Deo dilectam at-

S. Cyprian.

siue quicū-

que alius

antiquiss.

Auctor, De

montibus

Sina &amp; Siō.

que amabilem constituerem. Quamobrem sanctus Cyprianus ait: *Posuerunt*  
*me velut custodiam pomarij; eò quòd in horto ligno confixus, inter duos latrones pepen-*  
*dit. Et de altitudine ligni ambos speculatur, in figura duorum populorum malefactorum:*  
*Gentes in seculi malefacta iacentes, & Iudæos interfectores Prophetarum. Hi sunt duo*  
*populi malefactores, quorum figuram in se portabant duo latrones, inter quos pependit*  
inno-

B

C

D



A innocens. Vnus blasphemabat, alius verò confessus est, quia innocens iniuriam patiebatur. Iesus autem ambos speculabatur de ligno speculatorio, blasphemum, & confessorem: confessorem saluauit, & blasphemum perdidit, sicut de duobus populis fecit. Persecutores derelicti, qui in aeternae mortis sententia sibi non crediderunt; si sic de saeculo exierint, peribunt. Gentes verò ad se conuersae, fidem sibi habentes, qui Filius Dei est, saluatae, videbunt in aeterna saecula saeculorum Imperatorem & Regem suum.

Et in fine eiusdem tractatus idem Cyprianus, siue quicumque alius auctor illius extiterit, eadem sacri textus verba repetens, Posuerunt me custodem in vineis; subdit: Vineam Dominica & spiritalis, plebs est Christianorum, quae custoditur iussu Dei Patris, à puero Christo in ligni speculo exaltato. Quod si viator diabolus perambulans viam secularem, ausus fuerit de vinea spiritali, hominem de plebe Dominica separare & vexare, statim à puero caelesti voce correptus, & spiritalibus flagris emendatus, exulans ad centesimum effugit, in locis aridis & desertis. Hic est custos puer

B Filius Dominicus, qui vineam suam sibi à Patre commendatam, saluandam & seruandam accepit; de quo Isaias Propheta canit, dicens: Ecce puer meus dilectissimus, ponam Isaia 42. super eum Spiritum meum, & iudicium Gentibus nuntiabit. Non clamabit, neque contendet: arundinem quassatam non confringet, & linum fumigans non extinguet, quoadusque expellat in contentione iudicium: & in nomine eius Gentes credent & sperabunt.

Secunda sanctae Crucis prophetia Canticorum libro contenta, à Spiritu sancto in mysterio verbis illis prolata est: Fasciculus myrrhae dilectus meus mihi, inter vbera mea commorabitur: botrus Cypri dilectus meus mihi in vineis Engaddi. Videtur enim verbis hisce sancta Ecclesia, verà atque dilecta Christi sponsa, Domini dulcissimi que sponsi ac Redemptoris sui amarissimae passionis, Crucis, ac dirae mortis memor, commiserationis & grati animi affectu perfusa, dicere: En dilecti sponsi ac Redemptoris mei Crucis & mortis memoria, quasi

C myrrhae fasciculus mihi amara est, & inter vbera mea commorabitur; id est, in medio pectoris & cordis mei, gratissima recordatione & memori mente semper fixa permanebit. Verum quemadmodum dilectus meus mortis suae recordatione, ut myrrhae fasciculus mihi amarus est; ita & resurrectionis ipsius memoria, ut botrus vuae Cypri gustui meo dulcis ac periucundus est. Quod sanè sanctus Isidorus, verba praedicta exponens, doctè expressit, dum ait: Mors dilecti mei, quam pro mea salute subiit, semper in mea memoria commorabitur. Botrus Cypri dilectus meus mihi in vineis Engaddi: qui fuit fasciculus myrrhae in amaritudine passionis, ipse est botrus Cypri in dulcedine resurrectionis: myrrha tristificat, vinum latificat.

Sanctus autem Ambrosius eadem haec verba pariter exponens, licet sensu vario, ac differenti littera, illa tamen ad Crucis Christi significationem adaptat:

D Colligatio, inquit, guttae consobrinus meus mihi: inter vbera mea requiescet. Corpus enim suscipiens Dominus Iesus, charitatis se vinculis illigauit, & non solum se membris nostris, & passionibus naturalibus, sed etiam Cruci vinxit: ideoque sicut colligatio in Ecclesiae fide, & morali requiescit gratia. Botrus Cypri consobrinus meus in vineis Engaddi. Engaddi, si locum quaerimus, regionis cuiusdam quae in Iudaea est, locus sic dicitur, in quo opobalsamum gignitur: si interpretationem, tentatio Latine significatur. In illis enim vineis lignum est, quod si quis compungat, vnguentum emittit. Hic fructus est ligni, si non incidatur lignum, non ita fragrat & redolet: cum autem compunctum fuerit artificis manu, tunc lacrymam distillat, sicut & Christus in illo tentationis ligno crucifixus illacrymabat populum, ut peccata nostra dilueret; & de visceribus misericordiae suae fundebat vnguentum, dicens: Pater dimitte illis, quia nesciunt quid faciunt. Tunc ergo in ligno compunctus est lancea, & exiuit de eo sanguis & aqua, omni vnguento sua-

Cant. 1.  
Secundum  
mysterium  
in Fasciculo  
myrrhae, &  
Botro Cy-  
pri.

In Cantica  
cantic. c. 1.

In Psal. 118.  
octonar. 3.  
Tomo 2.

Quid sit  
Engaddi,  
docet fan-  
tus Hiero-  
nymus in  
tractat. De  
locis He-  
braicis, in  
verbo En-  
gaddi.



uior; accepta Deo hostia, per totum mundum odorem sanctificationis effundens: & A  
 quasi balsamum ex arbore, sic virtus exibat e corpore. vnde ait: Sentio virtutem exisse  
 de me. Inde opobalsamum expressius dicitur, eò quod compunctione ligni balsamum per  
 cauernam punctiōis erumpit. Compunctus igitur Iesus, odorem remissionis peccatorum  
 & redemptionis effudit: nam & constrictus erat Verbum cum esset homo factus; &  
 pauper factus, cum diues esset, vt nos illius inopia ditaremur. Potens erat, & despicien-  
 dum se præbuit, ita vt Herodes sperneret eum, & illuderet ei. Terram mouebat, & hæ-  
 rebat in ligno: cælum obducebat tenebris, mundum crucifigebat, & crucifixus erat: in-  
 clinabat caput, & exibat Verbum: exinanitus erat, & replebat omnia: descendit Deus,  
 ascendit homo: Verbum caro factum est, vt caro sibi Verbi solum in Dei dextera ven-  
 dicaret. Vulnus influctum erat, & fluebat vnguentum. Scarabeus audiebatur, & Deus  
 agnoscebatur. Hæc Ambrosius.

Per myrrhæ autem fasciculum, Christum crucifixum intelligi debere, etiam B  
 in Glossa ordinaria affirmatur his verbis: *Fasciculo myrrhæ comparatur Christus,*  
*dum propter nos Crucis iniurias tolerauit.* Subditque ibi Glossa, myrrham arborem  
 in Arabia præcipue gigni, quinque cubitorum altitudine, spicæ illi persimi-  
 lem quam Acanthum appellant, cuius gutta viridis & amara est, vnde myrrhæ  
 nomen accepit. Guttam autem eius per seipsam sponte manantem pretiosio-  
 rem asserit; illam verò quæ per corticis incisionem defluit, viliolem esse testa-  
 tur; sed vulneribus atque infirmitatibus medendis vtiliorem. Venerabilis au-  
 tem Beda testatur prophetiam hanc, non quo ad mysticum sensum tantum, ve-  
 rum etiam quoad litteram adimpletam esse, cum expleta Domini passione, &  
 corpore eius e Crucis ligno deposito, venit Nicodemus misturam myrrhæ &  
 aloës deferens quasi libras centum, illudque aromatibus illitum linteis inuol-  
 uit: *Dilectus igitur Ecclesiæ, inquit, fasciculus myrrhæ factus est, quando Dominus*  
*myrrha & aloë perlitus, linteis inuolutus est. Qui videlicet fasciculus inter vbera spon-*  
*sæ commorabitur, cum Ecclesia mortem sui Redemptoris sine intermissione intimo in cor-*  
*do meditat. Inter vbera enim cordis esse locum, quis nesciat? & fasciculus myrrhæ in-*  
*ter vbera sponsæ commorabitur, cum anima quæque Deo consecrata, mortem eius à quo*  
*se redemptam nouit, intenta mente, quantum valet, imitari satagit: memor illius Apo-*  
*stolici sermonis: Quia quicumque sunt Iesu Christi, carnem suam crucifixerunt cum vi-*  
*tiis & concupiscentiis.* C

In Cantica  
 canticor.  
 lib. 2. cap. 1.

Galat. 5.

Tertium  
 mysterium  
 Crucis.  
 Cantic. 2.

In Psal-  
 mum 118.  
 octonar. 5.  
 Tomo 2.

Cantic. 2.  
 Quartum  
 mysterium  
 in Forami-  
 nibus pe-  
 træ, & Ca-  
 uerna ma-  
 ceriæ.

Tertia sanctæ Crucis prophetia in sacro Canticorum libro ingenti planè  
 mysterio verbis illis innuitur: *Sicut malus inter ligna siluarum, sic dilectus meus*  
*inter filios.* Hisce enim verbis sancta Dei Ecclesia ante oculos nobis quodam-  
 modò proposita videtur, quæ dilectissimum Sponsum ac Redemptorem suum  
 mentis acie contemplata, rubicundo atque odorifero pomo eum compareret,  
 quod propter cæleste ac diuinum humanæ redemptionis odorem, sibi & cui-  
 cumque Christi fideli ad odorandum & gustandum est suauissimum. Vnde  
 in eum locum Ambrosius: *Huiusmodi pomum gratum odorem habet, vt ceterorum*  
*pomorum fragrantiam vincat. Christus ergo affixus ad lignum, sicut malus pendens in*  
*arbore, bonum odorem mundanæ fundebat redemptionis, quæ peccati grauem deterfit fœ-*  
*torem, & vnguentum potus vitalis effudit.* D

Quarta sanctæ Crucis prophetia ex Canticorum cantico ea est: *Surge amica*  
*mea, soror mea, & veni, columba mea in foraminibus petra, in cauerna maceriæ.* Ibi  
 enim id nobis innui videtur, perinde ac si sponsus sponsam, id est Christus di-  
 lectam Ecclesiam suam allocutus, eam sub amicæ nomine, ac sub columbæ  
 comparatione, ad ingrediendum inuitet in foraminibus petra, & in cauerna  
 maceriæ. Quæ quidem prophetia reuerà difficilis intellectu forsitan videri po-  
 tuisset, nisi quid ista petra sit, Apostolus declarasset, cum inquit: *Petra autem*  
*erat*



**A** erat *Christus*. Verum cum patuerit quid petra ista sit de qua hic agitur, cognitu quoque facile erit, quæ sint eiusdem petrae foramina, & quænam sit illa cauerna maceria, quam Spiritus sanctus hoc loco innuere voluit. Nam per petrae foramina nil aliud intelligi videtur, quam clauorum vulnera, quæ Redemptor noster in Cruce suscepit: & per cauernam maceriae, lanceae ictum, quo latus eius perfoctum est. Quemadmodum enim simplex ac timida columba, rapacium volucrum aggressionem impetita, perfugium ac salutem sibi in muri foraminibus atque fissuris comparat; ita Christus Dominus inuitat sanctam Ecclesiam amicam ac sponsam suam dilectissimam, quæ à visibilibus & inuisibilibus hostibus, quasi rapacissimis volucris, diris persecutionibus iugiter impetitur, ad refugium ac salutem sibi in clauorum suorum foraminibus, & lateris sui vulnere comparandam: id est, ad efficaces preces, obsecrationesque assiduas Deo fundendas; ut per dilecti sponsi ac Domini sui passionis & Crucis merita,

**B** eam saluare ac liberare dignetur.

Sic enim verba prædicta sanctum Gregorium Magnum intellexisse constat, cum dixit: *Per foramina petrae, vulnera manuum & pedum Christi in Cruce pendenti libenter intellexerim: cauernam verò maceriae, vulnus lateris, quod lancea factum est, eodem sensu dixerim. Et benè columba in foraminibus petrae, & in cauerna maceriae esse dicitur: quia dum in Crucis recordatione, patientiam Christi imitatur, dum ipsa vulnera, propter exemplum, ad memoriam reducit, quasi columba in foraminibus, sic simplex anima in vulneribus nutrimentum, quo conualecat, inuenit. Eadem pænè sanctus Bernardus asseruit in Canticorum librum scribens, ut in superioribus diximus, dum de Christi Domini lancea tractauimus. Venerabilem etiam Bedam hæc ipsa verba, eodem ferè sensu accepisse constat. nam locum hunc exponens, sic tradit: Si iuxta expositionem Apostoli petra erat Christus; quæ sunt foramina petrae, nisi vulnera quæ pro nostra salute suscepit Christus? in quibus profectò foraminibus columba residet, ac nidificat: velut cum animæ quæque mitis, vel Ecclesia omnis, in passione Dominica spem suæ salutis vnicam ponit, cum in sacramento mortis eius, & sese ab insidijs hostis antiqui, quasi à raptu accipitris tutari confidit, & in eodem ei sobolem spiritalem, siue filiorum siue virtutum, procreare satagit.*

In Cantic.  
cant. cap. 2.  
Tom. 2.

In Cantic.  
cant. lib. 3.  
cap. 1.

Item Rupertus Abbas petrae foraminum & cauernæ maceriae Metaphoram, pro Christi clauorum plagis & lanceae vulnere capiens, sua in Canticorum librum expositione, gloriosam Virginem ac Dominam ita loquentem ibi atque dicentem inducit: *Iterum vox dilecti mei, iterum loquitur mihi, & ad surgendum inuitat, eisdem nominibus me compellat: Surge, inquit, amica mea, sponsa mea, & veni: columba mea. Et protinus, ac si quærerem, Quò ego surgam, ubi, vel in quo ero columba gemituosa? In foraminibus, inquit, petrae, in cauerna maceriae. Scit enim situm vel habitum mentis meæ, quia clauis eius, quos, antequam fierent, mente prophetica prævidebam, & in Propheta legebam, dicente: Foderunt manus meas, & pedes meos; & lancea lateris eius, quam similiter prævidebam, & in Propheta legebam: Videbunt enim, ait Zacharias, in quem transfixerunt: clauis inquam eius & lancea iam essent animæ meæ vulnera, & in ipsis gemerem sicut columba. Dicebat ergo: Columba mea in foraminibus petrae, in cauerna maceriae: id est, anima gemituosa, propter fixuram clauorum, qui sum petra, propter vulnus lateris mei, qui sum maceria. Nam ego vnus, idemque aliàs petra, & aliàs maceria: videlicet ubi adhuc mortalis & passibilis eram, ibi ego maceria; ubi autem iam resurrexi ex mortuis, ibi vel ex tunc petra solidissima: sed non dissipauerunt in petra iam impassibili cauernam, siue foramina quæ facta fuerant in maceria adhuc passibili; immò apparebunt eadem in die Iudicii.*

**D**

In Cantic.  
cant. lib. 2.  
cap. 2. To. 2

Quinta sanctæ Crucis prophetia in sacro Canticorum textu, quasi coruscans fulgur quoddam illicò pertransiens, fidelium oculis hilariter affulget in verbo illo,



Cantic. 3.  
Quintum  
Crucis my-  
sterium.

illo, *Ascensum purpureum*. Lignum enim sanctæ Crucis verè ascensus purpureus A  
dici potest, quem Christus Redemptor noster ascendens, pretioso sanguine suo  
purpureum effecit. Quocirca in Glossa ordinaria hæc habentur: *Ipse Christus  
est ascensus, per quem in Ecclesiam & in calum intratur: purpureus, quia lauit nos in  
sanguine suo. Et nullus ingreditur Ecclesiam, nisi sacramento Dominicæ Crucis*. Sanctus  
verò Isidorus asserit, per ascensum purpureum hoc loco nil aliud quàm Mar-  
tyrum sanguinem & Redemptoris passionem intelligi; quoniam ad æternæ  
vitæ conuiuium, tantum per Crucis ascensum atque mysterium ascenditur.  
In Cantic.  
cantic. c. 3.  
*Quis est, inquit, ascensus purpureus, nisi Martyrum sanguis, & passio Redemptoris  
nostri? quia non ascenditur ad epulas vitæ, nisi per mysterium Crucis Christi.*

Sextum  
mysterium  
Crucis sub  
velamine  
vittæ cocc-  
ineæ.

Sexta sanctæ Crucis prophetia per sapientissimi Regis ac magni Prophetæ  
Salomonis os prolata est verbis illis: *Sicut vitta coccinea labia tua, & eloquium  
tuum dulce: sicut fragmen mali punici, ita genæ tuæ*. Præuidens enim sponsus Chri-  
stus Dominus, immò certò sciens (nam ipsi, vt Deo, omne futurum præsens est) B  
ardentem affectum & inflammatum zelum, quo sancta Ecclesia sponsa di-  
lecta, Crucis & passionis suæ mysterium prædicatura & celebratura erat; labia  
eius rubicunda, purpureæ vittæ instar, futura dixit. In ea namque prædicatione,  
de nulla re alia præterquam de inflammata charitate, & de effusi sanguinis  
mysterio agi constat; sciens ipse etiam econtrà, sanctos Martyres eiusdem san-  
ctæ Ecclesiæ membra sacratissima, proprium sanguinem pro se ipso, & in  
ipsius sanctæ fidei testimonium profusuros esse, ipsius dilectæ sponsæ suæ  
genas, mali punici fragmento æquiparauit, in quo tot grana purpurea, quasi  
flammeos pyropos grate rubescere conspiciamus.

In Psal. 118.

In Cantic.  
cantic. lib. 3.  
cap. 4. To. 4

Quòd autem verbis prædictis sanctæ Crucis mysterium, & sanguis Christi  
in ea profusus præsignatus fuerit, omnes pænè sacri Doctores testantur. Quam-  
obrem diuus Ambrosius, postquam eiusdem sacri textus verba retulisset, in-  
quit: *In cocco enim species ignis, & Crucis Dominicæ sanguis irrutilat*. Et venerabilis C  
Beda id ipsum apertius exprimens ait: *Labia sponsæ cocco assimilantur, quia Domi-  
nici sanguinis, quo redempta est, pretium prædicare non cessat Ecclesia; sed decantat:  
Mibi absit gloriari, nisi in Cruce Domini nostri Iesu Christi*. Quinimò, quia  
dictio illa, *Vitta*, capillare amentum quoddam significat, quo veteres, & præser-  
tim mulieres, capillos astringere consueuerant, de quo Poëta ille inquit:

Ouidius  
Metam. 2.

Ibidè paulò  
inferius.

*Vitta coercuerat neglectos alba capillos;*  
propterea hinc occasionem sumens idem Beda, verba prædicta Cantici can-  
ticorum, quoad purpuream vittam attinet, apposita magis expositione ad  
signi Crucis significationem deducit his verbis: *Quòd si in capillis cogitationes, in  
oculis sensus fidelium spirituales figurari dixerimus, idem finis est expositionis; quia va-  
gationem cogitationum superfluarum inextinguibilem, non alio facilius ordine, quàm  
memoria sæpè dicti ac semper recensendi Dominici sanguinis cohibemus. Sed & noxios  
sæpè cogitatus, dum incauta mente volumus, ac subito respecti à Deo, signum sanctæ D  
Crucis pectori imprimimus, & quod nefarium tractamus, abijcimus; quasi vitta coccinea  
capillos nobis ligamus, quia fluxa cogitationum trophæo sacri cruoris comprimimus. Qui-  
bus si salutaris hæc ligatura desit, totum capitis decus fluctuando sædant, quia tranquil-  
litatem mentis turbant, oculorum aciem obtegunt; quia sensum spiritualium improba re-  
rum carnalium meditatione obnubilant.*

Ibidem.

Nec sanè minùs docta atque apposita expositione idem Beda, antiquiores  
alios Patres in hoc secutus, ad sanctæ Crucis & Christi sanguinis pretiosissimi  
significationem verba illa deduxit, *Sicut fragmen mali punici, ita genæ tuæ*. nam de  
eo sic tradit: *Per genas verecundiam designari & supra docuimus; quia nimirum has,  
erubescitibus nobis, solet subitus rubor perfundere. Malum autem punicum, quia ro-  
sei coloris*



A *seicoloris est, passionis Dominicæ mysterium, sicut & coccineum non inconuenienter insinuat. Decebat enim modum redemptionis nostræ, crebra figurarum repetitione in sacro carmine, sicut & in ceteris prophetiæ scripturis intimari. Quia ergo sancta Ecclesia non erubescit Crucem Christi, sed & ipsa gaudet in contumelijs ac passionibus pro Christo, vexillumque Crucis ipsius gestare solet in facie; meritò genas instar mali punici habere memoratur. Nec vacat quòd non integro malo, sed eius comparatur fragmini. In fracto enim malo punico, & pars ruboris, qui patebat, videtur; & pars, quæ intus latuerat, candoris aperitur. Habet ergo ruborem mali punici sponsa in genis, cum sacramentum Dominicæ Crucis fatetur Ecclesia verbis: ostendit & candorem fracti eiusdem mali, cum pulsata pressuris, ipsa castitatem puri cordis probat & factis; cum ipsa Crux sui Redemptoris, quid intus gratiæ salutaris habeat, pandit. Eadem ferè, paucioribus tamen verbis, sanctus etiam Isidorus sic litteris commendauit: In genis, inquit, In Cantic. *verecundia, in malo punico passio Christi exprimitur. Habet ergo ruborem in genis spon-* cant. cap. 4.*

B *sa mali punici, cum sacramentum Dominicæ Crucis verbis fatetur, & factis probat.*

Septima sanctæ Crucis, & Domini ac Redemptoris nostri crucifixionis prophetia, in sacro Cantici canticorum textu verbis illis consideratur: *Manus meæ distillauerunt myrrham, & digiti mei pleni myrrha.* Hisce enim verbis, sub myrrhæ Metaphora, quæ nihil aliud est quàm amarus liquor qui ab arbore stillat; cum Spiritus sanctus per os Salomonis hoc loco dicat manus eius myrrham stillasse, digitosque suos myrrha plenos esse; nil aliud planè innuere voluit, quàm sanguinem qui è sacratissimis Christi Domini nostri manibus ac digitis Crucis arbori clauis confixis defluxit. Vnde sic in hunc locum Isidorus: *Manus meæ distillauerunt myrrham, & digiti mei pleni myrrha: quod specialiter dixit, propter fixuram clauorum, & per malitiam, qua crucifigendus erat.* De passione Domini cap. 36.

Octaua sanctæ Crucis prophetia in Canticorum libro, præalto sensu mystico, & sub grata Metaphora, quæ affluit lepore, verbis illis exprimitur: *Manus eius tornatiles aureæ, plenæ hyacinthis.* Hoc enim loco veri Messie Christi Domini manus præsignatæ fuere, quas prophetico spiritu præuidens Salomon Cruci configendas esse, sub his pulcherrimis Metaphoris descripsit. Et primò quidem, ut inæstimabile earum pretium ostenderet, aureas esse dixit: Deinde verò, ut earum omnipotentiam atque virtutem innueret, qua eis in promptu est patrare miracula, & quidquid velint efficere, tornatiles asseruit: tornaturæ enim ars non tantum facilis est, sed omnia ad rotunditatem & perfectionem promptè redigit; & propterea Glossa ordinaria hæc verba declarans ait: *Manus illius tornatiles, id est, opera Christi. Quæ enim verbo docuit, opere compleuit, ut de doctrina sua mirantes, operibus confirmaret. Tornatiles, quia in promptu habet facere quod vult, sicut tornatura ceteris est promptior artibus.* Secundò, ut innueret Spiritus sanctus Saluatoris nostri manus, propter clauorum vulnera, totas sacratissimo ac purpureo sanguine eius perfusas ac tinctas quandoque fore; metaphoricè eas hyacinthis pleitas esse dixit: qui, ut inferiùs ostendemus, purpurei atque funebres flores sunt. Hac autem hyacinthis plenarum manuum Metaphora, Domini ac Redemptoris nostri manus proprio cruore pro nobis miseris & indignis perfusas præsignatas fuisse, complures sacri Doctores testantur; præcipuè autem inter eos Beda, qui locum hunc exponens, inquit: *Est enim hyacinthus pigmentum coloris purpurei, atque odoris iucundi. Et manus Domini purpureis erant floribus plenæ, quia moriturus pro nostra vita, has in clauorum fixatione cruoris proprii rubore persudit.* In Cantic. cant. lib. 5. *Manus Christi crucifixi quare dicatur plena hyacinthis.* Hyacinthus flos genus est violæ vernæ, cuius radix & herba cæpæ agrestis formam obtinet; hanc à Latinis vaccinium appellari auctor est Dioscorides. Color eius purpureus, venis quibusdam nigris distinctus, lineis ita discurrentibus, ut duarum litterarum Græcarum formam, id est Alpha & Iota referre videantur;



tur; quæ Italicam interiectionem dolentis A I exprimunt. Quod Græcis Poëtis A duplicis texendæ fabulæ ansam præbuit: quarum illa prima ficta est, Apollinem cum Hyacintho puero ab eo dilecto, disco ludentem, (quo ludo grauis quædam pila, siue rotula lapidea, vel ferrea, aut plumbea in altum, siue eminus iaciebatur) ictu quodam fortuito imprudenter eum occidisse; illiusque repentinum ac luctuosum casum miseratum in hunc florem mutasse, eundemque ab eius nomine hyacinthum appellasse: atque in testimonium doloris, quem ex morte eius conceperat, hanc flebilem vocem A I, eidem flori inscriptam esse voluisse. Altera verò fabula id confictum est, Achille nimirum fato functo, ingentem disceptationem inter Aiace[m] & Vlyss[e]m exortam, cuiusnam ex duobus arma illius esse deberent: causaque ad principum Argolici exercitus iudicium delata, meritisque & præclaris amborum facinoribus propositis atque discussis, arma illa Vlyssi adiudicata fuisse; cuius repulsæ atque iniuriæ prælati sibi Vlyssis impatientem Aiace[m] se ipsum proprio ense interemisse. Quem B dij commiserati in florem hunc transmutasse feruntur; qui non colore eius purpureo tantum nigricantibus venis asperso, effusum cruorem miserandumque ac funestum eius casum repræsentet, sed duabus litteris illis Alpha & Iota, A I, nomen etiam Aiace[m] innuat. Vtriusque autem fabulæ Plinius his verbis meminit: *Hyacinthum comitatur fabula duplex, luctum præferens eius, quem Apollo dilexerat, aut ex Aiace[m] cruore editi, ita discurrentibus venis ut Græcarum litterarum figura A I legatur inscripta.* De ambabus autem Ouidius:

Natur. h. st.  
lib. 21. c. 11

Metamor.  
lib. 13.

*Expulit ipse cruor, rubefactaque sanguine tellus  
Purpureum viridi genuit de cespite florem,  
Qui prius Oebalio fuerat de vulnere natus:  
Littera communis medijs pueroque viroque  
Inscripta est folijs; hæc nominis, illa querela.*

Verum hæc stultæ atque aniles fabulæ sunt: solidæ autem atque sinceræ veritatis substantia hæc est: Cum primi parentes nostri diuinum transgressi mandatum, vetitum pomum contra Dei præceptum comedissent, ob cuius temerariæ inobedientiæ delictum, in mortis sententiam & damnationem vnâ cum omni eorum posteritate inciderant, cumque Deus optimus maximus pro sua immensa & ineffabili misericordia decreuisset, ut æternum Verbum carnem sumeret, atque in Crucis ligno pro huius culpæ ablutione proprium sanguinem profunderet; omnes sensibiles atque insensibiles creaturæ, lacrymabilis casus atque admirabilis excessus huius varia commiserationis signa & indicia dedere inæstitiæ. Quamobrem & terra ipsa, pro sacratissimi & innocentissimi Christi sanguinis reuerentia, qui super eam quandoque profundendus erat, purpureum hunc florem querula ac lamentabili voce illa A I insculpta produxit; perinde ac si mutâ loquelâ dolorem suum hoc pacto mundo prodere voluisset.

*De flore  
hyacintho  
pia consideraciones.*

Verum enim verò, quod in re hac maximè notatu dignum censeo, illud est, quod eum quotannis producere consuevit eo præcipuo tempore, quo Christus Dominus crucifixus est; tunc præsertim, inquam, cum sancta Ecclesia intimo cordis dolore compuncta, totaque circumfusa inæstitia, amarissimæ passionis ac truculentissimæ mortis eius memoriam recolit: sic disponente eo, qui cunctis rebus essentiam elargitus est, ut per insensibiles etiam creaturas, flebiles lamentabilesque voces illæ A I, A I, tacitè pronuntiarentur, quæ eo anni tempore in cunctis pijs atque fidelibus Christiani orbis populis audiri solent, dum Redemptoris nostri dulcissimi passionem & mortem pia commiseratione deplo- rant. Non secus, ac per Prophetæ os iampridem præsignatas esse voluit, cum dixit:



A dixit: Et plangent eum planctu quasi super unigenitum; & dolebunt super eum, ut Zach. 12. doleri solet in morte primogeniti. In die illa magnus planctus erit in Ierusalem. Quasi diceret, in die illa, id est, eo cuiuslibet anni tempore, in mystica Ierusalem, in sancta videlicet Ecclesia, magnum fletum futurum. Quod autem flos iste eo præcipue anni tempore, ut diximus, nascatur; præter quod omnes ferè rerum naturalium indagatores & Simplicistæ huius rei amplam fidem astruunt, Ovidius etiam ipse testatur, qui circa Hyacinthi Amyclidis filij in florem conuersi fabulam poetice ludens, carminibus omni lepore affluentissimis inquit:

Te quoque Amyclide posuisset in æthere Phæbus,  
Tristia si spatium ponendi fata dedissent.

Metamor.  
lib. 10.

Qua licet æternus tamen es, quotiesque repellit  
Ver hiemem, Piscique Aries succedit aquoso,  
Tu toties oreris, viridique in cespite flores.

B Quibus sanè carminibus dum tradit Ovidius, hyacinthum tunc è terra enasci solitum, cum ver hiemem repellit, & cum sol in Zodiaci circulo, toto Piscium emenso signo, Arietem ingreditur; perspicuum est, eum innuere voluisse, florem hunc quotannis germinare solitum circa vigesimam primam aut vigesimam secundam Martij diem, quo tempore, iuxta anni reformationem à Gregorio Decimotertio summo Pontifice editam, sol Arietis signum ingredi consuevit; ver nobis, & tempus præcipuum afferens, quo sancti dies appropinquant, in quibus sancta Ecclesia Christi Domini sacratissimæ passionis memoriam concelebrat.

Nona sanctæ Crucis prophetia in sacro-Canticorum textu, metaphoricè, & grato mentis intuitu verbis illis refulget: *Coma capitis tui, sicut purpura Regis vineta canalibus.* Pro quorum verborum intelligentia sciendum, pro sponsæ comis, cuiusque animæ fidelis cogitationes & meditationes hoc loco intelligi debere; & pro Regis purpura, Christi Domini humanitatem & carnem, quæ allegoricè purpura vocatur, ob proprii sanguinis ruborem, quo in ipsius passione tota conspersa est. Spiritus ergo sanctus per os Salomonis hoc loco dixit, *comas capitis sponsæ, sicut purpuram Regis vinctam canalibus esse, ut innueret sanctæ Ecclesiæ & cuiuslibet animæ fidelis cogitationes & spem, firma ac indubitata fide Christi passioni iugiter innixas fore; quæ in Regis purpura, id est, in veri Regis Messias Christi Domini carne Crucis ligno confixa figuratur. Quare sic ad eum locum Beda: Coma capitis sponsæ, ut diximus, cogitationes sunt animæ fidelis: purpura autem Regis, Dominica passionis imitationem significat; cui iure coma capitis sponsæ confertur: quia omnis electorum cogitatio fide sanctæ Crucis munitur; vniuersa cordis eorum intentio ad patiendum pro Domino, ut cum illo resuscitari mereatur, prompta existit.*

Cantic. 7.  
Nonum  
mysterium  
Crucis sub  
typo pur-  
pure Regiæ.

In Cant.  
canticor.  
lib. 6. cap. 1.

Rupertus autè Abbas verba prædicta pariter exponens ait: Rectè passio Christi dicitur purpura Regis, non solum propter purpureum colorem sanguinis, quem in passione effudit; verum etiam propter purpuram derisoriam, qua circumdederunt eum, protinus tribus pœnis passionum consummandum; scilicet flagellandum, crucifigendum, & lancea percutiendum. Nam illi quidem iridentes, purpuram circumdederunt ei, tamquam Regi; sed ille serio & purpuram admisit, & calamus pro sceptro suscepit in dextera. Quia certissimè per hoc fiebat, ut & in calo & in terra purpuram Regni, & sceptrum acciperet Imperij.

In Cant.  
canticor.  
lib. 6. c. 6.

At illud animaduertendum est, quod vbi Vulgata editio nostra dicit: *Coma capitis tui, sicut purpura Regis vineta canalibus:* Septuaginta Interpretum versio habet: *Et plexus capitis tui sicut purpura: Rex ligatus in transcurrentibus.* Quæ quidem versio ad instituti nostri scopum facilius etiam adaptatur: quandoquidem

E e

Rex



Rex in decurrentibus ligatus, verè Christus Dominus noster fuit; cùm in Cru- A  
cis decurrentibus, id est tigillis, confixus est; cuius capitis plexus reuerà vt  
purpura fuit, nam cuspidatarum spinarum coronæ plexus, sacratissimum caput  
eius tam immaniter pupugit atque transfixit, vt eum toto purpureo sanguine  
resperferit. Sed & Hebraicus textus ad institutum nostrum longè etiam com-  
modius dirigitur; sic enim habet: מֶלֶךְ אֲסוּר בְּרִתְּתִים *Melech asur barehatim*,  
In Psal. 92. id est, *Rex ligatus in decurrentibus, siue tigillis*. Qui textus adeò clarus atque  
apertus est, vt & ipsi Hebræorum Rabbini fassi sint, & scripto etiam prodide-  
rint, Regem istum tigillis alligatum, Regem Messiam esse. Quocircà Rabbi  
Senghadia inter ceteros, Canticorum locum hunc exponens, asserit Regem  
eundem Regem esse Messiam, qui ligno vitæ alligatus est, & quotidie Deum  
precatur, vt ab ipso solvatur, seq; ad Israëliticum populum à captiuitate liberan-  
dum mittat. Et in libro, quem *Midras scir ascirim*, id est Glossam maiorem in  
Canticum appellant, dum versiculus hic, de quo nunc agimus, exponitur, hæc B  
produntur verba, מֶלֶךְ אֲסוּר בְּרִתְּתִים הוּא מֶלֶךְ הַמַּלְכִּים הַקְּבָה דְּרִתְּתִים בֵּיהּ יְהוָה  
: מֶלֶךְ גְּאוּה לְבָשׁ id est, *Rex ligatus in decurrentibus; Hic est Rex Regum, Deus  
sanctus & benedictus, de quo scriptum est: Deus regnavit, magnificentia indu-  
tus est.*

Decima sanctæ Crucis prophetia in sacro Canticorum libro, sub venustæ  
metaphoræ umbroso cortice altè reconditur in verbis illis à sponso prolatis:  
Decimum  
mysterium  
Crucis ex  
Cant. cap. 6 *Descendi in hortum nucum, vt viderem poma conuallium*. Per arborem enim nucum  
complures Doctores Hebræorum Synagogam intelligi volunt, propter quali-  
tates nonnullas, quas arbor hæc habet eiusdem Synagogæ moribus atque du-  
ritiæ satis consimiles. Nux arbor est, quæ non nisi in longum tempus crescit:  
neque enim ei, quod ceteris plerisque arboribus contingit, quæ biennio vel  
triennio ad altitudinis culmen, & ad magnitudinis suæ formam excrescunt, sed  
multorum annorum decursu opus est, priusquam ad absolutum incrementum C  
pertingat. In quo Hebraicæ Synagogæ similis admodum esse videtur, in qua  
virtus & religio ea facilitate atque celeritate non creuit, qua sancta adoleuit Ec-  
clesia, sed longinquitate temporis procedente, ac vi multorum laborum Moy-  
sis & Aaron, ceterorumque Sanctorum ac Prophetarum qui illius exercuere  
culturam. Nucis arbor præterea fertilem ac pinguem terram expetit: Hebræo-  
rum verò Synagoga, quo fructum produceret, necesse fuit, vt Deus eam in ter-  
ra tam fertili ac fecunda plantaret, vt de ea dictum sit, quod flueret lac & mel.  
Populi enim illius omne desiderium in auaritate possidendi multa terrena bo-  
na positum esse videbatur. Arborea nucum insuper ceteris plantis, quæ eas cir-  
cumstant, malam vicinitatem præstare solent: magno enim damno eas affi-  
ciunt, & ad siccitatem perducunt, non vmbra tantum noxia, sed radicibus  
etiam, quæ omnem circumiacentis terræ humorem secundum auarissimè ex-  
fugunt. Conditio planè & qualitas Scribarum ac Phariseorum valdè præcipua, D  
quæ auaritia, scenore, ac rapina omnes secum contrahentes ad summam pau-  
pertatem redigebant.

Huius etiam arboris fructus, eiusdem Synagogæ amaritudini & asperitati in  
multis similis esse perhibetur, ingratitude nemq; ac dedecus, quo illa verū Mes-  
siam ac mundi Saluatorem Christum Dominum infecuta est, ad viuum peni-  
tus repræsentat: atq; adeò in se apertam ac manifestam figuram continet Crucis  
& mortis qua eum affecit. Nux enim amaro cortice quodam circumdatur, quæ  
manus fœdat & maculat eorum qui eam aperire contendunt; & tali quidem  
inficit macula, quæ nec crebra etiam lotionem abstergi queat. Primo autem &  
exteriori cortice detracta, statim culeola altera adeò solida retegitur, quæ ma-  
nus



A nus deglubit & vulnerat eorum qui illam findere ac frangere nituntur. De-  
 mum verò cum fructus sui saporem atque substantiam promere cogitur, quat-  
 tuor exhibet nucleos, quos Crux lignea interferta diuidit. Quod benè animad-  
 uertit & annotauit diuus Augustinus: *Nux in testa, lignum interferens Crucis, quod non discreuit id quod foris & intus fuit; sed quæ terrena & caelestia fuerunt, Mediatoris ligni interpositione sociauit.* De tēpore  
Serm. 3.  
in fine.

Vndecima sanctæ Crucis prophetia, quæ in sacro Canticorum libro per sa-  
 pientissimi Regis Salomonis organum à Spiritu sancto mysticè prolata est, ver-  
 bis illis consistit: *Statura tua assimilata est palmæ, vbera tua botris. Dixi, Ascendam in palmam, & apprehendam fructus eius.* Pro palma enim hoc loco sacri Docto-  
 res victoriosum atque viuificum sanctæ Crucis lignum intelligi volunt. Vnde  
 sponsus Christus Dominus sanctam Ecclesiam dilectam sponsam suam, &  
 quamcumque fidelem & iustam animam allocutus, dicit staturam eius assimi-  
 latam esse palmæ, id est, Cruci; dum illa Sponsum ac Magistrum suum lætè  
 sequens, & Crucem eius proprijs humeris suscipiens, hilari voce vnà cum Apo-  
 stolo concinit: *Mihi absit gloriari, nisi in Cruce Domini nostri Iesu Christi, per quem mihi mundus crucifixus est, & ego mundo.* Præterea verò Spiritus sanctus in eiuf-  
 dem sponsi Christi Domini persona hoc dixit, quod ipse postea opere com-  
 pleuit: *Ascendam in palmam, & apprehendam fructus eius.* In palmam nam-  
 que reuera ascendit, cum in victoriosæ ac triumphantis Crucis arbore exal-  
 tatus est, à quo æternæ vitæ fructum decerpit, nobisque elargitus est. Vnde  
 Gregorius: *Potest per palmam Crux Christi intelligi. Palma enim in sublime valde crescens, dulcissimos fructus gignit: & Crux Christi caelestem cibum nobis præparauit; cui statura sponsæ assimilatur: quia pro Christo mori non dubitat, quisquis Christum valde diligens dignè imitatur.* De palma sequitur Sponsus dicens: *Dixi, Ascendam in palmam, & apprehendam fructus eius. Dixit verè, & ascendit: quia sicut ante sæcula pro morte nostra mori disposuit; sic in fine mundi propitius & verax adimpleuit. In palmam ergo ascendit, & fructus eius apprehendit: quia in Cruce suspensus, fructum vitæ inuenit, ac apprehendit, & nobis tribuit. Vnde adimpletum est quod sequitur: Et erunt vbera tua sicut botri vineæ. Verè per Crucem vbera sponsæ, sicut botri vineæ, existunt, quia in morte Christi, duo præcepta charitatis sensus animæ susceperunt, quibus pasta anima debrietur; debriata, posteriora obliuiscatur, & in anteriora extendatur. Et sanctus Isidorus hæc ipsa eadem verba exponens ait: Aptè enim victoriosissima Crux palmæ comparatur, in quam Christus ascendens, apprehendit fructus eius, id est, dona quæ largitus est sanctæ Ecclesiæ; quæ ex illo tempore botros vineæ germinauit, id est, sanctos Doctores, qui maiori scientia & gratia propter Crucem & resurrectionem Saluatoris abundant.* Cantic. 7.  
Vndecimū  
mysterium  
Crucis sub  
figuris pal-  
mæ & bo-  
tri.

Venerabilis autem Beda in hæc eadem verba itidem scribens, inquit: *Aptè autem palmæ nomine, etiam victoriosissima valet Crucis arbor designari, cui iure statu-  
 ra sponsæ assimilatur; quia sancta Ecclesia per passionem sui Redemptoris, vt recta & stabilis & immobilis consistere possit, erigitur. Iure huic comparatur: quia & qui Domini-  
 cæ incarnationis tempora præcesserunt Sancti, mysteria passionis eius vel prophetando, vel etiam patiando signabant; & nostri temporis Sancti, eundem sacrosanctæ passionis triumphum omnes quidem credendo ac confitendo, plurimi etiam moriendo clarificant. Quod autem ait Sponsus: Dixi, Ascendam in palmam, & apprehendam fructus eius: illi æuo congruit, quando Salomon hæc canebat, cum se Dominus crebris Prophetarum vocibus promitteret ad redemptionem generis humani in carne venturum: cum se ascensurum in arborem prædicaret; sponsæ suæ moriens, destructo mortis imperio, ad vitam victor rediret. Fructus autem palmæ, quos se apprehensurum dixit esse, posteriores sunt gloriæ, quæ Crucis sequebantur ascensum. Hoc est, claritas resurre-  
 ctionis,* In Cant.  
cantic.  
cap. 7.



Etionis, & ascensionis eius ad celos, aduentus sancti Spiritus, & salus mundi A  
credentis.

In Canticū  
canticor.  
lib. 6. cap. 6.

Rupertus verò Abbas, exponens quid verba illa sibi velint, *Ascendam, & ap-  
prehendam fructus eius, & erunt vbera tua sicut botri vineæ*; affirmat hoc esse per-  
inde ac si diceret: *Ascendam in victoriosam Crucem, & mortem oppetens  
fructuosam, salutem omnium credentium velociter operabor. Hoc erat, inquit,  
dicere: Exaltabor in Crucem victoriosam, & moriendo morte fructuosa, operabor ve-  
lociter salutem omnium credentium. Et deinde doctrina tua, doctrina legalis atque Eu-  
angelica, tempore opportuno palam prædicabitur, sicut in autumno dulces botri come-  
duntur: & bonus ubique diffundetur odor bonorum operum tuorum, & dulcissimum  
atque delectabile mihi erit eloquium tuum, sicut vinum optimum.*

Mysterium  
duodecimū  
ex Cant. 8.

Duodecima sanctæ Crucis prophetia ex sacro Canticorum libro, quamque  
postremam hîc adscribere voluimus, in verbis illis consistit: *Sub arbore malo sus-  
citaui te: ibi corrupta est mater tua, ibi violata est genitrix tua.* Putant aliqui pro ar- B  
bore malo, arborem prauam intelligi debere, existimantes hoc loco agi de arbo-  
re illa, quæ in terrestri paradiso Protoplastis vetita est. Quibus tamen Nicolaus  
Lyranus respondet, dictionem hanc *malo* hoc loco adiectiuum non esse, vt qui-  
dam autumant, qui hoc exponunt de arbore illa, quæ Adamo & Euæ inter-  
dicta fuit: quoniam in Hebraico textu, loco duarum dictionum illarum *ar-  
bore malo*, habetur *punica*, quæ malum granatum significat. vnde istorum ex-  
positio ex linguæ Hebraicæ ignoratione procedit. Deinde verò vt ostenderet  
quid malum punicum hoc loco significet, subdit: *Dicitur hîc sancta Crux ma-  
lum granatum, quæ est arbor fructifera, ad designandum fructum Crucis, qui est  
innumerabilis.*

In Glossa  
ordinaria.

Iure igitur sponsus gratiosissimus Iesus Christus, Ecclesiæ sanctæ dilectæ  
sponsæ suæ dicit: *Sub arbore suscitaui te*; quia per fructiferam & salutiferam  
sanctæ Crucis arborem, sub qua solida ac immobili fide requiescit, à morte C  
ad vitam suscitauit eam. Sub qua arbore econtrà mater eius, id est peruicax  
Hebræorum Synagoga, corrupta & violata est: quoniam in verum Messiam  
non credens, legitimūq; sponsum suum respuens, meritò tamquam adultera  
repudiata ac derelicta est. Quare Gregorius in hunc locū: *Quid per arborem ma-  
lum, nisi sancta Crux designatur? quæ malum illud sustinuit, de quo eadem sponsa in su-  
perioribus dicit: Sicut malus inter ligna silvarum, sic dilectus meus inter filios. Sed spon-  
sam suam Christus sub arbore malo suscitauit, quia in Cruce positus, subditam sibi Ec-  
clesiam ad vitam vocauit, vt à somno mortis exurgeret, & cum illo se crucifigens, ad  
nouam resurrectionem properaret. Vnde & Apostolus cuius animæ mortuæ dicit: Sur-  
ge qui dormis, & exurge à mortuis, & illuminabit te Christus. Et quibusdam qui iam  
resurrexerant, alibi dicit: Si consurrexistis cum Christo, quæ sursum sunt querite. Sed  
quia infidelitas Synagogæ Christum crucifixit, ideò sequitur: Ibi corrupta est mater tua.  
Sub arbore malo mater Ecclesiæ corrupta esse dicitur; quia quando Salvatorem suum in D  
ligno fixit, nefando scelere se corripit. Cuius sceleris magnitudinem inculcat, cum ibidem  
replicat, dicens: Ibi violata est genitrix tua.*

In Cant.  
cant. c. 8.

Ephes. 5.

Coloss. 3.

In Cant.  
cant. lib. 6.  
cap. 8.

Venerabilis autem Beda eadem ferè repetens, & mysticum eorundem ver-  
borum sensum in diuersam significationem pertrahens, sic tradit: *Arbor ma-  
lus*, inquit, aptissimè lignum sanctæ Crucis exprimit, in quo ipse pendere pro omnium  
salute dignatus est. In cuius laudibus suprâ dixit Ecclesia: *Sicut malus inter ligna sil-  
varum, sic dilectus meus inter filios. Sub arbore ergo malo suscitauit Dominus Synago-  
gam, quam per fidem suæ passionis à perpetua morte reuocauit. Sub qua etiam arbore cor-  
rupta violataque est mater ac genitrix ipsius; maior videlicet ac senior eiusdem portio  
plebis; illa nimirum, quæ Principum suorum persuasionem seducta, Barabbam pro Domino  
elegit;*



A *elegit, stulta temeritate conclamans: Sanguis eius super nos, & super filios nostros. Et hæc enim sub arbore Crucis erat; non huius se quidem fidei humiliter mancipando, sed huius super se vindictam pertinaciter imprecando.*

Rupertus autem Abbas asserit, hoc loco Spiritum sanctum rationem reddere voluisse parti illi Hebræorum populi, quæ ad Christi fidem conuersa admirari videbatur, quod alibi superius in hoc ipso eodem Canticorum libro Spiritus sanctus dixisset: *Quæ est ista, quæ ascendit de deserto deliciis affluens, innixa super dilectum suum?* Perinde ac si iidem Hebræi ad Christi fidem conuersi nescirent, Spiritum sanctum loqui de Ecclesia ex Gentibus electa atque dilecta; quæ ab idololatriæ deserto recedens, ubi omnis diuinæ gratiæ ac veræ Dei agnitionis sterilis erat, Christi quæ fidem amplexata, ascendebat deliciis affluens, id est, gratiis præclarissimis, quibus eam Deus cumulauit, innixa super dilectum sponsum suum Christum Dominum. Et quasi Spiritus sanctus eidem Hebræo-

B *rum populo, qui Christi fidem amplexatus erat, diceret: Si causam nescis cur ista deliciis adeò affluens ascendere deberet, hanc ego tibi exponam: Quia, inquit, mater tua, genitrix tua me dereliquit, me abnegauit virum suum, Regem suum, & idcirco aliam duxi, dato illi libello repudiij; & hæc est quæ taliter ascendit. Vbi nam hoc accidit? Sub arbore malo, ubi te suscitauit; sub ligno Crucis, ubi te redemi. Propterea dixi, Sub arbore malo, id est, sub arbore afferente fructus suos; quia videlicet lignum Crucis non sterile lignum fuit, sed fructus attulit vitæ & salutis. Ibi te suscitauit. Sed mater tua Synagoga, genitrix tua, gens Iudaica, ibi corrupta est, dicendo: Non habemus Regem, nisi Cæsarem. ibi violata est, clamando: Sanguis eius super nos, & super filios nostros.*

In Cantica  
cant. lib. 7.  
cap. 6.

Et hæc quidem de insignioribus sanctæ Crucis prophetiis, quæ in sacro Canticorum libro continentur, satis dixisse sufficiat. Quibus pro capitis huius vltima periodo, vnā tantummodò per insignem ac valde claram addemus, ex libro Sapientiæ, præsertim cum & liber iste Salomoni ipsi tribuatur; licet nonnulli opinentur nullo pacto eidem adscribendum, cum apud Hebræos nusquam reperiri dicatur; tum etiam quia stilus eius Græcam magis quàm Hebraicam eloquentiam redolet; vnde (licet nullo solido fundamento innixi) Philonis Iudæi Hebræorum omnium eloquentissimi potius esse putauerunt. Quia in re super omnia præualere debet sanctæ Ecclesiæ Catholicæ auctoritas, & communis Patrum consensus, qui librum eundem Salomonis esse declararunt. Sapientiæ titulo liber iste insignitus est, quia in eo Christi Domini, qui æterni Patris summa est Sapientia, aduentus & passio euidenter prophetatur. Quamobrem diuus Augustinus de duobus libris qui Salomoni adscribuntur, id est de Sapientia & Ecclesiastico, inquit: *Quorum in vno, qui appellatur Sapientia Salomonis, passio Christi apertissimè prophetatur.*

De Ciuit.  
Dei, lib. 17.  
cap. 20.

Euidens ergo & clara sanctæ Crucis prophetia quæ ex Sapientiæ libro decerpitur, in verbis consistit, quæ in eiusdem libri decimo quarto capite leguntur: D *Benedictum est lignum per quod fit iustitia. Per manus autem quod fit idolum, maledictum est, & ipsum, & qui fecit illud.* Quibus sanè verbis, duo grauissima & valde seria pertractantur, id est, de Cruce sancta Domini nostri Iesu Christi, & de errore Gentilium, qui idola adorabant. In primo igitur dicit, *Benedictum est lignum per quod fit iustitia.* quasi diceret: Benedictum sit sanctæ Crucis lignum, per quod tremenda & admirabilis illa peracta est iustitia, qua in Protoplastorum transgressionem & inobedientiam omnino animaduertendum erat, vt diuinæ iustitiæ satisfaceret, atque vt in innocenti & sacra Christi humanitate, culpa illa a omnia posteritatis eorum peccata plecterentur: qua profectò iustitia nos veniam & gratiam consecuti sumus. In secundo verò, idolis illorumque fabricatoribus maledicit; quia idololatriæ causa erant, quæ spiritualis est fornicatio:

Sapient. 14.

Benedictum  
lignum in  
quo fit ius-  
titia, in-  
telligitur  
Cruce Chri-  
sti.



catio & rationem reddens, cur artifici simul & operi maledicat, subdit: *Simi- A*  
*liter autem odio sunt Deo impius & impietas eius.*

In Psal. 118.  
 octonar. 8.  
 Tom. 2.

Quamobrem sic diuus Ambrosius in hæc verba: *Iustitie adscribit Scriptura*  
*diuina veniam peccatorum, secundum illud quod hodie lectum est: Benedictum lignum,*  
*per quod fit iustitia, maledictum autem quod fit per manus hominum. Superius ad*  
*Crucem Domini retulit, posterius ad errorem Gentilium, qui ligna venerantur. Iustitia*  
*autem quæ est Crucis? nisi quod ascendens illud patibulum Dominus Iesus Christus,*  
*peccatorum nostrorum chirographum crucifixit, & totius orbis peccatum suo cruore*  
*mundauit. Nomen ergo illius sanctum & benedictum laudetur, magnificetur,*  
*& exaltetur per infinita sæcula sæculorum. Amen.*

## CAPVT VII.

*De sanctæ Crucis Prophetiis, quæ ex sacro Isaia Propheta B*  
*libro decerpuntur.*

Propheta  
 cur alij Ma-  
 iores, alij  
 Minores  
 dicantur.

**S**ALOMONIS libros Prophetarum libri sequuntur: quamobrem, cum de  
 sanctæ Crucis prophetiis, quæ ex eiusdem Salomonis libris, & præsertim è  
 Cantico canticorum excerpuntur, hætenus tractauerimus, consequenter nunc  
 nobis agendum est de his quæ Prophetarum libris continentur. Quorum Pro-  
 phetarum quidam Maiores, quidam verò Minores dicuntur. Maiores Prophe-  
 tæ quattuor sunt, videlicet: Isaïas, Ieremias, Ezechiel, & Daniel. Minores verò  
 duodecim numero comprehenduntur. Maiores autem quattuor illi primi ap-  
 pellati sunt, quia prolixiùs fusiusque scripserunt; ceteri Minores dicuntur, quia  
 minores ac breuiiores libros ediderunt. Verùm quia inter maiores Prophetas pri-  
 mus in ordine Isaïas ponitur, ideò de sanctæ Crucis prophetiis quas ipse protu-  
 lit, hoc vno præsentis capite primo loco tractabimus. Deinde illas quæ Ieremiæ C  
 & Ezechielis sunt, sequenti capite complectemur. Eas verò quas Daniel forsi-  
 tan protulisse potuit, vltro prætermitemus: quandoquidem ipse velut tempo-  
 rum conscius, in eo potius totus est, vt tempus illud designet & prodatur, in quo  
 Sanctus Sanctorum Christus Dominus pro communi salute occidendus erat:  
 Regniq; eius magnitudinem & æternitatem innuit, sub ingenti lapidis illius  
 Metaphora, qui absque manus alicuius opera è monte abscissus, vastissimam  
 illam statuam, qua omnia significabantur Regna, comminuit. Prophetiis ve-  
 rò trium horum Maiorum Prophetarum expositis, tertio subsequenti capite,  
 Spiritus sancti nos aura benè iuuante, agemus de his quæ in duodecim Mi-  
 noribus Prophetis continentur.

Isaia exi-  
 mia sancti-  
 tatis.

Scripturi ergo de sanctæ Crucis prophetiis, quæ sacro Isaia Propheta inclu-  
 duntur libro, non erit abs re, si breuiter priùs dixerimus, quisnam is fuerit, qua-  
 lisque, & quantæ sanctitatis extiterit, vt pius Lector sciat, quanam veneratione D  
 dignæ prophetiæ eius habendæ sint. Isaïas Propheta igitur, cuius nomen salu-  
 tem Domini significat, Amos viri nobilissimi filius fuit, Ierosolymis ex nobili  
 progenie, & ex tribu Iudæ ortus, Regis Manasse, vt Iudæi asserunt, focer. Eo  
 tempore vixit, vt Augustino placet, quo Numa Pompilius Romæ regnabat;  
 prophetias suas scripsit sub quatuor Regibus Iudæ, qui sibi vicissim succeffe-  
 runt, videlicet Ozia, Ioathan, Achaz, & Ezechia. Tantæ autem sanctitatis &  
 austeritatis vitæ fuisse perhibetur, vt vnicam tantum tunicam, eamque cilici-  
 nam habere voluerit: qua nihilominus tandem deposita, vt pro populi delicto  
 pœnitentiam ageret, sacco membra cooperuit; sed hoc quoque ad extremum  
 abiecto, sic Deo iubente, nudus corpore, & excalceatus incessit, atque caloris  
 feruo-



A feruorem æstiuo tempore, frigoris rigorem, gelidi ætheris crudelitatem, ventorum impetum, & imbrium iniurias in hieme sustinuit, vt Dei præceptis obtemperaret, iramque eius leniret, & populi deploraret delicta. Huius intercessionem quindecim annorum spatio Ezechia Regi Iudæ Deus vitam prorogauit. Hic vimbram retrocedere iussit decem lineis in horologio Achaz per gradus quos iam descenderat. 4. Reg. 10.

Adeo claras prædictiones magnificaque testimonia de Saluatoris nostri aduentu, incarnatione, prædicatione, miraculis, vita, passione, Cruce, morte, resurrectione, gloria eius, & vocatione Gentium, in suis prophetiis Isaias protulit, vt non de futuris rebus eum scripsisse, sed de præteritis actionibus historiam contexuisse diceret. Quamobrem merito à sanctis Patribus, præsertim Isaias Euangelista potius quam Prophetam cur à Pat. vocatus. verò ab Augustino atque Hieronymo, Euangelista potius quam Prophetam appellatus est: iureque S. Ambrosius Augustino suavit, dum se ad Baptismi sacramentum præparabat, vt inter ceteros sacros codices Isaiæ librum attentius perlegeret: sciens profecto hinc, propter apertissimas Christi rerum prædictiones, ad salutare lauacrum eum quamprimum impellendum, & in Catholica fide apprimè confirmandum. Sic enim diuus ipse Augustinus testatur: *At ille iussit vt legerem Isaiam Prophetam; credo quòd præ ceteris Euangelij vocationisque Gentium sit prænuntiator apertior.* Confessionum lib. 9. cap. 5. Sanctus autem Hieronymus de mysteriorum profunditate, & de Sacramentorum altitudine, quæ in Isaiæ, Ieremiæ, Ezechielis & Danielis voluminibus continentur, asserit videri sibi Isaiam Euangelium potius, quam prophetiam texuisse: *Isaiam, inquit, Ieremiam, Ezechielem & Danielelem quis possit vel intelligere, vel exponere? quorum primus non prophetiam mihi videtur texere, sed Euangelium.* Epist. 103. cap. 5. Quocirca non immerito hinc censeripotest, Saluatorem nostrum hunc Isaiæ librum inter cetera omnia Prophetarum scripta præcipuè elegisse, quem primitus in patriæ suæ synagoga publicè legeret Lucæ 4. atque exponeret.

C Mortuus est Isaias Prophetam sanctissimus sub impio Rege Manasse, qui eum atrocissimo supplicio excruciar, & à vertice per medium secari iussit. Duas truculentissime tanti viri necis causas extitisse, Rabbini Hebræi prodidere: quarum illam primam fuisse asserunt, quòd aulae Regiæ insigniores principes, Sodomorum principes, Hebræosque Gomorrhæ populum appellauerit: secundam autem fuisse tradunt, quia scribere ausus esset, vidisse se Dominum sedentem super solium excelsum & eleuatum; quamuis Moyse litteris ad posterorum memoriam prodidisset, dixisse sibi Deum: *Non poteris videre faciem meam: non enim videbit me homo, & viuet:* non animaduertentes mente obcæcati Iudæi, sanctum & optimum Prophetam, postquam dixerat se Deum vidisse, statim declarasse, faciem ac pedes ipsius Dei Seraphim alis contextos esse; ita vt media tantum eius se vidisse innuerit. Qua admirabili planè sancti Prophetæ visione, Exodi 33. ingens mysterium cæcutientibus Iudæis tunc minimè reuelandum innuebatur; mediam nempe sanctissimæ Trinitatis personam carne indutam ab hominibus in terris quandoque conspiciendam, Mediatorem nimirum Dei & hominum Christum Deum hominem factum pro hominū salute inter homines ad tempus conuersaturum; ceteras verò eiusdem sanctissimæ Trinitatis personas, Patris videlicet & Spiritus sancti (quæ capite & pedibus ipsius Dei Seraphim alis velatis per figuram ostendebantur) mortalibus omnino inuisibiles esse. Interfectus est Prophetam sanctissimus, vt quorundam fert opinio, circa annum à mundi constitutione ducentessimum quadragesimum supra ter millesimum; septingentesimo verò & vigesimo octauo ante Christi Domini aduentum. Sed ad sanctæ Crucis prophetias à tam sancto & admirabili viro prolatas accedamus.



Isaia 9.

Prima propheta, per principatū super humerū Crucē adumbrās.

Prima igitur sanctæ Crucis prophetia, quæ ex sacro Isaia libro excerpitur, in A  
verbis illis consistit quæ nono capite leguntur: *Paruulus natus est nobis, & Filius datus est nobis: & factus est principatus super humerum eius*. Volunt enim sacri Doctores, pro principatu sanctam Crucem hoc loco intelligi, quam Dominus, cum pro nobis crucifigendus ad Caluariae montem deduceretur, proprijs humeris portauit. Quamobrem Glossa interlinearis super verbo illo, *Principatus*, dicit: *Crux per quam exaltauit illum Deus, & donauit illi nomen, quod est super omne nomen*. Glossa verò ordinaria declarans, quid nam Propheta innuere voluerit cum dixit, *Et factus est principatus super humerum eius*, subdit: *Dum duceretur ad patibulum, portauit Crucem, in qua meruit principatum*.

Apologia 2. ad Antoninum Pium.

Aduersus Iudæos c. 10.

Cōtra Marcionem l. 8. cap. 19. In Lucæ Evangelio c. 23.

In Isaia lib. 3. cap. 9.

Isaia 52.

De passione Domini c. 34. & 35.

Isaia 11. Secunda prophetia de radice Jesse, & se-pulchro eius glorioso.

De Natiuitate Domini. In Isaia lib. 2. cap. 9.

At sancti Patres fusiùs & apertiùs hanc prophetiam explicantes, ad sanctæ Crucis Christi Domini significationem aptè atque appositè deducunt. Quocirca Iustinus martyr ad Antoninum Pium Imperatorem pro Christianis qui iniquè patiebantur, scribens, postquam hanc ipsam prophetiam in testimonium adduxisset, subdit, oraculo hoc Crucis virtutem ostensam fuisse, quam Christus ad proprios humeros applicauit, cum in eam sublatus est. Tertullianus verò aduersus Iudæos scribens, cum prædicta Prophetæ verba itidem citasset, subdit: *Quis omnino Regum insigne potestatis suæ humero præfert, & non aut capite diadema, aut in manu sceptrum, aut aliquam propria vestis notam? Sed solus nouus Rex seculorum Christus Iesus, nouæ gloriæ & potestatem & sublimitatem suam in humero extulit, Crucem scilicet, vt secundum superiorem prophetiam, exinde Dominus regnaret à ligno?* Atq; hæc ipsa eadem idem Tertullianus repetit aduersus Marcionem scribens. Theophylactus autem ad institutum hoc ipse quoque hæc prodidit: *Principatus*, inquit, *Domini, & Regnum, Crux est*. dicit enim Paulus: *Humiliauit se ipsum vsque ad mortem, mortem autem Crucis: ideo & Deus exaltauit illum*. At igitur quia Crux fuit sublimitas & gloria Iesu, meritò principatus eius dicitur; quia principalis eius dignitas & symbolum principatus est. Et si benè animaduuerteris, inuenies non aliter regnare in nobis Iesum, nisi per afflictionem & Crucem: atque ita qui in delicijs viuunt, inimici sunt Christi. Sanctus Hieronymus opinioni huic pariter adhæsit; pro principatu nimirum hoc loco Christi Crucem intelligi. Etenim verba hæc eadem Isaia exponens, inquit: *Licet ex eo quod supra dixerat, Emmanuel, id est, Nobiscum Deus, Deum esse monstrauerit; tamen nunc dicit factum principatum super humerum eius: vel quòd Crucem suam ipse portauit, vel per humerum ostendens brachij fortitudinem; eodem Isaia dicente: Reuelauit Dominus brachium sanctum suum omnibus gentibus*. Sanctus verò Isidorus de passione Domini differens, pro huius prophetiæ declaratione, proprijs ipsius Tertulliani verbis, quæ superius citauimus, vtens, subsequenti postea capite eandem repetens prophetiam, hæc adiecit: *Et erit, inquit, principatus super humeros eius, id est vexillum suæ Crucis, quod suis portauit humeris, iuxta vaticinium Dauid Prophetæ, qui dicit: Dominus regnauit à ligno*.

Secunda sanctæ Crucis prophetia ab Isaia verbis illis prolata est: *In illa die radix Jesse, qui stat in signum populorum, ipsum Gentes deprecabuntur; & erit sepulchrum eius gloriosum*. Radicem namque Iesse Christum Dominum appellat, qui secundum carnem ex ipsius Iesse stirpe & à stirpe Dauid descendit. Ipse enim in signum populorum stetit, quando in Crucis ligno exaltatus est: & nunc præcipuè in signum populorum stat, dum fideles in eum credentes sanctæ Crucis signum reuerentur & adorant; illudque fronti & pectori piè insculpunt. Vnde sanctus Isidorus prophetiam hanc exponens inquit: *In signum populorum stat radix Jesse, quando Christus signaculum Crucis exprimit in frontibus eorum*. Rupertus autem Abbas eandem prophetiam pariter exponēs, ait: *Quidenim fuit, in signum populorum stare radicem Iesse, nisi Filium hominis exaltari à terra, & omnia trahere ad se?*



A se? Ipsum, inquit, Gentes deprecabuntur, & erit sepulchrum eius gloriosum. Ecce hodie Gentes ipsum deprecantur, & in sepulchro, id est in morte eius gloriantur. In quo enim alio se gloriari profitentur? Mihi, inquit Apostolus, absit gloriari, nisi in Cruce Domini nostri Iesu Christi. Id ipsum cum Apostolo Gentes quoque actu quodam loquuntur, pingentes iugiter signum Crucis in suis frontibus. Hoc facere gloriosum est & Regibus. Nicolaus Lyranus etiam in Glossa ordinaria hanc ipsam prophetiam ad sanctæ Crucis mysterium deducit his verbis: *Qui stat in signum populorum, id est in signum salutis Gentium. Et hoc fuit in sua passione impletum, quando fuit eleuatus in Cruce.*

Diuus Hieronymus verò ad illius prophetiæ sententiæ institutum, nimirum, *Et erit sepulchrum eius gloriosum*; sub Paulæ & Eustochij nomine, ad Marcellam nobilitate insignem matronam scribens, eidemque suadens, ut Romana vrbe relicta, Syriam petat, Ierosolymamque commigret; ut loca sacra veneratura conspiceret, ubi redemptionis nostræ celebrata fuere mysteria; inquit:

B Venerabantur quondam Iudæi Sancta sanctorum, quia ibi erant Cherubim, & Propitiatorium, & Arca Testamenti, Manna, Virga Aaron, & Altare aureum. Nonne tibi Epist. 17.  
cap. 3. To. I. venerabilus videtur sepulchrum Domini? Quod quotiescumque ingredimur, toties iacere in sindone cernimus Saluatorem. Et paululum ibidem commorantes, rursum videmus Angelum sedere ad pedes eius, & ad caput sudarium conuolutum; cuius sepulchri gloria multò antequam excideretur à Ioseph, scimus Iffaiæ vaticinio prophetatum, dicentis: *Et erit requies eius honor*; quod scilicet sepultura Domini locus esset ab omnibus honorandus.

Tertia sanctæ Crucis prophetia in sacro Iffaiæ libro clarè admodum in verbis illis refulget: *Et leuabit signum in nationes, & congregabit profugos Iffrael, & dispersos Iuda colliget à quattuor plagis terræ.* Pro signo enim Crucem sanctam Propheta intelligere voluit: quæ sacrosanctum signum illud est, sub quo tamquam sub glorioso ac triumphali vexillo sancta Dei Ecclesia, ex diuersis nationibus à quattuor orbis terrarum partibus in vnitæte fidei congregata, hodie militat. Tertia prophetia sub  
typo signi  
leuandi in  
nationes ex  
Iffaiæ 11.

C Quocircà Glossa ordinaria declarans, quidnam per dictionem hanc signum Propheta ipse innuere voluerit, inquit: *Signum Crucis, in qua est victoria, ut sciant omnes, in quo diabolus sit victus.* Et Procopius in eadem Glossa subdit: *Quemadmodum ex quo Babylonica seruitute Iudas & Ephraim liberati sunt, non seorsim amplius, aut diuisa imperij sede habitasse, sed Ierosolymis omnes sub vno Zorobabele, qui de stirpe Dauidica prodierat, sub ipso item Iosedechi filio vixisse leguntur; sic ex quo venerandæ Crucis erectum signum est, omnes, restituta prius, quæ mente concepta non cernitur oculis, libertate, in fidei communionem coiuisse, & in vnam Christi Ecclesiam, nemo non videt.* Et Nicolaus Lyranus in eadem Glossa super eodem hoc verbo etiam inquit: *Et leuauit signum, id est virtutem Crucis faciet predicari per Apostolos, aliosque Discipulos; quam prædicationem etiam signis confirmabit.* Et sanctus Hieronymus hanc eandem prophetiam fusiùs apertiusque declarans, ait: *Leuauit igitur signum Crucis in vniuersas nationes, & de synagogis Iudæorum primum Iffrael populum congregabit, ut Apostoli Saluatoris præceptum implerent, qui dixerat: Ite ad oues perditas domus Iffrael.* Denique Paulus ad incredulos loquitur ex Iudæis: *Vobis oportebat primum loqui verbum Dei: sed quoniam repellitis illud, & indignos vos iudicatis æterna vita, ecce conuertimur ad Gentes, sicut præcepit nobis Dominus.* Deinde verò idem Hieronymus verba illa declarans, quæ Propheta paulò inferiùs adiecit, *Iudæa & Moab præceptum manus eorum, & filij Ammon obedientes erunt;* ostendit has Gentes, eo tēpore quo Iffaias prophetabat, aduersarias fuisse populo Iudæorum: & idcirco eundem nunc Prophetam dicere, quòd postquam radix Iesse surrexerit, ut regnet in Gentibus, & vexillum Crucis in totius orbis salutem eleuatum fuerit, tunc etiam Iudæa, & Moab, & filij Ammon, omnis scilicet In Iffaiam  
lib. 4. cap. 11 Arabiæ



Arabiae latitudo dabunt Apostolis manus, & in locis idololatriæ Christi Eccle- A  
siæ erigentur.

Quarta  
prophetia  
Crucis ex  
Isaia 13.

Quarta Crucis prophetia ab Isaia metaphoricè verbis illis prolata est: *Super montem caliginosum leuate signum, & exaltate vocem*. nam sub Metaphora montis caliginosi, siue, vt in Septuaginta interpretum versione habetur, montis campestris, hoc loco Propheta sanctam Ecclesiam innuere voluit, quæ eo tempore, quo ipse prophetabat, mons caliginosus verè dici poterat. Tunc enim omni fidei lumine orbata, omnique vera Dei agnitione destituta, errorum atra caligine & idololatriæ cæcitate obruebatur. Mons etiam campestris reuerà appellari poterat, cum inter Gentes & in remotioribus mundi partibus dispersa, in fidei vnitæ adhuc adunata & congregata non erat. Super montem ergo hunc caliginosum, siue campestem, Spiritus sanctus Apostolis & prædicatoribus Catholicis per os Prophetæ iubet, vt contra hæresum confusionem, & contra idololatriæ & peccatorum errores pugnaturi, Crucis signum eleuent, vocemque B  
excitent, & altiore signo promant, ita vt prædicando, carpendo, admonendo, instando, & adhortando, eò populos impellant, vt idololatriam, hæreses, vitia atque peccata dimittant; atque vt sanctæ Crucis vexillum eleuantes & amplectentes, ducem ac Saluatorem nostrum sequantur.

S. Gregor.  
Moralium  
lib. 33. c. 1.

Per montem autem sæpè in Sacris litteris sanctam Ecclesiam intelligi consueuisse, sanctus Gregorius præcipuè testatur; licet hoc loco opinionem hanc se imbibisse ostendat, vt pro monte caliginoso diabolus & eius superbia intelligi debeat. Sic enim tradit: *Rursum per montem angelus apostata designatur, sicut per Babylonis Regis speciem, de antiquo hoste prædicatoribus dicitur: Super montem caliginosum leuate signum. Prædicatores quippe sancti super caliginosum montem signum eleuant, quando contra satanæ superbiam, qui sæpè sub nebula simulationis absconditur, virtutem Crucis exaltant.* Aptè etiam prophetiam hanc ad sanctæ Crucis significationem Procopius in Glossa ordinaria sic deducit: *Qui magna vocis contentione Crucem prædicat, is in montem signum eleuare, id est, potenti oratione Christi mortem amplificare posse dicitur, & promissiones planas apertasque reddere.* C

Quinta  
prophetia  
ex Isa. 19.

Quinto, Crucem Christi apertè admodum prædixit Isaia illis verbis: *In illo die erit altare Domini in medio Ægypti, & titulus Domini iuxta terminum eius, & erit in signum & testimonium Domino exercituum in terra Ægypti.* Ibi enim Isaia sacrosancta ac pænè infinita altaria apertè innuit, quæ in Ægypto, id est, in vniuerso terrarum orbe in Christi honorem erigenda erant, vnà cum Crucis signo, cum titulo & Crucifixi imagine superposita. Hoc enim verè signum est Domini Dei exercituum, id est omnium gentium atque fidelium exercitus triumphale vexillum. Et vt apertius ostenderet Propheta, se altaria illa innuere quæ in Saluatoris honorem erigenda erant, ad quæ fideles populi in necessitatibus ac tribulationibus confugere debebant, subdit: *Clamabunt enim ad Dominum à facie tribulantis, & mittet eis Saluatorem & propugnatorem, qui liberet eos.* Quamobrem Nicolaus Lyranus hanc prophetiam in Glossa ordinaria explicans, iure dixit: *Hoc potest referri ad Christum, ita quòd iste titulus sit: IESVS NAZARENVS REX IVDÆORVM, qui in termino vitæ passibilis Christi fuit positus super Crucem. Signum autem Crucis ponitur in altaribus & locis Christi nomine dicatis.* D

Flavius Iosephus, cuius in Historia clara fama est, putauit prophetiam hanc tunc adimpletam, cum Onias Hebræus sacerdos Simonis filius, ab Ierosolymorum vrbe aufugiens, propter bellum, quod Antiochus Syriæ Rex Iudæis intulerat, in Ægyptum se contulit; vbi à Ptolemæo eiusdem prouinciæ Rege benignè acceptus est, templi exstruendi sibi potestate facta, in quo, Hebraico ritu Deo sacrificare liceret. Quapropter delubrum ibi à templo illo, quod Ierosolymis



- A solymis tunc perstabat, satis dissimile, cum turri tamen ingentium lapidum structura, sexagintaque cubitorum altitudine exædificatum est, à Memphi ciuitate stadiorum circiter octuaginta longinquitate distans, & in agro Heliopolitano situm. Quam quidem templi structuram idem Iosephus ab Isaia, verbis quæ superius retulimus, prophetatam censuit; sic enim de ea: *Fuerat autem olim,* De bello Iudaico l. 7. cap. 30. *inquit, prædictio quadam, annis nongentis septuaginta: Isaiasque prædixerat huius templi futuram in Ægypto constructionem à quodam viro Iudeo.* Verum in hoc valde hallucinari Iosephum constat: nam de tam exigui momenti structura Propheta non est locutus, sed de lōgè grauiore ac magis seria mole, quam communis boni necessitas exigebat, & quæ non secundum occidentem litteram, sed secundum viuificantem spiritum intelligenda erat. Quamobrem diuus Hieronymus hanc prophetiam exponens, meritò dixit: *Erit altare Domini in medio terræ Ægypti. quod Onias, secundum Iosephum, malè intelligens, implere conatus est. Et titulus Domini continens passionem, in quo scriptum est Hebraicis litteris, Græcis, & Latinis, IESVS NAZARENVS REX IYDAEORVM. in signum Crucis, & in testimonium vniuersarum Gentium, quæ nunc Ægyptus appellantur. Cumque persecutio creuerit à facie tribulantium nominis Christiani, tunc clamabunt cordibus suis: Abba Pater. Et mittet Dominus exercituum Saluatorem, id est Iesum, & Iudicem, vel Propugnatorem, qui liberet eos: vt liberati cognoscant Dominum, & ipsi cognoscantur à Domino; & vbi abundauit peccatum, superabundet gratia.*
- Sextò prædixit Isaias Crucem Domini sub clauis Metaphora, illis verbis: *Et dabo clauem domus David super humerum eius, & aperiet, & non erit qui claudat: & claudet, & non erit qui aperiat.* Pro clauē enim hoc loco sacri Doctores sanctam Crucem intelligi volunt, quam Redemptor noster non tantum proprijs humeris detulit, cum pro nobis indignis ac miseris crucifigendus deducebatur, sed etiam eā nobis cælum, quod cunctis hominibus antea clausum erat, referauit; eademque antiquas legales cærimonias obstruxit, quas nemo vniquam aperire poterit. Quod autem pro clauē Crux sancta hoc loco sit intelligenda, in Glossa ordinaria his verbis declaratur: *Per clauem, inquit, quam super humerum portat, sceptrum Regni, & signum victoriæ, Crucem possumus intelligere, quam Christus ipse in suo proprio portauit humero: vnde factus est principatus super humerum eius.* Sic etiam per clauē sanctam Crucem intelligi vult Augustinus, qui in quodam Sermone suo sic tradit: *Clausum erat, quia nondum clauis Crucis antecesserat: iam tempus erat vt in mysterio Crucis omnia quæ in Veteri Testamento velabantur, reuelarentur.* Sic etiam Hieronymus locum hunc exponens, per clauē hanc, Crucem sanctam intelligendam esse testatur, inquiens: *Et hæc ipsa clauis erit super humerum eius, hoc est in passione, iuxta illud, quod in alio loco scribitur: Cuius principatus super humerum eius. Quod enim ille in sua passione referauit, claudi non poterit; & quod clausum est in cærimonijs Iudeorum, à nullo alio aperietur.*
- D Septimā sanctæ Crucis prophetia in sacro Isaia libro, quasi gemina auro inclusa in verbis illis diuinè refulget: *Hæc dicit Dominus Deus: Ecce leuabo ad gentes manum meam, & ad populos exaltabo signum meum.* Verbis enim hisce populorum Gentilium ad æterni Regni hereditarem vocatio apertissimè innuitur. Dum enim ipsi in vnigenitum Dei filium Christum Saluatorem nostrum, & in sanctæ Crucis mysterium firma ac viua fide credunt, dici potest, quod Deus manus ad ipsos eleuans atque extendens eos vocauerit, quodque signum Dei, id est sanctæ Crucis vexillum in eis exaltatum fuerit. His autem Isaia verbis sanctæ Crucis mysterium præsignatum esse, Glossa interlinearis fidem astruxit; quæ super verbum illud *Exaltabo*, dicit, *Filium in vexillo Crucis; & super dictionem Signum, inquit, Crucem.* Et Nicolaus Lyranus in Glossa ordinaria, verba illa



In Isaiam  
cap. 49.

illa declarans, *Et exaltabo signum meum*; subdit: *Id est signum Crucis*. Verum sanctus A Hieronymus prophetiam hanc apertius ac plenius declarans, sic tradit: *Ista manus ad Gentes leuata, ipsa est, de qua hic idem Propheta loquitur: Erit radix Iesse, qui exurget ut princeps sit Gentium: in ipsum Gentes sperabunt. Nec solum manum suam leuabit ad Gentes; sed & signum suum exaltabit in populis. Haud dubium quin vexillum Crucis, ut impleatur illud quod scriptum est: Laudibus eius plena est terra. Et iterum: In omni terra admirabile est nomen eius.*

Isaia 51.  
Octaua  
prophetia  
Crucis sub  
typis petra  
& caeuernae  
laci.

Octaua sanctae Crucis prophetia in sacro Isaiae libro sub mysterijs refertissimis Metaphoris in verbis illis reconditur: *Attendite ad petram, unde excisi estis, & ad caeuernam laci, de qua praecisi estis*. Siue ut septuaginta Interpretum habet versio: *Inspicite in solidam petram, quam excidistis, & in foueam laci, quam fodistis*. Nam sub Metaphora petrae excisae vel fissae, Propheta Christum crucifixum innuit, cuius manus & pedes in cruce clauis fixi sunt: & per caeuernam laci, lateris eius vulnus praesignauit; inuitans atque adhortans Iudaeos primum, qui petram sacratissimam hanc crucifigentes fiderant, deinde verò omnes homines qui saluari cupiunt, ut in petram eandem & in vulnera eius sacratissima pie respiciant, è quibus salus humano generi promanauit. Quamobrem Procopius in Glossa ordinaria meritò ait: *Erat petra, docente Paulo, Christus ipse, cui mortem obeunti manus & pedes clauis esse transfossos Scriptura testatur. Significatur item per foueam, latus ipsum haste mucrone vulneratum*. Glossaque ipsa ordinaria, praedicta verba declarans, quae iuxta Vulgatae editionis nostrae textum dicunt, *Et ad caeuernam laci, de qua praecisi estis*, inquit: *Propter fositionem lateris Christi, de qua praecisi estis, quando exiuit sanguis redemptionis, & aqua Baptismatis*. Verum Hieronymus admirabilem hanc prophetiam apertius copiosiusque explicans, *Persecutoribus*, inquit, *iustitia dicitur, ut aspiciant in robustissimam petram quam exciderunt, & in foueam laci quam foderunt, id est Dominum Salvatorem; de quo Apostolus loquitur: Petra autem erat Christus. Et alibi scriptum est: Statuit supra petram gressus meos. Et iterum: In petra exaltaui me. Huius enim latus lancea perfoderunt, de quo exiuit sanguis & aqua. Et huius foderunt manus & pedes; dicente ipso Domino Salvatore: Foderunt manus meas, & pedes meos, & dinumerauerunt omnia ossa mea.*

In Isaiam  
cap. 51.

Nona pro-  
phetia Cru-  
cis, omnium  
apertissima,  
ex Isaia 53.

Nona sanctae Crucis prophetia ab eodem Isaia diuini libri sui capite quinquagesimo tertio aperte prolata est; ubi perinde ac si praesens adfuisset, vniuersum Christi Domini passionis progressum, iniurias, opprobria, ludibria, flagella, Crucem, mortem, & sepulturam narrat. Quocirca idem, ut dictum est, meritò Euangelista potius quam Propheta appellatus est. Proindeque sanctus Isidorus ea multa, quae de Christi Domini passione, Cruce, ac morte hoc ipso Isaiae capite singillatim continentur, attenta mentis consideratione expendens, postquam totum idem capitulum de verbo ad verbum retulisset; haec postmodum adiecit: *In qua lectione, non solum quia abiectus apparuit Christus, sed etiam ibi eius generatio caelestis exprimitur, infirmitates quoque susceptae carnis eius manifestantur. Contumelia quoque passionis eius, Crux, mors, sepultura, ibi monstratur; & quod innocens damnatur, & tacens, ibi panditur. At verberum ac flagellationis liuor, & mors Crucis, quam Saluator noster pro nobis miseris pertulit, apertius ac magis praecipue eiusdem capitis verbis illis prophetata est: Ipse autem vulneratus est propter iniquitates nostras, attritus est propter scelera nostra. Super quibus verbis Glossa interlinearis ait: Foderunt manus eius, & pedes eius; ut suo vulnere nostra vulnera curarentur. Et Nicolaus Lyranus asserit, ex Prophetae verbis praedictis per necessariam consequentiam ostendi, Christi passionem nobis fructuosam exitisse; cum ipse propter sua ipsius peccata minime passus sit, sed ut iniquitates ac scelera nostra dilueret atque purgaret.*

De Natiuit.  
Domini  
cap. 16.

Diuus



- A Diuus autem Ambrosius admirabile Christi Domini passionis & mortis mysterium attenta mentis consideratione perpendens, ex quo ipse idem qui summa Dei sapientia est, vitam atque salutem nostram admirabiliter hausit, pulcherrimum animi sui sensum explicauit his verbis: *Dominus Iesus etsi vulneratus est propter peccata nostra, tamen non in illa infirmitate permansit, sed se ipse versauit in melius ad vniuersorum salutem. itaque passione infirmitas est soluta, mors resurrectione. Sicut ergo se ipse versauit ad populorum redemptionem, nec sensit aculeum mortis, aut vulneris infirmitatem; sic eum qui in se credit, etsi grauiter aegrotantem, ut à morte liberet, versat ad vitam. Omne ergo stratum, hoc est, vniuersorum hominum infirmitatem, in sua infirmitate versauit. Suscepit enim infirmitates omnium in sua carne; erexit se in Crucem, & versauit omnium infirmitates in sui corporis infirmitate. Vnde dicit Isaias: *Liore eius sanati sumus. Habent hoc luctatores, ut se subiiciant his quibus congregiuntur atque luctantur, ut opprimi posse videantur; & subito cum aestimantur elisi, quadam arte se versant, ut effundant superiorem: cadit qui portabatur; & is qui portabat, superior inuenitur ut sternat vrgentem. Spirituali itaque palestra Dominus Iesus onera nostra suscipiens, in illa se passionis suae congressione subiiecit, & infirmitatis specie, ut eum aduersarius hominem parem ceteris iudicaret, quem facile posset opprimere, diuinitatis arma deposuit, humanitatis tegmen assumpsit: securus victoriae propius tentator accessit, in costa eum telo militis voluit vulnerare, reputans & hunc sicut Adam per costam posse prosterni. Sed vulneratus latere Dominus Iesus, vitam produxit è vulnere; euacuauit omne peccatum, deiecit aduersarium. Et in illa sui corporis sepultura, cum aestimaretur elisus, sua se virtute versauit: cecidit aduersarius, Dominus resurrexit.**

In Psal. 40.  
Tom. 2.

- B Deinde verò idem sanctus Ambrosius mentis aciem in verba illa reflectens, *Et liore eius sanati sumus*, alibi non satis se admirari posse ostendit, illud planè suspiciendum factorum oppositum; bonum nempe latronem, Christi liuorem in Crucis ligno intuentem, plus eum amasse quàm Iudas in cœnæ epulis dilexit. quandoquidem iste per cibum Magistrum suum prodidit; ille verò Dominum suum per dolorem credidit, & falsus est: *Plus ergo, inquit, in Cruce positus liuorem eius cernens latro diligit Deum. Mira res, plus in Cruce latro Christum diligit, quàm Iudas dilexit in cœna. Ille per cibum supplantat Magistrum, hic credidit Dominum per dolorem.*

Serm. 44.  
Tom. 2.

- C Apertiùs etià idem Isaias mortem quam Christus Dominus sponte pro nobis pertulit, seipsum æterno Patri in ara Crucis sacrificium offerens, prophetauit, cum in eodem capite quinquagesimo tertio dixit: *Oblatus est, quia ipse voluit.* Super quibus verbis Glossa interlinearis ait: *Oblatus est hostia pro nobis in ara Crucis.* Et reuerà oblatus est, quia ipse voluit; non autem quia aliquis eum coegerit, aut coegere potuisset. Quocircà ipsemet ad institutum hoc dixit: *Potestatem habeo ponendi animam meam, & potestatem habeo iterum sumendi eam.*

Ioan. 10.

- D Et propterea diuus Hieronymus inquit: *Non enim necessitate Crucem, sed voluntate sustinuit; dicens in Euangelio: Calicem quem dedit mihi Pater, non bibam illum?* Et ad Petrum, qui scandalizabatur ad Crucis nomen, quia non nouit mysterium, & humano pauore trepidabat: *Vade retro me satana; scandalum es mihi, quia non sapis quæ Dei sunt, sed quæ hominum.*

In Isaiæ  
cap. 53.

Decima sanctæ Crucis prophetia in sacro Isaiæ libro, euidenter in verbis illis retegitur, quæ in quinquagesimi quinti capitis fine scripta sunt: *Et erit Dominus nominatus in signum æternum quod non auferetur.* His enim verbis Isaias non sanctam tantum prophetauit Crucem, quæ signum æternum illud est, quod nunquam amouebitur; sed etiam prædixit Christum Dominum in hoc signo nominandum fore, id est fideles populos, qui hoc signo consignati sunt, ab ipso

Decima  
prophetia  
ex Isaiæ  
cap. 55.



Magistro eorum Christo Christianos denominandos esse. Quamobrem in A  
Glossa ordinaria inquit Procopius: *Ubique enim Christianos à Christo nuncupatos videas, & signum salutis hoc insculpere nomine, quod non est umquam defecturum. Non desunt tamen, qui sine appellatione, Crucem eam, per quam salutem sumus adepti, putent significari.* Et sanctus Hieronymus verba prædicta ipsius Prophetæ exponens, ait: *His, qui de malo commutati fuerint in bonum, erit Dominus in nomen & signum æternum; ut ex ipsius appellentur nomine Christiani, & Crucis eius inurantur cauterio.* De quo signo Simeon tenens in vlnis paruulum loquebatur<sup>a</sup>: *Hic erit in ruinam & resurrectionem multorum, & in signum cui contradicetur.* De quo supra dictum est<sup>b</sup>: *Dabit vobis Dominus signum.* Et Sanctus cantat in Psalmo<sup>c</sup>: *Fac mecum Domine signum in bonum.* Et ipse qui signum est<sup>d</sup>, cum videritis, ait, *signum Filij hominis, quod non deficiet, nec ullo fine mutabitur; sed de præsentì conuersatione transiet in futurum.*

In Isaia  
cap. 55.

<sup>a</sup> Lucæ c. 2.

<sup>b</sup> Isaia 7.

<sup>c</sup> Psal. 85.

<sup>d</sup> Mat. 24.

Luc 21.

Vndecima

prophetia

sub figuris

tinctarum

vestium, &

torcularis,

ex Isa. 63.

Vndecima sanctæ Crucis prophetia in Isaia libro, præalto mysterio & sub B  
apposita Metaphora capite sexagesimo tertio diuinitus-recluditur, vbi dicitur: *Quis est iste qui venit de Edom, tinctis vestibus de Bosra? Iste formosus in stola sua, & gradens in multitudine virtutis suæ? Ego qui loquor iustitiam, & propugnator sum ad saluandum.* Quare ergo rubrum est indumentum tuum, & vestimenta tua sicut calcantium in torculari? Torcular calcaui solus, & de Gentibus non est vir mecum. Quibus sanè verbis, diuinus Prophetæ Spiritus sancti lumine illustratus, Christi Domini ascensionem prospiciens, cum post resurrectionem, deuicta morte, prostrato diabolo, & inferno spoliato, gloriosus ac triumphum ducens cælum conscendit, interrogationem refert quam aliqui Angelorum fecerant, qui eiusdem Christi Domini incarnationis, passionis, Crucis, mortis, & resurrectionis mysterium adhuc plenè non nouerant; cum viderent eum tanta Angelorum ac beatorum hominum atque Sanctorum multitudine vallatum, propria virtute nulliusque auxilio suffultum cælos scandentem, & cælorum Regnum sibi ipsi, C  
ceterisque auctoritate propria referantem, ingenti admiratione obstupefacti dixerunt: *Quis est hic, qui venit de Edom, tinctis vestibus de Bosra? Iste formosus in stola sua, qui graditur in multitudine virtutis suæ? Quibus gloriosus triumphator respondit: Ego sum qui loquor iustitiam, & propugnator sum ad saluandum. Illi verò tam alti & admirabilis mysterij intelligentiam nondum plenè assecuti, admiratione eos impellente, adhuc interrogant, dicentes: Quare ergo rubrum est indumentum tuum, sicut eorum qui vuas calcant in torculari? At ipse, ut eis integrè satisfactum esset, adiecit: Torcular calcaui solus, & de Gentibus ne vir quidem vnus mecum fuit. Quo cælesti profectò atque diuino dialogo, sacratissimum & admirabile passionis & Crucis Redemptoris nostri mysterium plurifariè prophetatum ac præsignatum est, ut sacri Doctores testantur.*

Quamobrem Glossa interlinearis super verbis illis, *Tinctis vestibus*, ait: *Prius sanguine scilicet in Cruce; vel quia etiam tunc apparebant cicatrices eius.* perinde D  
ac si innueret Angelos dixisse: *Quis est iste, qui vestimenta tincta defert? quia viderant ea sanguine aspersa, quem in Cruce profuderat; vel fortè quia vulnerum cicatrices intuebantur, quæ in manibus, in pedibus, atque in latere acceperat.*

Sanctus autem Hieronymus asserit, Edom sanguinem, Bosram verò carnem significare; ita ut verbis prædictis, Christum Dominum crucifixum præsignificatum esse velit; sic enim inquit: *Edom interpretatur sanguis; Bosra caro. Ipsum Dominum nostrum significat crucifixum.* Eadem verò Glossa interlinearis, super aliis verbis illis, *Torcular calcaui solus*, ait: *Pressuram Crucis sustinui solus.* Et Glossa ordinaria, in verbo *Torcular*, subdit, *Torcular, scilicet Crucem & omnia tormenta passionis, in quibus quasi prælo pressus, ut etiam sanguis funderetur.*

In Psal. 67.

At



**A** At Rupertus Abbas, quasi repetitionem illam amplificans, qua Angeli sancti Christum Dominum denuò interrogauerant, cum eum in cælum ascendentem corpore sanguine asperfo admirantes intuerentur, appositè inquit: Si tu es qui loqueris iustitiam, & nullum admisisti peccatum, nonne indumentum tuum, indumentum inquam corporis tui sicut de vtero virginali sumptum est candidum, ita permanere debuit? Quare ergo nunc sanguine est rubrum? Quare vestimenta tua sunt sicut calcantium in torculari? Nam ambæ manus tuæ, ambo pedes tui sic sunt, quasi clavis confixi fuerint; & vnum latus tuum sic est, quasi lancea vulneratum. Hæc omnia signa sunt mortis, quasi tu quoque torcular mortis calcaueris, immò in torculari mortis calcatus sis. Nam in torculari quidem, unde hæc similitudo sumpta est, aliud quod calcatur, aliud est ipse qui calcatur. In passione autem mortis, unde hic sermo est, ipse qui calcatur & ipse qui calcatur, idem est. Calcauit enim ipse, qui semetipsum tradidit pro nobis: calcatus est tamquam botrus, qui sub pressura Crucis, de acino corporis vinum, id est, spiritum suum emisit. Item torcular calcauit, qui, sicut in torculari vinum expressum assumitur reliquis acinis, sic in eadem passione sua bonos redimendo assumpsit, malos iudicando reliquit.

**B** Porro sanctus Gregorius prophetiam hanc apertius ac fusiùs exponens, sic tradit: Quid enim vestimentum eius, nisi corpus, quod assumpsit ex Virgine? Nec tamen illud eius vestimentum est, atque illud ipse. Nam nostrum quoque vestimentum caro dicitur, sed tamen ipsi nos sumus caro qua vestimur. Hoc autem vestimentum illius longè antè Isaias aspiciens per Crucem passionis sanguine cruentatum, duxit: Quare rubrum est indumentum tuum, & vestimenta tua quasi calcantium in torculari? Cui ille respondit: Torcular calcaui solus, & de Gentibus non est vir mecum. Solus enim torcular in quo calcatus est, calcauit; qui sua potentia eam quam pertulit passionem vicit. Nam qui vsque ad mortem Crucis passus est, de morte cum gloria resurrexit. Bene autem dicitur, Et de Gentibus non est vir mecum; quia hi, pro quibus pati venerat, passionis eius esse participes debuerant: qui pro eo quòd illo tempore nec dum crediderant, de ipsis in passione queritur, quorum vita illa passione querebatur.

**C** Sanctus autem Cyrillus Alexandrinus verba antedicta eiusdem Prophetæ ad institutum quoddam suum declarans ait: Isaias testatur dicens: Quis est iste qui venit de Edom, tinctis vestibus de Bosra? Angeli enim mirantes Domini ascensum in cælos, idque magna cum potestate, ita scribuntur dixisse. Sanguine autem tinctum videntes, & mysterium ignorantes, rogant: Quare ergo rubrum est vestimentum tuum, & vestimenta tua sicut calcantium in torculari? Vina enim nuper in torculari expressa, colorem sanguinis conferunt. Christus verò ad eos, ut natura Deus intelligatur, Ego, inquit, iustitiam loquor. Qui autem iustitiam loquitur, id est, docet, quomodo auctor Legis non est? & qui Legis auctor est, quomodo Deus non est? Figuras deinde clauorum monstrante Christo, Angeli rursus interrogant: Quid enim plagæ istæ in medio manuum tuarum? Et dicet: His plagatus sum in domo eorum qui diligebant me. Dilecta enim domus Israhel erat, quæ Dominum clavis & lancea petijt.

**D** Militum enim temeritas hæc fuit; sed iniuria Iudeis, qui crucifigere Christum voluerunt, adscribitur.

Duodecima sanctæ Crucis prophetia, ab Isaiâ sexagesimi quinti capitis verbis illis diuinitus prolata est: Expandi manus meas tota die ad populum incredulum, qui graditur in via non bona post cogitationes suas. Quasi Propheta sanctus in Christi Domini persona diceret: Ego vno toto die pendens in ligno Crucis brachia mea expandi, ut Iudæorum populum amplecterer, eosque tamquam filios dilectissimos sinu meo exciperem, æternum Patrem meum precatus, ut enorme peccatum impiissimumque in me patratum facinus eis dimitteret. Verum ipsi ingratiissimi & increduli, in malitiæ & peruiaciæ via pessima gradientes, pro eo ut me verum Messiam ac mundi Saluatorem agnoscerent, infinitis panè op-



probriis atque ludibriis affecerunt. Quamobrem Glossa ordinaria prædicta verba declarans, ait: *Expandi manus meas in Cruce, orans pro eis: Pater ignosce illis, quia nesciunt quid faciunt. Vel ut eos reciperem & collocarem in sinu meo, vel beneficia operum largiendo, ex quo eduxi eos ab Ægypto. Incarnatus quoque, infirmos eorum curavi, mortuos suscitavi, paucis panibus eos pavi: ipsi tamen semper extiterunt increduli.*

Quod autem Spiritus sanctus per os Isaia Prophetæ locutus, verbis prædictis Christum Dominum brachiis in Cruce extensis innuere voluerit, omnes ferè sacri Doctores testantur. Quocircà Iustinus Martyr ad Antoninum Pium

Apolog. 2.  
ad Antoninum.

Imperatorem pro Christianis scribens, ait: *Iesus Christus autem manus expansus est cum à Iudeis crucifigeretur, respondentibus ei atque dicentibus non esse eum Christum.* Sic enim eadem quoque verba ad Domini nostri Iesu Christi Crucis significationem deducit S. Cyprianus aduersus Iudeos. Sicque ipsa eadem intel-

Aduersus  
Iudeos li. 2  
cap. 20.

lexit etiam ac declarauit Origenes his verbis: *Judei autem vsque adhuc querunt de Christo, & interrogant Scripturas de eo, & non inueniunt; quia Crux eius eis est scan-*

In Epist. ad  
Romanos  
lib. 8. c. 10.  
in fine.

*dalum, & ideò dicit ad eos: Tota die expandi manus meas ad populum non credentem, sed contradicentem. Hoc est, cum penderet in Cruce, illi non solum non inuenerunt eum, sed insuper dixerunt: Si Filius Dei es, descende nunc de Cruce, & credemus tibi. Sed*

In Isa. c. 65

*audi quid in Sapientia Salomonis dicatur: Quia non inuenitur ab his qui tentant eum, apparebit verò his qui non sunt increduli ad eum.* Eadem ferè S. Hieronymus, locum hunc quoque exponens, litteris commendauit: *Denique, inquit, cum ille in Cruce extenderet manus ad populum non credentem, & diceret: Pater ignosce illis; quod enim faciunt, nesciunt. illi è regione dicebant: Vah qui destruis templum Dei, & in tribus diebus ædificas illud: descendat nunc de Cruce, & credemus ei.*

Decima  
tertia pro-  
phetia, nepe  
Crucis per  
Apostolos  
vbique præ-  
dicandæ, ex  
Isaia 66.  
In Glossa  
sa ordina-  
ria.

Decima tertia sanctæ Crucis prophetia in sacro Isaia libro sexagesimi sexti capitis verbis illis euidenter retegitur: *Et ponam in eis signum, & mittam ex eis qui saluati fuerint, ad Gentes.* Hisce namq; verbis non tantum sanctæ Crucis signum innuitur, quod in Baptismi & Confirmationis Sacramento cunctis Christi fidelibus imprimitur, sed etiam mandatum præsignatur ac prænuntiatur, quod Christus Dominus Apostolis ac Discipulis suis dedit, dicens: *Euntes in mundum vniuersum, docete omnes Gentes, baptizantes eos in nomine Patris, & Filij, & Spiritus sancti.* Quamobrem iure Theodoretus inquit: *Completa est hæc prophetia, cum Matthæi cap. xxviii dixit Dominus: Euntes docete omnes Gentes. Apostoli enim missi à Domino, promulgauere Euangelium apud omnes nationes.* Quod autem his verbis Prophetæ sanctæ Crucis signum præsignificatum sit, Glossa ipsa ordinaria apertè sic declarat: *Et ponam in eis signum, scilicet Crucis Christianitatis; secundum quod dicitur Matthæi cap. xxiii. Tunc apparebit signum Filij hominis in celo; quod exponunt Origenes & Chrysostomus, de signo Crucis mirabiliter radiante in Iudicio, ad gloriam Fidelium, & confusionem reproborum; & maxime eorum qui eum crucifixerunt manibus, siue linguis.* Sanctus verò Hieronymus locum hunc exponens, itidem docet, pro signo quod Prophetæ hoc loco innuit, sanctæ Crucis signum intelligi. sic enim tradit: *Et ponet in eis signum, quod in Ezechiele principio sub Tau litteræ Hebraicæ interpretatione monstratur. Quo signo qui fuerit impressus, manus percutientis effugiet. Hoc & postes domorum in Ægypto signantur, quando pereunte Ægypto, solus Iffraël mansit illaesus. De hoc signo quod Achaz Rex Iuda nolebat accipere, Iffaias Prophetæ testatur: Propterea dabit Dominus vobis signum: Ecce Virgo in utero concipiet, & pariet. Vnde & Prophetæ quod promissum fuerat, deprecatur: Fac mecum signum in bonum. Et in alio loco: Dediisti metuentibus te significationem, ut fugerent à facie arcus.*

Atque his prophetiis hîc finem imponentes, quæ ex libro sancti Isaia Prophetæ excerpuntur, Dominum summis precibus obsecremus, ut sanctæ Cru-



A cis signum cordibus etiam nostris sic imprimere dignetur, ut firma fide, solida spe, ac flagrante charitate illud in nobis & supra nos dignè deferentes, mereamur sub eius clypeo ac protectione defendi, ut sæculi huius tribulationes, & antiqui hostis tentationes superare valeamus: & in die Iudicii sic à facie arcus fugiamus, ut æternæ damnationis formidabilem atque letiferam in nos sagittam non intorqueat. Amen.

## CAPUT VIII.

*De sanctæ Crucis Prophetiis, quæ ex Ieremia & Ezechielis sacris libris excerpuntur.*

B **P**OST Isaiæ Prophetæ sacrum codicem, Ieremiæ & Ezechielis libri sequuntur. Quamobrem cum de sanctæ Crucis prophetiis, quæ in prædicto Isaiæ volumine continentur, præcedenti capite tractauerimus, ordo ipse ac necessaria quædam nunc exigit consequentia, ut de his agamus, quas duo isti etiam Maiores Prophetæ diuinitus protulerunt. Quoniam verò utriusque simul, multo minori, quam quæ Isaiæ sunt, numero comprehenduntur, ita ut vnico capite commodè includi possint; idcirco de his quæ Ieremiæ primò, deinde verò quæ Ezechielis sunt, præsentī hoc capite tractabimus. Ieremias ergo, *Quis & quantus Ieremias Propheta fuerit.* cuius nomen declaratur Excelsus, Helciæ Sacerdotis filius fuit, ortus in vico Anathoth, qui tertio ab vrbe Ierosolymorum lapide distat. Priusquā in vtero matris formaretur, à Deo agnitus; & priusquam inde egrederetur, sanctificatus est. In Iudæa Sacerdos, Propheta in Gentibus constitutus, ut virgo permaneret admonitus fuit. Hic cum adhuc puer esset, prædicare cœpit, vaticiniaque sua scribere aggressus est, rudi potius quam eleganti stilo, sed sensuum maiestate quadam alta atque sublimi. Scripsit sub eodem, ipso dictante, Baruch Neriæ filius librum prophetiarum eius atque visionum, quas à Deo assecutus fuerat, de Hebræorum calamitate ac ruina, & de Christi futura Ecclesia, vnius siue duorum super quadraginta vel circiter annorum spatio; ab anno videlicet decimo tertio regni Iosia filij Amon Regis Iuda, vsque ad Ierosolymorum vrbs euerisionē, & vsque ad transmigrationem residui tribus Iudæ in Ægyptum. Librum illum etiam conscripsit, quem Hebræi *Cimoth*, Græci autem *Threnos*, Latini verò *Lamentationes* appellant: in quo lugubri carmine prædictæ ciuitatis ruinam, populi que eius miseram captiuitatem deplorauit; carmina sua ita per Alphabeti ordinem disponens, ut primum ab Aleph, secundum à Beth, & tertium à Ghimel exordiat, sicque per ceterarum litterarum ordinem vsque ad Alphabeti finem discurret; idque quater à principio ad finem vsque prosequitur.

D Is sæpè publicè concionari consueuerat, populi peccata liberè carpens, poenitentiamque auribus eius passim inculcans: quamobrem improborum hominum ingens odium contraxit. Sæpè à perfida plebe malè acceptus, crudeliter verberatur, vinculis alligatur, in carcerem truditur, & in lacum demergitur. Demum verò in Ægypto, in ea ciuitate quam Hieronymus Thamnas, alij verò Taphnas, recentiores autem Taphnum siue Tanes appellant, à populo lapidibus obrutus est, atque in eo loco tumultus, vbi olim Pharaon habitauerat. Verumtamen quia precibus eius Deus ab eodem loco serpentes abegerat, Ægyptiosque ab eorum infestatione ac morsibus liberauerat, hinc factum est, ut sepulchrum eius ab eisdem Ægypti populis amplissimis honoribus diu veneratum fuerit. Non defuere tamen aliqui, ac inter eos præcipuè Victorinus Martyr, alii que veteres sancti Patres, qui opinionem hanc se imbibisse



ostendunt, Ieremiam adhuc in humanis agere, atque in nouissima mundi ætate vnà cum Elia ad prædicandum contra Antichristum venturum, & ab eodem interficiendum esse. A

Multa ergo sanctus hic & magnus Propheta prædixit, non tantum de Christi Domini Ecclesia, vt superius innuimus; sed de eius etiam sancta Cruce admirabiles prophetias protulit. Inter quas insignis planè illa est, de qua vna dūtaxat, vt breuitati consulamus, hoc loco mentionem facere decreuimus: præsertim verò cū hæc eadem ipsa altissimis sacramentis admirabilibusque mysteriis adeò redundet, vt vna certè pro multis plenè sufficere possit. Quandoquidem præuidens Ieremias, Spiritus sancti lumine prædocente, incarnatum Verbum, vnigenitum Dei Filium, verum Messiam, ac mundi Redemptorem Christum Dominum, impij & scelestissimi Scribarum ac Phariseorum consilij molimine, tamquam agnum innocentissimum ac mansuetum ad immolandum in ara Crucis deducendum esse, in persona eius inquit: *Ego quasi agnus mansuetus, qui portatur ad victimam, & non cognoui; quia cogitauerunt super me consilia, dicentes: Mittamus lignum in panem eius, & eradamus eum de terra viuentium, & nomen eius non memoretur amplius.* Quam admirabilem prophetiam dum sancti Patres exponunt, ad sanctæ Crucis Domini significationem passim deducunt: cunctique in hanc sententiam eunt, pro pane hoc loco corpus eius intelligendum esse, cū ille de semetipso dixerit: *Ego sum panis viuus qui de celo descendi.* atque per lignum sanctam eius significari Crucem, cui sacratissimum corpus eius confixum est. B

*Illustris prophetia de agno & ligno missio in panem, ex Ierem. 11. cap.*

*Diuiinarū instit. lib. 4. cap. 18.*

*Aduer. Iudæos c. 10. & contra Marcionē lib. 3. c. 19.*

*Aduerfus Iudæos l. 2. cap. 20.*

*In Psal. 35. Tomo 2.*

*In Ierem. cap. 11. S. Gregor. Moralium lib. 3. c. 11. & lib. 12. cap. 4.*

Quamobrem Lactantius Firmianus suo Diuiinarum institutionum tractatu verba prædicta declarans, ait: *Lignum Crucem significat, & panis corpus eius: quia ipse est cibus & vita hominum qui credunt in carnem quam portauit, & in Crucem in qua pependit.* Tertullianus autem aduersus Iudæos hanc ipsam prophetiam eodem sensu exposuit his verbis: *De hoc ligno Crucis etiam Deus insinuat per Ieremiam, quod essetis dicturi: Venite, mittamus in panem eius lignum. Vtique in corpus eius lignum missum est. Sic enim Christus reuelauit, panem corpus suum appellans, cuius retrò corpus in pane Prophetes figurauit.* Similia quoque idem Tertullianus protulit contra Marcionem hæreticum scribens. Sic etiam eandem hanc prophetiam intellexit atque exposuit Cyprianus Martyr ac Pontifex, aduersus Iudæos scribens. Diuus autem Ambrosius Prophetæ verba prædicta pariter declarans, atque ad eundem sensum deducens, altissima mysteria admirabiliaque sacramenta, quæ in hac eadem prophetia conduntur, sic appositè explicauit: *Bene panem dixit pro carne eius. Ille alimentum detulit, isti pro beneficio retulere supplicium. Non mirum ergo si esuriunt, qui sibi vitæ æternæ alimoniam denegarunt. Pulchrè etiam duo ista iunxerunt: Iniciamus lignum in panem eius. Nesciebant quid loquerentur Iudæi, & mysterium loquebantur. Paradisum nobis Crux reddidit Christi. Hoc est lignum quod Adæ Dominus monstrauit, dicens: De ligno vitæ, quod est in medio Paradisi, edendum: de ligno autem scientiæ boni & mali non edendum. Errauit Adam, mandata non tenuit, interdictum gustauit. Per lignum cæpimus esurire, quia suum caro accepit alimentum; ideo Dominus in Christo carnem iunxit & lignum, ut fames antiqua cessaret, vitæ gratia redderetur. Beatum lignum Domini, quod omnium peccata crucifixit. Beata caro Domini, quæ victum omnibus ministravit.* D

Sanctus verò Hieronymus hanc ipsam prophetiam pariter exponens, per lignum, Crucem; & per panem, corpus Christi Domini intellexit, dicens: *Mittamus lignum in panem eius: Crucem videlicet in corpus Saluatoris. Ipse est enim qui ait: Ego sum panis qui de celo descendi.* Sic etiam Gregorius eandem exposuit his verbis: *Lignum quippe in panem mittere est consigendo eius corpori stipitem Crucis adhibe-*



**A** hiberet. Sanctus autem Isidorus fufius atque apertius eandem prophetiam itidem explicans, de ea fic tradit: *Jeremias Propheta ex persona Christi prädixerat, dicens: Ego quasi agnus mansuetus qui portatur ad victimam, & non cognoui, quia super me cogitauerunt consilia, dicentes: Mittamus lignum in panem eius, & eradamus eum de terra viuentium. Hæc enim quæ passurus erat Dominus à Iudeis, quasi si iam facta fuissent, Propheta commendat. Nam cui est lignum in pane missum, nisi Christo, affixa carne in ligno? Panem enim corpus eius agnoscimus. Lignum in pane esse, fides nostra, Crucem agnoscit in corpore: quia vita corporis sui, panis est; scriptum est enim: Et erit vita tua pendens ante oculos tuos, & timebis diem ac noctem, & non credes vitæ tuæ.* Theodoretus quoque hanc eandem prophetiam explicans, asserit verba illa, *Mittamus lignum in panem eius*, Prophetæ ipsi nullo pacto adaptari posse; sed hæc in Christi Domini persona eum protulisse, qui corpus suum, quod Crucis ligno confixum fuit, panem appellauit: *Istud*, inquit, *omnino non conuenit Prophetae. Qui enim fieri poterat, ut lignum mitteretur in panem? At Christo Domino sermo prophetiæ vel maxime quadrat; nam suum ipsius corpus panem appellauit: Panis, inquit, quem ego dabo, caro mea est, quam ego dabo pro mundi vita. Panem hunc ligno confixerunt, qui putabant se memoriam illius extincturos.*

De passione Domini cap. 35.

In Ieremiâ Homilia 8.

Verum Origenes prædictam prophetiam pariter exponens, & ad sanctam Christi Domini Crucem adaptans, sententia sanè intellectus sui perspicuitate dignissima, sensuque à ceterorum Patrum cogitatione diuerso, de eadem sic tradit: *Panis Iesu quo nutrimur, sermo eius interpretatur. Quia igitur docente eo voluerunt quidam scandalum ponere doctrinæ eius, crucifigentes eum dixerunt: Venite, mittamus lignum in panem eius. Cum enim verbo Iesu & disciplinæ eius coniungitur Magistri crucifixio, in panem lignum mittitur. Et illi quidem insidiantes, dicunt: Venite mittamus lignum in panem eius. Ego verò admirabile quiddam inferam: Lignum missum in panem eius, panem fecit meliorem. Exemplum accipe de Lege Moysis. Sicut lignum quod missum est in amaram aquam, fecit dulcem, sic lignum passionis Christi missum in doctrinam eius, fecit panem illius dulciorem. Antè enim quàm immitteretur lignum in panem eius, quando tantummodò panis erat, & non erat lignum, in vniuersam terram non exierat sonus eius: postea verò quàm assumpsit fortitudinē per lignum, tunc in vniuersum orbem passionis eius disseminatus est sermo. O cogitatio & animi sensus magno Origene planè dignissimus! quem licet superiùs libro tertio semel iam in medium adduxerimus, hoc loco tamen repetere coacti fuimus; quò huic diuinæ & admirabili prophetiæ Ieremiæ maior lux & claritas accederet. Iam verò ad eas quæ Ezechielis sunt, Spiritus sancti nos aura ducente, conuertamur.*

In Ieremiâ Homilia 8.


**C** Ezechiel ergo, cuius nomen fortitudinem siue imperium Domini significat, Buzi Sacerdotis filius, sacerdos ipse quoque non secus ac Ieremias fuit; ex oppido Sarera ortus, in Christi typo atque figura filius hominis nuncupatus est. Librum suum visionum, prophetiarum, oraculorum, ac reuelationum quas à Deo acceperat, viginti annorum spatio conscripsit; ab anno videlicet quinto captiuitatis Regis Ioachim, quem alio nomine Iechoniam dixerunt, cum quo in Babyloniam captiuus ductus est, vsque ad vigesimum quintum eiusdem captiuitatis annum. Prophetandi initium fecit ætatis suæ anno trigesimo, ad Chobar fluminis oram. Stilus eius non admodum eloquens, neque rudis, sed mediocris habetur. Verum ea quæ ibi tractat mysteria, adeò alta atque obscura produntur, ut apud Rabbinos Hebræos veteri traditione vetitum esse censeretur, ne libri eius caput primum, neque libri eiusdem finis, id est, octo ipsius postrema capita, ab his qui trigesimum ætatis annum non expleuissent, interpretarentur. Prædicabat Ezechiel Hebræis concaptiuis suis, eorum peccata ac scelera liberè arguens; & Dei zelo impulsus, minitandi, & admonendi eos fi-

Quantus fuerit Ezechiel, &amp; quò tempore prophetauerat.



nein non faciens, eorum flagitia atque opprobria increpabat. Quamobrem A  
 cum improborum omnium, præsertim verò Ducis populi sui grauissimum  
 odium contraxisset; ex eo quòd impiæ idololatriæ, qua Chaldaeorum idola co-  
 lebat, scuerissimè coarguerat, ab eo crudeliter interfici iussus est. Vnde à populo  
 tumultatus fuit in agro Maur, in sepulchro Sem & Arphaxad progenitorum  
 Abrahæ. Fato functus est Ezechiel in Chaldaea, circa annum à mundi consti-  
 tutione trecentessimum & sexagesimum super ter millesimum. Flavius Iose-  
 phus in Iudæorum antiquitatibus, ad posterorum memoriam prodidit, Eze-  
 chielem duos prophetiarum libros conscripsisse, quorum alter hodie non extat.  
 At hic vnus ex his fortè esse potuit, quos diuus Athanasius in sua Synopsi com-  
 memorat; qui mentionem facit de insignioribus ac notatu dignioribus his,  
 quæ magnus hic Propheta vidit & scripsit. Quemadmodum enim is cælos  
 apertos vidit, & in eis visiones Dei ipsi ostensæ sunt; sic etiam passionis &  
 Crucis Christi Domini nostri mysterium ei reuelatum fuit: quod tamen sacra- B  
 mentum, sub velo & vmbra metaphoricarum figurarum innuit, ac sub altis-  
 simorum allegoricorumque sensuum significatione describit.

Primò igitur sanctæ Crucis signum ac mysterium prophetauit Ezechiel,  
 idque innuens descripsit sub forma atque figura rotæ siue rotarum, quas vidit,  
 quibus quattuor inerant facies; tunc scilicet, cum quattuor illa animalia pari  
 modo ei commonstrata fuere, quæ quattuor facies habebant, videlicet faciem  
 hominis, faciem leonis, faciem bouis, & faciem aquilæ, inquit: *Cumque aspi-*  
*cerem animalia, apparuit rota vna super terram iuxta animalia, habens quattuor facies.*  
*Et aspectus rotarum, & opus earum quasi visio maris; & vna similitudo ipsarum*  
*quattuor: & aspectus earum, & opera, quasi sit rota in medio rotæ. Per quattuor par-*  
*tes earum euntes ibant, & non reuertebantur, cum ambularent. statura quoque erat*  
*rotis, & altitudo, & horribilis aspectus.* Quibus  
 verbis atque rotarum figura, sanctæ Crucis Do-  
 mini imaginem atque mysterium descripsit ac  
 designauit. Nam si quis rotam vnam alij rotæ  
 immittet, ita vt conuexitatis earum circumfer-  
 rentia in quattuor diuersas partes aspiciat, ne-  
 cessariò in earum interfectione Crucis ima-  
 go effingetur; vt apposito hoc typo clarè de-  
 monstratur.



Quam figuram Theodoretus optimè intel-  
 lexit. Nam prophetiam hanc exponens, inquit:

*In Ezechie-* *Rotarum speciem Propheta ita interpretatur, perinde ac esset, inquit, rota in rota.*  
*lem lect. 1.* *Hoc autem facile poterit inspicere, si quis duos circulos ratione sumptos, alterum in altero*  
*Crucis instar interserat. Talis enim figura, etiam in eadem sede posita, in quattuor par-*  
*tes motum admittit, Orientem inquam, & Occidentem, Aquilonem, & Austrum.* Qua D  
 profectò figura & imagine Deus eidem Prophætæ, & per ipsum nobis omni-  
 bus innuere voluit Christi Domini passionis & Crucis mysterium, à quattuor  
 Euangelistis conscriptum; quorum figuram præsignabant quattuor animalia  
 illa, quæ hominis, leonis, bouis, & aquilæ faciem præ se ferebant; per sancto-  
 rum Apostolorum organum, ceterorumque Catholicæ Ecclesiæ concionato-  
 rum, qui in prædicandi munere successerunt, in omnibus quattuor mundi par-  
 tibus prædicandum & publicandum, non secus ac rotæ illæ in quattuor diuer-  
 sas partes rotantes versabantur.

Aspectum opusque rotarum sibi ostensarum, quasi maris visionem habere  
 dixit Propheta; quorum verborum allegorico sensu sanctæ Crucis quoque  
 figuram



**A** figuram & virtutem innuit, vt appositè sanctus Gregorius prophetiam hanc exponens tradit: *Rectè, inquit, sacra eloquia visioni maris similia narrantur; quia in eis magna sunt volumina sententiarum, cumuli sensuum. Nec immeritò mari similis Scriptura sacra dicitur: quia firmanur in ea sententiæ locutionis, Sacramento Baptismatis. vel certè considerandum est, quia nauibus in mare nauigamus, cum ad desideratas terras tendimus. Nobis autem, quid est desiderio, nisi illa terra, de qua scriptum est: Portio mea in terra viuentium? Ligno autem, vt dixi, euehitur, qui mare transit. Et sci-* In Ezechielem cap. 1.  
*mus, quia sacra Scriptura lignum Crucis per Legem nobis prænuntiat, cum dicit: Maledictus omnis qui pendet in ligno. Quod de Redemptore nostro Paulus attestatur, dicens: Factus pro nobis maledictum. Per Prophetas quoque lignum annuntiatur cum dicitur: Dominus regnauit à ligno. Et rursus: Mittamus lignum in panem eius. Per Euangelium verò lignum Crucis apertè ostenditur, vbi ipsa Domini passio, quæ prophetata est, declaratur. Per Apostolum autem hæc eadem Crux etiam in verbis & operibus tene-* Psal. 141. Deut. 21. Psal. 95. Ierem. 11.  
**B** *tur, cum Paulus dicit: Mihi mundus crucifixus est, & ego mundo. Et rursus: Mihi autem absit gloriari, nisi in Cruce Domini nostri Iesu Christi. Nobis ergo qui ad æternam patriam tendimus, Scriptura sacra per quattuor suas facies mare est, quæ Crucem annuntiat, quia nos ad terram viuentium ligno portat.* Galat. 6.

Addit vlteriùs etiam Propheta rotarum aspectum horribilem esse; & meritò planè. Quid enim carnis illecebris delinitis, & peccatoribus Cruce ac morte horribilius prædicari aut proponi potest? Verùm quia rotæ prædictæ, quibus quattuor facies inerant, quæ in earum interfectione Crucis signum atque figuram protendebant, quattuor Euangelia propriè significabant à quattuor Euangelistis conscripta, Matthæo videlicet, Marco, Luca, atque Ioanne; quorum figuram præ se ferebant quattuor animalia illa, quæ faciem hominis, leonis, bovis, & aquilæ habebant; hinc est, quod Propheta asseruit aspectum earum horribilem esse, innuens prædictorum quattuor Euangeliorum lectionem, quæ **C** in littera ac narratione sua nil aliud pænè quàm Crucem, passionem, & mortem continet, incredulis & carnalibus lectoribus horribilem planè ac prorsus formidabilem futuram: at non fictamen his, qui spiritu Dei, fide, atque iustitia aguntur; quibus Christi Domini vitæ, passionis, Crucis, & mortis contemplatio dulce atque suaue solamen est. Quamobrem Rupertus Abbas meritò inquit: *Talis nimirum rotarum, siue rotæ quattuor facies habentis visio est. Inertibus, & veram fidei virtutem non habentibus tremenda & inaccessibleis est: studiosis autem & bonam spem habentibus, adeò tractabilis, vt non dubitent se nauicula Ecclesiæ, & arbori Crucis committere, ad transmeandam altitudinem dictorum, & sensuum, qui multiplices sunt in Lege, & Prophetis, & Psalmis.* In Ezechielem lib. 1. cap. 11.

Secundò sanctam Crucem prophetauit Ezechiel, virtutem ac salutem innuens, quam sacrosanctum signum hoc in iustis atque in Christum credentibus operaturum erat, dum visionem illam sibi ostensam narrat, virorum nimirum illorum sex, qui venientes per viam portæ, quæ respicit ad Aquilonem, (& in cuiusque manu vas erat interitus) in templum ingressi sunt, inquiens: *Et ecce sex viri veniebant de via portæ superioris, quæ respicit ad Aquilonem. Et vniuscuiusque vas interitus in manu eius. Vir quoque vnus in medio eorum vestitus erat lineis, & atramentarium scriptoris ad renes eius. Et ingressi sunt, & steterunt iuxta altare æreum. Et gloria Domini Israël assumpta est de Cherub, quæ erat super eum ad limen domus. Et vocauit virum qui indutus erat lineis, & atramentarium scriptoris habebat in lumbis suis; & dixit Dominus ad eum: Transi per mediam ciuitatem in medio Ierusalem, & signa Tau super frontes virorum gementium & dolentium super cunctis abominationibus quæ sunt in medio eius. Et illis dixit audiente me: Transite per ciuitatem sequentes eum, & percutite. Non parcat oculus vester, neque misereamini. Senem,* Nobilissimus typus Crucis in signo litteræ Tau, ex Ezech. 9.  
*a dolescen-*



adoleſcentulum, & virginem, paruulum, & mulieres interficite uſque ad internecio- A  
nem: Omnem autem ſuper quem uideritis Tau, ne occidatis; & à ſanctuario meo incipite.

Suprà li. i.  
c. p. 4. &  
lib. j. c. 4.

In Ezech.  
cap. 9.

Cùm autem ſuperius, dum de Cruce commiſſa egimus, & poſtea de trecen-  
tis vernaculis illis, quos Abraham ſecum duxit, cùm ad Lot nepotem ſuum li-  
berandum perrexit, qui vnà cum vxore, ac filiis, vniuerſaſque domo eius capti-  
uus abducebatur à quattuor Regibus illis, qui Sodomorum ac Gomorrhæorum  
vrbes diripuerant, multorum Patrum auctoritate ſuffulti probauimus, ſignum  
Tau, de quo hîc mentio habetur, ſanctæ Crucis ſignum eſſe: ne tædioſa nimium  
prolixitate defatigemur, eadem ipſa hîc repetenda non duximus; cùm ibi cu-  
rioſus Lector in hoc ſibi plenè ſatisfacere poſſit. Sed hoc loco tantum enitemur  
in eo, vt oſtendamus quinam ſex illi viri fuerint, quorum vnusquiſque vas in-  
teritus, ſiue vt Septuaginta expoſuerunt interpretes, ſecurim in manu habebat:  
quis præſertim ſeptimus ille fuerit, qui lineis pannis indutus, atramentarium  
ſcriptoris ad renes habebat; vel vt iidem Septuaginta dixerunt interpretes, veſtitus B  
erat podere, & zona ſapphiri ſuper lumbos eius; denique verò quidnam Deus  
per viſionem hanc Prophetæ ipſi oſtenderit, quidque per ipſum ad captus no-  
ſtri intelligentiam deductum eſſe voluerit: quibus omnibus ſancti Patres ple-  
niſſimè reſpondent. Quocirca ſanctus Hieronymus inquit: *Ad hominum igitur  
peccata delenda, qui in ſexta die fabricationis mundi facti ſunt, veniunt ſex viri, &  
descendunt de porta ſuperiori, & habebat vnusquiſque ſecurim in manibus, de qua  
Joannes loquitur: Iam enim ſecuris ad radices arborum poſita eſt. Omnis arbor, quæ fru-  
ctum non facit, excidetur, & in ignem mittetur. Eratque in medio ſex virorum vnus,  
id eſt, ſeptimus in habitu Pontificis, veſtitus lineis indumentis: & habebat atramen-  
tarium ſcriptoris ad renes ſuos, quo omnium peccata deſcriberet, & Sanctorum à pecca-  
toribus numerum ſegregaret; ſiue zonam ſapphirinam coloris lapidis ſapphiri, qui in orna-  
mentis eſt Principis ſacerdotum. Egreſſique ſunt ſex viri, & ſteterunt iuxta altare  
æneum. Duo enim erant altaria, vnum thymiamatis aureum intrinſecus, & alterum C  
ante templum æneum holocauſtorum. Juxta altare autem ſtare dicuntur parati ad iuben-  
tis imperium, vt cuiuſcumque viderint ibi non eſſe peccata dimiſſa, ſententiæ Domini,  
& interfectioni eum ſubiacere cognoſcant. Deinde verò, vt apertius nobis inſinuaret  
quinam ſex illi viri fuerint, quiſque ſeptimus, qui in medio illorum erat, ſubdit:  
*Quidam ſex viros, ſex interpretantur Angelos, qui Dei pareant voluntati. Ipſumque  
vnum, qui habebat indumenta Pontificis, Saluatorem intelligunt, iuxta id quod Sacer-  
dos eſt, & magni conſilij Angelus; illudque quod dicitur, Tu es ſacerdos ſecundum  
ordinem Melchizedech. Idque, quoad ſeptem virorum illorum perſonas innuiſſe  
ſufficiat; vt mentis oculorum acies referetur ad percipiendum quinam hi eſſe  
potuerint.**

Ad Deme-  
trianum  
libello.

Mysteriū  
Crucis, &  
litteræ Tau  
prolixe ex-  
plicatum  
Exodi 2.

Quid verò hac viſione Ezechielis oſtenſa Deus innuere voluerit, ſanctus Cy-  
prianus declarauit ad Demetrianum Africæ Proconſulem ſcribens; ſic enim D  
ait: *Euadere enim eos ſolos poſſe, qui renati, & ſigno Chriſti ſignati fuerint, alio in loco  
Deus loquitur, quando ad vaſtationem mundi, & interitum generis humani Angelos  
ſuos mittens, grauius in vltimo comminatur, dicens: Vadite, & cadite, & nolite par-  
tere oculis veſtris. Nolite miſereri ſenioris, aut iuuenis, & virginis, & paruulos &  
mulieres interficite, vt perdeantur. Omnem autem, ſuper quem ſignum ſcriptum eſt,  
ne tetigeritis. Quod autem ſit hoc ſignum, & qua in parte corporis poſitum, manifeſtat  
alio in loco Deus, dicens: Transi per mediam Ieruſalem, & notabis ſignum ſuper  
frontes virorum, qui ingemunt & mœrent ob iniquitates quæ ſiunt in medio ipſorum.  
Et quod ad paſſionem & ſanguinem Chriſti pertineat hoc ſignum, & ille ſaluus atque  
incolumis reſeruetur, quiſquis in hoc ſigno inuenitur; item Dei teſtimonio comprobatur  
dicentis: Et erit ſanguis in ſigno vobis ſuper domos, in quibus vos eritis; & videbo*



A sanguinem, & protegam vos, & non erit in vobis plaga diminutionis, cum percutiam terram Ægypti. Quod autem occiso agno præcessit in imagine, impletur in Christo, secuta postmodum veritate. Vt illic percussa Ægypto, Iudaicus populus euadere non nisi sanguine & signo agni potuit; ita & cum vastari cœperit mundus & percuti, quisquis in sanguine & signo Christi inuentus fuerit, solus euadet.

Verum huius Ezechielis visionis ac prophetiæ significationem atque mysterium Rupertus Abbas apertius admodum explicauit his verbis: Notandum er-  
go, quod dicitur: Transi per mediam ciuitatem in medio Ierusalem, & signa Tau super  
frontes virorum gementium & dolentium super cunctis abominationibus, quæ fiunt in  
medio eius. Nam hoc est quod Dominus noster ex hoc mundo transiturus ad Patrem,  
& signum Crucis suæ scripturus in frontibus nostris, non atramento, sed sanguine suo  
& Spiritu sancto, primum prædicare cœpit, dicens: Pœnitentiam agite, appropin-  
quabit enim Regnum celorum. quia videlicet, non quibuslibet, sed gementibus & do-  
lentibus super malis pristinis, id est pœnitentiam agentibus, inscribitur hoc signum. Non  
enim aliter, nisi abrenuntiemus diabolo & pompis eius, baptizamur in remissionem  
peccatorum, quod est accipere Crucis Christi signaculum. Signum hoc tam mortuis ele-  
ctis quàm viuis vir iste sacrauit passione sua; sed & vsque hodie, quamuis in calo se-  
deat, & corporaliter sit absens, quanto scumq; signationis huius habeat ministros, hic est  
qui signat. nam hic est qui baptizat. Transite, inquit, per ciuitatem sequentes eum; &  
percutite, subauditur, omnem super quem non videritis signum Tau: omnem autem su-  
per quem illud videritis, ne occidatis.

Sic quondam in Ægypto præcipiebatur filiis Israël: Fasciculum byssopi tingite san-  
guine, & aspergite ex eo superliminare & vtrumque postem. Transibit enim Domi-  
nus percutiens Ægyptios. Cumque viderit sanguinem in superliminari & in vtroque  
poste, transcendet ostium, & non sinet percussorem ingredi & percutere. Nulla hic  
distinctio Israëlita & Ægyptij, nisi in postibus & super liminaribus domorum san-  
guis agni: nulla itidem distinctio hic iusti & peccatoris, nisi in frontibus signum Tau,  
signum Crucis Christi Filij Dei. Et à sanctuario meo incipite, inquit. Quare? Videlicet,  
quia existimat populus, cuius sanctuarium meum est, quod non indigeat signaculo Cru-  
cis, signaculo iustitiæ Dei, quippe qui iustitiam suam statuere vult, & ideo iustitiæ Dei  
non est subiectus. Ne ergo arbitretur, non necessariam sibi esse iustitiam fidei, & signa-  
culum Crucis Christi, vel ad se non pertinere prophetiam huius percussione: Effundi-  
te vasa hæc omnia super generationem istam, quotquot impleta sunt, à sanguine Abel ius-  
ti; & effundentes atque percutientes, à sanctuario meo incipite, vt non relinquatur la-  
pis super lapidem in isto pulchro templo, neque in ista magna ciuitate: contaminate do-  
mum, implete atria interfectis, & egredimini. Ex quibus verbis satis apertè con-  
iici potest, quidnam hæc prophetica visio significare voluerit, vt proinde, cum  
superfluum videatur his aliquid addere, ad ceteras eiusdem Ezechielis prophe-  
tias stilum conuertamus.

D Tertiò sanctam Crucem Christi que Domini crucifixionem, sub obscura  
quidem, sed allegorici sensus pulchritudine ac lepore effluente Metaphora pro-  
phetauit Ezechiel in decimi septimi capitis verbis illis, vbi iuxta Vulgatam edi-  
tionem nostram dicitur: Hæc dicit Dominus Deus: Et sumam ego de medulla cedri  
sublimis, & ponam: de vertice ramorum eius tenerum distringam, & plantabo super  
montem excelsum & eminentem. In monte sublimi Israël plantabo illud; & erumpet  
in germen, & faciet fructum, & erit in cedrum magnam: & habitabunt sub ea omnes  
volucres, & vniuersum volatile sub umbra frödiū eius nidificabit. Quæ verba iuxta  
Septuaginta interpretum versionem, ita sonant: Hæc dicit Adonai Dominus: Et au-  
feram ego de electis cedri de vertice, & dabo de capite ramorum eius. De corde eorum  
auferam, & plantabo super montem excelsum, & suspendam illud in monte sublimi  
Israel:

In Ezech.  
lib. 1. c. 2.

Ezech.  
cap. 17.  
Cruz Chri-  
sti adum-  
brata per  
cedrum in  
monte ex-  
celso.



Israël: & plantabo, & afferet germen, & faciet fructum, & erit in cedrum magnam: & requiescet sub ea omnis avis, & omne volatile sub umbra eius requiescet. A

Quibus metaphoricis allegoricisque verbis, licet aliquantulum subobscurè, Christi Domini nostri nihilominus incarnationem, Crucem, mortem, resurrectionem, & gloriam, Gentiumque vocationem, ac sanctæ Ecclesiæ congregationem prophetavit Ezechiel. Per cedrum enim, lignum quod nulli corruptioni obnoxium est, æterni Verbi diuinitatem innuit; quod per admirabile incarnationis mysterium, ab æterno Patre in excelsso vteri virginalis monte plantatum est; natumque sacratissimæ humanitatis & corporis sui germen produxit, & virtutum ac miraculorum fructum fecit: deinde verò ligno Crucis in Caluariæ monte suspensum, & mortuum, tertia die resurrexit; ac demum gloriosus triumphator cælum conscendit: eiusdemque odoratissimi & incorruptibilis cedri proceritas, in tantam altitudinem se extulit, ut ad sublimissimam Dei Patris sedem pertingens, ad dexteram eius æternum confessum promeruerit; admirabiliumque ac perexcelsorum operum suorum per orbem terrarum fama diffusa, homines, ac præsertim Gentiles, qui tamquam siluestres volucres à vera Dei agnitione abducti, per inanis, non subsistentis, ac falsæ Religionis aërem, perque errorum filuas, & idololatriæ lucos circumuolabant, ad fidem eius conuersi, sub sanctæ Crucis ramis feliciter nunc quiescunt. B

In Ezechie-  
lé, Sect. 6.  
fol. 462.  
463.

Quamobrem Theodoretus prophetiam hanc exponens; *Per spicuum est, inquit, de Domino ac Salvatore nostro Jesu Christo hæc fuisse prænuntiata, qui à David secundum carnem genus duxit, non ex aliquibus Regni ramis maiores habens, sed ex ipsa Regum successione. Et suspendam ipsum in monte excelsso Israë: excelsus autem Golphas est, ubi salutaris infixa Crux est. Deinde post passionem, resurrectionem, & Evangelij propagationem: Et plantabo eum, & producet germen, & faciet fructum, quem orbis terrarum vindemians & depascens, æternam vitam sperat.* Diuus etiam C Hieronymus hanc ipsam quoque explicans prophetiam, inquit: *Dominus Deus Pater omnipotens, qui locutus est ad Ezechielem, tollit de stirpe Regia, & de genere David, & plantat super montem excelsum & eminentem, qui loquitur in Psalmo: Ego autem constitutus sum Rex ab eo super Sion montem sanctum eius. Defecerat enim Princeps de Iuda, & Dux de Israë, donec veniret cui repositum est, & ipse erat expectatio Gentium. Iste erupit in germen, & fecit fructum, & cedros omnes sua sublimitate superavit, ita ut habitent sub eo omnes volucres celi, & cuncta volatilia illius protegantur umbraculo. De quo dicit Habacuc: Cornua in manibus eius, ibi abscondita est fortitudo eius. Et quæ congregare desiderat quasi gallina pullos suos sub alas suas. Ut omnia regionis ligna cognoscant, quod ipse sit Dominus. Et paulò inferius subdit: Quidam aliter interpretantur; lignum sublime, humiliatum, & humile exaltatum, referentes ad passionem Domini Salvatoris. Qui cum in forma Dei esset, non est rapinam arbitratus, æqualem se esse Deo: sed semetipsum exinaniuit, formam serui accipiens. Et post resurrectionem, ipsum lignum postea sublimatum est, quod prius virens morte siccatum est, & postea reuiuiscens, pristinum recepit virorem.* D

Ezech.  
cap. 41.

Quartò, sanctam Christi Domini nostri Crucem magnus Propheta Ezechiel prophetavit, & sub alta quadam Metaphora eam descripsit; sanctissimumque Eucharistiæ Sacramentum, quod idem Dominus in sua ipsius vltima Cæna instituit, diuinitus præsignauit, verbis illis, quæ in sacri & admirabilis libri sui capite quadragesimo primo iuxta Vulgatam nostram editionem ita leguntur: *Altaris lignei trium cubitorum altitudo, & longitudo eius duorum cubitorum: & anguli eius, & longitudo eius, & parietes eius lignei. Et locutus est ad me: Hæc est mensa coram Domino. Quæ quidem verba, Septuaginta Interpretes ita verterunt:*



**A** terunt: *Visio quasi species altaris lignei; trium cubitorum altitudo eius, & longitudo cubitorum duorum, & latitudo cubitorum duorum, & cornua habebat; & basis eius, & parietes eius lignei. Et dixit ad me: Hæc est mensa, quæ ante faciem Domini. Qui-*

*Altare li-  
gneum, &  
mensa, illu-  
stres typi  
Crucis.*

bus verbis diuinus Vates sanctam Crucem innuit atque descripsit. Ipsa enim

ligneum illud altare fuit, in quo Christus Dominus æterno Patri sacrificium,

pro humani generis reconciliatione ac salute, se ipsum obtulit: sacrosanctum

namque altare istud cornua reuera habuisse dicitur, id est, quattuor extreni-

tates eius; altitudinem scilicet, longitudinem, profunditatem, & latitudinem,

quæ ad dexteram atque sinistram extenditur.

Quam prophetiam Rupertus Abbas diuino planè sensu in hunc modum

expoluit: *Altare ligneum, mysterium Crucis, mysterium & sacramentum passionis*

*In Ezech.  
li. 2. cap. 27*

**B** *Christi est. Cum venisset hora eius, ut transiret ex hoc mundo ad Patrem, in ipso transi-*

*tu respiciens ad dorsum, id est, ad nos, qui credituri eramus post eundem ipsum transi-*

*tum, mensus est altare ligneum, id est, iam dictum Crucis vel passionis sue sacramentum,*

*substantiam panis & vini accipiens in manibus suis, dicensque post benedictionem:*

*Hoc est corpus meum, Hic est sanguis meus. Altaris huius altitudo trium cubitorum,*

*longitudo duorum cubitorum est. Altitudo trium cubitorum, fides est sanctæ Trinitatis,*

*sine qua nusquam est altare Dei. Longitudo duorum cubitorum, extensio geminæ dile-*

*ctionis, Dei & proximi, sine qua nihil dignum Deo potest offerri; qua plurimum indi-*

*get quisquis ad hoc altare hostiam viuam sacrificaturus accedit. Anguli eius, longitudo*

*eius, & parietes eius lignei. Totum quippe altaris Christi sacramentum de ligno constat*

*viuificæ Crucis; quia totius sacrificij summa est passio eius, qui pro omni mundo semet-*

*ipsum super lignum Crucis sacrificauit. Et hæc est, inquit, mensa coram Domino, sub-*

*auditur, sola & unica. nam Iudæi mensa sacrificij iam non est coram Domino. Ne of-*

*feratis, inquit, ultra sacrificium frustra; incensum abominatio est mihi. Item: Numquid*

*manducabo carnes taurorum, aut sanguinem hircorum potabo? subauditur, Non. Sed*

**C** *quid? Immola Deo sacrificium laudis, & redde Altissimo vota tua.*

Quintò, magnus Propheta Ezechiel sanctam Domini nostri Crucem ite-

rùm sub altaris Metaphora prophetauit verbis illis, quæ libri sui capite quadra-

gesimo tertio leguntur: *Et dabis sacerdotibus Leuitis, qui sunt de semine Sadoc, qui*

*Ezech. 43.*

*accedunt ad me, ait Dominus Deus, ut offerant mihi vitulum de armento pro peccato.*

*Et assumens de sanguine eius, pones super quattuor cornua eius. Per vitulum enim,*

*quem hoc loco Deus pro peccato offerri præcepit, Iesus Christus Dominus ac*

*Redemptor noster præsignatur, qui in ara Crucis pro omnium hominum pec-*

*catis æterno Patri oblatu est sacrificium; cuius sanguine pretiosissimo quattuor*

*altaris cornua, id est, quattuor Crucis extremitates aspersæ sunt. Et quemad-*

*modum immolati vituli cruore quattuor altaris cornua purificabantur; ita &*

*Christi crucifixi sanguine quattuor mundi plagæ expiatae atque sanctificatae*

*sunt. Quamobrem diuus Hieronymus verba prædicta sic exponit: Quòd au-*

*In Ezech.  
cap. 43.*

**D** *tem tollitur sanguis, de quo loquitur Petrus: Redempti estis de vana vestra conuer-*

*satione paternæ traditionis, pretioso sanguine Christi. & Paulus Apostolus docet: Pre-*

*tio redempti estis. & in alio loco: Pacem faciens per sanguinem Crucis suæ, siue in ter-*

*ra, siue super celos. illud significat, quòd sanguine Saluatoris quattuor cornua purifican-*

*tur altaris, id est, quattuor mundi plagæ. Sed de insignioribus sanctæ Crucis pro-*

*phetiis quas Ezechiel altissimè protulit, hactenus breuiter dixisse sufficiat; con-*

*sequenterque, à Maioribus Prophetis expediti, ad Minores conuertemur.*



## CAPVT IX.

*De sancta Crucis Prophetiis, quæ sacro duodecim Minorum Prophetarum libro continentur.*

Minores  
Propheta  
unde dicti.

**I**VRE suo nunc postulat omnis ratio, ut cum de sanctæ Crucis prophetiis, quæ in Maiorum Prophetarum libris continentur, hætenus tractauerimus, agamus nunc de his, quas Minores etiam diuinitus protulerunt. Hos Hebræi Chaldaico verbo ab eorum numero, *There asar*, id est duodecim, appellant; omnesque vnico volumine perstringunt: non quod omnes vno eodemque tempore prophetauerint, sed ne ipsorum scripta perirent, si separatim conglutinarentur, cum eorum libri breuissimi sint: ex quo factum est, ut Minorum Prophetarum nomen sortirentur; non autem quia minora ceteris prophetauerint. **B**

Christus  
mors mor-  
tis, & mor-  
sus inferni.  
In Osee  
cap. 13.

Primus autem ordine in duodecim Prophetarum libro Oseas ponitur, cuius nomen saluatorem significat. Filius fuit Beer, in terra Belomoth ex tribu Issachar ortus. Librum suum per capita & periodos, ac ferè per sententias digestum conscripsit. Prophetauit contra decem tribus Israel, sub nomine Ephraim, & Samariæ, & domus Ioseph. Inter omnes Prophetas, Gentium vocationem, Hebræorumque reprobationem apertè admodum prædixit. Vixit tempore Osiæ, Ioathan, Achaz, & Ezechia, Regum Iuda, Isaiaque contemporaneus fuit. Aduentum etiam Domini nostri Iesu Christi sanctus hic Propheta prænuntiavit; mortemque eius in Cruce, qua electos suos ab æterna morte liberaturus erat, mortem ipsam perimens, infernumque frænans ac spoliens, clare prænuntiavit. Vnde quasi in eiusdem Domini ac Saluatoris nostri persona loqueretur, inquit: *De manu mortis liberabo eos, de morte redimam eos: ero mors tua, o mors: morsus tuus ero inferne.* Quæ verba exponens diuus Hieronymus, **C**  
Liberavit autem, inquit, omnes Dominus, & redemit in passione Crucis, & effusione sanguinis sui, quando anima eius descendit ad infernum, & caro eius non vidit corruptionem; & ad ipsam mortem atque infernum locutus est: *Ero mors tua, o mors. idcirco enim mortuus sum, ut tu mea morte moriaris. Ero morsus tuus inferne, qui omnes tuis faucibus deuorabas.*

Ioël. 2.

Lignum Cru-  
cis etiam à  
re: quoniam magnificauit Dominus  
Ioèle pro-  
phetatum.

In Ioël. c. 2

Post Oseam autem in duodecim Minorum Prophetarum libro sequitur ordine Ioël, cuius nomen incipiens siue descensus Domini declaratur. Filius fuit Phatuel, cuius nomen latitudinem siue portam Domini tropologicè significat. Quasi duo hæc nomina simul iuncta innuere velint: Quicumque portam & scientiam Domini apertam habuerit, hic rectè prophetare incipiet. Natus est Ioël in agro Betoron siue Bethor, ex tribu Ruben. Paruum libellum prophetiarum suarum conscripsit, in quo mala quæ mundo obuentura erant, prænuntiavit; præsertim verò duabus hisce tribubus, quæ Iudas, Ierusalem, & Iacob appellabantur, propter peccatorum ac scelerum magnitudinem. Vixit eo tempore quo Ioram filius Achab regnabat in Israël. Crudelem atque horribilem famem, quæ tempore suo futura erat, prædixit; & paulò post vita functus, cum honore & gloria in patria sua sepultus est. Christi quoque Domini mysteria prophetavit; inæstimabilemque fructum, quem Crux eius sancta mundo allatura erat, apertè prænuntiavit, cum dixit: *Noli timere terra, exulta & letare: quoniam magnificauit Dominus ut faceret. Nolite timere animalia regionis, quia germinauerunt speciosa deserti: quia lignum attulit fructum suum.* Quæ verba Hieronymus in hunc modum exponit: *Ne timeas terra, immò confide atque letare: quæ prius sementem Dominicam tua ariditate perdideras: quia magnificauit Dominus ut face-*



A faceret tecum misericordiam; in tantum ut etiam iumenta regionis, & deserta solitudinis, letis noualibus complerentur, & lignum Crucis afferret fructum suum, & Spiritus sancti dona dulcissima suam cunctis tribuerent largitatem.

Tertius in ordine in duodecim Minorum Prophetarum libro, iuxta ipsius Hieronymi Hebraicam versionem, Amos constituitur, qui Isaia Prophetæ pater nequaquam fuit, ut quidam errore ducti arbitrati sunt. Hebræi enim nomen illius per Aleph litteram in principio appositam describunt, fortemque ac robustum significat; istius verò per Ain & Samech, ac declaratur populus auulsus. Prophetavit enim contra decem tribus, quæ propter inobedientiam & idolatriam à Dei cultu, & à domo David sese abalienauerant. Natus est in oppido Thecue, sex milliaribus ad Australem plagam à Bethleem distante, ut sanctus Hieronymus scribit, in tribu Iudæ. Hic cum Propheta non esset, nec filius Prophetæ, sed homo plebeius & pastor, repente in Prophetarum numerum vocatus, ad Israëliticum populum à Deo missus est; in mandatis accipiens, ut Samariam petens, ibi quæ ventura erant prophetaret. Quem ab Amasia Rege iniuriis ac verberibus frequenter affectum, demum Ozias filius eius in regno successor, barbara planè atq; immani crudelitate necauit, ligneo atque acuto vecte per tempora transfixo: semiuivusq; in patriam euectus, post dies aliquos excessiuo vulneris dolore victus, truculentissimoq; pœnarum agone conflictatus, cunctantem efflauit animam, & cum patribus sepultus est. Hic Christi passionem & mortem in Cruce prophetavit; innuens ea de causa, & propter sacerdotum Iudæorum auaritiam ac scelera, eorum templum euertendum, & populum obtruncandum; sic enim ait. *Vidi Dominum stantem super altare, & dixit: Percute cardinem, & commoue-*

buntur superliminaria. Auaritia enim in capite omnium: & nouissimum eorum in gladio interficiam. In quem prophetiæ locum sic Rupertus Abbas: *Magna verè visio, & magnæ rei significatio extitit. Prophetico deinde spiritu vidit, & reuerà futurum erat, quod illi talis visio præostendit. Querimus ergo, ubi, vel quando factum sit tale quid, cuius in signum stans Dominus super altare videri debuerit. Querentibus autem in toto Christi Evangelio, vel in omni Evangelicæ gratiæ sacramento, nihil tam magnum, nihil tam evidens secundum huius visionis proprietatem nobis occurrit, quàm schema vel habitus Domini nostri Iesu Christi crucifixi. Crucifixus namque & sacrificium pro nobis factus, super altare Crucis stetit, statione difficili, statione laboriosa sibi. Diligenter animaduertendum, nec umquam oculis mentis nostræ debet abesse stationis illius spectaculum. Pendebat, & stabat manibus ad Crucis cornua confixis, pedibus ligno suppedaneo per clauorum fixuram coherentibus, in modum stantis. Taliter stans ipse hostia; Cruce verò altare erat. Propter talem eius stationem futurum erat, ut destrueretur illud Iudaicæ superbiæ templum; iuste profectò, quia taliter stanti crudeles insultantes dicebant: Vah qui destruis templum, & in triduo illud reedificas. Dixit ergo ita stans: Percute cardinem, & commoueantur superliminaria. Cuicumque dixerit, siue videnti hæc Propheta, siue Angelo; nimirum illa in visione percussio cardinis, & commotio superliminarii, certissime ad futurum significabat templi exterminium, tanta percussione, tanta commotione, ut hodieque admiretur orbis terrarum. Quam ob causam? Auaritia enim, inquit, in capite omnium: cui videlicet auaritiæ crudelissimæ fructus fuit, auaris & impiis scelus istud, quod taliter Dominum super altare Crucis stare fecerunt. Nam cum quotidie disputaret contra auaritiam illorum, illud maximè concitauerat eos, quod diutius non ferens pertinaciam auaritiæ, propter quam domum Patris, domum orationis, speluncam fecerunt latronum, Scripturam implevit, dicentem, Zelus domus tue comedit me; mensas numulariorum, cathedrasque vendentium columbas, conuertens; factoque de resticulis quasi flagello, cunctos eiiciens.*

Amos 9.  
Synagoga  
reprobata,  
Domino  
stante super  
altare Crucis.  
Rupertus  
in Amon  
Prophetam  
lib. 4. cap. 9  
Tom. 2.

Psal. 68.  
Matth. 21.

Nunc autem sanctæ Crucis prophetias, quas Abdias, Ionas, Micheas, Nahum,



hum & Sophonias Prophetæ protulisse potuerint, vltro prætermittentes; ad eas  
 quæ Habacuc sunt, breuitati consulentes, veniemus. Habacuc igitur, cuius no-  
 men luctator declaratur, in agro Bezocar sine Betacar ortus, ex tribu Simeon,  
 eo tempore vixit, quo Nabuchodonosor Babyloniæ Rex, Ierosolymorum vrbe  
 expugnata, temploque Dei euerso, Hebræorum populum in seruitutem ab-  
 duxit. Verum ante vrbs prædictæ expugnationem captiuitatemque, ipsam in-  
 gentem desolationem & calamitatem, quæ eidem vrbi ac populo eius immi-  
 nebat, prospiciens, diu multumque cum super ciuitatem eandem, tum super  
 populum luxit. Appropinquante autem Nabuchodonosor cum exercitu Iero-  
 solymis, in Ostracinam aufugiens se recepit; ibique incola permansit, donec  
 hostes Chaldæi Ierosolymâ abeuntes, sese ad propria receperunt. Ille verò in  
 patriam reuersus dum die quadam messoribus suis prandium afferret, repente  
 ab Angelo raptus, capillisque in aërem leuatus, in Babyloniam delatus est, vt  
 cibo illo Daniele in lacum leonum immissum refocillaret. Multa Habacuc  
 ipse de Christi Domini aduentu ac de sancta eius Cruce prophetauit. Biennio  
 verò antequam populus postliminiò reuerteretur, morte præuentus, in patria  
 sua perhonorificè sepultus est.

Habacuc 2. Sanctam autem Crucem primò prophetauit Habacuc, cum dixit: *Lapis de*  
*Prima pro-* *pariete clamabit, & lignum quod inter iuncturas ædificiorum est, respondebit. Quæ*  
*phetia Ha-* *verba in Septuaginta interpretum versione ita leguntur: Propter quod lapis de*  
*bacuc de* *pariete clamabit, & scarabeus de ligno loquetur ea.* Iuxta verò aliam litteram quam  
*Cruce.*

Hieronymus prodit, sic sonant: *Lapis de pariete clamabit, quasi vermis in ligno lo-*  
*quens.* Quæ sanè verba, licet secundum litteram atque exterioris sensus intelli-  
 gentiam, contra Nabuchodonosor ab ipso Propheta prolata esse videantur,  
 dicente, quòd Ierosolymorum ac sacri templi ædificiorum, quæ ille impiè de-  
 molitus fuerat, lapides & ligna vltionem tanti sceleris contra eum exclamatura  
 erant; Spiritus sanctus nihilominus, qui in eo loquebatur, verborum illorum  
 sensum ad altiora & grauiora dirigens mysteria, sub lapidis & vermis Meta-  
 phora Christum Dominum innuit; qui lapis ille fuit ab ædicatoribus repro-  
 batus, & factus est in caput anguli; vermisque ille extitit, de quo diuinus Psal-  
 tes intellexit, cum in eius persona inquit: *Ego autem sum vermis, & non homo; op-*  
*probrium hominum, & abiectio plebis.* Qui vermis, sic appellatus ob profundissimæ  
 suæ humilitatis excessum, ac propter enormes iniurias atque ludibria, quæ in  
 passione sua sustinuit; tunc profectò è ligno clamauit, cum Crucis ligno con-  
 fixus vociferatus est, dicens: *Deus Deus meus, vt quid dereliquisti me?* Deinde  
 verò pro crucifixoribus suis orans, subdit: *Pater ne statuas illis hoc peccatum, non*  
*enim sciunt quid faciunt.* Et demum adiecit: *Pater in manus tuas commendo spiritum*  
*meum.* Quocircà non abs re diuus Hieronymus hæc Prophetæ verba exponens,

In Habacuc ait: *Quidam è nostris, vermem in ligno loquentem, illum esse aiunt, qui dicit in Psalmo:*  
 cap. 2. *Ego autem sum vermis, & non homo; opprobrium hominum, & abiectio plebis.*

Habacuc 2. Secundò Christi Domini passionem & Crucem sanctus Habacuc prophe-  
*Prædictio* *tauit, cum dixit: Væ qui potum dat amico suo, mittens fel suum, & inebrians, vt*  
*secunda de* *aspiciat nuditatem eius. Repletus est ignominia pro gloria.* Nam iure quidem nos  
*felle & nu-* *fabulas ac somnia prætermittentes, quas circa verba hæc Hebræorum Rabbini*  
*ditate Cru-* *referunt, quorum cæcitas à litterarum cortice sese subducere nequit; dicimus,*  
*cifixi.* *hoc loco à Spiritu sancto per os Prophetæ graues minas impietati ac sceleri Iu-*  
*daeorum intentatas, qui fel amico suo Christo Domino propinauit: amico in-*  
*quam, & fratri eius secundum carnem, qui ad illum saluandum venerat, in-*  
*ebrians eum opprobrijs, iniurijs, atque ludibrijs, ac nuditatem eius in Cruce cum*  
*delectatione inspiciens, ignominiaque replens eum, pro honore & gloria, qua*  
 iure



**A** iure optimo ipsum afficere tenebatur. Quam detestandam prorsus iniquitatem per Regij Prophetæ os ipse conquestus ait: *Dederunt in escam meam fel, & in siti mea potauerunt me aceto*. Quamobrem prophetiam hanc exponens Rupertus Abbas, inquit: *Ipse est enim amicus, qui dicit in Psalmo: Et dederunt in escam meam fel, & in siti mea potauerunt me aceto. In tantum amicus, ut frater sit effectus, & nostræ naturæ consanguineus: quippe qui cum Deus esset, homo factus est. Nimirum ipse amicus repletus est ignominia, id est passus est ignominiam, sustinuit mortem, mortem autem Crucis, quam pro summa ignominia miscuit impius illi, Morte (inquiens) turpissima condemnemus eum. Tanta ignominia repletus, passus est pro gloria, videlicet sciens inde sibi prouenturum, ut iam ex eo sederet à dextris virtutis in gloria Dei Patris. Nam propter hoc ait Apostolus: Et Deus exaltauit illum, & donauit illi nomen, quod est super omne nomen; ut in nomine Jesu omne genu flectatur, caelestium, terrestrium, & infernorum; & omnis lingua confiteatur, quia Dominus Iesus Christus in gloria est Dei Patris.*

Comment.  
in Habacuc  
lib. 2. cap. 2.

**B** Tertiò sanctam Christi Domini Crucem Habacuc prophetauit: quin non Crucem tantum, sed & ipsius aduentum, incarnationem, mortem, atque victoriam, quam in eadem morte de morte ipsa ac de diabolo reportauit, diuinitus sanè tunc ac mirum prænuntiauit, cum in caelestis & admirabilis illius Cantici sui initio dixit: *Domine audiui auditionem tuam, & timui: Domine opus tuum, in medio annorum uiuifica illud. In medio annorum notum facies: cum iratus fueris, misericordiae recordaberis. Deus ab Austro veniet, & Sanctus de monte Pharan. Operuit celos gloria eius, & laudis eius plena est terra. Splendor eius ut lux erit: cornua in manibus eius. Ibi abscondita est fortitudo eius: ante faciem eius ibit mors. Et egredietur diabolus ante pedes eius.* Prospiciens namque diuinus hic Vates Spiritus sancti lumine illustratus, benignum ac misericordem Deum, licet iustè ac meritò peccatis hominum succensentem, misericordiae suæ nihilominus memorem, in medio ætatis mundi cursu admirabile opus illud ab se iam ab initio statutum executurum esse, mittens vnigenitum Filium suum, ad humanam carnem in sacratissimæ Virginis utero suscipiendam, ad veram ac salutarem doctrinam disseminandam, & ad mortem Crucis pro nobis miseris oppetendam, ut ab æterna morte, & à diaboli manibus nos eriperet, proinde tam sublimium atque altissimarum rerum progressum paucis hisce verbis admirabiliter perstrinxit atque descripsit. Et perinde ac si è longinquo admonitus esset, excelsam ac tremendam æterni Verbi Christi Domini maiestatem, à quo omnia esse cœperunt, è cælo in terram esse venturum, ut de Creatore creatura, de inuisibili visibilis, de infinito finitus, de impassibili passibilis, de immortali mortalis, & de Deo homo fieret, ingenti stupore correptus, tantæque nouitatis admiratione consternatus, ac pro tam suspicienda diuinæ misericordiae immensitate totus pio horrore repletus, ac tremens ait: *Domine audiui auditionem tuam*; id est, fama admirabilis aduētus tui permotus sum, & *timui*. Verùm infinitam postea utilitatem expendens, quam ex aduentu atque diuino opere illo vniuersus orbis accepturus erat, se ipsum colligens atque corroborans, Deum ipsum precatus est, ut opus illud accelerare dignaretur, inquiens: *Domine opus tuum, in medio annorum uiuifica illud.* Deinde verò certior factus id ita omnino futurum esse, determinatè magis prophetando, subdit: *In medio annorum notum facies*. Ac postmodum declarans quodnam opus id esse deberet, apertius locutus, adiecit: *Deus ab Austro veniet, & Sanctus de monte Pharan*; vel, ut in Septuaginta interpretum versione habetur, vmbroso atque condenso: id est, Deus sanctus & benedictus, verus ipse Messias ab Austro veniet; nascetur in Bethleem, quæ à Ierosolymis ad Australem plagam posita est: & Sanctus sanctorum Christus Iesus à monte vmbroso & con-

Tam tristis  
phus Christi  
sti quæ eius  
passio ab  
Habacuc  
predicta.  
Habacuc 3.



denso, id est, ex vtero beatissimæ virginis Mariæ: quæ vmbrosus mons appellatur, quia à Spiritu sancto, & ab Altissimi virtute obumbrata fuit; atque condensus, propter intactam virginitatem eius, quæ velut secunda terra quædam fuit, ab humanæ carnis aratro numquam profcissa.

Post hæc autem de eiusdem Domini admirandis operibus, de miraculis, de gloria, ac bona eius fama, cuius laus & commendatio per vniuersum terrarum orbem disseminanda erat, dixit gloriam eius cælos operuisse, & laudis eius terram plenam esse. Quod planè tunc comprobatum est, cum post resurrectionem suam gloriosus ac triumphator cælum conscendit, & cum Apostolorum voce sanctum Euangelium in cunctis mundi regionibus palàm prædicatum est. Præterea de sancta eius doctrina, cuius splendore illuminandi erant hi qui in eum credituri erant, deque eius crucifixione prolocutus, inquit: *Splendor eius*

In Catena  
Græca.  
De ciuitate  
Dei lib. 18.  
cap. 32.

*ut lux erit, cornua in manibus eius.* quorum priora verba sanctus Seuerus sic exposuit: *Splendorem, inquit, diuinam doctrinam, vel Euangelicam legem, quæ nostris mentibus lux fuit.* posteriora verò diuus Augustinus in hunc modum declarauit: *Cornua in manibus eius, quid est, nisi trophæum Crucis?*

Insignis descriptio  
triumphi  
Christi.

Demum verò ut victoriam ac triumphum innueret, quem Redemptor noster per mortem suam in Cruce, destructa morte ac diabolo deuicto, ducturus erat; perinde ac si duos hos truculentissimos tyrannos vinculis astrictos, inuictissimi & gloriosissimi triumphatoris curram mœstissimè præcedentes, corporeis oculis conspiciendos nobis obijceret, subdit: *Ante faciem eius ibit mors. Et egredietur diabolus ante pedes eius.* Et meritò quidè. Nam ea victoria non contenti, quam in primi parentis nostri Adæ transgressionem extorserant, ob quam ipse vnà cum vniuersa eius posteritate in ferrea mortis vincula, & in diaboli truculentissimam atque horribilem tyrannidem inciderat; victoriosa superbia & insolentia elati, arroganter nimis sese iactantes concinebant: *Omnia caro fœnum.* Diabolus autem ipse, velut ferocissimus quidam taurus cornupeta, aridum hoc & transitorium humanæ carnis fœnum, superbissimis cornibus ventilans, atque in aërem proijciens disperdebat. Quod miseratus benignus ac miserator Dominus & Saluator noster, brachia sua ad Crucis cornua extendens, ipsiusque diaboli cornua insuperabili robore arripiens, eum domuit & alligauit; morte autem nostra moriendo destructa, & vtroque tyranno pedibus conculcato, ac trophæo Crucis reuincto, ambos in triumphum duxit.

Ad Pauli-  
nū, Ep. 103.

Quod autem his verbis Habacuc sanctam Crucem, & Christi Domini crucifixionem prophetauerit, omnes pænè sancti Patres passim testantur. Quamobrem Hieronymus, *Habacuc, inquit, luctator fortis & rigidus stat super custodiam suam, & figit gradum super munitionem, ut Christum in Cruce contempletur, & dicat: Operuit cælos gloria eius, & laudis eius plena est terra. Splendor eius ut lux erit, cornua in manibus eius.* Et alibi prædicta verba Prophetæ ad Crucis significationem

In Habacuc  
cap. 3.

clariùs atque apertiùs adaptans, subdit: *Splendor quoque eius, quasi sol iustitiæ, clara luce radiauit. Et cornua in manibus eius, vexilla, & trophæa Crucis; & in ipsis cornibus abscondita est fortitudo eius. Cum enim esset in forma Dei, non rapinam arbitratus est æqualem se esse Deo: sed exinaniuit se, formam serui accipiens, factus obediens Patri vsque ad mortem, mortem autem Crucis. In Cruce ergo paulisper abscondita est fortitudo eius, quando dicebat ad Patrem: Tristis est anima mea vsque ad mortem. Et: Pater, si possibile est, transeat à me calix iste. Et in ipsa Cruce: Pater in manus tuas commendo spiritum meum.*

De passione  
Domini  
cap. 35.

Sanctus etiam Isidorus apertè professus est, Habacuc verbis prædictis Christi passionem & mortem eius in Cruce prænuntiasse; sic enim, *Habacuc quoque, inquit, passionem Crucis Christi ita prænuntiauit, dicens: Cornua in manibus eius.*

Quod



**A** Quod quid est aliud nisi trophaum Crucis? Et Ruperrus Abbas prophetiam hanc itidem exponens, & à primis verbis Cantici ipsius Habacuc incipiens, cuius exordium est, *Domine audiui auditionem tuam, & timui*, ait: *Veraciter huiusmodi auditionem audiendo, timere siue expauescere fidelis & sapientis animi est. Quantum enim hoc est, quod veniens in hunc mundum Deus & Dominus omnium, maiestas altissima, cunctis virtutibus calorū timenda & adoranda, carne assumpta, manibus confixis ad Crucis cornua pependit? & ut hoc pateretur, ut tam male tractaretur tantus Dominus, contumacium culpa feruorum extitit. Cornua namque vexilla dixit, & trophaea Crucis, cuius brachius confixa fuerunt manus eius.*

In Habac.  
cap. 3.

**B** Iulius autem Firmicus Maternus ad Constantium & Constantem Augustos, ac magni Constantini Imperatoris filios scribens; ipsosque ad pietatem, ad religionem, & ad sanctæ Crucis deuotionem adhortans, oratione omni verborum lepore affluentissima doctè admodum atque appositè dixit: *Cornua nihil aliud nisi venerandum Crucis signum monstrant. Huius signi vno extenso ac directo cornu, mundus sustentatur, & terra constringitur: & è duorum quæ per latus vadunt compagine, Oriens tangitur, Occidens subleuatur; ut sic totus orbis tripartita stabilitate firmatus confixi operis, immortalitatis radicis fundamenta teneantur. Hoc secretum nobis Venerandum Prophetæ oraculum tradidit. Inuenimus enim in Habacuc ita esse præscriptum: Texit celos virtus eius, & laude eius plena est terra: & splendor eius, ut lux erit, cornua in manibus eius. En veneranda Crucis cornua; en sanctæ virtutis immortale fastigium, en gloriosi operis diuina compago. Deinde verò ad Christum Dominum sermonem suum piè conuertens, subdit: Tu Chrisle mundum ac terram extensis manibus, tu celeste sustentas imperium: tuis immortalibus adheret humeris salus nostra. Tu Domine æternæ vitæ baiulas signum. Tu venerando instinctu hoc nobis denuntias per Prophetas. Ait enim Isaias: Ecce natus est nobis filius, cuius imperium super humeros eius, & vocatum est nomen eius, magna cogitationis nuntius.*

De errore profanarum Religionū.

**C** Hæc sunt Crucis cornua, quibus omnia & subleuantur pariter & continentur. His cornibus benè nititur hominum vita. Ut Amalec vinceretur, extensis manibus Moyses hæc imitatus est cornua; ut facilius impetraret quod magnopere postulabat, Crucem sibi fecit ex virga. Ad hæc cornua, festina celeritate properate. Ad hæc cornua humili veneratione confugite. His vos affigant cornibus, iustitia, æquitas, pudicitia, misericordia, patientia, fides: ut veneranda præferentes insignia, consecrati fontis maiestate gaudentes, & sepultura Christi participes sitis & vitæ.

Quarta prophetia Habacuc de Cruce sub typis Solis & Luna. Habac. 3.

**D** Quarto & postremo, sanctam Christi Domini Crucem, sanctæque Ecclesiæ congregationem sub apposita Metaphora diuinus Vates Habacuc prophetauit, cum iuxta Vulgatæ editionis nostræ litteram, dixit: *Sol & luna steterunt in habitaculo suo. Quæ verba in Septuaginta interpretum versione ita leguntur: Eleuatus est sol, & luna stetit in ordine suo. Et in Græca editione, quæ habetur in Catena sanctorum Patrum, ita sonant: Exaltatus est sol, & luna stetit in ordine suo.*

Sub solis enim nomine ac Metaphora Christum Dominum innuit, qui verus est sol iustitiæ; sub lunæ autem denominatione atque Metaphora sanctam Ecclesiam intellexit, quasi diceret: Exaltatus fuit sol iustitiæ Christus in ligno Crucis: & per exaltationem eius, luna stetit in ordine suo; id est aduocata & congregata est Ecclesia. Quocircà sanctus Cyrillus Alexandrinus prædicta verba in hunc modum exponit: *Sol Dominus noster Jesus Christus nominatur apud Scripturam, secundum illud: Exorietur vobis timentibus nomen meum, sol iustitiæ. Cum igitur exaltatus est sol, honoratam pro nobis ascendens Crucem, vel celos apud Patrem & Deum; tunc luna, hoc est Ecclesia, quæ videbatur in tenebricoso loco esse, hoc est in rerum confusione, stabit in ordine suo: & quinam est eius ordo, nisi illustrare terram quæ sub celo est, hoc est, ad lucem producere? At de sanctæ Crucis prophetiis à*



magno Habacuc Propheta diuinitus prolatis hactenus dictum sit. Post quas, **A** arctiori breuitatis studio Sophonia prætermisso, ad Aggæum conuertemur.

Aggæus ergo, cuius nomen, festiuum ac latum significat, quia destructum templum reedificandum prophetauit, & post captiuitatis luctum, postliminij lætitiā prædicauit, Babylonix ortus est eo tempore quo Hebraicus populus ibidem captiuus detinebatur, cum quo, dum adhuc admodum adolescens esset, Ierosolymam reuersus est; vbi vaticiniis & adhortationibus suis, ad templi Dei reedificationem populum excitauit & impulit, grauissimas ei futuras calamitates minitatus, ni in constructionem illam totis viribus atque conatibus intenderet. Et ad illos sollicitandos ac perinouendos adeo solerter totus incubuit, vt videndi templum illud pro maiori parte absolutum lætitiā perceperit, in quo ipse omnium primus in Dei laudem & honorem cecinit Alleluia. Qui quidem Hymnus, ad ipsius & Zachariæ Prophetæ imitationem (vt sancto Epiphanio placet) ad hunc vsque diem in sancta Ecclesia concinitur. Defunctus est autem Aggæus Ierosolymis, anno circiter quinquagesimo post populi à Babylonica seruitute regressum; ibique iuxta Sacerdotes perhonorifice sepultus est. **B**

Aggæi vaticinium de Christi aduentu & Cruce. Aggæi 2.

Apertè admodum sanctus hic Propheta Christi Domini aduentum, Gentiumque vocationem prænuntiavit: tunc verò præsertim cum dixit: *Adhuc unum modicum est, & ego commouebo calum & terram, & mare & aridam: & movebo omnes Gentes, & veniet desideratus cunctis Gentibus.* Eiusdem etiam Domini mortem in Cruce sub torcularis Metaphora prophetauit; allegoricè innuens Iudæos in Christum non credentes, nullum ex morte ipsius fructum percepturos, sic enim inquit: *Cum intraretis ad torcular, vt exprimeretis quinquaginta lagenas, & fiebant viginti.* Quæ verba mysteriis refertissima doctè admodum Rupertus Abbas exposuit, illaque ad Christi Domini Crucem, & ad Iudæorum incredulitatem appositè sic adaptauit: *Cruce & mors eius torcular extitit. Vnde & Propheta alius prospiciens eum, ait: Quare ergo rubrum est indumentum tuum, & vestimenta tua sicut calcantium in torculari? & ipse respondens, Torcular, inquit, calcaui solus. Hoc torcular quinquaginta lagenas, id est peccatorum remissionem facit. Numerus namque iste, scilicet quinquagesimus, remissionem significat secundum Legem, quæ anno quinquagesimo remissionem sacrauit. Vnde annus lubileus, id est, dimittens dicitur. Sed vos o Iudæi, cum intraretis ad torcular eiusmodi, torcular lagenarum quinquaginta, factæ sunt vobis lagena viginti: qui numerus longè est à numero quinquagesimo, numero remissionis. Plusquam dimidium vobis deficit. Nam totius quoderat reponendum, tres vobis partes desunt, & tantummodo duæ susceptæ sunt. Quenam sunt duæ partes quas suscepisti? videbatis natum ex Maria, passum vel mortuum, quamuis peruerso corde, non ignoratis. Quæ sunt tres partes quas omisistis? Nimirum resurrexisse, in calum ascendisse, atque ad iudicandum viuos & mortuos venturum esse non creditis.* **C**

In Aggæi cap. 2.

Post Aggæum in duodecim Prophetarum ordine sequitur Zacharias, cuius **D** nomen Latinitati redditum, Memoria Domini dici potest. Septuagesimo enim anno desolationis templi completo, ipso Zacharia prædicante, memoratus est Dominus populi sui; iussuque Darij Regis populus Dei ad propria reuersus, urbem ac templum reedificauit. Filius fuit Barachix, in Chaldæorum regione natus: temporibus eiusdem Darij Medorum Regis prophetauit, quibus Aggæus quoque vaticinatus est. Sed Zacharias post Aggæum ponitur, quia duorum mensium intercapedine post illum prophetare cœpit, vt ex vtriusque lectione colligitur. Fusiùs autem idem Zacharias, quàm ceteri omnes ex duodecim Prophetis scripsit: suisque prophetiis multa de Christi Domini aduentu, de passione, de Cruce, ac morte eius, deque humani generis redemptione quam operaturus



- A** turus erat, prædixit : idque totum diuinitus planè verbis illis prænuntiavit : *Ecce Zach. 3. ego adducam seruum meum Orientem : quia ecce lapis , quem dedi coram Iesu : super lapidem vnum septem oculi sunt : ecce ego calabo sculpturam eius, ait Dominus exercituum, & auferam iniquitatem terræ illius in die vna.* Quibus animaduertendum est, Prophetam, vt Lectorem attentum redderet, eumque monitum faceret, in eisdem de seriis atque grauissimis agi; ibique sub verborum Metaphora, & sub allegorico sermone magnarum rerum significationes innui, ac sub ipsius litteræ cortice altissima mysteria condi; in cuiuslibet clausulæ initio dictionem hanc apposuisse, *Ecce.* Et iure quidem : nam de maioribus ac grauioribus sermo nequaquam institui potest. Primò enim, Christi Domini aduentum sub verbis illis innuit : *Ecce ego adducam seruum meum Orientem.* Christus enim diuinæ Scripturæ locis quamplurimis, & præsertim ab eodem Propheta Oriens appellatur, & merito : nam humani generis salus ab eo orta est. Omnium autem virtutum
- B** vniuersitatem, atque gratiarum plenitudinem eidem Christo Domino affuturam innuit sub lapidis illius Metaphora, super quem septem oculos esse dixit. Is enim lapis ille fuit, qui sine manuum opera à monte abscissus est : & lapis idem est, qui, vt alibi iam diximus, cum ab ædificatoribus reprobatus esset, factus est in caput anguli. Super hunc autem septem oculi fuerunt, id est, septem Spiritus sancti dona. Ipsius quoque crucifixionem innuit sub sermonis illius Allegoria : *Ego calabo sculpturam eius.* Tunc enim sacratissimi corporis sculptura cælata atque incisa est, cum manus & pedes eius clauis perfoffi, Crucis ligno confixi sunt, & latus eius lancea apertum est. Demumque humani generis salutem, quam idem Dominus in ligno Crucis operaturus erat, præsignauit dicens : *Auferam iniquitatem terræ in die vna.* In die namque, qua Christus Dominus in Crucem actus est, vniuersæ terræ, id est, cunctorum hominum peccata & iniquitates pretiosissimo ipsius sanguine dilutæ atque deletæ sunt. Quæ omnia
- C** sanctus Hieronymus, admirabilem hanc prophetiam exponens, breuiter explanauit his verbis : *Suprà promiserat Deus Iesu filio Iosedech sacerdoti magno, quod si in viis eius ambulasset, & eius præcepta seruasset, ipse diiudicaret domum eius, & atria eius custodiret; & daret ei ministros Angelicæ dignitatis : nunc ei dicit, & amicis illius, plenam felicitatem & perfectam beatitudinem tunc futuram, quando veniret Oriens, de quo scriptum est : Ecce vir, Oriens nomen eius. Qui Oriens ipse dicitur & lapis angularis ; quia populum vtrumque coniungat, & duos parietes in vnā domum consociet : hic non credentibus lapis scandalie est, de quo in Psalmis dicitur : Lapidem, quem reprobauerunt ædificantes, hic factus est in caput anguli : à Domino factum est istud. Super hunc lapidem, septem oculi sunt, de quibus loquitur Isaias : Exiet virga de radice Jesse, & flos de radice eius ascendet ; & requiescet super eum Spiritus Domini, Spiritus sapientiæ & intelligentiæ, Spiritus consilij & fortitudinis, Spiritus scientiæ & pietatis ; & implebit eum Spiritu timoris Dei. Ecce ego calabo sculpturam eius, dicit Dominus exercituum. Suprà dixerat, Ecce lapis quem dedi coram Iesu, super lapidem septem oculi sunt; nunc consequenter Metaphoram seruat de lapide, & dicit : Calabo sculpturam eius, vel, vt Aquila interpretatus est, Sculpam aperturam eius: vel, vt Theodotio & Symmachus, Sculpam sculpturam eius. Et est sensus : Istum lapidem clauis Crucis, & lancea militis faciam vulnerari, & in illius passione auferam iniquitatem terræ, in die vna, de qua scriptum est : Hæc dies quam fecit Dominus, exultemus & letemur in ea. Eundem sensum & intellectum prædictis Prophetæ verbis Rupertus Abbas etiam tribuit, diuinam hanc prophetiam exponens, & sancti Hieronymi ipsa ferè verba referens. Quocirca breuitatis causa eadem in hunc locum transferre superuacaneum duximus.*
- D**

Prima prophetia Zacharia de Cruce, eiusque mysteriis.

In Zachar. cap. 3.

Zach. c. 6.

Ephes. c. 2.

1. Petri 2.

Psal. 117.

Isaia 11.



Secunda  
prophetia  
Zachariae  
de Cruce,  
ex cap. 12.

Vates Zacharias prophetauit, dum in eiusdem persona ait: *Et aspicient in me quem confixerunt.* Deinde verò, vt ostenderet quidnam ab intuitu illo his qui peruerso corde illum conspexerant euenturum esset, subdit: *Et plangent eum planctu quasi supervnigenitum.* Quæ verba sacri Doctores annuntiatiua ac demonstratiua esse volunt; ita vt annuntient atque præsignent quid peruicacibus ac perfidis Hebræis in die Iudicij euenturum sit, cum Christum Dominum in gloria & maiestate sua viuos & mortuos iudicaturum, cum potestate magna venientem prospicient. Tunc enim intuentes in eum, vnigenitum Dei Filium agnoscent, illumque esse quem ipsi vel maiores ipsorum impiè crucifixerunt, & in quem, pertinacia atque perfidia eos obcæcante, credere noluerunt: tuncque poenitentia atque horrore perfusi, percutientes pectora sua, amarissima plangoris lamentatione aërem complebunt. Et vt ostendat quàm asper atque intensus eorum fletus futurus sit, asserit, vnumquemque illorum in easdem lugubres lamentationes ac querimonias sese daturum esse præcipitem, quæ fieri solent in morte primogeniti; innuens planctum eorum eiusmodi futurum, vt nec maior aut amarior esse possit. Quamobrem Glossa ordinaria pro horum verborum declaratione inquit: *Cum Iudæi videbunt Christum regnantem in sua & Patris claritate, dolebunt à se crucifixum, intelligentes fuisse vnigenitum & primogenitum totius creaturæ.* Tertullianus verò aduersus eosdem Iudæos scribens, eandemque prophetiam in medium adducens, in hunc quoque sensum sic exposuit: *Et tunc cognoscent eum quem pupugerunt. Et cadent pectora sua tribus ad tribum, vtique quod retrò non cognouerint eum, in humilitate conditionis humanæ constitutum.*

Aduersus  
Iudæos ca-  
pite ult.

De Ciuit.  
Dei, lib. 2.  
cap. 30.

In Zachar.  
cap. 12.

De passio-  
ne Domini  
cap. 36.

In Zachar.  
cap. 13. to-  
mo 2.

Sanctus autem Augustinus asserit, in die Iudicij non solum Iudæos illos, qui ad mortem vsque in incredulitate sua pertinaciter perstiterint, sed eos quoque qui ad Christi fidem conuersi fuerint, ploratuuros. Diuersa tamen prorsus occasione: illi enim, inquit, culpam ac damnationem suam deplorabunt; isti verò dolebunt, non reatus culpa, sed pietatis affectu. Diuus etiam Hieronymus affirmat, Iudæos ingenti animi dolore atque mœrore tunc afficiendos, quod Christus Dominus ab ipsis crucifixus sit, cum in claritate eum regnantem conspexerint. Et sanctus Isidorus in suo De passione Domini tractatu, Prophetæ verba prædicta in medium adducens, *Et aspicient in me quem confixerunt,* inquit: *Hoc enim factum deprehendimus in Iesu, quem confixerunt Iudæi in Cruce: quem & dolebunt à se crucifixum in Iudicij die; cum viderint eum in Patris ac sua maiestate regnantem.* Item Rupertus Abbas dum prophetiam hanc exponit, super verbis illis, *Et plangent eum; Maximum erit,* inquit, quod in illo planctu omnes tribus terra, & maxime qui illum confixerunt, omnes omnino peccatores & impij, qui poenitentiam non egerunt, plangent seorsum; quamuis omnes ad vnum congregentur Iudicium, omnes ad vnum descendant carcerem, id est infernum, omnis animus ab omni animo erit seorsum multum occupatus apud semetipsum, nec amicam respiciens, nec amicum.

Tertium  
vaticinium  
de plagis in  
medio ma-  
nuum Sal-  
uatoris, ex  
Zachar. 13.

In Zachar.  
cap. 13.

Tertiò, sanctam Crucem plagasque quas in ea Saluator noster accepit, Zacharias prophetauit, cum dixit: *Quid sunt plagæ istæ in medio manuum tuarum? Et dicet; His plagatus sum in domo eorum qui diligebant me.* Perinde ac si Propheta hinc Christum Dominum in Cruce pendentem, manibusque ligno confixis intuens, ei diceret: Quare patibulo affigeris? quid est quod manus tuæ clauis perfossæ sunt? quodnam scelus patraasti, cuius damnatione huic poenæ atq; tormento addictus es? Ipse verò respondens, diceret: Vulnera hæc, plagas istas, ego consanguineorum meorum, eorumque qui non oderant me, sed diligebant, sententia ac iudicio damnatus accepi. Sic enim diuus Hieronymus prophetiam hanc exposuit: *Quid sibi volunt istæ plagæ, & hæc vulnera, quæ in medio manuum tuarum sunt? & est sensus: Quare adhaeres patibulo? cur manus tuæ transfixæ sunt clauis?*



**A**uis? Quid commisisti, ut huic pœnæ & cruciatui subiaceres? Et ille respondet & dicit: Hæc vulnera, & has accepi plagas, parentum meorum iudicio condemnatus, & eorum qui me non oderant, sed amabant.

Rupertus autem Abbas diuinæ huius prophetiæ claritatem & euidentiā admiratus, de ea sic tradit: Quid hic in littera prophetica deest, nisi quod manifestè non In Zacharia cap. 13. Tom. 2.

dixit: Ille confixus & mortuus resurget, & stans in medio Discipulorum suorum, dicet: Videte manus meas, & pedes meos, siue infer digitum tuum huc, siue manum tuam, & cognosce loca clauorum? Deinde verò eadem verba Prophetæ subtilius exami-

nans, & diligentius expendens, post nonnulla inferius subdit: Hæc, cum fixus fuerit, cum mortuus fuerit & resurrexerit, dicentur ei: Quid sunt plagæ istæ in medio manuum tuarum? Quam diu putas, & quomodo hoc, & à quo, vel à quibus dicetur ei?

**B**Nimirum in secula seculorum sine cessatione dicetur ei, & admirando admiratione inef-

fabili dicetur, & à Deo Patre, cui factus est obediens vsque ad mortem, mortem autem Crucis: & dicetur ei, & à sanctis Angelis, qui eum desiderant prospicere: dicetur ei, & ab hominibus, quos morte sua redemit. dicetur ei: Quid sunt plagæ istæ in medio manuum tuarum? O magnum miraculum, mirum spectaculum, præsertim in Domino

dominatore omnium, plagas habere in medio manuum suarum! Et dicet: His plagatus sum in domo eorum qui diligebant me. Queritis quid sint plagæ istæ; & ego dico vobis,

quia testimonia sunt obedientiæ, signa voluntatis & iussionis paternæ: Dominus exercituum, Deus Pater mihi proprio Filio suo non pepercit, sed pro vobis omnibus tradidit me. Et dixit: Framea suscitare super pastorem meum, & super virum coherentem mihi. Quod est dicere: O mors conualesce super Filium meum, pastorem meum bonum, super

virum coherentem mihi, id est, in vnitæ personæ coniunctum Verbo, quod consubstantiale mihi est. Ad hoc dictum, ac si framea quereretur, dicens: Quomodo vel in quantum suscitabor super hunc pastorem tuum? ita protinus edicit: Percute pastorem, & disper-

**C**gentur oves. Hinc ipse pastor, dum percuteretur, ita locutus est: Omnes vos scandalum

patiemi in me in ista nocte. Scriptum est enim: Percutiam pastorem, & dispergentur oves gregis. Igitur dicentibus, Quid sunt plagæ istæ in medio manuum tuarum? congruè apponitur vox Patris, dicentis: Framea suscitare super pastorem meum, & super virum

coherentem mihi, percutite pastorem, & dispergentur oves gregis. ut sit sensus: Monumenta sunt paternæ charitatis, signa sunt obedientiæ meæ: quia ille mihi proprio Filio suo non pepercit; & ego factus sum obediens illi pro omnibus vobis vsque ad mortem,

mortem autem Crucis.

Postremus omnium, in duodecim Prophetarum libro Malachias constitutus est; cuius nomen Angelus, siue nuntius meus declaratur. Natus est in So-

pha, ex tribu Zabulon. Hic à puero sanctam & inculpatam vitam duxisse fertur; cumque esset decorus aspectu, mansuetudine & honestissimis moribus præ-

ditus, à populo apprimè dilectus est, qui ob eam causam Melachil, id est, Angelum eum appellauit. Viridi autem admodum adhuc iuuentute florentem

**D**mors ab humanis abripuit. Atque in proprio maiorum suorum sepulchro honorificè conditus fuit. Iudæi autem, ut sanctus Hieronymus asserit, hunc Malachiam, Esdras illum Legis scriptorem fuisse autumant. Quamobrem diuus

Augustinus de eodem sic tradit: Propheta Malachias, siue Malachi, qui & An-

gelus dictus est, qui etiam Esdras sacerdos, cuius alia in Canonem scripta recepta sunt, ab aliquibus creditur: nam de illo hanc esse Hebræorum opinionem dicit Hieronymus. De Ciuit. Dei. lib. 20 cap. 25.

Prophetauit Malachias aduentum Domini; Dominatorem & Angelum testamenti illum appellans; eumque ad templum suum, statim post sanctum Præcurso-

rem aduenturum esse prænuntiavit: Gentium vocationem & sanctæ Ecclesiæ congregationem prædixit: sanctumque Eucharistiæ sacrificium, hostiam purissimam Deo quandoque oblatum iri; demumque ipsius Domini

mor-



Malach. 3.  
Prima pro-  
phetia Ma-  
lachia de  
Christi in  
Cruce con-  
fixione.

mortem in Cruce, & salutem quam humano generi allatura erat, vaticinatus A  
est. Primò autem sanctam Christi Crucem eiusque crucifixionem propheta-  
uit, cum dixit: *Si affiget homo Deum, quia vos configitis me? Et dixistis: In quo con-*  
*figimus te? In decimis & primitiis. & in penuria vos maledicti estis, & me vos confi-*  
*gitis gens tota.* Quibus verbis Propheta in Christi Domini persona, Pontificum,  
Scribarum ac Phariseorum prauitatem & auaritiam carpit; quæ causa fuit ut  
adeò instantè & auidè Christum Dominum ac Saluatorem nostrum crucifi-  
gendum efflagitauerint. Cum viderent enim eum à populo apprimè diligi, qui  
doctrinæ eius sanctitate, & miraculorum stupore illectus totus ferè eum seque-  
batur, atque eum Regem facere volebat; priuati status ratione impulsus, eum de  
medio tollere studebant; veriti ne id amittendi regni illius zelotypiam Roma-  
nis incuteret, nève ob id omnem status illius administrationem ac regimen,  
omnemque exigendi à populo decimas & primitias iurisdictionem & aucto-  
ritatem ab ipsis auferrent. Quocirca sua ipsorum re propria & auaritia impel- B  
lente, non destiterunt, donec in mortis damnationem eum induxerunt, mortis  
inquam Crucis turpissimæ ac truculentissimæ: arbitrati, quo probrosa magis  
atque horribili morte eum affici studerent, eo maiori officio ac studio addictos  
subditos Romanorum populo, omnisque nouitatis ac defectionis inimicos sese  
ostensuros; atque hanc veram esse viam, quæ status sui tranquillitati consulerent,  
suamque auctoritatem tuerentur. Quamobrem hinc liquidò factum esse con-  
stat, quòd cum Pilatus eorum importunitatem non ferens, ironicè eis dixisset:  
*Regem vestrum crucifigam?* ipsi malitia atque adulatione repleti, protinus re-  
sponderint: *Non habemus Regem nisi Cæsarem.*

De passio-  
ne Domini  
cap. 36.

In Malach.  
cap. 3.

In Danie-  
lem, ubi  
addita est  
hæc parti-  
cula pro-  
phetiæ Ma-  
lachia, li. 1.  
cap. 27. To-  
mo primo.

Quod autem verbis prædictis Propheta in Christi Domini persona de Cru-  
cis morte locutus sit, qua impij Sacerdotes, Scribæ ac Pharisei eum affici stu-  
duerunt, quamplures Patres testantur; atque inter eos præsertim sanctus Isido-  
rus his verbis: *Ista enim idem Dominus de semetipso dixit: Si affiget, inquit, homo C*  
*Deum, quia vos configitis me? & dixistis, In quo configimus te? & subiecit Deus post*  
*hæc illis: Me vos configitis gens tota. Quod pertinet ad mysterium Dominicæ passionis,*  
*in qua Iudæi Christum crucifixerunt, quando sceleratas manus iniecerunt in eum.* Ru-  
pertus autem abbas eadem verba exponens ait: *Nullus vñquam homo, præter Iu-*  
*dæum, nulla vñquam gens, præter gentem Judæam, Dominum suum affixit, Deum suum*  
*ligno suspendit. Vos me affixistis, vos me ligno confixistis.* Et alibi hanc eandem  
prophetiam fusiùs explicans, subdit: *Non ignorat anima fidelis & erudita pieta-*  
*tis quod sequitur: Si affiget homo Deum, quia vos confixistis me in decimis & primiti-*  
*is, & vos me confixistis gens tota; illud esse quòd propter auaritiam suam hunc domi-*  
*natorem Dominum, & Angelum testamenti crucifixerunt Pontifices & Pharisei. Ideò*  
*dixit: In decimis & primitiis vos me configitis. Testatur & hoc ipse in Psalmo, cum*  
*dicit: Quoniam zelus domus tuæ comedit me. quod est dicere: Quoniam pro domo tua*  
*zelatus sum, eiciendo vendentes & ementes, dicendo: Scriptum est, Domus mea, domus D*  
*orationis vocabitur; vos autem fecistis illam speluncam latronum: idcirco hæc omnia pas-*  
*sus sum; quorum hæc summa est, Quia confixerunt me.*

De Incar-  
natione  
Christi li-  
bro 12.

Ioannes autem Cassianus Eremita suis De incarnatione Christi libris, quos  
sancto Leoni Papæ direxit, asserit Malachiam Prophetam prædicta verba pro-  
tulisse, tamquam si per os Christi loqueretur, cum Cruci affigendus deducere-  
tur; inquit enim: *Vt euidentiora vñque fierent, quæ prophetabantur, quòd de passione*  
*Domini nostri Propheta cecinit, quasi ipsius de quo dicebat ore prædixit: Si affiget, in-*  
*quit, homo Deum suum, quia vos affigitis me? Nonne tibi, queso, dixisse hoc Dominus*  
*Deus noster quasi ad Crucem ductus videtur? Cur, queso, Redemptorem vestrum non*  
*agnoscitis? Cur Deum pro vobis carne indutum nescitis? Saluatori vestro necem paratis?*  
Aucto-



A *Auctorem vitæ ad mortem ducitis? Deus vester sum, quem suspenditis: Deus vester, quem crucifigitis. Quis ergo hic error, aut quæ insania est? Si affiget homo Deum suum, quia vos affigitis me?*

Secundo, & ultimò Christi Domini crucifixionem, brachiorumque eius in Cruce extensionem, sub specioso Metaphorarum lepore diuinus Vates Malachias prophetauit, cum dixit: *Orietur vobis timentibus nomen meum Sol iustitiæ, & sanitas in pennis eius.* Sub solis namque Metaphora Christum Dominum intellexit. Quamobrem Eusebius Cæsariensis hæc ipsa verba in hunc modum exponit: *Qui sæpè nominatus est Dominus, & Deus, & Angelus, & princeps Imperatorum, & Christus, & Sacerdos, & Verbum, & Sapientia Dei, & imago; nunc idem Sol iustitiæ dicitur.* Hunc ipsum igitur is qui genuit Pater, non omnibus oriturum promittit, sed solis nomen suum timentibus; ut sic illis timoris erga se præmium, Solis iustitiæ det lumen. Deinde verò sub pennarum Metaphora Propheta sanctus brachia intellexit, quæ idem Sol iustitiæ Saluator noster in Cruce extendit. In quibus pen-

Malach. 3.  
Secundum  
Malachia  
vaticinium  
sub typo so-  
lis & pen-  
narum.  
De demon-  
strat. Euag.  
lib. 5. c. 29.

B tantummodò vera sanitas comprehenditur, verumque perfugium contra æterna mala reperitur. Quocircà in Glossa ordinaria dicitur: *In alis eius est sanitas, ut sanatos per pœnitentiam protegat, & ad caulas gregis sui in humeris suis reportet.* Quæ verba ex Hieronymi textu decerpta fuisse puto, qui in prophetiæ eius expositione ait: *Et orietur vobis timentibus nomen meum Sol iustitiæ, qui vera omnia indicabit, & nec bona nec mala, nec virtutes nec vitia latere patietur: Et sanitas in pennis eius, ut sanatos per pœnitentiam portet in humeris suis; iuxta illud quod in Deuteronomio scriptum est: Expandens alas suas suscepit eos, & in humeris suis portauit illos.* Atque hîc tandem de sanctæ Crucis Christi Domini prophetijs, quæ sacris voluminibus continentur, scribendi finem faciemus; cui sit laus, honor, gloria, & imperium per infinita sæcula sæculorum. Amen.

In Malach.  
cap. 4.

Deuter. 32.

## C CAP V T X.

*De sanctæ Crucis Prophetijs, quæ Deo sic volente, à Sibyllis, alijsque vaticibus mirabiliter prænuntiata sunt.*

D ILLUD sanè infinitæ Dei optimi maximi bonitati & misericordiæ congruum & conueniens erat efficere, ut sanctæ Crucis excelsum & admirabile mysterium, per quod humanum genus ab horribili dæmonis seruitute, ac morte æterna redimendum eruendumque statuerat, non minùs Gentilium quàm Hebræorum populo prænuntiaretur. Præsertim cum vnigeniti Filij sui sanguis pro communi omnium hominum salute effundendus esset. Et iure quidem optimo, cum non Hebræorum tantum, sed & Gentilium ipse Creator, Pater, Deus, & Dominus existeret; quemadmodum ut & perfidorum Iudæorum tumidum fastum, grandeque supercilium aliquanto deprimeret, qui solos se esse dilectos Dei Filios superbe nimis atque inaniter iactabant. Inquit Apostolus: *An Iudæorum Deus tantum? Nōne & Gentium? Imò & Gentium. Quoniam quidem vnus est Deus, qui iustificat circumcissionem ex fide, & præputium per fidem.* Sicut ergo admirabile mysterium hoc per sanctos Prophetas Hebræis prophetatum esse altissima Maiestas voluit; sic etiam, ut per vates alios Gentibus quoque prænuntiaretur, eidem placitum fuit: præsertim verò per Sibyllas; quæ de Christi Domini aduentu, de natiuitate, de miraculis, de passione, de Cruce, de morte, de resurrectione, ac de secundo eius aduentu, in quo cum gloria, maiestate, atque potentia viuos ac mortuos iudicaturus adueniet, tam alta, tam clara, tam aperta, ac vera prænuntiauerunt facinora, ut non de futuris, sed de

Quod In-  
dæis fuerit  
Propheta, id  
Gentilibus  
Sibylla.

H h præter-



præteritis rebus gestis, quibus ipsæ interfuissent, historiam texuisse diceret.

Quamobrem à quibusdam sanctis Patribus Gentium prophetis meritò appellantur. Quarum scripta apud celebriores illustrioresq; orbis terrarum populos, plurimum fidei & auctoritatis habuerunt: ita ut quemadmodum Christus Dominus, quò Iudæorum peruiacissimam perfidiam conuinceret, qui in eum credere nolebant, dicebat eis: *Scrutamini Scripturas; & illæ sunt, quæ testimonium perhibent de me;* sic & Apostoli sancti dum Gentilibus prædicabant, ut eos ab errorum tenebris, & ab impio inanum deorum cultu facilius auerterent, ad sanctæque fidei lumen pertraherent, his suadere solebant, ut Sibyllarum scripturas studiosè perlegerent. Idque Gentium doctor Paulus Apostolus præcipue facere consueuerat, ut Clemens Alexandrinus testatur his verbis: *Nam quòd quomodo Deus Iudeos saluos esse voluit, dans eis Prophetas; ita etiam Græcorum spectatissimos propriæ suæ linguæ prophetas excitatos, prout capere poterant Dei beneficium, à vulgo secreuit, præter Petri prædicationem, declarabit Paulus, dicens: Libros quoque Græcos sumite; agnoscite Sibyllam, quomodo vnum Deum significet, & ea quæ sunt futura: & Hytaspem sumite, & legite; & inuenietis Dei Filium multo clariùs & apertiùs esse scriptum.*

*Hytaspes  
Medorum  
Rex, Gen-  
tium Pro-  
pheta.*

*In proce-  
mio de  
Poëtarum  
historia.*

*In Dial. 3.  
de Poët.  
hist.*

*Aduersus  
Iouinianū  
lib. I. cap. 26*

*De numero  
Sibyllarum  
varia vete-  
rum sen-  
tentia.*

Fuit Hytaspes Medorum Rex antiquissimus, & inter Persarum Magos fama clarissimus. Is præscientiam, ac futura prædicendi spiritum habuisse traditur. Complura vaticinia atque oracula post se scripta reliquit, in quibus multa de Christo Domino prædixit. Ab huius Regis nomine, Hydaspem fluuium celeberrimum vocitatum volunt, qui per Parthos & Medos præterfluens ad Indos vsque extenditur, & aquarum se fluctibus apud Indum exonerat. De eodem Hytaspæ Gregorius Gyraldus sic meminit: *Fuerunt, inquit, apud Persas sapientes, qui Magi vocabantur. Medi quoque oraculis ab Hytaspæ versibus vsi sunt, & unà Zoroastrem vatem & magum coluere.* Et alibi, de his qui vaticinia & oracula scripserunt, subdit: *Fuit & in hoc genere Hytaspes, quem Medi antiquissimum suum Regem fuisse affirmant, sibi que oracula dedisse, quibus vterentur, ut Romani Publij & Martij vatum. Hic & fluuii nomen dedisse dicitur apud eos populos notissimo, qui mox mutata littera Hydaspes vocatus est.*

Sibyllæ autem mulieres fuerunt, quæ virginitatem perpetuam obseruantes, fatidico ac prophetico spiritu afflabantur. Sic appellatæ, quasi Dei consilij nuntia. Æoles enim Deum *σίδν*, consilium verò *βελήν* appellabant. Quamobrem diuus Hieronymus ad Sibyllarum exemplum virginitatem laudibus efferens, argutè inquit: *Sibyllarum insigne virginitas est, & virginitatis præmium diuinitio. Quòd si Æolici genere sermonis, Sibylla θεοβελήν appellatur; rectè consilium Dei sola scribitur nosse virginitas.* Magna sanè inter veteres scriptores circa harum Sibyllarum numerum, patriam, ac tempus quo vixerunt, discrepantia vertitur. Quidam namque Græci auctores ostendere enixi sunt, licet plura Sibyllarum nomina scripta comperiantur, Sibyllam tamen vnicam extitisse: non secus ac licet multa Iouis, Mercurij, & Herculis nomina legantur, vnum tamen Iouem, vnum Mercurium, vnumque Herculem tantummodò fuisse. Nec tamen circa eius progeniem inter ipsos conueniunt. Quidam enim eam Apollinis & Lamiæ, alij verò Aristocratis & Hidoles, quidam Crinagoræ, alij Theodori filiam putauere. Neque minor inter eos de patria Sibyllæ est controuersia: alij namque Erythræam, alij Siculam, alij Sardoniam, alij Gergethiam seu Rhodianam, alij Libyssam, plerique Leucaniam, & alij Samiam fuisse tradunt.

Martianus Cappella duas tantum Sibyllas fuisse prodidit: Erophilem nimirum Troianam Marmesij filiam, hancque illam eandem fuisse autumat, quam Phrygiam & Cumæam appellarunt; alteram verò Symmachiam Hiporensis filiam,



A filiam; quæ Erythris progenita, Cumis etiam vaticinata est. Plinius tria Sibyllarum signa Romæ iuxta Rostra fuisse testatur; quæ illæ eadem forsitan esse potuerunt, de quibus Solinus meminit. Harum primam Delphicam Eriphilem, secundam Erythræam, tertiam verò Cumanam appellat. Ælianus in varia Historia quattuor Sibyllas enumerat; Erythræam nempe, Samiam, Ægyptiacam, & Sardoniam. Alij verò quattuor hisce duas alias addunt; Iudæam nimirum, & Cumanam. Marcus autem Varro Latinorum doctissimus, in libris Rerum diuinarum, quos ad Caium Cæsarem Pontificem maximum scripsit, decem Sibyllas fuisse perhibet; quas omnes Lactantius Firmianus primo diuinarum Institutionum libro ordinatim enumerat.

Plin. l. 34.  
cap. 5.

Solinus c. 8.

Diuinarum  
instit. lib. 1.  
cap. 6.

Quarum decem Sibyllarum prima illa fuit, quam Persicam appellauere; cuius mentionem fecit Nicanor, qui Alexandri Magni res gestas ad posterorum memoriam litteris consignauit. Hæc ipsa etiam à quibusdam Chaldæa, & ab alijs Hebræa nuncupatur, cuius nomen proprium Sambetha fuit. Quidam in ciuitate Noë, ad Rubri maris oras ortam, oraculorumque viginti quattuor volumina conscripsisse tradunt; in quibus multa de Christi Domini aduentu, & de rebus ab eo gestis prænuntiarit. Et licet in fragmentis scriptionum Sibyllarum, quæ ad hunc usque diem extant, pro certo ferè affirmari nequeat, quæ vnus vel alterius ipsarum Sibyllarum sint carmina (Erythræa tamen exceptis, quæ scriptis suis nomen suum adiecit) plurimorum illa est sententia, huius nimirum Persicæ Sibyllæ illa fuisse carmina, quæ veri Messie præcursoris sancti Ioannis Baptiste aduentum mirabiliter prædixere: quibus illa expressè prænuntiantur verba, quæ ipsemet postea ore proprio protulit, dicens: *Ego vox clamantis in deserto, parate viam Domini; rectas facite semitas eius.* omnes ad poenitentiam, & ad aquæ Baptismum inuitans. Quæ quidem carmina ex Græco in Latinum conuersa, hæc sunt:

Sibylla Persica de S. Io. Baptista  
vaticinium.

C *Verum cum quedam vox per deserta locorum  
Nuntia mortales veniet quæ clamat ad omnes,  
Ut rectos faciant calles, animosque repurgent  
A vitijs, & aqua lustrentur corpora cuncta.*

Sixtus Senensis  
Bibliothecæ  
sanctæ l. 2.  
& Sibyll.

Secunda verò Sibylla Libyca dicta est, cuius in Lamie prologo Euripides meminit. Huius autem carmina illa fuisse traduntur, quibus Christi Domini miracula admirabiliter prædicta fuere. Quæ Isaias quoque spiritu prospexerat, cum dixit: *Tunc aperientur oculi cæcorum, & aures surdorum patebunt. Tunc saliet sicut ceruus claudus, & aperta erit lingua mutorum.* Carmina autem ipsa Latinitati pariter donata, sic habent:

orac. lib. 1.  
Sibylla Libyca de  
Christi miraculis.  
Isaiæ 35.

*Ille quidem morbis pressos sanabit, & omnes  
Læsos, quotquot ei fident, cæci que videbunt:*

Sibyll. orac.  
lib. 1.

*Incedent claudi: surdis audire licebit.*

D *Insolitas mutis dabitur formare loquelas:*

*Expellet furias: oppressi morte resurgent.*

Tertia Sibylla illa est, quam Delphicam appellarunt, de qua multa in libro de Diuinatione ad posterorum memoriam transmisit Chrysippus. Hanc Delphis ortam, Teminque siue Artemin vocitatum ante Troiæ excidium vixisse putant; quod & eam prædixisse Bocchus asseuerat. Nec defuere qui Homerum putent non pauca huius Sibyllæ carmina, ornatus gratia, Poëmati suo inseruisse; quod inter ceteros præcipuè Diodorus Siculus retulit, affirmans, hanc Daphnen appellatam, Tiresiæ diuinantis fuisse filiam, quam Alcmeon & Argiui, Thebanorum vrbe capta atque diruta, Delphos, voto suscepto, oblationem Apollini misere: eandemque diuinandi artem iam prius edoctam, in

Diodorus  
Siculus antiq.  
lectionū  
lib. 4. cap. 7.



Sibylla Del-  
phica de co-  
laphis Chri-  
sto impin-  
gendis, utq;  
de sputis,  
felle, & ace-  
to.

Sibyll. orac.  
lib. 1. & 8.  
Hos versus  
citatur etiam  
Lactantius  
Firm. Di-  
uin. Instit.  
lib. 4.

In Cohor-  
tatione ad  
Græcos.  
Praclarum  
S. Iustini de  
Sibylla Cu-  
mae testi-  
monium.

Delphis postea degentem, multo magis eam scientiam coluisse. Plurima quo- A  
que oracula eam conscripsisse testatur, asserens, hanc ipsam sæpius diuino spi-  
ritu afflatam, varij generis responsa dedisse; ob idque Sibyllam ab omnibus  
cognominatam. Huius autem carmina illa fuisse ferunt, quibus admirabiliter  
prædictum est, impios ac scelestissimos Iudæos, Christi Domini ac Saluatoris  
nostri diuinum vultum colaphis imperituros, sputis fœdaturus, felque & ace-  
tum ei propinaturus esse:

*Impingent illi colaphos, & sputa scelestis*

*Israël labiis, neque non & fellis amari*

*Apponent escam, potumque immitis aceti.*

Quarta Sibylla Cumæa est, de qua Nèuius in libris de bello Punico, & Piso in Annalibus meminerunt. Sic à Cumis Italiæ vrbe cognominata, quæ in Cam-  
paniæ prouincia sita est, vbi sua prodidit oracula; quo fit, vt ab aliquibus Ita-  
lica etiam sit dicta. Diuus autem Iustinus Martyr, Græcos cohortans ad im-  
piam idololatriam derelinquendam, vnum solum Deum adorandum, san-  
ctamque doctrinam Euangelicam amplectendam, huius Sibyllæ scripta eis  
legenda suadet; de cuius progenie, de patria, & de oraculis sic eos alloquitur:

Perfacile autem vobis erit, inquit, rectam religionem ex parte aliqua, & ea quæ proxi-  
mè ad Prophetarum accedunt doctrinam, à veteri Sibylla, ex afflatu quodam mirifico, B  
per sortes ac responsa vos docente, percipere. Hanc Babylone ortam, Berosi, qui Chaldaicam historiam scripsit, filiam, ad Campaniæ oras nescio quomodo peruenisse ferunt; vbi  
responsa dedit, in vrbe, cui Cumæ nomen est, sexto à Baijs (qui locus Thermas Campanas  
habet) lapide. Vidimus sanè, ea in vrbe cum essemus, locum quemdam, vbi basilicam  
ingentem vno fabrefactam saxo conspeximus; rem profectò maximam, & admiratione  
omni dignissimam, vbi oracula eam edidisse qui res patrias à maioribus suis quasi per  
manus traditas acceperant, affirmabant. In media autem basilica nobis illi ostenderunt  
tria folia ex eodem excisa lapide; quibus aqua repletis, lauisse ibi eam, & stola sumpta C  
in penitissimam se basilicæ adem eodem extructam saxo abdere, atque in media ea  
æde super sublimiore gradu & throno confidere solitam, & sortes ad eum modum pro-  
mulgasse dixerunt.

Huius Sibyllæ tamquam fatidicæ cum permulti alij meminere scriptores, tum etiam  
Plato in Phædro. Mihi certè quidem is videtur, cum in illius vaticinia incidisset, vates  
diuinitate donasse. Videbat enim prædictiones eius ad rem conferri. Ac proinde admira-  
tione ductus, in libro ad Menonem fatidicos laudat, & ad verbum ita scribit: Rectè  
profectò diuinos eos appellauerimus, quos modò vocamus fatidicos & vates; nec minùs  
hos etiam (in Reipublicæ administratione versantes homines) quàm reliquos, atque insu-  
per eos quoque dixerimus diuinos esse, atque numine instigari afflatos, nec non à Deo  
agitari attonitos, qui res multas & magnas rectè & verè dicunt, nihil eorum quæ lo-  
quuntur intelligètes: manifestò & apertè ad carmina respiciens Sibylla. Huic enim haud-  
quaquam, sicuti Poëtis, etiam postquam poemata scripsere, facultas fuit corrigendi, atque D  
expoliendi responsa sua, iuxta exquisitiorem numerorum dimensionem & carminis ratio-  
nem. Sed in ipso afflatus tempore, sortes illa suas explebat: & euanescente instinctu  
ipso, simul quoque dictorum memoria euauit. Atque hæc ipsa causa est, quamobrem non  
omnes carminis numeros, Sibyllæ seruent oracula. Quin ipsi quoque, cum in vrbe ea esse-  
mus, indicibus, qui hospites ad ea quæ visenda sunt ducere solent, ostendentibus, qui nobis  
loca etiam in quibus illa est vaticinata commonstrarunt, vidimus loculum quemdam ex  
ære elaboratum, vbi reliquias eius asseruari dicebant.

Insuper inter alia omnia, quæ indices isti exposuerunt, illud quoque fuit: à maioribus  
se auduisse, quòd qui responsa ab oraculo excipiebant, quia tum ab eruditione alieni fuis-  
sent, multoties in accuratiore numerorum obseruatione errauerint; & proinde istam illi  
carminum



- A** carminum quorundam inconcinnitatis attulerunt causam, quòd cùm vates ipsa, mentis emotione & afflatu libera, dictorum suorum memoriam non retinuerit; tum qui oracula scripto mandabant, propter imperitiam numerorum observandorum, accurata ratione exciderint. Porro cùm non in Poëticis numeris, neque in ea quæ apud vos clara habetur eruditione, viri Græci, res veri cultus Dei sint sitæ; relicta deinceps carminum & orationum exquisita ratione, ad dicta Sibyllæ citra contentionis studium animum aduertentes, cognoscite tandem, quorum vobis illa bonorum futura sit conciliatrix: assentimini vetustæ huic antiquissimæque Sibyllæ, cuius volumina toto terrarum orbe asseruari contingit; quæ supernè afflata, oraculis vos erudiet, quòd qui dicuntur, Dii non sunt. De Saluatoris autem nostri Iesu Christi aduentu, & de his omnibus quæ is factururus erat, manifestè pronuntiat. Quorum notitia vobis necessaria, quedam præ exercitatio futura est ad sacrorum prophetias virorum. Hactenus de Sibylla Cumæa Iustinus Martyr; de qua etiam, ac de oraculis eius, diuus Augustinus:
- B** Fuerunt, inquit, & inter Gentiles Prophetæ, in quibus etiam aliqua inveniuntur, quæ de Christo cecinerunt, sicut etiam de Sibylla dicitur; quod non faciliè crederem, nisi quòd quidam in Romana lingua nobilissimus, antequam diceret de innouatione sæculi, quæ in Domini nostri Regnum satis concinere & conuenire videantur, proposuit verbum, dicens:

*Ultima Cumæi iam venit carminis ætas.*

Virgilius,  
Ecloga 4.

- Cumæum autem carmen Sibyllinum esse nemo dubitauerit. Hæc Augustinus. Quod quidem carmen, iam pridem ante ipsum Augustinum, ab Eusebio Cæsariensi in eodem sensu & significatione expositum est. Hæc autem Sibylla ipsa, Iesu Christi Domini nostri aduentum admirabiliter prædixit; pacemque ac tranquillitatem innuit, quæ natiuitatis illius tempore in vniuerso terrarum orbe futura erat. Gentium quoque vocationem, sub diuersarum ferocium ac siluestrium ferarum Metaphora, quæ cicures pacificè inter se versaturæ erant, diuinitus prænuntiavit: significans Christum Dominum varias hominum nationes dissimilium morum ac rituum, in vnam sanctam Ecclesiam adducturum, qui cùm antea feroces & barbari, à vero Dei cultu alienissimi atque auersi essent, sancta Euangelica lege & ipsa Christiana doctrina nihilominus mansuefacti, in fidei vnitæ, atque in ipsa Ecclesia Catholica pacificè ac sanctè conuicturi essent. Non diuersè admodum ab eo quod Isaïas etiam prophetavit, cùm inquit: *Habitabit lupus cum agno, & pardus cum hædo accubabit: vitulus & leo & ovis simul morabuntur, & puer paruulus minabit eos. Vitulus & vrsus pascentur: simul requiescent catuli eorum: & leo quasi bos comedet paleas. Et delectabitur infans ab ubere super foramine aspidis: & in cauernam reguli, qui ablatus fuerit, manum suam mittet. Non nocebunt, & non occident.* Carmina ergo quæ eidem Sibyllæ attribuuntur, ex Græcis ad Latinos translata, sic sonant:

Sibylla  
Cumæa de  
Christi ad-  
uentu &  
Gentium  
conuersione  
oraculum.

Isaïæ 11.

- D** Cùm Deus ex alto Regem demittet Olympo,  
Tunc terra omniparens, fruges mortalibus agris  
Reddet inexhaustas frumenti, vini, oleique;  
Dulcia tunc mellis diffundent pocula celi,  
Et niueo latices erumpent lacte suauis:  
Oppida plena bonis, & pingua culta vigeant:  
Nec gladios metuet, nec belli terra tumultus.  
Verum pax terris florebit in omnibus alta:  
\* Cumque lupis agni per montes gramina carpent:  
Permisti que simul pardi pascentur & hædi,  
Cum vitulis vrsi degent, armenta sequentes,  
Carniuorūque leo præsepia carpent, vti bos:

Sibyllino-  
rum ora-  
culorum  
lib. 3. in fin.

\* Sex Car-  
mina po-  
strema si-  
mul cum  
superiori-  
bus iuncta  
citantur à  
Sixto Se-  
nensi Bi-  
blioth. fan-  
tæ lib. 2.

Hh 3

Cum



*Cum pueris capient somnos in nocte dracones,  
Nec ludent; quoniam Domini manus obteget illos.*

Strabonis  
Geogra-  
phia li. 14.

Diuiinarū  
Institutio-  
num lib. 1.  
cap. 6.

De Ciuit.  
De lib. 18.  
cap. 23.

Sibylla  
Erythræa  
de tremen-  
di iudicij  
die.

Habentur  
etiam hæc  
carmina, li-  
cet in ali-  
quibus va-  
riata le-  
ctione, in  
codice  
Sibyllin.  
orac. lib. 8.

Quinta Sibylla Erythræa est; sic cognominata ab vrbe Erythra, hodie Stolar appellata, in prouincia Ioniæ sita, quam recentiores Quiscum dicunt, à Turcis occupata. Hanc Apollodorus Erythræus ciuem suam fuisse affirmat, Græcisque ad Troianam urbem obsidendam petentibus, eam tum vaticinatam Troiam perituram, Homerumque mendacia & fragmenta scripturum. Communior habet opinio, eam ante Troiæ obsidionem vixisse. Eusebius verò in prima Romanæ Urbis ætate, & in Romuli Regno ipsam constituit. Strabo autem duas Erythræas fuisse contendit, quarum alteram antiquissimam, alteram Alexandri Magni temporibus in humanis egisse, atque Atheani nuncupatam fuisse tradit. Lactantius Firmianus, hanc licet Babylonix natam, Erythræam tamen se nuncupari maluisse asseuerat. Celebrior hæc & Sibyllis omnibus nobilior esse censetur. Fenestella enim diligentissimus scriptor tradit, Curationem Consulem, restituto Capitolio, ad Senatum retulisse, ut legati ad Erythram urbem mitterentur, qui huius Sibyllæ carmina solerti studio conquisita Romam afferrent: quamobrem Publium Gabinium, Marcum Octacilium, & Lucium Valerium missos esse, qui à priuatis hominibus circiter mille versus descriptos Romam attulerunt.

Diuus Augustinus opinioni huic se adhæsisse ostendit, Sibyllam nimirum hanc pij & optimi Ezechix Regis Iudæ, Oseeque Regis Israël, ac Romuli primi Romanorum Regis temporibus vixisse. Coæquatis enim inter se his, quibus Reges isti regnauere temporibus, idem postea subdit: *Eodem tempore nonnulli Sibyllam Erythræam vaticinatam ferunt. Sibyllas autem Varro prodidit plures fuisse, non vnā. Hæc sanè Erythræa Sibylla, quædam de Christo manifesta conscripsit, quæ etiam nos in Latina lingua versibus malè Latinis & non stantibus legimus, per nescio cuius Interpretis imperitiam, sicut post cognouimus. Nam vir clarissimus Flaccianus, qui etiam Proconsul fuit, facillimæ facundix, multæque doctrinæ, cum de Christo colloqueremur, Græcum nobis codicem protulit, carmina esse dicens Sibyllæ Erythrææ; ubi ostendit quodam loco, in capitibus versuum, ordinem litterarum ita se habentem, ut hæc in eo verba legerentur: ΙΗΣΟΥΣ ΧΡΙΣΤΟΣ ΘΕΟΥ ΥΙΟΣ ΣΩΤΗΡ. quod est Latine, IESVS CHRISTVS DEI FILIVS SALVATOR.*

Quam planè admirabilem prophetiam iam pridem ante ipsum Augustinum etiam Magnus Constantinus Imperator prodidit ac recitauit in ea Oratione, quam ad Sanctorum cœtum habuit, & sanctæ Ecclesiæ dicauit: quamque ab ipso met primitus Latine recitatam, Interpres quidam postea in Græcum sermonem transtulit, ut Eusebius Cæsariensis in ipsius Constantini vita, libro quarto capite trigesimo secundo testatus est. Quam Orationem idem ipse Eusebius ad calcem libri sui de eadem Constantini vita adiecit. In cuius Orationis capite decimo octauo hæc ipsa eadem prophetia Latinitati donata conspicitur, cuius quoque carminum capitales litteræ hæc præcisè verba produnt: IESVS CHRISTVS DEI FILIVS SERVATOR CRVX: carmina autem ipsa hæc sunt:

*I udicis aduentu magni, sudore videbis  
E manare solum. tunc Rex æternus ab arce  
S iderea præsens, carminis dicet & orbi,  
V t spectare Deum pia gens, atque impia possit,  
S ublimem carne humana sanctaque ceterua  
C inctum, supremoque homines qui iudicet æuo.  
H æc erit omnis humus vepres, & tristis arena:*

Rescin.



- A  
*R*escindunt simulacra homines, aurumque repellent;  
*I*ncendentque avidè terram, mare, sidera, flammæ.  
*S*tabunt funetorum sub apertum corpora lumen;  
*T*etraque mens, & sancta illo splendore patebit.  
*V*oce latens facinus quod gessit quisque loquetur,  
*S*ubdolaque humani penduntur pectoris antra.  
*D*ira mali facies, pavor undique, & undique luctus:  
*E*t iubar inuoluent solis stellæque tenebræ.  
*I*am vaga labetur Phœbe, ruet arduus æther.  
*F*erre caput valles, disiectis Alpibus, imas  
*I*usserit: humanum culmen fastusque iacebit;  
*L*ataque planities montes equabit, & altum  
*I*ntactum rate stabit, & vrent fulmina terras.  
B  
*V*nâ deficiet flagrans cum fontibus amnis.  
*S*tridula de cælo tuba fundet lugubre murmur,  
*S*upremumque orbi canet exitabile carmen;  
*E*t subito stygium chaos apparebit hiatus,  
*R*egnantumque Dei celebrabit turba tribunal.  
*V*ndaque sulphureæ fluet alto ex æthere flammæ.  
*A*fflabit mortale genus insigne coruscans,  
*T*rabs sancta in rectis animis optabile robur,  
*O*mnibus una piis vitæ melioris origo;  
*R*ursus vesani dolor atque offensio mundi;  
*C*ollustrans undis duodeno in fonte fideles.  
*R*egnabit latè pascentis ferrea virga,  
*V*nus & æternus Deus hic Servator, & idem  
C  
*X*ristus pro nobis passus, quem carmina signant.

Admirabilis planè ac diuina prophetia; qua, Deo sic volente, celebris hæc & peruetusta Sibylla, vt carminibus prædictis clarè perspicitur, non tantum tremendi Iudicii diem prænuntiavit, in quo Rex Regum, & vnigenitus Dei Filius Christus Dominus, cum gloria, maiestate, ac potestate magna viuos & mortuos iudicaturus adueniet; verum etiam passionem eius, & Crucem, humanique generis salutem, quam in ea operaturus erat, diuinitus præsignauit. Quamobrem non immeritò ceteris omnibus celebrior atque nobilior censeatur; vt Lactantius Firmianus, quem superius citauimus, testatus est.

- Sexta autem Sibylla, illa est, quam Samiam dixere; de qua Eratosthenes scribit se in antiquis Samiorum Annalibus memoriam reperisse. Hæc nomine Pitho dicta est; cuius admirabile illud oraculum esse autumant, quod inter Sibyllina carmina scriptum comperitur, in quo Christi veri æternorum sæculorum Regis, solemnibus humilisque ingressus in Ierosolymorum urbem, asinæ pullo insidentis apertè prænuntiatus est; cuius oraculi carmina ex Græcis ad Latinos translata, hæc sunt:

*Salve casta Sion, permultaque passa puella:  
 Ipse tibi insenso Rex en tuus intrat asello,  
 Erga omnes mitis, iuga quò tibi, quò iuga demat  
 Intoleranda tibi, quæ fers ceruice subacta,  
 Soluat, & exleges leges, violentaque vincla.*

Sibyll.  
 orac. lib. 8.  
 & Bibliothecæ  
 Sæxi  
 Senensis  
 lib. 2.

Septima Sibylla Cumana est, sic cognominata ab antiquissima Vrbe Cumana, vna tum ex Æolidarum vibrium maxima & optima, ad Sardenes montis radices posita, quæ nunc Foia noua vocatur, vbi nata & educata est. Amal-



Diuiinarū  
Instituto-  
num lib. 1.  
cap. 6. De  
falsā relig.

thæa, siue vt alij volunt, Erophile vel Demophile illi nomen inditum. Com- A  
plures diuinationum & oraculorū libros conscripsisse traditur. Lactantius Fir-  
mianus Varronis auctoritate suffultus, asserit hanc nouem libros Tarquinio  
Prisco Romanorum Regi attulisse; ac pro eis trecentos Philippæos postulasse,  
Regemque pretij magnitudinem, & mulieris insaniam derisisse: illam verò in-  
dignatam, tres in ipsius Regis conspectu igni tradidisse; ac pro reliquis idem pre-  
tium postulasse: Tarquinium autem multo magis mulierem insanire putasse:  
quæ denuò tribus alijs exustis, cum in eodem pretio perseueraret, commotum  
esse Regem, ac residuos trecentis aureis emisse.

Facti huius Auctores complures meminere; atque inter eos præcipuè Plinius,  
Dionysius Halicarnasseus, Solinus, Aulus Gellius siue Agellius, Seruius, & alij.  
Verum hi Tarquinio Superbo, non autè Prisco Sibyllam eos libros detulisse as-  
seuerant. Plinius autem tres tantummodò, non autem nouem fuisse; ex quibus B  
duobus exustis, tertium à Rege emptum tradit. Idem quoq; Solinus asserit. Sed  
hoc ipse facinus non Cumanæ, sed Cumææ tribuit Sibyllæ; quæ in Italia & Cu-  
mis prope Neapolim ac Baias degebat, vt superius ostendimus. Dum enim

Solinus De quarundam finitimarum vrbiū originem profecquitur, inquit: *Ab Ascanio*  
Italia, & e- *constituta sunt, longa Alba, Fidenæ: Antium, Nola à Tyriis: ab Eubæensibus Cumæ;*  
iusantiqui- *ibidem Sibyllæ sacellū est. sed eius quæ rebus Romanis quinquagesima Olympiade inter-*  
tate, cap. 8. *fuit; cuiusque librum, ad Cornelium vsque Syllam, Pontifices nostri consulebant. Tunc*

*enim vnà cum Capitolio igni absumptus est: nam priores duos Tarquinio Superbo par-*  
*cus pretium offerente quàm postulabatur, ipsa exusserat: cuius sepulchrum in Sicilia*  
*adhuc manet.* Hæc Solinus. At quænam reuera illa fuerit, cuius carminibus Ro-  
manorum euentus continerentur, de eo magna est inter Auctores controuersia.

Idque Ioannes Ludouicus Viues Valentinus, suis in Augustini librum De Ci-  
uitate Dei commentariis ex professo profecquitur; ad quem breuitatis ergò Le-  
ctorem remittimus. Ibi enim sedula temporum collatione ac dimensione per-  
penfa, Varronis & Suidæ auctoritatibus adstipularus, probat verisimilius esse C  
libros Sibyllæ præfatos Tarquinio Prisco potius quàm Superbo delatos. Huius

autem Cumanæ Sibyllæ admirabile oraculum illud fuisse putatur, quo Chri-  
sti Domini aduentum prædixit; nomenque eius sanctissimum atque dulcissi-  
mum I E S V S, per numeros Græcarum litterarum quibus conscribitur, artifi-  
ciosè admodum prodidit, his carminibus:

Sibyllæ Cu-  
mana de  
Iesu Chri-  
sti aduētū,  
& sanctissi-  
mo eius no-  
mine ora-  
culum.

Sibyllino-  
rum oracu-  
lorum li-  
bro primo.

*Tunc ad mortales veniet, mortalibus ipsis  
In terris similis, natus Patris omnipotentis,  
Corpore vestitus. Vocales quattuor autem  
Fert, non vocalesque duas binum geniorum.  
Sed quæ sit numeri totius summa, docebo.  
Namque octo monadas, totidem decadas super ista,  
Atque hecatundas octo, infidis significabit  
Hominibus nomen: tu verò mente teneto  
Æterni Natum Christum summiq; Parentis.*

Hanc autem supputationem numerorum, qui per Græcos litterarum chara-  
cteres nomen I E S V ingrediuntur, quosque Sibylla carminibus hisce innuit,  
venerabilis Beda apertius explicat his verbis: *Huius sacrosancti nominis I E S V,*  
In Luca *non tantum etymologia, sed & ipse, qui litteris comprehenditur numerus, perpetuæ*  
Euangelii, *nostræ salutis mysteria redolet. Sex quippe litteris apud Græcos scribitur ΙΗΣΟΥΣ,*  
lib. 1. c. 8. *(videlicet Ι, & Η, & Σ, & Ο, & Τ, & Σ) quarum numeri sunt Χ, & V Ι Ι Ι, & CC,*  
*& LXX, & CCCC, & CC, qui fiunt simul DCCCLXXXVIII. qui profecō numerus,*  
*figuræ resurrectionis adgaudet.* Quibus Bedæ verbis, Frater Sixtus Senensis Biblio-  
thecæ



**A** thecæ sanctæ libro secundo hæc adiecit: *Octauus enim numerus in Sacris litteris resurrectionis gloriæ conuenit: quia Dominus octaua die, hoc est post septimam sabbati resurrexit. Et ipsi post sex huius sæculi ætates, & septimam sabbati animarum, quæ nunc interim in alia vita geritur, quasi octauo tempore resurgemus.* Hæc ille. Verum ut ratio atque numerorum collectio, quos nomen sacratissimum I E S V S Græcis characteribus conscriptum continet, ut Sibylla ipsa innuit, facilius & clariùs percipi possit; prout Beda priùs, deinde verò idem Frater Sixtus, prodidere, eandem hoc pacto demonstrabimus,

I ———	10
H ———	8
Σ ———	200
O ———	70
Υ ———	400
Σ ———	200
—————	888

**B** Numerus planè sacratissimus, altissimisque mysteriis refertissimus. Tres enim numeri isti octo, non tantum significant, dulcissimum Saluatorem nostrum Iesum in tribus diebus à mortuis resurrecturum fuisse, sed etiam humanæ carnis vniuersitatem, huius sacratissimi nominis virtute resurrecturam præsignant, cunctaque mystici corporis Christi, id est, sanctæ Ecclesiæ Catholicæ membra non solum à mortuis euocanda, sed ipsi capiti ac Domino nostro I E S V, post resurrectionem coniungenda, cum ipso in æternum regnatura. Sicut enim octauus numerus symbolum resurrectionis est, sic etiam cum sit parilis atque compositus, humanum corpus significat. Ternarius autem numerus Deo tribuitur, ut alibi clariùs demonstrauius. Quoniam autem Sibylla asserit in nomine prædicto quattuor Vocales, duasque Consonantes contineri, quibus nomina duorum Geniorum conscribuntur; pro Vocalibus, I, H, O, Υ, intelligi debent, & pro duabus Consonantibus, Σ, Σ, quæ sunt elementa, quibus duorum præcipuorum Angelorum nomina inscribuntur; quorum alter bonus est, nempe Sathael, alter verò malus Satan. Neque enim sine ingenti mysterio in nomine hoc sacratissimo duo Angeli innuuntur, bonus nimirum & malus. Pro prima namque Σ, quæ inter ceteras huius sanctissimi nominis litteras tertio loco constituitur, boni Angeli designantur; qui cum peccatum non admisissent, in gratia confirmati sunt. Pro altera verò Σ, quæ postremo ac infimo loco reiecta est, defectores innuuntur angeli, qui diabolicam Luciferi superbiam secuti, è cælo vnà cum ipso deiecti, in profundum inferni barathrum præcipitati sunt. Id etiam hoc ipso mysterio significari videbatur, nimirum I E S V M imminutionem illam, quam cælestes acies in perduellium angelorum deiectione acceperant, instauraturum, impiissimumque satanam vnà cum scelestissimis satellitibus suis, pedibus illius proterendum & conculcandum; nec non ea, quam sibi in mundum arrogauerat, tyrannide ac dominatu expoliandum.

**C** Octaua Sibylla fuit Hellespontica, in Agro Traiano nata, vico Marmissa siue Marpeso, ut alij tradunt, prope oppidum Gergithion, ex quo Gergithia vocitata est: quæ, ut Heraclides Ponticus tradit, ea ætate floruit qua Syrus & Solon. Hæc perinde ac si Christum Dominum loquentem audiuisset, ea verba prænuntiavit, quæ ipsemet postea protulit, cum dixit: *Non veni soluere legem, Mat. 5. sed adimplere.* cumque ut ostenderet se quoad diuinitatem Patri in omnibus similem esse, inquit: *Qui videt me, videt & Patrem meum.* innuitque ipsum Do- Ioan. 14. minum veram ac cælestem doctrinam homines docturum. Ac præterea, quod admi-



Sibylla Hel-  
lespontica  
vaticinium  
de Christo à  
Magis ado-  
rato.

Sibyl. orac.  
lib. 1.

admiracione sanè dignum est, apertè admodum prædixit, tres Magos, quos ipsa A  
Sacerdotes appellat, ad eum adorandum, ac tria illa mystica dona, aurum,  
myrrham, ac thus illi offerendum, aduenturos esse. inquit enim:

*Ille Dei legem complebit, non violabit,  
Persimilem formam referens, & cuncta docebit.  
Illi libabunt aurum, myrrhamque ferentes,  
Thusque sacerdotes: hæc omnia namque patrabit.*

Sibylla  
Phrygia de  
Christi mor-  
te, descensu  
ad inferos,  
& resurre-  
ctione.

Sibyl. orac.  
lib. 8.

Nona Sibylla illa fuit, quæ Phrygia dicta est. Hæc oracula sua promulga-  
uit, ac responsa dedit in vrbe Ancyra olim notissima. Christi Domini mortem  
carminibus cecinit; solisque eclipfin, & tenebras, quibus trium horarum spa-  
tio præter consuetum naturæ cursum in die crucifixionis & mortis eius, orbis  
terrarum offusus est, admirabiliter prædixit. Clarè admodum prænuntiavit,  
velum templi in duas partes scindendum; significans cunctas umbras atque  
figuras, quæ veteri Testamento continebantur, per Christi passionem & mor- B  
tem patefactas ac declaratas esse; innuens ipsum Dominum ad inferos descen-  
surum, ac die tertia à mortuis resurrecturum; certissimam arrham cunctis fi-  
delibus, qui per sacrum Baptisma renati fuerint, tribuens, se quoque resurre-  
cturos; cuius quidem carmina admiratione planè dignissima ex Græco in La-  
tinum conuersa, hîc damus:

*Scindetur templi velum, mediumque diei  
Nox tenebrosa tribus premet admirabilis horis:  
Non etenim deinceps templum, legemque colendam  
Arbitrio mundi monstratum est, idque latebat,  
Arbiter ut terras æternus venit in imas,  
Deuenietque, bonam spem portans omnibus, orcum,  
Et tridui somno peraget mortalia fata.  
Tum demum linquet manes, lucemque reuifet,  
Prima resurgendi lætis vestigia monstrans,  
Qui laticis culpas abluti fonte perenni  
Præteritas, rursus geniti, pleneque renati,  
Jam non infandis parebunt moribus orbis.*

Sibylla Ti-  
burtina de  
Christi ite-  
resurrectio-  
ne & ascen-  
sione.

Sibyl. orac.  
lib. 1.

Decima in Sibyllarum numero Tiburtina fuit, sic ab antiquissima vrbe Ti-  
bure nuncupata, nomine autem Albunea dicta. Hanc veteres Tiburtini ut  
Deam coluere, in Anienis fluminis, quem vulgò nunc Tiberonem vocant,  
littore; vbi ad hanc vsque diem in huius antiquitatis testimonium, paruum  
ac peruetustum templum, rotunda forma, pulchraque architectura constru-  
ctum conspicitur, Sibyllæ templum passim ab omnibus vocitatum. Cuius si-  
mulacrum, ut scribit Varro, librum manu tenens, in Anienis gurgite repertum  
fuit. Hæc Christi Domini resurrectionem, eiusque admirabilem ascensionem  
his carminibus suis prædixit, quæ ex Græco Latinitati donata ita sonant: D

*Sed postquam triduo lucem repetiuerit, atque  
Monstrarit somnum mortalibus, atque docendo  
Cuncta illustrarit, celestia tecta subibit,  
Nubibus inuectus. —*

Complures præter has decem, quas Varro prodidit, aliæ extitere Sibyllæ; ut  
puta Sardiana, Rhodiana, Sicala, Colophonia, quæ Lampusia dicta, ex Calchan-  
tis progenie nata est. Fuit & Sibylla Heliisa. Atq; in Sibyllarum numero ponitur  
etiam Cassandra, alio quoque nomine Alexandra vocata, Priami Troianorum  
Regis filia, quæ patriæ suæ euersionem prænuntiavit. Fuit & Epirotica Sibylla, in  
Thesprotia Epiri, nunc Albanæ regione orta, quæ & oracula ipsa quoque con-  
scripsit.



A scripsit. Fuit præterea Sibylla Thessalica, nomine Manto, Tiresiæ Thebani filia, ex qua Mantuanam urbem nuncupatam esse volunt. Quidam verò Sibyllarum etiam numero Xanocleam adscribunt, quæ Delphis in Apollinis templo oraculi responsa dedit. Alij quoque inter Sibyllas Nicostratam Euandri matrem referunt, quæ à Latinis, quòd responsa carminibus dare consueuisset, Carmenta dicta est. Et ut summam rem perstringamus, per plures aliæ vaticinæ atque fatidicæ mulieres extitere, à plerisque auctoribus Sibyllæ appellatæ, quas breuitati consulentes omittimus.

Scribit Cornelius Tacitus, sanxisse Augustum Cæsarem (quod temporibus suis multa vana & commenticia, sub nomine Sibyllinorum carminum circumferebantur) ut quæsitis Samo, Erythris, & Ilio, ubi Troiæ urbs antiqua fuit, per Africam etiam, ac Siciliam, & Italicas colonias fatidicis carminibus; quæcumque reperirentur, intra certum diem ad Prætorem Urbanum deferrentur: hisque quindecim virorum iudicio ac censuræ suppositis, quæcumque reuera Sibyllina esse decernerentur, in Capitolium deferri, ibique seruari deberent; neque ea priuatim haberi liceret, quod iam à maioribus quoque decretum erat. At hæc ipsa carmina, quadringentis vel circiter annis postea elapsis, Stilico Honorij Imperatoris socer, dum contra generum res novas moliretur, (sperans hac occasione ingentem aliquam aduersus eundem commouere seditionem) ea cremari ac prorsus deleri curauit. Cuius infame & improbum facinus his carminibus perstrinxit Rutilius:

*Nec tantum Geticis grassatus proditor armis,  
Antè Sibyllinæ fata cremauit opis.*

Annalium  
lib. 6.

Oracula  
Sibyllarum  
ab Augusto  
religiose  
vndique  
conquisita.

In Itinera-  
rio, lib. 2.

Præter ea autem quæ de Christi Domini rebus gestis oracula ac prædictiones superius retulimus, quæque huic, siue illi Sibyllæ nominatim attributæ sunt: tot tantaque alia de passione, de Cruce, de morte, ac de resurrectione eius in libris Sibyllinorum oraculorum scripta comperiuntur, adeò aperta & clara prædictione prolata (inexplorato tamen quænam ex Sibyllis prædictis singularum prædictionum auctrix extiterit) ut reuera non sine ingenti admiratione atque stupore legi queant. In primis autem id ibi clarè admodum prædictum fuisse comperitur, Christum Dominum ventis imperaturum, & mare tranquillaturum esse, hominumque quinque millia, ex quinque panibus ac duobus piscibus ab eo pascendos & saturandos, ex quorum fragmentis duodecim cophini implendi essent. Cuius admirabilis diuinationis, hæc sunt ex Græcis Latina effecta carmina:

*Placabit fluctus: in desertisque locorum  
Large panibus ex quinis, & pisce marino,  
Millia quinque virum satiabit, reliquique  
Bis senos cophinos implebunt virginis alme.*

Sibyll. orac.  
lib. 1.

D Hoc insuper ibi prædictum fuisse comperitur, peruicaces nimirum ac perfidos ludæos, Christi Domini miraculis non obstantibus, quasi ebrios, surdos, ac cæcutientes in eum minimè credituros: immò alapis eum impeturos, sputis vultum eius inquinaturos, fellisque escam apposituros, & aceti potum illi propinaturos esse:

*Et tunc ebrius Israël non mente videbit,  
Non oculis cernet, non auribus audiet ipsis.  
Hebræos sed enim summi lymphata Tonantis  
Cum petet ira, fide sublata prorsus eorum,  
Propter caelestem, diuino sanguine cretum,  
Offensum per eos puerum: tunc impius illi*

Sibyll. orac.  
lib. 1.

Impin-



*Impinget colaphos, virofaque sputa scelestis  
 Israël labiis: neque non & fellis amari  
 Apponent escam, potumque immitis aceti.*

A

Iisdem etiam Sibyllinis versibus prædictum fuisse patet, Christum Salvatorem nostrum spinis coronandum; manus eius in Crucis ligno extendendas, ut omnia traheret ad se ipsum; lanceaque latus eius perfodiendum: atque ob id futurum esse, ut lux meridiana in obscuram noctem trium horarum spatio verteretur: Salomonis autem templum huius mortis signum daturum, Christumque ad inferos descensurum, ut sanctos Patres inde eriperet, & ut resurrectionem mortuis annuntiaret:

Sibyll. orac.  
 lib. 1. circa  
 finem.

*Sed manibus passis cum mensus cuncta, coronam  
 De spinis tulerit, nec non latus eius arundo  
 Fixerit acta manu, cuius causa tribus horis  
 Nox tenebrosa die medio monstrofaque fiet:  
 Tunc hominum generi magnum Salomonia signum  
 Templum dabunt, Ditis cum tecta profunda subibit,  
 Nuntiet in vitam reditum quod morte peremptis.*

B

In eodem quoque Sibyllinorum oraculorum libro alibi legitur, eundem Dominum spinea corona redimendum, felle potandum, & Cruci suffigendum: demumque Sibylla ipsa sanctam Crucem salutans, lignum felix eam appellat; cum Deus ipse in ea pependerit, innuens eiusdem Crucis signum in caelo conspiciendum, cum idem Dei Filius viuos ac mortuos cum maiestate iudicaturus adueniet; postquam mundus à sordibus suis per ignem purgatus erit.

Sibyll. orac.  
 lib. 6.

*Nempe coronam  
 De spinis illi posuisti, iniuria maior  
 Quod foret, & potum fudiſti fellis amari.  
 O lignum felix, in quo Deus ipse pependit!  
 Nec te terra capit, sed cali tecta videbis,  
 Cum renouata Dei facies ignita micabit.*

C

Et non secus ac Propheta de opprobrijs, iniurijs atque ludibrijs, quibus Salvator noster in passione sua afficiendus erat, ait; *Dabit percutientibus se maxillam, saturabitur opprobrijs, & dabit in verbera dorsum*: sic una ex eisdem Sibyllis asseruit, eum patienter malas colaphis & virulentis sputis præbiturum, sacratissimumque dorsum verberibus & flagellis tundendum ac proscindendum; nec non & vultum tacite & compresso sermone depalmandum, ac senticoso ferto caput impingendum; demumque sacratissimas manus, ut totum metiretur orbem, in Cruce expansurum esse:

Sibyll. orac.  
 lib. 8.

*Ad virofa genas præbebit sputa pudentes,  
 Verberibusque sacrum tradet proscindere tergum.  
 Perque feret tacitus colaphos, ne forte sciatur,  
 Quis sit, cuius sit, mortalibus unde locutum  
 Venerit, horrentemque feret de vepre coronam,  
 Expandetque manus, totum metiatur ut orbem.*

D

Et quemadmodum sancti Patres & Doctores asseuerat, Moysen, cum brachijs erectis atque extensis oraret, dum Israëlitis populus aduersus Amalec præliaretur, Christi Domini figuram præ se tulisse, qui brachia sua in Crucis ligno extendens, figuratum Amalec, antiquum videlicet ac feralem hostem nostrum satanam deuicit: sic una ex Sibyllis id etiam iam pridem ante eos admirabiliter planè atque diuinitus prædixerat. Ita enim Græcè olim, nunc verò Latine canit:

*Versibus hic noster Deus est, nostraque salutis*

Condi-



A *Conditor aternus, perpeſſus nomine noſtro;  
Sincera hunc Moyses expreſſit brachia tendens,  
Vi fidei vincens Amalec, vt diſceret eſſe  
Electam Patri populus magnoque in honore  
Davidis virgam, lapidem in quo conſtitit; in quo  
Cui ſua ſpes poſita eſt, is in omnia ſæcula viuet.*

Sibyll. orac.  
lib. 8.

Nec non & quemadmodum ſacroſancti Euangeliftæ teſtantur, Chriſtum Dominum poſtquam à mortuis reſurrexerat, rediuiuum ſeſe vt antea Diſcipulis ſuis repente conſpiciendum exhibuiſſe, manusque & pedes clauorum cicatricibus obſignatos eis oſtendiſſe; ſic etiam Sibyllarum vna quædam iam pridem ante ipſos, multiſque ſæculis antequam id fieret, inter cetera quæ de futuris euentibus admirabiliter præcinerat, hoc ad poſteriorum memoriam ſcripto commendauit:

B *Porro ſuis primùm Dominus pateſcet, eritque  
Corporeus, ſicut fuit ante; manusque pedesque,  
Oſtendetque impreſſa ſuis veſtigia membris.*

Sibyll. orac.  
lib. 1.

C Verùm id longè maiore admiratione dignum cenſendum eſt, quod vna ex Sibyllis iam antea clarè prædixerat, æternum Verbum, & vnigenitum Dei Filium è cælo in terras dilapſum, in ſacraſſimæ Mariæ virginis vtero incarnandum, aſſumpto, ſic iubente Deo per Angelum Gabrielem, viſibili corpore, altiſſimoque eiſdem Filij Dei incarnationis per eum annuntiato Virgini myſterio; quam & ab ipſo Angelo eiſdem pænè verbis, quæ noſtra ſalutatione Angelica continentur, ſalutandam Sibylla ipſa prænuntiauit: aſſerens, Virginem ſalutatione illa commotam & conturbatam, virginalique verecundia ac rubore perſuſam, & cogitantem quænam ſalutatio illa eſſe potuiſſet, quam ab initio, perpetuo virginali ſuo conſilio repugnantem rebatur; ab eodem Angelo confortatam, diuiniſque conſilij conſciam effectam, collegiſſe ſe, & Dei voluntati paratiſſimam obtuliſſe. Tum verò æternum Verbum in eius vterum protinus aduolaſſe, ibique humanam naturam, formam, & corpus ſumpſiſſe; atque ex ea tempore præfixo in Bethleem, matre ipſa virgine remanente, natum eſſe. Quod licet hominibus admirandum prorsus videatur, Deo tamen ipſi nihil impoſſibile cenſendum. Quin & natiuitatem eius paſtoribus priùs annuntiatam fuiſſe; qui ad illum adorandum conſeſtim acceſſerunt, puero ipſo pannis inuoluto, ac ſciscijs illigato, in præſepi iacente reperto; Magosque, noua eos ſtella ductante, ad infantem ipſum adorandum acceſſiſſe. Quæ omnia, & multo quidem plura Sibylla ipſa, diuinitus planè atque admirabiliter, vt dictum eſt, prænuntiauit. Cuius admiranda prorsus carmina ex Græco idiomate in Latinum conuerſa, eiſmodi fuiſſe comprehendimus:

D *Omnia namque tibi certo ordine diſpoſuiſti,  
Temporibusque petit poſtremis terram . . . . .  
Et breuis ingreſſus Mariæ de virginis aluo,  
Exorta eſt noua lux . . . . .  
E cælo veniens, mortales induit artus.  
Ac primùm corpus Gabriel oſtendit honeſtum  
Nuntius, hinc tali affatur ſermone puellam:  
Accipe Virgo Deum gremio intemerata pudico.  
Sic ait: aſt illam cæleſtis gratia molli  
Leniſt aſſlatu. tum virginitatis amatrix  
Perpetuæ, magno ſubitò correpta ſupore*

Sibyll. orac.  
lib. 8.



Atque metu, trepida pressit formidine mentem,  
 Ignotis verbis commoto corde tremiscens.  
 Hinc ut letificis mens est recreata loquelis,  
 Erubuit malas ridens puerile venustas,  
 Letitia dulciq̃ue animum demulsa pudore.  
 Tunc ad se redijt, Verbumq̃ue volauit in aluum;  
 Idq̃ue suo factum atque animatum tempore corpus  
 Mortali facie cretum est: puer inde creatus  
 Virgineo partu: mira est mortalibus hæc res;  
 Sed res nulla Deo Patri Natoq̃ue stupenda.  
 Hoc puero nato, properant gaudia tellus,  
 Celestis risit sedes, & gestijt orbis;  
 Diuinamq̃ue Magi stellam coluere recentem:  
 Monstratusq̃ue Dei præcepta sequentibus infans  
 Est in præsepi, quem fascia circuit, estq̃ue  
 Dicta Logi Bethlem diuino patrianutus  
 Caprarum atque ouium custodibus atque bubulcis.

Sibyllarum  
 oracula cõ-  
 uertendis  
 Gentibus  
 seruierunt.  
 Aduersus  
 Celsum l. f.  
 circa finem.

Si in paucis his verbis ergo Sibyllarum carminibus, quæ ad hæc vsque tem-  
 pora nostra perdurant, Syllæ, Iuliani Apostatæ, ac Stiliconis incendiorum reli-  
 quia, quæ parua admodum ac minima fragmenta eorum sunt, quæ Sibyllæ  
 ipsæ conscripserunt, admiranda adeò de Christo Domino, deq̃ue rebus ab eo  
 gestis oracula reperiuntur; quid quæso de miraculis ac sacratissimis mysterijs  
 eius prophetatum atque prædictum fuisse repertum iri, nobis putandum est, si  
 vniuersa earum scripta haberi possent? Ego quidem reor, nullam vnquam præ-  
 teritarum rerum gestarum historiam ab vllò quantumuis perito historico, qui  
 singulis rebus interfuisset, tam diligenter conscriptam fuisse, quàm Christi Do-  
 mini sancta atque præclara facinora ab hisce admirandis virginibus, Spiritus  
 sancti in hoc lumine perfusis, prædicta fuere. Quamobrem valdè admiranda  
 est diuina prouidentia, & nullo vnquam fine terminanda gratiarum actione  
 ex hoc præcipuè collaudanda; quòd quemadmodum Hebræorum populo san-  
 ctos dederat Prophetas, qui veri Messia Christi Domini aduentum, miracula,  
 passionem, Crucem, mortem, & resurrectionem, multifariè multisq̃ue modis  
 prophetauerant, ut cum ipse postea aduenisset, in eum facilius crederent; sic  
 Gentium quoque populis prospexit, Sibyllas has eis tribuens, quæ Prophe-  
 tissæ quodammodo appellari possunt, cum Christi Domini res gestas adeò cla-  
 rè prædixerint, ut Gentes ipsæ ad sanctæ Fidei lumen minori postea negotio  
 pertraherentur. Qua consideratione permoti sancti Apostoli, ceteriq̃ue Euan-  
 gelicæ Legis prædicatores, in nascentis tum Ecclesiæ primordijs, dum Ethnicis  
 prædicabant, tam sepè atque libenter harum Sibyllarum oracula in medium  
 proferebant, ut à maleuolis ac sanctæ Fidei inimicis quibusdam, quòd irrisui at-  
 que ludibrio essent, Sibyllistæ passim vocarentur; ut Origenes innuit aduersus  
 Celsum scribens.

Ceterum Ethnicorum magistratus & principes econtra, animaduertentes à  
 nostris ingentes fieri progressus, multosq̃ue ex Gentilibus ad sanctam Christi fi-  
 dem quotidie conuerti, atque huius rei causam in librorum Hystaspis & Sibyl-  
 larum auctoritatem magna ex parte reiicientes, quos homines Christianorum  
 suasione impulsu magna attentione perlegebant, sanxerunt capitale fore, si quis  
 eos seorsum atque priuatiim legeret. Quod sanè malorum dæmonum insti-  
 gatione factum fuisse credendum est, quòd miseri Gentiles in sua cæcitate,  
 in errorum tenebris, atque in idololatriæ impietate diutius persisterent.

Verum



- A Verum his non obstantibus, Christiani ab eorum lectione non absterrebantur; sed & Ethnicis, ut eos perlegerent, instantius suadebant. quod Iustinus Martyr diligenter annotavit, cum inquit: *Opera autem & instinctu malorum demonum, mortis supplicium adversus librorum Hystaspis aut Sibyllæ aut Prophetarum lectores constitutum est: ut per timorem, homines ab illis, quo minus scripta eius legentes rerum bonarum notitiam percipiant, sed in servitute eorum retineantur, absterreantur.* Quod certe quidem efficere & ad finem suum perducere nequiverunt: non enim absque timore tantum huiusmodi scripta legimus, verum etiam vobis ad inspiciendum, quæ in eis traduntur, ut videtis, offerimus; grata acceptataque omnibus fore scientes. Atque hoc etiam si paucis persaserimus, maximum inde tamen feremus lucrum: nam ut boni agricolæ, amplam à Domino capiemus mercedem. Volunt nonnulli, non Hystaspeem solum atque Sibyllas apud Gentiles, sed alios quamplurimos Christi Domini Crucem & mortem prædixisse; ut puta Homerum & Virgilium. Quin & diabolus ipse Dei voluntate coactus, per idolorum & oraculorum ora, eiusdem Domini ac Redemptoris nostri natiuitatem, passionem, Crucem, & mortem palam fassus est. De Platone sanè Clemens Alexandrinus luculentissimum nobis perhibet testimonium, illum quasi prophetice Christi Domini passionem & mortem prædixisse, inquit: *Quid verò, an non similiter Scriptura, quæ dicit: Tollamus iustum à nobis, quoniam nobis est inutilis: Plato propemodum prophetice prædicens salutarem dispensationem, sic dicit in secundo de Republica? Iustus autem qui sic est affectus, flagris cadetur, torquebitur, vincietur, ei oculi effodientur, & postremo omnia mala perpeffus, suspendetur.* Verba admiratione planè dignissima, his ferè similia, quæ in sacro Sapientiae libro à Spiritu sancto prædicta fuere circa Iudæorum iniquitatem atque invidiam; qui cum à Christi Domini innocentissima atque sanctissima vita auersissimi essent, quippe quæ vitiis & sceleribus ipsorum repugnabat; neque increpationes eius ulterius tolerare valerent, dicebant: *Circumueniamus iustum, quoniam inutilis est nobis, & contrarius est operibus nostris, & improperat nobis peccata Legis, & diffamat in nos peccata disciplina nostræ. Promittit se scientiam Dei habere, & Filium Dei se nominat. Factus est nobis in translationem cogitationum nostrarum. Grauis est nobis etiam ad videndum, quoniam dissimilis est alius vita illius, & immutatae sunt viæ eius. Tamquam nugaces aestimati sumus ab illo, & abstinet se à viis nostris tamquam ab immunditiis, & præfert nouissima iustorum, & gloriatur Patrem se habere Deum: videamus ergo si sermones illius veri sint, & tentemus quæ ventura sunt illi; & sciemus quæ erunt nouissima illius. Si enim est verus Filius Dei, suscipiet illum, & liberabit eum de manibus contrariorum. Contumelia & tormento interrogemus eum, ut sciamus reuerentiam eius, & probemus patientiam illius. morte turpissima condemnemus eum.*

Pro Christianis Apolog. 2. ad Anton. Pium.

Stromatū lib. 5. c. 6. Plato etiā quædam de Christo videtur prædixisse.

Sapient. 2.

- D Quamobrem, quia verisimile non censetur, neque vlllo pacto credendum est, Platonem ut Ethnicum, Spiritus sancti lumine adeò perfusum fuisse, ut ea quæ ad Christi Domini passionem tam clarè spectant, prospicere ac prænuntiare potuerit; non irrationabili argumento coniectari posse videtur, quòd cum ille in Ægyptum profectus esset, præcipuo favore adiutus, sacros Moysis ceterorumque Prophetarum libros peruoluere atque perlegere potuerit. Cui opinioni per plures etiam ex priscis Christianis eruditi viri adhæsisse visi sunt; qui eiusdem Platonis opera peruoluentes, cum multa ad Christianæ Religionis veritatem congruentia reperissent, eodem vti argumento id antea iudicauerant. Quocirca diuus Augustinus in hanc sententiam inquit: *Mirantur quidam nobis in Christi gratia sociati, cum audiunt vel legunt Platonem de Deo ista sensisse, quæ congruere veritati nostræ Religionis agnoscunt. Vnde nonnulli putauerunt eum, quando*

De Ciuit. Dei, lib. 8. cap. 11.



perrexit in Ægyptum, Ieremiam audivisse Prophetam, vel Scripturas Propheticas in eadem peregrinatione legisse. A

Et quamquam idem Augustinus subiungat, diligenti supputatione abs æquatis temporibus comperisse Platonem annis circiter centum natum postquam Ieremias prophetauerat, eundemque sexaginta ferè annis fato functum antequam Ptolomæus Ægyptiorum Rex per Septuaginta interpretes sacras Hebræorum Scripturas ad Græcos traduxisset, ita ut Plato ipse in ea quam tum in Ægyptum peregrinatione susceperat, nec Ieremiam vidisse, qui tanto iam antè tempore decesserat; neque Hebraicas Scripturas, quæ in Græcum adhuc conuersæ non erant, legisse potuerit: fatetur tamen eundem Platonem tam magno atque eximio ingenio extitisse, atque in studiis cognoscendi semper aliquid atque discendi desiderio flagrantem; ut quemadmodum Ægyptiacas litteras didicerat, sic etiam per seipsum vel per aliquem interpretem legisse, vel notionem assequi potuisse eorum quæ sacris Hebræorum Scripturis continentur. Quamobrem non est quod miremur, si in eiusdem Platonis libris nonnulla reperiuntur vaticinia, quæ in Saluatoris nostri persona ac rebus gestis, magna legentium admiratione, veritate ipsa comprobata sunt. B

Homeri  
etiam quæ-  
dam Chri-  
sto accom-  
modata.

Quod autem ad Homerum Poëtarum Regem attinet, nonnulli eam opinionem imbiberunt, illum operum suorum locis quamplurimis carmina inseruisse, quæ Christi Domini res gestas, præcipuè verò eius passionem & Crucem innuunt. Quo præsertim delectata Eudoxia Imperatrix Theodosij Iunioris Augusti coniunx ( mulier, cuius in primis sanctè viuendi institutum erat ) Sacrarumque litterarum lectioni deditissima, atque in Poëticiis studiis exercitata, admirabili industria ex ipsius Homeri Græcis carminibus multos centones contexuit, quibus varias vtriusque Testamenti historias complexa, id ipsum opus suum *Ὁμῆρου ἑρμηνεία* vocavit; in quo, postea Latinitati donato, de Christi Domini crucifixione ac morte nonnulla carmina leguntur: quæ, C  
et si Christiani Scriptoris instituto congruum haudquaquam esse putamus, Ethnicorum Poëtarum carmina ad sanctæ Religionis nostræ sacra mysteria, violentia quadam pertrahere, eadem nihilominus in piorum Lectorum gratiam, ac tantæ mulieris memoriam, hoc loco referre volumus. Sunt autem eiusmodi:

Agnus enim erat omnium longè optimus omnium;  
Inter autem ipse iuit suis alacritatibus fretus:  
Vinculo autem difficili ligatus erat, fortes dolores patiens;  
Simul autem pedes manusque ligabant irato animo.  
In medium autem adduxere, hi autem ambas manus sustulere  
Confestim, lanam autem deposuit puniceam.  
Tum autem sol medium celum ambiuerat.  
Accipientes igitur hi diuisi extendunt  
Crucibus densis vndique hinc & inde  
Nudum, verum ipsi vestimenta in domibus iacebant,  
Rectum in ligno: ex ipso autem extrema suspendere  
Altè valdè magnopere, inclamat autem populus retrò.  
Hi verò offendeabant, & conuiuiabantur verbis;  
Verum hic animum habens suum fortem ut antea,  
Ter autem deinde clamauit quantum caput cepit viri:  
Ostentabat autem se suture, bibere autem nolebat capere.

Multa autem  
ex Virgi-  
lio Christo  
adaptantur.

Virgilius quoque, & quidem Homero forsitan euidentius, multa de Christo, & de sancta eius Cruce præcipuè innuere pergit. Quamobrem Proba Falconia clarif-



A clarissima mulier Adelphi Romani Proconsulis vxor, in suis centonibus hæc eiusdem Virgilij carmina in hanc sententiam, pio sanè ac laudabili labore, coaceruando selegit:

*Ingentem quercum decisis vndique ramis  
Constituunt, spirisque ligant ingentibus illum:  
Tendebantque manus, pedibus permutua nexis:  
Triste ministerium; sequitur quos cetera pubes:  
Aus omnes immane nefas, ausoque potiti.  
Ille autem impavidus, Quo vincula nectitis? inquit.*

*Tantane vos generis tenuit fiducia vestri?  
Post mihi non simili pœna commissa luetis:  
Talia perstabat memorans, fixusque manebat.  
Interea magno misceri murmure cælum*

*Incipit, & rebus nox abstulit atra colorem;  
Impiaque eternam timuerunt secula noctem.*

*Terra tremit, fugere feræ, & mortalia corda  
Per gentes humilis strauit pauor inde repente  
Dat tellus gemitum, & cælum tonat omne fragore.*

Et quamquam centones isti nulla alia pœnè de causa admirandi sint, quàm præclarissimarum matronarum quæ illos contexuere pietate atque industria; cum quod ad prophetiam & prædictionem attinet, non magni adeò æstimari possint, cum carmina sint hinc atque illinc accersita, & in vnum ex industria congesta: inficias tamen iri minimè potest, quin Poëtæ in carminibus suis quandoque aliud dicere putantes, futura aliqua prædixerint. Ex quo factum est, vt ab antiquis Vates appellati sint. Quamobrem sanctus Isidorus de

C *ipsis inquit: Vates à vi mentis appellatos, Varro auctor est: vel à viendis carmi-*

Originum  
lib. 8. c. 7.

*nibus, id est flectendis, hoc est modulandis: & proinde Poëtæ Latine Vates olim; & scripta eorum Vaticinia dicebantur.* Et quidem, si Poëta vllus vates dici potest, Virgilius profectò tali nomine dignissimus censendus est. Licet enim per summam ambitionem, natiuitatem Salonini, Asinij Pollionis Romanorum Ducis & Consulis filij, sibi celebrandam assumpsisset; multa tamen carminibus suis, nihil tale cogitans, prædixit, quæ Christo Domino tantummodò, vt nonnullorum fert opinio, conueniunt, vt innuit diuus Hieronymus: qui etsi eos carpens, qui sine magistro, cum Doctores ac Theologi non sint, Scripturas interpretari, & ad suum sensum pertrahere audent, hos ipsos Homeri atque Virgilij centones, quasi exempli gratia in medium adducere videatur; tamen eundem Virgilium in hoc admiratione dignum extitisse subindicat, quòd cum Christianus non fuerit, nullamque Christi Domini ac diuinorum mysteriorum eius notionem sit assecutus, perplura tamen scripsit, quæ illi congruenter adaptari possunt: *Quasi, inquit, grande sit,*

Ad Paulinū  
epist. 103.

D *& non vitiosissimum docendi genus deprauare sententias, & ad voluntatem suam Scripturam trahere repugnantem: quasi non legerimus Homerocentonas, & Virgilio centonas: ac non sic etiam Maronem sine Christo possimus dicere Christianum, quia scripserit:*

*Iam redit & virgo, redeunt Saturnia regna;*

Ecloga 4.

*Iam noua progenies cælo demittitur alto.*

*Et Patrem loquentem ad Filium:*

*Nate, meæ vires, meæ magna potentia solus.*

*Et post verba Saluatoris in Cruce:*

*Talia perstabat memorans, fixusque manebat.*

Æneidos  
lib. 2.

Hæc Hieronymus. At diuus Augustinus de impij Porphyrij inconstantia dis-



S. August.  
De Ciuit.  
Dei lib. 10.  
cap. 27.

Ecloga 4.

serens, qui in his quæ fidei sunt titubans, inter veri Dei confessionem & idolorum cultum fluctuabat, asserit, Virgilium de Christo poeticè quidem, quia in alterius adumbrata persona, veraciter tamen, si ad ipsum referantur, hæc carmina protulisse:

*Te duce, si qua manent sceleris vestigia nostri,  
Frrita perpetua soluent formidine terras.*

*Quin &  
diabolus  
ipse coactus  
est fieri  
Christi sus-  
pra se po-  
tentiam.*

Verum iam pridem ante sanctos Patres Hieronymum & Augustinum, magnus Imperator Constantinus, in ea quam habuit ad Sanctorum cœtum Oratione, eiusdemque, quam Eusebius Cæsariensis refert, Orationis capite vigesimo, apertè ostendit, Virgilium carmina prædicta, ac pleraque alia quæ ibidem refert, de Christo Domino cecinisse. Verum quid miramur, Poëtas, licet Ethnicos, quædam Christi decantasse mysteria; cum diabolus ipse, ut superius innuimus, Dei omnipotentia atque iustitia coactus, pro diuinæ ipsius maiestatis gloria, in salutis nostræ profectum ac fidei confirmationem, Christi natiuitatem, diuinitatem, potentiam, passionem, Crucem, ac mortem fassus sit? Confessus namque is est, licet inuitus admodum, ipsius Christi Domini natiuitatem, diuinitatem, virtutem, atque potentiam, Octauiano Augusto Romanorum Imperatori, qui senio iam confectus, percupide admodum scire desiderans, quisnam post ipsum Romanum administra-  
turus esset Imperium, ad Pythij Apollinis oraculum profectus est; sacrificioque illo omnium maximo, quod Hecatomben veteres appellabant, in quo centum vnus generis victimæ mactari solebant, dæmoni oblato, quæsiuit quisnam post ipsum tanti Imperij clauum, ac Romanæ Reipublicæ gubernacula tenere deberet. At cum dæmon nullum daret responsum; quippe qui post Christi Domini natiuitatem vterius loqui non auderet; Augustus aliud quoque simile, sed alterius animalium generis adiecit sacrificium, rogans quidnam causæ esset, quòd oraculum pluribus verbis antea vti solitum, nunc tandem obticuisset? Tum dæmon parua interiecta mora, tandem mœsta voce, tribus carminibus Græcis responsum edidit, quotum verba Latinitati donata, ita sonant:

Nicephorus  
Callistus lib. 1.  
cap. 17.  
Nicephorus  
lib. 1. c. 17.  
Suidas in  
verbo Augustus.  
Cedrenus  
in Comp.  
hist.

*Me Puer Hebraeus, diuos Deus ipse gubernans,  
Cedere sede iubet, tristemque redire sub orcum:  
Aris ergo dehinc tacitus abscedito nostris.*

Historiam hanc per plures auctoritate graues Scriptores referunt, atque inter eos præsertim Nicephorus, Suidas, Cedrenus, & plerique alij. Suidæ autem Traductor præcipue pro eorumdem carminum faciliore intelligentia, sic ea Latine interpretatus est:

*Puer Hebraeus iubet me, diis beatissimis imperans,  
Hanc ædem relinquere, & in orcum redire.  
Iam abito tacitus ab aris nostris.*

Augustus ergo hoc accepto responso Romam reuersus, diuinoque instinctu afflatus, aram in honorem Filij Dei in Capitolio erigi mandauit, hac inscriptione apposita: ARA PRIMOGENITI DEI. sic enim Auctores prædicti affirmant, præsertim verò Nicephorus, cuius verba ex Græcis ad Latinos sic translata sunt: Tali responso accepto Cæsar Romam reuersus est, atque in Capitolio aram maximam extruxit, cum huiusmodi Latina inscriptione: ARA PRIMOGENITI DEI. Volunt quidam, quòd in eodem loco vbi Augustus aram illam maximam extrui fecerat, templum illud postea in gloriosæ Virginis Mariæ honorem constructum fuerit, quod ARA CÆLI nunc appellatur. Quin Christi Domini quoque diuinitatem, humanitatem, miracula, Cru-



A Crucem, & mortem, idem demon inuitus tunc confessus est, vt Lactantius Firmianus testatur, cum sciscitatus, an idem Dominus ac Redemptor noster, Deus esset, an homo; in Milesij Apollinis oraculo admirabiliter respondit tribus Græcis carminibus, quæ Latina effecta eiusmodi fuisse perhibentur:

*Corpore mortali, sapiens ad facta stupenda;  
Verum à Iudæis Chaldais captus & armis,  
Clavis & palis mortem tolerauit acerbam.*

Lactantius  
Firmianus,  
diuinarum  
Institur.  
lib. 4. c. 13.

Cuius oraculi iam superius obiter meminimus; primi nempe libri huius operis capite decimo quinto; dum de clavis ageremus, quibus Redemptor noster Cruci suffixus est. Cuius gloriosum nomen, cui omne cælestium, terrestrium, & infernorum genua flectitur, à creaturis omnibus laudetur, magnificetur, glorificetur, & exaltetur, in sæcula sæculorum. Amen.



IACO-

II 4



IACOBI BOSII

DE

TRIVMPHANTE

ET

GLORIOSA

CRUCE

LIBER QVINTVS.

Quòd quamuis Deus Isræliticum populum sibi in peculiarem possessionem elegisset, non propterea Gentium populos auxilio suo destitutos esse passus est; vt ad ipsius Dei notitiam & verum cultum redigi possent. Quodque ob eam causam forsitan permiserat, vt in Ægyptiorum symbolis & hieroglyphicis tot Crucis signa atque figuræ insculperentur, vt his adminiculis Gentes mentium suarum aciem ad mysteriorum eorum contemplationem erigere possent, quæ per eiusdem sanctæ Crucis instrumentum operaturus erat.

## CAPVT PRIMVM.

*Deum omnes homines velle saluos fieri, & quomodo id intelligendum sit.*

D

1. Tim. 2.



VLT Deus, inquit Apostolus, omnes homines saluos fieri, & ad veritatis agnitionem venire. At quonam pacto, dicet fortasse aliquis, hæc sententia verificari poterit, cum vniuersi orbis terrarum populi, priscis quidem temporibus, Isræliticis exceptis, à veri Dei notitia & cultu aberrabant, & in impiæ idololatriæ cæcitate atque erroribus immergebantur? cumque tot nationes ac populi, hisce etiam nostris temporibus, sanctæ Christi fidei lumine orbat, infidelitatis horribilis & obscuræ noctis tenebris miserabiliter obuoluantur; vel in hæresum iniquitate & peruersitate, à pio atque materno



**A** terno sanctæ Ecclesiæ Catholicæ gremio, extra quod non est salus, in æternam damnationem (ô rem infelicissimam!) peruagentur? Omnis Scriptura, ait Glos-  
sa, idque diuus etiam Petrus innuerat, interpretatione indiget. Verissima pro- 2. Pet. 1.  
culdubio Apostoli verba fuere. Neque enim tam clara atque sonora Spiritus  
sancti tuba falsum sonitum & à veritate discordem edere poterat; neque à Va-  
sis electionis ore purissimo aliud quam veraces ac selectæ geminæ prodirent.  
Verum vt sermonis sui sensus sano modo intelligeretur, data opera ipse idem  
postea subdit, inquiens: *Vnus enim Deus, vnus & mediator Dei & hominum*, 1. Tim. 2.

**B** *homo Christus Iesus, qui dedit redemptionem semetipsum pro omnibus.* Quasi diceret,  
quod Deus optimus maximus, pro infinita sua bonitate ac misericordia, tam-  
quam vniuersorum Pater, & vnicus Creator omnium, voluntate sua antece-  
dente, omnes homines seruatos esse cupit: atque ad hunc finem vnigenitum  
Filium suum misit, qui omnium hominum salutem in ligno Crucis operatus  
est. At non sic indistinctè idem vult voluntate sua consequente. Antecedens  
voluntas illa est, qua quis absolutè aliquid vult: consequens verò est, qua quis  
aliquid quidem vult, sed necessariis circumstantiis & conditionibus accedenti-  
bus. vt, exempli gratia: Vult Rex cunctos sibi subditos viuere, & seruatos esse,  
quatenus membra regni sui existunt; & hæc est voluntas eius antecedens, quæ  
sub hac consideratione, vtique sancta & bona est: verum si quidam ex eis per-  
duelles, seditiosi, homicidæ, aut fures effecti fuerint, non solum eos non viuere,  
sed morti addictos cupit, quia publicum bonum & quietem perturbant, ad cu-  
ius conseruationem regiminis sui gubernacula dirigit; & hæc est voluntas eius  
consequens. Sic ergo vult Deus omnes homines saluos fieri, vt sunt creaturæ  
suar, atque ipsius capaces per cognitionem & amorem: sed consideratis præci-  
pui conditionibus, iuxta quas eorum quidam sunt iusti, quidam verò pecca-  
tores; quidam fideles, quidam autem infideles; secundum hunc modum di-  
uina maiestas, pro iustitiæ suæ ordine, quosdam seruatos esse vult, alios au-  
tem damnatos esse permittit.

*Similitudo  
Regis vo-  
lentis om-  
nes suos sal-  
uos, & ta-  
men scele-  
stos punien-  
tis.*

**C** At si quispiam fortasse nimia curiositate perquireret, cur non omnes saluet  
is qui omnes seruatos esse cupit; & quidnam causæ fuerit, quod priscis tempo-  
ribus, cunctis Gentibus prætermisissis, vnum Israeliticum populum tamquam  
peculiarem possessionem sibi elegerit, quem in veritatis notione erudiret; cete-  
ros verò populos omnes, & præsertim Aegyptios, tam miserando & cæco erro-  
rum & idololatriarum barathro immergi permiserit? huic respondendum erit, *iudiciorum*  
Dei altitudinem humanæ intelligentiæ accessibilem non esse. Prosper De  
Quamobrem Prosper Aquitanicus, in eode Vocatione Gentium tractatu, qui  
diuo Ambrosio à quibusdam tribuitur, ad institutum hoc: *Nullis, inquit, stu-*  
*diis, nullis ingeniis indagare concessum est, quo iudicio, quove consilio Deus incommu-*  
*tabiliter bonus, incommutabiliter iustus, semper præscius, semper omnipotens, idè om-*  
*nia in incredulitate conclusit, vt omnium misereatur: & tamen illis sæculis, quibus*  
*vnus Israëlem erudiebat, innumerabiles populos impiorum illuminare distulerit, &*  
*nunc eundem Israëlem, donec vniuersitas Gentium introëat, obcæcatum esse patiatur;*  
*pereuntem in tot millibus nascentium atq; morientium, & saluandum in eis, quos mun-*  
*di finis inuenerit. Quo mysterio toto Scripturarum corpore dilatato, innotuit quidem*  
*nobis quid factum sit, quidve faciendum sit; sed quare ita fieri placuerit, ab humane*  
*intelligentiæ contemplatione subtrahum est.*

*iudiciorum  
Dei altitu-  
do humano  
ingenio in-  
comprehen-  
sibilis.*

*Prosper De  
vocatione  
Gentium,  
l. 1. c. 21. vel  
S. Ambros.  
lib. 1. cap. 7.*

**D** Et paulò antè, in hanc eandem sententiam dixerat: *Cur illorum non misertus,*  
*& horum misertus sit Deus; quæ scientia comprehendere, quæ potest inuestigare sa-*  
*pientia? latet discretionis ista ratio, sed non latet ipsa discretio. Non intelligimus indi-*  
*cantem, sed videmus operantem. Quid calumniatur iustitiæ occultæ, qui gratias debe-*

*Prosp. ibid.  
cap. 15. vel  
S. Ambros.  
cap. 5.*

*mus*



*mus misericordia manifesta: laudemus & veneremur quod agitur, quia tutum est ne-* A  
*scire quod tegitur.* Hæc ille. Multa proculdubio sunt in diuinorum operum my-  
 steriis, quorum causæ ab intelligentia nostra remotæ atq; abditæ sunt; effectus  
 autem earum tantummodo patent: ita vt licet manifestum sit quod sit, lateat  
 tamen causa cur id ita fiat. Quamobrem attenta mentis consideratione expen-  
 dens Apostolus, quantum diuinorum mysteriorum altitudo humanæ intelli-  
 gentiæ captum atque mensuram excedat; cum longa mora interposita, ingenti  
 Rom. 11. mentis excessu ac stupore correptus conticuisse, tandem exclamauit: *O altitudo*  
*diuitiarum sapientiæ & scientiæ Dei: quàm incomprehensibilia sunt iudicia eius, &*  
*inuestigabiles viæ eius! Quis enim cognouit sensum Domini? aut quis consiliarius eius*  
*fuit? Aut quis prior dedit illi, & retribuetur ei? quoniam ex ipso, & per ipsum, & in*  
*ipso sunt omnia: ipsi gloria in sæcula. Amen.*

Prosper De Super quibus verbis idem Prosper Aquitanicus inquit: *Horum mysteriorum*  
 vocat. Gen *iudiciorumque causas, pius & doctus magister maluit ad altitudinem diuitiarum sa-* B  
 tium lib. 1. *pientiæ Dei scientiæque suspendere, quàm iustissimæ veritatis & misericordissimæ bo-*  
 cap. 13. & *nitatis subtractum ab humana cognitione secretum temeraria inquisitione discutere; ni-*  
 iuxta edit, *hil omittens de iis quæ non oportet ignorari, nihil contrectans de his quæ non licet sciri.*  
 quæ habe-  
 tur apud  
 S. Ambros.  
 cap. 5. Sufficiat igitur nobis compertissimum esse, quod Deus optimus maximus (a-  
 pud quem non est iniquitas, & cuius vniuersæ viæ misericordia & veritas) tam-  
 Idem lib. 2. quam optimus Pater, cunctorumque hominum creator, nostra omnia iustissi-  
 cap. 1. mè ordinat ac disponit; neminem indebitè damnans, neminemque ex debito  
 liberans. Nostra enim plectit, cum punit noxios; & sua tribuit, cum iustos fa-  
 cit: ita vt nec damnati iusta sit querimonia, nec iustificati verax sit arrogantia; si  
 vel ille dixerit non meruisse pœnam, vel iste asseruerit meruisse gratiam.

Quamobrem nec iustè conqueri, aut iure sese Gentium populi, præsertim  
 verò Ægyptij, excusare potuissent, si impietatis & cæcitatæ suæ, stultæque ac sce-  
 lestissimæ idololatriæ culpam, in quam miserimè se immerferant, & cum sum-  
 mo dedecore conspurcarant, in eam causam reicere voluissent, quod omni  
 prorsus Dei notitia spoliati fuerint; quodque ab ipsis omnia subtracta fue-  
 rint auxilia, quæ mentes suas ad diuinæ maiestatis ac magnitudinis contem-  
 plationem erigere, & ad Dei agnitionem perducere, atque in vera ac sancta reli-  
 gione seruare potuissent. Nam licet Deus Israëliticum populum, præcipua lege  
 & cærimoniis in religione ac cultu suo dirigendum atq; erudiendū sibi delegis-  
 set: non propterea ab vlla hominum natione bonitatis suæ dona subtraxit, neq;  
 his generalibus documentis, hisque manifestis indiciis eos priuatos esse voluit,  
 quibus cælum, stellæ, ignis, aër, aqua, tellus, huius vniuersi ornatus, & omnia  
 quæ creata sunt, de Dei optimi maximi infinita potentia, bonitate, atq; sapien-  
 tia testimonium perhibent. Quæ omnia, humanum intellectum in altissimam  
 mirabilium eius contemplationem, hincque ad Creatorem & Rectorem eo-  
 rum agnoscendum & adorandum, iugiter excitant & erigunt: vt appositè dixit  
 Apostolus, perinde ac si ad institutum nostrum Ægyptios corripere; qui pro eo,  
 vt ab his quæ visibiliter creata sunt, Deum agnoscerent, ipsumque laudarent &  
 glorificarent, peruersè ac miserabiliter ad bestias, & volucres, atq; serpentes ado-  
 randos sese conuerterant: *Inuisibilia ipsius, inquit, à creatura mundi, per ea quæ facta*  
 sunt, *intellecta conspiciuntur; sempiterna quoque eius virtus & diuinitas; ita vt sint in-*  
 excusabiles: quia cum cognouissent Deum, non sicut Deum glorificauerunt, aut gratias  
 egerunt; sed euauerunt in cogitationibus suis, & obscuratum est insipiens cor eorum: di-  
 centes enim se esse sapientes, stulti facti sunt. Et mutauerunt gloriam incorruptibilis Dei  
 in similitudinem imaginis corruptibilis hominis, & volucrum, & quadrupedum, & ser-  
 pentium. Quasi diceret: Gentium populi & idololatræ, præsertim verò Ægyptij,  
 qui

*Deus ab  
 omnibus  
 cognosci po-  
 tuit ex suis  
 creaturis.*

Rom. 1.



**A** qui totius orbis terrarum hominibus sapientiores se esse putabant, quiq; eos sese fuisse iactabant, qui omnium primi artes, scientias, religionē & deorum cultum adinuenissent, nullam errorum & impiæ idololatriæ dignam excusationem habent, cum dicere velint, nullam se Dei notitiam vel agnitionem habuisse, quod inuisibilis atque incomprehensibilis sit. Etenim inuisibilia eius, sempiternaque virtus & diuinitas ipsius à creatura mundi, & ab his quæ in ea creata sunt, clarè percipiuntur ac dignoscuntur; quin & manifestè videntur, & manu ipsa palpantur. Immo omni animaduersione se reos fecerunt: quia cum ex his Deum cognoscere potuissent, non tamquam Deum glorificauerunt, neq; debitas gratias ei persoluerunt, quod ipsos creauerat, ac tanta in homines beneficia contulerat; sed sua studia ad vanitates conuerterunt. Quapropter peruersa mens, stultumque eorum iudicium ignorantia adeò obscuratum est, ut dum sapientes se esse iactarent, stulti effecti sint: cum eam gloriam, quæ æterno atque immortali Deo debetur (qui omni humilitatis affectu ac puritate cordis colendus est) in idololatriæ impietatem atque stultitiam commutarint; pro ipso Deo, corruptibilia ac mortalium hominum, & quod peius est, volucrium etiam, & quadrupedum, atque serpentium statuas & imagines adorantes.

Quocirca idem, quem superius citauimus, Prosper Aquitanicus ad institutum hoc subdit: *Quamuis enim speciali cura atque indulgentia Dei populum Israeliticum constet electum, omnesque alie nationes suas vias ingredi, hoc est, secundum propriam permissæ sint viuere voluntatem, non ita se tamen æterna Creatoris bonitas ab illis hominibus auertit, ut eos ad cognoscendum se atque metuendum nullis significationibus admoneret. Cælum quippe, ac terra, & mare, omnisque creatura quæ videri atque intelligi potest, ad hanc præcipue disposita est humani generis utilitatem; ut natura rationalis de contemplatione tot specierum, de experimentis tot bonorum, de perceptione tot munerum, ad cultum & dilectionem sui imbueretur Auctoris; impellente omnia Spiritu Dei, in quo viuimus, mouemur, & sumus. Quoniam etsi longè est à peccatoribus salus, præsentia tamen salutis ipsius, ac virtute nihil vacuum est. Quinimmo tam euidentia & clara sunt argumenta ac testimonia, quæ à cælo, à stellis, ab elementis, atque ab omnibus quæ creata sunt, de Dei omnipotentia, infinita sapientia & bonitate redduntur; ut, quemadmodum idem Prosper subiungit, id Gen-*

**C** *ritu Dei, in quo viuimus, mouemur, & sumus. Quoniam etsi longè est à peccatoribus salus, præsentia tamen salutis ipsius, ac virtute nihil vacuum est. Quinimmo tam euidentia & clara sunt argumenta ac testimonia, quæ à cælo, à stellis, ab elementis, atque ab omnibus quæ creata sunt, de Dei omnipotentia, infinita sapientia & bonitate redduntur; ut, quemadmodum idem Prosper subiungit, id Gen-*

De Vocat. Gent. lib. 2. cap. 4. & iuxta editionem quæ habetur apud S. Ambros. lib. 2. cap. 1.

Prosper De Voc. Gent. lib. 1. c. 5. & S. Ambros. lib. 1. cap. 2.

**D** Itaque Ægyptij, ac ceteri populi idololatræ, nullam cæcitatē & perditionis suæ legitimam excusationem habent, nec tantæ calamitatis culpam iure in aliud, quàm in propriam peruersitatem ac stultitiam reicere possunt. Sua enim ipsorum culpa (ut ceteris improbis omnibus usu venire solet) periire: non autem quia infinita Dei bonitas & clementia, naturalibus his ac necessariis auxiliis vniquam destitutos esse voluerit, quæ ad sui agnitionem, & ad ipsorum salutem eos dirigere poterant. Neque enim profectò talia vniquam ab eis subtraxisset auxilia: quandoquidem benignissimus Pater nihil aliud maiori curæ aut desiderio sibi vniquam fuisse ostendit, quàm salutem hominum; quam tanti semper æstimauit, ut sua ipsius gloria (ô rem planè dictu admirabilem!) numquam sibi ipsi tantæ curæ extitisse videatur. Quamobrem sanctus Ioannes Chrysostomus inquit: *Neque enim Deo sua gloria tantæ est curæ, quantæ salutis hominum.* Et meritò quidem; nam hominum salutis diuitiæ suæ, immò sua ipsius est gloria. Salutem autem hominum, Dei diuitias esse, innuit Apostolus, cum dixit: *Nam idem Dominus omnium, diues in omnibus, qui inuocant illum.* Quæ quidem

Nihil vniquam magis Deo curæ fuit, quàm hominum salutis.

In Psal. 113.

Rom. 10.



dem verba idem sanctus Chrysostomus declarans, asserit, Paulum etiam hominum salutem diuitias Dei appellare sciuisse: *Scit enim, inquit, Paulus quoque appellare diuitias Dei, salutem hominum.* Quod autem eadem salus hominum, Dei sit gloria, altè planè explicauit Origenes his verbis: *In omnibus quippe, qui conuersione sua glorificant Deum, est gloria Dei. Olim non omnis terra plena erat gloria Dei, sed vnus angulus terre, quando dicebatur: Notus in Iudæa Deus, in Iſraël magnum nomen eius. Gloria Deo, qui misit Filium suum, vt omnis terra plena fieret gloria sua.* Quibus verbis dum idem Origenes Dei gloriam in his omnibus positam esse affirmat, qui bona eorum conuersione ipsum Deum glorificant, per consequens etiam dixit, hominum salutem Dei gloriam existere. Hi enim soli, qui diuina gratia, bonisque operibus quæ in vera fide & charitate fecerunt, feruantur, Deum dignè glorificare possunt: atque in eis Dei gloriam sitam esse, verè dici potest.

Sed hoc ipsum apertius sanctus Ioannes Chrysostomus asseruit, cùm dixit: *Hoc est enim maxima laus, maxima Dei gloria, quando multos requirit futuros eius salutis participes.* Quin etiam magis clarè, quàm ceteri omnes, id ipsum Dominus ipse noster Iesus Christus affirmavit, cùm Apostoli sancti Andreas & Philippus ad eum detulissent, quosdam astare Gentiles, qui ipsum videre percuperent; inquit enim: *Venit hora, vt glorificetur Filius hominis.* Super quibus verbis Augustinus: *Hic quisquam forsitan putat, idè se dixisse glorificandum, quia Gentiles eum volebant videre. Non ita est. Sed videbat ipsos Gentiles, post passionem & resurrectionem suam, in omnibus Gentibus credituros. Quia, sicut dicit Apostolus, cecitas ex parte Iſraël facta est, donec plenitudo Gentium intraret. Ex occasione igitur istorum Gentilium, qui eum videre cupiebant, annuntiat futuram plenitudinem Gentium, & promittit iam iamque adesse horam glorificationis suæ, qua facta in calis, Gentes fuerant credituræ.* Vnde prædictum est: *Exaltare super celos Deus, & super omnem terram gloria tua.* Quo loco idem Augustinus affirmat, plenitudinem prophetatam fuisse Gentium, quæ per Christi fidem saluandæ erant.

Cùm igitur salus hominum, diuitiæ gloriaq; Dei existat, congruum profectò ac dignum infinitæ bonitatis ac prouidentiae eius munus fuit, tamquam omnium Creatoris & Domini, in eam præcipuè curam incumbere, vt non prisci Hebræi tantummodò, sed Gentiles quoque seruarentur: quod Cyrillus Alexandrinus innuere voluit, cùm dixit: *Dignatur Deus suæ prouidentiae cura non Iudæos solos, sed etiam vniuersæ terræ homines. Vnus enim vniuersorum Dominus.* Atque ob id propterea Gentium populos, præsertim verò Ægyptios, qui super ceteros omnes in impiæ idololatriæ cæcitate atque erroribus sese immerferant, generalibus atque ordinarijs auxilijs illis, non tantum ad ipsos à tam horribili ac miserabili tenebrarum obscuritate educendos, & ad agnitionis suæ claritatem deducendos, necessarijs numquam destituit; sed præcipuis gratiæ fauoribus eos præueniendo ita semper persecutus est, vt opportuno postea, & ab incomprehensibili sapientia sua statuto tempore, à tam profundo ac tenebroso cæcitatibus & errorum barathro eruti, ad clarissimæ veritatis altitudinem, & ad sanctæ Fidei lumen perducti sint.

Scit enim Deus, qui sponte ad pietatem & misericordiam semper propensus est, nouis & inconsuetis modis multas & admirabiles hominibus aperire vias, quibus ad veram æternamque salutem sese dirigere possint. Vnde sanctus Gregorius Nazianzenus: *Multas enim, ait, & mirabiles salutis vias hominibus Deus inusitato modo aperire nouit, ad humanitatem & misericordiam propendens.* Atque hinc fortasse argumentari libet (quamuis Dei occulta sint iudicia) altissimam maiestatem permisisse, quò Gentium illarum intellectus ac mentes ad altissi-



A altissimorum redemptionis nostræ mysteriorum contemplationem erigeret, quam per sanctæ Crucis instrumentum operaturus erat, ut in symbolis & hieroglyphicis ( & quod maiori sanè admiratione dignum est ) etiam in falsorum & inanium deorum illorum simulacris & imaginibus, eiusdem sanctæ Crucis euidentes figuræ & imagines insculperentur, & ad hanc usque diem insculptæ conspiciantur. Quæ quidem in ipsius mali dæmonis idolorum inuētoris ignominiam, eoque etiam inuito, ingenti postea auxilio ac testimonio ad eosdem Ægyptios idololatrias conuincendos, & ad sanctæ Fidei lumen perducendos extitere, ut Deo optimo maximo iuuante paulò post dicemus.

## CAPVT II.

*Quidnam Ægyptiorum Symbola & Hieroglyphica fuerint.*

B QVEMADMODVM sol ad vniuersi illuminationem intentus, clarissimorum radiorum suorum splendorem super lutum etiam vilissimum, immo & super lutulentiores sceditates, quæ in his inferioribus terræ partibus deprehenduntur, extendere non dedignatur: sic benignus ac misericors Deus, in hominum salutem intenta mente in primis incumbens, priscis illis temporibus non impediuit, quo minùs in Ægyptiorum symbolis ac hieroglyphicis, in idolorum signis, atque in impiæ & ignominiosæ eorum idololatriæ impurissimis mysterijs, sanctæ Crucis figuræ, significationes, & characteres miscerentur, pingerentur, atque insculperentur. De quibus rebus aggressuri tractationem, quam præcedenti capite spopondimus, pro faciliiori intelligentia ostendendum priùs à nobis esse quidnam Ægyptiaca symbola & hieroglyphica fuerint, necessitas exigere videtur.

C Dictio hæc, symbolum, variam atque diuersam significationem habet. In eo enim quod à Græco verbo συμβάλλω deducitur, quod Latine *confero, coniungo*, vel *commisceo* exprimi potest, collationem illam significat, quam in prandium siue cœnam sibi communiter comparandam plures in vnum conferunt. Atque hinc factum est, ut comestationes & epulæ apud maiores nostros in Italia collationis nomen sibi vendicarint. Id verò quod singuli conferebant aut persoluebant, symbolum à Latinis dicebatur. Quamobrem Plautus inquit: *Symbolorum collatores apud forum Piscarium*. Et Terentius: *Symbolum dedit, cœnauit*. Vnde eum a symbolum dicere consueuerant, qui ad conuiuia eiusmodi nil conferens admittebatur. Symbolum quoque, ut Plinius refert, à priscis Græcis nuptiarum annulus dictus est. Atque ab eisdem, & à Latinis symbolum etiam appellatum erat signum, quod vel vasis vel epistolis imprimere solebant, ne à quibus non oporteret, resignarentur; quod signum, recentiores sigillum vocant.

*Varia sym-  
boli signifi-  
catio.*

Plautus  
Curc.  
Terent. in  
Andr.

D Significat etiam hæc vox symbolum, bellicum signum illud, tesseram nuncupatum, quod in bello militibus dari solebat; quo amici & socij ab hostibus & exploratoribus dignoscerentur.

Symbolum pari modo appellabant signum quod iisdem militibus tradebatur, cum ineundi prælium, seu hostes aggrediendi, vel quodpiam aliud serium facinus adoriendi tempus aduenerat. Sic enim Plutarchus signum appellauit, quod Romulus Romanis assignauit, cum temporis opportunitas, qua Sabinas aggredierentur ac raperent, adesse sibi videretur. Quod quidem signum erat, cum ipse assurgens purpuream vestem in sinum adstringeret, adstrictamque dilataret. Ipsius autem Plutarchi verba Latina effecta, iuxta veriore translationem, hæc sunt: *Erat autem symbolum, aggrediendæ rei opportunitatem adesse, cum*

In Romuli  
vita.



*assurgens, purpuram in sinus contraheret, ac rursus contractam explicaret.*

A.

*Symbolum  
proprie est  
nota myste-  
rii arcano-  
ris.*

Ipsa eadem quoque dictio, symbolum, accipiebatur interdum pro eo indicio siue coniectura, per quam ad alicuius rei cognitionem & notitiam peruenitur. vt exempli gratia, Annulus nuptiarum indicium est. Quandoque etiam etymologiam & argumentum designabat: interdum etiam augurium & vaticinium. Quamobrem Græci symbolum definientes, illud esse dixerunt, per quod aliquid coniectamus siue cognoscimus. Putabant tamen inter symbolum & coniecturam hoc differre: nimirum coniecturam esse de his quæ naturaliter accidunt, vt lac in puerpera, vel fumus in igne; symbolum autem de his quæ non à natura, sed arte fiunt. Secundum verò Latinorum intentionem, symbolum ita clariùs definiri potest: symbolum est nota alicuius arcanioris mysterij significatiua. Symboli peculiare illud est, ducere animum nostrum similitudine quadam ad quarundam rerum intelligentiam, quæ valde distant ab his quæ sensui exteriori subiacent. Symbolorumque illud insuper proprium est, vt inæandris, obscurisque sententiarum inuolucris ac metaphoricis figuris inuoluantur. Illud quoque Demetrius Phalereus in symbolis attendendum tradit, vt cum grauitate ac breuitate quadam plurimum sensus atque substantiæ in eisdem percipiatur.

B

Consueuere autem veteres quædam symbola verbis, quædam verò figuris construere: vtrisque autem Ægyptij, ac præsertim in Theologiæ & Religionis suæ mysterijs prodendis vsi sunt; sacrarum rerum maiestati minimè decens & congruum ducentes, vt cuiuslibet vulgaris hominis intelligentiæ subiacerent: quocirca eorum sacerdotes, diuina mysteria sub quarundam notularum ac figurarum operculo, obscurorumque verborum velo & obumbratione innuere solebant. Quod & ceteri sapientes & veteres Philosophi ab eisdem sacerdotibus didicerunt: præsertim verò Pythagoras, qui hoc peragendi atque docendi genere, mundo se admirabilem postea reddidit; symbolis suis, sententiarum ac dogmatum quæ traditurus erat sensum, sub metaphoricorum verborum inæandris atque inuolucris obtegens. De cuius disciplina & instituto differens Plutarchus, inquit: *Pythagoras autem maxime, vt apparet, in admiratione habitus, admiratusque sacerdotes istos, imitatus est rationem eorum, res notis quibusdam & per ambages proponendi, suasque sententias inuolucris textit.*

*Plutarchus  
De Iside &  
Osiride.*

C

Quamobrem omnes pænè qui nouas religiones instituere, aut qui vrbibus nouas Leges primi dedere, hoc obscuro atque operto loquendi genere plerumque vsi sunt; ita vt nec ab ænigmatibus, Metaphoris, Allegorijs, atque parabolis abstinerint. Quem sanè loquendi morem (vt Zoroastrem, Zamolxidem, Zaleucum, Dardanum, Charondam, Numam Pompiliū, ceterosque antiquos

*Refert Gre-  
gorius Gi-  
raldus, in  
Interpreta-  
tionis sym-  
bolorum  
Pythagoræ  
Præfatione.*

*Iul. Firm.  
Ad Mauor-  
tium Lollia-  
num, in vl-  
tima sui vo-  
luminis  
parte.*

Ethnicos mittamus) magnum etiam Moysem, & cum eo reliquos Hebræos Prophetas tenuisse comperimus. Et quod maioris ponderis est, eodem etiam ipsum Dominum Saluatorem ad profectum nostrum quandoque usum fuisse constat. Nam vt sanctè, impius tamen ipse Iulianus Apostata, quandoque inquit: *Amat diuina natura celari, abditaque eius substantia non patitur nudis verbis in aures introire pollutas.* Hinc etiam Iulius Firmicus Maternus ait: *Celari & abscondi plurimis tegumentis natura diuinitatis ab initio voluit, ne omnibus facilis esset accessus, neque cunctis patefacta maiestatis suæ origine panderetur.*

D

Atque hinc Pythagorici, doctrinam quam magister ipsorum in Ægypto didicerat secuti, & post eos Platonici, in suis documentis, ænigmatibus & symbolis vsi sunt; nudam & apertam expositionem Deo ac diuinæ naturæ inimicam esse existimantes. Sibi enim ipsis suaserant, cum Deus sui ipsius intelligentiam & agnitionem à vulgariū hominum sensu ac perceptione subtraxisset, eandemque



A demque sub variarum rerum inuolucro obtexisset ; gratum quoque & acceptum Deo fore, diuina & arcana mysteria à sapientibus atque prudentibus viris sub tegumentorum operculo pertractari. Quocirca sacra doctrinæ suæ *Symbola inuenta, ne diuina & sublimia apud plebē vilescant.* mysteria, symbolis atque ænigmatibus, quasi cuniculis obtegebant; vt viri excellentes tantummodò, quibus sapientia interpret esset, ad abditi arcani penetralia intelligentiā peruadere possent; volentes vt ceteri homines ad venerationem contenti essent figuris ipsis atque inuolucris defendentibus à vilitate secretum. Quod sanè docendi genus diuo etiam Dionysio Areopagitæ satis probari videtur; sic enim tradit: *Occultis scripturis est dignissimum, & consentaneum maximè, abditis sacrisque obscuritatibus inuolui, nec patere adiutum plerisque ad diuinam & occultam diuinarum mentium veritatem. neque enim omnes sunt idonei & sacri, neque omnium est, vt ait Scriptura, fides & scientia.* Et paulò inferiùs subdit: *Nec verò quemquam eorum qui rectè sentiant, contradic-  
tum arbitror, quin mentem nostram magis excitent, tollantque in cælum obscuræ similitu-  
dines.* Hæc ille, qui ob id etiam sacra hæc symbola appellauit. Atque hinc factum fuisse constat, vt quemadmodum ea quæ symbolis percipimus, quæque corporeis sensibus & imaginibus propositis ad mentem & ad intelligentiam nos perducunt, trium specierum esse comperiuntur, nimirum moralia, naturalia, ac theologica: ita quidam insigni doctrina excellentes viri, Theologiam triplicem esse dixerunt; symbolicam, mysticam, atque telesticam.

Quoniam autem quædam symbola verbis, quædam verò figuris ab antiquis construi asseruimus; illud in primis sciendum est, ex ijs quæ verbis componebantur, non Ægyptios tantum, sed etiam Hebræos atque Chaldæos sæpè vfos fuisse; vt ex Moylis, Salomonis, ac Prophetarum lectione librorum apertissimè patet. Quorum symbolorum pleraque prouerbiorum formam & similitudinem præ se ferunt, vt præsertim ea sunt, quæ Salomonis Parabolæ vulgò nuncupantur; quas probati Scriptores quidam symbola dixere. Talia pariter quædam Pythagoræ symbola extiterunt. is enim, vt Apuleius testatur, prouerbij nonnumquam vusus est: quod præcipuè tunc fecisse constat, cum dixit: *Non ex quouis ligno fit Mercurius.* vt innueret, non omnia ingenia ad scientias ac bonas artes perdiscendas apta. Nonnulli verò auctoritate graues auctores non leui coniectura ducti existimauerunt, Pythagoram ab Hebræis & ab Ægyptijs symbola sua desumpsisse. Quin & Clemens Alexandrinus, sanctus Cyrillus, Porphyrius, alijque, Pythagoram tradunt Zoroastrem æmulatum eadem symbola edidisse. Is enim dogmata sua symbolis hisce & obscuritate sermonis obuoluta tradere solebat.

Quamobrem, cum docere vellet quonam pacto anima humana ad cælum, unde delapsa est, reuolare queat, symbologico hoc vusus, animam nostram al-  
D tam esse dixit: cumque alæ excidunt, illam in corpus præcipitem ferri; tum demum illis subcrefcentibus, ad superos reuolare. Efflagitantibus autem discipulis, vt doceret eos quo pacto alis plumantibus volucres animas sortiri possent: Irrigetur, inquit, alas aquis vitæ. Iterumque sciscitantibus unde has aquas peterent; illis per parabolam respondit: Quattuor fluminibus Dei paradysus abluitur & irrigatur, inde vobis salutare aquas haurietis. Nomen fluminis ad Aquilonem, quod iustum & rectum est significat: eius verò quod ad Occasum vergit, expiationem; quod ad Orientem, lumen; quod autem ad Meridiem præterlabitur, pietatem designat. Quo sanè metaphorico ac figurato loquendi modo illud innuere voluit, quod cum anima virtutum alas sibi decidere finit, in vitiorum barathrum præceps ruit; ibique sensus & carnis illecebris sese im-  
K k 2 mergens,



mergens, tota corporea atque terrestris efficitur. At cum virtutum alæ illi denuò A subcrescunt; id est, cum vitijs & peccatis nuntium remittit, virtutesque de integro viriliter ac sanctè amplectitur, hisce administris ad cælum reuolat. Insigniores autem virtutes, quæ tamquam alæ benè pennatæ animam nostram ad cælum erigendi ac subleuandi vim obtinent, has esse subindicat: fidem nimirum, quam sub luminis epitheto innuit: charitatem erga Deum & proximum, quam sub pietatis nomine vult intelligi: iustitiam, quam sub recti denominatione demonstrat: & pœnitentiam, præteritorumque reatum correctionem, quam expiationem appellat.

Ad quod  
alludere  
videtur  
D. Augu-  
stinus;

In Psal. 138.

In Psal. 103.

concione 1.

de prima

parte eius-

dem Psal. 1.

& S. Grego-

rius Nyf-

senus.

In Cantica

Homil. 15.

& vltima.

Psal. 16.

Psal. 35.

Deut. 32.

Hæc omnia Christiano panè instinctu, vt ita dicam, Zoroastres prodidit, si modò ipsius Zoroastris hoc admirabile symbologicon existit, vt Chaldæi interpretes asseuerant. Ad quod diuus Augustinus forsitan alludere voluit, cum in centesimi ac trigesimi octauī Psal. versiculi illius expositione, *Si sumpsero pennas meas diluculo*, inquit: *Quas pennas vult assumere, nisi duas alas, duo præcepta charitatis, in quibus tota Lex pendet, & Prophetæ?* At longè clariùs alibi, quasi symbolum prædictum exponens, animas alas habere asseruit; ostenditque tunc quænam verè illarum alæ sint, cum verba illa Psalmographi declarans, *Qui ponis nubem ascensum tuum, qui ambulas super pennas ventorum*, inquit: *Pennæ ventorum, pennæ animarum quæ sunt, nisi à quibus sursum attolluntur?* Pennæ ergo animarum, virtutes, bona opera, recta facta. In duabus a'is habent omnes pennas: omnia enim præcepta, in duobus præceptis sunt. *Quisquis dilexerit Deum & proximum, animam habet pennatam liberis alis, sancto amore volantem ad Dominum.* Quinetiam S. Gregorius Nyssenus sua in Canticorum expositione, super verbis illis sponsi ad sponsam, quæ in Vulgata editione nostra sic habentur, *Auerte oculos tuos à me, quia ipsi me auolare fecerunt*; quæque ipse ita legit, *Auerte oculos tuos à me, nam illi a'as mihi reddiderunt*; perinde ac si ad institutum hoc nostrum symbologicon prædictum interpretari vellet, inquit: *Sæpenumerò libros à sancto Spiritu profectos, Dei alarum mentionem facere audio. Modò enim Vates ait: Sub tegmine alarum tuarum me teges. Item, Psal. 16. Sub alas eius sperabis. Rursum Moyses insigni illo in carmine, idem his verbis quasi depingit: Diductis alis suis recepit eos. Nec illud quod à Domino ad Ierosolimam dicitur; Quoties volui colligere liberos tuos, quemadmodum gallina pullos sub alas suas colligit? abhorre ab hac sententia dicere quis possit, consequentiam ipsam intuens. Quare si profectus à sancto Spiritu sermo, ratione quadam ineffabili, diuinam naturam esse alas definit; & si primum hominis opificiū testatur naturam nostram ad imaginem similitudinemque Dei factam esse; omnino patet, factum ad imaginē huius habuisse per omnia cum archetypo suo similitudinem. At qui alas habebat exemplar princeps, de sententia Sacrarum litterarum: idcirco sequitur, humanam quoque naturam sic fuisse conditam, vt esset alata, quò nimirum etiam in alis diuina cum natura similitudinem haberet. Est autem manifestum, alarum vocabulum per considerationem quādam figuratam ad sensum Deo consentaneum esse transferendum; ita vt & potestas, & beatitudo, & status expers interitus, & alia huiusmodi per hoc nomen significantur. Quia igitur hæc etiam erant in homine, quā quidem diu per omnia Deo erat similis, verū deinde ad vitiositatem facta inclinatio, talibus nos alis spoliavit (posteaquam enim extra tegmen alarum Dei esse cœpimus, etiam propriis alis nudati sumus) idcirco Dei gratia patefacta est, illuminans nos, vt impietate mundanisque cupiditatibus depositis, rursum per sanctitatem ac iustitiam alas proferamus. Quamobrem conuenit hoc loco statuere, fateri sponsam ipsam qua sit ab oculis diuinis affecta gratia. Simul enim & benignitatis suæ nos oculis adspexit Deus, & nos ad exemplum gratiæ pristinae a'as recuperamus. Hæc Nyssenus.*

Atque hinc est (vt ego quidem reor) quòd prisci illi Philosophi ac sacerdotes, Ægyptiacæ Theologiæ institutores primi, in symbolicis ac mysteriis refertissimis



**A** finis suis figuris, multas imagines humano vultu, corpore autem volucrum & aliorum alatorum animalium instar effictas, pingere atque insculpere consueverant. Quarum nonnullæ in Ægyptiacarum antiquitatum fragmentis, quæ Romæ & alibi ad hancvsque diem extant, lapidibus insculptæ conspiciuntur. Easdemque ære cælatas quandoque inspeximus in antiquissima tabula Ægyptiaca Illustrissimi Cardinalis Bembi; quam deinde ad Torquatum Bembum hereditario iure delatam, nunc penes Serenissimum Mantuæ Ducem existere intelleximus; de qua in sequentibus, Deo fauente, fusiùs agemus. Sunt autem eadem imagines eius formæ, quam in supposito hoc typo conspici licet, ex eadem tabula graphicè delineatæ, ac bona fide desumptæ.

*Ægyptio-  
rum Philo-  
sophorum  
symbolica  
imagines.*

**B**



Quæ quidem imagines & figuræ licet à priscis Philosophis ac sacerdotibus illis ad mysteria ea significanda, quæ superius inuimus, effictæ fuerint; insani tamen ac stolidi Ægyptiorum populi, qui posterioribus postea sæculis successerant, hæc & plurima alia longè magis portentosa & ridicula efficta monstra, opprobriosè ac dementissimè coluerunt, vt suo loco dicemus. At quoad ea quæ nobis dicenda supersunt de symbolis quæ veteres verbis construebant, quæque vno verbo Symbolica dici possunt, pro coronide hoc vnum tantum addemus; quòd quemadmodum vox ista symbolum apud antiquos, vt diximus, collationem illam præcipuè signabat, quam plures in vnum ad celebranda conuiuia conferebant; sic etiam illam verborum portionem significabat, quam singulorum quisque, orationi, aut scriptioni, quam plures dictarent, addidisset: ex quo factum est, vt signum siue indicium illud, in quo fidei nostræ articuli continentur, quod *Credo* vulgò appellatur, Symbolum Apostolorum nuncupatum sit; quia vnusquisque eorum symbolum suum, siue articulum in illud contulit, circa ea quæ de religione ac fide nostra sentiret. Quod & Symbolum Apostolorum præterea ex eo quoque appellatum est, quia illud composuere Apostoli, vt signo atque indicio inferuaret, per quod veri Christi fideles ab infidelibus atque à pseudochristianis dignoscerentur. Vnde Ruffinus Aquileiensis: *Id enim fecerunt Apostoli, in his sermonibus in vnum conferendo, quod vnusquisque sensit. Indicium autem vel signum idcirco dicitur, quia in illo tempore, sicut Paulus Apostolus dicit, & in Actibus Apostolorum refertur, multi ex circumeuntibus Iudeis simulabant se esse Apostolos Christi, & lucri alicuius vel ventris gratia, ad prædicandum proficiscebantur, nominantes quidem Christum, sed non integris traditionum lineis nuntiantes: idcirco istud indicium posuerunt, per quod agnosceretur is qui Christum verè secundum Apostolicas regulas prædicaret. Denique & in bellis civilibus, hoc obseruari ferunt, quoniam & armorum habitus par, & sonus vocis idem, & mos vnus est, atque eadem instituta bellandi; ne qua doli surreptio fiat, symbola distincta vnusquisque dux suis militibus tradit, quæ Latine signa vel indicia nuncupantur: vt si fortè*

*Quas stoli-  
da Ægy-  
ptiorum ple-  
becula pro  
idolis coluit*

*Articuli  
fidei nostræ  
duplici ra-  
tione dicun-  
tur Symbo-  
lum.*

*Comment.  
in Symbo-  
lum.  
1. Cor. 11.  
Act. 15.*



occurrerit quis de quo dubitetur, interrogatus symbolum prodat, si sit hostis vel socius. Hæc ille. Atque hæc quidem hæcenus dixisse sufficiat, circa ea symbola quæ verbis construebantur; quibus similitudo erat cum his, quibus Pythagorici sua dogmata occulto ac mystico sensu brevissimè prodebant.

Stromatū  
lib. 5. c. 3.  
Exempla  
varia sym-  
bolica ex  
Clemente  
Alexan-  
drino &  
aliis.

Antiqui præterea, atque inter eos præcipuè Ægyptij, symbola imaginibus quoque ac figuris construere, animorumque suorum conceptus sub reconditis earum significationibus, atque abstrusis proprietatibus promere consueverant. Quo in genere Ægyptiorum symbola & ænigmata, quoad sensus obscuritatem atque latibulum, Hebraicorum erant similia. quamobrem Clemens Alexandrinus ait: *Quod attinet ad occultationem, sunt Hebraicis similia Ægyptiorum ænigmata.* Traditque idem Clemens, consuevisse quosdam Ægyptios nauigio, quosdam verò crocodilo solem ostendere: significantes hoc pacto quòd sol per aërem dulcem & humidū ingrediens, gignit tempus, quòd crocodilus per quamdam aliam sacerdotalem historiam ænigmaticè significat. In Diospoli autem Ægypti vrbe, & in eiusdem delubro, quod vocatur Pylon, symbolum hoc effectum conspici, in quo puerulus figuratus est, qui generationem significat: præterea senex, qui interitum designat: insuper accipiter, qui Dei est symbolum: rursus piscis, qui odium signat; demum verò crocodilus, qui alia significatione impudentiæ signum est. Quod quidem vniuersum symbolum simul compositum, verba hæc innuere ac significare videtur: *O qui nascimini, & interitis, Deus impudentiam odio habet.* Subditque, eosdem Ægyptios aures & oculos ex pretiosa materia affabrè confectos suis inanibus diis dedicare solitos: hoc pacto tacitè innuentes, Deum omnia videre atque audire. Addit insuper, apud eosdem roboris & fortitudinis signum esse leonem: sicut & ipsius terræ, & agriculturæ, atque alimenti erat bos: magnique animi, virtutis, & libertatis, equus: roboris autem rursus cum ingenij solertia sphinx, quæ totum quidem corpus leonis habet, faciem autem hominis. Consuevisse propterea inter cetera symbola, sacrosque suos characteres, hominem quandoque etiam insculpere; quo ingenij solertiam, mentem, vires, potentiamque & artem innuerent. Eosdem etiam Ægyptios, in quibusdam solemnitatibus, quasdam deorum aureas imagines circumferre solitos, quæ ab ipsis *κωκυλλαι* dicebantur; inter quas duo canes, vnus accipiter, & ibis vna aderat: quarum imaginum simulacra, quattuor litteras vocabant. Duo enim canes, symbola erant duorum hemisphæriorum; vtpote quæ circumeant, & custodiant: accipiter verò solis; cum igneus sit, vimque interimendi obtineat: ibis autem symbolum erat lunæ; albis namque plumis, lunaris corporis lucidam partem, nigris verò vmbrosam referebat. Nonnullos tamen esse, qui putarent Tropicos significari à canibus, qui custodiunt, & quasi ianitores accessum solis ad Austrum & Septentrionem obseruant: accipitrem autem Æquinoctialem designare, qui est altus & perustus: ibim verò circulum obliquum, siue Zodiacum referre. Hæc quidem omnia de Ægyptiorum symbolis Clemens Alexandrinus memoriæ prodidit.

In exposi-  
tione sym-  
bolorum  
Ægyptia-  
cæ Theo-  
logiæ.

Verum Iamblicus de eisdem Ægyptiorum symbolis differens, asserit, eosdem Ægyptios per lutum, mundi corpus, materiamque genitabilem intellexisse. Qui etiam cum Deum ipsum, principatum rerum omnium tenentem, nec ipsum teneri, significare vellent, pingere vel insculpere solebant loton aquaticæ arbori insidentem, quæ ab ipsa Loto nomen obtinuit: ea enim arbor est lotos, quæ omnia rotunda habeat, tum folia, tum fructus.

Fuit autem Lotis nymphea quædam, vt veteres Poëtæ finxere, quæ obscœna Priapi fugiens, in arborem ab ipsius nomine Loton postea appellatam trans-



**A** transmutata est. Quia ex re significari putabant circularem mentis actionem eodem modo sese habentem. Deus namque ipse (inquit Iamblicus) super ipsam mentis actionem assidens, in seipso consistit, superans huiusmodi principatum, sanctus & venerandus, & in se ipso penitus conquiescens; quod ex actu sedendi significatur. Quandoque etiam, cum Deum iidem Ægyptij significare vellent, navis gubernatorem pingere siue insculpere consueuerant. sicut enim gubernator etsi à naui & à gubernaculo segregatus, vno quodam facilitate momento mouet vndique, regit, dirigitque nauem; ita Deus ipse mundo à primis naturæ principis præcipuas motionum causas exhibet, cunctisque rebus infinita sapientia & admirabili prouidentia occurrens atque prospiciens, suauiter, ac nullo prorsus negotio regit & gubernat. Cumque significare vellent iustitiam, nulla neque munerum, neque fauoris aut gratiæ intercessionem corrupendam, iudicium statuas manibus carentes; Principis autem iudicium, oculis in terram deiectis effingebant. eiusmodi enim statuas Thebis quandoque dicatas fuisse, Plutarchus auctor est.

De Iside & Osiride.

**B** Symbola autem imaginibus ac figuris excogitata, non tantum Ægyptij, sed & alij quoque populi barbari habuere; atque inter eos præsertim homines illi, qui Philosophiæ studiis dediti erant. Quocirca Clemens Alexandrinus refert, Pherecydem Syrum memoriæ prodidisse, Idanthuram Scytharum Regem, cum accepisset Darium bellum sibi minitantiem Istrum cum exercitu traiecisse, symbolum pro litteris ei misisse, murem videlicet, ranam, auem, iaculum, & aratrum. Cum autem de his, ut erat consentaneum, in ipsius Darij exercitu exorta esset dubitatio, Orontopagas quidam Tribunus militum dicebat, Scythas tradituros esse Imperium, coniectans nimirum ex mure habitationes, ex rana aquas, ex aue aërem, ex iaculo arma, & ex aratro regionem. Verum Xiphodres qui aderat, id prorsus contra interpretatus est: dicebat enim, Scythas eodem symbolo innuere voluisse, ni Persæ tamquam aues euolarent, aut velut mures terram aut tamquam ranæ aquam subirent, eorum tela effugere haud posse: per aratrum verò subintelligi, Persas ipsos Scythiæ ipsorum natiui soli haudquaquam dominos esse.

Symbolica imagines non tantum Ægyptijs, sed alijs nem gentibus usitate. Clemens Alexandr. Stromatū lib. 5. c. 4.

**C** Sed & alias præter eas, quas superius recensuimus gentes, sua symbola habuisse constat, non Græcos modò, sed etiam Romanos; quibus inter alia, ne singula enumeremus, papauer fertilitatis & urbis symbolum fuit; connubij malum Cydonium; fructuum Adonis; libertatis Liber pater; florum Atys; spuma genituræ; Satyrus libidinis: atque huius generis multa, quæ breuitatis gratia prætermittuntur; quæque Plutarchus atque Eusebius collegere, penes quos auctores curiosus Lector sibi copiosius satisfacere poterit. Quin etiam symbolis, licet ad longè magis pium ac sanctum institutum, priscos illos primitiæ Ecclesiæ Christi fideles vsos fuisse compertum est. Hi enim vanam, superbam, atque fallacem mundi huius diuitiarum ac fastus elationem & pulchritudinem innuere volentes, pauonem effingebant, qui alis in rotam expansis, pedibusque magnæ cuidam pilæ siue globo insistens, fulgidarum plumarum suarum superbam ostentationem facit. Licet alij putent, eos per pauonem Christum Dominum significare voluisse: per fulgentes ac nitidas plumas ad diuinitatem, per pedes verò ad humanitatem eius alludentes; per pilam autem siue globum, qui pedibus eius subest, mundum intelligentes, cuius ipse est Dominus, eiusdemque ipse idem Creator ac Saluator extitit. Cum autem obedientiam & pacem innuere vellent, columbam oleæ ramusculum rostro deferentem pingebant: contra verò, cum inobedientiam, & vilissimarum huius mundi rerum cupiditatem & auiditatem designarent, coruum pingebant:

Quin & ipsis Christianis olim in usu, sed pio & sancto.



ad duarum volucrum earum actiones alludentes, quas Noë ab arca emiserat; A  
 ut per eos exploraret, an aquæ diluuij à superficie terræ recessissent. Pro resur-  
 rectionis autem symbolo, phœnicem effingebant; ut in sacris sanctorum Mar-  
 tyrum cœmeteriis, quæ extra Romam circa ipsius Urbis mœnia sub terra ef-  
 fossa sunt, licet conspiceret; ubi iidem prisci Christi fideles, sæculentium in se  
 ipsos persecutionum temporibus, vitam degebant, & post mortem tumula-  
 bantur. Quæ eiusmodi aliisque similibus mysteriis refertissimis depicta sunt  
 figuris; quarum pleræque nihil aliud quàm futuræ nostræ resurrectionis & glo-  
 rificationis symbola & significationes esse dignoscuntur. Atque hæc breuiter  
 ad demonstrandum quidnam Ægyptiaca symbola fuerint, hætenus di-  
 cta sint.

Reliquum est, pro huic capiti imponenda coronide, ut ostendamus quid-  
 nam hieroglyphica fuerint, quibus iidem Ægyptij utebantur. Et quamquam  
 hieroglyphicum re ipsa nihil aliud sit, quàm breuissimum quoddam symbolum; B  
 tamen quia omnia symbola hieroglyphica non sunt, propterea à nobis  
 præcipuè ostendendum est, quidnam reuera hieroglyphicum ipsum fuerit.  
 Hieroglyphicum ergo, siue hieroglyphica, Græca est vox, quæ nihil aliud,  
 quàm sacras notas siue sacras litteras Latine significat. cuius vocabuli defini-  
 tionem Ioannes Goropius Becanus sic breuiter prodit: *Nihil aliud est signum*  
*hieroglyphicum, inquit, quàm rei sacræ symbolum, materiæ cuiusdam incisum.* Qua ex de-  
 finitione aperte colligitur, inter hieroglyphicum & symbolum, duas differen-  
 tias intercedere; quarum prima illa est, hieroglyphicum nempe, licet symbo-  
 lum sit, rei sacræ tamen symbolum existere, quod ab ipsius denominatione  
 clarè comprehenditur. Altera verò, hieroglyphicum ipsum non verbis, sed no-  
 tis tantummodò, siue characteribus aut figuris, lapidibus, vel æri, siue cuius  
 metallo alij, aut materiæ cuiusdam incisus constare.

Hieroglyphica autem propriè loquendo, characteres aut litteræ sunt, qui- C  
 bus Ægyptiorum sacerdotes suæ Theologiæ scribebant, annotabant, siue ut  
 veriùs dicam, innuebant occulta mysteria. Duo enim litterarum genera apud  
 Ægyptios frequentibus vsibus erant recepta; sacrarum quidem alterum, alte-  
 rum popularium. De quibus litteris, ac de Ægyptiorum scribendi modo, He-  
 rodotus Halicarnasseus sic meminit: *Græci, inquit, litteras scribunt, & calculis*  
*computant, à sinistro in dextrum manum ferentes: Ægyptij à dextro in sinistrum. Et hoc*  
*facientes, aiunt se in dextrum, Græcos facere in sinistrum. litteris bisariis utuntur, qua-*  
*rum vnas, sacras vocant, populares alteras.* Populares autem litteræ erant, qui-  
 bus in epistolis, legibus, contractibus, negotiis publicis ac priuatis, ceterisque  
 rebus ad cuiusque vsum necessariis conscribendis, Ægyptij utebantur; & palam  
 cuique discere volenti, in scholis prodebantur. Hieroglyphicas autem sacerdo-  
 tes ipsi tantummodò nouerant; easdemque seorsum & secretò filios suos doce-  
 bant; quod Diodorus Siculus testatur his verbis: *Cùm Ægyptij litteris utan-* D  
*tur propriis, has quidem vulgò discunt omnes; has verò quas sacras appellant, soli*  
*sacerdotes norunt, à parentibus eorum arcanè acceptas.* Quod si quandoque alicui  
 alienigenæ eas fortè prodebant, fauorem hunc his tantummodò impartiebantur,  
 qui religionis ipsorum mysteriis initiari volebant; atque his sanè non antea,  
 quàm eorum mores ac fides optimè probata esset. Non omnibus, inquit Cle-  
 mens Alexandrinus, ea quæ erant apud ipsos Ægyptij committebant mysteria;  
 neque rerum diuinarum cognitionem ad profanos deferebant, sed ad eos so-  
 los, qui ad Regnum erant peruenturi; & ex sacerdotibus his dumtaxat, qui  
 educatione, & doctrina, & genere probatissimi habebantur. Atque hinc est,  
 quòd Orpheus, qui ab eisdem sacerdotibus Theologiam in Ægypto didicerat,  
 cùm

Hierogly-  
 phicorū l. 2.

Hierogly-  
 phicum &  
 symbolum  
 qui differ-  
 rant.

In Euterpe,  
 siue lib. 2.

Rerum an-  
 tiquarum  
 li. 3. par. 2.  
 cap. 1.

Stromatū  
 lib. 5. c. 2.



**A** cum ignotis hominibus sacrorum caerimonias aperiret, nihil aliud ab his quos initiabat, in primove vestibulo, nisi iurisiurandi necessitatem, & cum terribili quadam auctoritate religionis exigebat, ne profanis auribus abs se inuentæ ac compositæ religionis secreta proderent. Cuius iurisiurandi Theon Smyrnæus Philosophus Platonius, Iulius Firmicus Maternus, Cælius Rodiginus, Gregorius Giraldus, aliique complures meminere.

At Clemens Alexandrinus, ut litterarum quibus Ægyptij utebantur, qualitatem ac differentiam diligentius & exquisitius ostenderet, postquam eas in populares & sacras genericè diuisisset, quod Herodotus ac Diodorus Siculus quoque fecerant, sacras seu hieroglyphicas ipsas postea in multas species hoc pacto & his verbis subdiuidit: *Qui docentur ab Ægyptiis*, inquit, *primum quidem discunt Ægyptiarum litterarum viam ac rationem, quæ vocatur ἐπιστολογραφικὴ*, hoc est, apta ad epistolas scribendas: *secundam autem sacerdotalem, quæ ὑμνικὴ*, id est, qui de rebus sacris scribunt: *ultimam autem ἱερογλυφικὴν*, id est, sacram, quæ insculpitur, scripturam: cuius altera quidem est per propria elementa *κρυπτολογικὴ*, id est, propriè loquens; altera verò symbolica, id est, per signa significans. Symbolicæ autem, una quidem propriè loquitur per imitationem, alia verò scribitur velut tropicè, alia verò aperte sumitur allegoricè per quædam ænigmata. Quamobrem qui solem scribere volunt, faciunt circulum: lunam autem, figuram lunæ, cornuum formam præ se ferentem, conuenienter ei formæ, quæ propriè dicitur. Tropicè autem per conuenientiam traduentes & transferentes, & alia quidem immutantes, alia verò multis modis transfigurantes imprimunt. Regum itaque laudes tabulis, per quas in deos referuntur, mandantes, insculptis inscribunt notis. Tertij autem generis, quod sit per ænigmata, hoc sit indicium: alia quidem astra propter obliquam conuersionem, assimilabant corporibus serpentum; solem verò, scarabei, quoniam cum rotundam ex bubulo stercore effinxit figuram, eam vultu aduerso conuoluit. Aiunt autem hoc quoque animal sex quidem mensibus sub terra, alteram verò anni partem vivere super terram, & semen in globum emittere & gignere, & non nasci feminam scarabeum. Omnes ergo, ut semel dicam, qui de rebus diuinis tractarunt, tam Barbari quàm Græci, rerum quidem principia occultauerunt: veritatem autem ænigmatibus, signisque, & symbolis, & Allegoriis, rursus & Metaphoris, & quibusdam talibus tropis modisque tradiderunt, cuiusmodi sunt etiam apud Græcos oracula: & Apollo quidem Pythius dicitur λοξίας, id est obliquus. Hæc omnia de hieroglyphicis litteris Clemens Alexandrinus.

Et quamquam ex eo antiquissimarum harum litterarum maior notitia elici videatur, quàm ex alio quopiam auctore, qui ad hanc usque diem scripserit, illa tamen non est sic numeris absoluta, ut ex ea litterarum earumdem veram intelligentiam percipere valeamus: quinetiam verba eius maiorem confusionem & tenebras nobis offundere videntur. Distinguit enim quamdam scribendi formam Hierogrammatistis, ut ipse loquitur, per familiarem, quam sacerdotalem vocat, à hieroglyphica distinctam: nec postea, quænam illa fuerit, aut descriptione aut exemplo vlllo declarat. Quæ distinctio omnino aduersatur his quæ Herodotus & Diodorus Siculus prodidere. Hi enim Ægyptiacas litteras in vniuersum bifariam tantummodò diuidunt; in populares nimirum & sacras; consequenterque innuunt, immò & locis quamplurimis demonstrant, sacras litteras easdem esse, quas alio nomine hieroglyphicas appellant; ipsasque hieroglyphicas vnius tantummodò generis esse. Præterea, dum idem Clemens hieroglyphicam in kyrioglyphicam atque symbolicam diuidit; differentiam postea non prodit, quæ inter duas has species intercedebat. Quamobrem magna in dubitatione & obscuritate versamur, quænam kyrioglyphica illa fuerit quæ propriè loque-



loquebatur; præsertim cum symbolicam ipsam in tres species denuò diuidat, A  
 quarum primam propriè quoque loqui asseuerat. Verùm de his Michaël Mer-  
 catus, suo De obeliscis tractatu, fusius disserit; cui hanc prouinciam relinqui-  
 mus. id enim præcipui instituti nostri non interest.

Quis autem harum litterarum hieroglyphicarum primus inuentor extiterit, non benè certum est. Siculus enim Diodorus tradit, Ægyptios suarum litterarum formam ab Æthiopibus accepisse; earum præsertim, quas iidem Ægyptij sacras appellabant: nobisque de ipsarum forma ac significatione aliquid delibandum tradere volens, subdit: *Sed de Æthiopum litteris, quas Ægyptij sacras vocant, nequid de priscis rebus omittamus, dicendum. Sunt Æthiopum litteræ variis animantibus, extremitatibusque hominum, atque instrumentis, sed præcipuè artificum, persimiles. Non enim syllabarum compositione, aut litteris verba eorum exprimuntur, sed imaginum forma, earum significatione vsu memoriæ hominum tradita. Scribunt quidem accipitrem, crocodilum, serpentem, hominis oculum, manum, faciem, & cetera huiusmodi. Accipiter rem denotat citò factam: quoniam hæc aliarum fermè omnium auis est velocissima. Transfertur hæc nouatio ad domesticas res, quæ velociter fiant. Crocodilus malum significat. Oculus iustitiæ seruator, & totius corporis interpretatur custos. Reliquarum corporis partium, dextra manus digitis passis liberalitatem designat; sinistra verò compressis, tenacitatem atque auaritiam. Eodem modo ceterarum corporis partium figuræ, atque instrumenta, certum aliquid notabant; quæ memoria hominum longo vsu ac meditatione obseruata, euestigiò quid ea exprimerent, internoscebant.*

Tradit Cornelius Tacitus, Ægyptios primos extitisse, qui animalium figuris mentis conceptus effingerent; ita vt apud eos antiquissima humanæ memoriæ monimenta saxi impressa cernerentur, & litterarum primos inuentores semet fuisse perhiberent. Marsilius autem Ficinus ait, quòd licet litterarum vsus, iuxta Platonis & Plinij sententiam, sempiternus fuerit, certi tamen ac præcipui quidam scribendi modi à variis hominibus adinuenti sint: C  
 additque, Zoroastrem & sacerdotes eius ob id propriam ac seorsum à vulgo litteraturam habuisse, eundemque Zoroastrem litteras in signorum ac siderum cælestium characteribus instituisse; Mercurium autem Trisnegistum eius exemplo commonitum, sacerdotibus suis Ægyptiis in animalium & plantarum figuris litteras dedisse, ne vulgus reconditorum Theologiæ mysteriorum conscius esset.

Ammianus verò Marcellinus de obeliscis agens, de quibus & nos etiam inferiùs dicturi sumus, id efficere conatus est, vt modum & regulam, quam in hieroglyphicis litteris conscribendis prisci Ægyptij obseruabant, qualisque earum esset significatio, nos quoque conicere possemus; inquit enim: *Non enim, vt nunc litterarum numerus præstitutus & facilis exprimit quidquid humana mens concipere potest, ita prisci quoque scriptitarunt Ægyptij; sed singulæ litteræ singulis nominibus seruebant, & verbis nonnumquam significabant integros sensus. cuius rei scientiæ, in his interim sit duobus exemplum: Per vulturem, naturæ vocabulum pandunt; quia mares nullos posse inter has alites inueniri, rationes memorant physica: perque speciem apis mella conscientis, indicant Regem; moderatori cum iucunditate aculeos quoque innasce debere his signis ostendentes, & similia.* D

Sanctus quoque Cyrillus Alexandrinus, vtpote qui regionis illius antiquitatum plenissimam notionem erat assecutus, quòd posteris honestè gratificaretur, eius normæ quam in hieroglyphicè scribendo Ægyptij sequebantur, ac figurarum illarum significationis aliquod lumen nobis ingerere conatur his verbis: *Aliunt inter priscos Ægyptios fuisse quosdam enigmatum artifices, qui idolis seruebant; & ad hoc magna industria & grauitate præditos, quos illi nominare solent*

Hiero-

Quæ pri-  
mus inuen-  
tor hierogly-  
phicarum,  
inquirunt.

Rerum an-  
tiquar. li. 3.

Annalium  
lib. 11.

In Platonis  
Philebum,  
comment.  
cap. 29.

Contra Iu-  
ianum, lib. 9.



**A** Hieroglyphos, qui templis & obelis scripturas insculpebant; non vulgaribus videntes litteris, sed aliis figuris, rerum naturas effigiantes, arcanam quamdam prudentioribus scientiam augebant. Etenim volentes significare Deum, hoc est summam & quæ super omnia est naturam, pingebant oculum, cui baculum substituebant; ut per hoc intelligeretur, quod omnia videat, & sit ei Regia dignitas: nam sceptrum ferè semper Regis intelligitur symbolum: quamvis etiam per stantem baculum, quod nullo modo divina natura labefactari possit, sed quasi semper stare, & quodammodo sustinere & fundare omnia, discatur. Dicuntur autem aspidem fingere in figuram cæli, eò quod in circulum feratur: & serpentem in figuram temporis, eò quod longus sit, & multis voluminibus se gyrat reptitatque absque strepitu. Insuper furorem & iram per enigma declarantes, insculpebant craticulam, cui subiicitur ignis, & cor superponitur.

Porphyrus pariter, ut Eusebius Cæsariensis refert, de hieroglyphicis figuris agens, testatur, scarabeum animal, quod rerum diuinarum indocti abominantur, ab Ægyptiis summo opere venerari, qui illud animatam solis effigiem esse

DePræpar.  
Euang.li. 3.  
cap. 2.

**B** putarent. Scarabeos autem omnes virilem obtinere sexum, & semine stercore infuso, pila deinde confecta, pedibus auersa facie illam obuoluere, veluti sol contra cæli motum circumactus. mensem lunarem expectat: sicque de ariete, de crocodilo, de vulture, ac de ceteris animalibus eosdem Ægyptios philosophari tradit. Atque hinc eorum dementiam idem Eusebius meritò subsannans, ait, eos ex sapientia & religione ad cultum animalium stultissimè peruenisse. Et Gregorius Giraldus in sua symbolorum Pythagoræ Interpretatione tradit, Ægyptios inter sacras seu hieroglyphicas litteras, pro vite lætitiâ intellexisse. Et ut summam dicam, de nonnullorum hieroglyphicorum characterum ac figurarum significatione, aliquam notionem quidem habemus; sed de ordine ac modo tenendi, quo integra quælibet hieroglyphica inscriptio perlegi, ac sensus eius percipi queat, non est qui documentum aliquod nobis præbeat. Atque ita sanè antiquitatum studiosi, magno sui animi mœrore, atque Reipublicæ etiam detrimento, tot pulcherrimarum inscriptionum, totque Ægyptiacæ antiquitatis insignium monumentorum, quæ Romæ & alibi ad hanc usque diem extant, intelligentia frustrantur. At de Ægyptiorum symbolis & hieroglyphicis, quoad institutum nostrum attinet, quodque ad illud necessarium & utile fore iudicauimus, hætenus dixisse sufficiat.

Hieroglyphicorum interpretationes magnæ adhuc partem latent.

### CAPVT III.

*De impia idololatria, quæ per Ægyptum atque alias mundi provincias sese diffuderat.*

**D** CUM omne id quod de Ægyptiacis symbolis & hieroglyphicis ad institutum nostrum facere videbatur, præcedenti capite satis abundè tractauerimus, concinni ordinis consequentia exigere videretur, ut ad declarationem figurarum ac significationum sanctæ Crucis, quæ eisdem symbolis & hieroglyphicis continentur, pro ipsius instituti nostri ratione stilum conuerteremus: verum quia iidem Ægyptij eorundem symbolorum & hieroglyphicorum maiorem partem ad id præsertim construere solebant, ut suæ idololatriæ mysteria per ipsa annotarent atque innuerent; hinc est quod pro clariore intelligentia eorum quæ dicturi sumus, non incongruum, immò potius decens atque expediens esse videtur, ut priusquam id aggrediamur, de impiæ idololatriæ origine, deinde verò de inani Theologia, & stolidâ religione Ægyptiaca, aliquid dicamus.

Prisci



*Varie opi-  
niones Eth-  
nicorum de  
primo homi-  
num ortu.*

*Rerum an-  
tiq. lib. 3.*

*Rerum an-  
tiq. lib. 1.*

*In Euterpe,  
siue lib. 2.*

*Pueruli  
inter bestias  
nutriti, pri-  
mam vocem  
ediderunt,  
Beccos, Bec-  
cos.*

Prisci scriptores Ethnici, qui veri Dei vniuersorum creatoris, hominumque plasmatōis agnitionem assecuti non erant, multas vanitates, stultasque opinio-  
nes quamplurimas, circa primorum hominum originem & ortum litteris ad  
posterorum memoriam prodidere. Diodorus namque Siculus inter ceteros,  
constantem ac firmam hanc opinionem se imbibisse ostendit; primos nimi-  
rum homines ab ipsa terra in Æthiopia generatos esse: huiusque opinionis suæ  
solidam admodum ac benè fundatam rationem se afferre putat, omnino veri-  
simile esse, homines sub Meridie habitantes, omnium primos à terra generatos  
esse. Sole enim generationis patre, vicinitate sua terram illam, quæ prius humi-  
da erat, præ omnibus arefaciente, consentaneum esse credere, ibi prius quàm  
alibi, terram ipsam tamquam Soli propinquiorem, naturam & vitam homini-  
bus & animantibus præbuisse. His tamen non obstantibus, idem Diodorus ali-  
bi refert, Ægyptios firmiter credere, primos homines apud se natos esse; huius  
rei firmum argumentum ducere putantes, tum ex prouinciæ ipsius mira aëris  
temperie, ac soli illius felicitate, tum propter Nilum, qui & multa generat, &  
suapte natura quæ genuit, facillimè nutrit, idque coniectantes ex eo, quòd cer-  
tis anni temporibus in Thebaidis agro multi ac magni generentur mures; qua  
ex re homines plurimum obstupescant, cum videant quorundam anteriorem  
vsque ad pectus & priores pedes murium partem animatam moueri, postero-  
re nondum inchoata, sed immobili & informi: ex quo perspicuum esse dice-  
bant, ab ipso orbis ortu, primos homines in Ægypto procreatos, cum in nulla  
alia orbis terrarum parte accidat eo modo animalia creari.

Verum Herodorus Halicarnasæus asserit, Ægyptios in ea opinione perseue-  
rasse, omnium hominum se primos extitisse, donec Psammeticus eorum Rex  
apud ipsos regnauit. Tunc enim cum eidem Psammetico ingens cupiditas in-  
cessisset noscendi quamquam orbis terrarum parte primi homines orti essent, nec  
sciscitando huius desiderij compos effici posset, duos pueros ex humilibus pa-  
rentibus recens natos, cuidam pastori inter pecora educandos dedit; districtè  
præcipiens, vt nemo eos alloqueretur, neque coram ipsis vocem vllam ederet;  
sed in deserta casa ab omni hominum commercio segregata seorsum diligenter  
custodirentur, quam nemo ingrederetur, præter ipsum, ad necessaria eis admini-  
stranda, atque ad immittendas capras, quæ statutis horis illos lacte nutrent.  
Quod ideo faciebat iubebatque Rex, audire cupiens quodnam verbum pue-  
ruli per seipsos sponte ac naturaliter à nemine edocti proferrent: sibi persua-  
sum habens, id illi idiomati, quo primi homines essent locuti, conforme futu-  
rum: consequenterque vbi verbum illud ad ea vsque tempora communiter  
proderetur, ibi & non alibi primos homines ortos esse. Quod planè, vt optaue-  
rat, contigit: nam bimatus tempore exacto, ex quo pueruli in ea casa colloca-  
ti fuerunt, pastori, qui hæc administrabat, aperienti ianuam, atque intranti,  
ambo infantes porrectis manibus occurrentes; Beccos, Beccos clamabant.  
Quod primò audiens pastor, obtulit: cum verò crebrius adeunti, & obser-  
uanti, idem verbum pueruli semper repeterent; id ad Regem detulit: iussus-  
que ab eo, pueros attulit, exhibuitque. Quos cum Rex ipse, sæpè sæpius id  
verbum repetentes audisset, diligenter perquiri curauit, quamquam regione homi-  
nes Beccos quippiam appellarent: idque, sedulò percunctatus, comperit Phrygios  
sic panem nuncupare solitos. Quo ex facto, firmissimum argumentum capi  
posse sibi visus est, primos homines in Phrygia natos esse. Quod cum accepis-  
sent Ægyptij, primæuam illam omnium hominum antiquitatē, quam ad illa  
vsque tēpora sibi arrogauerant, tunc Phrygiis concessere. Hæc omnia à Vulcani  
sacerdotibus, qui Memphi degebant, se in Ægypto audisse testatur Herodotus.

At



- A** At quemadmodum ambo Auctores prædicti inter se dissident, & in prima illa hominum antiquitate assignanda contrariis opinionibus inhærent, cum alter Æthiopibus, alter verò Phrygiis illam tribuat; sic etiam in ea discrepan-  
 tia ambo à veritate in hoc plurimum aberrant, dum alter Æthiopes, alter verò Ægyptios primos fuisse affirmat, qui deorum cultum adinuenerint; eosdem-  
 que populos rituum, cærimoniarum, & sacrificiorum, quibus iidem dii postea honorati sunt, primos inuentores extitisse: perinde ac si impia idolola-  
 tria ante verum Dei cultum mundo sit inuecta. Verum enimvero nos, quos Sacrarum litterarum veritas edocet, infinitas gratiarum actiones Deo reddere  
 tenemur, quod à tantorum errorum obscuris tenebris & inepta stultarum opi-  
 nionum huiusmodi credulitate liberati simus; planè ac probè scientes, primos  
 homines non à terra generatos, sed à Deo optimo maximo ad sui ipsius imagi-  
 nem & similitudinem creatos esse: quodque non Adam & Eva tantummodo,  
**B** sed etiam eorum nepotes per plura sæcula, priusquam dæmone instigante  
 idololatria mundo inuecta esset, verum Deum Creatorem suum (licet pecca-  
 tores fuerint) recognouerint, pieque adorauerint.

Quamobrem Lactantius Firmianus, verissimis ac solidis fundamentis in-  
 nixus, ut ostenderet quoniam pacto idololatria in Ægypto ac per ceteras mun-  
 di prouincias sese diffuderat; postquam Arce Noë constructionis ac Diluuii  
 facram recensuisset historiam, causamque prodidisset ob quam Deus suppli-  
 cium illud mundo immississet, sic tradit: *Ille verò, inquit, cum egressus esset ex Ar-*  
*ca, ut Sancta littera docent, terram studiosè coluit, atque vineam sua manu seuit. Unde*  
*arguuntur, qui auctorem Vini Liberum putant: ille enim non modo Liberum, sed etiam*  
*Saturnum atque Uranum multis antecessit ætatibus. Qua ex vinea cum primum fru-*  
*ctum cepisset, letus factus, bibit usque ad ebrietatem, iacuitque nudus. Quod cum*  
*vidisset vnus ex filiis, cui nomen fuit Cham; non texit patris nuditatem, sed egressus,*  
**C** *etiam fratribus indicauit. At illi sumpto pallio, intraverunt auersis vultibus, pa-*  
*trẽmque texerunt. Quæ cum facta recognouisset pater, abdicauit atque expulit fi-*  
*lium. At ille profugus, in eius terræ parte consedit, quæ nunc Arabia nominatur; eaque*  
*terra, de nomine suo Chanaan dicta est, & posteri eius Chananæi.*

Hac fuit prima gens, subdit idem Firmianus, quæ Deum ignorauit, quo-  
 niam princeps eius & conditor, cultum Dei à patre non accepit, maledictus ab eo:  
 itaque ignorantiam Diuinitatis minoribus suis reliquit. Ab hac autem gente, pro-  
 ximos quosque populos fluxisse testatur; patris verò ipsius posteros, Hebræos  
 dictos, penes quos religio Dei resedit. Sed & ab his postea, multiplicato in im-  
 mensum numero, cum eos angustia locorum suorum capere non possent, tum  
 adolescentes vel missos à parentibus, vel sua sponte, cum rerum penuria pre-  
 merentur, profugos ad quærendas nouas sedes huc atque illuc dispersos, omnes  
 insulas, vniuersumque terrarum orbem demum repleuisse; & à stirpe sanctæ  
**D** radici auulsos, nouos sibi mores atque instituta pro arbitrio condidisse. Sed  
 omnium illi primi, inquit, qui Ægyptum occupauerant, cælestia suspicere  
 atque adorare cœperunt. Et quia neque domiciliis tegebantur propter aëris cle-  
 mentiam, nec ullis in ea regione nubibus obducitur cælum; cursus siderum  
 obseruantes, eorumque pulchritudinem atque splendorem admirati, ea tam-  
 quam deos adorauere: deinde verò portentosas animalium figuras, quas cole-  
 rent, commentos fuisse tradit, quibusdam prodigiis inductos, quorum aucto-  
 res mox proditurum se pollicetur. Ceteros verò, quos per diuersas orbis terra-  
 rum partes dispersos fuisse dixerat, admirantes mundi elementa, cælum, solem,  
 terram, mare, sine ullis imaginibus ac templis à principio veneratos esse,  
 hisque sacrificia in aperto celebrasse; donec processu temporum, cum Reges,

Diuinari  
 Instit. lib. 2.  
 de origine  
 erroris,  
 cap. 13.

Veritas de  
 ortu &  
 multiplica-  
 tione homi-  
 num, pri-  
 moque cul-  
 tus Dei  
 neglectu.



Principes, ac Duces eorum potentissimi iam effecti essent, eis templa & simulacra erexerunt, eaque victimis & odoribus colere instituerunt. Hoc autem pacto à veri Dei agnitione atque notitia aberrantibus hominibus, Gentes esse cœpisse asseuerat. Errant igitur, addit, qui deorum cultum ab exordio rerum fuisse contendunt, & priorem esse gentilitatem quàm Dei religionem: quam putant posterius inuentam, quia fontem atque originem veritatis ignorant.

Diuiinarum  
Institutionum  
lib. 2.  
de origine  
erroris, c. 14

Præterea ostendere volens idem Firmianus, quidnam idololatriæ ac tantorum errorum in mundo inducendorum causa fuerit, adiecit, immundos spiritus, malorum quæ in mundo fiunt auctores esse, quorum diabolus princeps est. Vnde Mercurius Trismegistus, illum *δαίμων αρχὴν*, id est, dæmoniorum principem appellat. Dæmones autem sic dictos putasse Grammaticos, quasi *δαίμονες*, id est, peritos ac rerum scios. Hos autem stulta antiquitas putauit esse deos. Sciunt illi quidem, inquit, futura multa, sed non omnia; quippe quibus penitus consilium Dei scire non licet: & idè solent responsa in ambiguos exitus temperare. Hos contaminatos ac perditos spiritus dicit per omnem terram vagari, & perditioni suæ aliquod solatium, hominum quoque perditione venari. Itaque omnia insidiis, fraudibus, dolis & erroribus complere: adhærere enim singulis hominibus, & omnes ostiatim domos occupare: & quoniam sunt spiritus tennes & incomprehensibiles, insinuarè se corporibus hominum, & occultè in visceribus operantes valetudinem vitare, morbos excitare, somniis animos terere, mentes furoribus quaterere: ut homines his malis cogant ad ipsorum auxilia confugere.

Ibid. c. 16.

Hos autem ipsos malos dæmones fuisse tradit, qui imagines & simulacra fingere docuerunt; qui ut hominum mentes à cultu veri Dei auerterent, fictos mortuorum Regum vultus, & ornatos exquisita pulchritudine statui consecrarique suaserunt; & illorum sibi nomina quasi personas aliquas induerunt. Hi, subdit, scelestissimi spiritus, qui descenderunt à Dei ministerio, quia sunt veritatis inimici & prauaricatores, Dei nomen sibi, & cultum deorum vendicare conantur: non quòd ullum honorem desiderent, (quis enim honor perditis est?) nec ut Deo noceant, cui noceri non potest; sed ut hominibus, quos nituntur à cultura & notitia veræ Maiestatis auertere, ne immortalitatem adipisci possint, quam ipsi sua nequitia perdididerunt. Offundunt itaque tenebras, & veritatem caligine obducunt, ne Dominum, ne Patrem suum norint. Hæc omnia de idololatria, quæ in Ægypto, & per mundum vniuersum sese diffuderat, verisimiliter admodum ac solidè Firmianus.

Idololatria  
initium, &  
progressus.

Ægyptij, ut Eusebius Cæsariensis testatur in Chronico, genus duxere à filio Cham, cui nomen erat Mestre; & post ipsum vsque ad Seruch, qui Abrahami proauus fuit, iidem Ægyptij ceterique populi à Cham & ab aliis filiis Noë descendentes, qui per orbem terrarum erant diffusi, licet essent idololatræ, solem nimirum, lunam, ac stellas adorantes; non tamen imagines & statuas adhuc venerari cœperant, sed idem Seruch primus fuit, qui impium ac scelestissimum abusum illum mundo inuexit. Vnde sic in eam sententiam Damascenus: Seruch idololatriam primus inuexit. Cum enim omnes cultum, quem tum probauerant, superstitione quadam ad humaniorem cultum deducere communi consensu constituissem, mos simulacrorum hominum generi ponendorum ortum habuit. Tunc enim primò pingere & coloribus adumbrare cœperunt eos, qui tum apud ipsos magni nominis erant & gloriæ, vtpote Principes, tyrannos, aut dominos, aut eos qui aliquid in vita gessissent, quod propter corporis robur, aut animi insignem fortitudinem atque virtutem, dignum memoria censeretur. Deinde verò Thare Abrahami patris ætate, cum impium illum idololatriæ errorem ad statuas transtulissent, hi qui inter eos potentiores erant, maiores suos statuarum

De hæresibus.



A rum dedicatione honorare cœperunt. Et primò quidem rudi simplicitate, figurorum arte statuas atque imagines eorum, qui ante ipsos è vita excesserant, ex argilla fieri curabant: postea verò sculptores accersiti, qui ex saxo seu ex marmore eas sculperent: demumque fusores adhibiti, qui ære, siue argento, vel etiam auro conflato, fusili arte easdem conficerent. Quorum signorum fabricandorum Ægyptij, & Babylonij, & Phryges, nec non & Phœnices primi inuentores, atque superstitionis eius interpretes extiterunt: à quibus postea ad Græcos translata est, Cecropis sequenti sæculo. Tum verò multo postea tempore transacto, Saturnum, Martem, Iouem, & eos qui eum consecuti sunt, & Apollinem in deorum numerum retulerunt.

De eodem hoc ipso venerandarum imaginum abusu & impio errore, Lactantius etiam Firmianus sic ferè tradit: Si nulli Reges ante Saturnum vel Vranum fuerunt, propter hominum raritatem, qui agrestem vitam sine ullo rectore debebant, ambigendum non est, quin illis temporibus homines Regem ipsum, totamque eius familiam summis laudibus extollere ac nouis honoribus euehere cœperint; ita ut deos etiam eosdem appellarent; siue in virtutis eorum admirationem, siue (ut fieri solet) in adulationem præsentis potentiae, vel etiam ob ea, quibus ab eisdem affecti essent, beneficia. Deinde verò, cum ipsi Reges chari fuissent his, quos humaniter rexerant iusteque gubernauerant, magnum postea sui desiderium cum mortui essent reliquerunt. Quamobrem homines eorum simulacra finxerunt, ut ex imaginum contemplatione aliquod haberent in eorum absentia ac morte solatium. Tum verò longius progressi, propter meriti dilectionem, demortuorum Principum memoriam colere cœperunt, idque ut gratiam referre benemeritis viderentur, & ut successores eorum ad benè imperandi cupiditatem allicerent. Id enim, inquit, docet Cicero de natura Deorum his verbis: *Suscepit autem vita hominum, consuetudoque communis, ut beneficiis excellentes viros in calum fama ac voluntate tollerent.* Hinc Hercules, hinc Castor, hinc Pollux, hinc Æsculapius, hinc Liber: & alio loco atque alio in plerisque ciuitatibus intelligi potest, acuendæ virtutis gratia, aut quo libentius Reipublicæ causa periculum adiret optimus quisque, virorum fortium memoriam honore deorum immortalium consecratam. Hac scilicet ratione Romani Cæsares suos consecrauerunt, & Mauri Reges suos: sicque paulatim religiones esse cœperunt; dum illi primi, qui eos nouerant, eo ritu suos liberos ac nepotes, deinde omnes posteros imbuerunt.

Et hi quidem summi Reges, subdit Lactantius, ob nominis sui celebritatem in prouinciis omnibus celebrabantur. Præter quos etiam singuli populi, gentis aut urbis suæ conditores, siue insignes virtute viros, aut admirabili castitate mulieres summa veneratione coluerunt: ut Ægyptij Isidem, Mauri Iubam, Macedones Cabylum, Pœni Vranum, Latini Faunum, Sabini Sancum, Romani Quirinum. Eodem utique modo Athenæ Mineruam, Samos Iunonem, Paphos Venerem, Lemnos Vulcanum, Naxos Liberum, Apollinem Delphi. Sicque per populos ac regiones varia sacra suscepta fuere, dum grati homines esse in suos Principes cupiunt; & quos alios honores vita iam functis deferant, inuenire non possunt. Præterea successorum pietas, imò potius ambitio, plurimum contulit ad errorem: nam ut diuina stirpe nati viderentur, diuinos honores parentibus detulere, deferrique iusserunt.

Anne dubitare quis poterit (addit idem Firmianus) quonam pacto religiones deorum sint institutæ, cum apud Maronem legat Æneæ verba sociis imperantis:

*Nunc pateras libate Ioui, precibusque vocate  
Anchisem genitorem:*

Æneid. 7.



cumque idem Æneas non immortalitatem tantum Anchisæ genitori suo, sed etiam ventorum tribuerit potestatem, sibi mentem & consilium inesse templa eidem erigendi, altariaque dedicandi, ac sacra quotannis faciendi, ostendens? sic enim apud eundem alibi:

Æneid. 5.

*Poscamus ventos, atque hæc mea sacra quotannis,  
Urbe velit posita templis sibi ferre dicatis.*

Idem quoque de Ioue Liber, & Pan, & Mercurius, & Apollo filij eius fecerunt; ac postea de his ipsis, successores eorum. Accesserunt ad id etiam Poætæ, qui compositis ad voluptatem & per summam ambitionem carminibus, in cælum eos sustulerunt: sicut faciunt, qui apud Reges etiam malos Panegyricis mendacibus adulantur. Quod malum à Græcis præcipue ortum est; quorum leuitas dicendi facultate instructa, incredibile est quantas mendaciorum nebulas excitauerit: ob quam vanitatem Sibylla carminibus suis sic eos corripit:

Habentur  
etiam hæc  
carmina, in  
paucis ver-  
sione mu-  
tata, Sibyl-  
linorum  
Oraculo-  
rum lib. 3.

*Græcia, quid confidis in viros Principes?*

*Ad quid dona inania mortuis dedicas?*

*Immolas idolis: quis tibi in mentem errorem impôsuit,*

*Vt hæc perficias, magni Dei ore relicto?*

De Deca-  
logo, quod  
est Iuris  
summarium.  
Idololatra  
gravissime  
à Philone  
Iudeo re-  
darguit.

Similis quoque impiæ idololatriæ originis causa proditur sacro Sapientiæ libro; illius nimirum patris, qui de immatura filij sui morte, supra quam par erat, acerbissimi doloris impatiens, imaginem quamdam ei similem sibi construi curavit, illamque tamquam deum venerari cœpit; seruis suis præcipiens, ut eidem sacrificia offerrent. Talis ergo impiæ idololatriæ, quæ per Ægyptum & ceteras orbis terrarum prouincias, malo dæmone id operante, sese diffuderat, origo fuisse perhibetur; quamque stolidi & insani illorum temporum homines stultè nimis ac miserrimè amplexati sunt. Quorum cæcitatem atque socordiam admiratus Philo Iudæus, sic pænè in eos inuehitur: Ego certè, inquit, hos statuarum ac simulacrorum adoratores miseros iudico, quam orbatos corporis oculis. Nam hi quidem mulctati sunt, aut incurabili morbo, aut inimicorum insidiis: illi verò suapte voluntate visum animæ obscurarunt, aut omnino perdiderunt. Quapropter alteris miseratio debetur, ut infortunatis calamitosisque; alteris pœna, utpote qui miseriam ac malitiam vltro complexi sunt. Qui ne illud quidem considerant, quod vel pueris ipsis conspicuum est; artificem nimirum præstantiorem & antiquiorem esse suo opificio: is enim secundum tempus prior est, cum sit quasi pater; potentia quoque superior, quanto id quod agit, præcellit ea quæ patiuntur.

Certè, subdit, si error placuit, pictores ac statuarii magis merebantur consecrari, ac diuinis honoribus affici: nunc verò ipsis contemptis, ac si nihil egregium præstitissent, pro diis habentur eorum opera. Et cum artifices sæpè inhonorati in egestate consenuerint, variisque casibus absumpti sint; opera tamen eorum exornantur purpura & auro, luxuque cetero, quem diuitiæ suppeditant; adoranturque religiosè non solum ab ingenuis, verum etiam & à nobilibus honestaque specie præditis.

Nec hîc gradum sistit impietas, procedit enim vltèrius. Noui equidem, inquit, quosdam adeò socordes atque insanos, qui simulacris abs se fabrefactis preces votiuasque victimas offerrent, iustiùs sanè vtramque manum suam adoraturi: aut si hoc nollent, crimen arrogantiae vitantes, saltem incudes, malleos, scalptra, forcipes, ferra mentaque cetera, quibus materiæ formam addiderunt. Huiusmodi planè deploratæ amentiae homines sic increpare libet: Heus vos, viri egregij, votorum summa & felicitatis finis est, reddi Deo similem. Ora-  
te igi-



A te igitur, vt similes fiat vestris statuis, & summa illa felicitate fruamini, non videntes oculis, non audientes auribus, nec respirantes nec olfacientes naribus, ore nec loquentes nec gustantes, manibus nec dantes nec capientes, nec agentes quidquam aliud, pedibus non incedentes, otiosi que in omnibus partibus corporis, templo inclusi, asseruari que tamquam in carcere, adhibitis interdiu noctu que custodiis, & inibi haurientes nidorem ac fumum exhalantem è victimis: nam hoc vno commodo frui sacratas statuas ( licet falso ) stultè tamen creditis. Atqui talia dicentem, non vt fausta ominantem libenter audirent, sed vt diras imprecantem auersarentur, conuitiis que vicissim proscinderent. Nemo igitur, subdit idem Philo, animam habens, huiusmodi vanitates ac stultitias, res que brutas & cassas animis adoret; indecorum enim & impium est naturæ opus, artificum operibus se submittere. Hæc ille. Atque hæc etiam de origine idololatriæ, quæ per Ægyptum atque vniuersum terrarum orbem sese diffuderat, hætenus dixisse sufficiat.

## CAPVT IV.

*De fabulosa & inani Aegyptiorum Theologia: deq; eorum impia atque probrosa idololatria.*

POSTQVAM à quo, quomodo, & quando impia idololatria, quæ per vniuersum terrarum orbem sese olim diffuderat, suam traxerit originem, superiori capite à nobis est ostensum; reliquum nunc est, quò ad institutum nostrum paulatim propius accedamus, vt de Ægyptiorum fabulosa Theologia, ac de ignominiosa eorum idololatria peculiariter agamus. Etenim illius inventores & institutores primi, licet quid in hoc agerent, non satis percepissent; in symbolicis tamen suis imaginibus atque figuris, ea sanctæ Crucis & admirabilis redemptionis nostræ mysterij symbola ac significationes effinxerunt & insculpserunt, quas iam iam explicaturi sumus.

Mesraim igitur filius Cham, ceterique illius posterì qui Ægyptum primi incoluere, cum nullam diuinitatis agnitionem, propter eas quas superius recensuimus causas, assecuti essent; cumque solo naturalis intellectus lumine ducti, inuisibilem Dei essentiam conicere nequirent, dum sub dilucido illo, temperato, & nubibus numquam obducto cælo, tranquillam & ab omni turbatione remotam vitam ducerent, oculorum & mentis aciem ad cæli ornatus, ad stellarum splendoris, & ad vniuersorum naturæ contemplationem erigentes, longa atque attenta obseruatione didicerunt, duo singularissima cælestia lumina, solem videlicet & lunam, totum temporis cursum moderari, anni tempora, mensium numerum, dierum que ac noctium perennem vicissitudinem producere. Dumque rerum mutationes, quas pro temporum fluxu & varietate in hac mundi inferiori regione fieri contingebat, assidua mentis consideratione perpenderent, paulatim opinari cœperunt, duo illa cælestia corpora æternos deos, rerumque omnium auctores existere; hisque propterea summam adorationis venerationem exhibuere. Deinde verò longiore obseruatione, cælorum conuersiones spectantes, quinque alias erraticas stellas siue Planetas existere cognouerunt, ex quorum coniunctionibus, & variis inter ipsos atque cum sole & luna syzygiis, varij in his inferioribus producebatur effectus. Quamobrem putantes hos quoque in vniuersi regimine esse participes, magnamque in eo prerogatiuam obtinere, ipsos pariter tamquam deos adorare instituerunt. Atque hinc mentis aciem ad octauæ sphæræ contemplationem altius erigentes, in toto

*Ægyptiorum idololatria origo.*

*Mercurius Trismegistus hæc tradit, Asclepij cap. 8.*



stellarum inerrantium infinito propè numero, triginta sex obseruauere præcipuas, quas Horoscopios, id est, horarum speculatores appellarunt. Horumque siderum, Vsiarchum vnum siue principem commenti sunt; quem Pantomorphon, id est, Omniformem vocauerunt, arbitrati hunc illum esse, qui diuersis speciebus diuersas formas tribuit. Deinde verò, cùm naturalis philosophiæ adminiculo, quattuor quoque elementorum notionem assecuti essent, hæc ipsa pariter in deorum numerum stultissimè retulerunt.

Hi ergo duodecim Ægyptiorum maiores dii extitere; nimirum septem Platonæ, neta, Pantomorphos, & quattuor elementa. Quorum deorum Herodotus, In Euterpe, siue lib. 2.

Ægyptios primos inuentores fuisse tradit, & ab illis Græcos fuisse mutuatos: eosdemque Ægyptios omnium hominum primos annum adinuenisse, distinguentes eum in duodecim temporum menses, idque ex astrorum obseruatione comperisse: item primos diis aras, & simulacra, & delubra statuisse: deum verò assiduo mentis exercitio, & diuturno naturalium scientiarum studio, eminentiores inter Ægyptiorum sacerdotes Philosophi, ad supernaturalem contemplationem animum applicuerunt; ita vt eorum quidam mentis

In alta ciuitate Ægyptij quidam philosophorum Deum agnouerunt. acie in tantam se altitudinem euexerint, vt vnum Deum omnium deorum maximum agnouerint, de quo Mercurius Trismegistus admiratione planè dignissima, scripto ad posterorum memoriam commendauit, vt appositè magis ac fusiùs suo loco dicemus. Qui quidem vniuersum deorum numerum in duas principales partes diuisit; intelligibilem nimirum atque sensibilem. Sub sensibili autem, omnes deos, quos superiùs recensuimus, complexus est; arbitratus hos per sensibilem naturam omnia operari: in intelligibili verò vnum solum Deum constituit, cui totius vniuersi regiminis summam adscripsit; huicque propriè ac diffinitiuè nomen tribui posse negat, cùm vnico tantum nomine omnia nomina complecti nequeant; ipse enim Deus, inquit, solus est, & omnia.

Verùm hæc summi Dei agnitio, præter quod inter paucissimos sese cohibuit; ad longius tempus non perdurauit, quàm in Ægypto florere scientiæ: nam post Mercurij Trismegisti, quorundamque sacerdotum coæuorum, ac discipulorum eius summorum Philosophorum mortem, huius notionis lumen mox extinctum est; successoribus eorum crassioribus errorum ac ignorantia tenebris circumfusus; immò quia hi postea symbola, allegoricas imagines, ac metaphoricæ figuras, quibus prisca illi atque eminentes Philosophi Theologiæ mysteria profundè atque abdite nimis innuerant, non rectè intellexerunt; id causæ fuit, vt ij populi præcipitarentur & immergerentur in probrosam & ignominiosam idololatriam, de qua maiore breuitate qua fieri poterit, inferiùs dicturi sumus.

Ægyptij ergo in monstroso inanium ac falsorum deorum suorum numero, duodecim prædictos summa veneratione semper prosecuti sunt, atque inter

In euratione Græcarum affectionum, Serm. 3. de diis & angelis. eos præcipuè solem & lunam, illum quidem Osiridem, hanc verò Isidem appellantes. Quamobrem Theodoretus, Diodori Siculi auctoritatem ad institutum hoc nostrum in medium afferens, inquit; *Atque vt testis est Siculus Diodorus, omnium mortalium primi Ægyptij, solem lunamque deorum nomine appellantes; solem quidem Osirim, lunam verò Isin esse dixerunt.* Quorum nominum in-

De Osiride & Iside. terpretationem Plutarchus apertè admodum explicauit; non quoad Græcam tantum, verùm quoad Ægyptiacam quoque etymologiam. Nam quoad Græcam, nomen Osiridis, ab hosio & hiero compositum esse dixit, quod sanctum & sacrum significat; quo verò ad Ægyptiacam, multos oculos designare: illo enim idiomate, *os* multum, *iris* verò oculum exprimere testatur. Dio-



A Diodorus autem Siculus tradit, Ægyptios solem Osiridem Græca interpretatione, utpote qui suis radijs, veluti pluribus oculis, terram ac mare lustraret, multos oculos habentem dixisse: ad quod alludere Homerus voluit, cum solem omnia conspicientem atque audientem dixit. Lunam verò Isidem vocare solitos, quod antiquam significat; sumpto nomine ab æterno ac veteri eius ortu. Ipsius autem imagini addunt cornua, inquit idem Diodorus, tum propter aspectum (ita enim videtur, quo tempore primis diebus post solis conjunctionem apparet) tum quia bos ab Ægyptijs ei sacrificatur.

Rerum antiqu. lib. 1. cap. 2.

Quæ autem hæc Isis fuerit, cuius nomen Ægyptij ipsi lunæ indiderunt, propter varias auctorum qui de ea re scripserunt sententias, atque inanes de eadem confictas fabulas, plurimum ambigitur. Tradunt Græci, hanc Inachi Argiuorum Regis filiam fuisse, nomine Io; fabulanturque eandem à Ioue stupratam, & sibi in concubinam adscitam. Quod cum Iuno præsensisset, zelotypia impellente, eam in iuuentam transformavit; illique Argum centoculum cultodem apposuit. Iupiter autem id ægrè ferens, & miseratione commotus, Mercurio mandavit, ut Argo interempto, illam in pristinam formam ac libertatem assertam, in Ægyptum per mare traderet; ibique Isidem appellari, & ab Ægyptijs ut deam adorari iuberet; potestate eidem attributa, Nilum augendi, ventis imperandi, nauigantesque custodiendi atque seruandi. Quam fabulam, quasi colludens & ineptias istas irridens, suis in Dialogorum libris Lucianus refert, Ioue & Mercurio de hac re colloquentibus illuc adscitis. Diuus Augustinus item hanc perhiberi asserit Inachi filiam fuisse, quæ postea Isis appellata, ut magna dea culta est in Ægypto: quamuis alij scribant, eam ex Æthiopia in Ægyptum venisse Reginam; ac pro eo quod latè iusteque imperauerit, ei que multa commoda & litteras instituerit, hunc honorem illi habitum esse diuinum, posteaquæ ibidem mortua est: eundemque ei tantâ veneratione exhibitum, ut capitali crimine reus censeretur, quisquis eam quandoque hominem fuisse dixisset. Atque hinc esse constat, quod in omnibus delubris, in quibus Osiris & Isis adorabantur, iuxta eorum signa, simulacrum quoque Harpocratis eorum filij, quem silentij deum esse dicebant, conspiciebatur: quod ad pueri formam effectum dexteram manum ori admouentis, digitoque labia comprimantis, innuere videbatur, ut silentium seruaretur, sinistra autem Cornucopiæ deferens. Quo significabatur, ut tacerent Ægyptij, neque hos deos homines fuisse proderent, cum eorum operâ omnium bonorum copia afflueret. Quocirca diuus Augustinus, Varonis auctoritatem in hoc secutus, subdit: *Quoniam in omnibus templis, ubi colebatur Osiris & Isis, erat simulacrum, quod digito labijs impresso, admonere videretur ut silentium fieret: Hoc significare Varro existimat, ut homines eos fuisse tacerent.* Cuius idoli antiquissimum simulacrum, pario candidoque marmore sculptum, venustate & gratia sanè conspicuum, penes me habeo, appposito huic typo planè simillimum.

De Osiride & Iside Ægyptiorum diis variis opinionibus.

In Dialog. Iouis & Mercurij.

De Ciuit. Dei, lib. 18. cap. 3.

C habitum, ut capitali crimine reus censeretur, quisquis eam quandoque hominem fuisse dixisset. Atque hinc esse constat, quod in omnibus delubris, in quibus Osiris & Isis adorabantur, iuxta eorum signa, simulacrum quoque Harpocratis eorum filij, quem silentij deum esse dicebant, conspiciebatur: quod ad pueri formam effectum dexteram manum ori admouentis, digitoque labia comprimantis, innuere videbatur, ut silentium seruaretur, sinistra autem Cornucopiæ deferens. Quo significabatur, ut tacerent Ægyptij, neque hos deos homines fuisse proderent, cum eorum operâ omnium bonorum copia afflueret. Quocirca diuus Augustinus, Varonis auctoritatem in hoc secutus, subdit: *Quoniam in omnibus templis, ubi colebatur Osiris & Isis, erat simulacrum, quod digito labijs impresso, admonere videretur ut silentium fieret: Hoc significare Varro existimat, ut homines eos fuisse tacerent.* Cuius idoli antiquissimum simulacrum, pario candidoque marmore sculptum, venustate & gratia sanè conspicuum, penes me habeo, appposito huic typo planè simillimum.



Ibid. cap. 5.

Rerum antiqu. lib. 1. cap. 2.

Diodorus Siculus litteris commendavit, Osiridem in Ægypto iuste regnantem, à Typhone fratre impio atque



nefario trucidatum; eundemque in sex & viginti partes dissectum, unicuique **A**  
 eorum, qui secum tanti sceleris participes fuerant, partem vnā dedisse, veluti  
 eius facinoris conscijs, vt ipsos defensores custodesque Regni fidos haberet.  
 Verū Isis eiusdem Osiridis soror & coniux, exercitu comparato, auxilioque  
 Ori filij sui, viri necem ulta, Typhone & qui cædis conscij fuerant interemptis,  
 Ægypti regnum cepit. Cumque dissecti mariti corporis dispersas partes inue-  
 nisset; cupiens incertum esse viri sepulchrum, idque ab Ægyptijs & à cunctis ho-  
 minibus venerari, ex aromatibus & cera singulas eas partes in hominis formam  
 marito Osiridi similem composuit, Ægyptique sacerdotibus conuocatis, sin-  
 gulis singulam Osiridis imaginem seorsum tradidit, unicuique eorum asseue-  
 rans, ei soli corpus illius concedere voluisse: & iure iurando singulos adegit, ne  
 vlti vnquam hominum panderent Osiridis sepulchrum apud se esse; quin  
 etiam adytis templi asseruatum atque reconditum, illum vt deum religiosè  
 colerent: eique animal, quod mallerent, dicarent, quod & colerent veluti Osiridem, **B**  
 dum viueret, & post obitum simili cærimonia obseruarent. Vt au-  
 tem maiori beneficio deuinctos sacerdotes ad hæc sibi promptiores redderet,  
 tertiam eis totius Ægypti agrorum partem ad deorum cultum attribuit.  
 Quamobrem hi, cum meritorum Osiridis memores, tum Isidis beneficio al-  
 lecti, eius mandata libenti animo executi sunt. Ex quo factum fuisse idem Dio-  
 dorus testatur, vt vnusquisque Ægyptiorum sacerdos, ad suum ipsius vsque  
 diem, corpus Osiridis apud se esse asseueranter contenderet: traditque, anima-  
 lia, ac tauros præcipuè, quos eidem à principio dicauerant, summa veneratione  
 ab Ægyptijs coli; & cum moriuntur, in eorum funere luctum Osiridis reno-  
 uare solitos. Quorum taurorum alterum quidem Apim, alterum verò Mne-  
 uim nominabant, hosque sacrificabant Osiridi; & dum viuebant, vt deos  
 venerabantur. Hæc autem omnia, quoad Osiridis & Isidis historiam, Diodorus.

*En quā  
 parum sibi  
 constet mē-  
 dax idolo-  
 latris.*

Alij autem tradunt, Isidem vxorem fuisse Typhonis, qui cum percepisset, **C**  
 Osiridem vxorem suam amborumque sororem corrupisse, eum interemit; at-  
 que in minuta frustra concisum, eadem secus Nili ripam disperfit. Quam im-  
 manitatem cum Isis accepisset, marito Typhone repudiato, vt dilecto fratri  
 Osiridi iusta funeris persolueret, accitis secum Nephta sorore & Anube vena-  
 tore, quem postea canino capite effinxere, quia venatici canis olfactu & inda-  
 gine concisas atque dispersas Osiridis corporis partes inuenit; cum eas Isis colle-  
 gisset, sepulture mandauit. Scribunt, Osiridem, dempto incestu quem cum Iside  
 sorore admiserat, Regem iustum & æquum; Typhonem verò fratrem econtra  
 crudelem, superbum, & nefarium extitisse. Atque hinc factum fuisse dicunt, vt  
 propter nimium amoris affectum, quo Osiridis memoriam Ægyptij prosequen-  
 bantur, superstitiones postea, barbari ritus, stultæque inoleuerint cærimoniae,  
 quæ sacra Isiaca dicebantur; quæque dæmone cooperante, non per Ægyptum  
 tantum, sed per vniuersum terrarum orbem sese diffuderant. Quorum rituum **D**  
 cærimoniarumque hæc erat summa:

*Ritus sa-  
 crorum Isi-  
 dis stultissi-  
 mi & tur-  
 pissimi.*

In remotioribus templi adytis corpus Osiridis sepultum habebant, vel ha-  
 bere fingeant, idque inæstissimo luctu annuis lamentationibus plangebant.  
 Radebant capita, tundebant pectora, lacertos lacerabant, veterum vulnerum  
 cicatrices refecabant; vt dehonestati capitis turpitudine, verberumque ac refri-  
 catorum vulnerum dolore, in animis atque corporibus suis funestæ ac miseran-  
 dæ necis dilecti Regis Osiridis memoriam renouarent. Cumque hæc quorum-  
 dam dierum spatio fecissent, fingeant se lacerati corporis reliquias tandem re-  
 perisse. Sicque ab insani luctus excessu, in gaudiorum, epulationum, atque om-  
 nium turpitudinum dissolutionē repente ac miserè proruebant. Diebus autem,  
 quibus



A quibus sacra Isiaca celebrabantur, ipsius sacerdotes per urbem vagantes incedebant, altis gemitibus descentes, linea veste induti, Anubidis statuam canino capite deferentes; manu autem altera ramum absinthij marini, vel pini gestabant, altera verò sistrum, quod instrumenti genus quoddam æreum erat sonorum & <sup>Sistrum</sup> concrepans, quo Ægyptij tubarum ac tympanorum vice in bellis utebantur: <sup>Ægyptijs</sup> quo sacerdotes isti quoque uti consueverant, ut instrumenti eiusmodi concre- <sup>tuba &</sup> patione ac sonitu, populum ad luctum prouocarent. Ad cuius similitudinis for- <sup>tympani lo-</sup> <sup>co usitatū.</sup> sitan imitationem fabrefactum fuit instrumentum illud, vulgò Panderum nuncupatum, quo ad nostram adhuc usque diem Lusitanii in cantilenis quandoque uti solent: licet antiquum sistrum differenti admodum esset forma; ut plurimum enim ouata figura olim construebatur, addito manubrio ad deferendum ac vibrandum: atque in circumferentia, & in tribus chordis, quæ per transuersum distendebantur, tintinnabulis, alijsque æris fragmentis munitum erat; quæ quidem omnia, dum sistrum excuteretur, strepentem sonitum edebant.

B Horum priscorum sistrorum veram imaginem & formam intueri libet, <sup>Eius vera</sup> antiquissimæ cuidam marmoreæ basi insculptam, quam penes me domi ha- <sup>imago &</sup> <sup>forma.</sup> beo, quamque antiquarum rerum periti, Aram Isidis fuisse, non immeritò autumant. Nam Isidis ipsius, atque Anubidis imagines ibi quoque insculptæ conspiciuntur. Ipsaque eadem sistrum incisa pariter videntur antiquis quibusdam argenteis numismatibus, præsertim verò cuidam, quod excusum est in libro, cui titulus est: *Discorso dell' antica Religione de' Romani di Guglielmo Choul.* Cuius meminit etiam Antonius Augustini Tarraconensis Archiepiscopus, Discursuum suorum super numismatibus Dialogo tertio; opinatus, id Valentiniani Imperatoris extitisse. Habet autem numisma prædictum Isidis effigiem, quæ dextra manu sistrum tenet, sinistra verò vas quoddam fructibus plenum. Ex <sup>C</sup> quo innui videtur, eandem fructuum inuentricem extitisse. A tergo verò habet imaginem Anubidis, quem alij Cynocephalum dixere; quoniam canino capite eum effingebant: isque manu etiam dextera sistrum, sinistra autem Mercurij caduceum gestat. Quidam enim Anubidem & Mercurium, vnum eundemque fuisse volunt. Eiusdem verò numismatis typus, per omnia talis est qualis hîc impressus conspicitur.



Sistri autem Virgilius atque Ovidius suis carminibus meminere. Ita enim Virgilius: — *Patrio vocat agmina sistro.*

Ovidius verò: — *Quid nunc Aegyptia profunt Sistra?*

Martialis quoque Epigrammatum suorum libro, ad caput abrasum, ad lineas vestes, & ad sistra, quæ profani ac stolidi Isidis sacerdotes deferebant, alludens, hæc ipse quoque de sistro inquit:

*Linigeri fugiunt calui, sistrataque turba.*

In ipso autem Isidis festo die sacerdotes prædicti, & qui ex eorum erant collegio,

Æneidos 8.  
Amor. lib. 3  
Elegia 8.

Lib. 12. Epi-  
gramm. 28.



legio: diuersimodè personati, ornatuque vario compositi incedebant: alij siqui- A  
dem balteo incincti, milites se esse fingeant: alij venabulum gestantes, vt ve-  
natores discurrerant: alij longam stolam induti, feminas mentiebantur: non-  
nulli fascibus atque securibus præcedentibus, magistratus se esse ostentabant,  
sicque Isidis simulacrum deferabant. Quod magna mulierum sequebatur ca-  
terua, candidis amiculis fecta ferentium. Quorum nonnullæ cum speculis &  
pectine ante ipsius deæ signum famulabantur, quasi eamdem comere volen-  
tes: aliæ verò cum lucernis & lampadibus, diuersa aliæ huius generis supelle-  
tilis instrumenta deferentes sequebantur; vt Lucius Apuleius fusiùs, & inter  
recentiores Alexander ab Alexandro suis in Genialium dierum libris scripto  
cominendauit. Huiusmodi autem sacra Isiaca, vel vt veriùs denominentur,  
vesana prorsus deliramenta, dæmonis opera tantum auctoritatis atque existi-  
mationis apud illorum temporum superstitiosos ac stolidos homines demum  
affecuta sunt; vt in ipsam urbem Romam introducta fuerint. Quæ ciuitas, vt B  
sanctus Leo Papa meritò inquit, *ignorans suæ prouectionis auctorem, cum panè om-  
nibus dominaretur gentibus, omnium gentium seruebat erroribus: & magnam sibi  
videbatur assumpsisse religionem, quia nullam respuebat falsitatem.* Lucius Apuleius  
innuit hæc sacra Romam introducta fuisse Lucij Syllæ Dictatoris temporibus.  
Verùm Lucius Piso & Aulus Gabinius Consules publico edicto cauerunt, ne  
idolorum prædictorum simulacra Capitolio inferrentur. Quin etiam aris eo-  
rum, quæ Romæ ad illam vsque diem erectæ fuerant, euersis, expresse vetue-  
runt ne diuinis celebrarentur honoribus. Valerius autem Maximus memoriæ  
prodidit, quòd cum Senatus Isidis & Serapidis fana diruenda censuisset, eaque  
nemo opificum religionis scrupulo attingere auderet; Lucius Æmilius Pau-  
lus Consul posita prætexta securim arripuit, templique eius foribus inflixit.  
In Romanarum verò Historiarum libris legitur, pluries in Senatu actum de  
Ægyptiorum sacris & cærimoniis Romæ eiiciendis; vtpote quæ turpium reli- C  
gionum, nouarumque superstitionum erant seminarium. Verùm tantum va-  
luit dæmonis versutia, quæ damnatissimis superstitionibus illis immersos ho-  
mines detinere gestiebat, vt contradictionibus quibuscumque, quibus profana  
illa sacra iure oppugnata fuere, non obstantibus, ingenti nihilominus animi  
feruore & hominum concursu postea instaurata, & per plures annos cele-  
brata sint. Vnde Lucanus:  
*Nos in templa tuam Romana accepimus Isim,  
Semicanæque deos, & sinistra mouentia luctum.*  
Et quamquam Tiberij Imperatoris temporibus, ipso iubente Isidis templum  
dirutum fuerit, & simulacrum eius in Tiberim proiectum, propter sacerdo-  
tum illorum infamem auaritiam, quorum præcipua opera fuit in sacrilegio &  
adulterio illo perstruendo, quod in Paulina Saturnini viri illustris vxore patra-  
tum est; vt primi libri capite septimo superiùs tradidimus; non tamen ob id D  
sacra Isiaca Romæ prætermissa fuere: quin etiam maiore postea celebritate in-  
staurata sunt. Cuius absurdi illud potissimùm causa fuit, quòd Imperatores qui  
postea successerunt, non fauore tantum ea prosecuti sunt, sed eorum quidam  
his etiam initiari voluerunt; & non secus ac ipsi, qui sacerdotum Isidis colle-  
gio adscripti erant, eadem sacra celebrarunt. Quod præcipuè Othonem fecisse  
memoriæ proditum est; qui linea religiosaque veste indutus, ipsa eadem sacra  
in publicum celebrando processit. Ex quo apud supersticiosam plebem, pij ac  
religiosi Principis opinionem nactus est. Quamobrem Suetonius Tranquillus  
violentam diramque mortem eius vitæ ipsius incongruam ac prorsus in-  
dignam homines censuisse testatur. Idem quoque Domitianum fecisse legi-  
mus:

Ser. in Na-  
tali SS. A-  
postol. Pe-  
tri & Pauli.

Metamor.  
lib. 2.

Li. 1. tit. 4.  
De Auspi-  
ciis.  
Sacra Isia-  
ca sapius  
Romæ pro-  
scripta, sa-  
pè iterum  
sunt intro-  
ducta.

Ad Ægy-  
ptū lib. 8.

In Othone  
cap. 12.



**A** mus : tradit enim Eutropius, eum inter cetera quæ suo tempore ædificauit, Lib. 7. templum Isidi erexisse.

Et quamquam recentiores quidam, inter quos Iacobus Pamelius, scripserint, Isiacæ Hadriani Imperatoris temporibus non solum Romæ, sed in vniuerso terrarum orbe penitus cessasse; ego tamen eadem ipsa, annis quinquaginta & pluribus post Hadrianum exactis, Romæ frequentata, ac maiore quàm antea feruore instaurata fuisse comperio; ita vt Commodus Imperator, non illa solum magna veneratione sit prosecutus, verum etiam ipsemet eadem sæpè celebrauerit, & capite abrafo, Anubidis simulacrum per urbem tulerit, ceteraque omnia in eisdem sacris fieri solita peregerit. Id enim Lampridius & Spartianus testantur. Et post ipsum, Antoninus Caracalla Romæ locis compluribus templa magnifica in Isidis honorem extruxit; eiusque sacra, maiore quàm vniquam antea veneratione peracta fuissent, celebravit: ita vt quidam memorie prodiderint, Antoninum Caracallam sacrorum Isidis Romæ introductorem extitisse. Quocirca idem Spartianus inquit: *Sacra Isidis Romam deportauit, & templa vbique magnifica eidem deæ fecit. Sacra etiam maiore reuerentia celebravit, quàm antea celebrarentur. In quo quidem mirum videtur, quemadmodum sacra Isidis primum per hunc Romam venisse dicantur, cum Antoninus Commodus ita ea celebrauerit, vt & Anubim portaret, & Pausa sederet: nisi fortè iste addidit celebritati, non eam primus inuexit.* Quin etiam, si Lampridio credendum est, Alexander Seuerus, qui annis circiter octuaginta & amplius post Hadriani mortem Imperij gubernacula suscepit, templum quoddam Isidis & Serapidis Romæ instaurari & ornari curauit; simulacraque & mysteria omnia quæ deerant superaddidit. Erantque idola hæc tum Romæ tanta celebritate conspicua, vt tertia Urbis regio, Isidis & Serapidis regio diceretur. Sic enim Publius Victor, sua in Urbis regionum Descriptione, sicque alij Scriptores complures testantur.

**C** Quamobrem Tertullianus meritò Romanis exprobrauit, quòd licet ex Senatus decreto, Liberi patris festa & mysteria non Vrbe tantum, sed vniuersa etiam Italia Consules eliminari iussissent; & quamuis Piso & Gabinius Consules expressè vetuissent, ne Isidis, & Serapidis, atque Harpocratis signa, cum eorum Cynocephalo in Capitolium inferrentur, eorumque aras dirui statuissent; vt ea quæ ex turpissimis & otiosis superstitionibus illis oriebantur vitia, frænarentur atque extirparentur; ipsi nihilominus econtrà non ea tantum restituisent & instaurassent, sed magnum quoque decorem, ac summam maiestatem his superaddidissent.

Putauere nonnulli, hanc deam, quæ Isis ab Ægyptiis dicebatur, eandem illam esse, quæ apud nationes alias Ceres, Berecynthia, Magna deorum Mater, Cybele, Idea, Ops, Bona Dea, Maia, Fauna, Fatua, Passinuntia, Rhea, & Phrygia appellabatur; cum vtraque harum dearum sic indifferenter à diuersis Auctoribus nominentur. Quamobrem Plutarchus meritò Isidem Myrionymon, à nominum diuersitate, quæ illi indebantur, dictam fuisse testatur. Vnde Eusebius Cæsariensis: *Quod ergo Ceres apud Græcos est, id est Isis apud Ægyptios: & rursum Bona Dea & Dionysius apud Græcos, Isis & Osiris apud Ægyptios.* Diuus autem Augustinus innuit, memorie proditum comperisse, Isidem dum parentibus suis, qui omnes Reges fuere, sacra faceret, hordeum reperisse, eiusque spicas marito Osiridi, & Mercurio eius consiliario ostendisse. Quapropter nonnulli autumant ipsam illam eandem esse, quæ Ceres dicebatur. Idem etiam innuit sanctus Hieronymus contra Iovinianum scribens; vbi simul tamquam vnius eiusdemque rei, cofferum seu rugosorum Isidis & Cybeles sacerdotum ieiunia

In Com-  
modo An-  
tonino.

In Anto-  
nino Cara-  
calla.

In Alexan-  
dro Seuero.

In Apo-  
logetico  
aduersus  
Gêtes, c. 6.

An Isis Æ-  
gyptiaca  
alibi alijs  
nominibus  
appellata.

De Præpa-  
rat. Euang.  
lib. 3. c. 3.



ieiunia coniungit. Tertullianus quoque opinioni se inhæsisse ostendit, Isidem A eandem esse, quæ & Magna deorum Mater alio nomine dicebatur. quod ex his carminibus elicitur, quæ ad quemdam Romanum Senatorem direxit, qui à Christiana Fide defiliens, ad idololatriæ impietatem sese miserrimè conuerterat, inquiens :

Tertullianus ad Senatorem ex Christiana Religione in idolorum seruitutem prolapsus.

*Quis patiatur enim, te Matrem credere Magnam  
Possè Deam dici, rursusque putare colendam,  
Cuius cultores infamia turpis inurit?  
Res miranda satis deiecta que culmine summo.  
Si quis ab Isiaco Consul procedat in urbem,  
Risus oris erit : quis te non rideat autem,  
Qui fueris Consul, nunc Isidis esse ministrum?*

Alia Isis, alia Magna deorum Mater.

Et ut summam dicamus, quemadmodum hæc sacra Isiaca turpium superstitionum, damnatorum rituum, dæmoniacarumque confusionum omnia plena erant; sic etiam non est, cur miremur, quod ipsi qui de ea scripsere Auctores Ethnici, ipsius etiam deæ nomini confusionem offuderint. Verum his non obstantibus, à rerum antiquarum peritioribus haud ignoratur, vnum quid Isidem, aliud verò Magnam deorum Matrem extitisse; cuius simulacrum ex Senatus decreto Romam aduectum est ab Oratoribus, quos idem Senatus è monte Ida, ubi à Phrygiis summa superstitione colebatur, ad accersendum expresse delegauerat; magnaque pompa & celebritate in Urbem inuectum, centesimo circiter anno, antequam Isidis & Osiridis atque Harpocratis signa cum sacris ipsorum introducta fuerint: festusque dies ei institutus, qui quotannis postea ad pridie Idus Aprilis celebratus est; & ludi in honorem eius facti, quos Megalesia vocarunt; ritusque & cærimoniarum præterea, quæ in Cybeles, siue Magnæ deorum Matris cultu obseruabantur, à prædictis sacris Isiacis longè distabant. Quorum cum Herodotum Halicarnasæum, Diodorum Siculum, C Plutarchum, Strabonem, Macrobius, Apuleius, Porphyrius, ceterosque Ethnicos Scriptores forsitan iure pueret, quibusdam Physicis, vel potius Sophisticis rationibus ostendere nituntur, Osiridis & Isidis, aliorumque deorum fabulas, quas Ægyptij confinxerunt, mysticas significationes eorum effectuum fuisse, quos sol, luna, & stellæ, atque elementa producant. Atque his, ut ita dicam, chimæris, ostendere voluerunt inanem Theologiæ Ægyptiacæ profundissima fundata esse mysteria.

De Iside & Osiride. Philosophia mirabilis Ethnicorum ut idololatrias suas excusent.

Quamobrem Plurarchus, de his ad hunc modum: Decima septima mensis die interisse Osiridem Ægyptij fabulantur, qua die maximè plenilunium fit evidens. Ideo diem istam Pythagorei vocant Antiphraxin, quasi oppositionem cum obstructione coniunctam. Deinde subdit: Annos xxviii. alij vixisse, alij regnasse Osiridem dicunt: toties enim lucet luna, totque diebus circuitiorem suam absoluit. Lignum autem in sepultura, ut vocant, Osiridis secantes, arcam apparant lunata forma; quia luna soli D appropinquans falcatur & occultatur. Quod autem in quattuordecim partes discriptus dicitur Osiris, referendum est ad dies, quibus à plenilunio, usque ad nouilunium deficit luna. Diem autem, qua primum conspicitur, euitatis & præteritis radiis solis, imperfectum bonum nominant. Est enim Osiris beneficus; & nomen hoc multa significans, præcipue vim efficacem & beneficam designat. Existimant autem Nili incrementa, ratione quadam illuminationibus lunæ respondere. Maximum enim apud Elephantinam urbem, cubitorum fit xxviii. quot dies sunt menstruæ circuitiõis lunæ. Apud Mendetem & Xoin, ubi est minimum, cubitos æquat sex, quot diebus luna orbis fit dimidiatus. Medium apud Memphim, si iustum sit, xiiii. cubitis conuenit; & respondet tempori plenilunii. Et in nouilunio mensis Phamenoth, festum celebrant, quod ingressum Osiridis



A Osiridis in lunam appellant. est autem id veris initium. Hoc pacto vim Osiridis in luna collocantes, Isidem ei uxorem, ex qua prolem procreet, adscribunt: ideò & lunam mundi matrem appellant, & naturam ex utroque mistam sexu adsignant ei; quòd impleta & grauida facta à sole, rursus à se in aërem emittat ac disseminet genitabilia principia. Sunt qui dicant, addit idem Plutarchus, quòd quemadmodum apud Græcos Cronos (qui Latinis est Saturnus) tempus, luno aërem, Vulcani ortus mutationem aëris in ignem notat; sic apud Ægyptios pro Osiride Nilum intelligi, qui cum terra, quam Isis designat, coeat: Typhonem verò mare esse, in quod incidens Nilus diuellitur, & perit. Hæc omnia & alia complura Plutarchus tradit, in eo totus incumbens, vt ostendat Ægyptiorum deorum fabulosa principia, turpissimaque mysteria, naturalium effectuum occultas atque subtiles significationes extitisse.

B Porphyrius quoque, quantum facere atque eniti potuit, in eo elaborans, vt Ægyptiacæ Theologiæ ridiculam & inanem stoliditatem proprio, vt ita dicam, pallio obtegeret; in quadam epistola, quam cuidam Anebo Ægyptio scripsit, tradit, Chæremone, ceterosque illorum temporum naturales Philosophos, nihil aliud in rerum natura existere præter visibilia putasse, Ægyptiorum rationem ad vnguem secutos; qui nullos alios deos, præter solem & lunam, ceterasque erraticas stellas, nec non & signa, quæ orbem replent obliquum, & stellas fixas, quæ oriri atque occidere cum his dicuntur, deos existimarunt. Vidit Chæremo, subdit, solem ab Ægyptiis vt creatorem coli; nec ignorauit, omnia quæ de Osiride & Iside dicuntur, omnesque fabulas, aut ad stellas, aut ad ortum atque ad occasum earum, vel ad progressum & regressum, aut ad incrementa decrementaque lunæ, aut ad solarem cursum, aut ad nocturnum hemisphærium aut diurnum, aut ad fluuium Nilum, & omnino ad res causasque naturales referri; nec vllam de incorporeis viuisque substantiis Philosophos facere mentionem. Vnde nostra quoque omnia, nescio quo indissolubili vinculo, à motu stellarum necessario dependere arbitrabantur, sicque omnia astris attribuebant, quæ sola deos & fatorum dominos existimabant; sacrisque & simulacris, reliquoque deorum cultu, propitia sibi reddere conabantur. Itaque præter illa quæ in cælo videntur, alios deos, ipso etiam teste Porphyrio, Theologia Ægyptiorum à principio non nouerat; Creatorem verò rerum omnium, non intellectualem quamdam, incorpoream, atque inuisibilem, & incomprehensibilem substantiam; sed visibilem hunc solem, qui vniuersum illuminat, arbitrabatur. Quòd si visibilia hæc elementa, mystica Ægyptiorum Theologia, inquit Eusebius Cæsariensis, deos putat, quæ animæ atque rationis expertia sunt; attende diligenter, in quantam turpitudinem & ignominiam sublimis eorum Theologia deciderit, cum vltra hæc nullam intellectualem substantiam pro rerum causa cognouit. Quamobrem meritò non satis se admirari ostendit Sedulius, quoniam pacto fieri potuerit, homines adeò mente obcæcatos extitisse, vt solem Deum, patrem, ac rerum omnium creatorem putauerint; cum ab eius motu perpetuo, à continuis eius circuitibus, ab ipsius cum nocte partitione dominij, ab eius ortu & casu, & ab eius semper vbique existendi impotentia, euidenter constet, eum nullo pacto Deum, sed ministrum eius esse; ipsumque non æternum lumen illud, quod lucem fecit, existere; cum ab ipsius mundi primo exordio duos dies (inquit ille) immò tres fuisse asseramus sine sole, cum quarta die sol ipse, & stellæ creatæ fuerint:

*At alij solem, cæcatis mentibus acti,  
Affirmant rerum esse patrem, quia ritè videtur*

M m

Refert hæc  
Euseb. Cæsariensis  
De præpar. Euang. li. 1.  
cap. 2.

Verè misera anima,  
quæ res inanimas vt  
deos colant.

Operis Paschalis li. 1.  
Clara



*Clara serenatis infundere lumina terris,  
Et totum lustrare Polum : cum constet ab istis  
Motibus, instabilem rapidis discursibus ignem,  
Officium, non esse deum : quique ordine certo  
Nunc oritur, nunc occiduas dimissus in oras,  
Partitur cum nocte vices, nec semper ubique est:  
Nec lumen fuit ille manens in origine mundi,  
Cum geminum sine sole diem nouus orbis haberet.*

A

Quin etiam idem Porphyrius, vt leuissimæ ac fabulosæ Ægyptiorum Theologiae auctoritatem tueretur, inter ceteras excogitationes suas, quas chimæras meritò vocare possumus, tradit, Ægyptios Osiridem fructuum procreatricem virtutem esse putasse; quam fletibus placabant, quoniam sationis tempore in terris occultatur: eundem quoque Osiridem apud eosdem, pluuialem virtutem Nili designare. Verùm cum per Osiridem, tellurem terrestrem denotabant, fecundam terram intelligebant; quando verò cælestem, eundem Nilum esse dicebant. Hunc enim Osirim, id est Nilum, è cælo defluere arbitrabantur: quem etiam deflere solebant, lacrymis reuocari virtutem eius putantes, quæ ceteris anni temporibus desinere videtur. Addit idem Porphyrius, Isidem, quæ secundum fabulas Osiridi coniungitur, Ægypti terram significare.

B

His ineptiis prudenter admodum, & vt Christianum scriptorem decet, responder Julius Firmicus Maternus, qui ad Constantium & Constantem magni Constantini Imperatoris filios scribens, ac de prædictis sacris Isiacis differens, easdemque Porphyrij fuitiles & commentitias rationes irridens, ad hunc ferè modum tradit: Defensores Ægyptiorum stoliditati rituum eorum physicam quamdam rationem addere volunt, asserentes Osirim frugum semina esse, Isim verò terram, Typhonem calorem: & quia maturatæ fruges calore ad vitam hominis colliguntur, & à terræ consortio separantur, & rursus appropinquante hieme seminantur; hanc volunt esse mortem Osiridis, cum fruges seminantur atq; in terra sepeliuntur. Inventionem verò ipsius Osiridis esse fingunt, cum satæ fruges fecunda terræ virtute rursus procreari cœperint. Pone hanc, *Physica rationes idololatRIA præterita, eademque refutata.* inquit, veram esse sacrorum istorum rationem: suppone etiam, propter fruges vota reddi numinibus; quid addis incestum? quid adulterium? quid miserandæ animaduersionis exitium? Quid hisce profanis sacris tuis, puris atque ignaris hominibus malum monstras exemplum? qui licet errantes peccent, in hoc tamen se putant religiosos esse atque deuotos. Physica ratio, quam dicis, alio genere celetur. Quid autem celari oportuit, quod omnibus notum est? Cur plangitis fruges terræ & crescentia lugetis semina? Agendæ potiùs sunt summo Deo immortales gratiæ propter hoc, nec est Dei optimi maximi lugenda largitio. Deflete potiùs quòd erratis; & quòd errorem vestrum restauratis, semper luctibus deplorate. Nolite annuis sacris quærere funus alienum: vestris potiùs funeribus per singulos annos parate solatia. O miser homo, inuenisse te nescio quid gaudes, cum animam tuam ex sacris istis per annos singulos perdas. Nihil illic inuenis, nisi simulacrum quod ipse posuisti, & nisi quod iterùm aut quæras, aut lugeas. Quære potiùs spem salutis, quære lucis exordium. quære vt apud te sit quod te summo Deo aut commendet aut reddat; & cum veram salutis viam inueneris, gaude; & tunc erecta sermonis libertate proclama: O insperatum bonum! inestimabilem thesaurum! cum à cæcis ac miseris erroribus hisce egressus fueris, & cum ab his calamitatibus, post pœnitentiam tuam, summi Dei fueris indulgentia liberatus.

C

D

Quin etiam idem Christiani nominis perfidus & implacabilis hostis Porphy-

phy-



A phyrius, ut Ægyptiorum ignominiosam insaniam excusaret, quod inter ceteros monstrosos atque ridiculos deos, simulacrum quoddam humano quidem corpore, capite verò arietino, super templorum aras solemniter adorarent, asserere non erubuit, id eos facere ut solis & lunæ coniunctionem in signo Arietis significarent; sic enim inquit: *In Elephantinopoli autem Ægyptia urbe, simulacrum colitur cerulei coloris, viri corpus, caput arietis habens. Arietis igitur caput & facies, & caprina cornua quæ habet, coniunctionem solis & lunæ in Ariete significant. Ceruleus color ei attribuitur, quia lunaris coniunctio humida est.* Hæc autem omnia Cæsariensis Eusebius litteris commendauit, asserens se è prædicto Porphyrij De præp. Euang. l. 3. cap. 3. in fine. libro desumpsisse: qui quidem in explicationis harum fabularum atque Ægyptiacæ Theologiæ mysteriorum exordio, arroganter nimis inquit: *Explicabo quibus fas est, procul abeste scelesti.* Quamobrem idem Eusebius sermonem suum de his meritò sic concludit: *Hos errores sanè nos libenter fugimus, & transfugas nos prædicare non pudet. Neque enim terrebit me arrogans illa oratio: Explicabo cui fas est, procul hinc abeste scelesti. Non enim nos scelesti sumus, qui hos errores fugimus: sed qui turpes atque obscænas has fabulas, & scarabeos, & cetera bruta & immunda animalia ad summam Theologiæ sapientiam accipiunt: qui iuxta vocem Apostolicam, cum sapientes se dicant, fatui sunt inuenti: quoniam incorruptibilis Dei gloriam, in similitudinem imaginis corruptibilis hominis, nec hominis solum, verum etiam volatilium, quadrupedum & serpentum, commutarunt.*

At minoris sanè detrimenti & criminis extitisset, si Ægyptiorum miseranda & demens superstitio hæc pedem fixisset: quandoquidem in longè magis ignominiosis atque probrosis impiæ & insanissimæ idololatriæ sese erroribus immergere, ut sequenti capite dicemus.

## CAPUT V.

*Adhuc de ignominiosa Ægyptiorum idololatria, de diuersis brutis animalibus quæ stultè adorabant, & de causis cur id facerent.*

D **H**UMANVS error, inquit diuus Ambrosius, idololatriæ causa fuit; eiusdemque euidetior ac perniciosior causa extitit error eorum, qui prauo exemplo, atque imitatione erroris sui, inscios & imprudentes populos in longè maiorum errorum prolapsionem induxerunt. Quamobrem Mercurius Trismegistus ipsa veritate coactus, liberè fassus est, proauorum suorum errorem & incredulitatem, ignominiosæ atque probrosæ idololatriæ, qua Ægypti Mercurius Trismegist. Asclepij cap. 13. populi sese immerferant, causam extitisse. Etenim multum aberrantes, inquit, circa deorum rationem increduli, & non animaduertentes ad cultum religionemque diuinam, inuenerunt artem qua deos efficerent; id est, statuas. Et cum eas animatas facere non possent, malis artibus dæmones euocantes, statuis illis eos indiderunt, ut idola illa postea benè & malè faciendi vim haberent: Secreta idolorum graphice depicta & descripta. quibus diuersa animalium genera, species atque figuras dedicantes sacrauere. Vnde contigit ab Ægyptiis hæc animalia sancta nuncupari, colique per singulas ciuitates in eis eorum animas, qui ea consecrauere viuentes: ita ut ab eorundem animalium appellatione, ciuitates ipsæ denominarentur, iisdemque legibus ac ritibus regerentur, quas illi præscribere, qui hoc vel illud animal consecrauerant. Ex quo etiam contigit, Ægypti pænè ciuitates omnes hostili odio vicissim affectas continuis se bellis laceffere, prout hoc vel illud animal,



natura inter se inimicum, colebant. Quæ Trismegisti verba, dum attenta ani-  
mi consideratione perpendo, non satis admirari mihi posse videor, quonam  
pacto fieri potuerit, ut tantus vir, cui de Dei agnitione adeò clarum lumen af-  
fulsit, quique reuera cognouit, quàm impia, stulta atque inanis res esset ido-  
latria; quem neclatuit, quantum dæmones, qui in statuis illis condebantur,  
scelesti ac nefarij essent, atque ad homines iuuandos non solum impotentes &  
inefficaces, verum potius ad nocendum procliuiores, illos nihilominus lauda-  
uerit atque probauerit, impiè asseuerans cælestes deos ( ut Ethnicè prorsus ipse  
loquitur ) rerum sublimium atque cælestium moderatione distentos, terrestria  
& humana despicere. Eadem verò idola, quæ terrestres deos ipse appellat, ami-  
ca quadam cum hominibus cognatione, eis, utpote suis fabricatoribus, auxi-  
liari; sic enim tradit: *Et ne putes, inquit, fortuitos effectus esse terrenorum deo-  
rum, ô Asclepi: dij cælestes inhabitant summa cælestia, vnusquisque ordinem quem  
accepit, complens atque custodiens. Hi verò nostri, singillatim quædam curantes, quæ-  
dam sortibus & diuinatione prædicentes, quædam prouidentes, hisque pro modo sub-  
uenientes, humanis quasi amica cognatione auxiliantur.* Hæc ille.

Idem Tris-  
megistus,  
ibid. paulò  
inferius.

Has autem impias assertiones iure subsannans diuus Augustinus, ait, Tris-  
megistum verè vnum ex his hominibus extitisse, qui cum Deum cognouissent,  
ut inquit Apostolus, non tamquam Deum glorificauerunt, aut gratias ege-  
runt; sed euauerunt in cogitationibus suis, & obscuratum est insipiens cor eo-  
rum; & dicentes se esse sapientes, stulti facti sunt. Multa enim de vno vero Deo  
mundi fabricatore, veritati sanè consentanea asserit: deinde verò, nescio quo  
pacto, quæve obscuritate & cæcitate cordis in hanc prolabitur impietatem, ut  
diis, quos fatetur ab hominibus fieri, eosdem homines subdi velit: quasi quid-  
quam sit infelicius homine illo, cui propria manuum suarum figmenta do-  
minantur. At Trismegistum ego quidem in hoc, cuipiam fortè ex recentiori-

De Ciuit.  
Dei, lib. 8.  
cap. 23.

Mercurius  
Trismegi-  
stus itatus  
rationi reli-  
gionē post-  
habebat.

bus Principibus nostris similem fuisse puto, qui priuati status sui rationi, & rei  
quæ suâ interest, omnia quantumuis sancta, iusta, atque honesta, sine con-  
scientiæ scrupulo subiici volunt. Is enim cum magnus rex esset, ut quidam tra-  
dunt, non secus ac magnus sacerdos atque philosophus erat ( vnde & Trisme-  
gisti, id est, ter maximi nomen illi inditum esse volunt ) arbitratus est forsitan  
status sui tranquillitati, & propriæ amplitudini non expedire, religionem, quæ  
communi consensu & longo populorum vsu recepta erat, immutare: non  
ignorans religionis motum, statuum quoque atque regnorum reuolutionem  
secum plerumque pertrahere.

Neque enim hoc dixisse, ab hoc instituto nostro alienum est. Diodorus  
enim Siculus atque Plutarchus tradunt, quemdam Ægypti callidum & ver-  
sutum Regem, simili status ratione permotum, cum deprehendisset Ægyptios  
natura leues, & ad res novas moliendas procliuiores esse, eosdemque ob mul-  
titudinem viribus insuperabiles atque effrænes, vbi sana mente & communi  
consilio, coniunctisque armis rem seriò gerere vellent; veritum ne contra se re-  
bellionem facerent, perpetuæ dissensionis & discordiæ occasionem, dispersa  
atque inserta per singulos eius prouinciæ populos superstitione diuersa, obtu-  
lisse. Cum enim insignioribus Ægypti vrbibus iniunxisset, ut hoc vel illud ani-  
mal naturali instinctu inter se inimicum colerent; hinc factum esse, ut dum ea  
animalia sese inuicem persequuntur, & cibi gratia expetunt, dumque singu-  
læ ciuitates sua defendunt animalia, eorumque iniurias ægrè ferunt, ac sibi il-  
latas reputant, non obseruata Regis astutia, in capitalia odia perpetuasque  
rixas incautè atque imprudenter sese implicuerint. Sanè, inquit Plutarchus,  
*soli omnium Ægyptiorum Lycopolitæ oues edunt; quia idem lycos, id est, lupus facit,*  
quem

Diuersa &  
multiplex  
Ægyptio-  
rum super-  
stitione, per-  
petuam inter  
ipsos dissen-  
sionem causa.

De Iside &  
Osiride.



**A** *quem pro deo habent*. Additque temporibus suis commotum fuisse bellum inter Cynopolitas & Oxyrynchitas; quod Cynopolitæ oxyrynchum piscem comedissent, quem ipsi Oxyrynchitæ adorabant; hi quæ è conuerso canes, quos Cynopolitæ adorabant, mactatos in victimæ morem comedissent: atque ea de causa cum graua sibi inuicem damna intulissent, grauiora etiam à Romanis perpeffos fuisse, qui ob temeritatem atque insaniam istam seuerissimè in eos animaduertent. Eiusdem discordiæ & inimiciæ, quæ inter Ægypti ciuitates & populos, propter animalium diuersitatem, quæ stultè nimis atque probrosè colebant, meminit etiam diuus Athanasius; & exempli gratia tradit, crocodilum apud quosdam adoratum, apud alios abominationi habitum: leonem autem alicubi vt numen cultum, à collimitatis non solum non coli, sed captum vt feram truculentissimam necari: piscemque à populis quibusdam pro deo habitum, ab alijs haino piscantibus capi.

In oratione  
contra ido-  
la.

**B** Ad tantam ergo cæcitatem, ad tam insanam superstitionem, propter maiorum suorum incredulitatem & impietatem, ac nefarij dæmonis versutiam, miserandi Ægypti populi tandem deuenire, vt non tantum solem, & lunam, & stellas, & elementa, atque eorundem cælestium corporum atque hominum statuas, vt superius diximus, verum etiam quadrupedia animalia, volucres, pisces, atque serpentes; & quod miserabilius etiam est, earundem quoque bestiarum statuas & imagines demum coluerint. Quamobrem non tantum cunctis populis fuere ludibrio, sed in tam immoderatum vesaniæ excessum eorum stulta superstitio denique prolapsa est, vt eius ad hanc vsque diem narratio fidem apud auditores vix inuenire posse videatur: ita vt Diodorus Siculus, Rerum antiquarum scriptor inter Græcos omnes fortasse veracior, dum hæc planè admiranda & portentosa deliramenta scripto commendaret, pudore quasi affici videretur, veritus ne dictorum suorum fides apud posteros titubaret. Et propterea ad hunc pænè modum tradit: Animantia dijs apud Ægyptios sacra, haud immeritò præter fidem videtur, quanto honore habeantur, credere. Colunt enim animalia quædam præter modum, non solum viua, sed etiam mortua: sicut feles, ichneumonas, canes, accipitres, ibides, lupos, crocodilos, & huiusmodi plura. Causas verò cur id faciant, reddere enitemur, si pauca prius circa cultum & honorem, quem ijsdem exhibebant, disseruerimus. Primum quidem singulis animantibus, quæ colunt, separatim quampiam regionem sacrant, quæ ad eorum curam & victum sufficiat. Qui verò eiusmodi animalium curam habent, magno studio in hoc onus incumbunt: alij enim carnes incisas accipitribus volantibus proijciunt, magna voce donec carnes capiant, appellantes: in cibum verò felis & ichneumonis, blandientes illis, & allicientes, panem in lacte apponunt, aut nutriunt piscibus Nili. Eodem modo & animalibus ceteris opportunum, & quem magis gratum ac suauem eis fore putant, cibum præbent.

Rerum anti-  
quarum l. i.

Admodum  
superstitio-  
sa & vana  
animalium  
apud Æ-  
gyptios ve-  
neratio.

**D** Non solum autem horum cultum palam profiteri non erubescunt; sed tamquam deorum seruitio atque honoribus mancipati, id laudi sibi atque decori ducunt. Cumque vrbes & varia loca circumeunt, eorum animalium quæ nutriunt, signa deferunt; & cum ciuitatibus quæ ea colunt appropinquant, eadem procul ostentant, quibus ciues supplicum more prostrati, ea venerantur. Cum verò aliquod eorum moritur, sindone contextum cum vlulatu pectus percutientes, sale liniunt, & cedri liquore, vnguentisque odoriferis, quò diutius corpus seruetur, vnctum in sacris locis sepeliunt. Si quis aliquod eorum animantium sponte occiderit, morte damnatur. Quod si ælurum, vel ibim auem, quam summa veneratione colunt, occiderit, siue sponte, siue casu id fecerit, omnino illi malè moriendum est: nam sine processu aliquo, nulloque expectato iudicio,



occurrente turba, vario suppliciorum genere affectus crudeliter interficitur. A  
Cuius immoderatæ feueritatis rigore ceteri perterriti, si casu contingat quem-  
piam aliquod horum animalium mortuum reperire, procul astans statim altis  
clamoribus lamentatur, obtestaturque animal illud nulla sua intercedente cul-  
pa mortuum esse.

*Occisus  
quidā Ro-  
manus cru-  
delissimè ob-  
felem, etsi  
non sponte,  
occisum.*

Testaturque idem Diodorus, superstitionem illam hominum mentes adeò  
peruasisse, eorundemque animalium cultum Ægyptiorum animis adeò in-  
fixum esse; ut quo tempore Ptolemæus Rex, Senatus Populique Romani so-  
cius & amicus declaratus fuerat, applaudentibus Ægyptijs, Italosque ad se ve-  
nientes summo studio colentibus, maximeque adnitentibus ne quam dissen-  
sionem aut belli causam præberent; tamen cum quidam Romanus felem occi-  
disset, statim ad domicilium eius concursu plebis factò, neque à diuersis prin-  
cipibus, quos Rex eò statim direxerat, neque Romanorum timore, à nece ho-  
minis absterri potuerint, quamvis non sponte bestiam occidisset. Quam rem B  
non auditu quidem, sed visu se percepisse ipse Siculus Diodorus asseuerat, cum  
eo tempore in Ægyptum nauigasset. Videbuntur hæc fortasse, subdit, indigna  
fide nonnullis, & fabulis quam vero similia: sed indigniora multò videri  
debent quæ sequuntur: Prementem aliquando Ægyptios fame, ita ut plures ob  
cibi inopiam etiam ab humana carne non abstinerent, animalia tamen sacra  
intacta reliquere. Sicubi verò canem domi mortuum reperiri contingat, singuli  
inibi habitantes totum corpus flentes atque eiulantes radunt. Et quod admi-  
ratione etiam dignius videri debet, si pro ipsorum ac propriæ familiæ vsibus  
vinum aut frumentum comparauerint, illis non amplius vtuntur: Hi verò  
Ægyptij, qui alicuius negotij occasione extra patriam profecti sunt, si ælurum  
aut accipitrem ipsis mori contingat, eodem luctu in Ægyptum sepeliendum  
deferunt, sibi etiam deficiente sæpè viatico. Ceterum quamvis facile sit, quo-  
modo apud Memphim sacer bos Apis, apud Heliopolim Mnevis, apud Mi- C  
detam hircus, crocodilus apud Myridem paludem, leo apud Leontem urbem,  
multaque alia variè colantur, referre; tamen difficile est ea apud huiusmodi re-  
rum inscios credi.

*Nutricatio  
& sepultu-  
ra animalium  
sumptuosissi-  
ma.*

Nutriuntur hæc animalia summa cura atque impensa in templorum ambi-  
tu, à viris haudquaquam contemnendis; quæ similitudine & alica, varijsque epu-  
lis lacte conditis cibant: anseres insuper tum elixos tum assos apponunt quoti-  
die: his quæ crudis vescuntur, aues captas præbent: denique magna cura ac sum-  
ptu singula sustentant. Lauant insuper aqua calida, vnguentisque optimis &  
odoriferis: lectos quoque illis sumptuosos sternunt atque ornatos. Prætereà  
femellas cuiusque generi animalium præparant speciosas, quas pellices ap-  
pellant; inque his etiam nutriendis plurimum impensæ atque operæ ponunt.  
Eorum mortem æquè ac filiorum lugent, sepeliuntque sumptuosius quam eo-  
rum facultas ferat. Post Alexandri obitum, cum Ptolemæus Lagus Ægyptum D  
teneret, Api in Memphi ex senectâ mortuo, qui illius nutriendi curam ceperat,  
pecuniam quæ in eius sumptum data erat, permagnam quidem, & insuper  
quingenta talenta argenti mutuò à Ptolemæo sumpta, in eius sepulturam  
impendit. Nostri quoque ætate, quidam qui ea animalia nutrierant, in illorum  
sepultura haud minus centum talentis contulere.

*In primis  
verò bonis  
Apis.*

Addemus, inquit, & his, quæ circa sacri tauri, quem vocant Apim, curam  
fieri percepimus. Eo mortuo magnificeque sepulto, quærunt ad id delecti sacer-  
dotes vitulum priori persimilem: atque eo inuento, populus statim luctum fi-  
nit. Sacerdotes autem, quibus ea incumbit sollicitudo, primùm in urbem Nili  
vitulum perducunt; in qua eum nutriunt diebus quadraginta: deinceps in na-  
uium



**A** uim coniectam, habitaculum aureum habentem introducentes, & ad Memphim ut deum ducentes, in Vulcani fano locant. Honoris boui impensam causam nonnulli tradunt, quod defuncti Osiridis anima in bouem transmigrasset, quæ deinceps ad posteros pergens fuerit transfusa. Alij à Typhone interfecto Osiride, ferunt Apim membra eius collecta in bouem ligneum corio bouis circumdatum coniecisse: ideoque urbem Busiridem appellatam. Multa alia de Api fabulantur, quæ longum esset singulatim referre. Hæc omnia de animalibus, quæ Ægyptij colebant, Diodorus Siculus:

At cum in bouis Apis mentionem inciderimus, condecens esse videtur, admirabilia planè, quæ Plinius de eodem scripta reliquit, hoc loco adijcere: *Bos*, Lib. 8. c. 46. inquit, *in Ægypto etiam numinis vice colitur, Apim vocant. Insigne ei, in dextro latere candicans macula, cornibus lunæ crescere incipientis: nodus sub lingua, quem cantharum appellant. Non est fas eum certos vitæ excedere annos; mersumque in sacerdotum fonte enecant, quaesituri luctu alium quem substituant. Et donec inuenerint, mærent, derasis etiam capitibus: nec tamen umquam diu queritur. Inuentus deducitur Memphim à sacerdotibus. Sunt delubra ei gemina, quæ vocant thalamos, auguria populorum. Alterum intrasse, latum est; in altero dira portendit. Responsa priuatis dat, è manu consulentium cibum capiendo. Germanici Caesaris manum auersatus est, haud multò post extincti. Ceterò secretus, cum se proripuit in cætus, incedit summotu licitorum; grexque puerorum comitatur, carmen honori eius canentium: intelligere videtur, & adorari velle. Hi greges repente lymphati, futura præcunt. Femina bos semel ei anno ostenditur, suis & ipsa insignibus, quamquam alijs: semperque eodem die & inueniri eam & extingui tradunt. Memphi est locus in Nilo, quem à figura vocant Phialam, omnibus annis ibi auream pateram argenteamque mergentes, diebus quos habet natales Apis: septem hi sunt, mirumque neminem per eos à crocodilis attingi; octauo post horam diei sextam redire belluæ feritatem. Hæc autem planè admiranda de belluino idolo illo Api Plinius scripta reliquit; quæ si veritati innituntur, consentaneum est credere, nefarii daemonis artes fuisse, quibus infelices populos illos ignominiosæ illius idololatriæ impietate obæcatos, illaque abominanda & horribili seruitute sua irretitos illaqueatosque detineret.*

Stultissimam autem superstitionem illam, quam in bouis huius adoratione Ægyptij ostenderant, irridens Lucianus, licet Ethnicus, inquit: *Apis ille qui quidem deus apud illos (Ægyptios) est maximus, si quando moriatur, quis usque adeo magni faciat caesariem suam, qui non eam detondeat, ac nudo capite luctum præ se ferat, etiam si vel purpuream Nisicomam habuerit? Est autem hic Apis, deus ex armento iam antea suffragijs designatus, utpote multò formosior ac venerabilior reliquis illis priuatis & gregariis bubus. Hæc igitur cum sic habeant, & tamen à vulgo vera seriaque credantur; mihi quidem postulare videntur, non qui reprehendat, sed vel Heraclitum potius aliquem, vel Democritum; quorum hic amentiam eorum rideat, ille deploret inscitiam.*

**D** Hæc Lucianus.

Putant quidam Israëliticum populum, quippe qui tam longa annorum serie in Ægypto nutritus & educatus fuerat, postquam ab illa seruitute liberatus esset, ac manna in deserto à Deo pasceretur, dum Moyses in monte Sina moram gereret, ut Legem à Deo acciperet, in luxum & voluptates prolapsus, cor ad Ægyptiorum idola conuertisse; istiusque bouis Apis præcipue qui Memphi, ac Mneuis qui Heliopoli colebatur, memorem, aureum vitulum sibi conflare curasse, illumque adorasse, ut Sacris litteris memoriæ proditur. Quocirca Lactantius Firmianus ait: *Isrælitæ deposita iam Ægyptiaca seruitute, iam siti fameque depulsa, in luxuriam prolapsi, ad profanos Ægyptiorum ritus animos transtulerunt. Cum enim Moyses dux eorum ascendisset in montem, atque ibi quadraginta diebus moraretur,*

De sacrificijs, To. 3.

Vitulum aureum Isrælitæ conflauerunt, memores bouis idoli Ægyptiorum.

De vera sapientia, l. 1. cap. 10.



aureum caput bouis, quem vocant Apim, quod eos praeceperet, figurarunt.

A

At Aegyptiorum malum longè tolerabilius extitisset, si eorum amentissima superstitio, in eo, ut bouem pro deo colerent, satis sibi factum putasset: sed quod teterrimum fuit, in tam profundum atque obscenum vesaniae barathrum se immerfit, ut multo magis immundis ac brutis animalibus, rebusque longè turpioribus atque ridiculis, ignominiosè ac probrosè nimis sese passim prostrauerit: Aegyptiis, inquit Philo Iudaeus, non satis est in eodem cum reliquis habere crimine: habent & aliud suum eximium: qui non solum delubra venerantur cum sacris statuis, sed etiam muta animalia in deorum numerum referunt, tauros, hircos, arietes, affingendo suas cuique fabulas. Hæc tamen habent fortasse quamdam recti speciem: profunt enim vitæ, bos arando & terram prædomando ad futuras segetes, triturando item quando fruges conduntur in horrea: aries præbendo tegmina commodissima contra

De Decalogo, quod est Iuris summarium.

Aegyptij etiam colunt crocodilos & virulentas aspidas

tempestatum iniurias, siue ardores solis nimios, siue immoderatum aeris frigus. Ceterum quod immanes crocodilos, ferocissimos leones, virulentasque aspidas pariter templis, lucis, aris, sacrificijs, fastis, pompisque honorent, quæso cuius pietatis est aut prudentiæ? In utroque elemento diuinitus concessio ad usum hominum, terras & aquas scrutati, nec inter feras leone ferocius quidquam inuenire potuerunt, nec inter aquaticas belluas crocodilo crudelius, quos adorant pro numinibus. Nec hos solum, sed & animantes alias, canes, feles, lupos, & volucris ibides & accipitres, pisces quoque, aut integros aut membratim consecrant, quæ sine risu dici non possunt. Certè hospites recenter in Aegyptum delati, priusquam assuescant eius prouinciæ vanitatibus, abhorrent ab eis usque ad tedium. Quod si qui eruditi sunt liberalius, obstupefcunt, dum vident ibi in honore res vilissimas, & his viliores cultores ipsos miserantur, animo transformatos in illas animantes bestias sub humana specie obambulantes.

B

In Euterpe, sue lib. 2.

Aegyptus, inquit Herodotus, cum sit Libya finitima, non tamen admodum bestiis abundat. quæ verò illic sunt, ea omnes pro sacris habentur, partim mansuetæ, partim immansuetæ. Eas seorsum singulas educandi curam Aegyptij atque Aegyptiæ suscipiunt, in quo honore filius patri succedit. His bestiis omnes qui in urbibus sunt, vota persolunt, supplicantes illi deo cuius illa bestia est, in hunc modum: Derasis filiorum capitibus, aut in totum, aut ex media, aut ex tertia parte, appendunt crines vna in lance, & altera tantumdem argenti; quæ pecunia, cum lancem traxerit, eam tradunt curatrici bestiarum. Illa pro hoc concisos pisces præbet bestiis escam; talis enim cibus illis apponitur. Quarum si quam quis necauerit volens, morte mulctatur: si nolens, plectitur ea mulcta, quam sacerdotes statuerint. Quisquis tamen ibim aut accipitrem necauerit, siue volens siue nolens, necessario morte afficitur. Quibuscumque autem in domibus felis mortem oppetit, earum domorum habitatores cuncti sola supercilia eradunt: totum autem corpus & caput, in quorum domibus canis moritur. Efferuntur autem feles mortuæ ad sacra tecta, ubi salitæ sepeliuntur in urbe Bubasti. Canes feminas in sua quisque urbe tumulant, sacratis in loculis. Eodem modo quo canes feminæ, canes masculi ferarum indagatores sepeliuntur: mures verò araneos, & accipitres, in urbem Butum asportant: vrsos autem qui sacri sunt, & lupos non multo vulpibus grandiores, eo loco sepeliunt, ubi iacentes inueniunt. Quibusdam Aegyptiorum crocodili sacri sunt, quibusdam non sunt, sed veluti hostes exagitant. Sacros admodum esse eos existimant, qui circa Thebas & Mærios stagnum incolunt: quorum utriusque vnum ex omnibus crocodilis alunt cicurem & edoctum manu tractari; appendentes eius auribus vel gemmas, vel ex auro fusiles in aureas, & primoribus pedibus catenam innectentes: cibaria quoque accommodata & sacra præbentes, & viuum honestissime tractantes. At ubi mortem obiit, sale conditum, sacris in urnis sepeliunt. At qui circa Elephantinam urbem incolunt, quod eos sacros esse non censeant, etiam comedunt. Arbitrantur insuper sacrum esse genus piscium, quod vocatur squamosum, atque etiam anguillam.

C

D

Quæ uni civitati pro deo sunt, alijs sunt profana.

At circa



- A At circa Thebas, subdit Herodotus, sunt sacri serpentes, nihil omnino hominibus noxij, pusillo corpore, binis præditi cornibus è summo vertice enatis, quos defunctos, in Iouis æde sepeliunt: huic enim deo sacros illos esse prædicant. Fertur ex Arabia serpentes alatos, ineunte statim vere, in Ægyptum volare, sed eis ad ingressum planitie occurrentes aues ibides non permittere, sed ipsos interimere: & ob id opus ibum magno in honore ab Ægyptiis haberi, Arabes aiunt; consentibus & ipsis Ægyptiis, idcirco se his auib. honorem exhibere. Eius auis species talis est: nigra tota vehementer est, cruribus gruinis, rostro maxima ex parte adunco. Et hæc quidem species est nigrarum quæ cum serpentibus pugnant. At earum quæ pedes humanis similes habent (nam bifarie ibides sunt) gracile caput ac totum collum, penna candida, præter caput cervicemque, & extrema alarum & natium; quæ omnia vehementer nigra sunt, crura & rostrum alteri consentanea. Hæc & alia complura, quæ singula recensere longum esset, de Ægyptiorum vesana superstitione tradit Herodotus; quam falsè irridet Anaxandrides Rhodius inter Comicos Poëtas argutissimus, carminibus hisce suis Latinitati donatis:
- B

Haud esse vobiscum queo commilito,  
Concordibus nec moribus, nec legibus,  
Per maxima intervalla differentibus.  
Bouem colis, deis ego mactō bouem.  
Tu maximum anguillam deum putas, ego  
Obsonium credidi suavisimum.  
Carnes suillas tu caues, at gaudeo  
His maximè. canem colis, quem verbero,  
Edentem ubi deprehendo fortè obsonium.

- Aquam quoque iidem Ægyptij venerabantur: unde hanc eorum insaniam irridens, vehementerque admiratus sanctus Athanasius, ait, Ægyptios etsi  
C aquam præcipua veneratione colerent, diuinitatemque in ea esse putarent, suas tamen & aliorum sordes aquis eluere, deinde verò ipsam eandem aquam cum ignominia proiicere. Parumque abesse subdit, quin omnium Ægyptiorum idola apud alios pro victimis immolentur; ita ut Ægyptij ludibrio sint; quod diis careant, ac pro diis victimas & piacula colant. Strabo Ægypti ciuitates ac regiones describens, quamnam præcipuè animalia in vnaquaque eiusdem prouinciæ vrbe colerentur, multa de his memoratu planè digna tradit: Præternauiganti, inquit, hæc ad centum stadia, vrbs est Arsinoë, quæ olim Crocodilorum vrbs dicebatur. In hac præfectura mirum in modum colitur crocodilus, & est sacer apud eos, in lacu quodam seorsum nutritus, sacerdotibus mansuetus, & Suchus vocatur. Nutritur autem pane, carne, & vino, quæ à peregrinis afferuntur, ad eiusmodi spectaculum venientibus. Hopses itaque noster, vnus ex honoratis viris, qui nobis sacra commonstrabat, ad lacum vnà veniens, placentulam, & carnem assam, & quoddam mulsi vasculum è cæna attulit. Belluam in ripa lacus inuenimus: ex sacerdotibus alij eius os aperuerunt, alius placentam ingessit, postea carnem, deinde mulsum infudit. Ille in lacum desiliens, in vltiorem partem traiecit: cumque alius hopses aduenisset, & similiter primitias attulisset, cursu lacum circumeuntes, itidem inuento crocodilo obtulerunt.

Post Arsinoiticam Heracleoticamque præfecturam est Herculis ciuitas, in qua colitur ichneumon, contra morem Arsinoitarum. Hi enim crocodilos colunt, & propterea fossam habent crocodilis plenam. Hercules verò ciuitas ichneumones, qui crocodilis & aspidibus perniciosissimi sunt: nam & earum oua delent, & ipsas bestias interficiunt luto armati, quo se inuoluerunt, & postea ad solē exsiccato, aspidēs capite vel cauda arreptas in flumen trahunt, atque occidunt. Crocodilis verò apricantibus insidiantes,

Aqua ab Ægyptiis culta.

In Orat. contra idola.

Geographiæ li. 17.

Crocodilorum superstitio confirmata à Strabone oculata ieste.



tes, in ora eorum intrant, & exesis visceribus, è ventre mortuorum egrediuntur. A  
Deinde est Cynopolitana praefectura, & canum ciuitas, in qua Anubis colitur; &  
honor & sacer quidam cibus est canibus constitutus. In vltiore regione est Oxyrynchus  
ciuitas, & praefectura eodem nomine. Hic oxyrynchus piscis colitur, & oxyrynchi  
templum est. Enimvero & ceteri Aegyptij omnes oxyrynchum piscem colunt. Nam  
quaedam animalia sunt, quae Aegyptij vniuersi colunt; vt ex terrestribus tria, bouem,  
canem, felem; ex volucris accipitrem atque ibim: ex aquatilibus duo, lepidotum  
piscem, & oxyrynchum. Sunt alia, quae quisque seorsum colit; vt Saita & Thebani  
ouem; latum vero, qui piscis quidam est in Nilo, Latopolitani; lupum Lycopolitani,  
cynocephalum Hermopolitani, cepum Babylonij qui sunt iuxta Memphim, (cepus fa-  
ciem habet satyro similem, cetera vero inter canem atque vrsam, in Aethiopia nascitur,) B  
aquilam Thebani, leonem Leontopolitani, capram & hircum Mendesij, murem ara-  
neum Athribite, alij aliud. Hæc ille. Quamobrem iure optimo Sedulius Chri-  
stianus Poëta, populorum illorum infelicissimam insaniam miseratus, qui  
Creatori suo terga vertentes, in tam cæcam ac tenebrosam errorum abyssum,  
stolidissimæque impietatis barathrum, curante dæmone sese præcipitarant, eo-  
rum perpetuum exitium deplorandum hisce carminibus deflet:

Operis Pa-  
schalis li. 1.

Heu miseri, qui sana colunt, qui corde sinistro  
Religiosa sibi sculpunt simulacra, suumque  
Factorem fugiunt, & quæ fecere verentur.  
Quis furor est, quæ tanta animos dementia ludit,  
Vt volucrem, turpemque bouem, tortumque draconem,  
Semihominemque canem supplex homo pronus adoret?

Allium  
tandem &  
cepas A-  
gyptij ve-  
nerati.  
Natural.  
hist. lib. 19.  
cap. 6.

At longè etiam vltius priscorum Aegyptiorum ridicula superstitio progressa  
est. Non enim satis sibi fecisse putantes, vt bestias & animalia adorarent, vt su-  
perius ostendimus, allium tandem (quis credat?) & cepas venerati sunt; tan-  
taque veneratione, vt per hæc religiosè iurarent. Vnde Plinius: *Allium cepasque* C  
*inter deos in iureiurando habet Aegyptus.* Et Marcus Minutius Felix in suo Octa-  
uio idem innuens, ait: *Idem Aegyptij cum plerisque vobis, non magis ffidem,*  
*quàm cepearum acrimonias metuunt.* Vnde & Iuuenalis dementissimam hanc, &  
super omnem fidem stolidam insaniam irridens, & falsè carpens, ait:

Satyra 15.

Quis nescit, Volusi Bithynice, qualia demens  
Aegyptus portenta colat? crocodilon adorat.  
Porrum & cepe nefas violare, & frangere morsu.  
O sanctas gentes, quibus hæc nascuntur in hortis  
Numina! —

Sedulius  
quoque,  
quem  
superius  
citauimus,  
facetè  
admodum  
atque  
iocosè  
hanc  
ipsam  
Aegyptio-  
rum  
vesaniam  
irridens,  
ait, Aegyptios,  
ceterosque,  
qui  
herbas  
adorabant,  
dum  
exarescentia  
idola  
sua  
in  
hortis  
rigabant,  
transplan-  
tato-  
rum  
deorum  
cultores  
videri;  
sicenim  
tradit:

Operis Pa-  
schalis, li. 1.

Nonnulli venerantur olus, mollesque per hortos  
Numina sicca rigant, Verique hac arte videntur  
Transplantatorum cultores esse deorum.

De Iside &  
Osiride.

Verùm Plutarchus, vt hanc Aegyptiorum dementissimam planè socordiam  
aliqua ex parte excusaret, asserit illos cepas venerari solitos, propterea quòd  
Dictys Isidis alumnus, dum cepas quasdam fluminis ripa enatas auidè capta-  
ret, in eundem fluuium decidit, & periit. Sed Aegyptiacos sacerdotes auersari  
cepas tradit, quia hæc sola planta, luna decrecente viget & augefcit, & quia  
ceparum vsus, neque castimoniam exercentibus cominodus est, neque dies  
festos celebrantibus: alteris quia sitim creat, alteris verò quia lacrymas elicit.

At



A At quisnam admirari velit, vel sibi scrupulum iniicere, Ægyptios allium, porrum, & cepas adorare solitos, quando veneratione etiam profecuti sunt, ac diuinitatem aliquam etiam inesse crediderunt in eo, quod sine verecundia ac rubore scribi non potest, id est crepitu, quem edit ventus per humani corporis pudenda expressus? Ridebit hinc forsitan Lector: verum si hoc valde suffitorum nasum offendet, grauissimos Scriptores illos incusent, qui id apertissime testati sunt, quibus fides omnino habenda est. Licet Lactantius Firmianus, ut se modestissimum ac bene morigeratum ostenderet, id ipsum aperte exprimere noluerit, sed tantum innuerit, his verbis: *Num peius nos destruimus religiones, quam natio Ægyptiorum, qui turpissimas bestiarum ac pecudum figuras colunt? quædam etiam pudenda dictu, tamquam deos adorant?* Quin (pudor) etiam crepitus ventris apud Ægyptios deus.

B At Marcus Minutius Felix in suo Octauio, ut Gentilium facies rubore suffunderet, qui Christianos falso calumniabantur, quod asininum caput adorarent, illis hanc Ægyptiorum ignominiosam superstitionem obiecit, quibus ipsi tamen multo magis quam Christiani adhærebant; inquit: *Idem Ægyptij cum plerisque vobis, non magis fidei quam ceparum acrimonias metuunt: nec Serapidem magis quam strepitus per pudenda corporis expressos extimescunt.* Idem etiam tradit Origenes, contra Celsum scribens: *Taceo, inquit, nunc eos Ægyptios, qui venerantur ventris crepitus; ad quorum imitationem, si quis philosophetur seruando ritus patrios, ridiculus Philosophus erit, faciens quæ Philosophum non decent.* Id ipsum diuus quoque Hieronymus ad posterorum memoriam litteris commendauit, affirmans, hanc Pelusiacorum ciuium præcipuam superstitionem extitisse; quam urbem recentiores nunc Damiatam vocant: *Vt taceam, inquit, de formidoloso & horribili cepe, & crepitu ventris inflati, quæ Pelusiaca religio est.* De Iustitia lib. 1. c. 20. Contra Celsum lib. 5. In Isaiam cap. 46.

C Verum cum iam satis prolixè de Ægyptiorum ignominiosa atque stultissima superstitione differuerimus, reliquum nunc est, ut pauca quædam breuiter attingamus circa causas ac rationes, quibus inducti, ea animalia & bestias quas retulimus, adorauerint. Et quamquam mihi persuasum sit, illud firmiter teneri posse, quod Mercurius Trismegistus innuit, ut superius diximus; nihilominus nonnisi condecens erit, ceterorum quoque veterum auctorum in hoc audire sententiam. Diodorus Siculus tradit, Ægyptios huius rei tres causas reddere, quarum primam omnino fabulosam esse dicit & antiquorum simplicitate dignam. Aiunt enim, primos deos, cum pauci numero essent, viribusque populo impares, impietatem verò hominum timerent, similes se quibusdam animalibus finxisse, eoque modo crudelitatem vimque hominum effugisse. Parto autem deinceps Orbis Imperio, ut redderetur animalibus gratia, quæ illis salutis causam præbuisent, consecrasse illa, quorum formam sumpsissent; ostendisseque hominibus, quo pacto & viuam nutrienda essent, & mortua sepelienda. Ridicula & inanes superstitiones Ægyptiorum rationes. Rerum antiquarum lib. 1.

D Quam stultissimam rationem irridens Lucianus, ridiculamque grauitatem & sapientiam quam Ægyptiorum sacerdotes ostentabant, iocosè carpens, ait: *Si in Ægyptum profisciscaris, permulta ibi videbis religiosa, planeque celo digna; puta Jouem arietino vultu, Mercurium illum optimum facie canina, Panem verò totum hircum: ad hæc, alium ibim, alium crocodilum, alium etiam simiam. Quod si horum quoque causas ut pernosce queas, didicisse libebit, complures Sophistas audies, tum scribas, ac prophetas mentoraso, qui tibi narrent (sed prius, ut dici solet, fores occlude profane) quemadmodum videlicet quondam ea seditione territi, quam mouerant hostes atque gigantes, in Ægyptum profugerint, ut illic in posterum tuti ab hostibus latitarent: & ob eam causam alius hircum induerit, alius arietem; nimirum præ formidine alius feram, alius auem. Atque hinc esse, ut dii nunc etiam eas obtineant formas, quas*



quas id temporis assumpserant. Nam hæc diligenter mandata litteris, idque ante annos A  
plus decies mille, in adytis templorum suorum reposita, magna veneratione asseruantur.

Rerum an-  
tiq. lib. 1.

Secundam autem huius rei causam esse ferunt, subdit idem Diodorus Sicu-  
lus, quod veteres Ægyptij, apud quos nulla erat militaris disciplina, cum à vi-  
cinis sæpius bello superarentur, excogitauerunt aliqua insignia siue vexilla de-  
ferre, quæ milites sequerentur. Figuras igitur animalium quæ nunc colunt, in  
tabulas pictas Duces eorum in bello tulere; eaque ex re cognito atque obserua-  
to, sub quo quisque ordine & insigni militaret in prælio, victores euasisse tra-  
dunt. Igitur iustum æquumque eis visum esse, gratiam his animalibus tam-  
quam victoriæ auctoribus reddi: ob eamque rem statutum, nefas esse quod-  
piam eorum, quorum imago in aciem delata fuerat, occidi; sed potius coli,  
honoreque affici debere. Tertiam autem causam vtilitati adscribunt, quam  
animalia hominum victui afferunt. Nam bos femella & alios parit qui terram  
arant, & ipsa haud inutilis est ad arandum. Oves bis edunt fœtus, lanamque B  
præbent qua vestimur. Canis tum venationi, tum ad custodiam prodest. Fe-  
les verò ad mures, ceteraque parua atque infesta animalia è domibus expellen-  
da, plurimùm conferunt. Ichneumon crocodilos obseruans, oua eorum con-  
terit; qua diligentia contingit, ne illarum multitudine bestiarum Nilus reple-  
tus, nauigationi sit inidoneus; quin & ipsos quoque crocodilos occidunt. Ibi-  
des serpentes atque locustas abigunt. Accipitres verò scorpiones cerasasque, &  
cetera animalia, quæ morfu venenato hominibus officiunt, perimunt. Quidam  
autem ob eam causam honorem haberi accipitri putant, quod his vtantur au-  
gures in futurorum prædictione: alij autumant accipitres in Ægypto venerari  
solitos propterea quod vnus ex eis, priscis temporibus, librum puniceis inscri-  
ptum litteris, in quo continebatur, qui cultus diis qui que honor deberetur, The-  
bas ad sacerdotes detulisse fertur: quapropter sacrarum litterarum scriptores,  
& puniceum pileum, & accipitris alam in capite gestant. Thebani venerantur C  
aquilam, tum quia regia videtur auis, tum loue digna. Hircum verò deifica-  
runt, non secus ac Græci Priapum, propter eam corporis partem, à qua sit ho-  
minum ortus. Sicque de ceteris omnibus animalibus, quæ Ægyptij veneran-  
tur, pergit Diodorus Sículus quasdam commentitias futesque rationes redde-  
re, quas ab eisdem Ægyptiis se percepisse ostendit; quasque Cæsariensis Eu-  
sebius, in suo de Præparatione Evangelica Tractatu etiam refert.

De præpa-  
rat. Euang.  
lib. 2. c. 1.

De Iside &  
Osiride.  
Rationes  
paulo sub-  
limiores  
eiusdem  
idololatria.

Verum Plutarchus huius Ægyptiacæ superstitionis quasdam sublimiores,  
ac mysticas causas prodere nititur, asserens, Ægyptios aspidem, & felem, &  
scarabeum venerari solitos, quia animalia hæc quasdam obscuras imagines di-  
uinæ potentiae repræsentant, non secus ac in aquæ stillis, solis simulacra quan-  
doque conspici solent: *Crocodilus* certè, inquit, *cultus sui probabili causa minimè*  
*destituitur: solus enim animalium elinguis est; quæ naturæ proprietates ipsi Deo refertur,*  
*nimirum quia voce Numen nihil indiget; sed per iter iustitiæ incedens, sine strepitu res* D  
*humanas iuste temperat & gubernat. Aiunt huic soli animali, dum in aquis versa-*  
*tur, oculos contegi à membrana tenui ac pellucida, quæ à fronte descendat, ita vt vi-*  
*dens, non videatur ipse; quæ in re principi Deo quodammodo respondet.*

In Orat.  
contra ido-  
la.

At diuus Athanasius non tam admirari se ostendit, Ægyptios animalia &  
bestias stultè adorasse, quàm quod vesano animi motu excogitauerint, ac sibi  
formauerint statuas & simulacra semihominum atque bestiarum, semiuolu-  
crum, semiserpentum, ac semianimalium; quodque hæc, quæ nullo pacto  
esse possunt, pro diis sibi constituerint, ac peruersè adorarint. Sic enim inquit:  
*Tantopere quidam mente prolapsi sunt, tantisque tenebris animum suum inuoluerunt, vt*  
*quæ nequaquam vlla ratione esse poterant, aut vquam conspecta essent, ea excogitaue-*  
*runt,*



Arint, & numina fecerint : quippe qui bruta rationabiliaque animalia inuicem permiscentes, & in vnam speciem contrahentes, pro diis colant : quales sunt apud Aegyptios canicipites, serpenticipites, asinicipites, & in Libya Iupiter Ammon veruecino capite configuratus.

At Diodorus Siculus, perinde ac si præscius fuisset huius insimulationis, qua venerabilis Ægyptiorum Theologia, vel potius solemnitas infania, à Christianæ religionis sacris Doctoribus iustissimè inculanda atque carpenda erat, asserit, hos quinque deos, Iouem nempe, Solem, Mercurium, Apollinem, & Panem, omnem terram peragraré solitos, apparentes hominibus in sacrorum animalium formis, quandoque autem in hominum aut aliorum specie. addens id haudquaquam fabulosum videri, quandoquidem isti sunt, inquit, qui omnia generant & producant. Testaturque, Homerum, qui ad Ægyptios quandoque profectus est, & multa ab eorum sacerdotibus percepit, hæc tamquam vera in opere suo descripsisse : deos nimirum sæpius in alienis formis circumire vrbes, vitia & virtutes hominum inspicientes.

Sed impius Porphyrius hac Diodori Siculi responsione non contentus, quam Christianis planè ridiculam, & profanæ religioni suæ turpissimam futuram sciebat, aliam excogitauit, quam altiore quidem ac sublimiore censuit, sed scelestiorem profectò, ac prorsus impuram. Nam in profano illo suo de abstinentiis à carnibus animalium libro, asseruit, Ægyptios Philosophos, cum per Theologiam ad Dei agnitionem peruenissent, cognouisse, Deum non solum hominibus, sed etiam bestiis se ipsum communicasse, animaliaque eandem cum hominibus animam obtinere : ideoque eosdem Ægyptios non tantum homines quosdam, verum etiam quasdam bestias, quosdamque serpentes & volucres in deorum numerum recepisse. Atque hinc fuisse tradit, quòd alius apud eos deus hominis collum, faciem alius, aliusque membrum aliud gerat : & rursus, alius caput hominis, collum auis, ceteraque membra diuersorum animalium conformia possideat. Quibus significant, deorum sententia, animalia complura, cum inter se, tum maximè nobiscum viuere. Aquam verò atque ignem ab eisdem Ægyptijs apprimè venerari tradit, & in omnibus eorum sacris adhiberi, quia maxima salutis humanæ causa hæc elementa sunt. Quare ad hunc vsque diem, inquit, cum sanctissimum Serapidis templum aperitur, vniversus cultus igne atque aqua peragitur : sicque permultas alias suas futes rationes, vel potius sophisticas chimæras addere pergit, in eoquetotus incumbit, vt ostendat, quòd cum irrationabilium animalium atque ipsorum hominum anima vnus & eiusdem substantiæ existat, non iniuria Ægyptij animalia in deorum numerum susceperunt. Cui vesanæ prorsus ac falsissimæ opinioni respondet Eusebius Cæsariensis, dicens : Si Ægyptij stultissimam opinionem illam imbiberant, animalia nimirum animam eiusdem substantiæ cum hominibus obtinuisse, satis sibi factum putasse debuerant, humanos honores eis tribuere. Verum Dei nomen & gloriam feris, quas natura rationis expertes creat, & quas homines appellare non dignamur, attribuisse, id sanè non ridere, sed flere potius debemus, infelicissimos populos illos commiserati, qui tantæ cecitatis tenebris miserrimè obruebantur, gratiasque bonorum omnium largitori Christo Domino reddemus, qui nos à vetustissima cecitate ista per Euangelicam doctrinam suam liberauit.

At de Ægyptiorum stolidæ Theologia, deque illorum ignominiosa atque probrosa idololatria, satis superque tandem dixisse sufficiat. Quòd si fortè contingat de miserandis idololatrijs, quas enarrauimus, lectionem cuiuspiam pio Lectori tædium attulisse, id duabus vberimis vtilitatibus largè compensari posse arbitramur. Quarum altera lumen est ex his proueniens, quo ea, quæ in-

Rerum antiquarum lib. 1.

Excusata idololatria à Porphyrio, etiam turpius quæ ab alijs.

De præparat. Euang. lib. 3. cap. 2.



feriùs dicturi sumus, apertiora fient: altera verò erit pia mentis consideratio, A  
quam ex eisdem assequemur; vt expendamus, quantum Deo optimo maximo  
deuincti simus nos, quos non in maledictionis, & errorum ac tenebrarum  
Ægypti, sed in tantæ lucis veritatis & gratiæ tempore, non meritis quidem no-  
stris id exigentibus, sed sola benignitatis & misericordiæ suæ dignatione nasci  
voluit. Cuius sanctum & gloriosum nomen à nobis, & à cunctis creaturis eius  
benedicatur, laudetur, & glorificetur in sæcula sæculorum, Amen.

## CAPVT VI.

*De sancta Crucis symbolis, figuris, & significationibus; ac de redem-  
ptionis nostræ mysteriis, quæ in Aegyptiorum idolis, alijsq; eorum  
hieroglyphicis (licet non indubitata & certa sint) pro fructuosota- B  
men exercitio nostro inuestigare ac speculari possumus.*

*Historia  
Abraham  
Gen. 18.  
plena my-  
sterijs in-  
carnationis  
Christi &  
Crucis:*

**A**PPARUIT Deus Abrahamo in valle Mambre, dum in maiori æstus  
feruore sub quercu in vmbra sederet. In qua admirabili apparitione, sub  
mysticarum figurarum velo, altissimorum mysteriorum arcanum ei præsigna-  
tum ac reuelatum fuit: quæ omnia, suo quoque præfinito postea ac præordi-  
nato tempore, mundo palàm atque apertè manifestata sunt. In eo enim quòd  
Deus se ipsum ei conspiciendum præbuit in trium hominum forma atque per-  
sonis, in quibus ille vnum solum adorauit, sanctissimæ Triadis mysterium ei  
reuelatum est. In ea autem quæ sibi de filio facta est promissione, & quòd in  
semine eius benedicendæ essent omnes gentes, æterni Verbi vnigenitiq; Dei  
Filij Christi Domini nostri proculdubio ei reuelata est incarnatio; qui secun-  
dum carnem ex semine eius nasciturus, cunctis gentibus salutem attulit. In te- C  
nero verò ac saginato vitulo, quem idem Abraham pro trium virorum illorum  
refocillatione mensæ apposuit sub quercu, eiusdem Christi Domini Crucis,  
passionis, & mortis mysterium ipsi reuelatum fuit: is enim in Crucis arbore  
pro hominum restauratione & salute oblatus, occisus atque absumptus est.

*Quæ absco-  
dita fuere  
vsque ad  
Christi  
ipsius ad-  
uentum:*

Quæ quidem mysteria, quemadmodum sub arcani sigillo, & sub earum fi-  
gurarum vmbra, quas superius diximus, Abrahamo primitus reuelata fuere: sic  
etiam apud paucos quosdam è posteris eius Patriarchas & Prophetas, sub figu-  
rarum vmbreis pariter secreta atque occulta permansere; donec beata temporis  
superueniente plenitudine, infinitæ Dei optimi maximi bonitati & misericor-  
diæ placuit, vt effectibus cunctis creaturis visibilibus & inuisibilibus admiran-  
dis, nobisque semper felicibus, panderentur. Quamobrem, in symbolum &  
significationem altissimi arcani, sub quo diuina mysteria vsque ad Christi Do-  
mini aduentum tegenda erant, abscondit Abraham sub feruidis cineribus con-  
spersionem trium satorum illorum similæ, vt sub cinericiis faceret; tribus post-  
ea viris illis in cibum appositas, quas Græci ἐνταφιάς appellant, à verbo ἐνταφιά-  
ζειν, quod abscondere significat, quia sub cineribus abscondebantur. Quamob-  
D  
rem diuus Ambrosius in hanc sententiam inquit: *Abscondita teneamus mysteria,  
sicut tenuit Abraham, qui sub cinericiis fecit. Tenuerunt & Patres, qui coxere consper-  
sum quod extulerant ab Aegypto, sub cinericiis facientes azyma, quæ Græcè ἐνταφιάς di-  
cuntur, eò quòd absconduntur in cinere.*

*De Abel &  
Cain, lib. 1.  
cap. 9.*

Quin etiam mysteria prædicta in veteri Testamento, sub eisdem & alijs quæ  
in eo continentur figuris, adeò profundè abscondita perstiterunt, vt sedula  
animaduersione id perpendens Isaias ipse Propheta, cum ex eisdem conijceret,  
Deum



A Deum quodam admirabili atque ineffabili modo humanum genus seruandum statuisse; neque per semetipsum, quoniam pacto id fieri deberet, satis intelligere aut clarè percipere posset, exclamauit: *Verè tu es Deus absconditus, Deus Israël Saluator*. Neque enim reuerà in hoc est quòd miremur, cum nec Angeli ipsi, nec alia creata potestas, vt diuus testatur Athanasius, hoc planè admirandum mysterium cognouerit; Deum videlicet in terris humanam carnem assumpturum esse: Nullus, inquit, *neque Angelus, nec alia creata potestas cognouit hoc mysterium, & dispensationem istam, quòd in terra Deus carnem assumpturus esset.* Quest. 130.

Vnde quemadmodum incarnationis, Crucis, passionis, & mortis Christi mysteria, non pro Hebræorum tantum, sed pro Gentilium quoque salute celebranda erant; sic diuina permisit maiestas, vt ipsis quoque innuerentur ac præsignarentur: &, vt quemadmodum eadem mysteria in populo Israëlítico abdebantur & custodiebantur sub figurarum velo & umbris, quæ Sacris in paginis continentur; sic in Gentium populis, præsertim verò in Ægyptiaco, admirabiliter forsitan etiam permisit, vt in eorum inanis ac falsæ religionis simulacris, hieroglyphicis & symbolis abderentur & occultarentur, donec tempus aduenisset, in quo imperscrutabili consilio statuerat, vt per sanctos Apostolos ceterosque Euangelicos prædicatores palàm atque apertè panderentur ac reuelarentur. Quod etiam Prudentius Christianus ac pius Poëta clarè innuit, Ethnicis infidelibus respondens, qui Christianos irridebant, in eoque offendeabantur quòd Crucem adorarent, quasi is probrosæ ac nouæ religionis ritus esset, inquiens:

*Crux ista Christi, quam nouellam dicitis,  
Nascente mundo, factus vt primum est homo,  
Expressa signis, expedita est litteris:  
Aduentus eius mille per miracula  
Prænuntiatus ore Vatum consono.*

Peri Stephanon in  
passione  
sancti Romanian mart.

C *Reges, Propheta, Iudices, & Principes,  
Virtute, bellis, cultibus, sacris, stilo,  
Formam Crucis non destiterunt pingere:  
Crux prænotata, Crux adumbrata est prius,  
Crucem vetusta combiberunt secula.  
Tandem reuocatis vocibus prophetis,  
Aetate nostra comprobata antiquitas,  
Coràm refulsit ore conspicabili,  
Ne fluctuaret veritas dubia fide,  
Si non pateret teste visu cominus.*

Quamobrem Doctor Gentium Paulus inquit: *Mysterium, quod absconditum* Coloss. 1.  
*fuit à sæculis & generationibus, nunc autem manifestatum est sanctis eius, quibus voluit Deus notas facere diuitias gloriæ sacramenti huius in Gentibus.* Quæ verba sanctus Ambrosius declarans, ait: *Mysterium quod latuit à sæculis, modò reuelatum* In Epist. ad Coloss.  
*asserit; id est, tempore Apostolorum ostensum; quia & Gentes admittendæ essent sine circumcissione carnis ad fidem.* Theophylactus quoque eadem Apostoli verba exponens, inquit: *Deus enim omnia diuina prouidentia faciens, & hoc fecit iuxta dispensationem omnino, vt hodie reuelaretur mysterium, quando homines hoc maxime accepturi erant.* In Epist. ad Coloss. c. 1.  
*Proinde vani sunt, qui hinc offenduntur, eò quòd Filius in nouissimis temporibus dicatur nos adducere & reconciliare.*

Neque cuiquam fieri non posse, aut incongruum videri debet, Deum optimum maximum voluisse, vt in impiorum idolorum simulacris redemptionis nostræ symbola & figuræ reperirentur. Etenim ipsius bonitas & misericordia,



populi Gentilium salutis adeò omni tempore sese auidam ostendit, diuinum- A  
 que fauorem suum ad hunc effectum tam liberaliter ac munificè illis semper  
 impertita est, quò tandem adiuti ex obscura errorum abyssò emerfi, Creatorem  
 suum agnoscerent & adorarent; vt etiam in scelestissimæ idololatriæ instru-  
 mentis, & quod maioris ponderis est, quodque horribile dictu & cogitatu  
 quodammodò videtur, in ipsis idolorum statuis, in quibus maledicti dæmo-  
 nes habitabant, sanctæ Crucis imagines atque figuras esse permisit. Ad hoc for-  
 sitan, vt ibi abundaret gratia, vbi superabundauit peccatum: & vt diabolus,  
 cùm in ijsdem instrumentis & artificijs, quibus Gentiles in damnationis bara-  
 thrum semper immerfos detinere posse sperabat, illorum redemptionis sym-  
 bola atque figuras insculptas tandem animaduerneret, prorsus confusus, victus,  
 & pudefactus, in sua iniquitate tabesceret: non secus ac tunc cùm Balac Moa-  
 bitarum Rex populum Dei per Balaam maledicere eniteretur. licet enim id  
 per profana sacrificia & artem magicam procuraret; ipse tamen benignus & B  
 misericors Deus præsens adesse non dedignatus est, non impijs quidem sacrifi-  
 cijs illis, sed talia ibi verba in magi illius ore posuit, vt pro maledictione bene-  
 dictionem in Israëlitas effuderit. De quo Origenes: *Res quidem profanis sacrificijs*  
*gerebatur, & diuinitas magica arte requirebatur. Volens tamen Deus ibi abundare gra-*  
*tiam, vbi superabundauit peccatum, adesse dignatur; nec refugit ab iis quæ non secun-*  
*dum Israëliticam disciplinam, sed secundum Gentilium gerebantur errorem.*

*Sicut avio-  
 lo Balaam,  
 ita & hie-  
 roglyphicis  
 forsitan v-  
 susest Deus.*  
 De prophe-  
 tia Balaam,  
 ex Num.  
 cap. 23. Ho-  
 mil. 16.

Huiusmodi autem imagini-  
 bus atque figuris referta ac pas-  
 sim insculpta sunt Ægyptiaca-  
 rum antiquitatum fragmenta  
 quæ Romæ extant, non in publi-  
 cis locis tantum posita, sed in  
 priuatis quoque nobilium viro-  
 rum domibus, quos res antiqua-  
 ria delectat. Et sanè quidem my-  
 sterij huius admirabile planè &  
 luculentissimū exemplum præ-  
 bet singularissimum ac peran-  
 tiquum Ægyptiaci idoli simu-  
 lacrum quoddam, quod inter  
 antiquitatum mearum monu-  
 menta domi habeo; cuius ty-  
 pum fideliter delineatum in  
 priorum Lectorum gratiam hoc  
 loco imprimendum duxi.

*Idoli Æ-  
 gyptiaci li-  
 teram T  
 Crucis fi-  
 guram dex-  
 trâ gestantis  
 singulare  
 exemplar.*

Est autem hoc rarissimum si-  
 mulacrum ex lapide quodam  
 veneti, subobscuri & fusci colo-  
 ris, albicantibus quibusdam vn-



dequaque aspersum maculis (quem lapidem antiquariæ artis periti Ægyptia-  
 cam silicem appellant) porphyretici marimoris duritiem & soliditatem coæ-  
 quans, vel fortasse etiam superans: estque quinque palmorum vel circiter alti-  
 tudinis. Quod apud me pretiosissimæ gemmæ instar in æstimatione est, pro-  
 pter raritatem & antiquitatem eius, cùm simile huic in toto Christiano orbe  
 reperiri haud putem. Verùm enimuerò illud etiam longè pluris facio, ob sacra-  
 tissimum admirandumque mysterium, quod referre ac repræsentare videtur  
 posse.

C

D



- A posse. Dextera enim manu gestat litteram T, quæ non symbolum aut figura tantum, sed etiam propria atque expressa Crucis imago est, ut superius abundè ostendimus. Sinistra autem volumen quoddam stringit, & in eo corporis actu perstare videtur, ut brachiis manibusque compressis, omni studio atque conatu, id quod manu gestat, cautè custodire & celare nitatur. Perinde ac si fortasse innuere vellet, sanctæ Crucis mysterium, ceteraque sacramenta ad humani generis redemptionem spectantia, quæ Sacris voluminibus continentur, usque ad tempus à Deo optimo maximo statutum ac præordinatum, occulta atque celata esse debuisset. Cuius considerationis illa fortasse fuit diui Ambrosij sententia, dicentis: *Latere debet omne mysterium, & quasi operiri fidei silentio, ne profanis temerè divulgetur auribus.* Quod & forsitan idem ipse Dominus noster innuere voluit, cum asseruit regnum cælorum simile esse fermento, quod mulier illa abscondit in farinæ satis tribus, donec fermentatum esset totum. Quem
- B sensum verbis prædictis idem Ambrosius tribuere videtur, ubi inquit: *Significantes per fermentum illud, quod abscondit mulier illa Evangelica in farinæ mensuris tribus, donec fermentatum est totum, mysteriorum quoque premendam esse doctrinam.*

De Abraham, lib. 1. cap. 5.

De Abel & Cain, lib. 1. cap. 9.

- Fatur pertinatissimus idololatriæ defensor Porphyrius, impossibile esse, talem Dei imaginem fingi, qualem Orphei Theologia describit, asserens Deum spiritum & intellectum quemdam inuisibilem esse, à quo vniuersa producuntur, & qui cuncta creat intelligendò; veteres tamen, hominis ei constituisse simulacrum, quoniam mens est, quæ cuncta seminali ratione producit. Cui Eusebius Cæsariensis prudenter respondens, ait: *Si impossibile est mundi & spatij eius, celi, aeris, terræ, ceterorumque huiusmodi quæ Deus in se continet, imaginem effingere, ut Orphei theologica carmina describere; quomodo diuinæ mentis effigiem fabricare potuerunt? Quodnam quæso corpus diuini intellectus similitudinem habere poterit, cum cõstet nec humana quidem mentis imaginem habere posse? Humana enim mens incorporea est & simplex; omne autem corpus corruptibile atque compositum. Quamobrem iure rationalis & immortalis anima imaginem & similitudinem Dei habere dicitur: immaterialis enim & incorporea, intellectualis, rationalisque per essentiam est, virtutis & sapientiæ capax. Si igitur humana anima atque mentis formam & effigiem fingere impossibile est, quoniam nec sensu percipitur; quis adeò stultus erit, ut Dei vniuersorum creatoris simulacrum aut imaginem haberi posse arbitretur? Diuina enim natura omnem materiam, & omnia quæ percipimus excedit, mente tantummodò ac sanctis animis intellecta.*
- C

De præparat. Euang. lib. 3. c. 3.

- Post hæc autem idem Porphyrius deorum Ægyptiorum symbola exponens, tradit, vniuersorum Creatorem ab iisdem vocari *Eneph*, cuius imaginem in hominis forma effingere consueuerant, colore cæruleo, zonam tenentem & sceptrum: cuius in capite pennam ponere solebant, ut significarent, Creatorem inuentu esse difficilem, & nemini visibilem, eundemque esse viuificum, & Regem, atque intelligibili motu circularem. *Hic deus*, subdit ille, *ab ore suo ouum produxit, à quo natus est deus, quem Ægyptij Ptha, Græci autem Vulcanum appellant. Id ouum verò mundum significat.* Hæc ille. Quæ omnia idem Cæsariensis Eusebius fusiùs prosequitur, ad quem Lectorem remittimus.
- D

Hieroglyphica imago Creatoris vniuersorum.

Euseb. Cæsariensis. ibid. paulò inf.

Hæc autem vniuersorum Creatoris symbolica imago, à Porphyrio descripta, admirabili planè mysterio, reconditis symbolis, abstrusisque significationibus artificiosè admodum cælata conspicitur in peruetusta illa hieroglyphica ænea tabula quondam ornatissimi ac celeberrimi Cardinalis Bembi; quæ cum hereditatis eius vniuersitate ad Torquatium Bembum delata, tandem in serenissimi Mantuæ Ducis potestatem deuenit, ut superius dictum est. Quæ eum symbolis, hieroglyphicis, atque mysteriis sit refertissima, quæ ad sanctissimæ reli-



gionis nostræ institutum nonnihil facere videantur, ab Ænea Vico Parmensi A  
delineata, ære incisa, Venetiis impressa est anno salutis nostræ quingentesimo  
quingagesimo nono supra millesimum, Imperatoriq̃ Ferdinando Austria-  
co cum hac inscriptione dicata:

VETVSTISSIMAE TABVLAE AENEAE  
HIEROGLYPHICIS, HOC EST SACRIS, AEGYPTIORVM LITTERIS  
CAELATAE TYPVS.

QVEM EX TORQVATI BEMBI MVSEO, PVBLICAE VTILITATIS ERGO,  
IMPERATORI CAESARI FERDINANDO P. F. PERPETVO AVGVSTO,  
GERMANICO, PANN. BOEM. CROATICO, ILLYR. REL. ETC.  
OPTIMO PRINCIPI.

AENEAS VICVS PARMENSIS PVBLICAVIT DICAUITQVE  
ANN. SAL. HVM. GEN. M. D. LIX.

Quæ quidem tabula à Laurentio Pingorio Patauino, qui eandem interpre-  
tandi prouinciam suscepit, Tabula Isiaca nuncupatur; meritoq̃ ab omnibus  
eruditis viris, ac rei antiquariæ studiosis, summo in pretio habetur. Quamob-  
rem Ioannes Goropius Becanus in operibus suis, ac præsertim in suo de Hiero-  
glyphicis tractatu, meritò, *incomparabile sacrosanctæ antiquitatis monumentum, &*  
*omnium antiquitatum Reginam*, illam appellauit. Cuius ego magna animi delecta-  
tione typum vnum domi meæ veneranter asseruo: in quo imago, de qua agi-  
mus, duobus modis cælata conspicitur; vt ex ipsius germana graphide, quam  
post pauca hîc subiiciemus, videre licebit. At quia simulacrorum atque ima-  
ginum idolorum prospectus in Christiano libro, in quo tanti ponderis ac sa-  
crosancta materia pertractatur, piis Lectoribus tædium vel scrupulum forsitan  
iniiciet, & quod pluris est, prima facie fortasse placere non poterit, vt Ægyptio-  
rum idolorum hieroglyphica ad sanctæ Crucis Christi symbola & figuras per-  
trahantur & applicentur, quasi sanctæ Ecclesiæ candorem Gentilium sordibus,  
sacrosancta que Crucis ac passionis Domini mysteria idololatriæ fœditatibus  
polluere velimus: hinc est, quòd enixè exoptantes nos cunctis bonis pro viri-  
bus satisfacere, omnemque offensionis & scrupuli materiam è scriptionibus  
nostris euellere; ita vt quilibet pius Christi fidelis, non inoffenso tantum pede  
eas percurrere, sed etiam cum delectatione atque profectu perlegere queat; so-  
lemniter & palàm hîc edicere ac declarare volumus, intentionis nostræ non  
esse, idolorum imagines & figuras hoc loco addere, quò eorum memoria vllò  
pacto propagetur; sed ad id tantum, vt simulacris hisce piis Lectoribus præ-  
beat occasio erigendi sese ad sanctæ Crucis, ceterorumque redemptionis no-  
stræ mysteriorum recordationem & venerationem: quæ nos profectò pia in-  
tentione in eisdem imaginibus ac figuris digito quodammodo ostendere per-  
gimus; non perinde ac si certò ac sine vlla prorsus dubitatione ibi significen-  
tur, quasi Deus sub huiusmodi idolorum simulacris illa omnino abdere vo-  
luerit: sed quia piè supponimus, quòd quemadmodum olim Hebræis licuit  
vasis Ægyptiorum vti, vt ea ad diuinum cultum transferrent; sic nobis quoque  
licere Christianis, pro spiritali exercitatione nostra ea speculari, quæ in prædi-  
ctis simulacris contineri videntur. Quandoquidem etsi certò non constet,  
Deum redemptionis nostræ mysteria sub eisdem simulacris & figuris abscon-  
dere voluisse; nihil tamen etiam est quod in contrarium liqueat. Quocircà cum  
sanctæ Crucis imago, in statuis antedictis, tot locis totque modis incisa atque  
in sculpta conspiciatur, vt inferius ostendemus, piè differere & argumentari  
possumus; quòd cum Deus optimus maximus iam inde ab ipso rerum exordio  
statuif-

Hierogly-  
phicorum  
lib. 16.

Protestatio  
Auctoris de  
his hiero-  
glyphicis.



**A** statuisset, Gentium populos non minùs quàm Hebræos per eiusdem sanctæ Crucis mysterium seruandos esse, ingenti hominum admiratione atque stupore fortasse permisit, vt in ipsiſ etiam idolis, sanctæ Crucis signum imprimere-  
tur ac figuraretur: ad id sanè, vt futuris ac superuenientibus postea sæculis,  
pro maiore dæmonis idolorum & idololatriæ inuentoris confusione, pro Gen-  
tilium conuersione, ac pro fidelium solatio & confirmatione, ibi insculptum  
reperiretur & conspiceretur.

Quòd autem inter Ægyptiorum idolorum hieroglyphica, sanctæ Crucis  
figuræ & imagines reperiantur, præterquam quòd qui cæcus esse nolit, id infi-  
ciari minimè possit; complures etiam graues Auctores idipsum testantur.

Quamobrem Marsilius Ficinus, de vi atque virtute agens, quam veteres Ethni-  
ci Crucis imagini inesse rebantur, inquit; *Inter characteres Ægyptiorum, Crux* De vita cæ-  
litus com-  
paranda,  
cap. 18.

**B** *vn̄ erat insignis, vitam eorum more futuram significans; eamque figuram pectori Sera-  
pidis insculpebant.* Idem etiam atq; iisdem panè verbis Cælius Rhodiginus, alii-  
que nonnulli testantur. Non dedignetur ergo, nec offendatur pius Lector, si in  
libro hoc nostro, in quo sanctæ Crucis mysteria pertractantur, Gentium ido-  
lorum imagines conspexerit. Immo dum illas inspiciet & contemplabitur, du-  
plices laudes & gratiarum actiones Saluatori nostro persoluat, qui pro sua infi-  
nita bonitate & misericordia à cæca & obscura ignorantia atque errorum abyf-  
so nos liberauit, qua miseri idololatræ, qui illas dementissimè adorabant, im-  
mergebantur & obruebantur. Quique ideò forsitan permisit, vt in eorundem  
idolorum statuis passionis suæ signa & indicia insculperentur, vt ab illarum  
prospectu & contemplatione excitati atque admoniti infideles, ad ipsum faci-  
lius conuerterentur, nosque in sancta eius fide solidius confirmaremur.

*Statuis ido-  
lorum cur-  
santia Cru-  
cis signum  
insculpi  
Deus per-  
miserit.*

Ad quod institutum appositè inquit Origenes: *Etenim cum perspicio, quòd* In Exodi  
c. 17. & 18.  
Homil. 11.

**C** *Moyſes Propheta Deo plenus, cui Deus facie ad faciem loquebatur, consilium accepit à*  
*Jethro sacerdote Madian, admiratione nimia stuporem mentis incurro. Dicit enim Scri-  
ptura: Et audiuit Moyſes vocem soceri sui, & fecit quacumque dixit ei. Non dixit,*  
*quia Deus mihi loquitur, & quid agere debeam cælesti ad me sermone defertur; & quo-*  
*modo consilium ab homine accipiam, & ab homine Gentili, alieno à populo Dei? Sed au-* Diſta sa-  
pienter à  
Gentilibus,  
nequaquam  
aspernada.  
*dit vocem eius, & facit omnia quæ dicit; & non quis dicat sed quid dicat auscultat.*  
*Vnde & nos si fortè aliquando inueniemus aliquid sapienter à Gentilibus dictum, non*  
*continuo cum auctoris nomine spernere debemus & dicta; nec pro eo quòd legem à Deo*  
*datam tenemus, conuenit nos tumere superbia, & spernere verba prudentium; sed sicut*  
*Apostolus dicit: Omnia probantes, quòd bonum est tenentes.* Hæc ille. Quemadmo- 1. Theſſ. 5.

**D** dum ergo magnus ille Moyſes consilium Iethro sacerdotis Madian non spre-  
uit, quinimmo illud audiuit & executus est, quamuis hominis Gentilis & ido-  
lolatræ esset; non respiciens quisnam esset is qui loquebatur, sed quid diceret ex-  
pendens: sic nos etiam pro Christi Domini honore & reuerentia, ac pro fidei  
nostræ confirmatione, prætermittere non debemus, quin sanctæ Crucis figu-  
ras & imagines, quæ in Ægyptiorum idolorum simulacris cælata & insculptæ  
sunt, intueamur; non quidem vbi sint respicientes, sed vt id tantum, quòd per  
se ipsas repræsentant, nempe Crucem ipsam, digna veneratione prosequamur.

Similem quoque doctrinam in propriis materiæ terminis, quam modò per-  
tractamus, diuus Augustinus Apostoli auctoritate suffultus nos docuit, cum  
inquit: *De ipsis Gentilibus idolorumque cultoribus, multa vtique à nobis diuersitate* De vnico  
Baptismo  
contra Peti-  
lianũ, ca. 4.  
Tom. 7.  
*distantibus, nihil aliud nobis demonstrat Apostolus, nisi vt in ipsis quoque ita quid-*  
*quid prauum est corrigamus, vt quòd fortè rectum est approbemus. Nam vtique ido-*  
*lolatras, & quod est grauius, non tantum cultores, sed etiam institutores simulacrorum*  
*redarguebat, vbi ait: Qui cognoscentes Deum, non sicut Deum glorificauerunt, aut gra-*



tias egerunt; sed euanuerunt in cogitationibus suis, & obscuratum est insipiens cor eorum. Dicentes enim se esse sapientes, stulti facti sunt: & immutauerunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentium. Talia quippe nouimus fuisse simulacra Ægyptiorum, ubi & instituta esse multiplicior multoque ignominiosior idololatria perhibetur. Numquid tamen cognitionem Dei denegauit illis fuisse, ac non potius confirmauit, dicens; Cognoscetes Deum, non ut Deum glorificauerunt? Si ergo istam cognitionem tamquam mendacium repellere & destruere conaretur, quod eam in sacrilegis inuenisset; nonne, quod absit, veritatis inimicus existeret? ideoque id quod immutauerunt in mendacium suum. Nam & hoc dixit, Immutauerunt gloriam Dei in similitudinem imaginis corruptibilis hominis: talem scilicet fingentes Deum, qualis non est Deus; & non sicut eum cognouerunt tradentes hominibus. Et paulò post de talibus dicit: Qui immutauerunt veritatem Dei in mendacium, & coluerunt, & seruiuerunt creaturæ potius quam Creatori, qui est benedictus in sæcula. Veritas quippe creaturæ à Deo est, non Deus, quem illi in mendacium conuerterunt, tamquam deos colentes solem, & lunam, & quæcumque cælestia atque terrestria. Quod ergo immutauerunt in mendacium suum, culpatur, detestatur, evertit. Quod autem verum in doctrina, quamuis multis falsitatibus permixta confusaque, seruauerunt, approbat, testatur, affirmat. Hæc Augustinus.

Et propterea quemadmodum Apostolus Ægyptios redarguit, quia simulacris & imaginibus hominum, animalium, volucrum atque serpentium, eum honorem & cultum, qui soli Deo debebatur, impiè tribuebant; approbans nihilominus & laudans, siquid veri ac recti in eorum doctrina, licet multis erroribus & falsitatibus permixtum, seruauerant: ita nos etiam impura atque profana idola execrantes ac detestantes, sanctæ Crucis tamen figuras & imagines, quæ in illorum simulacris insculptæ sunt, licet compluribus aliis superstitionis characteribus permixtas, amplectemur & venerabimur. Et quemadmodum in veteri Lege, ex diuina concessione, Hebræis licuerat matrimonio se iungere cum mulieribus Gentilibus & idololatriis, quas in seruitutem redigebant, abrais tamen illarum capitibus & superciliis, vnguibusque præcis: sic nobis quoque licebit idolorum imagines scriptionibus nostris inferere, hisque ad appositam ac proficuum demonstrationem atque doctrinam nostram fructuosè vti, posteaquã annuente ac iuuante Deo, omnis cultus & adorationis species ab eis ablata est; nulla prorsus sanctissimæ religionis nostræ candori & maiestati labe illata siue aspersa macula. Sic enim diuus Hieronymus respondit his qui ipsum criminabantur, quod Gentilium doctrinis atque sententiis in operibus suis vteretur; ait enim: Legerat in Deuteronomio, Domini voce præceptum, mulieris captivæ radendum caput, supercilia, omnes pilos & vngues corporis amputandos, & sic eam habendam in coniugio. Quid ergo mirum, si & ego sapientiam secularem, propter eloquij venustatem, & membrorum pulchritudinem, de ancilla atque captiua Israelitidem facere cupio? Et si quid in ea mortuum est idololatriæ, voluptatis, erroris, libidinum, vel præcido, vel rado, & mistos purissimo corpori vernaculos ex ea genero Domino Sabaoth? Labor meus in familiam Christi proficit; & stuprum in alienam, auget numerum conseruatorum. Addens ibi infinita propemodum aliorum sanctorum Patrum exempla, qui in scriptionibus suis Gentilium sententiis vtiliter vsi sunt. Simulacrum igitur idoli, quod diximus, in ænea illa hieroglyphica tabula antedicta, duobus modis ita cælaturum est:

Deut. 21.  
Ad Oratorum Romanum, ep. 84

In ca-





In capite autem vtriusque horum simulacrorum penna conspicitur; illud fortasse non tantum innuens quod Porphyrius dixit, Creatorem nimirum difficilem inuentu esse; sed insuper diuinæ ipsius essentiae agnitionem ab humano intellectu subtractam. Quemadmodum enim penna volucrum corpora eleuat, & in aërem extollit, quò nos ire non possumus; sic incomprehensibilis Dei essentia adeò alta est, & ab intellectus nostri captu remota, ut ad illam plena agnitione nullo pacto peruenire possimus. Quamobrem cum diuinus Psalter innuere vellet quantum Diuinæ essentiae agnitio humanum captum nostrum excedat, Deum super pennas ventorum volasse, latibulumque suum in tenebris collocasse dixit: *Volauit super pennas ventorum, & posuit tenebras latibulum suum.* Psal. 17.

De penna autem sanctus Dionysius Areopagita sic tradit: *Penna declarat & du-* De celesti  
cendi celeritatem, & quod caeleste est, & quod antè mouetur, & quod ab omni terre-  
narum rerum studio & cupiditate abhorret, propterea quòd sursum feratur. Penna-  
rum autem leuitas, id quod nulla ex parte est terrenum, sed totum sine admistione &  
gravitate sursum effertur. Pro pennis, in diuinis Scripturis, æterna Dei potestas  
quandoque intelligitur, & sæpenumero etiam pennis Spiritus sanctus designa-  
tur, qui in pennatæ columbæ forma super Saluatorem nostrum descendit. Quo-  
circa diuus Ambrosius super illis Psalmistæ verbis, *Penna columbæ deargentata,*  
*posteriora eius in pallore auri;* inquit: *Pennæ enim columbæ deargentata, æternam illam* In Apolog.  
*significant potestatem: & columbæ volatus, sancti Spiritus præsentiam declarauit.* Et Dauid po-  
notandum, quòd pennæ quæ super ambarum harum imaginum utroque ca-  
pite conspiciuntur, in duo acumina diuidantur; fortasse innuentes, Dei veram  
agnitionem, ac sanctæ Crucis redemptionisq; nostræ mysteriorum scientiam,  
quæ

*Simulacra  
hierogly-  
phica eru-  
ditè & piè  
explicata.*



*cap. 15.*

*ster. cap. 8.*



quæ in eisdem figuris ( meo quidem iudicio ) præsignabantur, nisi Spiritus sancti præcipua gratia & vtriusque Testamenti lectione atque intelligentia haberi haudquaquam posse. Quam gratiam atque intelligentiam pro se ipso & omni anima fidei Regius Propheta efflagitasse visus est, cum dixit: *Quis dabit mihi pennas ut columba, & volabo, & requiescam?* Ad quorum verborum institutum appositè Origenes: *Descendit, inquit, Spiritus sanctus super Salvatorem in specie columba, avis mansueta, innocentis, & simplicis. Vnde & nobis præcipitur, ut imitemur innocentiam columbarum. Talis est Spiritus sanctus, mundus, & volucris, & sublimè consurgens. Quamobrem orantes dicimus: Quis dabit mihi pennas ut columba, & requiescam? id est, quis dabit mihi pennas Spiritus sancti? Et in alio loco sermo Propheticus pollicetur: Si dormieritis inter medios cleros, penna columba deargentata; & posteriora dorsi eius in virore auri. Si enim inter medios cleros veteris & noui Testamenti requieverimus, dabuntur nobis penna columba deargentata, id est sermones Dei. Et posteriora eius auri fulgore & virore radiantia, ut sensus noster Spiritus sancti sensibus compleatur.* Hæc Origenes. At sanctus Isidorus considerationem planè dignissimam complexus est de pennæ acumine, quod in duas partes diuiditur. Et licet loquatur de penna, qua litteras exaramus, non tamen est ab instituto nostro aliena: *Penna avis, inquit, cuius acumen diuiditur in duo, in toto corpore unitate seruata; credo propter mysterium, ut in duobus apicibus vetus & nouum Testamentum signaretur, quibus exprimitur Verbi sacramentum, sanguine passionis effusum.*

Vtraque autem harum imaginum inter pennas habet circulum, ad ouum illud alludens, quod, ut Porphyrius dixit, ex ore suo peperit Eneph, id est, vniuersorum Creator; quod ouum, mundum significat, quem per Verbum suum ex nihilo creauit: cuius creatio, regimen, ac moderatio, infinitæ potentiæ ac sapientiæ eius adeò facilis & levis est, perinde ac facile & leue est quidquid super pennas sustineri potest. Altera præterea ex eisdem imaginibus sedens conspicitur; qua sessione, Dei stabilis & incommutabilis virtus innuitur, ut idem tradit Porphyrius, inquiens: *Sedere autem fingitur, ut stabilis virtus atque incommutabilis exprimat.* Altera verò stat, ad ipsius Dei indefessam ac semper vegetam atque robustam in operando virtutem alludens. Ambæ autem imagines ipsæ litteram T manu apprehensam tenent, quæ sanctæ Crucis expressa & euidens figura est. De quo licet in superioribus fusè admodum tractauerimus, apertè probantes, litteram eandem non symbolum aut figuram tantum, sed etiam propriam sanctæ Crucis formam existere, aliquid tamen adhuc de eodem etiam inferius dicemus; ostendemusque, cur imagines prædictæ sacrosanctum hoc signum adeò firmiter manu apprehensum teneant.

At longè maiore admiratione digna censenda sunt duo mysteriis refertissima hieroglyphica: quorum alterum in basi sedis vnius ex duabus imaginibus antedictis conspicitur, huius formæ:  alterum verò in summo apice, & inter pennas eiusdem statuæ, quod tale est:  quo quidem caractere, totum etiam ipsius simulacri corpus aspersum est. In quibus hieroglyphicis non solum sanctæ Crucis figura clarè impressa cernitur; sed redemptionis quoque nostræ, & vocationis Gentium mysteria in eisdem ( mea quidem sententia ) grauissima & magna animaduersione digna conduntur. De primo quidem, opportuniore atque aptiore loco differemus, dum de hieroglyphicis agemus, quæ in Ægyptiacis obeliscis, qui Romæ extant, cæлата conspiciuntur; in quibus similis quidam character siue hieroglyphicum locis permultis insculptum cernitur. In secundo verò, duæ adsunt lineæ in circulo, quæ è diuersis partibus egressæ, per Crucis signum

Psal. 54.

In Lucam  
Homil. 27.  
in fine.Originum  
lib. 6. c. 13.Porphy-  
rius apud  
Eusebium,  
De præpa-  
rat. Euang.  
lib. 3. c. 3.



- A signum in unitatem coniunguntur. Circulus autem ipse, mundum significat. Duæ verò lineæ duos populos, Hebraicum nimirum & Gentilium, innuere videntur; qui cum olim religione & cultu adeò distarent, per sanctæ Crucis virtutem, in qua vniuersorum Creator Christus Dominus salutem in medio terræ operatus est, in fidei unitatem, & in vnam sanctam Ecclesiam Catholicam coierunt. Character deinde eiusdem hieroglyphici, quo totum eiusdem imaginis corpus aspersum atque obsignatum conspicitur, illud etiam innuere videtur; nullum videlicet corporis Christi membrum, passionis ipsius tempore verberibus non attritum, aut vulneribus non perfoctum, proprioque cruore non aspersum extitisse. Duæ etiam lineæ illæ, ut summam dicam, quæ in eodem hieroglyphico per sanctæ Crucis signum in vnum coniunguntur, duas illas fortasse virgas innuunt, de quibus Zacharias Propheta intelligere voluit, cum in Saluatoris nostri persona inquit: *Et assumam mihi duas virgas, vnam vocavi Decorem, & alteram vocavi Funiculum; & pascam oves.* Per virgam primam, Israëliticum populum intelligere voluit, & propterea Decorem, siue pulchritudinem illam appellauit, propter verum Dei cultum, atque diuinam Legem, quæ penes populum illum obseruabatur. Per secundam autem Gentium populum subindicat; ideoque Funiculum appellat, propter idolorum cultum, & idololatriæ impietatem, qua cæca Gentilitas variis modis alligabatur & obstringebatur.
- At duas has demum virgas optimus Pastor noster Christus manibus assumens, tunc nimirum cum illas in Crucis ligno extendit, ex duabus vnam effecit. Ex vtrisque enim ouibus electis, id est, ex Hebræis qui in ipsum credidere, & ex Gentilibus qui fidem illius amplexati sunt, gregem vnum sibi constituit; quem modò in obsessis atque oppugnatis Ecclesiæ militantis campis summa charitate pascit, tumque in felicibus ac beatis triumphantis illius supernæ in æternum pascet. Quamobrem Theodoretus: *Duas Virgas appellat Gentes & Iudeos. Duo quondam in genere fuerunt dogmata: vnum pietatem profitens, quod apud Iudeos vixit; alterum autem fuit idolorum cultum profitens, quo variis modis omnes Gentes olim adstrictæ fuerunt. Itaque ex hoc, inquit, & ex illo congregabo oves, & ex vtroque vnum ouile perficiam. Hoc etiam in sacrosanctis Euangelis inquit: Alias oves habeo, quæ non sunt ex hoc ouili: & illas oportet me adducere, & vocem meam audient; & fiet vnum ouile, & vnus pastor. Eos enim ex Gentibus qui crediderunt, his admiscuit qui ex Iudeis crediderunt, & vnum ouile constituit.*
- Ad easdem duas virgas diuus quoque Hieronymus alluisse visus est, sua in Habacuc Prophetam expositione; cum dixit: *In consummatione mundi veniet Filius meus, qui saluet oves perditas domus Israël; & alias quoque oves antiquis ouibus copulet, & vnum efficiens gregem, iunget duas virgas, quas Ezechiel, id est, virtus Dei, sociatas, & sibi inuicem coherentes tenet in prophetali manu.* At de duabus lineis, duabusque virgis hisce, non ampliùs sub Allegoriæ vel Metaphoræ velamine, sed aperte & palam idem Zacharias locutus est, cum inquit: *Hæc dicit Dominus Deus exercituum: Ecce ego saluabo populum meum de terra orientis, & de terra occasus solis, & abducam eos, & habitabunt in medio Ierusalem, & erunt mihi in populum, & ego ero eis in Deus.* Quam promissionem plenissimè nunc adimpletam esse idem sanctus Hieronymus affirmat, sub Saluatore ac Domino nostro Iesu Christo, in sancta Ecclesia, quæ vera est Ierusalem; iuxta quod idem Dominus ac Saluator dixerat: *Multi ab Oriente & Occidente venient, & recumbent cum Abraham, Isaac, & Jacob.* Idipsumque iam pridem antea Spiritus sanctus innuerat, per Psalmographum inquiens: *Deus deorum Dominus locutus est, & vocauit terram. A solis ortu, vsque ad occasum, ex Sion species decoris eius.*
- Illud-

*Dua lineæ in hieroglyphico per Crucis signum unitæ, Hebræis & Gentilibus per Christi Crucem coniungendos significant.*

Zach. 11.

Iu Zach. cap. 11.

In Habac. cap. 2.

Zach. 8.

In Zach. cap. 8.

Psal. 49.



Illudque notandum est, duas nimirum lineas in hieroglyphico antedicto, **A** ubi in cuspide ac summitate ipsarum simul iunguntur, formare angulum acutum; in quo allusionem facere videntur ad angularem lapidem illum, qui ab ædificatoribus reprobatus, factus est in caput anguli. Petra autem hæc erat Christus (inquit Apostolus) qui cum à perfidis ædificatoribus Hebræis reprobatus & crucifixus esset, factus est in caput anguli, duosque parietes, id est duos populos, Hebraicum & Gentilem, qui antea inter se tantum distabant, simul coniunxit; quemadmodum iam Isaias prædixerat. Quamobrem idem sanctus Hieronymus ait: *Statim nobis occurrit porta angularum, ubi angularis lapis est, quem reprobauerunt ædificantes, & factus est in caput anguli: qui angularis lapis parietem utrumque connectit, & duos populos in unum redegit. De quo & Deus loquitur per Isaiam: Ecce ponam in Sion lapidem angularem, electum, & pretiosum in fundamentis eius: & qui crediderit in eum, non confundetur.* Super quem electum & pretiosum lapidem, diuinæ bonitati sit placitum, nos in viua fide & charitate adeò solidè fundatos esse, ut nulla diabolicæ tentationis, aut mundanæ perturbationis, vel peccati commotio ab eo nos diuellere queat: sed ut charitate non ficta eidem connexi, tamquam membra mystici corporis, unitatis & coniunctionis illius, quam duæ illæ virgæ in hieroglyphico antedicto innuere videntur, sub sanctæ Crucis vexillo inter fideles & electas oves, in beatissimo eius grege læti atque felices: viuere valeamus in sæcula sæculorum. Amen. **B**

In Zach.  
cap. 14.

Isaia 28.

#### CAPVT VII.

*De Isidis & Osiridis simulacris; & de sanctæ Crucis symbolis ac figuris, quæ in eisdem contineri videntur.*

**P**RODITVM est à nobis superius, antiquos Ægyptios in portentoso **C** forum atque inanum deorum suorum numero, solem & lunam præcipuè venerari solitos: illum quidem Osiridem, hanc verò Isidem appellantes. Nomina proculdubio à personata & vili populorum assentatione adinuenta, ut eisdem Osiridi & Isidi coniugibus, Regibusque suis potentissimis applaudent: perinde ac si eo pacto, solis & lunæ excellentiæ, pulchritudini atque splendori illos æquiparare vellent. Ex quo abusu, post eorundem Regum obitum, in eisdem populis, atque in eorum posteris, illa absona & absurda vox in consuetudinem irrepsit, solem Osiridem, lunamque Isidem appellandi. Quin etiam post multa reuoluta sæcula, iidem Ægyptij stultam illam atque ridiculam opinionem imbiberunt, animas nimirum eorundem Osiridis & Isidis, in solem & lunam transfusas, ad cæli atque stellarum regimen assumptas esse, quemadmodum mundum & homines gubernauerant. Super cuius vesanæ opinionis basi hieroglyphicum illud commentum & efformatum est, in quo oculum sceptro **D** superimpositum effingebant, quo eundem Osiridem simul & solem significari volebant: per sceptrum quidem, Regnum, & per oculum, splendorem & claritatem eius innuentes. Quocirca ad id appositè Macrobius: *Hinc Osirim Ægyptij, ut solem esse asserant, quoties hieroglyphicis litteris suis exprimere volunt, insculpunt sceptrum, in eoque speciem oculi exprimunt: & hoc signo Osirim monstrant: signantes hunc deum solem esse, Regaliq; potestate sublimem cuncta despicere; quia solem Jovis oculum appellat antiquitas.*

Saturnaliū  
lib. 1. c. 21.

Varia Osiridis simulacra, eorundemque causa explicata.

His ergo primariis gratissimisque idolis suis, diuersarum effigierum atque specierum imagines & simulacra, Ægyptij dedicare consueuerāt. Et primò quidem, ut de his quæ Osiridis erant, loquamur; quasdam imagines capite abraſo à parte



A à parte finiftra, capillato autem ad dexteram, effingere solebant. Causam autem cur id facerent, idem prodit Macrobius his verbis: *Ægyptij volentes ipsius solis nomine dicare simulacrum, figurauere raso capite, sed dextera parte crine remanente. Seruatus crinis, docet solem naturæ rerum numquam esse in operto: dempti autem capilli, residente radice, monstrant hoc fidus, etiam tempore quo non visitur à nobis, rursum emergendi, vii capillos, habere substantiam. Eodem argumento significatur et tempus, quo angusta lux est; cum velut abrasis incrementis, angustaque manente extantia, ad minimum diei sol peruenit spatium, quod veteres appellauere brumale solstitium, brumam à breuitate dierum cognominantes. Ex quibus latebris vel angustis rursus emergens, ad æstiuum hemispherium, tamquam enascens, in augmenta porrigitur. Hæc Macrobius.*

Quasdam autem alias statuas Ægyptij eidem Osiridi, id est soli, consecrauerant, quas Græci αἰλουρομορφος, id est æluri formas appellabant, quia caput ad felis imaginem effictum habebant. Quod faciebant, arbitrati huic animali magnam cum sole sympathiam, vt Græci loquuntur, siue naturalem quamdam conuenientiam inesse. Quæ autem illa sit, inter ceteros tradit Cælius Rhodiginus, asserens huiusmodi solis statuas ab Heliopolitanis præsertim effingi solitas: *Traditum est, inquit, marem ælurum cum solis incessu pupillam demutare, vt quæ solis exortu subintendatur, meridie rotundetur, occasuro hebescat sidere. Quo argumento, apud Heliopolim solis simulacrum effingi æluromorphon.* Hæc ille. Verum non in hoc tantum æluri oculi, solis effectus atque naturam repræsentant, sed in re longè maiore animaduersione digna illum imitari videntur. Quemadmodum enim sol splendoris sui fulgore tenebras expellit, sic æluri oculi in tenebris mirabiliter fulgent. Et quemadmodum solare corpus adeò lucidum est, vt humanorum oculorum acies sine læsione in illud intendi nequeat, sic etiam non sine horrore, ac fortasse etiam non sine detrimento, obtutum in æluri oculos homo defigere potest, si nocturno tempore in illum impruidus occurrat. Quod & Plinius sic innuit: *Nocturnorum animalium, velut felium, in tenebris fulgent radiantque oculi, vt contueri non sit.* Quin etiam alibi de smaragdis, ac de quibusdam aliis gemmis coloris viridis atque translucidi, agens, æluri ac pantherarum oculis smaragdos Persicos assimilât, quos eius naturæ esse tradit, vt ad solis splendorem aspecti hebetentur, in vmbra verò refulgeant, ita vt longius quàm ceteri nitescant: *Persicos verò smaragdos, inquit, non translucidos, sed iucundi tenoris, visum implere, nec perspicere, eosdem in sole hebetari, vmbreis refulgere, & longius quàm ceteros nitere.* Quamobrem non est quòd adeò miremur, cum animal istud solis effectus ac virtutem oculis repræsentet, si Ægyptij, Osiridi, id est soli, non tantum statuas ad æluri imaginem effictas dicabant, sed æluros ipsos etiam, vt superius diximus, venerabantur & adorabant. Tanta enim nimis simplices & supersticiosissimi populi illi veneratione solem prosequabantur, quem omnium deorum maximum putabant, vt ea animalia, quæ aliquo modo effectus & virtutem eius repræsentabant, non tantum diligenter, sed etiam venerarentur & adorarent. Quamobrem ælurus inter omnia animalia per vniuersum Ægyptum, vt iam diximus, summa veneratione colebatur: præcipue autem in vrbe Rhadata, vt idem testatur Plinius, qui oppida secus Nili ripam, Æthiopiam versus consistentia describens, inquit: *Rhadata, in quo felis aurea pro deo colebatur.*

Quandoque etiam solis simulacra capite quidem & alis accipitris, corpore autem leonino effingere consueuerant, velocitatem nimirum & vim eius hoc pacto innuentes. Accipiter enim velocissima est volucris, leo autem omnium animalium ferocissimum esse perhibetur. Accipiter, inquit Clemens Alexandrinus,

Oo solis

Antiquarum lectio-  
num lib. 8.  
cap. 5.

Natur. hist.  
lib. 11. c. 37.

Idem li. 37.  
cap. 5.

Idem lib. 6.  
cap. 29.

Strom. li. 5.  
cap. 3.



solis est symbolum, quia igneus est, & vim perimendi habet. Porphyrius au- A  
 tem, vt refert Eusebius Cæsariensis, asseruit, Ægyptios accipitrem soli dicare so-  
 litos, quia lucis & spiritus symbolum sit: istius quidem, propter motus sui velo-  
 citatem; illius verò, quia volans ad excelsiores partes se extollit, quæ inferioribus  
 lucidiores sunt. Græci pariter, licet accipitrem non adorarent sicut Ægyptij, il-  
 lum tamen plurimi faciebant ac diligebant; existimantes illum, volucrem bo-  
 ni ominis esse, nuntiumque Apollinis, id est solis, velocissimum. Quocirca  
 Origenes ad quoddam institutum suum de eodem hæc protulit: *Quin &*  
*Apollo accipitris auspicio quædam significat; & is dicitur huius dei celer nuntius.* Si-  
 mulacrorum autem forma, quæ Ægyptij capite accipitris, & corpore leonino  
 soli dicare consueuerant, cælata conspicitur in peruetusta & mysteriis refertis-  
 sima tabula illa Serenissimi Mantuæ Ducis, quæ Cardinalis Bembi ornatissi-  
 mæ memoriæ quondam fuit, de qua superius egimus. est autem bifariam ef-  
 fecta, vt hîc videre est.

Cōtra Cel-  
 sum lib. 4.  
 Simulacra  
 hierogly-  
 phica capi-  
 te accipi-  
 tris & cor-  
 pore leoni-  
 no, ab Æ-  
 gyptiis soli  
 dicata.




Inter quas statuas notatu planè digna illa est, quæ super caput hieroglyphi-  
 cum illud habet duarum linearum, quæ sub Crucis signo coniunguntur; cuius  
 declarationem superiori capite explicuimus; & in basi eius illud aliud hiero-  
 glyphicum habet, in quo Crux in circuli medio conspicitur. At nihil minùs,  
 quin etiam fortasse magis notabiles imagines illæ censendæ sunt, quæ cælata  
 conspiciuntur in Ægyptiaco obelisco, quem felicitis recordationis Sixtus Papa  
 Quintus Romæ erigi iussit in foro ante portam Flaminiam, quam nunc De po-  
 pulo appellant; in ea eiusdem obelisci parte, qua in Urbem est prospectus. Qua-  
 rum altera insculpta est ad dexteram eiusdem faciei partem, prope obelisci cu-  
 spidem,



- A spidem, & more sedentis in sede quadam collocata conspicitur. Corpus ac cetera membra habet hominis, præter caput, quod est accipitris: dextera manu Tau apprehensum tenet, sinistra autem virgam; & super caput solarem globum forma sphaerica & orbiculari gestat. Altera verò pænè in eiusdem obelisci radice prope basim ad dexteram partem insculpta est: statque, & accipitris caput habet, super quod solaris pariter globus sphaerica & orbiculari forma cælatus conspicitur: corpusque & cetera membra hominis obtinet, & sinistra manu Tau, siue sanctæ Crucis signum; dextera verò virgam, siue sceptrum in Regiæ potestatis argumentum gestat. Atque ea prorsus forma, qua hîc videntur, insculptæ sunt.

*Alia capite  
accipitris  
& corpore  
humano,  
eum Cru-  
cis signo in  
manu.*



- B  
C  
Ægyptij prætereà quædam alia simulacra Osiridi siue soli, leonino capite, corpore verò humano efficta dicare solebant. Cur autem id facerent, id esse causæ quidam putarunt, quòd Ægyptiorum Reges in principatus ac potestatis argumentum leonis aut cuiuspiam efferati atque terribilis animalis caput, super suum, vt Sículus Diodorus tradit, deferre consueuerant. Verùm haudquaquam hæc vera atque essentialis causa fuit, cur huiusmodi simulacra soli dicarent. Quamobrem Plutarchus solidiori rationi innixus, ait: *Leonem Ægyptij soli dedicant, quòd de curuivnguibus quadrupedibus sola leæna videntem edat fetum; quòd momento temporis dormiat, oculique dormientis suffulgeant: quòd Leontini fontes & hiatus suos noua aqua repletos inueniant, Nilo exundante, quando sol per leonem transit.* Hæc ille. Fabularum de quadraginta octo cælestibus imaginibus auctores finxerunt, Herculem, cùm adhuc sexdecim vel decem & octo annorum adolescens esset, ferocissimum leonem Nemæum occidisse; Iouemque in strenui illius facinoris memoriam, eiusdem leonis imaginem, pro quinto signo

*Alia capite  
leonino, cor-  
pore huma-  
no.*

*Rerum an-  
tiq. lib. 1.*

*Symposia-  
con lib. 4.  
quæst. 5.*



figno in Zodiaco constituisse. Quoniam autem sol naturalē cursum suum pro- A  
secutus, cum signum illud attingit, vires suas quodammodo duplicare videtur,  
quandoquidem illo tempore, maiori calore quā reliqua anni parte aestuamus  
in terris; propterea cælestium rerum perscrutatores asseruere, solem in Leonis  
figno domicilium ac regnum suum obtinere. Atque hinc esse constat, quod  
Ægyptij solis simulacra leonino capite effingebant. Quod etiam sanctus Isi-  
dorus innuere voluit, cum dixit: *Leonem ingentem Hercules in Græcia occidit; &*  
*propter virtutem suam, hunc inter duodecim signa constituit. Hoc signum Sol cum atti-*  
*gerit, nimium calorem mundo reddit, & annuos status & aestus facit maiores, quā*  
*toto in reliquo anno.*

Originum  
lib. 3. c. 70.

Saturnaliū  
lib. 1. c. 21.

Cum Sol, inquit Macrobius, ad Tropicum Cancrī reuertitur, & ex Capricorni la-  
tebris vel angustijs rursus emergens, ad æstiuum hemisphærium tamquam enascens in  
augmenta porrigitur, tunc ad regnum suum peruenisse iam creditur. Propterea Ægyptij  
animal in Zodiaco consecrauere, ea celi parte, qua maximè annuo cursu sol valido effer- B  
uet calore; leonisque inibi signum, domicilium solis appellant: quia id animal videtur ex  
natura solis substantiam deducere; primumque impetu & calore præstat animalia, uti  
præstat sol sidera: validusque est leo pectore & priore corporis parte, ac degenerat poste-  
rioribus membris. æquè solis vis prima parte diei ad meridiem increfcit, vel prima parte  
anni à vere in æstatem: mox elanguescens deducitur vel ad occasum, qui diei, vel ad hie-  
mem, quæ anni pars videtur esse posterior: idemque oculis patentibus atque igneis cerni-  
tur semper; ut sol patenti igneoque oculo terram conspectu perpetuo atque infatigabili  
cernit. Hæc Macrobius: ad cuius verba, carmina illa Manfredi alludere viden-  
tur, quæ Beda venerabilis operibus suis inseruit. Sic enim ille:

Computus  
ratio Man-  
fredi, apud  
Bedam, T. I.

*At quinta parti nomen posuere Leonis.  
Hoc animal cunctis præstat feruore caloris,  
Cuius membra tenet vigor & vis parte priori,  
Degeneratque & debilitat sub posteriori;  
Sic magis exurit sol, quā per cetera signa,  
Atque suum robur terris diffundit anhelis:  
Nec non extremis signis sub partibus huius,  
Mitigat ardorem dumtaxat debiliorem  
In terram positus, quos post vestigia linquit.*

C

Quæ pari-  
ter Crucis  
signum ma-  
nu gestant.

Statuarum autem, quas leonino capite effictas Ægyptij soli dicare consue-  
uerant, graphis & cælatura conspicitur in ea Serenissimi Mantuæ Ducis Ægy-  
ptiaca tabula, cuius iam sæpè meminimus; in qua quidem vnā stantem con-  
speximus, quæ dextra manu Regium sceptrum, sinistra autem Tau siue Crucis  
signum gestat: & super leoninum caput, serpentem in circuli formam inuolu-  
tum defert; in cuius medio scarabeus insculptus est; qui, ut superius diximus,  
apud Ægyptios non tantum erat solis symbolum, sed etiam ipsius animatam  
figuram esse censebant. Per eum verò serpentem, qui super eiusdem statuæ caput D  
in orbem circumplicatus perspicitur, annum innuere volebant, quem sol ipse  
perpetua circuitione format atque producit; ex cuius anni cauda siue fine, ad  
caput continuò reuertitur. Vel eodem serpente in orbis figuram inuoluto, cæ-  
lum subindicare volebant, in quo sol circulariter circumfertur. Vel fortè ad  
tempus alludebant, cuius sol est moderator & rector; quod longum est, & mul-  
tis reuolutionibus implicatur, & serpentis more quodammodo reptat, ac sine  
strepitu prætergreditur. Quocirca sanctus Cyrillus inquit: *Dicuntur Ægyptij*  
*aspidem fingere in figuram celi, eò quod in circulum feratur; & serpentem in figuram*  
*temporis, eò quod longus sit, & multis voluminibus se gyrat, reptatque absque strepitu.*  
At longè admodum rarior ac notatu dignior est quædam alia solis etiam anti-  
quissima

Contra Iu-  
lianum l. 9.



**A** quissima statua leonino capite, quæ olim fuit Ioannis Georgij Cæsarinî Romani, nunc verò in domo Illustrissimorum Borgeſiorum extat; Ægyptiaco quodam lapide veneti & subobscuri coloris sculpta, trium palmorum vel circiter altitudinis; & in sella quadam sedet, manuque sinistra Tau Crucis signum apprehensum tenet. Et super caput orbem habet, in cuius medio ab ipsius simulacri capite flamma quædam erumpit, quo solem vniuersi orbis lumen & calorem esse significatur. Vtraque autem earundem statuarum forma est, qualis hîc delineata conspicitur.



Idque circa simulacra, quæ Ægyptij soli dicare consueuerant, hætenus dixisse sufficiat. Qui quidem, vt superius tradidimus, solem, tamquam deorum omnium suorum maximum atque præcipuum stultè adorabant. Contra quos & alios quoscumque cæcutientes & infelices idololatrias, qui solem tamquam Deum colebant, diuus Ambrosius in verba illa scribens, quæ Deus pridie quàm solem crearet, protulit: *Germinet terra herbam virentem & facientem semen,* & Gen. 1.

**D** lignum pomiferum faciens fructum iuxta genus suum; sic tradit: *Ipsa*, inquit, per se In Hexaë-  
germinet terra, nullum alterius quærat auxilium, non cuiusquam indigeat ministerio. meron l. 3.  
Solent enim plerique dicere: Nisi clementior solis calor tepescerit terras, & quodammodo cap. 6.  
radijs suis fouerit, non potest germinare terra: & propterea Gentes diuinum honorem Praclara  
deputant soli, quod virtute caloris sui terrarum penetret sinus, sparsaque foneat semina, D. Ambro-  
vel rigentes gelu venas arborum relaxet. Audi ergo Deum, velut hanc vocem emittentem: Antequam  
quæ solis fiat luminare, herba nascatur: antiquior eius sit prærogatiua quàm solis. Ne error aliquid di-  
hominum conualeſcat, germinet prius terra, quàm fetus solis accipiat. Sciant omnes solem unum tri-  
auctorem non esse nascentium. Dei clementia terram relaxat, Dei indulgentia prorumpere buatur.  
facit fructus. Quomodo sol viuendi vsum ministrat oriundis, quâdo illa prius diuinæ opera-



Idem in  
Hexaëmero  
lib. 4. cap. 1.

Aggæi 2.

In Hexaë-  
meron. 4.  
cap. 2.

Psal. 118.

Psal. 135.

tionis vinificatione sunt edita, quàm sol in hos usus veniret? Iunior est herbis, iunior fœno. **A**  
Et alibi idem Pater ad institutum hoc adiecit: *Cave ô homo, ne tuum radius eius (solis) exoriens confundat aspectum.* Et idè prius firmamentum celi aspice, quod ante solem factum est: terram aspice, quæ antequam sol prodiret, cœpit esse visibilis atque composita: germina eius aspice anteriora solis lumine. Anterior rubus quàm sol, antiquior herba quàm luna. Noli ergo Deum credere, cui vides Dei munera esse prælata. Tres dies transacti sunt, & solem nemo quasiuit, & luminis claritas abundavit. Habet enim & dies suam lucem, quæ præcursor est solis. Non igitur te tanto splendore solis temerè committas; oculus est enim mundi, iucunditas diei, celi pulchritudo, naturæ gratia, præstantia creaturæ: sed quando hunc vides, auctorem eius considera: quando hunc miraris, lauda ipsius creatorem. Si tam gratus est sol, qui consors & particeps est creaturæ; quàm bonus est Sol ille iustitiæ? Si tam velox iste, ut rapidis cursibus die ac nocte lustraret omnia; quantus ille, qui ubique semper est, & maiestate sua complet omnia? Si admirabilis qui iubetur exire; quàm supra admirationem, qui dicit soli, & non exoritur? Si magnus est qui per horarum vices locis aut accedit aut decedit quotidie; qualis ille, qui etiam cum se exinaniret, ut nos eum videre possemus, erat lumen verum, quod illuminat omnem hominem venientem in hunc mundum? Si præstantissimus, qui obiectu terræ patitur sæpè defectus; quanta maiestatis qui ait, *Adhuc semel ego movebo terram?* Illum terra abscondit, istius motum non potest sustinere, nisi voluntatis eius substantia fulciatur. Si ceco damnum est huius solis gratiam non videre; quantum peccatori damnum veri luminis munere defraudato, perpetuæ noctis tenebras sustinere? Ergo cum vides solem, attende terram, quæ antè fundata est: attende herbam fœni, quæ præstat ordinis privilegio: attende ligna, quæ plaudunt quòd priora luminibus celi esse cœperunt.

Numquid merita fœni maiora quàm solis, aut numquid potior erit ligni prærogativa? Absit ut insensibilia tanti muneris præferamus ministro. Quid igitur prævidit altitudo sapientiæ & scientiæ Dei, ut prius inciperent ligna esse, quàm illa duo mundi luminaria, & quidam cælestis oculi firmamenti, nisi ut cognoscerent omnes diuina testimonio **C**  
lectionis, terram sine sole posse esse secundam? Nam quæ potuit sine sole prima rerum semina germinare, potest utique semina accepta nutrire, & proprio fotu, sine calore solis, partus edere. Hac igitur voce quadam suorum munerum clamat natura: Bonus quidem sol, sed ministerio, non imperio: bonus meæ fecunditatis adiutor, sed non creator: bonus meorum altor fructuum, sed non auctor. Interdum partus meos & ipse adurit; frequenter mihi & ipse damno est; plerisque me locis indotatam relinquit. Non sum ingrata conseruo, mihi est in usum datus, mecum labori est mancipatus, mecum subiectus est vanitati, mecum corruptionis subditus servituti. Mecum congemiscit & compatitur, ut veniat adoptio filiorum, & humani generis redemptio, qua possimus & nos à servitio liberari. Mecum assistens laudat auctorem: mecum hymnum dicit Domino Deo nostro. Ubi maior est gratia, ibi mecum est ei cômune consortium. Ubi sol benedicit, ibi terra benedicit: benedicunt ligna fructifera, benedicunt pecora, benedicunt volucres. In mari positus illum nauta accusat, me desiderat: in montibus illum pastor declinat, ad mea germina, ad meas **D**  
festinat arbores, quibus exæstans obumbretur, ad meos fontes sitiens & lassus accurrit.

Deinde verò super verbis illis, quæ Deus die quarta protulit, cum solem & lunam creare voluit, *Piant luminaria in firmamento celi*, idem Ambrosius subdit: *Quis hoc dicit? Deus dicit. Et cui dicit, nisi Filio?* Deus ergo Pater dicit: *Fiat sol, & Filius fecit solem.* Dignum enim erat ut solem mundi faceret Sol iustitiæ. Ipse ergo eum in lumen adduxit, ipse eum illuminavit, ipse ei donavit fundendi luminis potestatem. Factus est ergo sol, idè & servit, quoniam dictum est: *Fundasti terram, & permanet: dispositione tua permanet dies, quoniam universa serviunt tibi.* Etenim cui dies servit, quomodo non servit sol, qui factus est in potestatem diei? quomodo non servit luna, & stelle, quæ factæ sunt in potestatem noctis? Hæc omnia sanctè admodum, atque Chri-  
stiano



A stiano scriptore digna diuus Ambrosius. Ex quibus verbis tanto apertius pater, quam amentes atque vesani Ægyptij ceterique omnes idololatræ fuerint, qui solem tamquam Deum adorabant; & quam impiè ac stultè Menander asseruerit, solem in primis adorandum, quia lucis eius gratiâ ceteri dij videri possint. Cuius fatua planè verba, ex Græco in Latinum conuersa hæc sunt:

*O sol deorum, nam te adorari decet*

*Primum, dei per quem videntur ceteri.*

Et hæc quidem de simulacris, quæ Ægyptij soli sub Osiridis nomine dicebant, hætenus. Restat nunc tractemus de his, quæ ijdem Ægyptij lunæ, quam Isidem appellabant, erigere atque sacrare consueuerant. Variæ pariter ac diuersæ erant formæ & effigies, quibus Isidis statuæ ab eisdem pingebantur & insculpebantur. Quidam enim eam effingebant dextera manu gestantem sistrum, æreum instrumentum, quod manu quassum, vt superius dictum est, strepentem edebat sonum, sinistra verò situlam deferentem: innuentes per sistrum motum ac strepitum quod dextera tenebat, Nili aquarum murmur, per quas, istius deæ gratia ac beneficio, Ægypti terram rigari & inundari, fertilemque reddi insipienter arbitrabantur. Per situlam verò quam sinistra gestabat, aquarum copiam, quæ in cunctis Ægypti riuulis & lacunaribus eiusdem deæ largitate reperiri putabant, subindicare volebant: hi enim, qui Isidem ita effingebant, eamdem Ægypti esse genium putabant. Quocirca Seruius suo in octauum Virgilij Aeneidos librum commentario inquit: *Isis est genius Ægypti, quæ per sistrum motum, quod gerit in dextra, Nili accessus significat: per situlam, quam in sinistra retinet, ostendit affluentiam omnium lacunarum. Isis autem lingua Ægyptiorum est terra, quam ipsi volunt esse.* Alij verò Isidem ipsam muliebri habitu effingebant, eiusque capiti bouina superaddebant cornua; ad Ius Inachi Argiuorum Regis filia, quæ in iuuenecam conuersa fuerat, fabulam alludentes. Quare Herodotus: *Isidis simulacrū muliebre est, bubulis præditum cornibus, quemadmodum Græci lo describunt.* Verum Diodorus Siculus asserit Ægyptios Isidis simulacra cornibus armata effingere consueuisse, quia eam lunā esse putabāt, quæ primis diebus ab ipsius cum sole coniunctione cornutam se nobis ostendit; & quia bouem ei sacrificabant. Quidam autem sub cornibus, tritici spicas ei addebant, sceptrumque manu insculpebant; vt significarent, eam Ægypti Reginam & frumenti inuentricem extitisse. Tradit Diodorus Siculus, Ægyptios, priusquam Isis triticum adinuenisset, continuis bellis mutuisque cædibus, cibi comparandi gratia, se ipsos inuicem lateffere solitos. Inuento autem ab ea primū tritico & hordeo, quæ prius incognita hominibus, casu inter ceteras herbas oriebantur; cum Osiris eius maritus fructuum eorum suauitatem degustasset, cibi que vtilitatem probasset, & ceteris ostendisset, omnes eo nutrimenti genere deinceps vsi sunt; tum propter cibi reperti suauitatem, tum quia vtile videbatur, sæuitiæ crudelitatisque promiscuæ causam abesse. Quamobrem vt proficiuæ inuentionis & incomparabilis beneficii monumentum exstaret, publica lege sanxerunt, vt messores antequam frumentum meterent, spicarum manipulum in deæ oblationem exciperent, atque Isidem inuocarent, laudem & honorem eidem deæ tam salubris inuentæ frugis eo pacto reddentes. Subditque, apud quasdam vrbes, in sacris Isiacis ab eadem dea repertis, hordeum inter cetera deferri solitum, in memoriam ab eadem dea repertum; quam etiam primam legum inuentricem fuisse ferunt, quibus iustitia omnibus æquè seruaretur, vi atque iniuria de medio hominum commercio metu pœnæ sublata. Quamobrem priscos Græcos Isidem legiferam, tamquam primam legum inuentricem, appellasse asseuerat. Græci autem tanta veneratione Isidem prosequabantur, vt solis sacerdotibus

*Variæ picturae Isidis, seu lunæ Ægyptiorum deæ; earūdemque nota hieroglyphicæ explicate.*

*In Euterpe, siue lib. 2.*

*Rerum antiqu. lib. 1.*

*Ibidem.*



In Corin-  
thiacis, siue  
lib. 2.

Cur Isidi  
meleagrides  
aves sacra.

Isidis ex ta-  
bulae Aegy-  
ptiacae de-  
promptae  
imagines,  
eademque  
elucidata.

bus imaginem eius conspiciere fas esset. Quare ad institutum hoc inquit Pausa-  
nias: *Non longè locus est, qui Umbilicus dicitur, medietatem totius Peloponnesi, si modo  
ita se res habet ut ipsi dicunt. Ab Umbilico progressus, Liberi vetustissimum templum  
videas: Apollinis etiam unum, & aliud Isidis. In eis Liberi & Apollinis signa exposi-  
ta omnium oculis sunt; Isidis verò solis sacerdotibus conspiciere fas est.* In quibusdam  
verò Isidis simulacris, inter eius cornua circulus perspicitur, in cuius medio sca-  
rabeus insculptus est; quo innuere volebant, eam sororem & coniugem esse Osi-  
ridis, id est solis, cuius idem scarabeus apud Aegyptios non tantum symbo-  
lum; sed animata imago habebatur. Alij verò super caput simulacrorum Isidis  
hisce omnibus addebant volucrem unam ex his quas Græci meleagrides ap-  
pellant, nos verò Pharaonis siue Guineæ gallinas vocamus. Quod quidam  
Aegyptios fecisse rebantur, quia hoc gallinarum genus, atque anseres etiam Isi-  
di immolari consueverant; ut Pausanias & Apollodorus tradunt. Quamquam  
ego potius meleagridem super caput simulacrorum Isidis collocari solitam pu-  
tauerim, quia hæc volucris velox est, & volatu potens; quo lunæ velocitatem  
innuerent, quæ totum cælum viginti octo dierum spatio circuit, quod Saturnus  
triginta, Iupiter verò duodecim annorum spatio, vix facere possunt; tantumque  
vno die absoluit itineris, quantum sol decimotertio perficere potest. Quamob-  
rem volucrem eandem alis expansis super Isidis caput insculpebant; ut clarè  
conspicitur in ea iam à nobis toties celebrata tabula Aegyptiaca, quæ Cardina-  
lis Bembi, ac postea Torquati eius heredis quondam fuit, in qua ipsius Isidis  
simulacra, qualia hîc subijci curauimus, cæcata cernuntur.



Curiosa



- A Curiosæ valdè hæ duæ planè sunt Isidis imagines, circa quarum significatio-  
num explanationem multa dicenda essent : verùm breuitati consulentes, pauca  
quædam tantummodò obiter attingemus de stella illa, quæ inter cornua ima-  
ginis ad dexteram positæ conspicitur; deinde verò de cane, qui cælatus est sub  
sede illius quæ ad sinistram collocatur; ac demum de Tau, quod prima illa sta-  
tua dexterâ apprehensum tenet. Stellæ ergo & canis imagines, quæ ibi conspi-  
ciuntur effictæ, ad clarissimam stellam illam alludunt, quam cælestium rerum  
obseruatores Sirium & Canem maiorem appellant; quamque primæ esse ma-  
gnitudinis, Iouisque & Mercurij natura imbutam tradunt, atque in octauo gra-  
du, & quadagesimo scrupulo signi Cancræ, secundum longitudinem consti-  
tuunt. Hanc, fabularum de quadraginta octo cælestibus imaginibus aucto-  
res finxere Isidem nomine suo ibi statuisse, Sirionque propter splendoris cando-  
rem appellasse; cum reuerà eiusmodi sit, vt splendore ceteras stellas superare vi-  
deatur. Quamobrem Hyginus sua in Astronomica Poësi, dum de stellis agit,  
quæ in hoc sidere constituuntur, de ipsa hac eadem lucidissima sic tradit : *Sed  
Canis, inquit, habet in lingua stellam unam, quæ ipsa Canis appellatur: in capite autem  
alteram, quam Isis suo nomine statuisse existimatur; & Sirion appellasse, propter flammæ  
candorem: quod eiusmodi sit, vt præter ceteras lucere videatur: itaque quo magis eam  
cognoscerent, Sirion appellasse.* De qua stella tradunt Isidem adeò gloriari, & sese  
iactare solitam, perinde ac si ipsamet in eiusdem claritate fulgeret. Quamobrem  
post eius mortem, siue per summam assentationem id factum fuerit, siue quia  
illorum temporum simplices populi reuerà ita crediderint, super ipsius sepul-  
chrum inscripserunt, quod in maioris Canis stella in cælo tunc refulgeret. Atque  
hinc est, quod Diodorus Siculus memoriæ prodidit, legisse se apud quosdam  
Auctores, in Nisa ciuitate Arabiæ, Isidis extare sepulchrum; ibique columnam  
conspici, in qua sacris siue hieroglyphicis litteris hoc epitaphium insculptum  
erat: *Ego Isis sum Ægypti Regina à Mercurio erudita. Quæ ego legibus statui, nullus sol  
uere poterit. Ego sum vxor Osiridis. Ego sum prima frugum inuentrix. Ego sum Ori Regis  
mater. Ego sum in astro Canis refulgens. Mihi Bubastis vrbs condita. Gaude gaude  
Ægypte, quæ me nutristi.*

Rerum an-  
tiquarum  
lib. 1.

Inscriptio  
sepulchri  
Isidis.

- At fabularum harum vanitate relicta, veniamus nunc ad signum siue cha-  
racterem Tau, quem Isidis simulacrum prædictum, atque adeò cetera pænè  
omnia, quæ in hieroglyphica tabula antedicta cælata sunt, manibus appre-  
hensum tenent. De quo, licet libro tertio iam satis fusè egerimus, ac diui Hiero-  
nymy, Clementis Alexandrini, sancti Isidori, & aliorum grauissimorum scri-  
ptorum auctoritate suffulti, clarè admodum ostenderimus, hunc ipsum præci-  
puum & verum sanctæ Crucis signum existere; tamen quia res hæc maximi  
momenti est, & instituti nostri præcipua materia, non commitemus, vt ali-  
quid adhuc de eodem in piorum Lectorum gratiam hîc reticeamus. Ioannes  
Goropius Becanus suo de hieroglyphicis Tractatu asserit, vocem hanc Tau, Hierogly-  
phicorum  
lib. 16.  
Cimbrico idiomate, quod ipse ostendere nititur, primam fuisse linguam qua  
homines ab initio loqui cœperunt, id significare, quod ad tenendum quidpiam  
est accommodatum. Et quemadmodum apud regionis illius homines pro fune  
vsurpatur, ita priscis pro Cruce in vsu fuisse; quod instrumentum esset, cui fir-  
missimo nexu condemnati affigebantur, tantisper retinendi, donec supremum  
spiritum efflarent: *Quod si vocem hanc TAV, inquit, ordine verso legas, VAT habebis,  
quod idem est quod apprehende: quo monemur, vt Crucem apprehendamus, velut sacram  
quamdam anchoram, qua aduersus omnes tempestates atque procellas seruemur. Hoc  
præceptum in sacris Ægyptiorum figuris cuius licet intueri, in quibus cernitur diligen-  
ter ipsum Tau apprehendi atque retineri, velut amuletum quoddam omnium malorum.*

Tau, quod  
Isidis aliq;  
simulacra  
manu tenet,  
verum san-  
ctæ Crucis  
symbolum.

Neque



Neque verò in aenea tantum hieroglyphicorum tabula, incomparabili sacrosancta anti- A  
 quitatis monumento, Tau cum ansa, qua teneatur, cernitur, sed in plurimis etiam aliis  
 vetustissimis Aegyptiorum lapidibus Romam olim transportatis inuenitur. Hæc  
 idem Goropius, qui complures alios de hac figura & voce Tau ingeniosos ser-  
 monum discursus ibidem non desistit adiacere; quos, breuitati consulentes,  
 missos facimus, cum cuique curioso Lectori illos videre atque perlegere apud  
 eundem ipsum auctorem ad libitum fas sit: addemus tamen hoc loco pauca  
 ea tantummodò, quæ idem Becanus de magno sancto Antonio tradit.

Hierogly-  
 phicorum  
 lib. 16 pro-  
 pe finem.

Eadem figu-  
 ra Crucis in  
 imaginibus  
 S. Antoni,  
 que in hie-  
 roglyphicis  
 Aegyptio-  
 rum.

Nostrates, inquit, è media plebe homines, Tau peculiari nomine Crucem sancti An-  
 tonij nuncupant; eò quòd diuus Antonius semper ita pingatur, vt non modò Tau manu  
 gerat, perinde ac hieroglyphica simulacra, sed eo panulam etiam habeat insignitam. Quod  
 equidem non dubito, quin factum sit, quòd diuus Antonius Aegyptius esset, & ea quæ  
 de Tau ferebantur apud falsorum numinum sacerdotes, audisset, ideò hoc signo pralato  
 doceret, vitam illam, quam venturam expectauerant, iam adesse; & ea, si modò vel- B  
 lent, perfrui licere. Miror profecò, subdit, hanc in hoc Diuo pingendo constantiam  
 hætenus ab antiquo apud nos manere: nec quemquam repertum, qui causam Crucis  
 ad eum modum formatæ explicaret. Ceteris enim Sanctis Cruces dantur cum indicibus  
 superius extantibus, ita vt quattuor rectis angulis Crucis figura exprimitur: soli di-  
 uo Antonio ipsum Tau vera Crucis figura appingitur, cui nullus superius index, quem  
 Pilatus affixerat, adheret. Nusquam mihi pictores æquè atque in hoc signo pingendo  
 grati fuerunt; & eò quidem gratiores, quòd cur hanc figuram diuo Antonio facerent pe-  
 culiarem, prorsus ignorarent: quo nomine fides eorum magis exosculanda. Quamuis enim  
 nullo alio indicio, quæ vera Crucis antiquæ fuerit forma, sciremus; attamen de hac dili-  
 gentia imitationis videremus, & Crucem apud antiquissimos Tau fuisse, & hoc ipsum  
 signum illud esse, quod Aegyptij sacerdotes venturæ vitæ notationem habere asserebant.  
 Diuum autem Antonium honesto loco in Aegypto natum fuisse, & maximam vitæ par-  
 tem in Thebaide egisse, diuus Athanasius affirmat, qui admirabilem sanctissimi hominis C  
 vitam descripsit, inter cetera hoc etiam commemorans, eum Crucis signo diaboli impe-  
 tus frustrari solere. Hæc ille. Sicque nos etiam per ipsius Sancti intercessionem,  
 ac per eiusdem signi virtutem, omnem diabolicæ tentationis impetum & ag-  
 gressionem repellere & superare valeamus; ita vt victores, ac triumphum du-  
 centes, cum eodem & cum ceteris Sanctis omnibus, illum, qui per sanctam  
 Crucem suam eundem impiissimum atque nequissimum hostem gloriosè de-  
 uicit, in cælis laudare & benedicere valeamus, per infinita sæcula sæculorum.  
 Amen.

#### CAPVT VIII.

De sanctæ Crucis symbolis & figuris, quæ in Canopi Aegyptio-  
 rum idoli simulacris contineri videntur.

\*Intellige  
 primâ: nam  
 alioqui iustū  
 ve. e. mereri  
 gratiæ aug-  
 mentum. do-  
 cet Synod.  
 Tridentina  
 sess. 6 can. 32.  
 Prosper De  
 voc. Gent.  
 iuxta edit.  
 quæ est in  
 operibus  
 Ambrosij,  
 lib. 1. cap. 5.

QVEMADMODVM non est meritum humanæ operationis vilius, quan-  
 tauis bonitate & sanctitate nitatur, quòd Dei \*gratiam tamquam iure  
 retributionis debitam, sibi arrogare possit; sic etiam nulla est peccati aut scele-  
 ris tam impia & execranda atrocitas, quæ diuinæ gratiæ donum arcere queat.  
 Quamobrem Prosper Aquitanicus, in eo de vocatione Gentium Tractatu, qui  
 diuo Ambrosio à quibusdam tribuitur, inquit: Sicut nulla sunt tam detestanda  
 facinora, quæ possint gratiæ arcere donum; ita nulla possunt tam præclara opera existere,  
 quibus hoc, quod gratis tribuitur, per retributionis iudicium debeatur. Atque hinc esse  
 constat, quòd immensum Dei gratiæ pelagus, cuius dona sunt gratuita, sæpè  
 per indignos, scelestos atque impuros homines, excelsa & admiranda operatus  
 est;

D



A est; præsertim verò cum illa in alterius beneficium redundare debebant. Sic enim per Balaam ariolum & veneficum, benedictionem in exercitum filiorum Israël effudit: & per Pharaonem, cui annonæ caritatem reuelari fecerat, multos populos à fame liberauit. Quapropter appositè diuus Ioannes Chrysostomus: *In veteri quoque Testamento, inquit, est inuenire, gratiam videlicet vel indignis sepe numero fuisse operatam, quò inde alij quidam beneficio afficerentur. Nam & Balaam à fide optimoque viuendi instituto alienus erat, gratia tamen in illo ad aliorum æconomiam est operata. Similiter & Pharaon, tamen si eiusmodi & ipse erat, illi tamen Deus futura demonstrauit.*

*Deus per malos sæpè admiranda operatur cum bonorum commo.*

*In breui enarratione in Matth. c. 6. Tom. 2. in fine.*

Non est igitur cur miremur, quòd Deo optimo maximo placitum fuerit, ut per ipsorum Ægyptiorum idolorum artificum ac fabricatorum manus tot sanctæ Crucis figuræ & significationes in eorundem idolorum simulacris inuerentur, ac tacitè exprimerentur, cum hæc omnia posteris valdè proficua futura essent, tum ad credentes confirmandos, tum verò ad incredulos ad sanctæ fidei lumen perducendos. Quòd si in Osiridis & Isidis simulacris, de quibus in superioribus egimus, tam admiranda & notatu digna ad materiam hanc spectantia inspeximus, clariora & admiratione digniora proculdubio ea sunt, quæ in Canopi simulacris atque imaginibus continentur; quæ quidem erunt huius capitis non iniucunda (ni fallor) ac non inutilis materia.

*Nec mirū proinde idolorum fabricatores sanctæ Crucis figuræ expressisse.*

Fuit autem Canopus, ut Plutarchus placet, nauis Osiridis gubernator, quæ Græcis Argo dicitur, & iuxta Ægyptiorum fabulas, in ipsius Osiridis honorem, ad cælum inter astra euecta est. Vnde & nunc etiam, Argo nauis illa stellarum imago dicitur, quæ prope Orionis & Caniculæ imagines fulgere prospicitur. Inter quas lucidissima illa est, quam in meridionali remo seu gubernaculo constitutam fingunt, quæ Canopus appellatur: quia Ægyptij eidem Canopo eam dicatam ac sacram, adeoque ipsum Canopum in eandem transformatum fuisse putauerunt. De qua idem Plutarchus: *Imperatorem nominant Osirin, & gubernatorem Canopum, cum quo stella idem habeat nomen. Et nauim, quæ Argo Græcis dicitur, inter sidera relatam, in honorem nauis Osiridis, non procul ab Orione & Cane ferri. Stella hæc inter omnes fixas primæ magnitudinis, quæ in cælo conspiciuntur, nitidissima atque clarissima est. quocirca de eadem sic Plinius: Canopum lucere noctibus, sidus ingens & clarum. Quin etiam adeò conspicua & notatu digna est, ut Aristoteles, ac post ipsum idem Plinius, ab eadem terræ rotunditatem probauerint. Italia, inquit Plinius, stellam Canopum non cernit, quasi dicat, propter terræ rotunditatem; licet in Ægypto eiusdem detur prospectus, & ab Alexandria per quartam ferè partem signi vnus supra terram eminere intuentibus videatur, à Rhodo tamen terram ipsam quodammodò stringere cernitur.*

*De Iside & Osiride.*

*De Canopo deo Ægyptiorum opinionones varie.*

*Lib. 6. c. 22.*

*Lib. 2. c. 70.*

Alij eundem Canopum nauis Menelai Græcorum Imperatoris gubernatorem fuisse tradunt; qui cum à Troiæ expugnatione reuerteretur, Helenam iam à Paride raptam secum reducens, vi ventorum ad Ægypti littora delatus est; ubi in terram è nauis descendit, in parua quadam insula ante vnum ex Nili ostiis posita, atque ibi Canopus Amyclæus, nauis eius gubernator, ictu cuiusdam mortiferi serpentis, quem hæmorrhoida vocant, interiit: cuius mortem grauissimè mœrens Menelaus, cum corpus eius in splendidum sepulchrum intulisset, ibi in eius memoriam ciuitatem condidit, quam ab illius nomine Canopum appellauit: quæ à Magno Alexandro postea adaueta, & ad Pellæ vrbis æmulationem parè illustrata est. Ad quod sic alludit Virgilius:

*Georg. li. 4.*

*Nam quæ Pellæ gens fortunata Canopi  
Accolit effuso stagnantem flumine Nilum.*

Eius-



Eiusdem autem insulæ & ciuitatis inter alios præcipuam mentionem facit **A**  
 Strabo in sua Geographia, asserens illam ab Alexandria, terrestri itinere, cxx.  
 distare stadiis, Canopumq; à Canopi nomine Menelai classis gubernatoris, qui  
 ibi fato functus est, appellatam. De eadem meminit etiam Tacitus, dum Ger-  
 Annal. li. 2. manici Cæsaris iter in Ægyptum describit: *Nilo, inquit, subuehebatur orsus oppi-  
 do à Canopo. Condidere id Spartani, ob sepultum illic rectorem navis Canopum; qua  
 tempestate Menelaus Græciam repetens, diuersum ad mare terramque Libyam delatus.*

Hunc igitur Canopum supersticiosa & insipiens Ægypti plebs, ad idolola-  
 triam nimium propensa, veneratione prosequi, vota; ad illius sepulchrum ap-  
 pendere instituit; tantumque supersticio illa paullatim percrebuit, vt is demum  
 cultu solemniori tamquam deus ab omnibus adoraretur; simulacraque ei dicata,  
 altaria erecta, & fana constructa sint: &, vt summatim dicam, post Osiridem,  
 Serapidem, & Isidem, maior omnibus diis Canopus habitus est, quos stulti  
 Ægyptij colebant. Atq; in eadem Canopi ciuitate, & in ipsius idoli templo, to- **B**  
 tius Ægypti primum & celeberrimum erat gymnasium, vbi eos, qui initia-  
 bantur, hieroglyphicas, id est sacras litteras docebant. Quocirca locus ille, tam-  
 quam stolidæ Theologiæ ac profanæ religionis eorum fons & origo quædam,  
 tanto hominum concursu frequentabatur, tantaque veneratione colebatur, vt  
 nullum aliud templum aut gymnasium in tota Ægypto celebrius haberetur.

Ruffinus Aquileiensis historiæ Ecclesiasticæ libro yndecimo, qui secundus  
 est ex duobus quos ad Eusebij Cæsariensis historiam ab ipso Latinitati dona-  
 tam adiecit, quamdam huius idoli Canopi, siue vt veriùs dicam, cuiusdam sa-  
 cerdotis eius, planè memorabilem historiam refert, quæ fuit causa cur huius  
 idoli Canopi supersticiosa religio in ignara & rudi illorum temporum plebe,  
 mirum in modum aueretur. Quandoquidem eiusdem sacerdotis astu, idem  
 Canopus ignem superauit atq; deuicit, qui à Persis & Chaldæis summa vene-  
 ratione colebatur, ab ipsisq; omnium deorum potentissimus habebatur; quip- **C**  
 pe qui omnia vreret atque consumeret. Persas autem ignem adorare solitos, à  
 compluribus auctoritate grauissimis Scriptoribus affirmatur; atque ex eorum  
 scriptionibus elicitur, præsertim verò ex illo Herodoti Halicarnassei loco no-  
 In Thalia, tati digno, vbi ruinas, dissolutiones, iracundasque feritates referens, quas Cam-  
 siue lib. 3. byses Persarum Rex in Ægypto patrauit, inter cetera tradit, eundem Camby-  
 sem è Memphi discedentem, urbem Sain profectum esse, animo faciendi quæ  
 fecit. Etenim simulatque ædes Amasis Ægypti Regis, qui multo iam pridem  
 antea mortuus erat, ingressus esset, imperauit, cadauer eius è conditorio, id est,  
 è loco vbi defunctorum corpora seruabantur, afferri. Quod cum prolatum es-  
 set, per summam ignominiam atque ludibrium, vellicari, barbam euelli, ver-  
 beribus cædi, stimulis pungi, omni denique contumelia & dedecore, quod ex-  
 cogitare potuit, affici mandauit. At cum ministros suos circa barbaras feritates  
 illas frustra defatigari conspiceret (cum cadauer illud, utpote more Ægyptiaco **D**  
 salitum & conditum, resisteret, nec quidquam omnino læderetur) cremari ius-  
 sit: *haudquaquam* (inquit Herodotus) *sancta iubens; quia Persæ deum ignem esse*  
*arbitrantur: neutra verò harum nationum defunctorum cadauera cremare con-*  
*sueuerat. Persæ quidem ea non comburebant, quia indignum prorsus ac nefas*  
*ducebant, deum hominis depasci cadauere: minusque id faciebant Ægyptij,*  
*quia persuasum habebant, ignem animatam & voracem belluam esse, atque*  
*omnia quæ nascuntur deuorare; cumque deuorando expleta fuerit, vnà cum*  
*ipsa re deuorata extinguì ac mori. Aiebant enim non esse apud eos consuetudi-*  
*nem, mortuum hominem belluis tradendi, sed salendi, tum ob id, tum ne*  
*humatus à vermibus deuoreretur.*



**A** Historiam autem ignis, Persarum & Chaldaeorum dei, à Canopo deuicti, quam superius innuimus, idem Ruffinus his verbis enarrat: *Ferunt, inquit, Chaldaeos, ignem deum suum circumferentes, cum omnium provinciarum diis habuisse conflictum; quò scilicet, qui vicisset, hic esse deus ab omnibus crederetur. Reliquarum provinciarum dii, æris, aut auri, argentiq̃ue, aut ligni, vel lapidis, vel ex quacumque materia constabant, quæ per ignem proculdubio corrumpetur: ex quo fiebat, ut ignis locis omnibus obtineret. Hæc cum audisset Canopi sacerdos, callidum quiddam excogitauit. Hydriæ fieri solent in Ægypti partibus fictiles, undique crebris & minutis admodum foraminibus patulæ, quibus turbida aqua defudans defæcatur ac purior redditur. Harum ille unam, cera foraminibus obturatis, desuper etiam variis coloribus pictam, aqua repletam, statuit ut deum; & excisum veteris simulacri, quod Menelai gubernatoris ferebatur, caput desuper positum diligenter aptauit. Adsunt post hæc Chaldaei. Itur in conflictum, circa hydriam ignis accenditur: cera qua foramina fuerant obturata resoluitur: sudante hydria ignis extinguitur: sacerdotis fraude, Canopus Chaldaeorum victor ostenditur. Vnde ipsum Canopi simulacrum, pedibus perexiguis, attracto collo, & quasi suggillato, ventre tumido in modum hydriæ, cum dorso aequaliter tereti formatur. Ex hac persuasione velut deus victor omnium colebatur.*

Hist. Eccl.  
lib. 2.

Ignis deus  
Persarum,  
callidè à  
Canopi sa-  
cerdote fra-  
peratus.

Hanc ipsam historiam, eodem pari modo Suidas<sup>a</sup>, Petrus Crinitus<sup>b</sup>, Gregorius Giraldus<sup>c</sup>, alijq̃, plures referunt. Cui magnam auctoritatem ac fidem astruunt duo antiquissima Canopi simulacra, quæ Romæ extant; quorum alterum habet Illustrissimus Cardinalis Farnesius, quod ut notatu planè dignum, atque rarissimum, iam ære incisum, ac formis Claudij Duchetti impressum, per orbem circumfertur. Alterum verò annis iam quibusdam elapsis, fortè fortuna ad manus meas deuenit; idq̃ue inter mea antiquitatis monumenta, ea diligentia asseruo atque custodio, qua tam insigne ac rarum antiquitatis testimonium meritò dignum censendum est. Etenim nullum aliud, præter hæc duo, in Italia, ac forsitan in vniuersa Europa, reperiri puto. Meum quidem nigri, vel potius veneti coloris valdè fusci exsculptum est lapide, quem antiquariæ artis periti quidam, Balsa-tem, alij verò Ægyptiacam sili-tem appellant. Est autem trium vel paulo minùs palmorum; eiusdemq̃ue mensuræ illud Illustrissimi Farnesij constare puto. Ambo verò ex anteriore ac posteriore parte sunt hieroglyphicis characteribus insculpta; eandemq̃ue prorsus formam referunt, qua Ruffinus Aquileiensis illud Canopi descripsit; eo tantum excepto, quòd pro exiguis pedibus ab eodem Ruffino descriptis, paruum basim habent, quæ pro ipsius hydriæ pede inseruiat. Et ut vno verbo absoluam, eius planè sunt formæ, quæ in parua hac graphide conspicitur.

<sup>a</sup> In verbo  
Canopus.  
<sup>b</sup> De hone-  
sta disci-  
plina, li. 11.  
<sup>c</sup> 6.  
<sup>e</sup> Histor.  
deor. Gen-  
tilium, Syn-  
tag 1.  
Ruffini de  
Canopo hi-  
storiæ cō-  
firmant bi-  
na eius quæ  
etiam nunc  
exstant si-  
mulacra:



P p

Intier



*Eaq; sancta  
Cruis sym-  
bolis regie  
inignita.*

Inter ceteros verò hieroglyphicos characteres, qui in simulacris prædictis  
cælati sunt, quique locis diuersis repetiti comperiuntur, sanctæ Crucis sym-  
bola atque figuræ adfunt, quas hîc, vt diligentius obseruentur, leorsum an-  
notari curauimus.



*Hierogly-  
phicorum  
lib. 7.*

Habebat autem idolum hoc in manu dextera pennam, qua diuinitatem ip-  
sius innuere volebant. Et quidem Ioannes Goropius Becanus (quippe qui duo  
hæc vetustissima simulacra non viderat, quæ hydriæ paruis terebratæ ceraque  
obturatis foraminibus formam & Canopi sacerdotis fraudem appositè repræ-  
sentant, vt Ruffinus Aquileiensis eam descriperat) historiam hanc irridet, &  
tamquam anilem atque ridiculam fabulam habendam putat. Quocircà in suo  
de hieroglyphicis Tractatu, cum eandem historiam de verbo ad verbum re-  
tulisset, prout Aquileiensis Ruffinus litteris illam commendauit, ipse subdit:

*Quis hîc non videt ridiculâ & anilem fabellam, ne dicam putidam & ineptam? tantum  
abest, vt ad veram referri queat antiquitatem. Stupidi fuerint, & plusquam plumbei  
Chaldæi illi necesse est, qui nec hydriam, nec aquam effluentem deprehendere quinerint.  
Deinde qua tandem etate hoc commentum dicemus accidisse? Certè si vmquam, Camby-  
sis tempore contigerit, qui plurima contra Aegyptiorum supersticiosam insaniam desi-  
gnasse narratur. Atqui id fabulæ auctores non commemorant, adeò vt facile cernas qua-  
lis ea sit historia, quæ nullo tempore, nullo regno, nulloque auctore circumscribitur. Hæc  
ille. At ego quidem opinor, quòd si duo*

*Quæ Beca-  
nus si vidis-  
set, historiâ  
eamde com-  
probasset.*

antiquissima simulacra prædicta vidisset, animi sui proculdubio immutasset sen-  
tentiam. Ex ipsis enim manifestè digno-  
scitur, hanc aut veram historiam extitisse,  
aut tamquam verissimam in priscorum  
Ægyptiorum credulitatem insinuatam  
fuisse: iam enim à peruetustis adeò tem-  
poribus, Canopi simulacra in hanc for-  
mam effingere consueuerant.

*Alia Cano-  
pi imago.*

Dux alia Canopi imagines, quarum al-  
tera alterâ minor est, cælatæ conspiciun-  
tur in vetustissima illa Serenissimi Man-  
tuæ Ducis Ægyptiaca tabula, quæ Cardin-  
alis Bembi, vt superius diximus, quon-  
dam fuit; quæ eiusdem idoli Canopi sta-  
tuæ formam repræsentant, qualis esse de-  
bebat priusquam callidus sacerdos capite  
& manibus eam obtruncasset; illudque,  
& illas, ad Chaldæos astu illo decipien-  
dos, vt diximus, super hydriam collo-  
casset. Ambæque sunt eius formæ, quæ  
hîc conspiciuntur.

Admirabilis planè, & consideratione  
dignissima hæc imago perhibetur; quam  
Ioannes Goropius putat vetustiores Ægy-



ptios



Aptos in scholis, quò pueri ad bonas artes perdiscendas conueniebant, vnà cum Harpocratis imagine, pictam habere consueuisse. Per Harpocratem quidem innuentes, pueros silentium obseruare debere: & per Canopi imaginem, symbolicè ostendentes totum id, quod homo à suà infantia vsque ad extremam senectutem facturus est, vt post mortalis huius vitæ finem ad æternitatem & beatitudinem peruenire valeat. Idemq; Becanus putat, subsequantium hominum inscitia & simplicitate postea contigisse, vt ambas imagines prædictas tamquam idola posterì venerati sint. Quamobrem in suo de hieroglyphicis Tractatu inquit: *Hic Canopus haud aliter in scholis pingebatur, quàm Harpocrates. Et vt hic deus paulatim ex hominum ignorantia euasit, ita & Canopus in errorum materiam tractus, varias vulgo præbuit fabellas.* Hieroglyphic. lib. 7.

Imago hæc pueri habet caput, cuius corpus reticulo quodam totum circumseptum est: quo mea quidem sententia significatur, hominem, dum in pueritia & adolescentia constitutus est, coercendum, ac disciplinæ & obedientiæ fratribus cohibendum, à prauisq; consuetudinibus arcendum & abducendum, ne dissolutionibus & vitiis immergatur. Scipionem manibus apprehensum tenet, in quo Crux clarissima cernitur, & sub eadem lituum & amissim iisdem manibus retinet. Lituo enim præci augures cæli spatia metiri consueuerant: amissi verò artifices lineas ad destinatum scopum dirigunt. Ac proinde hoc scipione illud forsitan innuebatur, quòd homo qui in hoc mundo aduena & peregrinus est, si periculosum hoc iter securus conficere cupit, sanctæ Crucis baculo inniti debet; cogitationesq; suas ad cælum erigens, singulas rerum gerendarum & cupiditatum suarum lineas ad scopum hunc vnum dirigere debet, vt ad supernam patriam, vnde digressus est, omnino reuertatur atque perueniat. Huius autem scipionis culmen in alaudæ notissimæ volucris caput terminatur; cuius auiculæ naturalem hunc instinctum esse ferunt, vt septies in die ad laudes Deo canendas, sursum in aërem euolans efferatur. quo sanè antiquissimi huius symbolicæ imaginis auctores innuere voluerunt, omnem humanarum operationum summam ad Dei laudem & gloriam dirigendam. Denique imago hæc post caput & scapulas, triangulum quoddam habet, cui circulus annexus est: quibus figuris illud nobis innui videtur, quòd quicumque vitam suam in hoc mundo, ad eam normam quam obiter monuimus, direxerit, post humanæ huius peregrinationis cursum ad Deum tandem perueniet, qui per triangulum significatur, atque æternam beatitudinem (quæ circulo, figura perfectissima æternitatisq; symbolo designatur, quia principio & fine caret) assequetur.

Hæc igitur, vt summatim dicam, huius hieroglyphicæ & symbolicæ imaginis significatio paucissimis explicata verbis, meo quidem iudicio, esse potest: verum Ioannes Goropius fusè admodum in hoc defatigatur, diuersasq; curiosas explicationes eidem imagini tribuit, quas si hîc singulas referre velimus, tædiosè & prolixè nimis sermo noster diffunderetur. Ad illius ergo descriptiones curiosum Lectorem remittimus, vbi multas notatu dignas significationes, lituo & alaudæ ab ipso attributas, perspiciet, quibus Canopi scipio munitur. Est autem avis alauda consideratione dignissima, cuius gratia quidam ex veteribus Poëtis confingendæ fabellæ occasionem arripuit, qua auiculam hanc terra ipsa antiquiorem fuisse confingitur. Quocircà Aristophanes, qui antiquissima quæque irridere solet, alaudam quoque in comœdiæ partes introduxit. Pistratus enim apud eundem, auium chorum imperitiæ taxans, asserit, in quadam Æsopi fabula narrari, galeritam omnium auium primam extitisse, priusquam terra ipsa consisteret; ac deinde patrem eius obiisse, nec terram, in qua



Duo insi-  
gnia docu-  
menta ex  
auicula  
alanda.

sepeliretur, fuisse repertam; cumque diebus quinque sepultura caruisset, illam A  
consilij impotem, patris tumulum in capite sibi collocasse. Ex cuius fabulæ ar-  
gumento duo moralia documenta elicere possumus: quorum primo eius reue-  
rentiæ ac pietatis admonemur, quæ filiorum erga parentes esse debet. Secun-  
dum verò ex eo instinctu deduci potest, quem huic auiculæ natura insitum esse  
diximus, erigendi se in aërem septies in die, ad laudes Deo concinendas. Ad  
quod forsitan alludere voluerunt hi, qui eidem volucris alaudæ, à laudando  
nomen indiderunt. Hincque illud etiam fieri potuit, finxisse nimirum veteres,  
eamdem terra antiquiorem fuisse, ut innuerent, ante alia omnia quæcumque  
Deum inuocandum atque laudandum esse, nihilque precibus & laudibus di-  
uinis antiquius habendum. Atque ob id quoque illud fortè factum fuisse opi-  
nor, ut in illa Bembi hieroglyphica tabula, cuius iam toties meminimus,  
alaudæ caput non semel, sed septies cælaturum sit; ad innuendum septies quo-  
tidie Deo laudes canere galeritas. Quo quidem symbolo admoniti esse debe-  
mus, nos septies in die, id est semper & assidue Deo preces & hymnos fundere  
B  
debere. Quod etiam diuinus Psalter nos monitos esse voluit, cum dixit: *Septies  
in die laudem dixi tibi.*

Tertium  
idem docu-  
mentum ex  
eadem au-  
icula.

Aliam præterea ex eiusdem auiculæ ingenio vtilem moralitatem sumere  
possumus. Tradunt enim naturalium rerum obseruatores, alaudam, si accipiter  
eam acriter & strictè adeò persequatur, ut nullo alio pacto euadere aut serua-  
re se posse arbitretur, in sinum hominis refugere. Quo sanè actu docemur, in  
mundi huius ac diaboli rapacissimi truculentissimi que accipitris persecutioni-  
bus, ad Christi Domini nostri veri hominis veri que Dei perfugium omni fi-  
ducia per orationes confugere. Ipse enim pro sua infinita bonitate & miseri-  
cordia, ab omni vel maxima inimicorum nostrorum visibilium & inuisibi-  
lium vi, impetu, & oppressione nequissima nos eruet, & liberos esse pio ac sum-  
mo iussu decernet.

Scipio Ca-  
nopi, fir-  
missimum  
Crucis ful-  
cimentum  
designat.

Demum verò pro huius capitis coronide, ex Canopi historia, qua traditur ab  
hoc vno idolo ignem Persarum deum deuictum fuisse, ( ut quæ superius dicta  
sunt summatim perstringamus ) vtilissimum quoddam Christianæ moralita-  
tis documentum elicere possumus: idque esse scias, quod quicumque scipioni  
illi Canopi, quem innuimus, id est, sanctæ Crucis ligno firmiter non innitetur,  
qui que extra sanctæ Ecclesiæ Catholicæ gremium errabundus vagabitur, quæ  
sub sanctæ Crucis vexillo militans, sanctis suis dogmatibus salutari sua doctri-  
na, suisque ad Deum perennibus orationibus & gratiarum actionibus, sola  
per directum ac tutum iter hominem ad æternam vitam perducit; hic procul  
dubio igne inferni in æternum cruciabitur & comburetur. Idque pro Canopi  
imaginum, ac sanctæ Crucis figurarum quæ in eis contineri videntur exposi-  
tione, hactenus dixisse sufficiat: sub cuius victorioso vexillo, gloriosoque ac  
triumphali reparationis & redemptionis nostræ clypeo ac protectione, utinam  
infinitæ bonitati & misericordiæ illius sit placitum, qui in eodem pro nobis  
omnibus falsum Persarum deum, id est nequissimum satanam deuicit atque  
contriuit, nos adeò munire & corroborare, ut sua nos adiuuante gratia, omnes  
illius insidiosas periculosasque in nos irruptiones repellere & superare valea-  
mus; utque æterno igne deuictato, ad felicissimum cælestis patriæ refrigerium  
pertingamus, ubi ipse cum Patre & Spiritu sancto viuit & regnat per infinita  
sæcula sæculorum. Amen.



A

## CAPVT IX.

*De alio quodam Aegyptiaco hieroglyphico, in quo non solum Crux insculpta conspicitur, sed eius adoratio quodammodo exprimitur; sancta quoque Sacramenta à Christo Domino per sanguinis sui virtutem instituta, quae per Crucis signum in sancta Ecclesia Catholica exercenda erant, forsitan praesignabantur.*

**A**DMIRABILIA sanè ea fuere sanctae Crucis symbola & figurae, quae in Aegyptiorum idolorum simulacris haecenus inspeximus & consideraui-  
**B**mus: at longè magis (mea quidem sententia) admirandum, ac maxime animaduertendum sese nobis offert symbolum seu hieroglyphicum quoddam, quod pluribus locis caelatum cernitur in limbo vetustissimae illius Aegyptiacae & hieroglyphicae tabulae, quae Cardinalis Bembi quondam fuit, nunc autem penes Serenissimum Mantuae Ducem existere nouimus, in cuius mentionem iam toties incidimus. Quod hieroglyphicum, neque à Ioanne Goropio Beca-  
 no, nec ab alio quopiam, qui ad hanc usque diem scripserit (quod sciam) adhuc consideratum fuit: cum tamen ea res sit (meo iudicio) omnium notatū dignissima, quae inibi caelatae conspiciuntur. Cuius typum graphicè delineatum, pro eorum intelligentia, quae ad ipsius declarationem dicenda sunt, hoc loco addere placuit.

*Hieroglyphicum a nullo haecenus prolatum, mysteriis plenissimum.*

C



**D** Cernitur ibi sancta Crux ad eam prorsus formam efficta, qua nunc sancta Ecclesia uti solet, super altari quodam in vasis fastigio collocata; ex quo fontis cuiusdam instar copiosus humor defluit; ad sanguinem & aquam forsitan alludens, quae ex Domini nostri Iesu Christi latere profluxit, cum in sanctae Crucis altari lancea apertum atque perfoctum est. Qui quidem humor duobus catinis excipitur, in quibus duo cernuntur aspersoria, his panè similia, quibus sacerdotes in Ecclesiis aquam sanctam in populos inspergere solent. Quasi innuere videantur, ex sanguine nimirum & aqua, quae ex Christi latere profluxit, omnia sanctae Ecclesiae Catholicae Sacramenta & Sacramentalia originem traxisse; quae omnia per sanctae Crucis signum exercentur, & sine eo exerceri non possunt. Ad quod diuus Cyprianus appositè: *Nos, inquit, in Cruce Domini*

*Sanguinem & aquam è Christi latere manantem, omniumque sanctae Ecclesiae Sacramentorum quae Crucis signo peraguntur, originem foris praesignauit.*



De Bapti-  
smo Chri-  
sti, circa  
principiū.

gloriamur, cuius Virtus omnia peragit Sacramenta; sine quo signo nihil est sanctum, A  
neque aliqua consecratio meretur effectum. Hinc omnium sanctificationum exurgit subli-  
mitas & profundum; & longè lateque plenitudo diffunditur gratiarum.

De Tépo-  
re, Ser. 101

Typi ligni  
Crucis pæ-  
ne infiniti  
in veteri  
Testamēto.

Sanctæ Crucis signo atque mysterio initiantur, & in his quæ fidei sunt, erudiuntur catechumeni. Eodem signo fons regenerationis sanctificatur. Hoc eodem ipso, qui baptizati sunt, per manuum impositionem gratiarum dona percipiunt. Crucis charactere Ecclesiæ & altaria consecrantur. Signo eius, & verbis Domini, Eucharistiæ Sacramentum conficitur. Per hoc sacerdotes & diaconi ad sacros Ordines promouentur. Et omnia denique Ecclesiastica Sacramenta, ut superius dictum est, sanctæ Crucis signi virtute perficiuntur. B  
Quin etiam Moyse ipse, ut diuus testatur Augustinus, nullum signum sine ligni sacramento peregit. Ut enim signa & prodigia in Ægypto faceret, virgam accepit à Domino; & ad signa quæque diuinitus audiebat, & dicebatur ei: Eleua virgam tuam. Non utique Deus virgæ auxilio indigebat; sed erigebatur, ut scire possemus, quantum es-  
set illud futuri ligni mysterium, cuius fuerat umbra figuratum virgæ illius sacramen-  
tum. Fortè si Rubrum mare diuidendum est, iubetur Moyse eleuare virgam; & mare cognoscens venturi ligni figuram, mox iter populo pandit insuetum. Si ad aquam Mar-  
rhæ amaram venit, nisi lignum in se suscepit, non dulcescit. Quæ res erat indicio, C  
amaritudinem Gentium, per lignum Crucis in usum dulcedinis quandoque esse verten-  
dam. Si autem non habet aquam populus unde bibat, petra ligno percutitur, & dat per gratiam, quod non habuerat per naturam. Si Amalec sæuis hostis occurrit, Iesus filius Naue virgam tenere manu iubetur, & Moyse brachia sua in modum Crucis exten-  
dere, ac sic per figuram Crucis vincitur insuperabilis inimicus. Sed nec Eliseus ligni huius mystici virtutem penitus ignorauit, qui securim de manubrio in gurgitem lapsam, misso in flumine ligno, de profundo euocauit: significans utique dura corda, & ferreas hominum ceruices de profundo emersas errore, ligno Crucis esse in posterum subiugandas.

In exposi-  
tione tituli  
Psalm. 45.  
De Isaac,  
& anima  
cap. 8. in fi.

De passio-  
ne Christi,  
circa finē.

In hieroglyphica ergo figura antedicta, Crux conspicitur, super vas siue fontem collocata. Quod quidem vas (si tamen hoc dicere fas est) Christum Dominum crucifixum videtur præsignasse, qui verus est fons vitæ & salutis; de quo ait Propheta: Quoniam apud te est fons vitæ. Fons est Christus, inquit diuus Ambrosius, à quo aquæ manant, & supereffluunt requirentibus, quibus vniuersa carnis flagitia diluuntur, & omnia restinguuntur incendia. Et alibi subdit: Fons est omnium vitæ Christus. Ex hoc igitur sacratissimo & diuino fonte, cum latus eius in Cruce lancea perfossum est, aqua & sanguis manauit: aqua quidem pro culparum nostrarum ablutione; sanguis autem pro nostra redemptione. D  
De latere tuo, inquit diuus Cyprianus, sermone ad Christum conuerso, fons egreditur in vitam æternam prosiliens, & de eadem consubstantialique origine, diuisis limitibus, aqua & sanguis emanant, ad complementum perfectionemque totius iustitiæ, sacramenta in perpetuum duratura; & fontis illius vbertas, perenni lapsu vniuersam Ecclesiam irrigat & fecundat. Ex hoc fonte non tantum ablutionis primæ, qua initiantur accedentes ad Christum, vndas haurimus, sed & compunctionum & lacrymarum perennes effluunt riuus; misericordiarum suauitas & totius pietatis effectus emanat.

Præfigura-  
tus sanguis  
Christi, in  
vitulorum  
& hircorum  
sanguine  
quo popu-  
lum Moy-  
ses aspersit.

Præfiguratus fuit sanguis à Christo Domino profusus, quo redempti atque mundati sumus, in vitulorum & hircorum sanguine, quem magnus ille Moyse, postquam omnia Legis præcepta populo perlegisset, aqua & lana coccinea & hyssopo miscens, librum & omnem populum eo aspersit; inquiens: Hic est sanguis Testamenti, quod misit vobis Deus. Eodemque, ipsum tabernaculum, & omnia vasa ad sacrificium spectantia, pariter insperfit: illud sanè præsignans,



A signans, nempe per Christi sanguinem, sanguinem inquam præfigurati ac noui Testamenti, omnia sacrificij & domus Domini vasa, id est, omnes fideles mundandos & recuperandos; & absque sanguine illo nullam humanis casibus redemptionem adesse. Quamobrem inquit Apostolus: *Lecto enim omni* Hebr. 9. *mandato Legis à Moyse vniuerso populo, accipiens sanguinem vitulorum & hircorum, cum aqua, & lana coccinea, & hyssopo, ipsum quoque librum, & omnem populum aspersit, dicens: Hic sanguis Testamenti, quod mandauit ad vos Deus. Etiam tabernaculum, & omnia vasa ministerij, sanguine similiter aspersit. Et omnia penè in sanguine secundum Legem mundantur: & sine sanguinis effusione non fit remissio.*

Perquirat diligenter Theophylactus in hunc locum, quidnam causæ esse poterit, cur Moyses librum Legis, & vniuersum populum sanguine asperferit; & denique respondet: *Fortè, inquit, ut pretiosus Christi sanguis præfiguraretur, quo nos & corda nostra inspersa fuere; nam ipsa libri sunt.* Verum omni dubitatione In Epist. ad Hebræos cap. 9.

B remota asserimus nos, sanguinis asperfusionem illam, quam super librum, & super omnem populum fecit Moyses, nil aliud extitisse, quàm vmbra & figuram pretiosissimi Christi sanguinis, qui pro humani generis redemptione, & pro cordium nostrorum emundatione effusus est; quæ quidem libri sunt, in quibus diuinæ ac sanctæ Legis præcepta iugiter inscripta & annotata esse debent, & in quibus Deus omnes affectus ac desideria nostra apertè legit. Aqua Aqua quæ populum Moyses aspersit, Baptismi est symbolum. autem, subdit idem Theophylactus, Baptismi symbolum fuit; & propterea ibi sanguinem & aquam assumpsit Moyses, ad sanguinem & aquam illam alludens, quæ ex Christi Domini latere effluere debebat: vel quia Baptismus, cuius aqua symbolum est, mortem Domini annuntiaret, cuius sanguis est indicium. Assumpta pariter est in hoc ingenti planè mysterio, inquit, & hyssopus, ob vim retinendi, propter densitatem. Lana verò similiter, & lana quidem purpurei coloris, ipsum Christum innuens, qui tamquam mitis ouis occisus est, & proprio cruore purpureo tinctus. Sanguine pariter aspersit Moyses tabernaculum, & omnia vasa ministerij. Et hæc sanè vmbra & figura extitere.

C Nos enim Dei tabernacula & templa ipsius sumus, in quibus, dum iustitiæ ac bonitati innitimur, Spiritus sanctus inhabitat; iuxta quod scriptum est: *Inhabitabo in ipsis, & inambulabo.* Quasi diceret: Inhabitare delectabor in cordibus eorum. Deus enim ambulare dicitur, non quia de loco ad locum moueatur & transeat, sed iter eius hoc loco intelligi debet pro delectatione quam habet inhabitandi in cordibus sanctorum & electorum suorum. Quamobrem diuus Hieronymus inquit: *Ambulare dicitur Deus, non de loco ad locum transeundo, quia impium est ita credere, sed ambulatio eius est in cordibus sanctorum delectatio.* Vasa De his, quæ in S. Scripturis Deo attribuntur, Tô. 9. quoque nos etiam dici possumus; & vasa magnæ Domus Domini, in qua non tantum aurea & argentea, sed vt testatur Apostolus, lignea quoque atque fictilia sunt vasa; quædam autem in honorem, alia verò in contumeliam. Quod 2. Tim. 2.

D si quis ab iniquitatibus & à peccatis mundabitur, erit vas sanctificatum in honorem, vtile Domino, & ad omne opus bonum paratum atque dispositum. Nos ergo tabernacula & vasa, pretioso Christi sanguine aspersa, cum ipso sanctificati, & in morte eius baptizati sumus.

Ad quidnam causæ esse potuit, cur Apostolus dixit, quod secundum antiquam Legem omnia penè in sanguine mundabantur; & absolute non asseruit, omnia mundari, sed illud penè apposuit? *Quia* (respondet Theophylactus) *illa non erat perfecta mundatio, neque perfecta remissio; cum peccata non remitterentur.* Vnde In Epist. ad Hebræos, cap. 9. merito quidem subdit Apostolus, melioribus hostijs quàm illis opus esse. Tanto autem meliores sunt nostræ Iudaicis, quantum terra cælum altius est atque præstantius: ideoque terrestria bona illis pro retributione promittebantur; no-



stra verò hereditas celum est. Iure igitur ad illud acquirendum & adipiscendum A  
*Præfigura-  
tus est san-  
guis Christi  
in antiquis  
sacrificijs,  
& morte  
iustorum:* excellentius atque magnificentius requirebatur sacrificium, id est, sanguis vni-  
*Ad populū  
Antioche-  
nū Hom. 61.  
Tom. 5.* geniti Filij Dei, qui nos perfectius mundauit.

*Præfiguratus etiam fuit pretiosissimus Christi sanguis, quem in passione  
& morte  
iustorum:* Præfiguratus etiam fuit pretiosissimus Christi sanguis, quem in passione  
*Ad populū  
Antioche-  
nū Hom. 61.  
Tom. 5.* & morte sua profudit, antiquis sacrificijs, & in iustorum omnium morte,  
*In Psal. 95.* qui ante ipsum occisi sunt. Sanguis hic, inquit diuus Ioannes Chrysostomus,

*Antioche-  
nū Hom. 61.  
Tom. 5.* orbis terrarum est pretium: hoc Christus emit Ecclesiam, hoc eam omnem adornauit.

*In Psal. 95.* Sicut enim homo seruus emens, aurum erogat, & rursum eos ornare volens, id auro  
*Antioche-  
nū Hom. 61.  
Tom. 5.* facit: sic & Christus & sanguine nos emit, & ornavit sanguine. Tenebantur ho-  
*In Psal. 95.* mines, inquit diuus Augustinus, captivi sub diabolo, & demonibus seruebant;  
*Antioche-  
nū Hom. 61.  
Tom. 5.* sed redempti sunt à captiuitate. Vendere enim se potuerunt, sed redimere non po-  
*In Psal. 95.* tuerunt. Venit Redemptor, & dedit pretium; fudit sanguinem suum, emit orbem terra-  
*Antioche-  
nū Hom. 61.  
Tom. 5.* rum. Queritis quid emerit? Videte quid dederit, & inuenite quid emerit. Sanguis Chri-  
*In Psal. 95.* sti pretium est. Tanti quid valet? Quid, nisi totus orbis? Quid, nisi omnes Gentes?

*Insuper in  
vua botro,  
è Terra pro-  
missionis  
allato.* Præfiguratus pariter est Christi sanguis, qui in sancta Ecclesia Catholica  
*Insuper in  
vua botro,  
è Terra pro-  
missionis  
allato.* cunctis fidelibus factus est potio salutaris, in ingenti illo vua botro, quem pen-  
*Insuper in  
vua botro,  
è Terra pro-  
missionis  
allato.* dentem è ligno exploratores Israëlitarum è promissionis Terra euexerunt.  
*Insuper in  
vua botro,  
è Terra pro-  
missionis  
allato.* Quemadmodum enim botrus ille in ligno appensus delatus est, pressusque  
*Insuper in  
vua botro,  
è Terra pro-  
missionis  
allato.* mustum fudit; quò Israëliticus populus ex eo bibens, fructuum suauitatem terre  
*Insuper in  
vua botro,  
è Terra pro-  
missionis  
allato.* illius degustare posset, quam Deus ei promiserat: sic Christus Dominus ligno  
*Insuper in  
vua botro,  
è Terra pro-  
missionis  
allato.* sanctæ Crucis appensus atque confixus, quasi vua botrus impijs ac truculen-  
*Insuper in  
vua botro,  
è Terra pro-  
missionis  
allato.* tissimis crucifixorum manibus pressus, sacratissimi sanguinis sui pretiosum  
*Insuper in  
vua botro,  
è Terra pro-  
missionis  
allato.* atque suaue mustum è vulneribus profudit: non pro redemptionis nostræ pre-  
*Insuper in  
vua botro,  
è Terra pro-  
missionis  
allato.* tio tantum, sed vt fideles & electi eius, in sancta Ecclesia Catholica ex eo biben-  
*Insuper in  
vua botro,  
è Terra pro-  
missionis  
allato.* tes ac degustantes, ad immortalitatis atque æternæ felicitatis suauissimos fru-  
*Insuper in  
vua botro,  
è Terra pro-  
missionis  
allato.* ctus percipiendos, in cælestem patriam demum peruenire valerent. Quod

*Deut. 32.* Moyses proculdubio innuere voluit, cum dixit: Et sanguinem vua biberent me- C  
*Ad Cæciliū  
epist. 63.* racissimum. Quia quomodo, inquit diuus Cyprianus, ad potandum vinum veniri non  
*Ad Cæciliū  
epist. 63.* potest, nisi botrus calcetur antè & prematur: sic nec nos sanguinem Christi possemus  
*Ad Cæciliū  
epist. 63.* bibere, nisi Christus calcatus prius fuisset & pressus; & calicem prior bibisset, quem  
*Ad Cæciliū  
epist. 63.* credentibus propinaret. Benè præuidit Propheta, quàm dulcis atque suavis huius

*Psal. 22.* calicis potio futura esset, ita vt multos hinc ebrios futuros prospiceret, cum dixit:

*In Psal. 35.* Et calix meus inebrians, quàm præclarus est. Hoc iam calice, inquit diuus Augustinus,  
*In Psal. 35.* inebriati erant Martyres, quando ad passionem euntes, suos non agnoscebant. Quid tam  
*In Psal. 35.* ebrium, quàm non agnoscere uxorem flentem, non filios, non parentes? Non agnoscebant,  
*In Psal. 35.* non eos ante oculos esse arbitrabantur. Nolite mirari, ebrii erant. Vnde ebrii erant? Vide-  
*In Psal. 35.* te: acceperunt calicem, vnde inebriarentur. Vnde & ille gratias Deo agit, dicens:

*Psal. 115.* Quid retribuam Domino pro omnibus, quæ retribuit mihi? Calicem salutaris accipiam,  
*Psal. 115.* & nomen Domini inuocabo. Ergo fratres, subdit idem Augustinus, simus filij ho-  
*Psal. 115.* minum, & speremus sub tegmine alarum eius; & inebriemur ab vbertate domus eius, D  
*Psal. 115.* vnà cum his, de quibus diuinus Psalter intellexit, cum ait: Inebriabuntur ab vber-  
*Psal. 115.* tate domus tuæ, & torrente voluptatis tuæ potabis eos. Torrens dicitur aqua veniens  
*Psal. 115.* cum impetu. Impetus erit misericordiæ Dei, ad irrigandos & inebriandos eos, qui modo  
*Psal. 115.* ponunt spem sub umbraculo alarum eius. Voluptas illa quæ est? Quasi torrens inebrians  
*Psal. 115.* sitientes. Modò ergo qui sitit, spem ponat: qui sitit, habeat spem, inebriatus habebit  
*Psal. 115.* rem. Antequam habeat rem, sitiat in spe. Beati qui esuriunt & sitiunt iustitiam, quo-  
*Psal. 115.* niam saturabuntur. Quo ergo fonte irrigaberis? Et vnde currit tantus torrens voluptatis  
*Psal. 115.* eius? Quoniam apud te est, inquit, fons vitæ. Quis est fons vitæ, nisi Christus? Venit ad te  
*Psal. 115.* in carne, vt irrigaret fauces tuas sitientes. Satiabit ergo sperantem, qui irrigauit sitientes.

Si verò te (ô anima) terram infecundam, aut spinosam, vel siccam sentis, subdit idem  
 diuus



- A** diuus Pater alibi, recurre ad Creatorem tuum; instanterque & humiliter pete, ut inno-  
ueris, ut fecunderis, ut irrigaris ab illo, qui posuit desertum in stagna aquarum, & terram  
sine aqua in exitus aquarum; & habitare fecit illic esurientes, & constituerunt  
ciuitatem habitationis, & seminauerunt agros, & plantauerunt vineas, & fecerunt  
fructum frumenti. Ex qua terra? ex illa sterili, spinosa, & inaquosa. Et tu unaquaque  
anima, quæ accedis ad Christum, terra es spinosa & arida. Vnde probamus quia talis es?  
Recole illam sententiam, quam in primis parentibus accepisti, & inuenies quid inde  
traxisti: Spinæ, inquit, & tribulos germinabit tibi. An respondebis, non te esse terram  
spinosa? Si spinas non haberes, capiti Creatoris tui coronam spineam non imponeres.  
Quia ergo & tu talis es, spinarum multitudine, id est, peccatorum, pręgrauata es. Ideo  
tibi talis cultura impenditur; propterea Crucis ligno exararis, propterea celesti pluuia  
prepararis; ut cum secunda effecta fueris, non gratuleris de tuis, quæ nulla sunt, meritis;  
sed reddens bonos fructus, Christi prædices gratiam. Vis nosse qualis tibi adhibeatur cul-  
tura, qualis te desuper perfundat gratia? Ecce agnosce, Christi Cruce exararis, quando  
eius signo in fronte signaris: eius sanguine rigaris, quando in morte ipsius baptizaris.  
Quotquot enim, ait Apostolus, in Christo baptizati sumus, in morte ipsius baptizati su-  
mus. Verumtamen vide, o anima, subdit idem Pater, quomodo accipias hunc sangui-  
nem; quia qui eum bene accipit, accipit benedictionem: qui vero eum male accipit, iudi-  
cium sibi bibendo acquirit. Hoc figuratum est in illo agro Jude, de quo dictum est quod  
esset ager sanguinis: secutum est enim, ut diceretur: Fiat villa eius deserta. Si enim ad  
Iudam pertines, si facta eius imitaris, si sanguinem Christi non cum timore & tremore  
accipis, eris villa deserta, maledicta, reproba, & spinosa. Si autem sanguinem Christi tota  
cum reuerentiâ percipis, cognosces per illum tua tibi dimitti peccata; quoniam ager ille,  
quem comparauit Iudas, figuli dictus est. Habet potestatem figulus luti, ex eadem con-  
spersione aliud quidem vas facere in honorem, aliud in contumeliâ. O terra tanto irri-  
gata sanguine, responde tanto sanguini, non sicut Cain & Iudas verba excusationis, sed  
sicut sancti Martyres verba confessionis. Responde sicut respondit beatus Stephanus,  
qui in isto agro Dominico ut bonus colonus plurimum laborando, genu flexit, atque de  
terra petrosa vulneratus, ex ea lapides in suo corpore, tamquam in sinu suo collegit: &  
sudando in opere, terram sancto sanguine rigando, centenum fructum ex martyrio Do-  
mino præsentauit. Responde, sicut respondit Cyprianus, Laurentius, ceterique sancti  
pueri & puellæ, ætas omnis, & vterque sexus, qui percipientes sanguinem Christi, testi-  
monium dicebant; & non negantes nomen Christi, pro sanguine, quem biberunt, sangui-  
nem suum fundere non dubitauerunt, simulque cum Perpetua & Felicitate in æternum  
regnare meruerunt. Hoc in Apocalypsi reuelante Angelo, Joannes vidit turbam multam,  
quam dinumerare nemo poterat. Hanc requirens, quænam esset, responsum tale accepit:  
Hi sunt, dictum est, qui lauerunt stolas suas, & candidas eas fecerunt in sanguine Agni.  
Jam agnoscis, anima Christiana, quemadmodum & tu ex illo sanguine efficiaris candida;  
ut omnis & corpore & corde pulchra ascendas de fonte Christi consecrata in sanguine.
- D** Quid enim manauit ex illo latere Crucifixi? Sanguis & aqua: ex sanguine rubor, ex  
aqua splendor. Hæc omnia Augustinus.

De cultura  
agri Domi-  
nici, siue de  
Feria quar-  
ta, c. 2. T. 9.

Ad Christum  
anima inse-  
cunda acce-  
dat, ut ab eo  
irrigetur.

Rom. 6.

Rom. 9.

Sancta agri-  
cultura  
Martyrum  
imitanda.

Apoc. 17.

Aqua &  
vini in ca-  
lice Domi-  
ni comestio,  
fidelium po-  
pulorum cum  
Christo co-  
iunctionem  
fluxit, significat.



Ad Cæciliū  
epist. 63.

Forſitan  
etiam Ba-  
ptiſmus ſā-  
guinis in  
hieroglyphi-  
co designa-  
tur.  
Luc. 12.

In Iudicium  
c. 6. Hom. 7

Martyrj  
palmam  
quandoque  
optant  
Origenes.

fluxit; ſed à fidelium quoque populorum in ſancta Eccleſia Catholica cum ca-  
pite ac Domino noſtro Chriſto coniunctionem ſignificandam. Quamobrem  
ſanctus Cyprianus inquit: *Aquas namque populos ſignificare, in Apocalypſi Scriptu-  
ra diuina declarat, dicens: Aquæ quas vidisti, ſuper quas ſedet meretrix illa, populi, &  
turba, & gentes Ethnicorum ſunt, & lingua. Quod ſcilicet perſpicimus & in Sacra-  
mento calicis contineri. Nam quia nos omnes portabat Chriſtus, qui & peccata noſtra  
portabat; videmus in aqua populum intelligi, in vino verò oſtendi ſanguinem Chriſti.  
Quando autem in calice vino aqua miſcetur, Chriſto populus adunatur, & credentium  
plebs ei, in quem credit, copulatur & coniungitur. Quæ copulatio & coniunctio aquæ  
& vini, ſic miſcetur in calice Domini, vt commiſtio illa non poſſit ab inuicem ſeparari.  
Vnde Eccleſiam, id eſt, plebem in Eccleſia conſtitutam, fideliter & firmiter in eo quod  
credidit, perſeuerantem, nulla res ſeparare poterit à Chriſto, quò minùs hereat ſemper &  
maneant indiuidua dilectio. Hæc quidem omnia glorioſus Martyr, & Africæ Pri-  
mas Cyprianus; quæ nos in ſacraſſimi ſanguinis, quem Chriſtus Dominus in  
Cruce profudit, venerationem, hoc loco retulimus. Ex cuius perſoſſo atque pa-  
tenti latere, qui nobis fuit fons vitæ & ſalutis, ſanguis ille pariter emanauit, qui  
in ſancta Eccleſia Catholica fidelibus factus eſt potio ſalutaris. Ad quem non  
tantum hieroglyphica figura antepoſita alludere videtur, ſed ad illum forſitan  
etiam, quem ſancti Martyres pro Chriſti more, & in ſanctæ fidei teſtimonium  
adeò copioſè profuderunt. quorum plurimi, eum Baptiſmi gratiam adhuc  
non ſuſcepſſent, proprio cruore baptizati ſunt. De quo Baptiſmate, quidam  
Chriſtum Dominum intellexiſſe volunt, cum dixit: *Baptiſmo autem habeo bapti-  
zari, & quomodo coarctor donec perficiatur?* Quasi diceret: Proprio ſanguine de-  
nuò baptizandus ſum: neque eum facile credideritis, quantum ſalutis veſtræ  
ardens deſiderium, amorque infinitus in vos meus ad id me vrgeat atque aſſi-  
duè impellat, donec re ipſa adimpletum ſit.*

De hoc Baptiſmate Origenes ſic tradit: *Baptiſma ſanguinis ſolum eſt quod nos  
puriores reddat, quàm aquæ Baptiſmus reddidit. Et hoc ego non præſumo, ſed Scriptura  
refert, dicente Domino ad diſcipulos: Baptiſmo habeo baptizari, quod vos nescitis: &  
quomodo vrgeor, vt perficiatur? Vides ergo, quia profuſionem ſanguinis ſui, Baptiſma no-  
minauit. Et ne iſta dicens offendam, vereor ne iſtud Baptiſma eminentius ſit illo Bapti-  
ſmate, quod per aquam traditur. Illo enim accepto, valdè pauci ſunt ita beati, qui id im-  
maculatum vſque ad vitæ exitum ſeruare potuerint: hoc verò Baptiſmo qui baptizatus  
fuerit, peccare iam vltra non poteſt. Et ſi temerarium non eſt in rebus talibus audere ali-  
quid, poſſumus dicere, quòd per illud Baptiſma, præterita peccata purgantur; per iſtud  
verò, etiam futura perimuntur. Ibi peccata dimiſſa ſunt, hîc excluſa. Mihi ſi concederet  
Deus, vt proprio ſanguine diluerer, vt Baptiſmum ſecundum morte pro Chriſto ſuſce-  
pta perciperem, ſecurus ex iſto ſæculo diſcederem: vt veniens ad animam meam de hac  
vita exeuntem princeps huius mundi non inueniret quidquam; quin potiùs & ſanguinis  
mei profuſione ſopiretur, nec auderet in aliquo criminari animam cruore ſuo dilutam, mor-  
te ſua clarificatam, ſanguine ſuo lotam. Poſt iſtud Baptiſma nec Madianitæ vltra irrue-  
rent ad diſperdendos & exterminandos animæ fructus. Quis enim ſequi poſſit animam  
Martyris, quæ ſupergreſſa omnes æreas poteſtates, ad cæleſte tendit altare?*

Beati planè ſunt, quorum cor, cum de ſæculo recedunt, non trepidat pro peccato; quos  
pergentes ad Dominum, delictorum formido non terret. Beata illa anima, quæ occurrentes  
ſibi æreas demonum turmas, profuſi in martyrio ſanguinis cruore deturbat. Beatus eſt,  
de quo eunte ad cælum dicunt Angeli illam propheticam vocem: *Quis eſt iſte, qui ascen-  
dit ex Boſor, hoc eſt, qui de carne ad cælum aſcendit? Quis eſt iſte qui aſcendit ex Boſor,  
rubor veſtimentorum eius? in rubore veſtimentorum, cruorem ſanguinis deſignans.  
Beate ſunt ergo anima, quæ ſic Chriſtum ſequuntur, quomodo eas Chriſtus præceſſit. Et*

ideò



**A** idè quia sic sequuntur, vsque ad ipsum altare Dei perueniunt; ubi est ipse Dominus Iesus Christus Pontifex futurorum bonorum. Hæc ille. Atque hæc hæc de sanguine sacratissimo, quem Saluator noster pro redemptionis nostræ pretio tam liberaliter ac largè profudit, quemque non irrationabiliter forsitan opinor præsignatum fuisse in Ægyptiorum hieroglyphica figura siue imagine antedicta. Ex altera enim parte eiusdem vasis, quod sub Cruce ibi cælatum conspicitur, idem sanguis quodammodò profluere videtur: ex altera verò humor quidam promanare cernitur, ad aquam illam alludens, quæ ex eodem diuino & sacratissimo lateris Christi fonte pro peccatorum nostrorum ablutione & purgatione pariter effluxit.

Consideranda in hieroglyphico duplex scaturigo.

Diuinus atque viuificus hic fons lateris Christi, qui pro culparum nostrarum ablutione, in sancta Cruce aperiendus erat, iam antè per plura sæcula à Propheta prospectus ac prænuntiatus est, cum dixit: *In illa die erit fons patens domui David, & habitantibus Ierusalem, in ablutionem peccatoris & menstruatae. Et erit in die illa, dicit Dominus exercituum: Disperdam nomina idolorum de terra, & non memorabuntur ultra.* Super quibus verbis Rupertus Abbas diuinè propemodum inquit: *Quis enim est iste fons domus David, nisi Baptismi sacramentum, quod emanat de latere Filij David, patefacto lancea militis? Exiit enim sanguis & aqua: sanguis, ut redimeremur; aqua, ut renasceremur. Ex tunc, vsque ad consummationem sæculi, toto hoc tempore accepto, toto hoc die salutis, patens est fons ille domui David, & habitantibus Ierusalem, id est, Christianæ Religionis, & omnibus qui per fidem habitant intra sanctam Ecclesiam. In quo opus est illis fons patens? In ablutionem peccatoris & menstruatae, id est, in remissionem peccatorum credentis ex Circumcisione, credentis ex Gentilitate, quæ sanguine fluxit idololatriæ. In omnium ablutionem fons patens est, nulli claudendus est. Et notandum, quòd tantummodò domui David, & habitantibus Ierusalem fons patens dicitur, & est: nam his, qui contra domum David & extra Ierusalem sunt, non habendo fidem, hortus conclusus est, fons signatus est. Et benè continuò sequitur: In die illa, dicit Dominus exercituum, Disperdam nomina idolorum de terra, & non memorabuntur ultra. quia videlicet fluxus idololatriæ quæ est sanguis menstruatae, fonte Baptismi abluatur; ita ut nomina idolorum omnia deleantur, nec ultra in eum, in quem scripta fuerant, memorentur, cum fuerit fonte illo fideliter ablutus. Hinc apud Ezechielem idem Dominus dicit: Effundam super vos aquam mundam, & mundabimini ab omnibus inquinamentis vestris, & ab vniuersis idolis vestris mundabo vos.*

Zach. 13.

In Zachariæ cap. 13.

Ezech. 36.

Per supradictam ergo hieroglyphicam figuram, sanctæ Ecclesiæ Sacramenta, quæ ex Redemptoris nostri latere effluxerunt, & inter ea præsertim Baptismus, nobis quodammodò repræsentari videntur: nec non & figuram eandem prophetiam siue prædictionem quamdam tacitam fuisse, in qua non verbis, sed in imagine præsignaretur, veteres Ægyptios impiæ & ignominiosæ idololatriæ vanitatem ac superstitionem tandem deferentes, ad sanctæ fidei lumen, & ad sacrum Baptisma demum redigendos esse. Ac proinde in ipsa eadem hieroglyphica figura, Ægyptij cælati ac genuflexi sanctam Crucem adorantes conspiciuntur: illamque vnà cum vasis suis, manibus deferentes, ad sanctam Ecclesiam recurrere videntur, ut sacro fonte Baptismatis abluantur, & ut cordium suorum vasa fide sancta impleant, pro peculiari ipsorum captu, ac pro mensura, quam Deo vnicuique tribuere placuit. Iuxta quod inquit Apostolus: *Et vnicuique sicut Deus diuisit, mensuram fidei.* Quam fidem Spiritus sanctus vnicuique fidei per sanctam Ecclesiam infundit. Atque hinc est, quòd cum quis baptizari vult, antequam ad tanti Sacramenti actum procedatur, baptizandus ipse statim à sacerdote interrogatur: *Quid petis ab Ecclesia?* Et ille respondet: *Fidem.* Quod appositè innuere videtur vasculum illud siue mensura, quam Ægyptij, qui ibidem cælati sunt,

Genuflexio Ægyptiorum in hieroglyphico quid videatur significare.

Rom. 12.



sunt, manu deferunt, ut à sancta Ecclesia tanti thesauri dispensatrice, Fide sibi A  
impleretur; quæ pro munificentissimi ac benignissimi largitoris Dei sancta  
voluntate atque arbitrio singulis tribuitur. Quamobrem Prosper Aquitanicus  
in suo De vocatione Gentium tractatu, qui à nonnullis diuo Ambrosio adscri-  
bitur, prædictis Apostoli verbis ad institutum hoc utens, ait: *Paulus verò Apo-*  
Lib. I. c. 8. *stolus hanc ipsam fidem secundum mensuram dari pro arbitrio largientis prædicat.*  
edit. Ambr.

Iam sanctus Isaïas Propheta in spiritu præuiderat, Ægyptios, ceterosque  
Gentium populos, qui agnitione Dei omnique fidei lumine, & vera religione  
orbati, pauperes & mendici erant; & tamquam aridi ac deserti campi, omni  
sanctæ doctrinæ spiritualis pabulo, omnique Sacramentorum salubrium aqua-  
rum rigatione destituti; per Dei misericordiam sacro Baptismatis fonte irriga-  
tos atque dilutos, fecundos tandem atque frugiferos redigendos esse, cum di-  
xit: *Egeni & pauperes querunt aquas, & non sunt: lingua eorum siti aruit. Ego Do-*  
Haia 41. *minus exaudiam eos, Deus Israël non derelinquam eos. Aperiam in supinis collibus* B  
*flumina, & in medio camporum fontes. Ponam desertum in stagna aquarum, & terram*  
In Isaia *inuiam in riuos aquarum. Quæ verba diuus Hieronymus exponens, inquit: Gen-*  
cap. 41. *tium populus pauper & tenuis, qui non habebat scientiam veritatis, querit per diuer-*  
*fos magistros, & varia Philosophorum dogmata, aquas salubres, & non inuenit, quia*  
*non sunt: lingua eorum siti aruit, sine Lege & Prophetis. Omnem enim, iuxta Euange-*  
*lij fidem, substantiam suam in medicos consumpserat; & à cruore idololatriæ, & sangui-*  
*ne victimarum non poterat liberari. Propterea Dominus Deus Israël, non eos penitus*  
*dereliquit, nec in æternum perire passus est: sed aperuit in supinis collibus, siue in mon-*  
*tibus flumina, & in medio camporum fontes. Quæ flumina ex illo fluuiio duxere princi-*  
Psal. 45. *pium, qui in Psalmis legitur: Fluminis impetus latificat ciuitatem Dei. Et in alio loco:*  
Psal. 64. *Flumen Dei repletum est aquis: quæ aquæ & fontes de illo fonte manarunt, qui per Ie-*  
Ierem. 2. *remiam loquitur: Me dereliquerunt fontem aquæ viuæ. Et supra in hoc eodem Propheta*  
*dicitur: Bibent aquas de fontibus Saluatoris. De quibus & in Psalmis canitur: Bene-* C  
Psal. 67. *dixite Dominum Deum de fontibus Israël. Et posuit, inquit, desertum in stagnum aqua-*  
*rum, & terram inuiam in riuos aquarum. De quibus aquis & Saluator in Euangelio,*  
Ioan. 4. *mystico sermone dicebat: Qui biberit de aqua, quam ego dabo ei, non sitiet in æternum;*  
*sed aqua quam ego dederò ei, fiet in eo fons aquæ salientis in vitam æternam. Et iterum:*  
Ioan 7. *Si quis sitit, veniat ad me, & bibat. Qui biberit de aqua, quam ego dabo ei, flumina de*  
*ventre eius fluent aquæ viuæ.*

Et alibi Spiritus sanctus per os eiusdem magni Prophetæ Isaïæ, sub iisdem  
Metaphoris nouorum fontium ac fluuiorum, qui in deserto, & in aridis atque  
sterilibus campis ab ipso aperiendi erant, clarè prædixit, populos Gentiles &  
idololatrias, ad sacrum Baptisma, & ad sanctæ fidei lumen abs se perducendos:  
ita ut hi, qui propter idololatriæ impietatem & abominationem, bestiarum agri,  
dracones ac struthiones dici poterant; per fidem postea & per Sacramenta, po-  
pulus Dei electus, qui eum dignè laudaturus & glorificaturus esset, efficeren-  
tur: *Ponam, inquit, in deserto viam, & in inuio flumina. Glorificabit me bestia agri, dra-* D  
*cones, & struthiones: quia dedi in deserto aquas, flumina in inuio, ut darem potum po-*  
*pulo meo, electo meo; populum istum formavi mihi, laudem meam narrabit. Super qui-*  
bus verbis, sanctus Cyprianus asserit, Deum illic per Prophetam prænuuntiasse,  
effecturum se, ut apud Gentes in locis quæ inaquosa prius fuissent, flumina  
postmodum redundarent; ita ut electi, qui per Baptismi regenerationem filij  
Dei effecti essent, affluenter bibere possent.

Sancti Baptismatis Sacramentum in Elia sacrificio adumbratum  
Sancti Baptismatis Sacramentum in Elia sacrificio adumbratum  
Elias Propheta in impiorum Baal sacerdotum confusionem Deo obtulit; tunc  
nimirum cum illis proposuit, quò clarum atque perspicuum appareret quif-  
nam



**A** nam verus Deus esset, aram erigerent, lignaque ac bouem in frustra concisum <sup>3. Reg. 18.</sup> superponerent, ignem autem non supponerent: ipse verò idem se facturum spopondit. Is autem Deus, qui ad sacrificium illud comburendum ignem mitteret, ipse idem, ut verus Deus, ab omnibus coleretur. Quæ conditio, cum omnibus placuisset, postquam sacerdotes idololatræ idolum suum Baal inuocantes, ut ad sacrificium illud absumentum ignem immitteret, frustra defatigati essent; tunc ipse aram suam erexit, in cuius circuitu fodit aquæductum, quasi duas aratiunculas, lignisq; ac boue membratim diuiso superposito, præcepit ut tertio super his affluenter aquam effunderent. Cumque totum præparatum sacrificium, altare, ac fossa in eius excavata circuitu, aqua inundarent, ipso ad Deum preces fundente, ignis è cælo decidit, qui non ligna tantum ac bouem superimpositum vorauit, sed lapides ipsos absumpsit, & aquam qua fossa repleta erat, ipsumque lutum circumquaque lambit. Quam figuram diuus Ambrosius ad regenerationis nostræ Sacramenti significationem deducens, asserit Baptismum tamquam ignem quemdam peccata consumere; quia Christus in De Elia & igne & spiritu baptizat. *Tu es*, inquit, *ô homo*, qui super altare aqua ablue- <sup>Ieiunio</sup> ris, cuius exuritur culpa, ut vita renouetur. lignum enim & stipulam consumit ignis. <sup>C. 22. To. 1.</sup> Noli timere ignem, per quem illuminaris. ideò tibi dicitur: *Accedite ad eum*, & <sup>Psal. 33.</sup> illuminamini.

*Felix Sacramentum aquæ nostræ*, inquit Tertullianus, de Baptismo differens, <sup>De Baptismo, cap. 1.</sup> quia ablutis delictis pristina cæcitatibus, in vitam æternam liberamur. Ibi caro abluitur, <sup>& De resurrectione</sup> ut anima emaculetur. *Caro vngitur*, ut anima consecretur. *Caro signatur*, ut anima mu- <sup>carnis, c. 1.</sup> niatur. *Caro manus impositione adumbratur*, ut anima Spiritu illuminetur. Et iure quidem Tertullianus Baptismum, felix Sacramentum appellauit; cum ipsemet Christus Dominus baptizari voluerit; non quia ablutione egeret is, qui peccati maculam numquam contraxerat, sed ut diuino huic Sacramento singulare quoddam priuilegium, & perpetuam auctoritatem impertiret. Quamobrem diuus Cyprianus ait: *Veniebat Christus ad Baptismum, non egens lauacro, in quo peccatum non erat; sed ut Sacramento perennis daretur auctoritas.* Et paulo inferius subdit: *Baptizatur Christus, nec ultra Jordanis retrorsum conuertitur. Aruerunt vñtiones Iudaicæ: carimonie putruerunt: perpetuo lapsu Baptismi gratia emanat ad posteros, nec vlla vetustate siccatur.* Hæc ille. Baptismus fons ille est, per cuius felices ac beatos riuos tantum sitiens anima ad suauissimum fontem illum accedere potest, ad quem diuinus Psalter peruenire cupiebat, cum dixit: *Quemadmodum desiderat ceruus ad fontes aquarum, ita desiderat anima mea ad te Deus.* Sitiuit anima mea ad Deum fontem viuum; vel ut alij legendum putant, *fontem viuum.* Quæ verba diuus Hieronymus exponens, inquit: *Primum enim intelligendum est, quare, vel qualiter desiderat ceruus ad fontes aquarum. mos est enim eius, ut inuentum serpentem naribus hauriat; & post hæc exardescens, extinguat sitim.* Ergo homo Ecclesiæ, qui diu in actu venenoso degebat, ubi se perspicit cæno fornicationis, idololatriæ fœtore repletum, desiderat venire ad Christum, in quo est fons luminis; ut ablutus Baptismo, accipiat donum remissionis. Scit enim, quia nisi quis renatus fuerit ex aqua & Spiritu sancto, non habebit vitam æternam. Sed & si quis hodie nostrum extinctis vitiis, ignescat in desiderium Dominicæ contemplationis, potest & ipse dicere: *Quia desiderat anima mea ad te Deus; hoc est, relicto seculo ad te transire desidero.*

Diuus autem Augustinus, eundem quoque Psalmum, ac præcipuè verba prædicta exponens, docet quomodo ceruum in desiderio & cursu ad fontem homo imitari debeat, & quisnam sit fons ille desiderabilis, inquiens: *Curre ad fontes, desidera aquarum fontes. Apud Deum est fons vitæ, & insiccabilis fons: in illius luce lumen inobscurabile. Lumen hoc desidera, quemdam fontem, quoddam lumen,*



quale non norunt oculi tui. Cui lumini videndo oculus interior preparatur, cui fonti A  
 hauriendo sitis interior inardescit. Curre ad fontem, desidera fontem: sed noli utcum-  
 que, noli ut quaecumque animal currere: ut ceruus curre. Quid est, ut ceruus? Non  
 sit tarditas in currendo, impigrè curre, impigrè desidera fontem. Inuenimus enim insi-  
 gne velocitatis in ceruo. Sed fortè non hoc Scriptura solùm nos in ceruo considerare vo-  
 luit, sed & aliud audi. Quid aliud est in ceruo? serpentes necat, & post serpentium in-  
 teremptionem, maiore siti inardescit, peremptis serpentibus ad fontes acrius currit. Ser-  
 pentes vitia tua sunt: consume serpentes iniquitatis, tunc amplius desiderabis fontem  
 veritatis. Et paulò post addit: Dicuntur cerui, vel quando in agmine suo ambulant,  
 vel quando natando alias terrarum partes petunt, onera capitum suorum super se inui-  
 cem ponere, ita ut vnus precedat, & sequantur qui supra eum capita ponant, & supra  
 illos alij consequentes, & deinde alij, donec agmen finiatur. Ille autem vnus, qui pon-  
 dus capitis in primatu portabat, fatigatus, redit ad posteriora, ut alius ei succedat, qui  
 portet quod ille portabat, atque ille fatigationem suam recreet, posito capite sicut ceteri B  
 ponebant. Ita vicissim portando quod graue est, & viam peragunt, & inuicem se non  
 deserunt. Nónne quosdam ceruos alloquitur Apostolus, dicens: Alter alterius onera  
 portate, & sic adimplebitis legem Christi? Deinde subdit: Quod dico, Quemadmo-  
 dum desiderat ceruus ad fontes aquarum, ita desiderat anima mea ad te Deus; hoc dico,  
 Sitiuit anima mea ad Deum viuum. Quid sitiuit? Quando veniam & apparebo ante fa-  
 ciem Dei? Hoc est quod sitio; venire & apparere. Sitio in peregrinatione, sitio in cursu;  
 satiabor in aduentu. Sed quando veniam? Quod enim citius est Deo, tardum est deside-  
 rio. Quando veniam & apparebo ante faciem Dei? Ex hoc ardenti desiderio, illa ver-  
 ba pariter procedebant, quæ alibi idem Propheta clamans protulit: Vnam petij  
 à Domino, hanc requiram, ut inhabitem in domo Domini omnibus diebus vitæ meæ.  
 Sic ego quoque, dum hæc tota mentis deuotione conscribo, obsecro te Deus  
 meus, Creator meus, & Redemptor meus benignissime atque sanctissime, sin-  
 gularis gratiæ dono mihi concede, ut ad pedes infimi electi tui qui in cælis ad-  
 sit, ego etiam, licet indignus, in domo tua inhabitare valeam, ad te laudan-  
 dum, benedicendum, adorandum, & magnificandum in sæcula sæculo-  
 rum. Amen.

Psal. 16.

## CAPVT X.

*De sanctæ Crucis hieroglyphicis figuris & imaginibus, qua in  
 antiquis Aegyptiorum obeliscis Roma hodie conspiciuntur.*

VETERES Aegyptij, ut superius iam diximus, super omnia idola solem,  
 quem Osiridem appellabant, summo cultu & veneratione adorare con-  
 sueuerant, illum omnium ceterorum cælestium deorum dignissimum existi-  
 mantes. Quamobrem Lucius Apuleius, qui  
 Osiridis & Isis sacris initiatus erat, ma-  
 gnum deum, dominumque summum, &  
 parentem inuictum eundem appellauit. Illi  
 verò in ipsius honorem, obeliscos construere  
 & erigere solebant. quorum forma ad sola-  
 res radios alludebant, qui à lucidissimo solis  
 corpore sphaerico iaculorum instar emissi, in  
 figuram coni, oculorum nostrorum obtuti-  
 bus sese ostendunt, à lata radice in acutum  
 desinentes; ea pænè forma, quam hæc figura  
 demonstrat.

Libro II.

Obelisci in  
solis honore  
ab Aegy-  
ptiis erecti.

Et



A Et quemadmodum prisca Ægyptij, ut solem honore prosequerentur, & radiorum eius imaginem repræsentarent, obeliscos construere consueverant; sic etiam prisco gentis idiomate, eo nomine illos appellabāt, quod solares radios designabat. At postquam Ægypti regnum in Macedonum Regum, qui Ptolemæi dicebantur, potestate deuenit; Græci qui provinciam illam tunc frequentes incolere cœperunt, lingua sua obelos illos appellauēre: nomen ab eorum similitudine & imagine deductū, quod nostro quidem idiomate idem sonat, ac si verum siue verua diceremus. Et quia in Ægypto ingens paruorum obelorum aderat copia, ut illos à procerioribus distinguerent, diminutiuo nomine obeliscos, quasi parua verua eos appellare cœperunt. Quod nomen postea à populis adeo frequenter usurpatum est, ut temporum progressu, obelorum nomine exolecente, obelisci omnes proceri æquè ac parui appellati sint. Nostrates autem è media plebe homines, vulgari nomine *Guglias* illos vocare consueverunt; orta fortasse eos sic appellandi origine ab inscriptione illa prope radicem eius obelisci insculpta, qui in foro diui Petri nunc perstat, in qua Iulij nomen incisum est. Quod nomen cum ab idiotis & imperitis legeretur, pro Iulio, Gulius pronuntiabatur; sicque à Gulio, obeliscum ipsum Guliam dixere. Alij autem non Gulias, sed Agulias vulgari pariter sermone illos vocitant: eiusdem nominis originem ab acu deducentes, propter quamdam imaginis similitudinem quam cum illa obtinent; quandoquidem ab ipsorum basi sensim in excelsum consurgentes, ac paulatim gracilescentes, in angustum atque acutum verticem producuntur, ut Michael Mercatus in suo de obeliscis Tractatu fusiùs tradit, ad quem, breuitatis ergo, id remittimus.

Vnde Obelisci & Obeli nomen.

C Primus obeliscorum inuentor, ut Plinio placet, fuit Mitres, quartus Ægyptiorum Rex, qui circa quinquagesimum & quadragesimum super ter millesimum ætatis mundi annum, Regni illius gubernacula suscepit, ut ex Eusebij Chronicis elicitur. Traditque Plinius, Mitrem Regem, sic in somniis admonitum, obeliscos construere cœpisse. Causam tamen, cur sic ei iniunctum sit, minime prodit. Verum sanctus Isidorus illam aperire videtur. Tradit enim, quod cum Nilus quodam tempore nimia quadam inundatione Ægypto graue damnum intulisset, Mitres Rex, quem ipse Mespres appellat, grauiter indignatus, tamquam pœnas ab ipso flumine tali pacto exigere vellet, sagittam in vndas eius contorsit. Itaque non multo post, graui quadam valetudine correptus, oculorum lumine orbatus, cum post cæcitatem visum recepisset, duos obeliscos soli consecrauit. Diodorus tamen Siculus, non Mestri siue Mespri, sed Sesostris huius nominis secundo Ægyptiorum Regi, magni illius primi Sesostris filio, id contigisse asseuerat. Cuius verba, quia curiosam planè historiam quamdam, siue quod ipse etiam suspicari videtur, fabulam continent, hinc addidisse placuit; sic enim tradit: *Defuncto Sesoistre, eius filius regnum capiens, assumpto patris nomine, nulla in re gloriam paternam est imitatus, sed eodem quo pater casu afflictatus est. Oculis enim captus, siue propter communem patris naturam, siue (ut quidam fabulantur) propter impietatem erga Nilum, cuius cursum iaculatus, coactus est ad deorum auxilium confugere, ac plurimo tempore variis peractis sacris ad placanda numina, nulla ope adiutus est. Decimo post anno, responso ei reddito, ut placato deo qui Heliopoli coleretur, faciem mulieris inspiceret, quæ nullum nisi proprium nossset virum; ab uxore propria incipiens, cum multas expertus esset, nullam reperit incorruptam, præter hortulani cuiusdam, quam visu restituto uxorem cepit, reliquas omnes in villa quadam viuas combussit. Quem locum postea Ægyptij Sacram glebam vocarunt. Deo autem Heliopolis gratias secundum oraculum acceptum reddens, duos erexit vnius lapidis obeliscos, latitudinis octo, altitudinis cubitorum centum. Hæc ille.* Atque tunc primum obeliscos

Lib. 36. c. 8.

Originum lib. 18. c. 31  
Quæ prima sit obeliscorum erigendorum causa & origo.

Rerum antiquarum lib. 1.



liscos visos esse tradunt: licet idem Diodorus Siculus alibi litteris commenda- A  
uerit, Semiramem Assyriorum Reginam Babyloniae obeliscum erexisse; quæ  
trecentis & eo amplius annis, ipsius Mitres Ægypti Regis æuum antecessit.  
Quod tamen quantum veritati innitatur, Mercatus antedictus eodem De obe-  
liscis tractatu fusiùs prosequitur. apud quem curiosus Lector sibi in hoc ple-  
nè satis facere poterit: mihi enim hîc, vt in his imminorer, neque locus neque  
tempus suppetit. nam stilus ipse ad id rectè dirigendus est, quod ad institu-  
tum nostrum magis pertinet.

Ægyptij ergo obeliscorum primi inuentores extitère; eorumque præcipua  
mens, vt diximus, in illorum constructione fuit, vt solem iuxta patriam reli-  
gionem honore afficerent; radios eius, eorundem obeliscorum forma repræ-  
sentantes: quasi tali pacto gratè & religiosè ea beneficia tamquam ab ipso  
accepta agnoscere vellent, pro quibus iustius ac religiosius Deo optimo maxi-  
mo eorum largitori (ipsis radiis solaribus administris) gratiam iustis honori- B  
bus & memori mente persolvere tenebantur. Solares enim radij hi sunt, qui  
huc inferiùs demissi, ad homines, ad animalia, atque ad terram ipsam perue-  
niunt; quibus infinita Dei largitas & munificentia multa bona & commoda  
ad humanam vitam necessaria communicat. Is ergo honor, & hæc grati animi  
propensio, quæ omni iure atque officio exigente, summo ac vero Deo ipsius  
solis Creatori referenda est, insani idololatræ Ægyptij soli creaturæ tribue-  
bant. Idque quandoque immediatè, quandoque verò mediatè facere consueue-  
rant. Immediatè autem obeliscos soli dicare solebant, cum ipsimet soli, voti  
sponsione, vel meræ etiam deuotionis instinctu offerebant, illos in locis eidem  
soli sacratis erigentes. Mediatè verò, honorem hunc soli tribuebant, cum eos in  
Regis vel magni herois cuiuspiam memoriam erigebant; quos vt maiore ho-  
nore afficerent, vel per summam assentationem, solis filios appellabant; atque  
vt reuerà tales, cærimoniis quibusdam consecrabant: illosque deinceps tam- C  
quam terrestres deos habebant.

Qui autem voti vel puræ religionis ergò soli obeliscos dicabant, illos ple-  
rumque læuigatos & expolitos, nullisque litteris aut characteribus insculptos,  
construi curabant; nefas esse existimantes, voto, quod deo suo dicauerant, ali-  
quid insculpi, quod ad mundi huius rem vllam, vel ad ipsorum propriam glo-  
riam pertineret; qualis ille est, quem Sixtus Papa huius nominis Quintus Ro-  
mæ in forum diui Petri transferendum, ibique erigendum curauit; quemque  
Noncoreo Ægypti Rege ac Sesostris filio iubente excisum fuisse volunt. In ce-  
teris verò obeliscis, qui directè & immediatè soli non dicabantur, res varias  
atque diuersas hieroglyphicis litteris & characteribus insculpere solebant. Et  
quemadmodum dictio hæc hieroglyphica, nil aliud quàm sacrarum rerum no-  
tas significat; sic circa ea temporis initia, quibus obelisci in Ægypto construi  
cœperunt, nil aliud ferè his insculpebatur, quàm quæ ad naturalem philoso- D  
phiam, & ad religionis cærimonias ac mysteria spectabant. Quæ quidem nil  
aliud ad summum erant, quàm naturæ vniuersi quædam obsita mysteriis in-  
terpretatio, secretaque demonstratio; vt Clemens Alexandrinus, Iamblicus,  
Apuleius, Plutarchus, Porphyrius, alijque plures testantur.

*Sacerdotes  
Ægyptio-  
rum Astro-  
logia &  
Magia  
cultores.* Cum autem inter ceteras scientias, quæ circa ea tempora in Ægypto flore-  
bant, Astrologia & Magia magno in pretio haberentur; hinc Ægyptiorum  
sacerdotes peculiari eas studio profitebantur, existimantes magnam sibi opi-  
nionem & auctoritatem his administris accessuram, cum ambæ scientiæ istæ  
apud homines, maiore quàm ceteræ omnes sint in admiratione: arbitrati per  
harum alteram se longè plus scire, per alteram verò maiora facere posse, quàm  
quod



A quod homini sit concessum. Quamobrem quanto magis iidem sacerdotes in his duabus scientiis excelebant, tanto maiore admiratione & veneratione se dignos putabant, præsertim verò in Astrologia iudiciaria, quæ longè nobilior atque sublimior scientia apud eos habebatur, ideoque tamquam vna ex insignioribus eorum Theologiæ partibus, maximè veneranda ac suspicienda. Cuius gratia, & propter ea quæ de futuris contingentibus prædicebant, iidem sacerdotes (licet falso) Prophetæ appellabantur; vt Clemens Alexandrinus locis quamplurimis testatur; præsertim verò vbi Thaletem Milesium cum *Propheta hinc appellati.* Ægyptiacis Prophetis disputasse tradit: idemque fecisse Pythagoram, qui non *Stromatū lib. i. c. 6.* eosdem Prophetas tantum audire voluit, sed etiam circumcidi passus est, vt eorum adyta ingredi posset, mysticamque ipsorum disceret philosophiam. Et alibi idem Clemens Alexandrinus de philosophia disserens, testatur, illam à principio apud Barbaros floruisse, deinde verò ad Græcos etiam peruenisse:

B Ei, inquit, præfuerunt & Ægyptiorum Prophetæ, & Assyriorum (Chaldæi, & Gal- *Stromatū lib. i. c. 7.* lorum Druidæ, & Semanæi Bactrorum, & Celtarum ij qui philosophati sunt, & Persarum Magi; qui quidem Saluatoris quoque nostri ortum cognouerunt, & stella eos præcedente venerunt in Iudæam; & Indorum Gymnosophistæ, & alij Philosophi barbari.

Hi sacerdotes igitur, quos stulti Gentiles Prophetas appellabant, quemadmodum futura se præuidere arbitrabantur, sic posteris prodesse opinati, obeliscis & saxis ea insculpi mysticis figuris atque abstrusis imaginibus curabant; vt plebeiis ac profanis hominibus celata, solis eruditis viris ac tali præscientia dignis panderentur. Quamobrem nobis mirum videri non deberet, si inter eorum prognostica & prophetias, qualescumque illæ fuerint, permisisset Deus optimus maximus, sacratissimum quoque Crucis mysterium, per quod tam admirabile facinus facere statuerat, præsignatum esset: sicque inter mysticos hieroglyphicos characteres, qui in obeliscis aliisque Ægyptiarum antiquitatum monumentis cælati sunt, eiusdem sanctæ Crucis significationes, figuræ, atque etiam imagines comperirentur, vt iam iam dicturi sumus.

At postquam litteræ ac bonæ artes in Ægypto prolabi cœperunt, cum ipsis etiam pura philosophia, pietas, ac boni mores deprauati sunt: ita vt auaritia, ambitio, & assentatio ipsos quoque sacerdotes inuadens, Reges ad inanem gloriam pellicere aggressi sint. Quod Trismegistus Mercurius iam prædixerat, cum ab Asclepio interrogatus, quales futuri essent homines post ipsos; respondit quòd sacerdotum & Philosophorum malitia decepti, à pura & sancta philosophia seducendi ac semouendi erant. Quamobrem Ægyptiorum Reges, tam immoderata atque ambitiosa inanis gloriæ cupiditate deinceps exarserunt, vt non tam religionis ergò obeliscos soli erigerent, quàm vt suam ipsorum memoriam per eosdem ad posteros transmitterent, atque vt progeniem suam illustrarent, spectandamque ac magnificentissimam redderent: ea immanium saxorum forma delectati, quam ad propriam memoriam & recordationem per multorum sæculorum posteritates propagandam, aptissimam censebant, non solum propter excelsam magnitudinis & altitudinis eorum molem, sed quia magna stabilitate ac firmitate perstant. Quocircà sub religionis prætextu illos soli dicantes, propriam potentiam, imperium, reportatas victorias, exercitus deuictos, hostes profligatos, prouincias in ditionem redactas, populos subactos ac tributarios effectos, annuos census, redditus, vectigalia, tributa, & vt summatim dicam, id omne quod ipsorum famam, nominis celebritatem, & gloriam augere ac propagare posset, iisdem obeliscis insculpi curabant. Quare Diodorus Siculus memoriæ prodidit, Sesostrem illum magnum Ægyptiorum Regem, cum bellis finem imposuisset, nominis sui rerumque ab ipso gestarum



famam perpetuam post se relinquere cupientem, permultas fabricas admiratione ac memoratu dignas magnis ac profusis sumptibus construxisse; atque inter cetera, duos ingentes obeliscos ex solidissimo lapide excisos, vtrumque centum & viginti cubitorum altitudinis erexisse; hisque imperij sui magnitudinem, vectigalium multitudinem, & ab ipso subactas nationes, cælatis characteribus inscripsisse.

*Qui, sub-  
acta Ægy-  
pto, Romam  
aduecti  
sunt.*

Hoc obeliscorum nomen in Italia obscurum ac pænè incognitum fuit, donec Ægypti Regnum Ptolomæis Macedonibus ereptum, ab Augusto subactum, & in prouinciæ formam redactum, in potestatem populi Romani devenit: tunc enim & hoc nomen vnà cum obeliscis ipsis in Italiam est introductum. Etenim ab ipso Augusto, à Caio Caligula, à Claudio, & ab alijs Romanorum Imperatoribus eorum successoribus Romam aduecti sunt, ita vt Publius Victor sua in regionum Urbis descriptione testatus sit, ad sui temporis diem obeliscos quadraginta nouem Romæ perstare, magnos nempe sex, minores verò duos & quadraginta: locorumque vbi magni erecti fuerant, & eorum altitudinis mentionem facit his verbis: *Obelisci magni sex: duo in Circo maximo: maior est pedum CXXXII. minor pedum LXXXVIII. Et semis: vnus in Vaticano, pedum LXXII. vnus in campo Martio, pedum LXXII. Duo in Mausoleo Augusti pares, singuli pedum XLII. Et semis. In insula Tiberis vnus. Obelisci parui quadraginta duo. In plerisque sunt nota Ægyptiorum.* Hi autem nunc tandem obelisci, qui tam longa sæculorum reuolutione, inani Gentium superstitioni & impiæ idololatriæ inseruierant, iustum planè ac rationi consonum prorsus

*Nostro ve-  
rò aucto à  
Sixto V.  
sanctæ Crucis  
solemniter  
dicati.*

erat, vt summi & veri Dei cultui demum manciparentur. Quamobrem Spiritui sancto in temporum nostrorum fauorem præcipuum placuit, diuino afflatu suo, pij ac magnanimi Principis Sixti Quinti Pontificis maximi mentem impellere, vt præclarum facinus quoddam aggredi statueret, quod iam prædecessores eius fieri non posse iudicauerant; nimirum, vt obeliscum Vaticanum, quem è media plebe homines sancti Petri Aguliam vulgariter vocant, transferri, & in foro ante eiusdem Principis Apostolorum Basilicam erigi iuberet. Atque si id votis suis feliciter responderet, ceteros quoque obeliscos, qui perfracti, & ad terram prostrati Romæ comperiebantur, ante alias huius alimæ Urbis insigniores Basilicas erigendos decerneret: vt in eorum præexcelso vertice, sacrosanctum & venerabile Crucis signum exaltaret ac figeret: piam atque laudabilem priscorum patrum in hoc consuetudinem imitatus, qui in Ecclesiarum ædificatione & dedicatione, ante earum fores Crucem erigi curabant: quo innueretur, hoc Christi Domini victoriæ & redemptionis nostræ inuictum ac triumphale esse vexillum, sub quo pius populus Christianus congregandus est, vt contra inuisibiles hostes nostros militet atque decertet; & vt gloriosum ducem nostrum sequatur, qui sub huius inuicti signi clypeo, constantem ac firmam totius victoriæ nostræ spem constituit.

Excelsa igitur & admirabili quadam magnarum trabium contignatione & confixione, eiusdem Pontificis iussu constructa mole, siue castello; obeliscus is, quem diximus, quadraginta earum machinarum vi, quas Græci *Γεραδων*, Latini *Grus*, nos verò *Arganos* vulgariter appellamus, qui omnes vno eodemque tempore, circumactis equis reuoluebantur, concinnoque & coniuncto ordine ingentes funes trahebant, toto pænè spectante & admirante populo Romano, à basi sua leuatus & auulsus, in terram reclinatus est. Tum in diui Petri forum pertractus, alterius similis molis ad formam primæ constructæ, admirabili sanè artificio, ad nonum Kalendarum Octobris, reparatæ salutis anno quingentesimo octuagesimo sexto supra millesimum, eo loco, vbi nunc perstat, erectus est.

Sequenti



**A** Sequenti verò ab ipsius erectione Veneris die, solemniter de sancta Cruce à quodam Episcopo in diui Petri basilica peracto sacrificio, idem Præsul, pontificalibus infulis ornatus, ab eadem sacra basilica egressus, præcedente Clero, subse-  
Carimonia in cōsecratione obelisci anno 1586. adhibita.  
 quentibusque aulicis & Pontificiæ curiæ familiaribus, & ingenti populi multitudinem longo ordine deductus, & ab hastatis Heluctijs, qui ad prætorium excubant, hinc inde stipatus, ad obeliscum ipsum delatus est: ad cuius crepidinem altare quoddam erectum erat, splendido apparatu instructum, Cruxque ærea ac deaurata, quæ in ipsius obelisci summo vertice erigenda atque figenda erat, superposita: quam cum idem Episcopus benedixisset, obeliscum quoque varijs exorcismis, & aqua sancta hyssopo aspersum expurgauit, cumque thure sæpius adoleuisset, diuersis orationibus benedixit, & sanctæ Cruci consecratum dicauit, Crucemque singulis quattuor lateribus eius cultro insculpsit. Dumque Præsul ipse his peragendis distineretur, suauissimo musicorum concentu & sym-  
**B** phonia varij atque diuersi hymni in Christi & sanctæ Crucis honorem concinebantur. Expleta autem benedictione, Crux ad summum pertracta, à quodam diacono in obelisci vertice collocata est. quam statim, vt in culmine illo splendens apparuit, omnes qui circumstabant & vniuersus populus genuflectentes, pia veneratione adorarunt; demumque musicorum vocibus, tubarum clangoribus, ac bellicorum tormentorum ictibus consalutata est. Tunc autem illud Prophetæ vaticinium veritate ipsa denuò est comprobatum: *Elevabit signum in nationibus.* Isaia 5.

Obeliscus hic vnus ex his fuit, quos Noncoreus Ægypti Rex, excidendos & construendos mandauit: Romamque, Caio Caligula Imperatore iubente, delatus est, anno circiter Christi Domini quadragesimo primo, qui fuit imperij eiusdem Caij tertius. Is enim in Circo, quem ad Vaticani collis radices extruxerat, secus Viam triumphalem illum erigendum curauerat. Verum quia neque hieroglyphicis litteris, neque characteribus ullis insculptus est, qui ad sanctæ Crucis significationes atque figuras deduci possint, id nobis hoc loco dixisse sat erit, nimirum, inter Crucem & obeliscum, admirabilem quamdam sympathiam intercedere. Quemadmodum enim obelisci, solares radios repræsentabant, per quos omnia commoda ad corporalis vitæ huius necessaria Ægyptij se percipere arbitrabantur; ita sacrum & venerabile Crucis signum, clarum & coruscantem radium immensæ charitatis veri Solis iustitiæ designat, qui humani generis redemptionem in illo operatus est; per quam omnis spiritualis vitæ gratiam ac donum percipimus, & vitam quoque æternam consequi speramus.

Quamobrem ex hoc vno tantum capite, licet nil aliud accederet, apertè patet, quam prudens consilium, & optimè excogitata generosi atque magnanimi Pontificis antedicti ratio illa fuerit obeliscos erigendi, illosque sanctæ Cruci dicandi. Verum enimuero si permultas figuras atque imagines, quæ in ceteris obeliscis hieroglyphicis characteribus insculptis conspiciuntur, quos idem Pontifex post hunc erigi iussit, quæ (meo quidem iudicio) sanctæ Crucis symbola & significationes existunt, diligenter considerabimus; piè loquendo asserere libebit, consilium ac mentem eius Spiritus sancti afflatu excitatam atque impulsam fuisse. Perspicitur enim quodammodo, eosdem obeliscos ad id præcipuè constructos esse, quo sancta Crux in ipsis quandoque exaltaretur; præsertim cum certò ipsi exploratum esse non potuerit, antedictas Crucis imagines & figuras ipsidem insculptas reperiri: terra enim altè obruti atque cõtecti, iam per mille penè annos delituerant. Nisi tamen asserere voluerimus, huius rei aliquod exile indicium illum assequi potuisse ex Circi maximi graphide, quæ ad Tertulliani librum De spectaculis addita est; in qua obelisci illi duo, qui in eodem Circo per-  
**D**  
Obeliscus Cruci à Sixto V. merito dicatus.  
Deoque, ut videtur, prorsus impellente.



stabant, delineati conspiciuntur; licet informiter, nec vlllo pacto ad archetyporum ipsorum veritatem respondentes quoad hieroglyphicos characteres, qui in ipsis insculpti sunt. Inter quos etiam nullus ibi prorsus cernitur, qui ad sanctæ Crucis signum aut figuram pertrahi possit. A

Vaticani autem obelisci erectio, ad Sixti Quinti votum tam felici exitu producta, animos ei addidit statuendi, vt ad ceterorum erectionem, qui perfracti & ad terram prostrati Romæ comperiebantur, incumberetur. Ideoque statim iussit, vt ad sanctæ Mariæ maioris basilicam pertraheretur alter ex duobus obeliscis illis, qui olim in Augusti Mausoleo perstabant, iam Romam aduecti, ibique (vt quibusdam placet) erecti, Claudio Imperatore iubente; quos iam ante bis mille, centum & sexaginta annos, Smarres & Ephres Ægyptiorum Reges excidendos ac perficiendos curauerant. Is autem obeliscus iam à Gothis euersus, in quattuor frustra perfractus, iacebat in via, qua à porta Flaminia ante Augusti Mausoleum, ad lignorum emporium, quod Ripettam vocant, est iter, iuxta diui Rochi sacras ædes. Hunc igitur Pontifex post sanctæ Mariæ maioris ædem erigi, & ad eam formam quæ nunc conspicitur, interpolari iussit; ærea ac deaurata Cruce iisdem solemnitatibus in summo eius vertice collocata. Cuius obelisci, quia nullis hieroglyphicis characteribus est insculptus, nihil est quod vltius historiam prosequamur. Cum autem ex Plinij, Tertulliani, Ammiani, Marcellini, Publij Victoris, & Cassiodori lectione, nec non & eruditorum virorum, quos rerum antiquarum studium delectabat, relatione, idem Pontifex

*Magno ite studio & sumptu duo obelisci hieroglyphici erui.* notitiam assecutus esset, duos ingentes obeliscos hieroglyphicis characteribus insculptos, in Circo maximo antiquis temporibus perstitisse; quorum alter Augusto, alter verò Constantio magni Constantini Imperatoris filio iubente, ibi erectus fuerat; eos in ipso eodem loco, vbi Circus maximus olim extiterat, qui hodie in hortorum culturam redactus est, præmio inuentoribus proposito, diligenti studio perquirendos edixit. Atque re ipsa compertos, illos statim pertrahi atque erigi iussit: alterum quidem ante sacrosanctam Lateranensem basilicam, in foro, quo ad benedictionum xystum est prospectus: alterum verò prope sacratissimæ virginis Mariæ de populo templum; in foro, quod obuium est statim Romam ingredientibus, per eam portam, quæ olim Flaminia, nunc verò De populo nuncupatur. B

*E quibus vnus ad latus Lateranensis basilicæ erectus, Ramisæ Regis fuisse creditur.* Is autem obeliscus, qui ante siue ad latus Lateranensis basilicæ erectus est, plurimis verisimilibus argumentis ille idem esse putatur, quem Ramises siue Ramises, huius nominis sextus Ægyptiorum Rex, qui trecentis decem & octo circiter super mille annis ante Christi Domini aduentum regnare cœperat, construendum curauerat. Cuius obelisci meminit Plinius, asserens illum quadraginta cubitorum altitudinis, & viginti millium hominum opera excisum & constructum fuisse; veritumque Regem, ne ponderis magnitudine erigi potuisset, quò maius periculum curæ artificum denuntiaret, proprium filium adligasse cacumini, vt salus pueri apud molientes prodesset lapidi. Additque idem Plinius, obeliscum hunc subsequenter postea sæculis tantæ admirationis extitisse, vt Cambyses Persarum Rex, Thebarum vrbe expugnata atque incensa, cum incendio ventum esset ad crepidines obelisci, ignem illicò extingui iuberet, tantæ molis reuerentia, qui vrbs nullam habuerat. C

*Thebis Alexandria Constantini Imp. iussu delatus.* Obeliscus is ergo, à Cambyse intactus præseruatus, ingenti ea non obstante quam in Ægypto ediderat ruina, in eadem Thebarum vrbe erectus perstitit vsque ad magni Constantini tempora: qui cum vrbem Constantinopolitana, quam nouam Romam appellauerat, omnium magnificentiarum splendore pro viribus exornare agigaret animo, eundem obeliscum illuc deferendum D



A dum statuerat. Quamobrem antiquis suis sedibus auulsum, ac Nilo deuectum Alexandriam deferri iussit: verum, dum ratis ceteraque ad tantam molem mari Constantinopolim vehendam præparabantur, Constantinus ipse ex hac ad meliorem vitam migraturus excessit; obeliscusque idem usque ad Constantij filij eius vigesimum tertium Imperij annum Alexandriæ substitit. Is enim deuicto Magnentio, pluribusque aliis tyrannis è medio sublatis, qui diuersas Imperij partes sibi usurpauerant, & Romano Imperio ad pristinam vnitatem redacto, Romam venit, vt tantarum victoriarum suarum triumphum duceret. Cumque admirabiles fabricas, ceterasque ingentes moles ac magnificentissima ædificia, quæ Imperatores prædecessores eius extruenda curauerant, conspexisset; desiderij igniculis exardescere cœpit, alicuius heroici & illustris operis pariter moliendi extruendique, quo amplitudinis suæ memoria in futura conseruaretur sæcula. Cùm ergo quid sibi faciundum esset, consulisset, in recordationem & memoriam illi reductus est obeliscus ille, quem pater eius Alexandriam deferri iusserat; asseuerantibus ad voluntatemque titillantibus assentatoribus, quòd si obeliscum illum Romam vehendum, atque in Circo maximo prope illum quem Augustus ibi excitauerat, erigendum decerneret, non solum illius gloriam in hoc ab eo æquandam, sed etiam liquidò superandam; cùm ille molis magnitudine territus, loco suo mouere nec contrectare quidem ausus esset. Quamquam reuera Augustus, vt Ammianus Marcellinus Lib. 17. testatur, obeliscum illum intactum præterit, non vastitate aut pondere perterritus; sed quia veritus est illum dimoueri loco, vbi solemnì voto soli dicatus & consecratus fuerat. Cuius superstitionis rationem nullam habuit Constantinus Christianus Princeps, qui illum inde auellendum, Constantinopolimque, vt diximus, asportandum statuerat.

C His ergo rationibus permotus Constantius, obeliscum antedictum Romam omnino vehendum decreuit: ideoque statim iniunxit, vt maiore qua fieri posset diligentia, Alexandriæ, admirabilis & ad illam usque diem insuetæ amplitudinis construeretur; naus, sub trecentis remigibus agitanda qua idem postea obeliscus ad Portum Romanum usque, indeque per Tiberis fluentia, ad villam quamdam, cui vicus Alexandri nomen erat, tertio ab Vrbe lapide seiunctam, est vectus. Vbi è naui in terram proiectus, & chamulcis impositus, leniusque tractus, Romam per Ostiensem portam, quæ sancti Pauli nunc appellatur, inuectus, & prope piscinam publicam pertransiens, Circo illatus est maximo; vbi machinarum apparatus & conatibus illis, quos idem Ammianus Marcellinus refert, circa sexagesimum tertium super trecentessimum salutis nostræ annum erectus est. vbi ad Totilæ Gothorum Regis usque tempora perstitit. Tunc enim Barbari illi, acerrimo inuidiæ & odij motu, in insigniora quæque Romana ædificia debacchantes, Urbemque ipsam euertentes, eundem obeliscum, vnà cum antedicto Augusti, & ceteris omnibus, qui tunc Romæ perstabant, ad terram prostrauere; illo Caij tantum excepto, qui intactus seruatus est, ob venerationem, quam apud eosdem Barbaros, qui Christiani erant, diui Petri basilica obtinuit, ad cuius latus erectus erat. Itaque hi duo obelisci euerfi, & Circi maximi ruinis obruti, mille & quadraginta annorum circiter spatio permanserunt; donec Sixtus Quintus, vt diximus, illos eruendos censuit. Hic autem Constantij obeliscus, in tria frustra perfractus inuentus est. At interpolatus, & ad Lateranensis Basilicæ latus erectus, consuetis ritibus & cærimoniis est consecratus: illiusque vertici, eadem pietate & solemnitate quam de illo Caij retulimus, Crux illa ærea ac deaurata, quæ nunc ibi conspicitur, defixa fuit, quarto Idus Augusti, quingentesimo octua-

Deinde  
sub trecentis remigibus Alexandriam Romam, mandante Constantio, aduectus.

Demum à Sixto V. instauratus, & Cruci consecratus.



octuagesimo octavo anno supra millesimum; qui dies diuo Laurentio martyri sacer erat. A

*Alter obeliscus in foro diuæ Mariæ De populo erectus est dicarumque.*

Li. 36. c. 9.

*Olim ab Augusto Romam aduectus.*

Post hæc autem, Pontifex alterum obeliscum Augusti, qui prope hunc in Circo maximo compertus fuerat, pertrahi iussit, & in foro diuæ Mariæ De populo erigendum censuit; vbi re ipsa excitatus & consecratus est ad octauum Kalendarum Aprilis, anno millesimo quingentesimo octuagesimo nono. Isque ab architecto eo loco ac situ accurata ea circumspeditione collocatus atque defixus est, vt non tantum à tribus ipsius Urbis regiis viis, quibus ad portam Flaminiam pater iter (nimirum ab ea, quæ Ripettæ, ab ea quæ Cursus, & ab ea quæ Trinitatis dicitur) conspiciatur, sed in medio cuiuslibet earum prospectu ad amussim constitutus esse videatur. Atque in ipsius summo vertice, piis carimoniis & solemnitatibus, quas de ceteris diximus, Crux pariter ærea & deaurata quæ ibi cernitur, erecta est. Obeliscus hic, vt Plinius testatur, Semneferteo Amasis Ægyptiorum Regis filio iubente, olim excisus & constructus est; quo regnante, Pythagoram in Ægyptum profectum tradit, vt Ægyptiorum sacerdotum Theologiam disceret; quod circiter quingentesimum ac vigesimum quintum annum ante Christi Domini aduentum contigisse censetur; Romamque Octauiano Augusto Imperatore aduectus est. Is enim, cum Ægyptum in populi Romani potestatem rede gisset, cupiens insignis victoriæ suæ aliquo prouinciæ eiusdem spectabili ac permanente trophæo Romæ perpetuam memoriam asseruari; Imperij sui anni vigesimo, qui ante aduentum Christi Domini vigesimus secundus fuit, duos ex procerioribus atque integrioribus obeliscis, qui in Ægypto post Cambyfis Persarum Regis ruinam superfuerant, ab Heliopolitana vrbe Romam vehendos statuit. Quorum alterum, quem Sesostris Ægyptiorum Rex construxerat, in Campo Martio; alterum verò, de quo nunc agimus, in Circo maximo erigendum curauit.

Lib. 17.

Est autem obeliscus hic, quemadmodum & ille, qui ante Lateranensem basilicam perstat, hieroglyphicis characteribus totus insculptus; quorum sensus & significatio, magna ex parte apud Ammianum Marcellinum legitur in Græcum conuersa, & ex libro Hermapionis, vt ipse asserit, desumpta: eademque ex Græco à Petro Bargeo Latinitati donata legitur apud Michaëlem Mercatum in eius de obeliscis Tractatu. Quæ quidem ad summum, nihil aliud continet, quàm eiusdem obelisci dedicationem, quam soli fecerat Semneferteus Rex, Sethis Ramsetis magni Ægyptiorum Regis nomine: nec non & titulos, qui eidem Ramseti attributi fuerant tunc, cum solis filius declaratus & consecratus est. Quam dedicationem & inscriptionem eidem Semneferteus ea de causa faciendâ curauerat; quia cum filius esset Amasis Regis, qui ex ignobili familia ortus erat, hoc pacto ostendere voluit, se ab eodem antiquo & clarissimo Rege originem duxisse: sicque generis sui humilitatem & ignobilitatem obtegendam ratus, illud antiquissimum & illustrissimum fuisse ostentare nixus est. In amborum autem obeliscorum horum erectione priscam Ægyptiorum consuetudinem Augustus secutus est, illos soli consecrans ac dicans; quod aperte ostendit inscriptio illa, quam in basi huius obelisci Semnefertei, duobus nimirum lateribus ipsius quadrati trunci, ex lapide quem veteres Syenitem, & Pyrrhopæcilon Græco vocabulo, nos verò Granitum rubeum vulgariter appellamus, insculpi iussit, quæ ad hunc vsque diem ibi conspicitur, & commodè adhuc perlegi potest. At magnanimus Pontifex Sixtus Quintus, cum obeliscum hunc, & ceteros quos diximus, in digniorem & laudabiliorem vsum conuertisset, illosque sanctæ Cruci sanctius & iustius dicasset; inscriptiones alias, quæ ibi cernuntur, eorum truncis inferioribus incidi iussit: quas hîc addere prætermisimus,




A misimus, quoniam quicumque Romæ adest, illas ibidem cum voluerit, perlegere potest; qui verò abest, easdem etiam in Michaëlis Mercati libro, aliorumque scriptiōibus quæ typis impressæ circumferuntur, inspiciet.

Præter duos hos magnos ac præexcelsos obeliscos, hieroglyphicis characteribus insculptos, quos diximus, tres alij minores, figuris ac litteris hieroglyphicis pariter cælati conspiciuntur. Quorum alter erectus perstat in foro, quod sancti Mauti vulgò appellatur: alter in regio & amœnissimo viridario felicitis recordationis Serenissimi Ferdinandi Medicei Magni Ducis Hetruriæ: tertius verò in eo quod generosus vir Cyriacus Matthæius Romanus construxit. Atque in his omnibus manifestæ & admirabiles sanctæ Crucis figuræ atque imagines conspiciuntur. Neque enim in hoc est quod miremur: nam quemadmodum Ægypti Reges obeliscos excidi & construi iubebant, illosque religionis ergo soli, quem ut Deum venerabantur, dicabant; sic etiam fieri potuit, ut divina maiestas, quæ pro sua infinita bonitate & misericordia Gentium populos ad sui ipsius agnitionem & verum cultum perducendos decreuerat, eorum imprudentiam & cecitatem miserata, in obeliscorum forma, erectione, & hieroglyphicis, sanctam Crucem præsignatam præfiguratamque esse voluerit; in qua verus Sol iustitiæ Christus Dominus exaltandus, humani generis redemptionem operaturus erat: idque pro sua ipsius gloria, & utilitate nostra; quò fideles & electi, qui futuris postea sæculis superuenturi erant, easdem figuras attenta mentis contemplatione perpendentes, cum per tot sæcula ante Christi aduentum, sanctæ Crucis imaginem, redemptionisque & salutis nostræ mysteria tam clarè & apertè præsignata perspicerent, pias laudes ingentesque gratiarum actiones infinitæ ipsius bonitati & misericordiæ omni animi studio persoluerent, atque in sancta fide solidius firmarentur.

E Quamobrem in omnibus obeliscis hieroglyphicatis, immò in omnibus simulacris, & in omnibus Ægyptiorum lapidibus, qui hieroglyphicis characteribus insculpti sunt, inter cetera mystica signa, littera T, ansula superannexa, locis quamplurimis indifferenter cælata conspicitur. Quod sanè admiratus doctissimus Lipsius in suo De sancta Cruce tractatu, ingenuè fatetur, nescire se ad quid, & pro cuius rei significatione Ægyptij figuram hanc tam frequenter insculperent. Verùm Iacobus Gretserus ex Societate Iesu, ut eximij ingenij sui præstantiam in hoc, sicut & in ceteris omnibus ostenderet, eundem Lipsium secutus (qui tamen in hoc deceptus est) asserit, annulum illum siue ansulam, quæ litteræ T superposita cernitur in obeliscis, qui ex Ægypto Romam adue-  
Hieroglyphica præcipua Tansur annulum siue ansulam habeat superpositam.  
 ti sunt, nil aliud verè esse, quàm oculum. Ægyptij enim per oculum, solem significabant, quem Iouis oculum appellare consueuerant, illum modò Serapidis, modo Osiridis nomine censentes. Atque huius opinionis suæ rationem prodens, asserit, Ægyptios, & ex eorum disciplina Arabes, censuisse Crucis figuram cereris omnibus præstantiorem esse, quippe quam dicerent stellarum fortitudine effectam, & earumdem fortitudinis susceptaculum existere; ideoque habere summam in imaginibus potestatem, viresque & spiritus suscipere planetarum. Ex quo argumentum sumit, & infert, eosdem Ægyptios planetarum Regi Osiridi siue Serapidi, id est soli, Crucem attribuisse: ostenditque eos id non sine causa fecisse. Cum enim, inquit, Crucis signum Ægyptiis esset inter hieraticas litteras, quo vita ventura designabatur; cui magis appositè Crucem adscriberent quàm soli; quem vitæ videbant auctorem? addens, quòd si quis nolit circulum illum, qui Cruci superpositus cernitur, esse oculum; is dicat, signum hieroglyphicum esse Osiridis siue solis: testimoniumque



niumque ad id affert Clementis Alexandrini; qui ut exemplo ostenderet allegoricum sensum, quem hieroglyphica Aegyptiorum symbola obtinebant, asserit, eos, qui solem scribere volebant, circulum facere consuevisse. Ac pie admodum idem Gretserus concludens, ait, iure Tau siue Cruci oculum, siue solem circulo designatum, adiunctum fuisse, cum Cruci aliquando verus Sol iustitiæ, mundi que oculus clarissimus Christus Dominus figendus esset. Ibi que addit figuram Tau, cui oculus, siue solis hieroglyphicum est superimpositum, hac forma delineatum.




Qua quidem figura, & quibus Gretseri verbis, aperte dignoscitur, neque eum neque doctissimum Lipsium, quem in hoc imitatus est, Aegyptiacos obeliscos Romæ, propriis oculis coram re ipsa conspexisse: vel si illos quandoque viderunt, figuram tamen hanc siue hieroglyphicum, diligenti ac seria animadversione non observasse. Annulus enim siue circulus, ut ipse ait, qui Tau siue Cruci superstat, nullo pacto ea forma quam ipsi supponunt, exaratus est; sed eo modo, qui adiuncta hac graphide demonstratur, ubique cælata



atque insculptus comperitur, non in ipsis obeliscis tantum, sed in omnibus lapidibus & Aegyptiarum antiquitatum fragmentis, quæ ad hanc usque diem Romæ perstant.

Quamobrem manifestè patet, illum non esse oculum, neque circulum, siue solis signum hieroglyphicum, ut Lipsius antedictus obiter innuere voluit, atque ut idem Gretserus autumat, sed re vera ansulam ibi additam & superpositam, qua ipsum Tau, id est, Crux manui vel collo appensa deferri queat: ut clarissimè ostendunt imagines illæ, quas superius sexto & septimo huius libri capite prodidimus; quæ non solum ex vetustissima illa Serenissimi Ducis Mantuæ hieroglyphica tabula, sed ex Aegyptiaco obelisco, in foro diuæ Mariæ de populo Romæ defixo, fideliter etiam delineatæ atque desumptæ fuere. In cuius infima parte, prope ipsius basim, lateribus nimirum quæ ad Orientem & Occasum vergunt; è quibus hinc conuentus monachorum eiusdem sacratissimæ Virginis de populo, inde verò Tiberis amnis est prospectus; solis etiam imago humana specie cælata conspicitur, mitram capite gestans: qua forsitan ad ipsius solis nomen alluditur, qui à Persis, & ab aliis antiquissimis nationibus Mitras appellabatur. Sinistra autem manu Tau deferit, digitis ansulæ, cui ipsum Tau est appensum, infixis, ut in ipsius vero typo, quem in veritatis firmissimum testimonium hinc addere placuit, clarè intueri licet.

*Verus ansula illius typus atque usus.*



Ex quo euidenter apparet, inter paradoxa computari posse, si quis pertinaci contentione sustinere ac defendere perseveraret, illam non esse ansulâ, sed oculum



A lum vel, circulum, solem designantem: non enim oculo vel solari globo, qui per circulum innuitur, manus infigitur. Quamobrem idem Gretserus sententiam suam prudenter postea moderatus, subdit, inficias tamen iri minimè posse, oculum illum seu circulum, præter mysticam significationem, ansulæ quoque vice fungi, ut illa Ægyptiaca littera, vitæ venturæ significatrix, non modò collo commodè ferri, sed & manibus gestari posset. Quem usum, inquit, indicare videntur imagines illæ Ægyptiacæ, quas ex antiquis monumentis efformavit Becanus. Indifferenter etiam tam in Constantij obelisco, qui ad latus basilicæ Lateranensis nunc erectus perstat, quàm in illo Augusti, qui in foro sanctæ Mariæ de populo defixus est, inter ceteros hieroglyphicos characteres, Crux decussata, quam sancti Andree vulgò appellant, circulo hoc pacto redimita, locis quamplurimis insculpta cernitur.



B Quamobrem cum superius capite sexto, præsentī loco reservauerimus tractationem illius alterius hieroglyphici, quod in Serenissimi Mantuæ Ducis Ægyptiaca tabula tot locis insculptum cernitur, in quo Crux recta circulo pariter est circumdata; cum utriusque significatio eadem sit, æquum non est ut id ulterius prorogetur. Circulus ergo æternitatis est hieroglyphicum, quippe qui principio ac fine caret, quique neque incrementum neque imminutionem admittit. unde de eo quidam ex recentioribus Auctor noster iure optimo inquit:

*Circulum esse æternitatis hieroglyphicum, neminem latere potest qui non prorsus sit rationis impos.* Quocirca hinc fieri potuit, ut Ægyptij Crucem circulo redimitam, ea ratione forsitan insculperint, ut hac profunda & mystica significatione innuerent, ad æternitatem non aliter quàm per hoc Crucis signum perueniri posse; ideoque Crucem ipsam talem effinxerint, ut quattuor extremitatibus suis ad circulum pertingeret, qui, ut diximus, æternitatis hieroglyphicum & symbolum existit. Verùm enimverò, hac admirabili figura longè sublimiora mysteria innui videntur, quàm humani ingenij imbecillitas, solo naturalis luminis auxilio adiuta, assequi possit. Artificiosus enim & planè admirabilis character est: in quo si quis contemplationis aciem attentè dirigat, quasi in speculo quodam excelsa illa & suspicienda facinora, quæ summus Architectus ille atque omnium admirabilium patrator Deus per hoc sacrosanctum Crucis signum operaturus erat, retegī quodammodò videntur. Quare fieri non potuisse opinor, ut prisca Philosophi ac Theologi illi Ægyptiaci, utpote Ethnici & à Christi Domini aduentu per tot sæcula remoti, licet quavis etiam mundana scientia excellenter præditi, id omne plenè assequi & intellectu percipere potuissent, quod mystica hac figura præsignabatur.

Scribit Plato, circulum figuram esse omnium perfectissimam, Deoque simillimam. Quibus sanè verbis longè plura atque maiora attigit, quàm se dixisse crediderat. Quemadmodum enim Deus æternus est, principij ac finis expers, simplicissimus, capacissimus, ac perfectissimus; ita circulus, ut dictum est, æternitatis est symbolum. Est enim interminata figura, principio ac fine carens; & simplicissima, quæ vnica linea continetur, omniumque capacissima, cum omni impedimento sit vacua & expedita; & quæ demum perfectissima est, cum nulli prorsus incremento aut imminutioni subiiciatur. Quin etiam, quod admirabilius est, quemadmodum Deus trinus & vnus est, ita & in circulo trinitas atque vnitas quodammodò continetur. Circuli enim circumferentia, trina & vnica dimensione ad diametri sui longitudinis proportionem protenditur. ut exempli gratia, si diameter erit septem palmorum longitudinis, circumferentia eius ad ter septenos atque vnum palmum, id est ad vnum & viginti



Deus circu-  
lus intelle-  
ctualis, cu-  
ius centrum  
ubique, &  
circumferen-  
tia nusquam.  
Aristot. in  
Quæstion.  
mechan.

palmas prorogabitur. At longè altius ac mirabilius, multoque ante ipsum Pla-  
tonem Mercurius Trismegistus locutus est, cum dixit, Deum circulum in-  
tellectualem esse, cuius centrum ubique est; circumferentia verò nusquam.  
Quamobrem non iniuria Aristotelem dixisse probatur; pleraque miraculorum  
in circuli motionibus accidere. Cuius profectò sententiæ maior sensus patet,  
quàm ipse quoque se protulisse crediderat. Tunc enim miraculorum omnium  
maximum miraculum circuli motionibus accidisse constat, cum benedictus  
Deus & Pater Domini nostri Iesu Christi, Pater misericordiarum, & Deus to-  
tius consolationis, miseriarum nostrarum misericordia motus, dilectum & vni-  
cum Filium suum abs se in æterno atque beato sanctissimæ Trinitatis circulo  
ante omnia sæcula genitum, sibi quæ diuinitate atque potentia æqualem misit:  
qui factus homo, ut miseram & ærumnosam humanam naturam, peccatorum  
profundo barathro demersam, mortis vinculis alligatam, & sub horribili dæ-  
monum tyrannide prostratam atque obrutam erigeret ac subleuaret; Crucis  
arborem vitale quæ & quadratum hoc lignum conscendit, quod quattuor extre-  
mitatibus suis ad circulum pertingit: significans Dei Filium, in mortis & sepul-  
turæ suæ profunditate, infernum spoliaturum; gloriosæ resurrectionis & admi-  
rabilis ascensionis suæ sublimitate, cælum & æternitatis aditum nobis referatu-  
rum; in immensæ charitatis latitudine, electos suos ab Oriente & Occidente, in  
fidei vnitæ, & in sanctæ ac militantis Ecclesiæ ambitum congregaturum: de-  
mum quæ præsignans, eosdem Dei electos, postquam sub hoc sanctæ Crucis  
felicissimo vexillo, contra quattuor illos acerrimos hostes nostros, mundum vi-  
delicet, carnem, mortem, & diabolum, qui à quattuor cuspidibus huius quater  
acutæ ipsis quæ terribilis ac letiferæ hastæ iam debilitati atque prostrati fue-  
rant, viriliter decertauerint, immortalitatis corona, & æternæ gloriæ sermo, in  
paradisi felicissimo circulo redimiendos.

2. Tim. 4.

Hanc certè coronam intellexit Apostolus, cum dixit: *Reposita est mihi coro-  
na iustitiæ, quam reddet mihi Dominus in illa die iustus Iudex.* subdens non solum  
sibi hanc iustitiæ coronam à Domino infallibiliter elargiendam; sed & omni-  
bus, qui omni animi studio eum diligentes, præcepta quæ eius seruantes, & Cru-  
cem suam alacri animo ferentes, in periculoso atque terribili huius vitæ prælio

Quattuor  
Crucis ex-  
tremitates  
circulo in  
hieroglyphi-  
ca figura  
redimitæ,  
quid signi-  
ficare vi-  
deantur.

intrepidè & constanter eum secuti fuerint. Atque hinc fieri potest, ut quattuor  
Crucis extremitates, quæ in hac hieroglyphica figura circulo siue corona redi-  
mitæ cernuntur, illud forsitan significant; quod quicumque sub sanctæ Crucis  
quadruplici clypeo legitimè certauerit, & hac quater acuta lancea ab inimicis se  
ipsum strenuè defenderit ac tutatus fuerit; eo nimirum eiusdem lanceæ mucro-  
ne, qui ad profundum vergens solidè in terram defigitur, diaboli tentationes  
propulsauerit & oppresserit, in sancta fide firmus ac constans; acumine autem  
eo quod in summitate versus cælum erigitur, ambitionem, superbiam, & sæcu-  
li huius vanitates spreuerit; cuspidem verò quæ ad dexteram protenditur, pro-  
prios carnis affectus & appetitus cohibuerit atque domuerit; & acie illa quæ si-  
nistram versus distenditur, pro Christi amore persecutiones & mortis intentat-  
os terrores despexerit; is proculdubio coronam consequetur: quæ propterea in  
anteposita figura hieroglyphica Crucem in se complectitur; innuens atque  
apertè indicans, sine Cruce ad immortalitatis & æternæ gloriæ coronam  
perueniri non posse: quia, ut idem Apostolus dixit, non coronabitur, nisi qui  
legitimè certauerit.

2. Tim. 2.

Circulus prætereà sæpè etiam pro mundi significatione depingi ac figurari  
consueuerat: summus ille enim architectus Deus, immensam vniuersi molem  
creans, figura circulari effinxit. Quamobrem illud etiam fieri potuit, ut prisci  
illi



**A** illi Philosophi ac Theologi Ægyptiaci præsenferint, Deum per hoc admirabile Crucis signum, mundum quandoque reformaturum ac redempturum esse; ideoque in circuli mundum designantis medio, illam insculpserint: hoc auspiciatissimo hieroglyphico diuinantes, Crucem ipsam in vniuerso terrarum orbe prædicandam & adorandam. Quocirca venerabilis Beda, & post eum Rupertus Abbas, poetice pieque colludentes, libris suis ad institutum hoc illa Sedulij carmina intexuerunt, qui de eadem sancta Cruce cunctis quattuor mundi partibus colenda, sic cecinit:

*Néve quis ignoret speciem Crucis esse colendam,  
Quæ Dominum portauit ouans, ratione potenti;  
Quattuor inde plagas quadrati colligit orbis.  
Splendidus Auctoris de vertice fulget Eous,  
Occiduo sacra labuntur fidere planta,  
Arcton dextra tenet, medium læua erigit axem.*

Operis Pa-  
schalis li. 4.

**B** Vel saltem id verisimilius contingere potuit, vt ab ipsa Crucis forma, & à numerorum potentia quibus illa formatur, diuina permissione intellexerint, Deum optimum maximum, in hoc admirabili signo maiora miracula & excelsiora patraturum facinora, quæ post mundi creationis miraculum operari statuisset. Ac propterea in ipso circulo, quasi in mundi medio id insculpserint, vt inuenerent, mundum & Crucem maiora Dei esse miracula, quibus infinita eius potentia, incomparabilis bonitas & misericordia omnibus sit propalam. Quorum miraculorum & admirabilitatum, quas Deus ipse per sanctam Crucem operatus est, partem aliquam diuus Ioannes Chrysostomus breuiter attigit, sic ferè tradens: Hoc Crucis lignum, signumque quod mortis erat symbolum, multæ benedictionis argumentum factum est, & omnigenæ securitatis murus; tempestiua diaboli plaga, dæmonum frænum, chamus contrariarum virtutum: hoc mortem sustulit, hoc inferni areas portas confregit, hoc vectes ferreos contriuit, diaboli arcem expugnauit, peccati neruos execut, totum orbem condemnationi subiectum eripuit; plagam à Deo immissam aduersus naturam nostram remisit; & demum quæ non potuit mare cum diuideretur, & petra cum scinderetur, & aer cum mutaretur, & manna quod quadraginta annis tot millibus hominum satis fuit, & Lex, & alia signa tam in deserto quàm in Palæstina facta, ea potuit sancta Crux, non in vno populo tantum, sed in omnibus gentibus quæ in toto orbe terrarum sub sole degunt. Crux calorum ostia reclusit, & paradisi renouauit ingressum. Crux terrarum orbem conuertit atque sanauit. Hæc errorem abegit, & veritatem reduxit. Hæc terram in cælum posuit. Hæc ex hominibus Angelos effecit. Hac Cruce mors in somnum redacta est. Hac omnia quæ nobis aduersabantur, humi deiecta conculcantur.

In Ser. quodd  
Christus sit  
Deus, To. 5

Elogia sa-  
cratissima  
Crucis.

In Mat. c. 16  
Homil. 55.  
Tom. 2.

**D** Per hanc (subdit idem alibi) sæculum sanctificatum est, dæmones dispersi sunt, mors subuersa est atque deuicta, diabolus victus, homo solutus, & Deus glorificatus est. Demum verò seipsum erigens ad contemplationem virtutum ac mirabilium eorum, quæ Deus optimus maximus per hoc sacrosanctum Crucis signum, in profectum nostrum operari dignatus est, mentem sibi repente tot conceptionibus turgidam grauidamque sensit, vt illas retinere nequens, quasi rapidi cuiusdam torrentis instar, cuius cursus à superfluente materia quandoque retentus, finitimos campos omnes inundet, in rerum tandem ingentem profluentiam sic proruperit: *Crux spes est Christianorum, resurrectio mortuorum, cecorum dux, desperatorum via, claudorum baculus, consolatio pauperum, refrenatio diuitum, destructio superbiorum, malè viuientium pœna, aduersus dæmones triumphus, deuictio diaboli, adolescentium pedagogus, sustentatio inopum, spes desperatorum, nau-*

In Hom. 2.  
De Cruce  
& latrone,  
Tom. 3.

In Homil.  
de Cruce  
Domini,  
eod. Tom.




gantium gubernator, periclitantium portus, obsessorum murus, pater orphanorum, de- A  
fensor viduarum, iustorum consiliarius, tribulorum requies, paruulorum custos, viro-  
rum caput, senum finis, lumen in tenebris sedentium, regum magnificentia, scutum per-  
petuum, insensatorum sapientia, libertas seruorum, Imperatorum philosophia, lex impio-  
rum, Prophetarum praeconium, annuntiatio Apostolorum, Martyrum gloriatio, mona-  
chorum abstinentia, virginum castitas, gaudium sacerdotum, Ecclesiae fundamentum, or-  
bis terrae cautela, templorum destructio, idolorum repulsio, scandalum Iudaeorum, perdi-  
tio impiorum, inualidorum virtus, agrotantium medicus, emundatio leproforum, paraly-  
ticorum requies, esurientium panis, sitientium fons, nudorum protectio.

Orthodoxæ  
fidei lib. 4.  
cap. 12.

Sanctus autem Ioannes Damascenus his addens, inquit: *C*ru<sup>x</sup> nobis signum  
data est super frontem, quemadmodum Iſraëli circumcisio: per ipsam enim fideles ab in-  
fidelibus & distamus & discernimur. Ipsa est scutum, & arma, & trophæum aduer-  
sus diabolum. Ipsa signaculum, ut non tangat nos exterminator, ut inquit Scriptura.  
Ipsa iacentium erectio, stantium firmamentum, baculus debiliū, pastorum virga, con- B  
uertentium manu ductio, proficientium perfectio, animæ salus & corporis, omnium ma-  
lorum auersio, omnium bonorum causa, peccati destructio, arbor resurrectionis, &  
lignum vitæ æternæ.

Verum, quod notatu dignius in prædictis obeliscis confide-  
ratur, in his quæ ad institutum nostrum attinent, illud est;  
quod Crux non solum sub diuersorum characterum & hiero-  
glyphicorum significatione ibi innuitur, sed in propria forma  
& imagine sua integrè insculpta conspicitur. Nam in Impera-  
toris Constantij obelisco, qui in foro palatij Lateranensis basi-  
licæ nunc defixus est, in ea ipsius facie qua ad eandem basili-  
cam est prospectus, Crux cum quattuor brachiis, quattuorque  
extremitatibus suis hac forma cælata perspicitur.



Propria &  
usitata Cru-  
cis forma in  
obeliscis  
clare cerni-  
tur.

Immo in Augusti obelisco, qui in foro diuæ Mariæ de populo  
nunc perstat, præcipuè verò in ipsius lateribus, quorum alterum ad  
Vrbem, alterum verò ad Occidentem & ad Tiberim respicit, Crux  
ea propria forma, qua nunc sancta Dei Ecclesia passim vitur, in-  
sculpta conspicitur, ut clarè perspiciet quisquis oculorum aciem  
ibi feriis obtutibus direxerit.



In eo autem qui sancti Ioannis Lateranensis nunc est, atque in ipsius facie  
quæ ad Orientem vergit, & ad Scalam sanctam  
prospectum habet, Crux eadem specie cælata  
cernitur super caput volucris cuiusdam, quam  
Græci nycticoracem, Latini bubonem, nos ve-  
rò gusum vulgari sermone appellamus; ea pro-  
fus forma, quæ hîc conspicitur.



Videtur autem hæc figura, primo quidem in-  
Hieroglyphi-  
cum seu ir-  
risi Christi,  
seu mortis  
meditanda.

tuitu, quædam ex his commentitiis ac ridiculis  
imaginibus esse, quas pictores quandoque pro  
ingenij impetu effingunt, quas Grottescos vul-  
gariter nominamus; verum si sedula & accurata  
contemplatione illam considerauerimus, non ri-  
sum profectò, sed amaram potius hinc animi  
compunctionem, profunda que suspiria è cordi-  
bus nostris hauriet; inde verò spiritalem consola-  
tionem, quæ tepidas ac pias lacrymas ab oculis eliciet. Hoc enim admirabile  
quoddam hieroglyphicum, ac mysteriis plenissima significatio est probrorum  
& lu-





A & ludibriorum, quæ in Cruce & passione sua Christus Dominus pro nobis miseris passurus erat; nec non & victoriæ ipsius & liberationis nostræ symbolica præfagitio. Auem hanc quandoque in bonam, quandoque verò in malam partem acceptam fuisse comperimus. In bonam accepit eam diuinus Psalteres, cum in Redemptoris nostri persona locutus, eidem volucris eum comparauit, his verbis: *Similis factus sum pellicano solitudinis, factus sum sicut nycticorax in domicilio. Vigilavi, & factus sum sicut passer solitarius in tecto.* Et iure quidem. nam quemadmodum avis hæc hominibus ludibrio est, volucris verò maximè inuisa; sic Christus Dominus Gentibus ludibrio, & Iudæis capitali odio fuit. Quare idem Psalmographus in eius persona alibi sic: *Ego autem sum vermis, & non homo; opprobrium hominum, & abiectio plebis.* Psal. 101.

Sæpè enim Christus Dominus à Gentibus irrisus est; tum verò præcipuè cum Archisynagogi filiam à mortuis suscitaturus intrasset, astantesque turbas recedere iussisset, dicens: *Recedite, non enim mortua est puella, sed dormit.* Subdit enim Euangelista: *Et deridebant eum.* Ac maiore ignominia ab Herode notatus est, cum tamquam insanum ac stultum, alba veste indutum, ad Pilatum remisit: & longè maiori etiam opprobrio ab eiusdem Pilati militibus, in amarissimæ suæ passionis nocte irrisus atque ludificatus est; cum purpura indutum ac spinis redimitum, Regem consalutabant, & colaphis cædebant. Apud Iudæos autem in tam acerbum atque mortale odium venit, vt calumniis illum persequi non destiterint, donec ipsis efflagitantibus in Crucem actus est; cum mallent, pro Paschatis solemnitate, homicidam & latronem potius quàm ipsum liberum dimitti: & quamuis truculentissimis flagris cruentatum cernerent, effrænato tamen atque præcipiti furore impulsus, clamabant: *Crucifige, crucifige eum.* Quamobrem iure planè tantam iniquitatem ac perfidiam benignissimus ac mansuetissimus Dominus per os Prophetæ conquestus ait: *Et odio iniquo oderunt me.* Et alibi: *Multiplicati sunt qui oderunt me iniquè.* Quin etiam ipsemet tantam ingritudinem perfidis Iudæis ore proprio exprobrans, inquit: *Quia odio habuerunt me gratis.* Matth. 9. Psal. 24. Psal. 37. Ioan. 15.

Diuus Augustinus asserit, Christum Dominum similem fuisse pellicano, nascendo; nycticoraci, moriendo; & passeri solitario, resurgendo. Quemadmodum enim pellicanus in solitudine nascitur, ac præcipuè in Nili ripa in Ægypto; sic Christum in solitudine natum fuisse dici potest, cum ipse solus de virgine natus sit. Et quemadmodum nycticorax noctem ac tenebras diligit, & in parietinis atque ruinis inhabitat, sic Christus Dominus in tenebris & in nocte ignorantie Hebræorum, atque in ruinis præuaricationis eorum pati ac mori voluit, noctem diligens, id est, populum illum, qui in ignorantie nocte totus immergebatur & obruebatur. Quod si illum non dilexisset, non utique, dum in Cruce penderet, clamasset: *Pater ignosce illis, quia nesciunt quid faciunt.* Et quemadmodum passer solitarius in altum euolans, in tectis habitat; ita Dominus ac Redemptor noster Christus, postquam resurrexit, quasi euolans cælos conscendit, ibique in sublimibus atque felicibus tectis habitat, ad dexteram Dei Patris sedens, vbi interpellat pro nobis. Idque est, quod diuinus Psalteres innuere voluit, cum in eiusdem persona inquit: *Similis factus sum pellicano solitudinis; factus sum sicut nycticorax in domicilio: vigilavi, id est, à morte; & factus sum sicut passer solitarius in tecto.* Quæ quidem verba exponens etiam venerabilis Beda, ait: *Nycticorax avis est, volans in tenebris; cui Christus comparatur, quia in tenebras, id est in ignorantiam Iudæorum venit. Si enim cognouissent, numquam Dominum gloriæ crucifixissent. Domicilium verò est destructum ædificium, vbi scilicet soli parietes sunt. Unde alia translatio habet, In parietinis. Destructum autem ædificium Iudaicus* In Psal. 101. Christus noctua comparatus. Psal. 101. In Psal. 101.



*populus erat, propter prauaricationem.* In malam quoque partem auis antedicta plerumque accipiebatur; præsertim verò à priscis auguribus, qui cùm in augurijs illam apparere prospicerent, mali ominis nuntiam omnino esse credebant. Quare siue superstitione qua imbuti erant, siue obseruatione diuturna notandis rebus, seu ab euentibus qui quandoque contigerint, id acciderit, factum est, vt auis hæc deinceps feralis & funesta, calamitatumque ac mortium prænuntia communiter sit credita. Quod ob id forsitan etiam contigisse potuit, quia priscis temporibus, antequam mos sepeliendi mortuos in vrbibus atque in ipsis ecclesijs receptus esset; cùm extrà in prædijs & in agris humarentur, nycticoraces siue bubones hi in sepulchris plerumque degebant. Vnde de his agens sanctus Isidorus inquit: *Bubo à sono vocis compositum nomen habet: auis feralis, onusta quidem plumis, sed graui semper detenta pigritia: in sepulchris diu noctuque versatur, & semper commoratur in cauernis.* De qua Ouidius:

Metamor-  
phos. lib. 5.

*Fædæque fit volucris venturi nuntia luctus,  
Ignauus bubo, dirum mortalibus omen.*

Refert Ammianus Marcellinus in Valentiniani Imperatoris vita, quòd cùm idem Imperator Sabariæ moraretur, paulò antequam in infirmitatem illam incideret, ex qua postea è vita excessit, bubo culminibus Regij lauacri confidens apparuit, qui mœsta & lugubri voce funebria carmina occinere videbatur; & quamquam sagittis & lapidibus à multis certatim atque studiosè impetitus, nullo tamen pacto inde dimoueri potuit. Pierius Valerianus litteris commendauit, noctuam, quæ ominosarum harum auium species est, apud Ægyptios mortis symbolum & hieroglyphicum extitisse; traditque apud nos etiam, vulgatissimo & Oratorum & Poëtarum testimonio, noctuam letale aliquod aut inauspicatissimum infortunium afferre; licet id (mea quidem sententia) satis vanum ac superstitiosum habendum sit: causamque huiusmodi significationis duplicem se inuenisse asserit: alteram quidem, quòd cùm cornix vitæ longioris symbolum habeatur, compertum est, noctuam quadam naturæ antipathia seu repugnantia, nidis eius magis quàm aliarum auium insidiari; noctisque tenebris fretam, clanculùm irrepere, & pullos vel oua ipsius cornicis inuadere atque deperdere: alteram verò rationem esse, quòd mors furtim irrepit, & quia noctuam nocturnum animal est, à quo Latini noctuæ nomen ei indidère; nox verò sæpè à Poëtis pro morte ponitur. Vnde Virgilius *Æneid.* libro x.

*Mira de  
natura noctuæ.*

—— *In aeternam clauduntur lumina noctem.*

*Æneidos* & alibi:  
l. 6. in fine.

*Sed nox atra caput tristi circumuolat vmbra.*

Ad probandum autem, noctuam funebris atque letalis præfagij esse prænuntiam, Pyrrhi Epirotarum Regis exemplum affert in medium, qui dum ad Argiuorum vrbis expugnationem ductaret exercitum, infelicissimæ mortis signum accepisse fertur à noctua, quæ lanceæ suæ cuspidi ex itinere insedit. Quod re ipsa illi postea contigit. nam cùm eandem urbem ingressus esset, detracto insigni à galea ne internosceretur, eademque in Argiuos ciues inceptasset, aniculæ cuiusdam filius eum hasta leuiter vulnerauit. At cùm Pyrrhus impetum in percussorem fecisset, Argiui mater, quæ id supernè ab alta specula spectabat, periculum intuita, tegulam ambabus manibus arreptam, super Regis galeam proiecit. quo ictu cùm exanimatus concidisset, Zopyrus quidam, qui sub Antigono militabat, Rege cognito occurrit, detractaque galea, ferrum gutturi admoovit, quo ei caput abscinderet; sed toruis Pyrrhi oculis attonitus, os & mentum eius pro iugulo recidit. Subditque idem Pierius Valerianus, opinari se, no-

*Hieroglyphic lib. 20.  
De noctua.*



A se, noctuam mortis signum illud fuisse, quod priscis temporibus per lictoris manum mitti consueuerat his qui publico iudicio morte damnabantur; præsertim verò apud Æthiopes, à quibus Ægyptios aiunt multa id genus rituum mutuatos. Eo verò signo viso, reus sponte sibi mortem consciscibat; magno sibi & patriæ dedecori futurus, nisi fecisset. Talis tantaque erat reuerentia & honor, quo barbari illi Regem suum prosequerantur, quem ut numen quoddam venerabantur, vulgoque adorabant.

Cum ergo, ut Valeriano placet, noctua mortis sit symbolum & hieroglyphicum, fieri potest, ut figura hieroglyphica antedicta, in qua Crux noctuæ siue bubonis capiti infixæ conspicitur, Christi Domini victoria innuatur; qui per Crucem & mortem suam, mortem nostram deuicit atque destruxit. In cuius felicissimæ victoriæ recordationem, sancta Dei Ecclesia Catholica lætanti atque festiuo animo ad hanc usque diem sic sæpè concinit: *Qui mortem nostram moriendo destruxit, & vitam resurgendo reparauit.* Quamquæ victoriam Propheta ille Spiritus sancti lumine illustratus, iam præuiderat, cum in ipsius Redemptoris nostri persona dixit: *De manu mortis liberabo eos, de morte redimam eos. Ero mors tua, o mors: morsus tuus ero inferne.* Super quibus verbis scribēs Rupertus Abbas asserit, Christum Dei Filium, qui mortis victor, & vitæ auctor extitit, id in eius persona magna voce & magna veritatis auctoritate dixisse. At quonam pretio nos liberauit ac redemit? Non auro utique aut argento (inquit Glossa) sed proprio sanguine ac morte sua, mortem nostram perimens. Quasi idem ipse diceret: Moriar ego, ut ipsi uiuant; descendam ad inferos ego, mortis & inferni destructor, vitæque ac mortis dominator. Christus in resurrectione sua, inquit Nicolaus Lyranus, de manu mortis sanctos Patres liberauit, qui in limbo detinebantur. & ideo hîc dicit: *De manu mortis liberabo eos.* quia in resurrectione sua, quosdam peculiariter de potestate mortis eripuit: sed in resurrectione vniuersali, cunctos fideles generatim liberabit. Cui expositioni, subdit idem Lyranus, concordat Glossa quædam Hebraica Rabbini Iosue filij Leui, in Genesis caput vigesimumquartum; in qua dicitur: *Dicit Rabbi Iosue filius Leui: In cum Angelo usque ad portas gehennæ, & iuit mecum Messias filius David: & cum viderunt captiui lucem Messie, lætantes dixerunt: Iste educet nos de hac obscuritate, sicut scriptum est in Osea: De manu inferni redimam eos.*

Bubo præterea siue noctua, ut diuys Ambrosius testatur, symbolum & figura hæreticorum atque Gentilium est. Quocirca cum in hieroglyphico antedicto Crux super bubonis caput insculpta cernatur, piè etiam credi potest, idem hieroglyphicum, præsignificationem ac prænuntium quoddam extitisse, quo præsignabatur, Gentiles, ac præsertim Ægyptios ad sanctæ Fidei lumen, sub Crucis Christi suaui iugo quandoque accessuros. *Nolo te,* inquit Ambrosius, *imitatorem esse noctuæ, quæ licet per noctem vigilet, per diem tamen pigra vel cæca est, quæ grandibus oculis tenebrarum caligines diligit, splendorem solis horrescit.* Mirum enim in modum illuminatur obscuritate, luce cæcatur. Istud animal hæreticorum figura est atque Gentilium, qui tenebras amplectuntur diaboli, lucem Saluatoris horrescunt, & grandibus disputationum oculis cernunt vana, non respiciunt sempiterna. De his ait Dominus per Prophetam: *Oculos habent, & non videbunt.* Et alibi: *In tenebris ambulant.* Sunt enim acuti ad superstitiosa, hebetes ad diuina: qui dum se putant subtilibus euolare sermonibus, tamquam noctuæ, veri luminis splendore turbantur.

Aliud verò admirabile hieroglyphicum prospicitur in eodem Constantij obelisco, atque in latere ipsius quod ad Occidentem vergit, xenodochiumque sancti Ioannis Lateranensis respicit. Nam si oculorum aciem ad altitudinis eius bis tertium signum quis direxerit, hominis cuiusdam stantis imaginem



*Aliud in-  
signe hiero-  
glyphicum  
Christi  
crucifixi.* insculptam perspiciet, qui pan-  
tis brachiis pænè ad Crucis similitudinem, serpen-  
tem pedibus conculcat; eo modo ac for-  
ma, quæ apposita hac graphide cernitur.



Neminem ex Christi fidelibus vel me-  
diocris etiam intelligentiæ reperiri posse  
crediderim, qui oculorum aciem in hanc  
hieroglyphicam imaginem dirigēs, men-  
tem non statim erigat ad infinita ea be-  
neficia contemplanda, pro quibus huma-  
num genus, & unusquisque nostrum  
Christo Domino gratiam referre debet,  
qui brachia sua in Crucis ligno exten-  
dens, ibique pro nobis omnibus mortem oppetens, improbum atque fallacem

serpentem antiquum, humani generis hostem, deuicit & conculcauit; impia ty-  
rannide ac truculentissimo dominatu illum expolians, quem in mundum sibi  
arrogauerat. Christus enim ipse, grandis & fortis ille gladius Domini fuit, qui,  
vt iam Isaias præuiderat, tortuosum illum serpentem Leuiathan, qui aëris, terræ,  
ac maris tyrannidem inuaserat, iugulaturus erat. De quo Iustinus Martyr ad ser-

Isaia 27.

In Dialogo  
cum Try-  
phone Iu-  
dæo.

pentis illius institutum, quem Moyses in solitudine exaltauerat, inquit: *Non enim  
in serpentem nos credere per Moysen docuit spiritus propheticus, quando illum à prin-  
cipio etiam maledictionis execratione à Deo mulctatum esse indicat: & in Isaiæ per gla-  
dium magnum, qui Christus est, iugulandum esse vt hostem, significat.*

Christus homo ex virgine natus est, subdit idem Iustinus, vt qua via à ser-  
pente inobedientia initium sumpsit, eadem etiam exitum caperet. Quemad-  
modum enim Eua cum virgo esset incorrupta, serpentis verbo concepta, inobe-  
dientiam & mortem peperit: ita & beatissima virgo Maria, fide & lætitia con-  
cepta, cum nuntium ei lætum Gabriel Angelus attulisset, Spiritum videlicet  
Domini in ipsam superuenturum, & virtutem Altissimi ei obumbraturam;  
sanctumque illum, qui ex ea nasciturus erat, Dei Filium appellandum esse; re-  
spondit: Fiat mihi secundum verbum tuum. Quapropter de ea natus est Chri-  
stus, per quem Deus serpentem & satellites eius angelos destruxit. Hæc ille.

Testimonia  
veterum Pa-  
trum, per  
serpentem  
diabolum  
intelligi.

In Dialogo  
cum Try-  
phone Iu-  
dæo.

In Ezechie-  
læ Hom. 6.

De paradi-  
so cap. 2.  
De Genesi  
cont. Ma-  
nich. lib. 2.  
cap. 14.

Per serpentem autem in diuinis Scripturis sæpè diabolum intelligi consue-  
uisse, adeo perspicuum est, vt nullius probationis fulcro indigeat: tamen vt hie-  
roglyphicæ huius imaginis expositioni maior accedat auctoritas, diuersa ad id  
sanctorum Patrum testimonia in medium afferemus. Inter quos primus idem  
Iustinus Martyr, in secunda Apologia pro Christianis ad Antoninum Pium  
Imperatorem, de eo sic ferè tradit: Archidux & princeps malorum dæmonum,

apud nos serpens vocatur, & satanas, & diabolus. Et alibi subdit, eundem, leo-  
nem rugientem quandoque vocari, Moysen verò serpentem illum appellasse:  
apud Iobum verò & Zachariam, diabolum nominari, Christumque Domi-  
num, satanam illum vocasse: nomen, sceleribus quæ fecit planè congruens: Sata-  
nam enim Iudæorum & Syrorum voce, apostatam ac desertorem designat: Nas ve-  
rò serpentem significat. Origenes autem, draconem, serpentem, diabolum, &

satanam, vniuersum terrarum orbem decipientem appellat his verbis: *Iste est  
enim draco, serpens antiquus, qui vocatur diabolus, & satanas decipiens orbem terra-  
rum vniuersum.* Diuus verò Ambrosius de serpente, qui primos parentes nostros  
seduxit, disserens, eum diabolum in serpentis forma extitisse asseuerat: *In serpen-  
tis autem figura, inquit, diabolus est.* Sanctus autem Augustinus, aduersus Mani-  
chæos scribens, serpentem diabolum planè significare dixit: *Serpens autem signi-  
ficat*



- A** *ficat diabolus.* Et in quæstionibus super veteri Testamento, quæ eidem Augustino tribuuntur, & inter cetera ipsius opera quarto Tomo impressa circumferuntur, ita legitur: *Diabolus fuisse, qui per serpentem mulierem circumuenit, dubium non est. Admiscens enim se serpenti, egit per illum quasi per organum, ut nec mulier occulti diaboli intelligeret dolum, sciens prudentem esse serpentem.* Sanctus verò Ioannes Chrysostomus de eodem sic tradit: *Erat autem serpens, inquit, prudentissima omnium bestiarum quæ super terram, quas fecit Dominus Deus. Eo quasi instrumento quodam usus est diabolus, per quod mulierem, utpote simplicius & infirmius vas, illius familiaritate in errorem & deceptionem prouocaret.* Et paulò inferiùs subdit: *Animali autem hoc, ut instrumento accommodato utebatur diabolus, quo suarum fraudum esca deuorata, supplantare primum posset mulierem, quæ faciliùs decipi poterat; & postea per illam etiam protoplastum supplantauit.* Sanctus quoque Isidorus de hoc ipso inquit: *Serpens autem ille sapientior omnium bestiarum, indicat diabolus: qui inde serpens dicitur, quod volubili versatur astutia.* Ac demum in Silua Allegoriarum asseritur, serpentem qui Euam decepit, diabolum repræsentasse & extitisse, qui inuidiæ liuore humanum genus interemit: subditurque ibidem, serpentem non solum tortuosum, sed & lubricum esse; meritoque tortuosam ac lubricam bestiam induisse eum, qui in veritatis rectitudine non stetit.

In cap. Genet. 3. Homil. 16.

In Genesis cap. 4.

- B** *Serpens præterea peccatum significat: idque naturali ac necessaria consequentia omnino probatur.* Nam si peccati parens satanas, à Diuinis litteris serpens appellatur; peccatum, quod ab eo natum est, serpentem necessariò appellandum atque censendum esse patet. Quocirca diuus Gregorius Nyssenus ad institutum hoc inquit: *Nam cum Diuinæ litteræ peccati patrem serpentem nominent, profecto quod à serpente natum est serpens est. Quamobrem peccatum parentis sui nomen meritò suscepit, serpensque iure appellatur.* Sanctus autem Cyrillus Alexandrinus de eodem sic quoque tradit: *Serpens enim peccatum, inquit, quod humanum genus pascebatur, significat, quodque variis morsibus venenum hominibus infudit, quod effugere nullo alio pacto natura humana poterat, nisi auxilio atque ope diuina.* Et diuus Ioannes Chrysostomus ad hæc inquit: *Peccatum verò conceptum, coluber est; in præcordijs hominis parit mortem, nisi fuerit pœnitundine expiatum. Peccati conceptio serpens est in præcordijs latens. Consummatum, venenum spirat, & letiferum generat morbum.*

De vita Moysis.

In Euang. Ioan. lib. 2. cap. 30.

De potetia Serm. To. 5.

- C** *Cum serpens igitur peccatum significet, forsitan verisimiliter etiam asseuerari poterit, per hieroglyphicam figuram antedictam, in qua homo apertis atque extensis brachijs conspicitur, qui serpentem pessumdat, Christum Dominum præsignatum fuisse, qui brachia in Cruce extendens, morte sua peccatum in peremit, quod humano generi mortem intulerat.* Vnde diuus Ambrosius: *Cruce enim non Saluatoris mors est, sed peccati.* Serpens æneus, inquit sanctus Augustinus, quem Moyses exaltauit in ligno, viuorum serpentium venenum superauit: & Christus in ligno Crucis suspensus & mortuus, antiqua venena mortiferi serpentis diaboli extinxit, omnesque ab eo percussos liberauit.

In epist. ad Coloss. c. 2. De Test. potet. Serm. 101.

- D** Et hæc quidem, quoad Ægyptiacos obeliscos qui Romæ nunc publicè perstant, nec non quoad sanctæ Crucis symbola atque figuras quæ in ipsis conspiciuntur, hæcenus dixisse sufficiat. In quorum obeliscorum vertice, nostris hisce temporibus, eiusdem sanctæ Crucis signum, diuino afflante Spiritu, exaltatum est; ut quicumque oculorum aciem in illud intenderit, mentemque vera fide & cordis contritione vallatam ad Christum direxerit, in cuius figura serpens iam à Moyse in deserto exaltatus fuit, à letiferi serpentis morsibus liberetur. A cuius veneno atque insidijs, pro sua pietate & misericordia nos semper liberet ac defendat is, qui sacratissimis pedibus suis Crucis ligno confixis, sceleratissimi-



lestissimum illius caput iam contriuit. Cuius excelso & glorioso nomini sit A  
laus, triumphus, imperium, & gloria, per infinita sæcula sæculorum. Amen.

## CAPVT XI.

*De impia Aegyptiorum idololatria destructione; & de sancta Cru-  
cis figuris quæ in templi Serapidis euerfione reperta sunt.*

**G**LORIABATUR impius ac nequissimus humani generis hostis, in eo  
non tantum quod se impellente in peccatum inobedientiæ humanum  
genus prolapsus esset, quodque duram atque horribilem mortis in illud in-  
uexisset sententiam: sed etiam in eo, quod impiæ idololatriæ obscurissimis te-  
nebris & cæcitate obruisset, à verique Domini ac Dei Creatoris eius agnitione  
& cultu abalienasset: & quasi pro duplici victoria de hominibus triumphum **B**  
ducens, grandi supercilio, intolerabilique superbia tumens, iam planè sibi per-  
suasum habebat, posse se contra nos omnes illud semper occinere, quod de  
idololatriis & infidelibus Propheta postea cecinit: *Sicut oves in inferno positi sunt:*  
*Cur Christi mors depascet eos.* At tantam insolentiam & iniquitatem ulterius tolerare nolens  
iustus atque benignus mundi Saluator, ubi primum pro impiæ & crudelis  
eiusdem tyrannidis destructione humanam carnem assumpsisset, primo itine-  
re, quod corporaliter in hoc mundo habere voluit, in Ægyptum profectus est;  
ut idololatriæ pestiferum semen, quod inimicus homo in ea prouincia primi-  
tus superfeminauerat, radicitus euelleret. Cuius infernalium germinum radi-  
ces, non in Græciam tantum, in Italiam, atque in ipsam Urbem Romam inde  
irreperant, sed longius latiusque serpentes, vniuersas pænè orbis terrarum par-  
tes occupauerant.

Hoc benedicti Iesu in Ægyptum iter, iam à magno Isaia Propheta prædi- **C**  
ctum fuerat. Nam Spiritus sancti lumine illustratus, per tot ante sæcula, ad il-  
lius appulsum atque conspectum, Ægyptiorum idolorum simulacra, in qui-  
bus prauis dæmones habitabant, commouenda, & in præceps ruitura prospexe-  
rat; sic enim inquit: *Ecce Dominus ascendet super nubem leuem, & ingreditur*  
*Ægyptum, & commouebuntur simulacra Ægypti, & cor Ægypti tabescet in medio*  
*eius.* Quam prophetiam sancti Patres ad Christi tempora communi pænè sen-  
tentia referendam volunt, tuncque præcipuè adimpletam, cum sanctus Ioseph  
ab Angelo admonitus, cum puero IESU & Virgine sacratissima in Ægyptum  
perrexit, Herodis iram atque insidias declinans. Quamobrem Rabbanus de ea-  
dem Prophetia differens, illam ad Saluatoris nostri tempora referendam asse-  
ruerat; cum ille humano corpore quasi leui nube à gloriosa Virgine assumpto,  
nullo virili sexus pondere seu commistione prægrauato, in Ægyptum profe-  
ctus est; ad cuius aduentum omnia idola atque dæmonia contremuere.

**D**  
Praui vitiosi que dæmones, inquit Eusebius Cæsariensis, per multa sæcula in simu-  
lacris latitantes, animasque Ægyptiorum omni superstitionis errori addicentes ac sub-  
ijcientes, cum sensissent nouam quamdam diuinamque virtutem ad se accessisse, illico  
commoti sunt, & fluctuationem ac perturbationem in se ipsis pertulerunt; corque ipso-  
rum & vis intelligendi intrinsecus in ipsis conuicta sunt atque cesserunt, dum sunt fu-  
gata ab ea virtute, quæ visum effugiens illos compellebat, & ignis instar ineffabili  
quadam ratione adurebat. Et tunc quidem inuisibiliter dæmones talia passi sunt, cum  
Saluator noster Iesus Christus in Ægyptum cum visibili corpore peruenit. Sanctus verò  
Athanasius de hoc itinere Redemptoris nostri in Ægyptum, inquit: *Quis in-*  
*istorum aut Regum in Ægyptum descendit, & eius descensu idola in Ægypto concide-*  
*runt?*

Psalm. 48.  
Cur Christi  
mors depascet  
eos. *Cur Christi  
mors depascet  
eos.*

In Eccle-  
siastici  
cap. 24.

De demō-  
frat. Euāg.  
lib. 6. c. 20.

De Incar-  
natione  
Verbi Dei.



**A** runt? Abraham descendit, nihilo tamen minùs idololatria ubique viguit: natus est ibi Moyses, æquè tamen illic hæsit Religionis error. Et paulò inferius concludens subdit, Aegyptiorum superstitionem numquam quieturam fuisse, nisi Dominus omnium, in corpore, quasi in nube vectus, eò descendisset, & idolorum errores compefcuisset.

Quòd autem ad Christi Domini aduentum in Aegyptum idolorum simu- <sup>Idola Ae-</sup> <sup>gypti ad</sup> <sup>ingressum</sup> <sup>Christi col-</sup> <sup>lapsa.</sup> <sup>In Diuer-</sup> <sup>fos, Ho. 3.</sup> <sup>laca</sup> corruerint, apertius etiam in suis Homiliis innuit Origenes; qui expo- nens & amplificans verba illa quæ Angelus sancto Iosepho protulit, iubens vt vnà cum benedicto puero Iesv ac Matre eius in Aegyptum profugeret, in- quit: *Fuge in Aegyptum propterea, vt destruantur manufacta eorum, vt confringantur & pereant idola ipsorum: propterea vt demones turbentur, & Regum fabricæ in ido- lis destruantur: vt fiat in aduentu Domini fugitiuorum seruorum atque malorum in- teritus.* Hæc ille, aliiq̃ sancti Patres complures idem affirmant, diuersaq̃e **B** alia similia circa id superaddunt, quæ breuitatis causa prætermittimus. Illud tamen animaduertendum est, ea nimirum quæ de Aegyptiorum idolorum simulacris, eorumq̃ casu & ruina, hæcenus dicta sunt, non sic accipienda esse, ac si omnia corruerint & confracta fuerint, sed de quibusdam dumtaxat; quo signaretur illuc illum appulisse, qui impiam idololatriam à mundo elimi- naturus erat.

Impiæ ergo ac scelestissimæ Aegyptiorum idololatriæ destructio initium sumpsit ab eo tempore, quo Saluator noster in Aegyptum profectus est. Quæ prouincia hoc præcipuo fauore & gratia dignata est, vt prima, & non solum prima, sed etiam inter ceteras externas Barbaras ac Gentiles prouincias sola exti- terit, quæ Deum carne indutum inter homines versantem conspexerit. Quam- obrem magnus ille Pater Anastasius Synaita Patriarcha Antiochenus expen- dens quàm ingens ille peculiaris ac singularis fauor fuerit, inquit: *Prima om- <sup>Anagogi-</sup> <sup>carum con-</sup> <sup>templatio-</sup> <sup>num in</sup> <sup>Hexaëme-</sup> <sup>ron lib. 8.</sup> <sup>nium regionum Gentilium, terra Nili vidit Deum in carne apud se versantem: & nulla regio Barbarorum alienigenarum in mundo Christi faciem vidit in carne, nisi so- la Aegyptus.</sup>* Ceterùm quòd sanctus Isaias Propheta impiæ idololatriæ Aegy- priacæ euerfionem prædixerit, non est cur miremur: Spiritus enim sanctus, cui omne futurum præsens est, id ei reuelarat: at mirum planè fuit, quòd eam- dem præuidens Mercurius Trismegistus, illam quoque prædixerit; & prædican- do, illi quasi illacrymans indoluerit: nam in suo Asclepio aperte admodum præ- <sup>Destructio</sup> <sup>idolorum</sup> <sup>etiam ab</sup> <sup>idololatra</sup> <sup>prædicta.</sup> nuntiauit, venturum quandoq; tempus, in quo Aegyptiorum idololatria, quam Diuinitatis sedulam religionem appellat, illorumque stulta & vana superstitio, quam sanctam venerationem vocat, ruitura & ad nihilum redigenda esset, in- quiens: *Futurum tempus est, cum appareat Aegyptios incassum pia mente diuinitati se- dulam religionem seruasse; & omnis eorum sancta veneratio in irritum casura frustra- bitur.* Atque in toto capite illo multas prædictiones addere pergit, quibus Ae- **D** gyptiorum idololatriam & superstitionem non tantùm tollendam atque delen- dam prænuntiat, sed etiam innuere videtur, venturum quoque tempus, in quo Christiana religio, quam tamen aperte non nominat, veritate ac sanctitate sua omnes diaboli fallacias & illusiones illas euerfura, cunctosq̃e Aegypti popu- los, Saluatoris nostri cooperante gratia, ad sanctæ fidei lumen reductura esset: ita vt à dæmonum & inanum deorum illorum, qui opera manuum homi- num erant, seruitute liberati, vero Deo hominum plasmatori deferuirent.

Nec tamen tam admirandum est, quòd ille hæc prædicere potuerit, quàm quòd vir sapiens ac doctus, qui stultissimarum superstitionum illarum ridicu- lam vanitatem aperte cognouit, earum nihilominus euerfionem ac ruinam deplorauerit. Quod meritò planè beatus Augustinus carpsit, his verbis: *Hæc*

*vana,*



S. August.  
De Ciuita-  
te Dei,  
lib. 8. c. 23.

*vana, deceptoria, pernicioſa, ſacrilega Hermes Aegyptius, quia tempus quo auferrentur A*  
*uenturum ſciebat, dolebat: ſed tam impudenter dolebat, quàm imprudenter ſciebat. Non*  
*enim hoc ei reuelauerat Spiritus ſanctus, ſicut Prophetis ſanctis, qui hac prouidentes*  
*cum exultatione dicebant: Si faciet homo deos, & ecce ipſi non ſunt dii. Et in alio loco:*  
*Erit in die illa, dicit Dominus, Exterminabo nomina ſimulacrorum à terra, & non erit*  
*eorum memoria. Gaudebant ſancti, ſubdit ſanctus Auguſtinus, adueniſſe id quod*  
*iam venturum prouiderant; vt fecere Simeon & Anna, cum puerulum IESVM*  
*iam natum eſſe cognouerunt; vt fecit Eliſabeth, quæ illum iam in vtero Virginis*  
*conceptum in ſpiritu agnouit; & vt Apoſtolorum Princeps Petrus etiam fecit,*  
*cum cæleſti Patre reuelante dixit: Tu es Chriſtus filius Dei viui. At huic Aegy-*  
*ptio, futura tempora perditionis ſuæ illi ſpiritus indicauerant, qui etiam præ-*  
*ſenti in carne Domino trementes dixerunt: Quid veniſti ante tempus perdere nos?*  
*Siue quia ſubitum illis fuit, quod venturum quidem ſed tardiùs opinabantur:*  
*ſiue quod perditionem ſuam hanc ipſam dicebant, qua fiebat vt cogniti ſper-*  
*nerentur. Ante tempus dixere, id eſt, ante Iudicij diem, in quo æterna damna-*  
*tione punientur vnà cum omnibus hominibus qui in eorum ſocietate deti-*  
*nentur, vt locutus eſt ille qui nec fallit nec falli poteſt: non ſicut iſte, qui om-*  
*ni vento doctrinæ hinc atque inde perflatus, & falſis vera permiscens, dolet*  
*quaſi perituram religionem, quam poſteà confitetur errorem.*

*Idololatriã*  
*in Aegypto*  
*Theodoſius*  
*extirpa-*  
*uit.*

*Cur Con-*  
*ſtantine*  
*non deſtrui*  
*idola, ſed*  
*claudi tan-*  
*tum fana*  
*iſſerit.*

Impia tamen idololatria ab Aegypto penitus auulſa non fuit, uſque ad Theo-  
 doſij Primi Imperatoris Chriſtianiſſimi & planè Catholici tempora. Is enim  
 de Maximi tyranni extinctione Romæ triumpho ducto, & Occidentis Imperio  
 Valentiniano reſtituto, cum in Orientem reuerſus eſſet, & illius Imperij ſui gu-  
 bernacula reſumpſiſſet; omnem conatum omnemque cogitationem ſuam ad  
 idololatriæ omnimodam extirpationem conuertit. Ideoque ad hunc finem,  
 omnia idolorum templa in vniuerſa Imperij ſui ditione conſiſtentia ſolo æqua-  
 ri, expreſſa lege ſanciuit. Nam Magnus Conſtantine Imperator, qui veri Dei C  
 cultu Imperium primus exornandum curauit, cum vniuerſum pænè orbem ter-  
 rarum in cæcum idololatriæ errorem immerſum inueniſſet, licet idolis ſacrifi-  
 cari expreſſè prohibuiſſet, eorum tamen fana non diruenda, ſed tantum clau-  
 denda, & à nemine frequentanda decreuit: perdifficile ac periculolum facinus  
 eſſe arbitratus, tantam nouitatem ac rerum mutationem, in his quæ religionis  
 erant, tam citò atque repente moliri. Cum enim difficilia factu longi temporis  
 indigeant, fatius eſſe exiſtimauit, id in tempus traducere; ſperans fore, vt hac  
 lenitate & indulgentia homines paulatim, ratione ipſa cooperante, quietis con-  
 ſiliis ad veram pertraheret religionem. Quod etiam filij eius paternis veſtigij  
 inhærentes fecere.

At impius Iulianus Apoſtata idololatriam atque impietatem, quæ iam iam  
 extincta erat, denuò reuiuifcere fecit, magnamque erroris & ſeductionis flam-  
 mam ob id in mundo excitauit. Iouinianus autem econtrà, cum Imperij gu- D  
 bernacula ſuſcepſiſſet, eiſdem Iuliani conſtitutionibus abrogatis, idolorum  
 cultum penitus ſuppreſſit; quod & Valentinianus, qui Europæ Imperij cla-  
 uum tenebat, effecit. Sed Valens frater eius, ceteris omnibus poteſtate facta, vt  
 eam quam mallent religionem profiterentur, & quoscumque vellent deos co-  
 lerent, ſolos Chriſti fideles Catholicos infeſtiſſimè perſecutus eſt. Quamobrem  
 toto Imperij ſui tempore non deſtitere Gentiles, ignem in aris accendere, victi-  
 marumque ſacrificia ac libationes idolis offerre, & publicas epulationes in fo-  
 ro peragere. Et qui Bacchi myſteriis initiati erant, cum ſcutis per Urbem diſcur-  
 rentes, & choreas ducentes, ſua Bacchanalia fœdaque ac turpia deliramenta pu-  
 blicè concelebrabant.

Quæ



A Quæ sanè omnia adhuc celebrari solita, cùm religiosissimus Imperator Theodosius comperisset, radicitus euelli, & funditus aboleri mandauit. Cum enim, vt dictum est, omnia idolorum templa diruenda expressa cauisset lege, hanc prouinciam, quoad Ægyptiorum templorum demolitionem, eorumque præfertim quæ erant Alexandria, Theophilo eiusdem vrbis Episcopo, summæ prudentiæ viro & animi magnitudine prædito, demandauit; cuius opera & industria Alexandria, & tota illa pænè regio ab impio idololatriæ errore liberata est. Non enim idolorum fana tantùm euerit, sed impiorum sacerdotum illorum fraudes, quibus vt populos erroribus illis irretitos tenerent, utebantur, detectas, publicè conspiciendas ostendit. Nam idolorum simulacra, quorum ærea quædam, quædam verò lignea erant, pleraque omnia intus caua deprehensa sunt, *Fraudes, quibus in idolis homines ludificabantur.*

B bant, statuas illas ingrediebantur; indeque quasi per eorumdem simulacrorum os, responsa edebant, & quidquid ipsis placitum esset præcipiebant; quorum fraudem & imposturam cùm ignari populi non intelligerent, statim tamquam Deo iubente, quæ imperata erant faciebant. Quæ quidem omnibus & singulis eò confluentibus palàm perspicienda atque palpanda exhibita, causa fuere vt Gentilium plerique, cùm dolosas fallacias illas atque errores suos agnouissent, ad sanctam Christi fidem sint conuersi.

Sed cùm idem postea Theophilus Episcopus, ad formam Ecclesiæ pro Christianis instaurare vellet quoddam peruerustum Ethnicorum templum, Mithrium appellatum, & soli dicatum, quem antiqui Persæ Mithras nuncupabant; quodque Constantius Imperator Arianis Episcopis iam concesserat, vt suas hæreses ibi prædicarent, & longa incuria nihil validum præter parietes tunc habebat; dum ad loci expurgationem incumberet, reperta sunt subterranea antra

C quædam latentia, latrociniiis atque sceleribus magis quàm religioni congrua, quæ à Gentilibus adyta dicebantur, in quibus ridicula ac portentosa instrumenta deprehensa sunt, quibus consecrari dicebantur hi qui eiusdem idoli Mithræ mysteriis initiabantur. Atque ingenti cum horrore & admiratione eorum Christianorum qui adyta illa ingressi fuerant, multa infantum masculorum ac feminarum defecta capita inauratis labiis ibi inuenta; & in parietibus horribiles cædes tot miserorum hominum, qui dæmoni illi tamquam victimæ sacrificio oblatis atque mactati fuerant, depictæ apparuerunt. Quæ iubente Episcopo Theophilo in lucem publicè prolata, causa fuere vt confusione & pudore nimio affecti Gentiles, cùm sua deliramenta ac scelera, quæ tot sæculis abdita fuerant, tunc propalàm efferri per summam ignominiam atque ludibrium *Sanguinis tumultus Alexandria, ob destructionem idolorum.*

D locis adiunctis, cum Christianis manus conferentes, in foro & in viis crebros conflictus, & multas ediderint cædes; ita vt aperto tandem Marte, instructis

At nostri, licet numero & potentia longè superiores existerent, bonitate tamen ac religionis modestia multo minùs feroces erant: quo factum est, vt Gentiles multis Christianis vulneribus affectis atque obtruncatis, templum Serapidis occupauerint, ibique communiti, sæpè tamquam ab arce quadam repente erumpentes, multos ex nostris comprehensos, illucque pertractos, truculentissimis tormentis excruciatos, idolis sacrificare coegerint. Siqui verò id constantiùs atque vehementiùs detrectarent, eos in sanctissimæ Religionis nostræ opprobrium, in crucem agebant; suffractisque cruribus, in secreta adyta il-



la præcipitabant, aliosque crudelissimis cruciatibus necabant. Cum autem ea A  
 seditio diebus iam plurimis perdurasset, Romanus qui militarium cohortium  
 Dux erat in Ægypto, & Euagrius Hiparcus Alexandria Præfectus, prudenter  
 ac mitius in hoc negotio agere volentes, seditiosos illos monitos curarunt, ut  
 à cædibus & incursionibus tandem abstinentes, arma deponerent, & Sera-  
 pidis templum defererent. Sed cum nihil se proficere viderent, considerarent-  
 que illos ob loci munitionem quem occupauerant, nisi maiore vi ageretur, ne-  
 que inde expelli, neque puniri posse, rem totam quam celerrimè ad Impera-  
 torem per tabellarios detulère.

Seditiosi illi interea raptò ac præda viuentes, audaciores & insolentiores in-  
 dies euadebant, tum quia patratorum scelerum conscientia in veniæ despera-  
 tionem eos induxerat, tum etiam quia temeritatis & audaciæ suæ ducem sibi  
 delegerant Olympium quemdam, nomine & habitu philosophum, qui ad pa-  
 trios mores & ritus ad necem usque fortiter defendendos, eos hortabatur, suade- B  
 batque pro illis mortem oppetere gloriosum esse. Cumque quosdam ex suis  
 animo consternatos cerneret, quòd idolorum simulacra à Christianis commi-  
 nuta, dii vlti non essent, neque iniuriæ sibi illatæ pœnas exegissent, ut eos erigeret  
 & confirmaret, suadebat ne ob id animos desponderent, neque religionem suam  
 derelinquerent; asserens statuas atque imagines nil aliud quam materiam cor-  
 ruptioni obnoxiam existere, ideoque non mirandum quòd Christianis illas  
 comminuere ac dissipare licuisset; sed deos qui in illis domicilium sibi ad tem-  
 pus quandoque delegerant, eis contractis, ad cælos euolasse. Atque his ac simi-  
 libus persuasionibus, in eadem peruicacia atque perfidia illos confirmauit, &  
 in potestate sua continuit, ita ut in eo templo sese tutantes, ferociore & ad om-  
 ne facinus promptiores quam antea sint effecti.

Imperator interea, his quæ apud Alexandriam contigerant cognitis, inge-  
 nita naturæ clementia lenius ac mitius in eo negotio agendum ratus, rescripsit, C  
 Christi fideles, qui in eo tumultu occubuerunt, non vlciscendos; sed eorum  
 mortem festiuis ac lætis honoribus potius celebrandam, cum sanguine & vita  
 pro sancta fide veraque religione profusa, martyrij palmam adeptos, gloriosa  
 & immortali corona in cælis redimitos, ambigendum non esset. Percussores au-  
 tem & homicidas illos, ab omni ea, qua pro patrati facinoris pœna iure plecten-  
 di essent, liberos & absolutos fore benignè & gratiosè decernebat, ut in tanti ac-  
 cepti beneficij memoriam, & Principis clementiæ venerationem, ad sanctam  
 Christi Domini fidem amplectendam alacrius conuolarent. Ceterum idolo-  
 rum templa, quæ tantæ seditioni causam dederant, omnino dirui, soloque æ-  
 quari iubebat. Recitatis publicè Imperatoris litteris Alexandria, Christiani  
 magna lætitia perfusi, ingenti acclamatione rem comprobarunt; tum quòd in  
 ipsarum exordio, illius tumultus culpam in idololatrias coniicientes, eos graui-  
 ter coarguebant; tum etiam quia profana illa templa (quod ipsi diu optaue- D  
 rant, & vehementer gaudebant) prorsus euertenda mandabant. Gentiles econ-  
 trà, magno stupore & pauore correpti, paulatim secedentes, scelerum conscien-  
 tia & solitudine diuexati, angustos latebrarum & fugæ calles rimabantur: &  
 qui Serapidis ædem occupauerant, intempesta nocte illam deferentes, aufuge-  
 runt. quod cum Christiani accepissent, eandem confestim receperunt. Tra-  
 dit Sozomenus, Olympium illum, qui seditiosorum & idololatrarum horum  
 dux erat, in ea nocte quæ illum, in quo hæc facta fuere, diem præcesserat, Sera-  
 pidis foribus diligenter ac firmiter obfirmatis, quosdam Alleluia Alleluia psal-  
 lentes audiuisse: unde animo consternatus, Christianos templum illud occu-  
 passe suspicatus est. Sed cum ianuas postea haudquaquam effractas aut reuul-  
 sas,

*Mira Theo-  
 dosij Imp.  
 clementia  
 simul &  
 prudentia.*

*Hist. Eccl.  
 lib. 7. c. 15.*



A fas, sed probè clausas, neminemque in delubro adesse comperisset, & nihilo-  
minus voce illa eadem verba repeti audiuiſſet, quid ſibi ea res veller, intellexit.  
Quamobrem inde clam egreſſus, ad portum incognitus descendit, ibique for-  
tuito nauem illico ſoluendam naſtus, in Italiam nauigauit.

Serapidis templum, ædificium erat omnium Orientalium inſigni pulchri-  
tudine & amplitudine celeberrimum. nam, vt Ruffinus Aquileienſis tradit,  
ſitus eius non natura, ſed arte in tumulum ea ſublimitate & eminentia erectus  
erat, vt per centum & eò ampliùs gradus à quattuor lateribus ad pauimentum  
eius aſcenderetur. Fundatores enim molis huius, montem, vt ita dicam, ingen-  
ribus teſtudinibus immani conuexitate in altum ſe extollentibus, conſtruxe-  
rant, vt totius fabricæ pauimentum & corpus ſuſtineret: ſub quo varij fornices  
erant & occulta adyta, quæ diuerſis miniſteriis ipſius templi clandestinis offi-  
ciis uſum exhibebant. Vbi verò ad pauimenti ſaſtigium perueniebatur, clau-  
ſtra amplitudine & magnificentia planè conſpicua cernebantur, & porticus,  
in quibus multa marmorea ſedilia variis locis erant diſpoſita, domusque in ex-  
celſum porrectæ, quas æditui, & hi quos ἀγείοντες vocabant, id eſt, caſtitem  
ſeruantes, incolere ſolebant. In medio totius ſpatij, ampla quadam platea, ſi-  
tum erat templum, ſplendidis editum columnis, & pretioſis marmoribus ex-  
trinſecus conſtructum. In quo Serapidis adeò vaſtum atque immane ſimula-  
crum erat, vt dextera alterum parietem, alterum læua perſtringeret. Quod  
monſtrum ex omnibus generibus metallorum lignorumque compoſitum  
ferebatur. Interiores autem ipſius delubri parietes, primò aureis laminis, & ſu-  
per has argenteis, poſtremò verò æreis veſtiebantur, quæ munimento pretio-  
ſioribus metallis eſſent.

Quædam etiam in eodem fano aderant dolis & arte compoſita, vt populo  
admirationem ac ſtuporem incuterent: præcipuè verò fenestra quædam per-  
exigua Orientem verſus, eo artificio adaptata erat, vt qua die ſolis ſtatuam ad  
Serapidem ſalutandum in templum illud introducere conſueuerant, æditui  
tempus & horam diligenter atque exactè obſeruarent, in qua ſolis radij per ſpe-  
culam illam ingredientiſ, ipſius Serapidis os & labia directè illuſtrabant. Tunc  
enim ſolis ſtatuam introducentes, paruamque ſpeculam illam eodem tempo-  
ris momento clanculùm referantes, magna inſpectantis populi admiratione,  
Serapis à ſole oſculo ſalutatus appoſitè videbatur. Hinc autem aliud fraudis  
ac deceptionis genus addebatur: in ipſius templi fornice ſeu laquearibus de-  
ſuper ingens magnetis lapis infixus erat, cui à natura ea inſita & nota vis eſt,  
vt ferrum ad ſe attrahat: ſub quo magnetis lapide, Serapidis ſimulacrum per-  
pendiculariter collocatum erat. Cùm autem ad Serapidem ipſum ſolis ſtatuam  
admouebant (quæ ad finem hunc, ferro ſubtiliſſimo ac levis ponderis fabre-  
facta erat) conſeſtim magnetis vi in altum efferebatur, dumque ſimplex &  
Credulus populus id proſpiciens, tamquam de miraculi nouitate conſternatus,  
magnaque admiratione correptus, acclamaret; æditui fallaciæ illius miniſtri,  
veriti ne eiſdem ſtatuæ lapſu præcipiti dolus proderetur, ſtatim manibus ſup-  
poſitis illam ad ſe trahebant, dicentes: *Surrexit ſol venerabundus vt valedicens  
Serapidi, reuertatur ad propria.* Multaque alia in eodem templo, veterum ſacer-  
dotum malitia, doloſo & callido artificio, ad ignaram plebem eludendam, erant  
accommodata, quæ breuitatis cauſa omittimus.

Cùm ergo Chriſtiani templum Serapidis, poſt ſeditioſorum eorum Genti-  
lium qui illud occupauerant fugam, recepiſſent, Alexandria Episcopus Theo-  
philus, magna vrbiſ illius fidelis populi parte conſtipatus, ad delubrum illud  
aſcendit, vt Imperatoris decretum exequeretur. Statim verò in eorum ingreſſu,



cum monstrosum & immane simulacrum illud conspexissent, ingenti admiratione atque horrore correpti, primum constitere; præsertim cum inter Gentiles communis quædam credulitas & constans opinio, antiquorum suorum traditioni innixa, irrepsisset, quod si humana manus ausu temerario simulacrum illud contigisset, illicò dehiscente terra, & in præceps ruente cælo, totus mundus in antiquum solueretur chaos. At prudens & magnanimus Episcopus Theophilus, fucosum & insanum ignaræ plebis commentum, & anilia superstitionum muliercularum deliramenta, quæ ædituorum illorum malitia difseminauerat, hæc omnia esse sciens; cuidam ex astantibus Christianis militibus, qui bipennem manu tenebat, imperauit, ut immanis illius idoli collum audacter atque impavidè percuteret. Quod cum ille fecisset, ad primum quem intulit ictum, plebs ingentem & acutissimum clamorem edidit, sine dubio se in abyssum illicò ruituram arbitrata; neque tamen aut cælum ruit, aut terra descendit. Quamobrem cum populus Serapidem vulnere accepto non ingemuisse, quia ligneus erat, neque exclamasse, quia vitam non habebat, conspexisset; animo confirmatus est, & acquieuit. Miles autem ille, magna vi ictus iterum atque iterum repetens, caput ei abscidit; quo reuulso, statim ex cauo veteratoris illius corpore, ingens grex magnorum præ senectute canescentium murium repentè emerfit. Quod ridentes Christiani, Gentilium deum, murium asylum & receptaculum esse dixerunt. Capite ergo Serapidi abscisso, truncus corporis ipsius in minuta frustra securibus dissectus, publicè in foro crematus est. Sacrum autem & stultissimis idololatriis venerandum caput illud, inspectantibus his qui illud tamquam numen magna veneratione coluerant, quique errorem suum tunc agnoscentes, dei sui imbecillitatem atque impotentiam indolebant, funibus a pueris per vniuersam urbem raptatum est.

*Simulacrū  
& templū  
Serapidis  
tandem de-  
structum.*

Post hæc insigne templum illud euersum fuit. quod tamen non ita multò postea Arcadij Imperatoris Theodosij filij temporibus est instauratum, & in Christianorum Ecclesiæ formam redactum. Sicque cetera omnia idolorum fana, quæ Alexandriæ & per vniuersam Ægyptum consistebant, diruta & solo æquata fuere. Aurum autem, argentum, & æs tam Serapidis templi, quam omnium idolorum, à Theodosio Imperatore Ecclesiis Christianorum in lebetes & vasa alia in eorum vsum transformandum, & in pauperum sumptus & alimenta erogandum concessum est. Theophilus tamen Alexandriæ Episcopus, ceteris omnibus idolorum statuis comminutis, & in cinerem redactis, vnum tantum idolum simiæ simulacrum integrum seruandum duxit, quod publico & eminenti Alexandriæ vrbis loco, in Gentilium idololatrarum maiorem confusionem atque opprobrium statuendum duxit; ne futuris postea temporibus, talibus dijs cultum quandoque exhibuisse, inficiari possent. Quod ipsi postea grauiter admodum pertulerunt, atque de eo acerbè nimium conquesti sunt: præsertim verò inter eos Ammonius Grammaticus, eiusdem idoli simiæ olim sacerdos; qui, ut Socrates in sua Ecclesiastica refert historia, magno animi angore discruciabatur, asserens Gentilium religioni grauissimam irrogatam fuisse iniuriam, quod simulacrum illud vnà cum ceteris igne crematum non fuisset, sed in maiorem religionis suæ contumeliam atque ludibrium integrum seruatum.

*Idolum si-  
miæ, ostetui  
relictum.*

Hanc autem historiam Rufinus Aquileiensis<sup>a</sup>, Sozomenus<sup>b</sup>, Theodoretus<sup>c</sup>, Socrates<sup>d</sup>, Nicephorus<sup>e</sup>, & alij plerique referunt, & omnes vno ore affirmant, in Serapidis templi parietum demolitione multas Crucis figuras lapidibus insculptas fuisse compertas, quæ causa fuere, ut infideles complures ad sanctam Christi

<sup>a</sup> Hist. Eccl. lib. 2.  
<sup>c</sup> 22. 23. 29  
<sup>b</sup> Lib. 7. c. 15  
<sup>c</sup> Lib. 5. c. 22  
<sup>d</sup> Lib. 5. c. 16  
<sup>e</sup> Lib. 12.  
c. 25. & 26.



A Christi fidem sint conuersi. Quamobrem, vt idem Ruffinus Aquileiensis præcipuè testatur, omnes thoraces atque imagines Serapidis, quæ in singularum quarumcumque Alexandria domorum parietibus, ingressibus, postibus ac fenestris etiam depictæ seu insculptæ asseruabantur, ita comminutæ, abscissæ, atque abrasæ sunt omnes, vnà cum ipsius Serapidis & cuiuscumque alterius idoli nomine, vt ne minimum quidem vestigium vsquam remaneret; sed pro his, Crucis Dominicæ signum vnusquisque in postibus, in ingressibus, in fenestris, in parietibus, & in columnis depingeret aut insculperet. Quod cum factum vidissent hi qui Alexandria ex paganis superfuerant, in magnæ cuiusdam rei recordationem redierunt, quam maiorum suorum traditione iam acceperant; priscos videlicet Ægyptios, hoc nostrum Dominicæ Crucis signum, inter litteras illas habuisse, quas hieraticas, siue sacerdotales appellabant, tamquam elementum & characterem vnum alphabeti illius; cuius litteræ seu vocabuli hanc esse interpretationem asserunt: **VITA VENTURA**. Dicebant ergo (subdit idem Ruffinus) hi qui tunc rerum gestarum admiratione permoti, ad Christi Domini fidem conuertebantur, hoc insuper peruetusta antiquorum traditione audiuisse, Gentilium nimirum religionis ritus duraturos, donec signum istud venisse viderent, in quo esset vita. Ex quo factum est, vt æditui ac templorum ministri ad sanctam fidem facilius conuerterentur, quàm è media plebe homines, quos errorum illorum præstigiæ & deceptionum versutiæ delectabant.

*Figura  
Crucis ipsis  
Ægyptiis  
vitam venturam  
signabat.*

Sozomenus quoque asserit, dum Serapidis templum expurgaretur, in lapidibus eiusdem delubri parietum quasdam insculptas apparuisse litteras, ex his quas hieroglyphicas appellant, quæ Crucis similitudinem habebant; quarum significationem hi qui litterarum illarum peritissimi erant, vitam superuenturam esse dicebant: quod plerisque ex paganis Christianismum amplectendi causam dedit, præsertim cum inter eos aliæ quoque peruetustæ scripturæ circumferrentur, quibus apertè prænuntiabatur, templum hoc tunc finem habiturum, cum signum hoc apparuisset. Socrates etiam de Crucis characteribus & figuris, quæ in Serapidis templo inuentæ sunt, & de earum significatione eadem pænè refert; licet in reliquis cum Ruffino ac Sozomeno in omnibus non conueniat; sic enim inquit: *In delubro Serapidis iam diruto, & fundamentis conuulso, litteræ repertæ fuerunt lapidibus incisæ, quas hieroglyphicas appellant. Erant formæ insculptæ, quæ Crucis habebant effigiem. quas & Christiani & Gentiles oculis intuentes, vtrique eas ad suam ipsorum religionem accommodarunt. Nam Christiani Crucem salutaris Christi passionis signum esse dixerunt, propriamque suæ religionis notam censuerunt: Gentiles aliquid in ea commune esse Christo & Serapidi affirmarunt. nam effigiem Crucis aliud Gentilibus, Christianis aliud significare. Dum isti inter se de hac re digladiantur, Gentiles quidam ad fidem Christianam conuersi, qui litteras hieroglyphicas accuratè nouerant, formam Crucis quid sibi vellet interpretantur: **VITAM VENTURAM** significare docent. Quod quidem Christiani, utpote pro sua Religione maximè faciens, cupidè arripere, & de eo animos efferre cæperunt. Posteaquam etiam per alias litteras hieroglyphicas significatum erat, Serapidis delubrum tum dirutum fore, cum Crucis effigies appareret (id enim esse vitam venturam) multo plures ad religionem Christianam se transfulerunt, peccataque confitentes, baptizati sunt. Hæc de Crucis effigie ipse equidem accepi.*

*Li. 5. c. 17.*

Ceterum ego quidem (subdit idem Socrates) sacerdotes Ægyptios litteras eas sub Crucis forma, tamquam earum rerum præcios, quæ Christo obuenturæ erant, lapidibus haud quaquam insculpsisse puto. Si enim mysterium aduentus Christi, vt inquit Apostolus, absconditum fuit à sæculis & generationibus,



ipsūque nequitiae principem latuit; multo magis censendum est, id Ægyptia- A  
 cis quoque sacerdotibus ministris eius occultum fuisse. Ac potius arbitror, in  
 Crucis figurarum illarum significatione elicienda, divina providentia idem  
 factum esse, quod per Apostolum Paulum antè factum fuerat. ille enim sancti  
 Spiritus largitate sapientiam consecutus, simili via Athenienses aggressus est,  
 multosque illorum tum ad fidem attraxit, cum ea quæ in ara illa scripta erant  
 perlegisset. (cuius hæc erat inscriptio; I G N O T O D E O) ad institutum suum  
 sermonem accommodans. Nisi quis fortè diceret, Dei Spiritum eandem vim  
 in Ægyptiorum sacerdotibus exercuisse, quam olim in Balaam & in Caipha.  
 Nam illi quoque vel inuiti de rebus bonis vaticinati sunt. Hæc Socrates; quæ ad  
 verbum penè Nicephorus Callistus<sup>a</sup> etiam refert. Ipsaque eadem in Tripartita  
 historia<sup>b</sup> sub eiusdè Socratis nomine recitantur. Cælius autem Rhodiginus<sup>c</sup> suis  
 in antiquis lectionibus de ea vi & virtute agens, quàm antiqui Crucis figuræ  
 atque imagini inesse putabant, asserit, opinionem hanc ab Ægyptijs originem B  
 duxisse; inter quorum characteres, Crux erat insignis, vitam (eorum more) futu-  
 ram significans, ideoque figuram eiusmodi Serapidis pectori eos insculpere  
 consuevisse. Hæc ille, quæ tamen in his quæ ad Serapidem attinent, nescio à quo  
 auctore decerpserit.

Hist. Eccles.  
 lib. 2. c. 30. Mos erat apud Ægyptios, ut Ruffinus Aquileiensis memoriæ prodidit, men-  
 suram incrementi Nili, à quo regionis illius fertilitas pendet, ad templum Sera-  
 pidis, quasi voti ergo, & velut trophæi quoddam insigne, quotannis deferre;  
 cum existimarent Serapidem inundationis ac beneficij illius erga Ægyptum  
 auctorem esse.

Verum templo à Christianis everso, simulacroque eius publicè ignibus tra-  
 dito, omnes pagani vno ore asseuerabant, Serapin iniuriæ memorem, aquas ea  
 qua consueuerat affluentia Ægypto deinceps non largiturum: sed Deus omni-  
 potens, ut ostenderet non Serapin, qui Nilo multò posterior erat, sed se solum C  
 esse, qui aquas fluminis temporibus suis excrecere iuberet; effecit ut eo anno  
 atque deinceps tanta fuerit inundatio, quantam fuisse post hominum memo-  
 riam Ægyptij non recordarentur. Quamobrem vna ipsa, id est, aquæ mensura,  
 quam πῖνξ Græci appellabant, ad aquarum Dominum in Cathedrali Ecclesia  
 postea cœpta est deferri. At cum ea quæ Alexandria gesta erant, pio ac religioso  
 Imperatori Theodosio singillatim nuntiata fuere, tradunt eum extensis ad cæ-  
 lum palmis, ingenti quæ lætitia perfusum dixisse: Maximas gratias tibi Domine  
 Iesu Christe refero, quod sine graui magnæ urbis illius clade tam vetustus error  
 extinctus sit.

Quis autem is magnus deus fuerit, qui tanta veneratione, siue ut veriùs di-  
 cam, impia atque inani superstitione Alexandria colebatur, haud facilis est de-  
 monstrationis: adeò enim variæ atque diuersæ auctorum qui de ea rescripse-  
 runt, sunt opiniones, ut si hîc singulas referre velimus, in nimiam prolixitatem, D  
 cuius Lectores meritò tæderet, sermo noster extenderetur. Verum Clemens A-  
 lexandrinus de hoc idolo sic ferè tradit: Ægyptium Serapidem non esse manu-  
 factum, Gentiles ausi sunt dicere. Quidam enim scribunt eum fuisse munus  
 missum à Sinopensibus ad Ptolemæum Philadelphum, qui eos fame laboran-  
 tes, transmissis ex Ægypto frumento, recreauit. Alij autem eundem Serapidem  
 Ponticam statuam esse dicunt, Alexandriam à frequenti hominum concursu  
 translata. Solus Isidorus, à Seleucensibus qui sunt præter Antiochiam, simula-  
 crum illud Alexandriam traductum fuisse dixit; qui ipsi quoque frumenti pe-  
 nuria laborantes, ab ipso Ptolemæo enutriti fuerant. Ceterum Athenodorus  
 Sandonis filius, dum Serapidis antiquitatem vellet ostendere, nescio quomodo  
 eò lapsus,

<sup>a</sup> Libro 12.  
 cap. 26.

<sup>b</sup> Tripartita  
 Hist. lib. 9.  
 cap. 29.

<sup>c</sup> Lib. 10. c. 8

Quod prius  
 Serapidi,  
 nunc defer-  
 tur Christo

In Adhor-  
 tatoria ad  
 Gentes.

De Serapi-  
 de variæ o-  
 piniones ex  
 Clemente  
 Alexandr.



A eò lapsus, ut eam statuam manu fabricatam esse falsus sit. Ait enim Sesostrim Ægyptiorum Regem, cum plurimas Græcorum gentes sibi subiecisset, in Ægyptum reuersum, multos artifices adduxisse, à quibus multa Regiâ magnificentiâ digna opera construi iussit: & inter ea Osiridis simulacrum, à quo genus duxerat, affabrè effingi curauit; eiusque constructionis opus Bryaxi statuatio demandauit; non Atheniensi illi quidem, sed alij cuidam, qui eodem nomine quo Bryaxes ille appellabatur. Is autem ad simulacrum construendum mista & varia usus est materia: habebat enim ramenta auri, & argenti, & æris, & ferri, & plumbi: nec ei ullus lapis Ægyptius deerat; sed nec sapphiri & hæmatitis fragmenta, neque smaragdi & topazij. Hæc ergo omnia læuigata, tritaque & commista illinit colore cæruleo. qua de causa nigrior est color imaginis. Cumque hæc omnia pharimaco relicto ex sepultura Osiridis & Apis permiscuisset, finxit Serapim; cuius nomen quoque significat & funeris societatem, & opus

B quod factum est ex sepultura: ut quod compositum ex Osiride & Api, factum sit Osirapis. Hæc omnia de Serapide Clemens Alexandrinus.

Alij Serapidem hunc, Apim Argiuorum & Sicyonum Regem, Ioue & Nio-  
be Phoronei filiâ natum fuisse volunt; à quo Græcia Apis & Apia quandoque appellata est. Hunc Abrahami temporibus floruisse, & Egialeo fratre Argiuorum Rege constituto, ipsum nauibus in Ægyptum transuectum, Isideque in matrimonium ducta, Ægypti Regem consalutatum fuisse tradunt. Vbi quia frumenti vini que usum docuerat, multa que alia beneficia in Ægyptios contulerat, post mortem eius, tamquam deus sub bouis effigie, quem ab eius nomine Apim appellauere, magna veneratione cultus est, tali pacto ad agriculturam, quam homines docuerat, alludentes. Causam verò ob quam Apis ipse postquam fato functus est, Serapis sit vocitatus, Varro tradit, eandemque diuus Augustinus refert, dum agit de tempore, in quo Isaac Abrahamæ filius mortuus

C est. Sic enim ait: *His temporibus Rex Argiuorum Apis nauibus transuectus in Ægyptum, cum ibi mortuus fuisset, factus est Serapis omnium maximus Ægyptiorum deus. Nominis autem huius cur non Apis etiam post mortem, sed Serapis appellatus sit, facillimam rationem Varro reddidit: Quia enim arca, in qua mortuus ponitur, quod omnes iam Sarcophagum vocant, Σαρφός dicitur Græcè; & ibi eum venerari sepultum cœperunt, priusquam templum eius esset extructum; velut Sorosapis vel Sorapis primò, deinde vna littera, ut fieri solet, commutata, Serapis dictus est.*

De ciuitate  
Dei, lib. 18.  
cap. 5.

Ruffinus quoque Aquileiensis de huius celeberrimi idoli Serapidis origine, in hunc ferè modum tradit: Varia atque diuersa, inquit, paganorum circa Serapidis originem fertur opinio. Quidam enim Iouem eum esse putant; cuius capiti modius superpositus erat; innuentes eum cum mensura modoque omnia moderari, vel vitam mortalibus frumenti & frugum largitate præbere. Alij virtutem Nili fluminis fuisse autumant, cuius Ægyptus opibus & fecunditate pascatur. Quidam in honorem Iosephi filij Iacob simulacrum illud effectum perhibent; ob frumenti distributionem, qua famis tempore subuenit Ægyptijs. Alij in veteribus Græcarum historiarum monumentis memoriæ proditum tradunt, quemdam patrem familias siue Regem Apin nomine, in Ægyptum se contulisse, urbemque Memphim incoluisse; & cum famis tempore frumenta apud Alexandriam defecissent, ex proprio affatim ciuibus alimenta præbuisse. Quo defuncto in honorem eius templum Memphis ædificatum esse tradunt, in quo bos quasi indicium optimi agricolæ nutritur, habens quædam coloris insignia; qui ex nomine eius Apis appellatur. Sepulchrum autem eius, quod Græci Soron vocant, deuotionis ergò Alexandriam deductum; atque ex Soros & Apis nomine composito, Sorapin primò, deinde verò, corrupto vocabulo,

Hist. Eccles.  
lib. 2. c. 23.  
Opinationes  
item varia  
de eodẽ Se-  
rapide, ex  
Ruffino.



Serapin nominatum. Quod an verum sit, aut nihil omnino, de his Deus vi- A  
derit. Hæc Ruffinus.

Verum Iulius Firmicus Maternus, grauiſſimus atque Chriſtianus auctor, qui eo tempore floruit, quo Serapidis templum magno adhuc paganorum concursu frequentabatur, idolumque illud Alexandriae colebatur, huic ſententiæ firmiter ſe inhæſiſſe oſtendit, idolum antedictum ad ſummum nihil aliud fuiſſe, quàm ſimulacrum, quod Ægyptij in Iosephi Iacobi Patriarchæ filij honorem, & grati animi monumentum erexere, eò quod ſeptem annorum ſpatio illos pauiſſet, & à fame ac morte ipſa liberaſſet. Putatque idem Firmicus, Aegyptios poſt Iosephi obitum, patrio gentis more, templa in honorem eius extruxiſſe, illumque tamquam deum coluiſſe: & vt innuerent iuſta menſura frumentum eis diſtribuiſſe, eundem modium ſimulacri eius capiti impoſuiſſe, quo frumenta populis metiri atque elargiri fecerat. Serapidemque appellatum autumat à Sara Abrahami vxore, cuius pronepos erat, & ſic Græco vocabulo *Saraſapo*, id eſt, à Sara; deinde verò corrupto vocabulo Serapin nuncupatum. Quamobrem idem Firmicus ad Conſtantium & Conſtantiem magni Conſtantini Imperatoris filios ſcribens, vt de origine illius idoli, qui tunc adeo celebris erat, eos certiores redderet, inquit:

De erro-  
re profan.  
Relig. c. 14 *Discite etiam, Sacroſancti Imperatores, Venerandum Alexandriae numen unde ſumpſerit exordium, ac à communi noſtra fragilitate detecta, ad veritatis exordium mortalitatis noſtræ ſermo reuocetur. Cum ingrueret areſcentibus frugibus malitioſa famēs, Iacobi religioſi Patriarchæ ſemine procreatus iuuenis Ioseph, interpretatusque ſomnium Regis, totum quidquid innuebat oſtendit. Ioseph eſt Iacobi filius, qui ob pudicitiam in carcerem miſſus: ereptus, poſt ſomnij interpretationem fuit particeps Regni. Nam ſeptem annorum collectis & ſeruatis frugibus, alterius ſeptennij egeſtatem diuinæ manus providentia mitigauit. Huic poſt mortem Ægyptij patrio gentis ſuæ inſtituto templa fecerunt. Et vt iuſtam diſpenſationis gratiam poſteritas diſceret, quo modio eſurientibus & eumentibus frumenta diuiſerat, capiti is ſuperpoſitus eſt. Nomen etiam, vt ſanctius coleretur, ex primo generis auctore accepit. Nam quia Saræ pronepos fuerat, ex qua nonagenaria Abraham, indulgentia Dei ſuſceperat filium, Serapis dictus eſt, Græco ſermone, hoc eſt Σαράπιας. Sed hoc inuito Ioseph accidit, immò mortuo. neque enim ad hoc facinus, religioſus animus & Deo ſummo dicatus adduci potuiſſet, vt erroris illecebras ex nomine ſuo ſuperſtitioſis hominibus ipſe præberet: præſertim cum ſciret hæc eſſe in Dei ſacroſanctis legibus, ne quis hominum tale aliquid aut veneraretur aut coleret. Hic in Ægypto colitur, hic adoratur, huius ſimulacrum Neqcororum turba cuſtodit, & ad memoriam vetuſtatis errans populus ordinem ſacrorum in honorem integerrimi ac prudentiſſimi hominis conſtitutum, contentioſa hodie animoſitate cuſtodit. Sed & in ipſo ſimulacro, ſicut in ceteris, ex aſſidujs ſacrificijs immundi demonum ſpiritus colliguntur. Hæc ille.*

Ethnicorum tamen auctorum plerique autumant, Serapidem hunc, qui D  
Alexandriae colebatur, illum eundem exiſtere, quem Oſiridem Ægyptij appellabant; & hunc atque illum ad ſummum nil aliud eſſe, quàm ſolem. Quamobrem Macrobius, qui proſitetur probare ſe, omnem cultum quem Ægyptij ſub diuerſorum idolorum nomine diis exhibebant, ad ſolem referendum eſſe, de Serapide diſſerens, inquit: *Eidem Ægypto adiacens ciuitas, quæ conditorem Alexandrum Macedonem gloriatur, Serapin atque Iſim cultu penè attonitæ venerationis obſeruat; omnem tamen illam venerationem, ſoli ſe ſub illius nomine teſtatur impendere. Quod autem ſub Serapidis nomine Alexandrini ſolem venerarentur, Macrobius probari dicit, tum ex calathio quem capiti eius infigunt, tum etiam ex tri-  
cipitis animantis cuiuſdam ſigno, quod penes ſimulacrum eius ſtatuunt; cuius  
medium*

Saturnaliū  
lib. 1. c. 20.  
Serapis idē  
qui ſol  
Macrobio.



A medium caput, quod ceteris maius est, leonis effigiem refert; quod verò ad dexteram statuitur, blandientis canis mansuetam speciem reddit; & quod ad læuam ceruicis positum est, rapacis lupi rictum ostendit. Hæc autem tria bestiarum huius capita, serpens quidam voluminibus suis connectit, cuius caput ad dexteram dei Serapidis vertitur, ubi hoc monstrum collocatum est. Leonis ergo caput præsens tempus designat, cuius conditio inter præteritum & futurum constituta, actu præsentis valida feruensque est. Sed præteritum tempus, lupi capite signatur, quia rerum transactarum memoria rapitur & aufertur. At canis blandientis effigies futuri temporis euentum ostendit, cuius spes nobis, licet incerta, blanditur. *Tempora autem*, inquit Macrobius, *cui, nisi proprio famularentur auctori? Cuius vertex insignitus calathos & altitudinem sideris monstrat, & potentiam capacitatis ostendit: quia in eum omnia terrena redeunt, dum calore ab eo immisso rapiuntur.* Hæc ille. Qui ut apertius probet Serapidem fuisse solem, addit ibi responsum, quod Serapis, seu, ut veriùs dicatur, dæmon qui idoli illius simulacro infederat, Nicocreonti Cypriorum Regi dedit; cum rogatus ab eo, quisnam deorum esset, quattuor Græcis carminibus respondit, quæ Latinitati reddita, hunc sensum retulere:

*Sum deus, talem autem scito, qualem ego dicam.*

*Cælestis ornatus, caput: venter autem mare:*

*Terra mihi pedes sunt: aures in æthere iacent;*

*Oculus emicans, clarum lumen solis.*

Ex quibus patere vult idem Macrobius, Serapidis & solis vnam esse & indiuiduam naturam. Ostendit ipse tamen alibi, se huic opinioni insidere, Serapidem nimirum hunc peculiare ac proprium Alexandrinorum idolum quoddam ab Ægyptiacis alienum & aduenam extitisse. Afferit enim, Saturni atque Serapidis cultum & ritus in Ægyptiorum templis non fuisse admissos, usque ad Alexandri Macedonis obitum: tunc enim Ptolemæorum tyrannide pressi Ægyptij, cum hos quoque deos in cultum recipere Alexandrinorum more, apud quos præcipuè colebantur, coacti fuissent, paruerunt quidem imperio, sed eo tamen modo, ut propriæ religionis prisca instituta & ritus non omnino confunderent. Cum enim antea numquam fas esset Ægyptiis, pecudibus aut sanguine, sed precibus tantum ac thure placare deos; his autem duobus diis aduenis, animantium morte & sanguine, iuxta Alexandrinorum ritus, sacrificandum esset; fana eorum extra urbium pomeria locauerunt, ut ibi illis hostiarum quidem mactarentur, nec tamen urbana templa pecudum morte & sanguine polluerentur. Nullum itaque Ægypti oppidum intra murorum suorum ambitum aut Saturni aut Serapidis templum recepit. Hæc Macrobius, qui etsi idolum hoc Serapidem, solem designasse putat; tamen neque ex ipsius, neque aliorum auctorum qui de eodem tam variè scripserunt lectione, quisnam illud reuera fuerit, clarè ac solidè videtur elici posse. Vnum tantum pro huius rei conclusionem, nos Christi fideles tutè credere possumus, idolum ac simulacrum illud Serapidis, nequissimi dæmonis nidum & receptaculum extitisse: qui quemadmodum cum inter beatos Angelos in cælis esset, tanta superbia ac temeritate efferbuit, ut se summo Deo æquiparare nefaria cupiditate sit ausus, ita postquam meritò inde præcipitatus fuit, honorem & latriæ cultum, qui eidem Deo optimo maximo soli debetur, semper sibi arrogare est enixus: ideoque sub illius simulacri velo adorari, cultu Deo debito, & ab ignavis hominibus sibi præstito, ambitiosus delectabatur. At quemadmodum ab eodem & à ceteris omnibus Ægypti idolis per virtutem sanctæ Crucis, magni Theodosij Imperatoris temporibus, vnà cum impia idololatria, cuius ipse inuentor & magister fuerat,

*At quis tandem Serapis, incertum.*

*Dæmonis tamen receptaculum, simulacrum eius fuisse, nimis certum.*



*Votū Au-  
ctoris ut  
fiat Ma-  
hometo,  
quod fa-  
ctum est  
Serapidi.*

fuerat, probrosè expulsus fuit; sic nobis etiam sperandum est, nostris quoque A temporibus, impiam Mahometanorum sectam, cuius ipse etiam diabolus auctor extitit, ab Ægypto, & à ceteris omnibus Orientis regionibus expellendam; sanctoque Christi Domini sepulchro, & cunctis Regnis illis à crudeli eius tyrannide liberatis, sanctæ Crucis vexillum tutò ac liberè vbique explicandum & erigendum: nec non & vniuersis populis illis, in fidei vnitatem ad sanctæ Catholicæ & Romanæ Ecclesiæ gremium denuò reductis, veraque pace ac libertate latè perfruuntibus, laudes perennes ab eis tibi Deo nostro concinendas, tibi que debitum seruitutis obsequium tranquillo cordis affectu præstandum, qui pretioso sanguine tuo in Crucis ligno profuso, nobis tam piè redemptis, cum Patre & Spiritu sancto viuis & regnas, per infinita sæcula sæculorum. Amen.

## CAPVT XII.

B

*Quòd antiqui Ethnici nescientes quid facerent, Crucis figura & imagine in multis utebantur.*

CVM de Crucis symbolis, figuris & imaginibus, quæ in Ægyptiorum hieroglyphicis atque in eorum idolorum simulacris & sculpturis ad hanc etiam vsque diem conspiciuntur, hactenus egerimus, pro huius quinti libri conclusione ostendendum nunc superest, alios quoque priscorum Ethnicorum populos, nescientes tamen quid facerent, Crucis imagine & effigie manifestè in multis vfos fuisse. Quod etsi ab aliis quibusdam qui nos præcesserunt auctoribus iam animaduersum & notatum sit, tamen quia instituto nostro est conuenientissimum argumentum, nullo pacto est silentio prætereundum, cum locus hic id appositè efflagitare videatur, ne ab accuratioribus Lectoribus C negligentia infimulemur; præsertim cum multa hîc addi possint, vel ab aliis prætermissa, vel ad descriptionum eorum intelligentiam nonnihil lucis allatura.

*Gentiles in  
idolorum  
suorum ma-  
teria &  
forma,  
Crucis po-  
tissimum fi-  
gura vfi.*

In primis ergo Crucis figura atque imagine antiqui Ethnici in idolorum suorum materia & forma præcipuè utebantur. In materia, cum illa ex ligno construebant; in forma verò, cum in primam graphidem siue futuræ picturæ aut sculpturæ delineationem eadem redigebant. Atque in vtraque, id est, materia simul ac forma, Crucis figuram imitabantur, cum ex argilla siue ex luto illa effingebant. Caput enim & truncum eorum recto ligno impactum formabant, altero verò transversali ligno, illis addebant brachia. At Crucis formam priscorum Ethnicorum villici crebrius etiam ac magis assiduè repræsentabant. nam cum pro rudi ipsorum more, duodecim rusticorum deorum suorum imagines, quorum nomina Varro libro primo de Rustica recenset, formare siue potius innuere studerent; rectum palum terræ D infingere solebant, ut illorum caput truncum cruraque indicarent, cui aliud transversale lignum alligabant, ut eorum brachia innuerent: quo integram ipsam Crucem proculdubio repræsentabant. Vel solo etiam erecto palo quandoque contenti erant: quo simplicem & acutam Crucem figurabant. Quam Crucis speciem etiam referebat omne lignum, quod circum exercitus ad statiuam antiquorum castra munienda terræ infigebatur.

*Dij rustici  
Gentilium  
nihil aliud  
quàm Cru-  
ces lignæ.*

In deuictorum quoque hostium trophæis erigendis Crucem formabant: præalto enim ligno humi defixo, alteroque transversali immisso, seu alligato, thoraces, loricas, galeas, brachialia, scuta, ceteraque inimicorum arma, optimaque spolia illis detracta appendebant; hisque ligna ea sic vestiebant, ut tro-

tro-



**A** trophæa illa, non tantum Crucis, sed etiam hominis in Crucem acti formam atque imaginem quodammodo præ se ferrent. Crucis quoque forma & imagine pleræque Ethnicorum nationes, in suis signis militaribus atque vexillis quæ in bello deferrebant, utebantur, atque inter eas præcipue Romani, qui præ omnibus populis, licet mysterium non aduerterent nec intelligerent, hoc inuictum ac triumphale signum inter bellica insignia deferre consueuerant; præsertim verò in his hastis, quibus Imperatorum viuentium ac prædecessorum imagines affixas ferebant, ut apertius infra demonstrabimus. Idque magis notabiliter repræsentabant ac figurabant in labaro omnium vexillorum primario ac magis insigni, quod tunc præsertim in bello deferre solebant, cum Imperatores ipsi in exercitus progrediebantur, statimque & immediatè ante illos gestabatur, non secus ac hodie paruum vexillum illud, quod vulgò Cornettam dicunt, ferri consuetum est. Vexillum autem hoc oblongo, recto aureoque hastili, & altero

**B** transversali sustinebatur, à quo purpureus pendeat pannus, aureo phrygio, gemmisque intermicantibus splendidissimè intertextus, & aurea fimbria circumdatus, de cuius forma fusiùs in sequentibus agemus. Et quod notatù planè dignius est, in eodem vexillo non tantum Crucis signum atque imaginem repræsentabant, sed quodammodo etiam adorabant: eo enim apparente ac pertransiente, milites genuflectentes illud adorabant.

De his autem modis omnibus, quibus antiqui Ethnici Crucis forma atque imagine utebantur, meminit Tertullianus; licet paucis admodum & aliquantulum subobscuris his verbis: *Sed & qui Crucis nos religiosos putat, consecraneus erit noster, cum lignum aliquod propitiatur. Viderit habitus, dum materiæ qualitas eadem sit: viderit forma, cum id ipsum Dei corpus sit; & tamen quanto distinguitur à Crucis stipite Pallas Attica, & Ceres farrea, quæ sine effigie rudi palo & informi ligno prostant? Pars Crucis est omne robur, quod erecta statione defigitur; nos si fortè*

**C** *integrum & totum Deum colimus. Diximus originem deorum vestrorum à plastis de Cruce induci. Sed & victorias adoratis, cum in trophæis, Cruces intestina sint trophæorum. Religio Romanorum tota castrensis signa veneratur, signa iurat, signa omnibus diis preponit. Omnes illi imaginum suggestus insignes, monilia Crucium sunt. Sympara illa vexillorum & cantabrorum, stola Crucium sunt. Laudo diligentiam, nolulistis nudas & incultas Cruces consecrare. Quibus sanè verbis, occurrere pergit Tertullianus calumniis ac dictariis, quibus Gentiles Christianos proscindere consueuerant; quasi diceret: Si quis vestrum nos criminetur, quod Crucem veneremur, utpote quam vos turpissimam omni quæque infamiae nota aspersam existimatis; huic ego respondeo, quod consecraneus noster erit, id est, vnus eiusdemque rei nobiscum erit consecrator (vel ut Franciscus Zephyrus in sua Paraphrasi ait, erit noster consecrator, videlicet, ipse etiam sectæ nostræ erit) quandoquidem & vos in idolorum vestrorum simulacris lignum consecratis*

**D** & adoratis: quæ etsi diuersæ formæ atque figuræ existunt, id nihil refert, cum eiusdem materiæ illa esse constet, cuius sancta Crux, quam nos adoramus, constructa fuit; à cuius forma atque effigie parum differunt Palladis Atheniensis, ac Cereris farris inuentricis, ceterorumque vestrorum rusticorum deorum signa, quæ rudi palo & informi ligno, nulla effigie aut imagine adumbrata, in agris possessionum vestrarum confinia exposita terræque infixæ perstant.

Pars etiam Crucis, addit Tertullianus, est omne lignum quod circum militaria castra defigitur; in quo nos sanè melius vobis facimus, qui integram Crucem, integrumque Deum nostrum crucifixum adoramus. Idolorum pariter quæ vos ex argilla effingitis origo, ut alibi diximus, è Cruce deducitur. nam super Crucem ipsam, lutum siue argillam, qua illa effingitis, extenditis. Crucem quoque

In Apologetico aduersus Gentes, c. 16.

Gentiles suorum ipsorum gladio à Tertulliano ingulati.



quoque in victoriarum vestrarum trophæis veneramini; nam trophæorum  
 A  
 ipforum intestina nihil aliud quàm Cruces sunt. Tota exercituum Romano-  
 rum militaris religio in eo consistit, vt signa atque Imperatorum imagines ve-  
 neretur, per quas milites sanctè ac religiosè magis, quàm per Iouem ipsum,  
 ceterosque deos, iurare solent; & nihilominus omnes imaginum illarum pi-  
 cturæ, scutula, laureæ, coronæ ac ferra, nil aliud quàm Crucis monilia atque  
 ornamenta existunt. Sypara illa vexillorum & cantabrorum, vel, vt in aliis  
 quibusdam impressionibus legitur, labarorum, id est velamina illa quæ à  
 vexillis labarisque vestris pendent, Crucium stolæ & ornamenta sunt. Quam-  
 obrem diligentiam vestram apprimè laudo, quæ in hoc longè nobis est ac-  
 curatior: vt enim nos nudas incultasque Cruces in altaribus statuimus,  
 vos econtrà magnifico ac splendido ornatu comptas atque exsculptas cir-  
 cumquaque defertis.

De S. Cru-  
 ce, Tom. I.  
 lib. I. c. 52.

De Ciuit.  
 Dei, lib. 4.  
 cap. 8.

Rusticanorum autem deorum imaginum, quarum Tertullianus meminit, B  
 notatu satis dignum exemplar vidisse testatur se Iacobus Gretserus è Societate  
 IESV, in Saloninæ Augustæ veteris cuiusdam numismatis posteriore parte, in  
 qua cusa erat imago, quæ extensis brachiis, pube tenus in truncum desinebat; ita  
 vt Crucis formam atque imaginem referret, cum hac inscriptione: DE AE  
 SEGETIAE. Cuius deæ meminit Plinius, asserens sic eam à segetibus appel-  
 latam, simulacrumque eius temporibus suis in Circo conspici. De eadem etiam  
 locis quamplurimis agit diuus Augustinus in suo de Ciuitate Dei libro; præ-  
 fertim verò vbi Romanorum superstitionem irridens, qui singulis quibusque  
 rebus deum suum peculiarem adscribebant, asserit, eos non contentos segetibus  
 vnicam deam tutelarem tribuisse, duas assignare voluisse; nempe Seiam, quam  
 fatorum frumentorum curam gerere putabant, quoad è terra germinarent; &  
 Segetiam, quam iisdem præesse, donec ad maturitatem perducerentur, lætasque  
 segetes facere opinabantur.

Bonus euen-  
 tus, deus  
 rusticanus.


De re ru-  
 stica, lib. I.  
 cap. I.

At eorumdem rusticanorum deorum, paucis abhinc transactis diebus, an-  
 tiquissimum monumentum quoddam & graphidem notatu planè digniorem  
 ego conspexi, antiqua incisione cælata, in gemma quadam, quam Aquam  
 marinam vulgò appellant, satis honestæ amplitudinis, in qua imago quædam  
 apertis extensisque brachiis cernitur, quæ pube tenus pariter in truncum desi-  
 nit, Crucisque formam refert, hac inscriptione circumdata: BONVS EVENTVS.  
 Quæ quidem gemma, aureo annulo inclusa, à magno quodam huius Romane  
 curiæ viro, in digito quandoque defertur, magnoque eam habet in pretio, tum  
 propter eius antiquitatem, tum etiam quia sibi insinuatum fuerat ab eo viro à  
 quo dono illam acceperat, eandem vnum ex sigillis illis existere, quæ veteres  
 sub certis siderum punctis & constellationibus construebant, existimantes vim  
 atque virtutem obtinere humanos actus fortunandi, & ad prosperos ac felices  
 euentus dirigendi. Verùm si in hoc aliqua illi forsitan infederat superstitio, il-  
 lam ego radicitus ex animo eius euulsi, clarè atq; perspicuè illi ostendens, hanc  
 D  
 nihil aliud esse, quàm vnius ex rusticanis diis imaginem; qualem priscorum  
 Ethnicorum villici, in possessionibus, post illarū cultionem atq; sationem, defi-  
 gebant, existimantes idolum hoc labores ipsorum ad vberis atque copiosæ mes-  
 sis bonum euentum perducturum. Quamobrem falsam illam persuasionem  
 quam induerat, statim affatimque exuit, cùm Varronis textum illi inspicien-  
 dum exhibui, vbi in principio tractatus sui de Re rustica, duodecim hos rusti-  
 canos deos inuocat, quorum hæc sunt nomina: Iupiter & Tellus, Sol & Luna,  
 Ceres & Liber, Robigus & Flora, Minerva & Venus, Lympha & Bonus euentus.  
 Et post eorum inuocationem, subdit: Necnon etiam precor Lympham, ac Bonum  
 euen-



**A** euentum, quoniam sine aqua, omnis arida ac misera agricultura; sine successu ac Bono euentu, frustratio est, non cultura. Hæc Varro. Ex quibus patet, peruetustam imaginem illam in gemma antedicta exsculptam, nulla alia de causa magni faciendam esse, nisi quatenus infinitæ Dei sapientiæ monumentum quoddam esse videtur, quæ impios scelestissimosque dæmones, qui homines eludentes, deosque se esse iactantes, in eorundem idolorum simulacris adorari gaudebant, in suis captionibus ac fraudibus captos atque delusos esse voluit. Nam idolum hoc, quod antiqui BONVM EVENTVM appellabant, Christi Domini Crucem ac passionem, nomine & forma forsitan præsignasse potuit, quæ humano generi meliorem fortunatioremque euentum, quam imaginatione comprehendere aut capi desiderio posset, attulit; ab æterna nimirum morte, & à diaboli seruitute liberationem; illi verò exitium intulit atque ruinam.

**B** Post rusticana idola, in quibus prisca Gentiles, non intelligentes tamen quid agerent, Crucem adorabant, asserit Tertullianus, eos Crucem eandem quoque venerari solitos in trophæis, quæ post partas victorias erigere consueuerant; deuictorum hostium arma his appendentes, atque in Imperatorum imaginibus quas hastis affixas in exercitibus deferebant. Quod iam annis circiter quinquaginta ante eum diuus Iustinus Martyr suis ad Antoninum Pium Imperatorem pro Christianis Apologiis, scripto commendauerat his verbis: *Sed & apud vos nota huius signi potentiam declarant: \* cum aliqua quedam, tum trophæa, ob quæ progressus & expeditiones vbique vobis fiunt, imperij & potentiæ signa in istis præferentes, et si ignorantes id facitis. Et Imperatorum qui apud vos mortui sunt imagines in hac figura ponitis, & deos per litteras appellatis.* Verum doctissimus Lipsius, in Notis ad librum primum suum de Cruce asserit, eiusdem diui Iustini textum Græcum, in eo loco quem superius asterisco notauimus, mutilum ac mancum esse; quem etsi ceteri passim ad trophæa aptant, ipse tamen cum in verba intendit, ambigit; & nescio quid potius de fascibus, quos lictores ante Consules & Imperatores in iurisdictionis ac potestatis signum deferebant, eadem verba sibi videntur subolere. Qui fasces, cum secures illis alligatæ essent, quibus delinquentes verberari, ac postea capite plecti consueuerant, Crucem proculdubio repræsentabant, vt hîc intueri libet.



In Apologia 2. pro Christianis ad Antoninum Pium. In Notis ad cap. 9 lib. 1. de Cruce.

**C** Marcus Minutius Felix, in Dialogo suo cui titulus est Octavius, aperte asserit Gentilium victricia trophæa non Crucis tantum, sed etiam hominis illis appensi & affixi formam retulisse. *Trophæa, inquit, vestra victricia, non tantum simplicis Crucis faciem, verum & affixi hominis imitantur.*

**D** Quamobrem Iacobus Pamelius in suis ad prædictum Tertulliani textum Notis, ad demonstrandum quantum reuera Ethnicorum illa prisca trophæa, non tantum Crucis, sed crucifixi etiam formam præ se ferrent; addit ibi antiquum numisma quoddam Lucij Septimij Seueri Imperatoris, cuius graphidem, vt Lectoribus in hoc etiam satis sit factum, hîc addere curauimus.



Adeoquæ verum est, trophæa hominis ad Crucem affixi imaginem ac similitudinem

Tt

refer-



Antiquita-  
tum Iudai-  
carū lib. 15.  
cap. 11.

referre, vt cū Herodes Iudæorum Rex, vt Flavius Iosephus memoriæ prodi-  
dit, athletica & quinquennalia certamina, quæ in Augusti Cæsaris honorem  
instituerat, celebrare vellet, cumque pro ludorum ipsorum maiore magnificen-  
tia in eo theatro, in quo ludi ipsi celebrandi erant, multa trophæa deuictarum  
à Cæsare nationum auro atque argento colludentia per circuitum erigi iussisset,  
Iudæi id adeò molestè tulerunt, tantaque iracundia exarserunt, vt apertam pē-  
nè ab eo defectionem molirentur; existimantes trophæa illa, armis contextas  
extensisque brachiis esse imagines siue statuas, quarum vsus patriis legibus in-  
terdictus erat: nec quieuit eorum tumultus, donec Rex, accersitis ad se prima-  
riis ex his qui in seditionem versi fuerant, blandè eos allocutus in theatrum  
perduxit, atque ipsis cernentibus, arma à trophæis detrahi iussit: quo facto, re  
ipsa viderunt sub iisdem nil aliud quàm lignum vnum erectum, aliudq; trans-  
uersale in Crucis formam existere. Rationem autem erigendorum trophæo-  
rum ab antiquis obseruatam describit Virgilius, dum agit de illo trophæo, B  
quod Æneas erexit post deuictum atque interemptum ab eo in singulari cer-  
tamine Mezentium Tyrrenorum Regem, his carminibus:

Æneid. l. 11

*Ingentem quercum decisis vndique ramis  
Constituit tumulo, fulgentiaque induit arma  
Mezentl ducis exuias, tibi magne trophæum  
Bellipotens: aptat rorantes sanguine cristas,  
Telaque trunca viri, & bis sex thoraca petiit  
Persossūque locis, clypeūque ex are sinistra  
Subligat, atque ense collo suspendit eburnum.*

Imò ipsa tro-  
phæa, orna-  
ta quadam  
Crucis.

In Diuerfos  
Hom. 8.

Et ipsa  
Crux Chri-  
sti verum  
trophæum,  
id est, deu-  
icti hostis  
indiciū.

In cap. 19.  
Ioan. Ho-  
mil. 29.

In exposit.  
Symb.


In Epist. ad  
Coloss. c. 2.

Trophæa autem non tantum nudarum, sed etiam ornatarum Crucium  
formam atque imaginem retulisse, testatur quoque Origenes his verbis: *Sed  
& trophæa ipsa, & victoria triumphorum, ornata Cruces sunt: quas non solum in  
frontibus, sed & in animabus quoque nostris habere debemus, vt cū sic fuerimus ar-  
mati, calcemus super aspidem & basiliscum, in Christo Iesu.* At non trophæa tan-  
tum Crucium formam ac similitudinem retulere, sed & ipsa Christi Domini  
Crux sancta deuicti hostis trophæum extitit. Vnde quemadmodum antiqui  
post superatos hostes præexcelsis atque editis locis trophæa erigere solebant,  
illorumque arma ibi appendebant, vt ab omnibus conspicerentur; sic Redem-  
ptor noster (vt quidam ex Patribus memoriæ prodidit) sanctam Crucem suam  
in Caluariæ monte, vbi primus parens noster Adam sepultus fuit, defigi voluit;  
vt in eodem loco, vbi diabolus & mors de ærumnoso humano genere trium-  
phum duxisse videbantur, ibi etiam victoriæ atque triumphi trophæum, quod  
de ipsis retulit, figeretur. Quamobrem diuus Ioannes Chrysostomus inquit:  
*Vbi quidam dicunt Adam & mortuum & sepultum esse: & Iesum, vbi mors domina-  
ta est, ibidem trophæum erexisse, hoc est Crucem, quam tulit contra mortis tyrannidem.  
Et quemadmodum victores, ita Iesus victoriæ signa humeris tulit.* Hæc Chrysosto-  
mus. Ruffinus quoque Aquileiensis ad institutum hoc appositè subdit: *Crux  
ista, inquit, triumphus erat: triumphus enim insigne est trophæum, trophæum autem  
deuicti hostis indicium est.* Theophylactus verò ait, Christum Dominum no-  
strum, trophæo suo in Crucis ligno constituto, tamquam in publico Græco-  
rum, Romanorum, & Iudæorum theatro, ibi de diabolo ac satellitibus eius  
triumphum duxisse.

Præter trophæa ipsa, quibus prisci Gentiles, nescientes tamen quid facerent,  
Crucem effingebant & colebant, eandem quoque in signis militaribus for-  
mabant, atque adeò, vt diximus, venerabantur & adorabant. Præsertim verò  
in labaris, atque in his hastis, quibus Imperatorum suorum imagines affixas in  
exer-



A exercitibus deferabant. Quocirca præter id quod Tertullianus ait, Marcus *Figura itē*  
etiam Minutius Felix in suo Octauio ita scriptum reliquit: *Crucis in*  
*consecratis, Cruces ligneas, ut deorum vestrorum partes, forsitan adoratis. nam & si-*  
*gna ipsa, & cantabra & vexilla castrorum, quid aliud quam inaurate Cruces sunt &*  
*ornate?* Pro cuius demonstratione, Iacobus Pamelius in suis ad Tertulliani Apo-  
logeticum Annotationibus, ac pro Auctoris, quem modò citauimus, verbo-  
rum declaratione, addit ibi duo numismata; alterum quidem Hadriani Impe-  
ratoris, in quo Imperatoria quinquere mis Romanæ classis dux cusa conspi-  
tur, labaro in medio eius pro arbore defixo atque erecto, quod Crucis imagi-  
nem ad amussim refert: alterum verò Marci Antonij, in cuius medio labarum  
eodem modo exsculptum cernitur; atque hinc inde duæ hastæ, siue militaria  
signa, in quorum cuspidibus, Crucis pariter imago quodammodò impressa  
conspicitur. Sunt autem eiusmodi:



Ex quibus numismatibus, aliisque compluribus, quæ penes diuersos nobiles  
atque insignes viros Romæ comperiuntur, quos res antiquaria delectat; atque  
C ex his quæ in variis libris typis excusa cernuntur, apertissime colligitur, iam in-  
de à multis sæculis ante Constantinum Magnum Imperatorem, omnia præne  
militaria Romanorum signa, quamdam Crucis imaginem atque figuram non  
tantum habuisse, sed etiam velamina illa, quæ ab eisdem dependebant, & or-  
namenta quæ eisdem affixa deferabant, præsignificationes quodammodò fuisse  
ornatarum Crucium earum, quibus hodie in solemnibus Supplicationibus san-  
cta Dei vitur Ecclesia. Quamobrem idem Pamelius in eisdem ad Tertulliani  
Apologeticum Notis appositè inquit: *Ex quibus videre licet Lectori, quomodo non*  
*tantum tempore Constantini, sed etiam longè antea, omnia signa militaria formam quam-*  
*dam Crucis habuerint: & vela illa siue sypara ab antenna dependentia, stolæ seu or-*  
*namenta quedam Crucium fuerint; prorsus eadem forma, qua hodie vexillis Cruces or-*  
*nantur in Ecclesia, præsertim à Pascha in Pentecosten.* Hæc ille. Quæ quidem an-  
te ipsum Pamelium diligenter etiam animaduertat solertissimus antiquita-  
D tum obseruator & indagator Onuphrius Panuinus, qui de eo velo quod ab Im-  
peratorio Romanorum labaro pendeat, differens, secundo Fastorum suorum  
Consularium libro sic tradit: *Itaque velum hoc vexilli forma de cornu pendens, mo-*  
*deratam quamdam habebat tam longitudinis quam latitudinis circumscriptionem; quod*  
*commodissime comparari poterit his religiosorum hominum vexillis, quæ vulgò Confæ-*  
*lones vel Cruces appellantur, atque ad supplicationes ante singula sodalitia efferuntur.*

Verum pro clariore Crucis demonstratione, quam veteres Romani licet tunc  
Ethnici ac Gentiles in labaris deferabant, addemus hoc loco genuinam graphi-  
dem cuiusdam antiquissimæ ac marmoreæ basis, quæ habetur in Viridario se-  
renissimi Ferdinandi Medicei olim Magni Ducis Hetruriæ, Romæ in colle Pin-  
cio sito; in qua antiqui quidam Romani milites insculpti cernuntur, qui laba-



*Præpositus  
laborum  
quis?*

Lib. 6. titu-  
lo 25.

Ibidem, De  
collegiatis,  
tit. 7. li. 14.


De bello  
Punicoli, 3

*Verus la-  
bari eiusq;  
Præpositi  
typus.*

rum manu deferunt. Hi autem laborum gestatores, priscis temporibus Præpositi laborum siue laborum appellabantur, vt in antiquis Theodosij atque Iustiniani Codicibus perspicitur; in quibus præcipuus titulus habetur, De Præpositis laborum, in quo continentur tituli, dignitates, ac prærogatiuæ, quæ his laborum gestatoribus tribuebantur. Quibus locis ab vtroque Imperatore Clarissimi appellantur, declarantes velle eos ex Consularibus esse, nomineque & immunitate Senatoria dignos censer, vt ex Theodosiani Codicis verbis clare perspicitur, quæ hæc sunt: *Qui ex deuotissimis domesticorum scholis Præpositi laborum nostro iudicio, & stipendiorum sudoribus promouentur, ad similitudinem decem primorum domesticorum, clarissimi sint inter Allectos; ita vt ex Consularibus habeantur: nam Senatorio nomine & immunitate digni sunt, quos nostri lateris comitatus illustrat.* Eodem quoque Codice mentio fit de Cantabariis, id est, de his qui cantabra gestabant: sic enim labara quandoque forsitan appellata fuere, à Cantabris, Hispaniæ Tarraconensis efferis, indomitis atque armigeris populis, qui labores, famem, sitimque admirabili, inuicta, & pertinacissima patientia sustinebant. De quibus ita Silius Italicus:

*Cantaber ante omnes hiemisque, æstusque, famisque  
Inuictus, palmamque ex omni ferre labore.*

Vnde non sine magno labore, post multam temporis longinquitatem, ab Augusto subacti atque perdomiti fuere. De Præpositis verò laborum alibi forsitan fusiùs agemus. At verus typus intere à eius antiquæ basis, quam superius diximus, fideli delineatione exaratus, talis est:



Aderant




A Aderant postea hi qui Imperatorum imagines in exercitibus gestabant, qui *Imaginiferi* Imaginiferi vocabantur, quique in his hastis, quibus Principum imagines affixe *qui Imperatorum imagines, & Crucis in hastis signum deferabant.* erant, Crucis quoque signum deferebant, ut videre est in eorum typo, quem hic addere studuimus ex vetustissimis quibusdam marmoribus quæ Romæ & ali-  
bi extant, ad germanam effigiem delineatum. Quorum etiam imago typis excusa circumfertur in libro Guilielmi Choul De antiqua Romanorum reli-  
gione, ad hunc modum.



Similes quoque eorumdem laborum præpositorum atque imaginifero-  
rum species & simulacra Romæ insculpta cernuntur in arcu triumphali Con-  
stantini, præsertim verò in ea eiusdem arcus facie, quæ Amphitheatrum respi-  
cit, ad læuam quæ flectit via, per quam ad arcum Titi est iter. At in hoc illud *Militarium*  
notatu & admiratione planè dignius est, omnes pænè Romanorum legiones, *signorum cu-*  
in *spides Cru-*  
militarium signorum cuspidibus, Crucis signum & figuram gestasse; ut *cibus insi-*  
rè perspicitur in Marci Antonij antiquis numismatibus, cuius legionum nume- *gnitas suis-*  
rus apud Auctores admodum varius atque diuersus esse comperitur. Scribit *se, veteres*  
enim Dio, eas vigintiquatuor fuisse. Appianus octo supra triginta commemo- *testantur*  
rat; *nummi.*



rat; & ab ea quam Galba ad Ciceronem scripsit epistola, quinque & triginta A  
extitisse colligimus: ibi enim de secunda & de trigesima quinta mentionem fa-  
cit. Fuluius verò Vrsinus, suo De familiis Romanorum tractatu, de Antoniorum  
familia differens, testatur se inter antiqua numismata, usque ad viginti quinque,  
continuato ordine & cohærenti numero vidisse atque notasse: interrupto autem  
numero, supra triginta & tres ad suam usque diem videre sibi non licuisse. Quæ-  
dam autem Marci Antonij argentea numismata penes me habeo, in quorum  
aduersa facie militaria signa legionum eius insculpta sunt. Multaque mihi in-  
spicienda exhibuit insignis vir Horatius à Valle nobilis Romanus, Iurecon-  
sultus eximius, rerumque antiquarum studiosissimus, paulò antequam publica  
iactura atque mœstitia ex hac vita discederet, in quorum ferè omnium directa  
facie, cusa est ipsius Marci Antonij nauis Prætoria, cuius mali summo vertice  
signum Crucis, ea prorsus forma qua sancta Ecclesia nunc vitur, exsculptum  
cernitur; & à tergo aquilas habent & militaria signa. in quorum pænè omnium B  
cuspidibus Crucis imago apertissimè insculpta conspicitur. Quorum numi-  
smatum pars magna, in eodem quoque Fuluij Vrsini libro, in Huberti Goltzj  
& aliorum codicibus, qui de antiquis numismatibus agunt, typis excusa con-  
spicitur. Suntque omnes ferè his tribus prorsus simillima, quæ demonstrationis  
causa, & in generosorum Lectorum gratiam hîc subijcienda curauimus.



Aliud quoque numisma in eodem Fuluij Vrsini  
libro typis cusum cernitur: in cuius aduersa facie,  
Quinti Nasidij classis Sexti Pompei ductoris na-  
uis Prætoria cusa est, in cuius mali acumine, Cru-  
cis signum euidentissimè insculptum est, vt hîc  
ostenditur.



Hand mi-  
randa est  
Romanorū  
felicitas,  
qui trium-  
phale Cru-  
cis signū in  
vexillis  
prætulervnt,  
atque in hoc  
vicerint.

De fortuna  
Romano-  
rum.

In quorum numismatum consideratione, Chri-  
stiano more argumentari libet, non esse cur mire-  
mur, quòd Romanus populus tot mari terraque  
victorias adeptus sit, atque orbem terrarum pænè  
vniuersum suo subegerit Imperio; cum in exercituum & classium suarum  
vexillis, inuictum ac triumphale Crucis signum deferret. Quod & fausto ac feli-  
cissimo sibi quoque præsagio exinde fuit; significans eum illius electi, felicitis, ac  
Deo apprimè dilecti populi caput primarium quandoque futurum, qui sacro-  
sanctum hoc signum adoraturus erat. Quod mysterium cum Plutarchus intelli-  
gentia non assequeretur, causa fuit, vt mentis suæ aciem diu in illam peruestiga-  
tionem circumduceret, an Virtus potius quàm Fortuna, vel Fortuna magis quàm  
Virtus ipsa tantam potentiam, tantumq; Romanis pepererit Imperium. In cuius  
quæstionis iudicio, varias ac sibi inuicem pugnâtes hominum comperit esse sen-  
tentias. Asseuerabât enim quidam, Virtutem pulchram sanè, sed tamen inutilem  
esse



**A** esse. Alij autem affirmabāt, Fortunam, quamuis bona sit, instabilem tamen plerumque probari. Addebant illi, Virtutis labores fructu præmioque vacuos esse; isti verò, Fortunæ dona iudicio & fide carere. Quæ quidem calumniæ & infimulationes (vt ipse fingit) cum ad Virtutis ac Fortunæ aures peruenissent, effecerunt vt illæ se ad singulare certamen inuicem prouocauerint, ipsamque urbem Romam, vt contentionis campus atque spectatrix esset, delegerint. Ipse verò perinde ac in eminenti quapiam specula constitutus, vnde certamen eminns prospiceret, describit quibus armis tecta, quibusve satellitibus constipata vtraque æmulatrix & inimica ad contentionem accesserit. Ingressa est, inquit, Virtus graui incessu, placido aspectu, constantique vultu, non nihil ruboris in malis habens; quo planè dignoscebatur, grauitè eam indignari, quòd in immeritissimæ Fortunæ comparisonem descendere cogeretur. Coniiciebatur etiam ardens eius desiderium, contentionis illius victoriam consequendi. Ducebat autem atque stipabat eam instructa & armata fortissimorum bellatorum acies, qui suis laboribus, profuso sanguine, præclarisque pro patria oppetitis mortibus Romanæ Reipublicæ viam aperuerant, qua ad tantam rerum amplitudinem ascendisse videbatur. Hi aduersorum vulnerum pleni, cruore stillantes, sudore permixti, hostiumque semifractis spoliis onusti, intrepidè atque impavidè illam sequebantur: rogati que quinam essent, responderunt: Fabricij sumus, & Camilli, & Lucij, & Cincinnati, & Maximi Fabij, & Claudij, & Marcelli, & Scipiones. Internoscebatur inter eos Caius Marius, Fortunæ vehementer iratus. Aderat Mutius Scæuola, qui vstulatam manum ostentans, vociferabatur: Num & forsitan hoc quoque Fortunæ tribuetis? Progrediebatur cum eis Horatius, qui cum pontem solus contra Hetruscorum exercitum tutatus esset, hostium telis ac sagittis onustus, oculo obcæcatus, & pede claudus, è profundo fluminis gurgite egressus, clamabat: Num & ego fortuito casu mutilatus sum? Talis erat, inquit Plutarchus, magnanima Virtutis cohors, ad contentionem proficiscentis.

**C** Fortuna verò econtrà, longo itineris interuallo post se Virtute relicta, incitato gressu, feroci aspectu, & arroganti audacia ad certamen approperabat. Non ea tunc leuibus alis sese librans, neque qualis, vestigijs summis globo impositis, præceps & ambigua fertur accedere: sed sicut Spartani Venerem perhibent, vbi Eurotam fluuium transisset, speculis, ornatu lasciuo cæstoque depositis, in Lycurgi gratiam sumpta hasta & scuto se ornare consueuerat; ita Fortuna, Persis & Assyriis derelictis, cum leuiter Macedoniam peruolasset, celeriterque Alexandrum portasset, & abiecisset; Ægyptum deinde ac Syriam peragrans, cum per aliquod temporis spatium Regna illa distulisset, & sæpè conuersa, Carthaginenses sustinisset, statim postquam transmissis Tiberi ad Palatium appropinquauit, alas deposuit, talaria exuit, infidoque & versatili globo illo dimisso, ita Romam tamquam domum pænè propriam ingressa est, diu permansura. Illud verò omnium sermonibus celebratum copiarum cornu manu deferebat, non frugibus semper recentibus atque florentibus refertissimum, sed largissimè omnia desiderabilia & pretiosiora profundens; quæ omnis terra, omne mare, omnia flumina, omnes fodinæ, omnia metalla, omnesque portus ferunt. Comitabantur autem eam præclari atque illustres viri permulti, inter quos primi conspiciebantur Numa Pompilius & Tarquinius Priscus, qui aduenæ & peregrini, paupere & obscura terra nati, ad Romuli solium à Fortuna euecti fuerant. Hos Seruius Tullus sequebatur, qui matre serua atque ancilla natus, Fortunæ admirabili fauore Rex effectus est. Inter hos Paulus Æmilius conspiciebatur, Fortunam magnificans ac summis laudibus efferens, quòd nullo accepto vulnere, ac pænè sine vlla exercitus sui sanguinis effusione, Perseum prælio deuicerat,

*Incunda  
fili  
etio alter-  
cantis Vir-  
tutis cum  
Fortuna,  
vtra Roma  
nos magis  
inuerit.*



Macedoniæ Regnum acquisierat, Regemque ipsum captum ac vinculis reuinctum ante rhedam in triumphum duxerat. Nec minori præconio illam ad cælum extollebat Cæcilius Metellus Macedonicus senex ille, à quattuor filiis Consularibus elatus, à duobus item generis Consularibus, duobusque nepotibus, qui rebus præclare gestis, ac multis magistratibus obitis, in Romana Republica illustres atque spectabiles habebantur. Non longo intervallo hos sequebatur Æmilius Scaurus, qui ex ignobili ortus familia, nouus homo, abiectamque vitam ducens, à Fortuna eò euectum se vidit, vt Princeps Senatus legeretur. Cernebatur inter hos Cornelius Sylla, quem è gremio Nicopolis scotti Fortuna sublatum, supra Cimbricos Marij triumphos, & septem eius Consulatus extulit; ac demum Romanæ reipublicæ Dictatorem effecit: cui eadem Fortuna ita semper fauit, vt ipse sibi titulum Felicis tribueret; ac se Fortunæ filium esse iactaret.

*Romani  
prius For-  
tuna quam  
Virtuti tem-  
pla dedica-  
runt.*

Non curauit igitur Virtus contentionem suam cum Fortuna vltèrius prosequi; quandoquidem illa in iuris sui testes, Romanos ipsos adhibebat, qui Fortunæ magis quam Virtuti debere se atque obnoxios esse ostenderant; cum nullum Virtutis fanum, nisi ferò, & longo ab Vrbe condita tempore, ædificauerint. Primus enim Scipio Numantinus Virtuti templum dedicauit, & post eum Marcellus, Virtutis & Honoris delubrum extruxit. At Fortunæ econtrà, multa splendida templa & antiqua in Vrbe extabant, iam inde ab ipsis ferè primis Romæ fundamentis posita. Inter quæ præcipuum fuit Fortunæ virilis templum, ab Anco Martio quarto Romanorum Rege ædificatum. Quod cognomen Fortunæ Romani ipsi tribuerant, quia putabant Fortunam non parum virilitatis & roboris, ad victorias feliciter adipiscendas, ipsorum fortitudini conferre. Hæc omnia non abs re facta digressionem diximus, vt ostenderemus, Romanos inter

*Fortunæ ve-  
rò simula-  
cra Crucis  
imagine il-  
lustrarunt.*

ceteros falsos atque mendaces deos Fortunam coluisse, eidemque templa ædificare, altaria erigere, & simulacra dicare consueuisse; quibus diuersimodè, nescientes tamen quid agerent, Crucis signum & imaginem adaptabant; vt multis eorum antiquis aureis argenteisque & æreis numismatibus clarè perspicitur, quæ in Discursu Antonij Augustini olim Romanæ Rotæ auditoris, deinde verò Illerdensis Episcopi, itemq; in libro De antiqua Romanorum religione Guiljelmi Choul, atque aliorum qui de priscis numismatibus agunt, typis excusa conspiciuntur; quorum aliquorum typos in Lectorum gratiam hîc addendos curauimus.



Horum numismatum primum in ordine est Traiani. Et præterquam quòd libris prædictis impressum est, illud quoque argento cuspum vidi in manibus cuiusdam magni huius Romanæ curiæ viri; penes quem multa alia Hadriani, Antonini Pij aliorumque Romanorum Imperatorum extant, quibus Fortuna exsculpta conspicitur, nauis gubernaculum manu vna, altera verò copiæ cornu ge-



**A** nu gestans, quod quamam de causa Romani facerent, inferius dicemus. Secundum verò, antiquissimum numisma quoddam consulare est, quod inter præclara sua antiquitatis monumenta asseruabat vir multarum virtutum Horatius à Valle nobilis Romanus, cuius superius meminimus; in quo hæ Græcæ litteræ insculptæ sunt: ΚΑΛΑΙ ΤΙΧΗ, id est, Bona fortuna. Cernitur ibi Fortuna puteo quodam insidens, nauigijque velum manu gestans; quo hieroglyphico bonam, prosperam, ac stabilem, omniumque bonorum affluentissimam, & numquam defuturam fortunam (non secus ac in puteo aquæ semper affluunt & numquam deficiunt) significari puto.

Tertium verò inter numismata prædicta exemplum positum, quædam antiqua Corneola est, cuius incisæ typus cusus cernitur in libro Guilielmi Choul De antiqua Romanorum religione, in quo Fortuna insculpta conspicitur, altera manu nauis gubernaculum, altera verò copiæ cornu, laurique ramum gestans; quo significatur (vt prisci Ethnici putabant) Fortunam quoscumque velit, ad rerum magnitudinem, ad diuitias, & ad triumphum euehere solitam. In quibus numismatibus omnibus, Crucis signum euidentissimè insculptum conspicitur. Et quamquam mihi fortè obijcere quispiam posset, Crucem ibi effectam esse, ad nauium gubernaculorum formam, malumque & antennam cui velum suspenditur repræsentandam: respondebo tamen, id nihil referre, cum satis sit mihi, neminem inficiari posse, Crucis effigiem ibi quomodo-  
Cruz in manu Fortuna effecta quid signet.

**B** documque insculptam conspici, quam Deus permisit antiquos idololatrias nescientes quid facerent, in Fortunæ manibus collocasse, vt inde perdisceremus nos, ac reuerà agnosceremus, fortunatiorem fortunam nullam homini in hoc mundo contingere posse, quam vt Crucis tutissimo gubernaculo firmiter innitatur; quamque vt Crucem ipsam libenti animo ferens, in sæculi huius calamitatibus & ærumnis, Ducem ac Redemptorem nostrum alacriter sequatur, qui  
In Ecclesiast. cap. 9.

**C** sub hoc glorioso & inuictò vexillo ad pugnam & ad certam victoriam benignè & amanter nos inuitat; constantissimè pro comperto habentes quidquid prosperi siue aduersi hîc nobis accidat, non à fortuna, quæ nulla est, sed Dei voluntate atque iudicio euenire. Ad quod appositè diuus Hieronymus: *Ego autem mecum diligenter retractans, inuenio, non vt quidam æstimant malè, omnia fortuito geri, & variam in rebus humanis fortunam ludere, sed cuncta Dei iudicio fieri.*

Deus ipse is est, & non fortuna, qui liberalitate ac benignitate sua felicitates, prosperitates, & exaltationes hominibus impertitur. Atque is etiam ipse est, qui infelicitates, tribulationes, ac depressiones erogat, quibus aut malos puniat, vel bonos exerceat; omnia summa sapientia, infinita bonitate, ac rectissima iustitia in numero perfecto, in iusto pondere, ac recta mensura disponens, ordinans, & gubernans; in quibus iudicium eius nullo pacto falli potest, vt idem sanctus Hieronymus alibi subdit in hunc modum: *Domini enim iudicium nullo modo errabit; nec aliquid fit in terra sine causa. Neminem iniuste damnat, neminem spernit, neminemque indebitè derelinquit, quia omnia in numero, mensura, & pondere disponit, ordinat, atque gubernat.* Quamobrem neq; superbia insolentes efferre se debent fortunati atq; felices in prosperitatibus ac secundis rebus, quasi pro meritis eorū illis Deus faueat; neq; omnem planè spem abijcere debent pauperes & afflicti, quasi à Deo destituti sint: sed potius timeant illi, & gaudeant isti: paueant illi Dei iustitiæ, & speret isti in eius misericordia: caueat illi ne deprimantur, isti verò per sanctam patientiam demum se exaltandos sperent. Summatim verò, isti atque illi simul, aurei illius Platonis præcepti meminerint, qui aureis armis aduersus Fortunam pugnandum esse dixit; id est, sanctitate, prudentia, & iustitia: sanctitate quidem, qua Deo inseruiamus, illiusque iram placemus: prudentia, qua nos erga mundum  
In Lamentat. Ieremie, cap. 3.

**D**



dum geramus : iustitiæ autem , qua dum inter homines versamur , unicuique A  
quod suum est tribuamus . sic enim agendo , omnis fortuna superatur . Ad quod  
appositè Cælius Rhodiginus : *Exinde porro , inquit , promitur aureum Platonis præ-*  
*ceptum : armis aduersus Fortunam aureis pugnandum , id est , prudentia , iustitia , sancti-*  
*tate : siquidem quid Deo , quid mundo debeamus , rimatur prudentia . Mundo quod suum*  
*est impertitur iustitia , Deo autem sanctitas .*

Antiquarū  
lectionum  
lib. 10. c. 20.

Fortuna  
imago pla-  
nè admira-  
bilis, & my-  
sterijs re-  
ferta.

Verum , quod ad Fortunæ imagines attinet , mysterijs longè magis referta est ,  
& ad institutum nostrum congruens & accommodata , parua quædam anti-  
quissima & planè rara Fortunæ ærea statua , quam meritò inter cetera antiquita-  
tum suarum monumenta , vt sibi charissimam asseruabat insignis vir , de quo  
superius meminimus , Horatius à Valle ; cuius germanum typum , vt mihi ipsi  
ac Lectoribus satisfaciam , hoc loco addendum curauit . Est autem præcisè qua-  
lis hîc conspicitur .



Accurata  
eiusdē ima-  
ginis expli-  
catio.

Habet hoc rarum ac planè curiosum simulacrum sub pedibus globum , quo  
antiqui iuxta leuem & vanam credulitatem suam , non tantum innuere vole-  
bant , Fortunam mundi absolutam esse dominam , sed & eandem esse instabi-  
lem , malè tutam , ac prolapsioni obnoxiam ; non secus ac instabilis , inquietus , ac  
lubricus esset quicumque super rotunda & globosa pila stare atque incedere au-  
deret . Dexterâ manu nauis gubernaculum , sinistra verò copiæ cornu gestat .  
Altero



- A Altero enim innuere volebant antiqui, in Fortunæ potestate situm esse, humanæ vitæ humanarumque actionum cursum quò mallet dirigere & gubernare, non secus ac gubernaculum vim habet vertendi nauem quocumque mouens gubernator intendit: altero verò significari volebant, diuitiarum copiam, honorumque & dignitatum, ac omnium temporalium bonorum affluentiam in manibus esse Fortunæ, quæ illa, quibus fauet & vult, elargitur. Quamobrem Lactantius Firmianus inquit: *Nam simulacrum Fortunæ cum copia & gubernaculo fingunt, tamquam hæc & opes tribuat, & humanarum rerum regimen obineat.* Habet simulacrum istud præterea quattuor pennarum cristam in capite, qua Fortunæ volubilitatem, leuitatem atque inconstantiam non tantum significare volebant, cum pennæ ipsæ omni ventorum exili flatu moueantur; sed & ipsius quoque Fortunæ diuinitatem innuere nitebantur, quam stultè atque inaniter tamquam deam colebant: ad Porphyrij opinionem, quam superius huius quinti libri capite sexto retulimus, alludentes; qui asseruit, Ægyptios in capite dei illius, quem ipsi Eneph, id est, vniuersorum creatorem appellabant, pennam depingere siue insculpere consueuisse, vt innuerent, Deum difficilem inuentu, neminiq; esse visibilem.
- B

De falsa sapientia, l. 3. cap. 28.

- Inter pennas præterea, quas simulacrum hoc in capite gestat, circulus siue globus conspicitur, in quo adest Crux quædam, duabus efficta lineis, quæ in ipsius globi centro interfecantur. Quo charactere equidem existimo, antiquos Ethnicos, qui Dei vniuersi Creatoris ac rectoris veram agnitionem non assequerantur, cuius sacrosancto atque tremendo nutui omnes creaturæ præstò sunt, innuere voluisse, Fortunæ vim ac potentiam ab ipsius mundi centro vsque ad extremas quattuor eius partes protendi, atque ab Oriente in Occasum, & à Meridie ad Septentrionem pertingere. Vel forsitan circulo, siue pila illa quæ inter pennas in ipsius Fortunæ capite conspicitur, mundum significare voluerunt, vt iuxta ipsorum stultam credulitatē demonstrarent, Fortunæ adeò in promptu esse, mundi regimen & dominium cuicumque sibi placuerit tribuendi, illudque auferendi, nulla meriti seu demeriti alicuius ratione habita, sed pro animi sui impetu tantum atque libidine; perinde ac facilis motus ad omnem ventorum flatum esset leuis pila, quæ inter pennas sustineretur. Quod antedictus Seruius Tullus Romanorum Rex fortasse innuere voluit, cum inter cetera templa, quæ in Fortunæ honorem extruxit, vnum præcipuum ædificandum curauit sub hac inuocatione, *Fortis Fortunæ*; vt ingentem ipsius Fortunæ vim atque potentiam significaret, quam stultissimè illam fuisse opinabatur, quæ ex homine humili & obscuro, matreque serua nato, vt dictum est, ad Regium culmen eum euexisset. Vnde non est cur miremur, quòd is, qui Deum penitus ignorabat, à cuius sancta voluntate omnis felicitas promanat & exaltatio, tamquam vir gratus & acceptorum beneficiorum memor, tantam diuinitatem & honorem Fortunæ tribuerit, vt omnes secundas res ac prosperas actiones suas eidem Fortunæ adscripserit. Quocirca de eo sic tradit Plutarchus: *Omnium maxime, inquit, videtur Seruius Fortunæ vim diuinam extulisse, omnibusque eam inscripsisse actionibus.* De templo autem fortis Fortunæ à Seruio Tullo, atque ab alijs postea ædificato, Varro<sup>a</sup>, Plutarchus, Donatus<sup>b</sup>, & alij veteres scriptores meminere: ex quorum lectione colligitur, illud extra Urbem in Tiberis ripa situm, in hortis his quos Cæsar postea populo Romano legauit. Cuius festum ab his præcipuè celebrabatur, qui nulla arte victitabāt, ad octauum Kalendarum Iulij, vt antiquis Fastis notatum reperitur. Quamobrem de inani illa solemnitate sic canit Ouidius:
- D

In Quæstionibus Romanis, quæst. 74.  
<sup>a</sup> De lingua Latina.  
<sup>b</sup> In Phormione Terentij.

*Quàm citò venerunt Fortunæ fortis honores,  
Post septem lucas Junius actus erit.*

Fastorum lib. 6.

Ite,



*Ite, deam lati fortem celebrate Quirites,  
In Tiberis ripa munera Regis habet.*

A

*Quid veteribus Fortuna aurea & regia.*

*In Antonino Pio.*

*In Seuero.*

*Christiani non Fortunam deam, sed Dei voluntatem & providentiam agnoscimus.*

*Iuuenalis, Satyra 10. in fine. Stulta Gentilium de Fortuna opiniones.*

Ad Seruij autem Tulli exemplum, in ceterorum Romanorum Regum atque Imperatorum animos vana & superstitiosa illa passim adeò irrepsit firmiterque infedit credulitas, Fortunam nimirum illam ipsam reuerà esse, quæ Reges & Imperatores faceret, factosque in Regno & Imperio conseruaret, vt in secretioribus intimisque cubiculis, eius Fortunæ simulacrum, quam Auream & Regiam appellabant, magna veneratione asseruare consueuerint. Quod simulacrum, cum Imperatores morti se proximos agnoscerent, ad filios suos, vel ad eos qui Imperij gubernacula post ipsos suscepturi erant, transferendum curabant. Sic enim Antoninus Pius fecisse traditur, qui eodem die quo vita functus est, cum Rempublicam propriamque filiam Marco Aurelio successori commendasset, aureæ Fortunæ siue regię statuam, quam diximus, eidem deferri iussit. Cuius facti memoriam Iulius Capitolinus his verbis prosequitur: *Tertia die cum se grauari videret, Marco Antonino Rempublicam & filiam presentibus Præfectis commendauit: Fortunamque auream, quæ in cubiculo Principum poni solebat, transferri ad eum iussit.* Eiusdemque facti idem quoque meminit, in ipsius Marci Aurelij vita. Id etiam Seuerus Imperator fecit; qui vt Spartianus testatur, duos filios habens sibi in Imperio successuros, cum viuendi curriculum iam confecisse agnosceret, alterum aureæ siue regię Fortunæ simulacrum perficere meditabatur, quo vtrique filio vnum transmitteret. Sed cum morbo se perurgeri sentiret, neque id efficiendi tempus suppetere, id ipsum Fortunæ aureæ simulacrum, quod in cubiculo suo asseruari consueuerat, apud filios vicissim alternatis diebus esse iussit.

His superstitionibus conflictabantur Gentiles, qui veri Dei agnitionem non assequebantur. At nos Christiani, qui diuina nobis fauente gratia & misericordia, in tantæ lucis æuo nati sumus, pro comperto habemus, nullam qualem antiqui putabant, esse Fortunam; illamque hominum ingenio excogitatam deam, quam cæcutientes idololatræ Fortunam appellabant, nil aliud quam Dei optimi maximi voluntatem ac providentiam existere, qui omnia, vt superius diximus, pro infinita sua sapientia, sanctoque arbitrio moderatur. Quamobrem non sine ratione, quæ à verosimili non abhorret, existimari potest, Crucis illam imaginem, in circuli siue globi medio, super antedictæ Fortunæ caput collocatam, & à Gentilibus nescientibus quid facerent effectam, altissimum redemptionis mundi præsignasse mysterium, quod Deus ipse in Crucis instrumento operaturus erat. Idque in maiorem diaboli confusionem; vt ipsa videlicet idolorum Fortunæ & Fati simulacra, ceteraque huius generis deliramenta, & inanes chimæ, quas in hominum exitium excogitauerat, in suum ipsius dedecus & ignominiam eodem signo deprehenderentur insculpta, per quod ea quam sibi in mundum arrogauerat tyrannide exuendus erat. Nullam autem esse Fortunam, ipsamque mentis errore conceptam, & inanem hominum superstitionem extitisse, complures prudentes viri, etiam Ethnici perspexerunt & falsi sunt: licet errore decepti econtrà putauerint, humanam prudentiam per seipsam sine Dei gratia sufficere, ad actus nostros verè feliciter dirigendos. Quamobrem sic ille Poëta:

*Nullum numen abest, si sit prudentia; sed te  
Nos faciamus Fortuna deam, celoque locamus.*

Adeò constanter ac firmiter priscis temporibus, non solum in vulgarium, sed etiam in grauitate ac nobilitate insignium virorum mentibus infederat opinio, reuerà Fortunam existere, ipsamque pro impetu & libidine sua, cuncta huius mundi

B

C

D



A mundi negotia moderari, ut de omnibus euentibus, siue ad voluntatem fluen-  
tibus siue aduersis, & de cunctis humanis actionibus, vel laudibus efferrent  
vel incusarent Fortunam. Quamobrem toto pæne orbe terrarum, omni loco,  
singulis horis, ad momentum omne, ad omnem progressum, & ad omnem vo-  
cem, nil ferè aliud audiebatur, quàm laudibus efferri, vel contumeliis proscin-  
di, improbari, insimulari, argui, atque incusari Fortunam. Quod pæne ad nau-  
seam usque stomachatus Plinius, inquit: *Toto quippe mundo, & locis omnibus, om-* Naturalis  
historiæ  
lib. 2. c. 7.  
*busque horis, omnium vocibus Fortuna sola inuocatur: vna nominatur, vna accusatur,*  
*vna agitur rea, vna cogitatur: sola laudatur, sola arguitur, & cum conuiitiis colitur,*  
*volubilis, à plerisque verò & cæca etiam existimata, vaga, inconstans, incerta, varia, in-*  
*dignorum faulrix.*

Lucianus autem, qui licet Ethnicus esset, falsos tamen & inanes deos illos, ac  
stultam illius temporis hominum credulitatem per iocum irridebat; mundum  
B hunc theatrum quoddam siue scenam, humanos verò actus comœdiam esse  
configit, ad Fortunæ voluntatis arbitrium & libidinem compositam ac re-  
præsentatam, quæ hominibus tamquam histrionibus vtatur; iubens illos in  
eo habitu comparere, eamque quam mauult gerere personam: ideoque sic fe-  
rè tradit: Fortuna, quem diligit, regiis ornat insignibus, sceptrum manibus In Menip-  
po siue  
Necyomā-  
tia, Tom. 2  
imponit, caput diademate coronat, satellitesque ad corporis custodiam addit;  
alium serui rursus ornatum induit: hunc formosum effingit, alium verò defor-  
mem ac deridiculum fingit. comœdiam enim hanc omnigenum vult esse spe-  
ctaculum. Quin etiam habitus quorundam plerumque in medio ipsius actus,  
mediaque pompa demutat, neque perpetuò eodem finit ordine cultuque pro-  
gredi, quo prodierant, sed ornatu commutato. Cræsum quidem cogit serui  
captiuique vestes induere: Menandrium autem olim inter seruos incedentem,  
Polycratis ornat tyrannide; & aliquantisper quidem eo cultu uti permittit, at  
C ubi iam pompæ ac repræsentationis tempus præterit, apparatus quisque resti-  
tuens, amictu & corpore ipso exutus, qualis antea fuerat efficitur. Et alibi fin-  
git idem Lucianus, Momum in deorum concilio iustitiam sibi administrari, In deorum  
Concilio,  
Tom. 2.  
remediumque à Ioue adhiberi efflagitasse aduersus inertium hominum ine-  
ptias, qui sub Philosophiæ ac Religionis prætextu, intoleranda & vana Naturæ  
& Fati atque Fortunæ vocabula excogitauerant: quæ quamquam ipsorum com-  
menta essent, sic tamen simplicium mentes animosque peruaferant, ut nemo  
amplius ceteris diis sacrificare dignaretur. Hæc ille. Ex quibus patet, etiam in-  
ter ipsos Ethnicos non defuisse prudentia & sapientia insignes viros, qui quàm  
vana atque inania sint Fati & Fortunæ nomina, quæ diaboli versutia in homi-  
num opinionem & credulitatem irrepserant, aperte cognouerant. Vnde Lactan-  
tius Firmianus Ciceronis testimonio innixus, testatur, stultitiam, errorem, cæ-  
citatem, & rerum ignorationem atque casuum, Naturæ ac Fortunæ nomina  
induxisse.

D Quamobrem eo sanè admirabilior, omni que excusatione indigna, &  
seuerissimæ animaduersionis rea censenda est Hebræorum impietas, qui licet  
veram Dei agnitionem haberent, nihilominus paulò antè quàm captiui in Ba-  
byloniam abducerentur, in idololatriæ iniquitatem adeò prolapsi erant, ut ipsi  
quoque Fortunam adorarent, eidemque sacrificia offerrent. Quod merito in-  
dignè ferens Deus, Ierosolymorum urbem Nabuchodonosori Babylonio-  
rum Regi capiendam, diripiendam, & vnà cum templo ipso euertendam, Judæi ob  
Fortuna  
cultum à  
Deo puniti.  
magnamque populi illius partem trucidandam, reliquam verò in miseram  
seruitutem pertrahendam permisit: cum eos tamen antea per sanctos Pro-  
phetas suos acriter monuisset ut à scelestissimis impietatibus illis abstinerent;



Isaia 65. præsertim verò per Isaïam, qui sic eos affatus est: *Et vos qui dereliquistis Dominum, qui obliuiscitis montem sanctum meum, qui ponitis Fortune mensam, & libatis super eam: numerabo vos in gladio, & omnes in cæde corruetis.* Quocirca tanto maiori officio nos Deo deuinctos esse agnoscere debemus, qui pro infinita sua misericordia, & per vnigeniti Filij sui sanctam doctrinam, ipsiusque Crucem & mortem, à tantis erroribus, tantisque diaboli fraudibus atque tyrannide nos liberauit.

Illud sanè valdè admirandum fuit, antiquos videlicet populos Ethnicos, præsertim verò Romanos, nescientes quid facerent, in multis (vt perspeximus) signum Crucis usurpasse. At in longè maiorem admirationem proculdubio traducimur, dum consideramus, eosdem etiam in ipsa idolorum atque inanium deorum suorum adoratione eandem Crucis imaginem & effigiem adhibuisse. Etenim licet Crucem abominarentur, ac stultitiam reputarent; in dæmonum tamen adoratione, Crucis osculo tamquam deuotionis cultu, ac venerationis argumento utebantur. Sanè quidem cum idola sua consalutabant & adorabant, propriam manum ori ad mouere atque exosculari solebant. Ex cuius actionis gestu, putant aliqui Latinum verbum illud *Adoro* deductum fuisse; quasi manum ori admoueo. Huius namque consuetudinis plerique antiqui & auctoritate graues Scriptores meminere. inter quos Lucianus de eo Indorum ritu differens, qui statim postquam manè lecto surrexerunt, ad Orientem conuersi, saltantes solem consalutabant & adorabant, inquit: *Indi quoque posteaquam manè è strato surrexerint, solem precibus venerati fuerint, non quemadmodum nos deosculata manu, perfectam precationem esse arbitramur: Verum illi ad Orientem conuersi, saltatione solem consalutabant.* Et alibi idem Lucianus de sacrificiis agens, ac de variis victimis & hostiis quæ eisdem diis immolabantur, subdit: *Tum autem constitutis aris, designatis sacrorum septis, puris vasis collocatis, victimas offerunt, bouem aratorem agricola, agnum opilio, capram caprarius. Est qui thus, est qui placentulam offerat. Ac si quis pauper, is ita deo litat, vt dexteram dumtaxat suam ipsius exosculetur.* Demum verò idem Lucianus alibi de generosa quidem, sed iure à nobis Christianis improbata atque damnata Demosthenis morte loquens, qui ne viuis in Antipatris Macedonum Regis manus deueniret, cum Archiam adeum comprehendendum ad Brutios vsque misisset, ad quos ipse cum permultis aliis Atheniensibus extorribus profugerat; fingens se manum ori ad mouere velle, vt Saturnum adoraret, in cuius templo ab Archia deprehensus fuerat, venenum sibi ipsi propinauit. Introducit itaque idem Lucianus Archiam ipsum, qui eiusdem Demosthenis mortem Antipatri narrans, ait: *Cum hæc dixisset, Age, inquit, ne afferas mihi violentas manus; non enim profanabo templum, quantum in me est; salutato deo, sponte sequar. Ego sic sperabam facturum, cum ille manum ori admouet: neque ego suspicabar eum aliud facere, quam orare deos.*

Eiusdem etiam antiquæ consuetudinis clarum indicium elicitur ex verbis Marci Minutij Felicis, qui in Dialogo suo, cui titulus est Octavius, sic habet: *Cæcilius simulacro Serapidis denotato, vt vulgus superstitiosus solet, manum ori admouens, osculum labiis pressit.* Ipsius quoque ritus clarum testimonium affert Plinius his verbis: *In adorando, dexteram ad osculum referimus, totumque corpus circumagimus.* Quin etiam eiusdem rei indubitata fidem astruunt ipsæ Sacre litteræ. Sanctus enim Iob summum Iudicem in innocentia ceterarumque virtutum suarum testem aduocans, præsertim verò quòd idololatriæ impietate se numquam inquinasset, ait: *Si vidi solem cum fulgeret, & lunam incedentem clare, & letatum est in abscondito cor meum, & osculatus sum manum meam ore meo;*

qua



- A** *que est iniquitas maxima, & negatio contra Deum altissimum.* Et quod longè maioris ponderis est, id ipsum quoque Deus ipse dixit, ostendens quantum illorum auersaretur impiam ac scelestissimam idololatriam, qui suam ipsorum exosculantes manum, idolum Baal adorabant; prænuntians Eliæ seuerissimam animaduersionem, qua illud flagitium vindicaturus erat; immunes ab ea illos reseruans, qui in ea impietate sese non immerferant. *Et derelinquam mihi, ait, in Israhel septem millia virorum, quorum genua non sunt incuruata ante Baal; & omne os quod non adorauit eum, osculans manum.* Ex quibus verbis Domini aperte coniiicitur, ritum illum, manum ad os admouendi, illamque in ipso adorationis actu deosculandi, apud ipsos etiam Hebræos receptum fuisse; & quidem sic vsibus frequentatum, vt iuxta sui idiomatis proprietatem, deoscultationem pro veneratione ponere consueuerint. Quamobrem ita diuus Hieronymus: *Quia enim, inquit, qui adorant, solent deosculari manum, & capita submittere; quod se beatus Job elementis & idolis fecisse negat. Et Hebræi, iuxta linguæ suæ proprietatem, deoscultationem pro veneratione ponunt.*

3. Reg. 19.

Ritus adorationis per osculum manus;

In Apologia aduersus Rufinum, lib. 1. cap. 5.

- Antiquos autem non tantum Ethnicos & idololatrias, sed etiam Hebræos ipsos in adoratione manum ori admouere, eandemque deosculari solitos fuisse, non est quod miremur: at illud admiratione planè dignum censi debet, quod in eo ipso adorationis actu, propriis manuum digitis effingerent, effictamque oscularentur Crucem. Qui ritus sanè admirabilis aperte admodum coniiicitur ex Lucij Apuleij verbis, qui in sua Metamorphosi sic habet: *Multi denique ciuium, & aduenæ copiosi, quos eximij spectaculi rumor studiosa celebritate congregabat, inaccessible formositatis admiratione stupidi, & admouentes oribus suis dexteram, priore digito in erectum pollicem resistente, vt ipsam prorsus deam Venerem religionis adorationibus venerabantur.* Ex cuius antiquissimi ritus exemplo atque imitatione, illa fortasse deducta esse potuit consuetudo, à quibusdam Christi fidelibus ad hanc vsque diem vsitata, qui cum aliquid tamquam verissimum religioso iureiurando asserere conantur, indice sub pollice complicato Crucis signum & imaginem formant, formatamque ori admouentes, & deuotè osculantes, sic ferè dicere solent; Ita est, per hoc sanctum Crucis signum; digitos suos ad summum in hanc formam coaptantes.

Idque digitis ad formam Crucis coaptatis.

Metamor. siue de Asino aureo.



- D** Ad quam Crucis imaginem digitos suos pariformiter aptare veteres solebant, cum decem, & centum, ceterosque numeros perfectos, quos diuinos appellabant, innuere atque ostendere volebant. Plerumque enim numerare, & numeros ipsos digitis exprimere consueuerant; illos pro numerorum qualitate ac specie pluriformiter adaptantes & immutantes: vt, exempli gratia, cum decem innuere volebant, sinistram manum pollice & indice in Crucis effigiem coaptatis ostendebant, ea prorsus forma, quæ anteposita graphide conspicitur; cum verò centum exprimere erat in animo, dexteram pollice & indice in eandem Crucis figuram complicatis ostentabant. Quam numerandi praxim expresse docet venerabilis Beda, in paruo illo tractatu suo De indigitatione, vbi pro his præsertim quæ diximus corroborandis, in hunc modum docuit: *Cum dicis decem, unguem indicis in medio figes artu pollicis: centum verò, dextera,*

De indig. Tom. 1.



*tera, quemadmodum decem in laeva facies.* Ad hanc priscorum numerandi consue- **A**  
tudinem alludere voluit Tertullianus, cum dixit : *Cum digitorum supputariis*  
*gesticulis assidendum est.* Quæ quidem paucissima & subobscura verba declarans  
In Apolo-  
getico c. 19  
Iacobus Pamelius, ait : *Veteres, auctore Donato, plicatis aut subductis digitis nu-*  
*merabant : hic est digitorum gestus, quos gesticulos Tertullianus nuncupat.*

At demum verò, cum hac mysteriis refertissima numeratione, qua vete-  
res propriis digitis Crucem sæpè effingere consueuerant, debitas ingentesque  
gratias Spiritui sancto referentes, huic quinto libro finem imponemus; piè &  
humiliter ipsum deprecantes, qui dexteræ Dei est digitus, ut Crucem sanctam  
cordibus nostris sic imprimere dignetur, ut cum anima nostra mortale hoc pal-  
lium exuerit, salutari & viuifico hoc signo induta atque armata, inter instru-  
ctas acies beati exercitus illorum centum & quadraginta quattuor millium  
signatorum, id est, in seruorum & electorum Dei vniuersitate, sese feliciter  
conscriptam inueniat: ibique cum eis sine vlla vniquam cessatione in æter- **B**  
num concinens, dicat: Benedicto, & claritas, & sapientia, & gratiarum actio,  
honor, virtus, & fortitudo viuenti in sæcula sæculorum. Amen.





IACOBI BOSII  
DE  
TRIVMPHANTE  
ET  
GLORIOSA  
CRUCE  
LIBER SEXTVS.

Quòd post Christi Domini nostri passionem & resurrectionem, Crucis infamia, ignominia, opprobrium & horror, in honorem, in gloriam, in triumphum, & in summam venerationem mirabiliter conuersa sunt.

CAPVT PRIMVM.

*Non temerè hos libros inscriptos esse titulo Triumphantis  
& gloriosa Crucis.*



D

VM huius tractatus nostri locis plerisque antiquum Crucis opprobrium, ignominiam atque horrorem, operis necessitate impellente, haftenus detexerimus; rationi sanè congruum nunc est, vt de triumpho eius, & gloria, in quam præterita eius dedecora diuinitus commutata sunt, posteaquam cælesti dispensatione, cunctis obtupescentibus spiritibus, sacrum ac venerabile Redemptionis nostræ instrumentum effecta est, tandem agamus, vt excelsa & planè sublimis hæc materia Triumphantis & Gloriosæ Crucis titulo, quo eam insigniuimus, dignè respondere comprobetur. In Crucis mysterio, inquit sanctus Ioannes Chrysostomus, res ipsæ contrarium prorsus atque diuersum ab humanis actionibus consecutæ exitum sunt. Nam hîc cùm potentes, & qui in magna gloria rebusque florentibus degunt moriuntur, eorum omnia simul cum ipsis pereunt: quod sanè non solùm in diuite, sed & in Principe, atque adeò in Regibus ipsis videre licet, quorum leges abrogantur, statuæ euertuntur, deiiciuntur insignia, memoria extinguatur,

*Dignissima  
elogia sa-  
cratissima  
Crucis.  
Aduersus  
Gentiles  
Demon-  
stratio,  
quòd Chri-  
stus sit  
Deus. To. 5*



fama obscuratur, nomen obliuione obruitur. Et licet olim armorum vi & exercituum potentia vrbes expugnauerint, prouincias in ditionem redegerint, Reges tributarios effecerint, tyrannos domuerint, exules & proscriptos restituerint; hæc omnia licet præclara & gloriosa quandoque fuerint, temporis tamen iniuria & edacitate ab hominum recordatione & memoria extruduntur, atque in tenebris demerguntur.

Verum res Crucis diuerso planè atque contrario euentu consistere. Antequam enim Christus Dominus mortem in Cruce oppeteret, discipulorum & sectatorum eius res omnes angustis, afflictionibus, luctuque ac lacrymis obruebantur: Iudas prodidit, Petrus negauit, reliqui profugerunt; Iesus solus inter amicos comprehensus est, & multi qui in eum crediderant, retrorsum abierunt. Verum ubi occisus est, non solum res eius non interciderunt, sed multò clariiores, illustrioresque & sublimiores euaserunt: orbis enim terrarum sanctam eius fidem amplexatus est: infiniti martyrum populi & exercitus pro eius amore propriam vitam profuderunt, mille ludibria perpeti, mille tormentorum atrocissima genera sustinere, ac demum mortem ipsam oppetere, quàm cum abnuere malebant. In omni regione, in omni prouincia, in omni ciuitate, & in omni orbis terrarum parte habitabili crucifixus prædicatur: Regesque, Imperatores, ac Principes, & milites, & præfides, & serui, & liberi, & idiota, & sapientes, & insipientes, & barbari, & omnes nationes, & cuncta hominum genera quæ sub sole sunt, ad hoc nomen adorandum auidè confluunt.

*Crux omni loco, & ab omni hominum genere adoratur.*

Crux sanè ipsa, quæ antea maledictæ mortis erat symbolum, signumque mortis atrocissimæ, mortis ignominiosæ & abominandæ, mortis inquam inter omnia moriendi genera turpissimæ ac maximè detestabilis, tantum honorem, splendorem & gloriam adeptæ est, ut super omnia diademata & coronas clarior atque illustrior habeatur, ut non sic regia corona ornetur caput, quantum Cruce ipsa, quæ omni ornatu dignior existimatur. Itaque quemadmodum eam prius omnes abhorrebant, nunc omnes eam auidissimè perquirunt. Vnde nunc ubique comperitur apud Reges, apud Principes, apud subditos, apud mulieres, apud viros, apud virgines, apud nuptas, apud seruos, & apud liberos: atque adeò omnes nunc ea se signant, & in nobilissimo membro eam inscribunt, id est fronte, in qua quasi in columna quadam quotidie figuratur.

Sic in sacra mensa, sic in sacerdotum ordinationibus, sicque cum Christi corpore in mysticis coenis Crux fulget. Hanc ubique celebrari videre licet, in domibus, in foro, in solitudine, in viis, in montibus, in collibus, in vallibus, in mari, in nauigiis, in insulis, in lectis, in vestibis, in armis, in symposiis, in vasis argenteis & aureis, in margaritis, in picturis, in parietibus, in corporibus à dæmonibus obsessis, in bellis, in pace, in diebus, in noctibus, in festis, in ludis, in delicatarum choreis, & in monachorum ordinibus; adeò certatim hoc donum admirabile omnes arripiunt. Mira sanè est gratia hæc: nullus confunditur, nemo erubescit, cogitans quòd maledictæ mortis symbolum fuerit; sed omnes ipso libentiùs quàm diadematam coronis, vel multis gemmatis monilibus & torquibus exornantur. Neque solum non declinatur, sed etiam desideratur atque diligitur; omnesque de ea solliciti sunt: ac propterea ubique refulget, ubique insculpta conspicitur, in parietibus domorum, in tectorum culminibus, in libris, in ciuitatibus, in vicis & ruribus, & in locis quæ habitantur & quæ non habitantur.

Huius enim sacrosancti & venerabilis ligni, cui sanctum Domini corpus confixum est, totus orbis habere partem ita contendit, ut qui paruulum frustum ex illo consequi possint, hoc auro includant, tam viri quàm mulieres; eodem-



- A** demque caput, collum & pectus ornet; existimantes se hinc valde honestatos, *Minimum* magnifice decoratos atque protectos existere. Certè sacrum lignum hoc, licet *frustum sa-* condemnationis instrumentum, hocque sacrosanctum signum maledictæ mor- *cri ligni* tis symbolum fuerit, multæ tamen benedictionis argumentum factum est, & *Crucis, ma-* omnigenæ securitatis murus, tempestiva diaboli plaga, dæmonum frænum, & *ximum me-* *nile.* chamus contrariarum partium. Hoc mortem sustulit, hoc inferni æreas portas confregit, hoc ferreos vectes contriuit, diaboli aciem expugnauit, peccati neruos execut, totum orbem condemnationi subiectum eripuit, plagam à Deo contra naturam nostram immisissam sustulit; & vt summatim dicam, quod non potuit mare cum diuideretur, non petra cum scinderentur, non aer cum mutaretur, non manna quod quadraginta annorum spatio pro tot millium sustentatione è cælo defluxit, non lex, aliaque signa tam in eremo quàm in Palæstina facta, id omne Crux ipsa potuit; non in vna gente tantum, sed in vniuerso terrarum orbe, & in cunctis quæ sub sole sunt nationibus. Crux ergo sancta, quæ maledictionis symbolum erat, quam omnes fugiebant, auersabantur, abominabantur tamquam funestum, horribile, ignominiosum & execrabile instrumentum, tale ac tantum robur, tale ac tantum honoris decus, talemque ac tantam gloriam post Crucifixi mortem diuinitus & cunctis creaturis obstupescantibus affecuta est.

- Hæc pænè omnia diuus Ioannes Chrysostomus fusiùs profecutus est; qui quidem alibi sanctæ Crucis laudes & gloriam concelebrans, inquit: *Hodierna die, fratres charissimi, Dominus noster pependit in Cruce. Quocirca festiuitatem eius magna letitia celebremus, vt discamus, Crucem totius spiritualis gratulationis esse substantiam. Etenim antea ipsum Crucis vocabulum pæna fuit, sed nunc ad gloriam nuncupatur. Antea condemnationis ferebat horrorem, nunc salutis indicium est. Crux enim nobis totius beatitudinis causa est. Hæc nos à cecitate liberauit erroris, hæc è tenebris reddidit luci, hæc nos debellatos atque prostratos erexit, quietique & paci restituit: hæc alienatos Deo coniunxit, hæc longè constitutos Deo proximos præsentauit, hæc peregrinantes ciues effecit, hæc discordiæ amputatio est, hæc pacis firmamentum, hæc bonorum omnium abunda largitio.*

- Itemque alibi ipse idem Pater sanctæ Crucis laudes, gloriam atque triumphum profecutus testatur, quod per illustris vitalisque Christi Crucis virtutem dæmones fugantur, morbi profligantur, caliginosæ & obscuræ tenebræ pelluntur, omnesque terræ fines illuminantur. Additque, Crucem Domini arma esse victricia, quibus gloriosum & immortale trophæum Christus reportauit, quæ Regum armis ac bello nullo pacto vinci possunt. Ipsamque Crucem, Ecclesiæ sanctæ cornu & gloriam, hostium expugnatricem, & fidelium salutem esse dixit. Et alio quodam in loco, eandem sanctam Crucem, gloriam nostram, caput & originem beatitudinis nostræ, libertatemque & coronam nostram appellauit. Atque iterum alibi de passione Domini verba faciens; **D** Hodie, inquit, Crux fixa est, & sæculum sanctificatum est, ac dæmones dispersi sunt, & mors subuersa, diabolus victus, homo solutus, ac Deus glorificatus. Demum verò Crucem ipsam quouis diademate gloriosiore esse testatur, quandoquidem Reges positis diadematis Crucem suscipiunt; ita vt in purpuris Crux, in coronis Crux, in precibus Crux, in armis Crux, in mensa sacra Crux, in toto orbe Crux, & super solem fulgeat Crux.

Verum in propriis atque præcipuis terminis eius tituli, quo hunc tractatum nostrum insigniuimus, Triumphantis nimirum & gloriosæ Crucis, Doctor Gentium Paulus Apostolus apertè innuit, Crucem quasi triumphalem currum quemdam extitisse, in quo inuictus & gloriosus Triumphator ac Re-

De Cruce  
& latrone,  
Homil. 1.  
Tom. 3.

In pretiosæ  
Crucis ve-  
nerationem  
media heb-  
domada ie-  
iuniorum  
Ser. To. 1.  
in fine.

In cap. Mat-  
thæi 13. Ho-  
mil. 55. To-  
mo 2.

De Cruce &  
latrone, Ho-  
mil. 2. To-  
mo 3.

In demon-  
stratione  
quod Chri-  
stus sit Deus  
Tom. 5.



*Titulus* demptor noster Christus de diabolo ac desertoribus angelis impiis satellitibus **A**  
*Triumphatis* eius triumphum duxit; cum testatus est deleuisse eum ac de medio tulisse chiro-  
*Crucis dñi* graphum decreti quod erat contrarium nobis, affigens illud Cruci, subdens:  
*Pauli &* Expolians principatus & potestates, traduxit confidenter palam triumphans illos in  
*veterū Pa-* semetipso. Quasi diceret: Expoliavit ac deuinxit Christus Dominus principatus  
*trum verbis* & potestates, id est, dæmones; sicque expoliatos nudos, & Crucis triumphali cur-  
*cōprobatnr.* rui alligatos, magna confidentia palam ac publicè traxit, nimirum in conspectu  
*Coloss. 2.* Ierosolymorum vrbs; triumphumque de illis ducens in semetipso, siue in ligno  
*In Iesu Na-* Crucis, vt locum hunc legit Origenes, inquiens: *Audi ergo de ijs quid ipse Aposto-*  
*ue cap. 8.* *lus pronuntiat. Quod erat, inquit, contrarium nobis, tulit illud de medio, affigens Cruci*  
*Hom. 8.* *sue; exuens principatus & potestates, traduxit liberè triumphans eas in ligno Crucis.*  
*In Euang.* Quibus Origenis verbis interpretis eius addit, quod licet in Vulgata editione no-  
*Luc. lib. 7.* *stra dicatur: Triumphans illos in semetipso; textus tamen Græcus habet, In ligno.*  
*cap. 9.* Magnus autem pater Ambrosius eandem Crucem ipsam triumphum appel- **B**  
*De Symbol.* lat, hoc modo: *Qui Crucem scandalum putat, Iudeus est, Ecclesiæ filius non est: qui*  
*ad Cate-* *Crucem stultitiam putat, Græcus est ille. Est autem Ecclesiæ filius, qui Crucem trium-*  
*chum. l. 4.* *phum putat, qui Crucem Christi triumphantis agnoscit.* Triumphum quoque atque  
*cap. 5.* vexillum nostrum contra diabolum illam appellauit sanctus Augustinus his  
*Aduers. Ar-* verbis: *Crux illa fidelibus non est opprobrium, sed triumphus; Crux illa vexillum no-*  
*rium, in Bi-* *strum est contra aduersarium nostrum diabolum.* Triumphum pariter Crucem ipsam  
*blioth. SS.* vocauit sanctus Ioannes Chrysostomus, cum inter ceteras eiusdem sanctæ Cru-  
*Patr. To. 4.* cis laudes dixit: *Crux aduersus demones triumphus.* Denique verò triumphum  
*Itē Gloriosa* etiam illam appellauit Marius Victorinus Africanus vir Consularis, aduersus  
*Crux dicta* Arrium scribens, cum ait: *Mysterio Crucis omnes aduersæ Christo, ab eodem Christo*  
*non tantum* *triumphatae sunt potestates.*  
*Patribus,* Gloriosa præterea appellata est sancta Crux non solum à priscis Patribus, sa-  
*sed Aposto-* crisque Doctoribus Ecclesiasticis, sed ab Apostolis, ab Angelis, & ab ipso Chri- **C**  
*lis, Angelis,* sto Domino. Gloriosam namque inter ceteros Patres non solum vocauit eam  
*atque adeo* sanctus Cyrillus Ierosolymitanus, sed gloriationem omnium gloriationum  
*ipsi Christo.* sanctæ Ecclesiæ Catholicæ eam esse dixit: *Gloriatio sanè, inquit, Ecclesiæ Catholicæ*  
*Catech. 13.* *est omnis Christi actio: gloriatio verò gloriationum est Crux.* Gloriosamque inter ce-  
*Illuminat.* teros sanctos Apostolos Crucem esse, innuit sanctus Iacobus frater Domini  
*In Biblioth.* in sua diuina Missa, cum illam cornu, id est gloriam, ornamentum, & robur  
*SS. Patrum,* Christianorum esse dixit, in hunc modum: *Extolle cornu Christianorum pretiosæ*  
*Tom. 6.* *& viuificæ Crucis potentiam, Domine multum misericors: te supplices oramus, exaudi*  
*In Epist. ad* nos te rogantes, & miserere. Apertiùs autem, gloriosam esse Crucem sanctam,  
*Galat. cap. 6* ostendit Doctor Gentium Paulus Apostolus, cum dixit: *Mihi autem absit gloriari,*  
*In Lucæ Eu-* *nisi in Cruce Domini nostri Iesu Christi.* Quasi diceret: Gloriantur Hebræi in cir-  
*ang. cap. 23.* cumcisione, re abolita & antiquata; mihi autem in vlla alia re gloriari non con-  
*Hebr. 2.* tingat, præterquam in Cruce Domini nostri Iesu Christi. Ex quibus verbis col-  
*In epist. ad* ligitur, inquit Theophylactus, gloriam Pauli & cuiuscumque fidelis, Crucem  
*Heb. cap. 2.* esse. Quin etiam alibi idem Theophylactus Crucem inter omnia, maximam  
*Christi gloriam esse asseruit.* At longè etiam clariùs atque apertiùs idem Apo-  
*stolus per consequentiam quamdam, Crucem gloriosam esse ostendit, cum*  
*dixit, Christum Dominum per mortem eius in Cruce, gloria & honore coro-*  
*ronatum fuisse: Videmus, inquit, Iesum propter passionem mortis, gloria & honore co-*  
*ronatum.* Quæ verba exponens Ambrosius, ait: *Hic ostendit, quia gloria & honor*  
*Crux est Christi.*

Gloriosam quoque Crucem esse innuerunt Angeli; tum verò præsertim, cum vnus ex ipsis in veste candida apparuit mulieribus, quæ in sepulchro Domini-  
 num



**A** num quærebant, & dixit eis: *Nolite timere vos, scio enim quòd Jesum, qui crucifixus est, queritis.* Ad quod appositè Cyrillus Ierosolymitanus: *Non pudeat, inquit, Crucem Christi confiteri; Angeli enim gloriantur, dicentes: Jesum queritis crucifixum. Non potuisti dicere, o Angele: Scio quem queritis, meum Dominum. Sed confidenter dicis: Scio quòd crucifixum. Gloria enim & honor est Crux, non ignominia.* Gloriosam denique præcipuamque suam ipsius gloriam Dominus noster ipsemet sanctam Crucem appellauit, tunc præsertim cum præuidens aduenisse horam, in qua pro vniuersorum salute Cruci suffigendus erat, ait: *Venit hora vt glorificetur Filius hominis.* Ad quod appositè idem sanctus Cyrillus: *Vides, inquit, quomodo gloriam propriam sciebat esse Crucem?* Diuus verò Ambrosius super verbis illis Apostoli, quæ modò superius in medium adduximus, scribens, hæc insuper addidit: *Hæc, inquit, ostendit Apostolus, quia gloria & honor Crux est Christi; pro qua modicum minoratus est ab Angelis, sicut ipse Dominus eam semper vocat, dicens: Vt glorificetur Filius hominis. Si ille ea quæ pro seruis passus est, gloriam vocat; multo amplius tu homo, quæ pro Domino pateris, tibi ad gloriam pertinere sempiternam dubitare non debes.*

Catech. 13.  
Illuminat.

Ibidem.

Ad Hebr.  
cap. 2.

**B** Admirabilem ergo sortita Crux est permutationem, cum pro ineffabili Dei charitatis & misericordiæ immensitate, fieri meruit sacrosanctum & adorandum altare illius diuini sacrificij, quod humanum genus Deo reconciliandi vim atque virtutem solum obtinuit; horribilem illam æternæ mortis sententiam, cui erat addictum, obliterandi; durum illud exilium, quo è cælo proscribebatur, reuocandi, grauissimas culpas nostras delendi, letalia vulnera nostra consolidandi, æternas ærumnas nostras terminandi, iram Domini in dulcedinem, odium in dilectionem, & vindictam in misericordiam conuertendi. Tunc enim Crucis infamia in honorem, ignominia in gloriam, abiectio in maiestatem, opprobrium in triumphum, horror in venerationem, execratio in dilectionem commutata est: & proinde agnoscentes homines cælestes ac diuinas gratias, incomparabiliaque beneficia quæ per ipsam sanctam Crucem acceperant, illam amare, desiderare, amplecti, laudare, celebrare, extollere & colere cœperunt. Quamobrem ipsa eadem tandem sancta Crux, quauis inæstimabili gemma pretiosior, quouis ingenti thesauro acceptior, quouis Regio diademate illustrior, quauis Imperatoria corona excelsior, quauis stella clarior, ipsoque sole ac luna splendor atque fulgentior effecta est. Ideoque merito deinceps sancta Dei Ecclesia cecinit, & ad hanc vsque diem piissimè concinit: *O Crux splendor cunctis astris, mundo celebris, hominibus multum amabilis, sanctior vniuersis, quæ sola sisisti digna portare talentum mundi.* dulce lignum, dulcesque clauos appellans, qui Saluatoris nostri sacratissimi corporis pondus sustinuerunt.

**C** Ad quod sic alludit Bernardus: *Ergo Crux pretiosa est, & Crux amari potest, & Crux habet exultationem? Ita est, fratres mei: si fuerit qui colligat, semper lignum Crucis vitam germinat, fructificat iucunditatem, oleum letitiæ stillat, balsamum sudat spiritualium charismatum. Non est siluestris arbor, lignum vitæ est apprehendentibus eam: arbor fructifera, arbor salutifera est.* Et post nonnulla, hæc etiam quæ summam collegimus, addit: *Fructus, inquit, arbor ista, istudque lignum pretiosissimum in se continet; omnibus tribus fidelium gradibus vtilis ac salutiferos: habet enim in radicibus timorem Dei, pro incipientibus; in medio spem pro proficientibus; & in summitate charitatem, pro perfectis. Ideoque qui initiatur à timore, Crucem Christi sustinet patienter: qui profecit in spe, portat libenter: qui verò in charitate perficitur, ardentem eam amplectitur.*

De S. Andrea, Ser. 1)

Crux arbor  
maximè fru-  
ctifera &  
salutifera.

**D** Quamobrem non est cur miremur, quòd sancti Martyres, qui charitate & Christi amore flagrabant, Crucem ipsam non tantum libenter amplexi sint, sed ardenti etiam desiderio quæsiuerint; vt gloriosus Apostolus Andreas præcipue, qui



Idē de S. Andrea, Ser. 2. qui cū ad locum peruenisset vbi Crux ei parata erat, confortatus in Domino, **A**  
per eius Spiritus virtutem, quem cum ceteris Apostolis in igneis linguis acceperat, verba verè ignea protulit. Videns enim paratam eminūs Crucem, nequaquam vt erigere solet mortalis infirmitas (inquit Bernardus) facies eius expalluit, nequaquā sanguis eius gelatus est, non steterē comæ, aut vox faucibus hæsit, non contremuit corpus, nec mens turbata est; non recessit, vt assolet, intellectus; sed abundantia cordis os locutum est, & charitas quæ feruebat in corde, quasi scintillas quasdam ardentissimas emisit in voce. statim ergo, vt paratam sibi eminūs Crucem prospexit, O bona Crux, inquit, diu desiderata, & iam concupiscenti animo præparata: accipe me ab hominibus, & redde me Magistro meo, vt per te me recipiat, qui per te me redemit.

Talis igitur ac tantus est triumphus, talisque ac tanta est gloria triumphantis & gloriosæ Crucis, posteaquam salutis, vitæ, & resurrectionis nostræ instrumentum effecta. Ideoque sancta Ecclesia Catholica id commemorans, tota festiua, lætabunda & gaudens, cunctos nos Christi fideles inuitat, vt vnâ secum **B**

In Introitu Missæ Feriz 5. in Coena Domini. in Cruce gloriemur, cū per ipsam seruati & liberati simus, inquit enim: *Nos autem gloriari oportet in Cruce Domini nostri Iesu Christi, in quo est salus, vita, & resurrectio nostra; per quem saluati, & liberati sumus.*

Verū quia de sanctæ Crucis triumpho & gloria differere, tam alta atque sublimis materia est, quæque tanta rerum mole & amplitudine patet, vt in vnus tantum capituli breuitate & angustia nullo pacto coarctari queat, idcirco reliqua de ea tractatio, toto hoc sexto libro conscribenda mihi reseruatur, agemusque de ea distinctè, vt occasio sese obtulerit: præsertim verò cū de temporibus illis erit nobis sermo, quibus magnus Constantinus Imperator, Cruce ipsa sibi è cælo ostensa, ad eiusdem sacrosancti signi formam cuncta primaria exercitus sui militaria signa coaptari iussit: deuictoque ab eo per eiusdem sanctæ Crucis virtutem Maxentio, & Romana Vrbe ab eius tyrannide in libertatem **C**

In Psal. 32. concione 2. *iam portant, pretiosius signum quam qualibet gemma diadematis.* Et ad hoc forsitan etiam tunc alludere voluit, cū de Crucis supplicio, quod ob Christi reuerentiam & honorem ab Imperatoribus sublatum fuerat, inquit: *Cruce honorata est & finita; finita est in pœna, manet in gloria: à locis suppliciorum fecit transitum ad frontes Imperatorum.* Idipsum quoque alibi innuit his verbis: *Nam in fronte Regum* **D**  
In Psal. 36. concione 2. *Cruce illa fixa est, cui inimici insultauerunt.*

In Psal. 54. Et quamuis aliquis dicere forsitan posset, Augustinum hoc loco intelligere maluisse de eo Crucis signo, quod prisci Christi fideles, non populares tantum, sed Reges atque Imperatores ipsi propriis manibus frontibus inscribere consueuerunt, vt paulò post dicemus; Hieronymus tamen de Crucibus, quas Imperatores in signis militaribus, & in regis coronis, auro gemmisque rutilantibus, gestare cœperant, apertius inquit: *Vexilla militum, Crucis insignia sunt: Regum purpuras, & ardentes diadematum gemmas, patibuli pictura condecorat.* Demum libertate, tranquillitate, & pace sanctæ Ecclesiæ concessa, templaque in Christi honorem extruendi potestate facta, ab ipso Constantino, deinde verò ab aliis **D**  
In epist. ad Latam. plerisque



**A** plerisque templa & altaria sub sanctæ Crucis præcipuo titulo & inuocatione ædificata sunt; ipsaque sancta Crux à cunctis Christi fidelibus digna veneratione culta est, vt Deo fauente inferius dicemus.

## CAPVT II.

*De sancta & pia consuetudine apud priscos Christi fideles primitiua Ecclesia recepta, seipso ac res quas benedicere volebant, Crucis signo proprijs manibus consignandi.*

**I**LLVD sanè ingenti admiratione prorsus dignum est, & quo omnes pij ac sublimiores intellectus iure optimo obstupescunt, dum mentis aciem in illam considerationem intendunt; Deinimirum infinitam bonitatem ac sapientiam tolerando voluisse, vt sancta Ecclesia Catholica, iam inde ex quo in primis rerum suarum primordiis germinare cœpit, diris semper persecutionibus impetita, oppugnata, & conflictata fuerit: nec solum à persecutoribus ac tyrannis, qui aperta vi ac potentia illius sancta germina infectando, carceribus mancipando, torquendo, & infinitis propemodum truculentissimorum tormentorum, atrocissimarumque mortium generibus euellentes & extirpantes, magnis conatibus enixi sunt, vt illam opprimerent, prosternerent, ac penitus exstinguerent; verum etiam à perfidis ac scelestissimis hæreticis, qui dæmone seducente & concitante, Orthodoxæ ac sanctæ eius doctrinæ veritatem peruersis ac falsis dogmatibus impugnare conati sunt, & ad hanc vsque diem obscuras illi tenebras offundere totis viribus enituntur. At illud econtrà longè etiam maiori admiratione dignum profectò censeretur, dum cernitur, ac re ipsa comprobatur, quòd quanto maiores conatus illi, maioraque artificia isti moliti sunt, vt illam opprimerent, tanto maiores rerum accessiones planeque mirabiles diuinitus semper fecerit, magnæ cuiusdam incensæ ac generosæ flammæ instar, quæ quò vehementiori ventorum impetu atque furore exagitur, eò sese altius erigens, maiorem vim & vigorem acquirit: idemque semper, dum mundus hic stabit, efficiet. Nam sancta Ecclesia Catholica, inuictus quidam exercitus est, qui Deo militans debellari nequit; de qua Spiritus sanctus: *Terribilis est vt castrorum acies ordinata.* aduersus quam frustrà armatur atque instruitur omnis terrestris & inferna nequitia. Habet enim tutissimum fideiussorem, certissimamque sponsionem illius qui mentiri non potest; qui que de ipsa eadem differens, inquit: *Et porta inferni non præualebunt aduersus eam.*

*Ecclesia quò magis premittur, eò magis fulget.*

*Cant. 6.*

**V**erum enimuerò in mirabilium horum consideratione, omnis nostra conquiescet admiratio: quin etiam admirabilitas ipsa in diuinas gratiarum actiones & laudes conuertetur, si à rerum euentibus, & ab his qui consecuti sunt effectibus, animaduertemus, infinitam Dei optimi maximi bonitatem & sapientiam (quæ sola è malo bonum nouit elicere) tolerauisse, & ad hanc vsque tolerare diem, vt sancta Ecclesia Catholica à scelestissimis hominibus, à tyrannis, ab hæreticis & à schismaticis dilaceretur & impugnetur, pro maiore ipsius profectu, exaltatione, & gloria: quò electi ac fideles, persecutiones æquo animo perferentes, hæreses sollicitè fugientes, schismata deuitantes, fidei candorem seruantes, vnitatemque Ecclesiæ sequentes, insigniorum meritorum ornentur cumulo, ac demum maiori præmio ac splendidiore corona digni efficiantur. Ad quod alludens inquit Apostolus: *Nā oportet hæreses esse, vt qui probati sunt, manifesti fiant in vobis.* Super quibus verbis, ad institutum nostrum in Glossa ordinaria appositè dixit Sedulius: *Omnes inimici Ecclesiæ, vel errore excacati, vel malitia deprauati, prosunt*

*1. Cor. 11.*



*profunt Ecclesie : quia si accipiunt potestatem corporaliter affligendi, exercent eius patientiam; si verò malè sentiendo aduersantur, exercent eius sapientiam.* A

*Primi olim  
hæretici,  
Christum  
crucifixum  
negantes;*

*a Lib. 1.*

*cap. 20.*

*& 23.*

*b Hæresi 21.*

*& 24.*

Propterea igitur in primis sanctæ Ecclesiæ exordiis, præter dirissimas persecutiones, quæ aduersus eam motæ sunt, statim scelestissimi quidam & impij insurrexerunt hæretici, qui callida & nefaria diaboli suggestionem inducunt, negabant Christum reuera crucifixum fuisse; asserentes, solam eius imaginem siue effigiem pati visam esse, ipsum verò se à passione & Cruce subtraxisse. Huius autem impiæ hæresis Simonem illum magum auctorem fuisse, sancti Irenæus<sup>a</sup> & Epiphanius<sup>b</sup> aliique plerique testantur. quæ postea in discipulos eius infelicitè propagata & dilatata est; inter quos impius quidam Basilides, excogitatione ac publicatione cuiusdam commentitæ & diabolicæ fabulæ plurimos homines simplices seduxit atque decepit; asserens, Christum Dominum non illum reuera extitisse qui crucifixus est, sed pro eo Simonem Cyrenæum in Crucem actum. Dum enim IESVS ad Caluariæ montem crucifigendus deduceretur, militesque Simonem quemdam Cyrenæum obuiam factum, & angariatum coëgissent, ut Crucem eius tolleretur; IESVS, inquit, illum in suam ipsius effigiem, seipsum verò in eiusdem Cyrenæi speciem commutauit, qui propterea loco ipsius IESV Cruci confixus est; cum autem ille crucifigeretur, Iesus ibi inuisibilis stabat, deridens eos qui Cyrenæum in Crucem agebant. Post hæc autem IESVM ipsum ad cælum euolasse asseuerabat, ubi Virtutes omnes supergressus, æterno Patri suo restitutus est. Persimiles etiam scelestissimas, insanas ac portentosas chimæras disseminare atque edocere postea aggressus est Cerinthus quidam, à quo Cerinthiani hæretici traxere originem.

*c Lib. 1.*

*cap. 25.*

*d Hæresi 28*

*e Hæretic.*

*fab lib. 2.*

*cap. 4.*

*Incitati à*

*dæmone, in*

*festissimo*

*Crucis ho-*

*ste.*

*Ad Phi-*

*lippenes*

*epist. 5.*

Is enim, ut prædicti sancti Irenæus<sup>c</sup> & Epiphanius<sup>d</sup>, Theodoretusque<sup>e</sup>, & alij scripserunt, IESVM à Christo diuidens, asseuerabat, IESVM illum extitisse, qui passus est, & resurrexit: Christum autem impassibilem permanisse, & passionis tempore à IESV discessisse. Quæ scelestissimæ atque insanæ hæreses, impiissimi ac nefarij dæmonis proculdubio extitere commenta: pænè enim supra fidem esse videtur, ut quis credat, quantum is semper omni conatu enixus sit, ut Crucis Christi mysterio tenebras offunderet, illudque ab hominum eliminaret atque deleteret memoria: tum verò præsertim ex quo eiusdem Crucis potentiam & virtutem, ingenti suo probro ac ruina, contra se ipsum expetitus est; quo fit ut supra modum gaudeat, si quando miserum & infelicem inuenerit, qui dolis ac nequitia ipsius se passus decipi ac seduci, Crucem Christi abneget: sciens profecto, Crucis confessionem, suam esse confusionem atque exitium. Quamobrem sanctus martyr Ignatius inquit: *Princeps enim mundi huius gaudet cum quis Crucem negarit; cognoscit enim Crucis confessionem, suum esse exitium. Id enim trophæum est contra ipsius potentiam; quod ubi viderit, horret, & audiens timet.* Mirabile verò dictu est, quod testatur idem Sanctus, quantum omnis nequitiae auctor ille sit varius, multiformis, sibi ipsi contrarius, atque inconstans; alia prætexens, alia faciens; quantisque falsis suasionibus mentes fallat humanas. Antequam enim Crux fabricaretur, constructionem eius totis nisibus accelerabat: atque in eo negotio, Iudæ, Phariseorum, Sadduceorum, Sacerdotum, Principum, & Hebræorum populi opera usus est. Cum autem paranda esset Crux, tumultum excitare, omniaque sursum atque deorsum inuertere coepit: poenitentiae stimulum immisit proditori, laqueum illi monstrauit & suspendium, quo strangularetur: Pilati uxorem in somniis perterrefaciens, impulit ut marito suaderet ne in Christi nece sese immisceret; enixusque est efficere ne crucifigeretur; non poenitentia ductus quod Crucem ei procurasset, sed quia prælagire tum coeperat, Crucem suam ipsius perni-



A perniciem ac ruinam futuram. Quamobrem in quibusdam id effecit, ( subdit idem sanctus Ignatius, suam de hæreticis huiusmodi sententiam declarans ) ut Crucem negarent, Christi passionis illos puderet, & mortem opinione tantum illum gustasse asseuerarent; partum Virginis circumciderent & mutilarent: ad id alludens quod impius ac scelestissimus Cerinthus effutire consueuerat; qui IESVM à Christo diuidens, asserbat, Mariam Virginem sacratissimam IESV tantum, non autem Christi matrem extitisse.

Ab horum impia & diabolica doctrina, Apostolus admonens Philippen- Primi hæ-  
ses ut præcauerent, innuensque hæreticos prædictos quasi nefarios ac morda- retici ab  
ces canes suis rabiosis latratibus Christum à IESV proscindere, Crucemque Apostolo  
à Christo alienare enixos fuisse, inquit: *Videte canes, videte malos operarios, vi-* Paulo di-  
*dete concisionem.* Et paulò inferius, ab eorum pessimis moribus apertius illos de- Et canes, &  
scribens, Crucisque Christi inimicos illos appellans, subdit: *Multi enim ambu-* Crucis ini-  
*lant, quos sæpè dicebam vobis, nunc autem flens dico, inimicos Crucis Christi, quorum* mici.  
*finis interitus, quorum Deus venter est, & gloria in confusione eorum qui terrena sa-* Philipp. 3.  
*piunt.* Cernens præterea, impias hæreses antedictas ab eisdem scelestissimis ho-  
minibus, ab aliisque satellitibus eorum, non in Philippen-sibus tantum in Ma-  
cedonia, sed etiam in Ægypto, vbi impius degebat Basilides, in Asia, in Græ-  
cia, atque in ceteris prouinciis omnibus, vbi Christiani aderant, passim disse-  
minari ac diuulgari; idem sanctus Apostolus in omnibus epistolis, quas ad  
diuersas scripsit Ecclesias, plurimas Crucis testificationes inferere studuit, sæpè  
ac sæpius protestatus, se nihil aliud quam Christum, & hunc quidem crucifixum  
prædicare; nil aliud profiteri se, nihilque aliud agnoscere, quam Christum, &  
hunc crucifixum; ostendens omnes suos in hoc præsertim eniti conatus, ut Crucis  
prædicatio numquã deficeret, nec vnumquam ab hominum euelleretur memoria.

C Contra hos igitur impios ac scelestissimos hæreticos, quos pro priorum &  
verè Catholicorum exercitio, in nascentis Ecclesiæ primordiis insurrexisse Deus  
permiserat; quique Crucis memoriam oblitterare ac penitus extinguere totis  
viribus nitebantur; ipsa eadem sancta Ecclesia Catholica, dum viriliter enite-  
batur, ut eos conuinceret & confunderet, non satis sibi fecisse visa est, cum  
Crucem verbis confiteretur & prædicaret, sed signis ac factis ea vti, illamque  
figurare atque formare cœpit. Tunc etiam illa primitus inoleuit pia & lauda- Materia-  
bilis inter fideles Catholicos consuetudo, qua Cruces ligneas vel æreas, siue les Cruces  
argenteas aut aureas, vel ex quacumque alia materia, ad illius imaginem ac si- antiquissi-  
militudinem in qua Christus Dominus passus est, sibi depingi, inculpi, & fa- ma ab ipsis  
brefieri curabant, ut illas tenerent & venerarentur in domibus, in priuatis Apostolo-  
oratoriis, & secum deferrent, tum pro sua ipsorum deuotione ac tutela, tum rum tem-  
etiam, ut ab hæreticis se differentes ostenderent. Tuncque in sancta Ecclesia poribus.  
mos ille pariter introductus est, præaltas ac magnas Cruces ligneas ad sanctæ  
D illius Christi similitudinem erigendi, in locis quos ad diuinum cultum in titu-  
lum dedicabant; ut fideles illas venerarentur, & diabolus illas perhorresceret,  
tamquam trophæum contra ipsius potentiam erectum; iuxta quod diuus Igna- Loco ci-  
tius inquit: *Quod vbi viderit, horret, & audiens timet.* Tunc etiam ex sanctorum tato.  
Apostolorum dogmate, indubitataque & fideli Apostolica traditione, non Cruce se  
scripto quidem, sed frequentissimis vsibus in sancta Ecclesia deriuata, cœpe- signandi  
runt fideles non frontem tantum & pectus, totumque corpus, sed etiam om- consuetudo  
nia quæ benedicere volebant Crucis consignare signo. Quod quidem sanctè ac pariter an-  
diuinitus edocti sunt, ut hoc perutili & salutari remedio ad expellendos dæmo- tiquissima,  
nes præcipuè vterentur. De qua consuetudine differens Tertullianus non tam- atque ab  
quam de re quapiam temporibus suis nuper introducta, sed tamquam de anti- Apostolis  
quissimo tradita.



De corona  
militis, c. 3.  
in fine.

Idem ibidē  
cap. 4. in  
principio.

Catechume-  
nos Cruce  
signandi  
solemnis ri-  
tus.

De catechi-  
zandis ru-  
dibus.

Tractat. in  
Ioannē 11.  
cap. 3.

Lib. 1. Vitæ  
S. Martini,  
c. 1. in prin.

In libro  
Sacramē-  
torum, in  
ordine  
Baptisterij  
Tom. 5.

quissimo instituto, de cuius origine memoria non extaret, quodque vnà cum A  
ipsis sanctæ Ecclesiæ primis germinibus excreuisset, inquit: *Ad omnem progres-  
sum atque promotum, ad omnem aditum & exitum, ad vestitum & calceatum, ad  
lauacra, ad mensas, ad lumina & cubilia, ad sedilia, quæcumque nos conuersatio exer-  
cet, frontem Crucis signaculo terimus.* Et perinde ac si ad insolentem & imperi-  
tam cuiusdam ex recentioribus hæreticis interrogationem respondere vellet,  
qui huius sanctæ & laudabilis consuetudinis antiquitatem in Ecclesia inficiari  
non verentur, quique illam tamquam magicum ac superstitiosum quemdam  
ritum impiè criminantur, garrientes id nullo pacto faciendum esse, cum nus-  
quam in Sacris litteris scriptum reperiatur, Christum aut Apostolos quid tale  
præcepisse; subdit: *Harum & aliarum huiusmodi disciplinarum, si legem expostu-  
les, Scripturarum nullam inuenies: traditio tibi prætendetur auctrix, consuetudo con-  
firmatrix, & fides obseruatrix.*

In omnibus ergo sanctis, honestis, ac piis exercitationibus, antiquos pri- B  
mitiuæ Ecclesiæ Christianos Crucis signum adhibere solitos Tertullianus af-  
firmat: verum pro fidelium Catholicorum ædificatione & solatio, ac pro hæ-  
reticorum correctione vel confusione, ab hoc instituto haud alienum, quin  
etiam peropportunum atque proficuum fore censemus, si ostenderimus ac  
probauerimus in quibus præcipuè rebus eodem sacro signo vti consueuissent.  
In primis ergo illud adhibebant, cum Catechumenos ante Baptismum cate-  
chizabant, id est in his quæ fidei sunt erudiebant. Crucis enim signo in fron-  
te illos signabant; quasi in arrham ac testimonium, quod in sanctæ matris Ec-  
clesiæ gremio iam concepti erant, mox per Baptismi Sacramentum renascitu-  
ri. Qui quidem ritus ex sancti Augustini verbis apertè colligitur, qui Cate-  
chumenos allocutus, inquit: *Accipite vos, qui fidem desideratis, verbum Dei,  
tamquam competentem cibum, ex quo vobis Dominus operetur incrementum. Non-  
dum quidem adhuc per sanctum Baptismum renati estis, sed per Crucis signum, in* C  
*utero sanctæ matris Ecclesiæ iam concepti estis.*

Et quidem non semel tantum Catechumenos Crucis signo in fronte signa-  
bant, sed quotiescumque illos examini subiiciebant, ac de rebus ad fidem spe-  
ctantibus, quas iam edocti fuerant, interrogabant. Qui ritus etiam ex ipsius  
Augustini verbis clarè colligitur, qui Catechumenum affatus, in prima ipsa die  
qua erudiendus erat, ait: *Cuius passionis & Crucis signo in fronte hodie tamquam*  
*in poste signandus es, omnesque Christiani signantur.* Per hoc ergo sacrosanctum  
Crucis signum iidem Catechumeni iam de fidelium numero quodammodò  
censebantur, licet per annos aliquot postea Baptismi Sacramentum suscipere  
differrent; vt idem Augustinus his verbis affirmat: *Quod signum Crucis habent*  
*in fronte Catechumeni, iam de domo magna sunt: sed fiant ex seruis filij.* Quocirca san-  
ctus Martinus Turonensis Episcopus, ob suam humilitatem, ac tanti Sacra-  
menti reuerentiam, antequam baptizaretur, in Catechumenorum numero D  
per decennium permanere voluit. quod sanctus Paulinus Nolanus Episcopus  
innuit, cum de eo sic cecinit:

*Vix etenim decimo senior iam moribus anno  
Transiit ad sacram constanti pectore legem,  
Signauitque Crucis sanctam munimine frontem.*

At verum & germanum ritum, qui in Ecclesia obseruabatur cum Catechu-  
meni recipiebantur, ac prima vice introducebantur vt catechizarentur, & de  
his quæ ad fidem spectant erudirentur, apertè ostendit & docet Gregorius, cum  
inquit: *Gentilem hominem cum susceperis, primò catechizes eum diuinis sermonibus,  
& des ei monita quemadmodum post cognitam veritatem viuere debeat. Post hac fa-*  
cias



**A** cias eum Catechumenum, & exsuffles in faciem eius, & facias ei Crucem in fronte, & ponas manum super caput eius, his verbis: Accipe signum Crucis, tam in fronte quam in corde: sume fidem caelestium praeceptorum: talis esto moribus, ut templum Dei esse iam possis, & ingressus Ecclesiam Dei, euasisse te laqueos mortis latus agnosce. Horresce idola, respue simulacra; cole Deum Patrem omnipotentem, & Jesum Christum filium eius, qui viuit cum Patre & Spiritu sancto per omnia secula seculorum, Amen.

In Baptismi quoque Sacramento Crucis signum pariter adhibebant. Et antequam ad tanti Sacramenti actum deuenirent, aquam qua Catechumenus baptizandus erat, Crucis signo benedicere & consecrare solebant, ut plerique sancti Patres affirmant, & inter eos praesertim diuus Augustinus, qui de hac re inquit: *Vbi ergo manet, nisi in occultis legibus Dei, quae conscriptae sunt quodammodo in mentibus Angelorum; ut nulla sit iniquitas impunita, nisi quam sanguis Mediatoris expiauerit; cuius signo Crucis consecratur vnda Baptismatis, ut ea diluatur reatus tamquam in chirographo scriptus, in notitia spiritalium potestatum, per quas poena exigitur peccatorum?* Super quo loco, in Annotationibus quae in ipsius Augustini operibus Tomo septimo in fine impressae sunt, magna prudentia haec addita fuere verba: *Vides hic antiquissimam Ecclesiae caerimoniam, qua consecratur vnda Baptismatis, idque signo Crucis; quod quidam hodie magicum esse volunt.* Verum idem Augustinus hoc ipsum alibi clarius expressit, cum dixit: *Per mare transitus Baptismus est: sed quia Baptismus, id est salutis aqua, non est salutis, nisi Christi nomine consecrata, qui pro nobis sanguinem fudit, Cruce ipsius aqua signatur.*

Ritus Crucis signum adhibendi in Baptismo:

Contra Iulianum Pelagianum, lib. 6. c. 19. Tomo 7.

In lib. 50. Homiliarum, Ho. 27. Tom. 10.

In ipso etiam actu Sacramenti Baptismatis Crucis signum adhibebant, baptizatos eodem signo in fronte consignantes. Ad cuius ritus obseruationem alludere voluit sanctus Cyprianus, cum inquit: *Muniatur frons, ut signum Dei incolumiter seruetur.* Super quibus verbis, in suis Annotationibus Iacobus Pamelius: *Alludit haud dubie, ad signum Crucis quod in Baptismo frontibus insigitur; praesertim cum alicubi dicat, signaculo Dominico consummari, qui in Ecclesia baptizatur.* Cuius ritus meminere etiam Basilii in libro de Spiritu sancto, Tertullianus de resurrectione carnis, Chrysostomus in libro contra Gentiles, Cyrillus Ierosolymitanus in Catechesi quarta, Hieronymus in Epistola ad Heliodorum, aliique permulti. Ipseque idem Cyprianus, super eodem alibi sese apertius explicans, subdit: *Denique quicumque sint Sacramentorum ministri, qualescumque sint manus, vel mergunt accedentes ad Baptismum, vel vngunt; quaecumque peccatus, de quo sacra exeunt verba, operationis auctoritas in figura Crucis omnibus Sacramentis largitur effectum.*

In epist. ad plebem Tibari consistentem.

De passione Christi.

Crucis signo pariter utebantur Christiani in ipso actu conferendi sacros Ordines; idque iam inde a sanctorum Apostolorum temporibus: nam sanctus Dionysius Areopagita illorum contemporaneus, de caerimoniis quae tunc in hoc Sacramento adhibebantur, ita inquit: *Minister vero genu altero flexo ante altare, dextram manum Pontificis, qui eum consecrat, super caput habet, ab eoque consecratur, iis precationibus & inuocationibus, quibus ministri consecrari solent. Vnicuique autem eorum signum Crucis a consecrante Pontifice imprimitur. Et singulis sancta praedicatio, perficiensque salutatio adhibetur, omnibus Ecclesiastici ordinis consalutantibus.* Et paulo interius, in praedictarum caerimoniarum contemplationem sese diffundens, subdit: *Communia quidem sunt & Pontificibus, & Sacerdotibus, & ministris cum cooptantur & consecrantur, accessus ad diuinum altare, inflexio genuum, Pontificis manus admotio, signum Crucis, praedicatio, siue laudatio, perficiens salutatio.* Deinde vero ut ostenderet

In ordinationibus Sacerdotum:

De Ecclesiastica Hierarchia, c. 9. par. 1.

Ibidem part. 2.



De Eccle-  
Hierar-  
chia, cap. 9.  
part. 3. quidnam significarent caerimoniae, quae tunc adhibebantur in eorum conse-  
cratione qui ad sacros Ordines promouebantur, praecipue autem super Crucis  
signo sic ait: *Signum figura Crucis impressum, significat omnium simul corporis cupi-  
ditatum cessationem, divinaeque vitae imitationem, quae constanter humanam Jesu di-  
uinamque vitam intueatur, qui ad Crucem usque & mortem cum diuina non peccan-  
di priuatione venerit, eosque qui ita vivant, ut similes imagine similitudineque suae  
à peccato libertatis, quae Crucis speciem praese fert, insigniat.* Postea verò de mona-  
chorum professione & consecratione agens, haec addit: *Quae ubi omnia is qui  
initiat, continenter professus est se esse facturum: sacerdos signo Crucis eum consigna-  
tum tondet, appellans tres personas diuinae Beatitudinis.*

Atque in  
reliquis  
sanctae Ec-  
clesiae Sa-  
cramentis. Et non in Baptismate tantum, & in sacrorum Ordinum initiatione, sed in  
ceteris omnibus Ecclesiasticis Sacramentis, sancti illi primitivae Ecclesiae Chri-  
sti fideles Crucis utebantur signo; firmiter credentes, absque hoc sacrosancto  
signo nihil sanctificari posse; atque ab eiusdem sacratissimi Crucis signi subli-  
mitate, profunditate, ac latitudine, omnium gratiarum plenitudinem sursum  
deorsum, hincque & inde latissime diffundi. Quamobrem diuus Cypria-  
nus: *Sed in Cruce Domini gloriamur, cuius Virtus omnia peragit Sacramenta; sine  
quo signo nihil est sanctum, neque aliqua consecratio meretur effectum.* Hinc omnium  
sanctificationum exsurgit sublimitas & profundum, & longè lateque plenitudo dif-  
funditur gratiarum. Quem Cypriani locum iam in antecedentibus ad institu-  
tum aliud citauimus. Quod autem in Sacramentis omnibus prisci Christi fi-  
deles Crucis signum adhibere consueverint, credentes, ut re ipsa verissimum esse  
constat, nullum sine ipso rite peragi posse Sacramentum, luculentissimum te-  
stimonium perhibet diuus Augustinus his verbis: *Quod Crucis signum nisi ad-  
hibeatur, siue frontibus credentium, siue ipsi aquae ex qua regenerantur, siue oleo quo  
chrismate unguuntur, siue in sacrificio quo aluntur, nihil eorum rite perficitur.* Et alibi  
de eodem differens, apertius subdit: *Mors Christi signum est nostrae salutis.* Hoc

In Ioan-  
nem, tra-  
ctatu 118.  
in fine. In Appen-  
dice, To. 10.  
Serm. 59. Idem quoque affirmat sanctus Ioannes Chrysostomus, dum inquit: *Omnia quae  
ad salutem nostram conducunt, per ipsam Crucem consummantur.* Nam cum regenera-  
mur, Crux Domini adest; cum sacratissimo alimur cibo, cum in ordine consecrandi sta-  
tuimur, ubique & semper id victoriae insigne nobis assistit.

Ritus si-  
gnandi se  
Cruce ante  
orationem. Crucis quoque signo se consignare veteres Christiani consueuerant cum ora-  
bant, ut ex Tertulliani verbis in suo ad uxorem libro colligitur, cuius senten-  
tiam inferius in medium adducemus. Quin etiam eodem Crucis signo non  
tantum sese munire solebant antequam orarent; sed dum orabant, brachia in  
Crucis formam extendebant: quod superius libri secundi capite quarto satis  
fusè prosecuti sumus, ritum hunc variis Patrum auctoritatibus comprobantes; D  
praecipue verò ipsius Tertulliani, cuius verba hinc denuò in medium proferre  
superuacaneum ducimus. Quinimò in quibusdam Ecclesiis id moris erat, ut  
Crucis signo in frontibus se consignarent, dum Apostolorum Symbolum  
recitantes, articulum illum, *Carnis resurrectionem*, pronuntiabant. Quod in  
Aquileiensi Ecclesia praecipue fieri consueuerat, etiam ipsius Ruffini Aqui-  
leiensis temporibus, ut ipsemet testatur his verbis: *Eo ideo satis cautè Ecclesia  
nostra fidem Symboli docet, quae in eo quod à ceteris traditur, Carnis resurrectionem,  
uno addito Pronomine tradit, Huius carnis resurrectionem.* Huius sine dubio, quam  
habet is qui profitetur, signaculo Crucis fronti imposito; quo sciat unusquisque fide-  
lium, carnem suam si mundam seruauerit à peccato, futurum esse vas honoris, utile  
Domino

In Sym-  
boli expo-  
sitione.



A Domino ad omne opus bonum paratum: si verò contaminatam in peccatis, futurum esse vas iræ ad interitum. Qui ritus in illa & in quibusdam aliis Ecclesiis obseruabatur, propter quasdam hæreses quæ inibi insurrexerant: quod tamen in Romana Ecclesia minimè factum fuisse reperitur; in qua, ut idem Ruffinus testatur, nulla vñquam hæresis sumpsit exordium. Priuilegium planè singulare, & huius sacrosanctæ Ecclesiæ gratia præcipua; quæ cum ceterarum Ecclesiarum omnium sit caput & magistra, Christo Domino placitum est, illam tamquam charam ac dilectam sibi sponsam, sine macula & sine ruga custodire: idque iuxta certissimam sponsonem ab ipso factam solidæ illi petre, super quam ædificata est, cum dixit: *Rogavi pro te Petre, ut non deficiat fides tua; & tu aliquando conuersus, confirma fratres tuos.* Lucæ 22.

B Cibos quoque, panem verò præcipuè quem edebant, vinumque & aquam quam bibebant, Crucis signo consignabant. Cuius piæ & laudabilis consuetudinis antiqui Patres complures luculentissimum dant testimonium, atque inter eos præsertim Origenes, qui fideles non tantum adhortatus est, ut quæ esuri ac bibitori essent, Crucis signo consignarent, sed breuem ac piam oratiunculam eos quoque docuit, antequam cibos sumerent dicendam, in hunc modum: *Est videlicet hoc verum cum manducamus vel bibimus, si Dei memores fuerimus; si terribile nomen eius inuocauerimus, si nosmetipsos, vel cibum & potum nostrum signo venerabilis Crucis Christi signauerimus; si ad cælum oculos nostros leuantes, dicamus: Qui das escam omni carni, da etiam nobis cum omni benedictione hunc cibum sumere: si dixerimus cum sinceritate ad Dominum nostrum: Tu dixisti Domine, quia si aliquid mortiferum biberimus, tuum inuocantes nomen, non erit nobis molestum; tu itaque Domine virtutis & gloriæ, auerte veneficam & iniquam operationem à nobis & ab omnibus cibis nostris.* In Iob lib. I.

C Qui sanctus ac planè laudabilis mos à verè piis antiquis Christianis illis adeò inuiolabiliter obseruabatur, ut quidam Christiani milites, impij Iuliani Apostatæ temporibus, cum ipsius ac ministrorum eius suasionibus, non intelligentes quid facerent, sed aliorum exemplum secuti, thus ad ignem adoleuissent, donatiui occasione quod exercitui elargiebatur, quasi in signum quod Christo nuntium remisissent; cumque domum se recepissent, discubuisissentque, & vnà cum quibusdam aliis commilitonibus lætè epularentur, cum bibere vel-  
lent, nihilominus sumpto poculo, tamquam si nihil grauius perpetrassent, Christianorum more Crucis signum adhibebant. Quod cum ceteri conspexissent, dixerunt eis: Quonam pacto Crucis signum designatis, Christumque inuocatis, postquam illum abnegastis? Quo sermone obstupesci, & animo deteriti, statim sciscitati sunt: Quando & quonam modo Christo vñquam renuntiaui-  
mus? Vos, inquiunt illi, Imperatore iubente thus in ignem inieciatis, quod perinde est, ac Christum Christianamque fidem abiecisse. Ad verba hæc verè Christiani milites illi è triclinio protinus erumpentes, per vniuersamque ciuitatem cursitantes, magnis vocibus exclamabant: Christiani, Christiani sumus, & pro Christo intrepidè atque alacriter moriemur, Christo nullo pacto renuntiaui-  
mus, sed Imperatoris fraude circumuenti fuimus. Sicque ingentibus vociferationibus declamantes, ad Regiam citatis gressibus approperebant, & Iulianum conuenientes, aurum, quod Imperatoria largitione receperant, ad pedes eius generoso animo proiciebant; fraudemque, qua eos deceperat, intrepidè exprobrantes, instabant, ut nummos suos sibi reciperet, quandoquidem nullo prorsus pacto Christo se renuntiasse confirmabant. Quod licet manus ipsorum in adolendo thure imprudenter errauerat, mens nihilominus numquam prolapsa, cum Christo semper coniuncta erat; pro cuius fide sanguinem profundere, &



mortem oppetere parati erant. Ad quorum liberiora verba totus indignatione A  
& ira excandescens impius Apostata, statim capita eorum ceruicibus abscindi  
imperat. At ubi ad locum supplicij abducti sunt, sententiam mutans, illos in-  
terfici vetuit, sed exilio mulctandos edixit: quod sanè non commiseratione  
motus, sed nefaria potius inuidia percitus fieri iussit, ne martyrij coronam  
consequerentur.

Aduersus  
Iulianum  
Imp. inue-  
ctiua ora-  
tione I.

Quod notatu planè dignum atque insigne facinus sanctus Gregorius Na-  
zianzenus verbis hisce summam prosequitur: *Hic, inquit, narratiunculam quam-*  
*dam admiscebo, superioribus tristiores & miserabiliores. Ferunt, quosdam eorum qui*  
*ad hoc nefas errore atque ignorantia prolapsi fuerant, postquam eo admissio domum se re-*  
*cepissent, sodales conuictoresque suos mensæ participes habuisse: deinde conuiuio ad con-*  
*suetam frigide potationem progresso, non secus ac si nihil grauius ipsis accidisset, ad aquæ*  
*poculum, sublati oculis, Christum cum Crucis signo appellasse. Ibi tum quemdam con-*  
*uictorum admiratione correptum dixisse: Quid hoc rei est? Christum post abiurationem B*  
*inuocatis? Illos verò his verbis exanimatos, respondisse: Quo tandem modo abiurau-*  
*mus? & quinam nouus sermo aures nostras ferit? Quo subiungente: Quoniam ad ignem*  
*thus adoleuistis, quod idem omnino est ac Christum inficiari. Protinus illos è conuiuio*  
*exilientes, veluti lymphatos & furiosos, ac zelo & iracundia inflammatos, per forum*  
*cucurrisse, atque in hac verba exclamasse: Christiani, Christiani animo sumus; audiant*  
*omnes mortales, & ante omnes Deus, cui & viuimus & moriemur. Hanc quoque*  
historiam Theodoretus in sua Ecclesiastica historia fusiùs prosequitur.

Hist. Eccl.  
lib. 3. c. 16.

Panes olim  
non solum  
signati, sed  
etiam in-  
sculpti Cru-  
cibus.

Et non in ipso actu tantum comedendi atque bibendi, prisci Christiani Cru-  
cis signo epulas signabant, sed etiam cum panem ipsum conficiebant, singulis  
panibus sanctæ Crucis signum & imaginem imprimebant: cuius piæ consue-  
tudinis luculentissimum testimonium ad hanc usque diem perhibent picturæ  
illæ antiquissimæ, quæ habentur in sanctorum Martyrum cœmeteriis extra  
Romanæ vrbs mœnia defossis; inter quas calathi panibus pleni locis com- C  
pluribus conspiciuntur; in quibus singulis panibus Crucis imago insculpta est.

Morem hunc priscorum Christi fidelium planè laudabilem, diu etiam Gre-  
gorij Papæ temporibus in Italia viguisse constat; præsertim verò apud Mar-  
fos, & in prouincia Valeria. Is enim magnus Præsul Dialogorum suorum li-  
bro primo, capite vndecimo, insigne miraculum à monacho quodam, qui  
Martyrius appellabatur, per Crucis signum editum refert his verbis: *Qui-*  
*dam namque in eadem prouincia Martyrius nomine, deuotus valde omnipotentis*  
*Dei famulus existit, qui hoc de virtutibus suis testimonij signum dedit. Dum quadam*  
*die fratres illius panem subcinericium fecissent, ei que obliti essent Crucis signum impri-*  
*mere, sicut in hac prouincia crudi panes signo signari solent, ut per quadras quattuor par-*  
*titi videantur; idem Dei famulus affuit, eis que referentibus, signatum non fuisse cogno-*  
*uit. Cumque panis ille prunis esset & cineribus coopertus, dixit: Quare hunc minime*  
*signastis? Qui hoc dicens, signum Crucis digito contra prunas fecit. Quo signante, proti-*  
*nus immensum crepitum panis dedit, ac si ingens in ignibus olla crepisset. qui dum co-*  
*ctus postmodum fuisset, ab igne subtractus, ea Cruce signatus inuentus est, quam non*  
*contactus, sed fides fecit.* D

Spectaculo  
aliquo per-  
territi Chri-  
stiani, Cru-  
ce se munie-  
bant.

Crucis quoque signo confestim signare ac munire se prisci Christiani con-  
fueuerant, cum aliquid cernerent quod eis terrorem incuteret. Hoc enim ma-  
gnum Antonium fecisse constat, qui dum ad sanctum Paulum primum Ere-  
mitam inquirendum proficisceretur, monstrum illud semihominem ac semi-  
equum, his persimilem quos Poëtæ Centauros appellant, in deserto conspexit:  
ad cuius repentinum aspectum Sanctus ille perterritus, statim Crucis signum  
sibi impressit. Quamobrem diuus Hieronymus hanc referens historiam, in-  
quit:



A quit: *Quo viso, salutaris impressione signi armat frontem.* Idem quoque Zozi-  
 mam Abbatem fecisse legimus, cum sanctam Mariam Ægyptiacam de impro-  
 uiso eminens prospexit, quæ propter nimios solis ardores, frigidisque algores, ac  
 ieiunij inedia, adeo extenuata & immutata erat, ut is obstupescens atque  
 perterritus, phantasma siue spectrum quoddam fuisse ratus, Crucis signo pro-  
 tinus se comuniuerit, ut habetur in eiusdem Sancti vita, quam Episcopus  
 Lipomanus <sup>a</sup> in Sanctorum vitis, Tomo secundo, & Laurentius Surius <sup>b</sup> To-  
 mo sexto edidit. <sup>a</sup> Tomo 2. fol. 387. <sup>b</sup> Tom. 6. sub die 11. Nouemb.

Eodem quoque signo Crucis se præmunire veteres Christiani milites con-  
 sueuerant, cum prælium ingressuri erant. Quocirca sanctus Martinus, qui post-  
 eam fuit Turonensis Episcopus, impio Iuliano Apostata, ignauia adscribenti,  
 quod militia missionem, ut Christo deseruiret, postulasset, dixit: *Si hoc ignauia*  
*adscribitur, non fidei, crastina die ante aciem inermis astabo; & in nomine Domini Iesu,*  
 B *signo Crucis, non clypeo protectus aut galea, hostium cuneos penetrabo securus.* Huius  
 autem veterum illorum reuera Christianorum militum planè laudabilis ac pia  
 consuetudinis clarior fides astruitur in vita sancti Austregisili Bituricensis Ar-  
 chiepiscopi, qui Heraclij Imperatoris temporibus floruit. Is enim dum adhuc  
 laicus esset, iubente Rege, singulari certamine pugnaturus aduersus Betellinum  
 quemdam, qui rerum quarundam quas ipsemet regio fisco temerè usurpau-  
 rat, falsò illum insimulabat, antequam in arenam descenderet, & locum ad cer-  
 tamen præparatum ingrederetur, Crucis signo se præmuniuit: dumque ibi Re-  
 ge & vniuerso populo spectante, aduersarium præstolaretur, repente nuntius  
 affuit, qui Betellinum iusto Dei iudicio ab equo violenter excussum, atque in  
 terram præcipitem datum, collum sibi perfregisse, equumque ipsum pedibus  
 caput ei obtruisse, cunctis obstupescens affirmavit. Huius sancti viri res  
 gestas refert Surius in Sanctorum historiis, Tomo tertio, sub die vigesima  
 C Maij, ac de eo sub eodem die in Romano & Vsuardi Martyrologio præcipua  
 fit commemoratio. Vincentius Bellouacensis in Historiali speculo, & Sigeber-  
 tus in Chronicis, de ipso pariter meminere, asserentes, illum circa salutis nostræ  
 sexcentimum & vigesimum septimum annum floruisse.

Mos etiam priscis Christianis artificibus erat, quotiescumque manus ad  
 opus adiuuere vellent, seipsos ac res in quibus operabantur, Crucis signo  
 consignandi. Cuius pia & planè sanctæ consuetudinis ceteris antiquis exem-  
 plis, quæ in medium afferri possent, breuitatis causa prætermittis, illud pro tem-  
 pore sufficiat; sanctorum videlicet martyrum Semproniani siue Symphoriani,  
 Claudij, Castoris atque Nicostrati insignium sculptorum, qui cum Diocletia-  
 ni Imperatoris iussu quasdam ex porphyretico marmore conchas exsculperent,  
 quotiescumque ad opus earum manus adiuuebant, seipsos ac porphyritem  
 Crucis signo consignabant. Quod facientes, quidquid volebant, admirabili fa-  
 D cilitate in solidissimo illo lapide insculpebant. Quod tamen Ethnicis sculptori-  
 bus factum tam facile non erat, præsertim verò Simplicio, cui ad omnem mallei  
 ictum, quidquid insculpere conabatur, in rudus & frustra excussum decidebat.  
 Quo ingenti mœrore affectus, facilitatemque quam Christiani sculptores præ-  
 dicti in solidissimo lapide illo cælando habebant, vehementer admiratus, cum  
 ab eis admonitus esset, totam ipsorum in operando facilitatem ex sacrosancti Cru-  
 cis signi virtute per Christi Domini gratiam promanare, Christianissimum am-  
 plecti statuit: & postquam à sancto Cyrillo Episcopo Baptismi gratiam susce-  
 pit, eandem quoque in operando facilitatem per sanctæ Crucis signi virtutem  
 expertus est, præsertim verò circa porphyreticas columnas, quas eodem Dio-  
 cletiano Imperatore iubente, ipse vnà cum prædictis sanctis sculptoribus exci-  
 dit.

In vita san-  
 cti Pauli  
 primi Ere-  
 mitæ, To. 1.

<sup>a</sup> Tomo 2.  
 fol. 387.  
<sup>b</sup> Tom. 6.  
 sub die 11.  
 Nouemb.

Item mili-  
 tes prælium  
 ingressuri.

In vita san-  
 cti Martini,  
 per Seuerū  
 Sulp. con-  
 scripta, li. 1.

Artifices se  
 & sua ope-  
 ra Cruce  
 signabant.

Admiran-  
 dum moris  
 istius exem-  
 plum.



dit. Cui operi quotiescumque in nomine Domini nostri IESV Christi manus **A**  
 admovebant, Crucis signo se muniebant; illud salutare Apostoli admonitum  
 Coloss. 3. semper memoria retinentes: *Omne quod facitis in verbo, aut in opere; omnia in no-*  
*mine Domini nostri IESV Christi facite.* Qui quidem Simplicius martyrij postea  
 coronam vnâ cum eisdem sanctis martyribus Symphoriano, Claudio, Casto-  
 rio, & Nicostrato adeptus est: quorum in Romano Martyrologio sub die octa-  
 ua Nouembris fit commemoratio; de ipsisque meminere etiam Beda, Vsuar-  
 dus, Ado, & ceteri. Acta eorum persecutus est Mombricius Tomo primo, &  
 Surius Tomo sexto. Sed germana horum Sanctorum gesta habentur in Actis  
 sanctorum Quattuor coronatorum, in peruetusto codice manuscripto, siue  
 Sanctorali Ecclesiæ sanctæ Mariæ ad Martyres, quam antiqui Pantheon, recen-  
 tiores verò Rotundam vulgariter appellant; quem tam crebrò in suis operibus  
 citat Cardinalis Baronius. Ex quo codice excerpsum usquæ hîc breuiter per-  
 strinximus, ad laudabilem illum priscorum artificum Christianorum morem **B**  
 comprobandum; Crucis nimirum signo consignandi sese, & materias in qui-  
 bus operabantur, quotiescumque ad opus manus admovebant.

Hanc quoque veteres Christiani piâ ac sanctam consuetudinem in mo-  
 res receperant, vt cum irent cubitum, seipsos ac lectulum Crucis signo com-  
 munirent. Idem quoque faciebant, cum intempesta nocte ad orationem ex-  
 surgerent, & cum aliquid immundum fortè expuerent.

Quamobrem cum viderent Ethnici nostros tam crebrò sese Crucis confi-  
 gnare signo, vehementer suspicabantur, quin etiam certò arbitrabantur, illos  
 eodem signo aliquid magicum operari. Atque hinc est, quòd Tertullianus ad

Lib. 2. c. 5. vxorem scribens, ait: *Margarita vestra, sunt quotidiana conuersationis insignia.*

*Quanto curaueris ea occultare, tanto suspectiora feceris, & magis cauenda Gentili cu-*  
*riositati. Latebis ne tu, cum lectulum, cum corpusculum tuum signas; cum aliquid im-*  
*mundum flatu expuis, cum etiam per noctem exurgis oratum; & non magiæ aliquid* **C**  
*videberis operari?* A quibus mente obcæcatis Gentilibus impij recentiores hæ-  
 retici videntur didicisse, qui sanctum ac salutarem hunc morem in Dei Ec-  
 clesia iam inde à suis primis exordiis tam sanctè & vtiliter semper adhibitum  
 improbare audent.

Verumtamen non sic veteres sancti Patres, sacrique Doctores Ecclesiastici  
 effecerunt; qui Spiritus sancti lumine illustrati, huius sacrosancti signi virtu-  
 tem, huiusque piissimi ac proficui moris vtilitatem agnoscentes, non solum il-  
 lum laudauerunt & approbauerunt, sed summa contentione Christi fideles  
 monitos voluerunt, hisque efficaciter suaserunt, vt piè & religiosè eo sapissimè  
 vterentur, vefanos ac peruersos hæreticos vehementer coarguentes, qui hoc cæ-  
 lesti clypeo & hac impenetrabili lorica contra humanas calamitates, nefariis  
 etiam spiritibus formidabili, sese permunire non curant, sed miseri & infelices  
 diabolicis execrationibus hoc improbare non verentur. Aduersus quos Ioannes **D**

In Matthæi Chrysostomus inquit: *Audiant quicumque passionis Christi Crucem verecundan-*  
 c. 16. Ho- *tur. Nam si Apostolorum vertex, etiam antequam Crucis mysterium apertè cognouisset,*  
 mil. 55. *satanas vocatus; quam veniam impetrabunt, qui ubique iam predicatam Christi Cru-*  
*cem negare audent? Nam si qui à Deo beatificatus fuerat Petrus, qui ex reuelatione fue-*  
*rat veritatem confessus, si acriter increpatur, quo supplicio cruciabuntur, qui Crucis*  
*mysterium post ista non suscipiunt?* Crucis ergo signo magna sanè ratione prisci  
 Christiani sese munire consueuerant in his omnibus actibus, quos superius re-  
 censuimus; præsertim verò cum cubitum irent. Ad quod efficacissimè inter ce-  
 teros illos adhortatus est Prudentius Christianus Poëta piissimus, docens eos,  
 vt non frontem tantum, sed etiam cordis locum sibi signarent; innuens quan-  
 tum

*Cubitum  
 Christi-  
 ni se & le-  
 ctum Crucis  
 muniebant.*

*Hæretici  
 Crucis si-  
 gnatione im-  
 probantes,  
 discipuli  
 Ethnicorum.*



A tum hoc sacrosanctum signum fidelibus sit salutare, dæmonibus verò horrendum ac formidabile; sic enim cecinit:

*Fac cùm vocante somno  
Castum petis cubile,  
Frontem, locumque cordis  
Crucis figura signet.  
Cruce pellit omne crimen,  
Fugiunt Crucem tenebræ:  
Tali dicata signo  
Mens fluctuare nescit.*

Hymno  
ante som-  
num.

Et paulò post subdit:

*Discede, Christus hîc est,  
Hîc Christus est, liquece;  
Signum quod ipse nosti,  
Damnat tuam cateruam.*

B

Demumque Crucis signo prisci Christi fideles sese munire consueuerant, cùm mortis articulum sibi de proximo instare intelligerent. Sic enim se consignauit ac præmuniuit sanctus Ioannes Apostolus & Euangelista, cùm ad paradisum euolaturus (vt quidam scripsere) in sepulchrum descēdit; vt paulò post fusiùs dicemus, cùm nobis oblata erit occasio probandi, hunc morem Crucis signo se consignandi ab Apostolis sanctis originem duxisse. Sic signauit se sancta Paula vidua, quæ animam efflatura os suum sanctæ Crucis signo propriis manibus obsignabat, vt diuus Hieronymus testatur his verbis: *Post hæc obmuit, & clausis oculis, quasi iam mortalia despiceret, vsque ad expirationem animæ eosdem repetebat versiculos; vt quod dicebat, vix audire possemus: digitumque ad os tenens, Crucis signum pingebat in labiis.* Sic etiam Crucis signo se muniuit sanctus

*Usus anti-  
quus vt mo-  
ribundi se  
signent  
Cruce.*

C

Ioannes Chrysostomus, cùm spiritum Deo redditurus esset, vt tradit Simeon Metaphrastes in eius vita, quæ typis mandata est inter ceteras, quas collegit Lipomanus Tomo quinto, & Surius Tomo primo; vbi quamplurima alia similia exempla leguntur, quæ breuitatis causa prætermittimus.

*Ad Eusto-  
chium vir-  
ginem Epi-  
taphiū Pau-  
læ matris,  
epistola 27.  
cap. 13.*

In fronte porrò communiter prisci Christiani signare se consueuerant. Qui ritus non solum in Ecclesia Catholica statim introductus est, cùm primùm illa nasci cœpit, vt diximus; sed iam per multa quoque sæcula ante Christi Domini aduentum locis quamplurimis præfiguratus & prophetatus fuit. Cuius vtriusque rei, prisci sancti Patres & antiqui scriptores Ecclesiastici amplam fidem astruunt. inter quos Lactantius Firmianus constanter affirmat, signum sanguinis agni, quo Hebræi postes domorum suarum liniuerunt, cùm ab Ægyptiaca seruitute egressuri erant, Crucis signi imaginem & figuram extitisse, illiusque sanguinis immaculati, Agni Christi Saluatoris nostri, quem fideles Catholici

*Crucis in  
fröte signa-  
tio, olim an-  
te Christi  
aduentum  
præfigurata  
& prædicta.*

D

frontibus inscripturi erant: *Hebræi soli, inquit, signo sanguinis tuti fuerunt; non quia cruor pecudis tantam in se vim gerebat, vt hominibus salutis esset: sed imago fuerat rerum futurarum. Nam Agnus candidus sine macula, Christus fuit, id est innocens, & iustus, & sanctus; qui ab iisdem Iudæis immolatus, saluti est omnibus qui signum sanguinis, id est Crucis, qua sanguinem fudit, in sua fronte conscripserunt.*

*De vera sa-  
pientia, li. 4  
cap. 26.*

Et de vtroque pariter, id est priscos Christi fideles primitiæ Ecclesiæ Crucis signo in frontibus se consignare solitos, atque hunc pium ac laudabilem morem iam antè per sæcula prophetatum fuisse, fidem astruit Tertullianus, qui asserit signum illud Tau, quod apud Ezechielem Prophetam, Deo iubente, signatum fuit in frontibus gementium & dolentium super iniquitatibus quæ fiebant in Ierusalem, Crucis illius imaginem & figuram extitisse, quæ in vera & Catholica

*Ezech. 9.*

Ieru-



Aduersus  
Marcio-  
nem, lib. 3.  
cap. 22.

Ierusalem, id est in sancta Ecclesia super fidelium frontes signanda erat: *Ipsa est enim*, inquit, *littera Græcorum Tau, nostra autem T species Crucis, quam portendebat futuram in frontibus nostris apud veram & Catholicam Ierusalem*. Idem quoque super hunc Ezechielis Prophetæ locum tradunt sancti Cyprianus & Hieronymus, quorum verba hîc in medium non afferemus, cum illa eadem in superioribus, primo nimirum huius tractatus nostri libro, capite quarto, ad aliud institutum citauerimus.

Vix anti-  
quus Scri-  
ptor quin  
meminerit  
Crucis si-  
gnationis.

Et quamquam consuetudo hæc apud antiquos Christianos vsu recepta, Crucis nimirum signo sese in frontibus muniendi, res adeò perspicua sit, vt ad illam probandam multis sanctorum Patrum coaceruatis auctoritatibus haudquam opus esse videatur, cum antiquus scriptor Ecclesiasticus vllus vix inueniri potuerit, qui illius non meminerit: tamen vt curiosioribus satisfiat, tres hîc in medium auctoritates afferre non omitemus; vnâ Origenis, alterâ sancti Cypriani, tertiam verò diui Augustini, qui antiquissimi atque piissimi moris huius à Catholicis Christi fidelibus semper adhibiti luculentissimum perhi-

In Psal. 38.  
Homil. 2.  
circa me-  
dium.

bent testimonium: Ait igitur Origenes: *Vt ergo non exprobremur ab insipiente diabolo, conuertamus nos ab omnibus iniquitatibus nostris; ne deprehendens in nobis maculas peccatorum, id est, suæ voluntatis insignia, exprobet, & dicat: Ecce hic Christianus dicebatur, & signo Christi signabatur in fronte, meas autem voluntates, & mea chirographa gerebat in corde*. Et sanctus Cyprianus de Christo ad institutum hoc, & contra Iudæos scribens, sic ait: *Hic est lapis, quo Dauid frontem Golie percussit, & occidit: significans diabolum & seruos eius inde prosterni; victa scilicet ea capitis parte, quam signatam non habent. Quo signo nos & tuti semper sumus, & viuimus*.

Aduersus  
Iudæos,  
li. 2. c. 16.

In Psal. 68.

At diuus Augustinus de hac ipsa re longè apertiùs inquit: *Frontosus esto, quando audis opprobrium de Christo, prorsus esto frontosus. Quid times fronti tue, quam signo Crucis Christi armasti? Pium autem hunc & planè salutarem ritum irridere, & Christi fidelibus impropere consueuerat (quod & miseri hæretici exemplum eius secuti faciunt) impius Iulianus Apostata, cuius verba refert Cyrillus Alexandrinus in hunc modum: Et interim Crucis lignum adoratis, imagines illius in fronte & ante domos pingentes*. Et tamen damnatus ille, ac miser Christi rebellis, hoc sacrosancto signo pro incolumitate sua se ipsum munire, necessitate impellente, postea coactus est, vt inferiùs dicemus.

Contra  
Iulianum,  
lib. 6.

Lipoma-  
nus To. 2.  
Surius  
Tom. 2.

At non frontem tantum, sed & pectus, & cordis locum, oculosque & os, ac sæpè etiam totum corpus, pij reuera illi & sancti antiqui Christiani, Crucis signo signare consueuerant. Sic enim præcipuè se ipsam consignare solebat sancta Maria Ægyptiaca, vt colligitur ex ipsius vita, quam Paulus Diaconus litteris commendauit, Lipomanusque & Surius referunt; in qua hæc verba leguntur: *Hæc dicens, signo Crucis signat frontem suam, oculosque, & labia, simulque & pectori vexillum Crucis insigens*. Sicque sancti Christi Martyres pariter consignare se consueuerant, cum in idolorum templa traherentur, vt thus illis adolerent, & sacrificia offerrent, cum mortis sententiam expectabant, cum torquebantur, & denique cum martyrium ac necem ipsam subituri erant.

Surius  
Tom. 2.  
sub die 4.  
Aprilis.  
Illustra  
exempla  
Martyrū,  
qui se Cru-  
ce signa-  
runt.

Crucis signo in frontibus communiuere sese sancti martyres Theodolus & Agathopus, cum Iudici sistendi essent; vt habetur in ipsorum vita, quam Simeon Metaphrastes litteris commendauit, & Surius refert. Crucis quoque signo se præmuniuit sancta Martina, cum Alexandro Severo Imperatore iubente Apollinis templum ingressura esset; cuius Acta habentur in peruetusto Codice, siue Sanctorali manuscripto basilicæ Vaticanæ, & in illo qui in Ecclesia sanctæ Mariæ ad Martyres asseruatur: cuius stupore planè digna miracula, quæ per Crucis signi virtutem operata est, paulò post recensebimus. Sicque signauit se sanctus



- A sanctus Iulianus, cuius Acta habentur apud Episcopum Lipomanum Tomo septimo, & apud Surium Tomo primo; ubi pariter, id est septimo Lipomani Tomo, & Surij secundo, habentur Acta beatissimorum martyrum Terentij, Africani, & Pompeij: in quibus & aliis quamplurimis legitur, quod Martyres sancti, cum profana Paganorum templa ingrederentur, & Crucis signum sibi in frontibus designarent, idola, contra quæ reffabant, repente in terram corruerant. Crucis quoque signo munire se quadraginta duo Christiani & sancti Christi Martyres, expectantes se neci tradendos, cum Alexandri Seueri temporibus, à crudeli Almachio Urbis præfecto scirent se deprehensos fuisse simul congregatos: quorum martyrium describitur in Actis sanctæ Marmeniae, quæ fuit Vxor Carpasij percussoris sancti Urbani Papæ, in peruetusto codice manuscripto siue Sanctotali Lateranensi, ubi hæc habentur: *Denique impiissimus Almachius, non sufferens animo, cepit dona promittere plurima, si quis inuestigator Christianorum extitisset per quaecumque ingenium aut calliditatem, & ad eius intimeret aures. Vnde factum est, ut post tertium diem ei nuntiatum fuisset, Christianorum quosdam inuentos fuisse numero quadraginta duos. Iussit Almachius cuidam Anisio, ut illucque adiret, & sine interrogatione eos morti indiceret. Qui mox perrexit alacriter, ut impleteret facinus quod iussu à Præfectorio extitit Tribunali. Quas res sancti præscientes, armauerunt se signo Crucis, expectantes intrepidi mortem. Et orantibus sanctis vnanimiter, ecce ministri diaboli accesserunt, & capita eorum absque hæsitazione secare non distulerunt.*
- B

Cum tormentis & cruciatibus pariter addicendi erant, ac dum torquebantur sancti Martyres, Crucis signo se muniebant. Sic enim Pontianus martyr, cum Antonini Imperatoris temporibus apud Spoletum, super ardentes carbones nudis pedibus incedere cogeretur, Crucis signo se in fronte præmuniens, id intrepidè citra omnem læsionem executus est. Cuius Acta habentur apud Surium Tomo primo. Sicque nudis etiam plantis super igneos carbones, iniquo Iudice Fabiano iubente, in Diocletiani persecutione, nil læsus ambulauit sanctus Tiburtius: cuius martyrium describitur in Actis sancti Sebastiani, in antiquissimo codice manuscripto, siue Sanctotali Lateranensi. Sic denique sub eadem quoque Diocletiani persecutione, cum sanctus Georgius in foueam calcis recens extinctæ iniiciendus esset, totum corpus suum Crucis signo obsignauit, atque inde nullo affectus detrimento, incolumis exiuit; ut traditur in ipsius vita à Simeone Metaphraste descripta, quam refert Surius Tomo secundo.

- Demum verò inuicti Christi Martyres Crucis signo se muniebant, cum ob sanctæ Fidei testimonium martyrio & morte afficiendi erant. Sic namque sanctæ Martinæ tortores decem & septem numero, Crucis signum in frontibus sibi designarunt, cum ab eadem Virgine & Martyre persuasi, incredibilemque eius in cruciatibus constantiam, & miracula quæ in ipsius passione Deus operatus est, admirati, ad fidem conuersi, capite obtruncati sunt. Cuius sanctæ Martyris Acta leguntur in codice Vaticanæ basilicæ, & in antiquissimo Sanctotali sanctæ Mariæ ad Martyres, referunturque à Surio Tomo primo. Crucis signo pariter in fronte consignauit se sanctus Urbanus Papa & martyr; idque exemplum eius secuti fecerunt socij eius, Ioannes, Chromatius, Dionysius & Martialis, in eo temporis puncto, cum propter Christi fidem capite plectendi essent; quorum Acta descripta sunt in peruetusto codice manuscripto, siue Sanctotali Lateranensi, ubi hæc leguntur: *Tunc beatissimus Papa Urbanus extensis vultibus, erectisque ad cælum oculis, talia dixit: Rex Angelorum, Deus qui es omnium Sanctorum, suscipe in hac hora animas nostras, & ne confundamur, dum ad te properamus; sed annuera has inter Sanctorum animas tibi placentium in vitam æternam. Et cum hæc*
- D



hæc dixisset, respondentibus cunctis, Amen, & dicentibus, Fiat Domine secundum verba Patris nostri Urbani, ut laudemus nomen tuum in sæcula sæculorum; tunc sancti invicem sibi dantes osculum pacis, & munientes frontes suas vexillo Crucis, flectentes genua, & gratias Deo referentes, aiebant ad carnifices: Quid agitis? sursum extendite manus ad opus, perficite cæptum. Et paulò post subditur: Hæc ubi dicta dederunt Sancti, decollati sunt pro nomine Domini nostri Iesu Christi, octavo Kalendas Junij. A

Infinita propemodum similia, atque etiam maiora essent, quæ in hanc sententiam adduci possent exempla: sed quod hætenus breviter dictum est, satis superque sufficere poterit ad pium ac laudabilem morem probandum qui apud antiquos primitivæ Ecclesiæ Christi fideles receptus erat, sanctæ nimirum Crucis signo se consignandi, idque pro fidelium Catholicorum solatio & ædificatione, & pro miserorum hæreticorum emendatione, eorum videlicet qui corrigibiles erunt: nam de ceteris, qui in sua cæcitate & errorum suorum perveritate pertinaces esse voluerint (quorum, dum tales erunt, desperata est salus) B nil aliud nobis agendum superest, quàm ut toto cordis affectu Dominum nostrum Iesum Christum precemur; ut per pretiosi sanguinis sui in Cruce profusi infinita merita, horum Crucis inimicorum mentis oculos sic aperire dignetur, ut innumerabilia beneficia quæ per Crucem accepimus, agnoscentes in fidei unitate, unà cum sancta Ecclesia Catholica, Crucem piè venerentur, honorem & gloriam illi referentes, qui per sanctam Crucem suam ab æterna morte nos servavit ac liberavit. Amen.

## CAPUT III.

*Morem hunc, quo Crucis signo nos consignamus, sanctorum Apostolorum documentum extitisse, qui hoc sacrosancto signo se ipsos ac ceteros signare consueverant; idque à Domino nostro Iesu Christo illos didicisse.* C

NON satis sanè mihi fecisse videor, ad miserorum ac infelicium hæreticorum illorum iniquitatem ac cæcam pernicaciam penitus expugnandam & convincendam, qui pium ac laudabilem hunc morem quem fideles Catholici usu receperunt, Crucis signo se consignandi, impijs irrisoribus horribilibusque blasphemijs improbare non verentur, quòd præcedenti capite sufficienter atque apertè probauerimus, perutilem ac sanctam hanc consuetudinem statim unà cum sanctæ Ecclesiæ Catholicæ primis germinibus ortam esse; piosque ac sanctos illos primitivæ Ecclesiæ Christi fideles, magna cum utilitate spiritali & corporali, in cunctis honestis ac piis actionibus piè ea usos fuisse; nisi etiam id sanctorum Apostolorum documentum extitisse, qui in suam ipsorum & proximi utilitatem eo usi sunt, illosque à Domino nostro Iesu Christo illud didicisse probauerimus. D

Id autem sanctorum Apostolorum documentum extitisse, apertè colligitur atque probatur ex Constitutionibus Apostolicis à sancto Clemente Romano conscriptis, in quibus inter cetera quæ ad institutum nostrum facere videntur, hæc leguntur: Orans igitur per se Pontifex unà cum sacerdotibus, induensque vestem splendidam, & stans ad altare, trophæo Crucis se consignans in fronte dicat: Gratia omnipotentis Dei, & charitas Domini nostri Iesu Christi, & communicatio Spiritus sancti sit cum omnibus vobis. Et omnes una voce respondeant: Et cum spiritu tuo. Quæ quidem Constitutiones, licet inter Canonicos libros non recipiantur, magnæ

Constit. s. a.  
etorum A-  
postolorum,  
lib. 8. cap. 16  
En anti-  
quissimam  
benedictio-  
nem, etiam  
in Ecclesia  
usitatam.



A magnæ tamen auctoritatis semper in Ecclesia extiterunt, nec omnino inter apocrypha deputari possunt: imò in Canonibus Apostolicis, qui perpetuo constan-  
 tique omnium pænè Græcorum Patrum, & multorum Latinorum consensu & approbatione sunt recepti, Constitutiones prædictæ numerantur inter libros  
 venerandos & sacros, qui in Ecclesiis à clericis & laicis legendi erant: licet ibi dicatur, non omnibus passim peruulgandas esse, propter mystica quædam at-  
 que secreta quæ in eis continentur, vt cuique videre licet octuagesimo quarto & ultimo capite eorundem Canonum, qui à Sexta Synodo, Canone ad id  
 expressè edito, approbati fuere; cuius verba refert etiam Gratianus in Decre-  
 to, asserens, eandem Synodum Hadriani Papæ auctoritate confirmatam fuisse, licet viri docti non pauci aliter sentiant.

De Consti-  
 tutionum  
 Apostolica-  
 rum aucto-  
 ritate dis-  
 sertatio.

Distinct. 16  
 cap. Placuit,  
 & cap. Sex-  
 tam, eadem  
 distinctione

At si quis adeò scrupulis irretitus esset, cui eorundem quoque sacrorum Ca-  
 nonum non probaretur auctoritas, qui ab eodem sancto Clemente Romano  
 collecti fuere, sub eo prætextu quòd à Gelasio Papa inter apocrypha adnume-  
 rati fuerint, is sancti Ignatii martyris, tertij post diuum Petrum Antiochiæ Epi-  
 scopi (vt tradit S. Hieronymus) epistolas perlegat, quas, dum Romam ad sup-  
 plicium duceretur, in itinere ad diuersas scripsit Ecclesias; quæ omnium sancto-  
 rum Patrum & sacrorum Canonum auctoritate approbatæ sunt; illasque cum  
 prædictis Constitutionibus diligenter conferat: perspiciet enim eas locis plerif-  
 que non iisdem mentis conceptionibus tantum, iisdemque integris sententiis,  
 sed etiam iisdemmet verbis, quæ in prædictis Constitutionibus continentur,  
 refertissimas esse. Ex quo argumentari necesse est, vel sanctum Ignatium ante-  
 dictam easdem Constitutiones vidisse & approbasse, ad earumque imitatio-  
 nem epistolas suas dictasse; vel ipsum nec earundem auctorem extitisse; quip-  
 pe qui à sanctis Apostolis illas acceperat, easdemque sub Clementis nomine  
 postea, quo maiori auctoritati inniterentur, tamquam summi Pontificis, euul-  
 gatas. At quomodocumque res se habeat, sufficit nobis hinc apertissimè pro-  
 bari, nec nuper hos Constitutionum libros scriptos esse, neque in apocryphis  
 omnino numerandos, quos primæua illa habuit Ecclesia, & Apostolici viri  
 cognitos probatosque in suas scriptiones transtulerunt.

De Viris il-  
 lustris. vel  
 De Scripto-  
 rib. Eccle-  
 siasticis.

Verum quando hæc non sufficiant, benè sanè ad omnia satis esse poterit mul-  
 torum sanctorum Patrum auctoritas, quorum testimonium omnino grauissi-  
 mum esse debet, qui de Constitutionibus Apostolicis prædictis honorificè sen-  
 ferunt; inter quos sanctus Athanasius, in epistola ad Animum monachum, in  
 qua libros Canonicos recensuit, his aggregat doctrinam Apostolorum (sic enim  
 Constitutiones prædictas appellat) eas inter libros illos annumerans, qui licet  
 in Canone non sint recepti, ab his tamen spernendi non sunt, qui pietatis & ve-  
 ri cultus normam assequi cupiunt. Cuius verba ex Græcis Latinitati donata hæc  
 sunt: *Ceterum maioris & exactioris disciplina causa, addo, & illud scribens necessa-  
 riò, præter superiores, libros esse alios non Canone quidem probatos, sed veterum auctori-  
 tate, illis qui pietatis Clementis imbuendi essent propositos: Sapientiam nempe Salomo-  
 nis, Sapientiam Sirach, Esther, Judith, & Tobiam (videtur intelligere Apostolorum  
 Constitutiones, quæ nomine Clementis nunc habentur, doctrinam etiam Apostolorum  
 nomine nuncupatam) ipsum denique Pastorem.*

Veterum  
 iudicia, de  
 Constitu-  
 tionibus A-  
 postolicis.

De S. Tri-  
 nit. Epist.  
 ad Animum  
 monach.

Eusebius verò Cæsariensis, S. Athanasij sententiam secutus, Constitutiones  
 prædictas neque inter eos libros qui pro Canonicis ab omnibus Ecclesiis rece-  
 pti erant adnumeravit, neque inter apocryphos; sed inter illos, quos non omnes  
 Ecclesiæ agnoscebant. Quòd si ad quorundam dubitationem non respexisset,  
 illas inter Canonicas scripturas proculdubiò aggregasset. His addatur auctoritas  
 sanctorum Ioannis Chrysostomi, Damasceni & Epiphani, qui Audiano hæ-  
 reticos

Eccl. Hist.  
 lib. 3. c. 19.



Lib. 3. To. 1  
contra Au-  
dianorum  
sectam.

reticos refellens, ad Constitutionum prædictarum auctoritatem falsò deflectere A  
volentes, quasi canoni illi respondere vellet, qui Sextæ Synodi illegitimè postea  
attributus est, inquit: *Ceterum ad hoc asserunt falsò iidem Audiani Apostolorum*  
*Constitutionem, quæ apud multos in ambiguo est, sed non reprobata: omnis enim regu-*  
*laris ordo in ipsa habetur, & nihil à fide adulteratum, neque à confessione, neque ab Ec-*  
*clesiastica gubernatione ac regula.*

Totam hanc digressionem ad Apostolicarum Constitutionum prædictarum  
veritatem ac sinceritatem ostendendam fecimus, arbitrati illarum auctoritate  
abundè probasse, sanctum ritum illum ab antiquis primitivæ Ecclesiæ Chri-  
stianis vsu receptum, & à nobis quoque ad hanc usque diem piè adhibitum,  
Crucis videlicet signo nos consignandi sanctorum Apostolorum documentum  
exitisse. Quod etsi pro fidelibus Catholicis satis superque sit firma probatio,  
tamen pro illorum ædificatione, & pro eorum curatione qui in sanctæ Ecclesiæ  
Catholicæ ritibus deprauatum atque corruptum gustum habent, nisi tamen B  
eorum infirmitas omnino incurabilis sit, abundè atque amplissimè probabi-  
mus, eosdem sanctos Apostolos ritum hunc ad suam & proximi utilitatem piè  
adhibuisse, se ipsos ac ea quibus benedicere volebant Crucis signo consignan-  
tes: idque apertè probabimus, non sanctorum Patrum testimonio tantum,  
quorum auctoritati gravissimæ, nemini qui Christiani nomen retinere velit,  
contradicere licet; verum etiam ex Actorum vitarumque illorum historiis,  
à gravissimis scriptoribus Ecclesiasticis, quos communis probat auctori-  
tas, conscriptis.

Et quidem quoad Patres, sanè pro multis satis magni ponderis esse poterit  
clarissimi Ecclesiæ luminis diui Augustini auctoritas, qui apertè testatur, glorio-  
sos Apostolorum Principes Petrum & Paulum, dum orbem terrarum peragra-  
rent Euangelium prædicantes, & verbi Dei semen in Gentium populos seren-  
tes, Crucis signo eos qui ad fidem conuertebantur consignasse, sic enim inquit: C  
*Mittit Petrus in seculum retiaculum, circumfert Paulus Dominicum in mundo vexil-*  
*lum: & iste piscator hominum, & ille titulat signo Crucis Gentiles.* Quin etiam idem  
Augustinus asserit, ipsum Paulum Apostolum Crucis signo ab Anania tunc  
signatum fuisse, cum equo præceps delapsus, & ad Christi Domini cōspectum,  
qui in itinere illi apparuerat, cæcitæ percussus, in Damascum ad manus du-  
ctus est; vbi postquam Ananias Domino iubente imposuisset illi manus, ceci-  
derunt ab oculis eius quasi squamæ, & visum recepit, ac baptizatus est: *Dici-*  
*tur, inquit, Ananiæ à Domino Iesu Christo: Vade ad eum, & signa eum caractere*  
*meo: multa enim patietur pro nomine meo.* Et non solum hoc dixit idem S. Augu-  
stinus in Sermone quem habuit de gloriosi Protomartyris Stephani martyrio,  
sed in Sermone suo in sanctorum Principum Apostolorum festiuitate, id quo-  
que iisdem verbis replicauit hoc modo: *Accede ad eum, & signa eum chara-*  
*ctere meo.*

D  
I. Tim. 4. Et sanctus Ioannes Chrysostomus, in verba illa Apostoli scribens, *Omnis*  
*creatura Dei bona est, & nihil reiiciendum, quod cum gratiarum actione percipitur;*  
*sanctificatur enim per verbum Dei, & orationem;* affirmat sanctificationem hanc,  
iuxta Pauli doctrinam & mentem, tunc fieri, semperque signo Crucis adhi-  
bito faciendam: *Duo capita, inquit, ponit Apostolus, vnum quidem, quod creatura*  
*nulla communis est: secundò, quod et si communis sit, medicamentum in promptu est. Si-*  
*gnum illi Crucis imprime, gratias age, Deo gloriam refer; & protinus immunditia om-*  
*nis abcessit.* Et paulò post subdit: *Num si vlla caro immunda est? Non, si cum gra-*  
*tiarum actione percipitur, Crucisque signaculo; nec aliud quidquam immundum est.*  
Idem quoque scripsit Theophylactus, licet breuiter magis & subobscurè, in huc  
modum:

In Epist. 1.  
ad Tim.

Homil. 1. 2.  
Tom. 4.



A modum: Nam primum per instantiam dicit nihil esse immundum: deinde per concessionem, *Demus, inquit, quod quiddam sit immundum, sed habes medicinam; signa, gratias age, glorifica Deum, ac deficit immunditia.* Ex quibus verbis colligitur, duos hosce Patres opinatos, quod Pauli temporibus Christiani qui ab ipso edocti erant, cibos ab eis edendos signo Crucis signare consueuissent. Quin etiam diuus Augustinus id pro constanti ac firmo se tenere innuit; nam aduersus Pelagianos scribens, in hanc sententiam inquit: *Verum & ipsos cibos, quibus ad necessitatem sustentandæ huius vitæ alimur, sanctificari idem Apostolus dixit per verbum Dei, & orationem qua oramus, utique nostra corpuscula refecturi.*

In cap. 4.  
ep. 1. ad Ti-  
moth.

De peccat.  
merit. & re-  
mis. contra  
Pelag. li. 2.  
c. 26. To. 7.

At ubi facti euidentiam tenemus, per coniecturas incedere non est opus. Idem enim Augustinus, de omnibus duodecim Apostolis in vniuersum loquens, aperte ostendit eosdem, dum Euangelium prædicantes per orbem terrarum progredierentur, credentes Crucis signo consignare solitos fuisse, & vnâ cum ipso Crucis signo, Crucis fidem eos docuisse, sic enim tradit: *Duodecim misit, & tamen per eos sic omni genere piscium impleuit Ecclesias, ut plurimi etiam ex ipsis sapientibus sæculi, quibus videbatur ignominiosa Crux Christi, ea in frontibus signentur: & de qua erubescendum putabant, nobisque insultabant, eam in pudoris arce constituunt.* Quæ verba refert etiam Beda, sua in primi capitis Epistolæ primæ ad Corinthios expositione. Præterea idem S. Augustinus affirmat, Protomartyrem Stephanum Crucis signo in fronte fuisse consignatum; inquit enim: *Domini, qui cinxerat, qui probauerat, qui ei characterem non in manu, sed in fronte posuerat, spectabat de super militem suum.* Et alibi de eodem sancto Stephano verba faciens, subdit: *Quid agitis o Iudei? non timetis ouem Christi pedissequam, quæ habet in fronte sua nomen Patris, & Filij, & Spiritus sancti? Ipsum est signum, quod vobis in Stephani fronte lucebat: hoc signum viderunt celi, & patefacti sunt; & tamquam ostenso signaculo in specie Angelorum, patefactæ sunt portæ celorum.* Et hæc de sanctorum Patrum auctoritatibus, quæ testimonium perhibent, sanctos Apostolos Crucis signum adhibere solitos fuisse, breuiter hætenus dixisse sufficiat. Accedamus nunc ad historias.

In octauo  
fragmento  
Sermonis in  
Quinquag.  
Resurrect.  
Domini,  
Tom. 10.

Ser. 92. De  
diuersis, in  
Nat. S. Ste-  
phani, c. 4.

De diuersis  
Ser. 99. De  
S. Proto-  
mart. Ste-  
phano, c. 3.

Sanè si mentis aciem in considerationem illam intenderimus, celebriores nimirum Historicos, ac temporum illorum Scriptores, in quibus sancti Apostoli in humanis agebant, Ethnicos fuisse, & cum sanctâ ac tunc exorientem religionem nostrâ odio haberent, non solum in Christianorum rebus præclare gestis conscribendis studium ac diligentiam non adhibuisse, sed potius maleuolo animo illas tacuisse, & ut easdem obliuionis tenebris obruerent, totis viribus curauisse. Atque insuper si ad memoriam reuocare velimus calamitates, miseriae ac persecutiones, quas temporibus illis nostri passi sunt, qui angustiati, afflicti, pauperes, mendici, & fugitiui, nec etiam in ipsis terræ cauernis tuti erant; ita ut licet inter ipsos multi docti ac præstanti ingenio viri extiterint, qui de ipsorum gestis illustres ac memorabiles historias texere potuissent, tamen non tantum otij, commodive, aut temporis ad id faciendum suppetebat, sed ne respirandi quidem locus erat iis qui in summis calamitatibus & ærumnis vitam traducebant; non erit profecto cur miremur, quod de prædictorum sanctorum Apostolorum gestis tam tenuis ad nos peruenerit noticia. Quin etiam magna admiratione adhuc meritò dignum existimabimus exile hoc lumen, quod Dei optimi maximi misericordia in tam obscuris tenebris nobis affulget, idque in nequissimi dæmonis confusionem, qui totis conatibus semper enixus est ut rerum ab eis gestarum memoriam extingueret; non secus ac per hæreticos ministros suos conatus est, & ad hanc usque diem conatur, ut Crucis signi usum sibi adeò inuisum atque molestum auferat.

Causa, cur  
tam pauca  
habeamus  
de gestis A-  
postolorum,



Qui quidem vsus, quemadmodum à sanctis Apostolis in Dei Ecclesia sanctè introductus est, atque ab ipsis vtiliter adhibitus, sic etiam proculdubiò credendum est, à diuo Petro, tamquam Principe & Apostolici ordinis capite, cui vnà cum primatu, maiorum etiam miraculorum patrandi auctoritas & prerogatiua à Christo Domino tradita fuit, ita vt sola corporis sui vmbra sanaret infirmos, crebrius quoque atque frequentius pro fidelium eruditione ac profectu adhibitum fuisse. Cuius tamen rei, ob diaboli nequitiam, atque ob eas quas retulimus causas, tenuissimum monimentum ad temporum nostrorum memoriam propagatum est. Quamobrem contentos nos hîc esse oportet duarum tantummodò actionum commemoratione, quas per Crucis signum operatus est. Quarum prima litteris commendata est in actis, quæ inter ipsum ac Simonem Magum Romæ intercesserunt; cum idem Simon post magicarum artium suarum extrema molimina, Romano populo conspiciente, defunctum adolescentem illum, quem aliqui Neronis Imperatoris consanguineum fuisse scribunt, reuocare in vitam nequisset: cumque illum Petrus à mortuis excitasset, viuumque & incolumem parentibus reddidisset, populus Magum lapidibus obruere volebat, iuxta pactum quod ipsemet proposuerat, sed Petrus id non tulit, liberumque & illæsum abire permisit. Is verò confusus, & magna iracundia ob vlciscendi libidinem incitatus, ad domus Marcelli, eiusdem diui Petri discipuli postes, ingentem canem, siue dæmonem sub canis forma, alligauit, vt venientem Petrum dilaniaret. At ipse illuc accedens, facto Crucis signo canem exsoluit; qui postea nemini ferus aut molestus, Magum ipsum solum aggressus, omnia vestimenta eius dilacerauit, nullo alio tamen ei illato detrimento, vt ipsi diuus Petrus præceperat. Quem actum refert Episcopus Petrus de Natalibus in Catalogo his verbis: *Tunc Simon ad domum Marcelli, discipuli Petri, canem maximum alligauit, vt Petrum ad discipulum ex more venientem laceraret. Post modicum Petrus venit, & facto signo Crucis canem exsoluit; canis autem omnibus blandiens, solum Simonem persecutus, in ipsum insiluit; & vt sibi Apostolus iusserat, corpus quidem eius non lesit, sed vestes totaliter lacerauit.*

*S. Petrus de Simone Magico per signum Crucis triumphauit:*

*In Catalog. lib 6, c. 22.*

*Et fontem Processu & Martiniano aliisque baptizandis excitauit.*

Secundus verò actus, quem authenticè scriptum inuenimus, in quo Apostolorum Princeps Petrus Crucis signum adhibuit, ille fuit, cum ipse vnà cum Coapostolo suo Paulo Romæ in carcere illo detineretur, quem Mamertini custodiam tunc appellabant, vbi nunc est ecclesia sancti Petri in carcere: nam Processus & Martinianus carceris illius custodum Præfecti, qui Christi postea gloriosi martyres extitère, cum multa cernerent miracula quæ iidem sancti Apostoli faciebant, baptizari efflagitabant. Sed cum ibi non adesset aqua, beatissimus Apostolorum Princeps Petrus Crucis signum rupi impressit, & fons illicò emanauit, qui ad hanc vsque diem ibi conspicitur; ex cuius aqua Processus & Martinianus prædicti, & post eos cuncti qui carceribus mancipati, ad septem & quadraginta numerum ibidè detinebantur, Baptismi lauacro regenerati sunt. Sic enim habetur in eorumdem sanctorum Martyrum Actis, quæ refert Surius Tomo quarto, sub die secunda Iulij: sicque litteris consignatum est in peruetusto codice manuscripto, siue Sanctorali vel Passionario ecclesiæ sanctæ Cæcilie de Vrbe, in hæc verba: *Tum omnes se abiecerunt ad pedes Apostolorum, rogantes vt Baptismum ab eis perciperent. At verò beatissimi Apostoli orauerunt Deum, orationeque expleta, beatus Petrus in monte Tarpeio signum Crucis expressit, in eadem custodia Mamertini, atque eadem hora emanarunt aquæ e monte; baptizatique sunt beati Processus & Martinianus à beato Petro Apostolo. Hoc vt viderunt cuncti qui erant in custodia, prostrauerunt se ad pedes beati Petri Apostoli, & baptizati sunt promiscui sexus & diuersæ ætatis numero quadraginta septem.*

De



**A** De glorioso Gentium Doctore pariter legitur, quòd ad sui ipsius ac proximi beneficium Crucis signum adhibere consueuerat. Hilduinus enim Abbas monasterij sancti Dionysij in Galliis prope Parisiorum Lutetiam, qui Ludouico Pio Imperatore efflagitante S. Dionysij Areopagitæ Acta ex antiquissimis Græcorum ac Latinorum monumentis excerpta conscripsit, & Areopagitica appellauit, refert, eundem sanctum Apostolum, dum Athenis ageret, cæcum à natiuitate Crucis signo illuminasse, præcepisseque ei, vt Dionysium Areopagitam adiret, diceretque, quòd Paulus Iesu Christi seruus illum ad eum ablegauerat, vt memor sponsionis suæ, ad se venire vltèrius non cunctaretur, vt Baptismi gratiam perciperet, qua à peccatorum vinculis absolueretur. Cuius miraculi admiratione obstupefactus atque impulsus idem sanctus Dionysius, ad Baptismum illuc appropinquauit. Quæ Acta Areopagitica nuncupata, habentur apud Suriium Tomo quinto, sub die nona Octobris, vbi hæc leguntur: *Postero autem die cum*

*S. Paulus  
cæcum Cru-  
cis signo il-  
luminauit.*

**B** *Paulus ageret iter, cæcus quidam cœpit eum obsecrationis vocibus compellare. Sanctus autem Apostolus Crucis signum clausis à natiuitate eius oculis imposuit, dicens: Christus Dominus & Magister noster, qui oculis lutum imposuit cæci nati, & lumen restituit ei, ipse te potentia sua illuminet. Quem mox videntem, his est verbis affatus: Vade, inquit, ad Dionysium, & dic ei, Quia Paulus seruus Iesu Christi ad te me misit, vt memor sponsionis tuæ, ad eum venire non differas, quo Baptismum salutis accipiens, ab omnibus possis absolui nexibus delictorum. Is autem qui lumen recepit, obedienter verba iubentis impleuit, & ad Dionysium properans, Pauli ei verba per ordinem nuntiauit. Hæc ibi. Huius autem miraculi meminit etiam Augustinus, obiter tamen ac breuiter, ad vltèriora pertransiens, cum dixit: *Petrus tenebras & vitia pellit ex oculis, Paulus reddit oculos à natiuitate cecatis.**

*De Sanctis,  
Serm. 29.  
Tomo 10.*

Semetipsum quoque idem Apostolus in mortis suæ articulo Crucis signo communiuit. Ad locum enim cum peruenisset, vbi capite obtruncatus est, ad Orientem conuersus, prolixius orauit; deinde verò dato pacis osculo his Christi fidelibus qui ipsum secuti fuerant, genuflectit; & Crucis signo sibi impresso, collum carnifici vltro extendit. Sic enim litteris commendatum est in libro, qui sub Abdæ Babyloniorum Episcopi nomine, ab Apostolis constituti, circumfertur, his verbis: *Paulus verò cum venisset ad locum supplicij, conuertit se contra Orientem, & eleuatis manibus & oculis suis ad cælum, deuotissime orauit: & completa oratione, dedit pacem fratribus qui eum secuti fuerant, & valesaciens eis, flexis genibus, Crucisque signo se muniens, ceruicem præbuit percussori. Qui liber licet à quibusdam inter apocryphos connumeretur, ego tamen censerem, illum in eo quod est ædificationis, dum sanctorum Apostolorum virtutes & miracula recenset, & cum aliis Scriptoribus Ecclesiasticis qui communiter recepti sunt, concordare cernimus, non solum non reiiciendum, sed omni potius veneratione recipiendum, & pergrato animo amplectendum. Eadem quoque referunt Iacobus de Voragine, Ioachimus Perionius, & alij plerique qui eiusdem Apostoli vitam pio stilo profecuti sunt.*

*Idem Apostolus, mortem subiturus, Crucis signo se munuit.*

*Apostolicæ  
historiæ  
lib. 2.*

**D** Memoria quoque proditum est in eodem libro, sanctum Andream Apostolum Crucis signum adhibuisse, eiusque virtute admiranda planè miracula patrasse. Dum enim Thraciæ prouinciam peragraret, discipulis suis, aliisque Christi fidelibus eum comitantibus, occurrit eis ingens armatorum hominum manus, qui strictis ensibus, hastatisque armis eos inuadere contendebant: quod eminens prospiciens beatus Andreas, Crucis signum in illos intorsit, & confestim semimortui deciderunt; ipse verò cum suis illæsus pertransiit. Quod miraculum hisce verbis ibidem relatum est: *Inde progressi, vt transirent Thracias, occurrit eis multitudo hominum à longè cum euaginatiss gladiis, lanceas manu gestantium,*

*S. Andreas  
illustra mi-  
racula Cru-  
cis signo  
operatus.*



qui volebant in illos irruere; quod cum vidisset Andreas Apostolus, faciens Crucis signum contra eos, ait: Oro Domine, ut decidat pater eorum qui hac eos agere instigauit: conturbentur virtute diuina, ne ledant sperantes in te. Hac eo dicente, Angelus Domini cum magno splendore prateriens, tetigit gladios eorum; & mox corruerunt proni omnes in terram; & ita beatus Andreas Apostolus cum suis sine detrimento prateriuit. A

Iterum quoque, ut in eodem libro memorie proditum est, beatus Andreas Crucis signum valde opportunè adhibuit. Dum enim apud Patras Achaiae moraretur, ipsum conuenit quadam die Maximilla Ægeæ proconsulis vxor, vnà cum aliis permultis familiaribus suis in eiusdem Proconsulis prætorio, ut illum audirent; ac repente nuntiatum est aduentare Proconsulem, qui si suos ibi congregatos deprehendisset, omnes proculdubio vnà cum ipso Apostolo perdidisset. Sed Sancto orante ad Dominum, quædam naturalis corporis necessitas Ægeam occupauit, quæ illum distinuit: Apostolus autem, cum singulis manum imposuisset, Crucisque signo consignasset, illos securos dimisit; domumque, cum se ipsum quoque eodem sacrosancto signo muniuisset, non deprehensus, inde discessit. B

Abdiæ ista sunt verba: *Quod cum fecisset, antequam Proconsul prætorium fuisset ingressus, sanctus Apostolus manus singulis imponens, & consignans Cruce, eos abire permisit: nouissimè autem se signans, & ipse discessit.* Hoc autem diui Andreæ insigne facinus refert etiam Vincentius Bellouacensis, in suo Historiali speculo.

Item S. Iacobus Apostolus solènter signo Crucis usus est: Ex eiusdem pariter libri lectione percipitur, sanctum Apostolum Iacobum maiorem, Crucis signum adhibere solitum. Ibi enim legitur, quod Iosia Leuita Hebræus, qui sancti Apostoli collo funem iniecerat, cum vidisset paralyticum ab eo mirabiliter sanatum, dum Herodis iussu ad supplicium traheretur, ad pedes eius prouolutus humiliter veniam deprecatus est, summisque precibus, ut Christianum eum faceret, efflagitabat. Quod cum Abiathar, qui anni illius Pontifex erat, accepisset, re confestim de illo per nuntium ad Herodem perlata, obtinuit ut simul cum Apostolo capite plecteretur. Cumque ambo ad supplicij locum ducti essent, Iacobus, antequam morte afficeretur, aquam sibi afferri à ministris impetrauit; qua sibi allata, illum baptizauit, & dato ei pacis osculo, fronteque eius Crucis signo communita, ceruicem protinus exhibuit percussori. C

Et S. Ioannes Apostolus & Euangelista. De sancto verò Ioanne Apostolo & Euangelista, eiusdemque Iacobi fratre, etiam maiora ad memoriam nostram propagata sunt testimonia, quàm de quouis alio Christi Apostolo, qui Crucis signum adhibere consueuisset. Legimus enim in ipsius vita, quam Simeon Metaphrastes conscripsit, quemdam Christianum, qui quandoque diues erat & facultatibus abundabat, cum ad summam rerum redactus esset inopiam, nimioque ære alieno grauaretur, ita ut creditores illum opprimerent, nescientemque quod aliud remedium desperatis rebus suis adhibere posset, mori omnino decreuisse; idèoque Hebræum quemdam maleficum, & veneni parandi peritissimum conuenisse, ingentique angustia & calamitate qua premebatur illi exposita, & consilio quo mori statuerat, ut sese tantis æruinis eriperet, communicato, rogauit illum ut potionem aliquam exhibere vellet, quæ compendio, & minore qua fieri posset molestia vitam sibi auferret. Quo audito Hebræus ille præstigiator, lucri percupidus, & ad omne patrandum facinus promptissimus, mortiferum quemdam liquorem in vase protinus illi exhibuit, suadens, ut illum intrepidè deglutiret; affirmans quod præter omnem dolorem atque molestiam, vitam illi erepturus erat. Miser autem Christianus ille, accepto vase domum redijt, ibique internis anxietatibus colluctatus, hinc naturali moriendi repugnantia, il-  
linc



A hinc verò miseriarum suarum odio, diu anxius, & inextricabilibus molestiis conflictatus est: demum verò moriendum omnino sibi statuens, pavidus ac tremens vas in manibus accepit, & Crucis signo illud consignans, vt mos Christianorum erat, clausis oculis venenum hausit: quod omnino innocuum illi fuit, quia sacrosanctum Crucis signum vim & vitium omne illi abstulerat.

*Admirabile beneficium, virtute Crucis homini desperato concessum.*

Quamobrem cum ille incolumem se persistere sentiret, venenum illud non satis efficax extitisse arbitratus est; cumque à creditoribus magis magisque obsideretur & opprimeretur; ideoque omnino sibi moriendum esse iterum statuisset, denuò ad veneficum Hebræum reuertitur, ab eoque maiore oblata pecunia, aliquod aliud pharmacum adeò potens & efficax sibi dari efflagitat, vt corporis sui robustam valetudinem opprimens, mortem protinus inferret. Hebræus autem obstupescens, quòd viuum & incolumem illum conspexisset, potionem aliam tot letalibus venenis refertam illi miscuit, vt leones & vrsos ad primum haustum interimere valuisset. Verum misellus ille, mortifera potione accepta, domumque secum allata, cum non satis haberet animi ad illam protinus intrepidè bibendam; postquam diu anxius, duplicibus curis inextricabiliter secum decertasset, demum vase in manibus accepto, & Crucis signo consignato, languidus ac tremens, & præ angustia totus sudore manans, clausis oculis illud ori admouit, & iterum venenum ebibit, quod non secus ac primum, iterum illi fuit inuocuum. Quamobrem ingenti admiratione correptus, planè obstupescens, non intelligens Crucis signum veneni vim & vitium hebetasse atque obtudisse. Itaque rerum suarum maiore quàm antea desperatione impulsus, tertio Hebræum veneficum conuenit; & sese ab eo delusum ratus, de ea re grauer conuestus est. Hebræus autem optimè sibi conscius, quam potionem illi tradidisset, pro certo sibi persuasum habuit, non satis animi homini adfuisse ad venenum illud ebibendum. At cum Christianus ille iteratis vicibus iureiurando affirmasset, se illud totum reuera bibisse; præ admiratione ac stupore nimio in delirium præne prolapsus est: cumque animo ad id planè non acquiesceret, enucleatim & per singula illum interrogare coepit, quid antè, quidve in ipso actu bibendi venenum illud egisset; & cum nihil aliud eum fecisse cognouisset, quàm Crucis signo illud consignasse, protinus intellexit, signum illud proculdubio à veneno suo mortiferam vim abstulisse: tamen vt Christianum illum certiore faceret, fidelem se operam in eo negotio illi præstitisse, vtque se ipsum prorsus certiore faceret, nonnihil potionis illius cuidam cani suo propinauit, qui confestim mortuus corruit.

Quamobrem nullam aliam demonstrationem requirens, malisq; artibus suis nuntium remittens, & Iudaicam perfidiam exuens, Christianismum amplecti statuit. Ac proinde ad dilectum Christi discipulum statim contendit, illique admirandum factum illud, & spiritum quo afflatus erat, ac sanctum consilium quod ceperat exponens, humiliter ab eo baptizari efflagitauit. Qua in re benignè à sancto Apostolo confirmatus est. Qui causa cognita, qua pauper Christianus ille sibi ipsi mortem consciscere statuisset (quo in facinore animam simul cum corpore perdidisset) accersitum ad se, cum de desperata & diabolica deliberatione illa acriter coarguisset, blandis postea atque benignis verbis illum confirmare atque solari coepit. At cum cerneret misellum ipsum ingenti adeò ære alieno oppressum, totque ærumnis & calamitatibus vexatum, vt longè alio quàm verborum leuamine leniendus esset, cumque nihil aliud haberet, quod illi largiri posset, herbæ, quæ in proximo erat, tantum è terra excerpere iussit, quantum am-

*Quo veneficus quidam Hebræus incitatus Christianismum amplectitur.*



*Herba, vir-  
tute Crucis,  
à S. Ioanne  
Apostolo in  
aurum com-  
mutata.* **A**  
babus posset manibus comprehendere, factaq; oratione, & herba illa signo Cru-  
cis cōsignata, in aurum purissimum mirabiliter conuersa est: cuius ex parte cū  
bonus Christianus ille æs alienum contractum dissoluisset, ex reliquo deinceps  
modestam ac sanctam vitam duxit. Hæc omnia, quæ hîc summatim perstrinxi-  
mus, fusiùs eiusdem Ioannis Euangelistæ vita continentur, quam à Simeone

**Tomo 1.** Metaphraste conscriptam, vt diximus, Episcopus Lipomanus postea inter San-  
ctorum vitas collegit; ab Oecumenij decerptam libro, vbi typis excusa & Lati-

**Tom. 6. sub  
die 17. Dec.** nitati reddita, post Apocalypsis versionem reperitur: demum verò à Surio, suis  
in Sanctorum quoque vitis translata est. De aliis autem huic similibus ab eo-

**De vita &  
morte San-  
ctorum.** dem Ioanne Euangelista editis miraculis, meminit & sanctus Isidorus his ver-  
bis: *Cuius quidem Apostoli & Euangelistæ Ioannis, inter alias virtutes, magnitudo  
signorum hæc fuit: mutauit in aurum siluestres frondium virgas, littoreaquæ saxa in gem-  
mas: item gemmarum fragmina in propriam reformauit naturam.*

**B**  
Crucis quoque signum ad sui ipsius effugium, & ad circumstantium docu-  
mentum, idem Ioannes Apostolus & Euangelista tunc adhibuit, cū calix ve-  
neno plenus illi porrectus est ab Aristodemo sacerdote templi Dianæ Ephesiæ,  
qui de Christi diuinitate atque potentia cū experimentum hoc pacto capere  
volebat, postquam duo alij qui venenum idem ebiberant, defuncti essent, ipse  
sanctus Apostolus, cū Crucis signo seipsum mutuiisset, non solum illud citra  
omnem læsionem intrepidè bibit, verum etiam illos duos viros propter eam-  
dem veneni potionem mortuos ad vitam reuocauit. Quæ quidem historia dili-  
gentissimè proditur in eo quem superius citauimus libro Abdiæ primi Babylo-  
niorum Episcopi, vbi pro eiusdem miraculi narrationis epilogo hæc habentur:

**Lib. 5. f. 67.** *Tunc beatus Ioannes Apostolus, iacentibus mortuis his qui venenum biberant, vt intre-  
pidus & constans, accepit calicem, & signaculum Crucis faciens, ita locutus est. Et pau-  
lò post subdit: Et cū hæc dixisset, os suum, & totum semetipsum armauit signo Cru-  
cis, & bibit quod erat in calice.* Cuius miraculi sic meminit etiam sanctus Isido- **C**

**De vita &  
morte San-  
ctorum.** *rus: Bibens letiferum haustum, non solum euasit periculum, sed eodem prostratos poculo  
in vitæ reparauit statum.* Hoc etiam admirandum beati Ioannis facinus refert  
**Lib. 3. c. 7.** Petrus Natalis in sanctorum Catalogo: affirmatque, eundem Apostolum,  
antequam venenum biberet, Crucis signo illud consignasse.

Denique Crucis signo se ipsum communiuit idem sanctus Apostolus &  
Euangelista, cū ex hac ad alteram planè meliorem vitam migraturus esset, vt  
**Lib. 2. c. 42** refert Nicophorus Callistus in sua historia Ecclesiastica, dum inquit: *Cū du-  
dum transitionem suam ad Deum, diemque & horam eius præuidisset Ioannes; Presby-  
teris ministrisque Ecclesiæ, & præterea quicumque flagranti essent fide, fratribus assum-  
ptis, extra Ephesiorum urbem progreditur: & cum eis in vicinum quemdam tumulum,  
quò frequenter ire precationi operam daturus solebat, conscendit. Ibi vehementius orans,*

**Idem A-  
postolus  
ingressurus  
sepulchrum  
se Cruce  
cōmunivit.** *ecclesias Deo commendat. Mox sarculis quibusdam & ligonibus celeriter sepulchrum  
sibi fodi præcipit; deinde eos qui tum aderant, arcanis de Deo verbis, & præceptis opti- **D**  
mis de fide, spe, & potissimum dilectione (quippe dilectus ipse) erudit, & corda eorum  
confirmans, Seruatori verbo commendat. Postremoque illis in Domino saluere & vale-  
re iussis, vbi se Crucis signo communisset, in monumentum descendit. Idem quoque asse-  
ritur in ipsius vita, quam edidit Simeon Metaphrastes, iam pridem ab Episco-  
po Lipomano<sup>a</sup>, demum verò à Surio<sup>b</sup> collecta, in qua hæc præcipuè inter cetera  
leguntur: Hîc, inquit, filij mihi fodite. Deinde vbi se totum consignasset, ac dixisset, Pax  
vobis, fratres, in foueam demisit pallium, & ipse quoque in eam descendit.*

<sup>a</sup> Tom. 1.

<sup>b</sup> To. 6. sub

die 27. Dec.

Beatus Petrus Damiani Cardinalis, & Episcopus Ostiensis, in quodam Ser-  
mone suo ad posterorum memoriam litteris commendauit, eundem Aposto-  
lum & Euangelistam quadratam sibi foueam in Ecclesia fodi iussisse, cumque  
in eam



A in eam descendisset, & brachia in Crucis formam extendisset, prolixiusque orasset, demum ex hac vita migrasse: confestim verò immensam lucem è cælo emissam illum obtexisse, tanto splendore effulgentem, ut nullius eam ferret aspectus: demum luce illa euanescente, nihil aliud in fouea inuentum fuisse, præter manna quoddam, quod ad suam usque diem scaturire dicebatur. Additque ibi causam, cur idem Christi Domini dilectus ad Crucis formam in sepulchro iacere voluerit, inquiens: *In sepultura in Crucis modum iacere voluit, quia Crucem in suo corpore pie viuendo semper portauit: & sicut Petrus magistrum secutus, est à persecutoribus crucifixus; ita quodammodo & Joannes in ecclesiastica pace sepultus.*

B. Petri Damiani Ser. 2 de S. Ioan. Euangelista, apud Suriū Tom. 6. sub die 27. Dec.

S. Thomas Apostolus Crucis signo frequenter quoque usus.

Abdias Babyloniarum Episc. Apost. hist. lib. 9.

De beato quoque Thoma Apostolo memoriæ proditum est, quod Crucis signo uti solitus esset. Legimus enim in ea Apostolica historia, quæ sub Abdias primi Babyloniarum Episcopi nomine circumfertur, quam sæpè iam in medium adduximus, quod Rex vltioris Indiæ indignatus contra eundem Apostolum, quod pauperibus elargitus esset pecuniam quam ab eo acceperat, ut palatium ipsi Regi ædificaret, ut pollicitus erat (quod tamen in cælis, non autem in terris ædificandum intelligebat Apostolus) in carcerem illum detrudi iussit. Quod eiusdem quoque Regis frater iniquè ferens, tantam nimirum pecuniæ vim adeò infructuosè, ut putabat, absumptam, instabat apud Regem, ut Thomas capite plecteretur: cumque ob grauiorem hinc iracundiam & commotam bilem in morbum decidisset, triduo oculis clausis decubuit, non manducans, non bibens, non verbum faciens, neque respirans, ita ut omnes eum iam obiisse putarent. Denique cum ad se tamquam è graui somno experrectus rediisset, rogauit Regem, ut in ditionem suam transferre vellet palatium, quod vir ille peregrinus (Thomam intelligens) ipsi Regi ædificauerat. Quo sermone obstupescente Rege, cum sciret Apostolum nullum palatium construxisse; ait illi frater: Scito, ô Rex, me à duobus viris ductum, ostensumque mihi fuisse palatium tanta magnificentia, tanto splendore, tanta maiestate, tanta amplitudine, tamque excelso ac planè regio immò diuino cultu ornatum, ut nulla hominum lingua explicari queat. Quare obstupescente me, sciscitanteque à duobus viris illis, cuiusnam præexcelsum ac planè admirabile palatium illud esset, responderunt: Hæc est domus, quam Thomas Iesu Christi seruus Regi fratri tuo ædificauit. Quamobrem iterum atque iterum abs te, ô Rex, humiliter peto, ut palatium illud gratiæ tuæ dono mihi elargiri digneris. Quod cum audisset Rex, fratri respondit: Si ædificium illud tantopere tibi gratum est, tantumdem pecuniæ Apostolo dinumera, ut alterum persimile tibi construat. Ego enim domum mihi ipsi extructam, multisque laboribus quæsitam, nemini dabo. Et his dictis, ad carcerem rectà contendit, & Apostolum liberum dimitti iubens, humiliter eum precatus est, ut illatam sibi iniuriam ignosceret. Cumque efflagitaret Crucis signum, & inter Christi fideles adscribi, beatissimus Apostolus septem dierum illi indicto ieiunio, cum de his quæ ad fidem pertinent catechizasset, septimo die illum vnà cum fratre baptizauit.

Quinetiam post non multa in eadem traditur historia, quod cum beatus Apostolus antedictus mulierem quamdam in adulterio deprehensam, & à marito peremptam, à mortuis excitasset, percrebrescente miraculorum ab eo editorum fama, multi è vicinis ciuitatibus properabant, ut eum viderent; infirmosque, debiles & mancos secum ducentes, illos in plateis ac viis, quæ transiturus erat Apostolus, collocabant, ut eo veniente curarentur. Ipse verò singulis manus imponens, & Crucis signo consignans, omnes curabat. Iterumque post pauca in eadem ipsa proditur historia, quod postquam idem sanctus Apostolus Thomas quamdam illustrem matronam, nomine Migdoniam

Idem Abdias, ibid.



niam Carisij Mesdei Indiarum Regis consanguinei vxorem, de his quæ fidei A sunt, per diem integrum erudisset, demum Crucis signo consignatam, domum dimisit.

Lib. 2. hist. Indicari. Aliud quoque præclarum atque authenticum testimonium habetur de Crucis signo ab eodem sancto Apostolo Thoma adhibito. In historia enim Mafseij rerum Indicarum scriptum comperimus, quod Indiæ populi in Cranganore, Coromandele, aliisque Indiæ locis à sancto Thoma Apostolo ad Christi fidem olim conuersi, Lusitanis diligenter sciscitantibus retulerunt, non solum constanti fama, sed veterum annalium suorum monumentis accepisse, quod cum idem Apostolus Ecclesiam quamdam extruere cœpisset, & ab idolorum sacrificulis, atque ab ipso Rege Sagamo prohiberetur, accidit ut mare, quod decem ferè leucis ab vrbe tunc distabat, ingentis magnitudinis truncum siue arboris stipitem, ut sit, in littus eijceret. Cumque Rex eandem materiam in ædificij cuiusdam sui vsus vehementer expeteret, robustos in primis homines B illuc destinauit, qui funibus aliisque machinis ad præfixum locum pertrahere conati, non potuere immanem trabem illam loco dimouere, licet multos etiam elephantos adhibuissent. Quod cum diuus Thomas accepisset, Regi conditionem obtulit, nimirum si ad templum Deo vero exædificandum, ingentem truncum illum vellet concedere, nullis machinis, nulloque mortalium adiumento, sese protinus ad urbem attracturum. Cum autem Rex insanire hominem ratus, per ludibrium annuisset, tum zona, qua Apostolus erat præcinctus, ad prominentem è caudicè ramusculum annexa, Crucis signo tantum facto, immanis ille stipes diuinæ voluntati obsecutus, protinus è loco se se dimouere cœpit; & ductu sanè perfacili, vniuersa ad spectaculum effusa ciuitate, à sancto Apostolo pertractus est in pomarium, vbi Ecclesiam extruendam statuerat: ibidemque defixa lapidea Cruce, vaticinatus est, cum ad eum lapidem Vaticiniū S. Thomæ, defixa Cruce, de Lusitanorum in Indiam aduentu. vsque pertingeret mare, tum nutu diuino è remotissimis Orbis terrarum partibus, candidos homines ad sacrum opus, quod ipse cœperat, perficiendum aduenturos. Neque fefellit prædictio: nam sub Lusitanorum appulsum, loci illius oræ Oceano tum demum allui cœptæ. C

De sancto Bartholomæo Apostolo pariter legitur, quod Crucis signum non tantum adhibere solitus esset, sed temporibus eius memoriæ proditum est, Angelum Dei hominibus præcepisse, ut Crucis signum frontibus suis imprimerent. Dum enim idem Apostolus in quadam Indiarum ciuitate esset, in Regis cuiusdam ditioe sita, cui nomen erat Polymius, vbi in amplo templo quodam insignis architecturæ idolum Astaroth nuncupatum venerabatur, sanctus Apostolus concionibus, adhortationibus atque miraculis suis Regem ipsum & cunctum populum illum ad Christi Domini fidem amplectendam induxit: cumque imperasset dæmoni, qui in idolo illo habitabat, ut ipsemet eiusdem Astarothis simulacrum confringeret, protinus iussioni eius obtemperans, non statuam illam tantum, in qua ipse morabatur, in puluerem rededit; sed cetera omnia idolorum simulacra quæ in templo illo erant, comminuit. Porro cum idem diuus Bartholomæus templum illud vero Deo dicare atque sacrare cuperet, Angelus Domini visibiliter apparuit, qui per templum idem circumuolans, in quattuor angulis eius digito suo Crucis signum lapidibus insculpsit; populumque allocutus, Dei nomine præcepit, ut idem signum frontibus imprimerent, quod ipse lapidibus insculperat. Quæ quidem historia, in eo quem diximus Abdiæ Babyloniorum Episcopi libro, luculenter admodum his verbis pertractatur: Cumque omnes dixissent, Amen, apparuit Angelus Domini splendidus sicut sol, habens alas; & per quattuor angulos templi D

Angelus Crucis in fronte signationem homines docuit ipso D. Bartholomæi auctore. Lib. 8. fol. 100.2.

templi



A templi circumuolans, digito suo quadratis saxis sculpsit signum Crucis, & dixit: Hæc dicit Dominus qui misit me: Sicut omnes vos ab infirmitate vestra mundamini, ita mundani templum hoc ab omni sorde & habitatore eius, quem iussit Apostolus Dei ire in desertum ab hominibus. Prætereà me iussit Dominus, (quem videntes nolite expauescere,) ut prius ostendam vobis, ut quale signum ego sculpsi in his saxis, tale vos digito facite in frontibus vestris, & omnia mala fugient à vobis. Eamdem quoque historiam referunt, Episcopus Petrus de Natalibus in Sanctorum Catalogo, & Vincentius Bellouacensis in Historiali speculo.

Nec minùs quàm ceteri omnes Apostoli, sanctus Matthæus Crucis signum adhibere consueuerat. Legitur enim, quòd dum in ciuitate quadam Æthiopiæ moraretur, Naddauct dicta, in qua Rex Æglippus regnabat, quòd ibi duo magi aderant Zaroës & Arphaxat nuncupati, qui incantationibus ac præstigiis Regem ipsum atque vniuersam urbem illam decipientes, sese tamquam deos venerari faciebant. Hominum enim gressus ad omne libitum sistebant, & tamdiu illos immobiles quâdiu illis collibuisse, defigebant; similiter hominum visum atque auditum à consueto officio refrænabant; serpentibus imperabant, ut quos volebant percuterent, percussosq; incantationibus sanabant. Itaq; ipse idem sanctus Apostolus in Christi nomine, quos illi figebant, soluebat; quos excæcabant, illuminabat; quibus surditatem intulerant, auditum reddebat; percussosq; à serpentibus, Crucis signo persanabat. Quæ Matthæi sancta atque præclara facinora, in antedicta Abdiæ primi Babylonix Episcopi historia Apostolica, ad posterorum memoriam diligenti stilo litteris sunt commendata, eademq; refert etiam Vincentius Bellouacensis, x. Historialis speculi libro, cap. LXXIV.

Beatissimi quoq; Apostoli Simon & Iudas Crucis signo passim uti consueuerant. De ipsis enim legitur, quòd cum in Persidè profecti essent, ibi duos magos illos, Zaroës nimirum & Arphaxat, deprehenderunt: qui cum ex Æthiopia à sancti Matthæi facie aufugissent, ibi solitis incantationibus ac præstigiis populos fallentes ac dementantes, adorari se tamquam deos à regionis illius hominibus affectabant. Cumq; in conspectu Regis, cunctos Aduocatos & Oratores ad magorum ipsorum potentiam experiendam accersitos, adeò mutos effecissent, ut nec nutibus quidem quod mente conceperant indicare valerent, & ob id iidem Aduocati & Oratores à facie Regis confusi & mœrore confecti discessissent; sancti Apostoli Simon & Iudas eis dixerunt: Si ab idolorum cultu vos recessuros, & in Dominum nostrum Iesum Christum credituros nobis promittere volueritis, Crucis signum frontibus vestris imprimemus; & nisi tum magos istos confutaueritis, tunc doctrinam nostram mendacem esse credite. Cumq; omnia facturos spondidissent, sancti Apostoli imponentes capitibus eorum manus, Crucis signum frontibus illorum impresserunt. Quo peracto, Aduocati & Oratores abeuntes, de magis illis insignem victoriam reportarunt. Quæ omnia, prædicta Apostolica historia Abdiæ Babylonici

D Episcopi fusiùs continentur. Ipsaq; eadem Petrus Natalis in Sanctorum Catalogo, & Vincentius Bellouacensis in speculo Historiali prosequuntur.

Memoriæ etiam proditum est, sanctum Titum Pauli Apostoli discipulum, & Lucam Euangelistam eiusdem Apostoli socium, Crucis signum adhibere solitos. Legitur enim in ea sanctorum Apostolorum Petri & Pauli passionis historia, quæ sub beati Lini Papæ nomine ad Orientales Ecclesias conscripta reperitur; quòd cum post eiusdem diui Pauli decollationem duo carnificinæ Præfecti, Longinus nimirum & Megistus, vnaq; cum eis Acestus Centurio, qui necis eiusdem sancti Apostoli ministri extiterant, diuino Spiritu afflati, Christianam fidem amplecti decreuissent, ad Titum & Lucam, qui

Idem Abdiæ lib. 7. fol. 86.

Miracula

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ

Abdiæ



B. Lini Rō. Pont. De  
pals. SS.  
Petri &  
Pauli, in  
Biblioth.  
SS. Patrum  
Tom. 7.  
SS. Titus  
& Lucas  
Crucis  
signo pari-  
ter usi.

tunc latitantes orationi instantes erant, ut baptizarentur, accesserunt. Quid ve-  
rò ibi actum sit, hisce verbis in eadem historia proditur: *Titus autem & Lucas  
ab extasi orationis in se reuersi, videntes Præfectos atque Centurionem, qui ministri  
necis Pauli fuerant, ad se properantes; humano terrore correpti, in fugam conuersi  
sunt. Illi verò post eos clamauerunt, dicentes: Non ut suspicamini, beati Dei homines,  
ideò venimus, ut vos prosequamur ad mortem; sed ut credentes, nos per aquam  
Baptismatis ad vitam transferatis eternam. Hæc autem audientes ab eis Titus & Lu-  
cas, steterunt cum multa letitia & spiritali gaudio, imponentes eis mox manus, &  
dantes signaculum sanctificationis perpetuæ: sicque ieiunio vsque ad vesperam præcur-  
rente, baptizati sunt.* Hæc autem, quæ ab eadem Historia excerpta huc transtu-  
limus, refert etiam Vincentius Bellouacensis, libro decimo, capite vigesimo  
sui Historialis speculi.

Apocalyp.  
cap. 2.  
Itē S. An-  
tipas mar-  
tyr.

His addatur sanctus Antipas testis fidelis, cuius diuus Ioannes Euangelista  
in Apocalypsi meminit, qui sub Domitiano Imperatore Pergami in Asia mar-  
tyrio coronatus est. Hic enim dum ardenti zelo Euangelium prædicaret, pro-  
fanumque idolorum cultum vehementius insectaretur, cum dæmones iisdem  
idolis insidentes præsentiam eius ferre nequirent, publicè obtestabantur se,  
Antipam exhorrescentes, ciuitatem Pergami derelicturos, neque ciuium il-  
lius sacrificia deinceps recepturos. Quamobrem à furente & idololatra ple-  
be correptus, in ardentem æneum taurum iniicitur; quem Crucis signo sese  
præmunens, intrepidè ingressus, martyrij gloriosam palmam adeptus est.  
Cuius agonis stadium stilo profecutus Simeon Metaphrastes, inquit: *Hæc  
atque alia multa loquentem, virum iustum corripunt homines impij; & ad Dianæ  
templum trahunt, ubi erat statua bouis ænei, quem igne succenso, multo antè inflam-  
marant. In hunc beatum Martyrem coniecerunt. At ille, cum se Christi signo mu-  
nisset; dum huiusmodi cruciatus diu torqueretur, ad hunc modum precabatur.*

Itaque satis superque sufficienter probatum est, sanctos Apostolos ipsos  
Crucis signum adhibuisse. Quod si quispiam nobis obijcere voluerit, Abdia  
Babylonici Apostolicam historiam, quam superius adduximus, inter apocry-  
pha deputari, ceteris auctoritatibus, quas coaceruauimus, quæ authentica magis  
approbatione inniti videntur, quæque pro instituti nostri ratione abundanter  
sufficiunt, adhærere poterit, Pauli Apostoli in hoc secutus consilium, dicentis:  
1. Thef. 5. *Omnia probate, quod bonum est tenete.* Nos enim contra eorum sententiam, qui  
eamdem historiam huiusmodi esse autumant, pertinaciter eam defendere non  
audemus; neque illi adhærere mens est, præterquam in his, in quibus cum  
aliis Scriptoribus Ecclesiasticis, quos communis probat auctoritas, concordare  
comperimus; quod in omnibus ferè locis, quos superius adduximus, planè fa-  
cere conspeximus.

Ritus Cru-  
ce signandi  
ab ipso  
Christo A-  
postolis tra-  
ditus.

Supereſt nunc ut probemus, sanctos Apostolos Crucis signum à Christo Do-  
mino recepisse, & sanctum hunc ritum eodem signo nos consignandi, ab ipso  
Domino didicisse: cuius probationis onere multorum sanctorum Patrum  
nullo negotio nos leuat auctoritas. Ipsi enim affirmant eundem Saluatorem  
nostrum electis suis Crucis signum tamquam regale sigillum siue tesseram  
quamdam reliquisse, qua milites sui in frontibus obsignarentur. Inter quos  
Patres, sanctus Cyrillus Ierosolymitanus, verba illa Zachariæ Prophetæ in per-  
sona tunc venturi Messia prolata declarans, *Ecce ego venio, & habitabo in medio  
tui, ait Dominus; & applicabuntur gentes multæ ad Dominum in die illa, & erunt mihi  
in populum;* inquit: *Israëlitæ, salutem quæ facta est per me, reiecerunt. Veniam om-  
nes gentes congregare, & relinquam super illos signum. Ex meo enim certamine, quod  
habui in Cruce, sigillum regale cuilibet meorum militum dabo, ut ferat in fronte.* Et  
sanctus

Zachar. 2.  
Cateche-  
si 12. Illu-  
minatorū  
Ierosoly-  
mis.



- A sanctus Cyprianus paucis innuit, immò apertè etiam asseruit, Christum Dominum Crucis signum in Ecclesia sua reliquisse; sic enim ait: *Tu Domine Sa-* In Serm. de pas. Domini.  
*cerdos sancte, constituisi nobis inconsumptibiliter potum viuificum, Crucis signum, &* In Psal. 30. prope fin.  
*mortificationis exemplum.* Diuus verò Augustinus id etiam apertius affirmat hoc modo: *Signum suum Christus in fronte nobis figi voluit.* At sanctus Hieronymus id ipsum quoque longè clariùs testatur, his verbis: *Hoc signum Crucis nobis ad* In Isaia cap. 66.  
*Patrem ascendens Dominus dereliquit, siue in nostris frontibus posuit, ut liberè dice-*  
*remus: Signatum est super nos lumen vultus tui Domine.* Arnobius autem, iure ad Crucis signum referens versiculum illum Psalmi octuagesimi quinti, *Fac me-*  
*cum signum in bonum, ut videant qui oderunt me, & confundantur: quoniam tu*  
*Domine audiisti me, & consolatus es me;* in Christi Apostolorum persona ait: *Christo*  
*ascendente in calum, nos Apostoli & Discipuli eius habebimus signum Cru-*  
*cis eius in bono, cum vniuersis qui credimus; ita ut videant in frontibus nostris signum*  
*tuum, & confundantur siue visibiles siue inuisibiles inimici. In ipso enim signo ad-*  
*iuuas, & in ipso consolaris nos.*

- At quorsum enitimur tot sanctorum Patrum auctoritates afferre, ut probe-  
 mus Christum Dominum Crucis signum sanctis Apostolis suis dedisse ac re-  
 liquisse, cum diabolus etiam ipse diuina compulsus potentia, id ipsum aper-  
 tè falsus sit? Legimus enim in Actis sancti Bartholomæi Apostoli, dæmonem Ipsæ demō,  
 quendam qui in idoli Astaroth nuncupati, cuius suprà meminimus, simu- licet inni-  
 lacronidum sibi parauerat, ab eodem Apostolo adiuratum; cum multa alia tus, signi  
 de Christo Domino, tum hoc etiam liberè falsum esse. Cuius dæmonis Crucis à Christo  
 verba inter ceteros refert Vincentius Bellouacensis, in suo Historiali specu- tradui  
 lo, in hunc modum: *Christus, inquit, mortem captiuauit, & principem* testis.  
*nostrum mortis vinculis igneis vinxit, & tertia die victor mortis & diaboli resur-* Lib. 10. cap. 84.  
*rexit. Et dedit signum Crucis sue Apostolis, quos per vniuersas seculi partes misit;* ex Theo-  
 C *ex quibus est vnus hic qui me vinctum tenet.* Sic igitur Saluatoris nostri infi-  
 nitæ potentæ ac bonitati vtinam sit placitum, impium & diuinum hostem  
 hunc, iam ab ipso in Cruce deuictum, arctioribus vinculis adeò compesce-  
 re, ut nemini Christi fidelium vniquam nocere possit; his verò præsertim,  
 qui recta & firma fide, Crucis signo piè sese armantes, ab insidiosis atque  
 letiferis inuasionibus eius præcauere ac se custodire nituntur. Amen.

## CAPVT IV.

- Quòd quemadmodum sanctus hic ritus Crucis signo nos consignan-  
 di, sanctorum Apostolorum dogma fuit, sic traditione eorum  
 non scripta, in sancta Ecclesia Catholica perstitit: nam sancti  
 D *Patres, ac sacri Doctores, summis illum laudibus efferentes,*  
*non ad suum profectum tantum adhibuere; sed Christi fideles*  
*etiam ad eundem crebris vsibus piè frequentandum enixè ad-*  
*hortati sunt.*

SANCTI Apostoli, qui à Christo Domino & Saluatore nostro, sub diui  
 Petri auctoritate suprema ac generali quadam moderatione sanctæ Ec-  
 clesiæ Catholicæ, quam proprio sanguine acquisiuit atque fundauit, Re-  
 ctiores, Gubernatores, & Episcopi constituti sunt (quibus ipse dixit; *Sicut mi-*  
*sit me Pater, ego mitto vos: & qui vos audit, me audit; & qui vos spernit, me spernit.*)



cum iuxta tributam ipsis auctoritatem, præceptaque ac regulas quas ab eodem Domino nostro acceperant, diuinum cultum instituere, atque Evangelicas leges firmare statuerent, post ipsius Domini ascensionem, fidelium cœtu in ordines & gradus distributo, singulis ordinibus officia propriamque viuendi normam dederunt, sacraque, cærimonias, ritus, mores, preces, orationes, ieiunia, obseruationes, ac solemnia omnia quæ in Ecclesia seruanda erant, instituerunt. Hæc verò omnia iidem sancti Apostoli in Ecclesiis, in quibus Euangelium nuntiauerant, voce & verbis tradidère: quamquam aliqua etiam & per epistolas præceperint; quæ tamen non ita multa sunt. Etenim pleraque voce ac verbis, vt diximus, & sine scripto ab eisdem sunt instituta. Quamobrem Paulus ad Corinthios scribens, cum pauca quædam per eandem Epistolam statuisset, inquit: *Cetera autem cum venero, disponam.* Et ad Thessalonicenses ait: *Tenete traditiones, quas didicistis, siue per sermonem, siue per epistolam nostram.*

Quadam,  
teste Pan-  
lo, sine  
scripto Ec-  
clesiis tra-  
dita:

Ex quibus verbis clarè percipitur, dogmata, ritus & obseruationes Ecclesiasticas, partim scripto, partim verò voce ac sine scripto, vt dictum est, à sanctis Apostolis institutas fuisse. Quocircà sanctus Basilius meritò inquit:

*Dogmata, quæ in Ecclesia seruantur & prædicantur, partim ex conscripta doctrina habemus, partim ex Apostolorum traditione ad nos delata in mysterio recepimus. Quæ vtraque eandem ad pietatem vim habent, & nemo his contradicit, qui vel modicam saltem Ecclesiasticorum iurium experientiam habet.* Et postquam idem Basilius traditiones quasdam non scriptas, aliosque ritus qui sine scripto in Ecclesia obseruabantur, recensuisset, ibidem pro exemplo adducit Crucis signum, tamquam consuetudinem quamdam cunctis Christi fidelibus notissimam, atque vsibus frequentatissimam, quam scripto nemo docuerat; inquit enim: *Velut, verbi gratia, vt eius quod primum ac communissimum est, primam mentionem faciam, figura Crucis signari eos, qui in nomen Domini nostri Iesu Christi spem habent, quis scripto docuit?* Quæ verba à Gratiano etiam in Decreto referuntur.

De Spiritu  
sancto, c. 27

Distinct. II  
cap. Eccle-  
siarum.

Atque in  
his signum  
est Crucis.

Lib. 4. de  
Baptismo  
contra Do-  
natistas,  
c. 24. To. 7.

Galat. 5.

Fructus  
seu utilita-  
tis fre-  
quenter se  
Crucis si-  
gnandi.

Sanctæ igitur Crucis signum, vnum ex insignioribus documentis fuisse constat, quæ sancti Apostoli non voce tantum, sed vsu & opere sine scripto Ecclesiæ tradiderunt, vt superius satis superque probauimus. Quòd si etiam rei huius nullum testimonium aut probationem teneremus, omnino tamen pro constanti proculdubio habendum esset, hanc Apostolicam traditionem extitisse. nam vt Augustinus inquit: *Quod vniuersa tenet Ecclesia, nec Conciliis institutum, sed semper retentum, non nisi auctoritate Apostolica traditum rectissime creditur.* Hoc autem dogma Crucis signo se consignandi, ex Christi Domini præcepto, sancti Apostoli ad id non tantum fidelibus tradidere, vt eo se contra diaboli inuasionem & insidias communirent; sed vt Cruce se consignantes, meminisse deberent, & iugiter memoria retinerent, Christi Domini seruos & sectatores ad carnem suam cum vitiis & concupiscentiis crucifigendam teneri. Quamobrem inquit Apostolus: *Qui autem sunt Christi, carnem suam crucifixerunt cum vitiis & concupiscentiis.* Ad quod sanctus Cyprianus alludere voluit cum dixit, Christum Dominum Crucis signum in mortificationis exemplum nobis reliquisse, vt superius dictum est.

Volueruntque sancti Apostoli, vt Christi fideles Crucis signo crebris vicibus se consignarent, quò scirent & intelligerent, veterem hominem nostrum, id est, præteritos prauos actus nostros vnà cum Christi humanitate Cruci suffixos fuisse, vt per bona opera & fidem Catholicam, omnium peccatorum corpus

A

B

C

D



**A**pus & vniuersitas destrueretur, ita vt peccato vltius non seruiremus; iuxta quod idem inquit Apostolus: *Hoc scientes, quia vetus homo noster simul crucifixus est, vt destruat corpus peccati; vt vltra non seruiamus peccato.* Voluerunt prætereà iidem sancti Apostoli, vt Crucis signo nos frequenter consignaremus. quia, vt inquit Augustinus, *signo Crucis omnis actio Christiana describitur: bene operari in Christo, & ei perseveranter inhaerere; sperare caelestia, Sacramenta non profanare.*

Rom. 6.

De Doctr.  
Christ. l. 2.  
cap. 41.

Crux Ecclesiae sanctae data est in signum, non secus ac Synagogae Circumcisio. Quemadmodum enim Hebraei circumcidebantur, vt se ex populo electo, à Deo non diuisos, & ceteris populorum nationibus dissimiles esse ostenderent; sic Crucis signo nos consignamus, vt Christianos, Christoque Domino coniunctos, & ab infidelibus segregatos nos ostendamus. *Hæc Crux, inquit Damascenus, nobis in signum data est super frontem, quemadmodum Israelitis Circumcisio.*

**B** Per ipsam enim fideles ab infidelibus & distamus & discernimur. Quin etiam Hebraeorum carnalis circumcisio, spiritualis huius circumcisionis umbra & figura fuit, qua verus Dei populus electus per Crucis signum usus erat. Sicut enim populus ille carnalis, cui omnia mysteria in occulto, id est, sub umbrarum ac figurarum velo tradita fuere, circumcidebatur in carne, quæ erubescentiæ & honestatis causa latenter defertur: sic populus spiritualis, postquam umbræ & figuræ reuelatæ sunt, Crucis signo palam fronti impresso, quæ erubescentiæ vera est sedes, spiritualiter circumciditur; non carnem quidem, sed vitia atque peccata præciciens. Ad quod sanctus Augustinus alludere voluit, cum dixit: *Signum veteris Testamenti, circumcisio in latenti carne; signum noui Testamenti, Crux in libera fronte: ibi enim occultatio est, hic reuelatio; illud sub velamine, hoc in facie.*

Orthodoxæ  
fidei lib. 4.  
cap. 12.In frag. 27.  
Serm. De  
verb. Apost.  
ad Galat. 6.  
Tom. 10.

Hæc autem vera est cordis circumcisio, quæ verus Dei populus adhibiturus erat, sicut iam Moyses prophetauit, cum dixit: *Circumcidet Dominus Deus tuus cor tuum, & cor seminis tui, vt diligas Dominum Deum tuum ex toto corde tuo, & in tota anima tua.* In cuius spiritualis circumcisionis præsignificationem, Hebraei carnis præputium cultro lapideo Christum designante præcidebant: petra autem erat Christus; in quo nos modo circumcidimur, circumcisione non manu facta, qua carnes quidem præcidamus, sed carnis opera, id est, omnem immunditiam ac peccatum resecantes & abiicientes: *In quo circumcisi estis, inquit Apostolus, circumcisione non manu facta in expoliatione corporis carnis, sed in circumcisione Christi.*

Coloss. 2.

Hoc igitur sacrosanctum salutis, spiritualisque circumcisionis, & perpetuæ cum Christo ac sancta Cruce coniunctionis signum, quemadmodum Christo Domino iubente, à sanctis Apostolis ob eas quas diximus causas atque utilitates traditum est, sic à sancta Ecclesia Catholica, summa omnium veneratione ac pietate adscitum fuit. Cuius rei prisci sancti Patres, sacrique Doctores Ecclesiastici luculentissimum dant testimonium: ipsi enim summis laudibus illud efferentes & approbantes, non ad ipsorum profectum tantum eo usi sunt, sed quàm maximo fieri potest studio & efficacia, Christi fideles adhortati sunt ad illud piè crebris vsibus adhibendum. Quorum paucas auctoritates quasdam pro veritatis huius demonstratione & confirmatione in piorum Lectorum gratiam hoc loco in medium afferemus. Paucas quasdam, inquam: nam si omnia quæ ad institutum hoc sancti Patres scripto commendauerunt, huc transferre vellemus; capitulum hoc in integrum volumen conflare opus esset. Et vt ab antiquioribus incipiamus, prima omnium illa sit sancti Martialis Christi Domini discipuli auctoritas, qui vnà cum Cleopha ministravit in vltima Cœna, quam Dominus fecit cum discipulis suis, & vt ipse testatus est, ad Tolosanum scribens,

Ad Burde-  
gal. epist. 1.  
cap. 2. & ad  
Tolosanos  
ep. 2. c. 13.



S. Martialis Christi  
discipulus  
quantis si-  
gnis Crucis  
fecerit.

Ad Burdeg.  
Ep. 1. ca. 8.  
In Biblioth.  
SS. Pat. To-  
mo 3.

Item SS. Pa-  
tres Crucis  
signum pas-  
sim pradi-  
carunt.  
Catech. 4.  
Illuminat.  
Ierosol.

Catech. 13.  
Illuminat.  
Ierosol.

In Epist. ad  
Cor. 1. c. 4.  
Orat. 12.  
Tom. 4.

Serm. 43.  
Tom. 5.

bens, adfuit, ac tremens intuitus est, cum Iudas illi osculum dedit, & à Iudæis A  
captus est; nec non cum ceteris interfuit, cum Dominus Lazarum à mortuis ex-  
citauit, & cum ad cælos ascendit; & diuum Petrum Apostolorum Principem  
Romam usque secutus, ab eo in Aquitaniam ablegatus est, & Lemouicensium  
Episcopus destinatus; ubi postquam populos illos ad Christi fidem adduxisset,  
clarus miraculis, in summa sanctitate vitam duxit, ac demum ad cælos euolauit.  
Is igitur ad Burdegalenses scribens, efficacissimis suasionibus vrgentissimisque  
rationibus illos adhortatus est & obsecrauit, vt Crucem Christi, ac beneficia  
quæ per ipsam accepimus, semper memoria retinerent, summisque illam lau-  
dibus prædicarent ac celebrarent; ita vt Crucem in mente & in ore iugiter ha-  
berent, ac signo eius se frequenter communirent; inquit enim: *Crucem Domini  
in quem credidistis Deum verum, & Dei Filium, semper in mente, in ore, in signo te-  
nete. Crux Domini armatura vestra inuicta contra satanam, galea custodiens caput, lo-  
rica protegens pectus, clypeus tela maligni repellens, gladius iniquitatem & angelicas  
insidias peruersæ potestatis sibi propinquare nullo modo sinens. Hoc solo signo, cælestis  
Victoria data est nobis; & per Crucem Baptisma Dei sanctificatum est.*

Et S. Cyrillus Ierosolymitanus Christi fideles adhortatus est, vt manducan-  
tes, bibentes, sedentes, stantes, loquentes, euntes, & vt summam dicam, in  
omni actu ac negotio, sanctæ Crucis signo se communirent, dicens: *Fac autem  
hoc signum Crucis & manducans, & bibens, & sedens, & stans, & loquens, &  
ambulans, & in summa, in omni tuo negotio.* Et alibi subdit: *Non pudeat nos Cruci-  
fixum confiteri, sed in fronte confidenter signaculum Crucis digitis imprimatur; & in  
aliis omnibus Crux fiat, in panibus comedendis, & in poculis bibendis; in egressu &  
in ingressu, ante somnum, recumbendo & surgendo, eundo & quiescendo. Magna hæc  
est custodia, quæ propter pauperes gratis datur, sine labore, propter infirmos; cum à Deo  
sit hæc gratia, signum fidelium, & timor demonum.* Et vt declararet, quanam de cau-  
sa sacrosanctum hoc signum sit terror demonum, etiam subiunxit: *Triumphauit enim de illis in hoc signo; ostenta illud audacter. Quando enim viderint Crucem, re-  
cordantur Crucifixi: metuant enim eum, qui contriuit capita draconis. Neque pro-  
pterea quod est gratuitum, contempnas hoc signaculum; sed ideò magis venerare  
Benefactorem.*

Diuus autem Ioannes Chrysostomus, iure planè improbens & carpens ina-  
nem quamdam superstitionem, quam in locis quibusdam prisci Christiani ob-  
seruabant; apud quos usu receptum erat, vt nutrices infantium frontes argilla  
illinirent, arbitrati in eo fascinationes & veneficia repellendi ac dissoluendi vim  
inesse, ita vt inuidus ac toruus oculus illis nocere non posset; postquam in abu-  
sum illum vehementius inuectus esset, subdit: *Quòd hæc fiant apud Græcos, non  
est mirum: quòd autem apud eos qui Crucem adorant, & sunt mysteriorum arcano-  
rum participes, & tot ac tanta philosophantur, hæc vigeat turpitudine, hoc est valde lu-  
gendum. Deus te vnguento honorauit, tu autem te probro & dedecore afficis: & cum  
oporteret fronti Crucem imprimere, quæ certam & indubitatam præbet tutelam, tu his  
dimissis, ad satanicam deturbaris amentiam?* Et cum turpem superstitionem illam  
multis sermonibus infectatus esset, vt doceret eos; quid loco illius facere tene-  
rentur, adiecit: *Non hæc faciatis, o fratres, sed ab ineunte ætate eum munite armis  
spiritualibus, & manu erudite frontem signare. Et priusquam hoc possit manu propria  
facere, vos ipsi Crucem ei imprimite.*

Sanctus autem Ambrosius magna planè charitate Christi fideles docuit, vt  
cum è lecto surgerent, Christo Domino gratias agerent, atque vt omne opus,  
quod in dies facerent, prauio signo Crucis aggredierentur: eosque qui ad Chri-  
sti fidem nuper accesserant allocutus, inquit: *Debemus ergo surgentes, gratias  
Christo*



**A** Christo agere, & omne diei opus in signo facere Saluatoris. Nōne cū adhuc Gentilis esses, solebas signa perquirere? quæ signa quibus rebus essent prospera, magna inquisitione colligere? Jam nunc nolo erres in numero: scito quia in vno signo Christi, omnium rerum est tuta prosperitas. Qui in hoc signo seminare cœperit, vitæ fructum consequetur æternæ. qui in hoc signo iter facere aggreditur, ad cælum vsque perueniet. Quæ omnia idem ipse etiam de verbo ad verbum replicauit in eo Sermone, quem in Malachiæ Prophetæ caput primum edidit.

Augustinus autem Catechumenos erudiens in his quæ ad Catholicam fidem & Symbolum Apostolicum pertinent, illos admonitos esse voluit, vt si, postquam Symbolum contra antiqui serpentis venenum didicissent, denuo aduersarius noster insidias in eos tendere niteretur, Symboli remedio & Crucis vexillo præmuniti illi occurrere non vererentur. quandoquidem Christianus hisce armis instructus, paruo negotio vincit. *Purgata itaque, inquit, familia* De Symbolo ad Catechumenos, lib. 2. cap. 1. Tom. 9.

**B** *Redemptoris, posteaquam cantauit canticum salutis, accepit Symboli remedium contra antiqui serpentis venenum: vt si quando voluerit aduersarius diabolus denuo insidiari, nouerit redemptus cum Symboli sacramento & Crucis vexillo ei debere occurrere, vt talibus armis indutus, facile vincat Christianus.* Et alibi idem Augustinus, siue quicūq; alius tractatus illius auctor inter eius Opera typis excusi, cui titulus est, De rectitudine Catholicæ conuersationis, vehementi efficacia Christi fideles adhortatus est, vt Christum Dominum assidua recordatione in mente retinerent, & sanctæ Crucis signum in fronte frequenter imprimerent; *Hæc, inquit, fratres considerantes, pariter & qui præestis, in Dei timore vos solidate; retinete quæ dicta sunt, facite quæ precepta sunt, habete semper Christum in mente, signum eius in fronte facite: scitote quia multos aduersarios habetis, qui cursum vestrum impedire festinant. Idè in omni loco, omni hora, Crucis signo vos armate, Crucis memoria vos munite; vt possitis sagittas maligni ardentes extinguere.* Et postea subdit: *Porro magna res est*

**C** *signum Crucis, & Crux Christi, sed illi soli prodest, qui facit mandata Christi. Vt ergo vobis profit, precepta eius totis viribus adimplere contendite. Et siue sedetis, siue ambulatis, siue manducatis, siue bibitis, siue in lectum ascendatis, siue à stratu surgatis, iugiter signum Christi muniat frontem vestram; vt vos semper memoria Dei vigilantes protegat, & in sopore custodiat, & quoties in nocte excitati fueritis, & somnus euolu-  
uerit, mox labijs signum Crucis occurrat, mens quæ orationibus occupetur.* Crux illi soli prodest qui nitiatur precepta Dei adimplere.

Hieronymus verò, cū permultos diuinæ Scripturæ locos Demetriadi virgini adduxisset, quibus illam ad virginitatis obseruantiam inflammaret & confirmaret; denique eam adhortatus est, vt frontem Crucis signo sæpè consignaret, inquiens: *Hæc cursim, quasi de prato pulcherrimo sanctarum Scripturarum paruos flores carpisse sufficiat pro commonitione tui, vt claudas cubiculum pectoris, & crebro signaculo Crucis munias frontem tuam; ne exterminator Ægypti in te locum reperiatur.* Adhortatus est ipse pariter virginem Eustochium, vt ad omnem actum & progressum suum, Crucis signo se communiret: *Ad omnem, inquit, actum, ad omnem incesum, manus pingat Crucem.* Hæc ille. Id quæ hætenus dixisse sufficiat, ad pietatem & venerationem demonstrandam, qua sancti Patres Crucis signi vsum adsciuerunt; atque vt propalàm, & ante omnium oculos prolatum sit, quanta pietate, quantoque studio Christi fideles adhortentur, vt eodem crebris vicibus sese communiant. Sic vtinam infinitæ bonitati & misericordiæ illius sit placitum, qui in hoc sacrosancto signo seruatos nos esse voluit, vt eorumdem sanctorum Patrum salubres admonitiones & integerrima consilia secuti, adeo frequenter atque deuotè consignemur, vt tali signo in æternum obsignati reperiri mereamur in cælis. Amen.



## CAPVT V.

*De sanctæ Crucis signi virtute & potentia, sanctorum Patrum auctoritate ac testimonio comprobata.*

**I**AM inde à magni Moysis Prophetæ, Israëlitiçique populi Legislatoris & Principis temporibus, sanctæ Crucis signum, in eorum beneficiorum præsignificationem, quæ Dei populus per ipsum accepturus erat, virtutem ac potentiam suam prodere cœpit. Dum enim Israëlita; ductu Iosue, aduersus Amalec Amalecitarum Regem periculoso atque terribili prælio aperto Marte dimicarent, Moyses montem ascendens (vnde horribilis conflictus patens conspectus erat) brachia in Crucis formam extendit: atque in ea corporis positione, pro Hebræorum victoria Deum precabatur. Accidit autem, vt dum firmus & constans in eo signo brachia retineret, Israëliticus populus hostes superaret; sin verò defatigato corpore, vel mente distracta, illa demitteret, atque ab eo signo dimoueret, Amalecitarum exercitus, resumptis viribus, præualeret. Cuius mysteriis atque figuris refertissimi facinoris significationem iam superius explicauimus, dum egimus de sanctæ Crucis figuris quæ veteri Testamento continentur. Summatim autem illud innuere volebat, Crucis signum à fidei populo viua nunc fide, ac dulcis nobis, hostibus autem terribilis nominis IESU inuocatione adhibitum, vim atque potentiam quandoque nacturum, infernalem Amalec antiquum ac perpetuum hostem nostrum, vnà cum totius exercitus nequissimorum spirituum robore prosternendi ac profligandi. Quod Iustinus Martyr innuere voluit, dum admirabilis huius facinoris mysticam significationem explicaturus, inquit: *Cum populus bellum gereret aduersus Amalec, & Naue filius Iesu nomine cognominatus inter primos pugnaret, Moyses ipse Deum orabat, manibus vtrunque expansis: Hur autem & Aaron eas die toto sustinebant, ne ipso defatigato demitterentur. Nam si quidquam remittebatur de signo isto Crucem imitante, prout in Moyse litteris est scriptum, populus vincebatur: sin in statu isto permanebant, Amalec superabatur. Et qui fortis erat, per Crucem fortis, rem præclare gerebat. Non enim propterea quod Moyses ita orabat, populus in prælio superior erat; sed quod nomine IESU in prima acie versante, ipse Crucis signum designabat.*

In Dialogo  
cū Trypho-  
ne Iudæo.

Testimon.  
aduers. Iu-  
dæos, lib. 2.  
ad Quirinū  
cap. 21.

De passione  
Christi.  
Crucis si-  
gnum terror  
demonum.

De cantico  
quod can-  
tauit Moy-  
ses cum po-  
pulo, & Ma-  
ria cum mu-  
lieribus.

Hoc idem ipsum etiam innuere voluit sanctus Cyprianus, qui de Crucis signi virtute ac potentia differens, cum eadem ferè verba protulisset, quæ Iustinus scripto iam commendauerat, subdit: *Hoc signo Crucis & Amalec victus ab Iesu per Moysen.* Quasi diceret, Amalec à Iosue deuictum per Crucis signum, quod Moyses figurabat. Et alibi idem Cyprianus, vt ostenderet quanta Crucis signi virtus sit ac potentia, inquit: *Jam videt Hebræus, & quicumque de seruitute Egyptia ad repromissæ patriæ libertatem anhelat, quod sanguis Christi efficacius quam sanguis agni illius, quem in Egypto Israël immolauit, contrarias abigat potestates: cuius hodie tanta est auctoritas & potestas, vt non solum Israëlita limina muniat, sed etiam his qui Israëliticè non viuunt, solum sacramenti signum repellat demonia; & ubicumque conspecta fuerit, terribilis sit eis sacri nominis virtus & sanguinis nota.*

Origenes quoque vt innueret quanta sit Crucis signi virtus atque potestas, ait: *Quid timent demones? quid tremunt? Sine dubio Crucem Christi, in qua triumphati sunt, in qua exuti sunt principatus eorum & potestates. Timor ergo & tremor cadent super eos, cum signum in nobis viderint Crucis fideliter fixum, & magnitudinem brachij illius, quod Dominus expandit in Cruce; sicut dicit: Tota die expandi manus meas ad populum non credentem, & contradicentem mihi. Non te ergo aliter timebunt, nec aliter tremor*



**A** tremor tuus veniet super eos, nisi videant in te Crucem Christi; & nisi & tu poteris dicere: Mihi absit gloriari, nisi in Cruce Domini nostri Jesu Christi, per quem mihi mundus crucifixus est, & ego mundo. Et alibi subdit: Est enim tanta vis Crucis Christi, Idem in Epist. ad Roman. lib. 6. in princip. ut si ante oculos ponatur, & mente fideliter retineatur, ita ut in ipsam mortem Christi intentis oculis mentis aspiciatur, nulla concupiscentia, nulla libido, nullus furor, nulla superare possit invidia; sed continuo ad eius presentiam, totus ille quem supra enumeramus, peccati & carnis fugatur exercitus.

Optimè admodum magnus ille sanctus Antonius Crucis signi virtutem & potentiam agnouit. Dum enim eum dæmones in eremo inclementer verberarent, ac superbissimè comminarentur, in Domino atque in Crucis signi potentia confidens, perinde ac si imbecillitatem & impotentiam illorum exprobrare vellet, dicebat eis: Si quid valetis, si vobis in me potestatem Dominus dedit, ecce præsto sum; deuorate concessum: si verò non potestis, cur frustra nitimini? signum enim Crucis, Athanasius in vita S. Antonij. & fides ad Dominum, inexpugnabilis murus est. Deinde verò monachos suos allocutus, illosque monitos esse volens eius malitiæ, perniciæ, & calliditatis qua in Sanctos ac Dei seruos tentandos, oppugnandosque & inuadendos, dæmones uti solent, dicebat eis: Solent dæmones saucijs grauius assurgere, & mutata arte pugnandi, cum in cogitatione nihil egerint, pauoribus terrent; assumptes nunc mulierum, nunc bestiarum, nunc serpentium formas; nec non & ingentia quædam corpora, & vsque ad tectum domus porrectum caput, infinitas species, & militum cateruas. Quæ omnia ad Omnes dæmonum fraudes superantur Cruce. primum quodque Crucis signum euanescent. Solent dæmones, subdit, nocte venientes, Angelos se fingere, laudare studium, mirari perseuerantiam, futura præmia polliceri. Quos cum videritis, tam vos quàm domos vestras Crucis armate signaculo, & confestim soluentur in nihilum: quia metuunt illud trophæum, in quo Saluator aëreas expoliens potestates, eas fecit ostentui. Hæc omnia refert sanctus Athanasius in eiusdem diui Antonij vita, ab eo diligentissimè conscripta; quam Rufinus Aquileiensis, Historia lib. 10. cap. 8. Lib. 1. c. 17. Lib. 8. c. 40 primo libro ex duobus, quos ad Eusebij Cæsariensis Historiam adiecit, Socrates in Ecclesiastica historia, Nicephorus Callistus, alijque scriptores auctoritate grauissimi approbant.

Lactantius verò Firmianus, ut ostenderet quanta sit Crucis signi vis atque potentia, post cetera huius generis permulta ad institutum hoc prolata, de eo sic tradit: Nunc satis est, inquit, huius signi Crucis potentiam, quantum valeat, exponere. Quanto terrori sit demonibus, hoc sciet, qui viderit, quatenus adiurati per Christum, De vera sapientia, lib. 4. cap. 27. de corporibus quæ obsederint, aufugiant. Nam sicut ipse, cum inter homines ageret, vniuersos dæmones verbo fugabat, hominumque mentes emotas & malis incurribus furiatas, in sensus pristinos reponebat: ita nunc sectatores eius, eosdem spiritus inquinatos, de hominibus, & nomine Magistri sui & signo passionis excludunt. Cuius rei non difficilis est probatio: nam cum dijs suis immolant, si assistat aliquis signatam frontem gerens, sacra nullo modo litant; Nec responsa potest consultus reddere vates. Et hæc sæpè causa **D** præcipua iustitiam persequendi malis Regibus fuit: cum enim quidam ministrorum nostrorum sacrificantibus dominis assisterent, imposito frontibus signo, deos illorum fugauerunt, ne possent in visceribus hostiarum futura depingere. Quod cum intelligerent aruspices, instigantibus iisdem demonibus, quibus prosecrant, conquerentes, profanos homines sacris interesse, egerunt Principes suos in furorem, ut expurgarent templum dei, seque vero sacrilegio contaminarent; quod grauissimis persequentium pœnis expiaretur. Nec tamen ex hoc cæci homines intelligere possunt, aut hanc veram esse Religionem, cui ad vincendum tanta vis inest; aut illam falsam, quæ subsistere aut congruere non potest. Sed aiunt hoc deos non metu, verum odio facere: quasi quisquam possit odisse, nisi eum qui aut noceat, aut possit nocere. Immò verò congruens maiestati fuit, ut eos quos oderant, presentibus pœnis afficerent potius quàm fugerent. Sed quoniam neque accede-



re ad eos possunt, in quibus caelestem notam viderint, nec ijs nocere, quos signum immortale munierit tamquam inexpugnabilis murus, lace ssunt eos per homines, & manibus persequuntur alienis. A

In Oratione  
cōtra idola  
De Incarna-  
tione verbi  
Dei.  
Ibidem.  
Sanctus autem Athanasius eiusdem signi Crucis virtutem demonstrat his verbis: Post Crucis aduentum, omnis simulacrorum cultus summotus est, omniaque demonum prae stigia hoc signo propelluntur. Et alibi hoc etiam adiecit: Olim demonia inani specie, ludibriisque rerum intricabant homines, in se sibi alibi fontibus, alibi fluminibus, aut lignis; atque ista prae stigiis fatuos in stuporem agebant. Nunc verò cum apparuit Dei Verbum, spectra huiusmodi & ludibria imaginum cessauerunt: solo enim Crucis signo utens homo, dolos illorum à se propellit. Et in eodem tractatu subdit: Signo autem Crucis omnia magica compescuntur, veneficia inefficacia fiunt, idola uniuersa deserta relinquuntur, omnis irrationabilis voluptas con quiescit, quilibet è terra ad caelos suspicit.

Catech. 13.  
in fine.  
Crucis quoque signi virtutem celebrauit sanctus Cyrillus Ierosolymitanus his verbis: Trophaeum Iesu salutare Crux omnes congregauit. Hoc Persas seruire fecit, hoc Scythas cicurauit, hoc Aegyptios à cattis, & canibus, & varijs erroribus ad Dei cognitionem adduxit; hoc ad hodiernum vsque diem curat morbos, demones fugat, & veneficiorum incantationumque auertit imposturas. B

Aduersus  
eos qui dif-  
ferunt Ba-  
ptismum.  
Crux, le-  
uissima om-  
nium malo-  
rū curatio.  
Animaduertens sanctus Gregorius Nyssenus, Crucis signo spirituales & corporales infirmitates curandi vim inesse; magna efficacia, multa charitate, atque ardenti studio homines ad Crucis signo se consignandos adhortabatur & impellebat, cum inquit: Est enim simplex applicatio, & à Deo missum donum, & magnus reuerà euentus; absque vlla vstione & sectione à diuturnis liberari vulneribus que passi sumus, à morsu serpentis. Venite ergo qui malis affecti estis, ad vestram curationem; neque rem negligatis: morbus enim diuturnus & inueteratus artem superat & curationem. Pauperes & egentes festinate ad distributionem donorum regalium, oves ad signaculum & Crucis signum, quod malis opem fert & remedium. C

De Pano-  
plia.  
Loco scuti, ait sanctus Ephrem Syrus, Crucis signo te ipsum muni, signans eo membra tua omnia. Neque verò sola manu te signes, sed etiam animo; & studia tua, & ingressum tuum, & exitum tuum, & lectulum tuum, & quaecumque pertransis, signa primum in nomine Patris, & Filij, & Spiritus sancti: validissima quippe eiusmodi armatura est; nullusque tibi vnumquam nocere poterit, si ea munitus fueris. Nam si quis terreni Regis signaculum defert, eum ledere nemo audet; quanto magis nos, qui tale caelestis Imperatoris signum ferimus, neminem metuere possumus? Hisce ergo armis, mi frater, affatim vtere; sunt enim vehementer contraria telis inimici: immò & potius gladio & amarissima scilicet grauissimaque iracundia. Huiusmodi quippe velut anceps gladius, vno momento perimit eum, quem percutit; sicut scriptum est: Momentum enim furoris, ruina illius. Ideò, mi frater, numquam signare negligas, & laqueos destruas, quos tibi tetendit diabolus; scriptum quippe est: In hac via qua ambulabam absconderunt laqueum mihi. Hoc igitur te signo assidue munias, & malum non appropinquabit spi- D

In Epist. ad  
Rom. cap. 1  
Tom. 3.  
Quanta etiam fit Crucis signi virtus, diuus Ambrosius innuit, cum dixit: Virtus Dei est, quae inuitat ad fidem, & dat salutem omni credenti, dum peccata donat, & iustificat; ut à secunda morte detineri non possit signatus mysterio Crucis. Predicatio enim Crucis Christi, indicium est mortis euictae, dicente Apostolo Joanne: Ad hoc enim venit Filius Dei, ut solueret opera diaboli, ut omnis credens non teneatur à morte; quia signum habet quo victa mors est. Sanctus autem Ioannes Chrysostomus fu-  
In Matth.  
c. 16. Ho. 55  
Tom. 2.  
lius ac longè etiam apertius nos docuit vim Crucis signi, his verbis: Pretium Crucem appellauit, quam non simpliciter digito, sed magna profectò fide in mente prius formare oportet. Nam si hoc modo eam faciei tuae imprefferis, nullus scelestissimorum demonum,



**A** monum, cum hastam videat, quo letale vulnus suscepit, congregari tecum audebit. Nam si cum solummodo loca, in quibus capite damnati poenas persolunt, videmus, ingenti horrore concutimur; quid passurum putas diabolus, si mucronem tenere te viderit, quo vires eius Christus dissolvit, & quo caput draconis magno ictu rotavit? Et paulò inferius, ut præcisè magis nobis insinuaret, quantam vim & potentiam signum Crucis Ibidem. obtineat, subdit: Hoc signum, & priscis & nostris temporibus clausas ianuas refovit, hoc venenorum vires extinxit, hoc cicutæ vim dissolvit, hoc feroces bestias repressit, Cedunt Cruci & vis veneni & ferarum. hoc letales serpentum morsus curavit. Etenim si portas inferni perfregit, si calorū ostia reclusit, si paradisi renouavit ingressum, si diaboli nervos recidit, quid mirum est, si rocas pestifera venena, atroces bestias, aliæque huiusmodi superavit? Hoc igitur in mente tua insculpe, & animarum amplectere salutem.

Denique ut capiti huic finem imponamus, sanctus Augustinus, siue quicumque alius Sermonis illius auctor extiterit, quasi causam proditurus, quæ **B** prisci Christi fideles crebris adeò vicibus Crucis sese consignarent signo, inquit: Hoc Crucis signum cursum nostrum dirigit, hoc ad agonem nos instruit, hoc in luctamine adiuuat, hoc ad victoriam prouehit, hoc ad coronam peruehit, hoc maleficia destruit, & omnia demonum machinamenta ad nihilum redigit: & quod faciebat in terris corporis Christi præsentia, hoc facit cum fidei inuocatione nominis Christi, victoriosa Crucis insignita memoria. Longum est per singula virtutem Crucis exponere. Hæc ille. Et quia planè longum prorsus esset, cunctas sanctorum Patrum auctoritates, quæ de sanctæ Crucis virtute atque potentia testimonium perhibent, hoc loco coacervare; cum pro capituli huius periocha satis superque sint quæ hætenus adduximus, eidem capiti cum signo Crucis finem imponemus, in nomine Patris, & Filij, & Spiritus sancti, Amen.

Ser. 19. De Sanctis, in Appendice De diuersis, Tomo 10. Serm. 75.

## CAPVT VI.

**C** De sanctæ Crucis signi virtute miraculis quàm plurimis commonstrata.

**C**UM præcedenti capite, multorum sanctorum Patrum auctoritate ac testimonio suffulti, qualis quantaque Crucis signi virtus sit, ex parte ostenderimus; nunc consequentia ipsa & rerum concinnus ordo exigere videtur, ut quanta illa sit, ex multis miraculis, quæ sancti & amici Dei, diuina illos prosequente gratia, per hoc sacrosanctum signum ediderunt, prodere studeamus. Quoniam verò superius, dum in eam probationem incumberemus, sanctos nimirum Apostolos ipsos Crucis signum adhibuisse, quædam insigniora miracula per eiusdem sacri signi virtutem ab eisdem edita necessariò recensuimus (quæ capitis huius præcipua materia reuera esse videbatur) ideo materiæ eiusdem continuationem per temporum seriem nunc aggressuri, exordium sumemus à quibusdam sanctis eorum discipulis, qui cum illis edocentibus didicissent, sanctæ Crucis signum viuæ fide, in nomine Patris, & Filij, & Spiritus sancti delineatum, miraculorum patratorum diuinam in se continere virtutem, sanctè illud adhibentes, res quibus omnium sæculorum ætates iure obstupescant, ad suum proximique profectum effecerunt. Inter quos omnium primus nobis occurrit sanctus Apollinaris diui Petri discipulus; qui cum Romæ ab eodem beatissimo Apostolorum Principe primus Rauenhar Episcopus ordinatus, eo ablegatus esset, non procul ab eadem vrbe, in domum militis cuiusdam Irenæi nuncupati diuertit. Huic filius erat cæcus, quem ad se accersitum, Crucis signo oculis eius manibus imposito, illuminauit. Quod admirati parentes illius,



illius, in Christum credentes, ab eodem Sancto baptizati sunt. Cuius miraculi A  
 Ado Treuerensis Archiepiscopus suo in Martyrologio præcipuam comme-  
 morationem hisce verbis prosequitur: *Decimo Kalendas Augusti, apud Rauennam, natale sancti Apollinaris Episcopi. Hic Romæ ordinatus à beato Petro Apostolo, Rauennam directus est. Vbi cum peruenisset, non longè ab ipsa vrbe mansit apud quemdam militem Irenæum nomine, cuius filius erat cæcus: quem ad se perductum, facto signo Crucis illuminauit; ac sic parentes illius postmodum baptizauit.* Eiusdem miraculi meminit etiam beatus Petrus Damiani, in secundo Sermone in festo eiusdem Sancti ab ipso edito, qui typis cusus est inter eas Sanctorum Vitas, quas collegit

<sup>a</sup> In Catal. Surius Tomo quarto, Episcopus Petrus Natalis <sup>2</sup> in sanctorum Catalogo, idemet Surius <sup>b</sup>, & alij plerique.

<sup>b</sup> To. 4. sub die 23. Iulij.

Beatus Martialis eiusdem etiam Apostolorum Principis sectator & consanguineus, cuius in superioribus meminimus, cum ab eodem in Aquitaniam missus, Lemouicensiumque esset ordinatus Episcopus, ingenti in eadem vrbe B  
 infirmorum congregata multitudine, facto super eos Crucis signo, omnes persanauit. Quod miraculum litteris diligenter admodum commendauit Aurelianus, eius in eodem Episcopatu successor, quem ipse à mortuis suscitauerat, in eamquam de eiusdem sancti Martialis Actis conscripsit historia; inquit enim: *Beatissimus Martialis eadem hora congregare fecit ad se cunctos egrotos ac diuersis infirmitatibus languentes; & facto signo Crucis super eos, cunctos reddidit sanos.* De Actis sancti Martialis in eadem historia contentis, præcipuè meminit Innocentius Papa Tertius, in Extrauaganti De sacra vnctione, circa finem; nomine tamen auctoris non prodito: & demum hisce temporibus de eisdem meminit Cardinalis Baronius in suis ad Romanum Martyrologium Notis, sub Iunij die trigesima.

Post hunc nobis occurrit sanctus Prosdocius, natione Græcus, clarus natalibus, & litterarum ornamento conspicuus; qui adhuc adolescens, vnà cum diuo Marco Euangelista & sancto Apollinare Antiochiam profectus, sancti C  
 Petri discipulorum numero aggregatus, illum Romam vsque secutus est. A quo vt Apollinaris Rauennam, Martialis in Aquitaniam, & alij aliò, ad Euangelium Gentibus prædicandum, sic ipse Patauij Episcopus ordinatus, eò directus est. Vbi statim in eius vrbis ingressu, ingentem infirmorum numerum sanitati restituit. Cuius virtutum fama ad Vitellianum eiusdem ciuitatis Regulum perlata, qui graui morbo quodam oppressus, iam inde à mensibus multis in strato decumbebat, illum ad se accersiri iussit. Ipse verò Prætorium ingressus, Crucis signo illud statim consignauit; & ad Principis conspectum introductus, sciscitanti illi num sanitatem sibi restituere valeret, respondit, quòd si idolorum cultui renuntiare in animum induceret, & in Christum credere vellet, sciret se confestim incolumem fore. Cumq; se omnia facturum pollicitus esset, Prosdocius illum vnà cum vxore ac vniuersa eius familia baptizauit; sicque Regulus ipse ab omni statim languore curatus est. Eiusque miraculi admiratione permo- D  
 tus, & in fide confirmatus, edicto in tota sua ditione proposito cavit, vt omnes in Christum crederent, & ad beatum Prosdocium sacro fonte Baptismatis regenerandi accederent. Quibus ita feliciter peractis, rebusque illius Ecclesiæ optimè constitutis, ad diuersas alias Italiæ ciuitates sanctum Euangelium annuntians profectus est; vbi multis miraculis editis, ingentem hominum numerum ad Christi Domini fidem conuertit; præsertim verò in Estensis, Vicentiæ, Montisfeltrensis, Altini, quod Torcellum recentiores appellant, & Taruisij vr-  
 bibus: vbi, inter cetera ab eo per Crucis signum patrata miracula, militis cuiusdam Euphrosyni nomine filia cæca, Crucis signaculo oculis imposito, illuminata est. Quod miraculum inter ceteros Petrus de Natalibus Episcopus, in Sancto-

*Crucis virtute cæcus à S. Apollinare illuminatus:*

*Plurimi infirmi à beato Martiale sanati:*

*Vitellianus à S. Prosdocius curatus:*

*Cæca Euphrosyni filia ab eodem illuminata:*



**A** Sanctorum Catalogo litteris consignauit his verbis : *Ac demum ad Taruisium* In Catal. lib. 10. c. 33  
*ciuitatem peruenit, & susceptus in domum cuiusdam militis, nomine Euphrosyni, filiam*  
*eius cecam signo Crucis edito illuminauit : eamque cum parentibus & aliis plurimis in*  
*Silere fluuio baptizauit.* Huius Sancti præcipua fit in Romano & Vsuardi Mar-  
 tyrologio commemoratio, sub die septima Nouembris. Ipsius res gestas sanctus  
 Maximus secundus Patauinus Episcopus præcipua est prosecutus historia; quæ  
 tamen, vt Ioannes Molanus tradit in suis ad Vsuardi Martyrologium Notis, in  
 magno quodam vrbs illius incendio ignibus absumpta est. Vitam quoque eius  
 Bernardinus Scardeonius conscripsit libro secundo & sexta classe ciuitatis eius-  
 dem antiquitatum. Habet eam pariter Mombritius Tomo secundo ex veteribus  
 monumentis collectam, & Episcopus Petrus de Natalibus loco præallegato.

Ostenderunt pariter gloriosi martyres Nazarius Romanus à diuo Petro eru-  
 ditus, & beatissimus puer Celsus ab eodem Nazario baptizatus & educatus,  
**B** quantum Crucis signum salutare sit his qui eodem se viua fide communiunt.  
 Cum enim Nerone Imperatore iubente ambo in mare demersi essent, vt à pi-  
 scibus deuorarentur, statim vt profundum attigerunt, diuina eos virtute sustol-  
 lente, ad terram illæsi reiecti sunt : quoniam verò beatissimus puer Celsus, *B. Celsus à*  
*S. Nazario sanatus.*  
 ætatis imbecillitate & maris nausea languescens hebescere cœperat, sanctus Na-  
 zarius Crucis signo illum consignans, protinus persanauit. Sic enim testatur Si-  
 meon Metaphrastes in eorumdem Sanctorum vitis, quas collegit Lipomanus <sup>a</sup> Tomo 6.  
 inter Sanctorum res gestas Tomo sexto, & Surius <sup>b</sup> Tomo tertio, sub die decima <sup>sub die 14.</sup>  
 nona Iunij, in hunc modum : *Nam cum iam essent in profundo, & qui eos iecerant* <sup>Octobris.</sup>  
*crederent fore vt à multis piscibus deuorarentur magna contentione ; angelica quædam* <sup>b Tomo 3.</sup>  
*virtus desuper aduolauit, & è profundo seruauit, & illesos eos terræ reddidit : puero* <sup>sub die 19.</sup>  
*Celso propter ætatem adhuc imperfectam nausea & fastidio pleno, vt est consenta-* <sup>Iunij.</sup>  
*neum ; sed precibus, & signo Crucis, & diuino osculo eum sanum reddidit Nazarius.*

**C** Quo miraculo obstupescerent ministri Neronis, qui eos in mare præcipitau-  
 rant, Christi fidem amplexati, Nazarij sectatores effecti sunt. Qui denique Na-  
 zarius Mediolanum vnà cum Celso reuersus, ibique Euangelium prædicans,  
 ambo comprehensi ad Anulinum Italiæ Præsidem sunt perducti. Is verò, re ad  
 Imperatorem per litteras delata, vt eius voluntatem exploraret, capite illos ple-  
 ctendos rescripsit. Quamobrem cum damnati ad supplicium deducerentur,  
 Crucis signo præmuniti, non quasi ad mortem, sed ad vitam iucundissimam  
 properantes, magnanimo inter se certamine contendebant, quis eorum prior  
 capite truncaretur. Quam piam ac generosam planè æmulationem Metaphra-  
 stes ipse his verbis ad posterorum memoriam litteris commendauit : *Postquam*  
*Imperatoris litteræ venerunt ad Anulinum, iubet statim ad mortem duci Martyres.*  
*Illi autem muniti figura Crucis, admodum leti exierunt ; vt qui non ad mortem, sed*  
*ad vitam potius (quod verum erat) eternam vocarentur, & contendebant alius alium*  
**D** *præuenire, & pulchro decertabant certamine.*

Neque post hos sancta Thecla diui Pauli discipula, sæculi illius splendida  
 & pretiosa gemma, primaque inter mulieres Martyr, vilo pacto prætereunda  
 est. De qua Ado Treuerensis Archiepiscopus suo in Martyrologio, sub die vi-  
 gesima tertia Septembris, commemorationem habens, inquit : *Natale sanctæ* In Marty-  
*Theclæ Virginis apud Seleuciam quiescentis : quæ in ciuitate Iconio à beato Paulo* <sup>rol. 9. Kal.</sup>  
*Apostolo instructa est. quam mater eius cernens Christianam, & nuptum repudia-* <sup>Octob.</sup>  
*re, mallentem Christo sponso adherere, quàm corruptioni carnis subiacere ; pergens ad*  
*Iudicem, accusauit virginem filiam suam esse Christianam ; dicens, viuam eam, vt ce-*  
*teræ mulieres terrentur, debere ardere. Quam sibi cum iussisset Iudex adduci, & pro-*  
*positum castitatis eius perdidicisset, rogam fecit parari, vt illam incenderet. Rapta igitur*  
*ab ap-*



Crucis in  
virtute  
B. Thecla  
flammis &  
serpentibus  
resistit:

ab apparitoribus, ut in focum iactaretur, sponte pyram ascendit, & signo Crucis facto, A  
virili animo inter medias flammās stetit: subitoque facta inundatione pluviarum, ignis  
extinctus est, & beata Virgo illaesa, virtute superna erigitur. Et paulo post subdit:  
Deinde in fossam aqua plenam, ubi serpentes adunati & collecti fuerant, à furentibus  
populis cum urgeretur, signo Crucis munita insiluit; sed nec ab eis vlllo pacto laesa. Hæc  
ibi. Eadem quoque refert Surius in Sanctorum Vitis, Tomo quinto, sub die  
vigesima tertia Septembris, quibus vetustiora Martyrologia consentiunt.

Quam autem salutate & miraculis coruscans sit Crucis signum, non minori  
suo beneficio expertus est inuictus Christi miles Zosimus martyr, qui cum iu-  
bente Domitiano Antiochiæ Pisidiæ Præsides, Traiani Imperatoris temporibus  
in æreum grabatum quemdam ignibus candentem nudus iniectus esset, Cru-  
cisque signo se armasset, confestim igne diuinitus in rorem conuerso, incolu-  
mis & illaesus inde ab Angelis ereptus est. Quod miraculum sanè admirandum  
refert Simeon Metaphrastes in eiusdem Sancti vita, his verbis: *Iussit igitur Præ-* B  
*ses grabatum æreum afferri, & ignem multum subiici, cumque multa flammæ in graba-*  
*tum ascenderent, iussit beatum Zosimum nudum illuc coniici. Cum verò sanctus Martyr*  
*Crucis figura se munivisset, ac in grabatum coniectus esset, statim Dominus ignem in*  
*rorem conuertit. Etenim per Angelos suos Deus Martyri opem tulit; omnes verò qui*  
*præsentes erant, opinabantur ob nimium illum ignem Zosimum animam efflasse: at An-*  
*geli à Deo missi, sanctum Martyrem è grabato sublatum, omnibus spectantibus extra*  
*grabatum constituerunt.* Huius sancti Martyris res gestas, iam ut diximus à Si-  
meone Metaphraste conscriptas, refert Episcopus Lipomanus suis in Sancto-  
rum Vitis Tomo septimo, & Surius Tomo tertio, sub decima nona die men-  
sis Iunij; sitque de eo præcipua in Romano Martyrologio commemoratio;  
atque de eo agunt etiam Græci in Menologio sub eadem die.

Ostendit etiam quàm potens & miraculis coruscans sit Crucis signum, in  
quarta persecutione, quam sancta Dei Ecclesia sustinuit Antonini Imperatoris C  
temporibus, sancta Glyceria Romana, Macarij ter Consulis filia. Cum enim  
idem Imperator publica lege sanxisset, ut per Imperij sui vniuersas prouincias,  
pro sui ipsius natali die solemnità Ioui offerri deberent sacrificia, cumque lex  
illa ad Sabinum Græciæ Præsidem delata esset, quò diligentius eam exequere-  
tur, Traianopolim profectus est. Atque hinc expresso cauit edicto, ut triduo  
omnes in illud incumberent, ut purificarentur; quo exacto, cuncti accensis  
lampadibus adessent, & Imperatoris natalem diem solemniter celebrantes, Io-  
ui sacrificia offerrent. Aderat tum in ea vrbe (quàm occasione haud satis scio)  
eadem sancta Glyceria: quæ cum videret cunctos Christianos ibi degentes, ob  
id ingenti mœrore confectos atque perterritos, illos in quadam domuncula oc-  
cultè congregatos, prudentibus ac sanctis adhortationibus in sancta fide confir-  
mare studuit, suasitque ne scelus illud vlllo pacto committerent. Triduo verò D  
transacto, cum omnes ciues, accensas lampades manibus deferentes, ad Iouis  
templum concurrerent; illa, Crucis signo magna fide fronti suæ impresso, ad  
Sabinum Præsidem accessit; dixitque se illuc ideò venisse, ut sacrificiis Deo of-  
ferendis prima daret initium. Et vbinam, inquit Præsides, lampas tua est, qua te  
id facturam significes? Cui Glyceria: Lampadem meam fronti insculptam de-  
fero, quæ cum extingui non possit, sincera nostra sacrificia illuminat, æterno-  
que Regi offert. Age ergo, inquit Præsides, lampadem tuam sumens, Ioui sacrifi-  
ca. Haudquaquam, ait Glyceria, æterno Regi veròque Deo lampadibus fu-  
mum emittentibus opus est. Sed si qualis sit lampas mea videre desideras, quò  
sacrificium meum magis acceptabile fiat, has lampades omnes extingui iube-  
to. Cumque Præsidente annuente, lampades cunctæ extinctæ essent, sancta femi-  
na Gly-

S. Glyceria  
virilis ani-  
mus per vir-  
tutē Crucis.



**A** na Glyceria oculos ad cælos intendit; manūque ad populum extensa, Videtis ne, inquit, illustrem & refulgentem hanc lampadem, quam fronti impressam habeo? Quibus dictis, fulgentissima Crux fronti eius insidens apparuit. Dumque populus obstupescens illam intueretur, Dominum Iesum enixè precata est, ut pro gloria sua, ac populi illius illuminatione atque salute, idoli illius Iouis simulacrum diruere & comminuere, ac profanorum sacrificiorum illorum apparatus omnes dispergere & dissipare dignaretur. Et ecce adhuc ea loquente, horribile tonitru repentè auditum, & Iouis statua lapidea statim corruit, & minutatim confRACTA est. Quod cum vidisset Præses, ira atque furore percitus, & à sacrificulis qui aderant concitatus, Glyceriam lapidibus impetitam interfici iussit. Cumque furens plebs lapidum grandine in eam irrueret, Deus haudquaquam illam lædi permisit: lapides enim circum illam cadentes, corpus eius minimè attingebant, sed tamquam vallo quodam eam circumdabant. Quod vehementer populus admiratus, veneficam mulierem esse aiebat. Tum Præses illam ad carcerem pertrahi imperavit: quò cum libens ac lætabunda accessisset, venit ad eam Philocratus Christianus presbyter, ut illam consolaretur; qui precibus eius obsecutus, Crucis signo ipsam consignavit.

Postero autem die Sabinus Glyceriam accersitam, & Ioui sacrificium offerre nolentem, cum variis truculentissimorum cruciatuum generibus affecisset (quæ omnia, diuina eam protegente gratia, superavit) in ardentem fornacem iniici iussit. Ipsa verò Crucis signo armata, illæsa inde egressa est. Præses autem ira excandescens, quòd se à muliere victum atque delusum rebatur, ad bestias illam damnauit: quamobrem cum ingens & famelica læna quædam in eam laxata esset, statim ut cursu veloci propius accessit, humilis effecta, perinde ac si illam adorare vellet, inclinavit sese, & lingua pedes eius lambebat. Illa verò interim Dominum enixè precata est, ut martyrij coronam sibi non denegaret, & inter sanctos Martyres in cælis ipsam suscipere dignaretur. Cum autem precandi finem fecisset, confestim vox quædam verba hæc proferens audita est: *Exaudi orationem tuam, veni cum pace, patefacta sunt tibi fores regni cælorum.* Tunc alia læna quædam in eam insiluit, quæ illam leuiter momordit, nec tamen morsus sui vestigium aliquod reliquit: verum dentibus illis tacta, gloriosa bellatrix illa, & martyr inuicta Glyceria ad beatam vitam euolauit. Huius res gestas Simeon Metaphrastes ad posterorum memoriam litteris commendauit; ex quibus ea quæ hîc breuiter perstrinximus, fideliter desumpta sunt. Quæ acta, iam pridem ab Episcopo Lipomano inter Sanctorum vitas septimo Tomo translata, Surius quoque sub decima die mensis Maij tertio Tomo complexus est. Romanum verò Martyrologium de eadem commemorationem facit decimo tertio eiusdem mensis die, quo Græci etiam in Menologio de ipsa mentionem habent.

**D** Sacrum autem corpus eius ad Heracleam urbem translatum est; vbi in honorem ipsius illustre templum magnificè extructum fuit, ut tradit Nicephorus Callistus, & à sanctis eius reliquiis, eodem teste Nicephoro, vnguentum quoddam ad infirmitates omnes curandas efficacissimum emanabat. Vir autem quidam erat, inquit ille, Paulinus nomine, obscuro quidem loco natus, sed in bonis disciplinis admodum eruditus. is veneficiis & incantationibus apprime deditus, inter cetera ad malas artes suas accommodata ministeria, argenteam peluim habebat, in qua humano cruore impleta cum nefariis spiritibus loquebatur. Contigit postea, nescio an necessitate an alia ad id impellente causa, ut peluim illam cuidam argentario venderet, qui eandem postea pro officinæ

*Admirabilis eiusdem S. Glyceria agon & triumphus.*

*Lib. 18. cap. 32. E sacri eius corporis reliquiis vnguentum curandis infirmitatibus efficacissimum emanat.*



suæ foribus publicè venalem exhibebat. Die autem quadam fortuitò inde per- A  
transiens Perinthius Byzantijs Episcopus, soluto venditori pretio, peluim illam  
comparauit, ratusque se generosum planè ac pium opus facturum, ad diuæ  
martyris Glyceriæ templum deferri iussit; sublatoque priore vase æneo, in  
quo pretiosum vnguentum è venerabilibus Martyris reliquiis defluebat, ar-  
genteam hanc peluim tamquam honoratiorem, loco illius statuit. Verùm sa-  
crum vnguentum illud repentè constitit. Sancta enim Martyr profanam pel-  
uim illam, in qua tot execranda scelera patrata fuerant, detestata, gratiæ suæ do-  
num cohibuit. Id postquam mensibus pluribus fieri cognouit Heracleæ Epi-  
scopus, ingenti mœre discruciabatur. Videre enim sibi quodammodò vide-  
batur, ciuitatem & ecclesiam suam inæstimabili thesauro illo culpa sua orba-  
tam, cum id temporibus suis contigisset. Quamobrem lacrymis & ieiuniis  
fese macerans, Deum enixè precabatur, vt causam, qua sacrum vnguentum il-  
lud constitisset, sibi reuelare dignaretur. Benignus autem & misericors Domi- B  
nus, qui seruorum suorum iustas deprecationes non despicit, peluis illius pia-  
culum, & scelerum in ea patratorum auctorem in somniis Antistiti reuelauit.  
Ille autem argentea pelui protinus subducta, priorem illam æream quæ antea  
ibi manere consueuerat, restituit. Et ecce contestim sacrum vnguentum, vt  
prius promanare cœpit. Re autem ad Imperatoris aures per Ioannem Ieiunum  
prouinciæ illius Metropolitanum delata, maleficus ac præstigiator Paulinus  
carceribus mancipatus, Imperatore ipso iubente, in bifurcum palum summa  
parte hiantem actus, scelestam vitam turpiter finiuit.

Apertè etiam quàm mirificum ac potens sit Crucis signum, ostendit san-  
ctus Benignus presbyter, qui cum ad sacrum Euangelium prædicandum per  
Galliæ prouincias, vnà cum sociis aliquibus, à beato Polycarpo, Marci Aurelij  
Imperatoris temporibus missus erat, contigit vt Imperatore ipso tum in illis  
partibus agente, cum ad castrum quoddam Diuion appellatum, quod nouis C  
mœnibus circumdari mandauerat, inuisendum perrexisset, insigne templum  
in Iouis & Mercurij atque Saturni honorem ibi extrui iussit; expresso cauens  
edicto, ne quis Christianorum inibi habitare posset. Quo audito Terentius lo-  
ci illius Comes Imperatori dixit: Domine, an Christianus quispiam hîc adsit,  
nos non nouimus: paucis tamen ab hinc diebus, locis hisce versantem homi-  
nem quemdam peregrinum conspexi, capite tonso, cuius habitus longè ab ha-  
bitu nostro differt; qui deorum nostrorum cultum improbens, nouum quem-  
dam Deum his populis prædicat, & post mortem, aliam vitam illi Deo creden-  
tibus pollicetur. Ex auditis, inquit Imperator, Christianum hunc suspicor:  
quamobrem sedulò illum perquiri facito, repertumque vinculis constrictum,  
in conspectum meum perduc: nam si prædicantem hominem liberè permi-  
serimus, magnam aliquam rerum nouationem ac perturbationem in his Im-  
perij nostri regionibus, in deorum nostrorum opprobrium molietur: atque hæc D  
ipsa prorsus verba, quæ sanè notatu sunt dignissima, adiecit: *Non enim placet  
diis nostris ista conuersatio; nec miscetur lex Christianorum legibus deorum nostrorum:  
sed ubi diis nostris ostensum fuerit signum illius Crucifixi, illicò tabescunt, & fremunt  
dentibus, nec signum illud intueri sustinent.*

Terentius igitur Comes, his auditis, Sanctum illicò inquire iussit; quem  
compertum in villa quadam, cui nomen Spaniaco, Gentilibus Dei verbum  
prædicantem, vinctum ac cæsum Aurelio exhibuit. Qui cum Crucicolam  
per ludibrium illum appellasset, pollicitusque esset se perdiuitem, ac deorum  
suorum sacerdotem magnum eum effecturum, si Christo renuntiare vellet;  
videns, quòd in sancta fide constantissimè perseueraret, Terentio Comiti il-  
lum

S. Benignus  
per ludibriū  
Crucicola  
appellatus.



A lum tradidit; iubens, ut si diis sacrificare renueret, dirissimis cruciatibus afficeretur. Quod cum variis modis truculentissime factum fuisset, & sequente nocte ab Angelo Dei confirmatus ac persanatus esset; postero die Imperator ipse ad se accersitum, atque in sententia sua firmissimum deprehensum, in templum quoddam illum perducere, ipsique inuito immolatorum carnes in os ingeri præcepit. Ipse vero sanum statim ingressus, Crucis signum contra carnes *Crucis* illas atque idolorum statuas quæ in eo templo aderant eiectus, confestim *gno idola prosternit.* carnes illæ evanuerunt, & simulacra lignea & lapidea in terram ruentia minutim confecta sunt. Sic enim in Actis eius ex antiquissimis manuscriptis codicibus desumptis, quibus peruetusta consentiunt Martyrologia, refert Surius *Tom. 6 sub die 1. Nou. & Tom. 1. in Actis SS. Terminus minorum. Petrus in Catalogo lib. 10. c. 3.* his verbis: *Cum hæc dixisset, & Crucis expressisset signum, mox idola omnia lignea & lapidea, & vasa in quibus sacrificia offerebantur, instar fumi evanuerunt.* Huius autem Martyris res gestas scripsit quoque Mombricius Tomo primo, & Episcopus

B scopus Petrus de Natalibus in Sanctorum Catalogo.

At quantæ virtutis ac potentiæ sit Crucis signum, Christus Dominus noster etiam ostendere voluit per cælestis militiæ Principis sancti Michaëlis Archangeli operationem, in antiquissima & admirabili illa ipsius apparitione, quæ circa annum nonagesimum contigit, post diui Ioannis Euangelistæ decessum, in loco quodam cui nomen Cherotopa, in regione Chonenfi, Nicetæ Choniatis Historici patria, prope Colossensem Lyciæ urbem, ad Lycum fluuium sitam: ad cuius ciues Paulus Apostolus celeberrimam illam scripsit Epistolam, non autem ad Rhodianos, ut quidam inconsulte nimis litteris commendarunt. Aderat hoc in loco, qui in ima quadam valle situs erat, insigne ac percelebre templum, in Christi honorem sub inuocatione sancti Michaëlis Archangeli extructum, ubi antiquitus magno pietatis feruore ingens populum erat concursus, ob aquæ cuiusdam ibi scaturientis admirabilem virtutem, quæ pota omnem curabat infirmitatem. In eo autem templo, iam à primis suæ ætatis annis habitare solebat sanctus ac venerabilis senex quidam Hierapolitanus, nomine Archippus, qui austeram planè inibi ac panem cælestem vitam ducens, aquæ illius admirabilis ac templi ipsius curam gerebat. Verum cum miraculorum quæ ibi edebantur, ac sancti senis illius Archippi celebrem famam per orbem terrarum diffusam, æquo animo ferre non possent finitimi populi, quorum pars maior ex infidelibus & incredulis constabat, templum illud euertere, & sanctum senem Archippum sæpius interimere conati sunt. At cum Deus illum admirabiliter semper protexisset, illi ingenti hominum manu adscita, profundam fossam fodientes, duorum fluminum aquas quæ ex eminentiore alueorum situ defluebant, contra templum illud deriuare atque impellere nisi sunt; ea sanè mente, ut sanctum senem obruerent, ac templum ipsum aquarum inundatione & impetu præcipiti à fundamentis euellerent. Cum autem aquæ ipsæ horribili murmure & cursu velocissimo contra templum ruere cœpissent, ac Sanctus ille feruentissimis precibus se ipsum ac templum enixè Deo & beato Michaëli commendaret, quid inde acciderit, in eadem apparitionis ipsius historia hisce verbis exprimitur: *Cum sic affectus esset Archippus, & sic præclare vacaret orationi, diuina visio desuper aduolans, modo quodam arcano eum vocauit nominatim. Et ille quidem è templo egressus, continuo cecidit pronus, ut cuius oculi non ferrent secure se ad tale applicare spectaculum. Ea autem illi dixit: Surge & veni huc ad me, & Dei virtutem videbis inexpugnabilem in his aquis quæ vehementer confluent. Cum itaque beatus coniecisset Archippus, hunc esse magnum illum cælestis militiæ Principem, fletit quidem, ut ei iussit, ad eius sinistram: statim autem vidit columnam ignis, quæ à terra pertingebat usque*



Suspenda  
per eundē  
S. Michae-  
lem signo  
Crucis con-  
fecta.

ad ipsum calum, & vocem illinc audiuit, quæ eum iubebat esse bono animo, & non ti- A  
mere. Deinde ad ipsos quidem aqua processit. Cum ille autem manum sustulisset, &  
Crucis signum formasset, & loco stare iussisset fluuios ( quanta est, ô Christe, multi-  
tudo tuæ virtutis! ) viderunt eum aquæ, vt Psalmicè dicam, & timuerunt; & tam-  
quam murus repente concreuerunt ac constiterunt. Cum ille autem rursus sustulisset  
dexteram, & in rupe quæ erat prope templum, figurasset signum Crucis, repente eru-  
pit tonitru, & terra valdè contremuit, & terramotu quidem fissa fuit petra. Ille ve-  
rò cum valida rursus in ea arma torsisset, nempe terribile signum Crucis; Conteratur  
quidem hîc, dixit, omnis virtus aduersarij, scateat autem ab omnibus malis liberatio  
his qui accedunt fideliter. Cumque sic dixisset, iubet Archippum transire ad dexteram.  
Cum is autem ad dexteram stetisset, & iussui statim paruisset; militiæ Princeps ma-  
xima & clarissima voce iussit fluuiis, dicens: In hoc infundibulum de cetero infundi-  
mini. Re autem sic admirabiliter & contra opinionem facta, vt iusserat diuinus B  
Archangelorum quidem Princeps Michaël, continuò ab Archippo auolans, reuersus  
est unde descenderat; & ad primam lucem accedit, qui ipse quoque est lux perfecta, &  
illo admirabili & qui naturam superat splendore fruitur. Hæc ibi. Quam admi-  
rabilem planè historiam Simeon Metaphrastes conscripsit; eandemque re-  
fert Lipomanus Episcopus inter Sanctorum vitas Tomo sexto, sub die quinta  
Septembris.

Huius autem admirabilis apparitionis diui Michaëlis Archangeli anniuer-  
sariam commemorationem in Menologio, & solemnem celebritatem agunt  
Græci sub sexta die Septembris. Cuius solemnitatis meminit Emanuel Impera-  
tor in Constitutione De feriis. Eiusdem etiam commemorat Cardinalis Baro-  
nius, in suis ad Romanum Martyrologium Notis, sub die octaua Maij. Verùm  
nobilissima & antiquissima hæc sancti Michaëlis Archangeli memoria post-  
modū violata est à sacrilego pseudo-Alexio Constantinopolitano Imperatore.  
qui tamen impietatis huius meritas pœnas dedit: dum enim in strato suo C  
quiesceret, à sacerdote quodam capite obtruncatus est, vt Nicetas Choniates  
in Annalibus affirmat; grauitè admodum conquestus, patriam suam tanto  
thesauro orbatam; sic enim inquit: *Ac is quidem suorum scelerum has pœnas de-*  
*dit, tum quòd Persas contra Romanos incitauit, & ex his ipsis quotquot ad eum con-*  
*fluxerant, popularium suorum sanguine contaminauit; tum quòd homo detestandus,*  
*Chonis meis celebre templum Michaëlis Archiducis celestium copiarum violauit.*

Annal. li. 3

S. Mar-  
tina mar-  
tyris Ro-  
mana no-  
bile stem-  
ma & vir-  
tus.

Ostendit etiam, & vt re ipsa Gentiles idololatræ experirentur quàm po-  
tens & aduersariis potestatibus terribile sit Crucis signum, Alexandri Seueri  
temporibus effecit sancta martyr Martina Romana virgo, illustrissimis orta  
natalibus, quam pater Consularis vir ditissimam reliquerat. Ipsa verò Christi  
fidem auidissimè amplexata, pauperes & egentes magna liberalitate & chari-  
tate opibus suis subleuabat; orationibusque, ieiuniis, & aliis sanctis operibus D  
iugiter incumbens, Angelicam planè atque cælestem in terris ducebat vitam.  
Hæc ab improbis quibusdam delata quòd Christiana esset, Imperator am-  
plissimæ nobilitatis illius, vt par erat, rationem habens, Comitem quem-  
dam Vitalem nomine, & Cassium intimum cubicularium suum, vnaque cum  
eis nobilem Romanum quemdam Gaium nuncupatum, ad illam ad se accer-  
sendam misit. Cumque in Imperatoris conspectum venisset, blandis verbis  
eam adhortari orsus est, vt maiorum suorum, quos dii nobilitate & copiis af-  
fluentissimis liberalissimè ditauerant, religionem secuta, Apollini sacrificium  
offerre vellet, pollicitus, si id faceret, amplissimis se eam honoribus profecutu-  
rum. At illa se Christianam esse constantissimè atq; ingenuè professa; Iube me,  
inquit, ô Imperator, viuenti & omnipotenti Deo, qui ex nihilo cuncta creauit,  
sacri-



A sacrificium offerre, & in hoc iussionibus tuis quàm libentissimè obtemperabo, non autem Apollini, quem nil aliud quàm frigidum & insensibile saxum esse constat, in quo diabolus inhabitat, qui sacrificiis nostris debilitatus & enervatus, animis hominum qui in Iesum Christum Dominum nostrum sperant, iam tandem illudere desinet.

Cum id ingenti animi sui molestia audisset Imperator, iussit ut Apollinis templum ingrederetur, & idolo illi omnino sacra faceret. Cui illa, Ingredere, inquit, & tu quoque Imperator, vnà cum Apollinis ipsius sacerdotibus, & quotquot eius cultores estis, & coràm aspiciat quàm placidè ac benignè omnipotens & misericors Deus fidelium suorum pura & immaculata suscipiat sacrificia. Iussit ergo Imperator sacerdotibus & satellitibus suis delubrum ingredi, ut quid illa faceret, attentissimè perspicerent. Martina verò statim ingressa, Crucis signo tamquam inexpugnabili muro circumdata sese communiuit, & statim omnibus qui aderant, Angelica quædam gloria & splendor super eam visibiliter apparuit. Et dum illa oraret, ecce terræmotus ingens factus est, quo *S. Martina se signante & orante, corruit idolum, & pars delubri.* vrbs tota concutiebatur, & Apollinis simulacrum concidens, minutatim confectum est; quartaque pars delubri eius corruens, ingentem hominum multitudinem vnà cum sacerdotibus ipsis oppressit ac peremit. Sic enim memoriæ proditum est in Actis eius, quæ manuscripta habentur in peruetustis codicibus, siue Sanctoralibus aut Passionariis Vaticanæ basilicæ, & sanctæ Mariæ ad Martyres, quam hodie Rotundam appellant.

His valdè commotus, animique exandescencia percitus Imperator, ac præ cordis cæcitate non intelligens id totum diuina virtute accidisse, sanctæ Virginis faciem colaphis cædi, & vncis ferreis palpebras eius lacerari iussit. In quibus cruciatibus cum constans & immobilis permaneret, tortores ope orationum eius ad sanctam fidem conuersi, omnes pro Christo securi percussi sunt.

C Et ut breuiter rem perstringamus, post truculentissimorum cruciatuum diuersa genera, quibus variis diebus affecta est, cum idoli Artedimi siue Artemij, vel ut in aliis Actis legitur, Dianæ templum ingredi cogeretur, id accidit, quod in antiquissimis Sanctoralibus siue Passionariis basilicarum sancti Petri & sanctæ Mariæ ad Martyres eiusdem Virginis Acta referentibus, his verbis continetur: *Ingressa est autem Beata in Christi nomine, sibi que faciens Crucem, & respiciens in statuam idoli daemonicam, dixit Imperatori: Vide seductionem Imperator, oculos habentes, & non videntes, &c. Et mox tonitruum cum fulgore factum est, & ignis cecidit de celo, & combussit sacerdotes, & de templo partem, & pars populi mortua est. Et Imperatoris partem dexteram purpura combussit, & idolum Artedimi in fauillam redegit.* Eadem ferè de gloriosa virgine & Martyre hac habentur in Martyrologio Adonis Treuerensium Archiepiscopi. Et ante illum, commemorationem de ea fecerunt Martyrologium Romanum, Beda, Vsuarius, & Latinorum ceteri omnes; ac Surius demum eadem Acta, licet diuersis verbis & mutato stilo, descripsit.

Tom. I.  
sub die  
1. Ianuarij.

Cæsar Cardinalis Baronius in suis ad Romanum Martyrologium Notis, sub die prima Ianuarij, tacitæ cuidam obiectioni respondens, Quo nimirum pacto fieri potuerit, ut hæc Virgo, aliique tot sancti Martyres passi dicantur sub Alexandro Severo; cum grauissimorum Historicorum auctoritate probetur, Christianorum illum amicissimum fuisse; utpote Mammeæ filium, quæ ab Origene erudita (ut tradit Eusebius in Historia Ecclesiastica) Christianorum erat amantissima. Quamobrem Alexander eosdem non tantum suo iure viuere permisit, sed ut scribit Lampridius in eius vita, in larario, ubi matutinis horis sacris incumbere consueuerat, inter supersticio-



Alexander  
Imp. inter  
faljos deos  
coluit etiam  
imaginem  
Christi.

fas deorum suorum imagines, Christi quoque Domini ac Redemptoris nostri A  
effigiem collocavit, Christianosque magnis honoribus profecutus, multa in eos  
beneficia & officia contulit; atque in Imperij regimine, & in prouinciarum ad-  
ministratone, laudatissimos ipsorum mores imitatus est. Cui obiectioni  
idem Cardinalis exactissimè responder. In eo autem quod ad Christianos atti-  
net, asserit, Alexandrum ipsum nullum aduersus eos persecutionis edictum  
promulgasse; non tamen erga illos sic affectum fuisse, vt antiqua iura Romano-  
rum, & Prædecessorum suorum edicta quibus Christiani plecterentur, silere  
iusserit. Sed cum idem Imperator, inquit, optimè reipublicæ consultum cuperet,  
bellicis negotiis ipse occupatus, Prætoriam præfecturam credidit Domitio Vl-  
piano; illique cum Paulo, vt præstantissimis illius ætatis Iureconsultis, rerum  
summam delegauit; ipsisque relictæ reipublicæ administratione, in expeditio-  
nibus militaribus totus erat. Cum autem ijdem Iureconsulti, præcipuè verò  
Vlpianus, Christianis infensissimus esset, non esse tradit quod miremur, litteris B  
memoriæ proditum fuisse, tot sanctos Martyres sub Alexandro Seuero passos  
esse: concludensque, Lectorem monitum esse vult, vt cum in vita sanctæ Marti-  
næ vel aliis legerit, Christianos causam dixisse coram ipsomet Alexandro Seue-  
ro, sciat illa non esse purissima ipsa Martyrum Acta publica, excepta à Notariis  
actuariis coram Præside, sed potius esse Actorum paraphrases superadditas. Hæc  
Baronius. Cui quidem ego haudquaquam contradicere ausus fuerim: sed illud  
tantum animaduertendum censeo, Acta nimirum sanctorum Martyrum, quæ  
in Sanctoralibus siue Passionariis, quos suprà in medium adduximus, conti-  
nentur, tamquam vera & germana ab Ecclesia communiter fuisse recepta, at-  
que vt huiusmodi in diuinis Officiis publicè legi solita. Cum autem hîc paulò  
plus quàm secundum sæculum à Christi Domini natiuitate terminetur, cum-  
que ad finem pariter perducta sit quarta persecutio quam sancta Dei Ecclesia  
passa est, vt diuus Augustinus tradit, nos quoque capiti huic finem impone- C  
mus; ne longius productum, Lectoribus negotium aut tædium faceßat, Cru-  
cisque glorificatori debitas laudes & gratiarum actiones persoluemus, qui  
cum Patre & Spiritu sancto viuit & regnat per infinita sæcula sæculorum.  
Amen.

De ciuitate  
Dei lib. 18.  
cap. 52.

## CAPVT VII.

*Adhuc de Crucis signi virtute, miraculis aliis quamplurimis  
demonstrata.*

ADMIRABILIVM sanctæ Ecclesiæ progressionum clarissima figura  
& euidens præsignificatio illud sanè fuit, quod Israëlitis contigisse legi-  
mus. Sicut enim cum populus ille Ægypto egressus, ad promissionis terræ pos-  
sessionem capeßendam proficisceretur, vniuersi finitimi Reges commoti sunt, D  
& contra eum arma sumpserunt, vt illum præpedirent & opprimerent: sic cum  
nouis Ecclesiæ populus infidelitatis & idololatriæ Ægypto egrederetur, ad ve-  
ræ terræ promissionis, quæ cælestis patria est, acquisitionem aspirans, statim  
diabolus sublimiorum ac potentiorum mundi Principum vim atque poten-  
tiam contra eum excitauit; qui seuerissimis edictis, acerrimis persecutionibus,  
truculentissimisque cruciatibus, dirisque mortibus, vt illum detinerent, oppri-  
merent, & ad nihilum redigerent, summis conatibus enixi sunt. Verum quem-  
admodum Amorrhæorum, Cetheorum, Chanaanæorum, Pherezeorum, Heuço-  
rum, Gergezæorum, Iebusæorum, ceterorumque Regum ac populorum vires  
& arma,

Quanta vi  
demonstrat  
crucesque  
cultores op-  
primere co-  
natus sit.



**A** & arma, quæ aduersus Israël & Iosue ducem eius summis moliminibus coierunt, nullo modo ad illum opprimendum, neque ad id quidem ut pedem referret cogendum, sufficere valuerunt; sic edicta, leges, persecutiones, cruciatus, & neces, quas Græci, Romani, Persæ, Æthiopes, Indi, ceterique omnes populi aduersus Christianos exercuere, haudquaquam satis esse potuerunt, non tantum ut illos prorsus extinguerent ac delerent, sed nec ad eos quidem detinendos aut præpediendos, quin Christi fidem per vniuersum terrarum orbem disseminarent, & ne sancta Ecclesia fundamenta sua in omni terra defigeret. Quamobrem Origenes, qui truculentissimarum persecutionum illarum rabiem ac furorem propriis oculis conspexit, atque ex parte etiam re ipsa expertus est, diuinitus penè in hoc vaticinatus, inquit: *Decreuerunt enim Senatus populusque principes Romanilegibus suis, ut non sint Christiani: omnis ciuitas, omnis ordo Christianorum nomen impugnat. Sed sicut tunc omnes illi Reges conuenientes contra Jesum*

In Iesu Naue cap. 9.  
Homil. 9. in fine.

**B** nihil facere potuerunt, ita vel Principes vel Potestates istæ contrariæ, ut non Christianorum genus latius ac profusius prorogetur, obtinere non valebunt. Scriptum namque est, quia quanto magis eos humiliabant, tanto magis plures fiebant, & inualescebant valde. Confidimus autem, quia non solum non nos poterunt obtinere visibiles inimici & aduersarij nostri, verum etiam velociter Jesu Domino nostro vincente, conteretur satanas sub pedibus seruorum eius. Illo etenim duce semper vincent milites sui; ita ut nos dicamus, sicut in Esdra scriptum est: *Quia à te Domine est victoria.*

3. Esdræ 4.

Qualis autem fuerit persecutionum acerbitas ac truculentia, quam Sancti & amici Christi perpassi sunt, ex parte Lector conijcere potuit ex his quæ hætenus diximus. Verum, ô admirationem planè maximam, qua omnes creaturæ meritò obstupefiant, infinitæ sapientiæ ac potentiæ Dei optimi maximi, qui in diaboli atque ipsorum persequentium ministrorum eius confusionem, ex re, quam inimici omnium imbecillissimam, vilissimam atq; ignominiosissimam rebantur, maiores vires, insigniores victorias, excelsioresque sanctæ Ecclesiæ glorias elicere voluit. Nil sanè aliud quod maiori probro ac dedecori Christianis esse putarent, impropere sciebant Ethnici, quàm Crucem; Deus autem econtra Crucem ipsam adeò honorauit, exaltauit, & glorificauit, illique tantam virtutem ac potentiam impertitus est, ut non solum ipsa, sed signum eius tantum, deos illorum, id est dæmones, perterrefaciendi & profligandi, simulacra eorum confringendi, profana templa diruendi, impiam idololatriam auferendi, falsamque eorum religionem delendi, ac demum persecutores ipsos ad sanctam Fidem attrahendi vim obtinuerit; ob inaudita & planè admiranda miracula, quæ Sancti & amici Christi per sacrosanctum hoc signum ediderunt, ut perspicui potuit ex hætenus recensitis, paucisque aliis quibusdam, quæ in præsentem hoc capite prodituri sumus: paucis inquam; nam si de omnibus miraculis, quæ per Crucis signum edita fuere, mentionem facere velimus, tractatum hunc nostrum ad hanc tantummodò materiam complectendam, in diuersos Tomos conflare opus esset.

Quem non tantum Crucis, sed Crucis etiam signum terruit & profugauit.

**D** Non vile ergo aut obscurum, sed sublime admodum ac perillustre huius capitis exordium erit gloriosus Romanæ Ecclesiæ Archidiaconus Martyr Laurentius, qui Crucis signum summa veneratione ac pietate prosecutus, miracula sanè quibus omnis ætas meritò obstupefcat, per illud edidit. In cuius rei commemorationem ad hanc usque diem sic canit Ecclesia: *Leuita Laurentius bonum opus operatus est, qui per signum Crucis cecos illuminauit.* Hic igitur Martyr beatissimus, cum à sanctissimo Sixto Papa, paulò antequam martyrio affectus esset, thesauros Ecclesiæ pauperibus distribuendi potestatem accepisset, id effecit, quod Ado Treuerensis Archiepiscopus his verbis tradit in suo Martyrologio:

S. Laurentius signo Crucis miracula maxime stupenda operatus



In Martyr- Hic veniens in Cælum montem, vbi erat quædam vidua, in viduitate triginta duos A  
 rolog. 4. Id. annos habens, in cuius domo multi Christiani, & presbyteri, & clerici absconsi manebāt,  
 Augusti. tulit vestes & thesauros Ecclesiæ, & cæpit erogare, & pedes omnium Christianorum  
 lauare. Ad cuius pedes Cyriaca vidua cadens, Per Christum, inquit, te coniuro, vt manus  
 tuas imponas super caput meum; quia multas infirmitates capitis patior. Beatus Lau-  
 rentius factò signo Crucis, posuit manus super caput viduæ, & linteum de quo exterge-  
 bat pedes Sanctorum. Transiens autem in vicum qui dicitur Canarius, inuenit multos  
 Christianos in domo Narcisci Christiani congregatos, & lauit pedes omnium, & dedit  
 eis de thesauro. Erat in eadem domo homo cæcus, nomine Crescentio, qui cæpit rogare bea-  
 tum Diaconem, vt poneret manum suam super oculos eius. tunc beatus Laurentius la-  
 crymans dixit: Dominus noster Iesus Christus, qui aperuit oculos cæci nati, ipse te illumi-  
 net; & factò signo Crucis, aperti sunt oculi eius.

Eadem pænè verba refert etiam Surius in Sanctorum vitis, Tomo quarto, in  
 eiusdem sancti Martyris Actis. Huius autem gloriosi Martyris strenuissimum B  
 planè & admirabile certamen sacro ac præcipuo hymno piè cecinit Pruden-  
 tius. Laudes quoque eius meritò concelebrarunt sancti Ambrosius<sup>a</sup>, Augusti-  
 nus<sup>b</sup>, Maximus Taurinensis<sup>c</sup>, Leo Papa<sup>d</sup>, Petrus Chrysologus<sup>e</sup>, & alij  
 plerique.

<sup>a</sup>Offic. lib. 1.

c. 41. lib. 2.

cap. 28.

<sup>b</sup>In Ioann.

Tract. 27.

& Serm. 32.

de Sanctis,

& Serm. 32.

de diuersis.

<sup>c</sup>Serm. 1. 23.

<sup>d</sup>In festo

S. Laurëtij.

<sup>e</sup>Serm. 135.

Idola ex-  
 sufflata, &  
 signo Crucis  
 prostrata à  
 triginta sex  
 Martyri-  
 bus.

Ostenderunt pariter, ac re ipsa commonstrarunt signi Crucis vim atque vir-  
 tutem, Decij Imperatoris temporibus, triginta sex Christiani, sanctorum Mar-  
 tyrum Terentij, Africani, Maximi, atque Pompeij socij, quorum nomina soli  
 Deo sunt nota, tribus dumtaxat exceptis, quæ scripta reperiuntur. hi autem  
 fuere Zeno, Alexander, ac Theodorus: qui vnà cum aliis triginta tribus sociis,  
 iubente Fortuniano Africæ Præfecto, variis tormentorum generibus cruciati  
 & exstimulati, vt idolis litarent, dum membra ipsorum ferreis vngulis truculen-  
 tissimè dilacerarentur, Crucis signum frontibus suis imprimentes, & contra  
 idolorum simulacra insufflantes, illa repentè in terram corruentia, minutatim C  
 confRACTA, & in puluerem redacta sunt; nec ita multo post, templum ipsum, in  
 quo idola illa consistebant, concidens, euersum est. Quem admirabilem planè  
 euentum refert Simeon Metaphrastes in hunc modum: *Ac sancti Dei Martyres*  
*suspicientes in cælum, ita locuti sunt: Deus omnipotens, qui Sodomorum urbem propter*  
*ipsorum nequitiam igne succendisti, & in solitudinem redeigisti, hoc etiam impiorum do-*  
*micium nunc etiam propter tuam iustitiam euerte. Cumque Christi signum frontibus*  
*suis impressissent, insufflarunt aduersus idola, & ea statim confRACTA in puluerem rede-*  
*gerunt. Tunc sancti Martyres ad Præfectum, Cernis, inquiunt, deos tuos? vbi est robur*  
*ipsorum? potuerunt ne sibi ipsis opitulari? Haud multo post autem & templum corruit.*  
 Horum autem sanctorum Martyrum Acta, iam vt dictum est, à Simeone Me-  
 taphraste conscripta, refert Lipomanus Episcopus inter Sanctorum ab eo col-  
 lectas vitas Tomo septimo, sub die decima Aprilis; & Surius Tomo secundo, D  
 sub eodem die. Habetur etiam de eis præcipua in Romano Martyrologio com-  
 memoratio: atque de eisdem agunt quoque Græci in Menologio sub ipsa die.

Crucis quoque signi virtutis ac potentia insignis admodum & admirabile  
 exemplum legitur in Actis beatorum fratrum & Christi martyrum Pauli &  
 Iulianæ, qui sub Aureliano Imperatore passi sunt. Cum enim idem Imperator  
 magnis pollicitationibus & adhortationibus illis suadere nifus esset, vt idolis sa-  
 crificarent, spondens Iulianæ præsertim, quæ virgo erat insignis pulchritudinis,  
 se illam vxorem ducturum, & in Imperatricem electurum, si Christo nuntio  
 remisso, idolis incensum adolere vellet; videns quòd Sancti, ingentibus suis spre-  
 tis promissionibus, constantissimè obtestabatur, se ad omnes cruciatus qui ex-  
 cogitari possent, mortemq; ipsam potius sustinendam paratos, quàm vt Christo  
 renun-



A renuntiarent, & impietatem illam committerent, diuersis tormentorum generibus eos affici iussit: quæ à Deo roborati, admirabili planè constantia pertulere; ita vt quidam ex carnificibus qui ipsos torquebant, obstupefacti, in Christum crediderint, & pro sancta fide securi percussi sint: cumque idem Imperator incredibili sua ac totius populi qui diris spectaculis illis intererat admiratione perspiceret, eos post tot immanissimos atque inauditos cruciatus, super humanæ naturæ vires, vegetiores ac robustiores existere, & tamen præ cordis cæcitate non intelligeret id totum admirabili Dei virtute fieri, sed magicis artibus adscriberet; maiora in sanctos Martyres molitus, id fieri iussit, quod in eorundem Actorum historia hisce verbis proditum est: *Iussit deinceps Aurelianus Paulum exsolui, & foueam quamdam effodi, tam longam, quanta est trium hominum statura: tum ligna & ignem afferri, atque in fouea illa succendi. Fecerunt carnifices, quod iussum fuerat, admodum studiosè. Nam & foueam statim effoderunt, & ignem vehementer accenderunt. Itaque Aurelianus iussit Paulum & Julianam in ignem conijci. sancti verò Martyres Deum collaudantes, Saluatorem ac Dominum Jesum Christum inuocabant ad opem sibi ferendam. Cum autem ad eum locum venissent, sua membra Crucis signo munierunt, & sponte se in ignem coniecerunt. Erant autem in igne illo Deum laudantes, & eius gloriam prædicantes. Ecce autem Angelus Domini descendit de celo, & fumum vnà cum igne foras excussit; neque permisit sanctos Martyres vel paululum ab igne perturbari. Hæc omnia Simeon Metaphrastes, in eorundem sanctorum Martyrum Actis, quæ postea ab Episcopo Lipomano collecta, inter Sanctorum vitas, sub die decima septima Augusti Tomo septimo redacta sunt. Eademque refert Surius Tomo quarto, sub eadem die; quæ etiam de eisdem in Romano Martyrologio fit commemoratio, atque de ipsis agunt Græci in Menologio.*

Palam etiam Deus omnibus notum esse voluit, quanta sit virtus quam Crucis signo tribuit, in strenuissimi atque intrepidi Christi militis Theodori martyris morte, qui passus est in truculentissima illa persecutione, quam sancta Dei Ecclesia sub Diocletiano & Maximiano Imperatoribus perpeffa est; quæ iuxta diui Augustini numerationem decima fuit. Cum enim idem fortissimus & inuictus Martyr, post diuersa truculentissima cruciatuum sibi illata atque ab ipso constantissimè tolerata genera, igne viuus comburendus esset, licet manibus post tergum reuinctis, Crucis tamen signum verbis ac toto cordis affectu sibi ipsi impressit; cumque ingens & validus ignis circa eum succensus esset, statim id iubente & operante Deo, flamma, veli magnæ cuiusdam nauis ventorum flatibus tumescentis instar, in tentorij formam circa corpus illius conglobari conspecta est; in cuius medio, velut in cubiculo quodam stans beatus Martyr, Deum laudans ac benedicens, nulla prorsus ignis læsione affectus animam creatori suo in pace reddidit. Sic enim in Actis eius, quæ manuscripta habentur in peruetusto codice, siue Sanctorali vel Passionario Ecclesiæ sanctæ Mariæ ad Martyres, memoriæ proditum est his verbis: *At verò beatus Martyr, signaculo Crucis verbis semetipsum consignans, manibus post tergum ligatis, tamquam aries electus de magno grege ad holocaustum Deo acceptum ac præparatum, aspiciens in celum ait: Domine Deus omnipotens, &c. Et cum finisset orationem, ministri diaboli succenderunt ignem. Magnum autem flammæ micantis miraculum vidimus, quibus datum est videre, qui & reseruati sumus, vt annuntiemus ceteris ea quæ facta sunt: flamma enim in specie camera facta est, tamquam velum nauis à vento repletum; & circumuallauit corpus beati Martyris; & erat non quasi corpus ardens, sed quasi panis qui coquitur. Sancto enim Spiritu superueniente, sine afflictione erat beatus Martyr in medio flammæ laudans Deum; & reddidit Christo spi-*

Paulus & Julianam  
martyres  
signo Crucis muniti,  
in mediis ignibus  
haud am-  
buntur.

Ignis virtute Crucis repres-  
sus.

Facto signo Crucis, flammæ in specie camera martyrem Theodorum circumdat.



sto spiritum, quinto Idus Nouembris, & assumptus est in celis.

A

Huius autem inuicti Martyris præcipua fit in Romano Martyrologio commemoratio, sub nona die mensis Nouembris. De eoque commemorauerunt etiam Beda, Vsuarius, Ado, & cetera Latinorum Martyrologia. Græci autem in Menologio de eodem agunt ad decimum septimum Februarij diem; sub quo Simeon quoque Metaphrastes eiusdem Acta litteris commendauit. Laudes verò eius magno encomio concelebrarunt sanctus Gregorius Nyssenus, Nestarius Episcopus, & Nicephorus Callistus Ecclesiasticæ historiæ libro septimo, capite quadragesimo quarto. Cognominatus est autem sanctus hic Martyr, Tiro & Amasenus, ab Amasea vrbe in qua passus est sub Bringe Maximiani Imperatoris Præfecto: sicque appellatus est, ad alterius cuiusdam Martyris differentiam, cui Theodorus pariter nomen erat; qui quidem cum exercituum Dux esset, sub Licinio Imperatore in Heraclea Ponti vrbe passus est. Cuius Acta iam ab Augaro scriba quodam qui præfens aderat excepta, & à Simeone Metaphraсте postea collecta, ab Episcopo Lipomano inter Sanctorum vitas Tomo quinto, & à Surio Tomo primo, sub die septima Februarij relata sunt; in quibus habetur, quòd gloriosus hic Dux, cum Crucis signo se armasset, immanem ac

*Idē Crucis  
signo arma-  
tus pestife-  
rum draco-  
nem intere-  
mit.*

pestiferum draconem interemit, qui Euchaitæ ciuitatis patriæ eius campestria halitu virulento inficiens, homines quoque & iumenta enecabat; sic enim ibi: *Sanctus autem Theodorus cum Crucis fecisset signaculum, ascendit equum suum, & citrans stetit equus supra draconem quattuor suis pedibus. Tunc Christi athleta Theodorus stricto gladio percussit draconem, & dixit: Ago tibi gratias Domine Iesu Christe, quòd me exaudisti in hac hora, ut vincam aduersarium. Deinde conuersus, viam suam in pace inijt, simul letans, & Deum glorificans.* Nicephorus autem Callistus, huius sancti Martyris passionem & mortem breuiter profecutus, causam quoque prodit, cur ab impio Licinio truculentissima morte affectus sit; sic enim tradit: *Quo tempore, inquit, etiam exercitus Dux Theodorus martyrio est defunctus, spectata fortitudine vir, qui Heracleæ in Ponto habitans, Maryndinorum genti præerat. Et quòd euocatus ad Licinium non venit, & hospitem ipsum habuerit, eiusque deos comminutos egentibus dedit; hunc Licinius etiam si egregie charum habuerit, multis tamen cruciatibus affecit. Nam in Crucem eum egit, & subulas in meatus secretiore corporis eius immisit; postremoque capite truncauit. Cuius corpus postea in patriam eius Euchaitem magnifice deportatum, ibi insigni templo cohonestatum est.*

*Ecclef. hist.  
lib. 7. c. 44.*

Quanta item sanctissimæ Crucis suæ signi sit virtus, Christus Dominus ostendere etiam voluit in sancta Iustina Antiochena virgine. Cum enim ardenti amoris eius desiderio captus esset nobilis quidam iuuenis scholasticus, cui nomen Aglaides, omnemque excogitatum mouisset lapidem, quo illam ad libidinis suæ cupiditatem pertraheret, videns quòd nihil proficeret, effrænato tandem atque ardenti amoris incendio percitus, magna armatorum iuuenum manu constipatus, palàm in medio ipsius vrbis vico quodam illam aggressus, summis conatibus enixus est, ut ad suam domum eam violenter perduceret. Verùm cum plurimi cognati eius armis instructi accurrissent, demum iuuenes illi perterrefacti, aufugerunt. At amore obcæcatus Aglaides, velut amens ac furiosus, tela, minas, ictus pro nihilo ducens; strictissimè illam amplexatam tenens, nullis viribus ab ea abstrahi vel dimoueri poterat, donec sancta virgo, corde & mente sese Christo Domino commendans, rogansque ut ab odiosa implicatione illa eam liberare vellet, Crucis signum non tam in insanientem iuuenem illum, quàm in eum qui tentationibus suis in furorem ipsum concitabat, intorsit; statimque à brachiorum illius amplexu se liberam conspexit. Sic enim testatur Simeon Metaphrastes, qui sacræ virginis ac Martyris

*S. Iustina  
signo Crucis  
improbum  
amatorē re-  
pellit.*

huius

B

C

D



**A** huius res gestas descripsit his verbis: *Virgo autem erat planè idipsum, quod Ioseph, qui erat moderatissimus & generosissimus, & Crucis figuram tamquam arma opponens, non tam aduersus illum quàm eum qui per illum ipsam tacitè conabatur oppugnare, repente sceleratum illum & execrandum repulit ac reiecit.*

At ille qui in extremam effræmati amoris insaniam prolapsus erat, cùm perditis ac desperatis rebus suis nullum aliud remedium inuenire posset, mago cuidam nomine Cypriano, sese plurimum commendauit, enixè illum deprecatus, vt in ea qua tum premebatur calamitate, aliquod sibi auxilium per artis arcana afferre vellet. Qui totum quod in se esset, pro eius solatio facturum pollicitus, vnum ex potentioribus nefariis spiritibus, cuius præcipua opera in similibus vt consueuerat, adiurationibus euocatum, iussit illi, vt suggestionibus ac tentationibus Iustinam virginem aggressus, in Aglaidis cupiditates omnino pelliceret. Paruit utique nequissimus, nihilque intentatum reliquit, quo ad id illam im-

**B** pelleret. Verùm cùm noctu insolitis carnis stimulis se ipsam vehementer concitatum sentiret, è strato protinus consurgens, orationi cœpit incumbere: cumque agnouisset id diabolicam tentationem proculdubiò extitisse, Crucis signo se armavit. Is verò cùm formidabilis sibi atque terribilis teli illius aspectum omnino sustinere non valeret, confusus ac tremens statim aufugit. Sic enim in Actis prædictis idem Simeon Metaphrastes affirmat: *His armis vtens generosa virgo aduersus tentatorem, & deinde etiam inimicis intolerandum Crucis signum in eum immit-*  
*tens, pudore affectum, cum magno metu expulit demonem.* Quamobrem cùm iniquus ille probro & ignominia aspersus, re infecta Cypriano mœstus apparuisset; interrogatusque, quidnam operatus esset, licet se victum fateri puderet, adiurationibus tamen compulsus, præter naturam suam, veritatem falsus, inquit: *Vidi quoddam signum, quod valde horruì, & vires illius non sustinui.*

*Eodem aduersus diabolicas tentationes à Cypriano mago excitatus se armavit, & vincit.*

**C** Quod cùm audisset Cyprianus, licet magna admiratione atque stupore correptus, non tamen animo destitutus, diris adiurationibus alium dæmonum principem longè potentiorum accersuit; districteque illi imperauit, vt per omnes artes ac tentationes id omnino efficere niteretur, quod prior ille exequi non valuerat. Profectus is ergo, & mulieris assumpta forma, in sanctæ virginis domo assidue versari cœpit. Cumque ob diuturnam consuetudinem aliquid fiducia sibi assumpsisse videretur, simulans se quoque virginem, occasione assumpta, virginitatem summis laudibus extollere cœpit. Et cùm sibi pariter illam seruandi, dum viueret, in animo esse dixisset; ostendere postea perrexit, quàm grauis tamen ac molesta, multisque certaminibus plena res esset; vtpote humanæ carni atque naturæ repugnans, matrimoniumque econtrà, virilesque amplexus, quibus mundus sustentatur, & humanum genus propagatur, magno effereus præconio, significauit demum se alicui viro nubere decreuisse: quod vt etiam ipsa facere in animum induceret, efficacissimis suasionibus adhortatus est.

*En mille fraudes diaboli, vt hominem supplantet.*

**D** Verùm cùm illa hanc quoque diabolicam tentationem esse perspexisset, Crucis signo statim se consignauit; ad quem actum nefarius hostis ille protinus euauit. Quamobrem idem Metaphrastes inquit: *Cùm hæc verba audisset Iustina, non id ei vsu venit quod primæ parenti Euxæ, sed statim surrexit, & malum declinauit consiliarium. Unde etiam in eum quoque consueta immisit arma, nempe signum Crucis: & ille quidem, qui plus quàm alij se iactauerat, maiore pudore affectus, statim fuit eiectus.* Cumque stupidus ac magno probro affectus ad Cyprianum reuersus esset, & ab aspectus sui mœstitia se victum fuisse manifestè ostenderet; Ergo tu ne etiam, inquit Cyprianus, qui talis ac tantus es, à pura & simplici puella turpiter victus discessisti? Fare eia adiuratus, quibusnam armis confisa, vobis qui adeò potentes estis, resistere potuerit? Ad verba hæc fremens, ac sese contor-

quens



quens dæmon, responsum prolatabat. Tandem verò adiurationibus compul- **A**  
sus, licet mendacij pater, veritatem tamen fassus, ita respondit: *Crucis signum,*  
*ne dum figuratur quidem videre omnino sustinemus, sed totis viribus nos prius in fu-*  
*gam conicimus, quàm id perfectè figuretur.* Quibus auditis Cyprianus admira-  
tione nimia obstupescens, subdit: Ergo Crucifixus maior vobis est? *Vtique,*  
respondit dæmon, *non nobis tantum, sed omnibus etiam maior est.* Atque his di-  
ctis protinus euanuit.

**Cyprianus** Tunc Cyprianus ad se reuersus, mente agitare cœpit, quàm euidentis esset  
**magus, co-** amentia, Christo derelicto, inimicis eius adhærescere, qui comparatione illius  
**peria effi-** tam imbecilles ac nullius prorsus roboris essent. Atque in eo temporis puncto,  
**cacia Cru-** Spiritus sancti afflatu commotus, Christianam fidem amplecti statuit. Quam-  
**cis, sit Chri-** obrem incantationum suarum libris omnibus secum assumptis, ad Anthimum  
**stianus.** Episcopum profectus est, & ad pedes eius prouolutus, enixè eum rogauit, vt li-  
bros illos igne comburens, inter oues gregis sui ipsum adscribere dignare-

tur. Cumque profusis lacrymis & singultibus anteaactæ vitæ veram pœniten- **B**  
tiam ostenderet, ab eodem Antistite benignè est exceptus. Qui Catechume-  
num illum factum, non post multos dies sacro Baptismatis fonte expiauit. Et  
cùm in Ecclesiæ conuersatione, omnis virtutis ac sanctitatis speciem daret, in  
Diaconorum ordinem cooptatus fuit. Cumque doctus & in dicendi facultate  
admodum eruditus esset, prædicationibus & adhortationibus plurimos Gen-  
tiles ad Christi fidem quotidie perducebat. Quamobrem Eutolmio Assyriæ  
pro Diocletiano Imperatore Præsidi delatus, & in carcerem coniectus vnà cum  
virgine Iustina, cuius sanctitatis fama percelebris, atque idolorum sacerdoti-  
bus valdè erat odiosa, cùm pro Christi confessione diuersa cruciatuum gene-  
ra simul sustinuissent, demum in ardentem sartagine iniectione, Crucis signo  
communiti, nulla ignis læsione accepta, diu in ea perstiterunt. quod idem  
Metaphrastes affirmat hoc modo: *Cum his verbis Cyprianus confirmasset Iustinam,* **C**  
*deinde rursus figura Veneranda Crucis tamquam armis muniti, veluti super rorem*  
*sensim descendantem, super ferri flammam recubuerunt.*

Quod suprà quàm dici potest Eutolmius Præses admiratus, omni-  
que spe destitutus, quouis tormentorum & cruciatuum genere illos expugnandi, vt  
se fastidioso illo iudicio eximeret, Diocletiano tum Nicomediæ degenti il-  
los transmisit; quo iubente securi percussi, martyrij coronam perceperunt.  
Hæc omnia Simeon Metaphrastes in eorundem Martyrum Actis, quæ ab Epi-  
scopo Lipomano inter Sanctorum ab ipso collectas vitas Tomo sexto, & à Su-  
rio Tomo quinto, sub die vigesima Septembris, relata sunt: quæ tamen in ali-  
quibus correctione indigent; præsertim verò vbi idem Metaphrastes errore du-  
ctus, hos sanctos Martyres sub Claudio passos esse asseuerauit; cùm non sub  
Claudio, sed Diocletiani temporibus, martyrio affectos constet. Atque non in  
hoc tantum, sed in eo quoque eadem Acta corrigenda sunt, vbi ipse idem Me- **D**  
taphrastes errore deceptus, Martyrem Cyprianum hunc cum diuo Cypriano  
Carthaginensi Episcopo confudit. In quem errorem non ipse tantum, sed om-  
nes pænè Græci passim prolapsi sunt. Horum autem sanctorum Martyrum me-  
minit Romanum Martyrologium; de eisdemque commemorationem pariter  
fecere Beda, Vsuarius, ac fusiùs etiam Ado Treuerensis Archiepiscopus; Græci  
verò in Menologio de ipsis celebritatem agunt sub die secunda Octobris.

**Alius hic**  
**Cyprianus**  
**à Carthagi-**  
**nensi Epi-**  
**scopo.**

Incredibili etiam cum admiratione mundo patefecit, quanta sit Crucis signi  
virtus & potentia, venerabilis illa planè virgo & martyr Euphemia, quæ in  
eadem Diocletiani Imperatoris persecutione, sub Prisco Asiæ Proconsule, in  
vrbe Chalcedone, Christi Domini præcipua gratia & priuilegio, Crucisque signi



- A signi virtute suffulta, varia & diuersa truculentissimorum & inauditorum cruciatuum, carcerum nimirum, virgarum, rotarum, ignium, equuleorum, fustaginum, bestiarum, submersionum in aquis, ferrarum, aliorumque horribilium tormentorum genera pertulit & superauit; cuius admirabiles planè res gestas conscribens Simeon Metaphrastes, tradit, quòd cùm in horribilem & crudelem rotarum machinam iniicienda esset, Crucis signo sese communiens, intrepido animo hilarique vultu sponte aduersus illam processit: *Postquam autem, inquit, ipsa machina dicto citius fuerunt constructa, & Martyr in eas iniicienda esset; validis continuò in se paratis armis, nempe diuina Crucis figura, ac ea signata, aut vt melius dicam munita, aduersus rotas processit, nullam quidem vultu ostendens mæstitiam, sed seuerò & honesto vultu.* Et paulò post subdit: *Deus autem effectum reddidit quod precabatur. Cælestis enim continuò adueniens virtus, momento temporis facit hæc omnia: eam quidem soluit à rota, corpus autem curat à plagis adeò pulchrè, vt ne minimum quidem vulnere vestigium in eo appareret: deinde etiam ministros iniquitatis specie terrens terribili, facit vt non operentur. E rotis verò egressa gloriosa certatrix, non solum conspecta fuit integra & sana, sed etiam vultu alacris.*
- B

*Stupenda  
Crucis mi-  
racula in  
Actis S. Eu-  
phemia.*

- Deinde verò cùm Proconsul in cisternam aqua plenam illam proiici iussisset, in qua diuersas marinas bestias carniuoras, humanæque carnis auidissimas iniiciendas curauerat, ea sanè mente, vt aquis submersa à bestiis eisdem voraretur; ipsa sancta Dei virgo & Martyr cùm orasset, & toto cordis affectu Deo sese plurimùm commendasset, ac totum corpus suum Crucis signo consignasset, sponte in cisternam illam insiluit, idque contigit quod idem Metaphrastes in hunc modum testatur: *Cùm sic precata esset, & se toto signasset corpore, in aquam forti ac generoso animo insiluit. Bestiæ autem protinus quidem cum magno impetu accesserunt: postquam verò fuerunt prope corpus Martyris, cibi omnino sunt oblitæ, & sanctæ sunt munere satellitum; & Martyrem excipientes, eam dorsis suis sustinebant, perinde ac si eius curam gererent ne quid graue eueniret in aquam descendenti.* Hæc ille. Acta autem hæc gloriosæ huius virginis & martyris Euphemix, ab Episcopo Lipomano inter Sanctorum vitas Tomo sexto, & à Surio Tomo quinto relata sunt: solemnem verò commemorationem de eadem facit Romanum Martyrologium, sub die decima sexta Septembris: Græci autem in Menologio agunt de ea sub die vndecima Iulij; licet antiquitus, Chalcedonensis Concilij nimirum temporibus, eiusdem sanctæ Martyris natalis dies festus ad Nouembris vigesimum quintum diem in Oriente celebrari consueuisset; vt ex eiusdem sacri Concilij Actis euidenter patet.
- C

*Act. 6.*

- Miraculorum denique quæ sancti Martyres per Crucis signum edidère finis & corona nunc sit sancta Margarita Antiochena virgo, quam Græci Marinam appellant. Hæc enim cùm in eadem Diocletiani persecutione, Olibrio Orientis Præfecto iubente, varia atrocissimorum tormentorum genera, Christo donante, vicisset, atque in carcerem denuò detrusa, dum orationi instaret, Deoque pro admirabili victoria aduersus tot à diabolo tentationes per eundem Olibrium ceterosque ministros eius sibi illatas, & contra tot dira supplicia quæ fortiter perpeffa erat reportata, gratias referret; præ cordis alacritate Dominum precata est, vt inuisibilem hostem, qui per visibiles homines tot diris impugnationibus illam diuexarat, corporeis oculis conspiciere posset, quò propriis pedibus illum conculcaret; & ecce statim dum sic precaretur, ingens terræmotus in carcere factus: diabolus enim immanis atque horribilis draconis assumpta forma, diuersicolor, multisque serpentibus circumdatus repente sese illi ostendit, & grauem ac tetrum emittens odorem, horribi-
- D



*S. Margarita daemone in specie draconis signo Crucis prosternit.*

lesque sibilos edens, vasto oris hiatu, & veloci celeritate eam circumcursans, **A** integram illam omnino voraturus videbatur. Quamobrem grauem adeo tur-

bationem atque horribilem terrorem illi incussit, ut pænè extra se, ab illo se deglutitam putauerit: verum in ancipiti turbatione illa, Crucis signo se comminire non oblita, statim videre sibi visa est disruptum draconis ventrem, integram & illæsam se inde exire. Quare Simeon Metaphrastes hunc planè admirabilem euentum prodens, inquit: *Illa verò mente firma & stabilis, & quæ ad Deum omni ex parte intueretur, interrito & constanti animo precibus quæ dici non possunt, & intentissimi cordis vociferationibus, mente rapta ad Altissimum, & simul signo Crucis signata, disruptum quidem ventrem draconis visa est videre ante oculos suos; hinc autem animaduertit se exire integram & illæsam.* Hæc autem sanctæ

Margaritæ Acta, iam à Simeone Metaphraste conscripta, ab Episcopo Lipomano inter ceteras Sanctorum res gestas ab eo collectas Tomo sexto, & à Surio Tomo quarto relata sunt. Eadem quoque Mombritius ex peruetustis Latinis ma-

*In Martyrolog. 14. Kal. Iulij.*

Manuscriptis desumpta Tomo secundo ad posteriorum memoriam litteris commendauit. Verum ante hos omnes Beda venerabilis miraculum hoc suo in Martyrologio sic breuiter perstrinxit: *In Antiochia passio Marinæ virginis, quæ per Olibrium Præfectum multa tormenta passa est pro nomine Christi; vincula, carceres, flagella, equuleum; quam & diabolus in draconis specie similiter & Æthiopis tentauit, sed per signum sanctæ Crucis superatus est: nouissime verò per prædictum Præfectum decollata, sacro martyrio vitam finiuit.* Huius autem virginis & Martyris præcipua fit in Martyrologio Romano commemoratio, etiam in antiquioribus, sub die vigesima Iulij; Græci verò in Menologio agunt de ea ad xvii. eiusdem mensis diem.

Et hæctenus, ne res in infinitum protrahatur, de miraculis à sanctis Martyribus per Crucis signum editis dixisse sufficiat. Cui quidem materiæ tum demum coronidem imponemus, cum quædam alia insigniora miracula à sanctis quibusdam Confessoribus, per idemmet sanctæ Crucis signum pariter edita, bre-

*Delubrum Apollini dicatum à S. Gregorio Thaumaturgo Cruce expiatum.*

uiter recensuerimus. Primus igitur omnium inter sanctos Confessores ad institutum hoc nobis occurrit Gregorius Neocæsareæ Episcopus, à miraculorum magnitudine ac multitudine Thaumaturgus appellatus, qui Origenis discipulus & auditor fuit, & ad Diocletiani Imperatoris vsque tempora superuixit. Is enim per Crucis signum plurima edidit miracula, quorum aliqua Gregorius Nyssenus in Oratione de eius vita posteritati transmisit. Inter quæ insigne admodum illud fuit, cum necessitate cogente, ob alterius diuersorij penuriam, nocte ingruente in delubrum quoddam Gentilium Apollini dicatum se recepit, in quo idoli illius simulacrum aderat, quod responsa edebat; vbi Crucis signo aërem nidoribus inquinatum, & præ multitudine victimarum eidem idolo crematarum malè olentem, expiauit. Scribit prætereà idem Gregorius Nyssenus, quod dum sanctus Gregorius Thaumaturgus idololatrarum persecutionem fugiens, in edito quodam monte cum paucis sectatoribus suis latitaret, per reuelationem vidit victoriam & martyrium sancti Troadij, qui in vrbe Neocæsariensi pro Christi fide martyrio affectus fuerat. Cuius agonis seriem cum astantibus retulisset, is qui iam eiusdem idoli Apollinis, quod suprà retulimus, sacerdos fuerat, quique ab ipso sancto Gregorio Thaumaturgo ad Christi fidem perductus, Diaconi eius tum fungebatur officio, ardenti desiderio æstuarè cœpit ad vrbe[m] proficiscendi, ut locum inspiceret vbi sanctus ille martyrij coronam adeptus fuerat; & ut sciscitaretur, num facti illius series reuerà ita contigisset, prout sanctus Gregorius absens ab vrbe, ac nemine de his eum certiore[m] faciente, ac si interfuisset narrauerat.

Efflagi-



- A Efflagitata ergo, ac demum ad effectum hunc obtenta eundi licentia, cum eiusdem diui Gregorij benedictione profectus, ad vesperam iam inclinato die, itineris labore fessus ac sudore madidus ad ciuitatē peruenit: quamobrem defatigatum labore corpus lauacro recreare, & balneum quoddam publicum ac proximum ingredi necesse sibi esse duxit, in quo balneo malus quidam daemon homicida noctu versari solebat, qui quotquot homines noctis tempore illud ingrediebantur, necabat: quocirca post solis occasum thermæ illæ non exercebantur, nemoque eo tempore illas ingredi solebat. Diaconus autem prædictus loci Præfectum, & eos penes quos clauēs asseruabantur, vt ingrediendi sibi potestatem facerent, deprecatus, licet illi renuentes testaretur, neminem qui noctu illuc ingredi ausus esset, viuum egressum fuisse; importunis tamen precibus instans atque vrgens, adeo illos defatigauit, vt eum tandem ingredi permiserint. Quid verò ei balneum illud ingresso acciderit, ex ipsius diui Gregorij Nysseni huius historiæ auctoris verbis percipere par est, quæ iuxta Gerardi Vossij recentiore interpretationem ita se habent: *Postquam autem nudatus fuit intus, multiplices terrores & concussionum materia à demonio instruebantur; spectra varia igni & fumo mistam naturam præ se ferentia, in forma hominum & ferarum oculis se ingerentia, auribus insonantia, anhelitui appropinquantia, & vndique corpori se circumfundentia. Ille verò se signo Crucis muniens, & Christi nomen inuocans, primum conclauē illæ pertransiit: ad interiorē autem partem ædium progressus, in grauiora spectacula incidit, in horribiliore aspectu demonio transformato. Nam & simul terræ motu concuti domus ei videbatur, & solum infrà ruptum, flammam nudam ostendere inferius, scintillæque flammæ ab aquis emitti putabantur: rursusque ei arma itidem fuere, signaculum Crucis & Christi nomen, & quod per magistri preces adferebatur auxilium, terrores earum rerum quæ tum apparebant, tum fiebant, discutiebat. Aqua autem iam recreatus, cum festinaret egredi rursus prohibebatur à demone ostium occupante; sed hoc quoque rursus impedimentum pari virtute, sponte sua ostio cedente, per signum Crucis discussum atque dissolutum est. Hoc igitur modo, vt dictum est, conseruatus, magnæ admirationi Præfecti loci fuit; eò quod nemo eorum qui vniquam illa hora ingredi ausi essent, inter viuos postea apparuisset.*
- B *Ille mirabilia eius discipulus signo Crucis operatus est. In Oratio de vita & diu. G. Thaumaturgi. Habentur hæc eadem in operibus S. Thaumaturgi à Vossio editis.*
- C

Admirabilia post hæc & notatu planè dignissima ea fuere miracula, quæ Christus Dominus, Crucis signo intercedente, operari dignatus est per Iosephum quemdam natione Hebræum ex Tiberiade ciuitate oriundum, virum nobilitate insignem, atque inter suos primarium. Is enim, vt diuus tradit Epiphanius, cum in grauem ac periculosum morbum quemdē incidisset, Christus Dominus in somnis illi apparuit, dicens: Ego sum Iesus, quem maiores tui crucifixerunt; crede in me, & sanus eris. Quod cum pollicitus esset se facturum, statim sanitati se restitutum sensit: verum sponsionis suæ, vbi conualuit, oblitus, in Iudaica perfidia perseuerauit. At non post multos transactos dies, in aliam grauiorem atque mortalem infirmitatem recidit, iterumque benignissimus Dominus per somnij visum illi apparuit, & dixit: Ecce denuo te sanum facio; ideoque cum è lectulo surrexeris, crede. Ille verò sanitate recepta, minime credidit. Misericors autem & miserator Dominus, qui illum pro infinita bonitate sua seruare decreuerat, tertio per quietem ei apparuit, & ait: Cur in me credere renuis? crede fili pro salute tua. Si autem in fidei meæ certitudinem, admirabile aliquod ac diuinum signum operari volueris, inuoca nomen meum, & desiderium tuum adimplebo. Quid verò is, vt visionem experiretur, fecerit, idē Epiphanius tradit his verbis: *Erat autem quidam insanus in ciuitate, qui nudus in vrbem circuibat, in Tiberiade videlicet, & cum sæpè vestis induceretur ipsi eam dilaniabat, velut tales facere solent. Iosephus igitur volens experiri visionem, dubitans adhuc,*

Contra hæreses lib. 1. To. 2. contra Ebionæos 30. sectam.



En Dei bo- verecundia detinebatur. Assumit itaque hunc intro, & praeclusis foribus, acceptata- A  
 nitatem, & que aqua in manum, eaque Crucis signaculo signata, insanum hominem resperfit, ac  
 nihilominus dixit: In nomine Iesu Nazarei crucifixi, egredere demonium ab ipso, & sanus  
 Iudaei obsta- fiat. Homo verò magno clamore edito, humum prolapsus, & multa spuma ab ore emis-  
 nationem. sa lancinatus, ad multum tempus immotus permansit. Iosephus itaque putabat ho-  
 minem mortuum esse: ille verò post tempus, perfrieta facie surrexit; & conspiciatus  
 suam nuditatem, se ipsum occultavit, & manus pudendis praeendit, non amplius  
 sustinens propriam nuditatem videre. Itaque amiculo ex his quae apud eundem Jo-  
 sephum erant indutus, ad statum prudentiae ac modestiae devenit, ipsique viro ac  
 Deo magnas gratias egit. Iosepho nihilominus in animi sui duritia ac perui-  
 cacia perinante contrigit, ut collata ei ab Hebraeorum Patriarcha nomine  
 Iudae Apostolatus dignitate, quae apud illos valde eminens & sublimis cen-  
 sebatur, cum ab eodem Patriarcha summa potestate suffultus in Ciliciam ab-  
 legatus esset, in quadam eius provinciae vrbe prope Christianorum cathe- B  
 dralem Ecclesiam diversatus, cum eiusdem loci Episcopo familiaritate con-  
 tracta, sanctorum Evangeliorum librum ab eo mutuò postulatum, clande-  
 stinè in sui ipsius solatium saepius perlegeret. Verum cum ab Hebraeorum  
 sacerdotibus decimas exigeret, & pro officij sui munere, & ad bonae discipli-  
 nae legis directionem, multos malè constitutos Synagogae principes, sacerdo-  
 tes, ac Levitas deponeret, ac à dignitate amoveret, multorum invidiam con-  
 traxit. Quamobrem cum Iudaei ad Christianismum illum vehementer pro-  
 pendere, ei que cum Christianis intimam & occultam intercedere consuetu-  
 dinem animaduertissent, tumultuosa in eum concitata seditione, armata ma-  
 nu in domum eius repentinè irruerunt, cumque forte fortuna sacra eum Euan-  
 gelia tum legentem deprehendissent, libro è manibus eius auulso, & in ter-  
 ram proiecto, pugnis & calcibus imperitum, ac malè mulctatum, ad syna-  
 gogam rapientes, flagris dirisque verberibus caesum in carcerem coniece- C  
 runt. quod cum rescivisset urbis Episcopus, illum è manibus eorum violentè  
 eripuit. Verum cum die quadam, illum iter facientem deprehendis-  
 sent, in Cydnum fluviū proicere: cumque à fluctibus eum rapi pro-  
 spicerent, iam submersum putantes recesserunt. Ipse verò praecipua ope di-  
 vina incolumis mirabiliter servatus, Christianam religionem omnino am-  
 plecti statuit.

Idem tamē Ideò sacro Baptismatis fonte expiatus, ut Iudaeorum iram declinaret, ad ma-  
 Iudaei tā- gnum Constantinum Imperatorem profectus, cum nobilitatis suae genus, ac  
 de n cōver- patriam, & quod ei acciderat, exposuisset, perbenignè à pio ac generoso Impe-  
 titur. ratore exceptus, & magnis honoribus auctus est, Comitisque titulo decoratus;  
 insuperque quidquid amplius vellet petere iussit. Iosephus autem nihil aliud  
 postulavit, quàm ut potestas & facultas per Regium mandatum ipsi tribuere-  
 tur, Ecclesias in Christi honorem, in urbibus ac terris Hebraeorum extruendi; D  
 praesertim verò in Tiberiade, in Caesarea, in Nazareth, & in Capharnaum. Ex-  
 peditis igitur super his patentibus litteris, epistolisque insuper ad Praesides &  
 Gubernatores acceptis, quibus Ecclesiarum fabricae Imperatoriis sumptibus  
 fieri mandabantur, Tiberiadem patriam suam rectè contendit: ibique perue-  
 nustum & amplum Hadriani templum quoddam instaurare aggressus, ut ad  
 Ecclesiae formam in Christi honorem redigeret; cum pro Ecclesiae illius structu-  
 ra, multas fornaces, in quibus calx & lateres coquerentur, struere deberet, im-  
 pij ac scelesti Hebraei, cum sanctum opus illud per vim praepedire non posse  
 viderent, praestigiis & incantationibus obistere conati sunt. His igitur malis  
 artibus ignem fornacium hebetantes, effecerunt, ut ligna comburendi vim non  
 haberet,



**A** haberet, idque operi magno erat impedimento. Quod cum Iosephus accepisset, zelo Dei incensus, ac vera fide armatus, protinus sese extra urbem, ubi fornaces aderant, contulit; idque effecit, quod idem sanctus Epiphanius memoriae prodidit his verbis: *Commotus igitur vir ipse, & zelo erga Deum correptus extra ciuitatem currit. Et ubi aquam in vase afferri iussisset, accepto vase aquae coram omnibus* (multitudo enim ingens Iudaeorum confluxerat ad spectaculum, euentum videre cupidi, & quid Iosephus factururus esset) magna voce Crucis signaculum proprio suo digito <sup>Et Crucis signaculo</sup> vase imposuit; & inuocato nomine Iesu, sic dixit: *In nomine Iesu Nazarei, quem incantamē-* crucifixerunt patres mei & horum omnium circumstantium, fiat virtus in hac aqua <sup>ta diaboli</sup> ad reprobationem omnis incantationis ac magiae quam hi fecerunt, & ad efficaciam <sup>soluit.</sup> potentiae ignis ad perficiendam domum Domini. Et sic accepit aquam in manum, & de aqua singulas fornaces respersit: & dissoluta sunt incantamenta, & ignis coram omnibus emerfit. Turbae verò praesentes, clamore edito, *Vnus Deus quia auxiliatur*

**B** Christianis, secesserunt.

Sanctus Martinus Sabariae in Pannonia natus, qui Turonensis postea fuit Episcopus, per Crucis signum multa ipse quoque edidit miracula, inter quae insignia admodum duo illa fuere, quae Seuerus Sulpitius his verbis refert in eius vita: *Accidit, inquit, insequenti tempore, dum iter ageret, ut Gentilis cuiusdam* <sup>In vita san-</sup> corpus, quod ad sepulchrum cum superstitioso funere deferabatur, <sup>cti Martini,</sup> obuium haberet, <sup>lib. 1.</sup> conspicatusque eminens venientem turbam, quidnam id esset ignarus, paululum stetit; nam fere quingentorum passuum interuallum erat, ut difficile fuerit dignoscere quid videret. Tamen quia rusticam manum cerneret, & agente vento linteamina corpori superposita volitarent, profanos sacrificiorum ritus agi credidit: quia esset haec Gallorum rusticis consuetudo, simulacra demonum candido tecta velamine, misera per agros suos circumferre dementia. Eleuato ergo in aduerso signo Crucis, imperat turbae non moueri loco, onusque deponere. Hic verò mirum in modum videres miseros primum velut saxa riguisse: deinde

**C** cum primò mouere se summo conamine niterentur, <sup>S. Marti-</sup> ultra accedere non valentes, <sup>nus signo</sup> ridiculam <sup>Crucis ob-</sup> in vertiginem rotabantur, donec victi corporis onus deponunt; attoniti, & semetipsos <sup>nios quosdā</sup> aspectantes, quidnam sibi accidisset, taciti cogitabant. Sed beatus vir, cum comperisset <sup>primū sistit,</sup> exequiarum esse illam frequentiam, non sacrorum; eleuata rursus manu, dat eis <sup>deinde sol-</sup> abeundi <sup>uit.</sup> & tollendi corporis potestatem. Ita eos, & cum voluit, stare compulit; & cum libuit, abire permisit.

Alterum verò miraculum à sancto Martino per Crucis signum editum, idem Seuerus Sulpitius ita prosequitur: *Item dum in vico quodam templum antiquissimum* <sup>Ibidem.</sup> diruisset, & arborem pinum quae sano erat proxima, esset aggressus excidere; tunc Antistes loci illius cum cetera Gentilium turba coepit obsistere: & cum iidem illi, dum templum euertitur, imperante Domino, quiescerent, succidi arborem non patiebantur; ille eos coepit sedulo commonere, nihil esse religionis in stipite; Dominum potius, cui seruiret ipse, sequerentur; arborem illam excidi oportere, quia esset demoni dedicata. Tunc ex illis

**D** vnus qui erat audacior ceteris, Si habes, inquit, aliquam de Deo tuo, quem dicis te colere, fiduciam, nosmetipsi succidemus hanc arborem, tu ruentem excipe: & si tecum est tuus ut dicis Dominus, euades. Tunc ille intrepidè confisus in Domino, facturum se pollicetur. Hic verò ad istiusmodi conditionem omnis illa Gentilium turba consensit; facilemque arboris suae habuere iacturam, si inimicum sacrorum suorum casu illius obruisset. Itaque cum vnā in partem pinus illa esset acclinis, ut non esset dubium quam in partem succisa corrueret, eo loco victus statuitur pro arbitrio rusticorum, quod arborem casuram nemo dubitabat. Succidere igitur ipsi suam pinum cum ingenti gaudio letitiaque coeperunt. Aderat eminens turba mirantium, iamque paulatim coepit nutare pinus, & ruinam suam casura minitari. Psallebant eminens monachi; & periculo iam propiore conterriti, spem omnem fidemque perdiderunt, solam Martini mortem expectantes. At ille confisus in Domino,



*Idem ar-  
borem su-  
pra se rui-  
rura, Cru-  
ce aliom-  
pellit.*

intrepidus opperians, cum iam fragorem sui pinus concidens edidisset; iam cadenti, iam A  
super se ruenti, eleuat obuiam manum, signum salutis opponit. Tunc verò turbinis modo  
retroactam putares; diuersam in partem ruit, adeò vt rusticos, qui tuto in loco steterant,  
panè prostrauerit. Tunc verò in cælum clamore sublato, Gentiles stupuere miraculo.  
Hæc ille.

*Julianus  
ipse Apo-  
stata dia-  
boli terri-  
culamenta  
signo Cru-  
cis à se re-  
pellit.*

Placuit etiam Christo Domino, pro sua gloria, vt aliqui infideles & rebelles  
qui à sancta eius fide descuerant, quanta sit Crucis signi virtus & potentia, in  
suum profectum re ipsa experirentur. Inter quos impius Iulianus Apostata,  
cum iam à Christo Domino defecisset, seque ipsum sponte à sancta Ecclesia  
miserè & infelicitè exclusisset, cum celebre adytum quoddam vnà cum profa-  
nis sacerdotibus ac præstigiatoribus suis, de futuris rebus dæmones sciscitatu-  
rus, ingressus esset; protinus quædam visu horribilia sese illi ingessere diabolica  
spectra; quibus perterritus, statim Christianæ religioni nuntium remisisse, &  
eius rei ob quam illuc descenderat oblitus, ad salutare perfugium, quo vti sole- B  
bat dum Christianus esset, confugit; (nam prouectiore iam ætate à Christo  
rebellauerat:) ideoque repentino horrore atque formidine tum perfusus, illud  
idem repente remedium adhibuit, quo iam in grauioribus discriminibus se  
præmunire consueuerat, Crucis nimirum signo se consignans. Ad quem actum  
confestim omnia illa horribilia spectra euanuere. Id enim Nicephorus<sup>a</sup>, Sozo-  
menus<sup>b</sup>, Theodoretus<sup>c</sup>, & alij Ecclesiastici Historici testantur.

<sup>a</sup> Lib. 10.  
cap. 3.  
<sup>b</sup> Lib. 5.  
cap. 2.  
<sup>c</sup> Lib. 3.  
cap. 3.

Lib. 3. c. 7.  
Tom. 3.

Neque notatu planè minus dignum id censi debet, quod Magnus tradit  
Gregorius de Hebræo illo qui ex Campania Romam veniens, cum nocte in-  
gruente prope Fundanam urbem attigisset, neque diuersorium aliquod quò  
sese reciperet inueniret, in peruetustum ac vicinum quoddam Gentilium de-  
lubrum, Apollini dicatum, declinauit; ibique noctis horrore, & loci sacrile-  
gio perterritus, licet Crucis fidem non haberet, Crucis tamen signo se commu-  
niuit. Et ecce dum solitudinis illius horrore consternatus non dormiret, circa C  
noctis medium, ingentem dæmonum turbam, quasi satellitum in obsequium  
Principis cuiusdam præeuntium, templum illud repente ingredi conspexit.  
Cumque eò accessissent, is qui inter illos maior ac princeps esse videbatur, cum  
in eorum medio confedisset, à singulis quibusque quid mali & nequitiae die  
illa perpetrassent exquirere cœpit; inter quos vnus ex nefariis spiritibus illis in  
medium profiliit, qui Andreæ Fundanum Episcopum tentasse, & carnis sti-  
mulis concitasse asserbat, vt cum sanctimoniali quadam, quæ apud eum di-  
uersabatur, sese carnaliter coniungeret, in magnamque spem inductum se esse  
dicebat, vt in facinus illud prolaberetur. Quod cum scelestissimus princeps  
audisset, ac nequissimum spiritum illum diligentiae laude commendasset, ad-  
hortatusque vt cœptum negotium sedulo exequeretur, iussit perquiri quisnam  
ille esset qui solus nocturno tempore templum illud ingredi, & ibi quiescere  
ausus esset. Dumque Iudæus ille horribili pauore ac terrore perfusus, formidi- D  
nis anxietate hæc cernens palpitaret, quidam ex spiritibus illis vt eum re-  
cognoscerent, propius accessere: cumque diligenter inspexissent, animadu-  
uertissentque haudquaquam illum Christianum, sed Crucis signo signa-  
tum esse; magna admiratione correpti exclamarunt, dicentes: *Vae, vae;*  
*vas vacuum, sed signatum.* Et cum id principi ac duci renuntiassent, sta-  
tim omnis illa nequissimorum spirituum turba inde recessit. Iudæus verò  
protinus inde discedens, ad Fundanum Episcopum festinus properans, cun-  
cta quæ viderat & audierat ei retulit. Quibus acceptis, optimus Antistes  
ingentes pro admonitione illa Deo gratias egit, confestimque sanctimo-  
nialem illam ac ceteras omnes feminas domo sua expulit. Delubrum au-  
tem

*Crux etiā  
efficax in  
iudæo, etsi  
nondum  
Christiano.*



A tem illud Apollinis, in diui Andreæ Apostoli Oratorium verti curauit, & ab omni illa carnis tentatione statim liberatus est. Iudæum autem illum, qui salutis suæ mediator extiterat; quandoquidem Crucis signi virtutem expertus, ad Christianismum propendebat; cum de his quæ fidei sunt erudiisset, sacro Baptismatis fonte expiatum, ad sanctæ Ecclesiæ gremium perduxit.

Non solum autem apostatæ & Hebræi, sed Turcæ ipsi quoque, quanta sit Crucis signi virtus, ad suum profectum re ipsa experti sunt. Cum enim eorum prouincia, dira quadam & contagiosa lue diu infecta esset, qua multa hominum millia interierant, à Christianis quibusdam edocti sunt, vt Crucis imaginem in frontibus suis depingerent; firmiter asserentes, eos eorumque prouinciam per sacrosancti illius signi virtutem à contagione illa seruandos. Quod cum fecissent, mirabiliter liberati sunt: ideoque barbara gens illa deinceps, deuotionis ergo, & in accepti illius beneficii memoriam, Crucis imaginem frontibus insculptam diu postea deferre consueuerat. Quamobrem Nicephorus Callistus memoriæ prodidit, quod Chosroës Persarum Rex cum insignem quamdam victoriam de Varamo tyranno, qui Persarum Regnum occupaue-  
 rat, terrestri prælio deuicto à Narsete Duce, sibi ab Imperatore Mauritio subsidio missis, reportasset; grati animi ergo omnes Turcas bello captos eidem Imperatori dono transmisit. De quibus idem Nicephorus ita: *Turcas*, inquit, quos Chosroës Constantinopolim miserat, stigmaticos, liquato atramento, *Crucis* in frontibus impressas Imperator habere videns, interrogauit, quamam gratia, quæ non colerent circumferrent signa? Illi grauem ante plures annos in Perside & patria sua pestem coortam esse dixerunt; à qua cum multi mortales infecti interirent, Christianos quosdam qui ibi fuere hominibus, si hoc fecissent, saluti suæ consulturos esse, regionemque eam à lue tali intactam liberamque fore persuasisse: idque esse ab eis factum.

C Huius facti meminit etiam Sigebertus in Chronicis, licet diuersimodè ali- quantulum, his verbis: *Turci à Caspijs portis erumpentes, Armeniam infestant. In quorum patria cum antiquo tempore pestilentia fuisset, suasa Christianorum, in modum Crucis sese totonderunt; & quia per hoc signum salus patriæ reddita est, hunc tondendi ritum tenuerunt.* Extant ad hanc usque diem Mauri quidam (Chabayros vocant) qui licet infideles & Mahometani sint, Crucem tamen maxillæ insculptam deferunt. Quorum ingens manus in Iuliæ Cæsareæ vrbis, quam nunc Algerium vocant, præsidio, anno quingentesimo quadagesimo primo supra millesimum conspecta est, cum Carolus Quintus Imperator ad illius expugnationem est profectus, occulto tamen Dei iudicio, re infecta, magnaque clade accepta, inde digressus, ob horribile ac miserrimum naufragium, quo classis eius in importuosi maris illius littore elisa est, quod in nostra Illustrissimæ sancti Ioannis Ierosolymitani Militiæ historia fusiùs prosecuti sumus.

D Nunc autem ad temporum ordinem ac seriem reuertamur, à qua nonnihil digrediendi nobis sese ingessit occasio, dum de Barbaris his disseruimus, qui licet non credentes, Crucis tamen beneficio sunt affecti. Dum igitur Imperij gubernacula teneret impius Iulianus Apostata, inter ceteros Christi seruos & amicos, sanctus floruit Hilarion Eremita; qui dum sæpè vexaretur à dæmonibus, qui crebris ac variis horribilibus apparitionibus, ab oratione, à contemplatione, & à sancto eius consilio illum auertere conabantur; nocte quadam audire sibi videbatur infantium ploratus, pecorum balatus, bouum mugitus, mulierum lamentationes, leonum rugitus, exercituum tumultus, variasque & horribiles alias quas dæmones edebant voces, vt his auditu priùs quàm visu exterreretur. Quæ cum intellexisset dæmonum esse ludibria, statim genibus

Item Tur-  
ca Crucis in  
frontibus  
depicta à  
contagione  
liberantur.

Lib. 18.  
cap. 20.

In Chroni-  
cis sub an-  
no Domi-  
ni 761.



In vita  
S. Hilario-  
nis, Tom. I.  
Horribilia  
spectra à  
S. Hilario-  
ne Cruce  
fugata:

huimi prouolutus, Crucis signum digito fronti impressit: idque contigit, quod A  
diuus Hieronymus in hæc verba litteris consignatum reliquit: *Intellexit demonum* ladibria, & prouolutus genibus Christi Crucem signauit in fronte: talisque armatus casside, & lorica fidei circumdatus, iacens fortius præliabatur, quodammodo videre desiderans quos horrebat audire, & sollicitis oculis huc illuc circumspiciens: cum interim ex improviso, splendente luna, cernit rhedam feruentibus equis super se irruere: cumque inelamasset Jesum, ante oculos eius repentino terræ hiatu pompa omnis absorpta est.

Et maris  
inundatio  
repressa.

Post impij Iuliani Apostatæ decessum, in lætitiæ argumentum, qua infernus gestiebat, quod magni ac miseri illius Christi hostis & perduellis animam excepisset, ingenti adeo atque horribili terræmotu vniuersus terrarum Orbis concussus est, ut mari terminos suos egrediente, & furibundo fluctuum impetu & fragore terram inuadente, nauesque ad montium prærupta allidente, videretur planè Deus nouo quodam diluuiio vniuersum mundum submersurus, vel in antiquum chaos omnia redacturus. Quod cum viderent Epidauritani, quos nunc Raguseos appellamus, verentes ne vrbs illa funditus euerteretur, ad sancti Hilariionis opem, qui ibi tum degebat, confugerunt. Cumque ad mare eum deduxissent, ibi in littore tamquam vrbs propugnaculum quoddam statuerunt; vbi id egit, quod idem tradit Hieronymus, inquiens: *Qui cum tria Crucis signa pinxisset in sabulo, manusque contrà tenderet; incredibile dictum est, in quantam altitudinem intumescens mare, ante eum steterit; ac diu fremens, & quasi ad obicem indignans, paulatim in semetipsum relapsum est. Hoc Epidaurus & omnis illa regio vsque hodie prædicat, matresque docent liberos suos, ad memoriam in posterum transmittendam.* Hæc ille.

Lib. 7. c. 25

Immanis  
draco signo  
Crucis à  
S. Donato  
prostratus:

Inter ceteros sanctæ Ecclesiæ Prælatos, qui Theodosij Imperatoris temporibus floruerunt, Donatus Euoræ Epiri vrbs Episcopus, vitæ sanctitate & miraculorum gloria admodum enituit. Inter cetera enim notatu & admiratione C  
digna, quæ operatus est, horribilem immanemque draconem, qui non pecora tantum, boues & equos, sed & homines ipsos rapiens deuorabat, Crucis signo prostratum occidit. Quod miraculum his verbis Sôzomenus prosecutus est: *Neque enim ille, inquit, vel gladium, vel hastam ferens, vel aliquod aliud telum habens, hanc belluam adorsus est; sed cum illa eum aduentantem sensisset, & caput velut impetum factura exeruisset; signum Crucis aduersus ipsam aëri digito inscripsit, & illi in faciem expuit. Illa sputo in os accepto, statim concidit; ac mortua iacens amplitudine non minor apparuit his serpentibus, qui visuntur apud Indos. Siquidem ut ego quidem accepi, octo iugis in proximum campum extractam indigenæ combusserunt; ne putrefacta aërem inquinaret.* Idem etiam miraculum narrat Nicephorus Historiæ suæ Ecclesiasticæ libro duodecimo capite quadragesimo quinto.

Alius à  
S. Iuliano.

Alium quoque similem, Crucis signi virtute, sanctus Iulianus Eremita, draconem, qui eum iter facientem inuaserat, & deuorare volebat, interemit. Quod D  
miraculum Theodoretus in eiusdem sancti Iuliani vita litteris commendauit; asseritque, quod non ita multo post illac pertransiens Iacobus eiusdem sancti Iuliani discipulus, cum eminens belluam illam prospexisset, confestim fugam arripuit, arbitratus illam esse viuiam; sed cum eandem postea immobilem vidisset, propius aliquantulum accedere ausus, mortuam reuera animaduertit, ideoque iter suum prosecutus, certissime argumentatus est sanctum Iulianum draconem illum occidisse, cum nemo alius eadem die illac pertransisset. Quamobrem cum in conspectum eius peruenisset, statim eum enixè rogare coepit, ut dicere ei vellent, quisnam immanem belluam illam occidisset. Ille vero sermonem ad alia conuertens, præ humilitate & modestia nihil ad hoc ei respon-



**A** respondebat. At Iacobus maiori id sciendi desiderio accensus, precibus adeò illum urgere cœpit, ut veritatem tandem ei fateri coactus sit; præcipiens tamen, nedum ipse viueret rem alicui proderet: ideoque confidenter, *Scias*, inquit, *quod me iter ingredientem illa inuasit bellua, osque aperuit me cupiens deuorare: ego autem Iesum appellans, & digito trophæum Crucis ostendens, omnem quidem excussimorem; ex templò autem vidi humi cecidisse belluam: & communi laudato Seruatore, perrexi ulterius.* Scribit etiam idem Theodoretus, sanctum Marcianum pariter Eremitam, alium quoque draconem Crucis signo peremisse quoniam verò pacto id acciderit, his verbis tradit: *Aliquando, inquit, cum in vestibulo magnus oraret Marcianus, draco quidam qui reptauerat supra parietem versum Orientem, desuper è muro despexit, simul & hians & horribiliter intuens, & se inuasurum significans. Procul autem stans Eusebius, & illud horrendum spectaculum pertimescens, & id magistrum ignorare suspicans, illi ostendit, clamans, & ut fugeret, rogans. Ille autem cum eum reprehendisset, & timorem expellere iussisset (nam eum quoque esse exitiale vitium) digito quidem Crucis prius expressit figuram, ore autem insufflauit, & veteres ostendit inimicitias. Ille autem spiritu oris, tamquam igne aliquo exsiccatus, & veluti exectus, instar exusta stipule in multas partes est dissolutus.*

Sanctorum  
Patrum  
historia, in  
Iuliano.

Alius item  
à S. Mar-  
ciano.

Sanctorum  
Patrum  
historia, in  
Marciano.

Refert Gregorius Turonensis, quod orante sancto Caluppano Eremita, die quadam duo dracones immensæ magnitudinis ad eum ingressi astiterunt procul: quorum alter, qui, ut idem Gregorius existimare se innuit, dux tentationis altero validior erat, erecto pectore, os suum contra os Beati, quasi aliquid muscitaturus erexit; at ille perterritus, tamquam aheneus valdè dirigit, nullumque penitus membrum mouere potuit, neque manum eleuare, ut signum sanctæ Crucis opponeret. Cumque ambo diutissime in silentio constitissent, venit in mentem Sancto per spiritum, ut orationem Dominicam, etsi labia mouere non posset, corde saltem recitaret: dumque tacitus illam proseguere-

**C** tur, membra eius quæ inimici arte reuincta fuerant, paulatim dissolui cœperunt. Ideoque statim cum dexteram manum liberam se habere sensisset, os suum Crucis signo consignauit: deinde verò ad draconem conuersus, iterum Crucis signum in eum intorsit. Cumque maiora illi exprobrasset exitia, quæ diabolus sub serpentis specie humano generi intulerat; præcepit illi, ut sanctæ Crucis signo humiliatus, sub terram sese confestim abderet, quod & reipsa fecit. Sic enim idem testatur Gregorius: *Sentiens Sanctus se manum dexteram habere liberam, ori signum beatæ Crucis imponit; rursumque conuersus ad hydram, pingit iterum Crucem Christi aduersus eum, dicens: Abde nunc inimice caput, & humiliare sub signaculo Crucis diuinæ, quia non est tibi portio cum seruis Dei, quorum est hereditas Regnum Christi. Hæc & huiusmodi Sancto dicente, Crucemque per singula faciente, draco huius signi virtute confusus, vicissim se humilians terræ subditur.*

Magna  
potestas  
demonum,  
sed maior  
Crucis.

De SS. Pa-  
trum vita,  
in libellode  
S. Calupp.

**D** Scribit sanctus Gregorius Magnus, Floridum Tudertinum Episcopum, presbyterum quemdam Amantium nomine, præcipuæ simplicitatis hominem penes se habuisse, qui virtutis hoc donum Apostolorum instar habebat, ut cum manus super ægros imponeret, benè haberent, & sanitati illos confestim restitueret: cui insuper hæc quoque admirabilis & cælestis inerat gratia, ut in quolibet loco quantumvis immanissimæ asperitatis ac veneni serpentem reperiret, mox ut in eum Crucis signum intorsisset, perimeret; ita ubi Crucis signo illum consignasset, protinus disruptis visceribus moreretur: quod si quandoque contingeret, ut serpens aliquis eo conspecto aufugisset, seseque in cavernam abdidisset, statim ut ille cavernæ hiatum Crucis signo obsignasset, serpens iam mortuus, Crucis virtute ex foramine extraheretur.

Dialog. li. 3  
cap. 35.  
Plurimi  
serpentes  
Crucis vir-  
tute ex-  
stincti.

Aderat



Aderat in vrbe Carthagine, inquit Augustinus, religiosissima femina, A nomine Innocentia, & ciuitatis illius primaria, quæ in mamilla carcinomate torquebatur: cumque à Medicis accepisset, morbum illum nullis medicamentis esse sanabilem, omnem spem suam in Deum conuertit, assiduisque precibus enixè ab eo postulabat vt sanitatem sibi restituere dignaretur. Quamobrem in somnis admonetur, vt solemnitate Paschali appropinquante, stans in Ecclesia in parte feminarum prope Baptisterium, obseruaret cum Catechumeni baptizarentur, & à quacumque femina sacro fonte Baptismatis expiata, quæ illi primitus occurrisset, locum eundem Crucis signo sibi consignari curaret. Quod cum fecisset, protinus sanitatem consecuta est. Atque hinc tandem prolixo huic capiti coronidem imponemus, cum ex his quæ hactenus diximus, sanctæ Crucis signi virtus ac potentia satis superque probata sit.

Dei Ciuit.  
Dei, lib. 22.  
cap. 8.  
*Morbis  
incurabi-  
lis cancri,  
signo Cru-  
cis dimini-  
tus sana-  
tus.*

Eant nunc hæretici, & cum hæc in propriæ prauitatis confusionem per- B legerint, nos irrideant; asserentes nos muscas abigere cum Crucis signo consignamur. Muscas sanè abigere fatemur, sed muscas illas, de quibus intelligere volebant Iudæi, cum peruerso ac temerario iudicio de Christo Domino dixere: *In Beelzebub principe demoniorum eiicit demonia.* Beelzebub enim, vt diui Hieronymus & Augustinus testantur, muscarum princeps declaratur. At si materialium muscarum proprium est, carnes corrumpere, cum ab eis diligenter non abigantur, quid quæso miremur, si spirituales muscæ, quas miseri & infelices isti Crucis signo abigere dedignantur, iudicium & intellectum eorum adeò corruerint, vt à sancta fide Catholica desciscentes, Crucis Christi inimicos illos constituerint? Sanè misellis hisce id In Ioannē, vsu venit quod sanctus inquit Augustinus: *Etenim aliqui derisi, à diabolo decepti* Tractat. 1. *sunt, & à musca capti sunt.*

In Eccle.  
cap. 10.

*Damones  
musca.*

Nescio quis (subdit idem Augustinus) graue tædium patiebatur à muscis. C Inuenit illum Manichæus tædio affectum, & cum diceret, se non posse pati muscas, vehementerque illas odisse, protinus Manichæus, Quis, inquit, illas fecit? Is verò qui tædio & graui nausea affectus erat, non ausus est dicere, Deum illas fecisse. Erat autem Catholicus. Tunc statim Manichæus subiecit: Si Deus illas non fecit, quis illas fecit? Sanè, ait ille, ego puto diabolus illas fecisse. Confestim verò Manichæus, Si diabolus, inquit, muscam fecit, vt te fateri perspicio, quia prudenter intelligis; dic quæso, quis fecit apem, quæ musca paulò amplior est? Non ausus ille est dicere, quòd Deus apem fecerit, cum iam concessisset muscam non fecisse, quæ res adeò proxima est. Ab ape duxit eum ad locustam, à locusta ad lacertam, à lacerta ad auem, ab aue duxit ad pecus, inde ad bouem, inde ad elephantem, postremò ad hominem: & persuasit homini, quòd Deus non fecisset hominem. Ita ille miser cum tædium passus esset à muscis, musca factus est, quem D diabolus possideret.

*Hæretici  
quomodo  
paulatim à  
diabolo de-  
cipiantur.*

Sic planè misellis hisce hæreticis vsu venit, quibus muscæ, id est, quorundam Ecclesiasticorum mores fastidio esse cœperunt: dum festucam in alienis oculis, trabem autem in propriis non animaduenterent; venit diabolus, ipsisque sic malè affectis, hos Dei optimi maximi ministros haudquaquam esse, & vt illos ludibrio haberent, auctoritatemque eorum diuinam non esse crederent, suaserit. Hinc vltèriùs progrediens, à sanctæ Ecclesiæ Catholicæ vnitatem eosdem infelices subtraxit, ita illorum mentem inuoluens ac turbans, vt sancta Sacramenta increduli contemnerent. Quorum deinde funditus euerfa ac profligata fide, Crucis Christi capitales ipsos constituit inimicos: demumque pro huius-  
cemodi



A eemodi perditissimarum delirationum coronide, ad eam quandoque illos vesaniam impellet, ut Christum quoque ipsum abnegent. Quamobrem intimo cordis affectu eundem Dominum nostrum deprecemur nos, fratres charissimi, ut pro sua infinita pietate & misericordia illos illuminare, & eorum corda sic tangere dignetur, ut ab impiis ac diabolicis hæresibus se conuertentes, sub glorioso sanctæ Crucis vexillo ad pium ac maternum sanctæ Ecclesiæ Catholicæ gremium redigantur: utque nos ipsos à tam misera cæcitate atque horribili damnationis statu procul seiunctos, per sacrosanctum Crucis signum ab huiusmodi & à quacumque alia diabolica tentatione ac deceptione liberet atque defendat. Amen.

## CAPUT VIII.

B Quod veteres Catholici, iam ab eo tempore quo sancti Apostoli in humanis agebant, ut sese ab hæreticis dissimiles ostenderent, & ad propriam contra daemones & sæculi huius aduersitates tutelam, non transitorio tantum Crucis signo, quod postea inuisibile est, utebantur; sed Cruces ex lignea, aliisque visibilibus ac solidis materiis, ad illius similitudinem in qua Saluator noster pati voluit construendas curabant; & illas in Titulum, locis diuino cultui dicandis erigebant: Crucesque in Ecclesiis insculpere ac pingere consueuerant; illas in Altaribus, & aliis earum locis valde conspicuis statuantes, ut ab ingredientibus statim adorarentur: Ecclesiasque ipsas in Crucis forma extruebant.

C NON satis sibi fecisse visi sunt verè pij illi primitiue Ecclesiæ Christi fideles, ut voluntate, dilectione, operibus, & verbis in omnibus sese dissimiles ostenderent ab his Crucis Christi inimicis hæreticis, qui iam inde à sanctorum Apostolorum temporibus in Ecclesiam insurrexere, quod sacrosanctum Crucis transitorium ac postea inuisibile signum adhibere consueuissent; eodem tam sæpè, tot locis, tot occasionibus, totque admirandis effectibus, ad Christi gloriam, ad suum & proximi profectum ac tutelam, contra daemones & contra huiusmodi aduersitates sese consignantes, ut præcedentibus capitibus dictum est: sed cum primum iidem Crucis Christi inimici, viperino capite emergere, infelicique fecunditate propagari cœperunt; ut impiæ & vesanæ eorum doctrinæ sese obicerent, non verbis aliisque exterioribus signis tantum, sed apparentibus & ad longum tempus duraturis effectibus, excelsas Cruces ex ligno aliisque solidis ac permanentibus materiis, ad instar illius in qua Saluator noster pati dignatus est, erigere cœperunt: ut fideles Catholici illas adorarent, & diabolus horresceret, tamquam trophæum quoddam contra ipsius potentiam erectum: iuxta quod martyr Ignatius Apostolorum contemporaneus, ad Philippenses scribens, & ad trophæa illa quæ Christi fideles Catholici iam inde à suis usque temporibus feliciter erigere consueuerant, alludens, inquit: *Idem trophæum est contra ipsius potentiam; quod ubi viderit, horret, & audiens timet.* Quæ verba, licet superius iam semel à nobis allata sint, hoc loco tamen necessario iteranda censuimus. Etenim apertissimè innuunt, morem hunc Cruces erigendi iam tunc in Ecclesia introductum. Frustrà enim dixisset, quod diabolus Crucis trophæum erectum videns horrescit, nisi eadem

Quibus de  
causis pri-  
mum mate-  
riales Cru-  
ces erectæ.

Ad Philip-  
pens. ep. 8.  
Ipsis Apo-  
stolorum tem-  
poribus e-  
rigi cœpe-  
runt.

trophæa



Annalium trophæa iam erecta fuissent. Quod & Cardinalis Baronius in Annalibus dili- A  
 Tom. 1. an. genter animaduertit, dum inquit: *Sed quid est, quod ait, Vbi viderit, horret, nisi*  
 Christi 60. *quod tunc Crucis vexilla erigi solita esse significat?*

Introduxerunt ergo prisce Christi fideles Catholici morem erigendi Cruces  
 Eademque in Titulum, in his præsertim profanis locis quæ diuino cultui dedicanda sta-  
 in Titulum, tuerant; vbi Ecclesias, Oratoria, Monasteria, Hospitalia, vel alia sacra ac pia lo-  
 in locis di- ca extruerent. Quam laudibus efferendam consuetudinem proculdubio do-  
 cino cultui dicandis: cuerunt eos sancti Apostoli; vt apertè colligitur ex eo quod Thomas Apосто-  
 lus fecit: qui, vt superius dictum est, cùm Ecclesiam quamdam extruere agita-  
 ret animo, in quadam Indiæ ciuitate cui Sagamus Rex præerat, & ab idolorum  
 sacrificulis atq; ab ipso Rege præpeditus esset, Crucem lapideam in loco quem  
 delegerat, erexit atque defixit; diuinitus prædicens, tempus quandoque futu-  
 rum, in quo à remotissimis orbis terrarum partibus ad oras illas homines can-  
 didi appellerent, qui sanctum opus illud perficerent: quod re ipsa ad nostra B  
 tempora Lusitani postea præstitere. Qui quidem hæc omnia à Cranganorensi-  
 bus, & Coromandensibus, aliisque finitimis Indiæ populis, iam olim ad  
 Christi fidem ab eodem sancto Apostolo conuersis, acceperunt; qui ea non tan-  
 tùm à maioribus suis percepisse, sed in ipsorum etiam Annalibus perlegisse te-  
 Lib. 2. Hist. stabantur, vt Maffei in suis Indiarum Historiis tradit.  
 Ind.

Credibile autem est, sanctos Apostolos piam ac laudabilem hanc Cruces in  
 Titulum erigendi consuetudinem, in locis vbi in Dei honorem extruendæ  
 Patriarcha erant Ecclesiæ, introduxisse, ad sancti Patriarchæ Iacob imitationem, qui cùm  
 Iacob ex- locum consecrare vellet, vbi mysteriis plenissimam & admirabilem scalam il-  
 plo, qui la- lam viderat, quæ terræ innixa ad cælum vsque erigebatur, per quam Angeli  
 pidem in ascende- & descende- (quæ sanctæ Crucis figura & præsignificatio ex-  
 Titulum titit) erexit lapidem in Titulum, fundens oleum desuper; vocauitque Bethel, id  
 erexit. est domum Dei, urbem quæ Luza antea appellabatur: ac de lapide illo, quem C  
 in Titulum crexerat, ait: *Et lapis iste, quem erexi in Titulum, vocabitur domus Dei.*  
 Qui Titulus à sancto Patriarcha erectus (meo quidem iudicio) illorum Titulo-  
 rum proculdubio vmbra & figura fuit, quos Christiani erecturi erant, vt his  
 ea loca consecrarent, quæ Deo dicanda deligerent. In cuius rei memoriam ac  
 testimonium, ad hanc vsque diem in Ecclesiarum dedicatione, omnis illa eiuf-  
 dem sancti Patriarchæ actio solemniter ritu perlegi ac decantari solet. Idque iure  
 planè optimo, propter magnam mysterij illius cum sacrosancto hoc ritu simi-  
 litudinem. Quemadmodum enim Iacob domum Dei locum appellauit, vbi  
 defixa erat illa scala cui Dominus erat innixus; ita Christiani domum Dei tem-  
 pla illa vocant, quæ ab ipsis ædificantur, in locis vbi prius defixerant Crucem,  
 figuratâ scalam, cui Dominus noster pro vniuersorum salute clauis affixus stetit.

A qua Crucium erectione in Titulum mos ille postea introductus est, qui  
 antiquitus longo tempore perdurauit, Titulos nimirum appellandi Ecclesias, D  
 quæ à Christi fidelibus erant extructæ, signi nomen & vocabulum signato tri-  
 buentibus; cui nomen ædificatoris siue fundatoris addebant. Atque hinc est,  
 quod in historiis Ecclesiasticis, & in antiquis scripturis Romanæ Ecclesiæ, tem-  
 pla ita denominata esse conspiciuntur; vt exempli causa: *Titulus Equitij, Titulus*  
*Fasciola, & Titulus Vestina*: id est, Ecclesia ædificata ab Equitio, siue in prædio  
 Equitij presbyteri, quæ nunc S. Martini in Montibus appellatur: Ecclesia ædi-  
 ficata à Fasciola, quæ nunc SS. Nerei & Achillei dicitur: Ecclesia ædificata à Ve-  
 stina, nunc S. Vitalis; & similia. Ideoq; cùm Prudentius innuere vellet, in qua-  
 nam Romanæ vrbis parte sita sit sancti Pauli basilica, inquit:

*Parte alia Titulum Pauli, via seruat Ostiensis.*

Et alibi

Peri Ste-  
 phanon  
 Hym. XII.

Hinc Eccle-  
 sia Tituli o-  
 lim appel-  
 lata.



A Et alibi idem Prudentius martyrium & passionem sancti Vincentij martyris celebrans, ibique impij Daciani Præsidis verba referens, qui non satis sibi fecisse putans, quod beatissimum Martyrem tot diris cruciatibus necasset, ferina quadam rabie & implacabili odio concitatus, eiusdem quoque ossa & reliquias absumere moliebatur, ne Christiani in sepulchri illius loco aliquam ecclesiam extruerent, subdit:

*Jam nunc & ossa extinxero,  
Ne sit sepulchrum funeris,  
Quod plebs gregalis excolat,  
Titulumque figat Martyris.*

Peri stepha-  
non Hym. 5

Verum hic mos Titulos ecclesias nuncupandi, progressu postea temporis paulatim exoleuit, appellarique cœperunt à nomine illius Sancti vel Sanctæ, in cuius memoriam & honorem erant extructæ, vel illius à quo ædificatæ erant.

B Romæ autem tantummodò ea permansit consuetudo, Titulos appellandi insigniores ecclesias illas, quæ Cardinalibus assignari consueuerant: à quibus nostro etiam æuo Cardinales Illustrissimi suam denominationem quandoque sumere solent: ita ut eorum quispiam Cardinalis tituli sanctæ Crucis in Ierusalem vocetur, alius Cardinalis tituli sancti Clementis, quidam Cardinalis tituli sancti Marcelli, quidam Cardinalis tituli sanctæ Cæcilie, alius verò Cardinalis tituli sancti Georgij, &c. Titulus autem hic ad summum nihil aliud erat, quàm Crux Domini ex qualibet materia constructa, quæ eo loco defigebatur ubi extruenda erat ecclesia, in titulum ac testimonium quod locus ille diuino cultui dicatus erat. Quamobrem Theodosius Imperator expressa lege cavit, ut si quod idolorum templum ad sua usque tempora integrum perstaret, dirueretur, & Cruce Domini in titulum ibi defixa, situs ille diuino cultui dicaretur; inquit

Atque etiã  
nunc appel-  
lantur quæ  
S. R. E. Car-  
dinalibus  
assignari  
solent.

C enim: *Cuncta paganorum fana, templa, delubra, si qua etiam nunc restant integra, præcepto magistratuum destrui, conlocationeque venerandæ Christianæ religionis signi expiari precipimus.* Deinde verò procedente tempore, quo ecclesiarum ædificationis initium venerabilius & augustius apparet, & ut ecclesiis recenti extructione dicatis congrui redditus ceteraque diuino cultui necessaria prouiderentur, Iustinianus Imperator expressè vetuit, nemini ecclesiæ alicuius, aut monasterij, vel oratorij fundamenta iacere licere, nisi ciuitatis Episcopo interueniente, qui ad locum accedens solemnibus precationibus adhibitis Crucem defigeret. sic enim ait: *Sancimus igitur præ omnibus quidem illud fieri, & nulli licentiam esse, neque monasterium, neque ecclesiam, neque orationis domum incipere ædificare, antequam ciuitatis Deo amabilis Episcopus orationem in loco faciat, & Crucem figat.* Et alibi subdit: *Si quis autem voluerit fabricare venerabile oratorium, aut monasterium; precipimus non aliter inchoandam fabricam, nisi locorum sanctissimus Episcopus orationem ibi fecerit, & venerabilem fixerit Crucem.* Idem quoque sacris Canonibus hisce verbis

Cod. Theo-  
dosiano l. 16  
tit. 10. De  
paganis, &c  
cap. 25.

Illicitum fun-  
dari templum  
aut oratorium  
quodcumque  
nisi prius  
defixa Cru-  
ce.

Authentic.  
collat. 5.  
tit. 17.

Ibid. coll. 9.  
tit. 6. §. Si  
quis autem.

D constitutum: *Nemo ecclesiam ædificet, antequam Episcopus ciuitatis veniat, & ibidem Crucem figat, & publicè atrium designet.* Progressu tamen temporis postea introductum est, ut qui ecclesias aut oratoria extruere statuissent, præsertim verò Græci, non satis sibi fecisse viderentur, si Crux à loci Episcopo vel à Metropolitano benedicta defigeretur, sed Constantinopolitani vel alterius Patriarchæ nomine & auctoritate id fieri volebant. Crux autem illa sic benedicta, & Patriarchæ nomine Episcopis transmissa, in locoque ubi ecclesia extruenda erat defigenda, *συνεγρηγὼν* ab eis vocabatur. Cuius consuetudinis fusè admodum meminit Iacobus Gretserus, ad quem Lectorem remittimus.

Decret. p. 3  
De conse-  
crat. dist. 1.  
cap. Nemo.

Consueuere præterea iidem primitiæ Ecclesiæ Christi fideles Catholici, in ecclesiis quas extruebant, illud in primis curare, ut Crucis imago siue inscul-



*Crux itē in  
editiori ec-  
clesia loco  
collocari so-  
let, ab ipso  
Apostolorū  
ano.  
Lib. 8. Hist.  
Ind.*

pta siue depicta, locis editioribus ac valde conspicuis statueretur; quod pluri- **A**  
fariam probare possumus: præcipue verò ex eo quod fecit diuus Thomas Apo-  
stolus, qui primus omnium sanctum Euangelium Indiarum populis annuntia-  
uit. Ipse enim, vt rerum Indicarum scriptores testantur, templum Crucium ima-  
ginibus exornatum ibi extruxit; cuius vestigia, vt Maffei in primis affirmat,  
reperita fuere hoc etiam nostro æuo à Lusitanis qui Meliaporem profecti sunt,  
cū eiusdem beatissimi Apostoli corpus ibi situm accepissent, vbi ingentis am-  
plitudinis, & solo æquata vrbis ruinas offenderunt, inter quas pauca admodum  
pyramides, turres, columnæ, & varij coloris lapides, quæ è miserabili stragē illa  
supererant, conspiciebantur. In iis etiam operosa magnifici cuiusdam templi  
vestigia cernebantur, vno tantum ad Orientalem plagam adhuc superstite sacel-  
lo, crebris intus forisque lapideis Crucibus è vetere disciplina consperso.

*De vita Xa-  
uerij, cap 16*

Narrat Tursellinus in vita Francisci Xauerij è Societate I E S V, quod cū is **B**  
ad Socotoram insulam appulisset, inuenit incolas omnium diuinarum rerum  
rudes, qui tamen Christianos se esse gloriabantur, sanctumque Thomam Apo-  
stolum magna veneratione colebant, à quo maiores suos sacro Baptismate  
expiatos fuisse asseuerabant, cū ipsi tamen iam baptizari & catechizari de-  
sissent; partim quia Christiani mores densa ignorantie caligine obruti obsole-  
uerant, partim quia Saracenorum tyrannide omnes opprimebantur. Ostende-  
bat tamen gens illa aliqua Christianæ religionis vestigia, atque inter hæc illa,  
visebantur sacella quædam, non ampla quidem, sed pie extructa atque ornata,  
quibus in altaribus Cruces aderant cum lychnis præpendentibus. Sicque in In-  
diæ vrbe Caranganora Christiani, siue Christianorum quæ ibi supererant reli-  
quiæ, morem adhuc obseruantes quem acceperant ab his qui Christi nomen  
illuc primitus inuexerant, Cruces in templis habebant, ipsorumque Antistes  
capillos in Crucis figuram tondere consueuerat.

*Cruces ab  
antiquissi-  
mis tempo-  
ribus in In-  
dorum tem-  
plis & se-  
pulchris.*

Ferunt præterea hi qui Chinarum Regnum penetrarunt, Crucem inter gentis **C**  
illius sacra haberi, licet quam de causa ab his ignoretur. Scribit Alfonsus Cia-  
con in Tractatu suo De signis sanctissimæ Crucis, in nouo Orbe, id est, in India-  
rum oris quæ ad Occidentem vergunt, Cruces esse repertas in fanis & sepulchris  
vetustissimis, quarum tamen originem & significationem incolæ prorsus igno-  
rabant. Quamobrem non absurdè nonnulli coniiciunt, eas ibi iam inde ab  
Apostolicis vel propè ab Apostolicis temporibus erectas; cū de populis illis,  
non nisi hisce recentioribus sæculis ne fama quidem aliquid ad nos delatum  
fuisse constet. Maffei denique in sua Indicarum rerum Historia, Goa vrbe à  
Christianis capta, dum Lusitanos in mœnium instaurationem, & in profano-  
rum templorum demolitionem intentos scribit, hæc notatu planè digna conti-  
gisse testatur: *In id opus, inquit, dum idolorum fana, & sepulchra Ethnicorum, & alia  
ædificia diruuntur, in domus cuiusdam parietinis æneum Crucis pendente Christo simu-  
lacrum apparuit; euidenti planè argumento, in his olim regionibus non modò Christia-  
nam fidem, sed cum ea salutare quoque vsum imaginum, quem recentes isti scilicet pie-  
tatis antiquæ assertores, ac diuinæ voluntatis interpretes, funditus extirpare conantur,  
ex Apostolica traditione viguisse.* Hæc ille. Quod ita se habere testatur ipsa Lusi-  
tania, ad cuius Regem Emmanuelem illa Crucifixi imago transmissa fuit. **D**

*Histor. Ind.  
lib. 4.*

Sed non est opus coniecturis, quantumuis firmis & validis (vt iure inquit  
Gretserus) vbi ad institutum nostrum probandum argumenta perspicua sup-  
petunt. Nam sanctus Thomas Apostolus, qui ad Indorum salutem procuran-  
dam felici sorte destinatus fuit, non Crucem tantum in Crucifixi honorem  
erexit, sed coram eadem preces quotidianas fundere consueuerat. Quæ Crux in  
Malipure vrbe, nunc à sancto Thoma nominata, hoc nostro æuo reperta, mira-  
culis



A culis sanè quibus omnes meritò obstupefcant enituit, vt Hieronymus Osorius<sup>a</sup> De rebus  
 Siluensis Episcopus, Historicus vt disertissimus ita & fidelissimus, & post eum  
 Maffei<sup>b</sup>, Alfonsus Ciacon<sup>c</sup>, ac demum Cardinalis Baronius<sup>d</sup>, conscripsere. <sup>gestis Ema-  
 nuelis lib. 3  
 Lib. 3. & 8.  
 De signis  
 sanctæ Cru-  
 cis, cap. 35.  
 Ann. To. 1.  
 anno Chri-  
 sti 57.</sup>  
 Cuius rei admirabilem planè successum ex eiusdem Osorij verbis totum repe-  
 temus, sic enim inquit: *In eadem ciuitate, quam diximus appellari Malipurem, &  
 nunc postquam à Lusitanis frequentari cœpit, sancti Thomæ ciuitas appellatur, erat in  
 colle sacellum edificatum, eò quòd affirmarent incolæ in eo loco Thomam fuisse à religionis  
 hostibus interfectum. Erat autem hoc solemniter institutum, vt in eo sacello octo diebus  
 ante diem Natalis Christi res diuina fieret, & omnes Christiani in eo conuenirent. Fuerat  
 quoque ante quatuordecim annos in illo colle inuenta Crux in lapide incisa, in cuius fasti-  
 gio columbæ imago insidebat. Basis verò erat in specie quadam herbarum quæ latissimè  
 diffundi videbantur, collocata; & tam fastigium quàm basis & brachia in liliorum for-  
 mam desinebant. Arcus eam ex eodem lapide factus vndique muniebat. In arcu erant  
 incise litteræ, quas nemo legere poterat. Totum hoc opus integrum, quod erat satis ma-  
 gnum, fuit super altare eiusdem sacelli multorum operis statutum. In Cruce eminebant  
 notæ sanguinis insignes.*

B Accidit autem die quo Christiani conueniebant, vt in eo templo salutationem ab An-  
 gelo factam sanctissimæ Virgini, octo dies antequam Christi Natalis adueniret celebra-  
 rent, cum sacerdos, qui rem diuinam faciebat, Euangelium inchoaret, vt Crux in nigrum <sup>Stupēda mi-  
 racula an-  
 tiquissima  
 cuiusdam  
 Crucis in  
 India Lusit-  
 anica.</sup>  
 colorem verteretur, & liquor ex illa incredibili copia dimanaret; deinde color ceruleus  
 pro nigro subiret: in locis autem, vbi notæ sanguinis extabant, rosei coloris splendor  
 eluxit. Sequentibus deinde annis, eodem die idem semper eueniebat: nec enim alio die  
 (quod magnam admirationem commouebat) id in illa Cruce cernebatur. Fuit ta-  
 men aliquo tempore, eius rei quæ planè admirabilis videbatur intermissio. Anno au-  
 tem M. D. LXI. cum Christiani in eundem locum cum eadem pompa & celebritate con-  
 uenirent, eo die quo Crux, dum sacrificium fieret, stillare solebat, & sacerdos Euange-  
 lium inchoaret (id enim etiam admirandum videbatur, quòd numquam prius quàm  
 Euangelium legi cœpisset, ea Crucis mutatio fieret) Crux repente nigris maculis, splen-  
 dida tamen, inficeretur; donec tandem alijs atque alijs subeuntibus, tota nigresceret; ita  
 verò splendebat, ac si fuisset oleo delibuta. Tum instar roris guttæ fluere cœperunt, quæ  
 paulatim grandiores effectæ, totam Crucem humore largissimo compleuerunt.

C Peregit sacerdos cum multis lacrymis & crebro singultu sacrificium: deinde ascen-  
 dit in altare, & linteis, quibus in rebus sacris de more procurandis vti solebat, Crucem  
 terfit: linteæ maculis sanguineis tinctæ derepentè sunt. Ciuitatis Præfectus & reliqua  
 multitudo quæ conuenerat, manus in cælum tendere, Christi nomen implorare, flagitiorum  
 veniam postulare, & ad studium religionis ardentius excitari. Crux autem postquam  
 multo liquore fluxit, clariùs splendere cœpit, & color sanguineus euidentius eluxit. Hoc  
 signum commouit & Præfectum orbis & primum sacerdotem vt diligenter inqui-  
 rerent, ecquis esset qui litteras illas interpretari posset. Aiunt incolæ in Narsinge Regno  
 D esse Brachmanam, inter omnes Brachmanas litteris & eruditione præstantem, qui va-  
 rias linguas tenebat. Hominem continuò accersunt, & interrogant an illas litteras nosset.  
 Respondit litteras esse priscas, quibus antiqui sapientes utebantur; negligentia verò ho-  
 minum factum esse, vt earum cognitio interiret, quin etiam linguam, qua erant descriptæ,  
 à paucis admodum teneri.

Admonent illi Brachmanam, vt in altare ascendat. Restitit ille, & nefarium faci-  
 nus esse dixit, altare, in quo res diuina fieret, humanis pedibus conculcari. Inuitus tamen <sup>Summa ge-  
 storum à  
 S. Thoma  
 Apostolo in  
 India, in ad  
 iuncta Cruci  
 inscriptione</sup>  
 subiit, & litteras perlegit; quarum & vim eam esse dixit, vt vna nota decem, & quin-  
 decim, & viginti litterarum officio fungeretur. Sententia verò litterarum in summa hæc  
 erat: Thomam diuinum virum fuisse à Dei Filio, cuius erat discipulus, in eas oras Saga-  
 mi Regis tempore missum, vt Dei summi notitia gentes illas erudiret; ibique templum  
 extruxisset.



extruxisse: atque tandem cum genibus flexis ad Crucem affixus orationem ad Deum A  
funderet, à quodam Brachmana fuisse hasta transfixum; Crucem verò eiusdem viri  
sanctissimi cruore tinctam, ad memoriam virtutis illius sempiternam relictam fuisse.  
Hæc erat sententia quæ litteris continebatur. Fecit autem maiorem fidem alius eiusdem  
sectæ vir, aliunde accersitus, grandis admodum natu, & sapientiæ opinione præstans, qui  
litteras in eandem sententiam interpretatus est. Huius autem Crucis exemplum, in eo-  
dem ligno ex quo templum edificatum perhibent, inscriptum, cum litteris publicis mul-  
torum virorum testimonio consignatis retineo; cuius fides tantis tunc argumentis explo-  
rata fuit, ut nemo possit de tam claris atque testatis diui viri monumentis ambigere. Hæc

De signis  
sanctissimæ  
Crucis, c. 35

Oforius; cuius etiam verba referens Alfonsus Ciacon, asserit totam admirabilis  
facti huius seriem publicis litteris consignatam, unà cum eiusdem Crucis typo,  
ex antiquarum litterarum prædictarum exemplo, ex eodem lapide diligenter  
exsculpto à Concinenfi Episcopo, Henrico Cardinali postea Lusitaniæ Regi  
transmissam, anno salutis nostræ quingentesimo sexagesimo secundo supra B  
millesimum.

Mos hic  
Crucis in  
templis eri-  
gendi SS. Pa-  
trum testi-  
monio cõ-  
probatur.  
Serm. 36.

Pius ergo mos ille priscorum Christianorum, Cruces in ecclesiis sculpendi  
ac pingendi, nullo alio quàm hoc magis authentico vel illustriori testimonio  
comprobari potest. Constat enim hîc apertissimè, vnum ex duodecim Christi  
Apostolis, Crucem in ecclesia erexisse, & non modò precibus, sed etiam pro-  
prio sanguine dedicasse. Et nihilominus laudabilis hæc consuetudo multorum  
sanctorum priscorumque Patrum auctoritate firmabitur, præcipuè verò Am-  
brofij, siue Maximi Taurinensis, & Paulini Nolani Episcopi. Quorum alter ad  
institutum hoc inquit: *Sicut Ecclesia sine Cruce stare non potest, ita sine arbore navis*

In somnio  
de Anasta-  
siæ Ecclesia.

*infirmæ est.* Alter verò, nempe Paulinus, ecclesias suas picturis & Crucibus præ-  
fertim ornare consueverat, easdemque picturas & Cruces carminibus à se com-  
positis celebrare atque illustrare studebat, quorum aliqua inferiùs recitabimus,  
dum de gemmatis & coronatis Crucibus agemus. Testatur præterea Gregorius C  
Nazianzenus, sanctorum Apostolorum templum Constantinopolitanæ vrbis,  
Crucium picturis exornatum extitisse, inquit enim: *Cum multa & præclara Impe-  
ratricis vrbis decora atque ornamenta sint, tum verò ea egregiis potissimum templis exul-  
tat. Quorum in numero templum quoque est Christi discipulis dicatum & consecratum,*

De locis sa-  
ctis cap. 2.

*lateribus Crucis pictura insignitis quadrifariam insectum.* Beda venerabilis testatur,  
in Ecclesia montis Caluarij, quam Golgothanam appellabant, Crucem ingenti-  
tis magnitudinis extitisse. Sanctus Gregorius Armeniæ Episcopus & Christi  
Martyr, multas Cruces in Armeniæ Martyrum sepulchris collocavit: neque  
in sepulchris tantum, sed etiam in eo templo quod in eorum Martyrum hono-  
rem edificatum fuerat, Crucem statuit. Quamobrem in eorumdem sanctorum  
Martyrum Actis hæc habentur: *Martyr igitur Gregorius Crucem hîc quoque sta-  
tuit; & iubet multitudinem, quæ illic assidue versabatur, & eò ventitabat, prompto  
& alacri animi studio, Deo cultum offerre per adorationem Crucis.* D

Euthymius  
2. p. Pano-  
plia, tit. 20.

Verum ad piam consuetudinem, quæ apud priscos Christianos usu recepta  
erat, ecclesias Crucis imaginibus exornandi, sanctorum Patrum auctoritate  
comprobandam, nihil ferè magis insigne aut præclarum in medium afferri po-  
test, quàm quod Olympiodoro Proconsuli respondit sanctus Nilus Abbas; is  
nimirum, qui Theodosij iunioris Imperatoris temporibus sanctitate ac doctri-  
na perfloruit, quique cum vrbis Constantinopolitanæ Præfectus esset, mundo  
nuntium remittens, & religionem ingressus, ad monasticæ perfectionis culmen  
peruenit: cuius etiam fit in Romano Martyrologio commemoratio sub die  
duodecima Nouembris. Hic enim ab Olympiodoro per epistolam consultus,  
quænam imagines pingi deberent in ecclesia quadam, quam in Christi hono-  
rem

rem



A rem & sanctorum Martyrū memoriam extruere moliebatur (in qua quorundam ea erat sententia, ut ad populi oculos & prospectum oblectandum variae animalium species, ac ferarum genera, diuersæque venationes, & piscationes pingerentur) id respondit, quod in eius epistola in secundo Nicæno Concilio recitata continetur, his verbis: *Ego verò ad scripta sic respondeo, puerile planè esse & stultum, eiusmodi rebus fidelium oculos fascinare velle. Debet esse enim firme & virilis sententiæ genuinum, in sacro loco ab Oriente sanctissimi templi vnicam & solam effigiari Crucem. Per solam enim salutiferam Crucem genus humanum liberatum est, perque hanc desperabundis vndique spes annuntiatur.*

In secundo  
Nicæno  
Concilio,  
Actu 4.

Quibus verbis non tantum probatur mos, qui priscis Christianis fuit, Cruces in ecclesiis statuendi, sed etiam ad Orientalem plagam collocandi, ut Christi fideles orantes, ora ad Orientem verterent, & Christum adorarent, qui vultu ad Occidentem conuerso in Crucem actus est, ut alibi diximus. Adiecit etiam idem sanctus Nilus, cupere se, ut in ecclesiæ parietibus hinc inde noui & veteris Testamenti pingerentur historiæ: ut qui litteras non nouerant, neque sacram Scripturam legere sciebant, contemplatione picturæ ad memoriam reuocarent, Sanctos per fortia facta Deo fideliter seruisse; atque ad certaminum & laudatorum facinorum generosam æmulationem excitarentur, quibus Sancti Dei terram cum cælo commutare meruerant, ita ut per picturæ contemplationem ea quæ non viderant venerarentur. Demumque pro epistolæ suæ periocha, hæc etiam subiecit: *In communi verò domo, in qua multa fuerint habitacula, sufficiat singulis veneranda Crucis imago.* Ex quibus verbis aperte dignoscitur, eundem sanctum Nilum non id tantum voluisse, ut Cruces in ecclesiis, sed etiam in priuatis domibus; neque in priuatis domibus tantum, sed in earum singulis quoque habitaculis statueretur. Sicque sufficienter probatus est pius ac laudabilis mos, Cruces in ecclesiis insculpendi ac depingendi, qui apud priscos Christi fideles viguit: qui quidem nec ab ecclesiis ipsis recedebant, priusquam Crucem adorassent: quocirca Isaacius Syrus Antiochenus presbyter inquit: *Adoretur Crux, & sic deinde recedatur.*

Lib. de cō-  
tempu  
mundi,  
cap. 20.

In Biblio-  
theca Pa-  
trū, To. 5.

Consueuere præterea iidem prisci Catholici, Cruces præcipue super aras in quibus sacrosanctum Missæ sacrificium celebrabant, statuere. Qui mos quam vetus sit, luculentissimum testimonium perhibent Acta sancti Martialis Christi Domini discipuli, & diui Petri consanguinei, quæ manuscripta Romæ habentur in antiquissimo codice, siue Sanctorali vel Passionario basilicæ Lateranensis; ubi legitur, quod idem sanctus Martialis in Galliis, & in vrbe Lemoicensi degens (quod à diuo Petro ablegatus & Episcopus ordinatus fuerat, ut superius ostendimus) cum diuina reuelatione certior factus esset de nece sanctorum Apostolorum Petri & Pauli, ea protinus fieri iussit, quæ ex eorundem Actorum verbis hisce percipiuntur: *Tunc in visione Dei, cognita recenti pretiosa morte sanctorum Apostolorum Petri & Pauli, suæque vocatione præscita, confestim iussit, ut sub omni celeritate perficeretur oratorium quod fuerat inchoatum ab ipso & à Stephano Duce, in possessione beatæ virginis Valeriæ, in quo ad Occidentem tumulariam sibi statuit sepulturam, & retrò in alia crypta tumulum posuit Stephani Ducis, sicut eum fuerat deprecatus. In solario verò, quod super sepulchrum illius medium est, altare in honorem beati Stephani Protomartyris consanguinei sui consecrauit, quod ut supra memorauimus, disposuerat primitus ponere supra sepulchrum beatæ virginis & martyris Valeriæ, antequam martyrium Apostolorum Petri & Pauli in visione diuina cognouisset: totumque ipsum altare beati Stephani per circuitum laminis adfixit aureis, ac coronas in circuitu sex posuit aureas, cum totidem lampadibus aureis ad luminaria conseruanda. Constituit & ultra supradictum, aliud altare ante sepulchrum*

Cruces in  
altaribus  
statuendi  
conueni-  
do, pariter  
antiquissi-  
ma.



suum, ut esset in honore beati Petri Apostolorum Principis, ac propinqui sui: totumque A  
altare per circuitum vestivit laminis aureis. Fecit & propitiatorium aureum super  
altare, habentem per quattuor angulos quattuor coronas aureas: antè verò, septē posuit  
lampades ex auro purissimo; ut ibi manè & vesperè oleum cremaretur. Iussit etiam fieri  
candelabra ex auro quinque, & thuribulum aureum vnum; ac Crucem auream ex auro  
similiter fieri præcepit ad ornatum Ecclesiæ, ac Officium altaris peragendum. Hæc ibi.

<sup>a</sup> Lib. 2.  
cap. 2.  
<sup>b</sup> Lib. 7.  
cap. 50.

Consuetudo ergo Cruces super altaria statuendi, iam inde à sanctorum  
Apostolorum temporibus introducta est, ut in Actis prædictis clarè perspicitur.  
Deinde verò procedente tempore, tamquam lex pænè inuiolabilis in Ec-  
clesia semper est obseruata, ut ex Historiis Ecclesiasticis, & sanctorum Marty-  
rū Actis colligitur. Narrat ad institutum hoc Sozomenus <sup>a</sup> (atque illum etiam  
secutus, ut aslolet, Nicephorus <sup>b</sup>) ubi agit de templo Magni Constantini  
Imperatoris iussu in honorem sancti Michaëlis Archangeli extructo, at-  
que ab ipsius cælestis militiæ Principis nomine nuncupato, miraculum, B  
quod ex ipsius Sozomeni verbis Latinitati donatis par est audire: *Accepi porro,*  
*inquit, Probianum, vnum ex satellitibus qui Imperatorem in palatio stipabant, cum*  
*dolore pedum grauiter affligeretur, in eo loco etiam cruciatu leuatum, & admirabili*  
*quadam ac diuina visione dignatum fuisse. Nam iste cum initio Gentilis esset, postea ta-*  
*men Christianus factus, quamquam omnia alia Religionis nostræ instituta probabilia*  
*putabat, sanctam tamen Crucem salutis omnium causam extitisse, neutiquam admitte-*  
*re voluit. Cui sic animo affecto visio diuinitus oblata, quamdam Crucis effigiem, quæ in*  
*altari illius Ecclesiæ statui solet, ante oculos proposuit: declarauitque manifestè, res que-*  
*cumque à tempore quo Christus in Crucem actus erat, vel ad utilitatem humani ge-*  
*neris communem, vel ad priuatam quorundam, seu à diuinis Angelis, seu à piis &*  
*perfectis hominibus gesta fuerunt, non sine virtute Crucis salutaris rectè gestas esse.*

Visio diui-  
na corrigit  
Probianum  
qui vili-  
pendebat  
Crucem.

Aduersus  
Gentiles  
Demonstr.  
quod Chri-  
stus sit  
Deus.

Cruces autem in altaribus statui solitas, testatur etiam sanctus Ioannes Chry-  
sostomus, dum breuiter per transcursum inquit: *In mensa sacra Crux.* Id etiam C  
probat ex admirabili visione sancto Gregorio Martyri Armeniæ Episcopo  
oblata; cum altaria illa ignea conspexit, super quæ singillatim Crux ignea pa-  
riter statuta erat, ut tradit Simeon Metaphrastes in Actis eius, quæ à Surio pa-  
riter sub die trigesima Septembris relata sunt, in hunc modum: *Post hæc, ma-*  
*gnam quidem igneorum altarium multitudinem dedit aspiciendam visio, & super*  
*vnumquodque Crucem formatam ex eadem materia.* Adeo autem consuetudo hæc  
Cruces in altaribus statuendi passim recepta est, & recipitur, ut nostro etiam  
æuo sine Cruce in altari Missa non celebretur.

In ciuitate  
Caraua-  
censi, Crux  
in altari ab  
Angelis  
collocata.

De signis  
sanctissimæ  
Crucis,  
cap. 35.

Quam autem laudabilis ac pia consuetudo hæc Deo sit grata, iam ante qua-  
dringentos, vel paulò amplius circiter annos, excelsæ Maiestati eius ostendere  
placuit in Hispaniarum ciuitate Carauacensi, cum Christianus & Catholi-  
cus sacerdos ille iubente Agareno Rege Missam celebraturus, & sacris vesti-  
bus indutus, ad altare accessisset, conspexissetque ibi Crucem non adesse, con- D  
stitit, & Religionis scrupulo detentus, illam ordiri haudquaquam volebat.  
Quamobrem Deus per Angelorum manus Crucem illam ibi deposuit, quæ  
adhuc ad nostra hæc tempora non in Hispaniis tantum, sed toto Christiano  
orbe est celeberrima. Quam admirabilem planè historiam ex vetustissimis  
ciuitatis illius monumentis desumptam, Alfonsus Ciacon in hæc verba refert:  
*Est autem Carauaca, inquit, ciuitas mediterranea, aspero & montoso iugo incum-*  
*bens, quæ Militibus sancti Jacobi Ensigneri subest; arcem habens munitissimam, præsi-*  
*dio & armis satis instructam; & subtus multas specus & latibula continens, saxo*  
*ipso excauata. Quæ olim cum Agarenorum imperio pareret, ergastula erant tuta conti-*  
*nendis captiuis Christianis, quos in prædam continuè abducebant. Hanc Agarenius Rex*  
*aliquan-*



- A** aliquando ingressus arcem inuisit, & captiuos Christianos proferri iussit, qui inter ergastula tenebantur. Quos ut macie confectos & pallido eos esse vultu conspexit, sortem hominum & conditionem seruilem miseratus, ne deinceps ergastulis restringerentur, edixit: ac singulos benignè patriam, parentes, & artem quam nossent percunctatus, in eadem eos exercendos instituit; ut Reipublicæ frugi, & liberiùs atque hilariùs suo quisque muneri vacaret. Oblatus est inter alios presbyter: hunc Rex quam artem profiteretur sciscitatus, sacerdotem se esse Christianorum respondit; & omnes artes & Regum quamcumque potentiam suum ministerium superare. Rex se intueri velle istiusmodi ministerium, & ut illud in suo conspectu celebraret mandauit: sacerdos contrà respondit, destituisse vestibibus sacris & ceteris necessariis ad sacram rem peragendam, quæ apud Christianos in promptu esse solerent. Rex continuò iubet, ut è proximo Christianorum oppido omnia peterentur quæ ad hoc ministerium celebrandum opportuna esse videbantur. Ara intra arcem erigitur, lapis sacratus illi superponitur, vestibibus sacris presbyter amicitur; calix aderat, panis & vinum consecranda: & quintus tunc Nonarum Maij illuxerat, quo sollemnis sanctæ Crucis Inuentionis festiuitas agebatur. Orsurus Missam sacerdos constitit: causam cunctationis Rex sciscitatus: Crucem deesse dixit, quæ consueisset huiusmodi ministerio & ritibus, illo die præsertim adhiberi. Vix hæc fuerat effatus, cum fornice, qui altari imminebat, dehiscente, magnus splendor effulsit; & per illum hiatus duo Angeli de celo illapsi, Crucem ligneam bipalmarem deferentes, super altare paratum deposuerunt. Stupet Rex Agareus cum suis aulicis, tanto miraculo conspecto: & Christianis qui aderant lacrymæ obortæ, & singultus imo pectore eruperunt & gemitus: pectus tundunt, clamorem attollunt, & gratias de tanto beneficio vix poterant Deo præ gaudio admirabundi intonare. Rex cum aulicis Christianam fidem complexus, Christianos libertate donauit, & sacello intra arcem constructo & dicato, angelicam illam Crucem intra pretiosam arcam asseruandam reponunt, tribus hodie seris & totidem clauibus obsignatam; quarum unam arcis Præfectus, secundam templi maximi primarius sacerdos, tertiam Senatus Carauacensis habent. Singulis quibusque annis, die tertio Maij, quo Crucis Inuentio recolitur, & illa Crux ab Angelis fuit deportata, insigni pompa, publicis supplicationibus, ex arce ad fontem copiosissimum lacum suis fluentis efficientem, ferreis clathris obseptum, deducitur; & ter intra illas undas submergitur, eiusque sacro contactu illæ sanctificantur, ita ut multis morbis & agritudinibus degustantium subueniant. Ad hoc spectaculum innumere gentes & populi, ex omni vndique Hispania confluunt, sanctæ Crucis lignum illud adoraturi. Hæc omnia aliaque plura, de cælesti & angelica Cruce Carauacensi Alfonso Ciacon; illiusque typum & imaginem ibi insuper adiecit, quæ omnino talis est, qualem hîc conspiciendam adiicimus.
- D** Consueuerant præterea prisca Christiani, Cruces non solum super altaria statuere, ut dictum atque probatum est, sed illas etiam in Ecclesiarum suarum eminentioribus spectabilioribusque locis collocabant, ut ab ingredientibus statim conspicerentur ac venerarentur. Neque nudas Cruces tantum, sed Christi Domini imagine clauis confixi exornatas, in prædictis locis statuebant. Quod ex Lactantij Firmiani verbis clarè conijcitur; qui Christi Crucifixi imaginem in Ecclesiæ eminenti & conspicuo loco constitutam, & ingredientem alloquentem introducens, pio, ut Christianum decet, carmine sic cecinit:



Eiusdem  
angelica  
Crucis ty-  
pus.

Nec nuda  
tantum  
Cruces, sed  
Christi et-  
iam Cruci-  
fixi imagi-  
ne insignita  
in eminen-  
tiori tēpli  
loco olim  
collocata.

Quisquis ades, mediæque subis ad limina templi,

Ccc 4

Carm. de  
Passione  
Siste Domini.



*Siste gradum, in fontemque tuo pro crimine passum  
Respice me, me conde animo, me in pectore serua.  
Ille ego qui casus hominum miseratus acerbos,  
Huc veni.*

Et post non multa subdit:

*Cerne manus clavis fixas, tractosque lacertos,  
Atque ingens lateris vulnus, cerne inde fluorem  
Sanguineum; fessosque pedes, artusque cruentos.*

Ex quibus Lactantij verbis, qui non tantum Magni Constantini Imperatoris temporibus, sub quo Christianorum res pacatae erant, verum etiam tyrannorum, à quibus turbatae adhuc fluctuabant, floruit, euidenter patet, iam tum introductam fuisse consuetudinem, sanctissimi Crucifixi imaginem in ecclesiarum eminentiore ac spectabiliore loco statuendi, ut à Christi fidelibus ingredientibus statim adoraretur, quod ad hanc usque diem in nonnullis ex vetustioribus ecclesiis obseruatum conspiciamus. Quamobrem idem Firmianus, ex eodem Crucifixi persona subdit:

*Flecte genu, lignumque Crucis venerabile adora  
Flebilis.*

Recitatum quoque fuit in secundo Nicæno Concilio miraculum, quod beato Theodoro Archimandritæ, siue Abbati monasterij Sicanon contigit; quo aptissime probatur, iam inde à Beati illius ævo receptum morem Crucifixi imaginem statuendi super trabem, quæ maiorem templi nauem à choro ex transuerso diuidit, ut hodie quoque in plerisque ecclesiarum factum videmus. Miraculum autem ex ipsis quæ in eodem Concilio relata sunt verbis, par est recensere, sunt autem huiusmodi: *Cum autem idem beatus Pater noster natus esset annos circiter duodecim, letales bubones homines istius loci inuaserant, quo ipse grauiter usque ad mortem laborare cepit: itaque illum ad templum beati Joannis Baptistæ, quod erat prope oppidum, ducunt. Deposuerunt autem eum in limine ingressus altaris; supra illum vero locum, in trabe, Crucis imago Saluatoris nostri Jesu Christi stabat. Eo autem ex bubone eiulante, instillarunt in illum guttas roris ex imagine: confestim autem gratia Dei leuius à dolore se habuit, sanitatique pristinae restitutus est, domumque reuersus est.*

Nec satis sibi factum esse putauit priscorum Christi fidelium pietas, ad sanctam Crucem (ut par est) summis honoribus prosequendam, quod illam super altaria & ecclesiarum suarum eminentiora loca, ut dictum est, statuere consueuissent, sed & ecclesias ipsas in Crucis formam extruere coeperunt. Qui mos iam inde à sanctorum Apostolorum temporibus introduci est coeptus, ut colligitur ex vetustissimis Actis sanctorum Syri & Iuuentij, quæ manuscripta habentur in Bibliotheca Vaticana, & à Surio inter Sanctorum quoque vitas Tomo quinto relata sunt, sub die duodecima Septembris, in quibus memoriae proditum est, sanctum Syrum Ticinensis urbis primum Episcopum, qui Apostolorum contemporaneus fuit, & à sancto Herimaga Marci Euangelistæ discipulo urbis illius Antistes ordinatus est, ecclesiam in Christi honorem, & sanctorum Martyrum Geruasij & Protasij memoriam ad Crucis formam extruxisse; sic enim ibi: *Inter hæc sacerdos Dei eximius, exultans de mirabilibus quæ per merita sanctorum Martyrum Geruasij & Protasij Christus Dominus sedulo faciebat, concepit animo, non procul ab huius urbis mœniis extra ciuitatem, templum Domino in memoriam nominum eorum erigere; idque in modum Crucis, ut aggressus est, consummauit. Atque hoc primum celestis Regis vexillum in hac vrbe erectum est.*

Cuius piæ ac laudabilis consuetudinis infinita propemodum exempla in medium

*Atque adeo  
in trabe  
ante templi  
ipsius cho-  
rum.*

*In Secundo  
Concilio  
Nicæno,  
Act. 4.*

*Ipsa insu-  
per ecclesia  
in formam  
Crucis ex-  
structa, ab  
ipso Aposto-  
lorum ævo.*



**A** medium afferre liceret, ni Deus occulto suo iudicio, & peccatis eorum qui postea successerunt exigentibus, vetustiores Ecclesias à priscis ac piis illis Christi fidelibus extructas, impij Diocletiani Imperatoris publico edicto dirui permisset. Is enim, dæmone impellente, contra Christianos in dies magis inagisque defæuiens, in horribili illa & tremenda persecutione, Imperij sui anno decimo nono, cunctas eorum ecclesias solo æquandas, eorumque scripturas palàm ignibus tradendas sancivit. Cuius impij ac planè dæmonici edicti Eusebius Cæsariensis his verbis meminit: *Anno decimo nono Imperij Diocletiani, mense Dystro, qui à Romanis Martius nominatur, cum salutaris passionis Dominica festum iam pro foribus esset, omnibus in locis per Imperatoris litteras palàm edictum fuit, ut tum deturbarentur ecclesie, soloque æquarentur; tum scripturæ absumerentur igni.* Eiusdem etiam iniquissimi edicti meminit Nicephorus.

*Domitiani edictum de euertendis Christianorum ecclesiis.*

*Ecclef. hist. lib. 8. c. 3.*

*Lib. 7. c. 3. in fine.*

**B** Quamobrem necessario in hoc satis esse factum putandum erit, si exempli causa, quasdam ex his ecclesiis in medium adduxerimus, quæ ab eo tempore extructæ sunt, quo pio ac magno Constantino Imperij gubernacula tenente, Christianis libertas & pax est concessa. Inter quas sacrosanctæ Apostolorum Petri & Pauli, ac sancti Ioannis Lateranensis Romanæ urbis basilicæ, ab eodem piissimo Imperatore exædificatæ imprimis, ad Crucis formam constructæ sunt: supponendo maiorem nauem, quæ medium totius templi excurrit, directam Crucis trabem; absidam verò siue tribunam, eminentem ipsius extremitatem cui Crucifixi caput hæret; eam verò nauem, quæ ex transuerso distenditur, Crucis transuersale lignum repræsentare: quæ nauis propterea Crux propriè vocabatur. Quocirca Onuphrius Panuinus de sancti Petri basilica inquit: *Ecclesia sancti Petri, veteris antiquorum basilica instar ædificata, habuit absidam siue tholum, musiveis signis ornatam; transuersam partem, quam Crucem vocant. & vastissimam diui Pauli basilicam describens, ait: Hæc basilica, Vaticana similis est, longe tamen ea maior. Habet enim absidam, Crucem transuersam, qua cellæ absis coniungitur.* Deinde verò de sacrosancta Lateranensi basilica subdit: *Inter medianam testudinem eiusque porticus siue alas, & chalcidicam, quam absidam vel tribunam vocamus, magnum interuallum extat, basilica Crux vocatum.* Episcopus autem Guilielmus Duranti, in suo diuinorum Officiorum Rationali, dum agit de forma quam obtinent ecclesiæ à Christianis extructæ, rationemque reddens, cur ad Crucis imaginem illas ædificarent, inquit: *Quædam tamen ecclesiæ in modum Crucis formantur; ad notandum nos mundo crucifigi, seu Crucifixum sequi debere; iuxta illud: Qui vult venire post me, abneget semetipsum, & tollat crucem suam, & sequatur me.*

*Antiquissima ecclesia Romana in formam Crucis ædificata.*

*De præcipuis urbis Romæ sanctioribusq; basilicis.*

*Rationalis diuinorum Officiorum lib. 1. cap. 2.*

**C** Ad Crucis formam pariter extructa erat ecclesia quæ prope urbem Sichem, Neapolim nunc Syriæ appellatam, olim ædificata erat, super puteum Patriarchæ Iacob, ubi Dominus noster aquam à Samaritana petere dignatus est. Cuius ecclesiæ meminit Hieronymus, asserens illam ad Garizim radices positam fuisse. De eadem quoque fit mentio in peruetusto libello illo De locis sanctis, quem Beda venerabilis in compendium redegit, his verbis: *Prope ciuitatem Sichem, quæ nunc Neapolis dicitur, ecclesia quadrifida, hoc est in modum Crucis facta: in cuius medio fons Iacob habetur, quadraginta cubitos altus; de quo Dominus aquas à Samaritana muliere petere dignatus est.*

*Itē templum in Syria prope urbem Sichem, forma Crucis structum.*

**D** Ad Crucis modum quoque in Palæstinæ vrbe Gaza, à sancto Porphyrio eiusdem urbis Episcopo extructa fuit ecclesia illa, quam Eudoxianam appellant, quia Eudoxia Arcadij Imperatoris vxore iubente, ædificata est super ruinas templi celebris idoli, quod incolæ Marnæon vocabant, asserentes illud Critæ Iouis generi extitisse. Quod templum, omnium quæ in vniuerso terrarum orbe reperiabantur, illustrissimum ac gloriosissimum esse rebantur, Arcadij

*Aliud Gazæ in Palæstina.*



dij autem Imperatoris edicto, postulante id Eudoxia coniuge, eodemque sancto Porphyrio Episcopo efflagitante, igne concrematum est, ut testatur Marcus Gazensis diaconus, & eiusdem sancti Porphyrij discipulus, in ipsius Sancti Actis, quæ ab eo fidelissimè collecta, & à Simeone Metaphraste ad posterorum memoriam scripto commendata, Latina postea effecta ab Aloysio Lipomano Episcopo Tomo quinto, & à Surio Tomo primo sub die vigesima Februarij, inter Sanctorum vitas relata sunt: ubi dum agitur de prædicti idoli Marnæ templi euerfione, ac de Eudoxianæ ecclesiæ extructione, hæc verba produntur: *Interim autem dum repurgatur locus, venit Magistriani, epistolas afferens Imperatorias semper memorandæ Eudoxiæ. Continebant verò litteræ salutationem & precum petitionem pro suo marito & filiis. Erat autem in alia charta intra litteras descripta forma sanctæ ecclesiæ in figuram Crucis, quomodo nunc quoque Deo volente cernitur.* De huius celeberrimi templi idoli Marnæ euerfione, meminit etiam Hie-

Epist. 7. ad  
Leram.  
In Isaia c. 7

ronynus his verbis: *Marnas luget inclusus, & euerfionem templi iugiter pertimescit.* & alibi subdit: *Serapium Alexandria, & Marnæ templum Gazæ, in ecclesias Domini surrexerunt.*

Alia alibi.  
In Iustino.

Addidit quoque Iustinus iunior Imperator ecclesiæ quæ erat Constantinopoli, in loco quem Ad Blacherinos vocabant, duo sacella, effecitque, teste Cedreno, ut Crucis imaginem referret. Eiusdem etiam formæ ecclesiam in diui Ioannis

Auctor vitæ  
S. Vdalrici,  
cap. 20.

Baptistæ honorem extruxit S. Vdalricus Augustæ Vindelicorum celeberrimus Episcopus, ut testatur qui res ab eo gestas conscripsit, hoc pacto: *Ecclesiam in cæmeterio S. Mariæ in modum Crucis edificare cæpit, & ædificatione peracta, altaribusque, quinque in ea cõpositis, in honorem S. Ioannis Baptistæ dedicauit.* Ad Crucis formam pariter extructum est templum sanctorum Apostolorum nomini Constantino-

Forma hæc  
templorum  
in castris  
Israel præ-  
figurata.  
In Theog.  
Hymn. 9. in  
exalt. S. Cru-  
cis.

poli dicatū, ut apertè colligitur ex verbis S. Gregorij Nazianzeni, in suo de Anastasiæ ecclesia somnio, quæ paulò superius retulimus. Pius autem atque laudabilis hic mos, ecclesias ad Crucis imaginem extruendi, à priscis Christi fidelibus obseruatus, iam præfiguratus fuit in forma castrorum Israël, quæ, ut quidam tradunt, ad Crucis figuram instrui consueuerant. Quod inter ceteros innuit Cosmas Ierosolymitanus; inquit enim: *Sacræ præfulcitur quadripartitus populus, præcedens in figura testimonialis tētorij cruciformibus ordinibus celebratus.* Quamobrem fieri potuit, ut exēplo illo permoniti Christiani Imperatores, statua exercituum suorum castra ad Crucis formam etiam figi sancuerint. Ideoque Leo Imperator ita statuit: *In medio castrorum, inquit, platea strata sit, ad Crucis formam transuersa.* Si castra exercituū igitur, qui aduersus visibiles hostes tantum præliantur, ad Crucis formam statui consueuerant, consentaneum planè fuit, Christianorum quoque templa, quæ in hac terrestri militia statua quodammodo castra sunt populorum Catholicæ & militantis Ecclesiæ, quæ contra visibiles & inuisibiles hostes assidue decertat, ad Crucis formam extrui, ut ab omni hostili inuasiōe benè munita ac tuta per-

Ecclesia ut  
castrorum  
acies ordi-  
nata, formam  
exprimit  
Crucis.

manerent. Ad quod Spiritus sanctus fortasse alludere voluit, cum dixit: *Terribilis est ut castrorum acies ordinata.* Idque iure sanè optimo: est enim sancta Ecclesia Catholica, in quadrida phalange hac fidei, spei, charitatis, & sanæ doctrine, quasi ad Crucis formam firma adeo connexionem atque testudine instructa & ordinata, ut nullum prorsus aditū aut visibilibus aut inuisibilibus hostibus aperiat. Terribilem namque sese præbet hæreticis, ob veræ & inexpugnabilis doctrine suæ fulgurantem splendorem: terribilisque est dæmonibus, propter Crucem sanctam sub qua militat, & ob cælestem vitam quam ducit in terris. Quamobrem in illorum confusionem, & horum ignominiam, victricibus & gloriosis semper successibus prosperabitur, donec de militanti triumphans demum effecta sit, illius virtute & gratia, qui viuit & regnat in sæcula sæculorum. Amen.

CAPVT



A

## CAPVT IX.

*Quòd prisci Christiani pro sanctæ Crucis veneratione non in ecclesiis tantum plurifariam, ut dictum est, sed etiam in viis publicis, in nauibus, & portis urbium illam statuebant; atque pro ipsorum præcipua deuotione ac tutela, propriis etiam domibus asseruabant, eamdemque in manibus & collo appensam deferebant.*

**C**ONSVEVERE veteres Ethnici in locis ubi viæ publicæ trifariam vel <sup>In triniis aut quadri-</sup> quadrifariam diuidebantur, quorundam inanum deorum simulacra <sup>uiis, idolorum</sup> statuere, quos viarum Præsides ac viatorum Protectores stolidè putabant, <sup>ut</sup> iter illis ostenderent. Inter quæ crebris vsibus recepta ac magna veneratione <sup>in primis</sup> habita erant simulacra illa Mercurij, quæ Hermæ vocabantur: nilque aliud erant, <sup>quas Her-</sup> quàm saxa, siue oblonga ligna quadrilatera figura infecta, terminorum instar, <sup>mas voca-</sup> pedibus brachiisque carentia; in quorum fastigio tria humana capita erant <sup>bât, à Gen-</sup> insculpta. Cui ligno vel saxo cælatis litteris inscriptum erat, quoniam versus hæc <sup>tilibus olim</sup> vel illa via perduceret: sæpè etiam in locis eisdem, quæ triuia vel quadriuia à Latinis dicebantur, simulacrum defixum erat deæ Vpibiliae, quam viatores ab <sup>defixa:</sup> itineris errore liberandi vim atque virtutem obtinere opinabantur. Quam inanem planè atque insanam superstitionem Arnobius perstringens, ait; *Ab erro-* <sup>Contra Gé-</sup> *ribus viarum dea Vpibilia liberat.* Hæc autem statuis consueuerant olim Ethni- <sup>tes, lib. 4.</sup> corum villici statis quibusdam anni temporibus stulta planè & impia religione sacrificium offerre, pecudum hostias ibi mactantes, illorumque capita florum fertis redimientes. Ideoque Tibullus:

**C** *Nam veneror, seu stipes habet desertus in agris,  
Seu vetus in trinio florida ferta lapis.*

Libro I.

Ad loca igitur illa, ab hac ipsa aliisque multis impiis superstitionibus, quas diabolus inuexerat, expurganda, ubi primum impia idololatria à sancta Cruce est pessumdata ac profligata, quo viatoribus ac peregrinis daretur occasio, Christi Domini ac Redemptoris nostri passionem & mortem, quam pro nobis in Cruce oppetere voluit, sæpius reminiscendi; ut dum iter agerent, illum piè adorarent; pro profanis idolorum simulacris, quæ in viis publicis, ut dictum est, erant defixa, prisci Christi fideles sancto zelo incensi, illis euersis atque protrititis, pium ac laudabilem excelsas ibi ligneas vel lapideas Cruces erigendi ac defigendi morem introduxerunt. Quamobrem inquit Ioannes Chrysostomus: *Crucem* <sup>Quibus à Christianis Cruces substituta.</sup> *celebrari videre licet in viis.* Magnum sanè documentum & confidentiam erigendi Cruces eo modo quem diximus, pius ac magnus Constantinus Imperator Christianis præbuit. Is enim grati animi ergo, & in insignium victoriarum, <sup>Aduersus Gentes demonstr. quòd Christus sit Deus.</sup> quas Christo donante per sanctæ Crucis virtutem consecutus erat, memoriam sempiternam, non solum in vrbe Constantinopoli, sed per vniuersas Imperij sui prouincias columnas erigi iussit, in quorum fastigio Crucis imago constituta erat; ut Eusebius Cæsariensis testatur his verbis: *Deinde grata animi voluntate in-* <sup>In Oratione de laudibus Constantini.</sup> *ductus, preces ad gratias agendas Deo auctori victoriæ impertijt, claraque voce, atque adeò columellis erectis, omnibus hominibus hoc signum triumphale prædicauit: inque media vrbe, quæ omnium princeps est, hoc insigne trophæum contra omnes hostes erexit; edixitque palam, ut omnes hoc salutare signum, quod nulla vetustate confici delerique potest, cum Romani, tum totius orbis terrarum Imperij munimentum agnoscerent.*

Scribit Nicephorus, eundem magnum Constantinum Imperatorem, post beatæ



*Tres Cruces  
à Constantino  
solemniter  
in publico  
erecta.*

*Nicephorus  
Callist. l. 8.  
cap. 32.*

*Cruces pas-  
sim in publi-  
cis viis.  
In can. 73.  
Synod. 6. in  
Trullo.*

*Navis ido-  
lorum statuis,  
quas Tutelas  
appellabāt,  
ab Ethnicis  
insignita.*

*Act. 28.*

*Epist. 76.*

*Lib. 14.*

*Ibidē paulō  
superius.*

beatæ Helenæ matris suæ reditum ex Ierosolymis, tres immensæ magnitudinis Cruces fabrefieri curasse, ad illarum formam, quas ter in cælo conspexerat. Primum quidem Romæ aduersus Maxentium præliaturus: secundò, cum inito cum Byzantiis prælio victoriam ac trophæum de eis retulit: tertio verò, cum Istro ponte iuncto Scythas vltra id flumen deuicit ac subegit. Erant autem Cruces ipsæ ex ære constructæ, quibus sacra hæc nomina imposuit: IESVS CHRISTVS VINCIT. Ex his autem illam cui nomen IESVS inditum, cum deaurari & exornari curasset, super fornicem triumphalis arcus, qui erat in foro Constantinopolis, erigi iussit. Alteram verò Christi nomen præferentem super porphyreticam columnam erigi mandauit, in loco qui Philadelphion, hoc est frater-nus amor, vocabatur. Tertiam autem, quam idem Constantinus Victoriam, Heraclius verò Inuictam postea appellauit, excelsæ cuidam marmoreæ colum-næ fastigio defixam, in loco quem Forum panarium appellabant, statui iussit.

His ergo piis ac generosis magni Constantini Imperatoris facinoribus exci-tati & animati Christiani, non magistratibus tantum auctoribus, sed pro libi-to, & pro vniuscuiusque pietate, Cruces aliasque sacras imagines in viis pu-blicis atque etiam alibi erigere studuerunt, quæ à pertranseuntibus piè saluta-bantur & adorabantur. Vnde Theodorus Balsamon Antiochenus Patriarcha, sic de his inquit: *Sanctæ imagines & Cruces in publicis viis à volente eriguntur. Et nos quidem propter Deum, & puram erga Sanctos fidem, sancta huiusmodi vbicumque erecta adoramus & salutamus.* Probatur autem, vetustissimum morem hunc Cruces in viis publicis erigendi, fuisse frequentatissimum, præsertim verò in Galliis, iam à Clodouei temporibus, qui nobilissimæ prouinciæ illius primus Rex Christianus fuit: idque legitur in Actis sanctis Victoris Verdunensis Epi-scopi, qui iam ante centum supra mille annos floruit, quæ ex antiquissimis Tra-iectensis Ecclesiæ manuscriptis monumentis excerpta, referuntur à Surio inter Sanctorum vitas Tomo sexto, sub nona die Nouembris; idemque videre etiam est in vita sancti Ansberti Rothomagensis Episcopi, ab Angelo Monacho con-scripta, & ab eodem Surio inter Sanctorum res gestas Tomo primo sub die nona Februarij relata. Qui quidem Sanctus Clotharij Regis Francorum & præ-dicti Clodouei filij temporibus vixit. Ibi enim inter cetera huic instituto con-gruentia, hæc leguntur: *In præfata verò possessione eorumdem virorum, scilicet in via publica lapidibus strata, quæ iuxta eam iacet, ac Rothomagensem deducit ad urbem, vbi sanctissimi Pontificis Ansberti venerabile pausauerat corpus, in honorem & memoriam ipsius à fidelibus Crux ponitur lignea, vbi infirmi à diuersis languoribus, Domino lar-giente, meritis sancti Ansberti, plura frequenter perceperunt sanitatum munera.*

Consueuerant pariter antiqui Ethnici in nauibus quorundam inanum deorum suorum imagines statuere, pro sua cuiusque deuotione, vel vt me-liùs dicatur superstitione; confidentes se à maritimis tempestatibus & infortu-niis illorum protectione seruandos. Quamobrem Lucas in Actibus Apostolo-rum, suam ac Pauli nauigationem describens, cum vnà è Melita soluentes, Ita-liam & Romam peterent, inquit: *Nauigauimus in navi Alexandrina, quæ in insula hiemauerat, cui erat insigne Castorum.* Hæc autem insignia seu imagines, Tutelas ap-pellabant: de quibus agens Seneca, inquit: *Nauis bona dicitur, non quæ pretiosis co-loribus picta est, nec cui argenteum aut aureum rostrum est, nec cuius Tutela ebore celata est.* Et Silius Italicus in suo de bello Punico secundo Poëmate de eisdem ait:

*Tutelaque deum fluitant.*

Et alibi ad Tutelarium numinum institutum, quæ antiqui Ethnici nauium puppibus statuere solebant, idem Silius dixerat:

*Numen erat celsæ puppis, vicina Dione.*

Deinde



A Deinde verò de alia quadam naui, quæ pro Tutela, Iouis Hammonis celeberrimi Libyæ idoli statuam arietino capite deferebat, subdit:

*Hammon numen erat Libyæ gentile carinæ,  
Cornigeraque sedens spectabat carula fronte.*

Ibidē paulò  
inferius.

Ad eosdem quoque nauium Tutelares deos Ouidius pariter alludens, inquit:

— *Et pictos verberat vnda deos.*

De tristi-  
bus Eleg. 3.

Virgilius Hetruscorum Principum classem describens, qui in Æneæ subsidium ad nouæ Troiæ suppetias ferendas nauigarunt, & de Abantis Populoniæ & Illuæ insulæ Principis naui loquens, quæ pro Tutela, Apollinis statuam deferebat, ait:

— *Et aurato fulgebat Apolline puppis.*

Æneidos  
lib. 10.

At prisca Christiani, pro idolorum prædictorum imaginibus siue Tutelis, Crucem nauibus suis statuere cœperunt. Quod Ioannes Chrysostomus innuere voluit, cum dixit: *Crucem vbique celebrari videre licet in mari, in nauigiis, in insulis.* Idem quoque sanctus Paulinus Nolanus Episcopus innuit, dum Nicetæ Daciæ Episcopo, qui in patriam rediturus soluere parabat ab Italia, quò sancti Felicis Nolani sepulchrum veneraturus peregrinator aduenerat, prosperam nauigationem auspicatus, sic inter cetera cecinit:

Quibus itē  
Crucis a  
Christianis  
substanta.  
Aduertus  
Gētilis de-  
mōstr. quòd  
Christus sit  
Deus.

*Ibis illabens pelago iacenti,  
Et rate armata Titulo salutis  
Victor, antenna Crucis ibis vndis  
Tutus & austris.*

Carm. in  
abitu Ni-  
cetæ Dacor.  
Episcopi.

Sanctus etiam Ephræm Syrus ad piam consuetudinem alludens, quam prisca Christi fideles introduxerant, Crucem nimirum pro Tutela in nauibus deferendi, inquit: *Crux nauigantium gubernatio.* Et Diuus Ambrosius idem pariter innuens, ait: *Benè nauigant, qui in nauibus Christi Crucem sicut arborem præferunt.*

In Serm. de  
Cruce.

C Atque inde explorant flabra ventorum, vt corpora sua dirigant ad sancti Spiritus gratiam, in ligno Domini tuti atque securi. Quin etiam sanctorum Patrum illa est sententia, nauium malum, cui antenna ex transuerso suspensa est, Crucis figuram & imaginem existere, cuius virtute nauigantes è maris periculis seruentur, vt superius libro tertio latè probauimus.

In Psal. 47.

D Consueuerant etiam veteres Christiani, pro urbium & oppidorum suorum tutela atque præsidio, Crucem in eorum portis statuere. Cuius piæ ac laudabilis consuetudinis luculentissimum testimonium perhibet sanctorum illorum Septem Dormientium historia, qui in Decij Imperatoris persecutione, cum ducentorum vel circiter annorum spatio obdormissent, vel mortui fuissent, Deo volente, iunioris Theodosij Imperatoris temporibus euigilarunt, vel reuixerunt. Quorum vnus in urbem Ephesum ad comparandos cibos à ceteris missus, cum in eiusdem ciuitatis portas Crucem defixam conspexisset, ingenti admiratione obstupuit. Cum enim noctis vnus spatio tantum se dormisse crederet, nesciebat quonam pacto id fieri potuisset, quòd hesterno die urbem illam infidelem prorsus & Christi inimicam reliquisset, tunc autem Crucem exaltaret ac veneraretur. Quam historiam plurimi auctoritate Scriptores grauissimi ad posterorum memoriam litteris commendarunt, atque inter eos præsertim sanctus Gregorius Turonensis<sup>a</sup>, Simeon Metaphrastes<sup>b</sup>, Nicephorus<sup>c</sup>, Cedrenus<sup>d</sup>, Sigebertus<sup>e</sup>, & alij plerique. In qua Historia, atque in ea præsertim iam à Metaphraste conscripta, & à Surio inter Sanctorum res gestas Tomo quarto sub die septima Iulij relata, ad institutum hoc nostrum hæc verba produntur: *Cum verò in urbem ingrederetur, & veneranda Crucis signum ante urbis portas erectum vidisset, sic obstupuit vt à mente ferè exciderit: atque in quamcumque partem oculos ver-*

Signū Cru-  
cis portis  
urbium im-  
positum.

<sup>a</sup> De gloria  
Mart. lib. 1  
cap. 95.

<sup>b</sup> Apud Su-  
rium To. 4.

<sup>c</sup> Li. 14. c. 45

<sup>d</sup> Compen-  
dio, ann. 23.

Theodosij.

<sup>e</sup> In Chron.

D d d

tisset, anno 447.



tisset, rerum nouitate perculsus, magis obstupescerebat. Accessit ad aliam vr̄bis portam, & A  
 illic etiam ipsam super muros erectam vidit. Cumque omnes portas obisset, veneranda  
 Crucis figuram locatam adspiciens, præ stupore mutus factus est. Itaque cum ad portam  
 illam primam se contulisset, ita secum loquebatur: Quid nam hoc est? Heri vesp̄ri, huius  
 Crucis signum in latibulis seruabatur, & nunc apertè in ipsius vr̄bis foribus erectum  
 videmus? Eadem ferè verba in vetustissimo codice manuscripto, siue Sancto-  
 rali vel Passionario ecclesiæ sanctæ Cæcilie vr̄bis Romæ, pariter leguntur. Scri-  
 bit Cedrenus, super Constantinopolitanæ vr̄bis portam, quam Auream voca-  
 bant, Crucem defixam, quæ postea Iustiniani Imperatoris temporibus vi  
 tempestatis decidit. Ad eandem quoque consuetudinem, Cruces super vr̄bium  
 portas erigendi alludens Andreas Cretensis Archiepiscopus, inter cetera epi-  
 theta quæ Cruci attribuit, custodem ciuitatum illam appellauit.

In Iustinia-  
no.

Hom. de ex  
alt. Crucis,  
apud Suriū  
Tom. 5. sub  
die 14. Sept.  
Nec priua-  
ta ades va-  
cua olim à  
Crucibus.

Aduersus  
Gentil. de-  
mōstr. quod  
Christus sit  
Deus.

Hist. Eccl.  
lib. 2. c. 29.

Synodo 7.  
Act. 4.

Neque in publicis viis tantum, in nauibus, & in vr̄bium portis prisce Chri-  
 stiani Cruces erigere consueuerant, sed pro sua præcipua pietate atque tutela in B  
 priuatis ædibus Crucem quoque asseruare solebant. Atque hinc est, quod idem  
 Cretensis Archiepiscopus, eodem quoque loco, Crucem ipsam domorum Tu-  
 relam appellauit. Sanctus autem Ioannes Chrysostomus, inter cetera loca, in  
 quibus Crucem à prisce Christi fidelibus celebrari solitam asseruit, domos in  
 primis nominauit, hoc modo: *Crucem vbique celebrari videre licet in domibus, in  
 foro, in solitudine, in viis, &c.* Verum de pia & religiosa hac prisce Christi fi-  
 delium consuetudine, Crucem in priuatis ædibus asseruandi, apertissimum ar-  
 gumentum desumitur ex eo quod Alexandrini ciues magni Theodosij Impe-  
 ratoris temporibus fecere, postquam Serapidis templum & ingens simulacrum  
 illud euersum est, vt superiùs libro quinto ostendimus. Hic enim, qui ad Chri-  
 sti fidem tum plurimi transierunt, Serapidis signis atque imaginibus quas in  
 suis domibus habebant, abrais & euersis, ad veterum Christianorum imitatio-  
 nem qui eandem vr̄bem incolebant, loco illorum Cruces ibi pingi, insculpi C  
 ac statui curarunt. Cuius facti memoriam prosecutus Ruffinus Aquileiensis,  
 inquit: *Sed & illud apud Alexandriam gestum est, quod etiam thoraces Serapidis, qui  
 per singulas quasque domos, in parietibus, in ingressibus, in postibus etiam ac fenestris  
 erant, ita abscissi sunt omnes & abrai, vt ne vestigium quidem vsquam, vel numinis  
 appellatio, aut ipsius aut cuiuslibet alterius demonis remaneret: sed pro his, Crucis  
 Dominicæ signum vnusquisque in postibus, in ingressibus, in fenestris, in parietibus, in  
 columnisque depingeret.*

Huius etiam rei firmissimum argumentum elicitur ex epistola, quam san-  
 ctus Nilus Olympiodoro Proconsuli scripsit, quæ in Nicæno Concilio recitata  
 est, vt præcedenti capite docuimus, vbi inter cetera hæc habentur: *In communi  
 verò domo, in qua multa fuerint habitacula, sufficiat singulis veneranda Crucis imago.*  
 Eiusdem quoque consuetudinis luculentissimum testimonium perhibent Acta  
 sanctorum Martyrum Domnæ & Indes, qui sub Diocletiano & Maximiniano D  
 truculentissimis sanctæ Ecclesiæ persecutoribus, in vr̄be Nicomediæ passi sunt.  
 Cum enim domus eorum ab vr̄bis illius Præfecto diligenter perquireretur,  
 quod ingentes thesauros ibi se reperturum speraret, inter aliam eorum paupe-  
 rem ac sanctam supellectilem, Crucem & librum Actuum sanctorum Aposto-  
 lorum inuenit, vt Simeon Metaphrastes tradit, in eisdem Actis ab ipso conscri-  
 ptis, & ab Episcopo Lipomano inter Sanctorum vitas Tomo quinto, postea  
 verò à Surio Tomo sexto, relata; vbi hæc habentur: *Audiit Præfectus, & cum  
 lubenter euidentem admisisset probationem, ab eis aufert clauas: & cum aperuisset, inue-  
 nit protinus, sed non vt ipse sperabat, sed ea quæ verè erant veneranda, nempe & diuina  
 Crucis figuram, & librum sacrosanctum, nempe Apostolorum Deo gratas actiones.* Hæc  
 ille.



A ibi. Horum autem sanctorum Martyrum præcipua fit in Romano Martyrologio commemoratio sub die vigesima octava Decembris: & de eis sub ipsa eadem etiam die agunt Græci in Menologio. Horum quoque meminit Nicephorus Callistus Ecclesiasticæ Historiæ libro septimo, capite sexto.

Nec satis sibi fecisse putavit priscorum Christi fidelium pietas, qua sanctam Crucem prosequabantur, quod in propriis ædibus ac priuatis cubiculis illam asseruarent, sed pro suo spirituali solatio atque tutela secum & collo appensam deferre voluerunt. Cuius pij ac laudabilis moris clarissimum testimonium perhibuit strenuus atque intrepidus miles & Christi Martyr Orestes ille gloriosus. Dum enim cum ceteris commilitonibus suis, hasta ad scopum torquenda, in conspectu Lysiae Ducis, Diocletiani temporibus exerceretur, id contigit quod in rerum ab eo gestarum historia verbis hisce traditur: *Quidam verò Orestes nomine, inquit, vir procerus, & forma decorus, ad nomen vocatus & ordinem, adstitit Lysiae. Cum Lysias autem eius laudasset speciem, & verum appellasset militem, iussit pilum torquere ad scopum. Cum is verò manum direxisset, & arma concussisset; quæ ab eo in pectore ferebatur Crux aurea, è veste eius excussa, extrinsecus apparuit, ita ut omnes eam cernerent, & ipse etiam Lysias. Statim autem adductus, stetit prope Ducem: & cum manu Crucem accepisset Lysias, rogauit quidnam hoc esset. Numquid tu quoque es, inquit, ex his qui sunt partium Crucifixi? Ille verò dixit: Sum seruus Crucifixi Domini mei, & hoc gesto amuletum ad omnia mala auertenda quæ mihi ingruunt. Quæ cum sanctus Christi miles dixisset, protinus carceribus incipatus, paulò post glorioso fine perfunctus martyrij palmam assecutus est, ut habetur in Actis eius, & sanctorum Martyrū Eustratij, Auxentij, & sociorum, quæ à Simeone Metaphraste collecta, ab Episcopo Lipomano<sup>a</sup>, ac demum à Surio<sup>b</sup>, inter Sanctorum res gestas relata sunt. Huius autem piæ atque laudabilis consuetudinis, quam veteres Christiani introduxerant, Cruces collo appensas deferendi, euidens pariter & clarum testimonium produnt Acta gloriosi & inuicti Martyris Procopij, qui Neanias dictus, sub eodem Diocletiano Imperatore martyrij coronam adeptus est; quæ in secundo Nicæno Concilio recitata fuere: in quibus inter cetera habetur, quod cum idem Sanctus aurifici cuidam, nomine Marco, in vrbe Scythopoli suasisset, ut auream & argenteam Crucem collo deferendam secretò sibi construeret; statim ut absoluta est, miraculum id contigit, quod in eisdem Actis in Nicæno Concilio relatis, verbis hisce proditur: *Cum autem opus consummatum erigeretur, tres in eo imagines apparuerunt: scriptum autem erat Hebraica dialecto, in superiore parte, E M M A N V E L, & vtriusque in summitate alarum, MICHAEL, & GABRIEL. Voluit autem Marcus, sibi timens, expungere imagines; verum non potuit: confestim enim manus illius sicca permansit. Sub gallicinium autem Dux qui dicebatur Neanias, ad ades Marci, quod Crucem auferret, properat. Videns autem illam protipus adorauit. Ait autem ad Marcum: Quæ sunt hæc personæ? quæque hæc inscriptio? Domine, in qua hora Crux à me erigebatur, imagines istæ per se enatæ sunt; neque ego cognosco quenam aut cuius sit inscriptio. Neanias verò cognoscens virtutem quamdam in his esse, adorata Cruce, Marco artificis copiosam mercedem soluit, profectusque est in ciuitatem suam. Hæc ibi. Huius autem Martyris præclara & generosa facinora, ex vetutissimis manuscriptis libris collecta Metaphrastes integrè conscripsit: & ab ipso desumpta, ab Aloysio Lipomano Episcopo inter Sanctorum vitas Tomo sexto, & postea à Surio Tomo quarto relata sunt; in quibus legitur, eundem sanctum Procopium urbem Scythopolim à sex Saracenorum millibus obsessam liberaffe, illosque omnes parua admodum militum manu, nullo suorum prorsus occumbente, obtruncasse; idque Crucis tantum præsidio.**

Cruces ex  
collo gestan-  
di pia &  
vetus con-  
suetudo.

<sup>a</sup> Tomo 5.  
<sup>b</sup> Tom. 6.  
sub die 13.  
Decemb.

Concilium  
Nicæn. 2.  
Act. 4.



Eiusdem præterea pia atque laudabilis consuetudinis, quam veteres Chri-  
 stiani in mores inuexerant, Crucem nimirum collo appensam deferendi, lucu-  
 lentissimum quoque prodit testimonium diuus Gregorius Nyssenus, sanctæ  
 Macrinæ virginis sororis suæ exemplo suffultus. Describens enim quonam  
 modo eiusdem sanctæ Virginis sororis suæ defunctæ corpus à Vestiana nobili  
 matrona sepulturæ deferendum ipso spectante aptaretur, inquit: *Vestiana pro-*  
*priis manibus ornans sanctum illud caput, cum eius cervici manum submisisset; Ecce,*  
*aiebat, ad me respiciens, quale è collo Sanctæ monili ornamentum pendet? Et hæc dicens,*  
*solutis panè vinculis, præterit manu ferreum Crucis signum, & annulum quemdam ex*  
*eadem materia, quæ quidem utraque cordi semper adhærebant. Et ego, Communis, in-*  
*quam, sit hæc possessio: ac tu quidem habeas Crucis insigne; mihi autem hereditas an-*  
*nuli satis erit: siquidem in huius etiam pala Crux erat impressa. At eum mulier intuens,*  
*rursus ad me: In deligendo, inquit, non aberrasti: etenim excavatus est annulus sub*  
*ipsa pala; ibique de ligno vitæ particulam conditam habet, quod superadiacens pala si-*  
*mili nota denotat. Hic autem mos Crucem collo appensam gestandi, sancti Ioan-*  
 nis Chrysostomi ævo passim receptus erat, ut ex scriptionibus eius colligitur.  
 Is enim quosdam arguens qui Crucem collo appensam deferebant, & tamen  
 pro Christi amore nihil sufferre & perpeti volebant, inquit: *Cum sis Crucis ini-*  
*micus, gestas Crucem?*

Authenticum etiam huius consuetudinis testimonium perhibet sanctus  
 Gregorius Turonensis, qui dum iter quandoque faceret, prospexissetque haud  
 è longinquo, pauperuli cuiusdam casam incendio conflagrantem, testatur se  
 eleuata contra ignem Cruce, quam collo appensam gestabat, incendium illud  
 extinxisse; sic enim inquit: *Cumque per viam graderemur, conspicio haud procul à*  
*via hospitium cuiusdam pauperis incendio concremari. Erat autem solus, quæ igni-*  
*bis maxima præstant fomenta, contextum. Currebat miser cum liberis & vxore,*  
*aquam deportans: sed flammæ non mitigabantur. Tunc extractam à pectore Crucem*  
*eleuo contra ignem. mox in aspectu eius & sanctarum reliquiarum ita cunctus ignis*  
*obstupuit, ac si non fuisset accensus. Hæc ille. Legimus in Euagrij Historia,*  
 Chosroem iuniorem Persarum Regem, ingentis pretij Crucem quamdam,  
 quam Sira vxor, quæ Christiana erat, collo appensam gestare consueuerat,  
 sancti Sergij Martyris templo dono transmississe, eò quòd Sanctus ille per quie-  
 tem sibi apparuisset, pollicitus eandem Reginam ex eo concepturam, & fi-  
 lium (ut re ipsa euenit) parituram.

Sciscitati sunt ad institutum hoc nostrum, ex Nicolao Papa Primo, Bulga-  
 rorum populi, qui ad Christi fidem tum nuper, accesserant; An liceret cuique  
 Crucem cum Sanctorum Reliquiis habenti, illam osculari, & collo appensam  
 deferre, siue mundus vel immundus is esset. Ad quorum consultationes, idem  
 Pontifex præcipua quadam ad eos epistola inter cetera ita respondit: *Sciscita-*  
*mini præterea, si liceat Crucem Domini cum Reliquiis, mundo siue immundo hanc haben-*  
*ti osculari, vel portare; quod ei qui mundus est, omnino licet: nam in osculo quid nisi*  
*amor, quo quisque circa ea flagrat, innuitur? In deportatione verò eius, quid nisi mor-*  
*tificatio carnis, vel compassio proximorum exprimitur? siquidem hanc & Dominus*  
*baiulare præcepit, sed in mente. Verum & cum corpore gestatur, & ut mente gestari*  
*debeat, facilius admonetur. Crux quippe à cruciatu dicitur: & ut præfatus exponit*  
*Antistes, duobus modis Crucem Domini baiulamus; cum aut per abstinentiam, car-*  
*nem afficimus, aut per compassionem proximi, necessitatem illius nostram putamus.*  
*Igitur Crucem Domini, passionem eius venerantes, osculamini; & pro eius amore, si*  
*necessitas exigit, eadem cogitatione armamini. Portate eam, sed cum summa reuerentia,*  
*& corpore, & mundissimo corde; ita ut à mente vestra numquam decidat, id est,*  
*ut per*

In vita san-  
 ctæ Macri-  
 næ virgi-  
 nis sororis  
 suæ, ad  
 Olympium  
 Monachū  
 epist. c. 21.

Pia conten-  
 tio de Cru-  
 ce & annu-  
 lo ferreis.

In Epist. ad  
 Philipp.  
 cap. 3.

Virtute  
 Crucis col-  
 lo appensa  
 à S. Gregor.  
 Turon. in  
 incendiū ex-  
 stinctum.  
 De gloria  
 Martyrū,  
 lib. I. c. 11.

Euagrius,  
 lib. 6. c. 20.

Epistol.  
 ad consul-  
 tat. Bulga-  
 rorum, c. 7.  
 Tom. 3.  
 Epistolarū  
 Decretaliū  
 Summo-  
 rum Pontt.

S. Gregor.  
 Homil. 37.  
 in Lucam.



A Ut per abstinentiam carnem semper afficiatis, & per compassionem, necessitatem proximorum vestram putetis: qui enim dolorem exhibet in aliena necessitate, Crucem portat in mente.

Immundum autem hanc portare nullo pacto permittimus. Scriptum quippe est: *Mundamini qui fertis vasa Domini.* Nullum verò Domini vas sacratius est Cruce Domini-  
ca, quæ ipsum portare Dominum meruit. Osculari autem eam immundo non licet; quoniam  
niam eo ipso quod immundus est, ipse sibi testis est, quod mortificationem carnis non di-  
ligat. Ergo quam non amat, nec osculetur; ne fortè de eo dicatur, quod de reprobis à  
Domino per Prophetam increpatoriè dicitur: *Populus hic labiis me honorat, cor au-*  
*tem eorum longè est à me.* & Psalmista, *Dilexere, inquit, eum in ore suo, & in lin-*  
*gua sua mentiti sunt.* De reliquiis verò Sanctorum eadem dicimus, quorum corpora  
templa & vasa fuere, suntque Dei; quibusque ad omnia bona opera, tamquam orga-  
nis, sanctus usus est quando voluit Spiritus. Ergo præmissa digna reuerentia, si  
munditia mentis & corporis comitatur, etiam Quadragesimali tempore, de quo speciali  
consultatione percunctati estis, Crucem Domini & portare, & superiori regula custo-  
dita, licet cum libuerit osculari: sed & tunc maximè, atque ibi, quando, & ubi an-  
tiqui hostis vel pugna vel insidia præcipuè formidantur.

Quin etiam, non collo appensam tantum præsci Christiani Crucem gestare  
consueuerant, sed eorum plerique præcipua pietate quadam, & ut passionis  
& mortis quam Dominus pro nobis perpeti dignatus est, perpetuum memo-  
riale quoddam semper ante oculos haberent, manibus etiam illam deferrebant.  
Sic enim eam gestare solebat sanctus Lugderus, primus Monasterij Episcopus,  
ut refert Surius Tomo secundo inter annorum vitas, sub die vigesima sex-  
ta Maij. Qui Sanctus Caroli Magni Imperatoris temporibus floruit, appella-  
tusque est Saxoniarum Apostolus, quoniam populi illi huius ævo, & præcipuis  
prædicationibus, Christi fidem amplexati sunt. Crucem quoque manibus ge-  
stabat sanctus Macarius Patriarcha Antiochenus, baculi cuiusdam cui innite-  
batur summitati defixam, ut legitur in eius vita, quam ibi Surius eodem To-  
mo, sub die decima Aprilis, his verbis refert: *Scipioni, quem manu gestabat, par-*  
*uam Crucem imposuerat: quæ illi & iter agenti, & vigilianti, & dormienti, &*  
*quidlibet agenti, semper præstò erat.*

Morem autem hunc Crucem in manibus, & collo appensam gestandi, an-  
tiquissimum fuisse, & forsitan à primis etiam Ecclesiæ exordiis introductum,  
ex eo potissimum argumentari licet, quod Abyssini Æthiopiarum populi, qui à  
sancto Matthæo Apostolo ad Christi fidem perducti sunt, omnes tam viri  
quàm mulieres, Crucem è collo pendentem deferunt: Monachi verò eorum  
singuli, præter illam, aliam quoque in manu gestant. Sic enim Damianus Goës,  
& alij plerique qui de gentium illarum moribus scripsere, testantur. Inter quos  
Franciscus Alvarez Emmanuelis Lusitaniarum Regis Cappellanus, qui ab eodem  
Rege, una cum quodam Oratore suo ad Æthiopiarum Regem, quem Presbyte-  
rum Ioannem vulgus appellat, ablegatus est, quique anno salutis nostræ quin-  
gentesimo trigesimo tertio supra millesimum, mense Ianuarij, solemnem obe-  
dientiam, in publico consistorio Clementi Papæ Septimo Bononiæ tunc de-  
genti, eiusdem Æthiopiarum Regis nomine, ac speciali eius mandato & litteris suf-  
fultus, præstitit: is, inquam, totum iter illud, quod emensus est, ac regionum  
illarum res notatu digniores perscribens, inter cetera quæ ad institutum hoc  
nostrum pertinent, inquit: Consuevere omnes regionum illarum Mo-  
nachi Cruces quasdam in manibus deferre; ceteri autem homines collo ap-  
pensas, & ex nigro ligno constructas gestant. Gentes verò nostræ, cum id  
conspexissent, ex eisdem Crucibus sibi comparabant, illasque è collo penden-

Isaia 52.  
Immundi  
non per-  
mittuntur  
gestare nec  
osculari  
Cruces.  
Isaia 29.  
Matth. 15.  
Psalm. 77.

Mos item  
antiquissi-  
mus Cru-  
cem mani-  
bus defe-  
rendi.

Monachi  
in Æthio-  
pia Cruces  
manibus,  
populi collo  
appensas  
gestant.  
In lib. de  
moribus  
Æthiopu.  
Iter Fr. Al-  
varezin Æ-  
thiop. ad  
Presb. Io.  
c. 3. quod  
exstat inter  
Nauigatio-  
nes à Ioan.  
Bapt. Ra-  
musio col-  
lectas,  
Tom. 1.



tes, rei nouitate, & inter nos vsibus nondum inuectæ delectati, deferebant. A

Post hæc autem, modum quo à Presbytero Ioanne excepti fuere, rerum apparatus, magnificentiam, magnique barbari & Christiani Regis maiestatem, illius aspectum & effigiem describens, subdit: Die quadam Martis, quæ  
*Presbyteri* Nouembris vigesima fuit, à Presbytero Ioanne euocati fuimus. Cum verò ad  
*Ioannis* primam ianuam siue aditum appulsemus, magno temporis spatio illic expectauimus, ingenti frigoris algore tremantes, multa que iam nocte. Demum verò  
*Æthiopum* lentis, ut bis iam antea, passibus introducti sumus. Maior autem hominum  
*Regis magnificencia.* numerus quam antea illuc confluerat, cuncti ferè armis instructi, ingentique candelarum & cereorum funalium numero ante portas ardentium; quorum fulgore nox in diem versa videbatur. Haud longa autem mora ibi præstolati sumus, sed statim admissi, vnà cum Oratore ac nouem ex nostris hominibus Lusitanis, ad primas cortinas perreximus; quas transgressi, alias ditiores & ornatiores inuenimus; quas item prætergressi, excelsa quadam ac sumptuosa  
 B tribunalia ditissimis ac variis coloribus pictis tapetibus instrata conspeximus, aliis longiore magnificentia & regio planè ornatu velata cortinis; quas nobis appropinquantibus, è duabus partibus confestim aperuerunt. Protinus autem Presbyterum Ioannem in alto solio, ad quod per sex gradus erat ascensus, splendidissimè exornato sedentem conspeximus, sublimi corona aurea argenteaque, id est, altero aureo, alteroque argenteo frusto alternatim constructa, redimitum. Crucem argenteam manu gestabat. Facies eius cærulei coloris subsericeo velabatur; quo nunc eleuato, nunc verò depresso, fiebat ut vultus eius modò totus cerneretur, rursus verò operiretur.

Dexteræ eius puer serica veste indutus assistebat, argenteam manu gestans Crucem; cui imagines quædam erant affixæ, quæ ab eo loco in quo constiteramus, ob longinquitatem dignosci nequibant: sed eandem postea Crucem in  
 C manibus habui, & imagines ipsas recognoui. Indutus erat Presbyter sumptuosissima & splendida quadam veste, aureo intexta basilico; subucula eius erat serica, latis manicis, quæ Ducalem amictum referebant: ad renes verò, serico aureoque panno, gremialis Episcoporum instar extensi, præcinctus erat. Sedens autem eandem ferè maiestatem referebat, qua pictores coloribus Deum Patrem in parietibus effingunt. Præter puerum illum qui Crucem in manibus gestabat, alter quoque serica veste indutus ad sinistram eius assistebat, euaginatum ensen tenens.

Hæc omnia de Abyssinis, ac de eorum Rege (quem nostri Presbyterum Ioannem appellant) quique tum Regni illius gubernacula tenebat, Franciscus Aluarez ad posterorum memoriam transmisit. Is enim Rex, ut ipsemet in literis, quas ad Emmanuelem Lusitaniæ Regem, & postea ad Clementem Septimum Pontificem maximum dedit, testatus est, cum puerulus sacro Baptismatis fonte expiaretur, Atani Tinghil appellatus est, quod nostro idioma  
 D te, Incensum Virginis significat: sed cum Regni gubernacula postea suscepisset, mutato nomine Dauid appellari voluit. Nos autem sancti ac Regalis huius nominis auspicio, capiti huic coronidem imponemus: ac de more, quem prisce Christiani Crucem Domini ad præsidium ac tutelam gestandi crebris vsibus inuexerant, differendi finem faciemus: humiliter illum obsecrantes, qui Dauid filius, & ab eo descendere secundum carnem dignatus est, ut specialis gratiæ dono nobis concedat Crucem suam mente & corpore sic deferre in terris, ut æternæ gloriæ participes fieri mereamur in cælis. Amen.



A.

## CAPVT X.

*Antiquos Christianos, non minus quàm Ethnicos, priscorum sæculorum humilitatem ac modestiam secutos, ferreos annulos in digitis gestare consueuisse: sed quemadmodum illi profanas imagines & supersticiosos characteres quosdam in his incidebant; sic Christiani e contra Crucis figuram iisdem insculpi curabant.*

B **A**PUD veteres Hetruscos lege scripta expressè cautum erat, ne sponsus munus aliquod sponsæ daret, néve illa vicissim sponso aliquid donaret; scelus esse credentes, eos quos legitimus amor coniuncturus erat, donis datis potius quàm coniugali amore allici velle. Sponsæ tamen sponsalitiis annulus à sponso mittebatur, qui pronubus dictus, ferreus erat, & sine gemma. Quod sanè, qualis illa priscorum sæculorum humilitas, parsimonia & modestia fuerit, ostendit. Quæ modestia apud Romanos longo tempore viguit. Licet enim apud exterarum nationum annulos aureos gestandi mos iam pridem inuectus esset, hi nihilominus ferreos illos tantum, idque in bellicæ virtutis argumentum deferebant. Hos autem in sinistra manu ut plurimum gestare consueuerant, ut Plinius his verbis innuit: *Manus, inquit, & prorsus sinistrae maximam auctoritatem conciliare auro; non quidem Romanæ, quorum more ferreum id erat, & bellicæ virtutis insigne.* Certum est, subdit ille, longo temporis spatio, ne Senatum quidem aureos annulos habuisse; siquidem his tantum, qui Legati ad exterarum nationes ituri erant, publica auctoritate dabantur: quoniam eo decore, ut credo, insigniti, honoratissimi censebantur. neque aliis uti licebat, quàm his qui ea causa publicè acceperant. Quin etiam triumphatoribus ipsis, quamvis in triumpho corona ex auro Hetrusca à tergo super caput eorum sustineretur à seruo, annulus tamen in digito ferreus erat. Sic enim de Iugurtha triumphavit Caius Marius; aureumque non ante tertium Consulatum sumpsisse traditur. Hi quoque qui ob legationem acceperant aureos, in publico tantum his utebantur, intra domos verò ferreis. Aureos quoque annulos luctus tempore, in funeralibus atque in funestis Reipublicæ casibus, Romani deponere consueuerant. Sic enim, ut Suetonius tradit, Augusti exequiarum tempore aureos deponentes, ferreos sumpsere.

*Romani  
dix ferreis  
annulis  
pro mode-  
stia sua vsi.*

*Lib. 33. c. 1.*

D Annulos quoque non in nuptiis tantum, ut diximus, sed in quibuscumque sponsonibus, etiam in arrham veteres tradere consueuerant: idque Romanæ postea frequens erat. Vnde idem Plinius: *Celebratior annuli vsus cum sœnore cœpisse debet: argumento est consuetudo vulgi, ad sponsiones etiamnum annulo exiliente, tracta ab eo tempore, quo nondum erat arrha velocior: ut planè affirmare possimus, nummos antè apud nos, mox cœpisse annulos.*

*In Augusto  
cap. 100.*

*Annulos  
in arrham  
Romani  
tradidere:  
Lib. 33. c. 1.*

Neque verò apud Romanos tantum annulos in arrham tradendi consuetudo recepta erat, sed apud Hebræorum antiquissimos. Quamobrem in sacro Genesis textu, ubi de Iudæ Patriarchæ rebus gestis agitur, hæc à Thamar referuntur: *Patiar quod vis, si dederis mihi arrhabonem, donec mittas quod polliceris.* Ait Iudas: *Quid tibi vis pro arrhabone dari?* Respondit: *Annulum tuum.*

*Itemque  
Hebræi.*

*Genes. 38.*



Dec. 1. lib. 9  
*Annuli  
 Romanorum,  
 imaginibus  
 Heroum  
 insigniti.*  
 Pædag.  
 lib. 3. c. 11.

Mos præcipuus Romanorum erat, ut Liuius affirmat, Imperatorum Principum, ceterorumque Heroum, quos diligebant ac venerabantur, maiorumque suorum imagines, in annulorum pala insculpendi; hisque pro sigillis utebantur. Vnde Clemens Alexandrinus asserit, annulum à marito uxori in nuptiis datum, ab ea assidue gestari solitum fuisse; non ad ornatum quidem, sed ut ea obsignaret quæ domi digna erant ut custodirentur, propterea quod domesticarum rerum seruandi cura ad uxorem præcipue spectat. Quæ mulierum sedula custodia, priscis tamen ac primis illis temporibus, haudquaquam necessaria habebatur, in quibus magna erat fides, & innocentia vitæ. Verum postquam Romam ambitio, auaritia, & feruorum ingens multitudo illa introducta est, maximè necessaria esse coepit, ut ipsi etiam cibi ad eorum rapina vindicarentur.

Lib. 33. c. 1. Quorum miserandam temporum vicem condolens idem Plinius, subdit: *Quæ fuit illa priscorum temporum vita, qualis innocentia, in qua nihil signabatur? At nunc cibi quoque ac potus annulo vindicantur à rapina. Hoc proficere mancipiorum legiones, & in domo turba externa.* B

Nihil prorsus subdlexerunt se prisci Christiani ab Ethnicis, præsertim verò à Romanis, in humilitate illa nimirum atque modestia annulos ferreos deferendi. Dum enim humilis hic mos in mundo viguit, ferreos ipsi quoque gestauere. Sed longè ab eis discrepantia his insculpebant. Quocirca Clemens Alexandrinus, ut doceret quænam Christi fideles, quò ab Ethnicis sese dissimiles ostenderent, annulis suis insculpere deberent, inquit: *Sint nobis signacula, columba, vel piscis, vel naui quæ celeri cursu à vento fertur, vel lyra musica quæ usus est Polycrates, vel anchora nautica quam insculpebat Seleucus: & si sit piscans aliquis, meminerit Apostoli, & puerorum qui ex aqua extrahuntur. Neque enim idolorum sunt imprimenda facies, quibus vel solum attendere est prohibitum: sed nec ensis vel arcus his qui pacem sectantur; nec pocula his qui sunt moderati ac temperantes.*

Pædagog.  
 lib. 3. c. 11.

\* Alludit hoc loco Clemens, ad Petrum Apostolorum Principem, qui factus est piscator hominum; & ad pueros, qui è fonte Baptismatis leuantur.

Baronius  
 Annal. To-  
 mo 1. anno  
 Christi 57.

Cæsar autem Cardinalis Baronius, asserit, apud Christianos veterem obtinuisse usum, ut sponsalis annulus signo fidei, quod est hieroglyphicum mutui fœderis atque concordie, sculperetur: id enim præ se ferunt coniunctæ simul dexteræ: nec apud Christianos tantum, sed Iudæos, Romanos, aliasque complures etiam barbaras nationes usu id receptum legimus. Porrectione enim dexteræ fidem sponderi solitam antiquitus, certum est. Qui verò de hieroglyphicis scripsere, coniunctione manuum simul, ex qua numerus denarius efficitur, qui prima quadratura à Pythagora dicebatur, perfectam animorum consensionem symbolo quodam significari testati sunt. Quamobrem Christiana pietas aptè eiusmodi signo annulos sponsales insculpi debere monstrauit: quibus & sacerdotalem benedictionem addidit, Apostoli in hoc secuta documentum dicentis: *Omnia quaecumque facitis, in nomine Domini nostri Iesu Christi facite.* In ceteris verò annulis, qui sponsales non erant, Christi nomen duabus Græcis litteris designatum prisci Christiani hoc pacto insculpere solebant  $\text{✠}$ ; quod idem Baronius se didicisse testatur ex his, quos à vetustis rudibus refossos viderat. Sed longè frequentior apud eos usus erat Crucis imaginem insculpendi.

Coloss. 3.

*Annuli  
 Christiano-  
 rum, signo  
 Crucis il-  
 lustrati.*

Cuius piæ ac planè laudabilis consuetudinis, præcipue meminit Eusebius Cæsariensis, ostendens se huic opinioni inhæsisse, eandem nimirum ab Isaia Propheta iam in spiritu fuisse prospectam; ideoque in suo De demonstratione Euangelica tractatu, inquit: *Denique post omnia hæc, quis inspiciens omnes quicumque in Christi fidem venerunt, salutari signo pro annuli nota utentes, non meritò obstupescat, si audiat tanto antè ipsum Dominum dixisse: Et venient, & videbunt gloriam meam, & relinquam in eis signum?* Eiusdem etiam consuetudinis euidentis testimonium perhibet ferreus annulus ille, qui beatæ virginis Macrinæ, sanctorum Basilij

Lib. 6. c. 25.

Isaia 66.

Basilij



A Basilij & Gregorij Nysseni sororis defunctæ collo appensus fuit. Huius quoque rei authenticam nobis fidem adstruunt Acta beatissimi Siluestri Papæ, quæ manuscripta habentur in vetustissimo codice siue Sanctotali vel Passionario ecclesiæ sanctæ Mariæ ad Martyres Romæ, quam vulgò Rotundam appellant. Ex quibus percipitur, quòd beatissimus ille Pater, quamuis summus Pontifex esset, priscam nihilominus Christianorum modestiam humilitatemque secutus, ferreum annulum, in quo Crucis imago cælata erat, in digito gestabat, quo *S. Silvester annulo ferreo, habente signum Crucis, os draconis obsignauit.* Apostolorum Principis admonitione edoctus, horribilis illius draconis, qui Romæ publicè alebatur & adorabatur, quique pestifero & virulento halitu suo homines necabat, os obsignauit. Calphurnius enim Romanæ vrbis Præfectus, & idolorum sacerdotes, Magno Constantino Imperatore audiente, sponderant, se ad Christi fidem accessuros, si idem Pater beatissimus Silvester id præstitisset, vt draco ille immanissimus per mensem saltem ex toto anno ab hominum internecione cessaret.

B Cuius admirabilis planè facti series in eisdem Actis, ad posterorum memoriam his verbis prodita est: *Tunc Silvester constanter agens dixit: Audi me clementissime Princeps: iube hîc presentes adesse vniuersos Pontifices, cum Præfecto Calphurnio, vt quod solus pollicetur, hîc simul quoque illi promittant. Cumque altera die adessent omnes Pontifices cum Calphurnio, promiserunt in conspectu Augusti, omnes Christo credituros, si Silvester egisset, vt vel vno mense in toto anno draco ab interfectione hominum cessaret.* Tunc Silvester abiit ad Apostolum Petrum cum duobus presbyteris suis Eustonio & Constantino, biduanum ieiunium complens. In oratione vidit tertia nocte Apostolum Petrum, talia sibi monita proferentem: *Cum his, cum quibus ieiunasti & orasti, cum ipsis tantummodò descende, solo Sacramento Christi refecti. Descende, ne timeas, neque trepidum sit cor tuum; sed confidens in Deo, accede ad draconem, in quo habitat satanas, & dic ei: Iesus Christus natus est ex Spiritu sancto & Maria virgine, crucifixus & sepultus, tertia die resurrexit, ascendit ad cælos, sedet nunc ad dexteram Patris: inde venturus est iudicare viuos & mortuos. Expecta eum fixus in isto loco, vsque dum veniat. Et cum hæc dixeris, liga os eius de lino canapineo torto triplici, quod tecum portabis, & desuper ceram pones, & signabis annulo ferreo, quod signum Crucis habet sculptum. Et inde ascendens venies ad me, aperta confessione mea, inuenies panem à me tibi præparatum; de ipso & qui tecum sunt reficies, & omne venenum abiicies, & saluum te Christiano Principi simul & populo præsentabis.* Et paulò post eadem Acta subiungunt: *Sanctus autem Silvester cum presbyteris suis, sicut admonitus est ab Apostolo, sine formidine descendit, duas lampades incensas anteferentibus ei. Circa medium descensum cæpit sibilum draconis irascentis audire. Cui sanctus Silvester ait: Apostolus Christi Petrus misit me ad te, & iussit mihi, vt ligem os tuum lino, & signem annulo Crucis signaculum habente. Tunc draco immanissimus, squamas faciens more suo, & sibilationes horrendas, quasi trabes centenaria veniebat in furore nimio, ita vt ignis ex oculis eius & flamma procederet. Et accedens sanctus Silvester, ligauit os eius, & signauit annulo, sicut ei præceptum fuerat.*

Hinc vetus illa pictorum consuetudo sumpsit exordium, ad S. Siluestri pedes draconem appingendi, in huius victoriæ & admirabilis historiæ suæ perennem memoriam: cuius complures Scriptores Græci & Latini meminere; inter quos Venantius Fortunatus Pictauiensis Episcopus, vir poëticarum & rhetoricarum litterarum scientia celebris, qui ante mille & quinquaginta annos floruit. Et præter Cedrenum aliosque recentiores, huius facinoris meminixit etiam Simeon Metaphrastes in Actis eiusdem sancti Siluestri, quæ Latinitati postea donata, ab Episcopo Lipomano Tomo quinto, & à Surio Tomo sexto inter Sanctorum res gestas referuntur: vbi asseritur, draconem illum sub monte Tarpeio, vbi

In Actis sancti Marcelli Parisiorum Episcopi.



- ubi Capitolium ædificatum est, latuisse. Ex quo coniecturam facit Cardinalis **A**  
 Annalium Baronius, eiusdem serpentis cauernam fortasse extitisse in quibusdam inaccessis  
 To. 3. anno subterraneis specubus & cisternis, quæ fauisse Capitolinæ dicebantur. Et quam-  
 Dom. 324. quam in eisdem Actis præcisè non dicatur, vbinam serpens ille consuetum lati-  
 bulum haberet; communis tamen opinio ex antiqua traditione descendens ob-  
 tinuit, eius specum ad Palatini montis radices fuisse in eo loco ubi nunc ædifi-  
 cata est ecclesia, quæ vulgò dicitur Sancta Maria libera nos à pœnis inferni.  
 Coniectatur ab his quos rerum antiquarum studium delectat, draconem hunc  
 qui publicis sumptibus Romæ alebatur & colebatur, illum fuisse, quem Æscu-  
 lapius sacrum, ut insana putabat Gentilitas, publica legatione ex Epidauro, Ro-  
 manorum Senatus in Urbem accersit, ad pestem quæ populum vehementer di-  
 uexabat, auertendam: quique, ut Festus tradit, non nisi canis vberibus nu-  
 triebatur. Plinius verò testatur, hunc suo adhuc tempore fuisse superstitem, so-  
 boleque mirificè adeò propagatum, ut nisi igne extingueretur, fecunditati eius **B**  
 Lib. 29. c. 4. non esset obistere. sunt hæc eius verba: *Atqui anguis Æsculapius Epidauro Ro-  
 mam aduectus est, vulgoque pascitur & in domibus: ac nisi incendiis semina exure-  
 rentur, non esset fecunditati eorum resistere.* Illud verò notandum est, bestiam ni-  
 mirum hanc, quam Plinius anguem dicit, draconem à Festo appellatam. Hu-  
 ius autem à priscis Christianis receptæ consuetudinis ferreos annulos gestandi,  
 in qua Crux erat insculpta, clarum indicium, magnumque argumentum nobis  
 etiam affert Lucianus, licet magnus atheista, diuinarumque & humanarum re-  
 rum omnium irrisor & contemptor insignis, qui in quodam Dialogorum suo-  
 rum introducit Eucratem Philosophum asserentem, se postquam ferreum an-  
 nulum ex Cruce quapiam fabrefactum, quem Arabs quidam ei dederat,  
 accepisset, animo confirmatum fuisse aduersus horrores, quos dæmonum spe-  
 ctra illi incuriebant; sic enim ait: *Ita ne solus Jon, inquit, Eucrates, istiusmodi vi-  
 dit; ac non alij etiam multi inciderunt in dæmones, alij noctu, alij etiam interdum? Ego **C**  
 profecto non semel tantum, sed millies iam talia conspexi: ac primum quidem turbabar  
 ad ea; iam verò ob consuetudinem nihil nouum aut prodigiosum mihi videre videor;  
 maximeque nunc, ex quo annulum mihi Arabs dedit ex ferro de Cruce quapiam sum-  
 pto factum.* Hæc ille. Valdè enim verisimile est, Eucratem cum Christianos fer-  
 reos annulos Cruce insculptos deferentes, eorumque præsidio ab omnibus  
 dæmonum insidiis tutos conspexisset, illos in hoc imitatum, similis quoque  
 annuli gestamine se ipsum tutari voluisse.
- Consueuerant præterea antiqui Ethnici quosdam annulos sub certis quibus-  
 dam constellationum punctis construere, supersticiosos characteres quosdam  
 his insculpentes, stultè prorsus rati, eosdem annulos diuersas virtutes proprie-  
 tatesque vitam hominum prorogandi, & iuuentutem retinendi, obtinere. Ta-  
 les fuere annuli, quos, ut Philostratus Lemnius scribit, Iarchas Brachmanorum  
 sapientum Princeps, qui in aurea sede de astrorum cursibus & naturis publicè **D**  
 In vita A- docebatur, Apollonio Tyaneo dono dedit, qui ad id solùm, ut eum videret &  
 pollonij Tyanei, lib. 3. c. 13. audiret, ad Indos vsque dedita opera profectus erat. Quorum annulorum vir-  
 tute, eundem Apollonium Tyaneum, iuuentutis florem ac robur vsque ad  
 vitæ exitum retinuisse ferunt; quamuis ultra centum annos vixerit. Quod Da-  
 mis etiam eiusdem Tyanei comes atque sectator in suis commentariis fusiùs  
 Antiq. lect. profectus est: idque Cælius etiam Rhodiginus refert his verbis: *Scribit etenim  
 lib. 6. c. 12. Damis, sapientum Indorum Principem Iarcham, tam scitè quàm doctè annulos septem  
 compegisse, qui & stellarum septem nominibus essent præsignes; ut Apollonium Tyaneum  
 dono acceptos, singulis diebus singulos, iuxta dierum nomina eos distinguentem, gestasse  
 proditum sit. Amplius Iarcham id quoque Apollonio Tyaneo insinuassee, auum suum philo-  
 sophie*



- A *sophiæ mysteriis itidem initiatum, annum centesimum trigesimumque viuendo attigisse. Id verò annulorum beneficio contigisse. Quinimò Apollonium ipsum, eodem munere iuuentæ nitorem prætulisse, quamuis annum centesimum excessisset. Quin etiam idem Rhodiginus affirmat, Eudamum quemdam Philosophum annulos conficere solitum, quorum vis esset mira aduersus dæmones, & serpentum morsus, & alia pleraque huius generis incommoda, quibusque ad fascinationes ac veneficia omnia euertenda vis inesset præclara. Virtutes planè omnes ipsius sanctæ Crucis præcipuæ atque exploratissimæ. Quamobrem magna sanè ratione permoti prisce Christiani, illam annulis insculptam gestabant, pro comperto prorsus habentes, eandem non tantum aduersus dæmones firmissimum & inexpugnabile esse præsidium; ad serpentum morsus, quæ peccata sunt, opportunum remedium; aduersus mundi fascinationes amuletum probatissimum; & contra hominum persecutiones & nequitias tutissimum perfugium: sed & quicumque veræ fidei, spei, & charitati innixus, Crucem Domini patienter atque humiliter perferet in terris, renouabit vt aquila iuuentutem suam in cælis, per infinita sæcula sæculorum. Amen.*
- B

## CAPVT XI.

*De Crucibus coronatis, quas prisce Christiani insculpere ac pingere consueuerant: & quare id facerent.*

- A NTE QVAM vana & superba ambitio mortalium pectora tantopere obsideret ac premeret, corona peculiare ornamentum erat, & præcipuum honoris insigne, soli Deo ab hominibus delatum, ideoque inquit Plinius: *Antiquitus quidem nulla corona, nisi Deo dabatur.* Idque non apud eos tantum qui veram Dei agnitionem nacti erant Hebræos, sed & apud Gentiles obseruabatur. Hebræos autem coronas Deo dicare solitos, idque diuinæ maiestati gratissimum extitisse, Sacræ ipsæ litteræ locis quamplurimis luculentissimum dant testimonium. Tum verò præcipuè, cum Deus ipse formam qua Arca testimonij constare deberet designans, Moyse dixit: *Faciesque supra coronam auream per circuitum.* Mensamque panum propositionis pari modo instituens, subdit: *Faciesque illi labium aureum per circuitum, & ipsi labio coronam interrasilem, altam quattuor digitis; & super illam, alteram coronam aureolam.* Cum autem Machabæi, Gorgia & Lyfia Antiochi Regis ducibus deuictis & profligatis, templum à se instauratum, & altare, pro eo quod Gentiles profanauerant, erectum dedicare vellent, priscum maiorum suorum morem secuti, tot coronas Deo obtulerunt, vt illis faciem templi exornauerint. Quod innuens sacra eorum Historia, inquit: *Et ornauerunt faciem templi coronis aureis.* Qui mos à veteribus Christianis etiam est obseruatus. Nam inter cetera ornamenta, quæ altaribus Dei optimi maximi offerre consueuerant, insigniora erant coronæ aureæ. Cuius rei fidem astruunt amplissima ac pretiosa dona, quæ magnus Constantinus Imperator, sanctorum Petri & Pauli, ac Lateranensis, ceterarumque basilicarum quas Romæ extruxerat, sacrosanctis altaribus dedit, vt Anastasius Bibliothecarius, & alij scripsere.
- C
- D

Eundem quoque morem prisce illis sæculis à Gentilibus obseruatum, testatur Tertullianus, Pherecydis Poëtæ tragici & Diodori Siculi auctoritatibus suffultus: tradunt enim hi, Saturnum omnium primum, deinde verò Iouem post deuictos Titanas, corona redimitum fuisse: ipsius autem Tertulliani hæc sunt verba: *Saturnum Pherecydes ante omnes refert coronatum, Iouem Diodorus*

*De corona milit. cap. 7.*

*post*



*Prima ratio* post deuictos Titanas, hoc munere à ceteris honoratum. Quapropter ad peruetustam A  
*Cruces co-* & laudabilem hanc Deo coronas dicandi consuetudinem, prisca Christiani  
*ronatas* alludentes, coronatas Cruces sæpè insculpere ac pingere consueuerant: hoc  
*sculpendi.* pacto innuentes, sanctæ Cruci diuinos honores tribuendos, ad prototypum ta-  
 men eius Christum crucifixum illos referentes, vt inferiùs dicemus. Atque hæc  
 coronatas Cruces insculpendi ac pingendi prima ratio fuit.

*Coronâ Re-* At postquam elatæ ac superbæ hominum mentes, maiora de se ipsis animo  
*ges sibi post-* concipere cœperunt, Reges ipsi ac supremi Principes primi extitêre, qui hono-  
*modum* rem hunc antea soli Deo ab hominibus dari solitum, sibi arrogantes, aureas co-  
*vindicarunt.* ronas ipsi quoque, in amplitudinis, maiestatis & gloriæ suæ argumentum ge-  
 stare cœperunt; hoc pacto innuentes, se Dei optimi maximi viuas imagines  
 existere. Quod vtique verum est, nisi tales sint quos crudelitas, auaritia, tyran-  
 nis, luxuria, ceteraque huius generis vitia, tam excelso ac pænè diuino munere  
 indignos reddant. Neque Ethnici tantum & impuri, sed & pij ac boni etiam B  
 Principes, postquam abusus consuetudine honestatus est, id quoque fecerunt.

*David pri-* Inter quos David ipse apud Hebræos primus fuit, qui coronam è capite Mel-  
*mus apud* chom Ammonitarum idoli abstrahens, quæ aurei talenti pondo erat, ac gémis  
*Hebræos* pretiosissimis exulta, sumptuosissimam ac splendidissimam ex ea sibi coro-  
*gestauit co-* nam construi curauit. In quo facinore dubitarunt aliqui, an David peccauerit;  
*ronam.* cum lege Moy sis expressè cautum ac interdictum esset Hebræis, ne aurum &  
 argentum, vel aliud quidquam ex Gentium idolis caperent, sed vt illa cunctaq;  
 Deut. 7. eorum ornamenta igne comburerent; sic enim ex Lege: *Sculptilia eorum igne*  
*combures: non concupisces argentum & aurum de quibus facta sunt, neque assumes ex*  
*eis tibi quidquam, ne offendas, propterea quia abominatio est Domini Dei tui. Nec in-*  
*feres qui piam ex idolo in domum tuam, ne fias anathema, sicut & illud est.*

*Paralipom.* In qua dubitatione Alfonsus Tostatus Abulensis Episcopus rationes quam-  
*Quæst. 10.* plurimas ad ipsius Davidis fauorem in medium afferre conatur. At Rabbinii C  
 Hebræi, vt Dauidem ipsum omni culpa eximant, asserunt eum haudquaquam  
 coronam illam ex capite Melchom abstulisse, sed quemdam Philisthæum  
 Ethai Iethæum nomine, qui ad illum profugerat, eandem abstulisse, illique  
 detulisse: vt Dauidi liceret de manu viri alienigenæ id capere, quod sibi tam-  
 quam Hebræo, de capite idoli illius auferre non licebat. Quamobrem diuus  
 Hieronymus de hoc differens, inquit: *Illicitum erat de idolis aliquid auri appetere*  
*aut argenti ludæis per Legem: sed vt ipsi tradunt, Ethai Iethæus, qui de gente Philisti-*  
*norum ad David venerat, ipse diadema diripuit in capite Melchom; vt liceret Hebræo*  
*de manu hominis capere, quod de capite idoli non licebat.* Hæc Hieronymus. Hanc  
 autem coronam David ipse postea in dignitatis & amplitudinis, quam Deus  
 ei dederat, gloriam & ornamentum gestare consueuerat. Atque hinc secunda

*Secunda ra-* ratio defluxit, qua veteres Christiani coronatas Cruces insculpere ac pingere  
*tio Cruces* studuerunt; vt innuerent, Crucem Christo coronam & gloriam extitisse; ad id D  
*coronatas* alludentes quod idem Regius Psalter præcinuit, cum dixit: *Minuisti eum paulo*  
*sculpendi vel* *minùs ab Angelis, gloria & honore coronasti eum.* Quæ verba testatur Apostolus,  
*pingendi.* Regium Prophetam ipsum de Christo Domino dixisse, qui propter Crucem,  
 passionem, ac mortem suam, gloria & honore coronatus est. Sic enim inquit:  
 Heb. 8. *Eum autem qui modico quàm Angeli minoratus est, videmus Iesum propter passionem*  
*mortis gloria & honore coronatum.* Quem locum exponens Ambrosius, testatur  
 Apostolum hîc ostendisse, Crucem esse gloriam & honorem Christi. Et Ioan-  
 nes Chrysostomus, vt superiùs dictum est, ad institutum hoc nostrum Cru-  
 cem Regnum esse, omniq; diademate & corona Regia splendidiorē ful-  
 gentiorēque effectam fuisse asseruit.

Consue-



- A** Consueuerant præterea præsci etiam Ethnici, publicorum certaminum victores, præmij & honoris ergo coronis ac fertis donare. Ex quo tertia deducta est ratio, qua veteres Christiani coronatas Cruces insculpendi ac pingendi morem introduxerunt: id eo pacto innuentes, quod quemadmodum Crux victoriæ campus ille fuit, quem ascendens Christus cum inimicis nostris in certamen venit, hisque deuictis & illigatis gloriosam coronam adeptus, cælestem de eis triumphum reuexit; sic necesse est cuilibet, qui immortalitatis & cælestis beatitudinis munere coronari desiderat, ut Christi exemplum secutus, tollat Crucem suam, & viriliter dimicet, certò sciens, ut inquit Apostolus, neminem coronari, nisi qui legitimè certauerit. In Christi enim inuicti & gloriosi Ducis nostri militia, corona sine Cruce, & Crux sine corona non datur. Quamobrem sanctus Paulinus Nolanus Episcopus, ut Crucis coronatæ mysterium innueret, inquit: *Tolle Crucem, qui vis auferre coronam*. Quinetiam adeò munificus ac liberalis est Rex & Imperator noster, ut quanto acrior ac periculosior est nostra pugna, tanto maior atque sublimior futura sit etiam corona, qua ab ipsius iustissima & beneficentissima manu donabimur. Vnde Cyprianus: *Quò longior vestra pugna, hoc corona sublimior*.
- B** Trium autem specierum ut plurimum erant coronatæ Cruces, quas præsci Christiani sculperere aut pingere consueuerant. Quarum illa prima fuit cum Crucem in circuli medio effingebant, ita ut Crux ipsa à circulo vndeque esset circumdata, Ægyptiaci hieroglyphici illius instar, de quo superius libro quinto. Talis Crux illa fuisse perhibetur, quam Thomas Apostolus in Malipure Indiæ ciuitate saxo insculpi curauit; ut superius dictum est: circulo enim eiusdem lapidis vndequeque erat redimita. Talis etiam fuit Crux illa, quæ mirabiliter apparuit in extis animalium, quæ Iulianus Apostata idolis immolabat: quæ diuinitus illi ostensa est pro sui ipsius correctione & emendatione, si illam agnoscere sciisset & voluisset. Non enim aliqui tum defuerunt, qui licet Gentiles essent, Crucis tamen illius quæ apparuerat præfagium & significationem rectè interpretati, ingenti horrore ac formidine perfuncti, dixerunt, vereri se, ne Christi potestas ac doctrina per vniuersum terrarum orbem extenderetur, & ne semper persisteret: quandoquidem corona, qua Crux illa erat redimita, victoriæ signum erat; circulus verò qui suum vndique sumit initium, atque in idipsum reuertitur, nullo fine terminandam portendebat. Verum ille, cui propria nequitia intellectum obcæcauerat, id pro sua peruersa voluntate atque instituto repente interpretatus, asseruit, circulum quo Crux illa erat circumdata, Christianam religionem circumscriptam & vndequeque obsessam atque conclusam innuere. Cuius admirabilis Crucis apparitionis meminit sanctus Gregorius Nazianzenus his verbis: *Ferunt cum Iulianus sacris operam daret, exta animalium coronatam Crucem edidisse. Quæ res alios quidem horrore, summaque sollicitudine & anxietate affecit, eoque adduxit, ut potentiam nostram persentirent: at impietatis magistro animum videlicet addidit, tamquam circumscripti atque vndique conclusi essemus*. Hæc ille. Eiusdem notatu planè dignæ & admirabilis historiæ meminit etiam Nicephorus Callistus.
- C** Secunda autem coronatarum Crucium species illa est, quæ in summitate eminentioris ipsius Crucis cornu coronam habet. Cuius speciei inter antiquas Ecclesiasticas picturas quædam cernuntur Cruces, quæ in sublimiore earum extremitate non vnam tantum, sed plures habent coronas: quibus illud in mysterio innui videtur, nempe quanto laboriosior ac difficilior est Crux quam Christi fideles & Dei electi hinc perferunt, tanto excelsiora atque sublimiora sunt præmia & coronæ, quæ à Deo optimo maximo ac beneficentissimo

Tertia ratio.

Cruce ei tollenda qui coronam desiderat.

Epist. 12.

Epist. 16. ad Moysen &amp; Maximum presbyt. &amp; Cōf. Rom. Crucis coronatarum triplex forma.

Cruce coronata Iuliano diuinitus ostensa.

In Iulianum oratione 1.

Lib. 10. c. 3.



illis semper sunt præparatæ in cælis. Quod sanè S. Paulinus Nolanus Episcopus A  
tum innuere voluit, cum piè canens inquit:

*Sanctorum labor & merces sibi ritè coherent:*

*Ardua Crux, pretiumque Crucis sublime, coronæ.*

Epist. 12. in  
picturâ quæ  
est in absi-  
de Fundanæ  
basilicæ.  
Crucis co-  
ronatæ Ro-  
mæ in eccle-  
sia S. Clemen-  
tis depicta  
typus.

Inter Cruces autem huius speciei, annumerari posse videtur veneranda illa &  
mysterijs plenissima Crux, quæ Romæ in curiæ absidis ecclesiæ S. Clemen-  
tis, vetustissimo & elegantissimo opere musivo picta conspicitur; cuius typum  
ex ipso exemplari fideliter delineatû, hîc in piorum Lectorum gratiam damus.



B

C

D

In



**A** In eminenti ac sublimi Crucis huius cornu, corona siue sertum à manu quadam sustineri conspicitur: quo gloriosa victoria caelestisque triumphus, quem Christus Dominus per sanctam Crucem adeptus est, aperte innuitur. Fitque in hoc ad Romanorum triumphos allusio, in quibus triumphator ipse coronam in capite non gestabat, sed aliena manu super caput ipsius sustinebatur. Corona autem siue sertum illud, quod super hanc Crucem brachio porrectum cernimus, instar eorum contextum fuisse videtur, quæ Crassus cognomento Diues in ludorum & certaminum suorum præmium dare consueuerat, quæ ex auro & argento ad foliorum ac florum similitudinem erant intexta. De quibus Plinius ait: *Crassus Diues, primus argento auroque folia imitatus, ludis suis coronas dedit.* Interpretatio elegans precedentis typi. Lib. 21. c. 3.

**B** In eadem verò Cruce, Domini nostri crucifixi nuda imago quattuor clavis infixæ conspicitur; altero scilicet in dextera, altero in sinistra; tertio in pede dextero, quarto in sinistro; sub quibus, pro corporis sustentatione, parua adest tabula, quam suppedaneam tabellam vocant. Atque in ipsa Cruce duodecim candidæ cernuntur columbæ, quæ duodecim signant Apostolos; quibus Dominus noster dixit: *Estote prudentes sicut serpentes, & simplices sicut columbæ.* Per duodecim columbas, duodecim Apostoli designantur. Matth. 10.

Quæ verba quomodo intelligenda sint, docuit nos sanctus Ambrosius, ostendens quamnam serpentis prudentiam siue astutiam, & quam columbæ simplicitatem Christianus habere debeat, cum dixit: *Estote, inquit, astuti sicut serpentes, & simplices sicut columbæ. Præmittitur astutia, ut sit tuta simplicitas. Sunt enim serpentes Evangelici, qui exuunt veterem usum, ut induant novos mores; sicut scriptum est: Expoliantes veterem hominem cum actibus suis, & induentes novum, secundum imaginem eius qui creauit eum. Discamus ergo, depositis vetusti hominis exuvijs, Evangelicorum serpentium vias; ut more serpentium, seruare caput, fraudem sicut colubæ, cauere nouerimus.* Verum id clariùs ac fusiùs docens nos sanctus Gregorius, inquit: *Nonnulli namque ita sunt simplices, ut rectum quid sit, ignorent: sed eo vera simplicitatis innocentiam deserunt, quo ad virtutem rectitudinis non assurgunt. Quia dum cautiusse per rectitudinem nesciunt, nequaquam innocentes persistere per simplicitatem possunt.* De fidel. 3. cap. 7. Christiani quomodo prudentes ut serpentes, & simplices sicut colubæ.

**C** Hinc est quod Paulus Apostolus discipulos admonet, dicens: *Volo vos sapientes esse in bono; simplices autem in malo.* Hinc rursum dicit: *Nolite pueri effici sensibus, sed malitia paruuli estote.* Hinc per semetipsam Veritas discipulis præcepit, dicens: *Estote prudentes sicut serpentes, & simplices sicut columbæ.* Utraque enim necessario in admonitione coniunxit: ut simplicitate columbæ, astutia serpentis instrueret, & rursum serpentis astutiam columbæ simplicitas temperaret: hinc est quod sanctus Spiritus præsentiam suam hominibus non in columba solummodo, sed etiam in igne patefecit. Per columbam quippe simplicitas, per ignem verò zelus indicatur. In columba igitur & in igne sanctus Spiritus ostenditur: quia quicumque illo pleni sunt, sic mansuetudini simplicitatis inseruiunt, ut contra culpas delinquentium etiam zelo rectitudinis accendantur. Hæc ille. Per columbas autem Apostolos designari, in Silua Allegoriarum ampla fides astruitur; ubi dum verborum illorum Isaie Prophetæ Allegoricus sensus exponitur: *Qui sunt isti, qui ut nubes volant, & quasi columbæ ad fenestras suas?* hoc dicitur: *Columbæ ad fenestras suas dici possunt Apostoli.* Et pro Allegorici huius sensus expositione adducuntur ibi in medium verba sancti Gregorii, qui ait: *Quasi enim columbæ ad fenestras suas sunt, qui concupiscenda respiciunt, sed simplicitate mundi cordis concupiscendo non perdunt: quia vident quæ appetant, sed illicitè appetere quod cernunt, vitant.* In 1. Regu cap. 11. Exposit. lib. 5. cap. 1. To. 1.

**D** At per columbas, quæ super & circum Cruces insculpi ac pingi consueuerant, Apostolos innui & significari, expressè declarauit Paulinus Nolanus Episcopus, cum ad Seuerum Sulpitium scribens, inquit:

*Crucem corona lucido cingit globo,*

*Ecc 2*

*Epist. 12. ad Cui Seuerum.*



*Cui coronæ sunt corona Apostoli.*

*Quorum figura est in columbarum choro.*

Licet idem sanctus Paulinus, significationem quoque aliam columbis tribuens, paulò post subiunxerit, columbas Cruci insculptas siue appictas illud innuere, Regnum nempe cælorum patere simplicibus:

*Ardua florifera Crux cingitur orbe coronæ,*

*Et Domini fuso tincta cruore rubet.*

*Quæque super signum resident cæleste columba,*

*Simplicibus produnt Regna patere Dei.*

Et paulò post subdit:

*Nos quoque perficies placitas tibi Christe columbas,*

*Si vigeat puris pars tua pectoribus.*

Talis columba dilecta illa sponsa est, quam cælestis sponsus in Canticis auocat, & inuitat, dum ait: *Surge, amica mea, speciosa mea, & veni: columba mea in foraminibus petrae, in caverna maceriae.* Quæ autem columba illa sit, quæ tanto dilectionis & amoris affectu inuitatur ad salutem sibi in foraminibus petrae & in caverna maceriae comparandam, sanctus Bernardus declarat, ad institutum suum, illum quinquagesimi quarti Psalmi trahens versiculum: *Quis dabit mihi pennas sicut columbae, & volabo, & requiescam;* inquit enim: *Ecclesia columba est, & ideo requiescit. Columba, quia innocens, quia gemens. Columba, inquam, quia in mansuetudine suscipit insitum verbum. Et requiescit in verbo, hoc est in petra: nam petra est verbum.* Petrae autem foramina, & caverna maceriae, in quibus dilecta & mansueta columba hæc, ut incolumitati suæ consulat, inuitatur, nihil aliud sunt quam Crucifixi vulnera; ideoque idem Bernardus ait: *Alius hunc locum ita exposuit, foramina petrae, vulnera Christi interpretans. Rectè omnino, nam petra Christus. Bona foramina, quæ fidem astruunt resurrectionis, & Christi diuinitatem. Dominus meus, inquit, & Deus meus. Vnde hoc reportatum oraculum, nisi ex foraminibus petrae? In his passer inuenit sibi domum, & turtur nidum ubi reponat pullos suos. In hisce columba tutatur & circumuolantem intrepida intuetur accipitrem: & ideo ait: Columba mea in foraminibus petrae. Vox columbae: In petra exaltasti me.*

Psal. 39.

Columbae sunt homines puri & innocentes qui Crucifixo Crucifixo gemebundi inherent.

Isaie 38.

Ezech. 7.

Propheta visus est, cum inquit: *Et erunt in mentibus quasi columbae conuallium omnes trepidi, unusquisque in iniquitate sua.* Quo loco notandum, ut etiam animaduertit Hieronymus, quod ubi Septuaginta in versione dixerunt, *Columbae conuallium*; Theodotion interpretatus est, *columbas meditantes*: & pro eo quod Hieronymus exposuit, *omnes trepidi, unusquisque in iniquitate sua*; idem Theodotion verterat, *omnes musitantes in iniquitate sua*. tali pacto, sub meditantium ac gementium columbarum Metaphora illos innuens, qui suspiriis ac gemitibus peccata sua deflebant. Quamobrem idem sanctus Hieronymus, pro rei huius epilogo, subdit: *Pulchrè iuxta Theodotionem, vocabimus columbam meditantem, eum qui in lege Domini die ac nocte meditatur; & de quo scriptum est: Os iusti meditabitur sapientiam.* Augustinus verò quasi rationem hanc ipse quoque explicare vellet, cur veteres Christiani columbas Crucibus insculpere & appingere consueuissent, inquit: *Columba enim pro signo dilectionis ponitur, & in ea gemitus amatur.*

In Ezechielem cap. 7.

In Psal. 34.

Nihil



**A** Nihil tam amicū gemitibus, quā columba; diu noctūque gemit, tamquam ibi posita ubi gemitum est.

Mos autem hic, columbas Crucibus insculpendi vel appingendi, apud Christianos antiquissimus fuit, & iam inde à primis sanctæ Ecclesiæ Catholicæ exordiis introductus; ut ex Cruce illa argumentari licet, quam Thomas Apostolus in Indiæ ciuitate Malipure cæleri & saxo insculpi curauit, ut superius dictum est; in cuius fastigio columba erat insculpta: qua non solum Spiritum sanctum designauit, qui in columbæ specie super Dominum nostrum apparuit, verum etiam eadem columba innuere voluit, super eundem Dominum nostrum plenitudinem & septiformem gratiam omnium donorum ac virtutum Spiritus sancti fuisse diffusam. Nam mansueta & pura avis hæc, septem in se proprietates habere perhibetur, quæ, ut Rupertus Abbas testatur, quamdam cum septem Spiritus sancti donis ac virtutibus similitudinem habent. Primo quidem super limpidissimis aquarum riuus commorari solet, ut accipitris in eis umbra conspecta, velociter se in tuto recipere queat; in quo sapientiam se habere ostendit. Secundo nihil viuū comedit; in quo intellectum demonstrat. Tercio alienos pullos nutrit; in quo consilium indicat. Quarto nidum suum in foraminibus petræ perstruit; in quo fortitudinem designat. Quinto, cum pascitur, nitidiora grana seligit; in quo scientiam proficitur. Sexto, fel non habet; quod pietatis est argumentum. Et septimo pro cantu gemitus edit; quod est timoris indicium.

**C** Ad mysteriis refertissimæ Crucis huius basim, paruos quidam ceruus conspicitur, qui magnum serpentem olfaciens, naribus illum absorbere velle videtur; quo animalis huius naturalis instinctus quidam innuitur. Nam ut naturalium rerum indagatores affirmant, inuentum serpentem narium haustu, absorbet ac deuorat; tum veneni ardore totus intrinsecus exardescens, ad fontem currit, ibique ad saturitatem bibens, & sitim suam extinguens, conualescit. Sub cuius figuræ Metaphora, id quod peccatori vsu venit, innuitur. Ab effrænata enim sensus appetentia illectus, peccatum auidè committit; quod nil ferè aliud est, quā ingentem ac virulentum quemdam glutire serpentem. Tum verò, magna compunctione & ipsius conscientie morsu seipsum quasi ab ignito quodam veneno intrinsecus vri & corrodi sentiens, Spiritus sancti afflatu permotus, diuinaque gratia adiutus, ac magna poenitentia ductus, ad exhaustum pietatis & misericordie fontem Christum crucifixum recurrit; ibique peccatorum suorum veniam humiliter efflagitans, per sanctorum Sacramentorum medelam, quæ à patenti Crucifixi latere quasi viui fontes in sancta Catholica Ecclesia promanant, Domino reconciliatus, auidè bibit, sitimque suam extinguens, à peccati veneno feliciter persanatur. Quod diuinus Psaltes breuiter innuit, cum dixit: *Quemadmodum desiderat ceruus ad fontes aquarum, ita* Psalm. 41.

**D** desiderat anima mea ad te Deus: sitiuit anima mea ad Deum fontem viuū. Totamque Metaphoricæ figuræ huius significationem diuinè explicauit Hieronymus hoc pacto: Mos est ceruo, ut inuentum serpentem naribus hauriat: & post hæc exardescens, extinguat sitim. Ergo homo Ecclesiæ, qui diu in actu venenoso degebat, ubi se per spicit cæno fornicationis, idololatriæ fœtore repletum, desiderat venire ad Christum, in quo est fons luminis; ut ablatus Baptismo, accipiat donum remissionis. Scit enim quia nisi quis renatus fuerit ex aqua & Spiritu sancto, non habebit vitam æternam. Sed & si quis hodie nostrum extinctis vitis ignescat in desiderium Dominicæ contemplationis, potest ipse dicere: *Quia desiderat anima mea ad te Deus.* Atque hinc est, quod in imabasi prædictæ Crucis imaginis duo alij conspiciuntur cerui, qui ex aqua (quæ per quattuor flumina decurrens, è rupe in qua Crux eadem defixa est, emanare

Ecc;

perspi-



perspicitur) auidè bibunt. Quæ flumina; iuxta quorundam sententiam, quatuor etiam Euangelia significant, quæ per sanctorum Apostolorum prædicationem, orbem terrarum iam aridum & siccum irrigauere. Rupes verò siue petra illa in qua Crux ipsa defixa est, sanctam designat Ecclesiam; alludens ad Matth. 16. ea quæ Apostolorum Principi Dominus dixit: *Tu es Petrus, & super hanc petram edificabo Ecclesiam meam.*

Idem pariter ceruorum mysterium, qui sub eadem Cruce auidè bibunt, declarasse visus est etiam Rufinus Aquileiensis, cum ait: *Dicitur natura esse cerui; ut serpentem flatu suo extrahat, atque ipsum ad renouationem suam transsoluat. Quo absorpto, tanta siti propter venenum inardescit, quod non sufficit ei de vno fonte potasse, sed ad plures currit. Adhunc modum se perhibet hæc anima perfecta Deum desiderasse, dicens: Quemadmodum, id est, quam ardentem desiderat & festinat ceruus absorpto serpente, non ad vnum tantum, sed ad plures aquarum fontes: ita, ad illum modum, & ardore & fexuore anima mea absorptis vitiis, desiderat peruenire ad te. Quia sicut plures fontes sitim cerui refrigerant, ita & tu eris mihi refrigerium multarum miserrimarum; ut per te deponam omnem vetustatem peccati, & in nouitate reformer spirituali: quoniam apud te est fons vitæ, ad quem tu ipse animas inuitare dignatus es, dicens: Si quis sitit, veniat ad me, & bibat. Et iterum: Qui bibit ex aqua quam ego do, fiet in eo fons aquæ salientis in vitam æternam.* Deinde verò peccatori suadere contendens, ut ad Deum auidè currat, qui est fons viuus, & fons indeficiens, quo peccati venenum extinguat, idem Rufinus paulò post subdit: *Curre, inquit, ad fontem, vel fontem viuum. Cursus tuus sit affectus tuus: cursus tuus, sit desiderium tuum. Sed noli vtrumque, noli ut qualecumque animal currere; ut ceruus curre. Ceruus interemptis serpentibus, maiore siti inardescit, ad fontes acrius currit. Serpentes vitia tua sunt. Consume serpentes iniquitatis, tunc amplius desiderabis fontem veritatis.*

Eadem ferè diuus quoque Augustinus protulit, ut superius nono capite libri quinti diximus. Id quæ totum pro mysteriis refertissimæ & coronatæ Crucis expositione, quæ Romæ in curuitate absidis ecclesiæ sancti Clementis elegantissimo ac splendido opere musiuo picta conspicitur, necessario dicendum erat. Quod musiuum, Nicolai Papæ Primi iussu constructum fuisse, tum ex ipsius antiquitate argumentari libet, tum etiam ex eo quod beati Clementis corpus eiusdem Pontificis temporibus Romam translatum est, & ab eodem sub maiori altari eiusdem ecclesiæ magna veneratione collocatum; ut complures auctoritate graues Scriptores tradidere, & inter eos præcipuè Riccardus Monachus Cluniacensis, Martinus Pœnitentiarius, Petrus de Natalibus Episcopus, Leo Hostiensis, Baptista Platina, aliique permulti. Omnino enim videtur, Nicolaum Primum Pontificem, cum tanti ponderis ac magna veneratione dignissimas Reliquias in eadem ecclesia reposuisset, animum etiam ad illam instaurandam applicuisse. In cuius facti memoriam, nominis sui notam siue signum illud marmori insculpi iussit, quod ad hanc vsque diem in ambitu, qui est in medio ipsius ecclesiæ, quem Scholam cantorum prisca vocabant, huius formæ conspicitur.

Sacra Reliquia in Cruce maternali condita.

In eadem verò abside sub ipso opere musiuo, quattuor leguntur carmina, ex quibus conijcitur in corpore imaginis Crucifixi, qui est super prædictam Crucem, venerabiles quasdam inclusas fuisse Reliquias, nimirum de sanctæ & veræ Crucis ligno, dentem sancti Iacobi vnum, alium verò sancti Ignatii. Carmina autem ipsa hæc sunt:

*super Ecclesiam Christi, viti assimilabimus isti,  
Quam lex arentem, sed Crux facit euirentem.*

De



A *De ligno Crucis, Jacobi dens, Ignatiique,  
In superscripti requiescunt corpore Christi.*

Tertia deinde coronatarum Crucium species, quas prisca Christiani scul-  
pere ac pingere consueverant, illa erat, qua coronam Crucifixi capiti impone-  
bant; non illam quidem spineam, sed auream, Regum vel Imperatorum co-  
ronarum instar; hoc pacto innuentes, Christum Dominum crucifixum, Re-  
gem Regum, & Imperatorum Imperatorem existere. Talis est sacrosancta mi-  
raculosa illius Lucensis ciuitatis Crucifixi imago, quæ auream & Imperato-  
riam coronam habet in capite. Quam imaginem à Nicodemo Christi Domi-  
ni occulto discipulo effictam tradunt, excepto vultu, quem diuina manu effi-  
giatum dicunt; unde à multis Vultus sanctus appellatur. Idque de coronatis  
Crucibus, quas veteres Christiani magna pietate sculpere ac pingere consue-  
uerant, hætenus nos dixisse sufficiat: humiliter illum deprecantes, à quo glo-  
riosus & inuictus Dux & Imperator noster, per sanctam Crucem suam, cæle-  
sti triumpho, æterno honore immortalique gloria coronatus est; in cuius am-  
plissimis amoenissimisque misericordiarum ac miserationum campis, nec pur-  
pureæ rosæ, nec candida lilia desunt, quibus milites Christi coronantur; ut vi-  
res virtutemque talem nobis concedere dignetur, ut gratia eius adiuti, à pericu-  
lo huius vitæ, aut potius mortalis huius belli conflictu, victores egredi valea-  
mus: ita ut demum coronati in cælis, ipsi quoque coronas nostras ante excel-  
sum gloriæ illius thronum offerentes, humilesque voces nostras cum viginti  
quattuor illis senioribus, & cum omnibus Beatis & electis coniungentes, digni  
efficiamur, qui in æternum concinentes, dicere possimus: Virtus, gloria,  
laus, honor, & imperium tibi Domine Deus noster, qui viuis & regnas in sæ-  
cula sæculorum. Amen.

*In ciuitate  
Lucensi  
antiquissi-  
ma Crux  
coronata.*

G. C A P V T XII.

*De Crucibus gemmatis, quas prisca Christiani sculpere ac pingere  
consueverant, inæstimabilia beneficia, diuinæque gratias quas per  
sanctam Crucem accepimus, innuentes.*

N O N ab insensibilibus pretiosis lapidibus suum sancta & venerabilis  
Cruz ab initio ornamentum obtinuit, sed decorem, gloriam, atque or-  
namentum suum à sacrosanctis diuinisque Christi Domini membris accepit,  
quæ gemmæ planè inæstimabiles sunt; gemmæ pretiosissimæ & incorrupti-  
biles; margaritæ quæ omnem cælestem thesaurum continent; vniones verè  
Orientales candidi ac pellucidi; margaritæ diuinæ, iucundæ, & charæ, è qui-  
bus omne pretium nostrum, omnis merces, omneque nostrum dependet bo-  
num; & margaritæ, de quibus locutus est Spiritus sanctus per os beatissimi  
Andræ Apostoli, qui cum Cruci suffigendus deduceretur, statim ut Crucem  
sibi præparatam eminens prospexit, reuerenter illam consalutans, ait: *Salve Cruz,*  
*quæ in corpore Christi dedicata es, & ex membrorum eius margaritis ornata. Ante-*  
*quam te ascenderet Dominus, timorem terrenum habuisti: modò verò amorem cælestem*  
*obtines; pro voto susciperis. Sciris enim à credentibus quanta in te gaudia habeas, quan-*  
*ta munera præparata.* Ad quorum diuinorum verborum significationem prisca  
Christiani alludentes, non solum ex auro & argento Crucis imagines con-  
struere cœperunt, sed easdem gemmis quoque pretiosis sæpè ornauere: sicque  
gemmis exornatas, in picturis atque sculpturis illas pariter effinxerunt, cælestium  
diuinarumque gratiarum pretiosissimos thesauros, atque inæstimabilia bene-  
ficia,

*Ex passio-  
ne S. An-  
dræ, per  
Presb. &  
Diac. Eccl.  
Achaia  
scripta: quæ  
exstat apud  
Lipomanū,  
Tom. I.  
& apud Su-  
nium, To. 6*



ficia, quæ per sanctam Crucem accepimus, hoc pacto innuentes. Quæ Crucis A  
imagines, *Gemmatæ Cruces* à Latinis dicebantur.

*Cruces gem-  
mis primis  
exornavit  
Constanti-  
nus Ma-  
gnus:*

*De vita Cō-  
stantini,  
lib. 3. c. 48.*

Generosam autem ac piam hanc consuetudinem, Cruces gemmis & pretio-  
sis lapidibus exornandi, introduxit pius ac magnus Constantinus Imperator,  
qui ut ostenderet quanta veneratione ac reuerentia sanctam Crucem admira-  
bile ac diuinum victoriarum suarum instrumentum prosequeretur, in medio  
aureo laqueari, quod erat in introitu Imperatorij palatij sui Constantinopoli-  
tani, Crucem variis fulgentibusque gemmis auro illigatis illuminatam, & ad-  
mirabili artificio elaboratam, construi iussit. Cuius gemmatæ ac pretiosæ Cru-  
cis meminit Eusebius Cæsariensis, his verbis: *Tantus item & tam diuinus amor  
Imperatoris animum complexus est, ut in ipso palatij introitu, in edificio omnium ex-  
cellentissimo, in medio tecti laqueari inaurato, in tabula maxima explicata, salutaris  
passionis insigne ex lapillis pretiosis cuiusque modi, auroque multo politè laboratis con-  
fectum, figendum curarit. Istud Imperatori sanctissimo Regni firmum videbatur esse  
propugnaculum.* Hæc Eusebius. Verum non ibi tantum, sed locis modisque aliis  
quamplurimis idem pius Imperator Cruces gemmis exornari iussit, ut infra  
suo loco.

*Cuius exē-  
plum mox  
secuti pas-  
sim Chri-  
stiani.*

Quam magnificentiam, piamque & planè generosam consuetudinem, pij  
ac boni sæculorum illorum Christi fideles, tanti Imperatoris exemplum secuti,  
frequenti admodum vsu receperunt, ut vetera Christianæ antiquitatis monu-  
menta, quæ ad hanc vsque diem seruata sunt, luculentissimum de eadem re  
perhibent testimonium. Inter quæ insignis admodum ac notatu planè digna  
est arca illa marmorea, siue sarcophagus, in quo iam conditum erat corpus  
Sexti Petronij Probi, viri clarissimi, Christianique pientissimi, qui circa an-  
num Domini trecentesium & octuagesimum, Valentiniani ac Theodosij  
Imperatorum temporibus vixit: qui Prætorij Præfecturam administravit, &  
quartum Consulatum obtinuit; quique duos filios, nempe Olybrium ac Pro-  
binum Consules pariter habuit. Qui quidem sarcophagus (postquam sacel-  
lum sepulturæ eius, quod post antiquæ diui Petri basilicæ tribunam situm erat,  
Nicolai Papæ Quinti temporibus, solo æquatum fuit, eiusdem basilicæ am-  
pliandæ gratia) in ipsam basilicam introductus, & in diui Thomæ Apostoli sa-  
cello collocatus, pro Baptisterio vsque  
ad Pauli Papæ Quinti Pontificatus an-  
num secundum inseruiuit. Tunc enim  
cùm necessitas eò impelleret, ut eadem  
diui Petri basilica, nimia vetustate la-  
bens, & ruinam minitans, diruenda  
esset, idem pilus siue sarcophagus in  
nouam basilicam translatus est; & in  
maiore ipsius naui ad ingredientium  
læuam muro appositus, antequam in  
Clementinū sacellum detur ingressus;  
vbi adhuc pro Baptismatis fonte tan-  
tisfer inseruit, donec Baptisteriū tantæ  
molis amplitudini congruens extrua-  
tur. In cuius pili anteriore facie, duode-  
cim sanctorum Apostolorum imagi-  
nes exsculptæ sunt: in quorum medio  
stat Christus Dominus, qui gemmatam  
Crucē manu gestat, ut hîc conspicitur.



Non-



A Nonnulli alij huius generis pili siue arcæ marmoreæ Romæ reperiuntur, quæ priscorum Christianorum Heroum extitere sepulchra, quibus gemmata Crux insculpta conspicitur. Quorum Antonius Bosius, nepos meus, meminit in suo De sacris cœmeteriis tractatu, cui titulus est, *Roma subterranea*. Consuetudinem etiam gemmatas Cruces construendi, quam suorum temporum Christi fideles susceperant, innuit Prudentius, cum Romam piis his versibus compellat:

*Agnoscas Regina libens mea signa necesse est,  
In quibus effigies Crucis, aut gemmata refulget,  
Aut longis solido ex auro præfertur in hastis.*

Contra Symmach. li. I.

B Erat autem generosus hic mos, Cruces geminis ac lapillis pretiosis exornandi, diu etiam Ioannis Chrysostomi æuo frequentissimus. Dum enim agit de forma Crucis materialis, & de forma Crucis sine materia, id est, de Crucis signo, quo nosmetipsos manu consignamus, ait: *Huius forma est duplex, una ex materia, exempli causa ex auro, vel margaritis, vel gemmis, quæ sæpè à Barbaris vel furibus aufertur: altera sine materia, neque enim ex materia est ei subiecta res, sed à fide est eius natura & essentia; à dispositione autem quæ eam facit, materia.* Et ibidem paulò superius quasi rationem innuere vellet, quæ Christiani permoti Cruces ex auro construerent, illasque gemmis pretiosis ornarent, asserit Crucem antiquis temporibus, improbæ vitæ prauorumque facinorum condemnationem extitisse: sed postquam Dominus noster illam ascendit, eandem nos tamquam pretiosam & vitalem adoramus, & pro thesauro magni pretij tenemus, quandoquidem nunc omni regia corona splendidior est atque præclarior, immo verò ipsos solis radios pulchritudine ac fulgore longè etiam superat.

De pretiosis vitalisq; Crucis veneratione, To. I. in fin.

C Ipsa eadem gemmis ac pretiosis lapillis Cruces exornandi consuetudo, à priscis Rom. Pontificibus magna pietate ac liberalitate præcipuè obseruata est, ut ex Anastasij Bibliothecarij peruetusto codice manuscripto, qui extat in Vaticana Bibliotheca, aperte colligitur. Vbi idem Bibliothecarius sedula & pia curiositate varia multaque dona describit, quæ iidem Pontifices insignioribus Romanæ Urbis ecclesiis offerebant; ex cuius lectione constat, inter illa argenteas aureasque Cruces gemmis ac pretiosis lapillis exornatas sæpè offerre solitos. Dum enim tria illa oratoria describit, sancti Ioannis Baptiste nimirum, sancti Ioannis Euangelistæ, & sanctæ Crucis, quæ Hilarius Papa circum Lateranense Baptisterium extruxit; asserit, eundem Pontificem, inter alia sanctæ Crucis oratorio Crucem auream gemmis illuminatam donasse, in qua de pretioso sanctæ Crucis ligno reposuit: *Fecit oratorium sanctæ Crucis, confessionem ubi lignum Dominicum posuit, cum Cruce aurea, cum gemmis, quæ pensat pondus librarum xx.* Simile quid etiam ad Baptisterium basilicæ sancti Petri fecisse Symmachum Pontificem, tradit idem Bibliothecarius, inquit: *Fecit ad fontem in basilica beati Petri Apostoli oratorium sanctæ Crucis, ex argento confessionem, & Crucem ex auro cum gemmis, ubi inclusit lignum Dominicum: ipsa Crux aurea pensat libras decem.*

Plures Cruces gemmata à diuersis Pontificibus erecta.

In vita sancti Hilarij Papæ.

In vita Symmachij Papæ.

D Testatur insuper idem Bibliothecarius, Sergium Papa, diuina reuelatione in sacrario basilicæ sancti Petri, in angulo quodam obscurissimo Crucem magnis pretiosisque gemmis perornatam reperisse; sic enim ait: *Hic beatissimus vir in sacrario beati Petri Apostoli capsam argenteam in angulo obscurissimo iacentem, & ex nigredine transacta annositate, nec si esset argentea apparentem, Deo ei reuelante reperit. Oratione itaque facta, sigillum expressum abstulit, locellum aperuit, in quo interius plumaceum ex holoserico superpositum, quod stauracis dicitur, inuenit: eoque ablato, inferius Crucem diuersis ac pretiosis lapidibus perornatam inspexit: de qua tractis quattuor*

In vita Sergij Papæ I.



quattuor petalis, in quibus gemma clausa erant mirae magnitudinis, & ineffabilem portionem salutaris ligni Dominica Crucis inuenit. Quae etiam ex die illo pro salute humani generis, ab omni populo Christiano, die Exaltationis sanctae Crucis, in basilica Saluatoris, quae appellatur Constantiniana, osculatur & adoratur. A

Typus  
ueteris-  
simus  
Crucis  
gemmata  
in  
temple  
san-  
ctae  
Mariae  
in Cosmo-  
dim.

Pix autem ac planè generosae consuetudinis, quā veteres Christiani susceperant, Cruces gemmis ac lapillis pretiosis illustrandi, authenticum testimonium, firmissimumque argumentum perhibent picturae parui quidem illius, sed antiquissimi elegantissimiue templi sanctae Mariae in Cosmodim urbis Rauennae Abbatiae tituli, quā obtinebat Illustrissimus Gregorius Petrocchinus, S. R. E. Cardinalis à Montelparo, religiosus planè & integerrimae vitae Princeps; cui ego hunc sanctae Crucis Tractatum, Italico idiomate prius à me conscriptum & typis excusum dicaram: sed eo ingenti bonorum omnium maiore vita functo, in Illustrissimi Scipionis Burgesij Cardinalis amplissimi, & Sanctissimi D. N. Pauli Papae Quinti ex sorore nepotis, potestatem merito deuenit. Super cuius templi aram primariam Crux gemmata vetustissimi pictoris manu efficta, & magna veneratione super sedem inter Apostolos Petrum & Paulum hoc modo collocata conspicitur. B



Vide Vi-  
truium  
lib. 5. c. 1.

In vetustissima pictura hac, quam Hieronymus Rubeus Rauennatum Historiarum Scriptor per mille & amplius annos factam fuisse affirmat, Crux sancta gemmis illustrata, magna veneratione ac maiestate, ut diximus, super puluinari in gemmata pariter ac regali sede collocata cernitur. Quo pij & boni illi praeteritorum saeculorum Christi fideles innuere voluerunt, sanctae Crucis regium ac diuinum honorem tribuendum esse; ad priscum Ethnicorum morem in hoc alludentes, quorum supremi Magistratus, utpote Consules, Praetores, ceterique eiusmodi, in templis & basilicis plerumque ius dicere solebant, excelsa



A excelso ibi loco, & in sella ornatu regali strata sedentes, quā tribunal vocabant. Ex quo mos ille postea inoleuit, quo nostri extremam illam templorum partem, siue interiorem faciem; quæ curuitate sua in capite eorum semicirculo terminatur, tribunam appellarunt. Et tribunal etiam ad hanc usque diem vocant marmoream illam siue alterius materiae fabrefactam sedem, sub ipsa tribuna sitam, in qua summus Pontifex, siue Cardinales, aut Episcopi, vel ceteri Ecclesiarum Prælati, in præcipuis solemnitatibus, sacerdotalibus infulis & Pontificalibus vestibus induti, sedere solent. De quo Prudentius:

*Fronte sub aduersa, gradibus sublime tribunal  
Tollitur, Antistes prædicat vnde Deum.*

In Peri-  
stephanon.

Magna veneratione & grato animo in hoc prisci Christiani sanctæ Cruci honorem eundem rependerunt; quo illa naturam nostram prosecuta est. Siquidem, ut inquit Chrysostomus, *Crux sancta naturam nostram in solū regium reduxit.*

B Cernuntur ibi ad eiusdem Crucis latera sancti Apostoli Petrus & Paulus astantes; Paulus nempe ad dexteram, Petrus verò ad sinistram. Quod utriusque iuxta antiquam Orientalis Ecclesiæ, & præcipue Græcæ consuetudinem depictū fuit, quam Latina quandoque etiam in hoc est imitata: priscis enim temporibus in hoc ipsa quoque, ut ita dicam, Græcizans, Sanctorum imagines maiore dignitate præcellentes ad sinistram, minùs verò dignas ad dexteram sæpè statuere & appingere consueuerat. Quod quibusdam etiam insigni eruditione viris argumentandi ansam dedit, antiquos nimirū existimasse, sinistram dextera digniorem existere: quocirca in huius rei causa peruestiganda, diu multumq; elaborauere. Cui opinioni inhæsisse se, inter ceteros, ostendit Cardinalis Baronius, ideoque in Annalibus suis pulcherrima & obseruatione dignissima antiquitatis monumenta annotauit. Sed his ceterisque animaduersionibus & causis quas præstanti ingenio viri adduxerunt, quæque adduci possent, breuitatis ergo prætermisissis, ego ita censendum arbitror, antiquos nempe omnes, tum Græcos tum Latinos, omni prorsus suadente iure, dexteram semper sinistra digniorem existimasse: sed hoc tantum inter eos esse discriminis, quod Græci locum dexterum in ecclesiis, in choris, in omni corona atque confessu, eum esse censuerint, qui è regione ad dexteram in ingressu situs est; Latini verò, qui in egressu. Quod autem Græci non minùs quàm Latini dexteram sinistra digniorem esse putauerint, firmum argumentum prisca illa ad hanc usque diem à recentioribus Græcis obseruata esse poterit consuetudo; qua dum Crucis signo sese cōmuniunt, postquam manum ad frontem, indeq; ad pectus descendendo deduxere, dicentes, *In nomine Patris, & Filij, eandem postea contra Latinorum ritum, à dextero ad sinistram humerū transferunt, dicentes, & Spiritus sancti. Amen.* At quoniam eorum in hoc rectius sentiant, non est pro loci huius angustia & tempore differendum.

De pretiosa vita-  
lisque Cru-  
cis venera-  
tione, circa  
finē Tom. 1.  
*Quomodo  
Petrus cō-  
stitutus ad  
sinistram, &  
Paulus ad  
dexteram.*

Annalium  
Tom. 3.  
anno Chri-  
sti 325.

D Imago autem Pauli Apostoli in superposita Rauennatensi pictura, duo volumina manu gestat, quæ vetus & nouum Testamentum designant; illud innuens, utriusque eum ad Gentes prædicatorem, expositorem, ac doctorem extitisse. Sancti verò Petri simulacrum clauis manu protendit, ad clauis Regni cælorum alludens, quæ à Christo Domino ei & successoribus eius dumtaxat, non autem alij cuiquam datæ sunt. Quod sanè recentioribus hæreticis, licet tam multa scire profitentibus; reuerà autem plura ignorantibus, documentum esse poterit; qui magna irrisione illud cauillari solent, cum diui Petri manibus, & sub Romani Pontificis eius legitimi successoris tiara clauis appositas conspiciunt, asserentes, quod animo & intelligentia tantum, non autem oculis percipi potest iurisdictio aperiendi & claudendi, ligandi quæ & soluendi, quam Dominus illi dedit, ideoque absurdum esse, corporeis pictisque clauibus eam


*Insignia  
imaginum  
SS. Petri  
& Pauli  
explicata.*

*Clauium  
diui Petri  
eiusque le-  
gitimi suc-  
cessoris pi-  
ctura, ad-  
uersus hæ-  
reticos as-  
serta.*

osten-



ostendere velle; discantque ex hac imagine iam ante mille annos picta, vt diximus, vetustissimam esse clauium picturam, & aliquando tandem fateantur, quod ab Ecclesia Romana fit, (quamquam ipsi aut originem aut rationem non capiant, vel certè eam capere nolint) esse tamen id antiquissimum, atque adeò ab Apostolicis institutis ductum & obseruatum. Nihil sanè, Deo ipso excepto, magis incorporeum est, quàm Angeli; diuino tamen iussu, Moyses Cherubinos aureos fecit ex vtraque parte oraculi, vt alis suis vtraque Propitiatorij latera contingerent. Et Salomon postquam templum, cuius ædificationem diuino Spiritu afflatus susceperat, perfecisset, duos Cherubinos ex ligno oliuarum construi iussit, quorum decem pedum altitudo singulorum erat, quos cum auro texisset, in oraculo statuit, in ipsiusque templi intimam partem inuexit, vbi testamenti arcam collocandam decreuerat. Sed ad gemmatas Cruces reuertamur. Insigne admodum & notatu planè dignum gemmatarum Crucium monumentum, quas prisci Christiani pingere & sculpere cõsueuerant, perstat pariter adhuc Romæ, in elegantissimo & antiquissimo musiuo absidis ecclesiæ sanctæ Pudentianæ, quæ Titulus Pastoris olim fuit nuncupata; quod in antiquitatis suæ & operis excellentiæ venerationem ex parte superstes relictum est à bonæ memoriæ Henrico Cæterano Cardinale Illustrissimo, eiusdem antiquissimi ac deuotissimi templi hoc æuo nostro instauratore generose atque magnifico; in cuius musiuo & curuatæ absidis medio, magna quædam gemmata Crux huius formæ conspicitur.



Roma in  
templo san-  
ctæ Puden-  
tiane, Cru-  
cis gemma-  
ta typus.

In vita  
Hadriani  
Papæ I.

Musiuum autem antedictum, Hadriano Papa Primo iubente, constructum est; qui circa trigessimum secundum Constantini Copronymi Imperij annum, ad summi Pontificatus culmen est euectus; obiit verò salutis nostræ septingentesimo nonagesimo quinto circiter ineunte. Idque apertè colligitur ex vetusto Anastasij Bibliothecarij codice manuscripto, qui extat in Bibliotheca Vaticana, vbi legitur, eundem Hadrianum Papam Primum, ecclesiam prædictam sanctæ Pudentianæ ruinis pænè iam obrutam instaurasse. Ipsius Bibliothecarij hæc sunt verba: *Immo & Titulum Pudentis, id est ecclesiam sanctæ Pudentianæ in ruinis positam, nouiter instaurauit.* Ex quo euidenter perspicitur, deceptos quosdam, qui idem musiuum opus ab Hadriano Papa Tertio constructum fuisse opinati sunt, & id etiam litteris ad posterorum memoriam commendarunt: errore ducti ex coniectura & falsa interpretatione, quam tribuere voluerunt signo cuidam, siue nominis notæ, quæ sub ipsius absidis arcu conspiciebatur, litterarum characteribus hoc pacto connexis **HRD**; quorum sensum hunc esse putarunt, *Hadrianus Tertius*; cum reuera tamen Hadrianum Primum innuere vellent: vt verisimilius conicitur non solum ex litteris quibus nota ipsa contexta erat, sed ex ipsius Bibliothecarij verbis. Dum enim asserit, Hadrianum Primum eandem ecclesiam iam in ruinis positam instaurasse, consequenter etiam creden-



**A** credendum est, eundem Pontificem absidem quoque illius, & musium quod ad hanc usque diem ex parte ibi cernitur, construxisse. Non enim verisimile videtur, in centum, vel paulò longiori annorum spatio, quod inter Hadriani Primi & Tertij Pontificatum intercessit, musium ipsum adeò collapsum atque absumptum fuisse, ut illud Hadriani Tertij postea temporibus denuò cōstruendum fuerit. Adde quòd ipsius musii operis elegantia apertè indicat ab Hadriano Primo omnino extructum fuisse, cum illius ævo pictura & sculptura, ceteræque ingeniorum artes nondum à suæ excellentiæ nitore & candore tantum exciderant, ut enormiter nimis postea Hadriani Tertij temporibus excidère, in quibus ad hebetem ac stupidam prorsus imperitiam deueniunt. Quinetiam si Cardinalis Baronij sententiam in hoc sequi velimus, longè maior antiquitas eidem musio tribuenda esset. Ex his enim quæ in Annalibus suis scribit, huic opinioni se inhæsisse ostendit; musium nimirum hoc, à Siricio Papa constructum fuisse, qui paulò minùs quadringentis annis Hadrianum antecessit, sententiæ huius suæ fundamentum iaciens (ut ego quidem reor) in quibusdam sectilibus tabulis marmoreis, quæ circum eiusdem ecclesiæ presbyterium erant, antequam Illustrissimus Cardinalis Caëtanus illam instaurasset, quibus Siricij nomen erat insculptum: quæ quidem aliunde illuc translata & appositæ tum fuisse videntur, cum Hadrianus Papa Primus eandem ecclesiam renouaret; quem constat musium quoque ipsum, ut diximus, construxisse. Cuius rei authenticam fidem astruunt Anastasij Bibliothecarij verba; longè quoque certior ipsius Hadriani nominis nota, quæ eodem opere musio compacta, sub arcu ipsius absidis cernebatur, ut pariter ostensum est.

Annal. Tomo 4. anno Christi 395.

**C** Quam autem pia & generosa illa priscorum Christianorum consuetudo Cruces gemmis & lapillis pretiosis illustrandi Deo grata & accepta fuerit, apertè conici potest ex eo quod Alfonso Secundo Hispaniarum Regi contigit, cui ob castam ac cælibem vitam, Casti cognomentum inditum. Hic enim optimus Rex, cum Oueti, ubi tum Regia erat, insigne ac sumptuosum templum in sancti Saluatoris honorem ædificasset, cuperetque id multis & exquisitis ornamentis, prout loci dignitas & maiestas postulabat, insignire; inter cetera, magnā quandam auream Crucem construere, illamque plurimis ac pretiosis gemmis, quas habebat, illuminare cogitavit. Quapropter peritissimos vndeunque exquiri & accersiri iussit aurifices, qui operi huic conficiendo egregiam operam navarent. Dumque hæc agigaret animo, ecce manè quodam egredienti è templo quod extruxerat, postquam Sacris interfuisset, Regiamque repetenti, duo elegantissimi iuvenes, qui sub humana specie Angeli erant, illi occurrerunt, & sese primarios esse aurifices, desideriumque eius percepisse asserentes, Crucem illam ad voti ipsius integram satisfactionem construere spondebant. Rex qui id vehementer exoptabat, pergrato animo illos excepit. Re igitur cum iuuenibus communicata, tantum auri illis tradi mandavit, quantum ipsi necessarium esse dixerunt, & multitudinem gemmarum omnis generis ad Crucem illam conficiendam, & regio ornatu illustrandam. Habitacula, officinam, instrumenta, & omnia quæ opus esse videbantur, intra Palatium assignavit. Die verò sequenti familiares nobiles aliquot suos misit exploraturos, an manus operi ad-mouere cœpissent. Hi confestim reuersi, Regi nuntiarunt, domum reperisse desertam, aurificesque nusquam comperisse; verum Crucem iam absolutam & perfectam inuenisse, tanto splendore fulgentem, lucidosque adeò radios iaculantem, ut eam fixis oculis intueri nequissent. Rex nouitate rei permotus, ingenti admiratione obstupescens, protinus magna nobilium aulicorum manu comitatus, aurificum cubacula festinanter adiit; ubi eos re ipsa abscessisse compe-

Alfonse Regis Crucem auream & gemmatam construendi singulare desiderium.

Quod ipsi Angeli incomparabili & diuino prorsus artificio expleuerunt.



rit, Crucem verò ibi relictam, & miro fulgore micantem conspexit, admira- A  
biliq̃ue adeò & excellenti artificio elaboratam, quanto per manus hominum  
multis annis absolui nequisset; neque verò eam venustatem & pulchritudinem  
citra diuinum miraculum humana industria attingere potuisset. Quamobrem  
pius Rex Dei erga se benignitatem & fauorem apertè agnoscens, in gratias &  
preces se totum effudit; Cruceq̃ue Angelica magna veneratione adorata, loci  
Episcopum accersuit; Cleroq̃ue & populo conuocato, soleinni pompa è pala-  
tio Regio Crucem in templum sancti Saluatoris deduxit; ipse quoque propriis  
manibus in ara sacræ illius ædis maxima reuerenter collocauit. Hanc autem  
planè admirabilem historiam complures auctoritate graues Scriptores, qui de  
rebus Hispanicis scripsere, prosecuti sunt; & inter eos præcipuè Rodericus Xi-

<sup>a</sup>Lib. 4. c. 9.

<sup>b</sup>In Anace-  
phalæosi  
Hispan.

<sup>c</sup>De signis  
S. Crucis,  
cap. 35.

<sup>d</sup>Annal.

Tom. 9.

anno 791.

<sup>e</sup>Lib. 13.

cap. 38.

menes Toletanus Archiepiscopus <sup>a</sup>; Lucas Tudensis Episcopus in Chronicis  
Hispaniarum; Ambrosius Morales in vita Alfonsi Casti; Alfonsus à Cartage-  
na Burgensis Episcopus <sup>b</sup>; Vaseus in Chronicis Hispaniæ, Alfonsus Ciaccon <sup>c</sup>, ac B  
demum Cardinalis Baronius <sup>d</sup>; aliiq̃; perinulti. Hæc Crux Angelicis manibus fa-  
bricata, inscriptiones quasdam habet incisas, quas Morales <sup>e</sup> præcipuè exscripsit  
& annotauit. In cornu superiori hæc verba leguntur:

SVSCÉPTVM PLACIDE MANEBIT HOC

IN HONORE DEI.

OFFERT ADELPHVS HVMLIS

SERVVS CHRISTI.

In sinistro verò ac dextro cornu hæc alia quoque verba cælata sunt:

QVISQVIS AVFERRE PRAESVMPSERIT MIHI,

FVLGINE DIVINO INTEREAT IPSE,

NI LIBENS VOLVNTAS DEDERIT MEA.

HOC OPVS PERFECTVM EST ERA DCCCXXVI.

Et in inferiori stipite hæc item verba sunt insculpta: C

HOC SIGNO VINCITVR INIMICVS,

HOC SIGNO TVETVR PIVS.

Scribit idem Anastasius Bibliothecarius, Carolum Magnum, qui à Leone  
Papa Tertio Romanorum Imperator declaratus, vnctus & coronatus est, inter  
cetera regia dona quæ diuersis Vrbis ecclesiis obtulit, magnam Crucem auream  
hyacinthinis gemmis ornatam basilicæ Lateranensi donasse, Pontificemq̃ue  
obsecrasse, vt in suæ ipsius pietatis memoriam, illam in Litaniis semper ante Pa-  
pam deferri iuberet. Quam postea Crucem temporibus Paschalis Papæ Primi  
à latronibus furto surreptam, Leo Quartus restituit, altera scilicet eiusdem for-  
mæ constructa, & lapillis pretiosis pariter illustrata, vt in Litaniis & Processioni-  
bus, consueto more, ante Pontificem deferretur. Eiusdem autem Bibliotheca-  
rij hæc sunt verba: Idem verò beatissimus & summus Præsul Leo Quartus, cum gau-

*Crux au-  
rea & gem-  
mata Leoni  
Papa III.  
à Carolo  
Magno ob-  
lata, vt in  
Litaniis  
deferretur.*

*In Vita  
Leonis IV.*

dio & nimia delectatione, omnia ornamenta siue alimenta, quæ inde deleta fuerant, noui- D  
ter reparauit, & ad vsum pristinum magnificè vocauit. Nec non & Crucem ex auro pu-  
rissimo gemmis ornatam, quam Carolus pia recordationis Imperator Francorum & Roma-  
norum in basilica Saluatoris Domini nostri Jesu Christi, quæ Constantiniana nuncupatur,  
temporibus Domni Leonis sanctæ recordationis Tertij Papæ obtulerat, quæ mos erat vt  
in Litaniis ante sacratissimū Pontificem ipsa præcederet, & sic permansit vsq̃; ad tempus  
sanctæ recordationis Domni Paschalis Papæ, vnde diabolica suggestionē atq̃; insigationē  
à malis extorta est, & eadem à latronibus nocte per furtum ablata est. Et nullus deinceps  
prædecessorū Pontificum, tam Domnus Paschalis, quàm Domnus Eugenius, siue Domnus  
Valentinus, seu Domnus Gregorius, necnon & Domnus Sergius reco- datus fuit, vt eam  
restauraret, & ad vsum sanctæ Romanæ Ecclesiæ pararet: sed idem præfatus & magnificus  
Præsul



A *Præsul fecit ex auro purissimo, & miræ magnitudinis margaritis & gemmis hyacinthinis & prasinis ornavit, & ad usum pristinum sanctæ Romanæ Ecclesiæ mirificè decoravit.*

Idem quoque Leo Papa Quartus, Crucem quam subdiaconi Apostolici ante Papam deferre solent, cum equitat, vel quandoque pedester incedit, de nouo instaurari & gemmis illustrari iussit, ut idem Bibliothecarius affirmat, hoc modo: *Fecit idem benignissimus Crucem auream à nouiter; & ipsa Crux, ut mos antiquitus à subdiaconibus manibus deferrebat, ante equum prædecessorum Pontificum, Deo iuvante, in auro & argento, in gemmis melius renouavit.* Ex quibus verbis colligitur, quod Crux ante Pontificem deferri solita, antiquitus erat gemmata; quod nostris temporibus exoleuit. Scribit propterea idem Bibliothecarius, eundem Leonem Papam Quartum, post direptam à Barbaris Vaticanam basilicam, inter cetera quæ in ea restituit, magnum argenteum Crucifixum inauratum hyacinthisque decoratum construere fecisse; sic enim ait: *Fecit etiam idem beatissimus Præsul, post depredationem Sarracenorum, in ecclesia beati Petri Apostoli, Crucifixum miræ magnitudinis constructum, cum gemmis hyacinthinis, de argēto purissimo exauratū, pens. lib. cxx.*

*Crux gemmata ante Pontificem deferri olim solet.*

B *Quanta autem fuerit priscorum Christianorum generositas & magnificentia in Crucibus construendis, luculentissimū testimonium perhibet pretiosa illa & inæstimabilis Crux, quam Sarraceni occupatores Sezerinæ Mesopotamiæ urbis, Ioanni Comnenō Constantinopolitano Imperatori tradidēre, ut eiusdē ciuitatis obsidionem solueret. Erat enim Crux illa vnā cum Crucifixi imagine, pretiosa quadam gemma exsculpta, quam lychnitē appellant, quæ species quadam carbunculorum est; ideo sic dicta, quod splendor eius accensæ lucernæ penē instar refulgeat. De qua Plinius: Ex eodem genere, inquit, ardentium carbunculorum lychnites appellatur, à lucernarum accensarum præcipua gratia. Tantæ enim venustatis & pulchritudinis gratiam Crux illa referebat, ut eius aspectu oculi expleri nequirent. De eadem enim Nicetas Choniates historicus in Annalibus ait: Et ante hæc, Cruce elegantissima in manus sumpta, cuius nihil simile visum est, in lychnite gemma exsculpta, summoque artificio diuinæ imaginis expressa similitudine, cuius aspectu oculi satiari non poterant. Aiebant autem Sezerini, maiores suos olim Cruce illa radianti inter cetera munera Imperatori oblata, capto Romano Diogene Imperatore, eiusque vallo expugnato, & Imperatorio tabernaculo direpto, potitos fuisse.*

*Crux in lychnite gemma exsculpta.*

*Natur. hist. lib. 37. c. 7.*

C *Verum de Crucibus gemmatis, quas prisci Christiani pingere & sculperre consueuerant, notatu planè dignum testimonium nobis perhibet Crux illa musiuo opere constructa, quæ olim extabat in medio absidis antiquissimæ basilicæ S. Petri Romæ, quam magnus Constantinus Imperator extruxerat; cuius musiuum, cum vetustate iam consumptum esset, ab Innocentio Papa Tertio instauratum est, ut Platina aliiq; Scriptores tradidēre. Inter quos Onuphrius Panuinus in suo De præcipuis Urbis Romæ basilicis Tractatu, de eadem basilica inquit: Innocentius III. Papa absidiæ musiuum antiquum vetustate consumptū restituit, Christi Sanctorumq; figuris exornauit. Et rei huius fidē astruebat ipsius Pontificis imago, quæ in eadem abside ad dexteram Crucis, quam diximus, aureis litteris nomen eius exprimentibus, cernebatur. Quam absidem his ego oculis integrā vidi, antequam dirueretur, Sixti Papæ V. temporibus, qui postquam eiusdē sacrosanctæ basilicæ maioris pinnaculi fornicem, in eternū honorem & gloriam suam concamerasset; eandem absidem siue tribunam dirui iussit, quò noua basilica, eo impedimento sublato, expeditior ac liberior esset. Sed antequā tribuna ipsa solo æquaretur, diui Petri Canonici, eiusdē exemplar in charta pergamena delineari & coloribus pingi curarūt; & sub eo à Notariis publicis instrumentum authenticum confici, quo plena & indubitata fides astruitur, tribunam antedictā typo & exemplari illi similem extitisse; illudque generosa planè ac pia curiositate in*

*In Ioanne Comneno.*

*Crux gemmata musiuo opere à Constantino Magno constructa.*

D *Fff 2*

*basilica*



basilicæ archiuo ad posterorum memoriam asseruant; cuius ego etiam aliud A  
exemplar ab illo desumptum, magna veneratione domi meæ custodio, in quo  
Crux, de qua agitur, graphidi huic, quam in piorum Lectorum gratiam da-  
mus, omnino similis est.



B

C

Cernitur ibi Crux multis gemmis illustrata, in ara quadam super basilicum  
puluinar, magno decore ac maiestate sub sacris sumptuosisque tensis constituta.  
Et ante arā ipsam ad Crucis basim adest Agnus, Christum Dominum figuratē  
designans, & super montem positus; qui quidē in dextera sui pectoris parte per-  
fossus, ingentē sanguinis copiam in calice quodam profundit: cumq; in singulis  
etiam quattuor pedibus vulneratus sit, ab eisdem & à calice prædicto quinque  
egrediuntur riuī, qui ad montis radicem defluentes, quasi stagnum siue flumen D  
magnum efficiunt, quod omnia vndeque circumdat & abluit. Qua imagine  
quinque illa præcipua innuuntur vulnera, quæ immaculatus Dei Agnus in Cru-  
ce super Caluariæ montem accepit; è quibus pretiosus ille sanguis effluxit, qui  
pro totius mundi redemptione profusus culpas nostras absterfit. Cruor autē ab  
ipsius Agni pectore profluens & in calice susceptus, sanguinem illum significat,  
qui in sanctissimo altaris Sacramento, quod originem & virtutem traxit à san-  
guine pretiosissimo iam à Christi latere pendentis in Cruce defluente, quotidie  
offertur in calice, & in sancta Ecclesia Catholica sumitur, quiq; indies nostra  
etiam peccata delet. Ad quam imaginem & sanctæ Crucis figuram alludens  
idem summus Pontifex Innocentius Tertius, inquit: *Non enim solum lauit nos*  
*Christus*

*Sensus my-  
stici supra-  
posita ima-  
ginis.*

*Mysteriorū  
Missæ lib. 4.  
cap. 44.*



A *Christus à peccatis nostris in sanguine suo, quando sanguinem suum fudit pro nobis in Crucis patibulo: verum etiam quotidie nos lauat à peccatis nostris in sanguine suo, quando eius sanguinem nos accipimus in calicis poculo.*

Illud tamen sciendum, quòd licet antedicta Crucis imago vnà cum ceteris musiuis signis absidis basilicæ sancti Petri, tempore Innocentij Papæ Tertij, vt diximus, constructa fuerit, quando illam instaurauit, constanter tamen creditur, eadem signa ad eorum prorsus formam redintegrasse, quæ iam inde à magni Constantini temporibus constructa fuerant. Cuius rei firmissimum argumen-

*Cur Cruces  
olim multa  
sine imagi-  
ne Crucifixi.*

B collectas & oratoria ipsorum quandoque ingredientibus, vt Euangelicam doctrinam audirent, cum ibi Crucifixi hominis imaginem adorari conspicerent (quo horribile planè spectaculum illud oculis eorum ingerebatur, quod forsitan illo ipso die, vel paulò antè in scelestissimorum hominum supplicium iure illatum viderant) grauiter offensi, & ingenti horrore perculsi, inde protinus aufugiebant. Quamobrem vt ad salutis & redemptionis nostræ mysteriorum aspectum & contemplationem, quæ in Christi Domini Cruce & morte consistunt, illos paulatim magna charitate allicerent, nudam Crucem sine Crucifixo pingere & sculpere cœperunt, ac pro ipso Crucifixo, Agnum quandoque Crucis basi siue lateri appingebant vel insculpebant; illumque quinque vulneribus transfixum, vt in prædicta imagine cernitur, aliquando effingebant. De quibus vetustissimis Crucibus sanctus Paulinus Nolanus Episcopus in quadam epistola innuere voluit, cum dixit:


*Ad Sulpitiū  
Seuerum  
Epist. 12.*

C *Sub Cruce sanguinea niueo stat Christus in Agno.*

Hisquæ duabus figuris & imaginibus nempe Crucis & Agni, admirabile & sanctissimum sacrificium illud symbolicè designabant, & excellenter exprimebant, quod vnigenitus Dei Filius factus homo, in peccatorum nostrorum expiationem æterno Patri obtulit: pro Cruce quidem aram, & pro Agno innocentissimam humanitatis Christi victimam in ea oblatam ostendentes. Quod idem Paulinus paulò post innuere pariter voluit, subdens:

*Sanctam fatentur Crux & Agnus victimam.*

Neque in ecclesiis tantum & in oratoriis præsci Christiani Cruces cum Agno ad basim siue ad latus, vt diximus, pingere & sculpere consueuerant, sed & mortuorum suorum sepulturis similes quoque figuras seu imagines apponebant. In cuius consuetudinis monumentum, quidam marmorei pili siue sarcophagi ad hanc vsque diem Romæ reperiuntur, qui Heroum Christianorum extitè sepulchra; in quorum aliquibus Agnus cum Cruce in capite insculptus conspicitur; in quibusdam verò, idem Agnus, qui Christi nomen duabus Græcis litteris, nempe X & P, expressum gestat in capite. Ipsius verò P truncus siue stipes recta quadam linea sic per medium intersectatur, vt Christum Dominum in Cruce ingeniosè designet, vt hîc conspicitur.



*Agnus cum  
Cruce in ca-  
pite, Chri-  
stum cruci-  
fixum de-  
signat.*



Id autem piissimi optimique illi prisci Christi fideles faciebant, ad agnum A illum alludentes, qui Deo iubente à filiis Israël immolatus est in Ægypto, cum à durissima atque acerbissima seruitute illa discessuri essent; cuius sanguis, quo domorum suarum postes illiniuerant, ab occisione eos seruauit, quam Angelus percutiens in primogenitos Ægyptiorum exercuit. Qui quidem agnus typus & figura fuit innocentissimi Agni Christi Domini, qui pro nostra salute in ara Crucis oblatus, ab horribili ac miseranda diaboli seruitute nos liberauit: cuius sanguine sacratissimo, quicumque viua fide per sanctæ Ecclesiæ Catholicæ Sacramenta legitimè signatus erit, æternam ac tremendam interuicem euadet, quam in die iudicij de reprobis idem diabolus faciet, qui cum sit & tunc præcipuè erit diuinæ iustitiæ minister, Angelus percutiens dici potest.

Hic est mansuetissimus Agnus ille, quem Spiritus sanctus ad Crucis lanienam super Caluariæ montem deducendum Isaia Prophetæ commonstrauit, qui non secus ac si tonderetur, os suum aperire non debebat. Quare de eo inquit: *Sicut ouis ad occisionem ducetur, & quasi agnus coram tondente se obmutescet, & non aperiet os suum.* Atque hic ille pariter est, in cuius persona Ieremias ait: *Et ego quasi agnus mansuetus, qui portatur ad victimam, & non cognoui;* id est peccatum: nam licet non solum peccatum nullum umquam fecerit, sed ne quidem cognouerit, Pater æternus tamen illum pro nobis peccatum fecit, ponens super eum omnia peccata nostra, ut nos iustificaremur. quamobrem inquit Apostolus: *Eum, qui non nouerat peccatum, pro nobis peccatum fecit, ut nos efficeremur iustitia Dei in ipso.* Hicque est benedictus Agnus ille à sanctis Patribus, & cunctis gentibus desideratissimus, in quorum persona sanctus Isaias Prophetam Deum precabatur, ut missionem eius accelerare dignaretur, cum ait: *Emitte Agnum Domine, dominatorem terræ, de petra deserti ad montem filia Sion.* Quibus verbis non solum ardentissimum desiderium illud expressit, quo sancti Patres de veri Messia Christi Domini aduentu tenebantur; sed etiam Hebraicæ Synagogæ reprobationem, & sanctæ Ecclesiæ vocationem innuit, quasi diceret: Mitte nobis quantumcunque Domine vnigenitum Filium tuum, Agnum innocentissimum, cæli terræque dominatorem & creatorem, qui à petra deserti secundum carnem egressus, id est à pertinaci ac dura Hebræorum Synagoga, quæ ob eius perfidiam ac duritiem illum non recipiet (vnde meritò deserta ac derelicta remanet) à monte filia Sion, id est à sancta Ecclesia Catholica piè recipietur, omni que debita ueneratione & cultu tamquam verus Dei Filius adorabitur. Et postquam beata temporum plenitudo aduenit, in qua æterno Patri misericordiarum Deo illum mittere placuit, gloriosus præcursor eius Ioannes Baptista, qui protinus illum agnouit, cum eum vidisset, digito demonstrauit, & inquit: *Ecce Agnus Dei, ecce qui tollit peccata mundi;* illum ipsum verè esse sciens, in cuius figura agnus quem diximus, pro populi Dei salute in Ægypto iam immolatus fuerat. Ad quorum institutum Chrysostomus: *Agnus, inquit, illum appellat, ut Isaiæ prophetiam Iudeis in memoriam reducat, & umbram etiam à Moyse representatam: ut per figuram magis eos ad veritatem alliciat. Ille quidem agnus nullius peccatum accepit; hic autem totius orbis terrarum: periclitantem enim mundum quamprimum ab ira Dei liberauit.* Hæc ille. Figura autem hæc eidem Christo Domino adeo grata extitit, ut postquam cælos conscendit, ubi sedet ad dexteram Patris, sub eadem Agni imagine, sæpè seruis suis seipsum ostendere dignatus sit; præcipuè verò dilectissimo discipulo suo Ioanni Euangelistæ, qui in diuina & admirabili Apocalypsis visione, in forma hac pluries illum conspexit, & plusquam triginta vicibus sub nomine hoc illum descripsit, tunc verò præsertim cum ait: *Et vidi, & ecce in medio throni, & quattuor animalium, & in medio seniorum, Agnum stantem tamquam occisum, habentem*

Isaia 53.

Jerem. 11.

2. Cor. 5.

Isaia 16.

In cap. Ioā-  
nis 1. Ho. 16  
Tomo 3.

Apoc. 5.



- A habentem cornua septem, & oculos septem, qui sunt septem spiritus Dei. Quasi occisum Agnum hunc vidisse se dixit, propter resurrectionem, quæ corruptionem præoccupans, sacratissimum corpus eius corrumpi non permisit; iuxta illud Regalis Prophetæ vaticinium: *Non dabis sanctum tuum videre corruptionem*. Licet <sup>Psal. 17.</sup> enim Christus Dominus corpus suum mortem videre passus sit, corruptionem tamen videre non permisit: sed ut ostenderet reuerà se mortem oppetiisse, resurrectionem per triduum distulit. Naturalium enim rerum obseruatores affirmant, humana defunctorum corpora, quæ combusta non fuere, incorrupta per triduum asseruari, vitæ naturali virtute in illis per hoc temporis spatium adhuc post mortem operante; sed post triduum putrescere. Eundem autem Agnum, <sup>Quid Agnus in Apocalypsi, habens cornua & oculos septem. Psal. 74. Psal. 111.</sup> cornua septem habere dixit, omnipotentiae & gloriæ eius vniuersitatem innuens. Septenarius enim, ut alibi ostendimus, vniuersitatis est numerus. Cornua verò potentiam & gloriam designant: quemadmodum, ut potentiam innueret, diuinus Psalter inquit: *Et omnia cornua peccatorum confringam*. Et ad gloriam significandam, subdit: *Et exaltabuntur cornua iusti*. Et alibi: *Cornu eius exaltabitur in gloria*. Dixit etiam, eundem Agnum septem habere oculos, illos septem spiritus Dei esse declarans, id est septem operationes siue dona Spiritus sancti; quæ sunt, sapientia, intellectus, consilium, fortitudo, scientia, pietas, & timor Dei. Quæ operationes, per eiusdem Agni sacratissimi gratiam, virtutem & efficaciam suam ostenderunt in omnes Sanctos, qui per vniuersum terrarum orbem extitêre.

- Fuit etiam hæc eadem sacra Agni figura, sanctæ Ecclesiæ Catholicæ, ipsius Agni sponsæ dilectissimæ acceptatissima, in cuius rei testimonium in antiquioribus Christiani orbis basilicis, præsertim verò Romæ, Christus Dominus in Agni forma & figura sæpissimè pictus conspicitur, ut fusiùs infra suo loco dicemus. Atque ad hanc vsque diem ipsa sancta Ecclesia in sacratoribus mysteriis, & in vrgentioribus necessitatibus suis, eidem sacrosancto ac benedicto Agno se ipsam humilibus precibus commendare consuevit. Quamobrem in sanctissimo Missæ sacrificio per sacerdotes suos se illi ter enixè commendat his verbis: *Agnus Dei, qui tollis peccata mundi, miserere nobis. Agnus Dei, qui tollis peccata mundi, miserere nobis. Agnus Dei, qui tollis peccata mundi, dona nobis pacem*. Et in Litanis siue supplicationibus, ad eundem Dei Agnum & Aduocatum nostrum apud Patrem pariter confugit, humiliterque illum deprecatur, ut per gloriosæ virginis Mariæ & Sanctorum eius intercessionem, nobis parcere, nos exaudire, nobisque misereri dignetur; inquit enim: *Agnus Dei, qui tollis peccata mundi, parce nobis Domine. Agnus Dei, qui tollis peccata mundi, exaudi nos Domine. Agnus Dei, qui tollis peccata mundi, miserere nobis*.

- Illud tamen animaduertendum, quòd licet in quibusdam veterum Christianorum Ecclesijs, mos ille nudas Cruces sine Crucifixo pingendi & sculpendi introductus diuque obseruatus fuerit; in alijs tamen Crucifixum etiam <sup>In quibusdam veterum ecclesijs non nuda tantum Cruces, sed Crucifixi etiam imagines.</sup> Cruci affixum appingi non omittebatur, per longissimum etiam tempus antequam crucifixio ipsa à pio & magno Constantino Imperatore, in Christi Domini venerationem ac reuerentiam, sublata esset. Idque diuersimodè probari potest. Probatum primò à diuina & admirabili illa ad Christianismum Placidi exercitus Traiani Imperatoris ductoris vocatione, qui in Baptismate postea Eustachius appellatus est. Cui die quadam ad venationem incumbenti, Christus Dominus inter cerui cuiusdam cornua in splendidissima Cruce suffixus apparuit, ad sanctam suam fidem eum inuitans atque conuertens. In cuius fidei testimonium, martyrium postea constanter sustinuit Hadriani Imperatoris temporibus, qui aduersus Christianos se crudelissimum ostendens, quasi alter <sup>Christus Cruci affixus apparuit S. Eustachio inter cerui cornua.</sup> Phalaris



Phalaris tyrannus, in candentem æreum taurum vnà cum vxore ac liberis eum A  
 iniici iussit. Cuius gloriosi agonis Acta ex vetustissimis manuscriptis desumpta,  
 Simeon Metaphrastes conscripsit, & ab Episcopo Lipomano<sup>a</sup> inter Sancto-  
<sup>a</sup>To. 6. sub rum ab ipso collectas vitas Tomo sexto relata sunt. De eisdem etiam Ioannes  
 die 20. Sept. Damascenus<sup>b</sup>, & Nicephorus Callistus<sup>c</sup> meminere. Ex qua apparitione licet  
<sup>b</sup>DeImagi- apertè non probetur, priscos Christianos iam inde à temporibus illis Christum  
 nib. orat. 3. Dominum Cruci affixum appingere atque insculpere consueuisse; firmissimè  
<sup>c</sup>Lib. 1. c. 29 tamen inde argumentari licet, Christo gratum valdè atq; acceptum, sub eadem  
 forma & imagine à fidelibus adorari; contra iniquam ac peruersam hæretico-  
 rum opinionem qui sanctam hanc & planè dignam consuetudinem criminari  
 non erubescunt neque horrent; falsò asseuerantes, nouam Papistarum inuen-  
 tionem, & idololatriæ speciem existere.

Probatur secundò eadem pia & sancta consuetudo à sancti Iustini Martyris  
 In Tertull. ac Tertulliani scriptionibus, vt Iacobus Pamelius in suis ad Tertulliani Apolo- B  
 Apologeti- geticum Notis fusè admodum differit. Probatur tertio ex his qui Minutius Felix  
 co, cap. 16. antiquus scriptor Ecclesiasticus scripsit, qui sancti Zepheryni Papæ & Seueri  
 Imperatoris temporibus floruit; cuius honorificam mentionem facit Hierony-  
 mus, in suo de viris Illustribus & Scriptoribus Ecclesiasticis catalogo. Is enim  
 in dialogo suo, cui titulus est Octavius, Cæcilio Christianæ religionis hosti in-  
 signi respondens, qui inter cetera Christianos criminabatur, quòd hominem  
 Cruci suffixum adorarent, inquit: *Nam quòd Religioni nostræ hominem noxium, &  
 Crucem adscribitis; trophæa vestra victricia, non tantum simplicis Crucis faciem, verum  
 & affixi hominis imitantur.* Hæc ille. Quem locum ad institutum hoc planè  
 ferium Ioannes etiam Molanus, in suo De sacris picturis & imaginibus Tracta-  
 tu, diligenter obseruauit.

Verum hæc ipsa eadem consuetudo euidentius probatur ex Actis sancti Pro-  
 copij Martyris, aliàs Neaniæ nuncupati, qui alter penè Paulus Apostolus à Chri- C  
 sto Domino ad sanctam fidem vocatus est. Dum enim magna militum manu  
 stipatus, à Diocletiano Imperatore missus, Christianos persequeretur, apparuit  
 illi in itinere, prope Apameam Syriæ vrbe, Cruci cuidam crysalli instar luci-  
 dissimæ suffixus: & ex persecutore sanctæ Ecclesiæ, strenuum defensorem, glo-  
 riosum Martyrem, & sanctæ fidei intrepidum testem effecit. Qui statim vt ad  
 Scythopolim vrbem appulit, Crucem auream & argenteam cum Crucifixo, ad  
 illius similitudinem quæ in itinere illi apparuerat, sibi construi curauit, eam-  
 demque pro pietate sua collo appensam gestare consuevit. Cuius etiam virtute,  
 insignem illam aduersus infideles adeptus est victoriam, quæ narratur in Actis  
 eius, in secundo Nicæno Concilio postea relatis, vt superius nono capite dixi-  
 mus. Ex quo dignoscitur & probatur, priscos Christianos iam inde ex eo tem-  
 pore Crucifixum non solum Crucibus appingere & insculpere consueuisse, sed  
 etiam ex deuotione collo appensum gestare cœpisse.

Quinimò Lactantij Firmiani temporibus, qui magni Constantini Impera-  
 toris primis annis floruit, dum in Imperij regimine solidè adhuc confirmatus  
 non esset, licet sub tyrannis Christianorum res diuexatæ ac turbidæ adhuc  
 fluctuarent, in ecclesijs tamen Crucifixi imaginem, loco planè conspicuo pro-  
 palam proponere cœpère, vt statim ab introeuntibus adoraretur; illam super  
 trabem, quæ sub arcu primario siue triumphali ex transuerso hinc inde proten-  
 ditur, statuentes; vel prope maiorem ianuam ad dexteram, statim cùm intratur  
 in ecclesiam; vt ad hanc vsque diem, in antiquis ac primariis quibusdam Ro-  
 manæ vrbis basilicis collocata conspicitur, præcipuè verò in sanctæ Mariæ ma-  
 ioris & sanctæ Mariæ trans Tiberim. Quæ quidem peruetusta consuetudo ex  
 eiusdem

Item Proco-  
 pio appa-  
 ruit, & ex  
 persecutore  
 gloriosum  
 Ecclesiæ  
 martyrem  
 effecit.



A eiusdem Firmiani scriptionibus, tum prosa tum carmine exaratis, apertissime comprobatur, ut superius libri huius octauo capite diximus.

His tamen non obstantibus, in quibusdam Christianorum ecclesiis, non tamen passim in omnibus, etiam post libertatem & pacem à magno Constantino Ecclesiæ redditam, & post crucifixionem ab eo sublatam, vetus illa consuetudo, nudas Cruces sine Crucifixo pingendi & sculpendi, per longum etiam tempus retenta est; donec Sexta Synodo Constantinopoli congregata, Agathonis *Sexta Synodi decretum, ut loco Agni, Christus deinceps crucifixus pingereetur.* Papæ & Constantini Imperatoris cognomento Pogonati temporibus, circa salutis nostræ octingentesimum octuagesimum annum, Patres qui eidem interfuere Concilio, considerantes gratiæ datorem Christum Dominum aduenisse, qui figuratus ille est, in quo omnes veteris Testamenti figuræ & umbræ terminauere; ideoque non amplius opus esse figuris, expressio ad id condito Canonē sanciuere, ut pro Agno, qui antiquitus Cruci appingi cōsueuerat, Saluator noster pro nobis Cruci affixus in forma humana appingeretur & insculperetur. Cuius Canonis verba, qui inter ceteros ab eadem Sexta Synodo promulgatos octuagesimus secundus est in ordine, ex Græcis Latina effecta, hæc sunt:

B *Inter nonnullas venerabilium imaginum picturas, Agnus, qui digito Præcursoris monstratur, depingitur, qui ad gratiæ figuram assumptus est; verum nobis per legem Christum Deum nostrum præmonstrans. Antiquas ergo figuras & umbras, ut veritatis signa & characteres Ecclesiæ traditos, amplectentes, gratiam & veritatem præponamus, eam ut Legis implementum suscipientes. Ut ergo quod perfectum est, vel colorum expressionibus omnium oculis subiiciatur, eius qui tollit peccata mundi Christi Dei nostri, instar hominis characterem deinceps pro veteri Agno statui iubemus; ut per ipsum, Verbi Dei humiliationem mente comprehendentes, ad memoriam quoque eius in carne conuersationis, eiusque passionis, & salutaris mortis deducamur, eiusque quæ ex eo facta est mundo redemptionis. Quæ verba refert etiam Damascenus in fine tertiæ Orationis suæ de Imaginibus.* *Canon. 82. Sextæ Synodi.*


C Et quamquam eiusdem Sextæ Synodi Canones non omnino firmæ ac solidæ auctoritatis existant: Canon tamen iste semper receptus fuit ab Ecclesia; præcipue verò ab Hadriano Papa Primo, ut ipsemet testatur in ea Epistola, qua Tarasij Constantinopolitani Patriarchæ Synodicæ Epistolæ responderet; ubi eundem Canonem magnis laudibus extollens, illum de verbo ad verbum refert, quemadmodum etiam summam refertur in Decreto: ibidemque declarat idem Pontifex, se sanctam Sextam Synodum, cum omnibus Actis eius, præcipue verò Canonem præfatum recipere. Verum quoniam eodem Canone non obstante, Christi fideles Agnum pro eiusdem Christi Domini figura pingere & sculpere non destiterunt, propterea iure optimo animaduertit ibi Glossa, prædicti Canonis verba ad Agnum illum referenda esse, qui ad Crucis basim appingi consueuerat; super quam Sextæ Synodi Patres sanciuere, ut pro eodem Agno Christus crucifixus in humana forma insculperetur vel appingeretur, non prohibentes tamen Agnum quoque ad basim eius insculpi, dummodo super Crucem ipsam Crucifixus præcipue sculptoris vel pictoris ministerio effingeretur. Quæ quidem Glossæ animaduersio, per uetustæ huic Christianorum ritui, magnam affert lucem; & est communiter recepta. Quamobrem Cardinalis à Turre-cremata, in hoc Decreti caput scribens, inquit: *Tertiò est responsio hæc in Glossa, quam ponit seu prosequi videtur Guilielmus in Rationali: ut hoc referatur ad picturam in Cruce, ut videlicet in Cruce Christus in figura hominis depingatur principaliter; quo depicto, non obstat si etiam in parte inferiori depingatur Agnus.* *Vide Belarminum de Imagin. lib. 2. cap. 12. In Epistol. summi Pontif. Tom. 2. De consecrat. distinct. 3. cap. 6. Sanctam. Explicatur Canon quo videri possit prohibita pictura Agni. Super Decreto De consecrat. distinct. 3. c. 6. Sanctam.*

Sed ad geminatas Cruces reuertentes, quas prisci Christiani pingere ac sculpere solebant, eius rei longè etiam illustrius ac magis insigne exemplum nobis prodit



*Crux gem-  
mata Roma  
in abside  
basilica La-  
teranensis.*

prodit elegans illa & mysteriis plenissima Crux, quæ in musæo maioris absi-  
dis sacrosanctæ Lateranensis basilicæ Romæ conspicitur. Quod musæum licet  
magna adeò antiquitate non nitatur, cùm Nicolai Papæ Quarti temporibus  
constructum fuisse constet; veritati tamen consonans, & communis omnium  
virorum quos res antiquaria delectat, opinio est, illud ab eodem Pontifice con-  
structum fuisse ad illius similitudinem, quod ibi antiquitus fortasse iam inde  
à magni Constantini Imperatoris temporibus aderat. Quæ mysteriis refertissi-  
ma Crux, de qua agimus, à vero eius prototypo fideliter desumpta, & diligenter  
delineata, talis est:



In summo autem eiusdem Crucis apice, columba alis apertis atque extensis  
cernitur, ex cuius ore vberimæ aquæ defluunt, quæ totum Crucis erectum  
stipitem



A stipitem irrigant; ad illud fortasse respicientes, quod sanctus Paulinus Nolanus Episcopus ad Seuerum Sulpitium scribens, piè, & vt Christianum decet, poëtice colludens dixit:

*Et per columbam Spiritus sanctus fluit.*

Epist. 12.

Ipsæ verò aquæ ad Crucis profundam basim fontem congerunt, ex quo quattuor emanant flumina; hisque quattuor paradisi terrestris fluuiorum nomina adscripta sunt, & in quattuor diuersas partes fluunt; quibus illud significatur, quod per profundum & admirandum Crucis mysterium, ab immenso & inexhausto diuinæ misericordiæ fonte vberima, copiosa, & planè iucunda spiritualium gratiarum permanent flumina, quæ vniuersas quattuor Orbis terrarum partes irrigant atque fecundant; ad quorum institutum Rupertus Abbas inquit: *Hoc pacto egressæ sunt aquæ largissimæ. Nihil verius; passo namque Christo fluxerunt aquæ Scripturarum, torrentes gratiarum Spiritus sancti inundauerunt.*

*Mysteria superioris Crucis gemmata explicata.*

In Numeros comment. lib. 2 cap. 7.

B Significantur etiam septem sanctæ Ecclesiæ Sacramenta, quæ à Cruce duxerunt originem, per quæ, omnia Spiritus sancti dona, omnesque gratiæ super iustos & electos defluunt: atque inter illa præcipuè sanctum Baptismatis Sacramentum, cuius salubres aquas super populos suos se effusurum pollicitus est Spiritus sanctus, vt ab omnibus inquinamentis & peccatis emundarentur, cum per os Prophetæ inquit: *Effundam super vos aquam mundam, & mundabimini ab omnibus inquinamentis vestris.* De quo sacrosancto fonte vnde hæc flumina feliciter manant, idem sanctus Paulinus Nolanus pio sanè metro sic pariter cecinit:

*Hic reparandarum generator fons animarum,*

*Viuum diuino lumine flumen agit.*

*Sanctus in hunc cælo descendit Spiritus amnem,*

*Cælestique sacras fonte maritat aquas.*

*Concipit vnda Deum, sanctamque liquoribus almis*

*Edit ab æterno semine progeniem.*

*Mira Dei pietas: peccator mergitur undis;*

*Mox eadem emergit iustificatus aqua.*

*Sic homo, & occasu felici functus & ortu;*

*Terrenis moritur, perpetuis oritur.*

*Culpa perit, sed vita redit; vetus interit Adam,*

*Et nouus æternis nascitur imperiis.*

Ad Seuerum Sulpitium, epist. 12.

C

In huius autem rei testimonium, nimirum per fontem & flumina ibi Baptismum innui, in eo ouatæ formæ circulo, qui in eiusdem Crucis centro situs est, licet sit media parte emarginatus, diuinus tamen Ioannes Baptista cernitur, qui Christum Dominum baptizat. Hic benedictus ac facer fons ille est in quattuor flumina diuisus, & per vniuersum terrarum orbem in Gentium salutem sese diffundens, quem ciuitatem Dei, sanctam scilicet Ecclesiam, lætificaturum & fecundaturum, iam in spiritu Regius Propheta præuiderat, cum ait: *Fluminis impetus lætificat ciuitatem Dei.* Ideoque sub ipsa Cruce, ibi

Psal. 45.

D

opere musiuo in ciuitatis forma efficta conspicitur sancta Ecclesia, vera supernæ ciuitatis & cælestis Ierosolymæ imago, viuusque terrestris Paradisi spiritualis typus, cuius sanctæ ciuitatis gubernator est ipse Christus. In cuius rei significationem in medio eius alta & eminens palma ibi conspicitur, victoriæ ac triumphæ arbor, & super eam Phoenix, qua Christus Saluator noster in Cruce apertè designatur. Quemadmodum enim Phoenix ipsa super palmam volans, ibique ardens moritur, & post mortem renascitur: ita Saluator noster, Crucis victoriosam arborem vbi conscendit, totus charitate conflagrans, pro-

*Phoenix super palmam volans, typus Christi resurgens.*

pter



pter ardentissimum suum in nos amorem mori voluit; & post mortem quasi **A**  
 mystica Phœnix resurgens, diabolum vicit & illigauit, mortem destruxit,  
 nobisq; æternam impertitus est vitam. Quod eum quandoque facturum, iam  
 antea per multa sæcula Spiritus sanctus innuerat, cum in eius persona inquit:  
 Cantic. 7. *Ascendam in palmam, & apprehendam fructus eius.* De hoc glorioso & planè ad-  
 mirando Christi facinore Lactantius Firmianus reuerà fortasse innuere vo-  
 luit, cum de Phœnice poëtice dixit:

*Tum legit aërio sublimem vertice palmam,  
 Quæ gratum Phœnix ex aue nomen habet:  
 Quam nec dente nocens animal perrumpere possit,  
 Lubricus aut serpens, aut auis ulla rapax.*

Christus enim Dominus, cælestis, gloriosa, & mystica illa Phœnix est, de qua  
 idem Firmianus concludens, reuerà dicere potuit:

*Æternam vitam mortis adeptus bono.*

Eiusdem verò ciuitatis Dei, id est sanctæ Ecclesiæ, custodes sunt Angeli; &  
 inter ceteros gloriosus ille cælestis militiæ Princeps Michaël Archangelus, qui  
 in eodem musiuo ante eiusdem ciuitatis ianuam euaginato ense stare con-  
 spicitur; ad Seraphinum illum alludens, quem ante terrestri Paradisi fores  
 Deus ipse constituit. Quorum sanctorum Angelorum cælestem custodiam,  
 Resp. post 2. Lect. ma- tutin. in Fe- ria 3. post 1. Dominica Nouemb. *semper orans, eadem sancta Ecclesia à Deo humiliter & enixè ad hunc mo-  
 dum efflagitat: Ciuitatem istam tu circumda Domine, & Angeli tui custodiant muros  
 eius.* Ipsiusque ciuitatis sanctæ protectores sunt sancti Apostoli; & inter eos  
 præcipuè gloriosi Principes Petrus & Paulus, quorum imagines super eiusdem  
 ciuitatis mœnia efficta cernuntur.

*Per ceruos, Gentiles designantur:* Duo denique cerui, & oues quædam siue agni ibidem conspiciuntur, qui  
 ad aquarum haustrum à sacro fonte dimanantium per quattuor illa flumina dis-  
 currentium auidè proficiscuntur. Quæ animalia, Gentiles populos designant, **C**  
 qui cum antea vera Dei agnitione orbat, & à vero vitæ ac salutis fonte longius  
 digressi essent, per sanctæ Crucis virtutem & Christi mortem, non salubri  
 tantum vnda Baptismatis, sed aquis doctrinæ & verbi Dei aspergendi, & ab  
 omni idololatriæ & peccati inquinamento mundandi & expiandi erant. Quo-  
 circa sanctus Hieronymus inquit: *Tunc omnis Gentilium turba cognoscet, quod ego  
 eos tollam de terris in quas dispersi erant, & reducam in terram Ecclesiæ; & effun-  
 dam super illos aquas doctrinæ & sermonis Dei: & mundabo illos ab omnibus iniqui-  
 tamentis suis, & ab vniuersis idolis atque erroribus quos in suo corde simulauerant.  
 Et dabo eis cor nouum, quod per peccatum perdiderant: & auferam cor lapideum, cor  
 incredulum; & dabo cor carneum, molle, & tenerum, quod Dei præcepta suscipiat,  
 ita vt ambulent in præceptis meis, & faciant iudicia quæ prius neglexerant.*

*Per oues, iusti & electi.* Per oues autem, quæ in eodem musiuo bibere conspiciuntur ex aqua quæ  
 per quattuor flumina ex fonte Crucis manantia fluit, iusti & electi Dei in- **D**  
 nuuntur; qui postquam aqua Baptismatis abluti ac dealbati sunt, & sæculari-  
 bus negotiis nuntium remiserunt, quasi tonsæ oues de lauacro ascendentes, in  
 charitatis operibus exercentur. De quibus Spiritus sanctus innuere voluit, cum  
 in sponsi Christi persona ad sponsam Ecclesiam inquit: *Dentes tui sicut greges  
 ouium, quæ ascenderunt de lauacro; omnes gemellis fetibus, & sterilis non est in eis.* Ad  
 quorum verborum institutum appositè sanctus Augustinus, *Intueor*, inquit,  
 in his verbis Sanctos, cum eos quasi dentes Ecclesiæ video præcidere ab erroribus homi-  
 nes, atque in eius corpus, emollita duritia, & quasi demorsos mansosque transferre.  
 Canticor. 4. & 6. *Oues etiam incundissimè agnosco detonsas oneribus secularibus, tamquam velleribus de-  
 positis, & ascendentes de lauacro, id est de Baptismate, creare omnes geminos, id est,*  
 duo

Canticor.  
 4. & 6.

De doctri-  
 na Chri-  
 stiana, li. 2.  
 cap. 6. &  
 in Psal. 94.



A *duo præcepta dilectionis, & nullum esse ab isto sancto fructu sterilem video.*

Confluenter etiam præfati Christiani in musivis & in picturis Ecclesiasticis Agnos effingere, ad sanctos Apostolos innuendos, ut in plerisque antiquarum ecclesiarum Romæ conspicitur. De quibus Agnis, latè ad hanc usque diem, sancta Dei concinit sic Ecclesia: *Isti sunt Agni novelli, qui annuntiauerunt, alleluia: modo venerunt ad fontes, repleti sunt claritate, alleluia, alleluia.* Quin plerumque, ut superius dictum est, ad Christum ipsum Dominum designandum, Agnum pingere consueverant. Cuius rei etiam in vetustioribus Romanæ urbis basilicis exempla quamplurima conspiciuntur: præsertim verò in antiquissimo templo sanctorum Cosmæ & Damiani; in cuius abside tredecim cernuntur Agni, ad fluminis ripam dispositi, qui Christum cum duodecim Apostolis significat; ad id alludentes, quod in Apocalypsi scriptum est: *Quoniam Agnus qui in medio throni est, reget illos, & deducet eos ad vitæ fontes aquarum.* Tu igitur o immaculate Agne, ac Pastor noster sancte & benedicte; ex cuius bonitatis & misericordiae profundo atque immenso fonte latissima gratiarum flumina manant; concede nobis obsecro, ut iisdem nos abluti, sic expurgati & mundati inde ascendamus, ut cum electis & candidis ouibus tuis in limpido & luminoso gloriæ tuæ fonte, hilares ac felices, sic saturari & expleri valeamus, ut veræ consolationis & iubilationis vocibus te laudantes, & una cum electis tuis tibi gratias agentes, in æternum dicamus: *Nos populus tuus, & omnes pascuæ tuæ, confite-*

Resp. 6. in Matutino de Cōmuni Apost. temp. Paschali.

Antiqua pictura tredecim Agnorum, Christi & Apostolis accommodata. Apocal. 7.

Psal. 78.

B *bitur tibi in seculum: in generationem & generationem annuntiabimus laudem tuam. Amen.*

### CAPVT XIII.

C *De Cruce, quæ magno Constantino Imperatori mirabiliter apparuit: de labaro, & aliis signis militaribus, quæ ad Crucis formam immutari iussit.*

D **DECREVERAT** benignus ac misericors Deus, in omnibus operibus suis sanctus & admirabilis, non tantum orbis terrarum caput, mundiue reginam Romam à truculentissima impij Maxentij tyrannide, & quod maioris ponderis erat, ab antiqua & horribili diaboli seruitute, atque ab idololatriæ miseranda cæcitate liberare; sed agitaram quoque & oppugnatam sanctæ Ecclesiæ navem, in tranquillitatem & pacem tandem vindicare. Quamobrem postquam pius & magnus Constantinus, Constantio patre demortuo, Imperator declaratus est, & communi applausu Augustus ab exercitu consalutatus; cum primum in paterno solio pedem firmasset, Romanique Imperij partem, quam pater rexerat, propria virtute atque armis pacasset, & Barbaros Rheno & Occidentali oceano finitimos tumultuantes fransset, demumque Britannos, quos Anglos nunc appellant, domuisset; diuino afflatus Spiritu, in vniuersum totius mundi ambitum, tamquam in corpus quoddam immensum; ut inquit Eusebius, aciem mentis intendens, & Urbem illam, quæ quasi caput mundi est, totiusque Romani Imperij moderatrix, tyranni seruitute oppressam perspicuens; vita sibi vitalis, ut ita dicam, non fore videbatur, si Urbem ipsam, omnium dominam & reginam, tam malè affectam & afflictam esse pateretur: quamobrem in ea paranda sedulo incumbere cœpit, quæ ad illam in pristinam libertatem vindicandam necessaria esse videbantur.

Verum quia ingens adeo & arduum id erat facinus, ut sine ope diuina expediri non posse videretur, diu noctuque mente secum agitabat, quisnam deo-

G g g rum



*Ardua de-  
liberatio  
Constanti-  
ni de dese-  
rendis diis  
Gensilium.*

rum in tanto negotio sibi adsciscendus esset. Dumq; in ea cogitatione sollicitus **A**  
& anceps diutissimè angeretur, hæc illi tandem in mentem subiit cogitatio: eo-  
rum nimirum plerosque, qui ante ipsum ad Imperij culmen euecti fuerant, licet  
in deos complures spem coniecissent, illosque summo cultu atq; innumerorum  
propemodum sacrificiorum victimarumque oblatione sibi propitios reddere  
studuissent; & quamquam in rerum omnium, tum publicarum tum priuata-  
rum administratione, tot auguria capere, totque oracula consulere consueuis-  
sent; violenta tamen ac truculentissima morte affectos, viuendi finem fecisse,  
nullis superstitibus liberis, nullaque propemodum tantæ maiestatis ac rerum  
amplitudinis firma ac stabili post eos relicta memoria; neque quemquam in  
tam multiplici deorum numero reperisse, qui efficacem opem & opportunum  
illis tulerit auxilium, quò tantam prolapsionem, ac miserabilem planè ruinam  
euaderent: solum patrem suum, qui diuersam prorsus ab institutis eorum  
viam secutus, vnum solum Deum cæli terræque conditorem adorauerat, toto **B**  
vitæ suæ spatio conseruatorem & custodem Regni, omniumque bonorum lar-  
gitorem comperisse. Quin etiam in mortis articulo magna consolatione illum  
permulcens, & ad honorificum ac felicem vitæ exitum in pace perducens, spe-  
cialis gratiæ dono illi concesserat, vt sese in proprio lectulo decumbentem, dul-  
ci legitimorum ac naturalium filiorum corona circumdatum cerneret; qui in  
paterna ditione & in Imperio illi succedentes, progeniem & nominis eius me-  
moriæ in longam annorum ac sæculorum seriem propagarent. Ex ha-  
rum igitur rerum assidua consideratione prudenter argumentatus est, in  
deorum illorum pluralitate ac multitudine magnam inanitatem ac menda-  
cium, in vnius autem solius Dei adoratione magnam veritatis solidita-  
tem, & veræ religionis cultum consistere. Quamobrem Deum illum solum,  
quem pater suus sanctè veneratus fuerat, omnino colendum atque adorand-  
um statuit.

*Crucis  
imago Con-  
stantinor-  
um celo osten-  
sa.*

Huic ergo se toto cordis affectu commendans, & opem eius suppliciter im-  
plorans, illum humiliter & enixè precatus est, vt quinam esset sibi significare  
veller, & expeditioni quam mente conceperat, adiutricem dexteram porrigere  
dignaretur. Dum igitur hæc obnixè flagitaret, & in hunc modum sæpè preca-  
retur; ecce die quadam, dum moueret castra, & sol luce serena ad medium  
cælum ascendisset, & iam iam ad pomeridianum paululùm declinasset, Cru-  
cis imaginem clarissimo splendore in cælo figuratam, soli que imminentem, re-  
pentè conspexit; in qua lucidissimis & valdè clarè apparentibus litterarum cha-  
racteribus hæc inscriptio cernebatur: ΕΝ ΤΟΤΩ ΝΙΚΑ: id est, IN HOC  
VINCE. licet Nicephorus Callistus asserat, inscriptionem illam stellarum  
ordine in Latinarum litterarum figuram connexarum effectam extitisse; qua-  
rum hic erat sensus: IN HOC VINCE. Ad cuius planè admirabilis visionis  
conspectum non Imperator tantum, sed vniuersus qui eum comitabatur exer-  
citus, qui que eandem clarè etiam prospexerat, ingenti admiratione obstupe-  
factus est. At magni Constantini animus, præter admirationem, ancipiti etiam  
dubitatione distrahebatur, nesciens quidnam ostentum illud tandem porten-  
deret. Dumque multiplici cogitationum motu mens eius conflictaretur, nox  
ingruit, in qua dormienti illi Christus Dominus signum illud iam cælo osten-  
sum deferens apparuit, præcipiens vt signi illius exemplar sibi construi iube-  
ret, eo que in præliis, & in hostium aciebus aggrediendis, tamquam præsidio  
vteretur. **D**

<sup>a</sup> Lib. 1.  
cap. 1.

<sup>b</sup> Lib. 1.

cap. 3.

<sup>c</sup> Lib. 7.

cap. 29.

Hanc admirabilem planè historiam complures auctoritate graues Scripto-  
res referunt, inter quos Socrates<sup>a</sup>, Sozomenus<sup>b</sup>, Nicephorus Callistus<sup>c</sup>, &  
alij



- A alij plerique; & ante hos omnes Eusebius Cæsariensis, qui testatur Imperato-  
rem ipsum Constantinum, cui familiarissimus erat, ore proprio sibi narrasse, & iureiurando affirmasse, visionem eandem talem prorsus qualem ipse ad  
posterorum memoriam litteris commendauit, conspexisse. Dumque eiusdem  
historiæ narrationem profecutur, addit, Constantinum, illucescente die, qui  
noctem illam insecutus est qua Christus ei apparuerat, confestim cum è strato  
surrexisset, visionis illius arcanum amicis exposuisse. Deinde verò præstantissi-  
mis artificibus, qui aurum & pretiosos lapillos affabrè connectere norant, ac-  
cerfatis, verbis & graphica delineatione, Crucis imaginem & formam quam  
conspexerat, illis insinuasse; præcepisseque, vt eandem auro ac gemmis appo-  
sita imitatione adumbratam, elegantissimo opere quantocyùs construerent.  
Quam Crucem sibi ab Imperatore ostensam, idem Eusebius vidisse se con-  
templatumque esse testatur; ideoque formam illius describens, sic tradit: *Erat*  
B *autem, inquit, talis figura fabricata. Hastile oblongum erectumque auro undique ob-*  
*ductum fuit, quod cornu habuit transuersum, ad formam Crucis constructum. Suprà in*  
*fastigio ipsius operis, corona affixa, lapidibus pretiosis & auro politè circumtexta. In*  
*ea salutaris appellationis Seruatoris nota inscripta, duabus primis litteris nominis Chri-*  
*sti (erat enim littera P in ipso medio litteræ X curiosè & subtiliter in hunc scilicet mo-*  
*dum & inserta) quæ totum Christi nomen perspicuè significarunt. Quas quidè litteras*  
*deinceps semper Imperator in galea gestare consuevit. Ad cornu illius particula quæ ex*  
*transuerso erat per hastile traiecta, velamen quoddam pertenuè appensum adhæsit, rega-*  
*lis videlicet & magnifica textura, mirabili varietate lapidum pretiosorum artificiosè*  
*coniunctorum, lucisque suæ claritate pulchrè resplendentium depicta & multo au-*  
*ro intertexta: quæ dici non potest, quantam spectatoribus ob suam pulchritudinem*  
*excitavit admirationem. Istud igitur velamen ad cornu affixum, longitudinis latitudi-*  
*nisque Crucis mensuram penitus exæquauit. Oblongum verò & erectum hastile in*  
C *sublimi appensum, cuius pars inferior versus basim longius ducta fuit, sub ipsum Cru-*  
*cis insigne ad texture discurrentis fimbrias, auream pî Imperatoris pariter ac liberorum*  
*suorum effigiem ad pectus vsque concinnè descriptam continuit. Isto igitur salutari signo*  
*Imperator, tamquam hostilis cuiusque & infestæ violentiæ propugnaculo semper vsus*  
*est: cuius expressæ similitudines, mandauit vt vniuersum exercitum perpetuò an-*  
*tecederent.*

De vita  
Constanti-  
ni lib. I.  
cap. 20. 21.  
22. 23. 24.  
25.

Quam ab  
artificibus  
exprimi, &  
auro ac gē-  
mis ador-  
nari iussit.

De vita  
Constantini,  
lib. I. c. 25.

Labarum  
exercitus  
Constantini  
primariū  
signum.

- Sic igitur Eusebius Crucem describit, quam Constantinus ad illius simili-  
tudinem, quæ in cælo ei ostensa est, construi curauit. Ex cuius verbis summa-  
tim conicitur, labarum ipsius Imperatoris exercitus signum primarium,  
hastile oblongum & deauratum extitisse, in cuius fastigio pretiosissima co-  
rona quædam affixa erat, in qua duæ primæ litteræ Græcæ nominis Christi  
nempe X & P inter se connexæ, eo scilicet modo ac forma, qua suprà osten-  
sum est, coaptatæ erant, & sub ipsa corona aliud transuersale lignum ad Cru-  
cis forinam, ex quo purpureum velum auro & geminis sumptuoso ac regio  
ornatu intertextum pendebat, sub cuius inferiori lembo, ad erectum & oblon-  
gum hastile ipsum, eiusdem Constantini & filiorum imagines vsque ad hu-  
meros erant affixæ. Quamquam aliorum opinio sit, imagines easdem non ha-  
stili quidem ipsi, sed velo insertas & Phrygio opere elegantissimo contextas  
extitisse: cui opinioni præcipuè adhæsit Nicephorus; testatur enim, labarum  
prædictum adhuc ad sua tempora in Imperatorio Palatio Constantinopoli-  
tanæ vrbs asservatum fuisse; ideoque illud in hac parte describens, sic aper-  
tè tradit: *Ex obliquo autem cornu, quod per hastam est impactum, velum aureum*  
sublime dependet, in quo imago aurea pectore tenus pî Imperatoris, liberorumque eius,  
pulchrè est expressa. Iuxta cuius sententiam, quam sequitur etiam Cardinalis

Li. 7. c. 29.



Baronius Imperatorium labarum antedictum, eius formæ, quam hîc graphicè delineatum damus, omnino extitisse constat.

*De forma  
Crucis quæ  
Constanti-  
no appa-  
rui, differ-  
tatio.*

Tale igitur fuit labarum, quod pius ac magnus Constantinus, ut diuinæ quam viderat visioni obtemperaret, construi iussit. Quocirca à nonnullis reuocatur in dubium, an pura Crux ei reuerà ostensa fuerit, vel illa duarum Græcarum litterarum concinna connexio, quibus Christi nomen & Crucis signum admirabili artificio exprimitur; ita ut Crux in

Lipoma-  
nus To. 6.  
Surius  
To. 5. sub  
die 20. Oct.  
Martyrij  
S. Artemij,  
cap. 29.

interrogaretur, sic illi respondit: *Ad Christum declinauit, ab illo vocatus, quando difficillimum commisit prælium aduersus Maxentium. Tunc enim ei in meridie apparuit signum Crucis, radiis solis splendidius, & litteris aureis belli significans victoriam. Nam nos quoque ipsi signum aspeximus, cum bello interessemus, & litteras legimus: quin etiam totus quoque id contemplatus est exercitus; & multi sunt testes in exercitu tuo.* Cuius Martyris Acta, à Simeone Metaphraste conscripta, ab Episcopo Lipomano, & postea à Surio inter Sanctorum vitas relata sunt.

Respons.  
Nicolai Pa-  
pæ Primi  
ad consul-  
ta Bulga-  
rorum, c. 33

Hanc autem opinionem sancta Dei Ecclesia videtur semper amplexata, ut ex Nicolai Papæ Primi verbis conicitur. Is enim Bulgarorum populis ad Christi Domini fidem tum nuper conuersis, qui in bellicis expeditionibus pro militari signo equinam caudam deferre consueuerant, sciscitantibus quodnam vexillum deinceps ferre deberent, sic respondit: *Constantinus igitur, cum multa secum de instantis prælij necessitate peruoluens, iter ageret, oculosque ad cælum sæpius eleuaret, & inde sibi diuinum precaretur auxilium; vidit per soporem ad Orientis partem in cælo signum Crucis igneo fulgore rutilare: cumque tanto visu fuisset exterritus, ac nouo perturbaretur aspectu, astare sibi vidit Angelos dicentes: Constantine, in hoc vince. Tum verò letus redditus, & de victoria iam securus, signum Crucis quod in cælo viderat, in sua fronte designat; & hoc in militaria vexilla transformat, ac labarum quem dicunt, in speciem Dominicæ Crucis.* Hæc ille. Sed animaduertendum est, Nicolaum Pontificem hoc loco intellexisse de ea visione quam Constantinus per somnium vidit, non autem de ea quæ per diem, spectante vniuerso exercitu, illi apparuit.

His tamen non obstantibus, inscriptionem quamdam antiquam marmori insculptam penes me domi habeo, quam à sanctorum Martyrum cœmeterio quo-



A

B

C

D



A quodam prope diui Sebastiani deuotissimam ecclesiam via Appia sito quandoque ablatam fuisse puto, quæ talis est:

IN HOC VINCES



SINFONIA ET FILIIS  
VIXIT ANN. XLVIII. MVDIII.

B Ex qua inscriptione aperte videtur conici posse, priscos Christianos opinionem illam imbibisse, signum nimirum Constantino in cælo commonstratum, hieroglyphicum illud quod ibi insculptum cernitur, non autem puram Crucem extitisse. Quin etiam rei huius longè magis vrgens testimonium, & grauiorem quamdam confirmationem nobis affert numisma quoddam Constantij Imperatoris, quod typis cusum circumfertur in Dialogis Antonij Augustini Tarraconensis Archiepiscopi, & in Cardinalis Baronij Annalibus: in cuius postica parte, eiusdem Constantij imago stans, & vexillum manu gestans conspicitur; à tergo ipsius imago Victoriæ, coronam capiti eius imponens. Et in eodem vexillo siue labaro nulla adest Crux, sed in velamine eius hieroglyphicum illud, in quo cum Cruce Christi quoque nomen habetur expressum, cum hac inscriptione: HOC SIGNO VICTOR ERIS. Quod quidem numisma firmissimum argumentum esse videtur pro his qui opinionem illam tueri nituntur, non Crucem puram, sed signum vel hieroglyphicum prædictum Constantino cælitus demonstratum fuisse, cum supponendum sit, Constantium ipsum optimè conscium extitisse eius visionis, quam pater eius & cunctus exercitus in cælo conspexerat; & quemadmodum hoc numismate ad diuinam visionem illam verbis alludere voluit, sic etiam figura atque imagine eandem quoque imitatum fuisse. Quod numisma est eiusmodi:

Constantij  
numisma,  
in quo cum  
Cruce Christi  
nomen  
expressum.



D

Verùm enimverò hæc disceptatio parui admodum momenti esse videtur, cum siue hoc siue illo modo, Crucem eidem Constantino omnino demonstratam fuisse constet: parum enim refert, an quis decussatam potius, quàm rectam Crucem illi ostensam fuisse credat. Ad quam nihilominus applaudentes quidam prisci Christiani, eorum etiam temporum quæ eidem Constantino valde proxima fuere, ipsius Græcæ litteræ P directum stipitem recta vna linea secare consueuerant; rectam quamdam hoc modo effingentes Crucem P. cuius consuetudinis nonnulla notatu digna inter Christi fidelium illorum sæculorum

Antiqua  
Inscriptiones  
cum nominis Christi  
& Crucis hieroglyphico.



antiquitatis monumenta, quæ ad hanc usque diem extant, exempla conspiciuntur. Inter quæ insignis admodum censetur quædam marmorea sectilis tabula, quæ Romæ extat in sacro loco, quem dicunt Confessionem, sub ara primaria ecclesiæ sanctæ Praxedis: quæ ex aliquo sacrorum cœmeteriorum ablata, ibique collocata tum fortasse fuit, cum Paschalis Papa Primus illam instauravit, multaque sanctorum Martyrum corpora, quæ in sacris cœmeteriis extra Urbis mœnia iacebant, in eandem ecclesiam transferri iussit. Cuius tabulæ & inscriptionis exemplar bona fide delineatum subiecimus.

DVLGIS B ET INNOCENS B HIC DORMIT SEVERIANVS P IN SOMNO PACIS.  
QVI VIXIT B ANNVS P. M. L. CVIVS SPIRITVS IN LVCE DOMINI SVSCEPTVS EST  
DIE P VIII. X. KL. MAR. DD. NN. FLAVIO CAESARIO ET NONIO ATTICO  
VV. CC. QVEM LOCVM EMIT VIRICVND A VXOR PASCASIO EPC.



Hæc autem tabula & inscriptio incisa fuit sexagesimo circiter anno post Constantini Imperatoris obitum, ut ex Consulibus ibi inscriptorum tempore coniicitur, qui ab Aurelio Cassiodoro, sub Arcadij & Honorij Imperiis constituantur, & iuxta Cardinalis Baronij supputationem Consulatus munere fungebantur anno salutis nostræ trecentesimo nonagesimo septimo, qui Siricii Papæ Pontificatus decimus tertius fuit, Imperij autem Arcadij & Honorij prædictorum tertius. Alia quoque marmorea inscriptio antiquitate paulò inferior pariter conspicitur in pavimento antiquæ ecclesiæ sanctæ virginis & Martyris Agnetis, via Nomentana extra Romanæ urbis mœnia; quæ è sacro cœmeterio, quod sub eadem ecclesia situm est, ablata fuisse existimatur. In qua inscriptione idemmet hieroglyphicum insculptum est, eidemque duo characteres Alpha & Omega additi fuere, ut hîc conspicitur.

DEPOSITA SVSANNA IN PACE DIE XII. KAL. NOVEMBRES.  
CONSVLATV ANICI BASSI ET FL. FYLIPPI VV. CC. QVAE BISSIT  
ANNIS PL. M. XXV. FECIT CVM MARITO ANNVS P. M. SEPTM.  
FL. SVPERANTIVS MARITVS SE VIVO VXORI DVLCISSIMAE  
ET SIBI POSTERISQVE SVIS HOC TVMVLVM FECIT. A P Ω



Vndecim aut duodecim, vel circiter annis inscriptio hæc recentior illâ est, quæ in Confessione sanctæ Praxedis conspicitur. Consules enim qui in hac inscripti



A scripti sunt, ut Aurelius Cassiodorus in Chronicis innuit, in fine Imperij Arcadij Consulatus munere fungebantur. Et iuxta Cardinalis Baronij supputationem eo anno præcipuè Consulatum administrabant, quo idem Arcadius, iusto Dei iudicio, florente admodum ac iuuenili ætate, dum trigessimum primum annum ageret, è vita decessit, ob iniustam persecutionem, qua diuum Ioannem Chrysostomum exagitavit. Qui annus nostræ salutis quadringentesimus octauus fuit, Pontificatus verò Innocentij Papæ Primi septimus. Similis autem Christi nominis nota siue hieroglyphicum cernitur item in peruetusta quadam alia inscriptione quam domi etiam habeo, quæ extracta olim fuit ex sacro cœmeterio sanctæ Cyriacæ viduæ, in quo à sancto Hippolyto, & à Iustino presbytero, beatissimi Laurentij Martyris corpus, postquam in Thermis Olympiadis, Viminali colle tum sitis, super traticulam assatum fuerat, clàm sepulturæ mandatum est. Quæ inscriptio eiusmodi est:



SANCTO MARTVRI LAVRENTIO  
IVLIA EXIBIT III. KAL. OCT. DEP. KAL. SS.

In his duabus postremis inscriptionibus, Christi nominis notæ siue hieroglyphico duæ additæ sunt litteræ, nempe Alpha & Omega, quarum altera Alphabeti Græci initium est, altera verò finis; quibus innuitur, Christum Dominum verum Deum, cunctarumque rerum principium & finem existere. Ad quod Tertullianus appositè, *Duas Græciæ litteras, inquit, summam & ultimam sibi induit Dominus, initij & finis concurrentium in se figuras: ut quemadmodum A ad Omega voluitur, & rursus Omega ad A replicatur; ita ut ostenderet in se esse & initij decursum ad finem, & finis recursum ad initium: ut omnis dispositio in eum desinens, per quem cepta est, per Sermonem scilicet Dei qui caro factus est, proinde desinat, quemadmodum & cepit.* Hæc ille. Idem pariter hieroglyphicum, siue Christi nominis notam, eadem quæ supra formâ configuratam, sine tamen duabus Græcis litteris illis, pro quibus duæ additæ erant stellæ, cusam vidi in quibusdam argenteis numismatibus Iustini & Iustiniani Imperatorum, inter antiquarum rerum monumenta quondam Horatij à Valle nobilis Romani. Quæ numismata hodie typis excusa circumferuntur in Appendice ad Dialogos Antonij Augustini, à Dionysio Octauiano Sada addita. Et nuper eadem etiam edidit Iacobus Gretserus è Societate Iesv; quare hoc loco eadem addere superuacaneum duxi.

Quid significant hieroglyphica illa Alpha & Omega.  
De Monogamia, c. 5.

De S. Cruce, Tom. 3. lib. 1. c. 21.

At quemadmodum nota siue hieroglyphicum antedictum à priscis Christianis variis formis effingebatur, ut hætenus conspeximus, ita & labarum quoque sæpè immutatum est. Licet enim inuariabilis & immutabilis forma in hoc semper retenta fuerit, nimirum ut hastili oblongo & transversali cornu Crux perpetuò effingeretur, quæ velamine illi transversali ligno appenso exornabatur, ut ostensum est; ipsius tamen labari formam in hoc immutatam fuisse comperimus, quòd Christi nomen, non hastilis semper acumini gemmata corona redimitum affigebatur, ut Eusebius illud descripsit, & nos eius typo graphicè delineato demonstrauius; sed id quandoque in velo ipso, auro ac gemmis in-

Labari forma non-nihil subinde mutata.



Annalium  
Tom. 3. an-  
no Chri-  
sti 312.

textum, pro Imperatoris & filiorum imaginibus, effingebant; ut aperte perspi- A  
citur in numismate quodam ipsius Constantini, quod inter antiquitatum mea-  
rum monumenta carissimum habeo; & Cardinalis etiam Baronij Annalium  
Tomo tertio impressum est, huius nimirum formæ:



B

Lib 1. con-  
tra Sym-  
machum.

De cuius labari imagine præcipuè cecinisse videtur Prudentius, cum dixit:

*Christus purpureum gemmanti textus in auro  
Signabat labarum.*

Quibus verbis innuere voluit, Christi nomen in ipso labari velo purpureo, au-  
ro & gemmis intextum esse. Ideoque poetice dixit, quod Christus ipse auro &  
gemmis intextus labarum purpureum signabat. Præter autem antedictas has  
duas labari formas, quæ, ut ex antiquis numismatibus coniicitur, frequentius  
usitatae fuisse videntur, aliæ quoque conspiciuntur, quæ hastilis acumini Crucem  
habent affixam, & in velo nomen Christi, eodem quod diximus hieroglyphico  
designatum. Quæ labari forma præcipuè cernitur in numismatibus quæ Loui-  
nianus Imperator cudit, postquam pie, & ut Christianum Principem dece-  
bat, labarum ab impio Iuliano Apostata corruptum & ad priscam Ethnicorum C  
formam redactum, restituit. Quin etiam in quibusdam Valentis Imperato-  
ris numismatibus labarum ipsum videre est, Cruce pura velamini purpureo  
intexta. quod in eiusdem scelestissimi Apostatae, Crucis hostis infensissimi, ig-  
nominiam & opprobrium illum fecisse constat. Et non hæ tantum labari di-  
uersitates & variationes, sed complures aliæ in priscorum Imperatorum Christi  
fidelium numismatibus cernuntur, quæ partim à Lipsio, partim à Cardinale  
Baronio, plura verò à Iacobo Gretsero edita sunt; in quorum doctissimorum  
virorum libris curioso Lectori illa videre fas erit. Nos enim eadem hoc loco  
cudi non fecimus, ne aliorum promptuaria, ut officinam nostram expleremus,  
prorsus expoliassse videremur.

Labari no-  
men an etiã  
ante tempora  
Constanti-  
ni notum?  
In Apolo-  
get. cap. 16.

Erat autem labarum, ut alibi diximus, Romanorum exercituum vexillum  
primarium, quod ante ipsius Imperatoris personam ut plurimum deferri con-  
sueuerat, & iam inde à temporibus Constantini longè vetustioribus erat in usu; D  
ut ex antiquorum Imperatorum numismatibus in quibus cutum est, & ex anti-  
quissimis marmoribus quibus insculptum conspicitur, aperte coniicitur. At ve-  
rò utrum ex tunc, an inde à Constantini temporibus labarum appellari cœpe-  
rit, adhuc in dubium controuerti videtur. Quidam enim nomen hoc Con-  
stantino vetustius esse putant, cum apud Tertullianum & Minutium Felicem  
in Octauio id legatur. Tertullianus namq; in Apologetico ait: *Sypara illa vexil-  
lorum & labarorum, stole Crucium sunt.* Et Minutius Felix in Octauio inquit:  
*Nam & signa ipsa, & labara, & vexilla castrorum.* Verum alij pro dictione illa  
labarorum, apud Tertullianum legunt cantabrorum; & apud Minutium Felicem  
legunt cantabra, asserentes, in antiquis eorum codicibus ita scriptum reperiri,  
hanc-



- A hancque genuinam & germanam lectionem esse contendunt. Quorum opinio-  
nem Iacobus Pamelius aliique recentiores sequuntur, præsertim cum in Co-  
dice Theodosiano fiat mentio de signiferis & cantabariis. Nam quemadmo-  
dum qui Imperatorum imagines deferebant, Imaginiferi; qui verò signa, Signi-  
feri dicebantur, ita qui cantabra gestabant, Cantabarii vocabantur. Quam vo-  
cem Romanis exercitibus inuectam volunt, post Cantabros Hispaniæ populos  
edomitos, ut alibi diximus. Tradunt enim Romanos hostium signa imitari so-  
litos, vexillaque sua ab insigniorum populorum nominibus, quos deuicerant,  
appellasse. Cuius rei firmissimum argumentum esse volunt dracones, quos in-  
ter Romanorum militaria signa haudquaquam conspectos fuisse affirmant, ni-  
si post Dacos à Traiano deuictos. Turnebus tamen non *cantabra*, sed *contabra*  
appellanda censet, à Latina dictione *conto*, hostile illud quo affixa ferebantur  
significante: licet hæc ratio haud satis aptè congruere videatur, quandoquidem  
si hoc veritate niteretur, cetera omnia militaria signa *contabra* quoque iure ap-  
pellari potuissent, cum contis cuncta deferrentur. *Debitum est, ut in his, Simulacrum*
- Cum igitur de Tertulliani & Minutij Felicis genuina lectione, nulla satis fir-  
ma dari possit ratio, cumque hæc dictio *labarum* nec apud Modestum, nec  
Vegetium, neque penes alium antiquum Ethnicum auctorem reperiatur, satis  
solidè argui posse videtur, eandem Constantini temporibus ortam, post vexil-  
lum hoc, eo modo quem diximus, ab eo decoratum. Cuius nominis etymolo-  
giam sanctus Gregorius Nazianzenus partim à Latino vocabulo *labor*, partim  
verò à Græca dictione *ὄρος*, qua terminus & finis significatur, deducit: quasi la-  
barum esset laboris oros, id est, laboris terminus & finis. Quamobrem de impij  
Iuliani Apostatæ iniquitate, qui *labarum* corruerat, Christi nomine & Cru-  
cis imagine, quam Constantinus addiderat, sublata, inquit: *Eò quoque audacia*  
*prorupit, ut aduersus magnum vexillum illud præceptum ferretur, quod soluendorum la-*  
*borum vim habet, ab eoque apud Latinos nomen trahit, principatumque, ut ita dicam,*  
*inter reliqua omnia vexilla tenet.* Hæc ille. At huius militaris signi effectus planè  
contrarius videbatur. Cum enim vexillum hoc explicabatur, milites ad labo-  
res, non autem ad quietem euocabat. Nisi tamen à Constantino sic appella-  
tum dicere velimus, ut ad vexilli illius planè admirandam efficacitatem allude-  
ret, qua per sanctæ Crucis illi impressæ virtutem, victorias pariendi, exercitus-  
que ac populos à laboribus & vexationibus liberandi, pacemque & tranquilli-  
tatem afferendi vim habebat; quemadmodum Romanæ vrbis quietem attulit,  
illamque à Maxentij tyrannide & à diaboli seruitute exsoluit. Vel fortè à Chri-  
stianis sic appellatum, ex eo quòd postquam inuictum vexillum hoc ad auram  
euentilari visum est, sancta Dei Ecclesia, à laboribus, ab ærumnis, & à persecu-  
tionibus, quas patiebatur, liberata est. Sed de his alij latius.
- Duo autem tantummodò dubia pro capitis huius periocha nobis diluen-  
da supersunt: quorum primum illud est, Quoniam videlicet pacto dici possit,  
Constantinum *labarum*, ceteraque militaria signa ad Crucis formam rede-  
gisse; cum, ut alibi aperte docuimus, non *labarum* ipsum tantum, sed cuncta  
penè alia præcipua Romanorum exercituum & classium militaria signa, Crucis  
formam & imaginem referrent? Alterum verò, an in exercitibus vnum tantum-  
modò, vel plura *labara* extiterint? Et quoad primum, ceteris omnibus rationi-  
bus, quas alij adduxerunt, prætermittis, illud breuiter responderi potest, Roma-  
norum quidem vexilla quamdam informem Crucis similitudinem casu effi-  
ctam habuisse, vel, ut melius dicam, super humanum captum constructam, &  
Dei nutu, à victore ac triumphatore populo Romano in præliis delatam;  
in cælestis victoriæ & immortalis triumphi præsignificationem, quem Chri-  
stus

Sup. lib. 5.  
cap. ult.Lib. 15.  
Aduersar.  
cap. 16.*Labarum*  
vide dictum.Oratione 1.  
contra Iu-  
lianum.Sup. lib. 5.  
cap. ult.*Romani in*  
*vexillis in-*  
*formē Cru-*  
*cis formā*  
*casu, vel*  
*potius Dei*  
*nutu ef-*  
*fixere:*



stus Dominus in sancta Cruce, illumque secutus, sub eodem vexillo, militantis A  
Ecclesiae populus, cuius idem Romanus populus caput constituendus erat, de  
inuisibilibus hostibus ducere debebat. Sed Constantinum quamdam veram  
& essentialem formam & Crucium similitudinem eis dedisse, qua voluit, ut pro  
veris Crucium imaginibus palam & clarè ab omnibus agnoscerentur. Labaro  
nempe ipsi, transversali cornu siue ligno addito, ceteris verò signis militaribus,  
quæ signiferi deferebant, cuspidali ferro singulis in eam formam adaptato, ut  
veræ Crucis formam obtinerent; labaro insuper ipsi præcipuè imaginibusque  
quas imaginiferi gestabant, sacrosancto Christi nomine superaddito; duabus-  
que Græcis litteris, quas superius diximus, in eum modum efficto, ut Crux in  
Christo, & Christus in Cruce innueretur. Littera enim X vera Crucis est, licet  
decussatæ, imago: quam tamen in labaro atque in ceteris militaribus signis,  
non omnes vno eodemque modo efformabant, & cum alia littera illa P con-  
nectebant; quandoquidem complures rectum eiusdem litteræ stipitem recta B  
linea secantes, rectam inde Crucem, ut superius dictum est, effungebant.

Quod verò ad secundum dubium attinet, an in Romanorum exercitibus  
vnum tantum vel plura labara extiterint, ex antiquorum marmoreis monu-  
mentis, quæ Romæ ad hanc usque diem extant, apertè coniici videtur, in quo-  
libet exercitu plura labara extitisse. In Traiani enim & Antonini cochleis co-  
lumnis, quibus horum Imperatorum insculpta sunt facinora, diuersa labara  
conspiciuntur. Sic etiam in arcu triumphali Constantini, quem à medietate  
sursum, rerum antiquarum periti, marmoribus & sculpturis, quæ erant circum  
arcum Marci Aurelij, exornatum fuisse volunt: sicque in ipsius Marci Aurelij  
Antonini antiquis victoriarum monumentis, quæ hodie in Capitolio, muro  
scalarum palatij Illustrissimorum almæ Urbis Conseruatorum affixæ sunt, plu-  
ra etiam labara cernuntur. Quod attenta consideratione animaduertens Cardi-  
nalis Baronius, inquit: *Apparet planè hallucinatos esse eos, qui dixerunt id genus C*

*signi, nonnisi vnum esse solere in toto exercitu Imperatoris.* opinioni huic se adhæ-  
sisse ostendens, in Romano nempe exercitu, ante Constantini tempora, com-  
plura extitisse labara, quæ cantabra tum vocarentur. At postquam labari no-  
men & usus à Constantino inuectus est, vnum tantummodò in vniuerso exer-  
citu labarum extitisse. Cui tamen sententiæ Sozomenus<sup>a</sup> & Nicephorus apertè  
<sup>a</sup>Lib. I. c. 4. obistere videntur, quorum verba apertè innuunt in Romanorum exercitibus,  
etiam ante Constantini tempora, vnicum extitisse labarum, idque Romani  
Imperij primarium ac præcipuum vexillum; quod ante Imperatorem deferri  
consueuerat, & à militibus adorabatur. Quinimò si eidem Nicephoro integra  
fides in hoc habenda esset, nihil omnino ambigendum videretur, vexillum hoc  
ipsum, iam inde à longè vetustioribus Constantini temporibus, labarum ap-  
pellatum fuisse. Dum enim agit de ea Constantini expeditione, qua ab vrbe  
Roma castra mouit aduersus Maximinum Imperatorem, vel potius Orientis D

tyrannum, cum ob eius scelestissima facinora, tanta dignitate indignum se  
præbuerit, inquit: *Fusserat autem Constantinus Magnus Crucis signum præferri,  
quod à Romanis antea labarum dicebatur, signis militaribus aliis longè præstantius, quod  
à militibus præferri & adorari lege cautum fuerit.*

Ex quibus omnibus firmiter argumentari posse videmur, in quolibet Ro-  
manorum exercitu ante Constantinum plura fuisse labara, cum in antiquis  
marmoreis monumentis diuersa cernantur. Ego enim quauilibet legionem  
labarum suum habuisse puto: & cum Imperator in exercitu præsens aderat,  
vnum inter cetera præcipuum extitisse, quod ante personam ipsius ferebatur;  
à ceteris tamen non forma quidem, sed colore & ornatu longè distans. Quem-  
admo-

Constanti-  
nus in la-  
baro & si-  
gnis mili-  
taribus ve-  
ram ex-  
presit.

Plura in  
Romanorū  
exercitu la-  
bara fuisse  
videntur,  
quæ cantab-  
ra appel-  
labant.

Annal. To-  
mo 3. an-  
no Chri-  
sti 312.  
At vnicum  
in Constan-  
tini exerci-  
tu labarū.

Lib. 7. c. 37



A admodum enim cetera labara velamen transfuersali ligno appensum, diuersis aliis coloribus tinctum habebant, non extensum quidem, sed crispis quamplurimis ex utroque cornu hinc inde decurrentibus complicatum, omniq[ue] ornatu spoliatum, præter ora, quæ fimbria erant circumdata, & hastile eorum, quod ex nudo ligno constabat; sic Imperatorium labarum, hastile & transfuersale cornu auro obductum & vndique contextum habebat. Velum eius erat purpureum, auro & gemmis intextum, & aurea fimbria circumdatum; totumq[ue] hinc inde extensum & explicatum, nullaq[ue] ruga crispatum; vt Imperatoris & consanguineorum eius imagines, quæ eidem appictæ vel intertextæ erant, apertè conspici possent. Vnde statim illo apparente ac pertranseunte, à militibus adorabatur. Verùm enimuero in rebus antiquis, quorum plena notio non suppetit, & in quibus per coniecturas incedere cogimur, nihil certi asserere tutius est, veritatem, vt nos quoque nunc facimus, suo loco relinquendo.

B Cum autem magnus Constantinus labarum ad Crucis formam rede-gisset, illudq[ue] magnificentissimo splendidoq[ue] ornatu illo, quem inuicti & sacro-sancti signi illius dignitatem, Imperatoriamq[ue] maiestatem decere censuit, illustrasset, quinquaginta insignes iuuenes, animi virtute & corporis robore præstantissimos, ex satellitibus suis delegit, vt vexillum illud cum explicatum esset, semper circumuallantes, in illius gestandi & in præliis muniendi curam intenderent, vt testatur Eusebius his verbis: *Quapropter suis iussit satellitibus, qui corporis robore erant, & virtute animi, & pietatis institutis in primis eximij, vt in solam vexilli illius gubernationem omni cura ac studio incumberent.* Erant viri non pauciores quinquaginta numero, quibus nil aliud impositum erat negotij, quàm vt vallarent vndique vexillum, præsidij munirent, singuliq[ue] ordine illud ipsum humeris gestarent.

*Quinquaginta iuuenes à Constantino delecti quibus labari gestandi & conseruandi cura incumberet. De vita Constantini, lib. 2. c. 8*

Hæc ille. Labari autem custodes & gestatores hi, Præpositi laborum vel laborum appellabantur, & Imperatorio priuilegio clarissimi censebantur, Senatoriaq[ue] dignitate decorati, vt in Codice Theodosiano & Iustiniano expressa lege cautum est, quod superius<sup>a</sup> ostendimus. Narrat Eusebius<sup>b</sup>, idq[ue] ex ipsius magni Constantini Imperatoris ore se audiuisse testatur, huius sacrosancti labari insigne quoddam miraculū quod ad Christi Domini & sanctæ Crucis honorem & gloriam silentio nullo pacto prætereundum est: *Contigit, inquit, in prælio quodam* (quod Nicephorus illud esse tradit, in quo Maximinus deuictus est) *cum in media belli dimicatione ingens fortè fremitus & turbatio repentina exercitum occuparet, ille qui vexillum hoc portabat humeris, inter præliandum primū præ formidine exhorrescere cœpit: deinde alteri illud tradere, vt belli impetum effugeret. Postquam autem alter accepit, isteque fuit ex acie egressus, & extra vexilli præsidium locatus, telo coniecto in ventre confossus est, morteque sopitus concidit. Atque vt iste timiditatis & diffidentie pœnas luens, ibi mortuus iacuit, sic ille, qui salutare trophæum sublime & erectum portabat, omnino eius subsidio euasit incolumis: adeo vt sæpè cum*

<sup>a</sup>Sup. lib. 5. cap. 12.  
<sup>b</sup>De vita Constant. lib. 2. c. 9.

D tela frequentia ab hostibus in eum iacerentur, qui ipsum ferebat saluus extiterit, & vexilli hastile tela emissa exceperit. Atque istud omnem planè superat admirationem; tum quod tela ab hostibus iacta, sic intra exiguum illum & angustum hastilis ambitum prouolabant, vt in eodem fixa hærescerent: tum quod ille qui illud ipsum gestabat, mortem effugeret: immò verò, vt qui hoc ministerium obibant, nihil damni incommodi-ve aliquando acciperent. Neque certè hæc nostra est oratio, sed ipsius Imperatoris, qui præter alias res, hanc etiam nobis coràm memorauit. Qui vbi diuina potentia has duas primas victorias fuisset adeptus, de cetero, exercitu ordine instructo, vltèrius processit. Hæc Eusebius. Hoc autem insigne planè miraculum non Eusebius tantum, sed Sozomenus<sup>c</sup> & Nicephorus<sup>d</sup>, aliique ad posterorum memoriam prodidèrè; affirmantes, compertum fuisse, neminem ex sacrosancti huius labari gestato-

*Miraculo defensi, qui labarum gestabant.*

<sup>c</sup>Lib. 1. c. 4.  
<sup>d</sup>Lib. 7. cap. 37.



statoribus in grauem calamitatem vñquam incidisse, neque in bello vulneratum, aut in hostium potestatem deuenisse. Quod sanè post Eusebium ipsum, Sozomenus etiam sic litteris commendauit: *Dicitur nullum vñquam militem qui munere signi huius gestandi fugebatur in bello (quod sanè credibile est) in grauem aliquam calamitatem incidisse, aut vulnus accepisse, aut captiuum abductum fuisse.*

Quemadmodum igitur hi, qui pij & Christiani Imperatoris labarum gestabant, in quo sacrosancta & inuicta Crux erat. efficta; clypeo eius protecti; hostium tela deuitabant; sic nobis quoque firmiter credendum est, quòd si eandem viua fide ac pio affectu cordibus insculptam feremus, salutarique eius signo frontem ac pectus nostrum armabimus, tuti erimus à sagitta volante in die, à negotio perambulante in tenebris, ab incurfu & demonio meridiano, id est, ab omni aperta inimicorum calumnia & persecutione protegemur: à malo occulto, à peccato scilicet, quod conscientia non sentit, liberabimur, & à demonio meridiano, qui ad decipiendum nos sub rerum mundi huius falsa & apparente pulchritudine in Angelum lucis se transformat, protegemur. Quinimò infernus ipse totus nihil nobis officere poterit. Sicque cum Regio ipso Propheta audenter concinendi ac dicendi nobis facultas erit: *Cadent à latere tuo mille, & decem millia à dextris tuis, ad te autem non appropinquabunt:* per gloriosi triumphatoris ac Redemptoris nostri virtutem & gratiam; qui inuisibilibus hostibus nostris in sancta Cruce sua deuictis atque reuinctis, cum Patre & Spiritu sancto viuunt & regnat per infinita secula seculorum. Amen.

## CAPVT XIV.

*Quòd magno Constantino Imperatori Crucis signum in caloter apparuit, cuius virtute ingentes atque insignes victorias reportauit.*

**A**DEO firma & stabilis erat apud Deum iam præordinata illa determinatio, vt sancta Ecclesia Catholica à diris persecutionibus liberata, magni Constantini Imperatoris munere libertatem tandem ac pacem consequeretur, vtque vrbs ipsa Roma Imperij caput à tyrannorum manibus, à diaboli seruitute, & à Gentilitaris erroribus eruta, totius Christiani orbis moderatrix veræque Religionis magistra constitueretur, vt Principi huic ad tanti facinoris expeditionem excitando & impellendo non semel tantum, sed ter Crucis signum è cælo commonstrauerit; futurum profectò hoc pacto asseuerans, eum sub hoc inuicto ac glorioso vexillo de hostibus victoriam certissimè relaturum. Quamobrem ad institutum hoc Nicephorus asserit, Constantinum primam Crucis visionem è cælo habuisse, cum Romæ aduersus Maxentium decertaret. In quo nihilominus, vt Græcus, longinquus, & rebus non rectè cognitis, quoad locum, deceptus est. Etenim non Romæ, dum contra Maxentium bellum gereret, sed in Galliis, dum adhuc de expeditione illa ancipiti pendèret animo, cælesti ac diuina visione illa dignatus est: qua confirmatus & animo incensus, ad tantum facinus aggrediendum viriliter se accinxit. Sic enim non solum innuit, sed apertè etiam testatur Eusebius his verbis: *Imperatori igitur ista precanti, obnixeq; flagitanti, visio quedam diuina, & in primis admirabilis apparuit.* Et Eusebio ipsi, multo magis quàm Nicephoro in hoc credendum est, non tantum vt illorum temporum Scriptori, sed tamquam ei, qui hæc ab ipsius Imperatoris ore acceperat.

De vita  
Constantini,  
lib. 1. c. 22.

Ter Crucis  
signum è cælo  
Constantino  
monstrat.  
Lib. 7. c. 29  
& lib. 8. c. 3

Cum primum igitur Constantinus, exercitu conscripto atque instructo, labarum ceteraque militaria signa ad Crucis formam, vt à Christo Domino ei præ-



A præceptum fuerat, redegisset, ceteraque ad expeditionem illam necessaria comparasset, admirabili velocitate vsus, Italiam versus castra mouit, cuius finitimas insignioresque vrbes impius tyrannus Maxentius validissimo militum præsidio communierat, duobus insuper maximis ac fortissimis exercitibus per varias prouincias in statione collocatis, vt illi sese obiicentes, transitum ei præcluderent, quò Romam pertingere nequiret; vbi ipse, alio longè validiore exercitu, superbissimo delectu & durissima conquisitione collecto, circumuallatus, morabatur; vt Senatum Populumque Romanum, pessimum illius regimen & sceleratissima facinora nausentem, in officio contineret. Prima autem repugnantia, quam Constantinus statim superatis Alpium iugis, ad Italiae ingressum inuenit, Secusia ciuitas fuit, quæ in faciem eius portas claudere non est verita: sed plus laboris illi fuit, vt inquit Nazarius, in ea à militum direptione & incendio seruanda, quàm in capienda. Ad Taurinorum autem urbem deinde appropin-

**B** quanti, primus Maxentij exercitus illi occurrit, tanta militum numerositate instructus, vt campum latè iacentem equitum turmis oppleret, quorum atrox visu & formidolosus erat aspectus. Nam ex his erant, quos Romani clibanarios, Græci cataphractos, nos autem vulgari *homini d'arme* appellamus, quibus munitissima & grauis armatura erat; nec eadem deerat equis. Quorum tamen ferocitas & armorum horror protinus in victoriæ miraculum translatus est; quamuis enim pænè innumerabiles haberentur, à strenuissimis tamen Constantini militibus, sine alicuius ipsorum interitu, ad vnum trucidati sunt. Quod euidentissimum miraculum fuisse constat, sanctæ Crucis virtuti, quæ in labaro ac ceteris Constantini exercitus vexillis coruscabat, iure prorsus adscribendum; vt veraciter tum dici potuerit, ferrum cessisse ligno. Quamobrem ad huius planè admirabilis victoriæ institutum Cardinalis Baronius inquit: *Hic namque primum quanta vis esset sanctissimæ Crucis, qua labarum Constantinus consecrarat, expertus est.*

In Panegyrico Constantini.

Miraculosa prorsus victoria Constantini contra Maxentium, Crucis virtuti adscribenda. Annal. Tomo 3. anno Christi 312.

**C** Inde verò Constantinus iter suum audacter atque impauide profecutus, postquam ad Brixiam urbem secundum Maxentij exercitum, quem ductabat Ruricius, profligasset, eundemque demum cum duce suo debellasset ac dispersisset, vrbesque Veronam, Mantuam, Aquileiam, ac cetera omnia præsidia, quæ tyrannus trans Padum communierat, admirabili celeritate, ac paruo admodum negotio expugnasset, Romam versus signa direxit, ad cuius prospectum tandem nullo alio in via facto obice, magnis itineribus intra paucissimos dies aduentauit: vbi Maxentius, numerosis tremendisque productis copiis, trans pontem Miluium, nouissima armis experturus, expectabat. Quamobrem confertis manibus, Constantinoque ipso inter primas acies pugnante, & sacro sancto Crucis vexillo illum semper antecedente, incredibili robore ac felicitate hostium equitatum in fugam vertit; qui inordinata atque horribili fuga illa non sibi ipsi tantum, sed vniuerso exercitui extremam intulit ruinam, peditum instructas acies perturbans, pessumdans, ac proterens; quæ cum secus Tiberis ripam statua castra haberent, nec locus illis esset quò pedem referre, aut fugam salutem sibi comparare possent, omnes ferè trucidatæ sunt. Quamobrem cum Maxentius flumen traicere, & Urbem ex fuga vellet repetere, tanta fuit fugientium militum multitudo, quæ secum pontem lintribus ab eo constructum pressit, vt solutis ac depressis lignis, tantam ponderis vim sustinere non valentibus, ipse vnà cum ceteris omnibus in amnem prolapsus ac submersus sit. Scribit Eusebius, impium tyrannum pontem illum, dedita opera, ea arte ac malitia construi fecisse, vt ad omnem artificis nutum, nullo negotio solui posset; ea nimirum mente, vt Constantinus illo conspecto, in eius occupationem totis nisi-

Maxentius Tiberi mersus, totusque exercitus eius prostratus. Lib. 9. cap. 8 In vita Constantini, l. b. 1. cap. 32



bus intenderet; & statim cum pedem in illum intulisset, vnà cum satellitibus A  
 suis in Tiberi mergeretur. Verùm enim verò Deus, qui Constantino opem fere-  
 bat, scelestissimum tyrannum dolosam & captiosam machinam illam in suam  
 ipsius perditionem & interitum fabricasse permisit. Vnde illi planè contigit quod  
 olim Propheta cecinerat: *Lacum aperuit, & effodit eum; & incidit in foueam, quam*  
*fecit. Conuertetur dolor eius in caput eius, & in verticem ipsius iniquitas eius descēdet.*  
 Adeò autem expedita fuit Constantino felicitas in tam valido ac numerofo  
 exercitu absque suorum sanguine debellando, vt tum longè apertius quàm  
 antea, quanta vis & potestas sanctæ Crucis esset, ipse & vniuersus exercitus eius  
 agnouerit; tumque certo certiùs didicit, quòd manus Dei esset cum illo. Non  
 enim ibi dubio Marte pugnatum est, sed in eum modum manus confertæ sunt,  
 perinde ac milites eius ad impios illos plectendos diuinitus adducti fuissent.

In Panegy-  
 rico Con-  
 stantini.

Quamobrem inquit Nazarius: *Non enim qui bellorum euentus solet esse, per varios*  
*& volubiles casus Mars dubius errauit, nec fortuna vicissitudo, quæ plerumque pro-*  
*spersis rebus triste aliquid adglutinat, victorum latitiam vulnerauit; sed tanta hostium*  
*& tam ampla cædes, tam felix & incruenta victoria fuit, vt credas non bello ancipiti*  
*dimicatum, sed solas impiorum pœnas expetitas.* B

Ideoque confecto prælio, vbi de scelestissimo ac misero Maxentio in Tiberi  
 submerso atque extincto ad Constantinum perlatum est, cadauer eius vt vrina-  
 tores diligenter expiscarentur iussit. Tumque verè agnoscens, se tam admira-  
 bilem victoriam Dei optimi maximi præsidio ac præcipuo munere assecutum,  
 ingentes gratiarum actiones diuinæ maiestati persoluit: si minùs voce & ver-  
 bis, corde saltem & animo concinens, (cum perfectè adhuc Christianus non  
 esset, diuinarumque Scripturarum scientiam nondum esset assecutus) quòd  
 magnus Dux ac Propheta Moyfes, & Israëlita tum cecinere, cum crudelem ty-  
 rannum, & pertinacissimum persecutorem suum Pharaonem, cum omni eius  
 exercitu, incredibili lætitia & admiratione, Maris rubri vorticibus obrutum con- C  
 spexerunt, dicentes: *Cantemus Domino: gloriosè enim magnificatus est; equum &*  
*ascensorem deiecit in mare. Fortitudo mea, & laus mea Dominus, & factus est mihi in*  
*salutem. Dextera tua Domine percussit inimicum: & in multitudine gloriæ tuæ depo-*  
*suisti aduersarios meos. Quis similis tui in fortibus Domine? quis similis tui, magnifi-*  
*cus in sanctitate, terribilis atque laudabilis, faciens mirabilia?* Talis igitur fuit ad-  
 mirabilis victoria illa, quam Constantinus ad pontem Miluium assecutus est;  
 quamque non ipse tantum & vniuersus exercitus eius, sed posterì etiam sanctæ  
 Cruci meritò adscripserunt. Vnde de eadem agens Prudentius, dum contra  
 Symmachum Præfectum Urbis & Christiani nominis hostem inuectus, san-  
 ctæ Crucis virtutem & gloriam decantaret, quasi cum ipsa Vrbe Roma loque-  
 retur, inquit:

Cótra Sym-  
 machum lib 1

*Hoc signo inuictus transmissis Alpibus vltor,*  
*Seruitium soluit miserabile Constantinus,*  
*Cum te pestifera premeret Maxentius aula.*

Et paulò inferiùs subdit:

*Testis Christicola Ducis aduentantis ad Urbem*  
*Miluius, exceptum Tiberina in stagna tyrannum*  
*Præcipitans, quàm victricia viderit arma*  
*Maiestate regi, quod signum dextera vindex*  
*Prætulerit, quali radiarint stemmate pila.*  
*Christus purpureum gemmanti textus in auro*  
*Signabat labarum, clypeorum insignia Christus,*  
*Scripserat; ardebat summis Crux addita cristis.* D

Post



- A Post hæc autem, impij & crudelis tyranni cadauere in flumine reperto, se- <sup>Caput Ma-</sup>  
ctum caput summæ hastæ affigi, & ante exercitum Romam deferri iussit. Ipse <sup>xentij hasti-</sup>  
verò instructis aciebus, explicatisque signis, victor ac triumphans Urbem ipsam <sup>li imposuit,</sup>  
versus iter arripuit. Vbi ad tam gloriosæ ac prorsus admirabilis victoriæ nun- <sup>& Romana</sup>  
tium, dici non potest, neque vlla cogitatio assequetur, qualis quantaque fuerit <sup>delatum.</sup>  
læticia, gaudium, & exultatio, qua omnis ordo, omnis status, omnisque homi-  
num conditio & sexus affectus est, cum dura & crudelissima Maxentij tyran-  
nide, quæ tanto tempore & tam misere illos oppresserat ac diuexauerat, sese li-  
beratos cernerent. Quamobrem statim perfractis carceribus, multi Senatorij,  
patritij atque equestris ordinis illustres & venerabiles viri, multi que optimi ac  
nobiles ciues, qui diutina carceris maceratione squallentes, eiusdem tyranni  
iussu in eum contrusi, & iniustissime diuexati asseruabantur, extracti sunt: eius-  
que statuæ, insignia, & memoriæ per vniuersam Urbem protinus abactæ atque  
B protritæ fuere: &, vt summam dicam, nullus post Urbem ipsam conditam,  
aut felicior aut iucundior Romæ dies illuxit. Extra Urbem effuso ordine, ad  
gloriosum victorem, patriæque & Romani Imperij liberatorem honorificè  
excipiendum, Senatus vniuersus lætabundus & venerabundus processit. Inter  
quos multi Senatores squallido ac macilento vultu conspiciebantur, qui nuper  
è compedibus & catenis soluti, atque carceribus educti, pileati procedebant;  
hoc pacto sese à dura & acerbissima seruitute ereptos significantes: qui cum in  
conspectum Imperatoris venissent, statim ad genua eius prouoluti, pedesque  
illius magno cum animi affectu osculantes, de sua & patriæ liberatione ingen-  
tes humilesque illi gratias persoluerunt. Deinde verò pertranseunte labaro, in  
quo sacrosanctum Christi nomen & Crucis signum coruscabat, præ gaudio  
illacrymantes, ac reuerenter se inclinantes, illud adorauere: non quòd Senatus  
ille Crucem reuera adorare voluerit, cum adhuc Christianus non esset, sed vt  
C receptam à Romanis labarum Imperatoris sui adorandi consuetudinem ob-  
seruaret; illud verò præcipue, quo auspice tanta parta victoria, libertatem, vi-  
tam, tranquillitatem, & pacem assequebatur. De quo notatu planè digno faci-  
nore sic Prudentius:

*Ipse Senatorum meminit clarissimus ordo,  
Qui tunc concreto processit crine, catenis  
Squallens carcereis, aut nexus compede vasta,  
Complexusque pedes victoris ad inclyta flendo  
Procubuit vexilla iacens: tunc ille Senatus  
Militiæ vlticis titulum, Christi que verendum  
Nomen adorauit, quod collucebat in armis.*

Ibidem.

- Consideratè admodum & meritò censuit Cardinalis Baronius, Constanti- <sup>Constantinus</sup>  
num post tantam partam victoriam nequaquam per Miluium pontem, via <sup>gratis Deo</sup>  
D Flaminia Urbem ingressum fuisse, sed potius ea ad læuam relicta, per Neronis <sup>ad D. Petri</sup>  
prata iter fecisse; & post debitas gratias ad Principis Apostolorum sepulchrum <sup>sepulchrum</sup>  
Deo persolutas, (quippe qui admirabilem victoriam illam Christo Domino <sup>persolutis,</sup>  
& sanctæ Crucis virtuti acceptam referebat) viæ se Triumphali imminisse; & per <sup>ingreditur</sup>  
mediam Urbem incedentem, & gloriosum planè triumphum ducentem, ad <sup>Romam in-</sup>  
Palatinum collem demum appulisse, & in Imperatorium palatium se recepisse. <sup>genti omniū</sup>  
Nemo prorsus illa die se domi continuit, sed omnis ætas, omnis ordo, tum ple- <sup>gaudio &</sup>  
beiorum tum nobilium, per Urbem effusus, summa cum alacritate & auidita- <sup>gratulatio-</sup>  
te locum sibi præoccupare studebat in viis, quæ cunctis desideratus victor ac <sup>ne.</sup>  
triumphator transurus erat. Cumque tyranni teterrimum & ceruicibus ab-  
scissum caput, quod lanceæ summitati infixum ferebatur, conspexissent, cui



licet mortuo, ferocitas tamen & superbia adhuc inerat, ita ut nec mors ipsa horrendæ frontis minas vicisse videretur; vniuersa plebs altis clamoribus & exhibitionibus illud prosequens & irridens, sceleraque & crudelitates illi exprobrans, infinita propemodum ludibria & impropria contumeliosissimis vocibus in illud iniiciebant. Tumque sacro & victore pertranseunte labaro, omnes genua flectentes, illud adorauere. Ipso verò apparente Imperatore, longè altius voces extollentes, faustis ac lætis acclamationibus eum consalutantes, dicebant: Pio, felici, inuicto, & magno Flauio Constantino Augusto, patriæ liberatori, gloria, triumphus, felicitas, imperium, salus & vita.

Posthæc Senatus ut aliquam notatu dignam immensi officij præberet testificationem, quo pro ipsius & patriæ liberatione, magno ipsi Constantino deuinctus erat, utque aliquod grati animi monumentum ostenderet, magna sedulitate & celeritate, ad tantæ victoriæ memoriam ad posteros transmittendam, & in ipsius Constantini gloriam sempiternam, Arcum illum triumphalem marmoreum erigi iussit, qui ad hanc usque diem conspicitur inter Palatinum & Cælium montem, haud longè à Domitiani Amphitheatro, quod Coliseum

*Arcus triumphalis Constantino à Senatu dicati inscriptio.* recentiores vulgò appellant. In cuius fronte inscriptionem illam insculpi curauit, quæ hodie etiam ibi legitur, & est eiusmodi:

IMP. CAES. FL. CONSTANTINO MAXIMO,  
P. F. AVGVSTO. S. P. Q. R.

QVOD INSTINCTV DIVINITATIS, MENTIS  
MAGNITVDINE, CVM EXERCITV SVO,  
TAM DE TYRANNO, QVAM DE OMNI EIVS  
FACTIONE, VNO TEMPORE, IUSTIS  
REMPUBLICAM VLTVS EST ARMIS:  
ARCVM TRIVMPHIS INSIGNEM DICAUIT.

Intra fornicem ipsum à dextris: LIBERATORI VRBIS.

Et à sinistris: FVNDATORI QVIETIS.

In quo illud notandum est, quòd Romanus Senatus qui Arcum illum erigi iussit, cum adhuc pro maiore parte Ethnicus & idololatra esset, sanctæ Crucis vexillum minimè in eo insculpi nec erigi curauit, ne se Christianum prorsus profiteretur. Sed quia æquè sciebat, Constantinum auersari deorum cultum, palamque profiteri se veri Dei auxilio & sanctæ Crucis virtute tot Maxentij exercitus, ipsumque denique tyrannum extinxisse, ne illum offenderet, inscribi noluit victoriam illam deorum ope partam: sed rursus, ut pietati illius sine veteris religionis præiudicio aliqua ex parte prospectum esset, rem ita moderatus est, ut in ipsius inscriptionis exordio, pro animi eius sententia, illa insculperentur verba: QVOD INSTINCTV DIVINITATIS: quò sanè illud tacitè innuit, & falsus est, victoriam illam, plusquam humano auxilio, id est Christi munere, & sanctæ Crucis virtute partam. Rursus verò Senatus, ut debiti sui officium maiori argumento erga Constantinum ostenderet, aliis quoque æternæ gloriæ monumentis ac muneribus, quæ illi gratiora sciret, prosecutus est, ut ex Gallicani Oratoris verbis colligitur, in secunda panegyrica Oratione, quæ de ipsius Imperatoris laudibus post victoriam habita est: *Meritò, inquit, tibi Constantine Imperator, Senatus signum Dei, & paulò antè Italia scutum & coronam, cuncta aurea, dedicarunt, ut conscientie debitum aliqua ex parte releuarent. etenim sæpè debetur & diuinitati simulacrum aureum, & virtuti scutum, & corona pietati.* Hæc ille. Quod sanè Dei signum, & aureum simulacrum, ut rectè animaduertit Cardinalis Baronius, alterius esse non potuit, quam Christianorum Dei, id est, Christi Domini. Nam alicuius deorum Gentium aurea statua à Senatu



A natu donari Constantinum, potius fuisset, muneri contumelia affectum ac delusum, quam gratificatum esse voluisse; quem optimè sciebant Christianorum Dei praesidio niti, ipsumque ab eo propensius coli, ac proinde omnes Gentium deos execrari, exhorrescere, ac detestari. Nec id quidem ut nouum aut incognitum quoddam à Senatu factum fuisse censendum est; siquidem Alexander Severus Imperator, ut alibi diximus, Christi Domini simulacrum, inter alios quos colebat deos, in suo Larario collocarat.

At Constantinus, ut officij sui debitum exactissimè adimpleret, utque idem Senatus ac populus Romanus, immò & vniuersus terrarum orbis indubitanter sciret, & apertè intelligeret, se victoriam eandem re ipsa Christo Domino & sanctæ Crucis virtuti acceptam referre, locis quamplurimis publicis Romanæ Urbis columnas erigi, earumque summitatibus Crucem figi iussit, & earum basibus inscriptiones insculpi curauit, quibus eiusdem facti series, ad eius memoriam sempiternam propagandam, continebatur. Quin etiam in ipsa Vrbe media, loco celeberrimo ac frequentatissimo, sui ipsius simulacrum, hastile oblongum ad Crucis formam effictum manu gestans, erigi ac statui mandauit; in cuius marmorea basi inscriptionem cælari iussit, quam refert Eusebius, suaque auctoritate, his quæ modò protulimus, fidem in hunc modum astruit: *Præsidij à Deo allati conscius, preces cum gratiarum actione Auctori victoriæ impertijt, atque illustribus inscriptionibus, collumellisque erectis, omnibus hominibus salutaris Christi signi virtutem promulgauit: inque Vrbe media, quæ præ ceteris principem locum facile obtinet, ingens illud trophæum contra hostes erexit. Et hoc salutare signum, characteribus qui nullo modo deleri poterant in eo sculptis, Romanorum, aliorumque Imperio subiectorum, propugnaculum esse demonstrauit, palamque omnibus proposuit ad intuendum. Ac statim ubi erectum hastile ad formam Crucis in manum propriæ imaginis in statua expressè insertum, Romæ in loco celebri, ac multum à populo frequentato locatum fuit, hanc inscriptionem Latino sermone in eo mandat incidere:*

HOC SALVTARI SIGNO VERO FORTITVDINIS INDICIO,  
CIVITATEM VESTRAM TYRANNIDIS IVGO LIBERAVI:  
ET S. P. Q. R. IN LIBERTATEM VINDICANS, PRISTINAE  
AMPLITVDINI, ET SPLENDORI RESTITVI.

Debellato autem atque extincto impio Maxentio, tres dominos Romanum Imperium superstites habuit, Constantinum nempe & Licinium, atque in Oriente Maximinum Christiani nominis hostem immanissimum. Qui etsi ob rerum à Constantino feliciter gestarum famam, eidem, & Licinio eius sororio, ab initio sese satis beneuolum ostendit, non ita post multo tempore exacto, omni simulatione deposita, peruersam suam voluntatem atque hostilem animum apertè detexit. Cum enim magna superbia & ambitione inflatus, quasi indignè ferret, æquales sibi in Imperio socios esse; in edictis, decretis, atque patentibus litteris se primum Romani Imperij moderatorem appellare cœpit. Deinde verò paucis mensibus interiectis, ut tradit Eusebius, amicitiae ac pacis nuntio remisso, Licinio bellum indixit, modò hanc modò illam ex urbibus eius oppugnans, exercitumque illius infestans. Demum verò infinita prope modum militum manu collecta, aperto Marte decertaturus, sese in prælio præsentauit. Sed victoria, inquit Eusebius, illum auersata qui Deo atque hominibus infensus erat, ad contrarias partes deflexit. Cum enim maior pars militum eius occubuisset, ceteri qui supererant, cum illum diuino fauore destitutum, & legionibus spoliatum conspexissent, ad victorem Licinium se contulere. Ipse verò se derelictum cernens, Imperatoriis vestibus & ornamentis protinus exutis, in gregatiorum militum turmas clanculùm irrepfit, incognitusque inter illos vili

H h h 3

atque

At ipse Constantinus non vnum Crucis victricis monumentum erexit.

De vita Constantini, lib. I. cap. 33

Victo Maxentio Maximinus hostis succedit.

Ecclesiast. Hist. lib. 9. cap. 9. iuxta Rufinum, & ex aliorum sententia cap. 8.



atque effeminato animo fugam arripuit. Et postquam diu ruri per vicos errabundus & vagus latuisset, demum hostium manus ægrè effugiens, in penitissimas Imperij sui regiones se recepit: vbi ira atque furore percitus, multos idolorum suorum sacerdotes, vates, & aruspices, quorum falsis oraculis, vanisque auguriis victoriam ipsi promittentibus impulsus, bellum illud susceperat, crudelissimè trucidauit.

Commissum est hoc prælium in prouincia Bithyniæ, in loco qui Astacus dicebatur, in quo Constantinus ipse vnà cum Licinio interfuit, vt tradit Nicephorus; affirmans, hanc quoque victoriam sanctæ Crucis virtute partam, per quam tunc Deus potentiam suam præcipuè notam esse voluit. Cùm enim Constantinus sacrosanctum labarum, in quo Crucis signum, vt diximus, effectum erat, secum detulisset, statim vt exercitus sui acies alicubi vacillantes conspexisset, illuc labarum ipsum laborantibus & periclitantibus subsidio adesse iubebat. Ad cuius conspectum hostes tamquam puluis ante faciem venti protinus fugæ præcipientes se dabant, vel vt stipula ab vrente & vorante flamma consumebantur. Traditque idem Nicephorus, in eadem pugna contigisse miraculum, quod superius exposuimus; de illo nimirum, qui terrore percitus, cùm labarum ipsum dimisisset, & commilitoni gestandum tradidisset, statim vt ab eodem vexillo seiunctus esset, telo transfixus interiit. Is verò qui illud deferendum susceperat, licet densissimus sagittarum telorumque nimbus in eum coniectus esset, incolumis tamen atque illæsus euasit. Nec multò post prælium istud, dum crudelis tyrannus Maximinus bellum instaurare pararet, in grauem ac tetram infirmitatem decidit, qua oculorum lumine orbatus, & consumptis carnibus, è vita miserabiliter excessit. Post cuius obitum, liberis eius interemptis, ac principibus omnibus illius factionis pariter extinctis, vniuersa ac summa Imperij potestas ad Constantinum & Licinium deuoluta est.

Quæ tamen, non multo postea euoluto tempore, tota in ipsum vnum Constantinum, Deo ita volente, est congesta. Licinius enim, mali dæmonis tentatione, prauorumque consiliariorum suasionem impulsus, & propria ambitione & superbia obcæcatus, affinitatis, ac beneficiorum à Constantino acceptorum, quibus sorore ei in vxorem tradita collegam suum in Imperio illum declarauerat, oblitus, clandestina coniuratione facta, in personam ipsius conspirare, malisque artibus ac proditiionibus ad totius Imperij monarchiam aspirare cœpit. Et quamquam ab ipso Constantino, quem peruersa eius consilia prorsus non latebant, benigno ac paterno affectu pluries admonitus & correptus esset, sperante quòd quandoque resipisceret, prauaque in meliora studia commutaret: & licet is cognationis ac propriæ sororis intuitu, multos apertæ coniurationis tractatus contra se illi condonasset, non propterea tamen melior effectus est, sed ab vno in aliud errorum ac scelerum barathrum sese præcipitans, Christianos persequi ac pessimè exagitare aggressus est. Et quò Constantinum magis irritaret, impiam ac scelestissimam idololatriam amplexatus, Ecclesiæ hostem infensissimum ac persecutorem accerrimum seipsum declarauit: demumque tot flagitia, tot scelera atque execranda prorsus in Christum & Constantinum ipsum patrauit facinora, vt ipsum ad apertum bellum illi indicendum, ac re ipsa necessariò inferendum impulerit. Et quamquam pluries collatis signis prælilio superatus fuerit; nihilominus semper rebellans, & contra pactiones, res nouas iteratis sæpè vicibus moliens, ac bellum denuò instaurans, non destitit, donec captus, & in Constantini potestatem redactus, Imperatorio titulo ac maiestate iustissimè priuatus est. Et licet clementer vita donatus, ea tamen conditione, vt in relegationis suæ confinio priuatam & quietam degeret vitam, non propterea

Lib. 7. c. 37.  
38. 39. &  
40.

Quem item  
superat Cō-  
stantinus,  
sancta Cru-  
cis in laba-  
ro virtute.

Licini in-  
gratitudo.



**A** propterea quieuit, donec capitali sententia damnatus, securi percussus est. *Quo pariter debellato, totum Imperium Constantino cecidit.* Quamobrem cum propter alterius huius etiam tyranni necem Orientis Imperium, una cum Occidentali, in unum ipsum Constantinum coisset, dum ille superstes fuit, sancta Dei Ecclesia tranquilla & læta pace feliciter potita est.

Post deuictum ac ultimo prælio in Bithynia debellatum Licinium, à Nicomedia castra mouens Constantinus, Byzantiis bellum intulit, qui ditioni eius se subijcere peruiacissimè renuentes, nec illi tributum pendere, nec vectigal aliquod pensitare volebant. Quamobrem consertis manibus, in primo conflictu sex millia, deinde verò in prælio altero circiter tria millia, vt tradit Nicephorus, ex Constantini militibus cecidere. Quo prospero belli successu Byzantij elati, iam iam ad totius Imperatorij exercitus internecionem superbissimè aspirabant. Erat enim tum exercitus ipse valde attenuatus & imminutus; nam robustiores veteranorum militum cohortes missæ fuerant ad Persarum incursionem frænandas, quibus Romani Imperij finitimas regiones diuexabant. Quo calamitoso prælij exitu, ingenti animi mœnore Constantinus angebatur: & dum mœstus & cogitabundus secum agigaret animo quonam remedio, accepto incommodo occurrendum esset; dumque consilij inopia vehementer afflictatus, oculos sæpè in cælum intenderet, quasi opportunum consilium, diuinumque auxilium inde certissimè expectaret, id ingenti planè admiratione dignum illi contigit, quod tradit Nicephorus his verbis: *Vespera diei erat, & Imperator languidus & mœstus inopia consilij, continuè oculos in cælum intendit; atque ibi rursum, itidem vt Romæ, cum contra Maxentium bellum gereret, scripturam stellarum ordine atque distinctione conformatam vidit, hoc significantem: Inuoca me in die tribulationis tuæ; eruam te, & liberabo te, & glorificabis me. Stupore igitur percitus, rursum oculos in cælum sustulit, atque iterum Crucem stellis sicuti antea effigiatam in cælo, & inscriptionem circum eam conspexit, cuius hæc verba erant: IN HOC SIGNO*

**C** HOSTES OMNES VINCES. Hæc Nicephorus. Atque hæc fuit secunda Crucis visio quæ Constantino è cælo commonstrata est. Qua conspecta, statim ad se reuersus, & admirabiles victorias, quas olim per sanctæ Crucis virtutem adeptus erat, ad memoriam reuocans, animo confirmatus est. Ideoque postridie classicum canere iussit, prælioque Byzantiis iterum indicto, & labaro in quo Crux sancta efficta erat, ante instructas acies constituto, secundo prælio vsus, Byzantios ipsos feliciter superauit, illorumque ciuitatem expugnauit; quam ob situs opportunitatem, aërisque salubritatem, instaurandam & ampliandam suscepit, tantaque magnificentia & splendore illam exornauit, vt pro sua ipsius habitatione illam eligens, & à nomine suo Constantinopolim appellans, longa postea annorum serie, præcipua vrbs fuerit, in qua Imperatores residerent; ita vt ipsius antiquæ Romæ gloriam, magnificentiam & splendorem æmulata, à plerisque noua Roma appellata sit, eiusque incolæ Romanos se dixerint.

**D** Tertia autem expeditio, in qua Crucis signum Constantino è cælo est commonstratum, illa fuit, cum Istro fluuio, quem alij Danubium appellant, per pontem saxeum admirabili exædificatione ab ipso extructum, cum exercitu transmissio, Scythas trans flumen illud habitantes deuicit ac domuit. De cuius Crucis visione & apparitione Nicephorus inquit: *Istrum fluuium, qui Danubius quoque dicitur, ponte saxeo iunxit, eoque transito, Scythicam gentem, quæ ultra id flumen coluit, sibi subiugauit. Quo tempore ei denuò in cælo salutifera illa armatura apparuit, victoriamque eam sicuti & antea conciliauit.* Hæc Nicephorus. Illa tamen quorundam est sententia, Constantinum in hac expeditione haudquaquam interfuisse, sed eosdem Scythas per Gallicanum virum clarissimum & ducem exercitus sui subegisse, cui beatam virginem Constantiam filiam suam dilectis-



Habentur  
hæc Acta a-  
pud Suriū,  
To. 3. c. 3.  
& apud a-  
lios, sub die  
26. Iunij.

Alia Galli-  
cani aduer-  
sus Scythas  
victoria,  
virtute iis  
Crucis par-  
ta.

De vita Cō-  
stantini,  
lib. 4. cap. 5.

Lib. 1. cap. 8

simam matrimonio copulandam, & Consularem dignitatem desponderat. In A  
quam opinionem adducti sunt, ex his quæ leguntur in Actis sanctorum Mar-  
tyrum Ioannis & Pauli à Terentiano conscriptis: qui quidem Martyres à san-  
cta Constantia missi fuerant, ut eundem sibi designatum sponsum, in ea expe-  
ditione contra Scythas comitarentur, illique inferuissent. In quibus Actis, dum  
idem Gallicanus Constantino relationem faceret de his quæ in illa expeditione  
sibi contigerant, inter cetera inquit: *Cum Scythica gens me in Thraciarum Philippo-  
poli conclusisset, stragemque nostrorum plurimam edidisset, formidante me cum illis con-  
figere, quod exigua esset mihi militum manus, illorum autem innumera multitudo, insiste-  
bam sacrificiis, & varias Marti victimas offerebam. Et quid multis moror? creuit tan-  
dem obsidio, & omnes Tribuni & milites mei se hostibus dedidere. Cum ego autem  
cuperem fugæ aditum reperire, Paulus & Ioannes, quorum alter Præpositus, alter Pri-  
micerius est Domina mea pietatis vestra filia Constantia Augusta, dixerunt mihi:  
Nuncupa votum Deo celi, si te liberauerit, fore te Christianum: sicque eris victor amplius B  
quàm fuisti. Fateor, sacratissime Imperator, simul atque votum hoc ore meo prolatum est,  
apparuit mihi iuuenis statura excelsus, ferens in humeris Crucem, & dicens: Sume gla-  
dium tuum, & sequere me. Cum ego sequerer illum, apparuerunt mihi hinc inde milites  
armati, confirmantes me, atque dicentes: Nos tibi præstamus officium. Tu ingredi  
castra, & dextra laevaue tenens gladium euaginatam, respice donec ad Regem ipsum  
peruenias. Ad quem cum peruenissem, prostratus ille ad pedes meos, rogauit ut sanguini  
eius parcerem: ego flexus pietate, nullum penitus ex illis occidi, nec occidi iussi ab aliis. At-  
que ita vniuersa Thracia à Scythis liberata est, & Scythæ facti sunt tributarij.*

Verum ex his ipsis Gallicani verbis apertè colligitur, victoriam ab eo de Scy-  
this partam diuersam ab ea fuisse, quam Nicephorus tradit Constantinum de  
eadem gente retulisse. Nam idem Nicephorus apertè testatur, Constantinum  
ipsum post extructum pontem, quo Istrum iunxerat, eundem fluuium cum  
vniuersis copiis traiecisse, Scythasque qui ultra eum amnem incolebant sub- C  
egisse. Gallicanus autem ibi asserit, Scythas eum in ciuitate Philippopoli, quam  
recentiores Trimontium & Hadrianopolim appellant, obsedisse; quæ Thraciæ  
prouinciæ vrbs est, citra Istrum fluuium longo itineris interuallo sita; vniuer-  
samque Thraciam, quam Scythæ occupauerant, liberaſſe. Quocirca necessariò  
fatendum est, has fuisse duas expeditiones, duoque bella populis illis illata; in  
quorum altero Constantinus interfuerit, alterum verò per Gallicanum gesse-  
rit. Quod autem Constantinus Scythas deuicerit & subiugauerit, plerique  
auctoritate graues Scriptores affirmant; atque inter ceteros his verbis testatur  
Eusebius: *Fam verò quid attinet, inquit, illa minimè necessaria recensere, quemadmo-  
dum barbaras & immanes gentes sub Romanum Imperium subiecerit; & ut Scytharum  
& Sauromatarum nationes, qui numquam parere populo Romano didicerant, pri-  
mus is sub iugum miserit; coegeritque eos vel inuitos profiteri, Romanos esse rerum do-  
minos. Nam cum superiores Imperatores, vectigalia Scythis persoluerent, ipsique Ro- D  
mani à Barbaris seruitute pressi, quotannis tributa penderent; cum hæc conditio Impera-  
tori minimè ferenda videretur, alienumque existimaret ab omnium gentium victoris  
dignitate, perinde ut maiores suos tributum pendere; Seruatoris sui ope præsidioque con-  
fusus, triumphale illud signum contra istos etiam obtendens, breui spatio omnes superauit,  
& reluctantes quidem armata manu coercens, reliquos prudentibus legationibus pla-  
cans, ab inculta & fera vita, ad humanam ciuilemque traduxit. Atque aliquando tan-  
dem Romanis Scythæ parere didicerunt. Hæc Eusebius:*

Sozomenus autem scribit, Constantinum barbaras has nationes, quas ipse  
Sauromatas & Gothos appellat, subegisse, post deuictum Licinium; affirmans  
easdem tum ultra Istrum regiones incoluisse; sic enim tradit: *Porro Imperator,*  
post



A post bellum cum Licinio gestum tam secundo fortunæ statu in præliis contra alienas exterasque gentes faciendis usus est, ut tum Sauromatas tum Gothos subiugaret. Ista quidem gens id temporis trans Istrum fluvium habitavit. Hæc Sozomenus. Constantinum autem ad bellum gentibus illis inferendum perrexisse, ex Zonaræ verbis apertè colligitur, sic enim ait: *Ferunt, Constantinum in præliis cum Licinio et Maxentio commissis, vidisse armatum equitem, signum Crucis pro vexillo ante aciem suam præferentem: ac rursus Hadrianopoli duos ei visos adolescentes, qui hostium phalanges caderent.* Hæc ille. Tales igitur extitere tres Crucis visiones, quæ magno Constantino è cælo apparuere: per cuius Crucis virtutem, tot insignes admirabilesque victorias adeptus est, ipsæque eadem in magna causa fuerunt, sanctæ Ecclesiæ ampliandæ, & Domini nostri Iesu Christi fidei dilatandæ; cui laus, gloria, & imperium, per infinita sæcula sæculorum. Amen.

Annal. Tomo 3. circa principium.

B CAPUT XV.

*De variis ac diuersis aliis Crucis visionibus, quæ in cælo apparuerunt; & de euentibus qui mundo ex eisdem præsignificati sunt.*

Cum de tribus his præcipuis Crucis visionibus, quæ magno Constantino Imperatori è cælo apparuere, præcedenti capite à nobis tractatum sit; concinnus nunc rerum ordo & consequentia ipsa exigere videntur, ut agamus de compluribus aliis eiusdem sanctæ Crucis apparitionibus, quæ diuersis temporibus hominibus ostensæ sunt; & de euentibus, quos futuros mundo prænuntiauere. Ea enim tractatus huiusce nostri planè congruens est atque præcipua materia; de qua tamen, cum multi iam ante nos scripserint, ita ut vix quidquam prodere fas sit, quod non ab aliis prius dictum fuerit, sobriè ac breuiter pertractantes, ab eadem vnico hoc præsentī capite nos expedire curabimus, insigniora & notatu digniora tantummodò per compendium delibantes, eosque, quibus de hoc plura attingere desiderium inest, ablegantes ad eos, quorum de huiusmodi Crucis visionibus atque apparitionibus scribere præcipuum institutum fuit. Inter quos laudem hanc sibi primùm meritò vindicarunt, Alfonsus Ciacon, qui de ea re integrum Tractatum absoluit; Cardinalis Baronius, qui infatigabili lectione, vniuersa pænè perlustrans, in immensa atque admirabili illa Annalium suorum constructione, omnia congeffit; & post hos Iacobus Gretserus è Societate Iesv, qui sedulitate atque solertia sua nihil prætermisit: hi verò curiosis Lectoribus cumulatissimè satisfacere poterunt.

Prima igitur Crucis visio, quæ post magni Constantini obitum in cælo conspicta est, illa fuit, quæ super sanctam Ierosolymorum urbem apparuit in die sancto Pentecostes, Nonis Maij, circiter eiusdem diei horam tertiam, salutis nostræ anno trecentesimo quinquagesimo tertio, qui Pontificatus sancti Liberij. Papæ secundus fuit, & Imperij Constantij eiusdem Constantini filij decimus septimus; illius urbis Episcopatus munere tum fungente sancto Cyrillo, qui tamquam oculatus testis de ea re eundem Imperatorem per epistolam suam certiore fecit; asseuerans, eam Crucis visionem, non momentaneam quidem, neque velociter percurrentem, sed quamplurimis horis stabilem, atque ab vniuerso eiusdem ciuitatis populo apertè conspectam, coruscisque splendoribus solis radios superantem, tantæque magnitudinis extitisse, ut à sancto Caluariæ monte, vsq; ad montem Oliuarum extenderetur. Ad cuius admirabilis & sancti atque diuini prodigij intuitum, cuncti Christi fideles ingenti admiratione, pioque timore ac lætitia affecti, illicò ad ecclesiam citatis gressibus concurrerunt, Deum

Illustris Crucis apparitio super ciuitatem Ierosolymorum.

Epist. ad Constant. Imp. habetur in fine Cateches. Mystag. in Biblioth. Patrum, To. 2.



Deum optimum maximum adorantes & collaudantes, Saluatoremque nostrum deprecantes, ut prodigiosa illa sanctæ Crucis apparitio Ecclesiæ Catholice pacis, tranquillitatis, & exaltationis, faustum, felixque ac fortunatum præ-

<sup>a</sup> Lib. 4. c. 4. sagium esset. Iudæi verò & Ethnici qui Ierosolymis tunc aderant, ad tanti prodigij conspectum meritò obstupefcentes, & consternati, inficias ire aut diffiteri non poterant, Christianam religionem sanctam & optimam existere, cum illius sacra mysteria non ab hominibus tantum, sed ab ipso cælo comprobarentur, amplecterentur, & monstrarentur: quamobrem eorum complures ad sanctam Christi Domini fidem tum conuersi sunt. Eiusdem autem Crucis apparitionis, præter eundem Cyrillum complures alij Auctores grauissimi luculentissimum dant testimonium; & inter eos præsertim, Sozomenus <sup>a</sup>, Socrates <sup>b</sup>, Gelasius <sup>c</sup>, Glycas <sup>d</sup>, Cedrenus <sup>e</sup>, Simeon Metaphrastes <sup>f</sup>, Nicephorus <sup>g</sup>, Alexander Monachus <sup>h</sup>, Iulius Polynices <sup>i</sup>, & alij plerique.

Quid autem prodigiosa illa Crucis apparitio portenderet, idem sanctus Cyrillus in ipsa eadem Epistola, Imperatori Constantio pro animi sui sententia exposuit in hunc modum: *Atque hoc quidem prodigium, Imperator Deo dilectissime, Prophetarum testimonio, ac verbis Christi, quæ sunt in Euangelio, prædictum, & nunc iam peractum est, & deinceps amplius perficietur. Nam in Euangelio secundum Matthæum, cum Saluator rerum futurarum cognitionem beatis Apostolis suis traderet, & per illos aliis qui cum eo versabantur, apertissime prædixit: Et tunc, inquit, apparebit signum Filij hominis in cælo.* Hæc sanctus Cyrillus: quibus innuere videtur, Iudicij diem iam ex tunc appropinquantem, eadem Crucis apparitione prænuntiatum fuisse. At quid reuerà Dominus prodigioso signo illo futurum innuere

*Effectus seu  
euentus præ  
cedens ap-  
paritionis.*

voluerit, tempora ipsa quæ paulò post subsecuta sunt, apertè declarasse videntur. Cum enim Constantius Imperator impiæ Arianæ hæresi postmodum adhæsisset, & Catholicam Ecclesiam hostili persecutione exagitare cœpisset, benignissimus Saluator noster, ut electos ac fideles suos solaretur, Crucis signum super montem eundem ipsum cælitus commonstratum esse voluit, in quo Cruce sua hostes nostros iam deuicerat & alligauerat; quasi è cælo tacitè locutus, dulcissima verba illa iterum repetita esse voluisset, quæ ipsemet dum nobiscum versaretur in terris, ore proprio protulerat: *In mundo pressuram habebitis: sed confidite, ego vici mundum.* Nec sanè fefellit cæleste ac diuinum præsagium. quamuis enim amarum ac pestiferum hæresis semen Imperatoria violentia, in vniuerso pænè Ecclesiæ agro superfeminatum tunc fuerit, ita ut purum ac sincerum sanctæ fidei Catholice triticum totum ferè obrutum ac penitus oppressum videretur, diuina tamen virtute creuit, & mirabilem in modum adeò multiplicatum est, ut, Arianâ tandem euulsâ zizaniâ, fructum fecerit centesimum. Quamobrem de his agens Cardinalis Baronius in Annalibus inquit:

*Annalium  
Tom. 3. an-  
no Chri-  
sti 353.*

*Etenim cum totius orbis Imperator bellum gesturus aduersus Catholicam Dei Ecclesiam, vexillum erexisset impietatis; & quod numquam antea acciderat, Imperatoria fureret accensa face impietas Ariana: Christus, aduersus cuius diuinitatem bellum iuratum esset, in cælo regnans, illud ipsum quo vniuersam cum impiis debellauerat impietatem, diuinum signum supra sanctum montem, immensa claritate coruscans, cælitus demonstrauit; quod & illud auribus fidelium videretur intonuisse lingua celesti: Confidite, ego vici mundum. Rem sanè probauit euentus; cum diuina virtute fides Catholica eò effulserit gloriosior, quò magis existimabatur armis impietatis extincta.*

Post Constantij Arianæ impietatis fautoris, & sanctæ Ecclesiæ Catholice perturbatoris interitum, occulto Dei iudicio, & pro maiori fidelium exercitio, Imperij gubernacula suscepit impius ac scelestus Iulianus, cognomento Apostata. Qui etsi per viginti annorum spatium Christianus extitisset, vel metu Constan-



- A** Constantij Christianum se esse ostentasset, illo tamen statim demortuo, vt primùm in Imperio confirmatus est, Christianam religionem solemniter repudi-  
dians, impiæ adhæsit idololatriæ, idolorumque fana aperiri iubens, sacrificia  
& victimas more maiorum his immolari mandauit. Quamuis benignus &  
misericors Deus, quò illum ab ea impietate frænaret ac retraheret, complura ad-  
miranda illi ostenderit atque direxerit prodigia. Inter quæ notatu planè dignif-  
simum illud fuit, quod ei ostensum est, cùm Illyricorum prouinciam cum ex-  
ercitu est ingressus, vt illam in potestatem redigeret, causam profectionis illius  
prætexens, quòd rectà ad Constantium sui purgandi causa pergeret, quòd Im-  
perij insignia & Augusti titulum sibi à militibus delatum, eo inconsulto susce-  
pisset. Nam cùm primùm Illyrij fines attigisset, vindemiarum tempore iam  
transacto, circa Nouembris initium, vites nouis vuarum botris acerbis ac mi-  
nimè maturis onustas vndequaque conspectas fuisse tradunt: deinde verò leui  
**B** quodam imbre è cælo defluente, singulas guttas, tum in eius tum comitum  
ipsius vestes, signum Crucis impressisse. Quam quidem historiam Sozomenus  
præcipuè profecutus est, iudicium quoque prodens, quod circa prodigij illius  
significationem à plerisque tum factum est; asserens, Iulianum ipsum, eosque  
qui illum comitabantur dixisse, vuas haud maturas intempestiuè apparentes,  
aliquid boni portendere; signum autem Crucis quod quælibet rotis gutta in  
vestibus ipsius ac militum suorum effinxerat, casu ac fortuito accidisse: ceteros  
verò qui ab ipso Imperatore religione ac doctrina discrepabant, censuisse,  
ostentorum alterum significare, Imperatorem immaturo ætatis tempore non  
secus ac immaturas vuas periturum, & Imperium eius ad exiguum tempus du-  
raturum: alterum verò indicare, religionem Christianam cælestem esse, & om-  
nes Crucis figura signari oportere. Neque certè (inquit Sozomenus) vt videtur, à  
veritate aberrauere: nam temporis progressio, vtrumque verè dictum fuisse de-  
**C** monstrauit. Hanc autem ipsam historiam Nicephorus pariter, Sozomenum  
secutus, ad posterorum memoriam litteris commendauit.

Lib. 5. cap. 1.  
Crucis in  
vestem Iu-  
liani, eiusq;  
comitum, ca-  
lidas deci-  
dunt.

Lib. 10. c. 2.

- Illud quoque notatu planè dignum prodigium fuit, quod misericors Deus  
eidem Iuliano, quò illum perterrefaceret, & ab impietate eius retraheret, osten-  
dit, ni malitia intellectum eius obcæcasset, tunc nimirum, cùm idolis sacrificans,  
in victimarum visceribus Crucis signum corona redimitum apparuit, vt supe-  
rius diximus. At longè notabilius illud pariter ostentum fuit, quod Deus illi in-  
tuendum præbuit, quo tempore Iudæis potestatem fecit, immò illos extimula-  
uit, vt Salomonis templum reædificarent: non quòd religionem eorum dilige-  
ret, quam potius execrabatur, sed odio Christianorum percitus. Cùm enim per-  
fida gens illa, ipso Imperatoris ærario adiuta, & ingenti pecuniarum vi, quam  
omnes Iudæi per vniuersum terrarum orbem dispersi in id opus contulerant,  
in vnum congesta, magna auiditate ac diligentia, infinitam propemodum  
lignorum molem, lapidum, laterum, calcis & arenæ congeriem, aliaque ad ædi-  
ficiū illud necessaria cumulatissimè præparasset, statim vt multorum homi-  
num millium manu fodere, & antiqui templi fundamenta detegere cœperunt,  
vt muro super eadem iniecto nouam structuram erigerent, non solum quid-  
quid materiæ interdiu inde eruerant, noctu sua sponte in eandem fossam trans-  
latum est, sed veteris etiam ædificij fundamenta radicitus euulsa, euerfa, & dis-  
sipata sunt. Tum verò repentè vehementes adeò & impetuosī venti spirare, tur-  
bines ingruere, tempestatesque horribiles oriri cœperunt, vt totam illam calcis,  
lapidum, laterum, ac præparatarum materierum congestam molem dissipauer-  
int, penitusque disperferint. At vbi prodigiosa tempestas illa quieuit, peruica-  
cissimis Iudæis ad opus reuertentibus, terrificus atque horribilis quidam terræ-  
motus

Iudæi ad  
templi Iero-  
solymorū re-  
edificationē  
à Iuliano  
instigati,  
maximis  
prodigijs  
impediuntur



motus statim commotus est, qui vniuersam Ierosolymorum urbem funditus **A**  
euertere & obruere videbatur.

At cum neque ob id exanimati aut exterriti perfidi Iudæi ab inchoato opere desistere vellent, ex defossis fundamentis horribiles flammarum ignes repente eruperunt, qui operariorum ac fossorum quamplurimos combussere, ceterosque in præcipitem fugam verterunt. Atque in ea quæ insecuta est nocte alius terræmotus concitatus est, qui cuiusdam vicini porticus, sub quo ceteri operarij & artifices, qui in opus illud laborem suum locauerant, dormiebant, fundamenta ac tectum euellens, omnes qui ibi se quieti dederant, oppressit. Eadem quoque nocte, atque postridie, rursus fulgentissima Crux in cælo apparuit. Et in vestibus tam Hebræorum, quam Christianorum, infinitæ propemodum Crucis imagines conspectæ sunt, non in ipsa Ierosolymorum urbe solum, sed Antiochiæ etiam, & in omnibus Iudææ ac Syriæ finitimis ciuitatibus & oppidis; & non in hominum ac mulierum vestibus tantum, sed in mappis ac ceteris **B**  
altarium ornamentis, & in ecclesiarum libris similes Cruces apparuerunt, quæ omnes tamen in Iudæorum vestibus nigri & atrii coloris, talisque erant tincturæ, vt quò magis illas abluere & abstergere conarentur, tantò magis conspicuæ fierent. Quibus horribilibus prodigijs, Iudæi ipsi tandem consternati atque conterriti, non tantum opus illud dereliquerunt, sed eorum plerique ad sanctam Domini Christi fidem conuersi sunt. Nec tamen propterea cæcus ac demens Iulianus ab impietate & perfidia sua auersus est. Hanc autem admirabilem historiam complures auctoritate grauissimi Scriptores prodidere; inter quos sanctus Gregorius Nazianzenus<sup>a</sup>, sanctus Io. Chrysostomus<sup>b</sup>, Rufinus Aquileiensis<sup>c</sup>, Theodoretus<sup>d</sup>, Sozomenus<sup>e</sup>, Socrates<sup>f</sup>, Nicephorus<sup>g</sup>, Cedrenus<sup>h</sup>, Rupertus Abbas<sup>i</sup>, & alij plerique.

Aliud quoque sanctæ Crucis ostentum eiusdem Iuliani Apostatæ temporibus è cælo commonstratum est, paulò antequam in expeditionem contra Per- **C**  
sas proficisceretur, in qua infelicem ac nefariam vitam miserabiliter amisit; quæ Crux corona quadam varietate colorum, iridis instar redimita, supra Ierosolymorum urbem apparuit, & à Caluariæ monte vsque ad collem Oliuarum extendebatur, ea longè lucidior quæ Constantij Imperatoris temporibus ibidem conspecta est; de qua Cedrenus: *Eo tempore, inquit, lucida Crux apparuit, cincta lucida corona, à Golgotha vsque ad montem Oliueti pertingens, splendidior quam sub Constantio.* Cuius etiam Theophanes fusiùs meminit. Hæc autem prodigia, & Crucis apparitiones, iuxta Baronij supputationem, contigerunt anno salutis nostræ trecentesimo sexagesimo tertio, qui fuit Pontificatus sancti Liberij Papæ duodecimus, & Iuliani Imperij secundus. Quæ ostenta non pro eiusdem impij Apostatæ emendatione & correctione tantum apparuerunt, si resipiscere sciuis- **D**  
set aut voluisset, sed pro fidelium solamine, ne in tyranni illius persecutione animos desponderent; sed illud pro constanti firmiter tenerent, Christum Dominum præstò adesse, qui sanctæ Crucis suæ clypeo illos protegeret ac liberaret, scirentque, persecutionem illam citò finem accepturam. Quod futurum apertissimè præsignabat circulus siue corona illa iridis coloribus efficta, quæ Crucem ipsam circumdabat. Quemadmodum enim post magnos imbres, iride serò apparente, serenitas portenditur; sic Crucis signo iride circumdato in cælo apparente, serenitas & tranquillitas præsignificata est, qua sancta Dei Ecclesia post impij illius Christi rebellatoris necem fruitura erat. Crux autem illa quæ in cælo apparuit, & illæ quæ in hominum vestibus tunc impressæ fuerunt, cum Iudæi Salomonis templi reedificationem aggressi sunt, illud aperte significauerunt, non amplius legem Moysaicam, sed Christianam religionem, & Cru-  
cem

*Cruces in vestibus Hebræorum & Christianorum diuinitus apparent.*

<sup>a</sup> In Orat. 2. contra Iulianum.

<sup>b</sup> In Psal. 110.

<sup>c</sup> Hist. Eccl.

lib. 1. c. 37.

38. 39.

<sup>d</sup> Hist. Eccl.

lib. 3. cap. 17.

<sup>e</sup> Lib. 5. c. 21.

<sup>f</sup> Lib. 3. c. 17.

<sup>g</sup> Libro 10.

cap. 33.

<sup>h</sup> In Iulianu.

<sup>i</sup> In vita El-

pidij, cap. 6.

To. 5. Suriij.

*Cruce redimita velut iride, signat breue Iuliani Imperij, & Ecclesie tranquillitatem.*



A cem sanctam deinceps coli debere, eandemque priscis antiquæ Legis sacrificiis ac ritibus suppressis atque extinctis, mundo efflorituram: demumque immutabili sententiæ decreto, templo illi nouissimam desolationem & exterminium præfixisse, iuxta Danielis Prophetæ vaticinium, Christi Domini auctoritate confirmatum, cum è templo illo egrediens, ingentesque structuras illas intuens, cuidam ex discipulis suis de eisdem loquenti respondit: *Vides has omnes magnas* Marci 13. *edificationes? Non relinquetur lapis super lapidem, qui non destruatur.*

B Post prædicti impij Iuliani Apostatæ obitum, complures aliæ Crucis visiones variis ac diuersis temporibus apparuere: quibus breuitatis causa prætermis- sis, à temporibus quibus Imperij gubernacula tenuerunt Iouinianus, Valenti- nianus, Valens, Gratianus, Maximus, Valentinianus iunior, ac Theodosius, ad Arcadij tempora quasi per saltum præteruolantes, breuiter attingemus hîc ad- mirabilem Crucis, immò infinitarum propemodum Crucium visiones, quæ in eius exercitu apparuerunt. Intulerat is bellum Persis, ad id pænè (vt aiunt) per capillos attractus. Hi enim, dum Theodosius pater eius in humanis egit, nihil noui in Imperium moliri ausi sunt: eo autem vita functo, Christianos regionem illam incolentes variis vexationibus statim exagitare, orasque Romani Imperij finitimas incursionibus perturbare cœperunt. Quibus iniuriis laceffitus Arca- dius, arma in illos mouit. Dumque exercitus eius, aciebus instructis prælio cum eisdem Persis decertaturus esset, Cruces quamplurimæ ex aëre illapsæ, in mili- tum vestibulis repente apparuerunt, quæ felicis atque insignis victoriæ, quam tunc adeptus est, præsagium extitere. In cuius facti memoriam, numismata quædam aurea cudi postea iussit, in quibus Crux erat insculpta, vt Prosper Aquitanicus testatur, qui per id temporis inter humanos agebat; inquit enim: *Rursum Cruces in vestibulis militum tempore Arcadij, victoriæ contra Persas indices.*

C *Nostris temporibus apud Persas persecutionem factam nouimus, imperante Arcadio De promissionibus & prædictionibus Dei, part. 3. Promissione 34 impleta de Martyrib.* *religioso & Christiano Principe: qui ne traderet ad se confugientes Armenos, bellum cum Persis confecit. Eo signo antequam potitus victoria, iam coeuntibus in prælium mili- tibus, aëreæ Cruces in vestibulis paruere. Vnde etiam victor, auream monetam cum eodem signo Crucis fieri præcepit, quæ in usu totius orbis, & maximè Asiæ, hodieque persistit.*

Quorum numismatum vnum solertissimus & infatigabilis, æternæque & immortalis memoriæ Cardinalis Baronius quinto Annalium suorum Tomo, sub anno Christi trecentesimo nonagesimoquinto, typis excudi curauit; estque eius formæ, quæ hîc conspicitur.



Non semper tamen Crucis signi & imaginis apparitiones, felices ac prospe- ros euentus mundo portenderunt: quin etiam quandoque infaustorum misera- biliumque successuum extitere præsagia; cum huiusmodi visiones plerumque hominibus ad id præcipuè commonstratæ sint, vt Christi Domini Crucis & mortis memores, tribulationes, calamitates, ac misérias, quæ in periculosa & perdifficili peregrinatione hac nostra imminet, sæpissimeque ingruunt, ma- *Crucis ap- paritiones non semper prosperi successus prænuntia.*



iore constantia atque patientia perferant. Atque ut plurimum, Dei optimi A  
maximi peccatis nostris meritò succensentis, paternæ admonitiones sunt; ut vi-  
sionibus hisce præmoniti, praua nostra facinora relinquentes, per pœnitentiam  
illum nobis placatum ac propitium reddere studeamus; quò animaduersiones  
ac supplicia, quæ ostentis hisce nobis minitatur Deus, euadere possimus. Quod  
Psal. 59. diuinus ac regius Psalter innuere voluit, cùm dixit: *Dedisti metuentibus te signifi-  
cationem, ut fugiant à facie arcus, & liberentur dilecti tui.*

Tale prorsus mundo prodigium attulere Cruces illæ quæ Constantini quin-  
ti Constantinopolitani Imperatoris, impij patris Leonis Isauri impiissimi ac  
scelestissimi filij temporibus apparuerunt; qui ex eo quòd sacram Baptismatis  
aquam, dum in ea sacramentaliter mergeretur, stercore fœdauerat, cognomento  
Copronymus est appellatus. Cuius infelicitis ac tyrannici Imperij initio, id est,  
anno secundo & tertio, ut Cedrenus testatur, Crucis signum bis in cælo con-  
spectum est. Atque eiusdem Imperij anno sexto, in vrbe Constantinopoli, in B  
hominum vestibibus, & in ecclesiarum paramentis ac aliis supellectilibus,  
Cruces quamplurimæ, veluti ex oleo designatæ, repente apparuerunt. De qui-  
bus idem Cedrenus inquit: *Constantinopoli subito, & visu non obseruante, exti-  
tere in hominum vestibibus, & in ecclesia supellecile plurimæ Cruces, quasi ex oleo  
factæ.* Hæc ille. Præsignificauere autem Cruces illæ ingentis mortalitatis &  
pestilentiae supplicium, quod Deus Constantinopoli, & in pluribus aliis ciuita-  
tibus & prouinciis paulò post immisit, in prædicti Constantini Copronymi  
scelerum animaduersionem, quæ non aduersus Sanctorum imagines tantum,  
sed contra religiosos & quoscumque piè viuentes extendebantur. Ecclesias  
enim comburebat ac profanabat: Sanctorum reliquias proiciebat, pedibus  
conculcabat, & igne absuimebat; illorumque inuocationem impiis ac seuerissi-  
mis edictis interdicebat; sanctissimæque Dei matris & semper virginis Mariæ  
auxilium & intercessionem publicè negabat & respuebat; Crucesque à piis C  
Christi fidelibus in agris, in viis, aliisque publicis locis erectas, erui, disijci, &  
euerti mandabat. Quibus scelestissimis facinoribus laceratus Deus, & ad iustis-  
simam iracundiam meritò prouocatus, horribilia & execranda scelestissimi  
Imperatoris flagitia in populos ditioni eius subditos seuerissimè animaduertit;  
non secus ac propter Dauidis peccatum, pestilentiam in Israëliticum populum  
immisit: & non aliter quàm ob Sennacherib Assyriorum Regis blasphemiam,  
4. Reg. 19. Angelus Dei centum & octuaginta militum millia nocte vna peremit.

Talis autem ac tanta mortalitas illa fuit, quam ob eiusdem impij Constan-  
tini Copronymi iniquitatem & scelera Deus tunc mundo immisit; ut in ipsa  
vna vrbe Constantinopoli tantum, trecenta hominum millia occubuerint.  
Trecenta ho-  
minum mil-  
lia Constāti-  
nopoli peste  
morta. Quamobrem horribile ac planè terrificum supplicium illud describens Cedre-  
nus, affirmat, omnes Byzantij domos penitus tunc clausas fuisse; neque vsquam  
reptos, qui defunctorum cadavera sepelirent: cumque illis efferendis feretra D  
non sufficerent, iumenta, currus, plaustra, & vehicula in illum vsum surrogata.  
Testaturque tam ingentem quotidie decedentium multitudinem extitisse, ut  
repletis iam & vrbis & suburbanis monumentis & sepulchris, in pomæriis,  
in aggeribus, in propugnaculis, & in exsiccatis cisternis ac lacubus cadavera de-  
ponerentur: & his demum refertis, vix vltiores horti & vineæ ipsæ human-  
dis corporibus superessent. Quamobrem de hac ipsa eadem calamitate lo-  
quens sanctus Theodorus Studita, in ea funebri Oratione, quam habuit  
de laudibus sancti Platonis Martyris patris sui spiritualis, post multos ab eo re-  
censitos euentus, adeò miserandos, ut sine horrore legi non possint, asserit, mor-  
talitatem illam in vrbe Constantinopolitana tam immodicam extitisse, ut intra  
duos

In Orat. in  
S. Platonē.  
exstat apud  
Lipom. T. 7  
& apud Su-  
rium 6. sub  
die 16. Dec.



A duos menses, vrbs illa celeberrima, & tot hominum millibus habitata, eò hor-  
roris atque miseriarum redacta fuerit, vt incolis prorsus vacua videretur, ita vt  
illud celeberrimum ac vulgatissimum Poëtæ dictum veritate tunc plenè com-  
probatum fuerit:

*Quidquid delirant Reges, plectuntur Achiui.*

Horat. lib. 1.  
Epistolarū,  
ad Lollium  
Epist. 1.

Quamquam & ipse impius Copronymus, tantorum malorum auctor, facino-  
rum suorum condignam animaduersionem non effugerit. Nam vitam suam  
miserabili quoque fine conclusit, adhuc viuens de sua in æternum damnatione  
præfagus.

Iisdem ferè temporibus, sed in regionibus longè dissitis, nempe in Hispaniis,  
circa salutis nostræ septingentesimum & quartumdecimum, vel iuxta aliorum  
supputationē, septingentesimum & vigesimum quartum annum, cum vir stre-  
nuus Garcias Eximini, militarium copiarū ductor eximius, primus Rex electus  
B fuisset prouinciæ Suprarbiensis, quæ Regnorum Aragoniæ & Nauarræ fons &  
origo extitit; cumque parua admodum militum suorum manu, aduersus infi-  
nitam propemodum Maurorum multitudinem necessariò sibi præliandum vi-  
deret, & proinde sollicitus & anxius toto cordis affectu Dei auxiliū imploraret,  
cæleste quoddam signum in aëre illi apparuit; Crux nimirum rubea supra viri-  
dem quercum, aureo veluti in clypeo posita, quæ certissimum ac felix victoriæ  
præfagium illi attulit, vt re ipsa postea comprobatum est. Nam cum alacri ani-  
mo viriliter decertasset, ingentes omnes illas Barbarorum acies, magna edita  
strage, magnoque eorum dedecore profligauit. In cuius egregij facinoris monu-  
mentum, pro suo ipsius stemmate & insigni præcipuo, Crucem postea rubeam  
super viridem arborem, in parua aurea perpetuis vsibus vsurpauit. Cuius rei  
benè gestæ series in Chronico vrbs Valentiae, à Martino de Viciano edito,  
hisce verbis Hispanico idiomate ad posterorum memoriam commendatur:

Victoria Hi-  
spanorū cō-  
tra Mauros  
Cruce cali-  
tus appa-  
rente.

C *Acceptado que fue por el nouello Principe el cargo y gouierno de aquellas gentes, luego  
entendio en las cosas de la guerra, y recobrò à Jnsa, que es la cabeça del partido de Sobrar-  
be. E pues Christo Jeshu hauia incaminado la election del Principe, fue seruido, para su  
confortacion en tan santa empresa, darle la vision de la Cruz colorada, puesta en cima  
de un verde arbol. E como Don Garci Ximenes vido la Cruz, se arrodillò en el suelo,  
y dando gratias al Señor, entendio que era señal de vencimiento. Y así la tomò por in-  
signias y armas vencederas; y dende truxò en sus escudos, pendones, y vanderas, en  
campo de oro un arbol verde, con vna Cruz colorada, puesta en cima. E pues tenemos de  
la Yglesia, que nos dize de la Cruz, Con esta señal venceras; certissima tenemos la victoria  
contra los enemigos della.*

Ex Chroni-  
co Valentie,  
lib. 3. Del  
Rey Don  
Garcia Xi-  
menes de  
Sobrarbe.

Hæc autem ipsa eadem historia in Aragonensium rerum Commentariis  
Hieronymi Blancæ fusiùs etiam hisce verbis proditur: *Nostri, inquit, Aynsam  
occuparunt; breuique Christianorum vndique omnes suas copias eò contrahentium col-  
lecta multitudine, castellis atque arcibus eam communire cœperunt, vt quos timebant  
D hostium impetus sustinere possent. Mauri illicò, permagna suorum armatorum manu  
comparata, nostris immane excidium latuiri conuenerunt. Maximam enim victoriæ spem  
in ingenti eorum numero reposuerant. At Garcias Rex non intra mœnia continere solum,  
sed Mauris obuiam ire posse ratus, acie cum illis dimicaturus contendit. Innumerabilem  
autem eorum multitudinem vt inspexit, ad extrema ventum arbitratus est; neque aliun-  
de petendum esse quàm à diuino numine præsidium. Cumque sibi & suis necessariò con-  
fligendum videret, in diuinæque virtutis auxilio potiùs quàm in humana vlla potentia  
relictam spem; nostris animos addere, & ad gloriosam mortem obeundam excitare cœpit.  
Ipsis tunc omni spe dempta, ad necem, vt credebant, properantibus, memoriæ proditur,  
cæleste signum in aëre apparuisse; Crucem scilicet rubeam, supra viridem arborem, quer-*

Aragonen-  
sium rerum  
comment.  
De Garcia  
Eximini  
Suprarb.  
Rege pri-  
mo.



cum nomine, aureo veluti in clypeo positam. Qua inspecta, certissimum sibi futurae victoriae praesagium statuentes, ad acrius pugnandum commoti sunt. Itaque diuinam opem, ac beati Joannis Baptiste implorantes auxilium, quod pro fidei veritate certarent, libero cursu in Mauros irruerunt; summaque dimicantes contentione, tandem omnes eorum copias profligarunt. Hæc ibi. In eisdem verò Hieronymi Blancae Commentariis, non secus ac in ciuitatis Valentinae Chronico, delineata sunt stemmata, quæ idem Garfias Eximini Rex, eiusque liberi ac nepotes deinceps detulerunt, in hanc formam.

Garfia Regis  
stemma siue  
arma, cum  
Crucis ima-  
gine ipsi è  
calo ostensa.



A


Gestata fuere stemmata hæc Crucis rubæ super viridem arborem, in aureo clypeo, à Regibus prædictis, donec Innicus Arista, Suprarbiensis prouinciæ Rex quintus, electus fuit. Is enim dum in his campestribus, quæ inter Pyrenæos montes & Suprarbiensem prouinciã interiacent, aduersus Mauros prælio decertaret, dumque pugna ipsa maiore præliantium contentione flagraret, ipseque de illius exitu anxius, oculis in cælum intentis Dei auxilium toto cordis affectu imploraret, Crux argentea in scuto cyanei coloris, in aëre illi commonstrata est. Qua inspecta, certissimum victoriae praesagium sibi statuit; ideoque resumptis animis, & virili contentione dimicans, hostes profligauit ac deuicit. In cuius visionis & victoriae monumentum, Crucem illam eadem forma, quæ ei commonstrata est, pro sui ipsius stemmate deinceps gestare consuevit. Cuius facti memoria in Valentinae

B

In Chroni-  
co Valentia  
Martini de  
Viciano, l. 3.  
Del Rey  
Don Inigo  
Arista.

urbis Chronicis hisce verbis proditur: *Este Rey Don Inigo Arista, pues fue electo por los Reynos en conformidad, bien podemos creer que fue muy accepto à Dios; pues le fue embiado señal dal cielo, estando en los campos, que recaen entre los montes Pireneos y Sobrarbe. Donde vido en el cielo sereno vna Cruz blanca, segun parece por este exemplo. Este Catholico Rey vista la señal celeste, recordandose de las palabras, en fauor de la Cruz, diciendo, Ecce Crucem Domini, fugite partes aduersæ; deliberò de tomarla por su deuisa,*

*Arista Regis y armas inuencibles.* Additurque ibi ipsius stemmatis insignia, cuius Crucis item imagine cælestis demõstrata.



C

Rex autem iste, vt ex Aragonensium rerum Commentariis Hieronymi Blancae colligitur, electus fuit circiter annum Domini octingentesimum sexagesimum octauum. Et stemma hoc à cunctis Regibus successoribus eius gestatum fuit, ad Petrum vsque Regem Primum, qui Oscam cepit, anno millesimo nonagesimo sexto, vt idem Hieronymus Blanca testatur. Tamen si, vt idem postea subdit, nonnulli eorundem Regum Crucem supra arborem in nummis interdum cuderent; ad id fortasse, vt prædecessorum suorum gloriae, & prisca Suprarbiensis Regni memoriae consulerent.

D

Alia quoque admirabilis planè Crucis apparitio in Hispania, in Valentia nempe Regno contigit, cuius origo & causa à nobis altius repetenda est. Dum Aragonensium Regni sceptrum teneret Iacobus huius nominis primus, post expugnatum ab eo Burianæ oppidum, sex nobilitate insignes viri Aragonenses, iubente Rege, ab eodem oppido egressi sunt, vt in proximam à Mauris occupatam regionem incursiones facerent, ducentis & quinquaginta leuis armaturæ equitibus, vel, vt aliis placet, sexcentis, tum equestribus tum pedestribus ordinis mi-

litibus



- A** litibus constipati, salutis nostræ nimirum labente anno ducentesimo trigésimo quinto supra millesimum: quorum primarius dux erat Berengarius Dentenzia: cumque ad conuallem de Albayada appulissent, ad castrum de Luxent, & ad castrum del Chio vernacula lingua nuncupatum usque perrexerunt, castraque in alti montis cuiusdam vertice, qui oppidis prædictis finitimus est, loco edito, & prærupto quodam scopulo communito, quem Valentiniano idioma-  
te *el cabezo del codo* appellant, collocarunt: eo nimirum consilio, ut eadem oppida in potestatem suam redigerent, indeque in finitimas omnes hostium regiones incursiones facerent. Verum cum Mauri mentem eorum intellexissent, aciebus repente in unum vndequaque collectis, ingenti militum manu, quæ viginti millium numerum excedebat, illos protinus circumdederunt, & in eodem scopulo obsederunt. Quamobrem, cum omni comineatum copia, omni-  
que subsidij spe destitutos, sese ibi septos & vndequaque inclusos cernerent,  
**B** viam ferro sibi aperiendam, vel gloriosam mortem armis arreptis oppetendam statuere. Sed antequam egregium hoc facinus aggredierentur, Dei optimi auxilium toto cordis affectu implorantes, peccata sua humiliter confessi sunt, diuinumque Missæ sacrificium offerri curarunt, ut sanctissimo Eucharistiæ Sacramento piè se præmunirent. Sed temporis angustia pressi, cum sacerdos id tutò exequi haud posse perspiceret, sex particulis tantum consecratis, quibus sex duces illos saltem communicaret; ecce in eo temporis articulo, quo duces ipsi id peracturi ad sanctum altare appropinquabant, ingentes clamores horribilesque vociferationes & ululatus ipsius Barbarorum exercitus repente auditi sunt, qui concitato impetu vndequaque irruens, illos aggressus est. Quamobrem sacro-  
sancto ac pio illo mysterio pro eo tempore prætermisso, arma protinus corripuere, quibus hostium vim propulsarent, tantoque Dei favore adiuti sunt, ut  
**C** constarent, Mauros tamen ipsos profligarent; quorum plerique ibi confossi occubuere, ceterique in castro del Chio se includentes, vel per agros illos aufugientes, salutem vix sibi tandem compararunt. Dum autem Christiani cum infidelibus decertarent, sacerdos ille, qui sacrum Missæ sacrificium celebrabat, animo consternatus, ac veritus ne Barbari, colle occupato, altare profanarent, ipsumque Eucharistiæ Sacramentum violarent, inops consilij, & quid in tanto discrimine acturus esset ignorans, sex consecratas particulas illas corporali inuolutas accipiens, ac secum deferens, ducentorum ferè passuum itinere, versus castrum de Luxent, concitato gressu ab edito colle illo discessit; sacrasque particulas sub quadam arbore palmæ, inter saxa quædam condidit. Deinde verò collem versus atque altare gradum referens, ea scilicet mente, ut sacra vasa, mappas, ceteraque altaris ornamenta colligeret, ne ab impiis hostibus profanarentur, ingenti admiratione & magno gaudio perfusus, sex duces cum omnibus Christianis  
**D** militibus hilares, gloriosaque victoria potitos, & incolumes illuc reuersos esse comperit; qui sanctissimo Eucharistiæ Sacramento refici vehementer efflagitabant, ut de admirabili illa parta victoria debitas Deo gratias referrent. Sacerdos verò ubi quidnam de sacris illis particulis fecisset, timens ne ab hostibus violarentur exposuit, communi voto atque consilio, facibus cereisque funalibus accensis, ipsum sequentes, ad palmæ arborem illam perrexerunt: indeque sacratissimo recuperato deposito, ad eundem collem piè reuersi sunt.

*Victoria contra Mauros virtute S. Eucharistiæ.*

Petrus Antonius Beuter, parte 2.  
Martinus de Viciana, in Chronico Valentie, parte 3.

Sacerdos autem corporale ipsum magna reuerentia super altare collocatum, cum explicare vellet, incredibili admiratione ac pio horrore perfusus, sex particulas illas in sanguineum colorem versas esse conspexit; eidemque corporali sic adhærescere, ut nullo pacto inde diuelli possent. Quamobrem cum ad tanti mi-



raculi conspectum, extasi ac magno stupore correptus, quasi extra seipsum factus, quidnam sibi faciendum esset, diu anceps constitisset; tandem sacro Corporali, ita ut explicatum & extensum erat, manibus sublato, ad exercitum conuersus, magna reuerentia atque tremore illud ostendit. Quo sanè prospecto, altis protinus clamoribus sublati, misericordiam inclaimantes, idque iteratis vocibus sæpius repetentes, omnes humi prouoluti, admirabile ac miraculosum Sacramentum illud, magna humilitate ac reuerentia, piisque lacrymis & singultibus erumpentibus adorauere. Quod postea non sine miraculis in ciuitatem Darocam magna cum ueneratione translatum est, ut in prædicto Valentinae urbis Chronico, & ab aliis auctoritate grauissimis Scriptoribus enarratur; ubi ad hanc usque diem magna pietate & ueneratione asseruatur. Atque non solum ab omnibus Hispaniarum regionibus, sed ab vniuerso orbe Christiano peregrini eò confluunt, admirabile Sacramentum illud adoraturi, quod ab Hispanis, patrio gentis idiomate, *Los santos corporales de Daroca* appellatur.

*Peregrinationes ex toto orbe ad Sacramentum miraculosum.*

Effluxere deinde centum vel circiter anni, ab eo tempore quo magnum illud mysterium & admirandum planè miraculum ibi patratum est, cum ob assiduas calamitates, bella, & Maurorum incursiones, quibus regio illa postea exagitata fuit, eorum locorum, in quibus admirabile facinus illud contigit, ex hominum memoria exolescente, ac penitus deficiente notitia, recuperata est tandem ob assiduas orationes, quas sancta & nobilis quædam vidua Maria de Bidaure nuncupata, ad quam regionis illius dominium deuolutum erat, ad Deum fundi curabat; humiliter deprecans, utque alij deprecarentur obsecrans, ut per aliquod miraculum seruis suis reuelare dignaretur collem illum, in quo diuinum illud Missæ sacrificium peractum fuerat, & arborem illam palmæ,

*Admiranda Crucis apparitio, in miraculoso Sacramenti memoriam.*

sub qua sacræ particulæ iam conditæ extiterant. Anno enim trecentesimo trigésimo quinto supra millesimum, die Veneris quadam, quæ sexta erat mensis Iulij in meridie, sereno cælo, supra collem illum ubi sex illi duces constiterent, Crux quædam fulgentissima visibiliter apparuit, quinquaginta brachiorum vel circiter altitudinis, & viginti quinque latitudinis, prout humano prospectu iudicari poterat; quæ solaribus radiis splendore suo tenebras offundere videbatur, quæque à cunctis finitimis populis illis clarissimè conspecta fuit; ut in eodem Valentinae urbis Chronico hiscemet verbis enarratur: *Vn dia di Viernes, contado à seis de Iulio, del año mil trecientos y treynta cinco, al punto del medio dia, estando el cielo y el tiempo sereno y reposado, aparecio visiblemente en la cumbre del codol vna Cruz, muy grande, eleuada, que à la vista humana se figuraua cinquenta braços en alto, e veynte y cinco de cruzero, e quatro palmos de tabla, toda resplandeciente, tanto que al sol escurescia. Esta Cruz celeste fue vista del castillo de Luxent, por la deuota Doña Maria de Bidaure, y de todas las poblaciones de la valle de Albayda, por los moradores de ellas, y caminantes, pastores, y trabajadores en los campos. De que todos recibieron inmensa alegria, y confirmaron por esta señal, que Dios les hazia merced, de reuelarles lo que tanto deseauan.* Quamobrem ad illius admirabilis facti memoriam in posteros propagandam, Ecclesia ibidem extructa est sub sancti corporis Christi inuocatione; & Fratrum Prædicatorum Ordinis sancti Dominici monasterium conditum.


*Martinus de Viciana, in Chronico Valentia, parte 3.*

Sed remotiora tempora prætermittentes, ne caput hoc in prolixam nimis ac tædiosam longitudinem extendatur, breuiter agemus de quibusdam Crucis apparitionibus, quæ hisce nostris temporibus conspectæ sunt. Inter quas notatu planè dignissima illa fuit, quæ salutis nostræ anno quingentesimo sexagesimo septimo supra millesimum, die vigesima octaua Ianuarij apparuit supra urbem Capham, quam veteres Theodosiam appellauere: nobilem planè ciuitatem in Taurica Chersoneso sitam, quam recentiores Tartariam minorem vocant, Cimme-

*Apparitio Crucis recens anno 1567. & quid significari.*



- A** Cimmerico Bosphoro finitimam, à Turcis occupatam; vbi à quarta noctis hora, usque ad auroram Crux fulgentissima in cælo apparuit, supra lunæ orbitam constituta, quæ tunc concava & cornuta mundo ostendebatur, ea prorsus forma, quam magnus Turcarum tyrannus pro stemmate deferre solet. Atque super ipsius Crucis eminentiorem cuspidem lucidissima stella quædam refulgebat. Et paulò antè, id est decimo sexto eiusdem mensis die, supra eandem urbem tres soles conspecti fuerant, circulo quodam circumdati, qui ab ipsius medietate sursum candidus erat, deorsum verò variis coloribus iridis instar effectus. Soles autem ipsi, & Crux quæ apparuerat, eiusdem prorsus formæ & imaginis sese ostenderunt, quam hîc subiicimus:



- C** Quæ admirabilis Crucis apparitio eo præcipuè tempore facta est, quo nobiles Iustiniani Genuenses, quorum ditioni Chios insula suberat, quique Monenses dicebantur, ab improba & rapacissima Turcarum auiditate, eiusdem insulæ dominio iniquissimè spoliati, & inde eiekti, in eam urbem deportati sunt. Quorum nonnulli, eiusdem Crucis typum graphicè delineatum, vnà cum apparitionis illius diligenti relatione, ad cognatos & amicos in Italiam transmissere: quidamque ex senioribus eorum qui superstites ad hanc usque diem Romæ degunt, spectatæ probitatis viri, huius rei luculentissimum testimonium perhibent. Tres autem Soles illi, trium Christianorum potentatuum fœdus præsignauere; nempe sanctæ Sedis Apostolicæ, Hispaniarum Regis Catholici, & Venetorum reipublicæ, qui contra Turcas in vnum coiungere. Crux verò quæ supra Lunam apparuit, Ottomanorum domum designantem, quæ Lunæ ipsius imaginem pro præcipuo stemmate sibi vindicauit, felicitis atque admirabilis eius victoria certissimum fuit præsagium, quam Christianorum classis de Turcica relatura erat in sæculorum omnium memorabili illo nauali prælio, quod in sinu Corinthiaco, ad Echinades insulas postea commissum est, anno salutis nostræ quingentesimo septuagesimo primo supra millesimum, Nonis Octobris, diuo Marco Papæ & confessori consecrato die.
- D**

Demum verò recentioribus postea temporibus, anno nimirum reparatæ salutis quingentesimo nonagesimo primo supra millesimum, diuersis in Francorum Regno locis, diuersæ Crucis apparitiones, non in ecclesiis tantum, earumque suppellectilibus, & in altarium ornamentis, ac sacerdotum indumentis, sed in priuatorum quoque hominum vestibis conspectæ sunt. Quarum primæ sese ostenderunt Corbiæ Picardiæ ciuitate, deinde in pluribus aliis eiusdem prouinciæ


*Miraculosa  
Crucis ap-  
paritiones  
in diuersis  
Regni Fran-  
corum locis,  
anno 1591.*



urbibus & oppidis, veluti in Ambianis & Mondidier, simile spectaculum oblatum in sacris corporalibus, & mappis altarium, superpelliceis sacerdotum, & vestibus multorum ciuium. Nec multò post, similes Crucis imagines in ipsa Parisiorum vrbe Lutetia, in plerisque templis, ac locis aliis compluribus, super corporalia, & altarium mappas, atque Ecclesiasticorum & laicorum vestes, post Vigiliam Pasche, ad decimum octauum Kal. Maij palàm conspectæ sunt. Denuò autè, vt nemo de miraculo hoc hæsitare posset, in antiquissima & nobilitate insigni Gallia Aquitanica vrbe Bituricensi, quam Cæsar in Commentariis Auaricum appellauit, à recentioribus autem Gallis patrio idiomate *Bourges* dicta, quæ Ducatus de Berry nunc caput constituitur, in eiusdem vrbis diuersis templis complures Crucis imagines mirabiliter apparuere. In primis enim die vigesima tertia Maij, quæ Dominica Ascensionis sacra erat, in ecclesia sancti Ambrosij, vbi quadraginta horarum continuæ preces à populo ad Deum effundebantur pro Regni illius calamitatibus auertendis, & seditionibus ac diffidiis Religionis diuina ope componendis, apparuit Crux super albam, camisiā vulgariter nuncupatam sacerdotis, qui diuinum Missæ sacrificium peragebat; & postridie ad nonum Kalendarum Iunij, in æde sacratissimæ Dei genitricis Mariæ, quæ Collegij Iesuitarum est, magno numero Cruces aliæ apparuere super altarium linteamina & mantilia, quæ sacre Communioni à populo percipiendæ supponebantur, & concionatoris superpellicium. Ad cuius ostenti famam vniuersus vrbis illius populus, conferto agmine, ad Cruces illas intuendas appropinquauit. Dum autem magna admiratione obstupescerent, easdem Cruces contemplantur, ecce nouus rumor repentè sublatu est, similes Cruces multis in aliis templis denuò comparuisse; præcipuè verò in ecclesia quam eiusdem vrbis incolæ *Nostre Dame au four chaud* vulgariter appellant; sancti Vrsini, sancti Petri, sancti Hyppoliti, sancti Oristilli, & sacris aliis locis quamplurimis. Quamobrem deserta protinus Iesuitarum ecclesia, ad alias festini ciues conuolant, tantæ auiditate & curiositate prodigiosas Crucium illarum apparitiones inspicendi ferebantur, vt in earundem ecclesiarum ingressu sese præ multitudine prementes conculcarent. Idque præcipuè contingebat in eo, quod paulò antè diximus, templo Dominae nostræ *Au four chaud*, quod furnum calidum Latine dicere possumus, sic enim ecclesia illa vocata est, ob insigne quoddam miraculum de infante Christiano, ibi à Iudæo in ardētem fornacem coniecto, & à Deipara Virgine miraculosè sine offensa seruato. Vbi

Inter alias, inter ceteras Crux quædam duplex & hac forma Crucis apparuit, cuius spinea corona.


apparuit quæ ligni ficci colorem referebat, trium pedū vel circiter longitudinis, cuius transuersa brachia tum superiora, tum inferiora, paulò plus quàm semipedis mensuram hinc inde obtinebant; & super angulos Crucis superiores imago aderat spinæ coronæ, ad illius similitudinem efficta, qua Domini nostri caput in passione redimitum est. Ipsa autem Crux & corona eius erat formæ quam hîc apponimus:



Harum



A Harum autem Crucium apparitionem quæ in Galliis conspectæ sunt, luculentissimum testimonium prodidêre multorum auctoritate grauissimorum virorum epistolæ, ad Marchionem de Pisani Ioannem de Viuona, qui in Romana Curia pro Rege Christianissimo ordinariæ legationis munere tum fungebatur, directæ, & ad Illustrissimum Nicolaum de Peleuè Cardinalem Senonensem, beneuolentissimum planè Dominum meique amantissimum, qui eas epistolas perlegendi mihi copiam fecit: quique horum ostentuum apparitiones ex diuersorum litteris collectas, felicitis recordationis Gregorio Decimoquarto summo Pontifici, tunc in humanis agenti, vnà cum authentica attestazione vrbis illius celeberrimæ Iurisperitorum Academiae sibi transmissa, exhibuit. In qua attestazione huius Crucis typus aderat graphicè delineatus, cuius exemplar hoc ipsum quod hîc damus, cum ille mihi concreditus fuisset, diligenter exarari curauî. Aliudque simile exemplar datum est Alfonso Ciaconi ordinis Prædicatorum, religioso planè, docto, & valdè curioso viro, qui illud postea vnà cum aliis Crucis apparitionum imaginibus, in suo De signis sanctissimæ Crucis paruo tractatu, typis excudit. Hæc autem Crucis imago, quæ Bituri apparuit, pro ea temporum conditione quæ tum vigeat, notatu planè dignissima fuit. Pro cuius consideratione animaduertendum, domus Guisæ Principes viros, Catholicæ fidei defensores acerrimos & constantissimos, in gentilitio stemmate, Crucem illam quam Ierosolymorum appellant, in hanc formam deferre consueuisse.



De signis  
sanctissimæ  
Crucis, c. 27

Ex cuius Crucis media compagine, si transuersale lignum dissoluatur, recta trabe tantummodò cum brachiis eius superioribus & inferioribus remanentibus, haud dubiè in duplicis Crucis imaginem, ad instar illius pænè quæ Bituri apparuit, redigetur, quæ certissimum præsagium attulit, Catholicorum fœdus, quod tunc temporis pro his quæ fidei sunt, in Galliis belligerabat (cuius præcipui duces erant hi, quos superius diximus, Guisiorum familiæ Principes) quàm primùm dissoluendum. Contrariarum autem partium ducem primum, qui aduersus Catholicam fidem tunc erat in armis, admirabili Dei dispensatione, quasi nouum Paulum alterum conuertendum, & ex persecutore efficiendum (vt re ipsa postea, diuina id præstante gratia, effectus est) eiusdem sanctæ fidei Catholicæ propugnatorem & protectorem præcipuum. Qui quidem, dum hæc Italico idiomate ederemus, ab impia atque teterrima manu, in totius Christiani orbis iacturam & luctum, acerbissima, & tantis meritis, insignique adeò strenuitate, & eminentissima virtute prorsus indigna morte affectus est. Sed nimis profundæ factæ sunt cogitationes tuæ, nimiumque incomprehensibilia sunt iudicia tua, ô Altissime. Tibi sit laus, & gratiarum actio, honor & gloria in sæcula sæculorum. Amen.

Præcedentis  
Crucis interpretatio,  
salutē respō-  
dens enigmæ.

Psal. 91.  
Rom. 11.

## CAPVT XVI.

*De sanctæ Crucis inuentione, à beata Helena magni Constantini Imperatoris matre diuinitus reperta.*

ILLA nobis præcipua mens fuit & est, vt hoc tractatus nostri libro sexto, sanctæ Crucis honorem, gloriam, & venerationem ostenderemus. Quoniam verò



verò hæc omnia maximè aucta sunt, postquam eadem diuino afflatu à sancta A  
Helena est quæsitâ, Deo volente reperta, clarissimisq̃ue miraculis agnita; ideò de  
inuentione illius præsentî hoc capite tractabimus. Et vt concinno ordine pro-  
cedatur, sex à nobis ordine demonstranda erunt. Primò, quidnam causæ sanctæ  
Imperatricis mouerit animum, & quis scopus ei fuerit Crucis sanctæ perqui-  
rendæ. Secundò, quando inuenta fuerit. Tertiò, vbi, quomodo, & cuius operâ sit  
reperta. Quartò, quo pacto, & quibus miraculis agnita. Quintò, quid sancta  
Helena post Crucem inuentam, ex ea fecerit. Sextò, de honore & veneratione,  
quæ post eius inuentiōem illi cumulatissimè accessit.

In funebri  
Ocat. de vita  
Theodosij,  
Tomo 5.

Et quod ad primum, luculentissimum de ea re testimonium perhibuit diuus  
Ambrosius in ea Oratione, quam habuit in funere Theodosij Imperatoris, Ho-  
norio eius filio assistente, cum inquit: *Venit ergo Helena, cæpit reuifere loca sancta;*  
*insudit ei Spiritus, vt lignum Crucis requireret: accessit ad Golgotham, & ait: Ecce* B  
*locus pugnae, vbi est victoria? Quæro vexillum salutis, & non inuenio. Ego, inquit, in*  
*Regnis, & Crux Domini in puluere? Ego in aulis, & in ruinis Christi triumphus? Ille*  
*adhuc latet, & latet palma vitæ æternæ? Quomodo me redemptam arbitror, si redemptio*  
*ipsa non cernitur? Video quid egeris diabole, vt gladius, quo peremptus es, obstrueretur.*  
*Sed Isaac obstructos puteos eruderauit, nec latere aquam passus est. Tollatur igitur ruina,*  
*vt vita appareat: promatur gladius, quo veri Golie caput est amputatum: aperiatur hu-*  
*mus, vt salus fulgeat. Quid egisti diabole, vt absconderes lignum, nisi vt iterum vince-*  
*reris? Vicit te Maria, quæ genuit triumphatorem, quæ sine imminutione virginittis*  
*edidit eum, qui crucifixus vinceret te, & mortuus subiugaret. Vinceris & hodie, vt*  
*mulier tuas insidias deprehendat. Illa, vt sancta, Dominum gestauit; ego Crucem eius in-*  
*uestigabo: illa generatum docuit, ego resuscitatum: illa fecit vt Deus inter homines vide-*  
*retur, ego ad remedium peccatorum, diuinum de ruinis eleuabo vexillum.* Hæc Ambro-  
sius; ex quibus verbis satis apertè dignoscitur, sanctam Helenam, diuini Spiritus  
afflatu, ad Crucis sanctæ perquisitionem impulsam, eiusq̃ue inquirendæ insti- C  
tutum & scopum extitisse, vt illam veneraretur & adoraret.

B. Helena  
ad sanctam  
Crucē per-  
quirendam  
diuinitus  
impulsa.

De vita Cō-  
stantini,  
lib. 3. c. 46.

Quoad secundum verò, id est, quonam tempore Crux sancta inuenta fuerit,  
ea quorundam fuit sententia, sancti Eusebij Papæ repertam fuisse temporibus:  
cuius forsitan opinionis imbibendæ eis ansam præbuere ea quæ scripta sunt in  
libro de Romanis Pontificibus, cuius originale in Bibliotheca Vaticana asser-  
uatur, vbi dum de eodem sancto Pontifice fit mentio, hæc habentur: *Huius tem-*  
*pore, Crux Domini nostri Jesu Christi, quinto Nonas Maij inuenta est: baptizatusq̃ue*  
*Iudas, post Quiriacus vocatus, Crucis inuentor.* Quæ verba, complures auctoritate  
graues & doctrina insignes viri, magna sanè ratione ducti, autumant perperam  
ibi adscripta: præsertim, cum Eusebij Cæsariensis auctoritas his vehementer  
repugnet; ex cuius lectione apertè colligitur, sanctam Helenam post Constan-  
tinum filium ad Christi Domini fidem conuolasse. Quòd si Constantinus ipse  
eiusdem sancti Eusebij temporibus adhuc Christianus non erat, multo minùs D  
credendum est, sanctam Helenam, quæ post illum ad fidei lumen accessit,  
cum adhuc idololatra esset, tanto studio ad Christi Crucem inquirendam se  
accinxisse.

Annal. To-  
mo 3. anno  
Christi 326.

Quamobrem non nisi solido admodum fundamento innixus Cardinalis  
Baronius, qui incomparabili omnium antiquitatum Ecclesiasticarum studio-  
forum iactura, dum harum rerum scriptioni præcipuè incumbere, ex huma-  
nis exemptus est, aliorum doctissimorum virorum opinionem secutus, censuit,  
sanctam Crucem, anno post celebratum Nicænum Concilium fuisse reper-  
tam; is fuit salutis nostræ annus trecentessimus vigesimus sextus, Imperij Con-  
stantini vigesimus primus, & Pontificatus sancti Siluestri Papæ decimus ter-  
tius.



A tius. Nam præterquam, quod verisimile admodum fuisse videtur, sanctam He- *Crux inue-*  
lenam ad iter illud Ierosolymitanum se accinxisse, eo scilicet anno post Nicæni *ta anno se-*  
Concilij celebrationem, tum deuotionis ergo, tum loci propinquitate allectam, *quenti post*  
cùm in Orientalibus regionibus vnà cum Imperatore filio tunc versaretur, *Concilium*  
(quod magno incommodo suo fecisset, si ab ipsa vrbe Roma iter illud ei  
rectà capessendum fuisset, in ea præsertim ingrauescente ætate, qua annum pro-  
pè octuagesimum, vt Theodoretus testatur, attingebat) item omnes ferè anti- *Hist. Eccl.*  
qui Ecclesiasticarum rerum Historici Græci, sanctæ Helenæ ad Ierosolymam *lib. 1. c. 18.*  
appulsum, & Crucis inuentionem prædicto tempore contigisse litteris com-  
mendarunt, id est sequenti anno post Nicænum Concilium celebratum.  
Quamobrem Sozomenus inter ceteros inquit: *Cum iam Concilium Nicænum ve-* *Lib. 2. cap. 1.*  
*nisset ad exitum, & sacerdotes omnes domum reuertissent, Imperator supra modum*  
*ideò letatus est, quòd Ecclesiam vniuersam de doctrina fidei consentientem videret. At-*  
que vbi pro Episcoporum concordia, pro se, pro liberis, pro Imperio denique Deo gratias  
egisset; templum Ierosolymis circiter locum qui dicitur Caluaria, ad honorem Dei illu-  
strandum, ædificare instituit. Per idem ferè tempus Helena Imperatoris mater venit  
Ierosolymam, cùm precandi causa, tum sancta illa loca visendi. Quæ quoniam pio animo  
erga religionem Christianam erat affecta, visa est sibi operæpretium factura, si lignum  
Crucis venerandæ inuenire posset.

Idem quoque testatur Nicephorus, addens, Helenam, cùm Ierosolymitanum  
iter arripuisset, iam senio valdè confectam, & ad vitæ extremum peruenisse.  
Cuius verba Latinitati donata hæc sunt: *Litteris porrò eis conficiendis, mater ipsa* *Lib. 8. c. 29.*  
*Imperatoris beata Helena, quæ illum talem genuit, administra fuit. Ipso namque Synodi*  
*coactæ anno, in somnis oraculo admonita, precationis ergo, locorumque sacrorum cognoscen-*  
*dorum gratia, Ierosolymam petierat. Neque se ea in re vel itineris laborem, vel senectus-*  
*tis molestiam remorari est passa. Ad extremum enim iam vitæ peruenerat, & de rebus*  
atque religione Christianorum piè admodum sentiebat: plurimi porrò faciebat, vt Crucis  
lignum, & viuificum Christi monumentum inueniret. Idem quoque aperte innuit  
Socrates; nam beatæ Helenæ ad Ierosolymitanam urbem profectionem non *Lib. 1. c. 11.*  
describit, nisi post expletam ab eo Nicæni Concilij narrationem. *12. 13.*

Neque est cur à veræ & solidæ opinionis huius basi nos quidquam abstra-  
here debeat, quod in Eusebij Cæsariensis Chronico factum reperitur; Crucis  
nimirum inuentionem, sub anno quinto decimo Imperij Constantini collo-  
catam esse. Nam præter id, quod typographorum incuria complures errores in  
eumdem librum irrepsere, præcipuè verò in Constantini annorum numero, vt  
expresè docet Baronius: his tamen non obstantibus, sanctæ Helenæ Ierosoly- *Annalium*  
mitanum iter, & ipsa Crucis inuentio, ibi reuerà constituta cernuntur sequenti *Tom. 3. an-*  
anno post Nicænum expletum Concilium. Quandoquidem post celebratio- *no Chri-*  
nis Nicæni Concilij commemorationem factam, in subsequente linea, quæ ad *sti 325. &*  
Christi annum trecentesium & vigesimum sextum vsque pertingit, hæc ver- *326.*  
ba habentur: *Helena Constantini mater, diuinis monita visionibus, beatissimum Crucis*  
*lignum, in quo mundi salus pependit, apud Ierosolymam reperit.* Neque est quod du-  
bium aut scrupulum nobis ingerere debeant Ioannis Zonaræ verba, qui in An- *Annal. To-*  
nalibus suis scriptum reliquit, sanctam Helenam, post Constantini filij sui *mo 3. in*  
Baptismum, assumpto secum itineris socio sancto Siluestro Papa, Ierosolymam *Constantini*  
perrexisse. Id enim pro anili fabula deputandum est: nam nec maiorum tra- *magni Im-*  
ditione aliqua comprobatur, neque antiqui Scriptoris cuiuspiam auctoritate *perio.*  
fulcitur.

Quod autem ad tertium attinet, id est, vbi, quomodo, & cuius opera Crux  
sancta fuerit reperta, quædam historiæ, ac legendaria quædam typis excusa,  
tum



Decretū de  
libris au-  
thent. & apocryph.  
Conciliorū  
Tomo 2.  
Itē dist. 15.  
cap. Sancta  
Romana.  
1. Theff. 5.

tum etiam manuscripta circumferuntur, in quibus nonnulla inserta & superad-  
dita fuere, quæ non admodum solidæ veritatis specimen præ se ferunt. Quam-  
obrem Gelasius Papa illas adeò dubias & incertas esse censuit, ut prudentis &  
circumspecti Lectoris arbitrium esse voluerit, pretiosum à vili, & verum à falso  
segregandi, & quid circa eadem credendum sit, æqua lance ac recta æstimatio-  
ne iudicandi; inquit enim: *Item scripta de inuentione Crucis Dominicæ, & alia*  
*scripta de inuentione capitis beati Ioannis Baptiste, nouellæ quædam reuelationes sunt,*  
*& nonnulli eas Catholici legunt: sed cum hæc ad Catholicorum manus adueniunt, beati*  
*Pauli Apostoli præcedat sententia: Omnia probate, quod bonum est tenete.* Ideoque in-  
certiora prætermittentes, institutæ rei huius exitum breuissimè expediemus,  
sanctorum Patrum auctoritatem, & probatissimorum Ecclesiasticarum rerum  
Historicorum fidem secuti.

Inter quos Sozomenus historiæ huius veritatem proditurus, in eò præcipuè  
totus incumbit, ut rei magnitudinem & difficultatem ostendat, quam in Cruce  
reperienda sancta Imperatrix habuit; sicut enim tradit: *Verum neque illa* (scilicet  
Lib. 2. cap. 1. *Cruce) neque diuinum Domini sepulchrum, tam faciliè repertum erat. Nam veteres Gentiles,*  
*qui Ecclesiam persecuti fuerant, quoniam Christianam religionem recens iam ortam conci-*  
*dere comprimereque omnibus opibus viribusque laborabant; idcirco eum locum ingenti ag-*  
*gere supra iniecto obruerunt; inque maiorem altitudinem, uti etiam nunc apparet, erexe-*  
*Crucis op-*  
*primeret.* *Quin etiam vniuerso loco, tum sepulchri vnde Christus resurrexit, tum Caluarie,*  
*muro vndique circumdato, eum pro suo arbitratu exornare cœperunt. Nam primum sternunt*  
*lapidibus, deinde fanum Veneris supra extruunt; postremò simulacrum in eo statuunt: ad*  
*eum sanè finem, ut qui Christum in eo loco adorarent, Venerem viderentur colere, &*  
*vera causa, cur homines eum locum venerarentur, veniret in obliuionem: quippe cum*  
*Christiani neque eò tutò ipsi accedere possent, neque aliis indicare auderent; sed contra*  
*omnibus pro certo confirmaretur, in eo loco aliud esse nihil præter fanum Gentilium, &*  
*Veneris statuam.*

Epist. 11. ad  
Seuerum.

Neque hisce Sozomeni verbis in aliquo aduersatus est sanctus Paulinus  
Nolanus Episcopus, dum asseruit, Hadrianum Imperatorem Iouis simula-  
crum statuisse in loco Dominicæ passionis. Nam ex diui Hieronymi lectione,  
ut Iacobus Gretserus diligenter animaduertit, euidenter apparet, Hadrianum  
Imperatorem, siue Gentiles eiusdem Hadriani temporibus, in Resurrectionis  
Domini loco, qui & Passionis ipsius etiam locus erat, Iouis statuam dedicasse:  
& super Caluarie montem, Veneris marmoreum simulacrum statuisse. *Ab*  
*Hadriani temporibus, inquit Hieronymus, usque ad Imperium Constantini, per an-*  
*nos circiter centum octoginta, in loco Resurrectionis, simulacrum Iouis; in Crucis rupe,*  
*statua ex marmore Veneris à Gentilibus posita colebatur; existimantibus persecutionis*  
*auctoribus, quòd tollerent nobis fidem resurrectionis & Crucis, si loca sancta per idola*  
*polluissent, Hæc ille. Ex cuius Veneris statua factum est, ut longa postea temporis*  
*progreffione, mons Caluarie, Venerarius diceretur. Quocirca sanctus Ambro-*

Epist. ad  
Paulinum,  
De Institut.  
monach.  
cap. 2. To. 1.

In Psal. 47.

*sius ait: Dominus secundum cali tractum, in Venerario passus est, qui erat locus in latere*  
*Aquilonis.*

Magna igitur difficultate affecta est beata Helena Imperatrix in sancta Cru-  
ce inuenienda: quamuis enim diuino afflata Spiritu illius perquisitionem ag-  
gressa esset, nesciebat tamen in qua montis Caluarie parte lateret. Quamobrem  
doctos viros, & antiquitatis studiosos atque peritos vndeque perquiri iussit;  
non Christianos tantum, sed etiam Hebræos, ut sanctus Paulinus tradit: quos  
Ierosolymam accersitos, sæpius coram se congregari mandauit, & singulorum  
quæsitæ atque intellectæ sententia, ubi primum eius loci satis idoneam notio-  
nem assecuta fuisse sibi visa est, & vbinam, vel paulò propius, Crux sancta repe-  
riri



**A** riri posset, magna hominum manu ac sedulitate effodi iussit, in quo ingenti sanè molimine, non calonum ac fossorum tantum numerositatem magnam, sed ipsorum etiam militum operam adhibuit, ut tradit Seuerus Sulpitius. Et quamquam in ipsa sancta Cruce perquirenda, multorum virorum consilio & operatione sit vsa, inuentam tamen fuisse tradunt præcipuo cuiusdam Hebræi indicio; qui, ut Sozomenus tradit, in partibus Orientis habitabat, & scripto quodam sibi ab auis relicto, loci notitiam assecutus, ubi nam Crux lateret com-  
monstrauit. Lib. 1. cap. 2

Erat autem Hebræo huic nomen Iudas; qui cum ad Christianam fidem postea conuolasset, Quiriacus appellatus est. Quocirca Gregorius Turonensis, de Constantinianis temporibus, & de Crucis inuentione differens, inquit: *Huius tempore venerabile Crucis Dominica lignum per studium Helena matris eius repertum est; pro-* Crucis locus detectus, maxime à Iuda quodam Hebræo.  
*dente Iuda Hebræo, qui post Baptismum Quiriacus est vocitatus.* Idem quoque tradit  
**B** Nicephorus, Sozomenum in omnibus, ut assolet, secutus. Et de eodem quoque habetur mentio in libro De Romanis Pontificibus, in vita sancti Eusebij Papæ. Et quamquam peculiare hoc Iudæ, à quibusdam non satis probari videatur, tamen pro fabula non est habendum; non ob sancti Gregorij Turonensis testimonium tantum, & aliorum quoque grauissimorum Auctorum qui id litteris commendarunt, sed multo magis propter sanctæ Ecclesiæ Catholicæ auctoritatem, quæ in Officio Ecclesiastico illud recepit; & quia in antiquissimo Codice manuscripto, siue Sanctorali vel Passionario, qui Romæ penes Moniales sanctæ Cæciliæ asseruatur, ampla de eo fides astruitur. Et licet Cardinalis Baronius in Romano Martyrologio nullam de eodem mentionem fecerit, & ab Officio Ecclesiastico illud prorsus explosum esse voluerit, venerabilis tamen Beda in suo Martyrologio de eo commemorationem habuit, sub die primo Maij; innuens, eundem Iudam, siue Quiriacum, Episcopum postea factum, Ierosolymis pro  
**C** Christi Domini confessione martyrium subiisse; sic enim inquit: *Ierosolymis passio sancti Iudæ, siue Quiriaci Episcopi, cui reuelatum est lignum Dominicæ Crucis.* Et quamquam Sozomenus opinioni huic adhæsisse videatur, locum nimirum ubi Crux sancta latebat, diuino potius quam humano indicio reuelatum fuisse; (siquidem de ea re differens, inquit: *Nam res diuinæ, mea quidem sententia, humano indicio non egent, cum Deo visum sit eas patefacere.*) tamen inficias non it, notitiam, quam Iudas is attulerat, inuentioni sanctæ Crucis valde proficuam esse potuisse. Sic itaque in comperto est, ubi, quando, quomodo, & cuius nam ope Crux sancta reperta fuerit. Lib. 2. cap. 1

Agemus nunc de eo quod pro quarta propositione polliciti sumus, quibus nimirum miraculis Crux sancta agnita fuerit. Cuius rei primus expositor nobis erit diuus Ambrosius, sic enim ait: *Aperit itaque humum, decutit puluerem; tria patibula confusa reperit, quæ ruina contexerat: inimicus absconderat, sed non potuit obli-* In Oratio- ne funebri Theodosij, Tomo 5.  
**D** *terari Christi triumphus. Incertò hæret, ut mulier; sed certam indaginem sanctus Spiritus inspirat, eò quod duo latrones cum Domino crucifixi fuerint. Querit ergo mediū lignum, sed poterat fieri, ut patibula inter se ruina confunderet, casus mutaret & inuenteret.* Crux Domini inuenitur, sed confusa cum patibulis latronum.  
*Redit ad Euangelij lectionem, inuenit quia in medio patibulo prælatus Titulus erat: IESVS NAZARENVS REX IUDÆORVM. Hinc collecta est series veritatis: Titulo Crux patuit salutaris. Hoc est quod petentibus Judæis Pilatus respondit: Quod scripsi, scripsi, id est, Non ea scripsi, quæ vobis placerent, sed quæ ætas futura cognosceret: non vobis scripsi, sed posteritati. propemodum dicens: Habeat Helena quæ legat, vnde Crucem Domini recognoscat. Hæc ille.*

Illud tamen notandum, quod in eo ubi Ambrosius innuit, diuinam Helenam Crucem Domini à latronum Crucibus per Titulum agnouisse, ab eo om-



nes antiqui Scriptores apertè discrepant; & inter eos præcipuè sanctus Paulinus Nolanus Episcopus, & Ruffinus Aquileiensis, eiusdem sæculi Scriptores grauiissimi. Sanctus enim Paulinus ipse de eo sic tradit: *Sed cum tres pariter Cruces, ut quondam fixæ Domino & latronibus steterant, repertæ fuissent; gratulatio repertarum cæpit anxia dubitatione confundi, iusto piorum metu, ne forsan aut pro Cruce Domini, patibulum latronis eligerent, aut salutare lignum pro stipite latronis abijciendo violarent. Respexit pias fideliter aestuantium curas Dominus, & ipsi potissimum, quæ tam piæ solitudinis Princeps erat, huius consilij lumen infundit, ut aliquem recens mortuum inquiri, & inferri iuberet. Nec mora, verbum factum; cadauer illatum est, deponitur.*

*Suscitatione mortui discernitur* *Crux Christi* *Idem quoque affirmat ipse Seuerus Sulpitius Bituricensis Archiepiscopus,* *his verbis: Hic verò maior dignoscendi patibuli, in quo Dominus pependerit, difficultas omnium animos mentes quæ turbauerat, ne errore mortalium, forsitan pro Cruce Domini, latronis patibulum consecrarent. Capiunt deinde consilium, ut aliquem recens mortuum Crucibus admouerent. Nec mora; quasi Dei nutu, funeris extincti solemnibus exequiis deferebatur, concursuq; omnium feretro corpus eripitur. Duabus prius frustra Crucibus admotis, ubi Christi patibulo attactum est, dictu mirabile, trepidantibus cunctis funus excussum, & inter spectatores suos astitit: Crux reperta, dignoque ambitu consecrata.*

*Idem quoque affirmat ipse Seuerus Sulpitius Bituricensis Archiepiscopus,* *his verbis: Hic verò maior dignoscendi patibuli, in quo Dominus pependerit, difficultas omnium animos mentes quæ turbauerat, ne errore mortalium, forsitan pro Cruce Domini, latronis patibulum consecrarent. Capiunt deinde consilium, ut aliquem recens mortuum Crucibus admouerent. Nec mora; quasi Dei nutu, funeris extincti solemnibus exequiis deferebatur, concursuq; omnium feretro corpus eripitur. Duabus prius frustra Crucibus admotis, ubi Christi patibulo attactum est, dictu mirabile, trepidantibus cunctis funus excussum, & inter spectatores suos astitit: Crux reperta, dignoque ambitu consecrata.*

*Verum Ruffinus Aquileiensis, non mortuum ad vitam reuocatum, sed mulierem quamdam languentem, ac semimortuam, à sancta Cruce sanitati redditam esse litteris commendauit. sic enim tradit: Accidit, inquit, in eadem vrbe, primariam quamdam loci illius feminam, graui agitudine confectam, seminecem iacere. Macarius per idem tempus Ecclesie illius Episcopus erat. Is ubi cunctantem Reginam, atque omnes pariter qui aderant, videt; Adferte, inquit, huc totas quæ repertæ sunt Cruces; & quæ sit quæ portauerit Dominum, nunc nobis adaperiet Deus. & ingressus cum Regina pariter & populis ad eam quæ decumbebat, defixis genibus, huiusmodi ad Deum precem profudit: Tu Domine, qui per vnigenitum Filium tuum salutem generi humano per passionem Crucis conferre dignatus es, & nunc in nouissimis temporibus adspirasti in corde ancillæ tuæ, perquirere lignum beatum, in quo salus nostra pependit; ostende euidenter ex his tribus, quæ Crux fuerit ad Dominicam gloriam, vel quæ extiterit ad seruire supplicium; ut hæc mulier, quæ semiuia decumbit, statim ut eam lignum salutare contigerit, à mortis ianuis reuocetur ad vitam. Et cum hæc dixisset, adhibuit primò vnā ex tribus, & nihil profecit. Adhibuit secundam, & ne sic quidem actum est. Ut verò admouit tertiam, repente adaperitis oculis mulier consurrexit, & stabilitate virium recepta, alacrior multo quàm cum sana fuerat, tota domo discurrere, & magnificare Dei potentiam cæpit.*

*Sic itaque repertam & agnitam sanctam fuisse Crucem, Ruffinus asseruit; sicque Theodoretus<sup>a</sup>, Socrates<sup>b</sup>, & Sozomenus<sup>c</sup> pariter prodidère: tametsi idem Sozomenus paulò post adiecerit, Crucis quoque virtute, mortuum ad vitam reuocatum; innuens, in Crucis recognitione vtrumque miraculum contigisse: quod Nicephorus etiam litteris commendauit, inquiens: Dicunt quoque, mortuo prorsus Crucem impositam, in vitam illum repente reuocasse. Quin etiam in peruetusto libello illo De locis sanctis, à Beda in compendium redactò, asseritur, & in eo loco, ubi Crucis virtute defunctus ille ad vitam reuocatus est, ad tanti miraculi memoriam ad posteros propagandam, excelsam columnam defixam fuisse; ait enim: In medio autem Ierusalem, ubi Cruce Domini superposita, mortuus reuixit, columna excelsa stat. Additque, columnam illam in æstiuo solstitio nullam prorsus*

Epist. 11. ad  
Seuerum.

Suscitatione  
mortui dis-  
cernitur  
Crux Christi  
Idem quoque  
affirmat ipse  
Seuerus Sulpitius  
Bituricensis  
Archiepiscopus,  
his verbis:  
Hic verò maior  
dignoscendi  
patibuli, in quo  
Dominus pepen-  
derat, difficultas  
omnium animos  
mentes quæ tur-  
bauerat, ne erro-  
re mortalium,  
forsitan pro Cru-  
ce Domini, latro-  
nis patibulum  
consecrarent. Ca-  
piunt deinde con-  
silium, ut ali-  
quem recens mor-  
tuum Crucibus  
admouerent. Nec  
mora; quasi Dei  
nutu, funeris ex-  
tincti solemnibus  
exequiis defere-  
batur, concursuq;  
omnium feretro  
corpus eripitur.  
Duabus prius fru-  
stra Crucibus  
admotis, ubi Chri-  
sti patibulo attac-  
tum est, dictu mi-  
rabile, trepidanti-  
bus cunctis funus  
excussum, & inter  
spectatores suos  
astitit: Crux re-  
perta, dignoque  
ambitu consecrata.

Hist. lib. 1.  
cap. 7. & 8.

Item semi-  
mortua red-  
ditur sana  
actum est.  
Ut verò admo-  
uit tertiam, re-  
pente adaper-  
tis oculis mulier  
consurrexit, &  
stabilitate vi-  
rium recepta,  
alacrior multo  
quàm cum sana  
fuerat, tota do-  
mo discurrere,  
&  
magnificare Dei  
potentiam cæpit.

<sup>a</sup> Lib. 1. c. 18.

<sup>b</sup> Lib. 1. c. 13.

<sup>c</sup> Lib. 2. c. 1.

Lib. 8. c. 29.



A prorsus vimbram transmittere solitam, ex quo argumentabatur, urbem Ierosolymam in medio terrarum orbe constitutam, in illius Prophetici dicti comprobationem: *Deus autem Rex noster ante secula, operatus est salutem in medio terræ.* Psal. 23.

Scribit præterea Sozomenus, tres Cruces illas seorsum in alia quadam parte speluncæ, ubi sepulchrum, ex quo Dominus resurrexit, detectum fuerat, repertas fuisse, & in altera eiusdem loci parte inuentum fuisse Crucis titulum. Socrates verò testatur, clauos quibus Dominus Cruci affixus est, in eodem monumento ubi sepultus fuerat, repertos. Ex quibus, dubium hoc apud curiosi cuiuspiam animum fortasse oriri poterit, dicētis: Si veritati id innititur, quod nos iam alibi diximus, inuolabili nimirum consuetudine apud Hebræos receptum esse, instrumenta quibus damnati enecati erant, iuxta ipsorum cadauera sepeliendi, quid causæ esse potuerit, quòd sancta Crux, in ipso Christi sepulchro inuenta non fuerit, ut clauī ipsi ibidem reperti fuēre? Cui dubitationi hoc facile responsum reddi potest; nimirum, Cruces euellendi, præcipuum executorum iustitiæ ministerium extitisse; qui cum Christum Dominum iam mortuum vidissent, non fregerunt ei crura, sed Iosepho ab Arimathia, & Nicodemo, ceterisque qui ad pium opus illud conuenerant, permiserunt, ut corpus eius à Cruce deponerent, iuxta facultatem ipsis à Pilato concessam. Ideoque illud refrigerantes sepeliunt, & iuxta illud clauos quoque, quos à sacro ligno euulserant, Cruce loco suo in ministrorum iustitiæ potestate relicta; qui cum duobus latronibus crura suffregissent, statim post eorum mortem illos humauerunt, & iuxta illos, tres ipsas Cruces, non procul admodum ab horto in quo Dominus sepultus fuerat. Quamobrem mirum non est, si Crux sancta, in ipso Christi sepulchro vnà cum clauis reperta non fuerit: de quorum ac tituli inuentione, quoniam alibi egimus, eam hîc repetere superuacaneum duximus; ideoque hæc missa facientes, ad eorum narrationem pergemus, quæ quinto loco tractanda proposuimus, ostendemusque, quidnam beata Helena post venerabilem Crucem inuentam de ea egerit.

*Clauī seorsim inuenti à Cruce, & unde id factum.*

Scribit Theodoretus, sanctam Imperatricem, post sacratissimam Crucem inuentam, eo pacto quo superius dictum est, illius partem in Constantini filij sui Imperatorio palatio collocandam transmississe, alteram verò argentea capsula inclusam, Episcopo Ierosolymitano tradidisse; & monuisse, ut posteritati, quasi in salutis nostræ testimonium & recordationem, diligenter asseruandam curaret. Quam Crucis portionem à sancta Helena Ierosolymis relictam Sozomenus maiorem fuisse affirmat; eandemque ad suam ipsius usque diem, in eadem vrbe, argentea capsula inclusam custodiri, alteram verò ab ipsa Constantino filio delatam; sic enim ait: *Huius autem Crucis salutaris iam tum inuentæ maxima pars adhuc etiam Ierosolymis in capsula argentea custoditur, reliqua verò ab Imperatrice ad filium Constantinum deportata est.* Lib. 1. c. 18.

*Partē maiorem S. Crucis Ierosolymis Helena reliquit, partem reliquā filio Imp. transmisit.*

Quanta autem reuerentia, pietate, & fide Constantinus ligni sanctæ Crucis portionem illam sibi à pia matre delatam suscepit, his verbis innuit Socrates: *Vnam, inquit, Crucis partem in theca argentea occlusam, pro monumento his qui illius spectandi cupiditate ducerentur, sibi reliquit: alteram verò mittit Imperatori. Quam ubi is receperat, ratus ciuitatem, in qua illa seruaretur, omnino saluam & incolumem fore, in suam ipsius inclusit statuam, quæ Constantinopoli in foro, quod à Constantino nomen traxit, supra columnam ingentem ex lapide porphyrite confectam collocata est.* Hæc ille. Huius autem Crucis diuisionis in eum modum quem superius diximus, meminit etiam Ruffinus Aquileiensis<sup>a</sup>. Sed meritò censuit Cardinalis Baronius<sup>b</sup>, sanctæ Crucis portionem illam, quæ in Constantini simulacro inclusa fuit, ut Socrates tradit, haud magnam esse potuisse; reliquum verò Romam delatum, Lib. 1. c. 13.

<sup>a</sup>Hist. lib. 1. cap. 8.  
<sup>b</sup>Annal. Tomo 3. anno Christi 326.



in ecclesia sanctæ Crucis in Ierusalem ab ipso Constantino extructa, collocatum fuisse. A

Censuere quidam beatam Helenam in sanctæ Crucis diuisione id studiosè curasse, vt per medium in duas æquales partes ita secaretur, vt duæ integræ esse Cruces viderentur; ita vt pars illa quæ Constantinopolim delata est, & altera quam Ierosolymis argentea capsa inclusam reliquerat, ambæ integram Crucis formam & imaginem retinerent. Cui opinioni inhæsisse videtur Ado Treuerensis Archiepiscopus: is enim dum in suo Martyrologio de sanctæ Crucis Ex-

In Marty-  
rol. 18. Ka-  
lend. Octo-  
bris.

altatione commemorationem facit, inquit: *Eodem die, Exaltatio sanctæ Crucis, quæ ab Helena Constantini matre inuenta, ita per medium est sc̃cta, vt Crux Constanti-  
nopolim sit portata, & Crux Ierosolymis thecis argenteis sit reſeruata.* Quæ tamen opinio nullo solido veritatis innititur fundamento: immò ex directo repugnare videtur his quæ veteres Historici scripsere, & inter eos præsertim Sozomenus; qui, vt iam dictum est, affirmat, maiorem Crucis portionem ad sua vsque tem- B  
pora in argentea theca Ierosolymis asseruari. Ex quibus euidenter patet, in duas æquales partes non fuisse diuisam, cum maior eius pars ibi custodiretur. Neque ad opinionis huius fauorem id pertrahi videtur posse, quod legitur in perue-  
tusto tractatu illo De locis sanctis, à Beda in compendium redactò, dum agi-  
tur de eo Crucis ligno, quod Constantinopoli asseruabatur. Nam ibi nil aliud dicitur, nisi quòd in templo sanctæ Sophiæ eiusdem vr̃bis quædam particulæ ligni sanctæ Crucis asseruabantur; nimirum pars transuersalis ligni, & partiun-  
cula quædam directæ trabis in duo frustra concisa.

De locis san-  
ctis, cap. 20.

Nunc autem, quinque ex his quæ in capitis huius initio tractanda proposui-  
mus expeditis, sextum & vltimum superest pertractandum; id est de honore &  
veneratione, quæ sanctæ Cruci cumulatissimè accessit, postquam à sancta He-  
lena est reperta. Ampla sanè adeò, copiosa & magnifica materia, vt si pro rei  
dignitate ac magnitudine de ea scribendum esset, vix integra volumina suffice- C  
rent: quamobrem pro tempore satis erit, si pauca quædam, velociter pertrans-  
euntis instar, breuissimè delibauerim. Primum igitur sanctæ Crucis honor ac  
veneratio mirum in modum aucta est, postquam à sancta Helena reperta, &  
miraculis, quæ diximus, agnita fuit. Tunc enim non solum ab ipsa Imperatrice,  
à sancto Macario Ierosolymorum Episcopo, & à ceteris qui aderant adorata est,  
sed maior ipsius pars illa, quæ argentea capsa inclusa Ierosolymis relicta fuit,  
ab eiusdem vr̃bis Episcopo, ter in anno, ex edito quodam suggesto publicè post-  
eà atque solemniter ostendebatur, à populis veneranda & adoranda; id est, in  
solemnitate Paschali, in festo Exaltationis ipsius sanctæ Crucis, quod die quarta-  
decima Septembris celebratur, & per omnes dies Octauæ eiusdem festi, nec non  
in media Quadragesima. Quamobrem infinita propemodum piorum homi-  
num multitudo tunc Ierosolymam confluebat, non ab vr̃bibus ac prouinciis  
finitimis tantum, sed à remotissimis etiam Christiani orbis regionibus. Cuius D  
piæ consuetudinis vsu receptæ, quoad Paschatis celebrationem attinet, memi-  
nit sanctus Paulinus his verbis: *Crucem Episcopus vr̃bis Ierosolymitanæ quotannis,  
cùm Pascha Domini agitur, adorandam populo princeps ipse venerantium promit.*  
Quod verò ad festum exaltationis Crucis, luculentissimum testimonium per-  
hibet Andreas Ierosolymitanus, Archiepiscopus Cretenſis, in ea Oratione<sup>a</sup>  
quam habuit in ipsa sanctæ Crucis Exaltationis die. De eodem quoque memi-  
nit Nicephorus<sup>b</sup>, dum de sancta Maria Ægyptiaca loquitur; quæ cum Ierosoly-  
mam ad id præcipuè perrexisset, vt sanctam Crucem adoraret, dum in eius Ex-  
altationis celebritate populo ostendebatur, cum ab inuisibili manu à templi in-  
gressu reiecta fuisset, præteritorum pœnitentia ducta, ad Christum conuersa est;

Ter in anno  
pars S. Cru-  
cis solemniter  
Ierosoly-  
mis olim  
ostensa.

Ad Seuerū,  
epist. 11.

<sup>a</sup>Habetur  
apud Suriū  
To. 5. sub  
die 14 Sept.

<sup>b</sup>Lib. 17. c. 5

vt in



A vt in eius vita, quam Sophronius Ierosolymorum Archiepiscopus scripsit, continetur. De ea autem consuetudine, populo ostendendi & adorandi sanctam Crucem in media Quadragesima, fidem astruit idem Sophronius in ea Oratione, quam ipso die habuit de laudibus sanctæ Crucis.

Portiones quoque illæ sanctæ Crucis, tum quæ Constantinopolim transmissæ, tum quæ Romam delatæ sunt, statutis quibusdam anni temporibus populo ostendi, & propalàm adorari consueuerant: pars enim illa, quæ Constantinopoli asseruabatur, tribus his solemnibus ac sanctis præcipuè diebus ante Pascha ostendi consueuerat, nimirum Iouis, Veneris, & Sabbati; quibus super altare exposita, ab Imperatore, ab Imperatrice, ab eorum Curia, à Clero, & vniuerso populo adorabatur & osculabatur, eo ordine præcipuè qui descriptus est in eo De locis sanctis tractatu, quem Beda in compendium redegit; sic enim ibi: *Hæc tribus tantum per annum diebus, hoc est Cæna Domini, in Parasceue, & in* Pars item S. Crucis Constantinopoli tribus potissimum diebus honorata.  
 B *Sabbato sancto, populis adoranda profertur: quarum prima, capsula illa super altare aureum, duos cubitos altitudinis, & vnum latitudinis habens, cum Cruce sancta patefacta componitur: accedensque primus Imperator, deinde cunctus per ordinem laicorum gradus sanctam Crucem adorant & osculatur. Sequenti die Imperatrix, & omnes matronæ vel virginēs idem faciunt. Tertia nihilominus die, Episcopi, & cuncti Clericorum gradus idem faciunt. Et sic capsula reclusa, ad supradictum armarium reponitur. Hæc ibi. quibus hæc etiam notatu planè dignissima subiunguntur: Quamdiu autem, super altare manet aperta, totam ecclesiam mirus odor perfundit. De nodis enim ligni sancti liquor odorifer oleo similis profluit; cuius etiam si modica particula contingat, omnem ægritudinem sanat.* De locis sanctis, c. 20 apud Bedā Tomo 3.

Romæ etiam quotannis in die Exaltationis sanctæ Crucis in Lateranensi basilica propalàm proponi consueuerat portio illa ligni sanctæ Crucis, quæ à Sergio Papa in sacrario basilicæ sancti Petri inuenta fuerat, vt superius dictum est, à populo adoranda & osculanda. Quod non Anastasius Bibliothecarius tantum, sed Ado Treuerensis Archiepiscopus in suo Martyrologio, & alij memoriarum prodidère. Quinetiam inde à diui Gregorij magni temporibus, qui anno paulò minùs centesimo ante Sergium floruit, Romæ consuetudo illa inoleuisse dignoscitur, sanctæ Crucis lignum in die Exaltationis eius populo ostendendi & ad adorandum proponēdi. Etenim in eiusdem sancti ac planè magni Pontificis operibus hæc Oratio reperitur, quæ in eodem festiuitatis die ab Ecclesia ad Deum fundi consueuerat: *Deus, qui vnigeniti tui Domini nostri Iesu Christi pretioso sanguine humanum genus redimere dignatus es: concede propitius, vt qui ad adorandam viuificant Crucem adueniunt, à peccatorum suorum nexibus liberentur.* Eiusdē denique Crucis pars Romæ in Exaltationis eius festo adorata.

Secundò, sanctæ Crucis honor & veneratio mirum in modum aucta est, postquam à sancta Helena reperta fuit. Tunc enim in eius memoriam & honorem templa extructa, oratoria ædificata, sacella dedicata, & altaria erecta fuère. Cuius rei pium exemplum, ac generosum initium, magnus Constantinus Imperator præbuit, qui post inuentam ab Imperatrice matre sua sanctam Crucem, Romæ in honorem illius magnificum ac splendidum templum extrui iussit (vt sanctus Damasus in vita sancti Siluestri, & alij memoriæ prodidère) in quadam antiqui atrij Sessoriani parte; cuius multa adhuc vestigia supersunt in inferiori Esquiliarum situ, iuxta Amphitheatrum Castrense; Veneris & Cupidinis templo, quod ibi aderat, euerso ac solo æquato, idque in iustissimam impij ab Ethnicis patrati sceleris animaduersionem, qui vt Crucem & mortem Domini ac Saluatoris nostri Iesu Christi ex hominum memoria oblitterarent, templum & Veneris simulacrum in Caluariæ monte dedicauerant. Iuri namque consonum prorsus erat, vt quemadmodum illi Crucem sanctam sub Veneris



templo Ierosolymis obruerant, sic Romæ, quæ mundi caput est, Veneris templum ibi tunc celeberrimum, ab ipsa Cruce sancta conculcaretur ac pessum daretur. Hoc autem templum sacratissimum, quod nunc vna est ex septem Urbis præcipuis ac sanctioribus ecclesiis, sanctæ Crucis in Ierusalem appellatur. Ibi enim portio illa ligni sanctæ Crucis vnâ cum eius titulo, aliisque sacris ac pretiosissimis Reliquiis, quas beata Helena Ierosolymis Romam aduexerat, magna veneratione est collocata. Quamobrem Onuphrius Panuinus inquit: *Ex Cruce porrò Dominica, sanctissima Augusta tres partes fecit, quarum vnâ argenteis thecis inclusam, vnâ cum titulo, Romam misit, & in basilica sanctæ Crucis in Ierusalem, in atrio Sessoriano, prope Amphitheatrum Castrense, in Esquilij per hæc tempora condita locauit.*

De septem  
Urbis eccle-  
siis.

Aliud Iero-  
solyms ab  
eodem Imp.  
sanctæ Cru-  
ci dicatum.  
In Orat. de  
laudibus  
Constantini.

Varia item  
oratoria ad  
magni illius  
Imp. exem-  
plū, à plu-  
ribus sanctæ  
Cruci con-  
secrata.  
In vita san-  
cti Nicolai  
Papæ.

In vita san-  
cti Symma-  
chi.

Aliud quoque splendidum ac magnificum templum in eiusdem sanctæ Crucis memoriam & honorem, idem pius ac magnus Constantinus Imperator Ierosolymis extrui iussit, vt Eusebius Cæsariensis testatur his verbis: *In media vrbe, quæ apud Hebræos primas obtinet, non modò ecclesiam amplissimam quæ ad memoriam salutaris Christi passionis edificata fuit, verumetiam templum sanctum salutare signo Crucis dedicatum, magnificis & sumptuosis insignibus exornauit.* Hæc ille. Ipsius autem Constantini exemplum secuti complures alij Principes ac magnæ auctoritatis viri, ecclesias & oratoria in sanctæ Crucis honorem extruxere. Inter quos sanctus Hilarus Papa, qui anno centesimo & vigesimo quarto, vel circiter, post Constantinum floruit, inter cetera, oratorium in sanctæ Crucis honorem, Baptisterio Constantinianæ basilicæ, quam nunc sancti Ioannis Lateranensis appellant, annexum extruxit, illudque pretiosis lapidibus argenteisque laminis incrustauit, vt Anastasius Bibliothecarius testatur, dum inquit: *Hic fecit oratoria tria in Baptisterio basilicæ Constantinianæ, sancti Ioannis Baptiste, & sancti Ioannis Euangeliste, & sanctæ Crucis, omnia ex argento & lapidibus pretiosis.* Aliud item oratorium maioris amplitudinis & structuræ, in sanctæ Crucis honorem, prope Baptisterium basilicæ sancti Petri extructum est: quod Anastasius Bibliothecarius, & vnâ cum eo omnes recentiores antiquitatum obseruatores asserunt à Symmacho Papa ædificatum. Quamobrem de eo scribens idem Bibliothecarius, inquit: *Item ad fontem in basilica sancti Petri Apostoli, oratorium sanctæ Crucis ex argento confessionem, & Crucem ex auro cum gemmis, vbi inclusit lignum Dominicum. Ipsa Crux aurea pensat libras decem.* Atque ad horum exemplum, complura alia pia oratoria, & insignes ecclesiæ in sanctæ Crucis memoriam & honorem, tum in Italia, tum in diuersis aliis Christiani orbis prouinciis extructæ fuere, de quibus singillatim agere nimis longum esset.

Tertiò, sanctæ Crucis honor & veneratio post ipsius à beata Helena inuentionem cumulatissimè aucta est: tunc enim ac deinceps, in vniuerso orbe Christiano variæ festiuitates in honorem ipsius institutæ fuere; quarum præcipua & primaria in Latina Ecclesia, est Inuentionis eius solemnitas, quæ magna cum obseruantia & veneratione, tertia die Maij quotannis celebratur.

Et quainquam in Epistolis decretalibus summorum Pontificum, inter ceteras typis excusa reperiatur Epistola quædam sancti Eusebij Papæ, in qua festum sanctæ Crucis obseruari præcipitur, asseriturque sanctam Crucem eiusdem Papæ temporibus repertam fuisse, (quod à Gratiano postea in Decreto translatum est) id tamen nullo pacto probatur, cum certo certius constet, sanctam Crucem ipsam, non sancti Eusebij, sed sancti Siluestri temporibus fuisse inuentam, vt superius ostendimus. Quocircà firmissimo argumento coniectari libet, peculiarem assertionem hanc, ad sanctæ Crucis inuentionem spectantem, quæ in eadem sancti Eusebij Papæ Epistola reperitur, ibi à quoquam superadditam fuisse:



Afuisse: cum nemo sit inter studiosos antiquarum scripturarum Ecclesiæ obseruatores, qui ignoret, veterum Patrum Epistolis aliquando aliena scripta addita atque inserta fuisse. Quamobrem in primo Tomo sacrorum Conciliorum, quæ felicitis recordationis Sixti Quinti temporibus typis excusa fuere, in eiusdem Epistolæ margine annotatum fuit, hunc sanctæ Crucis inuentionis articulum aliunde ibi superadditum fuisse. Quod Iacobus Gretserus etiam animaduertit. At quamquam omnino pro comperto non habeatur, quonam auctore festum hoc institutum fuerit, constat tamen perquam antiquum esse, cum in diui Gregorij operibus ipsa eadem oratio litteris commendata reperiatur, quam sancta Ecclesia ad hanc usque diem in eiusdem celebritatis Officio recitare consuevit, nimirum; *Deus, qui in præclara salutiferæ Crucis Inuentione, passionis tuæ miracula suscitasti; concede, vt vitalis ligni pretio, æternæ vitæ suffragia consequamur.*

De sancta  
Cruce To. 1.  
lib. 1. c. 43.  
*Festum Inuentionis S. Crucis per antiquum.*  
In Sacrament. To. 5.

De hac festiuitate agunt Beda, Vsuarius, Ado, & cetera Latinorum Martyrologia; Græci autem in Menologiis nullam prorsus de ea mentionem agunt, saltem sub eodem mense ac die. Cuius rei eam causam fuisse autumat Baronius, quia inter festa mobilia ab ipsis connumerabatur. nam die tertia post Domini resurrectionem, tradit consueuisse eos Crucis resurrectionem concelebrare, in eius rei memoriam, quod cum reperta fuisset, è terra quasi è sepultura quadam prodiens, nouis miraculis effulset. Verum Iacobus Gretserus affirmat, nullam se prorsus huius festi de resurrectione Crucis commemorationem in Græcorum Ritualibus reperisse: ostenditque deceptos fuisse eos, qui festum hoc imaginatione conceperunt ex verbis, quæ dixit Sophronius Ierosolymorum Episcopus, in ea Oratione quam habuit ad populum de sanctæ Crucis Exaltatione, quæ in ea vrbe die decima quarta Septembris celebrari consueuerat; post dedicationem templi, quod magnus Constantinus Imperator extruxerat, in loco resurrectionis Domini, quod Græci Anastasin, Latini verò Resurrectionem appellabant. Quod quidem Exaltationis festum, idem esse probat, quod Crucis Inuentionis.

Secundum autem festum primum in sanctæ Crucis honorem institutum, quod antiquitus longè celeberrimum habebatur, solemnitas est Exaltationis Crucis, quæ die decima quarta Septembris non solum à Latinis celebratur, sed etiam à Græcis, qui magna veneratione ac pietate festum hoc celebrabant; non ipsa decima quarta die Septembris tantum, sed per totam Octauam. Non ab eo quidem die, quo Heraclius Imperator, post deuictum Cosdroam Persarum Regem, sanctam Crucem in eo loco restituit, vnde eam barbari abstulerant; sed ex quo magni Constantini temporibus, vt dictum est, cum inuenta fuisset, maiore exaltatione & gloria mundo effulset. Hoc autem festum, vt testatur Nicephorus, ab ipsa Imperatrice beata Helena institutum fuisse constat. nam de eodem, inquit: *Crucis partem maximam, diuina Helena argenteæ cistæ inclusam, Episcopo ad memoriam posterarum generationum reliquit: vbi etiam sacram Exaltationem quotannis peragendam sanxit.*

*Festum Exaltationis S. Crucis, ab ipsa Helena institutum.*

Lib. 8. c. 28.

Quod festum magna postea solemnitate singulis annis celebratum fuit; tum verò præsertim ex quo Constantinus dedicationem facturum celeberrimi ac splendidissimi templi à se extructi in loco resurrectionis Domini (quod Græci postea Martyrion & Anastasin appellauere, id est, gloriosæ ac salutaris resurrectionis Domini testimonium) ad celebritatem illam conuocari & accersiri iussit (vt testatur Eusebius) omnes Episcopos, qui ab Ægypto, ab Africa, ab Asia, & ab Europa, in vrbe Tyri, ad controuersias quasdam conciliandas, in his quæ ad Religionem spectant, in Ægypti Ecclesia exortas, congregati erant. Nam non tunc quidem solum, id est, ipsa statim die post sacratissimi templi eiusdem de-

De vita Constantini l. 4  
cap. 40. 41.  
43. 45.



dicationem, quam Græci Encænïa appellauêre, idem Crucis Exaltationis festum magna solemnitate celebratum fuit, cum præter ingentem eorum Episcoporum numerum, quos superius innuimus, infinita propemodum populorum multitudo ex omnibus Christiani orbis prouinciis eò confluxisset; sed quotannis postea, admirabili hominum frequentia, rerumque apparatu ac cærimoniarum decore, continuatum est: tuncque ipsius Imperatoris præcepto, tantorumque Episcoporum auctoritate qui adfuêre, & communi populorum consensu, denuò institutum & approbatum est. Idque apertè colligitur ex Oratione, quam Andreas Ierosolymitanus Cretensium Archiepiscopus, die quadam eiusdem festi habuit, ubi inquit: *Cùm enim oporteret illud occultum & viuificum lignum in apertum prolatum, & sublime sublatum, tamquam ciuitatem aliquam super montem positam, aut lucernam super candelabrum, toti mundo ostendi; ea de causa, cùm primi primitus Christiani prima Regni sceptrâ suscepissent, cum triumpho totius simul Ecclesiæ veluti ex excelsa quadam specula, iusserunt eam in altum extolli, & ostendi* A  
B

Vnde nomen  
Exaltationis  
S. Crucis

Hoc autem festum Exaltatio Crucis appellatum est, ex eo quòd cùm longa annorum serie sub terra sepulta Crux iacuisset, non solum Deo ita volente detecta, in altum sublata & miraculis planè insignibus illustrata fuit, sed quotannis postea ab Episcopo & Patriarcha Ierosolymitano, ex edito & excelsò quodam loco, magna veneratione ac maiestate populo est comimonstrata, & ab omnibus adorata. Locus autem, à quo Crux sancta in die Exaltationis eius populo ostendebatur, quem magnus Constantinus ingenti sumptu ac magnificentia ad id præcipuè extruxerat, à Græcis Hieratheon appellabatur, vt tradit

Apud Suriū  
Tomo primo  
sub die  
11. Ianuarij.

Simeon Metaphrastes in vita sancti Theodosij Cœnobiarchæ his verbis: *Hieratheon locus est cathedrâ, quam fama est excitasse Constantinum magnum, in qua mos est, qui perpetuò seruatur, vt Crux veneranda quotannis exaltetur.*

Latina autem Ecclesia, vt ex Officio Ecclesiastico colligitur, hoc festum celebrat in pij illius ab Heraclio Imperatore patrati facinoris memoriam; qui cùm sanctam Crucem recuperasset, quæ annis quattuordecim quasi captiua in Perfide exulauerat, propriis humeris in templum Resurrectionis Domini ad Caluariæ montem, vnde impiè ablata fuerat, vt superius innuimus, illam reportauit atque restituit. Quam historiam hoc loco repetere superuacaneum ducimus, cùm in ipso Ecclesiastico Officio quotannis recitetur. At illud tamen animaduertendum est, festum hoc etiam in ipsa Latina Ecclesia Heraclij Imperio longè antiquius extitisse, vt ex sancti Gregorij magni scriptionibus colligitur, qui in libro suo De Sacramentis de eodem meminit.

Quædam quoque alia festa per annum, in sanctæ Crucis honorem, Græci celebrare consueuerant; vtpote in media Quadragesima, Kalendis Augusti, & alia, de quibus fusiùs agit Iacobus Gretserus, apud quem curiosus Lector copiosè sibi satisfacere poterit: omnes feriæ prætereâ, quas nos dies Veneris appellamus, expressa à Constantino Imperatore lege lata, sanctæ Cruci consecratae

<sup>a</sup> De vita  
Cōstantini,  
lib. 4. cap. 18.  
<sup>b</sup> Lib. 7. c. 46.  
<sup>c</sup> Lib. 1. c. 8.

sunt; vt Eusebius <sup>a</sup>, Sozomenus <sup>b</sup>, & Nicephorus <sup>c</sup>, testantur. Sozomenus enim ad institutum hoc inquit: *Legem etiam tulit, vt tum die Dominico (quem Hebraei appellant primum diem hebdomadæ, vel Sabbati, Græci autē solis nomine nuncupant) tum die Veneris, omnes à iudiciis dandis, & aliis obeundis negotiis vacarent, precibusque &*

Omnis feria  
sexta à Cō-  
stantino so-  
lenniter Cru-  
cis sacra de-  
clarata.

obtestationibus Deum colerent. Deinde verò rationem reddens, cur legem eam sanxisset, subdit: *Diem autem Dominicum veneratus est, vtpote in quo Christus resurrexit à mortuis: diem verò Veneris, vtpote in quo Cruci suffixus fuerit.* Et quamquam recentiores postea eam Constantini legem non obseruauerint, ita vt ab operibus seruilibus abstinerent, à quibus Dominica die abstinent; sancta tamen Ecclesia,

C  
D



A Ecclesia, singulis quibusque per annum diebus Veneris, celebritate alia non impeditis, sanctæ Crucis commemorationem facere, & in honorem eius sacrificium Deo offerre consuevit; idque peruetusta & usu recepta consuetudine, ut diuus Gregorius docet in libro suo De Sacramentis.

Dies quoque Veneris sanctus, qui Parasceue, id est Præparatio nuncupatur, in sancta Ecclesia præcipuo ac solempni ritu semper fuit, & est consecratus: Quamobrem Ioannes Chrysostomus inter Crucis festa illum annumerat; testaturque Paulum Apostolum festiuitatem eo die celebrari præcepisse: ideoque in Homilia, quam ea ipsa die habuit, inquit: *Hodierna die Dominus noster pependit in Cruce, & nos festiuitatem eius nimia letitia celebremus; ut discamus Crucem totius spiritualis gratulationis esse substantiam.* Et paulò inferiùs subdit: *Hac de causa hodie gratulamur, quia Crucis beneficia commemoramus: sic Paulus præcepit propter Crucem, festiuitatem celebrare.*

B Quartò, sanctæ Cruci honor ac veneratio tunc cumulatissimè accessit, cum magnus Constantinus Imperator, ob illius reuerentiam, truculentissimum Crucis supplicium sustulit, præcipuaque lege lata, vetuit ne quis deinceps Cruci suffigeretur. Cuius rei luculentissimum testimonium perhibent Sozomenus, Nicephorus, Historia Tripartita, sextus Aurelius Victor, Glycas, alijque veteres Historici. Glycas enim ipse, ad institutum hoc inquit: *Constantinus neminem amplius Cruci condemnabat, ut pretiosæ Cruci Christi religiosum hunc honorem deferret.* Quod diuus Augustinus etiam innuit, licet Constantini nomen non prodiderit, dicens: *Christus ipse, quia honoraturus erat fideles suos in fine huius sæculi, prius honorauit Crucem in hoc sæculo; ut terrarum Principes credentes in eum, prohiberent aliquem nocentium crucifigi.* Et alibi ad idem alludens, subdit: *Cum sub antiquis scelerati crucifigerentur, modò nullus crucifigitur. Honorata est, & finita est.*

Legem tamen hanc Constantinus non statim post deuictum Maxentium, ut quidam arbitrati sunt, promulgauit. Nam rescriptum quoddam Maximo directum reperitur, sub Consulatu Volusiani & Aniani, qui fuit Imperij eius anno nono; quo seruos ac liberos, qui dominos suos ausu temerario accusare non vererentur, crucifigi iussit. Sic enim ex rescripto: *In seruis quoque vel libertis, qui dominos aut patronos accusare aut deferre tentauerint, professio tam atrocis audaciæ, statim in admissi ipsius exordio, per sententiam Iudicis comprimatur, ac denegata audientia patibulo adfigantur.* P. P. Kalend. Jan. Volusiano & Aniano Coss. Crucis ergo supplicium à pio ac magno Constantino de medio sublatum fuit, sed longè tardiùs quàm plerique putauerunt. Et certè, ut ego quidem reor, non antea quàm Crux ipsa à beata Helena matre inuenta clarissimis miraculis effulset.

Quin etiam ex his quæ veteres Historici de ea re prodidèrunt, aperte dignoscitur, Crucis supplicium à Constantino, in fine eius Imperij sublatum. Quandoquidem huius pij ac generosi facinoris mentionem non faciunt, nisi post omnia pænè ab eo insigniora gesta recensita. Et cum huius ab eo promulgatæ legis narratione aggrediuntur, per dictionem hanc, *Postremò, vel Denique,* incipiunt; hoc pacto innuentes, id in fine Imperij sui, ut dictum est, fecisse. Quamobrem Sozomenus inquit: *Postremò, supplicium Crucis à Romanis olim maleficis decretum, lege sustulit.* In historia verò Tripartita hoc litteris commendatum fuisse compertur: *Denique supplicium Crucis, quod primitus apud Romanos erat in usu, lege prohibuit.* Et Sextus Aurelius Victor de hoc quoque & de horribili atque inhumano planè crurium suffringendorum supplicio, quod Latini Crurifragium appellabant, ab eodem Constantino sublato, inquit: *Denique Constantinus, cunctos hostes, honore ac fortunis manentibus, texit, recepitque: eo pius, ut etiam vetus teterrimumque supplicium patibulorum & cruribus suffringendis primus remouerit.*

Quintò

Lib. Sacrament. Missa de S. Cruce in Feria vi. Feria autè sexta in Parasceue ab ipso Apostolo Paulo Cruci dedicata. Homil. de Cruce & Latrone.

Crucis supplicium in honore sanctæ Crucis à Constantino sublatum.

Annal. par. te 4.

De verbis Domini Ser. 14. c. 9. In Psal. 36. concione 2.

Cod. Theodosiano l. 9. tit. 5. Lege vnica ad Legem Iuliam maiestatis.

Sozomenus lib. 1. cap. 8. Nicephorus lib. 7. c. 46. Hist. Trip. lib. 1. cap. 9.

In Constantino.



Minima  
S. Crucis  
particula,  
maximo in  
honore ha-  
bita.

Aduersus  
Gentiles De-  
monstratio  
quod Chri-  
stus sit Deus

Ad Maca-  
riū Epist. 34

Quintò & vltimò, Crucis honor ac veneratio, postquam à sancta Helena **A**  
reperta est, atque in partes secta, magnopere creuit. Tunc enim non solum ab  
vniuerso orbe Christiano adorata fuit, sed quicumque minimam ligni eius par-  
ticulam, parua etiam festuca non maiorem consequi poterat, beatissimum se  
fore censebat; illamque auro includens, ac gemmis exornans, magna prorsus  
pietate & veneratione secum deferebat. Cuius rei inter ceteros Patres luculentis-  
simum planè testimonium perhibet sanctus Ioannes Chrysostomus, cum ait:  
*Ipsam lignum, in quo positum sanctum corpus Domini & crucifixum, quare nam habere  
totus orbis ita contendit, ut qui paruum quiddam ex illo habent, hoc auro includant, tam  
viri quam mulieres, & ceruicibus suis aptent, hinc valde honestati, & magnifice muniti  
& protecti, licet condemnationis fuerit lignum?* Idem quoque innuere tunc voluit  
sanctus Paulinus Nolanus Episcopus, cum breuissimis hisce verbis ait: *De ipso  
Crucis ligno aliquid saltem festucæ simile sumere & habere benedictio est.*

S. Paulinus  
ad Seuerum  
Epist. II.

Rom. 8.

Quin etiam tanta veneratione ac pietate prisci Christiani sacrosanctum **B**  
Crucis lignum meritò prosequerentur, ut tamquam rarissimum ac planè cæ-  
leste donum aliqua ex eo minutissima frustula sibi ipsis inuicem transmittere  
& elargiri consueuerint, quæ veluti pretiosissimi atque inæstimabiles thesauri,  
magna auiditate ac pia lætitia excipiebantur. Cuius rei notatu planè dignissimus  
testis nobis sit idem sanctus Paulinus, qui cum de manu Melaniæ nobilissimæ  
matronæ Romanæ, paruulum quoddam frustulum ligni sanctæ Crucis sibi à  
Ioanne Ierosolymorum Episcopo transmissum accepisset, illud per medium  
secuit, & Tharasiæ coniugis suæ nomine, illius medietatem Seuerò, & Bassulæ  
focui suæ dono transmisit, his associatum verbis: *Accipite magnum in modico mu-  
nus, & in segmento panè atomo hastulæ brevis, sumite monumentum presentis, &  
pignus æternæ salutis. Non angustetur fides vestra carnalibus oculis parua cernentibus,  
sed interna acie totam in hoc minimo vim Crucis videat: dum videre vos cogitatis  
lignum illud, in quo Dominus maiestatis adfixus, tremente mundo pependit, exultetis **C**  
cum tremore. Recordemur & petras fissas ad huius aspectum Crucis, & saltem saxo-  
rum emulatione, præcordia nostra findamus timore diuino. Reputemus & velum templi  
eodem Crucis mysterio scissum, & intelligamus illius veli scissuram eò fuisse prætentam,  
ut audientes vocem Domini, & mysterium pietatis immensæ, non obduremus corda  
nostra, sed à carnalibus diuidamur, & scindamus infidelitatis velamen, ut reuelata cor-  
dis facie, salutarium Dei munerum sacramenta videamus. Non autem vobis & hoc scri-  
bimus, ut imitemini compositionem istam, qua tubello aureolo rem tantæ benedictionis  
inclusimus; magis enim nos tali paratu fidem vestram imitati sumus, ut vestram vobis  
formulam mitteremus in specie auri: quia scimus, vos ut aurum ignitum intra vos ha-  
bere Regnum Dei, hoc est, fidem Crucis, qua Regnum celorum inuaditur. Si enim, inquit,  
compatimur, & conregnabimus. Et ideò non ad fidei firmamentum, quia visionem fide  
præuenistis; sed propter meritum fidei, quam auditu receptam, factis probatis; misimus  
vobis in Domino ligni salutaris donum, ut Crucem & corpore possideretis, quam **D**  
tenetis spiritu.*

Infinita propemodum similia adduci possent exempla donorum ligni san-  
ctæ Crucis, quibus elargiendis prisci Christiani piè sese inuicem prosequaban-  
tur, quæ breuitatis causa prætermittuntur. Illud tantum pro capitis huius perio-  
cha superaddimus; flagrans nimirum adeò extitisse desiderium, quo verè pij  
seculorum illorum Christi fideles æstuabant, sacrosancti ligni illius particu-  
lam aliquam quantumuis etiam minimam assequendi, ut planè necessarium  
fuisse videretur, ut Christus Dominus, quo ardenti ac sanctæ illi fidelium suo-  
rum auiditati factum esset satis, miraculum illud in eodem ligno renouaret,  
quod in quinque panibus ita multiplicandis iam patrarat, ut numerosis illis  
quinque



A quinque millium hominum turbis saturandis sufficerent. Quandoquidem nemo Ierosolymam, loca illa sancta veneraturus, proficiscebatur, qui quasi in laboris & itineris sui remunerationem, sanctæ Crucis ligni frustulum aliquod, quantumvis etiam minimum, non expeteret; ita ut cum innumeri pænè essent, qui illuc accedebant, vniuersum ferè orbem terrarum ligno sanctæ Crucis repleuerint ac ditauerint, ut sanctus Cyrillus Ierosolymorum Archiepiscopus, qui oculatus testis fuit, testatur dum inquit: *Beatus hic mons Golgotha, in quo nunc propter eum qui Crucifixus est in illo, applaudimus, & ligno Crucis vniuersus terrarum orbis per partes repletus est.* Et alibi ad institutum hoc subdit: *Lignum Crucis, ad hodiernam diem apud nos apparens, & apud eos qui secundum fidem ex illo capientes, hinc vniuersum orbem ferè iam repleuerunt.* Et denuò id repetens alibi ait: *Sic enim nunc negarem Crucifixum, argueret me hic Golgotha, cui nunc omnes proximè assistimus: argueret me lignum Crucis, quod per particulas per vniuersum orbem sparsum est.* Catech. 4.  
Catech. 10.  
Catech. 13.

B Quapropter benignus Dominus ac Redemptor noster Christus, pro fidelis o <sup>res stu-</sup>populi Christiani solatio, sanctæ Cruci suæ eam virtutem & gratiam impertiri <sup>pēda! Crux</sup>dignatus est, ut viuam vim in mortua & arida materia retinens, infinitorum <sup>semper cō-</sup>propemodum hominum desiderio satis quotidie facere posset, lignum suum <sup>municatur,</sup>illis commodans, nullo sui detrimento aut imminutione accepta. <sup>& tamē non</sup>Quamobrem <sup>minuitur.</sup>sanctus Paulinus inquit: *Crux in materia insensata vim viuam tenens, ita ex illo tempore innumeris pænè quotidie hominum votis, lignum suum commodat, ut detrimenta non sentiat, & quasi intacta permaneat quotidie diuiduam sumentibus, & semper totam venerantibus.* Cuius permanentis virtutis, & inconsumptibilis soliditatis rationem & causam idem sanctus Paulinus in id refert, quòd sacrosanctum lignum illud de sanguine illius carnis biberit, quæ mortem passa, corruptionem non vidit: carnis inquam incarnati Verbi æterni, quod cuncta creauit ex nihilo, & cuius omnipotentia nihil impossibile censendum est. Ipsi verò sit laus & gloria per infinita sæcula sæculorum. Amen. Ad Seuerū,  
Epist. 11.

## CAPVT XVII.

*Crucem sanctam adorandam esse, non ex eo tantum quòd sancti Patres id diuersimodè nos docuerunt, suaseruntque; sed quia Christus Dominus illam honorauit, & Spiritus sanctus per Prophetarum ora id nobis præcepit: & quam adorationis specie adoranda sit.*

D S A N C T I Patres, Catholicæ Ecclesiæ Magistri & Doctores, qui omne studium suum ad Dei honorem, & ad fidelium salutem direxere, plurifariam nos docuerunt, sanctam Crucem venerandam & adorandam esse. Quamobrem sanctam & Catholicam eorum doctrinam nos sequentes, ad Dei gloriam, ad sanctæ Crucis honorem, & ad piorum Catholicorumque Lectorum solatium & profectum, iuxta eorundem sacrorum Ecclesiæ Doctorum, tam veterum quàm recentiorum, recta & orthodoxa dogmata, omni disceptatione prætermissa, breuiter ac resolutè procedentes, toto hoc capite in illud incumbemus, ut ostendamus ac probemus, sanctam Crucem omni pietate venerandam & adorandam esse, & quam adorationis specie sit colenda: illud præcipuè, antequam vltèrius progrediamur, animaduertentes, ea nimirum omnia, quæ in præsentì hoc capite dicturi sumus de Crucis honore atque adoratione, non solum



lūm ad sacrosanctam ac primam Crucem illam spectare, in qua Saluator noster A  
 pependit, & quam pretioso sanguine suo consecrauit & sanctificauit, sed ad  
 omnes etiam Crucis figuras & imagines, quæ ad illius primæ Crucis similitu-  
 dinem construi solent. Quamquam prima illa & beata Crux non solum inter  
 imagines, sed inter sacras Reliquias annumeranda & veneranda sit; utpote  
 quam Dominus sacratissimi corporis sui contactu sanctificauit. Et quæ de tota  
 & integra Cruce illa hoc loco dicimus, eadem de qualibet etiam sacrosancti  
 ligni illius particula & frustulo intelligenda sunt. Nam & si quælibet primæ  
 Crucis particula imaginis illius formam non habet, quæ ad totam integram  
 Crucem solum pertinere videtur (cū tota integra Crux tantum Christi cruci-  
 fixi sit imago) singulæ tamen illius particulæ ac frustula, inter Reliquias omni-  
 auro & lapide pretiosæ acceptiores annumeranda sunt. Ceteræ verò Cruces,  
 ad primæ Crucis illius imaginem & similitudinem constructæ, Reliquiæ non  
 sunt, sed tantum imagines; & nihilominus eodem cultu & honore omnes vene- B  
 randæ & adorandæ sunt, cū omnes sint imagines, eandem rem sacram, id est  
 Christum Dominum pro nobis crucifixum, repræsentantes. At de Crucis ima-  
 ginibus ratiocinandi occasione modò prætermittenda, de prima illa sacratissima &  
 vera Cruce Domini nunc tantum agemus.

Primò igitur sanctè elaborauerunt, & ingenij aciem in illud intenderunt  
 Doctores Ecclesiastici, & Catholici Theologi, recentiores verò præcipuè, ut  
 probarent ac docerent sanctam Crucem venerandam & adorandam esse, idque  
 ex variis argumentis, ac diuersis rationibus ex sacrarum Scripturarum fonte de-  
 sumptis, & ex communi & antiquo Ecclesiæ usu. Atque inter eos præcipuè Ro-  
 bertus Cardinalis Bellarminus, sacri Collegij ornamentum & decus, ac sanctæ  
 Ecclesiæ Catholiçæ clarum, & adhuc viuens, ac nunquam extinguibile lu-  
 men: & post ipsum, Iacobus Gretserus è Societate I E S V, de sancta Cruce opti-  
 mè meritis. Primum igitur, ratione ex sacris Scripturis desumpta, inquit idem C  
 Bellarminus, probatur, lignum Crucis venerabile esse: nam Scripturæ testantur,  
 Christum non crucifixum casu, vel inuitum, vel propter sua peccata; sed ipsum  
 sponte elegisse Crucem, & elegisse ut altare summi sacrificij, quo placaretur  
 Deus; ut scalam sibi ad Regnum, & instrumentum liberationis generis huma-  
 ni; ac denum ut instrumentum, quo diabolum vinceret, ac de eo triumpharet.  
 Ex quo sequitur, Crucem illam veram à Deo mirificè fuisse honoratam, & no-  
 bis omnibus amabilem & venerabilem esse debere. Quod autem Christus Do-  
 minus Crucem sponte elegerit, luculentissimum testimonium perhibet Isaias,  
 cum inquit: *Oblatus est, quia ipse voluit*. Idque ipsum ex compluribus aliis Scri-  
 pturæ locis comprobatur. Sed testis nullus certior, & omni exceptione maior  
 ipso Domino nostro inueniri potest, qui dixit: *Ego pono animam meam, ut iterum*  
*sumam eam. Nemo tollit eam à me, sed ego pono eam à me ipso*. Quod Crux fuerit ara  
 summi sacrificij, patet; quia Christus ipse, qui summum sacrificium est, in ea D  
 sacrificatus fuit, ut testatur Apostolus ad Hebræos. Vnde alibi inquit: *Pacificans*  
*per sanguinem Crucis*, id est, per sanguinem in Cruce, quasi in altari fusum.  
 Quamobrem diuus Ioan. Chrysostomus ad institutum hoc inquit: *Vide sacra-*  
*mentum. Ecce ipse se offert. Vides quemadmodum fuit & sacrificium & sacerdos, &*  
*altare Crux fuit*. Quod Crux sancta, scala fuerit Christo ad Regnum, & ad no-  
 minis sui exaltationem in vniuersa terra, fidem adstruit Apostolus his verbis:  
*Humiliavit semetipsum, factus obediens usque ad mortem, mortem autem Crucis. Pro-*  
*pter quod & Deus exaltavit illum, & donauit illi nomen, quod est super omne nomen.*  
 Quod ipsa eadem Crux sancta instrumentum fuerit liberationis nostræ, apertè  
 probatur ex multis figuris, quas superius libro tertio recensuimus, & explica-  
 uimus.

Discrimen  
inter primā  
Christi Cru-  
cem, & eius  
imagines.

De imagi-  
nibus lib. 2.  
cap. 2. To. I.

Rationes  
variæ cur  
signū Crucis  
sit veneran-  
dum.

Isaiæ 53.

Ioan. 10.

Heb. 7.

Coloss. 1.

In Hom. 1.  
de Cruce &  
latrone.

Philip. 2.



Auimus. Ac denique quod fuerit trophæum erectum contra diabolum, qui in illa expoliatus atque deuictus est, & quod Christus Dominus de eo in illa triumphauerit, apertè innuit Apostolus, cum dixit: *Chirographum decreti, quod erat contrarium nobis, & ipsum tulit de medio, affigens illud Cruci: & expolians principatus & potestates traduxit confidenter, palam triumphans illos in semetipso.* In quo illud animaduertendum est, ut alibi diximus, quod Origenes legit: *Triumphans illos in ligno Crucis.* Coloss. 2.  
Homilia 8.  
in Iohue.

Secundum argumentum, quod Crux veneranda & adoranda sit, ex diuinis mysteriis ducunt, quæ ab ipsa Crucis forma & figura significantur, quorum pleraque superius explicauimus, iuxta ea quæ sancti Irenæus, Gregorius Nyssenus, Augustinus & Hieronymus, nec non Theophylactus, & alij sacri Doctores scripsere. Diuus enim Augustinus præcipuè docet, Crucis figuram, totam Christianam significare perfectionem, ita ut eius profundum, fidem designet; sublimitas spem, latitudo charitatem, & longitudo perseverantiam. Et sanctus Irenæus asserit, duo Crucis brachia, sub vno Saluatoris titulo, duos significare populos, Hebræum nempe & Gentilem, sub vno capite Christo, & in vna fide inter se connexos, iuxta quod idem Dominus noster inquit: *Ego si exaltatus fuero à terra, omnia traham ad me ipsum.* Tradunt denique, ipsam Crucis imaginem, effectus ipsos repræsentare, quos Christi passio produxit, ita ut supremum lignum significet quod per Christi passionem cælum apertum est, & Deus placatus; lignum inferius terræ defixum, innuat infernum expoliatum, & diabolum deuictum; transversum verò quod Orientem & Occasum respicit, vniuersum orbem redemptum designet. Epist. 119.  
120. To. 24  
Lib. 5. c. 17.  
in fine.  
Ioan. 12.

Tertium argumentum trahunt ab ipsius Crucis inuentione, asserentes, inde multiplex testimonium sumi, quod ligni Crucis veneratio Deo placeat: tum verò præcipuè ex eo, quod per tot sæcula illeſa perseverauerit, in tam ingenti Ethnicorum & Iudæorum hostium multitudine, qui ut illam omnino perderent, & memoriam eius obliterarent, summo studio enixi sunt: quodque diuino tandem afflatu reperta sit, ac tantis miraculis agnita; eo nimirum tempore, quod tutò à Christi fidelibus adorari poterat; dum Christianus ac religiosus Imperator, orbis terrarum gubernacula tenebat. Et consideremus quod si antea reſerata fuisset, regnantibus persecutoribus, illam potius ad ludibrium, quam ad honorem excepiſſent; si autem diu post Constantini tempora eadem Crux sancta inuenta eſſet, eo interim ſpatio debito honore caruiſſet. Crux cur non reuelata vel ante, vel post Constantini annis.

Quartum argumentum, quod sancta Crux coli & adorari debeat, ſumitur ex infinitis propemodum miraculis, quæ cum primæ ac veræ Crucis ſacroſanctique ligni eius fruſtorum per vniuerſum orbem terrarum diffuſorum virtute, tum etiam per illius imagines & ſignum Crucis patrata ſunt; quorum nonnulla hoc ipſo libro ſuperius enarrauimus. Quod ſi nos tanti facimus, & inter res nobis chariſſimas aſſeruamus gemmam vel lapidem ſiue etiam herbam, cui admirabilis aliqua inſit virtus; cur non potius Crucem ſanctam venerabimur & adorabimus propter tot tantaque miracula, quæ virtute eius per totum mundum facta ſunt?

Quintum verò argumentum, quo probatur Crucem venerandam & adorandam eſſe, illud eſt; quod quemadmodum ſacræ imagines venerantur ob ſacræ rei quam repræſentant honorem ac reuerentiam, ſic Crux veneranda imprimis & adoranda eſt, tamquam imago Chriſtum Dominum in ea ſuffixum ac mortuum repræſentans. Prætereà ſacroſancta & vera Crux illa, in qua Redemptor noſter pependit, cum ut iam dictum eſt, ex ſacraſſimi corporis eiufdem Domini contactu ſanctificata, & pretioſo ſanguine eius tincta & irrigata fuerit,



Exod. 3.  
Iosue 5.  
De Imagin.  
Sanct lib. 2.  
cap. 27.

fuerit, tamquam sanctissima reliquia est veneranda & adoranda. Quam- A  
obrem idem Cardinalis Bellarminus concludens, inquit: *Si locus, in quo Ange-  
lus stetit, terra sancta est; cur non magis Crux, ubi stetit Christus? Si sudaria & semi-  
cinctia Pauli honorabantur, propter contactum; cur non magis Crux, Christi sanguine  
respersa? si Sacramenta honorantur, quia instrumenta gratiae; cur non Crux, quae instru-  
mentum est redemptionis?*

Pro ultimo tandem argumento probatur, Crucem sanctam adorandam  
esse ab antiqua & continuo usu recepta consuetudine Ecclesiae; quae non tantum  
sanctam ac veram illam Crucem, in qua Dominus noster pependit, sacrosan-  
ctasque eius reliquias, id est illius fragmenta, sed & ceteras quoque eius ima-  
gines, & Crucis signum magno semper in pretio & honore habere consue-  
uit, ut sancti Iustini Martyris, Tertulliani, Lactantij Firmiani, diui Cypriani,  
aliorumque veterum Ecclesiae Scriptorum auctoritatibus suffulti, superius pro-  
bauimus. Ex quibus aperte patet, in quam grauem errorem prolapsi sint ha- B  
retici, qui religiosum ac sanctum hunc Crucis cultum temere impugnare

Cent. 7. c. 17  
6. col. 191.  
Diu ante  
Sergium Pā  
tificē Crux  
in Ecclesia  
cultā &  
adorata.  
Lib. 4. c. 25.

ausi sunt; & quantum à veritate distent Centuriatores Magdeburgenses, qui  
scripserunt, Sergium Papam primum omnium extitisse, qui Crucem adorandam  
& deosculandi morem introduxit. Nam Sergius in Pontificatu sedit anno  
Domini sexcentesimo octuagesimo octauo; & de Crucis adoratione, tam-  
quam de re non temporibus suis tantum, sed iam antiquis usibus recepta, me-  
minit Euagrius, qui annis circiter centum ante Sergium Pontificem floruerat;  
asseritque se, cum puer adhuc esset, qui scholam petebat, à parentibus suis ad  
Apameæ urbem unā cum aliis ductum fuisse ad sanctam Crucem adorandam  
& osculandam, quae à Thoma eius ciuitatis Episcopo populo ostendeba-  
tur. Quinimò sanctus Ioannes Damascenus testatur, Crucis adorationem Apo-  
stolorum traditionem extitisse.

De fide Or-  
thodoxa,  
lib. 4. c. 17.

At ex his quae prisci sancti Patres scripsere, Crucis cultus & adoratio longè C  
apertius ac magis authenticè etiam probatur. Hi enim non solum multita-  
riam, multisque modis nos docuerunt, Crucem venerandam & adorandam  
esse, sed ad eam piè adorandam efficacissimis suasionibus nos adhortati sunt.  
Ac primum quidem nobis innuere & ostendere pergunt sancti Patres, Crucem  
venerandam & adorandam esse, ex multis laudabilibus epithetis, excelsisque  
ac gloriosis titulis, quos eidem saepe tribuere consueuerunt. Ex quibus aperte  
dicere possumus, eam omni honore esse dignissimam, ab omnibusque religiosè  
adorandam. Inter quos sanctos Patres Ioannes Chrysostomus videtur prae ce-  
teris omnibus, pro sua pietate, ac profectu nostro, in id magis elaborasse, ac fu-  
sius sese extendisse. Quamobrem etsi alibi in hoc ipso Tractatu nostro quos-  
dam iam ex honorificis & gloriosis titulis, quos ille sanctae Cruci tribuerat,  
recensuerimus; tamen ad ipsius sanctae Crucis honorem aliquos ex his repetere,  
& complures alios hoc loco superaddere non omittemus.

Homilia de  
Cruce & la-  
trone To. 3.

Homilia de  
Cruce Do-  
minica, &  
De adora-  
tione pre-  
tiosae Crucis.  
Tituli am-  
plissimi qui-  
bus S. Chry-  
sostomus a-  
liq; Patres  
Crucem ho-  
norat, unde  
merito eius  
cultus com-  
probatur.

Crux Christi igitur, inquit idem Chrysostomus, argumentum est totius  
spiritualis gratulationis, totius beatitudinis causa, discordiae amputatio, pacis  
firmamentum, bonorum omnium abunda largitio, salutis indicium, laetitia  
nostra, sol iustitiae, spes Christianorum, resurrectio mortuorum, dux caeco-  
rum, errantium via, baculus claudorum, consolatio pauperum, refrænatio diui-  
tum, superbiorum destructio, poena malè viuientium, triumphus aduersus dæ-  
mones, deuictio diaboli, paedagogus adolescentium, sustentatio inopum,  
desperatorum spes, gubernator nauigantium, portus periclitantium, murus ob-  
fessorum, mater orphanorum, defensor viduarum, consiliatrix iustorum, requies  
tribulorum, custos paruulorum, caput virorum, finis senum, lumen in tene-  
bris

D



**A** bris sedentium, magnificentia Regum, scutum perpetuum, sapientia insensatorum, libertas seruorum, philosophia Imperatorum, lex impiorum, præconatio Prophetarum, annuntiatio Apostolorum, gloriatio Martyrum, abstinencia Monachorum, Virginum castitas, Sacerdotum gaudium, Ecclesiæ fundamentum, orbis terrarum tutela, profanorum templorum destructio, idolorum depulsio, scandalum Iudeorum, perditio impiorum, inualidorum virtus, ægrotantium medicina, emundatio leproforum, paralyticorum requies, esurientium panis, sitientium fons, nudorum protectio, clavis paradisi, Crux pretiosa, Crux vitalis, diuini doni significatrix, spiritualis nobilitatis signum, thesaurus certus atque securus, sanctitatis documentum, salus fidelium, gloria Ecclesiæ, hostium debellatrix, gladius Christianorum, scutum, lorica, galea; firmum ac tutissimum præsidium; refugium, corona, & præmium certaminis; bonorum omnium thesaurus, & boni totius summa.

**B** Sanctus quoque Iacobus Apostolus<sup>a</sup>, vt dictum est, Crucem pretiosam, viuificantem, & gloriosum Christianorum cornu appellauit. Sanctus verò Martialis<sup>b</sup>, diui Petri discipulus, armaturam inuictam contra satanam, galeam caput munientem, lorica pectus protegentem, & scutum maligni hostis tela repellens illam esse dixit. Martyr Ignatius<sup>c</sup> trophæum aduersus diaboli potentiam, & principium damnationis mortis ac ruinæ eius illam vocauit. Lactantius Firmianus<sup>d</sup> signum immortale, ac murum inexpugnabilem. Iulius Firmicus Maternus<sup>e</sup>, immortalem summitatem, sanctæ virtutis altitudinem, gloriosi operis connexionem, venerabile Crucis signum, vexillum fidei, venerandæ legis signum, & magnum triumphorum titulum. Sanctus Ambrosius<sup>f</sup> in beatæ Helenæ Imperatricis persona loquens, Crucem appellauit victoriam, salutis vexillum, Christi triumphum, æternæ vitæ palmam, gladium quo diabolus peremptus est; redemptionem, vitam, salutem, diuinum signum, immortalitatis remedium, & salutis sacramentum. Sanctus Augustinus<sup>g</sup>, totius uenerationis dignissimum monumentum; amicis præsidium, inimicis obstaculum, & triumphale vexillum. Sanctus Athanasius<sup>h</sup> Crucem beatam & viuificantem, mortis triumphatricem, diaboli expultricem, & Christi gloriam & honorem appellauit. Sanctus Gregorius Nazianzenus<sup>i</sup>, dulce pondus, & salutis datricem. Sanctus Ioan. Damascenus<sup>k</sup>, scutum, armaturam, & trophæum aduersus diabolum, iacentium leuamentum, stantium firmamentum, baculum senum, ouium virgam, resipiscientium adiutricem, proficientium fructum, animæ & corporis salutem, malorum omnium expultricem, bonorum omnium causam, extinctionem peccatorum, plantam resurrectionis, lignum æternæ vitæ, lignum pretij inæstimabile, sacrosancti corporis & sanguinis contactu sanctificatum, & lignum quod adorari decet.

**D** Sanctus Paulinus<sup>l</sup> Crucem appellauit munimentum præsentis, & pignus æternæ salutis, ac salutare lignum. Cassiodorus<sup>m</sup>, humilium inuictum fulcimentum, & superbiorum depressionem, Christi victoriam, diaboli perditionem, inferni destructionem, cælestium ciuium confirmationem, mortem infidelium, & iustorum vitam. Sanctus Ephræm Syrus<sup>n</sup>, Christianorum armaturam insuperabilem, mortis victtricem, fidelium spem, mundi lucem, paradisi apertionem, hæresium expultricem, Monachorum fulcimentum, fidei firmamentum; magnam ac salutarem custodiam, Orthodoxorum perpetuam, pretiosam, & viuificantem gloriam. Andreas Ierosolymitanus<sup>o</sup>, Archiepiscopus Cretensis, vir sanctissimus, Crucem sanctam, spem Christianorum appellauit, desperatorum seruatricem, portum eorum qui tempestate iactantur, infirmorum medicinam, vitiorum expultricem, sanitatis datricem, mortuorum vitam,

<sup>a</sup>In Liturgia<sup>b</sup>Epist. 1.

cap. 8.

<sup>c</sup>In Epist.

ad Philipp.

<sup>d</sup>Lib. 4. c. 27<sup>e</sup>De errore

profan. Re-

lig.

<sup>f</sup>In Orat. de

obitu Theo-

dosi.

<sup>g</sup>Lib. 2. De

visitatione

infirmorū.

<sup>h</sup>Serm. De

Cruce.

<sup>i</sup>Carminē

ad Helen.

<sup>k</sup>De fide

Orthodoxa,

lib. 4. c. 12.

<sup>l</sup>Epist. 11.

ad Severum

Sulp.

<sup>m</sup>In Psal. 4.<sup>n</sup>De vera

pœnit. c. 3.

<sup>o</sup>Homil. de

exaltatione

Crucis, a-

pud Surium

Tomo 5. sub

die 14. Sept.



impietatis proscriptionem, blasphemiae obstructionem, sceptrum Regni, diadema pulchritudinis, figuram non scriptam, potentiae virgam, fidei propugnaculum, baculum senectutis, caecorum ducem, lucem eorum qui sunt in tenebris, insipientium eruditricem, infantium magistrum, peccati deletionem, poenitentiae documentum, vitae conciliatricem, mortis solutionem, interitus alienationem, ignis extinctionem, fiduciam apud Deum, clauem Regni caelorum, custodiam in nocte, turrem in die, ducem in tenebris, refugium supplicibus, amicis solatium, patronam, tutricem, adiutricem, in tentationibus opitulatricem, in periculis seruatricem, in necessitatibus auxiliatricem, in mari gubernatricem, in æumnis refrigeratricem, robur imbecillorum, laborantium requiem, alimentum esurientium, ieiunantium vigorem, alyptam athletarum, tegumentum nudorum, comitem peregrinorum, diuitum castigatricem, pauperum procuratricem, viduarum protectricem, orphanorum tutricem, magistratuum honorem, Regum potentiam, belli ducum victoriam, sacerdotum gloriam, monachorum adiutricem, virginum cohabitatricem, castitatis signaculum, coniugij vinculum, ciuitatum custodem, domorum tutelam, pacis distributricem, charitatis administratricem, mundi reconciliationem, confinium descriptionem, caeli altitudinem, terrae profunditatem, creatæ naturæ coagmentationem, terræ quæ apparet longitudinem, orbis terrarum latitudinem, Saluatoris passionis caput & summam Christi gloriam, Christi fidelium arrham, immortalitatis plantam, Apostolorum coronam, Prophetarum speculam, Martyrum gloriam, libertatis contractum, Regni donatricem, peccati solutionem, bonorum operum datricem, vitae thesaurum, & Ecclesiae ornamentum.

<sup>a</sup> Epist. ad Olympid. citatur in 7. Syn. act. 4. <sup>b</sup> In Hymno in Exaltat. S. Crucis To. 8. Biblioth. PP.

<sup>c</sup> In opere de S. Cruce fig. 27. <sup>d</sup> Apud Eusebium l. 1. de vita Constant. c. 33. <sup>e</sup> Co. Theod. l. 16. Tit. 10. & Tit. 8. <sup>f</sup> Authen. 5. 123. 131.

Sanctus Nilus <sup>a</sup> diui Ioan. Chrysostomi contemporaneus, Crucem salutarem appellauit, per quam solam humanum genus in libertatem assertum est, & per quam salus desperatis vndique annuntiatur. Cosmas Ierosolymitanus <sup>b</sup>, lignum celebre, & vitae datricem illam nuncupauit. Rabanus <sup>c</sup> sanctam salutis lucem, vitam, veram redemptionem, inclytam ac semper benedictam. Magnus Constantinus Imperator <sup>d</sup>, salutare lignum, & verum fortitudinis argumentum. Theodosius Imperator <sup>e</sup>, venerabile Christianæ Religionis signum, fidei nostræ symbolum, & sanctam Crucem appellauit. Iustinianus Imperator <sup>f</sup> signum salutis nostræ, venerandam & verè pretiosam Crucem esse dixit. Alij quæ prisci sancti Patres, & auctoritate viri grauissimi complures, sanctam Crucem ipsam diuersis aliis excelsis ac gloriosis titulis ornauere: ex quibus aperte discere possumus, eam omni pietate à nobis venerandam & adorandam esse.

Secundò, ad sanctam Crucem venerandam & adorandam nos sancti Patres inducere voluerunt, admirabilia quæ fecit, & ingentia beneficia quæ per ipsam accepimus, nobis ad memoriam reuocantes. Nam quisquis ea attenta mentis acie diligenter considerauerit, ingratus planè, beneficiorum immemor, ac sensus expers meritò dici poterit, si Crucem venerari & adorare renuerit, vel si ceteris ne illam venerentur dissuadere tentauerit. Quamobrem ad institutum hoc

In Orat. de laudib. Constantini. Praclarissima Crucis beneficia, ob quæ omnè ipsa venerationem promeretur.

inquit Eusebius Cæsariensis: *Est quidem istud & incredibile dictum, & cogitatu planè admirabile, quòd solum, simul ac in terris salutare hoc signum visum fuit, omnes commentitias fabulas, quæ ab initio de dijs confictæ fuissent, omnium oculis subiecit; & sicut errorem tenebris obruit & obliuione, sic lumen mente sola perceptum, quo hominum animi illustrantur, vnum videlicet ac verum Deum omnibus patefecit. Istud igitur eximium & admirabile Crucis signum tot tantorumque bonorum hominibus causa extitit, cuius vi & facultate, quæ parua erant sublata sunt; quæ autem antè non erant, iam apud omnes claris pietatis radiis elucent.* Et paulò superiùs, dum res à magno Constantino gestas summis laudibus efferre pergeret, hæc quoque protulerat: *Imperator autem triumphale*



**A** triumphale signum honorat, diuinitatem quæ in eo est, re ipsa expertus. Nam isto hostium multitudines in fugam versæ, isto Dei aduersariorum inanis ostentatio compressa, isto petulantes maledicorum impiorumque linguæ ad silentium compulsæ, isto barbara hominum genera subiugata, isto potestates demonum aspectum fugientium abactæ, isto superstiosæ astutiæ, & erroris ludibria refutata; isti denique cumulatam omnium bonorum quibus fruimur expletionem acceptam referens Imperator, columnellas triumphales, quibus illius decus illustretur, ubique terrarum collocauit.

Trophæum Jesu salutare Crux, inquit sanctus Cyrillus Ierosolymorum Episcopus, omnes congregauit. Hoc Persas seruire fecit, hoc Scythas cecurauit, hoc Ægyptios à cattis, & canibus, & variis erroribus ad Dei cognitionem adduxit; hoc ad hodiernum vsque diem curat morbos, demones fugat, & veneficiorum incantationumque auertit imposturas: hoc cum Iesu apparebit in celo. Catech. 13.

**B** Crux, inquit diuus Ioan. Chrysostomus, noxia mortiferaque venena extinxit, infirmitates sanat, cicutæ vim eludit, demones fugat, belluarum venenatarum morsus curat, tenebras discutit, terrarum orbis fines illuminat, inferorum portas aperuit, cælorum orbis laxauit, paradisi aditum renouauit, diaboli neruos fregit, orbem terræ conseruauit, errorem expulit, veritatem reuocauit, terram cælum fecit, homines fecit Angelos, mortem deleuit, cælum aperuit, terram expiauit, naturam nostram in Regium solium reduxit, & diaboli tyrannidem dissoluit. De pretioso Crucis ueneratione, Tomo 1.

Innumera bona, ait S. Athanasius, per Crucem contingere: conculcata namque mors est, & in exilium relegata maledictio: infernus cessit in prædam, peccatum est abolitum, transgressio sublata, natura hominum ab affectuum seruitute liberata, diabolus est ligatus, plantata est salus, resurrectio est patefacta, malitia est abacta, vita est orta, idololatria dissoluta. In dictis & interpret. S. Scripturæ, Quæst. 128

**C** Sanctus Augustinus in Sermone, qui in Appendicem decimi Tomi reiectus est, quique ab aliis diuo Ioanni Chrysostomo tribuitur, materiam hanc latius prosecutus, inquit: Crux innumerabilium nobis bonorum extitit causa. Hæc nos de erroribus liberauit, hæc nos sedentes in tenebris illuminauit, hæc nos ex diabolo expugnatore reconciliauit Deo, & ex alienatis restituit in domesticos; de longinquis proximos fecit, de peregrinis reddidit ciues. Hæc est enim inimicitiarum interemptio, pacis firmamentum, & omnium nobis bonorum thesaurus. Propter hanc iam non erramus in solitudinibus; viam enim veritatis agnouimus, nec iam extra Regnum sumus; ianuam enim Regis intrauimus: iam ignitas diaboli sagittas non timemus; fontem enim vitæ quo exstinguerebantur, inuenimus. Propter hanc iam in viduitate non sumus; sponsum enim recepimus. Non expauescimus lupum; quia bonum pastorem inuenimus. Propter hanc non formidamus tyrannum; Regi enim adheremus. Seria VI. De Cruce & latrone, Sermone 49. In Appendice de diuersis, Tomo 10.

**D** Per nullum aliud, inquit sanctus Ioan. Damascenus, mors primi parentis destructa est, primi parentis peccatum solutum, infernus spoliatus, resurrectio donata, virtus nobis contemnendi præsentia mortemque ipsam elargita, ad antiquam beatitudinem regressio reparata, portæ paradisi patefactæ, natura nostra in dextris Dei sedet, filij Dei & heredes facti sumus, nisi per Crucem Domini nostri Jesu Christi. De fide Orthodoxa, lib. 4. c. 12.

Tertiò, ad sanctam Crucem adorandam nos inducere & impellere voluerunt sancti Patres, affirmantes se ipsos illam adorasse. Quamobrem diuus Augustinus, siue quiuis auctor antiquissimi illius tractatus De visitatione infirmorum, qui inter opera eius circumfertur, inquit: Dominica Crucis venerabile monumentum, quod & nos omni ueneratione dignissimum fatemur, & ad recordationem Crucifixi nostri veneramur. Deinde verò poëtice, sanctè tamen colludens, super quadam Crucifixi imagine, quam piè venerabatur & adorabat, pio affectu ac deuoto spiritu incitatus, in hæc quæ sequuntur carmina prorupit; ex quibus

*Crux sancta sanctorum Patrum exemplis & monitis adoranda. De visitatione infirmorum lib. 2. cap. 3.*



quibus peruersi hæretici, qui super sacrarum imaginum veneratione nos irri- A  
dent, asserentes nos argentum, siue aurum, vel alias insensatas materias quibus  
imagines prædictæ constructæ sunt, adorare, discere poterunt, quid sancta Dei  
Catholica Ecclesia in eisdem sacris imaginibus veneretur & adoret.

*Nec Deus est, nec homo, præsens quam cerno figura:*

*Sed Deus est & homo, quem signat sacra figura;*

*Verus homo, verusque Deus, tamen vnus vterque.*

*Probra Crucis patitur, mortem subit, & sepelitur:*

*Vuit idem, Crucis hæc per signa triumphat ab hoste.*

*Id notum vobis Crucis huius littera reddit:*

*Scilicet ipsius nota sunt Crux & Crucifixus:*

*Hæc & ego veneror, IESVM quoque semper adoro.*

De fide Or-  
thodoxa,  
lib. 4. cap. 12

Et sanctus Ioannes Damascenus ad institutum hoc quoque dixit: Ipsum ni-  
mirum pretiosum lignum, & perquam verè venerandum, in quo semetipsum in hostiam B  
pro nobis Christus obtulit, vt sanctificatum tactu sancti corporis & sanguinis, decenter  
adorandum. Et paulò post de aliis ceteris Crucibus, quæ figuræ & imagines sunt  
veræ ac pretiosæ Crucis illius, in quâ Dominus ac Redemptor noster pependit,  
subdit: *Adoramus etiam figuram pretiosæ & viuificæ Crucis; tametsi ex alia materia  
facta est; non materiam venerantes (absit enim) sed figuram, tamquam Christi signum.*

De diuinis  
Officiis, l. 6.  
c. 21. To. 2.

Quartò, non solùm testati sunt sancti Patres, se Crucem sanctam adorasse;  
sed vt nos quoque ad illam piè adorandam libentiùs induceremur, causas etiam  
cur ipsi illam adorauerint, nobis prodidère. Quapropter Rupertus Abbas inter  
ceteros inquit: *Adoramus Crucem, fidei præsidium, spei firmamentum, charitatis  
solium, misericordiæ titulum, pietatis argumentum, gratiæ vehiculum, pacis vexillum.*  
*Adoramus Crucem quæ superbiam excidit, inuidiam obtruit, culpam correxit, pœnam  
destruxit. Crucem Christi adoramus, quia ianua est cæli, clauis paradisi, diaboli destru-  
ctio, hominum erectio, captiuitatis nostræ solatium, & libertatis pretium. Crucem adora- C  
mus expectationem Patriarcharum, promissionem Prophetarum, Regum triumphum,  
& Sacerdotum dignitatem. Crux tyrannos increpat, potentes inclinat, afflictos suble-  
uat, pauperes honestat. Crux tenebrarum excidium, lucis infusorium, mortis effugium,  
vitæ nauigium, salutis imperium. Quidquid Deo proficimus, quidquid acquirimus, quid-  
quid speramus, adoranda Crucis est fructus. Per Crucem Christus ad se traxit omnia.  
Regnum Patris, sceptrum Filij, sigillum Spiritus sancti, totius est testimonium  
Trinitatis.*

De adora-  
tione pre-  
tiosæ Crucis  
Tomo I.

Quintò denique, non satis sibi fecisse putauerunt sancti Patres, vt nos ad san-  
ctam Crucem adorandam allicerent, quòd excelsis ac gloriosis titulis illam or-  
nauerint & celebrauerint, quòd admirabilia quæ fecit, & beneficia quæ per  
ipsam accepimus, nobis ad memoriam reuocauerint; quòd testati sint, se ipsos  
illam adorasse, causasque cur illam adorauerint, vt dictum est, nobis prodide-  
rint; sed omni conatu & efficacia ad illam adorandam nos impulerunt, & ad D  
hortati sunt. Quamobrem diuus Ioan. Chrysostomus, populos suos inuitans,  
vt ad sanctæ Crucis adorationem piè ac reuerenter accederent, in ea solemn-  
tate, quam Græci in media Quadragesima ad sanctæ Crucis honorem conce-  
lebrabant, illam propalàm in ecclesiis populis adorandam exponentes, inquit:  
*Quia igitur hodiernus dies pretiosæ Crucis venerationi constitutus est, huc adeste omnes:  
eam cum metû & desiderio amplectamur: resurrectionis enim Christi splendorem emit-  
tens, donis muneribusque suis omnes illustrat & sanctificat; ob eamque causam eam  
completo in animis nostris gaudio salutemus.* Et auctor tractatus illius De visitatio-  
ne infirmorum, qui sancto Augustino à quibusdam tribuitur, Christi fideles  
ad eandem quoque adorationem inuitans atque alliciens, inquit: *Adiicitur  
enim*

De visitatio-  
ne infirm.  
lib. 2. cap. 3.



**A**enim super Crucem quædam hominis inibi patientis imago, per quod salutifera Iesu Christi nobis renouatur passio. Hanc complectere humiliter, venerare suppliciter. Et Lactantius Firmianus eisdem fideles monens, ut in ingressu ecclesiæ genu flecterent, & Crucem piè adorarent, ait:

In Carm.  
De passione  
Domini.

*Flecte genu, lignumque Crucis venerabile honora.*

Verum enimvero Crucem sanctam non ob id tantum venerari & adorare debemus, quia sancti Patres nos ad id inuitarunt, sed quia Dominus ipse noster illam honorauit, & Spiritus sanctus per ora Prophetarum id nobis præcepit. Quod autem Dominus noster Crucem suam honorauerit, locis compluribus sanctus Augustinus fidem adstruit; qui attenta mentis consideratione expèdens admirabilem honorem, quo Christus Crucem suam prosecutus est, cum ab infamis ac probrosæ mortis instrumento, illam in Imperatorum frontes transtulerit, inquit: *Qui tantum honorem dedit pœnis suis, quid seruat fidelibus suis?* Et alibi eadem ferè repetens subdit: *Nihil erat tunc in carne intolerabilius Cruce, nihil est nunc in fronte gloriosius. Quid seruat fidei suo, qui talem honorem dedit supplicio suo?* Et perinde ac si nunquam satis admirari posset ingentem gloriam & honorem, quo Redemptor noster Crucem suam prosequi dignatus est, eadem ferè repetens atque exaggerans, ait: *Quia ipse honoraturus erat fideles suos in fine sæculi, prius honorauit Crucem suam in hoc sæculo; ut terrarum Principes credentes in eum, prohiberent aliquem nocentium crucifigi. Et quod cum magna insultatione persecutores Iudei Domino procurarunt, magna fiducia serui eius, etiam Reges, nunc in fronte portant.* Hæc Augustinus. Sedulius verò, mentis aciem attenta consideratione in incomparabilem honorem illum dirigens, quo Christus Crucem suam tunc ornauit cum propriis membris suis illam illustrare dignatus est, sic cecinit:

Cruz meriti-  
ssimò ho-  
minibus ho-  
noranda,  
quam ipse  
Christus  
Deus hono-  
rauit:

In Psal. 36.

Tractatu in  
Ioan. 36.  
Concione 2.

Ser. 18. De  
verbis Do-  
mini, cap. 9.

*Pax Crucis ipse fuit, violentaque robora membris*

*Illustrans propriis, pœnam vestiuit honore,*

*Suppliciumque dedit signum magis esse salutis,*

*Ipsaque sanctificans in se tormenta beauit.*

Operis Pa-  
schalis lib. 4

**C** Quod autem Spiritus sanctus per ora Prophetarum nobis præceperit, ut Christi Crucem sanctam adoremus, luculentissimum testimonium nobis perhibet Regius Psalter, cuius lingua Spiritus sancti aspiratione impulsus, hæc verba protulit: *Exaltate Dominum Deum nostrum, & adorete scabellum pedum eius, quoniam sanctum est.* quasi diceret: Verus Messias, incarnatum Verbum, & Dominus noster exaltatus erit in Cruce; ideoque vos electi atque fideles eius, eandem sanctam Crucem adorete, quæ scabellum pedum eius tunc erit, cum clauis illi affixi erunt; scabellumque re ipsa sacrosanctum erit, quia per diuinorum membrorum contactum, & per pretiosi sanguinis irrigationem sanctificabitur. Quamobrem ad institutum hoc ait Euthymius: *Scabellum verò pedum Christi, ut hominis, montem Golgotha esse dicemus, in quo fuit crucifixus; vel ipsam Crucem, in qua illius pedes clauis confixi sunt.* Et diuus Hieronymus, licet hoc loco per scabellum, corpus Dominicum præcipuè intelligere videatur, in quo diuinitatis maiestas quasi scabello quodam insidere quodammodo dici potest, hæc quoque nihilominus ad sanctæ Crucis significationem applicauit, quibus inquit: *Sed & ad Crucem Dominicam, & ad animam sanctam hæc referenda sunt.*

Psal. 98.

Imò quam  
Spiritus san-  
ctus, per ora  
Propheta-  
rū adorari  
præcepit.

In Psal. 98.

In Psal. 98.

**D** Alibi quoque per os eiusdem Regalis Prophetæ, Spiritus sanctus monitos nos esse voluit, ut sanctam Crucem adoremus, cum dixit: *Introibimus in tabernaculum eius; adorabimus in loco, ubi steterunt pedes eius.* Quo loco non solum nobis innuitur, quàm sanctæ Crucis adoratio Deo sit accepta & grata, sed illud planè videtur, quod Spiritus sanctus oculis mentis ipsius Davidis intuendum dederit pium ac laudabilem morem quem obseruaturi erant, & ad hanc usque

Psal. 131.



diem locis compluribus obseruant Christi fideles Catholici, qui vbi ecclesiam ingressi sunt, ad Crucem adorandam rectè tendunt. Quamobrem, perinde ac in eorum persona loqueretur, inquit: Nos introibimus in tabernaculum Dei, id est in sanctam ecclesiam, de qua scriptum est, *Ecce tabernaculum Dei cum hominibus: & adorabimus locum, in quo steterunt pedes eius, id est, sanctam Crucem, in qua Christi Domini nostri pedes confixi fuere. Quòd autem per locum, in quo Domini pedes steterunt, Regius Psalter sanctam Crucem hìc intelligere voluerit, sanctus Ioan. Damascenus fidem astruit, dum de hoc agens dicit: Quòd verò Crucem significet, ostendit, quod sequitur: Surge Domine in requiem tuam. sequitur enim Crucem resurrectionis. Idem quoque affirmat S. Ioan. Chrysostomus, qui Christi fideles inuitans & adhortans, vt magna pietate ac reuerentia ad Crucem adorandam accederent, in ea solemnitate, quam Græci in media ieiuniorum hebdomada, ad sanctæ Crucis honorem celebrare consueuerant, inquit: Hodierno die Christi Ecclesia alter paradysus esse monstratur, quæ & sanctum pretiosa Crucis lignum proponit, & passionis Christi præsidium Crucem facit, & eiusdem resurrectionis præmium. Hodie Propheticum verbum completum est: Adorabimus enim in loco, in quo Dei nostri pedes steterunt.*

De fide Orthodoxa,  
lib. 4. c. 12.

De adoratione pretiosæ Crucis  
Tomo 1.

Sextæ Synodi decretum,  
de Crucis signum solo insculpatum  
Sextæ Synodi Canon 73.

Quamobrem in huius rei obseruantiam & executionem, in sacris Conciliis generalibus, præsertim verò in Sexta, in Septima, & in Octaua Synodo, expressi Canones de Crucis adoratione editi fuerunt. Quinimò in Sexta Synodo Crucem adorandam non solum sancitum est, sed expressè cautum, omnes Crucis imagines solo ac pavimento insculptas, delendas & oblitterandas, ne pedibus conculcarentur: decernendo, cunctos qui Crucis imagines deinceps solo imprimerent, anathematis mucrone feriendos. Ipsi autem Synodi hæc sunt verba: *Cum Crux nobis viuifica salutare ostenderit, nos omnem diligentiam adhibere oportet, vt ei per quam ab antiquo lapsu saluati sumus, eum quem par est honorem habeamus. Quamobrem & mente, & sermone, & sensu adorationem ei tribuentes, Crucis figuras, quæ à nonnullis in solo ac pavimento fiunt, omnino deleri iubemus, ne incedentium conculcatione, victoriæ nobis trophæum iniuria afficiatur. Eos itaque qui deinceps Crucis signum in solo construunt, segregari decernimus.*

Cum autem hætenus Crucem adorandam esse sufficienter probauerimus, reliquum est, pro capitis huius periocha, vt ostendamus ac magis præcisè explicemus, quamam adorationis specie colenda sit non illa vera ac pretiosa Crux tantum, in qua Saluator noster pependit, sed ceteræ omnes Crucis imagines & figuræ. Etenim adorationis omnium earum vna est eademque ratio. In quo negotio, omni ambiguitatis ac disceptationis materia prætermissa, doctrinæque Angelici Doctoris Thomæ Aquinatis adhærentes, & eorum qui illum sequuntur, inter quos insigniores sunt Caietanus, Capreolus, Gregorius de Valentia, & cum his alij non pauci, quorum sententia in scholis communior est ac magis trita, cui recentiores etiam adhæserunt, atque inter eos præcipuè Iacobus Gretserus è Societate I. E. S. V., in eruditissimo tractatu suo De Cruce Christi, asserimus, Crucem colendam esse latria, hoc est, cultu diuino; non quidem per se, sed per aliud; non absolute, sed cum habitudine & relatione ad prototypum, id est ad primum exemplar, qui est Christus crucifixus.

Cruz latria  
cultu ad-  
randa cum  
relatione ad  
prototypum,  
qui Christus  
est cruci-  
fixus.

In qua adoratione cum distinctione illa procedendum est, quam superius innuimus; videlicet, si agatur de prima & vera Cruce illa, in qua Dominus ac Redemptor noster pro nobis pati dignatus est, dicimus duplici modo colendam esse. Altero quidem in quantum Christi in ea extensi & affixi imaginem repræsentat; altero verò, in quantum ex Christi Domini membrorum contactu, & pretiosi sanguinis eius irrigatione sanctificata fuit. Quamobrem non solum



A solum tota & integra Crux illa, sed singulae portiones eius & frustula, quamvis etiam minima, tamquam pretiosissimae reliquiae, veneranda atque colenda sunt. Atque utroque modo sacratissima Crux illa patriae cultu adorari debet. Si verò agatur de ceteris Crucibus, quae ad primae illius imaginem & similitudinem ex auro, vel argento, aut lapide, siue ex ligno, vel qualibet alia materia constructui solent; dico eas tantummodò adorandas esse, in quantum referunt Christi Crucifixi imaginem, quam patriae cultu adoramus. Quocirca diuus Thomas inquit: Si ergo loquamur de ipsa Cruce in qua Christus crucifixus est, utroque modo est à nobis veneranda: vno scilicet modo, in quantum representat nobis figuram Christi extensi; alio modo ex contactu ad membra Christi, & ex hoc quòd eius sanguine est perfusa: vnde utroque modo adoratur eadem adoratione cum Christo, scilicet adoratione patriae. Si verò loquamur de effigie Christi, in quacumque alia materia (ut puta lapidis vel ligni, argenti vel auri) sic veneramur Crucem tantum ut imaginem Christi, quam veneramur adoratione patriae.

*Prima Crux Christi non tantum integra, sed singula eius particula veneranda.*

*In 3. parte Summæ, quæst. 25. art. 4.*

B Quoniam verò huic doctrinae magnis vociferationibus obstrepere solent hæretici, asserentes nos idololatriam contrahere, dum insensatam materiam cultu diuino veneramur; ideò operæpretium erit, rationem hoc loco apertius prodere, cur id à nobis fiat. Dicimus ergo breuiter cum sancto Thoma, scire nos utique, quòd honor seu reuerentia non debetur nisi rationali naturæ: creaturæ autem insensibili honorem vel reuerentiam non deberi, nisi ratione rationalis naturæ: & hoc dupliciter, vno modo, in quantum representat rationalem naturam; alio modo, in quantum ei quocumque modo coniungitur.

C Primo modo consueuerunt homines venerari Regis imaginem; secundo modo, eius vestimentum. Vtrumque autem venerari solent homines, eadem veneratione qua venerantur Regem. Si ergo imago materialiter consideretur, in quantum est quædam res, ut puta aurum, argentum, lignum, vel quælibet alia materia, perspicuum est quòd nullus honor vel reuerentia illi debetur: sed si formaliter consideretur, in quantum imago est creaturam aliquam rationalem representans, cui meritò honor & reuerentia debeatur, hoc casu idem honor ac eadem reuerentia impendenda est imagini, quæ impenditur ipsi rei quam representat. Ut exempli gratia, si imago erit alicuius Sancti, qui illo adorationis genere venerandus sit, quam duliam vocant, imago eius quoque dulia veneranda est. Si autem beatissimæ virginis Mariæ erit, quæ hyperdulia veneranda est, imago quoque illius eadem hyperdulia est veneranda. Si verò imago ipsa sit Christi Domini, qui ut verus Deus patriae cultu adoratur, ipsa eadem quoque imago patriae adoratione colenda est.

*Eiusdè generis honor impendendus signo, & rei signatæ.*

D Crux ergo secundo modo considerata, quatenus est imago, Christum crucifixum representans, cultu patriae est adoranda. Sed si nudè primo modo consideraretur, in quantum ex auro aut argento, siue ligno, vel ex aliqua quacumque materia constructa esset, nullus prorsus honor illi deberetur. Quod & sanctus quoque Ioannes Damascenus loco superius citato innuit, cum ait: Adoramus etiam figuram pretiosæ & viuificæ Crucis, tametsi ex alia materia facta est; non materiam venerantes (absit enim) sed figuram, tamquam Christi signum. Quasi per ipsa eadem vocabula, quibus Theologi in scholis vtuntur, diceret: Nos Crucis imaginem non adoramus materialiter, sed formaliter; quatenus imago est, & representandi vim obtinet. Deinde verò, ut materiam hanc apertiore redderet, rem ipsam praxi subiiciens, adiecit: Materia, ex qua Crucis figura exprimitur, siue sit aurum, siue lapides pretiosi, aut alia quævis materia, post figurationem, si dissolui contingat, non ampliùs adoranda est. Hæc Damascenus. Quæ tamen de materiis hisce intelligenda sunt, ex quibus Cruces illæ, quæ imagines tantummodò sunt,

*De fide Orthodoxa, lib. 4. c. 12.*

con-



construuntur. Nam fragmenta omnia veri ligni Crucis illius, in qua Dominus A  
ac Redemptor noster suffixus est, licet Crucis formam non habeant, & quan-  
tumvis minima sint, tamen adoranda sunt, ut superius dictum est, quia omnes  
pretiosissimæ ac sacratissimæ sunt reliquiæ.

De Cruce præterea, utroque modo considerata, aperte sic inquit sanctus  
In Quæst ad Athanasius: *Figuram Crucis ex duobus lignis compingentes conficimus, ut si quis infi-*  
Antiochū, *delium id in nobis reprehendat quod veneremur lignum, possimus duobus inter se disun-*  
Quæst. 16. *ctis lignis, & Crucis dirempta forma, ea tamquam inutilia reputare; & infideli per-*  
*suadere, quod non colamus lignum, sed quod Crucis typum veneremur.* id est quod nos  
Crucem adoramus, ut imaginem Christum Dominum Crucifixum repræsen-  
tantes; quæ ratio statim definit, postquam Crux dissoluta est. Obstrepere igitur  
cessent hæretici: non enim tam stupidi & vecordes sumus, ut insensatas  
materias, quibus sacræ imagines & Cruces constructæ sunt, adorare velimus,  
sed solidissima ratione innixi, & pro officij nostri munere, id quod repræsen- B  
tant, in eisdem adoramus; quod & ipsi facerent, ut muneri ac saluti suæ consu-  
lerent, ni malitia intelligentiæ eorum tenebras offudisset, & corda ipsorum  
obdurasset.

Quod autem Crux latriæ cultu sit adoranda, præter ea quæ hætenus dicta  
sunt, sanctorum quoque Patrum auctoritate probatur, qui litteris commenda-  
runt, imagines, & consequenter Crucem, vno eodemque cultu cum prototypo  
coli; idque ob eam quam ipsi rationem afferunt: nimirum, quod honor imagi-  
nis ad prototypum transit. Ad cuius rei institutum inquit sanctus Basiliius:  
De Spiritu *Quemadmodum principatus, & potestas una est, quæ nobis dominatur: sic etiam glori-*  
sancto, c. 18. *ficatio nobis una est, non multæ; propter quod imaginis honor ad exemplar seu ad proto-*  
*typum transit.* Ex quibus argumentatur Iacobus Gretserus, vnum & eundem  
Imaginis *honor trans-*  
it ad proto-  
typum. *typum.* honorem esse Crucis & prototypi: quia alioqui non diceretur transire ad pro-  
typum, sed in imagine terminari. Quod si imagines, inquit, honorarentur alio C  
quodam inferiore honore, quam prototypum, ut quidam volunt, tunc non pos-  
set is transire ad prototypum, cum honor inferior non competat prototypo. His  
ad materiam hanc apertius elucidandam addatur exemplum à Damasceno  
allatum, qui ad institutum hoc inquit: *Quemadmodum honor qui exhibetur be-*  
De fide Or- *nignis gratisque conseruis, benevolentia ad communem dominum præ se fert indicium,*  
thodoxa, *sic & imaginis honor ad prototypum imaginisque veritatem transferitur.* Ad hoc  
lib. 4. c. 17. *quoque sanctus Athanasius: Qui adorat, inquit, imaginem, in illa adorat ipsum Re-*  
Contra A- *gem, quippe cum ipsa imago nihil aliud sit quam Regis forma atque species.* Ideoque  
rianos, Ser 4 *idem Athanasius affirmat, quod si ipsa Regis imago loqui posset, ei qui illam*  
circa prin- *intueretur, diceret, Ego & Rex vnum idemque sumus; quia ego in illo, & ille in me*  
cipium. *est, quoad representandi modum.* Ex quibus ipse concludit, quod qui Regis  
imaginem veneratur, in eadem ipsum quoque Regem adorat. Quæ omnia Cru-  
ci competunt, imaginis nomine in Crucem commutato. Et diuus Augustinus, D  
De doctri- *Qui veneratur, inquit, utile signum diuinitus institutum, cuius vim significationemque*  
naChristia- *intelligit; non hoc veneratur, quod videtur & transit* (id est non per se, tamquam  
na, lib. 3. c. 9 *ultimum honoris terminum) sed illud potius, quod talia cuncta referenda sunt.* Si ergo  
Christus honoratur per Crucem, tamquam per signum eius, necesse est (subdit  
De sancta *idem Gretserus) ut in Crucis veneratione latriam adhibeamus, cum hæc sola*  
Cruce, To. 1. *Christo, utpote Deo, competat.*  
lib. 1. c. 57.

Ex supradictis ergo omnibus, & ex aliis compluribus quæ breuitatis causa  
prætermittuntur, firma hæc conclusio elici potest, nimirum quod sanctorum  
Patrum auctoritate, & totius sanctæ Ecclesiæ Catholicæ consensu, Crux latriæ  
cultu est adoranda; non quidem tamquam honoris præcipuus & ultimus ter-  
minus,



**A** minus, sed ut medium quoddam, cuius interuentu honor ad ipsum Christum deferatur. Ad quod ratio quoque ipsa nos allicit. Nam ea quæ alicuius magnæ auctoritatis viri propria sunt, illa eodem cultu afficimus, quo ipsum cuius sunt, ut apertè patet, cum alicui vestito aut coronato Principi honorem exhibemus. Verè enim tunc vestitum aut coronatum honoramus, nec duobus quidem actibus, sed vno. Cum igitur imagines præcipua quadam ratione & ordine repræsentationis prototypi sui seu rei significatæ propriæ sint, & cum eius vicem subeant, & ad hoc institutæ sint, ut coram ipsis prototypon honoretur, necessariò sequitur, nos cum rem quampiam per imaginem veneramur, eodem cultu imaginem ipsam afficere, licet non eodem modo. Non enim in cultu est diuersitas, sed in cultus modo.

Verùm Cardinalis Bellarminus asserit, hanc imaginum adorationem non fieri nisi per accidens; quomodo adorantur vestes Regis, cum Rex vestitus adoratur, ut iuxta exemplum à sancto Thoma allatum superiùs diximus; cum certum sit, vestes Regis non honorari nisi per accidens: est quæ eius sententiæ, videlicet, quod cultus qui propriè debetur imaginibus, sit quidam cultus imperfectus, qui analogicè siue reductiuè ad cultus illius speciem pertineat, qui prototypo siue primo exemplari debetur. Deinde verò apertiùs se explicans, subdit, quod Christi imaginibus non debetur cultus latriæ simpliciter, sed cultus quidam sine comparatione inferior, qui tamen reducitur ad latriam, ut imperfectum ad perfectum. Id quæ firmissimo quodam probat argumento. Sicut enim, inquit, se habet imago ad suum exemplar, ita se habet cultus imaginis ad cultum exemplaris: sed imago est ipsum exemplar analogicè, & secundum quid: nam homo pictus est homo secundum quid, & analogicè: ergo etiam imagini debetur cultus imperfectus & analogicus.

Prætereà, subdit idem Illustrissimus Bellarminus, imago reducitur ad speciem exemplaris: nam homo pictus, & equus pictus, differunt specie: ergo etiam cultus imaginis reducitur ad cultum exemplaris. Et fortè beatus Thomas, & beatus Bonaventura, & alij, inquit, hoc solum dicere voluerunt, cum dixerunt, eodem cultu coli imaginem & exemplar. Ita enim eorum sententiam interpretatur Gabriel. Quod si ita est, subdit idem Bellarminus, omnes conuenimus: concludens quæ affirmat, quod Christi imagines, & consequenter Crux, adorari debet minori cultu quàm ipse Christus; sed tali cultu tamen, qui analogicè & reductiuè ad latriam pertineat.

Crux igitur, ut superiùs dictum est, inexpugnabilibus rationibus, sanctorumque Patrum auctoritate, totius sanctæ Ecclesiæ Catholicæ consensu, & omnium Theologorum Orthodoxorum, qui de fide & de Christiana Religione rectè sentiunt, vnanimi voto ac sententia, latriæ cultu adoranda est: eo scilicet modo, quem diximus, & ut iidem sacri Theologi docent. Inter quos, quoad latriæ cultum quo Crux ipsa adoranda est, nulla est discrepantia, sed tantum in modo, ut superiùs inuimus. Et hæc de sanctæ Crucis adoratione hætenus dixisse sufficiat. Coram qua genuflexus, & humiliter ad terram prouolutus, enixè illum deprecor, qui ut nos ab æterna morte liberaret, propter admirabilem infinitæ charitatis & misericordiæ suæ excessum, voluntariam mortem in ea oppetere elegit, ut tantam nobis gratiam impertiri dignetur, qua Crucem sanctam ea cordis puritate ac pietatis affectu colentes, ipsum adoremus ac benedicamus, ut in hac vita, in mortis articulo, & in die iudicij, sub clypeo & umbra huius inuicti & gloriosi vexilli, protecti ac tuti esse mereamur ab inuasionibus & rapina antiqui ac truculentissimi illius tyranni, cuius iniqua potestas iam in ipsa Cruce compressa atque prostrata est, ita ut cum omnibus electis in Paradiso ad eius gloriam

De Imagin.  
lib. 2. c. 23.  
24. 25. To. I

Cultus idē  
imaginis &  
prototypi,  
sed analogicè.



Antiph. 3.  
1. Noct. in  
die Exaltat.  
S. Crucis.

gloriam concinentes, in æternum dicere valeamus: O Crux venerabilis, quæ salutem attulisti miseris, quibus te efferam præconiis, quoniam vitam nobis cæli-tem præparasti? Amen.

## CAPUT XVIII.

*Quod sancta Crux in nouissimis diebus gloriosa & fulgida  
in calo apparebit.*

**A**CTIONES excellentissimæ, inquit Philosophus, ab excellentissimis virtutibus producuntur, in quolibet subiecto optimè operantibus. Quamobrem cum Redemptor noster Iesus Christus non solum sit virtus excellentissima, sed verus ille virtutum Deus, qui creaturis suis omnem virtutem impertitur; quemadmodum in cunctis operibus suis est perfectissimus ac magnificientissimus, ita & in sancta Cruce sua honoranda non satis sibi fecisse visus est, neque adhuc satis sibi facere videtur, quod excelsio ac diuino honore ipsemet illam affecerit, & tot tantisque admirandis planè modis ab hominibus honorari fecerit (vt pro exilis ingenio nostri viribus hætenus ostendimus) sed nec contentus erit efficere, vt nouis quotidie gloriæ & honoris gradibus exalteretur in terris, donec in cælo tandem sole ipso ac luna splendidiorem conspicendam statuatur: vt ipse qui veritas numquam fallens est, innuit, cum de Iudicij die ad discipulos suos loquens, inquit: *Tunc parebit signum Filij hominis in calo: & tunc plangent omnes tribus terræ; & videbunt Filium hominis venientem in nubibus cæli, cum virtute multa & maiestate.*

*Christus in  
omni opere  
perfectissi-  
mus, etiam  
perfectissi-  
me suam Cru-  
cem hono-  
rauit.*  
  
Matth. 24.

**H**æreticorum interpretatio, de signo Filij hominis in calo apparituro, refutata. De Incarnatione Verbi Dei, contra Paulum Samosatensem. Et quamquam nonnulli infelices hæretici, inimici Crucis Christi, similes his quos non nisi flens reminisci poterat Apostolus, & inter eos præsertim Caluinus, Musculus, & alij quorum super hunc locum meminit Maurotatus in sua Catena, honorem hunc sanctæ Cruci auferre conantes, ac prædecessorum suorum exemplum securi (de quibus sanctus Athanasius inquit, *Sacrosanctam quoque Crucem canillis proscindunt, itidem vt Ethnici*) Christi Domini verba funibus (vt ita dicam) pertracto quodam ac peruerso sensu interpretari velint, dicentes, *Tunc parebit signum Filij hominis*: id est, tunc apparebit Filius hominis adeò manifestè, perinde ac si dato signo cunctorum oculos in se conuertisset. His tamen nugis non obstantibus, omnes antiqui Patres, & sanctæ Ecclesiæ Catholicæ facti Doctores, concordibus votis in eam eunt sententiam, verba nimirum illa de Cruce intelligenda. Sic enim eadem interpretati sunt & exposuerunt Origenes, Cyrillus Ierosolymitanus, Ioannes Chrysostomus, Augustinus, Hieronymus, Hilarius, Beda, Theophylactus, Euthymius, & alij plerique, quos breuitatis causa prætermittimus.

*Crux certò  
apparebit  
in die Iudi-  
cij nouissimi*

**Q**uamobrem sancta Ecclesia in solemni die Inuentionis sanctæ Crucis merito concinit: *Hoc signum Crucis erit in calo, cum Dominus ad iudicandum venerit.* Neque obstare debet scrupulus quem aliqui iniicere voluerunt, asserentes Dominum tunc de signo suo, non autem de Cruce locutum fuisse. Nam pro vero signo Domini, Crux sancta intelligenda est. Quinimò nullum aliud signum, præter Crucem Domini ac Saluatoris nostri, signum Christi vel signum Filij hominis appellari potest. Quocirca sanctus Cyrillus Ierosolymitanus ad institutum hoc inquit: *Signum verum & proprium Christi est Crux.* Et Theophylactus testatur, Christum Dominum Crucem hoc loco signum appellasse, tamquam trophæum suum, suumque regium vexillum: *Signum autem dicit Crucem, inquit, tamquam trophæum, & insigne regium.* Et Bellarminus in eam quoque sententiam subdit:

Catech. 15.

In Matthæi  
cap. 24.



A subdit: Neque obstat illud Ecclesie; Hoc signum Crucis erit in celo. nam etiam vera Crux dici potest signum Crucis, id est, instrumentum habens figuram Crucis.

Et non solum affirmant sancti Patres, & sacri Doctores, quorum sententias superius in medium adduximus, quod iuxta Christi Domini verba, Crux in nouissimis diebus cum viuos & mortuos iudicaturus adueniet, in celo <sup>Et quidem sole & luna splendor.</sup> conspicienda sit, sed ipso quoque sole ac luna splendidior sit apparitura. Atque inter ceteros, ut ab antiquioribus incipiamus, Origenes: Sicut, inquit, in dispensatione Crucis, sole deficiente, tenebrae factae sunt super omnem terram; sic & signo Filij hominis apparente in celo, deficiet solis lumen, & luna adhuc & stellarum, quasi consumptum a multa virtute signi illius. Deinde verò apertius seipsum explicans, ac declarans quod per signum illud Crucem intellexerit, rationemque reddens, cur Crux talis in celo tunc apparere debeat, subdit: Signum enim Crucis hic intelligimus, ut videant iuxta Zachariam & Ioannem Iudaei quem compunxerunt, & signum

B victoriae.

Sanctus autem Cyrillus Ierosolymitanus, idem quoque affirmans, nimirum signum illud, quod iuxta Christi Domini nostri verba in eius secundo aduentu in celo conspiciendum est, Crucem existere; rationemque prodens cur tunc ibi sit apparitura, inquit: Lucidum Crucis signum precedet Regem, atque demonstrabit eum qui prius fuerat crucifixus; ut videntes qui antea illum pupugerunt, & illi insidiati sunt Iudaei, certent tribus cum tribubus, dicentes: Hic est alapis percussus; hic est, in cuius faciem spuerunt illi; hic est, quem ligarunt; hic est, quem antea crucifixum spreuerunt. Quò fugiemus a facie irae illius? dicent, cum Angelicis exercitibus circumdabuntur; & nusquam sanè fugere poterunt.

Et sanctus Ioan. Chrysostomus docens ac monens Christianum, ne Crucem verecundetur, ait: Noli committere, ut te tanti boni pudeat, ne tui etiam Christum pudeat, quando cum maiestate sua veniet, & signum coram apparebit, superabitque solis radios lumine. Crux enim tum apparebit, mittens vocem aspectu suo, atque pro Domino apud omnes orbis terrarum homines verba faciet; docebitque nihil ab eo praetermissum esse, quod ad illorum salutem pertineret. Et alibi idem magnus Pater, postquam ostendit, signum illud, quod in die Iudicii in celo conspiciendum est, Crucem esse, docet quonam pacto fieri possit, ut sole tunc splendidior appareat; sic enim inquit: Tunc apparebit signum Filij hominis in celo: hoc est, Crux ipsa. Crux enim sole fulgentior videbitur: obscurabitur enim sol, Crux autem apparebit; quod fieri non posset, nisi solares radios splendore superaret. Cuius autem rei gratia istud signum apparet? Ut magno cumulo Iudaeorum impudentia opprimatur, Crucem in suam iustificationem secum habens, in iudicium veniet; non vulnera solum, sed etiam acerbum ac ignominiosum mortis suae genus ostendens. Tunc plangent tribus: non enim accusantibus opus erit, cum Crucem viderint. Plangent igitur, quia ex morte ipsius nihil profecerunt; quia Crucifixum, quem adorare oportebat, contempserunt. Et post pauca subdit: Crucem autem secum habebit, ut peccatum ipsorum sine accusatione condemnetur: veluti quis lapide percussus, ipsum lapidem, vel cruentas vestes in testimonium ostendat.

Adeoque pro firmo & constanti idem Chrysostomus apud semetipsum habuit, Crucem sanctam in die Iudicii lucidissimam ac fulgentissimam in celo conspiciendam esse, ut id ipsum locis quamplurimis operum suorum replicaerit, praesertim verò in Homilia prima de Cruce & latrone, ubi de eodem sic tradit: Sicut, inquit, coruscatione flammante, superfluum est de coruscatione requirere: sic post praesentiam requirere non necessarium est si venit Christus; sed utrum cum Cruce veniat, requiramus. Non enim hanc questionem aliquando oblivione praetereo. Et audi: Tunc, inquit, tunc quando veniet, sol obscurabitur, & luna non dabit lumen suum. Tanta enim lux ipsius luminis praeclarescet, ut eius radiis lumina clara vincantur. Tunc

M m m

& stellae



*Et stellæ cadent, & tunc signum videbitur Filij hominis in celo. Vidisti gloriam signi, id est Crucis. Solis lumen reddetur obscurum, lunæ non dabitur gratia; sed illud lumen radiabit & lucebit. Et sicut Imperatorem regalis pompa præcedit, & militaris ordo præcundo vexilla humeris portare consueverunt, & his eius declaratur aduentus; sic Domino de celo veniente, Angelorum cætus & Archangelorum multitudo illud signum portabunt humeris excelsis, ut regalem nobis aduentum nuntient.*

Ad Fratres  
in eremo,  
Serm. 63.

In Matthæi  
cap. 24.

An ipsa  
Crux, in  
qua Chri-  
stus pe-  
nit, in celo  
sit appari-  
tura?

<sup>a</sup> Tomo 3.  
tit. 20. c. 158

<sup>b</sup> In Hom. 1.  
de Cruce &  
latrone,  
Tomo 3.

Diuis quoque Augustinus non vno quidem, sed operum suorum locis compluribus affirmat, signum Filij hominis, quod in secundo aduentu Domini in celo conspiciendum est, Crucem esse: idque præcipue declaratur in Sermonibus ad Fratres in eremo, qui ipsi tribuuntur; vbi dum de Iudicij die & pœnis inferni agitur, hæc habentur: *Tunc apparebit signum Filij hominis in celo, quod est Crux Christi: in cuius lumine omnium manifestabuntur abscondita cordium.* Et Theophylactus, ea quæ sanctus Ioan. Chrysostomus antea dixerat, imitatus, ipse quoque subdit: *Crux tunc apparebit in celo supra solem fulgens, ad arguendos Iudæos. Veniet enim Christus, contra Iudæos habens Crucem, ut magnam iustificandi materiam & testimonium: veluti si quis lapide percussus, ostendat lapidem.*

Nec defunt doctrina & fama insignes Auctores, qui opinioni huic adhæsisse videntur, quod sacrosancta & vera Crux illa, in qua Redemptor noster passus est, cuius pretiosum lignum in multa fragmenta diuisum, per orbem terrarum hodie sparsum est, diuinâ potentiâ sit iterum conglutinanda, & in integrum restituenta, & in die Iudicij ante Dominum apparitura, quando cum magna gloria & maiestate viuos & mortuos iudicaturus adueniet. Sic enim inter ceteros sentire videtur Thomas Valdensis <sup>a</sup> Theologus grauissimus; idemque colligitur ex verbis sancti Ioannis Chrysostomi <sup>b</sup>, vbi inquit: *Crucem solam non reliquit in terra, sed secum eam leuauit ad calum; & ideò audi quod cum ipsa veniet, & cum ipsa secundam gloriosam suam præsentiam faciet.* Quibus tamen verbis notandum est, diuum hunc Patrem oratoris more hoc loco locutum fuisse, asserentem, Christum Dominum Crucem suam in celum tulisse, gloriam hanc hoc pacto innuentem, quam Crux hodie in terris adepta est, qua non secus ac si in cæli medio splenderet, per vniuersum orbem clara atque illustris effecta est. Vel id fortè dixit, ad id respiciens, quod in futurum faciendum est, perinde ac iam factum esset: ad indicandum, quod Christus Dominus in die Iudicij Crucem suam instaurans, & in integrum restituens, illam in cælo fulgentem apparere faciet, ut dictum est, cum mundum iudicaturus adueniet. Optimè enim sciebat Chrysostomus, sanctam Crucem in fragmenta complura dissectam fuisse, sanctumque lignum eius in diuersis mundi partibus per frustula venerari, ut ex scriptionibus ipsius satis apertè colligitur; præcipue verò ex Sermone, siue Tractatu illo suo, cui titulus est, *Demonstratio aduersus Gentiles, quod Christus sit Deus*: ex oratione, quam habuit De veneratione Crucis, in media Ieiuniorum hebdomada, & ex Homilia 84. in Ioannem, vbi agit de modo, quo Crux sancta à beata Helena recepta fuit.

Lib. De ve-  
ra Pœnitentia,  
cap. 4.

Argumenta  
probabilia  
pro parte  
affirmante.

Atque opinioni eidem, quod sancta & vera Crux ipsa illa sit quæ iuxta Domini nostri Iesu Christi verba, in tremendo Iudicij die, clara & refulgens in cælo conspicienda est, plurimum arridere videntur verba illa sancti Ephræm Syri, qui de finali Iudicio agens, inquit: *Cum viderimus pretiosam ac viuificam Crucem in celo lucentem, & omnes fines terræ ultra solis claritatem illustrantem: vbi verò viderint omnes regium istud ac tremendum sceptrum in celo reuelari; iam tunc agnoscent singuli continuò ipsum quoque Regem reuelandum, qui in illo clauis affixus est.* Et paulò superius hoc quoque dixerat: *Sancta Crux rursus in consummatione sæculi, cum secundus illuxerit Domini Saluatoris aduentus, cum gloria, & Angelicorum exercituum infinita*



**A** infinita multitudine apparebit in cælo; inimicos quidem terrens ac vexans, fideles autem illuminans atque letificans, aduentumque celestis Imperatoris annuntians. Quam opinionem magnopere confirmare videntur carmina Sibyllæ illius, quæ, ut superius quarto huius Tractatus libro diximus, de eo sic præcinuerat:

*O lignum felix, in quo Deus ipse pependit!*

*Nec te terra capit, sed cæli tecta videbis,*

*Cum renouata Dei facies ignita micabit.*

Sibyllinorū  
Orac. lib. 6.  
in fine.

Et sanè quidem non nisi apparente admodum ac probabili ratione, Auctores prædicti opinionem hanc imbibisse videntur, cum Saluatoris nostri omnipotentia haudquaquam difficile factu sit, sanctam Crucem suam denuò conglutinare ac redintegrare, licet infinitis propemodum fragmentis per vniuersum terrarum orbem sparsa sit atque diuisa: non secus ac per ipsius virtutem, mortuorum corporum nostrorum membra iterum connectentur & conglutinantur, licet in infinita propemodum frustula variis in locis sparsa atque disiecta, & quamquam in cinerem redacta, & ventorum vi circumflata, & in aère dissipata fuerint, ut alibi ostendimus. Neque satis sibi fecisse quidam visi sunt, priuilegium hoc sanctæ Cruci tribuentes; sed addunt etiam illam incorruptam in cælo perpetuò asseruandam, non secus ac gloriosa corpora, cum redemptionis nostræ instrumentum & sacrosanctum altare extiterit, in quo mundi Redemptor se ipsum æterno Patri in holocaustum obtulit. Et quamquam hæc fortasse nimis exquisita speculatio videri possit, eam tamen silentio præterire nolimus: ex ea enim euidenter patet, quantæ æstimationis apud complures pios viros sacrosancta & vera Crux illa Domini extiterit.

Refert Frā-  
ciscus Sua-  
rez 3. parte  
D. Thom.  
quæst. 59.  
a. 6. disp. 57  
quæst. 2.

Alij tamen putant, non illam ipsam veram Crucem ligneam, in qua Saluator noster pependit, in nouissimis diebus lucidam ac refulgentem in cælo conspiciendam, sed quamdam eius imaginem & figuram ex aère lucidissimo, siue ex igne condensato effectam, ut Abulensis<sup>a</sup>, Iansenius<sup>b</sup>, & alij prodidere. Sed hæc est quæstio pertinaci contentione ex professo non disceptanda, cum nobis satis sit, illud pro constanti firmiter tenere, signum videlicet Filij hominis, quod Dominus noster prædixit, in cælo appariturum, cum viuos & mortuos iudicaturus adueniet, Crucem fore. Verum quando præcipuè apparitura sit, adhuc incertum & indeterminatum remanet. Nam quorundam illa est opinio, quod statim post Antichristi mortem Crux in cælo sese ostendere incipiet, per dies plures ante vniuersale Iudicium, ut apertè colligi videtur ex verbis Chrysostomi, siue, ut aliis placet, Augustini, quæ superius retulimus; quibus Crucis apparitio in cælo, comparatione siue exemplo introitus Imperatoris in urbem quampiam demonstratur, ante quem milites Imperatorum vexillum deferre solent. Quæ verba, maiore etiam stili apparatu & ornamento, à Iuliano Pomerio, qui prius fuit Archidiaconus, deinde verò Archiepiscopus Toletanus, relata sunt.

Auctores  
propendentes  
in partem  
negantem.  
<sup>a</sup> In Matth.  
c. 24 q. 17 2.  
<sup>b</sup> In Concord. Euā-  
gel. c. 12 3.

**D** Ex qua sanctæ Crucis apparitione, ut optinè notauit Cardinalis Bellarminus, multiplex argumentum ducitur, excelsi ac diuini honoris, quo Christus Dominus Crucem suam decorauit, & in futurum decorabit. Primo, quia Christus ipse, signum suum illam appellauit, id est vexillum Filij Dei. Nam si Imperatoris vexillum milites adorabant, ut superius ostendimus; multo magis vexillum Christi Imperatoris Imperatorum, & Regis Regum, adorandum est. Secundo, quia in cælo, loco excelsi & honorabili prospiciendum statuet. Tertiò, quia Angelorum manibus feretur, ut sanctorum Ioan. Chrysostomi & Augustini auctoritate suffulti superius docuimus. Et quartò, quia sole & luna fulgentior ac splendidior apparebit, ut iidem sancti Patres, & alij plerique testantur.

Lib. 3. Pro-  
gnost. Ha-  
bentur in  
Tom. 9. Bi-  
blioth. Pa-  
trum.

Sic itaque cum in hoc Tractatu nostro conscribendo, à prisca Crucis in-



*Epilogus  
Auctoris,  
quo se Deo  
& Cruci  
piè commē-  
dat.*

famia ac probro, quo olim in mundo notata erat, initium deduxerimus, ac per- A  
currentes admirabiles & infinitos propemodum modos, quibus Dominus  
noster illam in terris honorare voluit, præsertim verò postquam propriis mem-  
bris suis pro salute nostra illā illustrare dignatus est, non humanis intellectibus  
tantum, sed Angelicis etiam spiritibus admirabilem, amabilem, ac venerabilem  
eam constituens; ostendimus tandem, diuina fauente gratia, quòd idem Domi-  
nus noster eandem sole lucidiorem, luna fulgentiorem, ac stellis clariorem in  
cælo cōspiciendam statuet: atq; hīc ego cum benedictione diuina, Triumphan-  
tis & gloriosæ Crucis Tractatui coronidem imponens, in eiusdem Crucis con-  
spectu humiliter genuflexus & humi prouolutus, mentemque, cor, ac brachia  
mea erigens ad te omnipotentem, benignum ac misericordiarum Deum, Pa-  
trem Domini nostri Iesu Christi, qui pro humani generis salute, Vnigenitum  
tuum ante omnia sæcula ex te genitum, carnem sumere, & in ligno Crucis cru-  
delem mortem pro nobis oppetere voluisti; te puro ac sincero cordis affectu B  
humiliter adoro, tibi que ingentes gratias ago, quòd mihi misero peccatori ac  
minimo seruo tuo, licet indigno, ac multorum peccatorum pondere grauato,  
gratiam impertiri dignatus es, librum hunc conscribendi & ad finem perdu-  
cendi, in quo dilecti Filij tui passionis & Crucis alta & admiranda mylteria,  
humili quidem & inculto stylo, sed sincero ac pio affectu (vt tu qui omnium  
cordium scrutator es, optimè nosti) pertractantur.

Te Domine Iesu Christe fili Dei viui, æternum Verbum, æternique Patris  
omnipotens virtus, & infinita sapientia, qui sanctæ Crucis tuæ decore mun-  
dum vniuersum exornas; qui que nos plusquam teipsum diligens, ne morti ad-  
dicti in æternum moreremur, in eadem Cruce pro nobis mori voluisti; pronus  
adoro, ac benedico, maximalque tibi gratias habere & agere debeo, quòd non  
dedignatus sis efficere, vt ego vilis vermis, peccatorum fœtore inquinatus, &  
ignorantiæ tenebris obrutus, passionis & Crucis tuæ sacrosancta mylteria tra- C  
ctarem: quinimò tali auxilio ac fauore me prosequi dignatus es, vt à cœpto  
opere, neque materiæ altitudo atque profunditas, neque delictorum meorum  
aut incapacitatis & ignorantia meæ conscientia absterrere potuerit; ita vt ad tui  
ipsius gloriam (qualecumque illud sit) ad finem perduxerim.

Tibi Spiritui sancto Paraclito, à quo omnis afflatus optimus procedit, totis  
cordis mei visceribus humiles gratias refero, quòd non solum ad opus hoc inci-  
piendum sancta aspiratione tua me induxisti atq; impulisti, sed in laboribus me  
confirmasti, in illius compositione me adiuuisti, & ad illud feliciter finiendum  
me direxisti. Humiliterq; te deprecor, vt si in libro hoc, fragilitatis aut igno-  
rantia meæ culpa, aliquid fortè scripserim non satis aptè & conuenienter dictum; siue  
quod non rectè intellexerim, vel quod à sanctæ Fidei Catholicæ puritate & can-  
dore (quod à me semper absit) quouis modo deuium esset; visitatione tua, &  
semper inerrantis luminis tui splendore sic me illustrare digneris, vt illud aptè D  
digneque corrigam: non semel, sed ter, & millies eo casu testatum faciens, id præ-  
ter rectam ac sinceram intentionem meam accidisse; meque omnia quæ hīc, &  
alibi in toto vitæ meæ cursu scripsi, correctioni & censuræ Catholicæ, Apostoli-  
cæ, & sanctæ Romanæ Ecclesiæ, quam omnis veræ, solidæ, ac salutiferæ doctri-  
næ matrem ac magistram in terris constituisti, humiliter subiicere.

Te summam, incomprehensibilem ac tremendam Maiestatem, adorandam  
Trinitatem, & inseparabile Vnitatem, Deum viuum & verum, vniuersi Crea-  
torem, tota anima, tota mente, toto corde, totis viribus, totaq; virtute mea reue-  
reor, laudo, benedico, adoro, tibi que pronus omnem supremum ac diuinum  
cultum adhibeo. Tu es illuminatio mea, salus mea, virtus mea, beatitudo mea,  
fortitudo



**A** fortitudo mea, gaudium meum, lætitia mea, felicitas mea, spes mea, & desiderium meum. Ah tu mihi sis, obsecro, laborum finis, tu præmij ac retributionis pretium; tu defatigati cursus, fluctuantisque nauigationis & ærumnosæ peregrinationis huius meæ scopus & quies. Tu qui bonorum omnium es largitor, clementissime ac benignissime Pater misericordiarum, & Deus totius consolationis, qui gratiæ tuæ dono præcipuo me dignum effecisti, qui opus hoc conscriberem, & absoluerem, concede mihi, vt verè tibi sit gratum & acceptum; atque ad tui ipsius gloriam, ad Redemptoris nostri Iesu Christi laudem, ad sanctæ Crucis honorem, ad proximi profectum, & ad animæ meæ, & eorum qui illud legerint, salutem vergat.

Et tu triumphatrix & gloriosa Crux, arbor excelsa & salubris, quæ altitudine ac pulchritudine tua omnes cedros Libani superas: tu arbor speciosa, quæ in secundo Domini aduentu, splendore tuo serenissima & beatissima dona omnibus iustis & cunctis Christi fidelibus portendis: ô arbor benedicta & sancta, quæ per Domini nostri affixionem in te sanctificata & glorificata es, & vitalibus fructibus nobilitata, cælestique benedictione locupletata: arbor, quæ ramis ac brachiis tuis per vniuersum terrarum orbem dilataris ac propagaris, radicibusque tuis infernum penetras, & altitudine tua ad cælum pertingis. O sancta, beata, potens, & venerabilis Crux, iustorum solatium, peccatorum spes, vitæ future pignus, Redemptoris gloria, bonorum semita, iustorum via, scala cæli, porta paradisi: grus, quæ ab infimo ac profundo inferni sinu sanctos Patres iam subleuasti & extraxisti: rota, quæ ab ima & misera hac lacrymarum valle fideles ad supernam ac beatam patriam erigis atque perducis: per te veram vitam nos possidebimus, ac per te mercedem æternam consequemur. O Crux inclyta, illultris, & serenissima, ô lignum vitæ ac salutare, fidei nostræ firmum & solidum fundamentum; Crux, quæ per optatissimam & gloriosam Christi victoriam benediceris, & à cunctis electis hilariter honoraris. O Crux Regis fortissimi tremendum sceptrum, ara Dei altissima; Crux quæ aspectu & forma tua nos ad Christianam perfectionem euocas: nam parte tua sublimi ad amorem Dei, & transuersali ad proximi dilectionem nos allicis. Crux pacis admirabile instrumentum, quæ terrena cælestibus perpetuo fœdere conciliaisti & coniunxisti: Crux Angelorum instauratio, cæli gaudium, mundi remedium, hominum salus ac redemptio, dæmonum ruina, & inferni destructio. Crux spes æternæ vitæ, te reuerèter veneror, ac pronus adoro: & per te honorem & gloriam Saluatori nostro referens, pro mea in te reuerentia & pietate illum humiliter precor, vt cum viuos ac mortuos iudicaturus adueniet, cumque clara & refulgens in cælo apparebis, tu non sis nobis terrori, sed gaudio atque lætitiæ; ita vt ego & cuncti fideles sub clypeo tuo protecti, & sub lumine splendoris tui qui signatus est super nos, in fidem recepti, exterminati non simus à fulminea & formidabili sententia ipsius misericordis & iusti, benigni ac tremendi, pij & seueri Iudicis æterni, Pastorisque dulcis & benigni; & vt liberati ab horrendis ac vlttricibus flammis, quæ omnes impios inconsumptibiliter absorbebunt, benignè suscipiamur, ac piè asseruemur in dilecto electarum ouium grege, vt in æternum laudemus, benedicamus, & adoremus Creatorem nostrum, Instauratorem nostrum, Redemptorem nostrum, & Dominum Deum salutis nostræ; qui viuit & regnat per infinita sæcula sæculorum. Amen.

F I N I S.



# INDEX LIBRORVM

E T

## CAPITV M.

### LIBER PRIMVS.

De Crucis nominibus, & formis. In qua Crucis forma Christus mortuus; & ex quo ligno Crux Christi constructa. Quàm antiquus crucifigendi mos, & quibus potissimum nationibus vsitatus. Reges & Principes quidam in Crucem olim acti. Cur Saluator Crucem potius quàm aliud mortis genus elegerit. De sanctæ Crucis Titulo, & de triginta Argenteis quibus Dominus venundatus, ac denique de singulis Passionis eius insignioribus instrumentis



AP. I. Propositio, Inuocatio, Narrationisq; initium 1

CAP. II. Quid Crux: quomodo ab antiquis, tum Græcis tum Latinis, appellata.

Quot forma Crucis fuerint, & ad quot species reducantur. 3

CAP. III. De Cruce decussata 6

CAP. IV. De commissa Cruce 9

CAP. V. De Cruce immissa 16

CAP. VI. In qua Crucis specie ac forma Saluator noster crucifixus fuerit: & ex quo ligno Crux eius sanctissima constructa 20

CAP. VII. Quàm antiquus fuerit mos crucifigendi homines: quando introductus: apud quas nationes vsu receptus, ac de quibusdam Regibus, magnis Principibus, alijsq; viris illustribus, qui in Crucem sunt acti 28

CAP. VIII. Licet Hebræi, non secus ac Gentiles, Crucis supplicium adhiberent; hoc tamen inter eos erat discrimen, quod Gentiles mortua corpora, absque sepultura, putredine absumenda in Crucibus relinquebant: Hebræi verò, eo ipso die, quo Crucibus suffixa, sepultura tradebant; & quare hoc facere consueuerant 39

CAP. IX. Crucis supplicium, omnium quæ ferri possent truculentissimum habebatur: ab antiquis verò, & præcipuè Romanis, infame reputatum; ideoq; apud eos plerumque vltima erat in seruos & latrones animaduersio. Hebræi autem id Dei maledictio-

nem esse censebant

42

CAP. X. Quæ ratio sit, qua cum Crux adeo horribilis ac dira mortis instrumentum fuerit, probrosum planè & infame, Salvatore tamen Christo Domino placuerit, inter cetera omnia mortium genera, hoc potissimum, non autem aliud eligere, in quo redemptionis nostræ operaretur mysteriū 48

CAP. XI. De sanctæ Christi Crucis Titulo 57

CAP. XII. De triginta Argenteis, quibus Christus Dominus noster venundatus est 66

CAP. XIII. De Columna, ad quam Christus Dominus flagellis casus fuit 72

CAP. XIII. De spinea corona, qua Dominus noster Iesus Christus fuit redimitus: de purpurea chlamyde, qua indutus, ac de arundine manibus eius immissa, qua diuinum caput percutiebant 78

CAP. XV. De clauis, quibus Dominus noster Iesus Christus cruci confixus est 94

CAP. XVI. De spongia, qua Dominus noster pendens in Cruce potatus est 104

CAP. XVII. De lancea, qua Domini nostri Iesu Christi in Cruce pendens latus perfossus est 111

### LIBER SECVNDVS.

De sanctæ Crucis figuris & significationibus, quas Deus optimus maximus mundo, cælo, & quibusdam aliis creaturis impressit; admirabile Redemptionis nostræ mysterium per illas præfigurans, & innuens id quod per sanctæ Crucis lignum operari statuerat. 127

CAP. I. Deum omnes penè creaturas salutaræ Crucis charactere insigniuisse 127

CAP. II. De sanctæ Crucis signo atque figura, quam Deus in vniuerso mundi globo, ac decimæ spheræ, quam Primum mobile appellant, impressit & constituit 128

CAP. III. De Crucis figuris, quas in octaua spheræ, siue firmamento, ceterisq; inferioribus Planetarum spheris Deus impressit 135

CAP. IV. De signo & figura Crucis, quam Deus effinxit in homine 141

CAP.



# INDEX LIBRORVM ET CAPITVM.

- CAP. V. De Crucis signo, quod in quibusdam animalibus Deus collocavit 147  
CAP. VI. De admirandis animalibus quibusdam, in quorum dorso Crucis signum, & aliqua Christi sanguinis ac redemptionis nostrae mysteria mirabiliter sunt impressa 154  
CAP. VII. Quod litterarum characteribus, quibus dictio haec Crux conscribitur, non tantum Crux ipsa formatur, sed aperte etiam innuitur, Christum Dominum in Cruce sponte oppetere voluisse, ut mundum redimeret 166  
CAP. VIII. Nihil panè serium, vel quod multum referat, nisi Crucis figura interueniente, ab homine perfici posse 171

## LIBER TERTIVS.

Quo sanctae Crucis figurae & significationes, quae veteris & noui Testamenti sacrarum Scripturarum paginis continentur, adiectis sanctorum Patrum expositionibus, explicantur 175

- CAP. I. De arbore Vitae, & de flumine quod in terrestri Paradisi medio emanabat 175  
CAP. II. De baculo, quo iustus Abel ab impio & crudeli fratre Cain occisus est: & de ligno, ex quo Arca Noë constructa fuit 180  
CAP. III. De vite, quam plantauit Noë, & de Crucis signo, quod Deus Abrahamo designauit ac prae monstrauit, cum ei iniunxit, ut terram in longitudine & latitudine sua perambulet 185  
CAP. IV. De Abrahami expeditione, qui trecentis decem & octo vernaculis suis ad arma excitatis, quattuor illos Reges, qui Sodomorum & Gomorrhaeorum vrbes diripuerant, aggressus debellauit; nepotemq; suum Lot in libertatem vindicauit. Et de vitulo, quem idem Abraham sub quercu, in valle Mambræ, tribus his viris qui ei apparuerant, comedendum apposuit 189  
CAP. V. De lignis, quae Isaac Abrahami filius, dum ad sui ipsius sacrificium deduceretur, propriis humeris tulit: & de scala Iacob 192  
CAP. VI. De baculo Patriarchae Iacob: de annulo obsignatorio, quem Pharaon Iosepho dedit; & de praedicti Iacobi brachiarum decussatione, cum eiusdem Iosephi filius benediceret 197  
CAP. VII. De Rubo, quem ardere, sed non absumi Moyses conspexit; & de Virga, qua tot prodigia in Aegypto patrauit 202  
CAP. VIII. De Agno Paschali, quem assum

- igni, iubente Deo, comederunt Hebraei, cum ab Aegypti seruitute recessuri erant: & de Columna nubis in die, & ignis in nocte, quae eorum exercitum praecedens ac protegens deducebat 205  
CAP. IX. De Moysis Virga, quae Mare rubrum diuisit, ut Israeliticus populus, eo traiecto, Pharaonem & Aegyptios illasus effugeret; & de Ligno, quod amaras aquas in dulcedinem conuertit 208  
CAP. X. De Moysis Virga, qua Horeb petra percussa, copiose fluxerunt aquae. De eodem Moysse, qui extensis brachiis Deum precatus est. De nomine Dei tetragrammaton; & de Hebraeorum summi Sacerdotis unctione 213  
CAP. XI. De decem Praeceptis legalibus, quae lapideis tabulis incisa, Deus Moysi dedit: de Arca testimonij: de Propitiatorio: de mensa: de candelabro: & de altari holocaustorum 219  
CAP. XII. De tribus sanctae Crucis Domini nostri Iesu Christi figuris, quae sacro Leuitici textu continentur 221  
CAP. XIII. De Benedictione, quam veteres Hebraeorum sacerdotes, Deo iubente, populo dabant, & de ea, quam recentiores, illos imitati, dare se putant, Crucis signum in ea, nescientes quid faciant, in maiorem suam confusionem formantes 224  
CAP. XIV. De Racemo vineae admirabilis magnitudinis, quem Hebraeorum exploratores a Terra promissionis è vecte pendentem asportarunt: & de Aaronis Virga quae floruit 230  
CAP. XV. De Moysis Virga, qua bis percussa petra affluentiissimas tandem emisit aquas; quibus suam populus restinxit sitim 234  
CAP. XVI. De aeneo Serpente, quem Moyses, Deo iubente, in deserto suspendit; in quem respicientes a serpentibus percussi sanabantur. Et de Hasta, qua Phineas sacerdos Zambribus cum Madianitis transuerberauit 236  
CAP. XVII. De Funiculo purpureo, quem Raab meretrice Ierichuntina appendit in specula, per quam Israeliticis exploratores demiserat: pro signo, quo eiusdem ciuitatis direptionis & excidij die ipsa cum tota ipsius domo seruanda esset 246  
CAP. XVIII. De Ligno, in quo Rex Hai suspensus est 248  
CAP. XIX. De Clauo tabernaculi, quo Iahel Sisara Ducis exercitus Iabin Regis Chanaan cerebrum transfixit. De Quercu, sub qua Angelus Dei Gedeoni apparuit. De Virga, qua ille excutiebat triticum, ac de ea, qua idem Angelus carnes & azymos panes tetigit, quos Gedeon ipse et obtulerat super petram, 4



# INDEX LIBRORVM ET CAPITVM.

- tram, ex qua ignis erupit, qui carnes ac panes illos consumpsit 249
- CAP. XX. De trecentis Viris, quos Gedeon contra Madianitas secum ad praelium duxit, in cuius numeri mysterio, de hostibus victoriam reportauit: & de Tubis corneis, quibus clanguerunt, dum Madianitas inuaderent. 252
- CAP. XXI. De Samfone, qui in itinere à leone quodam inuasus, eum proprijs manibus discerpfit. Et de eodem, qui in templum Dagon à Philisthaeis perductus, eiusdemq; duas columnas amplexatus, & quatiens, ac basibus euellens, totum edificium illud euerfit. Cuius ruinâ ipse cum hostibus oppressus, plures Philisthaeos moriens interemit, quàm viuens necauerat 254
- CAP. XXII. De Agno lactente, quem Samuel obtulit holocaustum Domino in Masphath. De Arbore mali punici, sub qua Saul Rex cum sexcentis viris sedebat in Gabaa. De primo Altari quod idem Rex Deo erexit; & de Cithara Dauid, qua personante, spiritus malus, quo Saul diuexabatur, recedebat 255
- CAP. XXIII. De Baculo, quo armatus Dauid ad singulare certamen cum Philisthao gigante descendit: & de Lancea, qua Saul Rex Dauidem ipsum in pariete configerens nisus est 257
- CAP. XXIV. De Quercu, cuius ramis Absalon capillis appensus remansit; & de Cathedra in qua Dauid Rex sedere consueverat 259
- CAP. XXV. De Lignis, super quibus disputauit Salomon. De Ligno quo idem Rex Templi parietes operuit: & de duobus Lignis, quae Sareptana mulier colligere volebat 261
- CAP. XXVI. De Curru igneo quo Elias Propheta in caelum est translatus. Et de Elisei Baculo, quo Giezi Sunamitidis filium à mortuis excitare nisus est 263
- CAP. XXVII. De Ligno quo Eliseus Propheta supernatare fecit super aquas ferrum securis, quod in fluminemersum erat 264
- CAP. XXVIII. De quibusdam sanctae Crucis figuris quae nouo Testamento continentur 266

## LIBER QVARTVS.

Quo Prophetiae, vaticinia, & oracula continentur, quibus Crux sancta à Prophetis in sacris Litteris prophetata, & à Sibyllis apud Gentiles praenuntiata fuit 271

CAP. I. Iacob Patriarcha, dum in mortis articulo Iuda filio suo benediceret,

Christi Domini nostri Passionem, Crucem, mortem, & Resurrectionem diuinitus prophetauit 271

CAP. II. De sanctae Crucis Prophetijs, quae ex sacris Numerorum & Deuteronomy libris excerpuntur 277

CAP. III. De sanctae Crucis Prophetijs, quae libris Regum & Esdra continentur 280

CAP. IV. De sanctae Crucis Prophetijs, quae in libro Iob continentur 285

CAP. V. De sanctae Crucis Prophetijs, quae libro Psalmorum continentur 292

CAP. VI. De sanctae Crucis Prophetijs, quae Canticorum libro continentur 316

CAP. VII. De sanctae Crucis Prophetijs, quae ex sacro Isaia Propheta libro decerpuntur 330

CAP. VIII. De sanctae Crucis Prophetijs, quae ex Ieremia & Ezechielis sacris libris excerpuntur 341

CAP. IX. De sanctae Crucis Prophetijs, quae sacra duodecim Minorum Prophetarum libro continentur 350

CAP. X. De sanctae Crucis Prophetijs, quae Deo sic volente, à Sibyllis, alijsq; uariis mirabiliter praenuntiata sunt 361

## LIBER QVINTVS.

Quod quamuis Deus Israëliticum populum sibi in peculiarem possessionem elegisset, non propterea Gentium populos auxilio suo destitutos esse passus est; ut ad ipsius Dei notitiam & verum cultum redigi possent. Quodque ob eam causam forsitan permiserat, ut in Aegyptiorum symbolis & hieroglyphicis tot Crucis signa atque figurae insculperentur, ut his adminiculis Gentes mentium suarum aciem ad mysteriorum eorum contemplationem erigere possent, quae per eiusdem sanctae Crucis instrumentum operaturus erat. 380

CAP. I. Deum omnes homines velle saluos fieri, & quomodo id intelligendum sit 380

CAP. II. Quidnam Aegyptiorum Symbola & Hieroglyphica fuerint 385

CAP. III. De impia idololatria, quae per Aegyptum atque alias mundi prouincias sese diffuderat 399

CAP. IV. De fabulosa & inani Aegyptiorum Theologia: deq; eorum impia atque probrosa idololatria 401

CAP.



# INDEX LIBRORVM ET CAPITVM.

- CAP. V. *Adhuc de ignominiosa Aegyptiorum idololatria, de diuersis brutis animalibus quae stultè adorabant, & de causis cur id facerent* 411
- CAP. VI. *De sanctae Crucis symbolis, figuris, & significationibus; ac de redemptionis nostrae mysteriis, quae in Aegyptiorum idolis, alijsq. eorum hieroglyphicis (licet non indubitata & certa sint) pro fructuoso tamen exercitio nostro inuestigare ac speculari possumus* 422
- CAP. VII. *De Isidis & Osiridis simulacris, & de sanctae Crucis symbolis ac figuris, quae in eisdem contineri videntur* 432
- CAP. VIII. *De sanctae Crucis symbolis & figuris, quae in Canopi Aegyptiorum idoli simulacris contineri videntur* 442
- CAP. IX. *De alio quodam Aegyptiaco hieroglyphico, in quo non solum Crux insculpta conspicitur, sed eius adoratio quodammodo exprimitur; sanctaq. Sacramenta à Christo Domino per sanguinis sui virtutem instituta, quae per Crucis signum in sancta Ecclesia Catholica exercenda erant, forsitan praesignabantur* 449
- CAP. X. *De sanctae Crucis hieroglyphicis figuris & imaginibus, quae in antiquis Aegyptiorum obeliscis Roma hodie conspiciuntur* 458
- CAP. XI. *De impiae Aegyptiorum idololatria destructione; & de sanctae Crucis figuris quae in templi Serapidis euersione repertae sunt* 478
- CAP. XII. *Quòd antiqui Ethnici nescientes quid facerent, Crucis figura & imagine in multis utebantur* 490

## LIBER SEXTVS.

Quòd post Christi Domini nostri passionem & resurrectionem, Crucis infamia, ignominia, opprobrium & horror, in honorem, in gloriam, in triumphum, & in summam venerationem mirabiliter conuersa sunt 509

- CAP. I. *Non temerè hos libros inscriptos esse titulo Triumphantis & gloriose Crucis* 509
- CAP. II. *De sancta & pia consuetudine apud priscos Christi fideles primitiue Ecclesiae recepta; seipsos ac res quas benedicere volebant, Crucis signo proprijs manibus consignandi* 515
- CAP. III. *Morem hunc, quo Crucis signo nos consignamus, sanctorum Apostolorum documentum extitisse, qui hoc sacro-*

- sancto signo se ipsos ac ceteros signare consueuerant; idq. à Domino nostro Iesu Christo illos didicisse* 528
- CAP. IV. *Quòd quemadmodum sanctus hic ritus Crucis signo nos consignandi, sanctorum Apostolorum dogma fuit, sic traditione eorum non scripta, in sancta Ecclesia Catholica perstitit: nam sancti Patres, ac sacri Doctores, summis illum laudibus effe-  
rentes, non ad suum profectum tantum adhibuere, sed Christi fideles etiam ad eundem crebris visibus pie frequentandum enixe adhortati sunt* 541
- CAP. V. *De sanctae Crucis signi virtute & potentia, sanctorum Patrum auctoritate ac testimonio comprobata* 546
- CAP. VI. *De sanctae Crucis signi virtute miraculis quàm plurimis commonstrata* 549
- CAP. VII. *Adhuc de Crucis signi virtute, miraculis alijs quamplurimis demonstrata* 558
- CAP. VIII. *Quòd veteres Catholici, iam ab eo tempore quo sancti Apostoli in humanis agebant, ut sese ab haeticis dissimiles ostenderent, & ad propriam contra demones & seculi huius aduersitates tutelam, non transitorio tantum Crucis signo, quod postea inuisibile est, utebantur; sed Cruces ex lignea, alijsq. visibilibus ac solidis materijs, ad illius similitudinem in qua Saluator noster pati voluit construendas curabant, & illas in Titulum, locis diuino cultui dicandis erigebant: Crucesq. in Ecclesijs insculpere ac pingere consueuerant; illas in Altaribus, & alijs earum locis valde conspicuis statuantes, ut ab ingredientibus statim adorarentur: Ecclesiasq. ipsas in Crucis forma extruebant* 575
- CAP. IX. *Quòd prisci Christiani pro sanctae Crucis veneratione non in ecclesijs tantum plurifariam, ut dictum est, sed etiam in vijs publicis, in nauibus, & portis urbium illam statuebant; atque pro ipsorum precipua deuotione ac tutela, proprijs etiam domibus asseruabant, eandemq. in manibus & collo appensam deferebant* 587
- CAP. X. *Antiquos Christianos, non minus quàm Ethnicos, priscorum saeculorum humilitatem ac modestiam secutos, ferreos annulos in digitis gestare consueuisse: sed quemadmodum illi profanas imagines & supersticiosos characteres quosdam in his incidebant; sic Christiani e contra Crucis figuram ipsdem insculpi curabant* 595
- CAP. XI. *De Crucibus coronatis, quas prisci Christiani insculpere ac pingere consueuerant: & quare id facerent* 599
- CAP. XII. *De Crucibus gemmatis, quas prisci*



# INDEX LIBRORVM ET CAPITVM.

- prisci Christiani sculpere ac pingere consueuerant, inestimabilia beneficia, diuinasq; gratias quas per sanctam Crucem accepimus, innuentes 607
- CAP. XIII. De Cruce, quæ magno Constantino Imperatori mirabiliter apparuit: de labaro, & alijs signis militaribus, quæ ad Crucis formam immutari iussit 625
- CAP. XIV. Quod magno Constantino Imperatori Crucis signum in celo ter apparuit, cuius virtute ingentes atque insignes victorias reportauit 636
- CAP. XV. De varijs ac diuersis alijs Crucis visionibus, quæ in celo apparuere; & de euentibus qui mundo ex eisdem præsignificati sunt 645
- CAP. XVI. De sanctæ Crucis inuentione, à beata Helena magni Constantini Imperatoris matre diuinitus reperta 657
- CAP. XVII. Crucem sanctam adorandam esse, non ex eo tantum quod sancti Patres id diuersimodè nos docuerunt, suaseruntque; sed quia Christus Dominus illam honorauit, & Spiritus sanctus per Prophetarum ora id nobis præcepit: & quam adorationis specie adoranda sit 671
- CAP. XVIII. Quod sancta Crux in nouissimis diebus gloriosa & fulgida in calo apparebit 684





# INDEX RERVM

## IN SEX LIBROS

## DE TRIUMPHANTI ET GLORIOSA

## CRUCE.

A.



**ADIAS** Episcopus Babylonio-  
rum. 533,c

eius Apostolica historia inter  
libros apocryphos recensetur.

533,c. 540,c

probanda tamen, ubi cum alijs

Scriptoribus Ecclesiasticis concordat. ibid.

**Abel** quo instrumento à Caino occisus. 180,d

de eo diuersa veterum opiniones. ibid.

illius encomium ab Isidoro Hispalensi scriptū. 181,a

ligno necatum fuisse probabilis. ibid. b. c. d

eius mors Christi mortem praesignauit. ibid. c

182. a & seq.

**Abraham** terram in modum Crucis metiri Deus  
iussit. 187, c. d

dimensionis istius mysterium. ibid.

**Abraha** promissum vniuersa terra dominium, in  
Christo impletum. 188, a. b

**Abraha** historia, de tribus viris ei sub quercu ap-  
parentibus, plena mysterijs. 422, b

**Abfalon** quatenus Christi typus. 260, a

**Abstinentia** carnem affligentes, Crucem Domini ba-  
iulamus. 592, d

**Abyssini** Ethiopiae populi à S. Mattheo ad fidem  
conuersi. 593, c

Crucem e collo pendente deferunt. ibid.

**Accipiter** inter aues velocissimus. 433, d

**Aegyptijs** Dei symbolum. 390, b

symbolum solis. 390, c. 434, a

lucis & spiritus. 434, a

à Gracis in pretio habitus, velut Apollinis seu solis  
nuntius. ibid.

**Aceftus** Centurio, necis Apostoli Pauli minister, à  
beatis Tito & Luca cōuersus & baptizatus. 539, d

**Aceto** sanguinem sistendi vis insita. 108, b

cūr Christus illud bibere noluerit. 105, a. b

datū fortē Christo vt mortē ei acceleraret. 107, b. c

sed credibilis, vt dolores & cruciatus augetet.

ibid. 108. & seq.

Christo propinātū, quid mysticē significet. 109, c. d

**Adis** martyrum Cruce se muniendi ritus compro-  
batur. 526, d & seqq.

**Adia** Dionysij Arcopagita Hilduinus abbas con-  
scripsit. 533, a

Ioannis & Pauli martyrum, Terentianus. 644, a

Siluestri Papa ubi seruentur. 597, a. d

**Adio** omnis Christiana signo Crucis describitur.  
543, a

**Acus** aurea in Pallio Pontificis quid designet. 138, a

**Ada** primi parentis infelix lapsus, peccati omnis  
origo. 2, c

mystica nominis eius significatio. 17, c

peccato quasi confractus, ligno Crucis reparatus  
est. ibid. d

omnem creaturam peccando contristauit. 324, c

sepultus in monte Caluaria, ubi Christus cruci-  
fixus. 494, c

**Adonis**, symbolum fructuum. 391, c

**Adoratio** S. Crucis varijs argumentis asserta. 672, b. c  
& seqq.

ab Apostolis tradita teste Ioāne Damasceno. 674, b

**Adorationis** ritus per osculum manus Gentilibus vsi-  
tatus. 506, b. & seqq. itemq; Hebraeis. 507, a

**Adoro**, Verbum, unde deductum. 506, b

**Aduersa** & prospera non à Fortuna, sed à Deo.  
501, b. c

**Adulatio** Poëtarum, falsorum deorum cultum &  
venerationem auxit. 400, a

**Adulteram** à marito occisam in vitam reuocat  
B. Thomas Apostolus. 537, d

**Adyta** Gentilium qualia. 481, b. c

**Agra** quadam S. Crucis attactu sanitati restitu-  
ta. 662, c

**Aegyptij** orantes Crucem brachijs efformabant. 144, b

omnium sibi visi sapientissimi. 383, a

proinde inexcusabiles. ibid. b. c. d

quibus in rebus symbola adhibuerint. 886, b

duo litterarum genera usurpabant. 392, c

primi inuectores litterarum hieroglyphicarum:  
394, b. c

quibus precipue utebantur ad idololatriam suam my-  
steria innuenda. 395, d

se hominum primos autumabant. 896, a. b

**Phrygijs** tandem eam laudem concessere. ibid. d

Unde genus trahant. 398, c

natura leues. 412, c

an primi cultum deorum adinuenerint. 397, a

unde primū idololatriam hauserint. 401, c

dijs suis aures oculosq; affingebāt, & quare. 390, b

Isidem praprio cultu venerabantur. 399, c

præterea colebant ichneumona. 413, c

canem, accipitrem, lupum. ibid.

crocodilos & aspidēs. 416, a. 417, c

leones. ibid. aquam. 417, b. c

cepas & allium. 418, b. c & quare. ibid. d

crepitum denique ventris. 419, a

canes mortuos, feles, accipitres, vrsos, lupos, &  
crocodilos, solemni ritu sepeliebant. 416, c.

& seqq.

superstitiosi huius bestiarum cultus varia, sed  
inanes rationes. 419. & seqq.

non sanguine sed thure deos placabant. 489, c

cadavera mortuorum non cremabant, sed salie-  
bant, & quare. 444, d

primi



# INDEX RERVM

- primi obeliscorum inuentores. 460, a  
 quos duplici ex causa erigere solebant. *ibid.* a, b  
 ab Æthiopibus multa mutati. 475, a  
 Ægyptiorum duodecim di maiores. 402, a  
 Ægyptiorum superstitio ferè fidem excedit. 413, b  
 Ægyptiorum idololatria totum impleuit mundum. 478, b  
 quando penitus sublata. 480, b  
 Ægyptiorum idola Christi in Ægyptum aduentu corrumpere. 478, d. 479, a, b  
 quod Isaias prädixerat. 478, b  
 Ægyptiorum imagines symbolica cur capite humano & corpore volucrum depicta. 389, a  
 Ægyptiorum ob famem bella & cades. 439, c  
 Ægyptiorum Regum superbia & arrogantia. 461, c  
 Ægyptiorum sacerdotes, Astrologia & Magia cultores. 460, d propheta dicti. 461, a  
 prognostica sua obeliscis insculpebant. *ibid.* b  
 Ægyptiis Crucis supplicium in usu. 30, c  
 etiam in feminas. 31, a  
 Ægyptiaca Theologia vanitas. 405, 406, 407, 408  
 eam quomodo excuset Plutarchus. 408, c d  
 Ægyptus qualis regio. 416, b, c  
 Ægypti cur Christus puer intrare voluerit. 478, b  
 Ægyptus primariter Gentiles provincia, qua Christum excepit. 479, b  
 Ælurus Ægyptiis sacer. 413, d  
 quem superstitioso nemis cultu & vinum & mortuum prosecutus *ibid.*  
 Æmilius Paulus Consul, Serapidis & Isidis templum Roma primus arrepta securi diruere cepit. 406, b  
 Æneas Anchisa parenti potestatem ventorum adscribit. 400, a  
 Æsculapius serpens publica legatione ex Epidaurio Romam accersitus, & quare. 598, a  
 canis vberibus lactatus. *ibid.* fecunditati eius quomodo Romani restituerint. *ibid.* a b  
 Æternitatis symbolum circulus. 447, c. 469, b  
 Æthiopum persecutio Christianis quam parum obfuerit. 559, a  
 in Æthiopia Monachi Cruces manibus, populi collo appensas gestant. 593, c, d  
 Agareus Rex in captiuos Christianos benignus. 583, a  
 à sacerdote Catholico Missam celebrari cupit. *ibid.*  
 Agathopus Indici sistendus, Crucis signo se communit. 526, d  
 Ager triginta argenteis emptus, mysterijs plenus. 71, c, d cur siguli ager appellatus. *ibid.* d  
 Ager sanguinis est Ecclesia. 72, b, c  
 Aggeus propheta. 356, a  
 nominis eius ratio. *ibid.*  
 in Babylonia prædicauit. *ibid.*  
 ad templi adificationem populum instigauit. *ibid.*  
 primus in eo cecinit Alleluia. *ibid.*  
 mortuus & sepultus Ierosolymis. *ibid.* b  
 mortem Domini prædixit. *ibid.*  
 Aglaides deperit Iustinam virginem. 562, c  
 eam rapere conatur. *ibid.* d  
 vi S. Crucis ab ea repellitur. *ibid.*  
 Cyprianum magum consulit ut castissima virginis amor è malis artibus procuraret. 563, a. & seqq.  
 Agnoscere qui. 483, b  
 Agnus Paschalis veteris Testamenti, typus & figura Crucis & passionis Christi. 203, a. 618, a. & seqq.  
 alienigena ab eius esu arcebantur, & quare. 206, d  
 Agnus lactens quem Samuel obtulit, Christi patientis figura. 255, c, d  
 Agnus in Apocalypsi habens cornua & oculos septem, quid designet. 619, a, b  
 Agnus à veteribus Christianis Crucis basi sine lateri saepius appingebatur. 617, b, c  
 Agnus cum Cruce in capite Christum crucifixum designat. 617, d  
 Agni frequenter in antiquis Christianorum picturis, quidque us inuenerint. 625, a  
 Agni figura quam fuerit Christo grata. 618, d  
 qua ingrata Ecclesia. 619, b  
 Agricultura symbolum, bos. 390, b  
 Atacis & Ulyssis de Achillis armis disceptatio. 324, b  
 quibus ille hand potius, se interemit. *ibid.*  
 Aie quomodo Deo attribuantur. 388, c  
 Alanda auis. 447, d de ea fabella. *ibid.*  
 septies in die in altum euolat, ad laudes Deo canendas. 448, a si eam accipiter inse-  
 quatur, hominis in sinum se abdit. *ibid.* b  
 hoc exemplo, si à diabolo infestemur, ad Christum confugere monemur. *ibid.*  
 Albunea, Sibylla Tiburtina. 370, c  
 Alexander martyr, sub Decio, cum socijs vi S. Crucis idola prosternit. 560, b  
 Alexander Seuerus furti vindex grauissimus. 47, a  
 instaurat templum Isidis. 407, b  
 Christianis amicus. 557, d  
 cur sub eo dicantur passi, qui tamen passi sunt sub alijs. *ibid.* & seqq.  
 Christi Domini simulacrum in Larario suo habuit. 641, a  
 Alexandria tumultus ob idolorum euerfione. 481, c  
 Alexandrini, euerfo Serapidis templo, abrafisq; eiusdem imaginibus, eorum in locum Crucis figuram substituerunt. 590, b  
 Algerium, olim Casarea. 571, c  
 Allegoriarum explanator doctissimus S. Isidorus. 217, a  
 Alleluia, nostrum celeuma. 174, a  
 Alleluia in templo iam reedificato, primus cecinit Aggeus propheta. 356, a  
 Alleluia in templo Serapidis cantatum, Olympium idololatrarum ducem in fugam coniecit. 482, d  
 Allium colunt Ægyptij, & quare. 418, b, c, d  
 ab eo abhorrent eorum sacerdotes. *ibid.* d  
 Alpha & Omega hieroglyphico nominis Christi addi solita, quid fignent. 631, b, c  
 Alfonso Secundus Rex Hispaniarum dictus Castus. 613, c  
 templum Saluatori à se erectum aurea & gemmata Cruce exornare desiderans, Angelis, qui se primarios aurifices esse dicebant, conficiendam tradidit. *ibid.* c, d  
 Alphonsi de Armeria de flore Peruano Christi vulneribus insignito testimonium. 163, d. 164, a  
 Altare quod ex ligno setim adificatum erat, Christi Crucisque eius figura. 220, b. 221, a  
 Altare quod Saul erexit figuratitem Crucis. 256, b  
 Altare ligneum quid significet apud Ezechielem, uberrime explicatum. 349, a. & seqq.  
 Altaria in honorem Christi erigenda prædicat Isaias. 334, c  
 Altaria signo Crucis consecrantur. 450, a  
 Amalec hostis Israelitarum, typus diaboli. 546, b  
 Amalthæa, Sibylla Cumana. 367, d  
 Amantius presbyter vir simplex & rectus, curationis morborum miraculo clarus. 573, d  
 serpentes signo S. Crucis necat. *ibid.*  
 Amara



# IN LIBROS DE TRIVMPHANTI CRUCE.

- Amara aqua in deserto designant Legem.* 211, a. b. c.  
212, a. c
- Amasis Egypti Regis cadauer omni iniuria & de-  
decore Cambyfes affici iussit.* 444, c
- Ambiani diuersa Crucis apparitiones in hominum  
vestibus & ecclesiarum ornamentis.* 656, a
- Ambitio, idololatrie propagatrix.* 399, d
- Ambrosius auctor Hymni, Vexilla Regis pro-  
deunt.* 307, d
- Ambrosius, quod latronum alter Christum plus  
quam Iudas dilexerit, miratur.* 337, b. c
- Ambulare quatenus Deus dicatur.* 451, c
- Amorrhæi, typus diaboli.* 558, d
- Amos Propheta non fuit pater Isaiæ.* 351, a  
ubi natus. ibid.  
pastor cum esset, in Prophetam electus. ibid.  
ab Amasia Rege iniuria & verberibus affectus. ibid. b  
ab Ozia filio eius necatus. ibid.  
Passionem Christi prædixit. ibid.  
& Iudeorum deinceps reprobationem & mise-  
riam. ibid. & 282, b. c
- Ananias Apostolum Paulum signo Crucis à cecita-  
te liberauit.* 530, c
- Ancus Martius quartus Rom. Rex Fortune  
templum in Vrbe erexit.* 500, b
- Andreas Apostolus signo Crucis hostes sibi imminen-  
tes vincit.* 533, d  
eodem auditores suos à carcere liberat. 534, a  
quibus verbis crucem cui affigendus erat saluta-  
uerit. 514, a. 607, d  
in Cruce decussata passus. 8, d. 9. a. b  
cum arbori suffixum fuisse, Petrus Chrysologus  
opinatur. 8, d  
biduo in Cruce vixit. 112, b  
monet Petrum quemdam presbyterum, ut sacram  
lanceam curet perquiri. 118, b
- Andreas Fundanus Episcopus à demone tenta-  
tur.* 570, c. d
- Angelus signum Crucis frontibus hominum imprimi  
mandat.* 538, d  
ipse Crucis signum templi Lapidibus insculpit. ibid.
- Angeli per passionem Domini restaurati.* 18, b. c. d  
stupent ad triumphum Christi. 338, b. c  
mirantur in Christo plagas. 359, a. b  
Crucem Gloriosam vocarunt. 512, d  
Zosimum è candenti grabato eripiunt. 552, a  
Crucem sacerdoti celebraturo diuinitus ministrat,  
eamque super altare collocant. 582, c. d. 583, b
- Angeli duo aurificum specie apparentes, Crucem au-  
ream & gemmatam incomparabili & diuino arti-  
ficio Alfonso Regi construunt.* 613, c. d
- Angelis Incarnationis Domini mysterium occulta-  
tum.* 423, a
- Anien fluius, nunc Tiberio dictus.* 370, c
- Anima aui comparata.* 172, d
- Anima fidelis columba comparata.* 321, a. b. & seq.
- Anime ad calum auolantis symbolum.* 387, d
- Animam in SS. Trinitate solus Filius habet.* 229, a
- Animal quoddam admirabile, manifestissima Cru-  
ce insignitum.* 154, d. & seqq.  
eius sanguinis mira efficacia. 155, b  
pedum huius animalis mystica explicatio. 156, a. b  
aurum item atque oculorum. ibid. c. 157, a. b  
eius sanguis, typus sanguinis Christi. 157, d
- Animal triceps Serapidi appositum quid significet.* 488, d. 489, a
- Animalia bruta quo ritu Egyptij colant.* 413, c. d.  
& seqq.
- Animalibus quibusdam brutis Crucis sanctæ  
signum à Deo impressum.* 147, d. 148, a. & seq.  
154, d. 155, a. & seq.
- Animalium, quæ Isaias vidit, significatio.* 345, b  
cur eorum aspectus dicatur horribilis. ibid.
- Anna per septenarium numerum Ecclesia perfectio-  
nem prophetauit.* 132, a
- Anno Princeps à Carthaginensibus in Crucem  
actus.* 36, a
- Annulus aureus quibus à Romanis concessus.* 595, c
- Annulus Ioseph, typus Crucis Christi.* 199, c. d
- Annulus, nuptiarum symbolum.* 385, c
- Annulus sponsalitijs apud veteres Hetruscos qua-  
lis.* 595, b
- Annulus sponsalitijs in nuptijs à marito uxori datus,  
assidue ab ea gestabatur, & in quem usum.* 596, a
- Annulus in mare à Polycrate proiectus, quinto postea  
die in piscis ventre inuentus.* 33, b. c
- Annuli Christiani vis ob Crucem insculptam etiam  
dum gestatur à non Christiano.* 598, b. c
- de Annulo & Cruce ferreis collo S. Macrine virgi-  
nis appendentibus pia contentio.* 592, a
- Annuli quidam Gentilium superstitiosi, quibus vi-  
tam prorogari & inuentutem illibatam seruari  
putabant.* 599, c. d
- Annuli ab Iarcha confecti quid Apollonio Tyanico  
contulerint.* 598, d. 599, a
- Annuli ab Eudamo Philosopho confecti aduersus  
quæ valuerint.* 599, a
- Annuli Romanorum, imaginibus Heroum aut maio-  
rum suorum insigniti.* 596, a  
Christianorum, signo Crucis. 596, c. d
- Annulos aureos in funeralibus & aduersis Reip. ca-  
sibus deponebant Romani.* 595, c
- Annulos in arrham tradendi consuetudo tam Roma-  
ni quam Hebræi usitata.* ibid. d
- Annulis ferreis diu vsi Romani.* 595, b
- Annuntiatio B. Mariæ mirabiliter à quadam Si-  
byllarum predicta.* 373, b. c
- Annis per serpentem in circuli formam inuolutum  
designatur.* 436, d
- Annis Iubileus, id est dimittens.* 356, c
- Annis septenarius climactericus.* 132, c. d  
item nouenarius. 133, b. c
- Annum qui primum in menses distinxerint.* 402, a
- Ansula super litteram T in obeliscis quid.* 467, c
- Antenna nautis Crucem Christi significat.* 171, c.  
172, a. 173, a. b. 269, b
- Antigonus Rex Iudeorum à M. Antonio Cruci  
affixus.* 37, b
- Antiochia Cruces in hominum vestibus, in mappis  
& altarium ornamentis, & in ecclesiarum libris  
diuinitus apparent.* 648, b. c
- Antipas in taurum æneum coniectus.* 540, b
- Antipater Macedonum Rex Demosthenem perse-  
quitur.* 506, c
- Antoninus Caracalla Romam sacra Isiac intro-  
duxit.* 407, b
- Antoninus Pius morti proximus, aurea Fortune  
simulacrum ad filium transferri iubet.* 504, a
- Antoninus Imp. natali suo die Ioui sacrificari im-  
perat.* 552, c  
hoc eius mandatum contemnit Glyceria. ibid. d
- B. Antonius cur cum Tau in mann, & panula eodem  
insignita, pingatur.* 442, a. b  
honesto loco in Egypto natus. ibid. b. c
- spectaculo quopiam perterritus, Cruce se si-  
gnat.* 522, d



# INDEX RERVM

<i>Crucis signo diaboli fraudes omnes superat.</i>	442, c.	<i>item Aqua diluuij.</i>	183, b. c.
547, a. b.		<i>Aqua vocabulum in Sacris quotupliciter accipia-</i>	
<i>eius ad discipulos adhortatio.</i>	547, a. b.	<i>tur.</i>	146, a. b.
<i>Antra in templis idolorum subterranea.</i>	481, b. c.	<i>Aqua &amp; vini in Calice commistio quid significet.</i>	
<i>Anubis venator.</i>	404, c.	453, d. 454, a.	
<i>canino capite cur depictus.</i>	ibid. 405, a.	<i>Aqua amara in deserto designant Legem.</i>	211, a. b. c.
<i>eius imago.</i>	405, c.	212, a. c.	
<i>idem putatur cum Mercurio.</i>	ibid.	<i>Aquileia à Constantino expugnata.</i>	637, c.
<i>Anzelos, Rabbi Iudaus.</i>	276, a.	<i>Aquileiensis Ecclesia ritus Crucis se signandi dum-</i>	
<i>Apicis varia significatio.</i>	268, b. c.	<i>articulus Symboli, Carnis resurrectionem, pro-</i>	
<i>de Apice &amp; Iota Euangelicis, quæ non transitura per-</i>	ibid. d.	<i>nuntiatur.</i>	520, d.
<i>hibentur, egregia dissertatio.</i>		<i>Ara Cali, templum Rome in honorem B. V. Mariæ</i>	
<i>Apis, bos ab Ægyptijs cultus, &amp; maximis impensis</i>		<i>constructum, ubi olim ab Augusto ara in honorem</i>	
<i>enutritus.</i>	414, c.	<i>Filij Dei erecta.</i>	378, d.
<i>qualis fuerit.</i>	415, a. b. c.	<i>Ara Isidis basis, in qua vera sistri Ægyptiaci ima-</i>	
<i>quo luctu mortuum prosecuti, &amp; quàm sumptuo-</i>		<i>go.</i>	405, b.
<i>sè sepelierint</i>	414, d.	<i>Aras Ægyptij dijs primi exstruxerunt.</i>	402, a.
<i>Apis Arginorum Rex cur dictus Serapis.</i>	487, b. d.	<i>Arabes Crucis signum coluerunt.</i>	140, b. c.
<i>Apollinaris D. Petri discipulus.</i>	549, d.	<i>cur Planetarum aspectus magnificerint.</i>	139, d.
<i>ab eodem constitutus Episcopus.</i>	ibid.	140, a.	
<i>signo S. Crucis cecum illuminat.</i>	ibid.	<i>Arator S. R. E. Diaconus.</i>	209, c.
<i>Apollo Delphensium deus.</i>	399, d.	<i>Arbor Crucis frugifera.</i>	513, d.
<i>Apollo, filius Iouis, cum fratribus, parentem ut deum</i>		<i>Arbor mali punici sub qua Saul requieuit, typus</i>	
<i>coluit.</i>	400, a.	<i>Crucis Christi.</i>	256, a.
<i>Apollinis statnam confringit vi S. Crucis S. Mar-</i>		<i>Arbor nūcū in Cantic. vi. significat Synagogā.</i>	326, b.
<i>tina.</i>	557, b.	<i>eius &amp; Synagoga comparatio.</i>	ibid.
<i>Apollonius Tyaneus ad Indos usque profectus, ut</i>		<i>Arbor sycomorus, in quam Zacchæus ascendit, Cru-</i>	
<i>Iarcham videret &amp; audiret.</i>	598, d.	<i>cis Dominica typus.</i>	267, d.
<i>ab eo annulos quosdam dono accepit, quorum vir-</i>		<i>qualis sit arbor.</i>	ibid.
<i>tute fertur florem &amp; robur iuuentutis ad vita</i>		<i>Arbor vitæ, quem Deus in Paradiso statuerat, Cru-</i>	
<i>exitum usque seruasse.</i>	ibid. & 599, a.	<i>cis item Christi signum.</i>	176, a. b. 177. & seq.
<i>Apostolica Constitutiones à Clemente Romano con-</i>		<i>cur vitæ arbor sit appellata.</i>	177, b.
<i>scripta.</i>	528, d.	<i>Arbores adhibita loco Crucium.</i>	4, d.
<i>de earumdem auctoritate dissertatio.</i>	529, a.	<i>ijs Martyres affixi.</i>	5, a.
<i>&amp; seqq.</i>		<i>Arbori suffixus est Papa vel Papus mariyr.</i>	5, b.
<i>Apostoli duodecim per duodecim fontes in Elim præ-</i>		<i>qua arbor prius sterilis, postea fructuosa.</i>	ibid.
<i>figurati.</i>	211, a. & seqq. 212, b.	<i>Arca fœderis, Christi figura.</i>	220, b.
<i>Apostoli Crucem Gloriosam vocarunt.</i>	512, c.	<i>Arca Noë, typus Crucis Christi.</i>	182, c. d. 183, a.
<i>Apostoli primi introduxerunt morem Crucis se</i>		<i>&amp; seq. item Ecclesia.</i>	182, d. 184, b.
<i>signandi.</i>	528, c.	<i>Patrum de ea re testimonia.</i>	183, a. & seq.
<i>eundem à Christo Domino didicerunt.</i>	ibid.	<i>eius itidem symmetria mysterijs plena.</i>	183, d.
<i>quædam voce non scripto tradiderunt.</i>	542, a. b.	184, a. c. d. 185, a.	
<i>atque in ijs S. Crucis adorationem, teste Iohanne</i>		<i>in ea saluatorum octonarius numerus quid si-</i>	
<i>Damasceno.</i>	674, b.	<i>gnet.</i>	185, a.
<i>de Apostolorum rebus gestis cur tam pauca conscri-</i>		<i>Arcadius templum Serapidis instaurat, &amp; Christo</i>	
<i>pta habeamus.</i>	531, d.	<i>consecrat.</i>	484, c.
<i>Apostolorum Symbolum unde dictum.</i>	389, c. d.	<i>Arcadius diuersimodè à Persis laceffit, bellum,</i>	
<i>Apostolos à Christo ad prædicandum mittendos præ-</i>		<i>ijs infert, &amp; superat.</i>	649, b.
<i>nuntiat Isaias.</i>	340, c.	<i>in milium eius</i>	
<i>Apparitio Crucis insignis super Ierosolymorum ci-</i>		<i>vestibus Cruces diuinitus illapsæ apparent.</i>	ibid.
<i>uitatem tempore Constantij.</i>	645, c. d.	<i>in cuius ostenti memoriam numismata aurea ab</i>	
<i>alia tempore Iuliani Apostata.</i>	648, c. d.	<i>eo cusa.</i>	ibid. b. c.
<i>alia tempore Copronymi Constantinopoli visa.</i>	650, a.	<i>Archangeli Michaëlis apparitio.</i>	555, b.
<i>Apparitio Crucis insignis in miraculosi Sacramenti</i>		<i>Archippus, senex Hierapolitanus.</i>	ibid. c.
<i>memoriam quod Doracæ asseruatur.</i>	654, b. c.	<i>cum interficere conantur infideles.</i>	ibid.
<i>alia super urbem Capham, &amp; quid portende-</i>		<i>Crucis miraculo eam liberat S. Michaël Archan-</i>	
<i>rit.</i>	654, d. 655	<i>gelus.</i>	556, a.
<i>Apparitiones S. Crucis Constantino facta.</i>	626, c.	<i>Arcus triumphalis ob superatum Maxentium Con-</i>	
643, b. c. d. 645, a.		<i>stantino à Senatu erectus.</i>	640, a. b.
<i>alia Gallicano Philippopoli ab hostibus obfesso.</i>	644, b.	<i>eius inscriptio.</i>	ibid. b. c.
<i>Apparitiones Crucis non semper prosperi successus</i>		<i>cur in eo nullum Crucis signum exsculptū.</i>	ibid. c.
<i>prænuntia.</i>	649, d.	<i>Areopagita Hilduinus Abbas conscripsit.</i>	533, a.
<i>Apparitio Michaëlis Archangeli.</i>	555, b.	<i>Argentei triginta, quibus Christus venditus, cuius-</i>	
<i>Apuleius initiatus Osiridis &amp; Isidis sacris.</i>	458, d.	<i>nam generis.</i>	66, c. 69, d. 70, a.
<i>Aqua ab Ægyptijs colebatur.</i>	417, b. c.	<i>varia de ijs opiniones.</i>	66, c. d. 67, a.
<i>Aqua qua Moyses populum aspersit, typus Ba-</i>		<i>ex ijs ager emptus.</i>	68, c. d.
<i>ptismi.</i>	451, b.	<i>quodnam pretium constituerint.</i>	68, b. c.
		<i>varius argenteorum in Sacris litteris valor.</i>	69, c.
		<i>quos Judas accepit, pro argenti libris computandi,</i>	qua



# IN LIBROS DE TRIUMPHANTI CRUCE.

que summam trecentorum scutorum Romana  
monete efficiant. 69,c  
cur non illati in Corbonam. 72,b  
Argilla prisci, sed superstitiose, infantium fratres illinie-  
bant. 544,c an in ea vis pellendi veneficia. ibid.  
Argus centoculus, custos Isidis à Iunone constitu-  
tus fingitur. 403,b  
& à Mercurio interemptus. ibid.  
Aries pro Isaac immolatus, significat humanitatem  
Christi. 194,c  
cornibus quod haerit in vepribus, quid signet.  
194,c.d. 195,a. & seq. 196,a. & seq.  
Ariste Regis Suprarbiensis insignia. 652,b,c  
Vide Iunius Arista.  
Aristoteles unde terra rotunditatem probavit. 443,c  
Armatura Christianorum validissima, Crucis si-  
gnum. 648,c  
Arma, quibus contra Fortunam pugnatur, qua.  
501,d. 502,a  
Armorum sine stemmatis Garsia primi Suprarbiensis  
Regis effigies. 652,a  
Arphaxat & Zoroës Magi Aegyptiaci. 539,a,b,c  
eorum prestigias soluit. B. Mattheus Apost. ibid.  
in Persidem fugiunt, ibique à SS. Simone & Iuda  
coarguuntur. ibid.  
Arrha in sponsonibus dari solita, tam apud Hebraeos  
quam Romanos annulus fuit. 595,d  
Arriana heresis sub Constantio Constantini filio mirè  
disseminata. 646,c  
Artaxerxes Inarum Regem crucifixit. 30,d  
Artemidi sine Artemidi idoli simulacrum signo Cru-  
cis in fauillam redegit S. Martina. 557,c  
Artemis, Sibylla Delphica. 363,d  
Artemius martyr sub Constantino militavit, Cru-  
cemque Imperatori in calo offensam suis oculis  
conspexit. 628,b  
Arundinem cur milites Christo obtulerint. 89,c.d.  
90,a ea in Turca potestatem devenit. 119,a  
Asaph, cum Eman, Ethan, & Idithun, maiorem  
Psalmorum partem composuit. 308,a  
Ascensio Christi à Davide predicta. 301,b  
item à Sibylla Tiburtina. 370,d  
ab Isaia praenisa. 338,b  
Ascensus purpureus in Canticis, quis. 322,a  
Asinus Indicus an sit Unicornus. 149,a  
Aspectus Planetarum Arabes cur magni fecerint.  
139,c.d. 140,a  
Aspersio sanguinis in veteri Testamento quid signi-  
ficet. 451,b  
Assides Aegyptijs sacra. 416,a  
Assyriorum philosophi dicti Chaldaei. 461,b  
Astacus locus in quo Maximinus à Constantino &  
Licinio superatus. 642,a  
Astaroth idolum ipse diabolus destruit, D. Bartholo-  
mei mandato obediens. 538,c,d  
Asterij & sociorum eius martyrium. 41,a  
Astris Crucis signum à Deo impressum. 135,a,b.  
& seqq.  
Astrorum summa virtus per Crucis formam. 139,d.  
140,a  
Astrologia cultores, Aegyptiorum sacerdotes. 460,d  
Astrologia iudiciaria ex praecipuis Aegyptiorum  
scientijs. 461,a  
S. Athanasius Psalmorum tria millia Davidem com-  
posuisse affirmat. 308,a  
Apostolicarum Constitutionum librum inter li-  
bros medios vel adiaphoros refert. 529,c  
Athanasij, cur Christus in Cruce mori voluerit,

pia contemplatio. 55,a,b,c  
Atheani, Sibylla Erythraea. 546,a  
Atheniensium dea Minerva. 399,d  
Atys, symbolum florum. 391,c  
Avaritia instanter à Christo reprehensa. 251,c. 360,a  
causa fuit validi istius clamoris, Crucifige. 360,a  
Avaritia sacerdotum Isidis. 406,c  
Auctor quid intendat, proponendo Gentilium hiero-  
glyphicas figuras. 426,c  
Auditores suos Crucis signo, ne caperentur, praefer-  
uat B. Apostolus Andreas. 534,a  
Aue, Reges & Magnates salutandi formula. 81,c  
Augures calum lituo metuebantur. 447,b  
Auguria & extispicia sustulit Crux Christi. 547,c,d  
Augustinus haereticorum malleus. 216,b  
eiusdem encomium. 307,d  
Augustini, cur Christus in Cruce mori voluerit, tri-  
plex ratio. 54,d  
eiusdem de per antiquo Ecclesia more signo Crucis  
se signandi testimonium. 530,b,c  
Augustus obeliscos in Italiam adduxit. 462,a  
Augusti Caf. de Carminibus Sibyllarum decre-  
tum. 371,a  
eiusdem nummus cum corona è quercu, & inscri-  
ptione qua ad Crucem facit. 27,b  
Auidij Cassij in milites suos crudelitas. 46,a  
Auidij Flacci immanitas. 40,c  
Aui Christus assimilatus. 172,b,c  
item anima humana. ibid.d  
Aulici Salomonis auro capillos discriminabant. 88,c  
Aurea Fortuna qua. 504,a  
Aurelianus B. Martialis in Episcopatu successor.  
550,b eiusdem vitam & Acta conscripsit. ibid.  
Aures dijs suis affingebant Aegyptij, & quare. 390,b  
Austregisilus Bituricensis Archiepisc. cum Betellino  
aduersario singulare certamen Regis iussu initu-  
rus, signo Crucis se pramunit, atque iusto Dei  
iudicio punitur. 523,b

## B.

**B**ACVLVS Elisei, typus Crucis Christi. 263,d.  
264,a  
Baculus Iacob Patriarcha, Crucis item Christi signu-  
ra. 197,d. 198,a. & seq.  
ex quali ligno is fuerit. 198,a. & seq.  
Balaam quando maxime passionem & Crucem Chri-  
sti praedixerit. 277,d  
prophetia eius de Christo ferè eadem qua Iacob  
Patriarcha. ibid,b  
non propheta fuit, sed ariolus. 278,a,c  
benedictionem pro maledictione in Israëlitas Deo  
instigante effudit. 424,a,b  
Baptismus in hieroglyphica quadam figura per fontis  
imaginem designatus. 455,b  
eius vis, effectus, & operatio. 300,c.d. 457.b.  
& seqq.  
olim per Crucis signum collatus. 519,c  
à Tertulliano felix Sacramentum appellatur. 457,b  
Baptismus sanguinis in hieroglyphica designatus.  
454,b  
Baptismi typus, aqua diluuij. 183,b,c  
item aqua qua Moyses populum aspersit. 451,b  
nec non Elia sacrificium. 456,d  
Baptismi Fons per Crucem consecratur. 450,a  
Baptizandis imprimendam Crucem Isaias pra-  
dixit. 340,c  
Barachias Rabbi quomodo explicet Psalmum  
N n n 2 nonage-



# INDEX RERVM

- nonagesimum primum.* 280, b  
*Barbari Crucis signum etiam in scij formant.* 145, d  
*B. Bartholomaeus Apostolus signo Crucis usus est.* 538, c. d  
*Baruch quando scripserit.* 341, c  
*Basan quid significet.* 302, c. d  
*mystica eius explicatio.* ibid. d  
*Basilides Aegyptum incoluit.* 517, b  
*eius haeresis.* 526, a. b  
*Beccos, vox prima puerorum inter bestias enutrito- rum.* 396, b. c. d  
*Bechaiai Rabbi quomodo verba illa, Et ponent no- men meum super filios Israel, interprete- tur.* 227, d  
*Benedictio quae signo Crucis fit, antiquissima est.* 517, d. 528, d  
*Benedictionis forma, quā Iudaeorum Sacerdotes ute- bantur, typus Crucis Christi.* 224, b. c  
*qualis illa fuerit.* ibid. d. 225, a. & seq.  
*vsque ad tempora Simeonis Iusti fuit in usu.* 226, b  
*cur tunc sublata.* ibid. d  
*de ea Rabbi Bechaiai opinio.* 227, d  
*Benedictum lignum, in quo fit iustitia, Crux Chri- sti.* 329, c  
*Beneficia praeclarissima, ob quae S. Crux omnem ve- nerationem promeretur.* 676, d. 677  
*Benignus presbyter à B. Polycarpo ad pradicandum Euangelium in Galliam missus.* 554, b  
*cum M. Aurelius Imp. inquiri iubet.* ibid. c  
*qui Crucicolum per contemptum appellat.* ibid. d  
*Crucis signo miranda perpetrat.* 555, a. b  
*Berengarius Dentenzia dux exercitus Iacobi I. Aragonum Regis contra Mauros.* 653, a  
*quos virtute S. Eucharistiae superat.* ibid. b. c  
*Berosi filia, Sibylla Cumae.* 364, b  
*Bestia agri, dracones item & struthiones, propter idololatriam dicti Gentiles.* 456, c  
*Betellinus ab Austregisilo signo Crucis demittus.* 523, b  
*Biblia à Iudaeis corrupta.* 284, a. Vide, Iudei.  
*Bituri diuersae Crucis imagines in diuersis templis diuinitus apparuerunt.* 656. 657  
*Bomilcar Imperator Carthagin. à subditis suis in Crucem actus.* 36, b  
*orationem in Cruce viro constanti dignam ha- buit.* ibid.  
*Bonus euentus, deus rusticanus.* 492, c  
*Bos, terra & agricultura symbolum.* 390, b  
*Bosra carnem significat.* 338, d  
*Botrus ab exploratoribus Hebraeis à Terra promissio- nis allatus, figura Crucis Christi.* 230, b.  
*& seqq. item sanguinis Christi.* 452, b  
*Brachia Saluatoris apud Malachiam per pennas significata.* 361, a. b  
*Brachmanes quidam antiquissimam inscriptionem Crucis in India Lusitanica reperta Lusitanis ex- ponit.* 579, d  
*Breuitas vita humana.* 289, a. b  
*S. Brigitta de sacris clauis reuelatio.* 96, d. 97, a. b  
*Bruta animalia quo ritu colant Aegyptij.* 413, c. d.  
*& seqq.*  
*Bryaxes, statuarius.* 487, a  
*Bubo in bonam & malam partem accipitur.* 473, a.  
*& seqq.*  
*cur magis cornicum quam aliarum auium nidis insidietur.* 474, c. mortis praenuntia. ibid. a. b. c  
*idque exemplis Valentiniani cuius recto, & Pyr- rhi cuius hasta insedit, probatur.* ibid. b. d  
*signum mortis & condemnationis.* 474, b. 475, a  
*symbolum haeticorum & Gentilium.* 475, c. d  
*Bubo cum Cruce in capite, hieroglyphicum irrisi Christi.* 472, c. d. 473, a. & seqq.  
*Buccinā clangere mystice quis dicatur.* 253, c  
*Bulgari quando ad fidem conuersi.* 628, c  
*caudam equinam in bellicis expeditionibus pro signo deferebant.* ibid.  
*Byzantium olim quae nunc Constantinopolis.* 643, c  
*virtute Crucis in latro effusa, à Constantino expugnatur.* ibid.  
*Byzantiij se Constantini Imp. ditioni subdere re- nuunt.* 643, a  
*bello petiti, bis feliciter cum eo conflixere.* ibid.  
*tandem subacti.* ibid. c

C.

**C**ABYRVS, deus Macedonum. 399, c  
*Cadaver Amasis Aegypti Regis à Cambyse iniuria affectum.* 444, c  
*Cadavera mortuorum Persa atque Aegyptij non- comburebant, sed saliebant, & quare.* ibid. d  
*Caciliij Metelli Macedonici fortuna.* 500, a  
*Cacum à natiuitate B. Paulus signo Crucis illu- minat.* 533, a  
*Calum augures lituo metiebantur.* 447, b  
*Calis Crucis Christi figura in sculpta.* 129, c  
*& praecipue primo mobili.* ibid. 130, a  
*Calii vel maxime apud Antipodes enarrant gloriam Crucis.* 137, a  
*Carimonia in sacris Isiacis quam adhibita.* 404, d  
*Carimoniarii, quibus dii coluntur, an primi inuen- tores Aegyptij.* 397, a  
*Casarea in Iudaea nunc appellatur Algerium* 571, c  
*Cain, typus populi Hebraici.* 181, d  
*Caiphas inscius quid diceret, de Christo prophetauit.* 278, b. c  
*Calcem ardentem vi sancta Crucis superat S. Geor- gius.* 527, c  
*Caligula obeliscos in Italiam inuexit.* 462, a  
*eius in Tiberium eiusq; libertum immanitas* 45, a  
*Calistratus Iurisconsultus Crucem summum suppli- cium appellat.* 42, c. d  
*Calix salutaris, in Psalmo Davidis, Crux est Chri- sti.* 310, c  
*& ipse Christus Crucem suam, Calicem non semel appellat.* ibid.  
*Calix Christi quam suauis,* 452, c  
*in Calice Domini aqua & vini commistio, fidelium cum Christo coniunctione significat.* 453, d. 454, a  
*Calphurnius Romana urbis Praefectus se Christia- num fore spondet, si S. Silvester Papa draconem represserit.* 597, a  
*Caluaria mons dictus Venerarius à Veneris statua in eo erecta.* 660, d  
*Caluppanus Eremita duos dracones, in quos se dia- bolus transformauerat, S. Crucis signo abegit.* 573, b  
*Cambyses cadaver Amasis Aegypti Regis iniuria af- fecit.* 444, c  
*Candelabrum in templo Israelitarum, Christi eius- que Crucis figura.* 220, b. d. 269, c. 270, a  
*Canis sub specie diabolum ad B. Marcellum ades alli- gat Simon Magus.* 532, b  
*Canes dicti Iudaei.* 302, d  
*Canes vocati sunt ab Apostolo haetici.* 517, a  
*Canes Aegyptij sacri.* 413, c  
*mortui ab iisdem sepeliuntur.* 416, c  
*Canes*



# IN LIBROS DE TRIUMPHANTI CRUCE.

- Canes duo, hemisphaeriorum duorum symbola.* 390,c  
*Canon Sexta Synodi, quo videri possit prohibita pi-  
 ctura Agni, explicatur.* 621,d  
*Canopus Aegyptiorum deus quis fuerit.* 443,b.  
 & seqq.  
*in stellam sui nominis transformatus fingitur.* ibid. c  
*à qua stella terra rotunditas probatur.* ibid.  
*à Menelao ciuitas huic cognominis condita.* ibid. d.  
 & seqq.  
*ab Aegyptijs paulatim coli ceptus.* 444,a,b.  
*& deinde post Osiridem, Serapidem, & Isidem,  
 habitus primarius deus.* ibid. b  
*in eius templo gymnasium hieroglyphicum.* ibid.  
*sacerdotis sui astu Ignem Persarum deum su-  
 perat.* 444,c. 445,a. & seqq.  
*Canopi Roma duo simulachra.* 445,b  
*eaque Crucis signis insignita.* 446,a  
*alia eiusdem imago, cum scipione quem Crux il-  
 lustrat, & auicula alauda.* 446,c. d. 447,a.  
 & seqq.  
*Cantabra, Romanorum vexilla.* 633,a  
*de ijs Turnebi coniectura refutatur.* ibid.  
*plura in vno exercitu fuisse videntur.* 634,b  
*Cantabrarij apud Romanos qui.* 496,a,b. 633,a  
*Canticum canticorum à Salomone conscriptum, epi-  
 thalamium est Christi & Ecclesie.* 317,b. c  
*suauiissima mysteria in eo recondita.* ibid. c  
*Capha ciuitas, olim Theodosia appellata.* 654,d  
*in qua Crux lunæ orbita imposita, & tres in celo  
 soles apparuerunt.* 654,d. 655  
*Capitolina fauissa quæ.* 598,a  
*Caput Maxentij hastili impostum, & Romam  
 delatum.* 639,a  
*Cardinales Ecclesia cur purpurati.* 86,d  
*Carmina & vaticinia Sibyllarum ab Augusto con-  
 quista.* 371,a quindecim virorum censura  
*subiecta.* ibid. a. b. in Capitolium perlata. ibid.  
*à Stilicone cremata.* ibid.  
*Carmina Sibyllæ Erythrae, litteris initialibus myste-  
 rium praesentia.* 366,d  
*Caro & pellis vituli, qua in Lege veteri extra por-  
 tam cremabantur, signant humanitatem Chri-  
 sti.* 222,d  
*Caro nostra clauis timoris Dei configenda.* 57,a  
*Carnis nostra clauus continentia est.* 241,a  
*Carnis mortificatio, Crucis deportatione innuitur.*  
 592,d  
*Carnes animæ sunt cogitationes carnales.* 312,d  
*ea configenda clauo timoris Domini.* ibid.  
*Carolus Magnus Leoni Papæ III. Crucem auream  
 & gemmatam obtulit, quam in Litanijs ante  
 Papam deferri voluit.* 614,c  
*eiusdem pietas.* 82,d. 83,a  
*Carolus V. Imp. ad Iuliam Casaream, quam Algeri  
 vocant, expugnationem frustra profectus, ob clas-  
 sis suæ naufragium.* 571,c  
*Cartago ob nimiam superbiam à patre Machao in-  
 Crucem actus.* 35,c. 36,a  
*Carthaginenses victimas humanas idolis immola-  
 runt.* 4,d  
*in crucifigendis hominibus, atque ipsis ducibus  
 qui prauo consilio bella gererent, fuisse imma-  
 nes.* 35,a. & seqq.  
*Cassa quid sit.* 300,c  
*Cassa, myrrha, & stacte, mysticè quid significant.*  
 300,a. b  
*Cassandra inter Sibyllas adnumerata.* 370,d  
*alias vocata Alexandra.* ibid.  
*Cassiodorus à Lirano temerè reprehensus.* 306,d.  
 307,a  
*Castoris & sociorum sculptorum per virtutem Cru-  
 cis insigne miraculum.* 523,c. d  
*Castorum insigne nauis in qua Lucas Euangelista  
 nauigauit.* 588,d  
*Castra Israël in formam Crucis instrui solent.* 586,c  
*Cataphracti milites qui.* 637,b  
*Catechumeni ante Baptismum Crucis signo insigniti.*  
 450,a. 518,b. c. d. 519,a  
*Cathedra in qua David sedere solitus, figura Crucis  
 quatenus sit.* 260,d. 261,a  
*Catholicus quidam à muscis tedium passus, à Mani-  
 chæo porro decipitur.* 574,c. d  
*Catholici prisci cur Cruces materiales conflauerint.*  
 575,c. d  
*Catholicorum gloria persecutionibus augetur.* 515,d  
*Catholicis exclusis, omnes hæreticos & idololatrias  
 admittit Valens Imp.* 480,d  
*Cauerna maceria in Canticis, vulnus lateris Chri-  
 sti.* 321,b  
*Cauda equina in bellicis expeditionibus pro signo à  
 Bulgarijs deferri solita.* 628,c  
*Cedrinum lignum quo Salomon parietes templi ope-  
 ruit, Crucis typus.* 261,d  
*Cedrus celsitudinem gloriæ Sanctorum desi-  
 gnat.* 261,c  
*Cedrus est lignum corruptionis expers.* 348,a  
*ideoque Verbi diuinitatem significat.* ibid.  
*Celsus vi S. Crucis è mari liberatur.* 551,b  
*Mediolani Euangelium annuntiat.* ibid. c  
*martyrium passus sub Annulino Italiae praefide.* ibid.  
*eius pia cum Nazario contentio.* ibid.  
*Centones Eudoxia Imp.* 376,b  
*Proba Falconia.* 377,a  
*Centuriatores Magdeburgenses falsitatis arguun-  
 tur.* 674,b  
*Centurio, cur exclamarit: Verè Filius Dei erat iste.*  
 111,d  
*Cepas colunt Aegyptij.* 418,b. c. & quare. ibid. d.  
*ab ijs abhorrent ipsorum sacerdotes.* ibid.  
*Cerei Paschalis mysteria.* 207,d  
*Cerinthi hæreses.* 516,b. 517,a  
*Cervus, peccatoris symbolum.* 605,b. c  
*Cervus Christum Cruci affixum inter cornua ge-  
 rens, S. Eustachio apparet.* 619,d  
*Cervi Cruci cuidam in basilica Lateranensi appicti,  
 Gentiles designant.* 624,b. c  
*Ceruorum, dum aquas tranant, inuicem se sustinen-  
 tium charitas.* 458,a  
*Chabayri Mauri Crucem maxilla insculptam fe-  
 runt.* 571,c  
*Chaldaei, sapientes & philosophi Assyriorum.* 461,b  
*visi sunt symbolis quæ ex verbis constabant.* 387,b  
*Chaldaeorum deus Ignis.* 444,b. c  
*à Canopo sacerdotis astu superatur.* ibid. b  
*Cham, Iudeorum typus.* 186,c  
*Aegyptiorum primus parens.* 398,c  
*Mestre dictus.* ibid.  
*Chananei primi idololatrae.* 397,c  
*Characteres Hebraeorum Esdras cur immutauerit.*  
 10,d  
*Charitas Christi à Propheta Iob dicta lorum, ex in-  
 terpretatione Ven. Bedæ.* 291,a  
*Charitas Dei erga hominum genus immensa.* 142,c. d  
*Charitas per Crucis latitudinem designatur.* 20,a.  
 673,b



# INDEX RERV M

- Charitatis insigne emblema in ceruis. 458, a  
Charitatis clavis anima nostra configenda. 313, a b  
Chlamys coccinea qua indutus Christus, naturam  
nostram mystice designat. 86, c d  
Chosroës iunior Periarum Rex magni pretij Cru-  
cem S. Sergij martyris templo dono transmisit, &  
quare. 592, c  
Christianitatis nota, Crux. 518, d  
Christiana omnis actio signo Crucis describitur. 543, a  
Christiana perfectio (crucis figurâ denotatur. 673, a b  
Christiana mulieres crucifixa ab Ethnicis. 32, b.  
& seqq.  
Christianus quidam Crucis signo vim veneni infini-  
git. 534, c. & seqq.  
Christiani Crucem tripliciter ferre debent. 138, a  
Christiani Sibyllarum libros legebant. 375, a  
& ad eorum lectionem Genisles instigabant. ibid.  
Symbolicis imaginibus pie olim utebatur. 391, c. d.  
& seqq.  
in omni pia & honesta actione Crucis signum ad-  
hibebant. 518, a & seqq.  
in vvis publicis, Gentilium idolis enersis, Cruces  
erigebant. 587, b. c. 588, b  
eadem in nauius, Tutelarum loco, effingebant.  
589, a b  
in portu ciuitatum stantebant. 589, c  
& passim in priuatis adibus & cubiculis. 590, b.  
& seqq.  
in collo appendebant. 591, a. & seqq. 620, c  
manibus gestabant. 593, b  
annulis inculpebant. 596, d quibus ferreis  
maxime utebantur. 596, d  
inter cetera ornamenta coronas aureas Dei Opt.  
Max. altarihus offerebant. 599, c. d  
Christiani quomodo debeant esse prudentes sicut ser-  
pentes & simplices sicut columba. 603, b  
Christiani in Crucibus gemmatis erigendis passim  
Constantinum Magnum imitantur. 608, b. c  
Christiani Cruces cum Crucifixi effigie collo appen-  
sas gestarunt antiquitus. 620, c  
Christiani Ecclesiam ingredientibus statim ad Crucem  
adorandam pergunt. 680, a  
Christiani Cruces & imagines venerantes, minime  
dicendi sunt idololatrae. 681, b. & seqq. 682, a. b  
Christiani morientes nihil prater bona opera secum  
deferunt. 288, d. 289, a  
Christianorum de littera Tau sententia. 10, b  
Christianorum quorundam militum, qui fraude Lu-  
liam Apostata circumuerti ihus adoluerant,  
illustre facinus. 521, c. d  
Christianorum templa dirui iubet Domitianus. 585, a  
Christianorum veterum opinio de Crucis forma  
Constantino in calo ostensa. 629, a b  
Christianis infensus Vlpianus. 558, b  
Christianos fore appellandos qui in Christum essent  
credaturi, pradixit Isaias. 337, d. 338, a  
Christianos captiuos miseratur & dimittit Rex  
Agarenus, & mox ipse Christi fidem amplecti-  
tur. 583, a. & seqq.  
Christus cur in Aegyptum proficisci voluerit. 478, b  
quatenus dici queat maledictus à Deo. 48, a. b. c  
Sacrificium pro nobis factus, super altare Crucis  
stetit. 351, c. d  
auaros inprimis redarguit, qui proinde eum in  
Crucem egerunt. ibid. d  
cur Crucis supplicium elegerit. 49, a. & seqq.  
bis flagellatus fuit. 76, c  
cur spinea corona redimiri voluerit. 88, b. c. 89, a  
in aëra leuatus, aëreos spiritus debellauit. 51, c  
sua sponte ignominiosum mortem subiit. 56, b.  
168, a. & seqq.  
cur voluerit aceto & felle potari. 54, a  
vinum cum felle mixtum bibere recusans, quid in-  
nuerit. 105, a. b  
cur Iudeorum expectatione citius expiravit. 111, d.  
112, a. & seqq.  
an tota die in Cruce fuerit, & quomodo triduo in  
sepulcro? 304, b. c  
cur corpus suum mutilari noluerit. 53, c  
cur voluerit sepeliri. 42, a  
in resurrectione sua Patres à limbo liberauit.  
475, b  
Crucem suam gloriam suam dixit. 513, a  
quomodo S. Crucem honorarit. 679, a. 684, b.  
687, d  
Christus solus innocens & sine peccato. 289, d. 298, b  
Christus verecundissimus, ideoq; ei grane admodum  
tormentum, nudum in Cruce pendere. 299, c  
quomodo steterit atque etiam nunc stet in signum  
populorum. 332, d  
verus Rex & Sacerdos. 219, a. b. c  
comparatus gallina. 305, b. c  
rubicundo & odorifero pomo. 320, d  
pellicano, nycticoraci, & passeri solitario. 473, c  
Christus cornu in se credentibus. 306, a  
verus Ecclesiastes. 318, b  
appellatus in Sacris litteris Lapis angularis. 52, a  
Fons vite. 178, d. 179, c. d. 450, c Iustus. 282, d  
Pauper. 283, a Lapis reprobatus. 352, b. c  
Vermis. ibid. Oriens. 357, a  
Christus per vitulum Abraha in valle Mambre oc-  
cisum designatus. 191, c  
& per vitulum, quem in reditu filij prodigi pater  
maclauit. ibid. c. d  
item per lampadē in libro Iob adumbratus. 289, b  
Christus è rubo locutus est Moysi. 202, b  
cur è rubo. 203, a. b  
Christus Cruci affixus S. Enstachio apparuit. 619, d  
itemque Procopio. 620, c  
Christi futura Incarnatio Angelos & caelestes spiri-  
tus latuit. 423, a  
Christi humanitas per carnem & pellem vituli cre-  
matas signabatur. 222, d  
Christi actus & miracula à varijs Sibyllis predicta.  
371, c. d. 372, a. & seqq. 373, a  
Christi natiuitatem & potentiam diabolus, licet in-  
uitus, palam fassus est per oracula sua & ido-  
la. 375, a. b. 378, b. & seqq.  
Christi venditio praefigurata in Ioseph. 71, a  
Christi flagellatio quid comodi nobis praestiterit. 77, b  
ea in Sacris litteris variè praefigurata. 77, c. d.  
78, a. b. & à Sibyllis predicta. 78, b  
Christi opprobria, & in ijs sustinendis patientia, in  
Rege Dauid fuere praesignata. 90, c. d  
item in Legatis eiusdem Dauidis ad Hanonem  
missis. 91, a  
Christi in Cruce oratio in Psalmis predicta. 298, d.  
299, a  
Christi in Cruce sitis duplex. 104, a  
Christi latus lancea apertum. 114, c  
unde Ecclesia manarunt Sacramenta. ibid.  
Christi diuitia qua. 303, c eius paupertas unde ibid.  
Christi crucifixi imago quatuor clavis affixa Romae  
in ecclesia S. Clementis visitur. 602  
Christi resurgentis typus est Phœnix super palmas  
volans. 623, d  
Christi



# IN LIBROS DE TRIUMPHANTI CRUCE.

Christi nomen & Crucis imago à Iuliano Apostata  
elabaris sublata. 633, b. c  
Christi nominis notam, atque in primis Crucem, an-  
nulis suis Christianiolum insculpebant. 596, d  
Christum reuera crucifixum quidam negarunt he-  
retici. 516, a. & seq.  
Christum Cruci affixum pingere aut sculpere non  
esse novum Papistarum inuentum, ut heretici  
falsò assenserant. 620, a  
Chromatius cum Urbano Papa martyr. 527, d  
Chrysostomus centum & quinquaginta Psalmos  
omnes à Davide esse compositos arbitratur.  
308, a  
eiusdem de sancta Cruce elogium. 471, b. c. d. 472, a  
de Crucis signatione ab Apostolis usitata testimo-  
nium. 530, d  
Cibus olim Crucis signo benedictus. 521, a. b. 544, b  
idque ab Apostolorum temporibus. 531, a  
Circulus, eternitatis hieroglyphicum. 447, c. 469, b  
Crucem cur amplectatur. 469, b. & seqq.  
Circulus intellectualis, Deus. 470, a  
Circuli unius trina dimensio quodammodo Dei unius  
trinitatem adumbrat. 469, d  
Circumcisio Iudeos à Gentibus discernebat. 144, a  
Circumcisionis Iudaica & S. Crucis collatio. 543, a. b  
Circumcisio vera & spiritalis qua. 543, b. & seqq.  
Cithara Davidis, typus Crucis. 256, c  
hinc aduersus immundos spiritus valuit. ibid. d  
Ciuilitas Egypti perpetua dissensio ex diuersa &  
multiplici superstitione. 412, c. d. 413, a  
Claudius Imp. obeliscos in Italiam inuexit. 462, a  
Claudius & sociorum sculptorum per virtutem Cru-  
cis insigne miraculum. 523, c. d  
eorundem martyrium. 41, a  
Clauiculi aurei in Pallio Pontificis quid designent.  
138, a  
Clauis qua Christus calum aperuit Crux sancta.  
335, b  
Clauum D. Petri eiusque legitimi successoris pictu-  
ra, aduersus hereticos asserta. 611, d  
Clauus quo Iabel Sisaram interfecit, typus Crucis  
Christi. 249, c  
Clauis Christus Cruci affixus fuit, non funibus. 95, a.  
& seqq.  
Clauis sacri quot fuerint. 95, d. 96, a. & seqq. 97, c  
de ijs S. Brigitta reuelatio. 96, d. 97, a. b  
eorum partes apud varios asseruantur. 98, a  
quò factum, ut plures clauis sacri reperiantur. ibid. b  
omni veneratione dignissimi. ibid. c  
festum in eorumdem honorem inditum. 99, a  
eos S. Helena in antro sacri sepulcri reperit. ibid. b  
Roma vnus ex iisdem cernitur. ibid. c  
eorundem forma depicta. ibid. d  
longè admodum fuerunt. 100, a  
Helena duos ex ijs Constantino filio misit. ibid.  
ex illorum altero frenum, ex altero galeam sibi  
fieri curauit Constantinus. ibid.  
de ea re varia testimonia. ibid. b. c. d. 101, a. & seqq.  
tertius in mare Adriaticum proiectus. 101, d  
an quartus aliquis in statua Constantini. 102, a  
illorum memorandum miraculum. ibid. b  
in verbis Samsonis præsignati sunt. ibid. c  
& à sanctis Prophetis predicti. 103, a  
inuenti seorsim à S. Cruce, & unde id factum. 663, b  
Clauis spirituales, quibus caro nostra configenda, 312, d.  
313, a. & seqq.  
Clauis crucifigi rei solent. 94, b  
rarò admodum funibus. ibid. c

Martyres item clauis affixi. 97, c. d  
Clemens, aut forè Ignatius, Apostolicarum Consti-  
tutionum auctor. 529, b  
Cleomenes Rex à Ptolemao crucifixus. 30, c. 40, d  
Clibanarum milites qui. 637, b  
Climactericus annus quis dicatur. 132, c. d  
Coccineus funiculus suspensus à Raab, illustris figu-  
ra Crucis. 246, b. c  
Colossus Rhodius à Charete Lyndio fabricatus, alti-  
tudinis septuaginta cubitorum. 70, a  
Collo suspensas Cruces gestabant antiqui Christiani.  
591, a. 592, a. b  
Colophonia Sibylla. 370, d  
Columba signum dilectionis. 604, d  
Columba gemens peccatorem penitentem designat.  
604, d  
Columba qua in foraminibus petra, id est vulneribus  
Christi requiescit, est Ecclesia. 604, b  
Columba septem proprietates mysticè explicata.  
605, a. b  
Columba homines puros & innocentes designat. 604, c  
super & circum Cruces olim depicta, Apostolos  
denotabant. 603, b. d  
vel innuebant, simplicibus patere Regnum calo-  
rum. 604, a  
Columbarum simplicitas Christianis necessaria qua  
sit. 603, b. c  
Columbas Crucibus insculpendi mos antiquissimus.  
605, a  
Columna due fuere, ad quas Christus flagellatus.  
74, a. 75, 76  
altera maior, qua Ierosolymis templi porticum,  
sustinebat, cuius S. Hieronymus aliique Pa-  
tres meminere. 74, c. & seqq.  
altera minor, qua in templo S. Praxedis Roma  
integra asseruatur. 75, b  
qualis ea fuerit, eiusque verus iconismus. ibid. b. c  
à Ioanne Cardinale Columna Romam aduecta.  
75, d. 76, a. b  
Columna flagellandos alligandi mos Ethnicis fami-  
liaris. 74, b  
quem Iulianus Apostata aliique tyranni in Mar-  
tyribus cruciandis usurparunt. ibid.  
Columna nubis & ignis, qua Israelitas antecedebar,  
figura est Crucis. 206, d. 207, a. & seqq.  
Columnas Crucis imaginem in summo vertice præ-  
ferentes Constantinopoli atque alibi exexit Con-  
stantinus Imp. 587, d. 588, a. 641, a. b  
Come sponsa, in Canticis, cogitationes sunt anima fi-  
delis. 325, b  
Commodus Imp. celebrat sacra Isiacæ. 407, a  
Concilium Nicanum quando celebratum. 658, d  
in eo à trecetis decem & octo Patribus Arrii here-  
sis condemnata. 190, c. 191, b  
is Patrum numerus mysterio haud caret. ibid.  
Concupiscentie remedium singulare, Crucis & mor-  
tis Christi iugis meditatio. 547, a  
Confirmationis Sacramentum per benedictionem à  
Iacob filijs Ioseph datam præfiguratum. 200, a  
in eius Sacramenti collatione Crucis signum fronti  
imprimitur, ne umquam Crucem erubescam-  
us. 143, b. 144, a  
signum illud Crucis à Psalmista David præui-  
sum. 293, a. & ab Isaia Propheta. 340, c  
Consistenda sunt peccata, non excusanda. 433, c  
Coniectura, qua quid assequimur, symbolum dicta.  
386, a  
inter Coniecturam & Symbolum quid intersit. ibid.  
Nnn 4 Connu-



# INDEX RERVM

Connubij symbolum, malum Cydonium. 391, c  
 Consecratio Fontis baptismalis, Ecclesiarum, Altari-  
 rum, & Eucharistia, signo Crucis perficitur. 450, a  
 item Sacerdotum. 450, a. 519, d  
 Consensus in peccatum, est cauda peccati. 251, b  
 Consequens Dei voluntas quæ. 381, b  
 Constantia filia Constantini Gallicano desponde-  
 tur. 643, d. 644, a  
 Constantinopolis olim dicta Byzantium. 643, c  
 virtute Crucis in labaro efficta à Constantino ex-  
 pugnatur. ibid.  
 multis annis fuit sedes Imperatorum. ibid.  
 cur dicta noua Roma. ibid.  
 Constantinopoli tempore Constantini Copronymi bis  
 Crucis signum in aëre apparuit. 650, a  
 innumera item Cruces in vestibus hominum &  
 ecclesiarum ornamentis conspectæ. ibid. b  
 trecenta hominum millia peste extincta. ibid. c  
 Constantinopoli pars S. Crucis tribus potissimum  
 diebus quotannis honorata & adorata. 665, a. b  
 Constantinus Copronymus Baptismatis aquam ster-  
 core scedauit. 650, a  
 eius tempore signum Crucis bis in calo conspici-  
 tur. ibid. b  
 in hominum vestibus & ecclesiarum ornamentis  
 Cruces innumera apparent. ibid.  
 Christianos persequitur. 650, b  
 in D. Virginem, Sanctos, Sanctorumque Reliquias  
 & Crucem contumeliosus. ibid. b. c  
 quibus Imperatoris flagitijs Deus ad iracundiam  
 prouocatus sensissimam pestem in subditos eius  
 immittit. ibid. c. d  
 Constantinus Magnus Imp. Sibylle Erythrae de tre-  
 mendis Iudicij die oraculum in Oratione qua-  
 dam sua allegauit. 366, c  
 cur non destrui idola, sed claudi tantum fana ius-  
 serit. 480, c  
 Constantinus Barbaris subactis Romam à Maxen-  
 tij tyrannide liberare statuit. 625, c. d  
 de deferendis Gentilium dijs deliberat. 626, a  
 totus ad agnitionem veri Dei adspirat, eiusdemque  
 opem implorat. ibid. c  
 Crucis imago eidem in calo ostenditur. ibid.  
 de ostero dubius, in somnis à Christo simile signum  
 deferente, in prælijs eodem uti monetur, ibid. d  
 Crucem ex auro & gemmis ad illius similitudi-  
 nem quamprimum construui iubet. 627, a. b  
 quam semper exercitui suo præferri voluit. ibid. c  
 eiusdem Imp. numisma, quo ostenditur labari for-  
 mam quandoque fuisse mutatam. 632, a  
 veram Crucem in labaro & signis militaribus ex-  
 pressit. 634, a  
 unicum dumtaxat in exercitu suo labarum ha-  
 buit. ibid. c  
 quinquaginta iuuenibus labari gestandi & con-  
 seruandi curam demandauit. 635, b  
 ter ei è calo Crucis signum monstratum. 636, c  
 primò in Gallijs, contra Maxentium bellum  
 gerenti. 636, c. d  
 deinde aduersus Byzantios præliaturo. 643, b  
 tertio, Scythas debellaturo. ibid. d  
 quid trina hac Crucis ostensio illi portenderit. 636, c  
 Maxentium debellaturus in Italiã properat. 637, a  
 Secusiam ciuitatem resistere conantem expugnat,  
 quam vix à militum direptione & incendio  
 liberat. ibid.  
 miraculosa eius de Maxentio victoria. ibid. b

cadauer Maxentij submersi expiscari iubet. 638, b  
 senatus Rom. latus & venerabundus ei ebriam  
 procedit. 639, b  
 ingenti omnium gaudio & gratulatione Urbem  
 ingreditur. 639, d. 640, a  
 Arcus triumphalis ei à Senatu erigitur. 640, b  
 item alia munera offeruntur. ibid. d  
 Maximinum virtutis S. Crucis in labaro depictæ  
 superat. 642, a. b  
 Licinium sororium clandestina coniuratione in se  
 conspirantem debellat. 642, c. d. 643, a  
 Byzantios virtute Crucis bello vincit, & ciuita-  
 tem eorum expugnat. 643, b. c  
 item Scythas & Sauromatas subigit. 643, d.  
 644, c. d  
 partem S. Crucis sibi à matre transmissam statuæ  
 suæ in foro Constantinopolitano erectæ inclu-  
 dit. 663, d  
 duos item sacros Clanos habuit, ex quorum altero  
 frantum, ex altero verò galeam sibi fieri cura-  
 uit. 100, a  
 Crucis victricis monumenta varia erigit. 587, d.  
 588, a. 641, a. b  
 in eiusdem Crucis honore templum exstruit. 514, d.  
 515, a  
 vnum Roma, idque permagnificum. 664, a.  
 665, d. 666, a  
 alterum Ierosolymis. 666, a  
 omnes Feras sextas solemniter Cruci sacras esse  
 voluit. 668, d  
 in honorem S. Crucis, supplicium crucis sustu-  
 lit. 669, b. c. d  
 eiusdem erga Iosephum quemdam Hebraum  
 conuersum munificentia. 568, c  
 primus Cruces gemmis exornauit. 608, a  
 Constantinus Constantini Magni pater. deuicit  
 Magnentium. 465, a  
 obeliscum Alexandria Romam deferri curauit. ibid. c  
 vnum Deum coluit. 626, a. b  
 quantis beneficijs ab eo fuerit affectus. ibid. b  
 Constantinus Constantini filius factus Arrianus  
 Christianos persequitur. 646, b. c  
 eius numisma, in quo cum Cruce Christi nomen  
 expressum. 629, c  
 Constitutiones Apostolica Crucis signatione confir-  
 mant. 528, d  
 de earumdem auctoritate dissertatio. 529, a.  
 & seqq.  
 Consummatum est, vox Saluatoris in Cruce, præ  
 explicata. 106, d  
 Continentia, carnis nostra clauus. 241, a  
 Conuerso Gentium ab Isaia prædicta. 333, d.  
 335, d. 456, a. b. c  
 S. Ioanni in Apocalypsi præfigurata. 453, d  
 multum eam promouere fraudes idolorum de-  
 rectæ. 481, a. b. 483, d. 484, a  
 Conuersos Gentiles Crucis signo signabant Petrus &  
 Paulus Apostoli. 530, b. 531, a. b  
 Corbia in Picardia diuersæ Crucis apparitiones in  
 hominum vestibus & ecclesiarum ornamentis. 655, d  
 Corda nostra tabernaculum Spiritus sancti. 451, c  
 Cornelius Sulla, scorti filius, postea Dictator Rom.  
 500, a  
 Cornea Gedeonis tuba, Crucis Christi figuram præ-  
 ferunt. 253, a. b  
 Cornu in Scripturis quandoque significat glo-  
 riam. 150, a. 619, a. b  
 quandoque potentiam. ibid.  
 Cornua,



# IN LIBROS DE TRIVMPHANTI CRUCE.

Cornua, Crucis trophæum denotant.	354, b. c. d.	Credentes in Christum, Christianos nominandos esse,	
355, a. b. c.		prædicit Isaias.	337, d. 338, a
Cornua rhinocerotis idem innuunt.	279, d	Crepitum ventris colunt Aegyptij.	419, a
Cornu in se credentibus dicitur Christus.	306, a	Crocodilus Aegyptijs solem designat.	390, a
Cornu copia cur Fortuna sinistra gestet.	503, a	& tempus. ibid. & impudentiam.	ibid. b
Cornu unicornis Crucem designat.	148, a. & seq.	ab ysdem colitur.	416, a
150, a. c. spem Christianam.	154, a	& mortuus solemniter sepelitur.	416, d
item Ecclesia unitatem.	ibid. b	Crucicola per contemptum dictus Benignus presby-	
nota etiam est superbia diabolica.	150, a	ter.	554, d
mira eius cornu virtus.	153, b	Crucifixio Christi à Prophetis prædicta.	357, b. 360, a
Cornua septem Agni quem vidit S. Ioannes in Apo-		Crucifixionem præibat flagellatio.	72, d
calypsi, omnipotentiam & gloriam Christi signi-		Crucifixi Christi effigies in Hispania miraculose ex	
ficant.	619, a. b	vite nata.	159, b. c
Coromandelensum, de Cruce lapidea à S. Thoma		Crucifixi imagines antiquissima.	619, c. d. 620, a
erecta testimonium.	576, b	in ecclesijs quo loco poni solita.	620, d
Corona dys offerri solita.	80, c. d. 81, a. b	Crucifixorum cadavera Iudæi sepeliebant.	39, b. c.
imò soli Deo ab Hebraeis olim oblata.	599, b. c	41, c. d. Gentiles ea in crucibus corrup-	
ab ipsis Gentilibus, solis idolis. ibid. d. & 600, a		penda relinquebant.	ibid.
sed postmodum eam sibi Reges vindicarunt. 600, a. b		Crucifragium post crucifixionem Hebræi adhibe-	
tandem publicorum certaminum victoribus		bant, quo citius reus moreretur.	113, a
data.	601, a	alijs nationibus diuersum hoc supplicium à cru-	
Corona quæneque ei qui ciuem Romanum seruasset		cifixione.	ibid. b. c
olim data, foris S. Crucem à quercu fere præsi-	25, d. 26, a	Romani eo seruos plectebant.	ibid. c
gnabat.		interdum etiam liberos.	ibid. d
Corona, qua caput Christi redimitum, ex qua mate-		in Martyres usurparunt tyranni.	114, a
ria compacta.	81, c	qua supplicij eius forma.	ibid. b
quidam sentiunt, ex iunctis marinis.	ibid. c. d	à Constantino Imp. tandem sublatam.	114, c. 669, d
sed refelluntur.	82, a	Cruciferus siue Crucifer, astrum sic cognominatum, &	
& spinis fuisse contextam, vero similis.	82, a. b	unde.	135, c. 136, a. & seqq.
qua miraculo sapiens floruerit. 82, b. c. d. 83, a. b. c		de eo Epistola Corsalij ad Ducem Florentiam.	136, d
instar pilei fuit compacta.	93, a. b	Cruce unde dicta.	4, a. 592, d
in eiusdem corona honorem dies festus institu-		eius varia forma:	
tus.	83, c	Simplex.	4, b. c
Corona Christi spinea præsignata fuit in Ariete		Acuta.	5, c. d
quem Abraham vepribus implicitum vidit. 91, a		Composita.	6, a
in Rubo Moysis.	ibid. b	Decussata. ibid.	unde dicta. ibid. c
in Arca fœderis, Mensa, & Altari.	ibid. b. c	à Iosepho adumbrata.	ibid. d
à Prophetis prædicta.	91, d. 92, a. b. c. d	Andreana vulgò nunc appellata.	8, d
& à Sibyllis prænuntiata.	93, a	Commisa. 6, a. b. 9, b. c	mysterijs plena. 12, d
Corona spinea mysticè peccatorum nostrorum spinas		Immissa. 6, b	eius excellètia & mysteria. 16. 17. 18
designat.	86, c. 87, a. c. 88, a. b	Cruce etiam vocata Gabalum.	4, a
Corona spinea mystica, qua est Pœnitentia, tribus ex		item Patibulum.	ibid.
spinis contexta, & illa quam sint.	89, b	Gracè τρυφός & τρυφολ.	ibid. b
Corona Christi spinea assimilata est Ecclesia.	84, b. c	Cruce altior grauioribus criminibus constituta.	21, d
Coronam desideranti cruce necessario tollenda.	601, a	Crucem Romani ex quercu construebant.	24, d. 25, a
Coronata Cruces, Vide Cruces coronata.		quam in maiorem reorum ignominiam dealba-	
Coronatio Christi in passione, militum fuit commen-		bant.	62, a
tum.	79, c	Crucis supplicium antiquitus frequentissimè.	4, b. c.
Coronatio & inauguratio Regum quo olim ritu cele-		28, c	omnibus panè gentibus usitatum. 28, c
brata.	ibid.	sed præcipuè Hebræis.	ibid. d
Corruptionis symbolum, senex.	390, b	Scriptura exemplis demonstratur.	29, a. & seqq.
Corruptiones & generationes in his inferioribus un-		Palæstinis.	30, b
de fiant.	129, d	Aegyptijs.	30, c
Corsalij ad Ducem Florentiam de astro Crusero epi-		Persis.	33, a
stola.	135, d	cipes crucifigere.	ibid. & seqq.
Corui, qui Elia ministrabant, figura Gentium.	262, c	Scythijs.	34, b
Cranganorenses populi India de Cruce à S. Thoma		Græcis.	34, c
erecta testimonium ferunt.	576, b	Macedonibus.	34, d
Crassus Dines in ludorum suorum premium quales		Carthaginensibus.	35, a. b
coronas dedit.	603, a	Principes viros crucifigere.	36, a. b
Creatoris vniuersorum imago symbolica à Porphy-		Romanis.	36, d
rio descripta.	425, b. c	semper habitum dirissimum.	42, c
imaginis istius Christiana & erudita exposi-		damnatissimum quoddam fatum à Nonno poëta	
tio.	429, a. b. & seqq. 430. & seqq.	appellatum.	43, b
Creatura omnes Deum esse testantur.	382, c. 383, a	infame fuit, & libero homine indignum.	3, a. 43, b. c
harum panè nulla, que non Cruce insignita.	127, d	in seruos modò adhibitum.	44, a. & seqq.
Creaturarum sanctificatio per signum Crucis facta,		liberis personis quando illatum.	46, b
& facienda.	530, d	furem ac latrocinium eo punitum.	46, c. 47, a. b. c. d
		ut Dei maledictionem abhorrebant Hebræi.	47, b. c
		Christo	



# INDEX RERVM

Christo verò necessarium, ut nos à maledictione  
perduceret ad benedictionem. 52, c  
in honore S. Crucis à Constantino sublati. 669, b. c  
Cruz Christi varijs figuris in Sacris libris pra-  
signata.

## In Genesi.

Per arborem vita, & flumen quod paradisum  
irrigabat. 176, a. & seqq.  
Per baculum quo Abel à Caino occisus. 180, c.  
& seqq.  
Per lignum ex quo Arca Noë fabricata. 182, c.  
& seqq.  
Per vitem quam plantavit Noë. 185, c. & seqq.  
Per promissionem omnis terra à Deo Abraha  
factam. 187, b. & seqq.  
Per exercitum Abrahami qui trecentis & octo-  
decim eius vernaculis constabat. 189, b. & seqq.  
Per arborem quercum sub qua Abraham quieuit,  
& vitulum saginatum quem tribus viris  
comedendum apposuit. 191, c. & seqq.  
Per ligna qua Isaac à patre suo immolandus hu-  
meris suis portauit. 192, d. & seqq.  
Per scalam Iacob. 196, b. & seqq.  
Per baculum Iacob. 197, d. & seqq.  
Per anulum Ioseph. 199, c. d  
Per transfigurationem manuum Iacob, filios Io-  
seph Ephraim & Manassen benedicentis.  
200, a. & seqq.

## In Exodo.

Per rubum, quem Moyses in deserto ardere, sed  
non consumi vidit. 202, a. & seqq.  
Per virgam Moysis, qua in serpentem versa  
est. 203, c  
Per agnum Paschalem. 205, a. & seqq.  
Per columnam nubis in die, & columnam ignis in  
nocte. 206, d. & seqq.  
Per virgam qua Moyses Mare rubrum dimisit  
atque siccauit. 208, a. & seqq.  
Per lignum quod Moyses in aquas amaras in-  
iecit. 210, c. & seqq.  
Per virgam qua Moyses petram percussit. 213, a.  
& seqq.  
Per elevationem brachiorum Moysis, dum Israël  
pugnaret contra Amalec. 214, a. & seqq.  
Per nomen Dei tetragrammaton in fronte summi  
Sacerdotis. 217, b. c  
Per unctionem summi Indeorum Sacerdotis.  
217, d. & seqq.  
Per decem Legis praecepta. 119, d. 220, a  
Per Arcam constructam ex ligno setim: item per  
Propitiatorium, candelabrum, & altare in ta-  
bernaculo veteris Legis. 220, b. & seqq.

## In Leuitico.

Per vitulum masculum & immaculatum, quem  
filijs Israël ad Dominum placandum offere-  
bant. 221, c. & seqq.  
Per struem lignorum, in qua extra portam vituli  
oblati caro & pellis cremabatur. 222, d. & seqq.  
Per ritum quo leprosi mundabantur. 223, a.  
& seqq.

## In Numeris.

Per formam benedictionis, qua Hebreorum Sa-  
cerdotes populo benedicebant. 224, b. & seqq.  
Per racemum vine, quem duo Israëlita à Terra  
promissionis attulerunt. 230, b. & seqq.  
Per virgam Aaron, qua miraculose floruit. 232, d  
Per virgam Moysis, qua petram, ut aqua ef-  
flueret, percussit. 234, b

Per serpentem aneum à Moysse exaltatum. 236, a.  
& seqq.

Per hastam Phinees. 245, b. & seqq.

## In libro Iosue.

Per funiculum purpureum, quem Raab fenestra  
appendit. 246, a. & seqq.  
Per lignum in quo Rex Hai suspensus. 248, b.  
& seqq.

## In libro Iudicum.

Per clauum quo Iahel Sisaram occidit. 249, b.  
& seqq.

Per quercum sub qua Angelus Gedeoni apparens  
sedet. 251, b. & seqq.

Per virgam qua Gedeon triticum excutiebat. ibid.

Per virgam qua Angelus tetigit holocaustum  
Gedeonis. ibid.

Per numerum trecentorum virorum, quibus Ge-  
deon Madianitas devicit. 252, b. & seqq.

Per tubas corneas Gedeonis. 253, b. & seqq.

Per Samsonem interficientem leonem. 254, a. b. c

Per Samsonem, columnis adium confractis, mul-  
tos Philistinorum occidentem. ibid. d. 255, a

## In libris Regum.

Per sacrificium Samuelis. 255, b. & seqq.

Per arborem mali punici, sub qua Saul requie-  
uit. 256, a

Per altare, quod Saul Domino erexit. ibid. b

Per citharam Davidis. ibid. c. d

Per baculum Davidis, quo armatus ad singulare  
certamen cū Philisthaeo gigante descendit. 257, b

Per lanceam qua Saul Davidem transfigere co-  
nabatur. 259, a. b

Per quercum cuius ramis Absalon appensus  
perijt. 260, a. b. c

Per cathedram Regis Davidis. ibid. d

Per ligna, super quibus disputavit Salomon. 261, c

Per lignum cedrinum, quo idem Salomon parietes  
templi operuit. ibid. d

Per duo illa ligna qua colligebat vidua Sarephtha-  
na. 262, a. & seqq.

Per currum ignem Elie. 263, a. b. c

Per baculum Elisei propheta. ibid. d. 264, a. b. c

Per lignum Elisei quo ferrum securis aqua inna-  
tare fecit. 264, d. & seqq.

## In nouo Testamento.

Per feretrum adolescentis Naimita mortui. 267, b. c

Per sycorum arborem in quam Zaccheus  
ascendit. 267, d. & seqq.

Per verba Christi, Iota vnum aut vnus apex  
non prateribit à Lege. 268, b. & seqq.

Per nauiculam qua Discipulos ferebat, & in me-  
dio mari iactabatur fluctibus. 269, c. d

Per candelabrum, super quod Christus lucernam  
ponendam dicit. 269, d. & seqq.

Crucis figura, ante verbum Christi Consumma-  
tum est, non cessant. 267, a. b

Cruz Christi varijs Prophetijs in Sacris libris pra-  
signata.

Exodi XLIX. 272, c. 273, a

Numer. XIV. 277, b. & seqq.

Deut. XXVIII. 277, d. & seqq. XXXIII. 279, c

III. Reg. IX. 280, d. 281, a

IV. Esdra II. 283, c

Iob VI. 288, b IX. ibid. d XII. 289, b

XVI. ibid. d. 290, a. b. d XXXIX. 291, a. XL. ibid. b

Psal. I. 292, d IV. 293, a VII. ibid. d

XVI. 294, a XIX. ibid. b XXI. 294, c

295, c XXII. 297, d. 298, a

XXIII.



# IN LIBROS DE TRIVMPHANTI CRUCE.

XXIII. 298, b XXVII. *ibid.* d XXXVII. 299, b  
 XLIII. *ibid.* c XLIV. *ibid.* d L. 300, c  
 LIV. *ibid.* d LVI. 301, b LVIII. *ibid.* d  
 LXII. 302, a LXVI. *ibid.* b LXVII. *ibid.* c  
 LXVIII. 303, a, c LXXXV. *ibid.* d  
 LXXXVII. 304, a LXXXVIII. 305, a  
 LXXXIX. *ibid.* d XC. *ibid.* b XCI. *ibid.* d  
 XCIII. 306, a, b XCV. *ibid.* d. 308, c  
 CVI. 309, a CVII. *ibid.* c CVIII. *ibid.* d  
 CIX. 310, b CXV. *ibid.* c CXVII. 311, b  
 CXVIII. *ibid.* d. 312, b. 314, a  
 CXXXVIII. 314, c CXL. 315, a CXLIII. *ibid.* c  
 Canticorum I. 318, c. 319, b II. 320, c, d  
 III. 322, a IV. *ibid.* d  
 V. 323, b, c VI. 326, b VII. 325, b  
 327, a VIII. 328, a, b  
 Sapientia XIV. 329, c  
 Isaia IX. 332, a XI. *ibid.* d. 333, b  
 XIII. 334, a XIX. *ibid.* c XXII. 335, b  
 XLIX. *ibid.* d LI. 336, a LIII. *ibid.* c  
 LV. 337, d LXIII. 338, b LXV. 339, d  
 LXVI. 340, b  
 Jeremie XI. 342, b  
 Ezechielis I. 344, b IX. 345, c, d XVII. 347, d  
 XLI. 348, d XLIII. 349, c  
 Osea XIII. 351, b, c  
 Ioelis II. *ibid.* d  
 Amos IX. 351, b  
 Habacuc II. 352, b, d  
 III. 353, b. 355, c  
 Aggei II. 356, b  
 Zacharia III. 357, a XII. 358, a  
 XIII. *ibid.* d  
 Malachia III. 360, a. 361, a  
 Crucis Christi forma que. 20, c, d. & seqq.  
 quidam ad formam littere T constructam vol-  
 unt. 20, c, d. 21, a  
 alij quadratam fuisse rectius affirmant, quae quat-  
 tuor extremitatibus constet. 21, b. & seqq.  
 Irenaeus quintam extremitatem siue summitatem  
 adiecit, quae tabella est suppedanea. 22, b  
 quattuor illa Crucis extremitates quid de-  
 signent. 22, d. 314, c, d. 673, a, b  
 Crucis Christi materia qua. 23, b. & seqq.  
 plerique e non vno ligno compactam volunt. *ibid.*  
 alij e quercu fuisse sentiunt, & certioribus rationi-  
 bus probant. 24, c. & seqq.  
 Crucis duoligna, per binam petra in deserto percus-  
 sionem presignata. 234, d  
 Crux Christi quando a B. Helena inuenta. 658, d.  
 659, a  
 ubi, quomodo, & cuius ope ea reperta. 660, d. 661  
 quibus miraculis sit agnita. 661, d. 662  
 seorsim a clavis inuenta, & unde hoc factu. 663, b  
 eius maior pars argenteis inclusa thecis Ierosoly-  
 mis est relict. 663, c  
 altera Constantinopolim Constantino Imp. a ma-  
 tre transmissa. *ibid.* d  
 Tertia Romam una cum Titulo a B. Helena de-  
 lata. 666, a  
 quae omnes olim quotannis maximo populi con-  
 cursu solemniter ostensa & adorata. 664, c.  
 665, a, b, c  
 in honorem eius, Roma & in varijs Christiani or-  
 bis prouincijs templa & oratoria diuersa ex-  
 structa. 514, d. 515, a. 665, d. 666, a, b, c  
 & a Constantino Imp. varia monumenta erecta.  
 641, a, b

item festiuitates varia in eiusdem honorem insti-  
 tuta. 666, c, d. 667. 668. 669, a  
 denique in eiusdem honorem supplicium crucis a  
 Constantino sublatum. 669, b, c, d  
 minima eius particula maximo semper in hono-  
 re habita. 510, d. 511, a. 670, a  
 etiam nunc habenda & adoranda. 681, a  
 sacrae eius particulae communicata, & tamen ipsa  
 non imminuta. 670, d. 671, a, b  
 inter illam & eius imagines quodnam discrimen.  
 672, a  
 cur veneranda sit & adoranda. 672, b, c. & seqq.  
 cur non reuelata vel ante vel post Constantini  
 aenum. 673, b, c  
 eius adoratio ab Apostolis introducta, teste Ioanne  
 Damasceno. 674, b  
 titulis amplissimis a S. Chrysostomo & alijs san-  
 ctis Patribus honoratur. 674, d. 675. 676  
 item ab Auctore. 689  
 eius praclarissima beneficia ob quae omnem vene-  
 rationem promeretur recensita. 676, d. 677  
 quomodo a Christo honorata. 679, a. 684, b. 687, d  
 a Spiritu sancto per ora Prophetarum adorari  
 iussa. 679, c, d  
 eius cultus & adoratio varijs Concilijs sancita.  
 680, b  
 patriae cultu adoranda cum relatione ad prototy-  
 pum. *ibid.* d & seqq.  
 an haec ipsa in nouissimi Iudicii die in calo sit ap-  
 paritura. 686. 687  
 Crux Christi infirmitatis humana fulcrum. 14, a  
 calcar virtutis. 138, c  
 salutare munimen nostrum aduersus diabolum.  
 138, c, d. 304, a  
 & triumphus. 511, b, c. 512, b  
 perfidis opprobrium, fidelibus vero gloria. 314, b  
 peccatoribus & voluptati deditis est horrore. 345, b  
 item demonibus. 511, b, c  
 Crux est lignum quod nos ad calum deportat  
 173, b. & seqq.  
 significat principatum, & quomodo. 194, b, c  
 est lignum secus decursus aquarum planta-  
 tum. 292, d  
 baculus, quo infirmitatem nostram sustinemus.  
 298, a  
 quomodo mare dici queat. 303, a  
 quomodo ascensus purpureus. 322, a  
 est Ecclesia militantis vexillum. 333, b  
 item altare ligneum. 349, a  
 Crux Apostolos confortauit. 510, a, b  
 omni loco & ab omni hominum genere adora-  
 tur. 510, b. & seqq.  
 Crux sancta cur dicta Triumphans. 511, d. 512, a.  
 & seqq. cur Gloriosa. 512, c  
 Christo corona & gloria fuit. 600, d  
 unde ornamentum & gloriam quam habet acce-  
 perit. 559, c. 607, c. 609, b  
 Crucis sancta varia encomia. 509, c, d. 511, a, b, c.  
 513, b, c, d. 544, a, b. & seqq. 546, b, c, d. 547, a  
 Crucis sancta quinam sine effectus, & quae vires.  
 237, c, d. 471, b, c, d. 472, a. 509, c, d. 511, a. & seqq.  
 513, b, c, d. 599, a  
 effectus ipsos quos Christi passio produxit, repre-  
 sentat. 673, b  
 Crucis beneficio nullum maius. 272, b  
 Crucis improprio nullum Ethnici in Christianos  
 maius habebant. 559, c  
 Crucem salutis causam fuisse, negantem, aut non cre-  
 dentem



# INDEX RERVM

dentem Probianum visio diuina corrigit. 582, b  
 Crucem qui non venerantur, inexcusabiles. 146, d.  
 147, a  
 & qui scandalum eam putant non sunt Ecclesia  
 filij. 512, b  
 ad eam colendam hortatur Cyprianus. 147, b  
 & alij Patres. 543, d. & seqq.  
 S. Crucis quomodo diuini honores tribuendi. 600, a  
 quomodo id veteres Christiani innuerint. 610, d  
 Crucis confessio, diaboli confusio. 516, d  
 Crucis & obelisci collatio. 463, c  
 Crucis miracula per solum Christum fiunt. 140, b  
 Crucis mysterium admirandum. 1, c  
 Crucis ad littera T formā compacta mysteria. 12, c. d  
 & seqq. 346, d. & seqq.  
 Crucis mysteria à D. Apostolo Paulo, & SS. Patri-  
 bus descripta. 19, a. b. c. d  
 Crucis mysterium ex ipsis litteris quibus pingitur,  
 elicium. 168, b. c  
 Crucis mysterium Gentibus annuntiari equum  
 fuit. 362, c  
 quomodo ijs fuerit adumbratum. 385, b. 423, b.  
 427, a. b.  
 Crucis mysterij cognitio absque sacrorum librorum  
 adminiculo haberi non potest. 430, a  
 Crucis imago Constantino in celo ter apparuit. 626, c.  
 643, b. c. d  
 eius forma qualis. 627, b. 628, a. & seqq.  
 Crucis apparitio insignis super Ierosolymorum ci-  
 uitatem. 645, c. d  
 quid ea portenderit. 646  
 Crucis in vestem Iuliani Apostata & comitum eius  
 calius decedentes quid portenderint. 647, b  
 Crucis signum corona redimtum Iuliano Apostata  
 in visceribus victimarum apparet. 601, b. c. 647, c  
 Cruces in hominum vestibus, & templorum atque  
 altarium ornamentis tempore Iuliani Apostata  
 diuinitus apparent. 648, a. b  
 quid ea portenderint. ibid. d  
 Cruces in Iudaorum vestibus tempore Iuliani appa-  
 rentes fuere nigri coloris. 648, a. b  
 Crux corona iridis instar redimita tempore Iuliani  
 Apostata Ierosolymis in aëre visa quid porten-  
 derit. 648, c. d  
 Cruces in vestibus militum tempore Arcadij ap-  
 parentes, victoria contra Persas indices fuere.  
 649, b  
 Cruces tempore Constantini Copronymi apparentes  
 ingentem mortalitatem praesignarunt. 650, a. b  
 Crux rubra super quercum viridem Garfia Eximini  
 contra Mauros praeliatur in celo ostensa. 651, b  
 Crux argentea in scuto cyanei coloris Innico Ari-  
 sta cum Mauris conflucturo calius exhibita.  
 652, b. c  
 Crucis apparitio insignis in miraculoso Sacramenti,  
 quod Doraca asseruatur, memoriam. 654, b. c  
 Crucium miraculosa apparitiones in diuersis Regni  
 Francorum locis anno M. D. XCI. 655, d. 656.  
 657  
 Crucis apparitiones non semper prosperi successus  
 praenuntia. 649, d  
 Crucis figura impressa cernitur Mundo & eius  
 quattuor partibus. 128, d. 129, a. & seqq.  
 Calis. 129, c. & seqq.  
 Astris. 135, c. & seqq.  
 Planetis. 139, b. c  
 hominibus. 141, a. b. & seqq.  
 Unicorni. 148, a. & seqq.

animali cuidam incognito. 154, d. 155, a. & seqq.  
 item floribus & plantis; ut Papaneri rubeo. 160, b  
 flori Indico Peruano. ibid. c  
 item fructibus; ut Pomoparadisi. 164, b  
 fructui Indico, quem Hispani Platanum vo-  
 cant. ibid. d  
 visitur etiam in antenna naui. 171, c. 172, a  
 & cur. 173, a item in aratro. 171, c  
 in auibus volantibus in aëre. 172, a. b  
 in piscibus natantibus. ibid. b  
 in obeliscis. 472, b. c. d  
 in lapidibus templi Serapidis. 484, d. 485, b  
 cuius idoli loco substituta. 485, a  
 in Gentilium idolis. 490, b. 506, a. & seqq.  
 cur in ijs Deus permiserit. 385, b. 423, b.  
 427, a. b. 461, b  
 in Gentilium Trophaeis. 490, d. 493, c. d. 494, b. c  
 in signis militaribus. 491, a. 494, d  
 in Fortuna imaginibus. 500, c. & seqq.  
 Crucis figura casu vel potius Dei nutu in vexillis  
 Romanorum efficta. 633, d  
 Crucis veram figuram Constantinus in labaro &  
 signis militaribus expressit. 634, a  
 sustulit Iulianus Apostata. 633, b. c  
 hanc etiam exprimunt Aegyptij orantes. 144, c. d  
 & Iudei. 145, a. & seqq.  
 item qui natant. 145, d  
 ad hanc formam antiquiores ecclesie adifica-  
 te. 584, c. 585, b  
 sine Cruce nihil serium ab homine Christiano agi  
 potest. 171, b. & seqq.  
 Crucis signum Aegyptijs inter hieroglyphicas &  
 hieraticas litteras. 15, c. d. 467, d  
 Crucis signum circulo insculptū quid designet. 469, b  
 Crucis signum solo insculpi vetitum ex decreto Sextae  
 Synodi. 680, b  
 Crucis & nominis Christi hieroglyphicum olim va-  
 riè depictum. 629. & seqq.  
 Cruces materiales construendi quae causa. 517, c. d.  
 575, c. d  
 ab Apostolorum temporibus in usu. ibid.  
 eadem in Titulum in locis diuino cultui dicandis  
 erecta. 576, a  
 morem hunc Apostolos introduxisse, B. Thoma  
 Apostoli exemplo probatur. ibid. a. b  
 has à solis Episcopis erigi voluit Iustinianus Imp.  
 577, c  
 à praeis fidelibus in ecclesijs fuisse erectas, SS Pa-  
 trum testimonio probatur. 580, b  
 Ambrosij. ibid.  
 Maximi Taurinensis. ibid.  
 Paulini Nolani. ibid.  
 Gregorij Nazianzeni. ibid. c  
 Venerabilis Bede. ibid.  
 eas in sepulchris erexit Gregorius Armenia Epi-  
 scopus. 580, c  
 Cruces item in altaribus posita. 581, c  
 mos iste antiquissimus. ibid.  
 & ab Apostolis deductus. 582, a  
 à Deo miraculo in ciuitate Caruacensi compro-  
 batus, ubi ab Angelis Crux in altari collo-  
 cata. 582, c. d. 583, b  
 cuius Crucis contactu fons quidam quotannis  
 sanctificatur, & multis morbis medetur. 583, c  
 ut omnium conspectui paterent, in editiore ecclesie  
 loco posita. 578, a  
 Cruces item in vijs publicis. 587, b. c  
 in prora nauum pro Tutela. 589, a. b  
 in por-



# IN LIBROS DE TRIUMPHANTI CRUCE.

in portis ciuitatum.	589,c	appensam deferre & osculari hand possunt.	593,a
à Constantino Imp. altissimis columnis imposi- ta.	587,d	Cruces cum Crucifixi effigie collo appensas gesta- runt antiquitus Christiani.	620,c
Cruces depingi debere in ecclesijs, & materiales at- que etiam depictas in domibus haberi, statuit Ni- lus Abbas.	581,a,b	Cruces ad vera Crucis imaginem & similitudinem facta quando, & quo cultu adoranda.	681.
in Cruce materiali etiam SS. Reliquia asseruaban- tur.	606,d	& seqq.	
Cruce quam S. Thomas Apostolus in Malipure In- dia ciuitate saxo insculpi curauit, qualis fue- rit.	601,b	Crucis signum leui manus extensione formatum, dia- bolum fugat.	54,b
Crucis cuiusdam antiquissima stupenda miracula in India Lusitanica.	579,a,b,c,d	Crucis signum Angelus formari precipit.	538,d
Cruces cum lychnis antependentibus in Indiarum, quibusdam sacellis inueniuntur.	578,b	ipse met idem in templo depingit.	ibid.
in eadem in Chinaram Regno.	ibid.c	Crucis signum aliter à Græcis, aliter à Latinis for- matur.	611,c
Cruces olim multa sine imagine Crucifixi, & qua- re.	617,a	Crucis signi virtutes.	15,b,c
Crucibus columbas insculpendi mos antiquissi- mus.	605,a	Crucis signo se munire consueuerunt Christiani in fronte.	525,c
Cruce aurea pretiosissimis gemmis exornata, diuina reuelatione à Sergio Papa inuenta.	609,d	idque in veteri Lege præsignatum.	ibid.
Cruce aurea & gemmata incomparabili & diuino artificio ab Angelis Alfonso Casto constructa.	613,c,d	item in pectore, ore, & oculis.	526,c
Cruce aurea & gemmata Leoni Papa III. à Carolo Magno oblata, ut in Litanis deferretur.	614,e	Crucis signum cur maxime fronti imprimatur.	543,b
Cruces coronatas sculpendi rationes varia.	600,a,c.	Crucis signum Christianitatis nota.	518,b. & seqq.
601,a		& spiritualis circumcisionis.	543,a,b
earum triplex forma.	601,b. & seqq.	armatura tutissima.	548,c
Crucis coronata Rome in ecclesia S. Clementis de- picta typus.	602	Cruce se signandi ritus antiquissimus.	517,d
alius in ciuitate Lucensi.	607,a	& in prima Ecclesia notus.	528,d
cuius imago à Nicodemo efficta dicitur, & vul- tus à manu diuina.	ibid.	à Patribus approbatus.	524,c,d
Cruces gemmatae qua.	607.608. & seqq.	traditus est, non scriptus.	542,c
earum primus exstrui curauit Constantinus Ma- gnus.	608,a	Crucis signum quibus in rebus adhibitum.	518,b
cuius exemplum mox passim Christiani secuti.	ibid.b	in catechizatione Catechumenorum.	ibid.
etiam auo S. Ioannis Chrysostomi valde frequen- tes.	609,a,b	in consecratione Fontis baptismalis.	519,a,b
plures à diuersis Pontificibus erecta.	ibid.c. & seqq.	in administratione Baptismatis.	ibid.b,c
Crucis gemmata vetustissima typus Rauenna in templo S. Mariae in Cosmodim.	610,a	& Confirmationis.	143,b. 144,a
alius Roma in templo S. Pudenticæ.	612,b	in collatione sacrorum Ordinum.	ibid.d
item alius in medio absidis vetustissima basilica S. Petri.	615,c. 616	& reliquis Ecclesie Sacramentis.	449,d.
Cruces gemmatas construendi mos quàm fuerit Deo gratus, miraculo comprobatur.	613,c,d	450,a. 520,b	
Cruce gemmata ante Pontificem deferri olim solet.	615,a	ante orationem.	ibid.c
Cruce gemmata in suo opere à Constantino Magno constructa.	615,c. 616	ante cibum & potum.	521,a,b
Cruce gemmata Rome in abside basilica Lateranen- sis.	622,a	in coctione panum.	522,b,c
eius mysteria explicantur.	623,a. & seqq.	in subito aliquo terrore.	ibid.d
Cruce in lychnite gemma exsculpta à Sarracenis Ioanni Comneno Imp. Constantinopolitano tra- dita.	615,b,c	ante præliorum ingressum.	523,a
Cruces manibus deferendi mos antiquissimus.	593,b,c	in initio operis.	ibid.c
Cruces collo appensas gestandi ritus præcis Chri- stianis familiaris.	591,a. 592,a,b. 593,c	cum cubitum ieretur.	524,b
ex varijs Auctoribus probatur.	ibid.	in articulo mortis.	525,a
de Cruce & annulo ferreis collo S. Macrina virginis appensis pia contentio.	592,a	Crucis signum cur in Sacramenti Confirmationis collatione fronti imprimatur.	143,b. 144,a
Crucis virtute collo appensa à S. Gregorio Turonensi incendium extinctum.	592,b,c	Crucis signo diabolum fugamus.	143,c,d
Crucis osculo & deportatione quid innuatur.	592,d	omnes diabolicas tentationes superamus.	239,c
Crucem cum Sanctorum Reliquijs immundi collo		Crucis signum terror demonum, & quare.	544,c
		Crucis virtutem se non perferre posse, ipse met fate- tur diabolus.	564,a
		Crucis signum auguria & extispicia sustulit.	547,c,d
		item idolorum cultum.	548,a
		Crucis signum in nobis gaudium excitat.	293,a
		in die Iudicii nos præseruabit.	ibid.
		Crucis signum regale siue tessera Christi.	540,d
		illud Christus in Ecclesia sua utendum reliquit.	ibid. & seqq.
		idque ipse fatetur diabolus.	541,a
		Crucis crebra consignatio quid habeat utilitatis.	542,d. 545,c. 549,a,b
		Crucis signum ipso Moysis tempore virtutem suam prodidit.	546,a
		Crucis signum non imprimatur nisi pœnitentibus.	347,b
		mortuis & vitis prodest.	ibid.
		solum hoc distinguit iustum à peccatore.	ibid.c
		omnibus necessarium est.	ibid.
		Crucis signum aduersus hæreticos asseritur.	518,a
		Crucis signo Gentiles conuersos signabant Petrus & Paulus Apostoli.	530,b. 531,a,b
			eadem



# INDEX RERV M

eodem creaturarum sanctificatio facta, & fieri  
debet. 530, d  
Crucis signo Stephanus Protomartyr iam lapidan-  
dus se consignavit. 531, b  
item Paulus Apostolus iam decollandus. 533, b  
Crucis signo omnis actio Christiana describitur.  
543, a  
Crucis signo Paganorum templum destruunt mar-  
tyres, Africanus, Pompeius, atque Terentius.  
527, a  
Ananias Paulum à cecitate liberat. 530, c  
Petrus Simonem Magum superat. 532, b  
& fontem in carcere excitat. 533, d  
Paulus Apostolus cecum à nativitate illumi-  
nat. 533, a  
Andreas Apostolus mira perpetrat. 533, d. & seqq.  
S. Jacobus Maior miracula facit. 534, b  
S. Joannes Apostolus herbam in aurum conuer-  
tit. 536, a  
item veneni vim infringit. 536, b  
& eodem se moriturus consignat. 536, c  
hoc & D. Thomas pluries usus. 537, a. & seqq.  
B. Matthaeus Apostolus miranda perpetrat in  
Egypro. 539, b  
SS. Simon & Iudas magorum praestigias elu-  
dunt. 539, c  
eo item utuntur SS. Titus & Lucas Euange-  
lista. 540, b  
item B. Antipas. 540, b  
Apollinaris cecum illuminat. 549, d  
Martialis plurimos sanat. 550, a  
Prosdocius agros sanitati restituit. 550, c  
Vitellianum Regulum conuertit. 550, d  
caca cuidam visum reddit. 551, d  
Nazarius & Celsus à mari liberantur. 551, b  
Thecla ignis vim superat. 552, a  
à serpentibus liberatur. 552, b  
Zosimus areum ignitum grabatum euadit. 553, a  
Glyceria idola euertit. 553, a  
in ardentem fornacem coniecta, illa sa egreditur.  
ibid. b  
leanam mansuetam reddit. 554, b  
Benignus presbyter idola corrumpere facit. 555, a. b  
Martina Apollinis simulacrum confringit. 557, b  
item Artemij. 557, c  
Laurentius Martyr capitis dolores arcet. 560, a  
& cecum illuminat. 560, b  
triginta sex Christiani Martyres idola proster-  
nunt. 561, b  
Paulus & Iuliana martyres ignem superat. 561, b  
Theodorus ab igne liberatur. 562, c  
Theodorus alius draconem interficit. 562, b  
Iustina virgo Antiochena inhonestum amatorem  
depellit. 563, d  
diabolicas tentationes vincit. 563, b. d  
ignem non sentit. 564, b. c  
Cyprianus, antea magus, vim ignis superat. 564, b  
Euphemia saeuissimis tormentis euadit superior.  
565, a. b. c  
Margarita demonem sub draconis specie sibi  
vim inferentem perimit. 566, a  
Gregorius Thaumaturgus plurima edit mira-  
cula. 567, b  
Diaconus Gregorius Thaumaturgi diaboli presti-  
gias dissipat. 567, b  
Iosephus quidam Hebraeus demoniacum sanat.  
568, a  
& incantamenta dissoluit. 569, a

Martinus Episc. Turon. geminum edit miracu-  
lum. 572, b  
mare exundans sistit Hilarion. 572, b  
& diaboli praestigias eludit. 573, a  
draconem immanem Donatus Episc. occidit. 573, b. c  
item Iulianus Eremita. 573, c. d  
item Marcianus Eremita. 573, a  
item Caluppanus Eremita. 573, b  
Amantius serpentes necat. 574, a  
Innocentia à carcinomato sanatur. 574, a  
Theodorus Archimandrita à bubonibus libera-  
tur. 584, b  
Procopius miles hostes & vrbes deuincit. 591, d  
Crucis virtutem experti etiam impij & infide-  
les. 570, a  
Iulianus Apostata. 570, b  
Hebraeus quidam. 571, a  
Turca. 571, a  
Crux Ierosolymitana in signe Gussiorum. 577, b. c  
Crux indice sub pollice complicato efformata, religiosi  
iurisiurandi indicium. 507, c  
Crux quomodo ferenda. 135, c. 137, d. 138, a. 592, d  
Crucem in mente portare quis dicatur. 137, d. 593, a  
Crux ei tollenda qui coronam desiderat. 601, a  
Crux sine corona in Christi militia non datur. 594, a  
Cubitus iurati Christiani se & lectum Cruce mu-  
niebant. 524, b. d  
ad id hortatur Prudentius. 525, a  
in Cucurbitis aliquot Roma Cruces deprehensa.  
165, c. d. 166, a  
& quinque Christi vulnerum quadam nota. 165, c  
Cultus & veneratio S. Crucis à Patribus priscis  
laudatur. 543, c. d. & seqq.  
diuersis argumentis probatur. 672, b. c. & seqq.  
Cultus veri Dei prior idololatriâ. 397, a. 398, a  
Cultus idolorum à quibus & quomodo in mundum  
inuectus. 397, a. c  
virtute S. Crucis sublati. 548, a  
Cuma ciuitas, nunc Foia noua dicta, patria Sibyllae  
Cumanae. 367, d  
Cuma, Italiae ciuitas, patria Sibyllae Cumanae. 364, a. b  
Cumana Sibylla. Vide, Sibylla Cumana.  
Cumana Sibylla. Vide, Sibylla Cumana.  
Curionis Consulis iussu Sibylla Erythrae carmina  
conquisita. 366, b  
Currus Eliae igneus, typus Crucis Christi. 263, a. b  
Currus quo ad celum vehimur, Crux est. 564, b. c  
Cydonium malum, symbolum connubij. 391, c  
Cyprianus magus B. Iustinam secundo, sed irritò  
conatu, diabolicis praestijs in amorem Aglai-  
dis pellicere conatur. 563, a. b. c  
fallaciam diaboli persentiscit. 564, d  
de suscipiendo Christianismo cogitat. 564, a  
ab Anthimo Episc. catechizatur & baptizatur.  
ibid. a. b  
ignis tormentum superat. 564, b  
martyrio afficitur. 564, c  
diuersus est à B. Cypriano Carthaginensi Episco-  
po. 564, d  
Cypriani de signo Tau, quod Crucis sit symbolum,  
testimonium. 11, a. b

## D.

**D**ACIANI praesidis in Vincentium martyrem  
crudelitas. 577, a  
Dæmones unde dicti. 398, a  
Dæmones Dominicum sanguine contremiscunt. 179, c  
& Cru-



# IN LIBROS DE TRIVMPHANTI CRUCE.

& Crucem horrent.	143,c.d.144,a.511,b.c	in peccatores benignitas.	271,c.d.272,a
Damones idololatriæ auctores.	398,a.b	Dei veri cultus prior idololatriæ.	397,a.398,a
Damonum caterua comparata locustis.	253,c	Dei diuitia, salus hominum.	383,d.384,a
Damonum varia fraudes ad auertendos pios ab ora- tione & operibus bonis.	571,d	Dei dona sunt gratuita.	442,d
Damonibus resistunt annuli ab Eudamo Philosopho confecti.	599,a Vide, Diabolus.	Dei gratiam primam nec mereri potest humana ope- ratio, nec diuina gratia donum arcere ullius scele- ris atrocitas.	ibid.
Damiata colunt crepitum ventris.	419,b	Dei manus, iustitia & misericordia.	311,b
Daroca magna ueneratione asseruatur Sacramen- tum miraculosum.	654,a	sed crebrius misericordia quàm iustitia utitur. ibid.	
Dauid in multis figura Christi.	257,b.d	Dei nomen tetragrammaton in fronte summi Sacer- dotis, figura erat Crucis.	217,b.c
eius cithara figura Crucis Christi.	256,c.d	Dei nomen Ichoua à Sacerdotibus veteris Legis in populo benedicendo proferri solet.	224,d
& baculus, quo manitus ad singulare cum Phi- listheo certamen descendit.	257,b	eius nominis mysteria.	225,a & seqq.
eius denique cathedra.	260,d.261,a	Dei trinitas atque unitas quomodo in ritu benedi- ctionis Legis veteris adumbrata.	224,d.225,a
Dauid quod mortem timuerit, nil mirum.	301,a.b	Dei operum multa nos latent mysteria.	382,a
tantum nouem Psalmorum auctor.	308,a	Dei laudibus nil nobis magis cordi esse debet.	448,a
primus apud Hebræos gestauit coronam.	600,b	Dei symbolum accipiter Egyptijs.	390,b
hanc sibi ex corona Melchom idoli Ammonita- rum fieri curauit.	ibid.	Deo quæ offerebantur, in alium eleuari solebant.	57,a
an factio illo peccauerit.	ibid.b.c	Deo gratitudinis ergo cor offerendum.	170,c.d
Dauid Kimchi, Rabbi Iudæus.	276,c	Deo salus hominum maximè cura.	383,d
eius de voce SILO testimonium.	ibid.	Deum principem omnium quo modo adumbrarint Egyptij.	390,d.391,a
Dea Segetia.	492,b	Dextera Dei, misericordia.	311,b
Decem precepta Legis quomodo figura Crucis.	219,d.	Dextera an sinistra dignior.	611,b.c
220,a. & seqq.		Dexteram osculari, ritus salutandi deos apud Gen- tiles.	506,b. & seqq.
Decius Mundus Paulinam ambit.	31,c	Dextera S. Ioannis Baptista à Turcis rapta.	119,a
eadem scelestissimo astu potitur.	31,d.32,a	eam Baiazet magno Magistro Milina Ierosoly- mitana restituit, & quare.	ibid.c
ob id in exilium actus.	32,a.b	& modò in Insula Melita honorificè asserua- tur.	ibid.
Delectatio in peccati suggestionem, peccati est ven- ier.	251,b	Diabolus extremam hominis querit perniciem.	3,a
Deliberatio Constantini de dijs Gentilium deserend- is.	626,a	in hominum lapsu gloriatur.	478,a
Delphensium Deus Apollo.	399,d	ut nos ligno viceret, ita & ipse ligno victus & prostratus.	14,b.c
Delphica Sibylla. Vide, Sibylla Delphica.		infidelium magister.	59,c.d
Delubra deorum à quibus primum extructa.	402,a	in Pharaone præsignatus.	209,c
Demetrius Phalereus quid in symbolis obseruari velit.	386,b	quibus sit alligatus, & quibus solutus.	258,b.c
Demophile, Sibylla Cumana.	368,a	per idola, licet inuitus, fatetur Christi natiuita- tem, &c.	375,a.b.378,b.379,a
Demothenes manu ori admotà, quasi Saturnum ado- rans, venenum sibi propinat.	506,c	in serpentis specie decepit Enam.	476,c.d.477,a
Denarius, numerus perfectionis.	7,b.16,c	ipse met idola sua destruere cogitur.	538,c.d
à Pythagoræ prima quadratura appellatus.	16,c	virtutem signi S. Crucis, idque à Christo esse ad usum fidelium institutum, fatetur.	541,b.
eius mysteria.	7,b.16,d	564,a	
Desideria nostra sursum erigenda.	57,a	balneum quoddam in vrbe Neocesariensi noctu infestat.	567,a
Desperandum non est pauperibus.	501,d	quomodo paulatim hæreticos errorum implicet in- uolucris.	574,d
Deus appellatus Deus ultionum.	3,b	Diaboli confusio, Crucis confessio.	516,d
indignè tulit, hominem per lignum esse dece- ptum.	49,c	Diaboli superbia.	489,d
est instar Medici, contraria contrarijs curan- tis.	51,b	Diaboli indefessum studium in memoria sancta Cru- cis destruenda.	516,c.d
mirabiliter punit superbos.	249,c	Diaboli astus ad Crucis gloriam opprimendâ.	660,b
futura hominibus supplicia per Prophetas præ- nuntiauit, ne inferre cogeretur.	271,c.d. & seqq.	Diaboli multiplex versutia.	547,b
Deus quomodo omnes homines saluos fieri velit.	380,d. & seqq.	quomodo pellenda.	ibid.b.c.548,a
cur Gentes idolis seruire permiserit.	381,c	Diaboli symbolum serpens.	476,c.d
neminem indebitè damnat.	382,b	eius varia nomina.	ibid.
ex creaturis agnosci potest.	382,c.383,a	Diabolo facile est, hominem semel lapsum ad maiora vitia impellere.	2,d
cur diabolus idola in habitare permiserit.	424,a	Diabolus cur inhabitare idola Deus permiserit.	424,a
per scelestos & impios mira patrauit.	442,d.	Diabolus ingentis canis specie ad B. Marcelli ades alligat Simon Magus.	532,b
443,a		Diaboli idololatriæ auctores.	398,a.b
ante omnia laudandus.	448,a	Diaboli idola inhabitantes, ad Christi aduentum aufugiunt.	478,b.c
Deus quo modo dicatur ambulare.	451,c		Diaboli
Deus, non Fortuna, prospera & aduersa immittit.	501,b.c		
eius iustitia.	ibid.c.d		
Dei munificentia.	49,a.b		
erga humanum genus charitas.	142,c.d		



# INDEX RERVM

Diaboli maximè Crucem horrent. 546,d  
 Diabolorum conuenticulum in antiquo quodam  
 Gentilium fano celebratum. 570,b. & seqq.  
 Vide, Demon.  
 Diaconus Gregorij Thaumaturgi, balneum à dia-  
 bolo infestatum ingreditur. 567,a  
 varijs ibi spectris infestatur. ibid.b  
 sed Crucis virtute illasus egreditur. ibid.  
 Dicta aut scripta Sapientum, licet Gentilium, non  
 aspernanda. 427,c  
 Dies duo mystici, Hodie & cras signa facio, duo-  
 bus Crucis lignis signantur. 13,a  
 Dies Veneris omnes à Constantino solemniter S. Cru-  
 ci sacri declarati. 668,d  
 Dies Veneris sanctus ab Apostolo Paulo Cruci de-  
 dicatus. 669,a  
 Dierum longitudo & breuitas unde. 129,d  
 Dij Gentilium varij.  
 Apollo, Delphensium. 399,d  
 Cabyrus, Macedonum. ibid.c  
 Faunus, Latinorum. ibid.  
 Isis, Egyptiorum. ibid.  
 Inba, Maurorum. ibid.  
 Inno, Samiorum. ibid.d  
 Liber, Naxensium. ibid.  
 Minerva, Atheniensium. ibid.  
 Quirinus, Romanorum. ibid.  
 Sancus, Sabinorum. ibid.c  
 Vennus, Paphiorum. ibid.d  
 Vranus, Pænorum. ibid.c  
 Vulcanus, Lemniorum. ibid.d  
 Dij Gentilium osculo Crucis salutati. 506,a.b  
 Dij Egyptiorum à Trismegisto in sensibiles & in-  
 telligibiles diuisi. 402,b  
 Dij Egyptiorum maiores duodecim. 402,a  
 ijs aures oculosque affingebant, & quare. 390,b  
 Dy rusticani qui & quales. 490,c.d. 492,b.c.d  
 Deorum falsorum cultus à quibus & quomodo pri-  
 mum in mundum inuectus. 397,a.c  
 horum euersio ab idololatriis ipsis predicta. 479,c  
 Deorum diuersitas ciuitatibus Egypti perpetua-  
 rum dissensionum causa. 411,d. 412,c.d  
 Deorum imagines in nauibus Tutela dicta. 588,c  
 Deos suos quomodo in bestiarum & plantarum figu-  
 ris apparuisse, adeoque in ijs coli asserant Genti-  
 les. 419,a. & seq. 420,a. & seq. 421,a. & seq.  
 Diluuij aqua, Baptismi typus. 183,b.c  
 Dionysius cum Urbano Papa martyr. 527,d  
 Dionysij Areopag. Acta conscripsit Hilduinus Ab-  
 bas. 533,a  
 Discipulos à Christo ad predicationem Euangelij  
 ablegandos pradicat Isaias. 340,c  
 Diuites non sibi & Fortuna, sed Deo prosperitatem  
 suam acceptam ferant. 501,d  
 Diuitie Christi, paupertas. 303,c  
 item salus hominum. 383,d. 384,a  
 Doctrina que fit per symbola, Dionysio Areopagita  
 probata. 387,a  
 Dogmata Ecclesia partim vniu voce sine scripto ab  
 Apostolis tradita. 542,a.b  
 Domitianus Imp. Isiacis sacris initiatus. 406,d.  
 407,a templum Isidi erexit. 407,a  
 eius de Christianorum ecclesijs demoliendis edi-  
 ctum. 585,a  
 Domna sub quo & ubi martyrium subierit. 590,c.d  
 eius supellex, Crux & liber Actuum Apostolorum.  
 ibid.d  
 Dona Dei sunt gratuita. 442,d

Dona gratiarum, per manuum impositionem & per  
 Crucem conferuntur. 450,a  
 Donatus Euorea Episcopus virtute Crucis draco-  
 nem interficit. 572,b.c  
 Dormientium septem historia, S. Crucis in portu vr-  
 bium olim erecta testis. 589,c  
 Draco quidam horribilis & pestifer à S. Siluestro  
 Papa superatus. 597,a.b.c  
 quis ille fuerit, & ubi latuerit. 598,a.b  
 Dracones & struthiones propter idololatriam dici  
 poterant Gentiles. 456,c  
 Dracones in signis militaribus Romanorum quando  
 primum conspecti. 633,a  
 Druida, philosophi apud Gallos. 461,b  
 Duodenarius numerus, numerus perfectionis. 134,c.d

## E.

**E**BRITAS sancta Martyrum que. 452,c  
 Ecclesia nauis comparata. 173,a.b. 269,d  
 Ecclesia Christi per alterum exploratorum Terra pro-  
 missionis praefigurata. 231,c.d  
 per Raab meretricem. 246,c. 247,b.c  
 per Iahel. 250,a.b.c.d  
 per mulierem Sareptanam. 262,b.e  
 per montem caliginosum. 334,a.b  
 Ecclesia columba est que in foraminibus petra, id est  
 vulneribus Christi, requiescit. 604,b  
 Ecclesia non erubescit Crucem Christi. 323,a  
 Ecclesia Catholica omnibus haeticis superior. 515,a  
 quo magis premitur, eo amplius fulget. ibid.c  
 est quidam exercitus insuperabilis. 515,c. 586,d  
 haereses & schismata ei meritorum cumulum  
 augent. 515,d  
 Ecclesia antiquitus Crucis signo benedicere consue-  
 rit. 528,d  
 Ecclesia Catholica omnis salutifera doctrina mater  
 & magistra. 688,d  
 Ecclesia mater Synagoga. 328,c.d  
 Ecclesia Sacramenta unde origine traxerint. 449,d  
 ea per S. Crucis signum exercentur. ibid. 450,a  
 Ecclesia carmonia & ritus partim vniu voce, par-  
 tim scripto ab Apostolis traditi. 542,a.b  
 Ecclesia primitiua aduersus haeticos Crucis memo-  
 riam obliterare conantes feruor & zelus. 517,b.c  
 Ecclesia Romana priuilegium. 521,a  
 Ecclesia tranquillitas sub Constantino. 643,a  
 Ecclesia tranquillitatem Crux in calo velut iride re-  
 dimita praefiguratur. 648,d  
 extra Ecclesiam non est salus. 246,d. 247,a. 381,a.  
 448,c  
 Ecclesia mediante fides à Spiritu sancto infundi-  
 tur. 455,d  
 Ecclesia D. Virginis Bituri, dicta Au four chaud,  
 & vnde sic appellata. 656,c.d  
 in ea Crucis forma cum spinea corona apparuit.  
 ibid.  
 Ecclesia Aquileiensis laudabilis ritus, sese ad haec  
 verba Symboli, Carnis resurrectionem, Cruce  
 signandi. 520,d  
 Ecclesia signo Crucis consecrantur. 450,a  
 Ecclesia cur appellata Tituli. 567,c.d  
 Ecclesia antiquiores Crucis in modum erecta. 584,c.  
 585,b  
 Ecclesia varia in diuersis Christiani orbis prouincijs  
 in S. Crucis honorem extructa. 666,b.c  
 Ecclesias Christianorum dirui iubet Domitianus. 585,a  
 Vide, Templum.

Eccle-



# IN LIBROS DE TRIUMPHANTI CRUCE.

*Ecclesiastes verus, Christus.* 318, b  
*Eclipsis solis in Passione Domini, à Sibylla Phrygia prænuntiata.* 370, a. b  
*Edom sanguinem significat.* 338, d  
*Elementa, Ægyptijs inter maiores deos.* 402, a  
*Elias propheta curru igneo in calum euectus, typus ascensionis Christi.* 263, a  
*currus eius igneus, typus Crucis Christi.* 263, a. b  
*Et sacrificium, typus Baptismi.* 456, d  
*Eliseus, typus Christi.* 264, b. 266, a  
*eius baculus, Crucis Christi typus.* 263, d. 264, a  
*Eman cum socijs maiorem Psalmorum partem composuit.* 308, a  
*Emmanuel nomen miraculosè in Cruce quadam aurea apparet.* 591, c  
*Eneph Deus Ægyptiorum.* 425, c. 503, b  
*Engaddi, qualis locus.* 319, d  
*entationem Latine significat.* ibid.  
*Ephres Ægyptiorum Rex obeliscos quosdam, qui modo Roma visuntur, excidendos curauit.* 464, a  
*Epidauri qui olim, nunc vocantur Ragusei.* 572, b  
*Epirotica Sibylla ex Thesprotia Epiri oriunda.* 370, d  
*Eputaphium Isidis.* 441, c  
*Equus, libertatis symbolum.* 390, b. c  
*Equina cauda in bellicis expeditionibus pro signo à Bulgaris deferri solita.* 628, c  
*Erophile Sibylla Cumana.* 368, a  
*Error hereticorum de S. Cruce blasphemus.* 574, b  
*Erythra cimitas, alias Stolar & Quiscum, à Turcis occupata, patria fuit Sibylla Erythrae.* 366, a  
*Erythra Sibylla. Vide, Sibylla Erythrae.*  
*Esdra post captiuitatem Babylonicam Hebraeorum characteres cur immutauerit.* 10, d  
*de Cruce & passione Domini prophetauit.* 283, c. d  
*Ethan cum socijs maiorem Psalmorum partem composuit.* 308, a  
*Ethnici crucifixorum cadauera auius discependa relinquebant.* 39, c  
*Ethnici orantes Crucem effingebant.* 144, a. b  
*in idolorum materia & forma Crucis item imagine vsi.* 490, b  
*eamque in vexillis militaribus nescientes adorabant.* 491, a. & seqq.  
*in idolorum adoratione Crucis osculo vsi.* 506, a. & seqq.  
*idolorum imagines in triuijs aut quadriuijs erigebant.* 587, a. b  
*symbolis & hieroglyphicis Cruces item nescij imprimebant.* 423, b. & seqq.  
*Christianorum Crucis signationem quid magicum esse suspicabantur.* 524, b  
*Ethnicorum Historicorum in Christianam religionem inuidia.* 531, c  
*Ethnicorum superstitiosi annuli, quibus putabant vitam prorogari, & iuuentutem retineri.* 589, c. d  
*Euagrius Hiparcus, præfectus Alexandria.* 482, a  
*Euangelia ab Euangelistis quatuor conscribenda, ab Isaia præuisa.* 345, b  
*Eucharistia consecratur, verbis Domini & signo Crucis.* 450, a  
*Eucharistia Corporali inuoluta, & ne in Barbarorum manus deueniret inter saxa abscondita, postea in sanguinem colore mutata deprehenditur.* 653, c. d  
*miraculis clara Darocam transfertur.* 654, a  
*in cuius memoriam facta est mira Crucis apparitio.* ibid. b  
*& ecclesia ibidem extructa.* ibid. d

*Euclates Philosophus annulo Cruce insignito, aduersus horrores quos demonum spectra illi incutiebant, confirmatur.* 598, b. c  
*Eudamus Philosophus annulos quosdam consicere solitus mira virtutis.* 599, a  
*Eudoxia Imperatricis Centones.* 376, b  
*Eudoxiana ecclesia in modum Crucis extructa.* 585, d  
*Euphemia martyr sub Diocletiano.* 564, d  
*Crucis virtute sanissima tormentorum genera superat.* 565, a. & seqq.  
*S. Eustachius ante Baptismum vocatus Placidus.* 619, d  
*ei Christus Cruci affixus apparuit inter cerui cornua.* ibid.  
*cum uxore & liberis sub Hadriano Imp. martyrio coronatur.* 619, d. 620  
*Exaltationis S. Crucis festum à S. Helena institutum.* 667, c  
*unde sic dictum.* 668, b. c  
*Ezechiel Propheta filius Buzi sacerdotis, & ipse Sacerdos fuit.* 343, c  
*eius nomen fortitudinem siue imperium Domini significat.* ibid.  
*visiones suas viginti annorum spatio scripsit.* ibid. d  
*quo anno ætatis predicare inceperit, & ubi.* ibid.  
*mysteria tractat altissima.* ibid.  
*eius librum non cuius legere licebat.* ibid.  
*eius in predicando & populum arguendo constantia.* 343, d. 344, a  
*ideoque à suis crudeliter interfectus.* 344, a  
*ubi sepultus.* ibid.  
*duos libros prophetiarum conscripsit.* ibid.  
*eius de sancta Cruce Prophetia.* 344, & seqq.

## F.

**F**ASCES cum securibus alligatis, quibus rei apud Romanos pledebantur, Crucis figuram referunt. 493, c  
*illorum vera forma.* ibid.  
*Fasciculus myrrha, Christus crucifixus.* 320, a. b  
*Fascinationes euerunt annuli ab Endamo Philosopho confecti.* 599, a  
*Fatum esse, Gentiles credebant.* 409, c  
*Fauisse Capitolina quæ.* 598, a  
*Favus Latinorum deus.* 399, c  
*Fel Christo propinatum, ab Habacuc prædictum.* 352, d  
*Felis Ægyptijs sacer.* 413, d. 433, d  
*in vrbe Rhadata præcipue cultus.* 433, d  
*hunc si quis volens necasset, morte luebat.* 413, d. 416, c  
*si vero nolens, multa arbitraria.* 416, c  
*quo luctu mortuum prosecuti, & ubi sepeliebant.* 416, c  
*Felis oculos attentè inspicere, noxium.* 433, b  
*ique ad solis conspectum hebescent.* ibid. c  
*Felis & solis sympathia.* 433, b  
*Femina quædam semimortua S. Crucis attactu sanatur.* 662, c  
*Femina etiam ab Ægyptijs crucifixa.* 31, a. b  
*Feretrum, in quo adolescens Naimita mortuus efferebatur, typus Crucis Christi.* 267, c  
*Feria sexta in Parasceue ab Apostolo Paulo Cruci dedicata.* 669, a  
*Feria sexta omnes à Constantino solemniter S. Cruci sacra declarata.* 668, d  
*Ferrum in aquas lapsum, & ab Eliseo Propheta ligno in easdem cuncto erutum, quid significet.* 265, d  

O o o 3

Fertili-



# INDEX RERVM

- Fertilitatis symbolum, papauer. 391, c  
Festum Fortis Fortuna ab otiosis celebrabatur. 503, d  
Festum Inventionis S. Crucis per antiquum esse, clarè ostenditur. 667, a  
in Ecclesia Latina praeipuum. 666, c  
Festum Exaltationis S. Crucis ab ipsa Helena institutum. 667, c  
unde sic appellatum. 668, b, c  
Festum in honorem S. Crucis varia instituta. 666, c, d. & seqq.  
Fides denotatur Crucis profunditate. 20, a 673, a  
Fides à Spiritu sancto, mediante Ecclesia, infunditur. 455, d  
Figura Crucis cur etiam in nouo Testamento data. 267, a  
ante verbum Christi Consummatum est, non cessarunt. ibid. a, b  
Figura hieroglyphica cur his libris de Cruce explicentur. 426, c  
Figura hieroglyphica, ignominia demonis. 385, a  
multum ad conversionem Gentilium contulere. ibid.  
Figura symbolica apud Aegyptios alia fuisse facie hominis, & corpore volucrum. 388, d. 389, a  
alia capite accipitris & corpore leonino. 434, b, c  
alia capite accipitris & corpore humano. 435, a  
alia item capite leonino & corpore humano. ibid. c  
haec & hisce similes pro idolis cultae. 389, b  
Figura symbolica urbium ac Legum conditoribus in usu. 386, c  
Moyse & Prophetis. ibid.  
ipsi Christo. ibid. d  
item Christianis. 391, c, d  
Flagella, quibus rei cadebantur, antiquitus ex funibus confecta. 73, c  
ea quandoque officulis quibusdam aut stellulis insitis fuisse exasperata. ibid.  
quibus Christus casus, ex loro fuisse probabilius. ibid. c, d  
Flagellis cadebantur morte damnati, & ubi. 73, d  
Flagellatio crucifixionem praeparabat. 72, d  
Flagellatio inhonestissima, & propria seruorum. 73, c  
Flagellatio Christi quantum commodi nobis praestiterit. 77, b  
ea in Sacris litteris variè praefigurata. 77, c, d.  
78, a, b. 299, b  
& à Sibyllis praedicta. 78, b  
Flores etiam nonnulli Crucis signo inscripti nascuntur. 160, b  
Flos quidam mirabilis in Peru repertus, Crucem, clauos, & reliqua Passionis instrumenta exhibet. ibid. c  
ubi potissimum nascatur. 160, d. 161, a. & seq.  
eius proluxa descriptio. 161, a, b. & seq.  
eius forma depicta. 162, b, c, d  
varia de eo testimonia. 163, a. & seq.  
Florum symbolum, Atys. 391, c  
Fluere dicuntur peccatores. 266, b  
Fluvius qui Paradisum irrigabat, sanguinis Christi in Cruce effusus typus. 177, c. 178, a. & seq.  
179, b, c  
cur in quatuor partes diuisus. 177, d  
quinam sint isti quatuor rivi. 178, d. 179, a, b  
Fluvius, in quem securis Propheta ceciderat, mundi voluptates significat. 266, a, b  
Foia noua ciuitas, olim Cuma. 367, d  
Fons vita Christus. 178, d. 179, c, d. 450, c. 457, d  
Fons lateris Christi à Prophetis praedictus. 455, a  
Fons baptismalis per Crucem consecratur. 450, a. 519, a, b  
Fontem Processo & Martiniano alijsque baptizandis, B. Petrus Apostolus, Crucis signo rupi impresso, excitauit. 532, c  
Fontes duodecim in Elim duodecim Apostolos praefignabant. 211, a. & seq. 212, b  
Foramina petra in Canticis, clauorum vulnera Christo in Cruce illata significant. 321, a  
Fortitudinis symbolum, leo. 390, b  
Fortuna & Virtutis elegans concertatio. 499. & seqq.  
Fortuna prius quam Virtuti templa Romani erexerunt. 500, b  
illius simulacra Crucis imagine illustrantur. ibid. c, d. & seqq.  
nummi eius & imagines explicatae. ibid.  
cur puteo insidens depicta. 501, a  
cur Crucem manu gestet. ibid. b  
cur globo innitatur. ibid. d  
cur dextrâ teneat nauis gubernaculum. 503, a  
cur capiat cornu sinistrâ. ibid.  
cur pennas habeat in capite. ibid.  
cur globus inter pennas depictus cum Cruce ibid. b  
Fortuna forti templum à Seruio Tullio exstructum. 503, c  
vini festum. ibid. d  
Fortuna aurea & regia quae. 504, a  
à Romanorum Regibus culta. ibid.  
Fortunam nullam Christiani, sed Dei providentiam agnoscimus. 504, c  
stultia Gentilium de ea opiniones. ibid. d. 505, a, b  
e quibus tamen nonnulli sapientiores eandem vilipenderunt. 505, c  
ob Fortune cultum Hebraei à Deo puniti. ibid. d  
Franciscus Alvarez Emmanuelis Lusitaniae Regis Cappellanus. 593, c  
Legatus ad Aethiopiae Regem, qui vulgò Presbyter Ioannes dicitur, missus. ibid. d  
eius Regis nomine solemnem obedientiam Summo Pontifici praestitit. ibid.  
Fraudes varia idolorum eorumque sacerdotum apud Gentiles. 481, a, b. 483, b, c. 484, d. 485, a  
ea à Theophilo Episcopo Alexandrino detectae. 481, a, b. 483, b, c  
atque hinc plurimi ad Christianam fidem conuerfi. ibid. b  
Fronti hominis signum Crucis insculptum. 141, b. & seq.  
eidem in Sacramento Confirmationis imprimitur, ne Crucem umquam erubescamus. 144, a. 143, b. 543, b  
Frontem Crucis signo munire, mos Christianorum antiquissimus. 525, c, d  
& Martyrum multorum exemplo probatus. 526, d  
Fructus terra ante solis creationem producti. 438, a  
Fructuum symbolum, Adonis. 391, c  
Funibus rei quandoque Crucibus alligati. 94, c  
Funiculus purpureus, quem Raab fenestra appendit, typus est Crucis Christi. 246, a, b  
Furti vindex acerbissimus, Alexander Seuerus. 47, a  
Fustigandi Cruci damnatos mos vetus. 72, d  
Fustigatio apud Romanos triplex. 73, a, b  
quo modo, quando, & quibus ea illata. ibid. & seqq.  
Fustuarium ad mortis supplicium, & ad castigationem à Romanis adhibitum. 73, a, b  
Futuri loco Praeteritum saepe in Sacris litteris usurpatur. 307, c



# IN LIBROS DE TRIVMPHANTI CRUCE.

G.

**G**ABINII de imaginibus Osiridis & Isis  
edictum. 406, b  
Galerazai, liber Rabbenu Haccados. 274, a  
recentioru Rabbiorum malitia suppressus. ibid. b  
Gallicanus dux exercitus Constantini. 643, d  
ei Constantinus filiam suam Constantiam despon-  
det. 643, d. 644, a  
ad expeditione Scythicam, missus obsideitur. 644, a  
voto emisso de Christianismo post victoriam ac-  
ceptando, virtute Crucis liberatur, & Scythas  
facit tributarios. ibid. b  
Gallina Christus comparatus. 294, a. 305, b  
Gallorum philosophi dicti Druide. 461, b  
Gallorum rustici idola sua per agros circumfere-  
bant. 569, b  
Garsias Eximini primus Rex Suprarbiensis. 651, a  
ei contra Mauros praliaturo Crux rubea supra  
viridem quercum calitus ostensa. ibid. b  
Maurorum acies profligant. ibid.  
insignia eius qua. 651, b. 652, a  
Gedeon cur tantum trecentos viros ad bellum ele-  
gerit. 12, b. c  
Gedeon figura Christi. 251, d. 252, c. 253, a  
eius virga, qua triticum excutiebat, typus Crucis  
Christi. ibid. b  
trecentis viris ingentem Madianitarum exerci-  
tum fudit. 252, c. d. 253, a. b  
Gemmata Cruces. Vide, Cruces gemmata.  
Gene, nota verecundia. 322, d. 323, a  
Generationis symbolum, puerulus. 390, b  
Generationes & corruptiones in his inferioribus un-  
de fiant. 129, d  
Gentura symbolum, spuma. 391, c  
Gens nulla, prater Iudeos, in Deum suum crudelis  
fuit. 360, c  
Gentiles cur Deus idolis seruire permiserit. 381, e  
verus Deus ab illis cognosci potuit, ac proinde de  
idololatria inexcusabiles. 382, b. 384, c  
a stellis omnia dependere arbitrabantur. 409, c  
in idolorum suorum materia & forma nescientes  
Cruce utebantur. 490, b  
in signis militaribus eandem adorabant. 491, a.  
& seqq.  
propter idololatrie abominationem, dracones &  
struthiones dici merebantur. 456, c  
Gentiles per bubonem designantur. 475, c. d  
item per ceruicem Crucis euidam in basilica Latera-  
nensi appictos. 624, b. c  
Gentiles quo pacto memoriam Crucis abolere conati  
sint. 660, b. & seqq.  
Gentilium conuersio ab Isaia predicta. 333, d.  
335, d. 456, a. b. c  
item a Christo. 384, b  
S. Joanni in Apocalypsi mystice ostensa. 453, d  
signis hieroglyphicis presignata. 475, c. d  
Gentilium in Christianos calumnia, quod asinum  
caput adorarent, a Marco Minutio Felice refu-  
tata. 419, b  
Gentilium error, nostra debet esse cautela. 428, b  
Gentilium sapienter dicta nequaquam aspernan-  
da. 427, c  
quomodo ea Catholicorum scriptis interseri pos-  
sint. 428, c. d  
Gentilium & Iudeorum coniunctio in hieroglyphico  
quodam prafignata. 431, a. & seqq.

Gentilium Dy. Vide, Dy Gentilium.  
Gentilium annuli superstitiosi quibus putabant vi-  
tam prorogari & iuuentutem retineri. 589, c. d  
Gentilibus quomodo Crucis mysterium adumbra-  
tum. 423, b  
Gentiles conuersos Crucis signo signabant Apostoli  
Petrus & Paulus. 530, b. 531, a. b  
Genuflexio Aegyptiorum in hieroglyphico quodam  
quid innuere videatur. 455, c. d  
S. Georgius martyr sancta Crucis virtute calcem ar-  
dentem superat. 527, c  
Glans, quatenus prima hominum dicatur fuisse esca.  
25, c. 26, a  
Glebasacra, locus in quo Sefostres mulieres comburi  
iussit. 459, d  
Globus in capite Fortuna quid significet. 503, b. c  
Globo cur Fortuna innuitur. 502, d  
Gloria Dei, salus hominum. 383, d. 384, a  
Gloriam priuatam religionis pretextu aucupaban-  
tur Aegyptij. 641, d  
Gloratio, nostra, Crux sancta. 512, c  
Gloriosa cur dicta Crux sancta. ibid.  
Glossa Rabbi Isue in cap. xxiv. Genesis. 475, c  
Glyceria Macarii Consul Rom. filia. 552, c  
Christianos in fide confirmat. ibid.  
Ioni sacrificare iubetur. ibid. d  
Crucē fronti impressam pro lampade habet. 553, a  
Crucis sancta virtute idola destruit. ibid.  
a populo lapidatur, nec tamen laeditur. ibid.  
varie cruciatur. ibid. b  
in ardentem fornacem coniecta illaesa egreditur.  
ibid.  
leanam mansuetam facit. ibid.  
martyrium subit. ibid. c  
eius vitam qui conscripserint. ibid.  
corpus illius Heracleam translatum. ibid. d  
unguentum, curandis infirmitatibus efficacissi-  
mum ex eius reliquijs defluit. ibid.  
Goliath typus diaboli. 258, a. b. 259, a  
Goropius Becanus historiam de Canopo ridet, sed  
fallitur. 446, a. b. c  
eius de Tau littera dissertatio. 441, c. d. 442, a.  
& seqq.  
GoZith, consistorium apud Iudeos. 275, b. c  
Graci mortuos suos nouem dies plangebant, & qua-  
re. 133, b  
Graci Crucis signum, quo se communiunt, quomodo  
formant. 611, c  
Graci Sanctorum imagines minoris dignitatis ad  
dexteram, maioris vero ad sinistra locabant. 611, b  
Gracorum leuitas a Sibylla reprehensa. 400, a. b  
Gracorum superstitionem iugiter Chrysostomus. 544, c  
Gracorum persecutio parum obsuit Christianis. 559, a  
Granathuris que Diaconus cereo Paschali infigit,  
vulnera Saluatoris designant. 207, d  
Gratiam Dei primam, neo hominum virtutes meren-  
tur, nec peccata arcent. 442, d  
Gratiarum dona per manuum impositionem & Cru-  
cem conferuntur. 450, a  
Gratiarum actio Theodosij ad Deum pro Alexan-  
drinorum conuersione. 486, c  
Gratitudo immoderata in Principes, idololatrias fecit  
Gentiles. 399, d  
Gratitudinis ergo quid Deo offerendum. 170, c. d  
Gregorius Armenia Episcopus Cruces in sepul-  
chris Martyrum collocavit. 580, c  
altaria ignea & in singulis Cruces ignea ei appa-  
ruerunt. 582, c  
Grego-



# INDEX RERVM

Gregorius Neocæs. Episc. unde appellatus Thaumaturgus. 566, c  
 Origenis fuit discipulus. ibid.  
 Crucis signo plurima operatur miracula. ibid.  
 Apollinis templum expurgat. ibid.  
 ei reuelatur martyrium Troadij. ibid. d  
 Gregorij Turonensis de forma Crucis Christi sententia. 22, c  
 Gregorius Turonensis virtute Crucis collo suo ap-  
 pense incendium extinguit. 592, b. c  
 Guisiorum insigne Crux Ierosolymitana. 657, b. c  
 Gymnasium hieroglyphicum illustre in templo Ca-  
 nopi. 444, b  
 Gymnosophista Indorum sapientes. 461, b

## H.

**H**ABACVC Propheta Latine Luctator dicitur. 352, a  
 ubi & quando vixerit. ibid.  
 fugit in Ostracinam. ibid.  
 ab Angelo raptus in Babyloniam ad Daniele-  
 m transfertur. ibid.  
 in patria honorifice sepelitur. ibid. b  
 eius de aduentu Christi, passione & S. Cruce Pro-  
 phetia. 352, c. & seqq.  
 Haccados Rabbenu auctor libri Galerazaiâ. 274, a  
 qui recentium Hebraeorum malitia suppres-  
 sus. ibid. b  
 eius de veri Messia nomine prophetia. ibid. a. b  
 rationem reddit cur Deus pœnam Iudeis inferen-  
 dam quadraginta annis distulerit. 282, a. b  
 Hadrianopolis olim dicta Philippopolis. 644, c  
 Hadrianus Primus, quando ad Pontificatum eue-  
 ctus. 612, c  
 ecclesiam S. Pudenticianæ in ruinis positam instau-  
 rauit. ibid. c. d  
 Hadriani Imp. temporibus Isaca sacra adhuc fre-  
 quentata. 407, a  
 & Iouis simulacrum in loco Resurrectionis, & Ve-  
 neris in monte Caluarie erectum. 660, c  
 Hadriani Imp. numismata Crucis figuram referen-  
 tia. 495, a. b  
 Hæresis Basilidis quæ. 516, a. b  
 Cerinthi quæ. 516, b. 517, a  
 Hæresis numquam exorta Rome. 521, a  
 Hæretici quidam, vtrum Christus clavis vel funi-  
 bus Cruci affixus fuerit, dubitant. 95, a  
 quidam Christum reuera crucifixum negant. 516, a. & seqq.  
 Hæretici ab Apostolo Paulo canes vocati. 517, a  
 & inimici Crucis Christi. ibid.  
 Cruce se signandi ritum criminantur & rident. 518, a. 574, b  
 à Tertulliano refutantur. 518, a  
 & discipuli Ethnicorum esse conuincuntur. 524, b  
 quomodo paulatim in errorum labyrinthum à  
 damone impellantur. 475, d  
 per bubonem designantur. 475, c. d  
 clauium D. Petri eiusq; legitimi successoris pictu-  
 ram cauillantes refelluntur. 611, d. 612, a  
 Christum Cruci affixum pingere aut sculperè, no-  
 num esse Papiſtarum inuentum asserentes, fal-  
 sitatis arguuntur. 620, a  
 S. Crucis cultum impugnantes, erroris conuin-  
 cuntur. 674, b  
 Hæreticorum persecutio maioris profectus & gloria  
 causa est Catholicis. 515, d  
 Hæreticorum interpretatio, de signo Filij hominis in

extremi Iudicij die in calo apparituro, refuta-  
 ta. 684, b. c  
 Harpocras, deus silentij Egyptijs. 403, c  
 cur Osiridi & Isis coniunctus. ibid.  
 antiquissimi eius simulacri typus. ibid. d  
 eiusdæ imago in scholis Aegyptiorum depicta. 447, a  
 Hasta qua Phinees Zambrim occidit, typus Crucis  
 Christi. 245, b  
 Hebrai ante captiuitatem Babylonicam diuersis ab  
 ijs quibus modò, vsi sunt characteribus. 10, d  
 Esdras eos immutauit, & quare. ibid.  
 Crucis supplicium apud eos frequentissimum. 28, d  
 idque ex Sacris probatur literis. 29, a. & seqq.  
 cur mortuos suos septem dies lugeant. 132, d. 133, a  
 in Iudicij die videbunt & agnoscent quem cru-  
 cifixerunt. 358, a  
 eorum tunc planctus qualis futurus. ibid. a. b  
 vsi sunt olim symbolis quæ ex verbis constabant. 387, b  
 memores bonis idoli Aegyptiorum, vitulum au-  
 reum conſaſſe putantur. 415, d  
 ob Fortune cultum à Deo puniti. 505, d. 506, a  
 annulos in arrham tradere soliti. 595, d  
 lege vetabantur quidquam ex Gentium idolis ca-  
 pere. 600, b  
 S. Helena post Constantinum filium ad fidem con-  
 uersa. 658, c. d  
 ad Crucem perquirendâ diuinitus impulsâ. 658, b  
 quando eam inuenerit. 658, c. d. 659  
 ubi, quomodo, & cuius ope. 660, d. 661  
 quibus miraculis eam agnouerit. 662, a. b. c  
 maiore S. Crucis parte Ierosolymis relicta, reli-  
 quam partem filio suo Constantino Imp. trans-  
 misit. 663, c  
 Festum Exaltationis S. Crucis instituit. 667, c  
 Helissa Sibylla. 370, a  
 Hellespontica Sibylla. 369, d  
 Hemispheriorum symbolum, duo canes. 390, c  
 Henricus Caëtanus Cardinalis ecclesia S. Pudenticianæ restaurator. 612, b  
 Herbam in aurum conuertit signo Crucis S. Ioannes  
 Apostolus. 536, a  
 Hermes Trismegistus. Vide, Mercurius Trisme-  
 gistus.  
 Hetruscorum lege cautum antiquitus, ne sponsus  
 quidquam sponsæ daret, nève ab illa quidquam  
 acciperet. 595, b  
 Hieroglyphicum quidnam sit. 392, b. c  
 à Symbolo qui differat. ibid. b  
 Hieroglyphicarum litterarum varia genera. 393, a. b  
 primus earum inuentor quis. 394, a  
 in templo Canopi gymnasium fuit celeberrimum  
 in quo eadem littera docerentur. 444, b  
 Hieroglyphica figura quo sine ab Auctore explicen-  
 tur. 426, c  
 Hieroglyphica figura Crucis imagine insignita, dia-  
 bolum confuderunt. 385, a. 424, a  
 Gentilium conuersione promouerunt. 385, a. 486, a  
 Hieroglyphicum quoddam eximium, in quo non tan-  
 tum Crux, sed eius adoratio quodammodò expri-  
 mitur, & Sacramenta à Christo instituta,  
 signo Crucis in Ecclesia peragenda, forſan pre-  
 signantur. 449, a. & seqq.  
 Hieroglyphicum Crucis & nominis Christi à Chri-  
 stianis variè depictum. 629, & seqq.  
 Hieroglyphica A & Ω Christi nominis nota addi so-  
 lita quid ſignent. 631, b. c  
 Hieronymus D. Augustino, quòd non omnes Psalmi à  
 Dauide



# IN LIBROS DE TRIUMPHANTI CRUCE.

7.

Dauide conscripti sint, ad stipulatur. 308, a  
 Virgilium nihil minus cogitantem quadam scri-  
 pisse, quæ soli Christo adaptari possunt, osten-  
 dit. 377, d  
 Hieronymi de Agnere de miro quodam flore Perua-  
 no, quem Florem quinque Christi vulnerum  
 vocant, testimonium. 163, d. 164, a  
 item de alio, cuius medulla concisa Crucifixi ima-  
 ginem prodit. 164, d  
 Hilarion Eremita signo S. Crucis diabolicas superat,  
 prestigias. 571, d. 572, a  
 & mare exundans sistit. 572, b  
 Hilarius Papa in honorem S. Crucis oratorium ex-  
 truxit. 609, c  
 eidem Crucem auream gemmis illustratam dona-  
 uit. ibid.  
 quando sederit. 666, b  
 Hilduinus Abbas Acta Dionysij Arcopagita con-  
 scripsit. 533, a  
 Hispani Mauros superant, Cruce calitis appa-  
 rente. 651, b. 652, b  
 Historicorum Ethnorum in Christianam religio-  
 nem odium. 531, c  
 Homocentra, opus Eudæxiæ Imperatricis. 376, b  
 Homerus quadam de Christo scripsisse putatur.  
 375, a. b. 376, b  
 Homo multisiformiter Cruce insignitus. 141, a. & seqq.  
 præcipue in facie. 144, a. b. 142, a. b  
 quid inde discat. 142, b. 143, a  
 Homo in iuuentute coercendus. 447, b  
 Hominum cecitas opera manuum suarum adorant-  
 ium. 3, a  
 Hominum salus Deo maximè cura. 383, d  
 imò ipsa Dei diuitia. 383, d. 384, a  
 de primo Hominum ortu varia Ethnorum opi-  
 niones. 396, a. & seqq.  
 Hominum illustrium statua & imagines pro dys-  
 culta. 399, b  
 Honor parentibus exhibendus iuxta Dei præceptum  
 in quo consistat. 285, a  
 Horoscopi stellæ. 402, a  
 Humana vite breuitas. 289, a. b  
 Humanitas Christi per vituli carnem & pellem cre-  
 matas signabatur. 222, d  
 Humanitas Christi limus profundi appellatur. 303, a  
 item Regis purpura. 325, b  
 Hyacinthus flos qualis. 323, d  
 de eo Gentilium fabule explose. 324, a. b  
 Hyacinthis plena Christo crucifixi manus cur di-  
 cantur. 323, c. d  
 Hyacinthi passionis Dominica tempore potissimum  
 nascentes, eam quodammodo lamentari viden-  
 tur. 324, c. d  
 Hydaspes fluminis ab Hystaspe Medorum Rege no-  
 minatur. 362, b. c  
 Hymni, Vexilla Regis prodeunt, versculus Re-  
 gnauit à ligno Deus, aduersus Lyranum  
 assertus. 307, d  
 eius Hymni auctor S. Ambrosius, vel Sedulius.  
 ibid.  
 secundum alios Theodolus. ibid.  
 Hyssopus, cui spongiam aceto plenam circumposue-  
 runt Iudæi, humilitatem Christi significat. 106, a. b.  
 & seqq. 261, c  
 Hystaspes Medorum Rex, inter Persarum Magos  
 clarissimus, multa de Christo prædixit. 362, b  
 ab eo nominatur fluminis Hydaspes. ibid. c  
 eius librorum lectio Gentilibus interdicta. 374, d

IACOB Patriarcha filijs Ioseph benedicens trans-  
 uaricatione manuum Crucem Christi præsigna-  
 uit. 200, a. & seqq.  
 & figuram Sacramenti Confirmationis exhi-  
 buit. ibid. b  
 an summitatem virge Ioseph adorarit. 200, c. d  
 eiusdem de Christo eiusque passione Prophetia.  
 273, a. & seqq.  
 Iacobus Apostolus signo Crucis paralyticum sanat.  
 534, c  
 Iacobus Iuliani Eremita discipulus immanem quem-  
 dam draconem signo Crucis à Iuliano interem-  
 ptum in via offendit. 572, d  
 Iacobus I. Aragonum Rex quando regnauerit.  
 652, d. 653, a  
 Buriæ oppidum ab eo expugnatum. 652, d  
 & Mauri virtute S. Eucharistia superati. 653, b  
 Iabel, Ecclesie typus. 250, a. b. c. d  
 Iaphet & Sem patris nuditatem regentes, Iudæos &  
 Gentiles credentes præfigurant. 186, b  
 Iarchas Brachmanorum Sapientum princeps annu-  
 lis Apollonium Tyanicum donauit. 598, d  
 Ibis lunæ symbolum. 390, c  
 ab Aegyptijs colitur. 417, a  
 Ichneumon Aegyptijs sacer. 413, c  
 Idanthura Regis Scytharum symbolica imagines  
 ad Darium missæ. 391, b  
 Idida dictus Salomon. 318, a  
 dilectus Domini interpretatur. ibid. b  
 Idithun cum socijs maiorem Psalmorum partem  
 composuit. 308, a  
 Idololatra primi, Chananæi. 397, c  
 Idololatrarum sacerdotum fraudes à Theophilo Epi-  
 scopo Alexandrino detectæ, multorum Gentilium  
 conuersionis causa fuerunt. 481, b  
 Idololatria, spiritalis fornicatio. 329, d  
 Idololatria quomodo in mundum inuecta. 397, b. c. d  
 398, a. b  
 Idololatria Aegyptiorum totum impleuit mun-  
 dum. 478, b  
 quando penitus sublata. 480, b  
 Idololatriam extinctam Iulianus Apostata reuo-  
 cat. 480, c  
 Idololatriâ prior veri Dei cultus. 397, a. 398, a  
 Idololum Astaroth diabolus ipse destruit, D. Bartho-  
 lomæi mandato obtemperans. 538, c. d  
 Idoli cuiusdam Aegyptij litteram T Crucis figu-  
 ram dextrâ gestantis singulare exemplar. 424, b.  
 & seqq.  
 Idoli Serapidis quæ origo. 487, b. c. & seqq.  
 Idola inhabitare cur diabolo à Deo concessum. 424, a  
 Idola à Gentilibus Crucis osculo salutata. 506, a. b  
 Idolorum Aegyptiacarum simulacra Christi in  
 Aegyptum aduentu corrumpere. 478, d. 479, a. b  
 idipsum ab Isaia prædictum. 478, b. c  
 Idolorum destructionem prædixerunt etiam ipsi ido-  
 llatra. 479, c  
 Idolorum cultus virtute S. Crucis sublatus. 548, a  
 Idolorum templa Theodosius diruit. 481, a  
 Iehoua, Dei nomen est proprium. 224, d. 225, a  
 illud Iudæi Sacerdotes, dum benedicebant po-  
 pulo, non ore tantum, sed etiam manus quadam  
 adaptatione exprimebant. 224, c. d  
 sancti eiusdem nominis mysteria explicata. 225, b.  
 & seqq.

Jeremias



# INDEX RERVM

- Jeremias* Propheta filius *Helcia* sacerdotis. 341, b  
in utero matris sanctificatus. ibid.  
ab improbis, dum liberiùs ipsos carpit, sæpè malè  
exceptus, & tandem lapidibus obrutus. ibid. d  
ob serpentes à *Taphno* ciuitate abactos, *Egyptios*  
que ab eorum infestatione liberatos, sepul-  
chrum eius ab *Egyptijs* veneratur. ibid.  
à quibusdam existimatur viuere; & ad predi-  
candum contra *Antichristum* reuersurus.  
342, a  
*Ierosolyma* prodigiosa tempestate & terribili ter-  
ramotu concussa. 647, d. 648, a  
*Ierosolymis* *Crux* in aëre visa tempore *Constantij*.  
645, c. d  
alia tempore *Iuliani Apostate*. 648, c. d  
alia in *Hebraeorum* & *Christianorum* vestibus, in  
mappis & altarium ornamentis, & ecclesia-  
rum libris ibidem apparent. 648, b. c  
*Ierosolymis* ter in anno pars *S. Crucis* solemniter  
ostensa. 664, c  
*IESV* nomen *Cumana Sibylla*, numeris *Græcarum*  
litterarum quibus conscribitur, expressit. 368, c.  
& seqq.  
*Iesu* nomē inuocatū diaboli prastigias dissipat. 572, a  
*Iesum* à *Christo* diuisit *Cerinthus*. 516, b  
*S. Ignatius* tertius post *D. Petrum Antiochenis*  
*Episcopus*. 529, b  
*Epistolas*, iam martyrio coronandus ad diuersas  
scripsit *Ecclesias*. ibid.  
*Constitutionum Apostolicarum* vel ipso auctor  
fuit, vel saltem eas legit & approbavit. ibid.  
*Ignis* in *Sacris* litteris sæpè iram *Dei* significat. 202, a  
*Ignis Persarum* & *Chaldaeorum* deus. 444, c. 445, a  
aliarum Gentium deos superat. 445, a  
à *Canopo* sacerdotis astu vincitur. ibid.  
*Imago Christi* gemmatam *Crucem* manu gestantis.  
608, d  
*Imago S. Crucis*, quos *Christi* passio produxit effectus,  
representat. 673, b  
*Imaginis* honos transit ad prototypum. 681, b. c  
*Imaginis* & prototypi idem est cultus, sed analo-  
gicè. 683, b  
*Imaginem* *Crucis* vsi *Ethnici* nescientes. 490, b  
*Imagines* miraculosè in aurea quadam *Cruce* appa-  
ruere. 591, c  
*Imagines* materialiter considerata non sunt vene-  
rande aut adoranda. 681, b. c  
formaliter verò considerata, eodem honore & reue-  
rentia afficienda qua res signata. ibid.  
*Imagines* cum *Moyse* fieri prohibuerit, cur ser-  
pentem anem conflat. 239, a. & seqq.  
*Imaginem* *Isidis* soli conspiciebant sacerdotes. 439, d.  
440, a  
*Imagines* *Harpocratis* & *Canopi* in scholis *Egy-  
ptiorum* depictæ. 447, a  
*Imagines* *Fortuna* in varijs *Imp.* nummis. 500, d.  
501, a. & seqq.  
*Imagines* *Heroum* aut maiorum suorum pale annu-  
lorum in sculptas circumferebant *Romani*. 596, a  
*Imagines* symbolica. Vide, *Figura symbolica*.  
*Imagines* inferi apud *Romanos* qui. 497, a. 633, a  
*Immundi* non permittuntur gestare nec osculari  
*Crucis*. 593, a  
*Imperatores* sacris *Isiacis* initiati. 406, d. 407, a. b  
*Inarus* Rex ab *Artaxerxe* crucifixus. 30, d  
*Incarnationis* futura mysterium *Angelis* abscondi-  
tum. 423, a  
*Incendium* à *S. Gregorio Turonensi* extinctum.  
virtute *Crucis* collo eius appensa. 592, b. c  
*Indes* sub quo & ubi passus. 590, c  
eius pia suppellex, *Crux* & *Actuum Apostolorum*  
liber. ibid. d  
*Indiarum* Rex cum fratre suo à *B. Thoma Apostolo*  
conuersus & baptizatus. 537, b. c  
*Indi* manè surgentes salutatione solem salutant. 506, b  
*Indorum* persecutio parum obfuit *Christianis*. 559, a  
*Indorum* sapientes dicti *Gymnosophistæ*. 461, b  
in *Indorum* templis ab antiquissimis temporibus  
*Crucis*, certissima *Christiana* religionis vestigia.  
578, b  
*Infantium* frontes prisci *Christiani* argillâ illinie-  
bant, putantes eam aduersus veneficia va-  
lere. 544, c  
hanc superstitionem insectatur *Chrysostomus*, &  
infantes *Cruce* signandos monet. ibid. d  
*Ingenij* solertis symbolum, *phinx*. 390, b. c  
*Ingratitudo* *Licini* clandestina coniuratione in per-  
sonam *Constantini* conspirantis. 642, c  
*Innicus* *Arista Suprabienis* Rex quintus. 652, b  
*Crucis* sibi calitus ostensa animatus hostes profligat.  
ibid.  
quando ad *Regnum* peruenerit. 652, c  
eius insignia. ibid. b. c  
*Innocentia* matrona *Carthaginensis* virtute *S. Cru-  
cis* à carcinomate liberatur. 574, a  
*Innocentij* *Papæ III.* de *Crucis* forma sententia. 23, a  
*Inobedientia* *Adami*, *Christi* obedientiâ instaura-  
ta. 51, b. c. d  
*Inscriptio* arcus triumphalis *Constantino* ob *Ma-  
xentium* superatum dicati. 640, b. c  
cur in ea nulla fiat *S. Crucis* mentio. ibid. c  
*Inscriptiones* antiquæ cum nominis *Christi* & *Crucis*  
hieroglyphico. 629, & seqq.  
*Instrumenta* illusionis in passione *Christi* tria. 90, b  
quid moraliter significant. ibid.  
*Interitus* symbolum, senex. 390, b  
*Inuentionis* *S. Crucis* festum maximè solemne in *Ec-  
clesia Latina*. 666, c. d  
per antiquum esse ostenditur. 667, a  
*S. Ioannes Apostolus* *Crucis* signo herbam in au-  
rum, & saxa in gemmas conuertit. 530, a  
hoc eodem munitus calicem veneno plenum illatus  
ebibit. ibid. b  
duos veneni haustu necatos ad vitam reuocat. ibid.  
sepulchrum ingressus se *Crucis* signat. ibid. c. d  
brachia sua in *Crucis* formam extendens & orans  
moritur. 237, a  
ex eius sepulchro diu manna quoddam scat-  
rit. ibid.  
cur moriturus ad *Crucis* formam iacere volue-  
rit. ibid.  
*Ioannes* cum *Vrbano* *Papæ* & alijs quibusdam mar-  
tyrio coronandus *Crucis* signo se munit. 527, d  
*Ioannes* & *Paulus* cum *Gallicano* ad expeditionem  
*Scythicam* profecti. 644, a  
horum consilio *Gallicanus* *Philippopoli* obsessus li-  
beratur, & *Scythas* reddit tributarios ibid. a. b  
*S. Ioannis Baptiste* dextra, victa *Constantinopoli*, in  
*Mahumetis II.* *Turcarum* *Imp.* potestatem  
reducta est. 119, a. b  
deinde à *Baiazet* *Mahumetis F.* *Militia* *Ieroso-  
lymitana* *Magno Magistro* dono transmissa,  
in insula *Melita* honorificè asservatur. ibid. c  
*Joannis Chrysostomi* in *Cainum* fratricidam exclamatio.  
180, d. 181, a  
eiusdem de antiquo in *Ecclesia* signo *Crucis*  
se si-



# IN LIBROS DE TRIVMPHANTI CRUCE.

- se signandi more testimonia. 530,d  
*Ioannis Osorij de flore Peruano, quem quinque Christi vulnerum appellant, testimonium.* 163,a  
 eiusdem aliud de fructu quodam item Peruano, qui concisus non Crucem tantum, sed Crucifixi imaginem representat. 164,d  
*Iob Propheta patria & parentes.* 285,d. 286,a  
 eius eximia virtutes. *ibid.* b. & seqq.  
*Dux & Princeps prouincia sua fuit iustissimus & piissimus.* 287,a. b  
 eius liber semper in pretio habitus. 285,d. 287,c  
 ab ipso, an ab amicis eius scriptus, dubitatur. 287,c  
 à Moyse in Hebraum translatus est. *ibid.* d  
 ab Hieronymo in Latinum versus. *ibid.*  
 certis diebus in Ecclesijs legi solitus. 288,a  
 nomen Iob dolentem & magnum significat. *ibid.* b  
 typus fuit Christi. *ibid.*  
 Crucem & passionem Christi prophetauit. *ibid.* c.  
 & seqq.  
 ex eius verbis clarè ostenditur, Sciaddai esse verum Messia nomen. 229,a  
*Ioël Propheta filius Phatuel.* 350,c  
 viriusque nomen interpretatum. *ibid.*  
 quo tempore vixerit. *ibid.* d  
 Christi mysteria & Crucis eius fructum prænuntiavit. *ibid.*  
*Iosephus quidam Hebraus, à Christo in somnijs admonitus, & à morbo sanatus, nihilominus in Iudaismo perseuerat.* 567,c  
 denuò à Christo frustra admonetur. *ibid.* d  
 tertio à Christo admonitus, & miraculum per signum Crucis facere permissus, nondum credit. 568,a  
 ab Hebraorum Patriarcha Apostolatus dignitas ei confertur. *ibid.*  
 Euangeliorum librum à quodam Episcopo mutuo sumit, eumque cum fructu perlegit. *ibid.* b  
 Sacerdotes & Lenitas ab officio remouet. *ibid.*  
 ab iisdem male malètur, & in carcerem conijcitur, sed ope eiusdem Episcopi eripitur. *ibid.* c  
 in Cydnum fluium proiectus, incolumis euadit. *ibid.*  
 de suscipienda Christiana Religione demum cogitat. *ibid.*  
 ad Constantinum Imp. proficiscitur. *ibid.*  
 ab eodem Comitis titulo honoratur. *ibid.*  
 Ecclesias ut sibi liceret construere impetrat. *ibid.* d  
 signo Crucis incantamenta diaboli soluit. 569,a  
*Ioseph Patriarcha à Iulio Firmico putatur Serapis.* 488  
 & idolum Serapidis simulacrum esse, quod ei iam mortuo in grati animi signum exererat Egyptij à fame & morte industria eius septennio seruati. 487,d. 488,a. & seqq.  
 eius annulus, typus Crucis Christi. 199,c. d  
*Iosias Lemita Hebraus ab Apostolo Iacobo conuersus.* 534,b  
*Iota & apex, quæ in Euangelio non transitura dicuntur, quomodo Crucis Christi figura.* 268,d  
*Iouis simulacrum à Gentilibus in loco Resurrectionis erectum, & quare.* 660,c  
*Ioni figuram laterum duodecim affungebant Pythagorici.* 134,c  
*Iouinianus, Iuliani Apostata constitutionibus abrogatis, idolorum cultum penitus suppressit.* 480,d  
*Ira Dei in Sacris litteris per ignem describitur.* 202,a  
*Irenæi militis filius cæcus signo Crucis à S. Apollinare illuminatur.* 549,d. 550,a  
*Iris post imbres serenitatis indicium.* 648,d  
*Iridis corona in calo Crucem circumdans, futuram Ecclesia tranquillitatem præsignauit.* *ibid.*  
*Isaac iam immolandus ligna portans, typus Christi Crucem barulantis.* 192,c. 193,a. b. 194,a. & seqq.  
 qui typus etiam antiquis Iudaorum Rabbini notus. 196,b  
 idem è sacrificio dimissus Christi diuinitatem designat. 193,a. 195,c  
 pia & elegans eius cum Christo cõparatio. 193,c. d  
*Isaias Propheta filius Amos viri nobilissimi.* 330,d  
 nomen eius salutem Domini significat. *ibid.*  
 socer fuit Regis Manasse. *ibid.*  
 vixit tempore Numæ Pompilij. *ibid.*  
 eius sanctitas & vita austeritas. *ibid.*  
 sua intercessione Ezechia vitam prolõganit. 331,a  
 à Patribus Euangelista potius quam Propheta vocatus. *ibid.*  
 ad eius prophetiarum lectionem Ambrosius Augustinum hortatur. *ibid.* b  
 eius martyrium. *ibid.* c  
 eius de Christi passione & Cruce Prophetia. 166,c. d. 331,b. c. d. 332. & seqq.  
 conuersionem Gentilium præuidit. 456,a. b. c  
*Isata sacra qualia.* 404,c  
 sæpè Romæ proscripta, sæpè iterum introducta. 406,b. & seqq.  
*Isidorus Allegoriarum explicator doctissimus.* 217,a  
*Isis præcipua Egyptiorum dea.* 399,c. 402,c. d  
 varia & inanes de ea Auctorum opiniones & fabula. 403,a. & seqq.  
 varijs nominibus appellata. 407,c  
 unde à Plutarcho dicta Murionymos. *ibid.*  
 triticum & hordeum inuenisse traditur. 407,d.  
 439,c  
 & proinde diuino cultu affecta. 439,d  
 prima legum inuentrix fingitur. *ibid.*  
 eius sepulchrum Nise in Arabia esse dicitur. 441,b  
 eiusdem epitaphium. *ibid.* c  
*Isidis imaginem solis sacerdotibus aspicere fas erat.* 439,d. 440,a  
 Isidis sistrum manu tenentis effigies è numismate expressa. 405,c. d  
 eiusdem imagines è tabula Egyptiaca depromptæ. 440,b. & seqq.  
 Isidis figura hieroglyphica explicata. 439, & seqq.  
 Isidis templum Romæ Tiberij temporibus dirutum, eiusque simulacrum in Tiberim proiectum. 406,c  
 Isidis Aedituos Tiberius Cruci affixit. 32,a  
*Israëlitæ vitulum aureum confluxerunt, memores bonis idoli Egyptiorum.* 415,d  
 Israëlitica castra ad formam Crucis instrui solent. 586,c  
 Italia ante subactam Egyptum obeliscos ignorabat. 462,a  
 Judas proditor à Dauide Propheta os peccatoris & os dolosi appellatur. 310,a  
 Iudas quidam Hebraus Crucis locum S. Helena detegit. 661,a  
 is post Baptismum Quiriacus vocatus. *ibid.*  
 deinde creatus Ierosolymorum Episcopus, martyrio coronatur. *ibid.* b  
 Iudei quos arbitrentur signo Tau apud Ezechielem signatos. 10,a  
 signum illud quod Angelus frontibus seruandorum apud Ezechielem impressit, Tau litteram fuisse negant. 14,d. 15,a  
 quomodo vocem SILO cap. XLIX. Genesis explicet. 274,b. c. 275,a. b  
 sed



# INDEX RERVM

sed refelluntur, 274, c. d. 275, b  
 ab illis, usque ad Christum, sceptrum nunquam  
 ablatum fuisse ostenditur. 275, d  
 quomodo de suo exilio Prophetias eleuare conen-  
 unt. 281, d. 282, a  
 à Psalmista David vocantur inimici, & quare. 293, d. 294, a  
 diuinam Scripturam corruerunt. 284, a. 297, a.  
 307, b  
 per canes in Psalmis intelliguntur. 302, d  
 soli in Deum suum crudeles. 36, c  
 in Iudicij die, quem in Crucem egerint, videbunt,  
 & plorabunt. 358, a  
 eorum planctus qualis tum futurus. ibid. a. b  
 ob Fortune cultum à Deo puniti. 505, d. 506, a  
 ad templi Ierosolymorum reedificationem à Iulia-  
 no instigati, maximis prodigijs impediuntur.  
 647, c. d. 648, a. b  
 Iudaorum duo millia Varus crucifixit. 38, a  
 infinitum itidem numerum Tuus. ibid. b  
 summa eorum calamitas, obsidente ipso Tito. ibid.  
 iure meritisimo Crucis supplicium ijs illatum.  
 ibid. c. d  
 Iudaorum Sacerdotes dum populo benedicerent,  
 Crucis formam nescientes exprimebant. 224, b.  
 & seqq.  
 Iudaorum per orbem terrarum dispersio & calami-  
 tas. 229, d. 281, c  
 hanc Deus Salomoni predixit. 281, a. & seqq.  
 eius causa non intestinalites, sed quod Christum  
 crucifixerint. 282, a  
 Iudaorum reprobi. t. o ab Amos Propheta predicta.  
 282, c  
 pernicacia ab Isaiâ prænisa. 339, d  
 cecitas à Sibyllis prænuntiata. 371, d  
 Iudaorum in Herodem ob erecta trophæa seditio.  
 494, a  
 Iudaorum in Christianum quemdam ex Iudæo fa-  
 ctum incantamenta. 568, d. 569, a  
 Iudæis Crux est scandalum. 340, a. b  
 Iudæos in Christum non credituros, à Moysæ præ-  
 dictum. 278, d. 279, a. & seqq.  
 nullum ex passione Christi percepturos fructum,  
 prophetauit Aggaus. 356, b  
 Iudicibus Christianis triplex Crux ferenda. 138, a  
 Iudicij extremi dies à Sibylla Erythraea predictus.  
 366, d. 367, a. & seqq.  
 Iudiciorum Dei altitudo humano ingenio incompre-  
 hensibilis. 381, c. d  
 Iudiciaria Astrologia ex præcipuis Ægyptiorum  
 scientijs. 461, a  
 Iugum Christi & iugum mundi inter se comparata.  
 232, a. & seqq.  
 Iuliana virgo signo S. Crucis munita, in medijs igni-  
 bus non adurit. 561, b  
 S. Iulianus, Cruce in fronte efformatâ, idola euertit.  
 527, a  
 Iulianus Eremita Crucis virtute draconem inter-  
 imit. 572, c. d  
 Iulianus Apostata idololatriam extinctam reuo-  
 cat. 480, c  
 ne milites coronam martyrij accipiant, à morte  
 absoluit. 522, a  
 terribilissima diaboli signo Crucis à se repellit.  
 570, a. b  
 Christi nomen & Crucis imaginem è labaro tollit.  
 633, b. c  
 Constantio in Imperio succedit. 646, d

ad quod eneclms, sprete Religione Christiana, idolo-  
 latricam amplectitur. 647, a  
 varijs prodigijs à Deo monetur. 647, a. b. c  
 in vèstemptis eiusque comitum Cruces cælitus  
 decidunt. ibid. b  
 idolis sacrificanti Crucis signum corona redimi-  
 tum in visceribus victimarum apparet. 647, c  
 Iudæos ad templi reedificationem instigat, & qua-  
 re. ibid.  
 eius Imperium breue futurum, varijs prodigijs  
 significatur. 647, b. 648, d  
 ubi & quando vitam finierit. 648, c  
 Iulius Firmicus Maternus Physicas idololatriæ ra-  
 tiones à Porphyrio allatas refutat. 420, b. c  
 Iupiter à quibus coli tamquam deus primum  
 coepit. 400, a  
 post deuictos Titanas corona redimitus fingi-  
 tur. 599, d  
 Iuramentum taciturnitatis à suis discipulis Orpheus  
 exigebat. 393, a  
 Iurisiurandi ritus antiquus qualis apud Christi-  
 nos. 507, c  
 Iustina virgo Antiochena ambitur atque infestatur  
 ab Aglaide. 562, c  
 quem signo Crucis repellit. ibid. d  
 eodem aduersus diabolicas tentationes à Cypriano  
 mago excitatus se armat, & vincit. 563, c  
 Iustinianus Imp. templum aut oratorium edificari  
 vetuit, nisi prius ciuitatis Episcopus Crucem in  
 loco defixisset. 577, c  
 Iustiniani Genuenses quando à Turca insula Chios  
 dominio priuati. 655, c  
 Iustinus Martyr plurima SS. Bibliorum loca ab  
 Hebræorum Rabbis deprauata & sublata  
 fuisse affirmat. 284, b. c. 307, b  
 eius de Sibylla Cumæa testimonium. 364, b  
 Iustitia & misericordia, manus Dei. 311, b  
 Iustitia sua Deus rariùs quàm misericordia vitur.  
 ibid.  
 Iustitia Sol, solis pñs oritur. 361, a  
 Iustus ab Amos Propheta dicitur Christus. 282, d  
 Iusti per oues Cruci cuiusdam in basilica Lateranensi  
 appictas designantur. 624, c. d  
 Iustorum mors, typus sanguinis Christi. 452, a  
 Iuuenes quinquaginta à Constantino electi, quibus  
 gestandi & custodiendi labari curam inmi-  
 nit. 635, b  
 quo honore ab eodem affecti. ibid.  
 Iuuentutis florem & robur quomodo ad vitæ exitum  
 retinuerit Apollonius Tjaneus. 598, d. 599, a

K.

KYRIOGLYPHICA quæ fuerit, haud satis  
 certum. 393, d  
 Κρυπταί quæ. 390, e

L.

LABARVM, præcipuum Romanorum exerci-  
 tum vexillum. 632, c  
 ante Imperatorem ut plurimum deferri soli-  
 tum. ibid.  
 unde dictum. 633, b  
 Labarum exercitus Constantini quale fuerit. 627, c. d  
 eius effigies. 628, a  
 Labarum Imperatorum quomodo ab alijs legionum  
 labaris distinctum. 635, a  
 Labarum



# IN LIBROS DE TRIVMPHANTI CRUCE.

- Labarum Crucis signo insignitum hostes fugat.* 642, a  
*Labari forma quandoque nonnihil mutata.* 631, d.  
 632, a  
*Labari nomen an etiam ante tempora Constantini notum?* 632, d  
*Labari custodes & gestatores quo honore à Constantino affecti.* 496, a. 635, b  
*Labari gestatores in praelijs miraculo defensi, & ab omni calamitate praeservati.* 635, c. d. 636, a. 642, b  
*Labara in Romanorum exercitu plura fuisse videntur.* 634, b. d  
*in Constantini verò unicum.* ibid. c  
*Lactantius Firmianus tempore Constantini floruit.* 620, d  
*Lactanti, cur Christus in Cruce mori voluerit, triplex ratio.* 52, d  
*Lampade Christus in libro Iob adumbratus.* 289, b  
*Lana purpurei coloris qua Moyses in aspersione populi utebatur, Christum designat.* 451, b  
*Lancea latus Christi crucifixi transfixum.* 114, c  
*similiter aliorum Martyrum.* 115, a. b  
*qui mos etiam nunc Japonensibus in usu.* ibid. b  
*Lancea sacra cum ceteris passionis Christi instrumentis, in sepulcro eius recondita.* 117, c  
*ab Helena inuenta.* ibid. d  
*Ierusalem diu asseruata.* ibid.  
*Antiochia tandem iterum reperta.* 118, a  
*eiusque beneficio ipsa urbs ab obsidione liberata.* ibid. c. d  
*delata deinde ad Imperatorem Constantinopolitanum, qui ferri eius aciem lima sectam, Regi Francorum donauit.* 119, a  
*in Mahumetis II. victa Constantinopoli potestatem deuenit.* ibid. a. b  
*à Baiazet Mahumetis F. Innocentio Papa VIII. dono transmissa.* ibid. c. d  
*solemniter ab eodem Pontifice recepta & culta.* ibid. d. & 120, a. & seqq.  
*germanus ferri sancta lancea typus & figura.* 121  
*eiusdem sacra lancea veritas insigni miraculo asseruit.* ibid. e. & seqq.  
*eius cuspidis Venetis olim à Balduino II. Imp. Constantinop. oppignerata.* 122, c  
*& in Gallias à S. Ludouico Rege translata.* ibid. d.  
 123, a  
*Lancea ab hac alia Constantini, clauis Christi sanctificata.* ibid. a. b  
*quam Henricus I. à Rudolpho Burgundionum Rege maximo pretio impetrauit.* ibid. c. d  
*hostes ipse & filius eius Otho virtute eiusdem lancea vicerunt.* 124, a. b  
*Lancea qua Saul Dauidem transfigere conabatur, quatenus typus Crucis.* 259, a. b. c  
*Lapis reprobatus, Christus.* 352, b. 357, b  
*Lapsus primorum parentum quam damnosus.* 2, b.  
 & seqq. 49, d. 50, a  
*Latitudo & longitudo in Sacris litteris Crucem designant.* 188, c  
*Latria cultu S. Crux adoranda cum relatione ad prototypum.* 680, d  
*Latronum alter quod Christum plus quam Iudas dilexerit, miratur D. Ambrosius.* 337, b. c  
*Latrones duo, inter quos Christus crucifixus, Iudas & Gentiles designarunt.* 318, d. 319, a  
*Latus Christi lancea apertum, unde Ecclesie Sacramenta manarunt.* 114, e  
*utrum latus transfixum?* 116, a. & seqq.  
*Laurentius martyr, S. R. E. Archidiaconus.* 559, d  
*signo S. Crucis capitis dolores arcet.* 560, a  
*cacum illuminat.* ibid.  
*Leitos, cubitum ituri, Cruce signarunt Christiani.* 524, b  
*Legatis ad exteras nationes mittendis, publica auctoritate annulus aureus a Romanis datus.* 595, c  
*Legisperiti apud Iudaeos Sophrim dicti.* 284, d. 297, a  
*eorum nefarius ausus in corrumpendis Scripturis.* 297, b  
*Leo Papa IV. Cruce aurea & gemmata, quam Carolus Magnus Leoni III. obtulerat, furto ablata, aliam eiusdem forma substituit.* 614, c. d. 615, a  
*Leo Imp. plateam in medio castrorum ad formam Crucis strui iussit.* 586, c  
*Leo, fortitudinis symbolum.* 390, b  
*Leonis in signo sol feruentior.* 436, a. & seq.  
*Leonides Lacedaemoniorum Rex à Xerxe crucifixus.* 34, a  
*Leprosos purgandi in veteri Lege quis ritus.* 223, a.  
*us quomodo typus sit Crucis Christi.* ibid.  
*Leuiathan quale animal.* 291, c  
*apud Iobum Prophetam significat diabolum.* ibid.  
*Lex Diuinitalis contra perduelliones.* 37, a. 73, a  
*Librum Legis & populum cur sanguine asperserit Moyses.* 451, a. b  
*Libri duo, quos D. Paulus in vetustissima quadam pictura manibus praefert, quid designent.* 611, d  
*Libros suos sex Sibylla Cumana ignibus tradit, Tarquinio postulatam pretium denegante.* 368, a. b  
*Libri Sibyllini. Vide, Carmina.*  
*Libertatis symbolum Aegyptijs, equus.* 390, b  
*Romanus Liber pater.* 391, c  
*Libidinis symbolum, Satyrus.* 391, c  
*Libidinis remedium singulare, Crucis & passionis Christi iugis meditatio.* 547, a  
*Libyca Sibylla Vide, Sibylla Libyca.*  
*Licinius Constantini sororius.* 641, c  
*à Maximino bello laceffitus, feliciter cum eo configit.* 641, d  
*clandestina coniuratione in Constantinum conspiciat.* 642, c  
*Christianos persequitur.* 642, c. d  
*idololatriam amplectitur.* ibid. d  
*bello à Constantino superatus, Imperatorio titulo priuatur.* ibid.  
*tandem securi percutitur.* 643, a  
*Lignee Cruces ab Apostolorum temporibus in usu, eaque ad confundendos hereticos constructae.* 517, b  
*Lignum vitae, quercus fuisse putatur.* 25, b  
*Lignum Crucis attingere antiquitus abominabile erat.* 193, b  
*Lignum quod Moyses in aquas amaras misit, typus Crucis Christi.* 210, c. d  
*Lignum setim quale sit, & ubi nascatur.* 220, b  
*Lignum in quo Rex Hai suspensus, Crucis Christi figura.* 248, c  
*Lignum cedrinum, quo Salomon templi parietes cooperuit, Crucem Christi figurauit.* 261, d  
*Lignum, quo Eliseus ferrum aqua innatare fecit, typus Crucis Christi.* 265, a  
*in eo quoque Baptismus figuratus.* ibid. c  
*mystica & egregia eius explicatio.* ibid. d  
*Lignum secus aquarum decursus plantatum, est Christi Crux sanctissima.* 292, d  
*Lignum benedictum in quo sit iustitia, Crux Christi.* 329, c  
*Lignum S. Crucis pluribus communicatur, & tamen non minuitur.* 670, d. 671, a. b  
 eius



# INDEX RERVM

eius minima particula semper maximo in honore habita. 670, a. & habenda, & adoranda. 681, a  
 Ligno, quo nos diabolus vicerat, ipse demictus. 14, b. c  
 Ligna, quae Isaac immolatus portauit, Crucem designarunt. 192, d. 193, b  
 Ligna super quibus Salomon disputauit, quatenus sint figura Crucis. 261, c  
 Ligna duo, quae mulier Sareptana colligere volebat, Crucem Domini signabant. 262, a. b  
 Lignorum strues, in qua vituli obliti caro & pellis cremabatur, typus Crucis Christi. 222, d  
 Littera Tau symbolum salutis. 9, b  
 Gracis significat tercentum. 12, b. 252, c  
 Crucis est imago. 10, b. & seqq.  
 eidem ansula superannexa, omnibus ferè in obeliscis, quid innuat. 467, c. & seqq.  
 Littera Theta mortis nota. 9, c  
 Littera X plena mysteriis. 7, a. d  
 Littera hieroglyphica. Vide, Hieroglyphica littera.  
 Lituo augures calum metuntur. 447, b  
 Longinus necis Apostoli Pauli minister à BB. Tito & Luca conuersus & baptizatus. 539, d  
 Longitudo & latitudo in Sacris litteris Crucem designant. 188, c  
 Lotus nympha à Poëtis fingitur in arborem Loton mutata. 390, d  
 Lotos arbor. finctus & folia rotunda producit. 390, d  
 Aegyptijs Dei symbolum. ibid.  
 in Lucensi ciuitate miraculose Crucifixi imago. 607, a  
 à S. Nicodemo efficta, exceptio vultu qui diuina manu formatus dicitur. ibid.  
 Lucianus athenis. 598, b  
 eius de litteris Z & T fabella. 11, b  
 eiusdem de Fati & Fortuna confictis nominibus querela. 505, c  
 Lucifer superbissimus per Crucem Christi deuictus. 305, a  
 Lucius Apuleius initiatus Osiridis & Isis sacris. 458, d  
 Lucius Valerius à Curione Consule ad carmina Sibyllina conquirenda missus. 366, b  
 Lucij Pisonis de imaginibus Osiridis & Isis editum. 406, b  
 S. Lugdunus primus Monasterij Episcopus quando vixerit. 593, b  
 Crucem manibus gestare solitus. ibid.  
 Saxonia Apostolus appellatus. ibid.  
 Luna nomine Propheta Habacuc Ecclesiam denotauit. 355, d  
 Luna ab Aegyptijs Isis vocata. 402, d  
 eius varia pictura, earundemque notae hieroglyphicae explicate. 439, & seqq.  
 Luna quot dierum spatio calum circumeat. 440, b  
 Luna in nouissimo Iudicij die pra fulgore S. Crucis obfuscabitur. 685  
 Luna imago Ottomanorum insigne. 655, c  
 Luna symbolum, ibis. 390, c  
 Lupus Aegyptijs sacer. 413, c  
 mortuum vnicuique inuenerint, sepeliunt. 416, d  
 Lusitanorum in Indiam aduentus à B. Thoma Apostolo praedictus. 538, b. c  
 Lutu mundi & materia genitabilis est symbolum. 390, d  
 Lyrani error correctus. 307, a. & seqq.

## M.

S. **M**ACARIUS Patriarcha Antiochenus Crucem manibus gestare solitus. 593, b

Macarius Episcopus Ierosolymitanus inuentioni S. Crucis interfuit. 662, b. c  
 Maceria caeuerna in Canticis designat vulnus lateris Christi. 321, b  
 Machus strenuus Carthaginensium Dux cum exercitu à Carthagine exulare iussus, idque leuissimam ob causam. 35, b  
 à proprio filio Cartalo despectus. ibid. c. d  
 quem postea Cruci affigi mandauit. 36, a  
 Macenatis verba viro constanti indigna. 5, c  
 S. Macrina Crucem ferream, annulumque itidem ferreum collo appensum gestare solita. 592, a  
 Macrini Imperatoris in milites suos crudelitas. 45, d  
 Macrobius Serapidem eundem cum sole esse existimabat. 488, d. & seqq.  
 Magia cultores Aegyptiorum sacerdotes. 46, d  
 Magia Christiani Ethnicis suspecti ob Crucis signum sapienter iteratum. 524, b  
 Magi, Persarum philosophi. 461, b  
 Magorum in Aethiopia praestigia à B. Matthaeo Apostolo Crucis signo dissipata. 539, a  
 Magos ad Christum adorandum venturos, eique aurum, thus & myrrham oblaturus praedixit Sibylla Hellepontica. 370, a  
 Magna deorum mater an eadem cum Iside. 407, c.  
 408, b  
 eius simulacrum à Senatu Romanum aduectum. 408, b  
 Mahometi secta ut funditus extirpetur, Auctoris uolunt. 490, a  
 Malachias Propheta, Latine Angelus vel Nuntius meus interpretatur. 359, c  
 in Sopha, ex tribu Sabulon natus. ibid.  
 pietate & forma egregius. ibid.  
 in ipso inuentantis flore extinctus. ibid. c. d  
 eius de Cruce Christi prophetia. 360, a. & seqq.  
 Maledictio Iudeorum pessima, videre vitam in ligno pendere, & non credere. 279, a. b  
 Malipuris urbs India, iam S. Thoma ciuitas appellata. 578, d. 579, a  
 in ea Crux antiquissima reperta miraculis clara. ibid. & seqq.  
 Malus arbor in Canticis, typus Crucis. 328, b.  
 & seqq.  
 Malum Cydonium, symbolum connubij. 391, c  
 Malum punicum Dominica passionis mysterium denotat. 322, b. & seqq.  
 Manè ut signo Crucis nos muniamus, monet Ambrosius. 544, d. 545, a  
 Manichaei cuiusdam cum Catholico de bestijs disputatio. 574, c  
 Manto, Sibylla Thessalica. 371, a  
 ciuitas Mantua ab ea appellata. ibid.  
 Mantua à Constantino expugnata. 637, c  
 Manus dextera S. Iohannis Baptiste quando & quomodo in Turcarum manus deuenerit. 119, a  
 Vide, S. Iohannis Baptista dextera.  
 Manus Dei, iustitia & misericordia. 311, b  
 Manus Christi quomodo dicantur edoctae ad bellum. 315, d. 316, a. & seqq.  
 quales à Salomone in Canticis descriptae. 323, c  
 Manuum Christi in Cruce extensio, Hebraeorum & Gentilium coniunctionem designat. 52, a. 53, d.  
 54, a  
 Manuum Christi eleuatio & extensio à Psalmista David varie praeannuntiata. 302, a. b. 304, a.  
 305, b. 315, a  
 hieroglyphico quodam praesignata. 476, a. b  
 earum-



# IN LIBROS DE TRIVMPHANTI CRUCE.

- earundem transfixio à Psalmista prædicta. 295, c. & seqq.
- Manuum impositione & signo Crucis dona gratiarum conferuntur. 450, a
- Manibus expansis orantes cur facilius exaudiamur. 141, d
- ritus hic orandi etiã Ethnicis in usu. 144, b. & seqq.
- Christianis frequens, & quare. 145, b. c
- Manibus Cruces deferendi mos antiquissimus. 593, b. c
- Marcellus B. Petri discipulus. 532, b
- ad eum ades demonem sub canis forma alligat Simon. Magus. ibid.
- Marcianus Eremita signo Crucis immanem draconem interfecit. 573, a
- Marcus aurifex Crucem auream Procopio parans, miraculosè in ea tres imagines cum tribus nominibus adscriptis deprehendit. 591, c. d
- Marcus Otacilius à Curione Consule ad carmina Sibyllina conquirenda missus. 366, b
- Marci Antonij numismata Crucem in signis militariis Romanorum fuisse confirmant. 497, d.
- 498, a, & seq.
- Mare quomodo Crux dici queat. 303, a
- Mare huius sæculi qui feliciter enauigent. 309, b. c
- Margarita virgo Antiochena patitur sub Diocletiano. 565, c
- ea orante ingens fit terra motus. ibid. d
- à demone sub draconis specie impetitur. 566, b
- quem Crucis signo superat. ibid.
- B. Maria virgo cur vocata mons umbrosus & condensus. 354, a
- Maria Egyptiaca Crucis signo frontem, oculos, labia & pectus suum signare solita. 526, c
- C. Marius post tertium Consulatum aureo annulo primum usus. 595, c
- Martialis cum Urbano Papa & socijs iam martyrio coronandus Crucis signo se munit. 527, d
- Martialis discipulus Christi, signum Crucis quanti fecerit. 544, a
- D. Petri consanguineus. 550, a. 581, c
- ab eodem Lemouicensium ordinatus Episcopus. 550, b. 581, c
- Crucis signo plurimos sanat. 550, b
- diuinitus necem SS. Apostolorum Petri & Pauli cognoscit. 581, c
- Oratorium exstruit, & in eo inter alia altaria unum in honorem S. Petri Apostoli erigit. 581, c. d. 582, a
- altaria illa variè ornat, & ad Officium in illis peragendum Crucem auream fieri iubet. ibid.
- S. Martina, virgo nobilis Romana. 556, c
- eius virtutes recensite. ibid.
- ab Alexandro Seuero Apollini sacrificare iubetur. ibid. d
- sed signo Crucis dum se munit & orat, Apollinis simulacrum & pars delubri corrumpitur, & sacerdotes cum ingenti hominum multitudine opprimuntur. 557, b. c
- singulari eius in tormentis constantia tortores conuersi. 527, d. 557, b. c
- Martinianus & Processus à B. Petro baptizati. 532, c
- B. Martinus ubi natus. 569, b
- Episcopus fit Turonensis. ibid.
- geminum virtute S. Crucis edit miraculũ. ibid. c
- Martyres varij arboribus suffixi. 5, a
- Martyres iam plectendi Cruce se signabant. 526, d.
- 527, a. & seq.
- Martyrum multa millia in Crucem acta. 38, d. 39, a
- & plurimorum corpora in Crucibus anibus discernenda relictã. 41, a. b. c
- Martyrum in solemnitatibus cur Ecclesia purpureo colore utatur. 86, d
- Martyrum passiones Salomon præuidit. 322, a. b
- Martyrum sancta ebrietas. 452, c
- Martyrium præualeat Baptismo. 454, c
- Martyrij quandoque cupidus Origenes. ibid.
- Martyrij monachi in signe miraculum per signum Crucis. 522, c
- Materiales Cruces. Vide, Cruces materiales.
- B. Mattheus Apostolus Crucis signo mira in Ægypto patrat. 539, b
- Maura & Timotheus coniuges crucifixi nouem dies superuixerunt. 112, c
- Mauri Crucem maxilla in sculptam gestant. 571, c
- Mauri Cruce calitus apparente ab Hispanis profligati. 651, b. 652, b
- Mauri à Berengario Dentenzia virtute S. Eucharistia superati. 653, b. c
- Maxentius miraculosè à Constantino superatus. 637, b
- ipse Tiberi mersus, & totus eius exercitus prostratus. ibid. d
- caput eius hastili impositum Romam delatũ. 639, a
- statua eius & insignia deturbata. ibid.
- Maximinus Christiani nominis hostis immanissimus. 641, c
- superbia inflatus aequales sibi in Imperio socios habere detrectat. ibid. c. d
- Licinio bellum infert, sed infelici successu. ibid. d
- exutis Imperatoris ornamentis fuga sibi consulit. 641, d. 642, a
- fuga elapsus multos idolorum suorum sacerdotes & ariolos necat, & quare. 642, a
- tandem bellum instaurare cogitans, miserabiliter è vita excedit. ibid. b
- Maximus tyrannus à Theodosio victus. 480, b
- Megistus necis Apostoli Pauli minister à B. B. Tito & Luca conuersus & baptizatus. 539, d
- Meleagris anis Isidi sacra. 440, b
- Menandri impietas & stultitia, solem in primis adorandum docentis. 439, a
- in Menses duodecim Ægyptij annum primi distinxerunt. 402, a
- Mercurius filius Iouis, cum fratribus, parentem ut deum coluit. 400, a
- Mercurius Trismegistus Ægyptiorum idololatriæ originem ostendit. 401, c. d. & seqq. 411, c. d
- cognitionem aliqualem habuit veri Dei. 412, a. b
- unde appellatus Trismegistus. ibid. c
- idolorum euerfionem prædixit. 479, c
- Mesre, siue Mesraim filius Cham, primus idololatriæ auctor. 398, c. 401, b
- Messia nomen non aliud esse debuit quam IESVS. 274, a
- idque probatum ex Rabbiniis. ibid.
- Metaphraste error, Cyprianum Martyrem cum Cypriano Episcopo Carthaginensi confundentis. 564, d
- Michaëlis Archangeli apparitio. 555, b
- eius nomen miraculosè in Cruce quadam aurea apparet. 591, c
- Migdoniam matronam catechizat & Crucis signo consignat B. Thomas Apostolus. 538, a
- Militum Romanorum commentum, Christi coronatio. 79, c



# INDEX RERVM

*Milites Christiani praelium ingressuri, antiquitus Cruce se signabant.* 523, a  
*Militum quorundam Christianorum, qui fraude Iuliani Apostata circumuerti thus adoleuerant, illustre facinus.* 521, c. d  
*Miracula quibus sancta Crux agnita fuit.* 662, a. b. c  
*Miracula facta virtute S. Crucis. Vide, Crucis.*  
*Misericordia & iustitia, manus Dei.* 311, b  
*Misericordia, dextera Dei.* ibid.  
*hac sapiens quam iustitia vititur.* ibid.  
*Mithras siue Mitras, appellatus est sol à Persis.* 468, d. 481, b  
*Mithrium, templum soli dicatum quem Mithram Persae appellabant.* 481, b  
*à Theophilo Episcopo in usum Christianorum expurgatur, & horrenda in eo adyta apparent.* ibid. b. c. d  
*Mitres, quartus Aegyptiorum Rex, primus obeliscorum inuentor.* 459, b. c  
*Mobili primo Crucis figura insculpta.* 129, c. 130, a  
*Monachi abrafis capillis coronam praferunt in memoriam spineae corona Christi.* 88, d  
*Monachi in Ethiopia Cruces manibus gestant.* 593, c  
*Monachorum consecratio olim per Crucis signum facta.* 520, a  
*in Mondidier diuersae Crucis apparitiones in hominum vestibis & ecclesiarum ornamentis.* 656, a  
*Monenses quando à Turca dominio Chios insula spoliati.* 655, c  
*Mons in Psalmo xxii pro Cruce accipitur.* 298, b  
*Mons caliginosus quare & quando ab Isaià vocata Ecclesia.* 334, a  
*Mons umbrosus & condensus cur B. Maria dicta.* 354, a  
*Mors à morsu nomen sortita.* 242, d  
*Mors Sanctorum quomodo pretiosa.* 311, a  
*Mors iustorum, typus sanguinis Christi.* 452, a  
*Mortis in articulo se Cruce consignandi mos antiquissimus.* 525, b  
*Mortem Dauidem timuisse, nil mirum, cum Christus ipse eam expauerit.* 301, a. b  
*Mortificatio carnis, Crucis deportatione innuitur.* 592, d  
*Mortuus suscitatus S. Crucis attactu.* 662, a. b  
*Mortuos suos cur Hebraei septem dies lugeant.* 132, d. 133, a  
*Graci verò, Romani, aliaeque gentes cur noem dies.* 133, a. b  
*Mortuorum cadauera Aegyptij & Persae non comburebant, sed saliebant, & quare.* 444, d  
*Moyseica legis abolitio quo ostento significata.* 648, d  
*Moyse calceamenta exuere iussus, mysticè odium aduersus Gentiles deponere monetur.* 202, d. 203, a  
*cur vocatus è rubo.* 203, a  
*eius virga quae in serpentem versa est, typus est Crucis Christi.* ibid. c  
*cur illa in serpentem versa.* 204, b. c  
*manibus sublati orans typum Christi crucifixi expressit.* 214, a. & seqq.  
*cur imaginem serpentis erexerit, cum prius imagines fieri inhibuerit.* 239, a. & seq.  
*Christum in Crucem eleuandum praedixit.* 278, d. 279, a. & seq.  
*usus subinde est symbolis.* 386, c  
*fieri sui, hominis Gentilis, mandata exequendo docet, Ethnicorum prudenter dicta non esse assernanda.* 427, c

*nullum signum sine ligni sacramento peregit.* 450, a  
*cur populum & librum Legis sanguine asperserit.* 451, a. b  
*Moyse Aegyptius Rabbi dispersionis Iudaorum causam Christi necem fuisse asserit.* 281, d  
*Moyse Hardasan Scripturam à Iudaeis corruptam esse testatur.* 297, a  
*Mulier Sarephitana, typus Ecclesiae.* 262, b. c  
*Mundus Crucis figura insignitus.* 128, d. 129, a. & seq.  
*Mundus fortuna ludibrium.* 505, a. b  
*Mundi huius undas & fluctus qui prosperè euangisent.* 309, b. c  
*Mundi totius peccata ipso Dominica passionis die sublata sunt.* 357, b. c  
*Munera tria Magorum Christum adorantium ab Hellepontica Sibylla praedicta.* 370, a  
*Munera Constantino de Maximino triumphanti à Senatu oblata.* 640, d  
*Murus in quem Saulis lancea delata, Corporis Christi figura.* 259, b  
*Myrrha sepultura signum.* 300, a  
*Myrrha, stacte, & casia mysticè quid significant.* 300, a. b  
*Myrrha arbor qualis.* 320, b  
*Myrrha fasciculus, Christus crucifixus.* 320, a. b  
*Mysterium Crucis ex ipsis quibus pingitur litteris elicitum.* 168, b. c  
*in littera Tau fuse explicatum.* 346, d. 347, a. & seq.  
*quomodo Gentilibus adumbratum.* 423, b  
*Mysterium Incarnationis Angelis absconditum.* 423, a

N.

**N**ATANDO Crucem Barbari efformant nescij. 145, d  
*Natura nomen confictum.* 505, c  
*Naufragium patitur Carolus Quintus, ad expugnationem Iuliae Caesareae proficiscens.* 571, c  
*Nauicula Matthaei, typus Crucis Christi.* 269, c  
*Nauis portans poma apud Iob Prophetam, quatenus figura Crucis.* 289, a  
*Nauis gubernaculum cur Fortuna dexterà teneat.* 503, a  
*Nauis comparatur Ecclesia cuius malus & antenna Crucis imaginem formant.* 173, a. b. & seq. 269, d  
*Patrum de ea comparatione testimonia.* ibid.  
*Nauis item nomine cuiusque fidelis anima intelligitur.* 174, a. b. c  
*Naves idolorum statuis, quas Tutelas appellabant, ab Ethnicis insignita.* 588, c  
*à Christianis verò imagine S. Crucis.* 589, a. b  
*Nazarus virtute S. Crucis è mari liberatur.* 551, b  
*Mediolani Euangelium annuntiat.* ibid. c  
*martyrium passus sub Nerone.* ibid.  
*eius pia cum Celso, vter prior pateretur, contentio.* ibid.  
*Neania, alias Procopio, Christianos Diocletiani Imp. iussu persequenti, Christus Cruci lucidissime affixus apparet, atque ex persecutore strenuus Ecclesia fit defensor, & tandem Martyr.* 620, c  
*ad similitudinem eius quam conspexerat, Crucem sibi auream & argenteam fieri mandat.* 591, c. 620, c  
*tres in hac imagines & totidem nomina miraculose apparent.* 591, c. d  
*hanc*



# IN LIBROS DE TRIVMPHANTI CRUCE.

hanc collo appensam gestavit. 591,c.620,c  
eiusdem virtute insignem aduersus Saracenos  
victoriam obtinuit. 591,d.620,c  
Neon cum fratribus sub Diocletiano Imp. Crucis  
supplicio afficitur, & in Cruce aubus dilaceran-  
dus relinquitur. 41,a  
Nicanum Concilium quando celebratum. 658,d  
in eo à trecentis decem & octo Patribus Ary hæ-  
resis condemnata. 190,c.191,b  
is Patrum numerus mysterio non carere ostendi-  
tur. ibid.  
Nicodemus imaginem Crucifixi Lucensis miracu-  
losi effinxisse traditur. 607,a  
Nicostrata Sibyllis adnumerata. 371,a  
Nicostrati & sociorum sculptorum per virtutem  
Crucis insigne miraculum. 523,c.d  
Nili inundationis mensura prius Serapidi, postea  
Christo delata. 486,b.c  
Nili Abbatis de Crucis imaginibus in templis, &  
priuatis etiam edibus, statuendis, ad Olympiodo-  
rum Proconsulem responsum. 580,d.581,a.b.c  
Ninus Assyriorum Rex Pharnum Media Regem  
in Crucem egit. 28,c  
Noctua. Vide, Bubo.  
Noë ebrius & ob nuditatem irrisus, typus Christi  
Crucifixi. 185,d.186,a.b  
primus vini inuentor. 397,b  
Saturno antiquior. ibid.  
Nomen Dei tetragrammaton in fronte summi Sacer-  
dotis, figura Crucis. 217,b.c  
Nomen IESV à Sibylla Cumana numeris expressum.  
368,c.d.369,a.  
Nominis IESV & vocabuli S I L O per numeros col-  
latio. 273,c  
Nomina EMMANUEL, MICHAEL & GABRIEL mi-  
raculose in quadam aurea Cruce apparent. 591,c  
Noui Testamenti signum, Crux in fronte. 144,a  
Nuditas Christi in Cruce vnum ex grauioribus  
passionis supplicijs fuisse ostenditur. 299,c  
Numeri olim digitus expressi, iisque in Crucis  
imaginem adaptatis. 507,d  
Numerus ternarius sacer. 132,b  
ad animam quomodo pertineat. ibid.b.c  
quomodo Crux eo signetur. 133,c  
Numerus quaternarius virtute denarium comple-  
ctitur. 7,d.16,d  
ἑπταεματὶς Gracis, id est perficiens, dictus. 8,a.  
16,c  
iustitia & virtutum symbolum. 16,c  
alia eiusdem mysteria. 16,d  
ad corpus quomodo pertineat. 132,b.c  
Numerus septenarius mysterijs refertissimus. 130,c.  
& seqq.  
eius virtute Crux sancta in calo figuratur. ibid.d.  
131,b  
per eundem in SS. Scripturis rerum vniuersitas,  
atque ipsa electorum & sancte Ecclesia multi-  
tudo designatur. 130,d.131,a. & seqq.  
item Creator & creatura. 132,b.c  
idem numerus anima corporisque vinculum con-  
tinet, & annorum climactericorum est causa.  
ibid.b.c.d  
ad eundem fortè numerum alludentes Hebraei,  
mortuos suos septem diebus lugent. 132,d.  
133,a  
atque is numerus singulare quietis indicium. 133,a  
Numerus octonarius, resurrectionis symbolum. 369,a  
corpus item humanum significat. ibid.

Numerus denarius perfectissimus. 7,b.16,c  
eius mysteria. 7,b.16,d  
hunc Pythagorai primam quadraturam vocant.  
16,c  
Numerus duodenarius, numerus perfectionis. 134,c  
Numerus trecentenarius, typus Crucis Christi.  
252,b.c  
Numeris IESV nomen à Sibylla Cumana expressum.  
368,c.369,a  
Numisma Arcadij, cum signo Crucis, quod diuini-  
tus in vestibus militum eius apparuit. 649,b.c  
Augusti Caesaris cum corona quiernea, & inscri-  
ptione que ad Crucem facit. 27,b  
Constantij, in quo cum Cruce Christi nomen ex-  
pressum. 629,c  
Constantini, quo ostenditur labari formam quan-  
doque fuisse mutatam. 632,a  
Numismata Hadriani Imp. Crucis signum refe-  
rentia. 495,a.b  
Marci Antonij, quibus ostenditur, cuspidis mili-  
tarium signorum apud Romanos Crucibus in-  
signitas fuisse. 497,d.498,a. & seqq.  
Rhodiana Reip. quibus Christus venditus puta-  
tur. 69,d.70,a. & seqq.  
Nuptiarum annulus, symbolum dictus. 385,c  
Vide, Annulus sponsalitijs.  
Nux quomodo Christi & Crucis figura. 233,d  
Nux arbor Synagogam Iudeorum significat. 326,b  
vtriusque comparatio. ibid.b.c. & seqq.  
Nycticoraci similis Christus moriendo. 473,c.d

## O.

**O**BELISCI Roma, in quibus Ethnici manibus  
in Crucis formam expansis orantes conspi-  
ciuntur. 144,b.c  
Obelisci vnde appellati. 459,a  
eos Itali Guglias vel Aguglias appellant. ibid.a.b  
in honorem solis ab Aegyptijs erecti. 458,d  
primus eorum inuentor quis. 459,b. & seqq.  
eorundem erigendorum duplex ratio. 460,b  
qui proprie soli dicabantur, hieroglyphicis notis  
carebant. ibid.b.c  
ceteris insculpebant Aegyptiorum sacerdotes qua  
ad Philosophiam naturalem, aut religionis  
mysteria spectabant. ibid.c.d. & seqq.  
atque adeo, Deo permittente, Crucis ipsius myste-  
rium. 461,b  
postmodum Regum Aegyptiorum ambitioni obe-  
lisci seruierunt. 461,c.d  
Obeliscos, ante Aegyptum ab Augusto subactam,  
Italia haud nouerat. 462,a  
deinde ab ipso & alijs Imp. plures Romam ad-  
uecti. ibid.b  
qui tandem nostro aeo à Sixto V. sancte Cruci so-  
lemniter dicati. 462,b.c.d. & seqq.  
in primis is, quem Vaticanum vocant, & ante  
D. Petri basilicam eiusdem Pontificis consilio  
& auspicio est erectus. ibid.  
qui à Noncoreo Aegypti Rege olim structus, à  
Caligula Imp. Romam delatus. 463,b  
alijs deinde duo, hieroglyphicis notis insigniti.  
464,b.c  
quorum alter ad latus adis Lateranensis consti-  
tutus, Ravisa Regis fuisse creditur, qui & fi-  
lium eius erigendi cacumini alligarat. ibid.c.d  
Thebis Alexandriam à Constantino delatus.  
ibid.d. 465,a



# INDEX RERV M

- Alexandria Romam à Constantio aduectus. 465, c  
alter in foro D. Mariae de populo collocatus. 466, a  
olim à Semneferio Rege structus, & ab Augusto  
Imp. Romam aduectus. ibid. a. b
- Obelisci tres minores Romae, hieroglyphicis item cha-  
racteribus insculpti, in quibus manifesta etiam  
Crucis figura apparet. 467, a. b
- Oblata Deo solita in altum eleuari. 57, a
- Octavianus Augustus Pythij Apollinis oraculum  
consultit, & de Christi nati potentia responsum  
à demone accipit. 378, b. c  
aram in honorem Filij Dei erigit. ibid. d  
in ara eiusdem loco repleta postea in honorem san-  
ctae Virginis-Matris constructum. ibid.
- Octavianus Augustus obeliscos Romam primus ad-  
uexit. 466, b
- Odonarius saluatorum in Arca Noë numerus per-  
fectionem corporis Ecclesiae designat. 185, a  
idem numerus symbolum resurrectionis. 369, b
- Oculus scepro superpositus, Aegyptijs Osiridis &  
Solis symbolum. 432, d
- Oculi felis ad aspectum solis hebesunt. 433, c  
eos de nocte intueri noxium. ibid. b
- Oculi septem super lapidem, apud Zachariam Pro-  
phetam, septem S. Spiritus dona. 357, b  
item oculi septem Agni, apud S. Ioannem in Apoca-  
lypsi. 619, b
- Oculos dijs suis Aegyptij affingebat, & quare. 390, b
- Odiū Historicorum Gentilium in Christianam  
religionem. 531, c
- Ody symbolum, piscis. 390, b
- Oleum quo summi Sacerdotes in veteri Lege inunge-  
bantur, alij vsui deputari nefas erat. 217, d.  
218, a  
ex quibus id confectum. 218, a  
eo etiam Reges inungebantur, sed alio quàm sacer-  
dotes modo. 218, b & seq.
- Olympiodoro Proconsuli quid Nilus Abbas de ima-  
ginibus in ecclesia ab ipso structa erigendis respon-  
derit. 580, d. 581, a
- Olympius Philosophus dux Gentilium seditiosorum  
Alexandriae. 482, a. b
- Omega & Alpha Christi nominis nota addi solita  
quid signent. 631, b. c
- Ουμφορσα, opus Eudoxiae Imperatricis. 376, b
- Onyx conchylium quoddam paruum in India palu-  
dibus nascitur. 218, a
- Opus quodcumque aggressuri olim Christiani, Cruce  
se signabant. 523, c
- Opera bona per transversale lignum Crucis signifi-  
cantur. 19, c
- Opera bona homo moriens sola secum defert. 288, d.  
289, a
- Opera per humeros significata. 309, d
- Operum diuinorum multa nos latent mysteria. 382, a
- Orandi ritus manibus in Crucis formam expansis,  
Ethnicis etiam in usu. 144, b. & seqq.  
Christianis frequens, & quare. 141, d. 145, b. c.  
520, c. d
- Oratio Christi in Cruce, praedicta in Psalmis. 298, d.  
299, a
- Oratio iustorum magnam apud Deum vim obtinet.  
255, b
- Oratoria varia in varijs Christiani orbis prouincijs  
in honorem S. Crucis extructa. 666, b. c
- Ordinum sacrorum collatio per Crucis signum fieri  
solet. 450, a. 519, d
- Orestes martyr, Crucem auream de collo gestare de-  
prehensus, atque ob id Christianus habitus, nece-  
tur. 591, a. b
- Oriens pluribus in Scriptura locis vocatur Christus.  
357, a
- Origenes martyrij quandoque cupidus. 454, c
- Orontes Polycratem Cruci suffixit. 33, c
- Orontopagas Tribunus militum quomodo Idanibu-  
ra symbolum interpretatus. 391, b
- Orpheus ab Aegypti sacerdotibus Theologiam  
doctus. 392, d  
suos discipulos inuicem obstringebat, ne religionis  
sua secreta profanis aperirent. 393, a
- Orus filius Osiridis & Isis. 403, a  
eius auxilio mater mariti sui necem ulciscitur.  
ibid.
- Os Crucis signo communire, mos apud Christianos  
antiquissimus. 526, c
- Os dolosum, Iudas proditor. 310, a
- Osculari Crucem & Sanctorum Reliquias immun-  
di prohibentur. 592, d. 593, a
- Oseas Propheta filius Beer. 350, b  
Latine Saluator interpretatur. ibid.  
Gentium vocationem & Hebraeorum repudiatio-  
nem praedixit. ibid.  
item Crucem & mortem Christi. ibid.
- Osius Rex sacerdotum inuadens lepra percutitur.  
293, b. c
- Osiris, Aegyptijs cur Sol appellatus. 402, c. d  
nominis eius Graeci & Aegyptiaci etymon. 402, d.  
403, a  
de hoc Aegyptiorum deo varia opiniones. 403, a.  
& seqq.
- Osiris & Serapis an idem. 488, d
- Osiridis anima in bonem migrasse fingitur, atque  
hinc bonus apud Aegyptios cultus. 415, a
- Osiridis variorum simulacrorum causa explicata.  
432, d. & seqq.
- Otho Imp. Isiacis sacris initiatus. 406, d
- Otiosi Fortis Fortuna festum celebrabant. 503, d
- Ottomanorum insigne sine stemma est Luna imago.  
655, c
- Oues Cruci cuiusdam in basilica Lateranensi appictae  
instos & electos designant. 624, c. d
- Oxyrynchus piscis sacer Aegyptijs. 418, a
- P.
- PALÆSTINIS Crucis supplicium in usu. 30, b
- Palma, in Canticis, Crucem significat. 327, a  
quomodo in eam Christus ascenderit, & quos inde  
fructus carpserit. 327, b. c. d. 328, a
- Pan filius Iouis, cum fratribus, parentem ut deum  
coluit. 400, a
- Panis, Corpus Christi. 342, b. & seq. 343, a. b  
item sermo Christi. 343, b
- Panes olim non solum signati, sed etiam insculpti  
Crucibus. 522, b. c
- Papa, sine Papus martyr arbori affixus. 5, b
- Papauer, symbolum fertilitatis. 391, c
- Papauer rubeum Crucis signo inscriptum nascitur.  
160, b
- Paphnutij sub Diocletiano martyrium. 5, a
- Paradisus cur latroni datus. 50, a. b
- Paralyticum Crucis virtute sanat S. Iacobus Ma-  
ior. 534, b
- Parisis diuersae Crucis imagines in hominum vesti-  
bus & ecclesiarum ornamentis conspectae. 656, a
- Paschalis cerei mysteria declarata. 207, c. d
- Passeri



# IN LIBROS DE TRIUMPHANTI CRUCE.

- Passeri solitario Christus similis.* 473,c  
*Passio Christi spontanea & voluntaria, non coacta.* 337,c  
à variis Sibyllis predicta. 371,c.d. 372,a. & seqq.  
373,a  
*Passionis totius actus speciatim ab Isaia predicti.* 336,c.d  
eius mysterium & effectus mirabiles pulchrè ab Ambrosio descripti. 337,a  
*Passionis Christi effectus quomodo in imagine S. Crucis represententur.* 673,b  
*Pastor onem portans inter duas arbores depictus, quid innuat.* 50,b  
*Paulina, mariona Romana, quo astu à Decio Mando fuerit decepta.* 31,c.d  
*Paulinus veneficus.* 553,d  
in bifurcum palum actus. 554,b  
*Paulini Nolani de Crucis efficacia carmen.* 139,a  
*Paulus Apostolus in Epistola ad Ephesios pulchrè S. Crucis figuram delineat.* 19,a. & seqq.  
hereticos appellat canes. 517,a  
hereses circa S. Crucem emersuras praenidit. ibid.b  
signo Crucis à cecitate ipse ab Anania liberatur. 530,c  
eodem recenter à se ad fidem conuersos cōsignat. ibid.  
& cecum quemdam à nativitate liberat. 533,a  
iam decollandus eodem se munit. ibid.b  
quomodo in vetustissima quadam pictura constitutus sit ad dexteram, & S. Petrus ad sinistram. 611,b  
*Paulus Diaconus vitam S. Mariae Aegyptiaca descripsit.* 526,d  
*Paulus & Ioannes cum Gallicano ad expeditionem Scythicam profecti.* 644,a  
horum consilio Gallicanus Philippopoli obsessus liberatur, & Scythas reddit tributarios. ibid.a.b  
*Paulus martyr sub Aureliano, signo S. Crucis munitus, in mediis ignibus non adurit.* 561,b  
*Paulo I.C. summam rerum committit Alexander Severus.* 558,a  
*Pauper non uno S. Scriptura loco dicitur Christus.* 283,a  
*Pauperes non desperare, sed in Dei misericordia confidere oportet.* 501,d  
*Paupertas Christi unde.* 303,c  
*Peccatum protoplastorum quot malorum causa.* 2,c. & seqq. 264,d  
*Peccati caput, venter, & cauda qua.* 251,b  
*Peccati solus Christus expers.* 289,d 298,b  
*Peccato quando moriamur.* 313,b  
*Peccata omnia Baptismus abluit.* 300,c.d  
& velut ignis consumit. 457,b  
*Peccata non sunt excusanda, sed confitenda.* 453,c  
*Peccata uniuersa terra, passionis Dominica die sublata sunt.* 357,b.c  
*Peccator verè poenitens in antiquis S. Crucis picturis designatur.* 604,d. 605,e  
*Peccatores fluere dicuntur.* 266,b  
*Peccatoribus Crux horribilis.* 345,b  
*Nixus, inundationis Nili mensura.* 486,c  
hac prius Serapidi, postea Christo oblata. ibid.b.c  
*Pectus Crucis signo munire, mos Christianorum antiquissimus.* 526,c  
*Pellicanus in solitudine nascitur.* 473,c  
eiq; Christus assimilatur. ibid.  
*Pellis & caro vituli, qua in Lege veteri cremabantur, signabant humanitatem Christi.* 222,d  
*Peluum argenteam Paulini venefici respuit beata martyr Glyceria.* 554,a,b  
*Penna in sacris Scripturis aliquando aeternam Dei potestatem, aliquando Spiritum sanctum designant.* 429,d  
in Malachia Propheta brachia Saluatoris significant. 361,a.b  
*Penna in capite Fortuna depicta, leuitatem eius denotant.* 503,a  
item Gentiles iisdem pennis eius diuinitatem innuere volebant. ibid.  
*Penna, quae in Aegyptiacorum idolorum capitibus cernuntur, Deum difficilem inuentu esse significant.* 429,c. 503,b  
*Perduelliones Crucis supplicio puniti.* 37,a. 73,a  
*Peregrinationes ex toto orbe ad Sacramentum miraculosum Daroca asseruatum.* 654,a  
*Perinthus Byzantij Episcopus.* 554,a  
*Persa ignem colunt & adorant.* 444,c  
cadavera mortuorum non comburunt, sed saluant, & quare. 444,d  
*Theodosio mortuo Christianos persequuntur, Romanicq; Imperij oras depopulantur.* 649,b  
ab Arcadio superantur. ibid.  
*Persarum Philosophi dicti Magi.* 461,b  
*Persarum persecutio Christianis parum obsuit.* 559,a  
*Persecutio hereticorum, maioris profectus & gloria causa est Catholicis.* 515,d  
*Perseuerantia denotatur in transversali Crucis ligno.* 19,c  
item in longitudine Crucis. 20,a. 673,b  
*Persica Sibylla. Vide, Sibylla Persica.*  
*Persici smaragdi, dum soli exponuntur, hebescent, in tenebris resplendent.* 433,c  
*Pestis auerenda causa, qua populus Romanus dinexabatur, Esculapius serpens publica legatione ex Epidaurò accersitur.* 598,a  
*Pestis sanctissima Constantinopoli tempore Constantini Copronymi.* 650,c.d  
*Petra in deserto cur bis, ut aqua inde scaturiret, percussa fuerit.* 234,d  
*Petra in qua Gedeon viso Angelo sacrificauit, figura Corporis Christi.* 251,d. & seqq.  
*Petra excisa apud Isaiam, Christus crucifixus.* 336,a  
*Petra foramina in Canticis, clauorum vulnera Christo in Cruce illata significant.* 321,a  
*Petrus Apostolus recenter à se ad fidem conuersos Gentiles Crucis signo cōsignat.* 530,b  
eodem Simonem Magum deuincit. 532,a.b  
fontem Processu, Martiniano, alijsq; baptizandis excitat. ibid.c  
modum S. Siluestro praescribit, quo pestiferi cuiusdam draconis os obfignet. 597,b.c  
quomodo in vetustissima quadam pictura constitutus sit ad sinistram, & S. Paulus ad dextram. 611,b  
*D. Petri eiusq; legitimi successoris clauium pictura aduersus haeticos asserta.* ibid.d  
*Petrus Chrysologus Andream Apostolum arbori suffixum arbitratur.* 8,d  
*Petrus Galatinus ex libro Galerazaià Rabbini Haccados rationes reddit cur Deus poenam Iudaeis inferendā quadraginta annis distulerit.* 282,b  
*Israëlitici populi quatuor grauissima scelera recenset.* 283,a.b  
*S. Scripturam à Scribis adulteratam demonstrat.* 297,b



# INDEX RERVM

- Petrus presbyter diuinitus monitus de perquirenda sacra lancea.* 118, b  
*Pharao diabolum praeignauit.* 209, c  
*Phariseorum opera diabolus in crucifigendo Domino usus.* 516, d  
*Pharnus Media Rex à Nino Assyriorum Rege in Crucem actus.* 25, c. d  
*Philippopolis Thracia urbs, nunc Trimontium & Hadrianopolis dicta.* 644, a. c  
*à Scytharum obsessione quomodo liberata.* 644, a. b  
*Philonis Iudaei in idololatrias oratio inuectiua.* 400, b  
*Philosophi veteres ab Aegyptiorum sacerdotibus edocti, symbolicis figuris dogmata sua obiegebant.* 386, b  
*Phinees hasta, qua Zambrim occidit, typus Crucis Christi.* 245, b  
*Phoenix super palmam volans, typus Christi resurgentis.* 623, d  
*Phrygia Sibylla. Vide, Sibylla Phrygia.*  
*Phrygij, antiquissimum hominum genus.* 396, d  
*Pictura quando olim floruerit, & quando iacuerit.* 613, a  
*Pictura quaedam antiqua tredecim Agnorum, Christo & Apostolis accommodata.* 625, a  
*Pietas cum litteris & artibus in Aegypto desijt.* 461, c  
*Pilati uxor quare ne Christus condemnaretur marito dissuaserit.* 516, d. 517, a  
*Piscis, symbolum odij.* 390, b  
*Placidus Traiani Imp. exercitus ductor quomodo ad fidem conuersus.* 619, d  
*in Baptismate Eustachius est appellatus.* ibid.  
*cum uxore & liberis sub Hadriano Imp. martyrio coronatus.* ibid. & 620, a  
*Plaga Christi in manibus à Zacharia Propheta praedicta.* 358, d  
*Planctus qualis futurus sit Hebraeorum in die iudicii.* 358, a. b  
*Planeta quandoque Crucis figuram constituunt, & tunc maxime viribus pollere putantur.* 139, b. c. d  
*Planeta, Aegyptiorum maiores dy.* 402, a  
*Plantis quandoq; Crucis signum innasci, Crucifixus miraculosus in Hispania ex vite natus demonstrat.* 159, b. & seqq.  
*Platanus arbor ab Hispanis sic appellata, qualis sit, & ubi nascatur.* 164, c. d  
*eius fructus concisus, Crucis & Crucifixi imaginem exhibet.* ibid.  
*Plato Christi passionem & mortem praedixit.* 375, b  
*adiutus, ut creditur, libris Moysis & aliorum Prophetarum.* ibid. d  
*D. Augustini de eo testimonium.* 375, d. 376, a  
*quando mortuus.* 376, a  
*eius de denario numero sententia.* 7, b  
*eiusdem verba ex Timao ad Crucem decussatam relata.* 8, b  
*à diuersis explicata.* ibid. b. c  
*Platonici dogmata sua symbolis texerunt, ne diuina & sublimia apud plebem vilescerent.* 386, d. 387, a  
*Plinius unde terra rotunditatem probauit.* 443, c  
*Plutarchus quomodo excuset Aegyptiacae Theologiae stultitiam & vanitatem.* 408, c. d  
*cur Aegyptij bestias colant, sublimiores paulò rationes adfert.* 420, c  
*Poeta aliud quandoque intendentes, futura praedixerunt.* 377, b  
*idololatriam & cultum falsorum deorum carminibus suis auxerunt.* 400, a
- Polycrates Samiorum Princeps felicissimus.* 33, a. b  
*eius nimia felicitas Amasi Aegyptiorum Regi de infelici exitu suspecta.* ibid. b. c  
*tandem cruci affigitur, & in ea comptrescit.* 33, c. 40, b  
*Pomum, quod Paradisi vocant, ingenti copia in Cypro & Syria nascitur.* 164, c  
*quomodocumque concisum, Crucis & Crucifixi imaginem exhibet.* ibid.  
*Pons dolosus Constantino super Tiberim à Maxentio structus.* 637, d. 638, a  
*Pontianus Crucis signo munitus, nudis pedibus super prunas illeus ambulat.* 527, b  
*Porphyrius idololatria Gentilium patrocinatur.* 409, b. 421, b. 425, b  
*ab Eusebio Caesariensi refellitur.* 421, c. d. 425, b  
*Porphyry inepcias quibus deos suos excusare nititur, Iulius Firmicus Maternus refutat.* 410, b. 411, a  
*Potio calicis Christi quam suauis.* 452, c  
*Potio fellis à Iudaeis Christo exhibita, ab Habacne praeuifa.* 352, d. 353, a  
*Potus olim à Christianis Crucis signo solitus benedici.* 521, a. b. 522, a. b. 544, b  
*Prapostiti laborum vel labororum in exercitu Constantini qui, quoue honore ab eodem affecti.* 496, a. 635, b  
*Prelatis triplex Crux ferenda.* 138, a  
*Praestigia diabolorum qualescumque Cruce superantur.* 547, b. c. 548, a  
*Præteritum pro Futuro in Sacris litteris saepe usurpatur.* 307, c  
*Presbyter Ioannes Rex Aethiopia solemnem obedientiam per Legatum & litteras summo Pontifici praestat.* 593, d  
*eius magnificentia.* 594, a. b. c  
*Primo mobili Crucis figura insculpta.* 129, c. 130, a  
*Principatus super humerum Christi, Crux eius.* 332, a. & seqq.  
*Principium suum omnia creata repetunt.* 7, b. c  
*Principum Christianorum Crux triplex.* 138, a  
*Principum imagines pro dijs habita.* 399, b  
*Proba Falconia Centones Virgilianos scripsit.* 377, a  
*Probianus, unus è satellitibus Constantini Imp. Crucem salutis causam fuisse negans, aut non credens, visione diuina corrigitur.* 582, b  
*Processus & Martinianus à B. Petro baptizati.* 532, c  
*Procopius, alias Neanias dictus. Vide, Neanias.*  
*Prodigia varia & horrenda visa tempore Iuliani Apostata.* 647, 648  
*Prælium ingressuri milites Christiani, Cruce se signabant antiquitus.* 523, a  
*Profectio Christi in Aegyptum ab Isaia praedicta.* 478, b  
*Prognostica sua Aegyptij obeliscis insculpebant.* 461, b  
*Prophetarum alij cur Maiores, alij Minores appellati.* 330, b  
*Propheta symbolico & occulto sermone vsi.* 386, c  
*Propheta dicti Aegyptiorum sacerdotes.* 461, a  
*Prophetia quandoque impuris & scelestis hominibus à Deo concessa.* 278, b  
*si charitati coniuncta non fuerit, hominem non sanctificat.* ibid. c  
*Prophetia Iacob de Iuda quomodo Christo accommodetur.* 273, a. b  
*Prophetia Balaam ferè eadem cum Iacob Patriarchae de Christo.* 277, b  
*Prophe-*



# IN LIBROS DE TRIUMPHANTI CRUCE.

Prophetia varia de Cruce Christi. Vide, *Cruce Christi*  
*varijs Prophetijs in Sacris libris prae-signata.*  
*Propitiatorium in Lege veteri, Christi eiusque Cru-*  
*cis figura.* 220, b  
*Prosdocius B. Petri discipulus.* 550, c  
*ab eo Episcopus Patavij ordinatus.* ibid.  
*Crucis signo egros sanat.* ibid.  
*Vitellianum Regulum convertit, baptizat, & sa-*  
*nitati restituit.* ibid.  
*in diuersis Italiae urbibus Euangelium pradi-*  
*cat.* ibid. d  
*varia Crucis signo miracula perficit, & in primis*  
*cacam illuminat.* ibid.  
*eius vitam & res gestas qui scripserint.* 551, a  
*Prospera & aduersa non à Fortuna, sed à Deo.* 501, b  
*Protoplastorum peccatum quam damnosum.* 2, c.  
*& seqq. 264, d*  
*Proverbia Salomonis similitudinem habent symbo-*  
*lorum.* 387, c  
*Proximorum compassio Crucis deportatione expri-*  
*mitur.* 592, d  
*Psalmorum liber totius ferè Scripturae compendium.*  
*292, b. c*  
*à quibus conscriptus.* 308, a  
*varia in illis de Christi Cruce Prophetia.* 292, d.  
*& seqq.*  
*Psammetici Aegyptiorum Regis, cognoscere sata-*  
*gentis quam orbis parte primi homines orti es-*  
*sent, commentum.* 396, b. c. d  
*Pseudo-Alexius Imp. Constantinopol. memoriam*  
*S. Michaelis Archangeli euerit.* 556, c  
*Ptolemaeus Rex Aegypti Cleomenem Spartanorum*  
*Regem iam mortuum & pelle nudatum Cruci suf-*  
*fixit.* 30, d  
*Publius Gabinus à Curione Consule ad carmina Si-*  
*byllina conquirenda missus.* 366, b  
*Pueri Abrahae duo, qui sub monte expectare iussi*  
*erant, Iudaicum designant populum.* 195, c. d  
*Pueri duo inter bestias nutriti, primam vocem edi-*  
*derunt, Beccos, Beccos.* 396, c. d  
*Pueritia à noxijs absterrenda.* 447, b  
*Puerulus, symbolum generationis.* 390, b  
*Pugio quo Phinees Zambrim occidit, typus Crucis*  
*Christi.* 245, b  
*Purpuram cur gestent Ecclesiae Cardinales.* 86, d  
*Purpureus funiculus, quem Raab fenestrae appendit,*  
*signum Crucis Christi.* 246, a. b  
*Purpureo colore cur Ecclesia in Martyrum solemn-*  
*itatibus utatur.* 86, d  
*Puteo Fortuna insidens cur pingatur.* 501, a  
*Pyrrhi Epirotarum Regis lancea noctua insidens, in-*  
*fausta mortis praesagium.* 474, c. d  
*Pythagoras à sacerdotibus Aegyptijs symbolicas &*  
*hieroglyphicas figuras edoctus.* 386, b. c. 387, c  
*ut arcana Philosophiae Aegyptiacae doceri posset,*  
*circumcidi se passus est.* 461, a  
*Pythagorici figuram duodecim laterum Ioui assigna-*  
*bant.* 134, c  
*dogmata sua symbolis obtegebant, ne apud plebem*  
*vilescerent.* 386, d. 387, a  
*Pytho, Sibylla Samia.* 367, c

## Q.

**Q**UATERNARIUS numerus virtute dena-  
 rium complectitur. 7, d  
 ὡς πάλαι μακρὸς Gracis, id est perficiens dictus.  
 8, a. 16, c

*iustitia & virtutum est symbolum.* 16, c  
*alia eiusdem mysteria.* 16, d. 17, a. & seqq.  
*ad corpus quomodo pertineat.* 132, b. c  
*Quatuor mundi partes S. Crucem designant.* 129, a.  
*& seq.*  
*Quatuor Zodiaci puncta Crucis Christi figuram*  
*exprimunt.* 133, c. d  
*Quercus putatur fuisse lignum vitae in Paradiso.* 25, b  
*eadem materia Crucis Christi.* 24, c. d  
*Quercus Abrahami, figura Crucis è quercu con-*  
*struenda.* 26, b  
*Quercus, sub qua Angelus Gedeoni apparens sedit,*  
*Crucis Christi typus.* 251, b  
*Quercus in qua Absalom suspensus interijt, exemplar*  
*diuinae in impios liberos ultionis.* 259, d. 260, a  
*quomodo figura Crucis Christi.* 260, a. b  
*Quinquaginta inuenies à Constantino electi, quibus*  
*gestandi & custodiendi labari curam iniun-*  
*xit.* 635, b  
*quo honore ab eodem affecti.* ibid.  
*Quiriacus, ante Baptismum Iudas dictus, S. Helena*  
*locum S. Crucis detegit.* 661, a  
*postea creatus Ierosolymorum Episcopus martyrio*  
*coronatur.* ibid. b. c  
*Quiscum civitas olim Erythra dicta.* 366, a

## R.

**R**AAB meretrix, Ecclesiae symbolum. 246, c.  
 247, b. c  
*Rabbi Barachias quomodo explicet Psalmi nona-*  
*gesimi versum, Exaltabitur, sicut vnicornis cor-*  
*nu meum.* 280, b  
*Rabbi Bechaia quomodo verba illa, Et ponent no-*  
*men meum super filios Israë, interpretetur.*  
 227, d  
*Rabbi Haccados auctor libri Galera Zaià.* 274, a  
*eius de veri Messiae nomine prophetia,* ibid. a. b  
*rationem reddit cur Deus poenam Iudaïs inferen-*  
*dam quadraginta annis distulerit.* 282, a. b  
*Rabbi Hardasan, Iudeos Scripturam corrupisse*  
*testatur.* 297, a  
*Rabbi Iosue glossa in Genesis cap. xxiv.* 475, c  
*Rabbi Moyses Aegyptius, dispersionis Iudeorum*  
*causam, Christi necem fuisse asserit.* 281, d  
*Rabbi Senghadia quomodo locum Canticorum*  
*cap. vii. explicuerit.* 326, a  
*Racemus una ab exploratoribus Hebrais è Terra*  
*promissionis allatus, Crucis & Christi cruci-*  
*fixi figura.* 230, b  
*item sanguinis Christi.* 452, b  
*Radix Iesse, Christus.* 332, d  
*Ragusei, olim dicti Epidauritani, urbis suae euer-*  
*sione ob assiduam maris inundationem verentes, à*  
*S. Hilarione virtute S. Crucis praeservantur.* 572, b  
*Ramses vel Ramises Aegypti Rex.* 464, c  
*quando regnarit.* ibid.  
*Regia Fortuna qua.* 504, a  
*hanc Reges iam morti proximi ad filios suos vel ad*  
*alios sibi in Regno successuros trans mittebant.*  
 ibid. a. b  
*Religionis suae mysteria Aegyptij symbolis obtege-*  
*bant ne vulgo innotescerent.* 386, b  
*Religionis prae-textu propriam gloriam venati Ae-*  
*gyptij in erigendis obeliscis.* 461, d  
*Religionis mutatio, periculosa.* 480, c  
*Regnorum mutationem inducit.* 412, c  
*Reliquias Sanctorum immundi circumferre &*  
*osculari*



# INDEX RERVM

osculari non possunt. 592, d. 593, a  
SS. Reliquia in Cruce materiali condita. 606, d  
Reprobatio Iudeorum ab Amos Propheta predicta. 282, c  
Resurrectio Christi à Sibylla Phrygia predicta. 570, b  
item à Sibylla Tiburtina. ibid.  
Resurrectio futura in propria cuiusque carne. 520, d  
Resurrectionis symbolum numerus octonarius. 369, b  
Rex Hai à Iosue suspensus, diaboli in Cruce à Christo demitti typus. 248, c. & seqq.  
Regis cuiusdam Aegypti, subditorum suorum rebellionem pertimescentis callidum inuentum. 412, c. d  
Regem Indiarum cum fratre suo conuertit & baptizat B. Thomas Apostolus. 537, b. c  
Reges sibi coronam vindicarunt. 600, a. b  
Regum coronatio & inauguratio quo ritu olim celebrata. 79, c  
Regum Aegyptiorum superbia & arrogantia. 461, c  
Regum & Principum imagines pro dijs habita. 399, b  
Rhadata, urbs Aegypti in qua felis maxime colitur. 433, d  
Rhamnus vulgò dictus Spina sancta. 85, a  
huic aduersus veneficia virtutem insitam esse Gentiles credere. ibid. b  
quam reipsa sacer rhamnus, ex quo Christi corona confecta, adeptus est. 85, c. d  
cui meruò proinde reliqua planta principatum detulere. ibid. d  
quis ignis ex hoc egrediatur. 86, a. b  
Rhinoceros designat Gentiles. 291, a  
Rhinocerotis cornua, cornua Crucis denotant. 279, d  
Rhodiana Sibylla. 370, d  
Ritus purgandi leprosi in veteri Lege. 223, a. b. c  
is quomodo typus Crucis Christi. ibid.  
Ritus Ecclesie partim vni voce sine scripto ab Apostolis traditi. 542, a. b  
Ritus Catechumenos recipiendi. 518, d  
Ritus in dedicatione obelisci Sixti V. observati. 463, a  
Ritus in sacris Isiacis quinam observati. 404, d.  
405, d. 406, a  
Rituum, quibus dijs coluntur, an primi inuentores Aegyptij. 397, a  
Roma omnium Gentilium deorum cultum olim admisit. 406, b  
Sacra Isiaca sæpè proscripsit, sæpè eadem introduxit. 462, b. & seqq.  
Roma nulla heresis exorta. 521, a  
Roma pars S. Crucis quotannis in Exaltationis eius festo ostensa & adorata. 665, b. c  
Roma celebre templum in honorem S. Crucis à Constantino erectum. 664, a. 665, d. 666, a  
Romane urbis antiquiora templa Crucis in modum sunt extructa. 585, b  
Romani Senatus de Serapidis & Isidis simulacris, arisque & fanis destruendis edictum. 406, b  
Romanus quidam ab Aegyptijs ob selem non sponte necatum occisus. 414, a  
Romani Crucē maioris opprobrij ergò dealbabāt. 62, a  
idque à Galba observatum. ibid.  
mortuos suos nouē dies plangebant, & quare. 133, b  
symbolis vsi. 391, c  
plus se Fortuna quam Virtuti debere profitebantur. 500, b  
diu ferreis annulis vsi. 595, b  
quibus annulorum aureorum usum indulserint. ibid. c  
in funeribus & aduersis Reip. casibus eos deponerant. ibid.

annulos in arum tradere soliti. 595, d  
Heroum aut maiorum suorum imagines pala annulorum insculptas circumferebant. 596, a  
Aesculapium serpentem publica legatione ex Epidaurio Romam euocarunt, & quare. 598, a  
eius fecunditati quomodo obstiterint. ibid. a. b  
vexilla sua ab insigniorum demictorum populorum nominibus appellare soliti. 633, a  
in vexillis informem Crucis formam casu, vel potius Dei nutu effinxere. 633, d  
hinc felicitas eorum & multiplices victoria; nec miranda, cum triumphale Crucis signum in vexillis semper prætulerint, atque in hoc vicerint. 498, c. d  
quondam Scytharum tributarij. 644, d  
a qua seruitute per Constantinum Imp. liberati. ibid.  
Rotarum, quas Ezechiel vidit, proluxa interpretatio. 344, b. & seq. 345, a. & seq.  
Rotunditas terra Plinio atque Aristoteli unde probata. 443, c  
Rubeo colore veteres, quæ notatu dignissima, distinguant. 61, b. c  
Rubus quem Moyses in deserto ardere, neque tamen consumi vidit, Crucis sanctæ typus. 202, a. & seqq.  
Rubus hominum peccata denotat. 87, a. b. 202, b  
eidem serpentes perimendi virtus insita. ibid. c. d  
Ruffini Aquileiensis de Crucis Christi forma opinio. 20, d. 21, a  
Rusticani dij Gentilium, nihil aliud quam Cruces lignæ. 490, c. d. 492, b. c. d  
Rustici in Gallia idola sua per agros circumferebant. 569, b

## S.

**S**ACERDOTES abasis capillis coronam præferunt in memoriam spinæ coronæ Christi. 88, d  
Sacerdotum consecratio fit per signum Crucis. 450, a  
Sacerdotes Aegyptiorum Astrologia & Magia dediti. 460, d  
Propheta dicti. 461, a  
Sacerdotes Isidis à Tiberio in Crucem acti. 32, a  
eorum in sacris Isiacis vesania. 406, a  
ob eorumdem infamem auaritiā templum Isidis à Tiberio Imp. dirutum, & simulacrum eius in Tiberim proiectum. ibid. c  
ijs solis imaginem Isidis afficere fas erat. 439, d.  
440, a  
Sacerdotes Saturni idolo suo pueros immolantes à Tiberio arboribus affixi. 4, d  
Sacerdotum idololatrarum fraudes detectæ, conuersionis Gentilium causa. 481, b  
Sacra gleba, locus in quo Sestres mulieres comburi iussit. 459, d  
Sacra Isiaca. Vide, Isiaca sacra.  
Sacramenta Ecclesie unde originem traxerint. 449, d  
Sacramentorum administratio, nisi signo S. Crucis adhibito, haud peragitur. 449, d. 450, a. 519, a  
& seq. 520, b  
Sacramentum Baptismatis. Vide, Baptismus.  
Sacramentum Confirmationis. Vide, Confirmationis Sacramentum.  
Sacramentum miraculosum Daroca magna veneratione asseruatur. 654, a  
frequens ad illud Christianorum peregrinatio. ibid.  
in eius memoriam facta est mira Crucis apparitio. ibid. b. c  
& eccle-



# IN LIBROS DE TRIVMPHANTI CRUCE.

- & ecclesia exstructa. 654, d  
 Sacrificium Elia typus Baptismi. 456, d  
 Sacrificia omnia veteris Legis typum prætulērunt  
 Crucis & passionis Christi. 222, a, b  
 Sacrificia antiqua Sanguinem Christi, quem in pas-  
 sione profudit, præfigurarunt. 452, a  
 Sacrificiorum, quæ dijs Gentilium offeruntur, an pri-  
 mi inuētores Aegyptij. 397, a  
 Sagamus Rex India B. Thoma Apostolo ecclesiam  
 extruere meditante restitit. 576, a  
 Salmona, locus ubi Moyses serpentem anem erexit.  
 241, d  
 umbram significat. ibid.  
 & imaginulam. 244, b  
 quid mysticè significet. 241, d. 241, b  
 Salomon super omnibus lignis disputauit, quasi Cru-  
 cis mysterium inquirens. 261, c  
 eius splendor & præstantia. 316, d  
 in libris suis prophetauit. 317, a  
 quos tres composuit, iuxta tria sua nomina. ibid.  
 tria item disciplinarum genera quædam comple-  
 xus. ibid. b, c  
 in Canticis caelestia & diuina maximè contem-  
 platus. ibid. c, d  
 tria eius nomina quid significant, & quomodo in  
 singulis Christi typum gesserit. 318, a, b, c  
 eius Proverbia similitudinem habent symbolo-  
 rum. 387, c  
 Saluandorum frontes littera Tau notata. 9, c, d  
 Saluos fieri omnes homines Deus quatenus velit.  
 380, d. 381, b  
 id similitudine Regis volentis omnes suos saluos, &  
 tamen scelestos punientis, ostenditur. 381, b  
 Salus hominum Deo maximè cura. 383, d  
 imò hæc ipsa Dei diuinitas. 383, d. 384, a  
 Salutis portum attingendi ratio certissima per Cru-  
 cem. 309, b, c  
 Samaritani tempore D. Hieronymi antiquos Hebrai-  
 ca lingua characteres retinebant. 10, d  
 Sambetha, Sibylla Persica. 363, b  
 Vide, Sibylla Persica.  
 Samia Sibylla. Vide, Sibylla Samia.  
 Samson sol interpretatur. 254, a  
 leonem discerpens, typus Christi est diabolum ex-  
 tensis in Cruce manibus vincentis. ibid. a, b  
 eius cecitas Iudeorum cecitatem præsignauit.  
 ibid. d  
 & mors eius figura fuit mortis Christi. ibid.  
 Samuelis ferma ad Deum pro populo Iudaico ora-  
 tio, cuiusque vis & efficacia. 255, b  
 Sanctificatio creaturarum per signum Crucis facta  
 & faciēda. 530, d  
 Sancti per Iudeos in libro Iob intelliguntur. 292, a  
 Sanctorum mors non lugenda. 311, a  
 Sanctorum Reliquias immandi circumferre &  
 osculari non possunt. 592, d. 593, a  
 Sanguis agni Iudaici postibus Iudeorum in Aegypto  
 illitus, & Angelum exterminatorem arcens, ty-  
 pus Crucis Christi. 256, d. 525, c, d  
 Sanguis Christi præfiguratus in sanguine vitulorum  
 & hircorum veteris Testamenti. 450, d. 451, a  
 in instorum omnium morte. 452, a  
 in botro è Terra promissionis allato. ibid. b  
 Sanguis Christi, si reuerenter eum sumis, vitam si ir-  
 reuerenter, mortem operatur. 453, b  
 Sanguinis Christi virtus & efficacia. 158, b. & seq.  
 159, a. 230, d. 231, a. & seq.  
 Sanguinem Christi daemones contremiscunt. 179, c  
 Sanguine cur librum Legis & populum asperferit  
 Moyses. 451, a, b  
 Sanhedrin, indices ordinarij apud Iudeos. 275, b, c  
 in Babylonem abducti. ibid.  
 Sapientia liber à Salomone compositus. 329, b  
 id tamen aliqui negant, & quare. ibid. c  
 Sapientium dicta aut scripta, licet Gentilium, non  
 aspernanda. 427, c  
 Sapientissimi omnium sibi visi Aegyptij. 383, a  
 proinde de idololatria inexcusabiles. ibid. b, c, d  
 Sardiana Sibylla. 370, d  
 Sarephthana mulier, typus Ecclesia. 262, b, c  
 Satanas, nomen diabolo à Christo inditum. 476, d  
 sceleribus eius conuenite significatio declarat. ibid.  
 Saturnus primus corona redimitus. 599, d  
 Saturni sacerdotes, ob pueros idolo immolatos, à Ti-  
 berio arboribus affixi. 4, d  
 Saturno antiquior Noë. 397, b  
 Satyrus, symbolum libidinis. 391, c  
 Saul, licet improbus, prophetauit. 278, c  
 Saurotate à Constantino subacti. 644, c. d. 645, a  
 Scala, quam Iacob in somnis vidit, typus fuit Crucis  
 Christi. 196, b. & seqq.  
 Scarabeus, solis symbolum apud Aegyptios. 430, c  
 Sceptrum numquam, ante Christi natalem, à Iudeis  
 penitus ablatum. 275, d  
 Sceptrum eique oculis superimpositus, Osiridem si-  
 mul & solem Aegyptus significabat. 432, d  
 Sciaddai, Dei nomen. 227, b  
 à Iudeis in benedictione populi pro Iehoua usur-  
 patum. ibid. & seqq.  
 Christo Domino propriè conuenit. 228, c. & seqq.  
 Scipio Numantinus templi Virtuti condidit. 500, b  
 Scriptura cur Spiritus sancti afflatu cōscripta. 292, a  
 mari assimilatur, & quare. 345, a  
 interpretatione eget. 381, a  
 Sculptura quando floruerit, & quando iacuerit. 613, a  
 Scutum Christianorum, S. Crucis signum. 548, c  
 Seythe à Constantino virtute Crucis debellari. 643, d.  
 644, c. d. item à Gallicano. 643, d. & seqq.  
 Scythopolis à Saracenis obfessa, Crucis presidio libe-  
 ratum. 591, d  
 Secusia ciuitas Constantino Romam ad Maxentium  
 debellandum properanti resistit. 637, a  
 capitur, & vix à militum direptione & incendio  
 seruat. ibid.  
 Seditio Alexandria ob idolorum euerfionem. 481, c  
 Seditioform Alexandria audacia. 482, a  
 Segetia & Seia, dea rusticana. 492, b  
 Sem & Iaphet patris nuditatem tegentes, Iudeos &  
 Gentiles in Christum credentes præfigurāt. 186, b  
 Semanai, Baëtrorum philosophi. 461, b  
 Semneferteus Aegypti Rex generis sui humilitatem  
 obelisci cuiusdam dedicatione & inscriptione ob-  
 tegere conatus est. 466, a, b  
 Semproniani & sociorum sculptorum per virtutem  
 Crucis insigne miraculum. 523, c, d  
 Senex, symbolum corruptionis & interitus. 390, b  
 Senghadia Rabbi, quomodo locum Canticorum  
 cap. VII. explicet. 326, a  
 Septem Dormientium historia, S. Crucis in portis vr-  
 bium olim erectæ testis. 589, c  
 Septem Spiritus sancti dona. Vide, Spiritus sanctus.  
 Septenarius numerus mysterijs refertissimus. 130, c.  
 & seqq.  
 eiusdem virtute Crux sancta in calo figuratur.  
 ibid. d. 131, b  
 per eundem in sacris Scripturis rerum vniuersitas,  
 atque



# INDEX RERV M

- atque ipsa electorum & sancta Ecclesia mul-  
tando designatur. 130, d. 131, a. & seqq.
- item Creator & creatura. 132, b. c
- idem numerus anima corporisque vinculum con-  
tinet, & annorum climactericorum causa est.  
ibid. b. c. d
- ad eundem forte numerum alludentes Hebraei  
mortuos suos septem diebus luget. 132, d. 133, a
- quietis peculiare est indicium. 133, a
- Sepulchrum Domini gloriosum fore praedixit Isaias.  
333, a
- ad illud visendum Hieronymus Marcellam hor-  
tatur. ibid. b
- Serapis quis qualisve fuerit, varia opiniones. 486, d.
- 487, a. & seq.
- eius nominis etymon. 487, c. 488, b
- Macrobio sol dicitur. 488, d. 489, a. & seq.
- Serapis & Osiris an idem. 488, d
- Serapidi Nili inundatio & irrigatio à Gentilibus  
adscripta. 486, b
- Serapidis sacerdotum fraudulenta artificia. 483, c
- Serapidis simulacrum attingere Gentilibus nefas. 484, a
- à Theophilo Episcopo destructum, & flammis  
traditum. ibid. a, b
- caput eiusdem simulacri funibus à pueris per pla-  
teas raptatum. ibid. b
- Serapidis templum graphicè descriptum. 483, a. & seqq.
- inssu Theodosij Imp. à Theophilo Episcopo euer-  
sum & solo aequatum. 484, b. c
- thesauri in eo reperti, in pios usus conuersi. ibid. c
- plurima Crucis figure lapidibus insculpta, in eius-  
dem demolitione inuenta. ibid. d
- ab Arcadio instauratum & ad Christianorum Ec-  
clesiae formam redactum. ibid. c
- S. Sergius Martyr in somnis Chosroa iuniori Persa-  
rum Regi apparet, Reginamque Siram ex eo con-  
cepturam pollicetur, idque post Crucem templo  
Martyris à Regina oblatam. 592, c
- Sergius Papa diuina reuelatione Crucem auream  
gemma pretiosissima exornatam reperit. 609, d
- quando sederit. 674, b
- an ipse Crucem adorandi & deosculandi morem  
in Ecclesiam introduxerit. ibid.
- Serpens aeneus à Moysse suspensus, typus Crucis  
Christi. 236, b. & seqq.
- asseritur Christi ipsius testimonio. ibid. c. d
- quatenus sit antiypus Crucis. 237, d. & seqq.
- cur ex are sit conflat. 243, a. 244, b
- Serpens peccati symbolum. 242, b. 244, d. 477, b
- & diaboli. 476, c. d
- Serpens in circuli formam inuolutus Aegyptijs vel  
annum, vel calum in quo sol circumfertur, vel  
tempus significabat. 436, c. d
- Serpentis specie diabolus primos parentes decepit.  
244, d. 476, d. 477, a
- Serpentes Thebanis sacri. 417, a
- mortuos in Iouis templo sepeliunt. ibid.
- Serpentum morsus innocuos reddunt annuli ab Eu-  
damo Philosopho confecti. 599, a
- Serpentum astutia Christianis necessaria quae sit. 603, b
- Seruch idololatriam primus mundo inuexit. 398, d
- Seruis proprium Crucis supplicium. 44, a. & seqq.
- Sernius Tullus ex serua natus, ad regnum euectus.  
499, d
- Sesostres Aegyptiorum Rex Serapidis idolum con-  
struxit. 487, a
- Sesostres, secundus Aegyptiorum Rex, primus obe-  
liscorum inuentor. 359, c. d
- ob Nilum fluminum iaculo ex indignatione petitur  
cacitate punitus. ibid. d
- ab ea quomodo liberatus. ibid.
- uxorem suam & plurimas alias feminas combus-  
sit, & quare. ibid.
- Setim, lignum pretiosum, quale sit, & ubi nascat-  
ur. 220, b
- Sex illi viri, quorum mentio apud Ezechielem cap. ix.  
quinam fuerint. 346, b. c
- & quis septimus, ibid.
- Sexcentenarius militum Saulis numerus quid  
signet. 256, a. b
- Sexta Synodus ab Hadriano Papa confirmata. 529, a
- quando celebrata. 621, a
- decreuit ut loco Agni qui haecenus Crucibus ap-  
pingi solebat, Christus crucifixus pingeretur.  
621, a. b
- item ne Crucis signum solo insculpatur. 680, b
- Sextus Petronius Probus qualis, & quando florue-  
rit. 608, b. c
- Sezerini Crucem in lychnite gemma exsculptam  
quam Ioanni Comneno Imp. tradiderunt, unde  
habuerint. 615, c
- Sibylla Colophonia. 370, d
- Sibylla Cumaea. 364, a
- unde sic appellata. ibid.
- ab alijs Italica dicta. ibid.
- eius scripta Graecis legenda commendat Iustinus  
Martyr. ibid. b. & seq.
- eiusdem patria & parentes. ibid.
- de Christi aduentu & Gentium conuersione ora-  
culum. 365, b. c. d
- Sibylla Cumana. 367, d
- nouem oraculorum libros conscripsit. 368, a
- ex illis sex ignibus tradidit, Tarquinio postulatam  
pretium denegante. ibid. a. b
- eius de Christi aduentu & sanctissimo eius nomine  
oraculum. 368, c. & seqq.
- Sibylla Delphica. 363, d
- Artemis vocata. ibid.
- quando vixerit. ibid.
- Homerus non pauca huius carmina suis im-  
miscuit. ibid.
- Christum colaphizandum, sputis fœdandum,  
felle denique & acetopotandū praedixit. 364, a
- Sibylla Epirotica. 370, d
- Sibylla Erythraea, ab urbe Erythra cognominata. 366, a
- vixit ante excidium Troia. ibid.
- duas fuisse Erythreas Strabo asserit. ibid.
- celebrior hac omnibus alijs Sibyllis. ibid. b. 367, c
- carmina illius, Curionis Consulis inssu conqui-  
sit. 366, b
- D. Augustini de ea testimonium. ibid.
- eius de extremi Iudicii die apertissimum oracu-  
lum. ibid. c
- Sibylla Helissa. 370, d
- Sibylla Hellepontica. 369, d
- ubi nata, & quando floruerit. ibid.
- eius de Christo à Magis adorato vaticinium. 370, a
- Sibylla Libyca. 363, c
- eius Euripides meminit. ibid.
- miracula Christi praedixit. ibid.
- Sibylla Persica. 363, a. b
- alijs dicta Chaldaea, & alijs Hebraea. ibid. b
- Sambetha proprie vocata. ibid.
- unde orta. ibid.
- quot libros scripserit. ibid.
- Ioan. Baptista aduentum praedixit. ibid.
- Sibylla



# IN LIBROS DE TRIUMPHANTI CRUCE.

Sibylla Phrygia.	370,a	adolefcentem mortuum in vitam renocare frustra nititur.	532,a,b
Christi mortem, descensum ad inferos, & resurrectionem prænuntiavit.	ibid.a,b,c	à populo obruendus lapidibus, ni S. Petrus apostolus intercessisset.	ibid.b
Sibylla Rhodiana.	370,d	ab eodem Apostolo signo Crucis superatur, & à cane diabolo impetitur, quem ad ipsum Petrum dilaniandum produxerat.	ibid.
Sibylla Samia.	367,c	Simplificius sculptor ad fidem convertitur.	523,d
Pytho dicta.	ibid.	à Cyrillo Episc. baptizatur.	ibid.
solemnem IESV asine pullo insidentis in Ierusalem ingressum prædixit.	ibid.d	martyrio tandem coronatur.	524,a
Sibylla Sardiniana.	370,d	Simulacra deorum à quibus primum inuenta.	402,a
Sibylla Sicula.	ibid.	illa aduentu Christi in Ægyptum prostrata.	478,d.479,a,b
Sibylla Thessalica.	371,a	Sinistra ne an dextera dignior.	611,b,c
Sibylla Tiburtina, ab urbe Tibure nuncupata.	370,c	Sinistra suâ cur Fortuna copia cornu gestet.	503,a
Albunea dicta.	ibid.	Sira uxor Chosroës iunioris Persarum Regis Christiana.	592,c
Tiburtini ut deam coluere, templo ei exstructo, quod etiam nunc exstat.	ibid.	Crucem collo appensam gestare solita.	ibid.
eius simulacrum librum manu tenens in Amonis gurgite repertum.	ibid.	Sirius, seu Canis maior, qualis stella.	441,a
Christi resurrectionem & ascensionem prædixit.	ibid,c,d	Sisara viginti annis superbe & crudeliter filios Israël persecutus, à muliere tandem prælio victus, & ab alia necatus, exemplo suo docet superbos à Deo puniendos.	249,c. & seqq.
Sibylla à SS. Patribus prophetissa Gentium appellata.	362,a.374,b,c	Sisara quid mysticè significet.	250,a. & seqq.
earum scripta in pretio habita.	ibid.	Sistrum Ægyptiorum quale.	405,a
ad ea legenda Apostoli hortabantur Gentiles.	ibid.	eius verus typus.	ibid.c
virginitatem perpetuam coluerunt.	362,c	Sitio, verbum à Christo in Cruce prolatum, quid signet.	104,c
unde nomen sortite.	ibid.	Situs Christi in Cruce duplex.	104,a
de earum numero, patria, & tempore quo vixerint, varia veterum sententia.	ibid.c,d.363,a	Sixtus Papa V. obeliscos varios Romæ erigit, & solemniter S. Cruci dicat.	462,c.d.464,a. & seqq.
qua propria cuiusque sunt scripta, certò affirmari haud potest.	ibid,b	Smaragdi Persici, dum soli exponuntur, hebescent, in tenebris resplendent.	433,c
quare non omnes earum versus numeris poetiis consent.	364,c,d	Smarres Ægyptiorum Rex obeliscos quosdam, qui modo Romæ visuntur, excidendos curavit.	464,a
Augusti Cas. de earum carminibus decretum.	371,a	Socotora insula in Indijs.	578,b
Sibyllarum carmina, ab Augusto olim religiosè undique conquistata, à Stilicone combusta.	371,a,b	ibidem sacella quadam visuntur, & in ijs Cruces in altariis cum lychnis præpendentibus.	ibid.
earumdem libros Gentilium principes suis interdicebant.	374,d	eius incolæ S. Thomam colunt, à quo maiores suos baptizatos fuisse gloriantur.	ibid.
Sicima Latine humeros significat.	309,d	Sol non est creator, sed minister Creatoris.	409,d
Siculus duplex, Sanctuarij & communis.	67,c	in Leonis signo regnat.	436,a,b
quantum uterque valuerit.	ibid.d	an per se producat fructus.	437,d.438,a,b
Sicli Sanctuarij imago.	68,b	Sol ab Ægyptijs Osiris appellatus, & quare.	402,c
Signiferi apud Romanos qui.	633,a	403,a	
Signum, in Psalmo LIX. significat Crucem Domini.	301,c,d	à Persis verò Mithras.	468,d.481,b
Signum Crucis, signum novi Testamenti.	144,a	à Macrobio dictus putatur Serapis.	488,d
Signum Crucis gemmis pretiosius.	514,c,d	489,a. & seqq.	
Vide, Crucis signum.		Sol in nouissimo Iudicij die præ fulgore S. Crucis obscurabitur.	685
Signum Filij hominis in calo appariturum. Crux est.	684,b,d. & seqq.	Solis cursus per Zodiacum descriptus.	133,c
an vera Crux in qua Christus pependit.	686,687	Solis eclipsis in Christi passione à Sibylla Phrygia prædicta.	370,a,b
Signum militare, dictum olim symbolum.	385,d	Solis imago qualis apud Ægyptios.	433,a
Signo & rei signata eiusdem generis honos est impendendus.	681,c	Solis nomine Christus intelligitur.	355,d.361,a
SILO significat Messiam.	273,c. & seqq.	Solis symbolum, nauigium.	390,a
recentiores Rabbinæ negant, variè nomen hoc interpretando, sed refelluntur.	274,c. & seqq.	item crocodilus.	ibid.
SILO & nominis IESV per numeros collatio.	273,c	& accipiter.	390,c
S. Siluester Papa annulo ferreo cum Crucis signo insculpto usus.	597,a,b,c	Solis & felis sympathia.	433,b
illo draconis os obsignauit.	ibid.	Solis varia apud Ægyptios simulacra.	432,c. & seqq.
hinc pedibus eius draco appingitur.	ibid.d	Soles tres circulo quodam circumdati supra Capham urbem visi.	655,a,b
eius Acta ubi seruentur.	597,a,d	quid significauerint.	ibid.c
Simia idolum Alexandria reliquis exustis à Theophilo quare seruatum.	484,c,d	Solstitium æstiuum in quo Zodiaci signo fiat.	130,a
SS. Simon & Iudas Crucis signo magos superant, & ab alijs superari faciunt.	539,c	in quo hibernum.	ibid.
Simon Magus Christum reuerà fuisse crucifixum primus negauit.	516,a	Sophrim dicti Legis periti apud Iudeos.	284,d.297,a
		eorum in S. Scripturis corrupendis nefarius ausus.	297,b



# INDEX RERVM

- Sophrin*, liber à Rabbi Moyse Aegyptio compositus. 281, d
- Spectrum* aliquod cum viderent Christiani, Cruce se signabant. 522, d. & seqq.
- Spes* per Crucis altitudinem adumbratur. 20, a. 673, a
- Sphinx*, solertis ingenij symbolum. 390, b. c
- Spina* peccata significant. 87, a. 202, b
- Spinea Corona*. Vide, *Corona*.
- Spiritus sanctus* per Ecclesiam infundit fidem. 455, d  
non solum sub columba, sed etiam sub ignis specie apparuit, & quare. 603, c  
per ora Prophetarum Crucem adorari precepit. 679, c. d
- Spiritus sancti* septem dona per oculos septem super lapidem apud Zachariam Prophetam designata. 357, b  
item per septem oculos Agni, apud S. Ioannem in Apocalypsi. 619, b
- Spiritus sancti* tabernacula, iustorum corda. 451, c
- Splendor* in Psalmo LXXXIX. significat Crucem Domini. 305, a. b
- Spongia* sanguinem sistit, & vulnera conglutinat. 108, b. c
- Spongia*, qua Christus potatus est, Romæ asservatur. 109, a  
olim Ierosolymis visebatur. ibid. b  
pars eius in Gallia. ibid. c  
victa Constantinopoli, in Turcarum Imp. potestatem redacta. 119, a
- Sponsalitiis* annulus apud veteres Hetruscos erat ferreus. 595, b
- Sponsalitiis* annulus à marito uxori in nuptiis datus, assidue ab ea gestabatur, & in quem visum. 596, a  
quo signo apud veteres Christianos & alias quoddam barbaras nationes fuerit insculptus. 596, c
- Sponsus* apud veteres Hetruscos nec sponsa quidquam dare, nec ab ea quidquam accipere poterat. 595, b
- Spuma* symbolum genitura. 391, c
- Stacte myrrha* species tenuissima. 300, a
- Stacte*, myrrha, & casia mystice quid significant. ibid.
- Statua* Constantini Crucis signum manu gestans Roma celeberrimo loco erecta. 641, b
- Statua* Maxentij iam submersa eversa. 639, a
- Statuas* primus Seruch adoravit. 398, d
- Σταυροποιον* quid. 577, d
- Stella* in prophetia Balaam divinitatem Christi designat. 277, c
- Stella* quæ in statua quadam Isis inter cornua eius cernitur, quid significet. 441, a
- Stelle* quatuor lucidissime circa Polum Antarcticum Crucis signum exhibent. 135, c. d. & seq.
- Stella* quando Crucis figuram efformant, maxime viribus pollere creduntur. 139, d. 140, a
- Stephanus* Protomartyr iam lapidandus signo Crucis se consignavit. 531, b
- Stilico* Sibyllarum carmina, ab Augusto olim conquesta, combussit. 371, b
- Stolar* civitas olim Erythra dicta. 366, a
- Struthiones* & dracones propter idololatriam dici poterant Gentiles. 456, c
- Syrax* qualis arbor. 198, b  
officina Storaçem appellant. ibid.  
ubi nascatur. ibid. b. c. d  
concremata, fumo suo odorifero serpentes pellit. ibid.  
ex huius ligno virga Iacob fuit, quæ Crucis figuram præ se ferebat. ibid. & seq.
- Subdiaconi* Apostolici Crucem ante Papam deferre solent. 615, a
- Sudarium*, siue linteum quo sacratissimum Christi corpus involutum fuit, apud Sabaudia Ducem asservatur. 116, d
- Sudes* apud Iob Prophetam Sanctos significat. 292, a
- Superbia* vitiorum & malorum omnium radix. 151, a.  
152, a. b. 216, a  
eius & humilitatis oppositio. ibid. b. c  
causa primi hominis lapsus. 152, b. c. 266, a
- Superborum* proprium est, sibi omnia, non divine gratia, adscribere. 150, c
- Superbos* à Deo puniendos, Sifara exemplum docet. 249, c
- Superstitio* Aegyptiorum diuersa & multiplex, perpetua inter ipsos dissensionis causa. 412, c. d  
Vide, *Aegypti*.
- Suppedanea* tabella Crucis, quæ. 22, b. c
- Suprabienfis* primus Rex Garfas Eximini. 651, a. b
- Sycomor*, in quam Zaccheus ascendit, Crucis Dominica typus. 267, d  
qualis sit arbor. ibid.
- Symbolum*, variam habet significationem. 385, c. d.  
386, a  
proprie est nota arcanioris mysterij. 386, a
- Symbole* quadam verbis, quadam figuris constabant. 386, b. 387, b  
eo sine inuenta, ne divina & sublimia apud plebem vilescerent. 387, a. b  
non Aegyptijs tantum, sed alijs etiam gentibus usitata. 387, b. c. d. 391, b. c  
ipsis etiam Christianis in usu, sed pio & sancto. ibid. d
- Symbolum* illustre Zoroastris fingentis animam alatum. 387, d
- Symbolum* Apostolorum unde appelletur. 389, c. d
- Symbolum* Eternitatis, circulus. 447, c. 469, b
- Agricultura*, bos. 390, b
- Connubij*, malum Cydonium. ibid. c
- Corruptionis*, senex. 390, b
- Dei*, accipiter. ibid.  
item oculus cui baculum substitutum. 395, a
- Diaboli*, serpens. 476, c
- Fertilitatis*, papaner. 391, c
- Florum*, Arys. ibid.
- Fortitudinis*, leo. 390, b
- Fructuum*, Adonis. 391, c
- Generationis*, puerulus. 390, b
- Genitura*, spuma. 391, c
- Gentilium* & hereticorum, bubo. 475, c
- Hemisphærij*, duo canes. 390, c
- Impudentia*, crocodilus. ibid. a
- Ingenij*, sphinx. ibid. b. c
- Inobedientia*, cornus. 391, d
- Interitus*, senex. 390, c
- Latitia*, vitis. 395, b
- Libertatis*, equus. 390, c  
& Liber pater. 391, c
- Libidinis*, Satyrus. ibid.
- Luna*, ibis. 390, c
- Mortis*, noctua. 474, b
- Mundi*, pavo. 391, c. d  
& circulus. 470, d
- Obedientia*, columba. 391, d
- Odiij*, piscis. 390, c
- Peccatoris*, ceruus. 605, b. c
- Resurrectionis*, phoenix. 392, a
- Silentij*, Harpocratis simulacrum. 403, c. d  
Solis



# IN LIBROS DE TRIUMPHANTI CRUCE.

Solis, crocodilus.	390, a
& accipiter.	ibid. c
Temporis, crocodilus.	ibid. a
Terra, bos.	ibid. b
Vita longæ, cornix.	474, b
Symbolorum similitudinem habent Proverbia Salomonis.	387, c
Symbolis Zoroastres frequenter vsus.	387, c
isid. vsi sunt urbium ac Legum cōditores.	386, c
Moyse & Propheta.	ibid.
item Christus ipse.	ibid. d
Symmachus Papa Baptisterium, basilica S. Petri Cruce aurea gemmata ornauit.	609, c. d
in honorem S. Crucis Oratorium extruxit.	666, b. c
Symphronianus. Vide, Sempronianus.	
Synagoga Iudeorum per alterum exploratorum Terra promissionis præsfigurata.	231, c. d
nuci arbori comparata.	326, b. c. & seq.
mater est Ecclesia.	ibid.
quomodo corrupta sub arbore.	328, b
Synodus Sexta. Vide, Sexta Synodus.	

## T.

<b>T</b> ABERNACVLVM templi interioris veteris Legis, in quod summus Pontifex semel tantum in anno introibat, Christi aduentum præsfigurauit.	220, b
Tabernacula Spiritus sancti, homines iusti.	451, c
Tabula Hieroglyphica antiqua, in qua Creatoris symbolica imago, à Porphyrio descripta.	425, d
à Laurentio Pingorio tabula Isiacæ appellata.	426, b
à Goropio Becano in primis laudata.	ibid.
Tarquinius Priscus, vel, ut alij, Superbus, tres residuos Sibyllæ Cumane libros eodem pretio emit, quod ipsa pronouem libris postularat.	368, a. b
Tau littera symbolum salutis.	9, b
hac saluandi apud Ezechielem in fronte signati.	9, d. 10, a
Crucis Dominica nota.	10, c. d. 11, a. b. c. d. 12, a. b. c. 185, a. 189, d. 252, c. 346, d. 525, d. 526, a
formam habet fulcris debiliū.	14, a
apud Græcos ter centum significat.	12, b. 185, a. 189, d. 190, b. 252, c
eidem anfula superannexa, in omnibus ferè obeliscis, quid innuat.	467, c
Tau Gallicum Virgilius Crucem appellat, & quare.	11, d. 12, a. b
Tau Cimbrico idiomate quid significet.	441, d
Goropij de eo dissertatio.	ibid. 442, a. & seqq.
Tau vocatur S. Antonij Crux.	442, a
© littera, mortis nota.	9, c
Temis, Sibylla Delphica.	363, d
Tempesta prodigiosa orta Ierosolymis tempore Iuliani Apostata.	647, d
Templum in honorem Fortis fortune à Tullo Rem. Rege conditum.	503, c. d
Templum Isidis Romæ Iulij iussu dirutum.	406, c
aliud à Domitiano eidem erectum.	407, a
ab Alexandro Seuerio instauratum.	ibid. b
Templum Paganorum Crucis signo destruxerunt martyres Africanus, Pompeius, atque Terentius.	527, a
Templum Serapidis accurate descriptum.	483, a
à Theophilo Episcopo euersum.	484, a. b
eius thesaurus in pios vsus conuersus.	ibid. c
ab Arcadio Imp. instauratum. & in Christianorum ecclesiæ formam redactum.	ibid.

plurimis eius lapidibus Crucis figura insculpta.	ibid. d
Templum Sibyllæ Tiburtina.	370, c
Templi Ierosolymitani readificatio instigante Iuliano Apostata à Iudæis cæpta maximis prodigijs impeditur.	647, c. d. 648, a. b
Templa in honorem S. Crucis à Constantino erecta.	514, d. 515, a
unum Romæ idque permagnificum.	664, a.
665, d. 666, a	
alterum Ierosolymis.	666, a
Templa varia ad Constantini Magni exemplum.	
S. Crucis consecrata.	666, b. c
Templa Christianorum dirui iubet Domitianus.	585, a
Theodosius verò idolorum.	481, a
Templum per serpentem in circuli formam inuolutum significatur.	436, d
Tenebra Passionis tempore facta, à Sibylla Phrygia prædicta.	370, b
Tercentum apud Græcos per T designatum.	12, b.
185, a. 189, d. 190, b. 252, c	
Ternarius numerus sacer.	132, b
ad animam quomodo referatur.	ibid.
quomodo Crux per eum signetur.	133, c
Terramotus terribilis Ierosolymis tempore Iuliani Apostata.	647, d
quo plurimi operarij ad readificationem templi conducti oppressi.	648, a
alius ingens post eiusdem Iuliani mortem.	572, a
Terra rotunditatem unde probarint Aristoteles & Plinius.	443, c
Terra symbolum, bos.	390, b
Tertia Urbis regio, Isidis & Serapidis regio dicta.	407, b
Tertullianus Isidis & Serapidis cultum Romanis exprobrat.	467, c
Crucem à Gentilibus, etsi nesciis, coli asserit.	491, d
hereticos Crucem impugnantes refellit.	518, a
Testamenta duo, Vetus & Nouum, per duos exploratores Terra promissionis racemum una portantem præsfigurata.	231, c. d
Tessera bellica, symbolum appellata.	385, d
Thales Milesius cum prophetis Egyptijs disputasse fertur.	461, a
Thare Abraham patris ætate, statuarum dedicatio primùm inuenta.	398, d
Thaumaturgus appellatus Gregorius Neocæsariensis.	566, c.
Vide, Gregorius.	
B. Thecla elogium.	551, d
à matre, quod Christiana sit, accusatur.	ibid.
signo S. Crucis flammis & serpentibus resistit.	552, a
Theodolus Iudici sistendus Crucis signo se consignat.	526, d
Theodorus Archimandrita, cū puer esset XII. annorum, virtute S. Crucis à bubonibus est liberatus.	584, b. c
Theodorus martyr sub Dioclet. & Maximiano, manibus vinctis signum Crucis verbis & affectu sibi imprimens, in medijs flammis non adurit.	561, c
cui Tiro & Amasenus cognominatus.	562, a
Theodorus martyr sub Decio cū socijs S. Crucis signo idola prosternit.	560, b
Theodorus martyr sub Licinio signo S. Crucis draconem interemit.	562, b
cui truculentissima morte affectus.	ibid. c



# INDEX RERVM

- Theodori Cyrenai infigne dictum.* 40, b  
*Theodosia ciuitas olim, quae nunc Capha.* 654, d  
in qua, Crux luna orbita imposita, & tres in calo  
soles apparuerunt. 654, d. 655  
*Theodosius Imp. Christianissimus.* 480, b  
de Maximo tyranno extincto triumphat. ibid.  
Egyptiorum idololatram radicibus extirpare  
desiderans, idolorum templa diruit. 480, b.  
481, a  
eiusdem pro Alexandrinorum conuersione ad  
Deum gratiarum actio. 486, c  
eiusdem ad Euagrium de seditiosis Alexandria  
rescriptum, in quo mira eius clementia simul  
& prudentia elucet. 482, c  
templa siqua restent idolorum destrui, & Cruce  
ibidem defixa expiari mandat. 577, b. c  
*Theologia Aegyptiaca vanitas.* 405, & seq.  
*Theologia sua mysteria symbolis inuoluebant Aegy-*  

ptij, ne apud plebem uilescerent. 386, b  
*Theophilus Episcopus Alexandrinus iussu Theodo-*  

sij Imp. idola destruit, idolorumq; templa euertit.  
481, a  
*Theophylacti de antiquo Cruce se signandi more te-*  

simonium. 530, d  
*Theauri in templis idolorum iussu Theodosij Imp.*  

dirutis inuenti, in pios & Christianos usus con-  
uerfi. 484, c  
*Theffalica Sibylla.* 371, a  
*B. Thomas Apostolus Indiarum Regem eiusque*  

fratrem conuertit & baptizauit. 537, b. c  
mulierem a viro peremptum excitauit a mortuis.  
537, d  
Cruce signo plurimos egros curauit. ibid.  
item Migdoniam matronam, de his quae fidei sunt  
edoclam, eodem munuit. 538, a  
& ingentem truncum, zona sua ad leuem eius  
ramusculum annexa, e mari eduxit. ibid. b  
Cruce lapideam, in loco, quem exstruenda ec-  
clesia delegerat, defixit. ibid. b. c. 576, a. b  
aduentum Lusitanorum in Indiam praeiixit. ibid.  
coram Cruce preces quotidianas fundere consue-  
uerat. 578, d  
ea ipsa nostro auro reperta, miraculis claret. ibid.  
& 579, a. & seqq.  
*Thuris grana quae Diaconus cereo Paschali infigit,*  

vulnera Saluatoris designant. 207, d  
*Tiberiade templum in honorem Christi erigit qui-*  

dam Iosephus ex Iudaismo conuersus. 568, d  
*Tiberius Imp. sacerdotes Saturni arboribus suspen-*  

dit. 4, d  
item Isidis cruci affixit. 32, a  
*Tiburtina Sibylla. Vide, Sibylla Tiburtina.*  
*Tiburtius Cruce signo munitus nudis pedibus super*  

prunas illasus ambulat. 527, b. c  
*Ticcun Sophrim, appellantur Correctiones Scriba-*  

rum; sed sunt potius corruptiones. 297, a  
ab Esdra eas factus quidam Iudaorum impuden-  
tissime affirmant. ibid.  
*Timotheus & Maura coniuges crucifixi, nouem*  

dies supervixerunt. 112, c  
*Titulus ex quorundam sententia pars Crucis.* 57, d  
damnatis anteferri solet, vel apponi. 58, a. b. c. d  
item loco supplicij atque ipsi Crucis affigi. ibid. c. d  
utrumque hunc morem Barbari non Orbis etiam-  
nunc seruant. 59, a  
*Titulus Crucis Christi, Hebraice, Graece, & Latine*  

scriptus. 60, a  
Latina inscriptio Christi capiti proxima fuit  
haud citra mysterium. 60, a  
ab Helena repertus idem fuit, & Roma in ade  
S. Crucis in Ierusalem repositus. ibid. b  
sterum post mille & centum circiter annos a Gon-  
disalo Cardinale in arcu maiore eiusdem ec-  
clesiae inuentus. 60, d. 61, a. b  
littera sacri tituli rubeo colore tincta. 61, b  
areola eius dealbata. 62, a  
diuisus fuit titulus, eiusque partes pluribus pro-  
nuncijs communicatae. ibid. d  
partis quae Roma asseruatur verus typus. 63  
cur scriptus titulus, & Christi Crucis superposi-  
tus. 64, a  
cur supra, & non infra Crucem positus. ibid. b  
cur tribus linguis scriptus. ibid. b. c  
cur verba illa, Rex Iudaeorum, Pilatus adscri-  
pserit. ibid. c. d. 65, a. b.  
altiora hic praeter Pilati mentem mysteria. ibid. c. d  
*Tituli sanctae Crucis verba in Psalmo cxvii. pra-*  

signata. 311, d  
*Titulus sanctae Crucis altaribus erectis imponendus,*  

ab Isaia praedictus. 354, c  
in Titulum erecta Cruces, in locis diuino cultui di-  
candis, ex Apostolorum doctrina. 576, a. b  
*Isariarcha Iacob exemplo, qui lapidem in titulum*  

erexit. 576  
hinc ecclesia Tituli olim appellati. 567, d. 577, a  
atque etiam nunc appellantur quia S. R. E. Cardi-  
nalibus assignari solent. ibid.  
*Tituli horum librorum ratio exposita.* 609, c. 611, d  
*Torcular Christi, Crux eius & mors.* 356, c  
*Tortores S. Martine ab ipsa conuersi, martyrio co-*  

ronantur. 527, c. d. 557, b. c  
iam decollandi Crucis signo se communiunt. 527, c  
*Traditiones plurimae, quae etiam nunc in Ecclesia ser-*  

uantur, ab ipsis Apostolis manarunt. 542, a. b  
atque in his S. Crucis est signum. ibid. b. c  
*Transfixio manuum Saluatoris a Psalmista pra-*  

dicta. 295, c. d. 296, a. & seq.  
*Tribuna, pars templi quae.* 585, b. 611, a  
*Triceps animal Serapidi appositum, ex Macroby*  

sententia quid innuerit. 488, d. 489, a  
*Trimontium olim vocata Philippopolis.* 644, c  
*Trinitas atque unitas Dei in ritu benedictionis Legis*  

veteris adumbrata. 224, d. 225, a. & seqq.  
item ipso nomine Iehona, quod sacerdotes benedi-  
cendo promebant, apertius demonstrata. ibid.  
atque ipso nomine Scaddai, quod perniciosos Rab-  
bini substituerunt. 227, a. & seqq.  
*SS. Trinitatis mysterium Abrahamo reuelatum.* 422, b  
*Trismegistus. Vide, Mercurius Trismegistus.*  
*Triticum Isis inuenisse traditur.* 439, c  
& propterea diuino cultu affecta. ibid. d  
*Triumphalis Christianorum currus est Crux san-*  

cta. 263, b. c  
*Triumphans quare Crux dicta.* 511, d. 512, a. & seq.  
*Triumphus Christi ab Habacuc Propheta praedi-*  

ctus. 353, b. & seq. 354, b  
*Triumphorum terrenorum vanitas.* 609, c. d. 610, a  
*Troadij martyrium Gregorius Thaumaturgus absens*  

diuinitus cognoscit. 566, d  
*Trophaea Gentilium Crucem referunt.* 490, d.  
493, c. d. 494, b. c  
*Tuba mystice canere quis dicatur.* 253, c  
*Tuba cornea Gedeonis, Crucis Christi figuram pra-*  

ferunt. 253, a. b  
*Tumultus sanguinei Alexandria ob idolorum euer-*  

sionem. 481, c  
Turca



# IN LIBROS DE TRIVMPHANTI CRUCE.

*Turca damnatos suos Cruce acuta plectunt.* 5.c  
*Cruce in frontibus depicta, à contagione olim liberati.* 571.a  
*in huius beneficij memoriam diu postea Crucem frontibus in sculptam detulere.* ibid.b  
*vel, ut alij, in Crucis modum se totonderunt.* ibid.c  
*Tutela nauium apud Gentiles quadam idolorum statua.* 588.d. 589.a  
*his à Christianis Cruces substituta.* 589.a.b  
*Typhon frater Osiridis, vel, ut alij, coniux Isidis, Osiridem interemit, eundemque in minuta frustra concidit.* 403.d. 404.a. & seqq.

V.

**V**ALENS Imp. solis Catholicis exclusis, omnem sectam & idololatriam admittit. 480.d  
*Valentinianus Imp. idolorum cultum tollit.* 480.d  
*habeo lanacri Regij culminibus insidens, subsecuta eius mortis presagium.* 474.b  
*Vasa Dei quomodo dicantur.* 451.e.d  
*Vates cur dicti Poeta.* 377.b  
*Velum templi Ierosolymitani scindendum, à Sibylla Phrygia pradicatum.* 370.b  
*Venantius Fortunatus quando floruerit.* 597.d  
*Venditio Christi praefigurata in Ioseph.* 71.a  
*Veneficia euerunt annuli ab Eudamo Philosopho confecti.* 599.a  
*Venenum impunè ebibit S. Ioannes Euangelista signo Crucis munitus.* 536.b  
*Veneno cornu Vnicornis resistit.* 153.b  
*Ventorum potestatem suo parenti Anchise adscribit Aeneas.* 400.a  
*Ventris crepitum colunt Aegyptij.* 419.a  
*Veneris statuam in monte Caluaria statuerunt Gentiles, & quare.* 660.b. & seqq.  
*hinc ipse mons Venerarius dictus.* ibid.c.d  
*Veneris & Cupidinis templum Roma solo aequatum, ut aliud in honorem Crucis ibidem erigatur.* 665.d. 666.a  
*Verona à Constantino expugnata.* 637.c  
*Vestiana S. Macrinae virginis corpus sepultura aptat.* 592.a  
*eiusdem de Cruce & annulo ferreis collo S. Macrinae appensis cum D. Gregorio Nysseno pia contentio.* ibid.  
*Vestimentum Christi, corpus eius.* 339.b  
*quare rubrum, interrogant Angeli.* 338.b.c. 339.a.c  
*Vestis purpurea in Christi passione quid designet.* 86.c.d  
*Vexilla Romanorum militaria typus vexillorum S. Crucis.* 495.c  
*Vexilla Romanorum casu, vel potius Dei nutu Cruce insignita.* 633.d  
*Vexilla sua militaria ab insigniorum quos deuicerant populorum nominibus appellabant Romani.* 632.a  
*Victor Amiterne Episcopus, capite ad terram versò, crucifixus biduo superuixit.* 112.b  
*Victoria Israelitarum contra Amalec unde potissimum prouenerit.* 215.a.b. 546.b.c  
*Victoria Christi ab Habacuc prae dicta.* 353.b. & seqq.  
*354.b ab Osee adumbrata.* 475.b  
*Victoria Constantini miraculosa contra Maxentium Crucis virtuti adscribenda.* 637.b  
*Victoria Arcadij contra Persas quo ostento prae signata.* 649.b  
*Victoria Hispanorum contra Mauros Cruce calitus apparente obtenta.* 651.b. 652.b

*Victoria Berengarij Dentenzie contra Mauros virtute S. Eucharistiae paria.* 653.b.c  
*Victoria classis Christianorum de Turcica anno M. D. LXXI. obtenta, quomodo calitus fuerit prae monstrata.* 655.c.d  
*Victoria populi Romani cur triumphali Crucis signo sint adscribenda.* 498.d  
*Vinea Christi spiritualis, populus Christianus.* 319.a  
*Vinum felle mistum, à Christo cum gustasset repudiatum, populi Israelitici reprobationem designat.* 105.a.b.c  
*Vini primus inuentor Noè, non Liber.* 397.b  
*Vini & aquae in Calice commistio, fidelium cum Christo coniunctionem significat.* 453.d. 454.a  
*Virga quas Iacob ante oues in canalibus posuit, quales fuerint, & quid significet.* 198.d. 199.a. & seqq.  
*Virga Moysis in serpentem versa, typus Crucis Christi.* 203.c. & seqq.  
*item qua Moyses Mare rubrum diuisit & exsiccauit.* 208. & seqq.  
*item qua petram Horeb percussit.* 213.b. & seqq.  
*item qua petram in deserto Cades bis percussit.* 214.b.c. 235.a. & seqq.  
*Virga Aaron florens, Crucis typus.* 232.d. & seqq.  
*Virga qua Angelus carnem à Gedeone oblata tangebat, typus Crucis Christi.* 251.b  
*item qua Gedeon tritum excutiebat.* ibid.  
*Virga duae apud Zachariam Prophetam Iudeos & Gentiles designant.* 431.b  
*Virgilius multa de Christo scripsisse putatur.* 375.a. 376.d  
*iure vates dicendus.* 377.c  
*de eo Patrum sententiae.* 577.d. 378.a. & seqq.  
*Virtutis & Fortuna concertatio.* 499.a. & seqq.  
*Virtuti templum condidit Scipio Numantinus.* 300.b  
*Virtutes quae tamquam ale animam ad caelum subleuant, quoniam sint.* 388.a  
*Vita ventura hieroglyphicum apud Aegyptios, figura Crucis.* 485.c. & seqq.  
*Vite humana breuitas & velocitas à B. Iob Propheta nauis poma portantis similitudine innuitur.* 289.a.b  
*Vitellianus Regulus à B. Prosdodimo conuertitur, cum familia sua baptizatur, & sanitati restituitur.* 550.c  
*Vitis, quam Noè post diluuium plantauit, figura est Crucis Christi.* 185.c  
*Vites iam transacta vindemia acerbis & immaturis botris onusta quid Iuliano Apostata portenderint.* 647.a.b  
*Vitium bacillis, non fustibus, milites cines à Romanis casti.* 73.b  
*Vitta quid significet.* 322.c  
*Vitta purpurea, passionis mysterium prae signat.* ibid.  
*Vitulus saginatus, quem Abraham in valle Mambre tribus viris comedendum apposuit, Christum designat.* 191.c  
*item ille, quem pater in reditu filij prodigi mactauit.* 191.c.d. 179.c.d  
*Vitulus masculus & immaculatus, quem Iudei offerebant, typus Christi.* 221.c. 349.c  
*eius caro & pellis humanitatem Christi designabant.* 222.d  
*& sanguis eius super quatuor altaris cornua positus, mundum Christi sanguine purificandum innuebat.* 349.c.d  
*Vlpiano Christianis insensissimo summam rerum committit Alexander Severus.* 558.a.b  

Q99 3 Vnctio



# INDEX RERVM IN LIB. DE TRIUMPH. CRUCE.

<i>Vnctio summi Hebraeorum sacerdotis, typus Crucis Christi.</i>	217, d	<i>Xerxes Leonidem Lacedamoniorum Regem Crucis affigi curauit.</i>	34, a
<i>Vnctionis summi sacerdotis, &amp; Regis, quæ differentia.</i>	218, b. & seq.	<i>Xiphodres quomodo Idanthura symbolicas imagines interpretatus fuerit.</i>	391, b
<i>Vnguentum curandis infirmitatibus efficacissimum ex B. Glyceria reliquis effluit.</i>	553, d		
<i>Vnicornis an sit asinus Indicus.</i>	149, a		
<i>an à solis virginibus capiatur.</i>	152, c. d. 153, d		
<i>eius ex Aliano descriptio.</i>	153, a. & seq.		
<i>Vnicornis sæpè in Sacris litteris Christum significat.</i>			
<i>149, d. 150, a. &amp; seqq.</i>			
<i>populi etiam Gentilis est typus.</i>	150, a		
<i>eius cornu diabolicam superbiam designat.</i>	150, a. b		
<i>nihilominus Christi etiam Crucem.</i>	148, a. & seq.		
<i>150, &amp; seqq. 297, d</i>			
<i>item spem Christianam.</i>	154, a		
<i>&amp; Ecclesia unitatem.</i>	ibid. b		
<i>presentissimum aduersus venena remedium.</i>	153, b		
<i>Vnitas Deum significat.</i>	16, b		
<i>non est numerus.</i>	17, b		
<i>Voce, non scripto, plurima ab Apostolis tradita.</i>	542, a		
<i>Voluntas Dei antecedens, &amp; consequens, quæ.</i>	381, a. b		
<i>Vpibilia dea viarum.</i>	587, b		
<i>Vrbanus Papa martyrio coronandus, Crucis signo se munit.</i>	527, d		
<i>Vrbis regio tertia, dicta Isidis &amp; Serapidis regio.</i>	407, b		
<i>Vua racemus ab exploratoribus Hebrais à Terra promissionis allatus, Christi crucifixi figura.</i>	230, b		
<i>item sanguinis Christi.</i>	452, b		
<i>Vua immatura transacta vindemiâ Iuliano ostensa quid illi portenderint.</i>	647, b		
<i>Vultus sanctus appellatur vultus imaginis Crucifixi miraculose Lucensis, &amp; quare.</i>	607, a		
	X.		
<i>X Littera mysterijs plena.</i>	7, a. d		
<i>Xanoclea Sibyllarum numero adscripta.</i>	371, a		
		<i>ZACHARIAS vnus ex Prophetis Minoribus.</i>	356, d
		<i>filius Barachia.</i>	ibid.
		<i>Latine memoria Domini interpretatur.</i>	ibid.
		<i>temporibus Darj Medorum Regis prophetauit.</i>	ibid.
		<i>quare Aggae subiungatur.</i>	ibid.
		<i>eius de Christi Cruce prophetia.</i>	357, a. & seqq.
		<i>Zambrim peccantem ut Phinees sacerdos hasta transfixit, ita satanam Crucis sue hasta verus &amp; summus Sacerdos Christus.</i>	245, b
		<i>Zaroës &amp; Arphaxat Magi Egyptiaci.</i>	539, a. b. c
		<i>Zelus charitatis vehementissimus.</i>	313, b
		<i>Zeno martyr sub Decio, cum socijs, S. Crucis signo idola prosternit.</i>	560, b
		<i>Zodiaci quattuor puncta Crucis figuram expriment.</i>	133, c. d
		<i>Zopyrus Pyrrhi iam exanimati caput volens abscindere, toruis eius oculis absterretur.</i>	474, d
		<i>Zoroastres vates &amp; magus à Medis in pretio habitus.</i>	362, b
		<i>symbolis frequenter vsus.</i>	387, c
		<i>eius illustre symbolum, animam alatam fingentis.</i>	387, d. 388, a.
		<i>Zosimus martyr sub Traiano.</i>	552, a
		<i>in candentem arcum grabatum coniectus sanctæ Crucis signo se munens, ab ignibus liberatur.</i>	ibid. a. b
		<i>Zozimas Abbas S. Mariam Egyptiacæ, spectans quoddam esse existimans, Cruce se signas.</i>	523, a

## ERRATA.

Pag. 24. in margine.	Anagoricarum	lege	Anagogicarum
Pag. 119. lin. 28. 31.	Baiaret	lege	Baiazet
Pag. 257. lin. 12.	singulare	lege	singulare
Pag. 577. in margine	Anthentic.	lege	Authentic.
Pag. 593. lin. 23.	an etorum	lege	Sanctorum





## C E N S V R A.

**G**LORIOSISSIMÆ CRVCIS (*quam, vt eleganter B. Leo, Iudeo-  
rum iniquitas ad pœnam, & Redemptoris potentia ad gloriam pa-  
rauerat*) Triumphum, primùm à IACOBO BOSIO descriptum,  
etiam prælo committendum iudico: vt in quo nihil deprehendi,  
quod non ad sacræ pariter & profanæ Historiæ lucem, pietatis Chri-  
stianæ augmentum, & Messiaë principatum, vt qui per Crucem re-  
gnauit, illustrandum, faciat quàm plurimum. Quin & sacratissimi  
huius Ligni mysteria, virtutes, & symbola, typique in proscenium hîc  
adducuntur: vt Crucem ceu tabulam naufragantibus in hoc mari  
amaritudinis oblatam omnes amplectamur, simulque comprehenda-  
mus, *quæ sit altitudo & latitudo, longitudo & profundum*. Datum Ant-  
uerpiæ in Seminario Episcopali, XVIII. Aprilis, M. DC. XV.

*Laurentius Beyerlinck*

*Archipresbyter Ecclesiæ Cathedral.*

*Antuerp. & librorum Censor.*

## S V M M A P R I V I L E G I I P R I N C I P V M B E L G A R V M.

**A**LBERTI & ISABELLÆ CLARÆ EVGENIÆ, Archiducum  
Austriæ, Ducum Burgundiæ, Brabantiaë, &c. Serenissimorum  
Belgicaë Principum Priuilegio cautum est: ne quis IACOBI BOSII  
*De Triumphanti & Gloriosa CRUCE Libros sex, ad sacræ & profanæ  
Historiæ lucem & Christianæ pietatis augmentum utilissimos*, præter Bal-  
thasaris & Ioannis Moretorum fratrum voluntatem excudat, aut ali-  
bi excusos in Inferioris Germaniæ ditiones venales importet. Qui se-  
cùs faxit, confiscatione librorum, & aliâ graui pœnâ mulctabitur, vt  
latiùs patet in litteris datis Bruxellæ, XII. Maij, M. DC. XV.

Signat.

*De VVitte.*



ANTVERPIÆ,  
EX OFFICINA PLANTINIANA,  
APVD BALTHASAREM ET IOANNEM  
MORETOS FRATRES.  
M. DC. XVII.



